

*For the University of Toronto
Library of the University of Toronto
The University of Toronto
The University of Toronto*

£18

(224)

11



Library
of the
University of Toronto

Digitized by the Internet Archive
in 2009 with funding from
University of Toronto



Hon.^m Francis^{us} Bacon^{us}, Baro de Veru-
lam Vice-Comes S^{en} Albani. mortuus 9 Aprilis,
Anno Dñi. 1626. Aetate 66.

The Ninth

FRANCISCI
BACONI,
BARONIS DE
VERVLAMIO, VICE-COMITIS
SANCTI ALBANI, OPERVM
MORALIVM ET CIVILIVM

Tomus.

Qui continet { *Historiam Regni Henrici Septimi, Regis Angliæ.*
 { *Sermones Fideles, sive Interiora Rerum.*
 { *Tractatum de Sapientiâ Veterum.*
 { *Dialogum de Bello Sacro.*
 { *Et Novam Atlantidem.*

Ab ipso Honoratissimo Auctore, præterquam
in paucis, Latinitate donatus.

Curâ & Fide *Guilielmi Rawley*, Sacræ Theologiæ Doctoris, olim
Dominationi suæ, nunc Serenissimæ Majestati Regiæ, à Sacris.

In hoc volumine, iterum excusi, includuntur

{ *Tractatus de Augmentis Scientiarum.*
{ *Historia Ventorum.*
{ *Historia Vitæ & Mortis.*

Adjecti sunt, in Calce Operis, Libri duo Instaurationis Magnæ.



Cum Privilegio.

LONDINI.

Excusum typis *Edwardi Griffini*; Prostant ad Insignia Regiæ in Cœ-
meterio D. Pauli, apud *Richardum Whitakerum.* 1638.

1898



EXCELLENTISSIMO
&
FLORENTISSIMO
PRINCIPI,
CAROLO,
PRINCIPI WALLIÆ,
Augustissimi Regis CAROLI,
Magnæ Britanniae, &c.
Regis, Filio Inclyto.

Excel^{me}, & Nobil^{me}, Princeps Juventutis;



Honoratissimus Auctor, *Sancti
Albani Vice-Comes*, Romani
jam, (in plerisque,) Juris fa-
ctus, Celsissimi Nominis
Tui Auspiciis, prodire ge-
stit. Artium enim Perfectio-
nem, pro virili, molitur; Quæ Temporibus
tandem Tuis, nisi Conjectura fallit, debetur.
A Certè

Certe, si Gloriosissimorum, & Pientissimorum Principum, *Avi*, & *Patris* modò Tui, (Duorum Benignissimorum Syderum,) vestigiis insistas ; Mirum quantum Religio, & Artes Humaniores, crescent. Neque verò, Insignius quidquam, Juventuti Tuæ, cætera Florentissimæ, accidere poterit ; Quam ut, qui futurus sis olim, *Vtriusque Tabulæ Custos* ; utriusque *Testamenti* Propugnator ; *Vtriusq; Gentis*, & *Ecclesiasticæ*, & *Laicæ*, *Supremus Moderator* ; Sis interim, utrarumq; Artium, tam *Mercurii*, quam *Martis*, & Fautor, & *Mystes*. Certârunt, in Nativitate Tuâ, *Cælum*, & *Terra*; *Cælum*, conspicuo sydere, interdiu, splendidum ; *Terra*, fulgidissimâ omnium veste, utpote *Mai*o Mense, amicta : *Anglia*, & *Gallia* ; *Anglia*, novam Rosam, *Gallia*, Liliū novum, germinans : *Jacobus*, & *Henricus Quartus*, Incomparabile Par Principum ; Et si qui antea, inter *Reges*, & *Magni*, & *Magi* ; *Jacobus*, adeptus Gloriæ suæ successorem, *Henricus*, *Æmulum* : *Amor*, & *Amor* ; *Amor* Charissimi *Patris*, erga Imperii sui Hæredem ; *Amor* Lectissimæ *Matris*, erga Dulcissimum uteri sui Pondus : Denique, *Lætitia*, & *votum* ; *Lætitia* Populi, propter natum, inter se, post Annos ferè Centum, summæ spei *Principem* ; *Votum*, pro Incolumitate Ejusdem. Hoc unum, non deerat, sed accessit ; ut *Fedidiah*, sive *Amabilis Domino*,

Domino, pronunciarere. Cujus quidem, non minimum Specimen erit; Si & diu, sub Optimo *Patre*, maneat Princeps; Diu etiam, post Optimum *Patrem*, Beatitudinis demum Consortem, fias superstes.

Celsitudini vestre Excellentissima,

Cum omni Humilitate, Addictissimus,

Et Devotissimus

GUIL. RAVVLEY.



Lectori S.

A qua Honoratissimus Dominus, mihi olim in Mandatis dedit, Lectori ut exponerem, hæc sunt. Tomus primus Operum suorum antè editus est; Libri scilicet De Augmentis Scientiarum: In quibus etiam Partitiones Scientiarum tradidit, quas in primam Institutionis partem constituit. Ordine deinceps sequi debuerat Novum Organum; Atque inde cætera. Verùm cum nonnulla in Politicis & Moralibus habuisset, neutiquam sanè digna quæ perirent, visum fuit Dominationi suæ eadem interserere, & ex illis Tomum aliquem conficere. Tomus iste, Historiam Regni Henrici Septimi, Regis Angliæ, complectitur; Quam primò, Linguâ vernaculâ edidit, postea autem ab Exteris audiit expeti. Accedunt, quas prius Delibationes Civiles & Morales inscripserat; Quas etiam in Linguas plurimas Modernas translatas esse novit; sed eas postea, & Numero, & Pondere, auxit; In tantum, ut veluti Opus Novum videri possint; Quas mutato Titulo, Sermones Fideles,

sive Interiora Rerum, inscribi placuit. Addi etiam voluit, Tractatum De Sapientiâ Veterum ante Annos complures Latinè editum, & intra præsidia hujus Tomi recipi. Postremò duo Fragmenta adjici mandavit; Dialogum de Bello sacro; & Novam Atlantidem: Fragmentorum autem Genera tria esse dixit. Primum eorum, quæ Libris integris amissis, servata sunt; ut Somnium Scipionis. Secundum eorum, quæ Auctor ipse, vel Morte præreptus, vel aliis Negotiis distractus, perficere non potuit; ut Platonis Atlantis. Tertium eorum, quæ Auctor itidem, ex composito & volens deseruit. Ex quo genere sunt ista duo quæ diximus. Neque tamen ea deseruit Dominatio sua, fastidio Argumenti, sed quod alia multa habuerat, quæ meritò antecedere deberent. Hæc habui, quæ de hoc præsentî Tomo mone-rem. De stilo Operis hoc unicum adjiciam; Eum non nimis tersum aut politum invenies; Siquidem Honoratissimo Auctori id solùm animo insederat; Res sectari, non verba. Si quis autem vitio mihi vertat, Opus hoc, diu ab Exteris expetitur, tam serò tandem prodire; Sciat, Votus meus, ante hoc tempus, in eodem evulgando, commodè satisfieri non potuisse. Vale.

GUIL. RAVVLEY.



HISTORIA

REGNI

Henrici Septimi

REGIS ANGLIAE:

PER

FRANCISCVM BACONVM,
BARONEM DE VERVLAMIO, VICE-
COMITEM SANCTI ALBANI.

DICATA

Excellentissimo Principi

Carolo,

NVNC AVTEM SERENISSIMO ET
POTENTISSIMO REGI

Magnæ Britannia, &c.



LONDINI,

Excusum typis *Edwardi Griffin* ; Prostant ad
Insignia Regia in Coemeterio D. Pauli, apud
Richardum Whitakerum. 1638.

*Hæc, quæ sermone patrio perplacuit Historia,
Latinitate donata, publici juris fiat.*

Iohannes Cocceus.



ILLVSTRISSIMO ET
EXCELLENTISSIMO
PRINCIPI
CAROLO,
PRINCIPI WALLIÆ,
Duci CORNUBIÆ, Comiti
CESTRIÆ, &c.

Excellentissime Princeps,




T in parte recognoscerem
Debitum infinitum, quo
Celsitudini vestræ obstri-
ctus sum, operam dedi,
ut Honorem exhiberem,
Memoriæ Regis illius *An-*
glæ, qui ex Progenito-
ribus Regis Patri vestri, & vestri ipsius, fuit
postremus: Cui Regi utraque Unio quodam-
modo

modò attribui possit : Quandoquidem illa
Rosarum in ipso consummata fuit, illa verò
Regnorum fundata & inchoata. Quinetiàm,
Tempora ejus celebrari merentur. Vir e-
nim Prudens fuit, & Rex Egregius : Tem-
pora nihilominus sua turbida, & Mutatio-
num & Eventuum rariorum plena. Etenim
in *Temporibus* idem usu venit, quod in *Via* : ut
alia sint magis Acclivia & Declivia, alia verò
magis Plana & Æquabilia. Quorum alterum
Genus *Temporum* Viventibus commodius, al-
terum Scribentibus gratius. Neutiquàm eum
assentatione colui, sed Imaginem ejus ad vi-
vum excepi ; quantum fieri potuit, stando
tam procul, & luce paulò obscuriore. Ve-
rum est *Celsitudinem* vestram, ante oculos ha-
bere, Exemplar Incomparabile, *Regis Jacobi*
Patris vestri : Attamen, non abs re vobis fue-
rit, unum ex Antiquioribus etiàm Exem-
plaribus intueri. *Deus Opt. Max. Celsitudinem*
vestram conservet incolumem.

Celsitudinis vestrae Servus

Humillimus & Devotissimus,

FR. S. A. L. B. A. N.




HISTORIA

REGNI

Henrici Septimi

Regis ANGLIAE.



Postquam *Richardus* ejus Nominis *Tertius*, de Facto *Rex*, sed Titulo & Regimine *Tyrannus*; atque ita hucusque appellatus & habitus, Ultione divinâ, Exulis Expeditionem fortunante, in praelio apud *Bosworth*, victus fuisset & interfectus; successit ei in Regno, Comes *Richmondia*, exinde *Rex* HENRICUS *Septimus* appellatus. *Rex*, statim à Victoriâ, ut qui sub Matre admodum piâ, & devotâ, educatus fuisset; atque Naturæ suæ

ductu, Sacris operandis deditus esset; Canticum *Te Deum* cantari solennitèr jussit, toto exercitu præsentè, in Loco ipso, ubi pugnatum fuerat. Ipse autem, magno Applausu, & latis Acclamationibus, Militari quadam Electione, aut Recognitione, *Rex* est salutatus. Interim, Corpus *Richardi*, post multas Injurias & Contumelias, (quæ pro Commemorationibus Funebribus, & Exequiis, plebi, versus Tyrannos, esse consueverunt) obscurè sepultum est. Etsi enim *Rex* ipse, quâ fuit Nobilitate, *Fratribus Monasterii de Leicestriâ* mandasset, ut honorificè humaretur, attamen Religiosi ipsi (à Vulgi affectibus haud immunes) hoc facere neglexerunt: Neque tamen propter eâ ullius Reprehensionem aut Censuram subierunt: Cum nemo ullum Ignominia aut Contumelia Genus, in eum Virum injuriosum, fuisse existimaret, qui propriis Manibus *Henrici Sexti* (Principis innocentissimi) Carnifex fuisset; Qui necem etiâ Fratris sui *Clarentia Ducis* procurasset; Qui *Nepotes* suos, primo Juventutis flore, (quorum Alter eo tempore *Rex* ejus erat Legitimus; Alter quoque in futuro, si aliquid

Fratri humanitùs contigisset) occidisset; Qui denique gravi infamiâ laborâisset, quòd *Vicorem* suam veneno sustulisset; ut ad Incestuosas cum *Nepti* suâ Nuptias lectum sterneret. Quanquam autem Princeps fuisset in Militari Virtute probatus, atque Honoris Anglici Assessor strenuus, Legillator item bonus, in Levamen & Solatium Vulgi; tamen omnium Opinione, longè, Virtutibus & Meritis ejus, præponderabant Parricidia & Scelera; Quin & Opinione Prudentium, ipsæ illæ Virtutes habitæ sunt potiùs, pro Rebus Affectatis & Fictis, ut Ambitioni suæ velificaret, quàm pro Dotibus Naturæ suæ aut Judicio insitis. Itaque notatum est, à viris perspicacioribus (qui Priora Gesta ejus ad Posteriora trahebant) eum, etiàm tempore Regni Fratris sui *Edwardi Quarti*, in hoc calidè & secretò incubuisse, ut Fratris Regimini Invidiam & Odium conflaret; Cùm expectaret, & quasi divinaret, Regem, propter Luxum & Intemperantiam, diù non victurum, sed Filios suos, tenerâ adhuc ætate, relicturum: Tum verò satis noverat, quàm facilis esset Ascensus, à fastigio *Protektoris*, & primi Regii sanguinis Principis, ad ipsam Coronam. Atque ex hoc Ambitionis profundæ Fonte promanâsse, quòd, tam sub Tractatum illum Pacis & Fœderis, inter *Edwardum*, & *Ludovicum Undecimum Gallie Regem*, icti, & colloquio utriusque Regis apud *Piqueneam* firmati, quam aliàs, *Richardus*, tunc *Glocestria Dux* Pacem pro viribus impugnâset, & à parte Honoris stetisset, Existimationem suam in Fratris contumeliam attollens, oculos omnium (præsertim Nobilium & militum) à Fratre in seipsum convertere cupiens; quasi Rex, vitâ suâ luxuriosâ, & minùs nobili conjugio, Effœminatus factus esset, minùsq; Honoris sensu, & Reipublicæ curâ, quàm Regem deceret, tangeretur. Quatenùs verò, ad Leges illas Salubres, & Politicas, quæ ejus tempore introductæ erant & sancitæ, interpretabantur Homines, eas nihil aliud fuisse, quàm Tyranni inescationes, & Lenocinia, quibus se Populo ostentaret, eorumque benevolentiam captaret; cùm sit ipsi conscius esset, quòd planè deesset sibi verum Obedientiæ Subditorum Vinculum; Jus scilicet ad Regnum, Legitimum. At *Henrico*, in Introitu in Regnum suum, & in ipso Momento, quo Corona ad ipsum delata est, occurrit res perplexa prorsus & nodosa, nec facilè solubilis; quæq; posset Regem vel prudentissimum, præsertim in Regni sui Novitate, perturbare, & in diversas partes trahere; Atque eò magis, quod erat hujusmodi Res, quæ moram & Deliberationem non pateretur, verùm necesse foret, de eâ, simul & deliberare, & statuere. Evenit, ut in ejus Personâ, tres Tituli diversi, quibus Regnum sibi vindicare posset, concurrerent. Primus erat Titulus *Reginæ* suæ *Elizabethæ*; Cui etiam accesserat Pactum illud, quo se Proceribus, quorum auxiliis Regnum adeptus est, obstrinxerat, de Nuptiis cum illâ contrahendis; Quod illum in jure ejus regnaturum, haud obscurè subinnuebat. Secundus, vetus ille, & tam Jure quàm Armis disceptatus Titulus, inter *Familias Lancastriae & Eboraci*; Quarum alteri, *Lancastriae* scilicet, ipse se pro Hærede gerebat. Postremus erat Titulus *Gladii & Armorum*, quod Victoriâ sibi aditum fecisset, & quod *Rex*, qui in possessione Regni fuit, in pugnâ fuisset occisus. Horum Titulorum Primus, maximè erat favorabilis, quique animos Subditorum sibi potissimum conciliare

Regis HENRICI Septimi.

conciliare posset; qui per spatium viginti duorum Annorum; quibus *Edwardus Quartus* regnarat, opinionem penitus imbibérant, de Jure *Rose Albæ* live *Familie Eboracensis*; atque in eam Stirpem, propter benignum & gratiosum ejusdem *Edwardi*, præcipuè posterioribus vitæ suæ Annis, Regimen, propendebant. Attamen obversabatur ei ante oculos cogitatio illa, quod si huic Titulo inniteretur, precario ferè Rex futurus fuisset, atque Matrimoniali potius Jure, quam verè Regio imperaturus; Jure Regni in Personâ *Reginæ* suæ permanente; quæ si decessisset, vel Prole relictâ, vel sine Liberis, necesse illi fuisset Regno cedere, & in Fortunam privatam redigi. Et licet magna Spes subesset, quod Comitiorum suffragiis, Regnum, in Personâ suâ; durante Vitâ suâ, continuare, & stabilire posset: Attamen reputabat secum Rex prudentissimus, haud parùm interesse, si quis Actorum Civilium Auctoritate, in Regnum ascitus esset, & si quis Regnum Jure naturali, & Jure Sanguinis, obtineret. Neque defuerunt, eo tempore, Rumores & Sufurri secreti (qui postea vires nasci sunt validas, & magnas Perturbationes pepererunt). quod scilicet, duò illi *Edwardi Quarti* Filii, (aut saltèm ex illis Alter) qui in Turri Londinensi dicebantur esse sublatis, reverà Mortui non essent, sed clanculum è Custodiâ emissi, & adhuc viverent. Quod si verum fuisset, actum esset de Titulo *Uxoris* suæ *Elizabethæ*. Ex alterâ parte, si Juri proprio, & in Personâ suâ inhaerenti, tanquàm *Herede Familie Lancastrensis*, insisteret, satis sciebat, Titulum illum, à Comitibus Parlamentariis, jampridèm damnatum fuissè, & totius Populi præjudicio exclusum; Quodque hæc Res ad Exhæredationem *Familie Eboracensis*, tunc pro indubitatis Regni Hæredibus habitâ, manifestò tendebat: Animoq; providebat fore, ut si nullos ex *Elizabetha* Liberos progigneret, in quibus Jura utriusque *Familie* coalescerent, tunc veteres illæ Discordiarum & Bellorum intestinorum Flammæ, & Incendia, iterùm redire, & redivivæ factæ, per omnia grassari possent. Quatenus verò ad Jus *Victoriæ* & *Armorum*, quamvis *Guilielmus Stanleius*, post Militum à prælio Acclamations, *Coronam* (non Imperialem illam, sed quam Ornamenti & Ominis causâ, *Richardus* secum in Bellum attulerat,) tunc fortè inter Spolia repertam, Capiti HENRICI imposuisset, ac si Jure Belli Regno potitus esset; haud tamen oblitus erat, quibus Pactis & Legibus ad Imperium vocatus esset; Quodquè si Jure Armorum regnare se prædicasset, non minùs suæ Factionis Homines, quàm alios omnes, in magnos metus conjecturus fuisset; Ut-pote quod ei potestatem fecisset, Leges, pro libitu suo, abrogandi, & de Fortunis ac Opibus, omnium statuendi, & cæterarum Rerum quæ absoluti sunt Imperii; Quæ Res tam asperæ & odiosæ visæ sunt, ipsi *Guilielmo Normanno, Angliæ Regi*, (quem vulgò vocant *Conquestorem*) ut licet Victoris Jura reipsâ exerceret, ad *Normannos* scilicet suos remunerandos, verbo tamen abstinuerit; Neque hoc jure se regnum tenere unquàm, professus sit, sed illud titulari quodam Prætextu velaverit, in Testamento, & Designatione *Edwardi Confessoris* fundato:

Verùm Rex, pro Animi sui Magnitudine, Aleam statim jecit; Et incommotis se ex omni parte prodentibus, rectè appensis; & sa-

Historia Regni

tis gnarus, Interregnum aut Tituli suspensionem, Leges Regni non permittere; Sive Amori erga Familiam suam reliqua posthabens; Sive Titulum illum præoptans, qui sese fisteret maximè liberum, & independentem; Quin & Naturâ, atque Animi Constitutione, minimè in longum prospicere solitus, sed veluti Fortunam, ut apud se per Diem mereretur, conducere; Titulo *Lancastriae* tanquam Principali niti decrevit: Reliquis autem duobus, (videlicet *Nuptiarum*, & *Armorum*) pro Adminiculis tantummodò uti; Priore, ad secretam Invidiam leniendam; Posteriore, ad Murmura & Contradictiones apertas compescendas: Minimè oblitus, ipsum illum Titulum *Lancastriae*, per tres continuas Regum Successiones valuisse, atque planè perpetuari potuisse, nisi per Judicii Debilitatem, in Principe postremò regnante, defecisset. Unde ipso Prælii Die, qui fuit *Augusti* vicesimus secundus, suo nomine, nullâ factâ Uxoris mentione, Regnum assumpsit. In quo consilio, ad extremum usq; perstitit, quod multarum ei Seditionum & Turbarum telam quandam texuit.

Rex harum Cogitationum plenus, ante suum à *Leicestriâ* Discessum, *Robertum Willoughbeinum* Equitem Auratû, ad Castrum de *Sherry Hutton*, in Comitatu *Eboracensi*, misit, ubi in salvâ custodiâ, jussu *Richardi*, detinebantur, tam Domina *Elizabetha Regis Edwardi* Filia, ad nuptias *HENRICI* destinata, quam *Edwardus Plantagenista*, Filius & Hæres *Georgii* nupèr *Clarentie Ducis*. *Edwardus* iste, traditus fuit à Castri Præfecto, per Mandatum *Regis* expressum, in Manus *Roberti Willoughbeii*; Et per eum, magnâ curâ & diligentia, Turri Londinensi inclusus, ubi in arctâ custodiâ servatus est. Quod Factum *Regis* (Imperio mero, & Politicis Rationibus tantummodò subnixum) non ex eo proveniebat, quod *Rex* alicujus momenti putârat esse Fabulam illam, quam *Doctor Shawus*, ad *Crucem D. Pauli*, in Concione publicavit, de Natalibus Illegitimis Liberorum *Regis Edwardi*; in quo casu *Edwardus* iste proximus fuisset Regni Hæres, (illa enim Fabula jampridem explosa fuit) sed quod in Animo fixum & constitutum apud se haberet, Personas quascunque eminentiores, ex Lineâ *Eboracensi* oriundas, deprimere. In quo instituto, *Rex* perpetuò, sive ex Affectûs sui pertinaciâ, sive ex Judicii imbecillitate, potius se Partibus addictum præbuit, quàm Regii Decorum memorem.

Quatenus autem ad Sponsam suam *Elizabetham*, Literas ad eam misit, ut quamprimùm *Londinum* se conferret, ibique cum Reginâ viduâ, Matre suâ, maneret. Quod paulò post illa præstitit, multis ex Proceribus & Fœminis Nobilioribus, comitata. Intereâ *Rex* itineribus exiguis *Londinum* versus contendit, Populi Plausibus & Acclamationibus eum ubique deducuntibus, quæ proculdubio fuerunt sincerae, & minimè simulate; Quod in eo cernere erat, quia tantâ Alacritate, & Impetu fundebantur. Recipiebant enim eum, veluti Principem coelitus demissum, qui inveteratis, inter duas illas Familias, Discordiis finem imponeret; Quæ, licet temporibus *Henrici Quarti*, *Henrici Quinti*, & aliquibus Annis *Henrici Sexti*, ex unâ parte, & *Edwardi Quarti* ex alterâ, Lucidis Intervallis, & Felicibus Cessationibus, gavisa essent; nihilominus perpetuò, veluti Nubes procellosæ, Regno imminebant, novos Motus & Calamitates minantes. Et sicut

ex *Victoria* ejus, flexa sunt Hominum Genua, ita ex *Nuptiis Elizabethæ* destinatis, etiã & Corda.

Ipse interim, pro summâ suâ prudentiâ, (Affectuum & metuum populi non ignarus) ut Opinionem & Terrorem de Regno debellato dissiparet, præceperat, ut Profectio sua nihil Profectionis Militaris simile haberet, sed potiùs Itineris pacifici, quali Reges, Animi causâ Provincias suas peragrantes, uti solent.

Civitatem *Londini* Die Saturni ingressus est, sicut & in Die Saturni Victoriã obtinuerat: Quem Diem Septimanæ, primùm ex Observatione Eventuum, dein ex Memoriâ & Opinione, præ cæteris, tantquam sibi faustum & prosperum, subinde delegit.

Major Londinensis, Comitatus Fraternitatibus Civitatis, solenni pompâ, apud *Shore-ditch*, eum recepit; Ex quo loco, magnâ Procerum & Virorum primariorum catervâ stipatus, Urbem ingressus est: Ipse, non Equo, aut apertâ aliquâ Sellâ, aut Throno, sed Curru clauso vectus est; utpote qui Regni universi quondam Hostis publicatus, & Proscriptus, satius sibi duxit, Majestatem suam tueri, & Reverentiam sui Populo incutere, quàm Favorem ejus ullatenùs aucupari.

Primum omnium Templum *D. Pauli* adiit; ubi minimè volens, populum citiùs, quàm oportebat, oblivisci, ipsum Prælio Regnum adeptum, Vexillum suum in Templo obtulit, & reposuit, precibusq; pro more solennibus interfuit, Hymnumq; *Te Deum*, iterùm cantari fecit: Deinde, ad Palatium Episcopi Londinensis, ubi Hospitium ei paratum erat, se contulit, atq; illic per aliquot dies mansit.

Dum ibi moraretur, Sanctius Concilium suum, adhibitis etiã aliis magnæ Dignitatis Viris, convocavit, in quorum præsentia Pactum suum, de ineundo cum *Elizabetha* Matrimonio, renovavit. Quod ut faceret, illud eum maximè impulit, quia sub discessum suum è *Britannia*, spem nonnullam summo cum artificio injecerat, (prout tunc Res suæ postulabant) se, si in Regno Angliæ obtinendo sibi Res feliciter cederent, *Annam Ducatus Britannie* Hæredem, (quæ paulò post *Carolo Octavo Francie* nupsit) in Uxorem ducturum. Itaque suspicio nonnulla oborta est, eum minùs sincerè aut minùs constanter se gerere, in Tractatu Matrimonii cum *Elizabetha*, omnium votis vehementer expetiti: Quæ etiã Fama, licet Sermonibus tantùm Hominum jactata, miseram *Elizabetham* miris modis affligerat. Verùm ille, optimâ fide agebat; Quin & hoc ab omnibus credi expetebat (ut hoc modo, Invidiam & Contradictiones, ad ea quæ animoolvebat, faciliùs restingeret) cum tamen apud se secretò statuisset, ad Consummationem Matrimonii non procedere, donec solennis sua Inauguratio, & Comitia Parliamentaria, celebrata essent. Quorù primum eò spectabat, ne Coronatio Sui ipsius, & Reginae conjunctim (ut par erat) facta, speciem aliquam Participationis in Jure Regni, præ se ferret; Alterum, ne in Jure Coronæ stabiliendo, in personâ suâ, (id quod Comitiorum Auctoritate se consecuturum confidebat) vota Ordinum ullatenùs in *Elizabetham* reflecterent.

Circa hoc tempus, in *Autumno*, versus Finem *Septembris*, grassari cœpit, tum in ipsâ urbe *Londini*, tum in aliis Regni Partibus, Morbus quidam Epidemicus, tunc temporis novus; Cui, ex naturâ & Symptomatibus ejus, Febris Sudorificæ nomen indiderunt. Morbus iste,

breves fortitus est Periodos, tam in Morbi ipsius Crisi, quam in Tempore Durationis ipsius: Quippe, qui eodem correpti erant, si intra spatium viginti quatuor Horarum non morerentur, securi ferè & sine metu erant. At quoad spatium temporis, per quod Malitia Morbi duravit, incoepit quidem circa vicesimum primum *Septembris* diem, cessavit autem sub finem *Octobris* sequentis: Adeò ut Festum Regiæ Coronationis, quod celebratum est ultimo *Octobris*, neutiquàm procrastinaverit aut impediverit; Neque itidem Comitia Parliamentaria, quæ intra septem à Coronatione dies successerunt. Fuit iste Morbus, Febris pestilentis genus quoddam; Neque tamen (ut videtur) in Venis aut Humoribus sedem occupans, cum non Carbunculi, non Pustulæ, non purpureæ aut lividæ Maculæ sequerentur, (Mafsâ scilicet Corporis intactâ;) Tantùm Malignus quidam Vapor, & Aura, ad Cor advolvit, Spiritusque Vitales petebat & occupabat; unde Natura excitabatur ad eundem per Sudores emittere dum & exhalandum. Patuit autem per Experientiam, quod Morbus iste, Naturæ potiùs insidiatrix erat, eamque imparatam opprimebat, quàm adversus Remedia obstinatus, si in tempore subventum foret. Etenim si Ægrotus, in æquabili temperamento, quoad Vestes, & Focum, detentus esset, tepidumque bibisset, & Cordialia etiàm temperata sumpsisset, unde Naturæ ipsius Opus, nec Calore irriteretur, nec Frigore repelleretur, ple-runque Sanitas sequebatur. Verùm innumeri Homines ex eo subito occubuerunt, antequàm Curationis Modus, & Regimen Ægroti, innotesceret. Opinio erat, Morbum istum, neutiquàm ex Epidemicis illis, qui simul contagiosi sunt, & de Corpore in Corpus fluunt, fuisse; Sed à Malignitate quadam, in ipso Aere, ex Prædispositione Temperatum, & Mutationibus Cœli crebris, & insalubribus, impressâ, manasse: Atque brevis ejus Mora hoc ipsum indicabat.

In Vigiliâ Sanctorum *Simonis & Iudæ*, pransus est Rex, apud Ædes *Thomæ Bourchieri*, Archiepiscopi *Canthuarie*, & Cardinalis; Et à *Lamb. tha*, per Prata profectus est, (Pontem transiens,) ad *Turrim Londinensem*; Ubi die sequenti duodecim Equites Vexillarios (quos vocant *Banarretor*) creavit. At Creationes Nobilium parcâ manu dispensavit: Etenim, licet Prælium nuper commissum fuisset, & Coronationis Celebritas propè instaret, tres tantùm evexit. *Laspar Comes Pembrockiæ*, Regis Avunculus, promotus est in Ducem *Bedfordiæ*, *Thomas Baro Stanleius*, Regis Socer, factus est Comes *Derbiæ*: *Edwardus* autem *Courtneius*, *Devoniæ*. Quamvis Rex etiàm tunc apud se statuisset, tempore Comitiorum, in plures Nobilitatis Gradum conferre; Ita rem distribuens, ut civiliter admodùm & decorè, hujusmodi Magnificentiis, partim Festum Coronationis suæ, partim Conventum Comitiorum, ornaret.

Sequuta post biduum Coronatio ipsa, tricesimo die *Octobris*, Anno Salutis 1485. Quo tempore, sedit *Innocentius Octavus* Papa Romanus; *Fredericus Tertius* Imperator *Alemania* fuit; *Maximilianus* autem Filius ejus nupè electus in Regem Romanorum; *Carolus Octavus* in Galliis regnavit; *Ferdinandus* & *Isabella Hispaniis* imperârunt; *Jacobus Tertius* *Scotiæ* Regnum tenuit; Inter quos omnes Principes, & Regem, Pax & Amicitia, eo tempore, intercessit. Quò insupèr die (quasi Corona Capiti

Capiti imposita, etiam Formidines Animo instillasset) instituit, ad maiorem Securitatein, *Cohortem quinquaginta Sagittariorum*, sub Præfecti Regimine, qui corpus ejus stiparent, per Nomen *Satellitæ Inferioris*. Veruntamen, ut hoc se fecisse putaretur, potius Majestatis suæ augendæ gratiâ, atque imitatione Moris illius, quem in Partibus transmarinis observaverat, quam metu, quasi rebus suis diffideret, ordinavit hoc pro Instituto non temporaneo, sed quod etiam apud Successores suos retineretur.

Septimo *Novembris*, Rex Comitia Regni sui inchoavit, quæ immediate post Adventum suum Londinum summoneri fecit. Consilia ejus & Fines, in Comitibus tam propere convocandis, fuerunt præcipue tres. Primus, ut Regnum in Personâ suâ, Suffragiis Ordinum, stabiliretur. Secundus, ut Condemnationes & Proscriptiones eorum, qui à partibus suis steterant (quæ fuerunt plurimæ) rescinderentur; & facta quæcunque Hostilia, quæ ab illis, in causâ ejus, fuerunt perpetrata, à poenâ eximerentur, plenaq; iis venia fieret: Atq; ex alterâ parte, ut præcipui ex Hostibus suis, & potentissimi, judicio Ordinum damnarentur. Tertius, ut inferioris Conditionis Homines, qui *Richardo* adhæserant, (ne fortè novis Motibus materiam præberet) Remissionem generalem, qualis in fine Comitiorum à Rege emanare solet, consequerentur: Haud immemor, quantum *Regi* periculi imminet à Subditis suis, cum maxima pars eorum sibi conscia sit, periculum sibi imminere à Rege. Accedebat & alia causâ Comitiorum non parva. Nimirum quod ipse, tanquam Princeps Prudens & Moderatus, secum reputabat, rebus suis convenire, ut morâ omisâ, manifestum Populo suo fieret, sibi in animo esse, ex normâ Legum suarum regnare, licet in ore Gladii ingressus esset. Nec minùs, ut assuesceret Subditos, pro Rege eum venerari & recognoscere, quem modò pro Hoste & Exule ducebant. Quod ad stabilimentum Coronæ, præterquam quod illud mordicè tenebat, ne Sponsæ suæ ulla prorsus fieret mentio (imò nec quod minimum erat permittens, *Vt Liberi ex eâ suscepti primi ætate omnes succederent*) aliàs magnâ prudentiâ & moderatione, rem tractavit. Neq; enim illud urgebat, ut per viam Declarationis, aut Recognitionis Juris sui, Statutum perscriberetur: Sicut ex alterâ parte, ut tanquam Lex nova sanciretur, minimè volebat; Sed potius mediâ viâ institit, simplicis scilicet stabilimenti, idque verbis rectis & utrinq; nutantibus; His scilicet, *ut Hæreditas Coronæ resideret, remaneret, & continuaretur in Rege, &c.* Quæ verba, in utrumq; sensum trahi poterant: Illud commune habentia, ut scilicet Corona in eo stabiliretur; Sed, utrum hoc ex Jure præexistente, (quod in dubium vocabatur) an quod de Facto, in possessione Coronæ erat, (quod nemo negabat) in medio relinquebatur, ut utramlibet Interpretationem reciperet. Quinetiâ in Propaginis, quæ ad Successionem admittebatur, limitatione, eam non ultra personam suam, & Hæredes ex Corpore suo, extendi volebat; omisâ Heredum Generalium mentione, sed illud Legis Decisioni, qualis ex verbis antedictis elici poterat, subiciebat, Ita ut Stabilimentum istud, potius gratiam personalem sibi, & Liberis suis, factam, quam *Familiæ Eboracensis* Exhæredationem totalem, saperet. Atque tali temperamento

mento Lex condita & sancita est : Quam legem *Bullâ Papali*, proximo Anno, muniri procuravit ; Mentione nihilominus factâ per viam *Recitationis*, Reliquorum titulorum, tam *Sanguinis*, quam *Victorie*. Ita ut jam Triplex ille *Titulus* suus factus esset Quintuplex ; Additâ scilicet tribus illis, quibus initio nitebatur, Auctoritate *Papali*, & *Parlamentaria*.

In iisdem quoque Comitibus, Rex, in rescindendis eorum, qui à partibus ejus steterant, Convictionibus, iisdemque ab omnibus Criminibus, & pœnis, propter ea quæ in suâ causâ commiserant, eximendis, quod voluit, obtinuit : Sancitaque sunt Statuta in eam sententiam. Cùm verò Statutum illud esset sub Incude, intervenit Quæstio Juris satis subtilis. Dubitatum est enim, utrum Suffragia Complurium, in inferiori Confessu tunc existentium, valida essent & legitima, eò quod, Proditionis, tempore *Richardi*, damnati fuissent ; Unde incapaces, & inhabiles redditi essent, in summo gradu. Incongruum enim quiddam videbatur, ut illi Leges conderent, qui ipsi Ex-leges essent. Sic autem se res habuit ; Plurimi ex iis, qui temporibus *Richardi*, in *Regis HENRICI* partes, maximè inclinârunt, pro Equitibus & Burgensibus Parlamenti, electi & delegati fuerunt : sive hoc Rex secretò procuraverit, sive ex mero Populi Affectu processerit ; Quorum plerique, temporibus *Richardi*, damnati fuerant, & proscripti. Rex Quæstione istâ nonnihil commotus est. Et si enim gravi & specioso prætextui inniteretur, *Regis* tamen partes haud obscurè perstringebat. Sed prudenti admodum consilio se reprimens, Quæstioni illi satis æquum se præbuit, quasi nihil aliud esset, quam Controversia quædam de Apicibus Juris. Ideòq; Judices de eâ consulebant, qui in eum finem in *Scaccarii Camera* (ubi haberi solet Judicum Concilium) convenerunt. Illi autem, re maturius deliberatâ, gravem & sobriam Sententiam tulerunt, ex Legum Normâ, & Æquitate Naturali temperatam : Pronunciârunt enim, ut Equites & Burgeses illi damnati & proscripti, à Conventu Parlamentario abstinere, donec perlata esset Lex, de Convictionibus eorum revocandis.

Eodem quoq; tempore, mota fortè erat Quæstio, inter Judices (dum de priore Quæstione consultarent) quid fieri deberet circa *Regem* ipsum, qui, ut cæteri, condemnationem subierat. Sed fuit unanimi Judicum consensu conclusum & firmatum ; *Coronam ipsam, omnes Sanguinis Oppilationes, quæ Descensum Coronæ ullatenus impediunt, deobstruere*. Itaque à quo tempore Rex Coronam assumpserat, Fontem Sanguinis fuisse expurgatum ; Omnesque Sanguinis Corruptiones & Impuritates sublatas, ut *Regi* operâ Parlamentariâ non fuisset opus. Veruntamen, Honoris causâ, ab *Ordinibus* Regni tunc mandatum est, ut quæcunque Archiva, & Memoria, Condemnationis *Regis*, aliquam facerent mentionem, oblitterarentur, cancellarentur, & penitus abolerentur.

Ex parte autem Hostium *Regis*, Parlamento condemnati sunt, nuper *Dux Glocestriæ*, *Richardum Tertium* se appellans ; *Dux Norfolciæ* ; *Comes Surria* ; *Viccomes Lovellus* ; *Baro Ferrerius* ; *Baro Zouchus* ; *Richardus Ratcliffus* ; *Guilhelmus Catesbeinus* ; Et alii complures eminentioris

Regis HENRICI Septimi.

9

tioris Conditionis Homines. In quibus Statutis Condemnatoriis, complures insertæ sunt Clausulæ, justæ admodum & temperatæ Reservationis, & Limitationis, liquidò indicantes & præmonstrantes, qualis esset prudentia *Regis*, qualis temperantia & Moderatio ejus; quæ spem etiã in futurum facere poterant, Imperii Æquabilis & Mansueti. Quatenus verò ad Condonationem generalem, quã ceteris, qui contra *Regem* Arma tulerant, indulgere in animo habebat, *Rex* secundis usus Cogitationibus, minùs convenire putabat, ut à Parlamentariâ Auctoritate promanaret: Sed potiùs, ut cum esset Res gratiosa & honorifica, integram Beneficii gratiam in seipsum transferret: Usus tantum opportunitate confessus Parlamenti, quo meliùs in Venas universi Regni, Fama rei spargeretur. Itaque durante adhuc Parlamento, *Editum Regium* promulgavit; Veniam præteritorum, & Restitutionem Fortunarum, impertiendo iis, qui contra eum Arma tulerant, aut Hostilia machinati erant, modò, intra Diem præfixum, Misericordiæ suæ se submitterent, & Juramentum Fidelitatis susceperent. Unde multi ex *Assis* emigrarunt; Plures autem ex Metu, non minùs nocentes, quam ii, qui intra septa *Assis* se receperant.

Quod verò ad *Pecunias* attinet, judicavit *Rex* tempestivum non esse, & minùs convenire, ut ab Ordinibus, his Comitibus, aliquas postularet; Tam quia in Rebus tanti momenti, Subditi ejus sibi gratificati erant; Quam etiã, quod eos remunerare nequiverat Remissione generali, (qualis in Parlamenti concedi solet) quia hanc Munificentiam sibi præripuerat similis Remissio, quæ sub Coronationem ejus, paulò antè, de more exiit: Maximè autem, quia ante oculos omnium obversabatur, quantas Forisfacturas & Confiscationes tunc temporis obtinuerat, quæ thesauris suis replendis sufficerent: Unde Casualia illa Coronæ, meritò possent Contributionibus Subditorum parcere, tempore præsertim, quo pacem cum omnibus Principibus Vicinis coleret. Paucae admodum Leges, in iis Comitibus latæ sunt, quasi pro Formâ tantum: Inter quas, una fuit, ut Exteri, licet Civitate donati, nihilominus Vectigalia, qualia imponi solent meris Exteris, solverent: Altera, ut Multæ Mercatorum *Italarum*, propter Pecunias, quæ proveniebant ex Mercibus suis Venundatis, in Nativas Regni Merces non impensas, *Fisco Regio* applicarentur: Utraque Lex ad Pecunias corrogandas spectabat; Cujus rei, jam à principio Regni sui, *Rex* immemor non erat, atque ad finem Regni felicius ei cessisset, si Providentia ista matutina (quæ ab Indigentia omni, propter quam necesse haberet Subditos suos gravare, eum muniebat) potuisset unà Ingenium ejus, in hac parte, frænare & temperare. Durante tempore Comitiorum, addidit & alias Creationes Nobilium, ut suprà innuimus. *Baro Chindos de Britannia* factus est *Comes Batbonia*. *Ægidius Daubeneius* Eques Auratus factus est *Baro Daubeneius*, & *Robertus Willoughbeius*, Eques iidem Auratus, *Baro Broshus*.

Præterea *Rex*, summâ cum Magnanimitate & Munificentia, (quæ Virtutes adhuc per vices in eo valebant) *Edwardum Staffordum*, (Filium Primogenitum *Henrici Ducis Buckinghamiæ*, tempore *Richard* condemnati)

demnati) restituit, non solum Honoribus & Dignitatibus Paternis, verum etiam Fortunis & Possessionibus, quæ amplissima fuerunt. Ad quam Rem, summæ certè Liberalitatis & decoris, inter cetera eum movit, grati & generosi Animi sensus quidam, quod præfatus *Dux* is fuisset, qui primum Lapidem contra tyrannidem *Richardi* moverat; Et reverà, pontem *Regi* ad Regnum, super Ruinas proprias straverat. Atque his peractis Comitia Parliamentaria soluta sunt.

Solutis Comitibus, *Rex* confestim pecunias misit, ad *Marchionem Dorcestriæ*, & *Iohannem Bourchierum* Equitem Auratum, redimendos; quos pignorum loco *Parisis* reliquerat, pro pecuniis quas mutuò sumptulerat, cum Expeditionem in *Angliam* susceperat. Atque hac occasione arreptâ, Literas misit ad *Majorem*, & *Cives Londinenses*, per manus *Domini Thesaurarii*, & *Magistri Braii* (quem Consilarii loco habuit) quibus petebat, ut ab iis mutuaretur Summam quatuor mille Librarum, Cujus Summæ, post varios sermones utrinque habitos, Dimidium tantum impetrare potuit. Quod tamen eorum Responsum, *Rex* in bonam partem accepit; ut facere solent, qui Pecunias mutantur, ante-quàm eos premat Necessitas. Sub hoc tempus, *Rex* in Concilium suum Sanctius ascivit, *Iohannem Mortonum*, & *Richardum Foxum*, alterum *Eliensem*, alterum *Exoniensem Episcopum*; Homines exsomnes, & multi silentii, quique unà cum eo, excubias quasdam agebant, in alios omnes. Uterque Negotiis suis admotus fuerat, antequàm ad Regnum ascendisset, & Fortunæ illius adversæ participes. *Mortonum* istum, paulò post diem suum obeunte *Bourchiero*, ad *Episcopatum Cantuariensem* evexit. *Foxum* autem *Custodem Privati sui Sigilli* constituit; Et postea, gradatim eum transtulit, à Sede *Exoniensi* ad *Bathoniensem*, dein ad *Dunelmensem*, & postremò ad *Wintoniensem*. Et si enim *Rex*, ad Negotia sua tractanda, consueverat *Episcoporum* operâ uti; quia cum magnis Reditibus gauderent, Præmia sua secum portabant; attamen per Grædus hoc facere amabat, ut *Primitias Episcopatum* sibi accumularet, quæ per hanc Grædum Seriem multiplicabantur. Licet enim tunc temporis *Reditus* ille ex *Primitiis*, *Reditibus Regiis* non fuisset annexus, sed *Tributo Papali* cesserat; Attamen, ipse ita cum *Collectoribus Papæ* se gerere solebat, ut haud parvum inde Commodum sibi redundaret.

Verùm tandem aliquandò, Decimo Octavo die *Januarii*, secutæ sunt Nuptiæ, tam diù expectatæ & expetitæ, inter *Regem*, & *Domina Elizabetham* ei antea desponsatam. Qui quidem *Dies Nuptiarum*, majori Populi favore, & Lætitiâ celebratus est, quàm fuerant, aut *Regis* in Civitatem Ingressus, aut ejusdem Coronatio: Quod *Rex* notavit potiùs quàm probavit. Verissimum enim est, quod per totam deinceps vitam suam, quamdiù *Regina* in vivis esset (nam illa prior diem suum obiit) haud-quaquàm se pro Marito nimis indulgente gessit; Licet illa formâ amabilis, obsequio facilis, & Puerperis insignis fuisset. Verùm pertinax illa sua, à *Familia Eboracensi*, Animi Abalienatio, tantum apud eum poterat, ut locum reperiret, non solum in Bellis suis, & Consiliis, verum etiam in Cubili & Thoro.

Jam autem *Rex* fiducia plenus, ut Princeps qui Prælio Victor fuisset; Neq; à Comitibus suis ullam omninò repulsam tulisset; Quemq; adhuc Acclamations & Plausus Populi recentes circumstrepabant; Imperium suum in futurum, nihil aliud nisi Ludum fore, & Regni tantuminodò Fruitionem sine molestiis, pro certo sibi persuaserat. Nihilominus, ut Princeps Cautus & Vigilans, constitutum apud se habebat, nihil omittere eorum, quæ ad Præsidium & Securitatem suam pertinerent: Cum eâ tamen opinione, quod in posterum, Administrationem Regni sui potius cum Voluptate & Alacritate, quàm Labore & Anxietate, exercere posset. Itaque Indiciis certis edoctus, *Partes* Regni sui *Septentrionales*, non tantum affectu in *Familiam Eboracensem* propensas esse, sed etiam Memoriam ipsius *Richard* Regis devotissimas, cogitabat Æstatem proximam melius infumi non posse, quàm si Provincias illas ipse perlustraret, Præsentiaque suâ, & Majestate simul ac Comitatu, Populi illarum *Partium* Animos sanaret. Verum *Rex* in Fortunæ suæ Supputatione & Calculis, iudicio suo magnoperè falsus est, quæ per multos annos continuos, variis fluctibus & tempestatibus, agitata est & quassata. Quamprimum enim *Lincolniam* venit (ubi *Festum Paschatis* celebravit) certior factus est, *Baronem Lovellum*, *Humphredum* & *Thomam Staffords* (qui antea, apud *Golcestriam*, Asyli privilegio se muniverant) ex Asylo erepsisse; sed quem locum petissent, neminem scire. Quem Nuncium *Rex* aspernatusest, & *Eboracum* usq; iter perrexit. *Eboraci* cum esset, recentior & certior accurrit Nuncius, *Baronem Lovellum*, cum Copiis magnis, propè abesse. *Staffords* autem in *Comitatu Wigornensi* Arma cepisse, & ad Urbem *Wigornie* propè accessisse, eamque oppugnare in animo habere. *Rex*, utpote Princeps magni & profundi Judicii, non multum his Nunciis commotusest: Putabat enim, illas Copias, Prælii apud *Bosworthum* reliquias quasdam esse, neque ad Causam *Familie Eboracensis* quicquam pertinere. Magis autem sollicitum eum habuit Copiarum Delectus, quibus resisteret Rebellibus, quàm ipsorum Rebellium Debellatio; Cum in medio Populi sibi suspecti veluti obsessus esset. Sed cum Res moram non pateretur, magnâ celeritate Copias coegit (quæ contra *Lovellum* mitterentur) ad tria Millia, malè armatas, sed benè animatas (Paucis eorum ex ipsius Aulâ & Comitatu delectis, Reliquis verò ex Colonis & Famulis illorum, quos sibi fidos expertus est) sub ductu *Bedfordie Ducis*; Et pro more suo, quo veniam & gratiam, potius ante Pugnam quàm post, impertire solebat, eidem *Duci* potestatem dedit, Condonationem præteritorum promulgandi, iis qui statim Arma deponerent, & se dederent: Quod *Dux*, quamprimum ad Castra *Lovelli* appropinquasset, præstitit. Nec *Regem* fefellit expectatio sua; Heraldii enim pro Tormentis Bellicis erant. Siquidem *Baro Lovellus*, hac Re perculsus, & Militibus suis diffusis, in Comitatum *Laucastrie* fugam cepit; & ad tempus apud *Thomam Broughtonem* Equitem Auratum, latitans, in *Flandriam*, ad *Ducissam Burgundie Margaretam*, post trajecit. Milites autem ejus, à *Duce* suo deserti, confestim *Duci Bedfordie* se submiserunt. *Staffordi* quoque, & eorum Copia, audito quo loco Res *Lovelli* essent, (in cujus successu spem

maximam

maximam collocarant) etiã ipsi planè desperarunt, & fugam capessiverunt: Fratribus duobus ad *Colnhamiam*, Oppidulum propè *Abingtoniam*, in Asylum se recipientibus: Sed inspectã ejus loci Chartã Privilegii, per Judices de *Banco Regis*, atque ad Proditores minimè extendere judicatã, *Humphredus*, apud *Patibulum* de *Tiburne*, supplicio affectus est: *Thomæ* autem, utpote à Fratre natu majore allecto, ignotum est. Sicque Rebellio hæc, ut Nubecula quædam, transit: Atque Rex, Facibus & Fermento *Partium Septentrionalium* aliquantum expurgatis, quæ prius in eum non benè animatæ erant, *Londinium* rediit.

Septembri sequente, *Reginæ* Filium suum Primogenitum peperit; cui Rex (in Honorem Stirpis veterum *Britionum*, à quâ ipse erat oriundus) *Arthur* Nomen indidit; Prænomen secutus illius prisce *Regis Brittonum*; In cujus Rebus gestis asserendis, satis invenitur in Historiã verã, & Monumentis antiquis, quod illum, demptis Fabulis, magnã gloriã regnãsse testetur. Infans robustus erat, & corpore validus, licet octavo Mense editus esset, de quo Medici & Astrologi malè ominantur.

Secutum est hoc Anno, qui erat *Regis* Secundus, mirum quoddam Facinus, & audaciã plenum; quodque Statum *Regis*, & *Regni* vehementer perturbavit: De quo, Narrationes, quas in manibus habemus, adeò nudæ sunt & jejunæ, ut rem relinquant vix credibilem: Non tam, ob Eventus naturam, (Ejusmodi enim Accidentia in Rerum Memoriã non rarò reperiuntur) sed propter peculiare quædam Rei Circumstantias, præsertim sub initis. Judicium igitur faciemus, de hoc Nègotio, ex Rebus ipsis, quatenus sibi invicem Lucem præbeant, Veritatem tanquã ex Minerã effodientes. Rex in Regno suo novuserat, contrãque opinionem suam, etiã & meritum, magnã apud populum Invidiã, & Odio, flagrabat. Radix hujus Invidiæ planè erat, sedula ejus & continua *Familia Eboracensis* Depressio, quam Corpus totius Regni favore adhuc prosequabatur. Hoc Animos Populi indies à Rege magis magisque avertebat; præsertim cum viderent, *Regem*, post Nuptias suas, & Filium ex illis Nuptiis natum, nihilominus Coronationem *Reginæ* suæ (quæ conjunctim cum Coronatione propriã ab omnibus primò erat expectata) adhuc distulisse; ne Matrimonialis quidem Coronæ Honore eam dignatum. Neque enim secuta est Coronatio *Reginæ*, nisi post duos Annos; postquã scilicet Pericula *Regi* pro Præceptis fuerunt, quid agendum sibi esset, edocentia. Invalluerat autem Invidia multò magis, postquã Rumor increbuerat (sive casu volitans, sive Malitiã Hominum malè animatorum sparsus) *Regem* constituisse, *Edwardum Plantagenistam*, clanculum, in *Turri Londinensi*, necare: Cujus casus, tantam habebat, cum casu Liberorum *Regis Edwardi*, similitudinem; cum Sanguinis ipsius Propinquitas, par Ætas, Locusque ipse Turris, illius Crudelitatis Memoriam refricarent; ut in *Regem*, odiosissimam quandam Opinionem, & Famam concitaret, ac si ipse alter *Rex Richardus* futurus fuisset. Etiã illud Murmur, adhuc sopitum non erat, ex *Regis Edwardi* Filiis, saltẽ alterum superstitem esse. Qui quidem Rumor, ab iis qui

rebus

rebus novis studebant, artificiosè & occultò fovebatur. Neque verò in Regis Ingenio & Moribus, inerat aliquid ad dissipandas istiusmodi Calligines commodum; verùm è contra, ita se gerere consueverat, ut Diffinitiones potiùs injiceret, quam compesceret. Atque ex his, Fomes præparatus est Scintillæ: Quæ quidem tantum rerum omnium daturæ Incendium, ab initio despicabilis fuit.

In Oxonia vivebat, Sacerdos quidam astutus & vaser, *Richardus Simon* vocatus, cui erat Pupillus, Pistoris Filius, dictus *Lambertus Simnellus*, Ætatis circiter quindecim annorum: Puer quasi venerabilis multum, in Ore & Aspectu, præ se ferens Majestatis & Decoris. Sacerdos iste in Cogitationem quandam male-sanam incidit (dùm sermones Hominum avidè imbibere, & in Episcopatum aliquem amplum se promotum iri speraret) ut Adolescentulum illum, ad Filii Secundi Regis *Edwardi* (de quo opinio erat eum in Turri fuisse trucidatum) personam induendam & simulandam, subornaret: Et paulò post (nam inter Rem agendam, Consiliùm suum, quatenus ad Personam, mutavit) ad *Edwardi Plantageniste*, tum in Turri detenti Personam repræsentandam: Et in omnibus, quæ ad fidem faciendam conducere, eum egregiè instruxit. Hoc erat illud incredibile, de quo priùs diximus: Non quod fictarum Personarum Ludibria, ad Regnum adipiscendum subornarentur; (Etenim Temporibus antiquis, & recentioribus, hoc interdum contigerat) Neq; quod in Mentem venire potuisset, Homini tam vili & abjecto, ut tantam Rem suscipere, & amplecteretur; (Etenim magnæ Cogitationes, & sublimes, quandoque in infimæ Conditionis Homines influunt, præsertim quando inebriati fuerint Vulgi sermonibus:) Sed hoc (inquam) illud est, quod minimè videtur probabile; Sacerdotem istum, cui omninò ignota erat Persona vera, ad cujus Exemplar Persona falsa efformanda esset, ullo modo in Animum inducere potuisse, ut Actorem Fabulæ suæ edocere speraret, vel Gestu externo; vel in præteritis Vitæ suæ & Educationis Actis & Accidentibus recensendis; vel in idoneis Responsis ad Quæstiones, quas verisimile erat ei propositas fore; vel similibus; ullâ ex parte, ad vivum, Imaginem ejus, quem personandum suscepere, commodè exprimere. Etenim Puero isti, personare non contigit eum, qui è Cunabulis diù antè subreptus fuerat, aut in primâ Infantiâ asportatus; verùm Adolescentulum talem, qui usque ad Ætatem decem ferè annorum, perpetuò in Aulâ Regiâ fuerat educatus, ubi Oculi innumeri eum conspexissent. Rex enim *Edwardus*, Cædis Fratris sui *Ducis Clarentiæ* conscientiam morsus, Filium ejus (de quo nunc loquimur) in integrum restituere sanè noluit, ut *Dux Clarentiæ* esset, sed tamen eum Comitem *Warwici* creavit; Honore, qui ex parte *Matris* ad eum pertinebat, resuscitato: Eumque, dum vixit, honorificè admodum tractavit; Licet *Richardus Tertius* eum postea in Custodiâ habuerat. Adeò ut planè fieri nequiverit, quin aliqua Persona ex Eminentioribus, cui *Edwardus Plantagenista* specialitèr & familiaritèr notus fuisset, negotio præsideret, à quâ Sacerdos Mandata reciperet. Quod verò maximè probabile est, (si quis ex Actis præcedentibus & subsequētib; Rem rectè æstimet) huc redit; ut Persona quæ

telam;

telam illam ordiretur & texeret, statuenda sit *Regis Vidua*. Fœmina Negotiatrix, & Pragmatica, quæque Civilibus Rebus tractandis infueta erat; Sanè in illius Conclavi, felix illa Conjunctio in *Richardum Tertium*, pro Rege HENRICO, inita, tractata, & agitata est; (Id quod Rex optimè noverat, & fortassè nimis altè recondiderat) Illa etiàm, hoc tempore, Regi erat infensissima, eo nomine, quod putaret Filiàm suam (eà quâ Rex insistebat viâ) non prometam, sed depressam. Nemo autem proculdubio, tantâ cum rerum notitiâ, Scenam istam totam ornare, æquè acilla, poterat. Neque tamen Consilium ejus erat, nec etiàm cæterorum ex prudentioribus, qui huic Machinationi favebant, & vires subministrabant, ut Idolum istud reverà Coronâ potiretur, sed illius periculo, viam ad ruinam *Regis* aperire: Quo peracto, singuli diversas intra se, spes & Consilia fovebant. Huic conjecturæ maximè illud suffragatur, quod quamprimum Conjunctio ista maturuerat, & eruperat, Rex ita afficiebatur, ut *Reginam* illam repentè in Monasterio de *Bermondsey* concluderit; omnesque Fortunas ejus & Reditus Fisco applicarit: Hocque ordinavit, per Concilium & Conventum quendam, ostiis clausis habitum, absque Processu aliquo legali, exili admodum & longè petito usus Prætextu; *Quod nempe Filias suas, ex Asslo, in potestatem Regi RICHARDO, contra promissum suum, tradidisset.* Ex quo genere procedendi, etiàm à principio, pro nimis severo, & planè irregulari habito, tam quoad materiam, quam quoad formam, valdè probabiliter concludi possit, Accusationes graves contra illam *Reginam* prodiisse, quas Rex, propter Rationes Statûs, & ad vitandam Invidiam, publicare noluit. Non levi etiàm Argumento fuit, Secreti aliquid latuisse, & Examinationes suppressas & cohibitas fuisse, quod *Sacerdos* ipse *Simon*, postquam comprehensus esset, ad supplicium nunquàm palàm productus fuisset, imò nec in publicum Judicium tractus, (sicut compluribus ex Clero, ob prodiciones minùs atroces, contigerat) sed tantum in Gurgustio quodam incarcerationis mansisset. Accedit, quod post mortem *Comitis Lincolnie* (ex *Familia Eboracensi* Viri principalis) qui in prælio *Stokeasi* occisus fuerat, Rex hoc Pectoris sui Arcanum, quibusdam ex Consiliariis suis, aperuit; Se mortem *Comitis* ægrè ferre, quòd ab illo, si vixisset, Intima Periculi sui, & Conjunctionis contra se factæ, rescire potuisset.

Verùm ut ad Narrationem Rei ipsius revertamur, Primò *Simon*, ut diximus, Discipulum suum edocuit, Personam RICHARDI Ducis Eboracensis, imitari: Hoc verò factum est, sub idem tempus, quo Fama illa sparsa est; Quod Rex constituerat, *Edwardum Plantagenistam*, tum in Turri detentum, neci tradere; Quo divulgato, magnum secutum est Populi Murmur. Sed non multò post, diverso Rumore ingruente; quod nimirum *Edwardus* ille *Plantagenista*, è Turri aufugisset; Atque simul Callidus iste *Sacerdos*, audiens, illum tam charum vulgo fuisse, tantamque ob ejus Periculi depulsionem, latitiam conceptam; Personam Larvæ suæ mutavit, & in Personam *Plantagenistæ*, tanquàm magis idoneam, transformavit; Quippè qui in ore Populo magis erat, & Sermonibus tum præcipuè jactatus: Simul concinnius erat, ut post famam Fugæ *Edwardi*, hoc quod struebat subseque-

subsequeretur. Attamen, cum secum reputaret, minus sibi tutum futurum, & Hominum Curiositati & Inquisitioni magis obnoxium, si Fabulam istam hic in *Anglia* egisset, consultius fore putavit, si more Scenarum, in Tragediis & similibus, magis è longinquo Rem ostentaret: Itaque cum Discipulo suo in *Hiberniam* transfretavit, ubi Favor erga *Familiam Eboracensem*, majorem in modum, fervebat. Rex sanè, in Rebus *Hibernie* constituendis, minus impiger & providus fuerat; neque Magistratus & Consiliarios suos, in illo regno, mutaverat; aut alios sibi probatos & fidos ceteris iminiscuerat, ut facere debuerat; Præsertim cum Inclinationem ejus populi, erga *Familiam Eboracensem*, satis nòsset: Quàmque etiàm lubricus esset ejus Regni status; & ad res novas amplectendas pronus, magis inultò quàm ipsa *Anglia*: Sed Victoriis suis, & Successibus in *Anglia* confusus, per otium Res *Hibernie*, in ordinem se redacturum, minimè dubitabat.

Quamobrem hâc Regis socordiâ factum est, ut sub adventum *Simonis*, cum falso suo *Plantagenista*, in *Hiberniam*, omnia ad Defectionem & Seditionem parata invenirentur, ac si ex composito ferè Res transacta fuisset. Primò omnium, adiit *Simon Thomam Fitz-Gerardum Comitem Kildarie, & Hibernie tum Præsidentem*; Cujus oculos tantâ caligine perstrinxit (partim Sermonum suorum vi & insinuatione, partim Habitu & Gestu Pupilli sui, cujus etiam ori Majestas quædam Regia insidebat.) ut illecebræ illæ, Fumis fortasse quibusdâ Ambitionis adjunctæ, ita *Comitem* affecerint, ut persuasissimum ei esset, verum prorsus illum *Plantagenistam* fuisse. Comes negotium statim communicavit, cum Proceribus nonnullis, & aliis; Primò quidem, occultò. Eos autem, similiter secum affectos, perspiciciens, de industriâ, rem in publicum exire & spargi permisit; veritus, id quod destinaverat, patefacere, priusquàm Populi animos tentasset. Sed si Potentiores alacriter, certè Plebs furiosè agebat; Aerium istud Phantasma, incredibili Gaudio & Favore excipiens; partim quod essent in *Familiam Eboracensem* propensissimi; partim ex Gentis ipsius Superbiâ, ut Regem *Angliæ Regno* dedisse & imposuisse viderentur. Neque verò Scrupulus ille, de Damnatione *Georgij Ducis Clarentiæ*, istius *Edwardi* Patris, apud eos quicquam valebat; Cum nuper Regis HENRICI exemplo didicissent, Damnationes illas legales, Titulo & Prætensionem ad Coronæ fastigium, nullo modo officere. Quatenus verò ad *Edwardi Quarti Filias*, facillè innitebantur Repulsæ, quam à Rege *Richardo*, Hæreditate Regni summotæ, tulissent; Easque etiàm, tanquàm HENRICI Factionis portionem quandam, æstimabant, cum in ejus Manu omninò essent. Adeò ut mirabili consensu, & plausu, & magnâ omnium ordinum frequentia, *Plantagenista* iste Fictitius, ad *Castrum Dublinense* adductus esset, atque ibi tanquàm Rex salutatus, stipatus, & honoratus; Puero satis decorè se gerente, nihilque committente, quod Ignobilitatem Generis sui argueret. Quin & paucis diebus elapsis, Rex proclamatus est, per Nomen *Edwardi Sexti*, ne Gladio quidem uno, pro Causâ Regis HENRICI, evaginato.

Rex nunciis perlatis de Rebellionem istâ, tam repentinâ & inexpectatâ,

pectatâ; plurimum commotus est, duas præcipuè ob causas: Prima erat, quod Motus iste illud tentabat, à quo sibi maximè metuebat; Tituli scilicet *Eboracensis Familie* Resuscitationem: Secunda, quod Motus idem contigerat tali loco, quo tuto Personam suam transferre non poterat. Nam partim ex Fortitudine innatâ, partim ex Suspicionem quâdam universali, (Nescius & hesitans cui fidere securè posset:) Personam suam propriam, ad omnes Motus reprimendos, transferre amabat. Rex igitur Concilium suum convocavit; apud *Cænobium Carthusianorum* ad *Shinam*. Quod quidem Concilium admodum secretò habitum est; At decreta ejus, quæ in publicum statim prodierunt, tria fuerunt.

Primum erat, ut *Regina Vidua* (sicut antea obiter dictum est) eò quod contra Pactum, & Fidem suam iis præstitam, qui cum eâ, de Matrimonio Filie suæ *Elizabethæ* cum *HENRICO* ineundo, contraxerant, eam nihilominus ex Asylo in manus *Regis Richardi* tradidisset, *Cænobio Monialium* de *Bermondsey* includeretur, utque Fortunæ & Reditus ejus omnes Fisco cederent.

Secundum erat, ut *Edwardus Plantagenista*, tunc temporis in Custodiâ Turris arctâ habitus, modis omnibus, qui excogitari poterant, maximè publicis & notoriis, Populo monstraretur. Hoc eò spectabat, partim ut Rex, illâ, quam apud Populum subierat, Invidiâ exoneraretur, de nece clandestinâ *Edwardi*: Sed præcipuè, ut omnibus liquidò detegerentur, eorum quæ in *Hibernia* acta sunt, Levitas & Impostura; quodque reverâ *Plantagenista* quem colebant, Idolum & Res Fictitia, tantummodò esset.

Tertium erat, ut denuò publicaretur *Remissio Generalis Actorum*, iis, qui intra diem præfixum, delicta sua revelare vellent, & se *Regiæ Clementiæ* submitterent: Utque *Diploma Remissionis*, verbis tam largis & amplis perscriberetur, ut nullum prorsus Genus Altæ Proditionis (vel in *Regis* ipsius Personam) exciperetur. Quod licet mirum videri posset, attamen *Regi* prudenti & sagaci probabatur; Qui satis sciret, maxima sibi Pericula, non à Proditionibus levioribus, sed ab atrocioribus imminere. Ista verò *Regis*, & *Concilii* sui Decreta, statim executioni mandata sunt. Ac primò *Regina Vidua*, in *Cænobio Monialium* apud *Bermondsey*, conclusa erat, & Fortunis omnibus exuta. Quod res mirabilis Populo visa est: Fœminam infirmam & calamitosam, quod Tyranni Minis & Promissis succubisset, idque post tantum temporis spaciū elapsū, (quo Rex nullum Offensā, aut Animi exulcerati Signum ostendisset) multò autem magis, post tam felix Matrimonium inter *Regem* & *Filiam* suam, cum Prole Masculâ susceptâ, à Rege tam subito mutato, aut tam tardè Sensus suos aperiente, tantâ cum severitate tractari.

Regina ista, inter Exempla Fortunæ insignitè inconstantis, & Adversa cum Prosperis sæpè alternantis, reponi possit. Primò à Supplici afflicta, & Viduâ desolata, assumpta est in Thorum *Regis*, *Regis* inquam *Cælibis*, quique inter viros *Ætatis* suæ fuerat pulcherrimus. Etiam, in ipso *Regis Edwardi* Curriculo, miseram subierat Fortunæ aleam,

aleam, & Felicitatis suæ Eclipsim, ex Fugâ Regis, & Coronæ suæ amissione temporariâ. Insupèr, eo nomine fortunata censerî posset, quod Prolem ei pulcherrimam egregiâ cum fœcunditate peperit, atque Amorem ejus Maritalem (Patientiâ, & Obsequio, & Amorum *Regis* Dissimulatione, aliquantulum adjuta) usque ad finem retinuit. In Cognatos suos, & Sanguinis propinquitate conjunctos, etiâ ad Factionem usque propensa fuit: Quæ res apud Proceres ex parte *Regis*, qui *Regium Sanguinem* in mixturâ illâ quasi pollui existimabant, magnam ei Invidiam conflaverat: Quibus Proceribus *Regii Sanguinis*, se adjunxerat *Dominus Hastings*, magnâ apud *Regem* Gratiâ florens, qui licet *Regi* tam charus esset, putabatur per vices, Malitiâ & Artibus hujus *Reginæ*, non absque periculo Ruinæ vixissê. Post Mortem *Regis* Mariti sui, veluti Subjectum aliquod Tragœdiæ facta est; Cùm vitæ eousque produxisset, ut videret Fratri suo caput amputatum; Utrosque Filios suos Regno privatos, Spuriolos declaratos, & crudelitè interfectos. Attamen inter has tam acerbæ Calamitates, Libertate suâ, Dignitate, & Fortunis fruebatur. Verùm postea demum, Rotâ aliquantulum in prosperum versâ, cum *Regem* in *Genervum* nacta esset, & facta *Avia Nepotis Masculi*, Nihilominus (ob Causas obscuras & incognitas, & sub Prætextibus non minùs admirandis) præcipitata est, & mundo exulavit, in Monasterio clausa, ubi periculosum penè erat eam invisere. In quo paulò post vitam finivit. *Regis* tamen jussu, juxta *Regem* Maritum suum, *Windsoriz* honorificè sepulta fuit. Collegium *Reginale* apud *Cantabrigiam* fundavit. Hoc rigore, *Rex* magna apud populum suum incurrit obloquia; Quæ tamen, tam ob Rationes statûs, quam ob Confiscationem tam amplam, ei reddita sunt dulciora.

Sub idem tempus, *Edwardus Plantagenista* verus, in die Dominico, per universas *Londini* Plateas principales, ductus est, ut à Populo spectaretur. Et post Spectaculum Populi in Plateis, solenni Processione Templum *D. Pauli* ingressus est, ubi & frequens Populi Multitudo convenerat. Atque simul appositè & decorè provisum est, ut complures ex Nobilitate, & alii Gradûs Eminentioris (maximè ex iis qui *Regi* suspecti essent, quique Speciem & Personam *Plantagenistæ* optimè noscent) Sermones cum Adolescente, inter eundem, familiaritè conferrent. Atque hoc *Regis* prudentissimum Remedium, Malum illud *Hiberniæ* planè discussit, apud Populum *Angliæ*; Præsertim eam Populi partem, quæ Errore non Malitiâ, Toxicum illud hauserat, In *Hiberniâ* tamen, ubi non dabatur à Facinore in tantum aucto Receptus, parùm aut nihil valuit: Sed contrâ, ultrò Imposturam totam in *Regem* retorserunt; Et sermones ferebant, *Regem*, ut verum *Regni* Hæredem depelleret, & Mundo Fucum faceret, & Hominum imperitorum Oculos fascinaret, Adolescentulum supposititium, in similitudinem *Edwardi Plantagenistæ*, ornâsse, eumque Populo monstrâsse, ne abstinendo quidem à sacris Processionis Ritibus, quò majorem Fabulæ fidem conciliaret. Circa idem quoque tempus, Edictum de *Remissionæ Generali* promulgatum est; Simul etiâ *Rex* multam adhibuit diligentiam, ut Portus *Regni* clauderentur, ne Fugitivi, Rebus

presentibus infensi, aut suspecti, Mare trajicerent, in *Hiberniam*, aut *Flandriam*.

Interim Rebelles *Hibernie*, nuncios, tam in *Angliam* quam *Flandriam* clam miserant qui utrobique loci, res haud parvi Momenti transegerant. In *Angliâ* enim, in partes suas pertraxerant, *Ioannem Comitem Lincolnie*, *Ioannis Poli Ducis Suffolcie* Filium, ex *Elizabethâ Edwardi Quarti* Sorore. Comes iste Spiritus altos & elatos gerebat, simulque strenuus erat, & ingenio pollens, & sublimibus jampridem Cogitationibus insueverat. *Richardo* enim *Tertio* constitutum erat, odio Fratris ejus utriusque, (*Regis Edwardi*, & *Clarentie Ducis*), atque eorum Stirpis (cùm scilicet Sanguine amborum Manus suas imbuisset) Posteris eorum, sub variis & falsis Prætextibus (de quibus antea diximus) Successione in Regnum privare, atque Comitem istum (si ipse sine Liberis discederet) in Regem destinare. Neque hoc Regem latuerat, qui propterea Actiones ejus secretò observabat. Verùm cùm Populi Invidiam, ob Incarcerationem *Edwardi Plantagenistæ*, jam degustaverat, consultum non putabat, hujusmodi Invidiam accumulare, per Incarcerationem *Comitis Lincolnie*; Quin & rebus suis conducere putabat, illum tanquàm alterius Rivalem conservare. Comes autem *Lincolnie*, Rebellionis *Hibernie* ut particeps fieret, movebatur, non quod levitèr inniteretur iis, quæ ibi gesta erant, instar Bullæ fragilis evanida, sed Literis à *Margaretâ de Burgundiâ* receptis; In cujus Suppetiis Auxiliariis, atque ipsâ Declaratione quod in partes descendisset, plus longè Ponderis erat, tum quoad Famam, tum quoad vires ipsas. Neque Comes Negotium repulit, quod sciret præensum *Plantagenistam* Idolum merum, & nihil ampliùs esse: Sed contrà latabatur, eum falsum potiùs quàm verum *Plantagenistam* fuisse: Quod cùm satis sciret falsum *Plantagenistam* sponte in Fumos abiturum, verum autem *Regis* Consiliis pessum iri, secum reputaret, aditum sibi ad regnùm Proprio Titulo & Jure pateferi posse. Hæc animo agitans, secretò in *Flandriam* transfretavit, quò paulò antè appulerat *Dominus Lovellus*, qui Consiliorum suorum veluti Procuratorem, in *Angliâ* reliquerat *Thomam Broughtonum*, Equitem Auratum, qui in Comitatu *Lancastrie*, magnas Clientelas, & multos Sequaces habebat. Nam paulò antè (ut suprà diximus) cùm præensus *Plantagenista* primò in *Hiberniam* receptus fuisset, Nuncii clādestini ad *Margaretam* missi fuerant, eam de Rebus jam in *Hiberniâ* gestis certiorein facientes; ejus Auxilium in Causâ (ut ipsi dicebant) tam piâ & justâ, & cujus initiis Deus tam manifestò affuisset, implorantes; Cum Promissis & Protestatione, omnia deinceps Arbitrio ejus permissa fore, tanquàm supremæ ejus Actionis Patronæ & Protectricis. *Margareta*, *Edwardo Quarto* Soror fuit secunda; Etiàm *Carolo Burgundie* Duci, strenuo Cognominato, secunda Uxor; Ex quo cùm nullos Liberos suscepisset, magnam curam, cum insigni Benevolentie Affectu, *Philippi* & *Margaretæ* (prioris Mariti Nepotum) Educationi impendit. Id quod magnum ei Amorem & Auctoritatem apud Belgas conciliavit. Princeps hæc Animo virili, Malitiâ autem Muliebri, prædita; Thesauris quoque non exiguis affluens, propter Dotis suæ Amplitudinem, providamque ejus Dispensationem: Et ipsa Liberos exors, curisque aliis ferè soluta; pro fine Consiliorum suorum

suorum sibi proposuerat, ut videret in Solio *Regni Angliæ*, *Familiam* suam iterum collocatam; HENRICVM autem, tanquam Metam sibi posuerat, ad cuius Ruinam, omnes Actiones suæ tenderent; & collimarent: Adeo ut ex ejus Consiliis, (tanquam ex pharetrâ,) Turba per multos Annos excitata in *Regem*, emissæ fuerint. Tanto autem flagrabat, adversus *Familiam Lancastriæ*, & præcipuè in *Regis* Personam, odio, ut neutiquam per *Familiarum*, in Nepti suâ, tam Honorificam Conjunctionem, mitigaretur; Sed contrâ, ipsam Neptem suam odio haberet, quod suis Nuptiis, *Regi* ad Regnum adipiscendum, & in se stabiliendum, aditum patefecisset. Magno igitur & vehementi Animi Impetu, oblatam à Rebellibus Occasionem arripuit, eorumque Postulatis annuit: Et Consilio habito cum *Cowite Lincolnia*, & *Domino Lovello*, & aliis, decretum est, ut Procures illi duo, cum Cohorte bis Mille *Germanorum*, (qui omnes erant Veterani,) sub ductu *Martini Swarti* (Duce forti & in Militiâ experto) in *Hiberniam* se conferrent, ad novum *Regem*: Magnâ siquidem in spe erant, quandò Actio illa Regalitatis planè constitutæ & fixæ speciem habuisset, & *Comitis Lincolnia*, veluti Secundæ Personæ, necnon Copiarum exterarum in auxilium submissarum, reputatione aucta esset, fore ut harum rerum fama animos adderet illis, qui in *Angliâ* partibus suis favebant, ut præstò essent cum Auxiliis, quo tempore Exercitus in *Angliam* transefectus esset. Insupèr, & hoc decretum est, ut si res successisset, Supposititiis ille *Plantagenista* deponeretur, & verus reciperetur. In quâ tamen Actionis Periodo, *Comes Lincolnia* privatas suas spes fovebat. Postquàm Copiæ istæ, ex *Flandria* in *Hiberniam* venissent; & Partium Confidentia, ex conspectu mutuo, & Exercitûs iusti jam in unum Corpus coacti facie, mirum in modum crevisset; de Successu minimè dubii, sibi magna pollicebantur, ac secum Sermonibus & Colloquiis jactabant, se copiis multò majoribus instructos, ad Regnum HENRICI subvertendum proficisci, quam idem HENRICVS, ad *Regis Richardi* Regnum subvertendum, fecisset: Quodque si nullus adversus se Gladius strictus esset in *Hiberniâ*, Conjectura ex eo rectè capi posset, Gladios etiam in *Angliâ* citò aut vaginis conditos, aut repulsos fore. Primò autem, jactantiâ quâdam, ob tantas copiarum Accessiones, *Regem* suum novum, in *Ecclesiâ Cathedrali Dublinensi*, coronaverunt; qui antea Proclamatione tantùm Rex declaratus erat; Tum verò Concilium habuerunt de iis quæ ulterius agenda erant. In quo Concilio, etsi opmabantur nonnulli, quod consultissimum foret, res in *Hiberniâ* primùm constituere, illamque Regionem pro belli Sede deligere, eoque *Regem* ipsum HENRICVM, necessitate Belli compulsus, pertrahere; (Ex cuius absentia sperabant, haud parvos Motus & Mutationes in *Angliâ* secuturos;) nihilominus quia Regnum *Hibernia* inopiâ laborabat, unde Exercitum alere, & *Militibus Germanis* Stipendia solvere, nullo modo possent; Quia etiam Studia & Vota *Hibernicorum* arque generalitèr Militum (Qui in statu rerum tumultuario, potius Duces suos regere, quàm ab illis regi consueverunt) magno impetu & cupiditate multâ ferebantur, Spoliis *Regni Angliæ* se ditandis, in eam sententiam itum est, ut Copias suas, quantâ fieri

fieri posset celeritate in *Angliam* transferrent. *Rex* interim, qui cùm primum audierat, quid in *Hiberniâ* gestum esset, haud multum commotus est, sed sperabat se nullo negotio *Copias Hibernicas* (tanquàm Avium gregem) Lapidis jactu dispersurum, atque Examen istud Apum, cum *Rege* suo, veluti Tinnitu & Cymbalis abacturum; Cùm postea certior factus esset, *Comitem Lincolniae* se partibus adjunxisse, atque *Ducissam Margaretam* Factioni praesidere, periculum verè aestimare coepit; atque tanquam ea, quæ oculis cernuntur, prospiciebat, Regnum suum iterum in Discrimen venturum, Sibi que necesse fore rursus de eo dimicare. Ac primò, antequàm audisset *Comitem Lincolniae*, è *Flandriâ* in *Hiberniam* profectum, conjiciebat fore, ut à duabus simul Regni partibus oppugnaretur: videlicet ad Orientalem *Angliæ* Plagam, factâ Invasione à copiis è *Flandria*; atque ad Occidentalem Plagam versus Septentrionem, à Copiis ex *Hibernia*. Itaque postquàm mandasset, ut Delectus Militum in utrisque Partibus haberentur, & duos constituisset Strategos, *Iasparum Ducem Bedfordiae*, & *Ioannem Comitem Oxoniae*, (in Animo habens, etiam in propriâ Personâ adesse; ubi Occasiones ejus praesentiam maximè requirerent) nullam tamen eo ipso tempore Invasionem expectans (cùm Hyems jam adulta esset) Iter suum instituit versus *Susfolciam* & *Norfolciam*, ut eas Provincias confirmaret. Postquàm autem, ad *Sancti Edmundi Burgum* venisset, accepit, *Thomam Marchionem Dorcestriae* (qui unus ex Pignoribus fuerat in *Galliis*) ad ipsum properare, ut se à quibusdam Accusationibus, contra se exhibitis, purgaret. At licet *Rex* Aurem ei benignam reservaret, erat tamen Condicio Téporis tam periculosa, ut statim miserit *Comitem Oxoniae*, qui obviam ei factus, ad *Turrim Londinensem* illum perduceret: Verbis tamen gratiosis eum permulceret, & postularet, ut Ignominiam illam non agrè ferret, quia nihil à *Rege* periculi ei imminerebat; Quin & hanc rem ei praesidio fore, ut nec Rebus *Regis*, nec Fortunis propriis quicquam nocere posset; Et quod in *Regis* Manu semper futurum esset (postquàm ab iis, de quibus infimulabatur, se purgasset) Honorem ejus rescire.

A Burgo *Sancti Edmundi*, ad Civitatem *Norwici* perrexit. Inde tanquam in Peregrinatione quâdam sacrâ *Waltinghamiae* Templum, *Virginiae Mariae* dicatum, & multis miraculis celebre, visitavit; & vota pro Salute suâ nuncupavit: Atque inde, per *Cantabrigiam*, *Londinum* reversus est. Post paucos dies, Rebelles *Hibernici* cum *Rege* suo (sub ductu *Comitis Lincolniae*, *Comitis Kildariae*, *Domini Lovelli*, & *Swarti* Praefecti Cohortis) ad *Fouldriam*, in Comitatu *Lancastriae*, appulerunt; Ad quos statim se contulit, *Thomas Broughtonus* Eques Auratus, cum exiguâ admodum Manu *Anglorum*. *Rex* per hoc jam certus, Procellam istam non disruptam iri, sed in unum Locum casuram, Copias satis amplas coegerat: Atque ipse, assumptis etiam duobus, quos delegerat, Strategis, (nempè *Duce Bedfordiae*, & *Comite Oxoniae*) *Coventriam* usque, manum cum iis conferturus, advenerat; Unde turmam Equitum, ad Hostium res explorandas, emisit; utque simul aliquos ex Exercitu eorum palantes interciperet, ex quibus melius scire posset, eorum & Progressus, & Consilia; Quod & fa-

ctum

ctum est: Etsi *Regi*, in ipso Rebellium Exercitu, Exploratores non decissent.

Rebelles versus *Eboracum* iter ceperunt, vastatione Agrorum, & aliâ violentiâ Hostili, abstinentes, ut melius in gratiam Populi se insinuarent, & *Regis* sui decus tuerentur; Qui scilicet, ex vero sensu Animi Regii, Calamitatibus Subditorum indoleret. Verum Globulus iste Nivalis, inter volvendum, augmenta nulla suscipiebat. Neque enim Populus ad illos ex ullâ parte confluerat: Neque etiam, in aliis Regni partibus, Motus ullus in eorum favorem factus est; Cui rei in causâ erat, partim Experimentum, quod jam exhibuerat *Rex*, moderati Regiminis sui, cum opinione Felicitatis conjunctum; Partim, quod odiosa admodum res esset Populo *Anglie*, *Regem* accipere, Humeris *Hibernorum* & *Germanorum* gestatum, & introductum; Ex quibus Nationibus, maximâ pars Copiarum Rebellium erat conflata. Neque ab ipsis Rebellibus satis prudenter factum est, ut primò in Partes Boreales Exercitum suum ducerent; Nam licet, præteritis temporibus, fuissent illæ Regionibus Amicorum suorum Altrices; Tamen iisdem locis Exercitus *Dominici Lovelli* dispersus fuit; Atque ibidem, *Rex* ipse præsentia suâ, Populi Animos paulò antè leniverat. At *Comes Lincolnia*, spe suâ frustratus, (Populum enim ad se certatim conflurum sibi promiserat, in quo casu in Animo ei erat Bellum protrahere) remque jam sine receptu esse satis sciens, decreverat cum *Regis* Copiis, quâ poterat celeritate, configere; Itaque versus Oppidum *Newarci* Exercitum duxit; Oppidum sperans se, subito suo adventu, in potestatem suam redacturum. Sed *Rex* paulò antè *Notinghamiam* venerat, ubi Concilium Castrense convocavit; In quo deliberatum est, an tempus protelare, aut Hostes statim adoriri oporteret? In quo Concilio, *Rex* ipse (qui multas Animo Suspiciones agitabat, quarum Nemo conscius esset) manifestò in eam sententiam propendebat, ut pralio quamprimum decertarent. Verum, hanc Dubitationem repentè eximerunt magna Auxilia, quæ in ipso Articulo hujus Consultationis se adjunxerant, partim Literis missis excitata, partim sponte à multis *Regni* Partibus venientia.

Principales autem Personæ, quæ tum in *Regis* Auxiliū advolaverunt, fuerunt, ex Nobilitate quidem, *Comes Salopia*; & *Dominus Strange*; Ex Equitibus autem & Nobilibus minoribus, ad Septuaginta Homines, cum Cohortibus suis numerum sex mille Armatorum implentibus, præter Copias, quæ *Regi*, ante eorum adventum, præstito fuerant. Quocirca *Rex*, cum cerneret Copias suas in tantum auctas, magnamque in omnibus, ad pugnam, alacritatem, in eo, quod prius decreverat, confirmatior erat; atque properè Exercitum duxit, ita ut inter Castra Hostium, & Oppidum *Newarci*, se medium sisteret; Nolens eorum Exercitum illius Oppidi Commoditate gaudere. *Comes* neutiquam territus, eo ipso die, ad pagum quendam, *stoke* dictum, petrexit, ibique illâ nocte castrametatus est, super Clivum cujusdam Colliculi. *Rex* autem, die sequente, Aciem instruxit in Campesribus. Nec minùs animosè *Comes* de Colle descendit, & Prælium cum eo conseruit. De quo quidem Prælio, Narra-

Narrationes, quæ nunc extant, tam exiles sunt & nudæ, (etsi fuerit Res tam recentis memoriæ) ut potius Successum Prælii, quàm Modum Pugnæ declarant. Aiunt *Regem*, Copias suas in tres Acies divisisse; Quarum prima Acies tantum, Alis utrinque benè roborata; reapse pugnaverat, totumque Exercitus Hostilis impetum sustinuerat: Pugnam fuisse atrocem & obstinatam, & per tres horas durasse, antequàm Victoriâ in aliquam partem inclinârit; nisi quod, quandoquidem prima tantum *Regis* Acies pugnaverat (duabus reliquis Aciebus veluti ociosè stantibus) iudicium fieri possit, qualis in fine Successus Pugnæ expectandus esset: *Martinum Swartum*, cum suis Germanis, egregiè perfunctos esse: Itemque *Anglos*; Neque etiàm *Hibernos* officio defuisse, Animis aut Ferociâ; Sed cùm essent ferè inermes, Spiculis tantum & Ensisibus instructi, in eos potius Occisionem, quàm Pugnam fuisse: ita ut furiosa eorum trucidatio, reliquo Exercitui, magno terrori fuisset: Universos autem Duces in Acie cecidisse: Nempe, *Comitem Lincolniam*, *Comitem Kildariæ*, *Franciscum Dominum Lovellum*, *Martinum Swartum*, & *Thomam Broughtonum*, omnes fortiter præliantes, nec terga vertentes, aut retrò cedentes. Tantum de *Lovello* exiit Sermo, quod è prælio fugerit, & *Flumen Trenti* equo transnataverit, sed adversum Littus propter ripæ præcipitium cõscendere non potuit, unde in Fluvio submersus est. At alius Sermo eum in Fluvio non relinquit; Sed refert, quod diù post, in Cavernâ quâdam subterraneâ, vitam produxerit. Numerus Occisorum, ex parte *Hostium*, fuit ad minimum quatuor Millium: Ex parte autem *Regis*, primæ Aciei circiter Dimidium cecidit, præter multos saucios, sed minoris Conditionis Homines. Inter alios Captivos, fuerunt Supposititius ille *Plantagenista* (iterum *Lambertus Simonellus* factus) unâque versutus ille *Sacerdos*, ejus Pædagogus, *Lambertum* quod attinet, *Rex* vitâ eum privare noluit; Sive ex Animi Magnitudine, reputans illum instar Imaginis tantum Cereâ fuisse, quàm alii temperarant, & finxerant; Sive ex altâ quâdam prudentiâ, putans eum, si capite plecteretur, nimis properè in Oblivionem iturum; Sin in vivis maneret, futurum eum assiduum spectaculum, & instar Remèdii aut Exorcismi adversus ejusmodi Spectra, & Incantationes, temporibus venturis. Itaque receptus est in Famulitium *Regis*, in Aulâ suâ, sed vili admodum Loco, in Culinâ; Adcò ut, insigni humanæ Fortunæ Ludibrio, Veru circumageret ille, qui Coronam gestârât; (Cùm tamen *Fortuna*, post *Tragœdiam* minimè soleat *Comœdiam*, aut *Exodium* introducere;) Postea autem promorus est, ut esset ex *Falconariis Regis*. Quod vero ad *Sacerdotem*, in Gurgustium quoddam obscurum inclusus est, neque, quid de eo postea factum esset, innotuit: Cùm in Naturâ *Regis* penitus insitum esset, Pericula sua veluti sub Sigillo obsignare.

Post Prælium, profectus est *Rex Lincolniam*, ubi Preces solennes, & Gratiarum Actiones, celebrari fecit, pro Salute suâ & Victoriâ. Utque Devotiones ejus plenum suum Circulum complerent, misit Vexillum suum ad Templum *Beate Virginis Walsinghamiæ*, in Oblationem; ibi vota solvens, ubi nuncupasset. Atque hoc modo, ab istâ tam insigni Fortunæ Machinâ (quæ in eum intentata fuerât) liberatus,

tus, ad prisinam Animi Confidentiam rediit; Secum cogitans, universa sua infortunia simul in eum irruisse. Verum id contigit, quod Sermo Vulgi, in principio Regni sui, ei ominatus est; Futurum scilicet, *ut laboriore regnaret, quod Regnum suum, à Morbo sudorifico initium cepisset.* Sed quamvis Rex se jam in portu navigare putaret, tamen tantâ fuit prudentiâ, ut Fiducia sua Providentiam neutiquam obfuscaret, præsertim in rebus non remotis. Itaque tam recenti & inexpectato periculo expergefactus, animo volvebat, quibus modis, tam Rebellionis præteritæ Participes & Fautores eradicaret, quàm similium Periculorum Semina in futurum extingueret: Simulque Hominum, malè erga res suas Animatorum, Receptacula omnia & Refugia, ubi Rebellionibus suis paulò post vivificandis incubabant, amoveret. Primò igitur, Profectionem novam à *Lincolniâ*, in Partes Septentrionales, instituit; quamvis reverà hoc Iter potius Curiam quandam Judicialem Itinerariam saperet, quàm aliàs. Nam ubicunque se contulit, magnâ cum Severitate, & strictâ Inquisitione, partim Jure Militari, partim viâ Justitiæ ordinariâ, animadvertēbat in eos, qui Rebellioni præteritæ adhæserant, eique vires præbuerant. Neque Morte plerosque afficiebat, (cùm ipsum Prælium haud parum cruoris profudisset) sed Multis pecuniariis; Vitæ parcens, Thesauros autem corrogans. Inter alia ejus generis Crimina, sedulo inquisitum est, de iis, qui rumorem quendam excitârunt & sparserunt, paulò ante Prælium commissum; *Rebelles Prælio vicisse, Regisque Exercitum debellatum fuisse, Regemque ipsum fugisse.* Unde opinio erat, complures, qui aliter in *Regis* suppetias venturi fuissent, isto Artificio detentos fuisse, & perterritos. Quæ quidem Accusatio, licet Fundamento non penitus caruerit, attamen callidè & avidè à nonnullis arrepta erat, qui cùm ipsi, ad *Regis* partes tuendas, socordes fuissent, & negligētes, hoc prætextu utebantur, ad Teporem eorum & Inertiam tegendam. Quam nihilominus Calliditatem, Rex deprehendere noluit, etsi eam animo reconderet, quatenus ad Personas quasdam particulares, ut sui moris erat.

Verum quoad Extirpationem Radicum, & Cauliarum Motuum similium, temporibus futuris, cœpit Rex sentire, ubi eum Calceus suus ureret; Quodque Depressio *Familie Eboracensis*, in omnibus tanquàm Unguis in Ulcere esset. Factus igitur jam cautior, neque Pericula ampliùs contemnere, aut Remedia eorum dedignatione quadam rejicere volens; atque aliquid, quod in hac re Animos Hominum sanare posset, præstare cupiens, (præsertim in cæremoniâ quâpiam externâ) decrevit tandem Coronationem *Reginæ* maturare. Postquàm igitur *Londinium* reversus esset, quò magnâ cum pompâ, & tanquàm Triumphali, ingressus est, victoriamque suam, per biduum, sacris obeundis celebrasset; (priorē enim die Templum *D. Pauli* adiit, & Hymnum *Te Deum* cantari fecit; Crastino autem, solennem Processionem habuit, & Concioni apud *Crucem Divi Pauli* interfuit) Regina, summâ cum magnificentiâ, & splendidissimo apparatû, apud *Westmonasterium* coronata est, *Novembris* vicesimo quinto, Anno autem Regis tertio; Quæ Coronatio, duos circiter Annos, Nuptias suas insecuta est; Tanquàm Baptismus serotinum, quod Cor-

patres

patres diu expectasset. Quæ mira & inexpectata Temporis Protractio, sic notata est ab omnibus, ac si Res Stomacho *Regii* minimè grata erat, sed necessitate quâdam, & propter Rationes Statûs, ei fuisset imposita. Paulò post, ut omnibus palàm fieret, Serenitatem quandam jam factam, quodque Incarceratio *Thomæ Marchionis Dorcestrie*, Temporis potiùs Res quàm Hominis esset, idem *Marchio* Libertati restitutus est, absque Examinatione aliquâ, aut aliâ quâvis Formula. Sub idem tempus, *Rex* Legationem ad *Innocentium Pontificem* misit, quæ de Nuptiis suis eum certiorum redderet: atque insuper referret, *Regem* jam (sicut alterum *Aneam*) ex Fluctibus & diutinis Erroribus Fortunæ suæ emerisise, atque in portum securum appulisse. Ac simul Gratias *Sancitatis* suæ ageret, quod Celebrationem Nuptiarum suarum, præsentia Nuncii sui, honorâisset: Atque tam Personam suam, quàm Vires Regni, ad Mandata sua exequenda prolixè offerret.

Legatus autem *Regis*, Orationem habens coram *Papa*, in præsentia Cardinalium; *Regem*, *Reginamque* tantâ Verborum grandiloquentiâ extulit, ut Fastidio eos qui aderant propè enecaret. At postquam ad *Papæ* laudes pervenisset, ita eum ad cœlos usque elevavit, & deificavit, ut omnia quæ de *Rege* & *Regina* jam modò dixerat, moderata viderentur & tolerabilia. A *Papa* sanè honorificè admodum exceptus est, & multâ cum gratiâ dimissus. Cùm enim *Papa* sibi conscius esset socordiae suæ, quodque Orbi Christiano prorsus inutilis haberetur, magnâ affectus est latitiâ, quod Nomen suum & Laudes, apud *Regna* remotiora tam feliciter resonare cerneret. Obtinuit etiâ à *Papa*, justam admodum & honorificam *Bullam*, ad Privilegia *Afylorum* (quæ *Regi* tantas molestias pepererunt) in tribus Articulis moderanda.

Primò, ut si quis ex *Afyo* noctu, aut aliàs clanculùm, exiisset, & Maleficii aliquid vel Transgressionis commisisset, ac deinde se in *Afylum* recepisset, *Afylum* jure in perpetuum decideret. Secundò, ut licet Corpus ejus, qui in *Afyo* degebat, à Creditoribus immune esset, tamen Bona, quæ extra *Afylum* inventa essent, Legi subjicerentur. Tertiò, ut si quis ad *Afylum*, propter Crimen læsæ Majestatis, confugisset, benè liceret *Regi* Custodes ei intra *Afylum* ipsum apponere, qui ejus Dicta & Facta observarent.

Rex quoque, in majorem Regni sui Securitatem, contra seditiosos & malevolos Subditos, (quibus Regnum abundare sciebat) qui in *Scotiam* ad libitum aufugere possent; Quippe quæ non sub clavibus erat, quemadmodum erant Regni Portus; Hujus rei Causâ, magis quàm quod Hostilia ab eo Regno metueret, ante adventum suum *Londinum* (dum apud Oppidum *Novi Castri* maneret) Legatos solenniter miserat ad *Jacobum* Tertium *Scotia* Regem, qui de Pace cum eo tractarent & concluderent. Fuerunt autem Legati, *Richardus Foxus Episcopus Exoniensis*, & *Richardus Edgcombus Eques Auratus*, *Regii* *Hospitii* Contra-rotulator, qui honorificè apud eum *Regem* excepti fuerunt. Verùm *Rex Scotia*, eodem, quo *Rex Angliæ*, Morbo laborans, (licèt, ut postea apparebat, magis Atroci & Lethali) hoc est, Subditis malignis, ad tumultus ciendos idoneis, etsi affectu pro-

proprio, in pacem cum *Rege* componendam, multum inclinaret; tamen Proceres suos in hac re cognoscens averfissimos, (quos irritare timebat) Inducias tantum in Septennium concessit: In secreto tamen pollicitus, eas Inducias de tempore in tempus renovatas iri, quamdiu uterque *Rex* in vivis esset.

Hucusque *Rex* occupatus fuit, in rebus domi constituendis; Verum, circa hoc tempus oblata est occasio, ut foras prospiceret, atque ad res externas Animum applicaret. *Carolus Octavus Galliarum Rex*, Virtute & Fortunâ Patris & Avi sui, (*Caroli* Septimi, & *Ludovici* Undecimi,) Regnum *Franciæ* acceperat, & opibus florentius, & ipso Territorio amplius, quam multis retrò Annis fuerat: Cùm redintegratio facta esset, in illis Membris principalibus, (quæ olim, Portiones Coronæ *Franciæ*, postea autem ab eâ avulsæ fuissent; Ita ut jam diù, sub Homagio tantum Coronæ, non in Dominio tenerentur, cùm à Principibus propriis, Jure tanquàm Regio, administrarentur) *Andegavia* scilicet, *Normannia*, *Provenza*, & *Burgundia*. Restabat tantum *Britannia*, quæ cum Coronâ *Franciæ* uniretur; ut sic Monarchia *Franciæ*, ad veteres Terminos & Limites proferretur.

Rex Carolus, haud parvâ flagrabat Ambitione & Cupiditate, illum *Ducatum* recuperandi & reannectendi. Quæ quidem ejus Ambitio, prudens admodum fuit, & pondus insigne habebat, minime certè similis Ambitioni Expeditionum suarum sequentium in *Italiam*. Sub initiis enim Regni sui, Paternis Consiliis regebatur (Consiliis inquam, non Consiliariis) Cùm Pater ejus Consiliariis ferè non usus sit, sed ipse sibi pro Concilio esset; nec Virum quenquam prudentiorem juxta se haberet. Atque illum *Regem* Patrem suum, satis sciebat *Carolus*, Bellis *Italicis* aversum fuisse, & in *Britanniam* oculos suos coniecisse. Multæ erant Res, quæ Animum *Caroli*, spe prosperi Successus, in hac re palcerent. *Dux Britannie* ævo confectus, & Lethargicus; & Mercenariis Consiliariis innitens, duarum tantum Filiarum Parens, ex quibus altera valetudinaria erat, nec diù superstes futura. At *Carolus* in ipso ætatis flore & Robore jam erat; Et Populus *Regni Franciæ* pro ratione ejus temporis, Bellicis Copiis, tam quoad Duces, quam quoad Milites, satis instructus; Viris Militaribus, qui in *Bellis Burgundicis* meruerant, nondum absumptis: Pacem etiàm cum omnibus vicinis Principibus se colere non ignorabat. Quatenus vero ad illos, qui Consiliis suis perficiendis se opponere possent; *Maximilianum Romanorum Regem*, qui sibi Rivalis futurus esset, (tam pro *Ducatu*, quàm pro *Nuptiis Filie*) Pecuniarum indigum sciebat; *Regem* autem HENRICUM, tam sibi nonnihil devinctum ob Favores & officia ejus præterita, quàm domesticis Turbis implicatum. Erat ei insuper præbita Occasio pulchra & speciosa; quæ Ambitionem suam tegeret, & Belli ansam adversus *Britanniam* porrigeret; Eo scilicet nomine, quod *Dux Britannie*, *Ducem Aurelianensem*, & alios ex Nobilitate *Franciæ*, (qui contra *Regem Carolum* Arma sumpssissent) ad se recepisset. Quocirca *Rex Carolus*, de Bello *Britanniæ* inferendo certus, satis cognoverat, à nullo tam potenter sibi opponi posse, quam ab

HENRICO : (Sive Ratione Statûs permoto, ne Regnum *Franciae* in nimiam potentiam excresceret; Sive gratitudine quâdam adducto, quod ipse *Duci* etiâ *Britanniae*, non minùs quàm sibi, ob ejus in rebus suis adversis merita, obstrictus fuisset) si modò ille Partibus se adjungere vellet. Itaque quam-primùm *Carolus* audisset, *Regem* victoriâ suâ in tuto collocatum, statim Legatos ad eum misit, qui Auxilium ab eo peterent, aut saltem ut ne alterutri Parti se addiceret. Legati illi *Regem* apud *Lancastriam* offenderunt, & Legationem in hanc sententiam declarârunt. Primò *Regi* impertiti sunt Successum *Caroli*, quem paulò antè contra *Maximilianum* habuerat, in Oppidis quibusdam, quæ invaserat *Maximilianus*, recipiendis. Istud autem genus Sermomis, familiariter præmissum fuerat, ac si *Carolus* HENRICUM, non pro Amico aut Fœderato exteriore haberet, sed intimo, suorumque tum Affectuum tum Fortunarum Participe. Post istam Insinuationem, ac deinde Gratulationem *Regi* ob Victoriâ suâ in Rebelles factâ, ad rem de quâ missi erant pervenerunt; Significantes HENRICO, *Regem* suum compulsus esse ad justum contra *Britanniam* Bellum, quod *Dux* Rebelles suos & Hostes declaratos recepisset, & Auxiliis juvasset. Non esse eos, humiles aut Calamitosos Supplices, qui in *Britanniam* ad Auxilia imploranda aufugerint, sed tam eminentes Viros, ut liquidò pateret, Consilia eorum, non ad Fortunarum propriarum Præsidium, sed ad *Regis* Fortunas infestandas & invadendas, spectare: Cùm Caput eorum esset, *Dux Aurelianensis*, primus *Regii Sanguinis* Princeps, & Persona ab ipso Rege secunda. Ideoq; si res rectè perpenderetur, Bellum meritò judicari posse, ex parte Domini sui, potius Defensivum, quàm Offensivum; utpote quod omitti non poterat, si status proprii conservatio sibi curâ esset: Neque profectò primum Ictum, Bellum constituere Invasivum (quem princeps prudens nullus expectare vellet) sed primam Provocationem, aut saltè primam Præparationem. Imo Bellum hoc, magis Rebellium Suppressionem sapere, quàm Bellum cum Hoste legitimo; Cùm Res hùc redierit, quod Subdiri *Regis* (Proditores) à *Duce Britanniae*, *Regis* Feudatario, protegerentur. Satis scire *Regem* HENRICUM, quam perniciosi Exempli res sit, si Principes vicini Rebellium patrocinia susciperent, contra Jus Gentium & Fœderum. Neque tamen ignorare *Regem* suum, quod *Rex* HENRICUS, in Rebus suis Adversis, multis & opportunis Ducis *Britanniae* Officiis, non nihil obligatus fuisset; Neque ex alterâ parte dubitare, quin *Rex* HENRICUS, non oblitus esset, quàm promptus *Rex* suus fuisset, in Auxiliis ei submittendis, Cùm *Dux Britanniae*, & Consilarii ejus Mercenarii eum destituisent, & tantùm non prodidissent: Quodque haud parvum subesset discrimen, inter Officia quæ *Rex* suus, & ea quæ *Dux Britanniae* præstiterat; Cùm *Ducis Britanniae* Consilia, ex rationibus utilitatis, & Emolumenti, manare possent; contrâ verò ea, quæ Dominus suus contulerat, nulli alii causâ, quàm Amori, & sincero Affectui tribui possint; Eò quod, si res hæc, ad amussim politicam examinata esset, longè fuisset rebus suis consultius, ut Tyrannus in *Angliâ* regnaret, odio populi & turbis expositus, quam talis *Princeps*, cujus virtutes non poterant non magnum & potentem eum reddere, quandocunque eum

Rerum

Rerum suarum compotem fieri contigisset. Sed quomodocunque se res haberent, quoad Obligationis respectum, quem *Rex Duci Britannie* debere videretur : tamen *Regem* suum adduci non posse, ut crederet, *Regem* HENRICVM, ab eo quod justum est declinaturum, aut in causam tam iniquam descensurum. Itaque cum Bellum istud, quod *Regi* suo gerendum erat, nihil aliud esset, quam ut se à periculis imminentibus liberaret, sperare *Regem* suum, HENRICVM, non minore studio & Affectu, ad Conservationem Statûs ejus concursurum, quam ipse HENRICO, ad Adeptiorem Regni sui, concurrisset. Saltem non dubitare, quin Rex HENRICVS, pro suâ in pacem propensione, quam semper præ se tulerat, Spectator tantum Belli futurus esset, & inter Partes Neutralis : Neque enim posse Dominum suum, nisi iniquus foret, à Rege postulare, ut partem Belli capefferet, qui tam nupèr à Seditionibus & Motibus intestinis cœperat respirare. Verùm de Mysterio illo, reunionis *Britannie* ad Coronam *Francie*, sive per Bellum, sive Nuptias cum Hærede *Britannie*, ne verbum quidem ; Legati enim hoc, veluti Scopulum quendam, exhorruerunt ; Satis scientes illud postulatis suis maximè obfuturum. Sed econtra Sermonibus suis, quasi obiter inseruerunt ; *Regem* suum, apud se omnino constituisse, Filiam *Maximiliani* in uxorem ducere : Simul & HENRICVM credere voluerunt, *Regem* suum totum in eo esse, ut Expeditionem in personâ propriâ, in *Italiam*, ad Jus suum ad Regnum Neapolitanum armis vindicandum, susciperet : Quæ omnia eò spectabant, ut HENRICVM, ab omni Suspicionem abducerent, de *Bello Britannico*, nisi quatenus ad restringendam Flammam, quam in Regnum proprium aliàs grassaturam meritò formidaret, conduceret.

Rex negotio, cum Concilio suo sanctiore, communicato, Legatis in hunc modum Responsum dedit. Primò autem, (quod Legati fecerant,) comitatem quandam verborum præmisit ; inquit, Se magnâ latitiâ affectum, quod *Regem*, Oppida illa è manu *Maximiliani* recepisse, ab illis didicisset. Deinde familiaritèr eis commemorabat particularia nonnulla, de rebus suis, quamdiù in periculo fuisset, & de victoriâ postea securâ. Quod verò ad negotium *Britannie*, Rex paucis respondit. *Regem Gallie*, & *ducem Britannie*, duos esse viros, quibus ante omnes plurimum deberet : Quodque pro magno sibi ipsi infortunio duceret, si res ita inter eos procederent, ut ei non liceret Gratitude Animi sui, erga utrumque demonstrare. Quodque nulla alia sibi pateret via, tanquàm Principi Christiano, & utriusque Amico communi, quâ Fidem suam erga Deum & Homines exsolveret, quàm ut se Pacis & Concordiæ inter eos Intercessorem offerret ; Eaque in itâ viâ, minimè se dubitare, quin *Regi* eorum, Status & Honor, minore cum Periculo, minore etiâ cum Invidiâ, conservari possint, quam Bello : Neque ulli se impensæ, aut labori, parsurum esse (imò se veluti in Peregrinationem aliquam sacram paratum esse proficisci) ut tam pium assequeretur Effectû. Ita autem sermonè clausit, Se in re tanti ponderis, quæ sibi hærebat in medullis, Animû suum, per Legatos proprios fusiùs declaraturû ; Quos, omni morâ sepositâ ad *Regem Gallie*, in eum finè missurus esset. Ita Legati *Gallie* domû remissi sunt. Noluit autem Rex, de Reunionem *Britannie* ad Coronâ *Francie*, quicquâ

intelligere videri; quemadmodum & Legati nullam de eâ mentionem fecissent; Nisi quod Rex, verbo illo *Invidia*, aliquid de hâc re subinnuissè visus est. Res autem ita se habuit; Rex neque Judicio tam imbecilli fuit, neque negligentè informatus, ut *Regis Gallie* Consilium, de *Britanniâ* in Ditionem suam redigendâ, eum fugeret. Sed primum, (utcunque simulabat) à Bello contra *Regem* illum in-eundo, averissimus fuit. Fama de ejusmodi Bello ei grata erat, sed Res ipsa minimè: Ex alterâ enim cernebat se locupletio-rem fore, ex alterâ pauperiorem; Etiâ adhuc metuebat sibi à Populo suo, quem idcirco armare nolebat. Veruntamen, ut Princeps prudens & animosus, non in tantum à Belli Consiliis abhorrebat, quin decretum ei esset Bellum eligere, potiùs quam ut *Gallum* sibi *Britanniam* subjicere permetteret: Quod tam amplus & opulentus fuisset *Ducatus*, & tam opportunè situs, ad *Angliam* infestandam, sive Bello, sive impediendo Commertium. Sed spes has fovebat Rex, quod partim negligentia, (quæ *Gallis* vulgò imputari solet) partim viribus *Ducatus Britannie* propriis, quæ parvæ non erant, præcipuè autem, ob potentem Factionem, *Ducis Aurelianensis* in Regno *Gallie*, (qui plurimis modis Motus in *Galliâ* intestinos suscitare possit, ad *Regis Gallie* Consilia circa *Britanniam* discutienda;) Postremò autem, ob potentiam *Maximiliani*, qui ei erat Rivalis; Res aut ex sese solvi, aut ad pacem flecti posset. In quibus omnibus, Rex trutinâ non justâ res perpendebat, ut postea patuit. Misit igitur confesum Rex Legatum ad *Regem Gallie*: Is erat *Christophorus Vrsuicus*, Capellanus suus, Vir, cujus Fidem & Prudentiam in multis obeundis Negotiis perspexerat: Eum potissimum eligens, quod cum Ecclesiastica Persona esset, eò magis ad Legationem Pacificatoriam idoneus videretur; Eique etiâ in mandatis dedit, ut si *Rex Gallie*, Tractatum Pacis inire non abnueret, in *Britanniam* quoque ad *Ducem* proficisceretur, Tractatumque Pacis utrinque ad maturitatem perduceret. *Vrsuicus*, ad *Regem Gallie*, verba fecit, quæ, cum *Regis HENRICI* ad Legatos Responso, ut plurimum convenirent; Instillando, sed mollitè, nonnulla, quæ spectarent ad Reconciliationem *Ducis Aurelianensis* cum *Rege*, & quadam de concordia inter omnes Partes faciendâ. At *Rex Gallie*, ex alterâ parte, non sincerè in hoc Negotio versatus est; Sed summo cum Artificio, & simulatione insigni; Ad eam Metam collimans, ut tempus lucraretur, Auxiliaque *Anglorum*, sub spe Pacis retardaret, donec *Britanniam* Armis suis occupasset. Respondit igitur Legato, se prorsùs in manu & potestate *Regis HENRICI* fore, eumque Pacis Arbitrum constituturum; Et faciliè, ut Legatus in *Britanniam* proficisceretur, consensit, qui in hac re consensum suum declararet, Animumque *Ducis* super hac re cognosceret: satis gnarus, *Ducem Aurelianensem*, (cujus Consilio Res *Britanniae* omninò regebantur) secum reputantem, nullis se Conditionibus *Regi* reconciliari possè, Pacem prorsùs disturbaturum. Itaque hoc modo sperabat se, simul ambitionem suam apud omnes velaturum, & existimationem justî & moderati Animi assecuturum; atque etiâ, Gratiam apud *Regem Anglie* summam initurum, utpote qui omnia ejus Arbitrio permisisset: Imò (callidissimo consilio usus) fore providebat, ut licet Bel-
lum

lum actu prosequeretur, tamen *Regem Angliæ* in opinione persuturum, eum illud solum agere, ut Gladium in manu ostentaret, quò contrariæ partis pertinaciam, ad pacem recipiendam inflecteret; Atque hoc modo Rex HENRICVS, nihil prosecutione Belli commoveretur, sed fore ut tractatus Pacis ad ultimum usque continuaretur, donec ipse rem Armis confecisset.

Quæ cum *Rex Gallie* rectè & cunctè & prudenter aestimasset, omnia ex voto ejus successerunt. Nam cum Legatus *Anglus*, ad Aulam *Ducis Britannie* venisset, *Dux* ipse vix sanæ memoriæ fuit, omniaque *Ducis Aurelianensis* nutui parebant; qui Legatum *Vrsvicum* mandata perferentem audivit, & quasi commotus, & elato Animo respondit: *Ducem Britannie*, qui Regi HENRICO Hospes olim fuisset, imò Parentis loco, in tenerâ ejus Ætate, & afflicto rerum Statu, expectasse illo tempore, ab HENRICO (Glorioso illo *Anglorum Rege*) potius Copias Equitum & Peditum validas, quam inanem de Pace Legationem. Quod si Rex præterita *Ducis* Merita oblivioni mandasset, sciebat tamen *Regem*, quâ erat prudentiâ, providè consulturum, & solidè reputaturum, quantum ejus & Securitatis, & Famæ, tam apud Exteros, quam apud Populum suum interesset; non pati, ut *Britanni* (veteres *Angliæ* Fœderati) à *Galliâ* absorberentur; utque tot Portus commodi, & Oppida maritima munita, Imperio tam potentis *Regis* vicini, & Inimici tot per Sæcula inveterati, adjicerentur. Itaque humiliter se *Regem* obsecrare, ut de hac re, tanquam de re suâ, cogitaret. Atque hoc modo sermonem abruptit, & negavit se de eâ re amplius tractaturum.

Vrsvicus primum ad *Regem Gallie* rediit, atque ei, quid in *Britanniâ* factum esset, retulit. Qui cum res, secundum Expectationem suam, cedere, videret, occasionem arripuit dicendi; Legatum jam cernere potuisse, id quod, pro suâ parte, ipse partim præviderat. Quando scilicet *Dux Britannie*, in potestate *Ducis Aurelianensis*, & suæ Factionis esset, nullam Pacem sequi posse, nisi ex Tractatu mixto ex Armis & Argumentis. Itaque se alteram partem suscepturum, *Regem* autem rogare, ne alteram desereret. Se utcumque sibi constare, *Regique* fideliter promittere, se semper in *Regis* potestate futurum, ut eas Leges subiret in negotio Pacis, quas *Rex Angliæ* præscriberet. Hac quemadmodum acta essent, *Vrsvicus Regi* retulit; eâ tamen adhibitâ moderatione, ac si Tractatus Pacis pro re desperatâ minimè haberi deberet, sed tantum Horam magis propitiam præstolaretur, donec Mal-leus incudem sæpius percussisset, atque *Britannos* & eorum Sequaces emollivisset. Ex quo factum est, ut perpetuò inter *Reges Anglum & Gallum*. Literæ & Nuncii volitarent, ab altero Rege cupidè sed candidè, ab altero per Simulationem, super Negotium Pacis. Interea *Rex Gallus Britanniam* cum magnis Copiis invasit, et Urbem *Nantie* arctâ obsidione cinxit; Atque ut Princeps, non magni certè Iudicii, sed tamen qui simulationum Artes in Sinu Patris optimè perdidicerat, quo magis Bello instabat, eò magis Tractatum Pacis urgebat. Adeò ut, durante *Nantie* Obsidione, post multas retrò citroque commeantes Literas, & Nuncios, *Gallus* ad HENRICVM miserit *Bernardum Daubencium* (virum spectatum & eminentem) qui ab eò enixè

peteret, ut Negotio Pacis, sub quacunque Conditione, finem imponeret.

Neque *Rex* minùs alacris & promptus fuit, ad Tractatum Pacis instaurandum, & accelerandum. Itaque tres Legatos in *Galliam* misit, *Abbatem Abingdonie*, *Richardum Tunstallum* Equitem Auratum, & Capellanum suum *Prswicum*, quem priùs miserat; Mandans, ut totis viribus, in Tractatum Pacis strenuè incumberent.

Circa hoc tempus, *Baro de Woodvillâ* (*Reginæ* Avunculus) Vir animosus, & Gloriæ appetens, à *Rege* petiit, ut Copias aliquas Evocatorum secretò cogeret, atque absque Commeatu, aut Fide publicâ, in Auxilium *Britannorum* duceret. *Rex* Petitioni ejus minimè annuit, (aut saltèm ita credi voluit) eique pro Imperio suo injunxit, ut nihil moveret, eò quod *Rex*, in Jacturam Honoris sui fieri putaret, durante Tractatu Pacis, Auxilia summittere. Attamen *Baro* iste, (aut Impetu effræni, aut Opinione temerariâ, *Regem* clam ei rei favere, quam tamen palàm agnoscere refugiebat) secretò in *Vestram Insulam* trajecit, cujus erat Præfectus; & Copias electas, ad numerum Quadringentorum Virorum, coegit, & cum illis in *Britanniam* perrexit, easque Copiis *Ducis* adjunxit. Cujus rei Nuncii postquam in Aulam *Franciæ* allati sunt, ita nonnullos Juvenili sanguine ferventes, veluti Furiis conciverunt, ut *Legati Angli* non sine periculo essent, ne Motu aliquo repentino violarentur. Verùm *Rex Carolus*, tùm quod Jus Legatorum inviolatum servare volebat; tùm conscius sibi, quod in hoc Negotio Pacis, ad *Regem Angliæ* collatus, ipse Simulationis Palmam mereretur; severè edixit, ne ulla fieret, aut verbo, aut factò, in *Anglos Legatos*, aut eorum Comitatum & Famulitium, Contumelia. Statimque à *Rege* HENRICO Nuncius advolavit, qui eum de Baronis *Woodville* factò purgaret; Eo principali usus Argumento, *Regem* minimè illius Facti notitiam habuisse, quòd Copiæ tam exiguæ fuissent, ut neque Auctoritate publicâ aliquâ, emanasse eas verisimile esset, neque Res *Britannicas* quicquam promovere possent. Cui Nuncio, etsi *Rex Galliæ* non prorsùs Fidem adhiberet, tamen cum Serenitate quâdam *Regi* respondit, sibi que satisfactum esse de eâ re significavit. Paulò post, *Legati* illi tres domum redierunt; Quorum duo etiàm in *Britanniam*, ad res inspiciendas, profecti fuerant, neque negotium ullo modo in melius provectum invenerunt. Post Reditum suum, *Regem* de statu Rerum plenè informarunt, quàmque longè *Rex Galliæ* à Consiliis Pacis abesset edocebant: Itaque videndum *Regi*, ut aliâ quâpiam viâ insisteret, & Negotium Pacis defereret. Neque tamen *Rex*, in universo hoc Pacis Negotio tractando, credulitate merâ peccârat, (ut vulgò ei imputabatur) verùm Error ejus ortum habuit, non tam ex Facilitate credendi, quam ex Copiis alterius Partis (quod antea innuimus) malè mensuratis.

Ita enim *Rex* cogitaverat: Primùm de rebus *Britannicis* indicabat eas, propter Urbium & Oppidorum munitorum, & Copiarum eandem vires, haud celeritè accisas fore. Etenim Consilia, quæ à *Rege Galliæ*, eo tempore cælibe & sine Liberis, contra Regni Hæredem agitata essent, lenta admodùm & enervia futura existimabat: Neque
etiàm

etiàm fieri posse, quin Status *Gallie*, Moribus & Turbis in *Dacis Aurelianensis* favorem Conquassèretur. *Maximilianum* etiàm *Regem Romanorum*, ut Principem bellicosum & magnæ potentiæ æstimabat; Quem ad *Britannorum* Auxilium propere accursum minime dubitabat. Itaque, cum rem haud parvæ moræ futuram putaret, ejus moræ Usuram & Fructum, ad se & res suas, trahere destinabat. Primò autem, hoc apud *Ordines Parliamenti*, sibi emolumento futurum non dubitabat; quia satis sciebat, eos in Favorem Rerum *Britannicarum* propensissimos, largâ manu Pecunias collaturos. Quos quidem Thesauros, ut Fama Belli elicere potuit, ita Pax secuta eos in Impensas Belli erogari, non permissura erat. Quoniàm autem nôrat Populum suum erga Res *Britanniæ* optimè affectum, prorsus videri volebat quoad præterita se potius *Gallorum* Artibus deceptum, & veluti in soporem coniectum, quam ex motu proprio ad Bellum minùs alacrem fuisse: Cum sciret Subditos suos, Rationum Status, quæ ipsum meritò retardare potuerunt, minùs capaces esse. Itaque ad hæc, quæ animo disposuerat, nihil magis conducibile judicabat, quàm ut Tractatum Pacis perpetuò continuaret: eum intermittendo, aut renovando, prout Rerum Progressus postulare. Neque oblitus erat, lucrefacturum se sibi haud levem Honorem, Personam *Beati Pacificatoris* assumendo. Etiàm illud non infimo loco ponebat, quod prospiciebat, se posse nonnullum, ex Invidiâ, quæ in *Regem Gallie*, propter *Britanniam* occupatam redundatura esse, fructum capere, in novis Amicis & Fœderatis sibi adjungendis; veluti *Ferdinando Hispaniarum Rege*, quocum semper etiàm Naturâ & Moribus Sympathiam quandam habebat; *Maximiliano* item, ejus res manifestò agebatur. Itaque in summa, sibi Pecunias, Honorem & Decus, Fœderatos, & in fine Pacem qualem optabat, satis indulgenter promiserat. Verùm istæ Cogitationes nimis subtiles erant, quam ut fortunatæ esse possent, & Successum in omnibus sortiri. Etenim res magnæ, ferè magis rigidæ & contumaces esse solent, quàm ut callidioribus consiliis, fingi & affabrè efformari possint. Rex etiàm, in duobus illis Fundamentis jaciendis, quæ ei pro principalibus erant, magnopere deceptus est. Et si enim probabiliter judicabat, Concilium *Frauciæ* magnâ cautione usurum, ne *Regem* in Bellum, contra Hæredem Regni proximum conjicerent; tamen oblitus fuerat *Carolus*, à Viris è Concilio primariis, minimè regi, sed à quorundam Virorum Ignobiliorum Consiliis pendere; Qui illud maximè spectarent, sibi quæ & Honori & gratiæ futurum putabant, si Senatores fortes viderentur, & ad Animosa, licet Perniciosa Consilia, *Regem* impellerent; Qualia Nemo è Potentioribus aut Prudentioribus, dare aut auderet, aut vellet. Quod verò ad *Maximilianum* attinet, majore tum is estimatione agebat, quàm postea; Neque enim Mores ejus instabiles, & Conatus ob Indigentiam suam semper ferè inutiles, adhuc noti erant.

Postquàm cum *Legatis* deliberasset, qui reverà nihil Novi ei retulerunt, sed quæ ipse priùs secretò expectaverat (licet ab iis rem totam perdidicisse præ se ferret) Parliamentum statim convocavit; Et primo Parliamenti die, Ordinibus simul ex more congregatis, *Britanniæ* causam,

causam, per *Cancellarium* suum *Mortonum*, *Cantuariae Archiepiscopum*, proposuit ; Qui in hunc modum locutus est.

Domini mei, & Magistri ; Rex Supremus Dominus noster, mihi mandavit, ut vobis *Causas* declararem, quibus adductus fuit, ut *Ordinum* hunc *Conventum* convocaret : Quas paucis perstringam, veniam à Celsitudine suâ, & à vobis omnibus, humiliter petens, si hoc pro tenuitate meâ, & non pro rei dignitate, præstiterim.

Celsitudo sua, primò omnium vobis notum facit, quam aliâ mente reposuerit, Amorem, & Fidelitatem, quam in ultimo *Conventu*, ei egregiè exhibuistis, in Regali suâ Auctoritate stabiliendâ, Hominibus Partium suarum periculo eximendis, & Hostibus ac Proditoribus suis ulciscendis : Quibus plura à Subditis, erga Regem suum in unicâ *Actione*, cumulari non potuerunt. Hoc in tam bonam partem à vobis accepit, ut apud se decreverit, communicare & deliberare cum Subditis, à quibus tanta ei tributa sunt Amoris & Fidei Pignora, de omnibus *Negotiis*, (quæ quidem ejus generis snt, ut publicari debeant) tam domi. quàm foràs.

Duæ igitur sunt *Causæ* præsentis *Conventus* : Vna, circa *Negotium* magni momenti, in Partibus Exteris : Altera, circa *Reipub. Administrationem Domestica*m.

Rex Galliae (ut proculdubio audistis) Bello Ducem Britanniae, hoc tempore, acriter invadit. Exercitus ejus jam Nauticam oppugnat, & arctâ Obsidione premit ; Principalem scilicet (si minus Caremonia & Præ-eminentiâ, at certè Robore & Opulentia) ejus Ducatû. Urbem. De Spe ejus conjectura rectè capi potest, quod difficillimam Belli partem, primo loco aggressus est. Hujus Belli *Causam* ipse Rex Gallus optimè novit. Prætexit receptos, apud Britannos, Ducem Aurelianensem, aliosque Galliae Proceres, (quos Rex Hostium suorum loco numerat) eisque Auxilia subministrata. Alii aliter dicunt. Utraque Pars, à Rege nostro, non semel, per Legatos suos, Auxilia petierunt. Rex Gallus sanè, Auxilia aut Neutralitatem : Dux Britannus Auxilia simpliciter ; Hæc enim Res suæ postulant. Rex tanquàm Princeps Christianus, & Filius Ecclesiæ pius, se medium interposuit, ut Pax componeretur. Rex Gallus de Tractatu annuit, at Belli prosecutionem intermittere recusat. Britannii autem, qui Pacem maxime optant, consiliis de Pace minùs auscultant ; Non Confidentiâ ali-

quâ,

quâ, aut etiam Contumaciâ, sed Suspicionem & diffidentiâ, de Regis Galli sincerâ Intentione, cum videant Bellum non refrigescere. Ita ut Rex, post tantam Curam & Diligentiam, quantam unquam in aliâ re quavis insumpserat, adhibitam; cum neque ex unâ parte Bellum, neque ex alterâ parte Suspensiones propter Belli prosecutionem magis magisque impressas, compescere posset, Tractatui finem dedit; Non pœnitentiâ motus, sed planè desperatione. Itaque ex hac Narratione, Statum Questionis percipere potestis, super quâ Rex à vobis Consilium poscit: Quæ huc redit; Vtrum Rex suscipere debeat Bellum Defensivum & Auxiliare, à parte Britannorum, contra Regem Gallum?

Atque ut Iudicium vestrum melius de hoc Negotio informetur, iussit ut nonnulla apud vos proponerem, de Personis, quæ in hoc Negotio intercedunt; Nonnulla autem de Negotii Consequentibus, quatenus in hoc Regnum reflectere possint; Nonnulla denique, de Exemplo ejus in genere: Neque tamen, in alteram partem concludendo, aut iudicium faciendo, donec Celsitudo sua, fidele & politicum Consilium vestrum, de hac re intellexerit.

Primò, quantum ad Regem Dominum nostrum, (qui Persona principalis est, quam in hoc negotio intueri debetis) planè proficitur Celsitudo sua; Se ex Animo & constanter cupere, ut in Pace regnet. Sed simul ait, se neque jactura Honoris sui Pacem empturum, neq; Conditiones Pacis sub fœnore periculorum accepturum; Sed pro felici Rerum suarum conversione habiturum, si Deo visum fuerit, intestinas Seditiones, quibus hætenus exercitus fuit, cum Bello Externo Honorabili commutare.

Quod verò attinet ad reliquas duas Personas, quas hac Actio complectitur (Regem nimirum Gallum, & Ducem Britanniae) Celsitudo sua notum vobis facit, eos esse Principes, quibus, ex omnibus amicis suis & Fœderatis, plurimum debet; Cum alter, Manu suâ Protectrice, à malitia Tyranni eum conservasset; Alter ei Manum Salutarem, ad Regnum suum obtinendum, porrexisset. Ita ut Affectus suus, quatenus ad naturalem Personam suam, neutrò inclinet. Atque si fortè audieritis Celsitudinem suam compulsam fuisse, è Britannia in Galliam fugere, Metu Proditionis, hanc Rem, nolle Celsitudinem suam, ullo modo Duci Britanniae imputari, in Beneficiorum antè collatorum Obliterationem; quod Rex plenè se informaverit, eam rem, ad Mercenarios quosdam Ducis Consiliarios tantum pertinere; qui, cum

Dux

Dux ipse graviter egrotaret, ejusmodi consilia, Duce prorsus infcio, agitarunt.

Sed utcunque ista res, Celsitudinem suam, si privatam Personam tantum gereret, devincire possent, satis tamen novit, superiorem illam Obligationem, quæ se ad illa procuranda; quæ Subditis suis præsidio & commodo esse possint; obstringit, se itidem inferiore hoc Obligationis genere exsolvere; Nisi forte hoc sibi relinquat, ut si ad Bellum Celsitudo sua compulsæ sit, illud sine Acerbitate, aut Ambitione, prosequatur.

Quantum ad Negotii hujus Consequentias, quoad Regni Angliæ statum, ea tales esse possint, quales fuerint Regis Galli Fines & Intentiones. Quæ si ulterius non tendant, quam ut Subditos suos in ordinem redigat, nihil ad nos. Quod si Regi Gallo in animo sit, (vel licet non fuerit, tamen si sponte securum sit) ut Britanniam in Provinciæ Formam constituat, & Coronæ Franciæ eam reuniat, tum digna est res, quæ magnâ cum sollicitudine, & anxio Iudicio perpendatur; Quantum scilicet hæc Innovatio Angliæ intersit, tam propter insigne Regni Franciæ Augmentum, (amplissimâ adjectâ Regione, quæ in oras Maris nostri, per Tractum non parvum, porrigitur;) Quam quod inde privetur hæc Natio, & nudetur, tam firmis & fidelibus Fœderatis, quales Britones se semper præstiterunt. Tum enim fore, ut Regnum hoc nostrum, cum olim etiâ in Continente potens esset, primum Territorio, postea Affinitatibus, Burgundiâ scilicet & Britannîâ, (quarum Principes Fœderati nostri tantum erant, sed tamen fœderati ex hujus Regni Consiliis pendentes;) Altera jam nupèr disiecta, partim in Augmentum potentie Gallorum, partim Austriacorum cedat; Altera jam propè sit, ut in Galliæ potentiam coalescat; Atq, exinde Regnum hoc, intra Aquas salvas cobibeatur, cinctum maritimis Provinciis potentissimorum Monarcharum.

Quantum ad Exemplum, quod inde promanare possit, illud (ut de Consequentis dictum est) ita se habet, prout se habent Regis Galli intentiones. Nam si Britanniam Gallia devoraverit, quemadmodum Vulgi Sermones (parati semper Actionibus Regum Ambitionis notam inurere) divinant, tum verò, Res profectò esset Exempli perniciosi, ut Minor Status à Maiore opprimeretur. Ex hoc enim periculum imminere possit Scotiæ ab Angliâ, Lusitanæ ab Hispaniâ, minoribus Italiæ & Germaniæ Statibus à majoribus; imò etiâ (Si parva magnis componere liceat) perinde esset ac si
Aliquibus

Aliquibus ex vobis Minoris Ordinis, tuto vivere non liceret, in civitate aliquoriam ex his Proceribus potentioribus. Hujus autem Exempli Introductionem, Regi potissimum imputatam fore verisimile est, ut Principi, qui illud etiam cum Bono Reip. sue, impedire maxime potuisset. Verum contrà, tam speciosus se offert, ex parte Regis Galli, Prætextus, (at Prætextus Potentia nunquam defuit) propter periculum Regno suo imminens, quod Bellum hoc ex necessitate gerat, non Ambitione, ut Periculum ab Exemplo nonnihil corrigat & mitiget. Siquidem, Periculum ejus Belli, quod solum in defensionem propriam suscipitur, nullum esse potest, quia penes quemlibet est illud pro libito de vitare. Verum in hoc Negotio univ.erso, Rex se vestris gravibus & maturis Consiliis permittit, in quibus acquiescere decrevit.

Atque in hanc sententiam, Cancellarius locutus est, quantum ad Res *Britanniæ*. Rex enim ei mandarat, ut tali orationis moderatione uteretur, quæ Ordines ad *Britanniæ* Auxilium accenderet, Regem autem apertâ aliquâ Declaratione non obstringeret.

Cancellarius ad Domestica orationem transiit.

Quamvis ad Administrationem Domestica, Rex mihi in mandatis dedit, ut hæc dicerem: Credere se, nulli unquam Regi (tam brevi Regni spatio emenso) majores & justiores causas fuisse, duarum contrariarum passionum, Gaudii & Doloris, quam sibi. Gaudii, ob immensos & manifestos Dei Omnipotentis favores; qui eum gladio Regio cinxerat, eidemque Gladio contra Hostes suos universos semper adfuit, Seque tot probris & fidelibus Servis & Subditis beavit, qui unquam destiterunt fidelibus Consiliis, promptâ Obedientiâ, & animosâ Defensione, eum prosequi: Doloris, quod nondum Deo placuerit permittere ei, ut Gladium conderet, (quod maxime expetebat, præterquam in Administratione Iustitiæ) Sed quod toties compulsus sit Ensem stringere, ad proditorios & seditiosos Subditos ressecandos; Quos (ut videtur) Deus reliquit (inter multos bonos, aliquos malos) tanquam inter Israelitas, Cananæos, veluti Spinas in Lateribus suis, ad eos tentandos, & probandos: Etsi is semper fuerit rerum Exitus (sit Nomen Domini ob hoc benedictum) ut malitia eorum in Caput proprium reciderit.

Quamobrem Rex ait, se jam admonitum esse; quod Sanguis in
Acie

Acie effusus, neutiquàm Sanguini in Civitate parcere possit ; Neque gladius Martialis sit satis validus ad Regnum hoc in plenà Pace constituendum : Sed quod vera via hùc tendat, ut Rebellionum Semina & Origines sub initii eorum comprimantur : Et ad hoc obtinendum, Leges bonæ & salubres excogitentur, confirmentur, & acuantur, contra vim omnem, & illicitos Hominum Cœtus, eorumque Confœderationes & Combinationes omnes, per vestium scilicet distinctiones, tesseras, & alia hujusmodi Factionis Symbola ; ut pax Regni, talibus Statutis, veluti Cancellis ferreis, solidè muniatur & stabiliaur ; omni(que violentia, & in Aulâ, & in Agris, & in Domibus privatis, reprimatur. Cujus rei Curam, quæ ad vosmetipsos tam propè pertinet, quamq̃ Temporis Ratio summoperè flagitat, Celsitudo sua Prudentiis vestris commendat.

Quoniam verò Regi Cordi & Curæ est, ut Pax hæc in quâ regnare, & Subditos suos tueri cupit, non tantùm vobis Folia producat, sub quarum umbrâ secure recumbere possitis, verùm etiàm Fructus vobis edat, Divitiarum & Opulentie, Rogat vos Celsitudo sua, ut Cogitationem suscipiatis, de Mercaturâ & Commercio regulando ; nec minùs de Manufacturis Regni promovendis, unâque spurium illum & sterilem Pecuniarum ulum, in Fœnus & illicita Excambia jam erogari solitarum, coerceatis ; unde ad naturalem suum usum, Mercatura, & Commerci Legitimi, & Nobilis, applicentur. Similitèr, ut Populo nostro copia fiat, se in Artibus Mechanicis exercendi, quo modo Regnum ex se, & Nativis suis Mercibus subsistere possit, ut in otio non degant, atque Thesaurus noster, propter Manufacturas forinsecas, non exhauriatur. Quin & ulterius providere debetis, ut quæcumque Merces à Partibus exteris, in Regnum introductæ fuerint, prorsùs ad Merces Nativas nostras coemendas convertantur ; unde Sors Regni non minuatur, ex Super-Importatione Mercium Exterarum.

Postremò, quoniam Regi certò persuasum est, vos eum Pauperem nolle, qui vos Divites esse cupit, minimè dubitat, quin curæ vobis futurum sit, ut Reditus sui, tam ex Vectigalibus, quàm aliàs, conferventur, & augeantur ; Atque insuper, ut Subsidia Pecuniaria, si postulet occasio, alacritèr conferatis. Eò magis, quod satis nostis Regem frugisse, atque pro Dispensatore tantùm se gerere in Commodum Regni ; Quodque ea Pecunia, quæ à vobis conferuntur, sint tantùm instar Vaporum, qui è Terrâ in sublime attrahuntur, & in Nubes coeunt, quæ rursùs in Terram imbres refundunt.

dunt. Quin & probè scitis, vicina vobis Regna magis magisque amplificata, atque Tempora ista variis Motibus obnoxia: Itaque minime convenire, ut Regem à pecuniis imparatum offendant. Plura non habeo quæ dicam. Optarem autem, ut quæ dicta sunt, meliùs fuissent declarata: Illud verò Prudentia, & Benevolentia vestra supplebit. Deus Consiliis vestris aspires.

Hanc Orationem *Cancellarius* habuit, non comptam certè, sed solidam & perspicuam,

Res difficilis non erat, *Parlamentum* ad istud *Britanniæ* Negotium disponere, & afficere; tam propter *Æmulationem* inter Nationes *Angliæ* & *Galliæ*, atque *Invidiam* recentem, quod Regnum *Galliæ* nupèr Incrementa acceperat; quam propter periculum, quod *Angliæ* imminere poterat, si *Galli* tam amplam Provinciam maritimam acquirerent, ut suprà diximus. Commovebatur etià *Parlamentum* Oppressionis Intuitu; Etsi enim, quæ afferebat Rex *Gallus*, essent satis probabilia, tamen apud Multitudinem impares semper sunt Congressus Argumentorum & Suspicionum; Itaque Consilium *Regi* dederunt, ut Causam *Britanniæ* strenuè amplecteretur, & Auxilia celeritè mitteret; Magnaque Alacritate *Regi* amplum Pecuniæ Subsidiariæ Modum concesserunt, horum Auxiliorum contemplatione. Verùm Rex, tum ut decorum servaret erga *Regem Gallum*, cui se devinctum profitebatur; tum quod reverà Belli potiùs ostentandi quam gerendi erat cupidus; iterùm solennes Legatos ad *Regem Gallum* misit, qui ei intimarent Decretum *Ordinum*; & verbis dulcissimis Intercessionem suam, priùs factam, renouarent; Ut scilicet Rex *Gallus* à Bello *Britannico* desisteret; aut si necessariò Bellum habendum esset, in bonam partem acciperet, si Populi sui precibus motus, (qui Causæ *Britannorum*, tanquam veterum Amicorum & Fœderatorum suorum, impensè favebant) Suppetias eis mitteret; protestando nihilominus, se, quò Leges Amicitiae & Fœderum cum *Galliâ* religiosè servaret, Copiis suis imperare in animo habere, ut *Britannis* quidem succurrerent, ad *Gallos* autem Bellum minime extenderent, nisi quatenus ad Possessionem *Britanniæ* tuendam. Verùm antequàm ista speciosa Legatio advenisset, *Ducis Britanniæ* Res haud levitèr perculsæ sunt, & manifestò declinare cœperunt. Nam propè Oppidum *Sancti Albani* in *Britannia*, Prælium commissum fuerat, in quo *Britanni* profligati sunt, *Duxque Aurelianensis* & *Princeps Aurasconensis* capti, cæsis ex Copiis *Britannorum* sex Millibus, atque inter eos, Domino de *Woodvillæ*, & Cohorte ejus propè universâ, dum fortissimè dimicarent. Ex parte autem *Regis Galli*, Mille & ducenti ceciderunt, cum Duce suo *Iacobo Galleotto*, viro in rebus Bellicis spectato.

Postquàm Nova de hoc Prælio in *Angliâ* audita essent, experefactus est Rex, qui nullum jam Subterfugium habebat, sub quo Tractatum Pacis honestè continuare posset. Jam enim planè tanquam oculis cernebat, *Britanniam* rapidè perditam iri, prorsus contra

spes suas. Cùm autem conscius sibi esset, se tam apud Populum suum, quam apud Exteros magnam sustinere Invidiam, imò & Infamiam, propter priores moras; statim Auxilia, quantâ potuit cum celeritate, in *Britanniam* misit. Quod fecit sub Ductu *Roberti Domini Brooki*, ad numerum octo Millium, Virorum lectorum, & benè armatorum; qui propitio usi vento, intra paucas horas, *Britanniam* tenuerunt, & se Copiarum *Ducis* Reliquiis adjunxerunt; statimque perrexerunt ad Hostes, atque propè eos castrametati sunt. *Galli* possessione Victoriæ sobriè utentes, atque Animos & Alacritatem *Anglorum* probè cognoscentes, præsertim sub Initiis militandi, se intra vallum continuerunt, Castris optimè munitis, certi manum non conferere. Sed interim, ut Copias *Anglus* fursùm deorsùm jactarent & defatigarent, eas, levis Armaturæ Equitibus, adoriebantur & vexabant; In quibus Certaminibus tamen, plerunque detrimenta acceperunt, potissimum per Sagittarios *Anglorum*.

Verùm, hoc rerum Statu, *Franciscus dux Britannie* obiit: Quod quidem Accidens Rex facilè prævidere potuerat, & debuerat certè hoc ipsum supponere; & huic Eventui Consilia sua aptare; nisi quod Honoris Contemplatio, propter Nova de prælio factò allata, quæ *Regem* ad aliquid properè exequendum extimulavit, Belli Rationes pervertisset.

Post *Ducis* Obitum, primarii *Britanniæ* Viri, partim empti, partim factionibus imbuti, omnia permiscuerunt: Adeò ut *Angli*, nec Caput nec Corpus reperientes, quibus se adjungerent; Atque non minùs à Sociis quam ab Hostibus sibi metuentes; Hyeme jam ingruente; domum, post quinque Menses ab eorum Trajectu, redierint. Atque hoc modo, Prælium *Sancti Albani*, Mors *Ducis Francisci*, & Auxiliorum *Anglorum* Recessus *Britanniæ* tandem perdiderunt. Quam rem, alii ut *Judicii Regis* Maculam, alii ut Temporum ejus Infortunium, acceperunt.

¶ Sed utcunque Fructus *Parlamenti* horarii, circa res *Britannicas*, malè cesserant, nihilominùs Fructus illi durabiles, & *Parlamento-*
rum proprii, (bonæ scilicet & salubres Leges) prosperè se habuerunt, atque in hunc diem permanent. Nam ex Monitis *Cancellarii*, eo *Parlamento*, Leges nonnullæ egregiæ, circa ea quæ Rex proposuerat, latæ fuerunt.

Primò, Auctoritas *Camera Stellata*, quæ antea Legi *Regni* communi tantùm nitebatur, in aliquibus Casibus, robore Statuti suffulta est. Curia autem ista, ex maximè prudentibus & generosis hujus *Regni* Institutis, censerì possit. Nam in Distributione Tribunalium *Regni*, (exceptâ Curia supremâ *Parlamenti*;) in quâ Curia *Bancæ Regis*, Criminibus quæ contra *Coronam* committuntur; Curia *Bancæ Communis* Litibus civilibus; Curia *Scaccarii*, Causis quæ ad Reditus & Proventus *Regis* spectant; & Curia *Cancellaria*, Causis, quæ Mitigationem Rigoris Juris, ex Arbitrio boni Viri, ad Exemplum Juris Prætorii, merentur, politicè admodum assignatæ sunt; semper tamen reservata est, magna & præeminens Jurisdicção, Consilio sanctiori *Regis*, in Causis, quæ vel Exemplo, vel Consequentia, *Regni* statum publicum oppugnare & convellere possent: Quæ si Criminales fuerint,

fuerint, consueverunt Consiliarii in *Camerâ* (quæ vocatur) *Stellatâ*; Sin Civiles, in *Camerâ* vel *Aulâ* (quam vocant) *Alba*, convenire. At quemadmodum *Cancellaria* Jus Prætorium, ita *Camera Stellata* Jus Cenforium, (demptis tamen Rebus Capitalibus) imitatur. Ista autem Curia *Camera Stellata* ex bonis composita est Elementis. Ex quatuor enim Generibus Personarum commista est; *Consiliariis Regis*, *Proceribus*, *Prælatiis*, & *Indicibus* aliarum Curiarum *principalibus*. Etiam quatuor Causarum Genera præcipuè tractat: *Vim illatam*; *Fraudes*; *Crimina* varia *Stellionatus*; & *Inchoamenta* sive *Actus medios* qui vergunt ad *Crimina Capitalia*, aut aliàs Atrocia, licet nunquam actualitèr commissa & perpetrata fuerint. Sed quod præcipuè in hoc statuto Rex volebat, erat Suppressio Turbarum illicitarum, unà cum causis earum præcipuis, hoc est, Multitudinis Combinationibus, & Potentium Patrociniis.

Ab universali *Regni* Pace, descendit *Regis* Cura, ad Pacem Aulæ & Famulitiis ipsius *Regis*, & Securitatem Consiliariorum suorum, ac Magistratuum eminentium. Verùm hoc Statutum miri cujusdam erat temperamenti. Nam in hanc sententiam perscriptum est: Ut si quis ex *Regio Famulitio* (qui tamen infra gradum *Baronis* sit) in vitam alicujus Consiliarii *Regis*, aut *Baronis* Regni, conjurasset, factum est Crimen, licet res peracta non fuerit, Capitale. Ista Lex, à *Cancellarii* suspicionibus fluxisse existimata est; Qui cum Vir austerus & imperiosus esset, atque in Aulâ *Regiâ* Inimicos nonnullos sibi infensissimos degere cognosceret, suæ Securitati prospexit; Invidiam suam generali Legis Ordinatione obruens, præsidium nempe hoc cum omnibus Consiliariis & Nobilibus communicando: Neque tamen ausus est, Legem ulterius extendere, quam ad Famulitium conscriptum ipsius *Regis*, ne minori Nobilitati & Plebi *Regni*, nimis dura res videretur: Quæ meritò credere possent, libertatem suam antiquam, & Clementiam Legum *Anglicarum*, sensim invadi; *Si Voluntas mera, aliis quam in* Criminibus *Læsæ Majestatis, pro Facto reputaretur*. Attamen Causâ, quæ in Statuto ipso inserta est (nimirum quod, *Qui in vitam Consiliariorum conspirat, merito censeri possit, oblique & mediate, ipsius Regis mortem moliri*) æquè omnibus Subditis ac Aulicis communis est. Verùm hæc Legis Angustia, ad id quod *Cancellarius* tenderat, satis erat: Sed tamèn vitam eò usque produxit, ut ei etiàm Lege generali opus fuisset, cum non minùs Populo, quam *Aulæ Regiæ*, postea odio fuerit.

A Pace Aulæ, & Familiæ *Regiæ*, rursus Cura *Regis* descendit, ad Pacem Familiarum privatarum. Lata est enim, Lex justa & moralis, per quam Asportatio Fœminarum per vim, contra voluntatem suam, (exceptis Pupillis Femellis, & Ancillis,) Capitalis facta est: Parlamento prudenter & meritò censente, Crimen abripiendi Fœminas per vim, in possessionem Extraneorum, (licet postea per Illecebras aut Astutias concilietur earum Assensus) nihil aliud esse, quam Raptum in longum productum, quia prima Vis reliqua traxisse præsumitur.

Sancita est alia quoque Lex, ad Pacem Subditorum in genere, & Cædium & Homicidiorum repressionem; atque in emendationem

Legum Antiquarum. Ea fuit ; Ut cum per *Legem Communem*, Prosecutio Homicidiorum in nomine *Regis*, Annum & Diem expectaret, quod spatium Uxori aut Hæredi Occisi datum est, ut nomine proprio Accusationem peragerent : Cumque Experientia monstraret, quod Pars aggravata sæpius pretio aut variis modis inducta, aut Lite ipsâ defatigata, Accusationem defereret ; atque eo temporis tractu Res quasi in Oblivionem transiret ; & hoc modo Prosecutio in nomine *Regis*, (quæ semper, *Flagrante Crimine*, vivacior est) neglecta esset ; ordinatum fuit prudentissimè ; Ut Prosecutio in Nomine *Regis*, etiâ intra Annum & Diem, admitti possit, absque præjudicio tamen Prosecutionis in Nomine Partis læsæ.

Tum quoque Rex cœpit, non minùs prudentèr quam justè, Cleri Privilegia nonnihil amputare, factâ ordinatione ; *Ut Clerici Capitalis Criminis convicti, candente ferro, in manu signarentur* ; tam ut aliquo corporali Supplicio afficerentur, quam ut Ignominia notam secum ferrent. Verùm hujus Salubris *Legis* gratiâ, Rex postea *Perkinsi Edicto* laceratus est, tanquàm Privilegiorum sanctæ Ecclesiæ immanis & execrabilis Violator.

Etiâ alia *Lex* lata fuit, *Paci Regni* consulens : quâ puniebantur *Officiarii & Firmarii Regis*, Amissione Officiorum & Firmarum suarum, si Famulitiis Nobilium, aut aliorum, nisi Domestici essent, se aggregarent, aut illicitis Cœtibus participarent.

Atque hæ *Leges*, ad Vim, & Turbas reprimendas ordinatæ sunt, quibus Tempora illa maximè indigebant ; Et adeò prudentèr constitutæ sunt, ut in hunc usque diem, Temporis ipsius Suffragiis confirmatæ, durent.

Latæ sunt etiâ *Leges* bonæ & politicæ, contra Fœnus, quod est Usus Pecuniæ spurius : Et contra illicita Excambia & Contractus fictos, qui sunt item instar Fœnoris spurii. Aliæ etiam pro securitate Vectigalium *Regis* ; Atque Conversione Pecuniarum, ex Mercibus externis provenientium, in Merces Regni natives ; Unâ cum aliis minoris Momenti *Legibus*.

Verùm, quamvis *Leges* in iis Comitibus latæ, bonum & salubrem ediderint Fructum ; *Subsidium* tamen *Pecuniarium*, iisdem Comitibus concessum, Fructum exhibuit acerbum. Sanè, universa Messis in fine in Horrea *Regis* coacta est, sed post Procellam grandem. Cum enim Deputati cœperunt taxare *Subsidium*, in Comitatu *Eboracensi*, & *Episcopatu Dunelmensi*, Populus ex improvise in Seditionem erupit, apertè loquens, se hisce annis proximis, innumeras misérias perpestos esse ; Quare nec posse se nec velle *Subsidium* conferre. Neque tamen proculdubio, hæc Contumacia ex Indigentia merâ illius Populi manavit, sed etiâ ex inveterato studio Partium, quod illis Regionibus penitus infederat, ubi Memoria *Richardi Tertii* adhuc in tanto vigore erat, ut tanquàm Fæces quædam acres in Animis Hominum, veluti in Fundo Vasis, subsiderent ; quæ, si Vas paululum agigaretur, in sursum ascendebant. Accedebat etiâ (ut credere par est) Instigatio alicujus Malevoli, & Rebus præsentibus infens, ex iis qui apud eum populum maximè erant gratiosi. Hoc Accidente tam inopinato, Deputati ferè attoniti, rē ad Comitem *Northumbriae* detulerunt

lerunt, qui Vir erat Auctoritate primarius in iis Partibus. Ille statim ad *Regem* Literas misit, apertè significans, quale incendium obortum esset in Populo; simulque petens, ut Rex quid fieri vellet manderet. Rex Responsum dedit peremptorium, se ne Obolum quidem remittere velle, ex Summâ, quæ in Comitibus concessa fuerat; Tum quia exemplum ejus alias Provincias animare possit, ad similem mitigationem poscendam; Tum præcipuè, quia nunquàm esset passurus, ut vulgus ignobile, Ordinum munificentiam frustraretur, in quorum consensu etiàm Plebis ipsius vota concluderentur. His Literis à *Rege* acceptis, *Comes* Principales illius Comitatus Justiciarios, & Liberos Tenentes, convocavit; & eos allocutus, verbis æquè imperiosis ac Rex scripserat, (quibus nihil opus fuit, nisi quod Negotium asperum infeliciter in Virum etiàm asperum inciderat) non solum animos eorum irritavit, sed suspicionem iniecit, ex acerbitate verborum ejus, quæ tanquàm *Regis* ipsius verba retulerat, ipsum *Comitem*, aut Auctorem fuisse, aut Suasorem principalem ejus Consilii. Quo factum est, ut Turba vilis cœtus miscuerit; & insultum in *Comitem* ipsum faciens, eum, cum compluribus ex Servis suis, trucidaverit. Neque hinc destiterunt Seditiosi illi, sed *Ioannem Egremondum* Equitem Auratum, Virum turbidum & factiosum, (quique diù antè *Regi* infensus erat) in Ducem suum cooptârunt; Atque animati & extimulati, à quodam ex infimâ Plebe, vocato *Ioanne Chamberio*, tanquàm Face Seditionis, qui apud Vulgus multum poterat, in apertam Rebellionem eruperunt; Quin & frementes disertis verbis dixerunt, se contra *Regem* HENRICUM VI ituros, & cum eo pro Libertate suâ pugnatuuros.

Postquàm Rex certior factus est, de novâ hac Insurrectione, (similibus enim Motibus, tanquàm Febre anniversariâ, quotannis corripî solebat) suo more, parum aut nihil commotus, *Thomam Comitem Surrie*, (quem paulò antè, non solum è Turri liberaverat, eique præterita omnia condonaverat; verum etiàm in gratiam suam specialem receperat) cum Exercitu satis valido, contra Rebelles misit; Qui cum Copiis eorum confligit, eosque Acie vicit, & *Ioannem Chamberium* Antesignanum eorum vivum cepit. *Ioannes* verò *Egremondus*, fugâ se eripuit, & in *Flandriam* transfretavit, ad *Margaretam Burgundie*: Cujus Palatium, Asylum & Receptaculum fuit Proditorum omnium, qui *Regem* infestabant. *Ioannes Chamberius Eboracæ* supplicio affectus est, magnâ pompâ; Suspensus est enim in Patibulo præalto, extructo in medio Furcarum quadratarum, tanquàm Proditor transcendens; Atque magnus Numerus ex Complicibus suis, super Trabem Patibuli inferiorem, circa eum itidè suspensus; Cæteris autem generalitèr venia facta est. Neque Rex Consuetudinem suam interrupit, ut vel primus, vel inter primos esset, in omnibus Bellicis suis Expeditionibus; Juxta id quod familiaritèr dicere solebat, cum de Rebellibus quid nunciatum esset; *Se nihil amplius cupere, quam ut eos aspiceret*. Nam statim, postquàm *Comitem Surrie* in eos misisset, ipse subsequutus est; & licet Nuncium de Victoriâ accepisset in viâ, tamen usque ad *Eboracum* perrexit, ut eas Regionem componeret & pacaret: Postea verò, *Londonium* reversus est, *Comitem Surrie*, Locum-tenentem suum, in Partibus Borealibus, relinquens; & *Richardum*

Tunstallum, Militem Auratum, principalem suum Commissarium constituens, ad *Subsidium* levandum, cujus ne Dodrantem quidem remisit.

Eodem autem tempore, quò Rex Servum tam bonum, quam fuit *Comes Northumbriae*, amiserat; etià Amicum & Affinem fidelem, *Iacobum Tertium Scotiae Regem*, similiter amisit, qui miserabili Fato functus est. Iste enim Princeps infelix, post diuturna, tam Procerum suorum, quam magnæ partis Populi, odia, quæ subinde in Seditiones, & crebras Aulae Mutationes eruperant, tandè ab iis oppressus est. Siquidem Arma contra eum sumpserunt, & *Iacobi Principis* Filii sui personam, ex improvise, intra potestatem suam redegerunt, partim Vi, partim Minis; Interminantes se aliter, Regnum in manus *Regis Angliae* tradituros. Eo autem Consilio hoc moliebantur, ut Rebellionem suam obvelarent, sicque *Princeps* Titulare & pictum quoddam Caput Rebellionis fieret. Unde Rex *Scotia* (se viribus minimè parem cogitans) à Rege HENRICO, etià à Papâ, & Rege Gallo, poposcit, ut res inter se & subditos suos componerent. Reges, prout petiit, mediationem suam, modo honorifico, & qui Reges magnos deceret, interposuerunt: Non tantum postulando, & suadendo, verum etià protestando, & minando; Rebellibus denunciantes, se, communem Regum Causam agi, censere; Si Subditi permittantur Leges Regibus suis imponere; Seque in Ultionem ejusmodi Sceleris prorsus ituros. At Rebelles, qui jam antè Obedientiæ Jugum majus excusserant, facile Modestiae Vinculum minus abjecerunt; & Furore Metum superante responderunt; Inanem esse de Pace mentionem, nisi Rex se Imperio abdicaret. Quocircà (Tractatu Pacis abrupto) ad Arma ventum est, Præliumque ad *Bannochie* Rivulum, juxta *Sterliniam*, commissum est. Quo Prælio Rex, Iracundiâ & Indignatione licet justâ, exæstuans, Pugnam temerè iniens, & manum præcipitanter conferens, antequàm universæ ejus Copiæ convenissent, interfectus est, (nihil obstante expresso & præciso Mandato *Principis* Filii sui, qui hoc interdixerat) dum ad Molendinum quoddam fugisset, in Campo, ubi pugnatum est, situm.

Quatenus verò ad *Legationem Papæ*, quæ per *Adrianum de Castello, Italum*, missa est, (quæque, illis temporibus, magis forsitan futura fuisset efficax) serò illa advenit, si *Legatio* ipsa spectetur, sed satis in tempore, pro commodo *Legati*. Nam cùm, per *Angliam, Scotiam* peteret, & honorifice admodum à Rege HENRICO exceptus esset, (qui perpetuò se erga *Sedem Romanam* officiosum præbuit) *Regis* favorem majorem in modum assécutus est, simulque magnam cum *Mortuo Cancellario* familiaritatem contraxit. Adeò ut Rex moribus ejus delectatus, & eum rebus suis utilem fore credens, eundem ad *Episcopatum Herefordiensem* promoverit, & postea ad *Episcopatum Bathoniensem*; Ejusque operâ usus sit, in compluribus negotiis, quæ ad *Curiam Romanam* pertinebant. Certè Vir magnus fuit *Adrianus*, & multâ Eruditione, Prudentiâ, & in rebus Civilibus Dexteritate, præditus; Et non diù post in Honorem *Cardinalis* evectus, largum *Regi* tributum ob Beneficia sua rependit; *Regem*, magno cum Judicio, & Diligentia, de rebus *Italiae*, subinde per Literas informans. Nihilominus, sub finem

finem Vitæ suæ, Particeps fuit Conjuratiōis, quam *Cardinalis Alphonsus Petruccius*, & alii quidam *Cardinales*, in Vitam *Leonis Pontificis* inierunt. Atque hoc ejus Crimen, per se atrox valdè, aggravatum est, propter Causam, quæ eum impulerat; Quæ Malitiâ sanè aut Odio minimè nitebatur, sed Ambitione fœdâ adipiscendi *Papatum*. Atque in hoc Impietatis excessu, non defuit tamen Levitatis & Vanitatis mixtura quædam: Nam (ut apud omnes increbuerat) ad *Papatum* expectandum, fatali quodam Ludibrio inductus est, scilicet Prædictiōe Harioli cujusdam, quæ talis fuit; *Successurum Leoni, cujus nomen esset Hadrianus, sexem, humililoco natum, sed doctrinâ & Prudentiâ eminentem*. Quo Charactere & Schemate se describi putavit; Et si hoc Vaticinium impletum postea fuerit, in *Adriano Belgâ*, (Filio Cervisarii ex eadem *Belgiâ*, *Cardinale de Tortosâ*, & *Caroli Quinti* Præceptore,) qui postea, mortuo *Leone*, Nomine proprio non mutato, *Adrianus Sextus* vocatus est.

Verùm ista anno sequente, quinto scilicet *Regis*, contigerunt. Sed in fine Anni quarti, Rex iterum *Ordinum Convētus* egit; Non (ut videtur) ob aliquam Occasionem tum emergentem, sed præcipitatis & abruptis *Comitiis* præcedentibus, propter Apparatus Belli *Britannici*, Rex cogitavit, se non satis ampliter Subditos suos Legibus bonis hæcenus remunerasse; Quæ semper ei fuerunt pro retributione erga Subditos, propter Pecunias ab ipsis collatas; Cūque Alienationis Subditorum, ex iis quæ in Borealibus Partibus gesta erant, memor esset, visum est ei, eò magis Subditos suos solatiis reficere. Sanè Tempora ejus, in bonis Legibus condendis, excelluerunt. Ita ut meritò censeretur possit, inter *Reges Angliæ*, post *Edwardum Primum*, Legislator optimus. Leges enim ejus, (si quis attentius eas introspiciat) ex Prudentiâ profundâ ortas inveniet, neque vulgaris esse naturæ; non occasione aliquâ præsentē stimulante latas, sed verè ex Providentiâ futuri, ut status ejus *Regni* indies fieret magis florens & beatus; Ex more *Legislatorum* Temporibus Antiquis & Heroicis.

Primò igitur Legem tulit, quæ cum Temporibus & Actis suis optime conveniebat. Quemadmodum enim ipse, in Personâ suâ & Nuptiis, finalem introduxerat Concordiam, in Lite illâ magnâ, quæ de Tirulo Coronæ tam diù pependerat: ita & hac Lege (de quâ loquimur) similem Pacem & Tranquillitatem, circa privatas Subditorum terras, & Possessiones, stabilivit. Ordinatum est enim, ut *Fines*, quos vocant (quod Genus est Transactionis cujusdam solennis) reverà finales essent, ad Jura non Partium tantum, sed aliorum omnium, extinguenda: Ita tamen, ut post *Fines* hujusmodi levatos, & solennitèr proclamatos, haberet Subditus spatium quinque Annorum, post Titulum suum devolutum, ad Jus suum recuperandum, aut saltè vindicandum; Quod si prætermisisset, Jure suo in perpetuum excluderetur; Cum Exceptionibus tamen nonnullis, Ætate minorum, Nuptarum, & similium Personarum, Juris sui persequendi, incapacium. Hoc Statutum aliud *Regni* Statutum antiquum tantum restituit; quod & ipsum latum fuerat, juxta tenorem Legis Communis. Mutatio Legis intervenit, per Statutum quoddam vulgaritèr dictum de *non Clameo*, factum tempore *Edwardi Tertii*. Atque ista Lex, de *Fi-*
nibus

nibus levandis, instar Prognostici cujusdam erat boni, de Pace illâ, quæ in hunc usque diem, à temporibus ejus, ut plurimum secuta est. Statuta enim de *non Clameis*, Belli temporibus conveniunt, cum animi Hominum inquietantur, ita ut rebus suis domesticis prospicere nequeant : Statuta verò quæ Possessionibus favent, temporibus Pacis maximè sunt accommodata, ut Lites & querelæ extinguantur, quæ Pacis sunt Fructus perniciosi.

Aliud Statutum latum est, Prudentiæ, & in Rebus politicis Peritiæ singularis ; Incrementum Populi *Regni* manifestò, & (si quis acutiùs inspexerit) Militiam etiàm, & vires *Regni* Bellicas, promovens.

Cœperunt eo tempore, magis quam retrò solitum, fieri Septa & Clausuræ in Agris ; Ex quo Terra arabilis (quæ sine Populo & Familiis coli non poterat) versa est in Pascua, quæ Armentariorum paucorum operâ tantum indigebant ; Etiàm *Firmæ* & *Tenementa* ad Terminum vitæ, Annorum, & ad voluntatem Domini, (in quibus Coloni complures habitabant) versa sunt in *Dominicum*. Hoc Infrequentiam & Diminutionem peperit Populi, & (per consequentiam) Oppidorum, Ecclesiarum, Decimarum, & similium : Probè etiàm noverat Rex, neque ullo modo oblitus erat, sequi etiàm ex hoc Diminutionem *Subsidiorum* & Censûs : Quantò enim major numerus fuerit Generosorum, tantò semper *Subsidiorum* Summæ decrescunt magis. In quâ remedendâ, prudentia *Regis* & *Parlamenti* enituit. Clausuras Agrorum prohibere noluerunt ; Hoc enim fuisset, Soli Culturam fructuosiorem, atque inde secururam patrimonii *Regni* Meliorationem, prohibere : Neque etiàm Arationes Hominibus jussu Legis imponere consultum putârunt ; Hoc enim fuisset, cum Naturâ ipsâ, & Rebus, pugnare. Sed tale temperamentum adhibuerunt, ut Clausuras tantum & Pascua, quæ Depopulationem liquidò invehebant, tollerent ; neque tamen expresse, aut Interdicto aliquo Imperioso, sed solummodò per Consequentiam. Ordinatio fuit talis ; Ut omnes Domus Agricolationis, quibus fuerint annexa viginti Jugera Terræ, aut amplius, in perpetuum sustentarentur & conservarentur, absque Decasu ; unâ cum Portione Terræ competente, quæ à Domibus illis nullo modo separari posset ; ut & per Statutum aliud quoddam, Successoris sui tempore factum, fusiùs declaratum fuit. Neque tamen, si quis deliquisset, sancitum erat, ut populari Actioni subjiceretur, sed ut Terra ipsa in Manus *Regis*, aut *Domini*, caperetur, quoad dimidium Proficuum, donec Domus, ac Terræ reparatæ forent, & restitutæ. Hoc modo Ædificia sustentata necessariò Habitorem traxerunt : & Portio Terræ iisdem annexa necessariò etiàm poscebat, ut Incola is non esset Mendicus, aut Tuguriaster, sed ex paulò Opulentioribus, qui familiam alere, & Aratrum in opere ponere posset. Hoc Populi numerum miris modis augebat, quin & potentiæ Regni militaris intererat ; ut scilicet Firmæ & Tenementa, Certum Terræ Dimensum sortirentur, quod Virum non infimæ conditionis, citra penuriam, sustentaret ; Eademque res quodammodò, magnam partem Fundi *Regni*, Agriculis & mediæ sortis Hominibus, mancipabat, & perpetuabat : Mediæ (intelligimus) Conditionis, inter Generosos & Operarios Rusticos.

Jam quantum hæc Res militarem Regni. Potentiam, (ut occupamus dicere) promoveat, liquet, tum ex Militaris Disciplinæ principiis, tum ex aliarum Nationum Exempla. Etenim opinione ferè generali, Virorum maximi circa Res Bellicas Judicii, (etsi pauci quidam aliter senserint, quàm reverà Casuum distinctionem hæc Quæstio subire possit) Robur præcipuum Exercitus alicujus in *Peditatu* maximè consistit. *Pedites* autem ut fortes & bellicosi evadant, opus est, ut in Conditione aliquâ non servili, aut inopi, sed liberâ & copiosâ degant. Itaque, si quod Regnum, aut Status, in Nobiles & Generosos potissimum excrescat; Agricola autem & Aratores loco tantum, & Conditione Operariorum illis inserviant, aut fortè Tuguriarii meri existant, (quî pro Mendicis tecto coopertis tantum haberi possint) *Equitatu* certè pollere possit, sed *Peditatu* minimè; Tanquàm Sylvæ caduæ, quæ si Arboribus grandioribus abundant, Dumos & vepres progignent, Ligna autem puriora non educent. Atque hoc cernere est in *Gallia*, *Italia*, & aliis nonnullis *Europæ* Partibus, ubi Populus universus, vel ex Nobilibus, vel ex Rusticis vilioribus, componitur (De populo in Agris degente loquor, non in Urbibus) Mediocris autem fortis Populus ferè deficit: Quo fit, ut *Copis pedestribus* parùm polleant: Adeò ut, ad *Peditatum* suum constituendum, & roborandum, mercenarias Cohortes *Helvetiorum*, aut *Germanorum*, adhibere ferè consueverint. Unde etiàm fit, ut Nationes illæ, Populum quidem numerosum, Milites autem paucos edant. *Rex* autem videbat, ex contrariâ parte, *Anglos* suos, quamvis Territorio multò angustiores, tamen Militibus, & *Copis* nativis, præ illis (quas diximus) Nationibus, longè magis abundare. Hoc Consilio atque Instituto, *Rex Hydræ Dentes* occultò ferebat; ex quibus (juxta *Fabulum Poetarum*) Milites armati exurgerent, in Regni sui Præsidium, & Amplificationem.

Isdem etiàm Comitibus, *Rex* (curam adhibens, ut Regni potentia, non minùs Mari quàm Terrâ, augetetur) in Claſſis sui Adornationem, & Incrementum, ordinavit, ut Vina & Gladium, ex partibus *Gasconia*, & *Languedocia*, allata, non nisi Navibus *Anglicis* importarentur: Inflectens paulatim politiam *Regni Angliæ*, ab Intuitu Ubertatis & Vilitatis rerum venalium, ad Intuitum potentia Militaris. Antiqua enim statuta, ferè omnia, Mercatores externos invitant, ut Merces omnigenas in *Regnum Angliæ* importent; pro fine habentia Vilitatem & Copiam earundem Mercium, neutiquàm respicientia ad Rationes politicas, circa *Regni* potentiam Navalem.

Tulit etiàm Legem illis Comitibus *Rex*, & Monitoriam, & Minatoriam, erga Justiciarios Pacis, ut munus suum diligenter exequerentur, Delationes contra eos Auctoritate suâ Regiâ invitans, & Neglectus eorum primò Sociis suis Justiciariis committens, postea Justiciariis Assisarum, postremò *Cancellario*: Mandando simul, ut Edictum, (quod in eam Sententiam promulgârat,) quotannis quater *publicis Sessionibus* legeretur, ne fortè Justiciarii obdormiscerent: Hoc modo fore putabat, ut Leges suæ poenales, executioni demanderentur; utque inde, vel Obedientia, vel Multarum, Fructum perciperet; In quâ re, versus finem Vitæ suæ, declinavit fundis in partem sinistram. Hunc

ad finem etiã cohibuit *Pragmaticam* quandam, nuper ortam, qua Informationes veræ, super Legibus pœnalibus exhibitæ, Informationibus aliis Illusoriis suffocabantur, exhibitis scilicet, per quosdam, quos Delinquentes ipsi subornârant, ut ad libitum eorum fieret, Litis vel Prosecutio, vel Desertio; atque hoc modo, veras prosecutiones (scilicet ne duplex foret vexatio) regerebant.

Legem etiã tulit de re Monetariâ reformandâ, & Nummorum externorum (Eorum scilicet qui Edicto Regio essent in usum Regni recepti) Adulteratione puniendâ: Utque in Pecuniis persolvendis, nulla fieret Solutio in Auro, quibuscunque Mercatoribus alienigenis; ut hoc modo Thesaurus *Regni* intra *Angliam* meliùs asservaretur; Quandoquidẽ Aurum ejus generis Metallum sit, quod facillimẽ, & in occulto transportari possit.

Statutum etiã fecit, de Re Pannariâ, & Lanis intra *Regnum* conservandis; Neque hoc tantum, sed de precijs etiã Pannorum limitandis, & moderandis; Pretio uno, Pannis tenuioris filio, alio crassioris, imposito. Quod eò libentiùs refero, tum quia rarum sit, Pretia per Statutum aliquod imponere, præsertim Mercibus Regni Nativis; Tum propter hujus *Legis* prudens Temperamentum, quod Pretia præcisẽ Pannorum diversi generis non præscriberet; Sed sanciret tantum, ne Pretium à Statuto limitatum Pannarii excederent; ut liberum esset Pannario pannos suos ita conficere & accommodare, ut jacturam nullam in eis faceret.

Fuerunt & alia Statuta his Comitibus ordinata, sed hæc præcipuẽ. Hic verò petendum videtur, ab iis, in quorum manus hoc Opus nostrum inciderit, ut in bonam partem accipiant, quod tam diù in Legibus, quæ hujus *Regis* tempore latæ sunt, commemorandis immoremur. Cujus rei has Causas habemus; Primò quoniã virtus illa præcellens, & Meritum proprium in hoc *Rege* fuit (cujus Memoria honorem deferimus) ut optimus Legislator esset; Dein quod cum Vitæ nostræ Genere, & Instituto conjunctum sit; Præcipuẽ verò quod (nostro quidem Judicio) hoc ipsum, optimis Historiæ Scriptoribus desit, quod scilicet non satis crebrò, summariẽ referant Leges maxime memorabiles, quæ temporibus, de quibus scripserint, perlatae sunt; cum sint Leges reverà Acta Pacis principalia. Et si enim, in Voluminibus Legum ipsarum, maximâ ex parte, reperiri soleant; neutiquàm tamen hoc tam benè informat Judicium, *Regum*, & Consiliariorum, & Virorum Civilium, quàm si videant eas descriptas, & veluti depictas in Tabulis Temporum.

Circa idem tempus, *Rex* quatèr mille Libras à Civitate *Londini*, mutuo sumpsit; Quæ Summa, priori quam crediderunt, dupla erat, & fuit debitè & præcisè ad diem præfixum, repensâ, quemadmodum etiã prior Summa fuerat: *Rege* præoptante semper, potiùs mutuari citiùs quàm egebat, quàm solvere tardiùs quàm debebat; Id quod ei Fidem admodum conciliavit.

Neque abjecerat adhuc *Rex* Curam, aut Spem de Rebus *Britannicis*, verum Occasiones Consilio & Arte vincere annisus est, (quamvis Arma sua infeliciter cesserant) atque Regem *Gallum*, licet victoriâ ipsâ non potuisset, tamen Victoriæ Fructu privare. Summa *Regis* Consilii

Consilii fuit, *Maximilianum Regem*, ut in Nuptiis *Anne Britannie* Hæredis, ambiendis persisteret; extingulare, atque ad earum Consummationem adjuvare. Verùm Res *Maximiliani*, eo tempore, in magnâ Perturbatione, & Combustione fuerunt, propter Rebellionem Subditorum suorum in *Flandriâ*. Nam populi *Gandavi* præsertim, & *Brugarum*, (præfente ipso *Maximiliano*) arma subito ceperant, & nonnullos, ex Officiariis ejus principalibus, interfecerant, eique ipsi custodiam circumdederant; usque quò, & ipsum, & aliquos ex Consiliariis suis, jurejurando obstrinxissent, ut veniam omnium Ante-actorum concederet; Neque ea in posterum quæstioni subicere, aut vindicare vellet. Attamen *Fredericus* Imperator, *Maximiliani* pater, permittere noluit, ut Contumelia hæc, & Indignitas, Filio suo illata, maneret impunita, sed acriter Bellum *Flandris* intulit. Sed *Dominus Ravensstornus*, vir magnæ apud *Maximilianum* Auctoritatis, (qui & ipse Juramentum Abolitionis simul cum *Domino* suo sumpserat, Religionem in eâ re prætexens, sed reverà privatâ motus Ambitione, (atque (uti credebatur) incitatus & corruptus à *Gallis*.) Imperatorem & *Maximilianum* Dominum suum deseruit; Seque Partibus Populi Ducem & Caput præbuit; Oppidaque *Hyprarum*, & *Slusie*, cum Castellis, occupavit; Statimque ad Dominum *Cordesium*, *Picardie* sub Rege Gallo Præsidentem, misit, ad Auxilia ab eo petenda; Atque insupèr postulans, ut ipse *Cordesius* Regis sui nomine, Unitorum Oppidorum Protector esse, & Armis reliqua subigere, vellet. *Dominus Cordesius* ad Occasionem arripiendam paratus erat, (quam partim ipsemet instruxerat,) & continuò Auxilia summisit ampliora, quam, si res ex improvviso gesta fuisset, tantâ festinatione cogere potuisset; Præfctis Copiarum mandans, ut Oppida inter *Galliam* & *Brugas* caperent. Copiæ *Gallorum*, oppidum parvum, vocatum *Diximeum*, obsiderunt, ubi *Belgicarum Copiarum* pars se cum eo junxerat. Dum illa Obsidio duraret, *Rex Angliæ*, sub prætextu Præsidiî Finium suorum juxta *Caletum*, sed reverà minimè volens ut *Maximilianus* Contemptui exponeretur, & propterea Matrimonio *Britanniæ* decideret; Baronem *Morleium*, cum mille Militibus, ad *Dominum Daubeneium*, *Caleti* Præfectum, misit, cum mandatis secretis, ut *Maximiliano* auxiliarentur, & Obsidione *Diximeum* eximerent. *Daubeneius*, (sparsis vocibus hæc omnia ad securitatem Finium Anglicorum fieri) ex Militibus Præsidiariis *Caleti*, *Hammesie* & *Guinesie*, alios Mille eduxit: Ita ut cum recentibus Auxiliis conjuncti, duorum ad minimum Millium, numerum explerent. Quæ Copiæ, unà cum aliis nonnullis *Alemannorum*, *Diximeum* clanculùm ingressæ sunt, insciis Hostibus; atque Oppidum pertranseuntes (additis nonnullis ex ipsius Oppidi Copiis) Castra Hostium, negligentèr custodita, (utpote qui nihil tale metuebant) adortæ sunt, ubi magna cædes facta fuit; *Angli* autem, & eorum Socii, victoriâ potiti sunt, interfectis octo Hostium Millibus, *Anglorum* verò centum tantùm, aut circitèr, desideratis; Inter quos fuit *Dominus Morleius*. Ceperunt etiam Tormenta Hostium majora, cum Spoliis haud exiguis, quæ omnia ad Oppidum *Novi Portus* asportârunt. His peractis, *Dominus Daubeneius* *Caletum* reversus est, saucios suos, & alios nonnullos sponte manentes, apud *Novum*

Portum;

Portum, relinquens. At *Dominus Cordeſus*, ad *Hypræ* cum magnis Cōpiis ſedens, Jacturam & Ignominiam Pugnæ ad *Dixiænum* ſarcire ſperans, ſtatim advolavit, & *Novum Portum* Obſidione cinxit; Et poſt aliquorum dierum Obſidionem, Oppugnationis Fortunam tentare ſtatuit; Quod etiã die quodam fecit, eo ſucceſſu, ut *Turrim* Oppidi principalem ceperit, & Vexillum *Gallorum* ſuper eam erexerit. De quã tamen, paulò poſt ab *Angliſ Galli* deſecti ſunt, ope recentium quorundam Auxiliorum, ex Sagittariis, qui feliciter, in ipſo Pugnæ Articulo, in Portum Oppidi appulerunt. Unde perterrefactus *Cordeſus*, atque Auxilia *Anglorum*, (quæ parva erant) ex ſucceſſu Rei (qui erat magnus) metiens, Obſidionem ſolvit. Hoc modo, res inter *Henricum*, & *Regem Gallum*, nonnihil exacerbatæ ſunt, quia in hoc *Flandriæ* Bello, Auxiliares Copiæ utriuſque *Regni*, ſanguine mutuo haud exiguo, ſe conſperſerunt. Quæ Acerbitas aucta eſt ex inani Jactatione *Cordeſii*, qui ſe pro aperto *Anglorum* Hoſte gerebat, magis certè, quam *Regis* ſui rebus conducebat. Solitus enim erat dicere, Se libenter in Inferno, per Septennium jacere velle, eã conditione, ut *Caletum* è manibus *Anglorum* recuperaret.

Rex, poſtquàm res & exiſtimationem *Maximiliani* hoc modo ſuſtentaret, conſilium ei dedit, ut jam Nuptias cum *Britanniã* acceleraret. Quod & *Maximilianus* fecit, & eò uſque, tum apud Principiſſam ipſam, tum apud Conſiliarios ejus principales, prævaluit, ut Matrimonium per Procuratorem conſummatum fuerit, cum Cæremoniã, tunc temporis, in his partibus, novã. Neque enim ſolùm, publicè deſponſata eſt, ſed etiã tanquàm Nupta per omnia tractata, atque in Thalamo collocata: Poſtquàm autem decubuiſſet, ingreſſus eſt Legatus *Maximiliani* cum Literis Procurationis, & aſtantiſ multis, tam Viris, quàm Fœminis, primariis, Tibiam ſuam ad Genu uſque nudatam, iuter Lintea nuptialia inferuit; ut Cæremonia illa, Conſummationi, & Cognitioni actuali, æquipollere putaretur. Hoc facto, *Maximilianus* (cujus moribus penitùs inſitum erat, ut Negotia ſemper ſemiperfecta relinqueret, & reliqua Imaginatione tantùm forti conſummareret; tanquàm Sagittarius malus, qui ſagittas ad cuſpidem uſq; attrahere non ſolet; Cui etiã tam facile fuiſſet Sponſam ſuam præſens amplexari, quàm hujusmodi Ludibria inſtituere) omnia jam pro certis ducens, neglexit ad tempus cogitationem de Nuptiis, & Bello totus incubuit. *Carolus* interim, (poſtquàm Theologos ſuos conſuluiſſet, atque ab iis edoctus fuiſſet, iſtiusmodi ficticiam Conſummationem, potiùs Inventum quoddam Aulicum eſſe, quàm apud Eccleſiam receptam) magis ſolidè rem aggreſſus eſt; & ſecretis & callidis Inſtrumentis, (tam Matronis ſcilicet, quàm Conſiliariis, (primò Conſcientiæ & Honoris ſcrupulum amovere conatus eſt; Quã in re duplex erat labor. Neque enim ſolùm *Maximilianus* cum *Britanniã*, ſed etiã *Carolus* ipſe, cum *Filia Maximiliani* contraxerat: Ita ut Nuptiæ, ex utroque pede claudicaret, & ex neutrâ parte dubitatione carerent. Verum quatenùs ad Contractum, cum *Rege Carcio*, exceptio erat juſta & liquida, eò quod *Filia Maximiliani* infra Annos conſenſu eſſet, ideoq; Lege non teneretur. Sed quoad Contractum *Maximiliani* ipſius, duriores ſuſtinebat partes *Carolus*, cùm nihil adducere poſſet

fer, nisi quod Contractus ille, sine consensu Domini Capitalis, Caroli scilicet, (cujus Pupilla & Vasalla erat, atque ipse erga eam Parentis loco) initus esset; Ideoque ob Defectum hujusce Consensus prorsus irritus. Qui Defectus (dixerunt) licet Matrimonium ipsum, post Cohabitationem & actuale Consummationem, dirimere non posset, tamen ad Contractum invalidandum sufficiebat. Nam quoad Consummationem illam Ludicram, risu eam excipiebant, inquentes; argumento esse quod Maximilianus Viduus esset, & Procus admodum tepidus, qui Sponsi partes per Deputatum prestare contentus fuerat; neque laborem Itineris parvi adire sustineret; ut omnia extra controversiam fraterentur. Britanna igitur, hisce rationibus permota, artificiosè instillatis, ab iis, quos Rex Gallus (qui Præmiis & Promissis non pepercerat) in suas partes traxerat; & illecta proculdubio præsentē gloriā, & potentiā Regis Caroli, (præsertim cum in Flore ætatis esset, & cœlebs;) atq; Patriam suam, Sedem diuturni & Calamitosi Belli, constituere verita; secreto in Matrimonium Caroli consensit. Sed durante hoc Tractatu secreto, Carolus, ut rem, ab adversis Oppositionis & Dissuasionis Auris, illasam servaret, ad solitas Artes confugiens; Et sperans se Nuptias, sicut antea Bellum, posse testè conficere, si Regem Angliæ inani spe lactasset; solennem Legationem in Angliam misit, per Franciscum Dominum de Luxemburgo; Carolum Marignianum; & Robertum Gaguenum Generalem Ordinis Bonorum Hominum (qui appellantur) de Trinitate; qui Pacem & Fœdus cum Rege componerent, intermiscendo veluti preces, ut Carolo liceret cum HENRICI Regis bonâ voluntate (pro jure suo, tanquàm Domino Feudi, atque insuper Tutori) de Nuptiis Britannæ ad Arbitrium suum disponere. Suscipiebat autem in se, Nuptias Maximiliani per viam Juris se dirempturum. Atque hoc ipso tempore, ut Hominum oculos averteret & perstringeret, Filiam Maximiliani in Aulâ suâ habere non destitit; quæ diu antè ei commissa fuerat, ut in Galliâ educaretur; Eam minimè dimittendo aut remandando, sed contrâ, constantèr asserendo & declarando, sibi in animo esse, Nuptias illas tempore idoneo perficere: Atque quoad Britannam, se nihil aliud cupere, quam ut Jus Domini sui retineret, eamque alicui Affini, sibi fideli & observanti, nuptam traderet.

Postquàm tres Legati, in Aulam HENRICI venissent, Legationem Regi retulerunt, qui eos ad Concilium suum remisit, ubi post aliquot dies auditi sunt; Orationem autem habuit Prior Trinitatis, qui, licet loco ultimus esset, eloquio tamen cæteris prestare putabatur. Is locutus esse perhibetur in hunc modum.

Domini mei; Rex noster, maximus & potentissimus inter Reges Galliæ universos, qui à tempore Caroli Magni regnarunt, (cujus etiam Nomen gerit;) Attamen à Magnitudine suâ nihil alienum se facturum putavit, si hoc tempore pacem iniret cum Rege Angliæ, imò etiam peteret. In quem finem, nos Legatos suos misit, cum plenâ Potestate, pacem & tractandi, & concludendi:

cludendi : Nobis simul in mandatis dans , ut secreta Confiliorum suorum, in aliquibus, vobis impertiremur. Hæc sunt denum illa, quæ inter Reges magnos, pro certissimis Amoris Pignoribus & Tesseris, meritò censi possunt ; Communicatio scilicet & Participatio mutua Negotiorum statûs, prætermis his Honoris Cæremoniis curiosis, quæ affectui alicui insigni postponi debent. Hoc pro certo apud Dominationes vestras testari possum ; Fieri vix posse ut animo plenè concipiatis, cordialem illum & verum Amorem, quo Rex Dominus noster, Regem vestrum prosequitur, nisi præsentem cum eo essetis , ut nos solemus Nominis ejus, cum magno Honore, mentionem semper facit ; Familiaritatis ipsorum & Convictûs Parisiis, sæpè cum delectatione quâdam & voluptate, meminit ; Imò nunquam de illo loquitur, quin statim excurrat in sermones de Regum magnorum miseriis, quod non cum Æqualibus suis, sed tantum cum Servis, conversari eis concedatur. Hunc Affectum insignem erga Regem vestrum, proculdubio Numen Divinum Cordi Regis nostri indidit, ad Bonum Reip. Christianæ, & ad Fines nobis omnibus hætenus incognitos. Neque enim alia ejus possit esse Radix, quandoquidem eodem animo fuerit olim erga Comitem Richmondia, quo nunc est erga Regem Angliæ. Primus igitur Motor, ad Pacem, à Rege vestro petendam, iste, (quem diximus,) est affectus, & Cordis sui sensus genuinus. Atque Affectus idem, Rationibus Statûs armatus est. Audite enim jam (si placet) Occulta Confiliorum Regis nostri, quæ summo Candore & libertate vobis intimat. Constitutum ei est, Expeditionem Honorificam & Sanctam, in Partes à Regno suo remotas, suscipere : Itaque ipse secum reputat, non exigui momenti fore, ad estimationem Sui, & expeditionis suæ augendam, si ubique innotescat, eum pace cum omnibus Principibus vicinis suis perfrui, & præcipue cum Rege Angliæ, quem meritò plurimi facit.

Iam verò (Domini mei) veniam à vobis peto, si paucis verbis nonnulla complectar, quæ Scrupulos omnes & Interpretationes finistras, inter Reges nostros, circa Actiones quasdam nuperas delere possint ; Quæ si minimè amoveantur, Pacem hanc fortasse sint disturbatura ; sperans fore, ut his rectè intellectis, quatenus ad præterita, neuter Rex, quæ ab alterutro gesta sunt, aut in malam partem accipiat, aut in malam partem accipi suspicetur. Actiones illæ duæ sunt : Altera Britannia, altera Flandria. In quibus duabus Actionibus, negari non potest, Subditorum utriusque Regis Enses strictos fuisse, & Sanguinem utrinque hausisse ; Atque simul Intentiones & Affe-

Etui

et utriusque Regis, quatenus ad Confederatos & Affines suos, longè diversos extitisse.

Quatenus ad Actionem Britannia; Rex vester optime novit, quæ in illà intervenerint. Bellum erat illud, ex Domini nostri parte, necessitate merâ conflatum. Attamen quamvis Stimuli & Provocationes ejus Belli, acriter Regem nostrum pupugerint: nihilominus potius Olive; quam Laureæ Ramum in manu gestans, illud transiegit. Præterea, indies ferè ad Regem vestrum mittebat, veluti Chartas abrasas & puras, in quibus Rex vester, pro Arbitrio suo, pacis & Belli Leges conscriberet. Licet enim, & Honor Regis nostri, & Securitas, in eà Actione sita essent; tamen neutrum eorum tam charum aut pretiosum duxit, quod in manu Regis vestri non committeret. Neque Rex noster ex suâ parte, ad iniquam aliquam Interpretationem trahit, quod Rex vester auxilia Duci Britannia; præstiterit. Satis enim novit Rex, multa à Regibus, ad Populo suo complacendum, fieri necesse esse: neque difficile est distinguere in rebus hujusmodi, quid à Regis mero motu emanaverit. Verùm hæc Actio Britannica, jam (Decreto divino) transacta est, & finita; Et (sicut Rex noster sperat) est tanquàm Via Navis in Mari, nullo relicto Vestigio & Impressione in Animis Alterutrius Regis: Ipse certè sibi conscius est, nihil hujusmodi in Animo suo residere.

Quod verò ad Actionem Flandria; attinet; Quemadmodum Bellum Britannicum Regi nostro Necessitas imperabat; ita & Bellum Flandria; Munus & Debitum Iustitiæ: Quod Regi bono, perinde est, ac ipsa Necessitas, aut Periculum status sui; Aliè enim Rex esse desineret. Subditi Burgundia, Corona Franciæ, quatenus ad Ius Domini Capitalis, etiàm Subditi sunt: Duxque eorum, Franciæ Feudatarius & Vassallus est. Soliti certe erant Burgundi, Subditos se bonos & fideles, Duci suo præstare, utcumque eos Maximilianus nupèr in Intemperiem quandam conjecerit. Ad Regem confugerunt, ut Iustitiam, & ab Oppressionem Vindicationem impetrarent. Iustitiam eis denegare non poterat; Emolumentum aliquod sibi ipsi minimè expetebat. Hæc etiàm ipsi Maximiliano utile erat, si rem rectè perpendisset; nempe, ut in Populo commoto, Furori obviam iretur, & Desperatio ultima probiberetur. His quæ dixi, (Domini mei) fortassè opus non erat; nisi quod Rex noster, tenero quodam Affectu & anxio, quicquid in Angliæ Amicitiam reflectere possit, amplectatur. Amicitia proculdubio inter duos

Reges, stat sarta, tecta, & inviolata. Quod verò enses Subditorum collisi sint, nihil ad Pacem publicam : Cum usitatissimum sit Copias auxiliares Fœderatorum, inter se committi, sanguine utrinque effuso. Quinetiâ quandoque fit, ut Auxiliares Copiæ ejusdem Nationis, ex utrâque parte, in acie stent, & dimicent ; Neque tamen propterea, Regnum in se divisum, dici potest.

Supereſt (Domini mei) ut vobis Negotium impertiam, quod satis ſcio vos magnâ cum lætitiâ & gaudio audituros. Quippe quod Reipublicæ Chriſtianæ magis interſit, quam Actio ulla poſt noſtram memoriam. Rex, Dominus noſter, in animo habet, Bello Regnum Neapolitanum recuperare, hoc tempore uſurpatum quidem à Spurio Vitulamini Arragonum, ſed Iure evidente & indubitato ad Regem noſtrum devolutum : Quod niſi Armis vindicare anniteretur, neque Honorem ſuum illaſum conſervare, neq; cauſam huiusmodi deſidiæ populo ſuo probare poſſit. Sed Cogitationes ejus generoſæ, & verè Chriſtianæ, in hoc non acquieſcunt. Spe enim haud levi, non inflatur quidem, ſed fulcitur, Expeditionem pro Regno Neapolitano recuperando, inſtar Pontis fore, ad Copias ſuas in Græciam tranſportandas. Quinetiâ conſtitutum ei eſt, neque Sanguini, neque Sumptui parcere (non ſi Coronam ſuam oppignorare, & Franciam ipſam deſolare compelleretur) antequàm aut Tyrannidem Ottomannorum debellaſſet, aut hac viâ in Paradifum Aditum ſibi pateſceſſet. Neque tamen neſcit Rex hoc inceptum nulli Regi in mentem venire potuiſſe, niſi qui ad Deum præcipuè Oculos attolleret ; Cujus cauſa agitur, & à quo, & Velle, & Poſſe datur. Certè congruit illud cum Perſonâ quam Rex ſuſtinet, (licet indignus,) Regis Chriſtianiffimi, & Filii Eccleſiæ Primogeniti. Quinetiâ invitatus eſt Exemplo prænobilis illius Regis Angliæ, Henrici Quarti, (qui primus Sceptrum tenuit ex Familiâ Lancaſtrenſi ; Prædeceſſor quidem, licet non Progenitor Regis veſtri ;) Qui ſub finem Vitæ (ut vos meliùs noſtis) ſimilem expeditionem in Terram Sanctam deſtinabat. Necnon Exemplo præſenti inductus eſt, Belli illius pii & honorifici, quod nunc gerit, & ſerè ad exitum perduxit Rex Hiſpaniæ, pro Regno Granadæ à Sarracenis recuperando : Et ſi autem (Domini mei) hoc Inceptum, primo intuitu, vaſtum videri poſſit, & immodicum, ut Rex propriis Copiis illud aggrediatur, quod conjunctæ Copiæ tot Principum Chriſtianorum, non ſine magnis Laboribus, & diuturno Bello olim confecerunt ; Attamen Celſitudo ſua

sua prudenter secum reputat, interdum Copias minores, sub uno Imperio unitas, Successu feliciores evadere, etsi Famâ & Opinione minùs jactentur) quam Copias multò ampliores, variè commistas, & vinculo Fæderum & Societatum tantùm colligatas; quæ plerunque, paulò post principia, vertuntur in diffidia & Dissociationes. Verùm (Domini mei) id quod, tanquàm vox de Cælo, Regem ad hoc Incæptum vocat, est Scissura hoc tempore insignis, in Familiâ Imperatori Ottomânorum. Non dico quin, Frater contra Fratrem, antehâc in illâ familiâ, Arma sumpserit, & pro Imperio decertârit; Verùm nunquàm priùs factum est, ut Aliquis Fratrum ad Arma Christianorum confugeret, quemadmodùm nunc facit Gemes (Bajazerhi, qui jam regnat, Frater) Virtute Germanum suum longè superans. Bajazethus siquidem Ingenio & Moribus, veluti medius est inter Monachum & Philosophum; Ac potiùs in Alchorano, aut Philosophiâ Averrois Arabis instructus, quam babilis ad Gubernacula tractanda Imperii tam Bellicosi. Tale igitur est Regis Domini nostri, memorabile & Heroicum Institutum, circa Bellum sacrum. Et quia in hac re Personam gerit, non minùs Militis Christiani, quam Regis Potentis, ab Humilitate auspiciatur; Et in Causâ tam religiosâ, pacem ab aliis Principibus Christianis, emendicare non detrectat. Superest tantùm civile quoddam potiùs Postulatam, quam Legationis nostræ Pars essentialis, quod Dominus noster Regi vestro commendat. Rex (ut omnes nôrunt) Dominus est Capitalis Ducatus Britannix. Nuptia Hæredis, ad eum, tanquàm Tutorem & Gardianum, jure spectant. Estque hoc genus Iuris, Privatum Ius, & Patrimoniale, non Regium. Attamen, (ut amanter & ingenuè cum Rege vestro agat, quem tanquàm alterum se efficere cupit, & una eademque res cum eo fieri) hoc petit, ut bonâ Regis Gratiâ, & consensu, de Nuptiis ejus dispo- nere possit, prout sibi commodum videbitur; Et Matrimonium Maximiliani prætentum & intrusum, per viam Iuris, irritum facere. Hæc habui (Domini mei) quæ apud vos dicerem, veniam petens si minùs ornatè & pro rerum dignitate dixerim.

IN hunc modum, Legati Regis Galli, verbis suavissimis, & planè mellitis, Regis sui propensionem, in HENRICVM Regem re- præsentare, & aspera quæque inter Reges duos lenire, & dulcorare conati sunt; duas res ex hoc sperantes. Quarum altera erat, ut Regem

conspirent, donec *Nuptiæ Britannicæ* essent consummata; Hoc verò existimabant, Rem esse unius tantum Æstatis, & tanquam Fructum jam propè maturum, & citò decerpendum: Altera verò instar Fructus plurium Annorum erat; ut scilicet *Regis HENRICI* Animum, iratemperarent, ut Expeditioni *Italicæ* nequiquàm esset impedimento. Consilarii *Angli* silebant; Illud tantummodò dicentes, se scire, *Legatos* Responsum minimè expectaturos, antequàm rem *Regi* suo retulissent. Atque ita Concilium dimissum fuit. Rex interim animi dubius erat, quid de Nuptiis *Britanniæ* judicaret. Liquidò cernebat, *Regis Galli* Ambitionem eò ferri, ut *Ducatu* eo potiretur; Sed res prorsus mirabilis ei visa est, *Gallum* in Familiam suam introducere velle, Nuptias controversas & litigiosas, præsertim cùm talem haberet Successorem. Sed omnia simul perpendendo, *Britanniam* quidem ut rem perditam æstimabat; Verùm Negotium hoc *Britanniæ*, ut Ansam Belli cum *Galliâ*, arripere constituit; Et Expeditionem *Neapolitanam*, in promptu habere, pro Ansâ Pacis, quando opus foret: Probè siquidem informatus erat, quantò Rex *Gallus* Expeditionis illius flagraret desiderio. Postquàm igitur sæpius cum Concilio suo de re deliberasset; Animi autem sui sensum parcè aperuisset; *Cancellario* in Mandatis dedit Responsum quoddam formale, quod *Legatis* redderet; idque præsentibus reliquis Consiliariis fecit. Sed postea, *Cancellarium* solum ad se vocans, iussit eum tali Stilo verba facere, quæ convenirent Tractatui, qui in Fœderis rupturam desiturus foret; Utque ante omnia caveret, ne ullo modo, Expeditionem in *Italiam* averteret. Paulò post, *Legati* ad *Concilium* accersiti sunt, ubi *Cancellarius* in hunc modum, locutus fertur.

Domini mei Legati, ex mandato Regis, respondebo Orationi Domini Prioris, eloquenti admodum & ornato, paucis & perspicuis verbis. Rex minimè oblitus est veteris sui Amoris & Familiaritatis cum Rege vestro. Commemoratione autem ejus non est opus. Nam si res inter eos, eodem maneant loco, benè habet; Sin aliqua intervenerit Mutatio, ea verbis in integrum restitui non potest.

Quatenus ad Actionem *Britanniæ*; miratur Rex, Regem vestrum, ejus rei Mentionem facere, ac si illam, Meriti loco, apud Regem nostrum duceret. Illud enim Meritum huc tantum reddit, quod Regis nostri operâ usus sit, ad decipiendum unum ex optimis suis Fœderatis. Quoad Nuptias vero, Rex ei rei se immiscere minimè vellet, si Rex Dominus vester, Liturgiâ non Gladio, Matrimonium contraheret.

Quatenus verò ad Actionem *Flandriæ*, si *Burgundiæ Subditi*, à principio, per viam Supplicationis, vestrum Regem appellassent, ut Dominum supremum, illud demùm Speciem quandam Iustitiæ præse

se ferre visum esset. Sed nova prorsus erat Processus Forma, ut Subditi Regem suum primò in custodiam darent, & Officiarios ejus interficerent, & postea Quærimoniam instituerent. Rex ait, sibi è memoriâ non excidisse, quando ipse cum Rege Gallo, ad Scotos (qui contra Regem suum Arma sumpserant) Legatos suos misisset, se alio stilo locutos, atque prout Reges decebat, populares istos Motus, contra Principes suos, detestatos esse. Verùm (Domini mei Legati) has duas Actiones, in hoc statu, Rex noster relinquit. Profiteatur quidem, sibi, ex iis quæ à vobis dicta sunt, nullo modo satisfactum; Sed tamen se ea non tam graviter ferre, ut eorum respectu, de Pace tractare recuset, modo alia conjunctim tractentur. Quantum verò ad Bellum Neapolitanum; & Inceptum contra Turcas, Rex expressè mibi mandavit, ut dicerem; Se ex animo optare, suo bono Frairi Regi Galliæ, ut Fortuna, ejus spes, & Consilia Honorifica, exequet: Et quodcumque Regi audire contigerit, Regem vestrum in Græciam trajicere paratum esse sicut hoc tempore placuit Domino vestro dicere, se pacem à Rege emendicare, ita tunc Regem nostrum, à vestro partem Belli emendicaturum.

Iam verò, (Domini mei Legati,) habeo insupèr, quæ vobis ex parte Regis nostri proponam. Rex vester, Regem nostrum, quid ei proponendum aut petendum esset, docuit. Dicis (Domine Prior) Regi vestro decretum esse, Ius suum in Regnum Neapolitanum, injustè detentum, persequi. Quod si non faceret, neque Honorem suum illæsum conservare, neque Causam talis desidiæ Populo suo probare possit. Hæc fuerunt ipsissima verba vestra, quæ non aliis verbis melius exprimere possum. Putate, (Domini mei,) Regem nostrum eadem verba vobis regerere, circa Normanniam, Galconiam, Andiam, imò circa Regnum Galliæ ipsum. Si igitur Rex vester consenserit, ut in hoc Tractatu, Ius Regis nostri ad Franciam (aut saltem Tributum eo nomine rependendum) simul in deliberationem veniat, Rex de cæteris quoque deliberare non abnuat; aliàs Tractatum longius producere recusat.

Legati hac re novâ ferè attoniti, non sine Indignatione quadam responderunt; Se minimè dubitare, quin Gladius Domini sui, Sceptum suum facile possit defendere: Ac pro certo scire, Regem suum, nec posse, nec velle, aliquid de Juribus Coronæ Franciæ imminuere, sive in Territorio, sive in Regalibus. Sed utcunque, res illas nimidò majoris Momenti esse, quam ut ipsi de illis distenderent, cum nihil ejusmodi haberent in Mandatis. Ad quæ Consilarii dixerunt tantum, Regem ab ipsis nullum aliud Responsum expectasse, sed

sed Legatos proprios ad *Regem Gallum* propediem missurum. In-
 jecta autem, tanquam obiter, est Quæstio, à quibusdam ex Consilia-
 riis; Num fortè *Rex Gallus* consentire vellet, ut Nuptias *Britannæ* pro
 arbitrio disponeret; cum Exceptione tamen sive Exclusionem, ne
 ipse eam in Uxorem duceret. Cui Interrogationi *Legati* prudenter &
 cautè responderunt: Rem illam à *Regis* sui Cogitationibus tam pro-
 cul abesse, ut de eâ nihil dederit in Mandatis. In hunc modum *Legati*
 dimissi sunt, præter unum *Priorem*. Secuti autem sunt confestim *Re-
 gis Angliæ Legati* in *Galliam*; videlicet, *Thomas Ormondia Comes*, & *Tho-
 mas Goldenstonus Prior Ecclesiæ Christi Cantuariensis*. Interea *Lionellus*, *E-
 piscopus Concordiæ*, ad utrumque *Regem* à *Papa Alexandro sexto* missus est
 Nuncius de pace. *Alexander* enim se in arctum compulsum esse, &
 quasi obsessum sentiens, à Fœdere quodam, & Societate inter præci-
 puos *Italiæ Status* initâ, ut nullus ei Aditus ad Familiam suam eve-
 hendam, (cujus rei Cupiditate immani flagrabat) pateret, Aquas
 in *Italiâ* turbare exercebat, ut in turbido feliciter piscaretur: Rete
 scilicet jaciens, non ex *Petri*, sed ex *Borgiæ* Navi. Atque dubitans
 ne Metus ab *Anglis*, Expeditionem *Galli* in *Italiam* remorari posset, *Epi-
 scopum* hunc misit, ut res inter duos *Reges*, si posset, componeret. Qui
 primum ad *Regem Gallum* se contulit, eumque benè animatum
 (ut ipse arbitrabatur) offendens, versus *Regem Angliæ* perrexit, &
Legatos Anglos apud *Caletrum* reperit. Postquàm cum iis collo-
 cutus esset, honorificè in *Angliam* transuectus est, ubi apud *Regem*
 Mandata exposuit. Attamen licet boni Ominis Nomen, ad pacem
 componendam, sortitus esset, nihil inde secutum est. Etenim
 jam, Consilium *Regis Galli* de desponsandâ Hærede *Britanniæ*, diu-
 tius dissimulari non poterat. Itaque *Legati Angliæ*, quo in statu
 res essent, fatis perspicientes, domum redierunt. *Prior* etiàm
Trinitatis, monitus est hîc in *Angliâ*, ut discederet; Qui postquàm
 tergum vertit, more *Pedantii* potiùs quam *Legati*, Petulantissimum
 Libellum, versibus Latinis, contra *Regem* sparsit; Cui Rex (licet nihil
 haberet è *Pedantio*) Responsum tamen Versibus similiter Latinis, scri-
 bi iussit; in Personâ quidem *Regis* ipsius, magno tamen cum vilipendio
 Prioris; Cujus Genio & Petulantia, tanquam facetiis Scurræ, se ob-
 lectabat. Circa hoc tempus etiàm, natus est *Regi* Filius secundo-
 genitus HENRICVS, qui postea regnavit. Secuta est paulò post Nup-
 tiarum Solennizatio, inter *Carolum* & *Annam Britannia Ducissam*, cum
 quâ *Carolus Ducatum Britannia*, nomine Dotis, accepit; *Maximiliani*
Filiâ paulò antè domum remissâ. Quod postquàm ad aures *Maximi-
 liani* pervenisset, qui illud nunquàm crediderat, antequàm peractum
 esset; Quique in seipso decipiendo principales semper partes obtine-
 bat; (etsi hoc quidem in negotio *Rex Gallus* partes secundas eleganter
 sustineret) atque Cogitationibus suis sursùm deorsùm agitans & revol-
 vens: quale hoc esset, ut ipse uno Ictu, duplici autem Ludibrio, tam
 Nuptiis propriis, quam Nuptiis Filia suæ, deiceretur, (ex quarum u-
 trisque magna sibi & sublimia auguratus erat) patientiam omnem a-
 misit; atq; abiciens Reverentiam illam atq; decus, quod magni *Reges*
 (etiàm cum Sanguis eorum maximè effervescat) mutuò servare de-
 bent, *Regis Galli* Personâ & Facta, acerbissimis Convitiis proscidit. Et
 quantò

quantò Factis minùs poterat, tantò Verbis intemperantiòr, quascunq̃ poterat excogitare contumelias, in *Regem Carolum* effudit; aiens, Eum, inter omnes sub Sole Homines, esse maximè perfidum; Illumque Monstrum quoddam Nuptiarum, peperisse, ex Raptu Adulterio commissum; Quod iustissimo *Dei* Judicio (ut aiebat) decretum erat, ut (Nullitate hujus Matrimonii toti mundo conspicuâ) posterì Personæ tam indignæ in *Gallia* non regnarent. Et statim *Legator*, tam ad *Regem Angliæ*, quàm ad *Regem Hispaniæ*, expedit, qui eos ad Bellum & Fœdus offensivum ineundum contra *Gallum* excitarent; Se cum magnis Copiis in Bellum adfuturum pollicitus. Hinc *Rex Angliæ* (etli propriâ insistens viâ) Parliamentum suum convocavit, *Regni* scilicet Anno septimo, & in primo Solennitatis Die, (in Solio suo sedens) ipse ad hunc modum, in Conventu Ordinum, locutus est:

Proceres mei, & vos Populi Deputati; Cùm Bellum Britannicum instituissem, per Locum tenentem meum gerendum, allocutus sum vos per Cancellarium meum; Nunc verò, cùm decreverim Bellum Franciæ inferre, in Personâ propriâ, rem vobis ipse exponam. Bellum illud, ad Fœderati nostri Ius defendendum spectabat; Hoc verò ad Ius proprium nostrum vindicandum & recuperandum. Illud casu fortuito terminatum est; Hoc in victoriam desitutum speramus.

Rex Gallus Orbem Christianum perturbat. Quæ possidet, sua non sunt, & tamen ulteriora appetit. Britanniam in Ditionem suam redegit. Rebelles Flandriæ contra Regem suum fovet; Italiæ minatur. Quatenus ad nos ipsos, à Dissimulatione exorsus ad Neglectum processit, à Neglectu, ad Contumeliam, Fœderatos nostros invasit: Tributum nostrum solvere renuit: Ut verbo dicam, Bellum querit. Non sic Pater ejus, sed Pacem à nobis petiit: Quod etiam Rex iste fortassè faciet, postquàm Consilium sanum, aut Tempus ipsum, eum prospicere rebus suis docuerit, quemadmodum Pater fecit.

Interim Ambitionem ejus, in Commodum nostrum convertamus: Neque Nummulis paucis, Tributi aut Recognitionis nomine, contenti simus; sed (divino favore innisi) de Iure nostro, ad Regnum ipsum Galliæ, Armis experiamur; Memores planè, Regem Franciæ in Angliâ quondam Captivum; Rursus, Regem Angliæ in Galliâ coronatum, Majores nostros vidisse. Fœderati nostri nullatenus sunt diminui. Burgundia hodiè potentiore manu regitur, quàm unquàm antebac, neque magis unquàm irritata fuit. Britannia quidem nobis auxilio esse non possit; Eis tamen

nocu-

nocumento futura est. Novæ Provinciæ Imperio additæ, Oneri magis sunt, quàm Robori. Qui res novas moliti sunt, in Regno ipsius non ignobiles, plebei, aut titularii Impostores extiterunt, sed Gradûs sublimioris. Rex Hispaniæ (ne dubitetis) nobiscum conjunctus erit, incertus quò Regis Galli Ambitio progressura sit. Sanctus Pater noster Papa Transmontanos in Italia non libenter videt. Verùm hic de Fœderatis Sermo, in Considerationem rectè venire debet, in Computationem autem minimè. Absit enim, ut Angli Jus suum in Galliam asserere non valeant, nisi aliundè adjuvi.

In Præliis Cressei, Pictavii, Agincurti, ipsi absque Auxiliis stetimus. Gallia Populo maxime abundat, Militibus haud itè. Stabiles Peditum Phalanges, & Cohortes, nullas habent. Equitatu certè utuntur bono, verùm Copiæ Equitum in Bello defensivo, minoris sunt usûs; ubi Actiones Belli ab Invadentis electione pendent. Discordiæ nostræ solæ in Causâ fuerunt, quod Regnum Galliæ, perdiderimus: Atque (Deo annuente) Pax, quâ nunc domi fruimur, idem restituet. Deus hucusque Gladio meo affuit. Hoc tempore, quo Regnum tenui, malos Subditos extirpare, & bonos probare, mihi contigit. Populus jam meus, & Ego, satis nos invicem novimus, quod Confidentiam parit. Quod si Sanguis aliquis pravus aut infensus in Regno reliquus sit, Honorificum Bellum externum, remedium fuerit optimum, ad eum expurgandum aut reificandum. In Negotio hoc magno & arduo, Consilio & Auxilio vestro me juvate. Ci cui vestrum, Filium suum in Equitem Auratum cooptari, contigerit, Auxilium illi, à Tenentibus suis, Lege debetur. Hac verò quæ agitur Res, ad Honorem & Calcaria Regni spectat, cujus ego Parens sum, atque ad illud non solum tuendum, verùm etiâ amplificandum Regio manere obligatus. Quantum verò ad Pecunias, illæ Hominibus tenuioris Fortune non imponantur, sed iis ad quos Belli ipsius Commoda aliquatenus pervenire possint. Gallia Eremus non est: Ego verò, qui me Regem frangi profiteor, spero me effecturum, ut Bellum post initia se ipsum alat. Itè in Consilium, in Dei nomine, neque temporis jacturam facite; Etenim hujus Negotii gratiâ solius, hoc Parlamentum convocavi.

IN hunc modum Rex locutus est. Veruntamen, etsi magnam Alacritatem, ad Bellum inferendum, non solum Parlamento, & Aula suâ, verùm etiâ Concilio suo sanctiori, (exceptis duobus Episcopis, & paucis

cis aliis) ostendisset, nihilominus, in secreto suo, ad *Bellum Gallicum*; Animum non adjecit. Veritas autem rei sic se habuit. Mercaturam quandam instituebat Rex, Belli Famas cum pecuniis permutandi. Satis sciebat; *Galliam*, hoc tempore, in omnibus suis Partibus fuisse re-integratam, neque à multis retrò Annis, tantâ potentiâ floruisse. Vidit etiâ, experientiâ edoctus, atque exemplo Copiarum in *Britanniam* paulò antè missarum, *Gallos* non ignorare, qualis optimâ ret Belligerandi cum *Anglis* ratio; nimirum, ut Prælii Aleæ rem non committerent; sed eos Obsidione Oppidorum, & Castris metandis, in locis opportunis & munitis, fatigarent. *Jacobum Tertium Scotiæ Regem* sibi fidissimum periisse meminerat. *Jacobum* autem *Quartum*, qui successerat, *Gallis* addictissimum, adversus se malevolum noverat. Conjunctionibus autem *Ferdinandi Hispaniæ*, & *Maximiliani* parùm fidebat. Alteri enim Copiæ aderant, voluntas deerat; Alteri contrâ voluntas aderat, deerant Copiæ. Præterea *Ferdinandus*, tunc novitè respirare cœperat à Bello *Granadæ*; Et cum *Galliâ*, hoc ipso tempore, negotiabatur, circa Resitutionem *Provinciarum*, *Russigniani* & *Perpigniani*, paulò ante oppignoratarum. Neq; etiâ penitus sine Metu erat, à Motibus intestinis; quos cum semper præsens compescere solitus esset, minimè volebat, ut se in Partibus transmarinis, Bello implicatu deprehenderent. Quare, cum Belli difficultates, & Incommoda rectè perpendisset, secum animo volvebat, quâ tandem ratione, duo, quæ expetebat, obtinere posset. Primum erat, quo modo, ex Bello denunciato & inchoato, utilitati suæ inserviret; Alterum, quomodo se à Bello, cum opportunum foret, salvo Honore, subduceret. Utilitatem & Emolumentum, duobus modis aucupabatur. A *Subditis* suis propter Bellum, ab *Hostibus* propter Pacem, tanquàm Mercator prudens, qui lucrum facit, tam ex Mercibus Exportatis, quàm ex Importatis. Quantum verò ad Honoris Considerationem, ne Fama sua paulò ad metas hæreret, si à Bello desisteret, rectè secum cogitabat; Quod sicut Auxiliis *Ferdinandi*, & *Maximiliani*, fidere secure non posset ad Belligerandum; ita alterius impotentiam, alterius verò Duplicitatem, & minùs sincera Consilia semper præstò habiturus esset, ad Pacem excusandam. Hæc omnia prudentissimè prævidit, nec minus artificiosè executus est; Unde omnia ex voto, veluti in gremium suum, placidè delapsa sunt.

Interea *Ordines Parlamenti*, sine morâ; flammam conceperunt, inde ab antiquo Belli *Gallici* cupidi, atque etiâ præsentè occasione excitati, ut honorem *Regis* & *Regni*, ex Amissione *Britanniæ* (ut putabant) imminutum, repararent. Itaque magnâ cum alacritate consilium *Regi* dederunt, ut Bellum cum *Gallis* susci-peret. Quamvis autem *Parlamentum*, ex primâ & secundâ Nobilitate, unâ cum Civibus & Burgesibus principalibus, consisteret; attamen justè admodum, & cum dignitate, potiùs ad Populum (cujus Deputati erant) quam ad privatas suas Fortunas respicientes; quin & *Regis* moniti memores, in hoc consenserunt, ut Contributio, (quam *Benevolentiam* appellabant,) ab Opulentioribus tantùm exigeretur. Hoc Contribuendi Genus, (dictum *Benevolentia*;) ab *Edwardo Quarto* excogitatum fuerat; Ob quod invidiam magnâ sustinuit; Postea verò

verò à Rege *Richardo Tertio*, per suffragia Ordinum, damnatum fuit & abolitum, quò gratiam apud Populum iniret; Jamque à Rege denudò introductum est; sed tamen accedente Auctoritate Comitiorum: Hoc enim tempore *Edwardi Quarti* defuit. Hac autem ratione, Summas Pecuniarum ingentes corrogavit: Ita ut *Civitas Londini* (etià illà ætate) novies mille Libras, & ampliùs, contribuerint; Præcipuè à Locupletioribus collatas. Traditur *Mortonum Cancellarium* Dilemma quoddam excogitasse, quo *Benevolentiam* istam in majus augeret; Quod alii *Furcæ* ejus, alii *Hamum* nominabant: Etenim mandatis *Commissariorum*, ad *Benevolentiam* exigendam assignatorum, inferi voluit; ut si incidissent in Homines frugi & parsimoniæ deditos, illos monerent, Fieri non posse, quin illi Pecuniis abundarent; quod magnos sumptus non facerent: Si verò in eos, qui liberaliùs viverent, itidem dicerent; Illis Pecunias proculdubio suppetere, ex impensis quas faciebant, conspicuum esse: Ita utrosque captabat.

Hæc *Comitia* merè erant Militaria: Neque enim aliud tractabant, quam declarationem Belli contra *Galliam* & *Scotiam*, cum aliquibus Statutis eò tendentibus. Veluti circa severam Animadversionem in Capitaneos, qui aut stipendia Militum Mortuorum, vel Absentium, in rationes suas referrent, aut etiam Stipendia Militum detinerent. Severè etià sancitum est contra Milites, qui post Delectum habitum, sine Licentiâ se subtraherent. Etià Protectiones, quæ prius Lege Communi in usu erant, pro iis qui militabant, Statuto roboratæ sunt. Atque alio Statuto, Porta patefacta est omnibus, qui terras suas vendere vel oppignorare vellent, ne aliquid inde pro earum Alienationibus Regi soluerent, ut sumptui in Militiam & usus Belli sufficerent. Postremò edictum est, ut omnes *Scoti* ex *Angliâ* abscederent. Lata etià est Lex, ut Exemplar Ponderum & Mensurarum, quod in *Scacchario Regis*, ut authenticum, repositum est, in universum Regnum dispergeretur; & Pondera atque Mensuræ ubique ad eam Normam examinarentur, & reducerentur. Aliæ etià nonnullæ minoris momenti similiter latæ.

Postquàm *Parlamentum* finitum esset (quod ad breve tempus duraverat) Rex se accinxit ad Apparatum in omnibus instruendum, pro Bello *Gallico*. Neque tamen interea Res *Maximiliani* neglexit, pro motu *Flandriæ* sedando, & Auctoritate *Maximiliani*, inter Subditos suos, restituendâ. Eo enim tempore, *Dominus Ravenstonus*, non tantum Subditus rebellis, sed & Servus Proditor, (eoque maliciosior & violentior) adjutus Copiis *Brugarum*, & *Gandavi*, Oppidum atque Castella ambo *Slusæ* ceperat, ut superiùs diximus. Et postquàm, (Opportunitate usus Portûs illius,) Naves quasdam & Lembos coegisset; cœpit Piraticam quandam exercere, prædando & spoliando, & in Captivitatem abducendo, Naves & Rates omnium Nationum, quæ per illas Oras navigabant, versus Nundinas *Antuerpiæ*, vel aliquam partem *Brabantiae*, *Zelandiæ*, & *Frizlandiæ*; Commeatu semper adjutus ex *Picardiâ*, præter eum, quem percipiebat ex *Slusâ*, & Regionibus circumjacentibus, & ex prædâ propriâ. Galli, eum perpetuò, sed in occulto, adjuvabant; Ipse quoque (ut omnes solent, qui

qui partes subinde alternarunt) se securum minimè putabat, nisi in
tertiæ alicujus Personæ Protectionem se reciperet.

Fuit autem Oppidum quoddam parvum, duobus miliaribus di-
stans à *Brugis*, versus Mare, dictum *Damnun*; Quod Propugnaculum
fuit *Brugarum*, & ad eum aditum præbebat, & ad *Slusæ* quoque res
utile esse poterat. Hoc Oppidum Rex Romanorum sæpius tentarat
(non quòd Oppidum ipsum tantum erat, sed ut *Brugas* suffocaret, &
Maris commoditate privaret) atqui irritò semper conatu. At sub
idem tempus, Dux Saxonie in *Flandriam* advenerat, pro Arbitro se
gerens, ad res inter *Maximilianum* & Subditos suos componendas, re-
verà tamen *Maximiliano* impensè favens; Sub hoc Neutralitatis, &
Tractatus prætextu, ad *Brugas* profectus est; à Magistratibus *Bruga-
rum* petens, ut in urbem ei pacificè ingredi liceret, cum Comitatu ta-
li Armatorum, qualis Dignitati suæ conveniret; Quos eò plures se-
cum adducere par erat, ob Securitatem suam, in Loco ubi omnia
Armis strepebant: Simul etiam eis intimans, se multa habere, mag-
ni prorsus Momenti, quæ cum illis communicaret in commodum ip-
sorum. Quod postquam impetrasset, Impedimenta sua & Epistath-
mos ante se misit, qui Hospitium ei appararent; Ita ut Milites sui, or-
dine instructi, urbem intraverint, ipse autem sequeretur. Qui ag-
men ducebant, de Diversoriis & Hospitiis percontabantur, ac si in
animo haberent, in eà urbe pernoctare; Atque hoc modo perrexerunt,
ad portam urbis, quæ versùs *Damnun* rectà ducebat; Cives autem *Bruga-
rum*, mirabundi tantum eos spectabant, neque transitu arcebant.
Præfecti etiam & Inhabitantes apud *Damnun*, nihil mali suspi-
cabantur, ab aliquibus qui à *Brugis* venerant, atque Copias à longè
aspicientes, eas in auxilium suum à *Gallis* submissas credebant, qui
pericula aliqua nova illis intenta noscent. Itaque nil hostile, nisi
serò nimis, metuentes, eos in Oppidum suum admisērunt. Quà
certè Fraude potius quàm Stratagemate, Oppidum *Damnun* cap-
tum est; & urbs *Brugarum* damno affecta, magnà cum Civium con-
tristatione.

Dux Saxonie, captò *Damno*, statim ad HENRICUM Regem mi-
sit; certiore eum faciens, *Slusæ* maxime, & *Domino Ravenstono* im-
putari debere, quod Rebelliæ *Flandriæ* adhuc arderet: Quodque
si Rex *Slusiam* ex parte Maris obsidere vellet; se certè Terrà illam
obsidere paratum esse, atque hoc modo Medullam ipsam Belli se
extracturos.

Rex Auctoritatē *Maximiliani*, apud Subditos suos munire cupi-
ens, (ut fræno *Galliæ* esset;) atque etiam Mercatorum suorum que-
relis cominotus; eò quod Mare Navibus *Ravenstoni* multum infesta-
retur; *Edwardum Poyningum*, Equitem Auratum, virum strenuum,
& qui antea bene res gesserat, confestim misit, cum duodecim Na-
vibus, Militibus, & Tormentis, benè instructis, ut Mare liberarent,
& *Slusiam* ab eà parte obsiderent. Angli his Copiis non tantum *Ra-
venstonium* veluti in Ergastullum compulerunt, ita ut se nullam in par-
tem commovere poterat; & similiter maritimam *Slusæ* partem obsi-
dione cinxerunt; verum etiam, unum ex Castellis *Slusæ* adorti sunt,
atque insultum per dies viginti subinde renovarunt, (sub refluxum

Maris semper è Navibus exeuntes) ita ut magnam cædem eorum, qui Castellum defendebant, facerent, qui assidue, ut eos repellerent, pugnabant; licet ex parte etiã *Anglorum*, quinquaginta viri cecidissent, inter quos fuit Frater *Comitis Oxoniæ*.

Sed Obsidione *Slusianos* arctius quotidie premente; & utroque Castello (quæ præcipua Oppidi Robora fuerunt) afflicto, altero per *Saxoniam Ducem*, altero per *Anglos*; & Ponte quodam Scapharum, quem *Ravenstonus* inter utrunque Castellum extruxerat, ut alterum alteri suppetias ferre possit, noctu ab *Anglis* incenso; *Ravenstonus* ampliùs Oppidum se tenere posse planè desperabat: Itaque tandem Castella *Anglis*, Oppidum autem *Duci Saxonie*, per Compositionem, dedit. Quo factò, *Dux Saxonie*, & *Poyningus*, cum *Brugensibus*, ut se *Maximiliano* Domino suo submitterent, egerunt; Quod paulò post *Brugenses* fecerunt, solventes magnà ex parte Belli impensas; unde *Germani* & *Angli* dimissi sunt. Exemplum *Brugarum*, reliqua Oppida quæ defecerant, secutà sunt; ita ut *Maximilianus* à Periculo jam liber esset, ab Indigentia autem (prout ipse res suas adinistrabat) nunquam: *Poyningus* verò (postquàm aliquot dies apud *Slusiam* moratus esset, donec res in tuto essent) ad *Regem*, tunc *Bononiam* obsidentem, reversus est.

Circa hoc tempus, venerunt Literæ à *Ferdinando* & *Isabellâ* Regibus *Hispaniæ*, quæ significarant debellatum jam esse cum *Mauris* apud *Granadam*: Quod Facinus per se tam memorabile, *Ferdinandus* (cui in more erat, nullam ex virtutibus suis, malè repræsentando obscurare) Literis suis, fusè admodum & magno verborum ornatu depinxerat, cum omnibus circumstantiis, & religiosis Ceremoniis, & Magnificentiis, quæ in receptione ejus *Regni* fuerant adhibitæ. Inter alia commemorabat, quod ab Ingressu suo in Urbem abstinebat, donec Crucem super altissimam *Granadæ* Turrim erectam, à longè vidisset, unde Solum ipsum redditum fuisset *Christianum*: Quodque etiam, antequàm ingressus esset, Homagium fecisset Deo è fastigio Turris, per Patrem patratum proclamando, se recognoscere & confiteri, *Regnum* illud se recuperasse, Auxilio *Omnipotentis Dei*, & *Gloriosæ Virginis*, & *Beati Apostoli Jacobi*, & *Sancti Patris Innocentii Octavi*; Egregiam sibi insuper operam præstantibus, *Prelatis*, *Nobilibus*, & *Populis* suis: Quodque è Castris pedem non movisset, donec Exercitum exiguum *Martyrum*, ad numerum Septingentorum, & ampliùs, *Christianorum* (qui in vinculis, & crudelissimâ servitute *Maurorum*, permultos annos vixerant) ante oculos suos transire vidisset, pro Redemptione suâ gratias agentes, & Hymnum canentes; Atque unà Tributum Deo solvisset per Eleemosynas, quas singulis largirus esset, propter suam in Urbem Receptionem. Hæc in Literis inserta erant, cum aliis multis Cæremoniis, plenis sacræ cujusdam Ostantationis.

Rex (qui semper, in omnibus Actionibus religiosis, Consortio & Choro eorum, qui illas celebrabant, se libenter adungere consueverat, & ex Genii sui inclinatione, *Regi Hispaniæ* addictus erat, (pro modulo Amoris quo *Reges*, alter alterum, prosequi possint) partim ob *Virtutes* ejus, partim ad *Potentiam Gallorum* Libramentum,) his

his Literis receptis, statim *Magnates & Prælatos* suos, qui circa *Urbeni & Aulam* manebant, unâ cum *Majore & Senatu Londinensi*, magnâ cum solennitate, *Ædem D. Pauli* adire jussit, ut ibidem Declarationem, à *Cancellario*, jam *Cardinale* facto, audirent. Postquàm convenissent, *Cardinalis* in supremo gradu Ascensûs ad Chorum stans; *Nobiles omnes, Prælatos, & Magistratus Civitatis*, juxta gradus in imo manentes, allocutus est; declarans eos, illo consecrato Loco, ex *Regis* mandato, convenisse, ut *Deo* cantarent Canticum Novum. Nam per plures jam Annos, *Christianos* aiebat nullas Provincias novas, aut Territoria, à *Saracenis, & Mahumetanis* eripuisse; Neque *Christiani Orbis* Terminos protulisse: Hoc verò jam factum esse Virtute & auspiciis *Ferdinandi & Isabellæ Regum Hispaniæ*; Qui (in Nominis sui Decus immortale, & gloriam) *Regnum* magnum & Opulentum *Granade*, unâ cum *Urbe* populosissimâ & potentissimâ ejusdem nominis, recuperassent à *Saracenis*, qui possessionem ejus, per Septingentos Annos, & ampliùs, usurpaverant. Itaque ab hoc Coetu, & *Christiano Orbe* universo, gratias maximas *Deo* agendas esse; Ac celebrandum etiam nobile hoc & insigne Facinus *Regis Hispaniæ*; Qui certè hoc nomine, non tantùm illustrem victoriam obtinuisse; sed etiâ Apostolico munere perfunctum esse, meritò censerî posset; quod scilicet Provincias novas *Christianæ Fidei* aggregasset: Tantò magis, quod victoria hæc, absque multâ sanguinis effusione, parta esset. Unde benè sperare liceret, lucrum demeti posse, non tantùm Territorii, sed innumerarum Animarum in *Ecclesiæ Christi* augmentum; quandoquidem tam multos *Deus* pro suâ Bonitate vivere voluisset, ut demùm converterentur. Tùm verò *Cardinalis* retulit res maximè memorabiles, quæ in victoriâ potiundâ intervenerunt. At Oratione ejus finitâ, Coetus universus, solenni Processione, *Hymnum Te Deum* cecinerunt.

Non multis diebus ab hâc Solennitate, *Rex Festum Sanctorum Philippi & Jacobi*, apud Palatium suum de *Shine*, nunc *Richmondiam* dictam, celebravit; ubi, ut Sanguis Aulicorum & Juventutis nonnihil incalesceret, spectacula edidit magnifica *Hastiludiorum, & Turnæamentorum*, & hujusmodi Pugnarum umbratiliû, per totum illum Mensem. In quibus Ludis contigit, ut *Jacobus Parkerus* Eques Auratus, & *Hugo Vaughanus* (unus ex *Regis* Olliariis) inter se altercantes de Insignibus quibusdam, quæ *Rex Cæremoniæ* dederat *Vaughano* gestanda, Hastis decertare consenserunt. Et infortunio quodam *Galex* prævæ, quam *Parkerus* portabat, primo cursu, in ore percussus est, ita ut Lingua ejus Gutturî ferè affigeretur, unde subitò, in ipso loco animam efflavit. Quod Factum, propter Controversiam præcedentem, & Mortem secutam, habitum est vulgò, ut Monomachia pro Decisione Juris. *Rex* sub finem *Æstatis*, postquàm Copias suas, quibus *Galliam* esset invasurus, præparasset (sed minimè congregasset) misit *Ursvicum* (jam factum ejus *Eleemosynarium*) & *Joannem Risleium* Equitem Auratum, ad *Maximilianum*; Qui significarent ei, *Regem* jam arma cepisse, & ad trajiciendum in *Galliam* paratum esse, solumque expectare ut ab eo certior fieret, quo loco & tempore Copias suas cum Copiis *Regis* conjuncturus foret, prout promiserat per Legatum suum *Countebalium*.

Legati Angliæ, cum ad *Maximilianum* adventassent, Facultates ejus & Pollicitationes, longo intervallo inter se disjunctas repere-
runt; Cum omninò ei deessent Pecuniæ, Milites, Arma, quæ tantæ Expeditioni sufficerent. *Maximilianus* enim, cum neutram Alarum suarum integram haberet, (quoniam *Patrimonium* suum *Austriæ* ad eum nondum devenerat, Patre siquidem adhuc vivo; Atque ex alterâ parte, *Territoria* sua *Matrimonialia*, partim *Ducissæ Viduæ* in Dotem cesserant, partim recentibus Rebellionibus exhausta erant) Copiis ad Bellum necessariis, planè destitutus erat. Neque hoc non viderunt *Legati*, sed prudente consilio satius esse duxerunt, *Regi* hoc per Literas significare, quàm ab Aulâ *Maximiliani* discedere, antequàm *Regis* mentem circa hanc rem cognovissent; eò magis, quod *Maximilianus* ipse, nihil de Magniloquiis suis detrahebat, sed eos Responsis, quæ rem indies differebant, detinebat; Aded ut moræ justam causam habere viderentur. *Rex* (qui hoc fore præsenferat, & Eventum Negotii sui usque à principio præceperat) ad *Legatos* rescripsit, Discretionem eorum in Reditu differendo laudans; Simulque jubens, ut quo in loco *Maximiliani* res essent, sedulò occultarent, donec ab ipso ulteriora Mandata recepissent. Ipse interim, ad Expeditionem suam *Regalem* in *Galliam* accingebatur; Nuncium hunc de Inopiâ, & pusillis Viribus *Maximiliani*, ad tempus supprimens.

Jam Exercitus magnus & potens *Londini* convenerat: In quo erant, *Thomas Marchio Dorcestriæ*, *Thomas Comes Arundeliæ*, *Thomas Comes Derbiæ*, *Georgius Comes Salopiæ*, *Edmundus Comes Suffolciæ*, *Edwardus Comes Devonix*, *Georgius Comes Cantii*, *Comes Essexiæ*, *Thomas Comes Ormondix*, cum magno numero *Baronum*, *Equitum Auratorum*, & aliorum Virorum Eminentiorum; Inter cæteros autem memoratur *Richardus Thomas* meritò celebratus, ob Cohortes pulcherrimas, quas adduxit è *Walliâ*. Universus Exercitus numerum viginti quinque Millium Peditum, & Mille Sexcentorum Equitum complevit. Quibus Copiis *Rex* (constantè se gerens in Delectu Ducum suorum) præfecit *Jasparum Ducem Bedfordiæ*, & *Joannem Comitem Oxoniæ*, sub Personâ suâ propriâ. Nono *Septembris*, octavo Regni sui Anno, à *Grenovico* movit, versùs Mare: Mirantibus omnibus, quod Tempestatem illam Anni elegisset (cum jam Hyems adesset) ad Bellum inchoandum: Quidam autem, hoc in signum trahebant, Bellum minimè diuturnum futurum. Attamen *Rex* contrarium credi voluit, inquiens; Se, cum Bellum ejus generis instituisset, quod non Opus unius Æstatis futurum esset, sed absque termino præfixo, Regni *Galliæ* subjugationem, pro periodo haberet, non curare, quo Anni tempore inciperet; Præsertim, cum *Caletum* à tergo haberet, ubi, si ratio Belli postularet, hyemare possit. Sexto *Octobris*, apud *Sandovicum* Naves conscendit, eodemq; die *Caletum* appulit, qui locus designatus erat, ubi Copiæ universæ convenirent: Verùm in Itinere versùs Mare (in quo ob causam quam nunc memorabimus, hærebat diutiùs) literas à Domino *Cordesio* recepit: Qui, quod violentior fuisset in Negotio Belli contra *Anglos*, eò in tractandâ pace sincerior habebatur; Qui etiam aliàs Homo verax, & pectoris aperti, existimabatur.

His

His Literis, Pacis Conditiones à parte *Regis Galli* proponebantur, quæ *Regis HENRICI* Gustui non prorsus erant ingratae: Verùm negotium istud Pacis, à principio, mirabili artificio occultatum est. Quamprimum *Rex Caletum* venisset, Pacis Auræ lenes flare cœperunt. Primum enim *Legati Angli*, ad *Maximilianum* missi, è *Flandriâ* redierunt; *Regemque* certiores fecerunt, eum à *Maximiliano* Auxilia neutiquàm sperare posse, quod ad Bellum prorsus imparatus erat. Voluntatem sanè ei adesse, Pecunias deesse. Hæc autem, quæ ferebant *Legati*, nota facta sunt Exercitui, & undique sparsa. Quamvis autem *Angli*, eo Nuncio allato, Animos nihil demiserunt; Necnon moris sit apud Milites, ex malis Nunciis, magis fieri alacres & erectos, & magnificentius loqui; nihilominus loco Præparativæ erat ad pacem. Hunc Nuncium è *Flandriâ* excepit Nuncius ex *Hispaniâ*, (ita enim *Rex* rem disposuerat) *Ferdinandum* & *Isabellam Hispaniæ Reges*, pacem cum *Rege Carolo* fecisse; *Carolumque* iis Provincias *Russigniani* & *Perpigniani* restituisse, prius à *Joanne Rege Arragoniæ*, Patre *Ferdinandi Hispaniæ*, pro trecentum mille Coronatis oppignoratæ; Quæ Summa, per hanc pacem, gratis ei remissa esset. Hoc etiã, ad pacem *HENRICI* cum *Gallo* promovendam, eleganter viam stravit; tum quia Fœderatus tam potens (qualis fuerit *Ferdinandus*) se subtraxerat, tum quia Pacis emptæ præclarum exemplum exhiberet, ita ut *Rex* Pacis non futurus esset Mercator solus. Inter has auras Pacis, *Rex* se non difficilem præbuit, ad pacem tractandam; Consensitque, ut *Episcopus Exoniæ*, & Dominus *Daubeneius* Præfectus *Caleti* colloquerentur, cum *Domino Cordesio* super Tractatum Pacis. Ipse tamen, cum Exercitu suo, decimo quinto *Octobris*, à *Calet* movebat, & post quatuor dies *Bononiam* obsidere cœpit.

Durante Obsidione *Bononiæ*, (quæ ad mensem ferè producta est) nil memorabile intervenit: Solummodò, *Joannes Savagius* Eques Auratus, vir fortis dum Muros urbis, inspicendi gratiã circum-equitaret, interfectus est. Oppidum & benè munitum erat, & Militibus abundabat: Attamen satis in arcto res ejus erant, & omnia ad Insultum aggressoribus erant parata. Qui si factus fuisset, opinio erat, multo sanguine constitutum; sed tamen, in fine Oppidum captum fore. Intereà, Pax per *Legatos* utriusque *Regis* firmata est, ad Terminum vitarum amborum *Regum*. In quâ videre minimè erat Articulum alicujus momenti; Nec mirum, cum Mercatura quædam potius esset, quàm Tractatus: Omnia enim in Statu relinquebantur, in quo tunc fuerunt, nisi quod *Regi HENRICO* persolvi deberent, à *Rege Gallo* Septingenta quadraginta quinque millia Ducatorum, præ manibus, pro Impensis in eâ Expeditione factis; Et viginti quinque millia Coronatorum annuatim pro Impensis, circa res *Britannicas*, erogatis: Pro quâ Summâ posteriore, licet *Maximilianum* antè ei obligatum haberet, tamen Debitoris Mutationem, non minùs, quàm si Debitum ipsum esset persolutum, æstimabat; Etiã hujus Summæ annua Solutio nullo Terminò præfixo definita est: Id quod *Angli* in eam partem accipiebant, ac si pro Tributo penderetur, sed specioso tamen obtentu. Atque verissimum est Pensionem illam, & *Regi HENRICO*, & Filio ejus *HENRICO Octavo*, diutius persolutam esse,

esse, quàm ex ullâ Impensarum supputatione continuari possit. Insuper, præcipui *Regis* Consiliarii, magnis Pensionibus annuis à *Rege Gallo* donati erant, præter munera larga in præsentî. Quod, utrùm *Rex* ideò permisisset, ut propriæ munificentiae parceret; an ut Invidiam Negotii apud Populum ingrati communicaret; diversam Interpretationem subiit. Pro certo enim *Rex* hujus pacis Auctor videri detrectavit. Itaque paulò antè, multos è Ducibus suis & Viris Militaribus primariis, secretò subornârat, ut in Scriptis ad pacem eum hortarentur, idque obnixè contenderent per viam Supplicationis. Veritas autem rei ita se habet; Pacem hanc utrique *Regi* pergratam fuisse; *Carolo* quidem, quod ei possessionem *Britanniæ* confirmaret, Expeditionem *Neapolitanam* ab omni Impedimento liberaret; *HENRICO*, quod Arcas suas pecuniis implevit; quodque hoc ipso tempore prævidit, Procellam quandam Motuum intestinorum ingruentem; Quæ non ita multò post erupit. At contrà, Nobilitatem & viros in Exercitu primarios (utcunque nonnulli ex illis ad ejus nutum se accommodassent) malè admodum habebat; quorum plurimi Fortunas suas aut vendiderant, aut oppignorârunt, in Bello spes collocantes. Neque veriti sunt dicere: *Regi nihil Pensi esse, Nobilitati & Populo suo plumas detrahere, modò seipsum benè plumatum redderet.* Alii autem ridebant ea verba, quæ *Rex* apud Comitîa protulerat; Nempè, *Se minimè dubitare, quin Bellum post Principia, se ipsum compensare possêt*; Eum promissio suo stetisse dicentes.

Cùm movisset *Bononiâ, Caletum* rediit, ubi per aliquod tempus mansit. Unde etiam literas scripsit (quo genere comitatis interdum utebatur) ad *Majorem & Senatum Londinensem*, gloriando ferè de Pecuniis, quas propter Pacem receperat; Satis gnarus, Arcas *Regis* plenas *Londinensibus* rem suavissimam auditu esse. Magis tamen lætati fuissent illi, si Contributio ipsorum, (Benevolentia dicta,) Mutuatio sola fuisset. Verùm decimo septimo *Decembris* sequentis *Westmonasterium* rediit, ubi *Festum Nativitatis Domini* celebravit.

Haud multò post *Regis* in *Angliam* reditum, misit ad *Alphonsum* Filium primogenitum *Ferdinandi Regis Neapolitani Ducem Calabriae*, Insigne Ordinis Periscelidis; Honorem quidem à *Duce* ipso petiturum, qui eum in Oculis *Italarum* eveheret: Siquidem Arma *Caroli* expectans, plurimi æstimabat Amicitiam *Angliæ*, utpote quâ frenos Ambitioni *Caroli* injicere possit. Illud insigne ab *Alphonso* maximâ cum celebritate, & pompâ, receptum est; ut solet fieri in iis, quæ estimationis gratiâ procurantur. Missum autem fuerat per *Vrswicum*, in quem *Rex* hanc Legationem contulit, ut ei post multas Legationes, unde nihil lucri percipi poterat, propter Liberalitatem *Ducis Alphonfi*, præmii loco esset.

Sub hoc tempus, *Rex* rursus Spiritibus malignis, obsideri & infestari cœpit; Per Magicam scilicet, & Artes curiosas *Ducissæ Margarete*; Quæ ab Inferis evocavit umbram *Richardi, Ducis Eboraci, Filii secundo-geniti Edwardi Quarti*, ut obambulet, & *Regem* vexaret. Gemma ista, (licet adulterina,) splendidior tamen erat, oculosque fulgore magis perstringebat, & in *Digitis Principum* majorum gestata est,

est, quam *Lambertus Simnellus* : Quippe quam non solum *Ducissa Burgundia*, sed & *Rex Gallus*, etiàm & *Rex Scotiæ* in pretio habuerunt. In *Simnello* certè parum erat, nisi quod Puer erat venustus, quemque vestimenta sua Regalia non dedecerent : verùm Adolescens iste (de quo nunc loqui occœpimus) tam versutus erat, & veluti Mercurialis, ut similem vix ferè reperias ; Isque, qui, si fortè in Scenâ partibus suis excidisset, eas acumine proprio promptè supplere possit. Itaque cum inter Exempla Pseudoprincipum, quæ vel recentibus, vel antiquis temporibus extiterunt, hoc ipsum emineat, Narrationem certè pleniorẽ & accuratiorem ineretur ; Et si *Regis* inveterata Consuetudo, res per obscuram lucem, & partes divulsas & disiectas monstrandi, hanc rem tantâ Caligine involverit, ut ad hodiernum usque diem, ferè instar Mysterii se habeat.

Ducissa Margareta (quam *Regis* Amici *Junonem* appellabant, quia talis erat versus eum, qualis fuit *Juno* versus *Æneam*, *Superos* & *Acheronta* movendo, in perniciem ejus) loco Basis Machinarum suarum, quas contra *Regem* extruebat, perpetuò, omnibus viis & modis alebat, confirmabat, & spargebat, famam illam volitantem, nimirum *Richardum Ducem Eboraci*, Filium Secundo-genitum *Edwardi Quarti*, minimè fuisse in *Turre Londinensi* (prout ferebatur) necatum, sed vivum emissum : Quoniàm Carnifices illi, qui operam suam præstiterunt ad barbarum illud facinus, postquàm Primogenitum trucidatum vidissent, horrore, & misericordiâ perculsi, *Richardum istum* clam ciniserunt, sortem suam experturum. Hanc Escam & Illecebram, undique projecit, credens hujus rei famam & fidem (unà cum recente Exemplo *Lamberti Simnelli*) aliquas Volucres fortè aliquando tracturam, quæ eam captarent. Aliâ quoque diligentia usâ est, non omnia Casui permittendo. Adhibuit enim occultos quosdam Emisfarios (similes *Turcæ* ministris, qui puerorum Tributum exigunt) qui Adolescentulos venustos, & forinosos conquirerent, unde *Plantagenistas* & *Duces Eboraci* effingeret. Tandem vero incidit in quendam, in quo omnia, quæ requiri videbantur, concurrebant, ad *Ducem Eboraci* repræsentandum.

Iste fuit *Perkinus* ille *Warbeckus*, cujus Facinora & Labores, jam narrabimus. Primò enim Ætas in utroque benè conveniebat : Secundò, Adolescentulus erat, oris elegantia, & Corporis Lineamentis, cum dignitate quâdam amabilis : Atque insupèr, Mores & Gestus ejus tam erant vafri, & quasi veneficiis quibusdam oblit, tam ad misericordiam commovendam, quàm ad Fidem imprimendam, ut Fascini cujusdam & Incantationis loco essent, iis, qui eum aut videbant, aut audiebant : Tertiò, tam egregius, usque à pueritiâ, Erro fuerat, aut (ut *Rex* eum appellare solebat) Terrarum Calcator, ut difficile admodum esset, Nidum ejus, aut Parentes reperire. Neque etiàm potuisset aliquis, per diuturnum cum eo conversationem, aut familiaritatem, plenè conjicere, aut detegere quis esset ; Solum siquidem tam crebrò mutabat. Postremò contigerat etiàm Res quædam levis (à Scriptore ejusdem temporis memoriâ tradita) quam tamen probabile est, ad ea, quæ postea gesta sunt, nonnihil attulisse, eisque tantumquam Ansam præbuisse ; Ea fuit, quod *Rex Edwardus Quartus* Com-

pater

pater hujus *Perkini* fuisset. Quod sicut suspiciosum valdè erat, in Rege lascivo, quod in Familiâ tam Ignobili Compater esse non dedignaretur, atque Opinione cuiusvis faciliè injicere poterat, *Perkinum* Sanguinis illegitimi *Familie Eboraci* aliquid in se habuisse; Ita (licet illud minimè fuisset) occasionem saltem Puero ministrare poterat (quod scilicet subinde *Regis Edwardi* Filius lustricus, aut joco fortassè Filius vocaretur) Cogitationes tales arripiendi & fovendi. Tutorem enim nullum nactus est, (ut *Lambertus Simnellus*) donec ad *Ducissam Margaretam* venisset, quæ eum in omnibus egregiè instruxit.

Ad hunc igitur modum hæc Fabula peracta est. Fuit Oppidanus quidam in *Civitate Turnacensi*, qui Magistratu in eo Oppido perfunctus erat, cui nomen erat *Joannes Osbeckus*; Judæus ad Fidem conversus, qui in *Vxorem* duxit *Catharinam* de *Faro*; cujus Negotiorum procuratio eos traxit, ut ad tempus *Londini* habitarent, temporibus *Edwardi Quarti*. Hoc spatio Filium ex eâ genuit; Cùmque in *Aulâ Regis* notus esset, *Rex* aut pietate quâdam notus, quod *Judæus* conversus esset; aut privatâ quâdam notitiâ adductus, eo honore eum dignatus est, ut Filium ejus è Fonte susciperet, eumque *Petrum* nominaret; Postea autem, cùm Puer delicatus & effœminatus fuisset, vulgo vocatus est, Diminutivo Nominis sui, *Peterkinus*, aut *Perkinus*. Etenim nomen *Warbecki* ei ex conjecturâ tantùm impositum erat, antequàm Examinationes de eo negotio habitæ fuissent. Attamen, ita invaluerat nomen *Warbecki*, ut etiâ post verum Nomen ejus cognitum retineretur. Dum adhuc Infans erat, Parentes cum eo *Tornacum* reversi sunt. Paulò post commissus est cuidam ex Cognatis suis, *Joanni Stenbecko* dicto, qui *Antwerpiæ* habitabat, unde sæpiùs, *Antwerpiam* & *Turnacum* inter, & circa alia *Flandriæ* Oppida, cursitabat; ut plurimum cum *Anglis* versatus, quo pacto etiam Linguam *Anglicam* ad unguem callebat. Tandem, paucis Annis elapsis, postquam in Adolescentem formosum crevisset, à quodam ex *Ducissâ Margareta* Exploratoribus, ad eam deductus est. Quæ cum accuratè intuita, & cernens eum Vultu & Corpore, fortunam sublimem posse sustinere; ac simul perspicuens eum Ingenii acumine, & Morum elegantia, eminere; putabat se jam reperisse *Marinor* quoddam pretiosum, ex quo Imago *Ducis Eboraci* exsculpi posset; Eumque apud se diù detinuit, sed prorsus in occulto. Quo temporis spatio, multis secretis Colloquiis eum instruxit. Primò quidem edocens, quomodo personam Principis, aspectu & gestu imitaretur; atque qualiter majestatem suam, cum sensu tamen Infortunii sui, tueretur. Tùm verò diligentissimè eum informavit, de omnibus Circumstantiis & Notis particularibus, quæ ad *Ducem Eboraci* (cujus persona ei agenda esset,) pertinerent. Descripsit enim Effigiem, Faciem, & Lineamenta Corporis, *Regis* & *Reginæ* Parentum suorum; Etiam Fratrum, & Sororis ipsius, & Famulorum, & aliorum, qui Pueritiæ ejus præcipuè affuerunt; unâ cum rebus multis, aliis vulgò notis, aliis secretioribus, quæ *Duci* obtigerunt, (& tales videbantur, quas puerili captui & memoriæ inhærere verisimile erat,) usque ad mortem *Edwardi Quarti*. Addidit & particularia omnia, quæ à tempore Mortis *Regis*

gis insecuta sunt, donec ipse & Frater ejus, in Turrim conclusi essent; tam cum Libertate frueretur, quam postea cum in Asylo degeret. Quod verò ad tempus Detentionis suæ in Turre, & modum Fratris sui Necis, atque Emissionis suæ; satis sciebat illa omnia, tam clandestina fuisse, ut pauci admodum, quæcunque tandem ei confingere liberet, arguere possent: Itaque libero prorsus mendacio se uti posset. Quamobrem tersam *Perkino* & probabilem earum rerum Narrationem contexuit; jubens, ut ne hylum quidem ab eâ abscederet. Convenit etiam inter eos, qualis Adolescenti Ratio reddenda esset, Peregrinationum suarum; miscendo multa vera, & quæ alii abunde testari possint, cum falsis, ad fidem faciendam; verum cavendo semper, ut personæ, quam jam acturus esset, omnia congruerent. Instituit eum insuper quomodò quæstiones quasdam captiosas, & tentantes, de quibus verisimile esset alios eum interrogaturos, evitaret. Verum in hoc, eum indole propriâ, ita instar Anguillæ lubricum, & ad elabendum promptum repperit, ut Ingenio ejus & Dexteritati facile confideret; Ideoque minus in eo laboravit. Postremo, Animos ei, nonnullis in præsens præmiis, & ingentibus in posterum promissis addidit: Ante oculos illi proponens, opes & gloriam Regni, si res successissent; sin secus evenissent, certissimum in suâ Aulâ refugium. Postquam eum Documentis suis satis instructum perspexisset, cœpit secum cogitare, à quâ Cœli plagâ Cometa iste se primo ostendere deberet, & quo tempore. Constituit autem hoc fieri oportere, ab Horizonte *Hiberniæ*. Illic enim hujusmodi Meteororum potentem antea emiserat Influxum. Tempus autem Apparitionis maximè opportunum fore, cum *Rex Bello Gallico* implicaretur. Hoc autem satis noverat, quicquid à se profectum esset, suspicionibus obnoxium futurum. Ideoque si *Perkinus* continuò è *Flandria* in *Hiberniam* pergeret, ipsa se ei rei immiscere putaretur. Præterea, tempus nondum maturum erat, quod *Reges* duo tunc de pace tractarent. Itaque circumrotabat *Ducissa*, atque ut omnes suspiciones tolleret, & metuens eum diutius apud se retinere, (satis gnara, Arcana brevis ævi plerunque esse) clam eum misit in *Lusitaniam* cum *Dominâ Bramptonâ*, *Anglâ*, quæ illo tempore in *Lusitaniam* navigavit: unâ cum Homine fido ex Famulitio proprio, qui facta ejus sedulò observaret; ubi morari eum voluit, donec nova Mandata ab eâ acciperet. Interim non omisit ea parare & instruere, quæ adventum ejus acceptiorem, & magis prosperum redderent, non solum in Regno *Hiberniæ*, verum etiam in Aulâ *Galliæ*. In *Lusitaniâ* circiter annum unum mansit: quo tempore *Rex HENRICVS* (ut jam dictum est) Comititia sua convocaverat, & Bellum *Gallis* apertè indixerat. Jam itaque Signum benevolum regnare, & Constellatio advenisse visa est, sub quâ *Perkinus* oriri deberet. Itaque mandata à *Ducissâ* accepit, ut in *Hiberniam*, sine morâ, proficisceretur, secundum quod primo destinaverat. In *Hiberniâ* ad urbem de *Corke* appulit. Postquam illuc venisset (si quis propriæ Relationi & Confessione, quam postea exhibuit, credere velit) *Hiberni* eum satis splendide vestitum reperiens, ad eum undique frequentes convolarunt, ei imponentes, quod *Dux Clarentia* esset, Idem qui antea apud illos manserat;

rat; & postea mutata opinione, quod Filius esset Nothus *Richardi Tertii*; postremo, hanc etiam opinionem aspernati, eum pro certo, *Richardum Ducem Eboraci*, Filium secundo-genitum *Edwardi Quarti*, esse volebant, & affirmabant: Se verò (aiebat) ista omnia (pro virili) abnegasse, & Jusjurandum, tactis *Euangelis* obtulisse, quod ipse nihil tale esset: donec in fine, vi quadam ad quicquid illi vellent agnoscendum eum adessent, unde iusserunt eum bono animo esse, & sine metu. Sed reverà compertum est, quod ipse statim ab Adventu suo in *Hiberniam*, personam *Ducis Eboracensis*, in se suscepisset, sibi que, quibus potuit modis, Socios & Conjuratos adjunxisset: Adeò ut Literas expressas, ad *Comites Desmondia & Kildarie* miserit, petens ut in auxilium suum properarent; Quarum Literarum Chartæ Originales adhuc extant.

Circa idem tempus, *Ducissa* ad se pellexerat, unum ex servis *Regis* interioribus (cui nomen erat *Stephanus Frionus*) Secretarium *Regis* pro Linguâ *Gallicâ*; Hominem industrium, sed turbulentum, & *Regi* infensum. *Frionus* iste confugerat ad *Carolum Regem Gallum*, seque in ejus Famulitium insinuaverat, sub ipsum tempus, quo Bellum inter *Reges* aperte pullulare cœpisset. At *Carolus*, postquam de Personâ, & Incœptis *Perkini* audiisset (satis ex sese promptus ad occasiones quascunque arripendas, in Detrimentum *Regis Angliæ*; atque à *Friono* instigatus, & antè à *Ducissâ Margareta* Artibus allectus) statim misit quendam *Lucam*, unâ cum *Friono* isto, (de quo diximus) tanquam Legatos ad *Perkinum*, qui eum, de *Regis Caroli* bono in eum animo, certiore facerent; Quodque auxilia ei abundè mittere decrevisset, ad recuperandum Regnum suum è manibus *HENRICI*, Coronæ *Angliæ* Usurpatoris, & *Galliæ* Hostis: Invitans eum, ut ad se, in Regnum *Galliæ*, veniret. *Perkinus* se in cœlo jam collocatum existimabat, cum à tanto Rege, tam honorificâ Legatione, accersitus esset: Atque amicis suis in *Hiberniâ* narrans, quomodo à Fortunâ ipsâ vocatus esset, quantâque spe ageret, continuo in *Franciam* navigavit. Cum ad *Aulam Regis Galli* pervenisset, *Rex* magno cum Honore eum excepit, eumque salutavit & appellavit per nomen *Ducis Eboracensis*, Hospitium & alia ei assignans, quæ magnum Principem decerent. Etiam, quò magis ad Principis magni Imitationem accederet, Satellitum ei circumdedit, cujus *Dominus Congressallus* erat Præfectus. Aulici etiam (licet, apud *Gallos*, Ludos facere in proclivi non sit) ad *Regis* nutum se componebant; Satis gnari Rationes statûs ab eâ parte stare. Eodem quoque tempore nonnulli ex *Angliâ* viri primarij, ad *Perkinum* profecti sunt; *Georgius Nevillus*, *Johannes Taylerus* Equites Aurati; Et circiter centum alii: Et inter cæteros *Frionus* iste; Qui Fortunis *Perkini* se totum tradidit, & tunc, & diù post: Et reuerà ei fuit præcipuus Consiliarius, & ad omnia Instrumentum benè efficax. Verùm hæc omnia ex parte *Regis Galli* artificiosè tantum facta sunt, quò facilius *HENRICUM* ad pacem flecteret. Itaque à primo usque *Thuris Grano*, super Altare Pacis, apud *Bononiam* incenso, *Perkinus* veluti fumo abactus est: Attamen eum *Regi HENRICO* in manus tradere *Carolus* renuebat, (licet ab eo de hoc interpellatus) Honoris sui Gratiâ, sed eum liberum dimisit. Etiam, ex sua parte, *Perkinus*, Discessum suum acceleravit,

celeravit; veritus ne subito & occultò interciperetur. Itaque in *Flandriam* ad *Ducissam Burgundiae* properavit, narrans se variis Fortunæ Fluctibus jactatum, ad ejus Aulam, veluti Portum securum, confugisse; Dissimulans prorsus, se unquam antea illic mansisse, sed tanquam jam primum se eò recepisset. Nec minùs ex alterâ parte, *Ducissa* ipsa, tanquam rem novam, & miram, ejus adventum videri voluit; A Principio, egregiâ cum simulatione, verba injiciens, quod edocta fuisset, & prudentior facta, ab Exemplo *Lamberti Simnelli*, ne Merces adulterinas reciperet; Licet (ut aiebat) etiâ de illo ipso *Lamberto Simnello*, ei non planè adhuc constiterit. Prætebat autem, (verùm hoc semper fuit astantibus aliis) se contendere, ut *Perkinum Interrogationibus* satis captiosis tentaret, & implicaret, ut experiretur, num verus *Dux Eboraci* fuisset; Verùm quando Responsis suis, sibi magnoperè satisfactum fuisse affirmaret, tùm verò se quasi attonitam, & in Ecstasim raptam fingeat, propter mirabilem Adolescentis è periculis emerisionem; eum amplexa, ac si è Morte in vitam rediisset: Atque argumentata, *Deum* qui modis tam miris, eum ab Interitu eripuisset, sinul reservare eum constituisse ad prospera Fortunæ, & magnum aliquod Facinus. Quod verò ad ejus è *Franciâ* Dimissionem; nolebatur interpretari, ac si Fraudes *Perkini Gallicis* suboluissent, aut propter Neglectum aliquem; sed contrâ, hoc pro signo certo astruebat, eum pro Viro aliquo magno habitum fuisse; Quoniam Causæ ejus Destitutio, & Desertio, reverà tanti erat, ut si quis rectè animadvertat, pacem confecisset: Immolando scilicet Principis innocentis & calamitosi Fortunæ, Utilitati & Ambitioni duorum potentium *Monarcharum*. Neque sibi *Perkinus* ipse defuit, aut Majestate & Comitatu quâdam Regiâ; Aut promptis & appositis Responsis; Aut se benignum & gratiosum præbendo, Favorem ejus ambientibus; Aut Indignatione & vilipendio quodam modesto versus eos, qui de veritate Rerum suarum subdubitare videbantur; sed in omnibus mirabiliter se gessit. Ita ut, non solum apud Eminentiores constantè creditum sit, eum verum fuisse *Ducem Richardum*: Quin & ipse, ex diuturnâ & assiduâ Simulatione, & mendacium sæpius narrando, versus ferè est, in habitum ejus rei, quam simulabat; quasi quæ fingeret simul & crederet. *Ducissa* igitur, tanquam in re exploratâ, Honoribus plurimis; *Perkinum* cumulavit, eum perpetuò Nepotem suum compellans, eique tribuens Titulum illum delicatum *Albæ Rosæ Angliæ*, & ad Corporis ejus custodiam, Satellites ei assignavit, ad numerum triginta Hominum, cum Bipennibus, tunicis variegatis, ex purpureo & cæruleo, indutos. Aulici quoque universi, & generaliter tam *Flandri*, quàm Peregrini, eum magno honore prosequabantur.

Hæc Nova veluti Fulgura & Tonitrua, in *Angliam* pervenerunt, *Ducem* scilicet *Eboraci*, pro certo vivere. Nomen autem *Perkini*, eo tempore, incognitum fuit; sed Rumores de *Duce Eboraci* tantum volitârunt; Eum in *Hiberniâ* agnitum, in *Galliâ* venundatum, jamque in *Flandriâ* receptum & in magno Honore esse. Rumores isti plurimum prævalebant: Apud nonnullos quidem prop-

ter Malevolentiam; apud alios propter Ambitionem; Apud aliquos propter Levitatem, & rerum novarum studium; Apud paucos fortasse propter Conscientiam, & Credulitatem: Apud plurimos autem propter Imbecillitatem Judicii; Et apud haud paucos propter obsequium, erga viros quosdam primarios, qui his Rumoribus in secreto favebant, eosque alebant. Neque magno post Intervallo, secuta sunt, hos Rumores Rerum novarum, Murmura & Scandala; contra Regem, & Regimen suum; quæ Infamiam ei inurebant, quod magnus esset Exactor, & Nobiles Regni deprimeret. Amissio *Britanniæ*, & Pax cum *Gallis* facta, neutiquam Silentio pratermissa. Sed ante omnia injuriam urgebant, quâ *Rex Reginam* suam afficiebat, quod in ejus Jure non regnaret. Dicebant igitur, *Deum* jam tandem, *Ramum Masculum Familiae Eboracensis* in Lucem produxisse, qui precario regnaturus non esset, utcumque *Rex* Uxorem suam miseram Regno spoliaret. Nihilominus, (ut fieri solet in iis, quæ apud vulgus fidem obtinent, quæque illi libenter audiunt) Famæ istæ ita invalescebant, ut Auctores, inter multitudinem Loquentium, caput conderent; Similes Herbis quibusdam serpentibus, quæ Radicem certam non habent; Aut vestigiis ultrò citròque impressis, quæ sequi non licet. Sed paulò post maligni isti Humores, in vlcus confluerunt, atque occultò, in Viris aliquibus magnæ Dignitatis, veluti in partibus Nobilibus sedes reppererunt. Quorum præcipui erant *Guilielmus Stanleius*, *Hospitii Regis Camerarius*; *Dominus Fitzwalterus*; *Simon Mountfortus*, *Thomas Thwaitus*, Equites Aurati; cum aliis. Hi in occulto conjurarunt, promittentes se *Ducis Richardi* Titulum promoturos. Nihilominus Nemo Conjuratorum apertè Fortunas suas periculo objecit, præter duos; nempe *Robertum Cliffordum* Equitem Auratum, & *Guilielmum Barleinum*, qui duo in *Flandriam* trajecerunt, missi à Conjuratis in *Angliam*, ut veritatem earum rerum, quæ in *Flandriam* agitatae sunt, diligenter inquirerent & explorarent; unâ cum bonæ Pecuniæ Summâ, sed sub Conditione, ne eam distraherent, nisi illa, quæ ferebantur, vera esset; & sine furore, perspicerent. Adventus *Roberti Cliffordi*, quod ex magnâ familiâ oriundus, & famâ celebratus esset, gratus supra modum *Ducissæ* erat. Quæ postquam cum eo colloquuta esset, eum in conspectum *Perkino* adduxit, cum quo Sermones crebrò conferuit: Adèò ut in fine, (sive à *Ducissâ* adductus, ut Conatibus suis faveret; sive à *Perkino*, ut fabulæ crederet,) rescripsit in *Angliam*, se Personam *Ducis Eboraci*, æquè nosse, ac suam propriam, atque proculdubio Adolescentem istum verum esse *Ducem*. Hoc modo factum est, ut omnia hic in *Angliam*, ad Defectionem & Seditionem spectarent; & Conjunctio foveri cœpit mutuo tractatu inter *Flandriam* & *Angliam*.

Rex, ex suâ parte, non dormiebat: verùm Arma sumere, aut copias cogere, adhuc intempestivum putabat; ne metum proderet, aut Idolo isti cultum nimium exhiberet. Attamen Portus Regni clausit, vel saltem Ministros præfecit, qui commeantes ultrò citròque observarent, & suspectos examini subjicerent. Quoad reliqua verò, fraudem fraude propellere elegit. Duo autem erant, quæ Animo destina-

naverat.

naverat. Unum, ut Imposturam *Perkini* omnium oculis subjiceret : Alterum, ut conjuratos inter se committeret. Ad Imposturam convincendam, duæ tantummodò patebant viæ ; Prima, ut liquidò appateret, *Ducem Eboraci* reverà trucidatum fuisse : Altera, ut sive mortuus esset, sive vivus, *Perkinum* utcunque Impostorem esse omnibus constaret. Quantum ad primam, ita se res habebat. Quatuor tantum erant Testes, qui ex notitiâ propriâ de nece *Ducis Eboraci*, affirmare aliquid poterant ; hi erant *Jacobus Tirrellus*, qui à Rege *Richardo* Mandata de eâ re acceperat ; *Joannes Dightonus*, & *Milo Forrestus*, *Servi Tirrelli*, Carnifices ipsi ; & Capellanus *Turris Londinensis*, qui eos sepelivit. Ex quibus quatuor, *Milo*, & *Sacerdos* jam mortui erant. In vivis autem supererant solum *Tirrellus* & *Dightonus*. Hos duos in Turre incarcerari jussit *Rex*, & strictè examinari, de nece Principum illorum Innocentium. Qui duo Confessionem exhibebant (ut *Rex* ipse publicabat) per omnia consentientem, in hanc sententiam : Nimirum, *Regem Richardum*, primò mandata dedisse *Brackenburio*, *Locum-tenenti Turris Londinensis*, ut Principes interficeret, eum autem munus illud recusasse : Itaque *Richardum* similia mandata *Jacobo Tirrello* renovasse ; Nempe ut Claves *Turris* à *Locum-tenente* reciperet, in unam noctem, ad obeunda *Regis* jussa specialia : *Tirrellum* igitur, noctû, se ad *Turrim* contulisse, unà cum duobus Servis prænominatis, quos ad Facinus delegerat : *Tirrellum* ipsum, in imo Graduum mansisse & servis suis Negotium commisisse, ut illi homicidium patrarent : Illos autem, in lecto decumbentes Principes, suffocasse ; Quo facto, *Dominum* suum vocasse, ut Corpora mortuorum nuda, quæ idcirco exposuerant, videret : Postea verò, Principes in Terram defossos sub Gradibus fuisse, & Acervum Lapidum in Fossam injectum : Quando verò ad *Richardum Regem* *Tirrellus* retulisset Mandatum suum jam peractum esse, eum magnas eidem gratias egisse, locum solummodò sepulturæ eorum improbasse, quod vilis nimium esset, cum è Rege nati essent : Unde nocte aliâ, ex mandato *Regis*, per *Capellanium Turris*, corpora eorum translata fuisse, & alio loco sepulta ; qui (per mortem *Sacerdotis* paulò post defuncti) penitus incognitus esset. Hanc examinationum earum fuisse Summam in vulgus publicatum est. *Rex* tamen HENRICUS, ipsarum Examinationum, & Confessionum luce, in nullis suis Declarationibus, quas edidit, usus est : unde (probabile est) eas negotium reliquisse obscurum, & perplexum. Quantum verò ad *Jacobum Tirrellum*, ei caput paulò post abscissum est, in Turre ipsâ, propter alia læsæ Majestatis crimina. *Joannes* autem *Dightonus* (qui, ut videbatur, ad *Regis* votum optimè locutus est) statim liber dimissus est ; atque hujus Traditionis evulgandæ principale erat Organum. Itaque quantò hoc prius Testimonium, & probationis Genus, magis nudum & jejunum apparebat, tantò majorem adhibuit *Rex* diligentiam, in posteriore enucleando ; De Vitâ scilicet, & Vestigiis *Perkini*. Ad hunc finem, in diversas partes, præcipuè autem in *Flandriam*, nonnullos secretos & industrios Exploratores misit ; Alios, quasi ad *Perkinum* confugissent, eique adharere constituissent : Alios autem, sub variis aliis prætextibus ; Qui omnes speciales quasque Circumstantias & Eventus rinarentur, circa

Perkini Parentes, Natalia, Personam, Peregrinationes; ut verbo dicamus, qui Diarium conficerent, ejus Vitæ, & Factorum. Hos Exploratores suos liberalitèr Pecuniis instruxit, ut Homines, qui notitiam hujusmodi rerum haberent, ad se traherent, eosque remunerarentur; dans etiam eis in Mandatis, ut quæ repperant sibi subindè significarent, & nihilominus in Inquisitione pergerent. Et perpetuò evocante alium alio Nuncio, novos Homines adjunxit, ubi Negotii Ratio hoc postulabat. Alios autem emisit cum interioribus Mandatis, & clariore Consiliorum suorum participatione, qui in rebus, quas Interruptionem, & Dissipationem Incœptorum *Perkini*, struebat, operam navarent. His commissum est, ut se, in familiaritatem eorum, qui à partibus *Perkini* stabant in *Flandriâ*, penitus insinuarent; eoque modo expiscarentur, quos jam Socios, & Consiliorum Participes, illi sibi ascivissent, tam hîc in *Angliâ*, quam foràs, & quousque singuli eorum, de se, fidem aut pignus dedissent; Quosque insupèr tentare, & allicere, in animo haberent. Neque de Personis tantummodò, ut inquirerent, sed etiam de Actionibus, Spe, & Machinamentis *Perkini*, & *Conjuratorum*, quantum fieri posset, se informarent. Hi Exploratores, pro fidelioribus habiti, (aut saltem ex his aliqui) secretiora Mandata receperunt, ut principales *Perkini* Amicos, & Servos, occultè ab eò abalienarent, & averterent; proponendo & intimando eis, quam futili & debili Res ejus niteretur fundamento, & quàm prudente, & potente cum *Rege* illis res essent, eosque *Regi* reconciliarent, veniâ promissâ necnon præmiis, prout mererentur. Ante alios autem omnes ut constantiam *Roberti Cliffordi* invaderent & subruerent, eumque ad *Regis* partes, si possent, traherent; Cùm ille Vir intima Arcanorum adversæ Partis optimè nosset; Quique, si eas Partes deseruisset reliquos, maximè deterrere, & vutuis suspicionibus implere posset.

Mirum etiam quiddam traditur, *Regem* nimirum Sylvâ immani suspicionum circumdatum, & involutum, neque cui fidem haberet, satis certum, cum *Confessoribus* & *Capellanis* complurium Virorum primariorum, secretò egisse, ut ex iis de Consiliis Adversariorum suorum edoceret: Quinetiam, quò Exploratoribus suis transmarinis, plus fidei apud Exteros conciliaret, *Regem* sæpius jussisse, illos ipsos Exploratores, inter ceteros suos Hostes, pro more illis temporibus, usitato, in *Templo Divi Pauli*, nominatim diris devoveri. Isti autem utriusque generis Exploratores, officio suo tam diligentèr perfunditi sunt, ut *Rex Perkini* licet vivi Anatomiam jam reciperet, & simul de plurimis in *Angliâ* Conjuratis benè informatus esset, atque alia insupèr Mysteria ei essent revelata. *Robertus* autem *Cliffordus*, imprimis in *Regis* partes attractus fuit; atque ad res *Regis* promovendas jam factus est Minister industrius, & officiosus. *Rex* igitur (diligentiæ suæ proventum largum metens, & de plurimis rebus, quas eum scire inter-

erat

erat, ampliter informatus) primò per universum *Regnum*, Relationes de Imposturâ & præstigiis *Perkini*, cum omnibus, quæ eò spectabant, fusè satis & plenè, divulgavit, & sparsit. Hoc autem fecit, non per Edictum (quandoquidem Examinationes nondùm essent perfectæ, ideoque magis & minùs recipere possent) sed per Famas Aulicas, quæ ut plurimum altius penetrant, quam Edicta Typis excusa. Tempestivum quoque jam putavit, *Legationem* in *Flandriam* mittere, ad *Archi-Ducem Philippum*; cum eo acturam, ut *Perkini* causam desereret, ipsumque è Territoriis suis dimittere vellet. In hac *Legatione* usus est Rex operâ *Edwardi Poyningi*, *Equitis Aurati*; & *Guilielmi Warhami*, *Equitis* itidem *Aurati*, & *Juris Canonici Doctoris*. *Archi-Dux* tum in minore *Ætate* erat, & à *Consiliariis* suis regebatur; In quorum præsentia *Legati* Mandata sua declarârunt, & *Warhamus* in hunc modum locutus fertur.

Domini mei; Rex noster agrè admodum fert, quòd cum Anglia & Ducatus vester Burgundiæ, habiti sunt tamdiu, instar Mariti & uxoris, jam Regio ista vestra, veluti Scena facta sit, super quam vilis Præstigiator Partes Regis Angliæ ageret; Non solum ad Celsitudinis suæ Molestiam & Dedecus, verum etiã in Contumeliam & Opprobium, quotquot sunt, Regum & Principum. Adulteratio Imaginis Regis alicujus, in Monetâ suâ, capitale, omnium Legum consensu, judicatur: Verum, Regis vivi Imaginem, in personâ suâ adulterare, super omnia Imposturarum crimina meritò Palmam fert; Nisi fortè excipi debeat, Impostura Mahometi alicujus aut Antichristi, qui Majestatem divinam semulârunt. Rex Dominus noster, meliora de Concilio hoc gravissimo ominatur, quam ut credere possit, aliquem ex vobis, hac fabulâ captum esse; (etsi fortassè Passio alicujus Personæ particularis vos aliquatenus inflectere possit;) Res ipsa per se tam est incredibilis. Ut testimonia omittam, de morte Ducis Richardi, quæ Rex Instrumentis Authenticis descripta habet (quoniã ea in potestate Regi propriâ esse quispiam putare possit) res ipsa pro se loquatur: Rationi enim & Argumentis Nemo imperat. Anferri posse creditis, ut Richardus Tertius, Animam suam damnare, & Nomen suum maculare, tam nefando Homicidio vellet, absque tamen ullo rerum suarum in melius profectu? Aut etiam existimare potestis, Homines Sanguinarios (qui Carnifices ei erant) in medio Facinoris, ad misericordiam conversos? Cum contrà in Feris ipsis, nec minùs in Hominibus Ferinæ Naturæ, primus Sanguinis Gustus, eos magis in furorem agere & rabiosos reddere soleat?

An nescitis, Tyrannorum Ministros cruentos, ad hujusmodi scelera perpetranda, veluti cum Laqueis in collo semper missos? Adeo ut, si mandata non perfecerint, certæ morti addicti sint: Et putatis hosce Sceleratos, vitæ propriæ periculo, alienam salutem redimere voluisse? Verum esto, ut Duci pepercissent, ubi gentium cum exponerent? Numnam in Plateas Londini immitterent, ut Vigiles scilicet eum prehenderent, & coram aliquo ex Iusticiariis Pacis sisterent, unde omnia, quæ egerant, per Examinationem proderentur? An autem secretò eum servarent? Atqui hoc certè, multa curæ, sumptibus, & assidui periculi, res fuisset. Verum (Domini mei) in Re non dubiâ, Argumentis utor non necessariis. Rex prudentiâ aded abundant, necnon Amicis fidelibus in partibus exteris, ut jam Ducem Perkinum, etiâ à Cunabulis, pernoxit. Et quoniam, magnus profecto est Princeps, si apud vos inveniat aliquis Poeta idoneus, Memorias ei suppeditare possit, ad Vitam ejus conscribendam; Introducendo eum, veluti parallelum Lamberto Simnello, nunc uni ex Regis Accipitrariis. Quamobrem (ut nihil apud Dominationes vestras dissimulem) omnem Admirationem certè superat, Ducissam Margaretam (ignoscite obsecro, si eam nominem, cujus in Regem odii, nulla est Causa, nullus finis) jam seniore, etate quâ Mulieres aliæ à puerperiis cessare solent, duo ejusmodi Monstra peperisse; non novem aut decem Mensum, sed Annorum complurium Partus. Cumque aliæ Matres Naturales, Infantes pariant infirmos, quique seipsos attollere & juvare nequeant; Illa contrâ Adolescentes proceros pariat, qui non multò postquàm in lucem prodierint, cum Regibus potentibus præliari possint. Domini mei, non libenter huic parti immoror. Utinam tandem Ducissa illa, gustare sibi in animum induceret, Gaudia, quæ Deus Omnipotens, manu benignâ ei porrigit, intuendo Neptem suam tanto in Honore regnantem, & tam numerosâ sobole Regiâ beatam, quam (si ei placeret,) possit illa pro propria ducere. Regis certè postulatum, Archi-Duci & Dominationibus vestris, jam à nobis exhibendum, possit tale esse; Ut secuti Regis Caroli Exemplum, qui jampridem eum abegit, Nebulonem istum à Territoriis vestris eliminare velitis: Verum quoniam Rex Majus quiddam expectare meritò possit, à Fœderato antiquo, quam ab Hoste nuper reconciliato, petit à vobis; ut eum in Manus suas tradatis: præsertim cum Pirata, & Impostores hujus generis, pro communibus Generis Humani Hostibus haberi debeant, nec juris Gentium præsidio inniti possint.

Post nonnihil Temporis, ad deliberandum, interpositum, Legatiz hoc breve Responsum tulerunt.

ARchi-Ducem in HENRICI gratiam, nullatenus Duci Eboraci prætenso, auxilia aut favorem præstiturum, sed in omnibus, Amicitiam, quæ ei cum Rege erat, conservaturum. Quatenus verò ad Ducissam Dotariam, illam in Terris Dotis suæ, plenam habere potestatem: Ideoque in manu Archi-Ducis non esse, quo minus re suâ pro Arbitrio suo utatur, eam impedire.

Rex, post reditum Legatorum, neutiquàm sibi hoc Responso satisfactum esse judicavit. Satis enim sciebat, Dotem Matrimoniale, nihil quod absoluti Imperii esset, (quale est Copiarum Administratio,) secum transferre. Quin & Legati disertis verbis ei retulerunt, Ducissam in Concilio Archi-Ducis magnâ Auctoritate pollere: Et quod utcumque Archi-Dux ad res Perkinii connivere tantùm simularet, secretò tamen ejusdem Incœpta promoveret. Itaque (partim Animum explere cupiens, partim Rationibus politicis inductus) statim Burgundos omnes è Regnis suis exulare jussit, tam Homines, quam Merces ipsorum; Mandans Subditis suis, (& nominatim Mercatoribus vulgò vocatis Adventurariis) qui Antuerpiæ residebant, ut statim domum redirent: Emporium (quod plerunque pannos Anglicos sequebatur) Caletum transferens; Omne etiam commercium in futurum cum Burgundis interdicens. Hoc Rex faciebat, partim ut nihil Honore suo indignum fieri permetteret; qui haud parùm perstringi posset, si quis ad Coronam Angliæ Prætenso, eum ex tam propinquo laceraret; atque interim ipse cum Natione, in quâ Prætenso ille se ostentaret, amicitiam non interromperet. Sed simul prudentissimo Consilio secum reputabat, subditos Flandriæ tanta lucra ex Commercio Anglorum percipere, ut, eo Interdicto publicato, citò tædio Rerum Perkinii affici possint: Quodque Tumultus Flandriæ, tam recentes & graves fuissent, ut Principi Populum irritare intempestivum esset. Nihilominus, Archi-dux, quasi per Talionem quandam, Anglos etiã è Flandriâ exulare jussit: In quo, si quis rem rectè introspeciat, solummodò actum agebat.

Rex benè jam & certò infermatus, quod spes Perkinii, magis à Conjuratis intra Angliam, quam ab Armis transmarinis, penderent, judicabat Remedium Mali eò optimè applicari, ubi Fomes Morbi erat; Itaque consultissimum existimavit in Judicium adducere, præcipuos aliquos ex conjuratis in Angliâ; unde & malignos Humores in Angliâ expurgaret, & spes in Flandriâ ebullientes redderet tepidiores. Jussit itaque apprehendi (eodem quasi temporis momento) Joannem Ratcliffum Dominum Fitz-waterum, Simonem Mountfortum, Thomam Thwaitum, Equites Auratos; Guilielmum Daubeneyum, Robertum Ratcliffum, Thomam Cressenorum, & Thomam Astwoodum. Hi omnes, læsæ Majestatis impetiti, convicti, & damnati; quod Perkinio adhæsisent, eique Auxilia polliciti essent. Ex his, Dominus Fitz-waterus, Caletum transvectus est, ibique arctè custoditus, spe etiã vitæ ei factâ, donec paulò post, (aut

impatiens custodiæ, aut astu proditus) cum custode suo de fugâ egisset, unde statim decollatus est. At *Simoni Mountforto*, *Roberto Ratcliffo*, & *Guilielmo Daubeneio*, immediatè post Sententiam in eos prolatam, capita abscissa sunt. Cæteris gratia facta est, tam *Clericis*, quàm *Laicis*; inter quos fuerunt duo *Fratres Dominicani*; Nec-non *Guilielmus Worsleius*, *Ecclesiæ D. Pauli Decanus*: *Clerici* autem, Examinationem quidem subierunt, sed in Iudiciûm publicum adducti non fuerunt.

Camerarius Hospitii Regii, illo sanè tempore, intactus permanfit: Sive quod *Rex* Humores varios simul movere metuerit, more *Medicorum* prudentium, qui caput ultimo loco expurgant; Sive quod *Cliffordus* (ex cuius Literis plurima de Conjuratis *Rex* didicerat) hanc partem in adventum suum, ut rem maximi meriti, reservârat; *Regi* tamen interim significans, suspicari se aliquos ex Potentioribus, huic Conjuratiom nomina dedisse; de quâ re *Regi* coram satisfacere in animo haberet.

In vigiliâ omnium Sanctorum, decimo autem *Regis* Anno, Filius *Regis* secundo-genitus *HENRICUS*, *Dux Eboraci* creatus est; Et simul, tam *Dux* ipse, quàm alii complures Nobiles, Equites Aurati, & Generosi Eminentiores, in ordinem *Equitum de Balneo*, pro ritu ulitato, cooptati sunt. Crastino *Epiphaniæ*, *Rex* à *Palatio* suo *Westmonasterii* (ubi *Festum Nativitatis Domini* celebraverat) ad *Turrim Londinensem* se contulit; Hocfecit, simul ac audisset *Cliffordum* (in cuius sinu aut capsulâ plurima *Perkini* Arcana reposita erant) in *Angliam* appulisse. Mansio autem *Regis* apud *Turrim* eo consilio delecta est, ut si *Cliffordus* ullos ex Potentioribus accusaret, possint illi sine suspitione, aut strepitu, aut Mandatis huc illuc mittendis, statim comprehendi; Cum tam *Palatium*, quàm *Carcer*, unicâ muri cincturâ clauderentur. Post diem unum aut alterum elapsum, convocavit Concilium secretum, & electum, atque *Cliffordum* ad conspectum suum admisit: Qui primò pedibus *Regis* advolutus, humillimè ejus veniam & gratiam imploravit; quam *Rex* ei tunc non gravatè concessit, etsi occultò antea securitatem de vitâ suâ accepisset. Tum iussus, ut quæ sciret referret, inter complures alios (ex motu proprio, neutiquam interrogatus) *Guilielmum Stanleium Camerarium* impetivit.

Rex ad nomen hujus Viri prænobilis visus est obstupescere, ac si de Prodigio aliquo miro ac formidabili nuncium accepisset. Fieri ne posse, ut vir, qui eum tanto officio obligasset, quale fuit, Vitam ejus servasse, & Coronam capiti imposuisse; Vir qui tam splendidâ & copiosâ fortunâ, frueretur, favore ejus, tam Opibus, quàm Honoribus auctus; Vir, qui etiâ tam propinquo Affinitatis gradu devinctus esset, cum *Frater* ejus germanus *Matri Regis* matrimonio junctus esset; Denique vir, cuius fidei *Rex* personam suam commiserat, eum constituendo *Camerarium* suum; ut Vir iste, adhuc apud *Regem* gratiâ florens, nec ullo modo gravatus, nec etiâ metu aliquo perculsus, sibi infidus esset? *Cliffordus* iussus est, ut iterum atque iterum, Capita Accusationis suæ adversus *Stanleium* recenseret: Admonitus subindè, ut in re tam incredibili, & quæ tantum Virum impeteret, veri-

veritatis limites nullo modo excederet. At *Rex* videns moderationem & constantiam ejus, in iis quæ affirmabat asserendis absque Hæsitacione aliquâ aut vacillatione, & cum iis protestationibus quæ decebant; Cùm etiâ Testimonium suum, Vitæ & Animæ suæ periculo, se defensurum recipiebat, eum semoveri jussit; Et multum prius questus, de Fortunâ suâ apud Consilium, mandavit, ut *Stanleius* in Cubiculo ejus proprio, intra *Turrim Quadratam*, ubi prius manserat, custodiretur. Die autem sequente examinatus est *Stanleius* à Consiliariis. In Examinatione suâ, nihil ferè eorum, quæ objiciebantur, negavit, neque Delictum suum magnoperè excusare aut extenuare conatus est. Ita ut (haud satis prudenter) dum culpam suam elevare speraret ingenuè confitendo, ita rem in liquido ponebat, ut ad condemnationem suam sufficeret. Opinio erat, eum multum superioribus Meritis suis confisum, atque Intercessioni *Fratri* ejus. Verum iis adjumentis præponderabant complura, quæ contra eum faciebant, & in *Regis* Ingenio & Animo prædominabantur. Primò Meritorum ejus Exuperantia: Etenim *Regibus* grata est Meritorum mediocritas, quibus Præmia paria esse possint. Deinde, Apprehensio Potentiæ ejus; Subiit enim *Regem* ea Cogitatio, ab eodem qui ipsum extulisset, periculum sibi imminere, nè rursus deiceretur. Tertiò, Confiscationis magnæ Expectatio; Etenim, omnium *Regis* Subditorum *Stanleius* erat ditissimus; quod postea patuit, inventis, in *Castello* suo de *Holt*, quadraginta Millibus Mercarum in Pecuniis Signatis, & vasis Aureis & Argenteis, præter Jocalia, Supellectilem lautam, Pecorum Greges & Armenta, & alia Bona mobilia, ingenti copiâ. Quod verò ad Reditus ejus attinet in Terris & Feudis, illi ad tria Millia Librarum, antiqui censûs, annuatim ascendebant; pro ratione temporum illorum, res mira, & fere inaudita. Postremò Temporis ipsius Conditio; Sienim *Rex* à metu, quoad statum proprium, planè immunis fuisset, verisimile est *Regem Stanleio* vitæ gratiam fuisse facturum: Verum impendente tam atrocis Rebellionis tempestate, securitati suæ consulere necesse habuit. Itaque post sex Hebdomadarum spatium elapsum, (quam moram *Rex* honorificè interposuit, tam ut *Fratri* Intercessioni spatium daret, quàm ut palàm fieret, se non sine conflictu quodam Animi ad hoc compulsus,) altæ Proditionis condemnatus est, & statim post decapitatus.

Attamen usque ad hodiernum diem, incertæ memoriæ est, tam crimen ipsum hujus prænobilis Personæ, propter quod morte multatus est; quam causâ Defectionis suæ à *Rege*, & infensi sui erga *Regem* animi. Casus ejus talis fuisse perhibetur; Quod scilicet, in Colloquiis suis cùm *Roberto Clifford* dixisset; *Se, si exploratum sibi esset, Adolescentem illum, verum fuisse Edwardi Quarti Filium, nunquam contra eum arma gesturum.* Casus iste videtur, primo intuitu, paulò durior; tam propter Particulam conditionalem, quàm propter verba reliquâ. Sed quantum ad Clausulam illam conditionalem videntur *Judices* illius temporis (qui viri fuerunt in Legibus apprime eruditi, quorumque tres primarii à Concilio sanctiori *Regi* erant) censuisse, periculosam admodum rem futuram, si Conditionalia admitterentur ad verba Proditoria qualificanda: Forè enim, ut cui-

vis liceret Malitiam suam proferre, Periculum verò vitare. Fuit autem Casus ille, non absimilis Casui, qui posterioribus temporibus emerferat *Elisabethæ Bartonæ*, dictæ *sanctæ virginis Cantii*: Quæ dixerat; *Si Rex Henricus Octavus, Catharinam repudiatam, rursus ad se non recepisset, futurum ut à Regno suo deiceretur, & mortem Canis obiret.* Possunt autem Casus innumeri hujus generis adduci. Quos (ut videtur) Judices illi gravissimi, in memoriam revocantes, noluerunt prorsus Proditionibus cum Clausulâ Conditionalis patrocinari. Quantum verò, ad Verba positiva illa, *Stanleium* nunquàm contra *Regis Edwardi Filium arma gesturum*, etsi verba illa lene quidem sonarent, nihilominus hoc dixisse, diserta & directa fuit Oppugnatio, & Abnegatio Tituli *Regis*, sive per *Lineam Lancastrensem*, sive per *Auctoritatem Parlamenti*. Quod proculdubio *Regem* altius pupugit, quàm si *Stanleius*, in Acie, hastam suam contra eum vibrâisset. Si enim *Stanleius* eam Opinionem defenderet, *Filium Edwardi* aliquem, Titulo ad Regnum, *Regis* Titulo potiore inniti; cum ipse tantâ auctoritate, & gratiâ, apud *Regem* floreret; nihil aliud hoc fuit, quàm universæ *Angliæ*, verbis præire, ut idem affirmarent. Itaque si quis temporum illorum conditionem rectè introspiciat, verba illa ad vivum usque perfecârunt. Verum Scriptores nonnulli extra dubium rem ponunt. Aiunt enim, *Stanleium*, & Promisso expresso, & Pecuniarum missarum pignore, se *Perkino* obstrinxisse.

Jam verò, quantum ad Causam Defectionis suæ à Rege; Verum est, *Regem* in Prælio de *Bosworth*, Turmis Hostium undique circumseptum, in extremo vitæ suæ periculo fuisse; cum *Stanleius* iste, à Fratre missus fuit, cum tribus millibus Armatorum, ad *Regem* eripiendum; Quod tam fortiter & foeliciter præstitit, ut *Rex Richardus*, in eo ipso loco, occisus esset. Adeò ut vita Mortalium majus Beneficium accipere nequeat, quàm *Rex* à manu *Stanleii* acceperat; Cum quodammodo *Christi* Beneficio simile quiddam esset, simul & *Servare* & *Coronare*. Pro quo tam insigni Merito *Rex* ei maximam gratiam habuit; Eumque *Consiliarium* & *Camerarium* suum constituit; Atque etiàm, (nonnihil contra Ingenium suum) ad Spolia illa ingentia Prælii de *Bosworth* connuerat, quæ universa ferè in hujus Viri commodum cesserunt, adeò ut inde supra modum ditaretur. Attamen tanto merito inflatior, sibi gratiam à Rege relatam minimè existimavit; Saltèm non ex mensurâ pressâ, & redundante, ut expectabat. Itaque Ambitio ejus in tantum exorbitavit & modum omnem excessit, ut à Rege se *Comitem Cestriæ* creari peteret. Qui Honor, cum semper ut Appennagium *Principatus Walliæ* reputaretur, & *Filio Regis primogenito* ex more cedere soleret; Petitio illa, non solum à Rege repulsam tulit, sed etiàm Animum ejus secretò offendit: Cum ex hoc, *Rex* satis perspiceret, Cupiditates *Stanleii* immoderatas esse, & Cogitationes ejus vastas, & irregulares; atque Beneficia priora *Regis* ei fordescere, nec prout decuit, æstimari. Cœpit itaque *Rex* ei intra animum suum minùs favere. Et quemadmodum Modicum Fermenti, totam Massam corrumpere solet *Regis* Sagacitas jam Passionis suæ ex novâ offensâ irritatæ suggerere cœpit, *Stanleium*, in Prælio de *Bosworth*, licèt satis celeriter advenisset, ad vitam *Regis* servandam

vandam; contrà tamen, fatis diu moratum esse, ut de vitâ Rex periclitaretur. Nihilominus, cùm nihil haberet, Accusatione in eum dignum, cum Honoribus suis frui, usque ad præcipitium istud extremum permisit.

Post eum factus est *Camerarius Hospitii Regis Ægidius Dominus Daubeneius*, Vir magnæ prudentiæ & fortitudinis; Quæ Virtutes magis in eo enituerunt, quod simul humanus fuerit, & moderatus.

Invaluerat Opinio, quod *Robertus Cliffordus* (qui jam factus erat veluti Delator *Regius*) etiàm ab initio fuisset Emisarius & Explorator *Regis*; & quod in *Flandriam* confugisset non sine *Regis* notitiâ & consensu. Verùm hoc minùs est probabile; tum quia nunquam Mensuram illam gratiæ apud *Regem* recuperavit, quâ ante discessum suum fruebatur; tum præcipuè, quia Delatio ejus circa *Stanleium* (quod ei pro maximo Merito erat) minimè processit ex iis quæ in *Flandriâ* dicerat, sed ei res illa ante Discessum suum ex *Angliâ* innotuerat.

Supplicium *Stanleii* & cæterorum (præcipuè verò *Stanleii*, qui Robur fuerat Partium) & Defectio *Cliffordi*, qui omnium erat apud Rebelles intimus, *Perkini* & Conjuratorum incepta, miris modis turbavit, tam metum injiciendo, quàm Suspiciones, & Diffidentiam; Adeò ut jam, instar Arenæ essent sine calce, malè inter se cohærentes; præcipuè qui ex *Anglis* essent: Qui jam attoniti, se mutuò obliquè intuebantur; incerti, quis Partibus suis fidus esset, quis secus: sed existimabant planè *Regem*, partim præmiis inescando, partim Arte irretiendo, omnes, qui alicujus essent pretii, in suas partes tracturum. Et reverà factum est, ut plurimi sigillatim recederent, alii post alios. *Barleius* (qui unà cum *Cliffordo* missus fuerat) ex iis fuit, qui diutissimè in fide ergà Rebelles permanfit, donec *Perkinus* ferè attritus esset; attamen etiàm *Regi* ad extremum reconciliatus est. Sed ruina hujus Viri magni, (*Stanleii* scilicet,) qui tantâ gratiâ & auctoritate (ut credebatur) apud *Regem* floruerat; Atque Modus ipse quo *Rex* Negotium illud tractavit, unde liquidò patebat, Inquisitionem occultam ei diù antequàm in judicium adductus fuisset incubuisse; simul & Causa, propter quam supplicio affectus est, quæ vix alia fuit, quàm quod affirmasset, *Titulum familie Eboracensis Titulo familie Lancastrensis fuisse potiores*; In quo Casu omnes ferè includebantur, saltèim quoad opinionem internam. Hæc omnia (inquam) res fuerunt incredibilis Terroris universis *Regis* servis & Subditis; Adeò ut nemo ferè tutum se reputaret: Quinetiàm eò res processerat, ut vix sermones inter se conferere Homines auderent, sed universalis cunctos invaderet Diffidentia; Ex quo factum est, ut *Rex* magis absoluto certè, sed minùs tuto Imperio frueretur: Nam, *Sanguis in Interiora fluens, & vapores intus conclusi, opprimunt & suffocant magis.*

Hinc orti sunt innumeri famosi Libelli (qui Libertatis sermonis cohibita Eruptiones sunt, & Seditio num quasi Femellæ) infinita in *Regem*, & aliquo ex Consiliariis suis intimis, Scandala & Invektivas ejaculantes. Pro quibus componendis & spargendis, post multam & diligentem Inquisitionem, quinque tantum tenuis conditionis Homines apprehensi sunt, & morte mulctati.

Rex interea res *Hiberniæ* non neglexit: Is enim Ager erat, in quo Fungi

Fungi illi (qui nocte unâ se attollunt) maximè vigere solebant. Misit igitur ex *Angliâ* (quò res suas in eo Regno melius componeret & stabiliret) utriusque Togæ Delegatos: *Priorem* nempè de *Lanthony*, ut *Cancellarii* munere ibi fungeretur; & *Edwardum Poyningum* Equitem Auratum, cum Copiis Militaribus, & Potestate Imperatoriâ; Atque unâ Diploma dedit, Auctoritatem in eum conferens *Locum-tenentis* sui, in Regimine Civili; In quâ Clausula erat, *Ut etiam Kildariæ Comes, tunc Hiberniæ Deputatus ei pareret.* Verùm *Hiberni* agrestes (qui maximè deliquerant) more suo, in Sylvas & Paludes fugerunt: Quique in pacato *Hiberniæ* similis Criminis conscii sibi erant, ad eos se receperunt: Adeò ut *Poyningus*, erga Erraticos *Hibernos*, Erraticam quandam Expeditionem suscipere compulsus fuerit: In quâ, propter Montes & Saltus, parum profecit: Quod (sive ex Melancholiâ quâdam suspiciosâ quod res ei malè successerunt; sive ut Conatus suos ab infamiâ vindicaret) imputari prorsus voluit favori, quo *Comes Kildariæ* secretò Rebelles prosequeretur: Levissimâ quaque suspicione, locum habente in eum, propter *Kildariæ Comitum* illum qui *Lamberto Simnello* adhæserat, & in *Prelîo Stokensi* occubuerat. Itaque *Comitem* comprehendi iussit & in custodiam dari, eumque in *Angliam* misit; qui examine debito factò, ita se purgavit, ut in Munus pristinum *Deputati Hiberniæ* restitutus fuerit. Sed *Poyningus* (quò Meriti sui, in Rebus Bellicis, exilitatem, Actis pacis, compensaret) *Parlamentum* convocavit: In quo Lex lata est illa memorabilis, quæ etiam hodiè *Lex Poyningi* vocatur: per quam, *Statuta Angliæ* universa, etiam in *Hiberniâ*, recipi & obtinere sancitum est. Antea siquidem *Hibernos* minimè obligabant; neque similiter ullum Statutum in *Angliâ* ordinatum, post tempora illa, scilicet Annum decimum *Regis*, *Hibernos* obligat.

Circa hoc tempus cœpit in *Rege* notari, Inclinatorum illa, quæ postea à consiliariis & Ministris pravis excitata & aucta, Macula planè facta est Regiminis sui. Illa erat Industria & Artes, pecunias à subditis suis emungendi, per Multas & Forisfacturas ex Legibus Pœnalibus: Id quod Hominum Animos magis hoc tempore percussit, quoniam facile erat cernere, hoc in Ingenio *Regis* penitus insitum fuisse, cum nullæ eum premerent Rei pecuniariæ angustiae; sed contrà, Thesauro ubertim abundaret. Etenim, Pecunias à Gallo propter Pacem nupèr receperat; à Subditis item eæ, quæ nomine *Benevolentiae* collatae fuerant, solutæ jam erant. His Casualia amplissima, ex confiscatione *Stanleianâ*, accesserant; præter alia Lucra diversa. Primus Casus in hoc genere memorabilis, fuit ille *Guilielmi Capelli, Equitis Aurati, Aldermani Civitatis Londinensis*: Qui vigore diversarum Legum Pœnali-um multatus est, ad Summam bis mille & Septingentarum Librarum; Et pro mille Sexingentis libris, cum *Rege* transegit: A quo tamen *Capello*, diù post, *Empsonus* novas pecunias extorquere annisus est; idque fecisset, nisi *Rex*, sub ipsum tempus, mortuus fuisset.

Æstate sequente *Rex*, ut Matrem suam consolaretur, quam semper unicè dilexit & reveritus est; atque ut fidem apud omnes faceret, Severitatem contra *Stanleium* (quam imposuit ei Necessitas, & Ratio statûs) nihil prorsus Amori suo, erga *Thomam Fratrem ejus*, detraxisse, profectus est, ad *Lathamam*, ut cum Matre &

Comite,

Comite, hilares aliquos ageret dies; ibique moram nonnullam fecit.

Durante adhuc hâc Regis profectiōe, *Perkinus* videns tempus & moram, quæ (dum Incepta sua occulta fuissent, nec in lucem prodissent, & in *Angliâ* satis prosperè successissent) rebus suis conducebant; nunc vicissim, cùm Consilia sua patefacta essent, contra eum potius facere (proptereâ quod cùm Res in declivi positæ sint, non facile sustinentur, aut sistuntur, absque novo impetu) constituit fortunam suam, per novam aliquam, in Angliam ipsam, Impressiōem, experiri; spem adhuc ponens in populi Inclinatione, & Favore, erga *Familiam Eboracensem*, At Corpus illud Vulgi, neutiquàm similibus Artibus tractari oportere, ac Personas eminentes, judicabat. Sed nullum aliud Affectuum vulgi Experimentum capi rectè posse, quam Vexillo in Campis expanso. Delegit autem, ex locis, in quibus Invasio fieri deberet, *Oras Cantii*.

Intereâ verò Regis Prudentia & Providentia, ad tale Opinionis & Famæ Culmen ascenderunt, ut quicquid prosperè e venerat, de industriâ, & ex composito, ab eo factum esse, existimaretur. Itaque creditum est, etiâ hunc particularem *Perkini* de *Cantio* invadendo conatum, Regi prævisum & præcognitum fuisse. Ideoque, quò facilius *Perkinum* in *Cantium* alliceret, eum in partes *Septentrionales* procul Profectiōem suscepisse: Luctatorum more, latus apertum *Perkino* ostendendo, ut irrueret, & incautè dejiceretur; cùm *Rex* eam *Cantii* Provinciam, jam antea sibi fidam, & erga se benè animatam, effecisset.

Perkinus autem, eo tempore, Colluviem quandam, ex omnibus Nationibus, collegerat: Nec numero certè, nec Animis aut Fortitudine contemnendam: Sed qui tali essent Ingenio & Fortunâ, ut non minùs Amicis quam Hostibus essent, formidabiles: Cùm plurimi eroum, ex-leges essent, & facinorosi, quique ex raptò vivere solerent. Hos in naves imposuit, iisque comitatus *Sandwicum* & *Dealam* Oppida Provinciæ *Cantii*, circa *Mensem Julii* appulit.

Illic Anchoras jecit, atque ut animos Plebis tentaret, aliquos ex suis in littus exposuit, multa jactando de Copiis, quæ præstò essent, statim subsequuturis. At Populus *Cantii* (cùm satis perspexissent, in Copiis *Perkini*, neminem comparare ex *Anglis* melioris notæ, sed Exteros tantum, eosque infimæ Conditionis Homines, ac ferè Latrones, longè magis idoneos, ad oras maritimas depopulandas, quam ad Regnum Domino suo recuperandum) ad primarios *Cantii* viros se contulerunt; studium suum & fidem versus Regem professi, & operam suam ultrò offerentes, & præcipi sibi petentes, quibus modis Regi maximè utiles esse possint. Primarii illi Viri, consilio inter se habito, jussurunt, ut Copiæ nonnullæ, numero haud exiguo, se circa Littora ostenderent: aliquæque ex ipsis Copias *Perkinianas* signis allicerent, tanquàm se cum illis conjuncturæ: Aliique nonnulli, à Littore se in Interiora recipere & aufugere simularent, quo *Perkinum* ad Homines suos in terram exponendos animarent; At *Perkinus* (qui in partibus Regis agendis jam peritus, aut fortassè à *Friono* Secretario instructus, didicerat Milites imperio parentes, primò stare, postea ordine incedere, Rebelles contrà confusè omnia agere & miscere) omnia sedatè & sine tumultu agi, observans, rem in
duriorē

durio rem partem interpretabatur. Itaque quo erat Ingenio subdolo, pedem è Navi movere noluit, priusquàm omnia in tuto videret. Quamobrem, Copiæ Regis animadvertentes, se plures allicere non posse, quam eos qui primò in terram expositi fuerant, Rebelles statim adortæ sunt, & considerunt, priusquàm in naves se recipere possent. Quâ pugnâ, (præter occisos, & eos qui fugâ se eripuerunt) capti sunt circiter centum quinquaginta Homines: Quos omnes (quoniam Rex judicabat, Morem illum paucos ad Terrorem reliquorum supplicio afficiendi, melioris notæ Hominibus competere; verum faciem Populi protinùs internecioni dandam, præsertim in principio Rebellionis; Simulque animo prospiciens, Copias *Perkini*, posthac, ex Colluvie & Sentinâ Hominum projectorum, compositas iri) in patibulo suspendi iussit, ad maiorem terrorem ejusmodi Nebulonibus incutiendum. Omnes *Londinum* perducti sunt funibus utrinque alligati, ut Equi in Plauistro, & morte affecti, alii *Londini* & *Wappingi*, alii circa Oras Maritimas *Cantii*, *Suffexiæ*, & *Norfolciæ*, ut loco Signorum Nauticorum & Laternarum essent, quæ *Perkini* Asilectas à Littoribus *Angliæ* absterre possent. Rex cum primùm de Rebellionum in *Cantium* impressione, certior factus fuerat, protectionem suam abrumperere cogitavit; Sed proximo die, nuncio accepto, quod partim devicti, partim fugati fuissent, Iter suum continuavit; & *Richardum Guilfordum* Equitem Auratum in *Cantium* misit; Qui populum convocans, eos, (ex parte Regis) Laudibus cumulavit, quod non solum in fide permansissent, sed operam suam tam promptè & prudentè præstissent; atque universis gratias egit, præmia etiam aliquibus privatim pollicitus.

Decimo sexto *Novembris*, Anno autem Regis undecimo, Electio *Servientium ad Legem*, in *Ædibus Episcopi Eliensis* celebrata est; quâ novem in eum ordinem cooptati fuerint. Rex Solennitatem illam præfentiâ propriâ, & Reginae suæ, honoravit; utpote Princeps qui semper Jureconsultos ornare & decorare consueverat: Id agens; Ut *Subditos Legibus suis*, *Leges autem Jure-consultis* regeret & flecteret.

Hoc etiâ Anno, Fœdus iniit Rex, cum principibus *Italici*, pro Defensione *Italiæ* contra *Gallos*. *Carolus* enim *Regnum Neapolitanum* subjugaverat, & paulò post amiserat; quasi per Somnium fœlix. Universam Longitudinem *Italiæ* pervaserat, nusquàm Arma expertus: Adeò ut verum esset, quod *Alexander Papa* dicere solitus est; *Gallos in Italiam venisse, cum Creta in manibus, quâ diversoria sua notarent, potius quam cum Armis, quibus pugnarent*. Etiam ipso Regno Neapolitano universo potitus est, gladium vix stringendo. Verùm statim post, tot & tantos Errores cumulavit, ut iis nulla fortuna, licet optima, par esse posset, *Barones Neapolitanos* Partium *Angeovinarum* minime demeruit; sed præmia sua, pro Arbitrio quorundam Famulorum suorum, qui lucra captabant, dispersit. *Italiam* universam contra se excitavit, eò quod *Ostiam* cepisset, & tenuisset, & libertatem *Pisanorum* protexisset: Quæ suspicionem omnibus injecerunt, Ambitionem ejus ultra *Regnum Neapolitanum* extendere. Nimis properè Amicitiam cum *Ludovico Sforzâ* dirupit; qui reverà Claviger fuit, *Gallumque* introduxit, & exclusit. Nonnullas etiam Belli Reliquias, in *Regno Neapoli-*

Neapolitano adhuc fumantes, extinguere neglexit. Postremò, quia *Italiam* sine oppositione pervaserat, *Arma Italarum* nimis despiciere cepit; Unde *Regnum Neapolitanum Italarum* Copiis minùs instructum reliquit. Ita ut, paulò post reditum ejus, universum *Regnum* ad *Ferdinandum Juniores* defecerit, & *Gallos* expulerit. Nihilominùs *Carolus*, cum ingentibus Minis, & magno Copiarum Apparatu, novam Expeditionem in *Italiam* destinabat. Itaque ad instantiam *Statuum Italiae* complurium (& maximè *Papæ Alexandri*) Fœdus ictum est, inter eundem *Alexandrum Papam*, *Maximilianum Romanorum Regem*, HENRICUM, *Regem Angliæ*, *Ferdinandum* & *Isabellam Reges Hispaniarum*, (ita enim in Tractatu Originali Nomina *Principum* illorum constanter collocantur) *Augustinum Barbadicum Ducem Venetiarum*, & *Ludovicum Sforzam Ducem Mediolani*; pro Communi defensione *Statuum* suorum singulorum. In quo Tractatu, licèt Nomen *Ferdinandi Junioris*, ut Partis principalis, non fuisset insertum, nihilominùs *Regnum Neapolitanum*, proculdubio erat inclusum, tanquam Feodum *Ecclesiæ Romanæ*.

Mortua etiàm est hoc Anno *Cecilia Ducissa Eboraci*, *Edwardi Quarti* Mater, apud *Castrum* suum de *Barkhamsted*, Ætate extremâ; Quæque eò vitam produxerat, donec vidisset, tres *Principes* ex Sobole suâ, coronatos; quatuor autem trucidatos. Sepulta est apud *Foderinghamiam*, juxta *Ducem* Maritum suum.

Hoc etiam Anno, *Rex* Comitia Ordinum convocavit: In quibus complures Leges latæ fuerunt, naturæ magis privatæ & vulgaris, quàm ut Historiæ Lectorem detinere mereantur. Atque meritò quis suspicari possit, ex iis quæ postea secuta sunt, *Regem*, sicut in salubribus Legibus ordinandis præcelleret; ita, in secreto, apud se constituisse, ex Legibus suis fructum percipere, non minùs ad colligendas Pecunias, quàm ad corrigendos Mores: Atque in hunc Finem eas in majus accumulasse.

Lex Principalis, quæ his Comitibus perlata est, fuit miræ cujusdam Naturæ; Justa potius secundum æquitatem naturalem, quàm ex normâ Juris; & Magnanima magis, quàm Cauta. Statuit hæc *Lex*, ut nemo, qui *Regis* partes tunc de facto regnantis secutus fuerat, propter ejusmodi crimen, unquam impeteretur aut condemnaretur, vel processu Legis, vel per Actum Parlamenti: Atque insuper, si tale aliquod Actum Parlamenti condemnatorium, fieri post contigisset, irritum & invalidum prorsus foret. Ista Constitutio in hoc fundabatur, quod rationibus Statûs magnoperè conveniret, ut Subditi de Jure *Regni* minimè inquirerent; Atque rursus, Conscientiæ Leges hoc postularent, ut (quicumque Belli exitus foret) Subditi obedientiæ suæ pœnas non darent. Genius hujus Legis pius & nobilis certè fuit; cum id in Bello statueret, quod *David* in peste à Deo petiit, qui dixit; *Si peccavi, percutite me; istæ autem oves quid fecerunt?* Simul occultò sapiebat ista *Lex* Providentiam & prudentiam quandam profundam; Nam omnem occasionem sustulit, cur Subditi in *Regis* Titulum curiosè inquirerent; cum ipsorum Securitati, quæcunque esset Belli fortuna, cautum jam esset. Præterea, non potuit non Corda & Amorem Subditorum sibi conciliare, quoniam

niàm magis videbatur prospicere illis, quàm *Regi* ipsi. Attamen in-
 rere à Milites hæc Lex exuebat & exolvebat, magno illo vinculo, & cal-
 cari Necessitatis (quæ illis aliàs incumberebat) pugnandi, & non, nisi
 partâ victoriâ, abscedendi : Quandoquidem, vitæ Militum & fortu-
 næ in tuto essent, sive fortiter pugnarent, sive terga verterent. Verùm
 quoad partem *Legis* secundam, vis ipsius planè vana fuit, & illusoria ;
 cum scilicet per Statutum præcedens, Statutum aliquod futurum fru-
 strari posse quis cogitet. Absoluta enim, & suprema potestas, seip-
 sam constringere non potest : Neque, quod Naturâ revocabile est,
 figi potest : Non magis, quam si quis Testamento suo declaraverit,
 quod si Testamentum novum conderet, illud irritum esse. Et quan-
 tum ad Casum Acti Parlamenti, memorabile prorsus accessit Exem-
 plum temporibus *Henrici Octavi* : Qui se, durante minore Ætate Filii
 sui, mortem obire posse prævidens, Statutum condi fecit : *Vt nullum*
Statutum, durante minore Ætate Regis, latum, Regem aut Successores ejus
teneret, nisi à Rege, postquam ad plenam Ætatem pervenisset, sub Sigillo
magno Angliæ confirmatum foret. Verùm primum Statutum, quod
 tempore *Regis Edwardi Sexti*, tunc minoris inactitatum fuit, illud prius
 Actum prorsus rescidit. Verùm, res quæ non sunt peremptoriæ ad
 obligandum, possint tamen esse commodæ, pro tempore, ad satisfa-
 ciendum populo.

Lata est etiam *Lex*, in Adminiculum & Firmamentum *Contributi-*
onis ejus, quæ dicta est *Benevolentia*. Quæ sancivit, ut Pecuniæ sum-
 ma, in quam aliquis consenserat, neque tamen soluta esset, *Legis*
 processu exigeretur. Quod Statutum, sicut Pecuniarum detentarum
 Solutionem acceleravit, ita Rei ipsi Auctoritatem addidit : Lata au-
 tem *Lex* est (ut prætendebatur) ad Instantiam ipsorum, qui jam antea
 solvissent.

His etiam Comitibus lata est, *Lex* illa bona, quæ Breve de *Attinctâ*
 vocatum introduxit, per quod Judicia Juratorum (quæ Veredicta vo-
 cantur,) falsa, rescindi possint ; quæ ante illud tempus *Euangelii* cu-
 jusdam instar erant, atq; planè irrevocabilia. Ad causâs Capitales hæc
Lex se non extendit, tam quia plerumq; *Regis* nomine eæ Causâs agun-
 tur, quàm quia illæ (si per viam *Indictamenti*, quod *Regis* nomine sem-
 per procedit, tractentur) duplici *Veredicto* transiguntur ; Nimirum e-
 orum qui inquirent, & eorum qui Quæstionem terminant ; unde fit,
 ut non duodecim Viri tantum, sed viginti quatuor Viri de re pronun-
 cient. Verùm (ut videtur) non fuit id solum in causâ, quod ad Ca-
 pitalia *Lex* non extenderetur. Ista enim ratio, ubi Causâ Capitalis
 à Parte gravatâ peragitur, non tenet : Sed illud in primis, in Consi-
 derationem venerat, ne fortè Juratores in Causis Capitalibus timi-
 diùs se gererent, si obnoxii essent novis Litibus & periculis, ubi favor
 vitæ contra eos faceret. Neque etiam extenditur ista *Lex* ad Litem
 aliquam, infra valorem quadraginta Librarum, quia in Litibus, tam
 exigui valoris, superaturæ essent impensæ Summam principalem, si
 retractarentur.

Lex alia sancita est, contra ingratitudinem Fœminarum, quæ à Ma-
 ritis suis, aut Maritorum suorum Parentibus, aut Cognatis, ad Terras
 promotæ eas alienarent, in Præjudicium, & Exhæredationem Hære-
 dum,

dum, aut eorum ad quos, post mortem ipsarum, Terræ illæ redire deberent. Huic malo Remedium porrigebat Lex, ut scilicet liceret Hæredibus, & cæteris, in Terrarum possessionem, nomine Foris-facturæ, non expectatâ morte Mulieris, continuò venire.

Lata est etiam illa Lex, Charitatis plena; ut scilicet Homines egeni, Lege agentes, admitterentur *in Forma Pauperis*; Hoc est, ut nihil solvant Advocatis, Procuratoribus, aut Scribis: Unde tamen factum est, ut Homines egeni, sicut *Lege* experiri melius possent, ita ad alios Litibus vexandos promptiores essent. Fuerunt & aliæ, iisdem comitiis, *Leges* introductæ, bonæ & sanæ, ut priùs dictum est: Sed more nostro, eas excerptimus, quæ naturæ sunt minimè vulgaris.

Rex interim, licet Comitiorum Negotiis incumberet, tanquàm in plenâ pace; videriq; vellet Consilia *Perkini* (qui jam in *Flandriam* redierat) veluti Floralia quædam, despectui habere; tamen *Regis* prudentissimi Constitutionem nactus (foris Animosi, intrâ providi) mandavit, ut Phari ad Oras maritimas vigiliis custodirentur; Et plures etiâ Phari erigerentur, ubi nimium inter se distarent. Et diligenter observabat, ubi tandem Nimbus iste erraticus erupturus foret. Sed *Perkinus*, à suis monitus, ut Ignem suum (qui hætenus tantum in viridi ligno depasceret) vivum servaret, foliis veluti assiduus, iterum in *Hiberniam* navigavit, unde priùs, propter spes præbitas à Gallis, potius quàm propter aliquod Impedimentum, aut Tepiditatem, quam in illo Populo expertus esset, discesserat. Verum tempus ipsum, cum *Regis* ipsius Diligentia, & *Poyningi* prudente Administratione, ita res *Hiberniæ* composuerat, ut nihil reliquum fieret *Perkino*, præter turbulentos impetus sylvestrium & nudorum Hominum. Itaque qui res ejus curabant, consilium ei dederunt, ut à *Rege Scotorum* Auxilia peteret; Principe Juvene, & Animoso, & Populo suo ac Proceribus acceptissimo, & erga *Regem HENRICUM* malè affecto. Hoc etiâ ipso tempore, tam *Maximilianus Rex*, quàm *Carolus*, cœperunt à *Rege HENRICO*, averso animo esse. Alter in malam partem accipiens prohibitionem Commerci cum *Flundriâ*: Alter *Regi* jam diffidens propter Fœdus nuper ictum cum *Italis*. Itaque præter Auxilia aperta *Ducissæ Burgundiæ*, quæ tanquam velis & remis contendat, ut *Perkini* Conatus promoverentur; non deerant secreti quidam Favores à *Maximiliano* & *Carolo*. Aded ut, occultis Literis, & Nunciis, res ejus *Regi Scotiæ* commendasse putentur.

Perkinus igitur, hujusmodi Fiduciâ fultus, in *Scotiam* adveniens, cum Comitatu decente, à *Rege Scotiæ* (ad hoc antea benè præparato) honorifice exceptus est; & paulò post adventum suum, ad *Regis* conspectum admissus, ritu solenni. Etenim *Rex* eum excepit, in Camerâ Præsentiali, astantibus multis ex Proceribus *Scotiæ*. *Perkinus* autem, cum satis splendido Comitatu, tam eorum quos ipse adduxerat, quàm eorum quos *Rex* ei advorsum miserat, ingressus est Cubiculum, ubi *Rex* allederat; Et ad *Regem* accedens, seque aliquantum incurvans, eum amplexurus, retrò se aliquot passus recepit; Atque voce clarâ (ut à præsentibus omnibus exaudiretur) tali Declaratione usus est.

REX Excelsæ, & potens; Celsitudo vestra, & Proceres bi vestri, qui adsunt, benigne (si placet) aures præbeatîs Tragicæ Narrationi Adolescentis, qui Iure debuerat Pilam Regni in Manu suâ gestare, sed Fortune Iniquitate factus est ipse Pila, de Calamitate in Calamitatem, & de Regione in Regionem jactatus. Conspicitis ante Oculos vestros positam Plantagenillæ Effigiem; qui à Gynæceis abreptus fuit in Asylum; ab Asylo in dirum Carcerem, à Carcere in Manum cruenti Carnificis; atque ab ejus Manu expofitus in Desertum: Sic enim Orbem Terrarum nobis vocare par est. Ita ut ille, qui in Spem, & Ius Regni potentis, natus est, ne Palmam quidem Terræ, in quâ pedem sistat, possideat; præter eam, in quâ nunc stat, Regio vestro favore admissus. Edwardus Quartus, nuper Angliæ Rex (Quod Celsitudinem vestram fugere non potest) duos reliquit Filios; Edwardum Principem, & Richardum Ducem Eboraci, utrunque Ætate tenerâ. Primogenitus, in Regnum Patris successit, Edwardus Quintus dictus. Verùm Richardus, Dux Glocestriæ, Patruus eorum crudelis, primò per Ambitionem, Regnum, deinde Nepotum Sanguinem, ad Statûs sui securitatem sitiens, cuidam scelerato, & sibi (ut putabat) fido, mandavit, ut utrunque jugularet. Verùm Carnifex ille, qui ad hoc facinus missus est, postquam Edwardum Primo-genitum crudeliter trucidasset, motus est, partim Compunctiõne quadam, partim aliis modis (de quibus silemus) ut Richardum, Iuniorem Filium, servaverit. Tyranno tamen referens, se Iussa ejus, in utroque interficiendo, executum. Isti Relationi à Tyranno fides adhibita est, eademque publicis Declarationibus est confirmata: Ita ut generalis invaluerit Opinio, utrunque sublatum fuisse, etsi Veritas ferè semper quosdam Igniculos habeat, qui passim volant, donec tempore suo manifestetur & emicet; quod etiam in hoc negotio contigit. Verùm Deus Omnipotens, omniaque disponens, qui Leonum ora obiuravit, parvumque Ioam conservavit à Tyrannide Athaliæ, cum Regis Liberos neci mandasset; Atque etiam Isaacum liberavit, in ipso temporis Articulo, in quo manus ad eum jugulandum extensa est: Fratrem Iuniorem conservavit. Ille enim ego, qui coràm adsum, verus sum Richardus, Dux Eboraci, Infelicis Principis Edwardi Quinti Frater, Legitimusque Hæres Masculus Inclyti illius Regis Edwardi Quarti, nuper Angliæ Regis. Quod ad modum Emissionis meæ è Turre attinet, consentaneum est, ut Silentio præmittatur,

mittatur, aut saltem Relatione secretiore tradatur; Quoniam, nonnulorum adhuc superstium interesse possit, atque etiam memorie aliquorum, qui jam fato functi sunt. Satis sit memorasse, me Matrem eo tempore in vi-vi habuisse, Reginam illam quidem, quæque indies Maudatum à Tyranno, de nece Filiorum expectaverat. Hoc modo, Ætate meâ adhuc tenerâ, summa Dei Misericordia, è Londino migrans, in partes transmarinas occultò transvectus fui: Vbi, qui mei curam habebat (utrùm novis Timoribus, aut animi Inconstantia, aut aliorum Artibus & Sollicitatione adductus, novit Deus) subito me deseruit. Vnde huc illuc errare, & tenues conditiones subire, compulsus sum, ad vitam sustentandam. Quare diversis passionibus distractus, ex altera parte, Metu, ne res palàm fieret, Tyrannique insidiis rursus exponeretur. Ex alterâ parte, Dolor & Indignatione, quod ignotus intam vili & abjectâ vitæ conditione degerem, decrevi mecum mortem Tyranni opperiri, & tunc me in manus Sororis meæ, quæ proxima Regni Heres esset, committere. Verùm intereâ evenit, ut quidam Henricus Tidderus, Filius Edmundi Tidderi, Comitis Richmondia, è Galliâ appelleret in Angliam, atque modis subtilibus & turpibus, Coronam Angliæ acquireret, quæ jure mihi debebatur. Adeò ut res meæ non proveberentur in melius, sed tantum Tyrannum mutarent. Henricus iste, Hostis meus insensibilis & Capitalis, quamprimum me vivere intellexerat, omnibus viis & modis, perniciem meam machinari cepit. Nam Capitalis ille Hostis meus, non solum me falsò & impudenter criminatus est, quod Persona ficta & supposititia essem, mihi nomina imponens contumeliosa, ut Mundo illuderet; verumetiam, ut Reditus meus in Angliam prohiberetur, amplas obiulit Pecuniarum Summas, quibus Principes, apud quos receptus fueram, aut saltem eorum Ministros, corrumperet; Quinetiam importunè, cum quibusdam ex Famulis meis interioribus egit, ut veneno, vel alio modo, me è medio tollerent; Cum aliis autem, ut à Causâ meâ justâ desciscerent, atque ex Servitio meo abscederent; quemadmodum Robertus Cliffordus & alii, à Tiddero seducti, fecerunt. Ita ut qui vi animi compos, facile perspicere posset, Henrico isti, se dicenti Regem Angliæ, non opus fuisse tantas pecuniarum Largitiones & Impensas profundere, neque tam indefesso labore & sollicitudine, necem meam & ruinam moliri, si ejusmodi ficta Persona fuisset. Verùm Causæ meæ Iustitia, tam liquidò apparens, Christianissimum Regem Carolum, nec-non Nobilissimam Heroinam, Ducissam

Dotariam Burgundiæ, Amitam meam charissimam, permo vit, ut non solum Caussam meam probarent, sed etiam Auxiliis benignè jurent. Verum (ut videtur) Numini Cælesti complacet (ad Bonum commune Insulæ hujus universæ, quò hæc Regna potentissima Angliæ & Scotiæ, melius & arctius, Amicitiaæ fœdere, ex tanto merito conglutinentur) Collocationem mei in Solio Avorum meorum Regum Angliæ, Armis & Auxiliis Celsitudinis vestræ reservare. Neque hæ primæ visæ sunt, quibus Rex Scotiæ, Reges Angliæ, Regno exutos, restituit; sicut recente Memoriâ, factum est in Personâ Henrici Sexti. Itaque, cum Celsitudo vestra jam pridem Specimen egregium ediderit, se, nullâ virtute Regiâ, Progenitoribus suis esse inferiorem, ego afflictus & calamitosus Princeps, veluti divino nutu monitus, ad vos accessi; Meque Fortunasque meas in Manus vestras Regias trado; Opem vestram implorans, quâ in Regnum meum Angliæ restituar; Fideliter vobis pollicitus, me erga Celsitudinem vestram, non aliter affectum iri, quam si Frater vester essem Germanus; Atque post Regni mei Adeptionem, gratè omnia pro viribus meis præstiturum, quæ tantâ Me obligatione exsolvere possint.

Postquàm *Perkinus* hanc Declarationem suam finiverat, Rex *Jacobus* generosè & prudenter respondit; Quisquis tandem ille fuerit, fore, ut eum nunquam peniteret, quod se in manus ejus tradidisset. Atque ab illo tempore, etiam non deessent qui persuadere ei conarentur, hæc omnia meras esse præstigias, tamen sive *Perkinus* blandis Obsequiis captus; sive in gratiam magnorum illorum Principum Exterorum; sive promptus ad arripiendam Belli contra *Henricum* occasionem, eum excepit in omnibus, ac si verus fuisset *Dux Eboracensis*; Caussamque ejus suscepit; Atque (quò magis fidem faceret, se pro magno Principe eum habere, minime autem pro Personâ fictâ) consensit, ut *Dux* iste *Perkinus*, in Matrimonium duceret, Dominam *Catharinam Gordonam*, prænobilem Fœminam, *Comitis Huntley* Filiam, Regique ipsi Sanguine conjunctam; Virginemque in flore Ætatis, eximiæ formæ, & virtutis.

Non diù post, Rex *Scotiæ* in personâ propriâ, *Perkinum* secum ducens, *Northumbriam* Exercitu magno invasit; Licet ex Limitaneis, quos subito coegerat, maximâ ex parte conflato. *Perkinus* autem, pro Suffitu quodam, in locis ad quæ venerat, promulgari fecit Edictum, in tenorem sequentium, sub Nomine *Richardi Quarti*, *Angliæ Regis*.

Placuit Deo Omnipotenti (qui Potentes de Solio eorum dejicit, & Humiles attollit, neq; spes Iustorum, in exitu perire sinit)

Nobis

Nobis tandem benignè indulsisse, ut Armatos nos, Subditis nostris Angliæ, ostenderemus. Verùm absit, ut eorum Damnum aut Nocumētum cogitemus, aut Bello illos impetere in animo habeamus, aliter, quam ut illos nobiscum unā, à Tyrannide & Oppressione vindicemus. Etenim, Capitalis Hostis noster, Henricus Tiddcrus, falsus Coronæ Angliæ usurpator, (que Iure Naturali & Hereditario ad nos devoluta est) satis sibi conscius de Iure nostro indubitato, (cū finis, verus Richardus Quartus, Angliæ Rex; utpote Heres Masculus, Inclyti & gloriosi Edwardi Quarti, nupèr Regis Angliæ,) non solum Regno nostro nos dejecit, Sed omnibus modis pravis, & sceleratis, nos prodere, & vitā privare, conatus est. Atamen, si Tyrannis ejus ad Personam tantummodò nostram se extenderet (etsi sanguis noster Regius Injuriarum sensum adaugeat) minis dolore afficeremur. Verùm Tiddcrus iste, qui se de Tyranni Excidio jactat, nihil aliud ferè, ab Introitu in Regnum suum, maleficio usurpatum, exercet, & executus est, præter Tyrannidem, & Tyrannidis Artes, & Facinora.

Richardus enim, Patruus noster impius, etsi Regnandi Cupiditas eum occæcaverit, tamen, in aliis rebus & Actis suis (ut verus Plantagenista) generosi Animi fuit, & honorem Gentis Anglicæ adamavit, atq; Procerum & populi sui Solatia & Commoda procuravit. Verùm Capitalis iste Hostis noster (pro Generis sui Ignobilitate) Honorem Gentis Anglicæ conculcavit, Fæderatos nostros charissimos vendendo, & Mercaturam quandam Sanguinis & Fortunarum, Nobilium, & aliorum Subditorum nostrorum, exercendo, per Bellā fictā, & Paces ignominiosas; Non alium in finem, quam ut Arcas suas thesauris impleret. Neq; dissimile extitit odiosum suum Regimen, & male versationes domi. Primò enim (ut Causam suam injustissimam crudelitate muniret) plures ex Nobilibus Regni (quos suspectos habebat, sibiq; infensos, atrocissimè necari jussit; veluti cbarissimum Consanguineum nostrum Guilielmum Stanleium Camerarium, Simonem Mountfortum, Robertum Ratchiffum, Guilielmum Dawbeneium, Humphredum Staffordum; & complures alios, præter eos, qui vitas suas immani pretio redemerunt: Ex quibus, haud pauci jam in Asylis degunt. Etiam diu in Carcere detinuit, & adhuc detinet, excellentissimum & præcharissimum Consanguineum nostrum, Edwardum, Filium & Heredem, patruī nostri, Ducis Clarentiæ, & alios; Eos Possessionibus eorum spoliando, in eum finem, ut opibus destituti, nobis,

Hujus Ed. Originale Scriptum, reponitur in Bibl. othecâ Roberti Cottoni, Equitis Aurati, Eximii sanè Conservatoris & Thesaurarii Antiquitatum rariorum: Cujus Manuscripta magnam nobis præbuerunt Informationis Lucem, ad hoc Opus conficiendum.

in causâ nostrâ justissimâ, pro Ligeantiâ & Fidelitate ipsorum, auxiliari non possint. Etiam, per vim & minas, aliquas ex Sororibus nostris, necnon Sororem prædicti Consanguinei nostri, Comitissæ Warwici, atq; complures alias prænobiles Fæminas, sanguinis Regii, nuptas dedit nonnullis ex Cognatis & Amicis suis, humilis conditionis Hominibus; atq; sepositis Nobilibus, quibus Patria sua Cordi est, nullos circa se habet, quibus fidit, præter Foxum Episcopum, Smithum, Braium, Lovellum, Oliverum Kingum, Davidem Audocenum, Rifeleium, Turbervillum, Tilerum, Cholmleium, Empsonum, Iacobum Hobartum, Ioannem Cuitum, Garthum, Henricum Wiatum, & hujusmodi alios Villanos, & Terræ Filios, qui callidis Inventis, & expilatione Populi, præcipua extiterunt Instrumenta Consiliarii, & Causæ Majorum, & Calamitatum, quæ nunc ubiq; regnant in Angliâ.

Nos in memoriam revocantes præmissa, necnon immania & execrabilia Maleficia, assidue perpetrata, per Hostem istum nostrum Capitalem, ejusq; Complices, violando libertates & immunitates Sanctæ nostræ Matris Ecclesiæ, sub Prætextibus mundanis, & quæ Hominem merè Animalem sapiunt, non sine summâ Omnipotentis Dei Indignatione, Cui accedunt multiplices Proditiones, infanda Murdra, Homicidia, Latrocinia, Concussiones, Extortiones, Perpetuæ Populi Expilationes, per Decimas, Tributa, Tallagia, Benevolentias, & alias à Lege prohibitas Impositiones, & graves Exactiones; cum multis aliis Factis odiosis, quæ Ruinam & Desolationem Regno, in propinquo, minantur; Gratiâ divinâ fulti, atq; ope & auxilio illustrium Procerum, Regii nostri Sanguinis, adhibitis etiam aliorum Hominum prudentium Consiliis, providebimus in posterum, atq; ita Rem publicâ ordinabimus, ut Merces Regni nostri nativæ maximo cum lucro impendantur; Commercia Regni cum Partibus Exteris ita administrentur, ut in majus Emolumentum cedant subditis nostris; & omnes illæ (quas recensuimus) Decimæ, Tributa, Tallagia, benevolentia, Impositiones & graves Exactiones, penitus aboleantur, & in desuetudinem veniant, neq; unquam posthæc resuscitentur, nisi in illis casibus in quibus Inclyti Progenitores nostri Reges Angliæ, ab antiquo, Subsidia & Collationes Subditorum, & fidorum Ligeorum, recipere consueverunt.

Atq; ulterius, ex gratiâ & Clementiâ nostrâ, per præsentem semul promulgamus & promittimus, omnibus subditis nostris, plenam & gratuitam Remissionem & Condonationem, omnium præteritorum Delictorum,

Delictorum & Offensarum, cujuscunq; Generis, contra Personam, aut Coronam nostram in adherendo Hosti illi nostri Capitali à quo satis scimus eos fuisse seductos, si infra tempus conveniens se nobis submittant. Quantum verò ad eos, qui cum primis nobis se aggregaverint, in Defensionem & auxilium Iuris nostri, eos tam ampliter sentire faciemus Regiam nostram Gratiā, & Munificentiam, ut in magnum solatium cessurum sit, tam illis ipsis, quam suis, & durante ipsorum vitā, & post mortem suam. Atq; insuper, omnibus viis & mediis, quæ Deus in manus nostras dederit, ita Sceptra tractabimus ut omnibus Hominum Gradibus & Ordinibus, Solatia & Beneficia præstemus, Immunitates sanctæ Ecclesiæ illesas conservando, Honores, Privilegia, & præeminentias Nobilitatis nostræ pro dignitate Natalium eorum, à Contemptu & vilipendio vindicando, Item Iuga solvemus Subditis nostris universis, Onerum & Gravaminum omnigenum; Civitatibus quoq; nostris, Burgis & Oppidis, Chartas suas & libertates confirmabimus, & amplificabimus etiam, si merebuntur. Deniq; in omnibus rebus, Subditis nostris occasionem præbe-
bimus, existimandi, fœlix illud & clementissimum Edwardi Incl-
yti Patris nostri, posterioribus vitæ suæ Annis, Regimen, in nobis
revixisse.

Quoniam verò, Mors, aut Captivitas, prædicti Hostis nostri Capi-
talis, multæ Sanguinis Effusioni parcere possit, aliter proculdubio se-
cuturæ, si Terrore, aut Promissis, complures ex subditis nostris in Par-
tes suas contra nos pertraxerit, quod protinus evitare cupimus (et si
pro certo informemur, prædictum Hostem nostrum, decrevisse, jamq;
in procinctu esse, quo è Regno aufugiat, magnis Thesauris Coronæ
nostræ, in exteras Partes, jamdudum transmissis, ut copiosius vitam
in exilio sustentare possit) per præsentis edicimus, si quis Hostem il-
lum nostrum ceperit, aut afflixerit, (qualiscunq; demum fuerit Con-
ditionis qui hoc fecerit) eum remuneratum iri, mille Libris Pe-
cuniæ, in manus suas statim numerandis; atq; insuper centum Mer-
cis Redituum per Annum; sibi & Heredibus suis concedendis in per-
petuum; præterquàm, quod Deo, & omnibus Subditis bonis, rem
gratam faciet, ejusmodi Tyrannum tollendo.

Postremò omnibus notum facimus, Deumque omnipoten-
tem testamur; Cùm Deus Cor charissimi Consanguinei no-
stri, Regis Scotiæ, excitaverit, quò huic causse nostræ justif-
icæ, in propriâ Personâ suâ, adesset; Hoc ab eo factum
esse absq; aliquo pacto, & promisso, aut etiam postulato,
in

in præjudicium Coronæ, aut Subditorum nostrorum; sed contra, Fide datâ, ex parte dicti Consanguinei nostri, se, quandocunque nos invenerit, satis virium habere, ad Hostem nostrum debellandum, (quod speramus brevi futurum) confestim, pacificè in Regnum suum reversurum: Gloriâ tantum tam egregii Incepti contentum, unâ cum verò & fido nostro Amore & Amicitia. Quam, (Gratiâ divinâ aspirante) ita semper dispensabimus, & fovebimus, ut magno solatio futura sit, utriusq; Regni Subditis.

Verùm Edictum *Perkini* Populum *Angliæ* parùm permovit; Neque gratior erat ejus Adventus, propter Consortium illius, cum quo venerat. Itaque *Rex Scotiæ* animadvertens, neminem ad *Perkinum* venire, neque alicubi in favorem causæ ejus se armare, Bellum in Incursionem vertit, & Provinciam *Northumbriæ*, Gladio & Incendiis vastavit, & diripuit; Verùm, postquam audisset, Copias contra se venire; neque volens Homines suos spoliis onustos, & graves deprehendi, in *Scotiam* cum prædâ amplâ rediit; Incepti prosecutionem in aliud tempus differens. Traditum est, *Perkinum*, personam Principis probè imitantem, cùm videret *Scotos* Regionem illam depopulantes, queribundum, ad *Regem* accessisse, eumque obsecrasse; Ne Bellum in eum modum, gereretur: Sibi enim nullam Coronam tam charam esse, ut eam Patriæ suæ sanguine, & Ruinâ, redimere vellet. Cui *Rex Scotiæ* ferè per Ironiam respondit: Se multum vereri, quod de re non suâ sollicitudinem susciperet; Quodque ipse nimis providus villicus Hosti futurus esset, si Regionem in usus ejus servasset.

Per hoc tempus Annum, scilicet *Regis* undecimum, Interruptio Commercii inter *Anglos* & *Flandros*, cœpit Mercatores utriusque Nationis graviter pungere. Majorem igitur in modum commoti, omnem Lapidem moverunt, ut Principes suos respectivè flecterent, ad commercium illud denuò aperiendum, Quâ in re Tempus iis favit. Cœperunt enim jam *Archidux* & Consilarii sui, cernere, *Perkinum* Errorem, & Cosmopolitam inventum iri: Quodque puerorum esset, circa pupas, rixari. Quin & *Rex* ipse *HENRICUS*, post Impressiones illas *Perkini*, in *Cantium*, & *Northumbriam*, factas, & frustratas, *Perkini* Negotium minùs æstimare cœpit; Aded ut, aliquo Consilio statûs, ejus rationem habere, consentaneum non putaverit. Verùm, quod eum maximè inovit, illud fuit, Quod cùm *Rex* esset, Thesauri & Opum appetentissimus, pati non potuerit, commercium tanquàm Atrophîâ languescere; Aut ullam manere Obstructionem in *Venâ portâ*, per quam Sanguis ille flueret. Attamen Majestatem suam eò usque tuebatur, ut se rogari primùm vellet. Quinetiâ Mercatores, qui *Adventurarii* dicebantur (Quorum Societas tunc opulentia floruit, & magno Locupletum numero, & bonis Contributionibus corroborata erat) nihil humile fecerunt, sed Nativas Regni Merces coemerunt, etsi in manibus suis, veluti mortuæ, jacerent, Exportatione cessante. Tandem *Londini* convenere Delegati ex utrâque parte, qui de negotio tractarent. Ex parte *Regis* *Foxus* *Episcopus Privati Sigilli Custos*;

Vice-

Vice-Comes Wellensis; Kencallus Prior Sancti Johannis; Warthamus Custos Rotulorum, qui in Regis Gratia, & bonâ Opinione, indies magnopere proficiebat; Wythiam, qui in omnibus ferè negotiis adhibitus est; & Rifeleius. Ex parte *Archi-Ducis, Dominus Beverus Admirallius ejus; Dominus Verunsellus Præses Flandriæ:* & alii. Hi Tractatum ad Exitum perduxerunt, tam de Amicitia, quàm de Commercio, inter *Regem & Archiducem;* Articulos complectentem, tum Statûs, tum Commerciû, & liberæ Piscationis. Hic est ille Tractatus, quem *Belgæ,* in hodiernum diem, vocant *Intercursum magnum;* Tam quia, omnibus numeris suis, magis esset absolutus, quàm Tractatus præcedentes, tertii & quarti Annorum *Regis;* Præcipuè verò, ad discrimen alterius Tractatûs, qui secutus est, Anno vicesimo primo *Regis,* quem *Intercursum minus* vocant. In hoc Tractatu, continebatur Articulus expressus (Ne alteruter *Princeps* alterius Rebelles reciperet) in hunc tenorem; *Vt si alter ex Principibus, à Fœderato suo, Rebellem aliquem suum, sibi tradi petiisset, Statim Fœderatus ille, eum à Territoriis suis excedere, Edicto juberet. Cui nisi Rebells intra quindecim dies paruisset, statim pro Proscripto esset.* Verùm in isto Articulo, *Perkinus* nominatus non est, nec fortallè inclusus, quia Rebells non erat; Sed tamen per hoc, Alæ ejus succisæ erant, quatenus ad Sequaces suos ex *Angliâ.* Quin insupèr, in *Tractatu,* disertis verbis, insertum erat, ut hæc Prohibitio, ad Territoria *Ducissæ Viduæ,* extenderet. Post Commercium redintegratum, *Mercatores Angli,* in Sedem suam *Antuerpiæ,* redierunt; ubi *Solenni Processione,* & insigni latitiâ excepti sunt.

Hyeme sequente, nimirum Anno duodecimo *Regis,* Rex Comitia sua iterum convocavit; In quibus, majorem in modum questus est, de Malitiâ *Regis Scotiæ,* & de crudeli ac prædatorio Bello, quo *Angliam* invaserat. *Regem* illum, qui Fœdere sibi junctus esset, & nullâ re à se provocatus, tanto erga se odio arsisse, ut *Fæces Perkinii* Intoxicationis epotaret; quos jam cæteri omnes ubique abjecerant, & despexerant; Cùmque vidisset, supra vires suas esse, ut *Regi* noceret, Arma sua in Inermes & Imparatos vertisse, spoliando & depopulando Agros, contra Jura, & Pacis, & Belli; Orationem autem suam claudabat, se non posse, absque Honoris sui jacturâ, & Subditorum suorum periculo (quibus Protectionem debebat) Injurias illas inultas pati. Comitia, quid *Rex* sibi vellet, satis intellexerunt, eique *Subsidium* concesserunt, limitatum certè, sed tamen amplissimum, ad Summam videlicet centum & viginti Mille Librarum, unâ cum Quindecimis duabus. Bella enim *Regis HENRICI,* ei semper fuerunt instar Mineræ cujusdam admirabilis, quæ Ferrum habebat in Summo; Aurum verò & Argentum in Fundo. His Comitiiis, (quia Anno superiore tantum Temporis in ferendis Legibus impensum fuit; atq; etiam, quia hæc Comitia ob *Scotiæ* Bellum solummodò convocata erant) nullæ *Leges* memoriâ dignæ sancitæ sunt: Præter unam, quæ perlata est, ad Instantiam *Mercatorum Adventurariorum* per *Angliâ* sparsorum, contra *Mercatores Adventurarios Londinenses,* propter Monopolium quoddam, & Exactiones novas, Mercibus impositas. Quod, ut videtur, à *Londinensibus* factum est, ut sibi paulum subvenirent, post du-

ra tempora, quæ sustinuerunt, ob Defectum Exportationis. Verùm Novitates illæ à *Parlamento* sublatae sunt.

Sed *Regi* fatale erat, pro Pecuniis suis dimicare. Et si enim pugnam cum Hostibus exteris devitaret, tamen semper pugnare compulsus est cum Rebellibus domi. Quamprimum enim cœpit *Subsidium* exigi in *Provincia Cornubiæ*, Populus confestim Murmura, & Verba odiosa jactare cœpit: Cùm *Cornubienses*, Genus Hominum essent, Animis obstinatum, Corporis Compagē & viribus robustissimum, quique duriter in terrâ sterili degerent; Quinetiam, complures ex iis (si necessitas postularet) sub terrâ vivere poterant, cùm Stannarii essent. Illi immaniter frendebant, Rem esse prorsus non tolerabilem, ut propter pusillos motus *Scotiæ*, citò dissipatos, ipsi ad pulverem usque Exactionibus permolerentur: Quin & vociferabantur, Solutiones ejusmodi iis competere, qui haberent quod solvere possent, quique vivebant ociose; Se verò, panem, quem in sudore vultus parassent, planè comesturos; neque quenquam eum ipsis erepturum. Quemadmodum autem accidit, ut cum Æstus Populorum favire incipiant, non desint plerunque venti Turbidi, qui eos majorem in modum exagitant, Ita Populus iste, in duos incidit Antesignanos, & Rebellionis Faces: Alter erat, nomine *Michael Josephus*, *Faber Ferrarius*, ex uilla *Bodmini*: Nebulo audax & loquax, & qui Infimorum Sermonibus celebrari gestiebat. Alter erat *Thomas Flammockus*, Jure-consultus, qui multum apud vicinos suos poterat, quia scilicet, cùm de Jure confuleretur, Legem ab eorum parte stare, ferè semper responderet. Iste Sciulus eruditè loqui volebat; quasi modum teneret, quo Rebellio possit iniri, absque Violatione Pacis. Populum autem magno cum supercilio edocuit, Subsidia in hoc præsentī casu, Jure concedi non potuisse; hoc est, propter Bella *Scotiæ*, (quia *Lex* aliud excogitaverat Remedium, nimirum *Servitium Scitagii*, pro hujusmodi Expeditionibus) multò minùs, cum rebus satis pacatis, Bellum tantum prætexebatur, ad expilandum Populum. Itaque consentaneum esse, ut neutiquam starent tanquàm Oves coram Tonfore, sed se armarent, & Tela arriperent; Ita tamen, ut nulli creaturæ nocumentum infligerent, sed tantum *Regi* petitionem, validā manu, porrigerent; ut ejusmodi graves Exactiones revocaret; Atque eos, qui Consilii ejus Auctores fuerant aut Suasores, supplicio afficeret; quo cæteris metus incuteretur, ne similia in tempus futurum auderent. Atque pro suā parte, non videre se, quomodo officio *Anglorum* fidelium, & bonorum Ligiorum, satisfacere possent, nisi *Regem* à tam pernicioso Consiliariis liberarent, qui tam ipsum, quàm Populum suum protinus everfuri essent. Innuebant *Cardinalem Mortonum*, & *Reginaldum Braium*, qui *Regi* Umbellæ in hujusmodi rebus erant.

Postquam isti duo *Flammockus*, & *Faber Ferrarius*, garrulitate suā, partim publicè, partim secretò, aures Populi implessent, & Animos vulgi inclinatos, & promptos ad Consilia sua, invenissent, se pro Ductoribus populo offerēbant, donec alii viri Eminentioris gradus, à partibus suis se declararent, quod brevi fore dixerunt: Se verò nihil aliud quam servos ipsorum futuros, in periculis tantum primos: Minimè verò dubitare, quin Fines extremi, Occidentales & Orien-

& Orientales *Angliæ*, in tam justâ causâ concurriri sint : quodque universa ista (si quis rectè rem intelligeret,) pro *Regis* servitio, & bono, facerent. Populus hujusmodi seditiosis sermonibus instigatus, Arma sumpsit (plurimisque Arcus, & Sagittas, & Falces, atque hujusmodi Agrestium Tela gestantibus) & continuò sub Imperio *Duclorum* suorum (quod Imperium in hujusmodi casibus semper tenebatur ad Bene-placitum populi) è *Cornubiâ*, per *Devoniam*, usque ad Oppidum *Tauntoni*, in *Provincia* *Sommersetten*si perrexerunt, sine ullâ cede, violentiâ, aut prædâ. Apud *Tauntonam* autem oestro perciti, unum ex Exactoribus Subsidii rigidioribus, qui appellatus est *Præpositus Perini*, trucidârunt. Inde profecti sunt *Wellestam* ubi, *Baro Audleius*, (cum quo Ductores Rebellium Consilia antea secretò miscuerant) Vir nobilis, ex antiquâ prosapia, sed Ingenio turbido, & in ruinam propriam aspirante, se cum illis conjunxit; atque ab illis lætis clamoribus, pro *Imperatore* ipsorum, agnitus fuit; Animos jam novos fumentibus ipsis, cum senserint se ab uno ex Proceribus duci. *Dominus Audleius*, *Wellestam* *Salisburiam*, *Salisburiam* *Wintoniam*, eos duxit. Inde Stultus Populus, (qui scilicet *Ductores* suos ducebat) omninò in *Cantium* duci volebat; secum fingentes Populum *Contii* sibi hæsurum, infulsissimo prorsus Consilio : Cum *Cantiani* nupèr magnam Fidelitatem & Animi promptitudinem erga *Regem* ostendissent. Verùm fatuus ille Populus, audierat *Flammockum* dicere, *Cantium* nunquam fuisse subjugatum; Atque *Cantianos* fuisse Homines, inter *Anglos*, in Libertate asserendâ acerrimos. Atque his frivolis sermonibus, magna de iis sibi promiserant, in Causâ, quam pro libertate Subditorum susceptam credi volebant. Sed cum in *Cantium* venissent, *Provincia* illa adeò benè composita erat, & sedata, tam recenti *Regis* erga eos Comitatus, quàm Auctoritate & Existimatione *Comitis Cantii*, *Baronis Abergavennii* & *Baronis Cobhami*, ut ne unus quidem, sive ex Eminentioribus, sive ex Inferioribus, ad eos accederet. Quod haud parùm terruit, & fregit multos ex iis, qui minùs erant contumaces : Adeò ut ab exercitu aufugerint, & domum redierint. Verùm Pertinaciores, quique se promptissimos in causâ declaraverint, persistebant; & superbiebant potius quam Animos submittebant. Quemadmodum enim illud nonnihil eos terrebatur, quod nemo se iis adjungeret; ita & spiritus addebat, quod Copiæ *Regis* minimè eos invaserant; cum ab Occidentali ad Orientalem Extremitatem *Angliæ* pertransissent. Itaque Professionem suam continuârunt, & castrametati sunt super *Blackheath* inter *Grenovicum* & *Elthamam*; minantes se, aut cum Rege prælium conferturos (jam enim *Fluctus* se altiùs quam ad *Mortonum*, aut *Braium* extulerunt) aut *Londinum*, in Conspectu ejus, capturos; Sperantes se in *Urbe* inventuros, non minùs Formidinis, quàm Opulentia.

Sed ut ad *Regem* revertamur. Cum primùm certior factus esset, de Insurrectione *Cornubiensium*, propter Levationem *Subsidii*, majorem in modum commotus est: Non rei ipsius ergò, sed propter aliorum periculorum, quæ eodem tempore ei impendebant, concursum. Metuebat enim, ne bellum è *Scotiâ*, Rebellio illa ex *Cornubiâ*, & conjuratio *Perkini*, ejusque sequacium, simul in eum ingruerent: Satis gna-

rus, periculosam esse eam Monarchiæ Triplicitatem, cum Bellum Externum, Rebellio Intestina, & Competitor Titularis, simul impendant. Attamen, Occasio eum ex parte invenit paratum. Simul-ac enim Comitibus soluta fuissent, Rex potentem Exercitum coegerat, quo Scotiæ Bellum inferret. Quin & Rex Scotiæ Jacobus similiter magnas Copias instruxerat; vel quò Regnum suum defenderet, vel quò Regnum Angliæ iterum invaderet. Verùm Regis HENRICI Copiæ, non solum præparatæ erant, sed planè in procinctu, sub Ductu Daubenii, Camerarii sui. Sed auditâ rebellionem Cornubiæ, Rex eas Copias apud se tenuit, ad Præsidium suum proprium. Attamen interea Comitum Surriæ in partes Boreales celeritè misit, ad Defensionem, & Robur earum Regionum, si fortè Scoti aliquid molirentur. Verùm quoad modum suum cum Rebellibus procedendi, is longè diversus erat, à præcedente suâ consuetudine, & Practicâ, quæ semper fuit, cum magnâ alacritate, & celeritate conjuncta, solebat enim eis sine morâ resistere, aut etiâ eos adoriri. Hoc ei prius in more fuerat. Verùm nunc, præterquàm quod erat ætate provectior, minúsque periculis appetens, propter diutinam fruitionem Regni, tempus ejus generis fuit, ut varia periculis facies, diversæ Naturæ, & à Partibus diversis, cum in hoc consilium adduceret, ad vires suas unitas conservandas, in Sede & Centro Regni: Secundum vetus illud Indorum Emblema, in rebus tam tumidis; *Manum in medium vesicæ imponere, ut neutrum latus insurgeret*. Præterea, nulla ei incumbere necessitas, propter quam ab hujusmodi Consilio decederet. Neque enim Rebelles Regiones depopulabantur, quo casu parùm ei honorificum fuisset Populo non succurrere: Neque, ex alterâ parte, eorum Copiæ ullâ accessione augebantur; Quæ eum moveret, ut properaret, & rem præcipitaret, antequàm in vires nimias excrescerent. Postremò, & statûs, & Belli Rationes, ab hoc constare videbantur; quia Motus populares plerunque magis furiosi sunt in principio. Atque insuper, hoc modo, eos plus in arcto habebat, & magis sibi obnoxios, cum longè à Patriâ suâ remoti essent; ideoque fieri non poterat, ut domum se reciperent, & Motus fortalsè renovarent.

Cum igitur Rebelles (ut dictum est) super Collem de *Blackheath*, castrametati essent, unde conspiciere possent urbem *Londini*, & pulcherrimam Vallem circumjacentem: Rex secum reputans, plurimum Honoris sui interesse, ut quò magis in iis adoriendis rem hætenus distulisset, eò citiùs Prælium confereret, ne Cunctatio illa ex aliqua tepiditate, sed ex prudentiâ, & opportuniâ temporis electione, provenisse videatur; decrevit, omni morâ sepositâ, cum iis congregi; hocque nihilominus, eâ cum providentiâ, & circumspeditione, ut parùm Fortunæ relinqueret. Cumque amplissimas Copias coegisset, quò magis omnia Accidentia in ordinem redigeret, eaque veluti superior regebat, illas trifariam divisit. Atque exercitus primus, à Comite *Oxonie*, ut Generali, cui subessent Comites *Essexiæ* & *Suffolciæ*, ducebatur. His datum est in Mandatis, ut cum Turmis aliquot Equitum, & Peditum Cohortibus, & Tormentorum firmo apparatu, collem circumirent, ubi Rebelles castrametati fuerunt, seque ultra eos sisterent; Omnesque Collis *Fimbrias*, & Declivia obsiderent; præter ea, quæ versus

Londinum

Londinum patebant; ut *Feræ* istæ, tanquam *Indagine*, clauderentur. Secundum Exercitum (qui maximè in pugnam venturus esset; & in cuius *Manu* *Fortuna* prælii, ejus diei; maximè sita foret) *Domino Camerario* attribuit: Cui præceperat, ut à fronte *Rebelles* invaderet, ex eâ parte, quæ *Londinum* prospiciebat. Tertium Exercitum, maximum certè & instructissimum, circa se retinuit; ut in omnes *Eventus* paratus esset, vel ad pugnam instaurandam, vel ad victoriam consummandam, atque interim, ut *Urbs* in securo esset. Atque in eum finem, castrametatus est ipse, in *Campis S. Georgii*, ut se medium poneret, inter *Rebelles*, & *Urbem*. *Civitas* autem *Londini*, præcipuè sub initiis, cum *Rebelles* tam propè castrametatos cerneret, magno tumultu egit: Ut fieri solet in opulenti & populosis *Civitatibus* (præfertim iis, quæ *Regionum* suarum tanquam *Reginæ* sint) quæ raro admodum ex fenestris aut turribus ipsarum, *Hostilem* Exercitum vident. Verùm, quod maximè eos pupugit, illud erat, quod cum inconditâ turbâ rem habituri essent, cum quâ nulla erat *Compositionis*, aut *Conditionum*, aut legitimi alicujus *Tractatus* spes, si opus esset; sed quæ in rapinas, & prædam, ruitura videbatur. Et si enim audissent, *Rebelles* in *Itinere* suo, se pacatè & modestè gessisse; tamen malè metuebant, hoc ipsorum temperamentum, non diù duraturum: sed potius hoc ipsum eos acuerè posse, ad spolia in fine captanda. Itaque *Populus Londinensis*, perpetuò huc illuc cursitabat, alii ad *Portas*, alii ad *Muros*, alii ad littora *Fluvii*; sibi ubique metus, & *Pannicos Terrores* injiciendo. Nihilominus, præter *Civitatis Tatus*, necnon *Shanus* & *Haddonus Vice-Comites*, officio suo strenuè, & fortiter functi sunt, in populo armando & instruendo. Quibus *Rex* adjunxit nonnullos ex viris *Militaribus*, qui *Cives* consilio & operâ juvarent. Verùm haud multò post, cum intellexissent *Cives*, *Regem* ita rem administrasse, ut necesse foret *Rebelles* ter *Victores* evadere, antequam ad *Civitatem* appropinquarent; Quodque *Personam* suam propriam, inter eos & *Rebelles*, mediam fuisse; Quodque cura major esset *Rebelles* circumcludendi, ne aliquis eorum effugeret, quam quod de victoriâ in ipsos omnino dubitatio subesset; tumultuari destiterunt, & se in tuto esse credebant. Eò magis, quod magnam fiduciam habuerunt, in tribus *Ductoribus*, *Comitibus Oxoniæ*, & *Essæxiæ*, & *Daubeneio*, qui omnes celebrati & gratiosi fuerunt apud populum. Quantum verò ad *Jasparum Ducem Bedfordiæ* (quem *Rex* *Bellis* suis præficere solebat) tunc temporis agrotabat, neque diù superstes fuit.

Dies Prælii insecuti, fuit vicesimus secundus *Junii*, & *Dies Saturni*, (quem *Diem* *Hebdomadæ* *Rex* pro fausto ducebat) et si *Rex* quâ poterat *Arte*, falsum *Diem* in vulgus jecerat; Ac si, in animo haberet, *Rebelles* proximo *Die Lunæ* invadere, quo magis eos imparatos, & *Ordinibus* solutos, deprehenderet. *Nobiles* illi, quibus ea pars *Belli* assignata erat ut *Collem* circumsepirent, aliquot antè dies in locis opportunis se stiterunt, *Rebelles* intercepturi. Tempore autem pomeridiano, *Die* paulum declinante, (quod factum est, ut *Rebelles* certius crederent se eò die non conflicturos) *Daubeneius* contra eos *Copias* duxit: Ac primo *Cohortes* aliquot à *Ponte Detsfordiensi*, retrò se recipere compulit, licet fortissimè & acerrimè pugnassent. Sed cum *Nu-*

merus eorum haud magnus esset, se ad Aciem ipsam, quæ in colle morabatur, receperunt. At Exercitus Rebellium, audito quòd Copiæ Regis jam adessent, Ordines suos instruebat, sed non sine magnâ confusione. Verùm neque Copias, ut ratio Belli postulabat, in primo Collis ascensu, versus Pontem collocaverunt, quæ iis Subsidio essent, quæ Pontem custodirent : neque Exercitum suum promoverunt, ad acclivia Collis, ubi iniquo loco, à Regis Copiis, pugnam conferi, necessum fuisset ; sed in planitie Collis procul instruxerunt. Ita ut *Daubeneius* Collem ascenderet, & æquo loco se sisteret, antequàm ei resisteretur. *Daubeneius* eos ferociter admodùm adortus est ; ita ut Fortuna ejus Diei periclitaretur. Etenim cùm Fronte Copiarum suarum oblitus salutis suæ, temerè dimicaret, à Rebellibus captus est, sed statim ereptus. Rebelles pugnam, in breve tempus, sustinebant, neque ignavè rem gesserunt : Sed cùm malè armati essent, & sub *Ducibus* imperitis, neque ab Equitatu aut Tormentis instructi, absque difficultate magnâ devicti, & in fugam coniecti sunt. Quantum verò ad tres illos *Ductores* suos, *Audleium* scilicet, *Fabrum Ferrarium*, & *Flammockum* (ut ferè Popularium Motuum Auctores ignavi sunt, & semi-fortes) illi se vivos capi sustinuerunt. Numerus Occisorum, ex parte Rebellium, fuit circa bis mille Hominum, cùm totus eorum Exercitus Numerum sedecim Millium (ut dictum est) complèssiet. Reliqui plerique omnes capti sunt, cùm Collis, undiquaque, Regis Copiis obsessus esset. Ex Regis parte trecenti circiter occubuerunt : Plurimi eorum Sagittis confixi, quæ Sagittæ, ut fama ferebat, longitudinis erant virgæ scilloriæ : Tam potentibus scilicet Arcubus *Cornubienses* usi sunt.

Victoriâ in hunc modum partâ, Rex complures Equites *Banarettos* creavit ; Tam in Colli de *Blackheath*, ubi *Locumtenens* ejus prælio vicerat, (quò ipse Equo vectus est, ut Ceremoniam illam prælens præstaret ;) Quàm in *Campis Georgianis*, ubi ipse castrametatus fuerat. Quantum verò ad Munificentiam, aut Donativa, edixit, ut omnia Prælio-Captorum Bona, iis, qui illos ceperant, cederent ; sive in specie, sive per viam Redemptionis. Honores & Munificentiam, Severitas & Supplicia, secuta sunt. *Baro Audleius* à Carcere de Portâ novâ, ad Collem *Turris* ductus est ; In Tunicâ papyraceâ, Insignibus suis depictâ ; Insignibus autem reversis, & Tunicâ laceratâ ; ibique decapitatus est. *Flammockus*, & *Faber Ferrarius*, ad Furcas de *Tiburne*, super Crates tracti, suspensi, & deartuati sunt : *Fabro* etiam super Cratem, ut ex verbis ejus nonnullis, perspicere licebat, gestiente, se temporibus futuris memorabilem fore. Rex paulò antè constituerat, *Flammockum* & *Fabrum* in *Cornubiam* remittere, ut ibi in majorem terrorem supplicio afficerentur ; Sed certior factus, Provinciam illam adhuc intumescere, secundâ usus cogitatione, populum neutiquàm irritare, consultius putabat. Reliquis omnibus Edicto Rex veniam largitus est : cujus Diplomata sub magno Sigillo procurare poterat, qui vellet. Ita ut, excepto Sanguine, quem Prælium hauserat, Rex sibi satisfieri passus sit, trium tantummodò Hominum supplicio, ad tantæ Rebellionis Expiationem.

Erat profecto res mira, Regis illa inæqualitas & Alternatio, in infligendis

fligendis Suppliciis, & spargendis Gratiis. Ac primo quidem Intuitu, rem quis forte aut casu gubernari putaret? Verum si magis à prope introspiciat, reperiet magnâ ratione factum fuisse; Majore fortasse, quam post tantum temporis Intervallum, notari jam queat: Motu *Cantiano*, (cùm Manipulus tantum Rebellium esset,) ad numerum centum & quinquaginta morte mulctati sunt: At in hac Rebellionem tam numerosâ, Homines tres tantum; Sive illud in causâ fuerat, quod *Rex* satisfactum in parte putaret, Sanguine in Acie effuso; Sive quod in Causâ populari severius agere inconsultum arbitraretur; Sive quod Populi istius Innocentia quâdam, (cùm Longitudinem *Angliæ* cimenti essent, ferè absque maleficio, vel prædâ,) Cor *Regis* aliquantum emollisset, & ad Misericordiam flexisset; Sive denique, quod res magni discriminis putaret, Rebellionem ex Lasciviâ, & Rebellionem ex Inopiâ.

Post *Cornubienses* devictos, venit *Caleto* ad *Regem* honorifica Legatio, à *Rege Galliarum*; Quæ *Caletum* accesserat ante mensem; Ibique propter perturbationes Regni remanserat; Sed honorifice admodum, & impensis *Regis HENRICI*, excepta.

Rex, sub primum eorum ad *Caletum* Adventum, ad eos misit; Rogans ut ibi paulisper manerent, donec Fumus pusillus, qui in Regno suo excitatus erat, dissiparetur: Quod propediem fore non dubitaret: More suo illud palam contemnens, cui nihilominus seriò incumberebat.

Legatio ista negotium alicujus magni Momenti non ferebat, sed tantum procrastinationem petebat Diei, ad solutionem Pecuniarum, præfixi; Unâ cum aliis quibusdam particularibus, quæ ad *Limitaneos* spectabant. Et reverà, nihil aliud fuit ista Legatio, quàm Blanditiæ, ad *Regem* Comitatus deliniendum, ut amicè erga *Gallum* affectus esset: Sed nihil in eâ tractatum est, ad præjudiciu[m] Fœderis cum *Italis* isti.

Verum, durante tempore Profectionis *Cornubiensium*, versus *Londinum*, *Rex Scotiæ* (benè de Rebus *Anglicis* informatus, certusque sibi Bellum instare ab *Anglis*, quamprimum illæ turbæ confedissent,) opportunitatem non amisit: Sed *Regem*, satis implicatum credens, *Fines Angliæ*, iterum cum Exercitu, ingressus est; Atque ipse præsens Castellum *Norhami* obsedit, cum parte tantum Copiarum, reliquis ad Agros depopulandos immissis. Verum, *Foxus Episcopus Dunelmensis*, (vir prudens, quique per præsentia ad futura, acri Judicio, penetrare poterat,) hoc ipsum prævidens, Castrum illud suum *Norhami*, Tormentis atque Apparatu Bellico omnigeno, instruxerat & muniverat: Quinetiâ Præsidium Militum fortissimorum, magno numero in eo collocaverat, magis quàm pro Castri magnitudine; Expectans potius Insultum acrem, quàm obsidionem longam. Populum præterea Regionis, cum Pecoribus & Bonis suis, in loca tuta, & prærupta se recipere, antè jusserat: Et equis citatis, ad *Comitem Surrie*, (qui, in Provinciâ *Eboracensi*, non procul aberat,) literas misit, ut celeriter subveniret; Itâ ut, *Rex Scotiæ*, & Incepto suo contra Castellum, intercideret, & Militibus prædam satis jejunam compararet. Ac postquam intellexerat *Comitem Surrie*, cum magnis Copiis adventare,

in *Scotiam* rediit. Comes, cum Castrum liberatum, & Hostem retrocessisse comperisset, in *Scotiam* celeritè perrexit : sperans se Regem *Scotiae* assecuturum, ut praelio cum ea decertaret. Verùm cum tardè venisset, Castrum *Atoni*, (quod inter *Barwicum* & *Edingburgum* pro munitionissimo habebatur) obsedit, illudque intra paucos dies cepit. Sed paulò post, Rege *Scotiae*, in Interiora Regni sui se recipiente, cùmque tempestas Anni esset præter modum procellosa, & aspera, Comes in *Angliam* reversus est. Aded ut, Summa Expeditionum utrinque, nihil aliud esset, quam Castrum captum, & Castrum oppugnatum : Sicque Res gestæ, nec Copiarum Viribus, nec Odiorum Fervori, nec Expectationis Magnitudini, respondebant.

Inter hos Tumultus, & intestinos, & externos, ex *Hispania* in *Angliam* venit, *Petrus Hialas*, (nonnulli eum *Eliam* dixerunt;) Sanè Præcursor fuit Fælicitatis quâ hodiè *Anglia* fruitur. Legatio enim ejus Inducias inter *Angliam* & *Scotiam* induxit; Induciæ Pacem; Pax Matrimonium; Matrimonium verò Regnorum Unionem. *Hialas* iste vir prudens fuit, atque (pro ratione temporum illorum) non ineruditus, Fuit autem à *Ferdinando* & *Isabellâ*, Regibus *Hispaniae*, missus, ad Regem *HENRICUM*; ut tractaret de Nuptiis, inter *Catharinam* Filiam eorum secundo-genitam, & *Arthurum Principem*. Tractatus iste, dexteritate Legati, non segnitè promotus, quin & ferè ad Maturitatem perductus fuit. Verùm contigit interim, ut Colloquio quodam, quod ei cum Rege circa Negotium *Hispaniense* intercessit, Rex (cui proprium erat in Sinus Legatorum; Principum exterorum, illabi, si viri ipsi ei placuissent : Ita ut, haud rarò, de Negotiis propriis, cum illis deliberare soleret; Quin & eorum nonnunquam operâ uti;) Obitèr incidere in sermones, de Rebus componendis cum *Scotiâ*. Etenim Rex, naturalitèr, sterilia illa cum *Scotis* Bella, non amabat; etsi commodum interdum, è famâ eorum, eliceret. Neque defuerunt ei in Concilio *Scotiae*, qui parati erant Regi suo vicissim persuadere, ut eandem viam iniret, & Bellum cum *Angliâ* finiret; Amorem Patriæ prætexentes, sed secretò Rebus *HENRICI* faventes. Solummodò, spiritus nimis altos gerebat *HENRICUS*, quam ut primus pacis Mentionem facere sustineret. Ex alterâ parte, Affinem talem comparaverat, *Ferdinandum* scilicet *Arragoniae*, qualem optare poterat. Postquam enim ille Rex, certus jam Matrimonii conficiendi, Personam Fraternali Affinis in se suscepisset, non dubitabat (*Hispanicâ cum gravitate*) Regi, in rebus suis propriis, consilia præbere. Rex quoque, ex alterâ parte, sui non immemor, sed aliorum Mores in rem suam vertere consuetus, usus est hoc, quo diximus, *Arragoniensis* Ingenio, ad negotia, quæ *HENRICUS* ipse, aut se minùs decere, aut apud alios minùs grata fore, cognoverat. Itaque libentè assensit, ut *Hialas* (tanquam in re ex motu proprio natâ,) de Concordiâ cum *Scoto* tractaret, eamque ob causam in *Scotiam* proficisceretur. *Hialas* negotium suscepit, atque ad Regem præfectus, postquam multâ Arte id effecisset, ut Rex *Jacobus* ad consilia saniora propenderet, scripsit ad Regem *HENRICUM*, se minimè dubitare, quin pax facilè coalescere & coagmari possit; si Rex aliquem ex Consiliariis suis, prudentem & moderatum, ad Regem *Scotiae*, de Conditionibus Pacis tractandis, mitteret.

mitteret. Itaque Rex Episcopum Foxum, (tunc apud Castrum suum Norhami manentem,) milit, ut cum Hiala colloqueretur; Atque post, uterque cum Delegatis Regis Scotia tractarent. Delegati utrinque convenerunt. Sed post multas Disceptationes de Conditionibus Pacis, modò ab uno ex Regibus, modò ab altero, propositis, de Pace quidem concludere nequiverunt. Præcipua causa, propter quam transigi non potuit de pace, fuit Regis HENRICI Postulatum, ut *Perkinus* in manus suas traderetur, tanquàm Regum omnium Contumelia, & Persona Jure Gentium non privilegiata. Rex Scotia, ex alterâ parte, hoc facere constantè recusavit, dicens, se pro suâ parte, de Titulo *Perkini*, Judicem non esse competentem; Verum se eum recepisse ut Supplicem; Protexisse ut profugum; Cum Consanguineâ suâ desponsasse; Atque Armis suis juvasse, cùm crederet eum verum principem fuisse. Itaque nunc prorsus non posse, salvo suo Honore, Ita dissuere, & quodammodò mendacii arguere, omnia quæ antè à se dicta & acta essent, ut eum in manus Hostium traderet. Episcopus similiter, (qui Mandata quædam à Rege superba acceperat, saltèm in fronte eorum, etsi in pede inserta fuisset clausula mollior, quæ omnia ad Episcopi Arbitrium rejiceret, etiàm disertis verbis præcipiens, ut nullo modo pacis spem abrumperet,) postquàm Traditio *Perkini* ei denegata fuisset, alterum Articulum, quem in mandatis habebat, proposuit: Ille fuit, ut Rex Scotia, cum Rege HENRICO, apud Norvum Castrum, congregi, & in Colloquium venire vellet. Hoc ubi Regi Scotia relatum est, respondit; *Se pacem tractare velle, non emendicare.* Episcopus etiam, (ut ei insupèr erat in Mandatis) Restitutionem urgebat spoliolum per *Scotos* captorum, vel saltèm Compensationem eorum. Verùm Delegati Scotia responderunt: *Ea esse instar Aquæ in Terram effusæ, quæ recolligi non possèt; quodque Subditi HENRICI, facilius possent Damna illa tolerare, quam Rex Scotia ea persolvere.* Attamen in fine, (ut Homines moderati & Rationi non recalcitrantes,) Recessum potiùs quendam ad tempus fecerunt, quam Tractatum interruperunt, & in Inducias, pro certis Mensibus, consenserunt. Sed Rex Scotia, etsi Judicium suum formalitèr de *Perkinio* retractare recusasset, quod tantis pignoribus obstrinxerat: Tamen, intra secreta animi sui, frequentibus *Anglorum*, quos circa se habebat, Sermonibus, & aliis diversis Relationibus motus, cœpit eum pro *Impostore* ducere. Quamobrem honorificè certè, & more Regio, eum ad se vocavit; Et Beneficia sua & Favores in eum collatos recensuit; Quod Consanguineam ei in Matrimonium dedisset, quodque potentem & opulentum Regem Bello offensivo, in causâ ejus, per spatium duorum Annorum laceffisset. Imò etiam, quod Pacem honorificam, ultrò oblatam, si eum dedere voluisset, omninò rejecisset: Quodque etiam *Nobiles*, & *Populum* suum, non mediocritèr, dum promissis suis erga eum stare vellet, offendisset, quos diutiùs sibi infensos persistere, tutum sibi non esset. Itaque monuit, ut Fortunis suis consuleret, & locum exilio suo magis opportunum deligeret: Simul in-
quiens, illum negare non posse, quin *Angli*, priùs quam *Scoti* eum deferuissent; Cùm facto bis Experimento, nemo *Anglus* ad eum accessisset. Nihilominùs, se, quod sub primum Advèntum ejus dixerat, con-

firmaturum;

firmaturum; Nimirum, *Eum pœnitentiam minimè acturum, quod in manus suas se commisisset*: Quandoquidè eum minimè ablegare protinus constituisset; sed Navibus & Pecuniis adjuvare, ut quo vellet, tuto transportaretur. *Perkinus*, nihil omninò de Theatrâli suo fastigio descendens, paucis respondit; *Se satis videre tempus suum adhuc non venisse; Sed quacunq; tandem Fortunâ usus foret, se honorificè, & sentire de Rege, & loqui non destitutum*. Itaque à Rege dimissus, de *Flandriâ* ampliùs non cogitavit, utpotè Loco minùs tuto, post *Tractatum cum Archi-Duce*, superiore Anno conclusum; sed Uxore & Amicis, & Servis, qui eum deserere nolebant, comitatus, in *Hiberniam* trajecit.

Hoc Anno duodecimo scilicet *Regis, Alexander Papa*, (qui maximè solitus est amare eos Principes, qui remotiores erant; & cum quibus minimum ei intercederet Negotii;) grato animo recolens, *Regis*, ad *Fœdus Italorum Accessionem*, propter *Defensionem Italiæ*, eum, *Gladio Consecrato, & Pileo*, quem vocant, *Manutationis*, per *Nuncium suum* remuneratus est. Idem ante eum, fecerat *Papa Innocentius*, sed minore cum solennitate & gloriâ, recepta sunt. Etenim *Rex* nunc mandavit *Majori, & Aldermannis Civitatis*, ut *Oratori Papæ*, ad *pedem Pontis Londinensis*, obviam fierent; Atque plateæ universæ, inter *Pontem, & Palatium Episcopi Londinensis* (ubi *Rex* tunc hospitabatur,) *Civium Fraternitatibus*, in *Sagulis suis vestitis*, utrinque clauderentur. Quin & ipse *Rex*, die crastino, (in quem inciderat *Festum omnium Sanctorum*,) magnâ stipante Catervâ, *Prælatorum, Procerum, & Aulicorum*, solenni cum Processione, ad *Ædem D. Pauli* perrexit, *Insignibus illis, Gladii & Pilei*, ante se gestatis. Et Processione illâ finitâ, *Rege in Choro sedente, Archiepiscopus Cantuariensis*, super *Gradus* ante *Chorum* stans, longam habuit Orationem; Amplitudinem & Sublimitatem Honoris illius extollens, quo *Papa*, per hæc Ornamenta, & Insignia *Benedictionis*, *Regem* decoravit: Etiam quam rarò, quamque eminentium Meritorum Contemplatione, illa concedi consueissent. Denique præcipua *Regis Acta & Merita* recensuit, quibus *Papa* motus, eum tali Honore, dignatus esset.

Usque ad hoc tempus, *Rebellio Cornubiensis* (de quâ jam diximus,) nihil affine habere visa est, cum rebus gestis *Perkini*; Nisi fortè quod *Edictum Perkini* promissò innuisset, se *Exactiones & Tributa* deinceps aboliturum; Eoque effecisset, ut interdum erga illum non pessimè animati essent. Jam verò *Bullæ* hæ frequentî agitatione concurrere cœperunt, ut in superficie *Aquarum* facere solent. *Regis Clementia* *Rebelles Cornubienses*, postquàm dômum rediissent, sine pœnâ dimissi, verùm (ut diximus) *solidi unius aut duorum pretio redempti*,) magis animaverat, quam sanaverat. Adeò ut apud *Vicinos & populares suos*, jactare non dubitarent; *Regem in iis ignoscendis prudenter sibi consuluisse, quoniam satis sciebat, sibi paucos Subditos in Angliâ reliquos fore, si omnes suspendisset, qui cum iis sensissent*. Atque alii alios acuentes *Motum* renovare cœperunt. Quidam autem ex iis astutiores, clam ad *Perkinum* in *Hiberniam* miserunt, qui ei intimarent, se, si ad illos venisset, ei præstò futuros.

Cum *Perkinus* hunc *Nuncium* accepisset, cœpit iterùm se erigere, & cum

& cum Consiliariis suis rem communicavit; Ex quibus tres plurimum apud eum poterant; *Hernus* Sericorum Propola, qui obætatus profugerat; *Skeltonus* Scissor; & *Astleius* Notarius; Etenim *Frionus* Secretarius discesserat. Hi apud eum disserabant, illum magnoperè errasse; cum in *Cantium*, & iterum cum in *Scotiam* profectus esset: Quandoquidem Locus alter tam propè *Londinum* esset, & quasi sub oculis Regis; Alter autem locus, Nationis esset, populo *Angliæ* tam invisæ, ut quamvis eum summâ Benevolentia complexi fuissent *Angli*, nunquam tamen ei ita comitato adharere vellent: Verùm si Fortuna in tantum arrisisset, ut in Principio motûs *Cornubiensis* adesse ei contigisset, ante hoc tempus, cum *Westmonasterii* Coronatum iri. Reges enim istos, (ut ipse jam satis expertus esset) Principes Calamitosos, pro Calceamentis vendere, nihil pensi habere; Ejus verò Rationes postulare, ut se totum Populo committeret; Itaque ei Consilium dederunt, ut, cum quâ poterat festinatione, in *Cornubiam* trajiceret. Quod & fecit, secum ducens quatuor Naviculas, quæ circiter centum & viginti Milites vehebant. Mense *Septembris* appulit ad Oram *Whitsandi*; & continuò *Bodminum*, oppidum *Fabri Ferrarii*, de quo antè diximus, profectus est: quò ad eum confluxerunt circiter tria Millia Agrestium. Illic novum *Edictum* promulgavit, Populum bellis promissis demulcens, & Favorem eorum, Invektivis in *Regem*, & Regimen suum, prensans. Et ut sit in Fumo, qui cum in altissimum pervenit, se perdit, magnificè admodum de Seipso loquebatur. Consiliarii ejus, antè omnia, eum moverunt, ut in potestatem suam redigeret, Oppidum aliquod opulentum & munitum; Quò & Milites suos Dulcedine prædæ devinceret, & Homines perditos, & sine Lare, undiquaque, simili spe lucri, alliceret; Et rursus, ut Copiis suis, Oppidum illud, præsidio & receptui esset, si fortè in Acie aliquid adversi contigisset. Itaque animos fumentes processerunt, & *Exoniam* obsidione cinxerunt; Urbem, in illis partibus, tam Munitionibus, quam Opulentia, florentissimam.

Circa *Exoniam* Castrametati, vi primò abstinuerunt; sed assiduis Clamoribus & vociferationibus instabant, ut Oppidanos terrerent. Præterea Populum, sub Muris stantes sæpè interpellabant, ut se illis adjungerent; Dicentes, *Regem* RICHARDUM illud Oppidum, *Londini* Æmulum effecturum, si primùm in suas partes descendissent. Sed pro suâ Insulitate, viros nullos delectos, ad eos miserunt, qui animos eorum tentarent, & cum iis tractarent. Cives *Exonienses*, ex suâ parte. Subditos se fidos & fortes præstiterunt. Neque inter eos erat Tumultus aut Dissensio ulla; sed unanimi Consensu, se ad Defensionem Oppidi, compararunt. Nam viderunt, Rebelles adhuc non tantis viribus pollere, ut ab iis metuere deberent; Ac rursus sperabant, antequàm numerus Rebellium augeri possit, sibi à Rege Auxilia submissa fore. Atque utcunque eventus foret, Extremum Malorum putabant, se illi famelicæ & inconditæ turbæ permittere. Quare cum res Oppidi benè ordinassent, nihilominus, Nuncios diversos de Muris, per Funiculos, clam demiserunt, (ut si unus interciperetur, alius Evaderet,) qui *Regem*, de statu Urbis, certiores facerent, ejusque Auxilia implorarent. Similiter & *Perkinus* metuebat

bat sibi ab auxiliis à Rege celeritè mittendis; Ideoque constituit ultimas suas vires experiri, ad Oppidum expugnandum. Quamobrem admotis Scalis ad Muros, in diversis locis, simul Insultum fecit in unam ex Portis. Cùm autem nec Tormenta, nec Machinæ ei suppetere; Et comperiens se Arietatione Truncorum Ligneorum parùm proficere; Cùmque etià per Clavas aut Rostra ferrea, ac per alia similia Instrumenta, quæ præstò erant, nihil ei reliquum fuisset, nisi ut ex portis unam incenderet; Illam rem adortus est, ut Portam incenderet. At Cives periculum prævidentes, priusquàm Porta integra flammâ corripì & consumi posset, Portam ipsam ex interiore parte, & spaciì nonnihil adjacentis, fascibus ligneis obstruxerunt: Quos similiter incenderunt, eo pacto, Ignem Igne propulsantes. Atque interea, properè Aggeres Terræ congesserunt, cum fossis profundis, ut loco Muri & Portæ essent. Quantum verò ad Aggressionem per Scalas, eæ tam perperàm Rebellibus cesserunt, ut non sine Jacturâ Hominum Ducentorum, à Mæniis pulsi essent.

Rex, cùm de Obsidione Exoniæ, per *Perkinum*, nuncium accepisset, lusu rem excepit, aiens ad eos qui circa eum erant; *Regem Nebulonum in Angliam Occidentalem appulisse; Seque jam tandem in spe esse, Honore Conspectûs ejus fruendi, quod hæcenus facere nequiverat.* Atq; reverà præsentibus Aulicis facilè constabat, *Regem* magnoperè lætari, ob nuncium, de *Perkini* in *Anglicum* Solum adventu, ubi nulla ei spes erat per terram elabendi: Sperans jam, se liberatum in posterum iri, secretis illis Convulsionibus, quæ diu Cor ejus obsederant, & interdum Somnos suos, in medio Felicitatis, abruperant. Itaque, quo omnium Animos & Studia accenderet, cunctis quibus poterat modis, palam fecit, eos, qui nunc alacriter ei adessent, ut Finem his perturbationibus imponerent, non minùs ei gratos & acceptos futuros, quàm ii, qui Horâ Diei undecimâ accesserant, qui tamen integrâ Diei Mercedem acceperunt. Itaque nunc, veluti sub finem Ludi, complures simul in Scenâ astantes, spectare erat. *Camerarium* suum, & *Baronem Brookum*, & *Ricum Thomæsum* Equitem Auratum, cum expeditis Militibus, *Exoniam* misit, ad Oppidum Obsidione liberandum; Et unâ ad Famam spargendam, de celeri suo Adventu, cum *Copiis Regiis. Comes Devonix*, & Filius suus, cum *Carois*, & *Fulfordiis*, & aliis ejusdem Provinciæ Viris eminentibus, (non acceßiti, sed audientes *Regem* huic Expeditioni tanto Animi impetu incumbere,) cum Turmis & Cohortibus, quas conscripserant, festinabant, ut primi Urbi *Exoniæ* auxiliarentur, & *Regis* ipsius Copias præverterent. *Dux* etiam *Buckinghamiæ*, cum multis Viris fortibus; & primariis, Arma sumpserant; Neque ipse adventum *Regis*, aut *Camerarii* profectiorem opperens, sed Corpus quoddam Copiarum, ex sese conficiens, quo meritum suum extolleret; *Regi* significans, se paratum atque in Armis esse, & ejus Mandata expectare. Ita ut, juxta Adagium; *In Descensu omnes Sancti manum admoverent.*

Perkinus hos Armorum Sonitus & Tonitrua audiens, & tantas undiquaque Copias illi minari, obsidionem suam solvit, & *Tauntoniam* profectus est; Jam tum incipiens alterum oculus, instar strabonum, in Coronam, alterum in Asylum flectere: Et si *Cornubienses*, instar Metallorum

tallorum sæpè Ignotorum & vicissim extinctorum, facti essent obstinati; Et potius frangi quàm flecti sustinerent; Jurantes & yoventes, se nunquàm eum, usque ad ultimam Sanguinis guttam, deserturos. Copias habebat circa se, cum ab *Exoniâ* discederet, ferè septem millium Hominum: Multienim ad eum, postquàm ad *Exoniæ* oppugnationem se comparasset, confluxerant; tum propter tanti incepti famam, tum etiàm ut ex spoliis participarent, Et si sub Obsidionis solutione, nonnulli dilapsi essent. Cum autem ad *Tauntoniam* appropinquasset, Metum egregiè dissimulavit, atq; diem integrum absumpsit, in præparandis iis quæ ad prælium necessaria futura essent. Verùm circa mediam noctem, cum sexaginta Equitibus aufugit, ad *Bemlesum*, in *Novâ Forrestâ*, ubi ipse cum nonnullis ex Comitibus suis, nomina dederunt in Asylum; *Cornubienses* autem suos, in quâmcunq; Fortunæ Aleam, exposuit. Hoc tamen modo, eos à votis suis solutos reddidit, & solitâ suâ scilicet Misericordiâ Regali usus est; *Vt nequaquam præsens esse vellet, cum Sanguis Subditorum suorum effunderetur.*

Rex, auditâ *Perkini* fugâ, confestim Equites quingentos expeditos misit, qui eum comprehenderent, antequàm vel mare repeteret, vel ad Insulam illam exiguam, (*Asylum* scilicet) appelleret. Sed quatehùs, ad posterius ex his, tardè venerunt. Itaque, quod potuerunt, fecerunt: Hoc est; *Asylum* magno præsidio, & vigiliâ diligentissimâ, cinxerunt, donec Regis de eâ re mandata accèpissent. Quantum verò ad Rebelles cæteros, illi (jam à Duce suo destituti) se Regis Clementiæ universos submiserunt. Rex autem, qui (Medicorum more) Phlebotomiâ uti solebat, potius ad vitam conservandam, quàm eripendam; Neque unquam sanguinarius erat, cum esset securus; postquàm jam periculum transiisse cerneret, omnibus tandem ignovit; præter paucos ex profligatissimis, quos supplicio destinavit, ut Clementia ejus erga reliquos magis elucesceret. Missi sunt etiam, quantâ fieri poterat celeritate, nonnulli Equites ad *Montem Sancti Michaelis* in *Cornubiâ*, ubi *Perkini* Vxor, Domina *Catharina Gordona* à Marito suo relicta erat, quem in utrâque Fortunâ unicè semper dilexit: virtute Nuptialia alias suas virtutes cumulans. Rex autem tanto diligentius ad eam mittere festinavit, nesciens utrùm gravida ex *Perkinio* fortè esset, unde Turbâ istâ, in Personâ *Perkini*, desitura non videbantur. Cum illa ad Regem perducta esset, traditum est, eum illam, non tantùm misericorditer, sed etiàm cum nonnullo Amoris affectu, excepisse: Misericordiâ Formæ ejus, quâ erat, singulari, decus addente. Itaque solatus eam, (ut simul & Aspectui suo; & Famæ inserviret,) ad *Reginam*, illam misit, ut cum eâ maneret; Honorificos ei Reditus assignans, quibus Dignitatem suam sustentaret: Quos etiàm retinuit, tam durante vitâ Regis, quàm multos annos post. Nomen certè *Rosæ Albæ*, (quod falsò Mariti sui Titulo applicatum erat) veræ suæ Pulchritudini remansit.

Rex protectionem suam nihilominus continuavit, & magno cum Jubilo & Latitiâ *Exoniam* ingressus est: Ibi Civibus ingentes gratias egit, eosque miris Laudibus cumulavit. Quinetiam, Gladium ipsum, quo accinctus erat, à latere suo solvit, & *Majori* Civitatis dedit; statuens, ut semper postea, coram *Majore* gestaretur. Ibi quoque è

Cornubiensibus præcipuos aliquot, supplicio affici iussit, uti *Piacula* quædam, quæ *Cives* pro *Formidinibus* & molestiis ipsorum placarent. Apud *Exoniam*, *Rex* cum Consilio suo deliberavit, utrùm *Perkino*, si sponte ex *Afſlo* exiret, seque *Regiæ* clementiæ submitteret, de vitâ suâ securum reddere oporteret. Consilarii autem inter se opinionibus discrepabant. Alii *Regi* consilium dederunt, ut vi eum ex *Afſlo* extraheret, & morte mulcarent, utpote in causâ *Neceſſitatis*; Quæ ipso facto cum *Locis* & *Rebus* *Sacrat*is, dispensat. Quâ in re, minimè dubitabant, quin *Rex Papam* facilem reperturus esset, in facti sui *Rat*hibitione; Aut per viam *Declarationis*, aut saltem per viam *Indulgentiæ*. Alii autem opinabantur, postquam jam *Rex* in portu navigaret, & pericula omnia, prætervolassent, non opus esse *Regi*, novo *Scandalo*, aut *Invidiâ*. Tertium Genus erat eorum, qui *Regem* disertè præmonerent, eum neque de *Imposturæ* *Certitudine* mundo satisfacere posse, neque *Conjurati*onis *Latebras* & *Anfractus* penitus excutere, nisi *Perkinum*, promissis vitæ & veniæ, & aliis modis suavis, in manus suas pertraxisset. At nemo ex *Conciliariis* erat, qui non in præfatione sua, *Regis* *Fortunæ* magnoperè indolere visus est, unâ cum *Indignatione* quâdam: Quod *Rex* tantus, & tam insigni prudentiâ & virtute præditus, tam diù, & tam crebrò, *Idolis* ejusmodi vexatus fuisset. Verùm *Rex* intulit, *Dei* *Omnipotentis* proprium esse, ut *Idolis* vexaretur; Ideoque illud, nullum ex *Amicis* suis malè habere debere. Quodque ipse pro suâ parte, ea semper despexisset; Se tamen multo dolore affectum fuisse, quod populo suo tantas *Calamitates* inflixissent. Verùm, in fine *Deliberationis*, tertiæ opinioni *Rex* se adjecit; Ideoque quosdam misit, qui cum *Perkino* tractarent. Qui se *Captivum* videns, & ab omni spe destitutum, jam *Principes* & *Populos*, summos & infimos, expertus, quos *Infidos*, *Meticulosos*, aut *Infelices*, deprehenderat, latantèr *Conditionem* accepit. *Rex* etiam, dum *Exoniæ* moratus est, *Commissarios* deputavit, *Baronem* *Darci*am, & alios, qui omnes, qui *Perkino*, aut *Cornubiensibus*, sive in prælio, sive in fugâ adhæserant, pecuniis mulcarent.

Commissarii autem isti, tanto cum Rigore & Severitate processerunt, ut *Clementiam* *Regis* in parcendo sanguini multum obscurarent, quod *Theſauri* *Sanguinem* tam duritèr emunxissent. *Perkinus* ad *Aulam* *Regis* adductus est, ad *Conspectum* ejus minimè; Et si *Rex* (quo curiositati suæ satisfaceret,) spectaverit eum interdum in *Transitu*. Specie tenus jam liber *Perkinus* erat; sed secreto magnâ diligentia & curâ custoditus; Et in *Comitatu* *Regis* *Londinum* proficisci iussus est. Verùm sub primum hunc *Perkini* in *Scenam* conscensum, in personâ suâ novâ, *Sycophantæ* scilicet & præstigiatoris, depositâ personâ suâ priore, quæ erat principis, facile quivis existimare poterit, quantæ *Irris*ionis & *Ludibrio* expositus fuerit, non solum *Aulicorum*, verum etiam vulgi, qui circa eum ubique convolabant; Adeo ut quis con-jicere posset, ulula ubi esset, ex *Congregatione* *Avium*: Aliis irri-dentibus, mirantibus aliis, aliis execrantibus, aliis *Os* ejus & *Gestus* curiosè intuentibus, ut materiam *Sermonum* captarent: In tantum, ut falsus ille *Honor*, quo tamdiu gavisus esset, abundè repensus fuerit, *Contemptu* & *Contumeliâ*. Quamprimum *Rex* *Londinum* venit,

etiam

etiam horum Ludorum Floralium, Civibus spectaculum, & solatium exhibuit. Etenim *Perkinus* Equo insidens, lentis passibus, (sed absque habitu aliquo Ignominioso,) perductus est, per plateas de *Cheapside*, & *Cornhill*, ad *Turrim Londinensem*; Atque exinde reductus est ad *Westmonasterium*, cum Choro mille Maledictionum & Contumeliarum. Verum, ad spectaculi ornatum majorem secutus est, parvo à *Perkino* Intervallo, unus ex intimis ejus Consiliariis; Qui *Faber Ferrarius* Regi fuerat. Iste Erro, cum *Perkinus* profugisset ad Asylum, optavit potius Habitum Sacratum sumere, quam loco Sacrato se munire; Atque vestitum *Eremitæ* induit, & illo Habitu per Regiones ebambulabat, donec detectus & comprehensus esset. At præfugiator iste, manibus pedibusque super Equum vinctus fuit, neque cum *Perkino* rediit, sed paucis post diebus morte mulctatus est. Paulò post, cum *Perkinus* se, quis esset, melius cognovisset, strictè examinatus est, & captâ ejus Confessione, factum est Breve vel Extractum earum rerum, quas divulgari consentaneum foret; Quod typis commissum, & publicatum est. Quâ in re, *Rex* Famæ suæ minùs consuluit. Quemadmodum enim, Narrationem continebat laboriosam, Particularium de *Perkini* Patre & matre, & Avo, & Aviâ, & Avunculis, & Cognatis, per Nomina, & Cognomina sua, & in quibus Locis sursum deorsum erraverat; Ita parum, aut nihil proferebat, de Consiliis ejus, aut de iis, cum quibus Consilia communicasset; Neque ipsa *Ducissa Burgundiæ*, (quam omnes noverint instar Animæ fuisse universi Negotii,) vel nominata est, aut descripta, sed prorsùs silentio prætermissa. Ita ut Homines, quod expectabant, non reperientes, multa desiderarent, & majore in dubio essent, quam priùs. Verum *Regi* magis placebat, vulgo non satisfacere, quam Grandium Animos irritare. Neque etiâ eo tempore, conjicere erat, ex novis aliquibus Examinationibus, aut Incarcerationibus, aliquem alium præter eos, qui jam pridem innotuerant, detectum aut accusatum fuisse; Et si *Regis* Animus abditus hoc ipsum in dubio diù reliquisset.

Circa hoc tempus, notè, magnum coortum est Incendium, apud *Regis Palatium* de *Shine*, propè Cameras *Regis* ipsius: Quo incendio magna pars *Ædium* conflagravit, necnon multa lauta supellex absumpta est: Id quod *Regi* occasionem dedit, usque à solo ædificandi nobilem illam structuram *Richmondia*, quæ hodiè cernitur.

Etiâ paulò antè hoc tempus, evenit Accidens quoddam memorabile: Fuit quidam *Sebastianus Gabatus*, patriâ *Venetus*, qui *Bristoiæ* habitabat: Vir Cosmographiæ, & Navigationis peritus. Iste vir, Successum videns, & fortassè Fortunæ *Christophori Columbi* æmulatus, in illâ Fortunatâ Expeditione versus *Zephyro-Austrum*, ante sex Annos, factâ cogitavit secum, etiam novas terras detegi posse, versus *Zephyro-Boream*. Atque sanè probabile est, ejus opinionem magis firmis & prægnantibus Conjecturis fultam fuisse, quam fuerat ea *Columbi*. Cum enim duæ illæ magnæ Insulæ, veteris & novi Orbis, sint versus Septentriones, ipsâ Fabricâ, latæ & exporrectæ, versus *Austrum* autem, acuminatæ; verisimile est, illic primùm innotuisse Terras novas, ubi minore Intervallo à veteribus disjunctæ essent. Quin & memoria extabat aliquarum Terrarum ad *Zephyro-Boream* antè discooper-

tarum, & pro Insulis habitarum, quæ tamen reverà essent pars Continentis *Americæ Borealis*. Fieri autem possit, ut aliqua Notitia de hac re ad *Columbum* postea perveniens, & ab eo suppressa, (cupido fortassè, ut in hujusmodi Incœpto primus videretur) ei pro firmiore Argumento fuerit, ad credendum, universum illud spatium ad Occidentem *Europæ & Asiæ*, pelagus perpetuum non fuisse, quam aut *Senecæ* Prophetia, aut *Platonis* Antiquitatis, aut Currentium Maris, & Ventorum à Terrâ spirantium Natura, & similia; quæ, ut fama spargebatur, eum maximè moverunt. Etsi non sinnescius, imputatum fuisse illud *Columbi* Incœptum fortuitæ, & tempestate actæ Navigationi, (paulò antè) gubernatoris cujusdam *Hispani*, qui in *Ædibus Columbi* mortuus dicebatur. *Gabatus* autem iste, *Regi* fidem faciens, se *Insulam* quandam Mercibus pretiosis abundantem, reperturum, adduxit *Regem* ut Navem apud *Bristoiam*, Commeatu & Nautis, instrueret, pro eâ *Insulâ* detegendâ. Quam Navem *Regiam* Comitata sunt tres Naviculæ, à Mercatoribus *Londinensibus* missæ, mercibus quibusdam vilibus & levibus onerata, quæ essent Cômertio cum *Barbaris* exercendo idoneæ. Navigavit autem *Gabatus*, (ut ipse post Reditum suum referebat, adducens etiâ Navigationis suæ universæ chartam,) longè admodum versus Occidentem, cum quartâ parte Septentrionalis plagæ, juxta Boreale latus, *Terræ de Labrador*, usque dum ad latitudinem pervenisset Sexaginta septem Graduum cum dimidio, Mare continuò reperiens apertum & pervium. Certum est etiam *Regis* Fortunæ, oblationem porrectam, Imperii illius amplissimi *Indiæ Occidentalis*. Neque renuit ipse *Rex*, sed morâ fortuitâ, res disturbata est. Etenim *Christophorus Columbus*, à Rege *Portugalliæ* repulsam ferens, (qui & *Occidentales & Orientales Indias* simul complecti consultum non putabat,) *Bartholomæum Columbum*, Fratrem suum, ad *HENRICUM Regem*, Nuncium misit, ut cum eo de suo Incœpto negotiaretur. Contigit autem, ut *Bartholomæus* à Piratis, in mari, captus fuisset; quo fortuito Impedimento detentus, non nisi diù post ad *Regem* pervenit: Tam diù, ut priusquam cum Rege *HENRICO* transegiisset, Expeditio illa à Fratre suo *Christophoro* suscepta esset; Quo pacto, providentiâ divinâ, *Indiæ Occidentales*, *Coronæ Castiliæ*, ut tunc, reservatæ fuerunt. Attamen hæc *Regem* acuerunt, ut non solum *Gabati* Expeditionem promoveret, verum etiâ postea decimo sexto Anno Regni sui, atque iterum decimo octavo, nova Diplomata concederet, ad Terras adhuc incognitas detegendas, & occupandas.

Hoc etiâ Anno, decimo quarto scilicet *Regis*, (admirabili *Dei* providentiâ, qui *Res* ad Beneplacitum suum flectit, & in minimis maxima suspendit,) occurrit Accidens quoddam leve, ac etiâ perversum, quod magnos & foelices effectus post se traxit. Durantibus cum *Scotiâ* Induciis, quidam Juvenes Nobiles ex *Scotiâ*, ad Oppidum *Norhami* venerunt; ibique, cum quibusdam ex Familiaribus suis *Anglis*, se exhilarârunt. Cumque in Otio essent, interdum ex Oppido deambulârunt, & *Castellum* curiosè spectârunt. Quidam autem ex Præfidiariis *Castelli*, cum hoc bis aut ter animadvertissent, cumque animos adhuc exulceratos gererent, ex Hostilitate, quæ paulò antè intercesserat, eos pro Exploratoribus, aut habebant, aut calumniabantur.

bantur. Unde Jurgia inter eos orta sunt; Et à Jurgiis manus conſerebant. Adeò ut complures ex utrâque parte vulnerati eſſent: *Scotiis*, uti verifimile erat, cum in Oppido eſſent peregrini, duriores partes ſuſtinentibus. Quinetiàm nonnulli ex iis interfecti ſunt, reliquis citato gradu, in *Scotiam* redeuntibus. Hæc Res, poſtquàm inter Cuſtodes Limitaneos, ex utrâque parte tractata eſt, nec finis Controverſiæ impoſitus, *Rex Scotiæ* in ſuam Contumeliam factam eſſe interpretatus eſt, Et Fecialem ad *Regem HENRICUM* miſit, qui hujus Injuriae reparationem poſtularet, cum proteſtatione, eum aliàs Bellum denuntiaturum. *Rex* autem (qui Fortunæ Aleam ſæpiùs expertus erat, & ad pacem inclinabat) reſpondit; Quod hæcenus factum eſſet, prorsus contra voluntatem ſuam, & ſine conſenſu aut notiâ, contigiſſe: Verùm ſi Præſidarii in culpâ fuiſſent, ſe in eos ſeverè animadverſurum, atque Inducias in omnibus conſervaturum. Verùm hoc Reſponſum *Regi Scotiæ*, Dilatio quædam viſa eſt, ut Querela, interpoſito ſpacio, elanguereſceret: Itaque eum magis irritavit, quàm placavit. At *Episcopus Foxus*, à Rege audiens, quòd *Rex Scotiæ* adhuc exæſtueret, & impatiens eſſet, turbatus, Occaſionem Rupturæ Induciarum, à ſuis Hominibus ortam eſſe, quam-plures humiles & deprecatorias Literas ad *Regem Scotiæ* miſit, quibus eum placaret. Unde *Rex Jacobus*, *Episcopi* mollibus & blandis Literis delinitus, ad eum reſcripſit, ſe licet haud parùm Literis ſuis tribuerit, tamen plenam Satisfactionem non recipere poſſe, niſi cum eo colloqueretur; Tam circa præſentis Controverſiæ Compositionem, quàm circa Res alias, quæ ad Bonum utriuſque Regni ſpectarent. *Episcopus* Mandata à Rege accipiens, in *Scotiam* profeſtus eſt. Convenerunt apud *Melroſſe*, Abbatiam *Cisterciorum*, ubi *Rex* tum morabatur. *Rex* primò, diſertis verbis *Episcopo* ſignificavit, quàm iniquè tulerat insolentem illam Rupturam Induciarum, ab Hominibus ejus, apud Caſtrum de *Norhamo* factam. Quibus *Foxus* reſpondit tam humiliter, & tam blandè, ut inſtar olei eſſet vulnere infulſi, unde ſanari cœpit. Atque hoc factum eſt, Rege & Concilio ſuo præſentibus. Poſteà, *Rex* cum *Episcopo* collocutus eſt ſolus; Atque Intima animi ſui exprompſit, dicendo; Temporarias iſtas Inducias & Paces, citò concluſas, citò etiàm ruptas eſſe ſolere; Se autem arctiorem cum Rege *Angliæ* Amicitiam cupere; Ideoque ſi *Rex HENRICUS*, Primogenitam ſuam Filiam, Dominam *Margaretam*, in Matrimonium ei dare vellet, ita demùm Nodum fore indiſſolubilem. Se ſatis noſſe, quantum *Episcopus* Auctoritate & gratiâ, apud *Regem* ſuum meritò poiſit. Itaque ſi ipſe huic rei ſtudioſè incumbere vellet, ſe minimè dubitare, quin pro voto ſuo ſuccellura eſſet. *Episcopus* ſobriè reſpondit; Quòd ſe potiùs felicem, quàm dignum reputaret, qui in tali Negotio Miniſter eſſet: Operam verò ſuam libentiſſimè collaturum. *Episcopus* igitur ad *Regem HENRICUM* reverſus, quæque acta eſſent, referens, *Regem* què propenſum, & feiè cupidum inveniens, *Regi* Conſilium dedit; Ut primum pacem ſtabiliret; deinde Tractatum Matrimonii gradatim conſummaret. Pax itaque facile concluſa, quæ paulò ante *Natalem Domini* promulgata eſt, decimo quarto *Regis* Anno, duratura in vitam amborum Regum ſimul, aut eorum Superſtitis, & Annum unum deinceps. In hæc Pace, contineba-

tur Articulus; Ut nullus *Anglus Scotiam*, aut *Scotus Angliam* ingrederetur, nisi cum Literis Commendatoriis sui *Regis*. Hoc, primo intuitu, videri posset, eò spectare, ut Familiaritas inter Nationes abrumperetur; sed factum est ad Limitaneos coercendos, qui Dissidiorum causa esse consueverant.

Hoc etiam Anno, natus est *Regi*, Filius Tertius, *Edmundus* nominatus, qui paulò post obiit. Circa idem ferè tempus, allatus quoque est Nuncius, de Morte *Caroli*, *Regis Galli*; Cujus Nominis celebratæ sunt Exequiæ solennes, & Regiæ.

Nec multum Temporis intercessit, quin *Perkinus* (qui ex Argento vivo composituserat, quod non facile contineri aut Incarcerari potest,) turbare cœperit. Etenim Custodibus delusis, se in Fugam dedit, & versus Mare properavit. Verùm statim omnes Anguli excussi, tamque sedula facta est Inquisitio, ut redire compulsus esset, & ad *Domum* de *Bethleem*, dictam *Prioratum de Shine*, (quæ *Afly* privilegio gaudebat) confugere, Seque *Priori* illius *Monasterii* in manus tradere. *Prior* iste, pro sancto admodum viro, habitus est, quem omnes, eo tempore, multum reverebantur. Ille ad *Regem* accessit, & pro vitâ tantum *Perkini* deprecatus est, eum aliàs *Regis* Arbitrio relinquens. Multi apud *Regem*, ardentius etiam quàm antea insisterunt, ut *Rex* eum sine morâ ex *Afly* abriperet, & suspenderet. Verùm *Rex* (qui elati erat Animi; neque odisse quenquam poterat, quem despiceret;) jussit: *Ut Nebulo ex Afly extraheretur, & in Cippis poneretur*: Atque ita vitam ejus, *Prioris* precibus largitus, *Perkinum* educi fecit. Et intra duos aut tres dies, super pegma, in Areâ *Palatii Westminsteriensis* erectum, compedibus vinctus & Cippo clausus, per integrum diem sedit. Dièque sequente similiter, cum eo, ad Crucem de *Cheapside* actum est. Atque in utroque loco Confessionem suam, (de quâ supra mentionem fecimus) perlegit: Exinde autem in *Turrim Londinensem* perductus est. Verùm (ut paulò antè notavimus) *Rex*, talem Societatem eum Fortunâ inierat, ut nemo distinguere possit, quæ Actiones Fortunæ, quæ autem *Regis* Industriæ, deberentur. Creditum enim est ubique, *Perkinum* proditum fuisse; eumque non sine *Regis* notitiâ elapsum; Qui eum, toto tempore Fugæ suæ, veluti injectâ chordâ, tenuisset: *Regemque* hoc fecisse, ut causam haberet eum Morte multandi, & Finem illis rebus imponendi. Verùm hoc minùs probabile est; Quandoquidem iidem Ministri, qui eum in Fugâ suâ observabant, etiam ab *Afly* intercludere potuissent.

Verùm fatale erat, ut Hedera ista Serpens *Plantagenistæ*, veram *Plantagenistæ* Arborem, necaret. *Perkinus* enim, haud diù post, se in Gratiâ & Favorem Custodum suorum, Servorum *Joannis Digbeii Equitis Aurati*, præfecti Turris, numero quatuor, (*Strangwaili*, *Blewetti*, *Astwoodi*, & *Rogeri Longi*,) insinuaverat. Atque Nebulones istos, promissorum Montibus corrumpere annisus est, ut Carcere se eximeret. Sed satis gnarus, Fortunam suam tam contemptibilem redditam, ut nullius spes pascere possit, (Spe autem perficienda res erat; Nam præmia deerant;) apud se vastum & tragicum Facinus machinatus est: Illud fuit, ut in Societatem Consiliorum suorum, *Edwardum Plantagenistam*, *Comitem Warwici*, tum in Turre detentum, pertraheret; Quem,

Quem, tedium diuturnæ Incarcerationis, & recurrentes subinde Metus Mortis, ita emolliverant, ut ad quamlibet Impressionem, de libertate suâ recuperandâ recipiendam, aptus esset. Hunc Principem Juvenem, arbitrabatur *Perkinus*, servos illos, quos suprà inemoravimus; officiosè reverituros, licet ipse iis despiciatui esset. Itaque postquàm per nuncium unum aut alterum, per aliquos ex illis servis missum, *Comitis* consensum degustasset; constitutum inter eos fuit, ut quatuor hi, Dominum suum, *Præfectum Turris*, Nocturno, secretò obtruncarent; & Pecunias & Bona ejusdem *Præfecti*, quæ cōmodè exportari possent, eriperent; Clavesque *Turris* caperent, & *Perkinum* cum *Comite* statim emitterent. Verùm, hæc Conjuratio detecta est, priusquàm perpetrari possit. Atque in hac quoque re, *Regis* præalta prudentia eum gravi Invidiâ onerabat; *Perkinum* ei tantum instar escæ fuisse, ad *Comitem* captandum. Atque eodem Temporismemento, dum Conjuratio ista iniretur, (quasi etiàm illud ipsum *Regis* Industriâ effectum esset,) in Fatis erat, ut adulterinus quidam *Comes Warwici* prodiret, *Calcearii Filius*, cui nomen erat *Radulphus Wilfordus*; Adolescens autem edoctus & instructus erat à Fratre quodam *Augustiniano*, *Patricio* dicto. Uterque horum à partibus *Suffolciæ* in *Cantium* pervenerunt; ubi non solum clam, & per Susurros, Rumores spargebant, *Wilfordum* istum verum *Comitem Warwici* esse; Verum etiàm *Frater* ille Populum ad credendum propensiorē expertus impudentissimè Conciones de eâ re ad Populum habuit, eosque, ut in Auxilium suum properarent, hortatus est; unde uterque comprehensus est, & supposititiis *Comes* morte affectus, *Frater* autem perpetuo Carceri damnatus. Hoc verò opportunè admodum accidit, ad repræsentandum periculum, quod *Regi* à *Comite Warwici* imminebat, & ad velandam *Regis* Severitatem, quæ secuta est: Ea; ipsa Opportunitas, accedente velaniâ *Fratri*, qui tantam prodicionem, antequàm ullas hæcta esset vires, publicare esset ausus; Quin & ejusdem *Fratri* vitæ Condonatio, (cujus tamen reverà, nihil aliud in causâ fuit, quàm Ordinis sui Privilegium:) Denique Misericordia vulgi, (quæ si Gurgite rapido fluat, semper cœnum Invidiæ & Scandali excitat,) effecerunt, ut ubique potius Sermone Hominum jactatum, quàm planè creditum esset, omnia Artificio *Regis* instructa fuisse. Sed utcunque hoc fuerit, *Perkinus* (qui jam tertio contra Gratiam peccarat) tandem in Judicium adductus est, apud *Westmonasterium*, & coram *Commissariis* de *Audiendo* & *Terminando*, impetitus, de diversis Proditionibus Commisiss & Perpetratis, post ejus in *Angliam* Adventum, (ita enim Judices consuluerunt, quoniam extraneus esset,) denique Condemnatus est, & intra paucos dies, apud *Tiburne*, capitali Supplicio affectus. Ubi rursus Confessionem illam suam perlegit, & veram esse, jam sub ipsam Mortem, agnovit. Atque is exitus fuit *Basilisci* hujus, qui potius erat eos necare, qui eum primi non aspexissent. Fabula erat certè, ex hujus generis Fabulis, quæ memorantur, longissima; Et alium fortasse finem sortita esset, nisi res incidisset, in *Regem* prudentem, animosum, & fortunatum.

Quantum verò ad tres *Perkini* Consiliarios, ii se *Asylarios* registrarī fecerunt, cū *Perkinus* id ipsum fecisset. Verū, siue quod iis igno-

tum esset, sive quod intra privilegium se continuissent, in Judicium minimè adducti sunt. Unà cum *Perkino* suspensi sunt, *Major Civitatis de Corke*, in *Hibernâ*, & Filius ejus; Qui prodicionum *Perkini*, inter præcipuos, Fautores fuerant. Paulò post, similiter Morti adjudicati sunt octo alii, propter Conjunctionem factam in *Turre*; Quorum quatuor *Præfetti Turris* Servierant. Et statim post, in Judicium adductus, coram *Comite Oxoniæ* (*Seneschallo Magno Angliæ* eâ vice factò,) infelix ille Princeps *Comes Warwici*, non propter Conatum è *Turre* evadendi, (hoc enim peractum non est; Atque etiàm, cum Incarceratio propter prodicionem minimè fuisset, Evasio pro Prodicionis crimine, lege haberi non debuit;) Sed propter Conjunctionem cum *Perkino* initam, Seditiones in *Regno* excitandi, & *Regem* destruendi. *Comes* autem *Warwici* Accusationem Confessione suâ firmavit, & Paulò post, apud *Collem Turris*, decapitatus est.

Sic etiam finivit, non solum Nobilis istius, & verè commiserabilis Personæ, *Comitis Warwici*, Primogeniti *Ducis Clarentiæ*, Tragœdia; verum etiam Stirps & Linea mascula *Plantagenistarum*, quæ tanto cum splendore & gloriâ floruerat, usque à temporibus Celeberrimæ memoriæ Regis *HENRICI secundi Regis Angliæ*. Fuerat autem hæc Stirps, sæpè sanguine proprio intincta. Manet autem adhuc Progenies illa, sed in alias Familias, tam Imperiales, quam Nobiles, transplantata. Verum nec Criminis Reatus, nec Rationes Statûs, Invidiam extinguere poterant, quæ *Regi*, ob hanc Executionem incumbabant. Itaque Consultum putabat *Rex*, Invidiam istam, ex *Angliâ* exportare; eamque, in novum suum Affinem, *Ferdinandum Regem Hispaniarum*, exonerare. *Regibus* enim istis duobus, vel solo nutu se mutuo intelligentibus, res ita se habuit, ut literæ ex *Hispaniâ* reperirentur atq; ostenderentur, quibus inter alios Sermones, circa Tractatum Matrimonii, *Ferdinandus* ad *Regem HENRICUM*, disertis verbis scripserat, se securitatem nullam de Liberorum *Regis* in Regnum Successione videre, quamdiù *Comes Warwici* in vivis esset; Seque Filiam suam, in manifesta pericula & turbas mittere, haud libenter sustenturum. Verum hoc factò, etsi *Rex* aliquatenus Invidiam à se ipso amoliretur; tamen non animadvertit, se simul Maledictionem quandam, & omen infaustum, Nuptiis ipsis impingere. Quod quidem eventu ita completum est; ut & *Princeps Arthurus* uxore suâ ad breve tempus potiretur; Atque ipsa *Principissa Catharina* (Foemina tristis & Religiosa,) diù post cum *Regis HENRICI octavi*, de eâ repudiandâ, consilium ei primum nunciatum est, diceret; *Se quidem culpâ vacare; sed hoc justo Judicio Dei factum esse, quod nuptiæ suæ in sanguine fundatæ fuissent; Intelligendo Sanguinem Comitis Warwici.*

Hoc Anno, *Regis* decimo quinto, magna grassata est pestis, tam *Londini*, quam in aliis *Regni* partibus. Itaque *Rex*, post loca crebrò mutata, (sive ut à Contagione tutior esset; sive ut Occasionem Colloquii cum *Archi-Duce* præberet; sive ob utrunque;) *Caletum* cum *Reginâ* suâ transfretavit. Postquam *Rex Caletum* venisset, *Archi-Dux* statim ad eum Honorificam Legationem misit; Tam ut de Adventu *Regis* in eas partes gratularetur, quam ut significaret se præstò esse, (si *Regi* placeret,) præsentia suâ obsequium ei deferre. Sed simul Legati *Regi* intimârunt

intimârunt, ut Locum Congressûs designaret, extra aliquod munitum Oppidum, aut Castellum, quoniâ, hoc *Regi Gallie*, simili occasione, denegasset. Quamvis autem (ut aiebat) non exiguum discrimen inter illos duos *Reges* agnosceret; tamen ab exemplo se metuere, ne fortè illud ipsum, à *Rege* quopiam in posterum, cui minùsquam *Regi HENRICO* fideret, postularetur. Rex Comitatem *Archi-Ducis* sibi gratam esse, excusationem autem probatam esse ostendit; Et locum ad *Ædem Sancti Petri* extra *Caletum*, colloquio designavit. Simul etiâ *Archi-Ducem* Legatis à se missis honoravit: Hi fuerunt, *Baro de Sancto Joanne*; & unus ex *Secretariis Regis*: Quos *Archi-Dux* eo honore excepit, ut (ad *Missam* celebrandam *Sancti Andomari* profectus,) medius inter *Baronem de Sancto Joanne* à Dextrâ, & *Secretarium* à Sinistrâ, equitaret. Die ad colloquium assignato, Rex Equo vectus, ad nonnullum ab *Æde Sancti Petri* Intervallum, in occursum *Archi-Ducis*, perrexit. Cùm appropinquassent, *Archi-Dux* propere de Equo descendit, & ad Stapedem *Regis* tenendum, se obtulit: Id Rex nullo modo permittere voluit, sed cum & ipse ab Equo descendisset, magnis cum Amoris Indiciis se mutuò complexi sunt; Atque in locum, in Templo ad hoc ornatum, ad longum Tempus collocuti sunt; Non solum tractantes de Fœderum præteritorum Confirmatione, & Commerciorum libertate; Sed etiâ de Nuptiis reciprocis, inter HENRICUM *Ducem Eboraci*, Filium *Regis* secundo-genitum, & *Archi-Ducis* Filiam; Et rursus inter *Carolum Archi-Ducis* Filium primogenitum, & *Mariam* Filiam secundo-genitam *Regis*. Verùm Gemulæ istæ immaturarum Nuptiarum, nihil aliud erant, quam vota quædam *Principum* Amicorum, & Auræ Benevolentie: etsi alterum Matrimonium postea Tractatu conclusum, sed minime consummatum fuerit. Verùm toto illo tempore, quo *Principes* isti, inter se conversabantur, in *Suburbis Caleti*, mira fuit inter eos Cordialis & intimi Amoris Demonstratio; præcipuè ex parte *Archi-Ducis*. Qui (præterquam quod esset *Princeps* humanissimus, & moribus suavissimis,) conscius sibi, quam morosè & parum amantè *Rex* à Concilio suo tractatus fuisset, in negotio *Perkinsi*, omnibus modis contendit, ut pristinum in *Regis* Benevolentia, locum recuperaret. Atque insup' r Patris & Soceri sui Monitis, perpetuò obsessus erat, qui (propter odium suum & suspiciones adversus *Regem Gallum*,) semper *Archi-Ducis* Aures obtulerunt, ut super amicitiam *Regis Angliæ*, veluti Anchoram jaceret; hâc datâ occasione, eorum monita & præcepta exequi gauderet: *Regem* appellans Patronum suum, & Patrem, & Protectorem: (Nam hæc ipsa verba *Rex* Literis suis postea inseruit, ad Civitatem *Londini* missis: Quibus Humanitatem *Archi-Ducis* prolixè commendavit;) cum aliis verbis Honorificentissimis, quæ Amorem suum, & observantiam erga *Regem*, testarentur. Venerunt etiâ *Caletum* ad *Regem Fræses Picardiæ*, & *Balivus Amieni*, à *Ludovico Rege Gallo* missi; Tam ut honorem ei exhiberent; quam ut certiorem eum facerent, de victoriâ suâ, & subjugatione *Ducatus Mediolanensis*. Rex visus est sibi complacere in honoribus, qui illi, durante morâ suâ *Caleti*, ab Exteris exhibiti erant. Etenim *Caleto* fusè de iis scripsit ad Majorem & Senatum *Londinensem*: quod haud (dubie) causâ multis sermonibus in urbe præbuit.

Rex

Rex enim, etsi Cives sibi conciliare non poterat, modis ab *Edwardo Quarto* usitatis; tamen Affabilitate, & aliis Favoribus Regiis, eos semper devinciebat, seque illis multum dabat.

Hoc etià Anno mortuus est *Joannes Mortonus*, *Archiepiscopus Cantuariensis*, & *Cardinalis*, summuſque etià *Angl.æ Cancellarius*. Vir prudens erat, & eloquens, sed Ingenio aspero, & imperioso; *Regi* acceptissimus, sed Nobilitati invisus, Populo itidè odiosus. Neq; ex Benevolentia aliquà, Nomen ejus omisſum est, in Catalogo Adulatorum *Regis*, quos Edictum *Perkini* perstrinxit; Sed eum noluerunt reliquis admiscere, quoniam *Imaginem* & *Superscriptionem Papæ* in se habuit; *Cardinalatus* scilicet Honore impressam. *Regem* sibi obstrinxerat, Consiliorum Occultatione, & Diligentia; sed præcipuè, quod *Regi*, in Fortunâ suâ minore, fidum se præbuit: Et simul, quod (affectu suo secreto) Inveteratâ malitiâ non vacabat, adversus *Familiam Eboracensem*, sub quâ Calamitates nonnullas subierat. Quinetià, libenter Invidiam a *Rege* in se derivabat, etià plùs quàm *Rex* vellet. *Rex* enim, subterfugia non quærebat, sed Invidiâ in os se objicere solebat, & Cupiditates suas apertè præferre: Id quod Invidiam contra eum auxit sanè, sed minùs audere effecit. Verùm, quatenùs ad duras illas *Regis* Exactiones, Tempus postea prodidit, *Episcopum* istum *Regis* Ingenio obsequendo, illi potiùs temperavisse. Sub *Richardo Tertio*, Custodiâ commissus fuerat, in domo *Ducis Buckinghamiæ*. Quem ad Defectionem à *Richardo* secretò impulit. Sed postquàm *Dux* Negotio se implicarat, *Episcopumque* præcipuum sibi in Tempestate Gubernatorem Navis fore sperasset, *Episcopus* in Scapham transiliverat, & trans mare profugerat. Verùm, utcunque iste Vir laudandus, aut reprehendendus occurrat, certè felicissimam Memoriam meritus est; Eò quod principale fuerat Instrumentum in Conjunctiōe duarum *Rosarum*. Grandævus admodùm mortuus est; Sed Corpore validus, & Animi Facultatibus integris.

Anno sequente, qui fuit Sextus Decimus *Regis*, Annusque Domini millesimus quingentesimus, Jubilæum *Romæ* celebratum est. Verum *Papa Alexander*, quo Impenſis & Periculo longi Itineris, ad *Romam* usque parceret, consultum putavit, Gratias eas Spirituales, per viam permutationis transferre, ad eos, qui certas Pecuniæ Summas solvissent; cùm minùs grave esset, eas in Patriâ quemque suâ recipere. Quononine, in *Angliam* missus est, *Jasper Pons*, *Hispanus*, *Papæ* Commissarius; Meliore Judicio electus, quàm fuerant illi, qui nonnullis Annis post in *Germaniam*, à *Leone Papâ* missi sunt. Etenim negotium, magnâ cum Prudentiâ, & specie Sanctitatis, *Pons* iste gessit. Ita ut amplissimas Pecuniarum Summas, intra hoc *Regnum Angliæ*, in usum *Papæ* corrogaverit, exiguo aut nullo Scandalo. Opinio prava increbuerat, *Regem* Pecuniæ participasse. Verùm apparet ex Literis *Cardinalis Adriani Regis* Pensionarii, ad *Regem* post aliquot Annos missis, hoc minùs verum fuisse. Etenim, *Cardinalis* iste, à *Rege* adhibitus, ut *Papæ Julio* persuaderet, Bullam Dispensationis pro Matrimonio inter *HENRICUM Principem* & *Dominam Catharinam* ineundo, expedire, *Papamque* in eâ concedendâ difficiliorem expertus, pro principali Argumento merito *Regis* erga eam Sedem, usus est; Quod Pecuniæ illæ,

illæ, quam *Pons* intra *Angliam* collegit, ne Denarium quidem tetigerat. Verùm, quo clariùs elucesceret, (ad Populo satisfaciendum,) Pecuniam istam sacram fuisse; Idem Nuncius *Breve Regi à Papâ* detulit; Per quod *Rex* excitatus, & summonitus fuit, ut in Personâ propriâ *Bello* jâcro contra *Turcam* interesset. Quoniam *Papa* (ex Sollicitudine *Patris Universalis*,) quasi sub oculis cernens Successus & Progressus magni illius Fidei Hostis, multas Consultationes in *Conclavi*, præsentibus *Legatis Principum* Exterorum, circa *Bellum Sacrum*, & generalem *Principum Christianorum* in *Turcam* Expeditionem suscipiendam, habuillet. In quibus Consultationibus decretum fuisset; ut *Hungari*, *Poloni*, & *Boëmi*, *Thraciam* *Bello* invaderent; *Galli* & *Hispani*, *Græciam*; *Papa* verò (promptus ad se immolandum pro Causâ *Christianâ*,) in Personâ suâ, & Comitatu *Regis Angliæ*, *Venetorum*, & aliorum Statuum qui Mari pollerent, navigaret cum Classe potentissimâ, per *Mare Mediterraneum*, usque ad *Constantinopolim*. Quodque, in hunc finem, *Sanctitas Sua*, Nuncios ad omnes *Principes Christianos* misisset; Tam ut, Cessatio fieret omnium Dissidiorum & Querelarum inter se, quam ut Apparatus Bellici, & Contributiones Pecuniarum, sine morâ fierent, ad sacrum hoc Incœptum, ad exitum perducendum.

Huic *Papali Legationi Rex*, (de Animo & Consiliis *Papæ* benè informatus) Responsum dedit, magis solennè, quàm serium significans.

Nullum in Terrâ *Principem* seipso promptiorem, aut obsequentiorum futurum, tam Personâ propriâ, quàm universis suis Copiis, & Fortunis, ad *Bellum* hoc *Sacrum* ineundum. Verùm, tantam esse Locorum distantiam, ut nullæ maritimæ Copiæ à se apparandæ & cogendæ, nisi duplici sumptu instrui possint, & duplici etiâ (ad minimum) morâ, quàm posset fieri à *Regibus*, quorum Territoria magis essent in propinquo. Prætereà, neque structuram navium suarum, (cùm nullas haberet *Triremes*,) neque Experientiam *Nauarchorum* & *Nautarum* suorum, illis Maribus tam aptè convenire posse, quàm Nationum illarum. Itaque consultiùs facturam suam *Sanctitatem*, si ab uno ex *Regibus* illis, qui commodiùs posset, impetraret, ut se Mari comitaretur. Quo pacto, omnia, & minore Impendio, & majore celeritate, confici possint. Quinetiâ, Emulatio & Divisio, circa Imperium Exercitûs, quæ inter illos duos *Reges*, *Gallum* & *Hispanum*, intervenire fortassè possint, si uterque in *Bello* terrestri super *Græciam* procederet, prudenter evitaretur. Se verò, pro suâ parte, Auxiliis & Pecuniis non defuturum. Nihilominùs, si uterque *Rex* hoc facere recusaret, se potius quàm *Sanctitas* sua sola navigaret, quam primum posset, eidem inserviturum. Sub Conditione tamen, ut primò Discordias omnes inter *Principes Christianos* depositas, & sedatas videret, Quemadmodum, ipse, ex suâ parte, nullis omninò implicatus esset. Atque simul, Oppida aliqua munita ad Littora *Italiæ*, in manus suas traderentur, quæ Hominibus suis, & Præsidio & Receptui esse possint.

Cùm hoc Responso reversus est *Jaspar Pons* neutiquam tristis. At tamen hæc *Regis* Declaratio (utcunque superficialis) ei talem, apud *Exteros*, Existimationem peperit, ut non diù post, ab *Equitibus Rhodî* electus

electus esset Ordinis illius Protector: Omnibus rebus in multiplicationem Honoris cedentibus, *Regi* qui tantam obtinuerat Famam, Prudentiæ, & in rebus Civilibus peritiæ.

His duobus posterioribus Annis, in Judicium vocati sunt, quidam Hæretici; Quod tempore hujus *Regis*, rarum admodum erat; & si aliquando contigerat, Pœnitentiis potiùs, quam Igne luebant. *Rex* (licet Scholasticus non esset,) tamen Honorem sortitus est, ut *Cantuarie*, unum ex iis convinceret, & ad Sanitatem perduceret.

Hoc etiã Anno, licet *Rex* à Spiritibus & Illusionibus non esset vexatus; Quos aspersione partim Sanguinis, partim Aquæ, abegerat: Attamen, Apparitionibus quibusdam inquietabatur; semper ab eadem Regione se ostendentibus, Familiã scilicet *Eboracensi*. Evenit, ut *Comes Suffolciæ*, Filius *Elizabethæ*, (Sororis natu majoris, *Edwardi Quarti*, ex *Joanne Duce Suffolciæ*, secundo ejus Marito) & Frater *Joannis Comitis Lincolnæ*, qui apud prælium de *Stoke* occubuerat, vir iracundus & cholericus, Hominem in Iræ fervore occideret, Cujus criminis; *Rex* ei grãtiam fecit. Verum, aut ut ei Nubem quandam Infamiæ impingeret; Aut ut sensum Gratiæ suæ majorem incuteret; Eum palàm in Judicium produxit, & *Diploma Condonationis* suæ apertè allegare voluit. Hoc in *Comite*, illum effectum peperit, quem similibus causis, in animis elatis, parere consuevit. Nimirum, ut Ignominia altius insideret, quam Gratia. Itaque infensus animi, clam in *Flandriam* aufugit ad Materteram suam *Ducissam Burgundiæ*. *Rex*, hæc re turbatus non nihil est. Sed prioribus periculis edoctus, ut lenibus & tempestivis uteretur remediis, Nunciis benignis ita eum emolliovit, (*Ducissã* etiã *Margaretã*, tot in Alchymiã suã frustrationibus, fatigatã; ideoque à novis Experimentis factã alienã; partim etiã non nihil dulcoratã, quod ejus Nominis, in Confessione *Perkinsi*, nullã facta fuerat mentio;) ut *Comes* placatus rediret, *Regique* reconciliaretur.

Principio Anni sequentis, qui erat *Regis* Decimus Septimus, Domina *Catharina*, *Ferdinandi* & *Isabellæ*, *Regis* & *Reginæ Hispaniæ*, Filia quartã; *Angliam* appulit, apud *Portum Plimmonthi*, Secundo die *Octobris*; Et decimo quarto *Novembris* insequentis, *Principi Arthurò* nupsit, Matrimonio in *Templo D. Pauli* solennitè celebrato. *Princeps*, tunc Annorum erat circitèr quindecim, Sponsa autem ejus circitèr octodecim. Modus eam in *Angliam* recipiendi; Modus Ingressus ejus in *Londinum*; Atque Nuptiarum ipsarum Celebritas, magnã & verã cum Magnificentiã peracta sunt; Sive Sumptus spectetur, sive Splendor, Sive Ordo. Præcipuus vir, qui universum Apparatum curavit, erat *Foxus Episcopus*; Qui non solum prudens erat Consiliarius, in Negotiis tam Belli quam Pacis, verum etiã bonus Præfectus operum, bonus itidem *Magister Cæremoniarum*. Denique omnia erat, quæ competere parti Activæ, & pertinerent ad Servitium Aulæ, aut statûs, *Magni Regis*. Nuptiarum harum Tractatus septem Annorum Opus erat; cujus partim causa erat Ætas tenera *Principum*, præsertim ipsius *Arthur*. Sed vera causa suberat, quod hi duo *Reges*, prudentissimi scilicet, & profundi Judicii, stabant diu alter in fortunam

alterius

alterius intuentes; satis gnari, Tractatum ipsum interea, Opinionem ubique creare arctæ inter illos Conjunctionis, & Amicitiae; Quod ipsum utrinque utile erat rebus amborum Regum, licet liberi adhuc manerent. Verum in fine, cum utriusque Regis Fortuna, indies magis prospera & secunda evaderet; atque cum circumspectantes, nullam invenirent Conditionem meliorem, Tractatum Matrimonii concluderunt.

Summa Dotis (quæ in Regem translata erat perviam Renunciationis,) fuit Ducenta Millia Ducatorum. Quorum centum Millia solvi debebant, post decem dies à Solennizatione Matrimonii: Altera verò centum Millia, æquis portionibus, proximis duobus Annis. Pars tamen poterat per Jocalia, aut per Vasa aurea & argentea, representari; Et Ratio inita est, quo pacto justè & indifferenter æstimarentur. Reditus autem Principissæ assignatus, fuit tertia pars Principatus Walliæ & Ducatus Cornubiæ, & Comitatus Cestriæ, postea per Metas separanda. Verum, si contingerit eam Reginam Angliæ fore, indefinitus relinquebatur; Ita tamen, ne minor foret, quam ulla Regina Angliæ antehac frueretur.

In Spectaculis & triumphis Nuptialibus, multa ex Aristonomiâ desumpta sunt. Sponsa enim per Hesperum adumbrata est, Princeps autem per Arcturum: Sed & vetus Rex Alphonsus, (qui inter Reges maximus fuerat Astrologus, atque simul ex Progenitoribus Principissæ,) introductus est, ut Fortunam Nuptiarum prædiceret. Certè, quisquis is fuerit; qui istas nugas concinnaret, ultra Pedantium sapuit. Sed pro certo ducas, Arthurum illum Regem Britannum, ad Fabulas usque celebrem, atque Profapiam Principissæ Catharinæ, à Familia Lancastrensi, extractam, nullo modo oblivione præterita fuisse. Verum, (ut videtur) non fausta res est, Fortunam ex Astris petere. Nam Princeps iste Juvenis, (Qui, eo tempore, in se trahebat, non solum Spes & Affectus Patriæ suæ, verum etiam Oculos & Expectationem Exterorum) post paucos Menses, ineunte Aprile, apud Castrum de Ludlow obiit, quo missus erat, ut cum Aulâ suâ resideret, tanquàm Princeps Walliæ. Hujus Principis, eò quod citò mortuus est; Et quia in more Patris erat, Liberos suos modicè illustrare, exigua manet Memoria. Illud tantum traditur, eum bonarum Literarum studiosissimum fuisse, & magnos in iis profectus fecisse, supra Annos suos, & supra Consuetudinem Principum magnorum.

Dubitatio quædam temporibus sequentibus oborta est, cum Divortium HENRICI Octavi, & Dominæ Catharinæ, tantas turbas in orbe concitaverat, utrum Arthurus carnaliter cognovisset Catharinam uxorem suam; Quo ista pars, de Cognitione carnali, casui infereretur. Verum autem est, Catharinam ipsam rem negasse; vel saltem Advocatos illius & rei instituisse, & ut firmamentum causæ non contemnendum omitti noluisse; Etsi plenitudo Potestatis Papalis in dispensando, Quæstio fuisset primaria. Ista autem Dubitatio per longum tempus duravit, respectu duarum Reginarum quæ succellerunt, Mariæ & Elizabethæ; Quarum Legitimationes erant inter se incompatibiles, etsi Successio ipsarum, vigore Actus Parlamenti, stabilita fuisset. Tempora autem quæ Mariæ Reginæ Legitimationi favebant, credi

credi volebant, nullam fuisse carnalem cognitionem. Non quod videri vellent absolutæ Papæ Potestati quicquam derogare, vel eo casu dispensandi; Sed Honoris tantum causâ, atque ut Casus magis esset favorabilis, & mollius laberetur. E contrâ, Tempora, quæ Legitimationi Regine Elizabethæ favebant, (quæ & longiora, & recentiora fuerunt,) contrarium defendebant. Illud certæ Memoriam est, intercessisse Tempus semestrem, inter Mortem Principis Arthuri, & Creationem Henrici, in Principem Walliæ; Quod eò pertinere Homines interpretabantur, quò spatium illud temporis, in certo poneret, utrum Catharina ex Arthuro gravis facta fuisset. Quin & Catharina ipsa, novam à Papâ Bullam procurari fecit, ad Matrimonium melius corroborandum, cum clausulâ illâ, (*Vel forsân Cognitam*) quæ in priorè Bullâ comprehensa non erat. Datum etiâ in Evidentiis fuit, dum Causa Divortii tractaretur, Scommâ quoddam facetum; Nimirum quòd *Arthurus* manè cum è lecto Principissæ surrexisset, potum postulasset, præter Consuetudinem suam; Cumque Generosus quidam è Cubiculo suo, qui potum ei porrigeret, subrideret, remque notasset; Princeps jocans, ad eum dixisset, *Se in medio Hispaniæ, quæ calida esset Regio fuisset*; Iter autem suum sitibundum eum reddidisset; Quodque si Adulescens ille, è tam calido Climate venisset, potum avidius hausisset. Quinetiâ Princeps fuerat Annorum circiter sexdecim, cum mortuus est, & Corpore sanctus & robustus.

Februario sequente, *Henricus Dux Eboraci* factus est Princeps Walliæ, & Comes Cestriæ & Flintæ; Etenim Ducatus Cornubiæ, statuto ad eum devolutus est. At Rex Ingenio tenax, & non libenter Reditus novos, si alibi nupisset *Henricus*, assignaturus; sed præcipuè propter affectum suum, quo & Naturâ, & propter Rationes politicas, *Ferdinandum* prosecutus est, Affinitatis prioris continuandæ cupidus, à Principe obtinuit, (etsi non absque aliquâ Reluctatione, qualis eâ Ætate, quæ Duodecimum Annum nondum complevit, esse poterat,) ut cum Principissa Catharina contraheretur: Secretâ Dei Providentiâ ordinante, ut Nuptiæ illæ, magnorum Eventuum & Mutationum Causa existerent.

Eodem Anno, celebratæ sunt Nuptiæ, *Jacobi Regis Scotiæ*, cum *Margaretâ*, Filiâ HENRICI Primogenitâ: Quæ per Procuratorem contractæ sunt, & apud Crucem Divi Pauli publicatæ, Vicesimo quinto Januarii, & Hymnus *Te Deum* solenniter ibi cantatus est. Verum hoc certum est, Lætitiâ Civium Londinensium, per sonitum Campanarum, Ignem Exultationis, & hujusmodi Plebis suffimenta, monstratam, majorem fuisse, quàm quis expectare in animum induxisset, cum tam gravia & recentia, inter Nationes odia extitissent; præsertim Londini, quod tam longè fuerat à sensu Periculorum & Molestiarum ex Bellis præcedentibus. Ideoque verè attribui poterat, secreto Augurio & Inspirationi, (quæ sæpenumerò influit, non tantum in Corda Regum, verumetiâ in pulsas & venas Populorum,) de Fælicitate, ex eo Conjugio, temporibus futuris secuturâ. Matrimonium hoc, Mense Augusti sequentis, consummatum fuit apud *Edenburgum*. Rex Filiam suam, usque ad Oppidum de *Collingeston* comitatus est; Ibique eam Curæ & Famulitiæ Comitissæ Northumbriæ commisit. Qui magno cum Comitatu

Comitatu Virorum, & Fœminarum Nobilium, eam in *Scotiam*, ad Maritum suum perduxit.

Hoc Matrimonium, per tres ferè Annos, tractatum erat; à tempore scilicet, quo *Rex Scotiæ*, cum *Episcopo Foxo*, Arcanum Animi sui communicasset. Summa Dotis, à *Rege HENRICO* data, fuit Decem Mille Librarum. Reditus autem annui, à *Rege Scotiæ*, in Sustainementem Uxoris suæ, assignati, fuerunt bis Mille Librarum, post Mortem *Jacobi*; & Mille Librarum in præsentem. Qui Reditus separandi erant, ex præcipuis & certissimis Reditibus. Traditur, cum de hoc Matrimonio deliberaretur, *Regem Concilio* suo *sanctiori* Negotium remisisse; Quosdam verò ex Concilio, usos Consiliariorum libertate, (*Rege* tum præsentem) supposuisse; Si duo *Regis* Filii, sine Hæredibus Masculis defuncti essent, *Regnum Angliæ* ad Lineam *Scotiæ* devolutum iri, quod *Monarchia Anglorum* præjudicio esse possit. Cui Objectioni *Rex* ipse, nihil moratus respondit; Id si contigerit, *Scotiam* Accessionis loco *Angliæ* futuram, non *Angliam Scotiæ*: Majus enim *Regnum* minus ad se tracturum. Ideoque Unionem istam tutiorem futuram, quàm fuerat illa *Franciæ*. Hoc Responsum *Regis*, instar Oraculi habitum est; & Silentium de eâ re secutum.

Annus idem fatalis erat, tam Funeribus, quàm Nuptiis: Idque æquali temperamento. Gaudia enim & Festa Nuptiarum duarum, compensata erant, Luctibus & Funeribus *Principis Arthuri*, (de quo jam diximus,) & *Reginæ Elizabethæ*, quæ ex Puerperio mortua est, apud *Turrim*, *Infante* non diù superstite. Mortuus est etiàm eodem Anno *Reginaldus Brauns*, *Eques Auratus*, qui notatus est, majorem habuisse, apud *Regem* consulendi libertatem, quàm aliquis alius Consiliarius: Verùm id genus Libertatis erat, quod Adulationem redderet magis sapidam. Attamen plus justo ex Invidiâ participavit, circa *Regis* Exactiones.

Hoc tempore Status *Regis* fuit florentissimus; Amicitiiis *Scotiæ* munitus, *Hispaniæ* roboratus, *Burgundiæ* ditatus, universæ Turbæ intestine siluerunt; Atque omnis Belli strepitus, (tanquàm Tonitru ex longinquo,) in *Italiam* delatus. Itaque Natura, quæ sæpenumerò vinculis Fortunæ feliciter constringitur, & frænatur, cœpit prævalere, & prædominari effrœnis, in Animo *Regis*; Affectus suos & Cogitationes (tanquàm Gurgite forti) impellendo, ad corrogandos & accumulandos Thesauros. Sicut autem *Reges*, multò facilius, Ministros & Instrumenta inveniunt, qui Cupiditatibus eorum inserviant, quam qui Rebus suis & Honori; Nactus est duos Ministros, ex voto suo, aut etiam ultra votum suum, *Empsonum* & *Dudleium*; (quos Populus æstimabat pro Sanguisugis suis & Expilatoribus) ambos Audaces & Famiæ Contemptores; Quique ex Domini sui multatûrâ, haud parum ad se ipsi trahebant. *Dudleius* bonâ Familiâ ortus fuit. Vir eloquens, & qui Negotia aspera bonis Verbis condire poterat. Sed *Empsonus*, qui filius fuit Rudiarii, factum semper urgebat, deque eo triumphabat, missis aliis quibuscunque respectibus, tanquàm inanibus. Hi duo, scientiâ Juris periti, autoritate Consiliarii, (quemadmodum Corruptio rerum optimarum est pessima,) *Legem* & *Justitiam* in *Abysinthum* & *Rapinam* verterunt. Primo enim, Mos illis erat, ef-

ficere, ut plurimi ex Subditis diversorum criminum rei peragerentur, atque eousque juxta Formam Legis procedere; Cum verò *Bille Impetitionis*, quæ vim tantum Accusationis, non Decisionis habebant, veræ repertæ fuerint, statim eos Custodiæ tradere. Neque tamen causam Juridicâ viâ prosequabantur, aut eos tempore convenienti ad se defendendum producebant, sed in Carcere languere permittebant, & diversis Artificiis & Terroribus, plurimas ab illis multas & redemptiones, extorquebant, quas Compositiones & Mitigationes vocabant.

Quinetiam, usu audaciores facti, tandem tam contemptim & incuriosè processerunt, ut ne dimidiam illam partem, (de quâ diximus,) Faciei Justitiæ retinerent, ut per viam *Indictamenti* procederent; Sed Præcepta sua & Missivæ passim volitabant, ad homines comprehendendos, & coram seipsis, & aliis, in ædibus suis privatis, colore scilicet Commissionis suæ, sistendos; Ibique viâ quadam Justitiæ summariâ, & irregulari, per Examinationem solam, absque duodecim virorum Judicio, causas terminabant, potestatem sibi assumentes, in his Justitiæ latebris, tam Causas Coronæ, quàm Controversias civiles dirimendi.

Præterea, mos illis erat, Terras & Reditus Subditorum, *Tenuris Feodalibus*, (quæ in *Capite* vocantur,) onerare, & captivare, falsas *Inquisitiones* procurando, atque inde Custodias & Matrimonialia *Minorum* captando; Atque etiam *Liberaturas*, *primas seisinæ*, & multas pro *Alienationibus*, (hujusmodi Tenurarum fructus scilicet,) exigendo; Recusantes, sub variis prætextibus & procrastinationibus, Subditos admittere ad tales falsas Inquisitiones, juxta Normam Legis, evincendas. Quinetiam *Pupillis Regis*, cum ad majorem Ætatem pervenisent, non licebat, Restitutionem Terrarum suarum obtinere, nisi immanes Pecuniarum Summas persolverent. Rursus mos illis erat, Subditos, Informationibus, de Intrusione in Terras *Regias*, vexare, ex meris calumniis, & prætextibus vix probabilibus.

Cum verò Subditos, ob causas aliquas civiles, ex-leges fieri contigisset, eos chartam Condonationis suæ, de more, procurare non passi sunt, nisi magnas & intollerabiles Pecuniarum Summas dedissent; Rigori Legis innisi, quæ *Vt-legatorum* Bona Fisco applicat. Quinetiam, de proprio addebant, absq; aliquo omnino Juris adminiculo, *Regi*, nomine Multæ, in casu *Vt-legationis*, dimidiam partem Terrarum & Redituum Subditorum, deberi; durante spacio duorum Annorum integrorum. Etiam cum *Duodecim-Viris*, & Juratoribus *Grandioribus*, minaciter agere solebant, eosque compellere, ut quod sibi libitum esset, renunciarent: Quod si minus fecissent, in Quæstionem eos adducere, incarcerare, & multare consueverunt.

Has, cum multis aliis, oppressiones, & concussiones exercebant, Oblivione potius sepeliendas, quàm Memoriam tradendas; Tam sicut Accipitres Domestici, pro *Dominò* suo, quàm sicut Accipitres Sylvestres, pro seipsis, prædantes; In tantum, ut Opes amplissimas sibi comparaverint. Præcipuum autem eorum Flagellum erant *Forisfacturæ*, ex-actæ super Leges pœnales; In quibus processibus nulli pepercerunt, neque eminentioris Ordinis, neque Inferioris: Neque distinguendo

distinguendò, num Lex possibilis fuerit, aut impossibilis; In usu, aut obsoleta: Sed statuta omnia, tam Antiqua, quam nova; tanquàm Rastris percurrendo: Etli complura ex illis, magis in Terrorem condita essent, quam ut summo jure ageretur. Habebant autem semper circa se Catervam Delatorum, Calumniatorum, & Juratorum, pragmaticorum; Ita ut quidvis pro Arbitrio suo *Vere-dicto* exhiberi, & confirmari efficerent, sive de Facto, sive de valore.

Manet etiàm in hodiernum diem Narratio; *Regem*, quodam tempore, fuisse à *Comite Oxoniæ*, (qui præcipuus ei erat Servus, tam Bello, quam Pace,) magnificè & sumptuosè exceptum, apud *Castrum* suum de *Heveningham*. Sub discessu autem *Regis*, stabant Servi *Comitis*, ordine decente, Tunicis suis, Famulitiis, cum Insignibus *Comitis*, utrunque latus *Regis* prætereuntis, claudentes. *Rex Comitem* ad se vocavit, & dixit; *Domine mi*, multa audiveram de Hospitalitate tuâ, eam autem video Famâ esse majorem. Isti generosi, & probi homines, quos ab utraque manu aspicio, sunt certè Servi tui Domestici; Nonne? *Comes* autem subridens respondit. Si placet Celsitudini vestræ, hoc opes meæ non ferrent. Sunt certè illi plerique Famuli Extraordinarii, suis viventes Impensis, qui hoc tempore venerunt, ut Familiam meam decorarent, præcipuè autem, ut Celsitudinem vestram spectarent. *Rex* ad hæc paulum subsiliit, & dixit; *Medius fidius* (*Domine mi*) de tanto & splendido apparatu, quo me excepisti, Gratias ago, sed pati minimè possum, Leges meas, sub Conspectu meo, violari. *Procurator meus* tecum aget. Atque simul traditur *Comitem* eo Nômine, cum *Procuratore Regis*, non minoris quam triginta mille Ducatorum, & ampliùs transegisse. Atque ut *Regis* incredibilis Diligentia, in ejusmodi rebus, manifestius appareat, memini me, multis abhinc Annis, vidisse Librum *Rationum Empsoni*, cujus singulas ferè Paginas *Rex* propriâ manu subsignavit, & in aliquibus locis, postillæ erant etiam ex manu *Regis*. In quo libro fuit *Memoriola* ista *Empsoni*.

Item receptæ (à tali) quinque mercæ, propter Condonationem A. B. impetrandam; & si Condonatio non concedatur, Pecunia est rependenda, nisi eidem aliàs satisfactum fuerit.

In margine autem hujus *Memoriolæ* per manum *Regis* propriam, apposita sunt hæc verba:

Aliàs satisfactum.

Cujus ideo potius mentionem facio, quod in Rege magnam parsimoniam ostendit, sed tamen cum Justitiâ conjunctam. Itaque, pusillæ istæ Arenulæ, & Granulæ, Auri & Argenti (ut videtur) haud parùm fecerunt ad mirabilem illam *Struem Thesauri* constituendam.

Verùm interea (ne *Rex* obdormisceret) *Comes Suffolciæ*, in Nuptiis *Arthuri Principis*, propter splendidas vestes, & alios Sumptus operatus, animum iterum adjicit, ut fieret Eques Erraticus; & in Regionibus exteris nova Facinora experiretur; unde cum Fratre suo in *Flandriam* rursus aufugit. Quod animose ei addidit, fuit pocul dubio universalis Murmur populi, contra Regimen HENRICI. Cumque esset vir levis, & temerarius, cogitavit ille, Vapores quosque in Tempestates versos iri. Neque defuit ei Factio nonnulla intra Regnum;

Etenim Murmur Populi etiam in Nobilibus novarum Rerum studium excitat; Idque rursus, caput aliquod Seditiois evocat. Rex ad solitas Artes confugiens, *Robertum Cursonum*, Equitem Auratum, *Castelli de Hammes Praefectum*, (tum trans Mare degentem; Ideoque minus suspectum, qui cum Rege Consilia misceret,) Praefecturam suam deferere jussit, Seque Servum *Comitis* profiteri. Eques iste postquam in Arcana *Comitis* se sedulo insinuaslet, atque ab eo explorasset, in quibus fiduciam praecipue reponeret, Regem de omnibus, quam fieri potuit occultissimè, certiore fecit: Et nihilominus, eundem locum in *Confidentia Comitis*, retinuit. Literis & Nunciis à *Cursono* acceptis Rex motus, comprehendi jussit *Guilielmum Courtneium*, *Comitem Devoniae*, arctissimâ Affinitate cum Rege conjunctum, (quippe qui in Matrimonium duxerat, Dominam *Catharinam Edwardi Quarti* Filiam;) *Guilielmum Polam Comitis Suffolciae* Fratrem; *Jacobum Tirrellum*, & *Johannem Windhamum*, Equites Auratos; Et nonnullos alios gradus inferioris Homines, & in custodiâ habuit. Eodem quoque tempore comprehensi sunt, *Georgius Baro Abergavennius*, & *Thomas Greenus* Eques Auratus; Sed sicut ob levio rem suspicionem comprehensi erant, ita solutiore custodiâ habiti, & paulò post Libertati restituti. Ex his, *Comes Devoniae*, qui cum sanguine *Familiae Eboracensis*, tam alto gradu, commixtus erat; ideoque à Rege metuebatur sanè, licet omnino insons fuerit; Nihilominus tanquam illa Persona, quæ pravorum Consiliorum, in aliis Objectum esse posset, in custodiâ *Turris* detentus est, durante vitâ Regis. *Guilielmus Polus* similiter, diu in carceratus fuit, etsi minùs arctâ Custodiâ. Sed quantum ad *Jacobum Tirrellum*, (contra quem Sanguis *Principum Innocentium Edwardi Quarti*, & *Fratri* ejus sub Altari clamabat) & *Joannem Windhamum*, & alios Inferiores, illi in Judicium adducti, & supplicio affecti sunt; Equites autem duo decollati. Nihilominus, ut *Cursono* Fides confirmaretur, (qui ut verisimile est, nondum omnes Artes suas deprompserat, neque quæ ab eo agenda erant, perfecerat;) publica est, apud *Crucem D. Pauli*, tempore Executionum prædictarum, *Bulla Papalis Excommunicationis & Anathematis* in *Comitem Suffolciae*, & *Thomam Cursonum*, & alios quosdam nominatim; Ac generaliter in omnes Fautores ejusdem *Comitis*: In quâ re, fatendum certè est, Cælum ad Terram nimis incurvatum fuisse, & Religionem Rationibus politicis. Verum, haud diù post, *Cursonus* (Opportunitatem nactus) in *Angliam* venit, & simul in pristinam apud Regem, gratiam, sed majore cum Infamiâ apud Populum. Cujus reditu *Comes* haud parùm territus est, Séque videns spe omni destitutum, (*Ducissâ* quoque *Margaretâ*, Tractu temporis, & infortunatis successibus, factâ tepidiore,) post vagas quasdam Peregrinationes, in *Galliâ*, & *Germaniâ*; Et pusilla quædam Incoëpta, nihilò meliora, quam Ignis Exulis missiles, defessus tandem in *Flandriam*, in Protectionem *Archiducis* se demùm recepit; Qui per mortem *Isabellæ*, eo tempore *Rex Castiliæ* esset, in Jure *Joannæ* uxoris suæ.

Hoc Anno (decimo nono scilicet Regni sui) Rex *Comitia Ordinum* convocavit. Facile autem conjicere erat, quam absolutam potestatem se crederet Rex habere apud *Ordines* suos, ex hoc, quod *Dudleius*, odiosus

odiosus ille Minister *Regis*, factus esset *Prolocutor inferioris Confessus*. In hoc *Parlamento*, paucae admodum latae sunt Leges memorabiles, circa Administrationem *Regni* publicam. Quae vero latae fuerunt, *Regis*, ut semper, prudentiae, & Artis imperandi, Imaginem impressam habuerunt.

Lata est *Lex*, quâ irritae factae sunt, omnes Dimissiones aut Concessionem *Regis* adversus eos, qui ritè citati, ad serviendum *Regi* in Bellis suis, sive contra Hostes, sive contra Rebelles, non venirent, aut, sine *Regis* licentiâ discederent; Cum Exceptione tamen quorundam virorum Togatorum: Ita tamen, ut quisque stipendia *Regis*, à primo die Professionis suae, usque ad Reditum in domum suam reciperet. Simile *Statutum*, quatenus ad Concessionem Officiorum Civilium, antè ordinatum erat; Hoc verò Sanctionem illam *Legis*, etiâ ad Terras extendebat. Certè, per plurimas *Leges*, hujus *Regis* tempore conditas, liquidò apparet, *Regem* tutissimum judicasse, *Leges* Militares, *Legibus* *Parliamentariis*, roborare.

Alia *Lex* condita est, quae prohiberet Importationem alicujus Manufacturae, ex Byssò, vel simpliciter, vel cum mixturâ alterius Fili, textae. Verum ad Pannos integros sericos non extendebat, (quoniam, eo tempore, Ars hujusmodi Manufacturas conficiendi in usu apud *Anglos* non erat,) verum ad Byssum textilem tantum; veluti Teniolarum, Astrigmentorum, Reticulorum, Ligularum, & Cingulorum, &c. quas Manufacturas Artifices *Angliae* satis callebant. *Lex* hæc veræ Regulæ nixa est; videlicet; Ubi *Materialia Extera superflua sint, ibi Manufacturas earum apud exteros prohibendas*. Hoc etenim aut superfluitates illas arcebit, aut Manufacturam lucrabitur.

Lata est etiam *Lex* alia, quâ Chartæ Regiæ de peculiaribus Carceribus revocarentur, illique Muneri *Vice-Comitis* reannecterentur. Peculiaribus scilicet, & Privilegiatis Officiariis, non minùs ad Interruptionem *Justitiæ* facientibus, quam Locis Privilegiatis.

Lata est insuper *Lex*, quae *Leges* Municipiorum restringeret; quae sæpenumero impugnare solebant *Prærogativam* *Regis*, Legem communem *Regni*, & Libertatem Subditorum; Hujusmodi Municipiis & Collegiis, nil aliud existentibus, quam *Fraternitatibus in Malo*. Ordinatum igitur est, ne hujusmodi *Leges* peculiare, Executioni demandarentur, nisi recognitæ fuissent, & approbatæ à *Cancellario* & *Tesaurario Angliæ*, ac duobus *Capitalibus Justiciariis*, sive eorum tribus; Aut etiâ à duobus *Justiciariis Itinerantibus*, in Locis ubi Municipium situm esset.

Lata est etiam *Lex* alia, quae hoc reverà agebat, ut Argentum *Regni*, in Monetariam *Regis*, adduceretur. Ordinabat autem, ut omnes Nummi Argentei tonsi, aut diminuti; in Solutionibus Pecuniarum, minimè reciperentur; Ne grani quidem factâ gratiâ, quam Remedium vocant, sed tantum cum Exceptione Attritionis Competentis, quæ ob Incertitudinem Exceptio erat quasi Illusoria: Adeò ut per Consequentiam, omnes Nummos Argenteos in Monetariam *Regis*, iterum recudendos, adduci necesse fuerit; unde *Rex* propter novam Cusionem, fructum perciperet.

Ordinatum est etiam *Statutum* prolixum, contra Mendicos, & Er-

rones; In quodux Res occurrunt, notatu dignæ. Prima, Comitibus displicuisse huiusmodi Erronum Incarcerationem; utpote quæ Populo sumptui esset, Carceres superoneraret, neque publicum Exemplum, quod in Oculos Hominum incurreret, exhiberet. Altera, quod in Statutis hujus *Regis*, (Neque enim hoc *Statutum* Anni Decimi noni solum est in eo genere,) semper copulantur. Erronum Supplicia, cum Interdictis de Aleâ, aut Chartis pictis, & huiusmodi Ludis illicitis, à Servis & Plebeiis, utendis; Atque unâ de Cauponulis sive Cervisiariis supprimendis: Cùm hæc Fibræ sint unius Radicis, Atque ac si alterum absque cæteris extingui posse, vana opinio esset.

Quod verò ad turbulentas Hominum Coitiones, & illicita Famulitia, vix fuit *Parliamentum*; tempore hujus *Regis*, absque Statuto aliquo contra eas lato; *Rege* semper excubias quasdam agente, contra Magnatum Potentiam, & populares Coetus.

Concessum etiâ *Regi* fuit, eo *Parlamento* Subsidium Pecuniarium tam à Laicis, quàm à Clero. Nihilominus, ante finem Anni, exivit Commissio, ad Benevolentiam generalem colligendam: Et si nullum esset Bellum, nulli metus. Eodem quoque Anno, Civitas *Londini*, quinque Millia Mercarum *Regi* dedit, pro Confirmatione Immunitatum suarum; Res certè, quæ magis Initiis *Regis* conveniret, quàm Temporibus ultimis. Neque paulum Lucri *Regi* accessit, Occasione *Statuti* recentis, de recudendis Drachmis, & Semi-drachmis, Hodie Solidos, & Monetam sex Denariorum, æquantibus. Quantum verò ad Molendina *Empsoni* & *Dudleii*, illa etiam nunc magis, quàm unquam antè, molebant. Ita ut res esset planè stupenda, videre quot Imbres Aurei, in *Regis* Thesauros, simul descenderint. Nam primo, *Solutiones posteriores Dotis Nuptialis ex Hispaniâ*, in illud tempus incidebant; *Subsidium Parliamentarium* exigebatur; *Benevolentia* Colligebatur; Adde Commodum ex *Monetis Recusis*; *Immunitatum Londini Redemptiones*. *Casualia* undique emergentia. Hæc autem Pecuniarum Congeries, eò magis fuit mirabilis, quod *Rex* eo tempore, nullis omninò Bellis aut Motibus implicabatur: Quin & unicum tantum Filium habuit; Filiam etiâ unam innuptam: Præterea *Rex* is fuit, qui prudentiâ excelleret; Altosque itidem Spiritus gereret; Adeò ut Gloriam ei ex Divitiis petere opus non esset; Cùm aliis Rebus plurimis, (Nisi quod certum est, Avaritiam sibi Materiam Ambitionis semper proponere,) eniteret. Ita ut, unde tanta Pecuniarum Cupiditas Regem obsederit, non facile quis habeat, quod conjiciat. Fortitan Amor Filii, hanc Cogitationem animo suo suggessit, se tam potens *Regnum*, & tantos Thesauri cumulos, relicturum, ut Filius Arbitri Fortunæ propriæ futurus esset.

Hoc etiam Anno, Festum *Servientium ad Legem* celebratum fuit; Quod fuit, tempore *Regis* hujus Secundum.

Circa hoc tempus, *Isabella, Regina Castiliæ*, decessit: Fœmina Heroica, ac Ornamentum, & Sexûs sui, & Temporum; Quæque Magnitudinis *Regni Hispanici*, quæ secuta est, *Lapis Angularis* fuit. Hoc Accidens, *Rex*, non ut nova peregrina accepit, sed tanquàm illud, quod magnum haberet, cum rebus suis, Consensum; Idque duplici respectu præcipuè. Nimirum, tam propter Exemplum, quàm propter Consc-

Consequentiam. Primò secum reputabat, Casum *Ferdinandi Arragoniæ*, post Mortem *Isabellæ*, eundem prorsùs esse, cum Casu suo, post Mortem *Elizabethæ*. Casumque *Joannæ*, *Heredis Castiliæ*, convenire cum Casu Filii sui, *Principis Henrici*. Etenim si uterque Rex, Regnumque teneret, in Jure Uxoris suæ, descendebat utique ad Hæredem, neque Marito accrescebat. Et licèt Casus suus proprius, magis quàm ille *Ferdinandi*, & Ferro, & Membranâ, firmatus, (hoc est Victoriâ in Acie, & Actû Parliamentario,) nihilominùs, naturale illud Jus Sanguinis ita (etiam in animo Viri prudentis) præponderabat, ut Dubitationem injiceret, num reliquis duobus, tutò & solidè quis niti possèt. Itaque diligentissimè observabat, quomodo cum Rege *Arragoniæ*, actum foret, in Retentione *Regni Castiliæ*; Atque insuper, si fortè retinuisset; Utrùm in Jure proprio, vel ut Administrator Bonorum Filii suæ, se illud tenere profiteretur. Secundò, animoolvebat Statum *Europæ*, per hanc Mortem, Conversionem quandam pati possè. Cum enim, temporibus antea, Conjunctio sui ipsius cum *Arragoniâ* & *Castiliâ* (quæ Res una fuerant,) Amicitiaque *Maximiliani*, & *Philippi* Filii sui, *Archi-Ducis*, Potentiam *Gallorum* longè superarent; Meruere jam cœpit, ne fortè Rex *Gallus*, (qui in Affectibus *Philippi Regis* Juvenis *Castiliæ*, Locum insignem obtinebat,) & *Philippus* ipse, jam *Castiliæ* Rex, (Cui Inimicitia intercedebant cum Socero suo circa præsens Regimen *Castiliæ*,) Nec-non & ipse *Maximilianus Philippi* Pater, (qui mobili esset Ingenio, & de quo Conjectura illa ferè sola meritò capi poterat, eum non diù eundem futurum, qui paulò ante fuisset,) Hi tres potentissimi Principes, in arctam aliquam Amicitiam, & Fœdus, inter se coirent. Quo facto, licèt Periculum minimè sibi ab illis immineret, tamen Amicitia *Arragoniæ* nudæ, relinqueretur. Unde fieret, ut cum ipse priùs velut Arbiter Rerum *Europæ* extitisset, jam Potestate minutus foret, & tantâ Conjunctio in Ordinem redactus. Quin & Rex HENRICUS (ut videtur) de Nuptiis secundis cœpit cogitare, & circumspicere, quales Cōditiones Matrimoniorum, in *Europâ*, tunc se ostenderent. Inter alias audiverat, de Pulchritudine & Moribus suavissimis, *Reginæ* Juvenis *Neapolitanæ*, Viduæ *Ferdinandi* Junioris, tunc temporis Matronali Ætate, Annorum circiter viginti septem. Per quas Nuptias existimabat *Regnum Neapolitanum* (de quo tam diù, inter Regem *Arragoniæ*, & Regem *Gallum*, certatum fuerat, quodque novitè tandem tranquillitatem sortitum est,) possè saltèm in parte, deponi intra suas manus, qui pignus tam tutò tueri possit. Misit igitur tanquàm Legatos aut Nuncios, tres Viros, quibus multùm fidebat; *Franciscum Marsinum*, *Jacobum Braybrokum*, & *Joannem Stilum*; reverà ad Inquirendum, potiùs quàm Negotiandum; idque super duas Materias. Prima erat, de Personâ, & Fortunis, *Reginæ* Juvenis *Neapolitanæ*: Altera, de omnibus Rebus, quæ Relationem quampiam habebant ad Fortunam & Consilia *Ferdinandi*. Cum autem ii, commodissimè observare possint, qui ipsi minimè observantur, eos misit, sub pretextibus speciosis, tradens iis in manus Literas Amoris & Comitatis à *Catharinâ Principissâ*, ad Amitam suam, & Neptim, Seniore, & juniore, *Reginas Neapolis*: Etiam commisit iis Librum Articulorum Novorum circa Pacem; Qui Liber, licèt antea datus fuisset

set *Doctori* de Puebla Legato *Hispano* in *Angliâ* Residenti, ab illo in *Hispaniam* mittendus: Tamen visum est *Regi*, quia plusculum temporis intercesserat, ex quo nihil ab *Hispaniâ* accepisset, ut illi Nuncii, postquàm duas illas *Reginas* visitassent, rectâ ad Aulam *Ferdinandum* pergerent, atque secum Exemplar Libri perferrent. Mandata circa *Reginam Neapolis* juniorem, tam accurata erant, & exquisita, cùm Articulos continerent, adeò præcisos, ut veluti Tabulam quandam conficerent Personæ ejus, quoad Complexionem, Aspectum, Lineamenta Corporis, Staturam, Valetudinem, Annos, Mores, Gestum, Fortunas; ut si *Rex* Juvenis fuisset, eum quis facillè Amoribus deditum judicaret; cùm verò *Ætate* provectior esset, interpretari potius quis debeat, eum proculdubio castum insignitèr fuisse, utpote qui omnia in unâ *Fœminâ* conjuncta desideraret, quo Affectus suos ab Amoribus vagis contineret. Verùm in his Nuptiis, *Rex* citò refrixit; postquàm à Legatis suis accepisset, *Reginam* istam Juvenem, pulchris quidem & amplis Reditibus, in Regno *Neapolitano*, dotatam primò fuisse, quos integros recepit, durante vitâ *Frederici* Patruï sui: Etiam durante tempore *Ludovici*, *Regis Galli*; Intra cujus Limites Proventus illi jacebant: Verùm postquàm Regnum ad *Regem Ferdinandum* pervenisset, omnes Reditus illius Regni, Exercitui & Præsidiiis assignatos fuisse: Illam autem pensionem tantùm, aut Exhibitionem ex Arcis ejus, recipere.

Alteri Inquisitionis parti Relatione gravi & diligenti satisfactum est, quæ *Regem* plenè informabat de præsentī statu *Regis Ferdinandi*. Ex hac Relatione, *Regi* constitit, *Ferdinandum* Regimen *Castiliæ* retinere, in Jure *Administratoris* Filix suæ *Joannæ*; Adminiculo etiàm Testamenti *Isabellæ Reginæ* defunctæ, & partim ex Consuetudine Regni, ut *Ferdinandus* pratexuit. Quodque omnia Mandata, & Chartæ *Regiæ* expediebantur, nomine *Joannæ* Filix suæ, suique ipsius tanquam *Administratoris*, nullâ factâ Mentione *Philippi Mariti* ejus. Quodque *Rex Ferdinandus*, licet nomine *Regis Castiliæ* abstineret, constitueret tamen apud se Regnum tenere, absolutâ potestate, absque reddendis rationibus.

Referebant etiàm, *Regem Ferdinandum* se spe nonnullâ pascere, *Philippum* ei permissurum Regimen *Castiliæ*, durante vitâ suâ; Quod *Ferdinandus* certè ei persuadere vehementèr conatus est, tam operâ Consiliariorum quorundam ipsius *Philippi*, quos *Ferdinandus* sibi devotos habuit, quam præcipuè Protestatione, quod si *Philippus*, in hoc non acquiesceret, se Juvenem aliquam uxorem ducturum; unde eum Successione in Regna *Arragoniæ* & *Granadæ* privaret, si fortè ipsi Filius natus foret: Postremò intimando ei Imperium *Burgundorum* ab *Hispanis*, nullo modo toleratum iri, antequàm *Philippus*, morâ & Tractu Temporis, factus esset tanquam *Hispanus* Naturalis. Sed in iis omnibus rebus, (etsi prudenter positis & captatis) *Ferdinandus* spe suâ frustratus esset; Nisi quod *Pluto* erga eum magis fuit propitius, quam *Pallas*.

Eâdem autem Relatione, Legati, Qui Homines erant mediocris Conditionis, ideoq; majore apud *Regem* Libertate gaudebant, rem tegerunt, de quâ tutum vix videbatur, apud *Regem* disserere. Etenim non

non dubitârunt *Regi* apertis verbis narrare, Subditos *Hispaniæ*, tam Proceres, quàm Populum, melius affectos esse erga Partes *Philippi*, (si modò Uxorem secum in *Hispaniam* adduxisset,) quàm *Ferdinandi*; & causâam simul adjunxerunt, quoniam *Ferdinandus* magnis Exactionibus eos gravaret: Quæ certè simul repræsentata, ipsissimum Casum exprimebant, inter *Regem*, & Filium suum.

Complectebatur etiam ista Relatio Declarationem, de propositione quâdam Matrimonii; quam *Amason*, *Ferdinandi Secretarius* Legatis intimavit, (sed tanquàm magnum Secretum,) inter *Carolum Principem Castiliæ*, & *Mariam Filiam Regis* Secundo-genitam; *Regi* pro certo referentes, Tractatum de Matrimonio tunc agitatum, inter *Principem* præfatum, & *Filiam Regis Galli*, ruptum iri; *Filiamque Galli* proculdubio nuptam iri Angolensio, qui Hæres erat apparens *Regni Galliæ*.

Etiam dispersum erat quidpiam, de Matrimonio *Ferdinandi*, cum Dominâ de *Fois*, Fœminâ Nobili, ex Sanguine *Regio Galliæ*, quod postea certè completum est. Verùm hoc referebant, tanquàm Rem, quam in *Galliâ* perdidicerant, in *Hispaniâ* autem Silentio cohibitam.

Rex hac Relatione, quæ magnam suis Rebus Lucem præbebat, benè informatus, & edoctus fuit, quomodò se gereret, inter *Ferdinandum Regem Arragoniæ*, & *Philippum* Generum ejus, *Regem Castiliæ*. Decrevit autem apud se, omnem navare operam, ut illi inter se benè congruerent; Sed utcunque hoc successisset, moderatis Consiliis, & & personam Amici communis præ se ferendo, neutrius Amicitia se privare: Ita tamen, ut interiori Affectu *Ferdinandi* Rebus faveret; Externis verò Demonstrationibus & Officiis *Philippum* magis demeretur. Sed ante omnia maximè delectatus est, Propositione Matrimonii *Filiæ suæ Mariæ*, cum *Principe Carolo*; Tum quod Matrimonium esset, inter omnia *Europæ Christianæ*, celissimum; Tum quod ex utraque Affinitate participaret.

Verùm ad corroborandam Affinitatem suam cum *Philippo*, Ventî colloquium ei derulerunt. Etenim *Philippus*, Hyemem potius eligens, ut *Regem Arragoniæ* imparatum offenderet, cum magnâ Classe è *Flandriâ* in *Hispaniam* solvit, Mense *Januarii*, Anno *Regis HENRICI* Vicefimo primo. Coorta autem est, dum navigaret, atrox Tempestas, quæ Naves ejus, in diversas *Angliæ* Oras, disjecit. Navis verò, in quâ *Rex* & *Regina* vehebantur, (cum duabus aliis Naviculis solis,) lacerata, & vix à Furore Tempestatis elapsa, *Waimoutham* appulit. *Philippus* ipse, (utpote Mari & Navigationibus insuetus,) defessus, & Ager, in Terram prorsus ascendere voluit, ut vires suas reficeret, licet Consilarii ejus contrarium suaderent; Moram metuentes, cum Res ejus Celeritatem potius requirerent.

Fama Classis potentis, ad *Angliæ* Littora visæ, Populum Arma sumere adegit. *Thomas* autem *Trenchardus*, *Eques Auratus*, cum Copiis quas subito coegerat, nesciens quid rei esset, *Waimoutham* venit. Ubi re intellectâ, summâ cum humilitate & humanitate, *Regem* & *Reginam*, ad *Ædes* suas, invitavit; Statimque Equites expeditos ad *Aulam* misit. Paulo post, supervenit *Joannes Carons*, *Eques Auratus*; cum magno

magno comitatu Armatorum, qui simile obsequium Regi Philippo præstitit. *Philippus* autem, meritò dubitans hos Equites, utpote Subditos, non aufuros eum, absque Notitiâ & Licentiâ Regis sui, dimittere, eorum postulatis annuit, donec ex Aulâ mandata acciperent. Rex quamprimùm nova de hoc Eventu, accepisset, iussit statim, ut *Comes Arundelia*, suo nomine, *Regem Castiliæ* visitaret; Atque ei significaret, se sicut dolebat de Infortunio ejus, ita letari, quod periculum Maris evasisset; Quodque sibi Occasio daretur eum Honore debito prosequendi; Et ab eo petere, ut ipse se, quasi in suo esse Regno existimaret; Ipsumque *Regem HENRICUM*, quâ poterat celeritate, in ejus amplexus festinare. *Comes*, insigni cum magnificentiâ, ad *Regem Philippum* accessit, cum Turmâ splendidâ Equitum trecentorum; Et ad majorem pompam, Noctû, Tædis accensis, *Regem* adiit. *Philippus*, postquàm *Comes* mandata retulisset, Regis animum satis perspiciciens, quo citiùs abiret, Equis citatis ad *HENRICUM Windesoriæ* perrexit, *Reginâ suâ*, parvis Itineribus, subsequente. Reges duo, in occursum suo, summis Amoris & Charitatis Indiciis, se mutuò exceperunt. Rexque *Castiliæ* urbanè *HENRICO* dixit; *Se panas jam solvere, quod intra munitum Oppidum Caleti, ingredi refugisset, cum priùs collocuti essent.* Cui Rex respondit; *Muros & Maria pro nihilo esse, ubi Corda aperta essent; Quodque hic ad nihil aliud adesset, quàm ut honore afficeretur.* Post unius aut alterius diei Intermissionem, otio, & Levamento datæ, Reges, sermones de renovando Tractatu, contulerunt: Allegante *HENRICO*, quod licèt Persona *Philippi* eadem esset, tamen Fortuna ejus & status altiùs evecta essent. In quo casu Tractatum Renovationes in more apud *Principes* erant. Verùm dum ista tractarentur, *HENRICUS*, Opportunum Tempus deligens, *Regemque Castiliæ* in interius Cubiculum adducens, ubi nemo præter ipsos Reges aderat, Manuque leniter super Brachium *Philippi* positâ, vultuque nonnihil ad serium composito, ei dixit; *Rex optime; Tu ad oras meas salutem reperisti; spero te minimè permissurum, ut ad Oras tuas ego Nanfragium faciam.* Quæsit ab eo Rex *Castiliæ*; *Quid sibi vellet is Sermo?* Loquor (inquit Rex *HENRICUS*) de temerario illo & cerebroso Subdito meo, *Comite Suffolciæ*, qui in ditione tuâ protectus est; & partes Fatui jam arripit, cum alii omnes eas fastidierint. Rex *Castiliæ* respondit; *Putâram (Domine mi) Felicitatem tuam supra tales Cogitationes sitam; Verùm si hoc molestum tibi sit, Finibus meis eum ejiciam.* Replacavit Rex, *Hujusmodi Crabrones, in Nido proprio, minus damni facere; atqui pessimos esse, cum circumvolitent. Se autem postulare, ut in manus suas traderetur.* Rex *Castiliæ* hoc postulato nonnihil confusus, & tanquàm in se descendens, dixit; *Hoc, salvo honore meo, facere non possum; Minus etiam salvo Honore tuo; Videberis enim me tanquàm Captivum habuisse.* Cui Rex *HENRICUS* subito respondit; *Tum verò res peracta est. Ego enim illam Honoris mei Facturam perferam, quo Honor tuus illibatus servetur.* Rex *Castiliæ*, qui *Regem* plurimi faciebat; Non immemor etiàm in quo loco esset; Neque sciebat quanto usui Amicitia Regis ei esse posset, quandoquidem ipse in Regno *Hispaniæ* novus esset; Atque nec Socero suo, nec Populo ipsi adhuc gratus, vultu sedato, dixit; *Legem tu quidem mihi imponis; Ego itidem vicissim tibi; Habebis eum;*

Sed Honorem tuum obligabis, te vitam ei minimè adempturum. Rex, Philippum amplexus, dixit; *Affentior.* Addidit Rex Castiliæ; *Neque tibi displicebit, si ad eum mittam, tali modo, ut partim sponte redire possit.* Rex HENRICUS respondit; *Regem Philippum rem bene disposuisse; Sequæ si ei placeret, in hoc cooperaturum, & Nuncium ad Comitem, in eum finem missurum.* Ambo Reges separatim miserunt, atque interea, Conviviis & Triumphis, tempus protrahebant. Rege hoc agente, ut Comes in ejus potestate esset, antequàm Philippus discederet; Rege etiam Castiliæ, in hoc conveniente, ut Res manifestius à se extorta, putaretur. Rex itidem HENRICUS, multis prudentibus & egregiis Monitis & Argumentis, Philippo suadebat, ut Socreri sui Consiliis se regeret, Principis scilicet tantâ prudentiâ, tantâ experienciâ, tantâ felicitate. Rex Castiliæ, (qui à Ferdinando, animo alieno erat,) respondit; *Quod si Socrer ejus, ei permetteret, ut Regna sua, sicut par erat, regeret, ipse etiam ab illo libenter regi vellet.*

Confestim Nuncii, ab utroque Rege, missi sunt ad accersendum Comitem Suffolciæ: Qui blandis verbis facilè incantatus fuit, & in Reditum suum libenter consentit; De vitâ suâ securus, & de Libertate spem bonam habens. A Flandriâ, Caletum adductus est, & inde Doroberniam appulit, & stipatus custodiâ conveniente, traditus, & receptus in Turrim Londinensem. Rex per hoc tempus, Regem Castiliæ, in Fraternitatem Periscelidis, cooptavit; Et reciprocè, Filius ejus, Henricus Princeps, in Ordinem Aurei velleris admissus est; Et paulò post, Philippus cum Reginâ suâ, Rege Comitante, ad urbem Londini venit; ubi excepti sunt omni Magnificentiâ, & Apparatu, quantam quidem temporis Angustia paterentur. Postquàm autem Comes Suffolciæ, ad Turrim perductus esset, (Quod maximè HENRICUS expetebat,) celsârunt Triumphi; Regesque mutuo sibi valedixerunt. Nihilominus, durante morâ Philippi in Angliâ, etiàm conclusus est Tractatus ille, quem Belgæ Intercursum malum nominârunt; gerens Datum apud Windesoriam: Quoniam in eo continentur Articuli nonnulli, in favorem Anglorum, potius quam Belgarum; Præcipuè quod Articulus ille, de liberâ Belgarum Piscatione, qui in Tractatu priore, Anno Regis undecimo, insertus erat, in hoc altero omissus est, & minimè confirmatus. Omnibus quoque Articulis, qui ad priores Tractatus confirmandos pertinerent, præcisè & cautè limitatis, ut ad Negotium Commercii tantum, nec ad alia extenderent.

Observatum est, eandem Tempestatem, quæ Philippum, in Oras Angliæ compulerat, etiàm Aquilam Auratam, de spirâ Templi D. Pauli, dejecisse; inter cadendum autem impegit in signum Aquilæ nigræ, quod in Cimiterio erat, illudque confregit, & in terram conjecit. Quod erat profectò, mira quædam & præceps Accipitris in Alitem Advolutio. Hoc interpretabatur Populus, mali ominis loco, in Familiam Imperialem: Quod etiàm impletum est in Philippo Imperatoris Filio, non solum in Infortunio illo Tempestatis; Sed & in iis quæ secuta sunt. Philippus enim, Hispaniam ingressus, & Regni Castiliæ possessionem sine vi adeptus; (Adco ut Ferdinandus, qui tam magnificè antea loquebatur; non sine difficultate, ad Colloquium Generi sui admissus esset;) paulò post, Morbo correptus est, & diem suum obiit.

obiit. Eo tamen ipso Intervallo, notatum est à prudentioribus, quod si diutius vixisset, *Philippus*, socer ejus, ita apud eum se insinuaturus fuisset, ut si minùs in Affectibus ejus, at certè in Consiliis, & Regimine, magnà apud eum Auctoritate valiturus esset. Morte *Philippi*, universum *Regnum Hispaniæ*, ad *Ferdinandum* rediit, statu pristino, præcipuè per Infirmi-
tatem *Ioannæ* Filix suæ; Quæ Maritum suum unicè diligens, (ex quo multos susceperat liberos,) nec minùs ab eo adamata, (ut-
cunque Pater ejus, quo *Philippo* Invidiam faceret, apud Populum *Hispaniæ*, in-
morosè eum erga uxorem suam se gessisse divulgaverat;) Mariti sui obitum impatientè ferebat, & inde in Maniam planè deci-
dit. Cujus Morbi Curationi, Pater ejus, incuriosè incumbere existi-
mabatur, quo *Imperium* in *Castilià* retineret. Ita ut, quemadmodum
Felicitas *Caroli octavi*, solita erat dici Felicitas Somnii: Ita etiàm Res
Adversæ *Ferdinandi*, somni res Adversæ dicerentur: utræque tam subitò
transierunt.

Circa hoc tempus, *Regem* Cupiditas incessit, introducendi, in *Fa-
miliam Lancastriæ*, Honores Cœlestes, unde *Papæ Julio* supplicavit,
ut *Regem HENRICUM Sextum*, pro *Sancto* canonizaret: Inter
alia, Argumento usus, quod de Rege ipso in *Regnum* successuro, tam
clare vaticinatus esset. *Julius*, (pro more) rem *Cardinalibus* quibus-
dam commisit, qui verificationem, de sanctis ejus Operibus, & Mira-
culis, examinarent. Verùm Res sub hâc Commessione extincta est.
Generalis fuit Opinio, *Julium Papam* rem nimio pretio æstimasse, *Re-
gemque* noluisse eam tanti emere. Sed verisimilius est, *Papam* illum
Julium, (qui Honoris *Sedis Romanæ*, & Actorum ejus, fuit studiosis-
simus,) satis gnarum, eundem *HENRICUM* ubique pro Homi-
ne simplici & minùs capaci, habitum, metuisse, ne Honoris, tali admis-
sione, vilesceret; nimirum, si Discrimen ritè servatum non esset, in-
ter *Innocentes*, & *Sanctos*.

Eodem etiàm Anno, tractari cœpit Matrimonium inter *Regem* ip-
sum, & Dominam *Margaretam*, *Ducissam Dotariam Sabaudie*, unicam
Maximiliani Imperatoris Filiam, & *Philippi Regis Castiliæ* sororem; Fœ-
minam prudentem, & Famæ integerrimæ. Hujus rei Mentio aliqua
facta erat, inter duos *Reges*, quando convenerant, sed paulò post in
deliberationem denuò venit: In quo negotio pro Tyrocinio *Rex* o-
perâ utebatur, *Capellani* sui, *Thomæ Wolfæi*, illius qui postea, ad tanti
Prælati culmen ascendit. Matrimonium hoc tandem conclusum est,
sub Conditionibus, in *Regis* Favorem amplissimis; sed firmatum
tantum per verba de futuro. Fieri potest, ut *Rex* in hoc Matrimo-
nium, eò magis inclinaret, quod indies audisset procedere Matrimo-
nium, inter veterem Affinem, & Amicum suum, *Ferdinandum Arra-
goniæ*, & Dominam de *Fois*; unde *Rex* ille *Regi Gallo* adherere cœpit:
A quo semper antea fuisset alienus. Adeò fatale est, *Regum* Amicit-
tias intimas & arctissimas, citiùs aut tardius, Conversionem Rotæ ex-
periri. Imò, Traditio quædam invaluit, (non certè apud nos, ve-
rùm in *Hispaniâ*,) metuisse *Ferdinandum*; postquam accepisset Ma-
trimonium, inter *Carolum Principem Castiliæ*, & Mariam *Regis HEN-
RICI* Filiam secundo-genitam, absque Impedimento procedere;
(Quod matrimonium licet à *Rege Ferdinando* primò propositum;
postea

postea tamen operâ *Maximiliani*, & Amicorum ejus præcipuè, promotum & ad exitum perductum fuisset;) nè fortè *Rex HENRICUS* ad Regimen *Castiliæ* aspiraret, ut Administrator; durante minori Ætate Generi sui. Videbantur enim futuri, tres ejus Regiminis Competitores; *Ferdinandus* Avus ex parte Matris; *Maximilianus* Avus ex parte Patris; Et *Rex HENRICUS*, Principis Adolescentis Socer. Certè non absimile vero est, Regimen *HENRICI*, (secum *Principem* Adolescentem adducens,) magis gratum futurum fuisse *Hispanis*, quàm reliquorum duorum. Etenim *Proceres Castiliæ*, qui *Regem Arragoniæ* tam recenter expulerant, in favorem *Regis Philippi*, & sensa animi sui tam apertè protulerant, non poterant non habere, pro suspecto & inviso, *Regem Ferdinandum*. *Maximiliani* autem Ambitus, propter causas plurimas, vanus proculdubio fuisset. Verùm hoc *Regis* Inceptum, quod jactatur, nobis quidem videtur (*Regis* mores reputantibus, & Consilia tuta & solida, nec cum vastis aut periculosis Cogitationibus commista,) minùs probabile; Nisi fortè cupiisset spirare calidum, quod Pulmones affectos haberet. Hoc Matrimonium cum *Margaretâ*, de die in diem, procrastinatum fuit, propter infirmam *Regis* valetudinem, qui jam Vicesimo secundo Anno *Regni* sui, cœpit laborare *Morbo Arthritico*. Verùm Catarrhus, simul in Pulmones delatus, eos tabe infecit; Adeò ut, ter in Anno, (quasi periodis certis,) præcipuè autem vere, magnas experiretur Accessiones, & Labores *Phthisis*. Attamen negotiis se, quantum unquam aliàs, impertitus est. Ita tamen, ut his Infirmitatibus monitus, magis seriò de Vitâ Futurâ, meditaretur; Et seipsum consecraret, potius quàm *Henricum Sextum*, Thesauris melius erogatis, quàm si dati essent *Papæ Julio*. Etenim hoc Anno, majores consuetis Eleemosynas distribuit; Etiàm Incarceratos omnes circa Civitatem *Londini*, redemit, qui detenti erant pro Debitis aut Feodis ad Summam Quadraginta Solidorum, aut infra. Acceleravit etiàm Fundationes religiosas: Et Anno sequente, (qui fuit *Regni* sui Vicesimus tertius,) illam *Savoie* perfecit. Quin etiàm, acerbas Populi sui Querimonias, contra Exactiones & Oppressiones *Dudleii* & *Empsoni*, & eorum sequacium, audiens; partim per Homines probos & devotos, qui circa eum erant; partim per Conciones publicas, (Concionatoribus in hac parte, munere suo liberè fungentibus) magnâ circa eas res pœnitentiâ, & Conscientiæ Morsibus, ut pius Princeps, tactus est. Nihilominùs, *Empsonus* & *Dudleius*, etsi non potuissent non audire, de *Regis* in hac parte Conscientiæ Scrupulis, tamen acsi *Regis* Anima & Pecunia distinctis officiis attributæ & assignatæ essent, ut nihil rei haberet una earum cum alterâ, nihilo lentius Populum gravabant, quàm antea. Eodem enim Anno Vicesimo tertio, crudelissimè actum est, cum *Guilielmo Capello*, Equite *Aurato*, jam secundâ vice, prætextu, quod se malè gessisset, in Præturâ suâ *Londinensi*. Crimen autem non aliud erat, quàm quod, in Solutionibus quibusdam, Nummos aliquot adulterinos sciens accepisset; Neque tamen, de illis, qui Nummos adulterassent, Inquisitionem diligentem, & exactam fecisset. Propter hoc crimen, & alia quædam ei imputata, condemnatus est in Summâ bis Mille Librarum; Cùmque Vir es-

set animosus, & prioribus vexationibus induratus, ne Dodrantem quidem solvere voluit: Et simul (ut videtur) verbis quibusdam contumacibus, in ejusmodi prosecutiones, invecus est: Unde *Turri* commissus est, ibique remansit usque ad Mortem Regis. *Knesworthus* quoque, nuper *Major Londinensis*, & uterque *Vice-Comes* ejusdem Anni, pro delictis quibusdam, in Administratione Munerum suorum, in Judicium adducti, Incarcerati, & postea Solutione Mille & Quadringintarum Librarum, redempti. Item *Hawisus*, unus ex *Aldermannis Londini*, impetitus fuit, & Dolore & Anxietate Animi, antequam lis ad finem perducta esset, mortuus. *Laurentius* etiam *Ailinerus*, Eques Auratus, qui similiter *Major Londinensis* fuerat, & ambo ejus *Vice-comites*, Multam Mille Librarum subierunt. *Laurentius* autem, quod solvere Multam recusasset, custodiæ commissus est; Ubi remansit, usquedum *Empsonus* ipse, loco ejus, incarceratus esset.

Minimè mirum erat, (cùm Delicta tam levia, Multæ tam graves essent) si *Thesauri Regis* reconditi, quos moriens reliquit; Quorumque pars maxima, in locis occultis, sub Clave & Custodiâ suâ propriâ, *Richmondia*, reposita erat; ascendissent ad Summam Quinque Millionum, & Dimidiâ, Aureorum; Mariam certè grandem Pecuniâ, etiam pro ratione Temporum præsentium.

Ultimum Negotium Statûs, quod *Regis* hujus Felicitatem temporalem clausit, fuit Conclusio gloriosi illius Matrimonii, inter Filiam suam Mariam, & *Carolum Principem Castiliæ*, postea *Imperatorem* celeberrimum; utrâque parte teneræ Ætatis tunc existente. Qui Tractatus consummatus erat, per *Episcopum Foxum*, & alios *Regis* Delegatos, *Caleti*, Anno proximo ante *Regis* Obitum. Quâ Affinitate, (ut videtur,) ita delectatus est, & quasi raptus, ut in Literis, quas illâ de re ad *Civitatem Londini* scripsit, (mandans ut omnia lætitiæ & Exultationis Indicia exhiberent,) gloriaretur, ac si muro *Aheneo Regnum* istud circumdedisset. Cùm Generos sibi jam ascivisset, *Regem Scotiæ*, & *Principem Castiliæ ac Burgundiæ*, Ita ut jam, nihil videretur addi posse, ad hujus magni *Regis* mundanam Felicitatem, usque ad summum fastigium evectam, (sive quis intueatur excelsas illas Liberorum suorum Nuptias; sive Famam ejus, longè latèque, per Orbem sparsam; sive Divitias fidem ferè superantes; sive Successuum suorum perpetuam Constantiam;) præter Mortem opportunam, quæ eum ab aliquo Fortunæ impetu futuro, subduceret: Qui certè (propter Odia Populi sui, & Titulum Filii sui, tunc Ætatem octodecim Annorum implentis, Principis certè Audacis & Liberalis, quiq; ipso Aspectu, & Oris Majestate, Oculos Populi in se trahebat,) fortassè in eum irruere potuisset.

Ad Coronandum etiam *Vitæ* suæ Exitum, æque ac *Regni* sui Initium, Opus Pietatis & Misericordiæ edidit, eximium, & Imitatione dignum. Nam Condonationem generalem promulgavit, qualis in Coronatione *Regum* concedi solet; Ut certus novæ Coronationis, in *Regno* meliore. Quin & Testamento suo declaravit, se velle, ut Restitutio

stitutio fieret earum Summarum Pecuniæ, quæ ab Officiariis suis, injustè extortæ fuissent.

Hoc modo, *Salomon* iste *Anglorum*, (Nam & *Salomon* ipse exactio-
nibus Populo suo gravis fuit,) cùm quinquaginta duos Annos vixis-
set, atque Viginti tres Annos, & octo Menses, regnasset; Memo-
riâ integrâ, & statu Animæ beatissimo, in magnâ Malaciâ Morbi
lenti, ad Cœlum migravit, Vicesimo secundo *Aprilis*, Anno Sa-
lutis 1508, apud *Palatium* suum *Richmondia*, quod ipse exædifi-
caverat.

N 2

Rex



REX iste (ut verbis utamur quæ Merita ejus exæquent,) fuit instar Miraculi cujusdam: Ejus scilicet generis, quod prudentes attonitos reddit, imperitos levitèr percellit. Plurima siquidem habuit, & in Virtutibus suis, & in Fortunâ; Quæ non tam in Locos Communes cadunt, quam in Observationes prudentes & graves. Vir certè fuit Pius, ac Religiosus, & Affectu, & Cultu: Sed ut erga Superstitionem, pro modo Temporum suorum, satis perspicax, Ita interdum Politicis Rationibus, & Consiliis, nonnihil occæcatus. Personarum Ecclesiasticarum Promotor, erga Asylorum Privilegia (quæ tanta ei Mala pepererant,) non durus. Haud pauca Religiosorum Cœnobia fundavit, dotavit; Quibus accedit memorabile illud Hospitale Savoya dictum. Magnus nihilominus Eleemosynarius in secreto; Quod luculentièr indicat, etiã publica illa opera, Dei Gloriæ, non suæ, data. Pacem se summopere, & amare, & pro viribus procurare, perpetuò præ se tulit. Atq; illud in Fœderum Præstationibus illi frequens fuit; Pacem, cùm Christus in mundum veniret, Angelos præcivisse; cùm è mundo excederet, ipsum Dominum legasse. Neq; hoc ei, Timori aut Animi Mollitiei, imputari poterat, (quippe qui animosus fuerit & Bellator,) sed Virtuti verè Christianæ, & Morali. Neq; tamen illud eum fugit, à viâ Pacis aberrare illum, qui eam nimio plus videatur appetere. Itaq; Famas, & Rumores, & Apparatus Belli, sæpè excitabat, donec Pacis Conditiones, in melius flecteret. Etiã illud notatu non indignum, quod tam sedulus Pacis Amator in Bellis tam felix extiterit. Siquidem Arma, & expeditiones ejus, neq; in Bellis externis, neq; in Civilibus, unquam ei improspere cesserunt; Neq; noverat ille, quid clades bellica esset. Bellum in Adeptione Regni, necnon Comitum Lincolnæ, & Baronis Audlæi Rebelliones, terminavit Victiora. Bella Gallica & Scotica Pax, sed Pax ab Hostibus ultrò petita. Bellum illud Britannicæ, Casus; Mors nimirum Britannicæ Ducis. Tumultus Baronis Lovelli, item Perkinii, tam ad Exoniam, quam in Cantio, Fuga Rebelligum, antequàm Prælium tentarent: Adeo ut propria ei fuerit Armorum Felicitas, atq; inviolata. Cujus rei causa haud parva, quatenus ad Seditiones intestinas compescendas, proculdubio fuit, quod in iis restringendis, personam suam nunquàm subtraxerit. Prima quandoq; pugna, per Duces suos transiit, cùm ipse ad suppetias ferendas præstò esset: sed aliquam Belli partem semper ipse attigit.

attigit. Neq̃, tamen hoc ipsum omninò propter Alacritatem & Fortitudinem, sed partim ob suspiciones, quod aliis parce fideret.

Leges Regni in magno honore semper habuit, easq̃ Auctoritate suâ munire videri voluit. Licet hoc ipsum, non minimo quidem ei esset impedimento, ad ea quæ voluit, pro arbitrio suo, exequenda. Ita enim commodè earum habenas tractavit, ut nequid de Proventibus suis, aut etiâ Prærogativâ Regiâ, intercideret. Attamen, tali usus est temperamento, ut sicut interdum Leges suas, ad Prærogativæ suæ lura traheret, & propè torqueret; Ita rursus per vices, Prærogativam suam, ad Legum æquabilitatem & moderationem, consuliò demitteret. Etenim, & Monetarum Regimen, & Belli ac Pacis Tractatus & consilia, & Rei Militaris Administrationem, (quæ omninò absoluti juris sunt,) sæpenumerò ad Comitiorum Regni Deliberationes, & Vota, referebat. Iustitia, temporibus suis, rectè & æquabiliter administrata fuit; præterquàm cum Rex in lite Pars esset: Præterquàm etiâ, quod Consilium privatum Regis, communibus causis, circa Meum & Fuum, se nimis immisceret. Etenim Confessus ille, mera erat, tum, Curia & Tribunal Iustitiæ, præsertim sub Regni sui Initiis: Enimverò in illâ Iustitiæ parte, quæ fixa est, & tanquàm in ære incisa, (hoc est, prudentiâ Legislatoriâ,) prorsus excelluit. Iustitiam etiâ suam, Misericordiâ & Clementiâ temperavit. Vtpotè, sub cuius Regno, tres tantum ex Nobilitate, pænâ capitali affecti sunt. Comes nempe Warwicensis, Aulæ Regiæ Camerarius, & Baro Audleus. Quamvis priores duo, instar multorum essent, quatenus ad Invidiam, & Obloquia, apud Populum. At ne audiu quidem cognitum erat, tantas Rebelliones, tam parçâ sanguinis, per gladium Iustitiæ, missione expiatis fuisse, quam fuerunt duæ ille insignes Rebelliones, Exoniæ, & propè Grenovicum. Severitas autem illa, satis cruenta, quâ in primos illos, infimæ Conditionis Homines, qui Cantium appulerunt, animadversum est, ad Faciem quandam populi tantum pertinebat. Diplomata autem illa generalia, quæ gratiam præteritorum Rebellibus faciebant, perpetuò Arma sua & præbant, & sequebantur. Videre autem erat, apud eum, miram quandam & inusitatam, Gratiæ, largâ manu præbitæ, & planè inexpectatæ, cum suppliciorum severitate, Alternationem. Quod quidem, si tanti Principis prudentiam cogitemus, minimè Inconstantie, aut Consiliorum vacillationi, imputari poterit;

poterit; sed aut *Causſa* alicui *Secreta*, quæ jam nos latet; aut *Regula* cuidam, quam ſibi præſcripſerat, ut *Rigoris* & *Manſuetudinis* vias per vias experiretur. Sed quò minus *Sanguinis*, eò plus *Pecuniæ* haurire ſolebat. Atque ut nonnulli ſatis malevolè interpretabantur, in altero fuit continentior, ut in altero premeret magis: utrunq; enim intolerabile planè fuiſſet. Naturà proculdubio eras ad accumulandos *Theſauros* pronior, & *Divitias* plus quam pro faſtigio ſuo, admirabatur. *Populus* certè, quibus hoc naturà inditum eſt, ad conſervandas *Monarchias*, ut *Principes* ſuos excuſent, licèt ſæpenumerò minùs juſtè, in *Conſiliarios* eorum, & *Ministros*, culpam rejiciant, hoc ipſum *Mortono* Cardinali, & *Reginaldo* Braio *Conſiliario*, imputabat: Qui tamen viri, (ut poſteà luculenter patebat,) utpote qui pro veteri ipſorū apud eum *Auctoritate* & *gratiâ*, plurimū pollebant, ita *Ingenio* ejus obſecundabant, ut id tamen nonnihil moderarentur: ubi contra, qui ſequebantur, *Empſonus* & *Dudleius* viri nullius apud eum *Auctoritatis*, niſi quatenùs *Cupiditatibus* illius ſervilem in modum, miniſtrabant, viam ei, non tantū præberent, verumetiam ſternerent, ad eas *Oppreſſiones* & *Concuſſiones*, pro *Pecuniis* undique excutiendis, quarum & ipſum ſub finem vitæ ſuæ pœnituit, quibusque *Succeſſor* ejus renunciavit; Quin & eaſdem diluere & expiare connixus eſt. Iſte autem *Exceſſus*, tunc temporis, complures nactus eſt *Interpretationes*, & *Gloſſas*. Nonnulli in eâ opinione erant, perpetuas *Rebelliones*, quibus toties vexatus fuit, eum ad hoc redegiſſe, ut odio *Populum* ſuum haberet. Alii *judicium* faciebant, hoc eò tendiſſe, ut *Ferocitatem* *Populi* reprimeret, eumque, propter inopiam, humiliorem redderet. Alii eum *Filio* ſuo vellus aureum relinquere cupiſſe. Alii denique, eum cogitationes ſecretas, de Bello aliquo externo, animo agitaſſe. Verū illi forſitan, ad veritatem propiùs accedent, qui cauſas bujuri minùs longè petunt, eaſque attribuunt *Naturæ* ſuæ, *Ætati* ingraveſcenti, *Paci*, quæ opes alit, *Animo*que nullâ aliâ ambitione, aut opere, occupato. Quibus illud addere placet, eum, quod quotidie per *Occaſiones* varias, *Inopiæ* Mala, & difficiles *Pecuniarum* *Conquiſitiones*, in aliis *Principibus* obſervaret, ex *comparatione* quadam, plenarum *Arcarum* *Felicitatem*, meliùs agnoviſſe. Quatenus ad modum, quem ſervabat, in *Theſauris* impendendis, hoc habuit; ut nunquàm *Sumptui* parceret, quem *negotia* ſua poſtulabant: In *Ædificando* magnificus, in *Remunerando* tenacior: Ita ut, *Liberalitas* ſua, potius ſe applicaret, ad ea, quæ ad ſtatum ſuum proprium, aut *Memo-*
riam

riam Nominis sui pertinerent, quàm ad Præmia Benemeritorum.

Fuit ille alti & Excelsi Animi; Proprie sententiæ, proprii Consilii, Amator; utpote qui seipsum reuereretur, & ex se reverà regnare vellet. Si private Conditionis fuisset, Superbus proculdubio habitus esset: sed in Principe prudente, nihil aliud hoc fuit, quàm ut intervallum & spatium justum & debitum, inter se & Subditos suos tueretur; Quod certè erga omnes constantè tenuit; Nemini propinquum permittendo aditum, neque ad Auctoritatem suam, neque ad Secreta. A nullo enim ex suis regebatur. Regina, Consors ejus, licèt eum compluribus pulcherrimis Liberis, quinetiam Corona ipsa, (utcunque illud fateri non sustineret,) beasset, parum apud eum potuit. Matrem magnà sanè Reverentiâ prosecutus est, sed ad participationem Consiliorum suorum rarò admovit. Qui verò grati ob conversationem ipsi forent, (qualis fuit Haltingus apud Regem Edwardum Quartum, aut Carolus Brandonus postea apud Henricum Octavum,) nulli fuerant; Nisi fortè inter tales numeraremus, Foxum Episcopum, & Braium, & Empsonum; Quod eos tam frequenter secum habuit. Sed non alio modo, quàm sicut Instrumentum plerunque secum habet Artifex Gloriæ inanis, si in aliquo alio Principe, Minimum in isto fuit; Ita tamen, ut de Majestate, quam ad summum fastigium usque semper attollebat, nihil remitteret; Haud ignarus, Majestatis Reverentiâ Populum in obsequio continere, Inanem autem Gloriam, (si quis rectè rem aestimet,) Reges Populari Auræ prostituere.

Erga Fœderatos suos justum se & constantem præbuit, tectum tamen, & cautum; Sed contrà, tam diligenter in eos inquirebat, se interim ita velans & reservans, ut illi aspicerentur, tanquam in lumine positi, ipse, veluti in tenebris collocatus, lateret. Absque Specie tamen Homini se occultantis, sed potiùs liberè & familiariter communicantis Negotia sua, atque de illorum rebus vicissim percontantis. Quantum autem ad pusillas illas Invidias & Æmulationes, (que inter Principes, haud parvo rerum suarum detrimento, intercedere solent,) nihil tale in eo cernere erat; sed suas res sedulò & solidè agebat. Atque certissimum est, Existimationem ejus domi magnam, in Externis partibus adhuc majorem & illustriorem fuisse. Exteri enim, qui Negotiorum ejus Ductus, & vias particulares, cernere non poterant, sed Summas tantùm, & Exitus eorum, intuebantur; eum perpetuò conflictari, & perpetuò superiorem esse, animadvertabant.

madvertebant. Partim etiam in causâ erant, Literæ & Relationes Legatorum exterorum, qui in Comitatu Aulae suæ, magno numero, erant. Quibus, non tantum Comitatu, Muneribus, & Colloquiis familiaribus, satisfaciebat, verum in Colloquiis illis suis, haud parvâ admiratione illos perstrinxit, cum viderent universalem ejus Rerum Europæarum notitiam. Quam licet ex ipsis Legatis, eorumq; Informationibus, maximâ ex parte, hauserat, nihilominus, quod ab universis collegerat, admirationi erat singulis. Ita ut magna semper conscriberent ad Superiores suos, de Prudentiâ ejus, & Artibus Imperandi. Imò post Reditum eorum, in Patrias suas, per Literas, de rebus omnimodis scitu dignis, eum frequentèr certiolem faciebant. Tanta fuit dexteritatis, in conciliandis sibi, Principum externorum, Ministris.

Omnibus profectò modis sollicitus erat, de procurandâ sibi & obtinendâ, rerum ubiq; occurrentium, votitiâ. Quam ut assequeretur, non tantum exterorum Ministrorum, qui apud se residebant, industriâ usus est, atq; Pensionariorum suorum, quos tam in Curâ Romanâ, quam alibi, in Aulis Principum, fovebat; verum etiam sui ipsius Legatorum, qui apud Exteros perfungebantur. Quem in finem, Mandata ejus usq; ad curiositatem diligentissima erant, & per Articulos ordine digestos; Inter quos, plures erant, plerunq; quæ ad Inquisitionem, quam quæ ad Negotiationem, pervinerent. Exigendo Responsa particularia, & Articulata, ad Questiones suas respectiva.

Quantum verò ad Emissarios suos, quos tam domi, quam foras, ad explorandas Machinationes, & Conjuraciones, contra se initas, subornabat; Sanè hoc, quo loco res suæ erant, apprimè necessarium fuit. Tot in eum, veluti Talpæ subterraneæ, perpetuò operam dabant, quò statum ejus labefactarent, & subfoderent. Neq; hoc illicitum habendum est. Etenim, si in Bello Exploratores probantur adversus Hostes legitimos, multò magis adversus Conjuratos & proditores. Verum ut Fides hujusmodi Exploratoribus concilietur, per Iuramenta; Et per Execrationes; Atq; Anathemata, contra illos, tanquam Hostes, fulminata; defensionem justam non capit. Sacra enim ista vestimenta Larvæ non conveniunt. Veruntamen, habebat illud in se boni, Industria ista emissarios adbibendi; ut quemadmodum, operâ eorum, multe Conjuraciones detectæ, ita etiam Famâ eorum, & diffidentiâ inde natâ, plurimæ ne tentarentur, proculdubio cohibita fuerint.

Maritus erat minimè uxorius, ne indulgens quidem; Sed comis, & consorti blandus, & sine zelotypiâ. Erga Liberos suos itidem Paterno plenius Affectu, magnam suscipiens curam de iis optimè educandis; Ad hoc etiam Animi quadam altitudine, aspirans, ut Cõditiones eis dignas & sublimes procuraret; Honores quoque quales Amplitudinem eorum concederent, ab omnibus deferri curavit; Sed non admodum cupidus, ut in Oculis Populi sui, extollerentur.

Ad Sanctius Consilium suum plurima Negotia referebat, ubi frequenter & ipse præsidebat; Satis gnarus, hoc pacto, se viâ rectâ & solidâ insistere, tam ad Auctoritatem suam roborandam, quàm ad Iudicium suum informandum. Ad quem etiam Finem, patiens fuit Libertatis eorum; Tam in suadendo, quàm in suffragia ferendo, donec Animi sui sensum, quem ad Finem Deliberationum reservare solebat, declarasset. Nobilitati suæ aliquantum gravis fuit, & ad Negotia sua, potius Ecclesiasticos, & Iurisperitos, evehebat; Qui magis ad obsequium parati, & apud Populum minùs gratiosi erant, Quod quidem ut imperiosè regnaret, profuit, ut tutò, non item. Adeò ut mihi persuasissimū sit, hunc ejus morem, fuisse causam non exiguā, crebrarum perturbationum, quæ sub Regimine suo contigerunt; propterea quòd Proceres Regni, licet fidi, & obedientes, non tamen alacriter cum eo cooperabantur; Sed vota ejus magis Eventui permittebant, quàm ad Effectum urgebant. Nunquam sibi metuit, à Servis & Ministris, elatioribus Ingeniis & Virtutibus, præditis. Id quod in moribus erat Ludovico Undecimo Galliarum Regi; Sed e contrâ, ad sua Negotia admovebat, viros, qui suis Temporibus maxime eminebant; Quod ni fecisset, fieri non potuit, ut Res sue tam prosperè cedere potuissent. Hierant, nimirum in Rebus Bellicis, Dux Bedfordiæ, Comes Oxoniæ, & Surriæ, Barones Daubene, & Brookus; & Poyningus, Eques Auratus. In Rebus autem Civilibus, Mortonus, Foxus, Braius, Prior de Lanthony, Warhamus, Ursvicus, Frowicus, & alii; Neque ei curæ erat, quàm vafri & callidi essent, quibus Negotia committebat. Putabat enim, sui ipsius Artes, eorum Artibus posse prædominari. Sicut autem in Ministris delegendis, summo judicio, agebat; Ita & in iis, quos delegerat, protegendis, baud minore utebatur Constantiâ. Mirabile enim quiddam est, quod licet Princeps esset occultus & reconditi sensus, & majorem in modum suspicax, Tempora quoque sua turbulenta, & Conjuratum plena, Spatio tamen viginti quatuor Annorum, quibus regnavit, nunquàm Consiliarium aliquem suum, aut interiorem

interiorem Ministrum, deiecit aut discomposuit, excepto solo Stanleio Aulae suae Camerario. Quatenus verò ad Subditorum suorum erga eum affectus, ita res erat: ut ex tribus illis Affectibus, qui Corda Subditorum erga Principes suos devinciunt, Amore scilicet, Metu, & Reverentiâ; ultimo horum eximie gauderet, secundo mediocriter, tertio autem tam parce, ut reliquis duobus securitatem suam deberet.

Princeps erat subtristis, serius, & cogitabundus; quique secretas, in Animo suo observationes, & curas, foveret; Cui etiam Commentarioli & Memoriae manu propria scriptae praesto semper erant, praecipue circa Personas: Quos nimirum ex Subditis suis ad Munia destinaret; Quibus Praemiorum Debitor esset; De quibus inquirendum; A quibus cavendum; Qui itidem essent inter se maxime, aut Factione, aut meritis colligati, & veluti in partes descendissent; Et similia; veluti Diaria quaedam Cogitationum suarum, componens, & servans. Traditur etiam hodie Narratio quaedam facta, Cercopithecum suum (ab aliquo ex suis Cubiculariis, ut creditum est, impulsum,) die quaedam, praecipuum ex Diariis suis, tunc fortè incuriosè positum, in frustra innumera discerpisse. Ad quod, Aulici, quibus anxia illa diligentia minimè complacebat, Risu prope disrumpebantur.

Quamvis autem esset Apprehensionum & Suspicionum plenus, attamen sicut facile eas admittebat, ita rursus dimittebat, easque Iudicio suo subiciebat. Vnde, potius sibi ipsi molestae quam in alios periculosa, existebant. Fatendum est tamen, Cogitationes suas, tam fuisse numerosas, & complicatas, ut simul stare sepius non possent, sed quod in aliquibus prodesset, ad alia obesset; Neque fieri potuit, ut adeo ultra Mortale prudens esset, aut foelix, ut rerum pondera justa perpetuo exciperet. Certe Rumor ille, qui tot & tantas ei turbas concitavit, nempe quod Dux Eboraci dimissus & adhuc superstes fuit, sub principis, vires & fidem ibi ipso nactus est; quia scilicet hoc credi volebat, ut mollius ei imputaretur, quod in Iure proprio, & non in uxoris Iure, regnaret.

Affabilis fuit, & blanda quaedam Eloquencia pollens, magnaque prorsus uti consueverat verborum dulcedine, & illecebris, cum aliquid suadere, aut perficere vellet, quod enixe cupiebat. Studiosus magis erat, quam Eruditus; Libros, plerumque, qui Gallicâ lingua conscripti erant, legens. Licet Latinae Linguae rudis non esset; Quod ex eo patet, quod Hadrianus Cardinalis, & alii, quibus Lingua Gallica satis familiaris erat, nihilominus Latinè ad eum semper scriberent.

Quatenus

Quatenus ad Delicias & Voluptates hujus Regis, muta prorsus est earum Memoria. Nihilominus apparet, ex mandatis illis, quæ Martino & Stilo, circa Reginam Neapolitanam dedit, eum de Formâ, & Pulchritudine, ejusque partibus, peritè admodum interrogare potuisse. Cum Voluptatibus sic agere solebat, ut Reges magni cum Mensis Bellariorum; Paulisper eas inspicientes, & statim terga vertentes. Neque enim unquam regnavit Princeps, qui magis Negotiis suis deditus esset; Totus in illis, & totus ex sese. Itaut, in Hætiludiis, & Turneamentis, & aliis Pugnarum Simulachris, nec-non Saltationibus personatis, & hujusmodi celebritatibus, potius cum dignitate quâdam, & comitate, Spectator esse videretur, quam iis magnoperè capi aut delectari.

In eo proculdubio, ut in cæteris Mortalibus universis, (ac præcipuè in Regibus,) Fortuna influxum quendam habebat in Mores, & Mores vicissim in Fortunam. Ad Culmen Regium ascendit, non tantum à Fortunâ privatâ, quæ Moderatione eum imbueret posset, verumetiam à Fortunâ Exulis, quæ stimulos ei Industriæ & Sagacitatis addiderat. Tempora autem Regiminis sui, cum essent potius prospera, quàm tranquilla, Confidentiam ex Successibus addiderant; Naturam interim suam, assidui vexationibus, ferè perverterant. Prudentia autem ejus, per frequentes è periculis Emerfiones, (quæ subitis eum Remediis fidere docuerant,) versa est, potius in Dexteritatem quandam, seipsum è malis, quando ingruerent, extricandi, quam in providentiam, illa ex longinquo arcendi, & summo vendi; Sed & Indole propriâ, Oculi Mentis ejus, non absimiles erant, Oculis quorundam Corporalibus; Qui ad Objecta propè sita validi sunt, ad remota infirmi. Prudentia enim ejus occasione ipsâ subito suscitabatur: Atque eò magis, si Occasioni accesserit Periculum. Atque hæc Fortuna in Naturam suam potuit. Nec deerant rursus quæ Natura sua Fortunæ suæ imposuit. Nam si ve hoc tribuendum sit Providentiæ ejus Defectui; Aut in rebus, quas decreverat, Pertinaciæ; Aut Suspicionibus, quæ aciem Mentis ejus perstringebant; vel quicquid aliud in causâ fuit; certum est, Fortunæ suæ perturbationes continuas, (præsertim nullâ violentâ occasione subnixas,) exoriri non potuisse, absque magnis aliquibus in Naturâ suâ Impedimentis, & Erroribus in Constitutione Animi sui radicali; Quæ necesse habuit, salvare & emendare, per mille pusillas Industrias, & Artes. Verum illa omnia apertius se produnt in Historiâ ipsâ. Veruntamen, intueamur licet eum, cum Defectibus suis omnibus,

omnibus, si quis eum cum Regibus, in Galliâ, & Hispaniâ, contemporaneis suis, conferat; Reperiet eum, Ludovico Duodecimo Galliarum Regi, Prudentiâ civili, & Ferdinando Hispaniarum, Fide & Candore, anteponi debere. At si Ludovicum Duodecimum demas, & Ludovicum Undecimum, qui paulò antè regnavit, substituas; magis convenient Exemplâ, fierentque verius Parallela. Illi enim tres, Ludovicus, Henricus, & Ferdinandus, pro Tribus Magis censi possunt, inter illius Aetatis Principes. Ut verbo concludamus, Si Rex iste, res majores non gessit, in causâ ipse fuit sibi; Quicquid enim suscepit, perfecit.

Corpore erat Henricus decoro, Staturâ justâ paulò procerior, erectus, & Membrorum compage bonâ, sed gracilis. Vultus erat talis, quæ Reverentiam incuteret, & aspectum Viri Ecclesiastici aliquantulum referret. Et sicut minimè erat obscurus aut superciliosus, ita neq; blandus aut Conciliator: Sed tanquàm Facies Hominis Animo compositi & quieti: Sed non commoda Pictori; Gratiofior scilicet facta cùm loqueretur.

Hujus Regis Dignitas præcellens pati possit, ut memorentur Narrationes quæpiam, quæ ei Divinum aliquid imponant. Cum Matris ejus Margaretae, Fæminæ raris virtutibus ornatae Nuptias, multi Proci ambirent; visa est videre in Somniis, Virum quendam Episcopo similem, habitu Pontificali, tradere ei in manum, Edmundum Comitem Richmondiæ, Henrici Patrem, pro Marito. Neque illa, Liberos unquàm alios concepit, præter Regem, licèt tribus Maritis nupta: Quodam etiâ die Festo, cùm Henricus Sextus (cui Innocentia Sanctitatem astruebat,) à prandio lavaret, oculosque in Henricum, tunc Adolescentulum, conjiceret, dixit: Adolescens iste, Coronam, pro quâ nos configimus, pacificè tandem possidebit. Sed quod verè in eo divinum censi possit, hoc fuit; Quod non minùs Fortunam boni Christiani, quàm Magni Regis sortitus sit; Vitâ exercitatâ, Morte pœnitenti. Ita ut non magis in Mundanis, quàm Spiritualibus, Victor triumphaverit; & Militia ei in Conflictibus, tam Peccati, quàm Crucis, prosperè cesserit.

Natus est, apud Castrum Pembrochiæ, Sepultus apud Westmonasterium, in Monumento, inter opera Europæ, pulcherrimo, & elegantissimo, si ve Capellam spectes, si ve Sepulchrum. Adeò ut magnificentius jam, in Sepulchri sui Monumento habitet mortuus, quàm vivus, aut Richmôdiæ, aut in alio quopiam Palatio suo, habitaverat. Optaverim ut idem ei cõtigisset, in hoc Famæ suæ Monumento.

FINIS.



INDEX VOCABVLORVM

Hac Historia Contentorum,
quæ *Anglis* sunt Peculiaria.

PROTECTOR: Regens, durante minore Ætate Regis.

Pag. 2

Rosa Alba: Erant in *Angliâ* duæ Familiæ, quæ de Regno contenderunt: Altera *Eboracensis*, quæ Insignia gerebat *Rosæ Albæ*; Altera *Lancastrensis*, quæ *Rosæ Rubæ*.

3

Comitia: Conventus Ordinum *Angliæ*; videlicet, Prælatorum, Procerum, & Communitatis Regni: Ex quorum Consilio, Rex Leges sancit, Pecuniis instruitur, & alia magni momenti transigit. Ea *Comitia*, interdum appellantur *Comitia* Parlamentaria, interdum Parlamentum.

ibid.

Turris Londinensis: Castellum amplum, in quo continetur, & Palatium Regium, & Carcer ubi incarcerantur Proditores, & alii Criminum atrocium Rei.

ibid.

Eques Auratus: Ordo Equitum, qui à Rege, aut ejus locum tenente, creantur; & Calcaribus

Auratis ornantur.

4

Comitatus: Provincia, vel Portio Regni integralis, ad magis commodam Administrationem Justitiæ, & Militiæ.

ibid.

Cruce D. Pauli: Suggestum in Cœmeterio *D. Pauli*, ubi Conciones sacre habentur.

ibid.

Major Londinensis. Præfectus, annuus Urbis, seu Prætor Urbanus.

5

Fraternitates Civitatis: Collegia, sive Societates Mercatorum & Artificum.

ibid.

Equites Vexillarii, sive Baneretti: Creantur isti, sub Vexillo Regis expanso, post Prælia.

6

Baro: Nomen Dignitatis, ad quæ eVecti, habent Jus suffragii, in superiori confessu Ordinum, aliis privilegiis haud paucis gaudent; & inter superiorem *Angliæ* Nobilitatem, annumerantur.

ibid.

Remissio generalis: Indulgentia Regis, quæ & Crimina omnia, (exceptis quæ in Instrumento

Remis-

- Remissionis speciatim recensentur,) & Multæ aliæque solutiones Regi debitæ, abolentur. Illa quandoque à Rege sole emanat, quandoque à Rege aditâ Auctoritate Parlamento. Pag. 7
- Inferior Confessus* : In Comitibus Ordinum, sunt duo Confessus; Alter superior dicitur, qui consistit ex Prælati, & Proceribus; Alter inferior, qui complectitur, per Repræsentationem, universum Populum Regni. Atque alteruter Confessus habet Votum Negativum in omnibus. 8
- Equites & Burgenses Parliamenti* : Deputati Comitatus : Equites, à populo, per Agros, & Oppida in Burgo non erecta, eliguntur; Burgenses ab Oppidis, eo privilegio à Rege donatis. ibid.
- Scaccharii Camera* : Locus in quo Judices majores conveniunt; Cum aut à Rege consuluntur; Aut propter Vota æqualia in Curia minoribus omnes deliberant, & Suffragia reddunt; Aut minorum Curiarum Judicia retractant. ibid.
- Vice-Comes* : Gradus Dignitatis inter Comitem & Baronem medius. ibid.
- Dominus Thesaurarius* : Præfectus Aerarii, sive Quæstor universalis Regni. Quæ Dignitas est post illam Cancellarii secunda. 10
- Custos privati Sigilli* : Privatum sigillum Diplomata Regis, Regiâ manu firmata, excipit, & ad magnum Sigillum transmittit. ibid.
- Heraldi* : Patres patrati, aut Fæciales, qui Bella denunciant, in compluribus solennitatibus adhibentur, & Armorum Insignia distribuunt. Pag. 11
- Judices de Banco Regis* : Judices Curia, quæ tractat Causas Criminales, & Violationes Pacis. 12
- Regii Hospitii Contra-Rotulator* : Officiarius ex iis, qui Regis Hospitio, quantum ad Expensas ejus, præsent. 24
- Subsidiaria Pecunia* : Pecuniæ quas Parlamentum Regi concedit, vocantur Subsidia. 37
- Camera Stellata. Camera alba. Curia Banci Regis. Curia Banci Communis. Curia Scaccharii. Curia Cancellaria.* Vide Expositionem horum vocabulorum omnium, in Historiâ ipsâ. 38
- Fines* : Finis est Instrumentum, quo Hæreditates transferuntur; Eamque habet vim, ut omnium Jura, si intra tempus non agant, extinguat. 43
- Statutum de non Clameo* : Lex est, quæ sub Tempora Belli, cum Homines Juri suo asserendo plerumque non vacarent, lata erat, & vim illam Finium destruxit, quæ tamen postea per aliud Statutum, restituebatur. ib.
- Dominicum* : Possessiones, quæ non sunt Feodales, sed in Manibus Domini. 44
- Justiciarii Assisarum* : Judices Itinerantes, qui statis temporibus, Provincias Regni visitant, & Causas terminant. 45
- Publicæ Sessiones* : Conventus Justiciariorum ordinariorum, qui Pacis vocantur, & causas nonnullas Regiâ Auctoritate muniti determinant. ibid.
- Auxilium à Tenentibus* : Pecuniarum Summæ, quas Domini à Tenentibus suis exigere jure possunt, ad Nuptias Filia Natu Majoris, vel Promotionem Filii Primogeniti in Ordinem Equitis. 58
- Benevolentia* :

- Benevolentia*: Genus Impositionis in Subditos, per speciem Donationis voluntariæ, sed habens quiddam ex Compulsorio. 59
- Protectiones*: Literæ Regiæ, quibus conceditur alicui, ne in Judicium vocetur. 60
- Alienationes*: Translationes possessionum à Tenentibus Regis, pro quibus debetur Solutio certa Regi. *ibid.*
- Insigne Ordinis Periscelidis*: Equites Ordinis Periscelidis, sunt Equites Dignitatis celsioris, qui Periscelide circa Tibiam, Paludamento Honorifico, & Torque aureo ornantur; Patronum habentes S. Georgium. 66
- Hospitii Regii Camerarius*: Officiarius ex Honorationibus, qui de Cubiculis Regiis, quæ supra Gradus sunt, & eorum ornatu, disponit. 72
- Equites de Balneo*: Ordo Equitum, qui Balneo tinguntur, & tempore Coronationis tantum, aut cum Filius Regis primo-genitus creatur Princeps Walliæ, ordinantur. 78
- Mercæ*: Summa Pecuniæ, valoris duorum Ducatorum, & paulò amplius. 79
- Libræ*: Summa Pecuniæ, valoris trium Ducatorum, & paulò amplius. *ibid.*
- Antiquus Census*: Valor Terrarum, qualis per antiquas Inquisitiones relatus est. *ibid.*
- Aldermannus Civitatis Londinensis*: Unus ex Senatu Civitatis, cui Regimen Civitatis præcipuè incumbit; Ex quorum numero, *Præfectus* annuus eligitur. 82
- Servientes ad Legem*: Dignitas, in quam, per Regem, cooptantur Advocati. 84
- Breve de Attinctâ*: Vide Expositionem Vocabuli, in Textu Historiæ. 86
- Juratores*: Judices Facti. *ibid.*
- Verdictum*: Pronunciatum Judicum Facti. *ibid.*
- Indictamentum*: Prima Inquisitio per Judices Facti capta, quæ peremptoria non est, sed Accusationis tantum loco. *ibid.*
- Tallagium*: Exactio Pecuniarum, super Merces, Auctoritate Regiæ solum munita. 92
- Mercatores Adventurarii*: Peculiaris Societas Mercatorum, Commercium exercens cum Belgis. 94
- Custos Rotulorum*: Officiarius, qui Custodiam habet Archivorum. 95
- Quindecimæ*: Auxilii Pecuniarii Genus, Auctoritate Parlamenti tantum concessum; Sonans acsi esset Decima quinta Pars Bonorum, sed Consuetudine in Solutionem certam, & longè minùs gravem, redactum. *ibid.*
- Servitium Scutagii*: Obligatio Tenentis, quâ astringebatur ad Bella cum Scotis. 96
- Vice-Comes*: Peculiaris in quaque Provinciâ Magistratus Annuus, cui Munus incumbit Mandata Regia, vel circa Justitiam, vel circa Militiam, exequendi. 99
- Crux de Cheape-si de*: Crux Aurata, quæ in principali Plateâ Urbis Londini erecta est. 109
- Commissarii de Audiendo & Terminando*: Judices Speciales, qui è re natâ, aut aliàs, à Rege assignantur, ad Causas Criminales determinandas. 113
- Seneschallus magnus Angliæ câ vice*: Magistratus Excelsus, qui pro uno die, à Rege ordinatur, cum aliquis ex Proceribus Regni, in judicium vocatur, de Noxâ Capitali. 114
- Magister Ceremoniarum*: Officiarius designatus ad Legatos externos Excipiendos, & Rerum procura-

procuracionem, quæ ad eos
pertinent. Pag. 118

Tenura in Capite : Tenura imme-
diata, de Coronâ aut Personâ
Regis, non de Baroniâ, aut Præ-
dio superiore, aut hujusmo-
di. 122

Custodia Minorum : Jus, per quod
Custodia Hæredum, minoris
ætatis, qui tenent per Servi-
tium Equitis, pertinet ad Do-
minum. *ibid.*

Liberatura, Prima Seisina : Jus Do-
mino accrescens, ad summam
Pecuniæ, quamprimùm Hære-
des sint plenæ Ætatis. *ibid.*

Utlegati : Proscripti ex Formulâ
Legis, vel propter Capitalia, vel
propter Contemptum & Con-
tumaciam. *ibid.*

Prolocutor inferioris Confessûs : Is,
qui à confessu inferiore Parla-
menti electus, in rebus tran-
dis, præsidet & moderatur. 125

FINIS.




SERMONES FIDELIS

Sive,
INTERIORA RERVM.

Per


Franciscum Baconum

BARONEM DE VERVLAMIO,
Vice-Comitem Sancti Albani.





LONDINI


Excusum, typis *Edwardi Griffini*. Prostant ad
Insignia Regia in Cœmeterio D. *Pauli*,
apud *Richardum Whitakerum*, 1638.



*Hæc, ut Varietate delectent, & consiliis juvent,
prælo mandata censeo.*

IOHANNES COCEUS.





ILLVSTRI
&
EXCELLENTI DOMINO
GEORGIO

Duci Buckinghamiæ, Summo
Angliæ Admirallio.

Honoratissime Domine,



Atomon inquit, *Nomen bonum*
est *instar Vnguenti fragrantis &*
pretiosi; Neque dubito, quin
tale futurum sit *Nomen tu-*
um apud Posteror. Etenim
& *Fortuna*, & *Merita tua*,
præcelluerunt. Et vide-
ris ea plantasse, quæ sint duratura. In lucem
jam edere mihi visum est *Delibationes meas*,
quæ ex omnibus meis Operibus fuerunt ac-
ceptissimæ: Quia forsitan videntur, præcæ-
teris, *Hominum* Negotia stringere, & in sinus
fluere. Eas autem auxi, & Numero, & Pon-
dere; In tantum, ut plane Opus Novum sint.
Consen-

Epistola Dedicatoria.

Consentaneum igitur duxi, Affectui, & Obligationi meæ, erga *Illustriſſimam Dominationem* tuam, ut *Nomen* tuum illis præfigam, tam in *Editione Anglicâ*, quam *Latinâ*. Etenim, in bonâ ſpe ſum, Volumen earum in *Latinam*, (*Linguam* ſcilicet univerſalem,) verſum, poſſe durare, quamdiù *Libri* & *Literæ* durent. *Instaurationem* meam *Regi* dicavi: *Historiam Regni Henrici Septimi*, (quam etiam in *Latium* verti,) & *Portiones* meas *Naturalis Historiæ, Principi*: Has autem *Delibationes Illuſtriſſimæ Dominationi* tuæ dico; *Cum* ſint, ex *Fructibus* optimis, quos *Gratiâ* divinâ *Calami* mei laboribus indulgente, exhibere potui. *Deus Illuſtriſſimam Dominationem* tuam manu ducat.

Illuſtriſſimæ Dominationis tuæ

Servus Devinctiſſimus

& Fidelis

FR. S. ALBAN.



SERMONES FIDELES.

I. DE VERITATE.



Vid est Veritas, inquit *Pilatus* Derisor? Nec præstolari voluit Responsum. Certè sunt, qui cogitationum vertigine delectantur; Ac pro servitute habent, Fide fixâ aut Axiomatis Constantibus, constringi; *Liberi Arbitrii* usum in Cogitando, non minùs quam in Agendo, affectantes. Cujusmodi quidem *sectæ Philosophorum* licet defecerint; supersunt tamen Ingenia quædam ventosa & Diffursantia, quibus Eadem omninò Venæ, licet non pari, cum Antiquis, copiâ sanguinis, repletæ. Verùm, nec Difficultas sola, Labórque quem Homines subeunt, in *Veritate* inveniendâ; Nec quæ ex eâ inventâ Cogitationibus imponitur Captivitas; *Mendaciis* Favorem conciliat; Sed ipsius *Mendacii* Naturalis, (utcunque corruptus,) Amor. E recentiore *Græcorum Scholâ* quidam, rem ad Examen vocans, hæret attonitus; dum excogitare nequit, quorsum Mortales amarent *Mendacium*; ipsius *Mendacii* causâ; Cum nec Voluptati sit, ut *Mendacia Poetarum*; Nec utilitati; ut illa *Mercatorum*. Sed nescio quomodò, *Veritas* ista, (utpote nuda & manifesta Lux Diurna,) personatas hujus *Mundi Fabulas*, Ineptiâsque, non tam magnificè & elegantè ostendit, quam *Tædæ*, *Lucernæ*que Nocturnæ. Ad *Unionis*, forsàn, Valorem, pervenire poterit *Veritas*, quæ per Diem speciosissima apparet: Sed ad pretium *Adamantis*, aut *Carbunculi*, qui Lumine vario pulcherrimè splendent, nunquàm ascendet.

Mixtura

Mixtura Mendacii Voluptatem semper augeat. Equis dubitat, si è Mentibus Hominum tollerentur Opiniones vanæ, Spes blandæ, Æstimationes Rerum falsæ, Imaginationes ad libitum, & id genus alia, quin multorum Animi relinquerentur Dejecti, & Maridi, Atræ Bilis & Languoris pleni, ac sibimetipsis ingrati ac displicentes? *Patrum* unus, magnâ cum Severitate, *Poesin* appellat, *Vinum Demonum*; Eò quod Phantasiâ vanis impleat, licet *Poesis Mendacii* tantum *Umbra* sit. Veruntamen, non est *Mendacium*, Mentem pertransiens, quod officit; Sed *Mendacium* quod à Mente imbibitur, nempe ejus Generis, de quo antè diximus. Verum utcunque in depravatis Hominum Judiciis, & Affectibus, hæc ita se habeant; *Veritas* tamen, (quæ sola se judicat,) docet; *Veritatis Inquisitionem*, quæ eam, proci instar, demeretur; *Veritatis Cognitionem*, quæ præsentem eam sistit; Et *Veritatis Receptionem* cum *Assensu*, quæ est ipsius Fruitio & Amplexus; Summum esse Humanæ Naturæ Bonum.

Prima, in Operibus sex Dierum, Creatura Dei, fuit *Lux Sensûs*; Postrema, *Lux Rationis*; Quin & Opus ejus, *Sabbatho*, quod deinceps perpetuò exercet, est Spiritus sui Illuminatio. Primo inspiravit Lumen in *Faciem Materiæ*, vel *Molis indigestæ*; postea in *Faciem Hominis*; Quin & usque semper Lucem inspirat in *Faciem Electorum*. Poeta, qui *Sectam*, alioqui, cæteris inferiorem, ornavit, elegantissimè dixit; *Suave est in Litore stanti videre Naves Fluctibus exagitatas*; *Suave ad Arcis Fenestram stanti, Prælium commissum, ejusque varios Eventus, inferius spectare*; *Sed nulla voluptas equiparari potest huic ipsi, Nempe ut quis stet super Clivum Excelsum veritatis*; (Collem certè inaccessibilem, ubi Aer semper liquidus est, & serenus,) *Atque inde Errores, Homines palantes, Caligines, & Tempestates, in Convalle subjacente, despiciat*: Modò prospectus iste, cum misericordiâ conjunctus sit, non cum Tumore, aut Superbiâ. Et hoc ipsum est *Cælo* in *Terris* Frui, quando *Mens Humana* in *Charitate* movetur, in *Providentiâ* quiescit, & supra *Polos Veritatis* circumfertur.

Jam verò, ut à *Theologicâ & Philosophica Veritate*, ad *Veritatem*, aut potius *Veracitatem* in Civilibus Negotiis, transeamus; Agnoscent vel ipsi qui eam non Exercent, apertam, & minimè fucatam, in Negotiis gerendis, Rationem, præcipuum esse Humanæ Naturæ Decus: Mixturam autem *Falsi*, similem esse plumbeæ Materiæ, quæ efficit sanè, ut faciliùs cudi possit Metallum, sed ita ut interim vilius fiat. Nam flexuosi isti, & obliqui Motus, *Serpentum* sunt; Qui super *ventrem suum* gradiuntur, non Pedibus incedunt. Non est Vitium, quod tanto Hominem pudore obruit, quam si *Falsus* vel *Perfidus* inveniat. Itaque acutissimè *Montaneus*, rationem scrutatus, cur *Mendacii* Vocabulum, pro tanto haberetur Opprobrio, & Contumeliâ; *Si Res rectè perpendatur*, (inquit,) *Qui dicit Hominem mentiri, eadem operâ dicit, eum Adversus Deum audacem esse, adversus Homines timidum*. *Mendax* enim, *Deo* insultat, *Homini* se incurvat. Certè, quam flagitiosa Res sit, *Falsitas*, & *Perfidia*, nullo modo exprimi potest melius, quam quod istis, (quasi ultimis Clamoribus,) devocabuntur *Judicia Dei* in Genus Humanum. Prædictum enim est, *Christum*, in Adventu suo secundo, *Non reperiturum Fidem super Terram*.

II.

De M O R T E.

MEtunt Homines Mortem, ut Pueri Tenebras. Quemadmodum autem, Metus iste Naturalis, in Pueris augetur, Fabulis quibusdam Terriculamentis, ita & ille alter. Sanè, Mortis Meditatio, prout *Mors Stipendium est Peccati*, & ad aliam vitam Transitus, pia est & salubris; Metus verò ejus, ut est *Naturæ Debitum*, Res est infirma, & inanis. Inest tamen nonnunquam piis Meditationibus, Ferimentum aliquod Vanitatis, nec-non *Superstitionis*. Præcipitur in *Libris* nonnullis *Religiosorum*, qui tractant de Mortificatione, ut recogitet secum Homo, quantus sit Dolor, cum vel minimus Dignitatis Articulus torqueatur; Atque inde æstimet, quantus sit in Morte Cruciatu, ubi totum Corpus corrumpitur, & dissolvitur? Cum tamen *Mors* sæpenumerò transeat, minore cum Dolo, quàm sentitur in Torturâ Membri. Partes enim maximè vitales, non sunt maximè sensitivæ. Nec abs re dictum fuit, ab illo, qui locutus est ut *Philosophus* tantummodò, & *Homo Animalis*; *Pompa Mortis magis terret, quàm Mors ipsa*: Gemitus & Singultus, Membrorum Convulsiones, Oris Pallor, Amici flentes, & atrata Funera, cum similibus, hæc sunt quæ Mortem ostentant terribilem. Observatione planè dignum est, nullam esse *Animi Passionem* tam debilem, quin superet, & in ordinem redigat *Timorem Mortis*. Ideoque *Mors*, non est Hostis adeò formidabilis, cum tam multos habeat Homo circa se Athletas, qui in certamine illam vincant. *Vltio* de Morte triumphat; *Amor* eam parvi facit; *Honor* ambit; *Metus Ignominia* eligit; *Moror* ad eam confugit; *Metus* anticipat. Imò legimus, quòd postquam *Otho Imperator* seipsum interfecisset, ipsa *Misericordia*, (quæ Affectus est omnium tenerrimus,) multos provocârît ad *Commeriendum*, ex merâ *Animi Compassione* erga *Dominum* suum, ut *Fidissimos* Asseclas. Quin & addit *Seneca Fastidium*, & *Satietatem*: *Cogita quàm diù eadem feceris*; *Mori velle non tantùm Fortis, aut Miser, sed etiam Fastidiosus potest*. Nec minùs observatu dignum est, quantillam Mutationem in Animo generoso & forti, appropinquans *Mors* efficere valeat; Eosdem enim gerunt Homines illi Spiritus, usque ad extremum Momentum. Mortuus est *Augustus Cæsar*, voce certè urbanâ; *Livia, Conjugii nostri memor, vive, & vale*. *Tiberius* inter dissimulandum; Ita enim de illo *Tacitus*; *Jam Tiberium vires, & Corpus, non Dissimulatio deserebant*. *Vespasianus* cum *Scommate*; *Exonerans* enim se super *Sellâ*; *Vt puto Deus sio*. *Galba* cum *Gnomâ*; *Feri, si ex res sit Populi Romani*: protendens simul *Colun*. *Septimius Severus*, inter expedienda *Negotia*; *Adeste, si quid mihi restat agendum*. Pariter & alii. Certè *Stoici*, nimium insuperunt *Operæ* in *Solatia Mortis*: Et enim grandi suo, contra eam, Apparatu, effecerunt, ut terribilior videretur. Rectius ille; *Qui Finem vite extremum inter manus ponit Naturæ*. Æque enim est *Naturale* Hominibus *Mori*, ac *Nasci*; atque *Infans* forsàn, non minorem sentit

sentit dolorem, ex hoc, quam ex illo. Qui *moritur* inter prosequendum magnum aliquod Desiderium, ita se habet, ut vulneratus, sanguine adhuc fervente, qui plagam vix sentit. Itaque Mens, in aliquod Bonum fixa & intenta, à Doloribus *Mortis* se subducit. Verum enimverò, super omnia, suavissimum *Canticorum* est illud, *Nunc dimittis*; Cum quis Fines suos, & Expectationes honestas, assecutus fuerit. Hoc item in se habet *Mors*, ut *bonæ Famiæ* Januam aperiatur, & *Livorem* extinguat; *Extinctus amabitur idem*.

III.

De VNITATE ECCLESIAE.

Cum *Religio* sit præcipuum humanæ Societatis vinculum, par est, ut & ipsa, debitis veræ *Unitatis* & *Charitatis* vinculis, astringatur. Dissidia circa *Religionem*, Mala erant; *Ethnicis* incognita. Nec mirum, cum *Religio Ethnicorum* posita esset potius in Ritibus, & Cultu *Deorum* externo, quam in constanti aliquâ Confessione, & Fide. Facile enim est conjicere, cujusmodi fuerit illorum *Fides*, cum præcipui *Ecclesiæ* ipsorum *Doctores* & *Patres*, fuerint *Poetæ*. Inter Attributa autem veri *Dei* ponitur, quod sit *Deus Zelotypus*: Itaque Cultus ejus non fert Mixturam, nec Consortium. Quamobrem pauca quædam de *Unitate* in *Ecclesiâ* dicemus: Scilicet, qui sint ejus *Fructus*, qui *Limites*, quibus denique *Modis* concilietur. *Unitatis Fructus* præcipui, (præterquam quod *Deo* summè placeat, id quod ante omnia poni debet,) sunt duo. Alter respicit eos, qui *extra Ecclesiam* sunt; Alter eos, qui *intra*. Quod ad priorem attinet, certum est, longè maxima in *Ecclesiâ* Scandala, esse Hæreses, & Schismata; Ut quæ etiam Corruptelas Morum superent. Quemadmodum enim in Corpore Naturali, Vulnere, & Solutio Continuitatis, genere pejora sunt, quam Humores putridi; Similis est Corporis Spiritualis ratio. Adeo ut nihil reperiatur, quod æque Homines, ab ingressu in *Ecclesiam* absterreat, aut jam receptos expellat, ac *Unitatis Violatio*. Itaque temporibus quibus illud increbrescit, ut alii dicant; *Ecce in Deserto*; Alii, *Ecce in Penetrabilibus*; Hoc est, dum quidam *Christum* quærunt in *Hæreticorum Conciliabulis*, quidam in *Facie Ecclesiæ* externâ, opus est prorsus, ut illa *Vox* aures *Hominum* quasi perpetuò feriat; *Nolite exire*. *Doctor* ille *Gentium*, cujus *Vocatio* & *Missio*, propria & demandata, ei imposuit, ut eorum, qui *extra Ecclesiam* fuerant, curam gereret, inquit, *Si ingrediatur cæcus vestros Infidelis quispiam, aut Idiotæ, & vos variis loquentes linguis audiat, annon vos insanire prædicabit?* Neque sanè, multò melius se habet, cum *Athei*, & *Homines profani*, tantas, in *Religione*, lites, & *Opinionum* Dimicationes, intueantur. Siquidem hæc Res ab *Ecclesiâ* illos avertit, & in *Cathedrà Derisorum* sedere facit. Lævis quiddam videatur, quam ut in *Tractatu* tam serio citetur, Deformitatem tamen rei egregiè depingit: Insignis quidam *Jocandi Artifex*, in *Catalogo Librorum*, *Bibliothecæ*, cujusdam *Fabulose*, inter cæteros, cum hac *Inscriptione* *Librum*, ponit; *Salutationes*

tiones Florales, & Gesticulationes Hæreticorum. Nomo enim est ex iis, qui non peculiarem quendam motum Corporis ridiculum, & Gestûs Deformitatem, exhibeat : unde fieri non potest, quin Homines Carnales, & Politici degeneres, subsannent, qui facillè in contemptum Rerum Sacrarum feruntur. Quantum ad *Fructus Unitatis*, qui ad eos, qui *intra* sunt, redundat, is, uno verbo, *Pax* est, quæ innumeras Benedictiones complectitur. Etenim Fidem stabilit, Charitatem accendit ; Quin & externa *Ecclesie pax* in Pacem internam Conscientiæ sensim distillat ; Laborésque Scribentium, & legentium Controversias, vertit in Tractatus Pietatis, & Mortificationis.

Quantum ad *Terminos & Limites unitatis*, vera proculdubio & justa eorum Collocatio ; magni prorsûs est, ad omnia in Religione, momenti. Duo autem in iis statuendis videntur fieri Excessus. Homini-
 bus enim zelo fevidis, omnis *Pacificationis* Mentio est odiosa ; Numnam pax *Jeſu* ? Quid tibi cum pace ? vade post me ; Quasi Pax nihil esset ad rem, sed *sectæ & Partes*. Contra, quidam tanquam *Laodicenses*, in causis *Religionis* tepidi, putant *Capita Religionis*, nexu se commodo, colligare posse, per Vias medias, & Opiniones utrinque participantes, & Reconciliationes ingeniosas, ac si pro Arbitris se gerere vellent, inter *Deum & Homines*. Uterque Excessus vitandus ; Quod fiet, si *Fœdus* inter *Christianos*, ab ipso *Servatore* nostro, descriptum, in clausulis illis, quæ primo intuitu, inter se opponi videntur, per spiciam & planam Interpretationem sortiatur. *Qui non nobiscum est, contra nos est* ; & rursus, *Qui contra nos non est, nobiscum est*. Hoc est, si *Capita Religionis*, planè *Essentialia & Fundamentalialia*, ritè discernantur & distinguantur, à *Capitibus*, quæ non sunt ex *Fide*, sed ex *Opinione* probabili, & *Intentione* sanctâ, propter ordinem, & *Ecclesie* politiam, sancitæ. Hoc verò plurimis videri possit, triviale quiddam, in quo quis actum agat : Verùm si hoc ipsum, minore partium studio, fieret, majore etiam consensu recipere-
 tur. In hac re Consilii nonnihil impertiri visum est, pro captûs nostri tenuitate. Videndum est, ne Homines *Ecclesiam Dei* lacerent, per duo *Controversiarum* genera. Primum est, cum *Controversiæ* Materia levior est, nec tantâ contentione, quanta circa eam excitatur, digna ; Contradi-
 ctione solâ inflammata. Quemadmodum enim acurè, & elegantè notatum est. ab uno ex *Patribus* ; *Tunica Christi inconsutilis fuit, at vestis Ecclesie versicolor.* Unde præcipit ; *In veste varietas sit, Scissura non sit.* Differunt enim haud parùm inter se Unitas, & Uniformitas. Secundum est, cum *Materia* quidem *Controversiæ* pondus habet, sed ad nimiam Subtilitatem ac Obscuritatem redacta est : Adeò ut Ingenio-
 sa quædam rese esse videatur, potiùs quam Solida. Videmus quan-
 doque fieri, ut quis Doctus, & Intelligens, Homines imperitos, de aliquâ *Quæstione*, inter se litigantes, audiat ; Atque perspicuè advertat, eos idem re ipsâ sentire, & in unum convenire, quibus tamen ipsis nunquam fuisset aliquis dissidendi Finis. Quod si hoc nonnunquam eveniat, in exiguâ illa *Judicii* disparitate, quæ inter Homines esse po-
 test ; Annon credere par est, *Deum* in *Cœlis*, qui *Corda scrutatur* & novit, satis perspicere, nos Homines fragiles, in aliquibus, de quibus *Controversiam* movemus, idem reverâ sentire, & in ambobus benignè complacere. Hujusmodi *Controversiarum* Natura, & Character,
 P optimè

optimè à *D. Paulo* exprimitur, in Monito illo ac Præcepto, quod circa illud adhibet; *Devita prophanas vocum Novitates, & oppositiones falsi nominis Scientiæ.* Creant sibi Homines Oppositiones, quæ reverà nullæ sunt, easque in nova Vocabula effingunt, & cudunt; Quæ tam fixa sunt & invariabilia, ut ubi Sensus Vocabulum regere debeat, Vocabulum imperet Sensui. Sunt etiam, ut *Controversiarum*, ita *Vnitatis*, Species duæ; quæ Adulterinæ censerî possunt. Altera, cùm Pax Ignorantiæ tantum implicitæ innititur. Coloribus enim omnibus in Tenebris benè convenit. Altera, quæ confuta est & sarcita, ex positionibus ex diametro inter se contrariis, in Capitibus nimirum Fundamentalibus. *Veritas* enim & *Falsitas*, similes sunt *Ferro* & *Luto* in Digitis pedum, Imaginis, quam in Somnis vidit *Nebuchadnezzar*; Adhærere sanè possunt, incorporari non possunt.

Jam quatenus ad *Modos*, per quos conciliatur *Vnitas*, cavendum est Hominibus, ne dum *Vnitatem Religionis* procurent & muniant, *Leges Charitatis*, & *Societatis* solvant, & demoliantur. Inter *Christianos* duo tantum recipiuntur *Gladii*, *Spiritualis* nempe, & *Temporalis*. Uterque autem suum habet locum, & suo perfungitur Munere, in *Religione Christianâ* propugnandâ, & protegendâ. Sed neutiquam arripiendus est *Gladus* tertius, qui est *Mahumetis*, aut illi similis; Hoc est, ut *Religionem Bello* propagemus, aut cruentis persecutionibus, vim Conscientiis inferamus; Exceptis Casibus Scandali aperti, & insolentis; Blasphemix, aut Machinationis adversus Statum Civilem: Ne dum ut foveantur Seditiones, animentur Conjurationes, & Rebelliones, *Gladus* in manus Populi transferatur, & similia; Quæ omnia manifestò tendunt, ad *Majestatem Imperii* minuendam, & *Auctoritatem Magistratuum* labefactandam; Cùm tamen omnis *Legitima potestas sit à Deo ordinata*. Hoc enim nihil aliud est, quàm alteram ex *Tabulis Legis*, in alteram allidere; Et in tantum Homines ut *Christianos* intueri, ut interim oblitî videamur, quod sint *Homines*. *Lucretius* Poeta, cùm sibi ante oculos poneret, *Agamemnonem*, Filiam propriam immolantem, exclamat; *Tantum Religio potuit suadere malorum.* Quid tandem dixisset, si ei *Laniena Parisiensis*, aut *Conjuratio Pulveraria* in *Angliâ*, innotuisset? Certè sepius factus esset magis *Epicureus*, & *Atheus*, quàm fuit. Nam quemadmodum *Gladus Temporalis*, non temerè, sed magno cum Judicio, in Casu *Religionis*, stringendus est; Ita monstri simile est, eum in Manus Populi tradi. Sibi habeant hoc *Anabaptistæ*, & hujusmodi Furix. Certè, insignis fuit illa *Blasphemia*, cum diceret *Diabolus*, *Ascendam, & ero similis Altissimo*; Sed adhuc major *Blasphemia* fuerit, si quis *Deum* introducat dicentem; *Descendam, & ero similis principi Tenebrarum.* Quid autem hoc ab illo differt, si *Causa Religionis* descendat, & præcipitetur, ad *Crudelia* & *Execrabilia Scele- ra*, *Principes* trucidandi, in *Populorum* vitas grassandi, & *Imperia* funditùs evertendi? Videtur quidem hoc perinde esse, ac si quis descendentem faciat *Spiritum Sanctum*, in specie, non *Columbæ*, sed *Vulturis*, aut *Corvi*; Aut ex *Navi Ecclesiæ* erigeret *Vexillum Piratarum*, & *Afassinorum*: Quocirca, justum est, & id ipsum necessitas Temporum flagitat, ut *Ecclesiâ* doctrinâ suâ, & *Decretis* suis; *Principes* *Gladio*; omnesque *Literæ* ceu *Religiosæ* sint, ceu *Morales*, *Caduceo* suo; in

Barathrum Inferni damnent, & detrudant in secula, hujusmodi Facta, & doctrinas iis Auctoritatem aliquam tribuentes; Ut magnâ ex parte jam pridem factum est. Certè optandum esset, ut in omnibus circa *Religionem* Consiliis, ante oculos Hominum præfigeretur Monitum illud *Apostoli*; *Ira Hominis non implet Justiciam Dei*. Atque ut verum dicamus, optimè, & prudentissimè observatum est, ab uno ex *Patribus*, profundæ sapientiæ viro; Nec minùs ingenuè, & sincere, ab eodem prolatum, & evulgatum; *Eos, qui Conscientias premi, iisque vim inferri suadent, sub illo Dogmate, Cupiditates suas subtexere, illamque rem sua interesse, putare.*

IIII.

De VINDICTA.

Vindicta agrestis quædam Justitia est; quæ quò magis Humanâ Naturâ serpit, eò fortius Legibus severis est evellenda. Etenim *Injuria illata*, Legem tantummodò violat; At reposita, Legem Auctoritate suâ planè spoliât. Certè, in vindicandâ *Injuriâ*, æqualem se quis Inimico suo sistit; In remittendâ vero, superiorem: *Regium* enim est *Ignoscere*. Equidem memini dixisse *Salomonem*, *Honori est Homini Offensas præterire*. Quod jam præterit; In integrum restitui non potest; At Prudentes sat habent præsentia & futura curare. Nugantur igitur, & se frustra conturbant, qui præteritarum rerum satagunt. *Injuriam* nemo, *Injurie* ipsius causâ, infert; verum, ut ex eâ, Lucri aliquid, aut Voluptatis, aut Honoris, sibi conciliet: Cur igitur cuipiam succenseam, quod se potiùs quàm Me diligit? Quod si quis ex Malignitate merâ sit injuriosus; quid tum? Etiam Spina & Rubus pungunt & lacérant, quia naturâ suâ utuntur. *Vindictæ* præcipuè Excusationem merentur, in iis *Injuriis*, de quibus Lege cautum non est. At simul prospiciat quis, ut Genus *vindictæ*, ejusmodi sit, quod non sit Legi obnoxium. Aliàs ipse sibi Pœnam conduplicat, Inimicus vero Lucrum facit. Sunt, qui inter sumendam *Vindictam*, cupiunt, ut læsi intelligant, unde Malum illud sibi ingruerit. Nempe Generosior est iste *Affectus*: Siquidem videntur illi, non tam ipsâ ultione delectari, quam ut læsum Facti sui pœniteat. At vili Ingenio præditi, & Maliciosi, instar sagittarum sunt, quæ, per tenebras volant. Magnus *Dux Florentiæ Cosmus*, acutissimum telum vibravit, in Amicos Perfidios, aut incuriosos. *Legimus* (inquit) *& mandatum habemus, ut Inimicis nostris ignoscamus*; at nusquam legitur, astringi nos, ad ignoscendum Amicis: Verum Spiritus *Job* loquitur meliora; *Nunquam* (inquit) *de manu dei Bonâ accipiemus, neque mala itidem quandoque sustinebimus*? Quod etiam, aliquo modo, de Amicis dici par est. Hoc certissimum est, Hominem qui *Vindictæ* studet, sua vulnera refricare, quæ aliàs, sibi relicta, sanari & consolidari potuissent. *Ultiones publicæ*, maximâ ex parte; prosperè cedunt: Quales erant, propter cædem *Cæsaris*, cædem *Pertinacis*, cædem *Henrici Quarti Magni* illius *Galliæ Regis*, & aliorum complurium. At in *vindictis privatis* hoc minimè tenet.

Quin potius, *Homines Vindicatiori* vitam ferè agunt *Veneficarum*, quæ ut aliis sunt exitiabiles, ita ipsæ plerunque Exitum infauftum sortiuntur.

V.

De REBUS ADVERSIS.

GRande prorsus sonabat *Seneca*, more *Stoicorum*, cum diceret; *Bona rerum Secundarum optabilia, Adversarum mirabilia.* Certè, si Miraculum rectè ponatur illud, quod Naturam superat, cernuntur Miracula, maximè in *Calamitatibus*. At priorem illam Sententiam, magniloquentiâ superat, alterum ex ejus Dictis; Et excelsius quiddam est, quàm *Ethnico* conveniat. Verè magnum habere *Fragilitatem Hominis, Securitatem Dei.* Sanè hoc Dictum in *Poesi* fuisset tolerabilius, ubi transcendentia ista magis probantur. Ac ut verum dicamus, *Poetæ* hoc intactum non reliquerunt. Eadem enim ferè Res est, quæ adumbratur, in portentoso illo *Poetarum* Antiquorum Commento, quod *Mysterio* videtur non carere; Imò & Statum *Christianum* non obscure referre; Nimirum de *Hercule*; Qui cum ad solvenda *Promethei* vincula proficisceretur, (In *Prometheo* autem figura Naturæ humanæ repræsentatur;). Oceani Longitudinem in *Poculo Figulino* emensus est; Ubi ad vivum *Christiana Constantia* depingitur, quæ in *Fragili Carnis Testâ*, per *Mundi Fluctus*, undique circumfusus, navigat. Verum ut à Granditate verborum, ad *Mediocritatem* descendamus. *Rerum Secundarum* præcipua virtus est *Temperantia, Adversarum, Fortitudo*; Quæ in *Moralibus* reputatur pro Virtute maximè Heroicâ. Quin & *Res prosperæ*, ad *Veteris Testamenti* Benedictiones, *Adversæ*, ad *Novi* Beatitudines, pertinent: Quæ, & reipsâ majores sunt, & clariorem *Divini Favoris* Revelationem exhibent. Attamen etiam in *Veteri Testamento*, si *Lyræ Davidis* aures præbeas, plures invenias *Threnos*, quàm *Exultationes*: *Spiritus* autem *Sancti* Calamus, diffusius tractavit, *Jobi* Afflictiones, quàm *Fælicitatem Salomonis*. *Res prosperæ*, non sine plurimis *Timoribus* & *Molestiis* transeunt; *Adversæ* itidem suis *Solatiis*, & *Spe* non vacant. Videmus certè in *Acupictis*, melius placere, cum *Imagines coloris lucidioris* sunt, *Stamen* autem telæ, coloris magis opaci, quàm cum *Stamen ipsum* splendidius est, *Imagines* autem tenebrosiores. *Judicium* igitur capi potest, quid *Cordi* magis volupe sit, ex eo, quod *Oculos* magis delectat. Habet certè *Virtus* simile quiddam *Odoramentis* quibusdam pretiosis; quæ *fragrantissima* sunt, aut *incensa*, aut *tusa*. Nam *Fortuna prospera* potissimum *vitia* *Hominum* indicat, *Adversa Virtutes*.

VI:

V I.

De DISSIMVLATIONE & SIMVLATIONE.

Dissimulatio est Artium Civilium Compendium quoddam, & Pars infirmior: Etenim, & Ingenium acre, & Robur Animi constans ad hoc requiritur, ut quis sciat, quando verum proferendum sit, atque id facere audeat. Itaque inter inferiores Politicos reponuntur, qui magni sunt *Simulatores*.

Quod Discrimen, benè apud *Tacitum*, *Casarem Augustum* inter, & *Tiberium*, adnotatum est. Etenim de *Liviâ* sic ait; Quod esset, *Chm Artibus Mariti, & Simulatione Filii, benè composita. Artes Imperii Augusto, Simulationem Tiberio* attribuens. Idem alibi hisce verbis, *Mucianum* inducit, *Vespasianum* Ad Arma contra *Vitellium* sumenda hortantem: Non adversus *Augusti acerrimam Mentem, nec adversus Tiberii castissimam senectutem, insurgimus. Quare hæ Facultates, Artium Civilium, & Simulationum, sunt prorsùs distinguendæ. Esto igitur, ut sit felix ita quisquam Acuminis, tantæque Perspicaciæ, ut distinguere queat, quæ palàm faciendæ, quæ occultandæ, quæ tanquàm in Crepusculo producendæ, Temporum etiam & Personarum ratione pensitata (Quæ reverà Artes sunt Politicæ, & Civiles, ut *Tacitus* eas rectè appellat; huic *Dissimulatio* Impedimento erit. Quod si quis, ad hunc Iudicii & Discretionis Gradum, ascendere non valeat, ei relinquitur tanquàm tutissimum, ut sit *Tectus, & Dissimulator*. Ubi enim in singulis non datur eligere, ibi in omnibus cautè insistere tutissimum est; Cæcipientibus enim lentè movendum. Sanè ubique reperias Homines rerum tractandarum peritissimos, omnes ferè Candorem, Ingenuitatem, & Veracitatem, in Negotiis præ se tulisse: Verùm simul erant, tanquàm Equi, benè docti & domiti, qui subito se sistere, & se vertere, norant. Quod si Necessitas quædam ingruat, *Dissimulationem* Profundam postulans, tunc quidem Opinio & Fama de bonâ Fide & veracitate eorum, præconcepta, eos reddit prorsùs invisibiles.*

Consilia & Mentem tegendi; aut velandi, gradus sunt tres. Primus est, Taciturnitas, cùm quis sensus Animi sui premit, adeoque relinquit in æquilibrio, ut in quam partem propendeat, nemo facilè conjecerit. Secundus Dissimulatio in Negativâ, cùm quis ex composito signa quædam & Indicia jacit, se non eum esse, qui reverà est. Tertius Simulatio in Affirmativâ, cùm quis apertè fingit & prætexit, se eum esse, qui reverà non est.

Quantum ad primum horum, *Taciturnitatem* scilicet; Ea est certè *Virtus Confessoris*. Atque profectò, *vir taciturnus* multas audit *Confessiones*; Quis enim Garrulò, & Loquaci, Pectus suum recludet? Quod si quis Famam habeat *Viri Taciturni*, facilè aliorum Animos referabit; sicut Aer clausus apertum fugit: Atque veluti *Delicta confiteri*, non ad aliquem Finem collimat, qui ad res Civiles tendit, sed ad Conscientiam sublevandam; Ita certè *Homines Taciturni*, ad multarum rerum Notitiam, simili de Causâ, perveniunt; Dum

Homines, non tam impertire, quàm exonerare Animum suum cupiant. Ut paucis dicamus, mysteria *Silentibus* debentur. Præterea, si verum loquamur, etiam in Animo, æque ac in Corpore, deformis & invenusta est Nuditas: Neque parvam addit Reverentiam, Consiliis & Factis Hominum, si minùs pateant. At *Loquaces* & *Fuiles*, etiam plerunque leves sunt, & Creduli. Qui enim eloquitur quæ scit, effutiet etiam quæ nescit. Ponatur igitur pro certo, *Habitu Taciturnitatis virtutem esse Politicam, & Moralem*. Sed & illud addendum est, bonum esse Homini, ut *vultus* suus *Linguae* Officium non præripiat. Nam, *Revelatio Animi ex Vultu*, aut *Gestu*, magnus est Defectus, & quædam quasi *Proditio*: Eo magis, quod sæpenuerò, plus notatur, & fidem facit, quam verba.

Quantum ad Secundum, *Dissimulationem* scilicet: Ex necessitate quâdam illa *Taciturnitatem* sequitur. Adeo ut qui *Teſtus* esse vult, *Dissimulator* aliquatenus vel nolens evadat. Etenim astutiores sunt Homines, quam ut patiantur aliquem in æquilibrio se continere absque aliquâ in alteram Partem inclinationis suæ declaratione. Ita Quæstionibus subtilibus eum obfidebunt, & allicient, & excutient, ut, nisi obfirmato & absurdo *Silentio* se quis muniat, necesse ei fuerit, se *nonnihil prodere*: Quinetiam si hoc non fecerit, ex *Silentio* ipso, aliquid conjecturæ capient, non minùs, quàm ex *Verbis*. Quod verò ad *Æquivocationes*, & *Oracula verborum* attinet, non poterunt illa diù valere. Ita ut Nemo *Teſtus* esse queat, nisi aliquem *Dissimulationis* Gradum sibi indulgeat: Quæ nihil aliud est, quam *Silentii* quædam Appendix, aut Limbus.

Quantum vero ad tertium Gradum; nimirum *Simulationem*, & *Professionem falsam*; Illam magis Vitiosam, & minùs Politicam, duco; Nisi fortè dignus vindice Nodus inciderit. Itaque perpetua Consuetudo *Simulandi*, Vitium est, aut ex Ingenii Lubricitate quâdam, vel Timiditate, ortum; Aut etiã, ex Animi Constitutione, quæ Vitio aliquo magno imbuta est: Quod, quia *Ocultare* oportet, *Simulationem* etiã in aliis adhibere & exercere efficit, ne fortè *Habitus* ipse intercidat.

Commoda Simulationis, & Dissimulationis, tria. Primum est, quod Oppositionem amolitur, & Homines imparatos aggrediatur, ubi enim Consilia cujuspian evulgata fuerint, Adversarii, veluti Tubâ excitantur. Secundum est, quod in Hominis potestate relinquit, ut pedem referat, & se absque Existimationis suæ jacturâ de Negotio subducatur. Si quis enim, se manifestâ declaratione obstringit, is cuneis quasi impactis includitur; Aut pergendum est ei, aut turpitèr desistendum. Tertium est, quod ad aliena Consilia detegenda, viam aperiat. Etenim ei, qui sua Consilia profert, non facilè quis se adversarium profiteatur, verum assentabitur potiùs; Et libertatem Loquendi, in libertatem Cogitandi, vertet. Itaque habetur apud *Hispanos* satis malignum Adagium; *Dic Mendacium, & Veritatem erues*. Perinde ac si *Simulatio* Clavis esset ad Secreta referenda. Tria etiã sunt *Simulationis, & Dissimulationis, Incommoda*, ut ex æquo Res compensetur. Primum, quod illa Timiditatē arguant: Id quod omnibus Negotiis, plumas vellit, ne pernicipitèr ad Metam advolent. Secundum, quod in an-

cipites

capites Cogitationes Animos complurium conijciant, qui fortasse aliàs cooperaturi fuissent, & studio suo rem promoturi; unde sine sociâ & amicâ operâ ad Fines suos solus quis ambulet. Tertium est, (idque maximum,) quod præcipuo ad Actiones Organo, Hominem privet; nimirum *Fide*. Optimum fuerit Temperamentum, si quis *Veracitatis* Famam obtineat, *Taciturnitatis* Habitum, *Dissimulationis* usum, tempestivum, & Facultatem *Simulationis*, ubi opus fuerit.

VII.

De PARENTIBUS & Liberis.

GAudia *Parentum* occulta sunt; Nec minùs Dolores eorum, & Metus. Illa certè verbis assequi nequeunt, hos autem proferre nolunt. Certè *Liberi* Labores humanos suaviores, verùm Infortunia amariora, reddunt. Curas vitæ multiplicant, sed Memoriam Mortis mitigant. *Æternitas Sobolis* etiàm Brutis communis est; Sed illa *Memoriæ, Meritorum, & Operum*, propria est Homini-bus. Atque videre sanè est, Opera Nobilissima, & Foundationes, ab *Orbis* profecta; Quibus Effigies Animorum exhibere curæ erat, cum *Corporis Imaginibus* destituerentur. Adeò ut *Posteritati* maximè studeant, qui *Posteritate* carent. Qui Honores in *Familiam* suam primi introdu-cunt, erga *Liberos* indulgentissimi sunt: Intuentur siquidem eos, non tantum ut *Continuationem Speciei* suæ, sed ut *Rerum à se gestarum Hære-des*: Ideoque ut *Liberos, & Creaturas*. Gradus Affectuum in *Parenti-bus* erga *Liberos* diversos, sæpè dispares sunt, aliquando iniqui: Ac potissimum in *Matre*. Unde *Salomon* dicit; *Filius sapiens lætificat Pa-trem: Filius verò stultus mæstitiæ est Matri suæ*. In Domo fœcundâ, & *Liberorum* plenâ, cernere quandoque est, unum aut alterum ex *Se-nioribus* pluris æstimari; Atque ex *Junioribus* in Deliciis esse: Sed in medio fortasse aliquos quasi Oblivione transiri: Qui nihilominùs, haud rarò, optimæ Indolis evadunt. Illiberalitas *Parentum* erga *Li-beros* suos, Error est planè noxius: Nam eos reddit Animo Degene-res; Fallaciis deditos; Ignobilium Consortio se delectantes: Ma-gisque ad Luxum propensos, quando rerum Copiam adepti sint. Itaque optimè succedit, quando *Parentes* suam, apud *Liberos*, Aucto-ritatem tuentur, Cruménam laxant. Invaluit, tam apud *Parentes*, quàm *Pædagogos, & Famulos*, Mos quidem ineptus; Æmulationes in-ter *Fratres* ferendi, & alendi, durante eorum Puèritiâ: Quæ sæpè mu-merò in Discordias evadunt, post *Ætatem* virilem, & *Familias* tur-bant. *Itali* non magnum ponunt Discrimen, inter *Liberos, & Nepotes*, aut *Cognatos*; Sed, modò sint è *Massâ Sanguinis*, non multum pensi habent, utrùm sint è *Corpore proprio* editi; necne? Atque si verum dicendum sit, in Naturâ non multum interest; Adeò ut sæpè vi-deamus, *Nepotem Avunculo* magis similem, aut *Cognato*, quàm *Parenti* proprio, prout Sanguis casu quodam derivatur. Curent *Parentes*, in tenerâ *Ætate Filiorum* suorum, cui vitæ Generi illos destinant: Tum enim maximè sunt flexibiles, & cèrèi. Neque in hac Electione respi-ciant,

ciant nimis Inclinationem *Filiorum* ipsorum ; Quasi illud melius arrepturi sint, ad quod maximè videntur propensi. Verum est, si Affectus, aut Apretudo *Puerorum*, sit erga aliquod Studium insignis, non expedire, ut quis Naturæ, aut Indoli repugnet : Sed, ut plurimum Præceptum illud sanum est ; *Optimum elige, suave & facile illud faciet Consuetudo.* *Fratres Juniores* plerunque sunt *Fortunæ Filii* : Sed raro, aut nunquam, prosperum sortiuntur Exitum, quando exhæredantur *Seniores*.

VIII.

De Nuptiis & Cœlibatu.

Qui *Uxorem* duxit, & *Liberos* suscepit, *Obsides Fortunæ* dedit ; Sunt enim magnorum Conatuum Impedimenta ; Sive ad Virtutem tendat quis, sive ad Improbritatem : Certè præstantissima (ut alibi diximus) in usum Reipublicæ Opera, & Merita, à *Viris* profecta sunt, *Prole carentibus* ; Qui tam Affectu, quàm Fortunis, Rempublicam connubio sibi junxerunt, & dotârunt. Attamen Rationi videatur magis consentaneum, ut qui *Liberos* relinquunt, majorem Futurorum Temporum Curam gererent ; Ad quæ satis nôrunt, *Charissima illa sua Pignora* oportere transmitti. Sunt tamen, qui licet *Liberis* careant, tamen Memorix suæ incuriosi sunt, & Cogitationes vitæ tantùm Curriculo terminant, & Tempora Futura ut ad se nihil pertinentia, ducunt. Imò & alii nonnulli, *Vxorem & Liberos*, tantùm in Rationibus Expenfarum habent. Quinetiam reperiuntur aliqui Fatui Avari, qui gloriantur ferè se *Liberis* carere, ut habeantur tantò ditiores. Audiverunt scilicet aliquos dicentes, *Talis quispiam est ditissimus* ; Alios autem subinferentes ; *At Liberis compluribus oneratur* : Quasi Divitiarum hoc esset Decrementum. Verùm *Cœlibatûs* causâ maximè frequens, est Libertas ; Præsertim, in quibusdam Animis sibi complacentibus & Phantasticis ; Qui omnis Restrictionis Sensum nacti sunt tam acutum, ut Cingula & Periscelidas ferè habeant pro Vinculis & Compedibus. *Viri Cœlibes* optimi sunt Amici, optimi erga Servos Domini, Servi etiam erga Dominos optimi ; At non semper Subditi optimi ; Sunt enim ad Fugam expediti ; Atque reverà Transfugæ ferè omnes sunt ejus Conditionis. *Vita Cœlebs Ecclesiasticis* benè convenit : Non enim facile quis eriget Solum, si prius Stagni alicujus Receptaculum interveniat. *Judicibus & Magistratibus* Res est ferè indifferens : Si enim faciles sint, & corruptelis dediti, Servum aliquem videas *Vxore*, multis modis, ad hujusmodi Lucra captanda, detericrem. Quod ad *Milites* attinet, Reperio certè *Duces*, apud *Exercitus* suos concionantes, illis in memoriam redigere solere, *Charitates Vxorum & Liberorum*. Reperio etiam *Nuptiarum* Contemptum apud *Turcas*, *Milites* vulgares reddere viliores. Sunt certè porrò, *Uxor & Liberi*, Disciplina quædam Humanitatis ; atque *Cœlibes*, etsi sæpenumerò magis sint munifici & charitativi, quia *Fortunæ* eorum minùs exhauriantur ; Sunt tamen, ex alterâ parte, magis

gis crudeles, & sine visceribus, (idonei qui sint Severi Inquisitores) quia Indulgentia & Teneritudo Affectionum suorum non tam saepe evocatur, & excitatur. Naturæ graves, & consuetudine ductæ, ideoque constantes sunt plerunque uxoriæ: ut de *Ulyssæ* perhibetur; *Vetulam suam prætulit Immortalitati.* Mulieres castæ, sunt plerunque superbæ, & protervæ, Merito *Pudicitie* suæ elatæ. Inter vincula præstantissima Castitatis, & Obsequii, *Uxoris* erga *Maritum*, illud censeretur, si virum suum *Uxor* prudentem putet; Quod nunquam faciet, si cum inveniat *Zelotypum.* *Uxores*, Juvenum Dominæ sunt; Mediæ ætatis, Sociæ; Senum, Nutrices. Adeo ut adsit Ansa ad *Uxorem* ducendam; Ætatibus singulis. Inter *Sapientes* tamen numeratus est ille, qui interrogatus; *Quod esset Tempus opportunum Nuptiarum?* respondit; *Juvenibus non adhuc, senibus non omnino.* Sæpè fit, ut *Mariti* deteriores, bonas habeant *Uxores*: Sive hoc fiat, quod hoc modo pretium addatur *Mariti* Benevolentia, per vices; sive quod *Uxores* in patientiâ suâ glorientur. Hoc autem nunquam fallit, si hujusmodi *Mariti*, ab *uxoribus* ipsis expetiti & electi fuerint, contra Consensum Amicorum: Tunc enim, Animus iis semper adest, ut stultitiæ suæ poenitere non videantur.

IX.

De INVIDIA.

EX *Affectibus*, nulli sunt, qui existimantur *fascinare*, præter *Amorem*, & *Invidiam*. Uterque acria progignit Desideria; Uterque se perniciter efformat in phantasias, & Suggestiones; Atque uterque facile incendit in Oculos; (Præcipue quando Objectum adest;) Quæ omnia ad *Fascinationem* faciunt; Si modò *Fascinatio* aliqua sit. Videmus etiam, *Scripturam*, *Invidiam*, *Oculi mali* nomine, insignire; Atque Astrologos, malos Astrorum Influxus, *Malignos Aspectus*, vocare. Ita ut, agnosci ab omnibus videatur, in *Invidiâ*, ejusque Operatione, Ejaculatio quædam, & Irradiatio ex *Oculis*. Quin & nonnulli, tam extiterunt Curiosi, ut notaverint Tempora, quibus Ictus & Percussio *Oculi Invidi*, plurimum obest, tum præcipue esse, cum Persona, in quam *Invidia* torquetur, spectatur in Gloriâ, & Triumpho: Etenim hoc Mucronem *Invidiæ* acuit; Atque insuper illis temporibus, Spiritus Personæ invisæ prodeunt maximè in Exteriora, unde Ictui occurrunt.

Verum, missis istis Rebus Curiosis, (licet non indignis, quæ in considerationem veniant, sed loco idoneo,) tractabimus hæc tria: *Qui sint ad Invidendum maximè proclives; Qui sint Invidiæ maximè obnoxii; Et quæ sit Differentia inter Invidiam Publicam, & Privatam.* Qui virtutis ipse expers est, *invidet* virtuti alterius. Etenim Animi Hominum, se pascunt, & delectantur, aut Bono proprio, aut Malo alieno; Quisque primo Alimento caret, satiabit se secundo; Et qui nullo modo sperat se ad virtutem alterius pervenire posse, ipse Fortunam ejus libenter deprimit, ut minor intercedat Disparitas.

Vir Curiosus, & se alienis Rebus immiscens, ut plurimum, *invidus* est. Etenim, de Rebus alienis multum inquirere, neuti quàm eò spectare possit, quod operosa illa Sedulitas suis Rebus conducatur : Itaque fieri non potest, quin hujusmodi *Vir*, Scenicam quandam voluptatem capiat, aliorum Fortunas spectandi : Neque, qui rebus propriis tantum intentus est, Segetem *Invidiæ* multam reperiet. *Invidia* enim Passio est Cur sitans, & Plateas terit, nec Domi se continet, *Non est Curiosus, quin idem sit Malevolus*.

Viri Natalibus Nobiles, *Invidiæ*, erga Novos Homines, Notam subcunt. Etenim mutatur Intervallum. Et simile est hoc Deceptioni visus; Cum res retrocedere videantur, aliis se promoventibus.

Deformes, & *Eunuchi*, & *Senes*, & *Spurii*, *Invidi* sunt. Etenim, qui Conditionem suam, emendare nullo modo potest; Conditionem alterius, pro Viribus suis labefactabit. Nisi fortè hi Defectus, in Generosa, & Heroica Ingenia, inciderint, quæ Defectus proprios Naturales, in Honoris sui Incrementum, vertere nitantur; Scilicet, ut Fama hoc arripiat, *Eunuchum*, aut *Clandum*, tam Magna perpetrassè; Miraculi nimirum Honore affectato. Id quod evenit, *Narsèti Eunuchò*, & *Agésilao*, atque *Tamberlani*, qui *Claudi* fuerunt.

Eadem ferè Ratio est Hominum, qui à *Calamitatibus* resurgunt. Sunt enim plerumque Temporibus infensi; Atque alienas Calamitates, tanquam suarum Molestiarum Redemptiones, gulant.

Qui in plurimis excellere contendunt, levitate, & Gloriâ vanâ moti, necesse est ut sint *Invidi*. Ubique enim occurrunt Objecta *Invidiæ*: Cum fieri nequeat, quin aliqui, in tot Rebus Illos superent. Qui fuit Character, *Imperatoris Adriani*, qui Poetas & Pictores, & Opifices alios, in iis scilicet Operibus, quibus ipse præcellere gestiebat, Capitali quadam Invidiâ prosequabatur.

Postremò *Propinqui*, & *Collegæ*, & *unà Educati*, ad *Invidendum* æqualibus, cum evehuntur, proni sunt. Etenim, exprobrat hoc illis Fortunam Propriam, eosque quasi Digito monstrat, & frequenter eorum Memoriam vellicat; Quinetiam in aliorum notam hæc Fortunæ Collatio magis incurrit: *Invidia* autem, à Famâ & Sermonibus, semper reflectitur, & conduplicatur. Unde *Invidia Cainis* erga Fratrem *Abelem* malignior fuit, quia cum Sacrificium *Abelis* magis acceptum Deo fuit, Nemo inspexit. Atque hæc de iis, qui ad *Invidendum* proclives sunt.

Quantum ad illos, qui *Invidiæ*, magis aut minùs obnoxii sunt; Primò, iis, qui eminente Virtute præditi sunt, minùs invidetur, cum promoventur: Promotio enim eorum, videtur ex Debito; Debiti autem Solutioni Nemo invidet, sed Largitioni supra Meritum. Atque etià, *Invidia*, non sine Comparatione est; Ubi autem, nullus Comparationis Gradus, nulla *Invidia*; Itaque *Regibus* non invidetur, nisi à *Regibus*. Illud tamen observatione dignum est, Personis indignis, sub primum Honoris sui Ascensum, maximè invideri; postea verò minùs; ubi contrà, Personæ dignæ, & Meritis insignes, *Invidiam* tum demùm experiuntur, postquam Fortunæ eorum diutius duraverint. Etenim, licet Virtus eorum eadem maneat, tamen minùs fit illustris: Recentes enim oboriantur Homines, quicquam obcurant.

Nobiles

Nobiles Genere, minùs *Invidiæ* expositi sunt, cum Honoribus cumulantur : Etenim nihil aliud videtur, quàm Debitum Majoribus suis repensum : Præterea, paràm Fortune eorum additum videtur ; *Invidia* autem, more Radiorum Solis, in Clivo ardentior est, quàm in plano. Itaque eandem ob causam, qui per *Gradus* evolvuntur, minorem subeunt *Invidiam*, quàm qui per *Saltum*.

Qui cum Honoribus suis conjunctos habent *Labores magnos*, *Curas*, & *Pericula*, *Invidiâ* minùs laborant. Etenim, existimant Homines, eos, Honores suos, caro pretio emere, & misereri potius ipsorum nonnunquam incipiunt : Misericordia autem semper ferè sanat *Invidiam*. Itaque notabis plerunque, ex Viris Politicis, & Honore fulgentibus, magis sanos & sobrios, semper Querimonias fundere, qualem vitam traducunt ; Canentes illud, *Quanta patimur* ; Non quod ita sentiant, sed quò *Invidiæ* Aciem retundant. Verùm hoc intelligi debet, de Negotiis, quæ hujusmodi viris imponuntur, non de iis quæ ipsi ad se attrahunt. Nihil enim *Invidiam* magis suscitât, quàm Ambitiosum & Immodicum Negotiorum Monopolium : Nihilque è converso, *Invidiam* extinguit magis, quàm si quis in summis Honoribus constitutus, aliis Officiariis inferioribus, nihil detrahat. Hoc enim modo, quot illi Ministri sunt, tot se tegit Umbraculis ab *Invidiâ*.

Super omnia, illi *Invidiam* in se concitant maximè, qui Fortunarum suarum Amplitudinem, insolenter & tumide ostentant ; Nunquam sibi placentes, nisi dum Potentiam suam jactent, vel per Pompam exteriorem, vel triumphando de Adversariis, aut Competitoribus suis dejectis : ubi contrà, Viri prudentes, sacrificare quandoque *Invidiæ* ament, de Industriâ interdum permittentes se vinci, in Rebus, quæ minùs eis cordi sunt. Nihilominus, illud verum est, Potentiæ Ostentationem apertam, & indissimulatam, (modò absit Arrogantia & Gloria inanis,) minore *Invidiâ* laborare, quàm si callidè & quasi furtim se notæ subtrahat. Etenim, hoc cum fit, nihil aliud facit quis, quàm ut Fortunam insimulet, quasi ipse sibi esset conscius Indignitatis suæ ; unde alios, ad sibi *Invidendum* stimulat.

Postremo, ut huic Parti finem imponamus ; Quemadmodum in principio diximus, *Invidiæ* Actum aliquid habere in se ex *Veneficio* ; Ita non alia est *Invidiæ* Curatio, quam quæ solet esse *Veneficii*, & *Incantationis* : Hoc est, *Sortis Translatio*, (ut vocant,) & in alium *Remotio*. Ad quem finem, prudentiores ex Honoratis, semper in Scenam introducunt aliquem, in quem *Invidiam*, in se aliàs incursum, derivent : Quandoque in Ministros & Servos, quandoque in Collegas & Spicios ; Aut in alios quosdam eam rejicientes. Neque, ad hunc usum, unquam defunt Personæ aliquæ violentæ, & temerariæ ; quæ, modò potentiam & Negotia agitent, ea quovis periculo mercari non dubitent.

Jam verò, ut de *Publicâ Invidiâ* loquamur. Ea saltè aliquid in se habet Boni ; Ubi in *Privatâ Invidiâ*, nihil prorsus inest Boni. *Publica* enim *Invidia*, instar salubris *Ostracismi* est, qui viros magnos, supra Modum excrecentes, coercet ; unde etiam Frano est viris præpotentibus, ne se nimium efferant.

Hæc *Invidia*, quæ *Mali Contentatio*, Modernis Linguis appellatur, (et

(& in Titulo de Seditionibus plenius tractabitur,) Est in *Regnis* & *Rebuspub.* *Contagioni* non absimilis. Etenim sicut *Contagio* in sanas partes serpit, easque corrumpit; Ita etiam, quando *Invidia* statum occupaverit, vel optima Reip. Mandata & Instituta, in Odium vertit, & Graveolentiam quandam. Itaque, parum proficitur intermiscendo Actiones gratas & populares, odiosis; Etenim, hoc ipsum, Imbecillitatem, & *Invidia* Metum arguit; Quæ tantò magis nocet; Ut sit etiam in *Contagionibus*, quæ, si tibi ab iis metuas, faciliùs irruunt.

Ac publica ista *Invidia*, magis in *Regum* Officiarios, & Ministros involat, quam in *Reges* ipsos. Attamen ecce Regulam quæ vix fallit; Si *Invidia*, quæ Ministro incumbit, sit magna, causâ autem parva; Aut si *Invidia* quasi generalis sit, & omnes Statûs Ministros complectatur, tunc *Invidia*, (etsi occultò,) *Regem*, aut *Statum* ipsum, petit. Atque hæc dicta sint, de *Publicâ Invidiâ*, aut *Contentatione malâ*; atque de ejus Differentiâ ab *Invidiâ privatâ*, quam priore loco tractavimus.

Addemus etiam, in genere, de Affectu *Invidiæ*, hoc insuper; eum, inter omnes *Affectus* esse maximè importunum, & assiduum. Etenim, aliis *Affectibus* excitandis subinde præbetur occasio; Rectè autem dictum est; *Invidiam Festos Dies non agere*; Quia semper Materiam se exercendi reperit. Unde etiam observatum est, *Amorem* & *Invidiam*, Maciem Hominibus inducere; Id quod alii *Affectus* non faciunt, quoniam non continui sunt. Est etiam *Invidia Affectuum* vilissimus & pravissimus: Quam ob Causam proprium est Attributum *Diaboli*; Qui dicitur; *Invidus Homo*: *Qui Lizanias inter Triticum, nocte seminavit*: Quemadmodum etiam semper evenit, ut *Invidia* callidè, & in Tenebris operetur, ad præjudicium cujusvis rei optimæ, veluti *Tritici*.

X.

De AMORE.

AMori plus debet Scena, quam Vita. Etenim in Scenâ, *Amor* semper Comœdiæ præbet Argumentum; Quandoque etiam & Tragoediæ; At in Vitâ Humanâ, multum plerumque affert Nocumenti; Nunc ut *Syrenum* aliqua, aliquandò ut *Furiarum*. Observare licet, Neminem ex Viris Magnis & Illustribus fuisse (quorum extat Memoria, vel Antiqua, vel Recens,) qui adactus fuerit, ad insanum illum Gradum *Amoris*. Unde constat, Animos magnos, & Negotia magna, infirmam hanc *Passionem*, non admittere. Excipere tamen oportet, *Marcum Antonium*, Imperii *Romani* Duumvirum; & *Appium Claudium*, Decemvirum, Legislatorum inter *Romanos* Principem. Quorum prior fuit reverà Homo Luxuriosus, & Voluptatibus deditus; Alter autem Vir fuit Prudens & Austerus. Unde quivis perspiciat, *Amorem*, (quanquam rariùs,) Aditum reperire posse, non solum in Cor apertum, sed & benè munitum, si diligenti Custodiâ non

non aservetur. Abiectum quidem, & pusillanimum, est illud *Epicuri* dictum; *Satis magnum Alter Alteri Theatrum sumus*: Quasi Homo natus ad Contemplationem Cœli, & Cœlestium, Idolum adorans ininitum satageret, se submittendo, si non Ori, ut Bruta, Oculo tamen; certè ad Altiora contemplanda dato. Mira res videbitur, si *Passionis* hujus Excessum perpendamus, ac quomodò ipsi Rerum Naturæ, & valori vero insultet, vel hoc ipso, quod Hyperbole Perpetua, nulli Rei conveniat, præterquàm *Amori*. Neque hæc Hyperbole solummodò, in Locutionis Phrasi cernitur: Cum enim verissimè dictum sit, Adulatorum Principem, quocum ceteri Adulatores Minores conspirant, esse unumquemque sibi ipsi; Profectò *Amator* aliquid amplius est. Nunquàm enim fuit quisquis adeò superbus, qui seipsum tam absurdè magnificerit, quam *Amator* Personam amatam. Rectè itaque receptum est illud Diverbium; *Amare, & Sapere, vix Deo conceditur*. Neque aliis tantummodò manifesta est hæc Phrenesis, *Persona* autem *Amata* minimè; sed & *Amata* petissimùm, nisi *Amor* sit reciprocus. Certissimum enim est, *Amorem* semper rependi, aut *Amore* mutuo, aut *Contemptu* intrinseco, & secreto. Quò magis cavendum est Hominibus, ab hac *Passione*; quæ non solum alias res perdit, sed & seipsam. Quæ alia infert Damna, bellè illa Exprimit *Poetarum* Fabula: *Eum scilicet, qui Helenam prætulit, Junonis Dona, & Palladis, amisisse*. Quisquis enim *Amatoriis Affectibus* nimis indulget, & Divitiis, & Sapientiæ, Nuncium remittit. Habet hæc *Passio* Aestus suos, in ipsis Temporibus, quibus Animus maxime mollis est, & infirmus; Nimirum in Rebus Prosperis, aut Adversis: Quanquàm hoc posterius minus forsàn observatum fuerit. Utraque enim Tempestas *Amorem* accendit, redditque flagrantiorè; unde evincitur esse Stultitiæ Proles. Optime illi, qui si *Amores* omninò nequeant extrudere, eos tamen in Ordinem redigunt; Et à Rebus seriis, vitæque Negotiis, segregant. Si enim illis *Amor* se immisceat, turbat Omnia, Hominesque eò compellit, ut Fines suos rectè petere non possint. Quicquid in re sit. viri Militares *Amoribus* dediti sunt: Opinor, non aliter, quam Vino. Poscunt enim plerumque Pericula compensationem voluptariam. Inest Ingènio humano, Motus quidam arcanus, & tacita Inclination, in *Amorem* aliorum: Qui si non insumatur, in unum, vel paucos, naturalitèr se diffundit in plures; Atque Homines reddit Humanos, & Charitativos: Quemadmodum videre licet nonnunquàm in *Monachis*. *Amor Conjugal* Genus Humanum creat; *Amor Socialis* perficit; *Amor* vero *Lascivus* inficit, & dehonestat.

Q

De

XI.

De MAGISTRATIBUS & DIGNITATIBUS.

Viri in *Magistratu* collocati, ter Servi: Servi Principis vel Politicæ; Servi Famæ; & Servi Negotiorum. Aded ut Libertate nequitiam fruantur; nec in Personis; nec in Actionibus; nec in Temporibus suis. Mirum Cupiditatis Genus, Potestatem appetere, Libertatem amittere: vel Potestatem in alios ambire, Potestatem in seipsum exuere: Ascensus ad *Dignitates* arduus est; Et per Labores pervenitur ad Labores majores: Sæpè quoque *Indignitatibus* non vacat; Atque per *Indignitates* pervenitur ad *Dignitates*. Statio in *Dignitatibus* res lubrica est; Atque regressus, aut precipitium est; aut saltem Eclipsis; Quæ & ipsa triste quiddam, & Melancholicum. *Cum non sis qui fueris, non esse cur velis vivere.* Imò nec regredi datur, etiam si quis cupiat; Neque regredi volunt Homines, cum ratio postulat ut id facerent; Verum Impatientes manent vitæ privatæ; etiam cum Senectus, aut Infirmitas ingruit; Quæ umbram & Otium postulant, Sicut Oppidani Senes, qui ante Ostium sedere volunt, licet se eo pacto derisui exponant. Sanè, Viris in *Magistratibus* positis, opus est, ut aliorum Opiniones mutuentur, quò seipsum beatos putent; Nam si judicent ex sensu proprio, nihil hujusmodi reperient: Verum, quando secum cogitent quid alii de ipsis sentiant, & quam libenter alii Conditiones cum illis permutare vellent, tum demum beati sunt, tanquam rumore tenus: Cum intus fortassè cōtrarium experiantur. Siquidem Dolores suos primi omnium sentiunt, licet Culpas suas omnium novissimi. Certè *Viri Potestatibus sublimes*, ipsi sibi ignoti sunt; Et dum Negotiis distrahuntur, tempore carent, quo Sanitati, aut Corporis, aut Animæ suæ, consulant;

*Illi Mors gravis incubat,
Qui notus nimis omnibus,
Ignotus moritur sibi.*

In *Potestatibus*, Licentia magna datur, & Boni, & Mali: Quorum posterius pro Malédictione habendum; In Malis enim, optima Conditiō est, nolle, proxima, non posse. Certè Potentia Bene-merendi, verus est & legitimus Ambitionis Finis. Etenim bene cogitare, licet Deo acceptum sit, tamen versus Homines non multò melius est, quàm benè somniare, nisi in actum producat. Id autem fieri non potest, sine *Munere* aliquo publico & *Potestate*; veluti Solo superiore & elevato. Merita & Opera bona, sunt veri Fines Laborum Hominis; Atque eorundem Conscientia Perfectio humanæ Quietis. *Et conversus Deus, ut aspiceret Opera, quæ fecerunt manus suæ, vidit quòd omnia essent bona nimis: Tum sequitur Sabbatum.* In *Munere* tuo perfungendo, propone tibi Exempla optima; Imitatio enim Globus est præceptorum: Et post tempus aliquod propone tibi Exemplum proprium; Atque in teipsum strictè inquiras, num non melius inceperis, quàm

quàm perſiteris. Neque rursùs Exempla eorum negligas, qui eodem *Munere* praviter functi ſunt; Non ut teipſum, eorum Memoriam carpendo, vendites; Sed ut monearis, quid evitare debeas. Inſtitue igitur Reformationem, ſed abſque Elatione Tui-ipſius, aut Scandalo priorum Temporum, & Perſonarum; Hoc tamen tibi conſtitutum ſit, Exempla præclara non minùs introducere, quàm imitari. Retrahe Res ad primam earum Inſtitutionem; Et circumſpicias, in quibus, & quibus modis, degeneraverint. Attamen utrumque tempus conſulas; Tum antiquius, ut cognoscas quid optimum fuerit; Tum recentius, ut notes, quid fuerit aptiſſimum. Contende, ut quæ agis pro *Poteſtate*, tanquam Regulis quibuſdam cohibeantur; ut Homini- bus tanquam digito monſtres, quid illis ſit expectandum: Neque tamen nimium ſis pertinax, aut peremptorius: Atque ſemper cùm à Regulâ reſceſſeris, quid ſit quod agas, diligenter expone. *Muneris* tui Jura conſtanter tueare; Neque propterea Lites de Jurisdictione facile move: Atque ita te geras, ut potiùs Jura tua aſſumas & exerceas tacitè, & de facto, quàm ut Quæſtiones de iis cum ſtrepitu ſuſcites, & agites. Jura etiam inferiorum *Munerationum*, tibi ſubordinatorum, defende, ac ne deſtitue: Tibique majori Honori ducas Rerum ſummas præſcribere, quàm in omnibus ſatagere. Amplectere, imò invita, qui tibi Adjumento ſint & Informationi, ad *Muneris* tui Executionem; Neque abige eos, qui operam ſuam ad hoc tibi deferunt, tanquàm ſe ingerentes; ſed potiùs cùm favore eos allicias, & recipias.

Vitia in Auctoritate utendâ, & exercendâ, ſunt præcipuè quatuor. *Moranitia*, *Corruptela*; *Aſperitas*; & *Facilitas*. Quantum ad *Moras*, Faciles Aditus præbe; Tempora præſtituta ſerva; Inchoatâ quæ ſunt perſice; Neque Negotia nova intermiſce, niſi urgeat Neceſſitas. Quantum ad *Corruptelas*: Non ſolùm Manus tui-ipſius, & tuorum liga, ne Munera accipiantur; Sed etiàm Manus Supplicantium, ne ea offerantur. Prius horum præſtat certè Integritas adhibita; verùm ea ipſa prædicata, & ex profeſſo, idque cum deteſtatione *Corruptelarum*, etiam poſterius aſſequitur. Neque tantùm Cul- pam, verùm etiam Suſpicionem evita. Quicumque mutabiles ſunt, & manifeſtò alterantur abſque cauſâ manifeſtâ, injiciunt ſuſpicionem de *Corruptelis*. Itaque, perpetuò, cùm ab Opinione tuâ quam declaravi, aut proceſſu quem incepivi, deſectas, ingenuè hoc ipſum profiteri; Simul & Cauſas quæ te ad hoc commoverunt ſedulò declares & inculces; neque rem ſuffurari te poſſe credas. Servus gratioſus, & apud Dominum potens, ſi non extet aliqua Favoris Cauſa manifeſta, reputatur plerumque nihil aliud quam Via obliqua ad *Corruptelas*. Quantum ad *Aſperitatem*; Invidiam, & Malevolentiam parit illa, nihil inde metens: *Severitas* ſiquidem metum incutit, *Aſperitas* Odium parit. Etiam Reprehenſiones de loco ſuperiore, graves eſſe debent, non contumelioſæ. Quantum ad *Facilitatem*: Ea *Corruptelis* etiam deterior eſt: *Corruptelæ* enim interdum & ſubinde tentantur; Quod ſi quis Importunitati pateat, aut Reſpectibus levioribus ducatur, hæc ei ubique aderint. Sicut ait *Salomon*; *Perſonas reſpicere non eſt bonum*; *Talis enim offendet pro Buccellâ Panis*.

Verissimum sanè, quod à veteribus dictum est; *Magistratus virum indicat*. Alios autem indicat in melius, alios in pejus: *Omnium consensu capax Imperii, nisi imperasset*; inquit *Tacitus* de *Galba*: *Contrà de Vespasiano idem*; *Solus Imperantium Vespasianus mutatus in melius*. Licet alterum intelligat *Tacitus* de *Arte Imperatoriâ*, alterum de *Moribus & Affectibus*. Signum est luculentissimum *Indolis generosæ*, si quis *Honoribus* emendetur. Est enim *Honor*, aut saltem esse debet, *Locus Virtutis*: Atque quemadmodum in *Natura*, *Corpora* moventur rapidè ad *Locum* placidè in *loco*: Ita *virtus* in *Ambitu* violentior est, in *Honore* adepto sedatior. *Ascensus* omnis ad *Dignitatum Fastigium*, incedit tanquam per *Scalam* *Graduum* flexuosam; Atque, si *Factiones* valeant, bonum fuerit, alteri parti adherere, dum quis *Honorem* scandat: At se ad *Aequilibrium* reducere, postquam eundem fuerit consecutus. *Memoriam Prædecessoris* tui illæsam conserva. Hoc si non feceris, *Debitum* tibi hoc à *Sucessore* tuo rependetur. *Collegas* etiàm amicæ tracta, & potiùs advoca cùm illud minimè expectent, quàm excludere, cùm consentaneum fuerit eos advocari. Ne sis *Loci* tui nimis memor, aut crebram de eo mentionem facias, in quòtidianis sermonibus, aut conversatione privatâ; sed potiùs prædicetur de te; *Alius prorsus vir est, cum sedet, & munus suum exercet*.

XII.

De AUDACIA.

IN Scholis tritum est *Dicerium*, nec tamen *Sapientis Observatione* indignum. Interrogatus olim *Demosthenes*, quanam prima *Oratoris* virtus? Respondit, *Actio*. Quæ Secunda? *Actio*. Quæ Tertia? Itidè respondit, *Actio*. Ipse dixit, qui *Rem* optimè noverat; nec tamen in eo, quòd laudabat, multum *Naturæ* debebat. Mira certè *Rēs*, illam *Oratoris* Partem, quæ non ultra *Corticem* penetrat; Et *Histrionis* potiùs *Virtus* censenda est, quam *Oratoris*; In *locum* tam sublimem, supra *Nobiliore*s illas partes, *Inventionis*, *Elocutionis*, & cæterarum, extolli; Imò quasi omne tulisset punctum, penè solam prædicari? Sed in promptu *Ratio* est: Inest enim *Naturæ Humanæ*, plerunque, plus stulti, quàm *Sapientis*. Unde & facultates eæ, quibus capitur *Pars* illa in *Animis Mortalium* Stulta, sunt omnium potentissimæ. Huic mirè convenit, & quasi parallela est, *Audacia* in *Negotiis Civilibus*. Quid in istis *Primum*? *Audacia*. Quid *Secundum*? Quid *Terrium*? *Audacia*. Atamen utcunque *Ignorantiæ*, & *Sordidi Ingenii*, Proles est *Audacia*; cæterisque *Civilis Scientiæ* Partibus longè impar. Sed nihilominus fascinat, & Captivos ducit eos, qui vel *Judicio infirmi* sunt, vel *Animo timidiore*s: Tales autem sunt *Hominum* *Pars* maxima. Quin & *Sapientibus* ipsis, cùm *Animis* vacillent, vim injicit. Idcirco videmus *Audaciam*, in *Democratiis*, plurimùm valuisse; Apud *Senatores* verò, & *Principes*, certe minùs. Imò quandò primò *Rebus* gerendis admoventur *Audaces*; plus possunt, quam postea: Nam malè *Pollicita* præstat *Audacia*. Sanè quemadmodum interveniunt *Agyrtæ*, qui

qui Corpori Naturali mederi profitentur; sic & Corpori Politico non defunt Homines, qui Curationes vel difficillimas suscipient; Quibus forsàn in paucis aliquibus Experimentis feliciter successit, sed cùm Scientiæ principia non gustarint, sæpiùs excidunt. Imò videre est nonnunquàm Hominem *Audacem*, Miraculum illud *Mahometis* edentem. Populo persuasit *Mahometes*, Se Collem ad semet evocaturum: Atque à firmo Ejus Jugo, Preces pro Legis suæ Cultoribus, oblaturum. Populus magnâ frequentiâ convenit: Collem, ut ad se veniret, iterumque iterumq; vocavit *Mahometes*; Sed cùm Collis immotus maneret, ille (nihil omninò pudefactus,) inquit; *Si Collis ad Mahometem accedere nolit, ad Collem ibit Mahometes*. Sic & istiusmodi Homines, quando Ingentia quædam in se susceperunt, turpissimèque in iis defecerunt, tamen (si ad ipsum *Audaciæ* Culmen pervenerunt,) Lusu rem excipient, & se vertent, & nihil aliud. Hominibus profectò magno Judicio præditis, ludibrio sunt *Audaces*; Imò & apud ipsum Vulgus *Audacia* aliquid habet Ridiculi. Nam si Risus Objectum sit Absurditas, ne dubites, quin magna *Audacia* semper secum habeat aliquid Ridiculi. Neque ferè jucundius est Spectaculum, quam videre in *Audace* Oris Confusionem: Vultum enim tunc nanciscitur in se reductum, sed deformitèr. Nec alitèr fieri potest. Nam in verecundantibus fluunt paulatim, refluuntque Spiritus; Sed *Audaces*, quando tale quidpiam illis contingit, attoniti hærent; ut sit in *Schacciæ* Ludo, quando non vincitur Collusor, sed torpet tantum Motus. Atqui hoc postremum, Satyræ aptius, quam Seriæ Observationi. Illud verò animadvertendum, *Audaciam* semper cæcam esse. Discrimina enim & Obstacula nulla videt: Quare in Deliberando nocet, in Exequendo juvat. Adeò ut, si *Audaces* tutò adhibere velis, Summum illis Imperium non deferas; Secundæ Classi annumerentur, & ab aliis regantur. Nam in Consiliis capiendis, pericula ante oculos habere bonum est; In Executione autem, oculos claudere oportet, nisi Pericula valdè magna fuerint.

XIII.

De BONITATE, & BONITATE NATIVA.

Bonitatem eo sensu accipio, ut sit affectus, qui Hominum Com-
moda studeat, & benè velit: Quam eandem Græci *Philanthropiam* vocant. *Humanitatis* autem Vocabulum, (prout Vulgus eâ utitur) levius aliquantò est, atque angustius, quam ut vim ejus exprimat. *Bonitatem* scilicet appello Affectum, & Habitum; *Bonitatem* autem *Nativam*, Inclinationem. *Bonitas* verò inter omnes Virtutes, atque Animi Dignitates, facillè primas obtinet; cùm sit ipsius *Divinæ Naturæ*, adumbrata quædam Effigies, & Character: Quà è Rebus sublatâ, *Homo Animalis* nihil aliud fuerit, quam Res Inquieta, Scelestâ, Misera; imò Species quædam noxiorum Vermium. *Bonitas Moralís*, Virtuti illi Theologicæ, *Charitati*, respondet; Neque Excessum quidem capit, Aberrationem autem patitur. Immodica po-

tentiæ Cupiditas Angelos Cœlo deturbavit; Immodica Scientiæ Cupiditas Hominem Paradiso expulit: At in Charitate non datur excessus, neque per eam aut Angelus, aut Homo, unquam periculum subire possit. Inclinatio autem ad *Bonitatem*, altis defixa Radicibus, Naturæ Humanæ insidet; Quæ si Benefaciendi Materiâ, aut Occasione, destituta, non inveniat, quo se exerceat in Homines, deflectet certè in Brutæ Animantes. Quod in *Turcis*, Gente utique savâ & ferâ, videre est: Qui nihilominus erga Bruta Animalia misericordes sunt, & Eleemosynas Canibus & Avibus distribuunt. Adeò ut, (referente *Busbequio*,) *Aurifex* quidam *Venetus*, *Byzantii* agens, vix furorem Populi effugerit, quod Avis cujusdam, Rostri oblongi, Fauces, inserto Baculo, diduxisset. Neque tamen Erroribus suis vacat, *Bonitatis* hæc, & *Charitatis*, Virtus. Nequam apud *Italos* jactatur Proverbium; *Tanto Buon, Cheval niente. Adeò Bonus, ut ad nihil Bonus.* Neque subveritus est *Nicholaus Macciavellius*, literis concredere, idque disertis ferè verbis; *Fidem Christianam, Homines Probos & innocentes, in prædam Tyrannorum Iniquitari dedisse.* Quod ideò pronunciavit, quia nulla usquam Lex, nulla secta aut Opinio, tam in immensum extulit *Bonitatem*, quam *Religio Christiana*. Quo melius itaque, extra Scandali, adeoque periculi Ictum & Minas, tuti consistamus, operæ precium erit nosse *Errores*, qui nos à recto tam insignis Habitûs tramite, transvorsos agant. Ita aliorum *Bono* studeas, ne te illorum intereâ, aut Vultibus, aut Voluntatibus, mancipio dedas. Illud enim *Facilitatis*, atque *Mollitiei* indicium est, quæ honestam Mentem in vincula Captivam abducit. Neque projicias *Aesopi* Gallo Gemmam, cui gratius & felicius cederet Granum Hordei. *Dei* Exemplum, in hac re, pro *Præcepto* tibi sit. *Ille Pluviam suâ rigat, Sole suo irradiat, Justos juxta ac Injustos:* Non tamen omnes ex æquo, aut Opum Imbre compluit, aut Honorum Virtutumve Splendore, illustrat. Communia quidem Beneficia cuivis sunt communicanda: Peculiaria verò paucis, & cum delectu. Cave autem, ne dum effigiem sculpas, Archetypum destruas. Theologia quippe, *Amorem Nostri ipsius* pro Archetypo statuit, *Amorem Proximi* pro Imitamento. *Vende omne quod habes, atque largire pauperibus, & sequere me.* At noli omne, quod habes, vendere, nisi venias, & sequaris me: Hoc est, nisi ejusmodi vitæ Institutum ingrediaris, in quo, æquè ex parvis opibus, ac ex magnis, poteris aliis benefacere. Secus, dum Rivos alis, Fontem exhauris. Neque intereâ Habitus tantum *Bonitatis* reperitur ad rectæ Rationis Normam applicatus, sed etiâ in quibusdam Hominibus reperitur *Indoles Naturalis*, ad eam propensa: Uti econtra in aliis *Naturalis* quædam *Malignitas*. Sunt enim, qui ex Ingenii proprii Instinctu aversentur aliorum Bonum. Et levius quidem *Malignitatis* Genus, in Morositatem cedit, aut perversitatem, aut præcipitem opponendi, & se in singulis difficilem præbendi, Libidinem, & similia: Gravius tamen illud, atque altius, ad Invidiam producit, merâque *Malitiam*. Hujusmodi Homines in alienis Calamitatibus ferè florent, easque semper aggravant: Non digni certè, qui conferantur *Canibus* illis, qui *Lazari* delingebant Ulcera; sed *Muscis*, quæ cruda quæque & excoriata infestant. Non paucos reperias *Misanthropos*, quibus Volupe est deducere Homines ad suspendii Ramum,

neque

neque tamen Arborem habent in Hortis suis, qualem *Timon* habuit. Ingenia ita disposita, non injuriâ vocare licet, Humanæ Naturæ Vomicas, & Carcinomata. Sunt tamen hæc Ligna accommodatissima, è quibus fiant *Mercurii Politici*; Similia Lignis incurvis, quæ benè Navigiis extruendis conveniunt, Jactationi destinatis, non autem Ædibus, quæ immotæ manent. Partes autem, & Indicia Bonitatis sunt plurima. Si quis se erga Hospites & Peregrinos benignum humanumque præbeat, arguit se *Mundi Civem*, sibi que Cor esse, non instar Insulæ, cæteris Terris avulsæ, sed Continentis, quæ illis conjungitur: Si compatiatur Afflictis, nobilitat sua Præcordia, quæ non secus atque celebrata illa Arbor, per sua Vulnera, *Balsamum* exudat. Si facilis offensas remiserit, & Delictorum gratiam fecerit, Mentem indicat in alto positam esse, supra Injuriarum Jactum & Tela. Si pro modicis Beneficiis gratum se exhibeat, argumento est, pluris se æstimare Hominum Animos, quàm Sarcinas. Supra omnia, si supremum illum, *Sancti Pauli Apostoli*, Perfectionis Fastigium sit consecutus, ut devoteat se; atque anathematizet à *Christo*, propter Salutem Fratrum, indicio est, proximè illum accedere ad *Naturam divinam*, & quodammodo *Christo ipsi conformari*.

XIV.

DE NOBILITATE.

DE Nobilitate primùm agamus, ut est Portio Reipublicæ; Deinde ut est Conditio Hominum Particularium. *Monarchia*, in quâ nulli prorsus *Nobiles*, semper pura est & absoluta *Tyrannis*: Cujusmodi est *Imperium Turcicum*. Dignitatem enim Regalem diluit Nobilitas, & Vulgi Oculos à *Prosapiâ Regiâ* aliquantulum avocat. In *Democratia* verò, Proceres interdum non desiderantur: Imò Status ille Popularis multò pacatior est, atque minùs Factionibus & Turbis obnoxius, ubi non sunt *Stirpes Nobilium*: Illic enim in Res ipsas Oculi Hominum conjiciuntur, non in Personas; vel si omninò in Personas, id fit, tanquàm in maximè idoneas Rebus gerendis, minimè verò ut ratio habeatur Insignium, aut Imaginum. *Helvetiorum* Rempublicam satis florentem videmus, licèt Religionis Pagorumque Diversitas ob stare videatur. Utilitas enim apud illos valet, non Dignitas. Illa Gubernandi Forma, quâ Confederatæ *Belgarum* Provinciæ utuntur, certè eminet: Ubi enim Paritas admittitur, ibi & Consilia inveniuntur, quabilius, & Tributa penduntur alacrius. *Nobilium* Potentia & Auctoritas in *Monarchiâ*, Principi ipsi impertit splendorem, sed Potestatem imminuit; Populi verò Animos augeat, Fortunas illorum deprimit. Benè se re habet, cum *Nobiles* non sint Potentiores, quàm aut Imperii aut Justitiæ Ratio postulat: In eo tamen Dignitatis Gradu sustineantur, ut Insolentia Popularis illorum Reverentiâ, tanquàm Obice, rerundatur, antequàm in *Regalem Majestatem* se effundat. Rursum, numerosa Nobilitas, quæ plerunque minùs potens est, Statum prorsus

sus depauperat : Hinc enim profusæ Expensæ : Atque insuper, cū necesse sit, tractu Temporis, Complures ex *Nobilibus* indigos fieri, sequitur Divortium quoddam, sive malum Temperamentum, inter Honores & Pecunias.

Quod verò ad *Nobilitatem* spectat in Personis particularibus : Venerationem certè habet, videre Castellum, aut Ædificium antiquum; quod nulla ruina invalit ; Aut etiam annosam & proceram Arborem solidam & integram : Quantò magis intueri antiquam *Nobilem Prosapiam*, à Fluctibus, & Procellis Temporis, Illæsam. *Nobilitas* enim Nova *Regiæ* Potentiæ Opus est, Antiqua verò Temporis solius. Qui ad *Nobilitatis* Fastigium primi evehuntur, Virtutum Claritudine plerunque Posteris eminent, sed Innocentiâ minimè. Ad *Honores* enim rarò ascenditur, nisi per Mixturam bonarum & malarum Artium. Æquum verò est, ut Virtutum suarum Memoria, usque ad Posteris permanet ; Vitiis verò unà cum ipsi moriatur : *Natalium* Splendor Industriam plerunque minuit ; Atque qui minùs est Industrius, alienæ invidet Diligentia. Ad quod accedit, quod non datur, quò possint ulterius *Nobiles* promoveri. Qui verò in eodem loco hæret, dum alii ascendunt, Invidiæ Stimulis vix carebit. Contrà, *Nobilitas* passivam Invidiam omninò lenit ; Eo quòd *Nobiles* in Honorum Possessione nati videntur. Sanè *Reges*, quibus *Nobiles* adsunt prudentes & capaces, Negotia sua molliùs fluere sentient, si eos potissimùm adhibeant : Etenim, erga hujusmodi *Proceres* Populus magis propendet, utpote natos quodammodò ad *Imperandum*.

XV:

De SEDITIŌIBUS & TURBIS.

Magni refert, ut *Pastores Populi* Prognostica Tempestatum Politicarum sciant ; Quæ tunc maximæ sunt, cū Res vergunt ad Æqualitatem ; Non secus ac Naturales Tempestates circa *Æquinoctia* invalescunt. Quemadmodum autem, sæpè videre est, Flatus Ventorum cavos, & veluti è longinquo ; Quin & similiter Maris Tumores occultos, ante Procellam ; Idem evenit ingrumentibus Procellis politicis.

— Ille etiam cecos instare Tumultus
Sæpè monet, Fraudesque, & operta tumescere Bella.

Famosi Libelli ; & Licentiosi & mordaces Sermones in Statu Scandalum, cū passim volitant, & increbrescunt ; Similiter novarum Rerum Rumores Mendaces, in Regiminis Dedecus, undique jactati, & avidè à Populo excepti ; Sunt certè inter Prognostica *Seditionum*. Quo stemmate deducta sit *Fama*, cū *Virgilius* depingeret, *Gigantam* Sororem eam esse ponit.

Illam Terra parens, irà irritata Deorum,
Extremam (ut perhibent) Cæo Encladoque Sororem
Progeniit. —

Quali

Quasi *Fame* fuissent *Seditiōum* präteritarum Reliquiæ; verum sunt illæ, non minùs, *Seditiōum* Futurarum præcurfatrices. Rectè tamen utcunque notatum est, inter *Seditiosos Tumultus*, & *Seditiosos Rumes*, nil aliud ferè interesse, nisi qualis est Discrepantia, inter Fratrem & Sororem, Masculum & Fœminam. Præsertim, si eò usque ingravescat Malum, ut Actiones statûs laudatissimæ, quæ meritò plausum Vulgi inererentur, & Populi studia conciliare deberent, in deteriorem partem traducantur, & fugillantur: Hoc enim Invidiæ Molem grandem demonstrat; ut rectè ait *Tacitus*; *Constatà magnà Invidià, seu benè seu malè gestapremunt.* Neque propterea sequitur, quod quia *Fame* istæ inter Turbarum Signa numerentur, idèò earum Suppressio severior, Remedium contra Turbas præstare intèlligeretur; Nam ut plurimum, contemptæ faciliùs evanescent, & Conatus sedulus eas coercendi, nihil aliud ferè efficit, quàm ut durent magis.

Item illud Genus Obsequii, in exequendis Jussis, de quo loquitur *Tacitus*, pro suspecto habendum: *Erant in officio, sed tamen qui malent Imperantium Mandata interpretari, quàm exequi.* Mandata discutere, detractare, Cavillationibus eluere, quid aliud sunt quàm Jugum jactare, & Inobedientiam tentare? Præsertim, ubi in istis Disputationibus circa Mandata, qui à parte Mandatorum stant, loquuntur timidè & molliusculè, qui autem adversantur, audaciùs & contumaciùs.

Etiam (ut benè notat *Macchiavellus*) cùm *Principes*, qui se pro Parentibus cœminibus gerere deberent, Factioni alicui se adjungunt, idem fit, ac cùm *Lemibus*, Inclinatione nimia in alterum Latus, evertitur. Hoc temporibus *Henrici Tertii Gallorum Regis*, confirmatum est. Ipse enim, à principio, in Ligam pro extirpandis Protestantibus, se recipi voluit: At paulò post, eadem Liga contra ipsum Regem vertit. Cùm enim Auctoritas *Principis* sit Causa, cujuspiam tanquàm Accessoria, & fortior insurgit aliqua Obligatio, quàm vinculum *Imperii*, Reges incipiunt de Possessione Auctoritatis suæ dejici.

Porrò cùm Discordiæ, & Duella, & Factiones, palàm & audacter se ostentant, indicio est Reverentiàm ergà *Principem* exui. Motus enim *Procerum*, debent esse sicut Motus *Planetarum*, sub primo Mobili, (juxta opinionem receptam,) qui rapidè quidè circumferuntur secundum Motum *primi Mobilis*, lenitè autem renituntur in Motu proprio. Quare si *Viri Primores & Nobiles*, propriis Motibus violenter rapiantur: & (ut scitè *Tacitus*) *Liberiùs quàm ut Imperantium meminissent*; Orbis perturbari manifestum est. Reverentia enim id ipsum est, quo *Reges* à Deo accinguntur, qui eam aliquando disrumpere minitatur; *Solvam Cingula Regum.*

Rursus, cùm aliqua ex quatuor *Imperii Columnis*, concutitur aut labefactetur, quæ sunt, *Religio, Justitia, Consilium, Opes*, tum Serenitas precibus imploranda est. Sed mittamus hæc *Prægnostica Seditiōum*, (circa quæ nihilominus intervenient nonnulla, quæ iis tractandis majorem Lucem præbere possint, in sequentibus,) & primò de *Materia Seditiōum*; postea de *eorum Causis & Flabellis*; ultimò de *Remediis* nonnihil dicamus.

Materiam Seditionum expendere res est consideratione dignissima. Tutissima enim via *Seditiones* evitandi, (si Tempora patiantur,) est, ut ipsam *Materiam* è medio tollamus. Si enim Fomes Flammæ paratus sit, Scintillæ, quæ incendium facient, ex quâ parte emicare possint, nemo facile dixerit. *Seditionum Materia* duplex est; *Magna Inopia*, & *Præsentium Rerum Tædium*. Certissimum est, tot esse pro Turbis Vota quot sunt Hominum Res attrita, & decocta Fortuna. Unde illa *Lucani* Observatio, de statu *Imperii Romani*, paulò ante *Bellum Civile*.

*Hinc usura vorax, rapidumque in tempore Fœnus.
Hinc concussa Fides, & multis utile Bellum.*

Hoc ipsum, *Multis utile Bellum*, certum est Indicium, Status ad Commotiones & Turbas dispositi. Tum si Primorum Hominum Indigentia, ac Res accisa, cum summâ plebis Inopiâ & Paupertate conjungantur, periculum imminet grave. *Rebelliones* enim, quæ à *Ventre* ortum habent, pessimæ. Quantum verò ad Alienationes Animorum, & Tædium Rerum præsentium; Sunt certè illa, in Corpore Civili, instar Humorum Maligniorum in Corpore Naturali, Qui ad Calorem præternaturalem colligendum, & Inflammationes, apti sunt. Nemo autem *Principum*, sui periculi Magnitudinem metiatur, ex eo, quod Justa sint aut Injusta, illa quæ Animos Populi alienant: Hoc enim esset vulgus Rationis nimium capax putare, Qui suo sæpè recalcitrant Commodo. Neque etiâ ex hoc quod Gravamina, ex quibus Invidia oritur, grandia sint aut exigua. Malevolentia enim ex omnibus istæ periculosissimæ sunt, ubi plus timetur, quam sentitur. *Dolendi Modus, Timendi non item*. Prætereâ, in maximis Oppressionibus, ea quæ Patientiam irritant, etiâ Animos frangunt: At in Timoribus dispar est Ratio. Neque rursus *Principes*, aut Status, Alienationem Animorum, & Invidiam grassantem minùs pendat, quod aut sæpius aut diutiùs, illa fastidia Animorum æstuarunt, neque quicquam inde detrimenti Resp. cepit. Verum enim licet sit, quod non omnis Vapor in procellam desinat; Ita verè dici potest, ex alterâ parte, quod procella, licet sæpiùs pertranseant, tandem glomerantur & ruunt. Atque secundum Adagium illud *Hispanicum*; *Funiculus in fine, levissimâ tensione rumpitur*.

Causæ Seditionum hæ sunt; In Rebus Religionis Innovatio; Tributa & Censûs; Legum & Consuetudinum Mutatio; Immunitatum & Privilegiorum Violatio; Oppressio universalis; Indignorum ad Honores & Magistratus promotio; Alienigenæ; Caritas Annona; Milites incuriosè dimissi; Factiones factæ desperatæ; Quicquid denique Populum offendit, simulque eos in causâ communi unit, & conspirare facit.

Quantum ad *Remedia*. *Præservativa* quædam confusè, & in genere, possunt assignari, de quibus differemus; Curatio autem legitima Morbo particulari aptari debet. Itaque Consilii potius, quam Præcepto, relinquenda.

Primum contra *Seditiones Remedium*, & Præventio, hæc est; Omni cum operâ & diligentia Causam illam *Seditionum* Materialem, de quâ

quā diximus, amovere; Paupertatem intelligo Civium, & Inopiam. Cui inferuit Commertii Rationes bene liberare, & bene librare; Artifices & Manufacturas introducere; & fovere; Desidiam & Otium profligare; Luxum & Profusionem *Sumptuariis Legibus* coercere; Solum & Agros culturā lucrosissimā subigere; Rebus Venalibus pretia iusta imponere; Census & Tributa moderari; & similia. In genere praevidendum, ut Incolarum Multitudo (Temporibus scilicet Pacis, quando Gladius nihil demetit,) *Regni* Proventus, quibus ali possit, non excedat. Neque incolarum Multitudo, utrum superflua sit, nec ne, Caputum numero solum censenda est. Suntu enim pauciores, qui multum profundunt, & parum lucrantur, plus illi atterent Statum, quam multo plures, qui maiore Parsimonia degunt, pecunias autem congerunt. *Nobilium* igitur, & eminentioris Dignitatis Hominum, Numerus auctus, magis quam pro Analogiā Plebeiorum, celeriter Statum depauperat. Quod etiam facit *Clerus* numerosus: Illi enim Sorti Reipub. nihil addunt. Idem quoque fit, cum plures in Literis educantur, quam quibus Victum suppeditare possint Vocaciones Civiles.

Neque praetereundum est, quod cum omne publicae Opulentiae Augmentum, ab Exteris Nationibus lucriferi necesse sit; (Quicquid enim alicubi adjicitur, alibi detrahitur;) Tria tantum esse, quae Genus Gentium vendit: *Materiam Mercium; Manufacturam; & Vecturam.* Quae quidem tres Rotae, si recte progrediantur, Aestus Divitiarum erunt uberiores. Saepius autem contingit illud, de quo loquitur *Poeta*, *Materiam superabit Opus*; Nempe ut *Manufactura, & Vectura, Materie* pretium excedat, & Statum magis locupletet. Manifesti sunt hujus Rei testes inferioris *Germaniae Populus*; Qui quidem Fodinas, non subterraneas illas, sed supra Terram prae omnibus Gentibus habent ditissimas.

Nihil autem prius debet esse aut consultius quam ut videat Magistratum Prudentia, ne Pecuniarum Thesauri apud paucos recondantur. Aliter enim facile fuerit, *Reipub.* inter magnas Opes fame perire. Nummus autem instar Fini, non fructificat, nisi per Terram dispergatur. Hoc praecipue efficitur, supprimendo, aut saltem coercendo, Voragines illas, *Fœnoris, Monopoliorum, & Latifundiorum* in *Fœcua* converforum, & similium.

Quantum ad Sedandas Animorum offensiones, aut saltem ad amolenda ea, quae ab iis proveniunt, pericula; Duo sunt, in omni Statu, (ut notum est,) *Subditorum* Genera; *Proceras & Plebs.* Quaevis harum Partium sola, si infensa sit, non magnum subest periculum: Tardi enim sunt *Populi* Motus, nisi à *Nobilibus* incitentur: *Nobiles* autem invalidi, nisi vulgus, suā sponte, ad Motus aptum & praedispositum sit: Tum periculum reverà ingruit, cum *Potentiores* expectent; dum *Aequae* moveantur apud *Vulgus*, ut ita demum Animos exulceratos prodere possint. Fingunt *Poetae*, *Cœlicolas Jovem* ut vincirent conjurasse; Quod ubi *Jupiter* accepisset, *Minervæ* consilio, *Briareum* Centimanum accersivit, ut in suppetias ei veniret. Proculdubio hoc Emblemata *Monarchas* monet, quam tutum & salutare sit eis, *Plebis* studia conciliare & retinere.

Licentiam

Licentiam nonnullam, sed moderatam, Animis gravatè affectis & malevolis indulgere, ut ebulliant eorum Dolores, & in fumos abeant, (modò Insolentia absit, & Audacia,) utile sanè est. Qui enim Humores, ad Interiores partes retrovertit, & Vulnus in viscera sanguinem refundere compellit, ulcera Mortifera, & exitialia Apostemata; inducit.

Ad molliendos exacerbatos & malevolos Animos, Partes *Epimethei* etiàm ad *Prometheum* ritè transferri possint. Neque enim reperitur Remedium utilius. *Epimethæus*, ubi Mala & *Ærumnas* evolare sensisset, Opérculum vasi festinus imposuit, & in imo Dolii spem reservavit. Certè, politicè & artificiose spem nutrire, & injicere, ac Homines à spe alià in aliam circumducere, ex fortissimis est, contra venenum Malevolentia, Antidotis. Neq; certius est Indiciū prudentis Regiminis, & Rerū Administrationis, quàm ubi Homines spe continere possit, cum satisfaciendi Copia non datur; Atq; ubi res tam providè tractantur, ut nullum malum ita peremptoriè imminere videatur, quin aliqua se ostendat Spei Rima ad evadendum: Quod eò minùs difficile factum est, quia tam privatis Hominibus, quàm Factionibus, sibi ipsis adulari insitum est; Aut saltem ostentare, in gloriam suam, quod non omnino credunt.

Trita sanè est, sed præcellens *Periculorum*, quæ Malevolentia minantur, *Cautio*, ut prævideatur, ne sit *Caput* aliquod, ad quod Populus insensus & exacerbatus confluere, & sub cujus præsidio in Corpus aliquod coire, possit. *Caput* ego illum dico, & Ducem idoneum, qui *Nobilitate* & Existimatione celebratur; quique apud Malevolos acceptus est & graciosus, atque ad quem Ora & Oculos convertunt; Quique etiam ipse in Rebus suis privatis censetur offensus. Quod genus Virorum, aut Statui conciliandum est, idque non perfunctoriè, sed solidè; Aut per alium aliquem, ex iisdem partibus retundendum; qui illi alteri se opponat, Atq; Gratiā popularem, in diversa trahat & secet.

Ubiq; hoc obtinet, quod factiosas Potentias & Coitiones, quæ contra Gubernationem *Imperii* Frontem contrahunt, inter se committere, aut saltem Diffidentiam inter eas seminare, *Remedium* haud contemnendum sit. Etenim malè admodum agitur cum Rep. si illi, qui erga Imperium benè affecti sunt, discordiarum pleni existant; Qui verò infensi, & maligni, arctè conjungantur.

Adnotavi sæpius ingeniosa & arguta Dictæria, quæ *Principibus* improvisò exciderunt, nonnunquam scintillas ad *Seditiones* injecisse. Exitiale sibi vulnus infixit *Cæsar*, eo dicto; *Sylla nescivit Literas, dictare non potuit*. Spem enim omnem illud verbulum præscidit, quam Homines imbiberant, aliquandò eum *Dictaturam* deponiturum. Perdidit seipsum *Galba* eo dicto; *Legi à se Militem, non emi*. Inde enim Milites de Donativis desperarunt. *Probus* item propter eam vocem interiit; *Si vixero, non opus erit amplius, Romano Imperio Militibus*. Etenim ob hæc verba Milites Animum desponderunt. Sunt & alia haud pauca ejusdem generis. Interest sanè *Principibus*, in Rebus ambiguis, & Temporibus anxiiis, ut caveant quid dicant; præsertim in concisis his Sententiis, quæ veluti spicula volitant, & ex Secreto Pectoris eorum

emissa,

emissa putantur. Longiores enim & productiores Sermones obtusi sunt, & minus notantur.

Postremò, in omnes Eventus, habeant circa se *Principes*; Personas nonnullas Militiâ & Fortitudine spectatas, ad reprimendas *Seditiones*, in primis Motibus. Hoc enim si desit, magis trepidari solet, in Aulis Principum, cum Turbæ primò erumpunt, quàm par esset. Et Status eo genere periculi laborat, quod *Tacitus* illis verbis innuit; *Atque is Habitus Animorum fuit, ut pessimum facinus auderent pauci, plures vellent, omnes paterentur.* Isti autem Militares Viri, fidei omninò esse debent, & bonæ Existimationis, potiùs quàm factiosi, aut populares; Et cum cæteris *Proceribus* benè comparati. Aliter *Remedium* Morbo gravius.

XVI.

De ATHEISMO.

MINUS durum est, credere Portentosissimis Fabulis *Alcorani*, *Talmudi*, aut *Legendæ*, quàm credere, huic Universitatis Rerum Fabricæ, *Mentem* non adesse. Itaque *Deus* nunquàm edidit Miraculum, ad *Atheismum* convincendum, quoniam Opera ejus ordinaria, huic rei sufficiunt. Verum est tamen, parùm Philosophiæ Naturalis, Homines inclinare in *Atheismum*; At altiore Scienciam, eos ad *Religionem* circumagere. Etenim Intellectus Humanus, dum Causas secundas intuetur sparsas, interdum iis acquiescere possit, nec ulterius Penetrare; Verùm cum tandem Catenam earum, connexarum inter se, & confœderatarum, contemplari pergat, necesse habet confugere ad *Providentiam*, & *Deitatem*. Imò, & illa *Schola*, quæ præcipuè accusatur *Atheismi*, si quis verè rem introspiciat, *Religionem* demonstrat clarissimè: Nempè *Schola* *Leucippi*, *Democriti*, & *Epicuri*. Etenim longè verisimilius est, Quatuor Elementa Mutabilia, & unam Quintam Essentiam Immutabilem, rectè ab æterno locata, opus *Deo* non habere; Quam Exercitum Atomorum & Seminum infinitorum, sine Ordine fortuitò vagantium, hunc Rerum Ordinem, & Pulchritudinem, progignere potuisse, absque *Ædili* quodam *Divino*. Dicit *Scriptura*, *Dixit Insipiens in Corde suo, non est Deus*: Non dicit, *Cogitavit Insipiens in Corde suo*: Adeò ut, magis intra se hoc asslerat, tanquàm rem quam lubens optaret, quam quod penitus hoc credat, & sentiat. Nemo enim *Deos* non esse credit, nisi cui *Deos* non esse expedit. Nullâ aliâ re sanè magis vincitur *Atheismum* labiis tantùm insidere, Cordi autem minimè, quàm hâc, quòd *Athei* Opinionem suam sæpè prædicent & defendant, ac si ipsi sibi diffiderent, aliorumq; Consensu retocillari cuperent. Quinetiam, videas interdum *Atheos* sibi Discipulos comparare, ut aliæ Sectæ faciunt; Imò, quod Monstri simile est, quidam ex illis Mortem & Cruciatum subierunt, potiùs quàm Opinionem suam retractare sustinerent; Cum tamen, si ex animo sentirent, nihil tale esse quale *Deus*, quid tandem de eâ re fatage-

rent? *Epicuro* imponitur; eum Existimationis suæ conservandæ gratiâ, tenuisse, quod existerent quidem *Beatæ* quædam *Naturæ*, sed quæ seipsis fruerentur; Neque Mundi Administrationi se immiscerent. In quâ Opinione, aiunt eum, Tempori obsecutuini, cum reverà *Deos* esse non putaret. Verùm, ut videtur, minùs justè arguitur: Verba enim ejus egregia sunt & divina; *Non Deos Vulgi negare profanum, sed vulgi Opiniones Diis applicare profanum.* *Plato* ipse melius dicere non potuit. Unde videtur, licet Audaciâ polleret ad divinam rerum Administrationem pernegandam, eam tamen ad Naturam eorum tollendam illi non suffecisse. *Indi Occidentales*, particularium *Deorum* suorum Nomina prædicant; Etsi Nomen nullum generale habeant, quod *Deum* significet: Exempli gratiâ, perinde ac *Ethnici* Nomina *Jovis*, *Apollinis*, *Martis*, &c. in usu habuissent, voce autem, quâ *Deum* exprimerent, caruissent. Quod satis indicio est, Populos maximè Barbaros Notionem Rei habere, licet Latitudinem ejus non comprehendant. Adeò ut contra *Atheistas*, Homines maximè Ferini, cum Philosophorum subtilissimis, militent. *Atheista* contemplativus, rarè reperitur; *Diagoras*, quis, *Bion*, & fortassè *Lucianus*, atque alii pauci; Qui tamen plures esse videntur quam sunt; quoniam omnibus, qui *Religionem* aliquam, aut *Superstitionem* impugnant, à Sectâ adversâ, solet inuri Nomen & Nota *Atheistarum*. Sed magni reverà *Atheistæ* sunt *Hypocritæ*; Qui *Sacra* perpetuò tractant, sed sine sensu. Adeò ut eos in fine cauterizatos evadere, necessè sit. Causæ *Atheismi* sunt: *Divisiones* circa *Religionem*, si plures fuerint; Nam unica Divisio, Zelum utriusque partis adauget, verùm numerosæ *Atheismum* introducunt. Alia Causa sunt, *Scandala Sacerdotum*; Cum eò res redeat, quò innuit *S. Bernardus*: *Non est jam dicere, ut Populus, sic Sacerdos; quia nec sic Populus, ut Sacerdos.* Tertia est, *Consuetudo profana ludendi & Jocandi in Rebus Sanctis*, quæ sensim Reverentiam *Religionis* atterit. Prostre mò ponuntur *Secula erudita*, præsertim cum *Pace*, & *Rebus prosperis* conjuncta. Etenim, *Calamitates*, & *Adversa*, Animos Hominum, ad *Religionem* fortius flectunt. Qui *Deos* negant, *Nobilitatem* Generis Humani destruunt. Nam certissimum est, *Hominem* *Brutis* cognatum esse, quatenùs ad Corpus: Quod si, quatenùs ad Animam, non intercedat ei Cognatio cum *Deo*, vilis est planè, & ignobilis Creatura. Destruunt quoque *Magnanimitatem*, & *Humanæ Naturæ Exaltationem*. Cape enim Exemplum à *Cane*, & observa, quantos sibi assumat Animal illud Spiritus, & quantam Generositatem induat, cum se ab *Homine*, (qui ei vice est *Dei*, aut *Melioris Naturæ*) impulsus perspiciat. Quam Fortitudinem liquidò cernas tantam esse, quantam Creatura illa, absque Fiduciâ *Melioris Naturæ*, quam propriæ, æquare nullo modo possit. Similiter & *Homine*, ubi innititur, & spem collocat, in *Divinâ Providentiâ* & *Gratiâ*, Fiduciam & vires colligit, quales *Humana* Natura, sibi relicta, nequisset attingere. Quare, ut *Atheismus*, in omnibus odium meretur; ita & in hoc, quod priver Naturam Humanam Facultate, se ultra Fragilitatem Humanam attollendi. Quemadmodum fit, in *Personis Individuis*, similiter fit & in nationibus. *Magnanimitatem Romanam*, nunquam Gens aliqua æquavit. Audi igitur

igitur, quid dicat Cicero. *Quam volumus, licet, Patres Conscripti, nos amemus, tamen nec Numero Hispanos, nec Robore Gallos, nec Calliditate Penos, nec Artibus Græcos, nec denique hoc ipso hujus Gentis & Terræ domestico nativæque sensu Italos ipsos, & Latinos: sed pietate, ac Religione, atque hac unâ Sapientiâ, quod Deorum Immortalium Namine omnia regi, gubernarique perspeximus, omnes Gentes, Nationesque superavimus.*

XVII.

De SUPERSTITIONE.

Praestat, nullam aut incertam, de Deo habere Opinionem, quam contumeliosam, & Deo indignam: Alterum enim Infidelitatis est, alterum Impietatis & Opprobrii. Ac Superstitio certè Divinitatis est Dedecus. *Plutarchus*, non abs re, inquit; *Mallet sanè vultò, ut Homines dicerent, nunquàm fuisse talem in Rerum Natura virum, qualis ferebatur Plutarchus; quam ut dicerent, fuisse quendam Plutarchum, qui Liberos suos, recens natos, comedere & devorare solitus erat; quod Poetæ de Saturno memorant.* Quemadmodum autem Contumelia Superstitutionis ingravescit adversus Deum; Ita & periculum majus ab illâ incumbit Hominibus. *Atheismus* non prorsus convellit Dictamina Sensûs, non Philosophiam, Affectus Naturales, Leges, Bonæ Famæ Desiderium; Quæ omnia, licet Religio abesset, Morali cuidam Virtuti externæ conducere possunt: At Superstitio hæc omnia dejicit, & Tyrannidem absolutam, in Animis Hominum exercet. Itaque *Atheismus*, turbas in Rebus-publicis raro ciet: Homines enim cautos reddit, & securitati suæ consulentes. Quin & videmus Tempora ipsa, in *Atheismum* Procliviora, (qualia fuerunt *Augusti Caesaris*,) tranquilla fuisse. At Superstitio, compluribus Regnis & Rebus-publicis, ruinæ fuit: Introducit enim novum *Primum Mobilis*, quod omnes Imperii Sphæras rapit. Magister Superstitutionis Populus; Atque in omni Superstitutione, Sapientes Stultis obsequuntur; Atque Argumenta Practicæ succumbunt, ordine perverso. Gravis fuit ille sermo, quorundam Prælatorum in Concilio Tridentino, in quo Doctrinâ Theologorum Scholasticorum, plurimum potuit; Nimirum; *Scholasticos Astronomis similes fuisse, qui Eccentricos Circulos, & Epicyclos, & hujusmodi Orbium Machinas finxerunt, quo Phænomena servarent, etsi satis scirent, nihil tale reverâ existere*: Eodem modo, etiam Scholasticos complura subtilia & perplexa Axiomata & Theoremata invenisse, quo practicæ Ecclesiæ caverent. Superstitutionis causæ sunt; Grati & sensuales Ritus ac Ceremoniæ; Externæ & *Pharisaica Sanctitatis* Excessus; Traditionum major quam par fuerit Reverentia, quæ Ecclesiam non potest non onerare; Stratagemata Prælatorum, quibus utuntur ad Ambitionem propriam, & Lucrum; Nimius Intentionum bonarum Favor, qui Novitatibus & *Ethelothreskiis*, Januam aperit; Exemplorum importuna & inepta petitio ab humanis, quæ in Divina transferantur, quæ necessario parit Fantasiarum malè coherentium mixturam; postremò Tempora Barbarâ, cum Calamitatibus & Perturbationibus conjuncta. Superstitio,

perstitio, sine velo, deformis Res est; Etenim sicut Simiæ, similitudo cum Homine, Deformatem addit; ita & *superstitioni*, similitudo cum Religione. Et quemadmodum, Cibi salubres corrumpuntur in Vermiculos; ita Ritus & Formulæ bonæ & sanæ, corrumpuntur in Observantias pusillas & superfluas. Quin &, non caret Superstitione, quandoq; *superstitionis* Fuga; cum se tantò saniores & puriores viam inire putent Homines, quanto à *superstitionibus*, prius receptis, longius deflexerint. Itaq; Curæ esse debet, in Religione reformandâ, (ut sit in Corpore purgando) ne Sana cum Corruptis simul evacuentur; Quod ferè fit, ubi *Reformatio* regitur à Populo.

XVIII.

De PEREGRINATIONE IN PARTES
EXTERAS.

P*Peregrinatio in Partes Exteras*, in Junioribus, Pars Institutionis est; In Senioribus, Pars Experientiæ. Qui proficiscitur in *Partes Exteras*, antequàm in Linguâ Gentis, quam adit, aliquos fecerit progressus, ad *Ludum Grammaticum* vadit, non ad *Peregrinandum*. Ut Adolescentes peregrinentur sub Tutore, aut Servo aliquo experto, probò; Modò talis sit, qui Linguam calleat, quique Regionem illam antè adiverit; unde possit eos instruere; Quæ in illâ *Regione*, ubi *Peregrinantur*, digna spectatu & cognitu sint; Quæ Amiciitiæ & Familiaritates contrahendæ; Quæ denique Studia & Disciplinæ ibi vigeant. Aliter enim Adolescentes *peregrinabuntur* cucullati, & foràs prospicient parùm. Mirabile certè est, in *Navigationibus*, ubi nihil aspici datur præter Cælum & Pontum, conficere consueisse Homines *Diaria*; Verùm in *Peregrinationibus* per Terram, in quibus tot res occurrunt observandæ, plerunque hoc omitti; Ac si Fortuita magis in codicillos mererentur referri, quàm quæ de industriâ observantur. *Diaria* igitur in usu sint. *Res* spectandæ & observandæ sunt istæ. Aula Principum; Præsertim cùm Legatos Exteros admittunt: Judicia & Curia, cùm Causæ perorantur; & similiter Consistoria Ecclesiastica: Tempia & Monasteria, cum Monumentis in illis extantibus: Mœnia & Munitiones Urbium & Oppidorum: Portus & Sinus: Antiquitates & Ruinæ: Bibliothecæ, Collegia, Disputationes, & Prælectiones ubi habentur: Naves & Carinæ: Palatia, & Horti magnifici & amœni propè Urbes magnas: Armaria: Navalia: Cellæ & Horrea publica: Loci Excambii; Bursæ: Cellæ Mercium; Exercitia Equitationum, Muneris Gladiatorii, Militum Delectus & Instructio, cum similibus: Comœdiæ, illæ scilicet ad quas Homines melioris notæ spectatum veniunt: Thesauri Monilium & Vestium: Curiositates & Raritates: Deniq; quicquid in Locis quæ transeunt sit celebre aut memorabile. De his omnibus, à Tutoribus, aut Servis prædictis, diligenter inquirendum. Quantum ad Triumphos, Saltationes sub larvâ, Convivia, Nuptias, Funera, Supplicia Capitalia, & hujusmodi Spectacula,

Spectacula, non opus est ut reducantur Hominibus in memoriam; Attamen non sunt certè illa prorsus negligenda. Si tibi Cordi sit, fructum *Peregrinationis* Adolescentis in Compendium redigere, utque brevi spatio multum colligat, hoc faciendum præcipio. Primò (ut dictum est) in Linguâ aliquis profectus faciendus antequàm proficiscatur. Tum adjungendus est, Servus aliquis aut Tutor, qui *Regionem* pernòrit; ut & jam dictum est. Habeat etiam præsto Librum aliquem, aut Chartam Chorographicam, Regionis illius, ubi peregrinatur; Quæ instar Clavis erit ad inquirendum. Conficiat etiam *Diarium*. Ne moretur longius, in unâ Urbe, aut Oppido: Plus certè aut minùs, prout Locus meretur, sed minimè diù. Imò, dum moratur in aliquâ *Civitate*, aut *Oppido*, muret sæpius Hospitium, ex unâ parte *Oppidi* in alteram; Nam & hoc certè Magnè est attrahendi Familiaritates, & Consuetudines Hominum complurium. Secludat se ut plurimùm à Consortio Popularium suorum, arque in iis locis visitet, ubi simul convivantur Homines melioris notæ, ex Natione ubi peregrinatur. Etiam cum de loco in locum *itineratur*, parèt sibi Literas Commendatorias, ad personam aliquam eminentiorem, degentem in loco quo se transfert; Ut ejus favore & operâ utatur, in iis, quæ spectare aut cognoscere desiderat. Hoc modo *Peregrinationis* utilitatem accelerare poterit. Quatenus ad Familiaritates & Amicitias, quæ inter *Peregrinandum* adjungendæ sunt; Utillissima omnium est illa *Secretariorum*, & Ministrorum interiorum quibus Legati utuntur: Hoc enim pacto, in unâ Regione *peregrinando*, etiam plurimum Regionum Notitiam & Experientiam, ad se attrahet, & suget. Visitet etiam & adeat Personas in unoquoque genere egregias, quæ magni apud Exteros nominis sunt; ut possit notare quomodo Os, Vultus, & Corporis Lineamenta & Motus, respondeant Famæ. Quantum ad Rixas & Simultates, cum curâ & diligentia sunt illæ vitandæ. Oboriuntur sæpissimè circa Amores, Computationes, Præfidentiam, & verba contumeliosa. Et caveat imprimis quisvis à consortio Hominum iracundorum, & qui facile Inimicitias suscipiunt; Illi enim eum suis immiscebunt Contentionibus: Quando *Peregrinator* domum revertitur, nihilominus Regionem, in quibus *peregrinatus* est, non relinquat prorsus pone se: Verùm conservet, & colat Amicitiam eorum, cum quibus Familiaritatem contraxit, (iis dico qui sunt ex Dignioribus,) per Literas. Et *Peregrinatio* sua potius manifestetur & appareat in Sermonibus suis, quàm in Vestitu, aut Gestu: Etiam in Sermonibus suis, potius meditetur quid sobriè respondeat, quàm ad Narrationes facilis & pronus sit. Illud etiam in eo sit conspicuum, quod Mores Patrios cum Moribus Exteris, non commutaverit: Sed potius quod Consuetudines Patrias, iis quæ peregrè didicit, tanquam floribus, asperserit.

XIX.

De IMPERIO.

Miser proculdubio est Animi status, pauca habere quæ appetas, multa quæ metuas: Attamen hoc ipsum *Regibus* ferè proprium est: Qui in supremo gradu collocati, non habent ad quod aspirent; Id quod Animos eorum reddit languidiores: Atque econtrà habent Phantasmata plurima periculorum & umbrarum volitantium; Id quod Animos eorum reddit minus serenos. Hinc etiam emanat & alter ille Effectus, quem *Scriptura Regibus* tribuit; *Ut Cor Regis sit inscrutabile*: Etenim suspicionum Multitudo, & Absentia Affectûs alicujus prædominantis qui reliquis imperet, cujusvis Animum reddit exploratu difficilem. Hinc quoque emanat & illud; Quod *Reges* sæpenumerò Desideria sibi ipsis creent, atque ad nugas animum adjiciant: Interdum ad Aedificia extruenda; Interdum ad *Ordinem* aliquem aut *Collegium* instituendum; Interdum ad *Personam* aliquam evehendam; Interdum ad *Artem* aliquam Mechanicam aut *Manus* excellentiam exercendam; ut *Nero* studuit pulsandæ *Cytharæ*, *Domitianus* sagittis collimandis, *Commodus* Gladiatoris, *Caracalla* Aurigationi. Hoc illis incredibile videtur, qui Axioma illud non nôrunt; *Animum Humanum, magis exhilarari & refici, progrediendo in Rebus parvis, quam consistendo in Rebus grandibus*. Videre etiam est *Reges*, qui sub *Imperii* sui Initiis, in *Victoriis* & *provinciis* subjugandis, maximè foelices fuerunt; Cùm vix possibile sit ut perpetuos progressus faciant, verùm ut *Fortunam* suam aliquando adversam & *Retrogradam* experiantur; sub fine *Superstitiosos* & *Melancholicos* evasisse: Uti contigit *Alexandro Magno*, *Dioclesiano*, ac nostra ætate *Carolo Quinto*; & aliis. Qui enim progredi semper consuevit, & in obicem tandem impingitur, sui ipsius favore excidit, neque ampliùs Res est quæ fuit.

Dicamus nunc de verâ *Imperii Temperatūrâ*; Quam servare, Res ardua est, & rara. Etenim tam *Temperies*, quam *Intemperies*, ex contrariis consistunt. Verùm alia Res est, contraria miscere, Alia alternare. Responsum *Apollonii*, egregiâ prudentiâ plenum est. Interrogabat eum *Vespasianus*; *Quid Neroni ruina fuisset?* Respondit; *Nero Cytharam peritè pulsare, & accomodare noverat; At in imperando, Chordas interdum nimium distendebat, interdum eas nimium relaxabat*. Atque certissimum est; Nihil Auctoritatem æque destruere, ac inæqualem, & quasi subsultoriam, atque intempestivam *Potentia* alternationem, nunc rigidius intensæ, nunc laxius remissæ.

Veruntamen & hoc verum est, *Moderni Temporis* prudentiam, circa *Principum* Negotia tractanda, in hoc potissimum versari, ut conquirantur magis & aptentur Remedia & subterfugia Malorum & Periculorum, cùm ingruerint; quam ut Prudentiâ solidâ & constanti, depellantur & summoveantur, antequam impendeant. Verùm hoc nihil aliud est, quam in *Agone*, cùm *Fortunâ*, experiri. Caveant autem

Homines,

Homines, ne obdormiscant circa Turbarum Materias primas, & Inchoamenta. Nemo siquidem scintillam, Incendium parituram, prohibere potest; Nec Regiones Metiri, unde eruptura sit. In *Principum* Negotiis, interveniunt proculdubio, multe Difficultates & Impedimenta; At sæpenumero maxima Impedimenta sunt, *Principum* ipsorum Affectus & Mores. Etenim *Principibus* frequenter accidit, ut contradictoria planè appetant; sicut rectè Tacitus; *sunt plerumque Regum voluntates vehementes, & inter se contrariæ.* At Potentiæ nimæ solœcismus est, credere se posse Finem Rei pro arbitrio assequi, neque tamen Media procurare.

Regibus intercedit Negotium cum *Nationibus* vicinis, cum *Uxoribus* propriis, cum *Liberis* suis, cum *Praelatis* & *Clero*, cum *Proceribus Regni*, cum *Nobilibus secundæ Classis* sive *Generosis*, cum *Mercatoribus* suis, cum *Plebe Regni*, cum *Militibus* suis. Atque à singulis horum impendent pericula, nisi adhibeatur Cura.

Quod ad *Vicinos* attinet, præscribi non potest Regula aliqua certa Cautionis, propter Occasionum varietatem; unicâ exceptâ; Quæ semper tenet. Ea est, ut *Principes* huic rei perpetuò invigilent, ne quis ex *Vicinis* in tantum excrescat; (vel novis Territoriis augmentis, vel Commertium ad se trahendo, vel propius accedendo, & similibus;) Quo majorem nanciscatur lædendi potestatem, quam antea habuerat. Sanè, durante Triumviratu illo *Regum*; (*Henrico Octavo Anglo, Francisco Primo Gallo, & Carolo Quinto Hispano;*) ea viguit inter ipsos diligentia, ut Nemo Trium vel Palmam Terræ acquirere potuisset, quin reliqui duo statim rem ad æquilibrium deducerent; Neque Pacem Fœnore redimere sustinerent. Idemque præstabat Fœdus illud, (Cui *Guicciardinus* securitatem *Italiæ* attribuit,) idem inter *Ferdinandum Regem Neapolitanum*; *Lorenzium de Medices*; & *Ludovicum Sforzam, Principes*; Alterum *Florentiæ*, Alterum *Mediolani*. Neque recipienda est Opinio, quorundam ex *Scholasticis*; Bellum justè suscipi non posse, nisi ob *Injuriam, aut Provocationem præcedentem.* Si quidem iustus Metus imminentis periculi, etsi violentia aliqua non præcesserit, proculdubio Belli causa est competens & legitima.

Quantum ad *Uxores*; Extant Exempla ejus generis crudelia & atrocia. *Livia* infamis ob veneficium *Augusti*. *Roxolana*, Uxor *Solymani*, perniciem intulit *Mustaphæ* celeberrimo illi *Principi*; Atque aliàs successionem, & Domum, *Mariti* sui, perturbavit. *Edwardi Secundi Regis Angliæ Uxor*, operam præbuit præcipuam, in *Mariti* sui de Regno Deturbatione, & Nece. Hoc Genus periculi maxime timendum, cum *Regina* Liberos ex priore *Marito* susceperunt, aut in Adulterio degunt.

Quantum ad *Liberos*; Ab iis etiam orta Tragediæ plurimæ. Atque generalitèr, suspensiones arreptæ à *Patribus*, in *Filiis* suis, infaultæ extiterunt. *Mustaphæ* (quem antea nominavimus) Cædes, *Stirpi Solymanni* adeò fatalis fuit, ut successio *Sultanorum*, usque in hodiernum diem, pro suspecto habeatur, velut sanguinis eementi, quia *Selimus* secundus putabatur suppositivus. Cædes etiam *Crispi, Principis* summæ spei, inflicta per Patrem suum *Constantinum Magnam*, similiter

similiter ejus Familiæ fatalis fuit; Siquidem, Tama *Constantinus*, quàm *Constans*, Filii ejus, violentâ Morte perierunt; Et *Constantius*, qui ex Filiis ejus superstes fuit, decessit sanè ex Morbo, sed non nisi cùm *Julianus* contra eum Arma cepisset. Cædes similiter *Demetrii*, *Philippi Secundi Macedonis* Filii, vertit se in *Patrem*, qui mortuus est ex mœrore & pœnitentiâ. Complura sunt ejusmodi Exempla: Verùm pauca, aut nulla, ubi *Patres* aliquid Boni, ex hujusmodi diffidentiis, perceperunt; præterquam cùm *Filii* Bellum apertè *Patribus* intulerunt; ut fecit *Selymus Primus* adversus *Bajazetem Patrem* suum; Et tres *Filii Henrici Secundi, Regis Angliæ*.

Quantum ad *Prelatos*; Ab illis etiam, si potentes fuerint & superbi, periculum ingruit. Ut contigit temporibus *Anselmi*, & *Thome Beckettii, Archi-Episcoporum Cantuariæ*; Quorum Baculi Pastorales cum *Regis* Gladio concertârunt; Licèt res illis fuerit, cum *Regibus* animosis & fastuosis; *Guilielmo Rufo, Henrico Primo, & Henrico Secundo*. At periculum hujusmodi, à *Prelatis*, non est magnopere pertimescendum, nisi ubi *Clerus* ab Auctoritate & Jurisdictione Principatûs externi pendet; Aut etiam ubi *Ecclesiastici* eliguntur à Populo; Non autem à Rege, vel Patronis Ecclesiarum.

Quantum ad *Proceres*; Sunt illi certè cohibendi, & tanquam in justâ distantia à *Solio Regali* continendi; Verùm Depressio ipsorum, poterit *Regem* fortasse ipsum magis absolutum reddere, sed interim minùs tutum; Et minùs efficacem ad ea quæ cupit perficienda. Hoc notavi, in *Historiâ meâ Regni Henrici Septimi*, qui *Nobiles* suos perpetuò deprimebat: Unde factum, ut Tempora ejus Difficultatibus & Turbis plena essent. *Nobiles* enim, etsi in Fide & Officio, versus eum manserint, attamen minimè cum eo cooperabantur in Negotiis suis; Ita ut ipse ferè omnia solus sustineret.

Quatenus ad *Nobiles secundæ Classis*; Parum periculi ab illis manare potest, cum sint Corpus dispersum. Poterint illi quidem nonnunquàm grandia loqui, sed non multum nocere. Quinimò fovendi sunt, tanquam qui Potentiâ *Nobilitatis superioris* optimè temperent, ne immodicè excrescat: Atque rursus cùm Populi Gubernacula immediatè tractent, Motus populares optimè compescunt.

Quod ad *Mercatores*; Sunt illi instar *Venæ Portæ*; Qui nisi floruerint, potest quidem Regnum aliquod, Arvus habere robustos, sed venas vacuas, & Habitum Corporis macrum. Vectigalia & Portoria immodica, rarò *Regis* Reditus adaugent. Etenim quod in Partibus lucretur, in summâ deperdit; Commerciî Quanto diminuto.

Quantum ad *Plebem*; Ab illis rarò creatur periculum, nisi habeant Ductores potentes & populares; Aut si introducas mutationem in Religione; Vel in Consuetudinibus antiquis; Vel in Gravaminibus Tributorum; Vel in aliis quæ victum eorûm decurtant.

Quantum denique ad *Milites*; Periculosissima res est, si in Corpus unum cogantur, vel Exercitûs, vel præsidiorum; & Donativis insuescant. Cujus clarissima cernimus Exempla, in *Janizariis & Prætorianis*. Verùm *Militum* Conscriptio, & ad Arma tractanda Instructio, & in locis diversis, & sub diversis Ducibus, & sine Donativis; Res sunt utiles, & salubres, & sine periculo.

Principes Corporibus Cœlestibus similes : Quæ Tempora felicia, aut infelicia, in fluxu suo producant ; Quæque Veneratione inultâ gaudent, requie nullâ. Omnia circa *Reges* Præcepta, duobus illis Monitis clauduntur ; *Memento quòd es Homo* ; Et ; *Memento quòd es Deus, seu Vice-Dei* : Quorum alterum pertinet ad Potestatem eorum coercentiam, alterum ad Voluntatem regendam.

XX.

De CONSILIO.

Summa quæ intercedit inter Homines Fides, est illa *Consilium* impertiendi. Etenim in alio quovis Fidei genere, Partes tantum vitæ aliis commendamus ; Terras, Bona, Liberos, Existimationem, & alia Negotia particularia ; Verum iis quos Nobis *Consiliarios* adhibemus, omnia mandamus. Quanto magis, qui partes *Consiliariorum* præstant, ad omnem Integritatem & Sinceritatem astringuntur ? *Principes* vel prudentissimi, nullo modo in diminutionem Auctoritatis accipiant, si *Consilio* Virorum selectorum utantur. Quin & *Deus* ipse *Consilio* non vacat ; Sed inter Nomina magna *Filii* sui Benedicti ponit ; ut *Consiliarius* vocetur. *Salomonis* certè Pronunciatum tale : *In Consilio Stabilitas*. Res humanæ proculdubio, aut primam, aut secundam Agitationem subibunt : Si minus *Consultationum* Argumentis jactentur, certè Fluctibus Fortunæ jactabuntur ; Plenæque evadent, Inconstantia, & Mutationum, modò texendæ, modò retexendæ, instar vacillationum Hominis ebrii. Sanè *Filius Salomonis* vim *Consilii* expertus est, quemadmodum *Pater* ejus Necessitatem & usum vidit. Etenim Regnum *Deo* dilectum, primò laceratum & fractum est, *Consilio* pravo. Cui quidem *Consilio* inustæ sunt, ut nobis sint documento, Notæ illæ duæ, per quas *Consilia* prava, in perpetuum, dignoscantur ; Una, quod fuerit *Consilium* Juvenile quoad Personas ; Altera, quod fuerit violentum quoad subiectum.

Sapientia Veterum in *Parabolâ* adumbravit, tam Unionem & insolubilem Conjunctionem *Consilii* cum *Regibus* ; Quàm prudentem & politicum Usus ejusdem per *Reges* adhibendum. Alterum in eo, quod *Jovem* narrant *Metim*, (quæ Vox *Consilium* significat,) in Uxorem duxisse ; In quo innuunt *Consilium* Imperio Sponsæ loco esse. Alterum in eo quod sequitur : Quod hujusmodi Commentum est. Tradunt, postquam *Metis* nupta fuisset *Jovi*, eam gravidam ex illo factam : *Jovem* autem non sustinuisse donec pareret, sed eam devorasse ; Unde ipsum quoque gravidum factum, & *Palladem* Armatam ex Capite suo edidisse. Quæ Fabula portentosa Arcanum Imperii involvit : Hoc nimirum ; Ad quem modum *Reges*, erga *Consilium suum sanctius*, se gerere debeant : Primum, ut Res deliberandas illis committant ; Quod est veluti prima Conceptio : Secundò, cum elaboratæ & efformatæ fuerint, veluti in Utero *Consilii* sui ; Atque maturuerint, & partui vicinæ sint ; Tum demùm non permittant ampliùs

plius *Consilio* suo ut Decretum perficiant, ac si Res ex eorum Auctoritate penderet; sed Negotium ad se retrahant, & palam omnibus faciant; Decreta & ordinationes ultimas, (quæ, quoniam cum prudentiâ & potestate exeunt, assimulantur *Palladi Armatæ*,) a seipsis emanare: Neque solum ab Auctoritate suâ, verum etiam, (quo magis Existimationem suam evehant,) ab Ingenio & Auctoritate propriâ provenire.

Dicamus jam de *Incommodis Consilii*; & de ipsorum *Remediis*. *Incommoda*, quæ se produnt, in *Consilio* utendo, & adhibendo, sunt tria. Primò, quod hæc res, Negotio minùs reddat secreta. Secundò, quod derogare videatur de Auctoritate *Principum*, ac si minùs ex se penderent. Tertio, quod subsit periculum à *Consiliis* infidelibus, quæ tendant potiùs in Commodum *Consulentis*, quam *Principis* ipsius. Ad quæ mala evitanda, Doctrina quorundam ex *Ital*is; Et practica apud *Gallos*, temporibus quorundam *Regum*, introduxit *Consilia interiora*, quæ vulgo vocantur *Cabinetti*: Remedium sanè Morbo deterius.

Quantum ad Occultationem *Consiliorum*; Non tenentur *Principes*, omnia cum omnibus *Consiliariis* communicare; sed tam Personas, quam Negotia, cum delectu, excerpere possunt. Neque necesse est *Principi*, qui deliberat quid sit agendum, simul detegere quid in animo habeat statuere. Verum caveant *Principes*, ne Propagationis Negotiorum suorum, ipsi in causâ sint. Quatenus verò ad *Consilia*, quos diximus *Cabinettos*, in illos Diverbium illud competit; *Plenus rimarum sum*. Futilis quispiam, qui gloriæ sibi duxerit, Arcana nosse & retere; plus nocebit, quam complures, qui benè nôrunt, Officii sui esse, eadem reticere. Verum est, intervenire Negotia quædam, ejus generis, quæ Occultationem summam requirunt, Qualis non facile ultra notitiam unius aut duorum præter ipsum *Regem*, excedet: Neque improspere cedere solent istiusmodi *Consilia*: Nam præterquam quod secreta sint, procedunt plerunque constanter, & uno quasi spiritu reguntur, absque Contentione. Sed tum demum, hoc rectè cedit, si *Rex* prudens sit, & proprio Marte validus; Et simul *Consiliarii* illi sint sagaces; Et ante omnia, Finibus, quos sibi proponit *Rex*, fidi. Id quod contigit *Henrico Septimo Angliæ Regi*; Qui Arcana sua majoris momenti, duobus tantummodò *Consiliariis* impertiebatur, *Mortono*, & *Foxo*.

Quantum ad Auctoritatem minuendam; *Fabula* Remedium monstrat. Inò Majestas *Regum*, exaltatur potiùs quam deprimitur, cum in Cathedrâ *Consilii* sedeant. Neque unquam invenire est *Principem*, Auctoritate suâ imminutum, per *Consilium* suum; Nisi fortè ubi obtigerit, Potentia nimia in uno aliquo *Consiliario*; Aut nimis arcta Combinatio inter diversos: Quæ duo Mala citò deprehenduntur, & fanantur.

Quantum ad postremum *Incommodum*; *Consiliarios* nimirum, in *Consilio* dando, suæ rei prospecturos, non Domini; Minimè dubium est; *Scripturam* illam; *Non inveniet fidem super terram*, Intelligi debere de Naturâ Temporum, minimè de Personis singulis. Reperiuntur siquidem viri, fideles, sinceri, candidi, & veraces; Minimè vafri aut involuti. Asciscant sibi *Principes*, ante omnia, Ingenia talia.

Præterea

Præterea *Consilarii* rarò ita inter se uniuntur, quin alius super alium excubias agat; Adeò ut, si quis *Consilia* det factiosa; aut ad privatos Fines collimantia, celeriter hoc ad Aures *Principis* deveniet. Remedium autem præstantissimum fuerit, si *Rex* dent operam ut *Consiliarios* suos pernoscant; quemadmodum illi, ut *Principem*;

Principis est Virtus maxima nosse suos.

Contrà verò, *Consiliarios* non decet, nimios esse Rimatores, in Personam *Principis* sui. Vera enim *Consilarii* Constitutio hæc; Ut peritior sit in Negotiis *Principis*, quàm in Moribus ejus. Sic enim verisimile fiet, cum *Consilium* potius rectà directurum, quàm se *Principi* accommodaturum quò complaceat. *Principibus* etiàm hoc magno usui esse possit; Si Opiniones & Vota *Consiliarios* suorum, & Divisim, & conjunctim, recipiant. Etenim Opinio, in secreto prolata; liberior multò est; Sed illa, quæ coram aliis, gravior. Nam in privato quisque propriis Affectibus plus inservit; In consortio aliorum Affectibus magis obnoxius est: Itaque neutrum omittendum; Atque ab Inferioribus, in privato potius, ut Libertati consulatur; A Grandioribus, in Consortio potius, ut modestius Sententiam ferant. Nil prodest, si *Principes* de Rebus deliberent, nisi diligenter quoq; deliberent de Personis: Etenim Res omnes, tanquam Imagines mortuæ; Vita autem Actionis in Delectu Personarum potissimum consistit. Neque sufficit de Personis deliberare, secundum Genera, veluti in Idæâ quadam, aut Descriptione Mathematicâ; Qualis videlicet Character & Conditio Personæ esse debeat: Etenim Errores maximi interveniunt, & Judicii Libra maximè versatur, in Delectu Individuorum. Illud quoque memoriâ tenendum; *Optimi Consilarii Mortui: Libri* Veritati non parcunt, cum *Consilarii* fortè in Adulationem lapsuri sint. Utile itaque fuerit, *Libros* multum revolvere; Præsertim eorum Auctorum, qui & ipsi Gubernacula Rerum tractarunt.

Consilia, hac ætate, in locis plurimis, nihil aliud ferè sunt, quàm Congressus, & Colloquia familiaria: Ubi Res potius Sermonibus jactentur, quàm debitis Argumentis trutinentur. Atque plerunque præcipitanter nimis, ad Decretum vel Actum *Consilii*, properatur. Satiùs esset, si in majoris Momenti Negotiis, Res uno die deliberanda proponeretur, altero tractaretur; *In Nocte Consilium*. Id certè præstitum est, in *Tractatu Unionis*, inter *Delegatos Angliæ & Scotiæ*; Qui Conventus, regulariter, & optimo ordine, processit. Ad Petitiones autem privatas, Dies aliquos præfigi probo: Nam & Supplicantibus Tempora certa indicant, quibus commodius se applicent; Et solenniores Conventus exonerant, ut possint *Hoc agere*. In Delectu Deputatorum, qui Negotia ad *Consilium* informandum præparent, præstat eos eligere, qui a qui sint, & in neutram partem propendeant; Quam Æquitatem quandam creare, introducendo aliquos qui utrique parti sedulò faveant. Probo etiam *Delegationes*, non tantùm temporaneas, aut è re natâ; sed etiam continuatas, & perpetuas. Exempli gratiâ; Quæ curent separatim, *Commercium*; *Ærarium*; *Bellum*; *Gratias*; *Gravamina*; *Provincias particulares*. Sane, ubi in usu sunt *Consilia* subor-

subordinata diversa, atque unicum tantum superius *Consilium*, (ut fit in *Hispaniâ*,) nihil aliud ferè sunt ejusmodi *Consilia*, quam *Deputationes* (quales diximus) perpetuæ, nisi quod majore Auctoritate polleant. Si Casus postulet, ut informetur *Consilium*, ab Hominibus alicujus Muneris aut professionis particularis, (veluti Jurisperitis, Nauticis, Excusoribus Nummorum, Mercatoribus, Artificibus, & similibus,) audiantur illi primò coram *Delegatis*; Et postea, prout Occasio postulat, coram *Consilio*. Neque permittantur venire catervatim, aut more Tribunitio se gerere; Hoc enim foret, clamoribus *Consilium* fatigare, non Informationem, ut decet, exhibere. *Mensa oblonga*, & rursus *Quadrata*, sive *sedes ad parietes* Camerae *Consilii*, videri possunt; Formalia tantum, sed sunt profectò Realia: Nam ad *Mensam oblongam*, pauci qui prioribus locis sedent, Res quasi soli transigunt; verum in aliis, quas diximus, Figuris, major usus *Consiliariorum* qui inferiùs sedent. *Rex*, cum præsidet ipse in *Consilio*, caveat, ne sententiam suam, citiùs quam par est, declaret: Hoc si fecerit, *Consilarii* se ad nutum ejus applicabunt; & loco *Consilii* liberi, Canticum ei occinent; *placebo*.

XXI.

De Mora.

Fortuna Foro rerum vœnialium similis est; ubi sæpè (si paululùm expectare poteris,) minuetur Pretium. Rursus, aliquandò *Sibyllæ Licitationibus* assimilatur; Quæ primò plenas offert Merces, mox partes aliquas consumens, integrum tamen pretium postulat. Nam *Occasio* (ut in trito habetur Carmine,) *Occipitum nobis obvertit calum*, postquàm *Capillorum in Fronte copiam fecit non Arripientibus*: vel saltem utris Ansam præbet primò accipiendam; dein Ventrem, qui difficiliùs comprehenditur. Nusquàm certè major apparet Sapientia, quam in tempestivis Negotiorum Auspiciis, Principiisq; eligendis: Non jam levia sunt Pericula, si levia videantur; & plura Pericula fefellerunt, quam vim intulerunt. Quinimò, satius est, quibusdam periculis, quasi mediâ viâ occurrere, quam eorum Motus, & Appropinquationem, perpetuò inquirere, & observare. *Qui enim nimium invigilat, interdum dormitat*. E-contrariò, umbrarum Longitudine decipi, (ut quidam olim, quando *Luna* Horizonti proxima, Hostium Terga irradiabat,) atque ita ante tempus Tela emittere; aut Pericula, præmaturè obviando, accersere, alterum est Extremum. Nam *Opportunitatis Maturitas*, vel *Immaturitas*, est (ut antea diximus) ad amissim Examina. Ac, ut plurimum, expedit, omnium Magnorum Negotiorum Principia, *Argo* cum Centum Oculis suis, Exitus verò, *Briureo* cum centum Manibus suis, committere: primùm scilicet invigilare, postea accelerare. Etenim *Orci Galea*, quæ Politicum verè reddit Invisibilem, est, *Consiliorum Occultatio*, & *Expeditionum Celeritas*. Cum enim ad Executionem ventum sit, nulla *Occultatio Celeritati* est æquiparanda; More Globuli è Tormento emissi, qui tam velocitè pertransit, ut ipsam Oculorum Aciem antevertat.

X XII.

De ASTUTIA.

PER *Astutiam* intelligimus, sinistram quandam & obliquam Prudentiam. Et pro certo est, multum interesse, inter *Astutum*, & *Prudentem*; Non solum, quatenus ad Probitatem, sed etiam quatenus ad Mentis vires. Sunt qui Chartas pictas artificio quodam miscere sciunt, qui tamen Periti Lufores non sunt; Sunt itidem nonnulli, qui in Competitionibus, & Factionibus regendis, multum valent, aliàs verò infirmi Judicii sunt. Rursus, alia res est Personarum Naturas & Mores callere, alia verò Negotia pernoscere: Sunt enim haud pauci, qui in Personarum Aditibus, & Temporibus, versuti sunt, Neque tamen Partis Realis, Negotiorum, sunt capaces: Quæ est Constitutio ipsissima Hominum; qui in Personis dignoscendis, non in Libris evolvendis, operam collocârunt. Tales magis in Pragmaticis adhiberi debent, quam in Consiliis; Et non aliter ferè usum sui præbent, quam in viis, quas sæpè contriverunt. Convertè eos ad Homines novos, & Artibus suis excidunt: Adeò ut, vetus illa Regula, stultum à Sapiente dignoscendi, (*Mitte ambos ad ignotos & Videbis*,) de hujusmodi Hominibus non teneat. Quoniam autem *Astuti* isti Homines, similes sunt Pusillarum Mercium Propolis, non abs re fuerit, Officinas ipsorum excutere.

Inter *Astutias* numerari potest, ut quis *Vultum* ejus cum quo colloquitur, limatiùs observet: Quod etiam *Jesuitæ* præcipiunt. Sunt enim complures, iique ex prudentioribus, qui Corda habent obscura, vultus autem pellucidos. Verùm, decet hoc fieri, cum modestâ Oculorum, per vices demissione, quemadmodum & faciunt *Jesuitæ*.

Altera existit *Astutia*, ut cum aliquid properè, & facile obtinere & expedire cupias, Personam cum quâ agis, de alio quoquam negotio Sermonem inferendo, deteneas & præoccupes; Ne nimium ad Objectiones & Scrupulos evigilet. Equidè non veram *Consiliarium* quandam, & *Secretarium*, qui nunquam ad *Elizabetham* Reginam Angliæ, ad Diplomata manu *Reginæ* Signanda, accessit, quin à principio illam, in aliquos de rebus Statûs gravioribus sermones perduceret, ut hisce intenta ad Diplomata minùs Animum adjiceret.

Idem valet *subita Prehensionis Ratio*, si quis rem proponat, quando Persona, cum quâ agitur, ad alia festinat, neque moram pati potest rem accuratius considerandi.

Si cui in Animo est, Negotium aliquod destruere, quodd alius fortasse quispiam dextrè & cum effectû propositurus fuisset, ipse se erga Negotium *benè affectum simulet*, atque ipse rem proponat, sed eo modo, ut successum ejus disturbet.

Abruptio Sermonis in medio, quasi quis seipsum deprehenderet, & contineret, majorem generat Appetitum, in eo quocum colloqueris, ad ulterius inquirendum.

Quoniam autem imprimis fortius quod *Quæstione erutum est*,
S quam

quam quod sponte oblatum, possis ad inescandam Quæstionem insolitum induere vultum : ex quo Occasio detur Alteri interrogandi, Quid sibi velit ista Oris Mutatio ? Ut *Nehemias* fecit ; *Neque ante illud tempus tristis fueram in Conspectu Regis.*

In Rebus ambiguis, & ingratis bonum est initia, de iis Sermonem inferendi, alicui alteri deputare, cujus verba minoris sint ponderis, & majoris Auctoritatis vocem, in Subsidiis reservare, veluti casu fortuito intervenientem, ut interrogetur ille superveniens, de eo sermone, qui ab altero injectus est. Quod fecit *Narcissus*, cum indicaret *Claudio*, Matrimonium *Messalinæ* & *Silii*.

In Rebus, quas à se amoliri quis cupiat, non inutile est, vulgi Nomen mutuari : Ac si quis tali Formulâ utatur ; *Hoc vulgò dicitur*, aut *Increbuit Sermo*.

Noveram quendam, qui cum Literas scriberet, id, quod maximi erat Momenti, Post-Scripto semper includebat, ut rem ferè prætermissam.

Noveram & alium, qui cum ad Colloquium cum alio veniret, id quod maximè ei in Sermone curæ erat, præterire solitus erat, & discedere, & rursus redire, & tum demum ejus Rei mentionem facere, ac si illa ferè è Memoriâ excidisset.

Alii se subito deprehendi procurant, tali tempore, quo verisimile est, partem cui insidiantur, superventuram ; Ac simul se chartam aliquam, in Manu habentes, aut aliquid præter Consuetudinem agentes, inveniri volunt ; ut interrogentur de iis rebus, quas reverà ipsi eloqui cupiunt.

Astutiæ Species satis vafra est, ea verba proprio nomine prolata, sibi excidere pati, quæ alium arripere, & iis uti, quis expetit, ut inde alterum irretiat, & subruat. Noveram duos, pro Officio *Secretarii*, tempore *Reginæ Elizabethæ*, competitores ; Qui tamen se invicem amicè tractabant. Quique de Negotio ipso Competitionis suæ sapius conferebant : Atque alter ipsorum dicebat ; *Fieri Secretarium in Declinatione Monarchiæ*, rem esse haud parvi periculi ; seque illud Genus Honoris minimè ambire. Alter statim verba illa, callidè prolata, bonâ fide arripuit ; & cum Amicis suis nonnullis liberè sermones conferuit, dicens, se in *Declinatione Monarchiæ Muneris Secretarii* ambitiosum esse non debere. Prior ille occasione usus est, eaque verba ut ad *Reginæ* Aures pervenirent, tanquam scilicet ab altero prolata, curavit : Quæ indignata circa illa verba, in *Declinatione Monarchiæ*, cum ipsa se vigentem reputaret, posterioris illius Competitionem, nunquam postea admisit.

Est *Astutiæ* quoddam Genus, quod *Anglico* proverbio, *Felem in Abeno vertere*, satis absurdè dicitur ; cum ea verba, quæ quis apud alium profert, imputat Colloquenti, tanquam ab ipso prolata. Et, ut verum dicamus, cum talia aliqua verba inter duos agitata fuerint, difficile est probare & verificare, ab utro primùm incœperint.

Est *Artificium* in usu, ut quis in alios spicula quædam obliquè torqueat, justificando seipsum, per Negativas, utpote dicendo ; *Hoc ego non facio* ; ut *Tigellinus* fecit *Burrhum* fugillando ; *Se non diversas spes, sed Incolumitatem Imperatoris, simpliciter spectare.*

Nonnulli in promptu habent tot *Narrationes* & *Historiolas*, ut nihil sit quod insinuare cupiunt, quin id *Historiolæ* aliquâ involvere possint; Vnde, & semagis in tuto continent, quasi nihil disertè affirmantes, & rem ipsam majore cum voluptate spargi efficiunt.

Bonum est *Astutiæ* Genus, ut quis Responsum, quod obtinere cupit, conceptis verbis propenat. Etenim alteram partem minùs hæ-
fere facit.

Mirum est cernere, quamdiù nonnulli occasione[m] captent, dicendi illud, quod proferre cupiunt, & quanto circuitu uti sustineant; Et quot alia attingere, ut quò volunt perveniant. Res certè hæc, magnæ patientiæ, sed multi usûs.

Improvisa, & *Audax Quæstio*, aliquando Hominem deprehendit, & detegit. Simile quiddam evenit cuidam, qui Nomen mutaverat, & in *Templo Divi Pauli* obambulans, fuit ab alio, per Nomen suum verum, à tergo compellatus, ad quod statim retrospexit. Verùm Merces, hæc pusillæ, & *Astutiæ* minores, sunt infinitæ. Neque malè factum esset, si quis earum conficeret uberiores Catalogum; Quoniam nihil Rebus obest magis, quàm quod *Astuti* recipiantur pro *Prudentibus*.

Illud pro certo habendum, nonnullos, *Negotiorum Periodos* & *Pausas*, nollè, qui in ipsorum viscera, & interiora, penetrare nequeunt: ut reperiuntur *Ædes* nonnullæ, quæ *Gradus* noctæ sunt commodos, & *Anticameras*, sed absque *Cubiculo* aliquo pulchriore. Itaque tales videbis in *Conclusionibus Deliberationum* commodos quosdam *Exitus* reperire. Ad rem verò examinandam, & disceptandam, nullo modo sufficere. Attamen, sæpenumerò ex hac re *Existimationem* quandam aucupantur; veluti *Ingenia* quæ ad decernendum, potiùs quàm *Disputandum*, sint aptiora. Sunt qui magis innituntur *Delis*, quos alii struunt; quàm *Consiliis* solidis & sanis; Sed *Salomon* ait; *Prudens advertit ad Gressus suos; Stultus divertit ad Dolos*.

XXIII.

DE PRUDENTIA QUÆ SIBI SAPIT.

Formica Animalculum *Sibi sapiens*, sed in *Horto* nocivum. Et sanè fit, ut qui sui nimium amantes sint, *Reipublicæ* lædant. Partire itaque moderatè, inter *Amorem Tui ipsius*, & *Amorem Reipublicæ*: Atque ita tibi sis proximus, ut in alios non sis injurius: præsertim, in *Regem* tuum, aut *Patriam*. Centrum planè ignobile est, *Actionum* *Hominis* cujuscumque; *Commodum proprium*. Rectè *Terrestrem* naturam sapit. Terra enim suo stat fixa Centro; Ubi quæ affinia *Cœlestibus* sunt omnia, moventur super Centrum *Alterius*, cui benefaciunt. Ad se omnia referre, tolerabilius est in *Viris Principibus*; Quia ipsi intra *Personam* suam non consistunt; Sed *publico periculo*, & *Fortunâ*, degunt. Verum in *Servo Principis*, aut *Cive Reipub.* Res

est perniciosissima. Etenim Negotia publica universa, quæ ab id genus Homine expediuntur, ad Fines proprios flectuntur; Quos necesse est, Eccentricos sapere esse, ad Fines Domini, sive Status sui. Eligant itaque *Principes*, & Status, Ministros & Servos, qui hac Notâ non maculantur; Nisi velint Res suas Accessorii tantum loco esse. Imò quod hunc Effectum reddit magis exitiosum, illud est; Quod amittitur planè Rerum Analogia. Satis enim iniquum esset, si *Bonum* Servi præferatur *Bono* Domini; Sed adhuc longè iniquius est, cum *exiguum Bonum* Servi, antefertur *magno Bono Domini*. Veruntamen id sæpius factum est, per *Officiarios* pravos; Veluti *Thesaurarios*, *Legatos*, *Duces*, & alios Servos aut Ministros infideles & improbos: Qui Globulo suo pondus addunt Finium suorum minutorum, quod eum in transversum inclinet utilitatis Domini sui, in Rebus gravioribus & magni momenti. Et plerunque Commodum, quod ejusmodi Servi ad se attrahunt, est pro Modulo Fortunæ propriæ; At Detrimentum, quocum permutent Commodum illud, est pro Modulo Fortunæ Domini sui. Siquidem *Philantorum* istiusmodi Ingenium patitur; Ut non morentur Domum Proximi incendere, pro Re nihilo majore, quàm ad *assanda Ova sua*. Veruntamen hujusmodi Ministri, haud raro, apud Viros potentes, gratiâ pollent; Quia Illis jucunda procurant, Sibi utilia: Atque utriusvis Rei Causâ, Fortunam Domini sui prædent.

Prudentia quæ sibi uni sapit, in plurimis ejus Ramis, Res sanè depravata. Assimilanda *Sapientie Soricum*, qui Domum aliquam pro certo deferent, paulò ante Ruinam: *Sapientie Vulpis*, quæ *Taxonem* è Domo expellit, quam sibi defodit, non illi: *Sapientie Crocodili*, qui Lachrymas emittit, cum devorare cupit. Verùm illud imprimis observationem meretur; Quod hujusmodi Homines, qui (ut *Cicero* loquitur de *Pompeio*,) *Sui sunt amantes sine Rivali*; Sæpenumerò infortunati sint: Cùmque sibi, per totam vitam, sacrificaverint, in exitu sacrificant Inconstantiae Fortunæ; Cujus Alas sperabant se pulchrâ illâ *Sapientiâ* suâ præscidisse.

XXIV.

De INNOVATIONIBUS.

Sicut Partus recens editi informes sunt, Sic videre est in *novis Institutionis*, quæ sunt Partus Temporis. Veruntamen, ut qui in Familiam suam Honores primi introducunt, Posteris suis plerunq; Dignitate prælucent; Ita rerum Exemplaria, & Primordia, (quando feliciter jacta sunt,) Imitationem Ætatis sequentis, ut plurimum, superant. Malum enim, in Naturâ Humanâ, Naturali Motu fertur, qui processu invalescit; At Bonum, ut fieri amat in violentis Motibus, in primo Impetu fortissimum. Certè, omnis Medicina *Innovatio* est; Et qui *nova Remedia* accipere nolit, *nova Mala* expectet. *Novator* enim *maximus omnium Tempus*. Quod si *Tempus*, decursu solo, Res in Pe-

jus ferat; *Prudentia* verò & *Industria*, eas in Melius restituere non contendat, quis tandem erit Finis Mali? Hoc concedi prorsus debet; Quod consuetudine firmatum est, etsi minus sit bonum, aptum esse tamen Temporibus; Quæque uno quasi Alveo fluxerunt, Fœdere quodam conjuncta esse; ubi contrà *Nova veteribus* non usquequæque tam concinnè cohæreant: Etsi enim utilitate juvent; *Novitate* tamen & *Inconformitate* turbant. Sunt certè *Novitates*, tanquàm advenæ aut peregrini; quos *Admiratione* plus, minùs *Benevolentia* prosequimur. Rectè quidem hæc omnia, si *Tempus* quiesceret; Hoc tamen indefessè in Orbem agitur. Inde fit, ut *Importuna* & *Morosa Moris Retentio*, Res turbulenta sit, æque ac *Novitas*; Et qui vetera supersticiosè nimis reverentur, cedant in præsentis Seculi Ludibrium. Prudentèr igitur facient Homines, si, in *Innovationibus* suis, à *Tempore* Exemplum petant: *Tempus* enim *Innovat* vel inaximè, sed tacitè, pedetentim, ac sine Sensu. Illud enim pro certo habeas; Quod *Novum* est præter Spem & Expectationem accedere; Et huic adjicere aliquid, illi Eripere; At cui Incremento est *Novitas*, ille Fortunæ gratias habet, & Tempori; Cui verò Nocumento, is *Novitatis* Auctorem Injuriarum postulat. Expediit præterea, *Experimentis Novis*, in Corporibus Politicis medendis, non uti; Nisi urgens incumbat *Necessitas*, aut *Evidens* se ostendat utilitas: Et sedulò cavere, ut *Reformationis Studium Mutationem* inducat, non autem *Studium Mutationis Reformationem* prætexat. Quinetiam omnis *Novitas*, quam rejicere fortassè non datur, pro suspectâ tamen haberi debet. Denique, Ex *Scripturæ* Monito; *Stemus super vias Antiquas*, atque *circumspectiamus*, quæ sit *via bona, & recta, & ambulemus in eâ*.

XXV.

DE EXPEDIENDIS NEGOTIIS.

Celeritas nimia & affectata, *Negotia*, ut plurimum, perdit. Similis est illi Rei, quam *Medici Præ-digestionem*, sive præproperam *Digestionem*, vocant: Quæ Corpus implere solet Humoribus crudis, & secretis seminibus Morborum. Itaque *Negotiorum Expeditionem* ne metiaris, per Tempora Consulendi, sed per *Negotii ipsius progressum*. Et quemadmodum in Cursu, minime in Passus Granditate, aut Pedum Elevatione altiore, *Celeritas* consistit, sed in Motu eorundem humiliore, & æquabili; Ita in *Negotiis*, mordicus rei inhærere, neque partem *Negotii* nimiam pro unâ vice avidè amplecti, *Celeritatem* in conficiendo procurat. Curæ est nonnullis illud tantum, ut brevi tempore multum confecisse videantur; Aut ut Periodos aliquas *Negotiorum* falsas confingant, quò acres in *Negotiis* existimentur: Verùm aliud est, tempori parcere, *Negotium* contrahendo, aliud intercidendo: *Negotia* autem in eum modum tractata; Crebris nimirum Congressibus; plerunque

De Expediendis Negotiis.

fursùm deorsùm feruntur, magnâ Inconstantiâ. Novimus *Virum* prudentem, cui semper in ore erat, cum *Festinationem* nimiam videret; *Manete paulisper, ut expediamus celerius.*

Ex alterâ parte, vera *Celeritas*, in expediendis *Negotiis*, Res est pretiosa. Tempus siquidem *Negotiorum*, sicuti Pecunia Mercium, est *Mensura*: Emitur igitur *Negotium* Magno, ubi nimia est *protractio*. *Spartani, & Hispani*, Tarditatis notati sunt: *Mi venga la Muerte de Spagna: Veniet Mors mea ab Hispaniâ*: Tum, scio, cunctanter veniet.

Aurem illis prabe facilem, quibus primâ in *Informatione Negotii*, partes demandatæ sunt: Et potiùs viam illis monstres ab initio, quam postea in *Orationis* filo crebriùs interrumpas. Qui enim in *Ordine*, quem sibi præstituit; perturbatur, subsultabit, & prolixior fiet, dum *Memoriam* suam recolliget; Quam aliàs futurus fuisset, si suâ *Methodo* perrexisset. Sed interdum videre est, *Moderatorem* molestum esse magis, quam *Oratorem*.

Repetitiones plerumque cum *Temporis* jacturâ fiunt: Attamen *Statum Questionis* sæpè repetere, *Lucrum* est *Temporis* vel maximum. Etenim complures *Sermones*, prorsus abs re, in ipso partu, abigit. *Orationes* prolixæ & curiosæ, æque *Expeditioni Negotiorum* conveniunt, ac *Toga prælonga*, *Terram verrens*, *cursum*. *Præfatiunculæ*, *Transitiones bellæ*, & *Excusationes*, atque alia verba, quæ ad *Personam* loquentis referuntur, *Tempus* haud parùm devastant; Et licet à modestiâ emanare videantur, sunt tamen revera *Gloriolæ* captatrices. Sed cave, ne in rem ipsam, ab initio, descendas, cum in *Hominum* voluntatibus, *Impedimentum* aliquod reperiatur, aut *obstructio*: Etenim *Animorum* præ-occupatio sermonum semper postulat præfationes: Instar *Fomentationis* ante unguentum, quò unguentum molliùs subintret.

Ante omnia, *Ordo, & Distributio, & Partium* apta *Extractio, Celeritatis* tanquam vita est: Ita tamen ut *Distributio* non sit nimium subtilis. Nam qui *partitione* non utetur, in *Negotiis* nunquam commodè ingreditur; qui autem nimia utetur, vix emerget. *Tempora* prudenter deligere, *Tempus* plurimùm lucratur; Atque intempestiva propositio, nil aliud, quam *Aerem* verberare, & tempore abuti. Tres sunt *Negotiorum* *Partes*: *Præparatio*; *Consultatio* sive *Examinatio*; Et *Perfectio*: Harum, (si *Expeditioni* consulere in animo est,) *Media*, sit *Opus Multorum*; *Prima* autem, & *ultima*, *Paucorum* *Procedendi in Negotiis*, initium sumere, ab iis quæ scripto comprehensa sunt, plerumque *Expeditionem* promovet: Licet enim contigerit, ea in totum rejici, nihilominus *Negativa* illa, plus valebit ad *Consilia* educenda, quam *Indefinita*; Quemadmodum *Cinis* magis generativus, quam *Pulvis*.

XXVI.

DE PRUDENTIA APPARENTE.

REcepta est Opinio; Gallos prudentiores esse quam videntur Hispanos autem prudentiores videri quam sunt. Sed utcumque se Res habeat inter Gentes, certum est hoc usu venire inter Personas singulares. Sicut enim loquitur Apostolus de Pietate; *Speciem Pietatis habentes, sed Virtutem ejus negantes*; Ita certè inveniuntur nonnulli, qui nugantur solenniter, cum Prudentes minimè sint; *Magnò Conatu nugas*. Res est profectò Prudentibus ridicula, & Satyrâ digna, Affectatores istos videre; In quot Formas se vertant, & quali utantur Arte quasi prospectivâ, quâ superficies appareat Corpus, quod profunditatem, aut Dimensionem Solidi habeat. Alii tam Secreti sunt, & in se declarando parci, ut Merces suas, nisi sub obscurâ Luce; ostendere nolint; Et videri volunt, plus significare, quam loqui: Cumque sibi ipsis consciï sint, se de iis rebus loqui, quas non benè nôrunt; Cupiunt nihilominus videri, se illa nosse, quæ non possunt tutò loqui. Alii Vultu & Gestu verbis suffragantur, & veluti per signa sapiunt: Ut Cicero ait de Pisone; *Respondes, alterò ad frontem sublato, altero ad Mentum depresso supercilio; Crudelitatem tibi non placere*. Alii se valere putant, si grande quiddam loquantur, idque stilo peremptorio: Itaque nihil morantur, & pro admissis accipiunt, quæ probare non possunt. Sunt, qui, quicquid sub captum eorum non cadit, spernere, aut parvi pendere præ se ferunt, tanquam impertinens & curiosum; Sicque incitiam suam pro Judicio limato obtendunt. Alii Distinctionem aliquam semper in promptu habent; Et plerunque Hominum Ingenia subtilitate perstringendo, rem prætervehuntur. De quo genere loquitur Aulus Gellius; *Hominem delirum, qui verborum Minutiis, rerum frangit pondera*. Ad quod Exemplum, Plato in Protagora, per Ironiam, introducit Prodicum; Sermonem integrum contextentem ex Distinctionibus, à principio usque ad finem. Generaliter, istiusmodi Homines, in Consultationibus, *Negative* libenter se applicant; Et Existimationem quandam aucupantur, ex Scrupulis & Difficultatibus proponendis & prædicendis; Etenim cum id quod proponitur, penitus rejicitur, nil ultra restat agendum; Sin probatur, novâ indiget operâ: Quod Prudentiæ Genus spurium Negotia prorsus perdit. Ut verbo dicamus; Nec Mercator aliquis obatatus, Nec Decoctor Rei familiaris occultus, tot Artificiis se muniет, ad Divitiás simulandas; Quot Homines isti, *verâ Prudentiâ* destituti, utuntur, ad Prudentiæ suæ Opinionem tuendam. Certè, Homines hac Prudentiâ præditi, Opinionem Vulgi, faciliè aucupari possunt; Sed ad Negotia gravia tractanda, Nemo talium delectum faciat: Etenim, ad Negotia promovenda, satius proculdubio fuerit, Virum eligere paulò absurdiorē, quam hujusmodi Formalistam fastidiosum.

XXVII.

De AMICITIA.

Res sanè difficilis esset, etiam illi qui dixerit, plus veri ac falsi, idque compendio miscuisse, quam in illo Scito: *Quicunque Solitudine delectatur, aut Fera, aut Deus est.* Negari enim non potest, quòd insitum & latens odium, seu fastidium Societatis, si in aliquo deprehendatur, sapiat nescio quid belluinum: Illud tamen è converso, quod aliquam *Divinæ Naturæ* Speciem præ se ferat, falsissimum est; Nisi hujusmodi Vita solitaria minimè ab Amore ipsius Solitudinis proveniat, sed à studio secedendi, ut altioribus Contemplationibus quis vacet: Id quod in nonnullis Ethnicorum reperitur, sed affectatum & fictum; Ut in *Epimenide Cretense*, *Namia Romano*, *Empedocle Siculo*, & *Apollonio Tyanæo*; Sincerum tamen & verum in plurimis *Eremitarum* antiquorum, & in sanctis *Patribus Ecclesiæ*. Interea verò parùm perspiciunt Homines, quid hoc sit quod *Solitudo* nominatur, & quibus finibus circumscribitur: Turba enim non est Societas dicenda; Et Facies Hominum nihilò plus sunt quàm in Porticibus Picturæ; Colloquia verò absque Dilectione *Cymbalo* non præstant *tinnienti*. Hoc innuit id, quod Latino jactatum Proverbio; *Magna Civitas, magna Solitudo*. In magnis enim Urbibus *Amici* & *Necessarii* remotius disperguntur, adeò ut minùs plerunque familiariter, & in consortio, vivatur, quàm in Viciniis angustioribus. Quin & ulterius progredi licet, atque verissimè asserere, meram & miseram esse *Solitudinem*, ubi desunt *Amici* veri: Sine quibus Mundus nihil aliud quàm Eremitus est. Quo etiàm sensu si Solitudinem accipias; Quicumq; Naturà & Genio suo ab *Amicitia* abhorret, hujusmodi Affectum, à Bruto potius, quàm ab Homine mutuatur.

Maximus *Amicitia* Fructus, est *Levamen* & *Evaporatio* *Auxietatis* & *Tumorum Cordis*, quos Animæ Perturbationes, cujuscunque generis, imprimere solent. Novimus Morbos illos in Corpore esse maxime periculosos, qui ex Obstructionibus & Suffocationibus nascuntur: Neque multò secùs se res habet in *Ægreditudinibus* Animæ. Sarsam adhibere possis ad Jecoris, *Chalybem præparatum* ad Lienis, *Flores Sulphuris* ad Pulmonum, *Castoreum* ad Cerebri Oppilationes deobstruendas: Nulla autem invenitur Medicina Apertiva ad Obstructiones Cordis, præter *Amicum* fidelem; Cui impertire possis, Dolores, Gaudia, Metus, Spes, Suspiciones, Curas, Consilia, & quicquid denique Cor opprimat, tanquam sub Sigillo *Confessionis Civilis*.

Res est profectò mirabilis, si quis secum reputet, quàm magni *Principes summi* & *Monarchæ*, istum *Amicitia* Fructum, (de quo loquimur,) æstiment: Tanti sanè, ut eundem, & Incolumitatis suæ, & Amplitudinis, periculo, interdum co-emant. *Principes* enim, propter distantiam & sublimitatem Fortunarum suarum, à Fortunis Servorum & Subditorum suorum, Fructum hunc decerpere nequeunt: Nisi fortè,

(quò

(quod eum melius colligant,) aliquos evehant & promoveant, qui sint sibi tanquam Socii & Aequales: Id quod sæpenumerò non sine præjudicio fit. Linguae Modernæ, istiusmodi Personas, nomine *Gratiosorum*, vel *Amicorum Regis*, insigniunt; Ac si Res esset Favoris & Conversationis: At Vocabulum Romanum, ejus Rei, rectius exprimit, verum usum, atque Causam; Illos nominans, *Participes Curarum*; Hoc enim illud est, quod verum Ligamen præstat. Atque hoc fecisse manifestò videmus, non tantum *Principes* delicatos, & imbecillis animi; sed etiam prudentissimos, & maximè Politicos, ex iis qui regnarunt: Qui sæpè sibi adjunxerunt aliquos ex Servis suis; Quos & ipsi *Amicos* suos vocarunt; Et aliis eodem illos nomine insignire permiserunt: Non alio utentes vocabulo, quàm quod inter Homines privatae Fortunæ receptum est.

L. Sylla, postquam Romanum Imperium occupasset, *Pompeium*, (postea cognominatum *Magnum*), ad eam Potentiam evehit, ut *Pompeius* Superiorem jam *Sylla* factum se venditaret. Cum enim Amicum quendam suum *Consulem* fecisset, contra Ambitum *Syllæ*; Atque *Sylla* in malam partem hoc accepisset, & verba Indignationis nonnulla protulisset, *Pompeius* id minimè tulit, sed ferè disertis verbis, eum quiescere jussit; Addendo; Plures adorare Solem Orientem, quàm Occidentem. Apud *Julium Cæsarem*, *Decimus Brutus*, tantà gratiâ valuit, ut eum *Cæsar Octavio*, suo Nepoti, Hæredem substituerit. Atque hic ille fuit, qui *Cæsarem* ad Mortem suam pertraxit. Cum enim *Cæsar* Senatum dimittere in animo habuisset, propter mala quædam Præfagia, (præcipuè, Somnium quoddam *Uxoris* suæ *Calpurniæ*), *Brutus* eum molliter è Cathedrâ, arrepto Brachio ejus, levans, dixit; Sperare se, eum Senatum non tam parvi habiturum, ut dimittere illum vellet, donec *Uxor* Somnium melius somniasset. Et videtur sanè tanto favore apud *Cæsarem* polluisse, ut *Antonius* in Epistolâ quadam, quæ à *Cicerone*, in unâ ex *Philippicis*, verbatim recitatur, eum *Veneficum* appellaret; Ac si *Cæsarem* incantasset. *Augustus Agrippam*, ignobilem licet Natalibus, ad tantam Celsitudinem promovit, ut quando cum *Mecenate* deliberaret de Nuptiis Filiae suæ *Juliae*; *Mecænius* eum liberè monuisset; *Agrippam*, aut in Generum assumendum, aut interficiendum; Nihil esse tertium; Quandoquidem eum ad tantum fastigium perduxisset. *Tiberius Cæsar* *Sejanum* tantis honoribus auxit, ut ii duo haberentur tanquam Par Amicorum: Certè *Tiberius*, in Epistolâ quadam ad eum, ita scribit; Hæc pro amicitia nostrâ non occultavi. Atque universus Senatus, Aram Amicitiae tanquam Deæ dedicavit: propter arctam inter eos Amicitiam. Similis, aut etiam illâ majoris, Amicitiae Exemplum cernitur, inter *Septimium Severum*, & *Plantianum*: Etenim, Filium suum natu majorem, *Filiam Plantiani*, in Uxorem ducere, coegit: Ac *Plantianum* sæpè, etiam cum Contumeliâ Filii sui, honoravit. Quin & scripsit ad Senatum hisce Verbis; Ita Diligo Virum, ut cupiam eum mihi superstitem fore. Quod si hi *Principes*, *Trajano* alicui, aut *Marco Aurelio*, similes fuissent, immensæ Naturæ eorum Bonitati hoc attribui posset: Cum verò Viri tam prudentes extiterint, tantoque robore & severitate Animi præditi, tamque impensè Amatores sui; Liquidò probatur, eos Felicitatem suam, (licet vix major Mortalibus ullis obtigisset,)

gisset) veluti mutilam duxisse, nisi per hasce *Amicitias*, facta fuisset integra, & perfecta. Atque, quod majus est, affuerunt his *Principibus* Uxores. Filii Nepotes; Neque tamen hæc omnia, *Amicitie* Solatia, supplere valuerunt.

Minimè Oblivioni mandandum, quod *Communeus* notatum reliquit, de Domino suo priore, *Duce Carolo*, cognominato *Strenuo*; Eum Secreta sua cum Nemine communicare voluisse: Minimè omnium ea, quæ eum præ cæteris angebant. Et ulterius ait; Eam Animi obtectionem, posterioribus vitæ annis, Intellectum ipsius nonnihil debilitasse, & vitiasse. Potuisset certè *Communeus*, si voluisset, simile iudicium facere, de Domino suo posteriore, *Ludovico Undecimo*; Cui Occultatio Consiliorum pro tormento fuit. Tessera *Pythagoræ*, obscura, sed optima; *Cer ne edito*. Certè, si quis durum huic rei nomen imponeret, qui *Amicis* destituuntur, quibus Cogitationes suas, & Anxietates liberè impertiant; sunt Cordium suorum *Anthropophagi*. At illud planè ad Miraculum proximè accedit, (quocum claudam hunc, de primo *Amicitie Fructu*, Sermonem;) Nimirum; Istam cum *Amicis* Communicationem, contrarios duos Effectus producere; Gaudia enim conduplicat, Mœrores dimidiat. Nemo siquidem Lata sua *Amico* impertit, quin latetur amplius: Nemo autem Tristibus *Amicum* communicat, quin contristetur minùs. Adeò ut reverà, eàdem virtute polleat, super Animum Hominis; Quam Alchymistæ *Lapidi* suo tribuere solent, super Corpus Humanum; Hoc est; Quod contraria operetur, sed semper in Beneficium Naturæ. Attamen absque auxilio Notionum Chymicarum, extat hujus Rei Exemplum insigne, in Cursu Naturæ ordinario. Nam in Rebus Naturalibus, Unio alit & confortat Actiones quasque Naturales; Impressiones omnes violentas hebetat & retundit: Idemque prorsus fit in Animis.

Secundus *Amicitie Fructus*, salubris est *Intellectui*, sicuti primus *Affectibus*. *Amicitia* enim Serenitatem inducit in *Affectibus*, à Tempestatibus & Procellis; Verùm in *Intellectu* etiam Noctem abigit, & Lumen infundit, confusione Cogitationum dissipatâ. Neque hoc intelligendum est tantum, de Consilio Fideli, quod ab *Amicis* dari solet; Sed antequàm de illo dicamus; certum est; Quicumque Animum Cogitationibus multis gravatum habet, Ingenium ejus & Intellectum clarescere veluti in Diem, communicatione Consiliorum, & Discursu cum alio. Etenim Cogitationes suas faciliùs agit, & in omnes partes versat; Easdem ordinatius disponit; Illas tanquam in faciem intuetur, postquam conversæ fuerint in verba; Denique seipso prudentior evadit: Idque assequitur Horulæ magis unius Sermone, quàm Diei integræ Meditationibus. Rectè dictum est à *Themistocle*, ad Regem Persarum; *Sermones Tapetibus similes esse, cum explicentur, per quod Imagines distinctè conspiciuntur; Vbi Cogitationes, instar Sarcinarum quarundam, complicantur & involvuntur*. Neque etiam restringitur secundus iste *Fructus Amicitie*, (qui consistit in Obstructionibus *Intellectus* aperiendis,) ad eos solum *Amicos*, qui Consilio pollent; (Hi proculdubio optimi sunt;) sed & hoc seposito, discit profectò quispiam à seipso; Et proprias Cogitationes in Luminis Oras educit; Ingeniumque

geniūmque suum tanquam Cotem versus acuit, quæ Ipsa non secat. Ut verbe dicamus; præstat *Statua* cuidam, vel *Imagini*, se impertire, quam Cogitationes suas silentio suffocare.

Adde jam, (ut fiat sermo, de hoc secundo *Amicitie Fructu*, magis perfectus,) illud modò dictum; Quod promptius occurrit, & in vulgarem observationem cadit; *Fidele* intelligo ab *Amico Consilium*. Benè asserit *Heracitus*, in uno Aenigmatum suorum; *Lumen siccum optimum*: Atqui certissimum est; Lumen quod ab alio proficiscitur, per modum Consilii, illo siccus esse & purius, quod à proprio emanat iudicio, & intellectu; siquidem quod Affectibus semper maceratur & tingitur. Adeò ut, non minùs intersit, inter *Consilium Amici*, & *Consilium* cuiuslibet *Proprium*, quam inter *Consilia Amici*, & *Adulatoris*. Neque enim *Adulator* magis infestus, quam *Quilibet sibi*: Neque rursùs Remedium præstantius, contra *Adulationem sui ipsius*, reperitur, quam *Libertas Amici*. *Consilium* duorum generum est. Alterum de *Moribus*; Alterum de *Negotiis*. Quantum ad prius. Optimum, ad Animi sanitatem tuendam, Medicamentum, est *Admonitio Amici* fidelis. Seipsum ad rationes strictè reddendas compellere, Medicina est interdum, nimis penetrans, & corrosiva. Lectio Librorum Moralium, Res est paulò hebetior. Observatio priorum Defectuum in aliis, tanquam in speculo, aliquando, ut fit etiam in speculis, minùs respondet. Verùm (ut diximus) optima Medicina, (optima ad recipiendum, optima ad operandum;) est *Admonitio Amici*. Mirum profecto est videre, quot Errores enormes, & planè absurdos, committant aliqui (præsertim ex Grandioribus,) quia non adsit iis *Amicus*, qui inonere possit: In damnum haud parvum, & Existimationis, & Fortunæ suæ. Sunt enim, (ut ait *Apostolus Jacobus*,) *tanquam Homines, qui intuentur in speculum, & statim obliuiscuntur Imaginis suæ*. Quantum ad Negotia. Vetus est; *Melius videre Oculos, quam Oculum*; Licet nonnulli hoc cavillentur: Etiam rectè dicitur; *Spectatorem sæpè plus videre, quam Luforem*: Quin & certius disploditur Sclopetum majus, palo innixum, quam super Brachium; Etsi quidam tam altum sapiant, ut putent in sese esse omnia. Verùm, quicquid dici possit in contrarium, certum est, *Consilium* Negotia dirigere, & stabilire. Quod si quis secum cogitet, *Consilium* se quidem capturum, sed per partes; In aliis hunc, in aliis illum, consulendo; Benè habet; (Hoc est; Melius illi fuerit, quam Consilio omninò non uti;) verùm, in duo pericula impingit: Unum, quod vix fidele *Consilium* reperturus sit; Rarò enim, nisi à Fideli, & intimo *Amico* *Consilium* datur, quod non ad Dantis Fines inflexum & detortum sit. Alterum, quod *Consilia* illa, à diversis manantia, (licet cum Fide, & bonâ Intentione præstita,) damnosa sæpenumerò erunt & nociva; Ac partim ex Incommodis, partim ex Remediis, commixta; veluti; si Medicum advoces, qui in Curatione Morbi illius peritus habetur, sed Corporis tui Constitutionis penitùs ignarus: Quare poterit, fortassè, valetudinem, ad tempus, promovere; Sed cum periculò, ne, in summâ, sanitati præjudicet: Atque hoc pacto Morbum extinguet, & non ita multò post, Hominem. Verùm *Amicus*, cui statim *Amici* sui perfectè cognitus est, cavebit, ne in præsens juvando, in Ma-

lum futurum impingat. Itaque Consiliis istis dispersis, (ut jam dictum,) nolim acquiescas : Distrahent enim potiùs, & seducent, quam dirigent & stabiliunt.

Post nobiles hosce duos *Amicitiae Fructus* ; (*Pacem* dico in *Affectibus*, & *Fulcimentum Judicii*;) sequitur ultimus ; Qui similis est *Malo Granato* ; Plenus Granis compluribus : Intelligo autem Auxilium & Participationem, in Actionibus & Occasionibus vitæ. Hic autem, expeditissima via representandi ad vivum, usum multiplicem *Amicitiae*, fuerit, circumspiciendo & videndo, quam multa sint, quæ per se quispiam exequi commodè non poterit : Atque inde apparebit, non per Hyperbolen, sed sobriè dictum esse ab Antiquis ; *Amicum esse alterum se* : Quandoquidem, si quis verè rem reputet, *Amici* officia, proprias cujusque vires superent. Homines mortales sunt ; Quin & in Medio Operum aliquorum, quæ maximè affectant, sæpè moriuntur : Veluti in Collocatione Filii in Matrimonium ; Consummatione Conatuum & Desideriorum suorum ; Et similibus. Jam si quis *Amicum* habeat fidelem, securitatem præstat, de iisdem rebus, *Amici* curâ & operâ, post Mortem perficiendis : Adeò ut Fatum immaturum vix obsit ; Atque habeat quis, (ut loquamur more Tribulum aut Firmariorum,) in Desideriis suis, Terminum, non unius, sed duarum vitarum. Homo Corpore circumscribitur, & Corpus Loco ; Verùm ubi *Amicitia* præstò est, vitæ Munia omnia concessa sunt, & Sibi, & Deputato suo. Quot numero Res sunt, quas per se quispiam, cum Dignitate aut Decoro, peragere non possit ? Merita sua non potest cum verecundiâ recensere ; Multò minùs extollere : Non sustinet quis, ut se submittat, at supplicandum, aut etiam emendicandum : Infinita sunt talia. Verùm hæc, & hujusmodi, in *Amici* ore, sat decora sunt ; Ad quæ erubescimus in Personâ propriâ. Rursus, Persona cujusque, multa habet conjuncta, quæ exuere non potest : Filium alloqui quis non poterit, nisi ut Pater ; Uxorem, nisi ut Maritus ; Inimicum, nisi salvâ dignitate ; ubi *Amico* conceditur loqui, prout Res postulat ; Neque ad Respectus Personæ alligatur. Verùm hæc enumerare infinitum fuerit. Ipse Regulam dedi, ubi quis propriam Personam, in Fabulâ, sustinere non poterit : *Amicus* si desit, fatius est ei Scenam derelinquere.

XXVIII.

DE SUMPTIBVS.

OPes destinantur *Sumptibus* : *Sumptus* autem Honori, & Actionibus honestis. *Sumptus* itaque largiores, Occasionis & Rei dignitate commensurandi sunt : Etenim *Spontanea Paupertas* debetur quandoque *Patriæ*, non solùm *Regno Cælorum*. *Sumptus* autem consueti cujusque censu definiendi sunt ; eoque tenore temperandi, ut intra Reditus sint ; Nec servorum Fraudi, aut Incuriæ obnoxii ; Atque insuper in eum modum dispositi & ordinati, ut Rationes Impensarum exhibitæ, æstimatione sint minores. Certè, qui Diminutionem

tionem Fortunarum suarum pati nolit, necesse habet Impensas suas ordinarias ita instituire, ut dimidia tantum pars Redituum infumatur, altera reponatur: qui vero rem augere cupit, tertiam partem solam *Impensis* assignet. Haud sordidum est summis etiam Viris, si rationes suas diligentè inspiciant. Hoc omittunt complures, non tam Socordiâ, quam Aversatione quadam, ne se contristent, si res nimio plus accisas deprehenderint. Vulnera autem, nisi explorentur, sanari nequeunt. Qui *Oeconomica* sua commodè tractare non possunt, iis relinquitur, ut quos adhibent Ministros, & cautè eligant, & subinde mutent: Novi enim minùs audent, minùsque astuti sunt. Cui rarò Rationes suas inspicere datur, cum, quæ Computationi subjacent, in certos Reditus atque etiam *Sumptus*, vertere convenit. Qui impendiosior est in uno *Sumptus* genere, cum sobriè parcum, & frugi oportet esse in alio: Exempli gratiâ; Si victu abundantior, vestium elegantia sit moderatior; Si in Aula suâ copiosior, in Equili contractior sit; Et sic de similibus. Qui enim in singulis Impensarum generibus est profusior, Decoctionem Fortunarum ægrè vitabit. In perplexâ & obarata Re Familiari liberandâ, perinde sibi quis obesse poterit nimia Festinatione, ac dilatione nimia: Præproperæ enim venditiones, Jacturam ex usuris, sæpè exæquant. Porro autem, qui simul & semel sortem asserit, de Relapsu periclitatur: cum enim prætervectum tantas angustias se sentiat, ad Ingenium redibit: Qui autem se per gradus extricaverit, Habitum Frugalitatis inducit; eademque operâ tam Animo, quam Fortunis, medetur. Sanè qui res collapsas restituere in votis habet, vel minima quæque non spernat: Atque plerunque minùs sordidum est, *Sumptus* quamvis minutos præcidere, quam minutis *Lucris* se submittere. Cautè admodum inchoandi sunt *Sumptus*, qui semel inchoati permansuri sint. Sed in *Sumptibus*, qui non facile redeunt, splendidiorem & magnificentiorem esse licebit.

XXIX.

DE PROFERENDIS FINIBUS IMPERII.

Dictum *Themistoclis*, sibi ipsi applicatum, incivile certè fuit, & inflatum; sin de aliis, atque in genere, prolatum fuisset, prudentem sanè Observationem, & pergravem Censuram complecti videtur. Rogatus in Convivio, ut Cytharam pulsaret, respondit; *Fidibus se nescire; ceterum posse oppidum parvum in magnâ Civitatem evehere.* Ista certè verba, ad Sensum Politicum translata, Facultates duas, multum inter se discrepantes, in iis qui Rerum Gubernacula tractant, optimè describunt, & distinguunt. Etenim, si *Regum* Consiliarios, Senatores, aliosque ad Negotia publica admos, qui usquam fuerunt, attentè intueamur; reperientur profectò (licet rarissimè,) nonnulli, qui *Regnum* aut *Civitatem*, è parvis ampla efficere possint, *Fiducines* tamen sint valde imperiti: Econtrâ autem, Alii quamplurimi, in Cytharâ, aut Lyrâ, (hoc est Aulicis Tricis,) miri Artifices, qui, tantum abest, ut *Rempub.* amplificare possint, ut por-

Sermo hic, Exempli vice, libro 8. De Augmentis Scientiarum, capite 3. invenitur.

tiùs à Naturâ comparati videantur, ad Statum Reip. Beatum & Florentem, labefactandum, & evertendum. Sanè, Artes illæ degeneres, & præstigiæ, quibus sæpenuerò *Consilarii*, atque Rerum potentes, & Gratiam apud *Principes* suos, & Famam in vulgus, reportant, haud aliud Nomen merentur, quam *Peritiæ* cujusdam *Fidiculariæ*; utpote, cùm sint Res, magis gratae in præsens, & Artificibus ipsis Ornamento, quam ad Rerumpub. quarum sunt Ministri, Opes & Amplitudinem, utiles, aut Accommodæ. Occurrent proculdubio & alii *Consilarii*, atque Reipub. Gubernatores, minimè spernendi, qui sint Negotiis pares, possintque Res commodè administrare, easque à manifestis præcipitiis, & Incòmodis conservare; A virtute tamen illâ *Rerumpub. Eretrice* & *Amplificatrice*, longo Intervallo absunt.

Verùm qualescunque demum fuerint Operarii, conjiciamus Oculos in Opus ipsum; Qualis nimirum censerì debeat vera *Regnorum* & *Rerumpub. Magnitudo*, & quibus *Artibus* obtineri possit: Dignum profectò Argumentum, quod *Principes* perpetuò in manibus habeant, & diligenter meditentur; Quo nec Vires suas in majus æstimantes, Incœptis se vanis & nimis Arduis implicent; Nec rursus easdem plus æquo despicientes, ad Consilia pusillanima & meticulosa, se demittant.

Magnitudo Imperiorum, quoad *Molem* & *Territorium*, *Mensura* sub-jicitur; Quoad *Reditus*, *Calculus*. *Numerus Civium*, & *Capita*, *Censu*; *Urbium* & *Oppidorum* *Amplitudo*, *Tabulis* excipi possint. Attamen non reperitur inter Civilia, Res Errori magis obnoxia, quam verum & intrinsecum excipere valorem, circa vires & Copias *Imperii* alicujus. Assimilatur *Regnum Cælorum* non Glandi, aut Nuci alicui grandiori, sed *Grano Sinapis*, quod inter grana est minimum; Quod tamen habeat interim, intra se, proprietatem quandam, & Spiritum innatum, quo se & citiùs attollat, & latius diffundat: eodem modo, invenire est *Regna* & *Status*, *Ambitu* quidem & *Regionum Tractu*, valdè ampla; Quæ tamen ad *Fines* ulterius *proferendos*, aut latius imperandum, sunt minùs apta; Alia contrà, *Dimensione* satis exigua, quæ tamen Bases, in quibus maximæ *Monarchiæ* inædificentur esse possint.

Urbes munitæ, plena Armamentaria, Equorum Propagines generosæ, Currus armati, Elephanti, Machinæ atque Tormenta Bellica omnigena, & similia; sunt certè ista universa nihil aliud, quam *Ovis induta pelle Leoninâ*; Nisi *Gens* ipsa, stirpe suâ, & Ingenio, sit fortis, & Militaris. Imò, nec Numerus ipse Copiarum multum juvat, ubi Milites imbelles sunt, & ignavi. Rectè enita *Virgilius*; *Lupus numerum Pecorum non curat*. Exercitus *Persarum*, in Campis *Arbele*, Oculis *Macedonum*, tanquam vastum Hominum Pelagus, subjiciebatur; Adèò ut Duces *Alexandri*, nonnihil Ipso spectaculo perculsi, *Regem* interpellarent, atque ut nocturnum prælium committeret, ei Auctores erant: Quibus ille; *Nolo*, (inquit,) *suffurari victoriam*. Ea autem etiam opinione fuit facilior. *Tigranes Armenius*, castrametatus in quodam Colle, cum exercitu *Quadringentorum Millium*, cùm spectaret *Acie Romanorum*, quæ quatuordecim Millia non excessit, contra se tendentem, in *Scommate* illo suo sibi complacuit, *Ecce*, (inquit,) *Hominum*,

Hominum,

Hominum, pro Legatione, nimio plus quam oportet, pro Pugna, longè minus. Eisdem tamen, priusquam occubisset Sol, satis multos, ad illum infinità strage profligandum, expertus est. Innumera sunt exempla, quam sit Multitudinis cum Fortitudine, congressus impar. Primum igitur, pro re certissimâ & exploratissimâ decernatur, & statuatur; Quod Caput omnium, quæ ad *Magnitudinem Regni* aut statûs spectent, sit, ut populus ipse sit stirpe & Ingenio bellicosus. Atque illud magis tritum, quam verum, quod *Nervi Belli sint Pecuniæ*; Si desint Nervi Laceratorum in Gente molli & Effœminatâ. Rectè eni in *Craso* ostendenti Aurum respondit *Solon*; *At si quis, (O Rex) venerit, qui melius quam tu Ferrum gestet, illi profectò totum hoc cedit Aurum.* Quare, quicumque is tandem sit *Princeps* aut Status, cujus subditi Nativi & Indigenæ, non sint Animosi & Militares, Potentiam suam admodum sobriè æstimet: Atque econtrâ, *Principes*, qui dominantur in Gentes Animosas & Martias, nôrint illi satis vires suas, si sibi aliàs non desint. Quod attingit ad Copias Mercenarias, (quod solet adhiberi Remedium, cum Copiæ Nativæ desint,) plena sunt omnia Exemplis; Quibus liquidò patet, quod quicumque status illis innitetur, poterit fortassè Pennas, ad tempus breve, Nido majores extendere, sed defluent illæ paulò post.

Benedictio Judæ, & Issacharis, in unum nunquam convenient; Nimirum, ut eadem Tribus aut Gens, sit simul, & *Leonis Catulus*, & *Asinus procumbens inter Sarcinas*. Neque unquam fiet, ut Populus *Tributis* oppressus, Fortis existat, & Bellicosus. Verum est, Collationes publico consensu factas, minùs Animos Subditorum dejicere, & deprimere, quam quæ ex Imperio mero indicuntur. Id quòd liquidò videre est, in *Tributis Germaniæ inferioris*, quas *Excisæ* vocant; Atque, aliquâ ex parte, in iis, quæ *Subsidia* nominantur apud *Anglos*. Etenim notandum est, sermonem jam institui, de Animis Hominum, non de Opibus. *Tributa* autem, quæ ex consensu conferuntur, & quæ ex Imperio imponuntur, etsi eadem res sint, quoad Opes exhauriendas, variè tamen omninò Animos Subditorum afficiunt. Statuatur igitur & hoc, *Populum Tributis gravatum*, idoneum ad imperandum, non esse.

Aspirantibus ad *Magnitudinem Regnis & Statibus*, prorsus cavendum, ne *Nobiles & Patricii*, atque (quos vocamus) *Generosi*, majorem in modum multiplicentur. Hoc enim eò rem deducit, ut *Plebs Regni* sit humilis & abjecta; Et nihil aliud ferè quam *Nobilium* Mancipia & Operarii. Simile quiddam fieri videmus in Silvis cædvis; In quibus, si major, quam par est, Caudicum, sive Arborum majorum relinquatur Numerus, non renascetur Silva sincera & pura; Sed major pars in Vepres & Dumos degenerabit: Eodem modo, in *Nationibus*, ubi numerosior justo est *Nobilitas*, erit *Plebs* vilis & ignava; Atque eò demùm Res redibit, ut nec Centesimum quodque Caput, sit, ad Galeam portandam, idoneum: Præsertim si peditatum spectes; Qui Exercitus plerunque est Robur præcipuum; Unde succedet magna Populatio, vires exiguæ. Nusquam Gentium, hoc quòd dico, luculentius comprobatum est, quam Exemplis *Angliæ & Galliæ*; Quarum *Anglia*, quamvis Territorio, & Numero Incolarum, longè inferior,

De Proferendis Finibus Imperii.

potiores tamen Partes ferè semper in Bellis obtinuit; Hanc ipsam ob Causam, quod apud *Anglos*, Coloni, & inferioris Ordinis Homines, Militiæ habiles sint, Rustici *Gallia* non item. Quâ in re, mirabili quadam & profundâ prudentiâ excogitatum est, ab *Henrico Septimo Angliæ Rege*, (Id quod in *Vitæ ejus Historiâ* fusiùs tractavimus, (ut prædia minora, atq; Domus Agricolationis instituerentur, quæ habeant certum, eumque Mediocre Agri Modum annexum, qui distrahi non possit; Eo fine, ut ad Victum liberaliorem sufficiat; Utq; Agricultura ab iis exerceretur, qui Domini fuerint Fundi, aut saltem Usu-fructuarii, non Conductitii, aut Mercenarii. Nam ita deinùm Characterem illum, quo Antiquam *Italiam* insignivit *Virgilius*, merebitur Regio aliqua;

— Terra potens Armis, atque Vbere Glebæ.

Neque prætereunda est illa Pars *Populi*, (quæ *Angliæ* ferè est peculiaris, nec alibi (quod scio) in usu, nisi fortè apud *Polonos*,) *Famuli* scilicet *Nobilium*: Hujus enim Generis etiam Inferiores, quoad Peditatum, Agriculis ipsis minimè cedunt. Quare certissimum est, quod Magnificentia, & Splendor ille Hospitalis, atque Famulitia, & veluti Satellitia ampla, quæ in more sunt apud *Nobiles*, & *Generosos*, in *Angliâ*, ad Potentiam Militarem apprimè conducant; Ubi contrà, *Nobilium* obscura, & magis privata, & in se reducta Vitæ ratio, Copias Militares minuit.

Danda est omnino opera, ut *Arbor* ista *Monarchiæ*, qualis fuit *Nebuchadnezzaris*, *Truncum* habeat satis amplum, & robustum, ad Ramos suos & Frondes sustentandos: Hoc est, ut Numerus *Indigenarum*, ad Subditos extraneos cohibendos, satis superque sufficiat. Illi igitur Status, ad *Imperii Magnitudinem* benè comparati sunt, qui *Jus Civitatis* facile & libenter largiuntur. Vana siquidem fuerit *Opinio*, posse Manipulum Hominum, utcunque Animis & Consilio excellent, *Règiones* nimio plus amplas & spatiosas, *Imperii* Jugo cohibere & frænare. Id ad tempus fortassè facere possint, sed Diuturnitatem hæc res non assequitur. *Spartani* parci fuerunt & difficiles in cooptandis novis Civibus. Unde donec intra parvos Limites dominati sunt, Res eorum firmæ fuerunt, & stabiles; At postquam Limites suos cœpissent proferre, & latius dominari, quàm ut Stirps *Spartanorum*, Turbam Exterorum, Imperio commodè coercere posset, Potentia eorum corruit. Nulla unquam *Respublica* sinus suos, ad novos Cives recipiendos, tam profusè laxavit, quàm *Respublica Romana*. Itaque par erat, Instituto tam prudenti, *Fortuna*; Cùm in Imperium toto Orbe amplissimum succreverint. Moris apud eos erat, *Jus Civitatis* promptè elargiri; Idque in supremo Gradu: Hoc est, non solum *Jus Commercii*, *Jus Connubii*, *Jus Hereditatis*; Verumetiam *Jus Suffragii*, & *Jus Petitionis* sive *Honorum*: Hocque rursus, non singulis tantum Personis, sed totis Familiis, imò Civitatibus, & nonnunquam integris Nationibus communicarunt. Huc adde Consuetudinem deducendi Colonias, quibus *Romanæ Stirpes* in Solum exterum transplantabantur. Quæ duo Instituta, si simul componas, dices profectò, non *Romanos* se diffudisse super *Universum Orbem*; sed contrà, *Orbem*

Univer-

Univerſum ſe diffuſiſſe ſuper *Romanos*: Quæ ſecuriſſima proferendi Imperii eſt Ratio. Subit mirari ſæpiùs Imperium *Hiſpanorum*, quod tam paucis Indigenis, tot Regna & Provincias amplexari & frænare poſſit. At certè, *Hiſpaniæ* ipſæ, pro Arboris Stemmata, ſatis grandi haberi debent; cùm longè ampliorem contineant Regionum Tractum, quàm *Romæ*, aut *Spartæ*, ſub Initiis ſuis, contigerat. Porro, quanquam *Jus Civitatis*, ſatis parcè ſoleant *Hiſpani* impertire, quod proximum tamen eſt, faciunt; Quippe, qui cujuſcunque Nationis Homines, ad Militiam ſuam ordinariam, promiſcuè admittant: Quinetiam, ſummum Belli Imperium, haud rarò, ad Duces, Natione non *Hiſpanos*, deferunt. Attamen, & illam ipſam, videntur, non ita pridem, Indigenarum paucitatem ſenſiſſe, eique ſuccurrere cupiſſe; Ut ex *Pragmaticâ Sanctione*, hoc Anno promulgatâ, cernere eſt.

Certiſſimum eſt, *Artes Mechanicas Sedentarias*, quæ non ſub Diò, ſed ſub Teſto exercentur; Atque *Manuſacturas delicatas*, quæ Digitorum potiùs quàm Brachium requirunt: Suâ Naturâ, Militaribus Animis eſſe contrarias. In univerſum, Populi Bellicoſi feriarum gaudere, Et Pericula quàm Labores minùs exhorrent. Atque in hoc Ingenio ſuo, non ſunt admodum reprimendi, ſi Animos ipſorum in vigore conſervare, cordi nobis ſit. Magno itaque Adjumento, *Spartæ*, *Athenis*, *Romæ*, aliisq; antiquis Rebus publicis fuit, quod habuerint non Ingenuos, ſed Servos plerunque, quorum Laboribus iſtiuſmodi Opificia expediebantur. Verùm Mancipiorum uſus, poſt *Legem Chriſtianam* receptam, maximâ ex parte, abiit in deſuetudinem. Huic vero Rei proximum eſt, ut Artes iſtæ Alienigenis tantum permittantur; Qui propterea alliciendi, aut ſaltem facilè recipiendi ſunt. *Nativorum* autem *Plebs*, ex tribus Generibus Hominum conſtare debet; Nempe ex *Agricolis*; *Famulis Ingenuis*; & *Artificibus*, quorum Opera Robur & Lacertos viriles poſtulant: Cujusmodi ſunt *Fabri Ferrarii*, *Lapidarii*, *Lignarii*, & ſimiles; Non annumerando *Militiam Deſcriptam*.

Ante omnia, ad Imperii Magnitudinem conſert, ut Gens aliqua *Armorum ſtudium* proſiteatur, tanquam Decus ſuum, & Inſtitutum Vitæ primarium, & in præcipuo Honore habitum. Quæ enim à Nobis adhuc dicta ſunt, ad Habilitates tantum erga Arma ſpectant; Quorum autem Habilitas, ſi non Rei ipſi incumbitur, ut producat in Actum? *Romulus* (ut narrant, aut fingunt,) poſtquàm è vivis exceſſerat, illud *Civibus* ſuis legavit, Ut ante omnia *Rem Militarem* colerent, unde in Caput Orbis Terrarum Urbs eorum inſurgeret: Imperii *Spartani* Fabrica univerſa, (non nimis prudenter quidem, ſed diligenter tamen,) ad illum Finem & Scopum, compoſita eſt & conſtructa, ut Cives ſui Belligeratores eſſent. *Perſarum*, & *Macedonum*, idem erat Inſtitutum; ſed non tam conſtans aut diuturnum. *Britanni*, *Galli*, *Germani*, *Gothi*, *Saxones*, *Normanni*, & nonnulli alii, etiàm ad tempus Armis ſe præcipuè dederunt. *Turcæ* idem Inſtitutum, *Legem* ſuâ paululùm extimulati, hodiè retinent, ſed magnâ cum Militiæ ſuæ, (ut nunc eſt,) Declinatione. In *Europâ Chriſtianâ*, Gens quæ illud adhuc retinet & proſitetur, ſoli ſunt *Hiſpani*. Verùm Res eſt, tam liquida, & mani-
T 3 feſta;

De Proferendis Finibus Imperii.

feſta, unumquemque in eo proficere maximè, in quo plurimum impendit Studii, ut Verbis non indigeat. Satis ſit innuiſſe, deſperandum omnino alicui Nationi eſſe; quæ non ex profeſſo Arma & Militiam colat, iſſque præcipuè ſtudeat & incumbat, ſibi veluti ultrò obventuram, inſignem aliquam *Imperii Magnitudinem*: Contrà autem, certiffimum eſſe Temporis Oraculum, Nationes illas, quæ in Armorum profeſſione & ſtudiis diutiùs permanſerint; (Id quod *Romani, Turcæque*, potiſſimum fecere;) Miros in *Imperio amplificando* facere Progreſſus. Quin & illæ, quæ Bellicâ Gloriâ, per unius tantummodo Seculi ſpatium floruerunt; Inde tamen, unico illo Seculo, eam *Imperii Amplitudinem* aſſecutæ ſunt, quam longo poſt tempore, etiam remiſſâ illâ Armorum Diſciplinâ, retinuerunt.

Præcepto præcedenti affine eſt; Ut Status quis utatur ejuſmodi Legibus, & Conſuetudinibus, quæ juſtas illi Cauſſas, aut ſaltem prætextus, Arma capeſcendi, tanquam in promptu miniſtrent. Etenim, ea eſt inſita Animis Hominum Juſtitia Apprehenſio, ut Bellum, (quod tot ſequuntur Calamitates,) niſi gravem ob Cauſſam, ſaltem ſpecioſam, inferre abſtineant. *Turcis* præſtò eſt ſemper, & ad Nutum, Belli Cauſſa; Propagatio ſcilicet Legis & Sectæ ſuæ. *Romani*, quanquam pro magno decore *Imperatoribus* apud eos fuerit, ſi *Fines Imperii* ipſorum protuliſſent, tamen ob hanc Cauſſam, ut *Fines proferentur*, nunquam Bella ſuſceperunt. Aspiranti igitur ad *Imperium* Nationi, illud in more ſit; Ut Senſum habeat vividum & acrem, Injuriam alicujus; vel Subditis ſuis Limitaneis, vel Mercatoribus, vel publicis Miniſtris, illatâ; Neque à primâ provocatione diutiùs Torpeat, aut tardet. Item, prompta ſit, & alacris, ad Auxilia mittenda *Sociis ſuis*, & *Fœderatis*. Id quod perpetuum erat apud *Romanos*: Adeò ut, ſi fortè in *Populum Fœderatum*, cui etiam cum aliis Fœdus Deſenſivum intercederet, Hoſtilis Impreſſio facta eſſet; Atque ille à plurimis ſuppeticas peteret; *Romani* omnium primi ſemper adeſſent, Beneficii Decus, nemini præripiendum relinquentes. Quod verò attinet ad Bella, antiquis temporibus, propter *Statuum Conſormitatem* quandam, aut *Correſpondentiam tacitam*, geſta, non video in quo Jure illa fundata ſint. Talia fuerunt Bella, quæ à *Romanis*, ſuſcepta erant, ad *Græciam* in Libertatem vindicandam; Talia à *Lacedæmoniis* & *Athenienſibus*, ad conſtituendas, aut evertendas *Democratias*, & *Oligarchias*: Talia quandoque illata ſunt, à Rebus publicis aut Principibus, ſub prætextu, Subditos alienos protegendis, & à Tyrannide liberandi. Ad rem præſentem ſufficiat, ut illud decernatur; Non eſſe expectandam, Statui alicui, *Imperii Amplitudinem*, niſi ad quamvis Occaſionem juſtam ſe Armandi, protinùs expergificatur.

Nullum omninò Corpus, ſive ſit illud Naturale, ſive Politicum, abſque *Exercitatione*, Sanitatem ſuam tueri queat. Regno autem, aut Reipublicæ juſtum, atque honorificum Bellum loco ſalubris *Exercitationis* eſt. Bellum Civile profeſſò inſtar Caloris Febrilis eſt; At Bellum Externum inſtar Caloris ex Motu, qui Valetudini imprimis conducit. Ex Pace enim deſide atque torpente, & emolliuntur Animi, & corrumpuntur Mores. Sed utcunquè Res ſe habeat, quatenùs ad alicujus Status *Felicitatem*, *Magnitudinis* procul dubiò intereſt, ut quaſi ſemper

per in Armis sit. Atque Exercitus Veteranus, perpetuò tanquam sub vexillis habitus, etsi Res sit, magni proculdubiò Sumptùs & Impensæ; Attamen ejusmodi est, ut statui alicui, quasi Arbitrium Rerum inter Vicinos, aut saltem plurimum Existimationis ad omnia, conferat. Id quod insigniter cernere est in *Hispanis*, qui jam per Annos Centum & viginti, Exercitum Veteranum, ad aliquas Partes, licet non semper ad easdem, aluerunt.

Maris Dominium, Monarchiæ quædam Epitome est. *Cicero*, de *Pompeii* contra *Cæsarem* Apparatu, scribens ad *Atticum*; *Consilium* (inquit) *Pompeii*, planè *Themistocleum* est; Putat enim, qui *Mari* potitur, cum *Rerum* potiri. Atque *Cæsarem Pompeius*, proculdubiò delassasset, & attrivisset, nisi inani Fiducia inflatus, ab illo Incepto desitisset. *Prælia Navalia*, quanti fuerint momenti, ex multis Exemplis patet. Pugna ad *Actium*, Orbis Imperium determinavit. Pugna ad *Insulas Cursulares*, *Circulum in Naribus Turcæ* posuit. Multoties certè evenit, ut *victoriæ Navales*, Finem summæ Belli attulerint; Sed hoc factum est, cum *Alex* hujusmodi Præliorum, totius Belli Fortuna commissa est. Illud minimè dubium, quod qui *Maris* potitur Dominio, in magnâ libertate agit, & tantum, quantum velit, de Bello sumere potest: Ubi contrà, qui *Terrestribus* Copiis est superior, nihilo minus plurimis Angustiis conflictatur. At hodiè, atque apud Nos *Europæos*, si unquam, aut uspiam, potentia *Navalis*, (quæ quidem huic Regno *Britanniæ* in Dotem cessit,) summi, ad *Rerum* Fastigia, momenti est; Tum quia pleraque *Europæ Regna* *Mediterranea* simpliciter non sunt, sed maximâ ex parte *Mari* cincta; Tum etiam, quia utriusque *Indiæ* *Thesauri* & *Opes*, Imperio *Maris*, veluti Accessorium quiddam, existunt.

Bella Moderna, veluti in Tenebris gesta, censeri possunt, præ *Gloriâ* & *Decore* vario, quæ in Homines Militares, priscis temporibus, à *Rebus* Bellicis, resilire solebant. Habemus hodiè, fortassè ad Animos faciendos, *Ordin* quosdam *Honorificos Militiæ*; Qui tamen jam facti sunt *Armis* & *Togæ* communes: Etiam in *Scutis Gentilitiis*, *Stemmata* nonnulla habemus: Insuper, *Hospitia* quædam *Publica*, Militibus Emeritis & Mutilatis destinata; & hujusmodi. Verùm, apud *Veteres*, in *Locis*, ubi *victoriæ* Partæ sunt, extructa *Trophæa*; *Laudationes* *Funebres*; *Monumenta* magnifica *Occumbentium* in Bello; *Coronæ Civicæ*; *Militares*, singulis concessæ; *Nomen* ipsum *Imperatoris*, quod postea *Reges* maximi à Belli Ducibus mutuati sunt; *Redeuntium Ducum*, Bellis prosperè confectis, celebres *Triumph*; *Donativa* atque *Largitiones* ingentes in *Milites*, sub *Exercituum* *Dimissionem*: Hæc (inquam) tot & tanta fuerunt, & tam insigni splendore coruscantia, ut *Pectoribus* *Mortalium*, etiam maximè conglaciatis, *Igniculos* subdere, eaque ad Bellum inflamare potuerint. Ante omnia verò, *Mos* ille *Triumphandi*, apud *Romanos*, non Res erat ex *Pompâ*, aut *Spectaculum* quoddam inane, sed inter *Prudentissima* planè *Nobilissima*que *Instituta*, numerandus: Utpotè, qui in se hæc tria haberet; Ducum *Decus* & *Gloriam*; *Aerarii* ex *spoliis* *Locupletationem*; & *Donativa* *Militum*. Verùm *Honor* *Triumph*, fortassè *Monarchiis* non competit, præterquam in *Personis Regum* ipsorum,

aut

aut *Filiorum Regum*; Quod etiam, temporibus *Imperatorum*, *Romæ* obtinuit: Qui Honorem ipsum *Triumph*i, *Sibi* & *Filiis* suis, de Bellis, quæ præsentibus ipsi confecerant, tanquam peculiarem reservârunt: *Vestimenta* autem solummodò, & *Insignia Triumphalia*, aliis *Ducibus* indulserunt.

Verùm, ut Sermones hos claudamus; Nemo est, (ut testatur *Sacra Scriptura*, qui sollicitè cogitando, potest apponere ad staturam suam, *Cubitus unum*; In pusillo scilicet Corporis Humani Modulo: Cæterùm in magnâ *Regnorum* & *Rerum pub.* Fabricâ, Imperium amplificare, & *Fines* proferre, *Reges* penes & *Dominantes* est. Nam prudenter introducendo *Leges*, *Instituta*, & *Consuetudines*, quales jam proposuimus, & alias his similes, *Posteris*, & *Seculis futuris*, *Magnitudinis Sementem* fecerunt. Verùm ista *Consilia* apud *Principes* raro tractantur, sed *Res Fortunæ* plerunque committitur.

XXX.

DE REGIMINE VALETVDINIS.

IN *Regimine Valetudinis*, invenire est quandam *Prudentiam*, ultra *Regulas Medicinæ*: *Observatio* cuiusque propria, eorum quæ nocent, eorum quæ juvant, optima est *Medicina* ad *Sanitatem* tuendam. Verùm tutius est concludere; *Hoc sensu mihi nocuisse, ergo eo non utar*; Quam isto modo; *Hoc quod sensu, minimè offendit, ergo eo uti licet*. Etenim *Vigor Juventutis*, excessus plurimos tegit, qui tamen in *Senectute* tandem velut *Debita* exigentur. Considera *Aetatem* ingruentem, neque confide eadem perpetuò continuare: Non enim *Bellum* indicendum *Senectuti*. Cave à subitâ aliquâ *Mutatione*, in *Regiminis* parte quapiam *Principali*; Quod si *Necessitas* urgeat, cætera ad eam *Mutationem* accomoda. Secretum enim est, & *Naturale*, & *Politicum*; *Tutius est, multa mutare, quam unum Magnum*. Examini tamen subicias *Consuetudines* tuas; *Dietæ*, *Somni*, *Exercitationis*, *Vestium*, *Mansionis*, & similium: Et, si quid nocumento esse iudices, experire illud paulatim exuere; Ita tamen, ut si ex *Mutatione* *Nocumento* aliquid perceperis, ad *Consuetam* redeas: Difficile enim distinguere inter ea, quæ toto genere sunt salubria, & ea quæ Corporis tui unici *Constitutioni* conveniunt: *Vacuo Animo* esse, & *hilar*i, ad *Horas Cibi*, *Somni*, & *Exercitationis*, est ex optimis præceptis, ad prolongandam vitam. Quatenus ad *Animi Passiones*, & *Studia*; *Devita Invidiam*; *Metus anxios*; *Iram intus cohibitam*; *Subtiles* & *nodosas Disquisitiones*; *Gaudia*, & *exhilarationes immodicas*; *Tristitiam* altè pressam; & non communicatam. *Amplere* *Spes*; *Lætiam* potius quam *Gaudium*; *Delectationum Varietatem* magis quam *Satietatem*; *Admirationem*, & propterea *Novitates*; *Studia* quæ *Animum replent splendidis & illustribus Objectis*; Veluti, *Historias*, *Fabulas*, *Peragrationes Naturæ*: *Medicationem* si omninò fugias, *valetudine* utens bonâ; *Corpori ingrator* accedet, cùm *Necessitas* ingruerit. *Eidem* si nimium assuescas, detrahet de viribus & efficacîa ejus,

ejus, quando Morbus Advenerit. Probo potiùs *Dietas* quasdam, ad certa Tempora, quam usum Medicamentorum frequentem; Nisi jam pridem transierit in Consuetudinem. *Dietæ* enim hujusmodi, alterant Corpus magis, perturbant minùs. Ne contempnas Accidens aliquod in Corpore tuo novum & insuetum, sed Consilium *Medicorum* circa illud adhibe. Dum ægrotas, valetudinem tuam cura maximè; Dum vales, Copore tuo utere, nec sis nimis delicatus: Qui enim, dum valet, Corpori tolerantiam imperat; In Morbis compluribus, qui scilicet non sunt Acuti; *Dietâ* solâ, & Corporis *Regimine* paulò exquisitiore, curari possit absque multâ *Medicatione*. *Celsus* Monitum illud suum, nunquam parturisset ut *Medicus*, nisi unâ fuisset vir prudens. In præceptis dat, tanquam Arcanum tuendæ valetudinis, & prolongandæ vitæ; ut quis Contraria alternet, & subinde mutet, sed cum Inclinatione in Extremum benignius. Nempe; Victu utere parciore, & pleniore, sed pleniore sapiùs: Vigiliis, & Somno largiori insuescas, Sed Somno magis: Quietem, & Motum sive Exercitium repetas, sed frequentius Motum; & similia. Ita enim Natura simul & fovebitur, & Robur acquirat. Ex *Medicis* aliqui, erga Aegrum, & ejus Desideria, tam sunt indulgentes, ut Morbi Curam legitimam non urgeant; Alii contrà, tam regulares & rigidi, in procedendo secundum Artem, circa Curam Morbi, ut Aegri Conditionem & Naturam, non satis respiciant: *Medicum* elige temperaturæ mediæ: Vel si hoc ad votum, in uno aliquo *Medico*, non cesserit, adhibe ex utroque genere unum: Atque memor sis advocare *Medicum*, Corporis tui gnarum, non minùs quam in Arte suâ spectatum.

XXXI.

De SUSPICIONE.

S*uspiciones* inter Cogitationes, sunt ut inter Aves Vespertiliones: Nunquàm volitant, nisi Luce creperâ. Reprimendæ certè sunt, aut saltèm cautè custodiendæ: Mentem enim obnubilant; Amicos alienant; & Negotia interpellant; Ita ut nec alacritè, nec constanter, peragi possint. *Reges* inclinant ad Tyrannidem; *Maritos* ad Zelotypiam; Etiam *Prudentes* ad Animi Vacillationem, & Melancholiam. Sunt autem *Suspiciones*, Defectus, non tam Cordis, quam Cerebri: Locum enim reperiunt etiàm in fortissimis Animis: Exemplo esse poterit *Henricus Septimus, Rex Angliæ*: Quo non fuit alter Suspiciator, nectamen Animosior. In ejusmodi verò temperaturâ, minùs nocent: plerunque enim non admittuntur, nisi priùs discutiantur, utrùm probabiles sint, annon? Utrùm in meticulosis Ingeniis, nimio plus prævalent. Nihil certè æque facit Hominem multa *suspiciari*, ac parùm scire. Itaque rectissimè adhibetur remedium, ad *Suspiciones*, ut quis Inquisitionem urgeat. Fumo enim & Tenebris aluntur *Suspiciones*. Quid sibi tandem volunt Homines? Existimantne sanctos, quorum Opera utuntur, & quibuscumque versantur, Angelos esse, aut Sanctos?

*Sanctos? Nesciuntne illos, ad suos proprios Fines, Aspirare; & unumquemque proximiorē esse sibi, quam alteri? Nullus itaque est Modus, moderandis Suspicionibus aptior, quàm Remedia parare, ac si Suspensiones essent veræ; iis verò Fræna injicere, ac si essent falsæ. Eatenus enim Suspensiones usui esse poterint, ut ita nos comparemus, quod quamvis verum foret, quod suspicamur, nocere tamē non possit. Suspensiones, quas ex se Mens colligit, sunt nisi inanes Bombi: Quæ verò externo Artificio aluntur, Animisq; Hominum instillantur, Sufurronum & Famigeratorum Sæmonibus, aculeos habent. Optima certè ratio, expediendi nos, ex impeditâ hac Suspensionum Sylvâ, est libera quadam & aperta illarum Declaratio, apud eos, quos Suspectos habemus: Hinc enim fieri non potest, quin plus cognoscamus, utrū veræ sint, necne, quam antea. Hoc simul reddeteum, quem suspectum habemus, cautum magis & circumspectum, ne novam præbeat Suspensionis Ansam. Sed Hoc fieri non oportet, cum Hominibus pravæ Indolis, & Degeneris: Hi enim, ubi semel se suspectos sentiant, Fideles postmodum nunquā evadent. Diverbium habetur apud Italos, *Sospetto licentia fede*. Quasi Suspicio Fidei missionem daret: Cum potius Fidem accendere deberet, ut seipsam liberaret.*

XXXII.

De Discursu Sæmonum.

Sunt qui in Sæmonibus, affectant potiùs Ingenii Laudem, quā in quacunque partem disputare possint, quā Judicii, in Veritate enucleandâ: Ac si laudabile esset, invenire quid dici possit, non quid teneri debeat. Sunt qui in promptu habent, Locos aliquos Communes, & Themata, in quibus luxuriantur, cætera steriles & jejuni; Quod Penuriæ genus plerunque tædio afficit, & quamprimum notam subierit, in ridiculum evadit. Pars Sæmonis Honoratior, hæc est; Ansam Sæmonis præbere; Et rursus eidem moderari, ac ad alia transire; Tunc enim quis Chorem ducit. Bonum sanè, in Conversatione & Colloquiis Familiaribus, subinde variare; Et Sæmones circa res præsentēs cum Disputationibus; Narrationes cum Argumentis; Quæstiones cum Positivis; Jocosa cum Seriis, immiscere: Satiètatē siquidem & Fastidium parit, in aliquo Subjecto diutiùs hære. Quantum ad Jocos; Sunt quædam, quæ à Joco, veluti privilegio, eximi debent; Religio, Negotia Reipublicæ, Personæ sublimes, Privatorum Negotia majoris momenti; denique Casus omnis miserabilis. Nonnullos tamen reperies, quibus Ingenia sua obdormiscere videbuntur, nisi acutum aliquem & mordacem Sarcasum in quempiam contorserint. Ille Habitus omninò coercendus;

Parce Puer stimulis, & fortius utere loris.

In summâ, Discrimen servandum, inter Salsâ, & amara. Certè, qui Satyricam amplectitur venam, sicut aliis metum injicit ab Ingenio suo, ita

ita ab aliorum memoriâ metuere debet. Qui interrogat multum, & addiscet multa, & placebit in multis; præsertim si quæstiones suas, ad captum & peritiam Respondentis, adaptet; Siquidem Occasionem ei præbebit Scientiam suam ostentandi; Ipse autem novis continuò Scientiæ augmentis dotabitur. Molestæ autem ne sint Quæstiones; Id Examinatori convenit. Etiam qui *Sermonis* Familiaris Dignitatem tueri cupit, aliis vices loquendi relinquat. Quin&, si qui adsint, qui dominari in *Sermonibus*, & tempus universum occupare studeant, illos Arte quadam abrumperè sciat, & alios ad loquendum inducere; Sicut Tibicines moderari solent Saltantibus. Scientiam si quandoq; dissimules, eorum quæ scire existimaris, putaberis aliàs ea scire, quæ nescis. *Sermo* alicujus de Seipso, rarus esse debet, & cum Judicio. Novi quendam, cui sæpè in ore erat, pèr Ironiam; *Oportet hunc egregiè sapientem esse, ita multa de seipso loquitur.* Vix occurrit Casus aliquis, in quo se laudare quis decorè possit, præter unum: Is est, si Virtutem alterius laudet; Sed eam intelligo Virtutem, ad quam ipse aspirat. *Sermo* alios pungens & vellicans, parcè utendus: Etenim *Sermones Familiars* debent esse instar Campi aperti, in quo spatari licet; Non viæ Regiæ, quæ deducit Domum. Noveram *Nobiles* duos, ad partem *Angliæ* Occidentalem; Quorum alter *Scommatibus* nimio plus indulgebat, sed hospitalis admodum erat. Alter autem quærere solebat, à Convivis illius prioris; *Dic sodes; annon Scommata aliquod intercesserat, in quempiam jactum?* Cui Conviva fortè; *Tale aliquid contigit:* At ille, utpote alterius *Æmulus*; *Satis sciebam, enim prandium bonum malis Condimentis corrupturum.* *Sermo* cum Discretione præstat Eloquentiæ; Et aptè loqui, & accommodatè, ad Personam cum quâ colloquimur, efficacius est, quàm Ornamenta Verborum, aut Methodi, captare. *Continuata Oratio* bona, absque Interlocutione bonâ, Tarditatem monstrat: At Replicatio, & Interlocutio bona, absque Facultate *Orationem* continuandi, Penuriam, & Scientiam minimè fundatam, prodit: Quemadmodum in Animalibus videmus, quæ cursu minùs valent, flexu maximè agilia esse: Ut fit inter Leporarium, & Leporem. Circumstantiis nimio pluribus, *Orationem* vestire, antequam rem ipsam attingas, tædium parit; Iisdem penitùs carere, abruptum quiddam est, & ingratum.

XXXIII.

DE PLANTATIONIBUS POPULORUM,
& COLONIIS.

Colonia eminent inter Antiqua & Heroica Opera. Mundus, cum adhuc juvenis esset, Plures progeniit Liberos; Nunc Senex factus, pauciores. Etenim, non immeritò *Colonias* novas, tanquam Liberos Nationum antiquiorum, duxerim. *Plantationem Populorum* probò in Solo puro: Intelligo, ubi Populus non destruitur, ut Populus inferatur: Hoc enim cum fit, *Extirpatio* prorsus est, non *Plantatio*. *Plantatio Regionum* non absimilis est *Plantationi Sylvarum*: In quibus

quibus de Utilitate capiendâ nihil cogitandum ante Annum vicefimum: Verùm Fructus uber & locuples, in fine Operis, expectandus. Illud certè, quod præcipuè *Colonias*, aliàs benè successuras, evertit, fuit, sordida illa & avida Lucri Captatio, sub initiis *Coloniarum*. Verum est; Lucri Segetem acceleratam, non negligendam, modò cum Bono *Coloniæ* conjuncta sit, sed non ultrà. Indignum quiddam & infustum est, cum Fæx Populi, Exules, & Damnati, in *Coloniæ* Seminarium sumuntur. Quin & *Coloniæ* ipsam corrumpit & perdit. Hujusmodi enim Homines profligati instar Erronum degent; Nec Operi accingent, sed Otio se dedit; Quin & scelera perpetrabunt, Fruges consument, & *Coloniæ* Fastidio afficientur: Ac tum demùm, Nuncios & Literas in Patriam mittent, in *Plantationis* præjudicium & dedecus. Populus, qui in *Coloniæ* sumatur, præcipuè sint Artifices generum sequentium: Hortulani, Aratores, Fossiores, Fabri Ferrarii, Fabri Lignarii, Piscatores, Aucupes, Chirurghi, Pharmacopolæ, Coci, Pistores, Cervisiarii, & hujusmodi. In *Regione*, ubi *Plantare* instituis, circumspice primò, quod genus Esculentorum & Poculentorum, Terra ex sese, sine culturâ, edat: Veluti Castaneas, Juglandes, Nuces Pinûs, Olivas, Dactylos, Pruna, Cerasa, Mel silvestre, & similia; Atque illis, ut par est, utere. Dein disquire, quod genus Victualiorum, Solum proferre possit celeriter, intra Annum: Veluti Pastinacas, Caricas, Brassicas, Cepas, Raphanos, Melones, Pepones, Cucumeres, Artiplices de *Hierusalem*, Maiz, & alia. Quantum ad Triticum, Siliquam, Hordeum, & Avenam, nimiam Grana hæc poscunt culturam: Attamen à Fabis & Pisis etiam inchoare licet: Tum quia minore operâ indigent; Tum quia non minùs Cibi loco, quàm Panis, inserviunt. Etiam ab Oriza multiplex provenit Seges; Quæ & Cibi quoque copiam facit. Ante omnia, magna copia transportanda, Panis Biscocti, Farinæ ex Avenâ, Pollinis, Farinæ omnigenæ, & similibus, ut sub initiis præstò sint, donec Panis confici possit. Pecudes, & Aves, delige eas, quæ à Morbis præcipuè immunes sunt, & præ cæteris prolificæ: Quales sunt Porci, Capræ, Galinæ, Galinæ Indicæ, Anseres, Columbæ domesticæ, Cuniculi, & similes. Præcipio autem Piscationibus incumbendum, tum ad sustentationem *Coloniæ*, tum ad Lucrum Exportationis. Commeatus in *Coloniis* adeò parcâ manu ferè distribuendus, ac si in Oppidis obsessis esset; Hoc est, pro ratâ. Maxima autem Pars Soli, quod in Hortos aut Segetes convertitur, Horreis publicis assignetur; In quibus Fruges reponantur, & Mensurâ certâ distribuantur: Ita tamen ut supersint nonnullæ Fundi Portiones, in quibus Industria singulorum se exercent. Circumspice insuper, quas Merces nativas *Regio* illa producat, ut Exportatio earum, in loca ubi maximè in pretio sunt, sumptus levet; Ut usu venit in *Nicotiano* apud *Virginiam*; Modò non sit, (ut jam dictum,) in præjudicium intempestivum *Coloniæ* ipsius. Sylvæ in *Regionibus* desertis, ut plurimum, abundant; Itaque Ligna, ad Ædificia, Naves, aut ejusmodi usus apta, inter præcipuas Merces numeranda. Si inveniatur Vena Ferri, & Rivuli ad Molendina Ferraria idonei, Ferrum è Mercibus quæstuosissimum est, in *Regionibus* sylvis. Salis nigri Confectio per Calorem Solis, si Clima ferat, digna res est quæ tentetur. Etiam Sericum vegetabile,

gerabile, si adsit, Merx est lucrosa. Pix cujuscunque generis, ubi proveniunt Pinus & Abietes, semper præstò est. Quin & Pharmaca, & Ligna Oderata, si reperiantur, hæud parvum Commodum præbent. Etiam Cineres, quibus ad Sapam utuntur, non modicum Utilitatis afferent; Similiter & alia quæ perquiri possunt. Verùm Fodinis ne confidas nimium, præsertim à principio. Fodinae enim fallaces sunt, & sumptuosæ; Et spe pulchrâ lactantes, *Colonos* reddunt circa alia focios. Regimen *Coloniæ* committatur uni, cui tamen assideant Consiliarii aliquot; Atque muniantur Auctoritate, ad Exemplum Juris Militaris, sed aliquantulum restrictâ. Ante omnia, hunc sibi decerpant Homines fructum, vivendò in Eremitio; Ut Deum semper, ejusque Cultum, præ Oculis habeant. Rursus, *Colonia*, à numerosiore Concilio, (Intelligo in Regione, Matre *Coloniæ*, residente,) non pendeat; Nec ob Contributiones exiguas Multitudini nimiae subjiatur; Sed sit Numerus eorum, qui Negotia *Coloniæ* procurant & ordinant, moderatus: Sintque potius ex *Nobilibus*, & *Generosis*, quàm *Mercatoribus*; Hi enim Lucro præfenti plus satis inhiant. Sit planè Immunitas à Vectigalibus & Portoriis, donec *Colonia* adoleverit: Neque tantum Immunitas à Solutionibus Pecuniarum concedatur, sed etiam Libertas Merces in quascunque velint Partes exportandi; Nisi gravis aliqua Causa obfuerit. *Coloniæ* Populo ne farcias aut superoneres, alios post alios mittendò: Sed potius Informationi diligenti intende, quot Capita de tempore in tempus minuantur; Eaque numero conveniente, pro rata, suppleas; Ita tamen, ut *Coloniæ* bene victitent, nec penuriâ affligantur. Magnum jampridem Salubritati complurium *Coloniarum* detrimentum intulit, Ædificatio juxta Mare & Fluvios, in Locis paludinosi & aquosi. Itaque, etsi ab hujusmodi Locis incipiendum, propter Vecturæ & aliarum rerum Commoditatem, paulatim tamen in superiores *Regionis* partes, & ab Aquis remotiores, ascendendum. Interest etiam Sanitatis *Coloniæ*, ut Salis fiat bona Copia convehatur; Quo Cibi, quos verisimile est putridos aliter sæpè futuros, condiantur. Si *Coloniæ* plantes, ubi Barbari sedes suas habeant, nequiquam eos Nugis tantum, & Tricis, concilies; Sed Justiciâ, & Modis gratiosis, demerere; Nihil tamen de præfidiis minuendo; Quæ ad Securitatem pertinent: Neque etiam Benevolentiam eorum aucupare, Auxiliis contra Hostes suos; Sed Auxiliis Defensivis non incommodum erit subvenire. Interest etiam, aliquos ex Indigenis, sæpè in *Regionem*, unde *Colonia* migravit, mittere; ubi videant Conditiones Hominum suis multò præstantiores; Idque subreditu, inter suos divulgent. Postquam *Colonia* adoleverit, & robur acceperit, tempestivum erit Mulieres summittere; Ut *Colonia* ex sese propagetur, nec semper ab Externis pendeat. Super omnia flagitiosissimum est, *Coloniæ* semel deductam, deferere & destituere; Præterquam enim quod dedecori est, nil aliud est, quàm Proditio mera, Profusque Sanguinis, complurium Hominum miserorum.

XXXIV.

De Divitiis.

Divitiis Cognomine magis proprio vocare nequeam, (quàm ut eas appellem *Impedimenta Virtutis*. Sicut enim se habent *Impedimenta ad Exercitum*, ita *Divitiæ ad Virtutem*: Necessariæ siquidem sunt, sed graves: Quinetiam Cura illarum Victoriæ sæpè disturbat. *Divitiarum* magnarum nullus est Usus, præterquàm in iis expendendis: Cætera in Opinione versantur. Idem dicit *Salomon*; *Vbi multa sunt Opes, multi qui comedunt eas*; Et quid prodest Possessori, nisi quod cernat *Divitiis* Oculis suis? *Possessio Divitiarum*, nullâ voluptate Dominum perfundit, quantum ad Sensum: Est sanè Custodia ipsarum; Est etiam Potestas Donativi aut Distributionis; Est & Fama, & Inflatio ab ipsis; Sed non datur solidus ipsarum Usus, qui ad Dominum pertingat. Annon vides ficta illa pretia, quibus Gemmæ, & hujusmodi rariora, æstimantur; Et quam inania Opera suscipiantur, ad ostentationem meram, ut Usus aliquis *Divitiarum* magnarum videri possit? Sed dicet quispiam, Usum earum vel in hoc maximè cerni posse; Quod Dominos ex Periculis & Calamitatibus redimant: Ut ait *Salomon*; *Substantia Divitis Urbs roboris ejus, & quasi Murus elevatus in Imaginatione sua*: Sed cautè *Salomon*, quod *Imaginatione*, non *reipsâ*, tales sunt. Plures enim, sine Controversiâ, *Divitiis* suis magnis vœnerunt, quam redempti sunt. *Divitiis* magnas ne secteris; Sed quas parare possis justè, impendere sobriè, erogare hilariter, & libenter dimittere. Neque tamen Contemptum ipsarum, instar *Monachi* alicujus, aut à Seculo abstracti, foveas; Sed de Usu distingue; Sicut *Cicero* optimè de *Rabirio Posthumo*; *In studio rei amplificandæ, apparebat, non Avaritiæ prædam, sed Instrumentum Bonitati queri*. Ausculta etiam *Salomoni*, nec præpoperæ Opum Accumulationi inhia; *Qui festinat ad Divitiis, non erit insons*. Fingunt Poetæ, *Plutum*, (qui *Divitiis* sonat,) à *Jove* missum, claudicare, & tardigradum esse: A *Plutone* autem, currere, & pedibus celerem. Innuentes, *Divitiis*, bonis Artibus, & justo Labore, partas, tardè accedere; Sed per Mortem aliorum advenientes (veluti ex Hæreditatibus, Testamentis, aut similibus,) præcipitanter ruere. Nec minùs poterit Fabula ea de *Plutone* intelligi, si *Plutonem* pro *Diabolo* accipias. Cum enim Opes à *Diabolo* fluunt, (veluti, per Fraudes, Oppressiones, Injusticiam, & Scelerâ,) rapido cursu feruntur.

Via ad ditescendum variæ, & pleræque earum fœdæ. *Parsimonia* inter optimas censeretur, neque tamen ipsa omnino innocens est: Opera enim Liberalitatis & Charitatis coarctat. *Soli Cultura*, quasi ad *Divitiis* maximè genuina; Utpote quæ *Benedictio Magnæ Matris Telluris* sit; Verùm lenta est hæc Via. Attamen ubi Homines insigniter opulenti, se ad *Agriculturam*, & *Lucra Rustica*, submittunt, *Divitiis* in immensum coacervant. Noveram ex *Proceribus Angliæ* quendam,

quendam, cui maximi Reditus proveniebant, è Re Rusticâ; suprà Subditos ceteros quoscunque *Ætatis* meæ. Dives erat Armentis; Ovis; Sylvis, tam caudis, quàm grandioribus; Lithanthracibus; Frumento; Plumbi & Ferri-Fodinis; Et compluribus aliis proveni- tibus Rusticis. Adeò ut Terra ei instar Maris erat, Merces perpetuò importans. Rectè à quodam observatum; Se magno cum Labore ad exiguas, & nullo ferè ad magnas *Divitias*, pervenisse. Postquam enim Res alicujus Nummaria, sic increverit, ut Nundinarum & Mer- catuum Opportunitates præstolari possit; Atque eos Contractus su- perare, quibus ob Summæ Magnitudinem, per pauci admodum Homi- nes apti sunt; Atque etiam in Laboribus aliorum participare, qui minùs Pecuniâ abundant; Fieri non potest, quin supra modum ditesi- cat. *Lucra ex Professionibus*, honesta certè sunt; Et duabus rebus pro- moventur maximè; Diligentiâ, & Famâ bonâ propter probitatem in Negotiando. At Lucra ex Contractibus majoribus plerunque Na- turæ magis ancipitis; Cùm quis scilicet aliorum Necessitates & Angu- stias oblideat; Servos & Ministròs alienos in Damnum Dominorum corrumpat; Emptores alios, qui in majora fortè pretia consensissent, artificiosè & vafre summoveat; Et hujusmodi Fraudes exerceat; Quæ omnes meritò damnandæ sunt. Quantum verò ad *Emptiones*, animo, non retinendi, sed rursùs divendendi; illæ ex utrâque ferè parte molunt; Tam Venditorem, quàm Emptorem prementes. *Societates* locupletant affatim; Si cautus adhibeatur Delectus eorum, quibuscum *Societas* initur. *Fœnus* ex certissimis Lucri Generibus est; licèt ex pravissimis: Utpote quod Hominem Panem suum comedere faciat; *In sudore Vultus alieni*: Atque in *Sabbatho* operari non cessat. Attamen certum licèt sit, non caret rimis suis secretis: Siquidem No- tarii, & Institores, ad Commodum proprium, Homines Fortunarum dubiarum, quandoque extollent. *Primum* esse in *Inventione* aliquâ novâ, aut Privilegio, Inundationem quandam Opum interdum largi- tur: Sicut contigit primo *Sacchari Excoctori* in *Canariis*: Itaque si quis se peritum Dialecticum præstare possit, ut addat Inventioni Judici- um, magna haud dubiè efficiet; Præsertim si Tempora sint propitia. Qui Lucra tantummodò certa captat, ægrè ad magnas *Divitias* asur- get: Contrà, qui totus in incertis est, vix Fortunarum Dispendia vi- tabit: Bonum igitur fuerit incerta Lucra certis munire, ut Damnis subveniatur. *Monopolia*, & *Mercium Coemptiones* ad *Revenditionem*, ubi Lege nullâ prohibentur, ad *Divitias* viam sternunt facilem; præ- sertim si quis prospicere possit, quæ Merces in æstimationem venturæ sint, atque eo modo se illis abundè instruat. Opum Acquisitio, per *Servitium Regum*, aut *Magnatum*, Dignitatem quandam habet; Tamen si Assentationibus, & servilibus Artificiis, sese ad omnes Nutus flecten- do, parentur, inter vias vilissimas poterit numerari. Quantum ad *Venationem Testamentorum*, & *Legatorum*, (quemadmodum *Tacitus Se- necam* insinulat; *Testamenta & Orbos tanquam indagine capi*;) adhuc pejor est hæc Res: Quanto cum Hominibus Conditionis humilioris, rem habemus, quam in Servitio.

Fidem illis nimiam ne adhibeas, qui præ se ferunt Contemptum *Divitiarum*: Etenim *Opes* despiciunt, qui desperant; Neque invenies

usquam Tenaciores, ubi incipient ditescere. Ne sis in Minutis tenax; *Divitiæ* alas habent, & aliquando ex sese avolant, aliquando emittenda sunt, ut ampliores congregent. Opes suas Moribundi relinquunt, aut usui publico; Aut Liberis, Cognatis, & Amicis; In utroque genere, *Legationes* paulò moderatiores melius cedunt. *Divitiæ* magnæ Hæredi relictae, Aves rapaces undique ad eas convolare invitant; Nisi Hæres fuerit Ætate & Judicio confirmator. Similiter *Fundationes* gloriosæ & splendide, in usus publicos, sunt instar *Sacrificiorum sine sale*; Et nihil aliud quàm, *Dealbata Eleemosynarum Sepulchra*; Quæ ab intus citò corrumpentur & putrescent. Itaque Dona tuâ, Magnitudine ne metiaris, sed Commoditate; Et ad debitam Mensuram redigas: Neque Opera Charitatis in Mortem usque differas: Etenim, si quis rectè rem æstimet, qui id facit, ex alieno potius donat, quàm è proprio.

XXXV.

De AMBITIONE.

Ambitio Choleram refert: Quod genus Humoris, Activos, Vehementes, Alacres, & Promptos reddit; Nisi Obstructionem patitur. Quod si Obstructione concludatur, ad eò ut liberè permeare non possit, fit adusta, & inde maligna & venenosa: Similiter *Ambitiosi*, si in Ambitu & Petitione suâ, Repulsas non patientur, sed semper sint in progressu, Polypragmones potius sunt quàm Periculosi: Sin in Cupiditatibus frangentur, & subinde frustrentur, Malevolentiam & Invidiam in Corde foveant; Et iniquo prorsus Oculorum Res, tum Homines intuentur; Ac tum demùm in sinu latentur cum Res malè cedant: Qui quidem Animi Affectus, cum *Servis Regum*, aut *Rerum publicarum* pessimè congruit. Bonum itaque *Principibus* fuerit, (si *Ambitiosis* utantur,) ita Rem disponere, ut perpetuò Directi, nunquam Retrogradi sint. Quod quia sine præjudicio fieri non potest, melius esset, ab hujusmodi Ingenii Hominibus omninò abstinere. Etenim, si ipsi cum Servitio suo non assurgant, operam dabunt ut Servitium suum cum ipsis corruat. Verùm, quia modò diximus *Ambitiosos* non adhibendos, nisi urgente necessitate, operæ pretium fuerit jam dicere, quibus in Casibus, necessarius sit eorum usus.

Imperatores & Duces in Bello boni, utcunque *Ambitiosi* sint, omninò recipiendi: Etenim Utilitas ipsorum, ut præficiantur, cætera compensat: Militem autem deligere, qui *Ambitione* vacet, perinde est, ac si Calcaribus eum spoliës. Quin & alter usus *Ambitosorum* est, ut *Umbellæ* loco *Principibus* sint, contra Invidiam & Periculum: Nemo enim eas partes subibit, nisi sit instar Columbæ occæcatæ, quæ idèò in fursum volat, quia circumspicere non potest. Est etiam alius usus *Ambitosorum* non parvus, ut prægrandibus alas amputent, & eorum potentiam labefactent; Quemadmodum *Macronem Tiberius* ad deiciendum *Seianum*.

Quandoquidem igitur, in Casibus memoratis, necessarii sint, superest ut ostendamus, quâ ratione sint frangendi & coercendi, ut minus ab illis impendat Periculi. Perniciosi minùs sunt, si Natalibus ignobiles, quàm si Nobiles: Si Ingenio paulò truciores & asperiores, quàm si Gratosi & Populares: Denique si nuper Honoribus admoti, quàm si Veteratores facti sint, & in Honoribus suis muniti. Signum infirmi Animi in *Principibus*, à plerisque ducitur, si *Gratiosos* & Intimos sibi adjungant: Attamen, si verum dicendum est, non aliud reperitur Remedium præstantius, contra Potentiam nimiam *Procerum*, aut *Magistratuuzi*. Siquidem, quando Juvandi & Nocendi Potestas, penes *Gratiosum* residet, vix fiet, ut alius aliquis ex *Proceribus*, magnopere potentiam turgat. Alia ratio *Ambitiosos* coercendi non mala est, si per alios aequè *Ambitiosos*, & protervos, librentur: Sed tum opus est Consiliariis aliquibus moderatioribus, qui Partes medias teneant, ne Factiones omnia pessudent: Etenim absque illâ Saburrâ Navis vacillabit nimis. Saltem allicere poterint *Principes*, & animare aliquos humilioris Conditionis, qui *Ambitiosorum* veluti Flagella sint. Quantum ad ingenerandam illam in *Ambitionis* opinionem, ut se ruinæ proximæ putent, atque eo modo contineantur; Si meticulosi fuerint, benè forsitan cedit; Sin animosi & audaces, præcipitabit Conatus & Machinationes eorum; Neque est sine periculo. Quod si necessitas flagitet, ut reverà rejiciantur, Neque id simul, & subito, facere, tutum foret; Optimum erit, Favoribus & Repulsis eos, alternis, excipere; Unde attoniti & confusi hæreant, nescientes quid expectent, & veluti intra Sylvam ambulent.

Ex *Ambitionibus*, minùs est nociva, Cupiditas prævalendi in Rebus majoribus, quàm se immiscendi Rebus omnibus: Istud enim Confusionem Consiliorum parit, & Negotia destruit. Etiàm minus Periculi incumbit, ab *Ambitioso* in Negotiis acri, quàm ab eo qui Gratiâ & Clientelis pollet. Qui inter strenuos, & Negotiis pares, eminere studet, magnam profectò suscipit Provinciam; Verùm hoc Publico utile est: Qui verò illud machinatur, ut Viros cordatos deprimat, & ipse solus inter Ciphras Numerus sit, Seculi alicujus Lues est & Calamitas. Honor tribus insignitur Commodis; *Potestate Bene-merendi*; *Aditum facili ad Viros Principes*; Et *Fortunarum propriarum in Melius Elevatione*: Qui optimam, ex his tribus, fovet Intentionem, cum aspirat, Vir probus est: *Princeps* quoque, qui hujusmodi in Servis suis Intentiones, dignoscere valeat & distinguere, *Princeps* est prudens. Verùm in genere, præoptandi sunt *Principibus* hujusmodi Servi, qui Officio magis ducantur, quàm *Ambitione*: Quique Negotia amplectantur & ament, potius ex Conscientiâ bonâ, quàm ex Ostentatione: Denique distinguant *Principes* cum judicio, inter Ingenia, quæ sese omnibus Negotiis ingerunt, & Animum promptum seu alacrem.

XXXVI.

DE NATURA, & INDOLE NATURALI
IN HOMINIBUS.

Natura occultatur sæpenumerò, interdùm vincitur, rarò extinguitur. Vis *Naturam* efficit magis impetuosam cum recurrit; Doctrina & Præcepta Affectus Naturales reddunt minùs quidem importunos, sed non tollunt; Verùm *Consuetudo* sola ea est, quæ *Naturam* planè immutat & subigit. Qui Victoriâ de Naturâ suâ reportare cupit, sibi nec nimis magna, nec parva nimis Pensa, constituat: Priora enim Animum dejicient, propter Frustrationes crebras; Posteriora non multum attollent, etiamsi sæpiùs prævaleat. Atque sub initiis exerceat se Admuniculis quibusdam; Ut Natatores recentes, Vesicis aut Juncis; Deinde cum Impedimentis, ut Saltatores solent, Calceis gravioribus. Etenim, Perfectionem in re qualibet inducit, si Exercitatio difficilior sit, quàm Usus. Ubi *Natura* admodum potens est, & proinde Victoriâ difficilis, opus erit per Gradus quosdam procedere, Qui tales sint; Primò, *Naturam* sistere ad tempus aliquod; More illius, qui cum irasceretur, Literas Alphabeti, priusquam quicquam faceret, recitare solebat: Secundò, *Naturam* moderari, & ad minores portiones deducere; Ut si quis, Abstinentiâ à Vino exerceat, à majoribus Haustibus ad minores deveniat: Postremò autem, *Naturam* penitus sub jugum mittere, & domare. Verùm si quis eo Animi robore & constantiâ polleat, ut se subito eximere & vindicare poterit, hoc optimum fuerit:

*Optimus ille Animi Vindex, lædentiâ pectus
Vincula qui rupit, dedoluitque semel.*

Neque antiqua Regula rejicienda; Ut *Naturam*, ad instar Bacilli, in contrariam partem flectas; quò recta tandem deveniat. Verùm intellige hoc, ubi Extremum illud alterum, in Vitium non ducat. Insuper & hoc advertas, ne Habitum superinducere contendas, nixu continuo, sed intermissio; Nam Intermisio Impetum redintegrat, & adauget; Et si quis, dum Tyronem agit, perpetuò se exerceat, eveniet, ut Errores, non minùs quam Facultatem imbibat. Neque huic Malo succurritur, nisi per tempestivas Intermisiones. Præterea, Victoriâ in *Naturam*, non nimium citò, triumphum Accinas; *Natura* enim, ad longum tempus, sepulta jacebit, & tamen occasione datâ reviviscet: Id quod contigit *Puella* apud *Æsopum*, ex *Fele* in *Mulierem* conversâ; Quæ civiliter admodum in Mensâ sedebat, donec Mus in conspectu ejus fortè curreret. Itaque Occasiones tales, aut omninò evita, aut iisdem frequentius insuescas, quò minùs moveant. *Indoles* cujusque *Naturalis* optimè deprehenditur, in Consuetudine Familiari; In hac enim nulla intervenit Affectatio: In perturbationibus; Siquidem illæ Præcepta & Regulas penitus excutiant: Denique, in Casu aliquo

aliquo novo & insolito; Quia tum à Consuetudine deferitur. Felices dixerim, quorum *Indoles Naturalis*, cum Vitæ suæ Genere congruit: Aliàs verè dicere possint; *Multum Incola fuit Anima mea*. In Studiis, quicquid à Naturâ tuâ alienum repereris, statâ tempora tibi præfigas ad ejusdem Exercitationes & Meditationes; Sin autem cum Genio tuo convenerit, de statis Horis ne sis sollicitus; Cogitationes enim tuæ sponte illuc convolabunt, prout Negotia & Studia cætera permittent. *Natura* cujusque, ex vi innatâ, aut bonas, aut malas Herbas, producit: Itaq; sedulò & tempestivè illas irriget, has evellat.

XXXVII.

DE CONSUECUDINE & EDUCATIONE.

Cogitationes Hominum sequuntur plerunque *Inclinationes* suas; *Sermones* autem, *Doctrinas*, & *Opiniones* quas imbibebunt; At *Facta* eorum fermè *antiquum obtinent*. Itaque, ut benè notat *Macciavellus*, (licèt in Exemplo scelerato,) minimè fidendum est, aut Naturæ Violentiæ, aut Verborum Grandiloquentiæ, nisi corroborentur *Consuetudine*. Instantia ejus hæc est: In Facinore aliquo audaci & crudeli patrando, non acquiescendum esse, aut in Naturæ alicujus Ferociâ, aut in Promissis constantibus, nedum Juramentis; Sed committendum Scelus esse Viris Sanguinolentis, & jamdudum cædibus assuetis. Sed *Macciavello*, de *Fratre* quopiam *Clemente*, aut *Ravillaco*, aut *Jauregua*, aut *Baltazare Gerardo*, aut *Gnidone Faulxio*, nihil innotuit. Verùm tenet Regula ejus; Naturam, aut Promissorum Fidem & Ferociam, viribus *Consuetudinis* haud æquipollere. Solummodò, Superstitio, nostris temporibus, eò provecta est; ut primæ classis Sicarii, Laniis obfirmatis minimè cedant; Atque Decreta Votiva, etiam in re sanguinariâ, *Consuetudinis* vires exæquent. In aliis quibuscunque, *Consuetudinis* potentia clarè elucescit: Adeò ut miraculi instar sit, audire, quot Professiones, Protestationes, Promissa, Verba grandia, jactitent plurimi; Et tamen, istis omnibus posthabitis, pro more consueto agere: Ac si Imagines essent, & Machinæ planè inanimes, solis *Consuetudinis* Rotis impulsæ & actæ. Videre etiam licet *Consuetudinis* Tyrannidem, in aliis multis. *Indi*, (loquor de *Gymnosophistis*, & Veteribus, & Modernis,) se leniter super Pyram componunt, atque hoc modo seipso Ignem sacrificant. Quin & Fœminæ cum Maritis in Rogum immitti properant. *Pueri Spartani*, antiquis temporibus, flagris cædi sustinebant, super Aram *Dianæ*, vix ejulatu, aut gemitu ullo emissio. Memini sub Initiis *Reginæ Elizabethæ*, *Rebellem* quendam *Hibernum*, Supplicationem *Deputato* obtulisse, ut Torque ligneâ, non Fune, suspenderetur; Quia illud magis in more *Rebelligis* erat. Inveniuntur Monachi in *Russia*, qui ad Pœnitentiam complendam, totâ nocte hyemali, in Vase Aquâ repleto, non recusabunt sedere, donec glacie constringantur. Plurima denique Exempla adduci poterint, planè stupendas *Consuetudinis* vires, tam super Animum, quàm super

super Corpus, prudentia. Quandoquidem igitur *Mos*, veluti summus sit Humanæ Vitæ Moderator & Magistratus, curæ sit imprimis, ut *Mores* bonos asciscamus. Certè *Consuetudo* validissima, cùm à pueritiâ incipit: Hanc *Educationem* appellamus; Quæ nihil aliud est, quam à teneris annis inbibita *Consuetudo*. Ita videre est, in Linguis ediscendis, Linguam ipsam magis commodè se applicare omnibus Expressi-
onibus & Sonis; Artus quoque magis agiles & flexiles, ad omnes Posi-
turas & Motus esse; In Pueritiâ, aut Adolescentiâ, quàm postea. Verissimum enim est, Opismathes istos novam plicam non benè admittere: Nisi fuerit in nonnullis Hominibus, quibus Animi nondum fixi, sed eisdem apertos ad omnia Præcepta conservârunt, quò continuò Emendationem reciperent; Id quod rarissimum est.

Verùm si *Consuetudinis* vires, cùm simplex solummodò sit, & sejuncta, tantæ sint; multò magis *Consuetudo* copulata, & conjuncta, & in Collegium coacta, excellit. Isthic enim Exemplum docet, relevat Societas, Emulatio stimulat, Gloria Animos extollit: Ita ut in hujusmodi Locis, Vires & Influxus *Consuetudinis* tanquam in Exaltatione sint. Certè, Multiplicatio, & (ut *Chymicorum* Vocabulo utar,) *Projectio*, super Naturam Humanam, consistit in Societatibus benè institutis, & Disciplinâ salubri informatis. Etenim Respublicæ rectè administratæ, quin & Leges bonæ, alunt Virtutem in Herbâ, sed Semina ipsius non multùm promovent. Verùm Infelicitatis Orbis hoc habet, ut Media maximarum virium, applicentur quandoque Finibus, minimè expetendis.

XXXVIII.

De FORTUNA.

NEgari non potest, quin Accidentia & Casus externi, ad Hominum *Fortunas*, vel promovendas, vel deprimendas, plurimùm possint. Gratia alicujus ex Magnatibus, Opportunitas, Aliorum Obitus, Occasio Virtuti cujusque congrua. Veruntamen, *Fortunam* suam fingere cuique præcipuè, in Manu propriâ est. *Faber quisque Fortunæ suæ*; Inquit *Comicus*. Atque inter externas Causas illa frequentissima; *Stultitiam unius, alterius Fortunam promoveri*. Nemo enim ita subitò evehitur, ac Occasione Errorum alterius. Ut inquit Adagium; *Serpens, nisi Serpentem comederit, non fit Draco*.

Virtutes apertæ & conspicuæ *Laudes* pariunt; At insunt Virtutes quædam occultæ & latentes, quæ pariunt *Fortunam*. Nimirum, Facultates nonnullæ se expediendi, quæ Nomen non habent. *Hispanum* Vocabulum, (*Desemboltura*;) eas quadam ex parte innuit. Scilicet; Cùm non inveniuntur in Naturâ alicujus Obices aut Impedimenta: Sed Rotæ Animi ad Motum Rotarum *Fortunæ* versatiles sunt. Ita enim *Livius*, (postquàm *Catonem Majorem* his verbis descripsisset; *In illo Viro, tantum Robur Corporis & Animi fuit, ut quocunque loco natus esset,*

esset, Fortunam sibi facturus videretur,) Illud discretè notat, quòd ei tuisset Ingenium Versatile. Quare si quis limis & adductis Oculis aspiciat, videbit Fortunam: *Cæca* enim licet sit, haud tamen prorsus *Invisibilis*. Etenim Via *Fortunæ* similis est *Galaxiæ* in *Æthere*; Quæ Concursum est, sive Coacervatio complurium Stellarum minutarum, seorsim Invisibilium, sed conjunctim luminosarum. Eodem modo, complures Virtutes sunt exiguæ, & vix in Notam incurrentes; Sive potiùs Facultates & Consuetudines appositæ; Quæ *Fortunatas* reddunt. *Itali* ex ipsis nonnullas notant; Quales quis minime putaret. Cum Hominem innuunt, cui prosperam *Fortunam* spondent, inter ceteras ejus Qualitates adjicient, quod habeat *Poco di Matto*. Neque sanè inveniuntur aliæ duæ Qualitates, magis ad hanc propitiæ; Quàm si quis habeat Modicum ex *Stulto*, & non nimium ex *Honesto*. Itaque, quibus Patria, aut Principes sui, nimio plus chari extiterunt; Idem nunquam *Fortunati* fuerunt; Neque profectò esse possunt. Quando enim Cogitationes suas, extra seipsum quis collocaverit, viam suam benè Inire nequit.

Fortuna præpropera, magna molientes, & nonnihil turbulentos, reddit; At *Fortuna* exercita ea est, quæ efficit Prudentes & Cordatos. *Fortuna* proculdubio, saltem propter Filias suas, Honorem meretur; *Confidentiam* scilicet, & *Existimationem*; Etenim has duas parit *Fortuna* prospera; Alteram intra Nosipos; Alteram in aliis erga Nos; Eæque vicissim pariunt Animos & Auctoritatem. Viri cuncti prudentes, quo Invidiam suarum Virtutum amoliantur, omnia *Providentiæ* & *Fortunæ* imputare solent; Ita enim decentius & liberius, eas sibi assumere possunt: Quinetiam Majestatem Homini quandam addit, si videretur *Numini* Curæ esse. Sic *Cæsar* dum animaret Gubernatorem, Navis in Tempestate, dixit; *Cæsarem portas, & Fortunam ejus*. Sic *Sylla* Nomen *Felicitis* elegit, non *Magni*. Atque illud Observationem non prateriit; Eos, qui ex professo, Sapientiæ & Artibus propriis, nimium tribuerunt, in fine, *Infortunatos* evasisse.

Narratur de *Timotheo Atheniensi*, postquam in reddendis rationibus Præfecturæ suæ, hanc Clausulam, ad ravim usque, inseruisset; *Atque in hoc nulla erant Fortunæ Partes*; Deinceps illi nihil cessisse prosperè. Sunt certè, quorum *Fortuna* similis Carminibus *Homeri*, quæ majore cum facilitate fluunt, quàm aliorum Poetarum Versus: Id quod *Plutarchus* de *Fortunâ Timoleontis*, ad *Fortunas Agesilai*, aut *Epaminondæ*, comparatâ, prædicat. Hoc verò ut fiat, sine dubio, in nobis ipsis, maximè situm est.

XXXIX.

De VSURA SIVE FOENORE.

PLurimi Investivas quasdam ingeniosas, in *Fœneratores*, commenti sunt. Dicunt; Miserum esse, Diabolum in *Dei* partem involasse, *Decimas* scilicet. *Fœneratorem* maximum esse *Sabbathi violatorem*; Aratrum siquidem suum non cessare *Sabbathis*. *Fœneratorem Fucum* esse, de quo *Virgilius*;

Ignavum Fucos Pecus à præsepibus arcent.

Fœneratorem, Legem primitivam, post Lapsum Hominis, latam, pellundare; Quæ fuit; *In sudore Vultus tui comedes Panem tuum*; Minimè verò; *In sudore Vultus alieni*. *Fœneratores* Pileis luteis indui oportere, quia *Judaizant*. Rem esse contra Naturam, ut *Pecuniæ* generaret *Pecuniam*; Et hujusmodi alia. Ego verò hoc dico tantum; *Fœnus* esse, inter *Concessa*, propter *Duritiem Cordis*. Cum enim necesse sit Hominibus, ut *Pecunias* mutuò dent, & accipiant; Sintque tam duro Corde, ut eas gratis commodare nolint, reliquum est ut permittantur *Usuræ*. Alii nonnulli in medium adduxerunt, callidas quasdam & suspectas Propositiones, de Argentariis, & Excambiis publicis, Detectione Fortunarum Hominum singulorum, & aliis hujusmodi Artificiis. Verùm pauci de *Fœnore* disseruerunt solidè & utiliter. Optimum fuerit proponere nobis ante oculos, *Fœnoris Commoda*, & *Incommoda*; Ut Bonum vel ponderetur, vel separetur; Quinetiam cavere imprimis, ne dum *Fœnore* feramur in melius, intercipiamur & incidamus in pejus.

Incommoda Fœnoris hæc sunt. Primum; quod Mercatorum numerum minuit. Nam si ignava hæc, *Pecuniæ* in *Fœnus* Erogatio, è medio tolleretur, *Nûmmi* non delitescerent præ Socordiâ, sed, magnâ ex parte, in Mercaturam impenderentur; Quæ instar *Vene Portæ*, cuius *Regno* est, ad Opes introducendas. Secundum, quod Mercatores inopes reddit: Sicut enim Colonûs, Terram colere ita fructuosè nequit, si Reditum solvat nimis gravem; Ita Mercator, tam commodè & lucrosè, Mercaturam suam exercere vix potest, si *Pecuniis Fœnore* sumptis, negotietur. Tertium *Incommodum* duorum priorum Appendix quædam est, Portorum & Vectigalium publicorum Imminutio, quæ fluunt & refluunt, pro modo Commercii. Quartum, quod Thesaurum, & *Pecunias* Regni; sive Reipublicæ in paucorum Manus reducit: Cùm enim *Fœnatoris* Lucrum certum sit, ceterorum incertum, eveniet in fine Ludi, prout fit sæpè in Aleâ, ut maxima pars *Pecuniæ* Promo cedat. Illud autem pro inconcusso tenendum, florere Rempublicam imprimis, cùm *Pecuniæ* dispergantur, non coarcentur. Quintum, quod Terræ & Prædiorum pretium deprimat: Etenim *Pecuniæ* insumuntur, vel in Mercaturam, vel in Prædiorum Coemptiones; *Fœnus* autem utrique obviare videtur. Sextum, quod

Quod omnes Labores, Molimina, & Inventa nova quæcunque, enervat & hebetat; In quibus *Pecunia* minimè sibi deesset, nisi à Torpentine istâ impediretur. Postremum, quod Tinea est & Terebò Facultatum quam pluriimorum Hominum; Id quod, tractu Temporis, Egestatem publicam parit.

Econtrariò, *Commoda Fœnoris* hæc sunt. Primò, quod utcunque *Usuræ* in aliquibus Mercaturæ noceant, in aliis nihilominus prosunt: Certissimum enim est, maximam Mercaturæ partem, à junioribus Mercatoribus exerceri, *Fœnore* sumptis *Pecuniis*; Unde si *Fœnerator*, *Pecunias* suas, vel exigat, vel non emittat, securura necessariò est magna Mercaturæ Clades. Secundum est, quod nisi prompta hæc à *Fœneratoribus Pecuniarum* Mutuatio, Hominum necessitatibus subveniret, in extremas angustias citò redigerentur; Quandoquidem cogèrentur Res suas, (sive Bona Mobilia fuerint, sive Prædia,) nimis vili pretiò vendere: Itaque, ubi *Fœnus* rodit tantum, Distractiones præproperæ penitus absorberent. Nam quantum ad *Oppignèrationes*, aut ea quæ à *Jureconsultis* appellantur *Mortua vadia*, huic certè Malo remedium vix exhibebunt: Siquidem aut ea prorsus non accipient Homines sine *Fœnore*; Aut si accipiant, solutione ad diem minimè præstitâ, summo jure agent. Memini *Pecuniosum* quendam, virum durum, rure agentem, qui solebat dicere; *In malam Crucem abeat ista Fœneratio; Impediumento est, quo minùs Pignorum & Obligationum pœnas exigere possimus.* Tertium & ultimum hoc est: Nugas meras dico, si quis existimet, Mutuationem pecuniarum facilem, non admissò *Fœnore*, fieri posse: Neq; rursus quis animo cõprehenderit, innumera quæ sequentur mala, si Contractus illi, Mutui dati & accepti, convellantur. Itaq; de abolendis prorsus *Usuris* Sermones facere ineptum foret. Respub. omnes, pro diversâ tamen ad *Sortem* ratione, eas tolerârunt; Adeò ut *Opinio* illa in *Utopiam* protinus releganda.

Dicamus jam de *Reformatione & Normâ Usurarum*, Quibus nimirum Modis, *Incommoda* earum optimè evitentur, *Commoda* retineantur. Patet jam, conferendo inter se *Commoda & Incommoda Usurarum*, (quod modò fecimus,) duo esse, quæ reconciliare oportet. Priùs, ut retundantur Dentes *Fœnoris*, ne nimium mordeat: Secundum, ut Viris pecuniosis aperiatur via, quâ ad *Pecunias* Mercatoribus præstandum invitentur, ne *Commercium* intercidat aut languescat. Hoc autem fieri non potest, nisi in *Fœnore*, duas Proportiones introducas; *Minorem*, & *Majorem*. Si enim *Fœnus*, ad unicam tantum Proportionem, eamque minorem redigas, mutuo accipientem aliquantulum levabis, sed Mercator *Pecunias* non facilè reperiet. Atque insuper notandum est, Mercaturam, cum sit omnium maximè lucrosa, *Fœnus* ad Proportionem benè magnam ferre posse; Alios Contractus minimè.

Vt his duabus Intentionibus satisfiat, hac viâ insistere licet. Duæ sunt *Fœnoris* Proportiones: Prior omnibus permittatur; Posterior cum licentiâ, aliquibus tantum Hominibus, & in aliquibus Reipublicæ Locis, ubi Mercatura fervet, concedatur. Primò igitur, (si nos audias) reducatur *Fœnus* ad partem vicesimam *Sortis* pro Mutuatione in Annum: Ea Proportio Edicto promulgetur, ut libera sit omnibus.

Pro

Pro eâ accipiendâ, *Princeps* sive Respublica, Multâ omni renunciât. Hoc ab Obstructione aliquâ generali, aut Difficultate majore, Mutationem conservabit. Hoc innumeris Mutuatoribus, ruri & alibi degentibus, Solamini erit. Hoc magnâ ex parte Prædiorum pretia adaugebit. Quandoquidem annuus Valor prædiorum, hic apud Nos in *Angliâ*, excedet illam *Fænoris*, ad hanc Proportionem redacti; Quantum annuus Valor sex Librarum, excedit illum quinque tantum. Hoc denique, Industrias Hominum, ad utilia & lucrosa Inventâ, acuet & excitabit: Eò quod plurimi hujusmodi Inventis potiùs se dedit, quàm Lucro tam exili, quale diximus, ex *Usuris*, acquiescere; Præsertim cum Lucro jam pridem majori ex iisdem assuevissent. Secundo, certis quibusdam Hominibus, commodandi Mercatoribus notis, & non aliis quibuscunque Hominibus, *Licentia* concedatur: Hoc autem fiat, additis Cautionibus quæ sequuntur. Sit Proportio, (etiam hæc de quâ loquimur,) illâ paulò remissior, quàm antea solvere solebant: Hoc pacto, universi, tam Mercatores, quam alii, Reformatione hac recreabuntur. *Princeps* autem, sive Respublica, exiguam aliquam Summam percipiat, pro *Licentiis* singulis; Reliquum Lucri, *Fæneratori* cedat: Si enim Lucrum *Fæneratoris* leviter tantum minuat, eum nullo modo à *Fænore* exercendo deterrebit: Exempli gratiâ; Si quis antea decem, aut novem Libras, pro *Sorte* centum Librarum, quotannis accipere solebat; Is etiam octo potiùs Libris, contentus erit, quàm *Fæneratorem* exuet; Aut certa cum Incertis commutabit. Sint isti, quibus *Licentia* scilicet conceditur, numero minimè definiti; Sed tamen ad Urbes aliquas, & Oppida quæ Mercaturâ florent, restringantur: Ita enim, prætextu *Licentiarum*, Opportunitatem non habebunt, *Pecunias* aliorum pro suis commodandi: Nec novem aut octo Librarum Proportio, *Licentiâ* munita, generalem illam quinque Librarum absorbebit: Nemo siquidem, *Pecunias* suas, procul à se mittere, aut in Manus ignotas concredere, præoptabit.

XL.

DE JUVENTUTE & SENECTUTE.

Iuvenis Annis poterit esse Senex *Horis*, si *Temporis* jacturam non fecerit. Sed hoc rarò contingit. Generaliter, *Juventus* similis est primis Cogitationibus, quæ Secundis Sapientiâ cedunt. Etenim inest Cogitationibus *Juventus* quædam, non minùs quàm *Ætatibus*. Attamen Inventio *Juvenum* vivacior est quàm *Senum*; Atque Imaginationes in Mentes eorum illabuntur meliùs, & veluti diviniùs. Ingenia præfervida & quæ Cupiditatibus violentis, ac perturbationibus, hûc illûc impelluntur, non matura fiunt ad res gerendas, donec *Meridiem* *Ætatis* suæ attigerint: Ut videre est in *Julio Cæsare*, & *Septimio Severo*. De quorum posteriore dictum est; *Juventutem* egit *Erroribus*, inò *Furoribus*, plenam: Qui tamen, in Serie *Imperatorum* universâ, fuit propemodum celeberrimus. Sed Ingenia sedata & composita, etiam in *Juventute* florere possint. Cujus rei Exempla cernuntur, in *Augusto Cæsare*, *Cosmo Duce Florentiæ*, *Gastone de Foix*, & aliis nonnullis.

nonnullis. Ex alterâ parte, Calor & Vivacitas, si in *Senectute* inveniantur, Temperamentum optimum constituunt ad Negotia. *Juvenes* ad Inveniendum magis idonei sunt, quàm ad Judicandum; Et Executione potius quàm Consiliis validi; Et ad Negotia nova melius adhibentur, quàm ad Consueta. Etenim, *Experientia Senum*, in iis qua sub *Experientiâ* eorum cadunt, eos dirigit; sed in Rebus novis, eos seducit. Errores *Juvenum* Negotia sæpenumerò pessundant; Verùm Errores *Senum* non ultrà ferè procedant; Nisi ut plus fieri potuisset, aut citius. *Juvenes*, in rebus gerendis & tractandis, majora amplectuntur, quam comprehendere valeant; Plura movent, quàm componere rursùs sciunt; Ad Fines advolant Gradibus & Mediis non benè pensatis; Præcepta quædam absurdè persequuntur, in quâ casu inciderunt; Extrema Remedia à principio usque tentant; Denique quod Errores conduplicat, Errores agnoscere, aut revocare, detrectant: Similes Equis malè domitis, quæ nec se sistere, nec vertere, volunt. *Senes* plus satis objiciunt; In Consultationibus nimium Morantur; Pericula plusquàm expedit reformidant; Pœnitentiâ præproperâ vacillant; Atque Negotia rarò admodum ad periodum justam deducunt; Sat putantes Mediocritate quadam Successûs frui. Bonum certè fuerit, in Negotiis, mixturam adhibere, & *Senum*, & *Juvenum*: Illud enim in præsens utile erit, ut Virtutes utriusque *Ætatis*, Defectus earum corrigent; Utile etiam Futuro, ut *Juvenes* perdiscant, dum *Senes* moderentur; Postremò Accidentia Externa melius compescit, quia *Senes* Auctoritate, *Juvenes* Gratiâ & Popularitate, pollent. At in Moralibus, *Juventus* fortassè primas tenebit, ut *Senectus* in Politicis. Ex *Rabbinis* quispiam, super Textum illum; (*Juvenes vestri videbunt Visiones, & Senes vestri somniabunt Somnia*;) sic infert; Quod *Juvenes*, propiore ad se aditu, *Deus* dignatur, quàm *Senes*: Quia *Visio* Revelatio clarioꝝ & manifestior est, quàm *Somnium*. Et sanè, quantò quis magis, de Mundo bibit, tantò plus Toxicò ejus inficitur: Tum *Senectus*, potius in Facultatibus Intellectûs, quàm in Virtutibus Voluntatis & Affectuum, proficit. Sunt, qui in *Juventute* admodum præcoces sunt, sed currentibus annis citò marcescunt, & deveniunt evanidi. Tales sunt; Primò qui Ingenia nacti sunt fragilia, quorum Acies faciliè retunditur: Qualis fuit *Hermogenes Rhetor*; Cujus Libri subtilissimi sunt; Verùm ipse paulò post stupidus evasit. Secundum Genuseorum, quibus Naturales quædam Facultates insunt, quæ magis *Juventutem* decent, quàm *Senectutem*; Qualis est Oratio fluens, & luxuriosa; Quæ in *Juvene* laudatur; In *Sene* non item. Ita *Cicero* loquitur de *Hortensio*; *Idem* manebat, neque *idem* decebat. Tertium eorum, qui sub initiis, nimium efferuntur; Et Magnanimitate præditi sunt, supra quam *Ætas* provectior ferre valeat: Qualis fuit *Scipio Africanus*, de quo *Livius* ita prædicat; *Ultima Primis cedebant*.

XLI.

De PULCHRITUDINE.

Virtus, instar Gemmæ pretiosæ, optima est, sine Ornamentis inserta. Atq; profectò eadem præstat, in Corpore decoro, licet non delicato; Quodque Aspectus Dignitatem potius præ se ferat, quàm *Pulchritudinem*. Neque ferè reperiēs, eximiè *formosos*, Virtutibus pollere: Ac si Natura, in hoc magis incubuisset, ut non turpiter erraret, quàm ut aliquid excellens produceret. Itaque Conversationibus apti sunt, at excelsos Spiritus non gerunt: Et Urbanitati potius student, quàm Virtuti. Sed hoc in omnibus non tenet. Siquidem *Augustus Caesar*, *Titus Vespasianus*, *Philippus Pulcher Rex Gallus*, *Edouardus Quartus Rex Angliæ*, *Alcibiades Atheniensis*, *Ismael Persæ*, Viri prorsus magni fuerunt, & nihilominus *Perpulchri*.

In *Pulchritudine* præfertur Venustas Colori; Et decorus ac gratus Oris & Corporis Motus, ipsi Venustati. Ea præcipua *Pulchritudinis* portio quam Pictura repræsentare non potest; Imò nec Effigies ipsa viva; primo aspectu. Non reperitur *Pulchritudo* aliqua excellens, cui non insit aliquid minùs conforme, in Compagine. Haud facile quis dixerit, utrùm *Apelles*, aut *Albertus Durerus*, Nugator major fuerit; Quorum alter Hominem secundum Proportiones Geometricas effingere voluit; Alter, ex compluribus Faciebus, optimas quasque Partes desumendo, unam satagebat depingere excellentem. Tales, (credo,) Effigies, vix ulli placebunt, præterquam Pictori ipsi. Non quin existimem, elegantiorē Faciem depingi à Pictore posse, quàm unquam in vivis fuit; Sed hoc ei contingere oportet, ex felicitate quadam, & casu, (veluti Musicis sui Cantus, non autem ex Regulis Artis. Videre est Facies nonnullas, quarum Partes singulæ, Examini si subjiciantur, vix unam reperiēs quam separatim probes; Quæ tamen in consortio satis placent. Quod si verum sit, *Pulchritudinem* præcipuam sitam esse, in Motu decoro, mirum sanè non est, si provectiores ætate, aliquando videantur Junioribus *amabiliore*: Secundum illud *Euripidis*; *Pulchrorum Autumnus Pulcher*: Etenim fieri non potest, ut Juvenis per omnia decus tueatur, nisi fortè Juventutem ipsam; ad Supplementum Decoris assumas. *Pulchritudo* est instar Fructûs Horarii, qui facile corrumpitur; nec diù durat: Atque sæpè Juventutem inducit dissolutam, Senectutem autem serò pœnitentem: Attamen si benè collocetur, Virtutes splendere facit, Vicia erubescere.

XLII.

De DEFORMITATE.

Deformes Naturam ferè ulciscuntur: Sicut enim Natura minùs illis propitia fuit, ita & illi Naturæ vicissim adversi; Cum sint plerique ipsorum, (ut loquitur *Scriptura*,) *Sine Affectione Naturali*. Est proculdubio Consensus, inter Animam & Corpus; Atque Natura, *Ubi peccat in uno, periclitatur in altero*. Sed quia in Fabricâ Animæ conceditur Homini Electio, in Fabricâ Corporis imponitur Necessitas; Astra Inclinationis Naturalis, obscurantur nonnunquam, à Sole Virtutis & Disciplinæ. Consentaneum itaque fuerit, de *Deformitate* dicere, non ut Signo, quod quandoque fallit; Sed ut Causâ, quæ per-rarò effectû destituitur. Quicumque in Personâ suâ, aliquid habet, quod Contemptum inducit, perpetuum habet in se stimulum, quò à Contemptu se vindicet: Itaq; *Deformes* semper audacissimi; In principio, veluti in Defensione suâ, utpote qui Contemptui exponuntur; Sed processu Temporis, ex Habitu acquisito. Iterùm *Deformitas* Industriam acuit; Ejus generis Industriam, ut aliorum Defectus & Infirmitates sedulò rimentur; Unde habeant quod rependant. Præterea, in potentioribus, Suspiciones & Zelotypiam, versus eos, extinguit; Veluti Homines quos tutò despicere liceat: Competitores autem & Æmulos consopit; Utpote nihil suspicantes, de promotione eorum ad Honores, donec ipsos in possessione Honorum videant. Adeò ut si rem diligenter introspiciâs, in magnis Ingeniis, *Deformitas* Ascensum ad Honores patefacit. Reges, antiquis temporibus, (atque hodiè etiam in *Imperiis* nonnullis,) *Eunuchorum* Fidei magnoperè inniti solebant: Qui enim erga omnes invidi sunt, uni magis fidi sunt, & obnoxii. Attamen fidem illis adhibebant, potius ut Rimatoribus bonis & Susurronibus, quàm aut Magistratibus aut Ministris publicis. Similis etiam est Ratio *Deformium*. Manet illa Regula, quam antea posuimus: *Deformes*, si animosi sint, à Derisu & Ignominiâ liberare se gnæviter contendunt: Quod fieri non potest, nisi aut per Virtutem, aut per Malitiam. Itaque nil mirum cuiquam videatur, si quandoque in Viros egregios evadant; Quales fuit *Agessilaus*, *Zangerus Solymanni Filius*, *Æsopus*, *Gasca Peruvia Præfectus*; Quin & *Socrates* illis annumerari possit; Cum aliis.

XLIII.

De ÆDIFICIIS.

Ædes extruuntur, ut in iis habitemus, non ut eas spectemus: Pulchritudini igitur præponatur Usus, nisi fortè utrunque obtineri possit. Relinquamus Fabricas *Ædium* speciosas, quæ Admirationem incutiunt, *Palatiis Poetarum incantatis*; Qui eas extruunt sumptu parvo. Qui *Domum* elegantem ædificat, sed in situ malo, Carceri seipsum mandat. Situm autem malum intelligo, non tantum ubi Aer insalubris, sed etiam ubi Aer inæqualis est: Quales sunt *Ædes*, quæ extruuntur quidem, in Colliculo paululum elevato; Sed cincto undique, more Theatri, Collibus altioribus; Ubi Ardor Solis constringitur, Venti autem, veluti in Canalibus, variis æstibus reciprocantur: Adeò ut in huiusmodi situ, subito sentias, diversitatem non minorem, Caloris & Frigoris, quàm si in Locis diversis habitares. Neque malum Situm facit Aeris solummodò Conditio prava; Verum etiam Viarum & Adituum Incommoditas; Fora Rerum Venalium indiga; Et (si *Monum* consulas) Vicini mali. De compluribus aliis non loquor; Qualia sunt, Aquarum absentia; Sylvarum Defectus, quæ & Focum, & Umbram, præbeant; Sterilitas Soli, aut quod ex variis Glebarum Generibus minimè commistum sit; Prospectus coarctatus; Defectus Terræ planæ & æquabilis; Locorum Defectus in propinquo, qui Venationibus, Aucupiiis, Cursibus Equorum, idonei sint; Mare nimis in vicino, aut nimis in remoto; Commoditas nulla Fluviorum Navigabilium, aut etiam Incommoditas ipsorum ob Inundationes; Situs remotior ab Urbibus magnis, quod Negotiis obest, aut etiam propinquior, quod Victui necessaria absorbet, & omnia cara reddit; Locus ubi quis Latifundia ampla possideat, aut acquirere possit, & Locus contra ubi pennas extendere nequeat: Quæ singula minimè eo animo enumeramus, ac si *Domus* aliqua his Incommodis omnibus vacare possit, verum ut tot ex illis evitemus, quot evitari concedatur; Atque rursus, si quis *Domos* plures ædificet, ita rem disponat, ut quæ in unâ desint Commoditates, adsint in alterâ. Responsum *Luculli Pompeio*, bellulum erat: Qui, cum in Palatio *Luculli*, immensas & luminosas Porticus & Cameras conspexisset, sic inquit; Optime proculdubio hic habitatur Æstate, sed quomodo Hyemem toleras? Cui *Lucullus*; Quid, numnam me putas, Avium prudentiam non assequi; Quarum nonnullæ, Hyeme ingruente, sedes mutant?

Transendum jam à Situ *Domus*, ad *Domum* ipsam. Imitabimur *Ciceronem*; Qui Libros conscripsit *De Oratore*, & Librum unicum qui inscribitur *Orator*: Quorum priores *Præcepta Artis* tradunt, posterior *Perfectionem*. Describemus igitur *Palatium Regium*, atque ejusdem *Modulum* quendam conficiemus. Prorsus enim mirabilis res est, tam vastas hodiè existere Moles in *Europâ*, quales sunt *Vaticanum*, & *Escuriale*, & nonnullæ aliæ; In quibus tamen, *Cameram* aliquam verè magnificam, vix reperiēs.

Primum igitur statuo, *Palatium* perfectum neutiquam esse, nisi duas habeat Portiones diversas, *Portionem Convivii*, ut loquitur Liber *Hester*; Et *Portionem Mansionis* sive Familiae: Alterum ad Pompas, Magnificentias, & Celebritates; Alteram, ad Habitationis usum. Intellico, *Portiones* istas duas, extrui debere, non ut Latera *Domus*, sed ut *Frontis* ipsius Partes: Easque exterius uniformes esse, licet interius longè diversas. Conjungi autem volumus *Portiones* istas, per Turrin sublimem & splendidam, in medio *Frontis*. Atque, quoad *Portionem Convivii*, unicam tantum illic *Cameram* poni velim; Eamque supra Gradus, quinquaginta pedes ad minus altam: Et subter eam, *Cameram* item alteram, similis longitudinis & latitudinis; Quæ Apparatum & Instructionem, ad Festa Ludos, & ejusmodi Magnificentias; Actores etiam, dum se ornent & parent, commodè recipiat. Alteram *Portionem, Mansionis*, scilicet, dividi velim præcipuè, in *Anlam*, & *Sacellum*, utramque amplam & pulchram: Eas verò per universam *Portionis* Longitudinem, extendi nolim; Sed relinqui in exitu Cœnacula duo; Hymnale & Æstivale: Atque subter hæc omnia, (excepto *Sacello*,) Cellas amplas subterraneas, collocari volo; Quæ Culinis privatis, Promptuariis, Panariis, & similibus, inserviant. Quantum ad Turrim; Eam elevari volo, usque ad duo Tabulata; Utrunque quindecim pedes altum, supra duas Alas *Frontis*; Coopertam Plumbo, æquabili, atque statuis per fulcra Laterum, in summitate, decoratam: Eandem Turrim in Cubicula diversa distingui volo. Gradus autem Turris apertos esse, & in se revertentes, & per Senos subinde divisos; Utrunque statuis ligneis, inauratis, vel saltem ænei coloris, cinctos, cum Statione spatiosâ & latâ in vertice. Verum cavendum, ne Locus ubi Famuli comedant, sit ad imum Graduum, vel propè: Si enim sit, Ciborum Nidor ascendet, tanquam in Tubo quodam. Et de *Fronte Ædificii* hætenus. Tantum intelligo Gradus primos Ascensûs, ad viginti pedes sustolli debere; Altitudinem scilicet Tabulati inferioris.

Ultra *Frontem Ædificii*, Aream spatiosam designo, Cujus Latera tria sint ipsa *Ædium Fronte* haud paulum humiliora; Atque in quatuor Angulis ejusdem Areæ, Turres extruantur, Altitudinem Laterum Prædictorum nonnihil superantes, ad Gradus, quibus in superiora ascendatur, capiendos: Quæ Turres, non recipiantur in Planum *Ædificii*; Sed extra promineant. Area autem integra Lapidibus latis quadrangulis minimè substernatur; Nam hujusmodi pavimenta Calorem molestum æstate, & similiter Frigus asperum hyeme, immittunt; Sed habeat Ambulacra, ex ejusmodi Lapidibus, per latera tantum *Ædificii*; Et Formam Crucis, ex iisdem, in medio; Cum Quadris interpositis, quæ gramine vestiantur, detonso quidem, sed non nimis prope Terram. Latus universum Areæ, ex parte *Convivii*, occupent spatiosa & speciosa *Porticus*. In quibus singulis *Porticibus*, sint in Laquearibus, tres aut quinque Sphæræ concavæ, (Cupulas vocant,) pulchræ, in Longitudine positæ; ad æqualem distantiam: Sint quoque Fenestræ, ex vitro colorato, ubi pingantur Columnæ, Imagines omnigenæ, Flores, & similia. At Latus ex parte *Familiae*, simul cum Latere tertio è regione *Frontis*, complectatur *Cameras præsentiales*, & alias usûs

ac Decoris ordinarii; Atque rursus Cubicula: Sintque etiam tria ista, Latera ita extructa, ut exhibeant *Ædificium* duplex; Non translucida, sed ex alterâ tantum parte fenestrata; Ut tam matutinis, quam vespertinis temporibus, præstò sint *Cameræ*, in quas Sol non intret. Accommodentur etiam eo modo, ut habeantur ibi *Cubicula* & *Cameræ* tam *Æstivales* ad Refrigerium, quam *Hyemales* ad Frigus arcendum. Invenies non rarò *Ædes* pulchras, sed tamen ita Vitro & Fenestris repletas, ut vix locum suppeditent, ubi te recipias aut ad Solem, aut ad Frigus, evitandum. Quantum ad Fenestras prominentes sive arcuatas, eas probo tanquam *Res* commodas, (Urbibus sanè Fenestræ ad Planum *Ædificii*, & minimè protuberantes, magis conveniunt, propter Uniformitatem Structuræ Plateas versus;) Sunt enim Receptus Colloquiis opportuni: Atque insuper, tam Ventum, quam Solem, summovent; Quod enim aliàs, per totam ferè *Cameram*, pertransisset, vix ultra Fenestram penetrabit. Raræ tamen sint hujusmodi Fenestræ arcuatæ, non ultra quatuor; Duæ scilicet, ex utroque Latere *Areæ*.

Ultra hanc, quam diximus, *Aream*, sit alia interior, parvis, & Amplitudinis, & Altitudinis; *Horto* per exterius circumcincta; Interius autem, Ambulacris pulchris, Arcuatis, usque ad primum Tabulatum, circumdata. Pars autem exterior Solarii inferioris versus *Hortum*, quatenus ad duo Latera, convertatur in *Specum* sive *Cavernam*, (*Grottam* Moderni vocant,) ad Umbram & *Æstivationem*; Apertam, aut Fenestratam, tantum ex parte *Horti*: Sit autem *Caverna* illa Solo æqua, non omninò depressa; Et eleganti Pavimento strata, ad Terræ Vapores excludendos. Erigatur autem in Medio istius *Areæ* *Fons* splendidus; aut Opus aliquod ex Statuis magnificum; Pavimentum autem simile sit *Areæ* illi antedictæ. Hujus *Areæ* *Ædificia*, ex utroque Latere, destinentur *Cameris*, & *Conclavibus*, secretioribus: Latus autem transversum, Porticibus etiam secretioribus. Curandum verò, ut aliquæ, tam ex *Cameris* & *Conclavibus*, quam ex Porticibus, designentur ad Usus Infirmorum; Si fortè *Princeps*, aut quisvis è Grandioribus, ægrotaverit. Habeant autem Portiones singulæ ægris destinatæ, (ut Moderni loquuntur,) *Ante-Cameram*, *Cameram* ad Cubile, & *Re-Cameram*. Hæc autem, quæ diximus, supra secundum Solarium collocentur. At Latus transversum Solarii inferioris, versus *Hortum* convertatur in Porticum, speciosam, patentem, & Columnis fultam. Rursus, supra Solarium tertium, ex omnibus tribus Lateribus, statuatur Porticus elegantes, columnares, & apertæ, ad Prospectum & Refrigerium *Horti* excipiendum. Verum ad Angulos duos Lateris transversi, in Solario secundo, accommodentur & ornentur, duo splendida & delicata *Conclavia*, (*Cabinetos* Moderni vocant;) Pavimento nitente, Aulæis sumptuosius instructa, Vitro CrySTALLINO fenestrata, cum Cupolâ elegante in medio. Sint autem *Conclavia* illa, Rebus curiosis omnigenis, & spectatu dignis, referta. In supremis quoque Porticibus, (si fieri posset,) optarem collocari, juxta parietes, in locis diversis, *Fonticulos* quosdam Aquam emittentes; Qui per secretos Tubos iterum transeant. Interior autem pars, in Solario superiore, versus *Aream*, formetur in Porticus & Ambulacra, benè munita

nita & obducta, ad usum Convalescentium. Atque hæcenus de *Modulo Palatii* ipsius : Nam de Balneis, & Piscinis, non loquor. Superest tamen, ut antequam ad Frontem *Ædium* pervenias, collocentur *Aræ* tres ; *Area* viridis, gramine vestita, cum *Pariete* in *Circuitu*, & juxta *Parietem* *Arboribus*, ordine positis, sata *Area* altera, ejusdem amplitudinis, sed in *Pariete* cujus, sint *Turriculæ* extructæ, aut simile quid ejusmodi elegantia : *Area* item tertia, quæ cum *Fronte* ipsâ *Ædium*, *Quadrangulum* constituat ; Quam *Ædificio* certè aliquo circumdatam nolo ; Neque rursus nudis *Parietibus* cinctam ; Sed *Ambulacris* supra *Columnas*, non *Arcus*, erectis ; In summitate verò *plumbo*, vel *Lapide Quadrato*, coopertis, & ad latera elegantibus *Statuis* parvis, ænei Coloris, munitis, clausam. Quatenus verò ad *Ædificia* omnia, quæ usibus familiaribus inserviunt, summoveantur illa, ad aliquam distantiam, à *Palatio* ipso ; Ita tamen, ut interponantur *Porticus* humiliores, & oblectæ ; Intra quas ad *Palatium* transire possis.

XLIV.

De Hortis.

Deus ipse primus plantavit *Hortum*. Atque revera, inter *Solatia* humana, illud *Horti* est purissimum. Etenim *Spiritus Hominum* maximè reficit & oblectat ; Quo sine, *Ædificia* & *Palatia*, *Manū* tantum sunt *Opera*, nec sapiunt *Naturam*. Quinetiam notabis, *Secula* cum proficiunt in *Culturâ* & *Magnificentia*, citius pervenire ad *Ædificiorum* pulchritudinem, quàm ad *Hortorum* *Elegantiam* & *Amœnitatem* : Quasi *Elegantia* illa *Hortorum* esset *Res* perfectior.

Statuo in *Hortis Regalibus*, assignari oportere *Hortos*, pro singulis *Anni Mensibus* : In quibus, separatim, *Plantæ*, quæ illo *Mense* florent & vigent, producantur. Pro *Decembri*, *Januario*, & fine *Novembris*, eligendæ sunt *Plantæ*, quæ per totam *Hyemem* virescunt ; Quales sunt, *Aquifolia* ; *Hedera* ; *Laurus* ; *Juniperus* ; *Cupressus* ; *Taxus* ; *Buxus* ; *Pinus* ; *Abies* ; *Rosmarinus* ; *Lavendula* ; *Pervinea*, *Flore albo*, *purpureo*, & *cæruleo*, *Chamedris* ; *Irides* quoad *Folia* ; *Arantia*, *Limonæ*, & *Myrtus*, si *Calidariis* conserventur ; Et *Amaracus* juxta *Parietem* & versus *Solem* satus. Sequuntur pro fine *Januarii*, & *Februario* ; *Arbustum* *Chamælex Germanicæ* sive *Mezereonis*, quæ eo tempore floret ; *Crocus vernus*, *Flore luteo*, & *glauco* ; *Primulæ Veris* ; *Anemones* ; *Tulipa præcox* : *Hyacinthus Orientalis* ; *Chamairis* ; *Fritellaria*. Pro *Martio* ; Omne genus *Violarum*, præcipuè *Purpureæ* simplici flore, quæ sunt præcoccissimæ ; *Pseudo-Narcissus luteus* ; *Bellis* ; *Amygdalus*, quæ tunc floret ; *Malus Persica*, & *Cornus*, quæ etiam tunc florent ; *Rubus odoratus*. Pro *Aprili* ; *Viola* flore albo multiplice ; *Parietaria lutea* : *Leucoium* ; *Herba paralyssis* ; *Irides*, & *Lilia omnigena* ; *Flores Roris marini* ; *Tulipa* ; *Pæonia*, flore multiplici ; *Narcissus verus* ; *Periclemenum Sabaudicum* ; *Cerasus*, & *Pyrus*,

Pyrus, & Prunus diverſi generis in flore; Acanthus, quæ tum Folia emittit; Arbor Lelac. Pro *Mai*o, & *Junio*; Cama-cariophyllus omnium generum, præcipuè virgineus; Omne Genus Roſarum, Moſchatâ ſolâ exceptâ, quæ ſeriùs floret; Periclemenum commune; Fraga; Bugloſſum; Columbina; Flos Africanus, ſimplex, & multiplex; Ceraſus, quæ tum fructum proferit; Ribes; Ficus in Fructu; Bacca Rubi Idæi, Vitis Flores; Lavendula florens; Satyrium Hortenſe flore albo; Herba Muſcaria; Lilium Convallium; Malus florens; Flos Cyaneus. Pro *Julio*; Cariophyllata omnium generum; Roſa Moſchata; Tilia florens; Pyra, & Poma, & Pruna præcocia. Pro *Auguſto*; Pruna omnium generum; Pyra; Mala Arineniaca; Bacca Oxyacanthæ; Nuceſ Avellanæ; Meloneſ Moſchatellini; & omni-geni Coloris Delphinum, ſive Conſolida Regaliſ. Pro *Septembri*; Uvæ; Poma; Papaver variorum colorum; Mala Perſica; Melo-cotonea; Nectarinæ; Corna; Pyra Hyemalia; Cydonea. Pro *Octo-bri*, & principio *Novembris*; Sorba; Meſpila; Pruna Sylveſtria; Roſæ ſeræ; Malvæ arboreſcentes flore Roſeo; & ſimilia. Hæ verò, quas enumeravimus, Plantæ, *Climati Londinenſi* conveniunt. Sed hoc volo, ut ſit alicubi, quali Ver perpetuum, prout fert Loci Conditio.

Quoniam autem *Odor Florum*, ſpirans in Aere, (ubi undulat more *Modulationis Muſicæ*,) gravior multo eſt, quàm ſi eos decerpas manu, ideo nihil magis confert, ad delectationem illam, quæ ex *Odore Florum* percipitur, quàm noſſe eos *Flores*, & *Plantas*, quæ adhuc creſcentes, nec avulſæ, maximè emittunt Auras ſuaves, & Aerem *Odore* perfundunt. Roſæ tam pallidæ, quàm Rubeæ, dum creſcunt, *Odoris* ſui ſunt tenaces, nec Aerem tingunt; Adeò ut juxta Sepem earum ambulans, nihil *Odoris* percipies, etiamſi hoc experiaris tempore Roſis matutini. Laurus itidem, dum creſcit, *Odoris* parum emittit: Neque etiam Roſ-marinus, aut Amaracus. Id, quod ante omnia, ſuaviſſimo *Odore* Aerem (creſcens) imbuit, eſt Viola; præcipuè alba, Flore multiplici; Quæ bis quotannis floret; Medio *Aprilis*, & ſub finem *Auguſti*. Ei proximè accedit Roſa Moſchata: Tum Folia Fragariæ marceſcentis, quæ *Halitum* emittunt planè *Cardiacum*. Tum Flores Vitis, qui apparent in Racemis noviter protrufis, ad inſtar pulveris, qualis eſt in Caule Plantaginis. Tum Rubus odoratus. Tum Parietaria lutea, quæ gratiſſimum edit *Odorem*, ſata juxta Feneſtras Conclavis, aut Cubiculi in imo Solario ſiti: Tum Cariophyllatæ, tam minores, quàm majores; Tum Flores Tiliæ: Tum Periclymeni Flores, eminùs locati: Tum Flores Lavendulæ. De Floribus Fabæ non loquor, quoniam campeſtres ſunt. At ea, quæ Aerem, jucundiſſimo *Odore* perfundunt, ſed non niſi calcata, aut contuſa, ſunt tria; Pimpinella, Serpillum, & Mentha Aquatica. Itaque Ambulacra integra hiſ ſunt conferenda, ut *Odorem* eorum calcando exprimas.

Horti Contentum, (loquor autem de *Hortis Regiis*, ſicut feci de *Ædificiis*,) haud minus triginta Jugerum eſſe debet: Atque illud in tres Partes dividi convenit: *Graminetum* in Introitu; *Fruticetum* ſive *Eremum* in Exitu; Et *Hortum præcipuum* in Medio: Præter *Ambulacia* utrinque ad *Later*a. Mihi quidem placet, quatuor Jugera *Gramineto* assignari;

assignari; Sex *Fruticeto*; Bis quatuor ad *Ambulacra* ad Latera; Et *Horto præcipuo* Duodecim. Oblectamentum ex *Gramineto* duplex est: Primum quidem Oculis, quibus nihil jucundius est, quam *Gramen* subinde tonsum, & virescens: Alterum, quoniam in medio *Orbita* purganda est, quâ iri possit versus *Frontispicium Sepis magnificæ*, quæ *Hortum præcipuum* includat. At quoniam *Orbita* ista longa erit, neque in magnis Ardoribus, Anni, aut Diei, *Umbrâ Horti* emenda est, *Ambulatione* per *Graminetum*, exposito Sole; Ideo *Ambulacra* oblecta, duodecim pedes alta, ex opere lignario, utrinque ad Latera *Gramineti* extruenda sunt, per quæ *Hortum* introire possis, in *Umbrâ* continuâ. Quantum autem ad *Schemata*, & *Figuras*, ex varii Coloris terrâ distinctas, quæ subiaceant *Fenestris Ædificii*, *Nugæ* planè sunt. Sæpius videas in *Placentis* talia. Figura quadrata *Horto* optimè convenit; Quam undique *Sepi* pulcherrimâ & arcuatâ claudi oportet. *Arcus* extollantur supra *Columnas*, ex opere *Lignario*, pedes decem alti, lati sex: *Spatia* autem inter *Columnas*, ejusdem dimensionis sint cum *Latitudine Arcûs*. Supra *Arcus* sit *Sepes* continuata, pedes quatuor alta, ex opere itidem *Lignario*; Et hanc supra, sit *Turricula* in *Summitate Arcûs* cujusque extructa, cujus interior *Capacitas* sufficiat *Avicularum Caveæ* excipiendæ. Et supra *Interstitia Arcuum* collocentur aliæ aliquæ *Figuræ* inauratæ, continentes *lamellas Vitri* colorati, quibus variè ludant *Radii Solares*. Hanc autem *Sepem* intelligo, supra *Aggerem*, haud præcipientem quidem, sed mediocriter declivem, sex pedes altum, totum *Floribus* confitum, erigendam esse. Intelligo etiam, ut hæc *Quadra Horti*, non totam *Soli Latitudinem* occupet, sed satis *Spatii*, variis *Ambulacris* conficiendis, utrinque ad *Latera* relinquat; In quæ, oblecta illa *Gramineti Ambulacra*, de quibus diximus, deducant. Verùm ad *Introitum* & *Exitum Horti*, hujusmodi *Ambulacra* cum *Sepibus*, omninò omittenda sunt: In *Introitu* quidem, ne conspectum amœnæ illius *Sepis*, à *Gramineto* impediat; In *Exitu* autem, ne *Prospectum Fruticeti* per *Arcus* intercipiat.

Dispositionem Soli, intra *Claustrum Sepis*, variandam ad placitum relinquo: Hoc interim monens, ut quæcunque ea tandem sit, nimis curiosa & operosa ne sit. *Imagines* excisas ex *Junipero*, vel aliâ materiâ *Hortensi*, non probo: *Puerilia* sunt ista. *Humiles Sepiculæ* rotundæ, instar *Fimbriarum*, cum *Pyramidibus* parvulis, placent. *Columnas* etiam, & *Pyramides* altas, ex opere *Lignario*, in aliquibus locis sparsas, *Sepibus* vestitas, recipio. *Ambulacra* ampla & spatiosa esse volo. *Ambulacra* angustiora & oblectiora ad *Latera* summovenda sunt, neutiquam verò in *Pomærio Horti* præcipui collocanda. Consularem etiam, ut in medio *Horti* sit *Monticellus* pulcher, cum tribus *Ascensûs Ordinibus*, & tribus *Ambulacris*, ejus latitudinis, ut quatuor unâ ambulare possint. Et hæc insuper *Ambulacra* perfectè *Circularia* esse suadeo, absque *Figuris Propugnaculorum*. *Altitudo autem Monticelli* triginta pedum esto: Atque in vertice, *Domicellus* elegans extruatur, cum *Camini* venustè ordinatis, & absque multo *Vitro*.

Fontes quod attinet, magno sunt illi Ornamento, & Refrigerio; Sed *Stagna*, & *Piscinæ*, exulent: *Hortum* enim insalubrem reddunt, & scatentem *Muscis*, *Ranis*, & similibus. *Fontes* duorum generum intelligo

intelligo; Unum qui Aquam salientem verset, & dispergat, cum Crateribus suis; Alterum nitidum Aquæ puræ Receptaculum, quadratum, pedum triginta vel quadraginta, illime, sine Cœno, aut Piscibus. Quoad primum, *Imagines* inauratæ, aut marmoreæ, quæ in usu sunt, ornamento esse rectè possunt. Sed in eo genere, Cardo rei est, ita Aquam regere, ut perpetuò fluat; Nec consistat, aut in Cratere, aut in Cisternâ; Ita ut quiete non sit decolor; versa aut in viridem, aut rubrum, aut hujusmodi; Neque Muscum colligat, aut putredinem. Etiam, manu purganda est quotidie, ut maneat limpida. Itidem, Gradus aliqui Ascensus ad *Fontem*, & *Pavimentum* circa eum elegans, decori sunt. Illud alterum *Fontis* Genus, quod Balneum sive Lavacrum dici potest, multum Ornatus, & Curiositatis, recipere potest, quibus non immoramur. Veluti: Ut Fundum sit *Imaginibus* decoratum, Latera quoque; Simul hinc inde Vitro variorum Colorum, & hujusmodi Corporibus politis, & radiantibus, splendens; Circundatum etiam clausura humilium Statuarum. Sed maximum est illud; Cujus, in priore Genere *Fontium*, Mentionem fecimus; Nimirum, ut Aqua sit in perpetuo motu; Aquâ scilicet, quæ Balneo superior sit, nutrita; per Canales venustos inducta; Et rursus, per tubas subter terram æqualis dimensionis, ne Aqua diutius consistat,educta. Verum quoad curiosas Inventiones; Arcuandi Aquas sine earum effusione; Et eas effingendi in varias Formas, (Plumarum, Poculorum Vitreorum, Canopæorum, Campanarum, & similium;) Etiam Rupes artificiosas, & hujusmodi, Sunt illa quidem spectatu jucunda, sed nihil ad Salubritatem, aut Suavitatem.

Fruticetum autem, quod tertiam totius *Horti* partem posuimus, velim ut ad Similitudinem naturalis *Deserti* propè accedat. Arbores in illo plantari nolo; Nisi quod in aliquibus locis, erigi præcipio Arborum series, quæ in Vertice *Ambulacra* contineant, Ramis Arborum cooperta, cum Fenestris. Subjaceat autem Pars Soli Floribus Odoris suavis abundè confita, qui Auras in superius exhalent; Aliàs *Fruticetum* apertum esse sine Arboribus velim. Dumeta tamen spargi placet, ex Rubo odorato, Peryclymeno, & Vite sylvestri: Terram autem ubique consistam volo, Violis, Fragis præcipuè, & Primulis Veris. Hæ enim Plantæ jucundum spirant *Odorem*, & in Umbrâ feliciter crescunt. Dumeta autem, & *Ambulacra* super Arbores, spargi volumus ad placitum, non ordine aliquo collocari. Probo etiam Cumulos parvos, instar eorum quos Talpæ erigunt, (quales in Ericetis Campestribus esse solent,) alios Serpillo, Cariophyllatis minoribus alios, alios Chamædri quæ florem præbet pulchrum, alios Pervinca, alios Violis, Fragis alios, Floribus Paralysis alios, Bellidibus alios, alios Rosæ Rubris, alios Liliis Convallium, alios Armeriis rubris, alios Helleboro flore purpureo, & Floribus similiis, suavis, & bellis, confitos. Parsetiam Cumulorum habeat in Vertice Frutices; Ex sint, Rosa; Juniperus; Aquifolia; Oxyocantha; (Sed hæc rarior propter Odoris gravitatem dum floret;) Ribesium baccis rubris; Uva crispa; Rosmarinus; Laurus; Rubus Odoratus; Et id genus aliæ. Frutices autem Ferro resecandæ sunt, ne deformiter excrescant.

Jam Solum utrinque ad Latera, in *Ambulacra privata*, pro quavis Diei parte umbrosa, distribuendum est. Ex iis etiam quædam, à Ventis asperioribus ita munienda sunt, ut in iis spatium possit quis, tanquam in Porticu. Quinetiam, ob eandem Causam, videlicet ut Ventiarceantur, ad exitus claudenda sunt. Et hæc clausa *Ambulacra*, præcipuè Sabulo substernenda sunt, absque Gramine, ne in Udo Ambulatio sit. In plerisque horum *Ambulacrorum*, Arbores fructiferæ omnigenæ collocandæ sunt, tam ad Parietes externos, quàm in Ordinibus interiùs. Et hoc in genere observari debet, ut Terra elevata, in quâ Arbores fructiferæ plantantur, sit lata, humilis, & molliter ascendens: Et Floribus suavis confita, sed raris, ne succo defraudent Arbores. Ad exitus Soli lateralis utrinque, Monticellos fieri probo, ad talem altitudinem Parietis exterioris, ut in Monticello stanti, in Agros pateat Prospectus.

Rursus, quoad *Hortum* præcipuum, non negarem, in eo confici debere *Ambulacra* quædam, eaque minimè angusta, Arboribus fructiferis utrinque confita. Quin & Arboreta aliqua, Arborum fructiferarum propè confitarum; Et Umbracula Artificiofa & bella cum Sedibus ordine elegante locata: Verùm hæc, nullo modo, nimis conferim; Relinquendus est erim *Hortus* præcipuus apertior, & Aere perflabilis, & liber. Umbram enim quæras velim, in *Ambulacris* Lateralibus, ubi in Ardoribus Anni, vel Diei, ambules. *Hortus* siquidem præcipuus, comparatus est in temperatiores Anni Partes, Vernas, & Autumnales; Æstate autem, ad matutina & vespertina Tempora, aut etiam ad dies nubilosos.

Aviaria non probo, nisi tantæ sint amplitudinis, ut Cespites Graminei substerni queant; Fruticibus etiam & Arbusculis vivis conferantur; Ut *Aves* liberiùs volitent, & se per diversa oblectare, & componere possint; Utque nulla in Areâ Avearii conspiciatur spurtities.

Quantum verò ad *Ambulacra* in *Clivis*, & variis Ascensibus amœnis conficienda, illa Naturæ Dona sunt, nec ubique extrui possunt: Nos autem ea posuimus, quæ omni loco conveniunt.

Horti itaque *Regii* Figuram jam delineavimus, partim præceptis, partim modulo generali, sed minimè accurato. Et hac in re Sumptibus minimè pepercimus. Sed ad *Principes* id nihil est, qui, ut nunc fit, plerunq; *Hortulanos* consulunt; Atq; haud minore sumptu, varia, partim cum Judicio, componunt: Addentes etiam quandoque statuas, & alia ad Magnificentiam, & Pompam; Sed ad genuinam *Hortorum* Voluptatem, & Amœnitatem, nihil conducentia.

XLV.

De NEGOTIATIONE.

Generaliter, melius est, per Verba *negotiar*, quàm per Literas; Et per Intercessionem Personæ tertiæ, quàm per Seipsum. Literæ utiles sunt, cùm quis, per Literas itidem, Responsum elicere desiderat; Vel ubi sua interfit, Exemplaria Literarum, quas scripsit, producere, & monstrare: Denique, ubi metuerè quis meritò possit, ne Sermo interrumpatur, aut per Portiones audiatur. Contrà, vivâ voce tractare præstat, cùm Facies Hominis Reverentiam incussura sit; Ut sit plerunque in Colloquio cum Inferiore: Aut in Rebus, quas extremis tantùm digitis tangere convenit; In quibus Oculi Loquentis, in Vultum & Gestum alterius intentus, monere possit, quousque procedere liceat; Et generaliter, quando libertatem quis sibi retinere cupit, vel dedicendi, vel interpretandi ea quæ dixerit. In tractando per alios, cautius & melius fuerit, eos eligere, qui simplicioris sunt Ingenii; Quos probabile est, illa, quæ in mandatis habent, executuros; Et Successum Rei fideliter narraturos: Quam eos, qui ex aliorum Negotiis, aliquid in se Honoris aut Utilitatis transferre, callidi sunt: Atque ea, quæ referent, verbis emollient, ut impensè placeant. Tales etiam adhibe, qui *Negotio*, cui præficiuntur, faveant; Id enim Industriam acuit: Atque insuper tales, qui cum re quam tractant congruitatem quandam habent; Veluti, Audaces ad exposculandum; Blandos ad persuadendum; Astutos ad observandum & rimandum; Protervos, & paulò absurdiores, ad res, quæ aliquid iniqui habent, transigendas. Tales etiam adhibe, qui in *Negotiis* tuis antea tractandis, felices fuerunt, & obtinuerunt; Hoc enim Confidentiam parit: Et omnem Lapidem movebunt, quo veluti præscriptionem tueantur. Melius fuerit, Hominem cum quo *negotiaris*, primò leviter degustare, & quasi ex longinquo, quam ab initio Summam Rei proponere; Nisi fortè in animo sit, brevi illum aliquâ quæstiunculâ, irretire, & opprimere. Præstat cum illis *negotiar*, qui in Ambitu sunt, quàm cum illis, qui Desideria sua sunt adepti. Si cum alio sub conditione *negotieris*, prima veluti Occupatio, aut Possessio Votorum, in præcipuis numeranda: Id autem cum ratione postulare nequis, nisi aut Natura Rei talis sit quæ præcedere debeat; Aut alteri commodè insinuare possis illum operâ tuâ in aliis usurum; Aut denique habearis ipse pro Homine imprimis integro & verace. Omnis *Negotiatio* eò spectat; Aut ut *detegat* aliquid; Aut ut *efficiat*. *Detegunt* se Homines, vel Animum suum communicando; Vel cùm Irâ commoti sunt, nec se benè cohibere sciunt; Vel cùm ex improvviso opprimuntur; Vel cùm necessitate quadam adiguntur, non habentes quod prætexant. Si quem ad *Nutum* fingere cupias, ut inde *efficias* aliquid; Aut Inclinationes & Mores ejus benè cognoscendi, ut eum manu ducas; Aut Fines ejus perspiciendi, ut suadeas; Aut Infirmitates ejus, &

ea quibus obnoxius est, exploranda, ut terreas; Aut denique Amici ejus, qui plurimum apud eum valent, conciliandi, ut eo modo regere possis. In tractando cum Callidis & Dolosis, verbis eorum minimè credendum, nisi Fines & Intentiones eorum habeas Verborum Interpretes: Quin & optimum fuerit, pauca apud illos loqui, & quæ minimè expectant. In Rebus quibuscunque difficilioribus, non expectandum, ut quis simul, & seriatim, & metat; Sed præparatione opus est, ut per gradus matureſcant.

XLVI.

De CLIENTIBUS, FAMULIS, &
AMICIS.

Clientes Sumptuosi minimè admittendi; Ne dum quis Caudæ pennas adaugēt, Alarum pennas præscindat. Eos autem Sumptuosos intelligo, non solum qui Impensis gravant, sed etiam qui Petitionibus molesti & importuni sunt. *Cientes* communes, conditiones alias, expectare non debent, extra Favorem, Commendationem si opus sit, & ab injuriâ protectionem. *Cientes* autem & *Amici factiosi*, adhuc magis vitandi, qui alicui se applicant, non tam ex Amore ipsius cui famulantur; Quàm ex odio versus alium concepto. Unde sæpenumerò sequitur Animorum illa Abalienatio, quam videre est inter Potentiores. Similiter, *Cientes* illi gloriosi, qui in hoc incumbunt, ut loco Buccinarum sint, ad Laudes eorum resonandas, quibus famulantur, haud parum nocent: Et enim Negotia Futilitate suâ corrumpunt: Tum verò Honorem Domini sui, (si quis verè rem reputet,) exportant, & Mercem Invidiæ invehunt. Est & aliud Genus *Clientum* prorsus periculosum; Qui nil aliud quàm Speculatores sunt, & Secreta Familiæ rimantur, ac rursus aliorum Auribus insusurrant: Attamen hujusmodi Homines, apud Dominos suos, sæpenumerò in summo pretio habentur; Siquidem Officiosi sunt, & Susurros ferè commutant. *Clientela* Hominum Ordinis cujuscumque, si ejusdem cum Patrono Ordinis sint, (veluti Militum versus illum qui præfecturam in Bellis gessit, & hujusmodi,) semper pro re decorâ habitum est, & in bonam partem acceptum, etiam in *Monarchiis*; Modò absit Pompa nimia, & Popularitas. Verùm *Clientela*, omnium maximè honorifica, ea est; Ut quis *Patronum* se profiteatur, eorum qui Virtute & Meritis clarent, cujuscumque Ordinis sint, vel Conditionis: Attamen ubi nulla insignis cernitur in Meritis Dissimilitudo, præstat mediocribus patrocinari, quàm Eminentioribus. Atque insuper, si verum omninò dicendum sit, in Seculis aliquanto corruptioribus, Homines industrii & satagentes, usui magis sunt, quàm verâ Virtute præditi. Certè, in imperando, optimum est, ejusdem Gradus Subditos, pari comitate tractare: Paucos enim immensâ gratiâ prosequi; ipsos magis insolentes, reliquos malevolos efficiet; Quandoquidem Ordinis

Paritas æquas Gratia Conditiones, tanquam ex debito, poscit. Verum econtrà, in iis, quæ favoris meri sunt, prodest cum delectu afficere; Nam eos, qui benignius tractantur, impensè gratos reddet, ceteros imprimis officiosos: Neque de hoc meritò conqueratur quispiam, cum omnia ex gratiâ, non ex debito prodeant. Rectè cavetur, ne sub initiis immoderatiùs aliquem favore prosequaris; Nam quæ tractu temporis sequentur, vix istis initiis respondere possunt. Fingi, (quod aiunt,) & regi, ab *Amico* aliquo, tutum non est: Etenim molitiem quandam Animi prodit; Tum verò Convitiis & Scandalo Occasionem præbet: Plurimi enim, qui nos ipsos immediatè non perstrinxissent, *Amicum* illum nostrum Contumeliis afficere non verebuntur; Atque eo modo Honorem nostrum vulnerabunt. Attamen, plurimum potestati subjici, & veluti in partes distrahi, adhuc pejus; Hoc enim nos reddet, postremæ (ut nunc loquuntur,) Editionis, & plenos Inconstantia. Deliberare cum *Amicis* aliquot paucis, honorabile sanè & utile: *Spectatores enim sæpenumerò plus vident, quàm Lufores*: Atque, (ut Adagio dicitur,) *Vallis optimè collem monstrat*. *Amicitia* vera, in Orbe, rara admodum; Et minimè omnium ea quæ inter *Æquales*; Quod Genus apud Veteres celebrari solebat. Si quia est, ea reperietur inter Superiorem & Inferiorem; Fortunæ quorum, altera alteram, comprehendere possint.

XLVII.

De SUPPLICANTIBUS.

Suscipiuntur complura *Negotia* & *Inventa* mala; Et *Petitiones privatae* Bonum corrumpunt publicum. Suscipiuntur etiam complura *Negotia* in se bona, sed animo non bono: Intellego, non solum corrupto, sed etiam callido; Absque ullâ perficiendi *Negotii* Intentione. Non desunt, qui *Petitiones* in manus suas recipiunt, & operam avidè pollicentur, quibus tamen ut cum effectu procedant, curæ non est: Verum si animadvertant, rem aliorum conatu successuram; ipsi quoque gratiam aucupabuntur; Aut certè Mercedem aliquam secundariam captabunt; Aut denique *Supplicantis* spes dum *Negotium* vertitur, in usum proprium convertent. Alii *Petitiones* amplectuntur, eo solum animo, ut *Negotiis* aliorum, quæ simul tractantur, impedimenta injiciant: Vel ut aliquid obiter deferant & informant, cujus aliàs prætextum idoneum parare non potuerint; De *Petitione* ipsâ, cum sibi hoc modo consuluerint, nihil solliciti: vel generaliter, ut per aliorum *Negotia*, *Negotiis* suis pontem sternant. Imò & alii tam malâ fide agunt, ut *Petitiones* suscipiant consilio deliberato eas destituendi, quò *Competitori*, aut *Adversario* gratificentur.

Certè si quis rem ritè perpendat, comitatur omnem *Petitionem*, Jus quoddam; Vel *Æquitatis*, si sit *Petitio* *Justitiæ*; Vel *Meriti*, si sit *Petitio* *Gratiæ*. Si quem moveat *Inclinatio* propria, ut *Parti* iniquiori fa-
veat,

veat, in Causâ Judiciali, utatur potiùs Auctoritate suâ, ut rem componat, quàm ut obtineat. Si quem moveat Inclination propria, ut favore suo minùs merentem impertiat, in Causâ Gratiæ, abstineat saltem ab omni Calumniâ, & Maledicentiâ, in meliùs merentem. *Petitiones*, quas ipse non satis intelligis, Amico alicui fido & sagaci demanda; Qui referat, an ejusmodi sint, quas salvo honore promovere possis; Uerùm prudenti & anxio judicio Amicus ille deligendus; aliàs quilibet tibi imponet. *Supplices*, his temporibus, adeò morâ, & Procrastinationibus, cruciantur, ut Veracitas & Candor; Vel in Negotium primitùs recusando; Vel in Successum ejus qualem-qualem animo simplici referendo; Vel in Gratiâ non ultra quàm par est captando; Res facta sit, non solùm laudabilis, verumetiam gratiosa. In *Petitionibus* Gratiæ, prima *Petitionis* Oblatio, nullius debet esse momenti; Eò usque *Supplicantis* Fides, in re illâ patefaciendâ, valere possit, ut si Notitia ejus, aliunde quàm per eum haberi non potuisset; Hoc ei fraudi non sit, sed potiùs remuneretur. Valorem ejus, quod petitur, ignorare, Imperitia quædam est; Non secus ac Æquitatem ejusdem oscitanter prætervehi, malam arguit conscientiam. *Petitiones* sedulò occultare, non modicum prodest ad obtinendum; Spes enim jactare, Competitorum licèt alios deterrere possit, alios tamen acuet, & excitabit. Verùm Temporum Opportunitates, ante omnia, in *Petitionibus* valent. Temporum inquam, non tantùm respectu eorum in quorum potestate positum est, *Petitiones* vel rejicere, vel concedere; Verumetiam respectu eorum, à quibus justè metuendum, ne se illis opponant. In delectu ejus, cui *Petitionis* tuæ curam demandes, respicias magis Aptitudinem, quàm Amplitudinem; Atque cum potiùs adhibe, qui paucioribus Negotiis se immiscet, quàm qui omnia amplectitur. Denegatæ *Petitionis* Iteratio Concessioni ipsi quandoque æquipollet; Modò quis se, nec animo dejectum, nec malè affectum, ostendat; *Iniquum petas, ut æquum feras*; Regula non mala, ubi quis gratiâ floreat; Aliàs enim, consultius foret, gradibus quibusdam, ad id quod petis, ascendere, & aliquid saltem impetrare: Qui enim, in principio, *Supplicantis* erga se studium, amittere non dubitasset; Is, in fine, & *Studium Supplicantis*, & *Beneficium* priùs collatum, simul amittere non sustinebit. Nihil tam levè videtur, quàm Viros præpotentes, de *Literis* suis interpellare; Cum tamen, si *Literæ* illæ, in Causis minùs honestis, & justis volitent, tantum de Existimatione Scribentis depereat. Non invenitur in Rebus publicis perniciosius Hominum Genus, quàm Generales isti *Petitionum Concinnatores*; Etenim Pestes planè sunt, & Lues, Negotiorum publicorum.

XLVIII.

De STUDIIS, & LECTIONE LIBRORUM.

Studia, & Lectiones Librorum, aut Meditationum Voluptati, aut Orationis Ornamento, aut Negotiorum Subsidio, inserviunt. Usus eorum, quatenus ad Voluptatem, in Secessu & otio imprimis percipitur: Quatenus ad Orationis Ornamenta, in Sermonē tam Familiari, quā Solēnni, locum habet; Quatenus verò ad Negotiorum subsidium, hūc spectat; ut accuratiore Judicio, Res & suscipiantur & disponantur. Etenim, Homines, rerum gerendarum gnari, ad Negotia exequenda, idonei fortassē sunt; Et in specialibus, judicio non malo utuntur: Verū Consilia de Summis Rerum, eorumque Inventio & Administratio recta, felicius à *Literatis* promanant. Temporis nimium in *Lectione* & *Studiis* terere, speciosa quādam Socordia est; Iisdem ad Ornatum molliū abuti, Affectatio mera est, quæ seipsam prodit; De Rebus autem, ex Regulis Artis judicare, *Scholam* omninō sapit, nec benē succedit. Naturam *Literæ* perficiunt, ab *Experientiā* autē ipsæ perficiuntur. Dotes enim Naturales, instar Plantarum sunt, sponte provenientium, quæ Culturam & Falcem Artis desiderant: *Literæ*, econtrā, Generalia nimis præcipiunt, nisi ab *Experientiā* determinentur. Callidi *Literas* contemnunt; Simplicēs admirantur; Prudentes, operā earum, quantum par est, utuntur: Neque enim *Literæ* verum sui usum satis edocent; Sed hæc Res, Prudentia quādam est, extra eas, & supra eas sita, observatione tantum comparata. *Libros* non legas animo contradicendi, & Disputationum Præliis concertandi; Neque rursus omnia pro Concessis accipiendi; aut in verba Auctoris jurandi; Neque denique in Sermonibus te venditandi; Sed ut addiscas, ponderes, & judicio tuo aliquatenus utaris. Sunt *Libri*, quos leviter tantum degustare convenit; Sunt quos deglutire, cursimque legere oportet; Sunt denique, sed pauci admodum, quos ruminare & digerere par est: Hoc est; *Libri* quidam, per Partes tantum inspiciendi; Alii perlegendi quidem, Sed non multum temporis, in iisdem evolvendis, insumendum; Alii autem pauci diligenter evolvendi, & adhibitā Attentione singulari. Invenies etiam *Libros* haud paucos, quos per alios, & vicariā operā, legere sufficiat, eorumque Compendia tantum desumere; Verū hoc fieri nolim, praterquam in Argumentis humilioribus, & Auctoribus minoris pretii: Aliās enim, *Libri* (ut sic dicam) Distillati, instar Aquarum distillatarum, quas vulgò mercantur, erunt penitus insipidi. *Lectio* copiosum reddit, & benē instructum; *Disputationes* & *Colloquia* promptum & facilem; *Scriptio* autem, & *Notarum Collectio*, perlecta in animo imprimit, & altius figit. Itaque si quis in *notando*, segnis sit, aut fastidiosus, memoriā illi opus est bonā; Si *Colloquitis* se non exerceat, requiritur ei Ingenium promptum; Sin in legendo parcus sit, hoc solum relinquitur, ut Artificio quopiam utatur, quò videatur ea geniosos;

scire, quæ nescit. *Historiarum Lectio* Prudentes efficit; *Poetiarum*, Ingeniosos; *Artes Mathematicæ* Subtilitatem donant; *Naturalis Philosophia* Judicium profundum parit; *Moralis* Gravitatem quandam Morum conciliat; *Dialectica & Rhetorica* Pugnacem reddunt, & ad Contentiones alacrem; *Abeunt* (ut ait ille,) *Studia in Mores*. Quin & vix occurrit, in Intellectu, Impedimentum aliquod insitum, aut naturale, quod non *Studio* quopiam idoneo, emendari & edolari possit: Quemadmodum Morbi Corporis, Exercitiis quibusdam propriis, levari possint. Globulorum Lusus Calculo & Renibus salubris; Sagittatio Pulmonibus & Thoraci; Lenis Deambulatio Ventriculo; Equitatio Capiti, et similia. Eodem modo, si cui sit Ingenium vagum & volucre, *Mathematicis* incumbat; In Demonstrationibus enim *Mathematicis*, si Mens vel minimùm aberret, de novo incipiendum est: Si cuiquam Ingenium sit minùs aptum, ad Rerum Differentias & Distinctiones eruendas, ad *Scholasticos* se conferat: Illi enim *Cymini Sectores* sunt; Si quis ad Transcursus Ingenii segnis sit, nec alia in aliorum Probationem, & Illustrationem, accersere, & arripere dextrè, noverit, Jure-Consultorum Casus evolvat: Adeò ut singuli Intellectus Morbi, ex *Literis*, Medicinas proprias comparare sibi possint.

XLIX.

DE FACTIONIBUS.

PLurimi Opinionem minimè sanam foverunt; Hanc nimirum; Principi, in Statùs sui Administratione, & Viro magno, in Actionum suarum Directione, ad *Factiones*, quæ invaluerunt, præcipuè respiciendum; Atque hanc principalem Prudentiæ Partem esse: Cùm econtrà, Facultas hæc Prudentiæ, quàm maximè vigeat, vel in disponendis rebus, quæ ad omnes sine discrimine pertinent, & in quibus Homines diversarum *Factionum* coeunt; Vel in palpandis, conciliandis, & tractandis singulis. Neque tamen assero, *Factionum* debitam considerationem, esse negligendam. Humilioris Fortunæ Viri, cùm in Ambitu sint, alicui Parti adhærere debent; Verùm potentioribus, & jampridem Honorem adeptis, consultius est, æquos se præstare, in neutram partem propendendo. Quin, & in Ambientibus, ita cautè adhærere, ut videatur quis alteri ex Partibus addictus, & tamen Parti adversæ minimè odiosus, viam quandam sternit ad Honores, per Medium *Factionum*. *Factio* inferior, & debilior, in Conjunctione, plerunque firmior, & constantior: Et non rarò observari poterit, paucos qui obstinati & pertinaces sint, *Factionem* numerosiorem, sed tamen moderatam, in fine defatigare, & depellere. *Factionum* altera postquàm extincta fuerit, illa quæ manet, in *Factiones* novas disrumpitur; Veluti, *Factio Luculli*, & *Optimatum*, ad tempus aliquod, se in satis magno Vigore, contra *Factionem Pompeii & Cæsaris*, sustinuit; Verùm postquam Auctoritas *Senatus*, & *Optimatum*, deprimebatur; *Factio* ipsius *Cæsaris & Pompeii*, in Partes

Propediem scissa est. Similiter, *Factio Antonii, & Octaviani Caesaris*, contra *Brutum & Cassium*, ad tempus aliquod duravit; Sed deletis Copiis *Bruti & Cassii*, *Antonius & Octavianus*, cum Partibus suis, paulò post dissilierunt. Exempla hæc (dices) ad *Factiones Bellicosas* spectant, Sed idem in *Factionibus privatis* tenet. Itaque, in *Factionibus* qui Secundas antea tenebant, *Factiane scissâ*, sæpius Primas tenent: Contrà tamen, haud rarò, potestate omni excidunt: Complures enim in oppositione tantum valent; Quâ cessante, actutum deveniunt inutiles. Observatu dignum, quod sæpè evenit; plurimos nimirum, postquam Voti compotes sint, & in Dignitate quam ambierunt collocati; continuo se applicare contrariæ *Factioni*; Existimantes forsitan, se de alterius *Factionis* Affectu & Studiis, jamdudum certos esse; Itaque ad Amicos novos conciliandos se comparare. Proditor in *Factionibus* plerunque rem obtinet; Postquam enim, Res diutiùs, tanquam in *Æquilibrio*, suspensæ hæssissent, tum demùm unius alicujus in Partes contrarias Transitio, Victoriâ refert; In eumque Gratiæ omnes cumulata. Indifferens illa inter Partes Processio, neutri inclinando, non semper ab Animo moderato procedit; Sed à Consilio callido, quandoquidem proximus sibi quisque sit; atque ex utrâque *Factione* utilitatem demetere speret. Certè in *Italiâ*, in suspicionem incurrit Papa, de quo Vox illa, in Vulgus volitat; *Padre Commune*. Tum etiam in Signum trahitur, *Papam* illum, omnia ad Familiæ suæ amplitudinem referre, in animo habere. *Regibus* imprimis cavendum est, ne *Factioni* alicui Subditorum suorum, se ex professio adjungant: *Ligæ* enim *Confederationis*, intra Statum quempiam, *Monarchiis* semper exitiales: Siquidem Obligationem introducunt Obligatione ipsâ *Imperii* validiorem, Atque *Regem* constituunt; *Tanquam unum ex nobis*: Id quod cernere erat in *Ligâ Franciæ*. Cùm *Factiones*, manu forti, & palam, concertant, Signum est *Imperii* in *Regibus* labascentis; Multumque præjudicat, ipsorum & Auctoritati, & Negotiis. Motus *Factionum*, sub *Regibus*, similes esse debent, Motibus, (ut *Astronomi* loquuntur,) *Orbium inferiorum*; Qui suos habent Motus proprios, sed interim, Conversione *Primi Mobilis*, cum obsequio, circumferuntur.

L.

DE CÆREMONIIS CIVILIBUS, & DECORO.

Qui *Rebus* solummodò est, ei multâ Virtute opus duco; Sicut Gemma, quæ sine Ornamento omni inseritur, è purissimis & nitidissimis esse debet. Verùm, si quis diligenter animadvertat, fit in Laude, quod fit in Lucro: Obtinet enim Proverbium illud; *Lucra levia Crumenam efficere gravem*. Siquidem, *Lucra levia* frequenter redeunt, cùm majora rariùs se offerant. Similiter, verissimum est, Virtutes exiguas magnas conciliare laudes, quia perpetuus earum usus est; Tum in observationem Hominum incurrunt: Cùm econtrà,

Virtutis

Virtutis alicujus magnæ exercendæ Occasio, rarò admodùm obtingit. Itaque ad Famam & Existimationem alicujus multùm juvat, &, (quemadmodum *Isabella, Regina Castiliana* dicere solebat,) *instar Epistolarum Commendatitiarum, quæ nunquam non præsto sint*, haberi possit; Si quis *to mulis* utetur *discretis & decoris*. Ad has addiscendas, nihil ferimè aliud requiritur, quàm ut eas quis non contemnat: Ita enim in aliorum Moribus easdem observabit; De reliquo autem Nemo sibi diffidat. Si enim majorem illis operam navabit, de pretio decident: Quod in illo potissimùm situm est, ut tanquam *Nativæ* videantur, & minimè affectatæ. Nonnullorum Vultus, & Gestus, & Externa alia, instar versûs sunt, in quibus Syllabæ singulæ mensurantur; Quis poterit magna comprehendere, qui se tam pusillis Rebus submittit? *Cæremoniis decentibus*, erga alios, omninò abstinere, perinde est ac si doceas, easdem illos erga te negligere; Quo pacto te ipsum facies viliorum. Præcipuè, nequaquam omittendæ erga illos, quibuscum Familiaritate minimè conjunctus es: Neque erga Homines Ingenio Fastidioso. Verùm, Excessus in illis, & Locutio planè Hyperbolica, (quæ nonnulli utuntur,) non solum Res molesta, sed etiam Fidem & Pondus, eorum quæ dicuntur, omnino minuit. Est proculdubio Modus, artificiosæ cujusdam Insinuationis, in Verbis ipsis, inter *Formulas* communes, qui Homines reverà inescat, & mirificè afficit; Qui exinie alicui prodest, si quis ejus viam calleat. Inter *Æquales*, de Familiaritate sollicitum esse, nihil opus est; quare reprime te paululùm, & dignitatem tuam tuere: At inter Inferiores non deerit Reverentia; Itaque inter illos, benignè te gerere, & cum Familiaritate quadam, non incongruum est. Qui in Sermonem aliquo, aut Re, nimius est, adeò ut Satiетatem inducat, Valorem sui ipsius minuit. Aliis se applicare, bonum est; Modo cum Significatione quadam fiat, hoc non ex Facilitate prodire, sed ex Comitatus & Urbanitate. Præceptum non contemnendum est; Cùm in alterius Sententiam iveris, aliquid semper de proprio addere: Exempli gratiâ; Opinioni ejus suffragaris? Cum Distinctione, & non aliàs, fiat: Propositioni ejus annuere libet? Fiat sub modo aliquo vel Conditione: Consilium ejus sequi & amplecti visum est? Novi alicujus Argumenti pondus addas, propter quod in Partes ejus transire videaris. Cavendum imprimis, ne *Magister* in *Cæremoniis* & *Formulis*, habearis: Id enim si fiet, utcunque Virtute verà emineas, audies tamen ab Invidis, in Nominis tui Detrimentum, *Urbanus* tantùm & *Affectator*. Etiam Negotiis damnosum est, si quis *Formulas* nimium affectet; Vel in Opportunitatibus & Temporibus deligendis, impensè curiosus sit. *Salomon* inquit; *Qui observat Ventum, non seminat; Et qui considerat nubes, nunquam metet*; Prudens Opportunitates plures faciet, quàm inveniet. *Mores* Hominum externi, *Vestibus* eorum similes esse debent; Non sint nimis concinni, nec Corpus coarctantes; Sed qui Libertatem præbeant, ad Exercitia, & Motum quemlibet.

LI.

De LAUDE.

Laus Virtutis Reflexio est. Atque, ut fit in Speculis, trahit aliquid à Naturâ Corporis, quod Reflexionem præbet. Si à Vulgo proficiscitur, ut plurimum, Reflexio illa prava est, & falsa; Et vanos potius ac tumidos, quàm verâ Virtute præditos, comitatur. Sub captum siquidem Vulgi, Virtutes complures, quæ excellunt, non cadunt. Virtutes minores, ab iis, *Laudes* extorquent; Mediæ, Admirationem quandam vel stuporem, illis incutiunt; Sublimes autem, in Sensum aut Perceptionem eorum, prorsus non veniunt. Sed Apparitiones Virtutum, & *Species Virtutibus Similes*; Illos afficiunt quàm maximè. Sanè, *Fama* Fluvio similis est, quæ levia & inflata attollit, gravia & solida mergit. Quod si Viri etiam Judicii profundioris, & Dignitatis, cum vulgo concurrunt, tum id, quod Scriptura dicit, contingit; *Nomen bonum instar Unguenti fragrantis*. Omnia undique replet, neque facilè evanescit. Etenim Odores Unguentorum, durabiles magis sunt, quàm Florum. *Laudum* tot Conditiones fallaces sunt, ut *Laus* meritò in suspicionem venire possit. *Laudes* quædam ab *Adulatione* solâ prodeunt; Quod si *Adulator* sit vulgaris, Attributis quibusdam utetur communibus, & quæ omnibus competere possint; Non quæsitis aut appositis; *Adulator* callidior si sit, vestigia premet *Adulatoris* principalis; Intellego, Tui ipsius; Et in quibus tibi places, aut te ipsum excellere putas, iis *Adulator* inhærebit maximè: Sin *Adulator* sit impudens, & perfrictæ Frontis, tum demùm, in quibus conscius tibi sis Defectus tui, & ad quæ maximè erubescis, eâ *Adulator* tibi vel præcipuè imputabit, & affiget, per vim, spretâ conscientiam. *Laudes* nonnullæ, à voluntate bonâ cum Reverentiâ conjunctæ, proficiscuntur; Quæ sanè *Laudum* Formula, *Principibus*, & Viris quibuscunque dignioribus, debetur; *Laudando præcipere*: Cùm scilicet apud illos prædicando, quales sint, humiliter moneas, quales esse debeant. Sunt qui *Laudibus* quandoque enervantur, animo malitioso; Ad conflandam Invidiam, & Odia concitanda, *Pessimum Genus Inimicorum laudantium*; Ut ait ille: Adeò ut apud *Græcos*, in Proverbium exierit; *Ei, qui in malum suum laudaretur, pustulam nari continuò adnaturam*: Sicut apud nos vulgo dicitur; *Cum quis mentiatur, metuendum ne ejus Lingua, Scabies propediem oboriatur*. Illud asserere licet, *Laudes* moderatas, tempestivè irrogatas, & minimè vulgares, Honori vel maximè esse. Dictum est *Salomonis*; *Qui benedicit proximo suo voce grandi, de nocte cõsurgens, maledicenti similis erit*; Etenim, vel Hominem, vel rem aliquâ, ad Cœlû usq; evehere, cõtradictione irritat, & derisui exponit. Veruntamè, ut seipsum *laudare*, servato decoro, vix cõceditur, nisi in casibus admodum raris; Ita Vocatione suâ, & Munus quod gerit, aut studia quibus se addixit, *laudare* quis cum veniâ possit, imò cum specie quadâ Magnanimitatis. *Cardinales Romani*, (qui Theologi sunt,

sunt; Et Fratres & Scholastici,) Verbum usurpant, extremi Contemptus & Convitii, erga Negotia Civilia: Vocant enim Negotia Civilia, (veluti, Belli, Legationum, Judiciorum, & hujusmodi,) *Hispanico Vocabulo, Sbirrarias*; Quod sonat, Munera Licitorum & Scribarum. Ac si Artes illæ memoratæ, magis ejusmodi Homines, quàm in Fastigio *Cardinalatus* positos, decerent: Et tamen, (si Res ritè ponderetur,) Speculativa cum Civilibus non malè miscentur. *Sanctus Paulus*, cum de seipso gloriatur, illud nonnunquam interponit; *Ut Stultus loquor*, At cum de Vocatione suâ Verba facit, nihil veretur dicere; *Magnificabo Apostolatum meum*.

LII.

De VANA GLORIA.

Eleganter quidem *Æsopus*; *Musca sedens super Radium Rotæ Currus, ita secum*; *Quantum pulverem moveo?* Similiter, existunt quidam Friles & Vani, qui, cum aliquid vel sponte procedit, vel manu potentiore cietur, si modò ipsi vel minimam rei partem attigerint, continuò putant se Machinam totam vertere. *Gloriosi* semper *Factiosi*; Etenim nulla Ostentatio sine Comparatione sui est. Quin & violenti ut sint, necesse est, ut quæ verbis jactitârunt, reverà præsent. Neque taciturni omninò esse possunt; Ideoque opere, ut plurimum, destituuntur; Sicut *Gallis* in Proverbium abiit; *Beaucoup de Bruit, peu de Fruit*: *Strepitus multum, Fructus parum*. Attamen, sine Controversia, hujusmodi Ingeniis, in Civilibus, aliquando uti prodest. Si Fama excitanda sit, vel Opinio latè spargenda, sive Virtutis, sive Potentiæ, istiusmodi Homines Buccinatores egregii sunt. Rursus, sicut prudenter notat *Livius*, circa Tractatus *Antiochi & Ætolorum*; *Mendacia reciproca, & ex utraque parte, quandoque magno usui esse possunt*; Veluti, cum quis inter *Principes* duos negotietur, ut eos ad Bellum indicendum, *Principi* tertio concitet; Atque hoc ut efficiat, unius Copias apud alterum, supra Modum, & Veritatem, vicissim attollat. Quin & hoc fit quandoque, ut qui inter privatos tractet, apud utrumque Existimationem suam augeat, artificiosè insinuando, se apud alterutrum plus posse, quàm reverà potest. Atque in his, & hujusmodi haud rarò accidit, ut aliquid ex Nihilo producat: Mendacia enim Opinionem ingenerare sufficiunt; Opinio autem Rem & Substantiam progignit. In Ducibus, & Viris Militaribus, *Gloriosum* esse, non inutile est; Sicut enim Ferrum acuit Ferrum, ita per *Gloriam* hanc Animi invicem acuntur, & excitantur. Insuper, in Actionibus magnis, quæ Sumptibus, & Periculo privatorum, suscipiuntur; Ingenia jactabunda vivaciùs Negotia impellunt: Qui enim Ingenio sobrio sunt, & solido, plus habent Saburræ, quàm Veli. Rursus, in Existimatione Doctrinæ & Literarum cujuscumque, non volitabit *Fauza* illius per Ora Virum, neque benè Alata erit, sine Plumis aliquibus *Ostentationis*. *Qui de contemnenda Gloria Libros scribunt, Nomen suum inscribunt*;

bunt; Inquit ille *Socrates, Aristoteles, Galenus*, (magna Nomina,) Ingenio jactabundo erant. Certè *Gloria vana*, ad propagandam & perpetuandam Memoriam magnoperè juvat: Neq; *Virtus* ipsa, tantum Humanæ Naturæ debet, propter Nominis sui Celebrationem, quantum *sibiipsi*. *Fama* siquidem *Ciceronis, Senecæ, Plinii Secundi*, ad hunc usque diem vix durasset, aut saltem non tam vegeta, nisi conjuncta fuisset, cum aliquâ *Vanitate & Jactantiâ*, in seipsis. *Jactantia* enim, instar Vernicis videtur esse, quæ Ligna non solum splendere facit, verum etiam durare. Atqui, dum hæc de *vanâ Gloriâ* dissero, minimè eam Qualitatem intelligo, quam attribuit *Tacitus Muciano*; *Omnium, quæ dixerat, feceratque, Arte quadam ostentator*: Hæc enim ex Vanitate neutiquam procedit, sed ex Arte, & Prudentiâ, cum Magnanimitate quadam conjunctâ: Et in aliquibus Hominibus, qui naturâ veluti comparati ad eam sunt, Res est, non solum decora, sed & gratiosa. Excusationes enim decoræ, Concessionis tempestivæ, quin & Modestia ipsa benè temperata, nihil aliud sunt, quàm *Ostentationis* Artes. Neque inter Artes hæc, reperitur aliqua felicior, quàm illa, de quâ loquitur *Plinius Secundus*, Hoc est; Liberaliter & copiosè id in aliis laudare, in quo ipse emineas. Nam ad hunc modum ille, ingeniosè satis: *In alio laudando, tibiipsi ministras: Is enim, quem laudas, aut superior tibi est, aut inferior; Si inferior, & tamen laudandus, tu multo magis; Si superior, neque jure laudandus, tu multo minus.* *Gloriosi* Prudentibus Derisui sunt; Stultis Admirationi; Parasitis Prædæ & Escæ; Sibi ipsis, & *Gloriæ vanæ*, Mancipia.

LIII.

De Honore & Existimatione.

Honoris & Existimationis, vera, & jure optimo, Acquisitio, ea est; Ut quis Virtutes, & Facultates suas, dextrè, & absque detrimento, revelet. Nonnulli enim, in Actionibus suis, *Proci Famæ* sunt, & veluti Venatores: Quod Genus Hominum, Sermonibus plerunque celebratur, sed interiorem Animi Reverentiam vix assequitur. Alii, contrà, Virtutem suam, inter monstrandum, obscurant; Ex quo fit, ut Opinione minores sint, quàm Merita ipsorum postulant. Si quis Rem suscipiat, simulque perficiat, quæ prius intentata fuerat; Aut tentata quidem, sed deserta; Aut ad exitum forsan perducta, sed minùs commodè, & feliciter; Is *Honorem* adipiscetur majorem, quàm si quid perfecisset gravioris sanè difficultatis, & Momenti; Sed in quo, alterius tantum Vestigia, & non ultra, premeret. Si quis Actiones suas, ita inter se committat, & contemperet, ut in aliquibus earum, singulis Factionibus, vel Populi Combinationibus, satisfaciatur, Harmonia erit tantò perfectior. *Honoris* sui minimè frugalis Dispensator est, qui Rem quamvis suscipit, in quâ Dedecoris plus fuerit, votis excidere, quàm obtinuisse, *Honoris*. *Honor*, qui Comparativus est, & Alium prægravat, Reflexionem habet maximè vividam;

vividam ; Instar Adamantis, aut Carbunculi, cum Angulis multiplicibus secti. Itaque, enixè hoc agas, ut Competitores tuos, si modò possis, etiam in iis, in quibus ipsi summe glorianur, superes. Servi, & Amici Familiare, prudentes modò sint & cauti, *Existimationi* cuiuspiam, non modicum prosunt : Ita *Q. Cicero* ; *Omnis Fama à Domesticis emanat.* Invidia, quæ *Honoris* veluti Tinea & Tereudo est, optimè extinguitur, si quis id sibi præstituere videatur, ut Meritum potius ambiat, quàm Famam : Et Successus suos prosperos, magis Providentiæ Divinæ, & Felicitati cuidam tribuat, quàm Artibus aut Virtutibus propriis.

Gradus, Honoris Imperialis, sic verè & optimè ordinantur. Primo loco statuendi, *Conditores Imperiorum* ; Quales fuerunt *Romulus*, *Cyrus*, *Julius Caesar*, *Ottomannus*, *Ismael*. : Secundo loco, *Legum-latores* ; Qui etiam vocabantur *Conditores Secundi*, aut *Perpetui Principes* ; Quoniam Legibus suis, etiam post Mortem, Imperia administrant ; Quales fuerunt *Lycurgus*, *Solon*, *Justinianus*, *Eadgarus*, *Alphonsus Castilianus*, Cognomine *Sapiens*, qui *Septem Partitiones* edidit. Tercio loco, *Liberatores*, vel *Servatores Patriarum suarum* ; Qui Bellis intestinis diutinis finem imposuerunt, aut Patrias, à Servitute Alienigenarum, vel Tyrannorum liberarunt ; Veluti, *Augustus Caesar*, *Vespasianus*, *Aurelianus*, *Theodoricus*, *Henricus Septimus Rex Angliæ*, *Henricus Quartus Rex Gallia*. Quarto loco, *Propagatores*, sive *Propugnatores Imperii* ; Qui Bellis honorificis Fines Imperii protulerunt ; Vel Defensione strenuâ & Nobili, Invasoribus resisterunt. Ultimo loco, *Patres Patriæ* ; Qui justè imperant, & Temporibus felicibus, quamdiù vivunt, Cives suos beant. In his ultimis duobus, *Exempla* non adduco, quandoquidem tanto numero sint. *Honorum*, qui *Subditis* competere possunt, *Gradus* hi sunt. Primò statuendi *Participes Curarum* ; Hi nimirum, quorum Humeris, præcipuum pondus, Rerum suarum, *Principes* imponunt : Vulgò appellamus *Manus Regum Dexteras*. Secundò, *Duces Belli* ; *Regum* suorum intelligo *Locum-tenentes* ; Qui operam eis egregiam in Bellis præstant. Tercio, *Gratiosi* ; Eos volo, qui non ultra hoc potes sunt, quàm ut *Principibus* Solatio sint, & Populo innoxii. Quarto, *Negotiis Pares* ; Qui magnos sub *Principibus* gerunt Magistratus ; In quibus justè & prudenter versantur. Est & Genus quoddam *Honoris*, quod rarò contingit ; Et tamen inter maximos reponi meretur : Hic est, eorum, qui se Morti, & Periculis, devovent, & sacrificant, propter Bonum Patriæ : Quod fecerunt *Marcus Regillus*, & *Duo Decii*.

LIV.

De Officio Judicis.

Meminisse debent *Judices*, esse Muneris sui, *Jus dicere*, non autem *Jus dare*: Leges inquam interpretari, non condere. Ali-
tèr, deveniet eorum Auctoritas, simile quiddam, Auctoritati
illi, quam sibi vendicat *Ecclesia Romana*: Quæ prætextu *Interpreta-*
tionis Scripturarum, etiàm addit aliquid quandoque, & immutat: Et
pronunciat, quod non invenit; Atque Specie Antiquitatis, introdu-
cit Novitatem. *Judicem* oportet esse, potiùs Eruditum, quàm Inge-
niosum; Venerabilem, quàm Gratosum; Magisque Deliberati-
vum, quàm Confidentem. Ante omnia, Integritas *Judicum* quasi
Portio est, Virtusque propria. *Maledictus sit* (inquit *Lex*) *qui termi-*
num Terræ movet antiquum; Sanè, Qui Lapidem, Fines distinguen-
tem, transponit, culpâ non caret. Verùm *Judex* injustus ille est, qui
præcipuè *Terminos* immutat, cum de Terris & Rerum Proprietate,
iniquam fert Sententiam. Unâ certè iniqua Sententia plus nocet,
quàm Exempla plurima. Hæc enim, Rivulos tantùm inficiunt, illa
autem Fontes. Ita ait *Salomon*; *Fons turbatus, & Vena Corrupta, est*
justus cadens, in Causâ suâ, coram Adversario. Officium *Judicis* Rela-
tionem habere possit, partim ad *Litigantes*; partim ad *Advocatos*;
partim ad *Scribas* & *Ministros Justitiæ* subit; partim ad *Principem* vel
Statum suprâ.

Primo quantum ad *Causas* & *Litigantes*. *Sunt* (inquit *Scriptura*)
qui Judicium vertunt in Abyssum: Sunt etiàm certè, qui illud ver-
tunt in *Acetum*. Injusticia enim illud reddit *Amarum*; Mòra *Acidum*.
Judex strenuus, hoc præcipuè agit, ut Vim & Dolum, compefcât:
Quorum vis magis perniciosa est, quanto apertior; Dolus quantò te-
stior & occultior. Adde etiàm *Lites* contentiosas; Quæ evomi de-
bent, ut *Crapula Curiarum*. *Judicem* decet, viam parare ad justam
Sententiam, qualem *Deus* parat; *Valles exaltando; Colles deprimendo*:
Eodem modo, quando ex alterutrâ parte, videt *Judex*, Manum Ela-
tam, veluti in Prosecutione importunâ, Captionibus Malitiosis, Com-
binationibus, patrociniò potentum, Advocatorum Disparitate, & Si-
milibus, tum elucescit Virtus *Judicis* in æquandis iis, quæ sunt inæqua-
lia; Ut *Judicium* suum, veluti in *Areâ planâ*, fundare possit. *Qui for-*
titer emungit, elicit Sanguinem; Cumque Torcular Vini premitur for-
tius, Vinum prodit acerbum, Acinum sapiens. Itaque caveant sibi
Judices, ab Interpretationibus Legum duris, & Illationibus altè peti-
tis: Neque enim peior est Tortura, quàm Tortura *Legum*. Præcipuè
in *Legibus Pœnalibus*, Curæ iis esse debet, ne quæ in Terrorem latæ sunt;
vertantur in Rigorem: Neve in Populum superinducant, Imbrem
illum, de quo *Scriptura*; *Pluet super eos Laqueos*. Etenim *Leges Pœna-*
les, si severè Executioni demandentur, sunt similes *Imbræ Laqueorum*,
Cadenti super Populum. Itaque hujusmodi *Leges*, si vel dormive-
rint

rint diù, vel Temporibus præsentibus minùs quadrent, à *Judicibus* Prudentibus, in Executione earum, reprimantur :

Judicis Officium est, ut Res, ita Tempora Rerum, &c.

In Causis Capitalibus, decet *Judices* (quantum Lex permittit,) in *Judicio* meminisse Misericordiæ; Et cum Severitate *Exemplum*, cum Pietate *Personam*, intueri.

Quantum ad *Advocatos* qui Causas agunt; *Patientia*, & *Gravitas*, in Causis audiendis, *Justitiæ* est pars Essentialis; & *Judex* nimium interloquens minimè est *Cymbalum Bene-sonans*. Non Laudi est *Judici*, si primus aliquid in Causâ inveniatur, & arripiat, quod ab *Advocatis*, suo Tempore, melius audire potuisset: Aut Acumen ostendet, in probationibus, vel *Advocatorum* Perorationibus nimis citò interrumpendis; Aut anticipet Informationes Quæstionibus, licet ad rem pertinentibus. *Judicis* Partes in audiendo sunt quatuor: Probationum Seriem ordinare; *Advocatorum*, & *Testium*, Prolixitatem, repetitionem, aut Sermones extra rem, moderari; Eorum, quæ allegata sunt, Medullam, & quæ majoris momenti sunt, recapitulare, feligere, & inter se componere; Et demùm Sententiam ferre. Quicquid ultra hæc est, nimium est; & oritur aut à Gloriolâ & loquendi Aviditate; Aut ab Audiendi Impatientiâ; Aut à Memoria Debilitate; Aut à Defectu Attentionis sedatæ, & Æquabilis. Sæpenumero mirum est visu, quantum *Advocatorum* Audacia apud *Judices* valeat; ubi contra *Judices* ad imitationem *Dei*, (in cujus Tribunali sedent,) *Superbos comprimere*, & *humiles erigere*, deberent. Sed etiamnùm magismirum est, *Judices Advocatis* quibusdam præ cæteris immoderatè & apertè favere. Quod necesse est, ut Merces *Advocatorum* augeat & multiplicet, atque simul suspicionem Corruptionis, & obliqui ad *Judices* Aditûs, inducat. Debetur *Advocato* à *Judice*, Laus aliqua, & Commendatio, cum Causæ benè aguntur, & tractantur; Præsertim, si Causâ suâ cadat; Hoc enim apud Clientem, Existimationem *Advocati* sui tuetur, Et simul Opinionem ejus, de Causâ suâ, prostermit. Debetur etiam Reipublicæ Reprehensio *Advocatorum* moderata, ubi callida nimis præstant Consilia; aut supina apparet Negligentia, aut levis Informatio, aut Indecora Importunitas, aut impudens Defensio. *Advocatus* autem illud tribuat *Judici*, ne illi obstrepat, aut se rursus in Causam agendam callidè insinuet, postquam *Judex* de re pronunciaverit. Econtrariò autem, *Judex* se Causæ mediæ, & nullatenus peroratæ, non ingerat; Nec *Clienti* Occasionem præbeat, ut *Advocatos suos*, vel probationes, ad plenum non auditas, conqueratur.

Quantum ad *Scribas* & *Ministros*. *Sedes Justitiæ*, veluti Locus sacratusest; ubi non tantùm *Sedes ipsa*, sed & subsellia, & præinctus Sedis, Scandalo & Corruptelis vacare debent. Etenim (ut ait *Scriptura*) non colliguntur Vvæ ex Spinis; Neque *Justitia* suaves suos Fructus edere potest, inter Vepres & Dumeta, *Scribarum* & *Ministorum* rapacium, & Lucris inhiantium. *Curiarum Asscèle* pravi, sunt Quatuor: Primò *Seminatares Litium*; qui Curias tumescere faciunt, Populum tabescere. Secundò, qui Curias, *Contentionibus* circa *Jurisdictionem* implicant; Neque verè sunt, (ut habentur) *Amici Curie*; sed

Parasiti Curiae; Curias inflando ultra terminos, propter Micas, & Compendia propria. Tertio, ii, qui possunt cenferi tanquam *Curiarum Manus Sinistræ*: Homines, qui Curiarum processus legitimos, Diverticulis, & Versutiis, distorquent; Justitiamque in Lineas obli- quas, & Labyrinthos, trahunt. Quarto, *Expilatores & Exactores Feo- dorum*, qui tritam Similitudinem confirmant *Curiarum* ad *Rubum*; Quò dum Ovis, tempestatem fugiens, se recipit, velleris partem amit- tit. Contra, *Scriba antiquus*, in *Anteactis Curiarum* peritus, in *Actis* ip- sis concipiendis cautus, & in *Negotiis Curiae* solers; *Digitus est Curiae* egregius; Et sæpè *Judici* ipsi viam monstrat.

Quantum verò ad *Principem*, aut *Statum*. *Judices*, ante omnia, in memoriâ fixum tenere debent, versiculum ultimum *Duodecim Tabu- larum Romanarum*; *Salus Populi Suprema Lex*; Et pro certo ponere, *Leges*, nisi sint in Ordine ad eum *Finem*, *Res esse Captiosas*, & *Oracula* malè inspirata. Itaque, benè succedit, cum *Rex* aut *Status* sæ- pius cum *Judicibus* deliberat; Et rursus, cum *Judices Principem & Sta- tum* sapius Consulant. Ille, cum inter *Deliberationes Politicas* in- terveniat *Quæstio Juris*: Hi, cum in *Subjecto legali*, interveniant *Con- siderationes Status*. Contingit enim, haud rarò, ut *Res* in *Judicium* adducta, versetur circa *Meum & Tuum*, & nihilominus consequentia e- jus ad *Rationes Status* penetret. Intelligo autem, ad *Rationes Status* pertinere, non solum, si quid ad *Jura Regalia* impetenda spectet, ve- rumetiâ si quid *Innovationem* aliquam minùs tutam, aut *Exemplum* periculosum, introducat; Aut si manifestò portionem aliquam *Populi* majorem gravet. Neque quisquam infirmi *Judicii* existimet; *Justas Leges*, adversus *Politica vera*, aliquid *Antipathiae* habere. Sunt enim hæc duo veluti *Spiritus & Nervi*, quorum alteri in alteris mo- ventur. Recordentur etiam *Judices*, *Salomonis Thronum*, *Leonibus* utrinque suffultum fuisse: Sint sanè *Leones*, sed *Leones* sub *Throno*; Caventes, ne aliquid ex *Juribus Regalibus*, impetant aut convellant. Postremò, ne sint *Judices* tam ignari, *Juris & Prærogativæ suæ*, ut co- gitent, non sibi relinqui, tanquam *Muneris sui partem principalem*; sanum & *Prudentem Legum usum*, & *Applicationem*. Etenim in *Animum* revocare poterint, *Dictum illud Apostoli*, de *Lege*, *Humanis Legibus*, majore; *Nos scimus quia Lex bona est, modò quis eâ utatur le- gitimè*.

LV.

De I R A.

IRam penitus extinguere velle, *Ostentatio quædam Stoicorum* est. *Meliora nos nacti sumus Oracula; Irascimini, & nolite peccare; Sol non occidat super Iracundiam vestram*. *Limites Iræ* apponendi sunt, & quousque, & quamdiu. Dicemus primò, quibus modis, *Inclinatio Naturalis*, aut etiam *Habitus Iræ*, temperari possit, & leniri. Secun- dò, qualiter particulares *Motus Iræ* reprimi possint, aut saltem citra nocumentum

nocumentum cohiberi. Tertiò, quibus modis, *Ira* excitari possit, aut sedari, in aliis.

Quantum ad primum; Non alia se ostendit via, quam ut serió in animo revolvās, Mala & Calamitates *Irae*; Et quā vehemēter vitam humanam perturbat, & infestat. Hoc autē tempestivum fuerit maxime, si pone nos respiciamus, quamprimū *Impetus Irae* resederit. Eleganter *Seneca*; *Iram Ruinae similē esse, quae in aliud cadendo, seipsam comminuit & frangit.* Hortatur *Scriptura*; *Ut Animas nostras in Patientia possideamus.* Certē, quicumque *Patientia* excidit; de *Anime* suae *Possessione* deijcitur. Hominis non est, *Apes* imitari;

— *Animasque in Vulnere ponunt.*

Ira sanē, si quis rectē attendat, Res humilis est, & infra Dignitatem Hominis. Hoc liquebit, si illos intueamur, in quibus *Ira* regnat: Qui plerumque ex Infirmioribus sunt; *Pueri, Mulieres, Senes, Aegroti.* Itaque, cum *irasci* contigerit, caveant Homines, (si modò Dignitatis suae velint esse memores,) ne *Iram* suam, cum Metu eorum quibus *irascuntur* sed cum Contemptu, jungant; Ita ut Injuriam Superiores potius videantur, quam Inferiores: Quod non difficile factū foret, si quis *Iram* suam, paululum regat, & inflectat.

Quantum ad Secundum; *Causae & Motiva Irae*; praecipue tres sunt. Primò, si quis pronus sit ad *Sensum Injuriae*; Nemo enim *irascitur*, nisi qui se laesum sentiat. Itaque teneri qui sunt, & Delicati, ut subinde *irascantur*, necesse est: Tot se offerent, quae illis molestiam exhibebunt; Quae à Naturis robustioribus vix sentientur. Secundò, si quis *Circosus & perspicax* sit, in *Interpretatione Injuriae* illatae, quatenus ad *Circumstantias* ejus, ac si *Contemptum* spiraret. Opinio enim *Contemptus*, *Iram* excitat & acuit, plusquam Laesio ipsa. Itaque, si Homines ad ista ingeniosi sint, *Iram* miris modis incendunt. Ultimò, *Opinio Contumeliae*, sive quod Existimatio Hominis per consequentiam laedatur & perstringatur, *Iram* intendit & multiplicat. Cui Rei accedit *Remedium praesentaneum*, Ut quis utatur, (quod *Consalvus* dicere solebat,) *Tela Honoris crassiore*: Sed in omnibus *Irae* Frænationibus, optimum est, Tempus lucrari; Et sibiipso persuadere, Horam vindictae nondum adesse; Sed instare, quasi ad manum, Opportunitatem aliquam majorem; Atque hoc pacto, Motum Animi interim compescere, & se in Tempus aliud servare. *Ira* autem, ut citra noxam erumpat, utcunque Hominem obfederit, duo sunt, quae maxime cavenda. Prius est, *Acerbitas Verborum*, praecipue *aculeatorum*, & ei, quem ferimus, propriorum, *Communia enim Maledicta mordent minus.* Atque rursus, *Secretorum Revelatio*; Hoc enim Societati quemvis ineptum reddit. Posterius est, ne quis, dum *Ira* fervet, *Negotium*, quod in *Manibus* est, abrumpat; Sed utcunque *Irae* frænū laxet, nihil tamen agat, quod revocari non possit.

Quantum ad *excitantiam*, aut *sedandam Iram in Aliis*; Fit hoc maxime per Temporum Electionem prudentem. Cum subtristes Homines sunt, aut aliquantulum morosi, Tempus est *Iram* incendendi. Deinde, ut antea diximus, decerpendo, & inculcando, quicquid *Contemptum* argueret, aut aggravare possit. Rursus, *Ira* sedatur per Con-

traria hisce. Primò, deligendo Tempora serena, & ad Hilaritatem prona, in quibus Negotium aliquod ingratum, & ad Iracundiam provocans, aperias: Prima enim Impressio plurimùm valet. Deinde, ut, quantum fieri potest, *Injuriam* à *Contemptu* segreges; Eam Imperitiæ, Timori, Animi Concussioni repentinæ, aut simili cuiquam imputando.

LVI.

De VICISSITUDINE RERUM.

Salomon inquit; *Nihil novum super Terram.* Itaque, quemadmodum Plato opinatus est; *Omnem Scientiam nihil aliud esse, quàm Reminisceniam;* Sic Salomon pronunciat; *Omnem Novitatem nihil aliud esse, quàm Oblivionem.* Ex quo cernere possi, Fluvium Lethes, non minùs super Terram, quàm subter Teram, decurrere. Astrologus quidam abstrusus, & parùm notus, asserit: *Nisi in Causâ fuissent Res duæ cōstantes; (una, quod Stellæ fixæ, æqualem inter se distantiam, perpetuò servant; Nec unquam propius sibi invicem accedant, aut longius à se abscedant: Altera, quod Motus diurnus non variet:) ne Momentum quidem Temporis Individuum aliquod durare potuisset.* Illud certum est, *Materia* in perpetuo fluxu esse, neque unquam consistere. Atqui, magna illa *Linthea Sepulchralia*, quæ omnia oblivione involvunt, duo sunt; *Diluvia* & *Terræ-motus.* Quatenus ad *Conflagrationes*, & *Siccitates* magnas, illæ Populum penitùs non absorbent, aut destruunt. Fabula *Phaetontis*, Brevitatem Conflagrationis, ad unius tantum Diei spatium, repræsentavit. Atque triennalis illa, à *Pluviâ Cessatio*, tempore *Elie*, particularis tantum fuit, & multos superstites reliquit. *Incensiones* illas loqueris, quæ per Fulmina & Fulgura, apud *Indias Orientales* fiunt! Angustæ quidem sunt, nec magna spatia occupant. *Pestilentias* etiam prætereo, quia nec illæ totaliter absorbent. Verùm, in memoratis illis duabus Calamitatibus, (*Diluviorum*, & *Terræ-Motuum*,) insuper notandum est; Reliquias Populorum, quas emergere contigerit, plerunque Homines Rudes & Montanos esse; Quique Temporum præteritorum Memoriam Posteris tradere non possint; Aded ut Oblivio non minùs omnia involvat, quàm si nulli prorsus superstites remanerent. Si quis attentè introspiciat, *Indorum Occidentalium* Conditionem, probabile reperiet, eos Populum Juniorem esse & Recentiorum, quàm Populos Orbis veteris. At longè verisimilius est, Desolationem illam, quæ illos olim invaserat, minimè per *Terræ-Motus* factam: (Contrà quam narrabat *Sacerdos Ægyptius*, in Colloquio cum *Solone*, de *Insula Atlantide*; Eam, scilicet, à *Terræ-Motu* absorptam esse;) Sed potius per *Diluvium* particulare. *Terræ-Motus* enim in illis Regionibus rarò eveniunt. Verùm, è contrariâ parte, tam immània planè & vasta habent Flumina, ut Fluvii *Asiæ*, *Africæ*, & *Europæ*, præ illis, instar Rivulorum sint. Quin & *Andes* ipsorum, sive *Montes*, nostris longè sunt altiores: Unde credibile est, Reliquias Stirpis Humanæ, apud eos, post tale *Diluvium Particulare*, conservatas fuisse.

Quantum

Quantum verò, ad Observationem *Macriavelli*; Nimirum, zelotypiam & Æmulationem Sectarum, ad extinguendam Rerum Memoriam, multa molitam: Qui *Gregorio Magno* notam inurit, ac si pro viribus suis Antiquitates omnes *Ethnicorum* suppressere annixus fuerit: Non video certè huiusmodi zelos, aut notabile quidpiam efficere, aut diù durare: Id quod liquet in Successione *Sabiniani*, qui Antiquitates easdem statim resuscitavit: Tum verò prohibita, licet Tenebris cooperta, obrepunt tamen, & suas nanciscuntur Periclos.

Vicissitudines sive *Mutationes* in *Globo superiori*, fusiùs, in hoc Sermonè, tractandæ non sunt. Forsitan, *Aninus Magnus Platonis*, nisi Mundus antè Dissolutionem esset destinatus, aliquem sortiri possit Effectum: Non in renovandis Corporibus Individuorum; (Id enim Fumus & Vanitas eorum est, qui opinantur Corpora Cœlestia, accuratiores in hæc Inferiora habere Influencias, quàm reverà habent;) Sed tantum in Summis & Massis Rerum. *Comete* proculdubio aliquid operantur super easdem Summas & Massas Rerum; Verum, Homines, ut nunc est, indiligentes, aut curiosi, circa eos sunt; Eosq; potius mirabundi spectant; Atque Itineraria eorundem conficiunt, quàm Effectus eorum prudenter & sobriè notant; Præcipuè Effectus eorum Comparativos; Id est, *Cometa* talis Magnitudinis; talis Coloris & Lucis; Conversionis Radicum; Sitûs, quatenus ad Regionem Cœli; Tempestatis Anni; Semitæ aut Cursûs; Durationis; Quales producat Effectus.

Leviculum quiddam est, quod olim inaudiveram; Neque tamen prorsus contemni volo, sed in observationem aliquam venire. Ferunt, à *Belgis* notatum esse, singulis septenis Lustris, similem Annorum Temperaturam & Tépestatum Cœli, velut in Orbem redire: Exempli gratiâ; Magnas Glacies, Inundationes magnas, magnas Siccitates, Hyemes tepidas, Æstates frigidiores; Et similia. Vocant autem huiusmodi Circulum Annorum, *Primam*. Hoc autem ideò recenseo, quod Oculos in præterita conjiciens, huiusce Rei inveni congruentiam; Haud exactam sanè, sed non multum discrepantem.

Verum transeamus à *Naturalibus* ad *Humana*. Maxima apud Homines *Vicissitudo*, est illa *Sectarum & Religionum*. Hi enim Orbès, Animis Hominum, maximè dominantur. *Religio* verà super *Petram* edificata est; Reliquæ Fluctibus Temporum agitantur. Dicamus igitur de *Novarum Sectarum Causis*; Atque *Consilii* aliquid circa eas inspergamus; Quatenus Humani Ingenii Infirmitas, tantis Revolutionibus, Moras injicere, aut Remedia exhibere, poterit.

Quando *Religio* recepta Discordiis laceratur; Sanctitas item Professorum labefactata est, & Scandalo exposita; Simulque Tempora stupida, indocta, & barbara sunt; à *Nova* alicujus *Sectæ* Ortu merito metuendum; Præcipuè, si eo tempore, *Ingenium* aliquod *Intemperans*, & *Paradoxa spirans*, suboriat. Quæ omnia tenuerunt, *Mahometes* cum *Legem* suam promulgavit. *Secta Nova* licet pullulet, duobus, si destituatur Adminiculis, ab eâ non metuas; Non enim latè se diffundet. Primum est, *Imperii, sive Auctoritatis stabilitas, Oppugnatio*; Nihil enim magis populare est, quàm Principatus, & Potestas, convellere. Alterum est, *Porta Luxuriæ & Voluptatibus aperta*: *Hereses* enim *Speculativa*, (Qualis fuit olim *Arrianorum*, & hodiè *Arminianorum*,) etiam in Ho-

minum Ingenia miris modis operentur, Statum tamen Rerumpublicarum non magnoperè concutient, nisi ex Occasionè Motuum Civilium. Modi tres sunt, quibus *Novæ Sectæ* plantantur; *Miraculis, Eloquentiâ, & Gladio*. Equidem *Martyria* inter *Miracula* numero; Quoniam vires Naturæ Humanæ excedere videntur: Idem etiam facere licet, de excelsâ illâ & admirabili *Vitæ Sanctimoniâ*. Certè, non alia melior via est, ad *Sectarum & Schismatum* Ortus repellendos, quàm Abusu Reformatio; Diffidiorum minorum Pacificatio; Leniter à principio procedere, & à Sanguinariis Persecutionibus abstinere; Schismatum denique Coryphæos, Favoribus potius & Dignitatibus mollire atque allicere, quàm violentiâ & savitiâ exacerbare.

Mutationes & Vicissitudines in Rebus Bellicis, haud paucae sunt; Sed præcipuè in tribus versantur: In *Sede Belli*; In *Genere Armorum*; Et in *Disciplinâ Militari*: *Bella*, antiquis temporibus, *movere* videbantur, ex Oriente potissimum in *Occidentem*: Etenim *Persæ, Assyriæ, Arabes, Scythi*, (qui Invasores erant,) omnes Orientales fuerunt. Verum est *Gallos* fuisse Occidentales: Sed de duabus tantum ipsorum IncurSIONibus legimus; Unâ in *Gallo-Græciam*, alterâ contra *Romanos*. Attamen Oriens & Occidens Cœli Climata non determinant; Neque etiam *Belli Motus*, ab Oriente, aut ab Occidente, aliquid certæ observationis recipiunt. Sed Meridies, & Septentrio, naturâ fixi sunt: Atque raro, in omni memoriâ invenitur, Meridionales interiores invasisse Septentrionales, Sed econtrâ: Unde manifestum est, Tractum Mundi Septentrionalem, naturâ ipsâ, magis esse *Bellicosum*; Sive hoc ascribi possit hujus Hemispherii Stellis; Sive Amplitudini Continentium ad Partes Septentrionales, cùm Partes Australes, (quantum adhuc innotuit,) *Maria* ferè occupant; Sive, (Id quod manifestissimum est,) Frigoribus Climatis Borealis; Nam hoc ipsum, absque aliâ Causâ quacunque, Corpora indurat, Spiritus inflammat: Ut liquet in Populo *Aran-censi*; Qui ad ulteriora *Austri* positi, omnibus *Peruvien-sibus*, Fortitudine longè præcellunt.

Imperio aliquo magno *lubascente*, & viribus fracto, pro certo *Bella* expectes. Etenim *Imperia* magna, dum in vigore sunt, *Copias* Nativas *Provinciarum* enervant & destruunt, propriis Cohortibus domi fidentia; Cùm autem & illæ deficient, omnia ruunt, atque aliis Gentibus in prædam cedunt. Hoc evenit in Declinatione *Imperii Romani*; Atque etiam in Imperio Occidentali, post *Carolū Magnum*, cùm *Aves* singulæ *Plumas* suas repeterent; Atque simile quidpiam, etiam *Imperio Hispano*, contingere possit, siquando Viribus decideret. Ex alterâ parte, *Accessiones* magnæ *Ditionum*, & *Uniones Regnorum*, similiter *Bella* suscitant: Etenim, cùm Status aliquis in potentiam majorem insurgit, similis est Fluvio intumescenti, qui Inundationem statim minatur: Ut videre est in Imperiis *Romanorum, Turcarum, Hispanorum, &* aliorum. Attende, cùm *Mundus Nationibus Barbaris* minus abundet, sed *Civiliores* ferè sunt; Qui *Uxores* temerè non ducent, nec *Liberos* progignent, nisi in odum *Familiam* alendi, aut saltem *Victum* parandi, præviderint; (ut fit in omnibus propè *Nationibus*, hodierno die, exceptis *Tartaris*.) non ingruit periculum, ab *Inundationibus* aut *Migrationibus Populorum*: At cùm *Populorum Greges* Magni sunt, qui perpetuò

Sobo-

Sobolem suscipiunt, de Fortunis & sustentatione suâ in futurum minimè solliciti; Necessarium est, ut in Seculo uno aut altero, Portionē aliquam Multitudinis suæ exonerent, & novas Sedes quarant; Et sic alias *Nationes* invadant; Quod Populi Septentrionales veteres sorte facere solebant: Sortes dantes, quæ Pars Domi maneret, quæ autem aliò migraret. Cùm *Gens* aliqua, priùs *Bellicosa*, ad Mollitiem & Luxuriam degenerat, de *Bello* certa esse possit: Status enim tales, plerunque, dum degenerant, Opes accumulunt; Adeò ut Præda invitet, & Declinatio Virium animet, Gentes alias, ad eosdem invadendos.

Quantum ad *Armorum* & *Telorum* Genus; Illorum Mutationes sub observationem vix cadunt: Attamen & hæc ipsa Periodos & *Vicissitudines* suas sortiuntur. Pro certo enim est, *Tormenta* *Ænea*, apud Urbem *Oxydracarum* in *Indiâ*, tempore *Alexandri Magni*, cognita fuisse; Eâque à *Macedonibus*, *Tonitrua*, & *Fulgura*, & *Operationes Magicas*, habita & appellata. Similiter, indubitatum est, usum *Pulveris Pyrii*, & *Tormentorum igneorum*, *Chineusibus*, ante Annos bis mille, innotuisse. Conditiones *Telorum*, & Mutationes in melius, hæ sunt: Primò, ut ad Distantiam majorem feriant: Id enim periculum, ab Hostili parte, anticipat; Quod certè *Tormenta*, & *Sclopeta* majora præstant. Secundò, ut Impetus eorum fortior & validior sit, In quo genere, *Tormenta ignea*, *Arietationes* omnes & Antiquas Machinas, item superant. Tertio, ut Ulus eorum commodior & faciliior sit; Id quod etiam *Tormentis Ignis Majoribus* competit: Quæ omnibus Tempestatibus idonea; Vecturâ levia & mobilia sunt; Et his similia.

Quod ad *Militiam* attinet: Antiquis temporibus Numerum præcipuè curabant; Virtuti & Animis Militum, in Bellis gerendis, fidebant; Dies sæpius & Loca præliandi constituebant, & æquo Marte experiebantur; Denique in Acie instruendâ & ordinandâ imperitiores ferè erant. Postea, Numerum præoptabant commodum potius quàm vastum; Locorum Opportunitates, Diversionum Artificia, & similia, captabant; Postremò, in Acie ipsâ instruendâ peritiores evadebant.

In Reipublicæ alicujus *Adolescentiâ* Arma florent; Ætate Mediâ, *Literæ*; Ac deinceps, ad moram aliquam, duo illa simul, florere solent: Devexâ autem ætate, *Artes Mechanicæ* & *Mercatura*. *Literæ* verò suam habent Infantiam, quando leviusculæ sunt, & pueriles: Sequitur earum *Adolescentia*, quando luxuriantur, & Juvenile quiddam sapiunt: Succedit Ætas Virilis, quando Solidiores & exactiores deveniunt; Postremò Senectus earum obrepit, cùm siccæ & exhaustæ fiunt; manente tamen Garrulitate. Verùm consultum non fuerit, in Rotas hæc *Vicissitudinum*, nimis longum Oculos figere; Ne vertigine corripiamur. Quatenus verò ad *Philologiam*, quæ in hoc Argumento, ut plurimum, versatur, nihil aliud est, quàm Narratiuncularum & Observationum futilium Congeries quædam; Ideoque Scripto huic minimè congruit.

The first part of the book is devoted to a general
 introduction to the subject of the history of the
 world, and to a description of the various
 periods of time, and the different
 states of the human mind, and the
 progress of the human race, from the
 earliest times to the present day. The
 second part of the book is devoted to a
 description of the various states of the
 human mind, and the progress of the
 human race, from the earliest times to
 the present day. The third part of the
 book is devoted to a description of the
 various states of the human mind, and
 the progress of the human race, from
 the earliest times to the present day.

INDEX

INDEX SERMONVM.

| | |
|---|---|
| 1. D E Veritate. pag. 153 | 30. De Regimine Valetudinis. 214 |
| 2. De Morte. 155 | 31. De Suspicionē. 215 |
| 3. De Unitate Ecclesiæ. 156 | 32. De Discursu Sermonum. 216 |
| 4. De Vindictâ. 159 | 33. De Plantationibus Populorum, & Coloniis. 217 |
| 5. De Rebus aduersis. 160 | 34. De Diuitiis. 220 |
| 6. De Dissimulatione & Simula- tione. 161 | 35. De Ambitione. 222 |
| 7. De Parentibus & Liberis. 163 | 36. De Naturâ, & Indole Naturali in Hominibus. 224 |
| 8. De Nuptiis & Cœlibatu. 164 | 37. De Consuetudine & Educatio- ne. 225 |
| 9. De Inuidiâ. 165 | 38. De Fortunâ. 226 |
| 10. De Amore. 168 | 39. De Usurâ sive Fœnore. 228 |
| 11. De Magistratibus & Dignita- tibus. 170 | 40. De Iuuentute & Senectute. 230 |
| 12. De Audaciâ. 172 | 41. De Pulchritudine. 232 |
| 13. De Bonitate, & Bonitate Na- tivâ. 173 | 42. De Deformitate. 233 |
| 14. De Nobilitate. 175 | 43. De Ædificiis. 234 |
| 15. De Seditionibus & Turbis. 176 | 44. De Hortis. 237 |
| 16. De Atheismo. 183 | 45. De Negotiatione. 242 |
| 17. De Superstitione. 185 | 46. De Clientibus, Famulis, & A- micis. 243 |
| 18. De Peregrinatione in Partes Exteras. 186 | 47. De Supplicantibus. 244 |
| 19. De Imperio. 188 | 48. De Studiis, & Lectione Li- brorum. 246 |
| 20. De Consilio. 191 | 49. De Factionibus. 247 |
| 21. De Morâ. 194 | 50. De Cæremoniis Civilibus, & Decoro. 248 |
| 22. De Astutiâ. 195 | 51. De Laude. 250 |
| 23. De Prudentiâ quæ sibi sapit. 197 | 52. De Vanâ Gloriâ. 251 |
| 24. De Innovationibus. 198 | 53. De Honore & Existimatione. 252 |
| 25. De Expediendis Negotiis. 199 | 54. De Officio Judicis. 254 |
| 26. De Prudentiâ Apparente. 201 | 55. De Irâ. 256 |
| 27. De Amicitia. 202 | 56. De Vicissitudine Rerum. 258 |
| 28. De Sumptibus. 206 | |
| 29. De Proferendis Finibus Impe- rii. 207 | |

FINIS.

FRANCISCI
BACONI,
EQVITIS AVRATI
PROCVRATORIS
SECVNDI,
IACOBI REGIS
Magnæ Britanniae,

De Sapiientia Veterum
Liber, ad Inclytam Acade-
miam *Cantabrigiensem*.



LONDINI,
Excusum, typis *Edwardi Griffini*; Annuente
Francisco Constabulario. Prostant ad Insignia
Regia in Cœmeterio *D. Pauli*, apud
Richardum Whitakerum, 1638.




Imprimatur.

*Reverendissimo in Christo Patri,
& Domino, D. Arch. Cant.
Sacellanus Domesticus,*

GUIL. BRAY.

Decemb. 7. 1637.



ILLVSTRISSIMO VIRO,
COMITI SARISBVRIENSI,
Summo Thesaurario *Angliae*, &
Cancellario *Academiae Can-*
tabrigiensis.




Væ *Academiae Cantabrigiensi* dicantur, tibi jure *Cancellarii* accrescunt; quæ autem à me proficisci possunt omnia, tibi nomine proprio debentur. Illud magis videndum, num ista, ut tibi debita, ita etiam te digna sint: Atque quod in illis minimum est (*Ingenium authoris*) id propter tuum propensum in me animum, nihil officiet; Cætera dedecori non erunt. Nam si *Tempus* spectetur; *Antiquitas primæva* summam venerationem habet: si docendi *Forma*; *Parabola* veluti *Arca* quædam est, in quâ preciosissima quæq; *Scientiarum* reponi consueverunt: Si operis *Materia*; ea *Philosophia* est, vitæ scilicet, atque animæ humanæ, *Décus* secundum. Fas sit enim dixisse, quamvis, *Philosophia*, seculo nostro veluti per *Senium* repuerascens, adolescentibus, & ferè pueris relinquatur: eam tamen
A a omnium

Epistola Dedicatoria.

omnium rerum, post religionē, gravissimam, atque naturā humanā maximē dignam esse planē cenſeo. Etiam Politica, inquā te mirabilem præbes, & facultate, & meritis, & sapientissimi Regis iudicio, ab eodem fonte emanat, ejusque pars magna est. Quod si cui ista, quæ afferro, vulgata esse videantur : certē quid effecerim, iudicium meum non est ; id tamen secutus sum, ut manifesta, & obſoleta, & Locos communes prætervectus, aliquid etiam, ad Vitæ ardua, & Scientiarum Arcana conferam. Erunt itaque captui vulgari, vulgaria : altiorem autem intellectum fortasse non deferent, sed potiùs (ut spero) deducent : Verùm dum huic operi, dignitatem nonnullam astruere conor, quòd ad te dicatum sit ; periculum est, ne modestiæ fines tranſeam, cùm à me sit susceptum. Tu verò illud tanquam pignus affectus erga te mei, & obſervantiæ, & animi maximē devoti accipies, eique præſidium nominis tui imperties. Quare cùm tot & tantā ſuſtineas, tempora tua diutiùs non morabor, sed finem faciam, tibi foelicia omnia comprecatus, & perpétuò futurus

*Tibi & studio ſuo, & beneficiis
tuis devotiſſimus,*

FRA. BACONUS.



ALMÆ MATRI

INCLYTÆ

ACADEMIÆ

Cantabrigienſi.



Um sine Philoſophiâ me certè nec vivere juvet; meritò vos in magno honore habeo, à quibus mihi iſta vitæ præſidia, & ſolatia fluxerint. Iſtaque hoc nomine, & me, & mea vobis debere profiteor, quominùs mirum ſit, ſi vos veſtris remunerem; ut motu naturali redant à quo traxerint originem. Et tamen nescio quomodo, rara videntur, Veſtigia vos retrorſum ſpectantia: Cùm infinita à vobis proſecta ſint. Nec nimium mihi ſumam (ut opinor) ſi ſperem, propter rerum uſum mediocrem, quod noſtrum vitæ genus, & inſtitutum neceſſariò traxit; nonnullam ad hominum doctorem inventa, per hæc noſtra, facta meſſe acceſſionem. Equidem in eâ opinione ſum, Contemplationes in Vitam Activam translataſ,

Epistola Dedicatoria.

nonnihil novi decoris, & vigoris acquirere; & suppetente uberiore materiâ, & magis altas fortassè radices agere, aut certè magis proceras, & frondosas evadere. Neque vos (ut arbitror) ipsi nostis, quàm latè pateant Vestra, quàmque ad multa pertineant. Æquum est tamen omnia vobis attribui, atque in vestrum honorem cedere, cùm Accessiones quæque Principiis magnâ ex parte debeantur. Neque verò ab homine occupato, aliquid exquisitum, aut oîi miracula, & prærogativas requiretis; sed & hoc Amori meo summo erga vos, & vestra, tribuetis; quòd inter rerum civilium spinas, hæc non prorsus perierint, sed vobis vestra servata sint. Va-
lete.

Alumnus Vester

amantissimus,

FRA. BACONUS.



Index Fabularum Priscæ Sophiæ, hoc Libro Con- tentarum.

| | | | |
|----|--|----|---|
| 1 | CASSANDRA, five Par- rhesia. pag. 279 | 17 | CUPIDO, five Atomus. 299 |
| 2 | TYPHON, five Rebel- lis. 280 | 18 | DIOMEDES, five Zelus. 301 |
| 3 | CYCLOPES, five Ministri terroris 281 | 19 | DÆDALUS, five Mechanicus. 302 |
| 4 | NARCISSUS, five Philautia. 282 | 20 | ERICTHONIUS, five Im- postura. 304 |
| 5 | STYX, five Fœdera. 283 | 21 | DEUCALION, five Resti- tutio. <i>ibid.</i> |
| 6 | PAN, five Natura. 284 | 22 | NEMESIS, five Vices Re- rum. 305 |
| 7 | PERSEUS, five Bellum. 288 | 23 | ACHELOUS, five Prælium. 306 |
| 8 | ENDYMION, five Gratosus. 291 | 24 | DIONYSUS, five Cupidi- tas. 307 |
| 9 | SOROR GIGANTUM, five Fama. 292 | 25 | ATALANTA, five Lucrum. 309 |
| 10 | ACTÆON ET PENTHEUS, five Curiosus. <i>ibid.</i> | 26 | PROMETHEUS, five Status Hominis. 310 |
| 11 | ORPHEUS, five Philosophia. 293 | 27 | ICARUS VOLANS, Item SCYLLA & CHARYB- DIS, five Via media. 317 |
| 12 | COELUM, five Origines. 295 | 28 | SPHYNX, five Scientia. 318 |
| 13 | PROTEUS, five Materia. 296 | 29 | PROSERPINA, five Spiri- tus. 320 |
| 14 | MEMNON, five Præmatu- rus. 297 | 30 | METIS, five Consilium. 322 |
| 15 | TYTHONUS, five Satias. 298 | 31 | SIRENES, five Voluptas. 323 |
| 16 | PROCUS JUNONIS, five De- decus. <i>ibid.</i> | | |

THE
JOURNAL
OF
THE
AMERICAN
MEDICAL
ASSOCIATION
PUBLISHED WEEKLY
CHICAGO, ILL., U.S.A.

Journal of the American Medical Association

Published weekly, except during the months of December and January, when it is published bi-weekly. The subscription price is \$5.00 per annum in advance. Single copies are sold at 15 cents. The journal is published by the American Medical Association, 535 North Dearborn Street, Chicago, Ill., U.S.A. Entered as second-class matter, May 2, 1902, under post office number 384, at Chicago, Ill., under special agreement. Accepted for mailing at special rate of postage provided for in Act of October 3, 1917, authorized on July 1, 1918. Postage paid at Chicago, Ill., and at additional mailing offices. Postmaster: Send address changes in this journal to the American Medical Association, 535 North Dearborn Street, Chicago, Ill., U.S.A.

Subscription



Præfatio.



Antiquitatem primævâ, (exceptis quæ in Sacris literis habemus) obli-vio & Silentium involvit; Silentia Antiquitatis, Fabula: poëtarum exceperunt: Fabulis tandem successere Scripta quæ habemus, Adeo ut Antiquitatis Penetrabilia, & recessus à sequentium Sæculorum Memoria, & evidentia tanquam Velo Fabularum discreta & separata sint, quod se interposuit, & objecit medium, inter ea quæ perierunt, & ea quæ extant. Equidem existimo pleròsque in ea opinione fore, me delicias ac ludos facere; atque similem ferè licentiam in transferendis fabulis usurpare, ac ipsi Poëta sibi sumpserint in fingendis; quod pro meo jure sanè facere possem, ut contemplationibus magis arduis, hæc ad voluptatem, si-ve meditationis propriæ, si-ve lectionis alienæ aspergerem. Neque me latet quàm versatilis materia sit Fabula, ut huc illuc trahi, imò & duci possit; quantumque ingenii commoditas & discursus valeat, ut quæ nunquam cogitata sunt, bellè tamen attribuantur. Etiam illa cogitatio animum subit, usum hujusce rei iampridem contaminatum esse. Multi enim, ut inventis & placitis suis antiquitatis Venerationem acquirerent, poëtarum Fabulas ad ea traducere conati sunt. At-

quæ

que vetus illa Vanitas & frequens, nec nuper nata, aut raro usurpata est. Nam & olim Chrysippus, Stoicorum opiniones vetustissimis Poëtis, veluti Somniorum aliquis Interpres ascribere solebat, Et magis insulse, Chymici, ludos, & delicias Poëtarum in corporum transformationibus, ad fornacis experimenta transtulerunt. Hæc (inquam) cuncta nobis satis & explorata, & expensa sunt; omnemque ingeniorum circa Allegorias levitatem & indulgentiam perspeximus, & nota vimus, neque propterea omninò de sententiâ decedimus. Primò enim absit, ut paucorum ineptiæ & licentia, Parabolarum honori in genere detrahant. Hoc enim prophanum quiddam sonat, & audax, cum huiusmodi velis & umbris Religio gaudeat, ut qui eas tollat, Commercia divinorum, & humanorum ferè interdicat. Verùm de humanâ Sapientiâ videamus. Fateor certè ingenuè & libenter, me in hanc sententiam propendere, ut non paucis Antiquorum Poëtarum fabulis Mystrium, & Allegoriam jam ab origine subesse putem; sive captus veneratione Prisci seculi, sive quòd in nonnullis Fabulis reperio tantam, & tam evidentem cum significato similitudinem & conjunctionem, tum in texturâ ipsâ Fabulæ, tum in proprietate Nominum, quibus personæ, sive Actores Fabulæ, insigniti & veluti inscripti prodeunt, ut sensum illum ab initio præceptum & cogitatum fuisse, & de industriâ adumbratum, nemo constantèr negaverit. Quis enim ita durus est, & ad aperta cecutiens, ut cum audiat Famam, Gygantibus extinctis, tanquam sororem Posthumam progenitam esse, non illud ad Murmura partium & famas seditiosas, quæ sopitis Rebellionibus ad tempus vagari solent, referat? Aut cum audiat Typhonem Gygantem, nervos Iovis secuisse, & abstulisse, ac Mercurium eos suffuratum esse, & Iovi reddidisse; non statim advertat hoc ad Rebelliones prævalidas pertinere, quæ Regibus nervos & pecuniarum, & authoritatis incidunt, ita tamen, ut per Sermonum comitatem, & prudentia Edicta, animi subditorum, non ita multò post quasi furtim reconcilientur, & vires Regibus restituantur? Aut cum audiat in illâ memorabili Deorum contra Gygantes Expeditione, Asinum Sileni cum ruderet, maximi momenti ad profligandos Gygantes fuisse; non liquidò cogitet hoc de vastis Rebellium conatibus, qui plerunque per inanes rumores et terrores vanos dissipantur, confictum fuisse? Etiam Nominum conformitas et Indiciũ, Cui tandem hominum obsecrum esse potest? Cum Metis uxor Iovis planè consilium sonet; Typhon

Typhon tumorem, Pan uniuersum, Nemesis, vindictam, & similia. Neque illud quenuquam morveat, si aliquid interdum Historiæ subest, aut si nonnulla Ornamenti gratiâ addita sint; aut si Tempora confundantur, aut si ex unâ Fabulâ quippiam transferatur in aliam, & nova Allegoria inducatur. Necesse enim fuit hæc fieri, cum Inuenta virorum fuerint, qui & ætate disjuncti, & instituto diversi erant; cum alij antiquiores, alij recentiores fuerint, alij rursus naturam rerum, alij res civiles sibi proponerent. Habemus etiam & aliud sensus occulti, & involuti signum non paruum, quod nonnullæ ex fabulis tam absurde narratione ipsâ, & insulsæ inveniuntur, ut Parabolam etiam ex longinquo ostendent, & veluti clament. Quæ enim probabilis est Fabula, etiam ad voluptatem, & Historiæ similitudinem conficta existimari potest: Quod autem nulli in mentem venisset cogitare, aut narrare, id in alios usus quæsitum videtur. Quale enim figmentum illud? Iovem, Metin in uxorem accepisse, eamque statim ut gravidam sensisset comedissee, unde ipse gravidus fieri cepit, & Palladem armatam ex capite peperit? Equidem existimo nulli mortalium obvenire, vel somnium tam extra cogitationis vias situm, & monstruosum. Ante omnia illud apud nos maxime valuit, & plurimum ponderis habuit, quod ex fabulis complures nullo modo nobis videntur ab eis inventæ, à quibus recitantur & celebrantur, Homero, Hesiodo, reliquis; si enim liquidò nobis constitisset eas ab illâ ætate, atque illis authoribus manasse, à quibus commemorantur, & ad nos devenerunt; nil magni cerere, aut excelsi ab hujusmodi origine nobis (ut nostra fert conjectura) expectare, aut suspicari in mentem venisset. Verùm si quis attentius rem consideret, apparebit, illas tradi, & referri tanquam prius creditas, & receptas, non tanquam tum primò excogitatas, & oblatas. Quinetiam cum diversis modis à Scriptoribus ferè Cœvis referantur: facile cernas quod commune habent ex veteri memoriâ desumptum; In quo variant, ex singulorum ornatu additum: Atque hæc res estimationem earum apud nos auxit, ac si nec Ætatis, nec Inventionis Poëtarum ipsorum essent; sed veluti Reliquiæ sacre & Auræ tenues, Temporum meliorum; quæ ex traditionibus Nationum magis Antiquarum in Græcorum Tubas, & Fistulas incidissent. Quod si quis obstinato animo contendat, Allegoriam in fabulâ

bulâ semper subditiâ, & impositâ, nec omninò nativâ, & genuinâ fuisse; ei molesti non erimus, sed gravitatem illam Iudicij, quam affectat, licet hebetiorem & ferè plumbeam, remitemus; atque illum (si modò dignus sit) alio modo, tanquam de integro adoriemur. Duplex apud homines repertus est, atque increbuit Parabolârum usus, atque quod magis mirum sit, ad contraria valet. Faciunt enim Parabole ad Involuturum & Velum; faciunt etiam ad Lumen, & Illustrationem. Atque misso illo usu priore (potius quàm lites suscipiamus) & receptis Fabulis antiquis, tanquam rebus vagis, & ad delectationem compositis; Manet tamen procul dubio posterior iste usus, neque ullâ ingenij violentiâ nobis extorqueri possit, neque impediet quisquam, (qui sit mediocriter doctus) quin protinus recipiatur Modus iste docendi, tanquam res gravis & sobria, atque omnis vanitatis expers, & Scientijs apprimè utilis, imo & quandoque necessaria, Nimirum, ut in inventis novis, & ab opinionibus vulgari- bus remotis & penitus abstrusis, aditus ad intellectum huma- num magis facilis & benignus per parabolas queratur. Ita- que Antiquis Sæculis, cùm rationis humanæ inventa, & con- clusiones etiam ea quæ nunc trita & vulgate sunt, tunc tem- poris novæ & insuetæ essent, omnia Fabularum omnigenum, & Ænigmatum & Parabolârum, & Similitudinum plena e- rant: atque per hæc docendi ratio, non occultandi artificium quaesitum est; rudibus scilicet tunc temporis hominum ingenijs, & subtilitatis, nisi quæ sub sensum cadebat, impatientibus, & ferè incapacibus. Nam ut Hieroglyphica Literis, ita Para- bolæ Argumentis erant antiquiores. Atque etiam nunc, si quis novam in aliquibus lucem humanis mentibus affundere velit, idque non incommode & asperè, prorsus eâdem viâ insisten- dum est, & ad similitudinum auxilia confugiendum. Quare quæ dicta sunt, ita claudemus. Sapientia Prisci Sæculi, aut magna, aut fœlix fuit: Magna, si de industriâ excogitata est Figura sive Tropus: Fœlix, si homines aliud agentes, mate- riam & occasionem tantæ contemplationum dignitati præbue- re. Operam autem nostram (si quid in eâ sit, quod juvet) in neurâ re malè collocatam censebimus. Aut enim Antiqui- tatem illustrabimus, aut res ipsas. Neque nescius esse possum, hanc rem ab alijs tentatam esse: sed tamen ut quod sentiam, eloquar,

*eloquar, idque non fastidiosè, sed liberè, ejus decus & virtus
ex hujusmodi laboribus, licèt magnis & operosis, ferè periit :
dum homines rerum imperiti & non ultra Locos certos Commu-
nes docti, Parabolarum sensus ad vulgaria quadam, & ge-
neralia applicaverunt, atque earundem vim veram & pro-
prietatem genuinam, ac indagacionem altiore non at-
tulerunt. Nos autem erimus (ni fallimur) in
rebus vulgatis novi, & aperta &
plana à tergo relinquentes,
ad ulteriora, & no-
bilia ten-
demus.*

DE

1. The first of these is the fact that the
 2. the second is the fact that the
 3. the third is the fact that the
 4. the fourth is the fact that the
 5. the fifth is the fact that the
 6. the sixth is the fact that the
 7. the seventh is the fact that the
 8. the eighth is the fact that the
 9. the ninth is the fact that the
 10. the tenth is the fact that the
 11. the eleventh is the fact that the
 12. the twelfth is the fact that the
 13. the thirteenth is the fact that the
 14. the fourteenth is the fact that the
 15. the fifteenth is the fact that the
 16. the sixteenth is the fact that the
 17. the seventeenth is the fact that the
 18. the eighteenth is the fact that the
 19. the nineteenth is the fact that the
 20. the twentieth is the fact that the
 21. the twenty-first is the fact that the
 22. the twenty-second is the fact that the
 23. the twenty-third is the fact that the
 24. the twenty-fourth is the fact that the
 25. the twenty-fifth is the fact that the
 26. the twenty-sixth is the fact that the
 27. the twenty-seventh is the fact that the
 28. the twenty-eighth is the fact that the
 29. the twenty-ninth is the fact that the
 30. the thirtieth is the fact that the
 31. the thirty-first is the fact that the
 32. the thirty-second is the fact that the
 33. the thirty-third is the fact that the
 34. the thirty-fourth is the fact that the
 35. the thirty-fifth is the fact that the
 36. the thirty-sixth is the fact that the
 37. the thirty-seventh is the fact that the
 38. the thirty-eighth is the fact that the
 39. the thirty-ninth is the fact that the
 40. the fortieth is the fact that the
 41. the forty-first is the fact that the
 42. the forty-second is the fact that the
 43. the forty-third is the fact that the
 44. the forty-fourth is the fact that the
 45. the forty-fifth is the fact that the
 46. the forty-sixth is the fact that the
 47. the forty-seventh is the fact that the
 48. the forty-eighth is the fact that the
 49. the forty-ninth is the fact that the
 50. the fiftieth is the fact that the
 51. the fifty-first is the fact that the
 52. the fifty-second is the fact that the
 53. the fifty-third is the fact that the
 54. the fifty-fourth is the fact that the
 55. the fifty-fifth is the fact that the
 56. the fifty-sixth is the fact that the
 57. the fifty-seventh is the fact that the
 58. the fifty-eighth is the fact that the
 59. the fifty-ninth is the fact that the
 60. the sixtieth is the fact that the
 61. the sixty-first is the fact that the
 62. the sixty-second is the fact that the
 63. the sixty-third is the fact that the
 64. the sixty-fourth is the fact that the
 65. the sixty-fifth is the fact that the
 66. the sixty-sixth is the fact that the
 67. the sixty-seventh is the fact that the
 68. the sixty-eighth is the fact that the
 69. the sixty-ninth is the fact that the
 70. the seventieth is the fact that the
 71. the seventy-first is the fact that the
 72. the seventy-second is the fact that the
 73. the seventy-third is the fact that the
 74. the seventy-fourth is the fact that the
 75. the seventy-fifth is the fact that the
 76. the seventy-sixth is the fact that the
 77. the seventy-seventh is the fact that the
 78. the seventy-eighth is the fact that the
 79. the seventy-ninth is the fact that the
 80. the eightieth is the fact that the
 81. the eighty-first is the fact that the
 82. the eighty-second is the fact that the
 83. the eighty-third is the fact that the
 84. the eighty-fourth is the fact that the
 85. the eighty-fifth is the fact that the
 86. the eighty-sixth is the fact that the
 87. the eighty-seventh is the fact that the
 88. the eighty-eighth is the fact that the
 89. the eighty-ninth is the fact that the
 90. the ninetieth is the fact that the
 91. the ninety-first is the fact that the
 92. the ninety-second is the fact that the
 93. the ninety-third is the fact that the
 94. the ninety-fourth is the fact that the
 95. the ninety-fifth is the fact that the
 96. the ninety-sixth is the fact that the
 97. the ninety-seventh is the fact that the
 98. the ninety-eighth is the fact that the
 99. the ninety-ninth is the fact that the
 100. the hundredth is the fact that the



DE
SAPIENTIA
VETERVM.

I.

CASSANDRA
Sive Parresia.



Arrant CASSANDRAM ab *Apolline* adamatam fuisse, atque variis artificiis ejus desideria elusisse, spes nihilominus fovisse, quousque donum Divinationis ab eo extorsisset; tum verò nactam quod ab initio dissimulatione suâ quæsiuisset, preces ejus apertè rejecisse: Illum cum quod temerè largitus erat nullo modo revocare posset, & tamen vindictâ arderet, nec fœminæ callidæ ludibrio esse vellet, muneri suo poenam addidisse; ut illa quidem vera semper prædiceret, sed nemo ei crederet; itaque vaticiniis ejus veritas affuit; fides defuit: quod illa perpetuò experta est etiam in excidio Patriæ suæ, de quâ sapius monuerat, nemine auscultante, aut credente. Fabula de intemperivâ, & inutili libertate consiliorum, & monitorum conficta videtur: Qui enim ingenio sunt pervicaci & aspero, nec se *Apollini*, id est, Deo Harmoniæ submittere volunt, ut rerum modos, & mensuras, sermonumque veluti tones, acutos & graves, aurium etiam magis peritarum

rum & magis vulgarium differentias, tempora denique tum loquendi tum silendi ediscant & observent: licet sint prudentes & liberi, & consilia afferant sana & bona; nunquam tamen ferè suasu & impetu suo proficiunt, neque ad res tractandas efficaces sunt; sed potiùs exitum eis apud quos se ingerunt, maturant, & tum demùm post calamitatem & eventum, ut vates & in longum prospicientes celebrantur. Atque hujus rei exemplum eminet in *M. Catone Uticensi*. Ille enim interitum Patriæ, & Tyrannidem primò ex conspiratione, deinde ex contentione *Cæsaris* cum *Pompeio* secutam, diu antè, tanquam è speculâ prævidit, & tanquam ex Oraculo prædixit, sed nil profecit interim; verùm obfuit potiùs, & mala patriæ acceleravit. Id quod prudenter advertit, & eleganter describit *M. Cicero*, cùm ad amicum ita scribat: *Cato optimè sentit, sed nocet interdum Reipublicæ: loquitur enim tanquam in Republicâ Platonis, non tanquam in face Romuli.*

II.

TYPHON, sive Rebellis.

Narrant Poetæ JUNONEM indignatam, quòd *Jupiter* PALLADEM ex sese, sine eâ peperisset, omnes Deos, atque Deas precibus fatigasse, ut ipsa etiam sine *Jove* partum ederet. Et postquam violentiæ, & importunitati ejus annuissent, terram illa concussit, ex quo motu TYPHON natus est, Monstrum ingens, & horrendum. Ille Serpenti veluti Nutritio datus est, ut ab eo aleretur. Nec mora, postquam adolevisset, quin bellum *Jovi* moveret. In eo conflictu *Jupiter* in potestatem Gyantis venit, qui illum in humeros sublatum in regionem remotam, & obscuram transportavit, & concisis nervis & manuum & pedum, & secum abreptis, mancum, & mutilatum reliquit. MERCURIUS autem nervos *Jovis* Typhoni suffuratus est, atque eos *Jovi* restituit: *Jupiter*, confirmatus, Belluam rursus impetit; ac primùm fulmine vulneravit, ex cujus sanguine serpentes nati sunt. Tum demùm ruentem, & fugientem (*Ætnam* super eum jaculatus) mole montis oppressit. Fabula de fortunâ Regum variâ & Rebellionibus, quæ in Monarchiis quandòq; evenire consueverunt, conficta est. Reges enim regnis suis, ut *Jupiter Junoni*, veluti Matrimonii vinculo juncti rectè censentur; sed accidit nonnunquam ut imperandi consuetudine depravati, & in Tyrannidem vergentes, omnia ad se trahant, & contempto Ordinum, & Senatus sui consensu, ex sese pariant: Id est, ex arbitrio proprio, & imperio inero cuncta administrant. Id populi agrè ferentes, & ipsi moliantur Caput aliquod rerum ex sese creare, & extollere. Ea res ex occultâ sollicitatione nobilium, & procerum ferè initia sumit, quibus conniventibus, tum populi fuscitatio tentatur; ex quâ Tumor quidam rerum (per Typhonis infantiam significatus) sequitur. Atq; iste rerum status ab insitâ Plebis pravitate & naturâ malignâ (Serpente Regibus infestissimo) nutricatur. Defectione autem viribus coalitâ, postremò res in apertam rebellio-

rebellionem erumpit; quæ quia infinita mala & regibus & populis infligit, sub dirâ illâ *Typhonis* effigie representatur, in quâ Centum Capita ob divisas potestates, Ora flammantia ob incendia, Anguium cingula ob pestilentias, (præsertim in obsidionibus) Manus ferreæ ob cædes, ungues Aquilini ob rapinas, Corpus plumis contextum ob perpetuos ruinos, & nuncios & trepidationes, & hujusmodi. Atque interdum Rebelliones istæ, tam prævalidæ sunt, ut Reges cogantur, tanquam à Rebellibus transportati, relictis Regni sedibus & urbibus primariis, vires contrahere, & in remotam aliquam, & obscuram Provinciam ditionis suæ se recipere, Nervis & Pecuniarum, & Majestatis accisis: Sed tamen non ita multò post Fortunam prudenter tolerantes, virtute & industriâ *Mercurii* nervos recipiunt, hoc est, affabiles facti, & per edicta prudentia & sermones benignos, reconciliatis subditorum animis & voluntatibus, tandem alacritatem ad impensas conferendas, & novum Auctoritatis vigorem excitant. Nihilominus prudentes, & cauti aleam fortunæ tentare plerunque nolunt, & à pugnâ abstinere, sed tamen operam dant, ut aliquo facinore memorabili existimationem Rebellium frangant. Quod si ex voto succedat, Illi vulneris accepti conscii, & rerum suarum trepidi, primò ad fractas & inanes minas veluti Serpentum sibilos se vertunt. Deinde rebus desperatis fugam capessunt. Atque tum demùm postquàm ruerere incipiant, tutum est, & tempestivum Regibus, copiis & universâ mole regni tanquam *Ætnæ* Monte, eos persequi, & opprimere.

III.

CYCLOPES, sive Ministri Terroris.

Narrant CYCLOPES, ob feritatem & immanitatem primò à *Jove* in *Tartarum* detrusos, & perpetuò carceri adjudicatos fuisse: verùm postea *Tellus Jovi* persuasit, ei non abs re fore, si eos vinclis liberaret, & eorum operâ ad fulmina fabricanda uteretur. Quod & factum est, atque illi officiosi, & industrii fulmina atque alia terroris instrumenta assiduo opere & minaci strepitu fecerunt. Tempore autem labente evenit, ut *Jupiter Æsculapio Apollinis* filio succenseret, ob hominem medicinâ à morte excitatum; Iram autem tegens, (quia parùm justa indignandi causâ suberat ob facinus pium, & celebre) CYCLOPES in eum secretò instigavit, qui nihil cunctati fulmine eum interemere: In cujus rei vindictam *Apollo Jove* non prohibente, sagittis eos confecit. Fabula ad Regum facta pertinere videtur. Illi enim Ministros favos, & sanguinarios, & exactores primò suppliciis afficiunt, & à rebus summovent. Postea ex Concilio *Telluris*, id est, ignobili & parùm honorifico, prævalente utilitate eos rursus adhibent; sicubi aut executionum severitate, aut exactio-num acerbitate opus est. Illi naturâ truces, & ex priore fortunâ exasperati, & satis sentientes, quid ab illis expectetur, miram diligentiam in hujusmodi rebus præstant; sed parùm cauti, & ad gratiam ineundam & aucupandam præcipientes,

aliquando ex secretis Principum nutibus & incertis mandatis invidiosam aliquam executionem peragunt. Principes autem invidiam declinantes, & satis gnari huiusmodi instrumenta nunquam sibi defutura, eos destituunt; & propinquis & amicis eorum qui poenas subierunt, ratque horum delationibus & vindictæ & odio populari eos relinquunt, unde magno plausu, & prosperis in reges votis & acclamationibus, serò magis quam immeritò pereunt.

I V.

NARCISVS, sive Philautia.

NARCISVS fuisse traditur formâ, & venustate mirabilis, sed suberat superbia ingens, & fastidium intolerandum. Itaque cum sibi placeret, alios despiceret, vitam egit solitariam in sylvis, & venationibus, cum paucis comitibus quibus ipse omnia erat. Assidebatur etiam eum ubique Nympha Eccho. In hoc vitæ instituto fatale ei erat ad fontem quendam lymphidum venire, & iuxta eum sub æstum mediæ diei decumbere. Cum autem in aquâ Imaginem propriam aspexisset, in contemplationem sui, ac deinde in admirationem effusus, & raptus, nullo modo ab huiusmodi spectro, & simulacro distrahi poterat; sed perpetuò defixus, obtorpuit; ac tandem in florem nominis sui conversus est; qui Flos ineunte Vere se ostendit, & Dijs inferis, Plutoni, Proserpinæ & Eumenidibus sacer est. Fabula illorum & ingenia & fortunas repræsentare videtur, qui sive ob formam, sive ob aliquas alias dotes, quibus ab ipsâ naturâ, nullâ accedente industriâ propriâ ornati & insigniti sunt, effusè seipsos amant, & quasi depereunt. Cum hoc enim animi statu conjunctum fere est; ut non multum in publico, aut in rebus civilibus versentur; cum in eo vitæ genere necesse sit occurrere multos neglectus & vilipendia, quæ animos eorum deicere & turbare possint. Itaque vitam plerunque degunt solitariam, & privatam, & umbratilem, cum per paucos comitum delectu, eoque ex ijs, qui illos magnopere colere, & admirari videntur, quique illis veluti Eccho in omnibus dictis suis assentantur, & verborum obsequia præstant. Ex hac consuetudine depravatos, & inflatos, & tandem admiratione sui ipsius attonitos, mira occupat desidia & inertia, ut prorsus torpeant, & omni vigore, & alacritate destituantur. Eleganter autem sumitur Flos vernus ad huiusmodi ingeniorum similitudinem, cum illa ingenia sub initia sua floreant, & celebrentur, sed ætate confirmatâ expectationem de ijs conceptam destituant, & frustrentur. Eodem pertinet, quod Flos ille Dijs inferis sacer sit; quia homines talis indolis ad omnia inutiles prorsus evadunt. Quicquid autem nullum ex se fructum edit; sed (veluti via navis in mari) transit, & labitur, id apud antiquos umbris, & Dijs inferis consecrari solebat.

V.

STYX, sive Fœdera:

Pervulgata est narratio, & in compluribus fabulis, interponitur, de unico illo Iuramento, quo Dij superi se obstringere solebant, cùm pœnitentiæ locum sibi nullo modo relinqui volebant. Illud Iuramentum nullam Majestatem cœlestem, nullum Attributum divinum advocabat, & testabatur; sed STY GEM, Fluvium quendam apud inferos, qui atria Ditis, multis spiris interfusus cingebat. Hæc enim formula Sacramenti sola, neque præter eam alia quæpiam, firma habita est, & inviolabilis; Scilicet incumbibat pœna perjurij, Dij inprimis metuenda, ut qui sefellisset, ad Deorum convivia per certa annorum spacia non accederet. Fabula de Fœderibus, & pactis Principum conficta videtur; in quibus illud nimio plus quàm oporteret verum est; Fœdera quâcunque solennitate, & religione iuramenti munita, parùm firmâ esse, adeò ut ferè ad existimationem quandam & famam, & Ceremoniam, magis quàm ad fidem, & securitatem, & effectum adhibeantur. Quin si accesserint etiam affinitatis vincla veluti Sacramenta Naturæ, si merita mutuâ, tamen omnia infra ambitionem, & utilitatem, & Dominationis licentiam esse, apud pleròsque reperiuntur. Tantò magis, quòd Principibus facile sit per prætextus varios, & speciosos, cupiditates suas, & fidem minùs sinceram (nemine rerum arbitro, cui ratio sit reddenda) tueri, & velare. Itaque unum assumitur verum, & proprium fidei firmamentum, neque illud Divinitas aliqua cœlestis. Ea est Necessitas, (Magnum potentibus Numen;) & Periculum Status, & Communicatio Utilitatis. Necessitas autem per STY GEM elegantè repræsentatur, Flumen fatale, & irremeabile. Atque hoc numen advocavit ad Fœdera *Jphicrates Atheniensis*, qui quoniam inventus est, qui ea apertè loqueretur, quæ plerique tacitè animo voluunt, non abs re sit, ipsius verba referre. Is cùm Lacedæmonios, varias Cautiones & Sanctiones, & Fœderum firmamenta, & vincula excogitare & proponere animadverteret, interfatus; *Vnum (inquit) Lacedæmonij, nobis vobiscum vinculum, & securitatis ratio esse possit, si planè demonstratis, vos ea, nobis concessisse, & inter manus posuisse, ut vobis facultas lædendi nos, si maximè velletis, minimè suppetere possit.* Itaque si facultas lædendi sublata sit, aut si ex fœdere rupto periculum ingruat, perditionis, aut diminutionis statûs, aut vectigalium, tum demum fœdera rata & sancta, & tanquam Iuramento STY GIS confirmata censerî possint: cùm metus subsit interdicti illius & Suspensionis, à Convivijs Deorum; sub quo nomine Imperij jura, & prærogativæ, & Affluentia & felicitas antiquis significantur.

VI.

PAN, five Natura.

Fabula hæc invenitur, in Libro secundo, De Augmentis Scientiarum, aucta & locupletata.

Antiqui universam Naturam sub personâ PANIS diligentissimè descripserunt; *Hujus* generationem in dubio relinquunt. Alij enim asserunt eum à *Mercurio* genitum; alij longè aliam generationis formam ei tribuunt; Aiunt enim Procos universos cum *Penelope* rem habuisse, ex quo promiscuo concubitu, PANA communem filium ortum esse. Atque in hac posteriore narratione, procul dubio, aliqui ex recentioribus, veteri fabulæ, nomen *Penelopes* imposuere, quod & frequenter faciunt, cum narrationes antiquiores, ad personas & nomina juniora traducunt, idque quandoque absurdè & insulsè; ut hîc cernere est; Cum PAN ex antiquissimis Dijs, & longè antè tempora *Vlyssis* fuerit; atque insuper *Penelope* ob matronalem castitatem Antiquitati venerabilis haberetur. Neque prætermittenda est tertia illa generationis explicatio: quidam enim prodiderunt eum Iovis, & Hybreos, id est, Contumeliæ filium fuisse. Ut cunque orto, *Parcæ* illi sorores fuisse perhibentur. Effigies autem PANIS talis ab Antiquitate describitur: Cornutus, cornibus usque ad Cælum fastigiatis, corpore toto hispidus, & villosus, barbâ imprimis promissâ. Figura biformis, humana quo ad superiora, sed femifera, & in Capræ pedes desinens. Gestabat autem Insignia Potestatis, sinistrâ, Fistulam, ex septem calamis compactam; dextrâ Pedum; five lignum, superius curvum, & inflexum; Induebatur autem *Chlamide* ex pelle *Pardalis*. Potestates ei & Munera hujusmodi attribuuntur, ut sit Deus venatorum, etiam pastorum, & in universum Ruricolarum; Præses item Montium: erat etiam proximus *Mercurio* Nuncius Deorum. Habebatur insuper Dux, & Imperator Nympharum, quæ circa eum perpetuò Chœræ ducere, & tripudiare solebant: comitabantur & Satyri, & his seniores Sileni. Habebat etiam potestatem terrores immitendi præsertim inanes, & superstitiosos, qui & Panici vocati sunt. Res gestæ autem eius non multæ memorantur: Illud præceptum; quod Cupidinem provocavit ad luctam, à quo etiam in certamine victus est. Etiam *Typhonem* Gigantem rebus implicavit, & cohibuit: atque narrant insuper, cum *Ceres* mœsta, & ob raptam *Proserpinam* indignata, se abscondisset, atque Dij omnes ad eam investigandam magnopere incubuissent, & se per varias vias disperiti essent, PANI solummodo ex foelicitate quâdam contigisse, ut inter venandum eam inveniret, & indicaret. Ausus est quoque cum *Apolline* de victoriâ Musices decertare, atque etiam *Mydas* iudicè prælatus est: ob quod Iudiciûm *Mydas* asininas aures tulit, sed clam, & secretò. Amores *Panis* nulli referuntur, aut saltem admodum rari, quod mirum inter turbam Deorum prorsus tam profusè amatoriam videri possit. Illud solummodo ei datur, quod *Eccho* adamaret, quæ etiam uxor ejus habita est, atque unam etiam Nympham

pham *Syringam* nomine, in quam propter iram, & vindictam *Cupidinis* (quem ad luctum provocare non reveritus esset) incensus est. Neque etiam prolem ullam suscepit (quod similiter mirum est, cum Dii præsertim Masculi prolifici admodum essent) nisi quod ei tribuatur tanquam filia, muliercula quædam Ancilla *IAMBE* nomine, quæ ridiculis narratiunculis oblectare hospites solebat, ejusque proles ex conjuge *Eccho* esse, à nonnullis existimabatur. Fabula nobilis, si quæ alia, atque naturæ arcanis & mysteriis gravis, & quasi distenta.

PAN (ut & nomen ipsum etiam sonat) Universitatem Rerum, sive Naturam representat & proponit. De hujus origine, duplex omnino sententia est; atque adeò esse potest: aut enim à *MERCURIO* est, verbo scilicet divino, (quod & Sacrae literæ extra controversiam ponunt, & Philosophis iis, qui magis divini habitus sunt visum est;) aut ex confusis rerum seminibus. Qui enim unum rerum principium posuerunt, aut ad Deum illud retulerunt; aut si materiaturum principium volunt, illud tamen potentiâ varium asseruerunt: adeò ut omnis hujusmodi controversia, ad illam distributionem reducatur, ut Mundus sit, vel à *Mercurio*, vel à *Proci* omnibus.

Namque canebat uti magnum per inane coacta

Semina, terrarumque animæque Marisque fuissent

Et liquidi simul ignis, & hiis exordia primis,

Omnia & ipse tener Mundi concreverit orbis.

Tertia autem generatio *Pan*is ejusmodi est, ut videantur Græci aliquid de Hebræorum Mysteriis, vel per Ægyptios internuncios, vel utcumque inaudivisse; pertinet enim ad statum *Mundi* non in meris natalibus suis, sed post lapsum *ADAMI*, morti, & corruptioni expositum, & obnoxium factum. Ille enim status, *Dei*, & *Peccati* proles fuit, ac manet. Itaque triplex ista narratio de generatione *PANIS*, etiam vera videri possit; si ritè & rebus, & temporibus distinguatur: Nam iste *PAN*, quem intuemur, & contemplamur, ac nimio plus quàm oportet colimus, ex verbo Divino, mediante Confusâ Materiâ (quæ & ipsa à Deo creata erat,) & subintrante Prævaricatione, & Corruptione ortum habet. Naturæ rerum, Fata rerum, sorores verè perhibentur & ponuntur; naturalium siquidem Causarum Catenæ Ortus rerum, & Durationes, & Interitus, & Depressiones, & Eminantias, & Labores, & Felicitates, & Fata deniq; omnia, quæ rebus acciderè possunt, trahunt. Cornua autem Mundo attribuuntur. Quod verò Cornua hujusmodi ab imo latiora, ad verticem acuta sint. Id eò spectat; Quod omnis rerum natura instar *Pyramidis* acuta sit: Individua enim infinita sunt: ea colliguntur in species, & ipsas multiplices: species rursus insurgunt in genera, atque hæc quoque ascendendo in magis generalia contrahuntur, ut tandem natura tanquam in unum coire videatur. Neque mirum est *PANIS* cornua etiam Cælum ferire; cum summitates naturæ sive *Ideæ* universales etiam ad divina quodam modo pertingant. Paratus enim, & propinquus est, transitus à *Metaphysicâ* ad *Theologiam naturalem*. *Corpus* autem *Naturæ* elegantissimè

gantissimè, & verissimè depingitur Hirsutum, propter rerum Radios: Radii enim sunt tanquam Naturæ crines, sive villi, atque omnia ferè vel magis vel minùs radiosà sunt, quod in facultate visus manifestissimum est, nec minùs in omni virtute & operatione ad distans: Quicquid enim operatur ad Distans, id etiam Radios emitte re rectè dici potest, sed maximè omnium prominet *Barba PANIS*, quia Radii Corporum Cœlestium maximè ex longinquo operantur & penetrant. Quin & Sol, quando parte superiore ejus nube obvolutâ, Radii inferiùs erumpunt, ad aspectum Barbatus cernitur. Etiam Corpus Naturæ rectissimè describitur Biforme, ob differentiam Corporum Superiorum, & Inferiorum. Illa enim ob pulchritudinem & motus æquabilitatem & constantiam, necnon Imperium in terram, & terrestria, meritò sub Humanâ figurâ repræsentantur: Hæc autem ob perturbationem, & motus incompósitos, & quòd à Cœlestibus regantur, Bruti animalis figurâ contenta esse possunt. Eadem Corporis descriptio pertinet ad participationem specierum. Nulla enim Natura simplex videri potest; sed tanquam ex duobus participans & concreta. Habet enim Homo nonnihil ex *Bruto*, Brutum nonnihil ex *Plantâ*, Planta nonnihil ex Corpore inanimato, omniaque reverà Biformia sũnt, & ex Specie superiore, & inferiore compacta. Acutissima autem est Allegoria de Pedibus Capræ, propter motum ascensionis Corporum terrestrium versus Regiones Aeris & Cœli: Capra enim Animal scanforium est, eaque è rupibus pendere, atque in præcipitiis hæreere amat; quod etiam res licet inferiori Globo destinata, miris modis faciunt, ut in Nubibus & Meteôris manifestissimum est. Insignia autem in manibus PANIS duplicia. Alterum Harmoniæ, alterum Imperii. Fistula enim ex septem Calamis, Con- centum rerum, & Harmoniam, sive concordiam cum discordiâ mistam, quæ ex septem stellarum Errantium motu conficitur, evidenter ostendit. Pedum autem illud etiam nobilis translatio est; propter vias Naturæ partim Rectas, Partim obliquas. Præcipuè autem Lignum, sive Virga, versus superiorem partem, curva est; quia omnia providentiæ divinæ opera in Mundo ferè per Ambages, & Circuitus fiunt; ut aliud agi videri possit, aliud interim reverà agatur; ut *Josephi* venditio in *Ægyptum*, & similia. Quinetiam in Regimine Humano omni prudentiore, qui ad gubernacula sedent, populo convenientia per prætextus & vias obliquas foeliciùs quæ volunt, quàm ex directo superinducunt, & insinuant; adeò ut omnis Imperii Virga sive Bacillum verè superiùs inflexum sit. Vestis PANIS & amiculum ingeniosè adinodum ex pelle PARDALIS fuisse fingitur; propter maculas ubique sparsas; Cœlum enim stellis, *Maria* Insulis, Tellus floribus consperguntur, atque etiam res particulares ferè variegatæ esse solent circa superficiem, quæ veluti rei Chlamis est. Officium autem PANIS nullâ aliâ re tam ad vivum proponi, atque explicari potuerit, quàm ut Deus venatorum sit: Omnis enim naturalis actio, atq; adeò motus & processus, nihil aliud quàm venatio est. Nam & Scientiæ & Artes opera sua venantur, & Concilia humana fines suos, atq; res naturales omnes vel alimenta sua tanquam prædam, vel Voluptates suas tanquam solatium venantur, idque modis peritis & sagacibus.

Torva Leona Lupum sequitur, Lupus ipse Capellam;
Florentem Cythiſum ſequitur læſciva Capellæ.

Etiam Ruricolarum in genere PAN Deus eſt, quia huiusmodi homines magis ſecundum naturam vivant, cum in urbibus & Aulis natura à cultu nimio corrumpatur; ut illud Poetæ amatorium verum ſit.

— Pars minima eſt ipſa Puella ſui.

Montium autem imprimis Præſes dicitur PAN, quia in Montibus & locis editis Natura rerum panditur, atque oculis & contemplationi magis ſubjicitur. Quod alter à Mercurio Deorum nunciuſ ſit PAN, ea Allegoria planè divina eſt, cum proximè poſt verbum Dei, ipſa Mundi Imago, divinæ potentia & ſapientia præconium ſit. Quod & Poeta divinus cecinit. *Cæli enarrant Gloriam Dei, atque opera manuum ejus indicat Firmamentum.* PANA autem oblectant Nymphæ; Animæ ſcilicet: Deliciæ enim Mundi, Animæ viventium ſunt: Ille autem meritò earum Imperator, cum illæ naturam quæque ſuam veluti Ducem ſequantur, & circa eam cum infinitâ varietate, veluti ſingulæ more patrio ſaltent, & choreas ducant, motu neutiquàm ceſſante: Unâ perpetuò comitantur Satyri & Sileni; Senectus ſcilicet & Juventus; Omnium enim rerum eſt ætas quædam hilaris & ſaltatrix: atque rursus ætas tarda & bibula: Utriuſque autem ætatis ſtudia verè contemplanti (tanquam Democrito) fortaiſe ridicula, & deformia videntur, inſtar Satyri alicujus aut Sileni. De Panicis autem terroribus prudentiſſima doctrina proponitur: Natura enim rerum omnibus viventibus indidit metum, ac formidinem vitæ atque eſſentia ſuæ conſervatricem, ac mala ingruentia vitantem & depellentem; veruntamen eadem Natura modum tenere nescia eſt; ſed timoribus ſalutaribus ſemper vanos, & inanes admiscet, adeò ut omnia (ſi intus conſpici darentur) Panicis terroribus pleniffima ſint; præſertim humana; quæ ſuperſtitione (quæ verè nihil aliud, quàm Panicus terror eſt) in immenſum laborant; maximè Temporibus duris, & trepidis & adverſis. Quod verò attinet ad audaciam PANIS, & Pugnam per Provocationem cum Cupidine; id eò ſpectat, quia Materia non caret inclinatione & appetitu ad diſſolutionem Mundi & reſidivationem in illud Chaos antiquum, niſi prævalidâ rerum concordia (per Amorem, ſive Cupidinem ſignificatâ) malitia & impetus ejus cohiberetur & in ordinem compelleretur: Itaque bono admodum hominum & rerum fato ſit, ut illud certamen PAN adverſum experiatur, & victus abſcedat. Eòdem præſens pertinet, & illud de Typhone in retibus implicato; quia utcunque aliquando vaſti, & inſoliti rerum tumores ſint (id quod Typhon ſonat) ſive intumeſcant maria, ſive intumeſcant nubes, ſive intumeſcat Terra, ſive alia, tamen Rerum Natura huiusmodi corporum Exuperantiaſ, atque Inſolentiaſ, Reti inextricabili implicat, & coercet, & veluti catenâ adamantinâ devincit. Quod autem Inventio Cereris huic Deo attribuitur, idque inter venationem; reliquis Diis negatur, licet ſedulò quærentibus, & illud ipſum agentibus; monitum habet verum admodum & prudens; hoc eſt, ne rerum utilium, ad vitam & cultum

cultum Inventio qualis fuit segetum, a Philosophijs Abstractis, tanquam Dijs Majoribus, expectetur; licet totis viribus in illud ipsum incumbant, sed tantummodò à *Pane*, id est, Experientiâ sagaci & rerum Mundi notitiâ universali, quæ etiam casu quodam ac veluti inter venandum in hujusmodi inventa incidere solet. Illud autem Musices certamen, ejusque eventus, salutarem exhibet doctrinam, atque eam quæ rationi & Judicio humano gestienti, & se effe- renti sobrietatis vincula injicere possit. Duplex enim videtur esse *Harmonia*, & Quasi Musica: altera Providentiæ Divinæ, altera Rationis Humanæ. Judicio enim humano, ac veluti auribus Mor- talium, Administratio Mundi & Rerum, & Judicia divina secre- tiora sonant aliquid durum, & quasi absonum: quæ inscitia licet Asininis auribus meritò insigniatur, tamen & ipsæ illæ aures secreto, nec palàm gestantur: Neque enim hujusce rei deformitas à vul- go conspicitur, aut notatur. Postremò, minimè mirum est, si nulli Amores *Pavii* attribuantur, præter conjugium Ecchus; Mundus e- nim seipso, atque in se rebus omnibus fruitur: qui amat autem, frui vult, neque in Copiâ, desiderio locus est. Itaque mundi A- mores esse nulli possunt, nec potiendi Cupido, cum seipso con- tentus sit, nisi fortasse sermones: ij sunt Nympha, Eccho, aut si accuratiores sint, Syringa. Inter Sermones autem, sive voces, ex- cellenter ad conjugium mundi sumitur sola Eccho; Ea enim de- mùm vera est Philosophia, quæ mundi ipsius voces fidelissimè red- dit, & veluti dictante mundo, conscripta est; & nihil aliud est quàm ejusdem simulacrum & reflexio, neque addit quicquam de proprio, sed tantum iterat, & resonat. Ad mundi etiam Suffici- entiam & Perfectionem pertinet, quòd prolem non edat. Ille e- nim per Partes generat, per Totum autem quomodo generare pos- sit? cum Corpus extra ipsum non sit. Nam de Filiâ ejus Putati- vâ, mulierculâ illâ, est sanè ea adjectio quædam ad Fabulam sapi- entissima; per illam enim repræsentantur eæ, quæ perpetuis tem- poribus passim vagantur, atque omnia implent, vaniloquæ de rerum Naturâ Doctrinæ, re ipsâ infructuosæ, genere quasi subdi- titiæ, garrulitate verò interdum jucundæ, interdum molestæ & im- fortunæ.

VII.

PERSEUS, sive Bellum.

Fabula hæc
invenitur, in
Libro secundo,
De Augmentis
Scientiarum,
aucta & locu-
pletata.

PERSEUS traditus fuisse à Pallade missus ad obtruncandam Me- dusam, quæ populis plurimis ad Occidentem in extremis Hibe- riæ partibus maximæ Calamitati fuit. Monstrum enim hoc tam dirum atque horrendum fuit, ut aspectu solo homines in saxa verte- ret. Erat autem è Gorgonibus una ac sola Mortalis Medusa; cum Passivæ reliquæ non essent. Itaque PERSEUS ad tam nobile facinus se comparans, arma, ac dona à tribus Dijs accepit: Tala- res alas à Mercurio,

Mercurio, à Plutone galeam, Scutum à Palladē, & speculum. Neque tamen, licet tanto apparatu instructus, ad Medusam rectā perrexit, sed prius ad Græas divertit, Ex sorores ex alterā parentē Gorgonibus erant. Atque Grææ iste Canes jam à Nativitate erant, & tanquam vetulæ. Oculus autem ijs tantummodo & dens erat omnibus unicus, quos proit exire foras quamque contigerat, vicissim gellare, reverse autem iterum deponere solēbant. Hunc itaque oculum atque hunc dentem illæ PERSEŌ commodarunt. Tum demum cum se abundē ad destinata perficienda instructum iudicaret, ad Medusam properavit impiger & volans: Illam autem dormientem offendit; Neque tamen aspectui ejus (si evigilaret) se committere audebat, sed Cervicē reflexā, in speculum Palladis inspiciebat atque hoc modo iectus dirigens, caput ei abscidit. Ex sanguine autem Medusæ fuso, statim Pegasus alatus emicuit. Caput autem abscisum PERSEUS in Scutum Palladis inseruit, cui etiam nūm suū mansit vis, ut ad ejus intuitum omnes seu attoniti aut syderati obrigerent. Fabula de Belligerandi ratione & prudentiā conficta videtur. Atque in ipsā de bello suscipiendo, & de genere belli eligendō deliberatione, tria proponit præcepta sana, & gravia, tanquam ex consilio Palladis. Primò ut de subjugatione Nationum Finitimarum quis non admodum laboret. Neque enim eadem est patrimonij, & imperij amplificandi ratio. Nam in possessionibus privatis, vicinitas prædiorum spectatur: sed in propagando imperio, Occasio & belli conficiendi facilitas, & fructus, loco vicinitatis esse debent. Certe Romani, quo tempore Occidentem versus, vix ultra Liguriā penetraverant, Orientis provincias usque ad Montem Taurum armis & imperio complexi sunt. Itaque PERSEVS licet Orientalis, tamen longinquā expeditionem, usque ad extremā Occidentis minimè detrectavit. Secundo Curæ esse debet, ut iusta & honorifica subsit belli causa: Id enim & alacritatem tum militibus, tum populis impensas conferentibus addit: & Societates aperit, & conciliat, & plurimas denique commoditates habet. Nulla autem belli causa magis pia sit, quam debellatio Tyrannidis, sub quā populus succumbit, & prostermitur sine animis & vigore, tanquam sub aspectu Medusæ. Tertiò prudenter additur; quod cum tres Gorgones fuerint (per quas Belli representantur) PERSEVS illam delegerit, quæ fuit Mortalis; hoc est, bellum ejus conditionis, quod confici, & ad exitum perducī posset, nec vastas, aut infinitas spes persecutus est. Instructio autem PERSEI ea est, quæ ad Bellum unicè confert, & fortunam ferè trahit. Accepit enim Celeritatem à MERCURIO, Occultationem Consiliorum ab ORCO, & Providentiam à PALLADE. Neque caret Allegoriā, eaque prudentissimā, quod Alæ illæ Celeritatis Talarēs, non Axillares fuerint, atque pedibus non humeris additæ; quia non tamen primis belli aggressibus, quàm in eis quæ sequuntur, & primis subsidio sunt, Celeritas requiritur: Nullus enim error in bellis magis frequens est, quàm quod Prosecutiones, & subsidiarij Impetus, Initiorum alacritati non respondent. Etiam illa Providentiæ Divisio (Nam de galeâ PLUTONIS,

NIS, quæ homines invisibiles reddere solebat, Parabola manifesta est) ingeniosa videtur de Scuto, & speculo : neque enim ea Providentia solùm adhibenda est, quæ cavet instar Scuti, sed illa altera per quam hostium vires, & motus, & consilia cernuntur, instar speculi PALLADIS. Verùm PERSEO utcunque copijs aut animis instructo, restat aliud quiddam maximi per omnia momenti antequàm incipiatur bellum, nimirum ut divertat ad Græas. Grææ autem Proditiones sunt, Bellorum scilicet Sorores, non Germanæ illæ quidem, sed generis nobilitate quasi impares. Bella enim generosa, Proditiones degeneres & turpes. Earum descriptio elegans est, ut canæ à nativitate sint, & tanquam Vetulæ, propter perpetuas Proditorum Curas & Trepidationes : Earum autem vis (antequam in manifestam defectionem erumpant) aut in Oculo, aut in Dente est : Omnis enim Factio à statu quopiam alienata, & speculatur, & mordet : Atque hujusmodi Oculus & Dens tanquam Communis est. Nam quæ didicerunt, & noverunt, ferè per manus factionis ab uno ad alterum transeunt, & percurrunt. Et quod ad Dentem attinet, uno ferè ore mordent, & similem Cantilenam canunt, ut si unum audias, omnes audias. Itaque PERSEO conciliandæ sunt istæ Grææ, ut oculum, & dentem ei commodent : Oculum ad Indicia, dentem ad rumores ferendos, & invidiam conflandam, & animos hominum sollicitandos. His itaque dispositis, & præparatis, sequitur ipsa Belli actio. In eâ Medusam dormientem invênit : Prudens enim belli susceptor, semper ferè hostem assequitur imparatum & securitati propiorem : Atque nunc tandem speculo Palladis opus est. Plurimi enim ante ipsa pericula res hostium acutè & attentè introspicere possunt ; sed in ipso periculi articulo præcipuus est usus speculi, ut modus periculi cernatur, terror non offundatur : (quod per illum intuitum capite averso significatur) A bello perfecto sequuntur effecta duo : Primum PEGASSI illa generatio & exuscitatio, quæ satis evidentè Formam denotat, quæ per omnia volat & victoriam celebrat : Secundum, Gestatio capitis Medusæ in scuto ; siquidem nullum præsidij genus huic ob præstantiam comparari possit. Vnicum enim facinus insigne, & memorabile fœlicitè gestum, & perpetratum, omnes inimicorum motus cohibet, atque malevolentiam ipsam stupidam reddit.

Endymion,

VIII.

ENDYMION, sive
Gratiosus.

PASTOR ENDYMION traditur à *Lunâ* fuisse adamat^{us} : novum autem, & singulare erat consuetudinis genus, siquidem ille decumbebat in nativâ quadam specu, sub laxis *Latmiis* ; *Luna* autem haud rarò de Cœlo perhibetur descendisse, & sopiti Oscula petiisse, ac rursus in Cœlum se recepisse. Neque tamen otium istud, & somnus in detrimentum fortunarum ejus cedebat. Sed *Luna* interim effecit, ut pecus ejus pinguesceret admodum, ac numero etiam felicissimè auctum esset, ut nulli pastorum greges essent lætiores, aut numerosiores. Fabula ad ingenia & mores Principum pertinere videtur. Illi enim cogitationum pleni, & in suspiciones propensi, non facilè ad consuetudinem vitæ interiorem recipiunt homines qui sunt perspicaces, & curiosi, & quasi animo vigilantes, sive exsomniales : sed potiùs eos, qui ingenio sunt quieto, & morigeri, & quod placitum est illis patiuntur, & nil ultrà inquirent, sed se veluti ignaros & nil sentientes & quasi sopitos præbent ; denique magis obsequium simplex, quàm observantiam callidam præstant. Etenim cùm hujusmodi hominibus Principes de Majestate suâ veluti *Luna* de Orbe superiore, descendere, et personam (quam perpetuò gerere instar Oneris cujusdam sit) deponere, et familiariter versari libenter consueverunt, idque se tuto facere posse putant. Id quod in *Tiberio Cesare* Principe omnium maximè difficili, præcipuè annotatum fuit : apud quem illi solummodò gratiosi erant, qui notitiam morum ejus revera habebant, sed pertinaciter, et quasi stupidè dissimulabant. Quod etiam *Ludovico* undecimo *Francorum* Regi Principi cautissimo, et callidissimo in moribus erat. Neque ineleganter in Fabulâ ponitur Antrum illud *Endymionis* : quia ferè usitatum est illis qui hujusmodi gratiâ apud Principes florent, habere secessus aliquos amœnos, quò illos invitent, ad otium et animi remissionem, absque Fortunæ suæ mole. Qui autem in hoc genere gratiosi sunt, plerunque rem suam benè agunt. Nam Principes licèt fortasse ad honores eos non evehant, tamen cùm verò affectu, nec propter utilitatem tantùm illos diligant, munificentia suâ eos ditare consueverunt.

IX.

SOROR GYGANTUM, sive Fama.

Memorant Poetæ, GYGANTES è terrâ procreatos, bellum *Jovi*, & superis intulisse, & fulmine disiectos & devictos fuisse. Terram autem Deorum irâ irritatam in vindictam natorum suorum, *Famam* progenuisse; extremam *Gygantibus* sororem.

*Illam Terraparens irâ irritata Deorum
Extremam (ut perhibent) Cæo Enceladoque sororem,
Progenuit. —*

Hujus Fabulæ ea sententia videtur esse : per *Terram*, Naturam vulgi significârunt, perpetuò tumidam & malignam versùs Imperantes, & res novas parturientem : Hæc ipsa occasionem adepta, Rebelles parit & Seditiosos, qui Principes ausu nefario exturbare, & dejicere machinantur, quibus oppressis, eadem Plebis natura deterioribus favens, & tranquillitatis impatiens rumores gignit, & susurros malignos, & Famas querulas, & famosos libellos, & cætera id genus, ad invidiam eorum qui rebus præsumunt ; ut Actiones Rebellium, & Famæ seditiosæ, genere, & stirpe non differant ; sed veluti sexu tantùm ; cùm istæ muliebres videantur, illæ viriles.

X.

ACTÆON Et PENTHEUS, sive Curiosus.

Curiositas humana in secretis rimandis, & eorum notitiâ appetitu malè sano concupiscendâ, & prensandâ, duplici exemplo apud antiquos coercetur : Altero *Actæonis*, altero *Pentheï*. *Actæon* cùm *Dianam* imprudens, & casu sine veste vidisset, in Cervum versus, à canibus quos alebat, dilaceratus est. *Pentheus* cùm sacrificio-
rum *Bacchi* occultorum, conscensâ arbore, spectator esse voluisset, furore percitus est. Fuit autem *Pentheï* dementia ejus generis, ut res congeminasse existimaret, & duo Soles & rursùs duæ *Thebæ* ei ob oculos versarentur ; Adeò ut, cùm *Thebas* properaret, statim alteris *Thebis* conspectis retraheretur : Atque hoc modo perpetuò & inquietè sursùm & deorsùm ferretur.

*Eumenidum demens qualis videt agmina Pentheus,
Et Solem geminum, & duplices se ostendere Thebas.*

Fabularum prima, ad secreta Principum ; secunda, ad secreta divina pertinere videtur. Qui enim Principibus non admissi, & præter eorum voluntatem secretorum conscii sunt, odium certissimum apud

eos consequuntur. Itaque gnari se peti, & occasiones captari, vitam degunt Cervorum more timidam & suspicionibus plenam. Quin & illud sæpius accidit, ut à servis & domesticis in gratiam Principum, accusentur & subvertantur. Ubi enim Principis offensio manifesta est; quot servi, tot ferè Proditores esse consueverunt; ut *Altaeonis* fatum illos maneat. Alia est *Pentheï* calamitas. Qui enim ausu temerario, mortalitatis parùm memores, per excelsa Naturæ & Philosophiæ fastigia (tanquam arbore conscensâ) ad Mysteria divina aspirant, hiis pœna proposita est, perpetuæ inconstantiae, & Judicii vacillantis & perplexi. Cum enim aliud sit Lumen Naturæ, aliud divinum, ita cum illis fit, ac si duos Soles viderent. Cùmque actiones vitæ, & decreta voluntatis ab intellectu pendeant: sequitur etiam ut non minùs voluntate, quàm opinione hæsitent, nec sibi omninò constent: Itaque & duas *Thebas* similiter vident. Per *Thebas* enim actionum fines describuntur (cum *Thebis Pentheo* esset domus & perfugium.) Hinc fit, ut nesciant, quò se vertant, sed de summâ rerum incerti & fluctuantes, tantùm subitis mentis impulsibus in singulis circumagantur.

XI.

ORPHEUS, sive Philosophia.

FAbula de ORPHEO vulgata, nec tamen interpretem fidum per omnia sortita, *Philosophiæ* universæ imaginem referre videtur.

Persona enim ORPHEI viri admirandi, & planè divini, & omnis harmoniæ periti, & modis suavis cuncta vincentis, & trahentis, ad *Philosophiæ* descriptionem facili transitu traducitur. Labores enim ORPHEI, Labores *Herculis*, quemadmodum opera Sapientiæ, opera Fortitudinis, dignitate & potentiâ superant. ORPHEUS ob amorem uxoris morte immaturâ præreptæ, fretus Lyrâ, ad Inferos descendere sibi in animum induxit, ut Manes deprecaretur; neque spe suâ decidit. Nam placatis manibus & delinitis, suavitate Cantus & Modulationibus, tantum apud eos potuit, ut ei uxorem secum abducere indultum sit: Eâ tamen lege, ut illa eum à tergo sequeretur, ipse autem antequam ad luminis oras perventum esset, ne respiceret. Quod cum ille nihilominus, amoris & curæ impatientiâ (postquam ferè in tuto esset) fecisset, rupta sunt fœdera: atque illa ad inferos gradu præcipiti relapsa est. Ab illo tempore *Orpheus* mœstus, & mulierum osor, in solitudines profectus est, ubi eâdem cantus, & Lyræ dulcedine, primò feras omnigenas ad se traxit, adeò ut naturâ suam exuentes, nec irarum aut ferocitatis memores, nec libidinis stimulis, & furoribus præcipientes actæ, nec ingluviem satiare, aut prædæ inhiare ampliùs curantes, in morem Theatri, illum circumstarent, benignæ & mansuetæ inter se factæ, & tantùm Lyræ concentui aures præbentes. Neque is finis, sed tanta musicæ vis, & potentia fuit, ut etiam sylvas moveret, & lapides ipsos, ut illa quoq; se transferrent, & sedes suas circa eum, ordine & modo decenti ponerent. Hæc ei cum ad tempus fœliciter & magna cum admiratione cessissent; tandem *Thraciæ* mulieres stimulis *Bacchi* percitæ, primò

primò cornu raucum, & immane sonans inflarunt: Ex eo, propter strepitum, musicæ sonus amplius audiri non potuit: Tum demùm solutâ virtute, quæ ordinis, & societatis istius erat vinculum, turbâri cœptum est, & feræ singulæ ad naturam suam redierunt, & se invicem, ut priùs persecutæ sunt; neque lapides, aut sylvæ suis mansere locis: ORPHEVS autem ipse tandem à mulieribus furentibus discerptus est, & sparsus per agros; ob cuius mortis mœrorem, *Helicon* (fluvius Musis sacer) aquas sub terram indignatus condidit, & per alia loca caput rursus extulit. Sententia fabulæ ea videtur esse. Duplex est *Orphei Cantio*: Altera ad placandos Manes; Altera ad trahendas feræ & sylvas. Prior ad naturalem Philosophiam, Posterior ad Moralem, & Civilem aptissimè refertur. Opus enim naturalis Philosophiæ longè nobilissimum, est ipsa restitutio, & instauratio rerum corruptibilium, & (huiusce rei tanquàm gradus minores) corporum in statu suo conservatio, & dissolutionis & putredinis retardatio. Hoc si omninò fieri detur, certè non aliter effici potest, quàm per debita & exquisita Naturæ temperamenta, tanquam per Harmoniam lyræ, & modos accuratos. Et tamen cùm sit res omnium maximè ardua, effectu plerunque frustratur; Idque (ut verisimile est) non magis aliam ob causam, quàm per curiosam, & intempestivam sedulitatem & impatientiam. Itaque *Philosophia*, tantæ rei ferè impar; atque idcirco meritò mœsta, vertit se ad res humanas, & in animos hominum, suasu & eloquentiâ, virtutis, & æquitatis, & pacis amorem insinuans populorum cœtus in unum coire facit; & juga legum accipere, & imperijs se submittere, & affectuum indomitorum oblivisci, dum præceptis, & disciplinæ auscultant, & obtemperant: unde paulò post Ædificia extruuntur, Oppida conduntur, Agri & Horti Arboribus conseruntur; ut lapides, & sylvas non abs re convocari & transferri dictum sit. Atque ista rerum Civilium cura, ritè atque ordine ponitur post experimentum corporis mortalis restituendi sedulò tentatum, & ad extremum frustratum: Quia mortis necessitas inevitabilis evidentius proposita, hominibus ad æternitatem, meritis, & nominis famâ quærendam, animos addit. Etiam prudenter in Fabulâ additur, ORPHEVM à mulieribus, & nuptijs alieno animo fuisse, quia nuptiarum delinimenta, & liberorum charitates, homines plerunque à magnis, & excelsis erga respublicas meritis avertunt, dum immortalitatem propagine, non factis, assequi satis habent. Verùm & ipsa sapientiæ opera, licèt inter humana excellant, tamen & suis periodis clauduntur. Evenit enim, ut postquam regna, & respublicæ ad tempus floruerint, subinde perturbationes, & seditiones & bella oriantur; inter quorum strepitus, primò leges conticescunt, & homines ad naturæ suæ depravationes redeunt; atque etiam in agris, atque oppidis vastitas conspicitur. Neque ita multò post (si huiusmodi furores continuentur) literæ etiam, & *Philosophia* certissimè discerptur: adeo ut fragmenta tantùm ejus, in paucis locis, tanquam Naufragij Tabulæ, inveniantur, & barbara tempora ingruant; *Heliconis* aquis sub terra mersis; donec debitâ rebus vicissitudine, non ipsidem fortasse locis, sed apud alias Nationes erumpant, et emanent.

XII.

COELVM, sive Origines:

TRadunt Poëtae COELVM antiquissimum Deorum extitisse; Huius partes generationis à filio *Saturno* falce demefas fuisse. *Saturnum* autem sobolem numerosam generasse: sed filios continuò devorasse: tandem verò *Jovem* exitium effugisse, et adultum, patrem *Saturnum* in Tartarum detrussisse, et regnum acceperisse; quinetiam patris genitalia eadem falce, quâ ille Cœlum execuerat, abscidisse, atque in mare projecisse, inde Venerem natam esse. Postea verò Jovis regnum vix confirmatum, duo memorabilia bella excepisse. Primum *Titanum*, in quibus debellandis Solis operam (qui solus ex *Titanibus* *Jovis* rebus favebat) egregiam fuisse: secundum *Gyantium*, qui et ipsi fulmine et *Jovis* armis disjecti sunt; quibus domitis, *Jovem* securum regnasse. Fabula videtur Ænigma de Origine rerum non multum discrepans ab ea Philosophia, quam postea *Democritus* amplexus est. Qui apertissimè omnium æternitatem Materię asseruit, æternitatem mundi negavit; in quo aliquantò propius ad veritatem verbi divini accessit, cuius narratio Materiam informem ante opera Dierum statuit. Sententia Fabulæ huiusmodi est. Cœlum esse concavum illud, sive ambitum, quod Materiam complectitur. Saturnum autem Materiam ipsam, quæ omnem generandi vim parenti præscidit. Summam enim Materię perpetuò eandem esse; neque ipsum Quantum Naturæ crescere, aut minui. Agitationes autem, et motus Materię, primò imperfectas, et malè cohærentes rerum compages produxisse, et velut tentamenta mundorum: Dein ævi processu Fabricam ortam esse, quæ formam suam tueri et conservare posset. Itaque priorem ævi distributionem per regnum Saturni significari, qui ob frequentes rerum dissolutiones, et breves durationes, Filiorum suorum Devorator habitus est: Secundam autem per regnum *Jovis*, qui continuas istas, et transitorias mutationes in Tartarum detrussit; qui locus perturbationem significat. Is locus videtur esse spatium inter ima Cœli et interiora Terræ medium; quo intervallo perturbatio et fragilitas et mortalitas sive corruptio maximè versatur. Atque durante priore illâ generatione rerum, quæ sub regno Saturni tenuit, Venerem natam non fuisse. Donec enim in universitate Materię, discordia esset concordia potior et valentior, mutatio per Totum necessariò facta est, atque in ipsâ Fabricâ integrali. Tales verò Generationes Rerum extiterunt, antequam *Saturnus* exectus esset. Hunc verò generationis modum cessantem, alter ille modus continuò excepit, qui per Venerem fit: adultæ et prævalidæ rerum concordia; ut mutatio tantum per partes procedat, integrâ et inconcussâ Fabricâ universali: *Saturnum* tamen detrusum, et deturbatum, non peremptum et extinctum narrat, quia mundum in antiquam confusionem, et inter-

regna relabi posse, opinio Democriti erat : quod *Lucretius* ne suis temporibus eveniret deprecatus est.

*Quod procul à nobis, flectat Fortuna gubernans,
Et ratio potius, quàm res persuadeat ipsa.*

Postquam autem mundus mole, & vi suâ confisteret, tamen otium ab initio non fuisse. Nam secutos primùm in cœlestibus Regionibus motus notabiles, qui virtute Solis in Cœlestibus prædominante, ita sopiti sunt, ut mundi status conservaretur : Postea similiter in inferioribus ; per inundationes, tempestates, ventos, terræ motus magis universales, quibus etiam oppressis, & dissipatis, magis pacata, ac durabilis rerum conspiratio, & tranquillitas accrevit. Verùm de istâ Fabulâ utrunque pronuciari potest, & Fabulam *Philosophiam* continere, & *Philosophiam* rursus *Fabulam*. Novimus enim (ex fide) hæc omnia nil aliud esse, quàm sensus jampridem cessantia & deficientia Oracula : Cum mundi, & Materia, & Fabrica ad Creatorem verissimè referatur.

XIII.

PROTEVS, sive Materia.

Narrant Poëtæ PROTEVM *Neptuno* pastorem fuisse ; eundemque Senem, & Vatem ; Vatem scilicet præstantissimum & veluti Ter-maximum. Noverat enim non futura solummodò, sed & Præterita & Præsentia, adeò ut præter Divinationem, etiam omnis Antiquitatis, & omnium Secretorum Nuncius ac Interpret esset. Morabatur autem sub ingenti specu. Ibi ei mos erat sub meridiem gregem suum Phocarum numerare, atque deinde somno se dare. Qui autem operâ ejus aliquâ in re, uti volebat, is non alio modo apud eum valere poterat, nisi eum manicis comprehensum vinclis constringeret. Ille contrâ, ut se liberaret, in omnes formas, atque rerum miracula, ignem, lympham, feras se vertere solebat ; donec tandem in pristinam formam restitueretur. Sensus Fabulæ ad abdita Naturæ, & Conditiones Materiæ pertinere videtur. Sub PROTEI enim personâ Materia significatur omnium rerum post Deum antiquissima. Materia autem sub Cœli Concavo tanquàm sub Specu habitat. *Neptuni* autem mancipium est, quia omnis Materiæ operatio & dispositio in liquidis præcipuè exercetur. Pecus autem sive Grex PROTEI, non aliud videtur esse, quàm Species ordinariæ Animalium, Plantarum, Metallorum, in quibus Materia videtur se diffundere, & quasi consumere ; adeo ut postquàm istas species effinxerit, & absolverit (tanquàm penso completo) dormire & quiescere videatur, nec alias ampliùs Species moliri, tentare, aut parare. Atque hæc est PROTEI Pecoris numeratio, & subinde Somnus. Hoc autem sub Meridiem, non auroram, & vesperum fieri dicitur, id est, cùm Tempus jam venerit,

nerit, quod speciebus ex Materiâ debite præparatâ, & prædispositâ perficiendis, & excludendis maturum sit, & quasi legitimum, & inter Rudimenta earum, & Declinationes medium; quod nos satis scimus ex Historiâ sacrâ sub tempus ipsum Creationis fuisse. Tum enim per virtutem illam divini verbi (*Producat*) Materia ad imperium Creatoris, non per Ambages suas, sed subito confluit, & Opus suum in Actum affatim perduxit, ac Species constituit. Atque hucusque Fabula narrationem suam de PROTEO libero, & soluto cum Pecore suo complet. Nam universitas rerum cum Structuris, & Fabricis Specierum ordinariis, est Materiæ non constrictæ, aut devinctæ, & gregis materiatorum facies. Nihilominus si quis peritus Naturæ Minister, vim adhibeat Materiæ, & Materiam vexet, atque urgeat, tanquam hoc ipso destinato, & proposito; ut illam in nihilum redigat: illa contrâ (cum Annihilatione, aut interitus verus, nisi per Dei omnipotentiam fieri non possit) in tali necessitate posita in miras rerum transformationes & effigies se vertit: adeo ut tandem veluti in orbem se mutet, & periodum impleat, & quasi se restituat, si vis continetur. Ejus autem constrictionis, seu alligationis ratio magis facilis erit, & expedita, si Materia per Manicas comprehendatur, id est, per Extremitates. Quod autem additur in Fabula *Proteum* Vatem fuisse, & trium temporum gnarum, id cum Materiæ naturâ optimè consentit. Necesse est enim, ut qui Materiæ passiones, & processus noverit, rerum Summam & earum quæ factæ sunt, & quæ fiunt, & quæ insuper futuræ sunt, comprehendat, licet ad partes et singularia cognitio non extendatur.

XIV.

MEMNON, sive Præmaturus.

MEMORANT Poetæ MEMNONEM *Auroræ* filium fuisse. Ille ar-
Minorum pulchritudine insignis, & aurâ populari celebris ad
 Bellum *Troianum* venit, & ad summa ausu præcipiti festinans,
 & anhelans, cum *Achille* Græcorum fortissimo, certamen singulare
 iniit, atque ejus dextrâ occubuit. Hunc *Jupiter* miseratus aves lugub-
 re quiddam & miserabile perpetuò quiritantes ad Exequias ejus &
 funeris decus excitavit; Eiusdem statua quoque *Solis* orientis radiis
 percussâ, sonum flebilem edere solita fuisse perhibetur. Fabula ad
 Adolescentum summæ spei Calamitosos exitus pertinere videtur. Illi
 enim tanquàm *Auroræ* filii sunt; atque inanum & externorum specie
 tumidi, majora ferè viribus audent, atque *Heroes* fortissimos lace-
 sunt, & in certamen deposcunt, & impari congressu, succumbentes,
 extinguuntur; Horum autem mortem infinita commiseratio sequi
 solet: Nil enim inter Fata mortalium tam flebile est, tanque potens
 ad misericordiam commovendam, quàm virtutis flos immaturo exitu
 præcisus. Neque enim prima atas ad Satietatem scilicet, aut ad in-
 vidiam usque duravit, quæ mœstitiam in obitu lenire, aut misericor-
 diam

diam temperare possit; Quinetiam Lamentationes & plangus non solum tanquam Aves illæ funebres circa rogos eorum volitant, sed & durat huiusmodi miseratio, & producitur: Maximè autem per Occasiones & Novos motus & Initia magnarum rerum, veluti per *Solis* radios Matutinos, Desideria eorum renovantur.

XV.

TYTHONUS, sive Satias.

ELegans Fabula narratur de TYTHONO, eum ab *Aurora* adamatum fuisse, quæ perpetuam ejus consuetudinem exoptans, à *Jove* petiit, ut TYTHONUS nunquam mori posset: verum incuriâ muliebri oblita est petitioni suæ & illud inferere, ut nec senectute gravaretur. Itaque moriendi conditio ei erepta est, senium autem secutum est mirum & miserandum, quale consentaneum est evenire ei, cui mors negatur, ætas perpetuò ingravescit. Adeò ut *Jupiter* huiusmodi sortem miseratus, tandem eum in Cicadam converterit. Hæc Fabula ingeniosa adumbratio & descriptio voluptatis esse videtur; quæ à principio velut sub tempus *Auroræ*, adeò grata est, ut homines vota faciant, ut gaudia huiusmodi sibi perpetua, & propria sint, obliti Satietaem & tedium eorum instar Senii, ipsis non cogitantibus, obventura. Adeò ut ad extremum, cum actiones voluptariæ homines deserant, cupido verò & affectus non moriantur, fieri soleat, ut homines sermonibus tantum, & commemorationibus earum rerum, quæ eis integræ ætate voluptati fuerunt, se oblectent. Quod in Libidinosi, & viris Militaribus fieri videmus, cum illi impudicos sermones, hii facinora sua retractent, Cicadarum more, quarum vigor tantum in voce est.

XVI.

PROCUS IUNONIS, sive Dedecus.

Narrant Poetæ JOVEM, ut amoribus suis potiretur, multas & varias formas sumpsisse, Tauri, Aquilæ, Cygni, Imbris aurei; cum autem JUNONEM sollicitaret, vertisse se in formam maximè ignobilem, atque contemptui & ludibrio expositam. Ea fuit in iseri Cuculi, imbre & tempestate madefacti, & attoniti, tremebundi & semimortui. Prudens Fabula est, & ex intimis moribus desumpta. Sensus verò talis, Ne homines nimium sibi placeant, existimantes virtutis suæ specimen, eos apud omnes in pretio, & gratiâ ponere posse. Id enim succedere pro naturâ, & moribus eorum, quos ambiunt, & colunt, qui si homines sunt, nullis ipsi dotibus, & ornamentis insigniti; sed tantum ingenio sunt superbo et maligno (id quod
sub

sub figurâ JUNONIS repræsentatur) tum verò nôrint sibi exuendam prorsus esse omnem personam, quæ vel minimum præ se ferat decoris, et dignitatis : atque desipere se planè, si aliâ viâ insistant ; neq; satis esse si obsequii deformitatem præstant, nisi omninò se in personam abjectam et degenerem mutant.

XVII.

CUPIDO, sive Atomus.

QUæ de CUPIDINE sive Amore dicta sunt à Poetis ; in eandem personam propriè convenire non possunt : Ita tamen discrepant, ut confusio personarum rejiciatur ; similitudo recipiatur. Narrant itaque Amorem omnium Deorum fuisse antiquissimum, atque adeò omnium Rerum, Excepto *Chao*, quod ei cœvum perhibetur ; *Chaos* autem à priscis viris nunquam divino honore, aut nomine Dei insignitur. Atque Amor ille prorsus sine Parente introducitur ; nisi quod à nonnullis Ovum noctis fuisse traditur. Ipse autem ex *Chao*, & Deos, & Res universas progenuit : Ejus autem Attributiona ponuntur Numero quatuor, ut sit infans perpetuus, Cœcus, Nudus, Sagittarius ; fuit & Amor quidam alter, Deorum natu Minimus ; *Veneris* filius ; in quem etiam Antiquioris Attributiona transferuntur ; & quodam modo competunt. Fabula ad Cunabula Naturæ pertinet, & penetrat. Amor iste videtur esse Appetitus, sive stimulus Materiæ primæ, sive (ut explicatiùs loquamur) *Motus naturalis Atomus*. Hæc enim est illa vis antiquissima, & unica, quæ ex Materiâ omnia cõstituit & effingit. Ea omninò sine Parente est ; id est, sine causâ. Causâ enim effectus veluti Parens est : Hujus autem virtutis causâ nulla potest esse in Naturâ (Deum enim semper excipimus.) Nihil enim hæc ipsâ prius ; itaque Efficiens nulla : neque aliquid Naturæ Notius ; ergò nec Genus, nec Forma ; Quamobrem quæcunque ea tandem sit, positiva est & surda. Atque etiam si Modus ejus, & Processus sciri daretur ; tamen per causâ sciri non potest ; cùm sit post Deum causâ causarum, ipsa incausabilis. Neque fortassè Modum ejus intra inquisitionem humanam sisti, aut comprehendì posse sperandum est ; Itaque meritò fingitur Ovum à Nocte exclusum ; Certè Sanctus Philosophus ita pronunciat. *Cuncta fecit pulchra tempestatibus suis, & Mundum tradidit disputationibus eorum, ita tamen ut non inveniat. Homo, Opus quod operatus est Deus à principio, usque ad finem.* Lex enim summaria Naturæ, sive virtus istius *Cupidinis*, indita primis rerum particulis à Deo ad Coitionem, ex cujus repetitione, & multiplicatione omnis rerum varietas emergit & conflatur ; cogitationem mortalium perstringere potest, subire vix potest. Philosophia autem *Græcorum* invenitur in Rerum Materiatis principiis investigandis magis acuta, & sollicita ; in Principiis autem Motus, (in quibus omnis operationis vigor consistit) negligens & languida. In hoc autem, de quo agimus prorsus cæcutire & balbutire videtur : Etenim *Peripateti-*

corum opinio; de *Stimulo Materiae*, per *Privationem*; ferè non ultra verba tendit, & rem potius sonat, quam signat; Qui autem hoc ad Deum referunt; optimè illi quidem, sed saltu, non gradu ascendunt: Est enim procul dubio unica, & summaria Lex in quam natura coit, Deo substituta: Ea ipsa, quæ in superiore textu, illo verborum complexu demonstratur. *Opus, quod operatus est Deus, à Principio, usque ad Finem.* Democritus autem, qui altius rem perpendit, postquam *Atomum* dimensione nonnullâ, & figurâ instruxerat, unicum Cupidinem sive Motum primum ei attribuit simpliciter, & ex comparatione alterum. Omnia enim ad Centrum Mundi ferri putavit propriè, quod autem plus materiae habet, cum celerius ad Centrum feratur, illud quod minus habet percussione summovere, & in contrarium pellere. Verum ista meditatio angusta fuit; & ad pauciora, quàm par erat respiciens. Neque enim, aut corporum cœlestium in orbem Conversio, aut rerum Contractiones, & Expansiones ad hoc Principium reduci, aut accommodari posse videntur. *Epicuri* autem opinio de Declinatione Atomum, & Agitatione fortuitâ, ad nugas rursus, & ignorationem rei lapsa est. Itaque nimio plus, quàm optaremus illud apparet: istum *Cupidinem* Nocte involvi. Itaque de Attributis videamus; Elegantissimè describitur *Cupido* Infans, Pusillus, & Perpetuus; composita enim grandiora sunt, & ætatem patiuntur; prima autem rerum semina, sive Atomum, Minuti sunt, & in perpetuâ Infantiâ permanent: Etiam illud verissimè, quod Nudus: cum composita universa rectè cogitanti Personata, & induta sint; Nihilque propriè Nudum sit præter primas rerum particulas. Illa autem de Cæcitate *Cupidinis* sapientissima Allegoria est. Iste enim *Cupido* (qualiscunque is sit) minimum videtur habere providentiæ; sed secundum illud, quod proximum sentit, gressum & motum suum dirigere; ut Cæci palpando solent; quo magis admirabilis est Providentia illa summa divina, quia ex rebus providentiâ maximè vacuis, & expertibus, & quasi Cæcis, certâ tamen, & fatali lege istum ordinem & pulchritudinem rerum educit. Ultimum Attributum ponitur, quod Sagittarius sit, hoc est, quod ista virtus talis sit, ut operetur ad distans. Quod enim ad Distans operatur, tanquam Sagittam emittere; videtur: quisquis autem Atomum asserit, atque vacuum, (licet istud vacuum intermixtum ponat, non segregatum;) necessariò virtutem Atomum ad Distans introducit: Neque enim hâc demtâ, aliquis motus, (propter vacuum interpositum) excitari posset, sed omnia torperent, & Immobilia manerent; Quod autem ad Iuniorem illum *Cupidinem* attinet, meritò ut minimus Deorum natu traditur, Cum non ante Species constitutas vigere potuisset. In illius autem descriptione Allegoria ad mores deflectit, & traducitur. Subest tamen quædam ejus cum illo Antiquo conformitas. *V E N U S* enim generalitèr affectum conjunctionis, & procreationis excitat; *C V P I D O* ejus Filius, Affectum ad individuum applicat. Itaque à *Venere* est generalis dispositio, à *Cupidine* magis exacta Sympathia: Atque illa à causis magis propinquis pendet; hæc autem à principiis magis altis & fatalibus, & tanquam ab antiquo illo *Cupidine*, à quo omnis exquisita Sympathia pendet.

XVIII.

DIOMEDES, sive Zelus.

DIOMEDES cum magnâ & eximiâ gloriâ floreret, & Palladi percharus esset, exstimulatus ab eâ est, (& ipse promptior quàm oportebat) ut si fortè *Veneris* in pugnâ occurreret, illi ne utiquàm parceret; quod & ille audacè exsecutus est, & *Veneris* dextram vulneravit. Hoc facinus ille ad tempus impunè tulit, & rebus gestis clarus & inclytus in patriam rediit; ubi domestica mala expertus, ad externos in Italiam profugit. Ibi quoque initia satis prospera habuit, & Regis *Dauui* hospitio, & donis cultus, & ornatus est, & multæ illi statuae per eam Regionem extructæ. Sed sub primam Calamitatem, quæ populum ad quem diuerterat afflixit, statim subiit *Dauum* cogitatio, se intra penates suos duxisse hominem impium, & Diis invisum, & Theomachum, qui Deam, quam vel tangere religio erat, ferro invaserat, & violaverat. Itaque ut patriam suam piaculo obstrictam liberaret, nihil hospitii jura reveritus, cùm ei jus religionis videretur antiquius **D I O M E D E M** subito obtruncat; statuas & honores ejus prosterni & aboleri jubet. Neque hujusmodi gravem casum vel miserari tutum erat; sed & ipsi Comites ejus, cùm mortem Ducis sui lugerent, & questibus omnia implerent, in Aves quasdam ex genere Olorum mutati sunt, qui & ipsi sub mortem suam quiddam dulce & lugubre sonant. Habet hæc Fabula subjectum rarum, & ferè singulare. Neque enim memoriæ proditum est, in aliquâ aliâ Fabulâ, *Heroem* ullum præter unum **D I O M E D E M** ferro violasse aliquem ex Diis. Atque certè videtur fabula imaginem in illo depinxisse Hominis, & Fortunæ ejus, qui ex professo hunc finem actionum suarum sibi proponit, & destinat, ut cultum aliquem divinum, sive Sectam Religionis licèt vanam & levem, vi & ferro infectetur & debellet. Quamquam enim cruenta religionis dissidia veteribus incognita essent; (cum Dii Ethnici Zelotypiâ, quod est Dei veri Attributum, non tangerentur,) tamen tanta, & tam lata videtur fuisse prisca sæculi sapientia, ut quæ experiundo non nossent, tamen meditatione, & simulachris comprehenderent. Qui itaque Sectam aliquam Religionis licèt vanam, & corruptam, & infamem (id quod sub persona *Veneris* significatur) non vi rationis, & doctrinæ, & sanctitate vitæ, atq; exemplorum & autoritatum pondere, corrigere & convincere; sed ferro & flammâ, & pœnarum acerbitate excindere, & exterminare nituntur: incenduntur fortassè ad hoc ipsum à *Pallade*; id est, Prudentiâ quâdam acri, & judicii severitate, quarum vigore & efficaciâ, hujusmodi errorum fallacias, & commenta penitus introspiciunt: & ab odio pravitatis, & zelo bono; & ad tempus ferè magnam gloriam adipiscuntur, atq; à vulgo (cui nihil moderatum, gratum esse potest) ut unici veritatis, & religionis vindices, (cùm ceteri tepidi videantur & meticulosi,) celebrantur, & ferè adorantur. Attamen hæc gloria,

& fœlicitas raro ad exitum durat: sed omnis ferè violentia, nisi morte celeri vicissitudines rerum effugiat, sub finem improspera est. Quod si eveniat, ut rerum commutatio fiat, & Secta illa proscripta, & depressa vires acquirat, & insurgat, Tum verò hujusmodi hominum zeli, & contentiones damnantur, & nomen ipsum odio est, & omnes honores eorum in opprobrium desinunt: Quod autem ab hospite interfectus est DIOMEDES; id eò spectat, quod religionis dissidium, etiam inter conjunctissimos, insidias & prodiones excitet; Illud verò de Luctu ipso, & querimoniis minimè toleratis, sed supplicio affectis, hujusmodi est, ut moneat, in omni ferè scelere, miserationi hominum locum esse, ut etiam qui crimina oderunt, personas tamen & calamitates reorum, humanitatis causâ commiserentur; extremum autem malorum esse, si misericordiæ commercia interdicanter. Atque tamen in causâ religionis, & impietatis, etiam miserationes hominum notari, & suspectas esse. Contra verò Comitum DIOMEDIS, id est, hominum, qui ejusdem sunt Sectæ, & opinionis, querimoniæ, et deplorationes argutæ admodum et Canoræ esse solent, instar Olorum, aut Avium DIOMEDIS; In quo etiam illa pars Allegoriæ nobilis est, et insignis; Eorum qui propter causam religionis supplicia subeunt, voces sub tempus mortis, tanquam Cygneas cantiones animos hominum mirum in modum flectere, et in memoriis et sensibus eorum diutissimè inhærere, et permanere.

XIX.

DÆDALUS, sive Mechanicus.

Sapientiam atque industriam Mechanicam, atque in illâ Artificia illicita, et ad pravos usus detorta; Antiqui adumbraverunt sub persona DÆDALI, viri ingeniosissimi, sed execrabilis: Hic ob condiscipulum, et æmulum occisum exulaverat, gratus tamen in exilio Regibus, & civitatibus erat. Atque multa quidem egregia opera tam in honorem Deorum, quàm ad exornationem, et magnificentiam urbium, et Locorum publicorum extruxerat, et effinxerat; sed tamen Nomen ejus maximè celebratur ob illicita. Fabricam enim Libidini Pasiphaës subministravit, ut cum Tauro misceretur; adeò ut ab hujus viri sceleratâ industriâ, et ingenio pernicioso Monstrum illud Minotaurus pubem ingenuam devorans ortum traxerit infœlicem ac infamem. Atque ille malum malo tegens et cumulans, ad securitatem hujus pestis, Labyrinthum excogitavit, et extruxit: Opus sine et detestatione nefarium, artificio insigne et præclarum; Ac postea rursus, ne malis artibus tantum innotesceret, atque ut scelerum remedia (non solum instrumenta) ab eodem peterentur; etiam Consilii ingeniosi author erat de filo, per quod errores Labyrinthi retexerentur. Hunc DÆDALUM Minos magnâ cum severitate atque diligentia, et inquisitione persecutus est; Ille tamen semper et perfugia et effugia reperiebat. Postremo cum volandi peritiam filium *Icarum* edocuiisset,

edocuiſſet, ille Novitiuſ, & artem oſtentans, à Cœlo in aquam decidit. Parabola videtur eſſe ejusmodi. In ipſo introitu ejus, ea quæ apud excellentes Artiſces excubat, & miris modis dominatur, Invidia notatur: Nullum enim genus hominum ex Invidiâ eâque acerbâ, & tanquam internecivâ magis laborat. Accedit Nota de genere pœnæ inſiſto minùs politicè & providè: ut *Dædalus* exulet. Etenim Opifices præclari id habent, ut apud omnes ferè populos ſint acceptiſſimi; adeò ut Exilium præſtanti Artiſci vix ſupplicii loco ſit. Nam aliæ vitæ conditiones, & genera, extra patriam non facilè florere poſſunt. Artiſcium autem admiratio, propagatur, & augetur apud exteros, & peregrinos, cùm inſitum animis hominum ſit illud, ut populares ſuos, quoad opificia *Mechanica* in minori pretio habeant. De uſu autem Artium *Mechanicarum*, quæ ſequuntur manifeſta ſunt; multùm enim illis debet vita humana, cùm plurima & ad Religionis apparatus, & ad Civilium decus, & ad univerſæ vitæ culturam, ex illarum theſauris collata ſint. Veruntamen ex eodem fonte emanant inſtrumenta Libidinis, atque etiam inſtrumenta Mortis. Miſſâ enim Arte Lenonum, venena quæſitiſſima, atque tormenta bellica, atque hujusmodi peſtes, (quæ *Mechanicis* inventis debentur) probè novimus, quantum *Minotaurum* ipſum ſævitiâ, & perniciæ ſuperârint. Pulcherriſſima autem Allegoria eſt, de Labyrintho, quâ Natura generalis *Mechanicæ* adumbratur. Omnia enim *Mechanica*, quæ magis ſunt ingenioſa, & accurata, inſtar Labyrinthi cenſeri poſſunt; propter ſubtilitatem & variam implicationem, & obviam ſimilitudinem, quæ vix ullo judicio, ſed tantùm experientiæ filo regi & diſcriminari poſſunt. Nec minùs aptè adjicitur, quòd idem ille, qui Labyrinthi Errores invenit, etiam ſili commoditatem monſtravit; Sunt enim Artes *Mechanice*, veluti uſus ambigui, atque faciunt & ad nocumentum, & ad remedium, & ferè virtus earum ſeiſſam ſolvit & retextit. Artiſcia autem illicita, atque adeò Artes ipſas ſapiùs perſequitur *Minos*; hoc eſt, Leges, quæ illas damnant, & earum uſum populis interdicunt. Nilominùs illæ occultantur, & retinentur, & ubique, & latebras & receptum habent, quod & benè notatum eſt in re non multùm diſſimili à *Tacito* ſuis temporibus de Mathematicis, & Genethliacis, *Genus* (inquit) *hominum, quod in Civitate noſtrâ ſemper, & retinebitur, & vetabitur.* Et tamen Artes illicitæ, & Curioſæ cujuſcunque generis tractu temporis, cùm ferè quæ polliceantur non præſtant (tanquam *Icaris* de Cœlo) de exiſtimatione ſuâ decidunt, & in contemptum veniunt, & nimia ipſâ oſtentione pereunt. Et certè ſi verum omninò dicendum eſt, non tam ſœliciter Legum frœnis coercentur, quàm coarguuntur ex vanitate propriâ.

D d

ERICTHONIUS,

XX.

ERICTHONIUS, sive Impositura.

FAbulantur Poetæ VULCANUM pudicitiam *Minervæ* sollicitasse, atque subinde cupidine incensum, vim adhibuisse, atque in ipsâ Luctâ semen in terram effudisse, ex quo ERYCTHONIUM natum esse, qui (partes superiores) decorâ & gratâ erat corporis compage, Femora autem & Tibiæ suberant in anguillæ similitudinem, exilia & deformia : Cujus deformitatis cum ipse sibi conscius esset, eum primum curruum usum invenisse, ut quod in corpore magnificum erat, ostentaret, probum autem tegeret. Hujus Fabulæ miræ, & prodigiosæ ea sententia esse videtur. Artem (quæ sub personâ *Vulcani* ob multiplicem ignis usum repræsentatur) quoties per corporum omnimodas vexationes, Naturæ vim facere, eamque vincere ac subigere contendat, (Natura autem sub personâ *Minervæ*, ob operum solertiam adumbratur) ad votum & finem destinatum rarò perungere ; sed tamen multâ machinatione & molitione (tanquàm Luctâ) interciderè atque emitti generationes imperfectas, & opera quædam manca, aspectu speciosa, usu infirma, & claudicantia ; quæ tamen impostores multo & fallaci apparatu ostentant, & veluti triumphantes circumducunt. Qualia ferè, & inter Productiones Chymicas, & inter subtilitates & novitates Mechanicas sæpiùs notare licet ; præsertim cum homines potiùs propositum urgentes, quàm ab erroribus suis se recipientes, cum Naturâ colluctentur magis, quàm debito obsequio & cultu ejus amplexus petant.

XXI.

DEUCALION, sive Restitutio.

Narrant Poetæ extinctis prorsus prisca orbis incolis per diluvium universale, cum soli restarent DEUCALION & PYRRHA, qui ardebant desiderio pio, & inclyto instaurandi generis humani, eos hujusmodi Oraculum excepisse : voti compotes futuros, si ossa Matris acciperent, & post se jacerent : quod illis primò magnam tristitiam, & desperationem incussit : Cum æquatâ rerum facie per diluvium, Sepulchri perscrutatio omninò res sine exitu esset ; sed tandem intellexerunt Lapidem Terræ (cum *Tellus* omnium mater habeatur) ab Oraculo significari. Fabula Arcanum Naturæ, recludere videtur, & Errorem animo humano familiarem corrigere ; Homini enim imperitia judicat rerum renovationes, sive instauraciones, ex earundem putredine & reliquiis (ut Phœnicem ex cinere propriâ) suscitari

fufcitari poffe, quod nullo modo convenit, Cum hujusmodi materiæ fpatia fua confecerint & ad initia ipfarum rerum prorsùs ineptæ fint: Itaque retrocedendum ad principia magis communia.

X XII.

NEMESIS, five Vices rerum.

NEMESIS traditur fuiffe Dea, omnibus veneranda, potenti-
bus & fortunatis etiam metuenda: Ea Noctis & Oceani filia
fuiffe perhibetur. Effigies autem ejus describitur talis. Alata
erat, etiam coronata; in manibus autem geftabat Dextrâ Haftam è
fraxino, finiftrâ Phialam, in quâ inclufi erant Æthiopes: Inſidebat
autem Cervo. Parabola ejusmodi eſſe videtur; Nomen ipſum NE-
MESIS Vindictam, five Retributionem ſatis apertè ſignificat; Hujus
enim Deæ Officium, & Adminiſtratio in hoc ſita erat, ut beatorum
conſtanti, & perpetuæ fœlicitati inſtar Tribuni plebis intercederet,
ac illud ſuum *Veto* interponeret; neq; ſolùm inſolentiam caſtigaret,
verum etiam rebus proſperis licet innocentibus & moderatis, rerum
adverſarum vices rependeret; ac ſi neminem humanæ ſortis ad Convi-
via Decorum admitti mos eſſet, niſi ad Ludibrium: Equidem cùm illud
Capitulum apud *C. Plinium* perlego, in quo ille infortunia, & miſerias
Auguſti Cæſaris collegit, quem omnium hominum fortunatiſſimum
exiſtimabam, quique artem etiam quandam utendi fruendi fortu-
nâ habebat, ac cujus in animo nil tumidum, nil leve, nil molle, nil
confuſum, nil melancholicum, annotare licet (ut ille etiam ſponte mô-
ri aliquando deſtinaret) hanc Deam magnam & præpotentem eſſe
judicavi, ad cujus aram talis victima tracta eſſet. Parentes hujus Deæ
fuere *Oceanus* & *Nox*; Hoc eſt, Rerum viciffitudo, & Judicium divinum
Obſcurum, & Secretum; Etenim Vices rerum per *Oceanum* aptè re-
præſentantur, ob perpetuum fluxum, & refluxum: Occulta autem
Providentia, per *Noctem* ritè proponitur. Nam etiam apud Ethnicos
nocturna illa *Nemefis*, cùm ſcilicet judicium humanum à divino diſ-
cors eſſet, in obſervatione erat.

— *Cadit & Rhipheus juſtiſſimus unus;*
Qui fuit ex Tencris & ſervantiſſimus æqui.
Diis aliter viſum. —

Alatâ autem describitur *Nemefis*, ob ſubitas rerum converſiones, nec
antè præviſas; Nam in omni rerum memoriâ illud ferè uſu venit, ut
homines magni, & prudentes per eâ diſcrimina perierint, quæ maxi-
mè contemplerint, Certè cùm *M. Cicero*, à *Dec. Bruto* de *Octavii Cæſa-
ris* minùs ſincerâ fide, & animo exulcerato monitus eſſet; Illud tan-
tùm reſcripſit, *Te autem mi Brute ſicut debeo amo, quod iſtud quic-
quid eſt nugarum me ſcire voluiſti.* Etiam Coronâ *Nemefis*, inſigni-
tur, ob naturam vulgi invidiam & malignam: Quando enim fortu-

nati & potentes ruunt, tunc ferè vulgus exultat, & *Nemesis* coronat. Hasta autem in Dextrâ ad eos pertinet, quos *Nemesis* actu percutit, & transfigit. Quos autem Calamitate & infortunio non maciat, illis tamen Spectrum illud atrum & infaustum in sinistrâ ostentat: obversantur enim proculdubio mortalibus etiam in summo fastigio fœlicitatis politis, Mors & Morbi, & infortunia, & amicorum perfidiæ, & inimicorum insidiæ, & rerum mutationes, & hujusmodi; veluti *Æthiopes* illi in phialâ; Certè *Virgilius*, Cum prælium *Actiacum* describit, de *Cleopatrà* illud elegantèr subjungit.

*Regina in mediis, patrio vocat agmina fistro,
Nec dum etiam geminos à tergo respicit angues.*

Verùm non multò post quocunque se illa verteret, tota agmina *Æthiopum* obversabantur. Ad extremum prudentèr additur, *Nemesis* Cervo insidere, quia vivax admodum Animal est Cervus; Atque fieri fortasse potest, ut qui Juvenis fato ereptus sit, *Nemesis* prævertat & effugiat; Cui autem diuturna obvenit fœlicitas, & potentia, is proculdubio *Nemesis* subjicitur, ac veluti substernitur.

XXIII.

ACHELOUS, sive Prælium.

Narrant antiqui, Cum *HERCULES* & *ACHELOUS* de nuptiis *Deianiræ* contenderent, rem ad certamen deductam esse. *Achelous* autem, cum varias & multiplices formas tentasset (nam hoc ei facere licebat) tandem *Herculi* sub formâ Tauri torvi, & frementis occurrit, & ad pugnam se paravit; *Hercules* verò, solitam retinens figuram humanam, in eum impetum fecit; Res cominus gesta est: Eventus autem talis fuit, ut *Hercules* alterum ex cornibus Tauro fregerit: Ille majorem in modum dolens et perterritus, ut Cornu illud suum redimeret, permutatione factâ Cornu *Amaltheæ*, sive Copiæ, *Herculi* largitus est. Fabula ad Belli expeditiones pertinet; Apparatus enim belli ex parte defensivâ (qui per *Acheloum* proponitur) varius admodum & multiformis est. Nam invadentis species unica est, et simplex, cum ex exercitu solo, aut classe fortasse constet, Regio autem quæ in solo proprio hostem expectat, infinita molitur, oppida munit, diruit, Plebem ex agris et villis, in urbes & castella cogit, pontes extruit, prosternit, copias et comineatus comparat, distribuit, in fluviis, portibus, Collium faucibus, sylvis et aliis rebus innumeris occupata est, ut novas rerum facies quotidie induat, & experiatur, ac tandem cum abundè munita & instructa fuerit, Tauri pugnacis formam & minas ad vivum representet. Ille autem qui invadit, prælium captat, & in hoc maximi incumbit, inopiam in Terrâ hostili metuens: Quod si fiat, ut prælio commisso acie victor sit, & tanquam cornu hosti frangat, tum proculdubio illud assequitur, ut hostis trepidus & existimatione diminutus, ut se explicet, & vires suas reparet, in munitiora se recipiat;

piat; atque urbes et regiones victori ad populandum, et diripiendum relinquat; quòd verè instar Cornu illius *Amaltheæ* cenferi possit.

XXIII.

DIONYSUS, sive Cupiditas.

Narrant *Scmelen Iovis* pellicem, postquam Juramento eum in-
violabili ad votum indefinitum obstrinxisset; petiisse ut ad am-
plexus suos accederet talis, qualis cum *Junone* consueisset: Itaq;
illa ex conflagratione periit. Infans autem, quem in utero gestabat
à patre exceptus, in femur ejus insutus est, donec Menses fœtui desti-
natos compleret; ex quo tamen onere *Impiter* nonnihil claudicabat:
Itaque puer, quòd *Iovem* dum in femore ejus portaretur, gravaret, et
pungeret, *Dionysi* nomen accepit. Postquam autem editus esset, a-
pud *Proserpinam* per aliquot annos nutritus est; Cum verò adultus
esset, ore ferè muliebri conspiciebatur, ut sexus videretur tanquam
ambigui: Etiam extinctus et sepultus erat ad tempus, et non ita mul-
tò post revixit. Atque primâ Juventâ vitis culturam, atque adeò
Vini confectionem, et usum primus invenit, et edocuit; ex quo cele-
bris factus, et inclytus, orbem terrarum subjugavit, et ad ultimos In-
dorum terminos perrexit: Curru autem vehebatur à Tigribus tra-
cto: Circa eum subsultabant Dæmones deformes *Cœbali* vocati, *A-*
cratus & alii: Quin & Musæ comitatu ejus se addebant. Uxorem
autem sibi sumsit *Ariadnen* à *Theseo* desertam, et relictam; Arbor ei
sacra erat *Hædera*. Etiam sacrorum et ceremoniarum Inventor et In-
stitutor habebatur, ejus tamen generis, quæ et fanaticæ erant, et ple-
næ corruptelarum, atque insuper crudeles. Furores quoque immit-
tendi potestatem habebat. Certè in Orgiis ejus à Mulieribus furore
percitis, duo viri insignes discerpti narrantur, *Penibæus* & *Orpheus*, ille
dum arbore conscensâ spectator eorum, quæ agerentur esse voluisset,
hic cum lyram pulsaret. Atq; hujus Dei res gestæ cum *Jovis* rebus ferè
confunduntur. Fabula videtur ad mores pertinere, ut nihil in Philoso-
phiâ morali melius inveniat. Describitur autem sub personâ *Bacchi*
natura Cupiditatis sive affectus & perturbationis. Mater enim Cupidi-
tatis omnis licet nocentissimæ, non alia est, quàm Appetitus & Desi-
derium Boni Apparentis: Concipitur verò semper Cupiditas in voto
illicito prius temerè concessio, quàm intellectu & judicato. Postquam
autem affectus effervesce cœperit, Mater ejus (natura scilicet Boni)
ex nimio incendio destruitur, & perit: Cupiditas autem dum immatu-
ra est, in animâ humanâ, (quæ ejus genitor est, & per *Jovem* repræsen-
tatur) et nutritur, & occultatur, præcipuè in animæ parte inferiore
tanquam femore; atque animum pungit, et convellit, et deprimit;
adeo ut decreta, et Actiones ex eâ impedianur, et claudicent. Atque
etiam postquam consensu & habitu cõfirmata est, & in actus erumpit,
tamen apud *Proserpinam* ad tempus educatur: id est, latebras quærit,
atque clandestina est, et quasi subterranea, donec remotis pudoris, et

Fabula hæc in-
venitur in li-
bro secundo, de
Augmentis
Scientiarum,
aucta & locu-
pletata.

metus frænis, et coalitâ audacia, aut virtutis alicujus prætextum sumit, aut infamiam ipsam contemnit. Atque illud verissimum est, omnem affectum vehementiorem tanquam ambigui sexus esse. Habet enim impetum virilem, impotentiam autem muliebrem. Etiam illud præclare, *Bacchum* mortuum reviviscere. Videntur enim Affectus quandoque sopiti, atque extincti, sed nulla fides habenda est eis, ne sepultis quidem; liquidem præbitâ materiâ, et occasione resurgunt. Atque de inventione vitis parabola prudens est: Omnis enim affectus ingeniosus est, et sagax ad investigandum fomites suos; Ante omnia autem, quæ hominibus innotuere, vinum ad perturbationes cujuscunque generis excitandas, et inflammandas potentissimum est, et maximè efficax; atque est eis, instar fomitis communis. Elegantissimè autem ponitur affectus provinciarum subjugator, et expeditionis infinitæ susceptor. Nunquam enim partis acquiescit, sed appetitu infinite neque satiabili ad ulteriora tendit, et novis inhiat; Etiam Tigres apud affectus stabulant et ad Currum lugantur; Postquam enim affectus aliquis Curulis esse cœpit non pedestris, et victor rationis et Triumphator; in omnia quæ adversantur, aut se opponunt crudelis est et indomitus et immitis. Facetum autem est, quod circa Currum subsultant illi Dæmones ridiculi. Omnis enim affectus progignit Motus in oculis et ore ipso et gestu indecoros, et inconditos, subsultorios et deformes, adeò ut qui sibi in aliquo affectu, veluti Irâ, Insultatione, Amore, videatur magnificus et tumidus, aliis tamen sit turpis et ridiculus. Conspiciuntur etiam in affectus Comitatu Musæ. Neque enim reperitur ullus ferè affectus, cui non blandiatur aliqua Doctrina. Hac enim in re ingeniorum indulgentia, Musarum Majestatem minuit, ut cum duces vitæ esse debeant, sint Affectuum pedissequæ. Atque imprimis nobilis est illa Allegoria. *Bacchum* amores suos in eam effudisse, quæ ab alio relicta erat. Certissimum enim est Affectum id petere, et ambire, quod experientia repudiavit. Atque norint omnes qui affectibus suis servientes, et indulgentes pretium potiundi in immensum augent, sive honores appetant, sive fortunas, sive Amores, sive gloriam, sive scientiam, sive alia quæcunque, se res relictas petere, & à compluribus, per omnia ferè sæcula post experimentum dimissas, & fastiditas. Neque Mystério caret, quod hædera *Baccho* sacra fuerit. Hoc enim duplici modo convenit. Primum, quod hædera hieme virescat, Deinde quod circa tot res, arbores, parietes, ædificia serpat, ac circumfundatur, ac se attollat. Quod ad primum enim attinet, omnis affectus per renitentiam & vetitum, & tanquam Antiperistasin (veluti per frigus brumæ hædera) virescit, & vigorem acquirit. Secundo affectus prædominans, omnes humanas actiones & omnia humana decreta tanquam hædera circumfunditur, atque iis se addit, & adjungit & immiscet. Neque mirum est, si superstitionis ritus *Baccho* attribuantur, cum omnis ferè malè sanus affectus in pravis religionibus, luxuriatur: aut si furores ab eo immitti putentur, Cum omnis affectus, & ipse furor brevis sit, & si vehementius obsideat, & incumbat, in insania terminetur. Illud autem de *Pentheo*, & *Orpheo* Laceratis evidentem habet parabolam; Cum Affectus prævalidus & inquisitioni curiosæ, et admonitioni salutari

salutari, & liberæ, asperrimus, atq; infensissimus sit. Postremò illa confusio personarum *Jovis* & *Bacchi*, ad parabolam rectè traduci potest; quandoquidem res gestæ nobiles & claræ, & merita insignia, & gloriosa, interdum à virtute, & rectâ ratione, & Magnanimitate, interdum à latente affectu, & occultâ cupiditate (utcunq; famæ, & Laudis celebritate efferantur) proveniant; ut non facilè sit distinguere facta *Bacchi*, à factis *Jovis*.

XXV.

ATALANTA, sive Lucrum.

ATALANTA cùm velocitate excelleret, de victoriâ Cursus cum *Hippomene* certamen iniit. Conditiones certaminis erant; victori *Hippomeni* Conjugium ATALANTAE; Mors victo. Neq; dubia victoria videbatur, cum ATALANTAE insuperabilis in cursu præstantia inultorum exitio insignita fuisset. Itaque *Hippomenes* ad dolos animum adjecit. Paravit autem tria Mala Aurea, eaque secum portavit. Res geri cœpit; Præcurrit ATALANTA; Ille cùm se à tergo relictum cerneret, artis non immemor, ex malis Aureis unum ante conspectum ATALANTAE projecit; non rectâ quidem sed ex transverso, ut illam & moraretur, atque insuper de viâ deduceret; Illa cupiditate muliebri, & Mali pulchritudine illècta, omisso stadio post malum cucurrit, & ad illud tollendum se submisit. *Hippomenes* interim, spatium stadii non parvum confecit, eamque post se reliquit. Illa tamen rursus naturali pernicitate jacturam temporis refarcivit, atque iterum emicuit; sed cùm *Hippomenes* secundo & tertio hujusmodi moras ei injecisset, tandem victor astutiâ non virtute evasit. Fabula videtur Allegoriam insignem proponere de Certaine Artis cum Naturâ. Ars enim per ATALANTAM significata, virtute propriâ, si nihil obstat, & impedit, longè naturâ velocior est, & veluti Cursus citatoris; & celerius ad Metam pervenit. Hoc enim in omnibus ferè effectis patet; Cernas fructus ex nucleis tardè, ex insitione celeritè provenire, Cernas Lutum in generatione Lapidum tardè, in torrefactione Laterum citò durescere; Etiam in Moralibus, dolorum oblivionem, & solatia diuturnitas temporis quasi ex beneficio naturæ inducit, Philosophia autem (quæ veluti Ars vivendi est) diem non expectat, sed præstat & repræsentat. Verùm istam Artis prærogativam & vigorem infinito rerum humanarum detrimento, Mala Aurea retardant: Neque reperitur ex scientiis, aut Artibus aliqua, quæ cursum suum verum & legitimum ad finem suum, tanquam ad Metam constanter produxerit; Sed perpetuò Artes incœpta præcidunt, & stadium deserunt, & ad lucrum & commodum declinant, instar ATALANTAE,

Declinat Cursus, Aurumque volubile tollit.

Itaque

Itaque mirum minimè est, si Arti non datum sit, Naturam vincere, & victam ex pacto illo & lege Certaminis perimere, aut destruere; Sed Contrarium eveniat, ut Ars in Naturæ potestate sit, atque veluti nupta mulier conjugii pareat.

XXVI.

PROMETHEUS, sive Status
Hominis.

TRadunt Antiqui Hominem fuisse opus PROMETHEI, atque ex Luto factum, nisi quod PROMETHEUS particulas ex diversis Animalibus Massæ admiscuerit. Ille autem cum opus suum beneficio suo tueri vellet, neque Conditor solum generis humani videri, verum etiam Amplificator, ad Cælum ascendit furtim, fascis secum portans ex Ferulâ, quibus ad currum Solis admotis, & accensis, Ignem ad terram detulit, atq; cum hominibus communicavit. Ob tantum PROMETHEI meritum memorant homines parùm gratos fuisse. Quinetiam conspiratione factâ, & *Prometheum* & inventum ejus apud *Jovem* accusârunt. Ea res non perinde accepta, atque æquum videri possit. Nam ipsa accusatio *Jovi*, & Superis admodum cordi fuit. Itaq; delectati non solum ignis usum Hominibus indulserunt, verum & novum Munus omnium maximè amabile & optabile (perpetuam nimirum Inventam) homines donarunt. Illi gestientes & inepti, donum Deorum Afello imposuerunt. Inter redeundum autem laborabat Afellus siti gravi, & vehementi; cùmque ad fontem quendam pervenisset, serpens fonti custos additus, eum à potu prohibuit, nisi illud quodcūq; esset, quod in dorso portaret pacisci vellet: Afellus miser conditionem accepit, atque hoc modo instauratio Juventutis, in pretium haustus pusillæ aquæ, ab hominibus ad Serpentes transmissa est. Verum *Prometheus* à Malitiâ suâ non abscedens atq; hominibus post præmium illud eorum frustratum, reconciliatus, animo verò erga *Jovem* exulcerato, dolos etiam ad Sacrificium adhibere veritus non est. Atq; duos aliquando tauros *Jovi* dicitur immolasse, ita tamen ut in alterius pelle carnes & adipem amborum incluserit, alteram pellem ossibus tantummodo suffarcinârit; atque deinde religiosus scilicet, & benignus *Jovi* optionem concessit. *Jupiter* vafriciem, & malam fidem ejus detestatus, sed nactus occasionem ultionis, Ludibrium illud tauri elegit; atque ad vindictam conversus, cùm se insolentiam *Promethei* reprimere non posse animadverteret, nisi hominum genus (quo opere ille immensum turgebat, & efferebatur) afflixisset, *Vulcano* imperavit, ut foeminam componeret pulchram & venustam, cui etiam Dii singuli dotes suas impertierunt, quæ idcirco *Pandora* vocata est. Huic foeminæ inter manus vasculum elegans posuerunt, in quo omnia mala, & ærumnas incluserant; subsidebat autem in imo vase Spes. Illa cum vasculo suo ad *Promethæum*, primò se contulit, eum captans, si fortè

fortè ille vas accipere vellet, & aperire; quod ille cautus & astutus rejecit. Itaque ad *Epimetheum Promethei* fratrem, (sed diversè admodum indolis) spera deflexit. Ille nihil cunctatus, vas temerè aperuit; cùmq; mala illa omnigena evolare cerneret, serò sapiens, magnâ contentione, & festinatione vasi operculum suum rursus indere conatus est, vix tamen ultimam, & in fundo residentem Spem servare potuit. Postremò *Prometheo Jupiter* plurima & gravia imputans, quòd ignis olim furtum fecisset, quòd *Jovis* majestatem in sacrificio illo dolofo ludibrio habuisset, quòd donum ejus aspernatus esset, novo etiam addito crimine, quòd *Palladem* vitare tentasset, eum in vincula conjecit, & ad perpetuos cruciatus damnavit. Erat enim jussu *Jovis* adductus ad montem *Caucasum*, atque ibi Columnæ alligatus, ut nullo pacto se movere posset; aderat autem Aquila, quæ jecur ejus interdum rostro tundeat atque consumeat, noctu autem quantum comesum erat, renascebatur; ut nunquam doloris materia deficeret. Memorant tamen hoc supplicium aliquando finem habuisse: *Hercules* enim in Poculo quod à Sole acceperat, navigato Oceano, ad *Caucasum* pervenit, atque *Prometheum* liberavit, Aquilâ Sagittis confixâ. Instituta autem sunt, in honorem *Promethei* apud nonnullos populos Lampadiferorum certamina, in quibus decurrentes accensas faces ferebant, quas si extingui contigisset, victoriam sequentibus cedebant, & se subducebant, atque is demùm palmam accepit, qui primus facem accensam ad metam usque detulisset.

Fabula contemplationes plurimas veras atque graves & præ se fert & premit. Nonnulla enim in eâ jampridem rectè notata, alia planè intacta sunt. *Prometheus* Providentiam liquidò & disertè significat: Atque in rerum universitate sola desumpta & delecta est ab Antiquis Hominis fabrica & constitutio, quæ providentiæ attribuitur tanquam opus proprium. Hujus rei non solum illud in causâ esse videtur, quòd Hominis natura mentem suscipit, atque Intellectum Providentiæ sedem, atque durum quodammodò videtur, & incredibile ex Principiis brutis, & surdis excitare, & educere Rationem & Mentem, ut ferè necessariò concludatur providentia Animæ humanæ indita esse, non sine exemplari & intentione, & Authoramento Providentiæ majoris: Verùm & hoc præcipuè proponitur, quòd homo veluti Centrum Mundi sit, quatenus ad causas finales; adeò ut sublato è rebus Homine, reliqua vagari sine proposito videantur, & fluctuari, atq; quod aiunt, scopæ dissolutæ esse, nec finem petere. Omnia enim subserviunt Homini, isque usum & fructum ex singulis elicit & capit. Etenim Astrorum conversiones, & Periodi, & ad distinctiones temporum, & ad Plagarum Mundi distributionem faciunt. Et Meteora ad præfagia tempestatum, & venti tum ad navigandum, tum ad Molas, & Machinas, & Plantæ, atq; Animalia cujuscunq; generis, aut ad domiciliâ hominis & latebras, aut ad vestes, aut ad victum, aut ad Medicinam, aut ad levandos labores, aut denique ad delectationem & solatium referuntur: adeò ut omnia prorsus non suam rem agere videantur, sed hominis. Neq; temerè additum est, in Massâ illâ & Plasmate, particulas ex diversis animantibus desumptas, atq; cum luto illo temperatas & confusas

confusas fuisse; quia verissimum est, omnium rerum quas universum complectitur, hominē rem maximē compositam esse, & decompositā, ut non inmerito ab antiquis mūdus minor vocatus sit. Quamvis enim verbi Microcosmi Elegantiam, Chymici nimis putidē, & ad literam acceperint, & detorserint, dum in Homine Omnem *Mine-ram*, Omne vegetabile & reliqua, aut aliquid eis proportionatum subesse volunt; Manet tamen illud solidum & sanum quod diximus; Corpus Hominis omnium Entium & maximē mistum, & maximē organicum reperiri, quo magis admirandas virtutes, & facultates suscipit, & nanciscitur: Simplicium enim Corporum vires paucae sunt, licet certae & rapidae, quia minimē per Mixturam refractae, & comminutae, & libratae existunt; virtutis autem Copia & excellentia in Misturā & compositione habitat. Atque nihilominus Homo in originibus suis videtur esse res inermis & nuda, & tarda in Juvamentum sui, denique quae plurimis rebus indigeat. Itaque festinavit *Prometheus* ad inventionem ignis, qui omnibus ferē humanis necessitatibus & usibus suppeditat & ministrat levamenta et auxilia: ut si forma formarum Anima, si instrumentum instrumentorum Manus, Etiam auxilium auxiliorum, sive Opus Opium Ignis dici mereatur. Hinc enim Operationes quamplurimae; Hinc Artes Mechanicae, Hinc scientiae ipsae infinitis modis adjuvantur. Modus autem furti Ignis aptē describitur, atque ex naturā rei. Is fuisse perhibetur per virgam ex ferulā ad Currum Solis admotam. Ferula enim ad percussione & plagas adhibetur, ut luculenter significetur Ignis generationem per corporum violentas percussiones & collisiones fieri, ex quibus attenuantur Materiae, & in motu ponuntur, & ad calorem Coelestium suscipiendum praeparantur, ignēque veluti ex curru Solis modis clandestinis, ac quasi furtim decerpunt & rapiunt. Sequitur Parabolae pars insignis. Homines loco gratulationis & gratiarum actionis, ad indignationem, & expostulationem versos esse, atque accusationem & *Promethei* et Ignis apud *Iovem* instituisse; eamque rem *Iovi* acceptissimam fuisse, adeo ut hominum commoda ob hoc novā munificentiam cumulaverit. Quorsum enim ista criminis ingrati erga Authorem suum animi (quod vitium omnia ferē complectitur) approbatio et remuneratio? Res aliō spectare videtur. Hoc enim vult Allegoria; Incusationem et Naturae suae, & Artis per homines factam, ex optimo Mentis statu proficisci, atque in bonum cedere; contrarium Diis invisum, & infaustum esse. Qui enim Naturam humanam vel Artes receptas in immensum extollunt, & effusi sunt in admirationem earum rerum, quas habent, & possident, & Scientias quas profitentur, aut colunt, perfectas prorsus censeferi volunt; illi primò adversus divinam naturam minùs reverentes sunt, cujus perfectioni sua ferē æquiparant; Deinde iidem erga homines magis sunt infructuosi, cum se ad fastigium rerum jam pervenisse putent, & tanquam perfuncti, ulteriora non quærant. Contrà qui Naturam et Artes deferunt, et accusant, & queri-

moniarum

moniarum pleni sunt, illi verè & magis modestum animi sensum retinent, et perpetuò ad novam industriam, et nova Inventæ extimulantur. Quo mihi magis mirari libet Hominum inscitiam, et malum Genium, qui paucorum arrogantia servuli, istam Peripateticorum Philosophiam, portionem Græcæ sapientiæ, nec eam magnam, in tantâ veneratione habent, ut omnem ejus incusationem non solùm inutilem, sed suspectam & fere periculosam reddiderint. Atque magis probandus est, et *Empedocles*, qui tanquam furens, et *Democritus*, qui magnâ cum verecundiâ, queruntur, Omnia abstrusa esse, nihil nos scire, nil cernere, veritatem in profundis puteis immerfam, veris falsa miris modis adjuncta, atque intorta esse; (nam Academia nova modum prorsus excessit) quàm *Aristotelis* schola fidens & Pronunciatrix. Itaque monendi sunt Homines, delationem Naturæ & Artis Diis cordi esse, et novas Eleemosynas, et donaria à divinâ benignitate impetrare, et incusationem *Promethæi* licet Authoris et Magistri, eamque acrem et vehementem, magis sanam & utilem, quàm gratulationem effusam esse; denique opinionem Copiæ inter maximas causas Inopiæ reponi. Quod verò attinet ad Doni genus, quod homines in pramium accusationis dicuntur accepisse (flore[m] Juventutis videlicet non deciduum) ejusmodi est, ut videantur antiqui de Modis et Medicinis ad senectutis retardationem, & vitæ prolongationem facientibus, non desperasse; sed illa utique numerasse potius inter ea, quæ per Hominum inertiam, & incuriam licet semel accepta perire, aut frustrata sunt; quàm inter ea quæ planè negata & nunquam concessa fuerint. Significant enim, et innunt, ex ignis vero usu, atque ex artis erroribus bene & strenuè accusatis, & convictis, munificentiam divinam ad hujusmodi dona hominibus non defuisse; ipsos sibi deesse, cum hoc Deorum munus Asello imposuerint lento & tardigrado; Ea videtur esse Experientia res stupida & plena moræ, ex cuius gradu tardo & testudineo antiqua illa querimonia de *Vitâ brevi*, & *Arte longâ* nata est. Atque certè nos in eâ sumus opinione, facultates illas duas, *Dogmaticam* & *Empiricam*, adhuc non benè conjunctas et copulatas fuisse, sed nova Deorum munera, aut Philosophiis abstractis tanquam levi Volucris; aut lentæ, & tardæ experientiæ tanquam Asello imposita esse. In quo tamen de Asello illo non malè ominandum est, nisi interveniat illud accidens viæ & sitis. Existimamus enim, si quis experientiæ, veluti certâ lege & Methodo constantèr militet, neque inter viam experimenta, quæ vel ad Lucrum faciunt, vel ad ostentationem hauriendi siti corripiatur, adeò ut ad ea comparanda onus suum deponat & distrahat; eum munificentia divinæ auctæ & novæ Baiulum non inutilem fore. Quod verò donum illud ad Serpentes transferit, ea videtur adjectio ad Fabulam ornatus ferè gratiâ, nisi fortè illud inseruerint, ut Homines pudeat, se cum igne illo suo, & tot artibus ea in se transferre non posse, quæ Natura ipsa compluribus aliis animalibus largita est. Etiam illa subita Hominum cum *Promethæo* reconciliatio postquam

spe suâ decidissent, monitum habet utile & prudens. Notatenim Hominum levitatem & temeritatem in experimentis novis. Ea enim si statim non succedant, et ad vota respondeant, præpoterâ festinatione, homines incepta deserunt, et præcipites ad vetera recurrunt, iisque reconciliantur. Descripto statu hominis, quoad Artes & intellectualia, Parabola transit ad Religionem; culturam enim Artium, cultus Divinorum comitatus est; quem statim Hypocrisis occupavit & polluit. Itaque sub duplici illo sacrificio, eleganter repræsentatur persona verè Religiosi & Hypocritæ. Alteri enim inest adeps, Dei nimirum portio, ob inflammationem, & suffitum, per quod affectus & zelus ad gloriam Dei incensus, atque alta petens significatur; Insunt viscera charitatis, insunt carnes bonæ, & utiles. In altero nihil præter ossa arida, & nuda reperiuntur, quæ nihilominus pellem farciunt, & hostiam pulcherrimam & magnificam imitantur; per quæ rectè notantur externi, & inanes ritus & Ceremoniæ jejunæ, quibus homines cultum divinum onerant & inflant, res ad ostentationem potius compositæ, quàm ad pietatem facientes. Neque satis est hominibus hujusmodi ludibria Deo offerre, nisi ea etiam illi imponant & imputent, ac si ipse illa elegerit, & præscripserit. Certè Propheta sub Dei personâ de hac optione exposulat: *Num tandem hoc est illud jejunium, quod ELEGI, ut homo animam suam in diem unum affligat, & caput instar junceæ demittat?* Post statum Religionis, Parabola se vertit ad mores, & humanæ vitæ conditiones. Atque pervulgatum est illud, & tamen rectè positum, per *Pandoram* significari Voluptatem, & Libidinem, quæ post vitæ civilis artes & cultum, & luxum, veluti ex dono ignis, & ipsa incensa est. Itaque *Vulcano* qui similiter ignem repræsentat, opificium voluptatis deputatur. Ab illâ autem infinita mala, & in animos & in corpora, & fortunas hominum unâ cum ferâ pœnitentiâ fluxerunt; neque tantum in status singulorum, verum etiam in regna & respub. Ab eodem enim fonte bella & tumultus, & Tyrannides ortum traxere. Verum operæpretium est animadvertere, quam bellè & eleganter fabula duas humanæ vitæ conditiones, & veluti Tabulas sive Exempla sub personis *Promethei* & *Epimethei* depinxerit. Qui enim sectam *Epimethei* sequuntur, illi improvidi, neque in longum consulentes, quæ in præsentia suavia sunt, prima habent, atque multis sanè propter hoc angustiis & difficultatibus, & calamitatibus premuntur, & perpetuò ferè cum illis conflictantur; interim tamen genium suum placant, atque insuper ob rerum imperitiâ multas inanes spes intra animum volvunt, quibus tamen veluti suavis infomniis se delectant, atque miseras vitæ suæ condiunt. *Promethei* autem schola, homines nimirum prudentes, & in futurum prospicientes, multa scilicet mala, & infortunia cautè submovent & rejiciunt; verum cum hoc bono illud conjunctum est, ut multis voluptatibus, & varia rerum jucunditate se privent, & Genium suum fraudent, atque quod multò
pejus

pejus est, cūris & sollicitudine & timoribus intestinis se crucient, & conficiant. Alligati enim Necessitatis columnæ, innumeris cogitationibus (quæ, quia volucres admodum sunt, per Aquilam significantur,) iisque pungentibus, & jecur mordentibus, & corroden- tibus vexantur; nisi fortè aliquando veluti noctu exiguam quam- piam animi remissionem, & quietem nanciscantur; ita tamen ut sta- tim subinde redeant novæ anxietates, & formidines. Itaque pau- cis admodum utriusque sortis beneficium contigit, ut providentiæ commoda retinuerint, sollicitudinis, & perturbationis malis se liber- arint: neque id quisquam assequi potest, nisi per *Herculem*, id est, Fortitudinem, & animi constantiam, quæ in omnem eventum pa- rata, & cuicunque sorti æqua, prospicit sine metu, fruitur sine fastidio, & tolerat sine impatientiâ. Atque illud notatu dignum est, virtutem hanc *PROMETHEO* non innatam, sed adventitiam fu- isse, atque ex ope alienâ. Nulla enim ingenita, & naturalis For- titudo, tantæ rei par esse possit. Sed hæc virtus ab ultimo Oceano, atque à Sole accepta & advecta est; Præstatur enim à Sapientiâ, tan- quam à Sole, & à meditatione inconstantia, ac veluti undarum hu- manæ vitæ, tanquam à navigatione Oceani; quæ duo *Virgilius* bene conjunxit.

*Felix qui potuit rerum cognoscere causas,
Quique metus omnes, & inexorabile fatum
Subjecit pedibus, strepitumque Acherontis avari.*

—Elegantissimè autem additur ad Hominum animos consolandos & confirmandos, *Heroem* istum ingentem in poculo sive urceo navigasse: ne fortè naturæ suæ angustias, & fragilitatem nimium pertimescant, aut causentur; ac si hujusmodi fortitudinis & constantia capax om- ninò non esset; de quo ipso *Seneca* bene ominatus est cūm dicat, *Magnum est habere simul fragilitatem hominis, & Securitatem Dei.* Sed jam retrocedendum est ad illud, quod consultò præterivimus, ne ea quæ inter se connexa sunt abrumperemus: Hoc est, de novissimo il- lo *Promethei* crimine, quod pudicitiam *Minervæ* sollicitasset. Nam & ob hoc Delictum gravissimum certè, & maximum, illam pœnam laniationis viscerum subiit. Illud non aliud esse videtur, quàm quod homines artibus, & Scientiâ multâ inflati, etiam Sapienciam divi- nam sensibus & rationi subicere sæpiùs tentent; ex quo certissimè sequitur mentis laceratio & stimulatio perpetua & irrequieta. Ita- que mente sobriâ & submissâ distinguenda sunt humana & divina; atque oracula sensus, & fidei; nisi fortè & religio hæretica, & phi- losophia commentitia hominibus cordi sit. Restat ultimum illud de ludis *Promethei* cum tædis ardentibus. Hoc rursus ad *Artēs* & *Sci- entias* pertinet, sicut *Ignis* ille, ad cujus memoriam & celebrationem hujusmodi Ludi instituti sunt; atque continet in se monitum, idque prudentissimum; ut perfectio Scientiarum à successione, non ab u- nius alicujus pernecitate, aut facultate expectetur. Etenim qui ad cursum & contentionem velocissimi & validissimi sunt, ii ad faciem

suam accensam servandam fortassè minùs sunt habiles, cùm à cursu rapido, æquè ac nimis tardo, periculum extinctionis immineat. Isti autem Luminum cursus & certamina jampridem intermissa videntur, cùm Scientiæ in primis quibûsque authoribus, *Aristotele*, *Galeno*, *Euclide*, *Ptolomeo*, maximè florere cernantur; atque successio nil magni effecerit, aut ferre tentaverit. Atque optandum esset, ut isti Ludi in honorem *Promethei* sive Humanæ Naturæ instaurarentur, atque Res certamen & æmulationem & bonam fortunam reciperet, neque ex unius cujuscpiam face tremulâ atque agitatâ penderet. Itaque homines monendi sunt, ut se ipsi exuscitent, & vires atque etiam vices suas experiantur, neque in paucorum hominum animulis & cerebellis omnia ponant. Hæc sunt illa, quæ in Fabulâ istâ vulgari, & decantatâ nobis adumbrari videntur: neque tamen inficiamur, illi subesse haud pauca, quæ ad Christianæ fidei mysteria miro consensu innuant; ante omnia Navigatio illa *Herculis* in Urceo ad liberandum *Prometheum*, Imaginem Dei Verbi in carne tanquam fragili vasculo ad redemptionem humani properantis præ se ferre videtur. Verùm nos omnem in hoc genere licentiam nobis ipsi interdiciamus, ne fortè Igne Extraneo ad Altare Domini utamur.

ICARUS

XXVII.

ICARUS volans: item SCYLLA, & CHARYBDIS, five, Via media.

Mediocritas, five Via Media, in Moralibus laudatissima est; in Intellectualibus minùs celebrata, sed non minùs utilis, & bona: In Politicis tantùm suspecta, & cum iudicio adhibenda. Morum autem Mediocritates, per viam ICARO præscriptam; Intellectualium autem, per viam inter *Scyllam* & *Charybdim* ob difficultatem & periculum decantatam; ab Antiquis notantur. ICARO præcepit Pater, cùm Mare esset prætervolandum, ut viam aut nimis sublimem, aut nimis humilem caveret. Cùm enim Alæ cerâ essent conglutinata, periculum erat si altius efferretur, ne cera ex Solis ardore liquefieret; sin ad vaporem Maris propius se submitteret, ne ab humore cera minùs tenax efficeretur. Ille verò ausu Iuvenili in celsiora contendit, atque in præceps lapsus est. Parabola facilis & vulgata est; Virtutis enim via inter Excessum, & Defectum recto tramite aperitur. Neque mirum erat, si ICARUM, Iuvenili Alacritate gestientem, Excessus perdiderit. Excessus enim ferè Iuvenum; Defectus Senum vitia esse solent. Ex semitis tamen malis, & nocivis, elegit ICARUS, (si planè pereundum erat) meliorem. Defectus enim rectè æstimantur Excessibus praviore. Quandoquidem Excessui, non nihil Magnanimitatis subsit, & cognationiscum Cœlo, ad instar volucris: Defectus verò humi serpat, instar Reptilis. Præclare Heraclitus; *Lumen siccum, optima Anima*. Nam si ex humo humorem contrahat Anima; prorsus depremitur & degenerat; Interim tamen Modus adhibendus est, ut ab illâ siccitate laudatâ, Lumen reddatur subtilius, non corripiatur incendium. Atque hæc cuivis ferè nota sunt. At via illa in Intellectualibus inter *Scyllam* & *Charybdim*, certè & peritiam navigandi, & fœlicitatem desiderat. Si enim in *Scyllam* incidant Naves, illiduntur cautibus: sin in *Charybdim*, absorbentur. Cujus Parabolæ ea videtur esse vis (quam nos breviter perstringemus, tametsi infinitam trahat contemplationem) ut in omni Doctrinâ & Scientiâ, earumque Regulis & Axiomatibus, Modus teneatur inter Distinctionum Scopulos, & universalium Voragines. Hæc enim duo naufragijs ingeniorum, & Artium famosa sunt.

XXVIII.

SPHINX, sive Scientia.

TRaditur SPHINX fuisse Monstrum specie multiforme; facie, & voce virginis; pennis volucris; unguibus *Gryphi*; Iugum autem Montis in agro *Thebano* tenebat, & vias obsidebat: Mos autem ei erat, viatores, ex insidijs invadere, ac comprehendere; quibus in potestatem reductis, *Ænigmata* quædam obscura & perplexa proponebat, quæ à Musis præbita, & accepta putabantur. Ea si solvere, & interpretari, miseri captivi non possent; hæsitantes & confusos in illis, magnâ sævitiâ dilaniabat. Hæc calamitas cum diu grassaretur; præmium propositum est à *Thebanis*, (ipsum *Thebarum* Imperium) viro qui *Sphingis* *Ænigmata* explicare possit; (neque enim alia superandæ illius ratio erat.) Tanto pretio excitatus *Oedipus* vir acer, & prudens, sed pedibus læsis, & perforatis conditionem accepit, & experiri statuit. Postquam autem fidens animi & alacer se coram *Sphinge* stitisset; Illa ab eo quæsit, quale tandem illud Animal esset, quod primò quadrupes natum, postea bipes factum esset, deinde tripes, ad extremum rursus quadrupes. Ille præsentis animo respondit, Illud in Hominem competere, qui sub ipsum partum & infantiam quadrupes provolvitur, & vix reperi tentat, nec ita multò post erectus & bipes incedit; in Senectute autem baculo innititur, & se sustentat, ut tanquam tripes videatur; extremâ autem ætate decrepitus Senex labantibus nervis, quadrupes decumbit, & lecto affigitur. Itaque vero responso victoriam adeptus, *Sphingem* interemit; Cujus corpus a fello impositum, veluti in Triumpho ducebatur; ipse autem ex pactis Rex *Thebanorum* creatus est. Fabula elegans, nec minus prudens est; atque videtur conficta, de Scientiâ, præsertim conjunctâ practicâ. Siquidem Scientia non absurdè Monstrum dici possit, cum ignorantibus & imperitis prorsus admirationi sit. Figurâ autem, & specie multiformis est, ob immensam varietatem subjecti, in quâ Scientia versatur; vultus & vox affingitur Muliebris ob gratiam & loquacitatem: Adduntur alæ, quia Scientiæ & earum Inventa memento discurrent, & volant; cum Communicatio Scientiæ sit instar Luminis de Lumine, quod affatim incenditur. Elegantissimè autem attribuuntur ungues acuti, & adunci; quia scientiæ Axiomata, & Argumenta penetrant mentem, eamque præhendunt & tenent, ut movere & elabi non possit; quod & sanctus Philosophus notavit; *verba Sapientum* (inquit) *sunt tanquam Aculei, & veluti Clavi in altum defixi.* Omnis autem Scientia collocata videtur in arduis & editis Montium. Nam res sublimis meritò putatur, & excelsa, & ignorantiam tanquam ex superiore loco despiciens, atque etiam latè & undequaque speculari & prospicere, ut in verticibus Montium fieri solet. Vias autem obsidere fingitur Scientia, quia ubique in Itinere isto, sive peregrinatione

ione vitæ humanæ, Materia & occasio Contemplationis se ingerit & occurrit. Proponit autem *Sphinx* Quæstiones & Ænigmata mortalibus varia & difficilia, quæ accepit à Musis. Ea tamen quamdiu apud Musas manent, savitia fortasse carent. Donec enim nullus alius finis Meditationis, & disquisitionis sit, præter ipsum Scire, Intellectus non premittitur, nec in Arcto ponitur, sed vagatur, & expatiatur; atque in ipsa dubitatione, & varietate nonnullam jucunditatem & delectationem sentit; sed postquam à Musis hujusmodi Ænigmata ad *sphingem* transmissa sunt, id est, ad Practicam, ut instet, & urgeat Actio & Electio, & Decretum: tum demùm Ænigmata molesta & sæva esse incipiunt, & nisi solvantur & expediantur, animos hominum miris modis torquent, & vexant; & in omnes partes distrahunt, & planè lacerant. Proinde in Ænigmatibus *Sphingis* duplex semper proponitur conditio; non solventi mentis laceratio; solventi Imperium. Qui enim rem cælet, is sine suo potitur, atque omnis artifex Operi suo imperat. Ænigmatum autem *Sphingis* duo in universum sunt genera: Ænigmata de Naturâ rerum, atque Ænigmata de Naturâ hominis; Atque similiter in præmium solutionis sequuntur duo Imperia; Imperium in Naturam, & Imperium in Homines; Veræ enim Philosophiæ Naturalis finis proprius & ultimus est, Imperium in res Naturales, Corpora, Medicinas, Mechanica, alia infinita; licet Schola, oblati contenta, & sermonibus tumefacta, Res & opera negligat, & ferè projiciat. Verùm Ænigma illud *Oedipodi* propositum, ex quo ille Imperium *Thebanum* adeptus est, pertinebat ad naturam Hominis: Quisquis enim naturam Hominis prorsus intropexit, ille faber ferè fortunæ suæ esse potest, & ad imperandum natus est. Id quod de Romanis artibus benè pronunciatum est;

*Tu regere Imperio populos, Romane memento.
Hæ tibi erunt artes. —*

Itaque appositè illud; quod *Augustus Caesar* signo *Sphingis*, sive de industriâ, sive fortuito usus est. Ille enim (si quis unquam) in Politicâ excelluit, & in vitæ suæ curriculo, plurima nova Ænigmata de Naturâ hominis felicissimè solvit, quæ nisi dexter & paratus solvisset, multoties non procul ab imminente pernicie & exitio abfuisset. Atque additur in Fabulâ, *Sphingis* devictæ Corpus in Asellum impositum fuisse. Elegantissimè certè, cum nihil sit tam acutum, & abstrusum, quin postquam planè intellectum, & deinceps pervulgatum sit, etiam tardo imponi possit. Neque illud prætermittendum; debellatam esse *Sphingem* à viro pedibus clavato; Etenim nimis cito pedes, & celeri gradu ad Ænigmata *Sphingis* homines properare solent; unde fit, ut (prævalente *Sphinge*) potius per disputationes ingenia & animos lacerent, quàm per opera & effectus imperent.

XXIX.

PROSERPINA, five
Spiritus.

Narrant PLUTONEM, postquàm regnum Inferorum ex partitione illâ memorabili accepisset, de nuptiis alicujus è superis desperasse, si eas per colloquia, aut modos suaves tentaret; ut ad Raptum consilia sua dirigere ei fuerit necesse. Itaque captatâ opportunitate PROSERPINAM *Cereris* filiam, virginem pulcherrimam, dum flores *Narcissi* in *Siciliae* pratis colligeret, subito incursum rapuit, atque quadrigis secum ad subterranea asportavit; Ei magna reverentia præbita est, ut & Domina Ditis vocata sit. *Ceres* autem ejus mater, cùm filia sibi unicè dilecta nusquam comparuisset, supra modum inœsta & anxia, tædam accensam ipsâ manu præ se ferens, universum orbis terrarum ambitum peragravit, ut filiam investigaret & recuperaret. Id cùm frustra fuisset, accepto fortè indicio, quod ad Inferos devecta esset, multis lachrymis & lamentationibus *Jovem* fatigavit, ut illa ei restitueretur. Atque tandem pervicit, ut si illa nihil ex iis quæ apud Inferos essent, degustasset, tum eam abducere liceret. Ea conditio Matris desiderio adversa fuit; PROSERPINA enim grana tria ex malo granato gustasse comperta est. Neque idcirco *Ceres* destitit, quin preces & ploratus de integro resumeret. Postremò itaque ei indultum est, ut PROSERPINA dispartitis temporibus, & alternis vicibus, sex menses cum Marito, alteris sex cum Matre esset. Hanc PROSERPINAM postea *Thesens* & *Perithous* eximiâ audaciâ thalamo Ditis deducere tentarunt. Cùm autem in itinere super saxo apud inferos defessi consedisent, eis resurgere minimè licuit, sed æternùm sedebant. PROSERPINA itaque Inferorum Regina mansit; in cujus honorem etiam additum est privilegium magnum; Cum enim ab inferis revocare gradum, illis qui eò descendissent, fas non esset; ascripta est huic legi Exceptio singularis; ut si quis Ramum Aureum in donum PROSERPINÆ attulisset, ei ob hoc ire & redire liceret. Is ramus unicus erat in ingenti, & opaco luco, neque stirps erat, sed visci instar in alienâ arbore frondebat, atque avulso illo alter non deficiebat.

Fabula ad Naturam pertinere videtur, atque vim, & copiam illam in subterraneis, divitem & frugiferam, ex quâ hæc nostra pullulant, & in quam rursus solvuntur, & redeunt, perscrutari. Per PROSERPINAM antiqui significarunt Spiritum illum æthereum qui sub terrâ (per *Plutonem* representatâ) clauditur & detinetur à superiore globo divulsus, quod non malè expressit ille.

*Sive recens tellus, seductaque nuper ab alto
Æthere, cognati retinebat semina cæli.*

Ille spiritus raptus à Terrâ fingitur, quia minimè cohibetur, ubi tempus, & moram habet ad evolandum, sed subitâ confractiōe & comminutione tantum, compingitur & figitur, perinde, ac si quis aerem aquæ commiscere tentet; Quod nullo modo efficere possit, nisi per agitationem celerem & rapidam; hâc enim ratione videmus illa corpora conjungi in Spumâ, Aere tanquam rapto ab Aquâ. Neque ineleganter additur, PROSERPINAM flores *Narciss*i in vallibus colligentem raptam fuisse; Quia *Narcissus* à torpore sive stupore nomen sumit; atque tum demum spiritus ad raptum Materię Terrestris magis pręparatus est & opportunus, cū coagulari incipit, ac veluti torporem colligere. Rectè autem tribuitur honor ille PROSERPINÆ, qualis nulli uxori Deorum; ut Ditis Domina sit, quia ille spiritus planè omnia in illis regionibus administrat, stupido & quasi ignaro *Plutone*. Hunc autem spiritum Æther, ac vis Cœlestium (per *Cerere*m adumbrata) infinitâ sedulitate elicere, atque sibi restituere contendit; Fax autem illa Ætheris sive Tæda ardens in manu *Cereris* proculdubio Solem denotat, qui circa terræ ambitum luminis officio fungitur, atque maximi omnium esset ad PROSERPINAM recuperandam momenti, si omninò hoc fieri posset. Illa tamen hæret, & manet: Cujus ratio sequitur accuratè & excellenter proposita in Pactis illis *Jovis* & *Cereris*. Primum enim certissimum est, duos esse modos spiritus in Materiâ solidâ & terrestri cohibendi. Alterum per Constipationem sive obstructionem, qui est mera incarceration & violentia. Alterum per Ministratiōem proportionati alimenti, atque id fit sponte & libenter. Postquàm enim Spiritus inclusus depascere incipit, atque se alere, evolare protinùs non festinat; sed veluti in Terrâ suâ figitur: Atque hæc est illa degustatiō PROSERPINÆ ex malo granato: quæ si non fuisset, jampridem à *Cerere* cum face illâ suâ orbem terrarum peragrante, abducta fuisset. Spiritus enim qui subest metallis & mineralibus compingitur fortasse præcipuè per Massę soliditatem; qui autem in Plantis est. & Animantibus, in corpore poroso habitat, & aperta effugia habet, nisi per illum modum Degustationis libenter detineretur. Secundum autem pactum de Semestri consuetudine, non aliud est quàm Elegans descriptiō dispersionis Anni; cū spiritus ille per terram perfusus, quoad res vegetabiles mensibus æstatis apud superiora degat, atque mensibus hyemis ad subterraneâ redeat. Quod verò attinet ad conatum illum *Thesi* & *Perithoi* abducendę PROSERPINÆ, id eò spectat, quod sapiùs fiat, ut spiritus subtiliores qui ad terram in multis corporibus descendunt, neutrquàm illud efficiant, ut Spiritum subterraneum exsugant & secum uniant & evehant; Sed contrā ipsi coagulentur, neque amplius resurgant; ut PROSERPINA per eos aucta incolis & imperio sit.

fit. De virgâ autem illâ aureâ, vix videmur sustinere posse impetum Chymistarum, si in nos hac ex parte irruant; cùm illi, ab eodem lapide suo, & Auri montes, & Restitutionem corporum naturalium veluti à Portis Inferorum promittant. Verùm de Chymica, atque Lapidis illius Prociis perpetuis; certò scimus Theoricam eorum esse sine fundamento, suspicamur etiam practicam esse sine certo pignore. Itaque missis illis, de istâ postremâ Parabolâ parte hæc nostra sententiâ est. Nobis certè compertum est ex compluribus Antiquorum figuris, eos Conservationem, atq; Instaurationem quadamtenus corporum naturalium, pro re desperatâ non habuisse, sed potius pro re abstrusâ, & quasi aviâ. Atque idem sentire hoc etiam loco videntur, cùm virgulam istam inter infinita virgulta ingentis & densissimæ Sylvæ collocârunt; Auream autem finxere, quia Aurum Durationis *Tessera* est: Insitivam, quia ab Arte hujusmodi effectus sperandus est, non ab aliquâ Medicinâ, aut modo simplici, aut naturali.

XXX.

METIS, sive Consilium.

Narrant Poëtæ antiqui JOVEM cepisse in uxorem METIN, cujus nomen non obscure *Consilium* significat; eam autem ex illo gravidam factam fuisse: Quod cum ille sensisset, partum ejus nullo modo expectâsse, sed utique eam devorasse, unde & ipse prægnans factus sit: Puerperium autem mirum fuisse: Nam ex capite, sive cerebro *Palladem* armatam peperisse. Hujus Fabulæ monstrôsâ, & primo auditu insulsissimâ sensus, arcanum Imperij continere videtur; quâ arte scilicet, Reges se versus Consilia sua gerere soleant, ut authoritas, & majestas eorum non solum illibata conserveatur, verùm apud populum augeatur, & extollatur. Nam Reges se cum Consilijs suis, vincolo veluti nuptiali copulare & conjungere, & de rebus maximis cum eis deliberare, recto & prudente Instituto consueverunt; Idque Majestatem eorum neutiquam imminuere, haud abs re judicant: verùm cùm Res jam ad Decretum spectat, quod instar partus est; Consilij partes non ultrâ tendere sinunt, ne acta ex Consilij arbitrio pendere videantur. Verùm, tum demùm Reges (nisi hujusmodi res sit, ut invidiam à se derivare cupiant) quicquid à Consilio elaboratum ut veluti in utero efformatum est, in se transferre consueverunt, ut decretum & Executio (quæ quia cum potestate procedit, & necessitatem infert, elegantèr sub figurâ *Palladis* armatæ involvitur) ab ipsis emanare videatur. Neque satis est, ut hoc ab Auctoritate Regum & eorum Voluntate, solutâ, & liberâ, et non obnoxia, profectum videatur; nisi etiam hoc sibi Reges sumant, ut ex Capite eorum, id est, ex Judicio, et prudentiâ propriâ, decreta nata existimentur.

XXXI.

SIRENES, five Voluptas.

FABULA de SIRENIBVS ad perniciosas illecebras voluptatis rectè, sed sensu vulgatissimo transfertur. Nobis autem videtur, SAPIENTIA VETERVM, tanquam Vux malè Calcata; ex quibus licèt nonnihil exprimitur, tamen potissima quæque resident, & prætermittuntur. SIRENES *Acheloi*, & *Terpsichores* unius ex Musis, filia fuisse narrantur; Ea primis temporibus alata erat; sed inito temerè cum Musis certamine victa, alis mulctata sunt. Ex pennis autem evulsis, Musæ Coronas sibi fecerunt; adeo ut ab eo tempore Musæ cum Capitibus alatis procederent, præter unam SIRENVVM Matrem; Mora autem SIRENVVM erat in Insulis quibusdam amœnis; Illæ verò è speculâ naves adventantes, cum conspicerent, Cantu navigantes primò detinebant, deinde alliciebant, exceptos autem necabant. Neque simplex erat Cantilena, sed singulos modis maximè naturæ eorum convenientibus captabant. Tanta autem pestis erat, ut Insulæ SIRENUM etiam longè intuentibus alberent ex ossibus cadaverum inhumatorum. Huic malo remedium repertum est genere, & modo duplex; Alterum ab *Ulyssæ*, Alterum ab *Orpheo*; *Ulysses* socijs omnino aures cerâ obturari iussit; Ipse, cum experimentum rei facere vellet, periculum autem depellere, se ad malum navis alligari voluit, interminatus, nequis eum, licèt rogatus, solveret; *Orpheus* verò, missis huiusmodi vinclis, clarâ voce Deorum laudes cantans ad lyram, voces SIRENVVM retudit, & extra omne periculum fuit.

Fabula ad mores pertinet, atque minimè obscura sanè, nec tamen inelegans Parabola videtur. Voluptates ex Copiâ rerum, ac affluentia; atque ex Hilaritate, sive exultatione animi proveniunt. Illæ olim primis ipsis illecebris subitò, & tanquam alata, mortales rapere solebant. Doctrina autem & Eruditio; hoc saltem effecit, ut animus humanus se nonnihil cohibeat, & exitum rei secum perpendat; itaque alas voluptatibus detraxit. Hoc autem in Musarum decus & honorem egregium cessit; Postquam enim Philosophiam contemptum voluptatum inducere posse nonnullorum exemplo patuit; statim res sublimis visa est, quæ animam veluti humo affixam attollat & eyehat, & hominum cogitationes (quæ in capite vigent) pennatas & veluti æthereas faciat. Sola *Sirenum* Mater pedestris, & sine alis mansit; Ea proculdubio nil aliud est, quàm Doctrinæ leves, & ad jucunditatem inventæ, & adhibitæ; quales videntur *Petronio* illi in pretio fuisse, qui postquam sententiam Mortis accepisset, in ipsis atrijs Mortis delicias quælivit, cumque etiam literas in solatium adhibere vellet, nil (inquit *Tacitus*) legit eorum, quæ ad constantiam faciunt; sed leves, verus. Ex hoc genere est illud.

*Vivamus mea Lesbia, atque amemus,
Rumorésque senum severiorum
Omnes unius æstimemus Assis.*

Et illud.

*Tura senes nōrint, & quid sit fāsque, nefāsque,
Inquirant tristes legūmq; examina servent.*

Hujusmodi enim doctrinæ, alas Musarum Coronis rursus detrahere, & Sirenibus restituere velle videntur. Habitare autem perhibentur Sirenes in Insulis, quia voluptates ferè secessus quærunt, atque hominum cœtus sæpe vitant : Sirenium autem cantus omnibus decantatus est, ejusque pernicies, & artificium varium : Itaque interprete hæc non egent. Illud magis acutum de ossibus veluti Clivis albentibus è longinquo visis : Ex quo illud significatur, exempla Calamitatum licèt clara & conspicua, contra voluptatum corruptelas non multum proficere. Restat de remediis Parabola non abstrusa ea quidem, sed tamen prudens & nobilis. Proponuntur enim Mali tam callidi & tam violenti remedia tria. Duo à Philosophiâ : Tertium à Religione. Atque primus effugij modus est, ut quis principiis obstet, atque omnes occasiones, quæ animum tentare, & sollicitare possint, sedulo devitet : Id quod obturatio illa aurium denotat; atque hoc remedium ad animos mediocres, & plebeios necessariò adhibetur, tanquam ad Comites *Vlyssis*. Animi autem celsiores etiam versari inter medias voluptates possunt, si Decreti cōstantiâ se muniant: quin & per hoc, virtutis suæ experimentum magis exquisitum capere gaudent; etiam voluptatum ineptias & insanias perdiscunt, potiùs contemplantes, quàm obsequentes; quod & *Salomon* de se professus est, cùm enumerationem voluptatum, quibus disfluebat, eâ sententiâ claudat : *Sapientia quoque perseveravit mecum*. Itaque hujusmodi Heroes inter maximas Voluptatum illecebras se immobiles præstare, atque in ipsis earum præcipitiis se sustinere queant; tantùm ad *Vlyssis* exemplum, interdictis perniciosorum suorum consiliis & obsequiis, quæ animum maximè omnium labefactare & solvere possint. Præstantissimum autem in omni genere est remedium *Orphei*; qui laudes Deorum cantans & reboans, *SIRENUM* voces confudit, & summovit. Meditationes enim Rerum Divinarum, Voluptates Sensus non tantùm potestate, sed etiam suavitate superant.

FINIS.

DIALOGUS

DE

Bello Sacro :

Fragmentorum prius.

PER

Franciscum Baconum
Baronem de Verulamio,
Vice-Comitem *S. Albani*.



LONDINI,
Typis IOH. HAVILAND.

Prostant ad Insignia Regia in Cœmeterio *D. Pauli*,
apud *Iocofam Norton & Richardum Whitakerum*,

1638.



Imprimantur hæ paginae, *Ut ex ungue Leonem.*

IOHANNES COCEVS.



1515

ANATIA

Printed by J. C. in London
at the Sign of the Lion
in the Strand
1515



A D

Reverendissimum

in CHRISTO Patrem,

LANCELOTVM ANDREWES
Episcopum Wintoniensem,

REGIÆ MAIESTATI

à Sanctoribus Consiliis.

Reverende Præsul;



Inter Consolationes, haudquaquam minima est, si quis sibi aliorum Calamitates representet, quæ cum suis conformitatem habeant. *Exempla* enim penetrant magis, quàm *Argumenta*; Quinetiàm illud Nobis innunt, quod *Scriptura* in Solatium adducit; *Nil novi nobis accidisse*. Afficiunt autem *Exempla* eò magis, quò propiùs ad Similitudinem Rerum nostrarum accedunt: Multòque adhuc magis, si Fortuna illos non leviùs mulctarit, qui nobis ipsis, dignitate & virtute, præcelluerunt. Etenim, ut inanem præsumptionem sapit, si nos ipsos cum Melioribus componamus; Ita, ex alterâ parte, rectè & salubriter infertur Conclusio; Si alii nobis Superiores, similia perpeffi sint, non esse cur nos supra modum conqueramur.

In hoc Consolationis genere, equidem mihi ipsi minimè

Epistola Dedicatoria.

defui ; Quamvis ut *Christianus*, (per infinitam *Dei* Misericordiam,) altiores etiam Consolationes degustaverim. Quamobrem, ex variâ Rerum Memoriâ, & Librorum Lectione, cum *Exempla* haud pauca, tam vetera, quàm recentia, mihi ante oculos, proposuissim ; Cogitationes memoram (fateor) fecerunt, imò etiam acquieverunt, in tribus præcipuè *Viris* ; Tanquam maximè eminentibus, & cum illâ Fortunâ, quæ mea aliquando fuit, conjunctissimis. Hi tres, in Rebus pub. suis, singuli, Magistratibus amplissimis perfuncti sunt : Idem, non præliis, aut alio Infortunii genere, dejecti, sed Judiciis, & Legum Auctoritate, tanquam Rei, & Delinquentes, abdicati ; Idem insuper celebres fuerunt Scriptores, ita ut Memoria Calamitatis ipsorum, apud Posteritatem Jam maneat, & se exhibeat, tanquam Pictura quæ noctû gesta repræsentet, inter pulcherrimas & illustres Operum & Actorum suorum Tabulas : Quin & omnes tres, (si hoc ad rem conduceret) *Exempla* fuerunt valida, ad extinguendam cujuspiam Ambitionem, Fortunam de novo tentandi : Quandoquidem unusquisque eorum, magnâ cum gloriâ, revocatus & restitutus fuerit ; sed ad graviorem suam ruinam, quæ in Morte violentâ exitum reperit. Fuerunt hi tres *Viri*, *Demosthenes*, *Cicero*, & *Seneca*. Quando igitur, cum *Viris* hisce eximiis, Me, tum Fortuna, tum Studia, conjunxerint, inquirere & observare cœpi, quomodo Calamitates illi suas toleraverint, & præcipuè quomodo tempus impenderint, cum à Civilibus Negotiis prorsus abdicati, & inhabiles pronunciati sint : Ut ab illis aliquid addiscerem ; Utque mihi non solum *Consolatorum*, verùm etiam *Consiliariorum* loco essent. Observavi autem, quam diversis modis, Infortunia illorum illos affecerunt ; Eâ præcipuè in re, de quâ inquirere cœperam ; Temporis scilicet, & Calamorum suorum, applicatione *Ciceronem* vidi, durante exilio suo, (quod biennium fermè complevit,) ita animo emollitum & dejectum, ut nihil præter Epistolas quasdam muliebres exaraverit, omnia Questibus implentes. Attamen, ex tribus illis, (meo quidem judicio,) minima ei Causa affuit, cur magnoperè perturbaretur. Et si enim judicatum fuisset ; eoque Judicii genere, quod summam Auctoritatem obtinuit ; Lege scilicet latâ ; ut exularet, & universæ ejus Fortunæ

Fisco

Epistola Dedicatoria.

Fisco addicerentur, Domus ejus diruerentur ; Utque Capitale cuius esset, qui de ejus Restitutione ageret ; Nihilominus, Calamitas ejus, etiam eo tempore, Ignominia notâ caruit ; Atque nil aliud quàm Temporis Procella reputabatur, quæ eum tanquam turbine subverterat. *Demosthenes* contra, licet Judicium quo proscriberetur, Ignominia plenum esset ; utpote Repetundarum damnatus ; Neque Repetundarum simpliciter, sed quæ cum proditione, & læsâ Majestate, conjunctæ essent ; Nihilominus Calamitatis suæ, sensum tam exiguum præ se tulit, ut Exilii tempore, Negotiis Civilibus non abstinere, sed iisdem se immisceret ; Atque per Literas scriptis, Consilio suo Impertire *Populum Atheniensem* ausus esset, non minus quam si adhuc ad clavum sederet ; ut patet in quibusdam ejus *Epistolis*, quæ hodiè extant. *Seneca* certè, qui ob Corruptelas varias, & Crimina, damnatus fuit, & in exilium actus in *Insulam* quandam solitariam, mediocritatem servavit : Quamvis enim Calamus ejus non refrixit, tamen in Negotia Civilia se ingerere abstinuit : Sed otium quod nactus erat, in scribendis *Libris* quibusdam, excellentis Argumenti & Usus, in omne ævum, insumpsit ; Licet aliquos eorum dedicaverit, minus pro dignitate.

Exempla hæc, in Instituto quodam, ad quod etiam aliàs sponte inclinabam, me multùm confirmârunt ; ut concessum mihi Tempus, omnino, in scribendo, impenderem ; Utque *Talentum* à Deo conceditum, non ut prius Trapezitis particularibus, sed Excambiis publicis, quæ nunquam exhaurientur, & usuram pro certo reddent, committerem. Itaque, cum ante Annos aliquot, *Instaurationis* meæ Partem edidissem ; (Quod quidem Opus, inter Opera mea, illud est ; (*Si nunquam fallit Imago* ;) Cui plurimùm tribuo ;) Decrevi certè, in cæteris ejus Partibus, minimè defatisci. Quod etiam nunc ago. Et si autem de illo Opere, Testimonia plurima, ex Partibus Transmarinis receperim ; (Talia certè, quibus non potuerim majora, cum tam insigni Approbatione & Honore, sub initiis, in Argumento tam abstruso expectare ;) Illud tamen Animo meo penitus insedit ; Opus memoratum, Hominum, præsertim vulgaris judicii, Capita supervolare. Itaque constitui, (licet inversâ paulisper Ordinis serie,) Rem ad Sensûs judicium deorsum trahere, per *Exempla* quædam, &

Epistola Dedicatoria.

Portiones *Naturalis Historiæ*, & *Inquisitiones* super eam: Quod etiam ex parte feci. Rursus, quia Opus meum, *De Augmentis Scientiarum*, Parasceve quædam, & tanquam Clavis esse possit, ad *Instaurationis* sensum melius referandum; (Quippe quod Notionum & veterum & novarum mixturam recipiat; ubi *Instaurationis* novas tantum Notiones proponat meras; nisi quod hinc & inde, inspergantur veteres ad gustum tantum;) consentaneum putavi, illud Opus in Linguam Generalem ex Vernaculâ vertere; Non sine multis & magnis Additionibus, præsertim in Libro secundo; Qui *Partitiones Scientiarum* complectitur: Idque ita cumulatè præstiti, ut judicem *Librum* illum, jam in plures divisum, pro primâ *Instaurationis* Parte, haberi posse; Quam, *Partitionum Scientiarum* nomine, antea insignivi: Et sic fidem meam, in hac parte, liberari confido. Atque hoc etiam jam peractum est. Prætereà, quoniam Civilem, quam tam diu sustinui, Personam, prorsus exuere non potui; (Cujus si ipse obliviscerer, satis multi meminissent,) Opus etiam de *Legibus* ingressus sum; Hoc Instituto, ut Characterem quendam Justitiæ proponerem, mediæ cujusdam naturæ, inter Speculativas & speciosas Legum Descriptiones à Philosophis factas, atque Scripta Jurconsultorum, qui particularibus Placitis, & Scitis, Patriarum & Rerumpub. suarum, sunt, ut plurimum, obnoxii & astricti. Hoc autem Opus, quoniam tantum absorpturum fuisset temporis, atque alia jure præcedere deberent, infectum reliqui; Solummodò Portiunculam ejus quandam, ad exemplar, in uno ex Libris *De Augmentis Scientiarum*, (octavo scilicet,) exhibui. Verum est etiam, (fateor,) me in animo habuisse, *Digestum* quoddam, *Legum* Patriæ meæ, ut componerem; sed quia plurimorum Manibus indigebat, neque ex Me solo pendeat, illud quoque deposui. Jam, cum in *Instauratione* meâ, universi Generis Humani Bonum, mihi ante oculos proposuerim; ut vita humana excoleretur, bearetur, & ampliori à Naturâ dote donaretur; In Opere autem illo de *Legibus*, cujus initia perstrinxi, (ut dictum est,) Humani Generis similiter Bonum mihi proposuerim, sed in Societate Civili, & Scientiæ Politicæ Dotibus: Putavi etiam aliquid me *Patriæ* Bono aut Honori debere, quam semper dilexi; Adeo ut licet Magistratus quos gessi, supra Meritum

meum

Epistola Dedicatoria.

meum essent ; Amor tamen meus Boni publici, & Curæ circa illud impense, etiam supra, & ultra Gradus, in quibus collocabar, transcenderent. Quocirca, (præsertim cum *Opus* illud de *Legibus Patriis* deposuisssem,) Honorem aliquem *Patriæ* dilectæ exhibere volui : Quod operam dedi ut facerem, in *Historiâ* meâ, *Regni Henrici Septimi*. Quantum verò ad *Librum* illum jam pridem editum ; Cui antea Titulus ; *Delibationes Morales & Civiles* ; Nunc autem ; *Sermones Fideles, sive Interiora Rerum* ; inscribitur ; Eum etiam multipliciter auxi, & ditavi ; Et in Linguam quoque Latinam è Vernaculâ, verti curavi. Illud autem Scriptorum genus, Animi reficiendi & levandi causâ, subinde tracto : Quamvis non sum nescius, ejusmodi Scripta, minore labore & molimine, Nomen meum fortassè magis illustrare & attollere posse, quàm reliqua quæ tractavi, & tracto. Quinetiàm *Libellum*, meum, De *Sapientiâ Veterum*, ut ab interitu tutior esset, in *Tomo Operum meorum Moralium & Politicorum*, rursus edendum curavi.

Verùm hæc omnia Scripta mea animo revolvens, subiit Cogitatio, universa in *Civitatem*, nulla in *Templum*, procedere ; Exceptis paucis alicubi inspersis, quæ ad *Religionem* spectant. Atqui cum in *Templo* ipso, tanta Solatia degustaverim & hauserim, cupio etiam Oblationis quidpiam illuc deferre. Argumentum itaque delegi, mixtum ex Rebus ad *Religionem* spectantibus, & *Civilibus* ; Atque etiam medium inter *Contemplationes*, & *Activa* ; *Tractatum* scilicet De Bello *Sacro* : Quis enim noverit, num non illud contingere possit ; *Exorire aliquis* ? Res magnæ, (præsertim quæ ad *Religionem* referuntur,) ab exiguis sæpè numero oriuntur initiis ; Et Modulus prius factus quandoque *Ædificium* ipsum invitat. Hoc *Opus*, (quia semper *Dedicationes* Adulatorias minùs probavi,) *Paternitati* tuæ dedicare visum ; In pignus veteris nostræ Familiaritatis & Amicitie : Nec minùs, quia inter *Viros* *Ætatis* hujus, Tibi, Reverentiam haud vulgarem, deberi existimem.

Reverendæ Paternitatis tuæ
Amicus Fidelis,

FR. S. ALBAN.

THE HISTORY OF

THE CITY OF LONDON
FROM THE FIRST SETTLEMENT
TO THE PRESENT TIME
IN TWO VOLUMES
BY JOHN STOW
1633

LONDON
Printed by I. I. and J. W. at the Sign of the Gunne, in St. Dunstons Church-yard, near the North-Gate.
1633

THE HISTORY OF THE CITY OF LONDON
FROM THE FIRST SETTLEMENT
TO THE PRESENT TIME
IN TWO VOLUMES
BY JOHN STOW
1633

THE HISTORY OF THE CITY OF LONDON
FROM THE FIRST SETTLEMENT
TO THE PRESENT TIME

THE HISTORY OF THE CITY OF LONDON
FROM THE FIRST SETTLEMENT
TO THE PRESENT TIME



DIALOGVS

DE

Bello Sacro.

Interlocutores.

Eusebius. Zebedæus. Gamaliel. Martius.

Eupolis. Pollio.

Characteres harum Personarum.

Zebedæus Romano-Catholicus, fervidus, & Zelotes. Gamaliel, in Religionem Reformatâ, fervidus item, & Zelotes. Eusebius, Theologus Orthodoxus, & Moderatus. Martius, vir Militaris. Eupolis, Politicus. Pollio, Aulicus. Omnes præter Gamalielem Romano-Catholici.

Convenerunt Parisiis, in Domo Eupolidis, Eusebius, Zebedæus, Gamaliel, & Martius : Singuli eorum, Viri egregii, sed multum inter se differentes. Aderat etiam Eupolis ipse : Atque dum sederunt colloquentes, intervenit ab Aulâ Pollio : Ac quamprimum eos vidit, more suo ingenioso, & faceto, dixit.

POLLIO.



Ideo quatuor hîc præsentés, qui Mundum egregium, (arbitror,) constituere possint : Tantum enim ab invicem discrepatis, quantum quatuor Elementa, & nihilo secius concordés estis. Quantum verò ad Eupolidem, quia moderatus est, & placidus, illum loco Quintæ Essentiæ ponere libet. EUPOLIS. Si nos quinque (Pollio) Mundum constituimus majorem, unicus tu Mundum minorem constituere possis : Siquidem omnia, & profitearis, & connitaris, ad Teipsum solum referre.

referre. P O L L I O. At quid illi, qui hoc agunt, sed minimè profitentur? E V P O L I S. Sunt illi quidem minùs animosi, sed magis metuendi. Verùm age, & nobiscum Sermones conferas: Etenim inter Nos, de præsentis *Orbis Christiani* statu, loquebamur; In quò libenter etiam Opinione tuam audiremus. P O L L I O. Domini mei; Iter hoc Mane confecti; Iamque *Æstus* Diei ingruit: Itaque Sermones Vestri, opus est, Aures meas admodum delecent, quo ab Oculis imperent, ut Somno abstineant. Attamen si permittetis, ut vos excitem, si quando Sermones vestri mihi videantur obdormiscere, quantum potero, Somnum abigam. E V P O L I S. Imò gratum nobis feceris, si hoc præstiteris. Illud tantum metuo, ne universum, quod tractamus, Argumentum, instar Infomni cuiusdam, haud penitus insulsi & vani, sed Infomni tamen, tibi videbitur. Etenim Optata bona, absque spe Effectus, nedum tentandi copiâ, non multum illis præstant: Verùm ne te diutius detineamus, cùm ingrediebaris, *Martius* hic, & Attentiones nostras excitavit, & Animos affecit, Oratione suâ, quam inchoavit tantum: Neque malè cedit hæc res, ad somnolentiam tuam discutiendam: Videbatur enim Sermo ejus, quasi ad Bellum Classicum canorum. Si placet igitur, (*Marti*,) de integro sermonem renoves: Nam & Sermo ipse dignus erat qui repetatur; Atque mehercle, Corona Auditorum ista, non mediocriter dignitate aucta est, per præsentiam *Pollionis*. MARTIVS. Cùm modò ingressus es, (*Pollio*) liberè Animi mei Sensum, hisce *Dominis* meis aperui: Me observasse, quod per dena jam Annorum Lustra, proximè elapsa, minùs nobile quiddam spirârunt, (si mihi fas sit dicere,) *Orbis Christiani* Bella, & Expeditiones Militares. Ecce Bella cum subditis, similia Litibus quidem protervis in Foro; in quo pertinaciter Lege agitur, pro Jure suo recuperando; Quod melius forsan, placido & quieto more, obtineri potuit. Ecce pusillas, Oppidi cujuscumque, aut Portiunculae Territorii, Debellationes; Quales esse solent Rusticorum Acquisitiones, Agelli, aut Anguli Terræ, commodè adjacentis. Quod si etiam Bella, pro Regno *Neopolitano*, aut Ducato *Mediolanensi*, aut Regnis *Lusitaniæ*, aut *Bohemiæ*, suscepta fuerint; Tamen & hæc ipsa, tanquam Bella *Ethnicorum*, (*Atheniensium*, *Lacedæmoniorum*, *Romanorum*,) pro secularibus quidem Commodis, & Ambitione Dominationis, gesta sunt; Nec *Militiâ Christianâ* censerì debent digna. At *Ecclesia* Missiones suas, in extremos Fines Gentium & Insularum, facit; Nobili Operâ & Instituto; Verum hoc sonat tantum; Ecce unus *Gladius* hic. Reges & Principes *Christiani*, meritò accusandi, quod *Fidei Christianæ* propagationi, Armis & Opibus suis, non invigilent. Attamen *Dominus* noster, qui in Terrâ manens, dixit *Apostolis*; *Ite & prædicatè*; Dixit etiam, de Cælo, *Constantino*; *In hoc Signo vince*. Quis *Miles Christianus*, piâ *Æmulatione* non commoveatur, cùm viderit *Ordinem* quendam, *Societatis Iesu*, aut *Sancti Francisci*, aut *Sancti Augustini*, tot & tanta, pro Religionis *Christianæ* propagatione, sustinere & perficere; *Ordinem* vero *sancti Jacobi*, aut *sancti Michaelis*, aut *sancti Georgii*, nil aliud ferè perpetrare, neque majora meditari, quam ut vestes solennes induant, Festa *Patronorum* suorum anniversaria celebrent, & cæteros Ritus ac Cæremonias Ordinis sui, observent? Quin & *Mercatores* ipsi, in iudicio surgent, contra *Principes* & *Proceres Europæ*: Illi enim,

enim, viam in Mari latam, straverunt & triverunt, usque ad ultimos Orbis Fines; Classes & Copias Navales, *Hispanorum, Anglorum, Belgarum*, instruendo & mittendo, quantæ *Indias* quidem, & *Chinam*, terrefacere & concutere possint: Hæc autem omnia, propter Margaritas scilicet, aut Gemmas, aut Aromata, suscepta sunt: At propter *Margaritam* illam *Regni Cælorum*, aut *Gemmas Cælestis Hierusalem*, aut *Aromata Horti Sponsæ*, Malum quidem Navis ne unum erectum vidimus. Illud interim, pro nihilo ducunt, Sanguinem *Christianum*, in partibus tam remotis, inter se præliantes, effundere; Sed ne Guttam quidem, in Causâ *Christi*. Verum, ne immemor videar, Rerum præclararum, in hoc genere, gestarum, fateor intra spatium illud quinquaginta Annorum, (de quo loquor,) aut paulò plus, tres susceptas esse Actiones memorabiles, à *Christianis*, contra *Infideles*; In quibus *Christiani* Invasores fuere. Cum enim Bellum Defensivum sit, Necessitatis potius Bellum iudico, quam Pietatis. Prima fuit, celebris illa & felix, Expeditio Navalis, quæ Victoriâ apud *Insulas Curfolares* terminata est; Quæ hamum inferuit, naribus *Ottomaxmi*, usque ad diem hodiernum. Quod Opus præcipuè instructum & animatum fuit, ab eximio illo Principe, *Papâ Pio Quinto*; Quem miror, Successores ejus, inter *Sanctos* non retulisse. Secunda fuit, Nobilis illa, (licet calamitosa,) Expeditio *Sebastiani, Lusitanie Regis*, in *Africam*; Quæ ab illo solo, absque aliorum ope, suscepta fuit; Ita solo, ut aliis, se postea excusandi, necessitatem imponeret. Pro ultimâ numero, memorabiles illas IncurSIONES, a *Sigismundo Principe Transylvaniæ* factas: Cujus Felicitatis Filium à *Christianis* ipsis abscissum fuit; Contra Monita egregia & Paterna, *Papæ Clementis Oñari*. Plures mihi non occurrunt.

POLLIO. Pace tuâ, quid dicis de Extirpatione *Maurorum Valentie*? Ad quam subitam Quæstionem *Martius* paululùm obticuit: *Gamaliel* autem, sermonem arripiens, dixit. G A M A L I E L. Planè cenſeo, *Martium* rectè Actionem illam præterisse: Etenim, meâ sententiâ, damnanda prorsus est. Inîò videtur Factum illud Deo displicuisse. Cernitis enim *Regem*, sub cujus Imperio, hoc factum est, (Quem vos *Catholici* pro sancto & immaculato Principe habetis,) in ipso Ætatis suæ flore, sublatum; Auctorem autem, & Suasorem; Rigoris ejus, (Cujus Fortuna super *Rupem edificata* putabatur,) corruisse; Quin & opinantur plurimî, Rationes ejus Facti nondum esse transactas, sed iis reddendis *Hispaniam* adhuc esse obnoxiam: Eò magis, quod ingens *Maurorum* illorum Numerus, (Exilio jam probati,) constanter in Fide perseverant, & veros se *Christianos* in omnibus præstant, præterquam quod appetitu Vindictæ, in *Hispanos* flagrent. Z E B E D E V S. Noli, obsecro, (*Gamaliel*), de Actione illâ magnâ temerè judicare; Quæ instar *Venulabri Christi* fuit in Regionibus illis; Nisi fortè monstrare poteris, Pactum aliquod *Hispanorum* cum illis Populis, quale *Iosuah* fecit cum *Gibeonitis*: Quo cautum esset, ut execrabilis illa Generatio, Sedes antiquas retineret. Quinetiam vides, *Edisto Regio*, hoc Executioni mandatum fuisse, non tumultuariè: Gladius enim Manibus *Plebis* neutiquam commissus est. E V P O L I S. Arbitror equidem, *Martium* illud omisſisse, non quod iudicio in alterutram Partem inclinaret; Sed quia cum Actionibus Belli haud benè congruebat; Siquidem cum Subditis tantum Res fuit; Neque Ar-

mis contrà itum est. Verùm permitramus (si placet) *Martium* in Oratione procedere ; Loquebatur enim, (ut mihi videtur,) tanquam Theologus Armis indutus. MARTIVS. Fateor, (*Eupoli,*) me in iis quæ loquor, Pietatem & Religionem, præcipuè mihi ante oculos proponere : Nihilominus, si loquendum mihi esset, ut Homini Animali tantum, eadem consulerem. Neque enim reperiri hodiè potest, Expeditio aliqua, aut Actio, etiam respectu secularis Amplitudinis, & Honoris terreni, quæ cum *Bello* contra *Infideles* comparatur. Neque in hoc, quod assero, Novitatem aliquam, aut ventosum quidpiam propono ; sed quod in Exemplis recentibus, ejusdem generis, se ostendit ; Licet fortasse minus arduis. *Castiliani*, Seculo superiore, Orbem novum aperuerunt ; Atque Regnum *Mexicanum*, *Peruviam*, *Chilen*, & alias *Indiæ Occidentalis* Regiones, subegerunt, & plantarunt. Videmus, quam ingentes opum Fluctus, in *Europam*, ex eâ re, inundarunt ; Adeò ut *Orbis Christiani* Censûs, in Decuplum, imò in Vicecuplum, jam aucti sint. Verum est, *Aurum*, tempore Invasione primæ, in iis Regionibus, congestum fuisse, & accumulatum ; Sed *Argenti* Venæ adhuc perpetuò scatent. Ex eodem etiam Auso, infinita, Territorii & Imperii, facta est Accessio. Neque enim unquam antehac, *Orbis Christianus* in Duplum crevit ; Quod verè asseri possit, jam esse factum, si computes id quod jamdudum acquisitum est, cum eo quod in posterum acquiri possit, per Occupationem & Culturam earum Partium Ulteriorem. Neque tamen affirmari verè possit, (si ingenuè loquamur,) *Fidei Christianæ* Propagationem, Navigationum illarum & Plantationum, Causam præcipuam extitisse ; Sed *Aurum*, *Argentum*, *Opes*, & *Gloriam*. Ita ut, quod in *Dei* Providentiâ primum fuerit, in *Hominum* Appetitu & Intentione, secundas tantum Partes obtinuit. Similia prædicari possint, de Navigationibus & Expeditionibus præclaris, *Immanuelis Lusitanæ Regis* ; Cujus Arma *Africam* & *Asiam* cingere coeperunt ; Atque ad setrahare, non solum *Commercium* *Aromatum*, *Lapidum pretiosorum*, *Moschi*, & *Pharmacorum*, sed *Sedes* & *Imperia* in Partibus illis *Orientis* extremis. Neque enim in his ipsis, *Religio Christiana*, præcipuè ante Oculos observabatur, sed *Amplificatio*, & *Prolatio Imperii*, & *Divitiarum*. Accidit autem jam, ex duobus istis præclaris Facinoribus, cum *Orientalis* & *Occidentalis Indiæ* modò sub *Hispaniæ* Ditione unitæ sint, id quod Magniloquus quidam dixit ; *Solem in Imperio Hispanorum nunquam Occumbere, sed aliquam ejus Partem semper irradiare*. Quod, (si verum dicendum est,) Radius quidam est *Gloriæ*, non dico *Corpus solidum Gloriæ*, in quo *Monarchia Hispaniæ*, reliquis omnibus *Monarchiis*, superior sit. Quamobrem, ut concludam, videre est in hisce Expeditionibus, contra *Ethnicos* & *Infideles*, *Honorem* & *Utilitatem*, tam *Spiritualem*, quam *Temporalem*, in unâ, tam *Intentione*, quam *Prosecutione*, coivisse. POLLIO. At, ut mihi videtur, pace tuâ, (*Marti,*) meminisse debueras, *Homines Silvestres*, & merè *Barbaros*, similes esse *Bestiis* & *Avibus*, quæ *Fera sunt Natura* ; Quarum *Proprietas*, (qualis esse potest,) *Possessionem* sequitur, & *Occupanti* conceditur : Sed in *Populis Civilibus* hoc non tenet. MARTIVS. Ego certè nil tale *Discriminis* agnosco, inter *Animas Rationales* ; Sed contrà sentio, quicquid in ordine sit, ad *Bonum Populi* alicujus majus, &

latius,

latius, Actionem posse Injustitiâ absolvere, concessio quod populus sit, five magis, five minùs, cultus & civilis. Verùm, non faciliè tibi concedam; (*Pollio*,) *Populus*, *Peruvianum*, aut *Mexicanum*, ita penitus fuisse Barbaros, vel Feros, ut Oratio tua innuit: Aut quod talis poni debeat differentia, inter illos, & alios, *Infideles*, qui hodiè in Locis plurimis degunt. In *Peruvia*, licet nudi fuissent, tēperaturâ fortasse Climatis hoc postulante; Et Con-
suetudines nonnullæ admodum Barbaræ apud eos invaluisse; Attamen Administrationi certè *Incarum*, in aliquibus, Humanitas, & Civilitas, non defuerunt. Reduxerant Nationes illas, ab *Idolorum* omnigenum Adoratione, ad Adorationem *Solis*. Atque, (quantum memini,) *Liber Sapientie* Gradus *Idololatriæ* distinguit: Constituens *Idolorum* vilium & despicabilem Cultum, magis cæcum & derestandum esse, quam simplicem *Cul um Creaturæ*. Et similiter, (nisi fallor,) faciunt quidam ex *Prophetis*; Ponentes *Cul um Idolorum*, per *Metaphoram*, tanquam turpissimam & Maxime bestialem Fornicationem. Insuper *Peruviani*, sub Imperio *Incarum*, magnifica habuerunt Tempia superstitionis suæ: Justitiæ Administratio apud eos viguit: Obedientiam & Fidelitatem constantissimam *Regibus* suis exhibebant: Etiam, contra Hostes, cum Justitiâ quadam Militari procedebant, ac si jus Fæcialium novissent; Legem suam, tanquam meliorem, iis offerentes, antequam Gladium stringerent. Neque absimilis erat Politia *Regni Mexicani*, quod Monarchia Electiva, non Hæreditaria, erat. Quatenus verò ad *Populos Indiæ Orientalis*, (*Goa*, *Calecuti*, *Malacca*,) erant illi populi delicati & lauti; Frugi certè, cum quadam Elegantiâ, etsi parùm bellicosi. Ita ut si æquâ lance res ponderetur, Imperium *Turcarum* censeretur magis barbarum, quam horum quodvis. Tyrannis crudelissima; Polluta Sanguine *Imperatorum* suorum in Successionibus singulis; Mancipiorum & Vassallorum Massa; Sine Nobilibus; Sine Generosis; Sine Ingenuis; Hæreditates nullæ; Nullæ Stirpes antiquæ; Gens sine *Affectibus Naturalibus*; Quæque (ut ait *Scriptura*,) non movetur *Desideriis Mulierum*; Immisericors, & incuriosa erga Liberos proprios; Gens sine Institutionibus Moralibus; Sine Literis, Artibus, & Scientiis; Quæ vix Jugerum Agri, aut Horam Diei mensurare nōrit; Sordida, & immunda, in *Ædificiis*, *Victu*, & Similibus: Atque, (ut verbo dicam,) Opprobrium merum Generis Humani. Ista tamen Natio, Hortum Mundi, in Eremum vertit. Nam, (ut rectè habetur in Proverbio,) *Vbi Equus Otiomanni pedem ponit, Populus vix crescit*.
POLLIO, Veruntamen, in medio Invektivæ tuæ, (*Marti*,) *Turcas* jure suo non prives, Eos ne utiquam pro *Idololatriis* habendos esse. Etenim, si, (ut ipse modò dixisti,) discrimen haud parvum sit, inter Cultores *Idolorum vilium*, & *Solis*; Majus se offert Discrimen, inter Cultum *Creaturæ* & *Creatoris*. Agnoscunt enim *Turcæ Deum Patrem*, Creatorem Cæli & Terræ, primam in Trinitate Personam, etsi reliquas duas negant. Ad quem Sermonem, cum *Martius conticuisset*, occurrit *Zebedæus*, vultu commotiore, & reprehensionem spirante, & dixit. ZEBEDÆVS. Cavendum sedulò, (*Pollio*,) ne in Hæresin *Immanuelis Comneni*, Imperatoris *Græciæ*, imprudentes labamur; Qui asseruit, *Mahometis Deum*, verum esse Deum: Quæ Hæresis à *Synodo* non solum rejecta & damnata est, sed *Imperator* iniputata, veluti Infantiæ Species quædam: Quam etiam ei

exprobravit *Episcopus Thessalonicensis*, verborum Acerbitate minimè rependendâ. MARTIUS. Ingenue fateor, me in illâ opinione esse, *Bellum* contra *Turcos*, plus Iustitiæ & Meriti habere, quam contra alios quosunque *Gentiles*, aut *Barbaros*, qui aut fuerunt, aut nunc sunt, tam *Religionis* Intuitu, quam *Honoris* : Licet Facilitas forsan, & Spes perficiendi, ad aliam magis Electionem invitare possit. Verum antequam ulterius progredior, tum & ipse libenter respirarem ; Tum etiam *Dominationes* vestras obnixè rogarem, ut Sermonis vices excipiat, qui melius eas sustinere potestis : Sed & præcipue hoc mihi occurrit, quoniam in Conventu nostro hîc aliquos video, qui egregii *Legis Divinæ* Interpretes sunt, etsi Dogmatibus nonnullis dissentientes. Ipse autem, non sine ratione, iudicio meo diffido, tum quod in seipso infirmum sit, tum quod Zelo & Ardore, in hac Causâ abripi possit : Itaque vitio mihi verri possit, si plura de hac re differerem, priusquam Fundamenta solidè jacta videam, quæ Iustitiam Actioni huic asserant ; Ab iis, qui in Iustitiâ Causæ discutendâ, meipso magis versantur, & peritiores sunt. EUPOLIS. Magnâ certè lætitiâ afficior, (*Marti*), cùm intueor in Viro Militari tantam Animi Moderationem ; Quandoquidem in re, quæ sanguinem excalefaciat, arque insuper speciem habeat Sanctitatis, non abripiaris, ad prætermittendam, aut pro concessio admittendam, Considerationem *Iustitiæ*. Atque quoniam, (ut mihi videtur,) *Colloquium* hoc nostrum feliciter procedit, si *Dominationes* vestræ annuant, nonnulla de Distributione Argumenti in Partes proponam. Cui *Rei* cùm omnes assensissent, Eupolis dixit. EUPOLIS. Mihi certè non incongruum videtur, si *Zebedæum* exoraremus, ut Quæstionem hanc discutiat ; Utrum *Bellum* propter *Fidei Christianæ* Propagationem, absque aliâ aliquâ Hostilitatis Causâ, jure suscipi possit : Et in quibus Casibus. Fateor insuper, libenter me audire velle, Dissertationem de *Iure* ; Non solum Permissivo, sed etiam utrum non obligentur *Principes Christiani*, & *Repub.* ad hujusmodi *Bellum* inferendum ? Quam Partem si *Gamalieli* placuerit in se recipere, Quæstio de *Iure*, simpliciter accepta, plenè discussa fuerit. Superest Quæstio *Comparativa* ; Nempe, dato, quod hæc Res, aut Legitima, aut Obligatoria sit, utrum tamen aliæ Res eam prævertere non debeant : Veluti, Extirpationes Hæresium ; Schismatum Reconciliationes ; Morum Reformationes ; Prosecutiones Titulorum, & Jurium, pro Temporalibus Dominiis, & Vindiectis ; Et hujusmodi : Atque insuper, in quantum *Bellum* istud *sacrum*, cæteras illas Res, vel præstolari debeat ; vel cum iis pari passu incedere ; vel illas compescere, & in ordinem redigere, tanquam se inferiores ? Quoniam autem hæc Pars latè patet, atque *Eusebius* adhuc silentium tenuit, (si *Dominationes* vestræ jubeant,) illam, per viam Mulctæ, ei imponemus. Interim vereor, ne *Pollio*, qui perspicaciâ & acumine pollet, ad distinguendum, quid sit in Rebus solidum & grave, quidque rursus speciosum & phantasticum, hæc omnia nihil aliud esse existimaturus sit, quam Impossibilia, & *Aquilas* (ut dicitur,) *in nubibus* : Itaque cùm rogabimus, ut Argumentum hoc totis viribus stringat & premat ; ut ab eo moniti & edocti, rem aut rejiciamus, si inveniatur tumida & inflata, aut saltèm ab eâ separemus, quicquid insit inane, & minimè

minimè sperabile. Atque quia ingenuè fateor, me in aliâ opinione esse, (etsi cum *Pollione* dimicare durâ sit Provincia,) tamen quantum in me est probare conitar, rem hanc perfici, & ad Exitum perducî posse: Atque ostendam, quibus Modis Impedimenta omnia & Obstacula, vel tolli, vel superari, queant. Tum verò tempestivum erit *Martio*, (si rem prius non deposuerimus,) Sermionis Partes resumere; tam quoad *Suasoriam*, quam quoad *Consultatoriam*; Quibus scilicet *Mediis*, *Apparatus*, cæterisque denique quæ ad *Activam Partem* conducant, administrari possit: Verùm hæc quæ dixi, pro tenuitate Judicii mei, in medium adduxi; *Dominations* vestræ rem meliùs disponent. *Vniversi*, non solum *Distributionem* probârunt, sed etiam suis partibus acquieverunt. Verùm, quia inclinabat *Dies*, Colloquium in *Mane Crastinum* differre consenserunt. Solimadò *Pollio* dixit. *POLLIO*. Sanè, (*Eupolis*) de me rectè conjicis. Planè enim sentio, nisi *Orbem Christianum* veluti *Pistillo* contundaris, & novam inde *Massam* conficiatis, de *Bello Sacro*, spem nullam reliquam esse. Atque semper hoc apud me statui, *Lapidem Philosophicum*, & *Bellum Sacrum*, *Diverticula* tantùm esse *Cerebrorum* nonnihil læsorum; Et eoruni, qui *Plumas* in *Capite* gestant, non in *Pileo*. Veruntamen, pro *Humanitate* vestrâ, mihi credite; Si vos quinque contraria senseritis; Præsertim, postquam ea, quæ in animo mihi sunt, recensuerim, paratus ero cum *Hippocrate* renunciare; *Athenenses* insanire, solum autem *Democritum* sanum esse. Atque, ne me à *Negotio* penitus abhorre judicetis, ab initio jam aliquid contr. buam. Vos proculdubio varia & egregia comminiscemini; Sed facite quod jubeo. *Papa*, qui nunc feder. decrepitus est, & Mors ejus quotidie expectatur, non secus quam si *Campana* jam pulsaret. Date operam, ut post eum eligatur *Papa*, minimè *Senex*, *Annorum* quasi inter quinquagesimum & sexagesimum: Assumat autem sibi Nomen *Urbani*; Quia ejus *Nominis* *Papa*, primò *Cruciatam* instituit; Et tanquam *Tubâ Sacrâ* *Expeditionem* in *Terram Sanctam* excitavit. *EUPOLIS*. Benè ais. Sed esto, si placet, paulò plus serius, in hoc *Colloquio*.

Die sequente iidem convenerunt, prout constituerant; Cùmque confedissem, & aliquid à *Pollione* *facietiarum* inspersum esset; Qui sic ludebat; *Bellum* jamdudum inchoatum esse; Se enim, per totam noctem, nihil aliud, quam de *Janisariis*, & *Sultanis*, & *Tartaris*, somniasse; *Martius* dixit. *MARTIUS*. *Distributio Colloquii*, quæ ab *Eupolide* heri facta est, & à Nobis approbata, mihi sanè videtur omninò perfecta & absoluta, præterquam unâ in Parte: Loquor aurem, non de *Numero Partium*, sed de earundem *Ordine* & *Collocatione*. Ità enim dispositum est *Colloquium*, ut *Pollio* & *Eupolis*, *Possibilitatem* aut *Impossibilitatem* *Actionis* ventilarent, antequam ego *Mediorum* & *Apparatus* *Declarationem* explicaverim. Ipse autem sæpiùs animadverti in *Deliberationibus*, *Ingressum* propinquiorem, in *Considerationem Modi* rei gerendæ sive exequendæ, *Opinionem* priùs conceptam, de *Possibilitate* aut *Impossibilitate*, penitus subvertisse: Adeò ut, quæ primo intuitu *Possibilia* videbantur, inquirendo in *Modos* perficiendi, *Impossibilitatis* convicta fuerint: Et econtrariò, quæ *Impossibilia* quis primò putasset, *Mediorum* rursus *Explicatione*, (tanquam *Lumine* à *Dorso Rerum* posito, & affulgente,) se ostenderint *Possibilia*; Quæ

antèa impervia putabantur, perviis factis. Hoc autem non eò dico, quo Ordinem Interloquendi immutarem, sed solummodò ut à *Pollione* & *Eupolide* impetrarem, ne quid peremptoriè & conclusivè pronuncient, donec me de Executionis *Modis* differentem audierint : Atque deinde ad replicandum sine præjudicio se reservent, postquam ante Oculos, veluti Modulum quendam Rei gerendæ contemplati sunt. Pergrave istud, & sobrium Martii Monitum, & Cautio, plurimùm à reliquis collaudata : Unde *Eupolis* dixit. *EUPOLIS*. Cùm *Martius* aliquid corrigere inceperit, in eo quod heri decretum est, licebit & mihi, (præsertim in propositione quadam, quam ipse intuli,) Omissionis alicujus meminisse : Quæ plus est quam Collocatio Partium præpostera. Quantum enim conjicio, addenda, & inferenda erat *Quæstioni de Jure*, hæc Appendix ; Quousque *Bellum sacrum* sit prosequendum ? Nempe ; Utrùm usque ad Eradicationem & Exterminium Populorum ? Atque insuper, utrùm Res ad hoc deducenda sit, ut Fides Nova Armis compellatur ; Religio falsa vi & suppliciis vindicetur ; An potiùs, ut Regiones & populi solummodò subjugentur ; unde per Gladium secularem, via aperiatur, ad Gladium spiritualem, qui Persuasione, Instructione, & hujusmodi Remediis, quæ ad Salutem Animarum, & Informationem Conscientiarum, propria sunt, penetret ? Sed fieri potest, ut hoc, quod tanquàm omissum noto, seorsim in Partem constitui opus non sit ; Quia *Zebedæus*, pro eâ quâ pollet prudentiâ, in eam sponte incidet ; Tanquam Annexum quoddam *Quæstionis de Jure* ; Quæ discuti & determinari non potest, absque Distinctionibus, & Limitationibus. *ZEBEDÆVS*. Confirmator certè reddor, (*Eupolis*,) cùm videam iudicio tuo, (quod tanti æstimo,) id probari, quod ipse apud me facere institueram. Quemadmodum enim *Martius* benè notavit, rem esse laxiorem de *Possibilitate* differere, priusquàm *Modi* ipsi conficiendi in medium adducantur ; Similiter se habet, de *Iustitiâ* diffinire, absque Recensione & Consideratione *Casuum* Particularium. A principio itaque *Casus* distinguam : Et si veniam mihi dabit, si eos seorsim singulos nimis præcisè non discutam : Nam & prolixum hoc foret ; Ac rursus, non in *Artibus* aut *Methodis* occupati jam sumus, sed in *Colloquio Deliberativo*. Primum igitur in genere quæritur, (sicut *Eupolis* antèa memoravit,) utrùm *Principibus Christianis*, *Bellum Invasivum* inferre liceat, solummodò & simpliciter, propter Propagationem *Fidei*, sine aliâ quapiam Hostilitatis causâ ? Secundò, quæritur, posito in partem *Casus*, quod *Regiones* illæ olim *Christianæ*, & *Ecclesiæ* Membra erant, ubi *Candelabrum aureum* steterat ; Et si jam planè defecerint, neque Reliquiæ ullæ sint *Christianorum* ; Utrùm licitum non sit, *Bellum* inferre, ut illæ *Ecclesiæ* denuò reuniantur, tanquam vetus *Christi* Patrimonium ? Tertiò quæritur, addito in partem *Casus* ulteriorem, Multitudinem adhuc *Christianorum* magnam, in illis locis degere ; utrùm licitum non sit, *Bellum* inferre, ad illos à *Iugo Infidelium* liberandos ? Quartò, utrùm *Bellum* inferri justè non possit, ad recuperandum & expurgandum, *Loca Sacra* & *solennia*, modò polluta & prophanata ; Qualia sunt *Civitas*, & *Sepulchrum*, sancta ; Et hujusmodi *Loca*, ubi Adoratio, & Devotio, se inprimis exercuerunt ? Quintò, utrùm *Bellum* licitè geri non possit, ad ultionem capiendam, de

Blasphemiis,

Blasphemie, & Conumelias, vero Deo, & Servatori nostro, illatis; Aut de Effusione Sanguinis Christiani quamvis multis retrò seculis factâ; Quandoquidem Judicia Divina; Cancellis temporum minimè concludi, & multoties Peccatorum tantum Maturitatem expectare, consuet? Sextò, in Considerationem venit; (Id quod modò proposuit Eupolis;) utrum Bellum sacrum, (quod, sicut Causæ dignitate, ita & Prosecutionis Justitiâ, aliis omnibus præcellere debet;) Urgeri licitè possit, usque ad Expulsionem & Interneccionem Populorum, Vim Conscientiis inferendam, atque hujusmodi Acerbitates exercendas: vel qualis adhibenda sit Moderatio, & Limitatio; Ne dum Christianos nos esse meminerimus, alios Homines esse oblivisci videamur. Interventit tamen Articulus quidam, qui hos universos præcedere debeat; Et ferè missos faciat, quantum ad hoc Particulare Bellum contra Turcas: Qui in mentem mihi forsitan non venisset, nisi Martium heri, Tyrannidem Turcarum, tam ad vivum, Oratione suâ depingentem, audissem; Quam tu Pöllio Invektivam appellasti, licet revera justa esset & debita Contestatio; Et quantò in animo magis revolvor, tantò plus in Opinione illâ confirmor; Arma scilicet pro Imperio illo debellando, etsi Religionis Causam seponamus, licitè sumi posse. Postquam Zebedæus ista dixisset, aliquantisper respiravit, si quid forrè cæteri, in eam rem iniecissent: Sed postquam nil aliud, quam Silentium, & Attentionis signa observaverat, ad ea quæ dicturus erat, hoc modo perrexit.

ZEBEDÆVS: *Dominationes vestræ, in hac Quæstione, de Iure Belli Sacri contra Turcas, non expectabunt à Me Tractatum justum: Sed Sermone tantum, qualis Deliberationi conveniat: Atque ad hujusmodi Brevitatem, & Modum Dicendi, me componam. Primùm hoc concedam; Sicut Belli Causa justa esse debet; Ita, ejus Causæ Justitia, oportet ut sit liquida; Non obscura, aut scrupulis implicata. Etenim, omnium Legum consensu, in Causis Capitalibus, Probationes, requiruntur, plenas esse & evidentes. Quod si hoc postulandum sit, ubi Unius Viri periclitatur; Quid de Bello dicemus, ubi semper in innumeros, Mortis Sententia fertur? Cavendum itaque imprimis, ne immolando Cruorem Hominum, per Bellum injustum, Beatissimum Servatorem nostrum, ad Similitudinem Moloch, aut Idoli Ethnici, adoremus. Justitia Actionis cujuscunque consistit; In Meritis Causæ; In legitimâ Jurisdictionis Auctoritate; Atque in prosequendi Modo debito: Quantum enim ad Intentionem interiorem, eam Curia Cæli relinquo. De his separatim, prout referri possint, ad Subjectum præsens, Belli Sacri contra Infideles; Et nominatim, contra potentissimum illum, & maximè Formidabilem Fidei Hostem, Turcam. Equidem teneo, & confido me liquidò probaturum, (quantum per Summam quandam, & Capita tantum Rerum, Probatio haberi possit,) Bellum contra Turcam justum esse, & legitimum; Tam Iure Naturali, quam Iure Gentium; Nec-non Iure Divino, quod illorum duorum est Perfectio. Quatenus verò ad Legem Positivam, & Civilem, vel Romanorum, vel aliorum quorumcunque; Machinæ sunt ille certè nimis exiles, quæ tantæ Quæstionis pondus regant. Itaque, meo judicio, Multi ex Recentioribus Scholasticis, (etsi Homines alias egregii,) non rectâ quidem insistent viâ, ad Quæstionem illam discutendam;*

cutiendam; Nisi fortè Donum *Navii* nacti sint; Ut *Corem* novacula scindere queant. Primò, quantum ad *Legem Naturæ*: *Aristoteles* Philosophus non malus ejus *Legis* Interpres, Multorum Ingenia exercuit, Scito illo ingenioso; De *Naturâ Domino*, & *Naturâ Servo*. Affirmando, disertis verbis, & peremptoriè, usque à Natalitiis, res aliquas natas esse ad regendum, aliquas ad parendum: Quod Oraculum, secundum varios sensus acceptum fuit. Acceperint illud nonnulli, pro sermone Jactantiæ; ut *Græcorum* in *Barbaros* Imperandi. Jus assereret; Quod Thema defensum melius fuit à Discipulo ejus *Alexandro*. Alii acceperunt veluti Modulum quendam speculativum; Quod *Naturâ* & *Ratio*, hoc volunt & poscunt, ut meliores imperent: sed neutiquam ut jure hoc vindicare possint: Verùm ego, nec pro Verborum Jactantiâ, nec pro voto quodam aut Optato, illud accipio; Sed pro Assertionem verâ, quemadmodum ab illo diffinitur, & limitatur. Sic enim asserit. Si inveniri possit Disparitas talis & Inæqualitas, inter Hominem & Hominem, qualis inter Hominem & Brutum cernitur, aut inter Animam & Corpus, Jus planè Imperandi inducit: Quod videtur potius suppositio impossibilis, quam Sententia veritatis expers. Verùm, meâ quidem opinione, & Sententiâ recta est, & Suppositio possibilis; Atque ejus *Naturæ*, quæ locum habuit & habet, tum in *viris* aliquibus, tum in *Nationibus*. Sed antequam ad reliqua pergamus, Ambigua quædam, & à Sensu vero Sermonis nostri multum aberrantia, ne interpellant, abigamus & relegemus. Si quis asserat, eos, qui magis Ingenio pollent, & Meritis præcellunt, Jus tale ad Imperandum obtinere, ut minùs dignos per vim subicere, & sibi in Servitutem redigere, licitum sit, Nugæ meræ sunt: Suffragia Hominum nunquàm in eo coibunt, ut declaretur, quis sit dignior. Etenim, si ordinem *Naturæ* spectes, non solum ei Dominium debetur, qui Intellectu eminet, ut *Aristoteles* asserit; Sed non minùs ad Imperium requiruntur, Fortitudo ad protegendum; & ante omnia, Probitas & Rectitudo, ad abstinendum ab Injuriâ. Ita ut perplexa planè res sit, diffinire, quis ad Imperandum habilis magis sit. Alii siquidem Viri, aliæ Gentes, in his præponi debent; Alii in illis. Itaque, Thesis, quam adduco, non tenet in *Comparativo*; Nempe, ut prudentior, aut fortior, aut justior, Natio regere debeat; sed in *Privativo*: Hoc scilicet volumus: Si cubi reperiatur ejusmodi Cumulus aut Congeries Populi (etsi forsan *Regnum* vel *Imperium* vocetur,) omninò indigni qui imperent, juxta *Belli* Causa oritur, ut ii subjugentur, à Natione aliâ Civili, & ad Imperandum habili: Imò licet hoc à *Cyro* quopiam, aut *Cæsare*, qui *Christiani* non fuerunt, fieri supponatur. Secundus Error, quem exulare volo, hic est; Ne quis hoc à me dici putet, de *Tyrannide* aliquâ personali; Sicut *Imperium Romanum* fuit, sub *Caligulâ*, aut *Nerone*, aut *Commodo*: Numnam Populus quæso, plecti debeat, ob id, in quo jamdudum plectitur? Sed ubi ipsa Status Constitutio, & Consuetudines, & Leges ejus Fundamentales, (si modo Leges appellari mereantur;) *Jus Naturæ*, & *Genium*, planè convellunt: Tum (inquam) *Bellum* contra eos, justum censeri debet. Quæstionem autem istam in tres Partes dividam. Primò, utrùm existere possit, Natio aliqua, vel Hominum Cætus, quibus justum sit, *Bellum* inferre, absque Injuriâ aliquâ præcedente quæ vindican-

da lit, aut provocatione ? Secundò, quæ tandem sint illæ *Juris Naturæ*, & *Gentium*, Violationes, & Impugnationes, quæ omni Jure ad regendum spoliant, & privant ? Tertiò, utrùm hujusmodi, *Legis Naturæ* & *Gentium* Violationes, inveniuntur hodiè in aliquâ Genre ; & nominatim in Imperio *Ottomanorum* ? Quantum ad primam ; Nullo modo affirmate hæsitaverim, Gentes tales, aut Carus Hominum, existere posse. Hujus rei Fundamenta poni non possunt magis solida, quam si in Donationem Imperii Originalem, & Primitivam, inspiciamus. Observa igitur Verba Donationis illius ; Præcipuè Præfationem. Dixit Deus ; *Faciamus Hominem ad Imaginem & Similitudinem nostram, & domineur piscibus Maris, & Volantibus Cæli, & Bestiis Terræ.* Hinc *Franciscus de Victoriâ*, & alii nonnulli, egregiè inferunt, atque extrahunt verissimum & planè divinum *Aphorismum* ; *Non fundatur Dominium nisi in Imagine Dei.* Hic habemus Chartam Donationis omnis Domini. Facilius itaque erit, de Caussis Revocationis, aut Annullionis ejusdem, judicare. *Imaginem* si deleas, Jus unà cessat. At *Imago* hæc quid est, aut quomodo deletur ? *Pauperes Lugdunenses*, & hujusmodi Spiritus Fanatici, respondebunt, *Imaginem Dei* esse Puritatem ; Id autem, quod delet, esse *Peccatum*. Verùm hoc ad Eversionem Imperii omnis spectat. Neque *Peccatum Adami*, aut *Maledictio* illud secuta, eum Jure Domini sui privavit, sed in Creaturis, Rebellionem tantum, & Reluctationem, excitavit. Itaque, (si diligenter attendas,) cum Charta ista, *Noacho* & *Edis*, post *Diluvium*, renovaretur, non fit per Verba Restitutionis Domini, qualia erant prima ; *Dominamini* ; &c. Sed ; *Terror vester, ac Tremor vester, erit super cuncta Animalia Terræ, & super omnes Volucres Cæli, cum universis quæ moventur super Terram* ; Imperium minimè de novo concedendo, quod ratum manebat, sed contra Reluctationem illud protegendo. Interpretes igitur saniores, hanc *Imaginem* interpretantur, esse *Rationem Naturalem* ; Quæ si intoto, aut maximà ex parte, deformeretur, *Jus Imperii* extinguitur : Atque si Interpretum omnium Sententias diligenter perpendas, de *Casu* dubitant, non de *Legè*. Sed hoc propriè tractandum veniet, cum de secundâ parte disseremus ; Quæ ipsas *Imaginis* Deformationes explicabit. Verùm pergamus. Hoscias Propheta, in Personâ Dei, de *Judeis* dicit ; *Ipsi regnaverunt, & non ex me ; Principes constituerunt, & non cognovi.* Qui Locus aperte indicat, Dominiâ quædam esse, quorum *Deus* se Auctorem negat. Et si enim occultâ ejus providentiâ ordinentur, Voluntate tamen ejus Revelatâ minimè agnoscuntur. Neque hoc de *Gubernatoribus malis*, aut *Tyrannis*, intelligi potest ; (Illi enim, in *Scripturis*, sæpenumero Auctoritate muniuntur, & stabiliuntur, tanquam *Potestates Legitimæ* ;) Sed de Perversitate aliquâ, & totali Defectione, in Gente, aut Populo ipso : Quod ex eo liquidò colligitur, quandoquidè *Propheta* loquitur, de Dominio in Abstracto, non de Personâ Domini. Licet autem nonnulli, ex iis quos diximus, Hæretici, Textu hoc abusi sint, eumque malè distorserint ; Sól tamen, in transitu per Cloacas, non inquinatur. Atque insuper, si quis inferat, ex Verbis *Prophætæ* sequentibus, (quæ hanc Rejectionem, ob *Idololatriam* eorum, factam, declatant,) Interpretatione istâ, omnium *Nationum Idololatricarum* destrui Dominiâ, (quod perspicuè falsum est ;) Hoc meo ju-

dicio

dicio non sequitur, *Idololatria* enim *Judeorum*, eo tempore, atque *Idololatria Ethnicorum*, quæ tum fuit, & hodiè invenitur, Peccata sunt Naturæ inter se multum discrepantis, respectu Fœderis specialis, & Manifestationis clarioris, quibus *Deus* seipsum Nationi illi devinxit, & exhibuit. Hæc Imperii Nullitas, & Dominii Privatio, quam in Nationibus aliquibus reperiri dicimus, significantius adhuc, à *Mose*, exprimitur, in *Cantico* suo, sub Personâ *Dei*, *Judeos* alloquentis; *Ipsi me provocastis in eo, qui non est Deus*; *Et ego vos provocabo, in eo, qui non est populus*. Tales, (proculdubio,) erant *Populi Cananæorum*, & reliqui, post Donationem, *Terre Promissionis*, *Israelitis* factam. Ab eo enim tempore, Jus eorum in Terram illam corruit, etsi in Locis compluribus, Armis subjugati non fuerint, sed in Possessione manserint. Ex hoc videre licet, Nationes quasdam Nomine-tenus existere, quæ Nationes jure non sunt; sed Multitudines tantum & Examina Populorum. Quemadmodum enim *Homines* quidam sunt, quos *Ex-leges* appellamus; *Proscripti* scilicet, per *Leges Civiles* diversarum Regionum: Ita etiam, *Nationes* quædam sunt, *Ex-leges* factæ, & *proscriptæ*, per *Jura Naturæ*, & *Gentium*; Aut per *Mandatum Dei* immediatum. Sicut etiam *Reges* quidam sunt, de Facto, & non de Jure, respectu Nullitatis Tituli eorum; Ita *Nationes* quædam reperiuntur, Terras & Possessiones suas, de Facto, & non de Jure, occupantes, respectu Nullitatis *Politici*, aut *Regiminis* sui. Sed recipiamus *Exempla* aliqua in Medium Probationum nostrarum; Etenim sic disposita, non minus probabunt, quam si in finem rejiciantur; Tum verò illustrabunt magis. Indubitatum semper fuit, Bellum contra *Piratas*, justè geri posse, per Nationem quæcunque, licet ab iis minimè infestata, aut læsa. An quia certas Sedes, aut Lares, non habent? At in *Piratico Bello*, à *Pompeio Magno* gesto, (Quodque reverà, inter *Bella* quæ gessit, ei maximè honorificum, & gloriosum fuit,) *Piratae* nonnullas *Urbes* tenuerunt, *Portus* quamplurimos, etiam magnam *Provinciae Ciliciæ* partem: Atque *Piratae*, qui hodiè sunt, *Julio Casario*, *Receptum* habent. *Bestiæ* non idèò minus feræ, quia speluncas habent. An quia periculum ab iis, tanquam *Nubes*, volitat & volvitur, ut nesciamus in quam partem erupturum sit; Adeò ut omnium, sine discrimine, Res agatur? Ratio certè hæc posterior, bona; Illi tamen non insunt omnia; Neque profectò ea est, quæ ut plurimum allegatur. Vera enim *Causa* hujus Rei hæc est; Quod *Piratae Communes Humani Generis Hostes* sint; Quos idcirco omnibus Nationibus persequi incumbit, non tam propter Metus proprios, quam respectu Fœderis inter *Homines Socialis*. Sicut enim quædam sunt Fœdera in *Scriptis*, & in *Tractatus* redacta, contra *Hostes particulares* inita; Ita *Naturalis* & *tacita Confoederatio* inter omnes *Homines* intercedit, contra *communes Societatis Humanæ Hostes*. Adeò ut, ad hujusmodi *Bella* indicenda, non opus sit *Denunciatione* aliquâ solenni; Non expectanda *Supplicatio* à *Natione læsâ* ut summittantur *Auxilia*; sed istiusmodi *Formulas* omnes supplet *Jus Naturæ* in *Bello Piratico*. Idem censendum est, de *Larronibus* per Terram, & *Insidiatoribus Viarum*; Quales adhuc dicuntur *Pagi* nonnulli *Arabum*; & *Reguli* quidam *Montani*, qui secus angustas vias, & à *Viatoribus* frequentatas, habitant. Neque (ut priùs de *Pirasis* dictum est,) *Principibus* tantum

tantum vicinis, hos debellare conceditur; verum etiam, si quæ Natio sit, quantumvis longè diffusa, quæ Merito & Gloriæ sibi duceret, *Bellum* istud suscipere; (veluti *Romani* olim *Bellum* gesserunt pro liberandâ *Græciâ*,) proculdubio hoc facere cum Iustitiâ possint. Nec absimile pronuntio, de *Regno Assassinarum* jam extincto, quod situm erat super Fines *Saracæ*, atque olim, magno, *Principibus Orientis*, pro tempore, terrori fuit. Ibi consuetudine receptum erat, ut *Regis* Mandato, & ex cæcâ obedientiâ eidem præstandâ, quivis illorum obligatus esset; & veluti voto obstrictus, ad Cædem cujusvis *Principis*, aut Personæ, perpetrandam, quam *Rex* suus designavit. Consuetudo ista, sine controversiâ, totum illud Regimen invalidum reddidit, & nullo jure subnixum; Tanquam Machinam quandam, contra Societatem Humanam extructam, quæ ab omnibus incendi, & destitui meruit. Idem pronuntio de *Anabaptistis Civitatis Monasteriensis*, etiamsi *Imperatori* Rebelles non fuissent; Atque etiamsi nil sceleris reverâ commisissent. Quin & si adhuc fuerit, aut in futurum exorturus sit, Hominum Cœtus aliquis, qui teneret & poneret, omnia licita esse, non ex præscripto Legum, aut Regularum aliquarum, sed ex Motu & Instinctu secreto & vario Spiritus; Hic proculdubio Natio nulla censenda, Populus nullus, nulla Politia, quam *Deus* agnoscit: Cuivis sanè Nationi, Populum hunc, (si ad Sanitatem redire recuset,) exterminare penitus ex cœtu Hominum, & à facie Terræ delere licebit. Proponam jam *Exemplum Rei fictæ*: Et tamen Veteres in dubio reliquerunt, utrùm Res ficta fuerit, an Historia vera. Illud intelligo de *Genie Amazonum*; ubi Regimen, tam publicum, quam privatum, etiam Militia ipsa, penes *Fœminas* residebat. Num quis sanæ Mentis affirmaverit, hujusmodi Imperium, contra Ordinem Naturæ, in principiis suis, institutum, non esse in se vacuum, & nullum, & prorsus abolendum? De summo *Fœminarum* Imperio non loquor; Id enim Consiliariis, & Magistratibus subordinatis, Masculis, suffulcitur; Verum, ubi Regimen Status, Iustitiæ, Familiarum, à *Fœminis*, & non aliis, administrabatur. Attamen, *Exemplum* hoc postremum, à prioribus differt, eò quod in illis Periculi Metus supponatur, in hoc autem Aberratio tantum à *Lege Naturæ*. Neque hæsitârim idem affirmare de *Sultaniâ Mamalucorum*, ubi *servi*, & nulli alii, pecuniâ empti, & stirpis incognitæ, Liberis imperabant. Huic affine esset, si *Gentem* aliquam supponas, apud quam Consuetudo talis reciperetur, ut *Filii*, quamprimum ad plenam Ætatem pervenerint, *Parentes* possessionibus suis expellerent, & eis stipendium tantum solverent: *Exempla* enim ista, Imperii *Fœminarum* in *Viros*, *Filiorum* in *Patres*, *Servorum* in *Liberos*, similia & cognata inter se sunt; Cum in his omnibus, *Ius Naturæ* & *Genium*, manifestò violetur & pervertatur. Quantum ad *Indos Occidentales*, video (*Marti*,) te *Garcilazum de Viera* legisse; Qui & ipse è stirpe *Incarum* fuit; & proles mista exitit; Atque Virtutes, & Mores honestiores Patriæ suæ libenter memorat; etsi cettè sobrie hoc, & perquam modestè faciat. Attamen mihi haud facîle persuadebis, Nationes illas, à quavis Natione, quæ Virtutibus Moralibus culta & imbuta esset, subjugari non potuisse; Licet Propagatio *Fidei* seponeretur, nec in partem Cásus admitteretur. Cerrè, Nuditas illorum, quâ plerunque usi sunt, absque ullo omnino ve-

lo aut Tegumento, magnæ deformitati fuit : siquidem in *Nuditatis Conscientiâ*, sensus primus Peccati constitit ; Atque Hæresis *Adamitarum*, semper habita est, tanquam Opprobrium Naturæ. Sed hoc Fetvoribus Regionis detur, quandoquidem sit illis cum aliis nonnullis *Gentibus* commune. Neque rursus simplicitatem eorum commemorare placet, licet insignis fuerit ; utpote qui Equos Fræna ipsorum manducare ; Literas autem loqui, & commissæ sibi nunciare, putarent ; Et similia. Neque etiam Sortilegia, Divinationes, & Magicas Superstitiones narro ; In quibus, cum plerisque *Gentibus Idololâtris*, communicabant. Verùm assero, Consuetudinem apud illos, Homines sacrificandi, & multò magis Carnes Humanas manducandi, tantam Abominationem fuisse, ut erubescere cogatur, quicumque certè negaverit, Morem hunc execrabilem, cum aliis improbissimis, conjunctum, *Hispanis* justam Causam tribuisse, Territoria eorum invadendi, ut per *Legem Naturæ* proscripta ; & *Populum* vel reducendi, vel expellendi. Absit tamen à me, Crudelitatibus & Cædibus, quæ sub initiis adversus illos grassabantur, patrocinari ; Quæ certè Mercedem suam paulò post receperunt ; Cum ne unus quidem ex primis earum Regionum Occupatoribus extiterit, qui non ipse violentâ Morte periret ; Quemque etiam, Mors & Calamitas, complurium è suis, non aut comitabatur, aut à tergo insequabatur. Sed *Exemplorum* satis ; Nisi fortè hùc adjicias *Labores Herculis* : *Exemplum* sanè, quod licet *Fabulis* multis turgat, hoc tamen in primis habet ; Quod insigniter demonstret, omnium Nationum & Ætatum Consensum, in Extirpationibus & Debellationibus, Gigantum, Monstrorum, & Tyrannorum Enormium approbandis ; Non solum tanquam justis, sed tanquam Facinoribus egregiis ; Quæque Divinos, aut saltem Heroicos, Honores mererentur : Atque hoc, licet Liberatòr ille, quisquis tandem sit, ex unâ Orbis Extremitate ad alteram penetraret. Jam autem, *Exemplis* his prælibatis ad *Argumenta* redeamus, Pondus potiùs, quam Numerum, spectantes, ut in huiusmodi *Colloquio* par est. Primum *Argumentum* hoc erit. Damnandus certè error ille, tanquam pusillanimitatis nimix, si quis existimet, Nationibus aut *Gentibus*, nullum inter se Vinculum intercedere, nisi aut sub *Rege* eodem uniantur, aut per Pacta & Fœdera socientur. Aliæ siquidem Societatis Obligationes sunt, & Confœderationes tacitæ & implicitæ. Exempli gratiâ. Illa *Coloniarum*, aut aliò Transmigrantium, erga Nationem Progenetricem suam. Neque pro nihilo habendum, si *Genies unius Labii sint* : Sicut enim Confusio Linguarum Nota erat Separationis ; Ita Lingux Communio Nota Unionis. *Iisdem Legibus Fundamentalibus*, & Consuetudinibus Generalibus uti, adhuc majus quiddam est ; Quod Genus Conjunctionis, in *Græcis*, respectu *Barbarorum*, vigeat. Super omnia autem eminet, magna illa & indissolubilis, inter Homines universos, *Consanguinitas* & *Societas*, de quâ *Poëta Ethnicus*, (*Paulo Apostolo citante*,) *Ipsius enim & Genus sumus*. Multò magis *Consanguinitatis* illius Jura, inter Nos *Christianos* colenda sunt ; Quibus specialiter revelatum, omnes Homines ex unâ Mafsâ Terræ prodiiisse ; Cunctasque Orbis Generationes, è duobus *Protoplastis*, propagatas esse. Nos (inquam) sine Hæsitatione ullâ agnoscere debemus, nullas *Genies* inter se peregrinas, aut Sanguinis alieni esse ; Neque Cha-

ritatis sensu minùs affici, quam *Senex* ille *Comicus* præ se tulit, qui dixit ; *Homo sum, Humani nihil à me alienum puto.* Quod si ea intercedit, qualem diximus, inter Homines universos, Confoederatio, certè alicui Fini inservit, nec prorsus otiosa est. Aliquas ergo Actiones, aliquas Res respicit. Quæ tandem illæ sunt ? Num fortè hoc *Fœdus* contra *Feras*, aut *Elementa Ignis & Aquæ*, initur ? Nequaquam : Sed contra *Hominum Coetus & Greges* quospiam, qui à *Lege Naturæ* penitus desciverunt & degeneraverunt ; Quique in Corpore ipso suo, & Fabricâ Statûs, Monstruosum quiddam habent ; Qui denique, juxta *Exempla* dudùm prolata, communes *Humani Generis*, *Hostes & Gravamina* ; Atque insuper *Opprobria Naturæ*, & *Dignitatis Humanæ*, meritò censeri possint. Tales *Hominum Greges*, omnium *Nationum* interest, tam vividi sensûs esse, ut, si fieri possit, suppriment ; Quandoquidem *Populus* ipse, qui talia patitur, *Remedium* sibi ipsis præstare nequeunt. Atque hoc, quod dico, metiendum est, non tam ex *principiis Iureconsultorum* ; Quam ex *Lege Charitatis* ; *Lege Proximi*, quæ non minùs *Samaritanum* quam *Levitem* ; includit ; *Lege Filiorum A. & de Massâ unâ* ; Super quas *Leges Primitiæ* Opinio ista fundatur ; Quas impugnare, (si liberè loqui liceat,) fuerit propemodùm, in *Naturâ Schismaticum* esse.

Reliqua perficere non vacabat.





NOVA ATLANTIS

Fragmentorum alterum.

P E R

Franciscum Baconum,
Baronem de Verulamio,
Vice-Comitem *S. Albani*.



LONDINI,
Typis IOH. HAVILAND.

Prostant ad Insignia Regia in Cœmeterio *D. Pauli*,
apud locosam Norton & Richardum Whitakerum.

1 6 3 8.




Imprimatur.

*Reverendissimo in CHRISTO Patri, & Dom.
D. Arch. Cant. Sacellanus Domesticus,*

Decemb. 7. 1637.

GVIL. BRAY.





Lectori S.



Fabulam hanc *Novæ Atlantidis* eo animo consinxit *Honoratissimus Auctor*, ut in eâ *Modulum* quendam & *Descriptionem Collegii*, ad *Interpretationem Naturæ*, & *Operum Magnitudinem* ac *Potentiam*, instituti, exhiberet: Idque nomine *Domûs Salomonis*, sive *Collegii Operum sex Dierum*, insigniret. Atque eò usque *Sermonis Filum* produxit, donec hoc conficeret. *Modulus*, (fateor,) pro more *Poeticæ*, grandior & cellior est, quàm qui, in omnibus, *Imitationi* pateat; Veruntamen, in plerisque, *Industria Hominum* sibi non diffidat. In animo etiam habuit, hac ipsâ in *Fabulâ*, *Librum de Legibus*, sive de *optimo Civitatis statu*, exarasse; Sed cùm *Opus* hoc prolixum futurum prævideret; Nec-non *Historiæ Naturalis* colligendæ, aliarumque *Instaurationis Partium* contexendarum, (quas longè potiores duxit,) desiderio abriperetur; Hic pedem fixit. Hæc habui in Mandatis; Lege, & Vale.

Guil. Rawley.

18

THE [illegible] OF [illegible]

BY [illegible]

IN TWO VOLUMES

VOL. I

LONDON: [illegible]

18[illegible]

THE [illegible] OF [illegible]

BY [illegible]

LONDON: [illegible]



Nova Atlantis.



Avigavinus è P E R U V I A, ubi per Annum integrum commorati sumus : Petebamus autem *Chinam, & Japoniam*; Commeatum in duodecim Menses nobiscum portantes ; Atque per spatium quinque Mensium; & ampliùs, Ventis secundis ab Orru flantibus, licet lenioribus & remissioribus; usi sumus. Tum verò vertit se ventus, & ab Occidente; per multos dies; constanter spiravit ; Adcò ut progredi lentè admodùm possemus; atque de Reditu quandoque cogitaremus. Seditunc rursùs, orti sunt Austri, fortes & vehementes, cum Inclinatione nonnullà in Orientem ; Qui nos (quantum fieri potuit) contrà nitentes, versùs Septentrionem compulerunt : Quo tempore Commeatus noster; (etsi parcè admodùm eum distribuissimus,) penitus absumptus. Itaque; cùm Nos ipsos, in Medio Vastissimi, per universum Orbem, Aquarum Eremi; positos videremus; absque Commeatu; perditos nos planè putabamus; & Mortem propinquam expectabamus. Attamen Corda nostra, & Voces, ad Deum in Caelis levavimus ; *Qui Mirabilia sua in profundis monstrat* ; Eum precantes, pro Misericordia suà, ut quemadmodùm, in principio, *Congregationes Aquarum* mandavit, & *Aridam* apparere fecerat ; Ita nunc quoque Terram Nobis ostenderet; ne periremus. Contigit autem, ut die sequente, sub vesperi, intra modicam distantiam, cerneremus; Septentrionem versus, tanquam Nubes spissas; Quæ Nobis de Terrà spem injecerunt ; satis goaris, Tractum illum *Maris Australis*; penitus incognitum fuisse : Atque Insulas, & Continentes, adhuc non detectas, complecti potuisse. Itaque Cursum, totà illà noctè, eò direximus, ubi Terra se, ut conjiciebamus, ostenderat : Atque illucescente die postero, manifestum fuit, id quod videramus, Terram revèrà fuisse ; Depressam quidem & silvosam ; Quod eam magis obscuram monstraverat. Atque post Sesqui-Horæ Navigationem, Portum Tutum appulimus : Portum Urbis cujusdàm, non magnæ quidem, sed pulchrè extructæ, & quæ, ex quâ parte Mare spectabar, Elegantiam magnam præ se tulit. Nos verò singula Momenta tardè æstimantes, quibus a Terrà abessemus, ad Lirtus properavimus ; Et ad Descensum in Terram nos comparavimus. Confestim autem vidimus,

mus; nonnullos ex Populo urbis, cum Bacillis in Manibus, qui nutu & signis, nos in Terram descendere prohibuerunt; Absque tamen Clamoribus, aut Ferociâ. Unde, haud parùm contristati, quid faciendum esset, apud Nos deliberabamus. Interim perrexit verius Nos Scapha haud magna, octo circiter Viros vehens; Quorum unus in manu gestabat Baculum ex Arundine luteâ, ad utrunque finem cæruleo colore imbutum; Qui Navem nostram fidenter conscendit. Cumque vidisset unum è nostris obviam illi prodeuntem, è sinu extraxit Rotulum quendam Pergamenæ, (sed Pergamenâ nostrâ paulò flavioris, atque ad instar Foliorum Codicillorum splendentis, aliâs autem mollis satis & flexibilis,) Eique in manum dedit, qui primus è nostris se obtulerat. In quo Rotulo, *Linguâ Hebraicâ* priscâ, *Gracâ* quoque priscâ, *Latinâ* satis purâ, & *Hispanicâ*, scripta erant hæc Verba; *In terram ne descendatis; Nèdum quispiam è vestris. Quin & Discessum ab his Oris maturate, intra sexdecim dies; Nisi licentia Vobis diutius morandi concedatur. Interea, si Aquâ Vobis opus sit dulci, aut Commeatu, aut Medicinâ & Curatione pro Aegrotis, aut si Navis vestra reparatione indigeat, singula, quibus careitis, in scriptis exhibete; Nos autem Officiis ullis Misericordiâ Vobis non deerimus.* Rotulus iste, sigillo firmatus erat, ex *Alis Cherubim*; Minimè expansis, sed deorsum pendentibus; Et juxta eas *Cruce*. Hoc tradito, *Minister* ille discessit, & unum ex Famulatio suo nobiscum reliquit, qui Responsum nostrum reportaret. Cùm jam apud Nos, de hac re deliberarem, timidi & anxii hærebamus. Arceri à Descensu in Terram, & moneri de præproprio nostro Discessu, malè nos affligerunt: Contrâ, cùm videremus, Populum illum *Linguas* externas callere, tantâque Humanitate præditum esse, consolationi nobis erat non exiguæ: Ante omnia, signum *Cru-cis* Instrumento appositum, singulari gaudio nos affecit, tanquam Salutis Augurium manifestum. Responsum à Nobis est *Linguâ Hispanicâ*. *Navem nostram satis commodè se habere; Quandoquidè Malacias, & Ventos contrarios, potius experi i essemus, quam Tempestates: Quantum ad Aegrotos nostros, eos plurimos esse, quin & graviter laborantes; Ita ut nisi Descensus in Terram illis permitteretur, de vitâ periclitarentur.* Alia, quibus carebamus, speciatim exhibuimus; Addentes; *Adesse nobis Merces pauculas, quas si eis emere placeret, necessitatibus nostris subveniri posse, ne illis oneri essemus.* Oblulimus Servo præmium exiguum in Ducatis; & Holoferici Carmosini parcellam, quæ *Ministro superiori* offerretur: Sed ille non accepit, imò vis aspicere sustinuit: Atque ita, in aliâ parvâ Scaphâ, quæ ad eum missa fuit, discessit.

Tribus plius minis Horis elapsis, postquam Servus Responsum nostrum accepit, Lembo versus nos devectus est, *Vir* (ut videbatur) ex *Magistraribus*. Indutus erat Togâ cum Manicis amplis, ex Cameloto, Coloris cærulei pulcherrimi, splendidioris multò quàm Nos in *Europâ* habemus: Tunica interior viridis erat; Et similiter Galeris ejus, qui factus erat in Figuram Turbani, eleganter compositi, neque prægrandis, qualia solent esse *Turcica*; Atque Capillorum suorum *Cincinnati*, infra oram Turbani dependebant. Vir sanè aspectu venerabilis. Vectus est in Lembo, aliquâ ex parte inaurato, quatuor solummodò Viris, in eodem Lembo, comitatus. Alius autem à tergo sequebatur, in quo erant Viri circiter viginti. Quamprimùm intra spiculi jactum venisset, signis quibusdam

busdani è Lembo aionitusunus, ut aliquos è nostris ad illum mitteremus. Id quod statim fecimus, in Navis nostræ scapha ; virum ex nostris, (uno excepto,) primarium mittentes, & Quatuor cum illo. Cùmque circiter sex Virgas à Lembo abessemus, jubebant ut nos sisteremus, nec propius accederemus. Quod & fecimus. Tum verò vir, quem modò descripsi, in pedes se erexit, & altà voce *Hispanicè* interrogavit ; *Num Christiani estis ?* Respondimus ; *Christianos nos esse* : Mirus metuentes, quia Signum *Crucis* in Instrumento illo videramus. Ad quod Responsum, Dexteram ille versus Cælum sustulit, & deinde leniter ad os suum adduxit ; Qui Gestus, in usu illis est, cùm Deo Grantias agunt. Tunc autem perrexit ; *Si jurabitis ; (Unusquisque Vestrum ;) per Merita Servitoris, Piratas vos non esse ; Nec sanguinem Humanum effudisse, sive jure, sive vi, iuramento quadraginta dierum, ultimo elapsarum ; licentiam obtinebitis in Terram descendendi.* Respondimus ; *Piratos nos omnes esse ad illud Iuramentum præstandum.* Unde unus è Comitatu ejus, qui videbatur *Notarius* esse, illud in Scriptum redegit. Quo factò, alter è Comitatu viri illius primarii, qui in eodem Lembo vehebatur, postquàm Dominus in aurem ei quidpiam locurus esset, altà voce dixit ; *Dominus meus, hoc vobis notum esse veli, non ex superbiâ, aut fastu esse, quo minùs Navem vestram conscendat ; Sed quia ex Responso vestro innotescit, plurimos inter vos se malè habere, a Conservatore Sanitatis in urbe monitus erat, ut ad aliquam distantiam colloqueretur.* Submisso capite Nos inclinavimus, & respondimus ; *Servos ejus humilimos nos omnes esse ; magnòque Honori ducere, & singulari suæ Humanitati tribuere, id quod jam dudum factum esset : sed sperare nos, Morbum illum, quo Aegroti nostri laborant, contagiosum minimè esse.* Ita Vir ille primarius reversus est. Paulò post adfuit *Notarius*, & Navem nostram conscendit ; In Manu suâ, Fructum quendam ejus Regionis tenens, Arantio non absimilem, verùm Colore magis in coccineum vergente ; Qui Odorem spirabat suavissimum. Illum, (ut videtur,) gestabat, ut ei, contra Contagionem, Antidoti vice esset. Exhibuit autem Nobis Juramentum ; *Per Iesum Dei Filium, & Merita ejus ;* Ac deinde nobis dixit ; postero die, ante Solis exortum, affuturum, qui nos accerferet, ac ad Domum Peregrinorum perduceret ; ubi præstò nobis essent, quæcunque necessaria, sive pro Aegrotis, sive pro Sanis. Sic à Nobis discessit : Cùmque ei Aureos aliquos obtulissimus, subridens dixit ; *Se binum Salarium, pro unâ operâ, accipere non debere.* Quorum verborum (ut arbitror) is Sensus erat, quod Salarium è publico, ob operam suam, reciperet. Nam, (ut postea intellexi,) Officiarium, qui præmia accipit, *Hominem bini Salarii*, vocant.

Postero mane, diluculò, accessit ad Nos *Minister* ille, qui primus, cum Arundine suâ, nos adierat ; Et retulit ; *Se venisse, ut ad Domum Peregrinorum nos deduceret : Se autem Horam anticipasse, ut commodiorem integri Diei, ad Negotia nostra haberemus.* Si autem, (inquit,) mihi assculabitis, primo mecum aliquos vestrum mittetis, qui locum circumspiciant ; & quomodo optimè ad Vos recipiendos accommodari possit ; Postea autem Aegrotos vestros accerferis, & reliquos, quos in Terram descendere vultis. Grantias ei egimus, & diximus ; *Curam hanc, quam pro Peregrinis miseris suscepis, Deum pro certo remuneraturum.* Itaque, sex è Nostris eum comitati sunt. Præiit ille, & respiciens ad Nos, dixit perhumanè certè ; *Se servum vestrum tantummodò*

summodò esse, & via Duce. Duxit autem Nos, per tres Plateas, pulchras admodum; Atque per totam, quam pertransivimus, viam, haud pauci è populo, ad utrunque Latus, congregati sunt, ordine stantes; Verùm more adeò Civili, ut viderentur non tam ad otiosum Spectaculum convenisse, quam ut Adventum nostrum gratularentur. Multi autem ex iis, cum incederemus, Brachia sua paululum aperuerunt; Quo Gestu utuntur, cum Adventum alicujus, sibi gratum esse, significare volunt. *Domus Peregrinorum*, Ædificium est speciosum & spaciosum, extructum ex Lateribus, nostris, colore paulò magis purpureis; Cum Fenestris decoris, aliquibus ex vitro, aliquibus autem ex panno linteo delicato, oleo intincto. Deduxit nos primò in Cœnaculum satis elegans, super Gradus locatum: Tunc autem à Nobis quæsit; *Quoi numero essemus?* Et, *Quot è nostris Ægroti?* Respondimus; *Universum numerum, tam Sanorum, quam Ægrotorum, esse ad unum & quinquaginta Homines: Ex quibus, Ægroti, erant septendecim.* Rogavit nos, ut aliquantisper præstolaremur, dum ad nos rediret. Quod post Horam circiter fecit. Tum verò adduxit ad Cubicula visenda, quæ Nobis parata erant, numero novendecim: Computatione scilicet inirà, (quemadmodum videtur,) ut quatuor ex illis Cubiculis, quæ reliquis nonnihil præstabant, quatuor ex Primariis nostris, exciperent, in quibus seorsim cubarent; Reliquorum quindecim singula binis assignarentur. Cubicula elegantia erant, & lucida, nec-non Supellectili satis laurâ ornata. Tum demùm in Porticum longam divertimus; Qualia solent esse *Dormitoria Monachorum*; ubi ostendit nobis, per Latus unum integrum, (Nam Latus adversum nihil aliud erat, quam Paries, & Fenestræ,) Cellas septendecim, nitidas, Partitiones habentes ex Cedro. Quæ Porticus, cum Cellis, numero quadraginta, (multò scilicet pluribus, quam nobis opus erat,) instituta erat ad usum Infirmorum. Simulque monuit, quod quamprimum aliquis ex Ægrotis convalesceret, transferri posset è Cellâ in Cubiculum. Ad quem usum parata erant, decem alia Cubicula, præter illa, de quibus antè diximus. Hoc factò, in Cœnaculum nos rediit, & attollens paululum Arundinem suam, (quod in more illis erat, quoties *Ministri* Måndata Superiorum referunt,) ita ad Nos locutus.

Notum Vobis facio, consuetudinem Regni hujus postulare, ut post diem instantem, & crastinum, (quòs Vobis ad transferendos è Navi Homines, & Res vestras, permitimus,) contineatis vos ipsos, intra Fores hascè, in triduum. Veruntamen, hoc vos non perturbet, neque propterea intra Carcerem vos compingi existimate; Sed potiùs indultum hoc esse, quò ab Itinere vestro, spiritus recreetis & reficiatis. Nullius rei egebitis: Quin & sex Famuli assignati sunt, qui vobis ministrent, & Negotia vestra expediant. Gratiàs ei egimus, cum omni affectu, & humilitate; Et diximus; Deus proculdubio in hac Terrâ manifestatur. Obtulimus ei etiam viginti Aureos, sed ille quoque sutrident, hoc solum dixit; Quid, vultis me esse Hominem bini Salaris? sic abiit. Paulò post, prandium nostrum allatum est; Quod certè satis lautum, & salubrem victum, tam respectu Ciborum, quam Potùs, exhibuit: Meliorem certè & uberiolem, quam pro modulo Collegii ullius, quantum novi, in Europâ. Potus erat trium Generum; Unumquodque eorum bonum & salubre: Vinum ex Uvis: Potus ex Granis; qualis est apud Nos
Cervisia,

Cervisia, sed clarus & limpidus : Et Siceræ, Genus ex Fructu quodam ejus Regionis confectum ; Potus sane gratissimus, & miri refrigerii. Allata etiam est Nobis magna Copia Arantiorum illorum coccineorum, in usum Ægrotorum : Aiebant enim, ea præsens & efficax esse Remedium contra Ægritudinem in Navigatione contractam. Præterea, Pyxidem nobis tradidit, pillulis albescentibus sive cineritiis, plenam : Monuitque, ut Ægroti nostri, unam earum, singulis noctibus, in Introitu Lecti, sumerent ; Quas dixerat Sanitatem eorum acceleraturas. Proximo die, cum à Labore & opere, circa vecturam Hominum, & Rerum nostrarum, è Navi, requievimus, visum est mihi, Socios nostros in unum convocare : Cum autem convenissent, ita eos allocutus sum : *Amici mei charissimi ; Noscamus nos ipsos ; Et quo loco res nostræ sint. Viri sumus, in Terram projecti è Mari, sicut Ionas è Venire Balenæ, cum in Albo veluti sepulti essemus. Iam verò, licet Terram rursus calcamus, inter Vitam tamen, & Mortem, medii consistimus. Etenim Fines, & Veteris, & novi Orbis, præservati sumus. Acque utrum Nobis Europam rursus conspiciere dabitur, soli Deo notum. Miraculo quodam huc advehi sumus ; Atque à miraculo propè aberit, si hinc abvehamur. Quocirca, Salutem præteritam, ac pericula præsentia, & futura, animo recolentes, ad Deum nos convertamus, Corda levemus, & vias nostras singuli corrigamus. Præterea, ad populum Christianum, Pietatis, & Humanitatis plenum, venimus : Curemus (quæso,) ne illam Faciei confusionem, super nos inducamus, ut coram illis vitia nostra, aut malos Mores, palam faciamus. Adhuc restat amplius. Illi enim, (cui sub Humanitatis Formâ,) nos hujusce Domus claustris, ad triduum, conclusæ sunt ; Quis novit, num-nam hoc faciant, quo Morum nostrorum experimentum sumant : Quos si repererint pravorum, confestim exulare nos jubebunt ; Sin probos, Morem hunc longiorem indulgebunt ? Quos enim assignarunt, Famuli isti, quidni etiam speculatorum vices agant ? Itaque, propter Amorem Dei, atque si charum nobis sit Bonum Animarum & Corporum nostrorum, isanos geramus, ut & pacem cum Deo habeamus, & Gratiâ in Oculis populi hujus inveniamus. Socii nostri, unâ voce, mihi, de iis quæ admonueram, gratias egerunt ; Promiseruntque, sobriè se & modestè victuros, absque scandalo vel minimo. Itaque tres illos dies læti, & curis vacui, peregimus ; Nihil solliciti de eo, quod Nobis, post triduum illud, contingere posset ; Quo etiam Dierum curriculo, assidue, propter Convalescentiam Ægrotorum nostrorum, exhilarati sumus ; Qui se, veluti in Probatricam aliquam, divinâ Sanandi virtute præditam, missos existimabant : Tam celeriter siquidem, & constanter, convalescebant.*

Crastino post illud triduum elapsum, venit ad Nos Homo novus, quem antea non videramus, veste cæruleâ amictus, quemadmodum & prior ; Nisi quod Turbanum ejus album esset, cum Cruce parvâ, rubeâ, in vertice. Habuit etiam Litripipium, circa Collum, ex linteo purissimo. Sub Introitum suum, paululum se inclinavit, & Brachia sua nonnihil explicavit. Nos verò cum resalutavimus, modo admodum humili & submisso ; Ab ore ejus, sententiam, vel Vitæ, vel Mortis, expectantes. Postulavit, ut cum paucis aliquibus Hominum nostrorum, colloqueretur. Itaque sex tantum manserunt, cæteri se subdlexerunt. Tum ille. *Ego quidem Domus hujus Peregrinorum, officio Præpositus sum ; Vocatque autem* Presbyter

Presbyter Christianus. Itaque jam accessi, ut operam meam, vobis, in omnibus, præstarem, tanquam Peregrinis, sed præcipue tanquam Christianis. Nonnulla habeo quæ vobis referam, quæ (ut arbitror) non illibenter audietis. Statim iste licentiam vobis dedit per sex Septimanas ulterius commorandi. Neque vos conturber, siquidem Negotia vestra spatium amplius postulent: Nam, neque Lex ipsa Regni, in hac parte, rigida est; Tum vero minime dubito, quin & ipse vobis Comperendinationem Temporis istius, prout res vestræ flagitabunt, procurare possem. Quin & insuper narro vobis, Donum hanc Peregrinorum, isto tempore, sat discere, & pecuniâ numeratâ bene instrui: Rediit enim suos accumulavit, jam per Septem & triginta Annos: Tot enim effluxerunt, ex quo Peregrinus aliquis ad has partes appulerat: Itaque de Impensis vestris sollicitudine sitis; Sumptus, quamdiu hic manseritis, e publico erario ministrabitur: Neque vel punctum Temporis, hujus rei causâ, de Morâ vestrâ decedet. Quantum verò ad Merces, quas adduxisse dicitis, nullæ vobis imponuntur Conditiones duræ, sed justis pretiis eas venderis; Valorem earum accipientes, vel in Mercibus aliis, vel in Auro & Argento: Nostri enim nihil interest. Si vero quicquam sit, quod à Statu isto petere velitis, illud nos ne celeis. Reperieris enim, nos Responsum tale relaturos, quod vultus vester minime decedat, aut contristetur. Hoc tantum vobis edico; Nequis vestram, Karanâ longius, (Illa apud eos sesqui-milliari æquivalet,) à Mœniis Urbis abscedat, sine licentiâ speciali. Respondimus, postquam nos vicissim intuiti essemus, gratiosam hanc & quasi paternam Benignitatem admirantes; Non habere nos, quod diceremus; Cum & Gratiis agendis verba non suppeterent; & præ-nobilis ejus & inopinata Munificentia, omnia, quæ à Nobis petenda essent, præoccupasset. Nos certè Cogitationem illam subire, quasi effigiem Salutis æternæ, in Cœlis, antè oculos haberemus: Siquidem, qui paulò antè, in Faucibus Mortis constituti eramus, adductos jam esse in Locum, ubi Consolationes perpetuæ, & nil aliud, spirant. Quantum ad Mandatum Nobis impositum, Obedientiam summam præstituros; Etsi fieri non posset, quin Corda nostrâ, ardentissimo, sanctam illam & felicem Terram, ulterius visendi, desiderio, inflammarentur. Adiecit, Linguas prius Faucibus nostris adhæsuras, quâ Nos mentionem, vel Personæ ejus Venerandæ, vel Gentis hujus universæ; in precibus nostris, omitteremus. Supplicavimus etiam ei, ut nos in Numero Servorum suorum, verorum meritò, & fidorum, reputaret; Jure non minore, quam quo unquam Mortales Mortalibus devincti fuerint: Itaque Nos ipsos, & omnia nostra, ad pedes ejus, humiliter projicere. Dixit; Sacerdotem se esse, & Sacerdotis Mercedem expectare: Id est; Fraternali Amorem nostrum, & Bonum Animarum & Corporum nostrorum. Ita à Nobis discessit, non sine Lachrymis, præ teneritudine Animi, obortis; Nos quoque reliquit, Gaudio, & Affectu Gratitude, confusos, & perculsos; Atque invicem dicebamus; Nos venisse in Terram quandam Angelorum; Qui Nobis quotidie apparebant, & Consolationibus præveniebant, quas ne cogitare quidem potuissemus, nedum expectare.

Die proximo, Horam circiter decimam, matutinam, denuò nos invisit Præpositus; Et post Salutationes utrinque factas, dixit familiariter: Se venisse, ut nos visitaret, & Tempus Nobiscum tereret. Tum Cathedram poposcit, & consedit. Nos autem, numero decem; (nam cæteri aut inferiores

feriores erant, aut foras abierant,) circa eum sedimus: Ac deinde ita exorsus est. *Nos de Inuita hac Bensalem, (ita enim eam vocant Linguâ suâ,) hoc habemus; Quod ob situm Insulæ nostræ solitarium; Et Leges peregrinantibus Nobis impositas, de Terrâ hac celandâ; Et raram Exteriorum Adversitatem in Regionem nostram; Nobis quidem maxima Pars Orbis Habitabilis nota sit, ipsi verò aliis penitus simus incogniti. Itaque cum Quæstiones illis apiores sunt, qui minùs nôrum, consentaneum est magis, ut Vos me interrogetis, quam ut Ego vos. Respondimus; Nos illi Gratiâ maximas referre, quandoquidem hanc Nobis licentiâ indalgeret: Tum ex illis, quæ jam observamus, facile nos conjicere, non esse Rem in Mundanis cognitu digniorem, quam Statum & Conditionem Terræ hujus sælicissima. Sed ante omnia, (diximus;) cum ab extremis Terræ Oris jam convenerimus, nec-non in Regno Cælesti nos olim conveniuros speremus, (eò quod utrinque Christiani simus,) scire avemus; (Quandoquidem Terra ista in tantum disita sit, & vastis & incognitis Maris Traditibus, divisa à Terrâ illâ, in quâ Servator noster, dum in Carne fuit, versabatur;) Quis tandem hujus Genus Apostolus; & quibus modis ad Fidem conversa fuerit? Facile erat, ex vultu ejus perspicere, gratam illi imprimis fuisse hanc Quæstionem nostram: Cormeum, (inquit) vobis mirificè auxistis, quod Quæstionem hanc primo in loco proponitis: Indicat enim vos, querere primum Regnum Dei: Atque libenter, & breviter, Postuluo huic vestro satisfaciam.*

Annis circa viginti, ab Ascensione Domini, factum est, ut conspiceretur à Populo Rensulæ, (Vrbis maritimæ, ad Orientalem plagam Regionis nostræ, sitæ,) noctû, (Nox autem erat Nubila, sed placida,) juxta mille passus à l.tiore, Columna Lucis præalta: Non figurâ Pyramidalî; sed veluti Cylindri, è pelago versus cælum erecta; & in vertice ejus Crux Lucis ampla, Corpore Columnæ aliquantò splendidior. Ad spectaculum hoc tam mirabile, congregatus est (ut fit) Populus Vrbis, super Arenas Maris, & stæbat paulisper ætonius: Verùm paulò post Scaphis parvis plurimi se commiserunt, ut Remanî stuporis propius inspicerent. Verùm, postquam Scaphæ; intra sexagima circiter à Columnâ Virgatas, advenissent, ecce omnes subito se sistebant, nec ulterius procedere poterant; Itatamen, ut in Circuitu movere, sed non accedere propius l'ceret: Adeò ut Scaphæ veluti in Theatro starent, Lucem hanc tanquam Scenam cælestem spectauræ. Evenit autem fortè fortunâ; ut in Scapharum unâ, ad sset quispiam ex Sapientibus nostris; Societatis nimirum Domus Salomonis: Quæ Domus sive Collegium, (Fratres mei charissimi,) Oculis planè est hujusce Regni. Qui postquam aliquandiu, Columnam hanc, una cum Cruce, attentè & devotè contemplatus esset, in faciem se prostravit; Et dein se ingenua erigens, manusque ad Cælum attollens, hujusmodi Preces fudit:

Domine Deus Cæli & Terræ; ex gratiâ tuâ speciali, Ordinis nostri Hominibus, dignatus es, Opera tua Creationis, & eorum Secreta, nosse; Atque dijudicare, (quantum Generationibus Hominum datur,) inter Miracula Divina, Opera Naturæ, effectus Artis, & Illusiones Dæmonum, cum Imposturis omnimodis. Agnosco & testor coram hoc populo, Rem hanc quam ante oculos intue-
mur,

mur, esse *Digitum tuum*, & *Miraculum Verum*. Quoniam autem è *Libris nostris didicimus*, *Miracula* nunquam à Te edita, nisi ob *Finem* aliquem *Divinum*, & excellentem; (Etenim *Leges Naturæ* *Leges tuæ* sunt, à quibus nisi magnam ob *Causam* minimè recedis;) humillimè obsecramus, ut *signum* hoc magnum nobis *fortunes*, atque ejus *Interpretationem* & *usum* in *Misericordiâ* concedas; Id quod, dum idem ad nos mittas, tacitè & *secretò* polliceris.

Postquam ita precatus est, continuò *Scapham*, in quâ rehebatur, solutam sensit & mobilem, ceteris adhuc veluti ligatis manentibus. Illud in *signum* certum *Licentiæ* appropinquandi interpretatus, *Scapham* fecit, placidè, & cum *Silentio*, versus *Columnam*; *Remigio* impelli. Verùm antequam ad illam pervenisset, *Columna* cum *Cruce Lucis* dissipata est, & se undique tanquam in *Firmamentum* quoddam *Stellarum multarum* vertit; Quæ etiam & ipsæ brevi evanuerunt: Neque aliud restabat spectandum, præter *Arcam* quandam parvam ex *Cedro*; *Siccam* quidem, neque *Aquâ ullatenus* madefactam, etsi nataret. In parte autem ejus priore, versus *Sapientem*, *Ramus palmæ*, exiguus quidem & viridis, crescebat. Is postquâ plurimâ cum *Veneratione*, *Arcam* in *Scapham* suam recepisset, ecce *Arca* sponte se aperuit; In quâ reperti sunt, *Liber*, & *Epistola*: Uterque in *membranâ purâ* scriptus, & *sindonibus linteis* involutus. *Liber* continebat *Canonicos Libros universos* veteris & novi *Testamenti*, prout vos illos habetis; (etenim satis scimus quos *Libros Ecclesiæ* apud vos recipiunt;) Atque *Apocalypsis ipsa*, & nonnulla alia ex *Novi Testamenti Scriptis*, quæ eo tempore edita non erant, nihilominus eo *Libro* continebantur. Quod verò ad *Epistolam*, illa in hæc verba scripta erat.

Ego *Bartholomæus*, *Servus Altissimi*, & *Apostolus Jesu Christi*, monitus sum ab *Angelo*, qui in *visione Gloriæ* mihi apparuit, ut *Arcam* hanc *Maris Fluctibus* committerem. Itaque testor, & annuntio, ei *populo*, ad quem *Deus* ordinaverit hanc *Arcam* appellere; Eo ipso die ad eos venire, *Salutem*, & *Pacem*, & bonam *Voluntatem*, à *Patre*, & *Domino Jesu*.

Præterea in duobus his *Scriptis*, tam *Libro*, quam *Epistolâ*, operatus est *Deus Miraculum* insigne, illi, quod *Apostolis* ostendit, (*Dono originali Linguarum*), non dissimile. Etenim, cum eo tempore, in hac *Terrâ* viverent, *Hebræi*, *Persæ*, & *Indi*, præter ipsos *Indigenas*, singuli in *Libro* illo, ac *Epistolâ*, legerunt, acsi in *Linguâ* cujusque propriâ, scripta fuissent. Hoc pacto, (*Fratres mei*), servata est hæc *Terra*, ab *Infidelitate*, (quemadmodum & *Reliquiæ Mundi* veteris servatæ fuerunt ab *Aquis*), per *Arcam*, ope *Apostolicæ* & *miraculosæ Evangelizationis Sancti Bartholomæi*. Atque hîc loqui desuit. Quando *Nuncius* quidam venit, qui eum accersivit. Sicque, eo *Colloquio*, nihil aliud intervenit.

Die postero, statim à *prandio*, rursus ad Nos venit *Præpositus*; seque

excusavit, dicens; *Se pridie à Nobis subitò & inopinatò advocatum; Nunc verò rediisse, ut illud compensaret, tempusque nobiscum unà insumeret, si modò gratum nobis, Consortium ejus, aut Colloquium, fuerit. Respondimus; Imò illud tam gratum nobis accedit, ut nec miseriarum præteritarum, nec periculorum futurorum, memores simus, quamdiu Colloquio ejus fruamur. Addidimus; Existimare nos, Horam unam, Sermones cum illo conferendo, insumpiam, Annis integris vitæ nostræ prioris præstare. Inclinavit se paululum; & postquam confedissemus, dixit; Bene habet, Quæstiones vestræ sum. Tum unus è nostris, parvâ interpositâ morâ, ita dixit. Esse rem quandam, cujus cognoscendi quidem avidi, interrogandi autem timidi essemus, ne forè nimio plus præsumpissè videremur. Veruntamen singulari ejus erga nos Humanitate confirmatos, (cùm nos vix pro Exteris ducamus, qui servi ejus addictissimi & devotissimi sumus,) ejus proponendi libertate usuros; Humillimè obtestantes, ut si Responsione vix dignaretur, Quæstioni tamen ignosceret, licet eam rejiceret. Dixit; Nos observasse satis, & memoriâ adhuc tenere, Verba illa ab ipso prolata; Terram hanc felicem, in quâ jam pedem figimus, paucis admodum cognitam esse; Atque nihilo secius plerasque Orbis Nationes satis nosse: Id quod verum esse planè perspiciebamus, quandoquidem Linguas Europæ callerent, & Res nostras, in plurimis, intelligerent; Cum nos econtrâ in Europâ, post tot, & tam remotas Navigationes, hâc ætate postremâ susceptas, nihil prorsus de hâc Insulâ inaudiverimus. Hoc mirari satis non posse, cum Nationes omnes, aut per Peregrinationes in paries exieras, aut per Advenius Exterorum ad eas, sibi invicem innotescant. Licet autem, qui in Natione exteriâ peregrinatur, plus Notitiæ & Informationis visu nanciscatur, quam domi manens à peregrinante, auditu solo, addiscere possit; Attamen, utroque modo, Notitiam mutuam, aliquâ ex parte, haberi posse. Verùm, quantum ad hanc Insulam, nunquam Nova ad nos allata, de alicujus Navis, ab eâ, ad Oras nostras, appulsu; Nedum ad Littora Europæ; Neque ad Littora Indiarum, Occidentalis aut Orientalis: Neque aliquid decipissè, de Navi ullâ, cujuscunque ea Populi sit, quæ a Terrâ hac redierit. In hos autem, illud quod Admirationem moveret, non consistere; Situm enim ejus, (ut Dominatio sua dixerat,) in tam vasti pelagi Conclavi secreto, huic rei in causâ esse posse; Verùm, ut illi contrâ Notitiam Linguarum, Librorum, Rerum haberent, Gentium ab iis tam immensis spatiis distitarum; Id omnem admirationem superare; Neque nobis quomodo fieri hoc possit, ullo modo in Mentem venire: Nobis siquidem Divinarum Alentium & Potestatum, non autem Hominum quorumvis, Conditionem videri, ut ipsæ Occultæ & Invisibiles lateant, cæteris interim illarum visui patentibus, & velut in apricio positis. Ad hæc verba, Præpositus placidè subrisit, & dixit; Non sine causâ, veniam nos hujus Quæstionis petere; Siquidem innuere, ac si Terram hanc, non aliam, quam Terram Magorum duceremus; Quæ Spiritus Aërios, in omnes Partes, emitteret; Quorum ope & famulatio, quæcunque in aliis Regionibus gererentur, pernosceret. Omnes uno ore humiliter respondimus; vultu tamen ita composito, ut eum non aliàs quam joco hoc dixisse, præ Nobis ferremus: Nos sanè facilè in eam Cogitationem venire, esse aliquid, in hac Natione, planè supernaturale; Illud tamen, potiùs Angelicum, quam Magicum, ducere: Verùm ut perspicuè apud Dominationem suam eloqueremur, quid tandem illud fuerit, quod Scrupulum hunc, ne quæreremus, injecisset, nihil ex hâc re sapivisse; Sed quoniam in Sermone præterito eum innuisse memineramus;*

de Silentio erga peregrinos, per Leges cavisse. Ad hoc respondit, Reſe quidem meministi: Itaque in iis, quæ proferre apud vos instituo, nonnulla reservanda sunt, quæ omnino revelare licitum non est; Haud pauca tamen supererunt, quæ satisfactionem vobis abundè præstabunt.

Intelligitis igitur, (id quod vobis fortasse vix credibile videbitur,) ter mille circiter abhinc annis, aut paulò plus, Navigationes Orbis Terrarum, (præsertim in Regionem remotas,) majores fuisse, & magis strenuè susceptas, quam hodierno die. Ne existimetis, nescire me, quantum apud vos creverim Navigationes, intra Annos centum & viginti proximè elapsos: Satis mihi hoc cognitum: Et tamen, majores (inquam) fuerunt, eo tempore, quam nunc. Sive Conservatio illa, Reliquiarum Humani Generis, per Arcam, à Diluvio universali, hanc Navigandi confidentiam Hominibus indiderit; Sive aliud quid in causâ fuerit. Sed utcumque, hoc quod dico, verum est. Phœnices, ac præcipuè Tyrii, magnas habebant Classes. Similiter habebant & Carthaginenses; Colonia ipsorum, quamvis ad Occidentem magis sita sit. Ab Oriente verò, Classès Ægyptiorum, & Palæstinæ, potentes erant, & numerosæ. China autem, & Atlantis magna, (quam vos Americam vocatis,) quæ nunc Tuncas tantum, & Canoas, habent, vi magnâ abundabant, illis diebus, Navium grandiorum. Insula hæc nostra, (ut ex fidelibus ejus Aëtiæ Historiis planè liquet,) instructa tum fuit Navibus mille quingentis, usque fortibus, & magnæ capacitatis. De hoc, quod loquor, apud vos, exigua admodum, aut nulla est Memoria; At nobis pro certo cognitum est.

Eo etiam tempore, ad Insulam hanc, Naves & Carinæ, earum omnium, quas modò nominabam, Nationum, appulerunt. Atque, ut fieri solet, Naves illæ præter Populares suos, rebebant multos, ex aliis Regionibus; quæ ipsa maritime non erant; veluti Persas, Chaldaeos, Arabes; Ita ut omnes ferè Nationes potentes & celebres, locum hunc adierunt; Ex quibus nonnullis habemus, Stirpes, & Tribus tenues, usque in hodiernum diem. Quod verò ad Naves nostras attinet, in omnes propemodum Oras navigarunt; Tam ad Fretum vestrum, quod Columnas Herculis appellatis; Quam ad alias, tum Mediterraneæ, tum Atlantici Maris, Regiones: Veluti ad Paguinum, (Civitatem in China antiquissimam,) Quæ eadem est cum Cambalu, & Quinze, ad Orientale Pelagus sita, non procul à Finibus Tartariæ Orientalis.

Eodem præterea tempore, & seculo intergo. insequente, aut amplius, Populi magnæ Atlantidis potentes admodum erant. Etsi enim Narratio & Descriptio, à Viro magno vestri Orbis facta, (Scilicet, progeniem Neptuni Sedes suas ibi fixisse; Tum de magnificis, Templo, Palatio, Urbe, & Colle; Quin & de multiplicibus pulchrorum & magnorum Fluviorum Spiribus, quæ (tanquam totidem Torques,) Templum illud & Urbem cingebant; Ac denique de Gradibus illis insignibus Ascensus per quos ad eadem perveniebatur, veluti per Scalam quandam Cæli;) Sit Fabulosa & Poetica: Hoc tamen veritatis immiscetur, Regionem illam Atlantidis; Tam illam Peruviam tunc Cōyam vocatam, quam illam, phieram Regni Mexicani, tunc dictam Tirambel; Regna fuisse, Armis, Classe, & Opibus, potentia & superba. Tam (inquam) potentia, ut eodem tempore, (vel saltem intra spatium decem Annorum,) duis magnis Expeditiones Navales suscepissent: Hi nimirum de Tirambel, per Atlanticum Mare, usque ad Mare Mediterraneum; Illi autem de Cōyâ, per Mare Australe, usque ad hanc Insulam nostram. De priorè autem Expeditione, vi-

detur

detur Auctor ille vester, aliquid à Sacerdote Ægyptio, quem citat, hausisse. Pro certo enim, Expeditio talis fuit. Virum verò Athenienses antiqui illi fuerint, qui Copias illis repulerunt & profligarunt; Atque hæc eis Gloria tribuenda, non habeo quid dicam; Illud extra omnem Dubitationem, nec Nazem, nec Urum, inquam ab eâ Expeditione rediisse. Neque meliore Fortunâ usâ esset Classis illa Coyx, quæ nos invasi, nisi in Hostes clementiores incidisset. Etenim Rex Insulæ hujus, (nomine Altabin,) Vir prudens, & Imperator in Bello optimus; Cui tum Hostium, tum propriæ Vires, satis exploratæ erant; Ita rem gessit, ut Copias eorum terrestres, postquam in Terram descendissent, à Classe eorum intercluderet; Atque veluti Indagine utrasque Copias cingeret, majori Exercitu quam illorum fuit, & Terrestris & Navalis; Sicque eos ad Deditionem, usque prælo, compelleret: Cumque in potestate suâ essent, haud duviores Conclusiones imposuit, quam Injurandum ab iis exigendo, se in posterum, contra illum, nunquam Armaluros: Quo facto eos incolumes omnes dimisit. Verumamen Vix dicta Divina, non multò post, superbos illos Ausus, alia est; Siquidem iura Curriculum centum Annorum, aut minus, Atlantis illa magna omnino perditâ & detractâ fuit; Non Terra-Motu absorpta, ut Vir ille vester affirmat; (Etenim Tractus ille totius, Terræ-Motibus parum est obnoxius,) Sed per particulare Diluvium, sive Inundationem: Quandoquidem etiam hodierno die, Regiones illæ, majores habeant Annes, atque etiam Montes altiores, qui Aquas in Planities effundant, quam alia pars quæcunque Orbis veteris. Sed illud verum est, Inundationem illam non fuisse profundam; Non amplius forsân, in pluribus locis, quam ad quadraginta pedes, Unde factum, ut licet Homines, & Bestias, undique demerserit, Silvestres nihilominus Habitatores quidam Morium evaserint. Aves quoque intacto serè fuerunt, ad Montes, aut Arborea prælia, convolando. Homines verò, licet in aliquibus locis, Ædificia haberent, altiora quam quò Aquæ pervenire possent; Inundatio tamen illa, licet minime profunda, diuturna cœre fuit. Unde, qui in Valle degebant, propter penuriam Cibi, & Rerum aliarum necessariarum, Fame & Inopiâ, perirent. Itaque, nemine nini, si Anerica Habitatõrum tam rara sit, Neque si Populus ejusdem, adeò simplex & barbarus existat. Etenim rationem sic instituere debetis; Populum Americanum novum esse, & recentem; Recentem (inquam) præ cæteris Orbis Habitatõribus, annis non minus mille. Tantum enim Temporis intercesserat, inter Diluvium universale, & illud Americæ particulare. Siquidem tenues illæ, & raræ, Humani Generis, Reliquiæ, quæ in Montibus manserant, in inferiores Regionis partes, tardè Sobolem dederunt; Cumque essent Homines feri, & omnium Rerum rudes, (Neuquam Noacho, & Filiis ejus similes, qui fam. lærant, ex universo Orbe, Electi,) ad Literas, Artes, & vitæ Cultum, Posteris transmittendum, non sufficiebant. Atque insuper, cum in Habitatõibus suis Montanis, (propter asperrimum Frigus Regionum illarum,) pellibus Ursorum, Tigridum, & Caprorum magnorum & hirsutorum, qui in illis Partibus abundant, vestire se consuevissent; Postea autem in valle descendentes, intolerabiles ibi Fervores ferre non possent, neque Vestium magis leviu nulla copia eis prælo esset; Coacti sunt Morem nudè incedendi introducere, qui apud illos, usque in hodiernum diem, in usu est: Solummodò magnâ voluptate, & desiderio afficiuntur, Avium plumas gestandi; Aque hoc procul lubidò, à Traditione, & Exemplo Majorum, qui in Montibus habitabant, hauserunt; Qui ad hunc forè usum allesti fuerunt, ex innumera Avium Multitudine, Alia perenti-

um, cum *Ima Aquis* stagnarent. Videtis, (fratres,) per *Casum* hunc majorem, & *Temporis* quasi *Miraculum*, *Commercium* nostrum cum *Americanis* cessasse, cum ipsi amplius non essent: Cum quibus, supra omnes *Mortales*, *Commercium* antea habuimus, iuxta *Regioni* nostræ proximis. Quantum verò ad alias *Orbis* partes, manifestissimum est, seculis succedentibus, sive propter *Bella* mota, sive ex periodo & vicissitudine *Temporum*, *Navigaciones* ubique majorem in modum elanguisse: præcipuè autem *Navigaciones* longinquas; propterea quod *Triremes*, & ejusmodi *Carinae*, quæ *Oceanum* vix tolerare possent, in usum venire cœperunt. Hinc igitur, quam ob *Causam*, *Notitia* illa *Regionis* nostræ, quæ à *Navigantibus* ad Nos acquiri potuit, multis abhinc seculis defecerit, clarè cernitis; Nisi forsitan raro eventus talis *Appulsus* obtigerit, quemadmodum ante dies paucos vester. Tam verò, de *Navigacionis* nostræ, in alias partes, *Cessatione*, aliam vobis *Causam*, assignare oportet. Neque enim denegare possum, (si verum fateri cupiam,) quin *Apparatus* & *Instructio* nostra *Navalis*, numero & robore *Navium*, abundantia *Nautarum*, peritia *Gubernatorum*, & aliis rebus quibuscunque, æque hodiè valet, ac olim valebat. Itaque, quid in re sit, quod domi jam sedeamus, separatim vobis declarabo: Atque hoc propius accedet, ad *Questionem* vestram, quam initio proposuistis, elucidandam.

Regnavit in hac *Insulâ*, ante *Annos* mille nongentos, *Rex*, cujus *Memoriam*, supra alios omnes, maximè colimus & veneramur: Non superstitiosè, sed tanquam *Divini* cujusdam *Instrumenti*, licet *Hominis* *Mortalis*. Nomen ei fuit *Solamona*. Eum autem pro *Legislatore* hujus *Gentis* ducimus. Regi isti *Cor Deus* intidit latum, & in *Bonis* *Inscrutabile*: Qui in illud totus incumbere, ut *Regnum*, & *Populum* suum, bearet. Itaque, cum secum reputaret, quàm sufficiens, & (ut dicam) *Substantiva*, *Terra* hæc ex sese fuerit, ad Seipsam sustentandam, absque *Opibus* aut *Copiis* *Exteriorum*; Quippe quæ in *Circuitu*, quinquies mille & sexcenta *Milliaria*, plus minus, contineret; Et maximâ ex parte ferax inprimis esset, & bonitate *Soli* præstaret; Atque rursus perpendens *Classem* & *Naves* *Regni*, non segniter applicari & exerceri posse, tam per *piscationem*, quam per *Transportationem* & *Veturam*, de portu in portum; Necnon per *Navigaciones* ad *Insulas* quasdam adjacentes, & *Imperio* huic & *Legibus* subditis; Tum verò in *memoriam* revocans, quàm felix & florens, eo tempore, *Regni* hujus *Status* fuerit; (Ita ut mille modis in deterius, sed vix ullo modo in melius, mutari posset;) Nihilominò deesse putabat, quò *Fines* suos *Nobiles* planè & *Heroicos* assequeretur, nisi ut, (quantum *Humana* providentia efficere posset,) *Res* illis, quæ suo tempore tam foeliciter essent fundatæ & stabilitæ, perpetuitate donaret. Quocirca, inter *Leges* alias suas *Fundamentales*, *Leges* plurimè sanxit, de *Inroitu* *Exteriorum* interdicens; Qui eo tempore, (licet post *Calamitatem* *Americanam*,) satis frequens erat: Isthoc *Instituto*, quia à *Novitatibus*, & *mixturis* *Morum*, metuebat. Verum est, *Interdictum* simile, de *Inroitu* *Exteriorum*, Scito veteri, apud *Chinenfes* valuisse, atque etiamnum valere. Sed ibi res est despicabilis; Eosque reddidit, *Gentem*, *Curiosam*, *Imperitam*, *Timidam*, & *Ineptam*. At *Legislator* noster, in *Lege* suâ condendâ, diversum longè adhibuit *temperamentum*. Primum enim, *Iura* *Humanitatis* omnia facta testâ servavit, in *Institutis* & *Fundationibus* suis, pro *Levamine* & *Solario* peregrinorum afflictorum; Quod & vos experti estis. Ad quod dictum, ut par erat, consurreximus omnes, nosque inclinavimus. Ille perrexit. *Rex* idem, cupiens *Factis* *Humanitatis* *Consilia* *Politica* adjungere: Atque

que Humanitati minimè convenire putans, ut Exteri inviti detinerentur; Nec minus Rationibus Status non convenire, ut redirent, & Insulæ hujusce Arcana divulgarent; Hanc viam inivit. Constituuit, ut ex Exteris, quibus permissum foret in Terram hanc descendere, qui abire vellent, non prohiberentur; Qui autem manere præopsarent, Conditiones & vivendi Facultates à Statu reciperent. In quâ re, visu tam acri polluit, ut post tot seculorum spatia, à Lege hac condita, Memoriam nullam habeamus, ne vel Unicæ dumtaxat Navis, quæ Rediit prætulit; Atque tredecim tantum Virorum, temporibus diversis, qui in nostris Navibus reveri elegerunt. Quid autem pauci illi, qui sic redierunt, de Regione hac propalarim, nos fugit. Facile autem existimare potestis, quicquid retulerim, non aliter quam pro Insomnio quodam, habitum esse. Navigationes autem nostras, ad Partes externas, visum est, Legislatori nostro, penitus coercere. In Chinâ hoc non fit. Etenim Chineses, quò volunt, & possunt, navigant. Quod satis ostendit, Legem illorum, de Exteris arcendis, à pusillanimitate solâ, & Meis, provenire. Interdictio autem hæc nostra, unam tantum recipit Restrictionem; Eamque certè admirabilem: Bonum enim, quod à Communicatione cum Exteris trahi possit, conservat; Malum autem evitat. Id Vobis nunc aperiâ. Atque hic videbor aliquantisper, ab eo quod agitur, digredi; Sed mox, hoc ipsum, ad rem pertinere perspicietis. Intelligitis itaque (Amici mei præchari,) inter Acta illius Regis, unum maximè eminere. Illud est, Fundatio sive Institutio Ordinis cujusdam & Societatis, quam Nos Domum Salomonis vocamus. Nobilissimam dico, (quantum nos arbitramur,) omnium, per Terrarum Orbem, Fundationem; Atque Regni hujusce Luminare magnum. Domus hæc studiis & Contemplationibus, Operum & Creaturarum Dei, dicata est. Putant nonnulli, Nomen traxisse à Fundatore, paululum corruptum; Ac si deberet dici Solamonæ Domus: Verùm Archiva ipsa Authentica, sic scriptum habent, prout in Sermone quotidiano nunc profertur. Itaque Nomen fluxisse arbitror, à Rege illo Hebræorum, qui apud vos celebris est, nobis autem non ignotus. Habemus enim Portiones aliquas Operum suorum, quæ apud vos desiderantur: Historiam illam Naturalem dico, quam conscripsi de Plantis omnibus; A Cedro Libani, usque ad Hyssopum, quæ de Pariete egreditur; Atque de omnibus Rebus, quibus Vita & Motus inest. Hinc animum meum Cognitio illa subivit, Regem nostrum, quandoquidem se in multis cum Rege illo Hebræorum, consentire sensit, (qui multis antecum Annis vixerat,) ejus Titulo Fundationem hanc honorasse. Atque in hanc opinionem præcipuè adducor, quod in Historiis admodum antiquis invenio, Societatem hanc, interdum Domum Salomonis vocari, interdum autem Collegium Operum Sex Dierum. Unde persuasum habeo, Regem illum nostrum præcellentem, ab Hebræis didicisse; Deum, Mundum hunc, & omnia quæ ei insunt, sex Dierum spatio creasse; Ideoque, cum Domum illam institueret, ad Inquisitionem & Inventionem, Naturæ veræ, & interioris, Rerum omnium; Quo Deus Conditor maiorem reciperet Gloriam, ob Fabricam earum; Homines autem uberiores perirent Fructum, in usu earum; Indidisse etiam ei illud alterum Nomen; Nimirum; Collegii Operum sex Dierum. Verùm, ut redeamus tandem, ad id quod nunc agitur. Postquam Rex omnem Subditis Navigationem interdixisset, præterquam in Partes huic Imperio subditas, hæc nihilominus Ordinatio- nem sancivit: Nimirum; Singulis duodenis annis, mittendis ex hoc Regno, Naves binas, in Partes Orbis diversas: In utraqû Navium harum, tres ex

Fraternitate

Fraternitate Domûs Salomonis, seorsim vehendis : His in Mandatis dandum, ut Nos, de Rebus, & Statu Locorum illorum, ad quos appellerent, certiores facerent ; Præcipuè autem de Scientiis, Artibus, Manufacturis, & Inventionibus Mundi universi ; utque, in Reditu, Libros, Instrumenta, Exemplaria in unoquoque genere, ad nos perferrent : Navibus, postquam in Terram Fratres exposuissent, redeundum ; Fratribus autem, usque ad novam Missionem, peregrè manendum : Naves hæc non aliis Mercibus instruendas, quam Commercii copiâ bonâ ; Nec-nam Thesauri satis largâ quantitate, in usum Fratrum, ad res eis coementis, & Homines tales remunerandos, quibus opus esset. Iam verò, ut vobis proferam modos, quibus Vulgus Nautarum coercentur, ne in Terris, ad quas appellunt, dignoscantur ; Aut quibus modis, in Terram exposui, sub nomine Nationum aliarum, lateant ; Aut ad quæ Loca Navigationes nostræ designatæ sint ; Aut quæ Loca novis rursus Missionibus præfigantur ; Atque alias huius generis Circumstantias, quæ ipsam Practicam partem spectant, mihi proloqui sis non est ; Neque multum certè ad Quæstionem vestram conducet. Sic itaque videris, Commercium nos instituissè ; Non pro Auro, Argento, & Gemmis ; Non pro Sericis, aut Aromatibus ; neque pro aliis quibusvis Rebus Crassis ; Sed tantùm pro Creaturâ Dei primâ, Luce scilicet : Luce, inquam, in quacunque tandem Terræ Regione, prorumpente, & germinante.

Cùmque hæc dixisset, conticuit : Nos etiam aliquandiu silebamus. Reverà enim omnes attoniti eramus, cùm audiremus, Res tam mirabiles, oratione tam probabili recenserî. Ille autem Animos nostros, Cogitationibus aliquibus gravidos sentiens, partui autem non maturos, civiliter admodum Nos explicuit ; Et ad Quæstiones de Itinere, & Fortunis nostris, deflexit : Sub finem autem dixit ; *Res enim nos facturos, si Consultationem inter Nos in remus, de Tempore, pro Morâ nostrâ, à Statu petendo. In quo iussu minimè verecundari Nos ; Tempus enim quo cumque nobis postulare visum fuerit, ipse non dubitabat se impetraturum : Ad quod Dictum surreximus omnes, & humiliter Fimbriam Liripipii sui exosculari coeperimus. Ille autem renuit ; & continuò à Nobis discessit. Postquam verò, inter Homines nostros evulgatum fuit, Statum illum, Conditiones Exteris, qui manere vellent, largiri solere ; vix ulli eorum persuadere potuimus, ut Navem nostram curarent ; Aut quò minùs, Præpositum mox adirent, ad Conditiones petendas. Sed, non sine magnâ difficultate, eos tandem cohibuimus, donec ex consensu, quid faciendum esset, statueremus.*

Jam autem, tanquam Liberos nos rebamur, cùm Metum omnem extremæ ruinæ, depulsum vidimus. Iucundissimè item viximus ; Civitatem ipsam, nec-non Pomærium illud, quod Nobis concessum erat, perambulantes : In quo, quæcunque visu digna, aut grata erant, perquirebamus, & spectabamus. Intereà Familiaritatem cum plurimis ex Civitate, jisque non ex inferiore ordine, contraximus : Inter quos, Humanitatem tantam perspeximus, adeoque Consuetudinem tam iucundam & liberam, Peregrinos veluti in sinu amplectendi, & fovendi ; ut vix abesset, quin oblivionem, Nobis, omnium eorum, quæ in Patriis nostris chara antea erant, induceret. Quin & quotidie incidimus, in res observatu, & relatu, dignissimas. Certè, si ullibi Terrarum Speculum sit, quod Oculos Hominum allicere debeat, & detinere, illud exhibet hæc Regio. Evenit, die quodam, ut duo ex nostris invitarentur, ad Festum quoddam (quod

(quod vocant) *Familia*. Mos autem celebrandi *Festum* illud, cenferi meritò possit, maximè pius, ex ipsa Naturæ Lege depromptus, & Veneratione dignus: Monstrans proculdubio Nationem illam omni Bonitate refertam esse. Qui talis est. Concessum est, per Leges *Regni*, cuivis, cui vivere contigerit, dum triginta è corpore suo prognatos, simul superstites, viderit; Eosque omnes tertium ætatis annu egredientes, *Festum* hoc celebrare. Quod & publico sumptu fit. *Pater Familiae* (quem *Tirsanum* vocant,) biduo ante *Festum*, tres ex Amicis suis, quos eligere placuerit, sibi advocat; Ac insuper, Magistratus, Civitatis, aut Oppidi, ubi *Festum* celebratur, præsentia honoratur: Omnes autem ex Familia, utriusque Sexus, adesse iubentur. Per Dies hosce duos, *Tirsanus*, cum Amicis illis suis, & Magistratu, circa Bonum Familiae, consultationem init. Tunc si quæ Discordiæ, aut Lites, in Familia, obortæ sint, terminantur, & sedantur. Tunc si qui ex Familia, in Paupertatem redacti fuerint, aut quovis modo afflictæ, iisdem subveniendi, & necessarium victum suppeditandi, ratio initur. Tunc si qui eorum vitiis addicti, aut genus vitæ iners, & pravum, agant, reprehenduntur, & censuram subeunt. Quin etiam circa Nuptias, & vitæ Conditionem alicui eorum maximè convenientem, Consilium tunc capitur; Et alia similia tractantur, & decernuntur. Magistratus idè affidet, ut Decreta & Mandata *Tirsani*, si quis fortè ex Familia non pareat, Auctoritate suâ muniat, & Executioni demandet: Licet hoc rarò admodum requiratur; Tantum nimirum, Ordini Naturæ, Obedientiâ præstant. Tunc etiam, *Tirsanus*, ex Filiis suis, unum eligit, qui cum eo, in Domo suâ, perpetuò vivat; Qui exinde vocatur, *Filius Unus*. Ratio Nominis postea patebit. Die *Festo*, post *Liturgiam* divinam celebratam, progreditur *Tirsanus*, in Aulam quandam amplam, ubi Solennia *Festi* peraguntur: Quæ Aula, à parte superiori, gradum habet unicum Ascensus: Illic ad Parietem, in Medio, collocatur Cathedra, cum Mensâ, & Peristromate, super eam: Supra Cathedram extenditur Conopæum, rotundum, vel Ovatum, ex Hederâ; Hederâ certè, præ nostrâ, plurimum albescente; Colore, non ab simili Folio Populi, quam vocamus Argenteam: Sed aliquanto magis splendido: Viret enim per Hyemem. Conopæum autem, Filis Argenteis, & Byssinis, diversorum colorum, quæ Hederam colligant, eleganter contextitur, Atque Opificium plerunque est alicujus ex Filiabus Familiae: In vertice, Retículo tenui, ex Byssis & Argento, velatur: Verum Materia Conopæi Hederâ vera est; Ex quâ, post Solemnitatem finitam, Amici Familiae, Foliū aliquod, aut Ramusculum, decerpere amant. Progreditur *Tirsanus*, prole suâ universâ stipatus, Masculis præcunibus, & feminis à tergo insequentibus. Sin Mater Familiae fuerit, quæ Prolem universam peperit, collocatur ad dextrum Latūs Cathedre, Orchestra quædam, cooperta, cum Ostio secreto, & Fenestris; ubi illa clam sedet. *Tirsanus* postquam ingressus fuerit, in Cathedrà illâ, confidet; universâ Familiâ, juxta parietem, tam à tergo, quam à Latibus Aule, super Gradum Ascensus, secundum Ordinem Ætatis, non habito sexus discrimine, se sistente, & super pedes erectâ. Cum confederit, (Aulâ interim frequentia hauri parvâ refertâ, sed sine turbâ aut strepitu,) post moram nonnullam, ingreditur, ab inferiori parte Aule, *Taratannia*; (Quod verbum apud

apud eos significat *Haraldum*;) Cujus Latera tegunt Adolescentuli duo; Quorum unus Rotulum gerit ex splendente illa luteâ Membranâ; Alter Botrum uvarum aureum cum pedicillo sive Caule longâ. *Haraldus*, & uterque Adolescentulus, Palliis sericis, Coloris Thalassini, vestiuntur; Verùm Pallium *Haraldi*, Radios habet aureos, & dimittitur adeò ut Terram nonnihil verrat. *Haraldus*, ter se aliquantulum inclinans, accedit usque ad Gradum Ascensûs, ibique primò in Manum sumit Rotulum. Rotulus iste, Charta Regia est; Et Redituum, Privilegiorum complurimum, Exemptionum, & Insignium Honorificorum, *Patri Familiæ*, concessorum, dona continet: Inscribitur autem semper; *Tali, Amico nostro dilecto, & Creditori*: Qui Titulus, à Rege, in hoc solummodò casu, tribuitur. Aiunt enim Regem, nulli Debitorem esse, nisi ob Propagationem Subditorum. Sigillum huic Chartæ affixum, est Regis Effigies, Aureo insculpta: Atque quamvis hujusmodi Chartæ, ex officio, & tanquam jure, expediantur; pro arbitrio tamen, secundum Numerum & Dignitatem Familiæ, variantur. Hanc Chartam perlegit *Haraldus*, uoce altâ; Dumque legitur, *Tirsanus* se in Pedes erigit, à duobus Filiorum suorum, quos delegerit, supportatus. Tum *Haraldus* super Gradum ascendit, & *Tirsano* Chartam in manus tradit: Quo factò, ab omnibus qui adsunt, Acclamatio magna fit, Linguâ suâ, quæ hoc significat; *Fælices sunt Populi Bensalem*. Deinde *Haraldus*, ab Adolescentulo altero Botrum uvarum recipit, qui (ut diximus) Aureus est, tam Caule, quam Uvis ipsis; sed uvæ eleganter colorantur; Atque, si Masculi ex Familiâ, numero excedant Fœminas, uvæ purpureæ sunt, cum Sole parvo in vertice posito; sin Fœminæ Mares, uvæ virides sunt, cum Lunâ crescente in vertice. Uvæ autem Numerum Liberorum Familiæ exæquant. Iste etiam Racemus aureus, ab *Haraldo* traditur *Tirsano*; Qui eundem statim Filiò illi, quem antea elegerat, ut secum in Domo maneret, tradit: Is autem perpetuò eum ante Patrem gestat, quoties in publicum progreditur, tanquam Insigne Honoris; Atque inde Nomen (ut dictum est,) *Filii viris*, accipit. Peractâ hac solennitate, *Tirsanus* se recipit; Atque post Moram aliquam interjectam, rursus ad prandium egreditur, ubi sedet sub Conopæo solus; Neque cuivis ex Liberis, cujuscunque Gradus aut Dignitatis, unâ sedere conceditur; Nisi fortè fuerit ex *Domo Salomonis*. Servitium Mensæ præstant Masculi ex Familiâ, qui hoc faciunt, quoties ei aliquid subministrant, in Genua procumbentes: Fœminæ autem, tantum iuxta parietem, circumstant. Pars Aulae, quæ infra Gradum est, Mensas habet utrinque sitas, pro Convivis; Quibus decorè admodum, & ordine bono, ministratur: Sub finem autem Prandii, (Quod apud illos, in maximis suis solennitatibus, non ultra sesqui-horam durat,) cantatur Hymnus, pro Ingenio Componentis variatus; (Habent enim Poetas optimos;) Subjectum verò ejus, perpetuò sunt Laudes, *Adami, Noachi, & Abrahami*; Quorum primi duo, universi Generis Humani Parentes extiterunt; Tertius, *Pater Fidelium*. Concluditur tamen semper, cum Gratiarum Actione, propter Nativitatem *Servatoris nostri*; In quo *Universæ Terræ Generationes Benedictionem consequuntur*. Finito prandio, *Tirsanus* iterum se recipit; Atque solus subducitur in Locum interiore, ubi preces secretas fundit: Dein progreditur tertio, ut Benedictionem suam impertiat,

impertiat, universis Liberis suis, qui eum circumstant, ut prius. Tum eos nominatim, ad se, singulos vocat, prout ei placuerit; Licet rarò *Ætatis Ordo* immutetur in Persona quæ vocatur, (Mensâ prius remotâ,) continuò in Genua, ante Cathedram, procumbit: Pater autem Manus Capiti ejus imponit, atque ei benedicit in hæc Verba: *Fili Bensalem, (aut Filia Bensalem,) Pater tuus dicit; Ille, per quem Auram vitalem hâvisisti, Verbum loquitur; Benedictiones Patris Æterni, Principis Pacis, & Colymbæ sanctæ, descendant super te, & dies peregrinationis tuæ, reddant multos & bonos.* Hanc Benedictionem singillatim impertit. Quod si aliqui ex Liberis Masculis, Virtute & Meritis præcelluerint, (modò numerum duorum non excedant,) post Benedictionem generalem, seorsim eos vocat: Manus autem super Humeros eorum extendens, illis stantibus, sic infit; *Fili, bene habet quod natus es, da Deo gloriam, & in finem persevera.* Atque unâ ei Monile tradit, in figuram spicæ Frumenti, formatum; Quod is semper poscè, in Fronte Turbani, aut Galeri sui, portat. Hoc peracto, ad Musicam & Saltationem, & Hilaritates id genus alias, apud eos usitatas, pro residuo Diei, se accingunt. Atque iste est Modus, *Festum* illud celebrandi.

Intra paucos dies sequentes, Amicitiam & Familiaritatem cum Mercatore quodam Civitatis illius, cui nomen *Ioabin*, contraxi. Erat autem *Judeus & Circumcissus*. Paucas enim quasdam *Judeorum* Stirpes, inter eos nunc degentes, habent, quibus Religionem suam permittunt: Quam veniam facilius indulgere possunt, quandoquidem *Judei* illi, à *Judeis* in reliquis Orbis partibus, Moribus longè diversi sunt. Nam cum *Judei* alii, Nomen *Christi* odio habeant, atque adversus Populum, inter quem degunt, secretam & inveteratam Malitiam foveant; Hi contra, *Servatori* nostro, Attributa plurima sublimia reddunt; Nationem autem *Bensalem* amant impensissimè. Sanè vir iste, de quo loquor, confiteri semper solebat; *Christum* natum fuisse ex Virgine; Atque Homine mero majorem extitisse: Tum narrare solebat, quod *Deuseum* Seraphim; qui Thronum suum stupant, præfecit; vocabat eum etiam quandoque *Viam Latæam*, quandoque *Eliam Messia*, & aliis compluribus Nominibus magnis eum insigniebat. Quæ omnia, licet Divinâ *Christi* Majestate, longè inferiora sint, à stilo tamen *Judeorum*, cæterorum multum differunt. Regionis autem *Bensalem* laudandæ, Idem nullum faciebat finem: Quin & credi voluit, ex Traditione quorundam *Judearum*, illic degentiũ Populum *Bensalem*, ex stirpe *Abrahami*, per alium Filium, quem *Nachoram* vocat, fuisse; Quin & *Mosum*, per secretam quandam *Cabalam*, Leges illas, quibus populus de *Bensalem* hodiè utitur, condidisse: Atque in Adventu *Messia*, cum confessus sit *Hierosolymis*, in Throno suo, Regem *Bensalem* ad pedes ejus sessurum; Cæteris *Regibus* ad distantiam longam amotis. Veruntamen, somnia ista *Judaica* si seponas; vir fuit admodum prudens, & doctus, & Consilii profundi; Quique Legum & Consuetudinum Gentis illius *Bensalem* perquam gnarus extirrit. Inter Sermones alios die quodam, fortè dixeram, me Relatione illâ, quam è quibusdam ex nostris acceperam, circa Consuetudinem illorum, in celebrando *Festo* quod vocant, *Familia*, magnoperè delectatum esse; Neque enim videbar mihi, unquam de solennitate aliquâ inaudivisse, in quâ Natura tam insigniter præsideret. Quoniam verò Familiarum

Propagatio ex Nuptiali copulâ procedit, cupiebam aliquid ex eo rescire; Tum circa Leges & Consuetudines ipsorum circa Nuptias; Tum utrum Matrimonia intemerata conservarent; Tum denique utrum Polygamie inter illos interdiceretur? Quandoquidem Nationes, quæ Subditorum Propagationi tantoperè studerent, Polygamiâ plerunque tolerarent. Ad hæc respondit; Non sine causâ cerè; Institutionem illam excellentem, Festi Familiæ, laudas. Quin & experientiâ apud nos comprobatum est, Familias illas, quæ ex Festi illius Benedictione participarunt; mirificè postea semper floruisse. Verum attinge aures modò, & narrabo tibi quod scio. Intelliges, sub sole vix reperiri Gentem ullam tam castam, quam hæc de Bensalem; Nec ab omni labe, & pollutione adeò puram. Virginem Mundi planè dixerim. Memini me legisse, in uno ex Libris vestris Europæis, de sancto inter vos Eremitâ, qui Spiritum Fornicationis videre cupiit; Atque parvum, deformem, & turpem Æthiopem, illic ei apparuisse: Quod si Spiritum Castitatis Bensalem, videre expetisset, proculdubio in Formâ Cherub alicujus, pulchri & gloriosi, ei apparuisset. Nihil enim inter Mortales pulchrum, aut Admiracione dignum, præ Gentis istius Animis castissimis. Quamobrem, novum tibi vetum, nulla inter eos esse Lupanaria, prostibula nulla, nullas Meretrices conductitias, neque aliquid hujusmodi. Imò, non sine detestatione quadam mirantur, vos in Europâ talia tolerare. Ajunt, vos Nuptias de officio suo deurbasse: Nuptia enim in remedium Concupiscenciæ illicita instituta sunt; Concupiscenciâ autem Naturalis, ad Nuptias instar stimuli est. Verum, cum Hominibus Remedium, corruptis suis Cupiditatibus, magis gratum adsit, Nuptiæ ferè expetuntur. Itaque, innumeros apud vos videre est, qui uxores non ducunt; sed Calibatium potius impurum, & libidinosum præcipiunt, quam Iugum Matrimonii honorabile. Multi insuper, qui Uxores ducunt, serò hoc faciunt, cum Inventutis Flos & Robur evanuerint. Sin fortè Matrimonium contrahant, quid aliud est Matrimonium illis, quam Mercatura mera? In quo Affinitas, aut Dux, aut Existimatio queritur; Cum desiderio nonnullo, (sed tamen tanquam Rei indifferentis,) Sobolis: Minime autem, fidelis illa, inter Virum & Fœminam, Nuptialis unio, quæ in principio instituta est, in Memem venit. Neque etiam fieri potest, ut illis, qui tam magnam partem Etatis & Roboris sui, adeò viliter consumpserunt, Liberi, (pars nostri altera,) omninò in pretio sint. Quin & durante vinculo Matrimonii, num-nam Res hæc in melius vertitur; ut fieri debuit, si excessus isti, Necessitatis solummodò causâ, tollerarentur? Nequaquam: Manent autem Desideria eadem, etiam post Matrimonium, in Matrimonii ipsius Dedecus & Opprobrium. Neque enim Lupanarium Frequentatio, aut Consuetudines Meretriciæ, in Maritis magis, quam in calibem vitam agentibus, puniuntur. Ad novos autem Amores Proclivitas, & Meretricium Amplexuum Delectatio; (ubi peccatum in Ariem conversum est,) Nuptiis reddit Rem insipidam, & veluti Onus, aut Tributum quoddam. Audiunt hæc à vobis defendi, utpote, ad majora Mâla evitanda, tolerata; Veluti, Adulteria, Virginum Constuprationem, Libidinem contra Naturam, & similia. Verum Prudentiam hanc censent esse præposteram; Eamque vocant, Conditiones Lothi; Qui in Hospites à Conumeliâ eximeret, Filias obulit. Imò ulterius dicunt; Ex hoc parum aut nihil lucriferi; Cum Vitia eadem, & Appetitus prævi, usque maneam, & abundent: Quandoquidem Libido illicita, instar Fornacis sit; ubi si Flammam omninò contineas, ilico extinguitur;

extinguitur; Sin Exitus aliquis datur, furit. Quantum verò ad Amores Masculorum, istos ne fando quidem norunt. Neque tamen Amicitias, per universum Orbem, magis fideles, & inviolatas, reperies. Atque, in verbo dicam, (Sicut antea quique dixi,) non ullibi legi, tantam vigere Castitatem, quam in hac Terrâ. Quin & Sermo apud eos usitatus est; Qui impudicus est, sui Reverentiam perdit: Reverentia autem sui, secundum Deum & Religionem, Victorum omnium Frantum potentissimum.

Hæc cum dixisset, Iudeus ille, vir egregius, paulisper tacuit. Atque Ego, licet Audiendi, magis quam Loquendi, cupidus; Decorum tamen existimans, ut dum ille aliquantisper respiraret, ipse protinus non silerem, hoc tantum dixi; Me ad eum, Verbis illis usurum, quibus usa est ad Eliam, Vidua Sareptana; Venisse eum, ad revocanda in memoriam nobis peccata nostra; Quodque ingenue confiteri oportet; Abundare Iustitiam Beasalem plus quam Europæorum. Ad quæ Verba paululum se inclinavit, & Sermonem hoc modo continuavit.

Leges etiam habent circa Nuptiis, complures prudentissimas sanctæ, & honestissimas. Polygamiam non tolerant. Sanxerunt, ut nec Nuptiæ celebrentur, nec Contractus de Nuptiis futuri fiant, nisi post Mensem, à tempore, quo uterque mutuò se primò in conspexerunt. Nuptiis, & squè consensu Parentum factis, irritus quidem non habent, sed Hereditate mutant: Etenim talium Nuptiarum Liberos duobus Tertius Hereditatis privant. Equidem, in Libro cuiusdam è vestris, de Rep. quadam Imaginaria, legi; Tubi Matrimonium contrahentis, se invicem nudos conspiciere, permittitur. Hoc illi non probant. Etenim Contumel. a loco dicunt, ut quis, post Notitiam iam familiarem, rejiciatur: Veruntamen, propter Defectus in Viris, & Mulieribus complures secretos, qui Matrimonium postea infelix reddere possint, more vivunt magis Civili: Prope oppida singula, stagna duo habent; Quæ vocant stagna Adami & Evæ; ubi permissum est, uni ex Amicis Viri, atque iidem alieri ex Amicis Fœminæ, festare eos separatim in Balneo lavantes.

Dumque hoc modo colloqueremur, venit quidam, qui Nuncius videbatur, indutus Tunicâ pictâ & inauratâ; qui Iudæum allocutus est. Unde ad me vertit, & dixit; Ignosceas mihi, obsecro; sine mora hinc accersor. Postridiè manè, rursus ad me venit Iudæus; Lætabundus, ut videbatur, & dixit: Perlatus heri est Nuncius, ad Præfatum Urbis, intra dies septem, accessurum hinc ævum ex Patribus Domus Salomonis. Duodecim jam Anni elapsi sunt, ex quo ullum eorum hinc vidimus. Adventus ejus solennis futurus, Causa in occulto. Curabo, ut tibi & sociis tuis, locus commodus appareatur, unde Celebritatem Ingressus ejus spectare possitis. Gratiâs ei egi, & dixi; Nuncium hunc, de Accessu ejus, mihi pergratissimum esse.

Die constituto, ingressus est Pater. Vir fuit Staturæ, & Ætatis, mediocris, Aspectu decorus, Vultum præ se ferens quasi Miserantis. Vestitus erat Togâ, ex Panno nigro, sincero, cum Manicis largis, & Capâ. Vestis interior ex Lino erat, elegantissimo certè & albissimo; usque ad pedes demissa, cum Balteo itidem candido, ex Lino. Liripipium etiam gestabat circa Collum, ex Lino purissimo. Chirothecas habebat sumptuosas, & Gemmis ornatas. Calceos Hyacinthinos ex Holoferico. Collum usque ad Humeros nudum. Galeris, figurâ Galeæ erat, aut Momæ, ut vocant Hispani: sub quâ propendebant Cincinni ejus, sub-

crispi, & modo decenti compositi. Color eorum subniger; Quemadmodum & Barbæ; Quæ in figuram rotundam tonsa erat. Vehebatur autem in Cathedrâ splendidâ, sine Rotis, Lesticæ more; Binis Equis, magnificè phaleratis, ex Holoferico Cæruleo, Auro intexto, Cathedram ad utrunque finem supportantibus; Unâ cum duobus Cursoribus, ad utrunque latus Cathedræ, pari ornatu. Cathedra ex Cedro erat, Inaurata, atque Crystallo ornata: Nisi quod pars anterior Quadras haberet ex Sapphis, Auro interstinctis; Posterior autem similes ex smaragdis Coloris Peruviani. Etiam in Medio Verticis Cathedræ, Solerat, ex Auro radians; Et in fronte ejus *Cherub parvus*, Alis expansis, ex Auro itidem. Operimentum Cathedræ erat Pannus, ex Filis Aureis, cum Serico Cœruleo. Cathedram præibant quinquaginta Juvenes, in Tunicis laxis, ex Serico albo, ad Tibiam mediam; Et Tibialibus ex Serico itidem albo; Calceis autem ex Holoferico cæruleo, & Galeris ex eodem, cum plumis elegantibus diversorum Colorum, Galerum ambientibus, in Formam Chordæ. Proximè ante Cathedram incedebant duo viri, Capitibus nudis, vestiti Linteo albo, usque ad Talos demisso, & succincti, Calceis itidem ex Holoferico cæruleo: Qui gestabant, alter Crucem, alter Pedum Pastorale: Neutrum ex Metallo, sed Crucem ex Xylo-balsamo, Pedum ex Cedro. Equites comitabantur nulli, nec ante, nec pone Cathedram; Eâ (credo) ratione, ut Tumultus omnis, et Strepitus, evitarentur. Post Cathedram sequebantur Magistratus & Fraternitates Urbis. Sedebat solus, super Pulvinar, ex Holoferico quodam hirsutiore, Coloris Cærulei: Sub pedibus autem Vestem stragulam habebat, ex Serico item, Colorum diversorum, similem Persicæ quidem, sed elegantiorē. Dextram, quâ ibat, sustulit nudam, Populo benedicens, sed cum silentio. Plateæ ita erant ordinatæ, ut via ampla pateret, nullibi interclusa; Neque (credo) Acies unquam in Exercitu, ordinata meliùs fuit, quam Populus, eo tempore, in Plateis. Quin & intra Fenestras ipsas, non indecenter stabant Spectatores; Sed quisque velut ordine suo locatus. Celebritare finitâ, *Iudæus* mihi dixit; *Per aliquot jam dies, detinebor, quò minus Vobiscum, pro solito, & ut cupio, versari possim; Eò quod à Præfetto Urbis, Munus mihi demandatum est, ut Viro huic summo inservirem.* Triduò post, *Iudæus* ad me reversus est, & dixit; *Bonis Avibus huc advenistis; Pater enim Domûs Salomonis, de vestrà in hac Urbe morâ, certior factus est: Mibique mandavit, ut renunciem vobis, se universam societatem vestram ad Conspectum suum admissurum; Scorsim etiam, cum uno aliquo vestrum, quem ad hoc deligeris, collocuturum. Cui rei diem perendinum designavit. Quoniam autem vos, benedictione suâ imperire, in animo habet; Tempus ante meridianum præstituit.* Die & Horâ præfixis venimus: Ego autem, à Sociis meis, ad privatum illud Colloquium, deputatus sum. Invenimus eum, Cubiculo specioso, Aulæis splendentibus instructo, & Tapetibus strato, absque ullo Gradu Ascensûs ad Cathedram ubi sedebat. Sedebat super solum humile, magnificè ornatum; supra Caput autem habebat Conopæum, ex Serico cæruleo, Auro eleganter intertexto. Conclave Hominibus vacuum erat; nisi quod ab utroque Latere Solii, Honoris ergò, stabat servus, albis vestibus indutus. Vestis ejus

ejus interior, similis fuit illi, quâ amictum cum vidimus in plateâ. Sed loco Togæ, indutus erat pallio, cum Capâ, ex panno nigro, admodum sincero, circa Humeros revincto. Sub ingressum nostrum, prout edocti fueramus, inclinavimus nos submissè; Cumque propè Solium accessissemus, erexit se in pedes; Dextram ejus exutâ Chirothecâ attollens, in modum Benedicentis: Nos autem singuli, Fimbriam Liripipii sui, proni, exosculati sumus. Hoc factò, reliqui ex sociis meis recesserunt; Ego autem solus mansi. Tunc innuit Adolescentulis, ut illi quoque se subducerent; Meque juxtâ assidere voluit, atque *Lingua Hispanicâ*, ad hunc modum, exorsus est.

Benedicat tibi Deus, Fili mi; Gemmâ præcipuâ, ex iis quas habeo, te impertiar: Etenim haud gravabor, propter Dei & Hominum Amorem, Statum verum Domûs Salomonis tibi revelare. Fili, ut perspicuè cognoscas Statum verum Domûs Salomonis, hoc ordine procedam. Primò declarabo Finem Foundationis nostræ: Secundò Apparatum & Instrumenta, quibus ad Opera instruimur: Tertiò Officia distincta, & Functiones, quæ Sociis nostris assignantur: Postremò, Ordinationes, & Ritus, quibus utimur.

Finis Foundationis nostræ, est Cognitio Causarum, & Motuum, ac Virtutum interiorum in Naturâ; Atque Terminorum Imperii Humani prolatio, ad omne possibile.

Apparatus autem, & Instrumenta nostra, hæc sunt. Habemus Cavernas amplas, & profundas, diversarum Altitudinum. Profundissimæ earum deprimuntur usque ad sexcentas Orgyas. Atque nonnullæ ex iis effossæ sunt subter magnos Montes; Adèò ut si Altitudinem Montis, atque Altitudinem Cavernæ, simul conferas, profunditatem habent, aliquæ earum, trium Miliarium. Reperimus enim Altitudinem Montis, usque ad planum, & Altitudinem Cavernæ à plano, idem reverà esse; Vtrunque, æquè à Sole, & Radiis Cœlestibus, & Aere aperto, remotum. Has Cavernas Regionem infimam vocamus. Iisdem autem utimur, ad omnes Coagulationes, Indurationes, Refrigerationes, & Conservationes Corporum. Utimur etiam iis, ad Minerarum Naturales imitandas; Atque ad productionem novorum Metallorum Artificialium, ex Materiis & Cæmentis, quæ ibi præparamus, & in multos Annos sepelimus. Utimur illis quandoque, (quod mirum videri

videri possit,) ad Curationem quorundam Morborum, & prolongationem vitæ, in aliquibus Eremitis, qui illic vivere præoptant, benè instructi omnibus rebus necessariis; Qui certè vivacissimi sunt; A quibus etiam multa addiscimus.

Habemus etiam alias Sepulturas Corporum naturalium, & Materialium; Non in Concavo aliquo, sed in ipsâ Terrâ contiguâ, ubi complura Camenta condimus, ut Chinenles condunt Porcellanum suam. Sed nos ea habemus majori varietate, & nonnulla ex iis elegantiora, quam Porcellana Chinenfis. Quin et habemus Stercorationum, et Fimorum, varietatem magnam, Item Congestionum et Massarum aliarum, quæ Terram impinguant, et fertilem reddunt.

Habemus Turres præaltas; Quarum altissima, usque ad altitudinem Semi-miliaris, lineâ perpendiculari, insurgunt. Nonnullæ verò earum supra Montes excelsos sitæ; Ita ut, si Altitudinem Montis, et Altitudinem Turris, simul componas, extenditur Altitudo in aliquibus earum, usque ad tria Miliaria ad minimum. Hæc autem Loca Regionem supremam appellamus; Æstimantes Aeris Tractum universum, inter supremam et infimam, pro Regione Aeris Mediâ. Utimur his Turribus, prout Altitudinibus et sitibus earum diversis convenit, ad Insolationes, Refrigerationes, Conservationes, et ad Meteôra diversa spectanda; Veluti Ventos, Pluvias, Nives, Grandines, et aliqua ex Meteôris Ignitis. Atque etiam, supra eas, in aliquibus Locis, sita sunt, Habitacula Eremitarum, quos quandoque visitamus; Atque insuper, quid observare debeant, edocemus.

Habemus Lacus magnos, tam salso, quam dulces; Utimur autem iis, ad suppetendos nobis Pisces; Aves item palustres et Aquaticas, omnis generis. Utimur etiam iis ad Sepulturas Corporum nonnullorum Naturalium. Differentiam enim Operationis invenimus, in Rebus, quæ in Terrâ sepeliuntur, aut in Aere subterraneo, & iis quæ in Aquâ submerguntur. Habemus Stagna, in quorum nonnullis, Aqua dulcis procolatur ex salsa; In aliis autem, per Artem, Aqua dulcis in salsam mutatur. Habemus insuper Rupes, in medio Maris, & Loca quædam Aprica ad Littora ipsa, pro quibusdam Operibus efficiendis, in quibus Aura Maris requiritur. Habemus quoque Gurgites rapidos, et Cataractas, ad usum complurium Motuum violentorum: Ad
simi-

similem usum, habemus Machinas complures, quæ ventos excipiant, multiplicent, & roborent.

Habemus etiam Puteos multos, & Fontes Artificiales, ad Imitationem Naturalium Scaturiginum, & Balneorum, factos; Vitriolo, Sulphure, Calyce, Ære, Plumbo, Nitro, & Aliis Mineralibus tinctos: Habemus insuper Puteos, & Receptacula parva, ad Rerum multarum Infusionem; Ubi Aqua, (Currens scilicet,) Virtutem Corporum, melius & vivacius, quam in Vasis, & Catinis, excipit. Inter quos habemus aliquos, in quibus conficitur Aqua, quam vocamus Paradisi, per præparationes quasdam nostras, valde salubris & efficax facta, ad sanitatem, & Longævitatē.

Habemus etiam Ædificia ampla & spatiosa, in quibus Imitamenta & Repræsentationes Meteororum exhibemus: veluti, Nivis, Grandinis, Pluvie, Pluviarum Artificialium ex Corporibus mistis non Aquis, Tonitruum, Fulgurum, Coruscationum, & Generationum Insectorum et Animalculorum in Ære; veluti Ranarum, Muscarum, Locustarum, et aliorum.

Habemus etiam Cubicula nannulla, quæ Cubicula Sanitatis vocamus, ubi Aerem ad libitum tingimus, & temperamus, prout ad Curationes Complurium Morborum, et Conservationem Valetudinis, conducere, et proprium esse, judicamus.

Habemus etiam Balnea pulchra, et ampla, ex diversis Mixturis, ad Curationem complurium Morborum, & Corporis Humani Restaurationem ab Arefactione: Alia item ad Roborationem, et Confortationem Nervorum, Partium Vitalium, atque ipsius Corporis succi, & substantiæ.

Habemus etiam Pomaria, et Hortos, amplios, et varios; In quibus, non tam Nobis cordi est, Pulchritudo Ambulacrorum, et similium, quam varietas Terræ, et Soli, diversis Arboribus et Herbis proprii. Aliqui autem eorum, Arboribus et Baccis consiti sunt, ad Potuum complura Genera conficienda, præter Vineas. In his etiam Experimenta facimus, Infectionum, et Inoculationum, Arborum, tam Silvestrium, quam Fructiferarum, quæ multos et magnos Effectus producant, Atque efficimus per Artem, in iisdem Pomariis

mariis & Hortis, ut Fructus & Flores proveniant citius aut
 serius, quam pro tempestate suâ : Item, ut minoribus inter-
 vallis, pullulent, germinent, & fructum ferant, quam Natu-
 ra suâ consueverunt. Arbores etiam et Plantas grandiores
 efficiamus, quam pro Naturâ suâ ; Et Fructus earum majores
 et suavioris ; Atque Sapore, Odore, Colore, et Figurâ,
 differentes à specie suâ : Et multos ex iis ita preparamus,
 ut ad Usus Medicinales valeant. Habemus etiam Modos ;
 per quos Plantæ complures, per solas Terræ mixturas, abs-
 que semine, exurgere, et crescere faciamus : Atque etiam
 novas, et incognitas Plantas, educimus, à vulgaribus diffe-
 rentes ; Atque Plantas, ex unâ specie, in aliam transmutamus.
 Habemus etiam Septa, et Vivaria, pro Bestiis, et Avi-
 bus, omnigenis : Quibus, non tam propter Novitatem et Ra-
 ritatem, quam ad Dissectiones, et Experimenta Anatomica,
 utimur ; ut ab iis, quid fieri possit, circa Corpus Humanum,
 lucem accipiamus. In quibus, mirabiles multos Effectus repe-
 rimus ; Veluti vitæ in iis Continuationem, licet nonnullæ Par-
 tes, quas vos pro vitalibus habetis, perierint, aut extractæ
 fuerint ; Resuscitationem nonnullarum, quæ specie tenus, mor-
 tuæ erant ; et similia. Experimentum etiam sumimus super
 illas, Venenorum omnium, et Antidotorum, et aliorum Medi-
 camentorum, tam Chirurgicorum, quam Medicinalium ; ut
 Corpori Humano melius caveamus. Arte etiam reddimus alias
 majores, & proceriores, quam pro Naturâ suâ ; Econtrâ,
 alias Nanas facimus, & Staturâ justâ privamus : Præterea
 alias feraciores, & partu numerosiores, reddimus, quam Natu-
 ra earum fert ; Econtrâ, alias steriles, & Generationi ineptas.
 Etiam Colore, Figurâ, & Animositate, eas multis modis va-
 riamus. Procuramus etiam Mixturas & Copulationes Ani-
 malium diversarum specierum, quæ novas species prodixerunt ;
 Neque tamen eas steriles, prout communis fert Opinio. Insuper,
 complura Genera Serpantium, Vermium, Muscarum, Pesci-
 um, ex putrefactione producimus ; Quorum nonnulla in perfectas
 species maturantur, sicut Aves, aut Bestiæ, aut alii Pisces ; Et
 sexu discriminantur, & generant. Neq; tamen casu hoc facimus,
 sed satis novimus, ex quali Materiâ, quale Animal sit producibile.
 Habemus etiam Piscinas particulares, ubi similia experimur

in Piscibus, quæ prius de Bestiis, & Avibus, diximus. Habemus etiam Loca propria, ad Generationem ejusmodi Vermium, & Muscarum, quæ vobis incognitæ, & imprimis utiles sunt: Quales sunt apud vos Bombycēs, & Apes.

Non te remorabor, commemorando quales habemus Domus, pro conficiendis, Vino, Sicerâ, Cervisiâ, & aliis Potibus; Aut pro Panibus omnimodis conficiendis: Aut Culinas, in quibus conficiuntur & preparantur lura, Cibi rari & inusitati, ad Effectus speciales. Vina habemus ex Uvis: Potus item ex aliis Succis Fructuum; Decoctionibus Granorum & Radicum; Et Mixturis Mellis, Sacchari, Mannæ, Fructuum multorum (sicut in Uvis faciunt) passorum; Etiam ex Lachrymis Arborum, & Medullis Arundinum. Potus autem isti sunt Ætatum diversarum; Nonnulli usque ad Annum quadragesimum servati. Habemus etiam Potus Medicatos ex Infusionibus & Mixturis diversarum Radicum, Herbarum, Aromatum; Quin & additis quandoque Carnibus, Ovis, Lacticiniis, & aliis Esculentis; Ex quibus Potibus nonnulli sunt instar Cibi & Potus conjunctim; Adeo ut Complures, præsertim ætate decrepitâ, ex illis solis vivant, cum exiguo, aut nullo usu, Cibi, aut Panis. Atque ante omnia contendimus, ut Potus tenuissimarum Partium conficiamus; quo facilius in Corpus se insinuent, sed absque omni Mordacitate, Acrimoniâ, aut Corrosione: Adeo ut nonnulli eorum, super Dorsum Manus impositi, post exiguam moram, insensibiliter ferme ad palmam penetrabunt; Qui tamen, Linguam, aut Palatum, non mordebunt. Habemus etiam Aquas quas ita maturamus, ut Nutritivæ planè fiant, & in Potus excellentes evadant; unde Complures alio Potu uti nolint. Panes habemus ex diversis Granis, Radicibus, Nucibus, & Glandibus; Aliquos etiam ex Carnibus, & Piscibus arefactis; Cum Fermentoribus, & Salitionum; Generibus variis; Quorum alii, mirum in modum, Appetitum excitant; Alii ita Nutritivi sunt, ut ex iis solis, absque alio Cibo, complures vivant; Qui tamen longævi plerunque sunt. Cibos habemus, quos ita tundimus, inteneramus, & mortificamus, sed tamen absque aliquo Gradu Putredinis, ut Calor Stomachi debilis eos faciliè in Chylum bonum vertat; Non minùs quam Calor Stomachi fortis, operari possit in Cibos communes. Genera quædam Cibi, Panis, & Potus, habemus, quæ sumpta, diutius quam pro consueto, Iejunium tolerare, facient: Alia item, quibus qui insuescunt, Carne fiunt

durior, & solidior, quam antea: Tum & Robur ipsorum, ad Motum quemlibet, augetur & intenditur.

Habemus etiam Dispensatoria, vel Officinas Pharmacorum: In quibus facile est existimare, cum nos tantâ copiam & varietate Plantarum, & Animalium, præ vobis in Europâ abundamus; (Etenim satis novimus quid apud vos invenitur;) Simplicia item, Pharmaca, & Ingredientia ad Medicinas, tantò debere esse magis varia, & multiplicia. Ibi quoque Pharmaca habemus, Ætatum diversarum, & Fermentationis diuturnæ. Quantum verò ad Medicinarum Præparationes, non solum Distillationes omnigenas exquisitas, & Separationes, habemus; Præcipue autem per Calores lenes; Et Percolationes, per diversa Lintea, Lanæ, Ligna, imò & Substantias solidiores; sed multò magis Componendi Modos Excellescentes, per quos Compositorum Incorporationem talem assequimur, ut videantur ferme simplicia Naturalia.

Habemus etiam Artes complures Mechanicas, vobis incognitas; Et Materias per eas confectas; Veluti Papyros, Lintea, Serica, Textilia, Consuta ex Plumis elegantissime splendoris mirabilis; Tincturas & Infectiones Colorum pulcherrimas; Et alia complura. Quin & Officinas etiam aliquarum Artium prædictarum; Tam earum, quæ in usum communem receptæ non sunt, quam earum quæ sunt. Etenim scire debes, ex iis quæ jam recensui, Complura per universum Regnum in usu esse; Quamvis, si ab Inventione nostrâ fluxerint, eorum quandoque Exemplaria, tanquam primigenia, & optimè elaborata, in Domo nostrâ retinemus.

Habemus etiam Fornaces valde diversas, quæque Gradus Calorum diversos, exhibent & servant; Caloris scilicet Acris & Celerris; Robusti & Pertinacis; Lenis & Moderati; Sufflati, Tranquilli; Humidi, Sicci; & similium. Sed ante omnia Calores ministramus, ad Imitationem Caloris Solis, & Cælestium, qui pertranseunt Inæqualitates multiplices, & veluti Orbes, Progressus, & Periodos, per quas Opera Mirabilia educimus. Necnon habemus Imitationes Caloris Fimorum; Et Ventruium Animalium; Atque Sanguinis & Corporum ipsorum; Fœnorum, & Herbarum dum Humidæ sunt congestarum & conclusarum; Calcium vivarum; & Rerum aliarum. Item habemus Instrumenta, quæ Calorem excitant, per Motum tantum; Atque insuper Loca ad Insolationes fortes; Et rursus Loca subterranea, quæ vel

Naturâ

Naturâ, vel Arte, Calores excitant. Hos Calores diversos exhibemus, prout Natura Operationis, quam designamus, postulat.

Habemus etiam Domus Perspectivæ, ubi Experimenta exhibemus omnium Luminum, & Radiationum; Omnium quoque Colorum: Atque ex Corporibus Diaphanis & Incoloratis, representamus Colores singulos; Non in Formâ Iridum gliscentes, (ut fit in Gemmis, & Prismatibus,) sed per se, simplices, & constantes. Præterea exhibemus omnem Radiorum Multiplicationem; Adeo ut Lumen ejaculemur, ad distantias magnas; illiqueam Virtutem, & Fortitudinem, indimus, ut per hujusmodi Lumen, cerni possint Lineæ & Puncta tenuissima. Exhibemus omne Genus Luminum tinctorum, & Coloratorum; Atque omnes Elusiones & Deceptiones Visus, in Figuris, Magnitudinibus, Motibus, Coloribus; Omnes Demonstrationes Umbrarum, & Imaginum in Aere volitantium. Invenimus quoque Media complura, apud vos ignota Luminis Originalis producendi, ex diversis Corporibus. Rursus, Artificia invenimus, per quæ Objecta valdè remota, in Oculos incurrant; Veluti, in Cælo, & aliis Locis remotis. Imò etiam quæ propè sunt, tanquam ex longinquo ostendimus, & quæ ex longinquo tanquam propè, fictas ad libitum exhibentes distantias. Præterea habemus Oculorum Adminicula, quæ Bisoculis vestris, & Speculis, usu, longè præstant. Habemus etiam Artificia, & Perspicilla, quibus Corpora minuta & pusilla, distinctè & perfecte cernimus; veluti membra, & Colores, Muscarum exiguarum, & Vermium; Grana & Glacies in Gemmis aliàs non visibiles; plurima in urinis, & sanguine, aliàs item non visibilia. Porro exhibemus Artificiales Irides, Halones, Circulos, Vibrationes & Trepidationes Luminis. Denique exhibemus omnes Modos Reflectionis, Refractionis, & Conduplicationis Objectorum.

Habemus etiam Gemmas omnium Generum, multasque earum pulcherrimas, & vobis incognitas: Item Crystalla, & Vitra diversorum Generum; Inter ea autem quædam ex Metallis vitrificatis, & nonnullis Materiis aliis, præter eas, ex quibus apud vos Vitra conficiuntur. Tum complura etiam Fossilia, quæ vos non habetis. Magnetes item Virtutis prodigiosæ; Et Lapides alios raros, tam Naturales, quam Artificiales.

Habemus etiam Domos Sonorû, ubi experimur & demonstramus Sonos omnes, eorumque Generationes. Habemus Harmonias, quæ
Ll 2 *apud*

apud vos in usu non sunt; Miscentes non tantum Beta illud acutum & molle, ut Vos, sed Quadrantes Sonorum; Et Sonos tremulos aliquos dulcissimos. Habemus Instrumenta complura Musica, quæ vobis nondum innotuerunt; Aliqua eorum Melodiam exhibitia suaviorem, quam vestra. Campanas quoque & Tintinnabula Soni jucundissimi. Exhibemus Sonos exiles tanquam magnos & graves; Graves similiter tanquam extenuatos, & acutos. Dein fingimus Trepidationes plurimas ex Sonis, qui in Ortu suo primo integri sunt. Exhibemus atque Imitamur, Sonos omnes Articulatos, & Literas; Item Voces, & Cantus, Quadrupedum, & Avium. Habemus quoque Adminicula Auditûs, quæ Auribus apposita, majorem in modum, Sensum ipsum, & Sonorum Delationem, promovent. Habemus Vocum Reflexiones, (quas Ecchô dicitis,) complures mirabiles, & Artificiales; Vocem non tantum multipliciter repercutientes & jactantes; sed earum alias Vocem augentes, alias extenuantes: Nonnullas autem earum vocem Articulatam reddentes differentem ab Originali. Habemus ultimò, Modos deferendi Sonos, in Tubis, & Concavis aliis, ad magnam distantiam, atque in Lineis tortuosis.

Habemus etiam Domos Suffituum & Odorum; ubi & Experimenta Saporum adjungimus. Odores ibi, (quod mirum videri possit,) multiplicamus & fortificamus. Imitamur Odores Naturales, efficientes ut Odores omnigeni ex aliis mixturis expirent, quam ex genuinis. Similiter etiam Sapo- res imitamur, ita ut Gustum, quamvis accuratum, planè fallant. In Domo hac continetur insuper Confectionarium, ubi conficimus Bellaria, Placentas, & hujusmodi alia, tam Humida, quam Sicca: Imò & condimus ea, cum Rebus aliis dulcibus, gratissimis, præter Saccharum, & Mel. Vina ibi conficimus jucundissima, Lacticia, Jura, Salsamenta, & Acetaria, grata cerè ad Gustum, & Vobis minimè in usu.

Habemus etiam Domus Machinarum, ubi præsto sunt Machinæ, & Organa, ad omnia Genera Motuum. Ibi tentamus celeriores educere Motus, quam apud vos ullos habetis, sive ex Sclopetis vestris minoribus, sive aliâ quacunque Machinâ. Tentamus item Motus reddere faciliores, & intentiores, eos multiplicando per Rotas, & Modos alios. Tum Motus educimus fortiores & potentiores, quam vos habetis, in majoribus vestris

Bombardis, & Basiliscis quibuscunque. Exhibemus Tormenta Bellica, & Machinas, omnis generis; Novas Mixturas Pulveris Pyrii; Ignem Græcos in Aquâ ardentem, & inextinguibiles: Ignem missiles in omni varietate, tam ad Voluptatem, quam ad Usus. Imitamur ibi Avium volatus; Gradus quosdam habemus, & Commoditates Vecturæ per Aerem, instar Animalium Alatorum. Naves habemus, & Scaphas, quæ subter Aquas navigare possint, & Pelagi Furores melius perferre: Cingula etiam ad natandum, & suffulcimenta. Habemus Horologia complura exquisita; & alios Motus Aeris & Aquarum, in Orbem, & per vices, revertentes; Item Motus nonnullos perpetuos. Imitamur Motus Animalium, in Simulachris eorum; Veluti, in Simulachris Hominum, Quadrupedum, Avium, Piscium, & Serpentum. Alios denique habemus Motus, Æqualitate insignes, & subtilitate.

Habemus etiam Domum Mathematicam, ubi instrumenta omnia, tam Geometrica, quam Astronomica, exquisitissima, representantur.

Habemus etiam Domum Præstigiarum, ubi omnimodas Præstigias, Imposturas, & Illusiones, & earum Fallacias, exhibemus. Facile autem credetis, Nos, qui tot habemus verè Naturalia, quæ Admirationem moveant; posse etiam infinita Hominum Sensibus imponere, si ea in Miraculum ornare, exaltare, & vellemus. Verum Nos omnem Imposturam, & Mendacium, odio habemus. Quinetiam Sociis omnibus Domus nostræ, sub pœnâ Ignominie & Multæ, severè interdiximus, ne quid ex Naturalibus Artificio Appartu ementitum, ostentent; Sed purum solum, & ab omni Fūco, & Affectatione Miraculi, immune. Atque hæc sunt, (Fili,) Domus Salomonis Divitiæ.

Quantum ad Functiones & Munera Sociorum nostrorum, Duodecim habemus, qui in Regiones externas navigant, sub aliarum Nationum nomine; (Nostram enim Terram non revelamus;) Qui Libros, Materias & Exemplaria Experimentorum, ad Nos perferunt. Hos Mercatores Lucis vocamus.

Tres habemus, qui Experimenta, quæcunque in Libris inveniuntur, colligunt. Hos Deprædatores vocamus.

Tres habemus, qui Experimenta Artium omnium Mechanicarum; Atque etiam Scientiarum Liberalium; Insuper & Præ-
eticarum

Eticarum omnium, quæ in Artem non coaluerunt, colligunt. Hos Venatores appellamus.

Tres habemus, qui ad nova Experimenta se accingunt, prout ipsis expedire visum fuerit. Hos Fossiores, sive Operatores in Mineris, vocamus.

Tres habemus, qui Experimenta Reliquorum supradictorum, in Titulos, & Tabulas, digerunt; ut Intellectus in ea melius agere possit, ad eliciendas ex iis Observationes, & Axiomata. Hos Divisores vocamus.

Tres habemus, qui ad hoc ordinantur, ut in Experimenta Sociorum suorum introsspiciant; & ex iis extrahant, & comminiscantur Inventa, quæ ad usum vitæ, & Practicam spectent; Nec-non quæ inserviant Scientiis, non solum quoad Opera, sed etiam ad liquidas Caussarum Demonstrationes; Modos eliciendi Naturales Divinationes; Atque facilem & manifestam Informationem, quæ sint in Corporibus singulis Partes latentes, quæ Virtutes? Hos Evergetas appellamus.

Tum verò post multos Sociorum universorum Conventus & Consultationes, qui Labores & Collectiones priores, penitus introsspiciunt, & quasi ruminantur; Tres habemus, quibus Curæ est, ex iis quæ jam sub oculis sunt, nova Experimenta, Lucis sublimioris, atque in Naturam altius penetrantia, excitare, & dirigere. Hos Lampadas vocamus.

Tres habemus, qui Experimenta ita injuncta & mandata re exequuntur, eorumque successus referunt. Hos Insitores vocamus.

Postremò, tres habemus, qui Inventiones & Revelationes priores in Naturâ, per Experimenta, in Observationes Majores, Axiomata, & Aphorismos, erigunt, & promovent; Quod faciunt, non-nisi Consultatione, & Colloquio, prius habitis, cum Sociis universis. Hos Interpretes Naturæ appellamus.

Habemus etiam, (ut Res ipsa postulat,) Novitios quosdam, & Tyrones; ut successio Hominum ad Experimenta & Axiomata designatorum, non intercidat; Præter Famulos multos & Ministros, tam Viros, quam Mulieres: Hoc etiam apud Nos in more est, ut accuratè deliberemus, quæ ex Inventis & Experimentis nostris, in lucem eductis, evulgari conveniat, quæ autem minimè. Quinetiam Iure-jurando nos omnes astringimus, ad ea celanda, quæ celari decrevimus: Et si nonnulla ex iis, cum consensu, interdum Regi, aut Senatui,

Senatui, revelemus: *Alia autem omnino intra Notitiam nostram, cohibemus.*

Quantum ad Ordinationes, & Ritus nostros; Habemus Porticus duas, spatiosas, & pulchras. In quarum una, ordine collocamus, Exemplaria rariorum omnium & præstantiorum Inventionum; In alterâ autem, Statuas Inventorum insigniorum. Ibi Statuam videre est Columbi vestri, qui primus Indias Occidentales aperuit. Itidem Fabricatoris primi Navium. Item Monachi vestri, qui primus Tormenta invenit Ignea, & Pulverem Pyrium. Item Inventoris Musicæ. Item Inventoris Literarum. Item Inventoris imprimendi typis. Item Inventoris Phænomenorum Astronomiæ. Item Inventoris operandi in Metallis. Item Inventoris Vitri. Item Inventoris Fili Bombycini. Item Inventoris Vini. Item Inventoris Segetum & Panis. Item Inventoris Sacchari. Atque Inventores hosce omnes, apud Nos servamus, ex Traditione magis certâ & fideli, quam apud vos habetur. Deinde habemus Statuas, Inventorum complurium insigniorum ex nostris, qui Res, & Opera Nobilia invenerunt: Quæ cum ipsi non videritis, Descriptiones eorum facere, nimis longum esset; Tam in iisdem rectè intelligendis, proclive erit errare. Etenim Inventori Rei cuiusq; dignioris, Statuam mox erigimus; Eique Honorarium satis liberale elargimur. Statuarum istarum, Aliæ ex ære sunt; Aliæ ex Marmore, & Lapide Lydio; Aliæ ex Cedro, & aliis Lignis quibusdam pretiosis, inauratis, & adornatis; Ex Ferro Aliæ; Aliæ ex Argento; Quædam ex Auro.

Habemus etiam Hymnos quosdam, & Liturgiarum Formas, quas quotidie cantamus, & recitamus; Quibus Laudes, ac Iubilæa, & Gratiarum Actiones resonamus Deo, propter mirabilia Opera sua: Precum item Formulas quasdam, quibus Auxilium & Benedictionem ejus imploramus; ut labores nostros dirigere & illuminare dignetur; Atque in bonos usus, & sanctos, convertere.

Postremo, apud nos in usu est, præcipuas in Regno Urbes, subinde adire, & visitare; In quibus, (prout occasio se offert) talia Inventa utilia revelamus, qualia Nobis visum fuerit. Prædicimus etiam, antequam adveniant, (Id quod ad Naturales Divinationes pertinet,) Morbos Epidemicos, Pestes, Animalium noxiorum Examina, Famem, Tempestates & Procellas, Terræ-Motus, Inundationes Aquarum, Cometas, Anni Temperaturam, & alia:

alia: Quinetiam Consilia super Rebus hisce damus, & quid Populo facere conveniat, ad Præventiones, & Remedia, huiusmodi Malorū.

Cūque hæc dixisset, se in pedes erexit: Ego autem, ut edoctus fueram, in gēna procubui; unde Dextram Capiti meo imponens, dixit: *Benedicat tibi Deus, Filium; Huic itidem Relationi, quam feci, Deus benedicat. Licentiam tibi concedo, in Bonum Genium aliarum eandem evulgandi. Siquidem Nos hic in sinu Dei vivimus; Natio aliis penitus incognita. Hæc locutus discessit: Assignaverat autem bis mille circiter Aureos, Muneris loco, Mihi et Sociis meis numerandos. Largitores enim magni sunt, ubicunque venerint, &c.*

Reliqua perficere non vacabat.

Errata.

Pag. 13. lin. 10. post, *Venerabilis*, deest Comma. pag. 38. lin. 44. *Curia*, lege, *Curia*. p. 57. 4. *Raptu*, *Adulterio*, l. *Raptu & Adulterio*. 58. 25. *Ci cui*, l. *Si cui*. 59. 21. *Implicatu*, l. *Implicatum*. 61. 46. *Ergastullum*, l. *Ergastulum*. 67. 44. *Diuturnum*, l. *Diuturnam*. 72. 31. *bonæ*, l. *bonā*. 74. 11. *Interruptionem*, l. *in Interruptionem*. Ibid. 31. post, *reliquos*, dele Comma. 83. 27. *croum*, l. *eorum*. 84. 14. *Omes*, l. *Omnes*. 98. 15. post *Celeritate conjuncta*, pone Periodum. 107. 1. *Ignotorum*, l. *Ignitorum*. 110. 7. *Antiquitatis*, l. *Antiquitates*. 119. 19. *Aristonomiā*, l. *Astronomiā*. Ibid. 43. *Et rei*, l. *Ei rei*. 134. 11. *Ailinerus*, l. *Ailmerus*. 136. 29. *Vittoria*, l. *Victoria*. 142. 17. *quædam*, l. *quadam*. 146. 6. *aditā*, l. *additā*. 164. 35. *Eriger*, l. *irriger*. 168. 8. *fit*, l. *fit*. 172. 16. *amicæ*, l. *amicæ*. 174. 14. *Cheval*, l. *Che Val*. 200. 1. *Inconstantiā*, l. *Inconstantiā*. Ibid. 38. post, *Paucorum*, pone Periodum. 203. 28. *melius*, l. *melius*. 204. 3. l. *Uxores*, *Filii*, *Nepotes*. 206. 26. *at*, l. *ad*. 215. 40. *Verū in meticulosi*, l. *Verū in meticulosi*. 223. 22. *reiciantur*, l. *deiciantur*. 227. 8. *Fortunatas*, l. *Fortunatos*. 231. 15. *quæ*, l. *qui*. 235. 3. *Alterum*, l. *Alteram*. 252. 1. post, *inquit ille*, pone Periodum. 284. 12. *antiquissimus*, l. *antiquissimus*. 290. 32. *Fortnam*, l. *Famam*. 316. 6. *ferre*, l. *ferē*. Ibid. 17. *humani*, l. *Generis humani*. 322. 36. *ut veluti*, l. *et veluti*. 355. 14. *vastissimi*, l. *vastissime*. 363. 37. *apricio*, l. *aprico*. 376. 33. *procolatur*, l. *percolatur*. 383. 22. *Exaltare*, & *vellemus*, l. & *exaltare vellemus*. Ibid. 26. *Appartu*, l. *Apparatu*.

FINIS.

Francisci Baconi
BARONIS
DE
VERVLAMIO,
VICE-COMITIS
SANCTI ALBANI,

TRACTATUS
De Dignitate & Augmentis Scientiarum.

Qui est
Instaurationis Magnæ Pars prima.

AD REGEM SVVM.



LONDINI,
Typis IOH. HAVILAND.

Prostant ad Insignia Regia in Cœmeterio *D. Pauli*,
apud locosam Norton & Richardum Whitakerum.

1638.

A22



Imprimatur.

*Reverendissimo in CHRISTO Patri, & Dom.
D. Arch. Cant. Sacellanus Domesticus,*

Decemb. 17. 1637.

GVIL. BRAY.





Guilielmus Rawley

Sacræ Theologiæ Doctor,

Illustrissimi Domini,

D. FRANCISCI BACONI,

Baronis de Verulamio, Vice-Comitis

SANCTI ALBANI, Sacellanus,


Lectori S.




Um Domino meo placuerit, eo me dignari
Honore, ut in edendis *Operibus* suis, ope-
râ meâ usus sit; non abs re fore existimavi;
si *Lectorem* de aliquibus, quæ ad hunc *Præ-*
sentem Tomum pertinent, breviter moneam.
Tractatum istum, de *Dignitate & Augmen-*
tis Scientiarum, ante Annos Octodecim, edidit Dominatio
sua, Linguâ Patriâ, in duos tantummodò Libros distribu-
tum; & *Regiæ suæ Majestati* dicavit, quod & nunc facit.
Non ita pridem Animum adjecit, ut in Latinam Linguam
verteretur. Inaudierat siquidem illud apud Exteros expeti:
Quinctiâ solebat subinde dicere, *Libros Modernis Linguis*
conscriptos, non ita multò post Decoeturos. Ejus igitur *Transla-*
tionem, ab insignioribus quibusdam Eloquentiâ Viris elabo-
ratam, propriâ quoque Recensione castigatam, jam emittit.
Ac *Liber Primus* certè, quasi mera *Translatio* est, in Paucis
admodum mutatus: At reliqui *Octo*, qui *Partitiones Scien-*
tiarum tradunt, atq; unico antè *Libro* continebantur, ut
Novum Opus, & nunc primum editum, prodit. Causa au-

LECTORI.

tem præcipua, quæ Dominationem suam movit, ut Opus hoc retractaret, & in plurimis amplificaret, ea fuit; Quod in *Instauratione Magnâ* (quam diù postea edidit) *Partitiones Scientiarum*, pro primâ *Instaurationis* Parte constituit; quam sequeretur *Novum Organum*; dein *Historia Naturalis*; & sic deinceps. Cùm igitur reperiret Partem eam de *Partitionibus Scientiarum* jam pridem elaboratam, (licet minùs solidè quam Argumenti Dignitas postulare) optimum fore putavit, si retractaretur, & redigeretur in opus justum & completum. Atque hoc pacto, Fidem suam liberari intelligit, de Primâ Parte *Instaurationis* præstitam. Quantum ad Opus ipsum, non est Tenuitatis meæ, de eo aliquid præfari. Præconium ei, quod optimè conveniat, existimo futurum illud, quod Demosthenes interdum dicere solebat de rebus gestis Atheniensium veterum; *Laudatorem iis dignum esse solummodò Tempus. Deum Opt: Max: obnixè precor, ut pro Dignitate Operis, Fructus Ubere, diuturnique, & Auctori, & Lectori, contingant.*



Francisci



Francisci Baconi
BARONIS
DE
VERVLAMIO,
VICE-COMITIS
SANCTI ALBANI,

DE
Dignitate & Augmentis Scientiarum
LIBRI IX.

AD REGEM SVVM.



LONDINI,
Typis IOH. HAVILAND.

Prostant ad Insignia Regia in Cœmeterio *D. Pauli*,
apud RICHARDVM WHITAKERVM.

1638.

A 3

THE NEW YORK

RECORDS

OF THE

OFFICE OF THE

CLERK OF THE

CITY OF NEW YORK

IN THE



AND

OF THE

OFFICE OF THE

PARTITIONES
SCIENTIARVM,
& Argumenta Singulorum
CAPITV M.

LIB. II.

CAPVT I.

P*artitio Universalis Doctrinæ Humanæ, in Historiam; Poësim; Philosophiam: Secundum tres Facultates Intellectûs; Memoriam; Phantasiam; Rationem: Quodque eadem Partitio competat etiam Theologicis.*

CAP. 2.

P*artitio Historiæ in Naturalem; & Civilem: Ecclesiasticâ, & Literariâ, sub Civili comprehensis: Partitio Historiæ Naturalis, ex Subjecto suo, in Historiam Generationum; Præter- Generationum; & Artium.*

CAP. 3.

P*artitio Historiæ Naturalis Secunda, ex Uſu & Fine suo, in Narrativam; & Inductivam: Quodque Finis nobilissimus Historiæ Naturalis ſit, ut miniſtret, & in ordine ſit, ad condendam Philoſophiam; quem Finem intuetur Inductiva. Partitio Historiæ Generationum, in Historiam Cœleſtium; Historiam Meteororum; Historiam Globi Terræ & Maris; Historiam Maſſarum, ſive Collegiorum Majorum; & Historiam Specierum, ſive Collegiorum Minorum.*

Partitiones Scientiarum.

CAP. 4.

Partitio Historiæ Civilis, in Ecclesiasticam; Literariam;
& (quæ Generis Nomen retinet) Civilem: Quæque
Historia Literaria desideretur: Ejus consiciendæ Præcepta.

CAP. 5.

DE Dignitate, & Difficultate Historiæ Civilis.

CAP. 6.

Partitio prima Historiæ Civilis (Specialis) in Memorias;
Antiquitates; & Historiam Justam.

CAP. 7.

Partitio Historiæ Justæ, in Chronica Temporum; Vi-
tas Personarum; & Relationes Actionum: Earum Par-
tium Explicatio.

CAP. 8.

Partitio Historiæ Temporum, in Historiam Universa-
lem; & Particularem. Vtriusque Commoda, & Incom-
moda.

CAP. 9.

Partitio secunda Historiæ Temporum, in Annales;
& Acta Diurna.

CAP. 10.

Partitio secunda Historiæ Civilis (Specialis,) in Meram;
& Mixtam.

CAP.

Partitiones Scientiarum.

CAP. II.

Partitio Historiæ Ecclesiasticæ, in Ecclesiasticam Specialem ; Historiam ad Prophetias ; & Historiam Nemeicos.

CAP. 12.

DE Appendicibus Historiæ, quæ circa Verba Hominum, quemadmodum Historia ipsa circa Facta, versantur : Partitio earum in Orationes ; Epistolas ; & Apophthegmata.

CAP. 13.

DE secundo Membro Principali Doctrinæ Humanæ, nempe Poesi. Partitio Poeseos in Narrativam ; Dramaticam ; & Parabolicam. Exempla Parabolica tria proponuntur.

LIB. III.

CAP. I.

Partitio Scientiæ in Theologiam ; & Philosophiam. Partitio Philosophiæ in Doctrinas tres : De Numine ; De Naturâ ; De Homine. Constitutio Philosophiæ Primæ, ut Matris communis omnium.

CAP. 2.

DE Theologiâ Naturali : & Doctrinâ de Angelis & Spiritibus, quæ ejusdem est Appendix.

CAP. 3.

Partitio Naturalis Philosophiæ, in Speculativam ; & Operativam : quodque illæ duæ, & in Intentione Tractantibus, & in Corpore Tractatibus, segregari debeant.

CAP.

Partitiones Scientiarum.

CAP. 4.

Partitio Doctrinæ Speculativæ de Naturâ, in Physicam (Specialem ;) & Metaphysicam : Quarum Physica Causfam Efficientem, & Materiam ; Metaphysica Causfam Finale, & Formam, inquirat. Partitio Physicæ (Spec :) in Doctrinas De Principiis Rerum ; De Fabricâ Rerum, sive de Mundo ; & de Varietate Rerum. Partitio Doctrinæ de Varietate Rerum, in Doctrinam de Concretis ; & Doctrinam de Abstractis : Partitio Doctrinæ de Concretis, rejicitur ad easdem Partitiones, quas suscipit Historia Naturalis. Partitio Doctrinæ de Abstractis, in Doctrinam de Schematismis Materiæ ; & Doctrinam de Motibus. Appendices duæ Physicæ Speculativæ : Problemata Naturalia ; Placita Antiquorum Philosophorum. Partitio Metaphysicæ, in Doctrinam de Formis ; & Doctrinam de Causis Finalibus.

CAP. 5.

Partitio Operativæ Doctrinæ de Naturâ, in Mechanicam ; & Magiam : Quæ respondent Partibus Speculativæ : Physicæ Mechanica ; Metaphysicæ Magia : Expurgatio Vocabuli Magix. Appendices duæ Operativæ : Inventarium Opum Humanarum ; & Catalogus Polychrestorum.

CAP. 6.

DE Magnâ Philosophiæ Naturalis, tam Speculativæ, quam Operativæ, Appendice Mathematicâ ; Quodque inter Appendices potius poni debet, quam inter Scientias Substantivas. Partitio Mathematicæ, in Puram ; & Mixtam.

LIB. IIII.

C A P. I.

P*artitio* Doctrinæ de Homine, in Philosophiam Humanitatis ; & Civilem. *Partitio* Philosophiæ Humanitatis, in Doctrinam circa Corpus Hominis ; & Doctrinam circa Animam Hominis. *Constitutio unius* Doctrinæ generalis de Naturâ , sive de Statu Hominis. *Partitio* Doctrinæ de Statu Hominis, in Doctrinam de Personâ Hominis ; & de Fœdere Animi & Corporis. *Partitio* Doctrinæ de Personâ Hominis, in Doctrinam de Miseriis Hominis ; & de Prærogativis. *Partitio* Doctrinæ de Fœdere, in Doctrinam de Indicationibus ; & de Impressionibus. *Assignatio* Physiognomiæ, & Interpretationis Somniorum Naturalium, Doctrinæ de Indicationibus.

C A P. 2.

P*artitio* Doctrinæ circa Corpus Hominis, in Medicinam ; Cosmeticam ; Athleticam ; & Voluptariam. *Partitio* Medicinæ in Officia tria : viz. in Conservationem Sanitatis ; Curationem Morborum ; & Prolongationem Vitæ. *Quòdque Pars postrema de Prolongatione Vitæ disjungi debeat à duabus reliquis.*

C A P. 3.

P*artitio* Philosophiæ Humanæ circa Animam, in Doctrinam de Spiraculo ; & Doctrinam de Animâ Sensibili, sive Productâ. *Partitio secunda ejusdem* Philosophiæ, in Doctrinam de Substantiâ ; & Facultatibus Animæ ; & Doctrinam de Usu, & Objectis Facultatum. *Appendices duæ* Doctrinæ de Facultatibus Animæ ; Doctrina de Divinatione Naturali ; & Doctrina de Fascinatione. *Distributio* Facultatum Animæ Sensibilis, in Motum ; & Sensum.

Partitiones Scientiarum.

LIB. V.

CAP. I.

P*artitio* Doctrinæ circa Usus & Objecta Facultatum Animæ Humanæ, in Logicam ; & Ethicam. *Partitio* Logicæ, in Artes Inveniendi ; Judicandi ; Retinendi ; & Tradendi.

CAP. 2.

P*artitio* Inventivæ, in Inventivam Artium ; & Argumentorum : Quodque prior harum (quæ eminet) desideretur. *Partitio* Inventivæ Artium, in Experientiam Literatam ; & Organum Novum. *Delineatio* Experientiæ Literatæ.

CAP. 3.

P*artitio* Inventivæ Argumentorum, in Promptuariam ; & Topicam. *Partitio* Topicæ, in Generalem ; & Particularem. *Exemplum* Topicæ Particularis, in *Inquisitione*, De Gravi & Levi.

CAP. 4.

P*artitio* Artis Judicandi, in Judicium per Inductionem ; & per Syllogismum. Quorum prius aggregatur Organum Novo. *Partitio* prima Judicii per Syllogismum, in Reductionem Rectam ; & Inversam. *Partitio* secunda ejus, in Analyticam ; & Doctrinam de Elenchis. *Partitio* Doctrinæ de Elenchis, in Elenchos Sophismatum ; Elenchos Hermenæ ; & Elenchos Imaginum, sive Idolorum. *Partitio* Idolorum, in Idôla Tribûs ; Idôla Specûs ; & Idôla Fori. *Appendix* Artis Judicandi, viz. De Analogiâ Demonstrationum pro Naturâ Subjecti.

CAP.

Partitiones Scientiarum.

CAP. 5.

Partitio *Artis* Retinendi *sive* Retentivæ, in Doctrinam de Adminiculis Memoriae ; & Doctrinam de Memoria ipsâ. Partitio Doctrinæ de Memoria ipsâ, in Prænotionem ; & Emblema.

LIB. VI.

CAP. I.

Partitio Traditivæ, in Doctrinam de Organo Sermonis ; Doctrinam de Methodo Sermonis ; & Doctrinam de Illustratione Sermonis. Partitio Doctrinæ de Organo Sermonis, in Doctrinam de Notis Rerum ; De Locutione ; & De Descriptione. Quarum duæ Posteriores Grammaticam constituunt, ejusq; Partitiones sunt. Partitio Doctrinæ de Notis Rerum, in Hieroglyphicæ ; & Characteres Reales. Partitio secunda Grammaticæ, in Literariam ; & Philosophantem. Aggregatio Poeseos quoad Metrum, ad Doctrinam de Locutione. Aggregatio Doctrinæ de Ciphris, ad Doctrinam de Descriptione.

CAP. 2.

Doctrina de Methodo Sermonis constituitur ut Pars Traditivæ Substantiva & Principalis. Nomen ei inditur Prudentia Traditivæ. Enumerantur Methodi Genera diversa ; & subjunguntur eorum Commoda, & Incommoda.

CAP. 3.

De Fundamentis & Officio Doctrinæ de Illustratione Sermonis, *sive* Rhetoricæ. Appendices tres Rhetoricæ, quæ ad Promptuariam tantummodo pertinent ; Colores Boni

Partitiones Scientiarum.

& Mali, tam Simplicis quam Comparati ; Antitheta Re-
rum ; Formulæ Minores Orationum.

CAP. 4.

Appendices generales duæ Traditivæ : Critica ; & Pæda-
gogica.

LIB. VII.

CAP. I.

Partitio Ethicæ, in Doctrinam de Exemplari ; & Geor-
gica Animi. Partitio Exemplaris (scilicet Boni)
in Bonum Simplex ; & Bonum Comparatum. Parti-
tio Boni Simplicis, in Bonum Individuale ; & Bonum
Communioneis.

CAP. 2.

Partitio Boni Individualis, vel Suitatis, in Bonum Acti-
vum ; & Bonum Passivum. Partitio Boni Passivi, in
Bonum Conservativum ; & Bonum Perfectivum. Partitio
Boni Communioneis, in Officia Generalia ; & Respectiva.

CAP. 3.

Partitio Doctrinæ de Culturâ Animi, in Doctrinam de
Characteribus Animorum ; De Affectibus ; & De Re-
mediis, sive Curationibus. Appendix Doctrinæ ejusdem, de
Congruitate inter Bonum Animi, & Bonum Corporis.

LIB. VIII.

CAP. I.

Partitio Doctrinæ Civilis, in Doctrinam de Conversati-
one ; Doctrinam de Negotiis ; & Doctrinam de Im-
perio, sive Repub.

CAP.

Partitiones Scientiarum.

C A P. 2.

Partitio Doctrinæ de Negotiis, *in* Doctrinam de Occasionibus Sparfis; & Doctrinam de Ambitu Vitæ. *Exemplum* Doctrinæ de Occasionibus Sparfis, ex Parabolis aliquibus Salomonis. *Præcepta* de Ambitu Vitæ.



C A P. 3.

Partitiones Doctrinæ de Imperio, *sive* Repub. *omittuntur*: *Tantum* Aditus *fit* ad Desiderata duo: Doctrinam de Proferendis Finibus Imperii; & Doctrinam de Justitiâ Universalî, *sive* de Fontibus Juris. *Exempla utriusque.*

LIB. IX.

C A P. I.

Partitiones Theologiæ Inspiratæ *omittuntur*: *Tantum* Aditus *fit* ad Desiderata tria: Doctrinam de Legitimo Ulu Rationis Humanæ in Divinis; Doctrinam de Gradibus Unitatis in Civitate Dei; & Emanationes Scripturarum.



THE HISTORY OF THE
THE HISTORY OF THE
THE HISTORY OF THE

THE HISTORY OF THE
THE HISTORY OF THE
THE HISTORY OF THE

THE HISTORY OF THE
THE HISTORY OF THE
THE HISTORY OF THE

THE HISTORY OF THE
THE HISTORY OF THE
THE HISTORY OF THE

THE HISTORY OF THE
THE HISTORY OF THE
THE HISTORY OF THE



FRANCISCI BACONI
BARONIS

DE

VERULAMIO,

VICE-COMITIS

SANCTI ALBANI,

DE

Dignitate & Augmentis Scientiarum

LIBER PRIMVS.



V B Veteri Lege, Rex Optime, erant
& spontaneæ Oblationes, & quotidiana
Sacrificia; hæc ex rituali cultu, illæ ex piâ
Alacritate profectæ. Arbitror equidem
deberi tale quidpiam Regibus à Servis
suis; ut scilicet quisque non solum Mu-
neris sui Tributa, sed & Amoris Pignora
deferat. Arque in prioribus illis, spero
me minimè defuturum; In posteriori au-
tem genere, dubitavi quid potissimum
sumerem: Satius autem visum est, hu-

jusmodi aliquid deligere, quod potius ad Personæ tuæ Excellentiam,
quàm ad Negotia Coronæ spectaret.

Ego sæpissimè de Mjèstate tuâ, ut debeo, cogitans (missis aliis sive
Virtutis, sive Fortunæ tuæ Dotibus) magnâ prorsus afficior admirati-
one, cùm intueor Excellentiam earum in te Virtutum, Facultatumque,

Bbb

quar

De Augmentis Scientiarum

quas Philosophi Intellectuales vocant : Capacitatem Ingenii tot & tanta complexam, Firmitudinem Memoriam, Prehensionis Velocitatem, Judicii Penetrationem, Elocutionisque Ordinem simul & Facilitatem : Subit profecto Animum quandoque Dogma illud Platicum, quo asseritur, *Scientiam nihil aliud esse quam Reminiscentiam* ; *Animumque naturaliter omnia cognoscere, nativæ luci, quam specus corporis obumbraverat, subinde redditum*. Certè hujus rei, (si in quo alio) relucet in Majestate tuâ Exemplum insigne; cui adeo prompta est Mens ad concipiendam Flammam, ubi vel levissima eam excitaverit objecta Occasio, vel minima alienæ Cognitionis scintilla affuisset. Quemadmodum igitur, de Regum sapientissimo, Sacra perhibet Scriptura *Cor illi fuisse tanquam Arenam Maris*; cujus quanquam Massa prægrandis, Partes tamen minutissimæ; sic Mentis indidit Deus Majestati tuæ crasim planè mirabilem, quæ cum maxima quæque complectatur, minima tamen prehendat, nec patiatur effluere: Cum perdifficile videatur, vel potius impossibile in Naturâ, ut idem Instrumentum, & grandia Opera, & pusillâ aptè disponat. Quantum ad Elocutionem tuam, occurrit illud Cornelii Taciti de Augusto Casare; *Augusto*, inquit, *profluens, & quæ principem virum deceret, eloquentia fuit*. Sanè si rectè rem perpendamus, omnis Oratio aut laboriosa, aut affectata, aut Imitatrix, quamvis alioquin excellens; nescio quid servile olet, nec sui juris est. Tuum autem dicendi genus verè Regium est, profluens tanquàm à Fonte, & nihilominus, sicut Naturæ Ordo postulat, Rivis diductum suis, plenum facilitatis foelicitatisque, imitans neminem, nemini imitabile. Atque sicut in Rebus tuis, quæ tam ad Regnum, quàm ad Domum tuam spectant, Virtus videtur cum Fortunâ certare; Mores scilicet optimi cum foelici Regimine; Spes tuæ olim patientèr & piè cohibita, cum fausta & opportunâ speratorum adeptione, Thoris Conjugalis sancta fides, cum fructu Conjugii beato, in Sobole pulcherrimâ; Pia, & Principe Christiano dignissima ad pacem propensio, cum simili vicinorum Principum inclinatione, in idem votum foelicitèr conspirantium; sic & in Intellectus tui Doribus, non levior exoritur lis & æmulatio; si eas, quæ à Naturâ ipsâ præbitæ sunt & infusæ, cum instructissimâ gazâ multiplicis Eruditionis, & plurimarum Artium Scientiâ committamus. Neque verò facile fuerit Regem aliquem post Christum natum reperire, qui fuerit Majestati tuæ, Literarum Divinarum, & Humanarum varietate, & culturâ comparandus. Percurrat, qui voluerit, Imperatorum & Regum seriem, & juxta necum sentiet. Magnum certè quiddam præstare Reges videntur, si delibantes aliorum Ingenia ex compendio sapiant, aut in Cortice Doctrinæ aliquatenus hæreant, aut denique literatos ament, evehantque. At Regem, & Regem natum, veros Eruditionis Fontes hausisse, imò ipsummet Fontem Eruditionis esse, propè abest à Miraculo. Tuæ verò Majestati, etiam illud accedit, quod in eodem Pectoris tui Scrinio, Sacra Literæ cum profanis recondantur; adeo ut cum Hermete illo Trismegisto, triplici gloriâ insigniaris, Potestate Regis, Illuminatione Sacerdotis, Eruditione Philosophi. Cum igitur alios Reges, longè hac laude (proprie quæ tua est) superes, æquum est, ut non solum præsen-

tis Seculi famâ, & admiratione celebretur, aut etiam Historiarum lumine posteritate transmittatur, verum ut solido aliquo in Opere incidatur, quod & Regis Magni potentiam denotet, & Regis tam in signi-
tèr Docti Imaginem referat.

Quare (ut ad Inceptum revertar) nulla potior mihi visa est Oblatio, quam Tractatus aliquis eò spectans. Hujus Argumentum duabus constabit Partibus. In priori (quæ levior est, neque tamen ullo modo prætermittenda) de Scientiâ, & Literarum per omnia excellentiâ agendam est; & simul de Merito eorum, qui in iisdem provehendis operam strenuè, & cum judicio impendunt. Posterior verò Pars (quod Caput rei est) proponet, quid in hoc genere, hucusque actum sit, & perfectum; insuper & ea perstringet, quæ videntur desiderari; ut quamvis non ausim seponere, aut deligere, tunc quod præcipuè Majestati commendem, tamen multa & varia representando, Regias tuas Cogitationes excitare possim; ut proprios Pectoris tui Thesauros excutias, atque inde pro magnanimitate tuâ, atque sapientiâ, optima quæque, ad Artium & Scientiarum Terminos proferendos, depromas.

In ipso Vestibulo prioris Partis, ad purgandum, viam & quasi indicendam silentium. quo melius audiantur Testimonia de Dignitate Literarum absque Oblatione tacitarum Objectionum, statui primo loco liberare literas opprobriis, & vilipendiis, quibus imperit eas Ignorantia, sed Ignorantia sub non uno schemate: modo in Theologorum Zelotypiâ, modo in Politicorum supercilio, modo in ipsorum Literarum erroribus sese ostentans. & prodens. Audio primos dicentes, Scientiam inter ea esse, quæ parcè cautèque admittenda sunt; Scientiæ nimium Appetitum fuisse primum Peccatum, unde Hominis lapsus; hodiè, que harere Serpentinum quid in eâ, siquidem Ingrediens tumorem inducit; *Scientia inflat: Salomonem censere: Faciendi libros nullum esse finem, multamque lectionem carnis esse afflictionem*; & alibi, *In multâ Sapientiâ multam esse indignationem*; & *Qui auget scientiam, augere & dolorem*; D. Pauli monitum esse, *Ne decipiamur per inanem philosophiam*: Quin & experienciâ notum esse, doctissimos Viros Hæreticorum Coryphæos, doctissima Secula in Atheismum præclivia fuisse; Contemplationem denique Secundarum Causarum, authoritati Primæ Causæ derogare.

Vt Igitur Falsitatem hujus Dogmatis, Fundamenta que ejus malè jacta aperiamus, cui vis obvia est, istos non percipere, Scientiam quæ Lapsus peperit, non fuisse puram illam, primigeniamque Scientiam Naturalem, cujus lumine Homo Animalibus in Paradiso adductis, Nomina ex Naturâ imposuit, sed superbam illam, *Boni & Mali*, per quam excutere Deum, sibi que ipse legem figere ambivit: Neque cerè vis ulla Scientiæ, quanta quanta sit, inflat mentem, cum nihil implere Animum, nedum distendere possit, præter Deum, Deique contemplationem: Quare Salomon de duobus palmariis Inventionis sensibus, (Visu, atque Auditu) loquens, ait, *Oculum videndo, aurem audiendo non satiari*: quod si non sit Impletio, sequitur Continens majus esse Contento. Haud aliter de Scientiâ ipsâ, Animoque humano (cui Sensus sunt tanquam Emissarii) desinet illis verbis, quæ Calendario suo, Ephemeridi-

De Augmentis Scientiarum

dique omnium rerum tempora describenti subnectit, ita concludens; *Omnia Deus condidit, ut unumquodque pulchrum sit in tempore suo: Mundum quoque ipsum indidit cordi eorum: invenire tamen Homo non potest opus, quod operatus est Deus, ab initio usque ad finem.* Quibus verbis haud obscure inquit, Deum fabricatum esse Animum humanum instar speculi, totius Mundi capacem, Ejusque non minus scientem, quam oculum Luminis: neque gestientem solum conspiciere varietates, vicissitudinesque Temporum, verum etiâ perscrutandi, explorandi-que immotas, atque inviolabiles Naturæ Leges, & Decreta, ambitionis fam. Et quamvis innuere videatur, summam illam Naturæ œconomiam (quam appellat *Opus, quod operatur Deus, ab initio usque ad finem*) non posse inveniri ab Homine; hoc non detrahit captui humano, sed in impedimenta Doctrinæ rejiciendum; qualia sunt Vitæ brevitatis, Studiorum divortia Scientiarum traditio prava & infida, plurimaque alia incommoda, quibus humana conditio irretitur. Siquidem nullam Vniversi partem, ab humanâ disquisitione alienam esse, satis clarè alibi docet, inquit, *Spiritus hominis est tanquam lucerna Dei*, quâ intima arcana explorat. Quare si tanta sit amplitudo captûs humani, manifestum est nullum esse periculum à quantitate Scientiæ, ut ut diffusâ, ne aut tumorem inducat, aut excessum: sed à qualitate tantum, quæ quantulacunque sit, si absque Antidoto suâ sumatur, malignum quid habet, atque venenosum, flatuosis symptomatis plenissimum. Hæc Antidotus, sive Arôma, (cujus mixtio temperat Scientiam, eamque saluberrimam efficit,) est *Charitas*, quod etiam priori clausulæ subjungit Apostolus dicens, *Scientia inflat, charitas autem edificat.* Cui consonum est, quod alibi docet, *Si, inquit, linguis loquar Angelorum, vel hominum, charitatem autem non habeam, factus sum velut aes resonans, aut cymbalum tinniens.* Non quin eximium quid sit loqui Linguis Angelorum & Hominum, sed quia si segregetur à Charitate, neque ad commune Humani Generis bonum dirigatur, potius inanem gloriam exhibebit, quàm solidum fructum. Censuram quod attinet Salomonis, de Excessu legendi scribendique Libros, & cruciatu spiritûs è Scientiâ oriundo; Monitumque etiam Paulinum, *Ne decipiamur per inanem philosophiam*; si rectè explicentur ea loca, optimè ostendent veros cancellos, & limites, quibus humana scientia circumsepitur, ita tamen ut liberum sit ei, absque omni coarctatione universam rerum naturam amplecti. Sunt enim limites tres. Primus, ne ita foelicitatem collocemus in Scientiâ, ut interim Mortalitatis nostræ Oblivio subrepat. Secundus, ne sic utamur scientiâ, ut anxietatem pariat, non Animi tranquillitatem. Tertius, ne putemus posse nos, per Naturæ contemplationem, Mysteria Divina assequi. Nam quantum ad primum, optimè in eodem Libro alibi se Salomon explicat, *Satis, inquit, perspexi Sapientiam tantum recedere à stultitiâ, quantum Lucem à Tenebris. Sapientis oculi in capite ejus, stultus in tenebris oberrat, sed simul didici moriendi necessitatem utrique esse communem.* De secundo certum est, nullam Animi anxietatem, aut perturbationem oriri è Scientiâ, nisi tantum per accidens. Omnis enim Scientia, & Admiratio (quæ est semen Scientiæ) per se jucunda est; cum autem

Conclu-

Conclusiones inde deducuntur, quæ obliquè rebus nostris applicatæ, vel infirmos metus gignunt, vel immodicas cupiditates, tum demum nascitur Cruciatu, ille & Perturbatio mentis, quâ de loquimur: tunc enim Scientia, non est amplius *Lumen siccum*, (ut voluit Heraclitus ille obscurus, *Lumen siccum optima anima*) sed fit Lumen madidum, atque humoribus Affectuum maceratum. Tertia regula accuratiorem paulò disquisitionem postulat, neque sicco pede prætereunda est. Si quis enim ex rerum Sensibilibus, & Materiatarum intuitu, tantum Luminis affectui speret, quantum ad patefaciendam Divinam Naturam, aut Voluntatem sufficiet, *na iste decipitur per inanem philosophiam*. Etenim Contemplatio Creaturarum, quantum ad creaturas ipsas, producit Scientiam; quantum ad Deum, Admirationem tantum, quæ est quasi abrupta Scientia. Idcoque scitissimè dixit quidam Platonici: *Sensus humanos solum referre, qui quidem revelat terrestrem globum, cælestem verò & stellæ obsignat*: sic sensus referant Naturalia, Divina occludunt. Atque hinc evenit, non nullos è doctiorum manipulo in hæresim lapsos esse, quum ceratis sensuum alis innixi, ad Divina evolare contenderent. Namque eos, qui autumant nimiam Scientiam inclinare mentem in Atheismum, ignorantiamque Secundarum Causarum, Pietati erga Primam obstetricari, libentèr compellarem Jobi quæstione, *An oporteat mentiri pro Deo, & ejus gratiâ delum loqui conveniat, ut ipsi gratificemur?* liquet enim Deum nihil operari ordinariò in naturâ, nisi per secundas Causas, cujus diversum credi si vellent, impostura mera esset, quasi in gratiam Dei, & nihil aliud, quàm Authori veritatis immundam mendaciï hostiam immolare. Quin potius certissimum est, atque experienciâ comprobatum, leves gustus in Philosophiâ, movere fortassè ad Atheismum, sed pleniores haustus ad Religionem reducere. Namque in limine Philosophiæ cùm secundæ causæ tanquam sensibus proximæ, ingerant se menti Humanæ, Mensque ipsa in illis hæreat, atque commoretur, Oblivio Primæ causæ obrepere possit: sin quis ulterius pergat, Causarumque Dependentiâ, Seriem, & Concatenationem, atque opera Providentiæ intueatur, tunc secundum Poetarum Mythologiam facilè credet Summum Naturalis Catenæ Anulum Pedi Solii Iovis affigi. Ut semel dicam, nemo malè applicatæ sobrietatis, moderationisque famam captans, posse nos nimium progredi, in libris sive Scripturarum, sive Creaturarum, Theologiâ aut Philosophiâ, existimet; quinimò excitent se Homines, & infinitos profectus audactèr urgeant utrobique, & persequantur; caventes tantum ne Scientia utantur, ad tumorem, non ad charitatem, ad ostentationem, non ad usum; & rursus, ne distinctas illas Theologiæ, Philosophiæque doctrinas, earumque Latices imperitè misceant, ac confundant.

Accedamus nunc ad Opprobria, quibus literas aspergunt Politici. Illa ejusmodi sunt: Artes emollire animos, Militarique Gloriæ ineptos reddere: tum in Politicis quoq; corrumpere Ingenia, quæ vel nimis curiosa efficiunt ex Varietate Lectionis; vel nimis pertinacia ex Rigore Regularum, vel nimis tumida ex Magnitudine Exemplorum, vel nimis extravagantia ex Dissimilitudine Exemplorum; quin saltem utcunque avertere, & alienare Animos à Negotiis & Actione,

De Augmentis Scientiarum.

Oriti ac Seceſſus amorem inſtillantēs: dein Rebuspub. inducere Diſciplinæ Relaxationem, dum unusquiſque promptior eſt ad Diſputandum, quàm ad Obtemperandum. Vnde Cato Cenſorius, cum primis Mortalium ſapiens, ubi Juventus Romana ad Carneadem Philoſophum, qui vènerat Romam Legatus, dulcedine atque majeſtate Eloquentiæ ejus capta, undique conflueret, frequenti Senatu Auctor fuit, ut expeditis Negotiis, primo quoque tempore dimitterent Hominem; ne Civium Animos inficeret, & falcinaret, & nec opinantibus Morum Conſuetudinumque patriarum mutationem induceret. Hoc etiam permovit Virgilium, (dum Studia ſua Patriæ exiſtimationi poſt-haberet,) ut Artes Politicas à Literariis ſegregaret, illas Romanis vendicans, has Græcis relinquens, in verſibus illis decantatis.

Tu regere imperio populos Romane memento

Hæ tibi erunt artes. ———

Videmus etiam Anytum Socratis Accuſatorem, pro crimine ei objeſſiſſe, quod vi & varietate Sermonum, ac Diſputationum ſuarum, Auctoritatem & Reverentiam Legum, Conſuetudinumque patriarum, apud Adoleſcentes imminueret; quòdque Artem profiteretur pernicioſam, & periculo plenam, quæ quis inſtructus, deteriore cauſſam meliorem faceret, veritatemque ipſam Eloquentiæ apparatu obrueret.

Verum hæ Criminationes, cæteræque ejusdem farinæ, potiùs Perſonatam Gravitationem præ ſe ferunt, quàm Veritatis Candorem. Teſtatur enim Experienciâ, ſicut unos atque eoſdem Homines, ſic una eademque Tempora, & Rerum Bellicarum, & Optimarum Artium gloriâ floruiſſe. Viros quod attinet, exemplo ſit Nobile par Imperatorum, Alexander Magnus, & Julius Cæſar Dictator, alter Ariſtoteliſ in Philoſophiâ Diſcipulus, alter Ciceroniſ in dicendo Rivalis. Aut ſi quis requirat potiùs Literatos, qui in claros Imperatores evaſerunt, quàm Imperatores, qui inſignitèr docti fuerunt, præſtò eſt Epaminondas Thebanus, aut Xenophon Athenienſis, quorum ille primus fuit, qui fregit potentiam Spartanorum, Hic autem primus, qui ſtravit viam ad everſionem Monarchiæ Perſarum. Iſtud verò Armorum, Literarumque quaſi Conjugium, clariùs adhuc in Temporibus, quàm in Perſonis eluceſcit, quantò nimirum Seculum Homine Objeſtum grandius eſt. Ipſa quippe eademque Tempora, apud Ægyptios, Aſſyrios, Perſas, Græcos, Romanosque, quæ propter Bellicam Virtutem maximè celebrantur, etiam & Literis plurimùm fuerunt nobilitata; adeò ut graviffimi Auctores Philoſophique, & clariſſimi Duces atque Imperatores, eodem ſeculo vixerint. Nec ſanè aliter fieri poteſt, quandoquidem ut in Homine, Vigor Corporis Animique, ſimul ferè matureſcunt, niſi quod ille hunc paulò antevertat: ſic in rebuspub. Militaris gloria Literatæque (quarum illa corpori reſpondet, hæc animo) aut coræva ſunt, aut ſe proximè conſequentur.

Iam verò Eruditionem politicis impedimento eſſe potiùs quàm adjuvamento, nil minis probabile. Fatemur omnes temerarium quiddam eſſe, Empyricis Medicis Corpus, & Valetudinis curam tradere, qui ſolent pauca quædam Medicamenta, quæ illis videntur Panacea, Venditare, quorum fiduciâ nihil non audent tentare, cum tamen neque Cauſſas Morborum,

Morborum, neque Ægrotorū Habitus, neque Symptomatum Pericula, neque veram Sanandi Methodū calleant. Videmus pariter errare eos, qui ad Causas & Lites suas expediendas, adhibent Leguleios, in Practicā potius, quā in libris Juris Versatos, quibus os facili oblitur, si quid novū, aut extra Experimentiæ suæ calles tritos occurrat: consimiliter non potest non esse periculosissimum, quoties Summa Rerum Emphyricis Consiliariis præcipue mandatur. E contra, vix Exemplum adduci possit Reip. infelicitè administratæ, ad clavum sedentibus Viris Eruditis. Quamvis enim in more sit Politicis, Literatos Pedantiorum nomine elevare; Historiam tamen *Veritatis Magistra*, in plurimis fidem facit, Pupillares Principes Adultis longè præstitisse, (non obstante atatis incommodo) eā ipsā de causā, quam Politici sugillant, quod scilicet, tunc temporis à Pedagogo administratum sit Imperium. Quis ignorat per decantatum illud Quinquennium Neronis, onus rerum incubuisse Senecæ Pedagogo? Quin & Gordianus Junior Decennium laudis, Misitheo Pedagogo debuit. Neque infelicitis Imperium gessit Alexander Severus, dum minor fuit, quo tempore omnia procurabant Mulieres, sed ex consilio Præceptorum. Imò convertemus oculos ad Regimen Pontificium, ac nominatim Pii Quinti, vel Sixti Quinti, nostro seculo, qui sub initiis suis habitus sunt, pro Fraterculis rerum imperitis; reperiemusque Acta Paparum ejus generis, magis esse solere memorabilia, quam eorum, qui in negotiis civilibus, & Principum Aulis nutriti, ad Papatum ascenderint. Quamvis enim, qui in Literis vitam maximè traduxerunt, minùs solertes sint atque versatiles in Occasionibus prensandis, atque accomodandis Rebus, quò spectant ea quæ ab *Italici Ragioni de Stato* dicuntur, (quorum nomen ipsum averfatus est Pius Quintus, solitus dicere, *Esse mera malorum Hominum Commenta, quæ opponerentur Religioni, & virtutibus Moralibus*) in eo tamen abundè sit compensatio, quod per tutum, planumque iter Religionis, Justitiæ, Honestatis, Virtutumque Moralium, promptè atque expeditè incedant; quam viam qui constantè tenuerint, illis alteris remediis non magis indigebunt, quā Corpus sanum Medicinā. Porro autem Curriculum vitæ in uno Homine, supeditare non potest Exemplorum Copiam, ad regendos eventus vitæ, etiam in uno Homine. Sicut enim interdum fit, ut Nepos, vel Pronepos, Avum, vel Proavum magis referat, quā Patrem: eodem modo haud rarò evenit, ut Negotia præsentia magis quadrent cum Exemplis verustioribus, quā cum Recentioribus. Postremò unius Ingenium tantum cedit Amplitudini Literarum, quantum privati Reditus Ærario.

Quod si detur, depravationes illas & impedimenta, quæ à Politicis imputantur literis, aliquid virium habere & veritatis, attamen simul monendum, Eruditionem in singulis plus Remedii, quā Mali asferre. Est enim, Literæ Tacitā quidam vi Animum reddunt incertum, atque perplexum; at certè liquidò præcipiunt, quomodo cogitationes sint expediendæ, & quousque sit deliberandum, quando demum statuendum, imo ostendunt, quomodo res interim absque periculo trahi possint, & suspendi. Est etiam, Animos efficiunt magis pertinaces, & difficiles; at simul docent, quæ Res Demonstrationibus, quæ Conjecturis

ris innituntur; neque minùs Distinctionum, & Exceptionum usum, quàm Canonum, & Principiorum constantiam proponunt. Esto rursùs, seducunt, & detorquent Animos Exemplorum vel imparitate, vel dissimilitudine; nescio; sed satis novi, eas, tam circumstantiarum efficacias, quàm comparationum Errores, & applicationum Cautiones, explicare; adeò ut in universum magis corrigant Animos, quàm corrumpant, Hec autem Remedia insinuant undequaque Literæ, magnâ vi, & varietate Exemplorum. Perpendat quis Errores Clementis Septimi, à Guicciardino, qui ei fuit quasi Domesticus, tam luculentèr depictos; aut vacillationes Ciceronis, in epistolis ad Atticum, manu propriâ ad vivum resectas; omninò Inconstantiam, & crebras Conciliorum Mutationes vitabit: Inspiciat Errores Phocionis, Perviciaciam exhorrebit: Fabulam Ixionis legat, & nimias Spes, & huiusmodi Fumos, ac Nebulas dispellet. Intueatur Catonem Secundum, neque unquam migrabit ad Antipodas, & contraria præsentì Seculo vestigia figet.

Jam qui putant Literas Desidiæ Amicas esse, Otiique, & Secefsûs dulcedine perfundere Animum, mirum præstabunt, si quæ assuefaciunt Mentem perpetuæ Agitationi, Socordiæ Patronas ostendant: cùm contrâ verè affirmari possit, inter omnia Hominum genera, nullam Negatiâ amare propter ipsa Negotia, præter Literatum. Alii enim Res, & Negotia diligunt Quæstus gratiâ, ut Conducticii opus propter mercedem: Alii Honoris ergò; etenim dum res gerunt, vivunt in oculis Hominum, existimationique suæ inserviunt, alioqui evanituræ: Alii propter Potentiam, & Fortunæ prærogativam, ut Amicos remunerare, Inimicos ulcisci possint: Alii ut Facultatem aliquam suam, quam adamant, exercent, ac sibi ipsis hoc nomine sæpius gratulenter, & arrident: Alii denique ut alios suos Fines consequantur. Adeò ut, quod de Gloriosis dici solet, eorum Fortitudinem sitam esse in spectantium Oculis, sic huiusmodi Hominum Diligentia & Strenuitas, hoc videtur agere, aut ut alii plaudant, aut ut ipsi intra se gestiant: Soli Literati Negotiis, & Occupationibus delectantur, tanquàm Actionibus Naturæ consentaneis, & non minùs salubribus Animo, quam Exercitatio est Corpori, ipsam Rem, non Emolumentum intuentes: ita ut omnium minimè sint defatigabiles, si modò res sit huiusmodi, ut Animum prodignitate ejus impleat, & detineat. Quod si reperiantur interdum nonnulli, in legendo strenui, in agendo cessatores; non hoc à Literis ortum habet, sed ab imbecillitate, & molitie quadam Corporis, Animive; quales notat Seneca, *Quidam, inquit, tam sunt umbratiles, ut putent in turbido esse. quicquid in luce est.* Vt venire poterit fortasse, ut huiusmodi ingenii sibi conscii, se dent Literis; Eruditio autem ipsa, huiusmodi Ingenia minimè indit, aut progignit. Quod si quis illud nihilominus mordicis teneat, Literas nimium absumere temporis, quod aliàs rectius impendi possit; aio, neminem adeò distringi negotiis, quin habeat sua Otii intervalla, donec Agendi Vices, atque Æstus refluant, nisi aut admodum hebes sit in expediendis Negotiis, aut parum cum dignitate ambiciosus in Negotiis cujuscunque generis captandis. Restat igitur quarendum, quâ in re, & quomodo, has subsecivas horas collocare oporteat;

teat; Studiis an Voluptatibus, Genio an Ingenio indulgendum? Sicut rectè respondit Demosthenes Æschini, homini voluptatibus dedito, qui cum per contumeliam objecisset, *Orationes ejus lucernam olere; Vol,* inquit, *multum interest inter ea, quæ ego actu ad lucernam facimus.* Quare neutiquàm metuendum, ne Literæ eliminent Negotia; quin potius vindicant animum ab Otio, & Voluptate, quæ aliàs sensim, ad utriusque dominum, & Negotiorum, & Literarum, subintrare solent.

Dein, quod oggerunt, Literas Reverentiam Legum, atque Imperii convellere; calumnia mera est, nec probabiliter ad criminandum inducta. Nam qui *cæcæ obedientiam* fortius obligare contenderit, quam *Officium oculatum*, unâ operâ afferat cæcum manu dictum certius incedere, quam qui Luce, & Oculis utitur. Imò citra omnem controversiam, Artes emolliunt mores, teneros reddunt, sequaces, cereos, & ad Mandata Imperii ductiles: Ignorantia contrà, contumaces, refractarios, seditiosos: Quod ex historiâ clarissimè patet, quandoquidè tempora maximè indocta, inculta, barbara, tumultibus, seditionibus, mutationibusque maximè obnoxia fuerint.

De Catonis Censoris judicio, hoc dictum esto, meritisimas eum, blasphemias in Literas luisse poenas, cum septuagenario major, quasi repuerascens, Græcam Linguam cupidissimè addisceret: ex quo liquet, priorem illam censuram Græcæ Literaturæ, ex Affectatâ potius gravitate, quam quod ita penitus sentiret, fluxisse. Ad Virgilii verò Carmina quod attinet, utcunque illi libitum fuerit, universo Mundo insultare, Romanis asserendo Artes Imperandi, cæteras tanquam Populares aliis relinquendo; in hoc tamen manifestò tenetur Romanos nunquam Imperii Fastigium conscendisse, donec ad Artium Culmen simul pervenissent. Namque duobus primis Cæsaribus, viris imperandi peritissimis, contemporanei erant, Optimus Poeta ille ipse Virgilius Maro, Optimus Historicus Titus Livius, Optimus Antiquarius Marcus Varro, Optimus aut Optimo proximus Orator Marcus Cicero; Principes certè, ex omni memoriâ, in suâ quique Facultate. Postremò, quantum ad Socratis Accusationem, id dico tantum; recordemur temporum, quibus intentata est; nimirum sub Triginta Tyrannis, Mortalium omnium crudelissimis, sceleratissimis, Imperioque indignissimis: qui Rerum, & Temporum Orbis, postquam circumactus esset, Socrates ille, (flagitiosus scilicet) Heroibus annumeratus est, & Memoria ejus omnibus tam Divinis, quàm Humanis Honoribus cumulata: quin disputationes ejus tanquam Corruptrices Morum prius habitæ, pro præsentissimis Mentis Morumque Antidotis, ab omni Posteritate celebrantur. Atque hæc sufficiant ad respondendum Politicis, qui superciliosâ severitate, aut fucatâ gravitate, ausi sunt literas incescere conumeliis; quæ tamen confutatio impræsentiarum, nisi quod nesciamus an ad posteros permanaturi sint labores nostri, minùs necessaria videatur; cum Aspectus, & Favor duorum literatissimorum Principum, Elizabethæ Reginae, & Majestatis tuæ, tanquam Castoris & Pollucis, *Lucidorum Syderum*, tantum apud nos in Britannia Literis amorem, reverentiamque conciliaverint.

Nunc ad tertium Vituperationum genus pervenimus, quod à Literatis

De Augmentis Scientiarum.

ris ipsis in Literas redundat, altiùsque cæteris solet hærerè. Eæ vel à Fortunâ, vel à Moribus, vel à Studiis ipsorum Originem ducunt. Quarum prima extra potestatem ipsorum est, secunda extra rem, ut tertia sola propriè in disquisitionem venire videatur. Quia tamen, non tam de verò Rerum Pondere, quàm de Vulgi æstimatione, sermo instituentus est, haud abs re fuerit, etiam de alteris duabus, pauca quædam innuere.

Quapropter dignitatis Imminutiones, & quasi Dehonestamenta, quæ à Literatorum Fortunâ Literis imponuntur, sumuntur aut à paupertate & inopiâ ipsorum, aut à Vitæ genere obscuro & umbratili, aut ab occupationum, in quibus versantur, subjecto non admodum nobili.

Quantum ad Paupertatem pertinet, quòdque frequentèr usu veniat, ut Literati inopes sint, & tenui plerumque origine, neque tam properè ditescant, ac alii, qui quæstui solum inhiant; consultum foret hunc Locum, de laude Paupertatis, Fratribus Mendicantibus (pace eorum dixerim) exornandum tradere; quibus Machiavellus non parùm tribuebat, cum diceret, *Iam dudum actum esset de Regno Sacerdotum, nisi reverentia erga Fratres ac Monachos. Episcoporum luxum & excessum compensasset.* Paritèr dicat quis, Fœlicitatem, & Magnificentiam Principum, & Nobilium, jam olim recidere potuisse, in Barbariem, & Sordes, nisi deberent literatis istis Pauperibus, civilis vitæ culturam, & decus. Sed missis his laudum aucupiis, notatu dignum est, quam sacra atque veneranda Res, per aliquot apud Romanos secula, Paupertas ipsa habita fuerit; quæ tamen Resp. nihil trahebat ex Paradoxis: Sic enim præfatur T. Livius: *Aut me amor negotii suscepti fallit, aut nulla unquam Resp. nec major, nec sanctior, nec bonis exemplis ditior fuit, nec in quam, tam cæcæ avaritia Luxuriaque immigraverint, nec ubi tantus, ac tam diù, paupertati ac parcimonie honos fuerit.* Quinetiam, postquam Roma jam degenerasset, legimus cum Cæsar Dictator, collapsam Reip. instauraturum se profiteretur, quendam ex amicis ejus prompsisse sententiam, nihil tam expeditum esse, ad id quod ageret, quàm si Divitiarum honos quoquo modo tolleretur. *Verùm* (inquit) *hec, & omnia mala, paritèr cum honore pecunie desinent, si neque magistratus, neque alia v. l. gò cupienda, vanalia erunt.* Denique, quemadmodum verè dictum est, *Ruborem esse colorem virtutis*, licet quandoque oriatur ex culpâ; ita rectè statuas, Paupertatem esse Virtutis fortunam, quamvis incurdum à luxu & incuriâ accersatur Salomonis certè hæc est sententia, *Qui festinat ad divitias, non erit insons*; & Preceptum, *Veritatem eme, & noli vendere, similiter scientiam, & prudentiam*: quasi æquum judicet, opes impendendas, ut doctrina paretur, non doctrinam eò vertendam, ut Opes congerantur.

Quid attinet dicere, de Vitâ illâ privatâ, & obscurâ, quam Literatis objiciunt? Adeò tritum Thema est, atque ab omnibus jactatum, Orium, & Secessum (modò absint desidia, & luxus) præponere vitæ forensi, & occupatæ, propter Securitatem, Libertatem, dulcedinem, dignitatem, aut saltèm ab indignitatibus immunitatem, ut nemo tractet hunc Locum, quin benè tractet: ita Humanis Conceptibus in experimento, & Consensibus in approbando consonat. Hoc tantum adjiciam,

am, eruditos latentes in Rebusp. & sub oculis Hominum minimè degentes, similes esse Imaginibus Cassii, & Bruti, de quibus, in elatione Junia non gestatis, cum aliæ plurimæ ducerentur, Tacitus, *Eo ipso, (inquit) præfulgebant, quod non Visebantur.*

De Occupationum, quæ Literatis committuntur, vilitate, illud occurrit, quod demandetur iisdem, Puerorum ac Juniorum Institutio, cujus Ætatis contemptus, in Magistros ipsos redundat. Cæterum, quam injusta sit hæc obrectatio, si non ex vulgi opinione, sed ex sano judicio res perpendatur, inde licet æstimare, quod diligētiore sint omnes, in imbuendâ Testi recenti, quam veteri; magisque solliciti sint, qualeni admoveant terram teneræ Plantæ, quam adultæ: unde liquet præcipuam curam, circa Rerum, & Corporum initia versari. Rabbini, si placet, porrigite aurem, *Invenes vestri visiones videbunt, & senes somniabunt somnia:* Ex hoc textu colligunt, Inventutem esse ætatem digniorem; quanto nimirum Revelatio accedat clarior, per visiones, quam per somnia. Illud verò notatu omninò dignum, quod licet pedagog, velut Simia Tyrannidis, Scenæ sint Lubria, & temporum incuria in delectu ipsorum veluti obdormierit; vetus tamen querela sit, inde usque ab optimis & prudentissimis seculis deducta, Resp. circa Leges quidem nimirum satagere, circa Educationem indiligentes esse. Quæ Nobilissima Pars prisca Disciplina, revocata est aliquantenus quasi postluminio in Jesuitarum Collegiis; quorum cum intueor Industriam, solertiamque, tam in doctrinâ excolendâ, quam in moribus informandis, illud occurrit Agesilai de Pharnabazo, *Talis cum sis utinam noster esses.* Atque hæc de Opprobriis à Literatorum Fortunâ, & Conditione desumptis.

Quod ad Literatorum Mores; Res est ista, potius ad Personas, quam ad Studia spectans. Reperiuntur proculdubio inter eos, quemadmodum in omnibus vitæ ordinibus & generibus, tam mali, quam boni; neque propterea non verum est, (quod asseritur,) *Abire studia in mores,* atque Literas nisi incidant in Ingenia admodum depravata, corrigere prorsus Naturam, & mutare in melius.

Veruntamen diligentè mihi, atque ingenuè rem æstimanti, nullum occurrit dedecus, Literis, ex Literatorum moribus, quatenus sunt literati, adhærens, nisi fortè hoc vitio vertatur (cujus Demosthenes, Cicero, Cato secundus, Seneca, pluresque alii insimulantur) quod cumplerunque Tempora, de quibus legunt, illis in quibus vivunt, & quæ præcipiuntur, illis quæ aguntur, meliora sint; ultra quam par est contendant, Morum corruptelas, ad Præceptorum & Dogmatum honestam retrahere, & prisca severitatis mores, temporibus dissolutis imponere: De quo tamen abundè è propriis Fontibus admoneri possunt. Solon enim interrogatus, an optimas Civibus suis dedisset Leges? *Optimas,* inquit, *ex illis, quas ipsi voluissent accipere.* Ita Plato, videns corruptiores suorum Civium mores, quam ut ipse ferre posset, ab omni publico nauncere abstinuit, dicens, *Sic cum patriâ agendum esse, ut cum parentibus, hoc est, suavis, non violentiâ; obtestando, non contestando.* Atque hoc ipsum cavet ille, qui a Consiliis Cæsari. *Non,* inquit, *ad vetera instituta revocans, quæ jam pridem corruptis moribus ludibrio sunt.* Cicero
etiam

eriam hujus erroris arguit Catonem secundum, Attico suo scribens. *Cato optimè sentit, sed nocet interdum Reip. loquitur enim, tanquam in Rep. Platonis, non tanquam in sece Romuli.* Idem Cicero molli Interpretatione excusat Philosophorum Dicta, & Decreta duriora: *Isti, inquit, ipsi praeceptores, & magistri videntur fines officiorum, paulò longius, quàm natura vellet, protulisse, ut cum ad ultimum animo contendissemus, ibi tamen, ubi oportet, consisteremus.* Ipsemet tamen potuit dicere, *Monitis sum minor ipse meis*: quippe qui in eundem lapidem ipse, licet non tam gravitèr iniegerit.

Aliud, quod Eruditis non in meritò fortèsse objicitur vitium, hujusmodi est, quod honori aut emolumento Patrum suarum, aut Dominorum, proprias fortunas, aut praesidia post-posuerint. Sic enim Demosthenes Atheniensibus suis, *Mea, inquit, consilia, si rectè attendatis, non sunt ejus generis, per quæ ego inter vos magnus, vos inter Græcos despectui sitis; sed talia, ut mihi saepenumero, ea haud tutum sit dare, vobis autem semper utile amplecti.* Haud aliter Seneca, postquam Quinquennium illud Neronis, aeternæ eruditorum Magistrorum consecrasset gloriæ, Dominum suum, omnibus jam flagitiis inquinatissimum, liberè atque fidentèr monere non destitit, magno suo periculo, ac postremò præcipitio. Neque aliter potest se habere res, siquidem Humanam Mentem Doctrina imbuit vero sensu fragilitatis suæ, instabilitatis Fortunæ, dignitatis Animæ, & muneris sui; quarum rerum memores, nullo modo sibi persuadere possunt, Fortunæ propriæ Amplitudinem, tanquam præcipuum sibi Bonorum Finem statui posse. Quare sic vivunt tanquam rationem reddituri Deo, & Dominis post Deum, five Regibus, five Rebusp. hanc formulâ, *Ecce tibi lucrefeci*, non autem illâ, *Ecce mihi lucrefeci.* At Politicorum Turba, quorum mentes in Doctrinâ Officiorum, & in Contemplatione Boni universalis, non sunt institutæ, & confirmatæ, omnia ad se referunt; gerentes se pro Centro Mundi, ac si omnes Lineæ in se, suisque Fortunis, debeant concurrere; de Reip. Navi, licet tempestatibus jactatâ, neutiquàm solliciti, modò ipsis in Scaphâ rerum suarum, receptus detur & effugium. At contrâ, Qui officiorum pondera, & Philautiæ limites didicerunt, munia sua, stationesque, licet cum periculo tuentur. Quod si fortè incolumes permaneant, in seditionibus, & Rerum mutationibus, non id artibus, aut versatili ingenio sed reverentiæ, quam probitas etiam ab Hostibus extorquet,tribuendum. Caterum, quod attinet ad fideli constantiam, & Officiorum Religionem, quas certè animis Hominum inferit Eruditio, utcumque eæ quandòque à fortunâ mulcentur, aut ex malè sanis Politicorum Principiis condemnentur, tamen palam scilicet apud omnes laudem referent, ut in hac re, longâ defensione non sit opus.

Aliud vitium Literatis familiare (quod faciliùs excusari potest, quàm negari) illud nimirum, quod non faciliè se applicent, & accommodent, erga Personas, quibuscum negotiantur, aut vivunt: qui defectus è duabus oritur causis: Prima est Animi ipsius Magnitudo, propter quam agrè se demittere possunt, ad observantiam unius alicujus Hominis. Amantis verba sunt, non Sapientis, *Satis magnum alter alteri theatrum sumus.*

sumus. Neque tamen inficias ibo; illum qui Aciem Animi, instar Oculi, non possit aquè contrahere, ac dilatare, insigni facultate ad res gerendas esse orbatum. Secunda verò Causa est probitas morum, & Simplicitas; quæ tamen delectum iudicii, non defectum in illis arguit. Veri enim, & legitimi Observantiæ erga aliquam Personam limites, non ultrà porrigunt se, quàm ita nôsse illius mores, ut absque offensione cum eo versari, eumque consilio, si opus sit, juvare, nobisque interim ipsis, in omnibus cavere possimus; verum alienos affectus rimari, eo fine, ut illum inflectas, verses, & ad libitum circumagas, Hominis est parùm candidi, sed potiùs astuti, & bifidi; id quod in Amicitia viciosum fuerit, erga Principes etiam inofficiosum. Mos enim Orientis, (quo nefas habetur oculos in Reges defigere,) ritu quidem barbarus est, sed significatione bonus: neque enim subditos decet, corda Regum suorum, quæ sacra Scripturæ inscrutabilia docent, curiosius rimari.

Superest etiam aliud vitium, (quocum hanc partem concludam) Literatis sapiùs imputatum, videlicet quòd in rebus exiguis, & externis, (vultu, Gestu, Incessu, Sermonibus quotidianis, & huiusmodi) deficiant in observando Decoro; unde Homines imperiti, ex istis minutis, leviculisque erroribus, quanti sint in rebus majoribus tractandis, conjecturam capiunt. Verum fallit eos plerumque huiusmodi iudicium; imò sciant responsum sibi esse à Themistocle, qui cum Rogatus esset, ut fidibus caneret, arroganter satis ipse de se, sed ad præsens institutum perquam appositè respondit; *Se quidem fidium rudem esse, sed quo pacto oppidum parvum, in civitatem magnam evadere posset, satis nôsse.* Et sunt proculdubio multi politicarum Artium apprimè gnari, quibus tamen in comunivirâ, & quotidianis reculis nihil imperitius. Quinetiam huiusmodi Sugillatores amandandi sunt ad Platonis Elogium, de Præceptore suo Socrate, quem haud absimilem dixit Pharmacopolarum Pixidibus, quæ exterius inducebantur simiis, ululis, satyrisque; intus verò pretiosos Liquores, & Nobilia Medicamenta recondita habebant: Fatendo scilicet, quòd ad vulgi captum, & famam popularem, præ se ferret nonnulla levia, atque etiam deformia, cum tamen Animi Interiora, summis tam facultatibus, quàm virtutibus essent repleta. Atque de Moribus Literatorum hæc hætenus.

Interim monere placet, nos nihil minùs agere, quàm ut patrocinemur, quibusdam Professorum institutis abjectis, & sordidis, quibus & seipsos, & literas dehonestârunt: quales erant apud Romanos, seculis posterioribus, Philosophi quidam in familiis divitum, Mensarumque eorum affectæ, quos haud absurdè dicas *Barbatos Parasitos*. Cujus generis quendam lepidè describit Lucianus, quem Matrona nobilis, catulum suum Melitæum in Rhedâ gestare voluit: quod cum ille officiosè, sed indecenter faceret, Pusio subfannans, *Pereor*, inquit, *ne philosophus noster è Stoico fiat Cynicus.* Ante omnia verò, nihil tam offecit literarum dignitati, quàm crassa & turpis adulatio: ad quam multi, neque hi indocti, & calamos, & ingenia submisère, *Hecubam in Helenam, Faustina in Lucretiam*, (ut ait Du-Bartas) transformantes. Neque verò nimis laudo morem illum receptum, Libros,

Patronis nuncupandi, cum libri; præsertim qui hoc nomine dignandi, in Veritatis tantum, & Rationis clientelam, se dare debeant. Melius veteres, qui non aliis, quam Amicis, atque Æqualibus Scripta sua dicare solebant; aut etiam Nomina ejusmodi amicorum Tractatibus suis imponere: quod si fortè Regibus, aut Magnatibus opus nuncuparent, tum demùm hoc factum est, cum Argumentum Libri Personæ tali conveniret. Hæc autem, & similia reprehensionem potius merentur quàm defensionem.

Neque hoc dico, quasi Literatos culpem, si ad beatos, & potentes viros quandoque se applicent: rectè enim Diogenes cuidam cum irrisione roganti, *Qui fieret, quod Philosophi Divites sectarentur, Non Divites Philosophos?* respondit, non sine morfu; *Hoc idè fieri, quod Philosophi quibus rebus indigeant, probè intelligant, Divites non item.* Huic affine est illud Aristippi, cui nescio quid etenim cum non attenderet Dionysius, ille adorantis more abiecit se ad pedes ejus, qui tum demùm auscultans petitioni annuit: Sed paulò post, quidam dignitatis philosophiæ Assertor, increpuit Aristippum, quod demittendo se, ad Pedes Tyranni, pro tantillâ re Philosophiam ipsam contumeliâ affectisset; cui ille, *Suam id culpam non fuisse respondit, sed Dionysij, qui Aurea gestaret in Pedibus.* Quin prudens ille, non pusillanimis habitus est, qui in Disputatione quâdam cum Hadriano Casare, vinci se passus est, excusans factum, *Quod æquum esset ei cedere, qui triginta imperaret Legionibus.* Atque propterea non sunt damnandi Viri docti, ubi, cum res postulat, aliquid de gravitate suâ remittant, sive imperante necessitate, sive impetrante occasione; quod quamvis humile videatur, atque servile primo intuitu, tamen verius rem æstimanti, censentur non Personæ, sed Tempori ipsi servire.

Pergamus nunc ad Errores, atque Inania, quæ in Studiis ipsis Viro-
rum doctorum interveniunt, iisque se immiscunt, id quod præcipuè & propriè spectat ad præsens Argumentum. Quâ in re, non est instituti nostri erroribus ipsis patrocinari, sed per eorum censuram & secretionem, excutere quod sanum, & solidum est, atque à calumniâ vindicare. Videmus enim in more, præsertim apud invidos, esse, propter ea quæ depravata sunt, etiam ea quæ impolluta, & in statu suo manserunt, sugillare; quemadmodum Ethnici, in Primitivâ Ecclesiâ, Christianos Hæreticorum vitiis aspergere solebant. Neque tamen consilium est mihi examen aliquod accuratius instituere, de Erroribus, & Impedimentis Literarum, quæ interiora, & à capto Vulgi remotiora; sed de illis tantum verba facere, quæ cadunt sub communi, & populari observatione, & notâ, aut saltè ab eâ non longè recedunt.

Quarè tria præcipuè deprehendo Vana & Inania in Literis, quæ anfas præcipuè præbuerunt ad obrectandum. Eas enim res pro Vanis ducimus, quæ aut Falsæ sunt, aut Frivolæ; in quibus scilicet, aut Veritas deficit, aut Vfus: Illos etiam Homines vanos & leves existimamus, qui aut ad Falsa Creduli, aut in rebus exigui usûs Curiosi. Curiositas autem, aut in rebus ipsis versatur, aut in verbis; quando nimirum, aut in rebus inanibus opera infumitur, aut circa verborum delicias nimium infudatur. Quocirca; non certè
magis

magis Experientiæ, quàm rectæ etiam Rationi consonum videtur, ut tres ponantur Doctrinarum Intemperies. Prima est Doctrina Fantastica, secunda Doctrina Litigiosa, tertia Doctrina Fucata & mollis: vel sic, vanæ Imaginationes, vanæ Altercationes, Vanæ affectationes. Ac quidem ordiar ab ultimâ.

Intemperies ista, in Luxurie quâdam Orationis sita, (licet olim per vices in pretio habita fuerit) circa Lutheri tempora, miris modis invaluit. In causâ præcipuè fuit, quòd Fervor & Efficacia Concionum, tunc Temporis, ad populum demulcendum & alliciendum, maximè vigebat: Illa autem popolare genus Orationis poscebant. Accedebat Odium & contemptus, iilis ipsis Temporibus, ortus erga Scholasticos, qui stylo, & scribendi genere utebantur valdè diverso, verba licenter admodum cudentes nova & horrida, de Orationis ornatu & Elegantia parum solliciti, dummodò circuitiorem evitarent, & Sensus ac Conceptus suos acutè exprimerent; atque hinc factum est, ut paulò postea major apud plurimos coeperit haberi Verborum Cura quàm Rerum; plerisque magis comptam phrasim, teretem periodum, Clausularum rythmos, Troporum Stellulas; quàm Ponderum rerum, Rationum Nervos, Inventionis Acumen, aut Judicii Limam affectantibus. Tum demùm floruit Oforii Lusitani Episcopi luxurians & diluta Oratio. Tunc Stermius in Cicerone Oratore & Hermogene Rhetore, infinitam & anxiam operam consumpsit. Tunc Carrus & Ascanus apud nos, Prælectionibus & Scriptis suis, Ciceronem & Demosthenem usque ad Cælum eveheantes. Juvenes ad politum hoc, & florens Doctrinæ Genus, invitarent. Tunc Erasmus arripuit ansam introducendi ridiculam illam Ecchò, *Decem annos consumpsit in legendo Cicerone*; cui Ecchò respondit, *One, Asine*. Scholasticorum verò Doctrina despectui prorsus haberi coepit, tanquam aspera & barbara: Denique, ut semel dicam; præcipuè illorum Temporum Inclinatio, & Studium, potius ad Copiam, quàm ad Ponderum deflexit.

Hic Itaque cernere est primam Literarum Intemperiem, cum (ut diximus) Verbis studetur, non Rebus: cujus etsi è citimis tantum temporibus protulerim Exempla, tamen secundum Majus & Minus, & olim placuerunt ejus generis ineptiæ, & deinceps placebunt. Iam verò fieri non potest, quia hoc ipsum, multum faciat ad Doctrinæ Existimationem minuendam & elevandam, etiam apud Vulgus imperitum, cum videant doctorum scripta, tanquam primam Literam Diplomatis, quæ quamvis variis Calami ductibus, & Flosculis variegata sit, Litera tamen est unica: Ac mihi sanè videtur perapposita hujusce Vanitatis Adumbratio, & quasi Emblema, Pygmaleonis illa Infantia; quid enim aliud sunt Verba, quàm Imagines Rerum, ut nisi Rationum vigore animata sint, adamare illa idem sit; ac Statuam deperire?

Neque tamen temerè damnandum est, si quis Philosophiæ Obscura & Aspera, Verborum splendore illustret, & expoliat: Hujus enim rei magna adsunt Exempla in Xenophonte, Cicerone, Senecâ, Plutarcho, ipsoque etiam Platone: nec minor est utilitas. Quamvis enim diligentem Veri cognitionem, atque acre studium Philosophiæ,

res hæc nonnihil impediatur, quoniam præproperè Mentem consopit, atque ulterioris Disquisitionis sitim & Ardorem restinguit; si quis tamen Doctrinam ad usus civiles adhibeat, (Sermocinandi videlicet, Consulendi; Suadendi; Argumentandi, & similia) omnia, quæ cupiat præparata & adornata, in hujusmodi Authoribus reperiet. Veruntamen hujusce rei Excessus adeò justè contemnitur, ut quemadmodum Hercules, cum videret in Templo Statuam Adonidis (Veneris Deliciarum) indignabundus dixit, *Nil Sacri es*; ita omnes Herculei Literarum Pugiles, id est, laboriosi atque constantes Indagatores Veritatis, hujusmodi Delicias & Lanticias, tanquam nil Divini spirantes, facillè spreverint.

Paulò sanius est aliud styli genus (neque tamen ipsum omninò Vanitatis experte) quod Copiæ illi, & Luxuriæ Orationis, tempore ferè succedit. Illud totum in eo est, ut Verba sint aculeata, Sententiæ concisæ, Oratio denique potius versa quàm fusa; quò fit, ut omnia per hujusmodi Artificium, magis ingeniosa videantur, quàm reverà sint. Tale invenitur in Senecâ effusius, in Tacito & Plinio secundo moderatius; atque nostri Temporis Auribus cœpit esse non ita pridem accommodatum. Verum hoc ipsum mediocribus Ingeniis gratum esse solet (adeo ut dignitatem quandam literis concilet;) attamen à Judiciis magis limatis merito fastiditur, & poni possit pro Intemperie quâdam Doctrinæ, cum sit verborum etiàm, & eorum Concinnitatis Ancupium quoddam. Atque hæc de primâ Literarum Intemperie dicta sunt.

Sequitur ea Intemperies in Rebus ipsis, quam posuimus mediâ, & *litigiosæ subtilitatis* nomine designavimus. Estque illâ, de quâ modò diximus, aliquantò deterior. Ut enim Rerum dignitas, Verborum cultui præcellit; sic è contrario, odiosior est Vanitas in Rebus, quàm in Verbis. Quâ in re, Increpatio illa Paulina, non magis ad suam ætatem referri; quàm ad sequentia tempora deduci potest: neque Theologiam tantum, sed etiam omnes Scientias respicere videtur. *Devita prophanas vocum novitates, & oppositiones falsi nominis scientiæ.* His enim verbis, duo signa, indiciaque Scientiæ suspectæ, atque eментitæ proponit. Primum est, Vorum Novitas, & Insolentia; Alterum, Rigor Dogmatum, qui necessariò Oppositionem, & dein Altercationes, Quæstionesque inducit. Certè, quemadmodum complura Corpora Naturalia, dum valent integra, corrumpuntur sæpiùs, & abeunt in vermes; eodem modo, sana & solida rerum cognitio, sæpenumerò putrescit, & solvitur in subtiles, vanas, insalubres, & (si ita loqui licet) vermiculatas Quæstiones; quæ motu quodam, & vivacitate nonnullâ prædictæ videntur, sed putidæ sunt, & nullius usûs. Hoc genus Doctrinæ minùs sanæ, & seipsam corrumpentis, invaluit præcipuè apud multos ex Scholasticis, qui summo otio abundantes, atque ingenio acres, lectione autem impares (quippe quorum Mentes conclusæ essent in paucorum Authorum, præcipuè Aristotelis Dictatoris sui scriptis, non minùs quàm Corpora ipsorum in Cœnobiorum cellis) Historiam verò & Naturæ, & Temporis, maximâ ex parte ignorantes; ex non magno Materiæ stamine, sed maximâ Spiritus,

Spiritus, quasi Radii, agitatione, operosissimas illas telas, quæ in Libris eorum extant, confecerunt. Etenim, Mens Humana, si agat in Materiam (Naturam rerum, & Opera Dei contemplando) pro modo Materię operatur, atque ab eadem determinatur; sin ipsa in se vertatur, (tanquam Aranea texens Telam,) tum demum interminata est, & parit certè Telas qualdam Doctrinæ, tenuitate fili, operisque admirabiles, sed quoad usum frivolas, & inanes.

Hæc inutilis Subtilitas, siue Curiositas, duplex est: & spectatur aut in Materiâ ipsâ, qualis est inanis speculatio, siue Controversia; cujus generis reperiuntur, & in Theologiâ, & in Philosophiâ, haud paucæ: aut in Modo, & Methodo tractandi; hæc apud Scholasticos ferè talis erat. Super unaquaque re propositâ formabant Objectiones, deinde Objectionum illarum Solutiones; quæ Solutiones, ut plurimum, Distinctiones tantum erant; cum tamen Scientiarum omnium robur, instar Fascis illius Senis, non in singulis bacillis, sed in omnibus vinculo conjunctis consistat. Etenim Symmetria Scientiæ, singulis scilicet partibus se invicem sustententibus, est, & esse debet, vera atque expedita ratio refellendi Objectiones Minorum Gentium: Contrâ, si singula Axiomata, tanquam baculos Fascis seorsim extrahas, facile erit ea infirmare, & pro libito, aut flectere, aut frangere: Vt quod de Senecâ dictum erat, *Verborum minutiis rerum frangit pondera*; verè de Scholasticis usurpari possit, *Quæstionum minutiis Scientiarum frangunt robur*. Num-non in Aulâ spatiosâ consultius foret, unum accendere Cereum, aut Lychnuchum suspendere, variis Luminibus instructum, quo omnia simul perlustrentur, quam in singulos Angulos quaquaversus exiguam circumferre Lucernam? Atqui non absimilis est eorum Ratio, qui non tam veritatem perspicuis Argumentis, Authoritatibus, Comparationibus. Exemplis illustrare nituntur; quam in hoc solum incumbunt, ut minutos quosque Scrupulos eximant, & Captiunculas expédiant, & Dubitationes solvant; hoc pacto quæstionem ex quæstione gignentes, quemadmodum fit in superiori similitudine, ut Lucerna in unum aliquem locum delata, alios circumquaque destituat, & obscurat. Adeo ut Scyllæ fabula, ad vivum exprimat, hoc genus Philosophiæ; cujus Os & Pectus Virginem formosam præferabant, infra vero fuisse aiunt,

Candida succinctam latrantibus inguina monstris.

Sic generalia quædam apud Scholasticos invenias, quæ pulchra sunt dictu, & non perperam iuenta; ubi autem ventum fuerit ad Distinctiones, Decisionesque, pro fecundo Utero, ad Vitæ Humanæ commoda, in portentosas, & latrantes Quæstiones desinunt. Itaque minimè mirum, si hoc genus Doctrinæ, etiâ apud vulgus Hominum contemptui obnoxium fuerit, qui ferè solent, Veritatem propter Controversias circa eam motas aspernari, atque existimari eos errare omnes, qui nunquam inter se conveniant; cumque videant doctos Homines inter se digladiari, de rebus nullius momenti, facillè illud Dionysii Syracusani arripiunt, *Verba ista sunt senum otiosorum*. Nihilominus certissimum est, si modò Scholastici, ad inexplebilem Siti Veritatis, & continuam Agitationem Ingenii, Varietatem, & Multiplicitatem

Lectionis, & Contemplationum adjunxissent, insignia profectò illi extitissent Lumina, omnesque Artes, & Scientias mirificè provexissent. Hastenùs de secundâ Literarum Intemperie.

Ad tertiam quod attinet, quæ ad Falsitatem, & Mendacium spectat; una hæc omniù turpissima est, quippe quæ ipsam Naturam, Animamque destruit Scientiæ, quæ nihil aliud est quàm Veritatis Imago. Nam Veritas Effendi, & Veritas Cognoscendi, idem sunt; nec plus à se invicem differunt, quam Radius directus, & reflexus. Hoc vitium itaque duplex, vel potius duplicatum est, Impositura & Credulitas; hæc decipitur, illa decipit; quæ licet videantur discrepantis naturæ, alteraque à Calliditate quâdam, altera à Simplicitate profecta, plerumque tamen coeunt. Ut enim in carmine habetur,

Percontatorem fugito, nam garrulus idem est.

Innuendo, qui curiosus est, eundem esse & futilem; paritèr fit, ut qui facilè credat, idem libentèr decipiat. Quemadmodum quoque fieri videmus in Famâ, & Rumoribus, ut qui citò iisdem fidem habeat, pari facilitate eos auxerit. Quod Tacitus prudenter innuit his verbis, *Fingunt simul creduntque*, adeò finitimæ sunt, voluntas fallendi, & Facilitas credendi.

Hæc credendi, recipiendique omnia (licet levi Autoritate munita) facilitas, duorum generum est, pro ratione subjectæ materiæ: aut enim creditur Narrationi, sive Facto (ut loquuntur Jurisconsulti) aut Dogmati. In priori genere videmus, quanto Dignitatis detrimento, hic Error affecerit ex Ecclesiasticis Historiis nonnullas; quæ nimis faciles se præbuerunt, in prodendis transcribendisque Miraculis, à Martyribus, Eremitis, Anachoretis, & aliis Sanctis Viris; atque ab eorum Reliquiis, Sepulchris, Sacellis, Imaginibus, editis. Eodem modo in Naturali Historiâ, videmus multa temerè, ac parùm cum delectu, aut judicio recepta, & descripta; ut liquet ex scriptis Plinii, Cardani, Alberti, & plurimorum ex Arabibus, quæ commentitiis, & fabulosis Narrationibus passim scatent; iisque non solum incertis, & neutiquàm probatis, sed perspicuè falsis, & manifestò convictis; ingenti Philosophiæ Naturalis dedecore, apud Homines graves, & sobrios. In quo sanè elucescit Aristotelis Sapientia, & Integritas, qui cum diligentem scripserit, atque accuratam Historiam Animalium, tam parcè Ficta, aut Fabulosa admiscuerit: quin potius *Auditiones admirandas*, quas memoratu dignas judicavit, in unum Commentariolum coniecit: prudenter perpendens, perspicuè vera, (quæ tanquam Basis Experientiæ solida, Philosophiæ & Scientiis subterni possint) haud temerè esse cum Rebus suspectæ fidei miscenda: Et rursus etiâ Rara, atque Insolita, quæ plerisque incredibilia videntur, non omninò esse supprimenda, neque Memoriae Posterorum deneganda.

At illa altera Credulitas, quæ non Historiæ, aut Narrationibus, sed Artibus & Opinionibus tribuitur, duplex est: Aut cum Artibus ipsis, aut cum Authoribus in Arte nimium credimus. Artes ipsæ, quæ plus habent ex Phantasiâ, & Fide, quàm ex Ratione, & Demonstrationibus, sunt præcipuè tres, *Astrologia, Naturalis Magia, & Alchymia*; quarum tamen Fines non sunt ignobiles. Profitetur enim Astrologia, Superio-

rum in Inferiora Influxum & Dominatum recludere. Magia sibi proponit Naturalem Philosophiam, à varietate Speculationum ad Magnitudinem Operum revocare. Chymica in se suscipit, Partes Rerum Heterogeneas, quæ in Corporibus Naturalibus latent & implicantur, separare & extrahere; Corporaque ipsa, inquinata depurare, impediri a liberare, inmutura perficere. Sed Viæ, atque Rationes, quæ ducere putantur ad hos fines, tam in Theoria illarum Artium, quàm in Praxi, Erroris, & Nugarum plenæ sunt. Neque adeò traditio ipsarum, ut plurimum, candida est, sed Artificiis, & Latèbris munita. Chymicæ tamen hoc certè debetur, quod verè comparari possit Agricola apud Æsopum, qui è vitâ exiturus, dixit filiis, *Se illis vim magnam Auri, in Vineâ, nec satis meminisse quo loco, defossam reliquisse*: Qui cum Vineam diligenter Ligonibus ubique invertissent, Aurum quidem repererunt nullum, sed tamen Vindemiam insequentis Anni, propter fissionem circa radices vitium, tulerunt longè uberrimam: sic strenni illi Chymistarum Labores, & Molimina, circa Aurum conficiendû, haud paucis nobilibus Inventis, & Experimentis, tum ad referendam Naturam, tum ad usus Vitæ apprimè idoneis, quasi Facem accenderunt.

Illâ autem Credulitas, quæ certos Scientiarum Authores, Dictatoriâ quadam Potestate munivit ut edicant, non Senatoriâ ut consulant, ingens damnum Scientiis intulit; tanquam præcipua causa, quæ tantopere illas afflixit & depressit, ut absque insigni aliquo Augmento, exangues jacerent. Hinc nempe factum est, ut in Artibus Mechanicis, primi Inventores pauca excogitaverint, Tempus reliqua suppleverit, & perfecerit; at in Scientiis, primi Authores longissimè penetraverint, Tempus plurima detriverit, & corruperit. Sic videmus Tormentariam, Nauticam, Typographicam, sub initiis imperfectas, & propemodum informes fuisse, & exercentibus onerosas, temporis vero progressu, expolitas, & accommodas. At contrâ Philosophiæ, & Scientiæ Aristotelis, Platonis, Democriti, Hippocratis, Euclidis, Archimedis, in ipsis illis Authoribus viguerunt, tractu temporis degenerarunt, potius & non minimum splendoris amiserunt: Cujus rei non est alia ratio, quàm quod in Artibus Mechanicis, ingenia multorum in unum coferunt; in Artibus, & Scientiis Liberalibus, ingenia multorum sub uno succubuerunt; quem tamen ipsum sæpenumero Sequaces sui, potius depravarunt, quàm illustrarunt. Vt enim Aqua non ascendet altius, quàm Caput Fontis, à quo promanat; ita Doctrina ab Aristotele deducta, supra Doctrinam Aristotelis nunquam assurgit. Ideoque etsi non displiceat Regula, *Oportet discipulum credere*; huic tamen conjungendum est, *Oportet jam edoctum judicio suo uti*. Discipuli enim debent Magistris temporariam solum Fidem, judicii suspensionem, donec penitus imbiberint Artes; non autem plenam Libertatis ejurationem, perpetuamque Ingenii servitutem. Quare, ut absolvam hanc partem, hoc tantum adjiciam; Magnis Authoribus suis sic constet Honos, ut Authori Authorum, & Veritatis Parenti Tempori, non dérogetur.

Explicavimus tandem tres Doctrinæ Intemperies, sive Morbos; præter quos nonnulli sunt, non tam Morbi confirmati, quàm viti: si Humores; qui tamen non adeò occulti sunt, aut latentes, quin in multorum sensum,

De Augmentis Scientiarum

sensum, & reprehensionem incurrant, ideoque neutiquam præmittendi.

Horum primus est immodicum Studium duorum Extremorum, Antiquitatis & Novitatis: Quâ in re Temporis Filiæ malè patrissant: Ut enim Tempus prolem devorat, sic hæc se invicem, dum Antiquitas novis invidet Augmentis, & Novitas non sit contenta Recentia adjicere, nisi Vetera prorsus eliminet, & rejiciat. Certè Consilium Prophetæ vera in hac re Norma est: *State super vias antiquas, & videte quenam sit via recta, & bona, & ambulate in eâ.* Antiquitas eam meretur Reverentiam, ut Homines aliquandiù gradum sistere, & supra eam stare debeant, atque undequaque circumspicere, quæ sit via optima: quum autem de viâ benè constituerit, tunc demùm non restitandum, sed alacritè progrediendum. Sanè, ut verum dicamus, *Antiquitas seculi, Inventus mundi*: Nostra profectò sunt Antiqua Tempora, cum Mundus jam senuerit, non ea, quæ computantur ordine retrogrado, initium sumendo à Seculo nostro.

Alius Error è priori oriundus, est Suspicio quædam & Diffidentia, quæ nihil nunc posse inveniri autumat, quo Mundus tam diù carere potuit: ac si illa Objectio conveniret erga Tempus, quâ Lucianus impetit Jovem, cæterosque Ethnicorum Deos: *Miratur enim, cur tot olim genuerint Liberos, nullos autem suo Seculo? interrogatque jocans, ecquid Septuagenarii jam essent, aut lege Pappiâ contra Senum Nuptias latâ constructi?* sic videntur Homines subvereri, ne Tempus effectum jam factum sit, & ad Generationem ineptum. Quin potius Levitas Hominum, atque Inconstantia, hinc optimè perspicui potest, qui donec res aliqua perfecta sit, eam mirantur fieri posse; postquam facta semel est, iterum mirantur eam jam pridem factam non fuisse. Ita Alexandri Expeditio in Asiam, habita est initio pro vasto, & arduo admodum Negotio; quam tamen postea placuit Livio in tantum elevare ut diceret de Alexandro, *Nil aliud quàm benè ausus est vana contemnere.* Idem Columbo evenit, circa Occidentalem Navigationem. Sed in Rebus Intellectualibus, hoc fit multò frequentius, uti videre est in plerisque Propositionibus apud Euclidem, quæ antequàm demonstrantur, miræ videntur, & quibus quis non facilè assenserit; post Demonstrationem autem factam, arripit eas Mens per Retractionem quandam (ut loquuntur Jureconsulti) tanquam antè perspectas & cognitâs.

Alius Error superiori affinis, est eorum, qui omium Sectarum, atque Hæresium veterum, postquam excussæ fuissent, & ventilatæ, optimam semper obtinuisse, posthabitis aliis, existimant. Itaque putant, si quis de integro institueret inquisitionem, & examen, non posset non incidere in aliquas ex rejectis Opinionibus, & post rejectionem amissis, & obliteratis: quasi vero Multitudo, aut etiam Sapientes Multitudinis deliniendæ gratiâ, non illud sæpè probârint, quod populare magis, atque leve sit, quàm quod solidum, atque altè radices agens. Tempus siquidem simile est Fluvio, qui levia, atque inflata ad nos devehit, solida autem, & pondus habentia submergit.

Alius Error à reliquis diversus, est præmatura atque proterva Reductio Doctrinarum in Artes, & Methodos; quod cum sit, plerunque Scientia

entia aut parum, aut nihil proficit. Nimirum ut Ephebi, postquam Membra & Lineamenta corporis ipsorum perfectè efformata sunt, vix amplius crescunt: sic Scientia, quamdiù in Aphorismos, & observationes spargitur, crescere potest & exurgere; sed methodis semel circumscripta, & conclusa, expoliri forsan & illustrari, aut ad Vtus Humanos edolari potest, non autem porro mole augeri.

Alius Error succedens ipsi, quem postremò notavimus, est, quòd post singulas Scientias, & Artes, suas in Classes distributas, moxà plerisque, Vniversali rerum cognitioni, & Philosophiæ Primæ renunciatur; quod quidem profectui Doctrinarum inimicissimū est. Prospectiones fiunt è Turribus, aut Locis præaltis, & impossibile est, ut quis exploret, remotiores, interiorésque Scientiæ alicujus partes, si stet super Plano ejusdem Scientiæ, neque Altioris Scientiæ veluti Speculam conscendat.

Alius Error fluit ex nimia Reverentiâ, & quasi Adoratione Intellectus Humani; unde Homines abduxère se è Contemplatione Naturæ, atque ab Experienciâ, in propriis Meditationibus, & Ingenii Commentis, sùsque deque volutantes. Cæterum præclaros hos Opinatores, & (si ita loqui licet) Intellectualistas, qui tamen pro maxime Sublimibus, & Divinis Philosophis haberi solent, rectè Heraclitus perstrinxit, *Homines*, inquit, *quærunt Veritatem in Microcosmis suis, non in Mundo majori*. Respuunt enim quasi Abecedariū Naturæ, Primūque in Operibus divinis tyrocinium; quod si non facerent, potuissent fortassè gradatim & sensim, post Literas simplices, & deinceps Syllabas, ad Textum & Volumen ipsum Creaturarum expedire legendum ascendere. At illi contra, jugi mentis agitatione, urgent, & tanquam invocant suos Genios, ut vacinentur eis, edantque Oracula, quibus meritò & suaviter decipiuntur.

Alius Error huic posteriori finitimus est, quòd homines sapius imbuant, & inficiant Meditationes, & Doctrinas suas, Opinionibus quibusdam, & conceptibus propriis, quos potissimum in Admiratione habent; aut Artibus, quibus maxime addicti, & consecrati sunt; cætera omnia illis deliciis inficientes, & quasi intingentes, licet Fuco admodum fallaci. Sic suæ Philosophiæ irrmiscuit Plato Theologiam, Aristoteles Logicam, secunda Schola Platonis, (Proclus scilicet & reliqui) Mathematicas. Istas enim Artes solebant illi, tanquam Filiolos suos Primogenitos suaviari. At Chymici è paucis Experimentis, ad Foculum & Fornacem, novam Philosophiam excuderunt. Et Gilbertus Popularis noster, Philosophiam aliam ex Magnete elicuit. Sic Cicero, cum varias opiniones de naturâ Animæ recensens, tandem in Musicum incidisset, qui Animam esse Harmoniam statuebat, facerè dixit, *Hic ab arte suâ non recessit*. Sed de hoc genus Erroribus, appositè, & prudenter, ait Aristoteles, *Qui respiciunt ad pauca, de facili pronunciant*.

Alius Error est Impatentia Dubitandi, & cœca Festinatio Decernendi absque debitâ, & adultâ Suspensione Judicii. Nam Bivium Contemplationis, non est dissimile Bivio Actionis; à Veteribus sapius memorato: cujus altera via, initio plana & facilis erat, fine autem impervia; altera ingredienti aspera erat, & confragosa; ubi paulò processeris, expedita, & æquabilis: Haud secus in Contemplationibus, si quis
à certis

à certis ordiatur, in dubia desinet; sin à dubiis incipiat, eaque aliquandiu patienter toleret, in certis exitum reperiet.

Similis Error se ostendit in modo tradendi Doctrinam, qui, ut plurimum, est Imperiosus & Magistralis, Non Ingenuus, & liberalis; ita demum compositus, ut potius Fidem imperet, quam Examini subiiciatur. Non negaverim in summiis Libellis, ad Praxim destinatis, hanc formulam scribendi retineri posse, verum in justis Tractatibus de Scientiis utrumque Extremum vitandum censeo, tam Vellei Epicurei, nil tam metuentis, quam Ne dubitare de re aliquâ videretur; quam Socratis, & Academiae, Omnia in dubio relinquentium. Candori potius studendum, Resque majore aut minore contentione tradendae, prout Rationum momentis parcius aut plenius sint probatae.

Alii Errores sunt in Scopis, quos Homines praefigunt sibi, & in quos Conatus suos, & Labores dirigunt. Cum enim diligentiores Literarum Coryphaei, ad id collimare debeant praecipue, ut Arti, quam profitentur, aliquid praclarum adiciant; hi contra, in secundis tantummodo consistere sat habent; vel subtilis Interpretis, vel Antagonistae vehementis & nervosi, vel methodici Abbreviatoris nomen ambientes: unde Reditus & Vestigalia Scientiarum augeri possunt, Patrimonium & Fundus minimè.

Omniū autem gravissimus Error in Deviatione ab ultimo Doctrinarum Fine consistit. Appetunt enim Homines Scientiam, alii ex insatâ Curiositate, & irrequietâ; alii Animi causâ, & delectationis; alii Existimationis gratiâ; alii Contentionis ergo; atque ut in Differendo superiores sint; plerique propter Lucrum & Victum; Paucissimi, ut Donum Rationis divinitus datum, in usus humani generis impendat. Planè, quasi in Doctrinâ quaereretur Lectulus, in quo tumultuans Ingenium, & æstuans requiesceret; aut Xystus sive Porticus, in quo Animus deambulare liber, & vagus: aut Turris alta, & edita, de qua Mens ambitiosa, & superba despectaret; aut Arx, & Propugnaculum ad Contentiones, & Prælia; aut Officina ad quæstum, & mercatum; Et non potius locuples Arnarium, & Gazophylacium, ad Opificis rerum omnium Gloriam, & Vitæ Humanæ Subsidium. Hoc enim illud est, quod reverà Doctrinam, atque Artes condecoraret, & attolleret, si Contemplatio, & Actio, actione quam adhuc vinculo copulantur. Quæ certè Conjunctio talis foret, qualis est supremorum duorum Panetarum Syfygia, cum Saturnus Quietis, & Contemplationis Dux, cum Jove Duce Societatis, Agendique conspiret. Quanquam cum de Praxi, atque Actiore loquor, nullo modo ad Doctrinam Professoriam, & Lucrosam innuo: Neque enim me fugit, quantopere hoc ipsum, Progressionem Doctrinae, & Amplificationem moretur; perindè quidem ut Aureum Malum, ante Oculos Atalantæ projectum, quod ut tollat, dum flectit se, Cursus interea impeditur;

Declinat cursus, Aurumque volubile tollit.

Neque rursus mihi in animo est, quod de Socrate dictum erat, *Philosophiam devocare de Cælo, ut tantummodo versaretur in Terris*; hoc est, Physicam seponi, ut Moralis Philosophia, & Politica celebraretur sola: sed quemadmodum Cælum & Terra simul conspiciant, & consentiunt

ad Hominum tuendam vitam, atque iuvandam; ita sanè hic Finis esse debet utriusque Philosophiæ, ut rejectis vanis speculationibus, & quicquid inane, ac sterile est, conservetur quicquid solidum est, ac fructuosum; ut hoc pacto, Scientia non sit tanquam Scortum, ad Voluptatem, aut tanquam Ancilla, ad quæstum; sed tanquam Sponsa, ad Generationem, Fructum, atque Solatium honestum.

Jam explicasse videor, & quasi Dissectione quâdam aperuisse, viciosos illos Humores, aut saltem eorum præcipuos, qui non solum obstitere profectui Literarum, verum etiam culpandis iisdem ansam dedere. Quod quidem, si niniis ad vivum fecerim, meminisse oportet, *Fidelis vulnera amantis, sed dolosa Oscula malignantis*. Utunque, hoc certe mihi videor assecutus, ut merear fidem in sequenti præconio, cum superiori Censurâ tam liberè egerim. Neque tamen in animo est mihi, Panegyricum Literarum scribere, aut Hymnum Musis præcinere, licet forsitan diù jam sit, ex quo Sacra earum ritè celebrata sint: sed consilium est absque Pigmentis, & Hyperbolis, verum doctrinæ contra alias res Pondus, excipere & perpendere, verumque ejus Valorem & Pretium, ex Testimoniis Divinis atque Humanis exquirere.

Primò igitur quæramus Dignitatem Scientiæ in Archetypo, sive Exemplari; id est, in Attributis, atque Actis Dei, quatenus revelantur Homini, & sobriè indagari possunt. Quâ in re, non competit appellatio Doctrinæ, cum omnis doctrina sit Scientia acquisita; nulla autem Cognitio in Deo acquisita est, sed Originalis. Itaque aliud quærendum est nomen, *Sapientia* scilicet, ut sacra Scripturæ eam indigitant.

Sic autem se res habet: In operibus Creationis, duplicem Virtutis Divinæ Emanationem videmus; quarum una ad Potentiam refertur, altera ad Sapientiam. Illa præcipuè cernitur in creandâ Mole Materiæ, hæc in Pulchritudine Formæ disponendâ. Hoc posito notandum est, nihil in Creationis Historiâ obstare, quin fuerit confusa illa Cœli Terræque Massa, & Materia, unico temporis monimento creata; cui tamen disponendæ, digerendæque sex dies fuerunt attributi: adeò signanter Deus Opera Potentiæ, ac Sapientiæ discriminavit. Cui accedit, quod de Materiæ Creatione, memoriæ proditum non sit, dixisse Deum, *Fiat Cælum & Terra*, sicut de sequentibus operibus dictum est; sed nudè atque actualiter, *Deus creavit Cælum, & Terram*: ita ut Materia videatur, tanquam Manu facta, Formæ verò Introductio stylum habeat Legis, aut Decreti.

Pergamus à Deo ad Angelos, quorum Natura dignatione est Deo proxima. Videmus in Ordinibus Angelorum (quatenus fides adhibenda Cœlesti illi Hierarchiæ, quæ Dionysii Areopagitæ nomine evulgatur) primum locum obtinere *Seraphim*, Angelos scilicet Amoris: secundū *Cherubim*, Angelos Illuminationis; tertiū autem Locum, & sequentes, *Thronis, Principibus*, cæterisque Angelis Potentiæ, & Ministeriis, concedi: ut ex hoc ipso ordine, ac distributione clarum sit, Angelos Scientiæ, & Illuminationis, Angelis Imperii & Potentiæ præponi.

A Spiritibus, & Intelligentiis, ad Formas Sensibiles & Materiales descendentes, legimus primam Formarum creaturam fuisse Lucem; quæ

quæ in Naturalibus & Corporeis, Scientiæ in Spiritualibus atque Incorporatis respondet.

Sic in Distributione Dierum, videmus Diem, quâ requievit Deus, & contemplatus est Opera sua, benedictam fuisse supra omnes Dies, quibus creata est, & disposita Fabrica Univerſi.

Post Creationem absolutam, legimus Hominem collocari in Paradiso, ut illic operaretur: quod quidē Opus, aliud esse non poterat, quàm quale pertinet ad Contemplandum; hoc est, cujus Finis, non ad Necessitatem aliquam, sed ad Delectationem, & Activitatem sine Molestiâ, referri possit: cum enim tunc temporis nulla potuerit esse Creaturæ Reluctatio, nullus *sudor vultûs*, necessariò sequitur Actiones Humanas, ad Voluptatem, & Contemplationem, non ad Laborem, aut Opus comparatas fuisse. Rursus, primæ Hominis Actiones, quas in Paradiso exercuit, duas summarias Scientiæ partes complexæ sunt: Hæ erant, Inspectio Creaturarum, & Impositio Nominum. Nam Scientia illa, quæ Lapsus introduxit (quod & antè monuimus) non erat Naturalis Scientia circa Creaturas, sed Moralis Scientia de Bono & Malo; ex hac suppositione, quod Dei Mandata, aut Vetita, non essent Principia Boni & Mali, sed quòd alias haberent illa Origines; quorū cognitionem affectavit Homo, scilicet ut totaliter à Deo deficeret, & sibi ipsi, suoque arbitrio prorsus inniteretur.

Veniamus ad ea, quæ statim post Lapsus contingere. Videmus (ut innumera sunt Sacrarum Scripturarum Myſteria, salvâ semper veritate Historicâ & Literali) imaginem duarum Vitarum, contemplativæ nimirum & Activæ, in Personis Abelis & Caini, inque eorum institutis, & primitivis vivendi Rationibus delineatam: Quorum alter Pastor erat, (qui propter Otium & Quietem, liberumque Cœli Aspectum, Typus est vitæ Theoricæ) alter Agricola (laboribus scilicet fatigatus, & aspectu in Terram defixus.) Vbi cernere est, Favorem, Electionemque Divinam, ad Pastorem accessisse, non ad Agricolam.

Sic ante Diluvium, Sacri Fasti, inter paucissima, quæ de eo seculo memorantur, dignati sunt memoriæ prodere, Inventores Musicæ, atque Operum metallicorum. Sequenti Seculo post Diluvium, gravissima poena, quâ Deus Humanam Superbiam ultus est, fuit, Confusio Linguarum, quâ Doctrinæ liberum commercium, & literarum ad vicem Communicatio maximè interclusa est.

Descendamus ad Mosē Legislatorem, & primum Dei Notarium, quem Scripturæ ornant hoc elogio, quod *gnarus & peritus esset Omnis doctrinæ Egyptiorum*. Quæ quidem Gens inter vetustissimas Mundi Scholas numeratur. Sic enim Plato inducit Ægyptium Sacerdotem dicentem Soloni; *Vos Græci semper Pueri estis, nullam vel Scientiam Antiquitatis, vel Antiquitatem Scientiæ habentes*. Perlustremus Cæremonialem Legem Moſis, reperiemusque, præter Christi Præfigurationem, Distinctionem populi Dei à Gentibus, exercitium Obedientiæ aliòsque ejusdem Legis Usus sacros, nonnullos doctissimorum Rabbinarum, haud inutilem circa eam navasse operam, ut sedulò eruerent, quandoque Naturalem; quandoque Moralem Sensum Cæremoniarum, & Rituum. Exempli gratiâ, ubi de Leprâ dicitur, *Si effloruerit discurrens Lepra, Homo mundus erit, & non recludetur; sin caro viva in eo erit,*

immundus

immunditiâ condemnabitur, & ad sacerdotis arbitrium separabitur. Ex hac Lege colligit unus eorum Axioma in Naturâ; *Putredinem pestilentiorum esse, ante, quàm post Maturitatem.* Alius Morale Documentum elicit, *Homines flagitiis undique coopertos, minùs corrumpere publicos mores, quàm mediocriter, & ex parte tantùm malos:* adeò ut ex hoc, & similibus locis ejus Legis, præter Sensum Theologicum, haud pauca ad Philosophiam Spectantia Spargi videantur.

Si quis etiam eximium illum Iobi Librum diligenter evolverit, plenum eum, & tanquam gravidum, Naturalis Philosophiæ Mysteriis deprehendet. Exempli gratiâ; circa Cosmographiam, & Rotunditatem Terræ, illo loco, *Qui extendit Aquilonem super vacuum, & appendit terram super nihilum.* Ubi pensilis Terra, Polus Arcticus, & Cœli convexitas in extimis, haud obscurè insinuantur. Rursus circa Astronomiam, & Asterismos, illis verbis, *Spiritus ejus ornavit Cœlos, & obstetricante manu ejus educus est Coluber tortuosus.* Et alio loco, *Nunquid conjungere valebis micantes stellas Pleiadas, aut gyrum Arcturi poteris dissipare?* ubi immota configuratio stellarum Fixarum, paribus intervallis semper inter se distantium, elegantissimè describitur. Item alio loco, *Qui facit Arcturum, & Oriona, & Hyadas, & Interiora Austri.* Ubi iterum innuit depressionem Antartici Poli, eamque designat nomine, *Interiorum Austri*, quia Australes stellæ nostro Hemisphærio non cernuntur. Circa generationem Animalium: *Annon sicut lac mulisti me, & sicut caseum coagulasti me?* &c. Circa rem Metallicam, *Habet Argentum Venarum suarum principia, & Ausro locus est in quo conflatur, Ferrum de terrâ tollitur, & Lapis solutus calore in as vertitur.* Et sequentia in eodem Capite.

Pariter & in Personâ Regis Salomonis, videmus Donum Sapientiæ, tum in Petitione ipsius, tum in Concessione Divinâ, omnibus terrenæ, & temporalis Fœlicitatis Bonis prælatum. Virtute cujus Doni, & Concessionis, Salomon egregiè instructus, non solum scripsit insignes illas Parabolas, sive Aphorismos de Divinâ, atque Morali Philosophiâ; verùm etiam composuit Naturalem Historiam omnium Vegetabilium, *A cedro super montem, usque ad muscum super murum*, (qui nihil est aliud, quàm Rudimentum plantæ, Putredinis & Herbæ Medium) Omniumque etiam, quæ respirant, & moventur. Imò idem Rex Salomon, quamvis excelluerit Opibus, Magnificentia Ædificiorum, Classe, Famulitio, Nominis celebritate, & reliquis quæ ad gloriam pertinent, nihil tamen, ex ista Gloriæ segete, sibi ipsi decerpit, aut assumit, præter Decus Inquirendi, & Inveniendi veritatem. Sic enim disertè ait; *Gloria Dei est celare verbum, & gloria Regis Investigare sermonem.* Ac si Divina Majestas innoxio illo, & benevolo puerorum Ludo delectaretur, qui ideò se abscondunt, ut inveniantur: quasque etiam nihil esset honorificentius Regibus, quàm Dei Collusores esse in eodem Ludo; præsertim cum tot Ingeniis imperent, tantæque opes præstò habeant, quibus omnis Secreti investigatio absolvi possit.

Nec verò aliter hæc dispensavit Deus, postquàm Salvator noster in mundum venisset. Ille enim prius, potentiam ostendit suam, in profliganda

gandâ ignorantia, ubi cum Doctoribus, & Sacerdotibus differeret in Templo, quâ in subjugandâ Natura, tot & tantis editis Miraculis. Adventus quodq; Spiritûs Sancti, præcipuè adumbratus, atq; expressus fuit in similitudine, ac Dono Linguarum, quæ sunt duntaxat *Vehicula Scientiæ*.

Ita in seligendis illis Instrumentis quæ adhibuit Deus ad fidem disseminandam, initio Homines evocavit planè indoctos, & illiteratos, præterquàm quod Spiritûs Sancti affiatu instructi fuissent; quo evidentius Virtutem suam Immediatam, & Divinam declararet, omnemque Humanam Sapientiam deprimeret. Quamprimum autem Consilium suum in hac parte perimpletum esset, mox in proximâ Successione Temporum, Divinam Veritatem suam, aliis Doctrinis veluti pedissequis comitatam, in Mundum immisit. Itaque D. Pauli Calamus, (qui inter Apostolos solus literatus fuit) in Scripturis Novi Testamenti, præcipuè à Deo adhibitus est.

Sic & novimus complures ex antiquis Episcopis & Patribus, egregiè fuisse in omni Ethnicorum Eruditione versatos. Adeo ut Edictum Juliani, quo cautum est, ne Christiani ad Scholas, & Gymnasia mitterentur, perniciosior machina, ad expugnandam fidem Christianam, quàm cruentæ Superiorum Imperatorum Persecutiones, habitum fuerit. Neque Gregorii primi, Episcopi Romani (ceteri viri egregii) Æmulatio, & Invidentiâ, qui Ethnicorum Authorum, & Antiquitatum memoriam obliterare studebat, in bonam partem, etiam apud viros pios, accepta est. Quinimò sola Christiana Ecclesia, inter Inundationes Scytharum à Plagis Septentrionalibus, & Saracenorum ab Orientalibus, pretiosas gentilis Eruditionis Reliquias, jam-jam funditus perituras, sicut & gremio suo conservavit. Nuper etiam intueri licet Jesuitas, qui (partim studio proprio, partim ex æmulatione Adversariorum, Literis strenuè incubuerunt) quantum subsidii, viriûmq;, Romanæ Sedi reparandæ, & stabiliendæ attulerint.

Quare, ut absolvam hanc Partem, duo sunt præcipua Officia, & Ministeria, præter Ornatum, & Illustrationem, quæ Fidei Religionique humaniores, Literæ persolvunt. Unum, quod efficacia sint Incitamenta, ad Divinam Gloriam exaltandam, & celebrandam: sicut enim Psalmi, & aliæ Scripturæ, crebrò nos invitant ad Contemplationem, Prædicationemque magnificorum, & admirabilium Operum Dei; ita, si tantum in eorum specie externâ, sic ut sensibus nostris se exhibent, hareremus; eandem faceremus injuriam Majestati divinæ, ac si de Opulentia, & Copiâ nobilissimi Gemmarii, ex iis quæ palam exponuntur in pergulâ, judicaretur. Alterum, quod singulare Remedium, Anpidotumque exhibeat Philosophia, contra Infidelitatem & Errores. Nam Salvator noster inquit, *Erratis nescientes Scripturas & Potentiam Dei*. Ubi duos Libros, ne in Errores incidamus, proponit nobis evoluendos: primò Volumen Scripturarum, quæ Voluntatem Dei; deinde Volumen Creaturarum, quæ Potentiam revelant: Quorum posterior, veluti Clavis est prioris, non solum Intellectum nostrum aperiens, ad genuinam Scripturarum Mentem, ex generalibus Regulis Rationis, & Legibus Sermônibus expromendam: Sed porro etiam præcipuè Fidem nostrâ referans, ut in seriam ingrediamur Omnipotentia

Omnipotentiæ Divinæ Meditationem, cujus Characteres maximè insculpti ejus Operibus, & incisi sunt. Tantum de Divinis Testimoniis, ac Judiciis, pro vera Dignitate, & Pretio Doctrinæ, dictum sit.

Quantum ad Humana Testimonia, & Argumenta, tam latus aperitur Campus, ut in Tractatu hoc brevi, & pressio, delectum potius adhibere deceat, quàm copiam. Primò itaque Summus apud Ethnicos Honoris Gradus fuit, Divinam Venerationem, Cultumque consequi: (Quod quidem Christianis est tanquàm Fructus vetitus :) Nunc verò loquimur separatim de Judiciis Humanis. Itaque (ut cœpinus dicere) apud Ethnicos, ille, quem Græci *Apotheosin*, Latini *Relationem inter Divos* vocarunt, Supremus Honor fuit, qui Homini ab Homine tribui posset: præsertim ubi non ex Decreto, aut Edicto aliquo Imperii (ut Cæsaribus apud Romanos) sed ex Opinione Hominum, & Fide internâ, ultrò deferretur. Cujus Honoris tam excelsi, Gradus quidam erat, & Terminus medius. Quippe supra Humanos Honores, Heroici numerabantur, & Divini; in quorum distributione hunc ordinem tenuere Veteres. Rerumpub. conditores, Legislatores, Tyrannicidæ, Patres patriæ, quique in rebus civilibus optimè meruerunt, insigniti sunt titulo Heroum tantum, aut Semideorum, quales fuere *Thesens*, *Minos*, *Romulus*, cæterique: Ex alterâ Parte, Inventores & Authores novarum Artium, quique Vitam Humanam novis Commodis, & Accessionibus dotârunt, semper consecrati sunt inter Deos ipsos Majores, quod *Cereri*, *Baccho*, *Mercurio*, *Apollini*, & aliis contigit. Quod certè jure, & sano judicio factum est. Nam priorum Benemerita intra unius Ætatis, aut Nationis limites, ferè coërcentur, nec absimilia sunt Imbribus tempestivis, & benignis, qui quamvis frugiferi sint, atque optabiles, tamen pro illâ Tempestate tantum quâ decidunt, atque pro Amplitudine Tractûs Terræ, quam irrigant, utiles sunt; Posteriorum verò Beneficia, ut ipsius Solis, & Cœlestium Munera, Temporibus perpetua, Locis infinita sunt: Illa rursus, cum contentione, & perturbatione ut plurimum conjuncta sunt; hæc habent verum Characterem Divinæ Præsentia, veniuntque in *aurâ leni*, absque tumultu, aut strepitu.

Neque sanè Doctrinæ Meritum in Civilibus, & in reprimendis Incommodis, quæ Homo Homini infert, multum cedit illi alteri, in sublevandis Humanis Necessitatibus, quæ ab ipsâ Naturâ imponuntur. Atque hoc genus Meriti, optimè adumbratum fuit sub illâ ficta Narratione, de Theatro Orphei; ubi singulæ Bestiæ, Avésque congregatæ sunt, quæ Appetituum suorum innatorum immemores, Prædæ, Ludi, Pugnæ, amicæ placidæque unâ steterere, Cytharæ concentu, & suavitate captæ. Cujus Sonus ubi aut cessaret, aut majori sonitu obrueretur, omnes illicò Animantes ad ingenium redibant. Quâ in Fabula eleganter describuntur Ingenia, & Mores Hominum, qui variis & indomitis cupiditatibus agitantur, Lucri, Libidinis, Vindictæ: qui tamen quamdiu Aures præbent, Præceptis & Suasionibus Religionis, Legum, Magistrorum, in Libris, Sermonibus, & Concionibus, eloquenter, & suaviter modulantibus, tamdiu Pacem colunt, & societatem; Sin ista fileant, aut Seditiones, &

Tumultus obstrepant, omnia diffiliunt, & in Anarchiam, atque Confusionem relabuntur.

Sed enim hoc clariùs cernitur, cum Reges ipsi, aut Magnates, aut Præfetti eruditione præditi sint. Ut ut enim suis addictus nimium Partibus videatur, qui dixit, *Tum demùm Resp. fore felices, cum aut Philosophi regnant, aut Reges philosophantur*; Hoc tamen experienciâ notum est, sub eruditis Principibus, & Custodibus Reip. secula maximè foelicia fuisse. Quamvis enim Reges ipsi,) suos habeant Errores & Vitia, Affectibus scilicet & pravis consuetudinibus pro more cæterorum Hominum obnoxii; tamen Doctrinarum si accedat Lumen, anticipatæ quædam Notiones, Religionis, Prudentiæ, Honestatis, retinent eos, & ab omni præcipiti, & immedicabili Excessu, & Errore refranant; Aurem semper vellent, etiam cum Consiliarii, & Domestici silent. Quin Senatores ipsi, & Consiliarii, qui Liberis exculti sunt, Solidioribus innituntur Principiis, quàm qui ab Experienciâ tantùm edocti sunt; illis ex longinquo prospicientibus Pericula, & maturè propulsantibus, cum isti tantùm ex propinquo, & cominus sapiant, nihil videntes nisi quod imminet; & tunc demùm Agilitate Ingenii sui, se in ipso Periculorum articulo, expedire, & eripere posse confidentes.

Quæ Felicitas Temporum sub eruditis Principibus (ut semper brevitati Studeam, adhibens non nisi lectissima quæque Exempla, & maximè illustria) præcipuè cernitur eo in Seculo, quod à Morte Domitiani Imperatoris, usque ad Imperium Commodi defluxit; Successionem sex Principum eruditorum, aut certè eruditioni impensè faventium, complectente; omniumque (si temporalia Bona spectemus) quæ unquam vidit Roma, totius Orbis tunc Epitome, longè florentissimo. Id quod Domitiano, pridie ejus diei, quo interfectus est, in Somnis præmonstratum erat. Quippe qui videre visus est, *Caput aureum sibi pone cervicem enatum esse*: Quod sanè vaticinium, Aureis illi, subsequentiis Seculis, adimpletum est; De quibus sigillatim sed brevissimè verba faciam.

Nerva Vir doctus fuit, Apollonii illius Pythagorei Familiaris, & quasi Discipulus, qui etiam fere expiravit, in Versu illo Homeri,

Telis Phæbe tuis lachrymas ulciscere nostras.

Trajanus non ipse quidem doctus, sed Doctrinæ Admirator, & erga Literatos munificus, Bibliothecarum institutor, & in cujus Aula (licet Imperatoris Bellicosi) Professores & Pædagogos gratiosissimos fuisse, Memoriae proditum est. *Adrianus* curiosissimus Mortalium, & inexplabilis omnis Varietatis, & Secreti Investigator. *Antoninus* subtilis & quasi Scholasticus, unde etiam *Cymini sector* vocatus est. *Ex Divis Fratribus* autem, *Lucius Commodus* molliori Literarum genere eruditus: *Marcus* etiam Cognomine ipso Philosophus. Hi Principes, ut doctissimi, ita & Optimi fuerunt. *Nerva* clementissimus Imperator, quiq; , si nihil aliud, Orbi *Trojanum* dedit. *Trajanus*, omnium qui imperârunt, & Belli & Pacis Artibus maximè florens: Idem Imperii fines longissimè protulit; Idem vim Dominationis modestissimè cohibuit: Maximorum etiam Extructor Operum, unde à *Constantino* *Parietaria* per invidiam vocatus est propter Nomen

Nomen ejus tot parietibus incisum. *Adrianus* Temporis ipsius *Æmulus*: Injurias enim & Ruinas Temporis, in quoquo genere, curâ & munificentia suâ, reparavit. *Antoninus*, (ut etiam appellatus est) Vir maximè *Pius*, nativâ quâdam & insitâ bonitate, omnibus Ordinibus gratus, cujusque Regnum (licet haud breve) omnis calamitatis expers. *Lucius Commodus* Fratri quidem Bonitate cedens, reliquos Imperatores plurimos superans. *Marcus*, Vir ad Exemplar Virtutis compositus, cuique Scurræ ille, in Convivio Deorum, nihil habuit quod objiceret, præter patientiam erga mores Uxor. In hac itaque continuâ sex Principum serie, videre cuius liceat, felicissimos fructus Doctrinæ, in Imperio collocatæ, in maximâ Orbis Terrarum Tabulâ depictos.

Iam verò Doctrina, non in Civilia tantum, atque Artes Pacis, influxum habet, sed & in militari Virtute exercet vim suam, ac Potentiam; ut clarè perspicitur in Exemplis Alexandri Magni, & Cæsaris Dictatoris; Quorum antea obiter meminimus, nunc verò ea paulò fusiùs retractabimus: Horum Virtutes Militares, & Res in bello Gestas, supervacaneum esset notare, aut recensere, cum in eo genere Mundi Miracula extiterint: sed de Amore ipsorum, & studio erga Literas, nec non iisdem Excellentia propria, non alienum erit, si pauca subjungamus.

Educatus fuit Alexander, edoctusque ab Aristotele, (Philosopho certè magno) qui nonnullos è libris suis philosophicis ei nuncupavit: A latere illius nunquam discedebat Callisthenes, alique pereruditi viri, qui Castra sequebantur, & perpetui erant, omnium ejus Itinerum & Expeditionum Comites: Quo autem pretio literas habuerit, haud pauca liquidò demonstrant: veluti Invidia, quâ dignam censuit Achillis Fortunam, quòd Gestarum Rerum, Laudumque suarum, Homerum Praconem invenerat. Judicium de pretiosâ Darii Arculâ, inter reliqua spolia repertâ, de quâ cum quaestio moveretur, quidnam potissimè in dignum esset, quod in eâ asservaretur, ipse, cum alii alia dicerent, pro Homeri Operibus sententiam tulit. Epistola Objurgatoria ad Aristotelem missa, postquam Libros Physicorum edidisset, in quâ exoptulat, quòd Philosophiæ Mysteria evulgasset; simulque rescribit, malle se omnibus doctrinâ, & cognitione, quam potentiâ ac Imperio præcellere. Sunt & alia quæ huc spectant. Ipse verò, quam egregiè Animum excoluisset doctrinâ, in omnibus ejus Dictis, & Responsis apparet, vel potius refulget, Eruditione plenissimis; in quibus, licet numero pauca sint, quæ adhuc supersint, singularum Scientiarum Vestigia altè impressa reperias.

In Moralibus, observetur primò Alexandri Apophthegma circa Diogenem, & adverte (si placet) si fortè non unam ex gravissimis quaestionibus Moralis Philosophiæ, constituat: *Vtrum qui fruatur externis bonis, feliciorsit, an qui contemnit?* cum enim Diogenem cerne-
ret, tam parvo contentum, conversus ad circumstantes, qui ejus conditionem subannabant, *Nissestem*, inquit, *Alexander optarem, esse Diogenes*. At Seneca in hac comparatione Diogenem prætulit, cùm diceret, *Plus erat, quod Diogenes nollet accipere, quàm quod Alexander posset dare*.

De *Augmentis Scientiarum*

In Naturalibus, observetur illud quod crebrò usurpabat, *In duabus se rebus, mortalitatem suam maximè percipere, Somno & Libidine*: Quod sanè dictum ex intimâ Naturali Philosophiâ depromptum est, non tam Alexandrum, quàm Aristotelem, aut Democritum sapiens; cum tam Indigentia, quàm Redundantiâ Naturæ, per illa duo designata, Mortis fuit tanquam Arrhabones.

In Poëticis, observetur dictum illud, quum sanguine è vulneribus ejus effluente, accerferet unum ex Adulatoribus, qui ei Divinitatem tribuere solebat, *Specta, inquit, hominis iste sanguis est, non talis liquor, qualem dixit Homerus, Veneris è manu manasse, vulneratâ à Diomede*; hoc dicto & Poetas, & Assentatores suos, & seipsum ridens.

In Dialecticis, accipe reprehensionem illam Argutiarum Dialecticarum, circa rejicienda, & retorquenda argumenta, in dicto suo, quo perstrinxit Cassandrum, Delatores Patris sui Antipatri repellentem. Cum enim Alexander fortè dixisset, *Nunquid putas hos Homines, tam longum iter suscepturos fuisse, nisi justam doloris causam habuissent?* Respondit Cassander, *Imò hoc ipsum Animos eis dedit, quod sperabant longinquitatem viæ obstituram, quò minus calumnia prodere-tur.* Euge, inquit Rex, *Strophas Aristotelis, rem pro & contra detor-quentes.* Attamen hâc ipsâ, quam in alio carpebat, arte, cum res postularet, in commodum suum uti, probè noverat: Ita enim accidit, ut Callisthenes, (quem odio clâm habebat, quòd novæ ejus inter Divos Relationi refragaretur,) in quodam Convivio rogatus esset, ab unâ discumbentibus, ut oblectationis gratiâ, (cum esset vir eloquentissimus) Thema aliquod pro arbitrio sibi sumeret, de quo subitò diceret; ille autem annuens, & laudes Gentis Macedonicæ eligens, mirifico cum omnium applausu disseruit: At neutiquàm hoc delectatus Alexander, subjecit, *in bonâ causâ, facile est cuilibet esse eloquenti, quin verte, inquit, stylum, & quid contra nos possis, audiamus.* Callisthenes negotium in se recepit, idque tam acerbè, tàmque aculeatè præstitit, ut Alexander interpellans diceret, *Etiâ malus animus, æquè ac bona causa indit eloquentiam.*

In Rhetoricis, ad quæ Tropi & ornamenta pertinent, ecce tibi elegantissimum Metaphoræ usum, quâ Antipatrum imperiosum, & tyrannicum Præsidem perstrinxit. Cum enim Amicus quidam Antipatri laudaret eum coram Alexandro, quòd tam moderatus esset, neque in Persicum, prout alii Præfecti, luxum, usumque purpuræ, veteri Macedoniæ amictu exuto, degeneraret, *At intus, inquit Alexander, Antipater est totus purpureus.* Etiam & illa Metaphora insignis: Cum Parmenio ad eum accederet, in Campis Arbelle, eique ingentem hostium exercitum monstraret, qui oculis subjacens noctu, propter infinitum numerum Ignium, veluti alterum Firmamentum Stellatum repræsentabat, ideoque consuleret, ut Nocturno Prælio illos invaderet, *Nolo, inquit Alexander, suffurari victoriam.*

In Politicis attende gravissimam illam, & prudentissimam distinctionem (quam omnis Posteritas amplexa est) quâ duos ex præcipuis ejus Amicis, Ephæstionem & Craterum discrevit, quum diceret, *Alterum Alexandrum amare, alterum amare Regem*: Dissimilitudinem maximi ponderis

ponderis, etiam inter fidelissimos Regum Servos constituens, quòd alii magis Dominorum suorum Personas vero Affectu prosequantur, alii potius moveantur Officio erga Principatum ipsum. Spectetur etiam, quàm eximie redargueret Errorem, Principum Consiliariis familiarem, qui plerumque consilia, pro modulo sui Animi, & Fortunæ, non Dominorum, suggerunt. Cùm enim Darius magnas Alexandro offerret conditiones, Parmenio; Ego, inquit, *si essem Alexander, acciperem.* Subiecit Alexander, *Et ego quidem si essem Parmenio.* Postremò, excutitur acce illud atque acutum Responsum, ad Amicos interrogantes, Quid sibi reservaret, cùm tot & tanta donaret? *Spem*, inquit: quippe qui probè sciret, subductis rationibus, Spem veram esse Sortem, & tanquam Hæreditatem, ad magna aspirantium. Hæc Julii Cæsaris Sors, cùm proficiscens in Galliam, universas opes profusis largitionibus exhausisset. Hæc etiam Sors Henrici Ducis Guisii, Nobilissimi Principis, licet nimium Ambitiosi, de quo illud increbuit, *Fæneratorem eum fuisse unum omnium Gallorum maximum, eò quòd omnes opes in nominibus haberet, atque Patrimonium universum, in obligationes convertisset.* Cæterum Admiratio hujus Principis, dum eum mihi, non ut Alexandrum Magnum, sed ut Aristotelis Discipulum propono, longiùs fortassè me provexit.

Quantum ad Julium Cæsarem, non est opus, ut de præstantiâ Eruditionis ejus, aut ex Educatione, aut ex Familiaribus, aut ex Responsis suis, conjecturam faciamus. Hæc siquidem eminet in ejus scriptis, & Libris, quorum alii extant, alii infœliciter desiderantur. Primò enim hodiè in manibus habetur, insignis illa Bellorum suorum Historia, cui Nomen & Titulum Commentariorum duntaxat præfixit; In quo omnes posterì, solidum Rerum pondus, & viva tam Actionum quàm Personarum simulachra, cum castissimâ puritate sermonis, Narrationisque perspicuitate eximiâ, conjuncta admirantur: Quas quidem Dotes, non à Naturâ infusas fuisse, sed à Præceptis Institutisque Doctrinæ acquisitas, testatur liber ejus de *Analogiâ*; qui nihil aliud erat, quàm Grammaticalis quædam Philosophia; in quo sedulò dedit operam, ut Vox ad Placitum, redderetur Vox ad Licitum; & Consuetudo quoquo modo loquendi, ad congruitatem revocaretur emendatè loquendi; & verba, quæ sunt Rerum Imagines, Rebus ipsis convenirent, non vulgi prorsus arbitrium sequerentur.

Ita etiam veluti Monumentum Doctrinæ, non minùs quàm Potentia, emendatam ejus Ediçto habemus computationem Anni; quæ disertè testatur, æquè eum gloriæ sibi duxisse, Syderum in cœlis Leges pernòsse, ac Hominibus in Terris Leges dedisse.

Ex Libro quòque, cui Titulum præposuit Anti-Cato, faciliè constat, eum tanto studio accensum, ad Victoriâ Ingenii, quanto Belli & Armorum obtinendam; certamen Calami tum suscipientem, contra maximum eo tempore Pugilem, Ciceronem Oratorem.

Rursus, in Libro Apophthegmatum quæ collegit, videmus honorificentis sibi putasse, si seipsum tanquàm in Tabellas, aut Codicillos mutaret, in quos prudentia aliorum Dicta, graviâque referrentur; quàm si Dicta sua propria, velut Oracula sacrentur, sicut inepti Principes non.

nonnulli, adulatione corrupti, sibi fieri gestiunt. Attamen si recensere vellem, pleraque ejus Dicta, (ut feci in Alexandro) sunt ea certè hujusmodi, qualia notat Salomon, *verba sapientum sunt tanquam Aculei, & tanquam Clavi in altum defixi*. Itaque tria hìc tantum proponam, non tam elegantiam, quam vi & efficaciam mirabilia.

Primò igitur, Magister sit, oportet, loquendi, qui unico verbo, seditionem in exercitu comprimere potuit. Sic autem se res habuit. Romanis mos fuit, cum Exercitum Duces alloquerentur, Milites uti eos appellarent, cum Magistratus Populum, Quirites. Tumultuabantur Milites Cæsaris, ac Missionem seditiosè flagitabant; non quòd hoc ipsi cuperent, sed ut hoc postulato, Cæsarem ad alias Conditiones adigerent: Ille immorus, atque inconcussus silentio facto sic exorsus est: *Ego Quirites*: Quo verbo, eos jam dimissos significabat. Eo perculsi Milites, & planè obstupefacti, concionantem deinceps perpetuò obturbabant, & postulato illo Missionis posthabito, contra obnixè petebant, ut Militum Appellatio eis restitueretur.

Secundum fuit hujusmodi. Regis Nomen Cæsar summè affectabat: Itaque subornati sunt nonnulli, qui prætereuntem populari Acclamatione Regem salutarerent. Ille sentiens Acclamationem tenuem fuisse, ac raram; Negotium joco transmisit, ac si erratum esset in Cognomine, *Non Rex sum, inquit, sed Cæsar*. Dictum sanè hujusmodi, ut si diligenter excutiatur, vigor ejus & pondus, vix exprimi possit: Primum enim recusationem Nominis præ se ferebat, sed neutrquam seriam: Deinde ingentem quandam Confidentiam, & Magnanimitatem monstrabat; ac si Cæsaris appellatio, illustrior Titulus esset, quam Regis; quod haud secus evēnit, & usque in hodiernum diem obrinuit. Sed quod illius maximè intererat, hoc dictum, summo artificio, finem suum urgebat; Hoc enim innuebat S. P. Q. R. de re levi, hoc est Nomine tantum (nam potestatem Regiam jam pridem habebat) secum contendere; ac tali Nomine, quale complures etiam ex Familiis obscuris gerebant: Nam Cognomen Regis multis Romanorum Gentilicium erat, quemadmodum & nos simile quiddam nostro idiomate habemus.

Ultimum, quod hoc loco repetere placet, tale fuit. Cum Cæsar post bellum initum, Romam occupasset, atque sanctius Ærarium reclusisset, ut Pecunias ibi congeſtas, in usus Belli tolleret, restitit Metellus, utpote tunc temporis Tribunus; Cui Cæsar, *Si perſtes, inquit, mortuus es*. Dein reprimens se paulum, subiecit, *Adolescens, durius est mihi hoc dicere, quam facere*. Dictum tam mirificè, ex terrore & clementiam conflatum, ut nihil supra.

Verum ut Cæsarem mittamus; Perspicuum est eum probè sibi consci-um suæ eximiae Eruditionis fuisse; ut liquet ex eo, quòd demirantibus nonnullis Lucii Syllæ consilium, in deponendâ Dictaturâ, cavillans dixit, *Sylla nescivit literas, dictare non potuit*.

Nunc autem tempus videtur imponendi finem huic disertationi de arctâ conjunctione Militaris Virtutis, & Literariæ (quid enim in hoc genere, post Alexandrum & Cæsarem afferri potest?) nisi quòd moveor unius alterius Exempli dignitate, & insolentiam, eò quòd tam subito transierit, à Ludibrio ad Miraculum. Est autem Xenophontis Philosophi, qui

qui è Socratis Ludo profectus est in Asiam, cum Cyro Iuniore, in Expeditione contra Regem Artaxerxem: Hic Xenophon eo tempore peradolescens fuit, & nunquam Aciem, aut Castra viderat, neque tunc praefecturam aliquam in Exercitu gerebat, sed tantum sponte, ob Amicitiam Proxeni proficiscebatur. Aderat fortè fortunà, cum Falinus à Magno Rege Legatus ad Gracos veniret, postquam Cyrus in Acie occubisset, Graci autem (Manipulus tantummodo Hominum) Duce orbat, in medio Provinciarum Persiae, à Patria suà, plurimorum Milliarium intervallis, & Fluminibus maximis atque altissimis interclusi essent. Legatio huc spectabat, ut positis Armis atq; deditis, se Regiae Clementiae submitterent: Cui legationi antequàm publicè responsum esset, complures ex Exercitu, familiaritè cum Falino colloquebantur, inter quos Xenophon ita fortè locutus est. *Imò, inquit, Faline, hac duo tantum nobis jam supersunt, Arma & Virtus, si igitur Arma dedimus, cui usui (obsecro) nobis erit Virtus?* At Falinus subridens, *Ni fallor (inquit) Atheniensis es (Adolescens) & Philosophiae incumbis, atque bellula sunt, quae dicis, sed valde erras, si virtutem vestram Regis Copiis parem esse arbitraris.* Ecce Ludibrium, sequitur Miraculum. Novitius iste ex Scholà, & Philosophus, postquam omnes Duces, & Praefecti proditione interempti essent, decem millia Peditum, Babylone in Graciam reduxit, per medias Regis Provincias, omnibus ejus Copiis frustrà obnitentibus: Quo facto stuporem iniecit omnibus, Gracis autem ab eo tempore, ingentes addidit Animos, & Spiritus, ad Persarum Regnum invadendum, & subvertendum. Quod & mox cogitavit sanè, & designavit Jason Thesalus; tentavit, & iuchoavit Agesilaus Spartanus; perfecit demum Alexander Macedo, omnes Literati istius praevii egregio Facinore incitati.

Pergamus ab imperatoria, Militarique Virtute, ad Moralem, & eam quae est Hominum privatorum: Primò, certissimum est illud Poetae,

*Scilicet ingenuas didicisse fidelitèr Artes
Emoluit mores, nec finit esse feros.*

Eruditio siquidè Humanas Mentès, teritate atque barbarie exuit. Veruntamen opus est, ut Accentus sit in Voce illa *Fidelitèr*. Nam tu ultuaria Cognitio fluit potius in contrarium. Eruditio, inquam, Levitatem, Temeritatem, atque Insolentiam tollit, dum omnia Pericula & Ambigua simul cum re ipsa suggerit, Rationum & Argumentorum pondera in utraque partem librat, prima quaeque quae se offerunt animo eique arident pro suspectis habet, iterque omne tanquam explorato inire docet. Eadem Admirationem Rerum vanam & nimiam evellit, Radicem ipsam omnis infirmi Consilii: quippe admiramur Res, vel qui Novae sunt, vel qui Magnae. Quantum ad Novitatem, nemo est qui Literas, & Rerum Contemplationem penitus imbiberit, quin illud Cordi impressum habeat, *Nil novi super terram*. Neque enim Puparum Ludum, quisquam magnoperè mirabitur, qui pone Aulae caput inferens, Organa quibus moventur, & Filamenta cernit. Quantum ad Magnitudinem, quemadmodum Alexander Magnus, ingentibus praeliis, & Victoriis in Asia assuetus, cum interdum acciperet è Gracià Literas, de Expeditionibus, & Dimicationibus quibusdam illic factis, quae ple-

runque

rumque propter Pontem aliquem aut Castellum, aut ad summum pro expugnatione Oppidi alicujus suscipiebantur, dicere solebat, *Videre sibi Nucium a llatum, de Ranarum, & Murium Pugnâ, de quâ Homerus*: Sic certè, qui universitatem Rerum, ejusque Fabricam intueatur, illi Terræ Globus, cum Hominibus superstantibus (si Divinitatem Animarum seponas) haud majus quidpiam videbitur, quàm Colliculus Formicarum, quarum aliæ cum Granis, aliæ cum Ovis suis, aliæ vacuæ, omnes hinc inde circa exiguum Pulvisculi Acervum, reptant & curstant. Porro Eruditio aufert, aut saltem minuit Timorem Mortis, atque adversæ Fortunæ, quo nihil magis Virtutibus Moribûsque officere solet. Si enim Animus cujuspiam, contemplatione Mortalitatæ, & Rerum Naturæ corruptibilis imbutus fuerit, & intinctus, juxta cum Epicteto sentiet; qui, cum pridè exiens, Mulierculam ob fractam ollam plorantem cerneret, postridè etiam exiens, alium mortuum Filium desilentem conspiceret, dixit; *Heri vidi fragilem frangi, hodiè vidi mortalem mori*. Quare optimè, & valdè sapienter Virgilius, Cognitionem Causarum cum Metûs omnis profligatione copulavit, tanquam Concomitantia;

*Felix qui potuit Rerum cognoscere Causas,
Quique metus omnes, & inexorabile Fatum
Subjecit pedibus, strepitumque Acherontis avari.*

Nimis longum esset singula percurrere Remedia, quæ singulis Animi Morbis Doctrina suppeditat; aliquando vitiosos Humores expurgans, nonnunquam Obstructiones aperiens, aliàs Concoctionem juvans, aliàs Appetitum excitans, non rarò Vulnèra ejus, & Ulcera sanans, & similia. Quare concludam, cum hoc, quod videtur rationem habere totius, ita nimirum Animum Doctrinam disponere, & flectere, ut nunquam protinùs acquiescat, & tanquam congeletur in defectibus suis, quin incitet se semper, Progressumque spiret. Nescit illiteratus, quid sit in se descendere, aut secum inire rationes, aut quam suavis vita sit, quæ indies sentit se fieri meliorem: si quâ forrè Virtute præditus sit, eam venditabit scilicet, & ubique spectandam exponet, eaque utetur forsitan commodè, quam tamen excolere, & augere negligit. Rursus, si quo vitio laborat, Artem, atque Industriam illud celandi atque occultandi, minimè autem corrigendi adhibebit; tanquàm malus Messor, qui perpetuò demetit, falcem autem nunquam exacuit. Literatus contrà, non tantum utitur Animo, Virtutésque exercet, sed continuò emendat se, & in Virtutem proficit. Imò, ut in summâ dicam, pro certo est, Veritatem & Bonitatem distingui tantum, sicut Sigillum, & Impressionem, nam Veritas Bonitatem signat: & contrà, Vitiorum ac Perturbationum procellæ, ex Erroris, & Falsitatis Nubibus erumpunt.

A Virtute transeamus ad Potentiam & Imperium, & dispiciamus, si uspiam inveniatur tanta Potentia, & Regnum, quanto Eruditio Hominis Naturam investit, & coronat. Videmus dignitatem Imperandi, sequi dignitatem ejus, cui imperatur. Imperium in Belluas, & Pecora, quale Bubulcorum aut Opilionum, res vilis: Imperium in pueros, quale Ludimagistrorum, minus honorificum: Imperium in Mancipia, porius dedecori est, quam honori: Neque multò præstantius est Imperium

Tyran-

Tyrannorum, in populum servilem, atque Animis, & generosâ indole exutum: Vnde hoc semper manavit iudicium, Honores in liberis Monarchiis, aut Rebusp. suaviores esse, quàm sub Tyrannis: quia Imperium honorificum magis supra volentes est, quàm supra invitos, & coactos. Ideoque Virgilius, cum ex intimo artificio, iater Humanos Honores, longè vellet optimos expromere, quos Augusto Cæsari assignaret, in hæc ipsa verba loquitur,

—Victorque volentes

Per populos dat jura, Viâque affectat Olympo.

Ast Imperium Scientiæ, longè celsius est, quàm Imperium in Voluntatem, licet liberam, & non astrictam. Illa enim Rationi, Fidei, & Intellectui ipsi dominatur, qui est altissima Pars Animi, & Voluntatem ipsam regit. Etenim nulla proculdubio terrena est potestas, quæ in Spiritibus Hominum, & Animabus, eorumque cogitationibus, & phantasiis, assensu quoque & fide, Thronum, & quasi Cathedram suam erigit, & collocat, præter Doctrinam, & Scientiam. Ac idcirco videmus, detestabilem illam, & inmensam delectationem, quâ Hæresiarchæ, falsi Prophetæ, & Impostores magni perfunduntur, & rapiuntur, postquam senserint in Fide, & conscientiis Hominum coepisse se regnare: Tantam certe, ut qui eam semel degustaverit, nullis ferè persecutionibus, aut tormentis adigi possit, ut hoc regno se abdicet. Sicut autem, hoc illud est, quod in Apocalypsi dicitur, *Abyssus sive profunda Sathana*; ita è contrario, justus & legitimus, in animos Hominum Dominatus, Veritatis ipsâ evidentiâ, ac commendatione dulcissimâ stabilitus, sanè quàm proximè, ad Potestatis Divinæ similitudinem accedit.

Quod ad Fortunas, & Honores spectat, Munificentia Doctrinæ, non sic Regna integra, & Resp. locupletat, & dat, ut non Hominum etiam privatorum Fortunas, & Opes amplificet, & evehat. Vetus enim Observatio est, Homerum pluribus suppeditasse victum, quàm *Syllam, Cæsarem*, aut *Augustum*, licet tot Congiaria, tot Donativa, tot Agrorum Assignationes largiti sint. Certe difficile dictum est, Arma an Literæ plurimum fortunas constituerint. Quin si de summâ potestate loquamur, videmus, si Arma aut Jus hæreditatis Regnum contulerunt, at Literarum fortius cessit Sacerdotium, quod Regni semper fuit Rivale.

Rursus, si Delectationem, Jucunditatemque scientiæ intuearis, multum sanè illa voluptates alias omnes exuperat. Quid enim? num forte Affectuum Voluptates tanto intervallo oblectamenta sensuum excedent, quanto Voti Assecutio felix, Cantuunculan, aut Cœnam: & non pari gradatione, Intellectus Voluptates, eas quæ sunt Affectuum transcendent? In cæteris oblectationibus satietas est finitima, & postquam paulò inveteraverint, Flos ipsarum & venustas marcescit: quo docemur, non illas liquidas revera voluptates, ac sinceras fuisse, sed umbras tantum, & Fallacias voluptatum, non tam qualitate sua, quam novitate jucundas: Vnde & Voluptari sapientiùs fiunt Monachi, & ambiciosorum Principum Senectus, tristior ferè est, & Melancholiâ obfusa. Scientiæ autem non est satietas, verum & fruendi, & appetendi, perpetuo & subinde recurrens Vicissitudo; ut necesse sit hujus Delectationis Bonum, simplex esse, non ex Accidente, aut cum Fraude. Neque illa voluptas,

quanti

quam depingit Lucretius, ultimum in Animo locum sortitur,

Suave mari magno turbantibus aquora Ventis, &c.

Suave est spectaculum (inquit) stantem aut ambulantiem in littore, navem intueri tempestate in mari jactatam: suave itidem ex editâ turri duas cernere Acies concursantes in planicie; at nil dulcius est Homini, quàm mens per doctrinam, in arce veritatis collocata, unde aliorum errores, & labores dispicere possit.

Denique, ut mittamus vulgaria illa Argumenta, quòd per Doctrinam scilicet, *Homo homini in eo præstet, in quo ipse Brutis*; Quòd ope Doctrinæ ascendat homo intellectu usque ad Cœlos, quo corpore non potest, & alia similia; cum eo concludamus Bono, hanc Dissertationem de Literarum excellentiâ, ad quod Humana Natura ante omnia aspirat, hoc est, Immortalitate, & Æternitate. Huc enim spectant Procreatio sobolis, Nobilitatio Familiæ, Ædificia, Foundationes, Monumenta, Fama, ac denique Humanorum Votorum Summa. Atqui videmus Monumenta Ingenii, & Eruditionis, quantò diutius durent, quàm ea quæ opere, & manu facta sunt. Annon Homeri Carmina, Viginti quinque Annorum Centurias, & supra, absque unius Syllabæ, aut Literæ jacturâ, duraverunt? Quo spatio innumera Palatia, Tempia, Castella, Vrbes collapsa sunt, aut diruta: Picturæ, ac Statuæ Cyri, Alexandri, Cæsaris, imò Regum & Principum multò recentiorum, nullo jam sunt modo parabiles: Archetypa enim ipsa, jamdudum confecta vetustate perierunt, Exempla autem indies primigeniâ Similitudine mutantur. At Ingeniorum Imagines perpetuò integræ manent in Libris, nullis temporum injuriis obnoxia, utpote quæ jugem renovationem recipere possunt: Quanquam nec Imagines dici propriè possint, quia perpetuò generant quodammodò, seminæque sua in Animos Hominum spargunt, atque ætatibus subsequentibus infinitas Actiones, Opinionésque suscitant, & progignunt. Quòd si Navis Inventum, res existimata tam nobilis, & admirabilis fuerit, quæ opes mercésque hinc inde transportat, Regiones locis disjunctissimas, participatione fructuum & commodorum confociat; quantò rectius Literæ celebrari debent, quæ tanquam Naves sulcantes Oceanum Temporis, remotissima secula Ingeniorum & Inventorum commercio, & societate copulant? Porro videmus nonnullos Philosophorum qui maximè immersi erant sensibus, minimèque Divini, atque Immortalitatem Animæ præfractè negabant; hoc tamen vi Veritatis adactos concessisse, quoscunque Motus & Actus Anima humana absque Corporis Organo præstare possit, eos etiam post Mortem permanere probabile esse: quales nimirum erant Intellectûs, minimè autem, quibus divina Revelatio illuxit, conculcantes hæc Rudimenta, atque Offucias Sensuum, novimus non solum Mentem, sed & Affectus propurgatos; neque Animam tantum, sed etiam Corpus ad Immortalitatem assumptum iri suo tempore. Sed enim meminerint Homines, & nunc & aliàs ubi opus fuit, me in Probationibus de Dignitate Scientiæ, inde ab initio sejunxisse Testimonia divina ab humanis; quam Methodum constanter retinui, separatim utrunque explicans.

Quamvis verò hæc ita sint, nequaquam tamen hoc mihi sumo, neque me consequi posse confido, ut vllâ Causæ hujus pro Doctrinâ Peroratione,

tionem, aut Actionem, judicia rescindam, vel *Æsopici Galli*, qui Granum Hordei Gemma prætulit; vel *Midas* qui cum Arbitrarius factus esset, inter Apollinem, Musarum, & Panem, Ovium Præsidentem, Opulentia palmam detulit; vel *Paridis*, qui spectatam Sapiëntiam, ac Potentiã, primas Voluptatis & Amori dedit; vel *Agrippinae* eligentis, *Occidat matrem, modo imperet*, Imperium licet cum conditione detestandam præoptantis; vel *Ulyssis*, qui *Vetulam prætulit Immortalitati*, typi certè eorum, qui consueta Optimis præponunt; plurimæque ejusmodi Judicia

Popularia: Hæc enim antiquam obtinebunt: Verum &

illud etiam manebit, cui innixa est semper Doctrina

tanquam firmissimo fundamento, quodque

nunquam labefactari poterit, *Iustificata est Sapiëntia à*

Filiis suis.

Ecc



FRANCISCI BACONI
 BARONIS
 DE
 VERULAMIO,
 VICE-COMITIS
 SANCTI ALBANI;
 DE
 Dignitate & Augmentis Scientiarum
 LIBER SECVNDVS.

AD REGEM SVVM.



Consentaneum videri possit, tametsi non rarò secùs
 eveniat, (Rex optime) ut qui Sobole numerosâ
 aucti sunt, quique Immortalitatem suam in Posteris
 ipsorum quasi prospectant, præ cæteris Mortalibus
 sint solliciti, de Statu futurorum Temporum; ut-
 pote quibus, satîs intelligunt, charissima illa sua
 tandem debere pignora transmitti. *Elizabetha Re-*
gina, propter Vitam cœlibem, Hospes potiùs in
 Mundo quàm Incola fuit; sua quidem Tempora ornavit, & in multis
 beavit. Enimverò tuæ Majestati, (cui Deus pro Benignitate suâ dedit
 tot suscipere Liberos, dignos certè qui te perpetuent, cujûsque Ætas

vigens, & Thorus fecundus adhuc plures pollicetur) usquequaque convenit, non modò tuum (quod facis) Seculum irradiare; verum etiam ad illa Curas tuas extendere, quæ Memoria omnis alat, quæque ipsa intueatur Æternitas. Inter ea autem (nisi studium meum erga Literas me fallit) nil dignius est aut nobilius, quàm si dotetur Orbis Terrarum, *Augmentis Scientiarum* solidis & fructuosis. Quousque enim tandem, pauculos aliquos Scriptores, statuemus nobis tanquàm *Columnas Herculis*, ne *plus ultra* in Doctrinis progrediamur; cum habeamus Majestatem tuam, instar Lucidi & Benigni Syderis, quod nos inter Navigandum conducatur & fortunet?

Ut igitur ad rem redeamus: Reclamamus jam, & nobiscum perpendamus, quid Principes Viri, aliique, hucusque ad Literarum Amplificationem attulerint, quid prætermiserint? Hoc autem pressè & distinctè excutiamus, sermone quodam Activo & Masculo, nusquam digrediendo, nil amplificando. Ponatur igitur illud (quod quivis concedat) Opera quæque maxima & difficillima, vel Præmiorum Amplitudine, vel Consiliorum Prudentiâ & Sanitate, vel Laborum Conjunctione superari: Quorum primum Conatum extimulat, secundum Ambages & Errores tollit, tertium Mortalium Fragilitati succurrit. At inter hæc tria; Meritò Primas tenet, *Consilii prudentia & sanitas*; hoc est, Monstratio, & Delineatio viæ rectæ & proclivis, ad rem, quæ proponitur, peragendam: *Claudus enim*, (quod dici solet) *in viâ, antevertit Cursorem extra viam*. Et Salomon perappositè ad hanc rem; *Ferrum si retusum fuerit viribus utendum majoribus; quod verò super omnia prævalet, est sapientia*. Quibus verbis innuit, Mediis prudentem electionem, efficacius conducere ad Rem, quàm virium aut Intentionem, aut Accumulationem. Hac ut dicam, illud impellit, quod (salvo semper eorum honore, qui de Literis quomodo-cunque meruerunt) perspicio atque animadverto, Opera eorum atque Acta pleraque, ad Magnificentiam potius, & Nominis sui Memoriam, quàm ad Scientiarum ipsarum Profectum & Augmenta spectasse; & Literatorum potius Numerum auxisse, quàm Artibus ipsis multum Incrementi attulisse.

Actiones autem & Opera, quæ ad Literas amplificandas pertinent, circa tria versantur Objecta: Circa Literarum Sedes; circa Libros; & circa Personas Eruditorum. Quemadmodum enim Aqua, sive ex Cœlesti Rore descendens, sive ex Fontibus scaturiens, facillè dispergitur & disperditur, nisi colligatur in aliqua Receptacula, ubi per unionem, & congregationem, se sustentare & fovere possit, (quem in finem excogitavit Solertia humana Aquæductus, Cisternas, Stagna; eaque etiam variis ornamentis condecoravit, quæ Magnificentiæ & Dignati, non minùs quàm Usui & Necessitati deserviant) similiter Liquor iste Scientiæ pretiosissimus, sive à Divinâ Inspiratione destillet, sive è Sensibus exiliat, mox periret omnis, atque evanesceret, nisi conservaretur in Libris, Traditionibus, Colloquiis; ac præcipuè in Locis cœris, his rebus destinatis, quales sunt Academiæ, Collegia, Scholæ; ubi & permanentes habeat Sedes; & crescendi insuper; & se congregandi Copiam, & Facultatem.

Ac primò, Opera, quæ ad *Musarum Sedes* spectant, quatuor numerantur: *Ædificiorum Structura*; *Proventuum Dotatio*; *Privilegiorum Concessio*; *Disciplinæ Lex & Institutio*; Quæ omnia ad *Seceſsum*, & *Otium* (ut plurimùm) conferunt, & ad *Vacationem à Curis* & *Moleſtiis*: qualia sunt quæ ad *Alvearia* constituenda, in usum *Mellis*, requirit *Virgilius*;

Principio sedes apibus, statioque petenda,

Quo neque sit ventis aditus. &c.

At Opera circa *Libros* duo sunt præcipua: primum *Bibliothecæ*, in quibus tanquam *Mausolais*, *priscorum Sanctorum Reliquiæ*, *Virtutis plenæ*, conditæ sunt. Secundò, novæ *Editiones Auctorum*, *emendationibus Impressionibus*, *fidelioribus Versionibus*, *utilioribus Commentariis*, *Annotationibus magis diligentibus*, & hujusmodi *ſamulatio*, *instructæ & ornata*.

Porro Opera, quæ *Literarorum Hominum Personas* respiciunt (præterquàm quod ipsi ornandi sint & promovendi) sunt etiam duo: *Remuneratio & Designatio Lectorum*, in *Artibus* jamdudum *inventis*, & *cognitis*; & *Remuneratio ac Designatio Scriptorum*, circa eas *Doctrinæ partes*, quæ non satis hætenus *excultæ*, aut *elaboratæ* sunt.

Hæc summariè Opera sunt & *Acta*, in quibus *inclytorum Principum*, *aliorumque illustrium virorum promerita*, erga rem *literariam* *claruerunt*. De *particulari alicujus commemoratione*, qui de *Literis* bene meruit, *cogitanti*, occurrit illud *Ciceronis*, quod eum, post *reditum suum*, ad *gratias promiscuè agendas* impulit; *Difficile non aliquem, ingratum quæquam præterire*. Potius (ex *Scripturarum consilio*) *spatium intueamur*, quod adhuc restat in *Stadio decurrendum*; quàm *oculos reflectamus ad ea*, quæ à *tergo* jam pridem reliquimus.

Primum igitur, inter tot totius *Europæ Collegia*, præclarissimè *fundata*, *Omnia illa certis Professionibus destinata esse* demiror, *nulla*, *liberis atque Universalibus Artium, & Scientiarum studiis, dedicata*. Nam si quis *judicet Doctrinam omnem referendam esse ad Usum & Actionem*, rectè sapit; Veruntamèn facile est isto modo pro *labi in errorem illum*, quem *Fabula perantiqua perstringit*; in quâ *cætera Corporis Membra* *litem Ventrículo intendêrunt*, quod *neque Motum præberet*, ut *Artus*, *neque Sensum*, ut *Caput*; quamvis *interea Alimentum coctum atque confectum ventriculus ille in reliquum corpus divideret*: Planè eodem modo, qui in *Philosophiâ ac Contemplationibus universalibus*, *positum omne studium inane atque ignavum arbitratur*, non *animadvertit singulis Professionibus, & Artibus*, *exinde succum & Robur suppeditari*. Atque certè *persuasum habeo*, hanc ipsam *haud minimam causam fuisse*, cur *scelicior Doctrinæ progressus hucusque retardatus sit*; quod *opera hisce fundamentalibus Scientiis, navata sit tantùm in transitu*, neq; *haustus pleniores inde epoti*. Nam si *Arborè solito fructuosiorè fieri cupias*, de *Ramis medicandis frustra cogitaveris*; *Terra ipsa circa Radicè subigenda*, & *Gleba lætior admovèda*, aut *nihil egeris*. Neque rursùs *silentio prætermittendū est*, hanc *Collegiorū, & Societatū*, in *usum tantūmodò Doctrinæ Professoriæ Dedicationem*, non solū *Scientiarū incrementis inimicâ fuisse*; sed etiam in *Regnorū, &*

Rerump. detrimentum cēssisse. Hinc enim fieri solet, ut Principes delectum habituri Ministrorum, qui Rebus civilibus tractandis sint idonei; ejusmodi hominum miram solitudinem circa se reperiant; propterea quod non habeatur Educatio aliqua Collegiata, in hos usus destinata, ubi scilicet Homines à Naturā ad hoc facti & comparati, (præter artes alias) Historiæ, Linguis modernis, Libris & Tractatibus Politicis, præcipuè incumbant; ut inde ad civilia Munera, magis habiles, & instructi accedant.

Quoniam verò Fundatores Collegiorum *plantant*, Prælectionem verò *rigant*; sequitur jam ordine, ut dicam quid in publicis Lectionibus desideretur. Nimirum Improbo vel maximè Tenuitatem Stipendiorum, Praeceptoribus sive Artium, sive Professionem, (præsertim apud nos) assignatam. Interest enim inprimis progressus in Scientiis, ut Lectores in unoquoque genere, ex optimis instructissimisque eligantur; utpote quorum opera, non in usum transitorium, sed ad sufficiendam Sobolem Scientiæ in secula adhibeatur. Id fieri nequit, nisi Præmia, & conditiones tales constituentur, quibus eminentissimus quisque in eâ Arte, planè contentus esse possit; ut illi demum grave non sit, in eodem munere immori, neque Practicam cogitet. Quocirca Scientiæ ut floreat, Militaris Lex servanda Davidis; *Vt æqua esset pars descendens ad prælium, & manentis ad Sarcinas*; Sarcinis mulè aliter prospectum erit. Sic Lectores in Scientiis sunt tanquam Conservatores, & Custodes totius Literarii Apparatus; unde Praxis & Militia deinceps Scientiarum instruatur: Proinde æquum est, ut Merces ipsorum Lucra Practicorum exæquare possit. Aliter si Patribus Scientiarum Præmia non constituentur satis ampla, & luculenta, eveniet illud,

Et Patrum invalidi referent jejunia Natì.

Defectum nunc notabo alium, in quo Alchymista quispiam in auxilium advocandus fõret; cum id genus Hominum Studiosis Authores sint, ut Libros vendant, Fornaces extruant, Minervam ac Musas, (tanquam Virgines Steriles) deferant, ac Vulcano se applicent. Farendum est enimverò, tam ad Penetralia Contemplationis, quàm ad Operativæ Fructum, in nonnullis Scientiis, (præsertim Naturali Philosophiâ, & Medicinâ) haud unica subsidia è Libris petenda esse. Quâ in re neutiquàm cessavit Munificentia Hominum; quippe videmus non Libros magis, quàm Sphæras, Globos, Astrolabia, Mappas, & alia similia, ut adminicula quædam Astronomiæ, & Cosmographiæ comparari, & studio præberi. Videmus etiam loca nonnulla, Medicinæ studio dicata, Hortos habere pro Simplicium cujusque generis inspectione, & notitiâ; nec usu Mortuorum Corporum ad Observationes Anatomicas destitui. Caterum hæc ad paucâ spectant. In genere, pro certo habeatur, magnos, in rebus Naturæ abditis eruendis & referendis, progressus vix fieri posse, nisi ad Experimenta, sive Vulcani, sive Dædali, (formacis scilicet, aut Machinæ.) vel cujusunque alterius generis, sumptus abundè suppedientur. Ideoq; sicut Principum Secretariis, & Emissariis, conceditur exhibere rationes Exensarum, pro diligentis suis, in explorando, & eruendo Res novas & Arcana civilia; similiter

similitèr & Exploratoribus, ac Speculatoribus Naturæ, satisfaciendum de expensis suis; alias de quamplurimis scitu dignissimis nunquam fitemus certiores. Si enim Alexander magnam vini pecuniæ suppeditavit Aristoteli, quâ conduceret Venatores, Aucupes, Piscatores, & alios, quo instructior accederet ad conscribendam Historiam Animalium; certè majus quiddam debetur iis, qui non in Saltibus Naturæ pererrant, sed in Labyrinthis Artium viam sibi aperiunt.

Defectus etiam nūm alius nobis observandus, (magni certè momenti) Neglectus quidam est; in Academiarum Rectoribus, consultationis; in Regibus sive Superioribus, Visitationis; in hunc finem, ut diligentèr consideretur, & perpendatur, utrū Prælectiones, Disputationes, aliæque Exercitia Scholastica, antiquis instituta, & ad nostra usque tempora usitata, continuare fuerit ex usu, vel potius antiquare aliæque meliora substituere. Etenim inter Majestatis tuæ Canones prudentissimos, illum reperio. *In Omni vel consuetudine, vel exemplo, tempora spectanda sunt quando primum Res cæpta; in quibus, si vel confusio regravaverit, vel insectia; derogat illud inprimis Autoritati rerum atque omnia reddit suspecta.* Quamobrem, quandoquidem Academiarū Instituta, plerunque originem traxerint à temporibus, hisce nostris haud paulò obscurioribus, & indecioribus; eò magis convenit, ut examini denuò subjiciantur. Exemplum in hoc genere, unum aut alterum proponam, in rebus quæ maximè obvia videntur, & familiares. Pro more receptum est (licet uti mihi videtur perperam) ut Literarum studiosi, Logicam, & Rhetoricam prae properè nimis addiscant; Artes sanè Provectioribus magis convenientes, quam Pueris, & Tyronibus. Etenim hæ duæ, si verè res perpendatur, sunt ex Artibus gravissimis; cum sint *Artes Artium*, altera ad judiciū, altera ad Ornatum. Quinetiā Regulam, & Normam continent, Res & Materiam subjectam, vel disponendi, vel illustrandi. Ideoque id agere, ut Mentis Rerū ignaræ, & rudes, (quæque nondum id collegerunt, quod à Cicerone *Sylva*, vel *Supellex* appellatur, id est, Materiam, & Copiam rerum,) initium ab istis Scientiis sumant; (ac si quis discere vellet, ponderare, vel metiri, vel ornare Ventum;) haud aliud profectò parit, quam ut harum Artium virtus & facultas, (quæ permagna sunt, & latissimè diffusa,) ferè contempta jaceant; atque vel in puerilia Sophismata, Affectationesque ridiculas degeneraverint, vel saltem existimatione suâ haud parum multatæ sint. Quinetiā pramatura, & intempestiva ad has Artes Accessio, dilutam earum, atque jejunam Traditionem, ac Traditionem necessario secum trahit, qualis nimirum Captivi Puerorum appetitur. Alterum Exemplum (quod adducam) Erroris, qui in Academiis jam diu inveteravit, ejusmodi est; quod scilicet Inventionis, atque Memoriam, in exercitiis scholasticis, fieri solet nimio plus noxium Divortium: Illic siquidem Orationes præterque, aut omnino præmeditatæ sunt, adeo ut Conceptis Verbis proferantur, & Inventioni nihil relinquatur; aut planè extemporariæ, ut perparum relinquatur Memoria: (cum in vitâ communi, & praxi, rarus sit alterutrius istorum usus seorsim, sed potius mixturæ ipsorum; id est Notarum sive Commentariorum, atque Divisionis subitæ) ita ut hoc pacto, Exercitia ad Praxim haud sint accommodata, nec Imago respondeat Vitæ. Illud autem in Exercitiis

De Augmentis Scientiarum

exercitiis perpetuò tenendum est ; ut omnia (quam fieri potest) maxime repræsentent ea, quæ in vitâ agi solent ; Alioqui Motus & Facultates Mentis pervertent, non præparabunt. Hujus autem rei Veritas non obscurè cernitur, cum Academici ad Praxim suarum Professionum, vel alia Civilis Vitæ Munia se accingant ; quod cum faciunt, hunc, de quo loquimur, defectum, ipsi in se citò deprehendunt ; sed citius etiamnum alii. Cæterum hanc partem, de Institutorum Academicorum emendatione, clausulâ illâ (ex Cæsaris quâdam ad Oppium, & Balbum Epistolâ desumptâ) concludam ; *Hoc quemadmodum fieri possit, nonnulla mihi in mentem veniunt, & multa reperiri possunt ; de iis rebus rogo vos, ut cogitationem suscipiatis.*

Alter Defectus quem observo, altius paulò quam præcedens ascendit. Quemadmodum enim Doctrinarum Progressio, haud parùm in prudenti Regimine, & Institutione Academiæ singularum consistit ; ita magnus ad hoc cumulus accedere possit, si Academiae universæ, per totam Europam sparsæ, arctiorè conjunctionem, & necessitudinem contraherent. Sunt enim, uti videmus, multi Ordines, & Sodalitia, quæ licet Regnis, & Spatiis longinquis disjuncta sint, tamen Societatem & tanquam Fraternitatem inter se ineunt, & colunt ; adeò ut habeant Præfectos (alios Provinciales, alios Generales,) quibus omnes parent. Et certè, quemadmodum Natura creat Fraternitatem in Familiis ; Artes Mechanicæ contrahunt Fraternitatem in Sodalitiis ; Unctio divina superinducit Fraternitatem in Regibus, & Episcopis ; Vota & Regulæ conciliant Fraternitatem in Ordinibus : eodem modo fieri non potest, quin intercedat Fraternitas illustris & generosa, inter Homines, per Doctrinas & Illuminationes, quandoquidem Deus ipse *Pater Luminum* nuncupetur.

Postremo illud queror (de quo superius nonnihil præmissi) quod vel nunquâ, vel rarò admodum, publica aliqua extiterit Designatio Virorù idoneorum, qui vel scriberent, vel Inquisitionem instituerent, de illis Scientiarù Partibus, in quibus satis adhuc non fuerit elaboratum. Cui rei, illud inserviet quam maximè, si tanquam Lustrù condatur Doctrinarum ; & Census excipiatur ; quæ ex illis locupletes sint, & majorem in modum auctæ ; quæ autem inopes, & destitutæ. Opinio enim Copiæ, inter causas Inopiæ est : Atque multitudo Librorum Luxuriæ potius quàm Penuriæ indicium quoddam præ se fert. Quæ tamen Redundantia, (si quis rectè judicet) neutiquàm delendis antehac scriptis Libris, sed novis melioribus edendis tolli debet ; qui ejus generis sint, ut tanquam *Serpens Mosis, Serpentes Magorum* devorent.

Horum, quos enumeravimus, omnium Defectuum Remedia, præter illius postremi ; quinetiam ejusdem postremi, quoad Partem ejus Activam, quæ spectat ad Designationem scribingentium, Opera sunt verè Basiliica ; Erga quæ, privati alicujus conatus, & industria, ferè sic se habeat, ut Mercurius in Bivio ; qui Digitum potest in viam intendere, Pedem inferre non potest. At Speculativa illa Pars, quæ ad Examen Doctrinarum (quid nimirum in singulis desideretur) pertinet ; etiam industriæ Hominis Privati patet. Mihi igitur in animo est, Perambulationem Doctrinarum, & Lustrationem generalem, & fidelem aggredi, præcipuè cum

cum inquisitione sedulâ & accuratâ, quænam earum Partes neglectæ incultæque jaceant, hominum industriâ nondum subactæ, & ad usum conversæ; ut hujusmodi Delineatio, & Registratio, & publicis Designationibus, & Privatorum spontaneis laboribus facem accnedat. In quo nihilominus Consilium est hoc tempore, Omissiones duntaxat, & *Desiderata* notare; non autem Errores, & Infœlicitates redarguere. Aliud enim est inculta loca indicare, aliud culturæ modum corrigere.

Quam quidem ad rem, cum me comparo, & accingor, non sum nescius quantum opus moveam, quàmque difficilē provinciam sustineam; etiam quàm sint vires minimè Voluntati pares: Attamen magnam in spem venio, si ardentior meus erga Literas Amor, me longius provexerit, usurum me excusatione Affectûs; quia non simul cuiquam conceditur, *Amare & Sapere*. Nescius equidem non sum, eandem judicii libertatem aliis relinquendam, quam ipse usurpaverim. Equidem libenter æquè acceperim ab aliis, ac impertiverim, Humanitatis illud officium; *Nam qui Erranti comiter monstrat viam*, &c. Prospicio etiam animo, complura ex illis, quæ tanquam omissa, & desiderata, in Registrum hoc nostrum referre visum fuerit, in diversas censuras incursum; Alia scilicet quod sint dudum peracta, & jam extent; Alia quod curiositatem sapiant, & fructum promittant perexilem; Alia quod nimis ardua existant, & ferè impossibilia, quæ ab hominibus absolvantur. Ad prioria duo quod atinet, Res ipsæ pro se causam agent: Circa postremum de Impossibilitate ita statuo; Ea omnia possibilia, & præstabilia censenda, quæ ab aliquibus perfici possint, licet non à quibusvis; Et quæ à multis conjunctim, licet non ab uno; Et quæ in Successione Seculorum, licet non eodem ævo; Et denique quæ Publicâ Curâ & Sumptu, licet non Opibus & Industriâ singulorum. Si quis tamen sit, qui malit Salomonis illud usurpare, *Dicit piger, Leo est in viâ*; quam illud Virgilii, *Possunt, quia posse videntur*; satis mihi erit, si labores mei, inter Voto tantum sive Optata melioris notæ habeantur. Sicut enim haud omninò Rei imperitum esse oportet, qui Quæstionem appositè instituat; ita nec Sensûs inops dideatur, qui haudquaquàm absurda Optaverit.

CAPVT. I.

Partitio Universalis Doctrinæ Humanæ in Historiam, Poësim, Philosophiam; Secundum tres Intellektûs Facultates, Memoriam, Phantasiam, Rationem: quodque eadem Partitio competat etiam Theologicis.



PARTITIO *Doctrinæ Humanæ* ea est verissima, quæ sumitur ex triplici Facultate Animæ Rationalis, quæ Doctrinæ Sedes est. *Historia* ad *Memoriam* refertur; *Poësis* ad *Phantasiam*; *Philosophia* ad *Rationem*. Per *Poësim* autem, hoc loco intelligimus non aliud, quàm *Historiam* confictam, sive *Fabulas*. Carmen enim *Styli* quidam *Character* est, atque ad *Artificia* *Orationis* pertinet, de quo suo loco.

Historia

Historia propriè Individuorum est, quæ circumscribuntur Loco & Tempore. Etsi enim *Historia Naturalis* circa Species versari videatur; tamen hoc fit ob promiscuam Rerum Naturalium, (in plurimis) sub unâ Specie, Similitudinem; ut si unam nôris, omnes nôris. Sicubi autem Individua reperiantur, quæ aut vnica sunt in suâ Specie, veluti Sol & Luna; aut à Specie insigniter deflectunt, ut Monstra; non minùs rectè constituitur Narratio de illis in *Historiâ Naturali*, quàm de Homini- bus singularibus in *Historiâ Civili*. Hæc autem omnia ad *Memori- am* spectant.

Poësis, eo sensu, quo dictum est, etiam Individuorum est; confictorum ad similitudinem illorum, quæ in *Historiâ* verâ memorantur; ita ta- men ut modum sapiùs excedat, & quæ in Rerum naturâ nunquam con- ventura, aut eventura fuissent, ad libitum componat, & introducat; quemadmodum facit & *Pictoria*. Quod quidem *Phantasiæ* Opus est.

Philosophia Individua dimittit; neque Impressiones primas Individu- orum, sed Notiones ab illis Abstractas complectitur; atque in iis compo- nendis, & dividendis, ex Lege Naturæ, & Rerum ipsarum evidentiâ, versatur. Atque hoc prorsus Officium est, atque Opificium *Rationis*.

Hæc autem ita se habere, si quis intellectualium Origines petat, fa- cile cernet. Individua sola Sensum percellunt, qui Intellectûs Ianua est. Individuorum eorum Imagines, siue Impressiones à sensu exceptæ, figuntur in *Memoriâ*, atque abeunt in eam, à principio tanquam inte- græ, eodem quo occurrunt modo: Eas postea recolit, & ruminat Anima humana; Quas deinceps aut *simpliciter recenset*; aut *lusu quodam imi- tatur*; aut *Componendo & Dividendo digerit*. Itaque liquidò constat, ex tribus his Fontibus, *Memoria*, *Phantasia*, & *Rationis*, esse tres illas Emanationes, *Historiæ*, *Poëseos*, & *Philosophiæ*; nec alias, aut plures esse posse. Etenim *Historiam*, & *Experientiam* pro eâdem re habemus; quemadmodum etiam *Philosophiam*, & *Scientias*.

Neque aliâ censemus ad *Theologica* Partitione opus esse. Differunt certè Informationes Oraculi & Sensûs, & Re, & Modo insinuandi; sed Spiritus Humanus unus est, ejûsque Arculæ, & Cellæ eadem. Fit ita- que, ac si diversi Liquores, atque per diversâ Infundibula, in unum at- que idem Vas recipiantur. Quare & *Theologia*, aut ex *Historiâ Sacrà* constat; aut ex *Parabolis*, quæ instar divinæ *Poëseos* sunt; aut ex *Præ- ceptis* & *Dogmatibus*, tanquam perenni quâdam *Philosophiâ*. Quod enim ad eam partem pertinet, quæ redundare videtur, *Prophetiam* videlicet, ea *Historiæ* genus est: quandoquidem *Historia Divina*, eâ polleat supra Humanam Prærogativâ, ut Narratio Factum præcedere, non minùs quàm sequi possit.

CAPVT II.

Partitio Historiæ in Naturalem & Civilem, Ecclesiasticâ & Literariâ sub Civili comprehensâ. Partitio Historiæ Naturalis in Historiam Generationum, Præter-Generationum, & Artium.



HISTORIA aut *Naturalis* est, aut *Civilis*: In *Naturali*, Naturæ res gestæ, & Facinora memorantur; in *Civili*, Hominum. Elucent proculdubiò *Divina* in utrisque, sed magis in *Civilibus*, ut etiam propriam *Historiæ* speciem constituent, quam *Sacram* aut *Ecclesiasticam* appellare consuevimus. Nobis verò etiam ea videtur *Literarum*, & *Artium* Dignitas, ut iis *Historia* propria seorsum attribui debeat; quam sub *Historiâ Civili*, (quemadmodum & *Ecclesiasticam*,) comprehendi intelligimus.

Partitionem *Historiæ Naturalis* moliemur ex *statu*, & *conditione* ipsius Naturæ, quæ in triplici statu posita invenitur, & tanquam Regimen trinum subit. Aut enim libera est Natura, & cursu consueto se explicans, ut in Coelis, Animalibus, Plantis, & universo Naturæ Apparatu; Aut à Pravitatibus, & insolentis Materix conrumacis & ab Impedimentorum violentiâ, de statu suo detruditur, ut in Monstris; Aut denique ab Arte, & Operâ humanâ constringitur, & fingitur, & tanquam novatur, ut in Artificialibus. Sit itaque Partitio *Historiæ Naturalis*, in *Historiam Generationum*; *Præter-Generationum*; & *Artium*: Quam postremam, etiam *Mechanicam*, & *Experimentalem* appellare consuevimus. Harum prinia *Libertatem Naturæ* tractat; secunda *Errores*; tertia *Vincula*. Libenter autem *Historiam Artium*, ut *Historiæ Naturalis* speciem constituimus; quia in vereravit prorsus opinio, ac si aliud quippiam esset Ars a Naturâ; Artificialia a Naturalibus: unde illud Malum, quòd plerique *Historiæ Naturalis* Scriptores, perfunctos se putent, si *Historiam Animalium*, aut *Plantarum*, aut *Mineralium* confecerint, omisiss *Artium Mechanicarum Experimentis*. Sed & illabitur etiam *Animis Hominum* aliud subtilius Malum; nempe, ut Ars censeatur solummodò, tanquam Additamentum quoddam Naturæ, cujus scilicet ea sit vis, ut Naturam (sanè) vel inchoatam perficere, vel in deterius vergentem emandare, vel impeditam liberare; minimè verò penitus vertere, transmutare, aut in imis concutere possit. Quod ipsum Rebus Humanis præproperam desperationem intulit. At contrâ, illud *Animis Hominum* penitus insidere debuerat; Artificialia à Naturalibus, non Formâ, aut Essentiâ, sed Efficiente solummodò differere; Homini quippe in Naturam, nullius rei potestatem esse, præterquàm Motûs, ut scilicet Corpora Naturalia aut admoveat, aut amoveat: ubi igitur datur Admotio Corporum Naturalium,

Naturalium, aut Remotio, conjungendo (ut vocant) Activa Passivis, omnia potest homo; ubi non datur, nihil: Neque interest, si Res ponantur in ordine ad aliquem Effectum, utrum hoc fiat per Hominem, vel absque Homine: Aurum aliquando excoquitur igne, aliquando in Arenulis purum invenitur, ministrante sibi ipsi Naturâ: Iris similiter fit ex Nube roscidâ in sublimi; fit etiam per Asperersionem Aquæ, hic apud nos. Itaque Natura omnia regit, subordinantur autem illa tria, *Cursus Naturæ; Expatiatio Naturæ; & Ars*, sive Additus Rebus *Homo*: Ideoque in Historiâ Naturali, tria illa comprehendî par est; quod etiam C. Plinius magnâ ex parte fecit; qui Historiam Naturalem solus pro dignitate complexus est; sed complexam, minimè ut decuit, imò potius indignis modis tractavit.

Harum prima habetur mediocriter exculta; Sequentes duæ ita tenuiter, & inutiliter tractantur, ut in *Desideratorum* classe reponendæ sint. Neque enim reperias satis instructam, & locupletem collectionem Operum Naturæ eorum, quæ à Cursu ordinario Generationum, Productionum, & Motuum aberrârunt, & deflexerunt; sive sint illa Fœtus certarum Regionum aut Locorum singulares; sive Temporum Eventus insoliti; sive *Casuum* (ut ait ille) *Ingenia*; sive Proprietatum Abditarum Effectus; sive Monodica Naturæ in suâ Specie. Non negaverim inveniri Libros nimîo plures, fabulosis Experimentis, Commentitiis Secretis, & frivolis Imposturis, ad Voluptatem, & Novitatem, refertos; Cæterùm Narrationem gravem, & severam de Heteroclitis, & Mirabilibus Naturæ, diligenter examinatam, ac fideliter descriptam, non, inquam, invenio; præsertim cum debitâ rejectione, & publicâ tanquam proscriptione Mendaciorum, & Fabularum, quæ invaluerunt. Nam ut res se nunc habet, si fortè Mendacia aliqua circa Res Naturales obtinuerint, & celebrata sint (sive quod tantum possit Reverentia Antiquitatis, sive quod illa denuò examini subicere sit molestum, sive quod mirifica scilicet Ornamenta) putantur Orationis, propter Similitudines & Comparationes nunquàm postea exterminantur, aut retractantur.

Finis hujusmodi Operis, quod Exemplo suo decoravit Aristoteles, nil minus est, quam ut curiosis, & inanibus Ingeniis gratificetur, sicut faciunt Mirabilarii, & Prodigiastri; verùm duas ob causas, utramque seriam & gravem: Unam, ut Axiomatum corrigatur Iniquitas; quæ plerunque in Exemplis tritis, & vulgaris fundamentum habent: Alteram, quòd à Miraculis Naturæ, ad Miracula Artis, expeditus sit transitus, & pervius. Neque enim huic rei plus inest Negotii, præterquàm ut Naturæ vestigia persequaris sagaciter, cum ipsa sponte aberrer; ut hoc pacto postea cum tibi libuerit, eam eodem loci deducere, & compellere possis. Neque verò præceperim, ut ex Historiâ istâ Mirabilium, superstitiosæ Narrationes, de Malificiis, Fascinationibus, Incautationibus, Somniis, Divinationibus, & similibus, prorsus excludantur, ubi de Facto, & re gestâ liquidò constet. Nondùm enim innotuit, quibus in rebus, & quousque, Effectus Superstitioni attributi, ex causis Naturalibus participant. Ideoque licet hujusmodi Artium Usus & Praxim, meritò damnum censamus,

scamus, tamen à speculatione, & consideratione ipsarum, (si strenuè excutiantur) noticiam haud inutilem consequemur, non solum ad Delicta; in hoc genere Reorum, ritè dijudicanda; sed etiam ad Naturæ Secreta ulterius rimanda. Neque certè hæsitandum de ingressu, & penetratione intrâ hujusmodi Antra, & Recessus, si quis sibi unicam Veritatis inquisitionem proponat; quod & Majestas tua Exemplo proprio confirmavit. Tu enim, duobus illis clarissimis & acutissimis, Religionis, ac Naturalis Philosophiæ oculis, tales umbras prudenter ac perspicacitè perlustrasti; ut te Soli simillimum probaveris, qui polluta Loca ingreditur, nectamen inquinatur: Cæterum illud monuerim, Narrationes istas cum Rebus superstitiosis conjunctas, seorsum componi, neque cum puris, & sinceris Naturalibus commisceri oportere. Quod verò ad Narrationes attinet, circa Prodigia & Miracula Religionum; illa certè aut non unquam vera sunt; aut nullâ ex parte naturalia; ideoque ad *Historiam Naturalem* non pertinent.

Quantum ad *Historiam Naturæ subactæ, & Factitiæ*, quam *Mechanicam* appellare solemus; invenio sanè Collectiones quasdam de Agriculturâ, etiam de Artibus compluribus Mechanicis; sed, quod pessimum est in hoc genere, semper negliguntur & rejiciuntur Experimenta, in Artibus singulis familiaria & vulgata; quæ tamen ad Interpretationem Naturæ, æquè aut plus faciunt, quam nimis trita. Nam Labes quædam Literis aspergi videatur, si fortè viri docti se submittant Inquisitioni, aut observationi rerum mechanicarum; nisi fuerit earum, quæ pro Arcanis Artis, aut pro Rebus admodum raris, aut subtilibus reputentur. Quod tam inanis, ac superciliosæ Arrogantiæ Vitium, meritò irrisit Plato, quando Hippam Sophistam jactabundum inducit cum Socrate disputantem, sincero & solido Veritatis Investigatore: Qui, cum Pulchritudine sermo institutus esset, pro vago suo, & soluto Disputandi more, primùm intulit Exemplum Virginis pulchræ, dein Equæ pulchræ, postremò Ollæ Fictilis pulchræ, & affabrè factæ: Hoc ultimo exemplo Hippias commotus, dixit, *Stomacharer certè, (nisi humanitatis ratio me ad idigeret,) cum quoquam disputare, qui exempla tam vilia, & sordida allegaret.* Cui Socrates, *Te quidem ita decet, cum tam nitidis sis amictus vestibus & pulchris calceis;* & alia per Ironiam. Enimverò, illud pro certo asseri possit, grandia Exempla haud optimam, aut tutissimam asserre informationem. Id quod exprimitur non infulsè, in pervulgatâ illâ Fabulâ de Philosopho; qui cum Stellas, sublatis oculis intueretur, incidit in Aquam: Nam si oculos demisisset, stellas illicò in Aquâ videre potuisset; verùm suspiciens in cælum, Aquam in Stellis videre non potuit. Eodem modo sæpe accidit, ut Res minutæ & humiles, plus conferant, ad Noticiam Grandium, quàm Grandes ad Noticiam Minutarum. Bene siquidem notavit Aristoteles, *Cujusque rei naturam in Portionibus ejus minimis optimè cerni.* Quam ab causam, Reip. Naturam perscrutatur primò in Familiâ & in simplicissimis Combinationibus Societatis, (Mariti scilicet & Uxoris, Parentum & Liberos, Domini & Servi,) quæ in quolibet tuguriolo occurrunt. Simili

planè ratione, Natura hujusce magnæ Civitatis, (Universitatis nimirum rerum,) ejusque Dispensatio, in primâ quâque Symbolizatione, & minimis Rerum Portionibus investiganda est: uti fieri videmus, quòd Secretum illud Naturæ, (habirum pro maximo,) de Verticitate Ferri, tactu Magnetis exciti, ad Polos se conspiciendum præbuit, non in Vestibus ferreis, sed in Acubus.

Ego verò, si quod sit mei pondus Judicii, sic planè Statuo; *Historiæ Mechanicæ* usum erga Philosophiam Naturalem, esse maximè Radicalem, & Fundamentalem. Talem intelligo Philosophiam Naturalem, quæ non abeat in Fumos Speculationum subtilium, aut sublimium; sed quæ efficaciter operetur, ad sublevanda Vitæ humanæ Incommoda. Neque enim ad præsens tantùm juvabit, nectendo & transferendo Observationes unius Artis, in usum aliarum; & inde novas commoditates eliciendo, quod necesse est fieri, cùm Experimenta diversarum Artium, in unius Hominis Observationem, & considerationem Venient; sed porrò ad causas rerum indagandas, & Artium Axiomata deducenda, lucidiorem Faciem accendet, quàm hactenus unquam affulsit. Quammodùm enim Ingenium alicujus, haud benè nôris aut probâris, nisi eum irritaveris; neque Proteus se, in varias rerum facies, vertere solitus est, nisi Manicis arctè comprehensus; similiter etiam Natura Arte irritata, & vexata, se clariùs, prodit, quàm cùm sibi Libera permittitur.

Antequàm verò hoc Membrum Historiæ Naturalis, (quod Mechanicum atque Experimentale vocamus,) dimittamus, Illud adficiendum; Corpus talis Historiæ, non solum ex Artibus ipsis Mechanicis; verùm & ex Operativâ parte Scientiarum Liberalium, ac simul ex Præcticis compluribus, (quæ in Artem non coaluerunt) confici debere, ut nihil utile prætermittatur, quod ad informandum Intellectum juvat. Atque hæc est *Historiæ Naturalis* Partitio prima.

CAPVT III.

Partitio Historiæ Naturalis Secunda, ex Vsu & Fine suo, in Narrativam; & Inductivam. Quodque Finis nobilissimus Historiæ Naturalis sit, ut ministret & in Ordine sit ad condendam Philosophiam, quem Finem intuetur Inductiva. Partitio Historiæ Generationum in Historiam Cœlestium: Historiam Meteororum: Historiam Globi Terræ & Maris: Historiam Massarum sive Collegiorum Majorum: & Historiam Specierum sive Collegiorum Minorum.



HISTORIA Naturalis, ut *Subjecto* triplex (quemadmodum diximus) ita *Vsu* duplex est: Adhibetur enim, aut propter *Cognitionem Rerum* ipsarum, quæ *Historiæ* mandantur; aut tanquam *Materia Prima* *Philosophiæ*. Atque prior illa, quæ aut *Narrationum* iucunditate delectat, aut *Experimentorum* usu iuvat, atque huiusmodi Voluptatis, aut Fructûs gratiâ quæsitâ est, longè inferioris notæ censenda, præ eâ, quæ *Inductionis* veræ, & legitimæ Sylva sit, atque Supellex, & primam *Philosophiæ* Mammam præbeat. Rursus itaque partiemur *Historiam Naturalem*, in *Narrativam*, & *Inductivam*: Hanc autem posteriorem inter *Desiderata* ponimus. Neque verò aciem *Mentis* alicujus perstringant, aut magna Antiquorum Nomina, aut magna Recentium Volumina. Satis enim scimus, haberi *Historiam Naturalem* mole amplam, varietate gratam, diligentiam sæpius curiosam. Attamen si quis ex eâ Fabulas, & antiquitatem, & Auctorum Citationes, & inanes Controversias, Philologiam denique, & Ornamenta eximat (quæ ad *Convivales Sermones*, Hominum, quæ doctorum Noctes, potius quàm ad instituendam *Philosophiam* sint accomodata,) ad nil magni res recidet. Longè autem profectò abest ab eâ *Historiâ*, quam Animo metimur. Primò enim desiderantur duæ illæ *Historiæ Naturalis* Partes, (de quibus modò diximus) *Præter-Generationum*, & *Artium*, in quibus nos plurimum ponimus: Deinde, in tertiâ illâ (quæ reliqua est) Parte Generali, nimirum de *Generationibus*, uni tantum, ex quinque Partibus ejus, satisfacit. Siquidem *Historiæ Generationum* constituuntur Partes subordinatæ quinque: Primæ *Cœlestium*, quæ Phœnomena ipsa sincera complectitur, atque separata à Dogmatibus; Secunda *Meteororum* (annumerando etiam Cometas) & *Regionum*, quas vocant, *Aëris*: Neque enim de Cometis, Meteoris ignitis, Ventis, Pluviis, Tempestatibus, & Reliquis, invenitur aliqua *Historia*, quæ ullius sit pretii. Tertia *Terræ & Maris*, quatenus sunt Universi Partes Integrales) Montium,

Fluminum, Æstuum, Arenarum, Sylvarum, Insularum, denique Figuræ ipsius Continentium prout exporriguntur; in his omnibus, potiùs Naturalia inquirendo & observando, quàm Cosmographica. Quartò, de *Massis Materiæ communibus*, quas *Collegia Majora* vocamus, (vulgò *Elementa* dicuntur;) Neque enim de Igne, Aëre, Aquâ, Terrâ; eorumque Naturis, Motibus, Operibus, Impressionibus, Narrationes reperiuntur, quæ Corpus aliquod Historiæ justum constituent. Quinta, & ultima, de *Collectionibus Materiæ exquisitis*, quæ à nobis *Collegia Minora*, vulgò *Species* appellantur. In hac autem postremâ solâ, industria Scriptorum enituit; ita tamen, ut potiùs luxuriata sit in superfluis, (Iconibus Animalium, aut Plantarum, & similibus intumescens) quam solidis & diligentibus observationibus ditata, quæ ubique in *Historiâ à Naturali* subnecti debeant. Atque, ut verbo dicam, omnis quam habemus Naturalis Historia, tam inquisitione suâ, quàm congerie, nullo modo in ordine ad eum quem diximus finem, (condendæ scilicet Philosophiæ,) aptata est. Quare *Historiam Inductivam* desiderari pronunciamus. Atque de *Naturali Historiâ* hæc tenens.

CAPVT IV.

Partitio Historiæ Civilis, in Ecclesiasticam, Literariam, & (quæ Generis Nomen retinet) Civilem: quodque Historia Literaria desideretur: Ejus conficiendæ Præcepta.



ISTORIAM Civilem in tres species rectè dividi putamus: Primò *Sacram*, sive *Ecclesiasticam*: deinde eam, quæ Generis nomen retinet, *Civilem*: Postremò *Literarum* & *Artium*. Ordinem autem ab eâ Specie, quam postremò posuimus; quia reliquæ duæ habentur, illam autem inter *Desiderata* referre visum est. Ea est *Historia Literarum*. Atque certè Historia Mundi, si hac parte fuerit destituta, non absimilis censeripotest *Statuæ Polyphemi*, eruto Oculo; cum ea pars Imaginis desit, quæ Ingenium & Indolem Personæ maximè referat. Hanc licet desiderari statuamus, nos nihilominus minimè fugit, in Scientiis Particularibus Jureconsultorum, Mathematicorum, Rhetorum, Philosophorum, haberi levem aliquam Mentionem, aut Narrationes quasdam jejunas, de Sectis, Scholis, Libris, Auctoribus, & Successionibus hujusmodi Scientiarum: Inveniri etiam de Rerum & Artium Inventoribus, tractatus aliquos exiles, & infructuosos; Attamen justam atque universalem *Literarum Historiam* nullam adhuc editam asserimus. Ejus Itaque & Argumentum, & conficiendi Modum, & Usus proponemus.

Argumentum non aliud est, quàm ut ex omni Memoriâ repetatur, quæ Doctrinæ & Artes, quibus Mundi Ætatibus, & Regionibus floruerint. Earum Antiquitates, Progressus, etiam Peragrationes per diversas Orbis Partes

Partes (migrant enim Scientiæ, non secus ac Populi) rursus Declinationes, Obliviones, Instaurationes commemorentur. Observeretur simul per singulas Artes, Inventionis Occasio & Origo; Tradendi Mos & Disciplina; Colendi & Exercendi Ratio & instituta. Adjiciantur etiam Sectæ, & Controversiæ maximè celebres, quæ Homines doctos tenuerunt; Calumniæ, quibus patuerunt; Laudes & Honores quibus decoratæ sunt. Notentur Auctores præcipui, Libri præstantiores, Scholæ, Successiones, Academiæ, Societates, Collegia, Ordines, denique omnia quæ ad Statum Literarum spectant. Ante omnia etiam id agi volumus, (quod Civilis Historiæ decus est, & quasi Anima) ut cum eventis causæ copulentur: videlicet, ut memorentur Naturæ Regionum ac Populorum; Indolésque apta & habilis, aut inepra & inhabilis ad Disciplinas diversas; Accidentia temporum, quæ Scientiis adversa fuerint aut propitia; Zeli & mixturæ Religionum; Malitiæ & Favores Legum; Virtutes denique insignes, & efficaciæ quorundam virorum, erga literas promovendas, & similia. At hæc omnia ita tractari præcipimus, ut non Criticorum more, in laude & censurâ tempus reratur; sed planè historicè res ipsæ narrentur, iudicium parcius interponatur.

De *Modo* autem huiusmodi Historiæ conficiendæ, illud inprimis monemus; ut Materia & Copia ejus, non tantum ab Historiis, & Criticis petatur, verum etiam ut per singulas Annorum Centurias, aut etiam minora intervalla, seriatim, (ab ultimâ Antiquitate facti principio) Libri præcipui, qui per ea Temporis Spatia conscripti sunt, in consilium adhibeantur; ut ex eorum non perlectione (id enim infinitum quiddam esset) sed degustatione, & observatione Argumenti, Styli, Methodi, Genius illius Temporis Literarius, veluti Incantatione quâdam, à Mortuis evocetur.

Quod ad *Usum* attinet, hæc eò spectant; non ut Honor Literarum, & Pompa, per tot circumfusas Imagines celebretur; nec quia, pro flagrantissimo, quo literas prosequimur, amore, omnia quæ ad earum statum quoquo modo pertinent, usque ad Curiositatem inquirere; & scire, & conservare avemus; sed præcipuè ob causam magis seriam, & gravem: Ea est (ut Verbo dicamus) quoniam per talem, qualem descripsimus, Narrationem, ad Virorum Doctorum, in Doctrinæ usu & administratione, prudentiam & solertiam, maximam accessionem fieri posse existimamus; & Rerum Intellectualium, non minis quam Civilium motus, & perturbationes, vitiæque & Virtutes, notari posse; & Regimen inde optimum educi, & institui. Neque enim B. Augustini, aut B. Ambrosii Opera, ad Prudentiam Episcopi, aut Theologi, tantum facere posse putamus, quantum si Ecclesiastica Historia diligenter inspiciatur, & revolvatur. Quod & Viris doctis, ex *Historiâ Literarum* obventurum non dubitamus. Casum enim omnino recipit, & temeritati exponitur, quod Exemplis & Memoriam Rerum non fulcitur. Atque de *Historiâ Literariâ*, hæc dicta sint.

CAPVT V.

De Dignitate, & Difficultate Historiæ Civilis.



Equitur *Historia Civilis* specialis, cujus Dignitas atque Auctoritas, inter Scripta Humana eminet. Hujus enim fidei, Exempla Majorum, Vicissitudines Rerum, Fundamenta Prudentiæ Civilis, Hominum denique Nomen & Fama, commissa sunt. Ad Dignitatem rei accedit, Difficultas non minor. Etenim Animum in scribendo ad præterita retrahere, & veluti antiquum facere, Temporum motus, Personarum Characteres, Consiliorum trepidationes, Actionum (tanquam Aquarum) ductus, Prætextuum Interiora, Imperii Arcana, cum diligentia scrutari, cum fide & libertate referre, denique verborum lumine sub Oculos ponere, magni utique laboris est, & judicii; præsertim cum antiquiora quæque incerta, recentiora periculo obnoxia reperiantur. Quamobrem & plurima Historiam istam Civilem circumstant Vitia; dum Plerique Narrationes quasdam inopes, & plebejas, & planè Dedecora Historiarum conscribant; Alii particulares Relationes, & Commentariolos operâ festinatâ, & textu inæquali confarciant; Alii Capita tantum Rerum gestarum percurrant; Alii contra, minima quæque, & ad summas Actionum nihil facientia, persequantur; Nonnulli, nimia erga Ingenia propria Indulgentiâ, plurima audacter consingant; Ast alii, non tam Ingeniorum suorum, quàm Affectuum Imaginem Rebus imprimant, & addant, Partium suarum memores, Rerum parum fideles testes; Quidam Politica, in quibus sibi complacent, ubique inculcent, & Diverticula ad Ostentationem quærendo, Narrationem Rerum nimis leviter interrompant: Alii in Orationum, & Concionum aut etiam Actorum ipsorum prolixitate, parum cum judicio, nimii sint; Adeò ut satis constet, non inveniri inter Scripta Hominum, rarius quicquam, quàm Historiam Legitimam, & omnibus Numeris suis absolutam. Verum nos in præsentì, Partitionem Doctrinarum instituiamus, ut Omissa, non Censuram, ut Vitiosa notentur. Nunc Partitiones *Historiæ Civilis* persequemur, easque diversorum Generum: Minus enim implicabuntur Species, si Partitiones diversæ proponantur, quàm si una Partitio curiosè per Membra deducatur.

CAPVT VI.

Partitio prima Historiæ Civilis, in Memorias, Antiquitates, & Historiam Iustam.

*H*istoria Civilis tripartita est, tribus Picturarum, aut Imaginum Generibus non absimilis. Videmus enim ex Picturis, & Imaginibus, alias Imperfectas, ut quibus ultima Manus non accesserit; Alias Perfectas; Alias verò Vetusstate Mutilatas & Deformatas. *Historiam* similiter *Civilem*, (quæ Imago Rerum, & Temporum quædam est) in tres species, illis Picturarum congruas, partiemur; *Memorias* scilicet; *Historiam Iustam*; & *Antiquitates*. *Memoria* sunt *Historia inchoata*, aut prima & rudia Historiæ Lineamenta; *Antiquitates* verò *Historia deformata* sunt, siue Reliquiæ Historiæ, quæ casu è Naufragio temporum ereptæ sunt.

Memoriæ, siue Præparationes ad Historiam, duplicis generis sunt; quorum alterum *Commentarios*, alterum *Registra* vocare placet. *Commentarii* nudam Actionum & Eventuum Seriem, ac Connexionem proponunt, prætermisissis causis Rerum & prætextibus, initiis quodque earundem & occasionibus; consiliis itidem & orationibus, & reliquo Actionum Apparatu. Talis enim est propria *Commentariorum* natura, licet Cæsari, per Modestiam quandam cum Magnanimitate conjunctam, præstantissimæ; inter eas quæ extant, Historiæ, Cōmentariorum nomen indere placuerit. At *Registra* duplicis naturæ sunt: Complectuntur enim aut *Titulos Rerum & Personarum*, in *Serie temporum*; quales dicuntur *Fasti*, & *Chronologiæ*: Aut *Actorum Solennitates*, cujus generis sunt, Principum Edicta, Senatuum Decreta, Iudiciorum Processus, Orationes publicè habitæ, Epistolæ publicè missæ, & similia, absque Narrationis Contextu, siue Filo continuo.

Antiquitates, seu *Historiarum Reliquiæ*, sunt (ut jam diximus) tanquam Tabulæ Naufragii; cūm deficiente, & ferè submersâ rerum Memoria, nihilominus Homines industrii, & sagaces, pertinaci quâdam, & scrupulosâ diligentia, ex Genealogiis, Fastis, Titulis, Monumentis, Numismatibus, Nomnibus Propriis, & Styllis, Verborum Etymologiis, Proverbiis, Traditionibus, Archivis & Instrumentis tam publicis quam privatis, Historiarum Fragmentis, Librorum neutriquàm Historicorum Locis dispersis; ex his inquam omnibus, vel aliquibus, nonnulla à Temporis Diluvio eripiunt, & conservant. Res sanè operosa, sed Mortalibus grata, & cum Reverentiâ quâdam conjuncta; ac digna certè, quæ delectis Fabulosis Nationum Originibus, in locum hujusmodi commentitiorum substituantur; sed tamen eò minus habens Auctoritatis, quia paucorum Licentiæ subiicitur, quod paucis curæ est.

In his *Imperfectæ Historiæ* Generibus, Defectum aliquem non puto designandum, cūm sint tanquam *Imperfectæ Mista*; ut Defectus hujusmodi sit ex ipsâ earum Naturâ. Ad *Epitomas* quod attinet; (Historiarum

arum certè Teredines, & Tineas,) eas exulare volumus; quod etià cum plurimis, qui maximè sani fuerunt iudicii, facimus; utpote quæ complura Nobilissimarum Historiarum Corpora exederint, & corroderint, atque infæces inutiles demùm redegerint.

CAPVT. VII.

*Partitio Historiæ Iustæ in Chronica, Vitas, & Relationes;
Earumque Partium Explicatio.*



A*T Historia Iusta* trium est generum; pro ratione *Ob-jecti*, quod sibi proponit repræsentandum. Aut enim *Portionem aliquam Temporis* repræsentat; aut *Personam singularem* Memoriâ dignam; aut *Actionem aliquam* sive *Rem gestam* ex illustrioribus. Primum *Chronica* sive *Annales* appellamus; secundum *Vitas*; tertium *Relationes*. Inter quæ, *Chronica* Celebritate & Nomine, excellere videntur; *Vitæ* autem Fructu & Exemplis; *Relationes* rursus Sinceritate & Veritate. *Chronica* namque Amplitudinem Actionũ Publicarũ, & Personarũ Facies externas, & in publicum verfas proponunt; Minora autem, quæ tum ad Res, tum ad Personas pertinent, omittunt, & silentio involvunt. Cum verò id Artificii divini sit proprium, ut *Maxima è minimis suspendat*, sit sæpenumerò ut huiusmodi *Historia*, majora tantùm persecuta, Negotiorum Pompam potius, & Solennia, quam eorum veros Fomites, & Texturas subtiliores ostendat: Quinetiam, etsi Consilia ipsa addat, atque immisceat, tamen granditate gaudens, plus gravitatis atque prudentiæ, quàm reverà habent, Humanis Actionibus aspergat; ut Satyra aliqua possit esse verior Humanæ vitæ Tabula, quam nonnulla ex ejusmodi Historiis. Contrà *Vitæ*, si diligenter & cum iudicio perscribantur (neque enim de Elogiis, & huiusmodi Commemorationibus jejunis loquimur) quandoquidem Personam singularem pro Subjecto sibi proponant, in quâ necesse est Actiones, non minùs leves quàm graves, parvas quàm grandes, privatas quàm publicas, componi & commisceri, sanè magis vivas, & fidas Rerum Narrationes, & quas ad Exemplum tutius & foelicius transferre possis, exhibent. At *Relationes* Actionum speciales, (qualia sunt *Bellum Peloponnesi*, *Expeditio Cyri*, *Conjuratio Catilinæ*, & similia) omninò puriore & magis sincero Veritatis Candore vestiri par est, quàm *Historias Iustas* Temporum; quia Argumentum in iis deligi, & sumi potest habile, & definitum; atque ejusmodi, ut de eo Notitia, & certitudo bona, & plena informatio haberi possit; cum contrà *Historia Temporis* (præsertim quæ ætate Scriptoris multò antiquior sit) necessariò in Memoriâ rerum sæpius fatiscat, & veluti spatia vacua contineat; quæ ingenio & conjecturâ occupari, & suppleri satis licenter consueverunt. Hoc tamen ipsum, quod de Relationum sinceritate dicimus, cum exceptione intelligendum est; nam fatendum certè est (cum humana omnia ex parte laborent, & commoda cum incommodis ferè perpetuò conjuncta sint) huiusmodi Relationes, præsertim si sub

si sub ipsa Rerum gestarum tempora edantur, (cùm sapiùs vel ad Grati-
tiam, vel ad Invidiam scribantur,) omnium Narrationum meritò maxi-
mè suspectas esse. Sed rursùs huic Incommodo etià illud connascitur
Remedium; quod illæ ipsæ *Relationes*, cùm non ex unâ parte solum-
modò, sed pro Factionibus, & Partium studiis, ex utraque parte semper
ferè edantur, viam hoc pacto quandam Veritati, tanquàm inter Extre-
ma, aperiunt & muniunt: atque postquàm Contentiones Animorum
deferbuerint, Historico bono & prudenti, non pessima Historiæ perfecti-
oris Materia, & Sementis sunt.

Quod verò ad ea, quæ in his tribus Historiæ generibus desiderari vide-
antur; dubium certè non est, quin plurimæ Historiæ particulares (de ta-
libus loquimur quæ esse possint) alicujus dignitatis, aut etià mediocrita-
tis, cum maximo Regnorù, & Rerùp. quibus debentur, Honoris & Nomi-
nis detrimento, hucusque prætermisæ sint, quas notare per longū esset.
Ceterùm Exterarum Nationum Historias, Exterorum curæ relinquens
(*ne fortè sim in alienâ rep. curiosus*) non possum non apud Majestatem tuâ
conqueri, de Historiæ Angliæ, quæ nunc habetur, Vilitate & Indignitate,
quatenus ad Corpore ejus integrum; nec-non Historiæ Scotiæ Iniquitate
& Obliquitate, quatenus ad Auctorem ejus recentissimum & uberrimū:
Reputans mecum, honorificum admodum Majestati tuæ futurum;
atque Opus Posteritati gratissimum; si quemadmodum Insula hæc Magnæ
Britanniæ, se nunc in unam Monarchiam coalitam, ad sequentes Ætates
transmittit; ita in unâ Historiâ descripta, à præteritis Seculis repeteretur;
eodem modo, quo Historiam decem Tribuum Regni Israelis, & duarum
Tribuum Regni Judæ, tanquam gemellam, Sacra Pagina deducit. Quod
si nò oles hujusmodi Historiæ, (magna certè & ardua,) quo minùs exactè
& pro dignitate perscribatur, videatur obfutura, ecce tibi memorabilem
multò angustioris Temporis Periodum, quatenus ad Historiam Angliæ;
nimirum ab Unione Rosarum, ad Unionem Regnorum; Spatium tem-
poris, quod meo quidem judicio, majorem recipit Eventuum (quæ
rarò se ostendunt) varietatem, quam in pari Successionum numero, uspi-
am in regno Hæreditario, deprehendere licet. Incipit enim ab Adep-
tione Coronæ mixtæ, partim Armis, partim Jure: Ingressum siquidem
Ferrum, aperuit, Stabilimentum attulerunt Nuptiæ; Secuta igitur
sunt tempora illis initiis consentanea; simillima fluctibus, post
magnam tempestatem, tumores & agitationes suas, sed absque
aliquâ immani procellâ, retinentibus; atque Gubernatoris prudentiâ,
qui unus inter Antecessores Reges consilio enituit, superatis. Ordine
proximus succedit Rex, cujus Actiones, licèt magis impetu quàm
consilio administratæ, non leve tamen in rebus Europæ momentum
attulerunt, eas subinde librando, & inclinando, prout ipsæ propen-
debant. Quo etià regnante, cœpit fieri ingens illa Status Ecclesia-
stici Mutatio, qualis rarò admodum prodit in Theatrum. Secutus est
Rex Minor. Dein tentamentum Tyrannidis, licèt illud brevissimum
fuerit, instar Febris Ephemeræ. Dein Regnum Faminæ, extero
Regi nuptæ. Rursus Regnum Faminæ solitariæ, & cælibis. Hæc
omnia demùm excepit Eventus iste faustus & gloriosus; nimi-
rùm hujusce Insulæ Britanniæ, à toto Orbe divisæ, in se Unio;
per

per quam Vetus illud Oraculum Æneæ redditum, quod requiem ei præmonstrabat,

——— (*Antiquam exquirite Matrem;*)

Supra nobilissimas Gentes Angliæ & Scotiæ, in Nomine illo *Britanniæ*, *Antiquæ suæ Matris*, jam convenientes, adimpletum sit; in pignus, & tesseram Metæ & Exitûs Errorum, & peregrinationis, jam reperti. Ita ut, quemadmodum Corpora ponderosa jactata, antequam ponant & consistant, trepidationes quasdam experiantur; eodem modo probabile videtur, Divinâ Providentiâ factum esse, ut Monarchia ista, priusquam in tuâ Majestate, regiâque tuâ sobole (in quâ spero eam in perpetuum fore stabilitam) consisteret, & confirmata esset, has tam varias Mutationes, & Vicissitudines, tanquam præludia Stabilitatis suæ, subiret.

De *Vitis* cogitantem, subit quædam Admiratio, Tempora ista nostra, haud nosse Bona sua; cum tam rara sit Commemoratio, & conscriptio vitarum, eorum, qui nostro seculo claruerunt. Eri enim Reges, & qui absolutum Principatum obtineant, pauci esse possint; Principes etiam in Rep. liberâ (tot Rebusp. in Monarchiam conversis) haud multi; utcunque tamen non defuerunt Viri egregii, (licet sub Regibus) qui meliora merentur, quam incertam & vagam Memoriae suæ Famam, aut Elogia arida & jejuna. Etenim hæc ex parte, Inventum cujusdam ex Poëtis Recentioribus, quo antiquam Fabulam locupletavit, non inelegans est. Fingit ille in extremitate Fili Parcarum, Numisma quoddam, seu Monile pendere, in quo Defuncti Nomen impressum sit: Tempus autem Cultrum Atropi præstolari, & statim abscisso Filo, Numismata eripere, eaque asportata, paulò post in Fluvium Lethes, ex gremio suo projicere: Circa Fluvium autem, magnam Avium vim volitare, quæ Numismata arripiunt, ac postquam in rostris ipsarum paulispèr eadem circumtulerint, paulò post per incuriam in Fluvium decidere permittunt: Inter eas verò, Cygnos reperiri nonnullos, qui si Numisma aliquod cum Nomine prehenderint, illicò ad Templum quoddam illud deferre solebant, Immortalitati consecratum. Hujusmodi itaque Cygni nostris Temporibus ferè defecerunt. Quamvis autem plurimi Hominum, Curis & studiis suis nimio plusquam Corporibus mortales, Nominis sui memoriam, veluti Fumum aut Auram despiciant,

——— *Animi nil magna Laudis egentes;*

Quorum scilicet Philosophia & Severitas ab eâ Radice pullulat, Non prius laudes contempsimus, quam laudanda facere desivimus; Id tamen apud nos Salomonis judicio non præjudicabit, *Memoria justî cum laudibus, at impiorum nomen putrescit*: Altera perpetuò floret, alterum aut in Oblivionem prorinus abit, aut in Odorem tetrum computrescit. Ac propterea in eo ipso Stylo, vel loquendi Formulâ, quæ recte admodum recepta est, ut defunctis tribuatur (*Felicitis Memoria, pia memoria, bona memoria*) agnoscere videmur illud, quod Cicero (mutuatus id ipsum à Demosthene) protulit, *Bonam famam propriam esse possessionem Defunctorum*. Quam quidem Possessionem non possum non notare nostro ævo incultam ut plurimum, & neglectam jacere.

Quantum

Quantum ad *Relationes*, optandum esset prorsus, ut multò major circa eas adhiberetur diligentia. Quippe vix incidit aliqua Actio paulò illustrior, cui non intersit Calamus aliquis ex melioribus, qui eam excipere & describere possit. Quoniam autem is per paucorum Hominum esse debet qui Historiam Justam pro dignitate conscribat. (ut ex paucitate Historicorum vel mediocrium satis liquet) idcirco si Actiones particulares, sub tempus ipsum quo geruntur, tolerabili aliquo Scripto Memoriam mandarentur; sperandum esset exorituros quandoque, qui Historiam Justam, ope & auxilio illarum *Relationum*, conscribere posset. Illæ enim instar Seminarii esse possint, unde, cùm usus foret, Hortus amplius & magnificus confereretur.

CAPVT VIII.

*Partitio Historiæ Temporum in Historiam Vniuersalem;
& Particularem; & utriusque Commoda, & Incommoda.*



HISTORIA Temporum aut Vniuersalis est, aut Particularis; Hæc alicujus Regni, vel Reip. vel Nationis res gestas complectitur; illa Vniuersi Orbis. Neque enim defuerunt, qui *Historiam Mundi*, etiam ab Origine scripsisse videri volunt; Farraginem rerum, & Compendia Narrationum pro Historia exhibentes: Aliisui Temporis Res, per Orbem Terrarum memorabiles, tanquam Justâ Historiâ completi posse confisi sunt, Conatu profectò magnanimo, atque Fructu haud exiguo. Neque enim Res humanæ ita Imperiis, aut Regionibus diuise sunt, ut non habeant multa connexa; Quare iuvat certè Fata, alicui Seculo, aut Ætati destinata, veluti unâ Fabulâ contenta, & descripta intueri. Fit etiam, ut plurima scripta non contemnenda (qualia sunt hæc, de quibus antea locuti sumus, *Relationes*) aliàs fortè peritura, neque Prelum sapius passura, aut saltem Capita ipsorum, in huiusmodi *Historiam Generalem* recipiantur, atque hoc pacto figantur, & conseruentur. Veruntamen, si quis rem rectius perpendat, animadvertet tam severas esse *Historiæ Justæ* Leges, ut eas in tantâ Argumenti vastitate exercere vix liceat; adeò ut minuatur potius Historiæ Majestas Molis granditate, quàm Amplificetur. Fiet enim, ut qui tam varia undequaque persequitur, is Informationis Religione paulatim remissâ, & diligentia suâ, quæ ad tot res extenditur, in singulis elanguescente, Auras populares, & Rumores capiet; & ex Relationibus non admodum Authenticis, aut Huiusmodi aliquâ levidenti Materiâ, Historiam conficiet. Quinetiam necesse ei erit, (ne Opus in immensum excrescat,) plurima relatu digna consultò prætermittere, atque ad Epitomarum rationes sapius delabi. Incumbit etiam aliud periculum non paruum, atque Utilitati illi Historiæ Vniuersalis, ex diametro oppositum; Quemadmodum enim Vniuersalis Historia, Nar-
rationes

rationes aliquas, quæ aliàs fortè fuissent periturae, conservat; ita contra sæpenumerò Narrationes. alias satis fructuosas, quæ aliter victurae fuissent, propter grata Mortalibus rerum Compendia, perimit.

CAPVT IX.

Partitio alia Historiæ Temporum, in Annales, & Acta Diurna.



HISTORIAM Temporum rectè dividitur in *Annales*, & *Diaria*: Quæ Divisio, licet ex Periodis Temporum Nomina sumat, tamen ad Delectum Rerum etiam pertinet. Rectè enim Cornelius Tacitus, cum in mentionem Magnificentiaë quarundam Structurarum incidit, statim subdit, *Ex dignitate populi Ro. repertum esse; res illustres Annalibus, talia diurnis urbis Actis mandare*: Applicando Annalibus Res, quæ ad Statum Reip. pertinent, Acta verò & Accidentia leviora, Diariis. Meo utique iudicio, valere conveniret Disciplinam quandam Heraldicam, in disponendis non minùs Librorum, quàm Personarum Dignitatibus. Sicut enim nihil Rebus Civilibus magis detrahit, quàm Ordinum & Graduum confusio; ita etiam Auctoritari Historiæ gravis, haud parùm derogat, si admisceantur Politicis Res levioris momenti; quales sunt Pompæ, & Solennitates, & Spectacula, & huiusmodi. Atque sanè optandum esset, ut illa ipsa Distinctio in consuetudinem veniret. Nostris verò temporibus, *Diaria* in Navigationibus tantùm, & Expeditionibus bellicis in usu sunt. Apud Antiquos certè Regum honori dabatur, ut Acta Palatii sui in *Diaria* referrentur; quod videmus factum fuisse sub Ahasuero Persarum Rege; qui cum Noctem ageret insomnem, *Diaria* poposcit, ubi Conjuracionem Eunuchorum recognovit. At in Alexandri Magni *Diariis*, tam pusilla continèbantur, ut etiam, si fortè ad Mensam dormiret, in Acta reponeretur: Neque enim sicut *Annales* tantùm gravia, ita *Diaria* tantùm levia complexa sunt; sed omnia promiscuè, & cursim *Diariis* excipiebantur, seu majoris, seu minoris Momenti.

CAPVT X.

Partitio secunda Historiæ Civilis, in Meram, & Mixtam.



POSTREMA verò Partitio Historiæ Civilis ea sit; ut dividatur in *Meram*, aut *Mixtam*. *Mixtura* celebres duæ, Altera ex *Scientiâ Civili*, Altera præcipuè ex *Naturali*. Introductum est enim ab aliquibus genus scribendi, ut quis Narrationes aliquas, non in serie Historiæ continuatas, sed ex Delectu Auctoris excerptas conscribat: Deindè easdem recolat,

recolat, & tanquam ruminet; & sumptâ ab ipsis occasione, de rebus Politicis differat. Quod genus *Historiæ Ruminatæ* nos sanè magnoperè probamus, modò hujusmodi Scriptor hoc agat, & hoc se agere confiteatur. *Historiam* autem *Iustam* ex professò scribenti, Politica ubique ingerere, atque per illa Filum *Historiæ* interrompere, intempestivum quiddam, & molestum est. Licet enim *Historia* quæque prudentior, Politicis præceptis, & monitis, veluti impregnata sit; tamen Scriptor ipse sibi obstetricari non debet.

Mixta etiâ est *Historia Cosmographica*, idque multipliciter: Habet enim ex *Historiâ Naturali*, *Regiones* ipsas, atque earum *Situs*, & *Fructus*: Ex *Historiâ Civili*, *Urbes*, *Imperia*, *Mores*: Ex *Mathematicis*, *Climata*, & *Configurationes Cæli*, quibus Tractus mundi subjacent. In quo genere *Historiæ*, sive *Scientiæ*, est quod seculo nostro gratulemur: Orbis enim Terrarum factus est, hâc nostrâ ætate, mirum in modum fenestratus, atque patens: Antiqui certè *Zonas*, & *Antipodas* noverant,

(Nosq; ubi primus æquis oriens afflavit anhelis,

Illic fra rubens accendit lumina vesper.)

Idque ipsum magis per *Demonstrationes*, quàm per *Peregrinationes*: Verùm ut *Carina* al qua parva, Cælum ipsum æmularetur; atque universum Globum Terrestrem, magis etiâ obliquo & flexuoso, quàm Cælestia solent, itinere circumverit, ea est nostri Seculi Prærogativa: ita ut præsens *Ætas* jur: in Symbolo suo usurpare possit; non tantùm illud *Plus ultra*, ubi Antiqui usurpabant *Non ultra*, atque insuper illud *Imitabile fulm* nubi Antiqui, *Non imitabile fulmen*,

Demens qui nimbos, & non imitabile fulmen;

Verùm & illud, quod omnem *Admirationem* superat, *Imitabile Cælum*, propter *Navigaciones* nostras, quibus circa universum Terræ Ambitum, Cælestium Corporum more, volvi, & circumagi sæpius concessum fuit.

Atque hæc præclara, in re Nauticâ, atque Orbe perlustrando, Felicitas, de ulterioribus etiâ progressibus, & Augmentis Scientiarum, spem magnam facere possit; præsertim cum divino videatur Consilio esse decretum, ut hæc duo coævæ sint: Sic enim Daniel Propheta, de novissimis Temporibus verba faciens, prædicit: *Plurimi pertransibunt & augebitur Scientia*; quasi Pertransitus, sive Perlustratio Mundi, atque multiplex Augmentum Scientiarum, eidem Seculo destinarentur: Sicut magnâ ex parte jam completum videmus; quandoquidem Tempora nostra, duabus illis prioribus Doctrinarum Periodis, aut Revolutionibus, (alteri apud Græcos, alteri apud Romanos) eruditione non multum cedant, eas verò in aliquibus longè superent.

CAPUT XI.

Partitio Historiæ Ecclesiasticæ, in Ecclesiasticam Specialem, Historiam ad Prophetias, & Historiam Nemeseos.



HISTORIA Ecclesiastica in genere, easdem ferè cum *Historia Civili* Partitiones subit. Sunt enim *Chronica Ecclesiastica*, sunt *Vitæ Patrum*, sunt *Relationes de Synodis*, & reliquis ad Ecclesiam spectantibus. Proprio verò nomine, rectè dividitur in *Historiam Ecclesiasticam* (Generis nomine servato,) & *Historiam ad Prophetias*, & *Historiam Nemeseos* sive *Providentiæ*. Prima *Ecclesiæ Militantis Tempora*, & *Statum diversum* memorat; sive illa fluctuet, ut *Arca in Diluvio*; sive itineretur, ut *Arca in Eremo*; sive consistat, ut *Arca in Templo*; hoc est, *Statum Ecclesiæ in Persecutione, in Motu, & in Pace*. In hac Parte, Defectum aliquem non invenio, quin supersunt in illâ complura potius quàm defunt: Illud sanè optarem, ut *Massæ tam prægrandi*, *Virtus quoque & Sinceritas Narrationum* responderent.

Secunda Pars, quæ est *Historia ad Prophetias*, ex duobus Relativis constat, *Prophetiâ ipsâ*, & ejus *Adimplentione*. Quapropter tale esse debet hujus Operis Institutum, ut cum singulis ex Scripturis Prophetiis, Eventuum Veritas conjungatur; idque per omnes Mundi *Ætates*, tum ad confirmationem Fidei, tum ad instituendam Disciplinam quandam, & Peritiam, in interpretatione Prophetiarum, quæ adhuc restant complendæ. Attamen in hac re, admittenda est illa Latitudo, quæ Divinis vaticiniis propria est & familiaris; ut ad impletiones eorum fiant, & continentèr, & punctualitèr: Referunt enim Auctoris sui naturam, *Cui unus Dies tanquam mille Anni, & mille Anni tanquam unus Dies*; atque licet plenitudo, & Fastigium Complementi eorum, plerunque alicui certæ *Ætati*, vel etiàm certo momento destinetur; attamen habent interim Gradus nonnullos, & Scalas complementi, per diversas Mundi *Ætates*. Hoc opus desiderari statuo, verùm tale est, ut magnâ cum sapientiâ, sobrietate, & reverentiâ tractandum sit; aut omninò dimittendum.

Tertia Pars, quæ *Historia Nemeseos* est, sanè in calamos nonnullorum Piorum Virorum incidit, sed non sine partium Studio: Occupata est autem, in observandâ Divinâ illâ Convenientiâ, quæ nonnunquam intercedit, inter Dei Voluntatem Revelatam, & Secretam. Quamvis enim tam obscura sint Consilia & Judicia Dei, ut *Homini Animal* sint penitus inscrutabilia; quinetiam sæpiùs eorum oculis, qui prospiciunt è Tabernaculo, se subducant; Divinæ tamen Sapientiæ visum aliquandò per vices, ad suorum Confirmationem, & Confusionem eorum, qui tanquam sine Deo sunt in Mundo, ea quasi Majoribus Characteribus descripta, sic proponere conspicienda, uti (sicut loquitur Propheta) *Quivis etiam in cursu ea perlegere possit*; hoc est, ut Homines merè Sensuales & voluptarii, qui Judicia illa

Divina

Divina prætervehi festinant, neque cogitationes suas in ea unquam defigunt; tamen quamvis properè currant, & aliud agant, ipsa agnoscere cogantur. Talia sunt Vindictæ seræ & inopinæ; Salutes subito affulgentes, & insperatæ; Consilia diviha per Anibages rerum tortuosas, & stupendas spiras, tandem se manifestò expédientia; & similia: Quæ valent, non solum ad consolandos Animos Fidelium, sed ad Percellendas & convincendas Conscientias Improborum.

CAPUT XII.

De Appendicibus Historiæ; quæ circa Verba Hominum, (quemadmodum Historia ipsa circa Facta) versantur: Partitio earum in Orationes, Epistolas, & Apophthegmata.



Non Factorum solummodò Humani Generis, verum etiã Dictorum Memoria servari debet. Neque tamen dubium, quin Dicta illa quandoque Historiæ ipsi inferantur, quatenus ad Res gestas perspicuè & gravitèr narrandas faciant, & deserviant. Sed Dicta sive Verba Humana propriè custodiunt Libri Orationum; Epistolarum, & Apophthegmatum. Atque Orationes sanè virorum prudentium; de Negotiis, & Causis gravibus, & arduis habitæ, tum ad Rerum ipsarum notitiam, tum ad Eloquentiam multum valent. Sed majora adhuc præstantur Auxilia ad instruendam Prudentiam Civilem ab Epistolis, quæ à Viris Magnis de Negotiis Seriis missæ sunt. Etenim ex Verbis Hominum, nil sanius aut præstantius; quàm hujusmodi Epistolæ. Habent enim plus nativi sensûs, quam Orationes; plus etiã maturitatîs, quàm Colloquia subita. Eadem quandò continuantur secundum Seriem Temporum, (ut fit in illis; quæ à Legatis, Præfectis Provinciârûm, & aliis Imperii Ministris, ad Reges; vel Senatus, vel alios Superiores suos mittuntur; aut vicissim ab Imperantibus ad Ministros,) sunt certè ad Historiam, præ omnibus, Præciosissima Supellex. Neque Apophthegmata ipsa ad Delectationem & Ornatum tantum profunt, sed ad res gerendas etiã, & usus Civiles: Sunt enim (ut aiebat ille) veluti Secures aut Mucrones Verborum, qui Rerum & Negotiorum Nodos, acumine quodam secant, & penetrant: Occasiones autem redeunt in Orbem, & quod olim erat commodum, rursus adhiberi, & prodèssè potest; sive quis ea tanquàm sua proferat, sive tanquàm Vetera. Neque certe de Utilitate ejus rei ad Civilia dubitari potest, quam Cæsar Dictator operâ suâ honestavit; cujus Liber utinàm extaret, cum ea, quæ usquàm habentur in hoc genere, nobis parum cum delectu congesta videantur.

Atque hæc dicta sint de Historiâ; eâ scilicet Parte Doctrinæ, quæ respondet uni ex Cellis, sive Domiciliis Intellectûs, quæ est Memoria.

CAPUT XIII.

De secundo Membro principali Doctrinæ, nempe Poese.
 Partitio Poeseos in Narrativam, Dramaticam, & Parab-
 olicam. Exempla Parabolicæ tria proponuntur.



Am ad *Poesim* veniamus. *Poesis* est genus Doctrinæ, Verbis plerunque astrictum, Rebus solutum & licentiosum; Itaque, ut initio diximus, ad *Phantasiā* refertur, quæ iniqua, & illicita prorsus rerum Conjugia & Divortia comminisci, et machinari solet. *Poesis* autem (ut supra innuimus) duplici accipitur sensu, quatenus ad *Verba*, vel quatenus ad *Res* respiciat. Priore sensu, *Sermonis* quidam *Character* est: *Carmen* enim *Stili* genus, & *Elocutionis* *Formula* quædam, nec ad *Res* pertinet: Nam & vera *Narratio* *Carmine*, & ficta *Oratione* solutâ conscribi potest. Posteriore verò sensu, constituimus eam, ab initio, *Doctrinæ* *Membrum* *Principale*, eamque juxta *Historiam* collocavimus, cum nihil aliud sit, quàm *Historiæ* *Imitatio* ad *Placitum*. Nos igitur in *Partitionibus* nostris, veras *Doctrinarum* *venas* indagantes, & persequentes; neque *Consuetudini*, & *Divisionibus* receptis (in multis) cedentes; *Satyras*, & *Elegias*, & *Epigrammata*, & *Odas*, & hujusmodi, ab instituto *Sermonis* removemus; atque ad *Philosophiam*, & *Artes* *Orationis* rejicimus. Sub nomine autem *Poeseos*, de *Historiâ* ad *Placitum* consistâ, tantummodo tractamus.

Partitio Poeseos verissima, atque maximè ex proprietate, præter illas *Divisiones*, quæ sunt ei cum *Historiâ* communes, (sunt enim *ficta Chronica*, *Vitæ* *fictæ*, *fictæ* etiam *Relationes*) ea est, ut sit aut *Narrativa*; aut *Dramatica*; aut *Parabolica*. *Narrativa* prorsus *Historiam* imitatur, ut ferè fallat, nisi quod res extollat sæpius supra fidem. *Dramatica* est veluti *Historia* *Spectabilis*; nam constituit imaginem *Rerum* tanquam præsentium, *Historia* autem tanquam præteritarum. *Parabolica* verò est *Historia* cum *Typo*, quæ intellectu alia deducit ad *Sensum*.

Atque de *Poesi* *Narrativâ*, sive eam *Heroicam* appellare placet (modò hoc intelligas de *Materiâ*, non de *Versu*) ea à *Fundamento* prorsus nobili excitata videtur, quod ad dignitatem humanæ Naturæ imprimis spectat. Cum enim *Mundus* *Sensibilis*, sit *Animâ* *Rationali* dignitate inferior, videtur *Poesis* hæc humanæ Naturæ largiri, quæ *Historia* denegat; atque *Animo* *Umbris* rerum utcunque satisfacere, cum *Solida* haberi non possint. Si quis enim rem acutius intropiciat, firmum ex *Poesi* sumitur *Argumentum*, *Magnitudinem* *Rerum* magis illustrem, *Ordinem* magis perfectum, & *Varietatem* magis pulchram, *Animæ* humanæ complacere, quàm in *Naturâ* ipsâ, post *Lapsum*, reperire ullo modo possit. Quapropter, cum *Res* gestæ, & *Eventus*, qui veræ *Historiæ* subjiciuntur, non sint ejus amplitudinis, in quâ *Animâ* humana sibi satisfaciat, præstò est *Poesis*, quæ *Factâ* magis *Heroicâ* confingat; Cum *Historia* vera successus rerum, minimè pro meritis *Virtutum* & *Scelerum*, narret; cor-

rigit eam *Poesis*, & exitus, & fortunas secundum Merita, & ex lege Nemeseos exhibet: Cum Historia vera, obviâ rerum satietate & similitudine, Animæ humanæ fastidio sit; reficit eam *Poesis*, inexpectata, & varia, & vicissitudinum plena canens. Adeo ut *Poesis* ista, non solum ad Delectationem, sed etiam ad Animi Magnitudinem; & ad Mores conferat. Quare & merito etiam Divinitatis cuiuspiam particeps videri possit; quia Animum erigit, & in sublime rapit; Rerum simulachra ad Animi desideria accommodando, non Animum Rebus (quod Ratio facit, & historia,) submittendo. Atque his quidem illecebris, & congruitate, quâ Animum humanum demulcet, addito etiam confortio Musices, unde suavius insinuari possit, aditum sibi patefecit, ut honori fuerit etiam seculis planè rudibus, & apud Nationes Barbaras, cum aliæ Doctrinæ prorsus exclusæ essent.

Dramatica autem *Poesis*, quæ Theatrum habet pro Mundo, usu eximia est, si sana foret. Non parva enim esse posset Theatri, & Disciplina, & Corruptela: Atque Corruptelarum, in hoc genere, abundè est; Disciplina planè nostris temporibus est neglecta. Attamen licet in Rebus modernis, habeatur pro re ludicrâ Actio theatralis; nisi fortè nimium trahat à Satyrâ, & mordeat; tamen apud Antiquos curæ fuit; ut Animos Hominum ad Virtutem institueret. Quinetiam Viris prudentibus, & magnis Philosophis, veluti Animorum Plectrum quoddam censebatur. Atque sanè verissimū est, & tanquam Secretum quoddam Naturæ, Hominum animos, cum congregati sint, magis quam cum soli fiat, Affectibus & Impressionibus patere.

At *Poesis Parabolica*, inter reliquas eminet, & tanquàm Res sacra videtur, & Augusta; cum præsertim Religio ipsa, ejus operâ plerumque utatur, & per eam commercia Divinorum cum Humanis exerceat. Attamen & hæc quoque, Ingeniorum circa Allegorias levitate & indulgentiâ, contaminata invenitur. Est autem usus ambiguus, atque ad contraria adhibetur. Facit enim ad *Involucrum*; facit etiam ad *Illustrationem*. In hoc *Docendi* quædam Ratio; in illo *Occultandi Artificium* quæri videtur. Hæc autem *Docendi Ratio*, quæ facit ad *Illustrationem*, antiquis seculis plurimum adhibebatur: Cum enim Rationis humanæ Inventæ, & Conclusiones, (etiam eæ quæ nunc tritæ, & vulgatæ sunt) tunc temporis novæ & insuetæ essent, vix illam subtilitatem capiebant Ingenia Humana, nisi propius eæ ad Sensum per hujusmodi Simulachra, & Exempla deducerentur. Quare omnia apud illos, Fabularum omnigenarum, & Parabolarum, & Ænigmatum, & similitudinum plena fuerunt. Hinc Tessera Pythagoræ, Ænigmata Sphingis, Ælopi Fabulæ, & similia. Quinetiam Apothegmata veterum Sapientum ferè per similitudines rem demonstrabant. Hinc Menenius Agrippa apud Romanos (Gentem eo seculo minimè literatam) seditionem Fabulâ repressit. Denique ut Hieroglyphica Literis, ita Parabolæ Argumentis erant antiquiores. Atque hodiè etiam & semper, eximius est, & fuit Parabolarum vigor, cum nec Argumenta tam perspicua, nec vera exemplata apta, esse possint.

Alter est usus *Poeseos Parabolica*, priori quasi contrarius, qui facit (ut diximus) ad *Involucrum*; earum nempe Rerum, quarum dignitas

tanquam velo quodam discreta esse mereatur : Hoc est, cum Occulta & Mytheria Religionis, Politicæ, et Philosophia, Fabulis & Parabolis vestiuntur. Virum verò Fabulis veteribus Poetarum, subest aliquis Sensus mysticus, dubitationem nonnullam habet : Atque ipsi certè fatemur, nos in eam sententiam propendere, ut non paucis Antiquorum Poetarum Fabulis, Mytherium infusum fuisse putemus. Neque nos movet, quod ista Pueris ferè, & Grammaticis relinquuntur, & vilescant, ut de illis contemptim sententiam feramus : Quin contrà cum planè constet scripta illa, quæ Fabulas istas recitant, ex Scriptis Hominum, post Literas Sacras, esse antiquissima, & longè his antiquiores Fabulas ipsas ; (etenim tanquam prius creditæ & receptæ, non tanquam excogitatæ ab illis Scriptoribus referuntur) videntur esse instar tenuis cujusdam auræ, quæ ex traditionibus Nationum magis Antiquarum, in Græcorum Fistulas inciderunt. Cum verò, quæ circa harum Parabolarum Interpretationem, adhuc tentata sint, per homines scilicet imperitos, nec ultra Locos communes doctos, nobis nullo modo satisfaciant ; Philosophiam secundum Parabolas antiquas, inter *Desiderata* referre visum est. Ejus autem Operis *Exemplum* unum aut alterum subjungemus. Non quod res sit fortasse tanti, sed ut Institutum nostrum servemus. Id hujusmodi est, ut de Operibus illis, quæ inter *Desiderata* ponimus (si quid sit paulò obscurius) perpetuò aut *præcepta* ad opus illud instruendum, aut *Exempla* proponamus : ne quis fortè existimet, levem aliquam tantum Notionem, de illis Mentem nostram perstrinxisse ; nosque Regiones sicut Augures, Animo tantum metiri, neque eas ingrediendi vias nosse. Aliam aliquam partem in *Poesi* desiderari non invenimus ; quin potius cum Planta sit *pœsis*, quæ veluti à Terrâ luxuriante, absque certo semine, germinaverit, supra cæteras Doctrinas excrevit, & diffusa est. Verum jam *Exempla* proponemus, tria tantum numero, Vnum è *Naturalibus*, è *Politicis* unum, atque unum denique è *Moralibus*.

*Exemplum Primum Philosophiæ secundum Parabolas Antiquas,
in Naturalibus. De Universo ; secundum
Babulam Panis.*

ANTIQUI Generationem *Panis* in dubio relinquunt. Alii enim eam à *Mercurio* genitum ; Alii longè alium Generationis modum ei tribuunt. Aiunt enim Procos universos cum *Penelope* rem habuisse, ex quo promiscuo concubitu, *Pana* communem Filium ortum esse. Neque prætermittenda est tertia illa Generationis explicatio : Quidam enim prodiderunt eum *Iovis*, & *Hybreos* (id est, *Cunotmelia*,) Filium fuisse. Utroque, orto, *Parca* illi Sorores fuisse perhibentur, quæ in Specu subterraneo habitabant : *Pan* autem morabatur sub Dîo. Effigies *Panis* talis ab Antiquitate describitur ; Cornutus, Cornibus in acutum surgentibus, & usque ad Cælum fastigiatis ; Corpore toto hispidus & villosus ; Barbâ inprimis promissâ ; Figurâ biformis, Humanâ quoad superiora, sed Semiferâ & in Capræ Pedes desinente. Gestabat autem Insignia Potestatis ; Sinistrâ Fistulam ex septem

septem Calamis compactam, Dextrâ Pedum sive Biculum, superius curvum & inflexum. Induebatur Chlamyde ex pelle *Pardalis*. Potestates ei & Mœnra huiusmodi attribuuntur, ut sit Deus Venatorum, etiâ Pastorum, & in Universum Ruricolarum; Præses item Montium. Erat etiâ, proximus à *Mercurio*, Nuncius Deorum. Habebatur etiâ Dux & Imperator *Nympharum*, quæ circa eum perpetuò Choriæas ducere, & tripudiare solebant: Comitabantur & *Satyr*i, & his seniores *Sileni*. Habebat insuper potestatem *Terrores* immittendi, præsertim inanes & superstitiosos, qui & *Panici* vocati sunt. Res gestæ autem ejus non multæ memorantur: Illud præcipuum, quod *Cupidinem* provocavit ad Luctam, à quo etiâ in Certamine victus est. Etiam *Typhonem Gigantem* Retibus implicavit & cohibuit. Atque narrant insuper, cum *Ceres* præsta, & ob raptam *Proserpinam* indignata, se abscondisset; atque Dii omnes ad eam investigandam magnoperè incubuissent, & se per varias Vias dispersiti essent; *Pani* solummodò ex felicitate quâdam contigisse, ut inter Venandum eam inveniret, & indicaret. Ausus est quoque cum *Apolline* de Victoriâ Musices decertare, atque etiâ *Mydâ* Judice prælatus est; ob quod iudicium *Mydæ* Afininas Aures tulit, sed clàm & secretò Amores *Panis* nulli referuntur, aut saltem admodum rari; quod mirum, inter Turbam Deorum, prorsus tam profusè amatoriam, videri possit. Illud solummodò ei datur, quod *Ecchô* adamaret, quæ etiâ Uxor ejus est habita; atque unam præterea Nympham *Syringam* nomine; in quam propter Irâ & Vindictâ *Cupidinis* (quem ad Luctam provocare non reveritus esset) incensusest. Etiam *Lunam* quondam in altas Sylvas sevocasse dicitur. Neque etiâ Prolem ullam suscepit (quod similiter mirum est, cum Dii, præsertim Masculi, prolifici admodum essent) nisi quod ei attribuitur tanquam Filia, Muliercula quædam Ancilla, *Imbe* nomine; quæ ridiculis Narratiunculis oblectare Hospites solebat, ejusq; Proles ex Conjuge *Ecchô* esse à nonnullis existimabatur. *Parabola* talis esse videtur.

Pan (ut & nomen ipsum etiâ sonat) *Universum* sive *Universitatem Rerum* repræsentat & proponit. De hujus *Origine* duplex omninò sententia est, atque ad eò esse potest. Aut enim à *Mercurio* est, Verbo scilicet divino, (quod & *Sacræ Literæ* extra controversiam ponunt; & Philosophi ipsi, qui magis Divini habiti sunt, viderunt) aut ex *confusis Rerum Seminibus*. Etenim quidam è Philosophis *Semina Rerum* etiâ Substantiâ infinita statuerunt; unde *Opinio* de *Homoimeris* fluxit, quam *Anaxagoras* aut invenit, aut celebravit. Nonnulli verò magis acutè & sobriè censebant, ad *Varietatem Rerum* expediendam sufficere, si *Semina*, Substantiâ eadem, *Figuris* varia sed certis & definitis, essent; & reliqua in positurâ & complexu *Seminum* ad invicem ponebant; ex quo Fonte *Opinio* de *Atomis* emanavit, ad quam *Democritum* se applicavit, cum *Leucippus* ejus Actor fuisset. Aut alii, licet unum rerum Principium assererent (Aquam *Thales*, Aerem *Anaximenes*, Ignem *Heraclitus*) tamen illud ipsum Principium actu unum, potentiâ varium & dispensibile posuerunt, ut in quo Rerum omnium *Semina* laterent. Qui verò *Materiam* omninò *Spoliatam*, & *Informem*

formem, & ad Formas Indifferentem introduxerunt (ut *Plato* & *Aristoteles*) multò etià propius & propensius, ad Parabolæ figuram accesserunt. Posuerunt enim *Materiam* tanquam publicam *Meretricem*, *Formas* verò tanquam *Procos* : Adeò ut omnes de Rerum Principiis Opiniones hùc redeant, & ad illam distributionem reducantur, ut Mundus sit, vel à *Mercurio* ; vel à *Penelope* & *Prociis* omnibus. Tertia autem *Generatio Panis*, ejusmodi est, ut videantur Græci aliquid de Hebræis Mysteriis, vel per Ægyptios Internuncios, vel utcunque, inaudivisse. Pertinet enim ad Statum Mundi, non in meris Natalibus suis, sed post Lapsum Adami, Morti & Corruptioni expositum, & obnoxium factum. Ille enim Status, Dei, & Peccati (sive Contumeliæ) Proles fuit, ac manet. Fuit enim Peccatum Adami ex genere *Contumeliæ*, cum *Deo similis fieri vellet*. Itaque triplex ista Narratio de *Generatione Panis*, etià vera videri possit, si ritè & Rebus & Temporibus distinguatur. Nam iste *Pan* (qualem eum nunc intuemur & complectimur) ex *Verbo Divino*, mediante confusâ *Materiâ* (quæ tamen ipsa Dei Opus erat) & subintrante *Pravaricatione*, & per eam Corruptione, Ortum habet.

Naturæ rerum, *Fata rerum* sorores verè perhibentur, & ponuntur. *Fata* enim vocantur, Ortus rerum, & Durationes, & Interitus ; atque Depressiones etià, & Eminentia, & Labores, & Felicitates, denique Conditiones quæcunque Individui : quæ tamen nisi in Individuo nobili (utpote Homine, aut Urbe, aut Gente) ferè non agnoscuntur. Atqui ad istas Conditiones tam varias, deducit Individua illa singula *Paræ*, Rerum scilicet *Naturæ* ; ut tanquam eadem sit res (quatenus ad Individuà) *Catena Naturæ*, & *Filum Parcarum*. Ad hæc insupèr fixerunt Antiqui, *Panem* semper sub Dîo morari, sed *Parcas* sub Spécu ingenti subterraneo habitare, atque inde maximâ pernicitate ad Homines subito advolare : quia *Naturæ*, atque Universi facies, spectabilis est & aperta ; at *Fata* individuorum occulta, & rapida. Quod si *Fatum* accipiatur largius, ut omnem prorsùs eventum, non illustriores tantùm denotet, tamen utique & eo sensu optimè convenit cum universitate Rerum ; cum ex ordine Naturæ, nil tam exiguum sit, quod sine causâ fiat ; & rursùs nil tam magnum, ut non aliunde pendeat ; adeò ut Fabrica ipsa Naturæ, suo sinu & gremio, omnem eventum & minimum & maximum complectatur ; & suo tempore certâ Lege prodar. Itaque nil mirum, si *Parcæ* ut *Panis* Sorores introductæ sint, & certè legitimæ. Nam *Fortuna* Vulgi Filia est, & levioribus tantùm Philosophis placuit. Sanè *Epicurus*, non solùm profanum instituere sermonem, sed etià desipere videtur, cum dixit, *Præstare credere fabulam Deorum*, quam *Fatum* asserere, ac si quicquam in universo esse possit instar insulæ, quod à Rerum nexu separetur. Verùm *Epicurus* Philosophiam suam Naturalem (ut ex ipsius verbis patet) Morali suæ accommodans & subiciens, nullam opinionem admittere voluit, quæ Animum premeret & morderet, atque *Euthymiam* illam (quam à *Democrito* acceperat) læcesseret aut turbaret. Itaque suavitati Cogitationum indulgens, potius quàm Veritatis patiens, planè jugum jactavit, & tam Fati Necessitatem, quàm Deorum Metum repudiavit.

Verùm

Verum de *Parcarum* Germanitate cum *Pane* satis dictum est.

Cornua autem Mundo attribuantur, ab imo latiora, ad Verticem acuta. Omnis enim Rerum Natura instar Pyramidis acuta est. Quippe Individua, in quibus Basis Naturæ exporrigitur, infinita sunt; Ea colliguntur in Species, & ipsas multiplices; Species rursus insurgunt in Genera, atque hæc quoque ascendendo in magis Generalia contrahuntur; ut tandem Natura, tanquam in unum coire videatur; Quod Figurâ illâ *Pyramidalia Cornuum Panis* significatur. Mirum verò minime est, *Panis* Cornua etiâ Cælum ferire; cum Excelsa Naturæ, sive Ideæ Universales, ad Divina quodam modo pertingant. Itaque & Catena illa *Homeri* decantata, (caussarum scilicet Naturalium) ad Pedem Solii Jovis fixa memorabatur; neque quisquam (ut videre est) Metaphysicam, & quæ in Naturâ æterna, & immobilia sunt, tractavit, atque Animum à fluxu Rerum paulisper abduxit; qui non simul in Theologiam Naturalem inciderit; adeò paratus & propinquus est transitus, à Vertice illâ Pyramidis, ad Divina.

Corpus autem *Naturæ* elegantissimè & verissimè depingitur *Hirsutum*, propter Rerum Radios. Radii enim sunt tanquam Naturæ Crines, sive Villi: Atque omnia ferè vel magis vel minus Radiosa sunt: Quod in facultate Visûs manifestissimum est; Nec minùs in omni Virtute Magneticâ, & Operatione ad distans. Quicquid enim operatur ad Distans, id etiâ Radios emittere rectè dici potest: Sed maximè omnium prominet *Barba Panis*, quia Radii Corporum Cœlestium, & præcipuè Solis, maximè ex longinquo operantur & penetrant; Adeò ut Superiora Terræ, atque etiâ interiora, ad distantiam nonnullam planè verterint & subegerint, & Spiritu impleverint. Elegantior autem est Figura de *Barbâ Panis*, quod & Sol ipse, quando Partè superiore ejus Nube obvolutâ, Radii inferius erumpunt, ad aspectum *Barbatus* cernitur.

Etiâ Corpus Naturæ rectissimè describitur *Biforme*, ob differentiam Corporum Superiorum, & Inferiorum. Illâ enim ob Pulchritudinem, & Motûs Æqualitatem & Constantiam, nec-non Imperium in Terram & Terrestria, meritò sub Humanâ Figurâ representantur; cum Natura Humana Ordinis & Dominationis particeps sit: Hæc autem ob Perturbationem, & Motus incompositos, & quod à Cœlestibus in plurimis regantur, Brûti Animalis Figurâ contentâ esse possunt. Porro eadem Corporis Biformis Descriptio, pertinet ad Participationem Specierum: Nulla enim Naturæ Species, simplex videri potest, sed tanquam ex duobus participans & concreta. Habet enim Homo nonnihil ex Bruto, Brutum nonnihil ex Plantâ, Planta nonnihil ex Corpore Inanimato, omniaque reverà biformia sunt, & ex Specie Superiore & Inferiore compacta. Acutissima autem est Allegoria de *Pedibus Capræ*, propter Ascensionem Corporum Terrestrium, versus Regionem Aeris & Cœli, ubi etiâ Pensilia fiunt, & inde deiciuntur, magis quàm descendunt. Capra enim Animal scanforium est, eaque è rupibus pendere, atque in præcipitiis hætere amat; Similiter etiâ Res, licet inferiori Globo destinatæ, faciunt, idque miris modis, ut in Nubibus & Meteoris manifestissimum est. Imò non sine causâ

caussâ *Gilbertus*, qui de Magnete laboriosissimè, & secundùm viam experimentalem conscripsit, dubitationem iniecit; Num-non fortè Corpora gravia, post longam à Terrâ distantiam, Motum versus Inferiora paulatim exuant?

Insignia autem in Manibus *Panis* ponuntur duplicia; Alterum *Harmonia*, alterum *Imperii*. *Fistula* enim ex *septem Calamis*, Concentum Rerum & Harmoniam, sive Concordiam cum Discordiâ mistani, (quæ ex septem Stellarum Errantium Motu conficitur,) evidentè ostendit. Neque enim alii, præterquam septem Planetarum, inveniuntur in Cœlo errores, sive expatiationes manifestæ; quæ cum æqualitate Stellarum fixarum, earumque perpetuâ & invariabli ad se invicem distantia compositæ & temperatæ, tum Constantiam Spicierum, tum fluxum Individuorum tueri, & cieri possint. Si qui verò sint Planetæ minores, qui non conspiciuntur; si qua etiâ Mutatio in Cœlo major (ut in Cometis nonnullis Superlunaribus) videntur illa profectò tanquàm *Fistulæ*, aut omninò mutæ, aut ad tempus tantum streperæ; utpote quarum Operationes vel ad nos non perlabantur, vel Harmoniam illam septem *Fistularum Panis* non diù interturbent. *Pedum* autem illud *Imperii*, nobilis translatio est, propter vias Naturæ partim rectas, partim obliquas. Atque *Baculum* illud, sive *Virga*, versus superiorem partem præcipuè curva est, quia omnia Providentiæ Divinæ Opera in Mundo ferè per Ambages & circuitus fiunt; ut aliud agi videri possit, aliud reverà agatur; sicut *Iosephi venditio in Egyptum*, & similia. Quinetiâ in Regimine humano omni prudentiore, qui ad Gubernacula sedent, Populo convenientia, per prætextus & vias obliquas, felicius quæ volunt, quàm ex directo superinducunt & insinuant. Etiâ (quod mirum fortassè videri possit) in Rebus merè Naturalibus, citius Naturam fallas quàm premas: Adeò, quæ ex directo fiunt, inepra sunt & seipsa impediunt; cum contrâ, via obliqua & insinuans mollitè fluat, & effectum fortiat. *Vestis Panis* & Amiculum, ingeniosè admodum ex *Pelle Pardalis* fuisse fingitur, propter Maculas ubique sparsas. Cœlum enim Stellis, Maria Insulis, Tellus Floribus consperguntur; Atque etiâ res particulares ferè variegatæ esse solent circa Superficiem, quæ veluti *Rei Chlamys* est.

Officiū autem *Panis*, nullâ aliâ re, tam ad vivum proponi atque explicari potuerit, quam quod *Deus Venatorum* sit. Omnis enim naturalis Actio, atque adeò Motus & Progressio, nihil aliud quàm *Venatio* est. Nam & Scientiæ & Artes Opera sua venantur; & Consilia humana Fines suos; atque Res naturales omnes vel Alimenta suâ ut conserventur, vel Voluptates & Delicias suas ut perficiantur, venantur; (Omnis siquidem Venatio est aut Prædæ, aut Animi causâ;) idque modis peritis & sagacibus,

*Torva Leona Lupum sequitur, Lupus ipse Capellam,
Florentem Cybifum sequitur lasciva Capella.*

Etiâ *Ruricularum* in genere *Panæ Deus* est, quia hujusmodi Homines magis secundum Naturam vivant, cum in urbibus & Aulis, Natura à cultu nimio contumpatur, ut illud Poetæ amatorium, verum,

verum, propter huiusmodi Delicias, etià de Naturâ sit

— *Pars minima est ipsa puella sui.*

Montium autem inprimis *Præses* dicitur *Pan*, quia in Montibus & Locis editis Natura Rerum panditur, atque Oculis & Contemplationi magis subieitur. Quod alter à *Mercurio* Deorum Nuncius sit *Pan*, ea Allegoria planè divina est; cum proximè post Verbum Dei, ipsa Mundi Imago, divinæ Potentiæ & Sapientiæ Præconium sit. Quod & Poeta Divinus cecinit, *Cæli enarrant gloriâ Dei, atque opera manuum ejus indicat Firmamentum.*

At *Pana* oblectant *Nymphae*, Animæ scilicet: Deliciæ enim Mundi Animæ Viventium sunt. Hic autem meritò illarum Imperator, cum illæ Naturam quæque suam tanquàm Ducem sequantur, & circa eum infinità cum Varietate, veluti singulæ more Patrio, saltent, & Chorèas ducant, motu neutiquàm cessante. Itaque acutè quidam ex recentioribus, facultates Animæ omnes ad Motum reduxit, & nonnullorum ex antiquis fastidium & Præcipitationem notavit, qui Memoriam, & Phantasiam, & rationem, defixis præproperè oculis intuentes & contemplantes, Vim Cogitativam, quæ primas tenet, prætermiserunt. Nam & qui meminit, aut etià reminiscitur, cogitat; & qui imaginatur, similiter cogitat; & qui ratiocinatur, utique cogitat: Denique Anima, sive à Sensu monita, sive sibi permissa, sive in Functionibus intellectûs, sive Affectuum & Voluntatis, ad modulationem Cogitationum saltat; quæ est illa Nympharum tripudiatio. Unà verò perpetuò comitantur *Satyri* & *Sileni*, Senectus scilicet & Juventus. Omnium enim rerum est Ætas quædam hilaris & motu gaudens, atque rursus Ætas tarda & bibula: Utriusque autem Ætatis studia, verè contemplanti fortassè ridicula, & deformia videantur, instar *Satyri* alicujus aut *Sileni*. De *Panicis* autem *Terroribus* prudentissima Doctrina proponitur. Natura enim Rerum omnibus Viventibus indidit Metum & Formidinem, Vitæ atque Essentiæ suæ conservatricem, ac Mala ingruentia vitantem & depellente n. Veruntamen eadem Natura modum tenere nescia est, sed *Timoribus* Salutaribus semper Vanos & Inanes admiscet; adeò ut omnia (si intrus conspici darentur) *Panicis Terroribus* plenissima sint; præsertim humana; & maximè omnium apud Vulgum, qui superstitione (quæ verè nihil aliud quàm *Panicus Terror* est) in immensum laborat & agitur, præcipuè temporibus duris, & trepidis, & adversis. Neque superstitio ista tantummodò in vulgo regnat, sed ab Opinionibus Vulgi etià in Sapientiores aliquandò insilit, ut divinè *Epicurus* (si cætera quæ de Diis disseruit ad hanc normam fuissent) locutus sit: *Non Deos vulgi negare profanum, sed vulgi opiniones Diis applicare profanum.*

Quod verò attinet ad *Andaciam Panis*, & *Pugnam* per provocationem cum *Cupidine*; id eò spectat, quia Materia non caret Inclinatione & Appetitu ad Dissolutionem Mundi, & Recidivationem in illud Châos antiquum, nisi prævalidâ rerum concordia (per *Amorem* sive *Cupidinem* significatâ) malitia & impetus ejus cohiberetur, & in ordinem compelleretur. Itaque bono admodum Hominum & Rerum Fato fit
(vel

vel potius immensâ Bonitate Divinâ) ut *Pan* illud certamen adversum experiatur, & victus abscedat. Eodém prorsus pertinet, & illud de *Typhone* in *Reibus* implicato, quia utcunque aliquandò vasti, & insoliti rerum Tumores sint, (id quod *Typhon* sonat) sive intumescant *Maria*, sive intumescant *Nubes*, sive intumescat *Terra*, sive alia, tamen *Rerum Natura* hujusmodi *Corporum* exuberantias atque insolentias, *Reti* inextricabili implicat & coercet, & veluti *Catenâ Adamantinâ* devincit.

Quod autem *Inventio Cereris* huic Deo attribuat, idque inter *Venerationem*; reliquis autem *Diis* negetur, licet sedulò quærentibus, & illud ipsum agentibus; *Monitum* habet rerum admodum & prudens: hoc scilicet, ne *Rerum* utilium ad vitam & Cultum *Inventio*, à *Philosophiis Abstractis*, tanquam *Diis Majoribus* expectetur, licet totis viribus in illud ipsum incumbant; sed tantummodò à *Pane*, id est *Experientiâ* sagaci, & *Rerum Mundi* notitiâ universali, quæ etiâ casu quodam, ac veluti inter venandum in hujusmodi inventa incidere solet. Utilissima enim quæque *Inventa* *Experientiæ* debentur, & veluti *Donaria* quædam fuere casu in *Homines* sparsa.

Illud autem *Musices certamen*, ejusque *Eventus*, salutarem exhibet *Doctrinam*, atque eam quæ *Rationi* & *Judicio* humano gestienti, & se efferenti, *Sobrietatis Vincula* injicere possit. Duplex enim videtur esse *Harmonia*, & quasi *Musica*, altera *Sapientiæ Divinæ*, altera *Rationis Humanæ*. *Judicio* enim *Humano*, ac veluti *Auribus Mortalium*, *Administratio Mundi* & *Rerum*, & *Judicia Divina* secretiora, sonant aliquid durum, & quasi absonum: Quæ *Inscitia*, licet *Asininis Auribus*, meritò insigniatur, tamen & illæ ipsæ *Aures*, secretò non palàm gestantur. Neque enim hujusce *Rei Deformitas* à vulgo conspicitur aut notatur.

Postremò minimè mirum est, si nulli *Amores Pani* attribuantur, præter *Conjugium Ecchûs*; *Mundus* enim se ipso, atque in se rebus omnibus fruitur: Quia mat autem frui vult, neque in *Copiâ* *Desiderio* locus est. Itaque *Mundi Amores* esse nulli possunt, nec potiundi *Cupido*, (cùm se ipse contentus sit,) nisi fortassè *Amores Sermonis*. Ii sunt *Nympha Echo*, *Res non Solida*, sed *Vocalis*; aut si accuratiores sint, *Syringa*, quandò scilicet *Verba*, & *Voces*, numeris quibusdam, sive *Poeticis*, sive *Oratoriis*, & tanquàm *Modulamine*, reguntur. Inter *Sermones* autem sive *Voces*, excellentèr ad *Conjugium Mundi* sumitur sola *Echo*: Ea enim demùm vera est *Philosophia*, quæ *Mundi* ipsius *voces* fidelissimè reddit, & veluti dictante *Mundo* conscripta est; & nihil aliud est quam ejusdem *Simulachrum* & *Reflectio*; neque addit quicquam de proprio, sed tantum iterat & resonat. Nam quod *Lunam Pan* in altas *Sylvas* aliquando sevocasset, videtur pertinere ad *Congressum Sensûs*, cum rebus *Cœlestibus*, sive *Divinis*. Nam alia est *Endymionis* ratio, alia *Panis*: Ad *Endymionem* dormientem sponte se demittit *Luna*; siquidem ad *Intellectum* sopitum, & à sensibus abductum, quandoq; sponte influunt *Divina*: Quod si accersantur & vocentur à *Sensu*, tanquam à *Pane*, tum verò non aliud lumen præbent, quam illud,

Quale sub incertam Lunam sub luce malignâ

Est iter in Sylvâ ———

Ad Mundi etiâ sufficientiam & perfectionem pertinet, quod *Prolem non edat*. Ille enim per partes generat; per Torum quomodo generare possit, cum Corpus extra ipsum non sit? Nam de *Mulierculâ* illâ *tambe*, *Filiâ Panis* putativâ, est sanè ea Adjectio quædam ad Fabulam sapientissima. Per illam enim repræsentantur eæ, quæ perpetuis temporibus passim vagantur, atque omnia implent, vaniloquæ de Rerum Naturâ Doctrinæ, re ipsâ infructuosæ, Genere quasi subdititiæ, garrulitate verò interdum jucundæ; interdum molestæ & importunæ.

Exemplum alterum Philosophiæ, secundum Parabolas Antiquas, in Poliricis De Bello, secundum Fabulam Persei.

PERSEVS, Orientalis cum fuisset, missus traditur à *Pallade*, ad obtruncandam *Medusam*, quæ Populis plurimis ad Occidentem, in extremis *Iberiæ* partibus, maximæ calamitati fuit. Monstrum enim hoc, aliàs crudele & immane, etiâ Aspectu tam dirum atque horrendum fuit, ut eo solo homines in Saxa verteret. Erat autem, è *Gorgonibus* una, *Medusa*, ac sola inter eas Mortalis, cum reliquæ passivæ non essent. *Perseus* igitur ad tam nobile Facinus se comparans, Arma ad Dona à tribus Diis mutuò accepit; *Alis* à *Mercurio*, talares scilicet non axillares; à *Pluione* autem *Galeam*; Scutum derique à *Pallade* & *Speculum*. Neque tamen (licet tanto apparatu instructus,) ad *Medusam* rectâ perrexerit, sed primum ad *Græas* divertit; Eæ Sorores, ex alterâ Parente, *Gorgonibus* erant; Atque *Grææ* istæ canæ etiâ à Nativitate erant, & tanquàm Vetulæ. Oculus autem iis tantummodò & Dens erat omnibus unicus; quos prout exire foràs quamque contrigerat, vicissim gestabant, reversæ autem deponere solebant. Hunc itaque Oculum, atque hunc Dentem illæ *Perseo* commodârunt. Tum demum, cum se abundè ad destinata perficienda instructum judicaret, ad *Medusam* properavit, impiger & volans. Illam autem offendit dormientem, neque tamen aspectui ejus (si forsan evigilaret) se committere audebat, sed Cervice reflexâ, & in *Speculum* illud *Palladis* inspiciens, atque hoc modo ietus dirigens, Caput *Medusæ* abscidit: Ex Sanguine autem ejusdem, in tetram fuso, statim *Pegasus* Alatus emicuit: Caput autem abscissum *Perseus* in Scutum *Palladis* transtulit & inseruit, cui etiamnum sua mansit vis, ut ad ejus intuitum omnes ceu attoniti aut syderati obrigerent.

Fabula conficta videtur de *Belligerandi Ratione* & prudentiâ: Atque primò omnis *Belli Susceptio* debet esse tanquam *Missio* à *Pallade*; non à *Venere* certè, (ut Bellum Trojanum fuit) aut aliâ levi ex causâ; quippe cum in Consiliis solidis, Decreta de *Bellis* fundari oporteat. Deinde de *Genere Belli* eligendo, tria proponit Fabula Præcepta, sana admodum & gravia: Primum est, ut de *Subjugatione Nationum Finitimarum* quis non magnopere laboret: Neque enim eadem

est Patrimonii, & Imperii amplificandi ratio : Nam in Possessionibus privatis, Vicinitas Prædiorum spectatur, sed in propagando Imperio, Occasio, & Belli conficiendi Facilitas, & Fructus, loco Vicinitatis esse debent. Itaque *Perseus*, licet *Orientalis*, tamen tam longinquam Expeditionem, usque ad extremum *Occidentem*, minimè detrectavit. Hujus rei Exemplum insigne est in Belligerandi diversâ ratione Patris & Filii Regum *Philippi* & *Alexandri*. Ille enim in Finitimis Bellis occupatus, Urbes paucas Imperio adjecit, idque non sine maximâ Contentione & Periculo ; quippe qui & aliàs, & præcipuè in *Prælio Chæroneo*, in ultimum discrimen adductus fuit : At *Alexander* longinquam Expeditionem benè ausus in *Persas*, Nationes infinitas subjugavit, magis Itineribus quàm Præliis fatigatus. Hoc ipsum adhuc clariùs cernitur, in Propagatione *Imperii Romanorum*, qui, quo tempore ex parte *Occidentis*, vix ultra *Liguriam* Armis penetraverant, eodem tempore *Orientis* Provincias usque ad *Montem Taurum* Armis & Imperio complexi sunt. Etiam *Carolus Octavus* Rex *Gallia*, *Bellum Britannicum* (quod Matrimonio tandem compositum est) non admodum facile expertus, expeditionem illam *Neapolitanam* longinquam, admirandâ quâdam facilitate & felicitate transiit. Habent certè hoc Bella longinqua, ut cum iis manus conferatur, qui Militiæ & Armis Invasoris minimè sint assueti, quod in finitimis secùs se habet. Etiam & Apparatus in hujusmodi Expeditionibus solet esse diligentior & instructior ; & Terror apud Hostes ex ipso ausu & fiduciâ major. Neque etiam ferè possit fieri in illis Expeditionibus remotis, per Hostes, ad quos tam longo itinere pervenitur, Diversio aliqua aut Invasio reciproca, quæ in Belligerandi ratione cum Finitimis, sæpiùs adhibetur. Caput autem rei est, quod in subjugandis Finitimis, Occasionum Delectus in angusto versatur ; at si quis longinquiora non detrectet, poterit pro arbitrio suo eò transferre Bellum ubi aut Disciplina Militaris maximè est enervata, aut vires Nationis plurimum attritæ & consumptæ, aut Dissidia Civilia opportunè oborta, aut aliæ hujusmodi Commoditates se ostendant. Secundum est, ut semper subsit *Causa Belli* iusta, & pia, & honorifica, & favorabilis : Id enim alacritatem, tum Militibus, tum populis impenfas conferentibus, addit, & Societates apperit & conciliat, & plurimas denique commoditates habet. Inter Causas autem Belli, admodum favorabilis est ea, quæ ducit ad debellandas Tyrannides, sub quibus Populus succumbit, & prosternitur sine Animis & Vigore, tanquam sub *Aspectum Medusæ* ; quod etiam *Herculi* Divinitatem conciliavit. Romanis certè magna Religio fuit, strenuè & impigrè accurrere ad Socios tuendos, si quoquo modo oppressi fuissent. Etiam Bella ob Vindictam justam ferè semper felicia fuerunt, sicut Bellum adversus *Brutum* & *Cassium*, ad vindicandam Mortem *Cæsaris* ; *Severi* ad vindicandam Mortem *Pertinacis* ; *Iunii Bruti* ad vindicandam Mortem *Lucretia* : Denique quicunque Bello Calamitates Hominum & Injurias, aut levant aut vindicant, sub *Perseo* militant. Tertium ut in omni Bello suscipiendo vera sit *Æstimatio virium* ; atque rectè perpendatur, utrum Bellum sit tale quod confici & ad exitum perducì possit, ne quis

vastas

vastitas & infinitas Spes persequatur. Prudentè enim *Perseus* inter *Gorgonas* (per quas Bella repræsentantur) eam delegit, quæ in suâ Naturâ Mortalis erat, neque ad Impossibilia Animum adjecit. Atque de iis, quæ in suscipiendo Bello Deliberationem subeunt, hæc præcipit Fabula, reliqua ad Belligerationem ipsam pertinent.

In Bello maximè omnium profunt illa tria *Dona Deorum*, ad eò ut Fortunam ipsam ferè regant & trahant. Accepit enim *Perseus Celeritatem*, à *Mercurio*, *Occultationem Consiliorum* ab *Orco*, & *Providentiam* à *Pallade*: Neque caret Allegoriâ, eaque prudentissimâ, quod *Alex* illæ *Celeritatis* in rebus conficiendis (cùm *Celeritas* in Bello plurimum possit) *Talares*, non *Axillares* fuerint, atque Pedibus non Humeris additæ; quia non tam in primis Belli aggressibus, quàm in iis quæ sequuntur, & primis subsidio sunt, *Celeritas* requiritur. Nullus enim Error in Bello magis frequens fuit, quam quod Prosecutiones, & subsidiarii Impetus, Initiorum Alacritati non respondeant. At *Galea Plutonis* (quæ Homines invisibiles reddere solebat) manifesta Parabola est. Nam *Consiliorum Occultatio* post *Celeritatem*, maximè ad Bellum est momenti. Cujus etiam *Celeritas* ipsa Pars magna est. *Celeritas* enim *Consiliorum* evulgationem prævertit. Ad *Galeam Plutonis* spectant, ut unus Bello præsit, cum Mandatis liberis; Consultationes enim cum multis, habent aliquid potiùs ex *Cristis Martis*, quam ex *Galea Plutonis*. Eòdem spectant Prætextus Varii, & Designationes Ancipites, & Famæ Emissariæ, quæ Oculos Hominum aut perstringunt aut avertunt, atque vera *Consiliorum* in obscuro ponunt. Etiam Cautiones diligentes & suspicaces, de Literis, de Legatis, de Perfugis, & complura alia *Galeam Plutonis* ornant, & revinciunt. At non minis interest, *Consilia Hostium* explorare, quam sua occultare. Itaque *Galeæ Plutonis* adjungendum est *Speculum Palladis*, per quod Hostium vires, Inopia, Occulti Fautores, Dissidia & Factiones, Progressus, *Consilia* cernantur. Quoniàm verò tantum fortuitorum suscipit Bellum, ut nec in *Consiliis* propriis occultandis, nec in Hostium explorandis, nec in *Celeritate* ipsâ, multum fiduciæ ponendum sit; idè ante omnia sumendum *Palladis Scutum*, *Providentiæ* scilicet, ut quam minimum *Fortunæ* relinquatur. Huc pertinent, Explorato vias inire, Castra diligenter munire (quod in Militiâ modernâ in desuetudinem ferè abiit; Castra verò instar Urbis Munitæ, Romanis ad adversos Prælii eventus erant) Acies stabilis & ordinata, non nimium fidendo Cohortibus levis Armaturæ, aut etiam Equitum Turmis; denique omnia quæ ad solidam & sollicitam Defensivam spectant; cùm plus valeat utique in Bellis *Scutum Palladis*, quam *Gladus* ipse *Martis*. Verùm *Perseo* utcunque Copiis aut Animis instructo, restat aliud quidpiam, maximè per omnia momenta, antequam Bellum incipiatur: Nimirum, ut *divertat ad Græas*. *Grææ* autem *Proditiones* sunt, Bellorum scilicet Sorores, non Germanæ illæ quidem, sed Generis Nobilitate quasi impares. Bella enim generosa, *Proditiones* degeneres & turpes. Earum Descriptio elegans est, ut *Cane* à Nativitate sint, & tanquam *Vetula*, propter perpetuas *Proditorum* Curas, & Trepidationes. Earum autem vis (antequam in manifestam defectionem erumpant) aut in *Oculo*, aut in *Dente* est.

Omnis enim Factio, à Statu quopiam alienata, & in Proditionem propensa, & *speculatur*, & *morder*. Atque hujusmodi *Oculus* & *Dens* tanquam *communis* est; nam quicquid didicerunt & noverunt, ferè per Manus ab unâ ad alteram transit & percurrit. Et quod ad *Dentem* attinet, uno quasi ore mordent, & eadem Scandala jaçant; ut si unam audias, omnes audias. Itaque *Perseo* sunt istæ *Grææ* conciliandæ, atque in auxilium adducendæ, præsertim ut *Oculum* & *Dentem* suum ei commodent; *Oculum* ad Indicia; *Dentem* ad Rumores ferendos, & Invidiam conflandam, & Animos Hominum sollicitandos. Postquam verò omnia benè sint ad Bellum præparatè disposita, illud imprimis curandum, quod *Perseus* fecit, ut *Medusa dormiens* inveniatur. Prudens enim Belli Susceptor semper ferè Hostem assequitur imparatum, & securitati propiorem. Denique in ipsis Belli Actionibus atque insultibus, ille *Intuitus* in *Speculum Palladis*, adoperandus est. Plurimi enim ante ipsa Pericula Res Hostium acutè & attentè introspicere possunt; at in ipso Periculi Articulo, aut terrore offunduntur, aut pericula nimium præcipientes & à fronte spectant; unde in illa temerè ruunt, Vincendi memores, vitandi obliti. At neutrum horum fieri debet; sed in *Speculum Palladis*, *cervice reflexâ* inspiciendum, ut impetus rectè dirigatur, absque vel terrore, vel furore.

A Bello perfecto & Victoriâ, sequuntur Effecta duo; *Pegasi* illa *Generatio* & *Exsuscitatio*, quæ satis evidentè *Famam* denotat, quæ per omnia volat, & Victoriâ celebrat, & Reliquias Belli faciles, & in votum cedentes efficit. Secundum, *Gestatio Capitis Medusæ in Scuto*; siquidem nullum præsidii genus huic ob præstantiam comparari possit. *Vnicum* enim *Facinus insigne* & memorabile, feliciter gestum & perpetratum, omnes Hostium Motus obrigescere facit, atque Malevolentiam ipsam stupidam reddit.

Exemplum tertium Philosophiæ secundum Parabolas Antiquas, in Moralibus. De Cupiditate, secundum Fabulam Dionysii.

NARRANT *Semelem Iovis Pellicem*, postquam Juramento eum inviolabili, ad votum indefinitum obstrinxisset, petiisse, ut ad Amplexus suos accederet talis, qualis cum *Iunone* consueffet. Itaque illa ex conflagratione periit. Infans autem, quem in Utero gestabat, à Patre exceptus, in Femur ejus insutus est, donec Menses Foetui destinatos compleret. Ex quo tamen onere *Iupiter* interim nonnihil claudicabat. Itaque Puer, quod Jovem, dum in Femore ejus portaretur, gravaret & pungeret, *Dionysi* nomen accepit. Postquam autem editus esset; apud *Proserpinam* per aliquot Annos nutritus est; cum verò adultus esset, ore ferè Muliebri conspiciebatur, ut Sexus videretur tanquam ambigui. Etiam extinctus & sepultus quondam erat ad tempus, & non ita multò post revixit. Atque primâ Juventâ Vitis culturam, atque adeò Vini confectionem & usum primus invenit, & edocuit; ex quo celebris factus, & inclytus, orbem Terrarum subjugavit, & ad ultimos Indorum Terminos perrexit. Curru autem vehebatur à Tigribus tracto; circa

circa eum subsultabant *Dæmones* deformes, *Cobali* vocati, *Acratus* & alii. Quin & *Muse* Comitatu ejus se adjungebant. Uxorem autem sibi sumpsit *Ariadnem* à *Theseo* desertam & relictam. *Arbor* ei sacra erat *Hedera*. Etiam Sacrorum & Ceremoniarum Inventor & Institutor habebatur; ejus tamen generis, quæ & Fanaticæ erant, & plenæ corruptelarum, atque insuper crudeles. Furores quoque immittendi potestatem habebat. Certè in *Orgyis* ejus, à Mulieribus furore percitis, duo viri insignes discerpti narrantur, *Penibens* & *Orpheus*: Ille dum arbore conscensâ Spectator eorum, quæ agerentur, curiosus esse voluisset; Hic cum *Lyram* suaviter & peritè pulsaret. Atque hujus Dei Res gestæ, cum *Jovis* rebus ferè confunduntur,

Fabula videtur ad *Mores* pertinere, ut vix quicquam in Philosophiâ Morali, melius inveniatur. Describitur autem sub Personâ *Bacchi*, *Natura Cupiditatis*, sive Affectuum & Perturbationum Animi. Primum igitur, quod ad *Natalia Cupiditatis* attinet, *Origo Cupiditatis* omnis, licet nocentissimæ, non alia est, quam *Bonum Apparens*. Sicut enim Virtutis Mater est Bonum Existens, similiter Cupiditatis Mater est Bonum Apparens. Altera *Jovis* (sub cujus Personâ Anima Humana repræsentatur) Uxor legitima, altera Pellex: quæ tamen *Iunoni* Honoris æmuletur, tanquam *Semele*. Concipitur verò *Cupiditas* in *Voto illicito*, prius temerè concesso, quam ritè intellecto & judicato. Atque postquàm effervesce cœperit Mater ejus (Natura scilicet & Species Boni) ex *nimio incendio* destruitur & perit. Processus autem Cupiditatis à conceptu suo talis est: Illa ab *Animo Humano* (qui ejus est Genitor) & nutritur, & occultatur, præcipuè in *Inferiori parte* ejus, tanquam *Femore*, atque Animum pungit, & convellit, & deprimit, adeò ut Actiones & Decreta ab eâ impediuntur, & claudicent. Quinetiam postquàm consensu & tempore confirmata est, & in Actus erumpit, ut jam quasi *Menses compleverit*, & edita planè sit atque nata, primò tamen ad tempus nonnullum apud *Proserpinam* educatur, id est, *Lacubras quarit*, atque clandestina est, & quasi subterranea; donec remotis *Pudoris* & *Metus Frænis*, & coalitâ audaciâ, aut Virtutis alicujus Prætextum sumit, aut Infamiam ipsam contemnit. Atque illud verissimum est, omnem Affectum vehementiorem tanquàm *ambigui Sexus* esse. Habet enim *Imperum Virilem*, *Impotentiam* autem *Mulierem*. Etiam illud præclare, *Bacchum mortuum reviviscere*: Videntur enim Affectus quandoque sopiti, atque extincti, sed nulla fides habenda est eis, ne sepultis quidem: siquidem præbitâ Materiâ, & Occasione, resurgunt.

De *Inventione Vitii* Parabola prudens est: Omnis enim Affectus ingeniosus est admodum & sagax, ad investigandum eâ, quæ ipsum alant & foveant. Atqui ante omnia, quæ Homini innotuere, *Vinum* ad perturbationes cujusunque generis, excitandas & inflammandas, potentissimum est, & maximè efficax; atq; est Cupiditatibus in genere, instar *Fomitis communis*. Elegantissimè autem ponitur Affectus sive Cupiditas, *Provinciarum Subjugator*, & Expeditionis infinitæ Susceptor: Nunquàm enim partis acquiescit, sed Appetitu infinito, neque satiabili, ad Ulteriora tendit, & Novis semper inhiat. Etiam

Tigres apud *Affectum* stabulant, & ad *Currum* eorum subinde *jugantur*. Postquam enim *Affectus Curulis* esse coeperit, non *Pedestris*, sed *Victor Rationis*, & quasi *Triumphator* factus sit, in omnes qui adversantur aut se opponunt, crudelis est, & indomitus, ac immitis. Facetum autem est, quod circa *Currum Bacchi* subsultant illi *Dæmones* deformes & ridiculi. Omnis enim *Affectus* vehementior progignit motus, in Oculis, & Ore ipso, & gestu, indecoros & inconditos, subsultorios & deformes; adeò ut qui sibi ipsi fortassè in aliquo *Affectu* (veluti *Irâ*, *Arrogantiâ*, *Amore*) videatur magnificus & tumidus, aliis tamen appareat turpis & ridiculus. Conspiciuntur autem in *Cupidinarius Comitatu Muse*. Neque enim reperitur ullus ferè *Affectus*, tam pravius & vilis, cui non blandiatur aliqua *Doctrina*. Hâc enim in re, *Ingeniorum Indulgentia* & *Procacitas*, *Musarum Majestatem* in immensum minuit; ut cum *Duces Vitæ*, & *Signiferi* esse debeant, sint non raro *Cupiditatum Pedissequæ*, & *Oblectatrices*.

Inprimis verò nobilis est illa *Allegoria*, *Bacchum Amores* suos in eam effudisse, quæ ab alio *Relicta* erat & fastidita. Certissimum enim est, *Affectus* id petere atque ambire, quod *Experientia* jam pridem repudiavit. Atque nôrint omnes, qui *Affectibus* suis servientes & indulgentes, *Pretium* potiundi in immensum augent (sive *Honores* appetant, sive *Amores*, sive *Gloriam*, sive *Scientiam*, sive alia quæcunque) se *Res Relictas* petere, & à compluribus, per omnia ferè *Secula*, post *Experimentum*, dimissas & repudiatas. Neque *Mysterio* caret, quod *Hedera Baccho* sacra fuerit, hoc enim duplici modo convenit; primum, quod *Hedera hyeme virescat*; deinde, quod circa tot *Res* (*Arbores*, *Parietes*, *Ædificia*) *serpat*, ac circumfundatur, & *se attollat*. Quod ad primum enim attinet, omnis *Cupiditas* per *Renitentiam*, & *vetitum*, & tanquàm *Antiperistasin* (veluti per frigora *Brumæ Hedera*) virescit, ac vigorem acquirit: Secundò, *Affectus* aliquis in *Humanâ Animâ prædominans*, omnes ejus *Actiones* & *Decreta*, tanquàm *Hedera circumsepat*; neque ferè quicquam purum invenias, quo illa *Claviculas* suas non imprimat. Neque mirum est, si *Superstitiosi Ritus Baccho* attribuantur, cum omnis ferè *male-sanus Affectus* in *pravis Religionibus* luxurietur, adeò, ut *Hæreticorum Colluvies Bacchanalia Ethnicorum* superârit; quorum etiàm *Superstitiones*, non minùs *cruentæ* quam *turpes* extiterunt. Neque itidem mirum est, si *Furores à Baccho* immitti putentur, cum & omnis *Affectus in excessu suo*, veluti *Furor brevis* sit, & si vehementiùs obsideat & incumbat, in *Insaniâ* sæpiùs terminetur. Illud autem de *Penitheo* & *Orpheo* inter *Orgia Bacchi* laceratis, evidentem *Parabolam* habet; cum *Affectus* quisque prævalidus erga duas res sit asperrimus atque infensissimus; quarum altera est *Inquisitio in eum curiosa*, altera *Admonitio salutaris* & libera. Neque auxilio fuerit, si illa *Inquisitio* fiat tantùm *Contemplationis* aut *Spectandi gratiâ*, tanquàm *Arbore conscensâ*, absque omni *Animi Malignitate*: Neque rursùs si *admonitio* illa, multâ cum suavitate & dexteritate adhibeatur; Verùm utcunque non tolerant *Orgia* aut *Penitheum* aut *Orpheum*. Postremò, illa *Confusio Personarum Iovis & Bacchi*, ad *Parabolam* rectè traduci potest; quandoquidem *Res gestæ nobiles*, &

claræ,

claræ, atque Merita insignia & gloriosa, interdum à *Virtute* & Rectâ Ratione & Magnanimitate, interdum autem à *latente Affectu* & occultâ Cupiditate (utcunque Famæ & Laudis celebritate utraque res paritèr gaudeat) proveniant; ut non facile sit distinguere Facta *Dionysi* à Factis *Iovis*.

Verum in Theatro nimis diù moramur; transeamus ad Palatium *Animi*; cujus Limina majori cum Veneratione & curâ, ingredi convenit.



... of the ...
... of the ...
... of the ...
... of the ...

... of the ...
... of the ...





FRANCISCI BACONI
 BARONIS
 DE
 VERULAMIO,
 VICE-COMITIS
 SANCTI ALBANI,
 DE
Dignitate & Augmentis Scientiarum
 LIBER TERTIUS.

AD REGEM SVVM.

CAPUT I.

Partitio Scientiæ in Theologiam & Philosophiam. Partitio Philosophiæ in Doctrinas tres; De Numine, de Naturâ, de Homine. Constitutio Philosophiæ Primæ, ut Matris Communis omnium.



HISTORIA omnis (Rex optime) humi incedit, & Ducis potius officio, quam Lucis perfungitur: *Poesis* autem Doctrinæ tanquàm Somnium: Res dulcis, & varia, & volens videri aliquid in se habere Divini; quod etiàm Somnia vendicant. Verùm jam tempus est mihi, ut evigilem, & me humo attollam, *Philosophiæ & Scientiarum* liquidum Æthera secans.

Scientia Aquarum similis est: Aquarum aliæ descendunt cœlitus,

coelitus, aliæ emanant è Terrâ. Etiam *Scientiarum* primaria Partitio sumenda est ex Fontibus suis : Horum alii in alto siti sunt, alii hic infatâ. Omnis enim *Scientia* duplicem sortitur Informationem. Una inspiratur divinitus, altera oritur à Sensu. Nam quantum ad illam, quæ *Docendo* infunditur *Scientiam* ; Cumulativa ea est, non Originalis ; sicut etiam fit in Aquis, quæ præter Fontes primarios, ex aliis Rivulis in se receptis, augescunt. Partiemur igitur *Scientiam*, in *Theologiam*, & *Philosophiam*. *Theologiam* hîc intelligimus *Inspiratam* sive Sacram, non *Naturalem*, de quâ paulò post dicturi sumus. At illam (*Inspiratam* rimirum) ad ultimum locum reservabimus, ut cum eâ Sermones nostros claudamus ; cum sit Portus, & Sabbathum Humanarum Contemplationum omnium.

Philosophiæ autem Objectum triplex, *Deus*, *Natura*, *Homo* : Et triplex itidem *Radius* Rerum : *Natura* enim percutit Intellectum *Radio directo* ; *Deus* autem, propter Medium inæquale (Creaturas scilicet) *Radio Refracto* ; *Homo* verò, sibi ipsi monstratus & exhibitus, *Radio reflexo*. Convenit igitur partiri *Philosophiam* in *Doctrinas* tres ; *Doctrinam* de *Numine*, *Doctrinam* de *Naturâ*, *Doctrinam* de *Homine*. Quoniam autem Partitiones *Scientiarum*, non sunt Lineis diversis similes, quæ coeunt ad unum Angulum ; sed potius Râmis Arborum, qui junguntur in uno Trunco, (qui etiam Truncus ad spatium nonnullum integer est & continuus, antequàm se partiatur in Ramos ;) idcirco postulat res, ut priusquàm prioris Partitionis Membra persequamur, constituatur una *Scientia Universalis*, quæ sit Mater reliquarum, & habeatur in progressu *Doctrinarum*, tanquam Portio viæ communis, antequàm viæ se separent, & disjungant. Hanc *Scientiam*, *Philosophiæ primæ*, sive etiam *Sapientiæ* (quæ olim *Rerum Divinarum* atque *Humanarum Scientia* diffiniebatur) nomine insignimus. Huic autem *Scientiæ* nulla alia opponitur ; cum ab aliis *Scientiis*, potius Limitibus intra quos continetur, quam Rebus & subiecto differat, Fastigia scilicet Rerum tantummodò tractans. Hanc ipsam vtrum inter *Desiderata* reponere oporteat, hæsito ; sed arbitrari tamen poni debere. Equidem invenio Farraginem quandam, & Massam inconditam *Doctrinæ*, ex *Theologia Naturali* ; ex *Logicâ* ; ex partibus quibusdam *Physicæ* (veluti de *Principiis* ; & de *Animâ*) compositam, & congestam ; & sublimitate quâdam sermonis, Hominum qui seipso admirari amant, tanquam in Vertice *Scientiarum* collocatam. Nos verò, misso fastu, id tantum volumus, ut designetur aliqua *Scientia*, quæ sit Receptaculum *Axiomatum*, quæ particularium *Scientiarum* non sint propria, sed pluribus earum in commune competant.

Plurima autem id genus *Axiomata* esse nemo ambigat. Exempli gratiâ, *Si inæqualibus æqualia addas, omnia erunt inæqualia* : Regula est ex *Mathematicis* ; Eadem & in *Ethicis* obtinet, quatenus ad *Iustitiam* Distributivam ; Siquidem in *Iustitiâ* Commutativâ, ut Paria Imparibus tribuantur, Ratio *Æquitatis* postulat ; at in Distributivâ, nisi Imparia Imparibus præstentur, Iniquitas fuerit maxima. Quæ in eodem tertio conveniunt, & inter se conveniunt : Regula est itidem ex *Mathematicis* ; Verum simul tam potens in *Logicâ*, ut Syllogismi sit Fundamentum.

Natura

Natura se potissimum prodit in minimis : Regula est in *Physicis*, tam valida ut etiã *Democriti Atomos* produxerit ; Veruntamen eam rectè adhibuit *Aristoteles* in *Politicis*, qui *Contemplationem* Reip. orditur à *Familiâ*. *Omnia mutantur, nil interit* : Regula itidem in *Physicis* ; hoc modo prolata ; *Quantum Natura, nec minuitur, nec augetur* ; Eadem competit *Theologiæ Naturali*, sic variata ; *Omnipotentia sunt Opera* ; *Aliquid ex nihilo facere, & Aliquid in nihilum redigere* : Quod etiã *Scriptura* testatur, *Didici quod omnia opera, quæ fecit Deus, perseverent in perpetuum, non possumus eis quicquam addere, nec auferre*. *Interitus rei arceatur per Reductionem ejus ad principia* : Regula est in *Physicis* ; Eadem valet in *Politicis*, (ut rectè notavit *Machiavellus*) cum illa quæ *Interitum* Rerump. maximè prohibent, nihil aliud ferè sint, quàm *Reformatio* earum, & *Reductio* ad antiquos mores. *Puiredo serpens, magis contagiosa est, quàm matura* : Regula est in *Physicis* ; eadem insignis etiã in *Moralibus* ; cum *Homines* profligatissimi, & maximè facinorosi, minus corruptelæ inferant publicis *Moribus*, quam qui aliquid videntur habere *Sanitatis* & *Virtutis*, & ex parte tantum mali sunt. *Quod conservativum est Formæ majoris, id activitate potentius* : Regula est in *Physicis* : Etenim, ut non abscindatur ipse *Rerum Nexus*, nec detur (ut loquuntur) vacuum, facit ad conservandam *Fabricam Universi* : Ut verò *Gravia* congregentur ad *Massam Terræ*, facit ad conservandam tantum *Regionem Denforum*. Itaque prior *Motus* posteriorem domat. Eadem tenet in *Politicis* : Nam quæ faciunt ad conservandam ipsam *Politiam* in suâ *Naturâ*, validiora sunt, quam quæ ad Bene esse *Particularium* in Rep. *Membrorum* conducunt. Similiter eadem locum habet in *Theologiâ*. Etenim in *Theologicis Virtutibus*, *Charitas*, quæ est *Virtus* maximè communicativa, præ reliquis omnibus eminet. *Augetur vis Agentis per Antiperistasis Contrarii* : Regula est in *Physicis* ; Eadem mira præstat in *Politicis* ; cum omnis *Factio*, ex contraria ingruente, vehementer irritetur. *Tonus discors in concordem actum desinens, Concentum commendat* : Regula est *Musica* ; Eadem in *Ethicis*, & *Affectibus* obtinet. *Tropus ille Musicus, à clausulâ aut Cadentiâ* (quam vocant) cum jam-jam adesse videatur, placidè elabendi ; convenit cum *Tropo Rhetorico Expectationem eludendi*. *Fidium sonat tremulus*, eandem affert auribus voluptatem, quam *Lumen, Aquæ aut Gemmæ* insiliens, *Oculis* ;

————— *Splendet tremulo sublumine Pons.*

Organa Sensuum cum Organis reflexionum conveniunt :

Hoc in *Perspectivâ* locum habet ; *Oculus* enim similis *Speculo*, five *Aquis* ; Et in *Acousticâ* ; *Instrumentum* enim *Auditus* obici intra *Cavernam* simile. Hæc pauca enumerasse sufficiet ad *Exempla*. Quin imò *Atagia Persarum* (quæ in tantum est celebrata) in eo potissimum versabatur, ut *Architecturas* & *Fabricas*, *Rerum Naturalium*, & *Civilium*, symbolizantes notaret. Neque hæc omnia quæ diximus, & alia hujus generis, *Similitudines* meræ sunt (quales *Homines* fortasse parum perspicacibus videri possint) sed planè una, eademque *Naturæ Vestigia* aut *Signacula*, diversis *Materiis*, & *Subjectis* impressa. Atque hæc *Res* adhuc sedulo tractata non est. Invenias fortasse in

in Scriptis, quæ ab Ingeniis celsioribus, promanârunt, hujusmodi *Axiomata* rarè & sparsim inserta, ex usu argumenti quod tractant: Corpus verò aliquod talium *Axiomatum*, quæ vim habeant quandam Primitivam, & summariam ad *Scientias*, nemo composuit; cum tamen sit Res ejusmodi, quæ insignitèr Naturam unam faciat; quod *Philosophiæ Primæ* Munus esse autumant.

Est & alia hujus *Philosophiæ Primæ* pars, quæ, si ad vocabula respicias, vetus est; si ad rem quam designamus, nova. Est autem Inquisitione de *Conditionibus adventitiis Entium*, (quas *Transcendentes* dicere possumus) *Pauco*, *Multo*; *Simili*, *diverso*; *Possibil*, *Impossibili*; etiâ *Ente*, & non *Ente*; atque ejusmodi. Quandoquidem enim ista sub *Physicâ* propriè non cadant; Dissertatio autem *Dialectica* circa ea, magis ad Argumentandi Rationes, quam ad Rerum Existentiam sit accommodata; consentaneum omninò est, ut hæc *Contemplatio* (in quâ non parum est Dignitatis & Utilitatis) haud deferatur prorsus, sed in *Scientiarum* Partitionibus, nonnullum saltè inveniât locum: Veruntamen hoc intelligimus fieri debere, longè alio, quam quo tractari solet, modo. Exempli gratiâ; Nemo, qui de *Multo* & *Pauco* verba fecit, hoc egit, ut causâ reddatur, cur alia in Naturâ, tam numerosa & ampla sint, & esse possint, alia tam rara & modica: Nam certè fieri non potest, ut in Rerum Naturâ, tanta sit copia Auri, quanta Ferri; tanta Rosæ, quanta Graminis; tanta Specificati, quanta non Specificati, Similiter, Nemo, qui de *Simili* & *Diverso* disseruit, satis explicavit, cur quasi perpetuò inter *Species diversas*, interponantur *Participia* quædam, quæ sunt Speciei ambiguae; veluti Muscus inter Putredinem & Plantam, Pisces qui hærent & loco non moventur, inter Plantam & Animal; Sorices & Mures, & alia nonnulla, inter Animalia ex Putredine & ex Semine prognata; Vespertiones inter Aves & Quadrupedes; Pisces volantes, (qui jam notissimi sunt) inter Aves & Pisces; Phocæ inter Pisces & Quadrupedes; & alia hujusmodi. Neque rursus causâ indagavit quispiam, cur cum *Similia Similibus gaudeant*, Ferrum Ferrum non trahat, quod Magnes facit; neque Aurum ipsum Aurum, licet Argentum vivum alliciat: Circa hæc, & similia, in Disceptatione de *Transcendentibus* illis, altum est Silentium: Orationis enim Apices, non Rerum Subtilitates secuti sunt Homines. Quamobrem horum *Transcendentium*, sive *Conditionum Entium adventitiarum* Inquisitionem veram, & solidam, secundum Naturæ non Sermonis leges, *Philosophiam Primam* recipere volumus. Atque de *Philosophia primâ* (sive de *Sophiâ*) quam inter *Desiderata* haud immeritò retulimus, hæc dicta sint.

CAPUT II.

De Theologiâ Naturali: & Doctrina de Angelis & Spiritibus, quæ ejusdem est Appendix.



Ollocatâ igitur suâ in sede, *Communi Scientiarum Parente*, instar Berecynthiæ tantâ gaudentis cœlesti sobole;

Omnes Cœlicolas, omnes Supera alta tenentes;

Revertamur ad Partitionem illam trium *Philosophiarum*, *Divinæ*, *Naturalis*, & *Humanæ*. Nam *Theologia Naturalis*, *Philosophia* etiam *Divina* rectè appellatur. Diffinitur autem hæc, ut si talis *Scientia*, seu potius *Scientiæ* Scintilla, qualis de Deo haberi potest, per lumen Naturæ, & Contemplationem Rerum creatarum; & ratione Objecti, sanè *Divina*, ratione Informationis, *Naturalis* censeri potest. Hujus *Scientiæ* limites ita verè signantur, ut ad Atheismum confutandum, & convincendum, & ad Legem Naturæ informandam, se extendant; ad Religionem autem astruendam non proferantur. Quamobrem nec Deus unquam edidit Miraculum, quo converteretur Atheus; quia poterat ipso Naturæ Lumine ad noticiam Dei perducere; verum Miracula ad convertendos Idolatras & Superstitiosos designata sunt, qui numen agnoverunt, sed in Cultu ejus aberrarunt; quoniam non sufficit Lumen Naturæ, Dei voluntati declarandæ, aut Cultui ejus legitimo prodendo. Sicut enim Opificis potentiam & peritiam ostendunt Opera ejus, Imaginem autem minimè; sic Opera Dei, Conditoris omni-potentiam & Sapientiam ostendunt, Imaginem ejus haudquaquàm depingunt. Atque hâc in re, Ethnicorum Opinio à sacrâ Veritate recedit. Illi siquidem Mundum Imaginem Dei statuiebant, Hominem Mundi. At Sacræ Literæ haud tali honore Mundum dignantur, ut Dei uspiam Imago dicatur, sed solummodò Opus Manuum ejus; Hominem vero Imaginem Dei immeditare substituunt. Quocircâ, quod sit Deus, quod Rerum Habenas traher, quod summè Potens quod Sapiens & Præscius, quod Bonus, quod Remunerator, quod Vindex, quod adorandus, etiam ex Operibus ejus demonstrari, & evinci potest: & Admirabilia complura Secreta circa Attributa ejus, & multò magis circa Regimen, & Dispensationem super universum, etiam sobre ex iisdem elici & manifestari queunt; estque istud Argumentum à nonnullis utilitèr pertractatum. Verum ex intuitu Rerum Naturalium, atque humanæ Rationis Principiis, de Fidei Mysteriis vel ratiocinari, vel etiam suadere vehementius; aut rursus ea curiosius introspicere, & ventilare, & de modo Mysterij inquirere; haud tutum meo judicio fuerit. *De Fidei quæ Fidei sunt.* Nam vel Ethnicis, in illustri illâ & divinâ, de Auræ Catenâ, Fabulâ, hoc ipsum concedunt, quod Iovem de Cœlo ad Terras deducere nec Homines potuerunt, nec Dii; è contrario, quod Iupiter pertrahere eos potuerit è Terrâ ad Cœlum.

Quare frustra sudaverit, qui cœlestia Religionis Arcana, nostræ Rationi adaptare conabitur: Decebit potius Mentis nostras ad cœlestis Veritatis Thronum adorandum attollere. In hac igitur parte *Theologiæ Naturalis*, tantum abest ut Defectum aliquem observem, ut Excessum potius reperiam; ad quem subnotandum paulum iam digressus, propter maxima Incommoda & Pericula, quæ ex eorum Religioni, tum Philosophiæ impendent; utpote qui & Religionem Hæreticam procudet, & Philosophiam Phantasticam & Superstitiosam.

Secus est, quod ad *Angelorum & Spirituum* Naturam attingit, quæ nec inscrutabilis est, nec interdicta; Ad quam etiâ, ex Affinitate, quam habet cum Animâ humanâ, Aditus magnâ ex parte est patefactus. Præcipit certè Sacra Scriptura, *Nemo vos decipiat in sublimitate sermonum, & religione Angelorum, ingerens se in ea quæ non novit*. Attamen si hoc Monitum diligentèr perpendas, duo duntaxat in eo vitare reperies; Adorationem scilicet, qualis Deo debetur, Angelorum; & fanaticas de iis Opiniones, vel ultra Creaturæ sortem eos efferentes, vel ampliorem de iis cognitionem, quam quis reverà adeptus sit, venditantes. Ceterum sobria circa illos Inquisitio, quæ vel per Rerum Corporearum Scalam, ad eorum Naturam pernoscendam ascendat; vel in Animâ Humanâ, veluti in Sæculo, eam inueatur, neutiquam prohibetur. Idem de *Spiritibus* statuendum *Immundis*, qui à Statu suo deciderunt. Consortium cum iis, atque usus operæ eorum, illicitus est, multò magis qualiscunque Cultus vel Veneratio. At Contemplatio & Cognitio illorum Naturæ, Potestatis, Illusionum, non solum ex locis Scripturæ Sacræ, sed ex Ratione, aut Experientiâ, haud postrema pars est Sapientiæ Spiritualis. Sic certè Apostolus, *Stratagematum ejus non ignari sumus*. Ac non minùs *Dæmonum* Naturam investigare in *Theologiâ Naturali* conceditur, quam *Venenorum* in *Physicâ*, aut *Vitiorum* in *Ethicâ*. Hanc autem *Scientiæ* patrem de *Angelis & Dæmonibus*, inter *Defiderata* numerare non licet, quippe quæ ab haud paucis sit tentata: Æquius esset, ut Scriptorum in hoc genere Pars haud parva, aut Vanitatis, aut Superstitionis, aut Subtilitatis inutilis, arguantur.

CAPUT III.

Partitio Naturalis Philosophiæ in Speculativam & Operativam: quodque illæ duæ, & in intentione Tractantis, & in Corpore Tractatus, segregari debeant.

MIssâ igitur *Theologiâ Naturali* (cui Inquisitionem de *Spiritibus*, ut *Appendicem* attribuimus) accedamus ad secundam Partem; videlicet illam de *Naturâ*, sive *Philosophiam Naturalem*. Optimè Democritus; *Scientiam de Naturâ, in profundis Mineris, sive Puteis latere demersam*. Non malè Chymici; *Vulcanum alteram Naturam esse; quin etiâ id celeritèr perficere, quod Natura per ambages, & temporis moras solet*. Quidni igitur *Philosophiam* in duas Partes secemus, *Fodinam & Fornacem*; & duo constituamus *Philosophorum Munera, Operarios in Mineris, & Fabros*? Sanè utcunque

que videamur hæc per lusum loqui; tamen hujus generis Partitionem utilissimam esse censemus, cum proponetur Vocabulis Familiaribus & Scholasticis; hoc est, ut dividatur *Doctrina de Naturâ*, in *Inquisitionem Causarum*, & *Productionem Effectuum*; *Speculativam* & *Operativam*. Altera Naturæ Viscera perscrutatur; altera Naturam veluti super Incudem efformat. Neque me fugit quam arcto copulentur vinculo, *Causæ* & *Effectus*, ut Explicationem eorum aliquatenus conjungi sit necesse. Attamen quandoquidem omnis solida & fructuosa *Naturalis Philosophia*, duplicem adhibeat Scalam, eamque diversam; *Ascensoriam* & *Descensoriam*; Ab *Experientiâ* ad *Axiomata*, & ab *Axiomatibus* ad *nova Inventa*; consultissimū judico, ut hæ duæ Partes, *Speculativa* & *Operativa*, & in Intentione Tractantis, & in Corpore Tractatûs, separantur.

CAPUT IV.

Partitio Doctrinæ Speculativæ de Naturâ, in Physicam Specialem, & Metaphysicam: quarum Physica Causam Efficientem & Materiam; Metaphysica Causam Finalem & Formam inquirat. Partitio Physicæ in Doctrinas de Principiis Rerum, De Fabricâ Rerum sive de Mundo, & De Varitate Rerum. Partitio Physicæ de Varietate Rerum in Doctrinam de Concretis, & Doctrinam de Abstractis. Partitio Doctrinæ de Concretis, rejicitur ad easdem Partitiones, quas suscipit Historia Naturalis. Partitio Doctrinæ de Abstractis in Doctrinam de Schematismis Materiæ, & Doctrinam de Motibus. Appendices duæ Physicæ Speculativæ, Problemata Naturalia, Placita Antiquorum Philosophorum. Partitio Metaphysicæ, in Doctrinam de Formis, & Doctrinam de Causis Finalibus.

Naturalis Philosophiæ Partem, quæ *Speculativa* est, & *Theorica*, in *Physicam Specialem*, & *Metaphysicam* dividere placet. Atque in hac Partitione attendant Homines, nos Vocabulum *Metaphysicæ* usurpare, Sensu, à recepto & vulgato, discrepanti. Hic autem Locus admonendi videtur, de nostro, in genere, circa usum Vocabulorum, instituto. Id hujusmodi est, ut tam in præmissio Vocabulo *Metaphysicæ*, quam in alijs, ubi Conceptus & Notiones nostræ novæ sunt; & à receptis recedunt, maximâ certè cum Religione Antiqua Vocabula retineamus. Cum enim futurum speremus, ut Ordo ipse, & dilucida rerum Explicatio, quam subungere conamur, nos à pravâ vocabulorum (quibus utimur) intelligentia liberent; in cæteris omnino avemus (quatenus sine Veritatis ac Scientiarum dispendio fieri possit) vel minimum, ab Antiquorum aut Opinionibus, aut Loquendi More deflectere. Quâ in

re Aristotelis confidentiam proinde subit mirari, qui impetu quodam percitus Contradictionis, & Bellum universæ Antiquitati indicens, non solum nova Artium Vocabula pro libitu cudendi licentiam usurpavit; sed etiam priscam omnem Sapientiam extinguere & delere annisus est. Adeo ut neque nominet uspiam Authores Antiquos, neque Dogmatum eorum mentionem ullam faciat, nisi quod aut Homines perstringeret, aut Placita redargueret. Sanè si famam Nomini suo, ac Sequacium Turbam affectaverit, hoc rationibus suis inprimis accommodatum. Siquidem in Veritate Philosophicâ asserendâ, & recipiendâ, idem contingit, quod in Veritate divinâ; *Veni in nomine Patris, nec recipitis me; si quis venerit in nomine suo, cum recipietis.* Sed ex hoc cœlesti Aphorismo, si quem præcipue designaverit spectemus; (nempe Antichristum omnium seculorum Impositorem maximum) colligere licet, istud ipsum, *Venire in nomine suo*, nullâ Antiquitatis, aut (si ita loqui licet) Paternitatis habitâ ratione, Rem mali Ominis esse ad Veritatem; utcumque eam sæpenumerò comitetur illa Fortuna, *Eum recipietis.* Cæterum de Viro tam eximio certè, & ob Acumen Ingenii mirabili, Aristotele, crediderim faciliè hanc Ambitionem cum à Discipulo suo accepisse, quem fortassè amulatus est; ut si ille omnes Nationes, hic omnes Opiniones subigeret, & Monarchiam quandam in Contemplationibus sibi conderet. Quanquàm fieri possit, ut apud aliquos tetricos, & linguæ acerbæ, simili cum Discipulo suo titulo insigniretur.

Fœlix terrarum prædo, non utile mundo

— Editum exemplum: —

Eodem modo,

Fœlix Dôctrinæ prædo &c.

Nobis verò ex alterâ parte, (quibus, quantum calamo valemus, inter vetera & nova in Literis, foedus & commercium contrahere, cordi est) decretum manet, Antiquitatem comitari *Vsq̃ue ad aras*; atque Vocabula Antiqua retinere, quanquam Sensum eorum & Diffinitiones sæpiùs immutemus; Secundum moderatum illum & laudatum, in Civilibus, novandi modum, quo Rerum Statu novato, Verborum tamen Solennia durent; quod notat Tacitus; *Eadem magistratum Vocabula.*

Redeamus igitur ad Acceptionem Vocabuli *Metaphysicæ*, nostro sensu. Patet ex iis, quæ suprâ disseruimus, disjungere nos *Philosophiam primam à Metaphysicâ*, quæ hætenus pro Re eadem habitæ sunt. Illam *Communem Scientiarum parentem*, hanc *Naturalis Philosophiæ portionem* posuimus. Atqui *Philosophiæ primæ* communia & promiscua *Scientiarum Axiomata* assignavimus. Etiam *Relativas, & Adventitias Entium Conditiones* (quas *Transcendentes* nominavimus) *Multum, Paucum; Idem, Diversum; Possibile, Impossibile*; & hoc genus reliqua, eidem attribuimus; id solummodò cavendo, ut Physicè, non Logicè tractentur. At Inquisitionem de *Deo, Vno, Bono, Angelis, Spiritibus*, ad *Theologiam Naturalem* retulimus. Merito igitur quæri possit, quid tandem sit, quod *Metaphysicæ* relinquatur? Certè ultra

ultra Naturam nihil; sed ipsius Naturæ Pars multò præstantissimâ. Atque profectò, citra Veritatis dispendium, huc usque de Veterum Sententiâ respondere liceat, *Physicam* ea tractare, quæ penitus in Materiâ mersa sunt, & Mobilia; *Metaphysicam* Abstracta magis, & Constantia. Rursus *Physicam* in Naturâ supponere Existentiâ tantum & Mutam & Naturalem Necessitatem: At *Metaphysicam* etiâ Mentem & Idæam. Nam huc fortè redit ea, quam dicemus, Res. Verum nos eam, missâ Sermonis Sublimitate, perspicuè & familiaritè proponemus. Partiti sumus *Naturalem Philosophiam*, in *Causarum Inquisitionem*, & *Productionem Effectuum*. *Inquisitionem Causarum* in *Theoricam* coniecimus. Eam in *Physicam* & *Metaphysicam* partiti sumus. Ergo necesse est, ut vera Differentia harum sumatur ex naturâ Causarum, quas inquirunt. Itaque absque aliquâ obscuritate, aut circuitione, *Physica* est quæ inquit de *Efficiente* & *Materiâ*; *Metaphysica* quæ de *Formâ* & *Fine*.

Physica igitur, *Causarum* Vaga, & Incerta, & pro modo Subiecti; Mobilia complectitur; *Causarum* Constantiam non assequitur.

Limus ut hic durefcit, & hæc ut cera liquefcit;

Vno eodemq; igne. ———

Ignis duritiei Causâ, sed in Limo; Ignis Colliquationis Causâ, sed in Cera. Partiemur autem *Physicam* in *Doctrinas* tres. *Natura* enim aut collecta in unum; aut fusa & sparsa est: Colligitur verò in unum *Natura*, aut propter *Communia Rerum omnium Principia*; aut propter *unicam integram universi Fabricam*. Itaque hæc *Vnio Naturæ* duas peperit *Physica* Partes: unam de *Principijs Rerum*; alteram de *Fabrica Universi* sive de *Mundo*, quas etiâ *Doctrinas de Summis* appellare consuevimus. Tertia *Doctrina* (quæ de *Naturâ sparsâ* sive *fusâ* tractat) *omnimodam Rerum Varietatem*, & *Summas minores* exhibet. Ex his igitur patet tres omninò reperiri *Doctrinas physicas*. De *Principijs Rerum*; De *Mundo* sive de *Fabricâ Rerum*; & de *Naturâ multiplici* sive *sparsâ*; Quæ postrema (ut diximus) *omnimodam Rerum varietatem* continet; estque veluti *Glossa prima*; aut *Paraphrasis* circa *Naturæ Interpretationem*. Harum trium Partium *desideratur* totalitè nulla; Cæterum quam verè & solidè tractentur, non est hic diffinendi Locus.

At *Physicam sparsam* sive de *Varietate Rerum*, rursus in duas Partes dividemus; *Physicam* de *Concretis*, & *Physicam* de *Abstractis*; sive *Physicam* de *Creaturis*, & *Physicam* de *Naturis*. Altera (ut *Logicis Vocabulis* utamur) inquit de *Substantiis*, cum omni varietate sutorum *Accidentium*: Altera de *Accidentibus*, per omnem varietatem *Substantiarum*. Veluti, si inquiratur de Leone, aut Quercu, illa complura diversa *Accidentia* suffulciunt: Contrâ, si inquiratur de Calore aut Gravitate, illa plurimis distinctis *Substantiis* insunt. Cum verò omnis *Physica*, sita sit in medio, inter *Historiam Naturalem* & *Metaphysicam*; Prior Pars (si rectè advertas) *Historiæ Naturali* propior est, posterior *Metaphysicæ*. *Physica* autem *Concreta* eandem subit Divisionem, quam *Historia Naturalis*; ut sit vel circa *Cælestia*; vel circa *Meteôra*; vel circa *Globum*

Terræ & Maris; vel circa *Collegia Majora*, quæ *Elementa* vocant; vel circa *Collegia Minora*, sive *Species*; etiâ circa *Præter generationes*; & circa *Mechanica*. Etenim in hisce omnibus, *Historia Naturalis* Factum ipsum perscrutatur & refert; at *Physica* itidem Causas: sed intellige hoc de *Causis Fluxis*, *Materia* scilicet & *Efficiente*. Inter hæc *Physicæ* Portiones, manca prorsus & imperfecta est ea, quæ inquit de *Cœlestibus*, cum tamen propter Nobilitatem Subjecti præcipuè Hominibus curæ esse deberet. Etenim *Astronomia* fundata est in Phœnomenis non malè; sed humilis est, & minimè etiâ solida: At *Astrologia* in plurimis etiâ Fundamento caret. Certè *Astronomia* talem offert Humano Intellectui Victimam, qualem Prometheus olim, cum fraudem Jovi fecit: Adduxit ille, loco Bovis veri, Pellem Bovis, grandis & pulchri, Stramine, & Folijs, & Viminibus suffarcinatam. Exhibet similiter & *Astronomia*, Exteriora Cœlestium (Astrorum di. imus Numerum, Situm, Motus, Periodos) tanquam Pellem Cœli, pulchram, & in Systemata fabre concinnatam: At viscera defunt (*Rationes* nempe *Physicæ*) ex quibus (*Hypothesibus Astronomicis* adjunctis) eruat Theoria; non quæ Phœnomenis tantum satisfaciât, (cujus generis complures ingeniosè confingi possent;) sed quæ Substantiam, & Motum, & Influxum Cœlestium, prout reverà sunt, proponat. Explora enim ferè jam pridem sunt illa; *Raptus Primi Mobilis*; & *Soliditas Cœli* (stellis in Orbibus suis tanquam Clavis in Laquearibus infixis.) Nec multò melius asseritur; Quod sint *diversi Poli* Zodiaci & Mundi; Quod sit *Secundum Mobile* Renitentia in adversum Primi Mobilis Raptus; Quod omnia in Cœlo ferantur per *Circulos perfectos*; Quod sint *Eccentrici*, & *Epicycli*, quibus Motuum in Circulis perfectis Constantia serveretur; Quod à Lunâ in superius nulla sit *Mutatio* aut *Violentia*; & hujusmodi. Atque harum Suppositionum Absurditas, in Motum Terræ Diurnum (quod nobis constat falsissimum esse) Homines impegit. At vix quisquam est, qui inquisivit Causas Physicas, tum de *Substantiâ Cœlestium* tam Stellari quam interstellari, tum de *Celeritate* & *Tarditate* Corporum Cœlestium ad invicem; tum de *Incitatione Motus diversâ* in eodè Planetâ; tum de *Motuum Consecutione* ab Oriente in Occidentem, aut è contrâ; deque *Progressionibus*, *Stationibus*, & *Retrogradationibus*; tum de *Motuum Sublatione*, & *Casu*, per *Apo-gæa* & *Perigæa*; tum de *Motuum Obliquatione*, vel per *Spiras* se versus *Tropicos* texendo & retexendo, vel per *Sinuationes*, quas *Dracones* vocant; tum de *Polis Rotationum*, cur magis in tali Parte Cœli siti sint, quam in aliâ; tum de *Alligatione quorundam Planetarum* ad *Distanciam* certam à *Sole*: Hujus (inquam) generis Inquisitio vix tentata est, sed in *Mathematicis* tantum *Observationibus* & *Demonstrationibus* insudatur. Eæ autem ostendunt, quomodò hæc omnia ingeniosè concinnari & extricari possint, non quomodò verè in Naturâ subsistere; Et Motus tantum Apparentes, & Machinam ipsorum Fictitiam, & ad placitum dispositam, non Causas ipsas, & Veritatem Rerum indicant. Quocircà non malè *Astronomia* (qualis nunc haberetur) inter *Artes Mathematicas*, non sine Dignitatis suæ dispendio numeratur; cum debeat potius (si proprias Partes tueri velit) constitui *Physicæ* pars

pars quasi nobilissima. Quicunque enim *Superlunarium* & *Sublunarium* conficta Divortia contempserit; & *Materia Appetitus* & *Passiones* maximè *Catholicas*, (quæ in utroque Globo validæ sunt, & Uoiversalitatem Rerum transverberant) benè perspexerit; is ex illis, quæ apud nos cernuntur, luculentam capiet de *Rebus Cœlestibus* Informationem; & ab ijs è contrà, quæ in Cœlo fiunt, haud pauca de *Moribus Inferioribus* (qui nunc latent) perdiscet; non tantùm quatenùs hi ab illis regantur, sed quatenùs habeant *Passiones communes*. Quamobrèm hanc Partem *Astronomiæ*, quæ *Physica* est, *desiderari* statuimus. Eam *Astronomiam Vivam* nominabimus, ad Differentiam Bovis illius *Promethei*, *Suffarcinati*, & solummodò *Figurâ* tenus Bovis.

At *Astrologia* multâ *Superstitione* referta est, ut vix aliquid sanum in eâ reperiat. Attamen eam potiùs expurgandam, quam prorsùs abijciendam esse censemus. Quod si quis hanc Scientiam, non in *Ratione*, aut *Contemplationibus Physicis*; sed in *cæcâ Experientiâ*, & complurium *Seculorum* *Observatione*, fundatam esse contendat; ideòque *Rationum Physicarum* *Examen* rejiciat (quod jactabant *Chaldæi*) is eadem operâ & *Auguria* revocet, & *Aruspicinam*, & *Extâ*, & omnigenas *Fabulas* degiuriat; Nam & hæc omnia, ut diutinæ *Experientiæ*, & per *Manus* traditæ *Disciplinæ*, *Dictamina* fuisse asseriebantur. Nos verò, & ut *Physicâ* Portionem *Astrologiam* recipimus, & non plus ei, quam *Ratio* & *Rerum Evidentia* concedit, tribuimus; demptis *Superstitionibus* & *Commentis*. Ut verò Rem paulò attentius introspiciamus; Primò, quam inane illud *Commentum*; Quod singuli *Planetae* vicissim per *Horas* regnent, ut *Spatio* viginti quatuor *Horarum*, *Regna* sua ter repetant, præter *Horas* tres *supernumerarias*? Attamen hoc *Commentum* nobis *Divisionem Hebdomadæ* (Rem tam *Antiquam*, & tam latè *Receptam*) peperit; ut ex *Alternatione* *Dierum* manifestissimè patet; cum in *Principio Diei* sequentis, regnet semper *Planeta*, à *Planetâ* prioris *Diei*, *Quartus*; propter tres illas *Horas*, quas diximus *supernumerarias*. Secundò, pro *Commento* vano rejicere non dubitamus, *Doctrinam* de *Thematibus Cœli*, ad *Puncta Temporis certa*, cum *Distributione Domorum*; ipsas scilicet *Astrologiæ* *Delicias*, quæ *Bacchanalia* quædam in *Cœlestibus* exercuerunt: Nec satis mirari possumus, *Viros* quosdam egregios, & in *Astrologiâ* *Principes*, tam levi ad ista astruenda *Argumento* innixos esse: Aiunt enim, quando illud prodât *Experientia ipsa*, *Solstitia*, *Æquinoctia*, *Novilunia*, *Plenilunia*, & hujusmodi *stellarum Revolutiones majores*, manifestò & insignitèr operari super *Corpora Naturalia*; necesse esse ut *Positura Stellarum* magis exactæ & subtiliores, *Effectus* quoque magis exquisitos & occultiores producant. Illi verò seponere primò debuerant, *Operationes Solis* per *Calorem manifestum*; & similiter *Lunæ vim* quandam *Magneticam*, super *Incrementa Æstuum* semimenstrua: (Nam *Fluxus* & *Refluxus* *Maris* quotidianus alia Res est:) His verò sepositis, reliquas *Planetarum vires* super *Naturalia* (quatenùs *Experientiâ* comprobantur) tenues admodum, & infirmas, & quasi latitantes reperient, etiàm in *Revolutionibus Majoribus*. Quare contrario prorsùs modo concludere debuerant; nimirum cum *Revolutiones illæ Majores* tam parùm possint;

possint; *Exactas* illas & *Minutas Positurarum Differentias* nihil omnino virium obtinere. Tertiò *Fatalia* illa, quod Hora Nativitatis aut Conceptionis Fortunam Foetus regat, Hora Incæptionis Fortunam Incæpti, Hora Quæstionis Fortunam Rei Inquilæ, atque (ut verbo dicamus) *Doctrinas de Nativitatibus, Electionibus, & Quæstionibus*, & istiusmodi Levitates, maximâ ex Parte, nihil certi aut solidi habere, & Rationibus Physicis planè redargui & evinci, judicamus. Illud igitur magis attinet dicere, quid tandem in *Astrologicis* retineamus, aut probemus? Atque in ijs quæ probamus, quid *desideremus*? Nam hujus postremæ Rei gratiâ (nempe ejus quod *desideratur*) sermonem hunc instituimus, cum aliâs Censuris (ut sæpè diximus) non vacemus. Atque inter recepta certè, *Doctrinam de Revolutionibus*, plus Sanitatis quam reliqua habere censemus. Verùm id optimum factu foret, si *Regulas* quasdam præscribamus, ad quarum Trutinam & Normam, *Astrologica* examinentur; ut utilia retineantur, rejiciantur inania. Prima ea sit, de quâ jam antè monuimus *Revoluciones Majores* retineantur, *valeant Minores Heroscoporum & domorum*. Illæ instar Tormentorum grandium ictus suo à longinquo jacere queant, hæ tanquam Arcus Minores Spatia evadere & vires deferre non possunt. Secunda est; *Operatio Cælestium in Corpora omniæ non valet, sed tantum in teneriora*, quæ sunt Humores, Aer, & Spiritus: Atque hic tamen excipimus Operationes Caloris, Solis & Cælestium, qui & ad Metalla, & ad plurimâ Subterranea proculdubio penetrat. Tertia est; *Omnis Operatio Cælestium, potius ad Massas Rerum extenditur, quam ad Individua*: Obliquè tamen pervenit etiâ ad Individua nonnulla: Illa scilicet, quæ ex Individuis ejusdem Speciei sunt maximè Passibilia, & tanquam Cera mollior; veluti cum Constitutio Aeris pestilens, Corpora minus resistentia occupat; magis resistentia præterit. Quarta est præcedenti non dissimilis; *Omnis Operatio Cælestium, non in Puncta Temporum, aut Angustias minutæ; sed in Spatia Majora defluit & dominantur*: Itaque Prædictiones de Temperaturis Anni, veræ esse possint; de Diebus singulis, pro vanis meritò habentur. Postrema est; (quæ etiâ prudentioribus Astrologis semper placuit) quod *Nulla infit Astris Fatalis Necessitas*; sed quod inclinent ea potius quam cogant. Addimus & illud, (in quo in Partes *Astrologiæ*, si fuerit emendata, non obscurè venire videbimur) nimirum quod nobis pro certo constet, Cælestia in se habere alios quosdam Influxus, præter *Calorem & Lumen*. Qui tamen ipsi, secundum Regulas illas, quas jam posuimus, & non aliter, valent. Verùm illi in intimâ *Physicâ* latent, & longiorem Dissertationem postulant. Visum est igitur nobis (his quæ diximus ritè perpensis) inter *Desiderata* reponere *Astrologiam* his Principiis nostris consentaneam; Atque sicut *Astronomiam*, quæ Physicis Rationibus nitatur, *Astronomiam Vivam* nominavimus; ita & *Astrologiam*, quæ per easdem regitur, *Astrologiam Sanam* appellare placet. Circa quam rectè conficiendam, licet ea quæ diximus non parùm profutura sint; pauca tamen addemus, more nostro, quæ liquidò proponent, & ex quibus sit coagmentanda; & ad quæ adhibenda. Primò in *Astrologiam Sanam* recipiatur *Doctrina de Commixionibus Radium*,
Con-

Conjunctionibus scilicet & Oppositionibus, & reliquis Syzygiis, five Aspectibus Planetarum inter se: *Planetarum* autem, per *Signa Zodiaci Pertransitum*, & *Locationem* sub *iisdem Signis*, etiã huic Parti, de Commixtionibus Radiorum, assignamus: Locatio enim Planetæ sub Signo, est Conjunctio quædam ejusdem cum Stellis Signi: Quinetiã sicut Conjunctiones, ita & *Oppositiones*, & reliquæ *Syzygiæ Planetarum* erga *stellas Signorum* notandæ sunt, quod adhuc plenè factum non est. At Commixtiones Radiorum Stellarum Fixarum ad invicem, utiles quidem sunt ad Contemplationem de Fabricâ Mundi, & Regionum subjacentium Naturâ; ad Prædictiones minimè, quia semper eodem modo se habent. Secundò recipiantur *Accessiones* singulorum Planetarum propius ad *Perpendicularum*, aut *Recessiones* ab ipso, secundum Regionum Climata: Habent enim Planetæ singuli, non minùs quam Sol, suas Æstates, suas Hyemes; in quibus fortius aut infirmius Radios jacent, propter rationem Perpendiculari. Etenim nobis dubium non est, quin Luna posita in Leone, fortius operetur super Corpora Naturalia, apud nos, quam posita in Piscibus: Non quod Luna sub Leone ad Cor respiciat, sub Piscibus ad Pedes (sicut fabulantur;) sed propter Elevationem versus Perpendicularum, & Approximationem ad Stellas majores, eãdem prorsus ratione quã & Sol. Tertiò recipiantur *Apogæa* & *Perigæa Planetarum*, cum debitâ disquisitione, ad quæ pertineat *Planeta Vigor* in seipso, ad quæ *Vicinitas* ad nos. Planeta enim in Apogæo, five Exaltatione suâ, magis alacer est; in Perigæo autem, five Casu suo, magis communicat. Quartò recipiantur (ut summatim dicamus) omnia reliqua *Accidentia Motus Planetarum*; quales singulorum in Itinere suo *Accelerationes*, *Retardationes*, *Progressus*, *Stationes*, *Retrogradationes*; quales *Distantiæ à Sole*, *Combustiones*, *Augmenta* & *Diminutiones Luminis*, *Ecclipses*, & si quæ sint alia? Etenim faciunt hæc omni, ut Planetarum Radii, vel fortius, vel debilius, diversis denique modis & virtutibus, operentur. Atque quatuor ista ad *Radiationes Stellarum* spectant. Quinto recipiantur, quæ Naturas Stellarum, five Erraticarum, five Fixarum, in propriâ suâ Essentiâ, & Activitate, referare & detegere ullo modo queant; Qualis *Magnitudo*; Qualis *Color* & *Aspectus*; Qualis *Scintillatio* & *Vibratio Luminis*; Qualis *Situs versus Polos* aut *Æquinoctium*; Quales *Asterismi*; Quæ aliis *Stellis* magis *immixta*, quæ magis *solitaria*; Quæ *superiores*, quæ *inferiores*; Quæ ex Fixis intra *vias Solis* & *Planetarum* (*Zodiacum* scilicet,) quæ *extra*; Quis ex Planetis *velocior*, quis *tardior*; Quis *moveatur in Ecclipticâ*, quis *pervagetur in Latitudine*; Quis possit esse *retrogradus*, quis *minimè*; Quis *patiatur omnimodam distantiam à Sole*, quis *alligetur*; Quis *moveatur celerius in Apogæo*, quis in *Perigæo*; Denique *Anomalia Martis*, *Expatiatio Veneris*, & *Labores* five *Passiones* admirandæ, quæ non semel & in *Sole*, & in *Venere* deprehensæ sunt, & si quæ sint alia? Postremò recipiantur etiã ex traditione, *Naturæ* & *Inclinationes Planetarum* particulares; atque etiã *Stellarum Fixarum*; quæ, quandoquidè magno consensu tradantur, non levitèr (præterquàm ubi cum *Physicis* *Rationibus* planè discordant) rejiciendæ sunt. Atque ex talibus Observati onibus coagmentatur *Astrologia sana*; & secundum eas tantum, Sche-

Schemata Cœli & componere & interpretari, oportet.

Adhibetur autem *Astrologia sana*; Ad *Predictiones* fidentiùs, ad *Electiones* cautiùs, ad utraque autē intra Terminos debitos. *Predictiones* fieri possunt, de *Cometis* futuris, qui (ut nostra fert Conjectura) præ-nunciari possunt; & de omni genere *Meteororum*, de *Diluviis*, *Siccitati-bus*, *Ardoribus*, *Conglaciationibus*, *Terræ Motibus*, *Irruptionibus Aquarum*, *Eruptionibus Ignium*, *Ventis* & *Pluviis* majoribus, *Anni variis tempestati-bus*, *Pestilentiis*, *Morbis grassantibus*, *Vbertate* & *Cœritate Frugum*, *Bellis*, *Seditionibus*, *Sectis*, *Transmigrationibus Populorum*, denique de omnibus Rerum vel Naturalium vel Civilium *Motibus*, aut *Innovationibus ma-joribus*: Ad magis autem *Specialia*, & fortè *Singularia*, *Predictiones* istæ (licet minore certitudine) deduci possint, si repertis primò hujusmodi Temporum Inclinationibus generalibus, acri judicio vel Physico vel Politico applicentur illis Speciebus aut Individuis, quæ hujusmodi Ac-cidentibus maximè sint obnoxia, veluti si quis ex præcognitione Tem-pestatum Anni, eas reperiet (exempli gratiâ) magis Oleis quam Viribus, magis Phthisicis quam Hepaticis, magis Incolis Collium quam Valli-um, magis Monachis quam Aulicis (propter Victûs rationem diversam) propitias aut perniciosas. Aut si quis ex Cognitione Influxûs, quem Cœlestia habent super Spiritus humanos, reperiat eum talem esse, ut magis Populis quàm Regibus, magis Viris Doctis & Curiosis, quam Animosis & Militaribus, magis Voluptariis, quam Negotiosis aut Poli-ticis, faveat aut adversetur. Hujusmodi autem innumera sunt, sed (quemadmodum diximus) non tantum Cognitionem illam generalem, quæ sumitur ex Astris (quæ sunt Agentia) verum etiâ particularem Subjectorum (quæ sunt Passiva) requirunt. Neque *Electiones* prorsus rejiciendæ sunt, sed parcius illis quam *Predictionibus* fidendum. Vi-demus enim in Plantationibus, & Seminationibus, & Infectionibus, Æta-tum Lunæ Observationes, non esse res omninò frivolas. Sunt & multa ejus generis. Verum & *Electiones* istæ, etiâ magis quam *Predictiones*, per nostras Regulas cohibendæ sunt. Atque illud semper attendendum; valere *Electiones*, in illis tantum casibus, ubi & Virtus Cœlestium talis sit, quæ non subito transeat; & Actio Inferiorum similiter talis, quæ non statim absolvatur; quemadmodum fit in illis Exemplis quæ me-moravimus: Nam nec Incrementa Lunæ subito transiguntur, nec In-crementa Plantarum. Punctualitas verò temporis omninò repudianda. Inveniuntur autem & talia complura (quod quis minùs putet) in *E-lectionibus circa Civilia*. Quod si quis nos compellat eo nomine, quod ex quibus ista *Astrologia* emendata elici possit; & rursus ad quæ utiliter adhiberi, aliquid monstravimus; quis verò sit eliciendi Modus, neuti-quàm docuimus; ille minùs æquus fuerit, cum Artem ipsam (cujus De-bitores non sumus) à nobis exigit. Hoc tamen circa illud ipsum, quod petit, monebimus; Quatuor tantum esse Modus, quibus ad hanc Scien-tiam Via sternatur. Primò per *Experimenta Futura*; Dein per *Experi-menta præterita*; Rursus per *Traditiones*; ultimò per *Rationes Physicas*. Atque quod ad *Experimenta Futura*, quid attinet dicere? cum illa Se-culis compluribus ad eorum Copiam comparandam indigeant, ut de iisdem Cogitationem suscipere frustra fuerit? Quod verò ad *Experi-menta*

menta Præterita; Ea cerrè in Manu Hominum sunt; licet Res sit laboriosa, & multi otii. Possint enim *Astrologi* (si sibi non desint) omnes *Casus Majores*, (veluti Inundationes, Pestilentias, Prælia, Seditiones, Mortes Regum (si placet,) & similia) ex Historiæ fide depromere; & *Situm Cœlestium*, non secundum Thematum subtilitatem, sed juxta Regulas eas Revolutionū, quæ à nobis adumbratæ sunt, qualis fuerit sub iisdem temporibus, intueri; ut ubi manifestus fuerit Eventuum Consensus & Conspiratio, ibi *Prædictionis* Norma probabilis constituatur. Quatenus ad *Traditiones*; Eas ita ventilare oportet, ut quæ cum *Rationibus Physicis* manifestò pugnent, è medio tollantur; quæ verò cum iis benè consentiant, etiàm Auctoritate suâ valeant. Quantum denique ad *Physicas Rationes*, Illæ maximè huic Inquisitioni accommodatæ sunt, quæ de Catholicis Materiæ Appetitibus, & Passionibus, & de Motibus Corporū simplicibus & genuinis inquirunt. His enim Alis ad Cœlestia ista Materialia ascenditur tutissimè. Atque de *Astrologiâ sanâ* hætenus.

Infantie autem *Astrologica*, (præter ea quæ à principio notavimus Commenta) alia quædam Portio superest non prætermittenda; quæ tamen ab *Astrologia* secludi solet, & in *Magiam*, quam vocant, *Cœlestem* transferri. Ea nacta est mirum Cōmentum Ingenii humani, nimirum, ut *Benignus aliquis Situs Astorum*, in *Sigillis* aut *Signaculis* (pura Metalli, aut Gemmæ alicujus ad Intentionem propriæ) excipiat, quæ Horæ ejus Foelicitatem aliàs prætervolaturam detineant, & quasi volatilem figant. Quemadmodum graviter ille conqueritur, de tam Nobili apud Antiquos Arte, jam pridem amisâ.

*Annulus infuso non vivit mirus Olympo,
Non magis ingentes humili sub lumine Phæbos
Fert Gemma, aut celsò divulsas cardine Lunas.*

Cerrè Reliquias Sanctorum, earumque Virtutes, recepit Ecclesia Romana (neque enim in Divinis & Immaterialis Fluxus temporis obest) verum ut condantur Reliquiæ Cœli, quò Hora, quæ recessit, & tanquam mortua est, reviviscat & continuetur, mera est Superstitio. Missa igitur hæc faciamus, nisi fortè Musæ Aniculæ jam factæ sint.

Physicam Abstractam in duas Partes rectissimè dividi posse statuimus; *Doctrinam de Schematismis Materiæ*, & *Doctrinam de Appetitibus & Motibus*. Utrosque cursim enumerabimus, unde veræ *Physicæ de Abstractis* Adumbratio quædam deduci possit. *Schematismi Materiæ* sunt, *Densum, Rarum; Grave, Leve; Calidum, Frigidum; Tangibile, Pneumaticum; Volatile, Fixum; Determinatum, Fluidum; Humidum, Siccum; Pingue, Crudum; Durum, Molle; Fragile, Tensile; Porosum, Vnitum; Spirituosum, Iejunum; Simplex, Compositum; Absolutum, imperfectè Mixtum; Fibrosum atque venosum, simplicis posturæ sive æquum; Similare, Dissimilare; Specificatum, non Specificatum; Organicum, Inorganicum; Animatum, Inanimatum*; neque ultra rem extendimus. *Sensibile enim & Insensibile, Rationale & Irrationale*, ad *Doctrinam de Homine* rejicimus. *Appetitivum verò & Motuum* duo genera sunt: Sunt enim vel *Motus Simples*, in quibus Radix omnium Naturalium Actionum continetur, pro ratione tamen *Schematismorum Materiæ*; vel *Motus Compositi* sive Producti; à quibus ultimis recepta *Philosophia*, (quæ parùm de Corpore Naturæ stringit)

stringit) auspicatur. Debent autem haberi hujusmodi *Motus Compositi*, (quales sunt *Generatio*, *Corruptio*, & reliqui) pro Pensis quibusdam, aut *Summis Motuum Simplicium*, potius quam pro Motibus Primitivis. *Motus simplices* sunt, *Motus Antitypiæ*, quem vulgò Motum, ne fiat Penetratio Dimensionum, vocant; *Motus Nexûs*, quem Motum ex Fugâ Vacui appellant; *Motus Libertatis*, ne detur Compressio aut Extensio Præternaturalis; *Motus in Spheram novam*, sive ad Rarefactionem & Condensationem; *Motus Nexûs secundi*, sive ne detur solutio Continuatæ; *Motus Congregationis Majoris*, sive ad Massas Connaturalium suorum, qui vulgò dicitur *Motus Naturalis*; *Motus Congregationis Minoris*, qui vulgò dicitur *Sympathiæ & Antipathiæ*; *Motus Disponens*, sive ut Partes benè collocentur in Toto; *Motus Assimilationis* sive Multiplicationis Naturæ suæ super aliud; *Motus Excitationis*, ubi Agens nobilius Motum in alio latentem & sopitum excitat; *Motus Sigilli* sive *Impressionis*, Operatio scilicet absque communicatione Substantiæ; *Motus Regius*, sive Cohibitio reliquorum Motuum à Motu prædominante; *Motus absque termino*, sive Rotatio spontanea; *Motus Trepidationis*, sive Sytoles & Diastoles, Corporum scilicet, quæ locantur inter Cōmoda & Incommoda; Postremò *Decubitus*, sive *Exhorentia Motûs*, quæ etiã plurimarum Rerû est Causativa. Hujusmodi sunt *Motus Simples*, qui ex penetrabilibus Naturæ verè prodeunt; quique Complicati, Continuatæ, Alternati, Frænati, Repetiti, & multis modis aggregati, *Motus illos Compositos*, sive *Summas Motuum*, que receptæ sunt, aut illis similes constituunt. *Summæ Motuum*, sunt decantati illi Motus, *Generatio*, *Corruptio*, *Augmentatio*, *Diminutio*, *Alteratio*, & *Latitudo*; Etiã *Mixtio*, *Separatio*; verso. Superfunt tantum tanquàm *Appendices Physicæ*, *Mensuræ Motuum*; Quid possit *Quantum*, sive *Dosis Naturæ*? Quid possit *Distantia*, id quod Orbis Virtutis sive Activitatis non malè vocatur? Quid possint *Incitatio* & *Tarditas*? Quid brevis aut longa *Mora*? Quid *Vis* aut *Hebectudo rei*? Quid *Stimulus Peristaseos*? Atquæ hæc sunt *Physicæ veræ de Abstractis* Partes genuinæ. Etenim, in *Schematismis Materiæ*, in *Motibus Simplicibus*, in *Summis* sive *Aggregationibus Motuum*, & in *Mensuris Motuum*, *Physicæ de Abstractis* absolvitur. Nam *Motum voluntarium in Animalibus*; *Motum qui fit in Actionibus Sensuum*; *Motum phantasie*, *Appetitûs & Voluntatis*; *Motum Mentis*, *Decreti*, & *Intellectualium*, ad proprias *Doctrinas* amandamus. Illud tamen iteratò monemus, Univerſa hæc quæ diximus, in *Physicâ* non ulterius tractari, quam ut inquirantur *Materia & Efficiens* ipsorum: Retraçantur enim in *Metaphysicâ*, quoad *Formas & Fines*.

Physicæ subjungemus *Appendices* insignes duas, quæ non tam ad *Materiam*, quam ad *Modum Inquisitionis* spectant; *Problemata Naturalia*, & *Placita Antiquorum Philosophorû*. Prior *Naturæ multiplicis* sive *Sparsæ* *Appendix* est; Secunda *Naturæ unitæ* sive *Summarum*. Ultraque ad solertem *Dubitationem* pertinet, quæ *Scientiæ* Pars est non contemnenda: Nam *Problemata Particulares Dubitationes* complectuntur; *Placita generales*; circa *Principia & Fabricam*. *Problematum Exemplum* nobile est in *Libris Aristotelis*: Quod genus Operis meruit certè, non solum ut *Posterorum* laudibus celebraretur, verum etiã ut eorum *Laboribus* continuaretur; cum *Dubitationes* indies oriantur novæ. Attamen in hæc

re adhibenda est Cautio, magni utique momenti. *Dubiorum Commemoratio* & *Propositio* duplicem in se habet fructum; Unum quod *Philosophiam* muniat contra Errores; quando id quod non planè liquet, non judicatur, aut asseritur, (ne Error Errorem gigneret) sed suspenditur de eo iudicium, & non fit positivum: Alterum, quod *Dubitationes*, in codicillos relatae, totidem Spongiae sunt, quae Incrementa Scientiae perpetuò ad se sugant, & alliciant; unde fit ut illae, quae, nisi praecessissent, *Dubitationes*, levitèr, & sicco pede transmissa fuissent, *Dubitationum* admonitu attentè & studiòsè observentur. Verùm hae duae Utilitates vix unum compensant Incommodum, quod nisi sedulò prohibeatur, se ingeret; Nimirum quod *Dubitatio*, si semel admittatur tanquam iusta, & fiat quasi Authentica, statim Defensores in utramque partem suscitabit, qui etiam posteris eandem Licentiam *Dubitandi* transmittant; adeò ut Homines Ingenia sua intendant & applicent ad hoc, ut alatur potiùs *Dubitatio*, quam terminetur aut solvatur. Cujus quidem Rei Exempla, & in *Jurisperitis*, & in *Academicis*, ubique occurrunt; quibus moris est, ut *Dubitacionem* semel admissam, perpetuam esse velint, nec minùs *Dubitandi*, quam *Asserendi* Aucthoramenta amplectantur: Cùm tamen ille demùm sit Ingenii Usus legitimus, qui ex Dubiis Certa faciat, non qui Certa in Dubium vocet. Quare *Kalendarium Dubitationum*, sive *Problematum* in Naturâ, & *deiderari* assero, & suscipi probo; Modò curae sit, ut auctâ *Scientiâ* indies (quod fiet proculdubiò si nos audiant Homines) quae clarè discussae sint *Dubitationes*, ex Albo deleantur. Huic *Kalendario* aliud addi cuperem, non minùs utile; Cùm enim in omni Inquisitione inveniantur haec tria, *perspicuè Vera*, *Dubia*, *perspicuè Falsa*; utilissimum foret *Kalendario Dubiorum*, *Kalendarium Falsitatum*, & Errorum popularium, vel in *Historiâ Naturali*, vel in *Dogmatibus* grassantium, adjungere; ne illae ampliùs Scientiis molestae sint.

Quod ad *Placita Antiquorum Philosophorum*, qualia fuerunt *Pythagorae*, *Philolai*, *Xenophanis*, *Anaxagorae*, *Parmenidis*, *Leucippi*, *Democriti*, aliorum; (quae Homines contemptim percurrere solent;) non ab re fuerit paulò modestiùs in ea Oculos conijcere. Etsi enim Aristoteles, more Ottomanorum, regnare se haud tutò posse putaret, nisi Fratres suos omnes contrucidasset; tamen iis, qui non Regnum aut Magisterium, sed Veritatis inquisitionem atque illustrationem sibi proponunt, non potest non videri Res utilis, diversas Diversorum, circa Rerum naturas, Opiniones, sub uno aspectu intueri. Neque tamen subest spes quòd Veritas aliqua purior, ex illis, aut similibus Theoriis, speranda ullo modo sit. Quemadmodum enim eadem Phœnomena, iidem Calculi, & Ptolemaei principiis Astronomicis, & Copernici competunt: ita Experientia ista vulgaris, quâ utimur, atque obvia Rerum Facies, pluribus diversis Theoriis se applicare potest, Ubi ad rectam Veritatis Indagationem longè aliâ Severitate opus fuerit. Elegantèr enim Aristoteles; *Infantes primo balbutientes, quasuis Mulieres appellare Matres; post autem propriam Matrem discernere*: sic certè puerilis Experientia, omnem *Philosophiam* appellabit Matrem; Adulta verò Matrem veram internoscet. Intereà
K k k juvabit

juvabit *Philosophias* discrepantes, veluti diversas *Naturæ Glossas*, quarum una fortassè uno loco, alia alio est emendatior ;) perlegere. Optarim igitur ex Vitis Antiquorum Philosophorum, ex Fasciculo Plutarchi de Placitis eorum, ex Citationibus Platonis, ex Confutationibus Aristotelis, ex sparsâ Mentione, quæ habetur in aliis libris, tam Ecclesiasticis quam Ethnicis, (Laëtantio, Philone, Philostrato, & reliquis) Opus confici, cum diligentia & iudicio, de *Antiquis Philosophiis*. Tale enim Opus nondum extare video. Attamen hic moneo, ut hoc fiat distinctè ; ita ut singulæ *Philosophiæ* seorsum componantur, & continentur ; non per Titulos & Fasciculos (quod Plutarchus fecit) excipiantur. Quævis enim *Philosophia* integra seipsam sustentat ; atque Dogmata ejus, sibi mutuo, & Lumen & Robur, adiciunt : quod si distrahantur, peregrinum quiddam & durum sonant. Certè quando apud Tacitum lego, Facta Neronis aut Claudii, Circumstantiis Temporum, Personarum, & Occasionum vestita ; nil video quod à probabilitate prorsus abhorreat : cum verò eadem lego in Suetonio Tranquillo, per Capita, & Communes locos, minimèque in Serie Temporis representata, Portenta quædam videntur, & planè incredibilia. Neque absimilis est ratio *Philosophiæ*, quando proponitur integra, & quando in Frusta concisa & dissecta. Neque verò, ex hoc *Placitorum Philosophiæ Calendario*, nuperas Theorias & Dogmata excludo ; Sicut illam *Theophrasti Paracelsi*, eloquentèr, in Corpus quoddam, & Harmoniam *Philosophiæ*, redactam, à Severino Danò ; Aut *Telepii Consentini*, qui Parmenidis *Philosophiam* instaurans, Arma Peripateticorum in illos ipsos vertit ; Aut *Patricii Veneri*, qui Platoniorum Fumos sublimavit ; Aut *Gilberti* Popularis nostri, qui Philolai Dogmata reposuit ; Aut alterius cujuscunque, si modò dignus sit. Horum verò (quoniam Volumina integra extant) Summæ tantum inde conficiendæ, & cum cæteris conjungendæ. Atque de *Physicâ* cum *Appendicibus* hæc dicta sint.

Quantum ad *Metaphysicam*, assignavimus jam ei Inquisitionem *Causarum Formalium & Finalium* ; Quæ assignatio, quatenus ad *Formas*, in cassum facta videatur. Invaluit siquidem Opinio atque inveteravit, *Rerum formas essentielles*, seu *Veras differentias*, nullâ humanâ inveniri diligentia posse. Quæ Opinio interim nobis elargitur, atque concedit, *Inventionem Formarum* ex omnibus Scientiæ Partibus dignissimam esse, quæ investigetur, si modò fieri possit ut reperiantur. Ad Inventionis Possibilitatem verò quod attinet, sunt certè ignavi Regionum Exploratores, qui ubi nil nisi coelum & Pontum vident, Terras ultra esse prorsus negant. At manifestum est, Platonem Virum sublimis Ingenii, (quique veluti ex rupe excelsâ omnia circumspiciebat) in suâ de Idæis Doctrinâ ; *Formas esse verum Scientiæ objectum*, vidisse ; utcunq ; Sententiæ hujus verissimæ, fructum amiserit, *Formas* penitus à Materiâ Abstractas, non in Materiâ determinatas contemplando & prensando : Unde factum est, ut ad Speculationes Theologicas diverteret, quod omnem Naturalem suam *Philosophiam* infecit & polluit. Quod si diligentèr, seriò, & sincerè, ad Actionem & usum oculos convertamus ; non difficile erit disquirere, & notitiam assequi, quæ sint illæ

Formæ, quarum Cognitio res humanas miris modis locupletare, & beare possit. Substantiarum enim *Formæ*; (uno *Homine* excepto, de quo Scriptura, *Formavit hominem de limo terræ; & spiravit in faciem ejus spiraculum viæ*; non ut de cæteris Speciebus, *Producant Aquæ, producat Terra*) Species inquam crearurarum (prout nunc per compositionem & transplantationem inveniuntur multiplicatæ) ita perplexæ sunt & complicatæ, ut aut omninò de iis inquirere frustrà sit; aut Inquisitio earum, qualis esse potest, seponi ad tempus; & postquam *Formæ* simplicioris Naturæ ritè exploratæ sint, & inventæ, tum demùm institui debeat. Quemadmodùm enim nec facile esset, nec ullo modo utile; *Formam* Soni investigare ejus, qui verbum aliquod constituat; cùm Verba, compositione & transpositione Literarum, sint infinita: at Soni, qui Literam aliquam simplicem exprimat, *Formam* inquirere (quali scilicet collisione, quali Instrumentorum vocis applicatione; constituatur) comprehensibile est, imò facile: (Quæ tamen *Formæ* Literarum cognitæ ad *Formas* Verborum illicò nos deducunt:) Eâdem prorsùs ratione *Formam* inquirendo, *Leonis, Quircus, Auri*; imò etiàm *Aquæ*, aut *Aeris*, Operam quis luserit: *Formam* verò inquirere *Densi, Rari*; *Calidi, Frigidi*; *Gravis, Levis*; *Tangibilis, Pneumatici*; *Volatilis, Fixi*; & similium, tam *Schematismorum*, quam *Motuum*, quos in *Physicâ* tractandâ, magnâ ex parte, enumeravimus (& *Formas primæ Classis* appellare consuevimus) quique (veluti Literæ Alphabeti) numero hand ita multi sunt, & tamen *Essentias* & *Formas* omnium substantiarum efficiunt & sustinent; hoc est, inquam, illud ipsum, quod conamur; quòdque eam partem *Metaphysicæ*, de quâ nunc inquiremus, constituit & diffinit. Neque hæc officiunt, quò minùs *Physicæ* easdem Naturas consideret quoque (ut dictum est) sed tantùm quoad *Causas Flexas*. Exempli gratiâ, si de *Causâ* inquiretur *Albedinis* in Nive, vel Spumâ; rectè redditur, quod sit subtilis Intermixtio Aëris cum Aquâ. Hæc autem, longè abest, ut sit *Forma Albedinis*, cùm Aër etiam Pulveri Vitri aut CrySTALLI intermixtus, *Albedinem* similiter procreet, non minùs quam si admisceatur Aquæ; verùm *Causa Efficiens* illa tantùm est, quæ nihil aliud quàm Vehiculum est *Formæ*. At in *Metaphysicâ*, si fiat Inquisitio, hujusmodi quidpiam reperies; Corpora duo Diaphana intermixta, Portionibus eorum Opticis, simplici ordine sive æqualitèr collocatis, constituerè Albedinem. Hanc *Metaphysicæ* partem desiderari reperio. Nec mirum; quia illo inquirendi modo, qui huc usque in usum venit, nunquàm in Seculum comparebunt *Rerum Formæ*. Radix autem mali hujus, ut & omnium, ea est; Quod Homines & properè nimis, & nimis longè, ab Experientiâ & Rebus Particularibus, Cogitationes suas divellere & abstrahere consueverunt, & suis Meditationibus & Argumentationibus se totos dedere.

Ufus autem hujus *Partis Metaphysicæ*, quam *Desideratis* annumero, duas ob Causas vel maximè excellit. Prima est, quod Scientiarum omnium Officium sit, & propria virtus, ut Experientiæ Ambages, & Itinera longa (quantum Veritatis ratio permittit) abbrevient; ac proinde remedium veteri querimonix afferant, de *Via brevi*, & *Arte longâ*. Illud verò optimè præstat, *Axiomata* Scientiarum in magis generalia,

ralia, & quæ omni Materiæ Rerum individuarum competant, colligendo & uniendo. Sunt enim *Scientiæ* instar Pyramidum, quibus *Historia* & *Experientia*, tanquam Basis unica substernuntur; Ac proinde Basis *Naturalis Philosophiæ* est *Historia Naturalis*: Tabulatum primum à Basi est *Physica*; Vertici proximum *Metaphysica*: Ad Conum quod attinet & punctum Verticale (*Opus quod operatur Deus a principio usque ad finem*; *Summariam* nempe *Naturæ legem* (hæsitamus merito, an Humana possit ad illud Inquisitio pertingere. Cæterum hæc tria, veræ sunt Scientiarum contabulationes, suntque apud Homines propriâ Scientiâ inflatos, & Theomachos, tanquam tres Moles Gigantæ.

Ter sunt conati imponere Pelio Ossam,

Scilicet atque Ossæ frondosum involvere Olympum.

Apud eos verò, qui seipfos exinanientes, omnia ad Dei gloriam referunt, tanquam trina illa Acclamatio, *sancte, sancte, sancte*. Sanctus enim Deus in Multitudine Operum suorum, Sanctus in Ordine eorum, Sanctus in Unione. Quare, Speculatio illa Parmenidis & Platonis, (quamvis in illis nuda fuerit Speculatio) excelluit tamen; *Omnia per Scalam quandam ad unitatem ascendere*. Arque illa demum Scientia cæteris est præstantior, quæ Humanum Intellectum minimum multiplicitate onerat; quam liquet esse *Metaphysicam*, quippe quæ contemplatur præcipuè, *simplices illas rerum Formas*; (quas superius *Formas primæ Classis* nominavimus) quandoquidem licet numero paucæ, tamen commensurationibus & coordinationibus suis omnem varietatem constituunt. Secunda Res, quæ hanc *Metaphysicæ* partem de *Formis* nobilitat, hæc nimirum est; Quod Potestatem humanam emancipet maximè, & liberet; eamque in amplissimum & apertissimum Operandi Campum educat. Nam *Physica* per angustos, & impeditos calles, humanam operam dirigit, *Naturæ ordinariæ* flexuosos tramites imitata; sed *late undiq; sunt sapientibus viæ*; *Sapientiæ* nimirum (quæ à veteribus *Rerum divinarum & humanarum scientia* diffiniebatur) *Mediorum Copia & Varietas* semper suppetit. *Causæ* enim *Physicæ*, novis Inventis, in simili materiâ, lucem & ansam præbent; At qui Formam aliquam novit, novit etiam *Ultimam possibilitatem superinducendi Naturam*: illam in omnigenam Materiam; eoque minùs inter operandum restringitur, & alligatur, vel ad *Materiæ Basim*, vel ad *Conditionem Efficientis*. Quod genus Scientiæ eleganter describit etiam Solomon, etsi sensum magis divino, *Non ardebuntur gressus tui, & currens non habebis offendiculum*. Intelligit scilicet *Sapientiæ vias*, nec Angustias, nec Obicibus obnoxias esse.

Metaphysicæ pars secunda est *Finalium Causarum* Inquisitio, quam non ut prætermisam, sed ut malè collocatam notamus. Solent enim inquiri inter *Physicæ*, non inter *Metaphysicæ*. Quanquam si Ordinis hoc solum vitium esset, non mihi fuerit tanti. Ordo enim ad Illustrationem pertinet, neque est ex substantiâ Scientiarum. At hæc Ordinis Inversio, defectum insignem peperit, & maximam Philosophiæ induxit calamitatem. Tractatio enim *Causarum Finalium* in *Physicis*, Inquisitionem *Causarum physicarum* expulit & dejecit; effecitque ut Homines in istiusmodi speciosis & umbratilibus *Causis* acquiescerent, nec Inquisitionem

quisitionem *Causarum* Realium, & verè *Physicarum* strenuè urgerent; ingenti Scientiarum detrimento. Etenim reperio hoc factum esse, non solum à Platone, qui in hoc Littore semper Anchoram figit, verum etiam ab Aristotele, Galeno, & aliis, qui sæpissimè etiam ad illa vada impingunt. Etenim qui Causas adduxerit hujusmodi, *Palpebras cum pilis, pro sepi & vallo esse, ad munimentum oculorum*; Aut *Corii in Animalibus firmitudinem esse ad propellendos calores & frigora*; Aut *ossà pro columnis & trabibus à Naturâ induci, quibus fabrica corporis innitatur*; Aut *Folia arborum emitti, quo fructus minus patiamur à Sole & Vento*; Aut *Nubes in sublimi fieri, ut terram imbris irrigent*; Aut *Terram densari & solidari, ut statio & mansio sit Animalium*; & alia similia; is in *Metaphysicis* non malè ista allegât; in *Physicis* autem nequaquam. Imò, quod cœpimus dicere, hujusmodi Sermorum discursus (instar Remorarum (uti fingunt) navibus adhærentium) *Scientiarum* quasi velificationem & progressum retardârunt, ne Cursum suum tenerent, & ulterius progredierentur; & jampridem effecerunt, ut *Physicarum Causarum* Inquisitio, neglecta deficeret, ac silentio præteriretur. Quapropter *Philosophia Naturalis* Democriti, & aliorum, qui Deum & Mentem à fabricâ Rerum amoverunt; & Structuram Universi infinitis Naturæ Præclusionibus & Tentamentis, (quas uno nomine *Fatum* aut *Fortunam* vocabant) attribuerant; & Rerum particularium Causas Materię necessitati, sine intermixtione *Causarum Finalium*, assignârunt; nobis videtur, (quantum ex Fragmentis & Reliquiis Philosophiæ eorum, conjicere licet) quatenus ad Causas *Physicas*, multò solidior fuisse, & altius in Naturam penetrâsse, quam illa Aristotelis, & Platonis: Hanc unicam ob Causam, quod illi in *Causis Finalibus* nunquam operam triverunt; hi autem eas perpetuò inculcârunt. Atque magis in hac parte accusandus Aristoteles quàm Plato, quandoquidem Fontem *Causarum Finalium*, Deum scilicet, omiserit, & Naturam pro Deo substituerit; Causasque ipsas *Finales* potius ut *Logicæ* Amator, quàm *Theologiæ*, amplexus sit. Nequè hæc eò dicimus, quod *Causæ* illæ *Finales* veræ non sint, & Inquisitione admodum dignæ, in Speculationibus *Metaphysicæ*; sed quia dum in *Physicarum Causarum* possessiones excurrunt, & irruunt, miserè eam Provinciâ depopulantur, & vastant. Alioquin, si modò intra terminos suos cõterceantur; magnoperè hallucinantur, quicquid eas *Physicis Causis* adversari aut repugnare putent. Nam Causa reddita, quod *Palpebrarum pili oculos muniant*; nequicquam sanè repugnat alteri illi, quod *pilosus soleat contingere humiditatum orificiis*.

Muscosi fontes, &c.

Neque Causa reddita, quod *Coriorum in Animalibus firmitudo pertinet ad cæli injurias propulsandas*, adversatur illi alteri, quod illa firmitudo sit ob contractionem pororum, in extremis corporum, per frigus, & deprædationem *Aeris*: & sic de reliquis: Conspirantibus optimè utrisque Causis; nisi quod altera Intentionem, altera simplicem Consecutionem denotet. Neque verò istares indubium vocat providentiâ Divinâ, aut ei quicquam derogat; sed potius eandem miris modis confirmat, &

evenit. Nam sicut in Rebus Civilibus, Prudentia Politica fuerit multò altior, & mirabilior, si quis operâ aliorum, ad suos fines & desideria, abuti possit, quibustamen nihil consilii sui impertit; (ut interim ea agant, quæ ipse velit, neutiquàm verò se hoc facere intelligant;) quam si Consilia sua cum Administris Voluntatis suæ communicaret: Sic Dei Sapientia effulget mirabilius, cum Natura aliud agit, Providentia aliud elicit; quam si singulis Schematibus, & Motibus naturalibus, Providentiæ Characteres essent impressi. Scilicet Aristoteli, postquam Naturam *Finalibus Causis* impregnasset; *Naturamque nihil frustra facere; suique voti semper esse compem, (si impedimenta abessent;)* & huiusmodi multa eò spectantia posuisset; ampliùs Deo non fuit opus: At Democritus & Epicurus, cum Atomos suos prædicabant, eòsque à subtilioribus nonnullis tolerabantur; verùm cum ex eorum fortuito concursu, Fabricam ipsam Rerum, absque Mente coaluisse assererent; ab omnibus risu excepti sunt. Adeò ut tantum absit, ut *Causæ Physicæ* Homines à Deo & Providentiâ abducant, ut contrà potiùs Philosophi illi, qui in iisdem eruendis occupati fuerunt, nullum exitum Rei reperiant, nisi postremò ad Deum & Providentiam confugiant. Atque hæc de *Metaphysicâ* dicta sint, cujus partem de *Causis Finalibus*, in Libris & *Physicis*, & *Metaphysicis* tractatam non negaverim; in his rectè, in illis perperam propter Incommodum inde secutum.

CAPUT V.

Partitio Operativæ Doctrinæ de Natura, in Mechanicam, & Magiam: Quæ respondent Partibus Speculativæ; Physicæ Mechanica, Metaphysicæ Magia: & Expurgatio Vocabuli Magiæ. Appendices duæ Operativæ; Inventarium Opum Humanarum, & Catalogus Polychrestorum.



Operativam de Natura similiter in duas Partes dividemus, idque ex necessitate quâdam. Subjicitur enim hæc divisio, Divisioni priori *Doctrinæ Speculativæ*. *Physica* siquidem, & Inquisitio *Causarum Efficientium*, & *Materialium*, producit *Mechanicam*; At *Metaphysica*, & Inquisitio *Formarum*, producit *Magiam*: Nam *Causarum Finalium* Inquisitio sterilis est, & tanquam Virgo Deo consecratâ, nihil parit. Neque nos fugit, esse & *Mechanicam* sæpiùs merè *Empyricam*, & *Operariam*, quæ à *Physicâ* non pendeat; Verùm hanc in *Historiam Naturalem* coniecimus; à *Philosophiâ Naturali* segregamus. Loquimur tantùm de eâ *Mechanicâ*, quæ cum *Causis Physicis* conjuncta est. Veruntamen intervenit quâdam *Mechanica*, quæ nec prorsus *Operaria* est, neque tamen *Philosophiam* propriè attingit. Operum enim inventa omnia, quæ in Hominum notitiam venerunt; Aut Casu occurrerunt, & deinceps

deinceps per Manus tradita sunt ; Aut de industriâ quæsitâ : Quæ autem intentionalitèr inventa sunt ; Illa aut per Causarum, & Axiomatum lucem eruta sunt ; Aut per Extensionem quandam, vel translationem, vel compositionem Inventorum priorum deprehensa ; quæ magis Ingeniosa quædam res est, & sagax, quam Philosophica. Hanc verò Partem, quam neutiquàm contemnimus, non multò post, cum de *Experientiâ Literatâ* inter *Logica* tractabimus, cursim perstringemus. Enimverò *Mechanicam*, de quâ nunc agimus, tractavit Aristoteles promiscuè ; Hero in Spiritualibus ; etiàm Georgius Agricola, Scriptor recens, diligentèr admodum in Mineralibus ; Aliique quamplurimi in subjectis particularibus ; adeò ut non habeam quod dicam de *Omissis* in hac parte ; nisi quod *Mechanica* promiscua, secundum Exemplum Aristotelis, diligentius debuissent continuari, per labores Recentiorum ; præsertim cum delectu eorum Mechanicorum, quorum aut Causæ magis obscuræ, aut Effectus magis nobiles. Verùm qui in hisce insunt, quasi Oras tantum maritimas perreptant,

— *Premendo latus iniquum.*

Meo siquidem judicio, vix possit aliquid in Naturâ radicitus verti, aut innovari, vel per Casus aliquos fortuitos, vel per Tenramenta Experimentorum, vel ex luce Causarum Physicarum ; sed solummodò per *Inventionem Formarum*. Si igitur desiderari eam partem *Metaphysicæ*, quæ de *Formis* agit, posuimus, sequitur ut *Naturalis* etiàm *Magia*, quæ ad eam est Relativa, similiter desideretur. Verùm hoc loco postulandum videtur, ut Vocabulum istud *Magia* in deteriorem partem jam pridem acceptum, Antiquo & Honorifico Sensui restituatur. Etenim *Magia* apud Persas, pro Sapientiâ Sublimi, & Scientiâ consensuum rerum Universalium, accipiebatur ; atque etiam tres illi Reges, qui ab Oriente ad Christum adorandum venerunt, *Magorum* nomine vocabantur. Nos verò eam, illo in sensu intelligimus, ut sit Scientia, quæ cognitionem *Formarum Abditarum* ad Opera admiranda deducat ; atque, quod dici solet, *Activæ cum Passivæ conjungendo*, Magnalia Naturæ manifestet. Nam quantum ad *Naturalem Magiam* (quæ in Libris plurimorum volitat) credulas quasdam & supersticiosas Traditiones, & observationes, de *Sympathiis & Antipathiis rerum*, atque de *Occultis & Specificis proprietatibus* complectentem, cum frivolis ut plurimum Experimentis, potiùs occultandi artificio, & larvâ, quam re ipsâ admirandis : non erraverit sanè, qui eam dixerit, à Scientiâ quam quærimus, tantum distare, quoad Veritatem Naturæ, quantum Libri Rerum gestarum Arthuri ex Britannia, aut Hugonis Burdegalensis, & hujusmodi Heroum umbratiliùm, differunt à Cæsaris Commentariis, quoad Veritatem Historicam. Manifestum enim est, Cæsarem majora reverâ perpetrasse, quam illi de Heroibus suis consingere ausi sunt ; sed Modis faciendi minimè fabulosis. Hujusmodi Doctrinæ benè adumbravit *Fabula de Ixione* ; Qui cum Junonis, Potentiæ Dææ, Concubitum animo sibi designaret, cum evanidâ nube rem habuit ; ex quâ Centauros & Chimæras progenuit. Sic qui insanâ & impotenti cupiditate feruntur, ad ea, quæ per imaginationis tantum Fumus, & Nebulas cernere se putant, loco Operum, nil aliud quam Spes

inanes,

De Augmentis Scientiarum

inanes, & deformia quædam ac Monstrosa Spectra, suscipient. Hujus autem *Magia Naturalis*, levis & degeneris, Operatio super Homines, similis est soporiferis quibusdam Medicamentis ; quæ Somnum conciliant, atque insuper inter dormiendum, læta & placentia Somniâ immittunt. Primò enim Intellectum humanum in Soporem conjicit ; canendo Proprietates Specificas, & Virtutes occultas, & tanquam cœlitus demissas, & per Traditionum futuros solummodò perdiscendas ; unde Homines ad veras Causas eruendas, & indagandas, non ampliùs excitantur, & evigilant ; sed in hujusmodi otiosis, & credulis opinionibus acquiescunt : Deinde verò innumera Commenta grata, & qualia quis opraret maximè, instar somniorum, insinuat. Atque Operæ-pretium est notare, in illis Scientiis, quæ nimium trahunt ex Phantasiâ & Fide, (quales sunt, *Magia* ista levis, de quâ nunc loquimur, *Alchymia*, *Astrologia*, & aliæ consimiles) Media sua, & Theoriam, solere esse magis monstrosa, quam Finis ipse est, & Actio quò tendunt. Versio Argenti, aut Argenti vivi, aut alicujus alterius metalli in Aurum, Res creditu dura : Attamen longè verisimilius est, ab Homine, qui *Ponderis*, *Coloris flavi*, *Malleabilitæ* & *Extensibilitæ*, *Fixi* etiâ & *Volatilis*, Naturas cognititas & perspectas habuerit ; quique similiter prima Mineralium Semina & Menstrua diligentèr introspexerit ; posse Aurum multâ & sagaci molitione tandèni produci ; quam quod pauca *Elixiris* Grana, paucis momentis, alia Metalla in Aurum vertere valeant, per Activitatem ejusdem *Elixiris*, quæ Naturam scilicet perficere, & omni inpedimento liberari possit. Similiter, Seneſtutis retardatio, aut Gradus alicujus Juventutis instauratio, non facilè fidem repèriat : Attamen longè verisimilius est, ab Homine, qui Naturam *Arefactionis*, & *Spirium super solida corporis depradationes*, benè nôrit ; quique Naturam *Assimilationis*, atque *Alimentationis*, vel perfectioris, vel pravioris, perspexerit ; Naturam etiâ *Spirium*, & quasi *Flammæ Corporis*, aliàs ad consumendum appositæ, aliàs ad reparandum, notârît ; posse per Dietas, Balnea, Unctiones, Medicinas proprias, accommodata etiâ Exercitia, & similia, Vitam prolongari, aut Vigorem Juventutis, aliquâ ex parte, renovari : quam quod hoc fieri possit, per Guttas pauculas, aut Scrupulos alicujus *Pretiosi Liquoris*, aut *Quintessentiæ*. Rursum, ex Astris Fata elici posse, non statim aut facilè Homines consenserint ; Illa verò ; Quod Hora Nativitatis, (quæ sæpissimè ex pluribus Accidentibus Naturalibus, vel acceleratur, vel differtur,) Vitæ totius Fortunam regat ; Aut quod Hora Quæstionis, sit cum Re ipsâ, quæ quæritur, confatalis ; meras nugas dixeris. Attamen tantâ exercet Humanum Genus Impotentia & Intemperies, ut non solum, quæ fieri non possunt, sibi spondeant, sed etiâ maximè ardua, sine molestiâ aut sudore, tanquam feriantes, se adipisci posse confidunt. Verùm de *Magiâ* hætenùs ; cujus & Vocabulum ipsum, ab infamiâ vindicavimus ; & Speciem veram à falsâ, & ignobili, segregavimus.

Hujus verò Partis, *Operativæ* scilicet de *Naturâ*, duæ sunt *Appendices*, magni utraque Pretii. Prima est, ut fiat *Inventarium Opum Humanarum*, quo excipiantur & breviter enumerentur omnia Hominum Bona,

& Fortunæ (sive sint ex fructibus & Proventibus Naturæ, sive Artis) quæ jam habentur, & quibus Homines fruuntur; adjectis iis, quæ olim innouisse constat, nunc autem perierunt; ad hunc finem, ut qui ad nova Inventæ accingitur, de jam Inventis, & extantibus, negotium sibi non faceat. Hoc verò *Inventarium* magis erit artificiosum, magisque etiâ utile; si quæ communi Hominum opinione *Impossibilia* reputantur, in unoquoque genere adjunxeris; atque unâ *Proxima Impossibilibus*, quæ tamen habentur, copules; ut alterum Humanam Inventionem acuat; alterum quadantenus dirigat; utque ex his *Operativis* & *Potentialibus*, *Activa* promptius deducantur. Secunda est, ut fiat *Kalendarium eorum Experimentorum*, quæ maximè *Polychresta* sunt, & ad aliorum Inventionem faciunt, & ducunt. Exempli gratiâ, *Experimentum Artificialis Conglaciationis Aquæ*, per Glaciem cum Sale nigro, ad infinita pertinet: Hoc enim modum Condensationis secretum revelat, quo Homini nihil est fructuosius. Præstò enim est Ignis ad Rarefactiones; verùm in Condensationibus laboratur. Plurimum autem facit, ad inveniendi Compendium, si hujusmodi *Polychresta* proprio Catalogo excipiantur.

CAPUT VI.

De Magnâ Philosophiæ Naturalis, tam Speculativæ quàm Operativæ, Appendice Mathematicâ: quòdque inter Appendices potius poni debet, quàm inter Scientias Substantivas. Partitio Mathematicæ, in Puram; & Mixtam.



Primè Aristoteles, *Physicam* & *Mathematicam* generare *Practicam* sive *Mechanicam*. Quare, cum jam, tam *Speculativam*, quam *Operativam* Partem *Dôctrinæ de Naturâ*, tractaverimus, locus est, ut de *Mathematicâ* dicamus, quæ ad utramque est Scientia Auxiliaris. Hæc siquidem in Philosophiâ receptâ, *Physicæ* & *Metaphysicæ* pars tertia adjungitur; At nobis ista retractantibus & recolentibus, si eam ut *Scientiam Substantivam*, & principalem, designare in Animo esset, magis consentaneum videretur, & Rei ipsius Naturæ; & Ordinis perspicuitati, ut constitueretur tanquam Portio *Metaphysicæ*. *Quantitas* enim (quæ subiectum est *Mathematicæ*) *Materiæ* applicata, veluti *Dosis Naturæ* est; & plurimorum Effectuum in Rebus Naturalibus causativa: ideoque inter *Formas Essentiales* numeranda est. *Figuræ* autem & *Numerorum* Potentia, in tantum apud Antiquos valere visa est, ut Democritus *principia Varietatis Rerum*, in *Figuris Atomorum* præcipuè collocaverit: At Pythagoras *Naturam rerum ex numeris* constitui asseruerit. Illud interim verum est, *Quantitatem* inter *Formas Naturales*, (quales nos eas intelligimus) omnium maximè esse *Abstractam*, & à *Materiâ* Separabilem: Quod ipsum in Causâ fuit, cur & diligentius

De Augmentis Scientiarum.

diligentiùs exculta, & acriùs inquisita ab Hominibus fuerit, quam Aliæ quæcunque *Formæ*, quæ omnes in *Materiâ* magis sunt innierit. Cum enim id Hominum Animis planè insitum sit (plurimo certè cum Scientiarum detrimento) ut *Generalium* quasi *Campis liberis*, magis quam *Particularium Sylvis* & *Septis* delectentur, nil repertum est *Mathematicis* gratus, & jucundius, quo Appetitus iste expatiandi & Meditandi expleretur. Et si autem hæc vera sint, nobis tamen, qui non tantum Veritati & Ordini, verum etiam Usui & Commodis Hominum consulimus, satius demum visum est, *Mathematicas*, cum & in *Physicis*, & in *Metaphysicis*, & in *Mechanicis*, & in *Magicis*, plurimum polleant, ut omnium *Appendices*, & *Copias* auxiliares designare. Quod etiam quodammodo facere compellimur, propter delicias & Fastum Mathematicorum, qui hanc Scientiam *Physicæ* ferè imperare discupiant. Nescio enim quo Fato fiat, ut *Mathematica* & *Logica*, quæ Ancillarum loco erga *Physicam* se gerere debeant, nihilominus Certitudinem suam præ eâ jactantes, Dominatum contra exercere præsumant. Verum de Loco, & Dignitate hujus Scientiæ minùs curandum, de Re ipsâ videamus.

Mathematica aut *Pura* est, aut *Mixta*. Ad *Puram* referuntur Scientiæ, quæ circa *Quantitatem* occupatæ sunt, à *Materiâ* & *Axiomatibus* *Physicis* penitus *Abstractam*. Eæ duæ sunt, *Geometria* & *Arithmetica*: *Quantitatem* altera *Continuam*, altera *Discretam* tractans. Quæ duæ Artes, magnò, certè cum acumine & industriâ, inquisitæ & tractatæ sunt: veruntamen & *Euclidis Laboribus*, in *Geometricis*, nihil additum est à sequentibus, quod intervallo tot Seculorum dignum sit; & *Doctrina de Solidis*, nec à Veteribus, nec à Modernis, pro Rei Usui & Excellentia, instructa & aucta est. In *Arithmeticeis* autem, nec satis varia & commoda inventa sunt *Supputationum* Compendia, præsertim circa *Progressionem*, quarum in *Physicis* Usus est non Mediocris: nec *Algebra* benè consummata est; atque *Arithmetica* illa *Pythagorica* & *Mystica*, quæ ex Proclo, & reliquiis quibusdam *Euclidis* cœpit instaurari, expatiatio quædam Speculationis est. Hoc enim habet ingenium humanum, ut cum ad Solida non sufficiat, in Supervacaneis se atterat. *Mixta* habet pro Subjecto *Axiomata* & *Portiones Physicas*: *Quantitatem* autem considerat, quatenus est ad ea elucidanda, & demonstranda, & actuanda, Auxiliaris. Multæ siquidem Naturæ Partes, nec satis subtiliter comprehendendi, nec satis perspicuè demonstrari, nec satis dextrè & certò ad Usum accommodari possint, sine ope & interventu *Mathematicæ*. Cujus generis sunt *Perspectiva*, *Musica*, *Astronomia*, *Cosmographia*, *Architectura*, *Machinaria*, & nonnullæ Aliæ. Cæterum in *Mathematicis Mixtis* integras aliquas Portiones *Desideratas* jam non reperio, sed multas in posterum prædico, si Homines non ferientur. Prout enim *Physica*, majora indies Incrementa capiet, & nova *Axiomata* educet; eò *Mathematicæ* operâ novâ, in multis indigebit, & plures demum fient *Mathematicæ Mixtæ*.

Jam autem *Doctrinam de Naturâ* pertransivimus, & *Desiderata* in ipsâ notavimus. Quâ in re, si à priscis, & receptis Opinionibus discefferimus, eoque nomine contradicendiansam cuiquam præbuerimus; quod

quod ad nos attinet, ut Dissentiendi Studium longè à nobis abest, ita etiàm & Contendendi Consilium. Si hæc vera sunt ;

Non Animum surdis, respondens omnia sylva ;

Vox Naturæ ingeminabit, etsi Vox Hominum reclaimer. Quemadmodum autem Alexander Borgia dicere solebat, de Expeditione Gallorum Neapolitanâ, *Eos venisse cum Cretâ in Manibus, quò Diversoria sua notarent, non cum Armis, ut perirumpere ;* Sic nobis magis Cordi est, Pacificus Veritatis ingressus ; ubi quasi Cretâ consignetur Animi, qui tantum Hospitem excipere possint, quam qui pugnax est, viamque sibi per Contentiones, & Lites Sternat. Ab-

solutis igitur duabus Partibus *Philosophia,*

de Numine, & de Naturâ, restat

tertia de Homine.



The following is a list of the books
 which have been purchased for the
 library since the last report.
 The books are arranged in the
 order in which they were
 purchased, and are numbered
 in the margin. The names of
 the authors are given in full,
 and the titles of the books
 are given in full, or in
 abbreviated form, as the
 case may be. The names of
 the books are given in full,
 and the titles of the books
 are given in full, or in
 abbreviated form, as the
 case may be. The names of
 the authors are given in full,
 and the titles of the books
 are given in full, or in
 abbreviated form, as the
 case may be.





FRANCISCI BACONI
BARONIS

DE
VERULAMIO,
VICE-COMITIS
SANCTI ALBANI;

DE
Dignitate & Augmentis Scientiarum
LIBER QUARTUS.

AD REGEM SUUM.

CAPUT I.

Partitio Doctrinæ de Homine, in Philosophiam Humanitatis, & Civilem. Partitio Philosophiæ Humanitatis, in Doctrinam circa Corpus Hominis, & Doctrinam circa Animam Hominis. Constitutio unius Doctrinæ generalis de Naturâ, sive de Statu Hominis. Partitio Doctrinæ de Statu Hominis, in Doctrinam de Personâ Hominis, & de Fœdere Animi & Corporis. Partitio Doctrinæ de Personâ Hominis, in Doctrinam de Miseriis Hominis, & de Prærogativis. Partitio Doctrinæ de Fœdere, in Doctrinam de Indicationibus, & de Impressionibus. Assignatio Physiognomiæ, & Interpretationis Somniorum Naturalium, Doctrinæ de Indicationibus.

De *Augmentis Scientiarum*

I quis me (Rex optime) ob aliquid eorum, quæ proposui, aut deinceps proponam, impetat aut vulneret, (præterquàm quod intra Præsidia Majestatis tuæ tutus esse debeam,) sciat is, se contra Morem & Disciplinam Militiæ facere. Ego enim Buccinator tantum, pugnam non in eo; Unus fortassè ex iis, de quibus Homerus;

Χαίρετε κήρυκες, Διὸς ἄγγελοι ἡδὲ καὶ ἀνδρῶν:

Hi enim inter Hostes, etiàm insensissimos & acerbissimos, ultrò citròque inviolati ubique commeabant. Neque verò nostra Buccina Homines advocat & excitat, ut se mutuò Contradictionibus proscindant, aut secum ipsi præliantur & digladiantur; sed potiùs ut pace inter ipsos factâ, conjunctis viribus, se adversus *Naturam Rerum* comparent, ejusque Edita & Munita capiant & expugnent; atq; Fines Imperii Humani (quantum Deus Opr. Max. pro Bonitate suâ indulserit) proferant.

Veniamus nunc ad eam *Scientiam*, ad quam nos ducit Oraculum Antiquum; Nempe ad *Scientiam nostram*. Cui, quò magis nostrâ intersit, eò incumbendum est diligentius. Hæc *Scientia Homini* pro *sine* est *Scientiarum*; at *Naturæ ipsius Portio* tantum. Atque hoc pro Regulâ ponatur Generali; Quod omnes *Scientiarum* Partitiones ita intelligantur, & adhibeantur, ut *Scientias* potiùs signet, aut distinguant, quam secent & divellant; ut perpetuò evitetur *Solutio Continuitatis* in *Scientiis*. Hujus etenim Contrarium Particulares *Scientias* steriles reddidit, inanes, & erroneas, dum à Fonte, & Fomite communi non aluntur, sustentantur, & rectificantur. Sic videmus Ciceronem Oratorem, de Socrate, & ejus Scholâ conquerentem, quod hic primus *Philosophiam* à *Rhetoricâ* disjunxerit; unde facta sit *Rhetorica*, Ars loquax & inanis. Cõstat similiter Sententiâ Copernici de *Rotatione Terræ* (quæ nunc quoque invaluit) quia Phænomenis non repugnat, ab *Astronomicis Principiis* non posse revinci; à *Naturalis* tamen *Philosophiæ Principiis*, rectè positis, posse. *Artem* denique *Medicam* videmus, si à *Naturali Philosophiâ* destituatur, Empyricorum Praxi haud multum præstare. Hoc igitur posito, accedamus ad *Doctrinam de Homine*. Ea duplex est. Aut enim contemplatur *Hominem segregatum*; aut *Congregatum*, atque in *Societate*. Alteram harum *Philosophiam Humanitatis*; Alteram *Civilem* vocamus. *Philosophia Humanitatis* sive *Humana*, ex partibus similibus illis, ex quibus homo ipse, consistit; Nempe ex *Scientiis* quæ circa *Corpus*; & ex *Scientiis* quæ circa *Animam* versantur. Verum priusquàm Distributiones Particulares persequamur; constituamus *Scientiam* unam Generalem, de *Naturâ & Statu Hominis*: Digna enim cerrè Res est, ut emancipetur hæc *Scientia*, & in *Scientiam* seorsum redigatur. Conficitur autem illa ex iis rebus, quæ sunt tam *Corpori* quàm *Animæ* communes. Rursus, hæc *Scientia* de *Naturâ, & Statu Hominis*, distribui potest in duas Partes; Attribuendo alteri *Naturâ Hominis indivisam*; alteri *Vinculū ipsum Animæ & Corporis*: Quartū primam, *Doctrinam de Personâ Hominis*; Secundam, *Doctrinam de Fœdere* vocabimus. Liquet autem hæc omnia, cum sint Cõmunia & Mixta, primæ illi Divisioni *Scientiarum* circa *Corpus*, & *Scientiarum* circa *Animam* versantium, assignari non potuisse.

Doctrina

Doctrina de Personâ Hominis duas res præcipuè complectitur; Contemplationes scilicet de *Miseriis Humani Generis*; & de ejusdem *Prærogativis*, sive *Excellentiis*. Atque Deploratio *Humanarii Erummarum*, elegantè & copiosè, à compluribus adornata est, tam in Scriptis Philosophicis, quam Theologicis. Estque Res, & dulcis simul, & salubris.

At illa altera de *Prærogativis*, digna visa res nobis, quæ inter *Desiderata* proponatur. Elegantissimè certè Pindarus (ut plerunque solet) inter laudandum Hieronè ait, *Eum decerpere summitates ex omnibus virtutibus*. Equidem plurimum ad Magnanimitatem, & Humanû Decus conferre posse putarem; si *Vltimitates* (ut loquuntur Scholastici) sive *Summitates* (ut Pindarus) Humanæ Naturæ, colligerentur, præcipuè ex Historiæ fide; Illud est, quid *Vltimum*, & *Supremum* fuerit, quò unquam Humana Natura per se ascenderit, in singulis & Corporis & Animi Dotibus. Quanta Res, quæ de Cæsare narratur, quod Amanuensibus quinque simul *dicere* suffecerit? Quin & Exercitationes illæ antiquorum Rhetorum, Protagoræ, Gorgiæ; Etiàm Philosophorû, Callisthenis, Possidonii, Carneadis; ut de quovis Themate, in utramque partem ex tempore disferere elegantè & copiosè potuerint, *Ingenii Humani Vires* haud perùm nobilitant. Res autem Ufu minor, at Ostentatione & Facultate fortasè major; quam de Archiâ Magistro suo memorat Cicero; *Eum magnum numerum optimorum Versuum, de iis rebus quæ tum agerentur, potuisse dicere ex tempore*. Tot Millibus Hominum, Nomina reddere potuisse Cyrum aut Scipionem, magnû *Memoriæ Decus*. At *Virtutum Moralium* Palmæ non minùs celebres, quàm *Intellectualium*. Quantam rem, in Exercitio *Patientiæ*, exhibet Historia illa vulgata de Anaxarcho, qui Quæstioni & Tormentis subjectus, Linguam (iudicii spem,) dentibus præscidit, & in os Tyranni expuit? Neque Tolerantiâ cedit, (licet dignitate plurimû,) quod seculo nostro accidit in Burgundo quodam, Principis Aurasionensis Interfectore; Is Virgis Ferreis flagellatus, & Forcipibus Ignitis laceratus, nullum prorsùs gemitû edidit: Quin etiàm cum fortè fractum aliquid desupèr in Caput Astantis cujuscpiam incideret, ustulatus jam Nebulo, & in mediis tormentis, risit; Qui tamen paulò antè, cum Cincinnati Capillitii, quos gestabat, tonderentur fleverat. *Animi* quoque mira *Serenitas*, & *Securitas*, sub ipsum *Tempus Mortis*, in pluribus enituit; qualis fuit illa Centurionis apud Tacitum; Is, cum à Milite, qui eum ex Imperato occisurus esset, juberetur, ut Cervices porrigeret fortitèr *Vitam* (inquit ille) *tutam fortitèr ferias*. At Joannes Dux Saxonie, cum inter Ludum Scacchorû, Diplôma, quo Nex ejus in posterum diem mandabatur, allatum esset, Astantem quendam ad se vocavit, & subridens; *Specta*, inquit, *num non potiores partes Ludi hujus teneam*. *Iste enim* (ad Colusorem innuens) *me mortuo, jactabit suas potiores partes fuisse*. Noster verò Morus, Angliæ Cancellarius, cum pridè quo moriturus esset, Tonsor ad eum veniret (missus scilicet ad hoc, ne fortè Capillitio promisso esset apud Populum in spectaculo miserabilior,) eumque interrogaret, num tonderi placeret; renuit; atq; ad Tonsores versus, *Mihi*, inquit, *cum Rege de capite meo cõtroversa est*, *Antequàm verò illa terminata fuerit, siptus in illud non faciàm*. Quin & idè, sub ipsum Mortis Arriculû, postquàm jam caput in Truncû fatalè reclinasset, rursùs se paululùm erexit, & Barbâ, quæ ei

De Augmentis Scientiarum.

erat promissior, lenitèr amotâ; *At certè hæc* (inquit) *non offendit Regem.* Verùm, ne hoc loco longiores simus, satis patet quid velintus; nempe ut *Miracula Naturæ Humanæ*, Viresque ejus & Virtutes ultimæ, tam animi quam Corporis, in Volumen aliquod colligantur, quod fuerit instar Fastorū de Humanis Triumphis. Quâ in re, institutū Valerii Maximi, & C. Plinii probamus, diligentiam & judicium eorum requirimus.

Quantum ad *Doctrinam de Fœdere*, sive de *Communi Vinculo Animæ & Corporis*; Ea in duas partes tribui possit. Quammodum enim, inter Fœderatos intercedunt, & mutua Rerum suarum Communicatio, & mutua Officia; sic Fœdus istud Animæ & Corporis, duabus similiter rebus continetur; Nimirum ut describatur, *quomodo hæc duo (Anima scilicet & Corpus) se invicem detegant; & quomodo invicem in se agant; Notitiâ sive Indicatione; & Impressione.* Harum prior, (Descriptio scilicet, qualis possit haberi Notitia de Animâ, ex Habitu Corporis; Aut de Corpore, ex Accidentibus Animi) duas nobis peperit *Artes*; utramque *Predictionis*; Inquisitionibus alteram Aristotelis, alteram Hippocratis decoratam. Quanquam autem Tempora recentiora, has Artes, superstitiosis & phantasticis mixturis, polluerint; repurgatæ tamen, ac in integrum restitutæ, & Fundamentum habent in Naturâ solidum, & Fructum edunt, ad Vitam communem, utilem. Prima est *Physiognomia*; quæ per Corporis Lineamenta, Animi indicat Propensiones: Altera *Somniorum Naturalium Interpretatio*; quæ Corporis Statum, & Dispositionem, ex Animi Agitationibus detegit. In harum priore, Partem nonnullam desiderari perspicio. Siquidem Aristoteles ingeniosè & solertèr, Corporis Fabricam, dum quiescit, tractavit; eandem in Motu, (nimirum Gestus Corporis,) omisit; qui tamen non minus Artis observationibus subjiciuntur, & majoris sunt usûs. Etenim Lineamenta Corporis, Animi Inclinationes & Propensiones generales, ostendunt; Oris autem, & Partium Motus & Gestus, insuper Aditus, & Tempora, & præsentis Dispositionis & Voluntatis Signa declarant. Ut enim aptissimis atque elegantissimis Majestatis tuæ Verbis utar, *Lingua Aures ferit, Gestus verò oculos alloquitur.* Hoc verò benè nôrunt Veteratores complures, & astuti Homines, quorum Oculi in aliorum Vultu & Gestibus habitant; idque in commodum suum trahunt; utpote in quo Facultatis, & Prudentiæ suæ Pars maxima vertatur. Nec sanè negari potest, hoc ipsum, Simulationis in altero, Indicem esse mirificum, & monere Homines optimè, de Electionibus Temporum & opportunitatum, adeundi Personas; quæ Civilis Prudentiæ pars est non parva. Nemo autem putet, hujusmodi Solertiam, aliquid quidem valere, circa Homines Individuos; Sub Regulâ autem non cadere: Nam ad unum ferè modum omnes ridemus, & ploramus, & erubescimus, & Frontem contrahimus; & sic (ut plurimum) de Moribus subtilioribus. Si quis autem hic *Chiromantiæ* meminit; sciat Rem esse prorsus vanam, & in hujusmodi Sermonibus, quos tractamus, nec dignam quidem quæ nominetur. Quod verò ad *Somniorum Naturalium Interpretationem* attinet; Res est quorundam Laboribus pertractata, sed plurimis Ineptiis

Ineptiis scatens. Illud tantum in præsentia inno, Basim illam huic Rei, quæ maximè est solida, non subterni. Ea hujusmodi est; ubi idem fit ab internâ Causâ, quod fieri quoque solet ab externâ, Actus ille externus transit in somnium. Similis est Stomachi oppressio, ex crasso Vapore, atque incubitu ponderis externi: Itaque qui Incubo laborant, pondus sibi superimponi, magno cum Apparatu Circumstantiarum, somniant. Similis viscerum Pensilitas, ex Fluctuum agitatione in Mari, & ex Flatu circa Præcordia collecto: Itaque Hypochondriaci sæpius Navigationes, & Agitationes super Aquas somniant: Sunt & innumera id genus.

Posterior Pars *Doctrinæ Fæderis*, (quam *Impressionem* nominavimus) in Artem nondum redacta est; sed obiter tantum, & carptim, inter alios Tractatus, aliquandò intervenit. Illa eandem Antistrophencum priori habet. Quippe duo considerat: *Aut quomodo, & quousq; Humores & Temperamentum Corporis immutent Animam, in eamque agant; Aut rursus, quomodo & quousque, Animæ Passiones, vel Apprehensiones, immutent Corpus, & in illud agant?* Horum prius, in re Medicâ, interdum tractari videmus; at id ipsum se miris modis Religionibus inferuit. Pharmaca enim præscribunt Medici, quæ *Morbis Anima* persanandis inserviât, ut in Curationibus Maniæ, & Melancholiæ; quinetiam Medicinas porrigunt, ad Animum exhilarandum, ad Cor muniendum, atque inde Fortitudinem augendam, ad Ingenium acuendum, ad Memoriam roborandam, & similia. At Diætæ, & delectus Ciborum & Potuum, & Ablutiones, & aliæ circa Corpus Observantiæ, in Sectâ Pythagoræorum, & in Hæresi Manichæorum, & in Lege Mahometi, omnem modum superant. Ordinationes quoque Legis Cæremonialis, *Sanguinis & Adipis* esum prohibentes, ac *Animalia Munda* ab *Immundis* distinguentes, (quatenus ad Cibi usum) & plurimæ sunt, & præcisæ. Imò Christiana Fides ipsa, (quavis à Cæremoniarum Nube libera & serena) usum tamen retinet Jejuniorum, Abstinentiarum, & aliarum rerum, quæ ad Corporis Macerationem & Humiliationem spectant, tanquam Rerum non merè Ritualium, sed etiam Fructuosarum. Atqui Radix omnium hujusmodi Præceptionum (præter ipsam Cæremoniam, & exercitium Obedientiæ) in hac re consistit, de quâ loquimur; Nimirum quod Anima compatiatur Corpori. Si quis autem judicio infirmior existimet, istas Corporis in Animam Impressiones, aut Immortalitatem Animæ in dubiū revocare, aut Imperio Animæ in Corpus derogare; levi dubitationi leve Responsum suffecerit. Exemplâ petat, vel ab Infante in Utero Matris, qui simul cum Matris Affectibus compatiatur, & tamen è corpore Matris suo tempore excluditur: vel à Monarchis, qui licet potentes, à servorum impetu quandoque flectuntur, salvâ interim Majestate suâ Regiâ.

Jam quod ad Partem reciprocâ, (de *Animâ*, & *Affectibus* ejus in *Corpus* agentibus) illa quoque in Medicinâ locum invenit. Nemo enim Medicus est paulò prudentior, quin *Accidentia Animi*, ut rem maximi ad Sanationes suas momenti, quæque omnia alia Remedia plurimum vel adjuvet, vel impediat, consideret & tractet. At aliud quippiam, quod huc pertinet, parcè admodum, nec pro Rei vel subtilitate, vel utilitate, inquisitum est; quatenus scilicet (missis Affectibus)

bus) ipsa *Imaginatio Animæ*, vel *cogitatio perquam fixa*, & veluti in *Fidem* quandam exaltata, valeat ad immutandum corpus *Imaginantis*? Quamvis enim vim habeat ad *Nocendum* manifestam; haud tamen inde sequitur pari potentiâ prædium esse ad *Subveniendum*. Non magis herclè, quam si quis concluderit, quoniam reperitur aliquis *Aer* ita pestilens, ut subito interimat; debere quoque esse aliquem *Aerem* ita salubrem, ut *Decumbentem* subito restituat. Atque hæc *Inquisitio* nobilis profecto esset usûs; verum (ut ait *Socrates*) *Natatore Delio* indiget, quia mergitur in *Profundo*. Rursus inter has *Doctrinas* de *Fædere*, sive *Consensibus Animæ & Corporis*, non alia fuerit magis necessaria, quam illa *Disquisitio* de *sedibus propriis & Domiciliis*, quæ singulæ *Animæ Facultates* habent in *Corpore*, ejusque *Organis*. Quod genus *Scientiæ*, qui sectati fuerint, non desunt; sed quæ habentur in plerisque, aut controversa sunt, aut levitèr inq̃ uisita; ut majori *Diligentiâ & Acumine* opus sit. Nam *Sententia* introducta à *Platone*; quâ *Intellectus* in *Cerebro*, tanquam in *Arce* collocatus est; *Animositas* (quam ille satis imperitè *Iracundiam* vocavit, cum *Tumori & Superbia* sit propior) in *Corde*; *Concupiscentia* autem & *Sensualitas* in *jecinore*; neque prorsus contemnenda est, neque cupidè recipienda. Rursus nec *Collocatio Facultatum* illarum *intellectualium* (*Phantasia*, *Rationis*, *Memoriæ*) secundum *Ventriculos Cerebri*, *Erroris* expers est. Atque *Doctrinam* de *Naturâ Hominis* indivisâ, ac etiam de *Fædere Animi & Corporis*, explicavimus.

CAPUT II.

Partitio Doctrinæ circa Corpus Hominis, in Medicinam; Cosmeticam; Athleticam; & Voluptariam. Partitio Medicinæ in Officia tria, viz. in Conservationem Sanitatis; Curationem Morborum; & Prolongationem Vitæ: Quodque Pars postrema de Prolongatione Vitæ disjungi debeat à duabus reliquis.

Doctrina circa Corpus Hominis eandem recipit Divisionem, quam *Bona Corporis* ipsius, quibus inservit. *Bona Corporis Humani* quatuor sunt: *Sanitas*; *Forma* sive *Pulchritudo*; *Vires*; *Voluptas*. Totidem igitur *Scientiæ*: *Medicina*; *Cosmetica*; *Athletica*; & *Voluptaria*, quam *Tacitus* appellat *Eruditum luxum*.

Medicina Ars inprimis nobilis, & ex generosissimâ *Prosapiâ* secundum *Poetas*. Illi enim introduxerunt *Apollinem* primarium *Medicinæ* Deum; cui *Filium* dederunt *Æsculapum*, Deum itidem, & *Medicinæ* Professore: Quippe cum *Sol* in *Naturalibus* sit *Vitæ* *Author*, & *Fons*; *Medicus* ejusdem *Conservator*, & tanquam *Scaturigo* altera. At *Decus* longè illustrius accedit *Medicinæ*, ex *Operibus* *Servatoris*,

vatoris, qui & Animæ & Corporis Medicus fuit; Et sicut Animam Doctrinæ suæ Cœlestis, ita Corpus Miraculorum suorum, Objectum veluti proprium constituit. Nusquam enim legimus Miraculum aliquod ab eo patratum, circa Honores, aut Pecunias (præter unicum, quò Tributum redderetur Cæsari) sed tantum circa Corpus Humanum, aut conservandum, aut sustentandum, aut persanandum.

Subiectum istud *Medicinæ* (*Corpus* nimirum *Humanum*) ex omnibus, quæ Natura precreavit, maximè est capax Remedi; sed vicissim illud Remedium, maximè est obnoxium Errori. Eadem namque subiecti subtilitas & Varietas, ut magnam Medendi Facultatem præbet, sic magnam etiã Aberrandi Facilitatem. Quocirca quemadmodum Ars ista (præsertim quo nunc habetur modo) inter præcipuè Conjecturales; ita Inquisitio ejus reponenda est inter summè arduas, & accuratas. Neque propterea, cum Paracelso & Alchymistis ita desipimus, ut putemus inveniri in Corpore humano, quæ singulis Universitatis Rerum Speciebus (*stellis*, *Mineralibus*, & aliis) respondeant, sicut illi fabulantur, levitèr & crassâ Minervâ traducentes, Emblemâ illud Veterum (quod Homo esset *Microcosmus*, sive Epitome totius Mundi) ad hoc Commentum suum. Verum nihilominus huc res redit, ut (quod occœpimus dicere) non inveniatur inter Corpora Naturalia, aliquod tam multipliciter compositum, quam *Corpus Humanum*. Videmus enim Herbas & Plantas ex Terrâ & Aquâ nutriri; Animalia ex Herbis & Fructibus: Hominem verò ex Carnibus ipsorum Animalium, (Quadrupedum, Avium, Piscium;) Etiã ex Herbis, Granis, Fructibus, Succis & Liqueuribus variis; non sine multiplici commixtione, conditurâ, & præparatione horum Corporum, priusquàm Homini sint in Cibum. Adde quod Animalibus vivendi Modus sic simplicior, Affectusque, qui in Corpus agant, pauciores, & ad unum ferè modum operantes; ubi Homo, locis Habitationum, Exercitationibus, Affectibus, Somno & Vigiliis, vices propè infinitas variarum Mutationum subit. Uique adeò verum est, unam, inter res cæteras, *Corporis Humani* Massam, maximè fermentatam, & ex plurimis coagmentatam esse. At *Anima* contrâ Substantiarum est simplicissima, ut non malè cecinerit ille;

— Purumq; reliquit

Æthereum sensum, atque Auræ simplicis ignem.

Unde minimè est mirandum, *Animam* sic collocatam, Requiem non invenire, juxta Axiomâ illud, *Motum rerum extra Locum esse rapidum, placidum in Loco*. Verum ut ad rem redeamus. Varia ista & subtilis *Corporis Humani* Compositio & Fabrica effecit, ut sit instar Organî Musici operosi & exquisiti, quod Harmoniâ suâ facilè excidit. Quare apud Poetas, summâ ratione, Musica cum Medicinâ in Apolline conjungitur; quia similis ferè sit utriusque Artis Genius; Atque in eo consistat planè Medici officium, ut sciat Humani Corporis *Lyram* ita tendere & pulsare, ut reddatur Concentus minimè discors, & insuavis. Ergò demum ista Subiecti Inconstantia & varietas, Artem reddit magis Conjecturalem: Ars autem tam Conjecturalis cum sit, locum

cum ampliorem dedit non solum Errori, verum etiam Impositurae. Siquidem omnes aliae propemodum Artes, & Scientiae, Virtute sua & Functione, non Successu aut Opere, judicantur. Advocatum ipsa Agendi & Dicendi Facultas, non Exitus Causae commendat; Gubernator Navis, Clavi tenendi peritiâ, non Expeditionis Fortunâ, se probat. At *Medicus*, & fortasse *Politicus*, vix habent Actiones aliquas proprias, quibus Specimen Artis, & Virtutis suae, liquidò exhibeant; sed ab Eventu praecipue Honorem aut Dedecus reportant, iniquissimo prorsus Iudicio. Quotus enim quisque novit, Aegrotò mortuo aut restituto, item Rep. stante vel labante, utrum sit Res Causus, an Consilii? Fit itaque saepissimè, ut Impositor Palmam, Virtus Censuram referat. Quin ea est Hominum infirmitas, & credulitas, ut saepenumero Agyrtam, aut Sagam, docto Medico praeponent: Quare Poetae oculati planè & perspicaces fuisse videntur; cum Aesculapio Circem Sororem dederunt, utrumque è Sole progenitum; sicut habetur in Versibus; De Aesculapio Phœbigenâ,

Ille repertorem Medicinae talis, & Artis,

Fulmine Phœbigenam Stygias detruxit ad undas.

Et similiter de Circe Solis Filiâ,

Dives inaccessis ubi Solis Filia lucis

Vrit odoratam nocturna in Lumina cedrum.

Omnibus enim Temporibus; Famâ & Opinione vulgi, Sagae, & Aniculae, & Impositores, Medicorum quodammodò Rivales fuere; & de Curationum celebritate cum iisdem ferè certarunt. Ex hoc dic fodes quid sequitur? Nempe ut Medici ita secum, quemadmodum Salomon in re graviore; *Si unus & stulti & meus eventus erit, quid mihi prodest quod maiorem sapientiae dedi operam?* Equidem Medicis minùs succentio, si saepenumero vacent alicui alteri studio, quod adaman, magis quam Arti suae propriae. Inveniès etenim inter eos, Poetas, Antiquarios, Criticos, Rhetores, Politicos, Theologos, atque in iis Artibus magis quàm in professione propriâ eruditos. Neque hoc sit, ut arbitror, quia (ut quidam Declamator contra Scientias Medicis objicit) habeant quae sibi obversentur Objecta tam foeda & tristia, ut Animum ad alia abducere iis omninò sit opus; (Nam qui Homines sint, *Nihil humani à se alienum putent*;) Sed ob hoc ipsum, de quo nunc agimus; Nempe quod arbitrentur parùm ipsis interesse, vel ad Existimationem, vel ad Lucrum, utrum Artis suae Mediocritatem, an Perfectionem in eâ maiorem assequantur. Morbi enim tædia, Vitae dulcedo, Spei fallacia, & Amicorum commendatio, efficiunt, ut Homines faciliè in Medicis qualibuscunque fiduciam collocent: Verùm si quis hæc attentius perpendat, ea potiùs ad culpam Medicorum, quàm ad culpæ excusationem spectant. Neque enim spem abjicere, sed vires potiùs intendere debuerant. Nam si cui placet observationem expergefacerere suam, & paulatim circumspicere, etiam ex Exemplis obviis, & familiaribus, faciliè deprehendet, quantum obtineat imperii, *Intellectus Subtilitas & Acumen*, in Varietatem sive *Materiae*, sive *Formae rerum*. Nil magis varium, quàm Hominum Facies & Vultus; Eorum tamen Discrimina infinita retinet Memoria:

Memoria : Imò Pictor ex pauculis Colorum testis, acie Oculi usus, & vi Phantasiæ, & Manûs constantiâ, omnium Facies, qui sunt, fuerunt, arque etiâ (si coram repræsentarentur) qui futuri sunt, penicillo imitari ac describere posset. Humanâ Voce nil magis varium; Hujus tamē discrimina in singulis Personis faciliè inter noscimus: Quin etiâ non desunt Moriones & Pantomimi quidam, qui, quotquot libuerit, reddere sciunt, & ad vivum exprimere. Nil magis varium quam Soni Articulati, Verba scilicet; Via tamen inita est, ea reducendi ad paucas Literas Alphabeti. Atque illud verissimum est, non ex eo, quod Mens humana sit minùs subtilis aut capax, Perplexitates & Acatalepsias in Scientiis plerunque provenire; sed ex eo potius, quod objectum nimis in remoto collocatum sit. Sicut enim Sensus, procul ab Objecto diffusus, plurimùm fallitur; debitè appropinquatus non multùm errat; ita fit in Intellectu. Solent autē Homines Naturam, raquam ex præaltâ Turri, & à longè despicere, & circa Generalia nimium occupari; quâdo si descendere placuerit, & ad Particularia accedere, Resque ipsas attentius & diligentius inspicere, magis vera & utilis fieret Comprehensio. Itaque hujus Incommodi Remedium, non in eo solum est, ut Organum ipsum vel acuant, vel roborent, sed simul ut ad Objectum propius accedant. Ideoque dubitandum non est, quin si Medici, missis paulisper istis Generalibus, Naturæ obviam ire vellent, compotes ejus fierent, de quo ait Poeta,

*Et quoniam variant Morbi, variabimus Artes;
At ille Mali Species, mille Salutis erunt.*

Quod eò magis facere debent, quia Philosophiæ ipsæ, quibus innituntur Medici, sive Methodici, sive Chymici, (Medicina autem in Philosophiâ non fundata, Res infirma est;) parvi reverà sunt. Quare si nimis Generalia (licet vera fôrent) hoc vitium habeant, quod non benè Homines ad Actionem deducant; certè majus est periculum ab illis Generalibus, quæ in se falsa sunt; arque, loco deducendi, seducunt.

Medicina igitur (utî perspeximus) adhuc talitèr comparata est, ut fuerit magis Ostentata, quam Elaborata; etiâ magis Elaborata, quam Amplificata; cùm labores in eam insumpti, potius in Circulo, quam in Progressu se exercuerint. Plurima enim in eâ video à Scriptoribus iterata, addita pauca. Eam in tres Partes dividemus, quæ tria ejus Officia nominabimus. Primum est *Conservatio Sanitatis*; secundum *Curatio Morborum*; tertium *Prolongatio vitæ*. At istud postremum, non videntur Medici, tam quàm Partem Principalē Artis suæ agnovisse, verùm idem reliquis duobus satis imperitè immiscuisse. Putant enim, si propulsentur Morbi antequàm ingruant, & curètur postquàm invaserint, Prolongationem Vitæ ultrò sequi. Quod licet minimè dubium sit, ramen parùm acutè prospiciunt, horum utronque ad Morbos tantùm pertinere, & ad eam solummodò *Vitæ Prolongationem*, quæ à Morbis abbreviatur & intercipitur: Atqui Filum ipsum Vitæ producere, ac Mortem, per Resolutionem Simplicem, & Atrophiam Senilem, sensim obrepètem, ad tempus summovere; Argumentum est, quod nemo ex Medicis pro dignitate tractavit. Neque verò subeat animos Hominum illè Scrupulus, ac si hæc Res Fato & Divinæ Providentiæ commissa, in Artis Officium

& Munus jam primum à nobis revocaretur : Providentia enim proculdubio Mortes quascunque, sive ex violentiâ, sive ex Morbis, sive ex Decursu ætatis, pariter regit; Neque tamen ideò Præventiones & Remedia excludit. Ars autem & industria Humana, Naturæ & Fato, non imperant, sed subministrant. Verùm de hac Parte, paulò post dicemus; hæc tantùm interea præfati; ne quis tertium istud Officium Medicinæ, cum duobus prioribus, (quod ferè adhuc factum est,) imperitè confundat.

Quod ad Officium *tuendæ Sanitatis* attinet, (ex Officiis prædictis Medicinæ primum) multi de eo scripserunt, cum in aliis rebus satis imperire, tum nimium (ut arbitramur) Delectui Ciborum, minùs quàm par est, Quantitati eorum tribuentes. Quin & in Quantitate ipsâ, tanquam Philosophi Morales, Mediocritatem nimis laudârunt; Cum & Jejunia in consuetudinem versa, & Victus liberalis, cui quis assueverit, meliùs Sanitatem tueantur, quàm istæ Mediocritates, quæ Naturam ignavâ ferè reddût, neque Excessûs neque Indigentia, cum opus fuerit, parientem. Exercitationû autem Species, quæ in Sanitate tuendâ plurimùm pollent, nemo ex Medicis benè distinxit, aut annotavit; cum vix inveniatur aliqua Inclinatio in Morbû, quæ non Exercitatione quâdam propriâ corrigi possit. Morbis Renum Globorum Lufus convenit, Pulmonum Sagittatio, Stomachi Deambulatio & Gestatio, atque aliis aliæ. Verùm cum hæc Pars, de *Valetudinis Conservatione*, secundum totum tractata sit, Defectus minores per se qui non est nostri Instituti.

Quod verò ad *Curationem Morborum* attinet, Illa demùm pars est *Medicina*, in quâ plurimum Laboris insumptum est, licet Fructu satis tenui. Continet autem *Doctriam* de Morbis, quibus Corpus humanum subjicitur; unâ cum eorundem *Causis*, *Symptomatibus*, & *Medicis*. In hoc secundo Officio *Medicinæ*, multa sunt quæ desiderantur; Ex his pauca, sed maximè insignia, proponemus, quæ enumerasse satis duxerimus, absque aliquâ Ordinis, aut Methodi lege.

Primum est, *Intermissio Diligentia* illius *Hippocratis*, utilis admodum & accuratæ; cui moris erat Narrativam componere, Casuum circa Ægrotos specialium; referèdo qualis fuisset Morbi Natura, qualis Medicatio, qualis Eventus. Atque hujus rei nactis nobis jam Exemplum, tam proprium atque insigne, in eo scilicet viro, qui tanquàm Parens Artis habitus est; minimè opus erit Exemplum aliquod forinsecum, ab alienis Artibus petere; Veluti à Prudentiâ Jurisconsultorum, quibus nihil antiquius, quàm illustriores Casus, & novas Decisiones, scriptis mandare; quò meliùs se ad futuros Casus muniant, & instruant. Istam proinde *Continuationem Medicinalium Narrationum desiderari* video; præsertim in unum Corpus cum diligentia & iudicio digestam; Quam tamen non intelligo ita fieri debere amplâ, ut planè Vulgata, & quæ quotidie obveniunt, excipiat, (Id enim infinitum quiddam esset, neque ad rem;) Nec rursus tam angustam, ut solummodò Mirabilia & Stupenda (Id quod à nonnullis factum est) completatur. Multa enim in Modo rei, & Circumstantiis ejus, nova sunt, quæ in *Genere* ipso, nova non sunt: Qui autem ad observandum adjiciet Animû, eietiam, in rebus quæ vulgares videntur, multa observatu digna occurrent.

Item

Item in *Disquisitionibus Anatomicis* fieri solet, ut quæ *Corpori Humano* in *universum* competant, ea diligentissime, usque ad curiositatem, & in minimis quibusque, noventur : At circa *varietatem*, quæ in *diversis Corporibus* reperitur, Medicorū diligentia fatiscit. Ideoque *Anatomiam simplicem* luculentissime tractari assero; *Anatomiam Comparatam* desiderari statuo. *Partes* enim singulas rectè perscrutantur Homines, earumque *Consistentias, Figuras, Situs*; sed *illarum Partium diversam in diversis Homini- bus Figuram & Conditionem*, minùs observant. Atque hujus Omissionis causam, non aliam esse arbitramur, quàm quod ad primam Inquisitionem, inspectio unius aut alterius *Anatomiae* sufficere possit; ad posteriorem verò, (quæ Comparativa est, & casum recipit,) necesse est, ut plurimarum Dissectionum attenta & perspicax Observatio adhibeatur; Prior etià res est, in quâ Homines docti, in prælectionibus suis, & in cœtu Astantium, se jactare possunt : at secunda ea est, quæ tacitâ & diutinâ *Experientiâ* tantùm, acquiri potest. Illud interea minimè dubium est, quod internarum Partium Figura & Structura, parùm admodum Externorum Membrorum Varietati & Lineamentis cedat; Quodque Corda, aut Iecinora, aut Ventriculi, tam dissimilia sint in Hominibus, quàm aut Frontes, aut Nasi, aut Aures. Atque in his ipsis differentiis Partium Internarum, reperiuntur sæpiùs *Causæ continentes* multorum Morborum; quod non attendentes Medici, Humores interdum minimè delinquentes criminantur; cum ipsa *Mechanica Partis* alicujus *Fabrica* in culpâ sit. In quorum Morborum Curâ, operaluditur, si adhibeantur Medicinæ alterantes, (quia Res Alterationem non recipit) sed emendanda Res est, & accommodanda, seu pallianda, per *Victûs Regimen*, & Medicinas familiares. Similiter, ad *Anatomiam comparatam* pertinent, accuratæ Observationes, tam *Humorum omnigenûm*, quam *Vestigiorum & Impressionum Morborum*, in Corporibus variis dissectis; Etenim *Humores* in *Anatomiis*, tanquàm Purgamenta & Fastidia ferè prætermitti solent, cum tamen imprimis necessarium sit notare, *quales & quàm multiplices* sint *Humorum* differentium *Species* (non nimium in hac re tribuendo Divisionibus eorum receptis) qui in Corpore Humano aliquando inveniuntur; Et in quibus *Cavitatibus*, & *Receptaculis*, quilibet ipforū, Sedes & Nidulos suos figere potissimum soleat; quoque juvamento aut damno; atque his similia. Itidem *Vestigia*, & *Impressiones morborum*, & *Interiorum Partium* ab iis *Lesiones & Devastationes*, in *diversis Anatomiis* cum diligentia notanda; Nempe, Apostemata, Ulcera, Solutiones Continuitatis, Putrefactiones, Exesiones, Consumptiones; Rursus Contractiones, Extensiones, Convulsiones, Luxationes, Dislocationes, Obstructiones, Repletiones, Tumores; unà cum omnibus *Materiis Præter-Naturalibus*, quæ in Corpore Humano inveniuntur, (veluti Calculi, Carnositatibus, Tuberibus, vermibus, & hujusmodi:) Hæc (inquam) omnia, & his similia, per eam, quam diximus, *Anatomiam comparatam*, & multorum Medicorum Experimenta, in unum collata, magnâ cum curâ perquiri & componi debent. At *Varietas* ista *Accidentium* in *Anatomicis* aut perfunctorie tractatur, aut silentio præteritur.

De illo verò altero Defectu circa *Anatomiam*, (nempe quod non fieri consueverit in *Corporibus Vivis*) quid attinet dicere? Res enim hæc Odiosa, & Barbara, & à Celso rectè Damnatâ. Neque tamen illud minus verum est, (quod annotatum fuit à Priscis) Poros complures, & Meatus, & Perturbationes, quæ sunt ex Subtilioribus, in Anatomicis Dissectionibus non comparere; quippe quæ in Cadaveribus occluduntur & latent; cum in Viventibus dilatentur, & possent esse conspicui. Itaque, ut & Usui consulatur simul & Humanitati, non est omninò rejicienda *Anatomia Viverum*, neque ad fortuitas Chirurgicorum Inspectiones (quod Celsus fecit) remittenda; cum hoc ipsum bene expediri possit, per Dissectionem Brutorum Viverum, quæ, non obstante suarum Partium dissimilitudine ab Humanis, huic Inquisitioni, adhibito judicio, satisfacere possint.

Item in Inquisitione illorum de *Morbis*, inveniunt *Morbos* complures, quos *insanabiles* decernunt, alios jam inde à Principio Morborum, alios post talem quampiam Periodum. Ita ut L. Syllæ & Triumvirorum Proscriptiones, Res nihili fuerint, præ Medicorum Proscriptionibus, per quas tot Homines iniquissimis Edictis Morti dedunt; Quorum tamen plurimi minore cum difficultate evadunt, quam illi olim inter Proscriptiones Romanas. Neque igitur dubitabo inter *Desiderata* reponere Opus aliquod de *Curationibus Morborum*, qui habentur pro *Insanabilibus*, ut evocentur & excitentur Medici aliqui egregii, & magnanimi, qui huic Operi (quantum largitur Natura rerum) incumbant; quando hoc ipsum, *Istos morbos pronunciare insanabiles*, Neglectum & Incuriam veluti Lege sanciat; & Ignorantiam ab Infamia eximat.

Item ut paulò ulteriùs insistam: Etiam planè cenfeo ad officium Medici pertinere, non tantum ut *Sanitatem restituat*; verum etiam ut *Dolores & Cruciatus Morborum* mitiget: Neque id ipsum solummodo, cum illa Mitigatio Doloris, veluti Symptomatis periculosi, ad *convalescentiam* faciat & conducatur; imò verò cum abjectâ prorsus omni Sanitatis spe, *Excessum* tantum præbeat è *Vitâ magis lenem & placidum*. Siquidem non parva est Fœlicitatis pars, (quam sibi tantoperè precari solebat Augustus Cæsar) illa *Euthanasia*; Quæ etiam observata est in Excessu Antonini Pii, quandò non tam Mori videretur, quam dulci & alto Sopore excipi. Scribitur etiam de Epicuro quod hoc ipsum sibi procuraverit; cum enim Morbus ejus haberetur pro desperato, Ventriculum & Sensus, Meri largiore haustu, & ingurgitatione obruit; unde illud in Epigrammate,

— *Hinc stygias ebrui hausit aquas.*

Vino scilicet Stygii Laticis Amaritudinem sustulit. At nostris Temporibus, Medicis quasi Religio est, Ægrotis, postquam deplorati sint, assidere; ubi meo judicio, si Officio suo, atque adeò Humanitati ipsi deesse nolint, & Artem ediscere, & diligentiam præstare deberent, quâ Animam agentes, faciliùs & mitiùs è *Vitâ* demigrent. Hanc autem Partem, Inquisitionem de *Euthanasia exteriori* (ad differentiam ejus *Euthanasia* quæ Animæ præparationem respicit) appellamus, eamque inter *Desiderata* reponimus.

Item

Item in *Curacionibus Morborum* illud generalitèr *desiderari* reperio; Quod Medici hujusce *Ætatis*, licet *generales Intentiones Curationum* non malè persequantur, *particulares Medicinas*, quæ ad *Curationes Morborum singulorum*, proprietate quâdam spectant, aut non benè nôrunt, aut non religiosè observant. Nam Medici Traditionum & *Experientiæ* probatæ Fructum, Magistratibus suis destruxerunt, & sustulerunt; Addendo, & demendo, & mutando circa Medicinas, prout iis libitum fuerit; & ferè Pharmacopœorum more, *Quid pro Quo* substituendo; ita superbè imperantes Medicinæ, ut Medicina non ampliùs imperet Morbo. Demptis enim Theriacâ, & Mithridatio, & fortassè Diascordio, & Confectione Alkermes, & paucis aliis Medicinis, ad nulla ferè certa Pharmaca se religiosè & severè astringunt. Nam Medicamenta illa quæ in Officinis prostant venalia, potiùs in promptu sunt ad *Intentiones Generales*, quàm accommodata & propria ad *Curaciones Particulares*; siquidem speciatim nullum Morbum magnoperè respiciunt, verùm generatim ad *Obstructiones* aperiendas, *Concoctiones* confortandas, *Intemperies* alterandas pertinent. Atque hinc præcipuè fit, ut Empyrici & Vetulæ sæpenuerò in curandis Morbis foeliciùs operentur, quàm Medici eruditi; quia Medicinarum Probatarum Confectionem & Compositionem fidelitèr & scrupulosè retinent. Equidem memini Medicum quendam apud nos in Angliâ, Practicâ celebrem, Religione propè Judæum, Librorum lectione tanquam Arabem, solitum dicere; *Medici vestri Europæi sunt quidem viri docti; sed non nôrunt particulares curaciones morborum*. Quinetiam idem ludere solebar, parùm decorè, dicendo, *Medicos nostros similes esse Episcopis; ligandi & solvendi claves habere, & nihil ampliùs*. Sed ut seriò quod res est dicamus, Plurimùm referre censemus, si Medici aliqui, & eruditione & practicâ insigniores, Opus aliquod conficiant, de Medicinis probatis & experimentalibus, ad Morbos Particulares. Nam quod speciosâ quis ratione nixus, existimet decere Medicum doctum, (habitâ ratione Complexionis *Ægrorum*, *Ætatis*, *Tempestatis anni*, *Consuetudinum*, & hujusmodi) potiùs Medicinas ex tempore aptare, quàm certis aliquibus præscriptis insistere; id fallax Res est, & *Experientiæ* non satis attribuit, *Judicio* plus nimis. Sanè quemadmodùm in Rep. Romanâ, Cives erant utilissimi, & optimè compositi, qui aut Consules Populo favebant, aut Tribuni in Partes Senatûs inclinabant: ita in hâc Materiâ, de quâ agimus, Medicos eos probamus, qui aut in magnâ Eruditione, traditiones *Experientiæ* plurimùm faciunt; aut in Practicâ insigni, Methodos & Generalia Artis non aspernantur. Modificationes verò Medicinarum (si quando sit opus eas adhibere) potiùs in Vehiculis earum exercendæ sunt, quàm in ipso Corpore Medicinarum; in quo nil novandum, absque evidenti necessitate. Hanc igitur Partem, quæ de *Medicinis Authenticis; & Positivis* tractet, *desiderari* statuimus. Res autem est, quæ tentari non debet, absque acri & severo *Judicio*, & tanquàm in Synodo Medicorum selectorum.

Item, inter Præparationes Medicinarum, mirari subit (præsertim cum *Medicina ex Mineralibus* à Chymicis in tantum eve&æ & celebratæ

celebratae sint ; cumque tales Medicinae tutius ad Exteriora, quam intrò sumantur) neminem adhuc inventum, qui per Artem, *Thermas Naturales*, & *Fontes Medicinales* imitari annixus fuerit ; cum tamen in confesso sit, *Thermas illas & Fontes*, Virtutes suas, ex Venis Mineralium, per quas permeant, nancisci : Quineriam in manifestum hujus rei documentum, bene norit Humana Industria, discernere & distinguere per Separationes quasdam, ex quo genere Mineralium, hujusmodi Aquae inficiantur ; veluti an ex Sulphure, Vitriolo, Chalybe, aut aliquo simili ? Quae naturalis Aquarum tinctura, si ad Artificiosas compositiones reduci posset ; fuerit in potestate Hominis, & plura generum earum (prout usus postulat) efficere ; & temperamentum ipsarum pro arbitrio regere. Hanc igitur Partem, de *Imitatione Naturae in Balneis Artificialibus* (re proculdubio & utili, & in promptu) desiderari censemus.

Ne verò singula scrupulosius exequamur, quam vel Instituto nostro, vel hujusce Tractatus Naturae convenit, claudemus hanc Partem, Defectus alterius cujusdam enumeratione, qui maximi nobis videtur momenti ; Nimirum, quod *Medendi ratio*, quae obtinuit, sit *nimio plus compendiosa*, quam ut Insigne aliquid aut Arduum praestare possit. Etenim judicio nostro, opinio fuerit magis blanda, quam vera, si quis existimet Medicamentum aliquod tam potens aut felix fieri posse, ut Usus eius simplex, Curationi alicui grandiori sufficiat. Mirabilis profecto foret Oratio, quae pronunciata, aut etiam saepius repetita, Vitium aliquod Animo penitus insitum aut inveteratum, corrigere aut tollere possit. Longè certè abest. Verùm quae in Naturâ eximie possunt & pollent, sunt Ordo, Prosecutio, Series, Vicissitudo Artificiosa. Quae, licet majus quoddam in praecipiendo judicium, majoremque in parendo constantiam, requirant ; tamen Effectuum magnitudine abundè rem compensant. Et si autem ex Opera Medicorum quotidianâ, quam, invisendo, assidendo, praescribendo, Aegrotis praestant, putaret quispiam haud segnitè ipsos Curationem persequi ; atque in eadem, certâ quâdem viâ, insistere : Tamèn si quis ea, quae praescribere & ministrare soleant Medici, acutiùs introspeciat, inveniet pleraque vacillationis & Inconstantiae plena, & quae extempore excogitentur, & in Mentem illis veniant, absque certo aliquo, aut praeviso Curationis tramite. Debuerant autem etiam ab initio, post Morbum bene perspectum & cognitum, Seriem curandi ordinatam meditari, neque ab eâ, absque gravi Causâ, discedere. Atque sciunt pro certo Medici, posse (exempli gratia) tria fortassè, aut quatuor Medicamenta, ad Morbum aliquem gravem curandum rectè praescribi, quae debito ordine, & debito intervallo sumpta, Curationem praestent : quorum singula, si per se tantum sumerentur, aut si ordo inverteretur, aut intervallum non servaretur, fuerint prorsus nocitura. Neq; tamen id volumus, ut omnis scrupulosa & superstitiosa curandi Ratio in pretio sit tanquam optima, (non magis quam omnis *Via arcta*, *via* sit ad *Caelum* :) verùm ut aequè recta sit Via, ac arcta & difficilis. Hanc autem Partem, quam *Filum medicinale* vocabimus, desiderari ponimus. Atque haec illa sunt, quae in *Doctrinâ Medicinæ*, de

Curatione

Curatione Morborum, desideramus; nisi quod restet Unicum, quod pluris est quàm illa omnia. *Desideratur* nimirum *Philosophia Naturalis Vera & Activa*, cui *Medicina Scientia* inædificetur. Cæterum illa non est hujusce Tractatus.

Tertiam Partem *Medicinæ*, posuimus illam de *Prolongatione Vitæ*; quæ nova est, & *desideratur*; Estque omnium Nobilissima. Si enim tale aliquid inveniri possit, non versabimur tantum *Medicina in Curationum sordibus*, nec Medici ipsi propter *Necessitatem* solummodò *honorabuntur*; sed utique propter Donum Mortalibus; ex terrenis, quasi maximum; cujus poterint esse, secundum Deum, Dispensatores & Administri. Licet enim *Mundus* Homini Christiano, ad *Terram promissionis* contendenti, tanquam *Eremus* sit; tamen in *Eremo* ipso proficiscentibus, Calceos & Vestes (Corpus scilicet nostrum, quod Animæ loco Tegminis est) minùs atteri, Gratiæ Divinæ Munus quoddam æstimandum. Hæc de re, quia est ex optimis, eamque inter *Desiderata* posuimus, ex more nostro, & Monita dabimus, & Indicia, & Præcepta.

Primò *monemus*, ex Scriptoribus, circa hoc Argumentum, neminem esse, qui aliquid Magni, ne dicamus aliquid Sani, repererit. Aristoteles certe Commentarium de hoc edidit perpusillum, in quò nonnihil inest Acuti; quòd Ipse Omnia esse vult, ut solet. At Recentiores tam oscitantèr, & superstitiosè, de hoc scripserunt, ut Argumentum ipsum ob eorum vanitatem, tanquam vanum & vecors haberi cœperit.

Secundò *monemus*, ipsas Intentiones, quæ huc spectant, Medicorum, Res nihili esse; & Cogitationes Hominum à re potiùs abducere, quàm versus eam dirigere. Sermocinantur enim, Mortem in Destitutione Calidi & Humidi consistere: Deberi itaque Calorem Naturalem confortari, Humorem autem Radicalem foveti; Perinde ac si hæc res Jusculis, aut Lætuicis & Malvis, aut Amydo, aut Jujubis, aut rursus Aromatibus, aut Vino generoso, aut etiàm Spiritu Vini, & Oleis Chymicis, confici possit; Quæ omnia obsunt potiùs quàm profunt.

Tertiò *monemus*, ut Homines nugari desinant, nec tam faciles sint, ut credant, grande illud opus, quale est Naturæ Cursum remorari & retrovertere, posse Haustu aliquo Matutino, aut Usu alicujus Pretiosæ Medicinæ, ad exitum perducì; Non Auro potabili, non Margaritarum Essentiis, & similibus Nugis; sed ut pro certo habeant, *Prolongationem Vitæ* esse rem operosam, & quæ ex compluribus Remediis, atque eorum inter se Connexione idoneâ, constet: Neque enim quisquam ita stupidus esse debet, ut credat, quod nunquam factum est adhuc, id fieri jam posse, nisi per modos etiàm nunquam tentatos.

Quartò *monemus*, ut Homines ritè animadvertant & distinguant, circa ea, quæ ad *Vitam sanam*, & ea, quæ ad *Vitam longam*, conferre possunt. Sunt enim nonnulla, quæ ad Spirituum Alacritatem, & Functionum Robur, & Morbos arcendos, profunt; quæ tamen de summâ Vitæ detrahunt, & Atrophiam senilem absque Morbis accelerant: Sunt & alia, quæ ad Prolongationem Vitæ, & Atrophiam senilem longius summovendam juvant; sed tamen non usurpantur absque periculo Valetudinis; Adeò ut qui iis utentur ad Prolongationem Vitæ, debeant simul Incommodis occurrere, quæ alioquin

ex eorum usu supervenire possint. Atque *Monita* hæc tenus dedimus.

Quod ad *Indicia* attinet; Tale hujus rei (quam Animo metimur) Plasma est. Conservantur res & durant duobus Modis: Aut in *Identitate* suâ; Aut per *Reparationem*. In *Identitate* suâ; ut *Musca*, aut *Formica* in *Succino*; *Flos*, aut *Pomum*, aut *Lignum* in *Conservatoris Nivalibus*; *Cadaver* inter *Balsama*. Per *Reparationem*; ut in *Flammâ*; & in *Mechanicis*. Operanti ad *Prolongationem Vitæ*, utroque genere utendum est, (disjuncta minus possunt) Corpusque Humanum conservandum, quemadmodum *Inanimata* conservantur: Ac rursus quemadmodum *Flamma* conservatur; Ac denique quadamtenus ut *Mechanica* conservantur. Tres igitur sunt ad prolongandam *Vitam* Intentiones: *Retardatio Consumptionis*; *Probitas Reparationis*; & *Renovatio* ejus quod cœpit veterascere. *Consumptio* fit à duabus *Depradationibus*; *Depradatione Spiritûs Innati*; & *Depradatione Aeris Ambientis*. *Prohibitio* utriusque duplex; Aut si *Agencia* illa fiant minus *Prædatoria*; aut si *Patientia* (*Succi* scilicet *Corporis*) reddantur minus *Depradabilia*. *Spiritus* fit minus *Prædatorius*, si aut *substantiâ* densetur, ut in usu *Opiatorum* & *Nitratorum*, & in *Contristationibus*; Aut *Quantitate* minuat, ut in *Dietis Pythagoricis* & *Monasticis*; Aut *Motu* leniatur, ut in *Otio* & *Tranquillitate*. *Aer* ambiens fit minus *Prædatorius*, si aut minus *incalcescat* à *Radiis Solis*, ut in *Regionibus frigidioribus*; in *Speluncis*; in *Montibus*; & in *Columnis Anacoretarum*: Aut *summoveatur* à *Corpore*, ut in *Cute densâ*, & in *plumis Avium*, & in usu *Olei* & *Vnguentorum* absque *Aromatibus*. *Succi Corporis* redduntur minus *depradabiles*, si aut *Duri* facti sint; aut *Rosidi* sive *oleosi*. *Duri*, ut in *Vitâ aspero*; *vitâ* in *Frigido*; *Exercitationibus robustis*; *Balneis* quibusdam *Mineralibus*. *Rosidi*, ut in usu *Dulcium*, & *abstinentiâ* à *Salsis* & *Acidis*, & maxime omnium, in tali *Missione Potûs*, quæ sit partium valde *tenuium* & *subtilium*, absque tamen omni *Acrimoniâ* aut *Acedine*. *Reparatio* fit per *Alimenta*; *Alimentatio* autem promovetur quatuor Modis: Per *Concoctionem Viscerum* ad *Exirusionem Alimenti*; ut in *confortantibus Viscera principalia*; Per *Excitationem Partium Exteriorum* ad *Attractionem Alimenti*, ut in *Exercitationibus* & *Fricationibus* debitis, atque *Unctionibus* quibusdam & *Balneis appropriatis*; Per *Preparationem Alimenti* ipsius, ut *facilius se insinuet*, & *Digestiones* ipsas quadamtenus anticipet, ut in variis & artificiosis Modis *Cibi condiendi*, *Potûs miscendi*, *Panis fermentandi*, & horum trium *Virutes* in *unum redigendi*; Per *Confortationem* ipsius *ultimi Actûs Assimilationis*, ut in *Somno tempestivo*, & *Applicationibus* quibusdam exterioribus. *Renovatio* ejus quod cœpit veterascere, fit duobus Modis; vel per *Invenerationem Habitûs Corporis* ipsius, ut in usu *Malacificationum* ex *Balneis*, *Emplastris*, & *Unctionibus*; quæ talia sint ut *imprimant*, non *extrahant*: Vel per *Expurgationem Succi veteris*, & *Substitutionem Succi novi*, ut in *tempestivis* & *repetitis Purgationibus*, *Sanguinis Missionibus*, & *Dietis attenuantibus*, quæ *Florem Corporis* restituant. Atque de *Indiciis* hæc tenus.

Præcepta quanquam ex ipsis *Indiciis* plurima possint deduci; tria tamen veluti præcipua subungere visum est. *Præcipimus* primò; ut
Prolongatio

Prolongatio Vitæ expectetur potius à Diætiis Statis, quàm à Regimine aliquo Victus familiari ; aut etiàm à Medicamentorum Particularium Excellentia. Etenim, quæ tantâ Virtute pollent, ut Naturam retrovertere valeant ; fortiora plerumq; sunt, & potentiora ad alterandum, quàm ut simul in aliquâ Medicinâ componi, multò minùs in Victu familiari interspergi possint. Superest itaque ut seriàtim, & regularitèr, & ad Tempora certa, & vicibus certis recurrentia, adhibeantur.

Secundò præcipimus, ut *Prolongatio Vitæ*, expectetur potius ab Operatione in Spiritus, & à Malacificatione Partium, quàm à Modis Alimentandi. Etenim cum Corpus humanum, ejusque Fabrica (missis externis) à tribus pariatur ; Spiritibus scilicet ; Partibus ; & Alimentis ; Via Prolongationis Vitæ per Alimentandi Modos longa est ; atq; per multas ambages & circuitus ; At viæ per Operationes super Spiritus, & super Partes, multò breviores sunt, & quibus citiùs ad Finem desideratum pervenitur ; Eò quod Spiritus subito patiantur, & à Vaporibus, & ab Affectibus, quæ miris modis in eos possunt, Partes item, per Balnea, aut Unguenta, aut Emplastra, quæ subitas etiàm Impressiones faciunt.

Tertiò præcipimus, quod Malacificatio Partium per Exterius, fieri debet, per *Consustantialia*, *Imprimèntia*, & *Occludentia*. *Consustantialia* enim benevolo Partium amplexu libentèr excipiuntur, & propriè malacificant. *Imprimèntia* autem, & Virtutem Malacificantium, tanquàm Vehicula, faciliùs & altiùs deducunt, atque ipsa Partes nonnihil expandunt. *Occludentia* autem, Virtutem utrorumque retinent, & paulisper figunt ; & Perspirationem, quæ est res Malacificationi opposita, (quia Humidum emitrit,) cohibent. Itaque per hæc tria ; (sed potius ordine disposita, & succedentia, quàm commixta,) Res absolvitur. Interim in hac Parte monemus, non eam esse Intentionem Malacificationis, ut nutriat, Partes per Exterius ; sed tantum ut eas reddat magis idoneas ad Nutriendum. Quicquid enim magis Aridum est, minùs est Activum ad Assimilandum. Atque de *Prolongatione Vitæ*, quæ est *Parstèntia Medicinæ* novitèr ascripta, hæc dicta sint.

Veniamus ad *Cosmeticam*, quæ certè Partes habet Civiles, Partes rursus Effœminatas. Corporis enim Munditia, & Decor honestus, rectè existimatur promanare à Modestia quâdam Morum, & à Reverentiâ ; inprimis erga Deum, cujus Creaturæ sumus ; tum erga Societatem, in quâ degimus ; tum etiam erga nosmetipsos, quos non minùs, imò magis quàm alios revereri debemus. Verùm Adulterina illa Decoratio, quæ Fucos & Pigmenta adhibet, digna certè est illis Dèfectibus, qui eam semper comitantur ; cum non sit, aut ad fallendum satis ingeniosa, aut ad utendum satis commoda, aut ad Salubritatem satis tuta & innocua. Miramur autem pravam hanc consuetudinem Fucandi, Leges Censorias, tam Ecclesiasticas quàm Civiles (quæ alias in Luxuriam circa Vestes, aut Cultus Capillorum effœminatos, admodum fuerint severæ) ita diu fugisse. Legimus certè de *Iezabele*, quod Pigmentis faciem obliverit ; verùm de *Estherâ*, & *Judithâ*, nil tale perhibetur.

Pergamus ad *Athleticam* ; Eam sensu intelligimus paulò largiori, quàm accipi consuevit. Huc enim referimus, quicquid versatur circa conciliandam qualemcunq; (quam Corpus humanum suscipit) *Habi-*

litatem; sive sit *Agilitas*, sive *Tolerantia*. Quorum *Agilitas* duas habet Partes, *Robur* & *Velocitatem*: Ac *Tolerantia* itidem duas, vel *Indigentiarum Naturalium patientiam*; vel in *Cruciatibus Fortitudinem*. Quorum omnium, videmus sæpenumerò Exemplainsignia, in Practicâ Funambulorum; in duro victu Hominum quorundam Barbarorum; in Stupendis viribus Maniacorum; & in constantiâ nonnullorum inter exquisita Tormenta. Imò si aliqua alia reperitur Facultas, quæ in priorem Partitionem non cadit (qualis in *Vrinatoribus* sæpè conspicitur, qui mirificè Anhelitum cohibere possunt) ad hanc ipsam Artē aggregari volumus. Atque quod talia fieri quandoque possint, manifestissimum est; At Philosophia & inquisitio Causarum circa eadem ferè neglecta jacet; Hanc arbitramur ob Causam, quòd Homini bus persuasum sit huiusmodi Magisteria Naturæ, solummodò vel ex peculiari certorum Hominum indole, (quæ sub Disciplinam non cadit,) vel à diutinâ, ab Annis usque Puerilibus, consuetudine, (quæ potius imperari quam doceri solet) obtinere. Quod etsi verum prorsus non sit; tamen *Defectus* huiusmodi Rerum quid attinet notare? Certamina enim Olympica jam diù cessarunt; Tum etiâ in eiusmodi rebus Mediocritas sufficit ad usum; Excellentia autem Mercenariæ cuidam Ostentationi ferè inseruit.

Postremò accedimus ad *Artes Voluptarias*. Eæ secundum sensus ipsos dispersitæ sunt: Oculos oblectat præcipuè *Pictoria*, cum aliis Artibus innumeris, (quæ ad Magnificentiam spectant) circa *Ædificia*, *Hortos*, *Vestes*, *Vasa*, *Calices*, *Gemmas*, & similia. Aures demulcet *Musica*, quæ tantâ Vocum, Spiritûs, Chordarum, Varietate, & apparatu, instructa est. Olim etiâ *Hydraulica*, pro Coryphæis quibusdam Artis ejus habita sunt, quæ nunc propè obsoleverunt. Atque Artes, quæ ad Visum, aut Auditum spectant, præ aliis præcipuè Liberales habitæ sunt: Sensus hi duo magis casti; Scientiæ magis eruditæ; quippe qui etiâ *Mathematicam*, veluti Ancillam, in Familiis suis habeant: Eriam Altera ad Memoriam & Demonstrationes; Altera ad Mores & Affectus Animi nonnihil respicit. Reliquorum Sensuum Oblectationes, atque Artes circa ipsos, minùs in honore sunt; veluti *Luxuriæ* quam *Magnificentix* propiores. Unguenta, Odoramenta, Deliciæ & Cupediæ Mensarum, maximè aures Incitamenta Libidinis, rectius Censore quàm Doctore indigent. Optimè sanè à quibusdam annotatum est, nascentibus & crescentibus Rebus pub. Artes Militares florere; in statu & culmine positas Liberales; at ad declinationem & decasum vergentibus Voluptarias. Hæc verò Ætas nostra, vereor ne tanquàm in decasu felicitatis, in Artes voluptarias inclinet. Quare ista missa faciamus. Cum *Artibus Voluptariis Ioculares* copulo. Deceptiones siquidem Sensuum, inter Delectationes Sensuum reponendæ sunt.

Jam verò transcurris *Doctrinis* illis, circa *Corpus Humanum*, (*Medicinâ*, *Cosmeticâ*, *Athleticâ*, *Voluptariâ*) illud obiter monemus; Cum in *Corpore Humano* tot Res in considerationem veniant, *Partes*, *Humores*, *Functiones*, *Facultates*, *Accidentia*; Cùmque, (si nobis integrum esset) constitui oportuisset *Corpus unicum Doctrinæ de Corpore Humano*, quæ ista

ista cuncta complectetur (simile illi *Doctrina de Animâ*, de quâ mox dicemus) tamen ne Artes nimis multiplicentur, neve Veteres Artium Limites (plusquàm necesse fuerit) transponantur; *Doctrinam de Partibus Corporis Humani*, de *Functionibus*, de *Humoribus*, de *Respiratione*, de *Somno*, de *Generatione*, de *Fœtu & Gestatione in Utero*, de *Augmentis*, de *Pubertate*, de *Canicie*, de *Impinguatione*, & similibus, in *Corpus Medicinæ* recipimus; licet ad Officia illa tria non propriè pertineant; Sed quia *Corpus ipsum Hominis*, sit per omnia *Medicinæ* Subjectum. *Motum* autem *Voluntarium*, & *Sensum*, ad *Doctrinam de Animâ* rejicimus; liquidem *Animæ* Partes in his duobus sunt potiores. Atque sic *Doctrinam*, quæ circa *Corpus Hominis* versatur (quod *Animæ* pro Tabernaculo duntaxat est) claudimus.

CAPUT III.

Partitio Philosophiæ Humanæ circa Animam, in Doctrinam de Spiraculo; & Doctrinam de Animâ Sensibili sive Productâ. Partitio secunda ejusdem Philosophiæ, in Doctrinam de Substantiâ & Facultatibus Animæ; & Doctrinam de Usu, & Objectis Facultatum. Appendices duæ Doctrinæ de Facultatibus Animæ; Doctrina de Divinatione Naturali; & Doctrina de Fascinatione. Distributio Facultatum Animæ Sensibilis, in Motum; & Sensum.



Eniamus ad *Doctrinam de Animâ Humanâ*; è cujus The-
sauris, omnes cæteræ *Doctrinæ* depromptæ sunt. Ejus
duæ sunt Partes; Altera tractat de *Animâ Rationali*, quæ
Divina est; Altera de *Irrationali*, quæ communis est cum
Brutis. Notavimus autem paulò superiùs (ubi de *For-
mis* loquebamur) differentes illas duas *Animarum* Emanationes, quæ
in primâ utriusque Creatione, se dant conspiciendas; Nimirum, quod
altera Ortum habuerit à *Spiraculo Dei*; Altera è *Matricibus Elemento-
rum*. Nam de *Animæ Rationalis* Generatione Primitivâ, ita ait Scrip-
tura, *Formavi Hominem de limo Terræ, & spiravi in Faciem ejus Spiracu-
lum Viæ*. At Generatio *Animæ Irrationalis*, sive *Brutorum*, facta est
per Verba illa, *Producat Aqua; Producat Terra*; Hæc autem *Animæ*
(qualis est in Homine) *Rationali* Organum tantùm est, atque
Originem habet, & ipsa quoque, quemadmodùm in Brutis, è Limbo
Terræ; Neque enim dictum est, *Formavi Corpus Hominis de Limbo Ter-
ræ*; sed *Formavi Hominem*; integrum scilicet Hominem, excepto illo
Spiraculo. Quamobrem Partem primâ *Doctrinæ Generalis* circa *A-
nimam Humanam*, *Doctrinam de Spiraculo* appellabimus; Secundam
verò, *Doctrinam de Animâ Sensibili sive Productâ*. Neque tamen, cùm
hactenus *Philosophiam* solam tractemus (quippe *Sacram Theologiam* in
Fine

De Augmentis Scientiarum

Fine Operis collocavimus) Partitionem istam à *Theologiâ* mutuaremus, nisi etiam cum principiis *Philosophiæ* conveniret. Plurimæ enim & maximæ sunt *Animæ Humanae* præcellentiae supra *Animas Brutorum*, etiam Philosophantibus secundum Sensum manifestæ. Ubique autem tot & tantarum invenitur Excellentiarum Symbolum, ibi meritò semper constitui debet Differentia specifica. Itaque nobis non nimium placet, Confusa illa & promiscua Philosophorum de *Animæ Functionibus* Tractatio; ac si *Anima Humana*, Gradu potius quàm Speciei, discriminata esset ab *Animâ Brutorum*; Non aliter quàm Sol inter Astra, aut Aurum inter Metalla.

Subjungenda est etiam Partitio alia *Doctrinæ Generalis* circa *Animam Humanam*, antequàm de Speciebus fusiùs loquamur. Etenim, quæ de Speciebus postea dicemus, utramque Partitionem, tum illam quam jam modò posuimus, tum istam quam nunc proponemus, simul tractabunt. Secunda igitur Partitio sit, in *Doctrinam* de *Substantiâ & Facultatibus Animæ*; & *Doctrinam* de *Vsu & Objectis Facultatum*.

Præmissis itaque his Partitionibus geminis, ad Species accedamus. *Doctrinæ* de *Spiraculo*, eademque de *Substantiâ Animæ Rationalis*, complectitur Inquisitiones illas de Naturâ ejus; Utrum *Nativa* sit illa, an *Adventitia*; *Separabilis* an *Inseparabilis*; *Mortalis*, an *Immortalis*; quatenus *Legibus Materie* alligata, quatenus minimè; & similia? Quæ verò hujus sunt Generis, licet etiam in *Philosophiâ*, & diligentiorẽ & altiorẽ Inquisitionem subire possint, quàm adhuc habetur; utcunque tamen in fine, Religioni determinanda & diffinienda rectiùs transmitti censemus: Aliter enim, Erroribus haud paucis, & Sensûs Illusionibus omninò exponentur. Etenim, cum *Substantia Animæ*, in Creatione suâ, non fuerit extracta aut deducta, ex *Massâ Cœli & Terræ*, sed immediatè inspirata à Deo; Cùmque *Leges Cœli & Terræ*, sint propria Subjecta *Philosophiæ*; quomodò possit *Cogitatio Substantiâ Animæ Rationalis* ex *Philosophiâ* peti & haberi? Quinimò ab eadem Inspiratione Divinâ hauriatur, à quâ *Substantia Animæ* primò emanavit.

Doctrinæ verò de *Anima Sensibili* sive *Productâ*, etiam quatenus ad *Substantiam* ejus, verè inquiritur: At ea Inquisitio nobis quasi desiderari videtur. Quid enim ad *Doctrinam* de *Substantiâ Animæ* faciunt, *Actus ultimus*, & *Forma Corporis*, & hujusmodi Nugæ *Logicæ*? *Anima* siquidem *Sensibilis* sive *Brutorum*, planè *Substantia Corporæa* censenda est, à Calore attenuata, & facta *Invisibilis*; *Aura* (inquam) ex *Naturâ Flammeâ & Aëreâ* conflata, *Aëris mollicie* ad *Impressionem* recipiendam, *Ignis vigore* ad *Actionem vibrandam* dotata; partim ex *Oleosis*, partim ex *Aqueis* nutrita; *Corpore obducta*, atque in *Animalibus* perfectis in *Capite* præcipuè locata, in *Nervis* percurrentes, & *Sanguine spiritioso Arteriarum* resecta & reparata; quemadmodum *Bernardinus Telesius*, & *Discipulus ejus Augustinus Donius*, aliquâ ex parte, non omninò inutilitèr, asseruerunt. Itaque de hac *Doctrinâ*, diligentior fiat Inquisitio: Eò magis, quod hæc *Res* non benè intellecta, *Opiniones superstitiosas*, & planè contaminatas, & *Dignitatem Animæ Humanæ* pessimè conculcantes, de *Metempsychôsi* & *Lustrationibus*

Animalium

Animæ per Periodos Annorum, denique de nimis propinquâ *Animæ Humanæ* erga *Animæ Brutorum* per omnia *Cognitione*, peperit. Est autem hæc *Anima* in Brutis *Anima* principalis, cuius Corpus Brutorum Organum; In Homine autem, Organum tantum & ipsa *Animæ Rationalis*; & *Spiritus* potius Appellatione, quàm *Animæ* indigitari possit. Arque de *Substantiâ Animæ* hætenus.

Facultates autem *Animæ* notissimæ sunt; *Intellectus*, *Ratio*, *Phantasia*, *Memoria*, *Appetitus*, *Voluntas*, denique universæ illæ, circa quas versantur *Scientiæ* *Logicæ*, & *Ethicæ*: Sed in *Doctrinâ de Animâ*, *Origines* ipsarum tractari debent, idque physicè, prout *Animæ* innatæ sint; & adhæreant: *Usus* tantum ipsarum, & *Objecta*, illis alteris *Artibus*, deputantur. Arque in hac parte, nihil egregii (ut nobis videtur) adhuc repertum est; quanquàm *desiderari* eam hæud sanè dixerimus. Habet etiâ *Pars* ista, *De Facultatibus Animæ*, *Appendices* duas; quæ & ipsæ, quemadmodum tractantur, potius *Fumos* nobis exhibuerunt, quàm *Flammam* aliquam lucidam *Veritatis*: Altera harum est *Doctrina* de *Divinatione* *Naturali*; Altera de *Fascinatione*.

Divinationem ab Antiquis, nec malè, in duas *Partes* divisam habemus; *Artificialem*, & *Naturalem*: *Artificialis* *Ratiocinando*, ex *Indicatione* *Signorum*, *Predictionem* colligit; *Naturalis*, ex ipsâ *Animi* præsentione internâ, absque *Signorum* *Adminiculis*, præagit. *Artificialis* duplex; Altera argumentatur ex *Causis*; Altera ex *Experimentis* tantum, cœcâ quâdam *Auctoritate*: Quæ posterior, ut plurimum, superstitiosa est; quales erant *Ethnicorum* *Disciplinæ*, circa *Inspectionem* *Extorum*, *Volatum Avium*, & similia. Etiâ *Chaldæorum* *Astrologia* solennior, non multò melior. At *Artificialis* *Divinatio* utraque, inter diversas *Scientiâs* spargitur. Habet *Astrologus* *Predictiones* suas, ex situ *Astrorum*. Habet etiâ *Medicus* suas, De *Morte* ingruente; De *Convalescentiâ*; De *Symptomatibus* *Morborum* superventuris, ex *Urinis*, *Pulsibus*, *Aspectu* *Ægrorum*, & similibus. Habet & *Politicus* suas; *O Urbem Venalem*, & cetera perituram, si *Empiorem* invenerit: Cujus *Vaticinii* *fides* non diù morata est, impleta primùm in *Syllâ*, postea in *Cæsare*. Hujusmodi igitur *Predictiones*, præsentis non sunt *Instituti*; verùm ad *Artes* proprias remitti debent. *Naturalis* autem *Divinatio*, ex vi scilicet internâ *Animi* Ortum habens, ea demùm est, de quâ nunc agitur. Hæc duplex est; Altera *Nativa*; Altera per *Influxum*. *Nativa* hoc nritur *Suppositionis* *Fundamento*; Quod *Anima* in se reducta, atque collecta, nec in *Corporis* *Organa* diffusa, habeat ex vi propriâ *Essentiæ* suæ, aliquam *Prænotionem* *Rerum* futurarum: Illa verò optimè cernitur, in *Somnis*, *Ecstasibus*, *Confiniis* *Mortis*; rariis inter *Vigilandum*, aut cum *Corpus* sanum sit ac validum. Hujusmodi verò *status* *Animi*, procuratur ferè, aut adjuvatur, ex *Abstinentiis*, atque illis *Rebus*, quæ *Animam* à *Muneribus* *Corporis* exercendis maximè sevocant, ut suâ *Naturâ* absque *Impeditionibus* *Exteriorum* gaudere possit. *Divinatio* verò per *Influxum*, hoc altero *suppositionis* *Fundamento* nritur; Quod *Anima*, veluti *Speculum*, *Illuminationem* quandam secundariam, à *Præscientia* *Dei*, & *Spirituum* excipiat; Cui etiâ idem, qui priori, Status

Stratus & Regimen Corporis confert. Eadem enim Animæ sevocatio efficit, ut & suâ Naturâ impensius uratur; & Divinorum Influxuum sit magis susceptiva: Nisi quod in *Divinationibus* per *Influxum*, Anima Fervore quodam, atque tanquàm Numinis præsentis Impatientia (quæ apud Priscos *Sacri Furoris* nomine vocabatur) corripiatur; In *Divinatione* autem *Naturâ*, Quietipotius & Vacationi propior sit.

Fascinatio autem, est Vis & Aëus Imaginationis intensivus, in Corpus alterius: (Vim enim Imaginationis super Corpus proprium ipsius Imaginantis superius perstrinximus.) In hoc genere Schola Paracelsi, & ementitæ *Naturalis Magiæ* Cultores, tam fuerunt immodici, ut Imaginationis Impetum & Apprehensionem, *Miracula-patrantii Fidei* tantum non exæquarint. Alii ad Similitudinem Veri propius accedentes; cum occultas Rerum Energias & Impressiones, Sensuum Irradiationes, Contagionum de Corpore in Corpus Transmissiones, Virtutum Magneticarum Delationes, acutiùs intuerentur; in eam opinionem devenerunt, ut multò magis à Spiritu in Spiritum (cum Spiritus præ Rebus omnibus sit, & ad Agendum strenuus, & ad Patiendum tener & mollis) Impressiones, & Delationes, & Communicationes fieri poterint. Unde increbuerunt Opiniones factæ, quasi Populares, De Genio superiori, De Hominibus quibusdam infastis & ominosis, De Ictibus Amoris & Invidiæ; & aliæ his similes. Atque huic conjuncta est Disquisitio, quomodo *Imaginatio intendi & fortificari* possit? Quippe si Imaginatio fortis tantarum sit virium, operæ-premium fuerit nosse, quibus modis eam exaltari, & se ipsa majorem fieri detur? Atque hic oblique, nec minùs periculosè, se insinuat, Palliatio quædam, & Defensio maximæ Partis *Magiæ Cereemonialis*. Speciosus enim fuerit Prætextus, Cereemonias, Characteres, Incantationes, Gesticulationes, Amuleta, & similia, non ex aliquo tacito, aut Sacramentali cum malis Spiritibus contractu, vires nancisci; sed eò pertinere tantum, ut Imaginatio illius, qui his utitur, roboretur & exaltetur: Quæadmodum etiàm in Religione, usus Imaginû, ad Mentes Hominum in Rerum Contemplatione defigendas, & Devotionem Precantium excitandam, invaluit. Attamen mea talis est Sententia; Etiam si detur vim imaginationis esse utique potentem; atque insuper Cereemonias vim illam intendere & roborare; posito denique, quod adhibeantur Cereemoniæ ad hanc Intentionem sincerè, atque tanquàm Remediûm Physicum, absque aliquâ vel minimâ cogitatione, de invitandis per ipsas auxiliis Spirituum; haberi nihilominus debent pro illicitis, propterea quod Sententiæ illi Divinæ, adversus Hominem propter Peccatum latæ, repugnent & recalcitrent, *In sudore vultus comedes panem tuum*. Siquidem Magia ejus generis, egregios illos Fructus, quibus Deus Pretium Laborem constituit, adipiscendos proponit, per paucas, easque faciles, & minimè operosas Observantias.

Superfunt *Doctrina* duæ, quæ ad *Facultates Animæ Inferioris* sive *Sensibilis*, præcipuè spectant; utpote quæ cum Organis Corporeis maxime communicant. Altera de *Motu Voluntario*; Altera de *Sensu & Sensibili*. In priori harum, etiàm aliàs satis jejunè inquisitâ, Unica Pars fere integra deest. Etenim de Officio, & Fabricâ commodâ Nervorum

vorum & Musculorum, & aliorum quæ ad hunc Motum requiruntur; Quæque Pars Corporis quiescat dum alia moveatur; Tum quod hujusce Morus Rector & quasi Auriga sit Imaginatio, adeò ut dimissâ Imagine ad quam Motus fertur, statim intercipiatur & sistatur Motus ipse, (ut cum deambulamus, si alia subeat Cogitatio acris & defixa, continuò consistimus,) et aliæ nonnullæ Subtilitates non malæ, in Observationem & Inquisitionem jam pridem venerunt. Quomodò verò Compressiones, et Dilatationes, & Agitationes Spiritûs, (qui proculdubio Motus Fons est) corpoream & crassam Partium Molem, fleat, excitet, aut pellat, adhuc diligenter inquisitum & tractatum non est. Neque mirum, cum *Anima ipsa Sensibilis*, hætenus potius pro Entelechiâ & Functione quâdam habita sit, quam pro substantiâ. At quando jam innoverit, ipsam esse Substantiam Corpoream & Materialitatem, necesse est etiam, ut quibus nixibus, Aura tam pusilla & tenera, Corpora tam crassa & dura, in *Motum* ponere possit, inquiratur. De hac Parte igitur, cum *desideretur*, fiat Inquisitio.

At de *Sensu & Sensibili*, longè uberior & diligentior adhibita est Inquisitio, tam in Tractatibus circa ea generalibus, quam in Artibus specialibus, utpotè *Perspectivâ*, *Musicâ*: quam vere, nihil ad Institutum: quandoquidem illa tanquam *Desiderata* ponere non liceat. Sunt tamen duæ Partes Nobiles & insignes, quas in hac Doctrinâ *desiderari* statuimus: Altera de *Differentiâ Perceptionis & Sensûs*; Altera de *Formâ Lucis*.

Atque Differentiam inter *Perceptionem* et *Sensum*, benè enucleatam, debuerant Philosophi Tractatibus suis de *Sensu & Sensibili* præmittere, ut rem maximè fundamentalem. Videmus enim, quasi omnibus Corporibus Naturalibus, inesse vim manifestam *Percipiendi*; Etiam Electionem quandam Amicæ amplectendi, Inimicæ & Alienæ fugiendi. Neque nos de subtilioribus *Perceptionibus* tantum loquimur; veluti cum Magnes Ferrum allicit; Flamma ad Naphtham affilit; Bulla Bullæ approximata coit; Radiatio ab Objecto albo diffilit; Corpus Animalis utilia assimilat, inutilia excernit; Spongiæ Pars (etiam super Aquam elevata) Aquam attrahit, Aerem expellit; & hujusmodi; Etenim quid attinet talia enumerare? Nullum siquidem Corpus ad aliud admotum, illud immutat, aut ab illo immutatur, nisi Operationem præcedat *Perceptio* Reciproca. *Percipit* Corpus Meatus quibus se insinuat; *Percipit* Impetum alterius Corporis, cui cedit; *Percipit* Amotionem alterius Corporis, à quo detinebatur, cum se recipit; *Percipit* Divulsionem sui Continui, cui ad Tempus resistit; ubique denique est *Perceptio*. Aer verò Calidum & Frigidum tam acutè *percipit*, ut Ejus *Perceptio* sit longè subtilior quam Tactus Humanus; qui tamen pro Calidi & Frigidi Normâ habetur. Duplex igitur deprehenditur circa hanc Doctrinam Hominum Culpa; Alia, quod eam intactâ, & intractatâ (cum tamē sit Res nobilissima) pserunq; reliquerunt: Alia, quod qui huic Contemplationi fortè Animum adjecerunt, longius, quam par est, proveci sunt, et *Sensum* Corporibus omnibus tribuerunt: ut piaculum ferè sit Ramum Arboris avellere, ne fortè instar Polydori ingemiscat. At debuerant illi *Differentiam Perceptionis &*

Sensus, non tantum in Comparatione Sensibilium ad Insensibilia, secundum Corpus integrum, explorare, (veluti Plantarum & Animalium ;) verum etiam in Corpore ipso Sensibili animadvertere, quid in Causa sit, cur tot Actiones expediantur, absque omni tamen *Sensu* ? Cur Alimenta digerantur, egerantur ; Humores & Succī, sursum, deorsum, ferantur ; Cor & Pulsus vibrent ; Viscera, sua quæque Opificia, sicut Officinæ, producant ; & tamen hæc omnia, & complura alia, absq; *Sensu* fiant ? Verum Homines non satis acutè, qualis sit Actio *Sensus*, viderunt ; atque quod Genus Corporis, quæ Mora, quæ Conduplicatio Impressionis ad hoc requirantur, ut Dolor vel Voluptas sequatur ? Denique *Differentiam* inter *Perceptionem* simplicem, & *Sensum*, nullo modo nosse videntur ; nec quatenus fieri possit *Perceptio* absq; *Sensu*. Neque enim hæc Verborum tantum Controversia est, sed de Re magni prorsus Momenti. De hac igitur *Doctrinâ* (ut in primis utili, & ad plurima spectante) melius inquiratur. Quandoquidem etiam circa hanc Rem Inscitia, tantum apud nonnullos ex Antiquis Philosophis potuerit, ut omnibus sine discrimine Corporibus Animam infundi putaverint : Neque enim videbant, quomodo *Motus* cum discretione fieri potuerit absq; *Sensu*, aut *Sensus* adesse absq; *Animâ*.

De *Formâ Lucis*, quod debita non facta fuerit Inquisitio (præsertim cum in *Perspectivâ* strenuè elaborârunt Homines) stupenda quædam negligentia censi possit. Etenim, nec in *Perspectivâ*, nec aliàs, aliquid de Luce, quod valeat, inquisitum est. Radiationes ejus tractantur, Origines minimè. Sed Collocatio demum *Perspectivæ* inter *Mathematica*, hunc ipsum Defectum, & alios similes peperit ; quia à Physicis præmaturè discessum est. Tractatio autem de *Luce*, & Causis ejus, in Physicis rursus superstitiosa ferè est, tanquam de Re inter Divina & Naturalia mediâ ; adeo ut quidam ex Platonicis, eam *Materiâ* ipsâ antiquiorem introduxerint : Cum enim Spatium esset difflatum, id primum Lumine, postea verò Corpore impletum fuisse, vanissimo commento asseruerunt : Quando tamen Scripturæ Sacræ, Massam Cœli & Terræ, tenebrosam, ante Lucem creatam, diserte posuerint. Quæ verò physicè, & secundum Sensum de eâ tractantur, ea statim ad Radiationes descendunt, ut parùm Physicæ Inquisitionis circa hanc rem extet. Debuerant autem Homines Contemplationes suas submittere paulisper, & quid sit *Corporibus* omnibus *Lucidus* commune inquirere, tanquam de *Formâ Lucis*. Etenim quam immensa est corporis Differentia, (si ex dignitate considerentur) inter Solem & Lignum putridum, aut Squammas etiam Piscium putridas ? Inquirere etiam debuerant, quid tandem in causâ sit, cur aliqua ignescant, & *Lucem* ex se jactant calefacta, alia minimè ? Ferrum, Metalla, Lapides, Vitrum, Ligna, Oleum, Sevum, ab Igne, vel Flammam vibrant ; vel saltèm rubescunt : At Aqua, Aer, acerrimo & tanquam furenti Calore fervefacta, nihil tamen *Lucis* adipiscuntur, nec splendent. Quod si quis hoc eò fieri putet, quod proprium sit Ignis *lucere*, Aqua autem et Aer Igni omninò inimici sint ; Is sanè nunquam per Obscura Noctis, in Aquâ falsâ, tempestate calidâ, remigavit ; cum guttulas Aquæ ex Remorum Concussione subsilientes, micare & lucescere videre

videre potuisset. Quod etiam fit in Spumâ Maris ferventiore, quam *Pulmonem Marinum* vocant. Quid denique habent commune cum Flammâ & Ignitis, Cicendulæ & Luciolæ; & Musca Indica, quæ Cameram totam illustrat; Et Oculi quorundam Animalium in Tenebris; & Saccharum inter radendum aut frangendum; & Sudor Equi nocte æstuosâ festinantis; & Alia nonnulla? Quin & Homines tam parùm in hac re videntur, ut plerique Scintillas è Silice, Aerem attritum putent. Attamen quando Aer Calore non ignescat, & *Lucem* manifestò concipiat, quomodò tandem fit, ut Noctuæ, & Feles, & alia nonnulla Animalia, noctû cernant? Adeò ut ipsi Acri, (quandò Visio absque *Luce* non transigatur) necesse est inesse *Lucem* aliquam Nativam & genuinam, quanvis tenuem admodùm & infirmam, quæ tamen sit Radius Visivis hujusmodi Animalium proportionata, iisque ad videndum sufficiat. Verùm hujusce Mali (ut plurimorum) Causa est, quod Homines ex Instantiis particularibus, *Formis* Naturarum *Communes* non elicuerunt; Id quod nos tanquàm Subjectum proprium *Metaphysicæ* posuimus; Quæ & ipsa *Physicæ*, sive *Doctrinæ* de *Naturâ* Pars est. Itaque de *Formâ* & *Originibus Lucis* fiat Inquisitio, eaque interim inter *Desiderata* ponatur. Atque de *Doctrinâ* circa *Substantiam Animæ*, tam *Rationalis* quàm *Sensibilis*, cum *Facultatibus suis*, atq; de ejusdem *Doctrinæ Appendicibus*, hæc dicta sint.



FRANCISCI BACONI
BARONIS

DE
VERULAMIO,
VICE-COMITIS
SANCTI ALBANI,

DE
Dignitate & Augmentis Scientiarum
LIBER QUINTUS.

AD REGEM SVVM.

CAPUT I.

Partitio Doctrinæ circa Usus & Objecta Facultatum Animæ Humanæ, in Logicam; & Ethicam. Partitio Logicæ, in Artes Inveniendi; Judicandi; Retinendi; & Tradendi.

Doctrina circa Intellectum, (Rex optime) atque illa altera circa Voluntatem Hominis, in Natalibus suis tanquam Gemellæ sunt. Etenim *Illuminationis Puritas & Arbitrii Libertas*, simul incoeperunt, simul corruerunt. Neque datur in Universitate Rerum, tam intima Sympathia, quàm illa Veri & Boni. Quo magis rubori fuerit Viris doctis, si Scientiæ sint tanquàm Angeli Alati, Cupiditatibus verò, tanquàm Serpètes, qui humi reptant; circûgerentes Animas, instar Speculi sanè, sed Menstruati.

De *Augmentis Scientiarum*

Venimus jam ad *Doctrinam* circa *Usum* & *Objecta Facultatum Animæ Humanæ*. Illa duas habet Partes, easque notissimas, & consensu receptas; *Logicam*, & *Ethicam*: Nisi quod *Doctrinam Civilem*, quæ vulgò ut *Pars Ethicæ* collocatur, jam antè emancipaverimus; & in integram *Doctrinam de Homine Congregato*, sive in *Societate*, constituerimus; hîc tantùm de *Homine segregato* tractantes. *Logica* de *Intellectu* & *Ratione*; *Ethica* de *Voluntate*, *Appetitu*, & *Affectibus* differit: Altera *Decreta*, Altera *Actiones* progignit. Verum quidem est, quod *Phantasia* in utrâque Provinciâ, tam *Judiciali* quàm *Ministeriali*, *Legati* cujusdam, aut *Internuncii*, aut *Procuratoris* reciproci, vices gerit. Nam *Sensus Idôla* omnigena *Phantasiæ* tradit, de quibus postea *Ratio* judicat: At *Ratio* vicissim *Idôla electa*, & probata *Phantasiæ* transmittit, priusquàm fiat *Executio Decreti*. Siquidem *Motum voluntarium* perpetuò præcedit, eumque incitat *Phantasia*: adeò ut *Phantasia* sit utriusque tam *Rationi* quàm *Voluntati* *Instrumentum commune*: nisi quod *Janus* iste *Bifrons* sit, & duas obvertat *Facies*: *Facies* enim *Rationem* aspiciens, *Veritatis* habet *Effigiem*; *Facies* autem *Actionem* aspiciens, *Effigiem Bonitatis*: Quæ tamen sint *Facies*,

— *Quales decet esse sororum.* —

Neque verò merus & nudus *Internuncius* est *Phantasia*; sed *Auctoritatem* non exiguam, vel accipit, vel usurpat, præter *Delationem simplicem Mandati*. Rectè enim *Aristoteles*; *Id Imperii habet Anima in Corpus, quod Dominus in Mancipium: Ratio verò in phantasiâ, quod in liberâ Civitate Magistratus in Civem*; Ad quem possit suâ vice redire *Dominatio*. Videmus enim quod in iis, quæ sunt *Fidei* & *Religionis*, *Phantasia* supra ipsam *Rationem* scandat & evehatur: Non quod *Illuminatio Divina* locum habeat in *Phantasiâ*; (quin potius in ipsâ *Arce Mentis* & *Intellectûs*;) verùm quemadmodum *Gratia Divina* in *Virtutibus*, utitur *Motibus Voluntatis*; ira similiter *Gratia Divina* in *Illuminationibus* utitur *Motibus Phantasiæ*; unde fit ut *Religio* semper *Aditum* sibi ac *Viam* ad *Animum* quaesierit, per *Similitudines*, *Typos*, *Parabolas*, *Visiones*, *Insomnia*. Rursus haud humile est *Regnum Phantasiæ* in *persuasionibus*, à *vi Eloquentiæ* insinuat. Nam ubi per *Orationis Artificia* *Hominum Animi* demulcentur, inflammantur, & in quamcunque *Partem* pertrahuntur; totum illud fit per *Exuscitationem Phantasiæ*, quæ *impotens* jam facta, non solum *Rationi* insultat, verùm eidem vim quodammodò facit, partim occaecando, partim extimulando. Neque tamen *Causa* videtur, cur à *Partitione* priore discedamus. Nam *Phantasia* *Scientias* ferè non parit: Siquidem *Poesis* (quæ à principio *Phantasiæ* attributa est) pro *Lusu* potius *Ingenii*, quam pro *Scientiâ*, habenda: *Potestatem* autem *Phantasiæ* in *Naturalibus*, *Doctrinæ* de *Animâ* paulò antè assignavimus. Eam verò quam habet cum *Rhetoricâ* *cognitionem*, illi ipsi *Arti*, (de quâ infra tractabimus) remitti par est.

Pars ista Humanæ Philosophiæ, quæ ad *Logicam* spectat, *Ingeniorum* plurimorum *gustui* ac *palato* minùs grata est; & nihil aliud videtur quàm spinosæ *Subtilitatis* *Laqueus* ac *Tendicula*. Nam sicut verè dicitur, *Scientiam esse Animi pabulum*; ita in hoc *Pabulo* appetendo, & deligendo,

deligendo, plerique Palatum nacti sunt Israelitarum simile in Deferto, quos Cupido incessit redeundi ad *Ollas Carnium*, *Mammæ* autem fastidium cepit: Quæ licet Cibus fuerit cœlestis, minùs tamen sentiebatur almus & sapidus. Eodem modo (ut plurimum) illæ *Scientiæ* placent, quæ habent Infusionem nonnullam Carnium magis esculentam; Quales sunt *Historia Civilis*, *Mores*, *Prudentia Politica*, circa quas Hominum Cupiditates, Laudes, Fortunæ vertuntur & occupatæ sunt. At istud *Lumen siccum*, plurimorum mollia & madida Ingenia offendit, & terret. Cæterum unamquamque rem, propriâ si placet dignitate metiri, *Rationales Scientiæ* reliquarum omninò Claves sunt. Atque quemadmodum *Manus Instrumentum Instrumentorum*, *Anima Forma Formarum*, ita & illæ, *Artes Artium* ponendæ sunt. Neque solum dirigunt, sed & roborant; sicut Sagittandi Usus & Habitus, non tantum facit ut melius quis collimet; sed ut Arcum tendat fortio-rem.

Artes Logicæ quatuor numero sunt; divisæ ex Finibus suis, in quos tendunt. Id enim agit Homo in *Rationalibus*; Aut ut *inveniat quod quaesiverit*; Aut *judicet quod invenerit*; Aut *retineat quod judicaverit*; Aut *tradat quod retinuerit*. Necessè igitur est, ut totidem sint *Artes Rationales*. *Ars Inquisitionis* seu *Inventionis*; *Ars Examinis* seu *Judicii*; *Ars Custodiæ* seu *Memoriæ*, & *Ars Elocutionis* seu *Traditionis*. De quibus jam sigillatim dicemus.

CAPUT II.

Partitio Inventivæ, in Inventivam Artium; & Argumentorum: Quodque prior harum (quæ eminent) desideretur. Partitio Inventivæ Artium, in Experientiam Literatam; & Organum Novum. Delineatio Experientiæ Literatæ.

Inventionis duæ sunt Species, valdè profectò inter se discrepantes; Una *Artium & Scientiarum*; altera *Argumentorum & sermonum*. Priorem harum *desiderari* prorsus pronuncio. Qui quidem talis mihi videtur esse Defectus; ac si quis in Inventario conficiendo Bonorum alicujus Defuncti ita referat; *Numeratæ pecuniæ nihil*. Ut enim cætera omnia Pecuniâ parantur; ita & per hanc *Artem* reliquæ acquiruntur. Atque sicut India Occidentalis nunquàm nobis inventa fuisset, nisi præcessisset Acus Nauticæ Inventio; licet Regionem illam immensam, Versoriam Motus pusillus sit: Ita non est cur miretur quispiam, in *Artibus* perlustrandis & promovendis, ampliores Progressus factos non esse; quandoquidem *Ars ipsa Inveniendi & Perlustrandi Scientiæ* hætenus ignoretur.

Hanc *Scientiæ desiderari* Partem planè in confesso est. Primò enim *Dialectica* nihil proficetur, imò ne cogitat quidem, de *inveniendis Artibus*, sive *Mechanicis*, sive (quas vocant) *Liberalibus*; Aut etiàm de

Illarum Operibus, Harum verò Axiomatibus eliciendis; sed quasi præteriens Homines alloquitur, & dimittit, edicens, ut *Cuique in suâ Arte credant*. Celsus vir prudens, non solum Medicus (sicet moris sit omnibus in laudes Artis propriæ effundi) graviter & ingenuè, de Empyricis & Dogmaticis Medicorum Sectis loquens, fatetur; *Medicamenta & remedia prius fuisse inventa, de causis verò & rationibus posterius disceptatum; non ordine converso, causas ex naturâ rerum primò eruitas fuisse, easque Inventioni Remediorum præluxisse*. At Plato non semel inquit, *Particularia infinita esse; maxime rursus generalia à minis certa documenta exhibere; Medullam igitur Scientiarum, quâ Artifex ab Imperio distinguitur, in mediis propositionibus consistere, quas per singulas Scientias tradidit & docuit experientia*. Quin & illi, qui de Primis Rerum Inventoribus, aut Scientiarum Originibus verba fecerunt, Casum potius quam Artem celebrârunt; Atque Animalia Bruta, Quadrupedes, Aves, Pisces, Serpentes, magis quam Homines, tanquam Scientiarum Doctores, introduxerunt.

Diâmaum Genitrix Diâa carpui ab Idâ,

Puberibus caulem foliis, & flore comantem

Purpureo, non illa feris incognita Capris

Gramina, cum tergo volucres hædere sagittæ.

Adeò ut minimè mirum sit (cùm in more apud Antiquos fuerit Rerum utilium Inventores consecrare) apud Ægyptios Gentem præscam, (cui plurimæ Artes initia sua debent,) Tempora plena fuisse Simulachris Brutorum, Hominum verò Simulachris propè vacua;

Omni genitumque Deum monstra, & lator Anubis,

Contra Neptunum, & Venerem, contraque Minervam, &c.

Quod si malis, ex traditione Græcorum, Artes potius Hominibus ut Inventoribus tribuere; haudquaquam tamen dixeris Prometheus ad Ignis Inventionem Contemplationes adhibuisse, Aut cùm Silicem primò percuteret, Scintillas expectasse; sed casu in illud incidisse, atque (ut aiunt) *Furtum Iovi fecisse*. Ita ut ad Artium Inventionem quod attinet, Capræ Sylvestri pro Emplastris, Philomelæ pro Modulationibus Musicis, Ibidi pro Lavationibus Intestinarum, Operculo Ollæ quod dissiliit pro Re Tormentariâ, denique (ut verbo dicamus) Casui, aut cuivis alteri rei plus debeamus, quam Dialecticæ. Nec verò multò aliter se habet Modus ille Inveniendi, quem rectè describit Virgilius,

Ut varias usus meditando extunderet Artes

Paulatim——

Non enim alia hîc proponitur Inveniendi Methodus, quam cuius Bruta ipsa sunt capacia, & quam crebrò usurpant; nimirum attentissima circa unam rem Sollicitudo, ejusque perpetua Exercitatio, quas sui conservandi necessitas hujusmodi Animantibus imponit. Cicero enim verè admodum; *Vsus uni rei deditus, & Naturam, & Artem sæpè vincit*. Quare si prædicetur de Hominibus,

—— *Labor omnia vincit*

Improbis, & duris urgens in rebus Egestas:

Etiâ de Brutis similiter quæritur,

Quis expedit psittaco suum Xiphi?

Corvo quis Auctor fuit, ut magnâ siccitate lapillos immitteret Arbori cavæ, ubi Aquam fortè conspexerit, ut surgentem Laticem rostro posset attingere? Quis viam monstravit Apibus, qui per Aerem, tanquàm Vastum mare, Agros floridos, licet multum ab Alvearibus distitos, solent petere, & Favos suos denuò repetere? Quis Formicam docuit, ut Grana in colliculo suo reponenda circumroderet priùs, ne reposita germinarent, & Spem suam illuderent? Quod si in Versu illo Virgiliano quis noter Verbum illud *Extundere*, quod Difficultatem Rei, & Verbum illud *Paulatim*, quod Tarditatem innuit, redibimus unde profecti sumus, ad Ægyptiorum illos Deos; cùm hæc eniis Homines modicè Rationis facultate, neutiq uam verò Officio Artis usi sint, ad Inventa detegenda.

Secundò hoc ipsum quod asserimus, (si advertatur paulò diligentius) demonstrat *Inductionis* Forma, quam proponit *Dialectica*; quæ scilicet Scientiarum Principia inveniantur, & probentur; quæ vitiosa planè est, & incompetens, & Naturam, tantum abest, ut perficiat, ut etiàm eam pervertat & detorqueat. Qui enim Modum acutè inspexerit, quo Ros iste Æthereus Scientiarum, similis illi de quo loquitur Poeta,

——— *Aerei mellis cœlestia Dona,*

Colligatur; (Cùm & Scientiæ ipsæ ex Exemplis singulis, partim Naturalibus, partim Artificialibus, tanquàm Prati floribus & Horti, extrahantur) reperiet profectò Animum suapte sponte, & nativâ Indole, *Inductionem*, solertiùs conficere, quam quæ describitur à Dialecticis: Siquidem ex nudâ Enumeratione Particularium (ut Dialectici solent) ubi non invenitur Instantia Contradictoria; vitiosè concluditur; neque aliquid aliud, hujusmodi *Inductio* producit, quam Conjecturam probabilem. Quis enim in se recipiet, cùm Particularia quæ quis novit, aut quorum meminit, ex unâ tantum parte compareant; non delitescere aliquod, quod omninò repugnet? Perinde ac si Samuel acquievisset in illis Isai Filiis, quos coram adductos videbat in Domo; & minimè quævisisset Davidem, qui in Agro aberat. Atque hæc *Inductionis* Forma, (si verum omninò dicendum sit) tam pinguis est & crassa, ut incredibile videatur, tam acuta & subtilia Ingenia (qualia in his Rebus Meditationes suas exercuerunt) potuisse eam Mundo obtrudere; Nisi illud in causâ fuisset, quod Operâ festinatâ ad Theorias & Dogmata contendissent; Particularia autem, (præsertim moram in iis longiorem) ex fastu quodam & elatione Animi, despexissent. Illi enim Exempla, sive Instantias Particulâres, vice Lictorum aut Viatorum adhibuerunt ad summovendam Turbam, ut Dogmatibus suis viam aperirent; neutiquam autem ea inde ab initio in consilium advocârunt, ut legitima fieret & matura de Rerum Veritatè Deliberatio. Certè percusserit Animos pia & religiosa quædam Admiratio, cùm videamus eadem calcata vestigia, ad Errorem ducentia, in Divinis & Humanis. Quemadmodum enim in Divinâ Veritate percipiendâ, ægrè quis in animum inducat, ut fiat tanquàm Parvulus; ita in Humanâ perdiscendâ, Profectos utique, Puerorum more, prima Inductionum Elementâ adhuc legere & retractare, res humilis existimatur, & quasi contemnenda.

Terriò,

De Augmentis Scientiarum.

Tertiò, si concedatur Principia Scientiarum, ex *Inductione* quâ utuntur, vel Sensu & Experientiâ, rectè posse constitui; certissimum est tamen, Axiomata inferiora ab iis per Syllogismum non posse (in rebus Naturalibus, quæ participant ex Materiâ) rectè & tuto deduci. In *Syllogismo* enim fit Reductio Propositionum ad Principia per Propositiones medias. Hæc autem sive *Inveniendi* sive *Probandi* Forma, in *Scientiis Popularibus* (veluti *Ethicis*, *Politicis*, *Legibus*, & hujusmodi) locum habet: Imò & in *Theologicis*; quandoquidè Deo pro Bonitate suâ placuerit captui Humano se accommodare: At in *Physicis*, ubi Natura Opere, non Adversarius Argumento constringendus est; clabitur planè Veritas ex Manibus; propter longè majorem Naturalium Operationum, quàm Verborum subtilitatem: Adeò ut succumbente *Syllogismo*, *Inductionis* (veræ scilicet & Emendatæ) officio ubique opus sit, tam ad Principia magis generalia, quam ad Propositiones inferiores. Nam Syllogismi ex Propositionibus consistunt; Propositiones ex Verbis; Verba Notionum Tesserae sunt; Quare si Notiones ipsæ (quæ Verborum Animæ sunt) malè & variè, à rebus abstrahantur, tota Fabrica corrui. Nequè laboriosa vel consequentiarum Argumentorum, vel Veritatis Propositionum Examinatio, rem in integrum unquam restituet; cum Error sit (ut loquuntur Medici) in *Digestione primâ*; quæ à functionibus sequentibus non rectificatur. Non igitur absque magnâ & evidenti causâ evenit, ut complures ex Philosophis (Aliqui autem eorum maximè insignes) Academici fuerint & Sceptici, qui Scientiæ Humanæ, & Syllepsium certitudinem sustulerunt; ultra Verisimilitudinem aut Probabilitatem negantes eam pertingere. Inficias non iverim, visum esse nonnullis, Socratem, cum Scientiæ certitudinem à se amoveret, per Ironiam tantum hoc fecisse; & *Scientiam dissimulando simulasse*; Renunciando scilicet iis quæ manifestò sciebat, ut eò modo, etiâ, quæ nesciebat, scire putaretur. Neque etiâ in Recentiore Academia, (quam amplexus est Cicero) illa Opinio *Acatalepsiae* admodum sincerè culta fuit. Etenim qui Eloquentiâ floruerunt, hanc serè Sectam sibi desumpserunt, ut in utramque Partem copiosè differendi Gloriam assequerentur: unde à viâ illâ rectâ, per quam ad Veritatem pergere debuissent, tanquam ad Deambulationes quasdam amœnas, Animi causâ institutas, deflexum est. Constat tamen, nonnullos sparsim in utrâque Academia, (veteri & Novâ) multò magis inter Scepticos, *Acatalepsiam* istam simpliciter & integrè tenuisse. Verum in hoc maximè ab illis peccatum est; quod Sensuum perceptiones calumniabantur; unde *Scientias* radicibus evellebant. Sensus verò, licet sæpenumero Homines aut fallant, aut destituant, possint tamen multâ adjuti industriâ ad *Scientias* sufficere; Idque non tam ope Instrumentorum (licet & hæc quoque aliquâ ex parte profint) quam Experimentorum ejus generis, quæ Objecta subtiliora, quam pro Sensûs Facultate, ad Objecta sensu comprehensibilia, producere queant. Debuerant autem potius, Defectum hâc in parte, imputasse Mentis tum Erroribus tum Contumaciæ, (quæ Rebus ipsis morigera esse recusat) & pravis Demonstrationibus, & modis ratiocinandi, & concludendi, ex perceptione sensuum,

suum, perperam institutis. Hæc autem loquimur, non quo Intellectui detrahatur, aut Negotium totum deferatur; sed quo Intellectui Auxilia commoda comparentur & subministrentur, quibus Rerum Ardua, & Naturæ Obscuritatem vincere possunt. Nemo enim tantâ pollet Manû Constantiâ, aut etiâ Habitû; ut rectam lineam ducere, aut perfectum Circulum circumscribere, manu liberâ possit; quod tamen ope Regulæ, aut Circini, facere in promptu est. Hæc igitur Res ipsa est quam paramus, & ingenti conatu molimur; ut scilicet Mens per Artem fiat Rebus par: Utque inveniat *Ars* quædam *Indicii* & *Directionis*, quæ cæteras Artes, earumque Axiomata, atque Opera detegat, & in conspectum det. Hanc enim meritò desiderari posuimus.

Ars ista *Indicii* (ita enim eam appellabimus) duas habet Partes: Aut enim defertur *Indicium ab Experimentis ad Experimenta*; Aut *ab Experimentis ad Axiomata*, quæ & ipsa nova *Experimenta* designent. Priorem harum *Experientiam Literatam* nominabimus, posteriorem verò *Interpretationem naturæ*, sive *Novum Organum*: Prior quidem (ut alibi attigimus) vix pro *Arte* habenda est, aut *Parte Philosophiæ*, sed pro *Sagacitate* quâdam; unde etiâ eam *Venationem Panis* (hoc nomen ex Fabulâ mutuati) quandôque appellamus: Attamen quemadmodum possit quis, in viâ suâ, triplici modo progredi; Aut cum palpat ipse in tenebris; Aut cum alterius manu ducatur, ipse parùm vident; Aut denique cum *Vestigia Lumine* adhibito regat: Similiter cum quis *Experimenta omnigena*, absque ullâ serie aut *Methodo tentet*, ea demùm mera est Palpatio: Cum verò nonnullâ iuvetur in experimentando *directione, & Ordine*, perinde est ac si manu ducatur: Atque hoc illud est quod per *Experientiam Literatam* intelligimus. Nam *Lumen ipsum*, quod tertium fuit, ab *Interpretatione Naturæ*, sive *Novo Organo*, petendum est.

Literata Experientia, sive *Venatio Panis* modos Experimentandi tractat: Eam (cum desiderari posuerimus, neque Res sit planè perspicua) pro more & Instituto nostro aliquatenus adumbrabimus. *Modus Experimentandi* præcipuè procedit, Aut per *Variationem Experimenti*; Aut per *Productionem Experimenti*; Aut per *Translacionem Experimenti*; Aut per *Inversionem Experimenti*; Aut per *Compulsionem Experimenti*; Aut per *Applicationem Experimenti*; Aut per *Copulationem Experimenti*; Aut denique per *Sortes Experimenti*. Universa verò ista cohibita sunt, citra *Terminos Axiomatis* alicujus invenienti. Illa enim altera Pars de *Novo Organo*, omnem *Translacionem Experimentorum in Axiomata*; aut *Axiomatum in Experimenta*, sibi vindicat.

Variatio Experimenti fit primò in *Materiâ*; scilicet, quando *Experimentum* in jam cognitâ, certæ *Materiæ* ferè adhæsit; nunc vero in illis, quæ similis sunt *Speciei*, tentetur: Veluti *Confectio Papyri*, in Pannis Linteis tantùm probata est, in sericis minimè, (nisi fortè apud Chineses;) Neque rursus in Filaceis, compositis ex Setis & Pilis; ex quibus conficitur (quod vocamus) Camelotum; Neque denique in Laneis, Gossipio, & Pellibus; quanquam hæc tria postrema magis esse videntur *Heterogenea*: Itaque admisceri possint porius, quam

quam per se utilia esse. Item *Institio in Arboribus Fructiferis*, in usu est; In Arboribus Sylvestribus, rarò tentata; licet perhibetur Ulmum in Ulmum insitam miras producere Foliorum Umbras. Institio etià in Floribus, rara admodum est; licet hoc jam cœperit fieri in Rosis Muscatellis, quæ Rosis Communibus feliciter inoculantur. Etiam *Variationem in Parte Rei*, inter *Variationes in Materia* ponimus. Videmus enim *Surculum in Trunco Arboribus insitum* feliciter pullulare, quam si Terræ indatur. Cur non & Semen Cephæ, Capiti alterius Cephæ viridis inditum, feliciter germinet, quam si nudæ Terræ commissum fuerit? Atque hîc *Radix pro Trunco* variatur; ut hæc res Institio quædam in Radice videri possit. *Variatio Experimenti* fit secundò in *Efficiente*: *Radii solis* per Specula comburentia, calore ita intenduntur, ut Materiam, quæ Ignem facile concipiat, accendere possint: Num & Radii Lunæ, per eadem, ad lenissimum aliquem Gradum Teporis actuari possunt; ut videamus, utrum Corpora omnia Cœlestia sint potestate calida? Item *Calvres Radiosi*, per Specula scilicet, intenduntur: Num etià Calores Opaci (quales sunt Lapidum & Metallorum antequàm candeant) idem patiuntur, an potius sunt Luminis in hâc re Partes nonnullæ? Item *Succinum & Gagates fricato paleas trahunt*: Num etià & ad Ignem tepefacta? *Variatio Experimenti* fit tertio in *Quanto*: circa quod diligens admodum est adhibenda Cura, cum hoc multi circumstent Errores. Credunt enim Homines, auctâ aut multiplicatâ *Quantitate* pro ratâ augeri aut multiplicari Virtutem. Et hoc ferè postulant & supponunt, tanquàm Res sit Mathematicæ cujusdam certitudinis: Quod omninò falsissimum est. *Globus plumbeus* unius Libræ à Turri demissus (puta) decem pulsum spatio, ad Terram descendit; Num Globus duarum Librarum (in quo Impetus iste, Motus (quem vocant) Naturalis, duplicari debet) spatio quinque Pulsum Terram feriet? At ille æquali ferè tempore descendet, neque accelerabitur juxta Rationem *Quantitatis*. Item *sulphuris* (puta) *Drachma una*, Semilibræ Chalybis admixta, eam fluere faciet & colliquari: Num igitur Uncia sulphuris, quatuor Libris Chalybis, ad Colliquationem sufficiet? At illud non sequitur. Certum enim est, *Obstinationem Materiæ in Patientie*, per Quantitatem, augeri amplius; quam *Activitatem Virtutis in Agentie*. Porro Nimum æquè fallit, ac Parum. Etenim in *Excoctionibus*, & *Depurationibus Metallorum*, Error est familiaris; ut ad Excoctionem promovendam, aut Calorem Fornacis, aut additamenti, quod injiciunt, molem augeant. At illa supra Modum aucta Operationem impediunt; propterea quod vi & acrimoniâ suâ, multum ex Metallo puro in fumos vertant & asportent; ut & jaçtura fiat; & Massa, quæ remanet, magis sit obstinata & dura. Debent igitur Homines Ludibrium illud Mulieris Æsopi cogitare; quæ sperarat, ex duplicata Mensurâ Hordei Gallinam suam duo Ova quotidie parituram. At illa impinguata nullum peperit. Prorsus non tutum fuerit alicui *Experimento Naturali* confidere, nisi facta fuerit Probatio, & in minore, & in majore *Quanto*. Atque de *Variatione Experimenti* hæc tenis.

Productio Experimenti duplex; *Repetitio*, & *Extensio*; Nimirum, cum
aut

aut *Experimentum iteratur*, aut ad subtilius quiddam urgetur. *Repetitionis Exemplum* tale sit. *Spiritus Vini* fit ex Vino per *Distillationem* unicam; estque Vino ipso multò acrior & fortior: Num etià *Spiritus Vini* ipse destillatus, sive sublimatus, seipsum Fortitudine æquè superabit? At *Reperitio* quoque non absque Fallaciâ est: Etenim, tum secunda Exalratio, prioris excessum non æquat; tum etià sæpenu-merò per *Iterationem Experimenti*, post Statum live Acmen quandam Operationis, tantum abest ut progrediatur Natura, ut potiùs relabatur. Judicium igitur inhâr re adhibendum. Item *Argentum Vivum*; in Lin-teo, aut alias, in medio plumbi liquefacti; cum refrigerescere coeperit, insertum, stupefit; nec ampliùs fluit. Num & idem *Argentum Vi-vum*, si sæpiùs immissum fuerit, ita figetur, ut fiat Malleabile? *Ex-tensionis exemplum* tale sit: *Aqua in summoposita*, & pensilis facta, & per rostrum vitri oblongum, in Vinum dilutum immersa, separabit Aquam a Vino; Vino in summum se paulatim recipiente, Aquâ in imo subsidente: Num etià, quemadmodum Vinum & Aqua, (Cor-pora scilicet diversa) hoc ingenio separantur; possint quoque Partes Vini, (Corporis nimirum integri,) subtiliores à crassioribus separa-ri; ut fiat tanquàm *Destillatio* per pondus; & in summo reperiatur aliquid Spiritui Vini proximum, sed fortè delicatius? Itè *Magnes Ferrum integrum* trahit: Num etià Frustum Magnetis, in Dissolu-tione Ferri immersum, Ferrum ad se alliciet, & se Ferro obducet? Itè, *Versorium Acus Nautica* se ad Polos Mundi applicat: Num etià eâdem viâ & consecutione quâ Cœlestia? Videlicet, ut si quis Acum in contrario situ, hoc est, in puncto Australi, ponat & paulisper teneat, ac deinde vim omittat: Num fortè Acus, ad Septentriones se conferet, eligendo potiùs rotare per Occidentem in Situm deside-ratum, quàm per Orientem? Itè, *Aurum Argentum Vivum*, juxta po-situm, imbibit. Num verò Aurum recipit illud Argentum Vivum intra se, sine Extensione Molis suæ, ut fiat Massa quædam ipso Auro pon-derosior? Itè, *Homines Memoriæ serviunt collocando Imagines Persô-narum in Locis*. Num etià idem assequantur (missis Locis) & affingendo Actiones aut Habitus Personis? Atque de *Productione Ex-perimenti* hætenus.

Translatio Experimenti triplex; Aut à Naturâ vel Casu in Artem; Aut ab Arte vel Practicâ aliâ in aliam; Aut à Parte alicujus Artis in Partem diversam ejusdem. *Translationis à Naturâ aut Casu in Artem*, innumera sunt Exempla: adeò ut omnes ferè Artes Mechanicæ, à tenuibus Ini-riis, Naturâ aut Casu præbitis, Ortum habuerint. Adagio receptum erat, *Boitum contra Boitum citiùs maturescere*: Id quod, de mutuis Ami-citiæ Operis & Officiis, increbuit. At Nostri Cydræ (Vini scilicet ex Pomis) Confectores, hoc optimè imitantur. Cavent enim, ne Po-ma tundantur, aut exprimantur, antequàm nonnullo tempore in Acer-vos conjecta mutuo contactu maturuerint; unde nimia Porûs aceditas emendetur. Itè, *Iridum Artificiosarum Imitatio* ex aspergione spissâ Guttularum, ab Iridibus Naturalibus ex Nube roscidâ, facili ductu translata est. Itè *Modus destillandi*, vel ex alto peti, ex Imbribus scili-cet aut Rore; vel ex humili illo Experimento Cuttarum, in Patinis,

Ollis

Ollis Aquæ bullientis, superimpositis, adhærentium, desumi potuit. *Tonitrua* autem & *Fulgura* imitari veritus quis esset, nisi Operculum Monachi illius Chymici, magno impetu & fragore, subitò in sublime jactum, submonuisset. Verùm quo hæc Res magis Exemplis abundet, eò pauciora adducere Opus fuerit. Debuerant autem Homines, si illis utilia inquirere vacaret, Naturalia Opificia & Operationes singulas, attentè, & minutim, & ex composito intueri; & secum perpetuò & acriter cogitare, quænam, ex ipsis ad Artes transferri possint. Speculum enim Artis Natura. Nec pauciora sunt *Experimenta*, quæ ab *Arte in Artem*, seu à *Prædicâ in Prædicam* transferri possunt; licet hoc rarius in usu sit. Natura enim ubique omnibus occurrit; at Artes singulæ Artificibus tantùm proprius cognitæ sunt. *Specilla Ocularia* ad Visum debilem juvandum inventa sunt. Num & comminisci quis queat aliquod Instrumentum, quod Auribus appensum, Surdastris ad Audiendum juvet? Itèm *Imbalsamationes* & *Mel Cadavera conservant*; Annon possit aliquid ex his, in Medicinam transferri, quod etiàm vivis Corporibus proficit? Itèm *Sigillorum Præctica in Cera*, Cæmentis, & Plumbo antiqua fuit: At hæc etiam, Impressioni in Chartis, sive Arti Typographicæ, viam monstravit. Item *Sal in Coquinariâ carnes condit*, idque meliùs Hyeme quàm Æstate. Annon hoc ad Balnea utiliter transferri possit, eorumque temperamentum, quandò opus fuerit, vel imprimendum, vel extrahendum? Item *Sal*, in nupero *Experimento*, de *Conglaciationibus Artificialibus*, magnas vires ad condensandum obtinere reperitur. Annon possit hoc transferri ad Condensationes Metallorum; cum jampridè notum sit, Aquas Fortes, ex nonnullis Salibus, compositas, dejicere & præcipitare Arenulas Auri, ex Metallis aliquibus, Aurò ipso minus densis? Item *Pictoria Imagine Memoriam* rei renovat. Annon hoc tractum est in *Artem* eam, quam vocant, *Memoria*? De his in genere monitum sit; Quod nihil ad Imbrem quendam Inventorum utilium, eorundemque novorum, veluti cœlitis deducendum, tantùm valere possit; quantum, si Experimenta complurium Artium Mechanicarum, uni Homini, aut paucis, qui se invicem Colloquiis acuire possint, in notitiam venerint; ut per hanc, quam dicimus, *Experimentorum Translationem*, Artes se mutuò fovere, & veluti commixtione Radiorum, accendere possint. Quamvis enim *Via Rationalis* per Organum longè majora spondeat; attamen hæc *Sagacitas*, per *Experientiam literatam*, plurima interim ex iis, quæ in proximo sunt, in Genus Humanum, (tanquàm Missilia apud Antiquos Donativa,) projiciet & sparget. Superest illa *Translatio de Parte Artis in Partem diversam*; quæ parùm differt à Translatione de Arte in Artem: Verùm quia Artes nonnullæ Spatia magna occupant, ut etiàm *Translationem Experimentorum* ferre intra seipsas possint, hanc etiàm Speciem *Translationis* subjungere visum est. Præcipuè, quia magni prorsus est in nonnullâ Arte Momenti. Plurimum enim ad *Artem Medicinæ* amplificandam profuerit, si *Experimenta Partis* illius *Medicinæ* de *Curationibus Morborum*, ad Partes illas de *Tuendâ Sanitate*, & *Prolongatione Vitæ* transferantur. Si enim *Opiatum* aliquod insignis, ad Spiritum, in Morbo Pestilenti, furibundam Incensionem repri-

reprimendam, suffecerit; non dubitet quispiam, quin simile aliquod, debitâ Dosi familiare redditum, etiâ Inconsensionem eam gliscentem, & obrepentem, quæ per Ætatem fir, aliquâ ex parte frænare, & retardare possit. Atque de *Translatione Experimenti* hæc tenus.

Inversio Experimenti fit, cum contrarium ejus, quod *Experimento* constat, probatur. Exempli gratiâ: *Calidum* per *Specula* intenditur: Num etiâ *Frigidum*? Item *Calidum* se diffundendo, fertur tamen potius in *sursum*: Num etiâ *Frigidum* se diffundendo, fertur magis in *Deorsum*? Exempli gratiâ, Accipias *Bacillum Ferreum*, illudque in uno fine calefacias; & deinde erigas *Ferrum*, parte calefactâ subtus locatâ, in superiore parte manu appositâ, acturum manum aduret; parte autem calefactâ suprâ locata, & manu subtus, multò tardius aduret. Num etiâ, si totum *Bacillum* calefiat, & *Finis* alter *Nive*, vel *Spongia*, in *Aquâ* frigidâ, tinctâ, madesiat; Si *Nix* aut *spongia* superius locetur; num (inquam) *Frigus* deorsum mittet citius, quam inferius locata, fursum? Item, *Radii solis supra Album* dissiliunt, supra *Nigrum* congregantur: Num etiâ *Umbræ* super *Nigrum* disperduntur, super *Album* congregantur? Id quod in loco renebroso, *Luce* per *Foramen* exiguum tantum immissâ, fieri videmus, ubi *Imaginæ Rerum*, quæ foras sunt, super *Papirum* quæ *Alba* est excipiuntur, super *Nigram* minimè. Item, *Vena Frontis* ad *Dolorem Hemicranicum* inciditur: Num etiâ *Hemicranium* scarificatur ad *Sodam*? Atque de *Inversione Experimenti* hæc tenus.

Compulsio Experimenti fit, ubi urgetur & producit *Experimentum*, ad *Annihilationem*, vel *Privationem Virtutis*: In reliquis enim *Venationibus*, *Fera* capitur tantum; At in istâ, occiditur. Exemplum *Compulsionis* tale est. *Magnes Ferrum trahit*: Urge ergo *Ferrum*, aut urge *Magnetem*, ut amplius non fiat *Attractio*: Veluti, num fortè si *Magnes* ustus fuerit, aut in *Aquis Fortibus* maceratus, virtutem suam deponet, aut saltè remitter? Contrâ, si *Chalybs*, aut *Ferrum* in *Grocum Martis* redigantur, vel in *Chalybeni* quem vocant *Præparatum*, vel etiâ in *Aquâ Forti* solvantur, num adhuc ea alliciat *Magnes*? Rursus, *Magnes Ferrum trahit per Vniuersa*, quæ novimus, *Media*; Nempe si interponatur *Aurum*, *Argentum*, *Vitrum*: Urge igitur aliquod *Medium*, si fieri possit, quod *Virtutem* intercipiat; Probetur *Argentum Vivum*; Probetur *Oleum*, *Gummi*, *Carbo ignitus*, & alia, quæ adhuc probata non sunt. Item, *Introducta sunt nuper Perspicilla*, quæ *Visibilia Minuta*, miris modis multiplicent. Urge usum eorum, vel ad *Species* tam pusillas, ut amplius non valeant; vel ita grandiusculas, ut confundantur. Scilicet, Num poterint illa in *Urinâ*, clarè detegere ea, quæ aliàs non perspicerentur? Num poterint in *Gemmis*, ex omni parte puris, & nitidis, grana aut nubeculas conspicienda dare? Num & *Pulviscula* in *Sole* (quæ *Democrito* pro *Atomis* suis, & *Principiis Rerum*, falsissimè objiciebantur) tanquam *Corpora grandiuscula* monstrare? Num *Pulverem crassiusculum*, ex *Cinnabari*, & *Cerussâ*, ita ostendere distributum, ut appareant hic

Granula Rubra, illic Alba? Nùm rursus, Imagines majores (puta Faciem, Oculum, &c.) in tantum multiplicatas ostendere, in quantum, Pulicem, aut Vermiculum? Nùm Byssum, aut hujusmodi Textile Linteam delicatius, & paulò apertius, ita foraminatum ostendere, ac si esset Rete? Verùm in *Compulsionibus Experimentorum* minùs moramur, quia ferè extra limites *Experientiæ Literariæ* cadunt, & ad *Causas*, & *Axiomata*, & *Novum Organum* potiùs spectant. Ubique enim fit Negativa, aut Privativa, aut Exclusiva; cœpit jam præberi Lux nonnulla ad *Inventionem Formarum*. Atque de *Compulsione Experimenti* hætenus.

Applicatio Experimenti nihil aliud est, quàm ingeniosa Traductio ejus, ad *Experimentum* aliud aliquod utile. Exemplum tale sit. *Corpora quæque suas habent Dimensiones, sua pondera*: Aurum plus Ponderis, minus Dimensionis quam Argentum; Aqua quam Vinum. Ab hoc traducitur *Experimentum* utile; Ut ex Mensurâ impletâ, & pondere excepto, possis dignoscere quantum Argenti fuerit admixtum Auro, vel Aquæ Vino; quod fuit *Evyma* illud Archimedis. Item, *Carnes in nonnullis Cellis citius putrescunt, quàm in aliis*: Utile fuerit *Experimentum* hoc traducere, ad dignoscendos Aeres, magis aut minùs salubres, ad Habitationem, ubi scilicet Carnes diutius vindicentur à Putredine: Possit idem applicari, ad revelandas Salubriores aut pestilentiores Tempestates Anni. Verùm innumera sunt ejusmodi. Evigilent modò Homines, & Oculos perpetuò, aliàs ad Naturam Rerum, aliàs ad Usus Humanos vertant. Atque de *Applicatione Experimenti* hætenus.

Copulatio Experimenti est Applicationum Nexus & Catena; cùm quæ singula profutura non fuissent ad usum aliquem, connexa valeant: Exempli gratiâ; *Rosæ aut Fructus serotinos habere cupis*; Hoc fiet, si Gemmas præcociiores avellas; Idem fiet, si Radices, usque ad Ver adultum, denudes, & Aeri exponas; At multò magis si copuletur utrunque. Item, *Ad refrigerandum maximè faciunt Glacies, & Nitrum*; *Virumque commixtum* multò magis. Verùm & hæc res per se perspicua est. Attamen fallacia ei sæpè subesse possit, (ut & omnibus, ubi desunt *Axiomata*) Si Copula fiat ex Rebus, quæ diversis, & quasi pugnantis modis, operantur. Atq; de *Copulatione Experimenti* hætenus.

Restant *Sortes Experimenti*. Hic verò Experimentandi Modus, planè Irrationalis est, & quasi Furiosus; cùm aliquid experiri velle Animum subeat, non quia aut Ratio, aut aliquod aliud *Experimentum* te ad illud deducat, sed prorsus, quia similis res adhuc nunquàm tentata fuit. Haud tamen scio, an in hac ipsâ re (de quâ nunc agimus) non aliquid magni lateat: si inquam omnem Lapidem in Naturâ moveas. Magnalia enim Naturæ ferè extra vias tritas, & Orbitas notas jacent, ut etiàm Absurditas rei aliquandò juvet. At si Ratio simul comiretur; id est, ut & manifestum sit, simile Experimentum nunquàm tentatum fuisse, & tamen Causa subsit magna cur tenetur; tum verò hæc res ex optimis est, & planè Sinus Naturæ excutit. Exempli gratiâ: In *Operatione Ignis super aliquod Corpus Naturale*, alterum horum hætenus semper evenit, ut aut aliquid evolet, (veluti

Flamma,

Flamma, & Fumus, in Combustione vulgari) aut saltem fiat Separatio Partium localis, & ad nonnullam distantiam, ut in Destillatione, ubi feces subsident, vapores in Receptracula, postquam luserint, congregantur. At *Destillationem Clausam*, (ita enim eam vocare possumus) nemo mortalium adhuc tentavit: Verisimile autem videtur vim Caloris, si intra Claustra Corporis, sua in alterando edat facinora; cum nec iactura fiat Corporis, nec etiam liberatio; tum demum hunc Materie Proteum, veluti Manicis detentum, ad complures transformationes adacturam; si modò Calor ita temperetur & alternetur, ut non fiat Vasorum Contractio. Est enim hæc res Matræi similis Naturali, ubi Calor operatur, nihil Corporis aut emittitur, aut separatur: Nisi quod in Matræe conjungatur Alimentatio: Verum quatenus ad Versionem eadem res videtur. Tales igitur sunt *Sortes Experimenti*.

Illud interim, circa hujusmodi Experimenta, monemus; ut nemo Animo concidat, aut quasi confundatur, si Experimenta, quibus incumbit, Expectationi suæ non respondeant. Etenim quod succedit, magis complacet; at quod non succedit, sæpenumero non minus informat. Atque illud semper in Animo tenendum (quod perpetuò inculcamus) *Experimenta Lucifera*, etiam adhuc, magis quam Fructifera ambienda esse. Atque de *Literatâ Experimentiâ* hæc dicta sint, quæ (ut jam ante diximus) *Sagacitas* potius est, & Odoratio quædam Venatica, quam *Scientia*. De Novo Organo autem silemus, neque de eo quicquam prælibamus; Quoniam de eo (cum sit res omnium maxima) Opus integrum (annuente favore Divino) conficere nobis in Animo est.

CAPUT III.

Partitio Inventivæ Argumentorum, in Promptuariam; & Topicam. Partitio Topicæ, in Generalem; & Particularem. Exemplum Topicæ Particularis, in Inquisitione, De Gravi & Levi.



Inventio Argumentorum, Inventio propriè non est. *Invenire* enim est ignota Detegere, non antè cognita recipere, aut revocare. Hujusce autem *Inventionis* usus atque Officium non aliud videtur, quam ex Mafsâ Scientiæ, quæ in Animo congesta & recondita est, ea quæ ad rem, aut Quæstionem institutam faciunt, dextrè depromere. Nam cui parùm aut nihil, de Subjecto quod proponitur, innotuit, ei Loci *Inventionis* non profunt; Contrà, cui Domi paratum est, quod ad Rem adduci possit; is etiam absque Arte, & *Locis Inventionis*, Argumenta tandem (licet non ita expedite & commodè) reperiet & producet. Adeò ut hoc genus *Inventionis* (sicut diximus) *Inventio* propriè non sit; sed Reductio tantum in Memoriam, sive Suggestio cum Applicatione. Attamen, quoniam Vocabulū invaluit, & receptum est; vocetur sanè *Inventio*; Siquidè etiam Fera alicujus Venatio, & *Inventio*,

non minus cum illa intra Vivariorum Sépta indagetur, quam cum in Saltibus apertis, dici possit. Missis verò Verborum scrupulis, illed constet, Scopum & Finem hujuscerei, esse promptitudinem quandam, & expeditum Usus Cognitionis nostræ, potius quam ejusdem Amplificationem, aut incrementum.

Atque ut parata sit ad differendum Cópia, duplex Ratio iniri potest: Aut ut designetur, & quasi indice monstretur, ad quas partes Rem indagare oporteat; atque hæc est ea, quam vocamus *Topicam*. Aut ut jam antea composita sint, & in usum reposita Argumenta, circa eas res, quæ frequentius incidunt, & in Disceptionem veniunt; atque hanc *Promptuariam* nominabimus. Hæc autem posterior tanquam *Scientiæ Pars*, vix dici meretur; cum in Diligentia potius consistat, quam in Eruditione aliquâ artificiosâ. Veruntamen hæc in Parte Aristoteles, ingeniosè quidem, sed tamen damnosè, Sophistas sui temporis deridet, inquit; *Perinde illos facerè, ac si quis calcearium professus, rationem calcei conficiendi non doceret; sed exhiberet tantum calceos complurimos, diversæ tam Formæ, quam Magnitudinis*. Attamen hic regerere liceat; Calcearium, si in officinâ nil Calceorum haberet, neque eos consueret nisi rogatus; egenum prorsus mansurum, & perpauca inventurum Emptores. Sed longè aliter *Salvator noster*, de *Divinâ Scientiâ* verba faciens, inquit, *Omnia Scriba doctus in Regno Cœlorum, similis est Homini Parifamiliaris, qui proferi, de Thesauris suis, nova & Vetera*. Videmus etiam priscos Rhetores Oratoribus præcipisse ut præstò haberent *Locos Communes* varios, jam pridem adornatos, & in utramque partem tractatos & illustratos: Exempli gratiâ: *Pro Sententia Legis, adversus verba Legis; & è contrâ: Pro Fide Argumentorum, adversus Testimonia; & è contrâ*. Cicero autem ipse, longè doctus *Experientiâ*, planè asserit, posse Oratorem diligentem & sedulum, jam præmeditata & elaborata habere, quæcunque in Disceptionem venient; Adeò ut in *Caussæ ipsius Actione*, nihil novum aut subitum inferi necesse fuerit, præter Nomina nova, & Circumstantias aliquas speciales. At *Demosthenis Diligentia & Sollicitudo* eò usque processit, ut quoniàm primis ad *Caussam Aditus, & Ingressus*, ad *Animos Auditorum præparandos*, plurimum virium haberet; operæ pretium putaret, complura *Concionum & Orationum Exordia*, componere, & in promptu habere. Atque hæc *Exempla & Auctoritates*, meritò *Aristotelis Opinioni* præponderare possint, qui nobis *Auctor foret*, ut *Vestiarium cum Forfice* commutarem. Itaque non fuit omittenda hæc *Pars Doctrinæ circa Promptuariam*, de quâ hoc loco satis. Cum enim sit utrique, tam *Logicæ*, quam *Rhetoricæ communis*; visum est eam hic inter *Logica cursim tantum perstringere*; pleniorẽ ejus *Tractationem*, ad *Rhetoricam* rejicientes.

Partem alteram *Inveniva*, (nimirum *Topicam*) partiemur in *Generalem*; & *Particularem*: *Generalis* illa est, quæ in *Dialecticâ* diligenter, & abundè tractata est; ut in ejus *Explicatione* morari non sit opus. Illud tamen obiter monendum videtur, *Topicam* istam non tantum in *Argumentationibus*, ubi cum aliis *Manum* conserimus; verum & in *Meditationibus*, cum quid nobiscum ipsi commentamur,

aut revolvimus valere. Imò, ne que solummodò in hoc sitam esse, ut inde fiat Suggestio aut Admonitio, quid *Affirmare* aut *Afferere*; verùm etiàm quid *Inquirere*, aut *Interrogare* debeamus. At prudens *Interrogatio*, quasi Dimidium Scientiæ. Rectè siquidem Plato, *Qui aliquid querit, id ipsum quod querit, generali quadam notione comprehendit*; aliter què fieri potest, ut illud cum fuerit inventum, agnoscat? Idcirco quò amplior & certior fuerit Anticipatio nostra; eo magis directa & compendiosa erit Investigatio. Idem igitur illi Loci, qui ad Intellectus nostri Sinus intra nos excutiendos; & congestam illic Scientiam depromendam, conducent; etiam ad Scientiam extrinsecus hauriendam juvabunt: Ita ut si præstò fuerit quis Rei gnarus & peritus, commodè & prudenter de eà interrogari à nobis possit; & similiter Auctores, & Libri, & Partes Librorum, qui nos de iis quæ quærimus, edoceant & informant, utiliter deligi & evolvi.

At *Topica Particularis*, ad ea quæ dicimus; longè confert magis, & pro Re fructuosissimâ habenda est. Illius certè Mentio levis à nonnullis Scriptoribus facta est; sed integrè, & pro rei dignitate, minimè tractata. Verùm missum facientes Vitium illud & Factum, quæ nimium diu regnarunt in Scholis; Videlicet, ut quæ præstò sint, infinitâ Subtilitate persequantur; quæ paulò remotiora, ne attingant quidè; Nos sanè *Topicam Particularem*, tanquam Remi apprimè utilem amplectimur; hoc est, *Locos Inquisitionis & Inventionis, Particularibus Subjectis & Scientiis appropriatos*. Illi autem, Mixturæ quædam sunt, ex *Logicâ*, & *Materia ipsâ propriâ singularum Scientiarum*. Futilem enim esse constat; & angusti cujusdam Animi, qui existimet *Ariem*, de *Scientiis* inventiendis, perfectam jam à Principio, excogitari & proponi posse; eandemque postea in Opere poni, & exerceri debere. At certò sciant Homines, *Artes invenienti solidas & veras, adolescere, & Incrementa sumere, cum ipsis Inventis*: Adedò ut cum quis primum ad perquisitionem *Scientiæ* alicujus accesserit, possit habere *Præcepta Inventivæ* nonnulla utilia; postquam autem, ampliores in ipsâ *Scientiâ* progressus fecerit, possit etiàm, & debeat, nova *Inventionis Præcepta* excogitare; quæ ad ulteriora eum feliciter deducant. Similis est sanè hæc Res Viæ initæ in Planitie: postquam enim Viæ partem aliquam fuerimus emensi, non tantùm hoc lucrati sumus, ut ad exitum Itineris propius accesserimus; verum etiàm ut, quod restat viæ, clarius prospiciamus: Eodem modo, in *Scientiis*, gradus Itineris quisque, ea quæ à tergo reliquit, præterectus, etiàm illa quæ supersunt, propius dat in conspectum. Hujus autem *Topicæ Exemplum*, quoniàm eam inter *Desiderata* reponimus, subungere visum est.

Topica Particularis, sive Articuli Inquisitionis de Gravi & Levi.

i. **I**nquiratur, qualia sint Corpora, quæ Motus Gravitatis sunt susceptibles; qualia, quæ Levitatis; & si quæ sint Media, sive Adiaaphoræ Naturæ?

2. Post Inquisitionem de Gravitate & Levitate Simplicem, proceda-

De Augmentis Scientiarum

iur ad Inquisitionem Comparatam ; Quæ nimirum ex Gravibus plus, quæ minùs ponderent, in eodem Dimenso ? Etiam, quæ ex Levibus celerius ferantur in altum, quæ tardiùs ?

3. Inquiratur de eo quod possit & opereatur Quantum Corporis ad Motum Gravitatis. Atqui videatur hoc primo aspectu quasi supervacuum ; quia Rationes Motùs debeant sequi Rationes Quanti : sed res aliter se habet ; Nam licet in Lancibus, Quantitas Gravitatem Corporis ipsius compense (viribus Corporis undique coeuntibus per Repercussionem, sive Resistentiâ Lancium vel Trabis) tamen ubi parvâ datur Resistentiâ (veluti in Decasu Corporum per Aerem) Quantum Corporis parùm valet, ad Incitationem Descensûs : Cum viginti pondo Plumbi, & Libra una, eodem ferè spatio cadant.

4. Inquiratur utrùm Quantum Corporis ita augeri possit, ut Motus Gravitatis prorsùs deponatur ; ut sit in Globo Terræ, qui pensilis est, non cadit ? Virùm igitur possint esse aliæ Massæ tam grandes, ut se ipsæ sustentent ? Nam Latio ad Centrum Terræ Res fictitia est ; Atque omnis Massa grandis, Motum Latioris quemcunq; exhorret, nisi ab alio Appetitu fortiori vincatur.

5. Inquiratur de eo, quod possit & opereatur Resistentiâ Corporis Medii, vel occurrentis, ad Regimen Motùs Gravitatis : Corpus verò descendens, aut penetrat & secat Corpus occurrens ; Aut ab eo sistitur : Si penetret, sit Penetratio ; Aut cum levi Resistentiâ, ut in Aere ; Aut cum fortiori, ut in Aquâ : Si sistatur, sistitur aut Resistentiâ dispari, ubi sit Prægravatio ; ut si Lignum superponatur Cera ; Aut aquâ, veluti si Aqua superponatur Aquæ, aut Lignum, ejusdem generis Ligno ; Id quod appellat Schola (Apprehensione quâdam inani) Non ponderare corpus nisi extra locum suum. Atque hæc omnia Motum Gravitatis variant : Aliter enim moventur Gravia in Lancibus, aliter in Decasu ; Etiam aliter (quod mirum videri possit) in Lancibus pendentibus in Aere, aliter in Lancibus immersis in Aquâ ; Aliter in Decasu per Aquam, aliter in Natantibus sive Vectis super Aquam.

6. Inquiratur de eo, quod possit & opereatur Figura Corporis descendens, ad regendum Motum Gravitatis ; veluti Figura Lata cum tenuitate, Cubica, Oblonga, Rotunda, Pyramidalis ; & quando se vertant Corpora, quando eâdem, quâ dimittuntur, positurâ permaneant.

7. Inquiratur de eo, quod possit & opereatur Continuatio & Progressio ipsius Casûs sive Descensûs, ad hoc, ut majori incitatione & impetu feratur : Et quâ proportionem, & quousque invalescat illa Incitatio ? siquidem veteres levi Contemplatione opinati sunt, (cum Motus Naturalis sit iste,) eum perpetuò augeri & intendi.

8. Inquiratur de eo, quod possit & opereatur Distantia, aut proximitas Corporis descendens à Terrâ, ad hoc, ut celerius cadat, aut tardiùs, aut etiam non omninò, (si modò fuerit extra Orbem Attractionis Globi Terræ, quæ Gilberti opinio fuit :) Atque simul de eo quod opereatur Immersio Corporis Descendentis magis in profundo Terræ, aut Collocatio ejusdem propius ad Superficiem Terræ : Etenim hæc res etiam Motum variat, ut Operantibus in Mineris perspectum est.

9. Inquiratur de eo, quod possit & opereatur Differentia Corporum, per quæ Motus Gravitatis diffunditur & communicatur : Atque utrùm æquè communiqueatur per Corpora Mollia & Porosa, ac per Dura & Solida : veluti si Trabs Lancis, sit, ex alterâ parte Lingula, lignea, ex altera, argentea,

tea, (licet fuerint reducta ad idem pondus,) utrū non progignat variationem in Lancibus? Similiter, utrū Metallum, Lanæ, aut Vesicæ inflatæ, superimpositum, idem ponderet, quod in Fundo Lancis?

10. Inquiratur de eo, quod possit & operetur, in communicatione Motûs Gravitatis, Distantia Corporis à Libramine; Hoc est, cita & sera Perceptio Incubitûs, sive Depressionis: Veluti in Lancibus, ubi altera Pars Trabes est longior (licet reducta ad idem Pondus,) an inclinet hoc ipsum Lancem? Aut in Tubis arcuatis, ubi longior pars cerè trahet Aquam, licet brevior pars (facta scilicet capacior) majus contineat pondus Aquæ?

11. Inquiratur de eo, quod possit Intermixtio sive Copulatio Corporis Levis, cum Corpore Gravi, ad elevandam Corporis Gravitatem; ut in Pondere Animalium Vivorum, & Mortuorum?

12. Inquiratur de secretis Ascensibus, & Descensibus Partium Leviorum & Graviorum in uno Corpore integro: unde fiant sæpè accuratæ Separationes; ut in Separatione Vini & Aquæ, in Ascensione Floris Lactis; & similibus?

13. Inquiratur, quæ sit Linea, & Directio Motûs Gravitatis; & quatenus sequatur vel Centrum Terræ, id est Massam Terræ; vel Centrum Corporis ipsius, id est Nixum Partium ejus. Centra enim illa ad Demonstrationes apta sunt; in Naturâ nihil valent.

14. Inquiratur, de Comparatione Motûs Gravitatis, cum Motibus aliis, quos scilicet vincat, quibus cedat? veluti in Motu (quem appellant) violento, Motus Gravitatis compescitur ad Tempus: Etiam cum Pondus longè majus Ferri, ab exiguo Magnete attollitur, cedit Motus Gravitatis, Motui Sympathicæ.

15. Inquiratur de Motu Aeris, utrū feratur sursum, an sit tanquam Adiaphorus? Quod difficile est inveniri, nisi per Experimenta aliqua exquisita: Nam Emicatio Aeris in fundo Aquæ fit potius per Plagam Aquæ, quàm per Motum Aeris; cum idem etiâ fiat in Ligno. Aer autem Aeri commistus nihil prædit, cum non minùs Levitatem exhibeat Aer in Aere, quàm Gravitatem Aqua in Aquâ: In Bullâ autem, exili obductâ pelliculâ, ad tempus stat.

16. Inquiratur, quis sit Terminus Levitatis? Neque enim quemadmodum Centrum Terræ posuerunt Centrum Gravitatis, volumi (credo) ut ultima Convexitus Cœli sit Terminus Levitatis: An potius, veluti Gravia videmur eîusque ferri, ut decumbant, & tanquàm ad Immobile; ita Levitia eîusque ferantur, ut rotari incipiant, & tanquàm ad Motum sine Termino?

17. Inquiratur, quid in Causâ sit, cur Vapores & Halitus eîusque in altum, ac sita est Regio (quam vocant) Media Aeris, ferantur; cum & crassiusculæ sint Materia, & Radii solis per Vices (noctu scilicet) cessent?

18. Inquiratur de Regimine Motûs Flammæ in sursum; quod eo abstrusus est, quia singulis momentis flamma perit; nisi fortè in medio Flammarum Majorum: Etenim Flammæ abruptæ à Continuitate suâ, parùm durant.

19. Inquiratur de Motu in sursum ipsius Activitatis Calidi; veluti cum Calor in Ferro candente, citiùs gliscit in sursum, quàm in Deorsum?

Exemplum igitur Topicæ Particularis tale sit: Illud interim, quod monere occœpimus, iterum monemus, Nempe ut Homines debeant Topicæ Particulares suas alternare, ita ut post majores progressus aliquos, in Inquisitione factos, aliam & subindè aliam instituant Topicam, si

si modò Scientiarum Fastigia conscendere cupiant. Nos autem *Topicis Particularibus* tantum tribuimus, ut proprium Opus de ipsis, in subjectis Naturalibus dignioribus, & obscurioribus, conficere in Animo habeamus. Domini enim Quæstionum sumus, Rerum non item. Atque de *Inventivâ* hætenus.

CAPUT. IIII.

Partitio Artis Judicandi, in Judicium per Inductionem; & per Syllogismum. Quorum prius aggregatur Organum Novo. Partitio prima Judicii per Syllogismum, in Reductionem Rectam; & Inversam. Partitio secunda ejus in Analyticam, & Doctrinam de Elenchis. Partitio Doctrinæ de Elenchis, in Elenchos Sophismatum; Elenchos Hermenix; & Elenchos Imaginum sive Idolorum. Partitio Idolorum, in Idôla Tribûs; Idôla Specûs; & Idôla Fori. Appendix Artis Judicandi, videlicet de Analogiâ Demonstrationum pro Natura Subjecti.



Ranſeamus nunc ad *Judicium*, sive *Artem Judicandi*; in quâ agitur de *Naturâ Probationum* sive *Demonstrationum*. In *Arte* autem istâ *Judicandi* (ut etiâ vulgò receptum est) aut per *Inductionem*, aut per *Syllogismum* concluditur. Nam *Enthymemata*; & *Exempla*, illorum duorum *Compendia* tantum sunt, At quatenus ad *Judicium*, quod sit per *Inductionem*, nihil est quod nos detinere debeat: Uno siquidem eodemque Mentis opere, illud quod quæritur, & invenitur, & judicatur. Neque enim per Medium aliquod res transigitur, sed immediatè, eodem ferè modo, quo fit in Sensu. Quippe sensus in Objectis suis primariis, simul & Objecti Speciem arripit, & ejus Veritati consentit. Alitèr autem fit in *Syllogismo*; cujus Probatio immediata non est, sed per Medium perficitur. Itaque alia res est *Inventio Medii*, alia *Judicium de Consequentia Argumenti*. Nam primò discurret Mens, postea acquiescit. At *Inductionis* Formam vitiosam prorsus valere jubemus; legitimam ad *Novum Organum* remittimus. Itaque de *Judicio per Inductionem* hoc loco satis.

De illo altero per *Syllogismum* quid attinet dicere, cum subtilissimis Ingeniorum Limis, hæc res ferè attrita sit, & in multas minutias redacta? Nec mirum, cum sit res, quæ cum Intellectu humano magnam habeat Sympathiam. Nam Animus humanus, miris modis ad hoc contendit, & anhelat, ut non pensilis sit, sed nanciscatur aliquid fixum & immobile, cui tanquàm Firmamento, in Transcursibus & Disquisitionibus suis, inniratur. Sanè quæadmodum Aristoteles probare conatur inveniri in omni Motu Corporum, aliquid quod quiescit,

& Fabulam Antiquam de Atlante, qui ipse erectus Cœlum humeris sustinuit, perelegantèr ad Polos Mundi traducit, circa quos Conversiones expediuntur : Similitèr magno studio appetunt Homines, aliquem habere intra se Cogitationum Atlantem, aut Polos, qui Intellectus Fluctuationes & Verrigines aliquatenus regant ; Timentes scilicet, ne Cœlum ipsorum ruat. Itaque ad Principia Scientiarum constituenda præproperè festinarunt ; circa quæ omnis Disputationum varietas verteretur, sine periculo Ruinæ & Casûs : Nescientes profectò cum, qui certa nimis properè captaverit, in dubiis finiturum ; qui autem Iudicium tempestivè cohibuerit, ad certa perventurum.

Manifestum est igitur, *Artem* hanc *Iudicandi per Syllogismum*, nihil aliud esse, quam Reductionem Propositionum ad Principia, per Medios *Terminos*. Principia autem consensu recepta intelliguntur, atque à Quæstione exinuntur. At Terminorum Mediorum Inventio, libero Ingeniorum Acumini & Investigationi permittitur. Est autem *Reductio* illa duplex, *Directa* scilicet ; & *Inversa*. *Directa* est, cùm ipsa Propositio ad ipsum Principium reducitur : Id quod *Probatio Ostensiva* vocatur. *Inversa* est, cùm Contradictoria Propositionis reducitur ad Contradictorium Principii ; quod vocant *Probationem per Incommodum*. Numerus verò Terminorum Mediorum, sive Scala eorum minuitur, aut augetur, pro remotione Propositionis à Principio.

His positis, partiemur *Artem Iudicii* (sicut vulgò ferè solet) in *Analyticam* ; & *Doctrinam de Elenchis* : Altera indicat, altera cavet : *Analytica* enim veras Formas instituit, de Consequentis Argumentorum ; à quibus si varietur, sive deflectatur, vitiosa deprehenditur esse Conclusio : Atque hoc ipsum in se Elenchum quandam, sive Redargutionem continet. *Rectum enim* (ut dicitur) *Et sui Index est, & Obliqui*. Tutissimum nihilominus est *Elenchos*, veluti Monitores adhibere, quò facilius detegantur Fallaciæ, Iudicium alioquin illaqueaturæ. In *Analytica* verò, nihil desiderari reperimus ; quin potiùs oneratur Superfluis, quàm indiget Accessionibus.

Doctrinam de Elenchis, in tres Partes dividere placet : *Elenchos Sophismatum* ; *Elenchos Hermenias* ; & *Elenchos Imaginum* sive *Idolorum*. *Doctrina de Elenchis Sophismatum* apprimè utilis est : Quamvis enim pinguius Fallaciarum Genus, à Senecâ, non inscitè comparatur cum Præstigatorum technis ; in quibus quo pacto res geratur nescimus, aliter autem se habere rem quam videtur, satis novimus : Subtiliora tamen *Sophismata*, non solum id præstant, ut non habeat quis, quod respondeat ; sed & Iudicium ipsum seriò confundunt.

Hæc Pars de *Elenchis Sophismatum* præclarè tractata est ab Aristotele, quoad Præcepta : Etiàm à Platone adhuc meliùs, quoad Exempla : Neque illud tantum in Personâ Sophistarum Antiquorum (*Gorgia, Hippia, Protagora, Euthydemus*, & reliquorum) verum etiam in Personâ ipsius Socratis, qui cum illud semper agat, ut nihil affirmet, sed à Cæteris in medium adducta infirmet, ingeniosissimè Objectionum, Fallaciarum, & Redargutionum Modos expressit. Itaque in hac Parte, nihil habemus quod desideremus. Illud interim notandum, quamvis Usus hujus Doctrinæ probum, & præcipuum, in hoc posuerimus,

fuerimus, ut redarguantur sophismata ; liquidò nihilominus patere, Usus ejus degenerem & corruptum, ad Captiones, & Contradictiones per illa ipsa Sophismata struendas & concinnandas spectare. Quod genus Facultatis, etià pro Eximio habetur, & haud parvas affert Utilitates. Licet elegantè introducta sit à quopiam illa Differentia inter Oratorem, & Sophistam ; quod alter tanquàm Leporarius Cursu præstet ; Alter tanquàm Lepus ipse Flexu.

Sequuntur *Elenchi Hermenæ* ; ita enim (vocabulum potius quam Sensum ab Aristotele mutuantes) eos appellabimus. Redigamus igitur Hominibus in Memoriam, ea quæ à Nobis de *Transcendentibus*, & de *Aventiis Entium Conduitionibus*, sive *Adjunctis* (cùm de *Philosophiâ primâ* ageremus) superiùs dicta sũnt. Ea sũnt, *Majus, Minus ; Multum, Paucum ; Prius, Posterius ; Idem, Diversum ; Potentia, Actus ; Habitus, Privatio ; Totum, Partes ; Agens, Patiens ; Motus, Quies ; Ens, Non Ens ;* & similia. Inprimis autem meminerint & notent, differentes eas, quas diximus, harum Rerum Contemplationes ; videlicet quod possint inquiri vel *Physicè* ; vel *Logicè* : *Physicam* autem circa eas *Tractionem*, *Philosophiæ primæ* assignavimus : superest *Logica* ; Ea verò ipsa est Res, quam in præsentì, *Doctrinam de Elenchis Hermenæ* nominamus. Portio certè est hæc *Doctrinæ* sana & bona. Hoc enim habent *Notiones* illæ *Generales & Communes*, ut in omnibus *Disputationibus* ubique intercurrent ; adeò ut nisi accuratè, & anxio cum judicio, benè jam ab initio distinguantur ; universo *Disputationum* Lumini, caliginem miris modis offusuræ sint ; & eò rem ferè deducturæ, ut definant *Disputationes* in *Pugnas Verborum*. Etenim *Æquivocationes*, & malæ *Acceptiones Verborum*, (præsertim hujus generis,) sũnt *Sophismata Sophismatum*. Quare etià melius visum est, istarum *Tractionem* seorsum constituere, quam eam, vel in *Philosophiam primam* sive *Metaphysicam*, recipere ; vel ex parte *Analyticæ* subijcere, ut Aristoteles satis confusè fecit. Dedimus aurem ei nomen ex usu, quia verus ejus *Usus* est planè *Redargutio*, & *Cautio* circa usum *Verborum*. Quinimò *Partem* illam de *Prædicamentis*, si rectè instituat, circa *Cautiones* de non confundendis aut transponendis *Definitionum & Divisionum Terminis*, præcipuum usum sortiri existimamus, & huc etià referri malumus. Atque de *Elenchis Hermenæ* hætenus.

Ad *Elenchos* verò *Imaginum*, sive *Idolorum* quod attinet ; sũnt quidem *Idôla*, profundissimæ *Mentis Humanæ Fallaciæ*. Neque enim fallunt in *Particularibus*, ut cæteræ ; *Judicio* caliginem offundendo, & *tendiculas* struendo : Sed planè ex prædispositione *Mentis* pravæ, & perperam constitutæ ; quæ tanquàm omnes *Intellectûs Anticipationes* detorquet & inficit. Nam *Mens Humana* (*Corpore obducta & obfuscata*) tantum abest ut *Speculo plano*, æquali, & claro similis sit, (quod *Rerum Radios* sincerè excipiat & reflectat,) ut potius sit instar *Speculi alicujus Incantati*, pleni *Superstitionibus & Spectris*. Imponuntur autem *Intellectui Idôla*, Aut per *Naturam ipsam Generis Humani Generalem* ; Aut per *Naturam cujusque Individualem* ; Aut per *Verba*, sive *Naturam communicativam*. Primum Genus *Idôla*, *Tribus*,
Secundum

Secundum *Idôla Specûs*, Tertium *Idôla Fori* vocare consuevimus. Est & Quartum genus, quod *Idôla Theatri* appellamus, atque super-inductum est à *præcis Theoriis* sive *Philosophiis*, & *perversis Legibus Demonstrationum*: Verùm hoc Genus abnegari potest & deponi; Itaque illud in præsentia omitemus. At reliqua planè obsidant mentem, neque prorsus evelli possunt. Igitur non est, quod quis in istis, *Analyticam* aliquam expectet; sed *Doctrina de Eleachis* est, circa ipsa *Idôla*, *Doctrina* primaria. Neque (si verum omninò dicendum sit) *Doctrina de Idôlis*, in Artem redigi possit; sed tantùm adhibenda est, ad ea cavenda, Prudentia quædam Contemplativa. Horum autem Tractationem plenam & subtilem, ad *Novum Organum* amandamus; pauca generaliter tantùm de iis hoc loco dicturi.

Idolorum Tribus Exemplum tale sit. *Natura Intellectûs Humani* magis afficitur *Affirmativis* & *Activis*, quam *Negativis* & *Privativis*; cùm ritè & ordine æquum se utrique præbere debeat. At ille, si res quæpiam aliquandò existat & teneat, fortiolem recipit de eâ Impressionem, quàm si eadem longè pluriès fallat, aut in contrarium eveniat. Id quod omnis Superstitionis, & vanæ Credulitatis, quasi Radix est. Itaque rectè respondit ille, qui, cùm suspensa Tabula in Templo monstraretur, eorum qui vota solverant, quod Naufragii Periculum effugissent, atque interrogando premeretur, annon tum demùm Neptuni Numen agnosceret? quæsitit vicissim, *At ubi sunt illi depicti, qui post vota nuncupata perierunt?* Atque eadem est ratio Superstitionum similium, sicut in Astrologicis, Insomniis, Omnibus, & reliquis: Alterum Exemplum est hujusmodi; *Animus Humanus* (cùm sit ipse Substantiâ æqualis & uniformis) *majo rem præsupponit, & affingit in Naturâ Rerum* *Æqualitatem, & Uniformitatem, quam reverâ est*. Hinc Commentum Mathematicorum, *In cœlestibus omnia moveri per Circulos perfectos*, rejiciendo Lineas Spirales: Hinc etiàm fit, quod cùm multa sint in Naturâ *Monodica*, & plena Imparitatis, affingat tamen semper Cogitatio Humana, *Relativa, Parallela, & Conjuncta*; Ab hoc enim Fonte, Elementum Ignis, cum Orbe suo, introductum est, ad constituendam quaternionem cum reliquis tribus, Terrâ, Aquâ, Aëre. Chymici autem fanaticum instruxerunt Rerum universarum Phalangem, inanissimo commento inveniri fingentes, in quatuor illis suis Elementis, (Cœlo, Aëre, Aquâ, & Terrâ,) Species singulas parallelas invicem, & conformes. Tertium Exemplum est superiori finitimum, quod *Homo fiat, quasi Norma & Speculum Naturæ*: Neque enim credibile est, (si singula percurrantur & notentur) quantum Agmen *Idolorum* Philosophiæ immiserit, Naturalium Operationum; ad Similitudinem Actionum Humanarum, Reductio: Hoc ipsum inquam, quod putetur talia Naturam facere, qualia Homo facit. Neque multò meliora sunt ista, quam Hæresis *Anthropomorphitarum*, in Cellis ac Solitudine stupidorum Monachorum orta: Aut Sententia Epicuri huic ipsi in Paganismo respondens, qui Diis Humanam Figuram tribuebat. At non opus fuit Velleio Epicureo interrogare, *Cûr Deus Cælum Stellis & Luminibus, tanquam Ædilis, ornasset?* Nam si summus ille Opifex, ad modum Ædilis se gessisset, in pulchrum aliquem & elegantem ordinem

dinem stellas digerere debuisset, operosis Palatiorum Laquearibus con-
similem; cum è contrà ægrè quis ostendat, in tam infinito Stellarum
numero, Figuram aliquam vel quadratam, vel Triangularem, vel Re-
ctilinearem. Tanta est Harmoniæ discrepantia, inter Spiritum Homi-
nis, & Spiritum Mundi.

Quod ad *Idôla Specûs* attingit, illa ortum habent ex propriâ cujusque
Naturâ & Animi & Corporis; atque etiâ ex *Educatione & Consuetu-
dine, & fortuitis rebus*, quæ singulis Hominibus accidunt. Pulcherri-
mum enim Emblemata, est illud de *Specu Platonis*. Siquidem si quis
(missâ illâ exquisitâ Parabolæ subtilitatē) à primâ Infantiâ, in Antro,
aut Cavernâ obscurâ & subterraneâ, ad maturam usque Ætatem dege-
ret, & tunc dērepentē in Aperta prodiret, & hunc Cœli & Rerum
Apparatum contueretur; dubium non est, quin animum ejus subirent,
& perstringerent, quamplurimæ miræ & absurdissimæ Phantasiæ.
Nos verò scilicet, sub Aspectu Cœli degimus; intereâ tamen Animi
in Cavernis Corporum nostrorum conduntur; ut infinitas Errorum
& Falsitatum Imagines haurire necesse sit, si è Specu suâ rarò tantum,
& ad breve aliquod tempus prodeant; & non in Contemplatione Na-
turæ perpetuò, tanquàm sub Dîo morentur. Emblemati siquidem
illi de *Specu Platonis*, optimè convenit Parabola illa Heracliti; Quod
Homines Scientias in Mundis propriis, & non in Mûndo majore querant.

At *Idôla Fori* molestissima sunt, quæ ex *Fœdere tacito inter Homines,
de Verbis & Nominibus impositis*, se in Intellectum insinuârunt. Verba
autem plerunque ex capto Vulgi induntur; atque per Differentias,
quarum Vulgus capax est, res secant; Cùm autem Intellectus acutior,
aut Observatio diligentior res melius distinguere velit, Verba obstre-
punt. Quod verò hujus Remedium est, (Definitiones scilicet,) in plu-
rimis huic malo mederi nequit; quoniam & ipsæ Definitiones ex
verbis constent, & Verba gignant Verba. Etsi autem puremus Verbis
nostris nos imperare; & illud facile dictu sit, *Loquendum esse ut vulgus,
sentiendum ut Sapientes*; Quinetiâ Vocabula Artium (quæ apud pe-
ritos solum valent) huic rei satisfacere videri possint; & Disinitiones
(de quibus diximus) Artibus præmissæ, (secundum Prudentiam Ma-
thematicorum) Vocabulorum pravas Acceptiones corrigere valeant;
attamen hæc omnia non sufficiunt, quo minus Verborum præstigiæ
& Incantationes, plurimis modis seducant, & vim quandam Intelle-
ctui faciant, & impetum suum, (more Tartarorum sagittationis) retrò
in Intellectum (unde profecta sint) retorqueant. Quare altiore, & no-
vo quodam remedio, ad hoc Malum opus est: Verùm hæc jam cur-
sîm perstringimus, interîm *desiderari* pronunciantes hanc Doctrinam,
quam *Elenchos magnos*, sive de *Idolis Animi humani nativis & Adventitiis*
appellabimus. Ejus autem Tractationem legitimam, ad *Organum
Novum* referimus.

Superest *Artis Iudicandi Appendix* quædam insignis; quam etiâ
desiderari statuimus. Siquidem Aristoteles Rem notavit, Modum Rei
nullibi persecutus est. Ea tractat, quales *Demonstrationes ad quales Mate-
riis, sive Subjecta, applicari debeant*; ut hæc Doctrina tanquam *Iudicationes
Iudicationum* contineat. Optimè enim Aristoteles, *Neque Demonstra-
tiones*

iones ab Oratoribus, neque Suasiones à Mathematicis requiri debere monet. Ut si in Probationis genere aberretur, Judicatio ipsa non absolvatur. Quandò verò sint quatuor Demonstrationum genera, vel per Consensum immediatum & Notiones communes; vel per Inductionem; vel per Syllogismum; vel per eam (quam rectè vocat Aristoteles) Demonstrationem in Orbem; (non à Notioribus scilicet, sed tanquàm de Plano;) habent hæc Demonstrationes singulæ certa subjecta, & Materias Scientiarum in quibus pollent; alia, à quibus excluduntur. Etenim Rigor & Curiositas, in poscendo Probationes nimium severas, in aliquibus; multò magis Facilitas & Remissio, in acquiescendo Probationibus levioribus in aliis; inter ea sunt numeranda, quæ Detrimenti plurimum, & impedimenti Scientiis attulerunt. Atque de Arte Iudicandi hæc dicta sint.

CAPUT V.

Partitio Artis Retinendi sive Retentivæ, in Doctrinam de Adminiculis Memorix, & Doctrinam de Memoria ipsâ. Partitio Doctrinæ de Memoria ipsâ, in Prænotionem; & Emblema.



Artem Retinendi sive Custodiendi, in duas Doctrinas partiemur. Doctrinam scilicet de Adminiculis Memorix; & Doctrinam de Memoria ipsâ. Adminiculum Memorix planè Scriptio est: Atque omninò monendum, quod Memoria sine hoc Adminiculo, Rebus Prolixioribus & accuratioribus, impar sit; neque ullo modo, nisi de Scripto, recipi debeat. Quod etiàm in Philosophiâ Inductivâ, & Interpretatione Naturæ, præcipuè obtinet: Tam enim possit quis Calculationes Ephemeridis, Memoria nudâ, absque Scripto absolvere, quam interpretationi Naturæ per Meditationes, & vires Memorix nativas & nudas, sufficere; nisi eidem Memorix, per Tabulas ordinatas ministretur. Verum missâ Interpretatione Naturæ, quæ Doctrina nova est, etiàm ad Veteres & Populares Scientias, haud quicquam ferè utilius esse possit; quam Memorix Adminiculum solidum & bonum; hoc est; Digestum probum, & eruditum, Locorum Communium. Neque tamen me fugit; quod Relatio eorum, quæ legimus aut discimus, in Locos communes, damno Eruditionis ab aliquibus, imputetur, ut quæ Lectionis Cursum remoretur, & Memoriam ad feriandum invitet. Attramen quoniam Adulterina res est, in Scientiis præcocem esse & promptum; nisi etiàm solidus sis & multipliciter instructus, Diligentiam & Laborem in Locis communibus congerendis, magni prorsus rem esse Usûs, & Firmitudinis, in studiis iudicamus; veluti quæ Inventioni copiam subministret; & Aciem Iudicii in Unum contrahat. Verum est tamen, inter Methodos & Syntaxes Locorum communium, quas nobis adhuc videre contigit, nullam

reperiri quæ alicujus sit pretii ; quandoquidem in Titulis suis, Faciem prorsus exhibeant, magis Scholæ, quam Mundi ; Vulgares & pædagogicas adhibentes Divisiones, non autem eas, quæ ad Rerum Medullas, & Interiora quovis modo penetrent.

Circa *Memoriam* autem ipsam, satis segnitèr & languidè videtur adhuc inquisitum. Extat certè de eâ *Ars* quæpiam ; Verùm nobis constat, tum meliora Præcepta de *Memoriâ* confirmandâ & ampliandâ haberi posse, quam illa *Ars* complectitur ; tum Practicam illius ipsius *Artis* meliorem institui posse, quam quæ recepta est. Neque tamen ambigimus (si cui placet hâc *Arte* ad *Ostentationem* abuti) quin possint præstari per eam nonnulla Mirabilia, & Portentosa : Sed nihilominus Res quasi sterilis est, (eo quo adhibetur modo) ad usus humanos. At illud interim ei non imputamus, quod *Naturalem Memoriam* destruat, & super-oneret, (ut vulgò objicitur ;) sed quod non dextrè instituta sit, ad Auxilia memoriæ commodanda, in Negotiis & Rebus seriis. Nos verò hoc habemus (fortassè ex genere vitæ nostro Politicæ) ut, quæ *Artem* jactant, usum non præbent, parvi faciamus. Nam ingentem Numerum Nominum, aut Verborum semel recitatorum, eodem ordine statim repetere ; aut Versus complures de quovis Argumento extemporè conficere, aut quicquid occurrit Satyricâ aliquâ similitudine perstringere ; aut seria quæque in Jocum vertere ; aut Contradictione & Cavillatione quidvis eludere, & similia ; (quorum in Facultatibus Animi haud exigua est Copia ; quæque Ingenio & Exercitatione ad Miraculum usque extolli possunt ;) hæc certe omnia & his similia nos non majoris facimus, quam Funambulorum & Mimorum Agilitates & Ludicra : Etenim eadem fermè Res sunt ; cum hæc Corporis, illa Animi viribus abutantur ; & Admirationis forsitan aliquid habeant, Dignitatis parùm.

Ars autem *Memoriæ*, duplici nititur Intentione, *Prænotione*, & *Emblemate* : *Prænotionem* vocamus Abscissionem quandam Investigationis infinitæ. Cùm enim quis aliquid revocare in memoriam conatur ; si nullam *Prænotionem* habeat, aut Perceptionem ejus quod quærit ; quærit certè, & molitur, & hâc illâc discurret, tanquam in Infinito. Quod si certam aliquam *prænotionem* habeat ; statim abscinditur Infinitum, & fit Discursus *Memoriæ* magis in vicino ; Ut Venatio Damæ, intra Septa. Itaq ; & Ordo manifestò juvat *Memoriam*. Subest enim *Prænotio*, id quod quæritur tale esse debere, ut conveniat cum Ordine. Similièr Carmina faciliùs discuntur memoritèr, quam *Prosa*. Si enim hæretur in aliquo verbo, subest *Prænotio*, tale debere esse Verbum, quod conveniat cum Versu. Atque ista *Prænotio* est *Artificialis Memorie* Pars prima. Nam in *Artificiali Memoriam* *Locos* habemus jam antè digestos & paratos : *Imagines* extempore, prout res postulat, conficimus : At subest *Prænotio*, talem esse debere *Imaginem*, qualis aliquatenus conveniat cum *Loco*. Id quod vellicat *Memoriam*, & aliquo modo munit ad rem quam quærimus. *Emblema* verò deducit Intellectuale ad Sensibile : Sensibile autem semper fortiùs percutit *Memoriam*, atque in eâ faciliùs imprimitur, quam Intellectuale. Adeò ut etiàm Brutorum *Memoria*, per Sensibile excitetur ; per Intellectuale, minimè. Itaque faciliùs retineas

retineas Imaginem Venatoris Leporem persequentis, aut Pharmacopæi Pyxides ordinantis, aut Pedantii Orationem habentis, aut Pueri Versus memoriter recitantis, aut Mimi in Scenâ agentis ; quam ipsas Notiones Inventionis, Dispositionis, Elocutionis, Memoriae, Actionis. Sunt & alia, quæ pertinent ad *Memoriam* juvandam (ut modò diximus) sed *Ars* quæ jam habetur ex his duobus jam præmissis consistit. Particulares autem Artium Defectus persequi, fuerit ab Instituto nostro recedere. Igitur de *Arte Retinendi* sive *Custodiæ*, hæc dicta sint. Jam verò, ad quartum Membrum *Logicæ*, quod *Traditionem* & *Elocutionem* tractat, ordine pervenimus.

Ppp 2

FRAN

1894



FRANCISCI BACONI
BARONIS

DE
VERULAMIO,
VICE-COMITIS
SANCTI ALBANI,

DE
Dignitate & Augmentis Scientiarum
LIBER SEXTUS.

AD REGEM SVVM.

CAPUT I.

Partitio Traditivæ, in Doctrinam de Organo Sermonis ; Doctrinam de Methodo Sermonis ; & Doctrinam de Illustratione Sermonis. *Partitio* Doctrinæ de Organo Sermonis, in Doctrinam de Notis Rerum ; De Locutione ; & De Scriptione : *Quarum due posteriores Grammaticam constituunt, ejusque Partitiones sunt. Partitio* Doctrinæ de Notis Rerum, in Hieroglyphica ; & Characteres Reales. *Partitio Secunda* Grammaticæ, in Literariam ; & Philosophantem. *Aggregatio* Poeseos quoad Metrum, ad Doctrinam de Locutione. *Aggregatio* Doctrinæ de Ciphis, ad Doctrinam de Scriptione.



Conceditur certè cuivis (Rex Optime) Seipsum & Sua ridere & ludere. Quis igitur novit, nùm fortè Opus istud nostrum, non descriptum fuerit, ex Libro quodam Veteri, reperto inter Libros, famosissimæ illius Bibliothecæ *Sancti Victoris*; quorum Caralogum excepit Magister *Franciscus Rabelesius*? Illic enim invenitur Liber, cui Titulus est, *Formicarium Artium*. Nos sanè pusillum Acervum Pulvisculi congeessimus, & sub eo complura Scientiarum & Artium Grana condidimus; quò Formicæ reptare possint, & paulatim conquirere, & subinde ad novos se labores accingere. At Regum Sapientissimus Pigros quoscunque remittit ad Formicæ: Nos autem Pigros eos Homines pronunciamus, quibus acquisitis uti tantùm, cordi sit, neque subinde novas Scientiarum Sementes & Messes facere.

Accedamus nunc ad *Artem Tradendi*, sive *Proferendi*, & *Enunciandi* ea, quæ Inventæ, Judicatæ, ac in Memoriam repositæ sunt; quam Nominè Generali *Traditivam* appellabimus. Ea omnes *Aries circa Verba* & *Sermones* complectitur. Quamvis enim Ratio, Sermonis veluti Anima sit, tamen in tractando disjungi debent, Ratio, & Sermo; non minùs quam Anima, & Corpus. *Traditivam* in tres partes dividemus; *Doctrinam circa Organum Sermonis*; *Doctrinam circa Methodum Sermonis*; & *Doctrinam circa Sermonis Illustrationem*, sive *Ornatum*.

Doctrina de Organo Sermonis vulgò recepta, quæ & *Grammatica* dicitur, duplex est: Altera de *Locutione*; Altera de *Descriptione*: Rectè enim Aristoteles; *Cogitationum Tessera verba, Verborum Litteræ*; Utrunque *Grammaticæ* assignabimus. Verùm ut rem altius repetamus, antequàm ad *Grammaticam* & Partes ejus jam dictas veniamus, in genere de *Organo Traditivæ* dicendum est. Videntur enim esse Proles quædam *Traditivæ* aliæ, præter *Verba* & *Litteras*. Hoc igitur planè statuendum est; Quicquid scindi possit in Differentias satis numerosas, ad Notionum Varietatem explicandam (modò Differentiæ illæ Sensui perceptibiles sint) fieri posse Vehiculum Cogitationum de Homine in Hominem. Nam videmus Nationes *Linguis* discrepantes, *Commercium* non malè per *Gestus* exercere. At in Practicâ nonnullorum, qui surdi & muti usque à Nativitate fuerant, & aliàs erant ingeniosi, miros vidimus haberi inter eos & Amicos suos, qui eorum *Gestus* perdidicerant, Dialogos. Quinetiàm notissimum fieri jam cœpit, quod in Chinâ, & Provinciis ultimi Orientis, in usu hodie sint, *Characteres* quidam *Reales*, non *Nominales*; qui scilicet nec *Litteras*, nec *Verba*, sed *Res* & *Notiones* exprimunt. Aded ut Gentes complures, *Linguis* prorsus discrepantes, sed hujusmodi *Characteribus*, (qui apud illos latius recepti sunt) consentientes, *Scriptis* communicent: Eousque ut *Librum* aliquem hujusmodi *Characteribus* conscriptum, quæque *Gens*, *Patriâ* *Linguâ* legere, & reddere possit.

Notæ igitur *Rerum*, quæ absque Ope, aut Medio *Verborum*, *Res* significant, duplicis generis sunt: Quarum prius Genus ex *Congruo*; Alterum ad *Placitum* significat. Prioris Generis sunt, *Hieroglyphica*;
 &

& *Gestus* : Posterioris verò, ii, quos diximus, *Characteres Reales*. *Hieroglyphicorum* Usus vetustus admodum & in Veneratione quadam habitus ; Præcipuè apud Ægyptios Gentem valdè antiquam : Adeò ut videantur *Hieroglyphica* fuisse *Scriptio* quadam Ante-nata, & senior ipsius *Elementis literarum*, nisi fortè apud Hebræos. *Gestus* autem, tanquam *Hieroglyphica* Transitoria sunt. Quemadmodum enim Verba prolata volant, scripta manent ; ita & *Hieroglyphica Gestibus* expressa transeunt, depicta durant. Cum enim Periander, consultus de conservandâ Tyrannide, Legatum astare juberet ; atque ipse in Horto deambulans, Summitates Florum eminentiorum carperet, ad Sedem Procerum innuens ; non minùs usus est *Hieroglyphico*, quam si id in Chartâ depinxisset. Illud interim patet, *Hieroglyphica* & *Gestus*, semper cum Re significatâ aliquid Similitudinis habere ; & Emblemata quadam esse ; unde eas *Notas rerum ex congruo* nominavimus. At *Characteres Reales*, nihil habent ex Emblemate, sed planè surdi sunt ; non minùs quam ipsa Elementa Literarum ; & ad *Placitum* tantùm efficti, consuetudine autem tanquam Pacto tacito recepti. Illud interim liquet, vastâ ipsorum multitudine ad Scribendum opus esse : Tot enim esse debent, quot sunt Vocabula Radicalia. Hæc igitur Portio *Doctrinæ de Organo Sermonis* quæ est de *Notis Rerum*, nobis ponitur pro *Desiderato*. Etsi autem tenuis possit videri esse ejus Usus, cum Verba & Scriptio per Literas sint Organa *Traditivæ* longè commodissima ; visum est tamen nobis, veluti Rei non ignobilis, aliquam hoc loco Mentionem ejus facere. Tractamus enim hic, veluti Numismata Rerum Intellectualium ; nec abs re fuerit nosse, quod sicut Nummi possint confici ex aliâ Materiâ præter Aurum & Argentum, ita & *Notæ Rerum* aliæ possint cudi, præter *Verba & Literas*.

Pergamus igitur ad *Grammaticam*. Ea verò, veluti Viatoris locum, erga cæteras Scientias obtinet ; non nobilem illum quidem, sed imprimis tamen necessarium ; præsertim cum Scientiæ, nostris Seculis, ex Linguis Eruditis, non vernaculis, potissimùm hauriantur. Neque tamen Dignitas ejus parva censenda est ; quandoquidè Antidoti cujusdam vicibus fungatur contra Maledictionem illam Confusionis Linguarum. Sanè hoc agit Industria humana, ut se restituat & redintegret in Benedictionibus illis, quibus Culpâ suâ excidit. Atque contra Maledictionem primam Generalem de Sterilitate Terræ, & *Comedendo panem suum in sudore vultus sui*, reliquis Artibus omnibus se munit & instruit. At contra secundam illam de Confusione Linguarum, advocat in auxilium *Grammaticam*. Ejus, in Linguis quibusque vernaculis, exiguus certè usus est ; In Externis perdiscendis, latior ; Amplissimus verò in illis Linguis, quæ vulgares esse desierunt, & in Libris tantùm perpetuantur.

Grammaticam etiâ bipartitam ponemus ; ut alia sit *literaria* ; alia *Philosophica* : Altera adhibetur simpliciter ad Linguas, nempe ut eas quis, aut celerius perdiscat, aut emendatius & purius loquatur : Altera verò aliquatenus Philosophiæ ministrat : Quâ in parte occurrit nobis Cæsarem Libros *De Analogiâ* conscripsisse, Atque Dubitatio subiit, utrum illi hanc, quam dicimus, *Grammaticam Philosophicam* tractarint ?

Suspi-

Susplicamur tamen nil admodum in illis fuisse subtilius, aut sublimius; sed tantum Præceptiones tradidisse de Oratione castâ & integrâ, neque à Consuetudine loquendi pravâ, neque ab Affectatione aliquorum, vitiatâ & pollutâ; in quo genere ipse excelluit. Veruntamen hâc ipsâ re moniti, cogitatione complexi sumus *Grammaticam* quandam, quæ non Analogiam Verborum ad invicem, sed Analogiam inter Verba, & Res, sive Rationem, sedulò inquirat; citra tamen eam, quæ Logicæ subservit, Hermeniam. Vestigia certè Rationis Verba sunt: Itaque Vestigia etiâ aliquid de Corpore indicant: Hujus igitur rei Adumbrationem quandam tenuem dabimus: Primò autem minimè probamus curiosam illam Inquisitionem, quam tamen Plato Vir eximius non contempsit; nimirum de Impositione & Originali Etymologia Nominum; supponendo ac si illa jam à Principio ad Placitum indita minimè fuissent, sed ratione quâdam & significantè derivata & deducta: Materiam certè elegantem, & quasi ceream, quæ aptè fingi & flecti possit; quoniam verò Antiquitatum Penetralia perscrutari videtur, etiâ quodammodò Venerabilem; sed nihilominus parçè veram, & fructu cassam. Illa demùm, ut arbitramur, foret nobilissima *Grammaticæ* species, si quis in *Linguis* plurimis, tam Eruditis quam Vulgaribus eximiè doctus, de variis *Linguarum* Proprietatibus tractaret; in quibus quæquæ excellat, in quibus deficiat, ostendens. Ita enim & *Linguae* mutuo commercio locupletari possint; & fiet ex iis quæ in singulis *Linguis* pulchra sunt, (tanquam Venus Apellis) Orationis ipsius quædam formosissima Imago, & Exemplar quoddam insigne, ad sensus Animi ritè exprimendos. Atque unâ etiam hoc pacto capientur signa haud levia, sed observatu digna (quod fortassè quispiam non putaret), de Ingeniis & Moribus Populorum & Nationum, ex *Linguis* ipsorum. Equidem libentè audio Ciceronem notantem, quod apud Græcos desit Verbum, quod Latinum illud (*Inepitum*) reddat; Proptereâ (inquit) quod Græcis hoc vitium tam familiare fuit, ut illud in se ne agnoscerent quidem: Digna certè gravitate Romanâ Censura. Quid illud quod Græci in Compositionibus Verborum tanta licentiâ usi sunt, Romani contrâ magnam in hâc re Severitatem adhibuerunt? Planè colligat quis, Græcos fuisse Artibus, Romanos Rebus gerendis magis idoneos. Artium enim Distinctiones, Verborum Compositionem ferè exigunt; At Res & Negotia, simpliciora Verba postulant. Quin Hebræi tantum Compositiones illas refugiunt, ut malint Metaphorâ abuti, quam Compositionem introducere. Quinetiâ Verbis tam paucis, & minimè commixtis utuntur, ut planè ex *Lingua* ipsâ quis perspiciat, Gentem fuisse illam Nazaræam, & à reliquis Gentibus separatam, Annon & illud Observatione dignum (licet nobis Modernis Spiritus nonnihil retundat) antiquas *Linguas* plenas Declinationum, Casuum, Conjugationum, Temporum, & similium fuisse; Modernas his ferè destitutas, plurimâ per Præpositiones, & verba Auxiliaria segnitè expedire. Sanè facile quis conjiciat (utcunque nobis ipsi placeamus) Ingenia priorum Seculorum nostris fuisse multò acutiora & subtiliora. Innumera sunt ejusmodi, quæ justum Volumen complere possint. Non abs re igitur fuerit,

fuerit, *Grammaticam Philosophicam*, à *Simplici* & *Literaria* distinguere, & *Desideratam* ponere.

Ad *Grammaticam* etiam pertinere judicamus omnia illa, quæ Verbis quoquo modo accidunt, qualia sunt *Sonus*, *Mensura*, *Accentus*. At prima illa *Literarum Simplicium Cunabula* (nempe quæ percussione Linguae, quæ Apertura Oris, quæ Adductione Labiorum, quo Nasu Gutturis, singularum *Literarum Sonus* generetur) ad *Grammaticam* non pertinent, sed Portio sunt *Doctrinae de sonis, sub Sensu & Sensibili*, tractanda. *Sonus*, de quo loquimur, *Grammaticus*, ad *Euphonias* tantum pertinet, & *Dysphonias*. Illarum quædam communes sunt: Nulla enim est *Lingua*, quin *Vocalium Concurrentium Hiatus*, aut *Consonantium Concurrentium Asperitates* aliquatenus refugiat. Sunt & alia *Respectivæ*, quæ scilicet diversorum *Populorum Auribus* gratæ aut ingratae accedunt. *Græca Lingua* *Diphongis* scatet; *Latina* longè parcius. *Lingua Hispanica* *Literas Tenues* odit, easque statim vertit in *Medias*. *Lingua* quæ ex *Gothis* fluxere, *Aspiratis* gaudent: Multa sunt ejusmodi: Verum hæc ipsa fortassè plus satis.

At *Mensura Verborum* ingens nobis *Corpus Artis* peperit, *Poesim* scilicet, non quatenus ad *Materiam* (de qua supra) sed quatenus ad *Stylum* & *Figuram Verborum*; *Versus* nimirum sive *Carmina*. Circa quæ *Ars* habetur quasi pusilla, *Exempla* accedunt grandia, & infinita. Neque tamen *Ars* illa (quam *Prosodiam Grammatici* appellant) ad *Carminum Genera*, & *Mensuras* edocendas tantum restringi debeat: Adjicienda enim sunt præcepta, quod *Carminum Genus*, cuique *Materiae*, sive *Subjecto*, optimè conveniat? *Antiqui Heroica Carmina Historiis* & *Encomiis* applicaverunt; *Elegos Querimoniis*; *Iambos Investivis*; *Lyricos Odis* & *Hymnis*. Neque hæc *Prudentia* recentioribus *Poetis* in *Linguis Propriis* defuit: Illud reprehendendum, quod quidam *Antiquitatis* nimium studiosi, *Linguis Modernis*, ad *Mensuras Antiquas* (*Heroicas, Elegiacas, Sapphicas, &c.*) traducere conati sunt; quas ipsarum *Linguarum Fabrica* respuit, nec minus *Aures* exhorrent. In hujusmodi rebus, *Sensus judicium, Artis præceptis* præponendum; ut ait ille,

— Cœna fercula nostra

Malem convivis quam placuisse Cocis.

Neque verò *Ars* est, sed *Artis abusus*, cum illa *Naturam* non perficiat, sed pervertat. Verum quod ad *Poesim* attinet, (sive de *Fabulis*, sive de *Metro* loquamur) est illa (ut superius diximus) tanquam *Herba luxurians*, sine *Semine* nata, ex *Vigore ipsius Terræ* germinans. Quare ubique serpit, & latissimè diffusa est, ut supervacuum foret de *Defectibus* ejus sollicitum esse. De illâ igitur *Cura* est abjicienda. Quod verò ad *Accentus Verborum*, nil opus est de re tam pusillâ dicere; nisi fortè illud quis notatu dignum putet; quod *Accentus Verborum* exquisitè, *Accentus* autem *Sententiarum* neutiquam in *Observationem* venit. Attamen illud ferè universo *Generi humano* commune est, ut *Vocem* in fine *Periodi* submittant, in *Interrogatione* elevent, & alia hujusmodi non pauca. Atque de *Grammaticæ Parte*, quæ ad *Locutionem* spectat, hæc tenis.

Quod

Quod ad *Scriptionem* attinet, ea aut *Alphabeto Vulgari* perficitur, (quod ubique recipitur,) aut *Occulto* & *Privato*, de quo inter singulos convenit, quod *Ciphras* vocant. At *Orthographia vulgaris* etiã *Controversiam* & *Quæstionem* nobis peperit ; Utrũ scilicet eodem, Verba scribere oporteat, quo pronunciantur, modo ; an potius ex more consueto ? At illa *Scriptio* quæ reformata videri possit, (ut scilicet *Scriptio pronuntiationi* consona sit) est ex *Genere inutilium Subtilitatum*. Nam & ipsa *Pronuntiatio* quotidie gliscit, nec constans est ; & *Derivationes Verborum*, præsertim ex *Linguis extraneis*, prorsus obscurantur ; Denique cum ex more recepto *Scripta*, morem pronuntiandi nullo modo impediunt, sed liberam relinquunt, quorsum attinet ista *Novatio* ?

Ad *Ciphras* igitur veniendum. Earum *Genera* haud pauca sunt. *Ciphræ simplices* ; *Ciphræ Non significantibus Characteribus intermixtæ* ; *Ciphræ duplices Literas uno Characterē complexæ* ; *Ciphræ Rotæ* ; *Ciphræ Clavis* ; *Ciphræ verborum* ; aliæ. Virtutes autem in *Ciphris* requirendæ tres sunt : Ut sint *Expeditæ*, non nimis operosæ ad scribendum ; Ut sint *fidæ*, & nullo modo pateant ad *Deciphrandum* ; Addo denique, ut, si fieri possit, *suspicionē* vacent. Si enim *Epistolæ* in *Manus Eorum* deveniant, qui in eos qui scribunt, aut ad quos scribuntur, potestatem habeant, tametsi *Ciphra* ipsa *fida* sit, & *deciphratu* impossibilis, tamen subjicitur hæc *Res Examine* & *Quæstioni* ; nisi *Ciphra* sit ejusmodi, quæ aut *suspicionē*, vacet, aut *Examinationem* eludat. Quod verò ad *Elusionem Examinis* attinet, suppetit *Inventum* ad hoc novum atque utile, quod cum in promptu habeamus, quorsum attinet illud inter *Desiderata* referre, sed potius ad ipsum proponere ? Hoc hujusmodi est ; Ut habeat quis duo *Alphabeta*, *Unum Literarum verarum*, alterum non significantium ; Et simul duas *Epistolas* involvat, unam quæ *Secretum* deferat, alteram qualem verisimile fuerit *Scribentem* missurum fuisse, absque periculo tamen. Quod si quis de *Ciphrâ* severè interrogetur, porrigat ille *Alphabetum Non-significantium*, pro veris *Literis*, *Alphabetum autem Verarum Literarum* pro *Non-significantibus* ; hoc modo incidet *Examinator* in *Epistolam illam Exteriorem* ; quam cum probabilem inveniet, de *Interiori Epistolâ* nihil suspicabitur. Ut verò *suspicio omnis* absit, aliud *Inventum* subjiciemus, quod certè, cum *Adolescentuli* essemus *Parisiis*, excogitavimus ; nec etiã adhuc, visa nobis *res digna* est, quæ pereat. Habet enim gradum *Ciphræ altissimum*, nimirum ut *Omnia per Omnia* significari possint : ita tamen, ut *Scriptio* quæ involvitur, quintuplò minor sit, quam ea cui involvatur : *Alia nulla omnino requiritur Condicio, aut Restrictio*. Id hoc modo fiet. Primò, universæ literæ *Alphabeti* in duas tantummodò *Literas* solvantur, per *Transpositionem* earum. Nam *Transpositio* duarum *Litararum*, per *Locos quinque*, *Differentiis* triginta duabus ; multò magis viginti quatuor (qui est *Numerus Alphabeti* apud nos) sufficiet. Hujus *Alphabeti Exemplum* tale est.

Exemplum

Exemplum Alphabeti
Biliterarii.

A *B* *C* *D* *E* *F*
*A**a**a**a**a* . *a**a**a**a**b* . *a**a**a**b**a* . *a**a**a**b**b* . *a**a**b**a**a* . *a**a**b**a**b* .
G *H* *I* *K* *L* *M*
*a**a**b**b**a* . *a**a**b**b**b* . *a**b**a**a**a* . *a**b**a**a**b* . *a**b**a**b**a* . *a**b**a**b**b* .
N *O* *P* *Q* *R* *S*
*a**b**b**a**a* . *a**b**b**a**b* . *a**b**b**b**a* . *a**b**b**b**b* . *b**a**a**a**a* . *b**a**a**a**b* .
T *V* *W* *X* *Y* *Z* .
*b**a**a**b**a* . *b**a**a**b**b* . *b**a**b**a**a* . *b**a**b**a**b* . *b**a**b**b**a* . *b**a**b**b**b* .

Neque leve quiddam obiter hoc modo perfectum est.
 Etenim ex hoc ipso patet Modus, quo ad omnem Loci Di-
 stantiam, per Objecta, quæ vel Visui, vel Auditui subji-
 ci possint, Sensa Animi proferre, & significare liceat; si modò
 Objecta illa, duplicis tantum Differentiæ capacia sunt; veluti
 per Campanas, per Buccinas, per Flammeos, per Sonitus Tor-
 mentorum, & alia quæcunque. Verùm ut Inceptum perfe-
 quamur, cùm ad Scribendum accingeris, Epistolam Interiorem
 in Alphabetum hoc Biliterarium solves. Sit Epistola interior;
 Fuge.

Exemplum Solutionis.

F *V* *G* *E* .
*A**a**b**a**b* . *b**a**a**b**b* . *a**a**b**b**a* . *a**a**b**a**a* .

De Augmentis Scientiarum

Præstò simul sit aliud *Alphabetum Biforme* ; nimirum, quod singulas *Alphabeti Communis* Literas, tam Capitales, quam minores, duplici Formâ, prout cuique commodum sit, exhibeat.

Exemplum Alphabeti Biformis.

a. b. a. b. a. b. a. b. a. b. a. b. a. b. a. b.
A A a. a. B. B. b. b. C. C. c. c. D. D. d. d.
a. b. a. b. a. b. a. b. a. b. a. b. a. b. a. b.
E. E. e. e. F. F. f. f. G. G. g. g. H. H. h. h.
a. b. a. b. a. b. a. b. a. b. a. b. a. b. a. b.
I. I. i. i. K. K. k. k. L. L. l. l. M. M. m. m.
a. b. a. b. a. b. a. b. a. b. a. b. a. b. a. b.
N. N. n. n. O. O. o. o. P. P. p. p. Q. Q. q. q. R.
b. a. b. a. b. a. b. a. b. a. b. a. b. a. b. a. b.
R. r. r. S. S. s. s. T. T. t. t. V. V. v. v. u. u.
a. b. a. b. a. b. a. b. a. b. a. b. a. b. a. b.
W. W. w. w. X. X. x. x. Y. Y. y. y. Z. Z. z. z.

Tum demùm Epistolæ Interiõri, jam factæ *Biliteratæ*,
Epistolam Exteriõrem *Biformem*, literatim accommo-
dabis, & postea describes. Sit Epistola Exterior;

Manere te volo donec venero.

Exemplum *Accommodationis*.

F V G F
a ababb aa b b.aa b b.aa b.aa.

Manere te volo donec venero

Apposuimus etiã Exemplum aliud largius ejusdem
Ciphre; Scribendi Omnia per Omnia.

Epistola Interior, ad quam delegi-
mus Epistolam Spartanam, missam
olim in Scytale.

*Perditæ Res. Mindarus cecidit. Milites
esuriunt. Neque hinc nos extricare, neque
hic diutius manere possumus.*

Epistola Exterior, sumpta ex Epistola
Primâ Ciceronis, in quâ Epistola Spar-
tana involvitur.

Ego omni officio, ac potius pietate erga te-
 caeteris satisfacio omnibus: Mihi ipse nun-
 quam satisfacio. Tanta est enim magni-
 tudo tuorum erga me meritorum, ut quoni-
 am tu, nisi perfectâ re, de me non conquies-
 ti; ego, quia non idem in tuâ causâ efficio,
 vitam mihi esse acerbam putem. In cau-
 sâ hæc sunt: Ammonius Regis Legatus
 aperte pecuniâ nos oppugnat. Res agitur
 per eosdem creditores, per quos, cum tu ade-
 ras, agebatur. Regis causâ, si qui sunt,
 qui velint, qui pauci sunt, omnes ad Pompe-
 ium rem deferri volunt. Senatus Reli-
 gionis calumniam, non religione, sed ma-
 levolentia, et illius Regiæ Largitionis
 invidia comprobat. &c.

Doctrina autem de *Ciphris*, aliam secum traxit *Doctrinam* erga ipsam Relativam : Illa est de *Deciphratione*, sive Reseratione *Ciphra*rum ; licet quis Alphabetum *Ciphrae*, aut pactum de Latebrâ penitus ignoret. Res sanè est illa, laboriosa simul & ingeniosa, & Arcanis Principum, veluti & illa prior, dicata. Attamen præcautione solerti fieri possit inutilis ; etsi quomodò Res nunc se habent, magni prorsus sit usûs. Etenim si *Ciphrae* introductæ essent bonæ & fideles, plurimæ fuerint, quæ operam *Deciphra*toris prorsus eluderent, & excluderent ; quæ tamen sint satis commodæ, & expeditæ, ad legendum, aut Scribendum. Verùm Imperitia & Inscitia Secretariorum, & Amanuensium, in Aulis Principum tanta est, ut maxima plerunque *Negotia* *Ciphris* infirmis & futilibus, committantur.

Interea fieri potest, ut suspicetur quispiam, Nos in Enumeratione, & quasi Censu *Artium*, id agere, ut *Scientiarum* Copiæ (quas veluti in aciem adducimus) Auctæ & multiplicatæ, magis sint *Admirationi* ; cum tamen *Numerus* earum fortè ostentari, vires tam brevi *Traçtatu* vix explicari possint. Verùm Nos *Institutum* nostrum fidelitèr urgemus, atque in hoc globo *Scientiarum* conficiendo, etiam *Insulas* minores, aut remotiores omitti nolumus. Neque verò (ut arbitramur) perfunctoriè, licet cursim eas *Artes* attingimus ; sed potiùs *Nucleos* & *Medullas* ipsarum ; ex multâ *Materiæ* massâ, stilo acuto excerpimus. Cujus rei *judiciûm* ipsi illis, qui in hujusmodi *Artibus* peritissimi sunt, permittimus : Cum enim plerique, qui multisceii videri volunt, hoc ferè habeant ; ut *Vocabula* & *Exteriora* *Artium* passim jactantes, illarum ignavis *Admirationi*, *Magistris* ludibrio sint ; speramus nostra contrarium prorsus eventum habitura, ut peritissimi cujusque in *Artibus* singulis *judiciûm* maximè detineant, cæteris minoris sint. Quod verò ad *Artes* illas, quæ *Minorum* quasi *Gentium* videri possunt ; si quis existimet nos, nimium quid ipsis tribuere ; circumspiciat ille & videbit, *Homines* in *Provinciis* suis, magnos sanè & celebres, cum ad *Metropolim* aut *Sedem* *Imperii* fortè migraverint, turbæ ferè immisceri, & inferioris notæ esse : similiter mirum non est, *Artes* istas leviores, juxta *Artes* *Principales* & *supremas* collocatas, dignitate minui ; cum tamen iis, qui *Operam* illis præcipuè impenderint, *Res* videantur utique magnæ & præclaræ. Atque de *Organo* *Sermonis* hæc dicta sint.

Qqq 2 CAPUT

CAPUT II.

Doctrina de Methodo Sermonis constituitur ut pars Traditiva Substantiva & Principalis : Nomen ei inauditur Prudentia Traditiva. Enumerantur Methodi Genera diversa ; & junguntur eorum Commoda & Incommoda.



Eniamus ad Doctrinam de Methodo Sermonis. Ea ut Pars Dialecticæ tractari consuevit. Etiam Locum in Rhetoricâ per Nomen Dispositionis reperit. Verum Collocatio ejus in Famulatio aliarum Artium, in Causâ fuit, ut plura quæ ad ipsum spectant, cognitu utilia, prætermissa sint. Visum igitur est nobis, Doctrinam Substantivam & Principalem de Methodo, constituere, quam nomine generali Prudentiam Traditivam appellamus. Itaque Methodi Genera (cùm varia sint,) enumerabimus potius, quàm partiemur. Atque de unicâ Methodo, & Dichotomiis perpetuis, nil attinet dicere : Fuit enim Nubecula quædam Doctrinæ, quæ citò transiit : Res certè simul & levis, & Scientiis damnosissima. Etenim hujusmodi Homines, cùm Methodi suæ Legibus res torqueât, & quæcunq; in Dichotomias illas non aptè cadunt, aut omittant, aut præter Naturam inflectant, hoc efficiunt, ut quasi Nuclei & Grana Scientiarum exiliât, ipsi aridas tantum & desertas Siliquias stringant. Itaq; inania Compendia parit hoc genus Methodi, Solida Scientiarum destruit.

Constituatur igitur prima Differentia Methodi, ut sit aut Magistralis, aut Initiativa. Neque verò verbum Initiativa ita intelligimus, quasi hæc Initia Scientiarum tantum traderet, illa Doctrinam integram ; Verum contra (Vocabulum à Sacris mutuantes) eam dicimus Methodum Initiativam, quæ ipsa Scientiarum Mysteria recludet, & denudet : Magistralis siquidem docet ; Initiativa intimat : Magistralis poscit, ut fides habeatur iis quæ dicuntur ; Initiativa verò potius ut Examen subeant : Altera Scientias Discendum vulgo ; Altera tanquàm Filiis Scientiarum tradit : Denique, Altera pro fine habet, Scientiarum (quales jam sunt) usum ; Altera earundem Continuationem, & ulteriorem Progressum. Harum posterior, Via videtur Deserta & Interclusa. Ita enim adhuc Scientiæ tradi consueverunt, quasi ex pacto, tam docens quam Discens, Errores asciscere cupiant. Etenim qui docet, eo docet modo, quo maximè dictis suis Fides astruatur, non quo illa commodissimè Examine subiciantur : & qui discit, sibi extemplò satisfieri, non legitimam Disquisitionem præstolari expetit ; ut magis sit ei cordi, Non Dubitare, quam Non Errare. Ita ut & Magister, amore gloriæ infirmitatem Scientiæ suæ prodehere caveat, & Discipulus, Laboris odio, Vires proprias experiri nolit. Scientia verò, quæ aliis tanquàm Tela pertexenda traditur, Eadem Methodo (si fieri possit) animo aliterius est insinuanda, quàm primitivè inventa est. Atque hoc ipsum fieri sanè potest in Scientiâ, per Inductionem acquisitionem : Sed in Anticipatâ istâ & Præmaturâ Scientiâ (quâ utimur)

non

non facile dicat quis, quo itinere, ad eam quam nactus est Scientiam, pervenerit. Arramen sanè secundum Majus & Minus, possit quis Scientiam propriam revifere, & Vestigia suæ Cognitionis simul & Consensus remetiri; atque hoc pacto, Scientiam sic transplantare in Animum alienum, sicut crevit in suo. Arribus enim idem usuvenit quod Plantis: Si Plantâ aliquâ uti in animo habeas, de Radice quid fiat nil refert; si verò transfere cupias in aliud Solum, tutius est Radicibus uti quam Surculis. Sic traditio, (quæ nunc in usu est) exhibet planè tanquam Truncos (pulchros illos quidem) Scientiarum; sed tamen abique Radicibus, Fabro Lignario certè commodos, at Plantatori inutiles. Quod si, disciplinæ ut crescant, tibi Córdi sit, de Truncis minùs sis sollicitus; ad id curam adhibe, ut Radices illæ sæ, etiam cum aliquantulo Terræ adhærentis, extrahantur. Cujus quidem Generis Traditionis, *Methodus* Mathematicorum, in eo Subjecto, Similitudinem quandam habet; generatim autem non video quod aut in usu sit; aut quod quis Inquisitioni ejus dederit operam; proinde eam inter *Desideria* numerabimus, eamque *Traditionem Lampadis*, sive *Methodum ad Filios* appellabimus.

Sequitur aliud *Methodi* discrimen, priori Intentione affine, Reipsâ ferè contrarium. Hoc enim habet utraque *Methodus* commune, ut Vulgus Auditorum à Selectis separet; Illud oppositum, quod prior introducit modum Tradendi solito apertiore, altera, de quâ jam dicemus, occultiore. Sit igitur discrimen tale, ut altera *Methodus* sit *Exoterica*, altera *Acroamatica*. Etenim quam Antiqui adhibuerunt præcipuè in edendis Libris Differentiam; eam nos transferemus ad ipsum Modum Tradendi. Quinetiam *Acroamatica* ipsa apud veteres in usu fuit; atque prudenter, & cum judicio, adhibita. At *Acroamaticum* sive *Ænigmaticum* istud dicendi genus, posterioribus temporibus dehonestatum est, à plurimis, qui eo tanquam Lumine ambiguo, & fallaci abusi sunt, ad Merces suas Adulterinas extrudendas. Intentio autem ejus ea esse videtur, ut Traditionis Involucris, Vulgus (profanum scilicet) à Secretis Scientiarum summoveatur; atque illi tantum admittantur, qui aut per Manus Magistrorum, Parabolarum Interpretationem nacti sunt; aut proprio Ingenii acumine & subtilitate, intra velum penetrare possint.

Sequitur aliud *Methodi* Discrimen, magni prorsus ad Scientias Momenti; cum scilicet Scientiæ traduntur, aut per *Aphorismos*, aut *Methodicè*. Notatu enim in primis dignum est, in consuetudinem plerumque venisse, ut Homines ex pauculis Axiomatibus & Observationibus, in quovismodo Subjecto, Artem constituent quasi completam & solennem, eam Ingenii quibusdam Commentationibus suffarcinando, Exemplis illustrando, & *Methodo* revinciendo. At illa altera *Traditio* per *Aphorismos*, plurima secum fert Commoda, ad quæ *Traditio Methodica* non attingit. Primum enim de Scriptore Specimen dat, utrum ille levitèr & perfunctoriè Scientiam hauserit, an penitus imbibit. *Aphorismi* enim, nisi prorsus fòrent ridiculi, necesse est, ut ex Medullis & Interioribus Scientiarum, conficiantur. Abscinditur enim Illustratio & Exkursio; Abscinditur Varietas Exemplorum;

Abscinditur Deductio & Connexio; Abscinditur Descriptio Practicæ: ut ad Materiem *Aphorismorum* nihil relinquatur, præter copiam Observationum benè amplam. Igitur ad *Aphorismos* non sufficet quispian, imò de eis nec cogitabit sanè, qui se neutiquàm copiosè & solidè instructum ad scribendum perspexerit. At in *Methodis*;

—— *Tantum series juncturaque pollet,*

Tantum de medio sumptis accedit Honoris;

Ut Speciem Artis, nescio cujus, præclaræ, sæpenuerò reportent ea, quæ si solvantur, segregentur, & denudentur, ad nihilum ferè recasura fòrent. Secundò, *Tradio Methodica*, ad Fidem & Consensum valet; Ad Indicationes de Praxi minùs innuit; Siquidem Demonstrationem quandam in Orbe præ se fert, partibus se invicèm illuminantibus, idèòque Intellectui satisfacit magis; quia verò Actiones in Vitâ communi sparguntur, non ordine componuntur, idèò magis iisdem conducunt etiàm sparsa Documenta. Postremò, *Aphorismi*, cùm Scientiarum Portiones quasdam & quasi Frustra tantùm exhibeant, invitant, ut alii etiàm aliquid adjiciant & erogent; *Tradio verò Methodica*, dum Scientiam integram ostentat, securos illicò Homines reddit, quasi jam Summa adeptos.

Sequitur aliud *Methodi* Discrimen, magni & illud quoque momenti; cùm scilicet Scientiæ traduntur, aut per *Affertiones adjectis probationibus*, aut per *Quæstiones unà cum Determinationibus*. Hanc aurem posteriorem *Methodum* si immoderatius quis persequatur; Scientiarum Profectui non minùs illa officit, quam Fortunis & Progressibus Exercitùs cujuspian impedimento & damno fòret, si in minutis quibusque Castellis aut Oppidis expugnandis subindè hæreat. Etenim si quis in Acie sit superior, & summæ Belli sedulò incumbat, minora illa loca ultrò se submittent: Illud tamen inficias non ierim, Urbem aliquam magnam & munitam, à tergo relinquere, haudquaquàm semper tutum esse: Eodem modo, Confutationibus in Scientiarum Traditione temperandum, iisque parcè utendum; & ad hoc tantùm, ut majores Præoccupationes Animorum & Præjudicia frangantur; minimè autem ut leviores Dubitationes excitentur & provocentur.

Sequitur aliud *Methodi* Discrimen, ut scilicet *Methodus* sit *subjectæ materiæ quæ tractatur accommodata*. Alio enim modo traduntur Mathematica, (quæ sunt inter Scientias maximè Abstracta & simplicia;) alio Politica (quæ maximè sunt Immerfa & Composita.) Neque (ut jam diximus) *Methodus* uniformis in Materiâ multiformi commodè se habere potest. Equidèm quemadmodum *Topicas particulares* ad Inveniendum probavimus, ita & *Methodos particulares* ad Tradendum similiter aliquatenus adhiberi volumus.

Sequitur aliud *Methodi* Discrimen, in tradendis Scientiis cum judicio adhibendum. Illud autem regitur per Informationes, & Anticipationes de Scientiâ (quæ tradenda est) in Animis Discientium prius infusas & impressas. Aliter enim tradi debet Scientia, quæ ad Animos Hominum nova & peregrina prorsus accedit; aliter ea, quæ Opinionibus jam pridem imbibitis & receptis, est affinis & familiaris. Ideòque Aristoteles Democritum sugillare cupiens, reverà eum laudat;

si (inquit) seriò disputare velimus, non sectari Similitudines, &c. Id vitio vertens Democrito, quod in Comparationibus esset nimius. At illi, quorum Documenta in opinionibus Popularibus jam Sedes suas collocârunt, non aliud habent quod agant, nisi ut disputent & probent. Illis contrâ, quorum Dogmata Opiniones populares transcendunt, gemino labore opus est : primò ut intelligantur quæ afferunt ; deinde ut probentur : Ita ut necessum habeant confugere ad Auxilia Similitudinum & Translationum, quo se captui Hominum insinuent. Videmus igitur sub Infantiâ Doctrinarum, seculis rudioribus, cum Syllepses illæ, quæ jam factæ sunt vulgares & tritæ, novæ fuerant & inauditæ, omnia Parabolis & Similitudinibus plena fuisse. Aliàs evenisset, ut quæ proponebantur, aut absq; notâ seu attentione debitâ transmissa, aut pro Paradoxis rejecta fuissent. Etenim Regula quædâ est Traditivæ, quod *Scientia omnis quæ Anticipationibus sive præsuppositionibus non est consona, à Similitudinibus & comparationibus suppetias petere debeat.*

Atque de Methodorum diversis Generibus, hæc dicta sint ; iis videlicet, quæ antehac ab aliis notata non fuerunt : Nam quantum ad cæteras illas *Methodos, Analyticam, Systaticam, Diæreticam*, etiâ *Crypticam, Homericam*, & similes, rectè sunt ex inventæ & distributæ ; Neque causâ videtur, cur illis immoremur.

At *Methodi Genera* hujusmodi sunt, *Partes* autem duæ ; Altera de *Dispositione totius Operis vel Argumenti Libri* alicujus ; Altera de *Limitatione Propositionum*. Etenim ad Architecturam spectat, non solum Fabrica totius Ædificii, sed etiâ Efformatio & Figura Columnarum, Trabium, & similium. *Methodus* verò, veluti Scientiarum Architectura est. Atque hâc in Parte meliùs meruit Ramus, in optimis illis Regulis (*Καθὰς πρῶτον, κατὰ μέσος, κατ' αὐτὴν, &c.*) renovandis, quam in Unicâ suâ *Methodo & Dicotomiis* obtrudendis. Veruntamen nescio quo Fato fit, ut in Humanis (sicut sæpiùs fingunt Poetæ) *Rebus præiosissimis semper adhibeamur perniciosissimique custodes*. Certè Conatus Rami, circa illam Propositionum Limam, conjecit eum in Epitomas illas, & Scientiarum Vada. Auspicatò enim & felicitis cujusdam Genii ductu processerit oportet, qui *Axiomata Scientiarum convertibilia* facere attentaverit, & non simul ea reddiderit *Circularia*, aut in semet recurrentia. Conatum nihilo feciùs Rami in hâc parte utilem fuisse non inficiamur.

Super sunt duæ adhuc *Propositionum Limitationes*, præter eam ut fiant *Convertibiles* ; Altera de *Extensione* ; altera de *Productione* ipsarum. Sane habent *Scientia*, si quis rectè advertat, præter Profunditatem, alias duas Dimensiones ; Latitudinem scilicet, ac Longitudinem suam. Ac profunditas quidem ad ipsarum Veritatem & Realitatem refertur : Hæ enim sunt, quæ Soliditatem conferunt. Quantum ad reliquas duas, Latitudo accipi & computari potest de Scientiâ in Scientiam ; Longitudo verò sumitur à summâ Propositione ad imam in eadem Scientiâ. Altera fines, & veros Scientiarum Terminos complectitur, ut Propositiones propriè, non promiscuè tractentur ; & evitetur Repetitio, Excurio, denique Confusio omnis : Altera Normam præscribit, quousque & ad quem Particularitatis gradum, Propositiones Scientiarum

Scientiarum sint deducendæ. Sanè dubium non est, quin aliquid Exercitationi & Præctica sit relinquendum; Oportet siquidè *Antonini* Pivvium evitari, ne simus *Cymini Sædiores in Scientia*, neve Divisiones ad infima quæque multiplicemus. Itaque qualiter in hac Parte, nobis ipsi temperemus, Inquisitione planè dignum est. Videmus enim nimium Generalia (nisi deducantur) parùm informare, quin potius Hominum Præctorum ludibrio Scientias exponere, cum nihilo magis ad Præctam faciant, quam Chorographia Ortelii universalis, ad viam monstrandam, quæ Londino ducit Eboracum. Certè Regulæ optimæ, Speculis ex Metallo, non inscitè assimulantur, in quibus cernuntur utique Imagines, sed non antequàm expolita fuerint; Sic juvant demùm Regulæ & Præcepta, postquàm Exercitationis Limam subierint. Quod si tamen, usque à principio, Regulæ illæ fieri possint nitidæ, & quasi Crystallinæ, id optimum factu fôret, quandoquidè Exercitatione assiduâ minùs indigebunt. Atque de *Scientiâ Methodi* (quam *Prudentiam Traditionis* nominavimus) hæc dicta sint.

Neque tamen illud prætermittendum, quod nonnulli, viri magis tumidi quam docti, insudârunt circa *Methodum* quandam, legitimæ *Methodi* nomine haud dignam, cum potius sit *Methodus* Imposituræ; quæ tamen quibusdam Ardelionibus acceptissima proculdubiò fuerit. Hæc *Methodus* ita Scientiæ alicujus guttulas aspergit, ut quis sciolus, specie nonnullâ Eruditionis ad Ostentationem possit abuti. Talis fuit *Ars Lullii*; Talis *Typocosmia* à nonnullis exarata; quæ nihil aliud fuerunt, quam Vocabulorum Artis cujusque Massa & Acervus; ad hoc, ut qui Voces Artis habeant in promptu, etiàm Artes ipsas perdidicisse existimentur. Hujus generis Collectanea Officinam referunt Veteramentariam, ubi Præsemina multa reperiuntur, sed nihil quod alicujus sit pretii.

CAPUT III.

De Fundamentis & Officio Rhetoricæ. *Appendices tres Rhetoricæ, quæ ad Promptuariam tantummodò pertinent; Colores Boni & Mali, tam simplicis, quam Comparati: Antitheta Rerum: Formulæ minores Orationis.*



Enimus jam ad *Doctrinam de Illustratione Sermonis*: Ea est, quæ *Rhetorica* dicitur, sive *Oratoria*. *Scientia* certè & in se egregia, & egregiè à Scriptoribus exulta. Eloquentia autem, si quis verè rem æstimet, Sapientiâ proculdubiò est inferior. Videmus enim quanto intervallo hæc illam post se relinquat, in Verbis quibus allocutus est Mosem Deus, cum ille munus sibi delatum, propter Defectum Elocutionis recusasset; *Habes Aaronem, ille erit tibi Vice Oratoris, tu verò ei Vice Dei*. At fructu, & populari existimatione, Sapiencia Eloquentiæ cedit. Ita enim Salomon, *Sapiens corde appellabitur prudens, sed dulcis eloquio majora reperiet*. Haud obscurè innuens, Sapienciam Famam quandam,

dam, & Admirationem cuius conciliare ; at in rebus gerendis, & Vitâ communi, Eloquentiam præcipuè esse efficacem. Ad *Artem* verò hujus Culturam quod attinet ; Aristotelis erga Rhetores sui temporis Æmulatio ; atque Ciceronis studium acre & vehemens, illi nobilissimæ totis viribus incumbens, cum longo usu conjunctum ; in causâ fuerunt, ut in Libris suis de hac *Arte* conscriptis, seipso vice-
rint. Dein *Exempla* illa luculentissima hujusce *Arts*, quæ in *Orationibus Demosthenis & Ciceronis* habentur, Præceptorum acumini & diligentiae addita, profectus ipsius geminârunt. Quare, quæ in hac *Arte* desiderari invenimus, versabuntur potius in *Collectionibus* quibusdam, quæ tanquam Pedissequæ huic *Arti* præstò sint, quàm in *Disciplinâ & usu Artis* ipsius. Nam etiâ tum, cum *Promptuaria* cuiusdam inter *Logica*, mentionem faceremus, uberiora ejus rei *Exempla* in *Rhetoricis* polliciti sumus.

Veruntamen ut more nostro, circa Radices hujus *Arts*, Glebani paululùm aperiâmus & subigamus ; *Rhetorica* certè *Phantasiæ*, quemadmodum *Dialectica* *Intellectui* subservit. Estque, si quis altius rem penetrer, *Officium & Munus Rhetoricæ* non aliud, quam ut *Rationis discrimina phantasiæ applicet & commendet, ad excitandum Appetitum & voluntatem*. Regimen enim *Rationis*, impeti & perturbari videmus tribus modis ; Vel per *Illaqueationem Sophismatum*, quod ad *Dialecticam* pertinet ; vel per *Præstigias Verborum*, quod ad *Rhetoricam* ; vel per *Affectuum Violentiam*, quod ad *Ethicam*. Quemadmodum enim in *Negotiis*, quæ cum aliis contrahimus, vinci quis & perducì solet, vel *Astu*, vel *Imporunitate*, vel *Vehementiâ* ; ita etiâ in illâ *Negotiatione* internâ, quam nobiscum exercemus, aut *Argumentorum Fallaciis* subruimur, aut *Impressionum & Obversationum Assiduitate* sollicitamur & inquietamur, aut *Affectuum Impetu* concutimur & rapimur. Neque verò, tam infelicitè agitur cum Naturâ Humanâ, ut illæ *Artes & Facultates* ad *Rationem* deturbandam valeant, neutiquàm verò ad eandem roborandam & stabiliendam : Verùm ad hanc rem longè magis. Finis enim *Dialecticæ* est, docere Formam *Argumentorum*, ad Præsidia *Intellectus*, non ad *Insidias*. Finis itidem *Ethicæ*, *Affectus* ita componere, ut *Rationi* militent, non autem eam invadant. Finis denique *Rhetoricæ*, *Phantasiam* implere *Obversationibus & Simulachris*, quæ *Rationi* suppetias ferant, non autem eam opprimant. Abusus enim *Artis* ex obliquo tantùm interveniunt, ad Cavendum, non ad Utendum.

Quapropter in Platone summa fuit Iniquitas (licet ex non immerito erga *Rhetores* sui temporis odio orta) cum *Rhetoricam* inter *Artes Voluptarias* collocavit : Eam similem esse dicens *Coquinariæ*, quæ non minus *Cibos salubres corrumpet, quàm insalubres gratiores redderet, Condimentorum Varietate & Deliciis abutens*. Absit autem, ut *Oratio* non frequentius versetur, in *Rebus honestis ornandis, quàm in turpibus oblinendis* : Hoc enim ubique præstò est : Siquidem nemo est, quin honestius loquatur, quam aut sentiat, aut faciat. Sanè à Thucydide optimè notatum est, tale quidpiam solitum fuisse obijci *Cleoni* ; quod cum semper deteriore partem tueretur, in hoc multus esset, ut *Eloquentiam & Sermonis gratiam* carperet : Probè quippe

quippe cum sciret; de rebus sordidis & indignis, non posse quempiam pulchrè loqui; At de Rebus honestis, facillimè. Elegantè enim Plato (licet jam in Trivio decantetur) *Virtus si conspici daretur, ingentes sui Amores concitaret*: At *Rhetorica* Virtutem & Bonum depingit planè; & reddit quasi conspicuum. Cum enim in Corporeâ Effigie, illa Sensui monstrari nequeant, superest ut per Ornatum Verborum, Phantasiæ, repræsentatione, quantum fieri potest, vivâ, coràm sistantur. Siquidem Mos Stoicorum, meritò derisus est à Cicerone; qui concisis & argutis Sententiis & conclusionibus, virtutem Animis Hominum imponere satagebant; quæ res parvum habet cum Phantasiâ & Voluntate Consensum.

Porrò, si Affectus ipsi in ordinem compulsi, & Rationi prorsus morigeri essent; verum est, nullum magnoperè futurum, persuasivum & Insinuationum, quæ Aditum ad Mentem præbere possint, usum; sed satis fòre, si Res ipsæ nudè & simpliciter proponantur, & probentur. Verùm Affectus contrà, tantas Secessiones faciunt; quin etiam tantas turbas & Seditiones movent, (secundum illud,

——— *Video meliora, proboque,*

Deteriora sequor)

Ut Ratio prorsus in servitutem & Captivitatem abrepta fòret, nisi Eloquentiæ Suadà efficeret, quo minùs Phantasiâ à Partibus Affectuum staret; sed potiùs operâ ejus, fœdus ineatur inter Rationem, & Phantasiâ, contra Affectus. Notandum est enim, Affectus ipsos ad Bonum Apparens semper ferri, atque hâc ex parte aliquid habere cum Ratione commune: verùm illud interest; quod *Affectus intuentur præcipuè Bonum in præsentia*; Ratio *prospiciens in longum, etiam futurum, & in summâ*. Ideòque cum quæ in præsentia obversentur, impleant Phantasiâ fortius, succumbit plerunque Ratio, & subjugatur. Sed postquam Eloquentiâ, & Suasionum vi effectum sit, ut Futura & Remota, constituentur & conspiciantur tanquàm Præsentia, tum demùm abeunte in partes Rationis Phantasiâ, Ratio fit superior.

Concludamus igitur, non deberi magis vitio verti *Rhetoricâ*, quod deteriorem Partem cohonestare sciat; quam *Dialecticâ*, quod Sophismata concinnare doceat. Quis enim nescit, Contrariorum eandem Rationem esse, licet usu opponantur? Porro non eò tantùm differt *Dialecticâ* à *Rhetoricâ*, quod (ut vulgò dicitur) Altera instar Pugni, Altera instar Palmæ sit; (Alterâ scilicet pressè, Alterâ fusè tractet;) verùm multò magis, quod *Dialecticâ* Rationem in suis Naturalibus; *Rhetoricâ*, qualis in Opinionibus Vulgi sita est, consideret. Prudentèr igitur Aristoteles, *Rhetoricam* inter *Dialecticam*, & *Ethicam* cum *Politica*, collocat, cum ex utrisque participet. Siquidem Probationes & Demonstrationes *Dialecticæ*, universis Hominibus sunt communes; at Probationes & suasiones *Rhetoricæ*, pro ratione Auditorum variari debent; ut quis tanquàm Musicus, Auribus diversis se accommodans, sit demùm

Orpheus in Sylvis, inter Delphinus Arion.

Quæ quidem Applicatio, & Variatio Orationis (si quis ejus Perfectionem & Culmen desideret) eò usque extendi debet; ut si eadem ipsa

ipsa apud diversos Homines sint dicenda, apud singulos tamen aliis atque aliis verbis sit utendum. Quamquam hac parte Eloquentiæ (Politica scilicet & negotiosa, in privatis Sermonibus) maximos Oratores plerunque destitui certum sit; dum Ornatum & Formulas elegantes Orationis captantes, volubili illâ applicatione, & Characteribus Sermonum, quibus verius singulos uti consultius foret, excidunt. Certè, non abs re fuerit, circa hoc ipsum, de quo nunc dicimus, novam instituere Inquisitionem, eamque nomine *Prudentiæ Sermonis privati* indigere, atque inter *Desiderata* reponere: Rem certè, quam quò attentius quis recogitet, eò pluris faciet. Utrum verò hæc inter *Rhetorica*, an *Politica* collocetur, haud magni refert.

Descendamus modò ad *Desiderata* in hac *Arte*, quæ (ut antè diximus) ejus sunt generis, ut pro *Appendicibus* potius censerì debeant, quam pro *Portionibus Artis* ipsius; & pertinent omnia ad *Promptuariam*. Primò igitur non invenimus, qui Prudentiam illam, simul & Diligentiam Aristotelis, benè persecutus sit, aut suppleverit. Hic nimirum coepit colligere, *Signa popularia*, sive *Colores Boni ac Mali Apparentis, tam simplicis quam comparati*, qui sunt verè *Sophismata Rhetorica*. Sunt autem eximii Usus, præsertim ad Negotia, & Prudentiam Sermonis privati. Labores verò Aristotelis circa Colores istos in tribus claudicant; Primò, quod cum multi sint, paucos admodum recenscat; Secundò, quod *Elenchos* suos non habent adjunctos; Tertiò, quod videtur ille usum eorum ex parte ignorasse: Usus enim eorum, non magis ad Probandum, quam ad Afficiendum & Commovendum subservit. Complures siquidem loquendi Formulæ, quæ idem significant, variè tamen afficiunt: Nam longè fortitils penetrat, quod acuminatū est, quàm quod obtusum; licet in ipsâ percussione vires æqualitèr intendantur. Nemo est certè, qui non magis afficiatur, audiens, *Inimici tui de hoc miros triumphos agent*.

Hoc Ithacus velit, & magno mercentur Atreida;

Quam si simpliciter dicatur, *Hoc rebus tuis incommodabit*. Itaque Mucrones isti, & Aculei Sermonum, minimè sunt negligendi. Cum verò hanc rem, ut *Desiderata* proponamus, ex consuetudine nostrâ, illam *Exemplis* fulciemus; *Præcepta* enim minùs rem illustraverint.

Exempla Colorum Boni & Mali tam Simplicis

quam Comparati.

Sophisma.

I Quod laudant Homines & celebrant, Bonum; quod vituperant & reprehendunt, Malum.

Elenchus.

Fallit *Sophisma* quatuor modis; scilicet, Aut propter *Ignorantiam*; Aut propter *Malam Fidem*; Aut propter *Sindia & Factiones*; Aut propter *Ingenia Laudatorum & Vituperatorum*. Propter *Ignorantiam*; quid Vulgi Judicium ad Examen Boni & Mali? Melius Phocion, qui, cum populus ei præter solitum applauderet, quæ sivit, Num fortè deliquisset? Propter *Malam Fidem*; Laudantes enim & Vituperantes suam rem sæpius agunt, neque loquuntur ut sentiunt.

Laudat Venales qui vuli extrudere Merces.

Item,

Item, *Malum est, malum est*, (inquit Empior) sed cum recesserit, tum gloriabimur. Propter *Factiones*; Cuivis enim patet, consuescere Homines, eos qui suarum Partium sunt, immodicis efferre Laudibus; qui autem contrariarum sunt, infra Meritum deprimere. Propter *Ingenia*; Alii enim Naturâ facti sunt, & compositi, ad Adulationem Servilem; Alii contra Momi & tetrici; Ut laudando & vituperando, suis *Ingeniis* tantum obsecundent, parum de Veritate solliciti.

Sophisma.

2 Quod etiam ab Inimicis laudatur, magnum Bonum; quod verò etiam ab Amicis reprehenditur, magnum Malum.

Sophisma Fundamento hoc niti videtur; quod quæ ingratis, & contra Animi nostri Affectum, & propensionem loquimur, ea ipsa, vim veritatis à nobis extorquere, facile creditur.

Elenchus.

Fallit *Sophisma* propter *Astutiam*, tam *Inimicorum*, quam *Amicorum*. *Inimici* enim Laudes quandoque tribuunt, non invitè, nec à vi veritatis coacti; sed eas tamen diligentes, quæ Inimicis suis invidiam & pericula conflare possint. Itaque apud Græcos, superstitione quædam invaluit, ut crederent, si quis ab altero laudaretur, Animo malevolo, & proposito nocendi, *Naribus ejus Pusillam annasce solere*. Fallit iterum, quia Laudes interdum impertiunt *Inimici*, tanquam Præfatiunculas quasdam; ut postea liberiùs, & maliciosius calumniarentur. Ex alterâ parte, fallit etiam hoc *Sophisma* propter *Astutiam Amicorum*. Solent enim & illi vitia Amicorum interdum agnoscere, & prædicare; non quod aliqua vis Veritatis eos cogat, sed ea eligentes, quæ minimùm Amicos suos lædere possint: ac si cætera quidem, viri optimi essent. Fallit iterum, quia *Amici* quoque Reprehensionibus suis (sicut de *Inimici* laudibus diximus) tanquam præfatiunculis quibusdam utuntur, quò paulò post in laudes effusius excurrant.

Sophisma.

3 Cujus Privatio bona, id ipsum Malum; cujus Privatio mala, id ipsum Bonum.

Elenchus.

Fallit *Sophisma* duobus modis; Aut propter *Comparisonem Boni & Mali*; Aut propter *SucceSSIONem Boni ad Bonum, aut Mali ad Malum*. Propter *Comparisonem*; Si bonum fuerit Generi Humano, privari Esu Glandium, non sequitur, quod malus ille erat, sed *Dodona* bona, *Ceres* melior. Neque si malum fuit Populo Syracusano, Dionysio Seniore privari, sequitur quod Dionysius ille bonus fuerit, sed minùs malus quam Junior. Per *SucceSSIONem*; Etenim Privatio Boni alicujus non semper dat locum Malo, sed quandoque majori Bono; ut cum Flos decedit, Fructus succedit. Nec Privatio alicujus Mali dat semper locum Bono, sed interdum majori Malo. Nam sublato Inimico Clodio, Milo simul & Segetem Gloriæ perdidit.

Sophisma.

4 Quod Bono, aut Malo vicinum est, id ipsum, videtur Bonum aut Malum: quod verò remotum est à Bono, Malum; quod à Malo, Bonum.

Habet hoc ferè Rerum Natura, ut quæ Naturâ suâ convenient, etiam

Locis

Locis convenient; quæ verò contrariæ Naturæ sunt, etiam Intervallis distent: Cùm singula Amica sibi associare, Inimica summovere gaudeant.

Elenchus.

Sed fallit *Sophisma* tribus modis: Primò propter *Destitutionem*; secundò propter *Obscuracionem*; tertio propter *Protectionem*. Propter *Destitutionem*; Fit, ut quæ in suo genere amplissima sunt, & maxime excellent, omnia, quantum fieri potest, ad se trahant, & in vicino quæque posita destituant, ac quasi inedia conficiant. Itaque in propinquo Arborum grandium Virgulta nunquàm lata reperies. Rectè etiàm ille, *Dicitis Servi maxime Servi*. Nec malè cavillatus est qui inferius Famulitium in Aulis Principum, *Festorum vigilis* comparavit; quæ Festa sua in proximo attingunt, ipsæ autem Jejunii addicuntur. Propter *Obscuracionem*; Etenim & hoc habent, quæque, in suo genere, præstantissima; ut licet proxima non extenuent, aut destituant, tamen obscurant, & obumbrent. Quod etiàm de *Sole* notant Astronomi; quod sit scilicet *Aspectu* bonus, *Conjunctione* & *Approximatu* malus. Propter *Protectionem*; Nam non solum res coeunt & congregantur propter Consortium, & Naturæ similitudinem; sed etiàm Malum (præsertim in Civilibus) confugit ad Bonum, ut lateat, & protegatur. Itaque Scelerati Homines petunt *Asyla* Divorum; & Vitium ipsum se in Virtutis Umbram recipit;

Sæpè lateat vitium proximitate Boni.

Contrà & Bonum se aggregat ad Malum, non propter Consortiùm, sed ut illud convertat, & reformet in Bonum. Itaque & Medici; magis accedunt ad Ægrotos, quam ad Sanos; & Servatori nostro objectum est, quod *Conversaretur cum publicanis & peccatoribus*.

Sophisma.

5 Cui ceteræ Partes, vel *Secta*, *Secundas* unanimiter deferunt, (cùm singula Principatum sibi vendicent) melior reliquis videtur: Nam primas quæque ex *Zelo* videtur sumere, secundas autem ex vero & Merito tribuere.

Ita Cicero argumentatur *Sectam Academicorum*, quæ *Acatalepsiam* tenuit, *Philosophiarum* fuisse præstantissimam. Interrogatus enim (inquit) *Stoicum*, quæ *Secta* sit potior; ille suam ceteris anteponet: Deinde quæ secundas teneat, *Academicam* fatebitur. Age similiter cum *Epicturo* (qui *Stoici* vix aspectum toleraverit) postquam suam *Sectam* collocarit in summo, collocabit *Academicam* in proximo. Similiter, vacante Dignitate aliquâ, Princeps si Competitores singulos interrogaret, quem post se potissimum cõmendare vellent, Verisimile est, Secunda illorum vota, in eum qui præcipuè dignus, & optimè meritis fuerit, concursurâ.

Elenchus.

Fallit *Sophisma* propter *Invidiam*. Solent enim Homines, proximè post se, & Factionem suam, in eos inclinare & propendere, qui reliquorum maxime sine enerves & imbellès, quique eis minimum molestiæ exhibuerunt; in Odium illorum; qui illis plurimum insultarunt, aut in commodarunt.

Sophisma.

6 Cujus Excellentia vel Exuperantia melior, id toto genere melius.

Huc pertinent *Formulae* illæ usitatæ; Ne pervagemur in *Generalibus*: Conferamus particularem aliquem cum particulari, &c.

Elenchus.

Videtur hoc *Sophisma* satis nervosum; & magis *Dialecticum* quidam, quam *Rheticum*. Attamen interdum fallit. Primò, quia sunt Res haud paucæ, periculo plurimum obnoxia, quæ tamen, si evadant, cæteris antecellant. Ita ut Genere sint deteriores, quia sæpius periclitantur & exeidunt; Individuo autem Nobiliores. In hoc numero est *Gemma Martia*, de quâ Gallicum Adagium; *Filius Parisiorum, & Gemma Mensis Martii, si ex illis evadat unus, erit instar decem aliorum*. Adeò ut in Genere, *Gemma Maii Gemmæ Martii præstet*; sed tamen in Individuo, Optima *Gemma Martii optimæ Gemmæ Maii præferatur*. Fallit secundo, propter *Naturam Rerum*, in aliquibus *Generibus aut Speciebus magis æqualem, in aliquibus magis inæqualem*: Quemadmodum in observationem venit, *Climata Calidiora generalitèr Ingenia producere acutiora*; at in *Frigidioribus, Ingenia illa quæ eminent, etiã acutissimis Calidarum Regionum præstare*. Similitèr, in *Exercitiis compluribus, si Res Duello inter singulos transigeretur, fortassè ad unam Partem accederet Victoria*; si *Copiis universis, in alteram*. Etenim *Excellentiæ & Exuperantiæ casum recipiunt*; at *Genera Naturæ aut Disciplinæ reguntur*. Quinetiã in Genere, *Metallum Lapide pretiosius*; Attamen *Adamas præcellit Auro*.

Sophisma.

7 *Quod rem integram servat, Bonum; Quod sine receptu est, Malum: Nam se recipere non posse, Impotentia genus est; Potentia autem Bonum.*

Hinc confinxit *Æsopus Fabulam de duabus Ranis*; quæ in magnâ siccitate, cum *Aquæ ubique deficerent, deliberarunt, quid sibi demum agendum esset*: Prior autem; *Descendamus (inquit) in puteum profundum, neque enim verisimile est ibi Aquam defuturam*: Cui altera ita rege-rit; *Quin si fortè ibi quoquè Aqua deficiet, quomodo exinde rursus ascendere poterimus?* Firmamentum autem hujus *Sophismatis est*; Quod *Actiones Humanæ adeò sint incertæ, & Periculis expositæ, ut illud optimum videatur, quod plurima habeat Effugia*. Huc spectant *Formulae illæ, quæ in usu sunt; Obligatum planè & Obstrictum te reddes: Non tantum quantum voles, sumes ex Fortunâ, &c.*

Elenchus.

Fallit *Sophisma* primò, quia in *Actionibus humanis, fortuna urget, ut aliquid demum decernatur*. Etenim ut elegantèr à quopiam dictum est; *Etiã non Statuere, est aliquid Statuere*: Adeò ut sæpenuerò *Consilii Suspendio, pluribus nos implicet Necessitatibus*; quam si aliquid statuissemus. Videtur autem iste *Morbus quidam Animi, similis ei, qui reperitur in Ayaris*: Sed translatus à *Cupiditate retinendi Opes, ad Cupiditatem retinendi Arbitrium & Potestatem*. Siquidem *Avarus frui non vult, ne quid detrahat de Summâ*; Ita & hujusmodi *Scepticus nil exequi vult, ut omnia ei sint integra*. Fallit secundo, quia *Necessitas, & illud (quod aiunt) Iacta est alea, stimulos addit Animis*; sicut inquit ille, *Cæteris pares, necessitate certè superiores estis*.

Sophisma.

Sophisma.

8 *Quod quis culpâ suâ contraxit, majus Malum; quod ab externis imponitur, minus Malum.*

Hujus Rei Causâ est, quod Morsus Conscientiæ Adversâ conduplicet: Contrâ, Conscium sibi esse, quod culpâ quis vacet, magni præbet in Calamitate Solatium. Itaque Poetæ ea Pathemata maximè exaggerant, tanquam Desperationi propiora, ubi quis seipsum accuset, & scrutietur;

Seque unum clamat Causâque Caputque Malorum.

Contrâ Calamitates Virorum insignium, elevat & diluit Innocentiæ & Meriti Conscientia. Porro cùm Malum ab aliis intentetur, habet quivis, quod liberè conqueri possit; unde Dolores sui exhalent, neq; Cor suffocent: Etenim iis, quæ ab injuriâ Hominum profecta sunt, indignari solemus, aut ultionem meditari, aut denique Nemesein Divinam vel implorare, vel expectare: Quinetiâ, si à Fortunâ ipsâ inflictum quid sit, tamen datur quædam cum Fatis ipsis Expostulatio;

Atque Deos, atque Astra vocat crudelia Mater.

Contrâ, ubi quis Malum aliquod suâ Culpâ contraxerit, stimuli Doloris intrò vertuntur, Animumque magis vulnerant, & confodiunt.

Elenchus.

Fallit istud *Sophisma*, primò propter *Spem*, quæ Malorum magnum est Antidotum. Etenim Culpæ Emendatio, sæpè in nostrâ Potestate sita est; Fortunæ verò minimè. Itaque Demosthenes, non semel Cives suos hujusmodi Verbis affatus est; *Quod ad præterita pessimum, id ad futura optimum est. Quid hoc tandem sit? Hoc ipsum scilicet, quod vestrâ incuriâ & culpâ, res vestræ malè se habeant: Nam si vos officio vestro per omnia perfuncti essetis, & nihilominus Status vester, ut nunc, laborasset; ne spes quidem reliqua esset, cum futuram aliquandò meliorem. Cùm verò Errores vestri in causâ potissimum fuerint; confidendum planè, Vos illis emendatis, pristinum statum vestrum recuperaturos.* Similitèr Epictetus de Gradibus Tranquillitatis Animi verba faciens; Infimum locum illis attribuit, qui alios accusant; Superiorem iis, qui seipsos; Supremum verò illis, qui nec alios, nec seipsos. Fallit secundò, propter insitam Animis humanis *Superbiam*; quâ ægrè adducuntur Homines, ut Errores proprios agnoscant. Hoc verò ut evitent; Patientiam adhibent longè majorem, in iis malis, quæ culpâ suâ contraxerunt. Etenim, quemadmodum fieri videmus, ut cùm culpa admissa sit, neque de Auctore constiterit, supra modum excandescunt Homines & tumultuantur: Quod si postea in notitiam pervenerit, culpam illam ad Filium, aut Uxorem, aut Gratosum aliquem pertinere, statim sedantur turbæ & consilescunt: Eodem modo fit, cùm Res aliqua accidit, propter quam necessitas incumbit, culpam in nos ipsos recipiendi. Id quod in mulieribus sæpissimè conspicitur, quæ si quid infelicitèr egerunt, contra consensum Parentum, aut Amicorum, qualecunque Infortunium sequatur, illud sedulò dissimulabunt.

Sophisma.

9 *Gradus Privationis major videtur, quàm Gradus Diminutionis; &*

rursus, Gradus Inceptionis major videtur, quàm Gradus Incrementi.

Canon est in Mathematicis; Nullas esse Rationes Nihili ad Al'quid. Itaque Gradus Nullitatis, & Quidditatis, majores videntur Gradibus Incrementi, & Decrementi. Sicut Monoculo durius est, unum perdere Oculum, quàm utrunque Oculum habenti. Similiter, complures Liberos habenti, gravius est, ultimum, qui superstes fuerit, Filium amittere, quàm reliquos priores. Itaque & Sibylla, cum duos priores Libros combussisset, pretium tertii duplicavit. Siquidem illius Amissio Gradus fuisset Privationis, non Diminutionis.

Elenchus.

Fallit *Sophisma* primò, propter eas res, quarum Usus in Sufficienciâ quadam, sive Competentiâ; hoc est, Quantitate Determinatâ, consistit. Si quis enim obligetur pœnaliter, ad Solutionem certæ Pecuniæ Summæ, ad Diem certum; gravius ei fuerit, Nummo unico Aureo carere, quàm si, posito quod ille unicus parari non potuerit, deessent etiâ decem alii. Similiter in Decoctionibus Fortunarum, damnosior videtur Gradus Obærationis, qui primus Sortem minuit; quàm extremus, qui ad egestatem redigit. Hunc spectant Formulæ illæ usitatæ; *Sera in fundo Parsimonia: Parum interest, utrum nihil habeas, an quod nihil juceat, &c.* Fallit secundò, propter illud Principium in Naturâ, Quod Corruptio unius sui generatio alterius. Adcò ut Gradus ipse Privationis ultimæ, minùs interdum incommodet, quoniam Ansam & Stimulum præbet, novæ alicui Rationi ineundæ. Unde etiam Demosthenes sæpius conqueritur apud Cives suos; *Conditioes minus utiles, & honorificas, quas à Philippo imposuit subibant, nihil aliud esse, quàm Alimenta quædam ipsorum Ignavia & Socordia; ut multò iis fuisset satius illis omnino carere; propterea quod hoc pacto, Industria illorum melius acui possit ad alia paranda Remedia.* Novimus certè Medicum quendam; qui, Mulieribus delicatis, querentibus se malè habere, sed tamen à Medicamentis omnibus abhorrere, solebat dicere, non minus facetè, quàm morosè; *Vobis omnino opus est, ut deterius valeatis, quo Medicamenta, etiâ quælibet, libenter toleretis.* Quinetiâ ipse Gradus Privationis, sive indigentia ultimæ, salutaris esse possit, non tantum ad excitandam Industriam, verum etiâ ad imperandam Patientiam.

Quod ad secundum Membrum hujus *Sophismatis*, illud eodem, quo prius, Fundamento, (de Gradibus Quidditatis & Nullitatis,) niritur. Hinc tanta usurpantur, de Initiis Negotiorum, Præconia.

Dimidium facti, qui bene cœpit, habet, &c.

Hinc Astrologorum Superstitio, qui judicium faciunt, de Dispositione aut Fortunâ Hominis, ex Momento sive Articulo Nativitatis aut Conceptûs.

Elenchus.

Fallit *Sophisma* primò, quoniam in nonnullis, primæ Rerum Inceptiones, nihil aliud sunt, quàm quæ Epicurus, in Philosophiâ suâ, appellat *Tentamenta*; id est Rudimenta quædam; quæ nihili sunt, nisi iterentur, aut provehantur. Itaque in hoc casu, Gradus secundus dignior videtur & potentior, quàm primus: Quemadmodum in Plaustis, Equus qui penultimus est, plus confert ad Motum Plaustri quàm Primus.

Primus. Eriam non ineptè dici solet ; *Convitiū regesum, illud esse, quod pignus rei.* Prius enim fortassè prætervolaturum fuisset. Itaque prius *M. b. Principium dedit, sed posterius modum abstulit.* Fallit Sophisma secundò, propter Dignitatem Perseverantiæ ; quæ in progressu, non in Aggressu sita est. Etenim Causa, aut Natura, primum impetum progignere possunt ; at Affectus tantummodò maturus, & Judicium, Conitantiæ. Fallit tertio in iis rebus, quarum Natura & Cursus ordinarius in contrarium Rei inceptæ fertur. Ita ut prima Inceptio perpetuò evacuetur, nisi vires continuentur. Quemadmodum in formulis illis usuratis dicitur ; *Non progredi, est regredi : Et, Qui non proficit, deficit : Ut in Cursu in adversum Montis ; Remigatione in adversum Gurgiris : At contrà, si in declivi Montis Motus incipiat ; aut secundo Flumine Remigatio fiat ; tum Gradus Inceptus longè potiores Partes tenet.* Porro iste Color, non tantum extenditur ad *Gradum Inceptionis, qui sit à potentia ad Actum, comparatum cum Gradu, qui sit ab Actu ad Incrementum : Verum etiam ad Gradum, qui sit ab Impotentia ad potentiam, comparatum cum gradu, qui sit à potentia ad Actum.* Etenim Gradus, ab Impotentia ad Potentiam, major videtur, quam à Potentia ad Actum. Sophisma.

10 *Quod ad Veritatem refertur, majus est, quam quod ad Opinionem. Malus autem, & Probatio ejus, quod ad Opinionem pertinet, hæc est ; quod quis, si clampus are fore, facturus non esset.*

Ita pronunciant Epicurei, de Felicitate Stoicorum, in Virtute collocatâ ; quod similis sit Felicitati Histrionis in Scenâ ; qui si à Spectatoribus, & plausu eorum destitueretur, Animis statim concideret. Itaque Virtutem per ignominiam, *Bonum Theatrale* vocant. Aliter fit in Divitiis ; de quibus ille,

Populus me sibilat ; at mihi plaudo.

Idem in Voluptate,

*Grata sub imo
Gaudia Corde premeas, Vultu simulante Pudorem.*

Elenchus.

Fallacia hujus *Sophismatis* subtilior paulò est ; licet Responsio ad Exemplum, quod adducitur, facilis. Neque enim Virtus eligitur, *Propter Auram Popularem.* Cum etiam illud præceptum sit, *Vi quis maximè omnium seipsum revereatur.* Ita ut Vir bonus, idem fuerit in Solitudine, idem in Theatro. Licet fortè intendatur Virtus nonnihil per laudes, quemadmodum Calor augetur per Reflexionem. Sed hoc Suppositionem negat, non Fallaciam redarguit. *Elenchus* verò talis est. Dato, quod Virtus, (præsertim ea, quæ Labores & Conflictus subit) non eligeretur, nisi quod Laudes & Fama eam comitari solèant ; haud inde sequitur, quod Appetitus & Motus ad Virtutem, non sit præcipue propter se. Siquidem Fama possit esse, Causa tantum *Impulsiva*, aut *Sine qua non* ; neutiquàm *Efficiens*, aut *Constituens*. Exempli gratiâ ; Si duo fuerint Equi, quorum unus, Calcaribus non admotis, quævis haud segnitè præstaret : At alter, Calcaribus admotis, priorem longè superaret : Posterior iste (arbitror) Palmam referet, & pro Equo meliore judicabitur. Neque quenquam judicii sani commoverit Formula

illa ; *Apoge istum Equum, cujus Spiritus sui sunt in Calcaribus.* Quandoquidem enim Instrumentum Ordinarium Equitanti sit Calcar, neque ullo modo oneri aut impedimento ei sit ; non minoris propterea æstimandus est Equus, qui Calcare incitatur : Neque etiã ille alter, qui absque Calcaribus mira præstet, eo ipso melior, sed delicatior tantum habendus est. Similiratione, Gloria & Honor, Virtuti, pro Stimulis & Calcaribus, subserviunt : Ac licet Virtus, sine illis, paulò futura esset languidior ; tamen cum semper illa præstò sint ei, etiã non invitata ; nil officit, quò minùs Virtus propter se quoque expetatur : Itaque rectè redarguitur illa Positio ; *Nota ejus rei, quod propter Opinionem, & non propter Veritatem eligitur, hæc est, quod quis si clam putaret fore, facturum non fuisset.*

Sophisma.

II *Quod operâ & virtute nostrâ partum est, majus Bonum ; Quod ab alieno Beneficio, vel ab indulgentiâ Fortunæ delatum est, minùs Bonum.*

Causæ hujus Rei hæc sunt : Primò, propter *Spem de Futuro.* Siquidem in aliorum Gratiâ, aut Fortunæ ipsius Ventis secundis, non multum inest certitudinis ; Propria verò Industria, aut Virtus, semper Domi adsunt. Adeò ut, postquàm Boni quid nobis hoc modo paratum fuerit, maneant etiã eadem Instrumenta, in novos usus parata ; quin & consuetudine, & successu reddita validiora. Secundo, quia quod alieno Beneficio adipiscimur, ejus etiã aliis Debitores sumus ; cum, quæ per nos ipsi comparaverimus, nihil oneris secum trahant. Etiam si quid Indulgentia Divina in nos cumulaverit, retributionem quandam erga Dei Bonitatem efflagitat, quod Homines pravos & improbos mordet ; ubi in priore genere illud Prophetæ usu-veniat, *Lætantur, & exultant, immolant plagis suis, & sacrificant reti suo.* Tertiò, quia ea, quæ à Virtute nostrâ minimè profecta sunt, nulla sequitur Laus & Existimatio. Quæ enim Felicitatis sunt, Admirationem quandam pariunt, Laudem minimè. Sicut ait Cicero ad Cæsarem ; *Quæ miremur habemus, quæ laudemus expectamus.* Quartò, quia quæ Industriâ propriâ acquiruntur, cum Laboribus & Contentione ferè conjuncta sunt, quod nonnullam habet in se *Suavitatem* ; uti Salomon, *Suavis Cibus à Venatu.*

Elenchus.

At quatuor inveniuntur Colores oppositi, qui rem in contrariam partem inclinant, possintque esse prioribus instar *Elenchorum.* Primò, quia Felicitas videtur esse Signum quoddam, & Character Favoris Divini ; & propterea, tum in nobismetipsis Confidentiam & Alacritatem generat, tum apud alios Auctoritatem & Reverentiam. Felicitas autem ista etiã Fortuita complectitur, ad quæ Virtus ægrè aspirat ; Veluti cum Cæsar ad Navis Governatorem, Animos addendo, dixit ; *Cæsarem portas & Fortunam ejus.* Quod si dixisset, *Cæsarem portas, & virtutem ejus,* frigidum prorsus fuisset Solatium periclitanti in procellâ. Secundo, quia ea quæ à Virtute, aut Industriâ procedunt, sunt imitabilia, & aliis patent ; cum Felicitas sit Res inimitabilis, & Prærogativa quædam Hominis Individui. Itaque, in Genere videmus, Res naturales Artificialibus præponi, quia Imitationem non recipiunt. Quod enim imitabile est, potentiâ vulgatum est. Tertiò, quæ ex Felicitate pro-

veniunt,

veniunt, *Bona videntur gratuita, nec laboribus empta*; At quæ virtutè propriâ, Pretio veluti acquisita. Itaque eleganter Plutarchus, de Rebus Timoleontis, Hominis longè Fortunatissimi, cum Rebus Agesi-lai & Epaminondæ, qui uno ævo vixerunt, comparatis, dixit: *Illis Homeri Carminibus fuisse similes, quæ cum aliis excellant, spem etiam fluere videantur, & quasi Genium sapere.* Quartò, quia quod præter Spem, aut præter Expectatum contingit; gratius, & majore cum Voluptate in Ho-minum Animos influit. Illud verò neutiquam competit iis, quæ propriâ curâ, & ambitu comparantur.

Sophisma.

12. *Quod ex pluribus constat & Divisibilibus, est majus, quam quod ex paucioribus, & magis unum; Nam omnia per Partes considerata majora videntur: Quare & pluralitas Partium, Magnitudinem præ se fert: Forti-ùs autem operatur pluralitas partium, si Ordo absit: Nam inducit Similitu-dinem Infiniti, & impedit Comprehensionem.*

Sophisma istud videtur etiam primo intuitu fallax, & quasi palpabile: Siquidem, non pluralitas Partium tantum, sed Majoritas earundem po-terit constituere Totum auctius. Atramen abripit hoc ipsum *Sophisma* sæpius Phantasiam; quinetiam insidiatur Sensui. Etenim Aspectui ipsi brevior videtur via, in planitie, ubi nihil intercurrat quod Visum frangat; quam in tali Tractu Terræ, ubi simul conspiciuntur Arbores; aut Ædificia, aut aliud aliquod Signum, quod Spatium metiri & di-videre possit. Sic homini benè nummato, postquam Arcas suas, & Marsupia, diviserit, & digesserit, major etiam quam antea subit Di-vitiarum Phantasia. Habet etiam vim in Amplificationibus, si Res in plures Portiones dividatur, atque singulæ seorsum tractentur. Hoc verò adhuc magis Phantasiam implet, si fiat promiscuè, & sine Ordine. Confusio enim Multitudinis opinionem generat. Siquidem quæ ordine ostenduntur, aut proponuntur, tum ipsa magis finita apparent, tum certum præbent Argumentum, nihil esse prætermisum. At con-trà, quæ confusè repræsentantur, non solum in se numerosa putantur, sed & Suspicioni locum relinquunt, restare adhuc plura, quæ omit-tuntur.

Elenchus.

Fallit *Sophisma* primò, ubi quis ampliorem præceperit de Re aliquâ Opinionem, quam pro verâ Rei ipsius magnitudine. Etenim cum hoc fit, Distributio falsam illam Opinionem destruet, & rem in Veritate suâ, non autem cum Amplificatione, monstrabit. Itaque si quis Mor-bo, aut Dolore corripitur, Horæ longiores ei videbuntur, absque Ho-rogio, aut Clepsidrà, quam si iisdem mensurentur. Nam si Tædi-um & Vexatio Morbi, tempus videri longius faciunt, quam reverà est; at Computatio temporis errorem illum corrigit, & brevius facit, quam Opinio illa falsa conceperat. Etiam in Planitie, contrà quam supe-rius dictum est, aliquandò evenit. Licet enim visus in Principio viam ostendet breviorē sensui, quia indivisa est; ramen si ex eo obrepat o-pinio, de longè minori Intervallo, quam reperitur; Opinionis ejus vanæ Frustratio efficiet, ut videatur demum, etiam quam reverà est; productior. Itaque si quis Opinioni alicujus falsæ, de Magnitudine Rei

Rei cuiuspiam, velificari cupiat, caveat à Distributionibus, sed rem integram utique extollat. Fallit *Sophisma* secundò, si Distributio ea distrahatur, non autem simul obversetur, aut uno aspectu visum feriat. Itaque si Flores in Horto aliquo in plures Torulos distinguantur, majoris Quantitatis Speciem præbent, quam si omnes in uno Toro simul crescerent; Modò Toruli illi, oculis simul subiciantur; Aliter enim Unio Distributioni distractæ prævalebit. Sic Reditus eorum majores videntur, quibus Prædia & Latifundia sua vicina aut conjuncta sunt. Nam si sparsim sita sint, non veniunt tam facilè sub Aspectum. Fallit *Sophisma* tertio, propter Dignitatem Unitatis, supra Multitudinem. Omnis enim Compositio, Indigentia in singulis, Signum est certissimum; ubi illud usu venit,

Et quæ non prosunt Singula, Multa juvant.

Itaque Mariæ Partes potiores; *Mariha, Mariha, attendis ad plurima, unum sufficit.* Hinc illa Fabula Æsopi de Vulpe & Feli. Jactabat enim Vulpes, quantas Artes haberet, & Effugia, quibus se à Canibus eriperet; Felis autem se unico tantum confidere Auxilio dixit, utpote quæ tenuem Scandendi Facultatem haberet: Quod tamen reliquis illis vulpinis longè præstantius præsidium fuit: unde Adagium; *Multa novit vulpes, sed Felis unum magnum.* Quin etiàm in hujus Fabulæ significatione Morali idem cernitur: Nam potenti & fido Amico niti, plus præsidii habet, quam Artes & Astutiæ complurimæ.

Atque hæc Exempli loco sufficient. Superest autem nobis ejusmodi *Colorum* Numerus etiàm magnus, quos olim Adolescentes congestimus: attamen sine illustrationibus suis, atque *Elenchis*; Quos hoc tempore concinnare non vacat: Ideoque *Colores* illos nudos, absque illustrationibus suis, (cum superiores isti vestiti prodeant,) proponere, minimè nobis consentaneum videtur. Illud interim monemus, Rem istam, qualiscunque ea videri possit, haud parvi, judicio nostro, esse pretii: utpote quæ ex *Philosophiâ primâ*, & ex *Politica*, & ex *Rhetoricâ*, participet. Arque de *Signis Popularibus*, sive *Coloribus Boni ac Mali apparentis*, tam *Simplicis*, quàm *Comparati*, hætenus.

Secunda *Collectio*, quæ pertinet ad *Promptuariam*, & desideratur, ea est, quam Cicero (ut superius in *Logicâ* diximus) innuit; cum præcipit, ut in promptu habeantur *Loci communes*, in utramque partem, disputati & tractati. Quales sunt, *Pro verbis Legis*, & *Pro Sententiâ Legis*, &c. Nos verò hoc præceptum, etiàm ad alia extendimus; ut non solum ad Genus Judiciale, sed etiàm ad Deliberativum, & Demonstrativum adhibeatur. Omnino hoc volumus, *Locos* omnes, quorum frequens est usus, (sive ad Probationes & Refutationes; sive ad Suasiones & Dissuasiones; sive ad Laudes & Vituperia spectent;) meditados jam haberi; eosque ultimis ingenii viribus, & tanquàm improbè, & prorsus præter Veritatem attolli, & deprimi. Modum autem hujus *Collectionis*, tam ad usum, quam ad Brevitatem, optimum fore censemus, si hujusmodi Loci contrahantur, in Sententias quasdam acutas, & concisas; tanquàm Glomos quosdam, quorum Fila in fusiore

Discur-

Discursum, cum res postulat, explicari possint. Atque similem quandam Diligentiam, in Seneca reperimus, sed in Hypothesibus sive Ca-
libus. Ejus generis, cum plurima parata habeamus, aliqua ad Exem-
plum proponere visum est. Ea autem *Antitheta Retum* nominamus.

Exempla *Antithetorum*.

NOBILITAS. I.

Pro.

Quibus virtus à Genere penitus
insita est; ii jam non mali esse
nolunt, sed nequeunt.

Nobilitas Laureæ, quæ Tempus
Homines coronat.

Antiquitatem etiam in Monumen-
tis Mortuis Veneramur; quanto ma-
gis in Vivis?

Si Nobilitatem Familiarum con-
temnas, quæ tandem erit Differentia,
inter Sobolem Hominum, & Bruto-
rum?

Nobilitas Virtutem Invidiæ sub-
ducit, Gratiæ tradit.

Contra.

Raro ex Virtute Nobilitas; ra-
rius ex Nobilitate Virtus.

Nobiles Majorum deprecatione ad
Veniam sapientius vivuntur quam suffra-
gatione ad Honores.

Tanta solet esse Industria Homi-
num novorum, ut Nobiles præ illis tan-
quam Statuæ videantur.

Nobiles in Stadio respectant nimis
sæpè; quod mali Cursoris est.

FORMA. II.

Pro.

Deformes Naturam ulcisci solent.
Et Virtus nil aliud, quam Interna
Forma; & Forma nil aliud, quam
Externa Virtus.

Deformes se à Contemptu, per Ma-
litiæ unque suam vindicare cupiunt.

Forma Virtutes splendere facit, Vi-
tia rubere.

Con.

Virtus, ut Gemma Nobilis, me-
lius inseritur sine multo Auro, &
Ornatu.

Quod Vestis laeta Deformi, hoc
Forma improbo.

Similiter plerunque leces sunt, quos
Forma ornat, & quos moriet.

JUVENTUS. III.

Pro.

Præ Cogitationes, & Juvenum
Consilia, plus habent è Numine.

Senes sibi sapienti magis, aliis &
Reip. minus.

Si conspici daretur, magis defor-
mat Animos quam Corpora Senectus.

Senes omnia merentur, præter Deos.

Con.

Juvenus pœnitentiæ Campus.

Ingenitus est Juvenibus Senilis
Auctoritatis Contemptus; ut quisque
suo periculo sapiat.

Tempus, ad quæ Consilia non ad-
vocatur, nec rata habet.

Senibus Veneres mutantur in Gratiæ.

VALE-

VALETUDO. IIII.

Pro.

Cura Valeitudinis Animum humilem facit, & Corpori supplicem.

Corpus sanum, Hospes Animæ est; Aegrum, Ergastularius.

Nil tam Summas Actionum promoveat, quam prospera valetudo; at contra infirma, feriatur nimis.

Con.

Sapè Convalescere est sapè Invenescere.

Excusatio Valetudinis Polychrestæ; ad quam etiã Sani confugimus.

Nimis arctò fœdere Corpus Animæ jungit Sanius.

Et Lectus magna Imperia administravit; & Lectica magnos Exercitus.

UXOR & LIBERI. V.

Pro.

Charitas Reip. incipit à Familiâ.

Uxor & Liberi Disciplina quadam Humanitatis; at Cœlibes tetrici & severi.

Cœlibatus & Orbis ad nil aliud conferunt, quam ad Fugam.

Morti sacrificat, qui Liberos non procreat.

Cætera felices, in Liberis ferè infelices sunt: ne Divina Sorti inimicium appropinquent Homines.

Con.

Qui uxorem duxit & Liberos suscepit, Obsides Fortune dedit.

Generare, & Liberi, Humana sunt; Creare, & Opera, Divina.

Brutorum Aeternitas Soboles; Virorum Fama, Merita, & Instituta.

Oeconomica Rationes publicas plerunque evertunt.

Aliquibus Fortuna Priami placuit, qui suis omnibus superstes fuit.

DIVITIÆ. VI.

Pro.

Divitias contemnunt, qui despiciunt.

Invidia Divitiarum Virutem efficit Deam.

Dum Philosophi dubitant, utrùm ad Virutem an Voluptatem omnia sint referenda, collige Instrumenta utriusque.

Virtus per Divitias vertitur in Commune Bonum.

Cætera Bona Provinciale habent Administrationem, Divitiæ solæ Generalem.

Con.

Divitiarum magnarum, vel Custodia est, vel Dispensatio quadam, vel Fama; at nullus Usus.

Annon vides Lapillis, & id genus Deliciis, fingi pretia, ut possit esse aliquis magnarum Divitiarum Usus?

Muli dum Divitiis suis omnia venalia fore crediderunt, ipsi in primis venerunt.

Non aliud Divitias dixerim, quam Impedimenta Virutis: Nam Virutis, & necessariae sunt, & graves.

Divitiæ bona Ancilla, pessima Domina.

HONO-

HONORES. VII.

Pro.

Honores non Tyrannorum, (ut loquamur) sed Providentiæ Divinæ Calculi sunt.

Honores faciunt & Virtutes, & Vitia conspicua: Itaque illas provocant, hæc refranant.

Non novit quispiam, quantum in Virtutis Cursu profecerit, nisi Honores ei Campum præbeant apertum.

Virtutis, ut Rerum aliarum, rapidus Motus est ad Locum, placidus in Loco: Est autem Virtutis Locus Honos.

Con.

Dum Honores appetimus, Libertatem exuimus.

Honores dant ferè Potestatem earum Rerum; quas optima Condicio est Nolle, proxima non posse.

Honorum Ascensus arduus, Statio lubrica, Regressus præceps.

Qui in Honore sunt, vulgi Opinione mutuantur oportet, ut seipsos Beatos putent.

IMPERIA. VIII.

Pro.

Felicitate frui, magnum Bonum est; sed eam & aliis imperiri posse, adhuc majus.

Reges non Hominum instar, sed Astrorum sunt: Nam & in Singulos, & in Tempora ipsa, magnum habent influxum.

Qui Dei Vices gerunt, iis resistere, non tantum læsæ Majestatis Crimen est, sed Theomachia quadam.

Con.

Quam miserum habere, nil fere quod appetas, infinita quæ metuas.

Qui in Imperiis sunt, similes sunt Corporibus Cælestibus, quæ magnam Venerationem habent, Requiem nullam.

Nemo Humanæ Sortis ad Deorum Convivia admittitur, nisi ad Ludibrium.

LAUS, EXISTIMATIO. IX.

Pro.

Virtutis Radii reflexi Laudes.

Laus Honoris est, ad quem liberis Suffragiis pervenitur.

Honores à diversis Politiis conferuntur; sed Laudes ubique sunt Libertatis.

Pax Populi habet aliquid Divinum. Nam quomodo aliter tot Capita in unum conspirare possint?

Ne mireris, si Vulgus verius loquatur, quam Honoratiores; quia etiam tuius loquitur.

Con.

Fama deterior Iudex, quam Nuntia.

Quid Viro bono cum Salivâ vulgi?

Fama veluti Fluvius leviter attollit, Solida mergit.

Infimarum Virtutum apud Vulgus Laus est; Mediarum Admiratio; Supremarum Sensus nullus.

Laus magis ex Ostentatione, quam ex Merito: & Ventosis magis accedit, quam Realibus.

NATURA.

NATURA. X.

Pro.

Consuetudinis Progressus est Arithmeticus; Natura Geometricus.

Ut in Rebus publicis, se habent Leges Communes erga Consuetudines; eodem modo in singulis se habet Natura ad Consuetudinem.

Consuetudo contra Naturam, quasi Tyrannis quaedam est: & cito, ac levi occasione corrumpitur.

Con.

Cogitamus secundum Naturam; Loquimur secundum Præcepta; sed Agimus secundum Consuetudinem.

Natura Pedantius quidam est; Consuetudo Magistratus.

FORTUNA. XI.

Pro.

Virtutes apertæ Laudes parium, occulta Fortunæ.

Virtutes Officiorum Laudes parium, Facultatum Fortunæ.

Fortuna veluti Galaxia; hoc est, Nodus quarundam obscurarum Virtutum, sine Nomine.

Fortuna saltem ob Filias suas honoranda est; Confidentiam felicitatis, & Auctoritatem.

Con.

Stultitia unius, Fortuna alterius. In Fortunâ illud præcipue laudaverim, quod cum non eligat, non in-eatur.

Viri Magni, dum Invidiam Virtutum suarum declinârunt; inter Fortuna Cultores reperi sum.

VITA. XII.

Pro.

Absurdum est Accidemia Viæ magis amare, quam vitam ipsam.

Præstat ad omnia, etiam ad Virtutem, Curriculum longum, quam breve.

Absque Spatiis Viæ majoribus, nec perficere datur, nec perdiscere, nec pœnitere.

Con.

Philosophi, dum tantum Apparatum adversus Mortem colligunt, ipsam magis timendam effecerunt.

Mortem Homines timent, quia nesciunt, ut Pueri Tenebras.

Non invenias inter Humanos, Affectum tam pusillum, qui si intendatur paulo vehementius, non Mortis Metum superet.

Mori velle, non tantum Fortis, aut Miser, aut Prudens, sed etiam Fastidiosus potest.

SUPERSTITIO. XIII.

Pro.

Qui zelo peccant, non probandi,

sed

Con.

Ut Simia, Similitudo cum Homine,

sed tamen amandi sunt.

Mediocritates Moralibus debentur; Extremitates Divinis.

Superstitiosus Religiosus Designatur.

Fabulosissima quæque Portenta cuiusvis Religionis, citius crediderim, quam hæc omnia sine Numine fieri.

ne, Deformatatem addit; ita Superstitio, Similitudo cum Religione.

Quale Odium est Affectationis in Civilibus, tale Superstitionis in Divinis.

Præstat nullam habere de Diis Opinionem, quam contumeliosam.

Non Epicuri Schola, sed Stoa; veteres Respublicas perturbavit.

Non cadit in Mentem Humanam, ut sit merus Atheistæ Dogmatæ; sed magni Hypocritæ, sunt veri Atheistæ; qui Sacra perpetuo contrectant, sed nunquam verentur.

SUPERBIA. XIII.

Pro.

Superbia etiam Vitiis infociabilis; atque ut Venenum Veneno; ita haud pauci Vicia Superbiæ expelluntur.

Facilis, etiam alienis vitiis obnoxime est; Superbus tantum suis.

Superbia, si ab aliorum contemptu, ad sui contemptum ascendet, fiet deum Philosophia.

Con.

Hedera Virtutum ac Bonorum omnium Superbia.

Cætera Vicia Virtutibus tantum contraria; Superbia Sola contagiosa.

Superbia optimam Vitiarum conditione caret, id est, Latebris.

Superbus, cum ceteros contemnit, se interim negligit.

INGRATITUDO. XV.

Pro.

Crimen Ingrati Animi, nil aliud est, quam perspicacia quadam, in Causam Beneficii collari.

Dum grauius erga quosdam esse volumus; nec cæteris Iusticiam præstamus, nec nobis ipsis Libertatem.

Beneficii gratia eo minus reddenda est, quod de pretio non constat.

Con.

Crimen Ingrati Animi, non Supplicii coercetur, sed Furiis permittitur.

Arctiora sunt Vincula Beneficiorum quam Officiorum; quare, qui ingratus, injustus, & omnia.

Ea est Conditio Humana. Nemo tam publicam Fortunam natus est, quin privatae & Gratiæ, & Vindictæ, se omnino debeat.

INVIDIA. XVI.

Pro.

Naturale est Exprobrationem Fortune sue odiss.

Invidia in Rebus pub. tanquam salubris Ostracismus.

Con.

Invidia Festos Dies non agit.

Nemo Viriui Invidiam reconciliaverit præter Mortem.

Invidia Virines Laboribus exercet, ut Iuno Herculem.

IM-

Sff

Peßima

IMPUDICITIA. XVII.

Pro.

*Zelotypia debetur, quod Castitas
sit facta Virtus.*

*Multâ Tristitiâ opus est, ut quis
Venerem remseriam putet.*

*Quid vel Diata Partem, vel Mun-
ditiâ Speciem, vel Superbiâ Filiam,
inter Virtutes collocas?*

*Amorum; ut Avium Sylvestrium;
nulla Proprietas est, sed lus possessione
transfertur.*

Con.

*Pessima Circes Transformatio Im-
pudicitia.*

*Impudicus prorsus Reverentiam
sui perdidit; quod Frænum est omni-
um Vitiatorum.*

*Omnes ut Paris, qui Formæ Op-
tionem faciunt, Prudentia & Poten-
tiâ jaâuram faciunt.*

*In Veritatem non vulgarem incidit
Alexander; cum Somnum & Vene-
rem, Moris Arrhabones esse dixit.*

CRUELITAS. XVIII.

Pro.

*Nulla Virtutum tam saepe rea est,
quam Clementia.*

*Crudelitas, si à Vindictâ est, Iusti-
tia est, si à periculo, prudentia.*

*Qui Misericordiam Inimico im-
perii, sibi denegat.*

*Non sapius Phlebotomia necessaria
sunt in Curationibus, quam Cades in
Civilibus.*

Con.

*Cadibus grassari; aut Feræ, aut
Furiæ est.*

*Crudelitas Viro bono semper fabu-
losa esse videtur, & Fictio Tragica.*

GLORIA VANA. XIX.

Pro.

*Qui suas Laudes appetit, aliorum
simul appetit Vilitates.*

*Qui tam Sobrius est, ut nihil alie-
num curet, vereor ne & publica aliena
putei.*

*Ingenia in quibus aliquid inane
est, facilius Curam Reipub. recipi-
unt.*

Con.

*Gloriosi semper Fastiosi, Menda-
ces, Mobiles, Nimii.*

Thraso Gnathonis Præda.

*Turpe est Proco sollicitare Ancil-
lam: est autem Virtutis Ancilla Læus.*

IUSTITIA. XX.

Pro.

*Imperia & Politia, Iusticia tan-
tium Addimenta sunt: Si enim Iu-
sticia aliter possit exerceri, illis mi-
nimè fuerit Opus.*

Iusticia

Con.

*Si hoc est justum esse; Quæ tibi
fieri nolis, ea alteri non facere, Clemen-
tia demum Iusticia est.*

*Si suum cuique tribuendum est,
certè*

Iusticie debetur; quod Homo Homini sit Dux, non Lupus.

Iusticia eisi Vitia tollere non possit, tamen hoc efficit, ut non ledatur.

certè & Venia Humanitati.

Quid mihi Aequitatem narras, cum sapienti omnia inæqualia sint?

Considera qualis Reorum Conditiō fuerit apud Romanos, & pronuncia Iusticiam ē Repub. non esse.

Vulgaris ista Iusticia Politiarum, Philosophus in Aula: hoc est, facit tantum ad Reverentiam Imperantium.

FORTITUDO. XXI.

Pro.

Nil terribile nisi ipse Timor.

Nil aut in Voluptate solidum, aut in Virtute munitum, ubi Timor infestat.

Qui Pericula apertiis oculis intuetur, ut excipiat, advertit & ut evitet.

Ceteræ Virtutes nos à Dominatū liberant Vitiōrum; Fortitudo sola à Dominatū Fortunæ.

Con.

Præclara virtus velle perire ut perdas.

Præclara Virtus quam etiā Ebrietas inducit.

Vita suæ prodigium, alienæ periculosum.

Virtus Ferreæ Aetatis Fortitudo.

TEMPERANTIA. XXII.

Pro.

Eadem ferè vis Abstinenti & Sustinendi.

Uniformitates, Concordiæ, & Mensuræ Motuum, cœlestia sunt, & Characteres Aeternitatis.

Temperantia, velut Frigora salubria; Animi vires colligit & firmat.

Exquisiti & vagi Sensus, Narcoticis indigent; similiter & Affectus.

Con.

Negativa istæ Virtutes non placent: nam Innocentiam præstant, non Merita.

Languet Mens quæ Excessibus caret.

Amo Virtutes, quæ Excellentiam Actionis inducunt, non Hebetudinem Passionis.

Cum Consonantes Animi Motus ponis, paucos ponis: Nam Pauperis est numerare Pecus.

Ista (Non uti ut non appetas; Non appetere ut non timeas) pusillanimitatis sunt & diffidentis.

CONSTANTIA. XXIII.

Pro.

Basis Virtutum Constantia.

Miser est, qui qualis ipse futurus sit, non novit.

Imbe-

Con.

Constantia, ut lætitiæ morosa; multa vitia Indicia abigit.

Æquum est, ut Constantia Res adversas

De Augmentis Scientiarum.

Imbecillitas Humani Iudicii, rebus ipsis constare non potest; quare saltem sibi constet.

Etiâ Vitiis decus aspirat Constantia.

Si ad Fortune Inconstantiam, arcedat etiâ Inconstantia Mentis, inquantis Tenebris vivitur?

Fortuna, tanquàm Proteum, si perseveres, ad Formam redit.

adversus bene toleret, nam ferè inducit.

Stultitia brevissima optima.

MAGNANIMITAS. XXIIII.

Pro.

Si Animus semel generosos Fines optaverit, statim non modò Virtutes circumstant, sed & Numina.

Virtutes ex Habitu, aut Præceptis, gregales sunt; ex Fine, Heroicæ.

Con.

Magnanimitas est Virtus poetica.

SCIENTIA, CONTEMPLATIO. XXV.

Pro.

Ea demùm Voluptas est secundum Naturam, cujus non est Satietas.

Dulcissimus Prospectus in, Errores aliorum subiacentes.

Quam bonum est Orbem Mentis habere Concentricos Universo?

Omnes Affectus pravi, falsæ estimationes sunt; atque eadem sunt Bonitas & Veritas.

Con.

Contemplatio, speciosa Inertia.

Bene Cogitare, non multò melius est, quam bene Somniare.

Orbem Numen curat, tu patriam.

Vir Politicus etiâ Contemplationes serit.

LITERÆ. XXVI.

Pro.

Si de Rebus minutis, Libri scripti fõrent, vix ullus esset Experientiæ Usus.

Lectio est Conversatio cum Prudentibus; Actio ferè cum Stultis.

Non inutiles Scientiæ existimandæ sunt, quarum in se nullus est usus, si Ingenia acuant, & ordinent.

Con.

In Academiis discunt Credere.

Quæ unquàm Ars docuit, temperum Artis Vsum?

Sapere ex Regulâ, & ex Experientiâ, planè contrariæ rationes sunt; ut qui alteri assuesfactus sit, ad alterum sit ineptus.

Artis sapissimè ineptus usus est, ne sit nullus.

Hoc ferè omnes Academici habent, ut ex qualibet re, soleant agnoscere, quod sciant, & non addiscere, quod nesciant.

P R O M P-

PROMPTITUDO. XXVII.

Pro.

Opportuna Prudentia non est, quæ celeris non est.

Qui citò errat, citò Errorem emendat.

Qui ex composito; & non obiter prudens est, nil magni facit.

Con.

Prudentia non aliè petitur, quæ præstò est.

Prudentia, ut vestis, levis, quæ expedita.

Cujus Consilia non maturas Deliberatio, nec Prudentiam Aet.

Quæ ad breve Tempus excogitantur, ad breve Tempus placent.

TACITURNITAS IN SECRETIS. XXVIII.

Pro.

Taciturno nil reticetur; quia Opinia citò communicantur.

Qui facile loquitur quæ scit, loquitur & quæ nescit.

Secretis etiã Myſteria debentur.

Con.

Varietas Morum optimè Animum collocat in Secreto.

Taciturnitas Confessoris Virtus.

Taciturno omnia reticentur; quia Silentium rependitur.

Tectus, ignoto proximus.

FACILITAS. XXIX.

Pro.

Amo Virum alieno. Affectui obnoxium, sed tamen Iudicium ab obsequio revocantem.

Flexibilem esse, ad Naturam Auri proximè accedit.

Con.

Facilitas, Iudicii quædam inepta Privatio.

Faciliùm Beneficia, Debita videntur; Negationes, Injuria.

Sibi gratiam habet, qui à Facili aliquid impetrat.

Facilem omnes Difficultates premunt, nam omnibus se implicat.

Facilis ferè se recipit cum pudore.

POPULARITAS. XXX.

Pro.

Prudentibus eadem ferè placent, ac Stultorum varietati occurrere, prudentia est.

Colere populum, est Coli.

Qui ipsi magni Viri sunt, neminem unum ferè habent, quem vereantur, sed Populum.

Con.

Qui valdè cum stultis congruit, ipse suspectus esse potest.

Qui Turba placet, ferè & Turba miscet.

Nil moderatum Vulgo grauitur.

Infima Assentatio est Assentatio vulgi.

Lo- S s s ;

Silen-

LOQUACITAS. XXXI.

Pro.

Qui silet, aut alios habet pro suspectis, aut suspectus est ipse sibi.

Custodiæ omnes infelices, miserrima Silentii.

Silentium stultorum Virtus: Itaque rectè ille Silenti: Si Prudens es, stultus es; si stultus, Prudens.

Silentium, veluti Nox, Insidiis opportunum.

Cogitationes in Profluente sanissima.

Silentium Solitudinis Genus.

Opinionem se venditat, qui silet.

Silentium, nec pravas Cogitationes egerit, nec bonas distribuit.

Con.

Silentium Verbis, & Gratiæ addit, & Auctoritatem.

Silentium, veluti Somnus quidam, alit Prudentiam.

Silentium Fermentatio Cogitationum.

Stilus Prudentiæ Silentium.

Silentium ambit Veritatem.

DISSIMULATIO. XXXII.

Pro.

Dissimulatio compendiaria Sapientia.

Non idem dicere, sed idem spectare debemus.

Etiã in Animo deformis Nuditatis.

Dissimulatio & Decorum est, & Præsidium.

Sepes Consiliorum Dissimulatio.

Aliqui Bono suo falluntur.

Qui indissimulanter omnia agit, æquè decipit: nam plurimi, aut non capiunt, aut non credunt.

Indissimulatio nihil aliud, quam Animi Impotentia.

Con.

Cum cogitare secundum Rerum Veritatem non possumus; at loquamur secundum cogitationem.

Quibus Artes Civiles supra Caput ingenii sunt, iis Dissimulatio pro Prudentiâ erit.

Qui dissimulat, præcipuo ad Agentium Instrumento se privat; i. Fide.

Dissimulatio Dissimulationem invit.

Qui dissimulat, liber non est.

AUDACIA. XXXIII.

Pro.

Docet improbare qui verecundatur.

Quod Atro Oraiori, id Audacia Viro Civili; Primum, Secundum, Tertium.

*Consistentem Verecundiam amo, ac-
cusantem odi.*

Con.

Audacia Stultitiæ Viator.

*Inverecundia inutilis nisi ad Im-
posturam.*

*Confidentia Stultorum Imperatrix,
Prudentium Scurra.*

*Audacia est Stupor quidam Sensus,
cum Malitiâ voluntatis.*

Con-

Cere-

Confidentia Morum Animos promptius faciat.

Placet obscurus Vultus, & perspicua Oratio.

CEREMONIÆ. PUNTO. AFFECTATIO. XXXIIII.

Pro.

Vultus & Gestus decora Moderatio, verum Condimentum Virtutis.

Si & in Verbis vulgo paremus, quid ni in Habitu, & Gestu?

Qui in Levibus, & quotidiana Consuetudine, decus non retinet, sit licet Vir magnus, nōris tamen hunc tantum certus Horis sapere.

Virtus, & Prudentia, sine Punctis, velut peregrinæ Linguae sunt; nam vulgō non intelliguntur.

Qui vulgi Sensum, per Congruitatem non novit, is si nec per Observationem noverit, omnium Stultissimus est.

Puncti, Translatio sunt Virtutis in Linguam Vernaculam.

Con.

Quid deformius, quam Scenam in Vitam transferre?

Ex ingenuitate Decorum, ex Arte Odium.

Magis placent Cerussata Bucca, & Calamistrata Coma, quam Cerussati & Calamistrati Mores.

Qui Animum ad tam exiles Observationes applicat, magnæ Cogitationis Capax non est.

Affectatio, Ingenuitatis Putredo lucens.

JOCI. XXXV.

Pro.

Oratorum Ara Iocus.

Qui in omnibus modestum Leporem miscet, Libertatem Animi retinet.

Res est supra Opinionem Politicā; facile transire à loco ad Serium, à Serio ad Iocum.

Veritatis aliās non perveniunt a sapē vehiculum Iocus.

Con.

Istos Deformatum ac Concinnatum Aucupes, quis non contemnat?

Rerum Magnitudinem eluere joco, improbum Artificium est.

Iocos tum considera, cum Risu destituti sunt.

Facetii isti ferē non peneirant ultra superficiem Rerum; ubi Ioci Sedes est.

Vbi Iocus ad Seria Momenti aliquid habet, ibi Levitas puerilis est.

AMOR. XXXVI.

Pro.

Annon vides omnes se quarere? ac Amans solus se invenit.

Non est melior Ordinatio Animi; quam ex Imperio Affectus alicujus insignis.

Quid

Con.

Amori multum debet Scenā; nihil Vita.

Nili tam varii Nominis est quam Amor: Nam Res, aut iam Stultia est; ut se nesciat, aut iam turpis, ut se

De Augmentis Scientiarum.

*Qui sapit, Desiderium querat: se fuso condar.
nam qui non aliquid insigniter appe-
rit, ei omnia ingrata sunt, & radio
plena.*

*Odi istos Mono-Phronistas.
Angusta admodum Contemplatio
Amor.*

Quidni in Unitate acquiescat Unus?

AMICITIA. XXXVII.

Pro.

*Eadem facit Amicitia, quæ For-
tuito, sed suavis.*

*Suave Condimentum omnium Bo-
norum Amicitia.*

*Pessima Solitudo, non veras habere
Amicitias.*

*Digna male Fidei Vltio, Amicitias
privari.*

Con.

*Qui amicitias arctas copulat, no-
vas Necessitates sibi imponit.*

*Animi imbecilli est, Partiri For-
tunam.*

ADULATIO. XXXVIII.

Pro.

*Adulatio magis ex More, quam ex
Maliâ.*

*Laudando instituere, semper For-
mula fuit, debita Potentioribus.*

Con.

Adulatio Stilus Servorum.

Adulatio Calx Vitiorum.

*Adulatio Auctupii illud genus, quod
similitudine vocis, Aves fallit.*

*Adulationis Deformitas Comica,
Nocuentum Tragicum.*

Auribus mederi difficillimum.

VINDICTA. XXXIX.

Pro.

*Vindicta Privata Iustitia agre-
stis.*

*Qui vim rependit, Legem tantum
violat, non Hominem.*

*Utilis Metus ultionis privata;
Nam Leges nimium sapè dormi-
unt.*

Con.

*Qui Injuriam fecit, Principium
Malo dedit; qui reddidit, Modum
abstulit.*

*Vindicta, quod magis Naturalis, eò
magis coercenda.*

*Qui facile Injuriam reddit, is
fortassè tempore, non voluntate poste-
rior erat.*

INNOVATIO. XL.

Pro.

Omnis Medicina Innovatio.

*Qui nova Remedia fugit, nova
Mala opperitur.*

*Novator maximus Tempus:
quidni*

Con.

Novi Partus deformes sunt.

*Nullus Auctor placet, præter Tem-
pus.*

*Nulla Novitas absque Injurîâ;
nam*

quidni igitur Tempus imitemur?

Exempla remota inepta sunt; Re-
centia corrupta & ambitiosa.

Imperitis & Conventiosis permit-
te, ut ad Exempla Res agant.

Sicut qui nobilitatem, in Familiam
introducunt, digniores ferè sunt. Po-
steris: ita Novationes Rerum plerun-
que præstam iis, quæ ad Exempla
sunt.

Morosa Morum retentio, res turbu-
lenta est, æque ac Novitas.

Cum per se Res mutantur in dete-
rius, si Consilio in melius non muten-
tur, quis finis erit Mali?

Moris Servi, Temporis Ludibria.

nam presentia convellit.

Quæ usu obtinere, si non bona, ac
saltem apta inter se sunt.

Quis Novior Tempus imitatur;
quid Novationes ita insinuat, ut sen-
sus fallant?

Quod præter Spem evenit, cui pro-
dest, minus acceptum, cui obest, magis
molestum.

MORA. XLII.

Pro.

Fortuna multa festinanti vendit,
quibus morantem donat.

Dum Initia Rerum amplecti pro-
peramus, umbras prensamus.

Fluctuantibus rebus advertendum,
inclinantibus agendum.

Prima Actionum Argo commit-
tenda sunt, extrema Briarco.

Con.

Occasio primum Ansam Vasis por-
rigit, deinde Ventrem.

Occasio instar Sibyllæ minuit Ob-
latum; pretium augeat.

Celeritas Orci Galea.

Quæ maturè sunt, iudicio sunt;
quæ serò, per ambitum.

PRÆPARATIO. XLIII.

Pro.

Qui parvis Copiis rem magnam
aggrediatur, singit Opportunitatem, ut
speret.

Parvis Apparatibus non Fortuna,
sed Prudentia emitur.

Con.

Optimus Terminus parandi, prima
Occasio agendi.

Nemo speret se Fortunam Appara-
tu ligare posse.

Alteratio Apparatus & Actionis,
Politica sunt: Distinctio iumida &
infelix.

Magnus Apparatus prodigus &
Temporis, & Rerum.

PRINCÍPIIS OBSTARE. XLIII.

Pro.

Plura Pericula fallunt, quam vin-
cunt.

Minus Operis est Periculo Remediū
adhibere,

Con.

Docet Periculum progredi, qui
accingitur, & periculum figit re-
medio.

Etiā

De Augmentis Scientiarum

adhibere, quam Progressum ejus ob-
servare & custodire.

Non jam leve est Periculum, si leve
videatur.

Etiā in remediis Periculorum,
levia Pericula subsistunt.

Præstat cum paucis Remediis, quæ
invaluerunt, rem habere; quam cum
Minis singulorum.

CONSILIA VIOLENTA. XLIIII.

Pro.

Qui lenem istam Prudentiam am-
plectuntur, iis Augmentia Mali salu-
bria sunt.

Necessitas, quæ violenta consulit,
eadem exequitur.

Con.

Omne Remedium Violentum, præ-
gians novi Mali.

Violenta Consilia Nemo dat, præter
Iram & Metum.

SUSPICIO. XLV.

Pro.

Diffidentia Nervi Prudentiæ; ac
Suspicio Medicamentum arthriti-
cum.

Merito ejus fides suspecta est, quam
Suspicio labefacit.

Suspicio fragilem fidem solvit, for-
tem intendit.

Con.

Suspicio fidem absolvit.

Suspicionum Intemperies est Ma-
nia quædam Civilis.

VERBA LEGIS. XLVI.

Pro.

Non est Interpretatio, sed Divina-
tio, quæ recedit à literâ.

Cum receditur à literâ, Iudex
transit in Legislatorem.

Con.

Ex omnibus Verbis eliciendus est
Sensus, qui interpretetur singula.

Pessima Tyrannis Lex in Equu-
leo.

Pro Testibus contra Argumenta. XLVII.

Pro.

Secundum Orationem, non secun-
dum Causam pronunciat, qui Argu-
mentis nititur.

Qui Argumentis potius credit,
quam Testibus; etiā Ingenio, magis
debet fidere, quam Sensui.

Tutum foret Argumentis credere,
si Homines nihil absurdi facerent.

Argumenta, cum sint contra Te-
stimonia, hoc præstant; ut res mira
videatur, non autem ut vera.

Con.

Si Testibus credendum sit contra
Argumenta, sufficit tantum Iudicem
esse, non surdum.

Argumenta Antidotum contra Ve-
nera Testimoniorum.

Iis probationibus tutissimè credi-
tur, quæ rarissimè mentiuntur.

Atque

Atque hæc *Antitheta*, (quæ nunc proposuimus) fortassè tanti non fuerint: sed cum jam olim parata & collecta à nobis essent, nolimus Diligentiae nostræ Juvenilis Fructum perire: Præsertim cum, (si quis acutius introspiciat) *Semina* sint, non *Flores*. In illo autem Adolescentiam planè spirant, quod sint in *Morali*, sive *Demonstrativo Genere*, uberiora; in *Deliberativo*, & *Judiciali*, perpauca.

Tertia *Collectio*, quæ pertinet ad *Promptuariam*, atque etiàm *desideratur*, est ea, quam vocare placet, *Formularum Minorum*. Illæ autem sunt, veluti Vestibula, Posticæ, Ante-Cameræ, Re-Cameræ, Transitus, &c. Orationis, quæ indiscriminatim omnibus Subjectis competere possint. Quales sunt *Præfationes*, *Conclusiones*, *Digressiones*, *Transitiones*, *Promissiones*, *Declinationes*, & plurima ejusmodi. Quemadmodum enim in *Ædificiis*, plurimum facit, & ad Voluptatem; & ad Usus, ut Frontispicia, Gradus, Ostia, Fenestræ, Aditus, Transitus, & hujusmodi, commodè distribuuntur; eodem modo, etiàm in Oratione fit, ut Aditamenta & Interpositiones istæ, (si decorè, & peritè formentur & collocentur) plurimum tum gratiæ, tum commoditatis, universæ Orationis Structuræ adjiciant. Harum *Formularum* Exemplum unum aut alterum proponemus, neque diutius iisdem immorabimur. Etsi enim sint Res haud exigui usûs, tamen cum nihil in his addamus de nostro, sed tantum *Formulis* nudas, ex Demosthene, aut Cicerone, aut alio quopiam selecto Auctore, describamus, inferius quiddam videntur, quam ut in eo Tempus teramus.

Exempla Formularum Minorum.

Conclusio Deliberativæ.

Sic & culpam præteritam, fas erit redimere, & futuris incommodis eadem operâ prospicere.

Partitionis Accusatæ Corollarium.

Vt omnes intelligant, nihil me & subterfugere voluisse reticendo, aut obscurare dicendo.

Transitio cum Monito.

Verum hæc ita prætereamus, ut tamen intuentes, & respectantes, relinquamus.

Præoccupatio contra Opinionem inveteratam.

Faciam, ut intelligatis in totâ causâ, quid res ipsa tulerit, quid Error affinxerit, quid invidia conflaverit.

Hæc pauca enumerasse, ad Exemplâ, satis fuerit; cum quibus, *Appendices Rheticæ*, quæ ad *Promptuariam* spectant, concludimus.

CAPUT IIII.

Appendices generales duæ Traditivæ; Critica; & Pædagogica.



Uper sunt duæ Appendices *Traditivæ* in genere; Altera *Critica*, Altera *Pædagogica*. Sicut enim Pars *Traditiva* præcipua in *Scriptione Librorum* consistit, ita Pars ejus Relativa in *Librorum* versatur *Lectio*: *Lectio* autem, vel Magistrorum ope regitur, vel industriâ cujusque propriâ perficitur; Atque huic rei inserviunt *Doctrinæ* illæ, quas diximus, duæ.

Ad *Criticam* spectant, primò *Authorum probatorum limata Correctio*, & *emendata Editio*; quibus & ipsorum Authorum Honor vindicatur, & Studiosis Lumen præfertur. Quâ tamen in re, studiis haud parùm Derrimenti intulit, quorundam Hominum Diligentia temeraria. *Criticis* enim haud paucis mos est, ubi incidunt in quidpiam, quod non intelligunt, Vitium statim in Exemplari supponere; Veluti in illo loco Taciti: Cùm quædam Colonia jus Asyli apud Senatum assereret, narrat Tacitus, non æquis admodum Auribus, quæ ab iis proferebantur, fuisse ab Imperatore & Senatu audita: Itaque Legati causâ diffisi, bonam Pecuniæ summam Tito Vinio dederunt, ut eis patrocineretur; hoc itaque pacto res obtinuit: Tum (inquit Tacitus) *Dignitas & Antiquitas Coloniae valuit*: quasi Argumenta, quæ antea levia videbantur, accedente pretio novum tum pondus accepissent. At *Criticus* quidam, non ex infimis, Verbum Tum expunxit, & *Tantum* reposuit. Atque hac pravâ *Criticorum* consuetudine factum est, ut (Quod non-nemo prudenter notavit) *Exemplaria maximè castigata sint sepe numero minimè omnium casta*. Quinimò, ut verum dicamus, nisi *Critici* fuerint eruditi in Scientiis illis, de quibus Libri ab ipsis editi tractant, periculo Diligentia eorum non vacat.

Secundò ad *Criticam* spectant, *Authorum Interpretatio & Explicatio*; *Commentarii*, *Scholæ*, *Notæ*, *Spicilegia*, & similia. In istiusmodi autem Laboribus, pessimus ille *Criticorum* nonnullos quasi Morbus invasit, ut multa ex obscurioribus transilient, in satis verò perspicuis ad fastidium usque immorentur, & expatiantur. Scilicet, non tam illud agitur, ut Author ipse illustretur, quam ut *Criticus* ille, multiplicem suam Eruditionem, & variam *Lectionem*, ubique arreptâ occasione, ostendet. Optandum inprimis foret (licet hæc res ad *Traditivam* principalem, non ad *Appendices* pertineat) ut qui Argumenta Obscuriora, & Nobiliora pertractet Scriptor, suas ipse Explicationes jungat; ut & Textus ipse Digressionibus aut Explicationibus non abrumpatur; & *Notæ* à Scriptoris Mente non recedant. Cujusmodi quidpiam suspicamur de *Theone Euclidis*.

Tertiò, ad *Criticam* spectat (quod etiâ Nomen eidem indidit) de *Authoribus* quos edunt, breve aliquid judicium interponere; Et illos cum cæteris Scriptoribus, qui eadem tractant, comparare; ut per hujusmodi censuram,

cenfuram, Studioſi, & de Librorum delectu, moneantur, & ad ipſam Lectionem eorum inſtructiones accedant. Atque hoc ultimum; eſt *Criticorum* tanquam Cathedra, quam certè noſtrâ ætate, nobilitarunt Viri nonnulli magni, majores certè, noſtro judicio, quam pro Modulo *Criticorum*.

Ad *Pædagogicam* quod attinet, breviffimum foret dictu, *Conſule Scholas Ieſuitarum*: Nihil enim, quod in uſum venit, his melius. Nos tamen pauca noſtro monebimus, tanquam ſpicas legentes. Omni nò *Inſtitutionem Pueritæ & Inventuris Collegiantum probamus*; Non in *Ædibus* privatis; Non ſub *Ludi-maſtris* tantum. Adeſt *Adoleſcentulis* in *Collegiis* *Æmulatio* major erga *Æquales*; Adeſt quoque ipſe vultus & *Aspectus* viroꝝ gravium, quod facit ad *Verecundiam*, & teneros *Animos* etiã à *Principio* conformat ad *Exemplar*: Denique ſunt quidem plurima *Educaionis Collegiatæ* *Commoda*. In *Ordine* autem & *Modo* *Disciplinæ*, illud inprimis conſuluerim; ut caveatur à *Compendiis*; & à *Præcocitate quidam Doctrinæ*, quæ *Ingenia* reddat audacula; & magnos *Profeſtus* potiùs oſtentet, quam faciat. Quin & *favendum non nihil Ingenioꝝ Libertati*; ut ſi quis, quæ ex more *Disciplinæ* ſunt, faciat, & ſimul tempus ad alia, in quæ propenſus eſt, ſuffuſetur, ne utique cohibeatur. Porro *Operæ-premium* fuerit diligenter animadvertere (quod fortaſſè adhuc non fuerit notatum), eſſe duos *Aſſuefaciendi*, & *Exercendi*, & *Præparandi Ingenia* *Modos*, eoſque tanquam *Antiftrôphos*. Alter incipit à *Facilioribus*, & ad magis *Ardua paulatim deducit*; Alter ab initio, *duriora imperat & urget*; ut iis obtentis, *facilioribus* quiſ etiam ſuaviter perſungi poſſit. Alia enim eſt *Machadus*, Incipere *Natare* cum utribus, qui ſublevent; Alia, Incipere *Saltare* cum *Câlceis ponderoſis*, qui aggravent. Nèque facile eſt dictu, quantum harum *Methodorum* prudens *Intermixtio*, conferat ad promovendas, tam *Animi*, quam *Corporis*, *Facultates*. Item *Applicatio & Delectus Studiorum*, pro naturâ *Ingenioꝝ*, quæ erudiuntur, res eſt ſingularis & uſus & *judicii*; quam etiã benè & verè notatam & perſpectam *Maſtri Parentibus Adoleſcentium* debent; ut de genere *Vitæ*, cui *Filios* ſuos deſtinent, conſulere poſſent. Verum & illud attentius paulò obſervandum, non tantum in iis, ad quæ Naturâ quiſque ſua fertur, longè maximos fieri *Profeſtus*; ſed etiã ad ea, ad quæ vitio Naturæ quis maxime fuerit inhabilis, reperiri in *Studiis* ad hoc propriè delectis, *Remedia & Curationes*. Exempli gratiã; Si cuipiam *Ingenium* tale ſit, quale eſt *Avium*, ut facile abripiatur, nec per noſtram (qualem oportet) intentum eſſe ſuſtineat; *Remedium* huic rei præbebunt *Mathematicæ*, in quibus ſi evagetur paulò *Mens*, de integro renovanda eſt *Demonſtratio*. Etiam *Exercitiorum*, in erudiendo, *Partes* liquet eſſe vel maximas: At illud à paucis notatum eſt, quod *Exercitiorum* debeat eſſe, non ſolum prudens *Inſtitutio*, ſed etiã prudens *Intermiſſio*. Optimè ſiquidem *Cicero* notavit, Quid in *Exercitiis*, plerumque exerceri contingat, non minus *Vitiis*, quam *Facultatibus*, adeo ut malus *Habitus*, quandoque ſimul acquiratur, & ſe inſinuet cum bono. Itaque tutius eſt, intermittere *Exercitia*, & ſubinde repetere, quam aſſidue continuare. & urgere. Verum de his ſatis

Sunt certè hæc res, primo aspectu, minùs grandes & solennes, sed fructuosæ tamen & efficaces. Quemadmodum enim in Plantis, ad felicitatem vel infelicitatem ipsarum, plurimum faciunt Injurix aut Auxilia, quæ iisdem cum teneræ fuissent intervenerint; quemadmodum etiã Incrementa illa immensa Imperii Romani, meritò à quibusdam attribuantur, Virtuti & Prudentiæ Sex illorum Regum, qui eidem in Pueritiâ suâ, veluti Tutores fuerunt aut Nutritii: Sic certè, Cultura & Institutio Annorum Puerilium aut teneriorum, eas habet vires, licet latentes, & minimè in cuiusvis observationem incurrentes, quas neque Temporis Diuturnitas, neque Laborum Assiduitas & Contentio, postea, Ætate maturiore, possint ullo modo æquiparare. Non abs re fuerit etiã notare, Facultates vel mediocres, si in magnos Viros, aut Res magnas inciderint, graves & insignes interdum producere effectus. Ejus rei ponemus Exemplum Memorabile; Quod eò magis adducimus, quia Jesuitæ eandem Disciplinam non videntur aspernari; Sano (ut nobis videtur) judicio. Atque est res, quæ si sit Professoria, infamis est: Verum Disciplinaria facta, ex optimis est. Intelligimus autem *Actionem Theatralem*. Quippe quæ Memoriam roborat; Vocis & Pronunciationis Tonum atque Efficaciam temperat; Vultum & Gestum ad Decorum componit; Fiduciam non parvam conciliat; denique Oculis Hominum Juvenes assuefacit. Erit autem Exemplum; è Tacito desumptum, *Vibuleni* cujusdam, olim Histriõis, tunc temporis autem Militantis, in Legionibus Pannonicis. Ille, sub excessu Augusti, Seditionem moverat, ita ut Blæsius præfectus, aliquos ex seditiosis in Carcerem conjiceret. Milites verò, Impressione factâ, illos effractis Carceribus liberârunt: At Vibulenus, apud Milites concionabundus, sic orsus est: *Vos (inquit) his innocentibus & miserrimis lucem & spiritum reddidistis: Sed quis Frairi meo vitam, quis Fratrem mihi reddit? quem missum ad vos à Germanico Exercitu, de communibus commodis, nocte proximâ jugulavit per Gladiatores suos, quos in Exitium Milium habet atque armai.* Responde Blæse, *ubi cadaver abjeceris? Ne hostes quidem Sepulturam invident. Cum osculis, cum lachrymis dolorem meum implevero, me quoque irucidari jube; dum interfectos, nullum ob scelus, sed quia militati Legionum consulebamur, hi sepeliunt.* Quibus verbis Invidiæ ac Consternationis nimium quantum concivit; Adeò ut nisi brevi postea innotuisset, nihil horum fuisse, quinetiã Fratrem eum nunquam habuisse; vix à Præfecto Milites manus abstinuissent: Ille verò rem totam, tanquàm Fabulam, in Scenâ peregit.

Nunc verò, ad Colophonem pervenimus, Tractatûs nostri, de *Doctrinis Rationalibus*. In quibus, licet à *Partitionibus* receptis interdum recesserimus; nemo tamen existimet, nos illas omnes improbare *Partitiones*, quibus usi non sumus. Duplex enim nobis imponitur Necessitas partitiones mutandi: Una, quia hæc duo, nimirum, Res Naturâ proximas, in unam Classẽ redigere; & Res ad usum promendas, conjicere in unum Cumulum, Fine ipso & intentione, sunt omninò diversa. Exempli gratiâ; Secretarius aliquis Regis, aut Reip. in Musæo, Chartas suas ita proculdubio distribuit, ut quæ similis sint Naturæ, simul componat; Veluti Fœdera seorsum, seorsum Mandata, Literas ab Exteris,

Exteris, Literas Domesticas; & similia, seorsum omnia: Contrà, in Scrinio aliquo particulari, illas simul componit, quas, licet diversi generis sunt, simul tamen utui fore existimet: Sic nimirum, in hoc universali Scientiæ Repositorio, nobis pro Naturâ Rerum ipsarum, *Partitiones* erant instituendæ; cum tamen, si particularis aliqua Scientia fuisset pertractanda, *Partitiones* fuisset secuti, usui & Praxi potius accommodatas. Altera Necessitas Partitiones mutandi est, quia *Desideratorum* ad Scientias Adjectio, & eorum cum reliquis in integrum Corpus Redactio, etiâ, per consequentiâ, *Scientiarum* ipsarum Partitiones transtulit. Nani (Demonstrationis gratia) esto quod Artes quæ habentur rationem habeant Numeri 15. adjectis autem *Desideratis* Numeri 20. Dico quod Partes Numeri 15. non sunt eadem partes quæ Numeri 20. Nani Partes Numeri 15. sunt 3. & 5.

Partes verò Numeri 20. sunt 2. 4. 5. & 10. Itaque patet quod hæc aliter fieri non potuerint.

Atque de *Scientiis Logicis*
hæc dicta sint.





FRANCISCI BACONI
BARONIS

DE
VERULAMIO,
VICE-COMITIS
SANCTI ALBANI,

DE
Dignitate & Augmentis Scientiarum
LIBER SEPTIMUS.

AD REGEM SUUM.

CAPUT I.

Partitio Ethicæ, in Doctrinam de Exemplari; & Georgica Animi. Partitio Exemplaris, (scilicet Boni) in Bonum Simplex; & Bonum Comparatum. Partitio Boni Simplicis, in Bonum Individuale; & Bonum Communione.



Perventum est (Rex optime) ad *Ethicam*, quæ *Voluntatem Humanam* intuetur & tractat. *Voluntatem* gubernat Recta Ratio; seducit Bonum Apparens; *Voluntatis Stimuli Affectus*; *Ministri Organa* & *Motus voluntarii*. De hac Salomon, *Ante omnia* (inquit) *custodi Filii cor tuum*; nam inde procedunt *Actiones Vite*. In hujus *Scientiæ* pertracatione, qui de eâ scripserunt, perinde mihi fecisse videntur, ac si quis *Scribendi Artem* tradere pollicitus; pulchra tantum exhibeat *Exemplaria*, *Literarum*

ram Simplicium, quam Copularum; de *Calamo* verò *ducendo*, aut modis Characteres efformandi, nihil præcipiat: Ita & isti proposuerunt nobis Exemplaria bella, & luculenta, atque Descriptiones sive Imagines accuratas, *Boni, virtutis, officiorum, Felicitatis*, tanquam vera Objecta, & Scopos Voluntatis & Appetitus Humani: Verùm quomodo quis possit optimè, ad hos Scopos, (excellentes sanè, & benè ab illis positos) collimare; hoc est, quibus Rationibus & Institutis, Animus ad illa assequenda subigi & componi possit; aut nihil præcipiunt, aut perfunctoriè, & minùs utilitèr. Differamus, quantum libuerit, Virtutes Morales in Animo Humano esse habitualitèr, non naturalitèr: Distinguamus solennitèr, inter Spiritus generosos, & Vulgus ignobile; quod illi Rationum Momentis, hi Præmio aut Poenâ, ducantur: Præcipiamus ingeniosè, Animum Humanum, ut rectificetur, instar Bacilli, in contrariam Partem Inclinationis suæ flecti oportere: Aliaque insuper huiusmodi hinc inde spargamus: Longè tamen abest, ut hæc & alia id genus, Absentiam Rei excusent, quam modò requirimus.

Huiusce Neglectus Causam, haud aliam esse reor, quam latentem illum Scopulum, ad quem tot *Scientiæ* Naviculæ impingentes, Naufragia passæ sunt: Nimirum, quod fastidiant Scriptores versari in Rebus vulgaris & Plebeiis; quæ nec satis subriles sint ad Disputandum, nec satis illustres ad Ornandum. Sanè haud facilè quis Verbis assequatur, quantam Calamitatem attulerit hoc ipsum, quod dicimus; quod Homines ingentia superbiâ, & gloriâ vanâ, eas Materias Tractationum, eosque Modos Tractandi sibi delegerint, quæ Ingenia ipsorum potius commendent, quàm Lectorum Utilitatibus inserviant. Optimè Seneca, *Nocet illis Eloquentia, quibus non Rerum facit cupiditatem, sed sui*: Siquidem Scripta talia esse debent, ut Amores Documentorum ipsorum, non Doctorum excitent. Ii igitur rectè incedunt viâ, qui de Consiliis suis id prædicare possint, quod fecit Demosthenes, atque hæc clausulâ ea concludere; *Quæ si feceritis, non Oratorem dumtaxat in præsentia laudabitis, sed vosmetipsos etiam non ita multo post, statuerum vestrarum meliore*. Ego certè, (Rex optime) ut de meipso, quod res est, loquar; & in iis quæ nunc edo, & in iis quæ in posterum meditor, Dignitatem Ingenii & Nominis mei, (si qua sit) sapiùs sciens & volens projiciò, dum Commodis Humanis inserviam: Quique Architectus fortassè in Philosophiâ & Scientiis esse debeam, etiam Operarius & Bajulus, & quidvis demùm fio; cum haud pauca, quæ omninò fieri necesse sit, alii autem ob innatam Superbiam subterfugiant, ipse sustineam & exequar. Verùm (ut ad rem redeamus) quod cœpimus dicere, delegerunt sibi Philosophi in *Ethicâ*, Massam quandam Materiæ splendidam & nitentem, in quâ potissimum, vel Ingenii Acumen, vel Eloquentiæ Vigorem venditare possint. Quæ verò Practicam maximè instruunt, quandoquidè tam bellè ornari non possint, maximâ ex parte omiserunt.

Neque tamen debuerant, Viri tam eximii, desperasse de Fortunâ, simili ei, quam Poeta Virgilius, & sibi spondere ausus, & reverà consequutus est; qui non minorem, Eloquentiæ, Ingenii, & Eruditionis, gloriam adeptus est, in explicando Observationes Agriculturæ, quam *Æneæ* Res gestas Heroicas enarrando.

*Nec sum animi dubius, verbis ea vincere magnum;
Quam sit & angustis his addere rebus Honorem.*

Certè, si serio Hominibus cordi sit, non in otio scribere, quæ per otium legantur, sed reverà vitam Activam instruere & subornare; *Georgica ista Animi Humani*, non minore in pretio apud Homines haberi debeant, quam Heroicæ illæ Effigies *Virtutis, Boni, & Felicitatis*, in quibus tam operosè est insudatum.

Partiemur igitur *Ethicam*, in Doctrinas Principales duas: Alteram de *Exemplari* sive *Imaginem Boni*; Alteram de *Regimine & Cultura Animi*, quam etiam Partem *Georgicam Animi* appellare consuevimus: Illa *Naturam Boni* describit, hæc *Regulas de Animo ad illam conformando* præscribit.

Doctrina de *Exemplari* (quæ *Boni Naturam* intuetur & describit) *Bonum* considerat, aut *Simplex*; aut *Comparatum*; aut *Genera* (inquam) *Boni*; aut *Gratus*. In posteriore horum, Disputationes illas infinitas, & Speculationes circa *Boni supremum Gradum*, quem *Felicitatem, Beatitudinem, summum Bonum* vocitarunt (quæ Ethnicis instar Theologiæ erant) Christiana tandem Fides sustulit, & missas fecit. Quemadmodum enim Aristoteles ait, *Adolescentes posse etiam beatos esse, sed non aliter quam spe*; eodem modo, à Christianâ Fide edocti, debemus nos omnes Minorum & Adolescentum loco statuere, ut non aliam Felicitatem cogitemus, quam quæ in Spesita est.

Liberati igitur (bonis Avibus) ab hac Doctrinâ, tanquàm de Cælo Ethnicorum; (Quâ in Partè proculdubio Elevationem Naturæ Humanæ, attribuerunt majorem, quam cûjus illa esset capax: Videmus enim quali Cothurno Seneca, *Verè magnum, habere Fragilitatem Hominis, Securitatem Dei*) Reliqua certè ab illis, circa Doctrinam *Exemplaris*, tradita, minore aut Veritatis aut Sobrietatis jacturâ, magnâ ex Parte recipere possumus. Etenim, quod ad *Naturam Boni Positivi & Simplicis* spectat, illam certè pulcherrimè, & ad vivum, veluti in Tabulis eximiis depinxerunt; *Virtutum, & Officiorum Figuras, Posituras, Genera, Affinitates, Partes, Subjecta, Provincias, Actiones, Dispensationes*, diligentissimè sub Oculos repræsentantes. Neque hic Finis: Nam hæc omnia Animo Humano, magno quoque Argumentorum Acumine & Vivacitate, & Suasionum Dulcedine, commendârunt atque insinuârunt: Quinetiâ (quantum Verbis præstari possit) eadem contra pravos & populares Errores, & Insultus, fidelissimè muniverunt. Quatenus verò ad *Naturam Boni comparati*, huic rei etiam nullo modo defuerunt; In constituendis trinis illis Ordinibus Bonorum; In Collatione *Vitæ Contemplativæ cum Activâ*; In Discriminatione *Virtutis cum Relatatione, & Virtutis jam Securitatem natæ, & confirmatæ*; In Conspectu & Pugnâ *Honesti & Utilis*; In virtutum inter se libramine, nimirum cui quæque præponderet; & similibus. Adeo ut hanc partem de *Exemplari*, insignitè excultam jam esse, & Antiquos, in eâ re, mirabiles se viros præstitisse, reperiam: Ita tamen, ut Philosophos longo post se intervallo reliquerit, pia & strenua Theologorum Diligentia; in *Officiis, & Virtutibus Moralibus, & Casibus Conscientiæ, & Peccati Circumscriptionibus* pensitandis & determinandis, exercitata.

Nibilò

Nihilò feciùs (ut ad Philosophos redeamus) si illi (antequàm ad Populares & receptas Notiones, *Virtutis, Vitii, Doloris, Voluptatis*, & cæterorum, se applicassent) supersedissent paulispèr, & Radices ipsas Boni & Mali, & Radicum illarum Fibras indagassent; ingentem, meo iudicio, Lucem illis omnibus, quæ postea in Inquisitionem ventura fuissent, affudissent: Ante omnia, si *Naturam Rerum*, non minùs quam *Axiomata Moralia*, consuluisse, *Doctrinas* suas minùs prolixas, magis autem profundas reddidissent. Quod cùm ab illis, aut omninò omis- sum, aut confusè admodùm tractatum fuerit, nos breviter retractabi- mus; & *Fontes* ipsos *Rerum Moralium* aperire, & purgare conabimur; antequàm ad *Doctrinam de Culturâ Animi*, quam ponimus ut *Desidera- tam*, perveniamus. Hoc enim (ut arbitramur) *Doctrinam de Exemplari*, novis quodammodò viribus donabit.

Inditus est atque impressus, unicuique Rei Appetitus, ad dupli- cem *Naturam Boni*: Alteram, qua *Res Totum quiddam est in seipsâ*; Al- teram, quâ est *Pars Totius alicujus Majoris*. Atque posterior hæc illâ alterâ dignior est, & potentior; cùm tendat ad Conservationem *Formæ Amplioris*. Nominetur prima, *Bonum Individuale, sive Sui generis*; posterior, *Bonum Communionis*. Ferrum Sympathiâ particulari fertur ad Magne- tem: at si paulò ponderosius fuerit, Amores illos deserit, & tanquàm Bonus Civis, & Amator Patriæ, Terram petit, Regionem scilicet Connaturalium suorum. Ulteriùs paulò pergamus; Corpora Densa & Gravia terram petunt, Congregationem magnam Corporum Den- siorum: Attamen, potius quam Natura Rerum Divulsionem patiatur, & detur (ut loquuntur) *Vacuum*, Corpora hujusmodi in sursùm feren- tur; & cessabunt ab Officio suo erga *Terram*, ut præstent Officium su- um *Mundo* ipsi debitum: Ita quasi perpetuò obtinet, ut Conservatio *Formæ* magis *Communis*, minores Appetitus in ordinem tēdigat. At Prærogativa ista *Boni Communionis* signatur præcipuè in Homine, si non degeneraverit; juxta memorabile illud Pompeii Magni dictum; *Qui*, quo tempore Romam Fames premeret, Annonæ importandæ Præpositus, vehementissimè autem ab Amicis interpellatus; ne Mari, atroce Tempestate ingruente, se committeret, illud tantùm respondit, *Necesse est ut eam, non ut vitam*: Adeò ut Vitæ Desiderium, (quod in Individuo maximum est) Amore & Fide in Rempub. apud eum non præponderaret. Sed quid moramur? Nulla, omnibus Seculis, reperta est vel Philosophia, vel Secta, vel Religio, vel Lex aut Disciplina, quæ in tantum Communionis Bonum exaltavit, *Bonum* verò *Individuale* de- pressit, quantum *Sancta Fides Christiana*: Unde liquidò pateat, unum eundemque *Deum* fuisse, qui Creaturis Leges illas Naturæ, Homi- nibus verò Legem Christianam dedisset. Propterea legimus nonnul- los ex Electis, & Sanctis Viris, optasse se potius erasos ex *Libro Vitæ*, quàm ut Salus ad Fratres suos non perveniret; Ecstasi quâdam Charitatis, & impotenti Desiderio *Boni Communionis*, incitati.

Hoc positum; ita ut immotum maneat & inconcussum, nonnullis ex gravissimis in *Moralis Philosophiâ* Controversiis, finem imponit. Pri- mò enim *Quæstionem* illam determinat, de *Vitâ Contemplativâ Activæ præferendâ*; idque contra Sententiam Aristotelis. Omnes siquidem Rationes,

Rationes, quæ ab illo pro *Contemplativa* afferuntur, *Bonum privatum* respiciunt, atque *Individui* tantum ipsius Voluptatem, aut Dignitatem; quibus in rebus *Contemplativa* Palmam haud dubiè reportat. Etenim *Contemplativa* non abfimilis est Comparationi; quâ usus est Pythagoras, ut Philosophiæ & Contemplationi Honorem ac Decus assereret. Qui ab Hierone, quisnam esset, interrogatus, respondit; *Hieronem non luere (si forte unquam Olympicis Certaminibus interfuisse) id ibi loci contingere, ut veniant eò Alii Fortune suæ in agonibus periculum facturi; Alii verò ut Mercatores, ad Merces distrahendas; Alii ut Amicos undique confluentes convenirent, & Epulis ac Hilaritati indulgerent; Alii denique ut cæterorum essent Spectatores: Se autem unum esse ex illis, qui Spectandi gratiâ venerit.* Verùm Homines nosse debent, in hoc humanæ Vitæ Theatro, Deo & Angelis solum convenire, ut *Spectatores* sint. Neque sanè fieri potuit, ut hæc de re Dubitatio in Ecclesiâ unquam suscitaretur; (utcumque plurimis in ore fuerit Dictum illud, *Pretiosa in Oculis Domini Mors Sanctorum ejus*; Ex quo loco, Mortem illam Civilem; & Instituta Vitæ Monasticæ & Regularis attollere soleant;) nisi illud etiã una subesset, quod Vita illa Monastica merè *Contemplativa* non sit; verùm planè in Officiis Ecclesiasticis versetur; Qualia sunt jugis Oratio; & Votorum Sacrificia Deo oblarâ; Librorum item Theologorum, multo in otio, conscriptio, ad Legis Divinæ Doctrinam propagandam; quemadmodum & Moses fecit, cùm per tot Dies, in Montis secessu moratus esset. Quinetiã Henoch, ab *Adamo* *Septimus*, qui videtur fuisse princeps *Vitæ contemplativæ* (etenim cum Deo ambulasse perhibetur) nihilominus Ecclesiam, *Prophetiæ Libro* (qui etiã à Sancto Judâ citatur) dotavit. *Contemplativam* verò quod attinet meram, & in seipsâ Terminatam; quæque Radios nullos sive Caloris sive Luminis, in Societatem Humanam diffundat; nescit eam certè Theologia.

Determinat etiã Quæstionem, tantâ contentione agitâam; inter *Scholas Zenonis & Socratis* ex unâ parte; qui Felicitatem in Virtute, aut solâ, aut adornatâ (cujus semper in Officiis Vitæ Partes potissimâ) collocârunt: & reliquas complures Sectas & Scholas, ex alterâ parte, veluti *Scholas Cirenæicorum & Epicuræorum*, qui eam in Voluptate constituerunt; Virtutem autem (sicut fit in Comoediis aliquibus, ubi Hæra cum Famulâ Vestem mutet) planè Ancillam statuerunt; utpote sine quâ Voluptati comodè ministrari non posset. Nec minùs illam alteram *Epicuri Scholam*, quasi *Reformatam*; quæ Felicitatem nihil aliud esse prædicabat, quàm Animi Tranquillitatem & Serenitatem, à Perturbationibus liberi & vacui; Ac si Jovem de Solio deturbare vellent, & Saturnum cum Aureo Seculo, reducere Aliquando neque Æstas, nec Bruma fuissent; Non Ver, nec Autumnus, sed unâ & æquabilis Aëris temperies; Denique & illam explosam *Pyrrhonis & Herilli Scholam*, qui sitam autumaverunt Felicitatem, in Scrupulis quibusque Animi protùs eliminandis; nullam statuentes fixam & constantem Boni aut Mali Naturam; sed Actiones pro Bonis aut Malis habentes, prout ex Animo, motu puro, & irrefracto, aut contrâ, cum Aversatione & Reluctatione, prodirent; Quæ tamen Opinio in

Hæresis

Hæresi Anabaptistarum revixit ; qui cuncta metiebantur juxta Motus & Instinctus Spiritûs, & Constantiam vel Vacillationem Fidei. Li-quet autem ista, quæ recensuimus, omnia, ad privatam Animorum Tranquillitatem, & Complacentiam, nullo modo autem ad *Bonum Communionis*, spectare.

Porrò redarguit etiâ *Philosophiam Epicleti*, qui hoc utitur Præsupposito ; Felicitatem, in iis poni debere, quæ in Potestate nostrâ sunt ; ne scilicet Fortunæ & Casibus simus obnoxii ; quasi verò, non multò fuerit felicius, in rectis & generosis Intentionibus & Finibus, qui publicum Bonum amplectantur, successu destitui, & frustrari, quam in omnibus, quæ ad privatam tantùm Fortunam nostram referuntur, Voti perpetuò compotes fieri. Sicut Consalvus, Neapolim digito Militibus indicans, generosâ voce testatus est, *Multò sibi optatius fore, unum Pedem promovendo, ad Iteritum certum ruere ; quam unius Pedis recessu, Vitam in multos Annos producere.* Cui etiâ concinit Cœlestis Dux & Imperator, qui pronunciavit *Conscientiam bonam jure esse Convivium ;* Quibus verbis apertè significat, Mentem bonarum Intentionum sibi consciam, utcunque successu careat, verius & purius, & Naturæ magis consentaneum præbere gaudium ; quàm universum illum Apparatum, quo instrui possit Homo, vel ut Desideriis suis fruatur, vel ut Animo conquiescat.

Redarguit idem *Philosophiæ Abusum illum*, circa Epicleti temporâ grassari cœptum : Nempe quod Philosophia versa fuetit in genus quoddam Vitæ professorium, & tanquàm in Artem ; Quasi scilicet Institutum Philosophiæ esset, non ut Perturbationes compescerentur & extinguerentur ; sed ut Causæ & Occasiones ipsarum evitarentur & summoventur : Ideoque particularis quædam Vitæ Ratio, ad hoc obtinendum ineunda esset : Introducendo sanè, tale genus Sanitatis in Animum, quale fuit Herodici in Corpore, cujus meminit Aristoteles ; Illum scilicet nihil aliud per totam vitam egisse, quam ut Valetudinem curaret ; & proinde ab infinitis rebus abstineret, Corporis interim usu quasi multatus : Ubi si Hominibus Officia Societatis consecrari Cordi sit, illa demùm Valetudo maxime est expetenda, quæ quaslibet Mutationes, & Impetus quoscunque ferre & vincere queat : Eodem modo & Animus ille demùm verè & propriè sanus & validus censendus est, qui per plurimas, & maximas Tentationes & Perturbationes perturbare potest. Ita ut optimè Diogenes dixisse visus sit ; qui eas vires Animi laudârit, *quæ non ad cautè Abstinendum, sed ad fortiter Sustinendum valerent* : Quæque Animi Impetum, etiâ in maximis præcipitiis cohibere possint ; Quæque (id quod in Equis benè subactis laudatur) præstent, ut brevissimo spatio, & sistere se, & vertere possint. Postremo, redarguit idem *Teneritudinem quandam, & Ineptitudinem ad Morigerandum*, in nonnullis ex Antiquissimis Philosophis, & maxime in Veneratione habitis, notatam ; Quinimis facile se à rebus Civilibus subdlexerint, ut Indignitatibus & perturbationibus se exuerent ; atque magis, suâ Opinione, illibati, & tanquàm Sacrosancti viverent : Ubi consentaneum esset, Constantiam Hominis verè Moralis, talem fore, qualem idem Consalvus in Homine Militari requirebat ; Nimirum

rùm ut Honor ejus contexeretur tanquàm è *Telâ crassiore*; minimèque tam tenui, ut quidvis illud vellicare & lacerare possit.

CAPUT II.

Partitio Boni Individualis, vel Suitatis, in Bonum Activum; & Bonum Passivum. Partitio Boni Passivi, in Bonum Conservativum; & Bonum perfectivum. Partitio Boni Communis, in Officia Generalia; & Respectiva.

Repetamus igitur jam, & persequamur primum, *Bonum Individuale, & Suitatis*. Illud partiemur, in *Bonum Activum*; & *Bonum Passivum*. Etenim hæc quoque Differentia *Boni* (non absimilis certè illis Appellationibus, quæ Romanis in Oeconomicis erant familiares, *Promi* scilicet, & *Condi*) in universâ Rerum Naturâ impressa reperitur: Præcipue autem se prodit, in duplici Rerum Creatarum Appetitu; Altero se *Conservandi* & *Muniendi*; Altero se *Multiplicandi* & *Propagandi*: Atque hic posterior, qui *Activus* est, & veluti *Promus*, potentior videtur & dignior; Ille autem prior, qui *Passivus* est, & veluti *Condu*, inferior censeri potest. Etenim in Universitate Rerum, Natura Coelestis præcipue *Agens* est; At Natura Terrestris, *Patiens*. Etiam in Delectationibus Animantium, major Voluptas est Generandi, quam Pascendi. In Oraculis quoque Divinis pronuntiatur, *Bèpius esse Dare, quam Accipere*. Quin & in Virâ Communi, nemo invenitur Ingenio tam molli & effoeminato, quin pluris faciat, aliquid, quod ei in Votis erat, perficere, & ad Exitum perducere, quam Sensualitatem aliquam aut Delectamentum. Atque ista quidem *Boni Activi* Præminentia, in immensum exaltatur ex Intuitu Conditionis Humanæ; quod sit & Mortalis, & Fortunæ Ictibus exposita. Nam si in Voluptatibus Hominum, posset obtineri Perpetuitas atque Certitudo, magnum Pretium eis accederet, propter Securitatem & Moram. Quandoquidem autem videmus huc rem recidere; *Magni æstimamus mori tardius*; & *Negligieris de Crastino*; *Nescis parum Dièi*; mirum minimè est, si omni contentione feramur ad ea, quæ Temporis Injurias non reformident. Ea verò nulla esse possunt, præter opera nostra; sicut dicitur, *Opera eorum sequuntur eos*. Est & altera Præminentia *Boni Activi* haud exigua, indita & sustentata ex eo affectu, qui Humanæ Naturæ, ut Comes Individuus, lateri adhæret; Amor scilicet Novitatis, aut Varietatis. Ille verò in Sensuum Voluptatibus (quæ *Boni Passivi* Pars sunt vel maxima) angustus admodum est; nec Latitudinem habet aliquam insignem: *Cogita quamdiu eadem feceris*; *Cibus*; *Somnus*; *Ludus*; per hunc Circulum curritur; *Mori velle, non tantum Fortis*; aut *Miser*, aut *Prudens*, sed etiam *Fastidiosus* possit. At in Actis viræ nostræ, & Institutis, & Ambitionibus, insignis est Varietas; Eaque multâ

sumi

cum Voluptate percipitur, dum Inchoamus, Progredimur, Interquiescimus, regredimur ut Vires augeamus, Appropinquamus, denique Obtinemus, & hujusmodi; Ut verè admodum dictum sit, *Vita sine proposito, Languida & Vaga est*. Quod simul & Prudentibus & Stultissimis competit, ut ait Salomon; *Pro Desiderio querit Cerebrosus, omnibus immiscet se*. Quinetiam videmus Reges potentissimos, ad quorum nutum; quæcunque sensibus grata sunt, parari possent, nihilominus procurasse sibi interdum Desideria Humilia & inania (quemadmodum Cythara fuit Neroni, *Gladiatoria Commodò, Antonino Aurigatio*, & alia aliis) Quæ tamen ipsis fuerint, omni affluentia Voluptatum Sensualium potiora. Tanto Voluptatem majorem affert, ut Aliquid Agamus, quam ut Fruamur.

Illud interim paulò attentius notandum est, *Bonum Activum, Individuale, à Bono Communionis*; prorsus differre, quanquam nonnunquam Ambo coincident. Quamvis enim *Bonum istud Individuale, Activum*; sæpè Opera Beneficentiæ, (quæ ex *Virtutibus Communionis* est) pariat & producat; illud tamen interest, quod illa Opera ab Hominibus plurimis fiant, non Animo alios Juvandi, aut Beandi, sed planè propter se, atque potentiam & Amplitudinem propriam. Id quod optime cernitur, quando *Bonum Activum* in aliquid impingit, quod sit *Bono Communionis* contrarium. Siquidem Gigantea illa Animi Conditio, quâ abripiuntur magni isti Orbis Terrarum Perturbatores (qualis fuit L. Sylla, & plurimi alii, (licet in Modulo longè minore) qui videntur ad hoc anhelare, ut omnes felices & ærumnosi sint, prout sibi fuerint Amici, vel Inimici; atque ut Mundus tanquam ipsorum præferat Imaginem; quæ vera est *Theomachia*) hæc inquam ipsa aspirat ad *Bonum Activum, Individuale, saltè Apparens*; etsi à *Bono Communionis*, omnium maximè recedat.

At *Bonum Passivum* partiemur; in *Bonum Conservativum*; & *Bonum Perfectivum*. Etenim inditus est unicuique Rei triplex Appetitus, quatenus ad *Bonum Suitatis, sive Individui*. Primus, ut se *Conserve*; Secundus, ut se *Perficiat*; Tertius, ut se *Multipliget* sive *Diffundat*. Atque hic postremus Appetitus, ad *Bonum Activum* refertur, de quo jam modo diximus. Superfunt igitur reliqua tantum duo, quæ diximus; *Bona*; Ex quibus præcellit *Perfectivum*. Minus enim quiddam est, Conservare Rem in suo Statu; Majus verò, eandem ad Naturam Sublimiorem evehere. Reperiuntur siquidem per Res universas, Naturæ aliquæ Nobiliores, ad quarum Dignitatem & Excellentiam, Naturæ Inferiores aspirant; veluti ad Origines & Fontes suos. Sic de Hominibus, non malè cecinit ille;

Ignem est ollis Vigor, & celestis Origo.

Homini enim, Assumptio, aut Approximatio ad Divinam, aut Angelicam Naturam, est Formæ suæ Perfectio. Cujus quidem *Boni Perfectivi*, prava & præpostera Imitatio, Pests est ipsa Vitæ Humanæ, & Turbo quidam rapidus, qui omnia abripit, & subvertit. Nimirum, dum Homines, Exultationis vice Formalis atque Essentialis, cæcâ Ambitione advolent, ad Exaltationem tantummodò Localem. Quemadmodum enim Ægri, Remedium Mali sui non invenientes, de Loco

in

in Locum, Corpus agitant & volvunt; quasi ex Mutatione Loci; à seipsis abicedere, & Internum Malum effugere possint: Eodem modo evenit in Ambitione, ut Homines, Simulachro quodam falso; Naturæ suæ Exaltandæ, abrepti, nihil aliud adipiscantur, quam Locī quandam Celsitudinem & Fastigium.

Bonum verò *Conservativum*, nihil aliud est, quàm *Receptio & Fruitio Rerum Naturæ nostræ congruentium*: Hoc verò *Bonum*, licet maximè sit Simplex, & Nativum, tamen ex *Bonis* videtur Mollissimum atque Infimum. Quin & hoc ipsum *Bonum* recipit Differentiam nonnullam; circa quam partim vacillavit Judicium Hominum, partim omissa est Inquisitio *Boni* siquidem *Fruitionis*; sive, quod vulgò dicitur, *Incondita* Dignitas, & Commendatio, aut in *Sinceritate Fruitionis* sita est; aut in ejusdem *Vigore*: Quorum alterum inducit & præstat *Æqualitas*; alterum autem *Varietas* & *Viciissitudo*: Alterum minorem habet Mixturam Mali; Alterum Impressionem magis fortem; & Vividam *Boni*. Cæterum, Horum Utrum Melius, *Ambigitur*; Dein, Num Natura Humana utrumque simul apud se retinere possit, *Non Inquiritur*.

Atque quantum ad id, de quo *Ambigitur*, Ventilari cœpit illa Controversia, inter Socratem & Sophistam quendam. Ac Socrates quidem asserbat, *Felicitatem sitam esse, in Animi Pace constante, & Tranquillitate*; Sophista verò in hoc, *Ut quis multum Appetat, & multum Fruatur*. Quin & ab Argumentis delapsi sunt ad Convitiā; Dicente Sophistā, *Felicitatem Socratis, Stipitis, vel Lapidis esse Felicitatem*; è contrā Socrate, *Sophistæ Felicitatem; Felicitatem esse Scabioli, qui perpetuò pruriret & Scalperet*. Nequē tamen desunt utrique Sententiæ suæ Firmamenta. Nam *Socrati* assentitur vel *Epicuri Schola* ipsa, quæ Virtutis, ad Felicitatem, Partes esse maximas; non diffiteatur. Quod si ita sit, certo certius est, Virtutis majorem esse Usū, in Perturbationibus sedandis, quàm in Rebus cupitis adipiscendis. *Sophistæ* autem nonnihil suffragari videtur *Affertio* illa, cujus à nobis Mentio modò facta est, quod videlicet, *Bonum perfectum, Bono Conservativo sit superius*; Quippe quia Cupitarum Rerum Adeptiones Naturam videantur sensim perficere: Quod licet verè non faciant, tamen & Motus ipse in Circulo, Speciem nonnullam præ se fert *Moris Progressivi*.

At Secunda *Quæstio* (Num, scilicet, *Natura Humana, non possit & Animi Tranquillitatem, & Fruendi vigorem; simul retinere*) ritè diffinita; priorem illam reddit otiosam & supervacaneam. Annon enim videmus haud rarò, Animos nonnullorum, ita factos & compositos, ut Voluptatibus afficiantur vel maximè cum adsint, & tamen earum jacturam non gravatè ferant? Ita ut Series illa Philosophica; *Non uti, ut non appetis; Non appetere, ut non metuas*; videatur esse Pusilli cujusdam Animi, & Diffidentis. Sanè, *Doctrinæ* pleræque Philosophorum, videntur esse paulò timidiores, & cavere Hominibus; plusquàm Natura Rerum postulat. Veluti, cum Mortis Formidinem Medendò augent. Etenim, cum nihil aliud ferè, Vitam Humanam faciant, quàm Mortis quandam Præparationem & Disciplinam, quomodò fieri possit, ut ille Hostis mirum in modum non videatur terribilis, contra quem Muniendi nullus sit Finis? Melius Poeta, (ut inter Ethnicos;)

*Qui finem Vitæ extremum, inter munera ponat
Naturæ.* —

Similitèr & in omnibus annis sunt Philosophi, Animum Humanum reddere nimis Uniformem & Harmonicum : Eum Motibus contrariis & Extremis minimè assuefaciendo. Cujus Causam arbitror fuisse, quod ipsi Vitæ se privatæ dedicârunt, à Negotiis, & aliorum Obsequiis, immuni & liberæ. Quin potius imitentur Homines Prudentiam Gemmariorum ; qui, si fortè in Gemmâ inveniatur Nubecula aliqua, aut Glaciecula, quæ ita posset eximi, ut Magnitudini Lapidis non nimium detrahatur, eam tollunt ; Alitèr verò intactam eam relinquunt : Pari ratione, Serenitati Animorum ita consulendum est, ut non destruat Magnanimitas. Atq; de *Bono Individuali*, hætenus.

Postquàm igitur de *Bono Suitatis* (quod etiàm *Particulare, Privatum, Individuale*, appellare solemus) jam dixerimus ; repetamus *Bonum Communionis*, quod *Societatem* intuetur. Istud nomine *Officii* vocari consuevit : Siquidem Vocabulum *Officii* magis propriè attribuitur Animo benè disposito erga alios : Vocabulum *Virtutis* Animo intra se rectè formato & cõposito. Verùm ista Pars, primo intuitu, *Scientiæ Civili* deberi videtur : Attamen, si diligentius attendas, non ita : Siquidem tractat Regimen & Imperium Uniuscujusque in Seipsum, neutiquàm verò in Alios. Atque sicut in Architecturâ, alia res est, Postes, Trabes, & cæteras *Ædificii* Partes efformare, & ad *Ædificandi* usum præparare ; alia autem easdem ad invicem aptare & compaginare : Sicut etiàm in Mechanicis, Instrumentum aut Machinam fabricare & conficere, non idem est, quod Fabricatum erigere, movere, & in opere ponere : Sic *Doxrina de Conjugatione ipsâ Hominum in Civitate*, sive *Societate*, differt ab eâ, quæ eos reddit ad hujusmodi *Societatis* Commoda, conformes, & benè affectos.

Ista *Pars de Officiis*, etiàm in duas Portiones tribuitur ; quarum Altera tractat de *Officio Hominis in Communi* ; Altera de *Officiis Specialibus & Respectivis*, pro singulorum Professione, Vocatione, Statu, Personâ, & Gradu. Harum primam satis excultam, diligentèrque à veteribus & aliis explicatam, jam antea retulimus : Alteram quoque, sparsim quidem tractatam, licet non in Corpus aliquod integrum *Scientiæ* digestam reperimus. Neque tamen hoc ipsum, quod sparsim tractetur, reprehendimus ; quinimò de hoc Argumento, per Partes scribi longè consultius existimamus. Quis enim tantâ fuerit, vel perspicaciâ, vel confidentiâ, ut de *Officiis Peculiaribus & Relativis*, singulorum Ordinum & Conditionum, peritè, & ad vivum disceptare, & diffinire possit, aut sustineat ? Tractatus autem, qui Experientiam non sapiunt, sed ex Notitiâ Rerum generali, & Scholasticâ, tantummodò deprompti sunt, de Rebus hujusmodi, inanes plerunque evadunt & inutiles. Quamvis enim aliquandò contingat, Spectatorem ea animadvertere, quæ Luforem fugiant ; Atque jactetur Proverbium quoddam magis audaculum, quam sanum, de Censurâ Vulgi circa Actiones Principum, *Stantem in Valle optimè perlostrare Montem* ; Optandum tamen in primis esset, ut non nisi expertissimus & versatissimus quisque, se hujusmodi Argumentis immisceret. Hominum enim Speculativorum, in Materiis Activis,

Activis, Lucubrationes, iis, qui in agendo fuerint exercitati, nihilò meliores videntur, quam Dissertationes Phormionis de Bellis æstimate sunt ab Hannibale, qui eas habuit pro Somniis & Deliriis: Unum duntaxat Vitium illos occupat, qui de Rebus, ad suum Munus, aut Artem, pertinentibus, Libros conscribunt; quod scilicet in illis ipsis *spatiis* suis ornandis, atque attollendis, modum tenere nesciant.

In hoc genere Librorum, piaculum fôret, non meminisse (Honoris causâ) excellentissimi illius Operis, à Majestate tuâ elucubрати, *De Officio Regis*. Scriptum enim hoc plurimos intra se cumulavit ac recondidit Thesauros, tam conspicuos, quàm occultos, *Theologiae, Ethicæ, & Politicæ*; insigni cum aspersione aliarum Artium: Estque, meo iudicio, inter Scripta, quæ mihi perlegere contigerit, præcipuè sanum, & solidum: Non illud ullo loco, aut Inventionis Fervore æstuat, aut Indiligentiæ Frigore torpet aut dormitat: Non vertigine aliquandò corripitur, unde in Ordine suo servando confundatur aut excidat: Non Digressionibus distrahitur, ut illa, quæ nihil ad Rhombum sunt, expatiatione aliquâ flexuosâ complectatur: Non Odoramentorum aut Pigmentorum fucis adulteratur, qualibus illi utuntur, qui Lectorum potiùs Delectationi, quam Argumenti Naturæ inserviunt: Ante omnia verò, Spiritu valet istud Opus, non minùs quam Corpore; utpote, quod & cum Veritate optimè consentiat, & ad Usum sit accommodatissimum. Quinetiàm Vitio illo, de quo paulò antè diximus (quod si in alio quopiam, in Rege certè, & Scripto de Majestate Regiâ, tolerandum fuerit) omninò caret; Nempe, quod Cûlmen & Fastigium Regiam, non immodicè, aut invidiosè extollât. Siquidem Majestas tua, Regem non depinxit aliquem, *Affryiæ* aut *Persiæ*, gloriâ, & externo fastu nitentem, & coruscantem; sed verè *Mosè*, aut *Davidem*, Pastores scilicet Populi sui. Neque verò mihi unquàm Memoriâ excidet, Dictum quoddam verè Regium, quod in Lite gravissimâ terminandâ, Majestas tua, pro sacro illo, quo præditus es, Spiritu, ad Populos regendos pronunciavit; Nimirum, *Reges juxta Leges Regnorum suorum gubernacula tractare, quemadmodum & Deus juxta Leges Naturæ: & æque rarò prærogativam illam suam, quæ Leges transcendit, ab illis Usurpandam, ac à Deo videmus usurpari potestatem Miracula parandi*. Nihilò tamen seciùs, ex Libro illo altero, à Majestate tuâ conscripto, de *Liberâ Monarchiâ*, fatis omnibus innòtescit, non minùs Majestati tuæ cognitam esse, & perspectam Plenitudinem Potestatis Regiæ, atque *Ultimatas* (ut Scholastici loquuntur) Jurium Regalium, quàm Officii, & Muneris Regii Limites & Cancellos. Non dubitavi igitur in medium adducere, Librum illum, à Majestatis tuæ Calamo exaratum, tanquàm Exemplum primarium & maximè illustre, *Tractatum de peculiaribus & respectivis officiis*. Quo de Libro, quæ à me jam dicta sunt, dixissem profectò, si ante Annos mille à Rege quopiâ conscriptus fuisset. Neque verò me movet, Decorum illud, quod vulgò præscribitur, ne quis coràm laudetur: modò Laudes illæ, nec modum excedant, nec intempestivè, aut nullâ datâ occasione, tribuantur. Cicero certè, in luculentissimâ illâ Oratione suâ, pro M. Marcello, nihil aliud agit, quàm ut exhibeat Tabulam quandam, singulari Artificio depictam, de Laudibus

Cæsaris, licet coram ipso Oratio illa haberetur. Quod & Plinius Secundus fecit erga Trajanum. Itaque jam ad Proposurum revertamur. Pertinet porro ad hanc *Partem de Officiis Respective Vocationum, & Professionum singularum, Doctrina* alia, tanquam priori Relativa, sive Opposita; nimirum de *Fraudibus, Cautelis, Imposturis, & Vitiis* ipsarum: Siquidem Depravationes & Vitia, Officiis & Virtutibus, opponuntur. Neque omninò de his, in plurimis Scriptis & Tractatibus, si letur; sed sæpè ad illa notanda, saltèm obiter excurritur. At quo tandem modo? Per Satyram scilicet, & Cynicè, (more Luciani) potiùs quam seriò, & gravitèr. Etenim, plus operæ impenditur, ut pleraque in Artibus, etiàm utilia & sana, maligno dente vellicentur, & ad Ludibrium Hominibus exponantur; quam ut quæ, in iisdem corrupta sunt & vitiosa, secernantur à Salubribus & incorruptis. At optimè Salomon: *Quærenti Derisori Scientiam; ipsa se abscondit, sed studioso si obviat.* Quicunque enim ad Scientiam accedat, animo Irridendi & Aspernandi, inveniet proculdubiò quæ cavilletur plurima, ex quibus verò doctior fiat, per pauca. Verùm; Tractatio hujus, de quo loquimur, Argumenti, gravis & prudens, atque cum integritate quâdam, & sinceritate conjuncta, inter munitissima Virtutis ac Probitatis Propugnacula, videtur numeranda. Nam sicut fabulosè perhibetur de *Basilisco*, si primus quempiam conspexerit, illicò Hominem perimit; si quis illum prior, Basiliscus perit: par ratione, Fraudes, Imposturæ, & malæ Artes, si quis eas prior detexerit, nocendi Facultate privantur; quod si illæ prævererint, tum verò, non aliàs, periculum creant. Est itaque quod grâtiâs agamus *Macciavello*, & hujusmodi Scriptoribus, qui apertè & indissimulantèr proferunt, quid Homines facere soleant, non quid debeant. Fieri enim nullo modo potest, ut jungatur *Serpentina* illa *Prudentia* cum *Innocentiâ Columbinâ*, nisi quis Mali ipsius Naturam penitus pernoscat. Absque hoc enim, deerunt Virtuti sua Præsidia & Munimenta. Imò, neque ullo modo possit Vir bonus & probus, malos & improbos corrigere & emendare, nisi ipse priùs omnia Malitiæ Latibula & Profunda exploraverit. Etenim, qui judicio planè corrupto sunt, & depravato, hoc habent, ut præsupponant, Honestatem in Hominibus, ab Inscitiâ, & Simplicitate quâdam Morum oriri: atque ab eo tantùm, quod fides habeatur Concionatoribus, & Pædagogis; item Libris, Præceptis Moralibus, & iis, qui vulgò prædicantur & decantantur, Sermonibus. Adèò ut, nisi planè perspiciant, Opiniones suas pravas, ac corrupta & detorta Principia, non minùs illis, qui hortantur & admonent, quam sibi ipsis, esse explorata, & cognita; Probitatem omnem Morum & Consiliorum aspernentur: Juxta Oraculum illud Salomonis mirabile; *Non recipit Stultus Verba Prudentiæ, nisi ea dixeris, quæ versantur in Cordè ejus.* Hanc autem *Partem, de Cautelis, & Vitiis Respective*, inter *Desiderata* numeramus; eamque nomine *Satyræ Seriæ*, sive *Tractatus de Anterioribus Rerum*, appellabimus.

Etiàm ad *Doctrinam De Officiis respective*, pertinent *Officia Mutua*, inter Maritum & Uxorem, Parentes & Liberos, Dominum & Servum: Similitèr Leges Amicitiae, & Gratitude: Nec non Civiles Obligationes Fraternitatum, Collegiorum; etiàm Vicinitatis; ac Similium: Verùm

Verum intelligatur hoc semper, illa istic tractari, non quatenus sunt Partes *Societatis Civilis*, (Id enim ad *Politicam* refertur,) sed quatenus Animi singulorum, ad illa *Societatis Vincula* tuenda, instrui & prædisponi debeant.

At *Doctrina de Bono Communionis* (quemadmodum & illa de *Individuali*) *Bonum* tractat, non tantum simpliciter, sed & comparatè : Quò spectat Officia perpendere, inter Hominem & Hominem; inter Cælum & Cælum; inter Privata & Publica; inter Tempus præsens & futurum. Sicut videre est, in Animadversione illà severà, & atroci L. Bruti, contra Filios suos, illam à plerisque in Cælum laudibus efferi; At alius quispiam dixit;

Infelix, utcumque ferent ea Fata Minores.

Id ipsum licet intueri, in Cœnà illa, ad quam invitari sunt M. Brutus, C. Cassius, & alii. Illic enim, cum ad Animos explorandos, circa Conspirationem in Caput Cæsaris intentatam, Quæstio astutè mota esset, (Num licitum foret Tyrannum occidere?) Ibant Convivæ in Opiniones diversas; Dum Alii dicerent, planè licere, *Quod Servitus ultimum esset Malum*: Alii minime, *Quod Tyrannis minus exitialis esset, quam Bellum Civile*. Tertium autem Genus, veluti ex Scholâ Epicuri assererat, *Indignum esse Prudentes periclitari pro Stultis*. Verum plurimi sunt Casus de Officiis Comparatis; inter quos frequentèr ille intervenit; *Virum, à Iusticiâ descedendum su, propter salutem Patriæ, an huiusmodi aliquod insigne Bonum in Futuro?* Circa quem Jason Thessalus dicere solebat; *Aliqua sunt injustè faciendâ, ut Multa justè fieri possint*: Verum Replicatio in promptu est; *Auctorem præsentis Iusticiæ habes; Sponsorem futuræ non habes*. Sequantur Homines, quæ in præsentia bona & iusta sunt; futura Divinæ Providentiæ remittentes. Atque circa *Doctrinam de Exemplari*, sive de *Bono*, hæc dicta sūt.

CAPUT III.

Partitio Doctrinæ de Culturâ Animi; in Doctrinam de Characteribus Animorum; De Affectibus; & De Remediis sive Curationibus. Appendix Doctrinæ ejusdem, de Congruitate inter Bonum Animi, & Bonum Corporis.

Nunc igitur, postquàm de *Fructu Vitæ*, (Sensu intelligimus Philosophico) verba fecerimus; superest, ut de *Culturâ Animi*, quæ ei debetur, dicamus: Sine quâ, Pars prior, nihil aliud videtur, quàm Imago quædam, aut Statua, pulchra quidè m Aspectu, sed Motu & Vitâ destituta. Cui Sententiæ Aristoteles ipse disertis Verbis suffragatur; *Necesse est igitur de Virtute dicere, & quid sit, & ex quibus gignatur. Inutile enim ferè fuerit, Virtutem quidem nosse, acquirendæ autem ejus modis & vias ignorare. Non enim de virtute tantum, quâ specie su, querendum est; sed & quomodo sui copiam faciat; utrumque enim volumus, & rem ipsam*

ipsam nosse, & ejus compotes fieri: Hoc autem ex voto non succedet, nisi sciamus, & ex quibus, & quo modo. Verbis aded expressis, atque etiã iteratò, hanc Partem inculcat; quam tamen ipse non persequitur. Hoc similiter illud est, quod Cicero Catoni Juniori, veluti Laudem non vulgarem, attribuit; quod icilicet, Philosophiam amplexus esset, *Non d'standi causâ, ut magna pars, sed ita vivendi*: Quamvis autem, pro temporum, in quibus vivimus, socordiâ, paucis curâ sit, ut Animum sedulò colant, & componant; & Vitæ Rationem, ad Normam aliquam instituunt (secundum illud Senecæ, *De partibus Vitæ quisque deliberat; de Summâ nemo*; Adeò ut hæc Pars censi possit supervacua) illud tamen minimè nos movet, ut eam intactam relinquamus, quin potiùs cum illo Hippocratis Aphorismo concludimus; *Qui gravi Morbo correpti, dolores non sentiunt, iis Mens ægrotat*. Medicinâ illis Hominibus opus est, non solùm ad curandum Morbum, sed ad Sensum expergefaciendum. Quod si quis objiciat, Animorum Curationem, Theologiæ Sacræ Munus esse, verissimum est quod asserit; Attamen *Philosophiam Moralem* in Famulitium Theologiæ recipi, instar Ancillæ Prudentis, & Pedissequæ fidelis, quæ ad omnes ejus nutus præstò sit, & ministret, quid prohibeat? Etenim quemadmodùm in Plålmo habetur, quod *Oculi Ancillæ perpetuò ad manus Domine respiciunt*; cum tamen minimè dubium sit, quin haud pauca Ancillæ Judicio & Curæ relinquuntur; Eodem modo & *Ethica* obsequium *Theologiæ* omninò præstare debet, ejusque Præceptis morigera esse; ita tamen ut & ipsa, intra suos limites, haud pauca sana & utilia Documenta, continere possit.

Hanc igitur Partem, (quandò Præstantiam ejus in Animo recoło) in *Corpus Doctrinæ* nondùm redactam, non possum non vehementer mirari. Eam igitur, ex more nostro, cum inter *Desiderata* collocemus; aliquâ ex parte adumbrabimus.

Ante omnia igitur in hac re (sicut & in universis, quæ spectant ad Præcticam) ratio nobis est subducenda, quid in nostrâ sit Potestate, quid non. In altero enim datur Alteratio, in altero verò Applicatio tantùm. Agricola nullum est Imperium, aut in Naturam Soli, aut in Aëris Temperies; Itidem nec Medico, aut in Crasin & Constitutionem Naturalem Ægri, aut in Accidentium Varietatem. At in *Culturâ Animi*, & Morbis ejus per sanandis, tria in Considerationem veniunt; *Characteres diversi Dispositionum*; *Affectus*; & *Remedia*: Quemadmodùm & in Corporibus medicandis proponuntur illa tria; *Complexio*, sive *Constitutio Ægri*; *Morbus*; & *Curatio*. Ex illis autem tribus, postremum tantùm in nostrâ potestate situm est; priora duo non item. Verùm & in illis ipsis, quæ in Potestate nostrâ non sunt, non minùs diligens facienda est Inquisitio, quam in illis, quæ potestati nostræ subjiciuntur. Etenim illorum perspicax, & accurata Cognitio, substernenda est *Doctrinæ de Remediis*, ut eadem commodiùs & feliciùs applicentur. Neque enim Vestis Corpori aptari possit, nisi Mensura Corporis antè excipiat.

Primus igitur Arriculus, *Doctrinæ de Culturâ Animi*, versabitur circa *diversos Characteres Ingeniorum sive Dispositionum*. Neque tamen loquimur de vulgatis illis Propensionibus in Virtutes & Vitia; aut etiã in Perturbationes, & Affectus: sed de magis Intrinsecis, & Radicalibus.

Sanè

Sanè subiit Animum, etiàm in hac Parte, nonnunquam Admiratio, quod à *Scriptoribus*, tam *Ethicis*, quam *Politicis*, ut plurimum neglecta, aut prætermiſſa ſit; cum utrique Scientiæ, clariffimum Luminis Jubar affundere poſſit. In *Traditionibus Astrologiæ*, non inſcire omninò diſtincta ſunt Ingenia, & Diſpoſitiones Hominum, ex Prædominantiis Planetarum; quod Alii à Naturâ facti ſint ad *Contemplationes*; Alii ad *Res Civiles*; Alii ad *Militiam*; Alii ad *Ambitum*; Alii ad *Amores*; Alii ad *Artes*; Alii ad *Genus Vitæ varium*. Itèm apud *Poetas* (Heroicos, Satyricos, Tragicos, Comicos) ſparguntur ubique Simulachra Ingeniorum, licet ferè cum exceſſu, & prætor modum Veritatis. Quin & hoc ipſum Argumentum, de *Diverſis Characteribus Ingeniorum*, eſt ex iis rebus, in quibus Sermones Hominum Communes (quod valdè rarò, interdum tamen contingit) Libris ipſis ſunt prudentiores. At longè optima hujus Tractatus Supellex & Sylva, peti debet ab *Historicis* prudentioribus; Neque tamen ab Elogiis tantum, quæ ſub Obiitum Perſonæ alicujus illuſtris, ſubnectere ſolent; ſed multò magis ex Corpore integro *Historiæ*, quoties hujusmodi Perſona, veluti Scenam conſcendat. Illa enim intertexta Imago, potior videtur Descriptio, quam Elogii Cenſura: Qualis habetur apud T. Livium, *Africani*, & *Catonis Majoris*; Apud Tacitum, *Tiberii*, *Claudii*, & *Neronis*; Apud Herodianum, *Septimii Severi*; Apud Philippum Comineum, *Lodovici undecimi Gallorum Regis*; Apud Franciſcum Guicciardinum, *Ferdinandi Hispani*, *Maximiliani Cæſaris*, & *Leonis*, & *Clementis*, Pontificum. Iſti enim Scriptores, harum Perſonarum, quas ſibi depingendas deligerunt, Effigies, quaſi perpetuò inſtuentes, nunquam ferè Rerum Geſtarum ab ipſis Mentionem faciunt, quin & aliquid inſupèr de Naturâ ipſorum inſpergant. Etiàm nonnullæ, in quas incidimus, *Relationes de Conclavibus Pontificum*, Characteres de Moribus Cardinalium bonos exhibuerunt: ſicut & *Litteræ Legatorum*, de Conſiliariis Principum. Fiat itaque ex eâ, quam diximus, Materiâ, (quæ certè fertilis eſt & copioſa) Tractatus diligens, & plenus. Neque verò volumus, ut *Characteres* iſti in *Ethicis* (ut ſit apud *Historicos*, & *Poetas*, & in Sermonibus Communibus,) excipiantur, tanquàm Imagines Civiles integre; ſed potiùs ut Imaginum ipſarum Lineæ, & Ductus magis ſimplices; quæ inter ſe compositæ & commixtæ quaſcunque Effigies conſtituunt; Quot & quales eæ ſint; & quomodò inter ſe connexæ, & subordinatæ; ut fiat tanquam artiſcioſa & accurata Ingeniorum & Animorum Diſſectio; atque ut Diſpoſitionum, in Hominibus Individuis, Secreta prædantur, atque ex eorum Notiâ, Curationum Animi Præcepta rectiùs inſtituantur.

Neque verò *Characteres Ingeniorum*, ex Naturâ impreſſi, recipi tantum in hunc Tractatum debent; ſed & illi, qui aliàs Animo impoſuntur, ex *Sexu*, *Ætate*, *Patriâ*, *Valetudine*, *Formâ*, & ſimilibus: Atque inſupèr illi, qui ex *Fortunâ*; veluti *Principum*, *Nobilium*, *Ignobilium*, *Divium*, *Pauperum*, *Magiſtratum*, *Idiotarum*, *Feliciùm*, *Ærumnoſorum*, & hujusmodi. Videmus enim Plautum, Miraculi loco habere, quod Senex quis ſit Beneficus; *Benignitas hujus*, ut *Adoleſcentuli* eſt.

D. autem

D. autem Paulus, Severitatem Disciplinae erga Cretenses præcipiens (*Increpa eos dure*) Ingenium Gentis ex Poeta accusat, *Cretenses semper Mendaces, malæ Bestiæ, Ventres pigri*. Salustius, id in Regum Ingeniis notat, quod apud eos frequens sit, Contradictoria appetere; *plerunque Regiæ voluntates, ut vehementes sunt, sic mobiles, sepeque ipse sibi adversæ*. Tacitus observat Honores & Dignitates Ingenia Hominum in deterius sæpius flectere, quam in melius; *Solus Vespasianus mutatus est in melius*. Pindarus illud animadvertit; Fortunam subitam & indulgentem, Animos plerunque enervare, & solvere; *Sunt, qui magnam felicitatem concoquere non possunt*. Psalmus innuit, facilius esse Modum adhibere & Temperamentum, in Fortunæ Statu, quam in Incremento; *Divitiæ si affluant, nolite Cor apponere*. De similibus quibusdam Observationibus, ab Aristotele in *Rhetoricis*, Mentionem obiter factam, non inficior; Necnon in aliorum Scriptis nonnullis sparsim; Verum nunquam adhuc incorporatæ fuerunt in *Moralem Philosophiam*; Ad quam principaliter pertinent; Non minus certè quam ad *Agriculturam*, Tractatus de Diversitate Soli & Glebæ; Aut ad *Medicinam*, Tractatus de Complexionibus aut Habitibus Corporum diversis. Id autem nunc tandem fieri oportet, nisi fortè imitari velimus Temeritatem Empiricorum, qui iisdem uruntur Medicamentis, ad Ægrotos omnes, cujuscunque sint Constitutionis.

Sequitur *Doctrinam de Characteribus, Doctrinam de Affectibus, & perturbationibus*; qui loco Morborum Animi sunt, ut jam dictum est. Quemadmodum enim Politici prisci, de Democratiis dicere solebant; Quod *Populus esset Mari ipsi similis, Oratores autem Ventis*; Quia sicut *Mare* per se placidum foret & tranquillum, nisi à *Ventis* agigaretur & turbaretur; sic & *Populus* esset Naturâ suâ pacatus & tractabilis, nisi à *seditionis Oratoribus* impelleretur, & incitaretur: Similiter verè affirmari possit, *Naturam Menis Humanæ*, sedatam fore, & sibi constantem; si *Affectus* tanquam *Venti*, non tumultuarentur, ac omnia miscerent. Et hic rursus subiit nova Admiratio, Aristotelem, qui tot Libros de *Ethicis* conscripsit, *Affectus*, ut membrum *Ethicæ* Principale, in illis non tractasse; In *Rhetoricis* autem, ubi tractandi interveniunt secundariò (quatenus scilicet Oratione cieri aut commoveri possint) locum illis reperisse: (In quo tamen loco, de iis, quantum tam paucis fieri potuit, acutè & benè disseruit:) Nam Disceptationes ejus de *Voluptate* & *Dolore*, huic Tractatui nullo modo satisfaciunt: Non magis, quam qui de *Luce* & *Lumine* tantùm scriberet, de *Particularium Colorum Naturâ* scripsisse diceretur: Siquidem *Voluptas* & *Dolor* erga *Affectus particulares* ita se habent, ut *Lux* erga *Colores*. Meliorem certè in hoc Argumento (quatenus ex his quæ nunc extant conjicere liceat) diligentiam adhibuerunt Stoici; attamen talem, quæ potius in Definitionum Subtilitate, quam in Tractatu aliquo pleno, & fuso, consisteret. Equidem reperio etiã Libellos quosdam elegantes, de nonnullis ex *Affectibus*; veluti de *Irâ*, de *inutili verecundiâ*, & aliis per paucis. Sed si verum omninò dicendum sit, Doctores hujus *Scientiæ* præcipui sunt *Poetæ*, & *Historici*; In quibus ad vivum depingi & disseccari solet, Quomodò *Affectus* excitandi sunt & accendendi? Quomodò leniendi

& sopiendi? Quomodo rursus continendi ac refrænandi, ne in Actus erumpant? Quomodo itidem se, licet compressi & occultati, prodant? Quas Operationes edant? Quas Vices subeant? Qualiter sibi mutuo implicentur? Qualiter inter se digladiantur & opponantur? & innumera hujus generis. Inter quæ hoc ultimum plurimi est usus, in *Moralibus & Civilibus*; Qualiter (inquam) *Affectus Affectum in ordinem cogat*; & *alterius auxilio, ad alterum subjugandum, uti liceat*? Venarum & Aucupum more, qui Bestiæ operâ ad Bestias, Volucris alicujus ad Volucres capiendas, utuntur: Quod fortasse aliter ex sese, absque Brutorum Auxilio, Homo tam facile præstare non possit. Quin & hoc Fundamento nititur, excellens ille, & per omnia patens, usus in Civilibus, *Premii & Pæne*; quæ Rerum pub. Columnæ sunt, cùm *Affectus* illi prædominantes, *Formidinis & Spei*, alios omnes *Affectus* noxios coerceant & supprimant. Etiam, sicut in Regimine Status, non raro fit, ut *Factio Factione in Officio* contineatur; similiter fit & in Regimine Mentis interno.

Pervenimus nunc ad illa, quæ in nostrâ sunt potestate, quæque operantur in Animum; Voluntatemque & Appetitum afficiunt, & circumagiunt; ideoque ad immutandos Mores plurimum valent. Quâ in Parte debuerant Philosophi strenuè & gnavitè inquirere, *De Viribus & Energiâ Consuetudinis, Exercitationis, Habitus, Educationis, Imitationis, Emulationis, Convictus, Amicitia, Laudis, Reprehensionis, Exhortationis, Famæ, Legum, Librorum, Studiorum*, & si quæ sunt alia. Hæc enim sunt illa, quæ regnant in *Moralibus*; Ab istis Agentibus Animus patitur & disponitur; Ab istis, veluti Ingredientibus, conficiuntur Pharmaca, quæ ad conservandam, & recuperandam Animi Sanitatem conducant; quatenus Remediis Humanis, id præstari possit. Ex quorum Numero unum aut alterum seligemus, in quibus paululum immoremur, ut reliquis sint Exemplo. *De Consuetudine* igitur, & *Habitu*, pauca delibabimus.

Opinio illa Aristotelis, planè mihi videtur, Angustias quasdam Contemplationis, & Negligentiam sapere: cùm asserit, in illas Actiones, quæ Naturales sunt, *Consuetudinem* nihil posse: Exemplo usus; *Quod si Lapis millies projiciatur in altum, ne Inclinationem quidem sponte ascendendi acquirat*: Quinetiam, quod *sæpius Videndo, aut Audiendo, nihil melius aut videmus, aut audimus*. Quamvis enim hoc teneat in aliquibus, ubi Natura est peremptoria (cujus Rei Causas reddere in præsentia non vacat) aliter tamen in illis fit, in quibus Natura, secundum Latitudinem quandam, patitur Intentionem & Remissionem. Sanè videre potuit, *Chirothecam* paulò arctiorem, manui sæpius inducendo, laxiorem reddi; *Baculum* usu & morâ in Contrarium Flexus sui Naturalis incurvari, & in eodem Statu paulò post durare; *Vocem* exercitando, magis fieri robustam & sonoram; *Frigora, Aestumque consuetudine* tolerari; & ejusdem generis complura. Quæ quidem posteriora duo Exempla propius accedunt ad rem, quam quæ ab ipso adducta sunt. Attamen, utcunque hoc se habeat, quò magis verum fuerit, *Tam Virtutes, quam vitia, in Habitu consistere*; eò magis ei contendendum fuerat, ut Normas præscriberet, quomodo hujusmodi *Habitus* fuerint acquirendi,

rendi, aut amovendi. Plurima siquidem confici possint Præcepta, de prudenti Institutione Exercitationum Animi, non minùs quam Corporis. Illorum paucula recensebimus.

Primum erit, ut jam à Principio caveamus, à *Pensis, vel magis arduis, vel magis pusillis*, quam res postulat: Nam si Oneris nimium imponatur, apud Ingenium mediocre, benè Sperandi Alacritatem obtundes; apud Ingenium fiduciæ plenum, Opinione concitabis, quâ plus sibi polliceatur, quam præstare possit; Quod secum trahit Socordiam. In utroque autem Ingenii Temperamento, fiet ut Experimentum Expectationi non satisfaciat: Id quod animum semper deiecit, & confundit. Quod si pensa leviora fuerint, magna inducitur, in progressione Summâ, Iactura.

Secundum erit, ut ad exercendam Facultatem aliquam, quò *Habitus comparetur*, duo inprimis Tempora observentur: Alterum, quandò Animus optimè fuerit ad Rem dispositus; Alterum, quandò pessimè: Ut ex priore, plurimum in viâ promoveamus; ex posteriore, Nodos Obicesque Animi contentione strenuâ deteramus: unde Tempora Media facile & placidè labentur.

Tertium erit illud Præceptum, cuius Aristoteles obiter meminit; *Vi totis viribus* (citra tamen Vitium) *nitamur in contrarium illius, ad quod Naturâ maxime impellimur*; Sicut cum in adversum Gurgitis remigamus; Aut Baculum incurvum, ut rectum fiat, in contrarium flectimus.

Quartum Præceptum ex illo Axiomate pandet, quod verissimum est; *Animum ad quæcunque felicius trahi & suavius, si illud, quò tendimus, in Intentione operantis, non sit principale, sed tanquàm Aliud Agendo superetur*; quoniam ita fert Natura, ut Necessitatem & Imperium durum fermè oderit. Sunt & alia multa, quæ utiliter præcipi possint, de Regimine Consuetudinis: Consuetudo enim, si prudenter & peritè inducatur, fit reverà (ut vulgò dicitur) *Aliera Natura*: Quod si imperitè, & fortuito administratur, erit tantum *Simia Naturæ*; quæ nihil ad vivum imitetur, sed inscitè tantum, & deformitè.

Similiter, si de *Libris & Studiis*, eorumque ad *Mores* Virtute & Influentiâ, verba facere vellemus; num-nam desunt plurima Præcepta, & Consilia fructuosa, eò spectantia? Annon unus ex Patribus, magnâ cum Indignatione, *Poesim* appellavit *Vinum Demonum*; cum reverà progignat, plurimas Tentationes, Cupiditates, & Opiniones vanas? Annon prudens admodum, & digna, quæ benè perpendatur, est Sententia Aristotelis, *Juvenes non esse idoneos Moralis philosophiæ Auditores*; quia in illis Perturbationum Æstuatio nondum sedata est, nec Tempore & Rerum Experientiâ consopita? Atque ut verum dicamus, Annon ideò fit, ut Scriptorum priscorum præstantissimi Libri, & Sermones (quibus ad Virtutem Homines efficacissimè invitati sunt; tam *Augustam* ejus *Majestatem* omnium Oculis repræsentando; quam Opiniones populares, in Virtutis Ignominiam, tanquàm *Habitu Parasitorum* indutas, derisui propinando) tam parum prosint, ad Vitæ Honestatem, & Mores pravos corrigendos, quia perlegi & revolvi non consueverunt, à Viris Ætate & Judicio maturis, sed pueris tantum & Tyronibus

Tyronibus relinquuntur? Annon & hoc verum est, Juvenes multò minùs *Politici*, quam *Ethici*, Auditores idoneos esse, antequàm *Religione*, & *Doctrinâ de Moribus & Officiis*, planè imbuantur; ne fortè Iudicio depravati & corrupti, in eam Opinione veniant, non esse Rerum Differentias Morales veras & solidas; sed Omnia ex Utilitate, aut Successu metienda? Sicut Poeta canit;

Prosperum & felix Scelus Virtus vocatur.

Et rursus,

Ille Crucem pretium Sceleris tulit, hic Diadema.

Ac Poetæ quidem hæc Satyricè, & per Indignationem loqui videntur: At *Libri* nonnulli *Politici*, idem seriò & positivè supponunt. Sic enim Maccavello dicere placet, *Quod si contigisset Cesarem Bello superavisse, Caulinâ ipso fuisset odiosior*: Quasi verò nihil interfuisset, præter fortunam solam, inter Furiam quandam, ex Libidine & Sanguine conflata; arque Animum excelsum, & inter Homines Naturales, maximè omnium (si Ambitio abfuisset) suspiciendum. Videmus etiàm, ex hoc ipso, quam necessarium sit, Homines, *Doctrinis piis & Ethicis*, antequàm *Politicam* degustent, plenis faucibus haurire: Nimirum, quod qui in Aulis Principum, & Negotiis Civilibus, à teneris (ut aiunt) Unguiculis innutriti sunt, nunquàm ferè sinceram & internam Morum Probitatem assequantur; quantò minùs si accesserit etiàm Librorum Disciplina? Porro, & in Documentis ipsis Moralibus, vel saltem aliquibus eorum, annon Cautio paritèr est adhibenda, ne inde fiant Homines pertinaces, arrogantes, & infociabiles, juxta illud Ciceronis de M. Catone; *Hæc Bona, quæ videmus, divina & egregia, ipsius scire esse Propria; quæ nonnunquam requirimus; Ea sunt omnia, non à Naturâ, sed à Magistris.* Sunt & Axiomata alia complura, de iis, quæ à *Studiis & Libris*, Hominum Animis ingenerantur. Verum est enim quod dicit ille, *Abeunt Studia in Mores*: Quod paritèr affirmandum, de cæteris illis Rebus, *Convictu, Famâ, Legibus patriis, & reliquis*, quas paulò antè recensuimus.

Cæterum *Animi* quædam est *Cultura*, quæ adhuc magis accurata, & elaborata videtur, quam reliquæ. Nititur autem hoc Fundamento; *Quod omnium Mortalium Animi, certis temporibus, reperiantur in statu perfectiore; aliis, in statu magis depravato.* Hujus igitur *Culturæ Intentio* fuerit & Institutum, ut *Bona illa tempora* foveantur; *Prava* verò, tanquàm ex Calendario deleantur, & expungantur. Ac *honorum* quidem *Temporum Fixatio* duobus modis procuratur; *Volis*, aut saltè *Constantissimis Animi Decretis*; & *Observantiis*, atque *Exercitationibus*: quæ non tantum in se valent, quantum in hoc, quod Animum in *Officio*, & *Obedientiâ* jugitèr contineant. *Multum Temporum Oblivatio*, duplici itidè ratione perfici potest, *Redemptione aliquâ, vel Expiatione præteritorum*; & *Novo Vitæ Instituto*, veluti *de Integro*. Verùm hæc Pars, ad Religionem planè spectare videtur; Nec mirum, cum *Moralis Philosophiæ* vera & genuina (sicut antè dictum est) *Ancillæ* tantum vices erga Theologiam suppleat.

Quamobrem, concludemus hanc Partem de *Culturâ Animi*, cum eo *Reperio*, quod omnium est maximè *Compendiosum, & Summarium*;

&

& rursus maximè Nobile & Efficax, quo Animus ad Virtutem efformetur, & in Statu collocetur Perfectioni proximo. Hoc autem est, *Vi Fines Vitæ Actionumque deligamus, & nobis ipsis proponamus, rectos, & Virtuti congruos; qui tamen tales sint, ut eos assequendi nobis aliqua eius suppetat Facultas.* Si enim hæc duo supponantur; ut & *Fines Actionum sint honesti, & boni; & Decretum Animi de iis assequendis, & obtinendis, fixum sit & Constans;* sequetur, ut continuò vertat & efformet se Animus, unâ operâ, in Virtutes omnes. Atque hæc certè, illa est Operatio, quæ *Natura ipsius Opus* referat; cùm reliquæ, quæ diximus, videantur esse solummodò sicut *Opera Manûs.* Quemadmodum enim *Statuarius*, quandò Simulachrum aliquod sculpsit aut incidit, illius solummodò Partis Figuram effingit, circa quam Manus occupata est, non autem cæterarum: (veluti si Faciem efformet, Corpus reliquum rude permanet & informe Saxum, donec ad illud quoque pervenerit;) Econtrà verò *Natura*, quandò Florem molitur, aut Animal, Rudimenta Partium omnium simul parit, & producit: Eodem modò, quandò Virtutes Habitu acquiruntur, dum Temperantiæ incumbimus, ad Fortitudinem, aut reliquas parùm proficimus: quandò autem *Rectis & honestis Finibus*, nos dedicaverimus penitus, & devoverimus, quæcunque fuerit virtus, quam Animò nostro commendaverint, & imperaverint Fines illi, reperiemus nos jamdudum imbutos, & prædispositos *Habilitate & propensione nonnullâ, ad eam assequendam & exprimendam.* Atque hic possit esse Status ille Animi, qui egregiè ab Aristotele describitur; & ab eo, non *Virtutis*, sed *Divinitatis* cujusdam Characterè insignitur. Ipsa ejus Verba hæc sunt; *Immanitati autem consentaneum est, opponere eam, quæ supra Humanitatem est, Heroicam sive Divinam Virtutem.* Et paulò post, *Nam ut Fera, neque Vitium, neque Virtus est, sic neque Dei. Sed hic quidem Status, altius quiddam Virtute est; ille aliud quiddam à vitio.* Plinius certè Secundus, ex Licentiâ Magniloquentiæ Ethnicæ, Trajani Virtutem, Divinæ, non tanquàm Imitamentum, sed tanquàm Exemplar, proponit, cùm ait; *Opus non esse Homi-nibus, alias ad Deos preces fundere, quam ut benignos aque & propitios se Dominos Mortalibus præstarent, ac Trajanus præstisset.* Verùm hæc profanam Ethnicorum Jactantiam sapiunt, qui Umbras quasdam Corpore majores prensabant. At Religio vera, & Sancta Fides Christiana, rem ipsam petit; Imprimendo Animis Hominum Charitatem, quæ appositissimè *Vinculum perfectionis* appellatur, quia Virtutes omnes simul colligat, & revincit. Sanè elegantissimè dictum est à Menandro, de *Amore Sensuali*, qui *Divinum* illum perperam imitatur; *Amor, melior Sophistâ lævo, ad Humanam Vitam.* Quibus innuit, Morum Decus meliùs ab Amore efformari, quam à Sophistâ & præceptore inepto, quem *Lævum* appellat. Siquidem universis suis operosis Regulis & Præceptionibus, Hominem tam dextrè & expeditè effingere nequeat, ut seipsum & in pretio habeat, & se bellè in omnibus componat, quam Amor facit. Sic proculdubio, si Animus cujuscpiam, fervore *Charitatis* veræ, incendatur, ad majorem Perfectionem evehetur, quam per *Universam Ethicam Doctrinam;* Quæ *Sophistæ* profectò habet *Rationem*, si cum alterâ illâ conferatur. Quinetiàm, sicut Xenophon rectè obser-

observavit ; *Cæteros Affectus, licet Animum auollant, eum tamen distor-*
quere & discomponere, per Ecstases, & Excessus suos ; Amorem verò solum,
eum simul & diluere, & componere : Sic omnes aliæ Humanæ, quas ad-
miramur, Dorès, dum Naturam in majus exaltant, Excessui interim
sunt obnoxia ; Sola autem Charitas non admittit Excessum. Angeli,
dum ad Potentiam, Divinæ pareni, aspirarent, prævaricati sunt & ceci-
derunt : Ascendam & ero similis Altissimo. Homo dum ad Scientiam,
Divinæ pareni, aspiraret, prævaricatus est, & lapsus : Eritis sicut Di, sci-
entes Bonum & Malum. Verùm ad Similitudinem, Divinæ Bonitatis, aut
Charitatis, aspirando, nec Angelus, nec Homo, unquam in Periculum
venit, aut veniet. Imò ad hanc ipsam Imitationem etiã invitamur ; Di-
ligite Inimicos vestros, benefacite his, qui oderunt vos, & orate pro persequen-
tibus, & calumniantibus vos, ut sitis Filius patris vestri, qui in cœlis est, qui
solem suum oriri facit super Bonos & Malos, & pluit super Iustos & Injustos.
Quin & in ipso Archetypo Naturæ Divinæ, verba sic collocat Religio
Ethnica (Optimus, Maximus,) Scriptura autem Sacra pronunciat ;
Misericordia ejus super omnia Opera ejus.

Hanc itaque *Moralis Doctrinæ* Partem, de *Georgicis Animi*, jam ab-
 solvimus. In quâ, si ex intuitu Portionum ejus, quas perstrinximus,
 quis existimet, Operam nostram in hoc tantummodò sitam esse, ut ea
 in *Ariem* seu *Doctrinam* redigeremus, quæ ab aliis Scriptoribus præter-
 missa sint, tanquam vulgata & obvia, & per se satis clara & perspicua ;
 suo Judicio libere utatur. Interim illud meminerit, quod ab initio mo-
 nuimus, propositum à nobis esse, non Rerum Pulchritudinem, sed Usum
 & Veritatem sectari. Recorderit etiã paulispèr Commentum illud
 Parabola antiquæ, de *Geminis Somni Portis*.

Sunt gemine Somni portæ, quarum altera feritur

Cornea, quâ veris facilis datur Exitus umbris ;

Alterâ candenti perfecta nitens Elephanto ;

Sed falsa ad Cælum mittunt Insomnia Manes.

Insignis sanè Magnificentiæ *Portæ Eburnæ*, tamen *Somnia* vera per *Cor-*
neam committant.

Additamenti vicè poni possit circa *Doctrinam Ethicam* Observatio
 illa ; Inveniri nimirum Relationem & Congruitatem quandam, in-
 ter Bonum Animi, & Bonum Corporis. Nam sicut Bonum Corporis ;
 constare diximus, ex Sanitate, Pulchritudine, Robore, ac Voluptate ; Sic
 Animi Bonum, si juxta *Moralis Doctrinæ* scita illud contemplerur, huc
 tendere perspiciemus ; ut Animum reddat Sanum, & à Perturbationi-
 bus immunem ; Pulchrum, verique decoris Ornamentis excultum ;
 Fortem, ac Agilem ad omnia Vitæ Munia obeunda ; Denique non
 Stupidum, sed Voluptatis & Solatii Honesti Sensum vividè retinen-
 tem. Hæc autem, sicut in Corpore, ita & in Animo, rarò simul omnia
 conjunguntur. Facile enim videre est, Multos, Ingenii Viribus, &
 Fortitudine Animi, pollentes, quos infestant tamen Perturbationes ;
 quorumque etiã Moribus vix aliquid Elegantia aut Venustatis
 aspergitur : Alios, quibus abundè est in Moribus Elegantiæ & Ve-
 nustatis, illis tamen non suppetit, aut Probitas Animi ut velint,
 aut Vires ut possint rectè agere : Alios, Animo præditos honesto,

atque à Vitiorum labe repurgato, qui tamen nec sibi ipsis Ornamento sunt, nec Reipub: utiles: Alios, qui istorum fortassè trium compotes sunt, sed tamen Stoicâ quâdam tristitiâ, & stupiditate præditi, Virtutis quidem Actiones exercent, Gaudiis non perfruuntur. Quod si contingat, ex quatuor istis, duo aut tria aliquando concurrere, rarissimè tamen fit, quemadmodum diximus, ut omnia. Jam verò

Principale istud Membrum *Philosophiæ Humanæ*, quæ *Hominem* contemplatur, quatenus ex *Corpore* consistit, atque *Animâ*, sed tamen *segregatum*, & *citra Societatem*, à nobis pertractatum est.



FRAN-



FRANCISCI BACONI
 BARONIS
 DE
 VERULAMIO,
 VICE-COMITIS
 SANCTI ALBANI,
 DE
Dignitate & Augmentis Scientiarum
 LIBER OCTAVUS.

AD REGEM SUUM.

CAPUT I.

*Partitio Doctrinæ Civilis, in Doctrinam de Conversatione;
 Doctrinam de Negotiis; & Doctrinam de Imperio;
 sive Repub.*



Etus est Narratio (Rex Optime) convenisse complures Philosophos solennitèr, coram Legato Regis Exteri; atque singulos pro virili parte, Sapientiam suam ostentasse; ut haberet Legatus, quæ referret, de mirabili Sapientiâ Græcorum. Unus tamen ex eorum Numero *silebat*, & nihil adducebat in medium; adeò ut Legatus ad eum conversus diceret; *Tu verò quid habes, quod referam?* Cui ille; *Refer* (inquit) *Regi tuo, te invenisse apud Græcos aliquem, qui Tacere sciret.* Equidem ob-

litus eram, in hac Artium Synopsi, *Artem Tacendi* interserere: Quam tamen (quoniam plerumque *Desideretur*) Exemplo jam proprio docebo. Etenim, cum me tandem Ordo Rerum ad illud deduxerit, ut paulò post de *Arte Imperii* tractandum sit; cumque ad tantum Regem scribam, qui perfectus adeò in eà Arte sit Magister, ipsamque ab Incunabulis suis hauserit; Nec omninò immemor esse possim, qualem apud Majestatem tuam Locum sustinuerim; consentaneum magis existimavi, me ipsum *Tacendo* de hac re, apud Majestatem tuam, quam Scribendo, probare. Cicero verò, non solum Artis, verum etiam Eloquentiæ cuiusdam, quæ in *Tacendo* reperiatur, meminit. Cum enim, Sermones nonnullos suos, cum alio quodam, ultrò citròque habitos, in Epistola quâdam ad Atticum commemorasset, sic scribit: *Hoc loco, sumpsi aliquid de inâ Eloquentiâ, nam Tacui*. Pindarus verò, (cui illud peculiare est, Animos Hominum, inopinatò, Sententiola aliquâ mirabili, veluti Virgulâ Divinâ, percutere) hujusmodi quidpiam ejaculatur; *Interdum magis afficiunt non Dicta, quam Dicta*. In hac Parte igitur, *Tacere*, aut quod Silentio proximum est, *Brevitas* admodum esse decrevi. Verum, antequàm ad *Artes Imperii* perveniam, haud pauca, de aliis *Doctrinæ Civilis Portionibus* sunt præmittenda.

Scientia Civilis, versatur circa Subjectum, quod cæterorum omnium, maximè est Materix immersum; ideòque difficillime ad Axiomata reducitur. Sunt tamen nonnulla, quæ hanc Difficultatem levant. Primò enim, quemadmodum Cato ille *Censorius*, de Romanis suis, dicere solitus est; *Ovibus eos similes esse, quarum Gregem integrum, minore quis molestiâ ageret, quam unam aliquam: quoniam si paucas ex grege, in rectam ineam viam, propellere possis, ceteræ ultrò sequuntur*: Similiter, hoc quidem respectu, *Ethicæ Munus*, est quodammodò illo *Politicæ*, difficilius. Secundò, proponit sibi *Ethica*, ut *Animus Bonitatis Internæ* imbuatur, & cumuletur; At *Civilis Scientia*, nihil amplius postulat, præter Bonitatem Externam; Hæc enim ad *Societatem* sufficit. Itaque non rarò accidit, ut Regimen sit bonum, Tempora mala: Siquidem in Sacrà Historiâ illud non semel occurrit (Cum de Regibus bonis & piis narretur) *Sed adhuc Populus, non direxerat Cor suum, ad Dominum Deum Patrem suorum*. Itaque, & hoc quoque Respectu, duriores Partes sunt *Ethicæ*. Tertiò, hoc habent Respub. ut tanquàm Machinæ grandiores, tardiùs moveantur, nec sine magno molimine; unde haud tam citò labefactantur: Sicut enim in Ægypto, septem Anni Fertiles, Steriles septem sustentârunt; ita in Rebuspub. priorum Temporum bona Institutio, efficit, ut sequentium Errores non statim perniciem inferant: At singulorum Hominum Decreta, & Mores, magis subito subverti solent. Hoc denique *Ethicam* gravat, *Politica* succurrit.

Scientia Civilis, tres habet Partes, juxta tres Societatis Aëiones Summarias: *Doctrinam de Conversatione*; *Doctrinam de Negotiis*; & *Doctrinam de Imperio* sive *Repub.* Tria siquidem sunt Bona, quæ ex *Societate Civili*, Homines sibi parare expetunt: *Solamen contra Solitudinem*, *Adjumentum in Negotiis*; & *profectio contra Injurias*. Suntque istæ tres *Prudentiæ*, planè inter se diversæ, & sæpenuerò disjunctæ; *Prudentia*

in Conversando ; Prudentia in Negotando ; & Prudentia in Gubernando.

Enimvero, quod ad *Conversacionem* attinet, Illa, certè affectata esse non debet, at multò minùs neglecta ; Cum Prudentia in ejus Modamine, & Decus quoddam Morum in se ipsà præ se ferat ; & ad Negotia, tam publica, quam privata, commodè administranda, plurimum juvet. Etenim sicut Actio Oratori, tantum habetur, (licet sit Externum quiddam) ut etiam illis alteris Partibus, quæ graviores, & interiores videntur, anteponatur ; eodem ferè modo, in Viro Civili, *Conversatio*, ejusque Regimen (utcumque in Exterioribus occupetur) si non summum, at certè Eximium locum invenit. Qualè enim pondus habet, *Vultus* ipse, ejusque Compositio ? Rectè Poeta ;

— *Nec Vultu destrue Verba uno.*

Poterit enim quis *Vim Orationis*, *Vultu* labefactare, & planè prodere. Quin & *Facta*, non minùs quam *Verba*, *Vultu* pariter destrui possint, si Ciceroni credamus ; Qui, cum Fratri Affabilitatem commendaret erga Provinciâles ; non in hoc eam potissimum sitam dixit, ut Aditus præberet ad se faciles, nisi etiam *Vultu* ipso comitèr accedentes exciperet ; *Nil interest habere Ostium apertum, vultum clausum.* Videmus quoque Atticum, sub primum Ciceronis cum Cæsare Congressum, Bello adhuc fervente, diligenter & seriò Ciceronem per Epistolam monuisse, de *Vultu* & *Gestu*, ad Dignitatem & Gravitatem componendis. Quod si tantum possit, *Oris* & *Vultus* solius Moderatio, quantò magis *Sermo Fanliaris*, & alia, quæ ad *Conversacionem* pertinent ? Atque sanè Summa, & Compendium Decorum, & Elegantiæ Morum, in hoc ferè sita sunt ; ut quasi æquâ Lance, & propriam Dignitatem, & aliorum, metiamur & tueamur : Quod etiam, non malè expressit T. Livius, (licet alii Rei intentus) eo Personæ Characterè ; *Ne (inquit) aut arrogans videar, aut obnoxius ; quorum alterum est, alienæ libertatis Oblivis, alterum, suæ.* Ex contrariâ verò parte, si *Urbanitati*, & Elegantiæ Morum externæ, impensius studeamus, transeunt illæ in Affectationem quandam Deformem, & Adulterinam ; *Quid enim deformius, quam Scenam in Vitam transferre ?* Quinctiam, licet in Excessum illum vitiosum minimè polabantur, Temporis tamen Nimium in hujusmodi Leviculis absumentur ; Animusque ad curam ipsarum, magis quam oportet, deprimitur. Ideoque sicut in Academicis, Adolescentes Literarum Studiosi, at Sodalium Congressibus plus satis indulgentes, moneri soleant à Præceptoribus : *Amicos esse Fures Temporis* : Sic certè assidua ista, in *Conversacionis* Decorum, Animi Intentio, magnum gravioribus Meditationibus Furtum facit. Deinde, qui Primas adeò in *Urbanitate* obtinent, & ad hanc rem unam quasi nati videntur, hoc ferè habent, ut sibi ipsis in illâ solâ complacent, & ad Virtutes solidiores, & celsiores, vix unquam aspirent. : Quando econtrâ, qui sibi in hac parte Defectus sunt, conscii, Decus ex bonâ Existimatione quærunt : Ubi enim adest bona Existimatio, omnia ferè decent ; ubi verò illa deficit, tum demùm à Commoditate Morum, atque *Urbanitate*, subsidium petendum est. Porro, ad res gerendas, vix gravius, aut frequentius reperias Impedimentum, quam hujusce Decori externi Curiosam nimis Observationem ; atque illud alterum,

quod huic ipsi inservit : nimirum, anxiam Temporis atque Opportunitatum Electionem. Egregiè enim Salomon ; *Qui respicit ad Ventos, non seminat ; qui respicit ad Nubes, non metit* : Creanda liquidem nobis est Opportunitas, sæpius quam opperienda. Ut Verbo dicamus, *Verbana* ista Morum *Compositio*, veluti Vestis Animi est ; & proinde Vestis Commoditates referre debet. Primum enim, talis esse debet, ut sit in usu communi : Rursus, ut non sit nimis delicata aut sumptuosa : Deinde, ita conficienda, ut si qua sit in Animo Virtus, eam exhibeat maxime conspicuam ; si qua Deformitas, eandem suppleat, & occultet : Postremo, & super omnia, ne sit nimis arcta, atque ita Animum angustiet, ut ejusdem Motus in rebus gerendis, cohibeat & inpediat. Verum hæc Pars *Scientiæ Civilis de Conversatione*, elegantè profectò à nonnullis tractata est, neque ullo modo tanquam *Desiderata* reponi debet.

CAPUT II.

Partitio Doctrinæ de Negotiis ; in Doctrinam de Occasionibus Sparsis ; & Doctrinam de Ambitu Vitæ. Exemplum Doctrinæ, de Occasionibus Sparsis, ex Parabolis aliquibus Salomonis. Præcepta, de Ambitu Vitæ.

Doctrinam de Negotiis, partiemur in Doctrinam de Occasionibus Sparsis, & Doctrinam de Ambitu Vitæ ; Quarum Altera, universam *Negotiorum* Varietatem complectitur, & Vitæ Communis tanquam *Amanuens* est ; Altera, ea tantum, quæ ad *propriam cujusque Fortunam* amplificandam spectant, excerpit, & suggerit ; quæ singulis, pro intimis quibusdam Rerum suarum *Tabellis*, aut *Codicillis* esse possint. Verum antequam ad Species descendamus, aliquid, circa *Doctrinam de Negotiis* in genere, præfabimur. *Doctrinam de Negotiis*, pro rei Momento, tractavit adhuc nemo ; cum magnâ, tam Literarum, quam Literatorum, Existimationis jacturâ. Ab hac enim Radice pullulat illud Malum, quod notam Eruditis inussit ; Nimirum, *Eruditionem & Prudentiam civilem raro admodum conjungi*. Etenim si quis rectè advertat, ex Prudentiis illis tribus, quas modò diximus ad Vitam Civilem spectare ; Illa *Conversationis* ab Eruditis ferè contemnitur, tanquam Servile quiddam, atque insuper Meditationibus inimicum. Quod verò ad illam de *Repub. Administrandâ* ; sanè si quandò Rerum Gubernaculis admoveantur Eruditi, Munus suum non incommodè sustinent ; Verum ea promotio contingit paucis. De *Prudentiâ autem Negotiandi* (quâ de nunc loquimur) in quâ Vita Humana plurimum versatur, nulli omnino Libri conscripti habentur ; præter pauca quædam *Monita Civilia*, in Fasciculum unum aut alterum collecta, quæ Amplitudini hujus Subjecti, nullo modo respondent : Etenim si Libri aliqui extarent, de hoc Argumento, sicut de cæteris, minimè dubitaverim, quin Viri Eruditi, aliquo Experientiæ Manipulo

Manipulo instructi, Ineruditos, licet diutinâ Experientiâ edoctos, longè superarent; & proprio illorum (quod dicitur) *Arripis* magis è longinquo ferirent.

Neque verò est cur vereamur, ne *Scientiæ* hujus, tam varia sit Materia, ut sub Præceptionibus non cadat: Multò siquidem angustior est, quam illa *Reip. Administrandæ Scientiæ*; quam tamen apprime videmus exultam. Hujus generis *Prudentiæ*, apud Romanos, optimis temporibus, exstitisse videntur nonnulli Professores. Testatur enim Cicero, moris fuisse, paulò ante sua Secula, ut Senatores, Prudentia, & Rerum usu maximè celebres (*Cotuncanii, Curii, Lælii, & alii*), statis Horis, in Foro deambulant; ubi Civibus copiam sui facerent, & consulerentur; non de Jure, sed de Negotiis omnigenis; Veluti de *Filiâ elocandâ*, sive de *Filio educando*, sive de *prædio coemendo*, de *Contractibus*, *Accusatione*, *Defensione*; aut aliâ quacunque re, quæ in Virâ Communi interveniat. Ex quo liquet, Prudentiam quandam esse, *Consilium dandi*, etiam in Negotiis Privatis; ex Universali Rerum Civilium Cognitione & Experientiâ promanantem; quæ exerceatur quidem in Casibus Particularibus, extrahatur autem ex generali Casuum Consimilium Observatione. Sicenim videmus, in eò Libro, quem ad Fratrem conscripsit, Q. Cicero, de *Petitione Consulatus* (quem Unicum à Veteribus habemus, quantum memini, Tractatum, de *Negotio aliquo Particulari*) quanquàm ad Consilium dandum, de re tum præsentis, potissimum spectaret, plurima tamen contineri Axiomata Politica, quæ non usum solum temporarium, sed Normam quandam perpetuam, circa Electiones populares præscribant. In hoc genere autem, nihil invenitur, quod ullo modo comparandum sit, cum *Aphorismis* illis, quos edidit Rex Salomon: De quo testatur Scriptura, *Cor illi fuisse instar Arenæ Maris*; Sicut enim *Arenæ Maris* universas Orbis oras circumdant; ita & Sapiencia ejus omnia Humana, non minùs quam Divina, complexa est. In *Aphorismis* verò illis, præter alia magis Theologica, reperies liquidò, haud pauca Præcepta, & Monita Civilia præstantissima; ex profundis quidem Sapienciæ Penetralibus scaturientia, atque inamplissimum Varietatis Campum excurrentia. Quoniam verò, *Doctrinam de Occasionibus Sparsis* (quæ, *Doctrinæ de Negotiis*, Portio est prior) inter *Desiderata* reponemus, ex more nostro, paulisper in illâ immorabimur: Atque Exemplum ejusdem, ex *Aphorismus* sive *Parabolis* illis Salomonis, desumptum proponemus. Neque verò quis, ut arbitramur, nos meritò sugillare possit, quod ex Scripturibus Sacræ Scripturæ aliquem, ad Sensem Politicum trahamus: Equidem existimo, si extant Commentarii illi, Salomonis ejusdem, de *Naturâ Rerum*, (in quibus de *Omni vegetabili*, à *Museo super Murum*, à *Cedrum Libani*, itenique de *Animalibus* conscripsit) non illicitum esse, eos secundum Sensem Naturalem, interpretari: Quod idem nobis liceat in *Politicis*.

Exemplum

**Exemplum Portionis Doctrinæ de Occa-
sionibus sparsis, ex Parabolis aliquibus
Salomonis.**

PARABOLA.

1. *Mollis Responsio frangit iram.*

EXPLICATIO.

Si incendatur *Ira* Principis, vel Superioris adversus te; & tuæ jam sint loquendi partes, duo præcipit Salomon: Alterum, ut fiat *Responsio*; Alterum, ut eadem sit *mollis*. Prius continet tria præcepta. Primò, ut caveas à *Silentio iristi & contumaci*: Illud enim, Aut culpam totam in te recipit; ac si nihil habeas, quod respondere possis; Aut Dominum occultè Iniquitatis insimulat, ac si Aures ejus, Defensionì, licet justæ, non paterent. Secundò, ut caveas à *re comperendinandâ*, neque tempus aliud ad Defensionem postules: Hoc enim, Aut eandem Notam inurit, quam prius, (nimirum Dominum tuum nimia Mentis Perturbatione efferri,) Aut planè significat, te Artificiosam quandam Defensionem meditari, cum in promptu nihil habeas: Adeò ut optimum semper fuerit, aliquid in præsentia, & è re natâ, in Excusationem tui adducere. Tertiò, ut fiat prorsus *Responsio*: *Responsio* (inquam) non mera *Confessio*, aut mera *Submissio*, sed aliquid *Apologiæ*; & Excusationis inspergatur: Neque enim aliter tutum est facere, nisi apud Ingenia valdè Generosa & Magnanima; quæ rara admodum sunt. Sequitur posteriore loco, ut *Responsio sit mollis*, minimè præfracta, aut aspera.

PARABOLA.

2. *Servus prudens dominabitur in Filium stultum; Et partietur hereditatem inter Fratres.*

EXPLICATIO.

In omni Familiâ, turbatâ & discordi, semper exurgit aliquis *Servus*, aut *humilis Amicus*, præpotens, qui pro Arbitro segerat, ad Lites Familiæ componendas; cuique, eo nomine, & Familia tota, & Dominus ipse, sunt obnoxii. Ille, si suam rem agat, Familiæ Mala fovet, & aggravat; si fidelis revera fuerit & integer, plurimum certè meretur: Adeò ut etiâ tanquam inter *Fratres* haberi debeat, aut saltem *procuracionem Hereditatis* accipere *Fiduciariam*.

PARABOLA.

3. *Vir Sapiens, si cum stulto contenderit; sive irascatur, sive rideat, non inveniet requiem.*

EXPLICATIO.

Monemur sæpiùs, ut *Congressum imparem fugiamus*; eo sensu, *Necum potioribus decertemus*. At haud minùs utile est Monitum, quod hic exhibet Salomon, *Ne cum Indigno contendamus*. Iniquâ enim prorsus sorte, hæc res transigitur. Siquidem, si superiores simus, nulla sequitur victoria; si superemur, magna Indignitas. Neque juvat etiam, in hujusmodi Contentione exercendâ, si interdum veluti *per Iocum* agamus, interdum cum

cum *Fastu & Contemptu*. Nam quocunque nos vertamus, leviores inde efficiemur, neque commodè nos explicabimus. Pessimè autem fit, si hujusmodi persona, quâcum contendimus, (ut Salomon loquitur,) aliquid affine habeat cum *Stulto*; hoc est, si sit Audaculus, & Temerarius.

PARABOLA.

4. *Sed & cunctis Sermionibus, qui dicuntur, ne accommodes Aures tuas, ne fortè audias servum tuum maledicentem tibi.*

EXPLICATIO.

Vix credi possit, vitam quantum perturber, *inutilis Curiositas*, circa illas res, quæ nostrâ interfunt : Nimirum, quandò secreta illa rimari satagimus, quæ detecta & inventa, *Ægritudinem* quidem *Animo* inferant, ad *Consilia* autem expedienda nihil juvent. Primò enim sequitur *Animi Vexatio & Inquietudo*, cum Humana omnia, perfidia & Ingratitudinis plena sint. Adeò ut, si comparari possit speculum aliquod Magicum, in quo Odia, & quæcunque contra nos ullibi commoventur, intueri possemus, melius nobis fòret, si protinùs projiceretur & collideretur. Hujusmodi enim Res, veluti Foliorum Murmura sunt, & brevi evanescent. Secundò *Curiositas illa Animum Suspicionibus nimis onerat*, quod consiliis inimicissimum est, eaque reddit inconstantia, & complicata. Tertiò eadem, *Mala ipsa sepius figit, aliàs prætervolantura* : Grave enim est Conscientias Hominum irritare ; qui, si latere se putent, facilè mutantur in mèlius ; sin deprehensos se sentiant, Malum Malo pellunt. Meritò igitur Summæ Prudentiæ tribuebatur Pompeio Magno, quod Sertorii Chartas Universas, nec à se perlectas, nec aliis pernissas, Igni protinùs dedisset.

PARABOLA.

5. *Advenit veluti Viator Pauperies ; & Egestas quasi Vir Armatus.*

EXPLICATIO.

Elegantèr describitur in Parabolâ, quomodò *Prodigis*, & circa Rem Familiarem Incuriosis, superveniant *Naufragia Fortunarum*. A Principio enim pedèrentim, & Passibus lentis, instar *Viatoris*, advenit *Obertas*, & *Sortis Diminutio*, neque ferè sentitur : At non multò post invadit *Egestas*, tanquàm *Vir Armatus*, Manu scilicet tam forti, & potente, ut ei ampliùs, resisti non possit ; cum apud Antiquos rectè dictum sit, *Necessitatem ex omnibus rebus esse fortissimam*. Itaque *Viatori* occurrendum, contra *Armatum* muniendum.

PARABOLA.

6. *Qui erudit Derisorem, ipse sibi Injuriam facit ; & qui arguit impium, sibi Maculam generat.*

EXPLICATIO.

Congruit cum Præcepto Salvatoris, *Ut non mittamus Margaritas nostras ante Porcos* : Distinguuntur autem in hac Parabolâ, Actiones *Præceptionis*, & *Reprehensionis* ; Distinguuntur itidè Personæ *Derisoris*, & *Impii* ; Distinguitur postremò, *id quod rependitur* : In priore enim rependitur *Opera lusa* ; in posteriore, etiàm & *Macula*. Cum enim quis erudit, & instituit *Derisorem* ; *Iactura* primùm fit *Temporis* ; Deinde & *Alii Conatum irridenti*, tanquàm rem vanam, & Operam malè collocatam ; Postremò, *Derisor ipse, Scientiam, quam didicit, Fastidio habet*. At majore

maiore cum periculo, transigitur Res in *Reprehensione Impii*; quia non solum *Impius* non auscultat, sed & Cornua obvertit, & Reprehensorem, odiosum sibi jam factum, aut confestim convitiis proscindit, aut saltè postea apud alios criminatur.

PARABOLA.

7. *Filius Sapiens lætificat patrem: Filius verò Stultus Mœsticiæ est Matri suæ.*

EXPLICATIO.

Distinguantur Solatia atque Ægritudines Oeconomicae, *Patris* videlicet & *Matris*, circa *Liberos* suos. Etenim *Filius prudens* & *frugi*, præcipuo *Solatio* est *Patri*, qui *Virum* Pretium melius novit quam *Mater*; ac propterea *Filii* sui *Indoli*, ad virtutem propensæ, magis gratulatur: Quinetiàm Gaudium illi fortasse affert Institutum suum, quod *Filium* tam probè educarit, illique *Honestatem Motum*, præceptis & *Exemplo*, impresserit. Econtra, *Mater Calamitati Filii plus compatiitur*, & *indolet*; tum ob *Affectum Maternum* magis mollem, & *tenerum*; tum fortasse *Indulgentiæ suæ conscia*, quæ eum corrumpit, & depravaverit.

PARABOLA.

8. *Memoria Iusti cum Laudibus; at Nomen Impiorum purest.*

EXPLICATIO.

Distinguitur inter *Famam Virorum Bonorum*, & *Malorum*, qualis esse soleat post *Obitum*. *Viris* enim *bonis*, extinctâ *Invidiâ*, (quæ *Famam* eorum, dum vixerant, carpebat) *Nomen* continuò efflorescit, & *Laudes* magis indies invalescunt: At *Viris malis*, (licet *Fama* eorum, per *Gratiam* *Amicorum*, & *Factionis suæ* *Hominum*, ad breve *Tempus* manserit,) paulò post *Fastidium Nominis* oboritur; & postremò *Laudes* illæ *Evanidae*, in *Infamiam*, & veluti in *Odorem gravem* & *teirum*, desinunt.

PARABOLA.

9. *Qui conturbat Domum suam, possidebit Ventos.*

EXPLICATIO.

Utile admodum *Monitum*, de *Discordiis* & *Turbis Domesticis*. *Plurimi* enim, ex *Dissidiis Vxorum*, aut *Exheredationibus Filiorum*, aut *Mutationibus frequentibus Familiæ*, magna sibi spondent; ac si inde, vel *Animi Tranquillitas*, vel *Rerum suarum Administratio* felicior, sibi obventura foret. Sed plerunque abeunt *Spes suæ* in *Ventos*. Etenim, tum *Mutationes* illæ, ut plurimum, non cedunt in melius; tum etiàm, *Perturbatores* isti *Familiæ suæ*, *Molestias varias*, & *Ingratitudinem* eorum, quos, aliis præteritis, adoptant & deligunt, sæpenuerò experiuntur; Quin & hoc pacto, *Rumores* sibi progignunt non optimos, & *Famas ambiguas*: Neque enim malè à *Cicerone* notatum est; *Omnem famam à Domesticis manare*. Utrunque autem *Malum*, per *Ventorum Possessionem* elegantè à *Salomone* exprimitur: Nam *Expectationis Frustratio*, & *Rumorum Suscitatio*, *Ventis* rectè comparantur.

PARABOLA.

10. *Melior est Finis orationis, quàm principium.*

EXPLICATIO.

Corrigit *Parabola* *Error*em frequentissimum, non solum apud eos, qui

qui verbis præcipuè student, verùm etià apud Prudentiores. Is est, quod Homines de *Sermonum* suorum *Adiuv* atque *Ingressu*, magis sint solliciti, quàm de *Exiuv*; & accuratius Exordia & præfatiunculas meditentur, quàm Extrema Orationum. Debuerant autem, nec illa negligere, & ista, ut longè potiora, præparata & digesta apud se habere; revolventes secum, & quantum fieri potest, Animo prospicientes, quis tandem *Exiuv Sermonis* sit futurus, & quomodo Negotia inde promoveri, & maturari possint. Neque hic Finis. Quinimò non *Epilogos* tantum, & *Sermonum*, qui ad ipsa Negotia spectant, *Egressu*, meditari oportet; verùm etià & illorum *Sermonum* Cura suscipienda, quos sub ipsam *Discessum*, commodè & urbanè injicere possim; licet à Negotio prorsus alienos. Equidem cognovi Consiliarios duos, Viros certe magnos, & prudentes, & quibus Opus Rerum tunc præcipue incumbabat; quibus illud fuit perpetuum, & proprium, ut quoties cum Principibus suis, de Negotiis ipsorum communicarent, Colloquia, in rebus ad ipsa Negotia spectantibus, nunquàm terminarent; verùm semper, aut ad locum, aut aliud aliquid, quod Audi erat volupe, *Diverticula* quærerent: Atque ut Adagio dicitur, *Sermones marinos Aqua Fluviali sub extremum abluerent*. Neque hoc illis inter Artes postremum erat.

PARABOLA. *ἡ δὲ τῆς ἀπορίας ἀποκρίσις*

11. Sicut Musca Mortuæ fœvere faciunt unguentum optimum, sic Hominem pretiosum Sapientia, & gloriâ, parva Stultitia.

EXPLICATIO.

Iniqua admodum, & misera est Conditio, *Hominum Virtute Præcellentium* (ut optimè notat *Parabola*), quia *Erroribus* eorum, quantumvis levissimis, nullo modo ignoscitur: Verùm, quemadmodum in *Gemmâ*, valde nitidâ, minimum quodque *Granulum*, aut *Nubecula*, Oculos ferit, & molestiâ quadam afficit; quod tamen si in *Gemmâ* vitiosiore repertum foret, vix notam subiret: Similiter, in *Viris singulari Virtute præditis*, minima quæque *Vitia*, statim in Oculos, & *Sermones* Hominum incurrunt, & *Censurâ* perstringuntur graviore: quæ in *Hominibus mod ocribus*, aut omnino laterent, aut *Veniâ* facile reperirent. Itaque Viro valde prudenti, parva *Stultitia*; valde probus, parvum peccatum; urbano, & Moribus eleganti, paululum *Indecori*; de *Famâ* & *Existimatione* multum detrahit. Adeo ut, non pessimum foret *Viris Enregiis*, si nonnulla *Absurda* (quod citra vitium fieri possit) *Actionibus* suis immiscerent, ut *Libertatem* quandam sibi retineant, & parvorum *Defectuum* notas confundant.

PARABOLA. *ὅτι οἱ ἀγαθοὶ οὐκ ἀποκρίνεται*

12. Homines Derisores Civitatem perdunt, Sapientes vero aperiunt Calumniam.

EXPLICATIO.

Mirum videri possit, quod in descriptione Hominum, qui ad *Respub.* labefactandas & perdendas, veluti *Naturâ* comparati & facti sunt, delegerit *Salomon* *Charactèrem*; Non *Hominis Superbi & Insolentis*; Non *Tyrannici & Crudelis*; Non *Temerarii & Violenti*; Non *Impii & Scelerati*; Non *Injusti & Oppressoris*; Non *Seditiosi & Turbulenti*; Non *Libidinosi & Voluptarii*; Non denique *Inspicientis & Inhabilis*;

Inhabilis ; Sed *Derisoris*. Verùm hoc Sapientiâ ejus Regis, qui Rerumpub. Conservationes & Eversiones optimè nôrat, dignissimum est. Neque enim similis ferè est Pestis Regnis & Rebuspub. ; quam si Consiliarii Regum, aut Senatores, quique Gubernaculis Rerum admoventur, sint ingehio *Derisores*. Hujusmodi enim Homines, Periculorum Magnitudinè, ut fortes videantur Senatores, semper extenuant ; iisque qui periculâ prout par est, ponderant, veluti Timidis insultant : Consultandi & Deliberandi maturas Moras, & meditatâs Disceptationes, veluti Rem Oratoriam, & tædii plenam, & ad Summas Rerum nihil facientem, subfannant : Famam, ad quam Principum Consilia præcipuè sunt componendâ, ut *Salivam Vulgi*, & Rem citò prætervolaturam, contemnunt : Legum vim & Auctoritatè, ut Reticula quædam, quibus Res majores minimè cohiberi debeant, nil morantur : Consilia & præcautiones, in longum prospicientes, ut Somnia quædam, & Apprehensiones Melancholicas, rejiciunt : Viris reverà prudentibus, & Rerum peritis, atque magni Animi & Consilii, Dictariis & Facetiis illudunt : Denique Fundamenta omnia Regiminis Politici simul labefaciunt. Quod magis attendendum est, quia Cuniculis, & non Impetu apertò, hæc Res agitur : Neque cœpit esse inter Homines (prout meretur) suspecta.

PARABOLA.

13. *Princeps, qui libenter præbet Aures verbis Mendacii, omnes Servos habet improbos.*

EXPLICATIO.

Cùm *Princeps* talis fuerit, ut Susurrionibus, & Sycophantis, absque judicio, faciles & credulas Aures præbeat, spirat omninò, tanquàm à parte *Regis*, Aura pestilens, quæ omnes *Servos* ejus corrumpit, & inficit. Alii Metus *Principis* rimantur, eosque Narrationibus Fictitiis exaggerant : Alii Invidiæ Furiâs concitant, præsertim in Optimos quosque : Alii Criminationibus Aliorum, proprias Sordes, & Conscientias malas, eluunt : Alii Amicorum suorum Honoribus & Desideriis velificant, Competitores eorum calumniando, & mordendo : Alii Fabularum Argumenta, contra Inimicos suos, tanquàm in Scenâ, componunt : & innumera hujusmodi. Atque hæc illi, qui ex *Servis Principis* Ingenio sunt magis improbo. At illi etiàm, qui Naturâ Probiores sunt, & meliùs Morati, postquam, in Innocentiâ suâ, parùm Præsidii esse senserint, (quoniam *Princeps* verâ à falsis distinguere non novit,) Morum suorum Probitatè exuunt, & Ventos Aulicos captant, iisque servilem in modum circumferuntur. *Nihil enim*, (ut ait Tacitus de Claudio) *tutum est apud Principem, cujus animo omnia sunt tanquàm indita & jussa*. Atq; bene Comineus, *Præstat Servum esse Principis, cujus suspicionum non est Finis, quam ejus, cujus credulitatis non est Modus*.

PARABOLA.

14. *Iustus misereatur Animæ lumentis sui ; sed Misericordiâ Impiorum, crudeles.*

EXPLICATIO.

Inditus est, ab ipsâ Naturâ, Homini *Misericordiâ* Affectus nobilis, & excellens ; qui etiàm ad *Animalia Bruta* extenditur ; quæ
ex

ex Ordinatione Divinâ, ejus Imperio subjiciuntur. Itaque habet ista *Misericordia*, Analogiam quandam, cum illâ Principis erga Subditos. Quinetiam illud certissimum est, quod quò dignior est Anima, eò pluribus compatiatur. Etenim Animæ angustæ & degeneres, hujusmodi Res, ad se nihil pertinere putant : At illa, quæ nobilior est Portio Universi, ex communione afficitur. Quare videmus, sub Veteri Lege, haud pauca fuisse præcepta, non tam merè *Ceremonialia*, quam *Misericordie Institutiva* : Quale fuit illud, de non Comedendo Carnem cum sanguine ejus ; & similia. Etiam in Sectis Essæorum, & Pythagoræorum, ab Esu Animalium, omninò abstinebant. Quod etiam hodiè obtinet (superstitione inviolatâ) apud Incolas nonnullos Imperii Mogollensis. Quin & Turcæ, (Gens licet, & Stirpe & Disciplinâ, crudelis, & Sanguinaria,) Brutis tamen Eleemosynas largiri solent ; neque Animalium Vexationes & Torturas fieri sustinent. Verùm, ne fortè hæc quæ diximus, omnis generis *Misericordie*, patrocinari videantur, salubritèr subjungit Salomon, *Impiorum Misericordias esse crudeles* : Eæ sunt, quando Hominibus Sceleratis & Facinorosis parcitur, Justiciæ Gladio feriendis : Crudelior enim hujusmodi *Misericordia*, quam Crudelitas ipsa. Nam Crudelitas exercetur in singulos, at *Misericordia* illa, universum Facinorosorum Exercitum, concessâ Impunitate, in Homines Innocentes, armat & immittit.

PARABOLA.

16. Totum spiritum suum proferit Stultus ; at Sapiens reservat aliquid in posterum.

EXPLICATIO.

Corrigit Parabola præcipuè (ut videtur) Non Hominum Vanorum Futilitatem, qui, Dicenda, Tacenda, facile proferunt ; Non Panthesiam illam, quâ absque discrimine & Judicio, in omnes & omnia involant ; Non Garrulitatem, quâ ad Nauseam usque, aliis obstrepunt ; sed Vitium aliud magis occultum ; Nempe Sermonis Regimen, minimè omnium prudens, & Politicum : Hoc est, cum quis ita Sermonem, (in Colloquiis privatis) instituit, ut quæcunque in Animo habeat, quæ ad rem pertinere putet, simul, & tanquam uno Spiritu, & Oratione continuatâ, proferat : Hoc enim plurimum Negotiis officit. Si quidem primò, *Oratio intercisâ*, & per Partes infusa, longè magis penetrat, quam Continuata ; quoniam in Continuata, pondus Rerum, non distinctè & sigillatim excipitur, nec per moram nonnullam insidet ; sed Ratio Rationem, antequam penitus infederit, expellit. Secundo, Nemo tam potenti, & felici eloquentiâ valet, ut primo Sermonis Impetu, eum quem alloquitur, *mutum & elinguem planè reddat* ; quin & alter aliquid vicissim respondebit, & fortassè objiciet : Tum verò accidit, ut quæ in Refutationem, aut Replicationem reservanda fuissent, præmissa jam, & antea delibata, Vires suas & Gratiâ, amiserint. Terriò, si quis ea, quæ dicenda sunt, non simul effundat, sed per partes eloquatur, aliud primò, aliud subinde injiciens ; sentiet ex ejus, quem alloquitur, Vultu, & Responso, quomodò singula illum affecerint, quam in partem accepta fuerint ; ut quæ adhuc restant dicenda, cautius aut suppressat, aut excerpat.

De Augmentis Scientiarum

PARABOLA.

16. Si Spiritus potestatem habentis, ascenderit super te, locum tuum ne dimiseris; quia Curatio faciet cessare magna peccata.

EXPLICATIO.

Præcipit *Parabola*, quomodo se quis gerere debeat, cum Iram, atque Indignationem *Principis* incurrerit. Præceptum duplex: Primò, ut non dimittat Locum suum; Secundò, ut *Curatori*, tanquam in Morbo aliquo gravi, diligentèr & cautè, attendat. Consueverunt enim Homines, postquam commotos contra se *Principes* suos senserint, partim ex Dedecoris Impatienciâ, partim ne vulnus observando refricent, partim ut tristitiam & Humilitatem eorum *Principes* sui perspiciant, se; à Muneribus & Functionibus suis, subducere: Quinetiam interdum, ipsos Magistratus, & Dignitates quas gerunt, in *Principum* Manus restituere. At Salomon, hanc medendi Viam, veluti noxiam, improbat; idque summâ profectò ratione. Primò enim, *Dedecus ipsum nimis illa publicat*; unde tum Inimici, atque Invidi, audaciores fiunt ad lædendum; tum Amici timidiore ad subveniendum. Secundò, hoc pacto fit, ut *Principis Ira*, quæ fortasse, si non evulgaretur, sponte concideret, magis figatur; & veluti principio jam facto Hominis deturbandi, in præcipitium illius, feratur. Postremò, *Secessus iste aliquid sapit ex malevolo*, & Temporibus infenso; Id quod Malum Indignationis, Malo Suspicionis cumulat. Ad *Curationem* autem pertinent ista. Primò, caveat ante omnia, ne stupiditate quâdam, aut etiâ *Animi Elutione*, Indignationem *Principis* minimè sentire, aut inde, prout debeat, affici, videatur: Hoc est, ut & Vultum, non ad Tristitiam contumacem, sed ad Mœstitiam gravem atque modestam componat: & in rebus quibuscunque agendis, se minùs solito hilarem & lætum, ostendat: Quin & in rem suam erit, Amici alicujus operâ, & Sermone, apud *Principem*, uti, qui, quanto Doloris sensu, in intimis excrucietur, tempestivè insinuet. Secundò, *Occasiones omnes, vel minimas, sedulo evitet*, per quas aut *Res ipsa*, quæ Indignationi Causam præbuit, refricetur; aut *Princeps* denuò excandescendi, & ipsum, quacunque de causâ, coram aliis, objugandi, Ansam arripiat. Terriò, perquirat etiâ diligentèr *Occasiones omnes, in quibus Opera ejus Principi gratia esse possit*; ut & Voluntatem promptam redimendi Culpam præteritam ostendat; & *Princeps* suus sentiat, quali tandem servo, si eum dimittat, privari se contigerit. Quartò, *Culpam ipsam, Aut sagacièr in alios transferat*; Aut *Animo* illam, non malo commissam esse insinuet; Aut etiâ *Malitiam* illorum, qui ipsum Regi detulerunt, vel rem supra Modum aggravârunt, indicet. Denique in omnibus evigilet, & *Curationi* sit intentus.

PARABOLA.

17. Primus in Causâ suâ Iustus: tum venit alter apars, & inquit in eum.

EXPLICATIO.

Prima in unaquâque Causâ Informatio, si paulispèr Animo Judicis infederit, altas Radices agit, eumque imbuat, & occupat; Aded ut ægrè elui possit, nisi aut manifesta aliqua Falsitas, in Materiâ Informationis; aut Artificium aliquod, in eâdem exhibendâ, deprehendatur. Etenim
nuda

nuda & simplex Defensio, licet justa sit & præponderans, vix Præjudicium Informationis Primæ, compensare, aut Libram Justitiæ semel propendentem, ad Æquilibrium reducere, per se valet. Itaque & Judicium tutissimum, ut nihil, quod ad Merita causæ spectat, prælibetur, priusquam utraque Pars simul audiantur; & Defensori optimum, si Judicem senserit præoccupatum, in hoc potissimum (quantum dat Causa,) incumbere, ut Versutiam aliquam, & Dolum malum, ab adversâ parte, in Judicis abusum; adhibitum, detegat.

PARABOLA.

18. *Qui delicate à pueritiâ nutriti. Servum suum, postea sentiet eum contumacem.*

EXPLICATIO.

Servandus est, *Principibus & Dominis*, ex Consilio Salomonis, in Gratiâ & Favore suo, erga *Servos*, *Modus*. Is triplex est, Primò, ut *Promoveantur per Gradus*, non per *Salus*: Secundò, ut *interdum assuescant Repulse*: Tertiò, (quod bene præcipit Macciavellus,) ut *habeant præ oculis suis semper aliquid, quò ulterius aspirare possint*. Nisi enim hæc fiant, reportabunt proculdubio *Principes*, in Fine, à *Servis* suis, Loco Animi grati, & officiosi, Fastidium & Contumaciam. Etenim, ex Promotione subitâ, oritur *Insolentia*; ex perpetuâ *Desideratorum Adeptione*, *Impatientia Repulsæ*; Denique si Vota desint, deerit itidem *Alacritas & Industria*.

PARABOLA.

19. *Vidisti Virum velocem in Opere suo; coram Regibus stabit; nec eris inter Ignobiles.*

EXPLICATIO.

Inter Virtutes, quas *Reges*, in Delectu *Servorum*, potissimum spectant & requirunt, gratissima est præ cunctis *Celeritas*; & in *Negotiis expediendis strenuitas*. Viri, profundâ prudentiâ, *Regibus* suspecti; utpote qui nimium sint *Inspectores*; & *Dominos* suos, inscios & invitos; Ingenii sui viribus, (tanquàm Machinâ) circumagere possint. Populares, invis; utpote qui *Regum Luminibus* officiunt, & *Oculos Populi* in se convertunt. Animosi, pro turbulenti sæpè habentur, & ultra, quam par est, ausuris. Probi, & Vitæ integræ, tanquàm difficiles existimantur, nec ad omnes *Nutus Heriles* apti. Denique non est Virtus alia, quæ non habeat aliquam quasi umbram, quâ *Regum Animi* offendantur; Sola *Velocitas ad Mandata*, nihil habet, quod non placeat. Insuper, *Motus Animorum Regionum*, celerés sunt, & *Moræ* minus patientes. Putant enim se quidvis efficere posse; Illud tantum deesse, ut citò fiat. Itaque ante omnia iis grata est *Celeritas*.

PARABOLA.

20. *Vidi cunctos viventes, qui ambulant sub Sole, cum Adolescente Secundo, qui consurgit pro eo.*

EXPLICATIO.

Notat *Parabola* Vanitatem Hominum, qui se agglomerare solent ad *Successores Designatos Principum*. Radix autem hujus rei est, *Infantia illa*, *Hominum Animis* penitus à *Naturâ* insita; Nimirum ut spes suas nimium adamant. Vix enim reperitur, qui non delectatur magis,

iis quæ *Sperat*, quam iis quæ *Fruitur*. Quinetiam *Novitas* Humanæ Naturæ grata est, & avidè expetitur. In *Successore* autem *Principis* ista duo concurrunt; *Spes* & *Novitas*. Innuit autem *Parabola* idem, quod olim dictum erat; primò à Pompeio ad Syllam; postea à Tiberio de Macrone; *Plures adorare Solem Orientem, quam Occidentem*. Neque tamen *Imperantes*, multum hæc commoventur, aut eam magni faciunt, sicut nec Sylla, nec Tiberius fecit; sed ridènt potius *Hominum Levitatem*, nec pugnant cum *Somniis*: Est autem (ut aiebat ille) *spes vigilantis Insomnium*.

PARABOLA.

21. *Erat Civitas parva, & pauci in eâ Viri; Venit contra eam Rex magnus, & vadavit eam, instruxitque Munitiones per Gyrum, & perfecta est Obsidio; inventusque est in eâ Vir pauper & sapiens, & liberavit eam per Sapientiam suam; & nullus deinceps recordatus est, Hominis illius pauperis.*

EXPLICATIO.

Describit *Parabola* Ingenium *Hominum* pravam & malevolum. Ii in Rebus duris, & angustis, confugiunt ferè ad Viros Prudentes, & Strenuos, licet antea contemptui habitos. Quàmprimùm autem Tempestas transierit, ingrati demùm erga Conservatores suos reperiuntur. *Macciavellus* verò, non sine Causâ, instituit Quæstionem, *Vier ingratiôr esset erga Bene meritos, Princeps, aut Populus?* Sed interim utrumque Ingratitudinis arguis. Attamen hoc, non solum ex *Ingratitudine Principis*, aut *Populi* oritur, sed accedit plerunque his, *Invidia Procerum*, qui secretò indolent *Eventui*, licet felici & prospero, quia ab ipsis profectus non sit. Itaque & Meritum *Hominis* extenuant, & ipsum deprimunt.

PARABOLA.

22. *Iter pigrorum, quasi Sepes Spinarum.*

EXPLICATIO.

Elegantissimè ostendit *Parabola*, *Pigritiam* in fine laboriosam esse. *Diligentia* enim, & sedula præparatio, id præstant, ut *Pes* in aliquod *Offendiculum* non impingat; sed ut complanetur via, antequàm inëatur. At qui piger est, & omnia in extremum Momentum *Executionis* differt, necesse est ut perpetuò, & singulis passibus, quasi per *Rubos* & *Sentes* incedat, qui eum subindè detineant, & impediant. Idem observari possit etiàm in *Familiâ* regendâ; in quâ, si adhibeatur *Cura* & *Providentia*, omnia placidè, & veluti sponte procedunt, absque *Strépitu* & *Tumultu*. Sin hæc desint, ubi major aliquis *Motus* intervenierit, omnia simul agenda turmatim occurrunt; tumultuantur *Servi*; *Ædes* personant.

PARABOLA.

23. *Qui cognoscit in iudicio faciem, non bene facit; Iste, & pro buccellâ panis, deseret Veritatem.*

EXPLICATIO.

Prudentissimè notat *Parabola*, in *Iudicè* magis perniciosam esse, *Facilitatem Alorum*, quam *Corruptelam Munerum*. Munera enim, haudquàm ab omnibus deferuntur; at vix ulla est Causa, in quâ non interveniat aliquid, quod flectat *Judicis* Animum, si *Personas* respiciat.

Alius

Alius enim respicietur, ut Popularis; Alius, ut Maledicus; Alius, ut Dives; Alius, ut Gratus; Alius, ut ab Amico commendatus; Denique omnia plena sunt Iniquitatis, ubi dominatur *Respectus Personarum*; & levi omnino de Causâ, veluti pro *Buccella Panis*, Iudicium pervertetur.

PARABOLA.

24. *Vir Pauper calumnians Pauperes, similis est Imbri vehementi, in quo paratur Fames.*

EXPLICATIO.

Parabola ista antiquitus expressa & depicta fuit, sub Fabulâ *Hirudinis* utriusque; nimirum, Plenæ, & Vacuæ. Pauperis enim & Famelici Oppressio, longè gravior est, quam Oppressio, per Divitem & Repletum, quippe quæ omnes Exactionum Technas, & omnes Nummorum Angulos, perquirat. Solebat hoc ipsum etiam Spongiis assimilari; quæ aridæ fortiter sugunt; madidæ, non item. Monitum autem utile continet, tum erga Principes; Ne Præfecturas Provinciârum, aut Magistratus, Viris Indigentibus, & Obaratis, committant; tum erga Populos, ne Reges suos, cum nimia Egestate conflictari, permittant.

PARABOLA.

25. *Fons turbatus pede, & vena corrupta, est Iustus cadens coram Impio.*

EXPLICATIO.

Præcipit *Parabola*, Rebus pub. ante omnia cavendum esse, de iniquo & infami Iudicio, in Causâ aliquâ celebri & gravi; præsertim ubi non absolvitur Noxius, sed condemnatur Insons. Etenim Injuriam inter Privatos grassantes, turbant quidem & pollunt *Larices Iustitiæ*; sed tanquàm in *Rivulus*: Verùm Iudicia iniqua, qualia diximus, à quibus Exempla petuntur, *Fontes* ipsos *Iustitiæ* inficiunt, & inquinant. Postquam enim Tribunal cesserit in partes Injustitiæ, Status Rerum vertitur, tanquàm in Latrociniûm publicum: Fitque planè, ut *Homò Homini sit Lupus*.

PARABOLA.

26. *Noli esse Amicus Homini Iracundo, nec ambula cum Homine Furioso.*

EXPLICATIO.

Quantò religiosius Amicitia Jura inter Bonos servanda, & colenda sunt; tantò magis cavendum est, jam usque à principio, de *Prudentie Amicorum Delectu*. Atque Amicorum Natura & Mores, quantum ad nos ipsos spectant, omnino ferendi sunt: Cum verò necessitatem nobis imponunt, qualem erga alios personam induamus, & geramus, dura admodum, & iniqua, Amicitia Condicio est. Itaque interest imprimis, ut præcipit Salomon, ad Vitæ Pacem, & præsidia, ne Res nostras, cum *Homnibus Iracundis*, & qui facile Lites & Jurgia provocant, aut suscipiunt, commisceamus. Istud enim Genus Amicorum, perperuò nos Contentionibus, & Factionibus implicabit: ut aut Amicitiam abrumperet, aut Incolumitati propriæ deesse, cogamur.

PARABOLA.

27. *Quicquid Delictum, quarit Amicitiam; sed qui altero sermone reperit; separat Fœderatos.*

EXPLICATIO.

Duplex, Concordiam Tractandi, & Animos Reconciliandi, via. Altera, quæ incipit ab *Amnestiâ*; Altera, quæ à *Repetitione Injuriarum*, subjungendo Apologias, & Excusationes. Equidem memini sententiam viri admodum prudentis & politici; *Qui pacem tractat, non repetitis Conditionibus Dissidii, is magis Animos, Dulcedine Concordiæ fallit, quam Æquitate componit.* Verùm Salomon, illo scilicet prudentior, in contrariâ Opinione est; & *Amnestiam* probat, *Repetitionem* prohibet. Etenim in *Repetitione* hæc insunt Mala; tum quod ea, sit veluti *Vagus in ulcere*; tum quod *Periculum impendeat à novâ Altercatione*, (siquidem de Injuriarum Rationibus, inter partes nunquam conveniet;) tum denique quod *deducat Rem ad Apologias*; At utraque pars, malit videri, potius offensam remisisse, quam admisisse Excusationem.

PARABOLA.

28. In omni opere bono erit *Abundantia*; ubi autem verba sunt plurima, ibi frequenter *Egestas*.

EXPLICATIO.

Separat Salomon, hanc *Parabolâ*, *Fructum Laboris Linguae, & Laboris Manuum*; quasi ex altero proveniat *Egestas*, ex altero *Abundantia*. Etenim fit ferè perpetuò, ut qui multa effutiant, jactent multa, multa promittant, Egeni sint; nec emolumentum capiant, ex illis Rebus, de quibus loquuntur. Quinetiam, ut plurimum, *Industrii minimè sunt*, aut *Impigri ad Opera*; sed tantummodò, *Sermonibus se, tanquàm Vento, pascunt & satiant.* Sanè, ut poeta loquitur; *Qui filei est firmus.* Is qui conscius est, se in opere proficere, sibi plaudit, & tacet: Qui verò econtrà conscius est, *Auras se inanes captare, multa & mira apud alios prædicat.*

PARABOLA.

29. *Melior est Correptio manifesta, quam Amor occultus.*

EXPLICATIO.

Reprehendit *Parabola*, *Mollitiem Amicorum*, qui *Amicitiae privilegio* non utuntur, in admonendo liberè & audacter *Amicos*; tã de *Erroribus*, quam de *Periculis suis*. *Quid enim faciam* (solet hujusmodi *Mollis Amicus* dicere) *aut quo me vertam? Amo illum, quantum quis, maximè, meque, si quid illi Adversus contigerit, ipsum loco liberè substituerim; Sed novi Ingenium ejus; si liberè cum eo egero, Animum illius offendam, saltem contristabo; Neque tamen proficiam; Aique citius eum ab Amicitia meâ alienabo, quam ab iis, quæ in Animo fixa habet, abducam.* Hujusmodi *Amicum*, tanquàm, enervem, & inutile, redarguit Salomon; atq; plus utilitaris, ab *Inimico manifesto*, quam ab ejus generis *Amico*, sumi posse pronúciat. Siquidè ea fortassè audire ei contigerit ab *Inimico* per *Contumeliam*, quæ *Amicus* mussat præ nimia *Indulgentiâ*.

PARABOLA.

30. *Prudens advertit ad Gressus suos; Stultus divertit ad Dolos.*

EXPLICATIO.

Dux sunt *Prudentiæ Species*; Altera vera & sana; Altera degener & falsa, quam Salomon *Stultitiâ* nomine appellare non dubitat. Qui priori se dederit, viis & Vestigiis propriis cavet; periculis prospiciens, meditando Remedia; Proborum Operâ utens, contra *Improbos seipsum* muniens;

muniens ; cautus Inceptu, Réceptu non imparatus ; In Occasiones attentus, contra Impedimenta strenuus ; cum innumeris aliis, quæ ad Sui ipsius *Actiones & Gressus regendas* spectant. At altera Species, tota est confuta, ex *Fallaciis & Assuris*, Speinque ponit omninò, in aliis circumveniendis, iisdemque ad libitum effingendis. Hanc meritò rejicit *Parabolâ*, non tantùm ut *Improbam*, sed etiam, ut *Suaviâ*. Primò enim, minimè est ex iis Rebus, quæ *in nostrâ sunt potestate* ; nec etiâ aliquâ *constanti Regulâ* nititur ; Sed novâ quotidie comminiscenda sunt Stragemata, prioribus Fatiscentibus, & Obsoletis. Secundò, qui Vastri & Subdoli Homini *Famam & Opinionem* semel incurrerit, præcipuo sc; ad res gerendas *Instrumento*, prorsus privavit ; hoc est, *Fide* : Itaque omnia, parum Votis suis consentientia, experietur. Postremò, *Artes istæ, utique Pulchræ videantur, & complacent* ; attamen sæpius frustrantur ; quod benè notavit Tacitus ; *Consilia callida & audacia, expectatione læta, tractatu dura, eventu tristia*.

PARABOLA.

31. *Noli esse Iustus nimium, nec Sapientior quam oportet ; cûr abripiare subitò ?*

EXPLICATIO.

Sunt Tempora (ut inquit Tacitus) *in quibus magnis virtutibus, certissimum est exitium*. Atque hoc, Viris Virtute & Justitiâ egregiis, aliquandò subitò, aliquandò diù antè prævisum, contingit. Quod si adjungatur etiam Prudentia, hoc est, ut cauti sint, & ad Propriam Incolumitatem evigilent, tum hoc lucrantur, ut Ruinâ eorum subitò obveniat, ex occultis omninò & obscuris Consiliis ; quibus & evitetur Invidia, & pernicies ipsos imparatos adoriatur. Quod verò ad illud *Nimium*, quod in *Parabolâ* ponitur (quandoquidè non Periandri alicujus, sed Salomonis Verba sunt ista, *Qui Mالا in Hominum Vitâ sæpius notat, nunquàm præcipit*) intelligendum est, non de Virtute ipsâ, (in quâ *Nimium* non est,) sed de vanâ ejus atque invidiosâ Affectatione, & Ostentatione. Simile quiddam innuit Tacitus de Lepido ; Miraculi loco ponens, quod nunquàm Servilis alicujus Sententiæ Auditor fuisset, & tamen tam sævis temporibus incolumis mansisset ; *Subitò* (inquit) *Cogitatio, utrum hæc Fato regantur, an etiâ sit in nostrâ potestate, rursum quendam tenere, inter deformè Obsequium, & abruptam coniumaciam, medium, Periculo simul, & Indignitate Vacuum ?*

PARABOLA.

32. *Da Sapienti Occasionem, & addetur ei Sapientia.*

EXPLICATIO.

Distinguit *Parabolâ*, inter *Sapientiam* illam, quæ in Verum Habitum increverit, & maturuerit ; & illam, quæ natat tantùm in Cerebro & Conceptu, aut Sermone jactatur, sed Radices altas non egerit. Siquidè prior, oblata occasione, in quâ exerceatur, illicò excitatur, accingitur, dilatur ; adeò ut seipsa major videatur : Posterior verò, quæ ante Occasionem alacris erat, occasione datâ, fit attonita & confusa ; ut etiâ ipsi, qui eâ se præditum arbitrabatur, in dubium vocetur ; Annon Præceptiones de eâ fuerint Infominia mela, & Speculationes inanes ?

PARABOLA.

PARABOLA.

33. Qui laudat Amicum voce aliâ, surgendo manè ; erit illi loco Maledictionis.

EXPLICATIO.

Laudes moderatæ, & tempestivæ, & per Occasionem prolatae, Famæ Hominum atque etiâ Fortunæ, plurimum conferunt ; At immoderatæ, & Streperæ, & importunè effusæ, nihil prosunt ; imò potiùs, ex Sententiâ Parabola, impensè nocent. Primò enim, manifestò se produnt, aut ex nimia Benevolentia Oriundas ; Aut ex compositio affectatas ; quò Collaudatum potiùs falsis Præconiis demereantur, quàm veris Attributis ornent. Secundò, Laudes parca & Modeste, invitant ferè Præses, ut ipsis etiâ aliquid adjiciant ; Profusæ contra & immodicæ, ut aliquid demant & detrahant. Tertiò, (quod Caput rei est) Conflatur illi Invidia, qui nimium laudatur ; cùm Laudes omnes nimia, videantur spectare ad Contumeliam aliorum, qui non minùs merentur.

PARABOLA.

34. Quomodo in Aquis resplendent Facies ; sic Corda Hominum manifesta sunt Prudentibus.

EXPLICATIO.

Distinguit Parabola inter *Menies Prudentium, & cæterorum Hominum ; Illas Aquis, aut Speculis comparans, quæ Species & Imagines Rerum recipiunt ; cùm alteræ similes sint Terræ, aut Lapidi impolito, in quibus nihil reflectitur. Atque eò magis aptè comparatur Animus Hominis Prudentis ad Speculum ; quia in Speculo, Imago propria spectari possit, unâ cum Imaginibus aliorum ; Id quod Oculis ipsis, sine Speculo non conceditur. Quod si Animus Prudentis, ad eò capax sit, ut innumera Ingenia, & Mores observare & internoscere possit ; superest, ut detur opera, quò reddatur non minùs varium Applicatione, quam Representatione ; Qui sapit, innumeris Moribus aptus erit.*

ATque his Salomonis Parabolis, diutiùs fortassè immorati sumus, quam pro modo Exempli ; Dignitate, & Rei ipsius, & Auctoris, longiùs provecti.

Neque tantùm in usu erat apud Hebræos, sed alibi etiâ, Præcorum Sapientibus frequentissimum ; ut si cuiuspiam Observatio, in aliquid incidisset, quod Vitæ Communi conducibile fuisset ; id redigeret & contraheret, in brevem aliquam Sententiam, vel Parabolam, vel etiâ Fabulam. Verùm, quod ad Fabulas (sicut aliàs dictum est) illæ Exemplorum Vicarii, & Supplementa, olim extiterunt : Nunc quando Tempora Historiarum copiâ abundant, ad Animatum Scopum rectiùs & alacriùs collimatur. At Modus Scribendi, qui optimè convenit Argumento tam vario & multiplici (quale est Tractatus de Negotiis & Occasionibus sparsis) aptissimus ille esset, quem delegit Maciavellius, ad tractandas Res Politicas ; nimirùm per Observationes, sive Discursus (ut loquuntur) super Historiam & Exempla. Nam Scientia, quæ recentè, & quasi in conspectu nostro, ex Particularibus elicitur, viam optimè novit, Particularia denuò repetendi : Atque certè

certè ad Practicam longè conducit magis, cum Discursus sive Disceptatio, sub Exemplo militat, quam cum Exemplum Disceptationi subjungitur. Neque enim hic Ordo tantum spectatur, sed Res ipsa. Cum enim Exemplum statuitur tanquam Disceptationis Basis, universo cum Circumstantiarum Apparatu proponi solet; quæ Discursum interdum corrigant, interdum suppleant; unde fit loco Exemplaris ad Imitationem, & Practicam. Ubi econtrà, Exempla in gratiam Disceptationis adducta, succinctè & nudè citantur, & tanquam inancia Nutus tantum Disceptationis observant.

Hoc verò Discriminis, Operæ pretium fuerit observasse; quod sicut *Historiæ Temporum*, optimam præbent Materiam, ad *Discursum* super *Politica*, quales sunt illi Macciavelli; ita *Historiæ Vitarum* optimè adhibentur ad *Documenta de Negotiis*; Quoniam omnem Occasionum & Negotiorum, tam grandium quam leviorum, Varietatem complectuntur. Imò reperire est Basim, ad *Præceptiones de Negotiis*, utràque illà *Historiâ* adhuc commodiorem: Ea est, ut Discursus fiant super *Epistolas*; sed Prudentiores, & magis serias; quales sunt illæ Ciceronis ad Atticum, & aliæ. Siquidem *Epistolæ* magis in Proximo, & ad Vivum, Negotia solent representare, quam vel *Annales*, vel *Vitæ*. Quare jam, & de Materia, & de Formâ, Portionis primæ, *Doctrinæ de Negotiis*, quæ tractat *Occasiones sparsas*, diximus; eamque inter *Desiderata* numeramus.

Est & alia Portio ejusdem *Doctrinæ*, quæ tantum differt ab illâ alterâ, de quâ diximus, quantum *Sapere*, & *Sibi Sapere*. Altera enim movere videtur, tanquam à Centro ad Circumferentiam: Altera, tanquam à Circumferentiâ ad Centrum. Est enim *Prudentia* quædam *Consilii alius Impertiendi*; est verò & alia *seis Rebus prospiciendi*: Atque hæc nonnunquam conjunguntur, sæpius separantur. Multi siquidem, in suis ipsorum *Rationibus* instituendis Prudentissimi sunt; qui tamen in *Rebus* pub. administrandis, aut etiâ Consiliis dandis, nihil valent: Formicæ similes, quæ Creatura sapiens est ad sese tuendum, sed Horro planè noxiâ. Hæc *Virtus sibi Sapiendi*, Romanis ipsis, licet Patriæ optimis Curatoribus, non ignota fuit: unde Comicus, *Nam pol Sapiens fingit Fortunam sibi*. Quin & in Adagio apud ipsos vèsum est, *Faber quisque Fortunæ propriæ*. Et Livius hanc ipsam Cætoni Maiori tribuit; *In hoc viro, tanta vis Animi, & Ingenii inerat, ut quocunque loco natus esset, sibi ipse Fortunam facturus videretur*.

Hæc Genus *Prudentiæ*, si quis ipsum profiteatur, & palam venditet, semper habitum est, non modò non Politicum, verum etiâ infaustum quiddam, & inauspicatum: Sicut in Timotheo Atheniensi observatum est: Qui, postquam præclara multa Facinora, in Decus & Commodum Civitatis suæ, edidisset; atque Administrationis suæ (sicut tùm moris erat) populo rationem redderet; singula conclusit hæc Clausula; *Atque in hac re Fortunæ paries fuerunt nullæ*. Contigit verò, ut post id Temporis, nunquam ei quicquam feliciter cesserit. Sane nimis elatum hoc, & alrùm sapiens; Eodém spectans, quo Ezechielis illud de Pharaone; *Dixit, Fluvius est meus, & ego feci mecum ipsum*. Aut illud Habacuc Prophetæ; *Exultant, & sacrificant Rei suo*. Aut illud etiâ Poetæ, de Contemptore Deum Mezentio;

*Dextra mihi Deus, & telum quod missile libro,
Nunc adsint.*

Denique, Julius Cæsar, nunquam (quod memini) Impotentiam Cogitationum suarum arcanarum prodidit, nisi simili Dicto : Cum enim Aruspex ei referret, Extra reperta fuisse non bona, admurmuravit submisit : *Erunt letiora cum volo.* Quod etiam Dictum, Morris suæ Infortunium, non diu præcessit. Verum Excessus iste Fiduciæ (ut diximus) res, ut profana, ita semper infelix. Quapropter, Viris magnis, & verè Sapientibus, visum, successus quolibet, Felicitati suæ, non Virtuti aut Industriæ, tribuere : Nam & Sylla, *Felicem* se, non *Magnum* cognominavit ; & Cæsar, (melius quam suprà,) ad Navis Gubernatorem ; *Cæsarem vehis, & Fortunam ejus.*

Attamen istæ Sententiæ ; *Faber quisque Fortunæ suæ ; Sapiens dominabitur Astris ; In via virtuti nulla est Via ;* ac similes ; si intelligantur & adhibeantur, potius pro Calcaribus ad Industriam, quam pro Stapedibus ad Insolentiam ; magisque ut progignant in Hominibus Deceptorum Constantiam & Robur, quam Arrrogantiam & Jactantiam ; tanquam sanæ & salutares meritò habitæ sunt ; ac proculdubio in pectoribus Hominum Magnanimorum Sedem nonnullam occuparunt : eoque ut Cogitationes tales quandoque ægrè dissimulent. Videmus enim Augustum Cæsarem (qui cum Avunculo suo comparatus, potius ab illo Diversus quam Inferior fuit ; sed Vir certè paulò moderatior,) sub finem Vitæ, petiisse ab Amicis, qui Lectum ejus circumstabant, ut postquam expirasset, sibi *Plauderent* ; quasi Consciis sibi fuisset, *Minum vitæ à se commodè transactum.* Hæc quoque *Doctrina* Portio inter *Desiderata* numeranda est : Non quin in Praxi, etiam nimio plus quam oportet, usurpata sit & frequentata ; Verum quod Libri de illâ silent. Quamobrem ex more nostro, sicut in priore, nonnulla ejus Capita recensebimus ; Eamque *Fabrum Fortunæ*, sive (ut diximus) *Doctrinam de Ambitu vitæ* nominabimus.

Ac primo quidem intuitu, novum quoddam, & insolitum Argumentum tractare videbor ; Docendo Homines, quomodo *Fortunæ suæ Fabri* fieri possint. Doctrinam certè, cui quisvis libenter se Discipulum addixerit, donec Difficultatem ejusdem habuerit perspectam. Non enim leviora sunt, aut pauciora, aut minus ardua, quæ ad *Fortunam* comparandam requiruntur, quam quæ ad *Virtutem* : Resque est, æque difficilis ac severa, fieri verè *Politicum*, ac verè *Moralem*. At hujus *Doctrinæ* Pertractatio, plurimum ad Literarum, tum *Decus*, tum *Pondus*, pertinet. Interest enim inprimis *Honoris* Literarum, ut Homines isti Pragmatici sciant, Eruditionem haudquaquam Aviculæ, qualis est Alauda, similem esse, quæ in sublime ferri, & cantillando se oblectare soleat ; at nihil aliud : Quinimò ex Accipitris potius genere esse, qui & in alto volare, ac subinde, cum visum fuerit, descendere, & prædam rapere novit. Deinde, & ad *Perfectionem* Literarum hoc ipsum spectat, quia Legitimæ Inquisitionis vera Norma est, ut nihil inveniat in *Globo Materiæ*, quod non habeat parallelum, in *Globo Crystallino*, sive *Intellectu*. Hoc est, ut nihil veniat in *Præticam*, cujus non sit etiam *Doctrina* aliqua & *Theoria*. Neque tamen Literæ, hanc ipsam *Fortunam Architecturam*,

Architecturam, aliter admirantur, aut æstimant, quam ut Opus quoddam inferioris Generis. Nemini enim, *Fortuna propria*, pro *Dono Esse* sub, à Deo concessio, ullo modo digna Retributio esse possit. Quin & non raro fit, ut viri Virtutibus egregii, *Fortunæ* suæ sponte renuncient, ut Rebus sublimioribus vacent. Digna tamen est *Fortuna*, quatenus Virtutis ac Bene merendi Organum est; suâ quoque *Speculatione*, & *Doctrinâ*.

Ad hanc *Doctrinam* pertinent Præcepta, nonnulla *Summaria*, nonnulla *Sparsa* & *Varia*. Præcepta *Summaria* versantur, circa veram *Noctiam*, & *Aliorum*, & *Sui*. Primum igitur Præceptum (in quo Cardo *Noctia Aliorum*, vertitur,) illud constituatur, ut procuremus nobis (quantum fieri possit,) *Fenestram* illam, quam olim requisivit *Momus*. Ille, cum in *Humani Cordis Fabricâ*, tot Angulos & Recessus conspicatus esset, id reprehendit, quod defuisset *Fenestra*, per quam in obscuris illos & tortuosos Anfractus inspicere quis possit. Hanc autem *Fenestram* obtinebimus, si omni sedulitate nobis *Informationem* comparemus, & procuremus, de personis, quibuscum intercedunt *Negotia*, *Particularibus*; *Barumque Ingeniis*, *Cupiditatibus*, *Finibus*, *Moribus*; *Auxiliis* & *Adminiculis* quibus præcipue suffulciuntur & valent; Et rursus, *Defectibus* & *Imbecillitatibus*, quæque ex parte maxime pateant & obnoxii sint; *Amicis*, *Factionibus*, *Patronis*, *Clientelis*; Rursusque *Inimicis*, *Invidis*, *Competitoribus*; Etiam *Temporibus* & *Aditibus*:

(*Sola viri molles Aditus, & Tempora nôris;*)

Denique *Institutis*, & *Normis* quas sibi præscripserunt; & similibus. Quinetiam, non solum *Informatio* capiendâ est, de *Personis*, sed insuper de *Actionibus* *Particularibus*, quæ de *Tempore* in *Tempus* in *Motu* sunt, & tanquam sub *Incude*; Quomodo regantur & succedant, quorum studiis foveantur, à quibus oppugnentur, cuiusque sint ponderis & momenti, & quid secum trahant; & huiusmodi. Etenim *Actiones* præsentis nosse, & in se plurimum prodest; & illud insuper habet, quod absque hoc, etiam personarum *Notitia* valde futura sit fallax & erronea. Mutantur enim *Homines* simul cum *Actionibus*: & Alii sunt, dum *Actionibus* ipsi implicentur & obsideantur; Alii, postquam redierint ad *Ingenium*. Atque hæc de *Rebus Particularibus* *Informationes*, quæ tam ad *Personas*, quam ad *Actiones* spectant, sunt tanquam *Propositiones Minores* in omni *Activo Syllogismo*. Nulla enim *Observationum*, aut *Axiomatum* (unde conficiuntur *Majores Propositiones Politicæ*,) *Veritas*, aut *Excellentia*, ad *Conclusionis Firmamentum* sufficere possit, si in *Minore Propositione* fuerit erratum. Quod verò huiusmodi *Notitia* comparari possit, *Fidejussor* nobis est *Salomon*, qui ait; *Consilium in corde Viri, tanquam Aqua Profunda; sed vir Prudens exhaustiet illud*. Quamvis autem ipsa *Notitia* non cadat sub Præceptum, quoniam *Individuorum* est, attamen *Mandata* de eadem eliciendâ utiliter dari possunt.

Notitia Hominum sex Modis elici, & hauriri potest: per *Vultus* & *Ora* ipsorum; per *Verba*; per *Facta*; per *Ingenia* sua; Per *Fines* suos; Denique per *Relationes Aliorum*. Quantum ad *Vultus* attinet, minime

minimè nos moveat Vetus Adagium, *Fronti nulla Fides*; Licet enim hoc ipsum non perperam dictum sit, de *Vultûs*, & *Gestûs* compositione externâ & generali; Attamen subsunt subtiliores quidam Motus, & Labores *Oculorum*, *Oris*, *Vultûs*, & *Gestûs*; Ex quibus referatur, & patet (ut elegantè ait Q. Cicero) veluti *Ianua quædam Animi*. Quis Tiberio Cæsare occultior? At Tacitus; notans Characterem & Modum Loquendi diversum, quo usus est Tiberius, in laudando, apud Senatûm, Res à Germanico, & à Druso, gestas; De Laudibus Germanici sic; *Magis in speciem adornatis verbis, quam ut penitus sentire videretur*: De Laudibus Drusi sic; *Paucioribus, sed intentior, & fidè Oratione*. Iterum Tacitus, eundem Tiberium, aliàs etiàm ut nonnihil Pellucidum, notans; *In aliis* (inquit) *erat veluti eluctantium Verborum*; *solitiùs verò loquebatur, quandò subveniret*. Sanè difficilè reperiatur Simulationis Artifex aliquis, tam peritus & egregius; aut Vultus aliquis ita coactus, & ut ille loquitur, *Iussus*, qui à Sermonè artificioso & simulatorio possit istas Notas se jungere, quin Aut Sermo sit solito *solutior*; Aut *Compertior*; Aut magis *Vagus* & *Oberrans*, Aut magis *Aridus* & quasi *Eluctans*.

Ad Verba Hominum quod attinet; sunt quidem illa (ut de Urinis loquuntur Medici) *Meretricia*. Sed isti *Meretricii Fuci* optimè deprehenduntur duobus Modis; Cum scilicet *proferuntur Verba*, aut *ex improviso*; Aut in *Perturbatione*. Sic Tiberius, cum ex Agrippinæ Verbis aculeatis, subitò commotus esset, & nonnihil abreptus, extra innatæ Simulationis Terminos pedem protulit; *Audita hæc* (inquit Tacitus) *raram occulti pectoris vocem elicere*; *correptamque, Græco Versu, admonuit*; *Ideo lædi quia non regnaret*. Quare Poeta Perturbationes hujusmodi, non inscitè appellat *Tormentas*, quod ab iis Secreta sua proderè Homines compellantur.

— *Vino tortus & Irâ.*

Ipse sanè testatur Experientia, paucos admodum reperiri, qui erga Arcana sua tam fidi sint, Animùmque gerant adeò obfirmatum; quin interdum ex Iracundiâ; interdum ex Jactantiâ; interdum ex intimâ erga Amicum Benevolentia; interdum ex Animi Imbecillitate, qui se Mole Cogitationum onerari amplius non sustineat; interdum denique ex alio quopiam Affectu; intimas Animi Cogitationes, revelent & communicent. Ac ante omnia Sinus Animi excutit, si Simulatio Simulationem impulerit; juxta Adagium illud Hispanorum; *Dic Mendacium, & erues Veritatem*.

Quin & *Factis* ipsis, licet Humani Animi Pignora sint certissima, non prorsus tamen fidendum; nisi diligentè ac attentè pensitatis priùs, illorum & *Magnitudine*, & *Proprietate*. Illud enim verissimum; *Fraus sibi in parvis fidem præstruit, ut majore emolumento fallat*. Italus verò seipsum, *In ipso stare lapide* putat, *ubi Præco prædicat*, si meliùs solito tractetur, absque Causâ manifestâ. Etenim, Officia ista Minora, Homines reddunt oscitantes, & quasi consolitos, tam ad Cautionem, quam ad Industriam: Atque rectè à Demosthene appellantur, *Alimenta Socordiae*. Porro *Proprietatem* & Naturâ, nonnullorum *Factorum*, etiàm quæ *Beneficiorum* loco habentur, subdolam & ambiguam, luculentè cernere licet ex eo, quod Antonio Primo imposuit Mutianus: *Qui post reditum cum*

eo in gratiam, sed fide pessimâ, plurimos ex Antonii Amicis, ad Dignitates evexit; *Simul Amicis ejus Præfecturas & Tribunatus largitur.* Hoc autem Astu, Antonium non munivit, sed exarmavit penitus & desolavit, Amicitias ejus ad se transferendo.

Cerrissima autem Clavis, ad Animos Hominum referandos, vertitur, in rimandis & pernoscendis, vel *Ingeniis & Naturis* ipsorum; vel *Finibus & Intentionibus*. Atque Imbecilliores certè & Simpliciores, ex *Ingeniis*; Prudentiores autem, & Tectiores, ex *Finibus* suis optimè judicantur. Certè prudenter & facete, (licet meo judicio minùs verè,) dictum fuit à Nuntio quopiam Pontificis, sub Reditu ejus à Legatione apud Nationem quandam, ubi tanquàm Ordinarius resederat. Interrogatus, de Dilectu Successoris sui, consilium dedit, *Ut nullo modo muteretur aliquis, qui eximie Prudens esset, sed potius mediocriter tantum; quoniam* (inquit) *ex Prudentioribus nemo facile conjiciet, quid Verisimile foret illius, Genis Homines facturos.* Sanè, non rarò intervénit illè Error, & maximè familiaris est Viris Prudentibus, ut ex Modulo Ingenii proprii, alios metiantur; ac proinde ultra Scopum sapiùs jaculentur, supponendo quod Homines majora quædam meditentur, & sibi destinent, & subtilioribus Technis utantur, quàm quæ illorum Animos unquàm subierint. Quod etiàm elegantè innuit Adagium Italicum, quo notatur; *Nummorum, Prudentiæ, Fidei, semper minores inveniri rationes; quàm quis putaret.* Quare in Levioris Ingenii Hominiibus, quia multa Absurda faciunt, capiènda est Conjectura, potius ex Propensionibus *Ingeniorum*, quàm ex Destinationibus *Finium*. Porro, *Principes* quoquè (sed longè aliam ob Causam,) ab *Ingeniis* optimè judicantur; *Privati* autem ex *Finibus*. *Principes* enim Fastigium adepti Humanorum Desideriorum, nullos ferè sibi propositos *Fines* habent, ad quos, præsertim vehementè & constantè, aspirant: ex quorum *Finium* Situ & Distantiâ, reliquarum suarum *Actionum*, possit excipi & confici, Directio & Scala: Id quod inter alia, Causa est vel præcipua, ut *Corda eorum* (quod Scriptura pronunciat,) *sint inscrutabilia*. At *Privatorum* nullus est, qui non sit planè veluti Viator, & proficiscatur intentè ad aliquam Itineris Metam, ubi consistat; undè non malè divinare quis poterit, quid facturus sit, aut non facturus. Si enim in ordine sit quidpiam ad Finem suum, probabile est facturum: Sin sit in contrarium finis, minimè. Neque de *Finium*, aut *Ingeniorum*, in Hominiibus Diversitate, Informatio capiènda est simpliter tantum, sed & comparatè: Quid scilicet prædominetur, & reliqua in ordinem cogat? Sic, ut videmus, Tigellinus, cùm se Petronio Turpiliano inferiorem sentiret, in Voluptatibus Neroni ministrandis & prægustandis *Merus* (ut ait Tacitus) *Neronis rimatus est*; & hoc pacto *Æmulum* evertit.

Ad *Notitiam* quod attinet, de Hominum Animis, Secundariam; nimirum, quæ ab aliorum *Relatione* desumitur, breviter dicere sufficiet. Defectus & Vicia didiceris optimè ab Inimicis; Virtutes & Facultates ab Amicis; Mores & Tempora à Famulis; Opiniones & Meditationes ab intimis Familiaribus, cum quibus frequentius Colloquia miscent. Fama Popularis levis est; & Superiorum Judicia minùs certa:

Etenim coram illis testiores incedunt Homines. *Verior Fama è Domesticis emanat.*

Verùm ad *Inquisitionem* istam Universam, via maximè compendiarìa, in tribus consistit. Primum, ut *Amicitias multas* comparemus, cum ejusmodi *Hominibus*, qui *multiplicem & variam* habent, tam *Rerum*, quam *Personarum*, *Notitiam* : Inprimis verò enitendum, ut saltem singulos habeamus præstò, qui pro *Negotiorum* atque *Hominum* *Diversitate*, nos de unaquaque re certiores facere, & solidè informare possint. Secundò, ut *Prudens Temperamentum*, & *Mediocritatem* quandam persequamur, & in *Libertate Sermonis*, & in *Taciturnitate* : Frequentiùs *Libertatem* usurpantes ; at, cùm Res postulat, *Silentium*. *Libertas* siquidem in *Sermone*, etiàm alios invitat & provocat, ut pari *Libertate* erga nos utantur ; Et sic multa deducit ad *Notitiam* nostram : At *Taciturnitas* *Fidem* conciliat, efficitque, ut ament *Homines* *Secreta* sua apud Nos, tanquam in *Sinu*, deponere. Tertiò, Is nobis paulatim acquirendus est *Habitus*, ut vigilante & præsentè animo, in *Omnibus Colloquiis* & *Actionibus*, simul, & rem, *quæ instat, geramus* ; & alia, *quæ incidunt, observemus*. Nam sicut *Epictetus* præcipit, ut *Philosophus*, in singulis suis *Actionibus*, ita secum loquatur ; *Et hoc volo, & etiàm Institutum servare* ; Sic *Politicus* in singulis *Negotiis*, ita secum statuat ; *Et hoc volo, atque etiàm aliquid, quod in futurum usui esse possit, addiscere*. Itaque, qui eo sunt *Ingenio*, ut nimium *Hoc agant*, & toti sint in præsentè *Negotio*, quod in *Manibus* habent, de iis autem, quæ interveniunt, nec cogitant quidem (Id quod in se agnoscit *Montaneus*.) Illi certè *Ministri Regum*, aut *Rerumpub.* sunt vel optimi, sed ad proprias *Fortunas* claudicant. Interim, *Cautio* ante omnia adhibenda, ut *Impetum Animi*, & *Alacritatem* nimiam cohibeamus ; ne multa sciendo, ad nos multis immiscendum, feramur. Infelix enim quiddam est, & temerarium, *Polypragmosyne*. Itaque ista, quam comparandam præcipimus, *Notitiæ Rerum & Personarum Varietas*, hùctandem reddit, ut & *Rerum*, quas suscipimus, & *Hominum*, quorum operâ utimur, magis cum *judicio* *Delectum* faciamus, unde cuncta & magis dextrè, & magis tutò, disponere & administrare sciamus.

Notitiam aliorum sequitur *Notitia sui*. Etenim non minor *Diligentia* adhibenda est, sed major potiùs, ut nos de *Nobis ipsis*, quam de *Aliis* verè & accuratè informemus. Quippe cùm *Oraculum* illud, *Nosce teipsum*, non tantùm sit *Canon Prudentiæ Universalis*, sed & in *Politicis* præcipuum locum habeat. Optimè enim *Homines* monet *S. Jacobus* ; *Eum, qui vultum in Speculo consideravit, oblivisci tamen illicò, qualis fuerit* ; Ut omninò frequenti inspectione sit opus. Idque tenet etiàm in *Politicis* : Sed *Specula* scilicet sunt diversa : Nam *Speculum Divinum*, in quo nos contueri debemus, est *Verbum Dei* ; *Speculum autem Politicum*, non aliud est quam *Status Rerum*, & *Temporum*, in quibus vivimus.

Examen igitur accuratum, nec quale esse solet, *Sui* nimium *Aman-*
tis, institvendum est *Homini*, de propriis *Facultatibus*, *Virtutibus* & *Admin-*
iculus ; necnon de *Defectibus*, *Inhabilitatibus*, & *Obstaculis* ; Ita ratio-
nem subducendo, ut hæc perpetuò in majus, *Illà* autem, *minoris* potiùs,
quam

quam reverà sunt, æstimentur. Ex hujusmodi autem Examine, in *Considerationem* veniant, quæ sequuntur.

Prima *Consideratio* sit, quomodo alicui Homini, Moribusque & Naturæ suæ, cum *Temporibus* conveniat; quæ si inventa fuerint congrua, omnibus in Rebus, magis liberè & solutè agere, & suo Ingenio uti liceat; sin sit aliqua Antipathia, tum deinum in Universo Vitæ Cursu, magis cautè & testè est incedendum; minúsque in Publico versandum. Sic Tiberius fecit, qui Morum suorum sibi conscius, cum Seculo suo, non optimè convenientium, Ludos publicos nunquam spectavit; Quinetiàm per duodecim continuos Annos postremos, nunquam in Senatum venit; ubi contrà, Augustus perpetuò in Oculis Hominum vixit; quod & Tacitus observat; *Alia Tiberio Morum Vita*. Eadem & Periculis ratio fuit.

Secunda sit *Consideratio*, quomodo alicui conveniat, cum *Professionibus & Generibus Vitæ*, quæ in usu & pretio sunt, quorumque sibi delectus sit faciendus; ut si jam decretum non sit de *Genere Vitæ*, maxime aptum; & Ingenio suo congruum sumat; sin jam pridem id *Genus Vitæ*, ad quod minus à Natura factus est, fuerit ingressus, sub primâ Occasione se subducatur, & novam Conditionem arripiat. Id quod à Valentino Borgia videmus factum, ad Vitam Sacerdotalem à Patre innutrito, quam tamen postea ejuravit, suo obsecutus Ingenio, & Vitæ Militari se applicuit: Quanquam Principatu æque ac Sacerdotio indignus, cum utrunque Homo Pestilens dehonestaverit.

Tertia sit *Consideratio*, quomodo se habeat quis, comparatus ad *Equales & Emulos suos*; quos verisimile sit eum habiturum in Fortunâ suâ Competitores; cumque Vitæ Cursum teneat, in quo maxima inveniat Virorum Egregiorum Solitudo; atque in quo probabile sit, se ipsum, inter ceteros, maxime posse enitere. Id quod à C. Cæsare factum est; qui ab initio Orator fuit, & Causas egit; & in Togâ potissimum versabatur: Cum verò vidisset, *Ciceronem, Hortensium, Catulum*; eloquentiæ gloriâ excellere; Rebus verò Bellicis clarum admodum neminem, præter Pompeium; destitit ab Incepto, & Potentiæ illi Civili, multum Valedicere jubens, transulit se ad Artes Militares, & Imperatorias; Ex quibus summum Rerum Fastigium conscendit.

Quarta sit *Consideratio*, ut Naturæ suæ, & Ingenii Rationem, habeat quis, in *deligendis Amicis*, ac *Necessariis*: Siquidem diversis, diversum *Genus Amicorum* convenit; Aliis Solenne, & Taciturnum; Aliis Audax, & Jactabundus; & complura id genus. Certè notatu dignum est, quales fuerint *Amici Julii Cæsaris* (Antonius, Hirtius, Pansa, Oppius, Balbus, Dolabella, Pollio, reliqui:) Illi scilicet jurare solebant; *Ita vivente Cæsare moriar*; Infinitum studium erga Cæsarem præ se ferentes; Erga omnes alios Arrogantes & Contemptores: Fueruntque Homines, in Negotiis gerendis, impigri, Famâ, & Existimatione, Mediocres.

Quinta sit *Consideratio*, ut caveat quis sibi ab *Exemplis*; neque ad *Imitationem Aliorum* se ineptè componat; quasi quod aliis fuerit pervium, etiàm sibi parere necesse sit; neutiquàm secum reputans, quantum fortasse interfuerit, inter suum, & Illorum, quos ad Exemplum

sibi delegit, Ingenium & Mores. In quem Errorem manifestò incidit Pompeius, qui, ut Cicero scriptum reliquit, toties solitus erat dicere; *Sylla potuit, ego non potero?* Quà in re, vehementèr sibi imposuit, cum Ingenium, & Rationes Agendi Syllæ, à Suis, *Toto Cælo* (ut aiunt) *distarem*: Cum Alter Ferox esset, Violentus, quique Factum in omnibus urgeret; Alter Gravis, Legum Memor; omniâque ad Majestatem & Famam componens; unde longè minùs erat, ad perficienda quæ cogitârat, efficax & validus. Sunt & aliæ hujus generis *Præceptiones*; verùm hæ ad Exemplum reliquarum sufficient.

Neque verò, *Nosse seipsum*, Homini sufficit; sed ineunda etiâ est Ratio secum, quomodò se *Ostentare*, *Declarare*, denique *Flectere se & Effingere*, commodè & prudentèr, possit. Ad *Ostendendum* se quòd attinet, nihil videmus usu venire frequentius, quam ut qui Virtutis Habitu sit Inferior, Specie Virtutis externâ sit potior. Non parva igitur est Prudentiæ Prærogativa, si quis Arte quâdam, & decorè, Specimen sui apud alios exhibere possit; *Virtutes suas*, *Merita*, atque *Fortunam* etiâ, (quod sine Arrogantiâ, aut Fastidio fieri possit,) commodè *ostendendo*; Contrâ, *Vitia*, *Defectus*, *Infortunia* & *Dedecora*, artificiosè occultando; Illis immorans, easque veluti ad Lumen obvertens; His subterfugia quærens, aut aptè ea interpretando eluens; & Similia. Itaque, de Muriano, Viro sui Temporis prudentissimo, & ad Res gerendas impigerrimo, Tacitus; *Omnium, quæ dixerat, feceratque, Arte quâdam Ostentator*. Indiget certè Res hæc Arte nonnullâ, ne Tædium, & Contemptum pariat: Ira tamen, ut *Ostentatio* quæpiam, licet usque ad Vanitatis *primum gradum*, vitium sit potiùs in *Ethicis*, quam in *Politicis*. Sicut enim dici solet de Calumniâ, *Audacitèr calumniare, semper aliquid hæret*: Sic dici possit de Jactantiâ, (nisi planè deformis fuerit & ridicula;) *Audacitèr se vendita, semper aliquid hæret*. Hærebit certè apud Populum, licet Prudentiores subrideant. Itaque Existimatio parta apud Plurimos, Paucorum Fastidium abundè compensabit. Quod si ista, de quâ loquimur, *Sui Ostentatio*, decentèr, & cum Judicio, regatur; Exempli gratiâ; Si nativum quendam Pectoris Candorem, & Ingenuitatem præ se ferat; Aut si illis temporibus adhibeatur, vel cum Pericula circumstent (ut apud Viros Militares in Bellis;) vel cum alii Invidiâ flagrent; Aut si Verba, quæ ad laudes proprias pertinent, tanquàm Aliud Agenti, excidisse videantur, minimèque vel seriò, vel prolixè nimis, iis insistatur; Aut si ita quis se laudibus honestet, ut simul etiâ Censuris & Jocis erga se non abstineat; Aut si denique hoc facit, non sponte, sed tanquàm laceratus, & aliorum Insolentiis & Contumeliis provocatus: non parvum certè hæc Res Existimationi Hominis Cumulum adjicit. Neque sanè exiguus est eorum Numerus, qui, cum Naturâ sint magis solidi, & minimè ventosi, atque propterea hæc Arte, Honori suo velificandi, careant; Moderationis suæ, nonnullâ cum Dignitatis jacturâ, dant pœnas.

Verùm hujusmodi *Ostentationem virtutis*, utcunque aliquis infirmiore judicio, & nimium foras se *Ethicis*, improbaverit; illud nemo negarit, dandam saltem esse Opëram, ut Virtus per Incuriam, justo suo pretio non fraudetur, & minoris, quam reverà est, æstinetur. Hæc verò, in

Virtute

Virtutē æstimandā; pretii Diminutio; tribus modis solet contingere : Primò, quandò quis, in Rebus gerendis, se, & operam suam, offert & obtrudit, non vocatus, aut accersitus : Hujusmodi enim officiis, Remuneracionis loco esse solet, si non repudientur. Secundò, quandò quis in principio Rei gerendæ, viribus suis nimium abutitur; & quod sensim erat præstandum, uno Impetu effundit ; Id quòd Rebus bene administratis, præpropèram conciliat Gratiā, in fine autem Satièratem inducit. Tertiò, quandò quis Virtutis suæ fructum, in Laudibus, Plausu, Honore, Gratiā, sibi præbitis, nimis citò, & levitèr sentit, atque in iis sibi complacet ; de quo prudens habetur Monitum ; *Cave ne insuetus rebus majoribus videaris, si hæc te res parva, sicuti magna, delectat.*

Defectuum enim verò sedula *Oculatio*, minoris haudquāquam momenti est, quam *Virtutum* Prudens, & Artificiosa *Ostentatio*. Defectus autem occultantur, & latent maximè, triplici quædam Industriā, & quasi tribus Latebris ; *Cautione* ; *Prætextu* ; & *Confidentia*. *Cautionem* dicimus, quandò iis Rebus prudenter abstinemus, quibus Pares non sumus : Ubi contra, Ingentia Audaculā, & Inquieta, se facile ingerunt, sine Judicio, Rebus, quibus non insueverunt ; & proinde Defectus suos proprios publicant, & quasi proclamant. *Prætextum* dicimus, cum sagaciter, & prudenter, viam nobis sternimus & munimus, quā benigna & commoda, de *Vitiis*, & *Defectibus* nostris, fiat Interpretatio ; quali aliunde provenientibus, aut aliò tendentibus, quam vulgò existimatur. Etenim, de Latebris Vitiōrum non malè Poeta ;

Sæpe latei Vitiū proximitate Boni.

Quarè, si quem *Defectum*, in nobis ipsis perceperimus, opéra danda, ut Personam & Prætextum *Virtutis* finitimè mutuēmur, sub cujus umbrā lateat. Verbi gratiā, *Tardo Gravius*, prætexendā, *Ignaro Lenitas*, & sic de cæteris. Illud etiā utile, probabilem aliquam Causam obtendere, & in Vulgus spargere, quā adducti, ultimas vires nostras, promerere refugia nris ; ut quod *Non possumus*, *Nolle* videamur. Quod ad *Confidentiam* attinet, Impudens certè est Remedium, sed tamen certissimum atque efficacissimum ; Nempè, ut quis ea omnino contemneret, & vilipendere se profiteatur, quæ reverà assequi non possit : Mercatorum Prudentium More, quibus solenne est, & proprium, ut Pretium Mercium suarum attollant, Aliorum deprimant. Est tamen & aliud *Confidentie* Genus, hoc ipso impudentius ; Nimirum, perfrictā fronte, *Defectus* suos etiā Opinioni obtrudere, & venditare ; quasi in iis, quibus maximè destituitur, se eminere credat. Atque ut hoc facilius cæteris imponat, se in iis Rebus, quibus reverà plurimum pollet, fingat dissidentem ; Quemadmodum fieri videmus in Poetis ; Poetā enim Carmina sua recitante, si unum aliquem Versiculum, non admodum dixeris probandum, audias illicò ; *Atque hic Versus, pluri mihi constitit, quam reliquorum Plurimi.* Tum verò alium quempiam Versum adducet, quasi sibi suspectum, & de eo, quid putes, sciscitabitur, quem satis norit, inter plurimos esse optimum, & censuræ minime obnoxium. Aut omnia verò, ad hoc, quod nunc agitur, ut scilicet, Specimen sui quis edat coram aliis illustre, & Jus suum

in omnibus retineat, nil magis interesse judico, quam ne quis per nimiam suam Naturæ Bonitatem, & Suavitatem, se exarmet, & Injuriis & Contumeliis exponat: Quin potius in omnibus, aliquos Animi Liberi & Generosi, & non Aculei minus, quam Mellis, intra se gestantis, Igniculos, subinde emittat. Quæ quidem munita Vitæ Ratio, unâ cum prompto & parato, ad se à Contumeliis vindicandum, Animo, Aliquibus ex Accidente imponitur, & Necessitate quâdam inevitabili, propter aliquid infixum, in Personâ, aut Fortunâ suâ: veluti fit, in *Deformibus* & *Spuriis*, & *Ignominiâ aliquâ multatis*; unde hujusmodi Homines, si Virtus non desit, felices plerunque evadunt.

Quod verò, ad se *Declarandum* attinet; Id alia Res omninò est, ab *Ostentatione* sui, de quâ diximus. Neque enim ad *Virtutes*, aut *Defectus* Hominum, refertur; sed ad *Actiones Vitæ Particulares*. Quâ in Parte, nihil invenitur magis Politicum, quam ut Mediocritas quædam fervetur, prudens & sana, in Sensu Animi, circa Actiones Particulares, Aperiendo, aut Recondendo. Licet enim, profunda Taciturnitas, & Consiliorum Occultatio, & is Rerum gerendarum Modus, qui Omnia Cœcis, & (ut Modernæ Linguæ potius loquuntur) Surdis Artibus, & Mediis, operatur, Res sit & utilis, & mirabilis; tamen non rarò evenit, ut (quod dicitur) *Dissimulatio* Errores pariat, qui *Dissimulatorem ipsum illaqueant*. Nam videmus Viros Politicos, maximè omnium insignes, liberè & indissimulantèr, Fines quos peterent, palàm proferre non dubitasse. Sic L. Sylla manifestò præ se tulit, *Se, Omnes Mortales, vel felices, vel infelices fieri cupere, prout sibi essent, vel Amici, vel Inimici*. Sic Cæsar, cùm primum profectus est in Gallias, nil veritus est profiteri; *Se malle Primum esse in villâ obscurâ, quam Secundum Romæ*. Idem Cæsar, cœpto jam Bello, Dissimulatorem minimè egit, si audiamus quid Cicero de illo prædicet. Alter (Cæsarem innuens) *non recusat, sed quodammodò postulat, ut (ut est,) sic appelletur Tyrannus*. Similiter videmus, in Epistolâ quâdam Ciceronis ad Atticum, quam minimè fuerit Augustus Cæsar Dissimulator; qui in ipso ingressu ad Res gerendas, cùm adhuc Senatui esset in Deliciis, solitus tamen erat, in Concionibus apud Populum, jurare, illâ Formulâ; *Ita Parentis Honores consequi liceat*. Illud autem, non minus quiddam erat, quam ipsa Tyrannis. Verum est, ad Invidiam paululùm leniendam, solitum eum simul, ad Strauam Julii Cæsaris, quæ in Rostris posita erat, manum protendere. Homines autem ridebant, & plaudebant, & admirabantur, & inter se ita loquebantur; *Quid hoc est? Qualis Adolescens?* Sed tamen nihil Malitiæ in eo suspicabantur, qui tam candidè & ingenuè, quod sentiret, loqueretur. Et isti quidem, quos nominavimus, prospera omnia consecuti sunt; Pompeius contrà, qui ad eosdem tendebat Fines, sed Viis magis umbrosis & obscuris (sicut Tacitus de eo loquitur; *Occulior, non melior*: Atque Salustius similiter idem insinuat; *Ore probo, Animo inverecondo*:) id prorsus agebat, & innumeris Technis moliebatur, ut Cupiditates suas, & Ambitionem altè recondendo, interim Rempub. in Anarchiam & Confusionem redigeret; quo illa se necessariò in Sinus ejus conjiceret; Atque hoc pacto, summa Rerum ad eum deferretur, quasi invitum & renitentem.

Cùm

Cum verò hoc se putaret consequutum, factus Consul solus (quod nunquam cuiquam contigisset,) nihilò plus ad Fines suos proficiebat; eò quod, etià illi, qui proculdubiò eum fuissent adjutori, quid vellet non perciperent. Adeò ut tandèm coactus sit, tritam & vulgarem inire viam; ut scilicet, prætextu se Cæsari opponendi, Arma & Exercitum compararet. Adeò lenta, Casibus obnoxia, & plerunque infelicia solent esse ea Consilia, quæ profundâ *Disimulatione* obteguntur! Quà de re, idem sensisse videtur Tacitus, cum *Simulationis* Artificia, tanquàm Inferioris Subsellii Prudentiam, constituit, præ *Artibus Politicis*: Illam Tiberio, has verò Augusto Cæsari attribuens. Etenim, de Liviâ verba faciens, sic loquitur; Quod fuisset illa, cum *Artibus Martii & Simulatione Filii, bene composita*.

Quod ad Animum *Flectendum*, & *Effigendum* attinet; Totis viribus certè incumbendum, ut Animus reddatur, Occasionibus & Opportunitatibus obsequens, neque ullo modo, ergæas, durus aut renitens. Neque enim majus fuerit Impedimentum, ad Res gerendas, aut Fortunas Hominum constituendas; quam illud; *Idem manebat, neque idem decebat*; videlicet, Cum Homines iidem sint, & Naturâ suâ utantur, postquàm Occasiones se mutaverint. Benè itaque Livius, cum Catonem Majorem introducit, tanquàm Fortunæ suæ Architectum peritissimum; illud subjungit; quod ei fuerit *Ingenium Versatile*. Atque hinc fit, quod Ingenia Gravia & Solennia, & Mutare Nescia, plus plerunque habeant Dignitatis, quam Felicitatis. Hoc verò Vitium, in aliquibus à *Naturâ* penitus insitum est, qui suoapte Ingenio sunt, *Viscosi & Nodosi*, & ad Versandum inepti. At in Aliis *Consuetudine* obtinuit (quæ est altera *Natura*), atque Opinione quâdam (quæ in Animos Hominum facilè obrepit;) ut minimè mutandam sibi putent Rerum gerendarum Rationem, quam prius, bonam & prosperam sint experti. Prudentè enim observat Macciavellus in Fabio Maximo, quod *Præsumptum suum & inveteratum, Cunctandi, & Belli trahendi, morem, retinere mordicus voluerit, cum Natura Belli esset alia, & acriora postulare Consilia*. In Aliis porrò, idem Vitium ex Inopiâ Judicii progignitur; cum Homines Periodos Rerum & Actionum, non tempestivè discernant; sed tum demùm se vertant, postquàm Opportunitas jam elapsa sit: Tale quidpiàm in Atheniensibus suis, redarguit Demosthenes, Eos, aliens esse, *Rusticis similes, qui in Ludo Gladiatorio se probantes, semper post plagam acceptam, in eam Pariem muniendam Scutum transferunt, quâ percussi sunt; non prius*. In aliis rursus, hoc ipsum contingit, quia operam, in viâ eâ, quam semel ingressi sunt, collocatam, perdere gravantur, nec receptui canere sciunt; Sed potiùs se Occasionibus superiores fore, Constantiâ suâ, confidunt. Verùm ista *Animi Viscositas, & Renitentia*, à quacunque illa tandèm Radicè pullulât, Rebus gerendis, & Fortunæ Hominum, est damnosissima: Nihilque magis Politicum, quam Animi Rotas reddere, cum Rotis Fortunæ, Concentricas, & simul Volubiles. Atque de *Præceptis duobus Summariis*, circa *Fortunæ Architecturam*, hæctenus. *Præcepta* autem *sparsa* haud pauca sunt; Nos tamen per pauca deligemus, pro modo Exempli.

Primum *Præceptum* est ; *Faber Fortuna*, Amusse suâ peritè utatur, eamque ritè applicet ; Hoc est, Animum assuefaciat, ut Rerum omnium Pretium & valorem æstimet, prout ad Fortunam & Fines suos, magis aut minùs, conducant ; Hocque curet sedulò, non perfunctoriè. Mira enim Res, sed verissima ; Inveniuntur plurimi, quorum Mentis *Pars Logica* (si ita loqui licet,) est bona, *Mathematica*, pessima ; videlicet, Qui de Rerum Consequentiis satis firmitèr judicant ; de Pretiis verò, imperitissimè. Hinc fit, ut Alii, privata & secreta cum Principibus Colloquia ; Alii, Auràs Populares, tanquàm Magna adepti, admirentur ; cùm sit utrunque sæpenumero Res, & Invidiâ & Periculo plena : Alii autem Res metiuntur ex Difficultate, atque operâ suâ in eis impensâ : Fieri oportere existimantes, ut quantum moverint, tantum etiâ promoverint : Sicut Cæsar de Catone Uticensi, veluri per Ironiam, dixit ; Narrando quam laboriosus fuerit & assiduus, & quasi indefatigabilis, neque tamen multum ad Reti ; *Omnia* (inquit) *mano studio agebat* : Hinc etiam illud accidit, ut Homines sæpius seipsos fallant ; qui, si Magni alicujus, aut Honorati viri operâ utantur, sibi omnia prospera promittant ; cùm illud verum sit, non grandissima quæque Instrumenta, sed aptissima ; citiùs & feliciùs Opus quodque perficere. Atque ad *Mathematicam* veram *Animi* informandam, operæ pretium est, illud inprimis nosse, & descriptum habere ; quid ad ejusque Fortunam constituendam & promovendam Primum statui debeat, quid Secundum, & sic deinceps ; Primo loco, *Emendationem Animi* pono ; *Animi* enim *Impedimenta*, & *Nodos* tollendo & complanando, citiùs viam Fortunæ aperueris, quam Fortunæ Auxiliis, *Animi Impedimenta* sustuleris. Secundo loco, *Opes* pono, & *Pecuniam* ; Quam summo loco plurimi fortassè collocaverint, cùm tanti sit ad omnia usûs. Verùm, eam Opinione, similem ob Causam abjudico, atque Macciavellus fecit, in aliâ re, non multum ab eâ discrepante. Cùm enim vetus fuerit Sententia ; *Pecuniam esse Nervos Belli* ; Ille contrâ, non alios esse *Nervos Belli* asseruit, quam *Nervos Virorum Fortium & Militarium* ; Eodem prorsus modo, verè asseri possit ; *Nervos Fortunæ*, non esse *Pecuniam*, sed potiùs *Animi Vires* ; Ingenium, Fortitudinem, Audaciam, Constantiam, Moderationem, Industriam, & similia. Tertio loco, colloco *Famam* & *Existimationem* ; Eò magis, quod illa, *Æstus* quosdam habeant, & Tempora, quibus si non opportunè utaris, difficile erit rem, in integrum restituere. Ardua enim Res, *Famam* præcipitantem retrovertere. Postremo loco, pono *Honores*, ad quos certè facilior Aditus, per unumquodque ex illis tribus, multò magis per Omnia conjuncta datur ; quam si ab *Honoribus* auspiceris, & deinde ad reliqua perrexeris. Verùm, ut in Ordine Rerum servando, haud parum est momenti ; ita non multò minùs, in servando Ordine Temporis ; Cujus perturbatione frequentissimè peccatur, dum ad Fines tum properatur, quando Initia essent curanda ; Atque, dum ad maxima quæque subitò advolamus, quæ in medio posita sunt, temerè transilientes. At illud rectè præcipitur, *Quod nunc instat, agamus*.

Secundum *Præceptum* est, ut caveamus, ne *Animi* quâdam Magnitudine, & *Præfidentiâ*, ad magis Ardua, quam par est, feramur ;

neve in adversum Fluvii remigemus. Optimum enim Consilium circa Fortunas Hominum,

—— *Fatis accede, Deisque.*

Circumspiciamus in omnes Partes, & observemus quæ Res pateant, quæ clausæ & obstruæ sint, quæ proclives, quæ arduæ, neque viribus nostris, ubi non patet Aditus commodus, abutantur. Hoc si fecerimus, & à Repulsâ nos immunes præstabimus; & in Negotiis singulis nimis diu non hærebimus; & Moderationis Laudem reportabimus; & pauciores offendemus; & denique Felicitatis Opinione acqui-remus; dum quæ sponte fortasse eventura fuissent, nostræ Industriæ accepta ferentur.

Tertium *Præceptum*, cum proximè præcedentè nonnihil pugnare videri possit; Licet probè intellectum, minimè. Illud hujusmodi est; Ut Occasionēs non semper expectemus, sed eas quandoque provocemus, & ducamus. Quod etiā innuit Demosthenes, Magniloquentiā quādam. *Et quemadmodum receptum est, Ut Exercitum ducat Imperator; sic à cordatis Viris, res ipsa ducenda, in quæ ipsis videntur, ea gerantur; & non ipsi persequi Eventus tantum cogantur.* Etenim, si diligenter attendamus, duas observabimus, easque discrepantes Species, eorum, qui Rebus gerendis, & Negotiis tractandis, pares habeantur. Alii siquidē Occasionibus commodè sciunt uti, sed nihil ex se moliantur, aut excogitant; Alii toti sunt in machinando, qui Occasionēs, quæ opportunè incidunt, non arripiunt. Harum Facultatum altera, alteri non conjuncta, manca omnino & imperfecta censenda est.

Quartum est *Præceptum*; Ut nihil suscipiamus, in quo necesse sit, Temporis plurimum insumere: verum ut Versiculus ille Aurem semper vellicet;

Sed fugit iniredā, fugit irreparabile Tempus:

Neque alia subest Causa, cur ii, qui Professionibus laboriosis, aut Rebus similibus, se addixerunt; veluti Jureconsulti, Oratores, Theologi doctiores, Librorum Scriptores, & hujusmodi; in Fortunā suā constituendā, & promovendā, minùs sint solertes; quàm quòd Tempore, (aliàs scilicet insumpto,) indigent ad particularia pernoscenda; Opportunitates captandas; & Machinas, quæ ad Fortunam suam spectent, comminiscendas & meditandas. Quinetiā, in Aulis Principum, & Rebuspub. eos reperias, & ad Fortunam suam promovendam, & ad aliorum invadendam, maximè efficaces, qui nullo publico Mūnere funguntur; sed in hoc, de quo loquimur, *Ambitu Viæ*, perpetuò occupantur.

Quintum est *Præceptum*; Ut Naturam quodammodò imitemur, quæ nihil facit frustra. Id quod factu non erit admodum difficile, si Negotia nostra omnium generum, peritè commisceamus & contexamus. In singulis enim Actionibus, ita Animus est instituendus & præparandus, atque Intentiones nostræ aliæ aliis subternendæ, & subordinandæ; Ut si, in aliquā re, Voti compotes, in *Summo Gradu*, fieri non possimus, in *Secundo* tamen liceat consistere; imò vel in *Tertio*: Quod si, nec in aliquā omnino Parte Rei hærerè aut consistere possimus, tum verò ad aliū quæpiam (præter destinatum) Finem, Operam impensam flectamus:

Sic.

Sin nec in *Præsenti*, aliquem Fructum demetere queamus, saltèm aliquid ex eâ extrahamus, quod in *Futurum* prosit : Si verò nihil *Solidi*, nec in *Præsenti*, nec in *Futuro* inde elicere detur, satagamus saltèm, ut aliquid *Existimationi* nostræ inde accrescat : & alia id genus : Rationes semper à nobis ipsis exigendo, quibus constet, nos Fructus aliquid, plus minus, ex singulis Actionibus, & Consiliis nostris percepisse ; Neque ullo modo permittendo, ut tanquàm confusi ac consternati Animum illicò despondeamus, si fortè Scopum Principalem non licuerit attingere. Nihil enim minùs convenit Viro Politico, quam uni Rei, unicè esse intentum. Qui enim hoc facit, Occasionum innumerarum jaçturâ multabitur, quæ Rebus agendis ex obliquo intervenire solent : Quæque fortassè magis fuerint propitiæ & commodæ ad alia, quæ postea usui futura sint, quam ad ea, quæ in manibus habeamus. Ideoque benè calleamus illam Regulam ; *Hæc oportet facere, & illa non omittere.*

Sextum est *Præceptum* ; Ut nos Rei alicui nimis peremptoriè non astringamus ; quanquàm Casui videatur, primo intuitu, minùs obnoxia ; Sed semper habeamus, vel Feneſtram apertam ad Evolandum ; vel Posticum aliquod secretum, ad Redeundum.

Septimum *Præceptum*, est Antiquum illud Biantis ; modò non ad Perfidiam, sed ad Cautionem, & Moderationem, adhibeatur : *Et ames tanquàm Inimicum futurus, & Oderis tanquàm Amaturus.* Nam Utilitates quasque mirum in Modum, prodit & corrumpit, si quis nimium se immerſerit, Amicitiiis infelicibus ; molestis & turbidis Odiis ; aut Puerilibus & futilibus Æmulationibus.

Hæc Exempli loco, circa *Doctrinam* de *Ambitu Vitæ* sufficient : Illud enim Hominibus in Memoriam subinde reducendum est, longè abesse, ut Adumbrationes istæ, quibus utimur in Desideratis, loco justorum Tractatum ponantur, Sed sint solummodò tanquàm Schedæ aut Fimbriæ, ex quibus, de Telâ integrâ, judicium fieri possit. Neque rursùs ita desipimus, ut Fortunam, absque tanto, quantum diximus molimine, minimè parari asseramus. Probè enim novimus, eam tanquàm sponte in gremium aliquorum defluere : Alii autem eam, Diligentia solâ & Assiduitate (cautione nonnullâ aspersâ,) absque Arte multâ aut operosâ, adipiscuntur : Verùm sicut Cicero, Oratorem Perfectum depingens, non id vult, ut Causidici singuli tales esse debeant, aut possint : Ac rursùs, sicut in Principe aut Aulico describendo (quod nonnulli tractandum susceperunt,) Modulus effingitur, prorsùs secundum Artis Perfectionem, non autem secundum Præcticam vulgatam : Idem & nos in Politico instruendo præstitimus : Politico (inquam) quoad Fortunam propriam.

Enimverò, illud utique monendum, *Præcepta*, quæ circa hanc rem, delegimus & proposuimus, omnia, ex genere eorum esse, quæ *Bonæ Artes* vocantur. Quod enim ad *Malas Artes* attinet ; Si quis Macciavello se dederit in Disciplinam, qui præcipit ; *Virtutem ipsam non magnoperè curandam, sed tantùm Speciem ejus, in publicum versam* : quia *Virtutis Fama & Opinio Homini adjumento sit, Virtus ipsa Impedimento* ; Quique alio loco præcipit ; *Vi Homo Politicus, illud tanquàm Fundamentum Prudentiæ*
suæ

sue substernat ; quod præsupponat, Homines non rectè, nec turdè, adea, quæ volumus, flecti aut adduci posse, præterquam solo metu, ideoque dei operam, ut omnes, quantum in se est, Obnoxii sint, atque in Periculis, & Angustiis constituti ; Ita ut Politicus suus, videatur esse, quod Itali dicunt, Seminator Spinarum : Aut si quis Axioma illud, quod à Cicerone citatur, amplecti velit ; Cadant Amici, dummodo Inimici intercitant ; Sicut Triumviri fecerunt, qui Inimicorum Interitum, Amicissimorum exitio redimebant : Aut si quis L. Catilinæ Imitator esse velit, ut Rerumpub. Incendarius fiat & Perturbator, quod melius in Aquis turbidis piscari, & Fortunam suam expedire possit ; Ego (inquit) si in Fortunis meis Incendium sit excitatum, id non Aquâ, sed Ruinâ restringam : Aut si quis illud Lylandri ad se transferat, qui dicere solebat ; Pueros Placentis, Viros Perjuriis alliciendos ; Cum aliis ejusdem Farinæ pravis, ac perniciosis Dogmatibus ; Quorum (ut sit in cæteris rebus omnibus) major est Numerus, quam rectorum & sanorum ; Si quis (inquam) hujusmodi inquinatâ Prudentiâ delectetur ; non ierim inficias, eum (quandoquidem Legibus Charitatis & Virtutis omnibus seipsum solum, Fortunæ solummodò manciparit) posse, majore compendio, & celerius, Fortunam suam promoveri. Fit verò in Vitâ, quemadmodum & in Viâ, ut Iter brevius, sit cœdius & cœnôsius ; neque sanè, ut per Viam meliorem quis incedat, multâ circuitione opus est.

Tantum verò abest, ut Homines ad hujusmodi *Artes Prævas* se applicare oporteat, ut potius sanè, (si modò sint apud se, seque sustinere valeant, neque Ambitionis Turbine & Procellâ in adversum rapiantur) ante Oculos proponere debeant ; non solum Muti Chorographiam generalem illam, quod *Omnia sint Vanitas, & vexatio Spiritûs*, verum etiam & illam magis specialem ; videlicet, Quod ipsum *Esse*, se junctum à *Benè Esse*, Maledictionis loco sit, & quod grandius sit *Esse*, eò major sit Maledictio : Quodque amplissimum Virtutis Præmium, sit ipsa Virtus ; Quemadmodum & ultimum Vitii Supplicium est Vitium ipsum, sicut egregiè Poeta ;

*Quæ vobis, quæ digna Viri, pro Laudibus istis
Præmia posse rear solvi ? Pulcherrima primum
Dii Moresque dabunt vestri.* —

Et econtrâ, non minùs verè ille de Sceleratis, *Atque enim ulciscuntur Mores sui*. Quinetiâ, Mortales, dum in omnes partes, Cogitationes suas agitant, & diffundunt, ut Fortunis suis rectè prospectum atque consultum sit, interim in mediis illis Animi Transcursibus, ad Divinâ Judicia, & Providentiam æternam, oculos attollere debent ; quæ sæpius Impiorum Machinationes, & Consilia Præva, licet profunda, subvertit, & ad nihilum redigit ; secundum illud Scripturæ ; *Concepit Iniquitatem, & pariet Vanitatem*. Imò, etsi Injuriis, & Malis Artibus, abstineant ; Attamen hæc jugis, & irrequieta Anhelatio ad Arduâ Fortunæ, absq; Cessatione, & quasi sine Sabbato, Tributum Temporis nostri Deo debitum minime solvit : Qui, ut videre est, Facultatum nostratum Decimas, Temporis autem Septimas exigit, & sibi seponit. Quorsum enim fuerit, Os gerere in Cœli sublimia erectum ; Mentem verò humi prostratam, & Pulverem instar Serpentis conedentem ? Quod etiam Ethnicos non fugit ;

Atque

Atque affigit humi Divinae Particulari Auræ.

Quod si in hoc sibi quisquam adblandiatur, quod Fortunâ suâ, utcumque eam Malis Artibus obtinuerit, rectè uri decreverit; sicut de Augusto Cæsare, & Septimio Severo, solitum erat dici; *Debuisset illos aut nunquam Nasci, aut nunquam Mori*: Tantâ in Ambitu Fortunæ suæ patrarunt Mala; tanta rursus, Summa adepti, contulerunt Bona: intelligat nihilominus, hanc Malorum per Bona Compensationem, post Factum probari; Consilium aurem huiusmodi meritò damnari. Abs re postremò nobis non fuerit, in Cursu isto incitato, & fervido, versus Fortunam nostram, Frigidam paulisper aspergere, haustam è Diæterio illo non inelegante, Caroli Quinti Imperatoris, in Institutionibus suis ad Filium; *Imitari Fortunam Mores Mulierum, quæ procos plus nimio ambientes, plerunque superbè aversantur*. Verùm hoc ultimum Remedium, pertinet adeos, quibus Gustus, ex Morbo Animi, corruptus est. Innitantur potius Homines *Lapidi illi, qui Theologiæ & Philosophiæ est tanquam Angularis*; quæ idem ferè asserunt de eo, quod *primum queri debeat*; Etenim *Theologia edicit; Primum querue Regnum Dei, & ista omnia adjicientur vobis*; Philosophia autem simile quiddam jubet; *Primum querue Bona Animi, cætera aut aderunt, aut non obeerunt*. Quamvis autem hoc *Fundamentum*, humanitùs jactum, interdum locetur super *Arenas*; quemadmodum videre est in M. Bruto, qui in eam vocem, sub Exitum suum, prorupit;

Te colui Virtus ut Rem, ast tu Nomen inane es.

At idem *fundamentum*, divinitùs locatum, firmatur semper in *Petrâ*. Hic autem *Doctrinam de Ambitu Vitæ*, & simul *Doctrinam Generalem de Negociis*, concludimus.

CAPUT III.

Partitiones Doctrinæ de Imperio, sive Repub. omittuntur; Tantum Aditus fit, ad Desiderata duo; Doctrinam de Proferendis Finibus Imperii; & Doctrinam de Justitiâ Universali, sive de Fontibus Juris.



Enio jam ad *Artem Imperii, sive Doctrinam de Repub. Administrandâ*; Sub quâ etiâ *Oeconomica* continetur, ut *Familia sub Civitate*. In hac Parte, sicut jam antea dixi, Silentium mihi imperavi. Neque tamen prorsus diffidere debui, quin possim de illâ fortassè non imperitè aut inutilitè differere; utpote, qui longâ *Experientiâ* edoctus, & per tot *Munerationum & Honorum Gradus*, ad amplissimum Regni Magistratum, Favore Majestatis tuæ indulgentissimo, nullo Merito meo, evectus fuerim; eundemque Magistratum, per Annos Quatuor integros gesserim; & quod pluris est, Majestatis tuæ Mandatis, & Colloquiis, per Annos Octodecim continuos assueverim; (Quod etiâ è Stipite aliquo Politicum exculpere potuisset;) Quique etiâ, inter omnes Artes

Artes, plurimum Temporis in Historiis, & Legibus contriverim. Quæ omnia, non Jactantiâ ad Posteror, refero, sed quia ad Literarum Dignitatem nonnihil pertinere putem, quod Homo quispiam, ad Literas, potius quam ad aliud quicquam, natus; & ad Res gerendas, nescio quo Fato, contra Genium suum abreptus; ad Civilia tamen Munera, tam honorifica & ardua, sub Rege prudentissimo, assumptus fuerit. Verum, siquid circa *Politicam* polthac parturiet Otium meum; erit fortasse *Proles*, aut *Abortiva*, aut *Posthuma*. Interim, ne Scientiis omnibus, jam veluti in Subsellis suis collocatis; Sedes hæc tam excelsa omninò vacet, decrevi duas tantum *Civilis Scientiæ* portionès, quæ ad *Arcana Imperii* non pertinent, sed sunt Naturæ magis communis; ut *Desiderata*, notare; Earumque, more nostro; *Exempla* proponere.

Cum *Aries Imperii*; tria *Officia Politica*; complectantur; Primò, ut *Imperium* conservetur; Secundò ut *Beatum* efficiatur & *Florens*; Tertiò, ut *Amplificetur*, *Finesque* ejus *longius proferantur*; de duobus primis *Officiis*, maximâ ex parte, egregiè à nonnullis tractatum est; de Tertiò siletur. Illud itaque inter *Desiderata* reponemus; & More nostro, *Exemplum* ejus proponemus. Eam *Doctrinæ* Partem, *Consulem Paludatum*, sive *Doctrinam de Proferendis Imperii Finibus*, nominantes.

Exemplum Tractatus Summarii de proferendis Finibus Imperii.

DICTUM Themistoclis, sibi ipsi applicatum, incivile certè fuit, & inflatum; sin de aliis, atque in genere, prolatum fuisset, prudentem sanè Observationem, & pergravem Censuram, complecti videretur: Rogatus in Convivio, ut Cytharam pulsaret, respondit, *Fidibus senescire*; ceterum posse Oppidum parvum in magnam Civitatem evehere. Ista certè Verba, ad Sensum Politicum translata, Facultates duas, multum inter se discrepantes, in iis, qui Rerum Gubernacula tractant, optimè describunt, & distinguunt. Etenim, si Regum Consiliarios, Senatores, aliosque ad Negotia publica admotos, qui usquam fuerunt, attentè intueamur; reperientur profectò (licet rarissimè) nonnulli, qui *Regnum* aut *Civitatem* à parvis ampla efficere possint, *Fiducines* tamen sint valde imperiti: Econtrà autem, Alii quamplurimi, in *Cytharâ*, aut *Lyrâ*, (hoc est *Aulicis Tricis*) miri Artifices, qui tantum abest, ut *Reipub. amplificare* possint, ut potius à Naturâ comparati videantur, ad *Statum* *Reipub. Beatum & Florentem*, labefactandum, & evertendum. Sanè Artes illæ degeneres, & præstigiæ, quibus sæpenuerò Consiliarii, atque Rerum Potentes, & Gratiam apud Principes suos, & Famam in Vulgus, reportant, hæud aliud Nomen merentur, quam *Peritiæ* cujusdam *Fiduciarie*; utpote cum sint Res magis gratæ in Præsens; & Artificibus ipsis Ornamento; quam ad Rerum pub. quarum sunt *Ministri*, *Opes* & *Amplitudinem*, utiles aut accommodæ. Occurrent proculdubio & alii Consiliarii, atque *Reipub. Gubernatores*, minimè spernendi, qui sint *Negotiis* pares, possintque Res commodè administrare, easque à manifestis præcipitiis & Incommodis conservare; à Virtute tamen illâ *Rerūpub. Erectrice & Amplificatrice*, longo intervallo absint.

Verum, qualescunque demum fuerint Operarii, conjiciamus Oculos in Opus ipsum; Qualis nimirum censeretur vera *Regnorum & Rerum pub. Magnitudo*, & quibus *Artibus* obtineri possit: Dignum profecto Argumentum, quod Principes perpetuo in Manibus habeant, & diligentèr meditentur; Quò nec Vires suas in majus aestimantes, Incæpris se vanis & nimis arduis implicant; Nec rursus easdem plus æquo despicientes, ad Consilia pusillanima & meticulosa, se demittant.

Magnitudo Imperiorum, quoad Molem & Territorium, Mensuræ subjicitur; quoad Redditus, Calculis. Numerus Civium, & Capita, Censu; Urbium & Oppidorum Multitudo & Amplitudo, Tabulis excipi possint. Attamen non reperitur inter Civilia, Res errori magis obnoxia, quam verum & intrinsecum, excipere Valorem, circa *Vires & Copias Imperii* alicujus. Assimilatur *Regnum Cælorum*, non Glandi, aut Nuci alicui grandiori, sed *Grano Sinapis*, quod inter Grana est minimum; quod tamen habeat interim, intra se, Proprietatem quandam, & Spiritum innatum, quò se & citius attollat, & latius diffundat: Eodem modo, invenire est Regna & Status, Ambitu quidem & Regionum Tractu, valde ampla; quæ tamen ad *Fines ulteriùs profèrendos*, aut latius imperandum, sunt minùs apta; Alia contrà, Dimensione satis exigua, quæ tamen Bases, in quibus maximæ Monarchiæ inædificentur, esse possint.

I. Urbes munitæ, plena Armamentaria, Equorum Propagines generosæ, Curtus armati, Elephanti, Machinæ atque Tormenta Bellica omnigena, & similia; sunt certè ista universa nihil aliud, quam Ovis induta Pelle Leoninâ; Nisi Gens ipsa, Stirpe suâ, & Ingenio sit fortis, & Militaris. Imò, nec Numerus ipse Copiarum multum juvat, ubi Milites imbelles sunt & ignavi. Rectè enim Virgilius; *Lupus numerum Pecorum non curat*. Exercitus Persarum in Campis Arbelæ, Oculis Macedonum, tanquàm vastum Hominum Pelagus, subiciebatur; adeò ut Duces Alexandri, nonnihil ipso Spectaculo percussî, Regem interpellarent, atque ut Nocturnum prælium committeret, ei Auctores erant: Quibus ille, *Nolo* (inquit) *suffurari Victoriâ*. Ea autem etiàm Opinione fuit facilior. Tigranes Armenius, castrametatus in quodam Colle, cum Exercitu Quadringentorum Millium, cum spectaret Aciem Romanorum, quæ quatuordecim Millia non excessit, contra se tendentem, in Dictærio illo suo sibi complacuit; *Eccæ* (inquit) *Hominum, pro Legatione, nimio plus quam oportet, pro pugna, longè minùs*. Eosdem tamen, priusquam occubuisset Sol, satis multos, ad illum infinitâ strage profligandum, expertus est. Innumera sunt Exempla, quam sit Multitudinis cum Fortitudine congressus impar. Primò igitur pro re certissimâ & exploratissimâ decernatur, & statuatur, quod Caput omnium, quæ ad Magnitudinem Regni aut Status spectent, sit, ut *Populus* ipse sit *Stirpe & Ingenio bellicosus*. Atque illud magis tritum quam verum, quod *Nervi Belli sint Pecuniæ*; si desint *Nervi Lacertorum* in Gente molli & effœminatâ Rectè enim Croeso ostentati Aurum respondit Solon; *At si quis (ô Rex) venerit, qui melius quàm tu Ferrum gestet, illi profecto, totum hoc cedit Aurum*. Quare, quicumq; is tandè sit Princeps aut Status, cuius Subdiri

Nativi

Nativi & Indigenæ, non sint Animosi & Militares, Potentiam suam admodum sobriè æstimet: Atque econtrà, Principes, qui dominantur in Gentes Animosas & Martias; pòtint illi satis Vires suas, si sibi aliàs non desint. Quod attinet ad *Copias Mercenarias* (quod solet adhiberi Remedium cum *Copia Nativæ* desint) plena sunt omnia Exemplis; quibus liquidò patet, quod quicumque *Status* illis innitetur, poterit fortassè Pennas, ad tempus breve, Nido majores extendere, sed defluent illæ paulò post.

2. *Benedictio Jude, & Issacharis*, in unum nunquam convenient: Nimirum, ut eadem Tribus aut Gens, sit simul, & *Leonis Catulus*, & *Asinus procumbens inter Sarcina s.* Neque unquam fiet, ut *Populus* Tributis oppressus, fortis existat & Bellicosus. Verum est; Collationes publico consensu factas, minùs Animos Subditorum deicere, & deprimere, quam quæ ex Imperio inero indicuntur. Id quod liquidò videre est, in *Tributis Germaniæ Inferioris*, quas *Excisis* vocant; Atque aliquà ex parte, in iis, quæ *Subsidia* nominantur apud *Anglòs*. Etenim notandum est, Sermonem jam institui, de Animis Hominum, non de Opibus. *Tributa* autem, quæ ex consensu conferuntur, & quæ ex Imperio imponuntur, etsi eadem Res sùnt, quoad Opes exhauriendas, variè tamen omninò Animos Subditorum afficiunt. Statuatur igitur & hoc, *Populum* Tributis gravatum, idoneum ad Imperandum, non esse.

3. Aspirantibus ad *Magnitudinem* Regnis & Statibus, prorsus cavendum, ne *Nobiles & Patricii*, atque (quos vocamus). *Generosi*, majorem in modum multiplicentur. Hoc enim eò Rem deducit, ut *Plebs* Regni sit humilis & abjecta; & nihil aliud ferè quàm Nobilium Manicipia & Operarii. Simile quiddam fieri videmus in Sylvis cædvis; in quibus, si major, quam pars est, Caudicum, sive Arborum majorum relinquitur Numerus, non renascetur Sylva sincera, & pura; sed major Pars in Vepres & Dumos degenerabit: Eodem modo; in *Nationibus*, ubi numerosior justo est *Nobilitas*, erit *Plebs* vilis & ignava; atque eò denique res redibit, ut nec Centesimum quodque Caput, sit, ad Galeam portandam, idoneum: Præsertim si Peditatum spectes; qui Exercitus plerumque est Robur præcipuum; Unde succedet magna Populatio, Vires exiguæ: Nusquam Gentium, hoc quod dico, luculentius comprobatum est, quam Exemplis Angliæ & Galliæ; Quarum Anglia, quamvis Territorio, & Numèro Incolarum, longè inferior, potiores tamen Partes ferè semper in Bellis obtinuit; Hanc ipsam ob Causam, quod apud Anglos, Coloni, & inferioris Ordinis Homines, Militiæ habiles sint, Rustici Galliæ non item: Quà in re, mirabili quâdam & profundâ Prudentiâ excogitatum est, ab Henrico Septimo Angliæ Rege (Id quod in *Vitæ ejus Historiâ* fufius tractavimus,) ut Prædia minora; atque Domus Agricolationis instituerentur; quæ habeant certum, eumque mediocrem Agri Modum annexum, qui distrahi non possit; eo fine, ut ad Vitæ liberaliorem sufficiat; Utque Agricultura ab iis exerceatur, qui Domini fuerint Fundi, aut saltèm Ususfructuarii, non Conductitii aut Mercenarii. Nam ita demùm Characterem illum;

quo Antiquam Italiam insignivit Virgilius, merebitur Regio aliqua;
 ——— *Terra potens Armis; atque ubere Gleba.*

Neque prætereunda est illa Pars Populi (quæ Angliæ ferè est peculiaris; nec alibi: (quod scio) in usu, nisi fortè apud Polonos,) *Famuli* scilicet *Nobilium*: Hujus enim Generis, etiàm Inferiores, quoad Perditatum, Agricolis ipsis minimè cedunt. Quare certissimum est, quod Magnificentia, & Splendor ille Hospitalis, atque Famulitia, & veluti Satellitia ampla, quæ in more sunt apud Nobiles & Generosos in Angliâ, ad Potentiam Militarem apprimè conducant; ubi contrà, Nobilium obscura, & magis privata, & in se reducta Vitæ ratio, Copias Militares minuit.

4. Danda est omninò opera, ut *Arbor* ista *Monarchia*, qualis fuit Nebuchadnezzaris, *Truncum* habeat satis *amplum & robustum*, ad *Ramos* suos & *Frondes* sustentandos: Hoc est, ut Numerus *Indigenarum*, ad *Subditos* extraneos cohibendos, satis superque sufficiat. Illi igitur *Status*, ad *Imperii Magnitudinem* benè comparati sunt, qui *Ius Civitatis*, facile & libentè largiuntur. Vana siquidem fuerit Opinio, posse Manipulum Hominum, utcunque Animis & Consilio excellent, Regiones nimio plus amplas & Spatiosas, Imperii Jugo cohibere & frænare. Id ad tempus fortassè facere possint, sed Diuturnitatem hæc Res non assequitur. *Spartani* parci fuerunt, & difficiles in cooprandis novis Civibus. Unde, donec intra parvos Limites dominati sunt, Res eorum firmæ fuerunt, & stabiles: At postquàm Limites suos cœpissent proferre, & latius dominari, quam ut Stirps Spartanorum, Turbam Exterorum, Imperio commodè coercere posset, Potentia eorum subito corruit. Nulla unquàm Respub. Sinus suos, ad novos Cives recipiendos, tam profusè laxavit, quam Respub. Romana. Itaque parerat, Instituto tam prudenti, *Fortuna*; cùm in Imperium toto Orbe amplissimum succreverint. Moris apud eos erat, *Ius Civitatis* promptè elargiri; Idque in supremo gradu: Hoc est, non solum *Ius Commerci*, *Ius Conubii*, *Ius Hereditatis*; verùm etiàm *Ius Suffragii*, & *Ius Petitionis*, sive *Honorum*: Hocque rursus, non singulis tantùm Personis, sed totis Familiis, imò Civitatibus, & nonnunquàm integris Nationibus communicarunt. Huc adde Consuetudinem *deducendi Colonias*, quibus Romanæ Stirpes in Solum exterum transplantabantur. Quæ duo Instituta, si simul componas, dices profectò, non Romanos se diffudisse super Universum Orbem; sed contrà, Orbem universum se diffudisse super Romanos: Quæ securissima proferendi Imperii est Ratio. Subit mirari sapientis Imperium *Hispanorum*; quod tam paucis Indigenis, tot Regna & Provincias amplexari & frænare possit. At certè, Hispaniæ ipsæ, pro Arboris stemmate satis grandi haberi debent; cùm longè ampliorem contineant Regionum Tractum, quam Romæ, aut Spartæ, sub initiis suis, contigerat. Porro, quanquàm *Ius Civitatis*, satis parcè soleant Hispani impertire, quod proximum tamen est, faciunt; Quippe, qui cujuscunque Nationis Homines, ad Militiam suam ordinariam, promiscuè admittant. Quinetiàm, summum Belli Imperium, haud rarò, ad Duces Natione non Hispanos deferunt. Attamen & illam ipsâ, videntur, non ita pridem, *Indigenarum* Paucitatē sensisse, eiq; succurrere cu-

cupiisse ; ut ex *Pragmaticâ Sanctione*, hoc Anno Promulgatâ, cernere est.

5. Certissimum est, *Artes Mechanicas Sedemârias*, quæ non sub Dîo, sed sub Tecto exercentur; Atque *Manufacturas delicatas* (quæ Digitum potius quam Brachium requirunt) suâ naturâ Militaribus Animis esse contrarias. In universum, Populi Bellicosi ferari gaudent; & Periculâ quam Labores minis exhorrent. Atque in hoc Ingenio suo; non sunt admodum reprimendi; si Animos ipsorum in Vigore conservare, cordi nobis sit. Magno itaque Adjumento; Spartæ, Athenis, Romæ, aliisque Antiquis Rebuspub. fuit, quod habuerint non *Ingenuos*, sed *Servos* plerunque, quorum Laboribus istiusmodi Opificia expediebantur. Verùm Mancipiorum usus, post Legem Christianam receptam, maximâ ex parte, abiit in Dësuetudinem. Huic verò Rei proximum est, ut Artes istæ, Alienigenis tantùm permittantur, qui propterea alliciendi, aut saltèm faciliè recipiendi sunt. *Nativorum* autem *Plebs*, ex tribus Generibus Hominum constare debet; Nempe, ex *Agricolis*; *Famulis ingenuis*; & *Artificibus*; quorum *Operâ Robur & Lacertos viriles* postulânt; Cujusmodi sunt *Fabri Ferrarii, Lapidarii, Lignarii, & similes*; Non annumerando *Militiam Descriptam*.

6. Ante omnia, ad *Imperii Magnitudinem* confert, ut Gens aliqua, *Armorum studium* profiteatur, tanquàm Decus suum, & Institutum vitæ primarium, & in præcipuo Honore habitum. Quæ enim à nobis adhuc dicta sunt, ad Habilitates tantùm erga Armâ spectant; Quorsum autem Habilitas, si non Rei ipsi incumbitur, ut producat in Actum? *Romulus* (ut narrânt; aut fingunt,) postquàm è vivis excesserat, illud Civibus suis legavit, ut ante omnia rem Militarem colerent; unde in Caput Orbis Terrarum Urbs eorum insurgeret. *Imperii Spartani* Fabrica universa, (non nimis prudenter quidem, sed diligentertamen) ad illum Finem & Scopum, composita est & constructa, ut Cives sui Belligeratores essent. *Persarum & Macedonum*, idem erat Institutum, sed non tam constans aut diuturnum. *Britanni, Galli, Germani, Gothi, Saxones, Normanni, & nonnulli alii* etiàm ad Tempus Armis se præcipuè dederunt. *Turcæ* idem Institutum, Lege suâ haud paululum extimulati, hodiè retinent, sed Magnâ cum Militiæ suæ (ut nunc est) declinatione. In Europâ Christianâ, Gens quæ illud adhuc retinet & profitetur, soli sunt *Hispani*. Verùm Res est, tam liquida; & manifesta, unumquemque in eo proficere maximè, in quo plurimùm impendit studii, ut Verbis non indigeat. Satis sit innuisse, desperandùm omninò alicui Nationi esse, quæ non ex Professo Arma & Militiam colat, iisque præcipuè studeat & incumbat, sibi veluti vltro obventuram, insignem aliquam *Imperii Magnitudinem*. Contrà autem, certissimum esse Temporis Oraculùm, Nationes illas, quæ in *Armorum Professione & Studiis* diutius permanserint (Id quod Romani, Turcæque, potissimum fecere;) miros in Imperiò amplificandò facere Progressus. Quin & illæ, quæ Bellicâ Gloriâ, per unius tantummodò Seculi Spatium florere; inde tamen, unico illo Seculo, eam Imperii Amplitudinem affecuræ sunt, quam longo post Tempore, etiàm remissâ illâ *Armorum Disciplinâ*, retinuerunt.

7. Præcepto præcedenti affine est ; Ut *Status* quis utatur ejusmodi *Legibus & Consuetudinibus*, quæ justas illi Causas, aut saltèm Prætextus, Arma capeffendi, tanquàm in promptu ministrent. Etenim, ea est insita Animis Hominum Justitiæ Apprehensio, ut Bellum (quod tot sequuntur Calamitates,) nisi gravem ob Causam, saltèm speciosam, inferre abstineant. Turcis præstò est sempèr, & ad nutum, Belli Causa ; Propagatio scilicet Legis & Sectæ suæ. Romani, quanquàm pro magno decore Imperatoribus apud eos fuerit, si *Fines Imperii ipsorum protulissent*, tamen ob hanc solam Causam, ut *Fines proferrenur*, nunquàm Bella susceperunt. Aspiranti igitur ad Imperium Nationi, illud in more sit ; Vt *Sensum* habeat *vividum & acrem*, *Injurie* alicujus vel Subditis suis Limitaneis, vel Mercatoribus, vel publicis Ministris, illatæ ; neque à primâ provocatione diutius torpeat, aut tardet. Itèm, *Prompta* sit & *alacris*, ad *Auxilia mittenda Sociis suis, & Fœderatis* : Id quod perpetuum erat apud Romanos : Adeò ut, si fortè in populum Fœderatû, cui etiàm cum aliis Fœdus Defensivum intercederet, Hostilis Impressio facta esset, atque ille à plurimis suppetias peteret, Romani omnium primi sempèr adessent, Beneficii Decus, nemini præripendum relinquentes. Quod verò attinet ad *Bella*, antiquis Temporibus, propter *Statuum Conformitatem* quandam, aut *Correspondentiam tacitam*, gesta, non video in quo Jure illa fundata sint. Talia fuerunt Bella, quæ à Romanis suscepta erant, ad Græciam in Libertatem vindicandam : Talia à Lacedæmoniis & Atheniensibus, ad constituendas, aut evertendas Democratas, & Oligarchias : Talia quandòque illata sunt a Rebuspub. aut Principibus, sub prætextu, Subditos alienos protegendì, & à Tyrannide liberandi. Ad rem præsentem sufficiat, ut illud decernatur ; Non esse expectandam, *Statui* alicui, *Imperii Amplitudinem*, nisi ad quavis Occasionem justam se Armandi, protinùs expergiscatur.

8. Nullum omninò *Corpus*, sive sit illud *Naturale*, sive *Politicum*, absque *Exercitatione*, *Sanitatem* suam tueri queat. Regno autem, aut Reipub. justum atque honorificum *Bellum* loco salubris *Exercitationis* est. Bellum Civile profectò instar Caloris Febrilis est ; At Bellum Externum instar Caloris ex Motu, qui Valitudini inprimis conducit. Ex Pace enim deside atque torpente, & emolliuntur Animi, & corumpuntur Mores. Sed utcunque Res se habeat quatenùs ad alicujus Statûs Felicitatem, *Magnitudinis* proculdubiò interest, ut quasi sempèr in Armis sit. Atque Exercitus Veteranus, perpetuò tanquàm sub Vexillis habitus, etsi Res sit, magni proculdubiò Sumptûs & Impensæ ; Attamem ejusmodi est, ut *Statui* alicui, quasi Arbitrium Rerum inter Vicinos, aut saltèm plurimùm Existimationis ad omnia conferat. Id quod insignirèt cernere est in Hispanis, qui jam per Annos Centum & Viginti, Exercitum Veteranum, ad aliquas Partes, licet non sempèr ad eandem, aluerunt.

9. *Maris Dominium*, Monarchiæ quædam Epitome est. Cicero, de Pompeii contra Cæsarem Apparatu, scribens ad Atticum ; *Consilium* (inquit) Pompeii, planè *Themistocleum* est ; putat enim, qui *Mari potitur, eum Rerum potiri*. Atque Cæsarem Pompeius, proculdubiò delassasset, & attrivisset, nisi inani fiduciâ inflatus, ab illo Incepto destitisset.

Prælia

Prælia Navalia, quanti fuerint Momenti, ex multis Exemplis patet. *Pugna ad Actium* Orbis Imperium determinavit. *Pugna ad Insulas Cursolares*, *Circulum in Naribus Turcæ posuit*. Multoties cerrè evenit, ut *Victoriæ Navales*, Finem Summæ Belli attulerint; Sed hoc factum est, cum *Alex* hujusmodi *Præliorum*, totius Belli *Fortuna* commissa est. Illud minimè dubium, quod qui *Maris* potitur *Dominio*, in magnâ *Liberate* agit, & tantum, quantum velit, de Bello sumere potest: Ubi contrâ, qui *Terrestribus Copiis* est superior, nihilominus plurimis *Angustiis* conflictatur. At hodiè, atque apud nos *Europæos*, si unquam, aut uspiam, *Potentia Navalis* (quæ quidem huic *Regno Britannicæ* in *Dorem* cessit,) summi, ad *Rerum Fastigia*, *Momenti* est; tum quia pleraque *Europæ Regna*, *Mediterranea* simpliciter non sunt, sed maximâ ex Parte *Mari* cincta; tum etiâ, quia *Utriusque Indiæ Thesauri & Opes*, *Imperio Maris*, veluti *Accessorium* quiddam, existunt.

10. *Belli Moderna*, veluti in *Tenebris gesta*, censerî possunt, præ *Gloriâ & Decore* vario, quæ in *Homines Militares*, *priscis temporibus*, à *Rebus Bellicis*, resilière solebant. Habemus hodiè, fortassè ad *Animos* faciendos, *Ordines* quosdam *Honorificos Militiæ*; qui tamen jam facti sunt & *Armis & Togæ* communes: Etiâ in *Scutis Gemilitiis*, *Stemmata* nonnulla habemus: Insupèr, *Hospitia* quædam *Publica* *Militibus Emeritis & Mutilatis* destinata, & hujusmodi. Verùm, apud *Veteres*, in *Locis*, ubi *Victoriæ* partæ sunt, extructa *Trophaea*; *Laudationes Funebres*; & *Monumenta Magnifica Occumbentium in Bello*; *Coronæ Civica, Militares*, singulis concessæ; *Nomen ipsum Imperatoris*, quod postea *Reges maximi* à *Belli Ducibus* mutuati sunt; *Redeuntium Ducum*, *Bellis prosperè confectis*; *celebres triumphi*; *Dunavica*, atque *Largitiones ingenes* in *Milites*, sub *Exercituum dimissionem*: Hæc (inquam) tot & tanta fuerunt, & tam insigni *Splendore* coruscantia, ut *Pectoribus Mortalium*, etiâ maximè *conglaciatis*, *Igniculos* subdere, eâque ad *Bellum inflammare* potuerint. Ante omnia verò, *Mos ille Triumphandi*, apud *Romanos*, non *Res* erat ex *Pompâ*, aut *Spectaculum* quoddam inanè, sed inter *prudentissima* planè *Nobilissimâque Instituta* numerandus: Utpote, qui in se hæc tria haberet; *Ducum Decus & Gloriam*; *Ærarii ex Spoliis Locupletationem*; & *Donativa Militum*. Verùm *Honor Triumphi*, fortassè *Monarchiis* non competit, præterquàm in *Personis Regis* ipsius, aut *Filiorum Regis*; Quod etiâ, temporibus *Imperatorum*, *Romæ* obtinuit; Qui *Honorem ipsum Triumphi*, sibi & *Filiis suis*, de *Bellis*, quæ præsentibus ipsi confecerant, tanquàm *peculiarem reservârunt*: *Vestimenta* autem solummodò, & *Insignia Triumphalia*, aliis *Ducibus* indulserunt.

Verùm, ut *Sermones* hos claudamus; Nemo est (ut testatur *Sacra Scriptura*), qui sollicitè cogitando, potest apponere ad *Statutam suam, Cubitum unum*; In *pussillo* scilicet *Corporis Humani Modulo*: Cæterùm, in magnâ *Regnorum & Rerumpub.* *Fabricâ*, *Imperium* amplificare & *Fines proferre*, *Reges* penes & *Dominantes* est. Nam *prudenter* introducendo *Leges, Instituta, & Consuetudines*, quales jam proposuimus, & aliâs his similes, *Posteris, & Sæculis futuris*, *Magnitudinis Sementem*

Sementem fecerint. Verùm ista Consilia apud Principes rarò tractantur, sed Res Fortunæ plerunque committitur.

Atque hæc habuimus, quæ de *Proferendis Imperii Finibus*, in præsentia occurrunt. Verùm quorsum ista Commentatio; cum *Monarchia Romana*, futura sit inter Mundanas (ut creditur) ultima? Nisi quod nobis Instituto nostro fidis, neque uspiam de Viâ declinantibus (quandoquidè *Amplificatio Imperii*, fuerit inter *Officia tria Politices*; tertium,) illud omninò prætermittere, non licuerit. Restat jam *Desideratum* alterum, ex iis, quæ posuimus, duobus, Nimirum, de *Iustitiâ Universali*, sive de *Fontibus Juris*.

Qui de *Legibus* scripserunt, omnes vel tanquàm Philosophi, vel tanquàm Jurisconsulti, Argumentum illud tractaverunt. Atque Philosophi proponunt multa, dictu pulchra, sed ab usu remota. Jurisconsulti autem, suæ quisque Patriæ Legum, vel etiàm Romanarum, aut Pontificiarum, Placitis obnoxii & addicti, Judicio sincero non utuntur; sed tanquàm è Vinculis fermocinantur. Certè Cognitio ista ad Viros Civiles propriè spectat; qui optimè nôrunt, quid ferat Societas humana, quid Salus Populi, quid Æquitas Naturalis, quid Gentium Mores, quid Rerumpub. Formæ diversæ: Ideóque possint de *Legibus*, ex Principiis & Præceptis, tam Æquiritatis Naturalis, quam Politices, discernere. Quamobrè id nunc agatur, ut *Fontes Iustitiæ*, & *Utilitatis Publicæ*, petantur; & in singulis *Juris Partibus*, *Character* quidam & *Idealusti* exhibeatur; ad quam Particularium Regnorum & Rerumpub. *Leges*, probare, atque inde Emendationem moliri quisque, cui hoc cordi erit & curæ, possit. Hujus igitur rei, more nostro, *Exemplum in uno Titulo* proponemus.

Exemplum *Tractatûs de Iustitiâ Universali*, sive de *Fontibus Juris*, in uno Titulo, per Aphorismos.

P R O O E M I V M.

APHORISMUS 1.

IN Societate Civili, aut Lex, aut Vis valet. Est autem & Vis quadam Legem simulans; & Lex nonnulla magis vim sapiens, quam Æquitatem Juris. Triplex est igitur Injustitiæ Fons; Vis mera; Illaqueatio malitiosa prætextu Legis; & Acerbitas ipsius Legis.

APHORISMUS 2.

Firmamentum Juris Privati tale est. Qui Injuriam facit, Re, Utilitatem, aut Voluptatem, caput, Exemplo, Periculum. Ceteri Utilitatis aut Voluptatis illius, participes non sunt, sed Exemplum ad se pertinere putant. Itaque facili coeunt in Consensum, ut caveatur sibi per Leges; ne Injuriae per vices ad singulos redeant. Quod si ex Ratione Temporum, & Communionem Culpa, id eveniat, ut pluribus & Potentioribus, per Legem aliquam, Periculum creetur, quam caveatur, Factio solvit Legem; Quod & sæpè fit.

APHORISMUS 3.

At Jus Privatum, sub Tunc Juris Publici, laet. Lex enim caret Civibus, Magistratus Legibus. Magistratum autem Auctoritas pendet ex Majestate Imperii, & Fabrica Politia, & Legibus Fundamentalibus. Quare, si ex illâ parte Sanitas fuerit, & recta constitutio, Leges erunt in bono Usu; sin minus, parum in iis Praesidii erit.

APHORISMUS 4.

Neque tamen Jus Publicum, ad hoc tantum spectat, ut addatur tanquam Custos Juri Privato, ne illud violeatur; atque ut cessent Injuriae; Sed extenditur etiam ad Religionem, & Arma, & Disciplinam, & Ornamenta, & Opes, denique ad omnia circa Bene Esse Civitatis.

APHORISMUS 5.

Finis enim & Scopus, quem Leges inveni, atque ad quem, Iussiones & Sanctiones suas, dirigere debent, non alius est, quam ut Cives feliciter degant. Id fieri, si Pietate & Religione rectè institui; Moribus honesti; Armis adversus Hostes Externos tuti; Legum auxilio adversus Seditiones, & privatas Injurias muniti; Imperio & Magistratibus obsequentes; Copiis & Opibus locupletes & florentes fuerint. Harum autem Rerum Instrumenta & Nervi sunt Leges.

APHORISMUS 6.

Atque hunc Finem Optima Leges assequuntur, Plurimae verò ipsarum aberrant. Leges enim, mirum in modum, & maximo intervallo, inter se differunt; Et Aliae excellent, Aliae mediocriter se habeant; Aliae prorsus vitiosae sunt. Discubimus igitur pro Iudicii nostri Modulo, quasdam tanquam Legum Leges; Ex quibus Informatio peti possit, quid in singulis Legibus, bene aut perperam possum aut constituium sit.

APHORISMUS 7.

Anequam verò ad Corpus ipsam Legum Particularium deveniamus; perstringemus paucis, Virtutes & Dignitates Legum in genere. Lex bona censeri possit, quae sit Intimatione certa; Praecepto justa; Executione commoda; Cum Formâ Politiae congrua; & Generans Virtutem in Subditis.

TITULUS I.

De Prima Dignitate Legum, ut sint certae.

APHORISMUS 8.

Legis tantum interest ut certa sit, ut absque hoc nec Justa esse possit. Si enim incertam Vocem det Tuba, quis se parabit ad Bellum? Similiter si incertam vocem det Lex, quis se parabit ad Parentum? Ut moneat igitur oportet, priusquam seriat. Etiam illud rectè possum est; Optimam esse Legem, quae minimum relinquit Arbitrio Judicis: Id quod Certitudo ejus praestat.

APHORISMUS 9.

Duplex Legum Incertitudo: Altera, ubi Lex nulla praescribitur, Altera;

Altera, ubi ambigua & obscura. Itaque de Casibus omissis à Lege, primò dicendum est; ut in his etià inveniantur aliqua Norma Certitudinis.

De Casibus omissis à Lege.

APHORISMUS IO.

Angustia Prudentiæ Humanæ, Casus omnes, quos Tempus reperit, non potest capere. Non rarò itaque se ostendunt Casus Omissi & Novi. In hujusmodi Casibus, triplex adhibetur Remedium, sive Supplementum; vel per Processum ad Similia; vel per usum Exemplorum, licet in Legem non coaluerint; vel per Jurisdictiones, quæ statuunt ex Arbitrio boni Viri, & secundum Discretionem sanam; sive illæ Curix fuerint Prætorix, sive Censorix.

De Processu ad Similia, & Extensionibus Legum.

APHORISMUS II.

In Casibus omissis, deducenda est Norma Legis à similibus; sed cautiè, & cum Iudicio. Circa quod servandæ sunt Regulæ sequentes. Ratio prolifica, Consuetudo sterilis esto, nec generet casus. Itaque quod contra Rationem Juris receptum est, vel etià ubi Ratio ejus est obscura, non trahendum est ad Consequentiam.

APHORISMUS 12.

Bonum publicum insigne, rapit ad se Casus omissos. Quamobrem, quando Lex aliqua, Reipub. Commoda notabiliè & majorem in modum intueatur, & procurat, Interpretatio ejus Extensiva esto, & Amplians.

APHORISMUS 13.

Durum est torquere Leges, ad hoc ut torqueant Homines. Non placet igitur extendi Leges poenales, multò minùs Capitales, ad Delicta nova. Quod si Crimen vetus fuerit, & Legibus notum; sed Prosecutio ejus incidat in Casum novum, à Legibus non provisum; omninò recedatur à placitis Iuris, potiùs quam delicta maneant impunita.

APHORISMUS 14.

In Statutis, quæ Jus Commune (præsertim circa ea, quæ frequentèr incidunt, & diù coaluerunt) planè abrogant, non placet procedi per Similitudinem ad Casus Omissos. Quando enim Respub. totà Lege diù caruerit; idque in Casibus expressis; parum periculi est, si Casus Omissi expectent Remedium à Statuto Novo.

APHORISMUS 15.

Statuta, quæ manifestò Temporis Leges fuere, atque ex Occasionibus Reipub. tunc invalescentibus nata, mutata ratione Temporum, satis habent, si se in propriis Casibus sustinere possint: Præposterum autem esset, si ad Casus Omissos, ullo modo traherentur.

APHORISMUS 16.

Consequentia non est Consequens: sed fieri debet Extensio intra Casus proximos. Alioqui labetur paulatim ad Dissimilia; Et magis valebunt Acumina Ingeniorum, quam Auctoritates Legum.

APHORISMUS 17.

In Legibus & Statutis brevioris Stili, Extensio facienda est liberius. At in illis, quæ sunt Enumerativa Casuum Particularium, cautius. Nam ut Exceptio firmat vim Legis, in Casibus non Exceptis; ita Enumeratio infirmat eam, in Casibus non Enumeratis.

APHORISMUS 18.

Statutum Explanatorium claudit Rivos Statuti prioris; nec recipitur postea Extensio in alterutro Statuto. Neque enim facienda est Super-Extensio à Iudice; ubi semel cepit fieri Extensio à Lege.

APHORISMUS 19.

Solennitas Verborum, & Actorum, non recipit Extensionem ad Similia. Perdit enim Naturam Solennis, quod transit à More ad Arbitrium: Et Introductio novorum, corrumpit Majestatem veterum.

APHORISMUS 20.

Proclivis est Extensio Legis ad Casus Post-natos; qui in Rerum Naturâ non fuerunt tempore Legis latae. Vbi enim Casus exprimi non poterat, quia tunc nullus erat, Casus Omissus habetur pro Expresso, si similis fuerit Ratio.

Atque de Extensionibus Legum, in Casibus Omissis, hæc dicta sint: Nunc de usu Exemplorum dicendum.

De Exemplis, & usu eorum:

APHORISMUS 21.

DE Exemplis jam dicendum est, ex quibus Jus hauriendum sit, ubi Lex deficit. Atque de Consuetudine, quæ Legis Species est; deque Exemplis, quæ per frequentem usum, in Consuetudinem transferunt, tanquam Legem tacitam; suo loco dicemus. Nunc autem de Exemplis loquimur, quæ raro & sparsim interveniunt, nec in Legis vim coaluerunt; quando, & quâ cautione, Normæ Juris ab ipsis petenda sit, cum Lex deficiat.

APHORISMUS 22.

Exempla à Temporibus Bonis & Moderatis petenda sunt; non Tyrannicis, aut Factiosis, aut Dissolutis. Hujusmodi Exempla Temporis Partis spurci sunt; & magis nocent, quam docent.

APHORISMUS 23.

In Exemplis, Recentiora habenda sunt pro Trioribus. Quod enim paulo ante factum est, unde nullum sit secutum Incommodum, quid ni iterum repetatur? Sed tamen minus habent Auctoritatis Recentia. Et si forte Res in melius restitui opus sit, Recentia Exempla magis Seculum suum sapiunt, quam etiam Rationem.

APHORISMUS 24.

At Verustiora Exempla, cavere, & cum Delectu recipienda: Decursus siquidem Etatis multa mutat; ut quod tempore videatur antiquum, id perurbatione,

turbatione, & Inconformitate ad Præsentia, sit planè novum. Medii itaque Temporis Exempla sunt optimi, vel etiam talis Temporis, quod cum Tempore currente plurimum conveniat; quod aliquando præstat Tempus Remotius, magis quam in Proximo.

APHORISMUS 25.

Intra Fines Exempli, vel citra potius, se cohibeto, nec illis ullo modo excedito. Vbi enim non adest Norma Legis, omnia quasi pro Suspectis habenda sunt. Itaque ut in Obscuris, minimum sequitur.

APHORISMUS 26.

Cavendum ab Exemplorum Fragmentis & Compendiis: atque integrum Exemplum, & universus ejus Processus introspectendus. Si enim incivile sit, nisi tota Lege perspecta, de Parte ejus judicare, multò magis hoc valere debet in Exemplis; Quæ ancipitis sunt usûs, nisi valdè quadrent.

APHORISMUS 27.

In Exemplis plurimum interest, per quas Manus transferim, & transacta sint. Si enim apud Scribas tantum, & Ministros Justitiæ, ex Cursu Curia, absque Notitiâ manifestâ Superiorum, obtinuerint; Aut etiam apud Errorum Magistrum Populum; conculcanda sunt, & parvi facienda. Sin apud Senatores, aut Iudices, aut Curias Principales, ita sub oculis posita fuerint, ut necesse fuerit illa, Approbatione Iudicum, saltem tacitâ, munita fuisse, plus Dignationis habent.

APHORISMUS 28.

Exemplis, quæ publicata fuerint, utcumque minis fuerint in usu, cum tamen Sermonibus, & Discepcionibus Hominum, agitata & ventilata extiterint, plus Auctoritatis tribuendum. Quæ verò in Scriniis & Archivis manserunt, tanquàm sepulta, & palàm in Oblivionem transferunt, minis. Exempla enim, sicut Aquæ, in Profluente sanissima.

APHORISMUS 29.

Exempla, quæ ad Leges spectant, non placet ab Historicis peti; sed ab Actis publicis, & Traditionibus diligentioribus. Versatur enim Infelicitas quedam inter Historicos vel optimos, ut Legibus, & Actis Iudicialibus, non satis immoremur; Aut si fortè Diligentiam quandam adhibuerint, tamen ab Authenticis longè variant.

APHORISMUS 30.

Exemplum, quod Ætas Contemporanea, aut Proxima respuit; cum Casus subinde recurreret, non faciliè admittendum est. Neque enim tantum pro illo facit, quod Homines illud quandòque usurparunt; quam contra, quod Experti reliquerunt.

APHORISMUS 31.

Exempla in Consilium adhibentur, non utique jubent, aut imperant. Igitur ita regantur, ut Auctoritas præteriti Temporis flectatur ad Usus præsentis.

Atque de Informatione ab exemplis, ubi Lex deficit, hæc dicta sint. Jam dicendum de Curiis Prætoriis, & Censoriis.

De Curiis Prætoriiis & Censoriis.

APHORISMUS 32.

Curiæ sunt & Jurisdictiones, quæ statuant ex Arbitrio boni Viri, & Discretionem sanctam, ubi Legis Norma deficit. Lex enim, (ut antea dictum est) non sufficit Calibus; sed ad ea, quæ plerumque accidunt, aptatur. Sapientissima autem Res Tempus, (ut ab Antiquis dictum est) & novorum Casuum quotidie Auctor, & Inventor.

APHORISMUS 33.

Interveniunt autem novi Casus, & in Criminalibus, qui Penam indigent; & in Civilibus, qui Auxilio. Curias, quæ ad priora illa respiciunt, Censorias; quæ ad Posteriora, Prætorias appellamus.

APHORISMUS 34.

Habent Curia Censoria Jurisdictionem & Potestatem, non tantum nova Delicta puniendi, sed etiam Poenas à Legibus constitutas, pro Delictis veteribus augendi; si Casus fuerint odiosi, & Enormes, modò non sint Capitales. Enorme enim, tanquam Nova est.

APHORISMUS 35.

Habeant similiter Curia Prætoria Potestatem, tam Subveniendi contra Rigorem Legis, quam Supplendi Defectum Legis. Si enim porrigi debet Remedium ei, quem Lex præterit; multò magis ei, quem vulneravit.

APHORISMUS 36.

Curia istæ Censoria, & Prætoria omnino intra Casus enormes & extraordinarios se continent; nec Jurisdictiones ordinarias invadunt. Ne fortè tendat res ad Supplantationem Legis, magis quam ad Supplementum.

APHORISMUS 37.

Jurisdictiones istæ, in Supremis tantum Curiis resident, nec ad Inferiores communicantur. Partim enim abest, à Potestate Leges Condendi, Potestas eis Supplendi, aut Extendendi, aut Moderandi.

APHORISMUS 38.

At Curia illæ uni Viro ne committantur, sed ex Pluribus constent. Nec Decreta exeant cum Silentio; sed Iudices Sententiæ suæ Rationes adducant; idque palam, atque astantem Coronam: ut quod ipsa Potestate sit liberum, Famam tamen & Existimationem sit circumscriptum.

APHORISMUS 39.

Rubricæ Sanguinis ne sunt; Nec de Capitalibus, in quibuscunque Curiis, nisi ex Lege notâ & certa, pronuntiatur. Indixit enim Mortem Deus ipse prius; postea inflixit. Nec Vita eripiendi nisi ei, qui se in suam Vitam peccare prius nosset.

APHORISMUS 40.

In Curiis Censoriis Calculum tertium datur; ut Iudicibus non imponatur Necessitas, aut Absolvendi, aut Condemnandi; sed etiam non Liquere pronunciare possint. Etiam Censoria non tantum Pœna, sed & Nota esto: Scilicet cetera, quæ non iussit Supplicium, sed aut in Admonitionem desinat, aut Reos Ignominia levi, & tanquam Rubore castiget.

APHORISMUS 41.

In Curiis Cenforiis, omnium magnorum Criminum, & Scelerum, Actus Inchoati, & Medii, puniuntur; licet non sequatur Effectus Consummatus: Isque sit earum Curiarum Vſus vel maximus: Cùm & Severitatis interſit, Initia Scelerum puniri; & Clementiæ, Perpetrationem eorum (puniendo Actus medios) intercipi.

APHORISMUS 42.

Cavendum imprimis, ne in Curiis Prætoriis, præbeatur Auxilium in Caſibus, quos Lex, non tam omiſit, quam pro Levibus contempſit, aut pro Odioſis Remedio indignos judicavit.

APHORISMUS 43.

Maximè omnium intereſt Certitudinis Legum (de quâ nunc agimus,) ne Curia Prætoriæ intumeſcam & exundent intantum, ut Prætextu Rigoris Legum mitigandi, etiâ Robur, & Nervos iis incidant, aut laxent; omnia trahendo ad Arbitrium.

APHORISMUS. 44.

Decernendi contra Statutum expreſſum, ſub ullo Equitatis Prætextu, Curiis Prætoriis Ius ne eſto. Hoc enim ſi fieret, Iudex prorsus tranſiret in Legislatorem, atque omnia ex Arbitrio penderent.

APHORISMUS 45.

Apud nonnullos receptum eſt, ut Jurisdictiono, quæ decernit ſecundum Æquum & Bonum; atque illa aliter, quæ procedit ſecundum Jus ſtriſſum, iisdem Curiis deputentur: apud Alios autem, ut diverſis. Omnino placet Curiarum Separatio. Neque enim ſervabitur Diſtinctio Caſuum, ſi fiat Commixtio Jurisdictionum: Sed Arbitrium Legem tandem trahet.

APHORISMUS 46.

Non ſine Cauſſâ in Vſum venerat apud Romanos, Album Prætoris, in quo præſcripſit, & publicavit, quomodo ipſe Ius dicturus eſſet. Quo Exemplo Iudices in Curiis Prætoriis, Regulas ſibi certas, (quantum fieri poteſt) proponere, eaſque publice aſſigere debent. Etenim Optima eſt Lex, quæ minimum relinquit Arbitrio Iudicis; Optimus Iudex, qui minimum ſibi.

Verùm de Curiis iſtis fuſius tractabimus, cùm ad locum de Judiciis veniemus; Obiter tantùm jam locuti de iis, quatenus, expediant, & ſuppleant Omiſſa à Lege.

De Retrospectione Legum.

APHORISMUS 47.

E*ſt & aliud Genus Supplementi Caſuum Omiſſorum, cùm Lex Legem ſupervenit, atque ſimul Caſus Omiſſos trahit. Id ſit in Legibus, ſive Statutis, quæ retroſpiciunt, ut vulgò loquuntur. Cujus Generis Leges, raro, & magnâ cum Cautione, ſunt adhibendæ. Neque enim placet Janus in Legibus.*

APHORISMUS 48:

Qui Verba, aut Sententiam Legis, Captione, & Fraude eludit, & circumſcribit, dignus eſt, qui etiâ à Lege ſequente innodetur. Igitur in Caſibus Fraudis, & Eviſionis dolosæ, juſtum eſt, ut Leges retroſpiciant,

ant, atque altera alteris in subsidiis sint; ut qui Dolos mediatur, & Eversionem Legum Præsentium, saltem à Futuris meruat.

APHORISMUS 49.

Leges, quæ Actorum & Instrumentorum veras Intentiones, contra Formularum aut Solennitarum Defectus, roborant & confirmant, rectissime Præterita complectuntur. Legis enim, quæ retrospicit, Vitium vel præcipuum est, quod Perturbet. At hujusmodi Leges confirmatorix, ad Pacem & Stabilimentum eorum, quæ transacta sunt, spectant. Cavendum tamen est, ne convellantur Res judicatæ.

APHORISMUS 50.

Diligenter attendendum, ne ea Leges tantum ad Præterita respicere putentur, quæ Antea dicta infirmant: Sed & ea, quæ futura prohibent & restringunt, cum Præteritis necessario connexa. Veluti, si quæ Lex Artificibus aliquibus interdicit, ne Mercimonia sua in Posterum Vendant: Hec sonat in Posterum, sed operatur in Præteritum: Neque enim illis aliâ Ratione vitium querere jam integrum est.

APHORISMUS 51.

Lex Declaratoria omnis, licet non habeat Verba de Præterito, tamen ad Præterita, ipsâ vi Declarationis, omnino trahitur: Non enim tum incipit Interpretatio cum declaratur, sed efficitur tanquam Contemporanea ipsi Legi. Itaque Leges Declaratorias ne ordinato, nisi in Casibus, ubi Leges cum Iustitiâ retrospicere possint.

Hic verò eam Partem absolvimus, quæ tractat de Incertitudine Legum ubi invenitur Lex nulla. Jam dicendum est de alterâ illâ Parte, ubi scilicet Lex extat aliqua, sed perplexa, & obscura.

De Obscuritate Legum.

APHORISMUS 52.

Obscuritas Legum, à quatuor Rebus, Originem ducit; vel ab Accumulatione Legum nimia, præsertim admixtis Obsolescentibus: Vel à Descriptione earum ambigua, aut minus perspicua, & dilucidâ: vel à Modis Enuclæandi Juris neglectis, aut non bene institutis: vel denique, à Contradictione & Vacillatione Judiciorum.

De Accumulatione Legum nimia.

APHORISMUS 53.

Dicit Propheta; Pluet super eos Laqueos. Non sunt autem peiores Laquei, quam Laquei Legum, præsertim Poenaliū; Si numero immensa, & Temporis Decursu inutiles, non Lucernam pedibus præbeant, sed Retia potius objiciant.

APHORISMUS 54.

Duplex in usum venit Statuti novi condendi Ratio: Altera Statuta priora circa idem Subjectum confirmat & roborat; dein nonnulla addit aut mutat: Altera abrogat & delet cuncta, quæ antè ordinata sunt, & de Integro Legem novam & uniformem substituit. Placet posterior Ratio. Nam ex priorè Ratione, Ordinationes deveniunt complicatæ & perplexæ; & quod instas

agitur sanè, sed Corpus Legum interim redditur vitiosum. In posteriore autem, major certè est adhibenda Diligentia, dum de Lege ipsa deliberatur; Et antea scilicet evolvenda, & pensanda, antequam Lex feratur: Sed optimè procedit per hoc Legum Concordia in futurum.

APHORISMUS 55.

Erat in more apud Athenienses, ut contraria Legum Capita, (quæ Anti-Nomias vocant) quotannis à sex Viris examinarentur, & quæ reconciliari non poterant, proponerentur populo, ut de illis certum aliquid statueretur. Ad quorum exemplum, ii, qui Potestatem in singulis Politis Legum condendarum habent, per Triennium, aut Quinquennium, aut prout videbitur, Anti-Nomias retractant. Eæ autem à viris, ad hoc delegatis, prius inspiciantur, & præparentur, & demùm Comitibus exhibeantur; ut quod placuerit, per Suffragia stabiliatur, & figatur.

APHORISMUS 56.

Neque verò contraria Legum Capita reconciliandi, & omnia (ut loquuntur) Salvandi, per Distinctiones subtiles, & quæsitæ, nimis sedula aut anxiosa Cura esto. Ingenii enim hæc tela est: Atque utcumque Modestiam quandam et Reverentiam præ se ferat, inter noxia tamen censenda est; utpote quæ reddat Corpus universum Legum varium, et malè confusum. Melius est prorsus, ut succumbant Deteriora, et Meliora stent sola.

APHORISMUS 57.

Obsoletæ Leges, et quæ abierunt in Desuetudinem, non minùs quam Anti-Nomix, proponantur à Delegatis ex officio tollendæ. Cum enim Statutum expressum regularitèr desuetudine non abrogetur, fit ut ex Contemptu Legum Obsoletarum, fiat nonnulla Auctoritatis Iactura etiam in reliquis: Et sequitur Tormentum illud genus Mezentii, ut Leges vivæ in complexu Mortuarum perimantur. Atque omninò cavendum est à Gangrænâ in Legibus.

APHORISMUS 58.

Quin & in Legibus & Statutis obsoletis, nec novitèr promulgatis, Curiis Prætoriis interim contra eas decernendi Ius esto. Licet enim non malè dictum sit, Neminem oportere Legibus esse Sapientiorum, tamen intelligatur hoc de Legibus, cum evigilent, non cum dormitent. Contra Recentiora verò Statuta (quæ Iuri publico nocere deprehenduntur) non unigè Prætoribus, sed Regibus, & Santioribus Consiliis, & Supremis Potestatibus auxilium præbendi Ius esto: Earum Executionem per Edicta aut Acta suspendendo, donec redeant Comitibus, aut huiusmodi Cæns, qui potestatem habeant eas abrogandi; Ne Salus Populi interim periclitetur.

De novis Digestis Legum.

APHORISMUS 59.

Quod si Leges aliæ super alias Accumulatæ, in tam vasta excreverint Volumina, aut tamâ confusione laboraverint, ut eas de integro retractare, & in Corpus sanum, & habile redigere, ex Usu sit; Id ante omnia agito; atque Opus ejusmodi Opus Heroicum esto: Atque Auctores talis Operis, inter Legislatores, & Instauratores, ritè & meritò numerantur.

APHORISMUS

APHORISMUS 60.

Hujusmodi Legum Expurgatio, & Digestum novum, quinque rebus absolvitur. Primo, omittantur Obsolete, quæ Justinianus Antiquas Fabulas vocat. Deinde ex Anti-Nominiis recipiantur probatissimæ, aboleantur contrariæ. Tercio Homoiio-Nomiæ, sive Leges quæ idem sonant, atque nil aliud sunt, quam Iterationes ejusdem rei, expungantur; atque una quæpiam ex iis, quæ maximè est perfecta, retineatur vice omnium. Quarto, si quæ Legum nihil determinent, sed Quæstiones tantùm proponant, easque relinquantur indecisæ, simulèr facessant. Postremò, quæ verbosæ inveniuntur, & nimis Prolixæ, contrahantur magis in arctum.

APHORISMUS 61.

Omninò verò ex usu fuerit, in novo Digesto Legum, Leges pro Jure Communireceptas, quæ tanquam immemorales sunt in Origine suâ; atque ex alterâ parie, Statuta de Tempore in Tempus superaddita; separatim digerere & componere: Cùm in plurimis rebus, non eadem sit, in Jure dicendo, Juris Communis, & Statutorum Interpretatio, & Administratio. Id quod fecit Trebonianus in Digesto, & Codice.

APHORISMUS 62.

Verùm, in hujusmodi Legum Regeneratione, atque Structurâ novâ, veterum Legum, atque Librorum Legis Verba prorsus & Textum relictum: Licet per Centones, & Portiones exiguas eis excerpere necesse fuerit: Ea deinde ordine contextito. Etsi enim fortassè commodius, atque etiâ, si ad rectam Rationem respiciamus, melius hoc transigi posset per Textum novum, quam per hujusmodi Consecrationem; tamen in Legibus, non tam stilus, & Descriptio, quam Auctoritas, & hujus Patronus Antiquitas spectanda est. Aliàs videri possit hujusmodi Opus Scholasticum potius quiddam, & Methodus, quam Corpus Legum Imperantium.

APHORISMUS 63.

Consulium fuerit in novo Digesto Legum, Vetera Volumina non prorsus deleri, & in Oblivionem cedere, sed in Bibliothecis saltem manere; licet Usus earum vulgaris & promiscuus prohibearur. Etenim in Causis gravioribus, non abs re fuerit, Legum Præteritarum Mutationes, & Series, consulere, & inspicere; ac certè solenne est Antiquitatem, Præsentibus aspergere. Novum autem hujusmodi Corpus Legum, ab iis, qui in Politiis singulis habent Potestatem Legislativam, prorsus confirmandum est; ne fortè prætexu Veteres Leges digerendi, Leges novæ imponantur occulò.

APHORISMUS 64.

Optandum esset, ut hujusmodi Legum Instauratio, illis Temporibus suscipiatur, quæ Antiquioribus, quorum Acta & Opera retrahant, Literis & Rerum Cognitione præstuerint. Quod secus in Opere Justiniani evenit. Infelix Res namque est, cùm ex Iudicio & Delectu Etatis minimis Prudentis & eruditæ, Antiquorum Opera mutilentur, & recomponantur. Veruntamen sæpè Necessarium est, quod non Optimum.

Atque de Legum Obscuritate, quæ à nimia, & confusâ earum Accumulatione fit, hæc dicta sint. Jam de Descriptione earum, ambigua & obscura, dicendum.

De Descriptione Legum perplexâ,
& Obscurâ.

APHORISMUS 65.

Descriptio Legum obscura oritur, Aut ex Loquacitate & Verbo-
sitate earum; Aut rursus ex Brevitate nimia; Aut ex Prologo
Legis, cum ipso Corpore Legis, pugnante.

APHORISMUS 66.

De Obscuritate verò Legum, quæ ex earum Descriptione pravâ oritur,
jam dicendum est. Loquacitas, quæ in perscribendo Leges in usum venit, &
Prolixitas, non placet. Neque enim, quod vult & capiat, ullo modo assequi-
tur, sed contrarium potius. Cum enim Casus singulos particulares, verbis
appositis & propriis, persequi & exprimere contendat, majorem inde sperans
certitudinem; Econtrâ Quæstiones multiplices parit de Verbis; ut difficilius
procedat Interpretatio secundum Sententiam Legis, (quæ sanior est &
verior) propter Strepitum Verborum.

APHORISMUS 67.

Neque propterea nimis Concisa & Affectata Brevitas, Majestatis gra-
tiâ, & tanquam magis Imperatoria, probanda est; præsertim his Sæ-
culis, ne
fortè sit Lex instar Regulæ Lesbæ. Mediocritas ergo affectanda est; &
Verborum exquirenda generalitas, benè terminata; quæ licet Casus com-
prehensos non solum persequatur, atque non comprehensos satis per-
spicue excludat.

APHORISMUS 68.

In Legibus tamen, atque Edictis Ordinariis & Politicis, in quibus, ut
plurimum, nemo Iurisconsultum adhibet, sed suo Sensui confidit, Omnia fu-
sius explicari debent, & ad capium vulgi, tanquam digno monstrari.

APHORISMUS 69.

Neque nobis Prologi Legum, qui inepti olim habiti sunt, & Leges intro-
ducunt Disputantes, non Jubentes, utique placerent, si priscos Mores ferre
possemus. Sed Prologi isti Legum plerumque (ut nunc sunt Tempora) ne-
cessariò adhibentur, non tam ad Explicationem Legis, quam instar Suasi-
onis, ad perferendam Legem in Comitibus; & rursus ad satisfaciendum
Pòpulo. Quantum fieri potest tamen Prologi evitentur, & Lex incipiat à
Jussione.

APHORISMUS 70.

Intentio & Sententia Legis, licet ex Præfationibus, & Præambulis
(ut loquuntur) non malè quandoque eliciatur; Atamen Latitudo aut Ex-
tensio ejus, ex illis minimè peri debet. Sapè enim Præambulum arripit non-
nulla ex maximè plausibilibus, & Speciosis ad Exemplum, cum Lex tamen
multò plura complectatur: Aut contrâ, Lex restringit, & limitat complura,
cujus Limitationis rationem, in Præambulo inferi, non fuerit Opus. Quare
Dimensio & Latitudo Legis ex Corpore Legis petenda. Nam Præam-
bulum, sæpè aut ultra aut citrà cadit.

APHORISMUS 71.

Est verò Genus perscribendi Leges valde vitiosum. Cum scilicet Casus,
ad

ad quem Lex collimatur, fuse exprimitur in Præambulo: Deinde ex Vi Verbi (Talis) aut hujusmodi, Relatiui, Corpus Legis retrò vertitur in Præambulum, unde Præambulum inferitur, & incorporatur ipsi Legi: Quod & obscurum est, & minus iustum, quia non eadem adhiberi consuevit Diligentia, in ponderandis & examinandis Verbis Præambuli, quæ adhibetur in Corpore ipsius Legis.

Hanc partem de Incertitudine Legum, quæ ex malâ Descriptione ipsarum Ortum habet, fusiùs tractabimus, quando de Interpretatione Legum postea agemus. Atque de Descriptione Legum Obscurâ hæc dicta sint; Jamde Modis enucleandi Juris dicendum.

De Modis Enucleandi Juris, & tollendi Ambigua.

APHORISMUS 72.

Modi Enucleandi Juris, & Tollendi Dubia, quinque sunt. *Hoc enim fit, Aut per Percriptiones Judiciorum; Aut per Scriptores Authenticos; Aut per Libros Auxiliares; Aut per Prælectiones; Aut per Responsa, sive Consulta Prudentum. Hac omnia, si bene instantur, præstò erunt magna Legum Obscuritati Subsidia.*

De percriptione Judiciorum.

APHORISMUS 73.

Antè omnia, Judicia reddita in Curia Supremis & Principalibus, atque Caussis Gravioribus, præsertim dubiis, quæque aliquid habent Difficultatis, aut Novitatis, diligenter, & cum fide excipiunt. Judicia enim Anchoræ Legum sunt, ut Leges Reipub.

APHORISMUS 74.

Modus hujusmodi Judicia excipiendi, & in Scripta referendi, talis esto. Casus præcisè, Judicia ipsa exactè perscribito; Rationes Judiciorum, quis adduxerunt Iudices, aljicito; Casuum, ad Exemplum adductorum, Auctoritatem, cum Casibus Principalibus, ne commisceo; De Advocatorum Perorationibus, nisi quidpiam in iis fuerit admodum eximium, sileo.

APHORISMUS 75.

Personæ, quæ hujusmodi Judicia excipiant, ex Advocatis maximè doctis sunt, & Honorarium liberale ex Publico excipiunt. Iudices ipsi ab hujusmodi Percriptionibus abstinento; ne fortè Opinionibus propriis addicti, & Auctoritate propriâ freti, Limites Referendarii transcendant.

APHORISMUS 76.

Judicia illa, in Ordine, & Serie Temporis, digerito; non per Methodum & Titulos. Sunt enim Scripta ejusmodi, tanquam Historiæ, aut Narrationes Legum. Neque solùm Acta ipsa, sed & Tempora ipsorum, Judici Prudenti, Lucem præbent.

De

De Scriptoribus Authenticis.

APHORISMUS 77.

Ex Legibus ipsis, quæ Jus commune constituunt; Deinde, ex Constitutionibus sive Statutis; Terzio loco, ex Judiciis Perscriptis, Corpus Juris tantummodò constituitur. Præter illa, alia Authentica, aut nulla sunt, aut parvè recipiuntur.

APHORISMUS 78.

Nihil tam interest Certitudinis Legum, (de quâ nunc tractamus) quam ut Scripta Authentica, intra Fines moderatos, coerceamur, & facessat Multitudo enormis, Auctorum, & Doctorum in Jure; unde laceratur Sententia Legum, Iudex fit attonitus, Processus Immortales, atque Advocatus ipse, cum tot Libros perlegere, & vincere non possit, Compendia sectatur. Glossa fortassè aliqua bona; & ex Scriptoribus Classicis Pauci, vel potius Scriptorum paucorum pauculæ Portiones, recipi possint pro Authenticis. Reliquorum nihilominus maneat usus nonnullus in Bibliothecis, ut eorum Tractatus inspiciant Judices, aut Advocati, cum opus fuerit: Sed in Causis agendis, in Foro citare eos non permittitur, nec in Auctoritatem transeunt.

De Libris Auxiliaribus.

APHORISMUS 79.

At Scientiam Juris, & Practicam, Auxiliaribus Libris ne nudamus, sed potius instruimus. Ii Sex in genere sunt: Institutiones. De Verborum significatione. De Regulis Juris. Antiquitates Legum. Summæ. Agendi Formulæ.

APHORISMUS 80.

Præparandi sunt Juvenes, & Novitii, ad Scientiam, & Ardua Juris, aliis & commodius haurienda, & imbibenda, per Institutiones. Institutiones illis, ordine claro, & perspicuo composito. In illis ipsis, universum Jus Privatum percurrere; non alia omitiendo, in aliis plus satis immorando, sed ex singulis quædam breviter delibando, ut ad Corpus Legum per legendum accessuro, nil se ostendat prorsus novum, sed levi aliquâ notatione præceptum. Jus Publicum in Institutionibus ne attingito, verum illud ex Fontibus ipsis hauriatur.

APHORISMUS 81:

Commentarium de Vocabulis Juris conficito. In Explicatione ipsorum, & Sensu reddendo, ne curiosè nimis aut laboriosè versator. Neque enim hoc agitur, ut Diffinitiones Verborum quarantur exactè, sed Explicationes tantum, quæ legendis Juris Libris viam aperiunt faciliorem. Tractatum autem istum, per Literas Alphabeti ne degerito: Id Indici alicui relinquito: sed collocentur simul Verba, quæ circa eandem rem versantur, ut Alium Alii sit juramento ad intelligendum.

APHORISMUS 82.

Ad Certitudinem Legum facis, (si quid aliud) Tractatus bonus & diligens, de Diversis Regulis Juris. Is dignus est, qui maximis Ingeniis, & Pruden-

Prudentissimis Iure consultis, committatur. Neque enim placent, quæ in hoc genere extant. Colligende autem sunt Regulæ; non tantum notæ, & vulgatae, sed & aliæ magis subtiles & reconditæ, quæ ex Legum, & Rerum Iudicatarum Harmoniâ extrahi possint; quales in Rubricis optimis quandoque inveniuntur: suntque Distamina Generalia Rationis, quæ per Materias Legis diversas percurrunt, & sunt tanquam Saburra Juris.

APHORISMUS 83.

At singula Juris Scita, aut Placita, non intelligantur pro Regulis, ut fieri solet satis imperitè. Hoc enim si recipereetur, 201 Leges, 101 Regulæ. Lex enim nil aliud, quam Regula Imperans. Verum eas pro Regulis habeo, quæ in Formâ ipsâ Iustitiæ hærent: inde, ut plurimum, per Jura Civilia diversarum Rerumpub. eadem Regulæ ferè reperimur; nisi fortè propter Relationem ad Formas Politicarum variem.

APHORISMUS 84.

Post Regulam, brevi & solido verborum complexu enuntiata, adjiciantur Exempla, & Decisiones Casuum, maxime luculentæ ad Explicationem; Distinctiones, & Exceptiones ad Limitationem; Cognata ad Ampliationem ejusdem Regulæ.

APHORISMUS 85.

Rectè jubetur; ut non ex Regulis Jus sumatur; sed ex Jure quod est, Regula fiat. Neque enim ex Verbis Regulæ petenda est Probatio, ac si esset Textus Legis. Regula enim Legem (ut Acus Nautica Polos) indicat, non statuit.

APHORISMUS 86.

Præter Corpus ipsum Juris, jure ab antiquitatibus Legum invisere; quibus licet evanuerit Auctoritas, manet tamen Reverentiâ: Pro Antiquitatibus autem Legum habeantur Scripta circa Leges & Judicia; siue illa fuerint edita, siue non, quæ ipsum Corpus Legum tempore præcesserunt. Earum siquidem Iactura facienda non est. Itaque ex his, utilissima quæque ex ceptio (multa enim invenientur inania & frivola) eâque in unum Volumen religio: Ne Antiquæ Fabulæ, ut loquitur Trebonianus, cum Legibus ipsis misceantur.

APHORISMUS 87.

Practicæ verò plurimum interest, ut Jus universum digeratur ordine, in Locos & Titulos; At quos sub iudicio (prout dabitur Occasio) recurrere quis possit, veluti in promptuarium paratum ad præsentem Usus. Hujusmodi Libri Summarum, & ordinant Sparsa, & abbreviant Fusa & Prolixa in Legem. Cavendum autem est, ne Summæ istæ, reddant Homines promptos ad Practicam, Cessatores in Scientiâ ipsâ. Earum enim Officium est tale, ut ex his recolatur Jus, non perdiscatur. Summæ autem omnino, magnâ Diligentiâ, Fide, & Iudicio, sunt conficienda, ne furium faciam Legibus.

APHORISMUS 88.

Formulas Agendi diversas, in uno quoque genere colligito. Nam & Practicæ hoc interest; & certè pandum illæ Oracula & Occulta Legum. Sunt enim non paucæ, quæ latent in Legibus: At in Formulis Agendi, melius & fusiùs perspicimur; instar Pugni, & Palmæ.

De Responsis & Consultis.

APHORISMUS 89.

Dubitationes Particulares, quæ de tempore in tempus emergunt, dirimendi & solvendi, aliqua Ratio iniri debet. Durum enim est, ut ii, qui ab Errore cavere cupiant, Duce[m] Viæ non inveniant; Verum ut Actus ipsi periclitentur, neque sit aliquis ante Rem peractam Iuris præoscendi Modus.

APHORISMUS 90.

Responsa Prudentum, quæ petentibus dantur de Jure, sive ab Advocatis, sive à Doctoribus, tantâ valere Auctoritate, ut ab eorum Sententiâ, Judici resedere non sit licitum, non placet. Jura à Juratis Judicibus sumunt.

APHORISMUS 91.

Tentari Judicia, per Causas & Personas fictas, ut eo modo experiantur Homines, qualis futura sit Legis Norma, non placet. Dedecorat enim Majestatem Legum, & pro Prævaricatione quæpiam censenda est. Judicia autem aliquid habere ex Scenâ deforme est.

APHORISMUS 92.

Judicium igitur solummodò, tam Judicia, quam Responsa, & Consulta, sunt. Illa de Litibus Pendentibus; Hæc de Arduis Juris Quæstionibus in Thesi. Ea Consulta, sive in Privatis Rebus, sive in Publicis, à Judicibus ipsis ne poscito; (Id enim si fiat, Judex transeat in Advocatum;) sed à Principe, aut Statu. Ab illis, ad Judices demandentur. Judices verò, tali Auctoritate freti, Discepciones Advocatorum, vel ab his, quorum interest, adhibitorum, vel à Judicibus ipsis, si opus sit, assignatorum, & Argumenta ex utrâque parte audiunt; & re deliberatâ Jus expediunt, & declarant. Consulta hujusmodi inter Judicia referunt & edunt, & paræ Auctoritatis sunt.

De Prælectionibus.

APHORISMUS 93.

Prælectiones de Jure, atque Exercitationes eorum, qui Juris Studiis incumbunt, & Operam dant, ita instituuntur, & ordinantur, ut omnia tendant ad Quæstiones, & Controversias de Jure, sedandas potius, quam excitandas. Ludus enim (ut nunc fit) ferè apud omnes instituitur, & aperitur, ad Altercationes, & Quæstiones de Jure multiplicandas, tanquàm ostentandi Ingenii causâ. Atque hoc vetus est Malum. Etenim, etiâ apud Antiquos gloria fuit, tanquàm per Sectas & Factiones, Quæstiones complures de Jure, magis fovere, quam extinguere. Id ne fiat, provideo.

De Vacillatione Judiciorum.

APHORISMUS 94.

Vacillant Judicia, vel propter Immaturam & præfestinam Sententiam; vel propter Æmulationem Curiarum; vel propter Malam & Imperitam percriptionem Judiciorum; vel propter Viam præbitam ad Rescissionem eorum nimis facilem & expeditam. Itaq; providendum est, ut Judicia emanent, Maturâ deliberatione prius habitâ; Atque ut Curiae se invicem revereantur; Atque ut Judicia perscribantur fidelitè & prudenter;

prudenter; *utque* Via ad rescindenda Judicia, sit Arcta, Confragosa, & *tanquam* Muricibus strata.

APHORISMUS 95.

Si Judicium redditum fuerit, de Casu aliquo, in aliquâ Curia Principali; & similis Casus intervenerit, in aliâ Curia; ne procedat ad Judicium, antequam fiat Consultatio, in Collegio aliquo Judicum majore. Judicia enim reddita, si fortè rescindi necesse sit, saltem sepeliuntur cum Honore.

APHORISMUS 96.

Ita Curia de Jurisdictione digladiemur, & conflitemur, humanum quiddam est; eoque magis, quod per ineptam quandam Sententiam (quod Boni & Strenui sit Judicis ampliare Jurisdictionem Curia) alitur planè ista Inemperies, & Calcar addatur, ubi Fræni opus est. Vi verò, ex hac Animorum Contentione, Curia, Judicia utrobique reddita (quæ nil ad Jurisdictionem pertinent) libenter rescindant, Inolerabile Malum; & à Regibus, aut Senatu, aut Politiâ planè vindicandum. Pessimi enim Exempli Res est, ut Curia, quæ Pacem subditiis præstant, inter se Duella exerceant.

APHORISMUS 97.

Non facilis esto, aut proclivis, ad Judicia rescindenda, Aditus, per Appellationes, aut Impetitiones de Errore, aut Revifus, & similia. Receptionem apud nonnullos est, ut Lis trahatur, ad Forum superius, *tanquam* Res integra; Judicio inde dato seposito, & planè suspensò. Apud alios verò, ut Judicium ipsum maneat in suo vigore, sed Executio ejus tantùm cesset: Neutrâ placet; nisi Curia, in quibus Judicium redditum sit, fuerint humiles, & inferioris Ordinis: Sed potius, ut & Judicium stet, & procedat ejus Executio; modò Cautio detur à Defendente, de Damnis & Expensis, si Judicium fuerit rescissum.

Atque hic Titulus, de Certitudine Legum, ad Exemplum Digesti reliqui (quod meditamur) sufficiet. Jam verò Doctrinam Civilem (quatenus eam nobis tractare visum est) conclusimus; Atque unâ cum ea Philosophiam Humanam; Sicut etiâ cum Philosophiâ Humanâ, Philosophiam in genere. Tandem igitur paululùm respirantes, atque ad ea, quæ prætervecti sumus, Oculos retroflectentes; Hunc Tractatum nostrum non ab similem esse censemus, Sonis illis & Præludiis, quæ prætentant Musici, dum Fides ad Modulationem concinnant: Quæ ipsa quidem Auribus ingratum quiddam & asperum exhibent; At in Causa sunt, ut quæ sequuntur omnia, sint suaviora: Sic nimirum nos in Animum induximus, ut in Cytharâ Musarum concinnandâ, & ad Harmoniam veram redigendâ, operam navaremus, quo ab Aliis postea pulsantur Chordæ, meliore Digito, aut Plectro. Sanè, cum nobis ante Oculos proponamus, Temporum horum Statum, in quibus Literæ jam tertio, ad Mortales videntur rediisse; Et unâ diligentèr intueamur, quam variis jam nos inviserint instructæ Præfidiis, & Auxiliis; Quæ iam sunt, Ingeniorum nostri temporis complurium Acumen & Sublimitas; Eximia illa Monumenta Scriptorum Veterum, quæ veluti rot Faces nobis prælucent; Ars Typographica, Libros cujuscunque Fortunæ Hominibus, largâ manu suppeditans; Oceani Sinus laxati,

laxati, & Orbis ex omni Parte peragratus, unde Experimenta plurima Priscis ignota comparuerunt, & ingens accessit Naturali Historiæ Cuiusmodi ; Otium, quo Ingenia optima, in Regnis & Provinciis Europæ ubique abundant, cum Negotiis minus his in locis implicentur Homines, quam aut Græci, propter Populares Status, aut propter Ditionum Amplitudinem, Romani solebant ; Pax, quæ fruitur hoc tempore Britannia, Hispania, Italia, etiam nunc Gallia, & aliæ Regiones non paucæ ; Consumptio & Exinanitio omnium, quæ videntur excogitari aut dici posse, circa Controversias Religionis, quæ tot Ingenia jam diu diverterunt, à cæterarum Artium Studiis, Summa & excellens Majestatis tuæ Eruditio, cui (tanquam Phœnici Voiucres,) aggregant se undique Ingenia ; Proprietas denique illa inseparabilis, quæ *Tempus* ipsum sequitur, ut Veritatem indies parturiat ; Hæc (inquam) cum cogitamus, non possumus non in eam Spem Animum erigere, ut existimemus, Tertiam hanc *Literarum Periodum*, duas illas priores, apud *Græcos & Romanos*, longo intervallo superaturam : Modò saltè Homines, & Vires suas, atque Defectus etiam Virium suarum, probè & prudenter nosse velint ; Atque alii ab aliis Inventionis Lampada, non Contradietionis Torres accipiant ; Atque Inquisitionem Veritatis, pro Incæpto Nobili, non pro Delectamento aut Ornamento putent ; Atque Opes ac Magnificentiam impendant, in Res Solidas & eximias, non in Pervulgaras, & obvias. Ad Labores meos quod attinet, si cui libeat in eorum Reprehensione, aut sibi, aut aliis placere, veterem certè, & ultimæ Patientiæ Petitionem exhibebunt illi ; *Verbera, sed audi*. Reprehendant Homines, quantum libuerit, modò attendant & perpendant, quæ dicuntur ! Appellatio sanè legitima fuerit (licet Res fortassè minus eâ indigeat) si à primis Cogitationibus Hominum ad Secundas provocetur, & ab *Ævo* præsentis ad Posterum. Veniamus nunc ad eam Scientiam, quæ caruerunt duæ illæ priscæ *Temporum* Periode, (neque enim tanta illis Felicitas concessa est) *Sacram dico & divinitus Inspiratam Theologiam* ; Cunctorum Laborum, ac Peregrinationum Humanarum Sabbatum, ac Portum Nobilissimum.

FRAN-



FRANCISCI BACONI
 BARONIS
 DE
 VERULAMIO,
 VICE-COMITIS
 SANCTI ALBANI,
 DE
Dignitate & Augmentis Scientiarum
 LIBER NONUS.

AD REGEM SUUM.

CAPUT I.

*Partitiones Theologiæ Inspiratæ omittuntur; Tantùm Aditus
 fit ad Desiderata tria; Doctrinam de Legitimo Usu Ra-
 tionis Humanæ in Divinis; Doctrinam de Gradibus Uni-
 tatis in Civitate Dei; & Emanationes Scripturarum.*



Amiverò (Rex optime) cùm Carina parva, qualis
 nostra esse potuit, universum Àmbitum, tam ve-
 teris, quam novi Orbis; Scientiarum, circumna-
 vigaverit, (quam secundis ventis, & Cursu, Po-
 sterorum sit judicium;) quid superest, nisi ut Vota;
 tandem perfuncti, persolvamus? At restat adhuc
Theologia Sacra, sive Inspirata: Veruntamen si eam
 tractare pergamus, exeundum nobis foret è *Naviculâ Rationis Humanæ*;
 & transeundum in *Ecclesiæ Navem*: Quæ sola *Acu Nauticâ Divinâ*
 Cccc pollet;

pollet, ad Cursum rectè dirigendum. Neque enim sufficient amplius *Stellæ Philosophiæ*, quæ hætenus præcipuè nobis affulserunt. Itaque par fôret, Silentium quoque in hæc re colere. Quamobrem *Partitiones Legitimas* circa eam omitemus; Pauca tamen, pro tenuitate nostrâ, etiâ in hanc conferemus, loco Votorum. Id eò magis facimus, quia in Corpore Theologiæ, nullam prorsus Regionem, aut Tractum, planè Desertum, aut Incultum invenimus: Tanta fuit Hominum Diligentia, in seminandis, aut Triticò, aut Zizaniis.

Tres igitur proponemus, *Theologiæ Appendices*, quæ non de *Materiâ*, per *Theologiam*, *Informatiâ*, aut *Informandâ*, sed tantummodò de *Modo Informationis*, tractent. Neque tamen, circa eos *Tractatus*, (ut in reliquis consuevimus,) vel *Exempla* subjungemus, vel *Præcepta* dabimus. Id Theologis relinquemus. Sunt enim illa (ut diximus) instar Votorum tantum.

I. *Prærogativa Dei* totum Hominem complectitur, nec minus ad *Rationem*, quam ad *Voluntatem Humanam*, extenditur: Ut Homo scilicet, in Universum se abneget, & accedat Deo. Quare, sicut *Legi Divinæ* obedire tenemur, licet reluctetur *Voluntas*, ita & *Verbo Dei* fidem habere, licet reluctetur *Ratio*. Etenim, si ea duntaxat credamus, quæ sunt *Rationi* nostræ consentanea, *Rebus* assentimur, non *Autori*: Quod etiâ, suspectæ Fidei Testibus, præstare solemus. At *Fides* illa, quæ *Abrahamo* imputabatur ad *Iustitiam*; de hujusmodi Re extitit, quam *Irrisui* habebat *Sarah*: Quæ in hæc parte Imago quædam erat *Rationis Naturalis*. Quantò igitur, *Mysterium* aliquod *Divinum*, fuerit magis absonum, & incredibile, tantò plus in *Credendo* exhibetur Honoris Deo, & fit *Victoria Fidei* nobilior. Etiâ & Peccatores, quò magis conscientia suâ gravantur, & nihilominus Fidem de salute suâ, in Dei Misericordia, collocant, eò Deum majore afficiunt Honore: Omnis autem *Desperatio* Deo pro Contumelia est. Quinetiâ, si attentè rem perpendamus, dignius quiddam est *Credere*, quam *Scire*; qualiter nunc *Scimus*. In *Scientiâ* enim, Mens humana patitur à Sensu, qui à Rebus Materiatis resilit; In *Fide* autem, Anima patitur ab Animâ; quæ est Agens dignius. Aliter se Res habet in *Statu Gloria*: Tunc siquidem cessabit *Fides*, atque *Cognoscemus*, sicut & *Cogniti sumus*.

Concludamus igitur *Theologiam Sacram*, ex *Verbo* & *Oraculis Dei*, non ex *Lumine Nature*, aut *Rationis Dictamine*, hauriri debere. Scriptum est enim; *Cæli enarrant Gloriam Dei*: At nusquam Scriptum invenitur; *Cæli enarrant Voluntatem Dei*. De illâ pronuntiatur, *Ad Legem, & Testimonia*, si non fecerint secundum Verbum istud, &c. Neque hoc tenet tantum, in *Grandibus* illis *Mysteriis*, De Deitate, Creatione, Redemptione; Verum pertinet etiâ ad Interpretationem perfectiorem Legis Moralis; *Diligite Inimicos Vestros; Benefacite his qui Oderunt Vos &c. Ut sitis Filii Patris Vestri, qui in cælis est, qui pluit super Iustos & Injustos. Quæ* certè *Verba* Plausum illum merentur, *Nec vox Hominem sonat*. Siquidem *Vox* est, quæ *Lumen Naturæ* superat. Quinetiâ videmus Poetas Ethnicos, præsertim cum Patheticè loquantur, exposulare non raro cum *Legibus*, & *Doctrinis Moralibus* (quæ tamen *Legibus Divinis* multò sunt indulgentiores & solutiores;) ac si *Naturæ Libertati* cum *Malignitate* quâdam repugnent;

— Et quod Natura remittit

Invidia jura negant. —

Ita Dendamis Indus, ad Alexandri Nuntios ; *Se inaudisse quidem aliquid, de nomine Pythagoræ, & aliorum Sapientum è Græciâ ; Et credere illos fuisse Viros magnos ; Vtuo tamen illo laborasse, quod scilicet nimis in Reverentiâ & Veneratione habuissent, rem quampiam phantasticam, quam Legem & Morem vocabant.* Quare, nec illud dubitandum, magnam Partem Legis Moralis, sublimiorem esse, quam quò Lumen Naturæ ascendere possit. Veruntamen, quod dicitur, Habere Homines, etiâ ex Lumine & Lege Naturæ, Notiones nonnullas, *Virtutis, Virtutis, Injustitiæ, Injuriæ ; Boni, Mali ;* id verissimum est. Norandum tamen, Lumen Naturæ, duplici Significatione accipi. Primò, quatenus oritur ex Sensu, Inductione, Ratione, Argumentis, secundum *Leges Cæli ac Terræ* : Secundò, quatenus Animæ Humanæ interno affulget instinctu, secundum *Legem Conscientiæ* ; quæ Scintilla quædam est, & tanquam Reliquiæ, Pristinæ & Primitivæ Puritatis. In quo posteriore Sensu, præcipuè particeps est Anima, Lucis nonnullius, ad Perfectionem intuentiam & discernendam *Legis Moralis* ; Quæ tamen Lux, non prorsus clara sit, sed ejusmodi, ut potius Vitia quadamtenus redarguat, quam de Officiis plenè informet. Quare, Religio, sive Mysteria species, sive Mores, pendet ex *Revelatione Divinâ*.

Attamen usus *Rationis Humanæ* in Spiritualibus, multiplex sanè existit, ac latè admodum patet. Neque enim sine Causâ est, quod Apostolus Religionem appellaverit, *Rationalem Cultum Dei*. Recordetur quis Cæremonias & Typos veteris Legis ; *Fuerunt illæ Rationales, & Significativæ, longè discrepantes à Cæremoniis Idolatriæ & Magiæ ;* quæ tanquam Surdæ & Mutæ erant, nihil Docentes plerunque, imò ne innuentes quidem. Præcipuè *Christiana Fides*, ut in omnibus, sic in hoc ipso eminet, quod Auream servet Mediocritatem, circa Usus *Rationis, & Disputationis* (quæ *Rationis* proles est) inter *Leges Ethnicorum, & Mahometi*, quæ Extrema sectantur. Religio siquidem Ethnicorum Fidei aut Confessionis constantis nihil habebat ; Contrà in Religione Mahometi, omnis Disputatio interdicta est : Ita ut Altera, Erroris vagi & multiplicis ; Altera, vafræ cujusdam & cautæ Imposturæ, Facièm præ se ferat ; Cum sancta *Fides Christiana, Rationis* usum, & *Disputationem* (sed secundum debitos Fines,) & recipiat, & rejiciat.

Humanæ Rationis Usus, in Rebus ad Religionem spectantibus, duplex est ; Alter, in *Explicatione Mysterii* ; Alter, in *Illationibus*, quæ inde deducuntur. Quod ad *Mysteriorum Explicationem* attinet, videmus, non dedignari Deum, ad Infirmitatem Captivus nostri se demittere ; *Mysteria* sua ita explicando, ut à nobis optimè ea possint percipi ; Atque *Revelationes* suas, in *Rationis* nostræ Syllepses & Notiones veluti in oculando ; Atque *Inspirationes*, ad Intellectum nostrum aperiendum sic accommodando, quemadmodum Figura Clavis aptatur Figuræ Seræ. Quâ tamen in Parte, nobis ipsis deesse minimè debemus : Cum enim Deus ipse, operâ *Rationis* nostræ, in *Illuminationibus* suis utatur, etiâ nos eandem in omnes Partes versare debemus, quò magis capaces simus, ad *Mysteria* recipienda & imbibenda : Modò Animus ad

Amplitudinem *Mysteriarum*, pro Modulo suo, dilatetur; non *Mysteria* ad Angustias Animi constringantur.

Quantum verò ad *Illationes*, nosse debemus; Relinqui nobis Usum *Rationis*, & *Rationationis* (quoad *Mysteria*) secundarium quendam & Respectivum, non Primitivum & Absolutum. Postquam enim *Articuli*, & *Principia Religionis*, jam in Sedibus suis fuerint locata, ita ut à *Rationis* Examine penitus eximantur, tum demùm conceditur ab illis *Illationes* derivare, ac deducere, secundum Analogiam ipsorum. In *Rebus* quidem *Naturalibus* hoc non tenet. Nam & ipsa *Principia* Examini subjiciuntur; Per *Inductionem* (inquam,) licet minimè per *Syllogismum*: Atque eadem illa nullam habent cum *Ratione* Repugnantiam, ut ab eodem Fonte, tum Primæ Propositiones, tum Mediæ, deducantur. Aliter fit in *Religione*; Ubi & primæ Propositiones Authypostatæ sunt, atque per se subsistentes; Et rursus, non reguntur ab illâ *Ratione*, quæ Propositiones consequentes deducit. Neque tamen hoc fit in *Religione* solâ, sed etiâ in aliis *Scientiis*, tam Gravioribus, quam Levioribus; ubi scilicet Propositiones Primariæ *Placita* sint, non *Posita*: Siquidem & in illis *Rationis* Usus absolutus esse non potest. Videmus enim in *Ludis*, puta *Schæcorum*, aut Similibus, primas Ludi Normas, & Leges, merè positivas esse, & ad Placitum; quas recipi, non in Disputationem vocari, prorsus oporteat: Ut verò vincas, & peritè Lusum instituas, id Artificiosum est & rationale: Eodem modo fit & in *Legibus Humanis*: in quibus haud paucae sunt *Maximæ* (ut loquuntur) hoc est, *Placita mera Iuris*, quæ *Auſtoritate* magis quam *Ratione* nituntur; Neque in Disceptationem veniunt. Quid verò sit justissimū, non absolutè, sed relativè; (hoc est, ex Analogiâ illarum *Maximarum*,) id demùm Rationale est, & latum Disputationi Campum præbet. Talis igitur est, *Secundaria* illa Ratio, quæ in *Theologiâ Sacrà*, locum habet; quæ scilicet fundata est super *Placita Dei*.

Sicut verò, *Rationis Humane* in *Divinis*, usus est duplex; ita & in eodem *Vsu*, duplex *Excessus*. Alter, cum in *Modum Mysterii*, curiosus; quam par est, *inquiritur*; Alter, cum *Illationibus*, *equatribuiuntur Auctoritas*, ac *Principiis* ipsis. Nam & *Nicodemi Discipulus* videri possit, qui pertinaciùs quærat; *Quomodò posset Homo nasci cum sit Senex?* Et *Discipulus Pauli* neutiquàm cenſeri possit, qui non quandoque in *Doctrinis* suis inferat; *Ego, non Dominus*: Aut illud, *Secundum Consilium Meum*. Siquidem *Illationibus* plerisque *Stilus* iste conveniet. Itaque nobis Res salubris videtur, & imprimis utilis, si *Tractatus* instituatursobrius & Diligens, qui de *Vsu Rationis Humane* in *Theologicis* utilitè præcipiat, tanquàm *Divina* quædam *Dialectica*. Utpote, quæ futura sit, instar *Opiatæ* cujusdam *Medicinæ*; quæ non modò *Speculationum*, quibus Schola interdum laborat, Inania consopiat; Verum etiâ *Controversiarum Furores*, quæ in Ecclesiâ Tumultus cident, nonnihil mitiget. Ejusmodi *Tractatum*, inter *Desiderata* ponimus; & *Sophronem*, sive de *Legitimo usu Rationis Humane* in *Divinis* nominamus.

2. Interest admodum *Pacis Ecclesiæ*, ut *Fædus Christianorum*, à *Servatore* præscriptum, in duobus illis *Capitibus*, quæ nonnihil videntur discrepantia,

discrepantia, benè & clarè explicetur : Quorum Alterum sic diffinit ; *Qui non est nobiscum, est contra nos* : Alterum autem sic ; *Qui contra nos non est, nobiscum est*. Ex his liquidò patet, Esse nonnullos Articulos, in quibus, qui dissentit, extra *Fœdus* statuendus sit : Alios verò, in quibus dissentire liceat, salvo *Fœdere*. Vincula enim Communionis Christianæ ponuntur, *Vna Fides, Vnum Baptisma, &c.* Non *Vnus Ritum, Vna Opinio*. Videmus quoque *Tunicam Salvatoris*, Inconsutilem extitisse ; *Vestem* autem *Ecclesiæ*, Versicolore. *Paleæ* in Aristâ separandæ sunt à Frumento ; At *Zizania* in Agro, non protinùs evellenda. *Moses*, cùm certantem reperisset Ægyptium cum Israelitâ, non dixit, *Cur certatis ?* Sed Gladio evaginato Ægyptium interfecit : At cùm Israelitas duos certantes vidisset, quamvis fieri non potuit, ut utrique Causa justa contingeret, ita tamen eos alloquitur ; *Fraus estis, cur certatis ?* His itaque perpensis, Magni videatur Res, & Momenti, & Usûs esse, ut diffiniatur, qualia sint illa, & quantæ Latitudinis, quæ, ab Ecclesiæ Corpore, Homines penitus divellant, & à Communione Fidelium eliminant. Quod si quis putet, hoc jam pridem factum esse, videat ille etiâ atque etiâ, quam sincerè & moderatè. Illud interim verisimile est, eum qui *Pacis* mentionem fecerit, reportaturum Reris illud Jehu, ad Nuntium, (*Nunquid pax est Jehu ?*) *Quid tibi & Paci ? transi, & sequere me* : Cùm non *Pax*, sed *Partes*, plerisque Cordi sint. Nobis nihilominus visum est, *Tractatum de Gradibus Vitiatis in Civitate Dei*, ut salubrem & utilem, inter *Desiderata* repõere.

3 Cùm *Scripturarum Sacrarum*, circa *Theologiam informandam* tantæ sint *Partes*, de earum *Interpretatione* inprimis videndum. Neque nunc de *Auctoritate eas Interpretandi* loquimur, quæ in Consensu Ecclesiæ firmatur ; sed de *Modo Interpretandi*. Is duplex est, *Methodicus, & Solutus*. Etenim Latices isti Divini, qui Aquis illis, ex Puteis Jacobi, in infinitum præstant, similibus ferè hauriuntur, & exhibentur Modis, quibus Aquæ Naturales ex Puteis solent : Hæ siquidè, aut sub primâ Haustum, in Cisternas recipiuntur, unde per Tubos complures, ad Usûm commodè diduci possunt ; Aut statim in Vasa infunduntur, subinde, prout opus est, utendæ. Atque *Modus* illè prior *Methodicus, Theologiam* nobis tandem peperit *Scholasticam* ; per quam *Doctrina Theologica*, in *Ariem*, tanquàm in *Cisternam*, collecta est ; atque inde *Axiomatum & Propositionum Rivuli*, in omnes *Partes*, sunt distributi. At in *Interpretandi Modo Solutio* duo interveniunt *Excessus* : Alter, *ejusmodi præsupponit in Scripturis Perfectionem*, ut etiâ omnis *Philosophia* ex earum Fontibus peti debeat ; ac si *Philosophia* aliâ quævis, Res profana esset & *Ethnica*. Hæc *Intemperies* in Scholâ *Paracelsi* præcipuè, nec non apud alios invaluit : Initia autem ejus à Rabbiniis & Cabalisticis defluerunt. Verùm istiusmodi Homines, non id assequuntur quod volunt ; Neque enim *Honorem*, ut putant, *Scripturis* deferunt ; sed easdem potiùs deprimunt & pollunt. Cælum enim *Materiatum, & Terram*, qui in *Verbo Dei* quæsi verit (de quo dictum est ; *Cælum & Terra pertransibunt, Verbum autem meum non pertransibit*) is sanè, *Transitoria* inter *Æterna* ; remerè persequitur. Quemadmodum enim *Theologiam* in *Philosophiâ* quærerè, perinde est, ac si

Vivos quæras inter Mortuos ; Ità econtrà *Philosophiam* in *Theologiâ* quæ-
rere, non aliud est, quam *Mortuos quærere inter Vivos*. Alter autem *In-
terpretandi Modus*, (quem pro *Excessu* statuimus,) videtur primo intuitu
Sobrius & Castus ; sed tamen & *Scripturas* ipsas dedecorat, & plurimò
Ecclesiam afficit detrimento. Is est (ut verbo dicamus) quandò *Scrip-
tura* divinitus inspirata, eodem, quo *Scripta Humana*, explicantur modo.
Meminisse autem oportet, Deo *Scripturarum* Auctori, duo illa
patere, quæ *Humana Ingenia* fugiunt ; *Secreta* nimirum *Cordis*, & *Suc-
cessionis Temporis*. Quamobrèm, cum *Scripturarum Dictamina* talia sint,
ut ad *Cor* scribantur, & *omnium Seculorum Vicissitudines* complectantur ;
cum æternâ & certâ *Præscientiâ* omnium *Hæresum*, *Contradictio-
num*, & *Status Ecclesiæ* varii & mutabilis, tum in *Communi*, tum in
Electis singulis ; *Interpretandæ* non sunt solummodò, secundû *Latitu-
dinem* & *obvium Sensum Loci* ; Aut respiciendo ad *Occasionem* ex
quâ *Verba* erant prolata ; Aut præcisè ex *Contextu Verborum* *Præce-
dentium* & *Sequentium* ; Aut contemplando *Scopum* *Dicti* *Princi-
palem* ; Sed sic, ut intelligamus complecti eas, non solum totalitèr,
aut collectivè, sed distributivè, etiàm in *Clausulis* & *Vocabulis* sin-
gulis, innumeros *Doctrinæ Rivulos* & *Venas*, ad *Ecclesiæ* singulas
Partes, & *Animas Fidelium*, irrigandas. Egregiè enim observatum
est, quod *Responsa Salvatoris* nostri, ad *Quæstiones* non paucas, ex iis
quæ proponebantur non videntur ad rem, sed quasi impertinentia : Cu-
jus rei *Causa* duplex est ; Altera, quod cum *Cogitationes* eorum qui in-
terrogabant, non ex *Verbis*, ut nos *Homines* solemus, sed *immediatè*, &
ex sese cognovisset, ad *Cogitationes* eorum, non ad *Verba* respondit ; Al-
tera quod non ad eos solum locutus est, qui tunc aderant, sed ad *Nos* eti-
àm qui vivimus, & ad *Omnes ævi ac Loci Homines*, quibus *Evangelium*
fuerit *Prædicandum*. Quod etiàm in aliis *Scripturæ Locis* obtinet.

His itaque *Prælibatis*, veniamus ad *Tractatum* eum, quem *Desi-
derari* statuimus. Inveniuntur profectò inter *Scripta Theologica*, *Libri*
Controversiarum nimidò plures ; *Theologiæ* ejus, quam diximus *Positivam*,
Massa ingens ; *Loci Communes* ; *Tractatus speciales* ; *Casus Conscientiæ* ;
Conciones & *Homiliæ* ; Denique prolixì plurimi in *Libros* *Scriptura-
rum Commentarii* ; Quod *Desideramus* autem est hujusmodi : *Collectio*
scilicet succincta, sana, & cum *Judicio*, *Annotationum*, & *Observationum*,
super *Textus Scripturæ Particulares* ; neutiquàm in *Locos Communes*
excurrendo, aut *Controversias* persequendo, aut in *Artis Methodum*
eas redigendo ; sed quæ planè *Sparse* sint, & *Nativæ*. Res certè, in
Concionibus doctioribus, se quandoque ostendens, quæ ut plurimum
non perennant ; sed quæ in *Libros* adhuc non coaluit, qui ad *Posteros*
transeant. Certè, quemadmodum *Vina*, quæ sub primam *Calcationem*
mollitèr defluunt, sunt suaviora, quam quæ à *Torculari* expri-
muntur ; quoniam hæc ex *Acino* & *Cute* *uvæ* aliquid sapiant ; Simi-
tèr salubres admodum, ac suaves sunt *Doctrinæ*, quæ ex *Scripturis* leni-
tèr expressis, emanant ; nec ad *Controversias*, aut *Locos Communes*, trahun-
tur. Hujusmodi *Tractatum Emanationes Scripturarum* nominabimus.

Jam itaque mihi videor confecisse *Globum*, exiguum *Orbis Intel-
lectualis*,

leſualis, quam potui, fideliffimè ; Unà cum Designatione & Descriptione earum Partium, quas Industria & Laboribus Hominum, aut non conſtantèr occupatas, aut non ſatis excultas, invenio. Quo in Opere, ſicubi à Sententià Vererum receſſerim, intelligatur hoc factum eſſe, Animo *Proſciendi in Melius*, non *Innovandi*, aut *Migrandi in aliud*. Neque enim mihi metipſi, aut Argumento, quod in Manibus habeo, conſtare potui, niſi planè decretum mihi fuiſſet, *Aliorum Inventis*, quantum in me fuerit, addere ; Cùm tamen non minùs optaverim, etià *Inventa mea*, ab Aliis, in poſterum ſuperari. Quam autem in hac Re æquis fuerim, vel ex hoc apparet ; quod Opiniones meas propoſuerim ubique nudas, & inermes, neque alienæ Libertati, per Conſutationes pugnaces, præjudicare contenderim. Nam in iis, quæ rectè à me poſita ſunt, ſubeſt Spes, id futurum, ut ſi in primâ Lectione emergat Scrupulus, aut Objection ; At in Lectione iteratâ, Reſponſum ſeu ultro ſit exhibiturum : In iis verò, in quibus mihi errare contigit, certus ſum, nullam à me illatam eſſe vim Veritati, per Argumenta contentioſa ; Quorum ea ſerè eſt Natura, ut Erroribus Auctoritatem concilient, rectè Inventis derogent. Siquidem ex Dubitatione Error Honorem acquirit ; Veritas paritur Repulſam. Interim, in Mentem mihi venit Reſponſum illud Themiftoclis, qui, cùm ex Oppido parvo Legatus quidam, magna nonnulla peroraſſet, Hominem perſtrinxit ; *Amice, verba tua Civitatem deſiderant*. Certè objici mihi rectiſſimè poſſe exiſtimo, quod Verba mea *Seculum* deſiderent. *Seculum* fortè integrum, ad Probandum ; *Complura* autem *Secula*, ad Perficiendum. Attamen, quoniàm etià Res quæque maximæ Initiis ſiſ debentur, mihi ſatis fuerit ſeviſſe *Poſteris*, & *Deo Immortali* : Cujus Numen ſupplex precor, per *Filium ſuum*, & *Servatorem noſtrum*, ut has, & hiſce ſimiles, *Intellectus Humani victimas*, *Religione*, tanquàm *Salæ*, reſperſas ; & *Gloriæ ſuæ immolatas*, propitiùs accipere dignetur.

FINIS.



NOVVS ORBIS
SCIENTIARUM,
SIVE
DESIDERATA.

LIB. 2.

Errores Naturæ, *sive Historia Præter-Genera-
tionum.*
Vincula Naturæ, *sive Historia Mechanica.*
Historia Inductiva, *sive Historia Naturalis in
Ordine ad condendam Philosophiam.*
Oculus Polyphemi, *sive Historia Literarum.*
Historia ad Prophetias.
Philosophia secundum Parabolas Antiquas.

LIB. 3.

Philosophia Prima, *sive de Axiomatibus Scientiarum
Communibus.*
Astronomia Viva.
Astrologia Sana.
Continuatio Problematum Naturalium.
Placita Antiquorum Philosophorum.
Pars Metaphysicæ de Formis Rerum.
Magia Naturalis, *sive Deductio Formarum ad Opera.*
Inventarium Opum Humanarum.
Catalogus Palychrestorum.

LIB.

LIB. 4.

Triumphus Hominis, sive de Summitatibus Naturæ
Humane.

Physiognomia Corporis in Motu.

Narrationes Medicinales.

Anatomia Comparata.

De Curatione Morborum habitatorum pro Insanabilibus.

De Euthanasia exteriori.

De Medicinis Authenticis.

Imitatio Thermarum Naturalium.

Filum Medicinale.

De prolongando Curriculo Vitæ.

De Substantiâ Animæ Sensibilis.

De Nixibus Spiritus in Motu Voluntario.

De Differentiâ Perceptionis et Sensus.

Radix Perspectivæ, sive De Formâ Lucis.

LIB. 5.

Experientia Literata, sive Venatio Panis.
Organum Novum.

Topica Particulares.

Elenchi Idolorum.

De Analogia Demonstrationum.

LIB. 6.

De Notis Rerum.
Grammatica Philosophans.

Traditio Lampadis, sive Methodus ad Filios.

De Prudentia Sermonis Privati.

Colores Boni & Mali Apparentis, tam Simplicis, quam Comparati.

Antitheta Rerum.

Formule Minores Orationum.

LIB. 7.

SAtyra Seria, *sive de Interioribus Rerum.*
 Georgica Animi, *sive de Cultura Morum.*

LIB. 8.

AManuensis Vitæ, *sive de Occasionibus Sparsis.*
 Faber Fortunæ, *sive de Ambitu Vitæ.*
 Consul Paludatus, *sive de proferendis Imperii Finibus.*
 Idea Iustitiæ Universalis, *sive de Fontibus Iuris.*

LIB. 9.

Sophron, *sive de Legitimo Vsu Rationis Humanae in*
Divinis.
 Irenæus, *sive de Gradibus Vnitatis in Civitate Dei.*
 Utres Cœlestes, *sive Emanationes Scripturarum.*



1844

1844

2

A

2




FRANCISCI BACONI,

BARONIS DE VERVLAMIO,
Vice-Comitis SANCTI ALBANI,

HISTORIA NATVRALIS
ET EXPERIMENTALIS
ad Condendam Philosophiam :

Sive,

PHÆNOMENA VNIVERSI:
Quæ est Instaurationis Magnæ
PARS TERTIA.



LONDINI,

Excusum, typis *Edwardi Griffini* ; Prostant ad
Insignia Regia in Cœmeterio D. *Pauli*,
apud *Richardum Whitakerum*, 1638.

FRANCIS
BACON
SERVATVS
SICUT VULT

Imprimatur secundâ vice.

Iannar. 17.
1637.

Guil. Bray.



EX LIBRIS
BIBLIOTHECÆ
HABITATVS
SICUT VULT



ILLVSTRISSIMO,
ET
EXCELLENTISSIMO
PRINCIPI
CAROLO,
Serenissimi Regis
IACOBI Filio,
& Hæredi.

Illustrissime, & Excellentissime
Princeps,

P*Rimitias Historiæ nostræ Naturalis
Celsitudini tuæ humillimè offero. Rem
mole perpusillam, veluti Granum Si-
napis: Sed tamen pignus eorum, quæ
Deo volente sequentur. Obstrinximus e-
nim nos ipsos tanquam voto, singulis nos mensibus, ad
quos Dei bonitas (cujus agitur Gloria tanquam in
Dddd 2 Cantico*

Cantico novo) vitam nostram pr oduxerit, unam, aut plares ejus partes, prout fuerint magis aut minùs arduæ, aut copiosæ, confecturos, & edituros. Moti etiam fortassè erunt alij, nostro exemplo, ad similem industriam, præsertim postquàm penitùs perspexerint, quid agatur. Nam in Historiâ Naturali bonâ, & benè institutâ, claves sânt & Scientiarum, & Operum. Deus Celsitudinem tuam diu servet incolumem.

Celsitudinis tuæ Servus humilis & devotus

FR. St. ALBAN.



TITVLI HISTORIARVM & Inquisitionum in primos sex menses destinatarum.

- H**istoria Ventorum.
 Historia Densi & Rari, nec-
 non Coitionis, Expansionis
 Materiae per spatia.
 Historia Gravis & Levis.
 Historia Sympathiae, & Antipathiae Re-
 rum.
 Historia Sulphuris, Mercurij, & Salis.
 Historia Vitae & Mortis.

...



HISTORIA NATVRALIS

ET EXPERIMENTALIS

Ad condendam Philosophiam:

SIVE
Phænomena Vniuersi:
Quæ est Instaurationis
Magnæ Pars Tertia.

Monendi utique sunt Homines, & per Fortunas suas rogandi, atque obsecrandi, ut animos submitant, & scientias in Mundo Maiore querant, quin etiam de Philosophiâ vel cogitationem abjiciant, vel modicos saltem, & tenues fructus ex illâ sperent, usque dum Historia Naturalis, & Experimentalis, diligens & probata, comparata sit, & confecta. Quid enim sibi volunt ista Cerebella Hominum, & potentes Nugæ? Fuerunt apud antiquos, placita Philosophorum valde numerosa, Pythagoræ, Philolai, Xenophanis, Heracliti, Empedoclis, Parmenidis, Anaxagoræ, Leucippi, Democriti, Platonis, Aristotelis;

lis, Theophrasti, Zenonis, aliorum. Hi omnes Mundorum argumenta, tanquam Fabularum, pro arbitrio confinxerunt, easque Fabulas suas recitarunt, publicarunt; alias magis concinnas certè, & probabiles, alias duriores. At nostris seculis, propter instituta Scholarum, & Collegiorum, cohibentur ingenia magis, neque propterea omninò cessatum est; Patricius, Telesius, Brunus, Severinus Danus, Gilbertus Anglus, Campanella, scenam tentarunt, & novas Fabulas egerunt, nec plausu celebres, nec argumento elegantes. Num hæc miramur? Quasi verò non possint infinita oriri huiusmodi placita, & Sectæ, omnibus sæculis? Neque enim est, aut erit, huiusce rei finis aliquis, aut modus. Alius aliud arripit, aliis alia placent, nihil est luminis sicci, & aperti; quisq; ex Phantasie suæ cellulis, tanquam ex specu Platonis Philosophatur, Ingenia sublimiora, acutiùs, feliciùs; tardiora, minore successu, sed æquâ peritaciâ. Quin non ita pridem, ex quorundam Virorum doctorum, & prout nunc sunt res, excellentium disciplinâ, scientiæ (credo propter Varietatis, & Licentiæ tædia) intra certos, & descriptos Authores coercentur, atque ita cohibita, senioribus imponuntur, adolescentibus instillantur; ut jam (quod cavillatus est Cicero in Cæsaris annum) Stella Lyrae ex edicto oriatur, & Autoritas pro Veritate, non Veritas pro Autoritate sit. Quod genus Institutionis, & Disciplinæ, ad usum præsentem egregiè valet; sed idem meliorum indicit exilium. Nimirum primorum Parentum Peccatum, & luumus, & imitatur. Illi Dei similes esse voluerunt, Posteriores eorum adhuc magis. Etenim Mundos creamus, Naturæ præimus, & dominamur, omnia ita se habere volumus, prout nostræ Fatuitati consentaneum fore videtur, non prout Divinæ Sapientiæ, nec qualia inveniuntur in rebus ipsis, nec scio an Res, aut Ingenia magis torqueamus; sed planè Sigilla Imaginis nostræ, Creaturis, & Operibus Dei imprimimus, non Creatoris Sigilla cum curâ inspicimus, & agnoscimus. Itaque non immeritò iterum de Imperio in Creaturas decidimus, & cum post lapsum Hominis, nihilominus dominatio nonnulla in Creaturas reluctantes relicta fuerit, ut per veras & solidas artes, subigi & flecti possint, id ipsum ex insolentiâ nostrâ, & quia Dei similes esse volumus, & propriæ Rationis dictamina sequi, maximâ ex parte amittimus. Quamobrem, si qua est erga Creatorem humilitas, si qua Operum ejus Reverentia & Magnificatio, si qua Charitas in Homines, & erga necessitates, & ærumnas humanas relevandas

levandas Studium, si quis Amor Veritatis in Naturalibus, & Odium Tenebrarum, & Intellectus purificandi Desiderium; orandi sunt Homines iterum atque iterum, ut missis paulisper, aut saltem sepositis Philosophiis istis volaticis, & præposteris, quæ Theses Hypothesibus anteposuerunt, & Experientiam captivam duxerunt, atque de Operibus Dei triumpharent; summissæ, & cum veneratione quâdam, ad Volumen Creaturarum evolvendum accedant; atque in eo moram faciant, meditentur, & ab opinionibus abluti, & mundi, castè, & integrè versentur. Hic est ille Sermo, & Lingua, qui exiit in omnes fines terræ, nec confusionem Babylonicam passus est; Hunc perdiscant Homines, & repuerascentes, atque iterum Infantes facti, Abecedaria ejusdem in manibus habere dignentur. In Interpretatione autem ejus eruendâ, atque enucleandâ, nulli opere parcant, sed strenuè procedant, persistant, immoriantur. Cum igitur in Instauratione nostrâ, Historiam Naturalem, qualis sit in ordine ad finem nostrum in tertiâ Operis parte collocaverimus; hanc rem prævertere, & statim aggredi visum est. Et si enim haud pauca, eaque ex præcipuis, supersint in Organo nostro absolvenda, tamen consilium est, univèrsam Opus Instaurationis, potius promovere in multis, quàm perficere in paucis, hoc perpetuò, maximo cum ardore, (qualem Deus Mentibus, ut planè confidimus, addere solet) appetentes, ut quod adhuc nunquam tentatum sit, id ne jam frustra tentetur. Simul subiit animum illa cogitatio: Spargi proculdubio per Europam, complura Ingenia, capacia, libera, excelsa, subtilia, solida, constantia. Quid si quis, tali Ingenio præditus, rationem, & usum Organi nostri capiat, probeat; Tamen non habet, quid agat, nec quomodo se ad Philosophiam comparet, aut accingat. Si esset res, quæ lectione Librorum Philosophicorum, aut disputatione, aut meditatione perfici posset, sufficeret fortassè ille, qui quis sit, & abundè illud præstaret. Quod si ad Historiam Naturalem, & Experimenta Artium, illum remittimus (id quod facimus) hæret, non est Instituti ejus, non Otii, non Impense. Atqui non est postulandum nobis, ut quis vetera dimittat, antequam in possessionem Meliorum inducatur. Postquam autem Naturæ, & Artium Historia, fidelis & copiosa, collecta, & digesta fuerit, atque veluti ante oculos Hominum posita, & explicata, non tenuis est spes, Ingenia, de quibus diximus, grandia, (qualia & in antiquis Philosophis viguerunt, & adhuc non rarè reperiuntur) cum tantæ antebac fuerint efficaciæ, ut veluti

ex Scalmo, aut Conchâ, (rarâ scilicet Experienciâ, & frivolâ) Naviculas quasdam Philosophiæ, admirabili structurâ, quoad opificium, ædificaverint; multò magis postquam Sylvam, & Materiem nacta sint, solidiores structuras excitatura; idque licet viâ veteri pergere malint, nec viâ nostri Organi (quæ ut nobis videtur, aut unica est, aut optima) uti. Itaque hûc res redit, ut Organum nostrum, etiamsi fuerit absolutum, absque Historiâ Naturali, non multum; Historia Naturalis absque Organo, non parum, Instaurationem Scientiarum sit pro vectura. Quare omninò, & ante omnia, in hoc incumbere, satius, & consultius, visum est. Deus Vniuersi Conditor, Conservator, Instaurator, hoc Opus, & in ascensione ad Gloriam suam, & in descensione ad Bonum humanum, pro suâ erga Homines, Benevolentia, & Misericordia, protegat & regat, per Filium suum unicum, Nobiscum Deum.

Norma

Norma Historiæ Præsentis.



*V*amvis sub finem ejus partis Organi nostri, quæ edita est, præcepta de Historiâ Naturali & Experimentalî conscripserimus; visum est tamen, hujus, quam nunc aggredimur, Historiæ Normam, & Figuram, & accuratiùs describere, & succinctiùs. Titulis in Catalogo comprehensis, qui pertinent ad Concreta, Titulos, de Naturis Abstractis, (quarum ibidem, ut Historiæ Reservatæ, mentionem fecimus,) superaddimus. Hi sunt, Materiæ Schematismi diversi, sive Formæ primæ Classis, Motus simplices, Summæ Motuum, Mensuræ Motuum, alia quedam. De his Abecedarium Novum confecimus, & sub finem hujus voluminis collocavimus.

Titulos (cùm ad omnes nullo modo sufficiamus) non ex ordine, sed ex delectu sumpsimus; quorum scilicet Inquisitio, aut propter usum erat gravissima, aut propter copiam Experimentorum maximè commoda, aut propter obscuritatem rei, maximè difficilis, & nobilis, aut propter discrepantiam Titulorum inter se, latissimè patens ad Exempla.

In Titulis singulis, post Aditum quendam, aut præfationem, statim Topica Particularia, sive Articulos Inquisitionis proponimus, tum ad Lumen Inquisitionis præsentis, tum ad Provocationem futuræ. Domini enim Quæstionum sumus, Rerum non item. Neque tamen Quæstionum Ordinem, in Historiâ ipsâ præcisè observamus, ne impedimento sit, quod pro auxilio adhibetur.

Historia & Experimenta omninò primas partes tenent, Ea si
Enumera-

Norma Historiæ præsentis.

Enumerationem, & seriem Rerum particularium exhibeant, in Tabulas conficiuntur; aliter seorsum excipiuntur.

Cum Historia & Experimenta sæpius nos deferant, præsertim Lucifera illa, & Instantiæ Crucis, per quas, de veris Rerum causis, Intellectui constare possit; Mandata damus de Experimentis novis, quantum prospicere animo possumus, aptis ad id, quod queritur. Hæc Mandata tanquam Historia designata sunt. Quid enim aliud nobis, primò viam ingredientibus, relinquitur?

Experimenti alicujus subtilioris Modum, quo usi sumus, explicamus, ne Error subfit, utque alios ad meliores, & magis exactos modos excogitandos, excitemus.

Monita, & Cautiones, de Rerum Fallaciis, & qui in inquirendo, & inveniando possint occurrere, Erroribus, & scrupulis, aspergimus; ut phantasmata omnia, quantum fieri potest, tanquam Exorcismo fugemus.

Observationes nostras, super Historiam & Experimenta, subteximus, ut Interpretatio Naturæ, magis sit in procinctu.

Commentationes, & tanquam Rudimenta quædam, Interpretationis de Causis, parçè, & magis suggerendo, quid esse possit, quàm definiendo, quid sit, interponimus.

Canones; sed tamen Mobiles, si ve Axiomata inchoata, quæ nobis inquirentibus, non pronunciantibus se offerunt, præscribimus, & constituimus. Utiles enim sunt, si non prorsus veri.

Utilitatis humanæ nunquam obliti (licet Lux ipsa dignior sit iis, quæ à Luce monstrantur) Vellicationes de Practicâ, attentioni & memoriæ Hominum subijcimus; cum nobis constet, talem, & tam infelicem esse Hominum Stuporem, ut quandoq;, res ante pedes positas, nisi moniti, non videant, sed prætereant.

Opera, & Res impossibiles, aut saltem adhuc non inventas, quæ sub singulis Titulis cadunt, proponimus; atque unà ea, quæ jam inventa sunt, & in Hominum potestate, atque Impossilibus illis, & non Inventis, sunt Proxima, & maxime cognata, subjungimus; ut simul & Industria humana excitetur, atque animi addantur.

Patet ex antedictis, Historiam præsentem; non tantum Tertie Partis Instaurationis vices supplere, sed præparationem esse non contemnendam ad Quartam, propter Titulos ex Abecedario, & Topica, & ad Sextam, propter Observationes Majores, Commentationes, & Canones.



Historia Ventorum.

Aditus, sive Præfatio.

VENTUS humana Genti alas addiderunt. Eorum enim dono, feruntur Homines, & volant; non per Aerem certè, sed per Maria; atque ingens patet janua Commercij, & fit Mundus pervius. Terræ autem (quæ Gentis Humanæ Sedes est, & Domicilium,) Scopæ sunt: Eamque, atque simul Aerem ipsum, evertunt & mundant. Atamen & Mare infamant, alioqui tranquillum, & innoxium; neque aliàs sine maleficio sunt. Motum, absque operâ humanâ, cient magnum, & vehementem; unde & ad Navigandum, & ad Molendum, veluti Operarij conducti sunt; & ad multò plura adhiberi possunt, si Humana non cesset Diligentia. Natura ipsorum inter Secreta, & Abdita reponi solet; Nec mirum, cum nec Aeris Natura, & Potestas, cognita quoquo modo sit; cui famulantur, & parasitantur Venti, ut (apud Poetas) Æolus Iunoni. Primariæ Creaturæ non sunt, nec ex Operibus sex Dierum; quemadmodum nec reliqua Meteôra quoad Actum, sed Post-nati ex Ordine Creationis.

Eeee

Topica

THE HISTORY OF THE
CITY OF LONDON

From the Foundation of the City to the Present Time
By JOHN STOW
The Second Edition, Revised and Corrected
By JOHN STOW
LONDON: Printed by I. B. for J. Stow, at the Sign of the Gun, in St. Dunstons Church-yard, 1660.



TOPICA PARTICVLARIA;

Sive,

ARTICVLI INQVIVISIONIS DE VENTIS.



Escribito Ventos, ex diligentia Nauticâ, & imponito nomina ipsis, sive vetera, sive ^{1. Nomina Ventorum.} nova, modò constantia.

Venti vel Generales sunt, vel Stati, vel Affecla, vel Liberi. Generales voco, qui semper flant; Statos, qui certis temporibus; Affeclas, qui frequentius; Liberos, qui indifferenter.

An sint *Venti* aliqui *Generales*, atque ipsissimi Motus Aeris; & si sint, in qua consecutione Motûs, & in quibus locis spirent. ^{2. Venti generales.}

Qui *Venti Anniversarij* sint, aut redeuntes per vices, & in quibus Regionibus; An inveniatur *Ventus* aliquis ita præcisè *Status*, ut redeat regularitèr ad dies certos, & horas, instar *Æstûs* Maris? ^{3. Venti Stati.}

Qui *Venti* sint *Affecla*, & familiares *Regionum*; qui *Temporum*, in iisdem *Regionibus*; qui *Verni*; qui *Æstivales*; qui *Autumnales*; qui *Brumales*; qui *Æquinoctiales*; qui *Solstitiales*; qui *Matutini*, *Meridiani*, *Vespertini*, *Nocturni*? ^{4. Venti Affecla.}

Quales sint *Venti Marini*; quales qui spirant à *Continente* & *Differentias* ^{5.}

rentias autem *Marinorum*, & *Terrestrium* diligenter excipito, tam eorum qui in *Terrâ*, & *Mari*; quàm eorum qui à *Terrâ*, & *Mari*.

6. An non spirant *Venti* ex omni *Plagâ Cæli*?

Venti Liberi.

Venti non multò plus Plagis Cæli, quàm Qualitatibus variant. Alii Vehementes, alii Lenes; alii Constantes, alii Mutabiles; alii Calidi, alii Frigidi; alii humectant magis, & solvunt, alii desiccant, & constipant; alii congregant nubes, & sunt pluviosi, vel etiam procellofi, alii dissipant, & sunt sereni.

7.

Qualitates Ventorum diverse.

Inquirito & narrato, qui sint *Venti* uniuscujusque speciei ex prædictis, & quomodo variant, secundùm *Regiones*, & *Loca*?

Origines locales Ventorum triplices; Aut de jiciuntur ex alto; aut emanant à terrâ; aut constantur in ipso Corpore Aeris.

Secundùm has tres *Origines*, de *Ventis* inquirito. Qui scilicet ex ipsis, de jiciantur de *Mediâ* (quam vocant) *Regione Aeris*; Qui verò expirent è *Cavis Terræ*; sive illi erumpant confertim, sive efflent insensibiliter, & sparsim; & postea glomerent, ut rivuli in fluvium; Qui denique generentur passim ex tumoribus, sive expansionibus *Aeris* proximi?

8.

Origines locales Ventorum.

Neque Generationes Ventorum Originales tantùm; Sunt & Accidentales, ex compressionibus Aeris scilicet, & percussionibus, & repercussionibus ejus.

9.

Generationes Accidentales Ventorum.

De hujusmodi *Ventorum Generationibus Accidentalibus* inquirito. *Generationes Ventorum* propriè non sunt; etenim augment, & fortificant *Ventos* potius, quàm producant & excitant.

De Communitate Ventorum hætenus. Reperiuntur autem Venti Rari, & Prodigiosi, quales sunt Præster, Turbo, Ecnephas: Hi super Terram: At sunt & subterranei, quorum alii sunt Vaporosi, & Mercuriales, ii percipiuntur in Mineris; Alii Sulphurei; illi emittuntur, nacti exitum in Terræ Motibus, aut etiam effervescunt ex Montibus ardentibus.

10.

Venti extraordinarii & Flatus repentinii.

De hujusmodi *Ventis*, *Raris* & *Prodigiis*, atque adeò de omnibus *Ventorum Miraculis*, inquirito.

A specibus Ventorum transeat Inquisitio ad Confacientia ad Ventos (ita enim loqui volumus, quia vocabulum efficientis plus significat, Vocabulum Concomitantis minus quàm intelligimus) atque ad ea, quæ Ventos putantur excitare, aut sedare.

11.

Confacientia ad Ventos, & excitantia, & sedantia ipsos.

Circa Astrologica de Ventis inquirito parcè, nec de accuratis *Schematibus Cæli* curato; tantummodò observationes manifestiores, de *Ventis*, ingruentibus circa exortus aliquorum *Astrorum*, aut circa *Eclipses Luminarium*; aut *Conjunctiones Planetarum*, ne negligito; nec minùs, quatenus pendent ex viis *Solis*, aut *Lunæ*?

12.

Quid confaciant *Meteòra* diversorum generum ad *Ventos*? Quid *Terræ Motus*, quid *Imbres*, quid *Concursus Ventorum* ad invicem? *Concatenata* enim sunt ista, & alterum alterum trahit.

Quid confaciant ad *Ventos*, *Vaporum* & *Exhalationum* diversitas; & quæ ex ipsis sint magis generativa *Ventorum*; & quatenus *Natura Ventorum* sequatur hujusmodi *Materias* suas?

Quid confaciant ea, quæ hic in *Terrâ* sunt, aut fiunt, ad *Ventos*; Quid

Quid Montes, & solutiones Nivium in ipsis; Quid Moles glaciales, quæ in Mari innatant, & deferuntur alicubi; Quid differentiae Soli, aut Terræ, (modò hoc fuerit per Tractus Majores) veluti Paludes, Arenæ, Sylvæ, Campestria; Quid ea, quæ hic apud Homines aguntur, veluti Incensiones Ericæ, & similium, ad culturam agrorum; Incensiones Segetum, aut villarum in Bellis; Desiccationes Paludum; Displosiones continuæ Bombardarum; Sonitus Campanarum simul in magnis Urbibus; & similia? Festuæ certè sunt res nostræ, sed tamen aliquid possunt.

De omnimodis *Excitationibus*; aut *Sedationibus Ventorum* inquire-
to, sed parcè de Fabulosis, aut Superstitiosis.

15.

A Confacientibus ad Ventos, transeat Inquisitio, ad inquirendos Limites Ventorum: de Altitudine; Extensione; Duratione eorum.

Inquireto diligenter de *Altitudine*, sive *Elevatione Ventorum*; atque si sint Fastigia Montium, ad quæ Ventus non aspirent; aut si conspiciantur Nubes quandoque stare, & non movere; flantibus eodem tempore Ventis fortiter, hic in Terrâ?

16.

Limites Ventorum.

Inquireto diligenter de *spatiis*, quæ *Venti* deprehensi sunt simul occupare, & ad quos terminos? Exempli gratiâ, si *Auster* flaverit tali loco, an constet, quod eodem tempore, *Aquila* flaverit ab illinc miliaribus decem? Contrâ, in quantas angustias *Venti* redigi possint, ita ut fluant *Venti* (id quod fieri videtur in *Turbinibus* nonnullis) tanquam per Canales.

17.

Inquireto, ad quod tempus, vel maximum, vel medium, vel minimum, continuari soleant *Venti*, & deinde flaccescere, & tanquam expirare; qualis etiam esse soleat Ortus, & inceptio *Ventorum*, qualis languor & cessatio; subitò, gradatim, quoquo modo?

18.

A Limitibus Ventorum, transeat Inquisitio ad successiones Ventorum, vel inter se, vel respectu Pluviæ, & Imbrium; Cum enim choreas ducant, ordinem Saltationis nosse jucundum fuerit.

An sit aliqua Regula, aut observatio paulò certior, de *successionibus Ventorum* adinvicem, sive ea sit in ordine ad Motum Solis, sive aliàs; & si sit, qualis sit illa?

19.

Successiones Ventorum.

Circa *Successionem* & *Alternationem Ventorum*, & *Pluviæ* inquireto; cum illud familiare, & frequens sit, ut *pluvia* sedet *Ventos*, *Venti* compescant, & dissipent *Pluviam*.

20.

An post certam *Periodum* Annotum, redintegretur *Successio Ventorum*, & si ita sit, quæ sit ea *Periodus*?

21.

A Successionibus Ventorum, transeat Inquisitio ad Motus ipsorum. Motus Ventorum, septem Inquisitionibus absolvuntur; Quorum tres superioribus Articulis continentur, Quatuor adhuc manent intactæ. Nam de Motu Ventorum dispersito per Plagas Cæli, inquisitum est. Etiam de Motu trium Linearum sursum, deorsum, lateraliter. Etiam de Accidentali Motu Compressionum. Restant Motus quartus Progressivus; quintus Undulationis; Sextus Conflictus; Septimus in Organis, & Machinis humanis.

Cùm *Progressus* sit semper à termino; de loco primi Ortûs, & tanquam Fontibus alicujus *Venti*, quantum fieri potest, diligenter inquire-

22.

Motus diversi Ventorum.

rito. Siquidem videntur *Venti Famæ* similes. Nam licet tumultuentur, & percurrant, tamen *Caput inter nubila condunt*. Item de *Progressu* ipso. Exempli gratiâ, Si *Boreas* vehemens, qui flaverit *Eboraci*, ad talem diem, aut horam; flaverit *Londini* biduo post?

23. De *Undulatione Ventorum* Inquisitionem ne omitto; *Undulationem* vocamus eum Motum, quo *Ventus* ad parva intervalla intenditur, & remittitur, tanquam undæ Aquarum: quarum vices optimè percipiuntur, ex auditu in ædibus: Eò autem magis notato diligenter differentias *Undulationis*, sive *Sulcationis* inter Aerem & Aquam; quia in *Aere*, & *Ventis*, deest Motus gravitatis, qui pars magna est *Undulationis* in Aquis.

24. De *Confluctu* & *Concursu* Ventorum, flantium ad idem tempus, diligenter inquirito; primò utrum flent simul plures *Venti Originales*, non dicimus *Reverberantes*? Et si hoc ita sit, quales *Euripos* in Motu, quales rursus *Condensationes*, & *Alterationes* in Corpore Aeris, gignant?

25. An *Venti* alii eodem tempore flent superiùs, alii hîc apud nos in imo; quandoquidem observatum est à nonnullis, interdum nubes ferri in contrarium versionis *Pinnaculi*: Etiam nubes ferri forti *Aurâ*, cùm hic apud nos fuerit summa *Tranquillitas*?

26. Fiat descriptio diligens admodum, & particularis *Motûs Ventorum*, in impulsu *Navium* per vela.

27. Fiat descriptio *Motûs Ventorum* in velis *Molendinorum*, ad *Ventum*; in volatu *Accipitrum* & *Avium*, etiam in vulgaribus, & ludicris, veluti *Signorum Explicatorum*, *Draconum volantium*, *Duellorum ad ventum*, &c.

A *Motibus Ventorum* transeat *Inquisitio ad vim, & Potestates ipsorum*.

28. *Potestates Ventorum.* Quid possint, & agant *Venti*, circa *Currentes*, & *Æstus Aquarum*, & circa *Detentiones*, *Immissiones*, & *Inundationes ipsarum*?

29. Quid circa *Plantas*, & *Insecta*, inducendo *Locustas*, *Erucas*, malos *Rores*?

30. Quid circa *Purgationem*, & *Infectionem* Aeris, & circa *Pestilentias*, morbos, & affectus *Animalium*?

31. Quid circa *delationem specierum* (quas vocant) *spiritualium*, ut *Sonorum*, *Radiorum*, & similium?

A *potestatibus Ventorum*, transeat *Inquisitio ad Prognostica Ventorum*, non solum propter usum *Predictionum*, sed quia manu ducunt ad *Causas*; *Prognostica enim*, aut *præparationes rerum monstrant*, antequam perducantur ad *Actum*; aut *Inchoationes*, antequam perducantur ad *sensum*.

32. *Prognostica Ventorum.* Colligantur, cum diligentia bonâ, *Prognostica Ventorum omni-gena* (præter *Astrologica*, de quibus superius diximus, quatenus sint inquirenda) sive petantur ex *Meteoris*, sive ex *Aquis*, sive ex *Instinctu Animalium*, aut quovis alio modo.

Postremò *Inquisitionem* claudito, inquirendo de *Imitamentis Ventorum*, sive in *Naturalibus*, sive in *Artificialibus*.

33. *Imitamenta Ventorum.* Inquirito de *Imitamentis Ventorum*, in *Naturalibus*, qualia sunt *Flatus*

Flatus in Corporibus Animalium, Flatus in receptaculis Distillationum? &c.

Inquirito de Auris factis, & *Ventis Artificialibus*, ut Follibus, Refrigeratoriis in cœnaculis, &c.

Articuli tales sint. Neque nobis dubium est, quin ad nonnullos horum, responderi non possit, secundum copiam Experientiæ, quam habemus. Verum quemadmodum in *Causis Civilibus*: quid causa postulet, ut interrogetur, noverit Iure-consultus bonus; quid Testes respondere possint, non nôrit: Idem nobis circa *Historiam Naturæ* accidit. Posterius cetera viderint.

HISTORIA.

Nomina Ventorum.



*N*omina *Ventis*, potiùs ex ordine, & gradibus, numerata; quàm ex antiquitate propria, imponimus: hoc perspicuitatis, & memoriæ gratiâ. Sed Vocabula antiqua adjicimus quoque, propter suffragia Authorum veterum, ex quibus cum haud pauca (licet anxio quodam judicio) exceperimus, non agnoscentur ferè illa, nisi sub nominibus, quibus illi usi sunt. Partitio autem generalis ea esto: ut sint *Venti Cardinales*, qui spirant à Cardinibus Mundi; *Semicardinales* qui in dimidijs; *Mediani* qui in intermedijs: Etiam ex Intermedijs, *Mediani Majores* vocentur, qui in quadris; *Minores* reliqui. Particularis autem divisio ea est, quæ sequitur.

Cardin. *Boreas.*
Bor. 1. ad Eurus.
 Med. Maj. *Bor. 2. ad Eur. sive Aquilo.*
Bor. 3. ad Eur. sive Meses.
 Semica. *Euroboreas.*
Eurus. 1. à Borea.
 Med. Maj. *Eurus. 2. à Borea sive Cœcias.*
Eurus. 3. à Borea.

Cardin. *Eurus, sive Subsolanus.*
Eur. 1. ad Austrum.
 Med. Maj. *Eur. 2. ad Aust. sive Vulturius.*
Eur. 3. ad Aust.

Semica. *Euro-Aster.*
Auster. 1. ab Euro.
 Med. Maj. *Aust. 2. ab Euro, sive Phœnicias.*
Aust. 3. ab Euro.

Cardin. *Auster; sive Notus.*
Aust. 1. ad Zephyrum.
 Med. Maj. *Aust. 2. ad Zeph. sive Lybonotus.*
Aust. 3. ad Zephyrum.

Semica. *Zephyro-aust. sive Lybs.*
Zephyr. 1. ab Austro.
 Med. Maj. *Zeph. 2. ab Aust. sive Africus.*
Zeph. 3. ab Austro.
 Cardin.

| | | |
|-----------|-----------------------------|--------------------------------|
| Cardin. | Zephyrus, sive Favonius. | Boreas. 1. à Zephyro sive |
| | Zeph. 1. ad Boream. | Thrascias. |
| Med. Maj. | Zep. 2. ad Bor. sive Corus. | Med. Maj. Bor. 2. à Zeph. sive |
| | Zeph. 3. ad Boream. | Circias. |
| Semica. | Zephyro-boreas. | Boreas. 3. à Zephyro. |

Sunt & alia *Ventorum* nomina, *Apeliotes*, *Argestes*, *Olympias*, *Scyroz*, *Hellepontos*, *Iapix*, Ea nil moramur. Satis sit nomina *Ventorum* ex ordine, & distributione plagarum cœli, fixa imposuisse. In Interpretatione Authorum non multum ponimus, cum in ipsis Authoribus parum sit.

Venti Liberi.

- Ad Artic. 6.* **N**on est plaga cœli, unde *Ventus* non spiret : Quin si plagas cœli, in tot partes divides, quot sunt gradus in *Horizonte*, invenias *Ventos* aliquando, alicubi à singulis flantes.
2. Sunt *Regiones* totæ, in quibus non pluit, aut rarò admodum : At non sunt *Regiones*, ubi non flent *Venti*, & sæpiùs.

Venti Generales:

- Ad Artic. 2.* **D**E *Ventis Generalibus* Phœnomena rara. Nil mirum, cum intra *Tropicos* præcipuè perspiciantur loca damnata apud Antiquos.

Constat navigantibus inter *Tropicos*, libero æquore, flare *Ventum* Constantem, & iugem (*Brizam* vocant Nautæ) ob Oriente in Occidentem. Is non ita segnis est, quin partim flatu proprio, partim regendo Currentem Maris, id efficiat, ut nequeant Navigantes versus *Peruviam*, eadem redire, quâ proficiscuntur, viâ.

2. In nostris Maribus *Europæ*, percipitur cœlo sereno, & sudo, & cessantibus *Ventis* particularibus, Aura quædam lenis ab Oriente, solisequa

3. Recipit observatio vulgaris, nubes sublimiores ferri plerunque ab Oriente in Occidentem, idque cum iisdem temporibus, circà terram aut tranquillitas sit, aut *Ventus* diversus. Id si non semper faciant, poterit in causâ esse, quod *Venti* particulares quandoque flant in sublimi, qui *Ventum* istum Generalem obruunt.

Monitum.

Si quis sit talis *Ventus Generalis*, ex ordine Motûs cœli, is non adeo firmus est, quin *Ventis* Particularibus cedat. Manifestior autem est intra *Tropicos*, propter *Circulos*, quos conficit, majores ; Etiam in sublimi, propter eandem causam, & propter cursum liberum. Quamobrem, si hic extra *Tropicos*,

Tropicos, & juxta terram, (ubi mollis admodum, & segnis est) eum deprehendere voles, Fiat Experimentum in Aere libero, & in summa tranquillitate, & in locis altis; & in corpore valde mobili, & tempore pomeridiano, quia per id Tempus, Ventus Orientalis, particularis, parcius flat.

Fiat diligens observatio, circa Pinnacula, & ejusmodi stabella in fastigiis Mandatum. turrium & templorum, Annon in maximis tranquillitatibus, stent perpetuò versus Occidentem?

Constat Eurum, in Europâ nostrâ, esse Ventum desiccantem & acrem, Zephyrum contra humectantem & aluum. Annon hæc sit, quia (posito Phenomenon obliquum. 4. quod Aer moveat ab Oriente in Occidentem) necesse est, ut Eurus qui moveat in eadem Consecutione, Aerem dissipet, & attenuet, unde fit Aer mordax, & siccus; Zephyrus autem, qui in contrariâ, Aerem in se vertat, & condenset, unde fit obtusior, & denum humidus?

Consulto Inquisitionem de Motu, & fluxu Aquarum, utrum illæ moveant, ab Oriente ad Occidentem. Nam si extrema hoc motu gaudent, Cælum & Aquæ; parum abest, quin Aer, qui intermedius est, ex eodem participet. Phenomenon obliquum. 5.

Phænomena duo, proximè posita, Obliqua appellamus, quia rem designatam non rectè monstrant, sed per consequens; id quod (cui deest copia Phænomenorum rectorum) etiam avidè recipimus. Motum. 6.

Quod Briza illa, inter Tropicos luculenter spiret, res certa, Causa ambigua. Possit ea esse, quia Aer, more calidi, movetur; Sed extra Tropicos, quasi imperceptibiliter, propter circulos minores; intra manifestò, propter Circulos majores, quos conficit. Possit alia esse, quia calor omnem Aerem dilatat, nec se priore loco contineri patitur. Ex dilatatione autem Aeris, necessariò fit impulsio Aeris contigui, quæ Brizam istam pariat prout progreditur Sol. Sed illa intra Tropicos, ubi Sol est ardentior, insignior est; extra ferè latet. Videtur esse Instantia Crucis, ad ambiguitatem istam tollendam, si inquiratur, utrum Briza noctù flet, annon? Rotatio enim Aeris etiam noctù manet, at calor Solis non item. Mandatum. 7.

At certum est illam noctù non flare, sed manè, aut etiam aurorâ adultâ. Nihilominus non determinat illa Instantia quæstionem. Nam condensatio Aeris nocturna, præsertim in illis Regionibus, ubi nox & dies non magis pares sunt spatiiis, quàm differentes calore & frigore, possit Motum illum naturalem Aeris (qui lenis est) hebetare, & confundere. 6.

Si Aer participet ex Motu cœli, sequitur non tantum, quod Eurus cum motu Aeris concurrat, Zephyrus concertet; verum etiam quod Boreas tanquam ab alto spiret, Auster tanquam ab imo, in hemisphærio nostro, ubi Polus Antarcticus sub terrâ est, Arcticus elevatur; idque etiam ab antiquis notatum est, sed titubantè & obscurè; optimè autem convenit cum experienciâ modernâ, quia Briza (quæ possit esse Motus Aeris) non est Eurus integer, sed Euroaquilo. 7.

Venti Stati.

Ad Artic. 3.
Connexio.

VT in Inquisitione, de Ventis Generalibus, homines Scototomiam passi sunt; Ita in illâ, de Ventis Statibus, vertiginem. De illâ silent, de hac sursum, & deorsum, sermones faciunt inconditos. Ignoscendum hoc magis, quod varia res est; quia Stati Venti cum locis permutantur, ut non iidem in Ægypto, Græciâ, Italiâ, spirent.

1. Esse alicubi *Statos Ventos*, etiam Nomen impositum declarat; ut & Nomen alterum *Etesiarum*, quod *Anniversarios* sonat.
2. Apud Antiquos, inter causas Inundationis *Nili*, ascripta est, quod eo Anni tempore, *Venti Etesiae* (*Aquilones* scilicet) flarent, qui cursum fluvii in Mare inhihebant, & retrorsumolvebant.
3. Inveniuntur in Mari Currentes, qui nec naturali motui Oceani, nec decursui ex locis magis elevatis, nec Angustiiis ex litoribus adversis, aut Promontoriis excurrentibus attribui possint; sed planè reguntur à *Ventis Statibus*.
4. *Columbum*, qui nolunt à relatione *Nacleri Hispani*, & levius putant, ab obscuris Antiquitatis vestigiis, & auris, tam certam, & fixam, de *Indiis Occidentalibus*, opinionem concepisse, huc se convertunt, quod à *Statis Ventis*, ad litora *Lusitaniæ*, conjecerit, *Continentem* esse à parte Occidentis: Res dubia, nec admodum probabilis, cum *Ventorum* Itinerarium, ad tam longos tractus vix attingat: Magnus interim honos huic Inquisitioni, si uni Axiomati, aut Observationi, ex iis, quas multas complectitur, Inventio Novi orbis debeatur.
5. Ubicunque siti sunt Montes alti & nivales, ab eâ parte, flant *Venti Stati*, ad tempus, quo nives solvuntur.
6. Arbitror & à paludibus magnis, quæ aquis cooperiuntur hyeme, spirare *Ventos Statos*, sub tempora, quibus à calore Solis siccati cœperint; sed de hoc mihi compertum non est.
7. Ubicunque generationes vaporum fiunt in abundantia, idque certis temporibus; ibi scias *Ventos Statos* iisdem temporibus orituros.
8. Si *Venti Stati* flent alicubi, nec causâ eorum reperiat in propinquo; scias *Ventos* hujusmodi *Statos* peregrinos esse, & à longè venire.
9. Notatum est, *Ventos Statos* noctu non flare, sed tertiâ, ab ortu Solis, horâ, insurgere: sunt certè hujusmodi *Venti*, veluti ex longo itinere, defessi, ut condensationem aeris nocturnam vix perfringant, at post exortum Solis excitati, paulisper procedant.

Omnes

Omnes *Stati Venti* (præterquam ex locis propinquis) imbecilli sunt, & *Ventis* subitis se submittunt.

10.

Sunt complures *Venti Stati*, quos nos non percipimus, aut observamus, propter infirmitatem ipsorum, unde à ventis liberis obruuntur; Ideò vix notantur hyeme, cùm *Venti* liberi vagantur magis; sed potiùs versus æstatem, cùm *Venti* illi Erratici magis deficient.

11.

In partibus *Europæ*, ex *Ventis Statis*, hi potissimi sunt. *Aquilones* à Solstitio: suntque exortûs *Caniculæ*, tum prodromi, tum sequaces: *Zephyri*, ab Æquinoctio Autumnali, *Euri* à verno: Nam de Brumali Solstitio minus curandum, propter hyemis varietates.

12.

Venti Ornithii, sive *Aviarii*, qui nomen traxerunt, quòd Aves à regionibus gelidis transmarinis, regionibus apricis immittant, nihil pertinent ad *Ventos Statos*; quia illi tempore sæpiùs fallunt: Aves autem eorum Commoditatem, sive citiùs, sive tardiùs flent, expectant; etiam non rarò postquàm flare paululum incœperint, & se subinde vertent, destituuntur Aves, & merguntur in pelago, aliquando in naves decidunt.

13.

Præcisus reditus *Ventorum* ad diem & horam, instar Æstûs Maris, non invenitur. Designant quandoq; Authores nonnulli diem; sed potiùs ex conjecturâ, quàm ex observatione constante.

14.

Venti Affeclæ.

Ventorum Affeclarum vocabulum nostrum est, quod imponere visum est, ne aut pereat observatio circa ipsos, aut confundatur. Sensus talis est. Divide, si placet, annum in tres, quatuor, quinque partes, in aliquâ Regione. Quod si Ventus aliquis ibi flet, duas, tres, quatuor portiones ex ipsis, Ventus contrarius, unam; illum Ventum, qui frequentius flat, ejus Regionis Affeclam nominamus. Sic de temporibus.

Ad Artic. 4.
& 5.
Connexio.

Auster & *Boreas* Affeclæ Mundi sunt; Frequentiùs enim per universum spirant illi, cum suis Sectionibus, quàm *Eurus*, & *Zephyrus* cum suis.

1.

Omnes *Venti Liberi* (non *Stati*) magis Affeclæ hyemis sunt, quàm Æstatis; maximè autem Autumni, & Veris.

2.

Omnes *Venti Liberi*, potiùs Affeclæ sunt regionum extra Tropicos, atque etiam Circulos polares, quàm intra; In regionibus enim torridis, & congelatis, plerunque parciùs spirant, in mediis frequentius.

3.

Etiam omnes *Venti Liberi*, præsertim fortiores ex ipsis, flant sæpiùs, & intensius, Mane & Vesper, quàm meridie, & noctu.

4.

Venti

5. *Venti Liberi* in regionibus fistulosis & cavernosis, frequentius spirant, quàm in firmis, & solidis.

Mandatum.

Cessavit ferè humana diligentia, in observatione Ventorum Affeclarum, in regionibus particularibus, quod tamen fieri debuit, & ad multa utilis foret. Memini me à Mercatore quodam, prudenti viro, qui ad Terram Piscationis, coloniam duxerat, ibique hyemàrat, causam quævisse, cur Regio illa tam impensè frigida haberetur, cum Clima satis benignum esset. Respondit, rem esse famà aliquanto minorem, causam autem duplicem. Unam, quod moles glaciales, à Currenti Maris Scythici, juxta ea litora deveherentur. Alteram (quam longe potiore duxit) quod longè pluribus Anni partibus spiraret apud eos Zephyrus, quàm Eurus; quod etiam facit apud nos; (inquit) sed apud illos à Continenti, & gelidus; apud nos à Mari, & tepidus. Quod si (addidit) tam frequentè & diù spiraret in Anglià Eurus, quàm apud eos Zephyrus, longè forent intentiora frigora apud nos, & paria illis, quæ ibi fiunt.

6. Zephyri sunt Affecla horarum pomeridianarum: Declinante enim Sole frequentius spirant *Venti* ab Occidente, ab Oriente rariùs.

7. *Auster* Noctis Allecla est; nam noctu, & sæpiùs oritur, & flat vehementiùs. *Boreas* autem interdii.

8. Affeclarum verò Maris, & Continentis, multæ & magnæ sunt differentia. Ea præcipuè, quæ Columbo ansam præbuit inveniendi Novi Orbis: Quod *Venti* marini Stati non sunt, terrestres autem maximè. Cum enim abundet vaporibus Mare, qui ubique ferè indifferenter adfunt, ubique etiam generantur *Venti*, & magnâ inconstantia huc illuc feruntur, cum certas origines, & fontes non habeant. At terra, ad Materiam Ventorum, valdè inæqualitèr se habet; cum alia loca ad Ventos pariendos, & augendos magis efficacia sint; alia magis destituta. Itaque flant ferè à parte fomitus suorum, & inde directionem fortiuntur.

9. Non satis constat sibi Acofta. Ait ad Peruviam, & maritima Maris Australis, ferè per totum Annum, spirare Austros. Idem alibi ait, ad eas oras spirare potissimum Ventos Marinos. At *Auster* illis terrestris est, ut & *Boreas*, & *Eurus*, tantumque Zephyrus est illis marinus. Sumendum, quod certius ponit, hoc est, Austrum esse Ventum Affeclam, & familiarem earum regionum; nisi fortè ex nomine Maris Australis, vel phantasia, vel modum loquendi corripit, intelligens Zephyrum per Austrum, quod à Mari Australi spiret. At Mare, quod vocant, Australe, propriè Australe non est, sed tanquam Oceanus secundus Occidentalis; quando simili, cum Atlantico, situ exporrigatur.

10. Marini *Venti* sunt proculdubio terrestribus humidiores, sed tamen puriores, quique faciliùs, & æqualiùs, cum Aere puro incorporantur. Terrestris enim malè coagmentati, & fumei. Neque opponat quispiam, eos debere esse, propter saluginem Maris, crassiores. Natura enim terrestris salis, non surgit in vaporibus.

11. Tepidi, vel gelidi sunt venti marini, pro ratione qualitatum duarum prædictarum, humiditatis, & puritatis. Humiditate enim frigora mitigant, (Siccitas siquidem utrumque, & calorem, & frigus, intendit:)

intendit :) At puritate refrigerant. Itaque extra Tropicos, tepidi, intra, gelidi.

Arbitror ubique *Ventos* marinos, *Asleclas* esse regionum, (præsertim maritimarum) singularum : frequentius scilicet spirare *Ventos*, à parte, ubi collocatur mare ; propter copiam longè uberiores Materie, ad *Ventos* in mari, quam in Terrâ ; nisi fortè, sit aliquis *Ventus* status (spirans à terrâ, ex causâ peculiari. Nemo autem confundat *Ventos* statos, cum *Ventis* *Asleclis*, cum *Asleclæ* semper frequentiores sint ; statim, sæpius rariores. Id tamen utrisque commune est, quod *Venti* spirent à parte fomitum suorum.

12.

Vehementiores plerunque sunt *Venti* marini, quàm terrestres, ita tamen, ut cum cessent, major sit Malacia, in medio Mari, quàm ad litora ; adeo ut Nautæ quandoque ament, potius litorum obliquitates premere quàm urgere altum ; ad evitandas Malacias.

13.

Spirant à Mari ad litora *Venti Tropæi* sive versarii, qui scilicet postquam paulisper progressi sunt, subito vertuntur. Omnino est quædam refractio inter Auras maris, & Auras terræ, & inæqualitas. Omnis autem inæqualitatis Aeris, est inchoatio quædam *Venti*. Maximè autem fiunt *Tropæi*, & *Euripi Ventorum*, ubi in mare sinuat.

14.

Spirant quædam Auræ plerunque circa omnes Aquas majores ; potissimum autem sentiuntur manè ; at magis circa fluvios, quàm in mari, propter differentiam auræ Terræ, & auræ Aquæ.

15.

In locis proximis iuxta mare, flectunt fere se arbores, & incurvant, quasi averfantes auras maris. Neque tamen malicia est ; sed *Venti* maritimi, ob humiditatem, & densitatem, sunt tanquam ponderosiores.

16.

Qualitates & Potestates Ventorum.

Circa Qualitates & Potestates Ventorum, observatum est *Ad Artic. 7.*
ab hominibus, non diligenter, & variè : Nos certiora excerpimus ; reliqua, ut levia, ipsis Ventis permittemus. *28, 29, 30, 31. Connexio.*

Auster Pluviosus, *Boreas* Serenus apud nos sunt : Alter nubes congregat, & fovet, Alter dissipat, & discutit. Itaque *Poetæ*, cum narrant de *Diluvio*, fingunt, eo tempore, *Boream* in carcere conclusum ; *Anstrum* cum Amplissimis mandatis emissum.

1.

Zephyrus apud nos pro *Auræ Ætatis Vento* habitus est, qui comes esset perpetui veris, & mulceret flores.

2.

Paracelsi Schola, cum tribus suis principiis, etiam in *Templo Junonis* (Aere scilicet) locum quærent, tres collocarunt, *Euro* locum non repererunt.

3.

Tincturis liquidum qui Mercurialibus *Anstrum*,
Divitis & Zephyri rorantes Sulphure *venas*,
Et Boream tristi rigidum sale.

F fff

At

4. At nobis, in *Britanniâ*, *Eurus* pro Malefico habetur, ut in proverbio sit, *Eurum*, neque homini, neque bestię, propitium esse.
5. *Auster* à præsentia Solis, *Boreas* ab absentia spirat, in hemisphærio nostro : *Eurus* in Consecutione Motûs Aeris, *Zephyrus* in contrarium ubique : *Zephyrus* à Mari, *Eurus* à Continente ; plerunque in *Europâ*, & *Asiâ* Occidentali : Hæ sunt differentię *Ventorum*, maximè radicales ; unde plurimæ ex qualitatibus, & potestatibus *Ventorum*, reverâ pendent.
6. *Auster* minùs Anniversarius est, & status, quàm *Boreas*, sed magis vagus, & liber ; & quando est status, tam lenis est, ut vix percipiatur.
7. *Auster* magis humilis est, & lateralis, *Boreas* cellior, & spirans ex alto ; neque hoc de Elevatione, & depreffione polari dicimus, de quâ supra, sed quod origines suas habeat plerunque magis in vicino *Auster*, magis in sublimi *Boreas*.
8. *Auster* nobis pluviosus (ut jam dictum est,) *Africa* vero serenus, sed magnos immittens fervores, non frigidus, (ut alij dixerunt.) Est tamen *Africa* satis salubris ; At nobis, si flaverit paulò diutiùs in sudo, absque pluvia *Auster*, valdè pestilens est.
9. *Auster* & *Zephyrus* non generant vapores, sed spirant à partibus, ubi maxima est copia ipsorum, propter auctum calorem Solis, qui vapores elicit, ideòque sunt pluviosi. Quod si spiraverint à locis siccioribus, & jejunis à vaporibus, sunt sereni ; sed tamen aliquando puri, aliquando æstuosi.
10. Videntur hic apud nos *Auster* & *Zephyrus* fœderati, suntque tepidi & humidi ; at ex alterâ parte Affines sunt *Boreas* & *Eurus*, suntque frigidi, & sicci.
11. *Auster* & *Boreas* (quod & antea attigimus) frequentius spirant, quàm *Eurus*, & *Zephyrus* ; quia magna est inæqualitas vaporum, ex illis partibus, propter absentiam, & præsentiam Solis ; At Orienti, & Occidenti, Sol tanquam adiaphorus est.
12. *Auster* Saluberrimus marinus, à continente magis morbidus ; contrà *Boreas* à mari suspectus, à terrâ sanus ; Etiam frugibus & stirpibus *Auster* marinus valdè benignus, fugans rubigines, & alias perniciēs.
13. *Auster* lenior non admodum cogit nubes, sed sæpe serenus est, præsertim si sit brevior ; Sed flans commotiùs, aut diutiùs, facit cælum nubilum, & inducit pluviam : sed potiùs cum desinat, aut flaccescere incipiat, quam à principio, aut in ipso vigore.
14. Cum *Auster* aut oritur, aut desistit, fiunt ferè Mutationes tempestatum, à sereno ad nubilum, aut à calido ad frigidum, & è contrâ ; *Boreas* sæpè, & oritur, & desinit, priore tempestate manente, & continuatâ.
15. Post pruinas, atque etiam Nives paulò diuturniores, non alius ferè *Ventus*, quàm *Auster* spirat, tanquam factâ concoctione frigorum, quæ tum demum solvuntur, neque propterea semper sequitur pluvia, sed fit hoc etiam in regelationibus serenis.
16. *Auster*, & frequentius oritur, & fortiùs spirat, noctû, quàm interdiù, præsertim noctibus hybernis. At *Boreas*, si noctû oritur

atur (quod contra suam consuetudinem est,) non ultra triduum ferè durat.

Austro flante, majores voluuntur fluctus, quàm *Boreâ*, etiam quando pari, aut minore impetu, spirat.

Spirante *Austro*, fit Mare cœruleum, & magis lucidum; *Boreâ* contrâ, atrius, & obscurius.

Cum Aer subitò fit tepidior, denotat interdum pluviam: rursus aliàs, cum Aura subitò fit gelidior, pluviam præmonstrat. Sequitur vero hoc naturam *Ventorum*: nam si flante *Austro* aut *Euro* intepescit Aer, pluvia in propinquo est; itidemque cum flante *Septentrione*, aut *Zephyro*, refrigescit.

Auster flat plerunque integer, & solitarius; At *Boreâ*, & præcipuè *Caciâ*, & *Coro* flantibus, sæpè contrarij, & alij diversi *Venti*, simul spirant; undè refringuntur, & turbantur.

Boreas sementi faciendæ, *Auster* Infectionibus, & Inoculationibus, cavendus.

A parte *Austri*, folia ex arboribus, citiùs decidunt; At palmites vitium, ab eâ parte erumpunt, & eò ferè spectant.

In latis pascuis, videndum est pastoribus (ut ait *Plinius*) ut greges ovium, ad *Septentrionale* latus adducant, ut contra *Austrum* pascant. Nam si contra *Boream*, claudicant, & lippiunt, & alvo moventur: Quin etiam *Boreas* coitum illis debilitat, adeò ut si in hunc *Ventum* spectantes coeant oves, fœmellæ ut plurimum gignantur: Sed in hoc *Plinius* (utpote transcriptor) sibi non constat.

Venti tribus temporibus, frumento & segetibus nocent: in flore aperiente, & deflorescente, & sub maturitatem: tum enim exinaniant aristas dejectis granis, at prioribus duobus temporibus, florem, aut in calamo confringunt, aut decutiunt.

Flante *Austro* anhelitus hominum magis fœtet, Appetitus animalium dejicitur magis, Morbi pestilentes grassantur, gravedines incumbunt, homines magis pigri sunt, & hebetes: At flante *Boreâ*, magis alacres, sani, avidiores cibi. Phthisicis tamen nocet *Boreas*, & tussiculosis, & podagricis, & omni fluxui acuto.

Eurus Siccus, mordax, mortificans; *Zephyrus*, humidus, clemens, Almus.

Eurus, spirans vere adulto, calamitas fructuum, inducendo Erucas & vermes, ut vix foliis parcatur; nec æquus admodum segetibus: *Zephyrus* contrâ, herbis, floribus, & omni vegetabili, maximè propitius, & amicus. At *Eurus* quoque, circa æquinoctium autumnale, satis gratosus.

Venti ab Occidente spirantes, sunt vehementiores, quàm illi ab Oriente, & magis curvant, & contorquent arbores.

Tempestas pluviosa quæ incipit spirante *Euro*, longiùs durat, quàm quæ spirante *Zephyro*, & ferè ad diem integrum extenditur.

Eurus ipse, & *Boreas*, postquam inceperint flare, constantiùs flant: *Auster*, & *Zephyrus* magis mutabiles.

Flante *Euro* visibilia omnia majora apparent; At flante *Zephyro* Audibilia: Etiam longiùs deferuntur Soni.

32. *Cæciani* nubes ad se trahere, apud *Græcos* in proverbium transit, comparando ei *Fœneratores*, qui pecunias erogando, sorbent : vehemens est *Ventus*, & latus, ut non possit summovere nubes, tam citò, quàm illæ renitantur, & se vertant ; quod fit etiam in majoribus incendiis, quæ contra *Ventum* invalescunt.
33. *Venti Cardinales*, aut etiam *Semicardinales*, non sunt tam procellofi, quàm *Mediani*.
34. *Mediani*, à *Borea* ad *Euro-boream*, magis sereni, ab *Euro-borea* ad *Eurum*, magis procellofi : Similiter ab *Euro* ad *Euro-austum*, magis sereni, ab *Euro-austro* ad *Austum*, magis procellofi : Similiter, ab *Austro*, ad *Zephyro-austum*, magis sereni, à *Zephyro-austro* ad *Zephyrum*, magis procellofi : Similiter, à *Zephyro*, ad *Zephyro-boream*, magis sereni, à *Zephyro-borea*, ad *Boream*, magis procellofi ; Ita ut progrediendo secundum ordinem cœli, semper *Mediani* prioris *Semicardinis*, disponantur ad *Serinitatem*, posterioris, ad *Tempestates*.
35. *Tonitrua*, & fulgura, & *Ecnephiæ* fiunt, spirantibus *Ventis* frigidis, quique participant ex *Borea*, quales sunt *Corus*, *Thrafcias*, *Circias*, *Meses*, *Cæcias* ; Ideoque fulgura sæpius comitatur grando.
36. Etiam *Nivales Venti* à *Septentrione* veniunt, sed ab iis *Medianis*, qui non sunt procellofi, veluti *Corus*, & *Meses*.
37. Omnino *Venti* quinque modis naturas suas & proprietates nanciscuntur. Vel ab absentia aut præsentia *Solis* : vel à consensu & dissensu cum naturali motu *Aëris* : vel à diversitate *Materiæ* fonticum suorum à quibus generantur ; *Maris*, *Nivis*, *paludum*, &c. Vel à tincturâ regionum per quas pertranseunt : vel ab originibus localibus suis, in alto, sub terrâ, in medio : quæ omnia sequentes articuli melius explanabunt.
38. *Venti* omnes habent potestatem desiccandi, etiam magis quàm ipse *Sol* ; quia *Sol* vapores elicit, sed nisi admodum fervens fuerit, non dissipat ; at *Ventus* eos & elicit, & abducit : Attamen *Auster* minimè omnium hoc facit ; quinetiam saxa, & trabes sudant, magis flante non nihil *Austro*, quàm in tranquillo.
39. *Martii* magis longè desiccant, quàm æstivi : aded ut *Artifices Instrumentorum Musicorum Ventos Martios* expectent, ad *Materiam Instrumentorum suorum* desiccandam, eamq; reddendam porosam, & sonoram.
40. *Venti* omnis generis purgant *Aerem*, eumque à putredine vindicant, ut *Anni* in quibus *Venti* frequentius spirent, sint maximè salubres.
41. *Sol* *Principum fortunam* subit ; quibuscum ita sæpè agitur, ut præfides in *Provinciis remotis*, magis obnoxios habeant subditos, & quibus obsequia præstentur magis, quàm principi ipsi. Certè *Venti* qui potestatem, & originem habent à *Sole*, æquè, aut plus gubernant temperaturas regionum, & affectus *Aëris*, quàm ipse *Sol*, in tantum, ut *Peruvia* (quæ propter propinquitatem *Oceani*, vastitatem *Amnium*, & altissimos, & maximos montes nivales, maximam habet copiam *Ventorum*, & aurarum spirantium) cum *Enopis*, de temperamento, & clementia *Aëris* certet.

Nil mirum si *Ventorum* tantus sit impetus, quantus invenitur, quandoquidem *Venti* vehementes, sint tanquam Inundationes, atque Torrentes, & Fluctus magni Aeris. Neque tamen, si attentius advertas, magnum quiddam est eorum potentia. Possunt dejicere arbores, quæ cacuminum onere, tanquam velis expansis iisdem commoditatem præbent, & se ipse onerant; possunt etiam Ædificia infirmiora: sed structuras solidiores, nisi fiant cum terræ motibus, non subvertunt. Nives quandôque tanquam integras dejiciunt ex Montibus, ut planitiem subjacentem ferè sepeliant, quod accidit *Solymanno* in campis *Sultanæ*; Etiam magnas quandôque, immittunt Inundationes aquarum.

42.

Amnes quandoque tanquam in sicco ponunt *Venti*, & fundos ipsorum discooperiunt; Si enim post magnam siccitatem, *Ventus* robustus in consecutione sili aquæ, pluribus diebus spirârît; ita ut aquas amnis, tanquam everrendo, devexerit in mare, Aquas marinas prohibuerit; fit Siccatio Amnis in multis locis insolitis.

43.

Verte Poles, & verte simul Observationes, quatenus ad Austrum & Monitum Boream. Cum enim Absentia, & Præsentia Solis in causâ sit, variat pro ratione Polorum. At illud constans res esse possit, quod plus sit Maris versus Austrum, plus sit Terræ versus Boream, quod etiam ad Ventos non parum facit.

Mille modis fiunt Venti, ut ex Inquisitione sequenti patebit: Itaque in Monitum. re tam variâ, figere observationes, haud facile est. Attamen quæ à nobis posita sunt, pro certo plerumque obtinent.

Origines locales Ventorum.

Ventorum Origines locales nosse, ardua est Inquisitionis, Ad Artic. 8. cum illud Vnde, & Quò Ventorum, ut res abdita, etiam in Connexio. Scripturis notata sit. Neque loquimur jam de Fontibus Ventorum particularium, (de quibus postea) sed de Matricibus Ventorum in genere. Alii ex alto eas petunt, Alii in profundo rimantur, in medio autem ubi ut plurimum generantur, rix eas querunt; ut est mos hominum, quæ ante pedes posita sunt, præterire, & obscuriora malle. Illud liquet, Ventos aut Indigenas, aut Advenas esse; sunt enim Venti tanquam Mercatores Vaporum, eosque in nubes collectos, & important in regiones, & exportant, unde iterum Venti, tanquam per permutationem: Sed inquiremus jam de Nativis. Qui enim aliundè Advenæ, alibi Nativi. Tres igitur Origines locales: Aut expirant & scaturiunt è terrâ; aut dejiciuntur ex sublimi; aut conflantur hic in Corpore Aeris. Qui autem dejici-

untur ex alto, duplicis generationis: Aut enim dejiciuntur, antequam formantur in nubes; aut postea ex nubibus rarefactis & dissipatis. Videamus quæ sit harum rerum historia.

Phænomenon
obliquum.

1. Finxerunt Poetæ, Regnum Æoli, in Antris & Cavernis, sub terram fuisse collocatum, ubi Carcer esset Ventorum, qui subinde emittebantur.

2. Etiam Theologos quosdam, eosdemque Philosophos, movent Scripturæ verba. Qui producit Ventos de thesauris suis; tanquam Venti prodirent ex locis thesaurariis, subterraneis scilicet, ubi sunt Minera: sed hoc nihil est. Nam loquitur etiam Scriptura, de Theauris Nivis, & grandinis, quas in sublimi generari, nemo dubitat.

3. In subterraneis proculdubio magna existit Aeris Copia, eamque & expirare sensim verisimile, & emitti confertim aliquando, urgentibus causis, necesse est.

In magnis siccitatibus, & mediâ æstate, cum magis rimosa sit terra; solet erumpere in locis aridis, & arenosis, magna vis aquarum: Quod si faciant Aquæ (Corpus Crassum) raro; Aerem (Corpus tenue, & subtile) hoc frequenter facere, probabile est.

4. Si expirat Aer è terrâ, sensim & sparsim, parùm percipitur primò; sed postquam Aeris illius emanationes multæ minutæ confluerint, tum fit Ventus; ut ex scaturiginibus Aquarum Rivus: Hoc verò ita fieri videtur; quoniam notatum est ab Antiquis, Ventos complures in ortu suo, & in locis à quibus oriuntur, primò spirare exiguos, deinde in progressu invalescere prorsus, more Fluviorum.

5. Inveniuntur quædam loca in Mari, ac etiam lacus, qui nullis flantibus Ventis, majorem in modum tumescunt, ut hoc à subterraneo flatu fieri appareat.

6. Magna vis requiritur spiritûs subterranei, ut Terra concutiat, aut scindatur: levior, ut Aqua sublevetur. Itaque tremores terræ rari; tumores & sublevationes Aquarum, frequentiores.

7. Etiam ubique notatum est, nonnihil attolli, & tumescere Aquas, ante tempestates.

8. Spiritus subterraneus exilis qui sparsim efflatur, non percipitur super terram, donec coierit in Ventum, ob porositate terræ; sed exiens subter aquas, ob continuitatem aquæ, statim percipitur ex tumore nonnullo.

9. Affectas esse Ventos, terrarum cavernosarum antea posuimus; ut prorsus videantur Venti illi, habere Origines suas locales è terrâ.

10. In montibus magnis & saxeis, inveniuntur Venti, & citius spirare, (antequam scilicet percipiantur in vallibus,) & frequentius, (cum scilicet valles sint in tranquillo:) At omnes Montes, & Rupes cavernosi sunt.

11. In Comitatu Denbigh in Britannia, montosâ regione & lapidosâ, ex cavernis quibusdam, tam vehementes (ait Gilbertus) sunt Ventorum eruptiones, ut injecta vestimenta, pannique, rursus magnâ vi efflentur, & altius in Aerem efferantur.

In

In *Aber Barry* juxta *Sabrinam* in *Walliâ*, in quodam clivo saxoso, in quo sunt foramina, si quis aurem apposuerit; Sonitus varios, & murmur flatuum sub terrâ exaudiet. 12.

Notavit *Acosta*, oppida *Plata* & *Potosæ* in *Peruviâ*, non longè esse distantia, et utrumque situm esse, in terrâ elevatâ, aut montanâ, ut in hoc non differant; & nihilominus habere *Potosam* temperaturam aeris frigidam, & hyemalem, *Platam* clementem, & vernam: id quod videtur *Argenti fodinis*, juxta *Potosam*, attribui posse; quod demonstrat esse spiracula terræ, quatenus ad calidum, & frigidum. *Phænomenon obliquum.*

Si terra sit primum frigidum, ut voluit *Parmenides*, (non contemnendâ usus sententiâ, cum frigus & densitas, arcto copulentur vinculo) non minus probabile est, ejici halitus calidiores, à frigore centrali terræ, quàm dejici à frigore Aeris sublimioris. 13.

Sunt quidam putei in *Dalmatiâ*, & Regione *Cyrenaicâ*, ut quidam ex Antiquis memorant, in quibus si dejiciatur lapis, excitantur paulò post tempestates, ac si lapis perfringeret operculum aliquod, in loco, ubi vis *Centurum* erat incarcerata. 14.

Flammæ evomunt *Ætna*, & complures Montes, similiter et Aerem erumpere posse consensientium est, præsertim calore in subterraneis dilatatum, et in motu positum. *Phænomenon obliquum.*

In terræ motibus, Ventos quosdam noxios, & peregrinos, & ante eruptionem, & postea flare, observatum est: ut fumi quidam minores, solent emitti ante, & post incendia magna. 15.

Aer in terrâ conclusus, erumpere ob varias causas compellitur. Quandoque *Massa* terræ malè coagmentata in Cavum terræ decedit: quandoque *Aquæ* se ingurgitant: quandoque expanditur Aer per ignes subterraneos, ut amplio rem locum querat: quandoque Terra, quæ antea solida erat, & concamerata, per ignes, in cineres versa, se amplius sustinere non potest, sed decedit: & complura id genus. *Monitum.*

Atque de primâ Origine locali Ventorum, videlicet è subterraneis, hæc inquisita sunt; Sequitur origo secunda, ex sublimi; nempè mediâ, quam appellant, regione Aeris.

At nemo tam malè, quæ dicta sunt, intelligat, quasi negemus, & reliquos Ventos, è terrâ, & mari, per vapores educi; Sed hoc prius genus erât, Ventorum qui exeunt è terrâ jam Ventiformati. *Monitum.*

Increbrescere murmur sylvarum, antequam manifestò percipiantur *Venti*, notatum est; ex quo conjicitur *Ventum* à superiore loco descendere; quod etiam observatur in Montibus (ut dictum est) sed causâ magis ambiguâ, propter cava montium. 16.

Stellas sagittantes, (ut loquimur,) & vibratas, sequitur *Ventus*; atque etiam ex eâ parte, ex quâ fit jaculatio; ex quo patet, aerem in alto commotum esse, antequam ille motus perveniat ad nos. 17.

Apertio cœli, & disgregatio nubium, præmonstrat *Ventos*, antequam fient in terrâ; quod itidem ostendit *Ventos* inchoari in alto. 18.

Stellæ exiguæ, antequam oriatur *Ventus*, non cernuntur, licet nocte serenâ; cum scilicet (ut videtur) densetur, & fit minus diaphanus Aer, propter materiam, quæ postea solvitur in *Ventos*. 19.

Circuli apparent circa corpus *Lunæ*; Sol quandoque Occidens conspicitur. 20.

conspicitur sanguineus; Luna rubicundior est in ortu quarto; & complura alia inveniuntur prognostica Ventorum in sublimi: (de quibus suo loco dicemus) quæ indicant materiam *Ventorum* ibi inchoari, & præparari.

21. In istis Phænomenis, notabis illam, de quâ diximus, differentiam, de duplici generatione *Ventorum*, in sublimi; nimirum ante congregationem vaporum in Nubem, & post. Nam prognostica Halonum, & colorum Solis & Lunæ, habent aliquid ex nube; at Jaculatio illa, & Occultatio stellarum exiguarum, fiunt in sereno.

22. Cùm *Ventus* prodit à nube formatâ, aut totaliter dissipatur nubes, & vertitur in *Ventum*; aut secernitur, partim in pluviam, partim in *Ventum*; aut scinditur, & erumpit *Ventus*, ut in procellâ.

23. Plurima sunt *Phænomena obliqua*, ubique in naturâ rerum, de repercussione per frigidum; Itaque cùm constet esse in mediâ regione Aeris, frigora valdè intensa, planum sit, vapores maximâ ex parte, ea loca perfringere non posse, quin aut coagulentur, aut vibrentur; secundum opinionem veterum, in hac parte sanam.

Tertia *Origolocalis Ventorum*, est eorum, qui hîc in inferiore Aere generantur, quos etiam Tumores, sive Super-operations Aeris appellamus. Res maximè familiaris; & tamen silentio transmissa.

Commentatio.

Horum Ventorum, qui conflantur in aere infimo, Generatio abstrusior aliqua res non est, quàm hæc ipsa. Quòd scilicet Aer, noviter factus ex aquâ, & vaporibus attenuatis, & resolutis, conjunctus cum aere priore, non potest contineri iisdem, quibus ante à spatio, sed excrescit, & volvitur, & ulteriora loca occupat. Hujus tamen rei duo sunt assumpta. Vnum, quod gutta Aquæ in aerem versa, (quicquid de decimâ proportionē Elementorum fabulentur,) centuplo, ad minus plus spatii desiderat, quàm prius; Alterum, quod parum Aeris novi, & moti, super-additum Aeri veteri, totum concutit, & in Motu ponit; ut videre est, ex pusillo Vento, qui ex foliis, aut rimâ fenestræ efflat, qui tamen totum Aerem in cubiculo in motu ponere possit; ut ex flammis lucernarum facillè apparet.

24. Quemadmodum rores, & nebulæ, hîc in aere infimo generantur, nunquam factæ nubes, nec ad mediam regionem penetrantes; eodem modo, & complures *Venti*.

25. Aura continua spirat circa maria, & aquas, quæ est *Ventus* pusillus, noviter factus.

26. Iris quæ est ex Meteôris quasi humillima, & generatur in proximo, quando non conspicitur integra, sed curtata, & quasi frustra ejus tantum in cornibus, solvitur in *Ventos*; æquè ac in pluviam, & magis.

27. Notatum est, esse quosdam *Ventos* in regionibus, quæ determinantur,

tur, & separantur per Montes intermedios; qui ex alterâ parte Montium spirant familiares, ad alteram non perveniunt, ex quo manifestum, eos generari, infra altitudinem ipsorum Montium.

Infiniti sunt *Venti*, qui spirant diebus ferenis; atq; etiam in Regionibus, ubi nunquam pluit; qui generantur ubi flant, nec nuquam erant nubes, aut in mediam regionem ascenderint.

28.

Quicunque nôrit, quàm facile vapor so'vatur in Aerem; & quàm ingens sit copia vaporum; & quantum spatium occupet gutta Aquæ versa in Aerem, præ eo quod antea occupabat (ut dictum est) & quàm modicum sustineat se comprimi Aer; non dubitabit quin necesse sit, etiam à superficie terræ, usque ad sublimia aeris, ubique generari Ventos. Neque enim fieri potest, ut magna copia vaporum, cum ceperint expandi, ad mediam Aeris regionem attolantur, absque Super-oneratione Aeris, & tumultu in viâ.

Phenomena obliqua.

Accidentales Generationes Ventorum.

Accidentales Generationes Ventorum eas vocamus, quæ non efficiunt, aut gignunt Motum impulsivum Ventorum, sed eum compressione acuiunt, percussione convertunt, Sinuatione agitant, & volvunt: quod fit per causas extrinsecas, & positionem Corporum adjunctorum.

Ad Artic. 9. Connexio.

In locis ubi sunt colles minùs elevati, & circa hos subsidunt vâles, & ultra ipsos, rursus colles altiores, major est agitatio Aeris; & sensus Ventorum, quàm aut in montanis, aut in planis.

1.

In urbibus, si sit aliquis locus paulò latior, & exitus angustiores, aut Angiportus, & Plateæ se invicem secantes; percipiuntur ibi Flatus, & Auræ.

2.

In Aedibus refrigeratoria per Ventos fiunt, aut occurrunt; ubi Aer est perflatilis, & ex unâ parte introit Aer, ex adverso exit; Sed multò magis, si Aer intrat ex diversis partibus, & facit concursum auræ ad Angulos, & habet exitum illi Angule communem; Etiam Conca-meratio cœnaculorum, & rotunditas, plurimum facit ad Auræ; quia repercutitur Aer commotus ad omnes lineas; Etiam Sinuatio porticum magis juvat, quàm si exporrigantur in recto; Flatus enim in recto, licet non concludatur, sed liberum habeat exitum, tamen non reddit Aerem, tam inæqualem, & voluminosum, & undantem, quam confluxus ad Angulos, & anfractus, & glomerationes in rotundo, & huiusmodi.

3.

Post magnas tempestates in Mari, continuatur *Ventus Accidental*

4.

ad

ad tempus, postquam *Originalis* refederit; factus ex collisione, & percussione Aeris, per undulationem fluctuum.

5. Reperitur vulgò in hortis, percussio *Venti*, à parietibus, & ædibus, & aggeribus; ita ut putaret quis, *Ventum* in contrariam partem spirare ejus, à quâ reverâ spirat.

6. Si Montes regionem, aliquâ ex parte, cingant, & *Ventus*, paulò diutius, ex plano contra montem spiraverit, fit, ut ipsâ percussione montis, aut contrahatur *Ventus* in pluviam, si fuerit humidior; aut vertatur in *Ventum* contrarium, sed qui brevi tempore duret.

7. In flexionibus Promonteriorum experiuntur Nautæ sæpiùs mutationes *Ventorum*.

Venti extraordinarii, & Flatus repentini.

Ad Artic. 10. Connexio. **D**E Ventis extraordinariis *sermocinantur quidam, & caussantur*; Ecnephîa sive procellâ, Vortice, Typhone, Prestere: *Sed rem non narrant, quæ certè ex Chronicis, & historiâ sparsâ, peti debet.*

1. *Repentini flatus*, nunquam cœlo sereno fiunt, sed semper nubilo, & cum imbre; ut eruptionem quandam fieri, & flatum excuti, aquas concuti, rectè putetur.

2. *Procellæ*, quæ fiunt cum nebulâ, aut caligine, quas Belluas vocant, quæque se sustinent, instar Columnæ, vehementes admodum sunt, & diræ navigantibus.

3. *Typhones* majores, qui per latitudinem aliquam notabilem corripiunt, & correpta sorbent in sursum, rarò fiunt; at *Vortices*, sive *Turbines* exigui, & quasi ludicri, frequenter.

4. Omnes *Procellæ*, & *Typhones*, & *Turbines* majores, habent manifestum motum præcipitii, aut vibrationis deorsum, magis quàm alii Venti; ut torrentum modò ruere videantur, & quasi per canales defluere, & postea à terrâ reverberari.

5. Fit in pratis, ut cumuli fœni, quândoque in altum ferantur, & tum instar Conopæi spargantur; etiam in agris, ut caules pisarum involutæ, & aristæ segetum demessæ, quin etiam lintea ad exsiccandum exposita, attollantur à *Turbinibus*, usque ad altitudinem Arborum, aut supra fastigia Ædium; hæcque fiunt, absque aliquo majore *Venti* impetu, aut vehementiâ.

6. At quândoque fiunt *Turbines* leves, & admodum angusti, etiam in sereno; ita ut Equitans, videat pulveres, vel paleas corripì, & verti propè se, neque tamen ipse magnòperè *Ventum* sentiat; quæ proculdubio

dubiò fiunt hic propè, ex auris contrariis se mutuò repellentibus, & circulationem aeris ex concussione facientibus.

Certum est, esse quosdam flatus qui manifesta vestigia relinquunt Aduſtionis, & Torrefactionis in plantis. At *preſterem*, qui est tanquam fulgur coccum, atque Aer fervens, sed sine flammâ; ad Inquisitionem de Fulgure rejicimus.

7.

Confacientia ad Ventos; Originales ſcilicet, nam de Accidentalibus, ſuprà inquitum eſt.

QUæ à veteribus, de Ventis, eorumque cauſis, dicta ſunt, con-
fuſa planè ſunt, & incerta, nec maximâ ex parte, verâ. Ne-
que mirum ſi non cernant clarè, qui non ſpectant propè. Lo-
quantur, ac ſi Ventus aliud quippiam eſſet, ſeparatum ab Aere
Moto; atque ac ſi Exhalationes generarent, & conficerent cor-
pus integrum Ventorum, atque ac ſi Materia Ventorum eſſet
Exhalatio tantum calida, & ſicca; Atque ac ſi origo Motus Ven-
torum, eſſet tantummodò dejectio, & percussio à frigore me-
diæ regionis: Omnia phantaſtica, & pro Arbitrio. Attamen ex
hujusmodi filis, magnas conficiunt telas: Operas ſcilicet Arane-
arum. At omnis Impulſio Aeris, eſt Ventus; Et Exhalationes per-
miſtæ Aeri, plus conferunt ad Motum, quàm ad Materiam; Et va-
pores humidi, ex calore proportionato, etiam faciliùs ſol-
vuntur in Ventum, quàm exhalationes ſiccæ; & complures Venti generantur
in Regione infimâ Aeris, & ex terrâ expirant, præter illos, qui deji-
ciuntur, & reperiuntur. Videamus qualis ſit ſermo rerum ipſarum.

Ad Artic.
11, 12, 13,
14, 15.
Connectio.

Rotatio naturalis Aeris (ut dictum eſt in Articulo de Ventis Gene-
ralibus) abſque cauſâ aliâ externâ, gignit Ventum perceptibilem in-
tra tropicos, ubi Aeris converſio fit per Circulos majores.

1.

Post Motum Aeris naturalem, antequam inquiramus de Sole, qui
eſt Genitor Ventorum præcipuus, videndum, num quid ſit tribuendum
Lunæ, & aliis Aſtris, ex experienciâ clarâ.

2.

Excitantur Venti magni, & fortes, nonnullis, ante Eclipſin Lunæ,
horis; ita ut ſi Luna deficiat medio noctis, ſient Venti vesperti præce-
dente; ſi Luna deficiat manè, ſient Venti medio noctis præcedente.

3.

In Peruvîâ, quæ regio eſt admodum flatilis, notat Acoſta, maximè
flare Ventos in Plenilunio.

4.

Dignum certè eſſet obſervatione, quid poſſint ſuper Ventos, Motus & Mandatum
tempora

tempora Lunæ, cum liquido possint super Aquas. Veluti, utrum Venti non sint paulò commotiores, in Pleniluniis, & Noviluniis, quàm in dimidiis, quemadmodum fit in Æstibus Aquarum: licèt enim quidam commodè fingant, Imperium Lunæ esse super Aquas; Solis verò, & Astrorum, super Aerem; tamen certum est, Aquam & Aerem esse corpora valdè homogenea; & Lunam, post Solem, purimum hîc apud nos posse, in omnibus.

5. Circa Conjunctiones Planetarum, non fugit hominum observationem flare Ventos majores.
6. Exortu Orionis, surgunt plerumque Venti, & tempestates variæ: sed videndum, annon hoc fiat, quia exortus ejus sit, eo tempore Anni, quod ad generationem Ventorum est maximè efficax; ut sit potius Concomitans quiddam, quàm Causa; quod etiam de ortu Hyadum, & Pleiadum, quoad imbres; & Arcturi, quoad tempestates, similiter meritò dubitari possit; De Lunâ, & Stellis, hæcenus.
7. Sol proculdubio est Efficiens primarius Ventorum plurimorum, operans per calorem, in Materiam duplicem: Corpus scilicet Aeris, & Vapores, sive Exhalationes.
8. Sol cum est potentior, Aerem, licèt purum, & absque immistione ullâ, dilatat fortasse ad tertiam partem, quæ res haud parva est. Itaque per simplicem dilatationem, necesse est ut oriatur Aura aliqua, in viis Solis; præsertim in magnis fervoribus, idque potius duas aut tres horas, post exortum ejus, quàm ipso mane.
9. In Europâ, noctes sunt Æstuosiores; in Peruvîâ, tres horæ Matutinae; ob unam eandemque causam; videlicet cessationem Aurarum, & Ventorum, illis horis.
10. In Vitro Ca'endari, Aer dilatatus deprimit aquam, tanquam flatu. At in vitro Pileato Aere tantummodo impleto, Aer dilatatus inflat vesicam, ut Ventus manifestus.
11. Experimentum fecimus in turri rotundâ, undique clausâ, hujus generis Venti. Nam foculum in medio ejus locavimus, cum prunis penitus ignitis, ut minus esset fumi; At à latere foculi in distantia nonnullâ, filum suspendimus, cum cruce ex plumis, ut facilè moveretur. Itaque post parvam moram, aucto calore, & dilatato Aere, agitabatur crux plumea cum filo suo, hinc inde, motu vario. Quin etiam facto foramine, in fenestrâ turris, exibat flatus calidus, neque ille continuus, sed per vices, & undulans.
12. Etiam receptio Aeris per frigus, à dilatatione, creat ejusmodi Ventum, sed debiliorem, ob minores vires frigoris; adeò ut in Peruvîâ, sub quavis parvâ umbrâ, non solum majus percipiatur refrigerium, quàm apud nos (per Antiperistasin) sed manifesta Aura ex receptione Aeris, quando subit umbram.
13. Atque de Vento, per meram dilatationem, aut receptionem Aeris factò, hæcenus.
Venti ex meris motibus Aeris, absque immistione Vaporum, lenes, & molles sunt. Videndum de Ventis vaporariis, (eos dicimus qui generantur à vaporibus) qui tantò illis alteris, possunt esse vehementiores; quantò dilatio guttæ aquæ, versæ in Aerem, excedit aliquam dilata-

dilatationem Aeris, jam facti : quod multis partibus facit, ut superius monstravimus.

Ventorum vaporariorum (qui sunt illi qui communiter flant) Efficiens est *Sol*, & calor ejus proportionatus: Materia; Vapores, & Exhalationes, qui vertuntur, & resolvuntur, in Aerem; Aerem inquam (non aliud quippiam ab Aere) sed tamen ab initio minus syn-
cerum. 14.

Solis calor exiguus non excitat vapores, itaque nec *Ventum*. 15.

Solis calor medius excitat vapores, nec tamen eos continuo dissipat. Itaque si magna fuerit ipsorum copia, coeunt in pluviam, aut simplicem, aut cum *Vento* conjunctam; si minor, vertuntur in *Ventum* simplicem. 16.

Solis calor in incremento, inclinatur magis ad generationem *Ventorum*; in decremento, *Pluviarum*. 17.

Solis calor intensus, & continuatus, attenuat, & dissipat vapores, eosque sublimat, atque interim Aeri æqualiter immiscet, & incorporat; unde Aer quietus fit, & serenus. 18.

Calor *Solis* magis æqualis, & continuus, minus aptus ad generationem *Ventorum*: magis inæqualis & alternans, magis aptus. Itaque in navigatione ad *Russiam*, minus affliguntur *Ventis*, quam in *Mari Britannico*, propter longos dies: at in *Peruvia* sub *Æquinoctio*, crebri *Venti*; ubi magnam inæqualitatem caloris, alternantem noctu, & interdiu. 19.

In Vaporibus, & Copia spectatur, & Qualitas: Copia parva gignit auras lenes; media *Ventos* fortiores; magna aggravat Aerem, & gignit pluvias, vel tranquillos, vel cum *Ventis*. 20.

Vapores ex mari, & Amnibus, & paludibus inundatis, longè majorem copiam gignunt *Ventorum*, quam Halitus terrestres. Attamen, qui à terrâ, & locis minus humidis, gignuntur *Venti*, sunt magis obstinati, & diutius durant, & sunt illi ferè, qui dejiciuntur ex alto, ut opinio Veterum, in hac parte, non fuerit omnino inutilis: nisi quod placuit illis, tanquam divisâ hereditate, assignare vaporibus pluvias, & *Ventis* solummodò Exhalationes; & hujusmodi pulchra dictu, re inania. 21.

Venti ex resolutionibus nivium jacentium super montes, sunt ferè medii inter *Ventos* Aquaticos, & Terrestris, sed magis inclinant ad Aquaticos; sed tamen sunt acriores, & mobiliore. 22.

Solutio nivium in montibus Nivalibus (ut priùs notavimus) semper inducit *Ventos Statos*, ex eâ parte. 23.

Etiam *Anniversarii Aquilones*, circa Exortum Caniculæ, existimantur venire à Mari glaciali, & partibus circa circulum Arcticum, ubi seræ sunt solutiones Glaciei, & Nivium, Æstatè tum valdè adultâ. 24.

Moles, five Montes glaciales, quæ devehuntur versus *Canadam*, & terram *Piscationis*, magis gignunt Auras quasdam frigidas, quam *Ventos* mobiles. 25.

Venti, qui ex terris sabulosis, aut Cretaceis proveniunt, sunt pauci, & sicci; iidem in regionibus calidioribus, æstuosi, & fumei, & torridi. 26.

27. *Venti* ex vaporibus Marinis, faciliùs abeunt retrò in pluviam, aquâ jus suum repetente, & vindicante; aut si hoc non conceditur, miscentur protinùs Aeri, & quietem agunt. At Halitus terrei, & fumei, & unctuosi, & solvuntur ægriùs, & ascendunt altius, & magis irritati sunt in suo motu, & sæpè penetrant mediam regionem Aeris, & sunt aliqua materia meteororum ignitorum.
28. Traditur apud nos in *Angliâ*, temporibus, cum *Gasconia* esset hujus ditionis, exhibitum fuisse *Regi* libellum supplicem, per subditos suos *Burdegaliæ*, & confinium; petendo ut prohiberetur Incensio Ericæ in *Agris Suffexi*, & *Hamptoniæ*, quia gigneret *Ventum* circa finem *Aprilis*, vineis suis exitiabilem.
29. Concurfus *Ventorum*, ad invicem, si fuerint fortes, gignunt *Ventos* vehementes, & vorticosos; si lenes, & humidi, gignunt pluviam, & sedant *Ventos*.
30. Sedantur & coercentur *Venti*, quinque modis; cum aut Aer, vaporibus oneratus, & tumultuans, liberatur, vaporibus se contrahentibus in pluviam: Aut cum vapores dissipantur, & fiunt subtiliores, unde permiscentur Aeri, & bellè cum ipso conveniunt, & quietè degunt: Aut cum Vapores, sive halitus exaltantur, & sublimantur in altum, adeò ut requies sit ab ipsis, donec à mediâ regione Aeris dejiciantur, aut eam penetrent: aut cum vapores, coacti in nubes, ab aliis *Ventis* in alto spirantibus, transvehuntur in alias regiones, ut pax sit ab ipsis, in regionibus, quas prætervolant: Aut denique, cum *Venti* à fomitis suis spirantes, longo itinere, nec succedente novâ materiâ, languescunt, & impetu suo destituuntur, & quasi expirant.
31. Imbres plerunque *Ventos* sedant, præsertim procellosos, ut & *Venti* contrâ sæpiùs detinent Imbrem.
32. Contrahunt se *Venti* in pluviam (qui est primus ex quinque sedandi modis, isque præcipuus) aut ipso onere gravati, cum vapores sunt copiosi; aut propter contrarios motus *Ventorum*, modò sint placidi: aut propter obices Montium, & Promonteriorum, quæ sistunt impetum *Ventorum*, eosque paulatim in se vertunt; aut per frigora intensiora, unde condensantur.
33. Solent plerunque *Venti*, minores & leviores, manè oriri, & cum Sole decumbere, sufficiente Condensatione Aeris nocturnâ, ad receptionem eorum. Aer enim nonnullam compressionem patitur, absque tumultu.
34. Sonitus Campanarum existimatur Tonitrua, & Fulgura dissipare. De *Ventis* non venit in observationem.
- Monitum.* Consule locum de Prognosticis Ventorum; est enim nonnulla Connexio Causarum, & Signorum.
35. Narrat *Plinius Turbinis* vehementiam, aspersione Aceti in occursum ejus, compesci.

Limites

Limites Ventorum.

T Raditur de Monte *Attho*, & similiter de *Olympo*, consuevisse sacrificantes, in *Aris*, super fastigia ipsorum extructis, literas exarare in Cineribus sacrificiorum, & postea redeuntes, elapso anno, (nam Anniversaria erant sacrificia) easdem literas reperisse neququam turbatas, aut confusas, etiamsi *Aræ* illæ non starent in Templo aliquo, sed sub dio: unde manifestum erat, in tantâ altitudine, neque cecidisse *Imbrem*, neque spirasse *Ventum*. Ad Artic. 16. 17. 18.

Referunt in fastigio *Pici* de *Tenariph*, atque etiam in *Andibus*, inter *Peruviam* & *Chilem* nives subjacere per clivos, & latera Montium; at in ipsis cacuminibus, nil aliud esse quàm Aerem quietum, vix spirabilem propter tenuitatem, qui etiam acrimoniâ quâdam, & os stomachi, & oculos pungat, inducendo illi nauseam, his suffusionem, & ruborem. 1.

Venti Vaporarii, non videntur in aliquâ majore altitudine flare; cum tamen probabile sit, aliquos ipsorum altiùs ascendere, quam pleræque Nubes. De *Altitudine* hætenus, de *Latitudine* videndum. 2.

Certum est spatia, quæ occupant *Venti*, admodum varia esse, interdum amplissima, interdum pusilla, & angusta. Deprehensi sunt *Venti* occupasse spatium Centenorum milliarium, cum paucarum horarum differentiâ. 3.

Spatiosi *Venti* (si sint ex *Liberis*) plerunque vehementes sunt, non lenes; Sunt etiam diuturniores, & ferè 24. horas durant. Sunt itidem minùs pluviosi. Angusti contra, aut lenes sunt, aut procellofi; at semper breves. 4.

Stati Venti sunt itinerarii, & longissima spatia occupant. 5.

Venti procellofi non extenduntur per larga spatia, licèt semper evagentur ultra spatia ipsius procellæ. 6.

Marini Venti, intra spatia angustiora multò quàm *Terrestres*, spirant; in tantum, ut in *Mari*, aliquando conspiciatur, Auram satis alacrem, aliquam partem *Aquarum* occupare, (id quod ex crispatione *Aquæ*, facillè cernitur,) cum undique sit malacia, & *Aqua* instar speculi plana. 7.

Pusilli (ut dictum est) *Turbines* ludunt quandoque coram *Equitantibus*, instar ferè ventorum ex foliis. 8.

De *latitudine* hætenus; de *Duratiõne* videndum.

Duratiõnes ventorum, valde vehementium, in *Mari* longiores sunt, sufficiente copiâ vaporum; in *Terrâ*, vix ultrà diem, & dimidiam extenduntur. 9.

Venti valdè lenes, nec in *Mari*, nec in *Terrâ*, ultra triduum, constanter flant. 10.

Non solum *Eurus Zephyro* magis est durabilis, (quod alibi posuimus) sed etiam, quicumque ille *Ventus* sit, qui manè spirare incipit, magis durabilis solet esse illo, qui surgit vesperi. 11.

Certum est, *Ventos* insurgere, & augeri gradatim, (nisi fuerint meræ *Procellæ*;) at decumbere celerius, interdum quasi subito. 12.

Successiones Ventorum.

- Ad Artic. 19.* **S**I *Ventus* se mutet, conformitèr ad Motum Solis, id est, ab *Euro* ad *Austrum*; ab *Austro* ad *Zephyrum*; à *Zephyro* ad *Boream*; à *Boreâ* ad *Eurum*; non revertitur plerunque; aut si hoc facit, fit ad breve tempus. Si vero in contrarium Motûs Solis, scilicet ab *Euro* ad *Boream*; à *Boreâ* ad *Zephyrum*, à *Zephyro* ad *Austrum*, ab *Austro* ad *Eurum*; plerunque restituitur ad plagam priorem, saltem antequam confecerit Circulum integrum.
2. Si pluvia primum incœperit, & postea cœperit flare *Ventus*; *Ventus* ille pluviae superstes erit. Quod si primò flaverit *Ventus*, postea à pluvia occiderit, non re-oritur plerunque *Ventus*, & si facit, sequitur pluvia nova.
3. Si *Venti* paucis horis varient, & tanquam experiantur, & deinde cœperint constanter flare, *Ventus* ille durabit in dies plures.
4. Si *Auster* cœperit flare dies duos, vel tres, *Boreas* quandoque post eum subito spirabit: Quod si *Boreas* spiraverit totidem dies, non spirabit *Auster*, donec *ventus* paulispèr ab *Euro* flarit.
5. Cum Annus inclinârit, & post Autumnum Hyems inceperit, si incipiente hyeme spiraverit *Auster*, & postea *Boreas*, erit Hyems glacialis; sin sub initis hyemis spiraverit *Boreas*, postea *Auster*, erit Hyems clemens, & tepidus.
6. *Plinius* citat *Endoxum*, quod series *ventorum* redeat post quadriennium; quod verum minimè videtur; neque enim tam celeres sunt revolutiones. Illud ex aliquorum diligentia notatum est, tempestates grandiores, & insigniores, (Fervorum, Nivium, Congelationum, Hyemum tepidarum, Æstatum gelidarum) redire plerunque ad Circuitum Annorum 35.

Motus Ventorum.

Ad Artic.
22, 23, 24,
25, 26, 27.
Connexio.

LOQUUNTUR homines, ac si *Ventus* esset corpus aliquod per se, atque impetu suo, Aerem ante se ageret, & impelleret; Etiam cum *Ventus* locum mutet, loquuntur ac si idem *Ventus*, se in alium locum transferret. Hæc verò cum loquuntur plebei, tamen Philosophi ipsi, remedium hujusmodi opinionibus non præbent; sed & illi quoque balbutiunt, neque erroribus istis occurrunt.

Inqui-

Inquirendum igitur, & de Excitatione Motûs in *Ventis*, & de Directione ejus, cùm de *Originibus localibus* jam inquisitum sit. Atque de iis *ventis*, qui habent principium motûs, in suâ primâ Impulsione, ut in iis, qui dejiciuntur ex alto, aut efflant è terrâ, Excitatio motûs est manifesta : alteri sub initiis suis descendunt, alteri ascendunt, & postea ex resistantiâ Aeris, fiunt voluminosi, maximè secundum angulos violentiæ suæ. At de illis, quæ conflantur ubique in Aere inferiore (qui sunt omnium *ventorum* frequentissimi) obscurior videtur inquisitio, cum tamen res sit vulgaris, ut in Commentatione, sub Articulo octavo declaravimus.

Etiam hujus rei Imaginem, reperimus in illâ turri oclusâ, de quâ paulò antè. Tribus enim modis, illud *Experimentum* variavimus. Primus erat is, de quo suprâ diximus, Foculus ex prunis antè ignitis, & claris. Secundus erat Lebes Aquæ ferventis, remoto illo Foculo, Atque tum erat Motus Crucis plumæ, magis hebes, & piger, quam ex Foculo prunarum, hærente in Aere, rore vaporis aquei, nec dissipato in materiam *venti*, propter imbecillitatem caloris. At tertius erat ex utrisque simul, Foculo, & Lebe; Tum verò longè maxima erat Crucis plumæ agitatio, adeo ut quandoque illam in sursum verteret, instar pusilli Turbinis; Aquâ scilicet præbente copiam vaporis, & Foculo, qui astat, eum dissipante.

Itaque *Excitationis* Motûs in *ventis*, causa est præcipua, superoneratio Aeris, ex novâ accessione Aeris, facti ex vaporibus. Iam de *Directione* Motus videndum, & de *Verticitate*, quæ est *Directionis* Mutatio.

Directionem Motûs progressivi *ventorum*, regunt fomites sui, qui sunt similes fontibus Amnium; loca scilicet, ubi magna reperitur copia vaporum, ibi enim est *Patria Ventis*. Postquam autem invenerint currentem, ubi Aer minimè resistit, (sicut Aqua invenit declivitatem,) tum quicquid inveniunt similis materiæ in viâ, in consortium recipiunt, & suo currenti miscent; quemadmodum faciunt & Amnes; Itaque *venti* spirant semper à parte Fomitum suorum.

Vbi non sunt Fomites insignes, in aliquo loco certo, vagantur admodum *venti*, & facillè currentem suum mutant; ut in medio Mari, & Campestribus terræ latis.

Ubi magni sunt Fomites *Ventorum*, in uno loco, sed in locis progressûs sui parvæ accessiones, ibi *venti* fortitè flant, sub initiis, & paulatim flaccescunt; ubi contrâ, Fomites magis continui, leniores sunt sub initiis, & postea augentur.

Sunt Fomites mobiles *ventorum*, scilicet in nubibus; qui sæpe à *ventis*, in alto spirantibus, transportantur in loca procul distantia, à Fomitibus vaporum, ex quibus generatæ sunt illæ Nubes; Tum verò incipit esse Fomes *venti*, ex parte, ubi Nubes incipiunt solvi in *ventum*.

At *Verticitas Ventorum*, non fit eò quod *Ventus* priùs flans, se transferat; sed quod ille, aut occiderit, aut ab altero *vento* in ordinem redactus sit; Atque totum hoc negotium pendet ex varijs colloca-

bus Fomitum *Ventorum*, & varietate temporum, quando vapores ex hujusmodi Fomitibus manantes solvuntur.

9. Si fuerint Fomites *Ventorum*, à partibus contrariis, veluti alter Fomes ab *Austro*, alter à *Boreâ*, prævalebit scilicet *Ventus* fortior, neque erunt *Venti* contrarii, sed *Ventus* fortior continuo spirabit, ita tamen ut à *Vento* imbecilliore nonnihil hebetetur, & dometur; ut fit in Amnibus, accedente fluxu Maris; Nam motus maris prævalet, & est unicus, sed à Motu fluvij nonnihil frænatur. Quod si ita acciderit, ut alter ex illis *Ventis* contrariis, qui primùm fortior fuerat, succumbat, tum subito spirabit *Ventus* à parte contrariâ, unde & antè spirabat, sed latitabat, sub potestate majoris.

10. Si Fomes (Exempli gratiâ) fuerit ad *Euro-boream*, spirabit scilicet *Euro-boreas*. Quod si fuerint duo Fomites *Ventorum*, alter ad *Eurum*, alter ad *Boream*, ij *Venti* ad aliquem tractum spirabunt separatim; At post Angulum confluentiæ, spirabunt ad *Euroboream*, aut cum inclinatione, prout alter Fomes fuerit fortior.

11. Si sit Fomes *Venti* ex parte *Boreali*, qui distet ab aliquâ regione 20. Milliaribus, & sit fortior, alter ex parte *Orientali*, qui distet 10. Milliaribus, & sit debilior, spirabit tamen ad aliquas horas *Eurus*; paulò post (nimirum post emensum iter) *Boreas*.

12. Si spiret *Boreas*, atque occurrat ab Occidente Mons aliquis; Spirabit paulò post *Euro-boreas*, compositus scilicet ex *Vento* originali, & percusso.

13. Si sit Fomes *Ventorum* in terrâ, à parte *Boreâ*, halitus autem ejus feratur rectâ sursùm, & inveniat nubem gelidam ab Occidente, quæ eam in adversum detrudat, spirabit *Euro-boreas*.

Monitum. Fomites *Ventorum*, in Terrâ & Mari, sunt stabiles, ita ut fons & origo ipsorum, melius percipiat: at Fomites *Ventorum* in Nubibus, sunt mobiles; adeò ut alibi suppeditetur Materia *Ventorum*, alibi verò ipsi formentur; id quod efficit Directionem Motûs in *Ventis* magis confusam, & incertam.

Hæc Exempli gratiâ adduximus; similia simili modo se habent: Atque de Directione Motûs *Ventorum*, hætenus. At de Longitudine, & tanquam Itinerario *Ventorum*, videndum; licet de hoc ipso, paulò antè, sub nomine latitudinis *Ventorum*, inquisitum videri possit. Nam & Latitudo, pro Longitudine, ab imperitis haberi possit, si majora spatia *Venti* ex latere occupent, quàm in longitudine progrediantur.

14. Si verum sit, *Columbum* ex oris *Lusitaniæ*, per *Ventos Stator* ab Occidente, de *Continente* in *Americâ*, judicium fecisse, longo certè itinere possint commeari *Venti*.

15. Si verum sit Solutionem *Nivium*, circa *Mare glaciale*, & *Scandiam* excitare *Aquilones*, in *Italiâ* & *Græciâ*, &c. diebus *Canicularibus*, longa certè sunt spatia.

16. Quantò citiùs in Consecutione, in quâ *ventus* movet, (Exempli gratiâ, si sit *Eurus*) veniat tempestas, ad locum aliquem ab oriente, quantò verò tardiùs ab Occidente, non-dum venit in observationem. De Motu *ventorum* in progressu hætenus; videndum jam de undulatione *ventorum*.

Undulatio

Undulatio ventorum ad parva momenta fit : adeò ut centies in horâ, ad minùs, *ventus* (licet fortis) se suscitet, & alternatim remittat, ex quo liqueat inæqualem esse impetum *ventorum* ; Nam nec Flumina, licet rapida, nec Currentes in mari, licet robusti, undulant, nisi accedente flatu *ventorum* ; Neque ipsa illa *undulatio ventorum* aliquid æqualitatis habet in se ; Nam instar pulsûs manûs, aliquandò intercurrit, aliquandò intermittit.

Undulatio Aeris, in eo differt, ab *undulatione Aquarum*, quod in Aquis, postquam fluctus sublatis fuerint in altum, sponte rursus decidunt ad planum, ex quo fit, ut (quicquid dicant *Poetae* exaggerando tempestates, quod *undæ attollantur in Cælum, & descendant in Tartarum*) tamen descensus undarum, non multum præcipitetur, ultra planum, & superficiem Aquarum. At in *undulatione Aeris*, ubi deest motus gravitatis ; deprimitur, & attollitur Aer, ferè ex æquo. De *undulatione* hætenus : jam de *Motu Consiuctus* inquirendum est.

De *Consiuctu Ventorum*, & compositis Currentibus, jam partim inquisitum est. Planè constat, *Ubiquetarios* esse *ventos*, præsertim leniores : id quod manifestum etiam ex hoc, quod patiti sunt dies, aut horæ, in quibus non spirent Auræ aliquæ lenes, in locis liberis, idq; satis inconstantè, & variè. Nam venti, qui non proveniunt ex Fomitibus majoribus, vagabundi sunt, & volubiles, altero cum altero quasi ludente, modò impellente, modò fugiente.

Visum est nonnunquam in Mari, advenisse duos ventos simul ex contrariis partibus, id quod ex perturbatione superficie Aquæ ab utraque parte, atq; tranquillitate Aquæ in medio inter eos, facile erat conspiciere : postquam autem concurrissent illi *venti* contrarii, aliàs secutam esse tranquillitatem, in Aquâ undique, cum scilicet *venti* se ex æquo fregissent, aliàs continuatam esse perturbationem Aquæ, cum scilicet fortior *ventus* prævaluisset.

Certum est in Montibus *Peruvianis*, sæpe accidere, ut *venti*, eodem tempore, super Montes ex unâ parte spirent, in vallibus in contrarium.

Itidem certum apud nos, Nubes in unam partem ferri, cum *ventus* à contrariâ parte flet, hîc in proximo.

Quin & illud certum, aliquando cerni Nubes altiores, supervolare Nubes humiliores ; atque ita, ut in diversas, aut etiam in contrarias partes abeant, tanquam Currentibus adversis.

Itidem certum, quandoquæ in superiore Aere, *ventos* nec distrahi, nec promoveri ; cum hic infra ad Sèmi-milliare ; infano ferantur impetu.

Certum etiam è contrâ, esse aliquando tranquillitatem infra, cum supernè Nubes ferantur satis alacritèr ; sed id rarius est.

Etiam in fluctibus, quandoque supernatans Aqua, quandoque demersa, incitatior est ; quin etiam fiunt (sed raro) varii Currentes Aquæ, quæ voluntur *suprà, & quæ labitur in imo*.

Phænomena obliquum.

Neque prorsus contemnenda illa testimonia *Virgîi*, cum Naturalis Philosophiæ non fuerit ipse omnino imperitus.

Vna Euris Notusq; ruunt, crebergq; procellis,

Africus.

18.

19.

20.

22.

21.

23.

24.

25.

26.

Africus. ———

Et rursus.

Omnia ventorum concurrere praelia vidi.

De *Motibus ventorum*, in Naturâ rerum, inquisitum est : Videntur de *Motibus* eorum in *Machinis humanis* ; Ante omnia in *Velis Navium*.

Motus Ventorum in velis Navium.

1. **I**N *Navibus* majoribus *Britannicis* (eas enim ad exemplum delegimus,) quatuor sunt *Mali*, aliquando quinque ; omnes in lineâ rectâ per medium *Navis* ductâ, alteri post alteros, erecti. Eos sic nominabimus.
2. *Malum principem*, qui in medio *Navis* est: *Malum Proræ* : *Malum Puppis* (qui aliquando est geminus) & *Malum Rostri*.
3. Habent singuli *Mali* plures portiones ; quæ sustolli, & per certos *Nodos*, aut articulos figi, & similiter auferri possunt ; alii tres, alii duas tantum.
4. *Malus Rostri* stat ab inferiori *Nodo*, inclinatus versus mare, à superiori, rectus ; reliqui omnes *Mali* stant recti.
5. His *Malis* superimpendent *Vela* decem, & quando *Malus Puppis* geminatur, duodecim. *Malus Princeps*, & *Malus Proræ* tres habent *Ordines velorum*. Eos sic nominabimus. *Velum ab infra*, *velum à suprâ*, & *velum à summo*. Reliqui habent duos tantum, carentes *velo à summo*.
6. *Vela* extenduntur in transversum, juxta verticem cujusque *Nodi Mali*, per ligna quæ *Antennas*, vel virgâs dicimus, quibus suprema *velorum* assuuntur, ima ligantur funibus ad angulos tantum ; *vela* scilicet *ab infra*, ad latera *Navis*, *vela à suprâ*, aut *à summo*, ad *antennas* contiguas. Trahuntur etiam aut vertuntur iisdem funibus, in alterutrum latus, ad placitum.
7. *Antenna* sive virga cujusque *Mali* in transversum porrigitur. Sed in *Malis Puppis*, ex obliquo, altero fine ejus elevato, altero depresso ; in cæteris in recto, ad similitudinem literæ *Tau*.
8. *Vela ab infra*, quatenus ad *vela Principis*, *Proræ*, & *Rostri*, sunt figuræ Quadrangularis, Parallelogrammæ : *vela à suprâ*, & *à summo*, nonnihil acuminata, sive surgentia in arcum ; at ex *velis puppis*, quod à *suprà*, acuminatum, quod *ab infra*, triangulare.
9. In *Navis*, quæ erat mille & centum amphorarum, atque habebat in longitudine, in carinâ, pedes 112, in latitudine, in alveo 40, *velum ab infra*, *Mali Principis*, continebat in altitudine, pedes 42, in latitudine, pedes 87.

- Velum à suprâ ejusdem Mali*, habebat in altitudine pedes 50, in latitudine pedes 84, ad basim; pedes 42, ad fastigium. 10.
- Velum à summo*, in altitudine pedes 27; in latitudine, pedes 42, ad basim; 21, ad fastigium. 11.
- In *Malo Proræ*, *velum ab infrâ*, habebat in altitudine, pedes 40, cum dimidio, in latitudine pedes 72. 12.
- Velum à suprâ* in altitudine pedes 46, cum dimidio; in latitudine pedes 69, ad basim, 36, ad fastigium. 13.
- Velum à summo*, in altitudine pedes 24, in latitudine, pedes 36, ad basim, 18, ad fastigium. 14.
- In *Malo Puppis*, *velum ab infrâ*, habebat in altitudine, à parte antennæ elevatâ, pedes 51. in latitudine, qua jungitur antennæ, pedes 72, reliquo desinente in acutum. 15.
- Velum à suprâ*, in altitudine pedes 30, in latitudine, pedes 57, ad basim, 30, ad cacumen. 16.
- Si geminetur *Malus Puppis*, in posteriore, vela minuuntur ab anteriore, ad partem circiter quintam. 17.
- In *Malo Rostri*, *velum ab infrâ*, habebat in altitudine, pedes 28, cum dimidio; in latitudine, pedes 60. 18.
- Velum à suprâ*, in altitudine, pedes 25, cum dimidio, in latitudine, pedes 60, ad basim; 30, ad fastigium. 19.
- Variant proportiones *Malorum & velorum*, non tantum, pro magnitudine *Navium*, verum etiam pro variis earum usibus, ad quos ædificantur; ad pugnam; ad mercaturam, ad velocitatem, & cætera. Verum nullo modo convenit proportio dimensionis *Velorum* ad numerum amphorarum, cum *Navis* quingentarum Amphorarum, aut circiter, portet *velum ab infrâ principis Mali*, paucos pedes minus undique, quàm illa altera, quæ erat duplicis magnitudinis. Unde fit, ut minores *Naves* longè præstent celeritatè majoribus, non tantum propter levitatem, sed etiam propter amplitudinem *Velorum*, habito respectu ad corpus *Navis*: nam proportionem illam continuare in *Navibus* majoribus, nimis vasta res esset, & inhabilis. 20.
- Cum singula *vela* per summa extendantur, per ima ligentur tantum ad angulos; *ventus* necessario facit *vela* intumescere, præsertim versus ima, ubi sunt laxiora. 21.
- Longè autem major est tumor *veli*, in *velis* ab infrâ, quàm in cæteris, quia non solum parallelogramma sunt, cætera acuminata; verum etiam, quia latitudo *antennæ* tantò excedit latitudinem laterum *navis*, ad quæ alligantur, unde necesse est, propter laxitatem, magnum dari receptum *ventis*: adeo ut, in illâ magnâ, quam exempli loco sumpsimus, *navi*, tumor in *Vento recto* possit esse ad 9. aut 10. pedes introrsum. 22.
- Fit etiam, ob eandem causam, quod *vela* omnia à *Vento* tumefacta, ad imum colligant se in arcus, adeo ut multum *Venti*, præterlabi, necesse sit: in tantum, ut in illâ, quam diximus, *navi*, arcus ille ad staturam hominis accedat. 23.
- At in *Velo puppis* illo triangulari, necesse est ut minor sit tumor, quàm 24.

quàm in quadrangulari ; tum propter figuram minùs capacem, tum quia in quadrangulari tria latera laxa sunt, in triangulari duo tantùm, unde sequitur, quod *Ventus* excipiat magis rigidè.

25. Motus *Ventorum* in *velis*, quo magis accedat ad *Rostrium Navis*, est fortior, & promovet magis ; tum quia fit in loco, ubi undæ, propter acumen *proræ*, facillimè secantur ; tum maximè, quia Motus à *prorâ*, trahit navem ; Motus à *puppi*, trudit.
26. Motus *Ventorum* in *velis superiorum ordinum*, promovet magis, quàm in *Velis ordinis inferioris* ; quia Motus violentus maximè efficax est, ubi plurimum removetur à resistentiâ, ut in vectibus & *velis molendinorum*. Sed periculum est demersionis, aut everisionis *navis* ; itaque & acuminata sunt illa, ne *Ventos* nimios excipiant, & in usu præcipuè, cum spirent *Venti* leniores.
27. Cum *vela* collocentur in rectâ lineâ, altera post altera, necesse est, ut quæ posteriùs constituentur, suffurentur *Ventum* à prioribus, cum *Ventus* flet rectâ : itaque si omnia simul fuerint erecta, tamen vis *Venti* ferè tantùm locum habet, in *velis mali principis*, cum parvo auxilio, *veli ab infrâ*, in *Malo Rostri*.
28. Fœlicissima & commodissima dispositio *velorum*, in *Vento recto*, ea est ; ut *vela* duo inferiora *mali proræ* erigantur ; ibi enim, (ut dictum est) Motus est maximè efficax : erigatur etiam *Velum* à *suprà Mali principis* : relinquitur enim spatium tantùm subter, ut *Ventus* sufficere possit, *velis prædictis proræ*, absque suffuratione notabili.
29. Propter illam, quam diximus, suffurationem *Ventorum*, celerior est navigatio, cum *Vento laterali*, quàm cum *recto*. *Laterali* enim flante, omnia *vela* in opere poni possunt ; quia latera sibi invicem obvertunt, nec altera altera impediunt, neque fit furtum.
30. Etiam flante *vento laterali*, *vela* rigidius in adversum *Venti* extenduntur, quod *Ventum* comprimit nonnihil, & immittit in eam partem, ubi flare debet : unde nonnihil fortitudinis acquirit. *Ventus* autem maximè propitius est, qui flat in quadrâ, inter rectum & lateralem.
31. *Velum ab infrâ*, *Mali Rostri* vix unquam posset esse inutile, neque enim patitur furtum, quando colligat *Ventum* qui flat undequaque, circa latera navis, & subter *vela* cætera.
32. Spectatur in Motu *Ventorum* in *navibus* tum Impulsio, tum Directio. At Directio illa quæ fit per *clavum*, non inultum pertinet, ad Inquisitionem præsentem, nisi quatenus habeat connexionem, cum Motu *Ventorum* in *Velis*.

Connexio

Ut Motus Impulsionis in vigore est in Prorâ, ita motus Directionis in puppi ; itaque ad eum, velum ab infrâ Mali puppis, est maximi momenti ; & quasi copiam præbet auxiliarem clavo.

33. Cum *Pyxis nautica* in plagas 32. distribuatur, adeò ut semicirculi ejus sint plagæ sedecim, potest fieri Navigatio progressiva (non angularata, quæ fieri solet in *ventis* planè contrariis,) etiam si ex illis sedecim partibus, decem fuerint adversæ, & sex tantùm favorabiles ; at
ea,

ea Navigatio, multum pendet ex *velo ab infra mali puppis* : Cùm enim *Venti* partes contrariæ itineri, quia sunt præpotentes, & *Clavo* solo regi non possunt, alia vela obversuræ forent, unâ cum *Navi* ipsâ, in partem contrariam itineris, illud *velum* rigidè extensum, ex opposito favens *Clavo*, & ejus motum fortificans, vertit & quasi circumfert *Proram* in viam itineris.

Omnis *Ventus* in *velis* nonnihil aggravât, & deprimit *Navem* ; tantôque magis, quò flaverit magis desupèr. Itaque tempestatibus majoribus, primò devolvunt Antennas, & auferunt *vela* superiora, deinde, si opus fuerit, omnia ; Etiam *Malos* ipsos incidunt ; quin & projiciunt onera mercium, tormentorum, &c. ut allevent *Navem*, ad supernatandum & præstandum obsequia undis.

Potest fieri per motum istum *Ventorum* in *velis navium* (si ventus fuerit alacris, & secundus,) progressus in itinere, 120 Milliarium *Italicorum* intra spatium 24. horarum ; idque in *Navi mercatoriâ* ; sunt enim *Naves* quædam *Nunciae*, quæ ad Officium celeritatis appositè constructæ sunt, (quas *Caruvellas* vocant) quæ etiam majora spatia vincere possunt. At cùm *venti* planè contrarii sint, remedio ad iter promovendum utuntur hoc ultimo, & pusillo : ut procedant lateralitèr, prout *ventus* permittit extra viam itineris, deinde flectant se versus iter, atque angulares istos progressus repetant ; Ex quo genere progressus (quod est minus quàm ipsum serpere, nam serpentes sinuant, at illi angulos faciunt) poterint fortassè intra 24. horas, vincere milliarια quindecim.

34.

35.

Observationes Majores.

MOTUS iste Ventorum, in Velis Navium, habet Impulsionis suæ tria præcipuè Capita, & Fontes, unde fluit ; unde etiam præcepta sumi possint, ad eum augendum, & fortificandum.

Primus Fons est ex Quanto Venti, qui excipitur. Nam nemi-
ni dubium esse possit, quin plus Venti magis conferat, quàm minus. Itaque Quantum ipsum Venti procurandum diligenter. Id fiet, si instar patrum familiæ prudentiorum, & frugi simus, & à furto caveamus. Quare quantum fieri potest, nil Venti disperdatur, aut effundatur ; nil etiam surripiatur.

Ventus aut supra latera Navium flat, aut infra, usque ad Arcem Maris. Atque ut homines providi, solent etiam circa minima quæque magis curare, (quia majora nemo non curare potest,) ita de istis inferioribus,

1.

2.

3.

inferioribus Ventis (qui proculdubio non tantum possunt, quantum superiores) primò videndum.

4. *Ad Ventos, qui circum latera Navium, & subter vela ipsarum potissimum flant; planè est officium veli ab intrà Mali rostri, quæ inclinata est, & depressa, ut excipiantur; ne fiat dispendium, & jactura venti. Idque & per se predest, & ventis, qui reliquis velis ministrant, nil obest: Circa hoc, non video quid ulterius per diligentiam humanam fieri possit, nisi fortè etiam ex medio Navis, similia vela humilia adhibeantur, instar Pinnarum, aut Alarum, ex utroque latere gemina, cum ventus est rectus.*
5. *At quod ad cavendum de furto attinet, quod sit, cum vela posteriora ventum ab anterioribus surripiant, in vento recto; (nam in Laterali omnia vela cooperantur;) non video quid addi possit diligentie humane; nisi fortè, ut flante vento recto, fiat scala quædam velorum, ut posteriora vela à Malo puppis sint humillima, media à Malo principis mediocria, anteriora à Malo proræ celsissima; ut alterum velum alterum non impediat, sed potius adjuvet, & ventum tradat, & transmittat. Atque de primo Fonte Impulsionis, hæc observata sint.*
6. *Secundus fons Impulsionis, est ex Modo percussione veli, per ventum; quæ si propter ventum contractum sit acuta, & rapida, movebit magis; si obtusa, & languida, minus.*
7. *Quod ad hoc attinet, plurimum interest ut vela mediocrem extensionem, & tumorem recipiant: nam si extendantur rigide, instar Parietis ventum reperiunt; si laxè, debilis sit Impulsio.*
8. *Circa hoc, benè se expedit in aliquibus Industria humana, licèt magis ex casu, quàm ex judicio. Nam in Vento Laterali, contrahunt partem veli, quæ Vento opponitur, quantum possunt; atque hoc modo Ventum immittunt in eam partem, quâ flare debet. Atque hoc agunt & volunt. Sed interim hoc sequitur (quod fortassè non vident) ut Ventus sit contractior, & reddat percussione magis acutam.*
9. *Quid addi possit industrie humane, in hac parte, non video; nisi mutetur Figura in velis, & fiant aliqua vela non tumentia in rotundo, sed instar Calcaris, aut Trianguli cum Malo, aut ligno, in illo angulo vertici, ut & Ventum magis contrahant in acutum, & secent Aerem externum potentiùs. Ille autem Angulus (ut arbitramur)*

non debet esse omninò acutus, sed tanquam Triangulus curtatus, ut habeat latitudinem. Neque etiam novimus, quid profuturum foret, si fiat tanquam velum in velo; hoc est, si in medio veli alicujus majoris, sit bursa quædam, non omninò laxa ex carbaso, sed cum costis ex lignis, quæ Ventum in medio veli excipiat, & cogat in acutum.

Tertius fons Impulsionis, est ex loco, ubi fit percussio, isque duplex. Nam ex anteriore parte Navis facilior, et fortior est Impulsio, quam ex posteriore; & ex superiore parte Mali, & veli, quam ab inferiore. 16.

Neque hoc ignorasse visa est industria humana, cum & flante vento recto, plurimam in velis Mali Proræ spem ponant; & in malacius, & tranquillitatibus, vela à summo erigere non negligant. Neque nobis in præsentia occurrit, quid humana, ex hac parte, industria addi possit; nisi fortè quoad primum, ut constituentur duo, aut tres Mali in Prorâ (medius rectus, reliqui inclinati) quorum vela propendeant; & quoad secundum, ut amplientur vela proræ in summo, & sint minus, quam solent esse, acuminata. Sed in utroque cavendum incommodo periculi, ex nimia depressione Navis. 11

Motus Ventorum in aliis Machinis humanis.

Motus Molendinorum ad Ventum, nihil habet subtilitatis, & nihilominus non benè demonstrari, & explicari solet. Vela constituuntur, rectà in oppositum Venti flantis. Prostat autem in Ventum unum latus veli, alterum latus paulatim flectit se, & subducit à Vento. Conversio autem, sive consecutio Motus, fit semper à latere inferiore, hoc est eo, quod remotius est à Vento. At Ventus superfundens se, in adversum Machinæ, à quatuor velis arctatur, & in quatuor intervallis, viam suam inire cogitur. Eam Compressionem non benè tolerat ventus; Itaque necesse est, ut tanquam cubito percutiat latera velorum, & proinde vertat, quemadmodum ludicra vertibula digito impelli, & verti solent. 1.

Quod si vela ex æquo expansa essent, dubia res esset, ex quâ parte foret Inclinatio, ut in casu baculi; Cum autem proximum latus, quod occurrit vento, impetum ejus deiciat in latus inferius, atque illinc in spatia, cumque latus inferius ventum excipiat, tanquam palma manûs, aut instar veli Scaphæ, fit protinus conversio ab eâ parte. Notandum

H h h h

autem

autem est, Originem motus esse non à primâ Impulsione, quæ sit in fronte; sed à laterali Impulsione, post compressionem.

3. Probationes quasdam, & experimenta circa hoc, pro augendo hoc motu fecimus; tum ad pignus causæ rectè inventæ, tum ad usum: Imitamenta hujus Motûs effingentes in *velis*, ex cartis, & *vento*, ex foliis. Igitur addidimus lateri *veli* inferiori, plicam inversam à *vento*, ut haberet *ventus*, lateralis jam factus, amplius quiddam quod percuteret, nec profuit: plicâ illâ, non tam percussione *venti* adjuvante, quam Sectionem Aeris in Consequentia impediente. Locavimus post *vela*, ad nonnullam distantiam, obstacula, in latitudinem diametri omnium *velorum*, ut *ventus* magis compressus, fortius percuteret, at hoc obfuit potiùs repercussione motum primarium hebetante. At *vela* fecimus latiora in duplum, ut *ventus* arctaretur magis & fieret percussio lateralis fortior: Hoc tandem magnoperè successit; ut & longè mitiore flatu fieret Conversio, & longè magis pernicipitè volveretur.

Mandatum. Fortasse hoc augmentum motûs commodius fiet per octo vela quàm per vela quatuor, latitudine duplicatâ, nisi forte nimia moles aggravaverit Motum. De hoc fiat Experimentum.

Mandatum. Etiam longitudo velorum facit ad Motum. Nam in rotationibus, levis violentia versus circumferentiam, æquiparatur longè majori versus centrum. Sed tamen hoc conjungitur incommodum; quod quò longiora sunt vela, eò plùs distant in summo, & minùs arctatur ventus. Res non malè fortasse se habeat, si vela sint paulo longiora, sed crescentia in latum circa summitatem, ut palma Remi, sed de hoc nobis compertum non est.

Monitum. In his Experimentis, si ponantur in usu ad Molendina, robori totius Machinæ, præcipuè Fundamenti ejus, subveniendum. Nam quanto magis arctatur Ventus, tanto magis (licet motum velorum incitet) tamen Machinam ipsam concutit.

4. Traditur alicubi esse *Rhedas* moventes ad Ventum; de hoc diligentius inquiratur.

Mandatum. *Rhedæ* moventes ad Ventum non poterint esse operæpretium, nisi in locis apertis, & planitiebus. Præterea, quid fiet, si decubuerit Ventus? Magis sobria esset cogitatio, de facilitando Motu Curruum, & plaustrorum, per vela mobilia, ut Equi, vel Boves minoribus viribus ea traherent, quàm de creando Motu, per Ventum solum.

Prognostica Ventorum.

Ad Artic. 32. conexio. **D**ivinatio quò magis pollui solet vanitate, & superstitione, eò purior pars ejus magis recipienda, & colenda. Naturali vero Divinatio aliquando certior est, aliquando magis in lubrico, prout subiectum se habet, circa quod versatur: Quod si fuerit

fuerit Naturæ Constantis, & regularis; certam efficit Prædictio-
nem; si variæ, & compositæ tanquam ex naturâ, & casu, fallacem.
Attamen etiam in subiecto vario, si diligentèr canonizetur, tenebit
Prædictio ut plurimum; temporis forte momenta non assequetur, à
re non multum errabit. Quin etiam quoad tempora ventus, &
complementi, nonnullæ Prædictiones satis certò collimabunt, cæ
videlicet, quæ sumuntur non à causis, verum ab ipsâ re jam inchoa-
tâ, sed cuius se prodente in Materiâ proclivi, & aptius dispositâ
quàm in aliâ, ut in Topicis circa hunc 32. Articulum superius
diximus. Prognostica igitur ventorum jam proponemus, miscentes
nonnihil necessariò de prognosticis pluviarum, & serenitatis, quæ
bene distrabi non poterant; sed justam de illis inquisitionem propriis
titulis remittentes.

Sol si oriens cernatur concavus, dabit eo ipso die Ventos, aut im-
bres: Si appareat tanquam levitèr excavatus, Ventos; si cavus in pro-
fundo, Imbres.

Si Sol oriatur pallidus, & (ut nos loquimur) aqueus, denotat pluvi-
am; si occidat pallidus, Ventum.

Si corpus ipsum Solis, in occasu cernatur, tanquam sanguineum,
præmonstrat magnos Ventos, in plures dies.

Si in exortu Solis, Radii ejus spectantur rutili, non flavi, denotat
pluvias potius quàm Ventos; idemque, si tales appareant in occasu.

Si in ortu, aut occasu Solis, spectantur radii ejus tanquam contracti,
aut curtati, neque eminent illustres, licèt nubes absint, significat Im-
bres, potius quàm Ventos.

Si ante ortum Solis, ostendent se Radii præcursores, & Ventum de-
notat, & Imbres.

Si in exortu Solis, porrigat Sol Radios è nubibus, medio Solis ma-
nente cooperto nubibus, significabit pluviâ; maximè si erumpant
Radii illi deorsum, ut Sol cernatur tanquam barbatus: Quod si Radii
erumpant è medio, aut sparsim, orbe exteriori cooperto nubibus,
magnas dabit tempestates, & Ventorum, & Imbrum.

Si Sol oriens cingitur circulo, à quâ parte is circulus se aperie-
rit; expectetur ventus: Sin totus circulus æqualitèr defluxerit, Dabit
Serenitatem.

Si sub Occasum Solis, appareat circa eum circulus candidus, le-
vem denotat tempestatem, eâdem nocte; Si ater, aut subfuscus, ventum
magnum in diem sequentem.

Si Nubes rubescant exoriente Sole, prædicunt ventum; Si occiden-
te, Serenum in posterum.

Si sub Exortum Solis, globabunt se Nubes propè Solem, denunciant
eodem die tempestatem asperam; quod si ab Ortum repellantur, & ad
Occasum abibunt, serenitatem.

Si in Exortu Solis, dispergantur Nubes à lateribus Solis, aliæ peten-
tes

1.

2.

3.

4.

5.

6.

7.

8.

9.

10.

11

12.

tes *Austrum*, aliæ *Septentrionem*; licet sit cœlum Serenum circa ipsum *Solem*, præmonstrat *ventos*.

13. Si *sol* sub Nube condatur occidens, *pluviam* denotat in posterum diem; quod si planè pluet occidente *Sole*, *ventos* potiùs. Sin Nubes videantur quasi trahi versùs *Solem*; & *ventos*, & *tempestatem*.
14. Si *Nubes*, exoriente *Sole*, videantur non ambire *Solem*, sed incumbere ei desupèr, tanquam *Eclipsim* facturæ, portendunt *ventos*, ex ea parte orituros, quâ illæ *nubes* inclinaverint. Quod si hoc faciant meridie, & *venti* fient, & *imbres*.
15. Si *Nubes* *Solem* circuncloserint, quantò minus luminis relinquetur, & magis pusillus apparebit Orbis Solis, tantò turbidior erit *tempestas*: Si vero duplex, aut triplex Orbis erit, ut appareant tanquam duo, aut tres Soles, tantò erit *tempestas* atrocior per plures dies.
16. *Novilunia* dispositionum Aeris significativa sunt; sed magis adhuc Ortus quartus, tanquam *Novilunium confirmatum*. *Plenilunia* autem ipsa præfagiunt magis, quàm dies aliqui ab ipsis.
17. Diuturnâ observatione, *Quinta Luna* suspecta est Nautis, ob tempestates.
18. Si *Luna* à *Novilunio*, ante diem quartum non apparuerit, turbidum aerem per totum Mensem prædicit.
19. Si *Luna* nascens, aut intra primos dies, cornu habuerit inferius, magis obscurum, aut fuscum, aut quovis modo non purum; dies turbidos, & tempestates dabit, ante *plenilunium*: si circa medium fuerit decolor, circa ipsum *plenilunium* sequentur *tempestates*; si cornu superius hoc patiatur, circa *Lunam* decreſcentem.
20. Si Ortu in quarto, pura ibit *Luna* per cœlum, nec cornibus obtusis, neque prorsùs jacens, neque prorsùs recta, sed mediocris, *Serenitatem* promittit majore ex parte, usque ad *Novilanium*.
21. Si in Ortu illo rubicunda fuerit, *ventos* portendit; si rubiginosa, aut obatra, *Pluvias*; sed nil horum significat ultra *plenilunium*.
22. Recta *Luna* semper ferè minax est, & infesta, potissimum autem denunciat *ventos*; At si appareat cornibus obtusis, & curtatis, *Imbres* potiùs.
23. Si alterum Cornu *Lunæ* magis acuminatum fuerit, & rigidum, altero magis obtuso, *ventos* potiùs significat; si utrunque, *pluviam*.
24. Si circulus, aut Halo circa *lunam* appareat, *pluviam* potius significat, quàm *ventos*; nisi stet recta *Luna* intra eum Circulum, tum verò utrunque.
25. Circuli circa *lunam*, *ventos* semper denotant, ex parte quâ ruperint; Etiam splendor illustris circuli in aliquâ parte, *ventos* ex eâ parte, quâ splendet.
26. Circuli circa *Lunam*, si fuerint duplices, aut triplices, præmonstrant horridas, & asperas tempestates; at multò magis, si illi Circuli non fuerint integri, sed maculosi, & interſtincti.
27. *Plenilunia*, quoad colores, & Halones, eadem fortè denotant, quæ Ortus quartus: sed magis præsentia, nec tam procrastinata.

Plenilunia,

Perihelium solent esse magis serena, quàm ceteræ ætates *Lunæ*, sed eadem, hyeme, quandoque intensiora dant frigora.

Luna sub occasum solis ampliata, & tamen luminosa, nec subfusca, *serenitatem* portat in plures dies.

Eclipses Lunæ, quasi semper comitantur *venti*; *Solis*, *Serenitas*; *pluvie* raro alterutrum.

A *Conjunctionibus* reliquis *planetarum*, præter *Solem*, expectabis *ventos*; & ante, & post; à *Conjunctionibus* cum *Sole*, *serenitatem*.

In Exortu *Pleiadum*, & *Hyadum*, sequuntur *Imbres*, & *Pluvie*, sed tranquillæ; In exortu *Orionis*, & *Arcturi*, Tempestates.

Stellæ (ut loquimur) discurrentes, & sagittantes, protinùs *ventos* indicant, ex eâ parte, undè vibrantur. Quod si ex variis, aut etiam contrariis partibus volitent, magnas tempestates, & *Ventorum*, & *Imbrium*.

Cum non conspiciantur *Stellæ* minuscule, quales sunt, quas vocant *Astellos*, idque sit ubique per totum cœlum, magnas præmonstrat *Tempestates*, & *Imbres* intra aliquot dies: quod si alicubi *Stellæ* minutæ obicurentur, alicubi sint claræ, *ventos* tantum, sed citiùs.

Cœlum æqualiter splendens, in Novi-luniis, aut Ortu quarto, *Serenitatem* dabit, per plures dies; æqualitèr obscurum, *Imbres*; inæqualiter, *ventos*, ab ea parte, qua cernitur Obscuratio. Quod si subito fiat obscuratio, sine nube, aut caligine, quæ fulgorem Stellarum perstringat, graves & asperæ instant Tempestates.

Si Planetarum, aut Stellarum majorum aliquam, incluserit Circulus integer, *imbres* prædicit; si fractus, *ventos* ad eas partes, ubi circulus deficit.

Cum tonat vehementiùs; quam fulgurat, *ventos* dabit magnos; sin crebrò inter tonandum fulserit, *Imbres* confertos, & grandibus guttis.

Tonitrua *Matutina Ventos* significant; *Meridiana Imbres*.

Tonitrua mugientia, & veluti transeuntia, *ventos* significant; at quæ inæquales habent fragores, & acutos, procellas, tam *ventorum*, quam *Imbrium*.

Cum cœlo sereno fulguraverit, non longè absunt *venti*, & *Imbres* ab ea parte, quâ fulgurat; quod si ex diversis partibus cœli fulguraverit, sequuntur atroces, & horridæ Tempestates.

Si fulguraverit à plagis cœli gelidioribus, *Septentrione* & *Aquilone*, sequuntur grandines; si à tepidioribus, *Anstro* & *Zephyro*, *Imbres*, cum cœlo æstuoso.

Magni fervores, post solstitium *Æstivale*, desinunt plerunque in tonitru, & fulgura; quæ si non sequantur, desinunt in *ventos*, & *pluvias* per plures dies.

Globus flammæ, quem *Castorem* vocabant Antiqui, qui cernitur navigantibus in mari, si fuerit unicus, atrocem Tempestatem prænunciat (*Castor* scilicet est Frater inter-mortuus) at multò magis, si non hæserit *Malo*, sed volvatur, aut saltet; Quod si fuerint gemini, (præsente scilicet *Polluce* Fratre vivo) idque tempestate adultâ, salutare signum habetur: sin fuerint tres (superveniente scilicet *Helena*, peste re-

rum) magis dira incumbet *Tempeſtas*: videtur ſanè unicus, crudam ſignificare materiam tempeſtatis; duplex, quaſi coctam, & maturam; triplex, vel multiplex, copiam agrè diſſipabilem.

44. Si conſpiciantur Nubes ferri incitatiùs, cœlo ſereno, expectentur *Venti*, ab eâ partè, à quâ feruntur nubes. Quod ſi globabuntur, & glomerabunt ſimul, cum Sol appropinquaverit ad eam partem, in qua globantur, incipient diſcuti; quod ſi diſcutientur magis verſus *Boream*, ſignificat *ventum*; ſi verſus *Auſtrum*, *pluvias*.
45. Si occidente Sole, Nubes orientur atræ, aut fuſcæ, *Imbrem* ſignificant: Si adverſus Solem, in Oriente ſcilicet, eâdem nocte, ſi juxta Solem ab Occidente, in poſterum diem, cum *ventis*.
46. Liquidatio, ſive diſſerenatio cœli nubili, incipiens in contrarium *venti*, qui flat, *Serenitatem* ſignificat; ſed à parte *venti*, nihil indicat, ſed incerta reſeſt.
47. Conſpiciuntur quandoque plures, veluti Camera, aut contignationes Nubium, alteræ ſuper alteras (ut aliquando quinque ſimul ſe viſiſſe, & notaſſe affirmet *Gilbertus*) & ſemper atriores ſunt infimæ, licet quandoque ſecus appareat, quia candidiores viſum magis laceſſunt; Duplex contignatio, ſi ſit ſpiſſior, *pluvias* denotat inſtantes (præſertim ſi nubes inferior cernatur quaſi grvida) plures contignationes perrendinant *pluvias*.
48. Nubes, ſi ut vellera lanæ ſpargentur, hinc inde, *tempeſtates* denotant, Quod ſi inſtar ſquammarum, aut teſtarum, altera alteri incumbat, ſiccitatem, & *ſerenitatem*.
49. Nubes plumatæ, & ſimiles ramis palmæ, aut floribus Iridis, *Imbres* protinùs, non ita multò poſt, denunciant.
50. Cùm *Montes*, & *Colles* conſpiciantur veluti pileati, incumbentibus in illis Nubibus, eòſque circumplectentibus, *Tempeſtates* præmonſtrat imminentes.
51. Nubes electrinæ, & aureæ, ante Occaſum Solis, & tanquam cum ſimbriis deauratis, poſtquam Sol magis condi cœperit, *ſerenitates* præmonſtrant.
52. Nubes lutæ, & tanquam cœnoſæ, ſignificant *Imbrem* cum vento inſtare.
53. Nubecula aliqua, non antè viſa ſubitò ſe monſtrans, cœlo circùm ſereno, præſertim ab Occidente, aut circa Meridiem, *Tempeſtatem* indicat ingruentem.
54. Nebulæ, & caligines aſcendentes, & ſuſſum ſe recipientes, *pluvias*, & ſi ſubitò hoc fiat, ut tanquam ſorbeantur, *ventos* prædicunt; at cadentes, & in vallibus reſidentes, *Serenitatem*.
55. Nube gravidâ candicante, quam vocant Antiqui *Tempeſtatem albam*, ſequitur æſtate, Grandominutus, inſtar conſituræ; hyeme, Nix.
56. Autumnuſ ſerenus ventofam Hyemem præmonſtrat: ventofus Hyems, Ver pluvioſum: Ver pluvioſum, Æſtatem ſerenam: ſerena Æſtas, Autumnum ventofum. Ita ut Annus (ut proverbio dicitur) ſibi debitor raro ſit; neque eadem ſeries tempeſtatum redeat, per duos Annos ſimul.

Ignes in focis, pallidiores solito, atque intra se murmurantes, *Tempestates* nunciant. Quòd si *Flamma* flexuosè voliret, & sinuet, *ventum* præcipuè : at *Fungi*, sive *Tuberes* in lucernis *pluvias* potiùs.

57.

Carbores clariùs perlucentes, *ventum* significant ; etiam cum favillas ex se citiùs discutiant, & deponunt.

58.

Mare cum conspicitur in portu tranquillum in superficie, & nihilominùs intra se murmuraverit, licet non intumuerit, *ventum* prædicit.

59.

Littora in tranquillo resonantia, *Maris*que ipsius sonitus cum plan-gore, aut quâdam echò, clariùs, & longiùs solito auditus, *ventos* præ-nunciant.

60.

Si in tranquillo, & planâ superficie *Maris*, conspiciantur *Spumæ* hinc inde, aut coronæ albæ, aut *Aquarum* bullæ, *ventos* prædicunt: Et si hæc signa fuerint insigniora, asperas tempestates.

61.

In *Mari* fluctibus agitato, si appareant *spumæ* coruscantes, (quas *Pulmones Marinos* vocant) præ-nunciat duraturam *Tempestatem*, in plures dies.

62.

Si *Mare* silentio intumescat, & intra portum altiùs solito insurgat, aut *Æstus* ad litora celeriùs solito accedat, *ventos* præ-nunciat.

63.

Sonitus à *Montibus*, nemorùmque murmur increbrescens, atque fragor etiam nonnullus in campestribus, *ventos* portendit. Cœli quoque murmur prodigiosum, absque tonitru, ad *ventos* maximè spectat.

64.

Folia & *paleæ* ludentes, sine aurâ, quæ sentiatur, & *Lanugines* plan-tarum volitantes, plumæque in *Aquis* innatantes, & colludentes, *ven-tos* adesse nunciant.

65.

Avēs aquaticæ concursantes, & gregatim volantes, *Mergi*que præci-puè, & *Fulicæ*, à *Mari*, aut stagnis fugientes, & ad litora, aut ripas pro-perantes, præsertim cum clangore, & ludentes in sicco, *ventos* prænun-ciant, maxime si hoc faciant inanè.

66.

At *terrestres volucres* contrà, aquam petentes, eamq; alis percutien-tes, & clangores dantes, & se perfundentes ; ac præcipuè *Cornix*, tem-pestatates portendunt.

67.

Mergi, *Anatèsque*, ante *ventum* pennas rostro purgant ; at *Anseres*, clangore suo importuno, *pluviam* invocant.

68.

Ardea petens excelsa, adeò ut nubem quandoque humilem, super-volare conspiciatur, *ventum* significat. At *Milvi* contrà, in sublimi volantes, *serenitatem*.

69.

Corvi singultu quodam latrantes, si continuabunt, *ventos* denotant, si verò carptim vocem resorbēbunt, aut per intervalla longiora cro-citabunt, *Imbres*.

70.

Noctua garrula, putabatur ab antiquis, mutationem *Tempestatis* præmonstrare : si in sereno, *Imbres* ; si in nubilo, *Serenitatem* : at apud nos *Noctua* clare, & libenter ululans, *Serenitatem* plerunq; indicat, præ-cipue Hyeme.

71.

Avēs in arboribus habitantes, si in nidos suos, sedulo fugitent, & à pabulo citiùs recedant, *Tempestates* præmonstrant ; *Ardea* vero in arenâ stans tristis, aut *Corvus* spatians, *Imbres* tantum.

72.

73. *Delphini* tranquillo Mari lascivientes, Flatum existimantur prædicere, ex quâ veniunt partes; at turbato ludentes & aquam spargentes, contrâ, *Serenitatem*. At plerique Piscium, in summo natantes, aut quandôque exilientes, *pluviam* significant.

74. Ingruente vento, Sues ita terrentur, & turbantur, & in compositè agunt, ut Rustici dicant illud solum Animal videre *Ventum*, specie scilicet horrendum.

75. Paulò ante *Ventum*, *Araneæ* sedulò laborant, & nent, acsi providè præoccuparent, quia *Vento* flante nere nequeunt.

76. Ante *pluviam*, *Campanarum* sonitus auditur magis ex longinquo; At ante *Ventum*, auditur magis inæqualitèr accedens, & recedens, quemadmodum fit *vento* manifestò flante.

77. *Trifolium* inhorrescere, & folia contra tempestatem subrigere, pro certo ponit *Plinius*.

78. Idem ait, *vasa*, in quibus esculenta reponuntur, quandôque sudorem in repositoriis relinquere, idque diras tempestates prænunciare.

Monitum.

Cum Pluvia, & Venti, habeant materiam ferè communem; cumque *Ventum* semper præcedat nonnulla *Condensatio Aeris*, ex Aere novitèr factò, intra veterem receptò, ut ex plangoribus litorum, & excelsò volatu *Ardeæ*, & aliis patet; Cumque *pluviam* similiter præcedat *Aeris Condensatio* (sed *Aer* in *Pluviâ* postea contrahitur magis, in *Ventis* contrâ excrescit) Necessè est, ut *Pluviæ* habeant complura *Prognostica*, cum *Ventis* communia. De iis consule *Prognostica Pluviarum*, sub titulo suo.

Imitamenta Ventorum.

Ad Artic. 33.
Connexio.

SI animum homines inducere possent, ut *Contemplationes* suas, in subiecto sibi proposito, non nimium figerent, & cætera tanquam parerga rejicerent; nec circa ipsum subiectum in infinitum, & plerunque inutiliter subtilizarent, baudquaquam talis, qualis solet, occuparet ipsos stupor, sed transferendo cogitationes suas, & discurrendo, plurima in venirent in longinquo, quæ propè latent. Itaque ut in *lure Civili*, ita in *lure Naturæ*, procedendum animo sagaci, ad *Similia*, & *Conformia*.

I.

Folles apud homines *Æoli utres* sunt; unde *ventum* quis promere possit, pro modulo nostro. Etiam *Interstitia*, & *Fauces Montium*, & *Ædificiorum Anfractus*, non alia sunt, quàm *Folles majores*. In usu autem sunt *Folles præcipuè*, aut ad excitationem *Flammæ*, aut ad *Organa Musica*. *Folium* autem ratio est, ut fugant *Aerem* propter rationem *Vacui*, (ut loquuntur) & emittant per *Compressionem*.

Etiam

Etiam *Flabellis* utimur manualibus, ad faciendum Ventum, & refrigeria, impellendo solummodo Aerem lenitèr.

De cœnaculorum æstivorum refrigeriis, quædam posuimus in *Responsò* ad *Artic. 9.* Possunt inveniri alii modi magis accurati, præsertim si Follium modo alicubi attrahatur Aer, alicubi emittatur. Sed ea, quæ jam in usu sunt, ad simplicem compressionem, tantum referuntur.

Flatus in *Microcosmo*, & Animalibus, cum *ventis* in Mundo majore, optimè conveniunt; Nam & ex humore gignuntur, & cum humore alternant, ut faciunt *venti* & *pluvia*; & à calore fortiore dissipantur, & perspirant. Ab illis autem, transferenda est certè ea Observatio ad *ventos*; quod scilicet gignantur *Flatus*, ex materiâ, quæ dat vaporem tenacem, nec facilè resolubilem, ut Fabæ, & Legumina, & Fructus; quod etiam, eodem modo se habet in *ventis* majoribus.

In destillatione vitrioli, & aliorum Fossilium, quæ sunt magis flatuosa, opus est receptaculis valdè capacibus, & amplis, alioqui effringentur.

Ventus factus ex *Nitro*, commisto in *Pulvere pyrio*, erumpens, & inflans flammam, *ventos* in Universo (exceptis fulminosis) non tantum imitatur, sed exuperat.

Hujus autem vires premuntur, in Machinis humanis, ut in Bombardis, & Cuniculis, & domibus pulverariis incensis, utrum autem, si in Aere aperto, magna *pulveris pyrii* moles, incensa esset, *ventum* ex Aeris commotione, etiam ad plures horas excitatura esset, nondum venit in Experimentum.

Latet spiritus flatuosus, & expansivus, in *Argento vivo*, adèò ut pulverem pyrium, (ut quidam volunt,) imitetur, & parum ex eo, pulveri pyrio admistum, eum reddat fortiozem. Etiam de *Auro* loquuntur *Chymistæ*, quod periculosè, & ferè tonitruui modo, in quibusdam præparationibus erumpat; sed de his mihi non comperitum est.

Observatio major.

Motus Ventorum tanquam in speculo spectatur, in Motibus Aquarum quoad plurima.

Venti Magni sunt Inundationes Aeris, quales conspiciuntur Inundationes Aquarum, utraque ex aucto Quanto. Quemadmodum Aquæ aut descendunt ex Alto, aut emanant è Terrâ; ita & ventorum nonnulli sunt dejecti, nonnulli exurgunt. Quemadmodum nonnunquam intra Annes sunt contrarii Motus; unus fluxus Maris, alter Coursus Annis, & nihilominus unicui efficitur Motus,

Motus, prævalente fluxu Maris : ita & flantibus ventis contrariis, Major in ordinem redigit Minorem. Quemadmodum in Currentibus Maris, & quorundam Amnium, aliquando evenit, ut Gurges in summitate Aquæ, in contrarium vergat, Gurgiti in profundo : ita & in Aere, flantibus simul contrariis ventis, alter alterum super volat. Quemadmodum sunt Cataractæ Pluviarum, in spatio angusto, similiter & Turbines Ventorum, Quemadmodum Aquæ, utcumque progrediantur, tamen si perturbatæ fuerint, interim undulant, modò ascendentes, & cumulatæ, modò descendentes, & sulcatæ ; similiter faciunt & venti, nisi quod absit Motus Gravitatis. Sunt & aliæ similitudines, quæ ex iis, quæ inquisita sunt, notari possunt.

Canones mobiles de Ventis.

Connexio.

CANONES aut Particulares sunt, aut Generales ; utrique Mobiles apud nos. Nil enim adhuc pronunciamus. At Particulares ex singulis fere Articulis, possunt decerpi, aut exprimi ; Generales, eosque paucos ipsi jam excerpemus, & subjungemus.

1. Ventus non est aliud quippiam ab Aere moto, sed ipse Aer Motus ; aut per Impulsionem simplicem, aut per Immissionem Vaporum.
2. Venti per Impulsionem Aeris simplicem, fiunt quatuor modis, aut per Motum Aeris naturalem ; aut per Expansionem Aeris in viis solis ; aut per Receptionem Aeris ex frigore subitaneo ; aut per Compressionem Aeris per Corpora externa.

Possit esse & quintus Modus, per Agitationem, & Concussionem Aeris ab Astris : sed fideant paulisper huiusmodi res, aut audiantur parca fide.

3. Ventorum, qui fiunt per Immissionem vaporum, præcipua causa est Super-oneratio Aeris, per Aerem noviter factum ex vaporibus ; unde moles Aeris excrescit, & nova spatia querit.

Quantum

Quantum non magnum Aeris super-additi, magnum ciet tumorem in Aere circumquaque ; Ita ut Aer ille novus, ex resolutione Vaporum, plus conferat ad Motum, quam ad Materiam ; Corpus autem magnum venti consistit ex Aere priore, neque Aer novus Aerem veterem ante se agit, ac si Corpora separata essent ; sed utraque commista ampliorem locum desiderant.

Quando aliud concurrit Principium Motus, præter ipsam Super-onationem Aeris, Accessorium quippiam est illud, & Principale fortificat, & auget ; unde fit, ut venti magni, & impetuosissimi, raro oriuntur ex Super-onatione Aeris simplici.

Quatuor sunt Accessoria ad Super-onationem Aeris, Expiratio est subtetraneis ; Deiectio ex mediâ regione Aeris (quam vocant:) Dissipatio ex Nube facta ; & Mobilitas, atque Acrimonia Exhalationis ipsius.

Motus venti quasi semper lateralis est : Verum is qui fit per Super-onationem simplicem, usque à principio : is qui fit per Expirationem è terrâ ; aut Repercussionem ab alto, non multò post ; nisi Eruptio, aut Præcipitium, aut Reverberatio fuerint admodum violenta.

Aer nonnullam compressionem tolerat, antequam Superonationem percipiat, & Aerem contiguum impellat ; ex quo fit, ut omnes venti sint paulo densiores quam Aer quietus.

Sedantur venti quinque modis ; aut Coeuntibus vaporibus ; aut Incorporatis ; aut Sublimatis ; aut Transvectis, aut Destitutis.

Coeunt vapores, atque adeò ipse Aer in pluviam, quatuor modis : aut per Copiam aggravantem ; aut per Frigora condensantia, aut per Ventos contrarios compellentes ; aut per Obices reperiuntur.

Tam Vapores, quam Exhalationes, Materia ventorum sunt. Etenim ex exhalationibus nunquam Pluvia, ex vaporibus sæpius Ventus. At illud interest, quod facti venti ex Vaporibus, facilius se incorporant Aeri puro, & citius sedantur, nec sint tam obstinati, quam illi ex Halitibus.

Modus, & diversæ conditiones Caloris, non minus possunt in Generatione ventorum, quam Copia aut Conditiones Materiæ.

Solis

13. Solis calor, in Generatione ventorum, ita proportionatus esse debet, ut eos excitet, sed non tantâ copîâ, ut coeant in plu-
viam; nec tantâ paucitate, ut prorsus discutiantur, & dissi-
pentur.
14. Venti spirant ex parte Fomitum suorum: cûmque Fo-
mites variè disponantur, diversi venti, ut plurimum, simul spirant;
sed fortior debiliorem, aut obruit, aut flectit in Currentem suum.
15. Ubique generantur venti, ab ipsa terra superficie, usque ad
frigidam Regionem Aeris: sed frequentiores in proximo, fortiores in
sublimi.
16. Regiones, quæ habent ventos Asseclas ex tepidis, sunt
calidiores, quam pro ratione Climatis sui; quæ ex gelidis, fri-
gidiores.

Charta humana; sive Optativa cum proximis, circa ventos.

Optativa.

1.

Vela Navium, ita componere & disponere, ut minore flatu,
majorem conficiant viam. Res insignitè utilis, ad compen-
dia itinerum per Mare, & parcendum impensis.

Proxim.

Proximum non occurrit adhuc inventum, præcisè in practicâ. Sed Con-
sule de eo Observationes Majores, super Art. 26.

Optativ.

2.

Molendina ad ventum & vela ipsorum ita fabricari, ut mi-
nore flatu, plus molant. Res utilis ad lucrum.

Proxim.

Consule de hoc, Experimenta nostra, in Responso ad Artic. 27. ubi
videtur res quasi peracta.

Optativ.

3.

Ventos orituros, & occasuros, & tempora ipsorum prænoscere.
Res utilis ad Navigationes, & Agriculturam; maxime autem ad
electiones temporum, ad prælia Navalia.

Proxim.

Huc multa pertinent eorum, quæ in Inquisitione, præsertim in Respon-
so ad Articulum 32. notata sunt: At Observatio in posterum diligentior
(si quibus ea cordi erit) patescente jam causâ Ventorum, longè exactiora
prognostica præstabit.

Iudicium

Iudicium, & Prognostica facere per ventos, de aliis rebus: veluti Optativ.
primò, si sint Continentes, aut Insulae in Mari, in aliquo loco, vel 4.
potius mare liberum? Res utilis ad Navigationes novas, & in-
cognitas.

Proximum est, Observatio circa Ventos statos; id quo usus videtur Proxim.
Columbus.

Idem de ubertate, aut Caritate fructuum, & segetum, annis sin- Optativ.
gulis. Res utilis ad lucrum, & venditiones anticipantes, & coemp. 5.
tiones, ut proditum est de Thalete, circa Monopolium Olivarum.

Huc pertinent nonnulla, in Inquisitione posita, de Ventis, aut malignis, Proxim.
aut decussivis, & temporibus, quando nocent, ad Artic. 29.

Idem de Morbis, & Pestilentiis, annis singulis. Res utilis ad Optativ.
existimationem Medicorum, si illa predicere possint; etiam ad Cau. 6.
sas, & Curas morborum; & nonnulla alia Civilia.

Huc pertinent etiam nonnulla in Inquisitione posita, ad Art. 30. Proxim.

De Predictionibus ex Ventis, circa segetes, fructus, & morbos; Con- Monitum.
sule Historias Agriculturæ, & Medicinæ.

Ventos excitare, & sedare. Optativ.

De his, habentur quædam superstitiosa, & Magica: quæ non videntur 7.
digna, quæ in Historiam Naturalem seriam, & severam recipiantur. Proxim.
Neque occurrit nobis, aliquid Proximum, in hoc genere. Designatio ea esse
poterit, ut Natura Aeris penitus introspeciat, & inquiratur; si possit in-
veniri aliquid, quod in quantitate non magnâ, in Aerem immissum, possit
excitare, & multiplicare Motum, ad Dilatationem, aut Contractionem, in
Corpore Aeris: Ex hoc etenim (si fieri possit) sequentur Excitationes, &
Sedationes Ventorum; quale est illud Experimentum Plinii, de Aceto
injecto in occursum Turbinis, si verum foret. Altera designatio possit esse,
per Emissionem Ventorum ex subterraneis, si congregentur alicubi, in mag-
nâ copiâ; quale est illud receptum de Puteo in Dalmatiâ; verum & loca
huiusmodi Carcerum nosse difficile.

Complura Ludicra, & mira, per motum Ventorum efficere. Optativ.

De his cogitationem suscipere, nobis non est otium. Proximum est illud 8.
vulgatum Duellorum ad Ventum: Proculdubio, multa ejusmodi jucunda Proxim;
reperiri possunt; & ad Motus, & ad Sonos.



A D I T V S
A D T I T V L O S
 In proximos quinque
 Menses destinatos.

Historia Densi & Rari.


Aditus:



IL mirum, si Natura Philosophiæ, & Scientiis Debitrix sit; cum ad reddendas rationes, nunquam adhuc sit interpellata. Neque enim de Quanto Materiæ, & Quomodo, illud per corpora sit distributum (in aliis copiosè, in aliis parcè, instituta est Inquisitio diligens, & dispensatoria; secundum veros, aut proximos veris calculos. Illud rectè receptum est; Nil deperdi, aut addi Summæ universali: Etiam tractatus est à nonnullis ille locus; Quomodo corpora laxari possint, & contrahi absque Vacuo intermixto, secundum plus & minus. Densi autem & Rari Naturas, alius ad Copiam, & paucitatem Materiæ retulit, alius hoc ipsum elusit; pleriq; Authorem suum secuti, rem totam per frigidam illam distinctionem Actûs & Potentiæ discutunt, & componunt. Etiam qui illa Materiæ rationibus attribunt, (quæ vera est sententia) neque Materiam primam Quanto planè spoliata, licet ad alias formas æquam volunt, tamen in hoc ipso inquisitionem terminant, ulterius nihil quærunt, neque quid inde sequatur perspiciunt, remque quæ ad infinita spectat, & Naturalis Philosophiæ veluti Basis est, aut non attingunt, aut non urgent.

Primò igitur, quod benè positum est, non movendum: Non scilicet

licet fieri in aliquâ transmutatione corporum, Transactionem, aut à nihilo, aut ad nihilum; Sed Opera esse ejusdem Omnipotentia, creare ex nihilo, & redigere in nihilum, Ex cursu Naturæ verò hoc nunquam fieri. Itaque Summa Materiae totalis semper constat; nil additur, nil minuitur. At istam Summam inter corpora per portiones dividi, nemini dubium esse possit. Neq; enim quisquam subtilitatibus abstractis tam dementatus esse queat, ut existimet tantum Materiae inesse dolio Aquæ, quantum decem doliis Aquæ, neque similiter dolio Aeris, quantum decem doliis Aeris. At in corpore eodem non dubitatur, quin Copia Materiae multiplicetur pro mensurâ corporis: In corporibus diversis, ambigitur. Quod si demonstretur, unum dolium Aquæ in Aerem versum, decem dare dolia Aeris, (istam enim computationem propter Opinionem receptam sumimus, licet centupla verior sit) benè habet: Etenim jam non amplius sunt diversa corpora, Aquæ & Aer, sed idem corpus Aeris, in decem doliis. At unum dolium Aeris (ut modò concessum est) decima tantum pars est decem doliorum. Itaque resisti jam non potest, quin in uno dolio Aquæ, decuplo plus sit materia, quàm in uno dolio Aeris. Itaque si quis asserat dolium Aquæ totum, in dolium Aeris unicum verti posse, idem prorsus est, ac si asserat aliquid posse redigi ad nihilum. Etenim una Decima Aquæ ad hoc sufficiet, reliquæ novem partes necesse est ut annihilentur. Contrà, si quis asserat Dolium Aeris, in Dolium Aquæ verti posse, idem est ac si asserat aliquid posse creari ex nihilo. Etenim Dolium Aeris, nisi ad decimam partem Doli Aquæ attinget, Reliquæ novem partes necesse est ut fiant ex nihilo, Illud interim planè confitemur, de rationibus, & calculis, & quorâ parte Quanti Materiae, quæ diversis corporibus subest, & quâ industriâ, & sagacitate de illis Informatio vera capi possit, arduam Inquisitionem esse; quam tamen ingens, & latissimè fusa militas compenset. Nam & Densitates, & Raritates Corporum nosse, & multò magis Condensationes, & Rarefactiones procurare, & efficere, maxime interest, & Contemplativæ, & practicæ. Cum igitur sit res (si qua alia) planè fundamentalis, & Catholica; Accincti debemus ad eam accedere, quandoquidem omnis Philosophia absque eâ, planè disincta, & dissoluta sit.



Historia Gravis & Levis.

Aditus.

Motum Gravitatis & Levitatis, *Veteres Motus Naturalis nomine insigniverunt. Scilicet nullum conspiciebant Efficiens externum; nullam etiam Resistentiam apparentem. Quinimò citatior videbatur Motus iste in progressu suo. Huic Contemplationi, vel Sermoni potiùs, Phantasiã illam Mathematicam de Hæsione Gravium ad Centrum Terræ (etiam si perforata foret ipsa Terra,) nec non Commentum illud Scholasticum, de Motu Corporum ad loca sua, veluti saltem asperserunt. His positis, perfunctos se credentes, nil amplius querebant, nisi quod de Centro Gravitatis, in diversis figuris, & de iis, quæ per Aquam vehuntur, paulò diligentius quispiam ex illis quæsit. Neque ex Recentioribus quisquam operæ pretium circa hoc fecit, addendo solummodò pauca Mechanica, eaque per Demonstrationes suas detorta. Verùm missis verbulis, certissimum est, Corpus non nisi à Corpore pati; nec ullum fieri Motum Localem, qui non sollicitetur, aut à partibus Corporis ipsius, quod movetur; aut à Corporibus adjacentibus, vel in contiguo, vel in proximo, vel saltem intra Orbem Activitatis suæ. Itaque vires Magneticas non inscitè introduxit Gilbertus, sed & ipse factus Magnes; nimìd scilicet plura, quàm oportet, ad illas trahens, & Navem adificans ex Scalmo.*

Historia



Historia Sympathiæ & Antipathiæ rerum.

Aditus.

LIS, & Amicitia in Naturâ, Stimuli sunt Motuum, & Claves Operum. Hinc Corporum Unio & Fuga, hinc Partium Mistio & Separatio, hinc aliæ atque intimæ Impressiones Virtutum, & quod vocant, Conjungere activa cum passivis; denique Magnalia Naturæ. Sed impura est admodum hæc pars Philosophiæ, de Sympathiâ & Antipathiâ Rerum, quam etiam Naturalem Magiam appellant, atque (quod semper ferè fit) ubi diligentia defuit, spes superfuit. Operatio autem ejus in hominibus, prorsus similis est soporiferis nonnullis Medicamentis, quæ somnum conciliant, atque insuper leta, & placentia somnia immittunt. Primò enim Intellectum humanum in soporem conjicit, decantando Proprietates específicas, & Virtutes occultas, & cœlitus demissas; unde homines ad veras causas eruendas non amplius excitantur, & ex vigilant; sed in hujusmodi otio acquiescunt: deinde innumera Commenta, Somniorum instar, insinuat, & spargit. Sperant etiam Homines vani, Naturam ex fronte, & personam cognoscere, & per similitudines extrinsecas, Proprietates internas detegere. Præctica quoque Inquisitioni similissima. Præcepta enim Magiæ Naturalis talia sunt, ac si considerent homines terram subigere, et Panem suum comedere, absque sudore vultus; et per otiosas, et faciles Corporum Applicationes, rerum potentes fieri; semper autem in ore habent, et tanquam sponsores appellant Magnætem, et consensum Auricæ cum Argento vivo; et pauca hujus generis, ad fidem aliarum rerum, quæ neutiquam simili contractu obligantur. Verum optima quæque laboribus, tum Inquirendi, tum Operandi, proposuit Deus. Nos in jure Naturæ enucleando, et rerum fœderibus interpretandis, paulò diligentiores erimus, nec Miraculis faventes, nec tamen Inquisitionem instituentes humilem, aut angustam.



Historia Sulphuris, Mercurii, & Salis.

Aditus.



Pincipiorum Trias istud à Chimistis introductum est; atque quoad Speculativa, est ex iis, quæ illi afferunt, Inventum optimum. Subtiliores ex iis, quique philosophantur maxime, Elementa volunt esse Terram; Aquam; Aerem; Æthera; Illa autem non Materiam rerum esse ponunt, sed Matrices; in quibus specifica Semina rerum generant, pro naturâ Matricis. Pro Materiâ autem primâ (quam spoliatam; et adiaphoram ponunt Scholastici) substituunt illa tria, Sulphurem, Mercurium, et Salem; ex quibus omnia Corpora sint coagmentata, et mista: Nos vocabula ipsorum accipimus; Dogmata parùm sana sunt. Illud tamen non malè cum illorum Opinione convenit, quod duo ex illis, Sulphurem scilicet, et Mercurium (sensu nostro accepta) sensimus esse Naturas admodum primordiales, et penitissimos Materiæ Schematismos; et inter Formas primæ classis ferè præcipuas. Variare autem possumus Vocabula Sulphuris & Mercurii, ut ea aliter nominemus; Oleolum, Aqueum; Pingue, Crudum: Inflammabile, Non inflammabile: et hujusmodi. Videntur enim esse hæ duæ Rerum Tribus magnæ prorsus, et quæ Universum occupant, et penetrant: Si quidem in Subterraneis, sunt Sulphur, et Mercurius, ut appellantur: in Vegetabili et Animaligenere, sunt Oleum, et Aqua: in Pneumaticis inferioribus, sunt Aer, et Flamma: in Cælestibus, Corpus stellæ, et Æther purum; verùm de ultimâ hac Dualitate nil adhuc pronunciamus, licet probabilis videatur esse Symbolizatio. Quod verò ad Salem attinet; alia res est. Si enim Salem intelligunt pro parte Corporis fixâ, quæ neque abit in Flammam, neque in Fumum; pertinet hoc ad Inquisitionem Fluidi, et Determinati; de quibus nunc non est sermo; sin Salem accipi volunt, secundum literam, absque parabola

*rabola ; non est Sal aliquid tertium à Sulphure, & Mercurio, sed
 mistum ex utrisque per spiritum acrem de vinctis. Etenim Sal om-
 nis habet partes inflammabiles ; habet alias, flammam non solum,
 non concipientes, sed eam exhorrentes, & strenuè fugientes. Nibilo-
 minus cum Inquisitio de Sale, sit quiddam Affine Inquisitioni de
 duobus reliquis, atque insuper sit eximii usûs, utpote vinculum u-
 triusque Naturæ, Sulphureæ & Mercurialis, & Vitæ ipsius ru-
 dimentum ; illum etiam in hanc Historiam, & Inquisitionem
 recipere visum est. At illud interàm monemus, de Pneumaticis
 illis ; Aere ; Flammâ ; Stellis ; Æthere ; nos illa (prout certè merentur)
 Inquisitionibus propriis reservare ; & de Sulphure, & Mercu-
 rio tangibili (nimirum vel Minerali, vel Vegetabili, & Animalì)
 hîc tantum Historiam instituere.*

Historia Vitæ & Mortis.

Aditus.

Aditus ad hanc Historiam, invenitur in Historiâ ipsâ, jam
 proximè sequente.

F I N I S.

1877
The following is a list of the
names of the persons who have
been elected to the office of
Mayor of the City of New York
since the year 1800.
The names are arranged in
alphabetical order.

1800 - 1801
Mayor

1802 - 1803
Mayor

1804 - 1805
Mayor


FRANCISCI BACONI,

BARONIS DE VERVLAMIO,
Vice-Comitis SANCTI ALBANI,

Historia Vitæ & Mortis.

SIVE,
TITVLVS SECVNDVS
in Historiâ Naturali & Experimental
ad condendam Philolophiam:

Quæ est Instaurationis Magnæ pars Tertia.



LONDINI

Excusum, typis *Edwardi Griffini*; Prostant ad
Insignia Regia in Cœmeterio D. *Pauli*,
apud *Richardum Whitakerum*, 1638.

Imprimatur.

Reverendissimo in Christo Patri, & Dom.


D. Arch. Cant.

Sacellanus Domesticus.

Decemb. 7.

1637:

Guil. Bray.





VIVENTIBVS ET POSTERIS SALVTEM.



Um Historiam Vitæ & Mortis,
inter *Sex Designationes Men-*
struas, ultimo loco posue-
rimus ; omninò hoc præ-
vertere visum est, & se-
cundam edere, propter
eximiam rei utilitatem ;
In quâ, vel minima tem-
poris jactura, pro pretiosâ haberi debet. Spe-
ramus enim, & cupimus futurum, ut id plu-
rimorum bono fiat ; atque ut *Medici Nobi-*
liores animos non nihil erigant, neque toti sint
in *Curarum sordibus* ; neque solùm propter
Necessitatem honorentur, sed fiant demum Om-
nipotentia, & Clementia divinæ admini-
stri, in vitâ *Hominum* prorogandâ, & instau-
randâ ; præsertim cum hoc agatur, per vias
tutas,

tutas, & commodas, & civiles, licet intentatas. Etsi enim nos *Christiani*, ad *Terram Promissionis* perpetuò aspiremus, & anhelemus; tamen interim itinerantibus nobis, in hac *Mundi Eremo*, etiam *Calceos* istos, & tegmina (Corporis scilicet nostri fragilis) quam minimum atteri, erit signum *Favoris Divini*.

Historia



Historia VITÆ ET MORTIS.

Aditus.

DE Vita brevi, & Arte longâ, *vetus est Cantilena, & querela. Videtur igitur esse tanquam ex congruo, ut nos qui pro viribus incumbimus, ad Artes perficiendas, etiam de Vitâ Hominum producendâ, cogitationem suscipiamus, favente & Veritatis, & Vitæ Authore. Et si enim Vita Mortalium, non aliud sit, quàm Cumulus, & accessio Peccatorum, & Ærumnarum, quique ad Æternitatem aspirant, iis leve sit lucrum vitæ; tamen non despicienda est, etiam nobis Christianis, Operum Charitatis Continuatio. Quin etiam Discipulus Amatus ceteris superstes fuit, & complures ex Patribus, præsertim Monachis sanctis, et Eremitis, longævi fuerint; ut isti Benedictioni, (toties in Lege veteri repetitæ,) minus detractum videatur post ævum Servatoris, quam reliquis Benedictionibus terrenis. Verùm ut hoc pro maximo Bono habeatur, proclive est. De modis assequendi, ardua Inquisitio; eoque magis, quod sit & Opinionibus falsis, & Præconiis vanis depravata. Nam & quæ à turbâ Medicorum, de Humore Radicali, & Calore Naturali dici solent, sunt seductoria: & laudes immodicæ Medicinæ Chymicarum, primò inflant Hominum spes, deindè destituunt.*

Atque de Morte, quæ sequitur ex Suffocatione, Putrefactione, & variis Morbis, non instituitur præsens Inquisitio; pertinet enim

Kkk

nim

enim ad Historiam Medicinalem : sed de eâ tantum Morte, quæ fit per Resolutionem, ac Arophiam senilem Attamen de ultimo passu Mortis, atque de ipsâ Extinctione vitæ, quæ tot modis, & exterius, & interius, fieri potest, (qui tamen habent quasi Atriolum commune, antequam ad Articulum Mortis ventum sit) inquirere; affine quiddam præsentî Inquisitioni esse censemus: sed illud postremo loco ponemus.

Quod reparari potest sensim, atque primo Integro non destructo, id potentiâ æternum est, tanquam Igneis Vestalis. Cum igitur viderent Medici, & Philolophi, ali prorsus Animalia, eorumq; Corpora reparari, & refici; neque tamen id diu fieri, sed paulò post senescere ea, & ad Interitum properè deduci, Mortem quæsi-verunt in aliquo, quod propriè reparari non possit; existimantes Humorem aliquem Radicalem, & Primigenium non reparari in solidum, sed fieri jam usque ab Infantiâ, Appositionem quandam degenerem, non Reparationem justam, quæ sensim cum Ætate depravetur, & demùm Pravum deducat ad Nullum. Hæc cogitârunt imperitè satis, & levitè. Omnia enim in Animalî, sub Adolescenciâ, & Iuventute, reparantur integrè; quinetiam ad tempus, Quantitate augentur, Qualitate meliorantur; ut Materia Reparationis, quasi æterna esse posset, si Modus Reparationis non intercideret. Sed reverà hoc fit. Vergente ætate, inequalis admodum fit Reparatio; aliæ partes reparantur satis fœlicitèr, aliæ agrè, & in pejus: ut ab eo tempore, Corpora humana subire incipiant tormentum illud Mezentii, Vt viva in amplexu mortuorum immoriantur, atque faciliè reparabilia, propter agrè reparabilia copulata, deficient. Nam etiam post Declinationem, & decursum ætatis, Spiritus, Sanguis, Caro, Adeps, faciliè reparantur; at quæ ficciores, aut porosiores sunt partes, Membranæ, & Tunicæ omnes, Nervi, Arteriæ, Venæ, Ossa, Cartilagine, etiam Viscera pleraque denique Organica ferè omnia, difficilius reparantur, & cum jacturâ. Illæ autem ipsæ partes, cum ad illas alteras Reparabiles partes, actu reparandas, omninò officium suum præstare debeant; ætîvitate suâ, ac viribus imminutæ, functiones suas amplius exequi non possunt. Ex quo fit, ut paulo post, omnia ruere incipiant, & ipsæ illæ partes, quæ in naturâ suâ sunt valdè reparabiles, tamen deficientibus Organis Reparationis, nec ipsæ similiter amplius commodè reparentur, sed minuantur, & tandem deficient. Causa autem Periodi ea est; quod Spiritus, instar Flammæ lenis, perpe-

perpetuò prædatorius, & cum hoc conspirans Aer externus, quæ etiam corpora fugit, & arefacit, tandem officinam Corporis, & Machinas, & Organa perdat, & inhabilia reddat ad Munus Reparationis. Hæ sunt verè viæ Mortis Naturalis benè & diligenter animo revolvendæ. Etenim qui Naturæ vias non noverit, quomodo is illi occurrere possit, eamquevertere?

Itaque duplex debet esse Inquisitio, altera de Consumptione, aut Deprædatione corporis humani; altera de ejusdem Reparatione, aut Refectione: eo intuitu, ut altera, quantum fieri possit, inhibeatur, altera confortetur. Atque prior istarum pertinet præcipuè ad Spiritum, & Aerem externum, per quos fit Deprædatio; Secunda ad universum processum Alimentationis, per quem fit restitutio. Atque quoad primam Inquisitionis partem, quæ est de Consumptione, omninò illa cum Corporibus Inanimatis, magnà ex parte, communis est. Etenim quæ Spiritus innatus (qui omnibus Tangibilibus, si ve vivis, si ve mortuis inest,) & Aer ambiens, operatur super Inanimata, eadem & tentat super Animata; licet super-additus Spiritus vitalis, illas operationes partim infringat, & compescat, partim potenter admodum intendat, & augeat. Nam Manifestissimum est Inanimata complura absque Reparatione, ad tempus benè longum durare posse: At Animata absque Alimento, & Reparatione, subito concidunt, & extinguuntur, ut & Ignis. Itaque Inquisitio duplex esse debet; primò contemplando Corpus humanum, tanquam Inanimatum, & Inalimentatum; deinde tanquam Animatum & Alimentatum. Verùm hæc præfati, ad Topica Inquisitionis jam pergamus.



TOPICA PARTICVLARIA

Sive,

Articuli Inquisitionis De Vitâ & Morte.



DE Naturâ *Durabilis*, & *minùs Durabilis*, in Corporibus *Inanimatis*, atque simul in *Vegetabilibus*, inquisitionem habeto; non eopiosam, aut legitimam, sed strictim, & per Capita, & tanquam in transitu.

De *Desiccatione*, *Arefactione*, & *Consumptione* Corporum *Inanimatorum*, & *Vegetabilium*, & de *Modis*, & *Processu* per quos fiunt; atque insupèr de *Desiccationis Arefactionis*, & *Consumptionis Prohibitione*, & *Retardatione*, Corporumque in suo statu *Conservatione*; atque rursùs de Corporum, postquàm

semel arefieri cœperint, *Inteneratione*, & *Emollitione*, & *Revirescentiâ*, diligentius tinquirito.

Neque tamen de his ipsis *perfecta*, aut *aecurata facienda est Inquisitio*, cùm ex proprio *Titulo Durabilis* hæc depromi debeant, cùmque non sint in *Inquisitione* præsentì *principalia*, sed *lumen tantummodo præbeant ad Prolongationem*, & *Instaurationem vitæ*, in *Animalibus*. In quibus ipsis, (ut jam dictum est) eadem ferè usu veniunt, sed suo modo. Ab *Inquisitione* autem circa *Inanimata* & *Vegetabilia*, transeat *Inquisitio* ad *Animalia præter Hominem*.

De *Animalium Longævitate*, & *Brevitate vitæ*, cum *circumstantiis debitis*, quæ ad hujusmodi *Ævitates* videantur facere, inquirito.

K k k 3

Quoniam

1.

2.

3.

4. Quoniam vero duplex est Duratio Corporum, altera in Identitate simplici, altera per Reparationem; quarum prima in Inanimatis tantum obtinet, secunda in Vegetabilibus, & Animalibus, & perficitur per *Alimentationem*; ideò de *Alimentatione*, ejusque viis, & processu inquirito: neque id ipsum exactè (pertinet enim ad *Titulos Assimilationis*, & *Alimentationis*) sed ut reliqua in transitu.

Ab Inquisitione circa Animalia, atque Alimentata transeat illa ad Hominem: cum verò jam deventum sit ad Subjectum Inquisitionis principale, debet esse in omnibus Inquisitio magis exacta, & numeris suis absoluta.

5. De Longevitate, & Brevitate vitæ in Hominibus, secundum *Ætates Mundi, Regiones, & Climata, & Loca Nativitatis, & Habitationis*, inquirito.
6. De Longevitate, & Brevitate vitæ in Hominibus, secundum *Propagines, & Stirpes suas* (tanquam esset hæreditaria;) atque etiam secundum *Complexiones, Constitutiones, & Habitus Corporis Saturas, nec-non modos, & spatia grandescendi*, atque secundum *Membrorum Facturas, & Compages* inquirito.
7. De Longevitate, & Brevitate vitæ in hominibus, secundum *Tempora Nativitatis*, ita inquirito, ut *Astrologica & Schemata cæli*, in præsentia omittas; recipito tantum *Observationes* (si quæ sint) plebeias, & manifestas, de *partibus septimo, octavo, nono, & decimo Mense*; etiam *Nocturn, Interdium, & quo Mense Anni?*
8. De Longevitate, & Brevitate vitæ in Hominibus, secundum *Victum, Dietas, Regimen vitæ, Exercitia, & similia*, inquirito; Nam quatenus ad *Aerem*, in quo vivunt, & morantur *Homines*, de eo, in *Articulo superiore de Locis Habitationis*, inquiri debere intelligimus.
9. De Longevitate, & Brevitate vitæ in Hominibus, secundum *Studia, & Genera Vitæ, & Affectus Animæ, & varia Accidentia*, inquirito.
10. De Medicinis, quæ putantur vitam prolongare, seorsum inquirito.
11. De Signis & Prognosticis vitæ longæ, & brevis, non illis quæ Mortem denotant in propinquo, (id enim ad *Historiam Medicinalem* pertinet) sed de iis quæ etiam in *Sanitate* apparent, & observantur, inquirito, siue sint *Physiognomica*, siue alia.

Hactenus instituta est Inquisitio de Longevitate & Brevitate vitæ, tanquam Inartificialis, & in confuso; huic adjicere visum est Inquisitionem Artificialem atque innuentem ad Praxim, per Intentiones. Eæ genere sunt tres. Distributiones autem magis Particulares Intentionum earum proponemus, cum ad ipsam Inquisitionem ventum erit. Tres illæ Intentiones generales sunt: Prohibitio Consumptionis; Perfectio Reparationis; Renovatio Veterationis.

12. De iis quæ Corpus in Homine, ab *Arefactione, & Consumptione* conservant, & eximunt; aut saltem *Inclinationem* ad eas, remorantur, & differunt, inquirito.
13. De iis quæ pertinent ad universum *Processum Alimentationis* (unde fit *Reparatio in Corpore Hominis*) ut sit proba, & minimâ cum jacturâ, inquirito.

De iis quæ purgant inveterata, & reponunt Nova, quæque etiam ea; quæ jam arefacta & indurata sunt, rursus intenerant, & humectant, inquirito.

14.

Quoniam verò difficile est, vias ad Mortem nosse, nisi ipsius Mortis Sedem, & Domicilium, (vel Antrum potius) perscrutatus sis, & inveneris; de hoc facienda est Inquisitio; neque tamen de omni genere Mortis, sed tantum de iis Mortibus, quæ inferuntur per Privationem, & Indigentiam, non per Violentiam; Illæ enim sunt tantum, quæ ad Atrophiam Senilem spectant.

De *Articulo Mortis*, & de *Atriolis Mortis*, quæ ad illum ducant, ab omni parte, (si modò id fiat per *Indigentiam*, & non per *violentiam*,) inquirito.

15.

Postremo, quoniam expedit nosse Characterem, & formam Senectutis, quod fiet optimè, si differentias omnes, in Statu Corporis, & Functionibus, inter Juventutem, & Senectutem, diligentè collegeris; ut ex iis perspicere possis, quid sit illud tandem, quod in tot effectus frondescat; etiam hanc Inquisitionem ne omittito.

De differentiis *Status Corporis*, & *Facultatum* in *Juventute*, atque in *Senectute*; & si quid sit ejusmodi, quod in Senectute maneat, neque minuatur, diligentè inquirito.

16.

Natura Durabilis.

Historia.

Metalla in tantum ævum durant, ut tempus *Durationis* ipsorum, Hominum observationem fugiat. Etiam quandò solvuntur per ætatem, in Rubiginem solvuntur, non per Perspirationem; *Aurum autem* per neutrum.

Ad Artic. 1.

1.

Argentum vivum, licet humidum sit, & fluidum, atque per Ignem facillè fiat volatile; tamen (quod novimus) absque Igne, per ætatem solam, nec consumitur, nec contrahit Rubiginem.

2.

Lapides, præsertim duriores, & complura alia ex *Fossilibus*, longi sunt ævi; idque licet exponantur in Aerem, multò magis dum conduntur sub Terrâ: Attamen Nitrum quoddam colligunt *Lapides*, quod illis est instar Rubiginis: *Gemmae autem*, & *CrySTALLA*, *Metalla* ipsa ævo superant; Attamen clarore suo non nihil, a longâ ætate, mutantur.

3.

Observatum est, *Lapides* ex parte *Boreæ*, citius temporis edacitate consumi; quam *Austro* expositos, idque & in *Pyramidibus*, & in *Templis*, & aliis *Ædificiis* manifestum esse: *Ferrum* contrâ, ad *Austrum* expositum, citius Rubiginem contrahere, ad *Septentrionem* tardius, ut in *Bacillis* illis ferreis, aut *Cratibus*, quæ ad *Fenestras* apponuntur, liquet. Nec mirum, cum in omni *Putrefactione* (qualis est

4.

est

est Rubigo) Humiditas acceleret *Dissolutionem*, in *Arefactione* simplici, Siccitas.

5. In *Vegetabilibus* (loquimur de avulsis nec vegetantibus) *Stemmata Arborum* duriorum, sive trunci, atque ligna, & *Materies* ex ipsis, per sæcula nonnulla durant. Partes autem *Stemmatibus* variè se habent; Sunt enim quædam *Arbores* fistulosæ, ut *Sambucus*, in quibus *Pulpa* in medio mollior sit, exterius durius; at in *Arboribus* solidis, qualis est *Quercus*, interius, (quod *Cor Arboris* vocant,) durat magis.
6. *Folia Plantarum*, & *Flores*, etiam *Caules*, exiguæ sunt *Durationis*, sed solvuntur in pulverem, seseque incinerant, nisi putrescant: *Radices* autem sunt magis durabiles.
7. *Ossa Animalium* diù durant, ut videre est in *Ossuariis*, scilicet *Repositoriis Ossium Defunctorum*: *Cornua* etiam valdè durant; necnon *Dentes*, sicut in *Ebore*, & *Dentibus Equi Marini*.
8. *Pelles* etiam, & *Corium* valdè durant, ut cernere est in *Pergamentis antiquorum Librorum*: quinetiam *Papyrus*, complura secula tolerat, licet *Pergamena* duratione cedat.
9. *Ignem passa* diù durant, ut *Vitrum*, *Lateres*; etiam *Carnes*, & *Fructus Ignem passi*, diutiùs durant, quam crudi: neque ob id tantùm, quod hujusmodi *Cocctio* arceat *Putredinem*; sed etiam quod emissio *Humore aqueo*, *Humor oleosus* diutiùs se sustineat.
10. *Aqua* omnium *Liquorum* citissimè sorbetur ab *Aere*, *Oleum* contrà tardius evaporat; ut cernere est, non solùm in *Liquoribus* ipsis, verum etiam in *Mistis*: Etenim *Papyrus Aquâ* madefacta atque inde nonnihil *Diaphaneitatis* nacta, paulò post albescit, & *Diaphaneitatem* suam deponit, exhalante scilicet *Vapore Aquæ*, At contrà, *Papyrus Oleo* tincta, diu *Diaphaneitatem* servat, minimè exhalante *Oleo*: unde qui *Chirographa* adulterant, *Papyrus Oleatam* *Autographo* imponunt, atque hâc industriâ *lineas* trahere tentant.
11. *Gummi* omnia, valdè diù durant; Etiam *Cera*, & *Mel*.
12. At *Æqualitas*, & *Inæqualitas* eorum, quæ *Corporibus* accidunt, non minùs quàm res ipsæ, ad *Durationem*, aut *Dissolutionem* valent. Nam *Ligna*, *Lapides*, alia, vel in *Aquâ*, vel in *Aere* perpetuo manentia, plus durant, quàm si quandòque alluantur, quandòque afflentur. Atque *Lapides* eruti, & in *Ædificiis* positi, diutiùs durant, si eodem situ, & ad easdem *Coeli* plagas ponantur: quibus jacebant in *Mineis*: id quod *plantis* etiam è loco motis, & aliò transplantatis, accidit.

Obser-

Observationes majores.

Loco Assumpti ponatur, quod certissimum est; Inesse omni Tangibili Spiritum; sive Corpus pneumaticum, Partibus tangibilibus obiectum, & inclusum; Atque ex illo Spiritu initium capi omni Dissolutionis, & Consumptionis; Itaque earundem Antidotum est, Detentio Spiritus.

1.

Spiritus detinetur duplici modo; Aut per Compressionem ar-
etam, tanquam in Carcere; aut per Detentionem tanquam spon-
taneam: Atque ea Mansio etiam duplici ratione invitatur; Vide-
licet, si Spiritus ipse non sit mobilis admodum, aut acer; atque si
insuper ab Aere ambiente minus sollicitetur ad exeundum. Itaque
duo sunt Durabilia; Durum, & Oleosum; Durum constringit
Spiritus; Oleosum partim demulcet Spiritum, partim hujusmodi
est, ut ab Aere minus sollicitetur: Aer enim Aquæ consubstantialis,
Flamma autem Oleo. Atque de Naturâ Durabilis, & minus Du-
rabilis in Inanimatis, hæc inquisita sint.

2.

Historia.

Herbæ quæ habentur ex Frigidioribus, annuæ sunt, & quotannis
moriuntur, tam Radice, quam Caule: ut *Lactuca*, *Portulaca*, etiam
Triticum, & *Fru menti* omne genus: Sunt tamen etiam ex frigidis,
quæ per tres, aut quatuor Annos durant, ut *Viola*, *Fragaria*, *Pimpinella*,
Primula veris, *Acetosa*; At *Borago*, & *Buglossa*, cum videantur vivæ
tam similes, Morte differunt; *Borago* enim annua, *Buglossa* Anno
superstes.

13.

At *Herbæ* calidæ plurimæ ætatem, & annos ferunt; *Hyssopus*, *Thy-
mus*, *Satureia*, *Majorana altera*, *Melissa*, *Absinthium*, *Chamaedrys*, *Salvia*, &c.
At *Feniculum* Caule moritur, Radice repullulat: *Ocimum* verò, & *Ma-
jorana* (quam vocant,) *suavis*, non tam *Ætatis*, quam *Hyemis* sunt
impatientes: satæ enim in loco valdè munito, & tepido, superstites
sunt: Certè notum est *Schema*, (qualibus in Hortis utuntur ad orna-
mentum;)

14.

mentum ;) ex *Hyssopo*, quotannis bis tonsum, usque ad quadraginta Annos durasse.

15. *Frutices & Arbores* humiliores, ad sexagesimum Annum, aliæ etiam duplò magis, vivunt. *Vitis* sexagenaria esse potest, & ferax est etiam in Senectute. *Rosmarinus* sælicitè collocatus, etiam Sexagesimum Annum complet : At *Acanthus*, & *Hedera* ultra centesimum durant. Sed Rubi Ætas, non percipitur, quia flectendo caput in terram novas nanciscitur Radices, ut veterem à novâ distinguere haud facile sit.

16. Ex *Arboribus* grandioribus annosissimæ sunt *Quercus*, *Ilex*, *Ornus*, *Vlmus*, *Fagus*, *Castanea*, *Platanus*, *Ficus Ruminalis*, *Lotos*, *Oleaster*, *Olea*, *Palma*, *Morus* : ex his nonnullæ usque ad octingentesimum Annum ; etiam earum minùs vivaces, usque ad ducentesimum perveniunt.

17. At *Arbores Odoratæ*, & *Resinosæ*, materiâ suâ sive Ligno, etiam illis, quas diximus, magis durabiles ; Ætate paulò minùs vivaces ; *Cupressus*, *Abies*, *Pinus*, *Buxus*, *Juniperus* ; At *Cedrus* Corporis magnitudine adjunctus, etiam superiores ferè æquat.

18. *Fraxinus* proventu alacris & velox, Ætatem ad centesimum annum, aut nonnihil ultra producit ; quod etiam quandoque facit *Fernula*, & *Acer*, & *Sorbus* : At *Populus*, & *Tilia*, & *Salix*, & (quam appellant). *Sycômorus*, & *Inglans*, non adeò vivaces sunt.

19. *Malus*, *Pyrus*, *Prunus*, *Malus Punica*, *Malus Medica*, & *Cytria*, *Messilus*, *Cornus*, *Cerasus*, ad Quinquagesimum, aut Sexagesimum Annum pervenire possunt ; præsertim si à Musco nonnullas ipsarum vestiente, aliquandò purgentur.

20. Generalitèr Magnitudo Corporis in *Arboribus*, cum Diurnitate vitæ, (cæteris paribus,) nonnihil habet commune ; & similitèr durities Materiæ : quin & *Arbores* Glandiferæ, & Nuciferæ, Fructiferis & Bacciferis, sunt plerunque vivaciores : atque etiam Præcocius, vel Fructu, vel Foliis, ferotinæ & tardiùs frondescentes, atque tardiùs etiam Folia deponentes, Ætate diuturniores sunt : quin & sylvestres Cultis ; & in eadem specie, quæ acidum Fructum ferunt, illis quæ dulcem.

Obfer-

Observatio Major.

BEnè admodum notavit Aristoteles, discrimen inter Plantas, & Animalia, quoad Alimentationem, & Renovationem, quòd scilicet Corpus Animalium suis Clausuris circumsepium manet; atque insupèr postquam ad justam Magnitudinem pervenerit, Alimento continuatur, & conservatur, sed nihil novum excrescit, præter capillos, & Ungues, quæ pro Excrementis habentur; adeò ut necesse sit Succos Animalium citius veterasce-
ra: At in Arboribus, quæ novos subinde Ramos, nova Vimina, novas Frondes, novos Fructus immittunt, evenit ut & ipsæ, quas diximus, partes novæ sint, nec Ætatem passæ; cum verò, quicquid viride sit, & adolescens, fortius & alacrius Alimentum ad se trahat, quàm quod incæperit desiccari; evenit unà & simul, ut Truncus ipse per quem hujusmodi Alimentum transit ad Ramos, uberiore, & latiore Alimento in transitu irrigetur, perfundatur, & recreetur: Id quod etiam insignitèr patet, ex hoc (licet illud non annotaverit Aristoteles, qui nec ea ipsa, quæ jam diximus, iam perspicuè explicavit) quod in Sepibus, Sylvis cæduis, Arboribus tonsis, Amputatio Ramorum, aut Surculorum, Caxlem ipsum, aut Truncum confortat, illumque efficit longè diuturniorem.

Desiccatio

Desiccatio; Desiccationis prohibitio; & Desiccati Inteneratio.

Historia.

Ad Art. 2.

1.

Ignis, & Calor intensus alia desiccat, alia colliquat;
Limus ut hic durescit, & hæc ut Cera liquefit
Vno eodemque Igne.——

Desiccat Terram, & Lapides, & Lignum, & Pannos, & Pelles, & quæcunque non fluunt: Colliquat Metalla, & Ceram, & Gummi, & Butyrum, & Sevum, & hujusmodi.

2.

Attamen in illis ipsis quæ colliquat Ignis, si vehementior fuerit, ea in fine desiccat; nam & Metalla, ex Igne fortiore, emissio Volatili, minuuntur pondere (præter Aurum) & deveniunt magis fragilia; atque Oleosa illa & pingua, ab Igne fortiore deveniunt frixa, & tosta, & magis sicca & crustata.

3.

Aer, præcipuè apertus, manifestò desiccat, nunquam colliquat; veluti cum viæ, & Superficies Terræ, Imbribus madefactæ desiccantur; Lintea lota, quæ ad Aerem exponuntur, siccantur; Herbæ, & Folia, & Flores, in umbrâ siccantur. At multò magis, hoc facit Aer, si aut Solis radiis illustretur, (modò non inducat Putredinem) aut moveatur; ut flantibus Ventis, & in Areis perflatilibus.

4

Ætas maximè, sed tamen lentissimè, desiccat; ut fit in omnibus Corporibus, quæ Vetustate, (modò non intercipiuntur à Putredine) arefiunt: Ætas autem, nihil est per se (cum sit Mensura tantum Temporis) sed Effectus producitur, à Spiritu Corporum in-nato, qui Corporis Humorem exugit, & unà cum ipso evolat, & ab Aere circumfuso, qui multiplicat se super Spiritus innatos, & Succos Corporis, eosque deprædatur.

5.

Frigus omnium maximè propriè exiccat; siquidem Desiccatio non fit nisi per Contractionem; quod est opus proprium Frigoris. Quoniam vero nos Homines Calidum potentissimum habemus in Igne, Frigidum autem infirmum admodum; nihil aliud scilicet quam Hyemis, aut fortasse Glaciei, aut Nivis, aut Nitri, ideo Desiccationes Frigoris sunt imbecillæ, & facillè dissolubiles: videmus tamen desiccari Faciem Terræ ex Gelu, atque ex Ventis Martiis plus, quam ex Sole; cum idem Ventus, qui Humorem lambit, etiam Frigus incutiat.

6.

Fumus Foci desiccat, ut in Laridis; & Linguis Bovum, quæ in Caminis suspen-

suspenduntur; quinetiam Suffitus ex Olybano, aut Ligno Aloes, & similibus, desiccat Cerebrum, & Catarrhis medetur.

Sal. morà paulò longiore, desiccat, non tantum in extimis, sed etiam in profundo; ut fit in Carnibus aut Piscibus salitis, quæ per diuturnam

Salitionem, manifestò etiam intrinsecus indurantur. *Gummi* calidiora applicata ad Cutem eam desiccant, & corrugant; quod faciunt etiam *Aqua* nonnulla constringentes.

Spiritus Vini fortis, in tantum desiccat instar *Ignis*, ut & Albumen Ovi immissum candefaciat, & Panem torreat.

Pulveres desiccant instar Spongiatum, sugendo Humidum, ut fit in *Pulvere*, Atramento injecto, post *Scriptionem*; Etiam *Levor*, & *Vnio* Corporis (qui non permittit Vaporem *Humidi* ingredi per poros) per Accidens desiccat, quia ipsum *Aeri* exponit; ut fit in *Gemmis*, & *Speculis*, & *Laminis* Ensim; in quæ si spires, cernuntur illa primò vapore obducta, sed paulò post evanescit ille vapor, ut Nubecula: atque de *Desiccatione* hæc inquisita sint.

Granaria in usu sunt hodiè, ad partes *Germaniæ*, *Orientales*, in Cellis subterraneis, in quibus *Triticum*, & alia Grana conservantur, substrato, & circumposito undique stramine, ad nonnullam altitudinem, quod Humiditatem Cavernæ arceat, & sorbeat: Quæ industriâ servantur Grana etiam ad vicesimum, aut tricesimum Annum; neque servantur tantum à Putredine, sed (quod ad præsentem *Inquisitionem* pertinet,) in tali Viriditate, ut Panibus conficiendis optimè sufficiant; idemque fuisse in usu, in *Cappadociâ*, & *Thraciâ*, & nonnullis locis *Hispaniæ*, perhibetur.

Granaria in Fastigiis *Ædium*, cum *Fenestris* ad *Orientem* & *Septentrionem* commodè collocantur, quinetiam constituunt quidam duo *Solaria*, superius, & inferius; Superius autem foraminatum est, ut Granum per foramen, (tanquam *Arena* in *Clepsidrâ*,) continuè descendat, & subinde palis, post aliquot dies, reponatur; ut Granum sit in continuo Motu. Notandum autem est, etiam hujusmodi res, non tantum Putredinem cohibere, verum etiam Viriditatem conservare, & Desiccationem retardare; Cujus causa est ea, quam etiam superius notavimus; quod *Evolatio* *Humoris Aquei*, quæ Motu, & Vento acceleratur, Humorem Oleosum in suo esse conservat, qui aliàs in consortio *Humoris Aquei* fuisset unà evolaturus. Etiam in quibusdam *Montibus* ubi Aer est purus, *Cadavera* ad plures dies manent, non multum deflorescentia.

Fructus, veluti *Granata*, *Cytria*, *Mala*, *Pyra*, & hujusmodi; etiam & *Flores*, ut *Rosa*, *Lilium*, in *Vasis Fictilibus* benè obturatis, diutius servantur; neque tamen non officit Aer ambiens ab extimis, qui etiam per Vas, inæqualitates suas defert, & insinuat; ut in Calore, & Frigore manifestum est: itaque si & *Vasa* diligenter obturentur, atque obturata sub Terram insuper condantur, optimum erit; neque minus utile est, si non sub Terrâ, sed sub *Aquis* condantur, modò sint umbrosæ, ut *Putei*, & *Cisternæ* in Domibus; sed quæ sub *Aquis* conduntur, melius reponuntur in *Vasis Vitreis*, quam in *Fictilibus*.

Generalitèr quæ sub Terrâ, & in *Cellis* subterraneis, aut in profundo

Aquarum reponuntur; virorem suum diutius tuentur; quam quæ supra Terram.

15. Tradunt in *Conservatoriis Nivium* (sive sint in montibus, in Foveis naturalibus; sive per Artem in Puteis ad hoc factis) observatum fuisse, quod a liquando *Malum*, aut *Castanea*, aut nux, aut simile quippiam inciderit; quæ post plures Menses liquefactâ nive, aut etiam intra Nivem ipsam, inventa sunt recentia; & pulchra; ac si pridie essent decerpta.

16. *Vvæ* apud Rusticos servantur in *Racemis* coopertis intra *Farinam*; quod licet gustui eas reddat minus gratas, tamen Humorem & Viriditatem conservat; etiam omnes *Fructus* duriores, non tantum in *Farina*, sed in *scobe Lignorum*, etiam inter *Acervos Granorum* integrorum, diu servantur.

17. Invaluit *Opinio*, *Corpora* intra *Liquores* suæ speciei, tanquam *Mensura* sua, conservari recentia; ut *Vvæ*, in *Vino*, *Olivæ* in *Oleo*, &c.

18. Servantur *Mala Granata*, & *Cotonea* tincta paulisper in *Aquâ Mari-nam*, aut *salam*, & paulo post extracta; & in *Aëre* aperto (modo fuerit in umbrâ) siccata.

19. In *Vino*, *Oleo*, aut *Amurcâ* suspensa diu servantur; multo magis in *Melle*, & *spiritu vini*; atque etiam omnium maximè (ut quidam tradunt) in *Argento Vivo*.

20. *Incrustatio* etiam *Fructuum*, *Cerâ*, *Pice*, *Gypso*, *Pastâ*, aut aliis oblinimentis, aut capsulis, diutius eos virides conservat.

21. Manifestum est *Muscas* & *Araneas*, & *Formicas*, & hujusmodi, casu in *Electro*, aut etiam *Arborum Gummis* immerfas, & sepultas; nunquam postea marcescere; licet sint *Corpora* mollia, & tenera.

22. *Vvæ* servantur pensiles; & sic de aliis *Fructibus*; duplex est enim ejus rei commoditas; una, quod absque ullâ contusione, aut compressione fiat; qualis contra fit cum super dura collocantur; altera, quod *Aër* undè quaque ipsas æqualiter ambit.

23. Notatum est, tam *Putrefactionem*, quam *Desiccationem* in *Vegetabilibus*, non similiter, ex omni parte, incipere; sed maximè ex eâ parte, per quam solebant, cum essent viva, attrahere *Alimentum*; itaque jubent aliqui *Pediculos Malorum*, aut *Fructuum*, *Cerâ*, aut *Pice* liquefactâ, obducere.

24. *Fila Candelarum* aut *Lampadum* majora citius absument *Sevum*, aut *Oleum*, quam minora: Etiam *Flamma* ex *Gossipio* citius quam ex *Scirpo*, aut *Stramine*, aut *Vimine ligneo*; atque in *Baculis Cereorum*, citius ex *Junipero*, aut *Abiete*, quam ex *Fraxino*: Etiam omnis *Flamma* mota & vento agitata, citius absument, quam tranquilla; itaque intra *Cornu* minus citò, quam in aperto: Tradunt quoque *Lychna* in *Sepulchris*, admodum diu durare.

25. *Alimenti* etiam *Natura*, & preparatio non minus facit ad diuturnitatem *Lychnorum*, quam *Natura Flammæ*: Nam *Cera*, *Sevo* diuturnior est; & *Sevum* paulò madidum, *Sevo* sicciore; & *Cera* dura, *Cerâ* molliore.

26. *Arbores*, si quotannis circa *Rachis* earum Terram moveris, brevius durant; si per *Lustra* aut *Decennia*, diutius; Etiam *Germina*, & *Surculos*

Sarculos decerpere, facit ad Longævitatē: Item *Stercoratio* aut *Substratio cretæ* & similitum, aut multa *Irrigatio*, *Feracitati* confert, *Ætatem* minuit: Atque de *Prohibitione Desiccationis*, & *Consumptionis*, hæc inquisita sunt.

Inteneratio Desiccati, (quæ res est præcipua) *Experimenta* præbet pauca; ideoque nonnulla quæ in *Animalibus* fiunt, atque etiam in *Hominē*, conjungemus.

Vimina Salicis, quibus ad ligandas *Arbores* utuntur, in *Aquâ* infusa, fiunt magis flexibilia; Similiter *virgarum Ferulæ* extremitates in *Urceis* cum *Aquâ* imponuntur, ne siccescant; quin & *Globuli* lusorii, licet per *Siccitatem* rimas collegerint, positi in *Aquâ* rursus implentur, & consolidantur. 27.

Ocreæ ex *Corio* vetustate duræ, & obstinata, per illinitionem *Sevi* ad ignem, molliuntur; etiam *Igni* simplici admotæ, non nihil: *Vesicæ*, & *Membrana*, postquam fuerint indurata, ab *Aquâ* calefactâ, admixto *Sevo*, aut aliquo *Pingui*, intenerantur; melius autem, si etiam paululum confricentur. 28.

Arbores veteres admodum, quæ diu steterunt immotæ, fodiendo & aperiendo terram, circa *Radices* ipsarum, manifestò tanquam juvenescunt, novis & teneris *Fronibus* emissis. 29.

Boves Aratores veteres, & laboribus penitus exhausti, in læta *Pascua* inducti *Carnibus* vestiuntur novis, & teneris, & juvenilibus, ut etiam ad *Gustum Carnem Juvencorum* referant. 30.

Diaeta stricta consumens, & emacians ex *Guaiaco*, *Pane bis cocto*, & similibus (quali ad curandum *Morbum Gallicum*, & inveteratos *Catarrhos*, & *Leucophlegmatiam* utimur) *Homines* ad summam *Macilentiam* deducit, consumptis *Succis* corporis; qui postquam cœperint instaurari, & refici, manifestò cernuntur, magis *Juveniles* & *Virides*; quin etiam existimamus *Morbos emaciantes*, postea benè curatos, compluribus *Vitam* prolongasse. 31.

Observationes majores.

Multis modis *Homines*, more *Noctuarum*, in *Tenebris* *Notionum* suarum acutè vident, ad *Experientiam*, tanquam *lucem diurnam*, nictant, & cœcutiunt. Loquuntur de *Elementari Qualitate Siccitatis*; & de *Desiccantibus*; & de *naturalibus Periodis Corporum*, per quas corrumpuntur, & consumuntur; sed interim, nec de *Initiis*, nec de *Mediis*, nec de *Extremis*, *Desiccationis*, & *Consumptionis*, aliquid, quod valeat, observant. 1.

2. Desiccatio & Consumptio, in Processu suo, tribus actionibus perficitur ; atque originem ducunt Actiones illæ, à Spiritu innato Corporum, ut dictum est.
3. Prima Actio est, Attenuatio Humidi in Spiritum ; secunda est, Exitus, aut Evolutio Spiritûs : tertia est, Contractio partium Corporis crassiorum, statim post Spiritum emissum ; Atque hoc ultimum est illa Desiccatio, & Induratio de quâ præcipue agimus : priora duo consumunt tantum.
4. De Attenuatione, res manifesta est ; Spiritus enim, qui in omni Corpore Tangibili includitur, sui non obliuiscitur ; sed quicquid nanciscitur in corpore (in quo obsidetur) quod digerere possit, & conficere, & in se vertere ; illud planè alterat, & subigit, & ex eo se multiplicat, & novum Spiritum generat. Hoc ex probatione eâ, instar omnium, evincitur ; quod quæ plurimum siccantur, Pondere minuantur, & deveniunt Cava, Porosa, & ab intus Sonantia : certissimum autem est, Spiritum rei præ-inexistentem, ad Pondus nihil conferre, sed illud levare potius ; ergo necesse est, ut Spiritus præ-inexistens, Humidum, & Succum Corporis, quæ antea à pondera verant, in se verterit ; quo facto pondus minuitur ; atque hæc est prima Actio, scilicet Attenuationis Humoris, et Conversionis ejus in Spiritum.
5. Secunda Actio, quæ est Exitus, sive Evolutio Spiritûs, res etiam manifestissima est. Etenim illa Evolutio, cum fit confertim, etiam sensui patet ; in Vaporibus Aspectui, in Odoribus Olfactui ; verum si sensim fiat Evolutio, ut fit per Ætatem, tum demum peragitur sine sensu ; sed eadem res est. Quinetiam, ubi Corporis Compages, aut ita arcta est, aut ita tenax, ut Spiritus Poros, et Meatus non inveniat, per quos exeat, tum verò etiam partes ipsas crassiores Corporis, in nixu suo exeundi, ante se agit, easque ultra Corporis superficiem, extrudit ; ut fit in Rubigine Metallorum, et in Carie omnium Pinguium : Atque hæc est secunda Actio ; scilicet Exitus, et Evolutionis Spiritûs.
6. Tertia Actio paulò magis obscura, sed æquè certa est ; Ea est Contractio Partium crassiorum post Spiritum emissum ; atque primò videre est Corpora post Spiritum emissum manifestò arctari, et minorem locum complere ; ut fit in Nucleis Nucium, qui siccati non implent testam ; et in Trabibus, et Palis Ligni, quæ primò contiguae sunt ad invicem, ex Desiccatione autem hiant ; atque ex Globulis
luforijs,

Iusoribus, et similibus, qui per siccitatem rimosi evadunt, cum Partes se contrahant, et contracte necessario spatia inter se relinquunt: Secundo patet ex Rugis corporum siccatorum; Nixus enim se contrahendi, tantum valet, ut Partes contrahendo interim adducat, et sublevet; Quæ enim in extremitatibus contrahuntur, in Mediis sublevantur; atque hæc cernere est in Papyris, et Membranis vetustis; atque in Cute Animalium; atque in Extimis Casei mollioris, quæ omnia vetustate corrugantur: Atque tertio se ostendit amplius hæc Contractio, in illis, quæ à Calore non tantum corrugantur, verum etiam complicantur (et in se vertuntur, et quasi rotulantur; ut cernere est in Membranis, et Papyris, et Folii ad ignem admotis. Etenim Contractio per Aetatem, cum tardior sit, Rugas ferè parit; at Contractio per Ignem, quæ festina est, etiam Complicationes. At in plurimis, ubi non datur Corrugatio, aut Complicatio; fit simplex Contractio, et Angustiatio, et Induratio, et Desiccatio, ut primo positum est; Quod se eousque invaleseat Evolutio Spiritus, et Absumptio Humidi, ut non relinquatur satis Corporis, ad se uniendum, et Contrahendum, tum verò cessat Contractio ex necessitate, et Corpus redditur putre, et nihil aliud, quam Pulvisculus coherens, qui levi tactu dissipatur, et abit in Aerem; ut fit in Corporibus cunctis valde absumptis; & Papyro, & Linteo, ad ultimum combustis; & Cadaveribus imbal-samatis post plura secula. Atque hæc est tertia illa Actio; scilicet Con- tractionis Partium crassiorum post Spiritum emissum.

Notandum est ignem, & Calorem, per accidens tantum desiccare; proprium enim eorum Opus est, ut Spiritum & Humida attenuent, & dilatent; sequitur autem ex Accidente, ut partes reliquæ se contrahant; si ve ob fugam Vacui tantum, si ve ob alium Motum simul, de quonunc non est Sermo.

Certum est etiam Putrefactionem, non minus quam Arefactio- nem, à Spiritu innato originem ducere, sed longè alià viâ incedere; nam in Putrefactione, Spiritus non emittitur simpliciter, sed ex parte detentus, mira comminiscitur; atque etiam partes crassiores, non tam localiter contrahuntur, quam coeunt singulæ ad Homoge- niam.

Longævitas, & Brevitas Vitæ in Animalibus.

Historia.

Ad Artic. 3.
Connexio.

DE Diuturnitate, & Brevitate Vitæ in Animalibus, tenuis est Informatio quæ haberi potest; Observatio negligens; Traditio fabulosa: In Cicuribus Vita degener corrumpit; in Sylvestribus Injuria Cæli intercipit.

Neque quæ Concomitantia videri possint, huic Informationi multum auxiliantur (Moles Corporis; Tempus Gestationis in utero; Numerus Fœtus: Tempus Grandescendi: alia:) propterea quod complicata sunt ista, atque alias concurrunt, alias disjunguntur.

1. *Hominis* Ævum cæterorum *Animalium* omnium superat (quantum Narratione aliquâ certâ constare potest) præter admodum paucorum. Atque Concomitantia in eo, satis æqualiter se habent; *Statura* & *Magnitudo* grandis; *Gestatio* in *Utero* novimestris; *Fœtus* ut plurimum unicus; *Pubes* ad Annum Decimum quartum; *Grandescencia* ad Vigessimum.
2. *Elephas*, fide haud dubiâ, curriculum *Humanæ* Vitæ ordinarium transcendit: *Gestatio* autem in utero Decennalis, fabulosa; Biennalis, aut saltem supra annuam, certa: At *Moles* ingens, & *Tempus Grandescendi* usque ad Annum tricesimum, *Dentes* Robore firmissimo: Neque etiam Observationem *Hominum* fugit, quod *Sanguis Elephantis* omnium sit frigidissimus: *Ætas* autem Ducentesimum Annum nonnunquam complevit.
3. *Leones* vivaces habiti sunt, quod complures ex iis reperti sint edentuli; Signo nonnihil fallaci; cum illud fieri possit ex *Gravitate Anhelitus*.
4. *Vrsus* magnus Dormitor est; *Animal* pigrum, & iners, neque tamen Vivacitatis notatum: Illud autem signum brevis Ævi; quod *Gestatio* ejus in *utero* sit festina admodum, vix ad Quadraginta dies.
5. *Vulpi* multa se benè habere videntur ad Longævitem; optimè tecta est, *Carnivora*, & degit in Antris; neque tamen *Vivacitatis* notata: Certe est Generis *Canini*, quod Genus brevioris est vitæ.

Camelus

Camelus longavus est; *Animal* macilentum, & nervosum; ita ut Quinquaginta Annos ordinariò, centum quandòque conspleat.

Equi vita mediocris, vix Quadragesimum Annum attingit; Ordinarium autem curriculum, Viginti Annorum est: Sed hanc *Brevitatem vite* fortasè *Homini* debet; Desunt enim jam nobis *Equi Solis*, qui in Pascuis liberi, & lati degebant. Attamen creseit *Equus* usque ad Sextum Annum, & generat in Senectute. Gestat etiam in utero *Equa* diutius, quam *Femina*, & in *Gemellis* rarior est. *Asinus* similis ferè ævi ut *Equus*; *Mulus* utroque vivacior.

Cervorum vita celebratur vulgò ob longitudinem; neque tamèn *Narratione* aliquà certà: Nescio quid de *Cervo Torquato*, coopertà Torque ipsà pinguedine carnis, circum ferunt. Eò minùs credibilis est Longavitas in *Cervo*, quod Quinto Anno perficitur, atque non multò post, Cornua (quæ annuatim decidunt, & renovantur), succedunt magis conjuncta fronte, & minùs ramosa.

Canis brevis est ævi; non extenditur Ætas ultra Annum Vice-simum, neque sæpè attingit ad Decimum quartum: *Animal* ex calidissimis, atque inæqualitèr Vivens; cum ut plurimùm, aut vehementiùs moveat, aut dormiat. Etiam Multiparum est, & Novem Septimanas gestat in utero.

Bos quoque, pro Magnitudine & Robore, admodùm brevis est ævi, quasi Sex-decim Annorum; Maresque Fœminis nonnihil vivaciores: Attamen unicùm plerunquè edit Partum, & gestat in utero circa sex Menses. *Animal* pigrum, & carnosum, & faciliè pinguescens, & *Herbis* solis pastum.

At Decennalis ætas in *Ovibus* etiam rara est; licet sit *Animal* mediocris Magnitudinis, & optime tectum; neque quod mirum, cum minimum in illis reperiatur Bilis, Capillitium habent omnium crispissimum; neque enim *Pilus* alicujus Animalis, tam tortus est, quam *Lana*. *Arietes* ante Tertium Annum non generant, atque habiles sunt ad generandum, usque ad Octavum; *Femelle* pariunt quamdiù vivunt. Morbosum *Ovis Animal*, nec Ætatis suæ curriculum ferè implet.

Caper etiam similis est Ævi cum *Ove*, nec dispar multùm in cæteris; licet sit *Animal* magis agile, & carne paulò firmiore, eoque debuerit esse vivacius; attamen salacius est multo, eoque brevioris Ævi.

Sues ad Quindecim Annos quandòque vivunt, etiam ad viginti; cumque sint Carne, inter *Animalia* omnia, humidissimà, tamen nihil videtur hoc proficere ad Longitudinem vitæ: De *Apro* aut *Sue Silvestri*, nil certi habetur.

Felis Ætas est inter Sextum Annum, & Decimum; Agile *Animal*, & Spiritu acri, cujus Semen (ut refert *Ælianus*) *Fæmellam* adurit, unde increbuit opinio; Quod *Felis* concipit in Dolore, & parit cum Facilitate: vorax est in *Cibis*, quos potiùs deglutit, quam mandit.

Lepores, & *Cuniculi* vix ad Septem Annos perveniunt; *Animalia* Generativa, etiam Superfoetantia; In hoc disparia, quod *Cuniculus* sub terrâ vivit, *Lepus* in aperto; quodque *Leporis* Carnes atriores sint.

16. *Aves* mole Corporis; *Quadrupedibus* longè sunt minores: Pusilla enim res est *Aquila* aut *Cignus*, præ *Bove*, aut *Equo*; itèm *Struthio* præ *Elephanto*.
17. *Aves* optimè testæ sunt: Pluma enim tepore, & incubitu pressio ad Corpus, & Lanam, & Capillitia excedit.
18. *Aves*, cum plures pariant, eos simul in Alvo non gestant, sed Ova excludunt per vices: unde liberaliùs sufficit Alimentum Fœtui.
19. *Aves* parùm, aut nihil Alimentà mandunt; ut integrum sape repariatur in gulis ipsarum. Attamen frangunt Fructuum Nuces, & Nucleum excerpunt. Existimantur autem esse Concoctionis fortis, & calidæ.
20. Motus *Avium*, dùm volant, mixtus est, inter Motum Attuum, & Gestationem; Saluberrimum Exercitationis genus.
21. De *Avium* Generatione *Aristoteles* benè notavit, (sed malè ad alia *Animalia* traduxit) minùs scilicet conferre Semen *Maris* ad Generationem; sed Activitatem potiùs indere, quam Materiam; unde etiam Ova fœcunda, & sterilia, in plurimis non dignoscuntur.
22. *Avès* quasi omnes, ad Magnitudinem suam justam perveniunt, primo Anno, aut paulò post: verum est, quoad plumas in nonnullis, quoad Rostrum in aliis, Annos numerari; ad Magnitudinem autem Corporis, minimè.
23. *Aquila* pro Longævâ habetur; Anni non numerantur: Etiam in Signum trahitur Longævitatìs, quòd Rostra renovet, undè juvenescat; ex quo illud, *Aquile Senectus*. Attamen res fortassè ita se habet; ut Instauratio *Aquila* non mutet Rostrum, sed contrà, Mutatio Rostri instauret *Aquilam*: Postquam enim Rostrum, ad uncitatem suâ nimium increverit, pascit *Aquila* cum difficultate.
24. *Vultures* etiam Longævi perhibentur, adeò ut vitam ferè ad centesimum annum producant: *Milvi* quoque, atque adeò omes *Folucres Carnivoræ*, & *Rapaces*, diuturnioris sunt ævi. De *Accipitre* autem, quia vitam degit degenerem, & servilem, ex usu humano, minùs certum fieri possit iudicium, circa periodum ejus Vitæ naturalem. Attamen ex Domesticis, deprehensus est *Accipiter*, aliquandò ad Annos Triginta vixisse, ex Sylvestribus, ad Quadraginta.
25. *Corvus* traditur esse similiter longævus, aliquandò Centenarius: Carnivora *Avis*, nequè admodum frequens in Volatu; sed magis Seditaria, & carnibus admodum atris. At *Cornix*, cetera (præterquam Magnitudine, & Voce) similis, paulò minùs diù vivit, sed tamen habetur ex Vivacibus.
26. *Cygnus*, pro certo, admodum longævus invenitur, & Centesimum Annum, haud rarò superat; *Avis* optimè plumata, *Ichthyophaga*, & perpetuò in Gestatione, idque in *Aquis Currentibus*.
27. *Anser* quoque ex longævis; licet *Herbæ*, & id genus Pabulo nutriatur; Maximè autem *Sylvestris*, adeò ut in Proverbium apud *Germanos* sit; *Magis senex quam Anser Nivalis*.
28. *Ciconiæ* longævæ admodum esse deberent, si verum esset quod antiquitus notatum fuit; Eas *Thebas* nunquam accessisse, quia urbs illa sæpiùs capta esset: Id si cavissent, aut plusquam unius sæculi memoriam

riam habebant, aut Parentes pullos suos *Historiam* edocebant: verùm omnia *Fabellis* plena.

Nam de *Phænice* tantum accrevit *Fabula*, ut obruatur, si qua in eâ re fuit veritas. Illud autem, quod Admirationi erat, eum, magno aliarum *Avium* Comitatu, volantem semper visum, minùs mirum; Cùm hoc etiam in *I lull* interdiù volante, aut *Psittaco* è Caveâ emissò, ubique cernere detur. 29.

Psittacus, pro certo, usque ad Sexaginta annos, cognitus est vivere apud nos, quotquot supra habuisset, cum hùc esset transvectus. *Avi* Cibi quasi omnigeni, atque etiam mandens Cibos, atque mutans subinde Rostrum; Aspera, & ferocula, Carnibus attris. 30.

Pavo ad Viginti annos vivit. Oculos autem *Argus* non recipit ante Trimatum; Tardigrada *Avi*, Carnibus verò candidis. 31.

Gallus Gallinaceus, *Salax*, *Pugnax*, & brevis *Ævi*; Alacris admodùm *Ales*, & Carnibus etiam albis. 32.

Gallus Indicus, aut *Turcicus* (quem vocant) *Gallinacei* *Ævum* parùm superat: Iracundus *Ales*, & Carnibus valdè albis. 33.

Palumbes sunt ex vivacioribus, ut Quinquagesimum Annum aliquandò compleant: Aerius *Ales*, & in alto, & Nidificans, & Sedens. *Columba* verò, ac *Turtures*, Vitâ breves, usque ad Annum Octavum. 34.

At *Phasiani*, & *Perdices* etiam Decimum sextum Annum implere possunt. *Aves* numerosi Fœtùs, Carnibus autem paulò obscurioribus quam *Pullorum* genus. 35.

Fertur de *Merulâ*, quod sit, ex *Avibus* minoribus, maximè *Longæva*; Procax certè *Avi*, & Vocalis. 36.

Passer notatur esse *Ævi* brevissimi; Id quod ad Salacitatem refertur in *Maribus*: At *Carduelis* corpore haud Major, deprehensus est vivere ad Annos Viginti. 37.

De *Struthionibus* nihil certi habemus; qui Domi nutriuntur, adeò infœlices fuerunt, ut non deprehensi sint diù vivere; De *Ave Ibi* constat tantùm quod sit *Longæva*, Anni non numerantur. 38.

Fiscium vita magis incerta est, quam *Terrestrium*, quàm sub *Aquis* Degentes minùs observentur: Non respirant ex ipsis Plurimi; unde *Spiritus* Vitalis magis conclusus est; Itaque licet refrigerium excipiant per Branchias, haud tamen ita continua fit Refrigeratio, quàm per Anhelitum. 39.

In *Aquis* cùm degant, à Desiccatione illâ, & Deprædatione, quæ fit per Aerem ambientem, immunes sunt; Neque tamen dubium est quin *Aqua* ambiens, atque intra poros Corporis penetrans, & recepta, plus noceat ad Vitam quàm *Aer*. 40.

Sanguinis perhibentur esse minùs tepidi; Suntque Nonnulli ipsorum voracissimi, etiam Speciei propriæ: *Caro* autem ipsorum mollior est, quàm *Terrestrium*, & minùs tenax. Attamen pinguescunt majorem in modum, ut ex *Balanis* infinita extrahatur Quantitas Olei. 41.

Delphini traduntur vivere Annos circa Triginta; capto Experimento in aliquibus à Caudâ præcisâ; Grandescunt autem ad Annos Decem. 42.

43. Mirum est, quod referunt de *Piscibus*, quod *Ætate*, post annos nonnullos, plurimum attenuantur Corpore, manente Caudâ, & Capite, in Magnitudine priore.
44. Deprehensæ sunt aliquando, in *Piscinis Cæsarianis*, *Muræna* vixisse ad Annum Sexagesimum. Certè redditæ sunt longo usu tam familiares, ut *Crassus Orator* Unam ex illis defleverit.
45. *Lucius*, ex *Piscibus* Aquæ dulcis, longissimè vivere reperitur, ad Annum quandòque Quadagesimum; *Piscis* vorax, & Carnibus siccioribus, & firmioribus.
46. At *Carpio*, *Abramius*, *Tinca*, *Anguilla*, & hujusmodi, non putantur vivere ultra Annos Decem.
47. *Salmones* citò grandescunt, brevi vivunt; Quod etiam faciunt *Trutta*; At *Perca* tardè crescit, & vivit diutiùs.
48. Vasta illa moles *Balenarum*, & *Orcarum*, quamdiù Spiritu regatur, nil certi habemus; Neque etiam de *Phocis*, aut *Porcis Marinis*, & aliis *Piscibus* innumeris.
49. *Crocodili* perhibentur esse admodum Vivaces, atque Grandescendi Periodum itidè habere insignem; adeò ut hos solos ex *Animalibus* perpetuò, dum vivunt, grandescere, Opinio sit: *Animale* est Oviparum, vorax, & sævum, & optimè tectum contra Aquas. At de reliquo *Testaceo* genere, nihil certi, quod ad Vitam ipsorum attinet, reperimus.

Observationes Majores.

Normam aliquam Longævitatatis, & Brevitatis vitæ in Animalibus, invenire difficile est, propter Observationum negligentiam, & Causarum Complicationem: Pauca notabimus.

- I. Inveniuntur Plures ex Avibus longævæ, quam ex Quadrupedibus; (sicut Aquila, Vultur, Milvus, Pelicanus, Corvus, Cornix, Cygnus, Anser, Ciconia, Grus, Ibis, Psittacus, Palumbis, &c.) licet intra Annum perficiantur, & minoris sint Molis. Tegumentum certè ipsarum Avium, contra Intemperies Cæli, optimum est: cumque in Acre libero plerunque degant, similes sunt Habitatoribus Montium puriorum, qui longævi sunt. Etiam Motus ipsarum, qui (ut alibi dictum est) mixtus est ex Gestatione, atque Motu Artuum, minùs fatigat, aut concutit, & magis Salubris est. Neq; in utero Matrum, Compressionem, aut Penuriam Alimenti patiuntur Initia Volatiliùm; quia Ova per vices excluduntur: Maxime verò omnium, illud in causâ esse arbitramur, Quod fiant Aves, magis

giæ ex Substantiâ Matris, quam Patris, unde Spiritum nanciscuntur minus ærem, & incensum.

Poni possit, Animalia, quæ creantur magis ex Substantiâ Matris, quam Patris, esse Longæviora, quæ admodum Aves, ut dictum est: Etiam, quæ longiore tempore gestantur in Utero, plus habere ex Substantiâ Matris, minus ex Semine Patris; ac præinde diuturnioris ævi esse: adeo ut existimemus etiam inter Homines, (quod in aliquibus notavimus) eos qui similiores sunt Matribus, diutius vivere; Necnon Liberos Senum, qui ex Uxoribus Adolescentulis progignuntur, modo fuerint Patres sani, & non morbidæ.

Initia Rerum, & injuriæ, & auxilio maxime subjiçuntur: Itaque minorem Compressionem, & liberaliorem Alimentationem Fœtus in Utero, ad Longævitatem multum conferre par est: Id fit, aut cum exeunt Fœtus per vices, ut in Avibus; aut cum pariuntur Unici, ut in Animalibus uniparis.

At Tempus longius Gestationis in utero, tripliciter facit ad Longitudinem vitæ. Primum, quod plus habet Fœtus ex Substantiâ Matris, ut dictum est: Deinde, quod prodiit confirmatus: Postremo, quod Aeris vim prædatoriam tardius experitur. Quinetiam denotat Periodos ipsius Naturæ, per majores fieri Circulos: Atque licet, & Boves, & Oves, qui in Utero manent circitax Sex Menses, brevioris sint ævi, tamen id ex aliis causis ortum habet.

Comestores Graminis & Herbarum simplicis, brevis sunt ævi; longioris autem Animalia carnivora, aut etiam Seminum, & Fructuum Comestores, sicut Aves: Nam etiam Cervi, qui longævi sunt, quasi dimidium Pabuli (ut vulgò loquuntur) supra caput petunt. Anter autem, præter Gramen, etiam aliquid invenit ex Aquis, quod juvet.

Integumentum Corporis ad Longævitatem multum conferre arbitramur: Aeris enim Inæqualitates, (quæ miris modis corpus labefaciunt, & subruunt) propulsat & longius arcet; Id quod in Avibus præcipue viget; At quod Oves, licet benè tectæ sint, parum vivunt; id Morbis, (qui illud Animal obsident) atque simplici Esui Graminis, imputandum est.

Spirituum Sedes principalis proculdubio est in Capite; atque licet ad Animales Spiritus tantum, hoc vulgò referatur, tamen illud ipsum ad omnia pertinet: Neque illud dubium, quod Spiritus maxime Corpus lambunt, & consumunt, adeo ut aut major Copia ipsorum,

aut

aut major Incensio, & Acrimonia, plurimum Vitam abbreviat. Itaque existimamus magnam causam Longævitatatis in Avibus esse; quod pro Mole Corporis, Capita habeant tam minuta; adeo ut etiam Homines, qui valde magnum habent Cranium, minus diu vivere existimemus.

8. Gestationem (ut prius notavimus) omne aliud genus Motus, ad Longitudinem vitæ superare arbitramur; Gestantur autem Aves Aquatiles, ut Cygnus; atque Aves omnes in Volatu, sed cum Artuum Motu subinde contentiore; & Pisces, de quorum vitæ Longitudine, parum certi sumus.

9. Quæ longiore tempore perficiuntur (non loquendo de Grandescentiâ solâ, sed de aliis Gradibus ad Maturitatem; sicut Homo primò emittit Dentes, deinde Pubem, deinde Barbam, &c.) longiora sunt; Indicat enim periodos confici per majores Circulos.

10. Animalia mitiora longæva non sunt, ut Ovis, Columba; Bilis enim complurium Functionum in Corpore, veluti Cœs est, & Stimulus.

11. Animalia quorum Carnes sunt paulo acriores, longioris sunt vitæ, quam quæ Carnibus sunt candidis; Indicat enim Succum Corporis, magis firmum, & minus dissipabilem.

12. In omni Corruptibili, Quantitas ipsa multum facit ad Conservationem Integri. Etenim Ignis magnus longiore tempore extinguitur; Aquæ Portio parva citius evaporat; Truncus non tam citò arefcit, quam Vimên; Itaque generalitèr (in Speciebus dico, non in Individuis) quæ Mole grandiora sunt Animalia, Pusillius sunt longæviora; nisi aliqua alia Causa potens Rem impediat.

Alimen-

ALIMENTATIO

&

Via Alimentandi.

Historia.

Alimentum erga Alimentatum debet esse Naturæ inferioris, & simplicioris substantiæ: *Plantæ* ex Terrâ & Aquâ nutriuntur; *Animalia* ex Plantis; *Homines* ex Animalibus: Sunt & *Animalia Carnivora*, atque *Homo* ipse Plantas sumit in partem *Alimenti*; *Homo* verò, & *Carnivora Animalia*, ex Plantis solis agrè nutriuntur; possunt fortassè ex Fructibus, & Seminibus Igne coctis, multo usu nutriri, sed Foliis Plantarum, aut Herbarum, minimè; ut *Ordo Foliatorum* Experimento comprobavit.

Ad Arist. 4.

1.

At nimia *Proximitas*, aut *Consubstantialitas Alimenti* erga *Alimentatum*, non succedit: Etenim *Animalia*, quæ Herbis vescuntur, *Carnes* non tangunt: Etiam ex *Carnivoris Animalibus*, pauca *Carnes* propriæ Speciei sapiunt: *Homines* vero, qui *Anthropophagi* fuerunt, ordinariò tamen Humanis Carnibus non vescabantur; sed aut ex *Ultione* in Inimicos, aut pravis *Consuetudinibus* in illud desiderium lapsi sunt; At *Aruum*, Grano ex ipso proveniente, sælicitè non feritur; neque in *Infitione*, *Surculus* aut *Virgultum*, in proprium *Truncum*, immitti solet.

2.

Quò *Alimentum* meliùs est præparatum, & paulò propiùs accedit ad Substantiam *Alimentati*, eò & *Plantæ* feraciores sunt, & *Animalia* Habitu sunt pinguiora; Neque enim *Virgultum* aut *Surculus*, in Terram immissus, tam benè pascitur, quam si idem immittatur in *Truncum*, cum naturâ suâ, benè consentientem, ubi invenit *Alimentum* digestum, & præparatum; Neque etiam (ut tradunt) *Semen Cephæ*, aut *Similium*, in Terram immissum, tam magnam producit *Plantam*, quam si *Semen* in aliam *Cephæ* indatur, *Infitione* quadam in *Radicem*, & *Subterranea*; Quinetiam nuper inventum est, *Virgulta Arborum Sylvestrium*, veluti *Vlmi*, *Quercûs*, *Fraxini*; & *Similium*, in *Truncos* insita, longè majora proferre *Folia*, quàm quæ sine *Infitione* proveniunt: Etiam *Homines* Carnibus crudis, non tam benè pascuntur, quam *Ignem* passis.

3.

Animalia per Os nutriuntur; *Plantæ* per *Radices*; *Fætus Animalium* in *Vtero* per *Vmbilicum*; *Aves* ad parum temporis, ex *Vitellis*

4.

M m m m

Ovorum

Ovorum suorum, quorum nonnulla pars, etiam postquam exclusæ sunt, in gulis earum invenitur.

5. Omne *Alimentum* movet maximè à Centro ad Circumferentiam, sive ab Intrà ad Extrà; Attamen notandum est, *Arbores & Plantas* potius per Cortices, & Extima, quam per Medullas, & Intima, nutriri; Etenim si circumcirca decorticatæ fuerint, licet ad spatium parvum, non vivunt amplius: Atque *Sanguis* in Venis *Animalium*, non minùs Carnes sub illis sitas nutrit, quam supra illas.

6. In omni *Alimentatione* duplex est Actio, *Extrusio*, & *Attractio*; Quarum prima à Functione interiore, altera ab exteriori procedit.

7. *Vegetabilia* assimilant Alimenta sua simpliciter, absque Excretionibus: Etenim *Gummi*, & *Lachrymæ* potius Exuberantiæ, quam Excretiones sunt: *Tuberes* autem Morbi potius: At *Animalium* Substantia magis sui similis est perceptiva; Itaque cum Fastidio conjuncta est, & Inutilia rejicit, Utilia assimilat.

8. Mirum est de *Pediculis Fructuum*; quòd omne *Alimentum*, quod tantos quandoque producit Fructus, per tam angusta *Collula* transire cogitur; Fructus enim nunquam Truncò inharet, absque Pediculo aliquo.

9. Notandum *Semina Animalium* Nutritionem non excipere, nisi recentia: At *Semina Plantarum* manent Alimentabilia ad longum Tempus: Attamen *Virgulta* non germinant, nisi indantur recentia; neque *Radices* ipsæ longius vegetant, nisi sint Terrâ co-operta.

10. In *Animalibus* Gradus sunt Nutrimenti pro Ætate; *Fœtui* in utero sufficit Succus Maternus; à Nativitate Lac; postea Cibi, & Potus; Atque sub *Senectute* crassiores ferè Cibi, & sapidiores placent.

Mandatum.

Præcipue omnium ad Inquisitionem præsentem facit, diligenter, & attentè indagare, utrum non possit fieri Nutritio ab extrà; aut saltem non per Os? Certè Balnea ex Lacte exhibentur in Marasmiss, & Emaciationibus; neque desunt ex Medicis, qui existimant Alimentationem nonnullam fieri posse per Clysteria; omnino huic rei incumbendum; si enim Nutritio fieri possit, aut per Extrà, aut aliàs quàm per Stomachum, tum verò Debilitas Concoctionis, quæ ingruit in Senibus, illis auxiliis compensari possit, & tanquam in Integrum restitui.

LON

L O N G Æ V I T A S

&

Brevitas vitæ in Homine.

Historia.

ANte Diluvium, plura Centenaria Annorum, vixisse Homines, refert sacra Scriptura: Nemo tamen Patrum Millesimum Annum complevit. Neque hæc Vitæ Diuturnitas, Gratia, aut Lineæ Sanctæ, attribui possit; cum recenseantur, ante Diluvi-

Ad Artic. 5.
6, 7, 8, 9.
& 11.
1.

um, Patrum Generationes undecim; at Filiorum Adami per Cain tantum Generationes octo; ut Progenies Cain etiam Longevior videri possit. Ista vero Longævitæ, immèdiatè post Diluvium, dimidiò corruit; sed in Post-natis; Nam Noah qui antè natus erat, Majorum Ætatem æquavit; & Sem ad Sexcentesimum Annum pervenit. Deinde post tres Generationes à Diluvio, Vita Hominum, ad quartam quasi partem Ætatis primitivæ, reducta est; videlicet, ad annos circiter Ducentos.

Abraham Annos Centum Septuaginta Quinque vixit; Vir Magnanimus; & cui cuncta cedebant prospère. Isaac autem ad annum Centesimum; & Octogesimum pervenit; Vir Castus, & Vitæ quietioris. At Jacob, post multas Ærumnas, & numerosam Sobolem, ad annum Centesimum. Quadragesimum Septimum duravit; Vir Patiens, & Lenis, & Astutus. (Ismael autem, Vir Militaris, Annos Centum Trīginta Septem vixit. At Sarah, (cujus unicæ ex Fœminis, Anni recensentur,) mortua est Anno Ætatis suæ, Centesimo Vicesimo Septimo; Mulier Decora, & Magnanima, optima Mater & Vxor, neque tamen minùs libertate, quam Obsequio erga Maritum, clara. Joseph etiam, Vir Prudens, & Politicus, in Adolescentiâ afflictus, postea in magnâ fœlicitate Ætatem transigens, ad Annos Centum, & Decem vixit. Levi autem Frater ejus, natu major, Centesimum Tricesimum Septimum Annum complevit; Vir contumeliæ impatiens, & Vindicativus. Eandemque ferè ætatem attigit Filius Levi; itemque Nepos ejus, Pater Aaronis, & Moyses.

2.

Moysen Centum Viginti Annos vixit; Vir Animosus, & tamen Mississimus, si linguâ autem impeditus. Ipse vero Moyses, in Psalmo suo, Vitam Hominis pronuncia vit Annorum tantum Septuaginta; & si quis Robustior fuerit, Octaginta esse, quæ certè Mensura Vitæ, usque ad

3.

hodiernum diem, maximâ ex parte, durat. *Aaron* autem Tribus Annis Senior, eodem, cum Fratre, Anno mortuus est; Vir Linguâ promptior, Moribus facilior, & minùs constans. At *Phineas Aaronis Nepos*, (ex Gratiâ fortassè extraordinariâ,) ad Trecentessimum Annum vixisse colligitur, si modò *Bellum Israelitarum* contra Tribum *Benjamin* (in quâ Expeditione *Phineas* consultus est) eâdem serie Temporum gestum sit, quâ res in Historiâ narratur; Vir erat omnium maximè *Zelotes*. *Ioshua* autem, Vir Militaris, & Dux egregius, & perpetuò florens, ad Annum Centesimum, & Decimum vixit. Cui *Caleb* fuit *Contemporaneus*, & videtur fuisse *Æquævus*: *Ehud* autem *Iudex*, etiam Centenarius ad minimum fuisse videtur, cum post devictos *Moabitas*, Octoginta Annos, sub ejus Regiminè *Terra Sancta* quievisset; Vir Acer, & Intrepidus, quique pro Populo se quodammodò devovisset.

4. *Iob* post Instaurationem Fœlicitatis suæ, Annos Centum, & Quadraginta vixit, cum ante Afflictiones suas, eorum Annorum fuisset, qui Filios habuerit *Ætatis Virilis*; Vir Politicus, & Eloquentes, & Evergetes, & *Exemplum Patientiæ*. *Eli Sacerdos* vixit Annos Nonaginta octo; Vir Corpore obesus, Animo placidus, & indulgens in Suos. *Elizeus* autem *Propheta*, videtur mortuus esse Centenario major; cum reperiatur vixisse post *Assumptionem Eliæ* Annos Sexaginta; Tempore vero *Assumptionis*, talis fuerit, ut Pueri eum tanquam *Vetulum Calvum* subsannaverint. Vir Vehemens, & Severus, & austeræ vitæ, & Contemptor Divitiarum. *Isaias* etiam *Propheta* videtur esse Centenarius, nam *Prophetiæ Munus* exercuisse septuaginta annos reperitur; Annis tùm quo cœpisset prophetizare, tùm, quo mortuus esset, incertis. Vir admirabilis Eloquentiæ, & *Propheta Evangelizans*, Promissis Dei Testamenti Novi (tanquam Uter Musto,) plenus.

5. *Tobias Senior*, Annos Centum Quinquaginta Octo; *Junior* Centum Viginti Septem vixerunt. Viri Misericordes, & Eleemosynarii. Videntur etiam Tempore *Captivitatis*, Complures ex *Iudeis*, qui è *Babylone* reversi sunt, longævi fuisse; cum utriusque *Templi*, (interjecto Annorum Septuaginta spatio,) dicantur meminisse, & Disparitatem ipsorum deplorasse. Postea defluxis Sæculis compluribus, Tempore *Servatoris*, *Simeon* invenitur Nonagenarius: Vir Religiosus, & Spei, & Expectationis plenus. Et eodem tempore *Anna Prophetissa*, ultra Centenarium vixisse manifestò deprehenditur; cum *Septem Annis* Nupta fuisset, *Vidua* autem per Annos Octoginta Quatuor, quibus addendi sunt Anni Virginitatis, & qui *Prophetiam* ejus de *Servatore* insecuti sunt. Mulier Sancta, & Vitam degens, in Orationibus, & Jeuniis.

6. *Longevitates Hominum*, qui apud *Ethnicos Auctores* inveniuntur, parùm certæ memoriæ sunt; tum propter Fabulas, in quas hujusmodi Narrationes proclives admodum sunt; tum propter Fallaciam in Calculationibus Annorum. Certè de *Ægyptiis*, nil magni refertur, in his quæ extant, quoad *Longevitatem*; cum Reges ipsorum, qui lon-

longissimè regnârunt, Quinquagesimum, aut Quinquagesimum quintum annum, non excesserint; quod pro nihilo est; cùm etiam Temporibus modernis, hujusmodi Spatia nonnunquam compleantur. At *Arcadium Regibus*, Vitæ longissimæ fabulosè tribuuntur: *Regio* certè illa Montana, & Pastoralis, & Victûs incorrupti; Attamen cùm sub *Pane*, tanquam *Deo Tutelari*, fuerit, videntur etiam omnia, quæ ad Eam pertinent, fuisse tanquam *Panica*, & Vana, & ad Fabulas idonea.

Numa Romanorum Rex Octogenarius fuit; Vir Pacificus, & Speculativus, & Religioni addictus. *M. Valerius Corvinus* centum annos implevit, interjectis, inter primum & Sextum *Consulatum*, Annis Quadraginta sex; Vir Bello, & Animis fortissimus, Ingenio civilis, & Popularis, & Fortunâ perpetuò florens.

*Solon Atheniensis, Legislato*r, & Unus ex Septem, supra Annos Octoginta vixit; Vir Magnanimus, sed Popularis, & amans Patriæ: item eruditus, & non alienus à Voluptatibus, & Vitâ tene-riore. *Epimenides Cretensis* Centum Quinquaginta Septem Annos vixisse traditur; mixta Res cum Portento, quia Quinquaginta septem ipsorum, sub Antro cum delituisse ferunt. At dimidio Sæculi post, *Xenophanes Colophonius*, Annos Centum & duos, aut etiam diutius vixit; utpote qui Viginti quinque annos natus, Patriam reliquit, Septuaginta septem totos Annos est peregrinatus, ac postea rediit; sed quamdiù à reditu vixerit, non constat: Vir non magis Itineribus, quam Mente oberrans; utpote cujus Nomen propter Opiniones, à *Xenophane*, in *Xenomanem* traductum est; Vasti proculdubio Conceptus, & nihil spirans nisi Infinitum.

Anacreon Poeta major Octogenario fuit; Homo lascivus, & Voluptuarius, & Bibax. *Pindarus Thebanus* Octogesimum Annum complevit, Poeta sublimis, cum quâdam novitate Ingenii, & multus in Cultu Deorum. *Sophocles Atheniensis* similem Ætatem complevit, Poeta grandiloquus, totus in scribendo, & Familiæ negligens.

Artaxerxes Persarum Rex, Annos Nonaginta quatuor vixit; Vir hebetioris Ingenii, neque Curarum magnarum patiens, amans Gloriæ, sed Otii magis. Eodem tempore *Agésilæus Rex Spartanus* Octoginta quatuor annos implevit; Vir moderatus, ut inter *Reges Philosophus*; sed nihilominus Ambitiosus, & Bellator, & tam Militiâ, quam Rebus gerendis strenuus.

Gorgias Leontinus Annos Centum & Octo vixit; Vir Rhetor, & prudentiæ suæ ostentator, & qui Adolescentes Mercede acceptâ ut institueret, multum Peregrinator fuit, & paulò ante Mortem, nihil se habere quod *Senectutem* incusaret, dixit. *Protagoras Abderites* Nonaginta Annos vixit: Iste similiter Rhetor fuit, sed non tam Encyclopædiâ usus, quàm Civiles Res, & instructionem, ad Remp. tractandam, docere professus; attamen Circum-cursator Civitatum, æquè ac *Gorgias*. At *Isocrates Atheniensis* Nonagesimum Octavum Annum complevit; Rhetor item, sed Vir valdè modestus, & Lucem Forensẽ fugiens, atque Domi tantum Scholam aperiens.

Democritus Abderites, ad Annos Centum & Novem Ætatem produxit; *Magnus Philosophus*, & si quis alius ex *Græcis*, verè *Physicus*; Regionum complurium, & multò magis Naturæ ipsius Perambulator; *Sedulus* quoque *Experimentator*, & (quod *Aristoteles* ei objicit) *Similitudinum* potius *Seſſator*, quam *Diſputationum* *Leges ſervans*. *Diogenes Synopæus*, ad Nonaginta Annos vixit; Vir erga alios Liber, in ſe Imperioſus; Viſtu ſordido, & Patientiâ gaudens. *Zeno Citticus*, Centenarius, duobus tantum demptis Annis, fuit; Vir Animo excelfo, & Opinionum Contemptor, magni itidem Acuminis, neque tamen moleſti, ſed quod animos magis caperet, quam conſtringeret; quale etiam poſteâ fuit in *Seneca*. *Plato Athenienſis* Annum Octogefimum primum implevit; Vir Magnanimus, ſed tamen Quietis amantior, Contemplatione ſublimis, & Imaginativus, Moribus Urbanus, & elegans; attamen magis Placidus, quam Hilaris; & Majeſtatem quandam præ ſe ferens. *Theophrastus Eteſius* Annum Octogefimum quintum complevit; Vir dulcis Eloquio, dulcis etiam Rerum varietate; quique ex Philoſophiâ Suavia tantum decerpſerit, Moleſta & Amara non attigerit. *Carneades Cyrenæus* multis poſteâ Annis, ad Octogefimum quintum Ætatis Annum ſimiliter pervenit; Vir Eloquentiæ profluentis, quique gratâ, & amœnâ Cognitionis varietate, & ſe ipſum, & alios delectaret. At *Ciceronis* Tempore *Orbilius*, non *Philophus*, aut *Rhetor*, ſed *Grammaticus*, ad Centefimum ferè annum vixit; primò Miles, deinde Ludimagiſter; Vir naturâ acerbus, & Linguâ & Calamo, & verſus Diſcipulos etiam Plagofus.

12. *Q. Fabius Maximus* Sexaginta tribus Annis *Augur* fuit; unde conſtat eum Octogenario majorem occubiſſe; licet verum ſit, in *Auguratu*, *Nobilitatem* magis ſpectari ſolitam, quam Ætatem: Vir prudens & Cunctator, & in omnibus Vitæ partibus Moderatus, & cum Comitatu ſeverus. *Maſiniſſa Rex Numidarum* Nonageſimum Annum ſuperavit, & filium genuit, poſt Octogefimum quintum; Vir acer, & Fortunæ fidens, & Juventute multas rerum viciffitudines expertus, decurſu Ætatis conſtanter fœlix. At *M. Porcius Cato*, ultra Annum Nonageſimum vixit; Vir ferrei propè Corporis, & Animi; Linguæ acerbæ, & Similitates amans; Idem Agriculturæ deditus, Sibi que & Familiæ ſuæ Medicus.

13. *Terentia Ciceronis Vxor*, ad Annum Centefimum tertium vixit; Mulier multis ærumnis conflictata, primò Exilio Mariti, deinde Diſſidio, & rurfus Calamitate ejus extremâ; etiam Podagrâ ſæpiùs vexata. *Luceia* Annum Centenarium, haud parum ſuperavit, cum dicatur, Centum Annis totis, in Scenâ Mimam agens pronunciaſſe; Puellæ fortaiſe primò partes ſuſcipiens, poſtremò Anûs decrepitæ. At *Galeria Copiola*, Mima etiam & *Saltria*, pro Tyrociniſio ſuo producta eſt in Scenam, quoto Anno Ætatis incertum eſt; verum poſt Annos Nonaginta Novem ab ea productione, rursus reducta eſt in Scenam, non jam pro Mimâ, ſed pro *Miraculo*, in *Dedicatione Theatri* à *Pompeio Magno*; Neque hic finis, cum etiam in *Ludiſ* *Votivis* pro *ſalute Divi Auguſti*, iterum monſtrata ſit in Scenâ.

Fuit

Fuit & alia *Mima*, Ætate paulò inferior, Dignitate sublimior, quæ ad Nonagesimum Annum Ætatem ferè produxit, *Livia Julia Augusta*, *Cæsaris Augusti* uxor, *Tiberii* Mater. Etenim si *Fabula* fuit *Vita Augusti* (Id quod ipse voluit, cum decumbens Amicis præcepisset, ut postquam expirarit, sibi *Plandite* exhiberent) certè & *Livia* optima *Mima* fuit; quæ cum Marito Obsequio, cum Filio, Potestate quâdam, & Prædominantia tam benè congrueret. Mulier Comis, & tamen Matronalis, Negotiosa, & Potestatis tenax. At *Junia C. Cassi* Uxor, *M. Bruti* Soror, etiam Nonagenaria fuit; cum post *Acie* *Philippensem* Sexaginta quatuor Annos vixisset. Mulier Magnanima, Opibus fœlix, Calamitate Mariti & Proximorum, & longâ Viduitate mœsta, sed tamen Honorata.

Memorabilis est *Annus Domini* Septuagesimus Sextus, Tempore *Imperatoris Vespasiani*, quo reperiuntur *Longævitat*, tanquam *Fasti*; Eo enim Anno peractus est *Census*, (*Census* autem de Ætatibus Auctoritatem, & Informationem habet fidissimam) atque in eâ parte *Italiae*, quæ jacet inter *Apenninum* & *Padum*, inventi sunt Homines, qui Annum Centesimum æquarunt, & superarunt, Centum & Viginti quatuor; videlicet Annorum Centum, Homines Quinquaginta quatuor; Annorum Centum & decem, Homines Quinquaginta septem; Annorum Centum, & viginti quinque, Homines duo; Annorum centum & triginta, Homines quatuor; Annorum Centum & triginta quinque aut triginta septem, Homines itè quatuor; Annorum centum & quadraginta, Homines tres. Præter hos, Speciatim *Parma* edidit Quinque, quorum Tres centum viginti Annos, Duo centum triginta compleverunt; *Bruxella* Unum, Annorum centum viginti quinque; *Placentia* Unum Annorum centum triginta unius; *Faventia* Unam Mulierem, Annorum centum triginta duorum; *Oppidum* quoddam (tunc dictum *Velleiacinum*) in *Collibus* circa *Placentiam*, decem dedit; quorum Sex Annum Ætatis centesimum decimum, Quatuor centesimum viciesimum compleverunt; *Ariminum* denique Unum, Centum & quinquaginta Annorum, nomine *M. Aponium*.

15.

Neres in longum procederet, Visum est, tam in illis, quos jam recensuimus, quam in his, quos mox recensebimus, Nullum adducere Octogenario binorem: Apposuimus autem singulis Characterem, siue *Elogium*, verum & perbreve; at ejusmodi, quod judicio nostro, non nullam habeat ad Longævitatem (quæ Moribus, & Fortuna non parùm regitur) relationem; sed duplici modo; Aut quod tales Longevi esse plerumque soleant, aut quod tales, licet minùs aptè dispositi, tamen Longevi esse aliquando possint.

Monium.

Inter Imperatores Romanos, & Græcos, itè *Francos*, & *Germanos*, usque ad nostram Ætatem, qui numerum prope Ducentorum Principum complerunt, Quatuor tantùm inventi sunt Octogenarii; quibus addere liceat Imperatores duos primos, *Augustum*, & *Tiberium*, quorum hic Septuagesimum Octavum, ille Septuagesimum Sextum Annum implevit, & ad Octogesimum fortè pervenire Uterq; potuisset,

16.

potuisset, si placuisset, *Liviæ*, & *Caio*. *Augustus* (ut dictum est) Annos vixit Septuaginta Sex; Vir moderatus Ingenio: Idem ad res perficiendas Vehemens, cætera Placidus & Serenus; Cibo & Potu Sobrius, Venere intemperantior, per omnia Fœlix; Quique Anno Ætatis tricesimo, gravem & periculosum passus est Morbum, adeò ut Salus ejus pro desperatâ esset: quem *Antonius Musa Medicus*, cùm cæteri *Medici* Calida Medicamenta, tanquam morbo convenientia, adhibuissent, contrariâ ratione Frigidis curavit; Quod fortassè ei ad Diuturnitatem Vitæ profuit. *Tiberius* duos ampliùs Annos vixit; *Vir lentis maxillis*, (ut *Augustus* aiebat) Sermone scilicet tardus, sed validus; Sanguinarius, Bibax, qui que Libidinem etiam in Diætâ transtulit; Attamen Valetudinis suæ Curator probus, ut qui solitus esset dicere, Stultum esse, qui post Triginta Annorum Vitam, Medicum consuleret, aut advocaret. *Gordianus Senior*, Octoginta Annos vixit, & tamen violentâ Morte perit, postquam vix degustasset Imperium, Vir Magnanimus, & Splendidus, Eruditus, & Poeta, & constanti vitæ tenore, (ante ipsum obitum) Fœlix. *Valerianus Imperator*, Septuaginta sex Annos vixit, antequam à *Sapore Rege Persarum*, captus esset; post Captivitatem autem, Septem Annos vixit, inter contumelias; etiam violentâ Morte præreptus; Vir mediocris Animi, nec strenuus; Existimatione tamen paulò eminentior, & evectus, Experimento minor. *Anastasius* cognomine *Dicorus*, Octoginta Octo Annos vixit; Homo animi sedati, sed Humilior, & Superstitiosus, & Timidus. *Anicius Justinianus*, Annos Octoginta tres vixit; Vir Gloriæ appetens, Personâ propriâ socors, Ducum suorum virtute fœlix, & celebris; Uxorius, neque suus, sed aliorum ductu circumactus. *Helena Britannia Constantini Magni Mater*, Octogenaria fuit; Mulier civilibus Rebus minùs se immiscens, nec Mariti; nec Filii Imperio, sed tota Religioni dedita; Magnanima, & semper florens. *Theodora Imperatrix*, (quæ *Zoes* soror erat, *Monomachi* uxoris, ipsa autem post obitum ejus sola regnavit) Annos supra Octoginta vixit; Mulier negotiosa, & Imperio delectata, Fœlix admodum, & ex Fœlicitate Credula.

17. Jam à *Sæcularibus*, ad *Principes Viros in Ecclesiâ* Narrationem convertemur. *S. Joannes, Apostolus Servatoris, & Discipulus Amatus*, Nonaginta tres Annos vixit; Verè *Aquilæ* Emblemate notatus, nihil spirans nisi Divinum, & tanquam *Seraph* inter *Apostolos*; propter Fervorem Charitatis. *S. Lucas Evangelista* Octoginta quatuor Annos complevit; Vir eloquens, & Peregrinator; *S. Pauli* Comes individuus, & Medicus. *Symeon Cleophæ*, Frater Domini dictus, *Episcopus Hierosolymitanus*, Annos Centum & viginti vixit, licet *Martyrio* præreptus fuerit; Vir Animosus, & Constans, & bonorum Operum Plenus. *Polycarpus Apostolorum Discipulus, Smyrnensis Episcopus*, videtur ad Centum annos & ampliùs, ætatem produxisse; licet *Martyrio* interceptus; Vir excelsi Animi, & Heroicæ patientiæ, & Laboribus indefessus. *Dionysius Areopagita, Paulo Apostolo Contemporaneus*,
ad

ad Nonaginta Annos vixisse videtur; *Vulveris cæli* appellatus, ob Theologiam sublimem, neque minùs Factis, quàm Meditationibus insignis. *Aquila & Priscilla Pauli Apostoli* primò Hospites, deinde Coadjutores, Conjugio fœlici & celebri, ad Centum ad minimum Annos vixerunt; cum sub *Xisto primo* superstites fuerint; Nobile Par, & in omnem Charitatem effusum; quibus inter maximas consolationes (quales proculdubio primos illos Ecclesiæ Fundatores sequebantur) etiam illud Conjugalis Consortii tanquam magnus cumulus accesserat. *S. Paulus Eremita*, Annos Centum & tredecim vixit; vixit autem in Speluncâ, Victu tam simplici, & duro, ut eo Vitam tolerare supra Humanas Vires videri possit; in Meditationibus & soliloquiis tantummodò Ævum transigens; qui tamen non illiteratus, aut Idiota, sed eruditus fuit. *S. Antonius Cœnobarum primus Institutor*, aut (ut alii volunt) *Restitutor*, ad Centesimum quintum Annum pervenit; Vir Devotus, & Contemplativus, & tamen Civilibus Rebus utilis; Vitæ genere austero, & aspero; attamen in gloriosâ quâdam Solitudine degens, nec sine Imperio; cum & *Monachos* suos sub se habuisset, atque insupèr à compluribus, & *Christianis*, & *Philosophis*, veluti Vivum aliquod Simulachrum, non sine Adoratione quâdam, visitatus esset. *S. Athanasius* mortuus est Octogenario Major; Vir Invincibilis Constantiæ, Famæ semper imperans, nec Fortunæ succumbens; Idem erga Potentiores liber, erga Populum graciosus, & acceptus; exercitatus Contentionibus, in iisque & Animosus, & Solers. *S. Hieronymus*, plurimorum consensu, Annum Nonagesimum superavit; Vir Calamo potens, & virilis Eloquentiæ; variè eruditus & Linguis, & Scientiis; Peregrinator item, atque Vitæ versùs senium austerioris; sed in Vitâ privatâ Spiritus gerens altos, & latè fulgens ex Obscuro.

At *Papæ Romani* numerantur Ducenti Quâdraginta Unus; Ex tanto Numero Quinque solummodò Octogenarii, aut supra reperiuntur; Primitivis autem compluribus, iusta *Ætatis Martyrii Prærogativâ* anticipata est. *Joannes vicesimus tertius, Papa Romanus*, Nonagesimum Ætatis Annum complevit, Vir Ingenii inquieti, & Novis Rebus studens, & Multa transferens, nonnulla in Melius, haud pauca in Aliud; Magnus autem Opum, & Thesauri Accumulator. *Gregorius* dictus *duodecimus*, creatus *Papa* in *Schiſmate*, & quasi *Interrex*, Nonagenarius obiit; De eo, propter brevitatem *Papatus*, nihil invenimus, quod annotemus. *Paulus Tertius*, ad Octoginta & unum, Annos vixit; Vir sedati Animi, & profundi Consilii, idem Doctus, & Astrologus, & Valetudinem impensè regens; more autem veteris *Sacerdotis Eliæ* Indulgens in suis. *Paulus Quartus* Octoginta tres Annos vixit; Vir Naturâ asper & severus, altos gerens Spiritus, & Imperiosus, Ingenio commotior, Sermone eloquens, & expeditus. *Gregorius Decimus tertius*, similem Ætatem Octoginta trium Annorum implevit; Vir planè Bonus, Animo & Corpore sanus, Politicus, Temperatus, *Euergetes* & *Eleemosynarius*.

Quæ sequentur, Ordine promiscua, Fidei magis dubiæ, Observatione

18.

19.

tione magis jejuna, erunt. *Rex Arganthonius*, qui regnavit *Gadibus* in *Hispaniâ*, Centum & Triginta, aut (ut alii volunt) Quadraginta Annos vixit; ex quibus Octoginta regnavit: De Moribus ejus, & Vitæ genere, & Tempore quo vixit, siletur. *Cyniras Cypriorum Rex*, in *Insulâ* illâ tunc habitâ Beatâ, & Voluptuariâ, Centum Quinquaginta, aut Sexaginta Annos vixisse perhibetur. *Reges duo Latini in Italiâ*, Pater & Filius, alter Octingentos, alter Sexcentos Annos vixisse traduntur; verum hoc narratur à *Philologis* quibusdam, quibus & ipsis (cætera satis credulis) Fides rei suspecta est, imò damnata. *Arcadum Reges* nonnullos Trecentos Annos vixisse alii tradunt; Regio certè ad Vitam longam satis idonea; Res fortassè Fabulis aucta. Narrant *Dandonem* quendam in *Illyrico*, absque Incommodis Senectutis, Quingentos Annos vixisse. Apud *Epios Ætolia* videlicet Partem, narrant Universam Gentem admodum longævam fuisse; ut multi ex his Ducenum Annorum inventi sint; Inter eos Præcipuum quendam, nomine *Litorium*, virum *Giganteæ Staturæ*, qui Trecentos Annos cumulaverat. In *Tmoli Montis Fastigio* (Tempus antiquitus vocato) Homines complures, Centum quinquaginta Annos vixisse traditur. *Sectam Essæorum* apud *Judeos*, ultra Centum Annos communiter vixisse tradunt: *Secta* autem illa simplici admodum Diætâ utebatur, ad Regulam *Pythagoræ*. *Apollonius Tyaneus* Centum Annos excessit, aspectu (ut in tantâ Ætate) pulcher, Vir certè Mirificus, apud *Ethnicos* Divinus habitus, apud *Christianos* Magnus; Victu *Pythagoricus*, magnus peregrinator, magna etiam Gloria florens, & tanquam pro Numine cultus; Attamen sub finem Ætatis, Accusationes & Contumelias passus, unde nihilominus incolumis quoquo modo evasit. Attamen ne Longævitas sua Diætæ *Pythagoricæ* solum tribuatur, sed etiam è Genere suo aliquid traxisse videatur; *Ævus* ejus etiam Centum Triginta Annos vixit. *Q. Metellum* ultra Centum Annos vixisse certa res est; Atque post *Consularia Imperia* foeliciter administrata; *Pontificem Maximum*, jam Senem creatum esse, & sacra per Viginti duos Annos tractasse; neque Ore in Votis nuncupandis hæsitante, neque in Sacrificiis faciendis tremulâ Manu gerentem. *Appium Cæcum*, Annoissimum fuisse constat; Annos non numerant; quorum partem majorem, postquam Luminibus orbatus esset, transegit; Neque propterea mollitus, Familiam numerosam, Clientelas quam plurimas, quin etiam Remp. fortissimè rexit; Extremâ vero Ætate Leticâ in Senatum delatus, Pacem cum *Pyrrho* vehementissimè dissuasit; cujus Principium Orationis admodum memorabile, & invincibile quoddam Robur, & impetum Animi spirans. Magnâ, inquit, impatientiâ, (patres conscripti,) Cæcitatem meam, per plures jam Annos tuli; at nunc etiam me Surdum quoque optaverim; cum vos tam deformia Consilia agitare audiam. *M. Perpenna* vixit Annos Nonaginta Octo; omnibus, quos Consul sententiam in Senatu rogaverat (hoc est, omnibus Senatoribus sui Anni,) superstes fuit: etiam omnibus, quos paulò post, Censor in Senatum legerat, Septem tantum exceptis. *Hiero Rex Sicilia* Temporibus *Bellæ Punicæ secundæ*, ad Centesimum ferè annum vixit; Vir & Regimine,

mine, & Moribus moderatus; Numinum Cultor, & Amicitia Con-
servator religiosus; Beneficus, & constantè Fortunatus. *Statilia*
ex nobili Familiâ, *Claudii* tempore, vixit Annos Nonaginta Novem.
Cloelia Ofilii, Filia Centum & quindecim. *Xenophilus*, antiquus Philo-
sophus è *Sectâ Pythagoræ*, Centum & sex Annos vixit, sanâ & vividâ
Senectute, & magnâ apud Vulgum Doctrinæ famâ. *Insulani Corcy-*
rei, habebantur olim Vivaces, sed hodiè communi aliorum Sorte vi-
vunt. *Hippocrates Còns* Medicus insignis, Centum & quatuor Annos
vixit; Artemque suam tam Longâ Vitâ comprobavit, & honestavit;
Vir cum Prudentiâ quâdam doctus; in Experienciâ, & Observa-
tione multus; non Verba, aut Methodos captans, sed nervos tantum
Scientiæ separans, & proponens. *Demonax* Philosophus, (non solum
Professione, sed Moribus) Tempore *Adriani*, ad Centenarium ferè
Annum vixit; Vir magni Animi, atque Animi victor, idque verè sine
affectatione, & in maximo humanarum rerum Contemptu, Civilis,
& Urbanus. Is cum Amici de Sepulturâ ipsius, verba injicerent,
Desinite inquit, *de Sepulturâ curare; Cadaver enim Fætor sepeliet*; atque
illi; *Placet ergo Avibus, aut Canibus exponi?* Ille rursus, *Cum*, inquit,
vivus Hominibus prodesse pro viribus contenderim, quæ invidia est, si
mortuus etiam Animalibus aliquid præbeam? *Populus Indiæ*, *Pandoræ* ap-
pellati, admodum Longævi; etiam usque ad Annum Ducentesi-
mum; Addunt rem magis miram; Scilicet cum Pueri ferè can-
dido Capillo fuerint, Senectute ante Canitiem eos nigrescere soli-
tos: Id tamen ubique vulgare est, ut Pueris Capillitio candidiore,
virili Ætate, Pili mutantur in obscurius. Etiam *Seres Indorum* *Po-*
pulus, cum Vino suo ex Palmis, Longævi habiti sunt usque ad An-
num Centesimum Tricesimum. *Euphranor Grammaticus* consenuit
in Scholâ, & docebat Literas, ultra Annum Centesimum, *Ovi-*
dinus Senior, Poetæ Pater, Nonaginta Annos vixit; Diversus à Moribus
Filii, utpote qui Musas contempsit, & Poeticen Filio dissuasit.
Asinius Pollio Augusti Familiaris, Centum annos superavit; Vir in-
gentis Luxûs, Eloquent, Literarum cultor, attamen Vehemens,
Superbus, Crudelis, & tanquam sibi Natus. Invaluit Opinio, de
Senecâ, quod admodum Annulus fuerit, usque ad Annum Centesi-
mum decimum quartum; Quod verum esse non potest, cum tan-
tum absit, ut Senex decrepitus ad *Neronis* tyrocinium admotus sit,
ut contrâ Rebus gerendis strenuè suffecerit; quinetiam paulò antè,
medio tempore *Claudii*, exulârit, ob Adulteria aliquarum Principum
Fœminarum; quod in talem Ætatem non competit. *Joannes*
de Temporibus, ex omnibus posterioribus Sæculis, Trâditione
quâdam, & Opinione vulgari, usque ad Miraculum, vel potius
usque ad Fabulam, Longævus perhibetur, Annorum supra Tre-
centos; Natione fuit *Francus*, militavit autem sub *Carolo Magno*.
Gartius Aretinus Petrarchæ Proavus, ad Centum & quatuor An-
nos pervenit, prosperâ semper usus Valetudine, atque in Extre-
mis, Vires labantes sentiens potiùs quàm Morbum; quæ vera est
Resolutio per Senium. Ex *Venetis* reperiuntur haud pauci Lon-
gævi, etiam Gradu eminentiori; *Franciscus Donatus Dux*; *Tho-*
mas

mas Contarenus Procurator S. Marci ; *Franciscus Molinus* itēm *Procurator S. Marci* ; Alii. At maximè memorabile est, illud de *Cornaro Veneto*, qui Corpore, sub initio, valetudinario, cœpit primùm metiri Cibus & Potum, ad certum Pondus, in curam Sanitatis : Ea Cura transiit usu in Diætam, & ex Diætâ in magnam Longævitatē, usque ad Annum Centesimū, & ultra, integris Sensibus, & constanti Valetudine. *Guilielmus Postellus*, nostrâ ætate, *Gallus*, ad Centesimū & propè Vicesimū Annum vixit ; etiam summatibus Barbæ in labro superiore nonnihil nigrescentibus, neque prorsus canis ; Vir Capite motus, & non integræ omnino Phantasiæ, magnus Peregrinator, & Mathematicus, & Hæreticâ Pravitate nonnihil aspersus.

20. Apud nos in *Angliâ*, arbitror non existere Villulam, paulò populosiorē, in quâ non reperiatur aliquis Vir, aut Mulier ex Octogenariis ; Etiam ante paucos Annos in Agro *Herefordiensi* inter *Ludos Florales*, instituta erat *Chorea*, & *Saltatio* ex Viris octo, quorum Ætas simul computata, Octingentos Annos complebat ; cū quod Alteris eorum ad Centenarium deesset, Alteris aliquibus superesset.

21. In *Hospitali Bethleem*, ad *Suburbia Londini*, quod in Sustentationem, & Custodiam Phreneticorum, institutum est, inveniuntur de tempore in tempus, multi ex Mente captis, fuisse longævi.

22. Ætates, de quibus fabulantur, *Nympharum*, & *Dæmonum Aëreorum*, qui Corpore mortales essent, sed admodū longævi ; (id quod & Antiquâ, inter quosdam Recenti Superstitione, & Credulitate, receptum est) pro Fabulis, & Somniis habemus ; præsertim cum sit Res, nec cum Philosophiâ, nec cum Religione benè consentiens. Atque de *Historia Longævitatē in Homine*, per Individua, aut Individuis proxima, hæc inquisita sint. Jam ad Observationes per Capita transibimus.

23. *Decursus Sæculorum*, & *Successio Propaginis*, nihil videntur omnino demere, de Diuturnitate Vitæ ; quippe Curriculum Humanæ Ætatis videmus, usque à Tempore *Mosis* ad nostra, circa Octogesimū Annum stetisse ; neque sensim & paulatim (ut quis crederet) declinasse. Sunt certè Tempora, in singulis Regionibus, quibus Homines diutiùs, aut brevius degunt. Diutiùs plerūque, cum Tempora fuerint Barbara ; & simplicioris Victūs, & Exercitationi Corporis magis dedita ; Brevius, cum magis Civilia, & plus Luxuriæ & Otii : verū ista transeunt per Vices, Propago ipsa nihil facit. Neque dubium est, quin idem fiat in Animalibus cæteris, siquidem nec *Boves*, nec *Equi*, aut *Oves*, & Similia, Ævo, ultimis his Sæculis, minuuntur ; Itaque *Præcipitatio Ætatis* facta est per *Diluvium*, & fieri fortassè potest, per Similes Majores Casus, (ut loquuntur) veluti Inundationes particulares, Combustiones per longas Siccitates, Terræ motus, & similia. Quinetiam videtur, similis esse ratio in *Magnitudine Corporum*, sive *Staturâ* ; quæ nec ipsa per Successionem propaginis defluit : licet *Virgilius* (communem opinionem secutus)

tus) divinasset Posteros futuros Præsentibus minores : unde ait de *Campis Emathis, & Emonensibus subarandis* :

Grandæque effusis mirabitur Ossa sepulchris.

Etenim cum constet fuisse, quondam Homines *Staturis Giganteis*, (quales & in *Siciliâ*, & alibi, in vetustis Sepulchris, & Cavernis, pro certo reperti sunt,) tamen jam per tria ferè Millenaria Annorum, ad quæ producitur Memoria satis certa, in iisdem Locis, nil tale continuatur ; licet etiam hæc res, per Mores, & Consuetudines Civiles, vices quassam patiatur, quemadmodum & illa altera. Atque hæc magis notanda, quia insedit Animis Hominum penitus Opinio, quod sit perpetuus Defluxus per Ætatem, tum quoad *Diuturnitatem Vitæ*, tum quoad *Magnitudinem & Robur Corporis* ; Omniaque labi & ruere in deterius.

Regionibus Frigidioribus & Hyperboreis, diutius Homines vivunt plerumque, quam *Calidioribus* ; Quod necesse est fieri, cum & Cutis sit magis alba ; & Succus Corporis minus dissipabilis ; & Spiritus ipsi minus acres ad consumendum, & magis fabriles ad reparandum ; & Aer, (utpote modicè calefactus, à Radiis Solis) minus Prædatorius ; At sub *Lineâ Equinoctiali*, ubi Sol transit, & duplex sit Hyems, & Æstas, sitque etiam major Æqualitas inter Spatia Dierum, & Noctium, (si cætera non impediant) etiam benè diù vivunt ; ut in *Peruviâ*, & *Taprobana*.

Insulani Mediterraneis, ut plurimum sunt Longæviores ; Neque enim tam diù vivunt in *Russiâ*, quam in *Orcadibus* ; neque tam diù in *Africâ* ejusdem Paralleli, quam in *Canariis*, & *Terceris* ; *Iaponenses* etiam *Chinenses* (licet hi Longævitatæ appetentes sint usque ad Insaniam) sunt vivaciores ; nec mirum, cum Aura Maris, & in Regionibus Frigidioribus foveat, & in Calidioribus refrigeret.

Loca Excell'apotiùs edunt Longævos, quam *Depressa* ; præsertim si non sint *Iuga Montium*, sed *Terræ Alie*, quatenus ad Situm eorum generalem ; qualis fuit *Arcadia* in *Græciâ*, & *Ætolia* Pars, ubi Longævi admodum fuerunt : At de *Montibus* ipsis eadem foret ratio, propter Aerem videlicet puriorem, & limpidiorem, nisi hoc labefactaretur per Accidens ; interventu scilicet Vaporum ex Vallibus eò ascendentium, & ibi acquiescentium. Itaque in *Montibus Nivalibus*, non reperitur aliqua insignis Vitæ Longitudo ; non in *Alpibus*, non in *Pyrenæis*, non in *Apennino* ; sed *Medii Colles*, aut etiam *Valles* dant Homines Longæviores ; At in *Montium Iugis protensis* versus *Æthiopiam*, & *Abyssinias*, ubi propter Arenas subjectas, parum aut nihil incumbit in *Montes* Vaporis, diutissimè vivunt, etiam ad Hodiernum Diem ; Annum non rarò Centesimum, & Quinquagesimum implentes.

Paludes & Trahus earum, præsertim exporrecti in Plano, Nativis propitii, Advenis maligni, quoad Vitæ prorogationem, aut decurtationem ; Quodque mirum videri possit, *Paludes* Aquâ Salsâ, per vices inundatæ, minus salubres, quam quæ Aquâ Dulci.

Regiones Particulares, quæ notatæ sunt Longævos produxisse, sunt, *Arcadia*, *Ætolia*, *India* cis *Gangem*, *Bresilia*, *Taprobana*, *Britannia*, *Hybernia*, cum *Insulis Orcadibus*, & *Hæbridibus* ; nam de *Æthiopiâ*, quod ab

Aliquo ex Antiquis refertur, quod Longævi fuerint, Res vana est.

29 Occulta est res, Salubritas, præsertim perfectior, *Aeris*; & potius Experimento, quam Discursu, & Conjecturâ, elicitur. Capi possit *Experimentum* ex *Vellere Lane*, per expositionem in Aerem cum morâ aliquâ Dierum, minùs aucto Pondere; Aliud ex *Fruſto Carnis*, diutius manente non putrefacto, Aliud ex *Vitro Calendari* minori spatio reciprocante: De his, & Similibus ampliùs inquiratur.

30 *Aeris* non tantùm *Bonitas*, aut *Puritas*, verùm etiam *Æqualitas* quoad Longævitatē spectatur: *Collum* & *Vallium Varietas* Aspectui & Sensui grata, Longævitati suspecta; At *Planities* modicè sicca, nec tamen nimis sterilis, aut *Arenosa*, nec prorsus sine Arboribus, & Umbrâ, Diuturnitati Vitæ magis commoda.

31 *Inæqualitas Aeris*, (ut jam dictum est) in *Loco Mansionis*, mala; verùm *Mutatio Aeris* in *Peregrinatione*, postquàm quis assueverit, bona; Unde & magni *Peregrinatores* Longævi fuere: similiter etiam Longævi, qui in *Tuguriolis* suis, eodem loco, perpetuò Vitam degerunt: *Aer* enim Assuetus, minùs consumit, at Mutatus magis alit, & reparat.

32 Ut *Series*, & *Numerus Successionum*, ad Diuturnitatem, aut Brevitatem Vitæ, nihil est (ut jam diximus,) ita *Conditio* immediata *Parentum*, tam ex parte *Patris*, quam *Matris*, proculdubio multùm potest. Alii siquidem generantur ex *Senibus*, Alii ex *Adolescentulis*, Alii ex *Viris* Ætate iustiore; Item Alii à *Patribus*, cum *Sani* fuerint, & benè dispositi, Alii à *Morbidis*, & *Languidis*; Item Alii à *Repletis*, & *Ebriis*, Alii post *Somnum*, & *Horis Matutinis*; Item Alii post longam *Intermissionem Veneris*, Alii post *Venerem repetitam*; Item Alii flagrante Amore Patrum, (ut fit plerunque in *Spuriis*) Alii defervescente, ut in *Conjugiis Diuturnis*. Eadem etiam ex parte *Matris* spectantur: Quibus addi debent, *Conditio Matris*, dum gestat Uterum, quali sanitate, quali diætâ? Et *Tempus Gestationis*, ad Decimum Mensem, aut celerius? Hæc ad Normam reducere, quatenus ad Longævitatē difficile est; Atque eò difficilius, quod fortassè quæ optima quis puraret, in contrarium cedent: Etenim *Alacritas* illa in *Generatione*, quæ Liberos Corpore robustos, & agiles producit, ad Longæviritatem minùs utilis erit, propter *Acrimoniam*, & *Incessionem Spirituum*: Diximus antea, *Plus habere ex Materno Sanguine*, conferre ad Longævitatē; Etiam *Mediocritas* simili ratione optima esse putamus, *Amorem* potius *Conjugalem*, quam *Mereiricum*; *Horas Generationis matutinis*; *Statum Corporis* non nimis *Alacrem*, aut *Turgidum*, & Similia. Illud etiam benè observari debet, quod *Habitus Parentum robustior*, ipsis magis est propitius, quàm *Fætui*; Præcipuè in *Matre*: Itaque satis imperitè *Plato* existimavit, claudicare virtutem Generationum, quod *Mulieres* similibus cum *Viris* Exercitiis tam Animi, quam Corporis, non utantur; Illud contrà se habet: *Distantia* enim *Virtutis* inter *Marem*, & *Fœminam*, maximè utilis est *Fœtui*; Atque *Fœminæ teneriores* magis *Præbitoria* sunt, ad alendum

dum foetum, quod etiam in Nutricibus tenet. Neque enim *Spartane* *Mulieres*, quæ ante Annum Vicesimum secundum, aut (ut alii dicunt) quintum, nubere non solebant, (ideoque *Andromana* vocabantur) generosiores, aut longæviores Sobolem ediderunt, quam *Romana*, aut *Athemenses*, aut *Thebana*, apud quas, Anni Duodecim, aut Quatuordecim Nubiles erant. Atque si in *Spartanis* aliquid fuerit Egregium, id magis Viſtûs Parsimonix debebatur, quam Nuptiis Mulierum ferotinis. Illud verò Experientia docet, Esse quasdam *Stirpes*, ad Tempus longævas, ut Longævitas sit, quemadmodum Morbi, *Res Hereditaria*, in aliquibus periodis.

Candidiores Genis, Cutis, & Capillis, minùs Vivaces; *Subnigri*, aut *Rufi*, aut *Lentiginosi*, magis. Etiam *Rubor* nimius in *Inventute*, Longævitatẽ minùs promittit, quam *Pallor*. *Cuius durior* Longævitatis signum, potius quam *mollior*; neque tamen hoc intelligitur de *Cute Spiſſiori* (quam vocant *Anserinam*) quæ est tanquam Spongiosa; sed de *Durâ* simul, & *Compactâ*; Quin & *Frons* majoribus *Rugis* sulcatus, melius signum, quam *Nitidus*, & *Explicatus*.

Pili in *Capite* Asperiores, & magis setosi, ostendunt vitam longiorem, quam *Molles*, & *delicati*; *Crispi* verò eandem prænunciant, si sint simul *Asperi*; contrà si sint *Molles*, & *splendentes*. Item si sit *Crispatio* potius *Densa*, quam per largiores *Cincinnos*.

Ciriûs aut *Seriûs Calvescere*, Res est quasi indifferens; cum *Calvarstri* plurimi longævi fuerint; Etiam citò *Canescere*, (utcunque videatur *Canicies* præcursor ingruentis Senectutis) Res fallax est; cum haud pauci præproperè *Canescentes*, diù postea vixerint; Quinetiam præmatura *Canicies*, absque ullâ *Calvitie*, signum est Longævitatis; Contrà, si concomitetur *Calvities*.

Pilositas Partium Superiorum signum Vitæ minùs longæ; atque *Pectore* hirsuti, & quasi jubati, minùs Vivaces: at *Inferiorum Pilositas*, ut *Femorum*, *Tibiarum*, signum longæ Vitæ.

Proceritas Staturæ (nisi fuerit enormis) *Compage* commodâ, & sine *Gracilitate*, præsertim si concomitetur *Corporis Agilitas*, signum longæ Vitæ; At contrà, *Homines* brevioris *Staturæ* magis vivaces, si fuerint minùs *Agiles*, & *Motu* tardiores.

In *Corporis Analogia*; Qui Corpore aliquantò breviores sunt, *Tibiis* longioribus, longæviores sunt, quam qui Corpore magis demisso, *Tibiis* autem brevioribus: Item, qui *Inferioribus Partibus* largiores sunt, & *Superioribus* contractiores, (*Structurâ* Corporis, quasi surgente in *Acutum*), longæviores, quam qui *Humeros* lati, deorsum sunt tanquam attenuati.

Macies cum *Affectibus Sedaris*, tranquillis, & facilibus; *Pinguior* autem *Habitus* cum *Cholerâ*, vehementiâ, & pertinaciâ, *Diuturnitatem* Vitæ significant: *Obesus* autem in *Inventute*, breviorẽ Vitam præmonstrat, in *Senectute*, Res est magis indifferens.

Diù & sensim *grandescere*, signum Vitæ longæ; si ad *Staturam magnam*, magnum signum; sin ad *minorem*, signum tamen; At contrà velocitè *grandescere* ad *Staturam magnam*, signum malum est; sin ad *staturam brevem*, minùs malum.

41 *Carnes Firmiores*; & Corpus Musculosum, & Nervosum, & Nates minus tumentes, (quantum sedendo tantum sufficiant) & Venæ paulò eminentiores, Longævitatē denotant; contraria Brevitatē Vitæ.

42 *Caput*, pro Analogiā Corporis, minutius; *Collum* mediocre, non oblongum; aut gracile, aut tumidum, aut tanquam Humeris impactum: *Nares* patulæ, quæcunque formā Nasi: *Os* largius: *Auris* cartilaginea, non Carnosa; *Dentes* robusti, & contigui, non exiles, aut rari, Longævitatē prænunciant; Et multò magis, si *Dentes* aliqui novi, proVectiore Ætate proveniant.

43 *Pectus* latius, sed non elevatum, quin potius adductius: *Humerique* aliquantulum gibbi, & (ut loquuntur) *Formicati*: *Venter* planus, i.e. prominens: *Manus* largior, & *Palma* minus Lineis exarata: *Pes* brevior, & rotundior, *Femora* minus carnosa; *Surae* non cadentes, sed se altius sustentantes, Signa Longævitatē.

44 *Oculi*, paulò grandiores, atque *Iris* ipsorum cum quodam Viore; *Sensus* omnes non nimis acuti: *Pulsus* Juventute tardior, sub Ætatem vergentem paulò incitator; *Detentio* Anhelitus faciliior, & in plura Momenta; *Alvus* Juventute siccior, Vergente Ætate humidior, signa etiam Longævitatē.

45 De *Temporibus Nativitatē*, nihil observatum est, quoad Longævitatē, memoratū dignum, præter *Astrologica*, quæ in *Topicis* relegavimus. *Partus Otimestris*, non solum pro non Vivaci, verum etiam pro non Vitali habetur. Etiam *Partus Hyemales* habentur pro Longævioribus.

46 *Vitæ*, sive *Dietæ Pythagorica*, aut *Monastica*, secundum Regulas strictiores, aut ad Amussim æqualis, (qualis fuit illa *Cornari*) videtur potenter facere ad Vitæ Longitudinē. At contra ex iis, qui liberè, & communi more vivunt, Longæviores reperti sunt. sæpènumerò *Edaces*, & *Epulones*, denique qui liberaliore Mensâ usi sunt. *Media Dieta*, quæ habetur pro Temperatâ, laudatur, & ad *Saniatē* confert, ad *Vitam Longævam* parum potest; Etenim, *Dieta* illa *strictior*, *Spiritus* progignit paucos, & lentos, undè minus consumit; at illa *Plenior*, Alimentum præbet copiosum; undè magis reparat; *Media* neutrum præstat; Ubi enim extrema nociva sunt, Medium optimum, verum ubi Extrema juvativa, Medium nihili ferè est. *Dietæ* autem illi *strictiori*, convenit etiam *Vigilia*, ne *Spiritus* pauci, multo Somno opprimantur; *Exercitatio* item modica, ne exolvantur; *Veneris abstinētia*, ne exhauriantur: At *Dietæ* *liberiori* convenit contra *Somnus* largior, *Exercitatio* frequentior, *Ufus Veneris* tempestivus, *Balnea*, & *Unguentia* (qualia fuerunt in usu) *Delicias* potius, quam Vitæ producendæ, accommodata fuerunt; Verum de his omnibus, cum ad *Inquisitionem* secundum *Inventiones* ventum erit, accuratius dicemus. Illud interim *Celsi Medici*, non solum *Docti*, verum etiam *Prudentis*, non contemnendum est; Qui *Varietatē* & *Aliēnationē* *Dietæ* iubet, sed cum inclinatione in *Partē Benigniorē*: Scilicet, ut quis *Vigiliis* quandoque se assuescat, alias *Somno* indulgeat, sed *Somno* sæpius; *Interdum* jejuset, *interdum* epuletur, sed *epuletur* sæpius; *Interdum* *Animi Contentionibus* strenuè incumbat, *interdum* *Remissionibus* utatur; sed *Remissionibus* sæpius. Illud certè minimè dubium est, quin *Dietæ* benè instituta, partes,

partes, ad prolongandam Vitam, potiores teneat; neque convehi unquam Aliquem valdè Longævum; qui interrogatus de *Vitâ* suo, non observasset, aliquid Peculiare; Alii alia. Equidem memini quendam *Senem* Centenario Majorem, qui productus est Testis, de antiquâ quadam Præscriptione; Is cum finito Testimonio, à *Iulice* familiaritèr interrogaretur, quid agens tam diù vixisset; respondit (præter expectatum, & cum Risu Audientium) *Edendo, antequam esurirem, & Potando, antequam sitirem.* Sed de his, (ut dictum est) postea.


Vita Religiosa, & in sacris, videtur ad Longævitatem facere; Sunt in hoc Genere Vitæ, Otium; Admiratio & Contemplatio rerum divinarum; Gaudia non Sensualia; Spes nobiles; Metus salubres; Mœrores dulces; denique Renovationes continuæ per Observantias, Pœnitentias, & Expiationes; quæ omnia ad Diuturnitatem Vitæ, potentèr faciunt. Quibus si accedat, *Dieta* illa Austera, quæ Massam Corporis induret, Spiritus humiliet, nil mirum si sequatur Longævitas insignis; qualis fuit *Pauli Eremitæ*, *Simeonis Stylitæ* *Anachoretæ* *Columnaris*, Et complurium aliorum *Monachorum* ex *Eremito*, & *Anachoretarum*.

Huic proxima est *Vita in Literis*, *Philosopharum*, *Rhetorum*, & *Grammaticarum*; Degitur hic quoque in Otio, & in iis Cogitationibus, quæ cum ad Negotia Vitæ nihil pertineant, non mordent, sed Varierate, & impertinentiâ, delectant; Vivunt etiam ad arbitrium suum, in quibus maxime placeat, Horas & Tempus terentes; Atque in consorcio plerumque Adolescentium, quod paulò lætius est. In *Philosophiis* autem magna est Discrepantia, quoad Longævitatem, inter *Sectas*. Etenim *Philosophiæ*, quæ nonnihil habent ex Superstitione, & Contemplationibus sublimibus, optimæ, ut *Pythagorica*, *Platonica*; Etiam quæ Mundi Perambulationem, & Rerum Naturalium varietatem complectebantur, & Cogitationes habebant disinctas, & altas, & magnanimas; (de *Infinito*; & de *Astris*; & de *Virtutibus Heroicis*, & hujusmodi) ad Longævitatem bonæ; quales fuerunt *Democriti*, *Philolai*, *Xenophanis*, *Astrologorum* & *Stoicorum*. Etiam quæ nihil habebant Speculationis Profundioris, sed ex Sensu Communi, & Opinione vulgatis, absque Inquisitione acriori, in omnem partem placidè disputabant, similiter bonæ; quales fuerunt *Carneadis*, & *Academicorum*; item *Rhetorum*, & *Grammaticorum*. At contrâ, *Philosophiæ* in Subtilitatum Molestiis versantes, & *Pronunciativæ*, & singula ad Principiorum Trutinam examinantes, & torquentes, denique Spiniosiores, & Angustiores, malæ; quales fuerunt, plerumque *Peripateticorum*, & *Scholasticorum*.

Vita Rusticana item ad Longævitatem idonea; Frequens est sub Dîo, & Aere libero; non Socors, sed in Motu; Dapibus plerumque Recentibus, & inemptis; sine Curis & Invidia.

Historia Vitæ & Mortis.

De *Vitâ Militari*, in Juventute, etiam bonam habemus Opinionem: Certè complures Bellatores egregii longævi fuerunt; *Corvinus*, *Camil- lus*, *Xenophon*, *Agésilau*, & Alii tam Prisci, quam Moderni: Prodest certè Longævitati, si à Juventute, ad Ætatem Provectam, omnia crescant in *Benignum*, ut Juventus laboriosa, Dulcedinem quandam Senectuti largiatur: Existimamus etiam *Affectus Militares*, ad Contenti- onis studium, & spem Victoriæ, erectos, talem infundere Calorem *Spi- ritibus*, qui Longævitati profit.



M E D I C I N Æ A D Longævitatem.

Ad Artic. 10.
Connexio.

Medicina quæ habetur, intuetur ferè tantum Conservati- onem Sanitatis, & Curationem Morborum; de iis autem, quæ propriè spectant ad Longævitatem, parva est Men- tio, & tanquam obiter. Proponemus tamen ea Medicamenta, quæ in hoc genere notantur, Cordialia scilicet quæ vocantur. Et nim quæ sumpta in Curationibus, Cor, & (quod verius est) Spiritus muniunt, & roborant, contra Venena, & Morbos, translata cum Iudicio & delectu in Dixtam, etiam ad Vitam producendam, aliquâ ex parte, prodesse posse, consentaneum est. Id faciemus non promiscuè ea cumulantes, (ut moris est) sed ex- cerpentes Optima.

1. *Aurum* triplici Formâ exhibetur; Aut in *Auro* (quod appellant) Potabili; aut in *Vino Exunctionis Auri*; aut in *Auro in Substantiâ*; qualia sunt, *Aurum Foliatum*, & *Limatura Auri*. Quod ad *Aurum Po- tabile* attinet, cœpit dari in Morbis desperatis, aut gravioribus, pro egregio Cordiali, atque successu non contemnendo. Verum existima- mus *Spiritus Salis*, per quos fit Dissolutio, Virtutem illam, quæ repê- ritur, largiri potius, quàm ipsum *Aurum*; Quod tamen sedulò celatur; Quod si aperiri possit *Aurum* absque Aquis Corrosivis, aut per Corro- sivas, (modò absit Qualitas Venenata) benè postea ablutas, Rem non inutilem fore arbitramur.

2. *Margaritæ* sumuntur aut in *Pulvere levigato*, aut in *Malagmate* quod- dam sive Dissolutione, per *Succum Limonum* impensè acerborum, & re- centium; atque dantur aliquandò in *Confectionibus Aromaticis*, aliquan- dò in *Liquore*. *Margarita* proculdubio affinitatem habet cum *Conchâ*, cui adhæret; & possit esse similis ferè Qualitatis, cum *Testis Cancro- rum Fluviatilium*.

Inter

Inter *Gemmas ChrySTALLINAS* habentur pro *Cordialibus* præcipuè duæ; *Smaragdus* & *Hyacinthus*; quæ dantur sub iisdem Formis, quibus *Margaritæ*, excepto quod *Dissolutiones* earum (quod scimus) non sint in usu. Verùm nobis magis suspectæ sunt *Gemma illæ Virreæ*, ob *Asperitatem*.

De his, quæ memoravimus, quatenus & quomodò *Iuvamentum* præbeant, *Monitum*. postea dicitur.

Lapis Bezoar probatæ est virtutis; quod *Spiritus* recreet, & lenem *Sudorem* provocet. *Cornu* autem *Monocerotis*, de *Existimatione* suâ decidit; ita tamen ut gradum servet, cum *Cornu Cervi*, & *Osse de Corde Cervi*, & *Ebone*, & similibus.

Ambra Grisia ex optimis est, ad *Spiritus* demulcendos, & confor- tandos. Sequuntur *Nomina* tantum *Simplicium*, cum *Virtutes* ipsarum satis sint cognitæ.

Calida.

Frigida.

Crocus.

Folium Indum.

Lignum Aloes.

Cortex Cui.

Melissa.

Oryzum.

Gariophyllata.

Flores Arantiorum.

Rosmarinus.

Menta.

Beonica.

Carduus Benedictus.

Nitrum.

Rosa.

Viola.

Fragaria.

Fraga.

Succus Limonum dulcium.

Succus Arantiorum dulcium.

Succus Pomorum Fragrantium.

Borago.

Buglossa.

Pimpinella.

Sanialum.


Camphora.

Cum de iis jam *Sermo* sit, quæ in *Dixtam* transferri possint; *Aquæ illæ* *Monitum*. *Ardeniores*, atque *Olea Chymica*, (quæ ut ait *Quidam* ex *Nugatoribus*, sunt sub *Planeta Martis*; & habent *Vim furiosam*, & *destructivam*) quin- etiam *Aromata ipsa Acrida* & *Mordacia*, rejicienda sunt; & videndum, quo- modo componi possint *Aquæ*, & *Liquores* ex *Præcedentibus*, non *Phlegma- ticæ illæ Stillariciæ*; neque rursus *Ardenes* ex *Spiritu vini*, sed magis *Temperata*, & nihilominus *visca*, & *Vaporem benignum spirantes*.

Hæsitamus de *Frequenti Sanguinis Missione*, utrum ad *Longævita- tem* conferat; & potius in eâ sumus *Opinione*, quod hoc faciat, si in *Hædum* versa fuerit, & cætera sint accommodata; Etenim *Succum* *Corporis Veterem* emittit, & *Novum* inducit.

Arbitramur etiam *Morbos* quosdam *Emaciantes*, benè curatos, ad *Longævitatem* prodesse. *Succos* enim *Novos* præbent *Veteribus* con- sumptis; atque (ut ait ille) *Convalescere est Invenescere*; Itaque inducen- di sunt tanquam *Morbi* quidam *Artificiales*, id quod fit per *Dietas stri- ctas*, & *Emaciantes*, de quibus postea dicemus.

In-



Intentiones.

Ad Artic. 12.
13. & 14.
Connexio.

Postquam autem Inquisitionem absolverimus secundum Subjecta, Videlicet Corporum Inanimatorum, Vegetabilium, Animalium, Hominis; propius accedemus, & Inquisitionem per Intentiones ordinabimus; Veras & proprias, (ut omnino arbitramur) quæque sint tanquam Semitæ Vitæ Mortalis. Neque enim in hac Parte, quicquam quod valeat, hactenus inquisitum est; sed planè fuerunt Hominum Contemplationes, quasi simplices, & non proficientes. Nam cum audiamus ex una parte Homines, de confortando Calore Naturali, atque Humore Radicali; atque de Cibis, qui generant Sanguinem laudabilem, quique sit nec Torridus, nec Phlegmaticus; atque de Refocillatione, & Recreatione Spirituum, verba facientes; existimamus sanè, Homines non malos esse, qui hæc loquuntur: Sed nihil horum, potentèr facit ad Finem. Cum verò ex alterâ parte, audiamus Sermones inferri de Medicinis ex Auro, (quia scilicet Aurum Corruptioni est minimè obnoxium) & de Gemmis, ad recreandos Spiritus, propter Proprietates occultas, & Clarorem suum; Quodque si possint detineri, & excipi in Vasibus, Balsama, & Quintæ Essentiæ Animalium, Superbam faceret Spem Immortalitatis; Quodque, Carnes Serpentum, & Cervorum, consensu quodam valeant ad Renovationem Vitæ; quia Alter mutat Spolia, alter Cornua; (debuerant autem Carnes Aquilarum adungere, quia Aquila mutat Rostrum;) Quodque quidam, cum Unguentum sub terrâ defossam reperisset, eoque se à Capite ad Pedes usque unxisset, (exceptis Plantis Pedum) ex hujusmodi Unctione, trecentos Annos vixisset absque morbo, (præter Tumores Plantarum Pedum;) Atque de Artesio, qui cum Spiritum suum labascere sensisset, Spiritum Adolescentis cujusdam Robusti, ad se traxisset, eumque inde exanimasset; sed ipse complures Annos, ex Alieno illo Spiritu vixisset; Et de Horis Fortunatis, secundum Schemata Cœli, in quibus Medicinæ ad Vitam producendam, colligi, & componi debent; Atque de Sigillis Planetarum, per quæ Virtutes cœli-

tūs

tus ad prolongationem vitæ haurire, & deducere possimus; & hujusmodi Fabulosis, & Superstitiosis; prorsus miramur Homines ita Mente captos, ut iis hujusmodi Res imponi possint. Denique, subit Humani generis Misericordia, quod tam duro Fato, obsideatur, inter Res inutiles, & ineptas. Nostræ autem Intentiones, & Rem ipsam premere, & præcul esse à Commentis vanis, & credulis, confidimus; & tales, ut Rebus, quæ illis Intentionibus satisficiant, à Posteris quamplurima, Intentionibus autem ipsis, non multum addi posse existimemus.

Sunt tamen Pauca, sed magni prorsus Momenti, quorum Homines præmonitos esse volumus.

Primo, nos in hac Sententiâ sumus, ut existimemus Officia Vitæ, esse Vitâ Ipsâ potiora. Itaque, si quid sit ejusmodi, quod Intentionibus nostris, magis exactè respondere possit, ita tamen ut Officia, & Munia Vitæ, omnino impediat; quicquid hujus generis sit, rejicimus: Levem fortasse aliquam Mentionem hujusmodi Rerum facimus sed minime illis insistimus. Neque enim de vitâ aliquâ, in Speluncis, ubi Radii & Tempestates cæli non penetrent, instar Antri Epimenidis; Aut de perpetuis Balneis, ex Liqueuribus præparatis; Aut de Superpelliciis, & Ceratis ita applicandis, ut Corpus perpetuò sit, tanquam in Capsulâ; Aut de Pigmentis Spissis, more Barbarorum nonnullorum; Aut de Ordinatione Victus & Dietæ accuratâ, quæ solum hoc videatur agere, & nihil aliud curare, quam ut quis vivat; (qualis fuit Herodici apud Antiquos, & Cornari Veneti nostro Seculo; sed majore cum Memorazione;) Aut de hujusmodi Portentis, Fastidiis, & Incommodis, sermonem aliquem serium, & diligentem instituimus; Sed eâ afferimus Remedia, & Præcepta, ex quibus Officia Vitæ non deserantur, aut nimias excipiant Moras, & Molestias.

Secundo, ex alterâ parte, Hominibus denunciamus, ut nugari desinant; nec existiment tantum Opus, quantum est Naturæ potentem Cursum remorari, et retrovertere, posse Haustu aliquo Matutino, aut usu alicujus prætiosæ Medicinæ, ad Exitum perducere; sed ut pro certo habeant, necesse esse ut hujusmodi Opus sit planè Res operosa, et quæ ex compluribus Remediis, atque

atque eorum inter se Connexione idoneâ, constet; Neque enim Quisquam ita stupidus esse debet, ut credat id quod nunquam est factum, fieri posse, nisi per Modos etiam nunquam tentatos.

Tertiò disertè profiteamur, nonnulla ex iis, quæ proponemus, Experimento nobis non esse probata, (neque enim hoc patitur nostrum Genus Vitæ) sed tantum summâ (ut arbitramur) Ratione, ex Principiis nostris, et Præsuppositis, (quorum alia inserimus, alia Mente servamus,) esse derivata; et tanquam ex Rupe, aut Minerâ ipsius Naturæ, excisa et effossa. Neque tamen Curam, omisimus, eamque providentem & sedulam, quin (quandoquidem de Corpore Humano agatur, quod (ut ait Scriptura) est supra Vestimentum) ea proponamus Remedia, quæ sint tuta saltem, si fortè non fuerint fructuosa.

Quartò, illud Homines ritè, & animadvertere, & distinguere volumus; Non eadem semper, quæ ad Vitam Sanam, ad Vitam Longam conferre. Sunt enim nonnulla, quæ ad Spirituum Alacritatem, & Functionum Robur, & Vigorem, prosunt, quæ tamen, de Summâ Vitæ detrahunt. Sunt & alia, quæ ad Prolongationem Vitæ plurimum juvant, sed tamen non sunt absque Periculo Valetudinis; nisi per Accommodata quædam huic Rei occurratur; de quibus tamen, (prout Res postulat) Cautiones, & Monita exhibere non prætermittemus.

Postremò, visum est nobis varia Remedia, secundum singulas Intentiones, proponere; Dilectum verò Remediorum, atque Ordinem ipsorum, in medio relinquere. Etenim ex ipsis, quæ Constitutionibus Corporum diversis, quæ Generibus Vitæ variis, quæ Ætatibus singulis, maximè conveniant, quæque Alia post alia sumenda sint, & quomodo Praxis universa harum Rerum sit instruenda, & regenda, exactè perscribere, & nimis longum foret, neque idoneum est quod publicetur.

Intentiones in Topicis proposuimus tres. Prohibitionem Consumptionis; Perfectionem Reparationis; & Renovationem Veterationis. Verùm cum quæ dicuntur, nihil minus sint, quam Verba, Intentiones illas tres, ad decem Operationes deducemus.

Prima

Prima est Operatio super Spiritus, ut revirescant.

1

Secunda Operatio est, super Exclusionem Acris.

2

Tertia Operatio est, super Sanguinem, & Calorem Sanguificantem.

3

Quarta Operatio est, super Succos Corporis.

4

Quinta Operatio est, super Viscera, ad Extrusionem Alimenti.

5

Sexta Operatio est, super Partes Exteriores, ad Attractionem Alimenti.

6

Septima Operatio est, super Alimentum ipsum, ad Insinuationem ejusdem.

7

Octava Operatio est, super Actum ultimum Assimilationis.

8

Nona Operatio est, super Intencrationem Partium, postquam cœperint desiccari.


9

Decima Operatio est, super Expurgationem Succis veteris, & Substitutionem Succis novi.

10

Harum Operationum Primæ Quatuor pertinent ad Intentionem primam; Quatuor Proximæ, ad Intentionem secundam; Duæ ultimæ, ad Intentionem Tertiam.

Cum vero hæc Pars de Intentionibus, ad Praxin innuat; sub Historiæ Nomine, non solum Experimenta, & Observationes, sed etiam Consilia, Remedia, Causarum Explicationes, Assumpta, & quæcunque huc spectant, immiscebimus.



OPERATIO SUPER SPIRITUS, ut maneant juveniles, & revirescant. I.

Historia.

Spiritus omnium, quæ in Corpore fiunt, Fabri sunt atque Opifices. Id & Consensu, & ex infinitis Instantiis patet.

Si quis posset efficere, ut in Corpore Senili, rursus indantur Spiritus, quales sunt in Juvene; Rosam hanc Magnam, Rosas reliquas Minores,

nones, circumagere, & *Natura Cursum* retrogradum fieri posse, consensaneum est.

3 In omni *Consumptione*, sive per Ignem, sive per *Ætatem*, quo plus *Spiritus Rei*, sive Calor deprædatur Humorem, eò brevior est Duratio Rei. Id ubique occurrit, & patet.

4 *Spiritus* in tali Temperamento, & Gradu Activitatis ponendi sunt, ut Succos Corporis (ut ait ille) *non bibant, & sorbeant, sed pitissent.*

5 Duo sunt Genera *Flammarum*; una *Acris & Impotens*, quæ Tenuiora evolare facit, in Duriora parùm potest; ut *Flamma* ex *Stramine*, vel *Ramentis Ligni*: Altera *Fortis & Constans*, quæ etiam insurgit in Dura, & Obstinata; qualis est *Lignorum grandiorum*, & similium.

6 *Flammæ* *Acriores*, & tamen minùs *Robustæ*, Corpora desiccant, & reddunt effæta, & exueta; at *Fortiores* Corpora intenerant, & liquant.

7 Etiam ex *Medicinis dissipationibus*, nonnullæ in Tumoribus, tenuia tantùm emittunt, ideòque indurant; nonnullæ potentèr discutiunt, ideòque emolliunt.

8 Etiam in *Purgantibus*, & Abstergentibus, quædam magis Fluida raptim asportant; quædam magis Contumacia, & Viscosa trahunt.

6 *Spiritus* tali Calore indui, & armari debent, ut potiùs ament Dura, & obstinata convellere, & subruere; quam Tenuia, & Præparata emittere, & asportare: Eo enim modo, fit Corpus Viride, & Solidum.

10 *Spiritus ita subigendi, & componendi sunt, ut fiant Substantiâ densi, non rari; Calore pertinaces, non acres; Copiâ, Quanta sufficit ad Munia Vitæ, non redundantes, aut turgidi; Motu sedati, non subsultorii, & inæquales.*

11 Super *Spiritus* plurimùm operari, & posse *Vapores*, ex Somno, & Ebrietate, & Passionibus Melancholicis, & Lætificantibus, & Recreatione *Spirituum* per Odores in Deliquiis, & Languoribus, patet.

12 *Spiritus* quatuor modis condensantur. Aut *Fugando*; Aut *Refrigerando*; Aut *Demulcendo*; Aut *Sedando*: Atque primum de *Condensatione* per *Fugam* videndum.

13 Quicquid *fugat* undequaque, cogit Corpus in Centrum suum, atque ideò *condensat*.

14 Ad *Condensationem Spirituum* per *Fugam*, longè potentissimum, & efficacissimum est, *Opium*; & deindè *Opiata*, atque generalitèr *Soporifera*.

15 Efficacia *Opii* ad *Condensationem Spirituum* admodùm insignis est; cum tria fortassè Grana ejus, *Spiritus* paulò post, ita coagulent, ut non redeant, sed extinguantur, & reddantur immobiles.

16 *Opium*, & similia non *fugant Spiritus* propter *Frigus* suum; (habent enim partes manifestò calidas,) Sed è converso *refrigerant*, propter *Fugam Spirituum*.

17 *Fuga Spirituum* ex *Opio*, & *Opiatis*, optimè cernitur, in illis exterius applicatis; quia subindè *Spiritus* statim se subducunt, nec ampliùs accedere volunt, sed mortificatur Pars, & vergit ad *Gangrenam*.

Opiata

Opiata in magnis *Doloribus*, veluti *Calculi*, aut in *Abscissione Membro-* 18
rum, *Dolores* mitigant; maximè per *Fugam Spirituum*.

Opiata fortiuntur bonum Effectum, ex malâ Causâ: *Fuga* enim *Spi-* 19
rituum, mala; *Condensatio* autem eorum à *Fugâ*, bona.

Græci multum posuerunt; & ad Sanitatem, & ad Prolongationem 20
Vitæ, in *Opiatis*: *Arabes* vero adhuc magis; in tantum ut *Medicinæ* suæ
Grandiores, (quas *Deorum manus* vocant) pro *Basî* suâ, & *Ingrediente*
principali habeant *Opium*, reliquis admittis adejus noxias Qualitates re-
tundendas, & corrigendas; quales sunt *Theriaca*, *Mithridatium*, & cætera.

Quicquid in *Curâ Morborum Pestilentialium*, & *Malignorum*, foeli- 21
citer exhibetur, ut *Spiritus* sistantur, & frænentur, ne turbent, & tumul-
tuentur; id optimè transfertur ad Prolongationem *Vitæ*; cum idem
faciat ad utrumque; *Condensatio* videlicet *Spirituum*. Id autem præstant
ante omnia *Opiata*.

Turcæ *Opium* experiuntur etiam in bonâ Quantitate, innoxium, & 22
confortativum; adeo ut etiam ante *Prælia*, ad Fortitudinem illud sumant;
Nos vero nisi in parvâ Quantitate, & cū bonis *Correctivis*, læthale est.

Opium & *Opiata*, manifestò deprehenduntur excitare *Venerem*; quod 23
testatur vim ipsorum ad roborandos *Spiritus*.

Aqua Sillaria ex Sylvestri *Papavere*, ad *Crapulam*, *Febres*, & varios 24
Morbos foeliciter adhibetur; quæ proculdubio est temperatum Genus
Opiati: Neque de Varietate Usus ejus miretur quispiam; Id enim *Opiatis*
familiare est; quia *Spiritus* roboratus & densatus, insurgit in quemcun-
que morbum.

Turcæ habent etiam in usu *Herbæ* Genus, quam vocant *Caphe*, quam 25
deficcata pulverizant, & in Aquâ calida propinant; quam dicunt haud
parvum præstare illis Vigorem; & in *Animis*; & in *Ingeniis*: Quæ ta-
men largius sumpta, Mentem movet, & turbat; unde manifestum est
eam esse similis Naturæ cum *Opiatis*.

Celebratur in universo Oriente *Radix* quædam vocata *Betel*, quam 26
Indi, & reliqui in ore habere, & mandere consueverunt; atque ex eâ
Mansionem mirè recreantur, & ad *Labores* tolerandos, & ad *Languores*
discutiendos, & ad *Coitum* fortificandum; videtur autem esse ex *Nar-*
coticis, quia magnoperè denigrat *Dentes*.

Incœpit nostro sæculo in immensum crescere usus *Tobacco*; atque 27
afficit *Homines* occultâ quâdam delectatione, ut qui illi semel assueti
sint, difficilè postea abstineant; Et facit proculdubio, ad *Corpus* al-
levandum, & tollendas *Lassitudines*: Atque vulgò *Virtus* ejus refertur;
eò quod aperiât *Meatus*, & eliciat *Humores*: At tamen, rectius referri
potest ad *Condensationem Spirituum*; cum sit *Hyoscyami* quoddam ge-
nus, & *Caput* manifestò turbet, quemadmodum *Opiata*:

Sunt aliquandò *Humores* generati in Corpore, qui & ipsi sunt tan- 28
quam *Opiati*; ut fit in aliquibus *Melancholiis*, quibus si quis corripia-
tur, admodum fit longævus.

Opium (quæ etiam *Narcotica* vocantur, & *Stupefactiva*) *Simplicia* sunt; 29
Opium ipsum, quod est *Succus Papaveris*; *Papaver* utrumque & in *Herbâ*
& in *Semine*; *Hyoscyamus*, *Mandragora*, *Cicuta*, *Tabacco*, *Solanum*:

Opium Compositum sunt, *Theriaca*, *Mithridatium*, *Trisera*, *Ladanum* 30
O o o o Paracelsi;

Paracelsi, Diacodium, Diascordium, Philonium, Pillula de Cyno-glossa.

31 Ex his, quæ dicta sunt, possent deduci quædam *Designationes*, five Consilia ad prolongationem vitæ, secundum hanc *Intentionem*, scilicet *Condensationis Spirituum per Opiata*.

32 Sit itaque quotannis à Juventute Adultâ, *Dieta* quædam *Opiata*. usurpetur sub *Fine Manu*; quia *Spiritus* Æstate maximè solvuntur, & attenuantur, & minor instat metus ab Humoribus frigidis: Sit verò *Opiatum* aliquod *Magistrale*, debilius quam ea, quæ in usu sunt, & quoad minorem Quantitatem Opii, & quoad parciores Mixturam impensè Calidorum: Sumatur Manè inter Somnos; Victus sit simplicior, & parciore, absque Vino, aut Aromatibus, aut Vaporosis: Sumatur autem *Medicina* alternis tantum diebus, & continuetur *Dieta*, ad Quatuordecim Dies. Hæc *Designatio* Judicio nostro *Intentioni* haud perperam satisfacit.

33 Possit etiam esse *Acceptio Opiatorum*, non tantum per Os, sed etiam per *Fumos*; Sed talis esse debet, ut non moveat nimis Facultatem Expulsivam, aut eliciat Humores; sed tantum brevi morâ, operetur super *Spiritus* intra cerebrum; Itaque *Suffumigatio matutina*, per Os, & Nares excepta, cum *Tobacco*, admisto ligno *Aloes*, & Foliis Siccis *Roris-marini*, & parum *Myrrhæ*, utilis foret.

34 In *Opiatis magnis*, qualia sunt *Theriaca, Mitbridatium*, & cætera (præsertim in Juventute) non malum foret, potius *Aquas* ipsorum *Stillatitias* sumere, quam *Corpora* ipsorum; Etenim *Vapor* in distillando surgit; *Calor Medicamenti* terè subsidet: *Aquæ* autem *Stillatitiæ*, plerumque in Virtutibus, quæ per Vapores fiunt, bonæ; in cæteris, enerves.

35 Sunt *Medicamenta*, quæ Gradum habent quendam debilem, & oculum, & propterea tutum, ad Virtutem *Opiatam*; Ea immittunt Vaporem lentum & copiosum, sed non malignum, quemadmodum *Opiata* faciunt. Itaque, *Spiritus* non fugant, sed congregant tamen, & non nihil inspissat.

36 *Medicamenta* in ordine ad *Opiata* sunt ante omnia *Crocus*, atque ejus *Flores*; deinde *Folium Indum*; *Ambra-grisia*; *Coriandri Semen* præparatum; *Amonum*, & *Pseudamonum*; *Lignum Rhodium*; *Aqua Florum Arantiorum*, & multo magis *Infusio Florum* eorundem recentium in *Oleo Amygdalino*; *Nux Muscata* foraminata, & in *Aquâ Rosaceâ* macerata.

37 Ut *Opiata* parçè admodum, & certis Temporibus (ut dictum est) ita hæc *Secundaria*, familiaritèr, & in Victu quotidiano, sumi possunt; & multum conferent ad Prolongationem vitæ. Certè *Pharmacopæus* quidam *Calecutia*, ex Usu *Ambra*, ad Centum sexaginta Annos vixisse perhibetur; Atque *Nobiles* in *Barbariâ*, ex ejusdem Usu, longævi reperiuntur, cum *Plebs* brevioris sit *Ævi*; Et apud *Maiores nostros*, qui nobis fuerunt Vivaciores, *Crocus* magno in Usu fuit, in *Placentis*, *Iusculis*, &c. Atque de primo Modo *Condensationis Spirituum*, per *Opiata*, et *Subordinata*, hæc inquisita sint.

38 Jam verò de secundo Modo *Condensationis Spirituum* per *Frigus*, inquiremus; Proprium enim Opus Frigoris est *Densatio*; atque perficitur absque Malignitate aliquâ, aut Qualitate inimicâ: ideoque tutior est Operatio, quàm per *Opiata*; licet paulò minùs potens; si per vices tantum, quemadmodum *Opiata*, usurparetur. At rursus, quia familiaritèr, et in

in Victu quotidiano moderatè adhiberi potest, etiam longè potentior ad prolongationem vitæ est, quàm per *Opiata*.

Refrigeratio Spirituum, fit tribus modis; Aut per *Respirationem*; Aut per *Vapores*; Aut per *Alimenta*: Prima optima est, sed ferè extra nostram potestatem; Secunda etiam potens, & tamen præstò est; Tertia debilis & per Circuitus.

Aer Lympidus & purus, & nihil habens Fuliginis, antequam recipiatur in Pulmones, & minùs obnoxius Radiis solis, *Spiritus* optimè densar. Talis invenitur aut in Jugis Montium Siccis, aut in Campestribus perdatilibus, & tamen umbrolis.

Quoad *Refrigerationem* & *Densationem Spirituum* per *Vapores*, *Radice* hujus *Operationis*, ponimus in *Nitro*, veluti *Creaturâ* ad hoc *Propriâ*, & *Electâ*; his usi & persuasi indiciis.

Nitrum est tanquam *Arôma* Frigidum; Idque indicat Sensus ipse. Morder enim, & rentat Linguâ, & Palatum Frigore, ut *Aromata* Calore; Atque inter ea quæ novimus, unicum est, & solum, quod hoc præstet.

Frigida ferè omnia, (quæ sunt propriè *Frigida*, non per *Accidens*, ut *Opium*.) habent *Spiritum* Exilem, & Paucum; Contrà *Spirituosa* sunt omnia ferè Calida. Solum invenitur *Nitrum* in Naturâ Vegetabili, quod *Spiritu* abundet, & tamen sit *Frigidum*. Nam *Caphura* quæ est *Spirituosa*, & tamen edit *Actiones* Frigidi, refrigerat per *Accidens* tantum; nempe Tenuitate suâ, absque Acrimoniâ, juvando perspirationem, in Inflammationibus.

In *Congelatione* & *Conglaciatione Liqueorû*, quæ nuper cœpit esse in Usu, per *Nivem* & *Glaciem* ad Exteriora Vasis appositâ, immiscetur *Nitrum*; atque proculdubiò excitat, & roborat *Congelationem*; Verum est, etiam usurpari ad hoc Salem Nigrum communem, qui potius *Activitatem* indit *Frigori Nivali*, quam per se infrigidat; Sed, ut accepi, in Regionibus calidioribus, ubi Nix non cadit, fit *Conglaciatio* à *Nitro* solo; Sed hoc mihi compertum non est.

Pulsis Pyrius, qui præcipuè constat ex *Nitro*, perhibetur epotus conducere ad Fortitudinem, & usurpari à Nautis sæpenumero, & Militibus ante prælia, quemadmodum à *Turcis* *Opium*.

Datur sælicitèr *Nitrum* in *Causonibus*, & Febribus Pestilentialibus, ad leniendos, & frænandos Ardores earum perniciosos.

Manifestissimum est *Nitrum* in *Pulvere Pyrio* magnoperè exhorreere *Flammam*; unde fit admirabilis illa ventositas, & *Exufflatio*.

Nitrum deprehenditur esse veluti *Spiritus Terræ*: Etenim certissimum est, quamcunque Terram licet puram, neque Nitrosis admixtam, ita accumulata, & tectam, ut immunis sit à Radiis Solis, neque emitat aliquod Vegetabile, colligere etiam satis copiosè *Nitrum*; unde liquet *Spiritum Nitri*, non tantum *Spiritui Animalium*, verum etiam *Spiritui Vegetabilium* esse inferiorem.

Animalia quæ potant ex *Aquâ Nitrosâ*, manifestò pinguescunt, quod signum est Frigidi in *Nitro*.

Impinguatio Soli maximè fit à *Nitrosis*: omnis enim Stercoratio est *nitrosa*, Atque hoc signum est *Spiritûs in Nitro*.

Ex his patet *Spiritus humanos* per *Spiritum Nitri* posse infrigidari, & densari;

densari; & fieri magis Crudos, & minùs Acres; Quemadmodùm igitur *Vina fortia*, & *Aromata*, & Similia, *Spiritus* incendunt, & Vitam abbreviant; ita & *Nitrum* è converso illos componit, & comprimit, et facit ad Longævitatē.

52 *Usus* autem *Nitri* potest esse in Cibo inter Salem, ad decimā partem Salis; in Jusculis matutinis, ad Grana à tribus ad decem; Etiam in Potu; sed qualitercunq; usurpatum cum modo, ad Longævitatē sūmè prodest.

53 Quèadmodùm *Opium* præcipuas Partes tenet, in Condensatione *Spiritus* per *Pagam*, atq; habet simul sua *Subordinata*, minùs potentia, sed magis rura, quæ et majori Quantitate, et frequentiori Usu sumi possunt, de quibus superius diximus: ita similiter et *Nitrum*, quod condensat *Spiritus* per Frigus, et quandam (ut Moderni loquuntur) *Frescuram*; habet quoque et ipsum sua *subordinata*.

54 *Subordinata* ad *Nitrum* sunt, omnia quæ exhibent Odorem nonnihil *Terreum*; qualis est Odor *Terræ puræ*, et bonæ, recentè effossæ et versatæ: In his præcipua sunt *Borago*, *Buglossa*, *Hippo-buglossa*, *Pimpinella*, *Fragaria*, et *Fraga* ipsa, *Frambesia*, *Fructus Cucumeris Crudus*, *Poma Cruda Fragrantia*, *Folia* et *Gemma Vinis*, etiam *Viola*.

55 *Proxima* sunt, ea quæ habent quandam *Viorem Odoris*, sed paulò magis vergentem ad *Calidum*, neque omninò expertem virtutis illius *Refrigerii*; Qualia sunt *Melissa*, *Citrum viride*, *Aramium viride*, *Aqua Rosacea stillaricia*; *Pyræ Assæ* *Fragrantia*; etiam *Rosa Pallida*, *Rubea*, & *Muscataella*.

56 Illud norandum est, *Subordinata* ad *Nitrum* plerūq; plus ad *Intentionem* conferre *Crudæ*, quam *Ignem passæ*; quia *Spiritus* ille *Refrigerii*, ab *Ignè* dissipatur; Itaq; benè sumuntur infusa in Potu, aut *Cruda*.

57 Quemadmodùm *Condensatio Spiritus* per *Subordinata* ad *Opium*, fit aliquatenus per *Odores*; similiter et illa, quæ fit per *subordinata* ad *Nitrum*; Itaque Odor *Terræ Recentis*, et puræ, *Spiritus* optimè compescit, sive Aratrum sequendo, sive Fodiendo, sive Herbas inutiles evellendo: Etiam *Folia* in Sylvis, et Sepibus, vergente Autumno, decidentia, bonum *Refrigerium* præstant *Spiritibus*; Et maximè omnium, *Fragaria moriens*. Etiam Odor *Violæ*, aut *Florum Parietariæ*, aut *Fabarum*, aut *Rubi suavis*, et *Madre-sæve*, exceptus dum crescunt, similis est *Naturæ*.

58 Quin et novimus *Virum Nobilem* Longævū, qui statim à Sōne, *Glebam* *Terræ Recentis*, sub Nates apponi quotidie fecit, ut ejus Odorè exciperet.

59 Dubium non est, quin *Refrigeratio*, et *Attemperatio Sanguinis*, per *Frigida*, qualia sunt *Endivia*, *Cichorea*, *Hepatica*, *Portulaca*; &c. per Consequens infrigidet quoq; *Spiritus*; sed hoc fit per Circuitum; At *Vapores* operantur immediate.

Atque de *Condensatione Spirituum* per *Frigus*, jam inquisitum est; Tertiam diximus esse *Condensationem*, per id quod vocamus, *Demulcere Spiritus*. Quartam, per *Sedationem Alacritatis*, et *Motus* nimii ipsorum.

60 *Demulcem Spiritus*, quæcunq; illis sunt *Grata*, atque *Amica*; neque tamen provocant eos nimium ad *Exterius*, sed contrà faciunt, ut *Spiritus* quasi seipsis contenti, se fruantur, et recipiant se in *Centrum* suum.

61 De his, si repetas ea, quæ superius posita sunt, tanquam *subordinata*, et ad *Opium*, et ad *Nitrum*; nihil est opus aliâ Inquisitione.

62 Quod vero ad *Sedationem Impetus Spirituum* attinet, de eâ mox dicemus

cœnus, cum de *Motu* ipsorum inquiremus : Nunc igitur postquam de *Deasatione Spirituum* dixerimus, (quæ pertinet ad *Substantiam* ipsorum,) veniendum ad *Modum Caloris* in ipsis.

Calor Spirituum, ut diximus, ejus generis esse debet, ut sit *Robustus*, non *Acri*; & amet *Obstinata* subruere, potius quam *Attenuata* asportare.

Cavendum ab *Aromatibus*, *Vino*, & *Potui forti*; ut usus ipsorum sit valde temperatus, & abstinentiâ interpolatus : Etiam à *Satureiâ*, *Origano*, *Pulegio*, & omnibus, quæ ad *Palatum Acria* sunt, & *Incensiva*. Illa enim præstant *Spiritibus* Calorem non *Fabrilem*, sed *Prædatorium*.

Robustum præbent Calorem, præcipuè *Enula*, *Allium*, *Carduus Benedictus*, *Nasturtium adolescens*, *Chamedrys*, *Angelica*, *Zedoaria*, *Verbena*, *Valeriana*, *Myrrha*, *Costum*, *Sambuci Flores*, *Myrrhis*. Horum usus cum *Delectu*, & *Judicio*, aliàs in *Condimentis*, aliàs in *Medicamentis*, huic *Operationi* satisfacet.

Benè etiam cedit, quod *Opiata* Magna huic quoque *Operationi* egregiè serviunt; eò videlicet, quod exhibent *Calorem* talem per *Compositionem*, qualis in *Simplicibus* optatur, sed vix habetur : Etenim recipiendo *Calida* illa intensissima, (qualia sunt *Euphorbium*, *Pyrethrum*, *Stavifagria*, *Dracuntium*, *Anacardi*, *Castoreum*, *Aristolochium*, *Opopanax*, *Annoniacum*, *Galbanum*, & similia; quæ intus per se sumi non possunt) ad retundendam vim *Narcoticam* *Opi*; constituunt demùm talem *Complexionem* *Medicamenti*, qualem jam requirimus; Quod optimè perspicitur in hoc, quod *Theriaca*, & *Mithridatum*, & Reliqua, non sunt *Acria*, nec mordent *Linguam*; sed tantùm sunt paululùm *Amara*, & *Odoris* potentis, & produnt demùm *Caliditatem* suam in *Stomacho*, & *Operationibus* sequentibus.

Etiam ad *Calorem Robustum Spirituum*, facit *Venus* sæpè *Excitata*, raro *Persuata*; quæ nonnulli ex *Affectibus*, de quibus postea dicitur. Atque de *Calore Spirituum*, Analogo ad *Prolongationem* vitæ, jam inquisitum est.

De *Copiâ* *Spirituum*, ut non sint *Exuberantes*, & *Ebullientes*, sed potius *Parci*; & intra *Modum*, (cum *Flamma* parva non tantum prædetur, quantum magna) brevis *Inquisitio* est.

Videtur ab *Experientiâ* comprobari, quod *Dietâ tenuis*, & ferè *Pythagorica*, vel ex *Regulis* *Severioribus* vitæ *Monasticæ*, vel ex *Institutis* *Eremitarum*, quæ *Necessitatem* & *Inopiam* habebant pro *Regulâ*, vitam reddat *Longævam*.

Huc pertinent *Potus* *Aquæ*, *Sitatum durum*, *Aer frigidus*, *Vitus tenuis*, (scilicet ex *Oleribus*, *Fructibus*, atque *Carnibus* & *Piscibus*, *Conditis* & *Salitis*, potius quam *Recentibus* & *Calidis*;) *Indusum Cilicii*, *Crebra Iejunia*, *Crebra Vigilia*, *Raræ Voluptates sensuales*, & hujusmodi : Omnia enim ista minuunt *Spiritus*, eosque redigunt ad *Quantitatem* eam, quæ tantummodò vitæ *Munus* sufficiat; unde minor fit *Deprædatio*.

Quod si *Dietâ* fuerit hujusmodi *Rigoribus*, & *Morrificationibus* paulò benignior, sed tamen semper æqualis, & sibi constans, eandem opem præstat; Etenim etiam in *Flammis* videmus, *Flammam* nonnihil majorem, (modò fuerit constans & tranquilla) minùs absumere ex *Fomite* suo, quam *Flamma* minor, agitata, & per vices intensior, & remissior: id quod planè demonstravit *Regimen*, & *Dietâ Cornari Venerii*,

qui bibit & edit tot Annos ad justum Pondus; unde centesimum An-

72 Etiam videndum est, ne Corpus, quod plenius nutritur, neque per
hujusmodi (quales diximus). Diætâs emaciatur, *Veneris usum tempe-*
strum omittat; ne *Spiritus* nimis, turgeant; & Corpus emolliant, &
destruant. Itaque de *Copiâ Spiritus*, moderatâ, & quasi frugali, jam
inquisitum est.

73 Sequitur inquisitiô de *Frænatione Môtus Spiritus*; *Motus* enim ma-
nifesto eum attenuat & incendit; Illa *Frænatio* fit tribus modis: Per
Somnum; per *Evitationem Laboris* vehementis, aut *Exercitii* nimii,
denique omnis lassitudinis; & per *Cohibitionem Affectuum* molestorum.
Ac primò de *Somno* tractabo.

74 *Fabula* habet, *Epimenidem* in *Aniro*, plures Annos dormivisse, neque
Alimento eguisse; cùm *Spiritus* inter dormiendum minus depascat.

75 *Experientia* docet: *Animalia* quædam, (quæ sunt *Sorices*, & *Ves-*
pertiones.) in quibusdâ Locis oclusis, per integram Hyemem
dormire; adeò *Somnus* Deprædationem vitalem compescit; Quod
etiam ficere putantur *Apes*, & *Fuci*, licet quandoque à Melle destituti:
Itidem *Papiliones* & *Musca*.

76 *Somnus* post Prandium, ascendentibus in Caput Vaporibus non in-
gratis, (utpotè primis Roribus Giborum). *Spiritus* prodest, sed ad
Alia Omnia, quæ ad Sanitatem pertinent, gravis est & noxius; Atta-
men in extremâ Senectute eadem est Ratio Cibi, & *Somni*; quia fre-
quens esse debet, & Refectio, & Dormitio, sed brevis & pusilla: quin-
etiam ad ultimam Metam Senectutis, mera Quies, & perpetuus quasi
Decubitus prodest, præsertim Temporibus Hyemalibus.

77 Verùm ut *Somnus moderatus* ad Prolongationem vitæ facit, ita multò
magis, si sit placidus, & non turbidus.

78 *Somnum* placidum conciliant, *Viola*, *Lactuca* (præsertim cocta) *Syrupus* de *Rosis siccis*, *Grocus*, *Melissa*, *Poma* in introitu Lecti, *Offa panis*
ex vino *Malvatico*, præsertim infusâ prius *Rosâ Muscatellâ*: Itaque utile
foret, conficere aliquam Pillulam, vel aliquem Haustum parvum, ex
hujusmodi Rebus, eoque uti familiaritèr. Etiam ea quæ Os Ventri-
culi benè claudunt, ut *Semen Coriandri præparatum*, *Coronea*, & *Pyræ*
fragrantia assata, *Somnum* inducunt placidum; Ante omnia, *Juvenili*
Etate, & maximè iis, qui habent *Ventriculum* satis fortem, prodest
Haustus bonus Aquæ Puræ, *Crudæ*, in introitu Lecti.

Mandatum. De Ecclâsi voluntariâ, sive procuratâ, atque de Cogitationibus De-
fixis, & Profundis, (modò sibi absque Molestiâ) nihil habeo comperi; Fa-
ciunt proculdubio ad Intentionem, & densant *Spiritus*, etiam potentius
quam *Somnus*: cùm *Sensus* aequè, aut magis sopiant, & suspendant; De illis
inquiratur ulterius. Atque de *Somno* hætenus.

79 Quatenus ad Motum & Exercitia; *Lassitudo* nocet, atque Motus &
Exercitatio, quæ est nimis celeris & velox, quales sunt *Cursus*, *Pila*, *Gla-*
diatoria, & similia: Et rursus cùm Imperus extenditur ad ultimas Vires,
& *Nixus*, quales sunt; *Salus*, *Lucta*, & similia. Certum enim est, *Spi-*
ritus in Angustiis positos, vel per Pernicitatem, *Motus*, vel per ultimos
Nixus,

Nixus, fieri postea magis *Acer*, & *Predatorios*. Ex alterâ Patte, *Excitua*, quæ satis foriem cient *Motum*, sed non nimis *Celerem*, aut ad *ulrimis Vires*. (quales sunt *Saltatio*, *Sagittatio*, *Equitatio*, *Lusus Globorum*, & similia,) nihil efficiunt, sed profunt potius.

Veniendum jam ad *Affectus*, & *Passiones Animæ*, & videndum, qui ex ipsis, ad Longævitatē sint Noxii, qui Utiles.

Gaudia Magna attonuant, & diffundunt *Spiritus*, & vitam abbreviant: *Levitia Familiaris* roborat *Spiritus*, Evocando eos, nec tamen Exolvendo.

80

Impressiones Gaudiorum sensuales, malæ; *Ruminationes Gaudiorum* in *Memoria*, aut *Prehensiones* eorum ex *Spe*, vel *Phantasiâ*, bonæ.

81

Magis confortat *Spiritus Gaudium pressum*, & parçè communicatum, quam *Gaudium effusum*, & publicatum.

82

Mæror & *Tristitia*, si *Meu* vacet, & non nimium angat, vitam potius prolongat: *Spiritus* enim contrahit, & est *Condensationis Genus*.

83

Mærus Graviore vitam abbreviant: licet enim & *Mæror*, & *Meu*, *Spiritus* uterque angustiet; tamen in *Mærore* est simplex *Contractio*; at in *Meu*, propter *Curas* de Remedio, & *Spes* intermixtas, fit *Æstus*, & *Vexatio spirituum*.

84

Ita compressa est etiam *Vexationis* genus; & *Spiritus Corporis* *Succos* carpere facit; At sibi *permissa*, & foras *prodiens*, juvat, tanquam *Medicamentum* illa, quæ *Robustum* inducunt *Calorem*.

85

Invidia pessima est, & carpit *Spiritus*, atque illi rursus *Corpus*; eò magis, quod ferè perpetua est, nec agit (ut dicitur) *Festos Dies*.

86

Misericordia ex *Malo alieno*, quod in nos ipsos cadere non posse videtur, bona; quæ verò *Similitudine quâdam* potest reflecti in *Miserantem*, mala, quia excitat *Mærum*.

87

Pudor levis minimè officit, cum *Spiritus* paululum contrahat, & subinde effundat; adeò ut *Verecundi* diu (ut plurimum) vivant: At *pudor ex Ignominia Magnâ*, & diu affligens, *Spiritus* contrahit, usque ad *Suffocationem*, & est perniciosus.

88

Amor, si non fuerit *Infelix*, & nimis *Saucians*, ex genere *Gaudii* est; & easdem subit *Leger*, quas de *Gaudio* posuimus.

89

Spes omnium *Affectuum* utilissima est, & ad prolongationem vitæ plurimum facit; si non nimium sæpè intercidat, sed *Phantasiâ Boni* *Inimic* pascat; Itaque qui *Finem* aliquem, tanquam *Metam* vitæ figunt, & proponunt; & perpetuò, & sensim, in *Voto* suo proficiunt; Vivaces ut plurimum sunt; Adeò ut, cum ad *Culmen Spei* suæ venerint, nec habeant quod amplius sperent, ferè *Animis* concidant, nec diu superstites sint; ut *Spes*, videatur tanquam *Gaudium Foliatum*, quod in imensum extenditur, sicut *Aurum*.

90

Admiratio, & *Levis Contemplatio*, ad vitam prolongandam maximè faciunt; Detinent enim *Spiritus*, in *Rebus* quæ placent, nec eos turbare, aut in juerè, & morosè agere sinunt: Unde omnes *Contemplatores Rerum Naturalium*, qui tot & tanta habebant, quæ mirarentur, (ut *Democritus*, *Plato*, *Parmenides*, *Apollonius*,) longævi fuerunt; Etiam *Rieiores*, qui *Res* degustabant tantum, & potius *Orationis Lumen*, quam

91

Rerum

Rerum Obscuritatem sectabantur, fuerunt itidem Longævi ; Ut *Gorgias, Protagoras, Isocrates, Seneca*: Atque certe quemadmodum *Senes* plerunque *Garruli, & Loquaces* sunt ; ita & *Loquaces* sæpissime *Senescunt*: Indicat enim, *Levem Contemplationem*, & quæ *Spiritus* non magnopere stringat, aut vexet : At *Inquisitio Subtilis, & Acuta, & Acris*, Vitam abbreviat ; *Spiritus* enim lassat, & carpit.

Atque de *Motu Spirituum* per *Animi Affectum* hæc inquisita sint : Subjungemus autem quasdam alias *Observationes Generales* circa *Spiritus*, præter *Superiores*, quæ non cadunt in *Distributionem præcedentem*.

92 Præcipuæ Curæ esse debet, ut *Spiritus* non exolvantur sæpius ; *Solutionem* enim præcedit *Extenuatio*, neque *Spiritus* semel *Extenuatus*, ita facile se recipit, & densatur : *Exolutio* autem fit per *Nimios Labores*, *Nimis vehementes Affectus Animi* ; *Nimios Sudores* ; *Nimias Evacuationes* ; *Balnea tepida* ; & *Intemperatum, aut Intempestivum usum Veneris* ; Etiam *Nimias Curas, & Sollicitudines, & Expectationes anxias* ; Denique per *Morbos malignos* ; & *Dolores, & Cruciatu Corporis graves* : quæ omnia, quantum fieri potest, (ut etiam *Medici vulgares* monent) evitanda sunt.

93 *Spiritus & Consuetis* delectantur, & *Novis*. Mirum autem in Modum facit ad conservandum *Vigorem Spirituum*, ut nec *Consuetis* utamur ad *Satietaatem*, nec *Novis*, ante *Appetitum vividum, & strenuum*. Itaque & *Consuetudines* abrumpendæ sunt *Judicio quodam, & Curâ*, antequam perveniant ad *Fastidium*, & *Appetitus* ad *Novâ*, ad tempus cohibendus, donec fiat *Fortior, & Alacrior*. Atque insuper, *Vita*, quoad fieri potest, ita instituenda, ut *Multas, & Varias* habeat *Redintegrationes*, neque perpetuò in iisdem versando *Spiritus* torpeant : Licet enim non malè dictum sit à *Senecâ*, *Stultus semper incipit vivere*, tamen illa *Stultitia*, ut & aliæ quamplurimæ, *Longævitati* prodest.

94 Circa *Spiritus* observandum est, (et si contrarium fieri consueverit) ut quando percipiant *Homines Spiritus* suos esse in *Statu Bono, & Placido, & Sano*, (id quod ex *Tranquillitate Animi, & Lætitia* datur percipici) eos foveant, nec mutant ; Sin in *Statu Inquieto, & Maligno* (id quod ex *Tristitia, Pigritia, atque aliâ Indispositione Animi* apparebit) eos subinde obruant, & alterent. Continentur autem *Spiritus* in eodem *Statu*, per *Cohibitionem Affectuum, Temperamentum Diætæ, Abstinentiam à Venere, Moderationem à labore, Otium mediocre* ; Alterant autem, & obruunt *Spiritus*, *Contraria* istis ; scilicet, *Affectus vehementes, Epulæ profusæ, Venus immoderata, Labores ardui, Studia intensa, & Negotia*. At qui consueverunt *Homines*, cum læti sunt, & sibi maxime placent, tum *Epulas, Venerem, Labores, Contentiones, Negotia*, maxime sequi, & affectare : Quod si quis *Longitudini Vitæ* consulere velit, contrario modo (quod mirum dictu) se gerere debet ; *Spiritus* enim *Bonos* fovere, & continuare, malè *Dispositos* exhaurire, & mutare, oportet.

95 Non ineptè ait *Ficinus*, *Senes* debere ad *Consortationem Spirituum* suorum, *Acta Pueritiæ suæ, & Adolescentiæ* sæpè recordari, & ruminare. Certè *Recreatio* est *Senibus* singulis, tanquam peculiaris, *Recordatio*


datio talis. Itaque dulce est Hominibus Societatem habere eorum, qui olim unâ educati fuerant, & Loca ipsa Educationis suæ invisere. *Vespasianus* autem huic Rei tantum tribuebat, ut cum esset Imperator, nullo modo Animum inducere potuisset, ut *Ædes Paternis*, licet humiles, mutaret; ne aliquid deperiret. *Consuevendi Oculum, & Memoria Pueritæ suæ*: Quinetiam in *Seypho* quodam *Aræ* suæ *Ligno*, cum Labro argenteo, Diebus Festis, potabat.

Illud ante omnia *Spiritibus* gratum est, ut *hæc* Progressus continuò in *Benignus*. Itaque eo modo est instituenda Juventus, & Ætas virilis, ut Senectuti *Nova Solatia* relinquuntur; quorum præcipuum sit *Otium Moderatum*. Itaque sibi ipsi Manus inferunt *Senes Honorati*, qui in *Otium* non secedunt: Cujus Rei insigne reperitur Exemplum in *Cassiodoro*; qui tantâ apud *Reges Italiæ* *Gubæ* Auctoritate pollebat, ut instar Animæ esset erga eorum Negotia; postea autem serè Octogennarius in *Monasterium* se recepit, ubi non ante Centesimum demum Annum vitam clausit: At huic rei duæ *Cautiones* adhibendæ sunt; una ut non expectent, donec *Corpus* omninò *Confectum* sit, & *Morbidum*: Etenim in hujusmodi Corporibus omnis *Mutatio*, licet in *Benignus*, Mortem accelerat: Altera, ut *Otio* planè *inerti* seminimè dedant, *Med* habeant *Al* quid, quod Cogitationes, & Animum ipsorum placide detinere possit; In quo genere, præcipua *Obletamenta* sunt *Litteræ*, deindè *Studia* *Edificandi*, & *Plantandi*.

Postremò eadem *Actio*, *Contentio*, *Labor* libenter suscepiunt, & cum bonâ *Voluntate*, *Spiritus* recreat; Cum *Aversatione* autem, & *Ingratitudo*, *Spiritus* carpit, & sternit: Itaque ad *Longævitatem* confert, si quis *Arte* talem vitam instituat, quæ libera sit, & ad *Arbitrium suum* tradatur; Aut tale *Obsequium* Animo suo conciliaverit, ut quicquid Fortunâ imponatur, eum potius *Ducatur*, quam *Trahat*.

Neque illud omittendum ad *Regimen Affectuum*; ut præcipua Cura adhibeatur *Oris ventriculi*; Maximè ne sit relaxatum nimis; quia plus dominatur illa *Pars* super *Affectum*, præsertim *quoridianos*, quam aut *Cor*, aut *Cerebrum*; Exceptis tantummodò iis, quæ sunt per potentes *Vapores*, ut in *Ebrietate*, & *Melancholiâ*.

De *Operatione* super *Spiritus*, ut *Juvenes* mancant, & *revirescant*, hæc inquisita sunt: Quod eò diligentius præstitimus, quòd de his *Operationibus*, potiori ex parte, magnum est apud *Medicos*, & alios *Auctores*, *Silentium*: Maximè autem, quia *Operatio* super *Spiritus*, eorumque *Recrudescentiam*, ad *Prolongationem Vitæ*, est *Via* maximè *Præcliva*, & *Compendiaria*; Propter duplex scilicet *Compendium*; Alterum, quod *Spiritus* *Compendio* operetur super *Corpus*; Alterum, quod *Vapores*, & *Affectus* *Compendio* operentur super *Spiritus*; Adeò ut hæc *Finem* petant, quasi in *Lineâ rectâ*; cætera magis per *Circuitum*.



OPERATIO SVPER EXCLV-

sionem Aeris. II.

Historia.

Exclusio Aeris Ambientis, ad Diuturnitatem Vitæ dupliciter innuit. Primò, quod maximè omnium post Spiritum Innatum, Aer Extrinsecus, (utcumque Spiritum Humanum quasi animet, & ad Sanitatem plurimum conferat,) Succos Corporis deprædatur, & Desiccationem Corporis accelerat; Itaque Exclusio Aeris, ad Longitudinem vitæ confert.

Alter Effectus, qui sequitur Exclusionem Aeris, subtilior multò est, & profundior; Scilicet quod Corpus Occlusum, & non perspirans, Spiritum inclusum detinet, & in Duriora Corporis vertit, unde Spiritus ea emollit, & intenerat.

Hujus rei explicata est Ratio in Desiccatione Inanimatorum; Atque est Axioma quasi infallibile, Quod Spiritus Emissus Corpora desiccet; Detentius colliquat, & intenerat: Atque illud insuper simul Assumendum, Quod Calor omnis propriè attenuat, & humectat, & per Accidens tantum contrahit, & desiccet.

Vita in Antris & Speluncis, ubi Aer non recipit Radios Solis, possit facere ad Longævitatē; Aer enim per se ad Prædationem Corporis non multum potest, nisi Calore excitatus. Certè si quis Memoriam Rerum recolat; ex pluribus Reliquiis, & Monumentis constare videtur, fuisse Hominum Magnitudines, & Staturas, longè iis quæ postea fuerunt, grandiores; ut in Sicilia, & aliis nonnullis Locis. Istiusmodi autem Homines, in Speluncis, plerumque Ætatem degebant: Atqui Diuturnitas Ætatis, & Amplitudo Membrorum, habent nonnihil commune. Etiam Antrum Epimenidis inter Fabulas ambulat. Suspicio etiam, vitam Anachoretarum Columnarium, simile quippiam fuisse vitæ in Antris; quippe ubi Radii solis parùm penetrabant, neque Aer magnas Mutationes, aut Inæqualitates recipere poterat. Illud certum, utrumque Simeonem Stylitam, & Danielelem, & Sabam, atque alios Anachoretas Columnares, admodum Longævos fuisse. Etiam Anachoreta Moderni, intra Maros aut Columnas septi, & Clausi, Longævi sæpius reperiuntur,

Proxima Vita in Antris, est Vita in Montibus. Quemadmodum enim in Antra Calores Solis non penetrant, ita in Fastigiis Montium, reflexione destituti, parùm possunt. Accipiendum autem hoc est de Montibus, ubi Aer Limpidus est, et purus; Scilicet ubi propter Ariditates Vallium, Nebule & Vapores non ascendunt; Quod fit in Montibus, qui Barbariam cingunt;

cingunt; Ubi etiam hodiè vivunt, sæpenumerò ad Annos Centum et quinquaginta, ut jam antea notatum est.

Atque hujusmodi *Aer*, *Aurorum*, aut *Momium*, ex suâ Naturâ propriâ, parùm aut nihil deprædatur: At *Aer*, qualis est noster, cum sit propter *Calores Solis Prædatorius*, quantum fieri potest, à Corpore est excludendus.

Aer verò prohibetur, et excluditur, duobus Modis: Primò, si *Claudatur* Meatus; secundò, si *Opplentur*.

Ad *Clausuram Meantium* faciunt, ipsius *Aeris Frigiditas*; *Nuditas Cutis*, ex quâ illa induratur; *Lavatio in Frigidâ*; *Astringentia* Cuti applicata, qualia sunt, *Mastix*, *Myrrha*, *Myrius*.

Multò magis huic *Operationi* satisfiet per *Balnea*, sed rarò usurpata, (præsertim Temporibus *Æstivis*) quæ consent ex *Aquis Mineralibus Astringentibus*, quæ turò exhiberi possunt; quales sunt *Chalybeata*, et *Viriolata*; Hæ enim *Cutem* potentèr contrahunt.

Quod ad *Oppletionem* attinet; *Pigmenta*, et hujusmodi *Spissamenta Vnctusula*, atque (quod commodissimè in usu potest esse) *Oleum*, et *Pingua*, non minus *Corporis Substantiam* conservant, quàm *Pigmenta* in *Oleo*, et *Vernix Ligna*.

Britones Antiqui, Corpus *Glaſto* pingebant, et fuerunt admodum longævi; Quemadmodum & *Pisti*, qui inde etiam *Nomen* traxisse à nonnullis putantur.

Hodiè se pingunt *Bresilienses*, et *Virginieneses*, qui sunt (præsertim illi priores) admodum longævi; adeò ut quinque abhinc Annis, *Patres Galli* nonnullos convenerint, qui *Ædificationem Fernamburgi*, Annis abhinc centum et viginti, ipsi ad tunc *Virilis Etatis* meminissent.

Ioannes de Temporibus, qui dicitur ad Trecentesium Annum *Ætatem* produxisse, interrogatus quomodò se conservasset; respondisse fertur, *Exerâ*, *Oleo*; intus, *Melle*.

Hyberni, præsertim *Sylvestres*, etiam adhuc sunt valdè vivaces; Certè aiunt paucis abhinc Annis, *Comissam Desmondia* vixisse ad Annum Centesium Quadragesimum, et ter per vices *Demiisse*. *Hybernis* autem Mos est, se nudos ante Focum *Butyro Salso*, et Veteri, fricare, et quasi condire.

Iidem *Hyberni* in usu habuerunt *Linsea*, et *Indasia Croccata*; Quod licet ad *Arcendam Putrefactionem* introductum fuerat, tamen (utcunque) ad *vita Longitudinem* utile fuisse existimamus: Nam *Crocus*, ex omnibus quæ novimus, ad *Cutem*, et *Confortationem Carnis*, est Res optima cum et notabiliter *Astringat*, et habeat insuper *Oleositatem*, et *Calorem Subtilem* sine ullâ *Acrimonia*. Equidem memini quendam *Anglum*, ut *Vestigalia* supprimeret; *Croci Saccum*, cum transfricaret, circa *Stomachum* portasse, ut lateret; Eumque, cum antea ex Mari gravissimè egrotare solitus esset, optimè tunc valuisse, nec *Nauseam* ullam sensisse.

Hippocrates jubet vestes ad *Cutem Hyeme* puras portare, *Æstate* sordidas; et *Oleo* imbutas; Hujus Ratio videtur, quod per *Æstatem*, *Spiritus* exhalant maximè; Itaque *Pori Cutis* opplendi sunt.

Ante

17

Ante omnia igitur usum *Olei*, vel *Olivarum*, vel *Amygdalini dulcis*, ad Cutem ab Extrâ ungendam, ad Longævitatē conducere existimamus; Eaque *unctio* debet fieri singulis Autoris, cum exitur è Lecto, cum *Oleo*, in quo admisceatur parum *Salis nigri*, et *Croci*. *Unctio* autem levis debet esse, ex *Lanâ*, aut *Spongia* molliori, neque quæ stillet super Corpus, sed Cutem tantum intingat, et inficiat.

18

Certum est *Liquores* in *Majori Quantitate*, etiam *Oleosos*, haurire nonnihil ex Corpore; sed contrâ, *Parvâ Quantitate* imbibi à Corpore: Itaque *levis Aspersio* facienda est, ut diximus; Aut planè *Indusium* ipsum *Oleo* liniendum est.

19

Objici verò fortè possit, Istam *Unctionem* ex *Oleo*, quam laudamus, (licet apud Nos in Usu nunquam fuerit, atque apud *Italos* in Desuetudinem abierit) olim quidem apud *Græcos*, et *Romanos* familiarem fuisse, et *Diætæ* partem; neque tamen iis *Sæculis* Homines magis fuisse longavos. Sed responderetur rectissimè; *Oleum* in Usu fuisse tantum post *Balnea*, nisi fortè inter *Athletas*; *Balnea* autem ex Calido Operationi nostræ tantò contraria sunt, quantò *Unctiones* congruæ; cum Alterum *Meatus* aperiat, Alterum obstruat. Itaque *Balneum* absque *Unctione* sequenti, pessimum; *Unctio* absque *Balneo* optima. Etiam ad *Delicias* potius adhibebatur ista *Unctio*, atque (si in optimam Partem accipias) ad *Sanitatem*; sed nullo Modo in Ordine ad *Vitam longævam*; Itaque simul adhibebantur *Unguenta prætiosa*, quæ ad *Delicias* grata, ad nostram *Intentionem* noxia sunt, ob *Calorem*; Ut benè dixisse videatur *Virgilius*:

Nec Castâ liquidi corrumpitur usus Olivi.

20

Inunctio ex *Oleo*, et *Hyeme*, confert ad *Sanitatem*, per Exclusionem *Frigoris*; & *Æstate*, ad detinendos *Spiritus*, & prohibendam Exolutionem eorum, & arcendam vim *Aeris*, quæ tunc maximè est *Prædatoria*.

21

Cum *Inunctio* ex *Oleo* Operatio sit ad vitam longam ferè potentissima; visum est addere *Cautiones*, ne periclitetur Valerudo; Eæ quatuor sunt secundum quatuor Incommoda, quæ exindè sequi possint.

22

Primum *Incommodum* est, quod reprimendo *Sudores*, Morbos inducere possit, ex *Humoribus* illis *Excrementitiis*: Huic *Remedium* adhibendum est ex *Purgationibus*, & *Clysteriis*, ut *Evacuationi* debitè consueatur; Certum enim est, *Evacuationem* per *Sudores*, *Sanitati* plerumque conferre; *Longitudini* vitæ officere. *Purgativa* autem moderata in *Humores* agunt, non in *Spiritus*, quod facit *Sudor*.

23

Secundum *Incommodum* est, quod Corpus calefacere possit, & subindè inflammare; *Spiritus* enim *Occlusus*, nec *Perspirans*, ferventior est: Huic *Incommodo* occurritur, si *Dieta*, ut plurimum, vergat ad *Frigidum*, & sumantur *Propria* quædam ad *Refrigerandum* per vices; de quibus mox in Operatione super *Sanguinem* inquiremus.

24

Tertium est, quod Caput gravare possit; Omnis enim *Oppletio* extrinsecus, repercutit *Vapores*, & eos mittit versus Caput: Huic *Incommodo* omnino occurritur, per *Cathartica*, præsertim *Clysteria*; Et claudendo *Os Ventriculi* fortiter cum *Stipticis*; Et pestendo, & fricando caput; Etiam cum *Lixiviis* idoneis, ut aliquid exhalet; Et non omittendo *Exercitationem bonam*, & qualem convenit, ut etiam per Cutem nonnihil perspiret.

Quantum

Quartum *Incommodum* subtilius est Malum, videlicet, quod *Spiritus* *Deientus* per Clausuram Pororum, videatur posse seipsum nimis multiplicare; quia cum parum evolet, & continuò *Spiritus* novus generetur, nihilum increfcit *Spiritus*, & sic Corpus etiâ plus prædari pollit, verùm hoc non prorsus ita se habet; Nam *Spiritus* omnis conclusus Hebes fit, (quandoquidem ventiletur Motu *Spiritus*, ut & *Flamma*;) ideòque minus Activus est, & minus sui generans; Calore certè auctus, (ut & *Flamma*;) sed Motu Piger: Sed & huic *Incommodo* Remedium adhiberi possit, à Frigidis, *Oleo* quandòque admistis; qualia sunt, *Rosa*, & *Myrtus*; nam Calidis omninò abstinendum, ut dictum est de *Cassa*.

Neque inutilis est applicatio, ad Corpus, *Vestium*, quæ & ipsæ in se habent aliquid *Unctuosi*, sive *Oleos*, non *Aquosi*: Illæ enim exhaurient Corpus minus; quales sunt ex *Lana*, potiùs quam ex *Lino*: Certè manifestum est in *Spiritibus Odorum*, quod si ponas *Pulveres Odoratos* inter *Linæa*, multò citiùs Virtutem perdunt, quàm inter *Lanæa*. Itaque *Linæa* Tactu, & Mundicie jucunda; sed ad nostram *Operationem* suspecta.

Hyberni Sylvestres, cum incipiunt ægrotare; nihil priùs faciunt, quam ut *Linæa* è Stratis tollant, & in *Lanæis* Pannis se convolvant.

Referunt nonnulli, se magno Sanitatis suæ commodo *Lanæis Carmosinis* proximè ad Curem, sub Indusiis suis, usos fuisse; tam ad Braccas, quàm ad Corporalia.

Est & illud observandum, *Aerem* Corpori *Assuetum*, minus illud deprædari, quam *Novum*, & subinde mutatum: Itaque *Pauperes*, qui in *Tuguriis* suis, intra proprios *Lares* perpetuò vivunt, nec Sedes mutant, sunt plerunque Longæviores; Veruntamen quoad alias *Operationes*, *Mutationem Aeris*, (præsertim *Spiritibus* non omnino inertibus) utilem esse judicamus; Mediocritas autem adhibenda foret, quæ utrinque satisfaciat; Illud fiet, si *Quatuor Temporibus Anni*, fiet per Stata tempora *Mutatio Loci* ad sedes idoneas, neque fiat corpora, aut in *Peregrinatione* nimia, aut in *Statione*. Atque de *Operatione* per *Exclusionem Aeris*, & de evitandâ *Vi* ejus *Prædatoriâ*, hæc dicta sint.

OPERATIO SUPER SANGVINEM, & Calorem sanguificantem. III.

Historia.

Operationes duæ Sequentes sunt *Operationibus* duabus Præcedentibus tanquam *Antistrophæ*; atque iis respondent, quemadmodum *Passiva Activis*, Præcedentes enim duæ, id agunt, ut *Spiritus* & *Aer* Actionibus suis sint minus deprædantes; Hæ verd, ut *Sanguis*

& *Suctus Corporis*, sint minùs deprædabiles. Quoniam verò *Sanguis* est *Irrigatio Succorum*, & *Membrorum*, & *Præparatio* ad ea; *Operationem* super *Sanguinem* primo loco collocamus. Circa hanc *Operationem* proponemus *Consilia* Numero pauca, sed Vi valdè efficacia. Ea tria sunt.

2 Primò Dubium non est, quin si *Sanguis* sit aliquantò frigidior, minùs futurus sit *Dissipabilis*: Quoniam verò, quæ per Os sumuntur *Frigida*, cum reliquis *Intentionibus* haud paucis, malè conveniunt; ideò optimum foret alia invenire, quæ non sunt cum istiusmodi incommodis complicata. Ea duo sunt.

3 Prius huiusmodi est; Adducantur in *Usum*, idque maximè in *Iuvenute*, *Clysteria* nihil omninò *Purgantia*, aut *Abstergentia*; sed solummodò *Refrigerantia*, & nonnihil *Aperientia*; Probata sunt quæ fiunt ex *Succis Lactuca*, *Portulaca*, *Hepatica*, etiam *Sedi majoris*, & *Mucilaginis Seminis Psyllii*, cum *Decoctione* aliquâ temperatâ *Aperiente*, admisto aliquanto *Caphora*: Verùm *vergente Etate*, omittatur *Sedum majus*, & *Portulaca*; & substituuntur *Succi Boraginis*, & *Endivia*, aut similia; Atque retineantur *Clysteria* huiusmodi, quantum fieri potest, ad *Horam* scilicet, aut amplius.

4 Alterum est ejusmodi; In usu sint, præsertim *Æstate*, *Banæ Aquæ dulcis*, & modicè admodum tepidæ, prorsus absque *Emollientibus*, *Matra*, *Mercuriali*, *Lacte*, & similibus; Adhibeatur potius *Serum Lactis* *Recens* in nonnullâ *Quantitate*, & *Rosa*.

5 Verùm, quod *Caput* rei est, & *Novum*, illud præcipimus; Ut ante *Balneationem*, inungatur *Corpus* cum *Oleo*, cum *spissamentis*; ut *Qualitas Refrigerii* excipiat, *Aqua* magis arceatur: Neque tamen *Meatus Corporis* nimium occludantur; Etenim cum *Frigus Exterius* *Corpus* fortiter occludit, tantum abest, ut promoveat *Infrigidationem*; ut etiam eam prohibeat, & irritet *Calorem*.

6 Similis est usus *Vesicarum*, cum *Decoctionibus*, & *Succis Refrigerantibus*, applicatis circa inferiorem *Regionem Corporis*, videlicet sub *Costas*, usque ad *Pubem*; Nam & hoc est *Genus Balneationis*, ubi *Corpus Liquoris*, ut plurimum, excluditur; *Refrigerium* tantum excipitur.

7 Restat tertium *Consilium*, quod non ad *Sanguinis Qualitatem*, sed ad *Substantiam* ejus pertinet; ut reddatur magis *Firma*, & minùs *Dissipabilis*; & in quam *Calor Spiritus* minùs agere possit.

8 Arque de usu *Limaturæ Auri*, aut *Auri Foliatæ*, aut *Pulveris Margaritarum*, *Gemmarum*, & *Coralli*, & similia, Hodie nihil credimus, nisi quatenus præsentī *Operationi* satisfaciant: Certè cum *Arabes*, & *Græci*, & *Moderni*, iis *Rebus* tantas *Virtutes* tribuerint, non omninò nihil videatur esse in istis, quæ tot *Homines Experti* observârunt. Itaque missis *Phantasticis* circa illas *Opinionibus*, planè arbitramur, si universæ *Substantiæ Sanguinis* aliquid insinuari possit per *Minima*, in quod *Spiritus*, & *Calor* parùm, aut nihil agere possint, omninò id non tantum *Putrefactioni*, sed etiam *Arefactioni* obstiturum; & ad vitam prolongandam fore efficacissimum: In hoc tamen plures adhibendæ sunt *Cautiones*: Primò, ut fiat admodum exacta *Comminutio*: Secundò, ut huiusmodi *Dura* & *Solida*, sint omnis *Malignæ Qualitatis* expertia, ne cum in *Venis* dispergantur & lateant, aliquid *Noximenti* inferant: Tertiò, ut

ut nunquam *sumantur cum Cibis*, nec ita excipiantur, ut diù hæreant, ne generent periculosas Obstructiones circa Mesenterium. Quartò, ut *Rarus* sit eorum *usus*, nè coeant, & cumulentur in Venis.

Itaque *Modus* excipiendi sit, *Stomacho jejuno*, in *Vino Albo*, cui admixtum sit parùm *Olei Amygdalini*, & fiat *Corporis Exercitatio* super *Hæustum* eorum.

Simplicia autem, quæ *Operationi* huic satisfaciant, possint esse loco omnium; *Aurum*, *Margaritæ*, & *Corallus*; *Metalla* enim omnia, præter *Aurum*, non sunt absque *Malignâ Qualitate*, in *Volatili* ipsorum; Neque etiam tam exquisitè comminuuntur, quam *Aurum Foliatum*; *Gemma* autem *Translucida*, & tanquam *Vireæ*, minùs nobis placent (ut & antea diximus) propter suspicionem *Corrosionis*.

At nostro iudicio, & turior, & efficacior foret usus *Lignorum*, in *Infusionibus*, & *Decoctionibus*; Satis enim in iis possit esse, ad Firmitudinem *Sanguinis*; Neque tamen simile Periculum est ab *Obstructione*; præcipuè autem, quia possunt sumi in *Cibo* & *Potu*; unde faciliùs Ingressum reperient in *Venis*, nec deponentur in *Facibus*.

Ligna ad hoc idonea sunt, *Santalum*; *Quercus*; & *Vitis*; *Ligna* enim *Calidiora*, aut aliquà ex Parte *Resinosa*, rejicimus; Possint tamen adjici *Caules* siccæ, & *lignosæ Roris marini*; cùm *Fruex* sit *Rosmarinus*, & *Ætatem* multarum *Arborum* æquet; Etiam *Hedera* caules Siccæ, & *Lignosæ*, sed eà *Quantitate*, ut Saporem non reddant ingratum.

Sumantur verò *Ligna* aut in *Tusculis* decocta, aut infusa in *Mustum*, aut *Cervisiam* antequàm sedeat: In *Tusculis* autem (ut fit in *Guajaco*, & similibus) sempèr infundantur diù, antequàm decoquantur, ut firmior Pars *Ligni*, & non tantùm ea, quæ levitèr hæret, eliciatur: *Fraxinus* autem, licet ad *Pocula* adhibeatur, nobis suspecta est. Atque de *Operatione* super *Sanguinem* hæc inquisita sint.



OPERATIO SUPER Succos Corporis. IV.

Historia.

DUO sunt *Corporum* Genera, (ut in *Inquisitione* de *Inanimatis* jam dictum est) quæ difficiliùs consumuntur: *Dura* & *Pingua*; ut ceratur in *Metallis*, & *Lapidibus*; atque in *Oleo*, & *Cerâ*.

Operandum itaque est, ut *Succus Corporis* sit *Sub-durum*; atque etiam ut sit *Sub-pinguis*, aut *Sub-roscidus*.

Quatenùs ad *Duritiem*, ea efficitur tribus Modis. *Naturâ Alimentii*
Pppp 2 firmâ;

firmâ; Frigore condensante Cutem & Carnes; & Exercitatione Succos fermentante, & compingente, ne sint molles, & spumosi.

4 Quatenus ad *Naturam Alimentii*, talis esse debet, ut sit minus *Dissipabilis*; qualia sunt *Caro Bovina*, *Caro Suilla*, *Caro Cervina*, etiam *Caro Caprearum*, *Hædorum*, *Cygnorum*, & *Anserum*, & *Palumbium Silvestrium*, (præsertim si hujusmodi Carnes fuerint modicè Salitæ;) *Pisces* itidem Saliti, & sicci; Etiam *Casus* subvetus, & hujusmodi.

5 Quoad *Panem* autem, *Avenatus*, aut etiam paululum *Pisatus*, aut *Secalicius*, aut *Hordeaceus*, solidior est, quam ex *Frumento*; Atque etiam in *Pane Frumentaceo*, solidior qui paulò plus habet ex *Furfure*, quam qui purioris est *Pollinis*.

6 *Orcades* qui *Piscibus* vescuntur *Salitis*, atque generalitèr *Ichthyophagi*, Longævi sunt.

7 *Monachi*, & *Eremitæ*, qui parcè, & *Sicco Alimento* pascebantur, fuerunt ut plurimum Longævi.

8 Etiam *Aquâ pura* in Potu frequentèr usurpata, reddit *Succos Corporis*, minus *Spumosos*; Cui, si propter *Spiritus Hebetudinem*, (qui proculdubio in *Aquâ* est parùm *Penetrativus*) admisceatur aliquid *Nitri*, utile esse existimamus. Atque de *Firmitudine Alimentii* hæcenus.

9 Quatenus ad *Condensationem Cutis & Carnium* per *Frigus*; Vivaciores ferè sunt, qui sub *Dio* vivunt, quam qui sub *Tecto*; Atque qui in *Regionibus Frigidis*, quam qui in *Calidis*.

10 *Vestès nimie*, sive in *Lectis*, sive *Portatæ*, corpus solvunt.

11 *Lavatio Corporis* in *Frigidâ*, bona ad Longitudinem vitæ; usus *Balnearum tepidorum*, malus: De *Balneis* autem, ex *Aquis Astringentibus Mineralibus*, superius dictum est.

12 Quatenus ad *Exercitationem*; *Vita otiosa* manifestò reddit Carnes Molles, & Dissipabiles: *Exercitatio* autem *Robusta*, (modo absint nimii *Sudores*, aut *Lassiitudines*) duras & compactas: Etiam *Exercitatio* intra *Aquas Frigidis*, qualis est *Natatio*, valdè bona; Atque generalitèr *Exercitatio* sub *Dio*, melior quam sub *Tecto*.

13 De *Fricationibus*, (quod est *Exercitationis* genus,) tamen quia *Alimenta* magis evocant, quam indurant, postea suo loco inquiremus.

14 Jam verò, cum de *Duritiæ Succorum* dictum sit; veniendum ad *Oleositatem* sive *Roscidationem* ipsorum; quæ perfectior, & potentior est *Intentio*, quam *Induratio*; quia non habet *Incommodum*, neque *Malum complicatum*: Omnia enim, quæ ad *Duritiem Succorum* pertinent, ejusmodi sunt, ut cum *Alimenti Absumptionem* prohibeant, etiam ejusdem *Reparationem* impedian; unde fit, ut *Diuturnitati vitæ*, eadem & profint, & obfint; At quæ ad *Roscidationem Succorum* pertinent, ex utrâque parte juvant; cum reddant *Alimentum*, & minus *Dissipabile*, & magis *Reparabile*.

15 Cum verò dicimus, quòd *Succus Corporis* debeat fieri *Roscidus*, & *Pinguis*, Notandum est, hoc nos non intelligere de *Pinguedine*, aut *Adipe* ma-

manifesto, sed de *Rore persuso*, & (si placet) *Radicali*, in ipsâ Corporis substantiâ.

Neque rursus existimet quispiam, *Oleum*, aut *Pingua Ciborum*, aut *Medullis*, similia sibi generare, atque *Intentioni* nostræ satisfacere; Neque enim quæ perfecta semel sunt, retrò aguntur; sed talia debent esse *Alimenta*, quæ post *Digestionem* & *Maturationem*, tùm demùm *Oleositatem* in *Succis* ingenerent.

Neque rursus existimet quispiam, *Oleum*, & *Pingue Coactum*, & *Simplex*, difficilis esse *Dispersionis*; in *Mistione* autem non eandem retinere naturam; Etenim quemadmodum *Oleum* per se multò ferius consumitur, quàm *Aqua*, ita etiam in *Papyro*, aut *Sudario*, diutius hæret, & tardius desiccatur; ut priùs notavimus.

Ad *Irrorationem* Corporis melius faciunt *Cibi Assati*, aut *Furno Cocti*, quam *Elix*: Atque omnis *Preparatio Ciborum*, cum *Aquâ* incommoda est; Quinetiam & *Oleum*, copiosius elici videmus ex *Corporibus Succis*, quam ex *Humidis*.

Generalitèr ad *Irrorationem* Corporis, prodest multus *Uusus Dulcium*; *Sacchari*, *Mellis*, *Amygdalarum dulcium*, *Pinearum*, *Pistaciorum*, *Dastilorum*, *Uvarum Passarum*, *Uvarum Corinibi*, *Ficum*, & hujusmodi: Contrà, omnia *Acida*, & nimium *Salsa*, & nimium *Acria*, sunt *Generationi Succi Rosci* opposita.

Neque *Manichæis*, eorùmque *Diætæ* favere existimabimur, si *Semina* quæque, & *Nucleos*, & *Radices*, in *Cibis*, aut eorum *Condimentis* frequentia esse debere dicamus; quandoquidem omnis *Panis* (*Panis* autem *Ciborum Firmamentum* est) aut ex *Seminibus* est, aut ex *Radicibus*.

Ante omnia verò ad *Irrorationem* Corporis maximè facit *Natura Potûs*, qui *Ciborum Vehiculum* est: Itaque in usu sint *Potus* illi, qui absque omni *Acrimoniâ*, aut *Acedine*, subtiles tamen sînt, quales sunt *Vina*, (ut ait *Anus* apud *Plautum*) *Vetustate Edentula*, & *Cervisia* ejusdem generis.

Hydromel (ut arbitramur) non foret malum, si fuerit *Forte*, & *Vetus*; Attramen quoniam omne *Mel* habet aliquid *Acutum*, (ut patet ex *acerrimâ illâ Aquâ*, quam *Chymici* ex eo extrahunt, quæ etiam *Metalla* solvit) melius foret, si fieret similis *Potio* ex *Saccharo*, non infuso levitèr, sed ita incorporato, quemadmodum *Mel* solet esse in *Hydromellite*, & quæ habeat *Vetustatem Anni*, aut sex *Mensium*; unde *Aqua Cruditatem* deponat, & *Saccharum Subtilitatem* acquirat.

Atque *Vetustas Vini*, aut *Potûs*, hoc habet; quod *Subtilitatem* generat in *Partibus Liqueoris*, *Acrimoniam* in *Spiritibus*; quorùm primum utile, secundum noxium; Itaque ad hanc *Complicationem* enodandam, mittatur in *Dolium*, priusquam resederit nonnihil *Vinum* à *Musto*, *Caro suilla*, aut *Cervina*, benè cocta, ut habeant *Spiritus vini*, quod ruminent, & mandant, atque inde mordacitatem suam deponant.

Similiter, si recipiat *Cervisia*, non solum *Grana Triticici*, *Hordei*, *Avenarum*, *Pisarum*, &c. sed etiam *Partem* (puta tertiam) ex *Radicibus*, aut *Pubis* pinguibus, (qualia sunt *Radices Potado*, *Medullæ Artiplicis*, *Radices Bardanæ*, aut aliæ *Radices Dulces*, & *Esculentæ*) utilio rem fore

Potum ad Longævitatē existimamus, quam *Cervisiam* ex *Granis* tantum.

- 25 Etiam quæ in partibus suis valdè tenuia sunt, & nihilominus nullā prorsus sunt *Acrimoniā*, aut *Mordacitatē*, utilia sunt, in *Condimentis Ciborum*; Qualem Virtutem inesse deprehendimus in paucis quibusdam ex *Floribus*; *Floribus* scilicet *Hederæ*, qui in *Aceto* infusi etiam gustui placent; *Floribus Calendulæ*, qui in usu sunt in *Brodiiis*; & *Floribus Betonicæ*. Atque de *Operatione* super *Succos Corporis* hæc inquisita sunt.



OPERATIO SUPER VISCERA ad Extrusionem Alimenti. V.

Historia.

- 1 Quæ *Viscera* illa *Principalia* (quæ *Concoctionis Fontes* sunt,) *Stomachum*, *Hepar*, *Cor*, *Cerebrum*, ad *Functiones* suas probè exercendas confortant, (unde *Alimenta* in partes distribuuntur, *Spiritus* sparguntur, atque inde *Reparatio Corporis* totius transigitur,) à *Medicis*, atque eorum *Descriptis*, & *Consiliis*, petenda sunt.

- 2 De *Splene*, *Felle*, *Renibus*, *Mesenterio*, *Iliis* & *Pulmonibus*, non loquimur; Sunt enim *Membra Ministrantia Principalibus*; Atque cū de *Sanitate* tractatur, in *Considerationem* vel præcipuam, quandòque veniunt; quia patiuntur singula suos *Morbos*, qui nisi curentur, etiam in *Viscera Principalia* incurrunt: Quatenus verò ad *Prolongationem Vitæ*, & *Reparationem* per *Alimenta*, & *Retardationem Atrophiciæ Senilis*, si *Concoctiones*, & *Principalia* illa *Viscera* benè se habeant, cætera maximà ex parte ad *Votum* sequentur.

- 3 Atque ex *Medicorum Libris*, qui de *Quatuor Membrorum Principalium Confortatione*, & *Commodis*, *Sermones* faciunt, decerpenda sunt ea unicuique, quæ pro ratione *Status Corporis proprii*, in *Dietam* & *Regimen Vitæ* transferri poterint: Etenim *Sanitas Medicinis* temporalibus plerunque indiget; at *Diuturnitas Vitæ* ex *Vitæ ratione*, & constanti *Medicinarum* juvantium serie, speranda est: Nos verò *Pauca*, ea que *Selecta*, & *Optima* proponemus.

- 4 *Stomachum* (qui (ut aiunt) est *Paterfamilias*, & cujus *Robur* ad reliquas *Concoctiones* est *Fundamentale*) ita munire decet, & confirmare, ut sit absque *Intemperie Calidis*; deinde *Astrictus*, non *Laxus*; etiam *Munus*, non *Humorum Fastidiis*, *Oppressus*; Et nihilominus (cū ex seipso, potius quam ex *Venis* nutriatur,) minimè prorsus *Inanis*, aut *Ieiunus*; postremò in *Appetitu* servandus est, quia *Appetitus Digestionem* acuit.

Miramur

Historia Vitæ & Mortis.

Mirantur quomodò illud, *Calidum Bibere*, (quod apud Antiquos in usu fuit,) in Desuetudinem abierit; Novimus certè *Medicum* admodum celebrem, qui in Prandio, & Coenâ, *Iusculum* etiam *præcalidum* avidè ingerere solebat, & paulò post optare ut regeſtum eſſet; Neque enim mihi *Iusculum* opus eſt, (inquit) ſed *Calido* tantum.

Omninò utile arbitramur, primam *Potionem*, ſive *Vini*, ſive *Cerviſiæ*, ſive *Potiis* alterius, (cui quis inſuevit) in Coenâ ſemper calidam exhiberi.

Vinum Exinctionis Auri, utile arbitramur ſemel in Menſâ; Non quod *Aurum*, aliquid Virtutis ad hoc largiri credamus, ſed quia *Exinctionem* omnem *Metallicam*, in aliquo Liquore, Aſtrictionem potentem indere novimus: *Aurum* autem deligimus, quia præter illam (quam optamus) *Aſtrictionem*, nil aliud *Metallicæ Impreſſionis* poſt ſe relinquit.

Oſſes Paris in *Vino*, mediâ Menſâ, utilioreſ, quam ipſum *Vinum* eſſe judicamus; præſertim ſi *Vino* cui *Oſſa* intingatur, *Ros-Marinus*, & *Cortex Curi*, fuerint infuſi; idque cum *Saccharo*, ut tardiùs labatur.

Uſum *Coſonorum*, ad *Stomachi Robur*, utilem eſſe certum eſt: Meliùs tamen adhiberi iudicamus in Succis depuratis, cum *Saccharo* (quos *Myus* vocant) quam in *Carnibus* ipſorum, quia *Stomachum* nimis gravant: Ille verò *Myus* poſt Menſam, *ſimplices*; at ante Menſam, cum *Aceto*, utiliſſimè ſumuntur.

Utilia *Stomacho* ſunt præ cæteris *Simplicibus* *Ros-Marinus*, *Enula*, *Maſtyx*, *Abyſynthium*, *Salvia*, *Menba*.

Pillulus ex *Aloe*, & *Maſtice*, & *Croco*, præſertim Temporibus Hyemalibus, ante Prandium ſumptas, probamus; ita tamen, ut *Aloe* non tantum Succo *Rosarum* multis vicibus abluta ſit, ſed etiam in *Aceto*, (in quo diſſolutum fuerit *Tragacanthum*,) & poſtea in *Oleo Amygdalino Dulci*, & *Recenti*, ad aliquot horas macerata ſit, antequàm formetur in *Pillulis*.

Vinum aut *Cerviſia Infuſionis Abyſynthii*, cum modico *Enula*, & *Santal* *Cyrini*, rectè per vices adhibetur; atque hoc Hyeme potiùs.

At Æſtate, Hauſtus ex *Vino Albo*, cum *Aquâ Fragariæ* diluto, in quo *Vino*, Pulveres exquisiti *Perlarum*, & *Teſtarum Cancrorum Fluvialium*, & (quod mirum fortaſſè videatur,) parum *Cretæ*, fuerint infuſa, *Stomachum* optimè recreat, & roborat.

At generalitèr, omnis *Hauſtus Matutinus* (quales frequentèr in uſu ſunt) *Refrigerantium*, (*Saccorum*, *Decoctionum*, *Serè Lactis*, *Hordeatorum*, & ſimilium,) fugiendus eſt; nihilque prorsùs immittendum *Stomacho jejuno*, quod ſit *Frigidum purum*: Meliùs exhibebuntur *Res* huiusmodi, (ſi neceſſitas poſtulet,) vel *Horâ quintâ* poſt *Prandium*, vel *Horâ unâ* poſt leve *Ientaculum*.

Jejunia frequentia mala ſunt ad Longævitatem; quin etiam *Sitis* quæcunque evitanda, & ſervandus *Stomachus* ſatis *Mundus*, ſed perpetuò quaſi *Humidus*.

Oleum Olicarum Recens, & Bonum, in quo *Mithridati* nonnihil diſſolu-

solutum fuerit, inunctum *Spina Dorfi*, ex adverso *Oris Stomachi*, *Stomachum* mirum in modum confortat.

- 17 Sacculus ex Floccis Carmosinis, infusus in *Vinum Austerum*, in quod infusa fuerint *Myrus*, & *Cortex Citri*, & parùm *Croci*, super *Stomachum* perpetuò gestari potest. Atque de *Stomachum Confortantibus* hæc tenis; cum etiam haud pauca ex his, quæ aliis Operationibus inferviunt, ad hæc etiã juvent.

- 18 *Iecori*, si à *Torrefactione*, sive *Desiccatione*, atque ab *Obstructione*, immune servetur, nil ultra opus est: Etenim *Exolutio* illa, quæ *Aquositates* generat *Morbus* prorsus est; At reliqua duo etiam *Senectus* obrepens inducit.

- 19 Huc pertinent, vel maximè ea, quæ in Operatione super *Sanguinem*, descripta sunt; Iis adjiciemus Pauca admodum, sed Electa.

- 20 Præcipuè in usu sit, *Vinum Granatorum Dulcium*; aut si illud haberi non possit, *Succus ipsorum* recens expressus; Manè sumendus, cum aliquanto *Sacchari*, & immisso in Vitrum, (in quod fit Expressio) modico *Corticis Citri* recentis, & *Gariophyllis* tribus, aut quatuor integris: Hocque usurpetur à *Februario*, ad Finem *Aprilis*.

- 21 In usum adducatur, ante alias omnes *Herbas Nasturtium*, sed tamen *Pubescens*, non *Veris*: usurpetur sive *Crudum*, sive in *Insulis*, sive in *Potui*; Et post hanc *Cochlearia*.

- 22 *Aloe*, quocunque modo abluta, aut correcta, *Hepati* noxia; Itaque nunquam familiaritèr sumenda est. *Rhubarbarum* contrà vitale *Hepati*, modò tres adhibeantur *Cautiones*: Primò, ut sumatur ante *Cibum*, ne deficcet nimis, aut *Vestigium Stripticitatis* relinquant: Secundò, ut mace-retur ad Horam unam, aut duas, in *Oleo Amygdalino* recenti, cum *Aquâ Rosaceâ*, antequàm aliàs infundatur, aut detur in *Substantiâ*: Tertiò, ut vicibus alternis sumatur, aliàs simplex, aliàs cum *Tartaro*, aut parùm *Salis nigri*, ne leviora tantum asportet, & reddat *Massam Humorum* magis obstinatam.

- 23 *Vinum*, aut *Decoctum* aliquod *chalybeatum*, ter aut quater in Anno sumi probo, ad *Obstructiones* potentiores solvendas; ita tamen ut semper præcedat *Hæstus* duorum, aut trium *Cochlearium Olei Amygdalini*, dulcis & recentis, & sequatur *Motus Corporis*, præsertim *Brachiorum*, & *Hypochondriorum*.

- 24 *Liquores dulcorati*, idque cum *Pinguedine* quadam, ad arcendam *Arefactionem*, & *Salsedinem*, & *Torrefactionem*, & denique *Senilitatem Iecoris*, præcipuè & plurimùm possunt; præsertim si per *Vetustatem* bene incorporentur; Tales fiant ex *Fructibus*, & *Radicibus* dulcibus; Scilicet, *Vina* & *Potus* ex *Uvis passis* recentibus, *Injubis*, *Carycis*, *Dastilis*, *Pastinacis*, *Bulbis* sive *Potadis*, & hujusmodi, cum admistione *Lycoriiæ* quandoque; Etiã *Potus*, ex granis *Indicis*, (quæ *Mayz* vocant,) cum *Mixturâ Dulcium*, plurimùm confert. Notandum est autem, *Intentionem Præservationis Iecoris* in *Mollicie* quâdam, & *Pinguedine*, longè potentior esse illâ alterâ, quæ pertinet ad *Aperitionem Iecoris*, quæ potius innuit ad *Sanitatem*, quam ad *Diuturnitatem vitæ*; nisi quod *Obstructio*

ea, quæ inducit *Torrefactionem*, æquè maliciosa est, ac aliæ *Arefactiones*.

Radices Cichoreæ, Spinachie, Betæ, à Medullis purgas, atque ad Ten-
neritudinem coctas in Aquâ, cum tertia parte *Vini Albi*, pro *Condimen-*
tis Familiaribus cum *Oleo & Aceto*, laudo. Etiam *Gemmas*, sive *Cau-*
les Asparagi, Pulpas Artificis, & Radices Bardanæ, debitis modis elixas,
& conditas; & *Iuscula* (rempore *Veris*) ex *Folijs pubescentibus Fi-*
tium, & herbâ viridi *Triticici*. Atque de *Tecore* muniendo haſtentis.

25

Cor Juvamentum suscipit maximè, atque Nocumentum ex *Aere*,
quem spirantius; ex *Vaporibus*; atque ex *Affectibus*: Atque complura ex
iis, quæ de *Spiritibus*, suprà dicta sunt, huc transferri possunt; Indigesta
autem *Moles Cordialium* apud *Medicos*, ad *Intentionem* nostram parum
valet: Attamen, quæ *Venenorum Malignitatis* occurrere deprehendun-
tur, ea demùm ad muniendas *Cordis vires*, sano cum *Judicio* adhiberi
possunt; præsertim si sint ex eo genere, quod non tam propriam *Ve-*
neni Naturam frangat, quàm *Cor & Spiritus in Venenum* insurgere fa-
ciat. Atque de *Cordialibus* consule *Tabulam* superiùs positam.

26

Aeris Bonitas in Locis, *Experientiâ* potiùs dignoscitur, quàm *Signis*.
Optimum judicamus *Aerem* spirare in *Locis Aquis, & Planis*, atque
ex omni parte *Perflantibus*; Si fuerit *Terra Sicca*, neque tamen prorsùs
Arida, aut *Arenosa*; Quæque emittat *Serpillum, & Amaraci* genus,
& hic inde *caules Mentæ Campestris*; Quæque sit non prorsùs *Rasa*, sed
Arboribus nonnullis (ad umbram) sparsim consita; Atque ubi *Rosa*
Rubi spiret aliquid *Muscællum, & Aromaticum: Flumina* si adsint, no-
cere potiùs arbitramur, nisi fuerint *Exigua* admodum, & *limpida*, &
glareosa.

27

Aerem Matutinum certum, est *Vesperino* esse magis *Vitalem*, licet ad
Delicias alter magis ametur.

28

Aerem à Venò agitaturn paulò, leniore, *Aere Cæli Sereni* foelicio-
rem esse arbitramur: Optimus autem est *Zephyrus Matutinus, & Boræus Post-*
meridianus.

29

Odores ad Confortationem Cordis præcipuè utiles sunt; Neque ta-
men, ac si *Odor bonus* esset *Aeris boni* Prærogativa. Certum enim est,
quemadmodum inveniuntur *Aeres* prorsùs *Pestilentes*, qui non tantùm
fætem, quantum alii minùs noxii; similiter inveniri econtrà *Aeres sa-*
luberrimos, & Spiritibus Amicissimos, qui aut prorsùs sint *inodori*, aut ad
sensum minùs *Grati & Fragrantes*. Atque omninò, ubi degitur in *Aere*
bono, *Odores* per vices tantùm repeti debent: *Odor enim Continuus* (licet
optimus) *Spiritus* nonnihil onerat.

30

Laudamus ante omnes alios, (ut etiam superiùs innuimus) *Odores* ex
Plantis Vegetantibus, & non Avulsis, in Aere aperto exceptis; quales sunt
ex *Violis, Floribus Gariophylli* (tana *Majoris* quam *Minoris*), *Floribus Fa-*
barum, Floribus Tiliæ, Floribus sive Pulvisculo Vitium, Floribus Madre-
selle, Floribus Parietariæ lincæ; *Rosâ Muscællâ* (nam cæteræ *Rosæ ger-*
minantes parè emittunt *Odores*), *Fragariâ* (præsertim *Moriente*), *Rubâ*
suavi, (præcipuè incunte *Vere*), *Menihâ Campestri, Lavendulâ Florente*;
atque in *Regionibus Calidioribus, Malo Arancio, Cyrio, Myrio, Lauro*:
Itaque *Ambulatio*, aut *Sessio* inter hujusmodi *Auras*, in *Uso* esse debet.

31

32 Ad Cordis juvamentum, Odores Refrigerantes Calidioribus anteponimus; Suffusus itaque *Maurinum*, aut sub Calores Meridiei optimus fuerit, ex æquis Portionibus *Aceti*, *Aquæ Rosacæ*, & *Vini Generosi*, super *Laminam Ferri* quasi candentem, fusorum.

33 Neque verò *Mauri Telluri* libare nos quis existimet, si præcipiamus inter *Fodiendum*, aut *Terram vertendam*, *vinum Generosum* super-in-fundi.

34 *Aquam* è *Floribus Arantiorum* bonam, cum modicâ Parte *Aquæ Rosacæ*, & *vini Fragrantis*, etiam per *Nares* attrahi, aut per *Syringam Er-rhini* more immitti, (sed rariùs) bonum est.

35 At *Masticatio* (quamvis non habeamus *Betel*) & *Detentio* in *Ore* eorum quæ *Spiritus* fovent, (licet assidua) utilis admodum est. Fiant itaque *Grana*, aut pusilli *Pastilli* ex *Ambra*, & *Musco*, & *Ligno Aloes*, & *Ligno Rhodio*, & *Radice Iridis*, & *Rosâ*; atque formentur illa *Grana*, aut *Pastilli*, per *Aquam Rosaceam*, quæ per paululum *Balsami Indi* transferit.

36 *Vapores* verò, qui ex *Rebus intro sumptis*, Cor muniunt, & fovent; hæc tria habere debent; ut sint *Amici*, *Clari*, & *Refrigerantes*. *Caliditas* enim *Vaporum*, mala; Atque ipsum *Vinum*, quod putatur habere *vaporem* solummodò *calefacientem*, non expers est prorsus *Qualitatis Opiatæ*. *Claros* autem *Vapores* vocamus eos, qui plus habent ex *Vapore*, quam ex *Exhalatione*, neque sunt omninò *Fumei*, aut *Fuliginosi*, aut *Unctuosi*, sed *Humidi*, & *Equales*.

37 Inter *Turbam inutilem Cordialium*, pauca ad *Dietam* in usu esse debent; Loco omnium *Ambra-grisia*, & *Crocus*, & *Granum Kermes*, ex *Calidioribus*; Atque *Radices Buglossi*, & *Boraginis*, atque *Mala Cyria*, & *Limones dulces*, & *Poma Fragrantia*, ex *Frigidioribus*. Etiam eo (quo diximus) modo, & *Aurum*, & *Margarita*, non tantum intra *Venas*, sed etiam in *Transitu*, & circa *Præcordia* aliquid possunt; per *Refrigerium* scilicet, absque aliquâ noxiâ *Qualitate*.

38 De *Lapide Bezoar*, ob multas Probationes, *Virtuti* ejus fidem non prorsus derogamus; Sed omninò *Modus* ejus sumptionis talis esse debet, ut facillimè *Virtus* ejus communicetur *Spiritibus*. Itaque nec in *Iusculis*, nec in *Syrupis*, nec in *Aquâ Rosacâ*, aut hujusmodi, *Usus* ejus probamus; sed tantum in *Vino*, aut *Aquâ Cynamomi*, aut hujusmodi *Distillato*, sed *Tenui*, non *Calido*, aut *Forti*.

39 De *Affectibus* jam superius inquisitum est; Illud tantum adjicimus, omne *Desiderium magnum*, & *constans*, & (ut loquuntur) *Heroicum*, *Cordis Virtutes* roborare, & ampliare. Atque de *Corde* hætenus.

40 Ad *Cerebrum* quod attinet (ubi *Cathedra*, & *Universitas Spirituum Animalium* residet) quæ superius inquisita sunt, de *Opio*, & *Nitro*, & *Subordinatis* ad ipsa, & de *Conciliatione Somni placidi*, etiam huc aliquatenus spectant. Illud quoque certum, *Cerebrum* tanquam in *Tutelâ Stomachi* esse; ideòque quæ *Stomachum* confortant, & muniunt, *Cerebrum* per *Consensum* juvant, atque huc similiter transferri debent. Adjiciemus pauca, tria *Externa*, *Internum* unum.

41 *Balneationem Pedum* omninò in usu esse volumus, ad minus, semel in *Septimanâ*; *Balneumque* fieri ex *Lixivio*, cum *Salenigro*, & *Salviâ*,
Camo-

Camomillâ, Fœniculo, Samsuco, & Costo, cum Foliis Angelicæ Viridis.

Suffium laudamus etiam *Quotidianum Manè*, ex *Rore-marino* arido, *Ramulis Lauri* siccis, & *Ligno Aloes*; nam *Gummi suavia Caput* gravant.

Cavendum prorsus, ne *Capiti* per *Exterius* admoveantur *Calida*; qualia sunt *Aromata*, non exceptâ *Nuce Muscatâ*: Etenim *Calida* illa ad *Plantis pedum* præcipitamus, ibique solum applicari volumus: *Unctionem* verò *Capitis* levem ex *Oleo*, cum *Rosâ*, & *Myrio*, & parum *Salis*, & *Croc*, laudamus.

Memores eorum, quæ de *Opiatis*, & *Nitro*, & *Similibus*, antè proposuerimus, quæ *Spiritus* tantoperè densant, non existimamus abs re fore, si semel *Diebus* quatuordecim, accipiantur in *Brodio Maiusino*, *Grana tria*, vel quatuor *Castorei*, cum modico *Seminis Angelicæ*, & *Ealami Aromatici*; quæ & ipsa *Cerebrum* roborant, & in *Densitate Substantia Spirituum*, (quæ ad vitæ Longævitatē tam necessaria est,) *Motus Vivacitatem*, & *Vigorem* excitant.

In *Confortacivis* quatuor *Viscerum Principalium* ea proposuimus, quæ & *Propria* sunt, atque *Electa*, atque in *Dietam*, & *Regimen vitæ* transferri, rurò & commodè possunt: *Varietas* enim *Medicamentorum*, *Egporantiæ* *Filia* est; neque *Multa Fercula*, (quod aiunt) tam multos *Morbos* fecere, quam *multa Medicamenta* paucas *Curas*. Atque de *Operatione* super *Viscera Principalia*, ad *Extrusionem Alimenti*, hæc inquisita sunt.



OPERATIO SUPER PARTES exteriores ad Attractionem

Alimenti. VI.

Historia.

Licet *Concoctio* bona, per *Partes Interiores* facta, primas *Partes* ad probam *Alimentationem* teneat; tamen concurrere etiam debent *Actiones Partium Exteriorum*; ut sicut *Facultas Interior Alimentum* emittit, & extrudit; ita *Facultas Partium Exteriorum* idem arripit, & attrahat; Quoque imbecillior fuerit *Facultas Concoctionis*, eò magis opus est *Auxilio* concurrente *Facultatis Attractivæ*.

Attractio valida *Partium Exteriorum*, excitatur præcipuè per *Motum Corporis*, per quem *Partes calefactæ*, & *confortatæ*, *Alimentum* ad se alacrius vocant, & attrahunt.

Illud verò maximè cavendum, & prohibendum; Ne idem *Motus*, & *Calor*, qui ad *Membra Novum Succum* evocat, *Membrum* simul eo *Succo*, quo antèa perfusum erat, nimium exolvat.

Eractiones

4 *Fricationes* huic Intentioni optimè subserviunt, factæ præcipuè *Manè*; sed hoc perpetuò comitetur, ut post *Fricationem*, fiat levis *Inunctio* cum *Oleo*, ne *Auritio Partium Exteriorum*, eas per *Perpirationem* reddat effoetas.


5 Proxima est *Exercitatio*, per quam *Partes* ipsæ se *confricant*, & *concuriunt*; modò sit *Moderata*, & quæ (ut superius notatum est) nec sit *Celeris*, nec ad *Ultimas Vires*, nec ad *Lasitudinem*; Verùm in hac ipsâ, atque *Fricatione*, eadem est ratio, & *Cautio*; Ne *Corpus* nimium *perspiret*; Itaque *Exercitatio* melior est sub *Dio*, quam sub *Tecto*, & *Hyeme* quam *Æstate*; Atque insupèr, *Exercitatio Inunctione* non tantum *clandi* debet, ut *Fricatio*; sed etiam in *Exercitationibus* vehementioribus, adhibenda est *Unctio*, & in *Principio*, & sub *Finem*, more *Athletarum*.

6 Ad *Exercitationem*, ut quam minimum aut *Spiritus*, aut *Succos* exolvat; utile est, ut usurpetur *Stomacho* non prorsus *jejuno*. Itaque ut *Exercitatio*, nec *Stomacho Repleto*, (quod plurimum interest *Sanitatis*) nec *Iejuno*, (quod non minus interest *Longitudinis vitæ*), usurpetur, in usum adduci debet *Ientaculum Manè*, non ex *Medicamentis*, aut *Hauftibus Matutinis*, aut *Uvis passis*, aut *Ficibus*, aut huiusmodi; sed planè ex *Cibo*; & *Potu*; at *Levi* admodum, & *Modicâ Quantitate*.

7 *Exercitationes* ad *Irrigationem Membrorum*, debent esse *Membris* omnibus quasi æquales; non ut (quemadmodum ait *Socrates*), *Tibiæ* moveant, *Brachia* quiescant, nec è contra; sed ut *Partes universæ* ex *Motu* participant; Atque omninò ad vitam prodest, ut *Corpus* nunquam diù in eadem *Positurâ* permaneat; sed singulis *Semi-horis*, ad minis, *Posituram* mutet, præterquam in *Somno*.

8 Quæ ad *Mortificationem* usurpantur, ad *Vivificationem* traduci possunt; Nam & *Indusia setosa*, & *Flagellationes*, & omnis *Exteriorum Vexatio*, *Vim* eorum *Attractivam* roborat.

9 *Urticationem* commendat *Cardanus*, etiàm ad *Melancholiam*; verùm de hac parùm nobis compertum est; Et suspecta nobis est illa, ne propter *Venenatam* nonnullam *Qualitatem Urticæ*, *Serpigines* usu frequenti inducat, & *Mala Cuius*. Atque de *Operatione* super partes *Exteriores*, ad *Attractionem Alimenti*, hæc inquisita sunt.



OPERATIO SUPER ALIMENTUM ipsum ad Insinuationem ejusdem. VII.

Historia.

R Eprehensio vulgaris de *Mulis Ferculis*, *Censorem* potiùs decet, quàm *Medicum*; aut utcunque constantiæ *Sanitatis* utilis esse potest, ad *Longitudinem vitæ*, noxia est; Propterea quod *Mistura Alimentorum varia*,

ria, & aliquantùm *Heterogenea*, Exitum reperit in *Venis*, & *Succos*, melius & alacrius, quàm *Simplex*, & *Homogenea*, Cùm insuper ad *Appetitum excitandum*, (qui *Acies* est *Digestionis*) plurimùm possit. Itaq; & *Mensam variam*, & *Mutationes* subindè *Ciborum*, pro *Temporibus Anni*, aut aliàs, probamus.

Etiàm illud de *Simplicitate Ciborum* absque *Condimentis*, *Simplicitas* Iudicii est; cùm *condimenta bona*, & benè electa, sint *Præparationes Ciborum* saluberrimæ, atque tùm ad *Sanitatem*, tùm ad *vitam* conferant.

Videndum est, ut cum *Cibis Durioribus*, conjungantur *Potus Fortiores*, & *Condimenta* quæ penebrem, & incidunt; Cum *Cibis* contrà *Facilioribus*, *Potus Tenuis*, & *Condimenta Pinguis*.

Cum paulò antè monuerimus, ut prima *Potio* in cœnâ excipiat *Caldida*; nunc addimus, quod ad *Præparationem Stomachi*, etiam *Semihorâ* ante *Cibum*, bonus *Hauftus Potûs* (cui quisque maximè insuevit) *calidus* usurpetur; sed parùm *Aromatizatus* ad gratiam *Saporis*.

Præparatio Ciborum, & *Panis*, & *Potuum*, si benè, & in ordine ad *Intentionem* instituatur, magni est prorsùs Momenti; licet sit *Rês Mechanica*, & sapiat *Culinam*, & *Sellam*; cùm tamen longè præstet *Fabellis* de *Auro*, & *Gemmis*, & hujusmodi.

Humectatio Succorum Corporis per *Præparationem Alimentorum Humidam*, puerilis Res est; Ad *Fervores Morborum* nonnihil facit; ad *Alimentationem* verò *rosidam*, omninò contraria est; itaque *Elixatio Ciborum* longè inferior est, ad *Intentionem* nostram, *Affatone*, & *Cottione* in *Furno*, & similibus.

Affatio debet fieri *Ignè vivo*, & celeritùs perfici; non *Ignè lento*, & nimia *Morâ*.

Carnes omnes *Solidiores* in usu esse debent non prorsùs *Recentes*, sed nonnihil *Salis Expertæ*; ex *Sale* ipso autem in *Mensâ*, eò minus sumi debet, aut nihil omninò. *Sal* enim *Alimento Incorporatus* magis valet ad *Distributionem*, quàm per se sumptus.

Debent in usum adduci *Macerationes*, & *Infusiones Carnium* varix, & bonæ, in *Liquoribus idoneis*, ante *Affationes*; quemadmodùm quandòq; in usu sunt *Similia*, ante *Cottiones* in *Furno*, & in *Muriis* aliquorum *Piscium*.

At *Pulsationes*, & tanquam *Verberationes Carnium*, antequàm coquantur, haud parvam rem præstant: Certè in confesso est, & *Perdices*, & *Phasianus* in *Aucupio*; & *Damas*, & *Cervos* in *Venatione* occisos, (nisi fuerit ea *Fuga* longior) gratiores esse etiàm ad *Gustum*. *Pisces* autem nonnulli *Flagellati*, & *Verberati*, evadunt meliores. Etiam *Pyra Duriora*, & *Austera*, atque alii nonnulli *Fructus*, *Compressione* dulcescunt. Bonum esset in Usum adduci, *Carnium duriorum* nonnullam *Pulsationem*, & *Coniusionem*, antequàm *Ignem* patiantur; Idque ex optimis *Præparationibus* erit.

Panis modicè *Fermentatus*, & valdè parùm *Salis*, optimus est; quiq; etiam in *Furno Percussus* satis, nec admodùm *Elanguido*, coctus est.

Potûs *Præparatio* ad vitam longam simplici ferè *Præcepto* constat: Atque de *Aquæ-potioribus* nihil attinet dicere; Poteest hujusmodi *Dietâ* (ut alibi diximus) vitam aliquandiu remorari, sed nunquam majorem in

Modum prolongare : At in aliis *Potibus Spirituosis*, qualia sunt *Vinum*, *Cervisia*, *Hydromel*, & hujusmodi ; id tanquam Summa Summarum affectari, & observari debet ; Ut *Partes Liquoris* sint subtilissimæ, & *Spiritus* lenissimus : Hoc *Vetustate simplici* difficile erit efficere, quæ gignit *Partes* paulò *Subtiliores*, *Spiritus* verò multò *Acriores* ; Itaque de *Infusione* in *Doliis Substantiæ* alicujus *Pinguis*, quæ *Spirituum Acrimoniam* compescat, jam antea præceptum est : Est & alius modus absque *Infusione*, aut *Mixturâ* ; Is est, ut *Liquor Potus* continuò agitetur, sive per *Vecturam* in *Mari*, sive per *Vecturam* in *Carris*, sive suspendendo *vires ex Funibus*, eosque quotidie agitando, aut aliis hujusmodi *Modis* : Certum enim est, *Motum illum localem*, *Partes subtilizare*, ac *Spiritus* in partibus interim ita fermentare, ut *Acedini*, (quod *Putrefactionis* genus est,) non vacent.

13 *Vergente* autem *Senectute*, etiam talis *Præparatio Ciborum* instituenda est, quæ sit tanquam in *Mediâ Viâ* ad *Chylum*. Atque de *Distillationibus Ciborum*, meræ *Nugæ* sunt ; Etenim *Portio Nutritiva*, vel optima, non ascendit in *Vaporem*.

14 *Incorporatio Cibi & Potûs*, antequàm concurrent in *Stomacho*, gradus est ad *Chylum* ; Itaque sumantur vel *Pulli*, vel *Perdices*, & *Phasiani*, & similia ; Et coquantur in *Aquâ*, cum parùm *Salis* ; deinde mudentur, & siccentur ; postea sive in *Musto*, sive in *Cervisiâ* fervescente, infundantur, cum parùm *Sacchari*.

15 Etiam *Expressiones Ciborum*, & *Concisiones minutæ*, benè conditæ, *Senibus* utiles sunt ; eò magis quod *Officio Dentium* in *Manducatione*, (quod *Præparationis* præcipuum Genus est,) ferè destituantur.

16 Atque de *Juvamentis* ejus *Defectûs*, (*Dentium* scilicet *Roboris*, ad *Cibum molendum*) tria sunt quæ conferre possint. Primum, ut alii *Dentes* renascantur ; Id quod difficile omninò esse videtur, nec posse perfici absque *Instauratione Corporis Inimâ*, & *Potenti*. Secundum est ut *Mandibula* per *Astringentia debita*, ita firmentur, ut *Officio Dentium*, aliquâ ex parte, sufficere possint ; quod non malè cedere posse videtur. Tertium, ut *Cibus* sit ita *præparatus*, ut istâ *Masticatione* non egeat ; quod promptum est, & expeditum.

17 Subit etiam cogitatio de *Quantitate Cibi*, & *Potûs* ; Eam in *Excessu* nonnuillo, quandoque ad *Irrigationem Corporis*, utilem esse : Itaque & *Epulæ Profusæ*, & *Péripotationes*, non omninò inhibendæ sunt. Atque de *Operatione* super *Alimenta*, & eorundem *Præparationem*, hæc inquisita sunt.



OPERATIO

OPERATIO SVPER

Actum ultimum Assimilationis.

VIII.

DE Actu Ultimo Assimilationis, (quem Operationes *Commissio* tres proximè præcedentes intuentur) brevis, & simplex erit Præceptio; Resque magis Explicatione indiget, quam Præceptione aliquâ variâ.

Commentatio.

Certum est Corpora omnia Assimilandi, quæ in Contiguo sunt, Desiderio nonnullo indui: Id faciunt generosè, & alacritè Tenuia, & Pneumatica; veluti Flamma, Spiritus, Aer: At contrà, quæ Molem habent Crassam, & Tangibilem, debilitèr admodum; eò quod Desiderium illud Assimilandi, à fortiori Desiderio Quietis, & se non Movendi, ligetur.

Certum est itidem, Desiderium illud Assimilandi, in Mole corporeâ, ligatum ut diximus, & inutile redditum, à Calore aut Spiritu in Proximo, liberari nonnihil, & excitari, ut tum demùm actuetur; Quæ unica est causa, cur Inanimata non assimilent, Animata assimilent.

Certum & hoc quoque est; quò durior sit Corporis Consistentia, eò illud indigere Majore Calore ad Stimulum Assimilationis; Quod in Senibus, malè omnino cedit; quia Partes sunt obstinatiorè, Calor imbecillior. Itaque aut Obstinatio Partium mollienda, aut Calor intendendus; Atque de Malacificatione Membrorum postea dicemus, cum jam artè etiam plura, quæ ad Duritiem hujusmodi prohibendam, & præveniendam pertinent, proposuerimus. De Calore autem intendendo, jam simplici Præcepto utemur, si prius etiam alterum Axioma assumpserimus.

Actus Assimilationis (qui à Calore (ut diximus) circumfuso excitatur,) est Motus admodum Accuratus, & Subtilis, & in Minimis. Omnes autem hujusmodi Motus, tum demum sunt in Vigore, cum omnis Localis Motus cesset, qui eum obturbet. Etenim Motus Separationis in Homogenea, qui in Lacte est, ut Flos supernatet, Serum subsidat, nunquam fiet, si Lac lenitè agitetur: Neque Putrefactio ulla in Aquâ, aut Mistis procedet, si illa continuo localitè moveantur. Ex his itaque, quæ Assumpta sunt, hoc jam ad Inquisitionem præsentem concludemus.

Actus ipse Assimilationis perficitur præcipuè in Somno & Quiete, præsertim versus Auroram, factâ jam Distributione: Non habemus igitur aliud, quod ad præcipiendum occurrat, nisi ut Homines dormiant in Calido; Atque insuper, ut versus Auroram sumatur aliqua Inunctio, vel Indusium intinctum, excitans moderatè Calorem, atque post illud sumptum redintegretur Somnus. Atque de Actu ultimo Assimilationis, hæc inquisita sunt.

OPERATIO SVPER

Intenerationem ejus quod arefieri cœpit,
sive Malacissatio Corporis. IX.

conmixtio:

DE Inteneratione per Interius, quæ per multas Ambages, & Circuitus fit, tam Alimentationis, quam Detentionis Spiritus, (ideoque sensim perficitur) superius inquisitum est; De eâ autem, quæ fit per Exterius, & quasi subito, sive de Corpore Malacissando, jam videntur.

Historia.

IN Fabulâ de Restitutione Pelæ in Iuventutem, Medea cum id se moliri fingeret, eam proposuit Rationem Rei conficiendæ; ut Corpus Senis in Frustra concideretur; deinde in Lebere cum Medicamentis quibusdam decoque-

decoqueretur. Cossio fortassè aliqua ad hoc requiretur, *Concissione in Frusta* scilicet non est Opus.

Attamen etiam *Concissio in Frusta* adhibenda aliquatenus videtur, non *Ferro*, sed *Iudicio*; Cum enim *Viscerum*, & *Partium* sit *Consistentia* multum diversa, necesse est ut *Inteneratio* ipsorum, non isdem Modis absolvatur, sed ut instituatur *Cura singulorum*, præter ea quæ pertinent ad *Intenerationem* totius *Massæ Corporis*; de quâ tamen primùm.

Huic Operationi, per *Balnea*, *Vaſtiones*, & similia (si modò sit ejus Rei aliqua Potestas) satisfieri verisimile est; Circa quæ observanda sunt ea, quæ sequuntur.

Non nimis indulgendum est spei, quod hæc Res confici possit, propter ea quæ fieri cernimus, in *Imbibitionibus* & *Macerationibus Inanimatorum*, per quas illa intenerantur; Cujus aliqua Exempla superius adduximus; Facilius enim est Operatio hujusmodi super *Inanimata*, quia *attrahunt*, & *sugunt Liquores*: At in *Corpore Animalis* difficilius, quia *Mors* in iis fertur potiùs, ad *Circumferentiam*.

Ideò *Balnea*, quæ in usu sunt, *Emollientia*, parùm profunt, sed obsunt potiùs; quia *extrahunt* magis, quàm *imprimunt*; & *solvunt* Compagem Corporis, potiùs quam *consolidant*.

Balnea, & *Unſiones*, quæ Operationi præſenti (*Corporis* scilicet bene & solidè *Malaciſſandi*) inservire possint, tres debent habere *Præpares*.

Prima & præcipua est, ut consentent ex iis, quæ totâ *Substantiâ Similia* sunt *Corpori* & *Carni Humanis*; Quæque sint tanquam *Alma*, & *Nutricantia* per *Exteriùs*.

Secunda est, ut habeant *Admixta* ea, quæ *subtilitate* nonnullâ *imprimant*, ut *Vim Nutritivam* eorum, quibus admisceantur, insinuent, & inculcent.

Tertia, ut recipiant nonnullam *Mixturam*, (licet reliquis longè minorem) eorum, quæ sunt *Astringentia*; Non *Austera*, aut *Acerba*, sed *Unctuosâ*, & *Confortantia*; Ut dum reliqua duo operentur, interim prohibeatur (quantùm fieri potest) *Exhalatio* è *Corpore*, quæ *Virutem Malaciſſantium* perdat; sed potiùs ut per *Astrictionem Cutis*, & *Clausuram membrorum*, *Mors* ad *Intra* promoveatur, & juvetur.

Consistentia le maximè *Corpori Humano*, est *Sanguis tepidus*, vel ex *Hominis*, vel ex aliis *Animalibus*; At *Ficini* illud *Commexum*, ad *Instaurationem* Virium in *Senibus*, de *Exuſtione Sanguinis Humani*, ex *Brachio Adolescentis sani*, leve admodum est: Etenim, quod per *Interiùs* nutrit, nullo modo debet esse *Aquale*, aut planè *Homogeneum* *Corpori*, quod nutritur; sed aliquatenus *Inferius*, & *Subordinatum*, ut subigi possit; At in *Exteriùs Applicatis*, quantò *Substantia* est *similior*, tantò *Consensus* *melior*.

Ab Antiquo receptum est, *Balneum* ex *Sanguine Infantium* sanare *Lepram*, & *Carnes* jam *corruptas* restituere; Adèd ut hoc ipsum fuerit *Regibus* quibusdam *Invidiæ* apud *Plebem*.

Proditum est *Heraclium* *Hydrope laborantem*, se in *Ventre calido Bovis*, nupèr occisi, immeruisse.

In usu est *Sanguis tepidus Canubrum Felis*, ad *Erysipelata*, & *instaurandas Carnes* & *Cutem*.

14 *Brachium*, aut *Membrum* aliquod *Abscissum*, aut ex quo Sanguis aliàs nimium profluit, utilitèr inseritur in *ventrem* alicujus *Animalis* nuper dissectum; nam potentèr operatur ad *sistendum Sanguinem*; *Sanguine Membri Abscissi*, *Sanguinem Recentem Animalis*, per *Consensum* sorbente, & ad se vehementèr trahente; Unde & ipse sistitur, & refluit.

15 Multum in usu est, in *Morbis Extremis*, & quasi *Desperatis*, ut *Columbæ Scissæ*, aliæ post alias mutatæ, ad *Plantas Pedum Egroti* apponantur; unde sequitur interdum *Auxilium* mirabile; Id vulgò imputatur, quasi *Maligna Morbi* traherent; Sed utcùnque, *Caput* petit ista *Medicatio*, & *Spiritus Animales* confortat.

16 Verùm *Balnea* ista, & *Unctiones sanguinolentæ*, nobis videntur fordidæ, & odiosæ; videndum de aliis, quæ minùs fortassè habent *Fastidii*, neque tamen minus *Incuramemi*.

17 Post *Sanguinem* igitur *Recentem*, *similia Substantiæ Corporis Humani*, sunt *Alimentosa*; *Carnes* pinguiore, *Bovina*, *Suillæ*, *Cervinæ*; *Ostrea* inter *Pisces*; *Lac*, *Butyrum*; *Vitella Ovorum*; *Pollen Truici*; *Vinum Dulce*, aut *Saccharatum*, aut *Mulsam*.

18 Quæ admisceri debent ad *Impressionem*, sunt, loco omnium, *Sales*, præsertim *Niger*; Etiam *Vinum* (cùm *Spiritu* turgcat) *imprimi*, & utile est *Vehiculum*.

19 *Astringentia* ejus generis, quæ descripsimus, *Unctiosa* scilicet, & *Confortantia* sunt, *Crocus*, *Mastix*, & *Myrrha*, & *Baccæ Myrti*.

20 Ex his, pro nostro *Judicio*, optimè fiet *Balneum*, quale desideramus. *Medici* & *Posterius* Meliora reperient.

21 Longè autèm potentior fiet operatio, si *Balneum* quale proposuimus, (quod *Caput Rei* esse arbitramur) comitetur quadruplex *Operationis Series*, sive *Ordo*.

22 Primò, ut *Balneum* præcedat *Fricatio Corporis*, & *Inunctio ex Oleo*, cùm aliquo *Spissamento*; ut *Virtus*, & *Calor* humectans *Balnei* potiùs subintret *Corpus*, quam *Aquea pars Liquoris*. Deinde, sequatur *Balneum* ipsum, ad horas fortè duas. A *Balneo* autèm *Emplastreitur Corpus* ex *Mastiche*, *Myrrhâ*, *Tragacanthâ*, *Diapalmâ*, *Croco*, ut cohibeatur (quantum fieri potest) *Perspiratio*, donec *Malacum* paulatim vertatur in *Solidum*; idque per viginti quatuor *Horas*, vel ampliùs. Postremò, amotâ *Emplastratione* fiat *Unctio* cum *Oleo*, addito *Sale*, & *Croco*; Et renovetur *Balneum* post *Quatriduum*, cum *Emplastratione*, & *Unctione* (ut priùs) & continuetur hujusmodi *Malacissatio* per *Mensem unum*.

23 Etiam durante tempore *Malacissationis*, *Utile* judicamus, & *Proprium*, & secundum *Intentionem* nostram, ut *Corpus* benè nutriatur, & ab *Aere Frigido* abstineatur, & nil nisi *Calidum* bibatur.

24 Hoc verò, (ut *Initio* in *Genere* monuimus) est ex iis, quæ nobis *Experimentis* probata non sunt, sed descripta tantummodò ex *Collimatione* ad *Finem*. Etenim *Metâ* positâ, aliis *Lampada* tradimus.

25 Neque negligenda sunt *Fomenta* ex *Corporibus Viris*. *Ficinus* ait (neque id per *Jocum*) *Davidem* conuberno *Puellæ*, aliàs salubritèr, sed nimis serò usum fuisse: Debuerat autèm addere, quod *Puellam* illam, more *Virginum Persiæ*, oportuisset inungi *Myrrhâ*, & *Similibus*, non ad *Delicias*, sed ad *augendam Virutem Fomenti*, ex *Corpore vivo*.

Barbarossa, Etate Extremâ, ex Consilio Medici Iudæi, Puerulos continuè Stomacho, & Illis applicabat ad Fomenta: Etiam Senes nonnulli, Caniculis (Animalia scilicet inter calidissima) Stomacho noctu applicare consueverunt.


26

De Hominibus quibusdam Nasonibus, (qui Irrisionis pertæsi, Nasorum Tuberes, & quasi Sarculos amputarunt, atque in Brachiorum Ulnas, Incisione nonnullâ ad-apertas, ad tempus insuerunt, atque inde Nasos magis decentes efformarunt,) increbuit Relatio quasi certa: idque in multis Nominibus: Ea si vera sit, Consensum Carnis ad Carnem, præsertim Viscerum, planè testatur.

27

De Inteneratione particulari Viscerum Principalium, Stomachi, Pulmonum, Iecoris, Cordis, Cerebri, Spinalis Medulle, Renum, Fellis, Iliorum, Venarum, Arteriarum, Nervorum, Cartilaginum, Ossium, niuis longa foret Inquisitio, & Præscriptio; Cùm jam non Praxim instruamus; sed Indicationes ad Praxim.

28



OPERATIO SUPER EXPURGATIONEM Succī veteris, & Restitutionem Succī novi, sive Renovationem per Vices. X.

Historia.

Liceret, quæ hic ponemus, superiùs ferè præoccupata sint, tamen quia ista Operatio est ex Principalibus, retractabimus ea paulò fusiùs.


Certum est, Boves Aratores, atque Laboribus exhaustos, in Pasqua nova, & leia admissos, Carnes recipere Teneras, & Iuvenes: Idque Esu, & Palato comprobari; ut manifestum sit Carnium Intenerationem non esse difficilem: verùm & Carnis Intenerationem sæpiùs repetitam, etiàm ad Ossâ, & Membranas, & Similia pervenire posse, verisimile est.

Certum est, Dietis, quæ in usu sunt, ex Guajaco præcipuè, atque ex Sarsaparilla, & Chinâ, & Sassafras, præsertim longiùs continuatas, & secundum Regulas rigidiores, Universum Corporis Succum, primò Atenuare, deinde Consumere, atque Sorbere, Quod manifestissimum est; quia Morbum Gallicum usque ad Gummositates proVectum, quique intimos Corporis Succos, occupaverit, & depravaverit, ex illis Dietis, posse curari, probatū est: Atque insuper quia æquè manifestum est, per huiusmodi Dietas, Homines factos Macilentos, Pallidos, & quasi Cadaverosos, paulò post Impinguari, Colorari, & manifestò Renovari. Quamobrem huiusmodi Dietas, vergente Ætate, semel Biennio, ad Intentionem nostram utiles esse, omnino existimamus, tanquam Exuvias, & Spolia Serpentum.

Fidentèr

Fidentèr dicimus, (neque verò quis rogo nos inter *Hæreticos Catharos* reponat) *Purgationes repetitas*, atque factas *Familiares*, longè magis ad *Diuturnitatem vitæ* facere, quàm *Exercitia & Sudores*. Id autem fieri necesse est, si teneatur, quod positum est; *Unctioes Corporis*, & *Mentium* ab *Extrâ Opplèiones*, & *Aeris Exclusiones*, & *Spiritus* in *Massâ Corporis Detentiones*, plurimùm conducere ad vitam longævam. Et enim certissimum est, per *Sudores*, & *Perspirationes Exteriores*, non solum *Humores*, & *Vapores Excrementitios*, exhalari, & absumi; sed unà etiàm *Succos*, & *Spiritus bonos*, qui non tam facile reparantur: In *Purgationibus* autem (nisi fuerint admodum immoderatæ) non item, cum super *Humores* præcipuè operentur. *Purgationes* autem, ad hanc *Intentionem*, optimæ sunt, quæ paulò ante *Cibum* sumuntur, quia *desiccant* minus; Ideoque debent esse ex iis *Cathartici*, quæ *Ventriculum* minimè turbant.

Intentiones Operationum, quas proposuimus, (ut arbitramur) verissimæ sunt; Remedia Intentionibus fida. Neque credibile est dictu (licet haud pauca ex ipsis velut *Plebeia* videri possint) quantâ cum *Curâ*, & *Delectu*, ea à nobis examinata fuerint; ut sint (salvâ semper *Intentione*) & *Tuta*, & *Efficacia*. Rem ipsam, *Experimentum* & comprobabit, & promovebit. Talia autem in omnibus *Rebus* sunt, *Opera Consilii* cujusque *Prudentioris*; quæ sunt *Effectu* admiranda, *Ordine* quoque egregia, *Modis* faciendi tanquam *vulgaria*.



Atriola Mortis.

Ad Artic. 15.
Connexio.

DE Atriolis Mortis jam inquirendum; id est de iis, quæ accidunt *Morientibus* in *Articulo Mortis*, & paulò *Antè*, & *Post*: Ut cum multis viis perveniatur ad *Mortem*, intelligi possit in quæ *Communia*, illæ designant; Præcipuè in *Mortibus*, quæ inferuntur per *Indigentiam Naturæ*, potius quàm per *Violentiam*; tametsi etiam aliquid ex his, propter *Rerum Connexionem* inspergendum sit.

Historia.

Historia.

Spiritus Vicius videtur tribus indigere, ut subsistat : *Motu commodo* ; *Refrigerio temperato* ; & *Alimento idoneo*. *Flamma* verò duobus ex his tantum indigere videtur ; *Motu* nimirum, & *Alimento* ; propterea quod *Flamma* simplex sit *Substantia*, *Spiritus* *Composita* ; ita ut si transeat paulo propius in *Naturam Flammeam*, se perdat.

Etiā *Flamma*, majore *Flamma* & potentiore resolvitur, & necatur, ut benè notavit *Aristoteles* ; multò magis *Spiritus*.

Flamma, si comprimatur nimium, extinguatur ; ut cernere est in *Candelâ*, super-imposito *Vitro* : Etenim *Aer* per Calorem dilatatus contrudit *Flammam*, eamque minuit, & extinguit : Neque in *Caminis* concipitur *Flamma*, si *Materies*, absque *Spatio* aliquo interjecto, compingatur.

Etiā *Ignita Compressio* extinguntur ; veluti si *Carbonem* ignitum *Ferro*, aut *Pede*, fortiter comprimas, extinguitur statim *Ignis*.

At ut ad *Spiritum* veniamus ; Si *Sanguis* aut *Phlegma* irruat in *ventriculos Cerebri*, fit *Mors* subito ; cum *Spiritus* non habeat ubi se moveat.

Contusio etiā *Capitis* vehemens inducit subitam *Mortem*, *Spiritibus* in *ventriculis Cerebri* angustiatis.

Opium, & alia *Narcotica* Fortiora, Coagulant *Spiruum*, eumque privant *Motu*.

Vapor Venenatus, *Spiritui* totaliter odiosus, infert *Mortem* subitam, ut in *Venenis Mortiferis*, quæ operantur per *Malignitatem* (ut loquuntur) *specificam* : Incutit enim *Fastidium Spiritui*, ut amplius movere, aut *Rei* tam inimicæ occurrere nolit.

Etiā *Extrema Ebrietas*, aut *Crapula*, quandoque inferunt *Mortem* subitam ; cum *Spiritus* non tam *Densitate*, aut *Malignitate Vaporis*, (ut in *Opio*, & *Venenis malignis*) quam ipsâ *Copiâ*, obruatur.

Extremus Mæror, & *Mæro*, præsertim *subitus* (ut fit in *Nuncio malo*, & *improviso*) quandoque dant subitam *Mortem*.

At non solum nimia *Compressio* ; sed etiā nimia *Dilatatio Spiritus*, *Mortifera*.

Gaudia Ingenia & *Repentina* Complures exanimarunt.

In magnis *Evacuacionibus*, quales sunt in *secandis Hydropicis*, *excuntibus confertim Aquis* ; multò magis in *Ingenibus*, & *Repentinis Profluviis Sanguinis*, sequitur sæpius *Mors* subita ; Idque per meram *Eugam Vacui* in *Corpore*, omnibus affatim moventibus ad *Spatia* implenda, quæ exinaniuntur ; atque inter alia *Spiritu* ipso : Nam quoad *Profluvia Sanguinis* tardiora, res spectat ad *Indigentiam Alimenti*, non ad *Refusionem Spiritus* : Atque de *Motu Spiritus*, in tantum vel *Compresso*, vel *Effuso*, ut *Mortem* inferat, hæc inquisita sunt.

Veniendum ad *Indigentiam Refrigerii*. *Cobibitio Respirationis* *Mortem* infert subitam, ut in omni *Suffocatione* aut *Strangulatione*. Neque tamen videtur *Res* referri debere, tam ad *Impedimentum Motus*, quam ad *Impedimentum*

dimentum Refrigerii; quia *Aer* nimis *Calidus*, licet liberè attractus, non minùs suffocat, quàm si inhibeatur *Respiratio*; Ut sit in iis, qui suffocati aliquandò sunt ex *Carbonibus* incensis, aut *Lithambracibus*, aut *Parietibus Recentè Dealbatis*, in *Cubiculis Clausis*, *Ignem* etiam accenso: Quod Genus mortis traditur fuisse *Imperatoris Ioviniani*. Aut etiam ex *Balneis siccis super-calesactis*, quod usurpatum fuit in *Nece Faustæ, Constantini Magni uxoris*.

15

Valdè pusillum est *Tempus*, quo *Natura Anhelium* repetit, atque expelli *Fuliginem Aeris* in *pulmones* attracti, & recentem intro-recipi desiderat: vix certè ad tertiam partem *Minutæ*.

16

Rursùs *Pulsus Arteriarum*, & *Motus Cordis*, *Systoles* & *Diaftoles*, triplò velocior quàm *Respiratio*; adeò ut si fieri posset, ut ille *Motus* in *Corde*, absque inhibitià *Respiratione* sisti posset, Sequeretur *Mors* etiam celerius, quam ex *Strangulatione*.

17

Usum tamen & *Consuetudo*, in hac *Naturali Actione Respirationis* non-nihil valet; ut in *Urinatoribus Deliis*, & *Piscatoribus Perlarum*, qui perpetuo *Uso*, *Decuplum* *Temporis* ad minimum, retinere *Anhelium* possunt, plusquam pro *Ratione* aliorum *Hominum*.

18

Sunt ex *Animalibus*, etiam ex iis, quæ *Pulmones* habent, alia quæ ad longius *Tempus*, alia quæ ad brevius, *Anhelium* cohibere possunt; prout majore scilicet, aut minore indigent *Refrigerio*.

19

Pisces minore indigent *Refrigerio*, quam *Animalia Terrestria*; Indigent tamen, atque refrigerantur per *Branchias*: Atque quemadmodùm *Terrestria* *Aerem* nimis fervidum, aut occlusum non ferunt; ita & *Pisces*, in *Aquâ Glacie* totalitèr, & diutius *Coopertâ*, suffocantur.

20

Si *Spiritus* Insultum patiatur, ab alio *Calore*, Proprio longè Vehementiore, dissipatur, & perditur. Si enim *Proprium Calorem* non sustineat, absque *Refrigerio*, multò minùs *Alienum intensiorem* tolerare potest; Id Cernitur in *Febris Ardentibus*, ubi *Calor Humorum putrescentium*, *Calorem Naturum* superat, usque ad *Extinctionem*, sive *Dissipationem*.

21

Somni quoque *Indigentia*, & *Usum*, refertur ad *Refrigerium*. *Motus* enim, *Spiritum* attenuat & rarefacit, & *Calorem* ejus acuit, & intendit. *Somnus* contra *Motum*, & *Discursum* ejus Sedat, & compescit. Etsi enim *Somnus* *Actiones Patium*, & *Spirituum Morivalem*, & omnem *Motum* ad *Circumferentiam Corporis*, roboret, & promoveat; tamen *Motum proprium Spiritus vivi*, magnâ ex parte consopit, & tranquillat. At *Somnus* regularitèr, semel intra 24. *Horas*, *Naturæ humanæ* debetur, idque ad 6. aut 5. *Horas* ad minimum; Licet sint etiam in hac parte quandòque *Naturæ Miracula*, ut refertur de *Macenate*, quod longo tempore ante *Obitum* non dormisset. Atque de *Indigentia Refrigerii*, ad *Spiritum conservandum*, hæc inquisita sint.

22

Quod verò ad *Tertiam Indigentiam* attinet (*Alimenti* scilicet) videtur illa ad *Partes* potiùs, quàm ad *Spiritum Vivum* pertinere. Facile enim quis credat, *Spiritum Vivum* subsistere in *Idemitate*, non per *Successionem*, aut *Renovationem*. Atque quoad *Animam Rationalem* in *Homine*, certo certius est, eam nec ex *Traduce* esse, nec reparari, nec interire: Loquuntur de *Spiritu Naturali Animalium*, atque etiam *Vegetabilium*, qui

qui ab illâ alterâ essentialitèr & formalitèr differt; Ex horum enim Confusione, *Metempsychôsis* illa, & innumera tam *Ethnicorum*, quam *Hæreticorum* Commenta emanârunt:

Renovatio per Alimentum, in Corpore Humano, regularitèr singulis Diebus requiritur. *Triduanum* autem *Ieiunium Sanis* vix toleratur: Ufus tamen & consuetudo, etiam in hac Parte, haud parùm valet: At *Morbo languentibus Inedia* minùs gravis est. Eriam *Somnus Alimentationi* nonnihil parat, quemadmodùm contrà *Exercitatio* eam efflagitat magis. Inveni etiam sunt (sed rarò) aliqui, qui quodam Naturæ Miraculo, sine *Cibo & Potu*, ad Tempus non Mediocre vixerunt. 23

Corpora Mortua, si non intercipientur à Putredine, diutiùs sine notabili Absumptione subsistunt: At *Corpora viva* non multùm ultra *Triduum* (ut dictum est) nisi reparentur per *Alimentationem*; Id quod indicat citam illam Absumptionem, esse Opus *Spiritus vivi*, qui aut se reparat, aut Partes ponit in Necessitate se reparandi, aut utrunque: Quam Rem etiam illud astruit, (quod paulo antè notatum est) nempe, quod possint *Animalia*, sine *Alimento*, paulò diutiùs durare, si *dormiant*. At *Somnus* omninò nil aliud est, quàm *Receptio Spiritus vivi* in se. 24

Copiosa nimis & continua *Effluxio Sanguinis*, qualis aliquandò fit ab *Hæmorrhoidibus*, interdùm à *Vomitu Sanguineo*, Venis interioribus reſeratis aut fractis; interdùm ex *Vulneribus*, Mortem infert festinam: Cùm *Sanguis Venarum*, *Sanguini Arteriarum*, minister, *Sanguis Arteriarum*, *Spiritus*. 25

Haud parvum est *Quantum Cibi & Potus*, quod Homo bis in die pastus, intra Corpus recipit; Longè plus, quàm aut per Sellam, aut per Urinam, aut per Sudores egerit: Nil mirum (inquis) cum reliquum in Succos, & substantiam Corporis mutetur. Rectè: Sed cogita paulispèr, quod ea Accessio fit bis in Die, neque tamen Corpus exundat; Similitèr, licet *Spiritus* reparetur, tamen *Quanto* suo non enormitèr excrescit. 26

Nil attinet adesse *Alimentum* in *Gradu remoto*, sed eius Generis, & ita præparatum, & ministratum, ut *Spiritus* in illud agere possit. Neque enim Baculus Cerei sufficiet ad Flammam continuandam, nisi adſit Cera; Neque Homines Herbis solis pasci possunt: Atque inde fit *Atrophia Senilis*, quod licèt adſit Caro & Sanguis, tamen Spiritus est factus tam paucus & rarus, & Succi & Sanguis tam effœti, & obstinati, ut non teneat Proportio ad Alimentandum. 27

Subducamus *Calculos Indigentia*, secundum Cursum Naturæ Ordinarium, & Consuetum. *Explicatione Moris sui*, in ventriculis Cerebri, & Nervis, indiget *Spiritus* perpetuò; *Motu Cordis*, tertiâ Parte Momenti; *Respiratione*, singulis Momentis; *Somno & Alimento*, intra Triduum; *Potentiâ ad Alimentandum* quasi post Octoginta Annos. Atque si alicuï ex his Indigentis non succurratur, sequitur Mors. Atque tria planè esse videntur *Attriola Mortis*; Destitutio Spiritus, in *Motu suo*; in *Refrigerio*; in *Alimento*. 28

Erraverit, qui existimet Spiritum Vivum, Exemplo Flammæ perpetuò generari, & extinguï, nec ad Tempus aliquod notabile durare. Neque enim hoc facit Flamma ipsa ex naturâ suâ, sed quia inter Inimica versatur: Nam Flam-

Monita.
I

Flamma intra Flammam durat. At Spiritus Vivus inter Amica degit,
& Obsequia plurima. Itaque cum Flamma sit substantia Momemanea, Aer
autem substantia Fixa; Spiritus Vivi med. a est Ratio.

De Interitu Spiritus, per Destructionem Organorum, (qualis sit per
Morbos, & Violentiam) non est inquisitio præsens, (ut ab initio diximus)
tamen si & ille in eadem tria Atriola desinat: Atque de ipsâ Formâ Mortis
hæc inquisita sint.

Duo sunt magni Præcursores Mortis; Alter à Capite, alter à Corde
missus: Convulsio, & Extremus Labor Pulsus; nam etiam Singulus ille
lethalis est Convulsionis genus; Labor autem Pulsus lethalis, habet Velo-
citatem insignem, quandoquidem Cor sub ipsâ Morte ita trepidet, ut
Systole, & Diastole ferè confundantur; Habet etiam conjunctam Debi-
litem, & Humilitatem, & sæpius Intermissionem magnam, labascente
motu Cordis, nec fortiter, aut constantè insurgere valente.

Præcedunt etiâ Mortem in Propinquo summa Inquietudo, & Tacta-
tio; Motus Manuum tanquam Floccos colligendo; Nixus Prehensionis,
& Tentionis fortis; Demes etiam fortiter comprimere; Glutire vocem; Tre-
mor Labii inferioris; Pallor oris; Memoria confusa; Sermonis Privatio; Su-
dores frigidi; Corporis Elongatio; Sublatio Albuginis Oculorum; Faciei to-
rius Alteratio, (Nasus acuto, Oculis concavis, Genis labantibus,) Lin-
guæ Contractio & Convolutio; Frigus Extremitatum; In aliquibus Emissio
Sanguinis, aut Spermatidis; Clamor acutus; Anhelitus Creber; Inferioris Max-
illæ Lapsus, & similia.

Mortem sequuntur, Sensus omnis, & Motus, tam Cordis & Arteria-
rum, quàm Nervorum & Artuum, Privatio; Impotentia Corporis se susten-
tandi erectum; Rigor Nervorum & Partium; Depositi omnis Caloris; pau-
lò post Putrefactio & Fætor.

Anguilla, Serpentes, & Insecta diù moventur, singulis Partibus, post
Concisionem; ut etiam Rustici putent, Partes singulas, ad se rursus unien-
dum expedire. Etiâ Aves Caputibus avulsis ad Tempus subsultant:
quin & Corda Animalium avulsa diù palpitant. Equidem meminimus
ipsi vidisse Hominis Cor, qui evisceratus erat, (Supplicij Genere apud
nos versus Proditores recepto,) quod in Ignem de more injectum, salta-
bat in altum, primò ad Sesquipedem, & deinde gradatim ad minus; du-
rante spatio (ut meminimus) septem, aut octo Minutarum. Etiâ
Verus, & Fide digna Traditio est, de Bove sub Eviscerationem Mugiente.
At magis certa de Homine, qui eo Supplicij genere (quod diximus) e-
visceratus, postquam Cor avulsum penitus esset, & in Carnificis Manu,
tria aut quatuor Verba Precum, auditus est proferre; Quod idcirco ma-
gis credible esse diximus, quàm illud de Sacrificio; quia solent Amici
hujusmodi Reorum, Mercedem dare Carnifici, ut Officium suum perni-
cissimè expediat, quò illi celerius à Doloribus liberentur: In Sacrificiis
verò non videmus causam, cur similis præstetur à Sacerdote diligentia.

Ad Resuscitandum eos, qui Deliquia Animi, aut Catalepses subitas pati-
untur, (quorum haud Pauci, absque Ope, etiâ expiraturi fuissent,) hæc sunt in Usu. Exhibitio Aquarum ex Vino distillarum, (quas Aquas
vocamus Calidas, & Cordiales;) Inflexio Corporis in Pronum; Obiuratio
fortis Oris & Narium; Flexio Digitorum cum Torturâ quâdam; Evulsio
Pilorum

Pilorum Barbae, aut Capitis; Frictio Patrum, præsertim Faciei, & Extremorum; Subita in Persu Aqua Frigida in Faciem; Sirepius Acui, & Subiti; Appositio ad Nares Aquæ rosacæ, cum Aceio, in languoribus; Incensio Pluviarum, Patrum, in Suffocatione Uteri; At maxime Sarrago servefacta utilis est Apoplecticis; Etiam Equisætiæ Corporum virorum, aliquibus profuit.

Complura fuerunt Exempla Hominum tanquam Mortuorum; Aut Expositorum e Lecto; Aut Delatorum ad Fumus, quin etiam nonnullorum in Terrâ Conditorum; qui nihilominus revixerunt; Id quod in iis, qui Conditi sunt, repertum est, (terrâ aliquantò post apertâ,) per Obrusionem & Vulnerationem Capitis, ex jactatione & Nixu Cadaveris intra Feretrum: Cujus Exemplum recentissimum, & maxime memorabile fuit, *Joannis Scoti, Subtilis illius & Scholastici*; qui à Servo, cum sepultus esset, absente; (quique, ut videtur, hujusmodi Catalepsium ejus Symptoma noverat) aliquantò post effossus, in tali Statu repertus est: Et simile quiddam accidit nostrâ Ætate, in personâ *Histrionis, Sepulti Canabrigiæ*; Memini me accepisse de *Generoso* quodam, qui ludibundus, ex Curiositate, desiderabat scire, qualia paterentur in *Patibulo* Suspensi; seseque suspendit, super Scabellum se allevans, & deinde se demittens; putans etiam penes se futurum, ut Scabellum, pro arbitrio suo, recuperaret, Id quod facere non potuit; sed tamen ab Amico præsentè adjuvatus est; Ille interrogatus, quid passus esset? Retulit se *Dolorem* non sentisse; sed primò obversatam sibi fuisse circa oculos *Speciem Ignis, & Incendii*; deinde *Extremæ Nigredinis, sive Tenebrarum*; postremò *Coloris* cujusdam *Cærulei pallidioris, sive Thalassini*; qualis etiam conspicitur sæpè, *Animo Linquentibus*. Audivi etiam de *Medico* adhuc vivente, qui Hominem, qui se suspendet, atque per Horam dimidiam suspensus manserat, in vitam, *Frictionibus, & Balneis Calidis*, reduxerat; Quique etiam profiteri soleat, se non dubitare, quin Suspensum quemcunque ad tempus prædictum, revocare posset, modò *Cervices* ei, per Impetum primæ Demissionis, non fuerint effractæ.



Discrimina Juventutis & Senectutis.

Scala Humani Corporis talis est: *Concipi; Vivificari in Utero; Nasci; Ad Artic. 16, Mamilla; Depulsio à Mamilla; Usus Cibi & Potus, ab initio, qualis Infanibus convenit; Dentire primò, circa Annum secundum; Incipere Gradiri; Incipere Loqui; Dentire secundò, circa Annum septimum; Pubescere, circa Annum duodecimum, aut decimum quartum; Potentia*

tem esse ad Generandum, & Fluxus Menstruorum; Pili circa Tibias, & Axillas; Barbescere; atque huc usque, & quandoque ulterius, Grandescere; Deinde Roboris Aruum Status & ultimitas, etiâ Agilitatis; Canescere, & Calvescere; Cessatio Menstrui, & Potentiæ Generationis; Vergere ad Decrepitum, & Animal Tripes; Mori. Interim Animus quoque suas habet Periodos, sed per Annos non possunt describi: Ut Memoriam labilem, & Similia, de quibus postea.

2

Discrimina Iuventutis, & Senectutis hæc sunt. Curis Juveni levis, & Explicata; Seni Arida, & Rugosa, præsertim circa Frontem, & Oculos: Carnes Juveni Tenuæ, & Molles; Seni Duriores: Robur Juveni, & agilitas; Seni Diminutio Virium, & Motuum Tarditas: Juveni Coctionum Validitas; Seni Debilitas: Juveni Viscera Mollia, & Succulentia; Seni Salsa, & Retorrida: Juveni Corpus Erectius; Seni Inclinatio in Curvum: Juveni Constantia Aruum; Seni Debilitas, & Tremor: Juveni Humores Biliofi, & Sanguis Fervidior; Seni Humores Phlegmatici, & Melancholici, & Sanguis Frigidior: Juveni Venus in promptu; Seni Tardior: Juveni Succus Corporis magis Roscidi; Seni magis Crudi, & Aquei: Juveni Spiritus Multus, & Turgescens; Seni Paucus, & Iejunus: Juveni Spiritus Densus, & Viridis; Seni Acris, & Rarus: Juveni Sensus Vivaces, & Integri; Seni Hebetiores, & Deficientes: Juveni Dentes Robusti, & Integri: Seni Debiles, Autriti, & Decidui: Juveni Pili colorati; Seni, cujuscunque fuerint Coloris, Cani: Juveni Comæ, Seni Calvities: Juveni Pulsus Grandior, & Incitator; Seni Obscurior, & Tardior: Juveni Morbi magis Acuti, & Curabiles; Seni magis Chronici, & Curatu Difficiles: Juveni Vulnera citius coalescentia; Seni Tardius: Juveni Genæ florentes Colore; Seni aut Pallida, aut Rubicunda, atque Sanguine Spisso: Juveni minor Molestia ex Catarrhis; Seni Major: Neque icimus in quæ proficiant Senes, (quoad corpus) nisi quandoque in Obesitatem; Cujus Causa præstò est; quia Corpora Senum, nec benè perspirant, nec benè assimulant; Pinguedo autem, nihil aliud est, quàm Exuberantia Alimentum, ultra id, quod excernitur, aut perfectè assimilatur. Etiam in quibusdam Senibus in Edacitatem proficitur, propter Acidos Humores, licèt Senes digerant minùs. Ac universa, quæ jam diximus, Medici quasi Feriantes, referent ad Caloris Naturalis, & Humoris Radicalis, Diminutionem, quæ Res nihili sunt ad Usus: Illud certum, Siccitatem in Decursu Ætatis Frigiditatem præcedere; Atque Corpora cum sint in Statu, & Acme Caloris, ad Siccitatem declinare; Frigiditatem autem postea sequi.

3

Jam verò etiam de Affectionibus Animi videndum. Equidem memini, cum n Adolefcens essem Pistavii in Galliâ, me consuevisse familiaritèr cum Gallo quodam, Juvene Ingeniosissimo, sed paululùm Loquaci; qui postea in Virum Eminentissimum evasit, Ille in Mores Senum invhere solitus est, atque dicere; si daretur conspici Animos Senum, quemadmodùm cernuntur Corpora, non minores apparituras in iisdem Deformitates: Quinetiam Ingenio suo indulgens, contendebat Vicia Animorum in Senibus, Vitiis Corporum esse quodammodò Consentientia, & Parallela. Pro Ariditate Curis, substituerebat Impudentiam: Pro Duritie Viscerum, Immisericordiam: Pro Lippitudine Oculorum, Oculum Malum, & Invidiam: Pro Immersione Oculorum, & Curvatione Corporis versus Terram, Atheis-

Aheismum: (Neque enim cælum, inquit, respiciunt, ut prius.) Pro Tremore Membrorum, Vacillationem Decretorum, & fluxam Inconstantiam: Pro Inflexione Dignorum, tanquam ad Prehensionem, Rapacitatem & Avaritiam: Pro Labascentiâ Genuum, Timiditatem: Pro Rugis, Calliditatem, & Obliquitatem: & Alia quæ non occurrunt. Sed ut Serii simus; Juveni adest Pudor, & Verecundia; Seni paululum obduruit: Juveni Benignitas, & Misericordia; Seni Occalluit: Juveni Emulatio laudabilis; Seni Invidia Maligna: Juveni Inclinator ad Religionem, & Devotionem, ob Fervorem, & Inexperientiam Mali: Seni Deservescencia in Pietate, ob Charitatis Teporem, & diuturnam Conversationem inter Malâ, necnon ob Credendi Difficultatem: Juveni Valdè velle; Seni Moderatio: Juveni levius quædam, & Mobilitas; Seni Gravitatis major, & Constantia: Juveni Liberalitas, & Beneficentia, & Philanthropia; Seni Avaritia, & Sibi sapere, & consulere: Juveni Confidentia, & benè sperare; Seni Diffidentia, & Plurima habere pro suspectis: Juveni Facilitas, & Obsequium; Seni Morositas, & Fastidium: Juveni Sinceritas, & Animus Aperius; Seni Cautior, & Animus Testus: Juveni Magna appetere; Seni Necessaria curare: Juveni Præsentibus Rebus favere; Seni Anteaacta potiora habere: Juveni Superiores revereri; Seni Censurâ in illos uti: & complura alia, quæ ad Mores potius pertinent, quam ad Inquisitionem præsentem: Attamen, quemadmodum in Corpore, ita in Animo, in nonnulla proficiunt Senes; nisi fuerint admodum Emeriti; Nempe, ut cum ad Excogitandum minus sint prompti, Iudicio tamen valeant; & Tutiôrâ, & Saniorâ, quam Speciosiorâ malint; Etiam, in Garrulitatem proficiunt, & Ostentationem; Fructum enim Sermonis petunt, cum Rebus minus valeant; ut non absurdè Tithonum in Cicadam versum fuisse, Poeta fingant.

220

100



CANONES

Mobiles de Duratione

Vitæ, & Formâ Mortis.

CANON I.

Non fit Consumptio, nisi quod deperditum sit de Corpore, transmigret in Corpus aliud.

EXPLICATIO.

Nullus est Rerum Interitus: Itaque quod absumitur, aut evolat in Aerem, aut recipitur in Corpus aliquod Adjacens: Quare videmus Araneam, aut Muscam, aut Formicam, in Electro, Monumento plus quam Regio, sepultas, Eternizari; cum tamen sint Res Teneræ, & Dissipabiles. Verum non adest Aer, in quem aliquid evolet; atque Substantia Electri est tam Heterogenea, ut nihil ex illis recipiat. Simile etiam fore arbitramur, misso Ligno, aut Radice, aut ejusmodi, in Argentum Vivum. At Cera, & Mel, & Gummi, habent similem Operationem, sed ex Parte tantum.

CANON II.

Nest Omni Tangibili Spiritus; Corpore crassiore obiectus, & Obsessus; Atque ex eo Originem habet Consumptio, & Dissolutio.

EXPLICATIO.

Nullum Corpus nobis notum, hic in Superiore Parte Terræ, Spiritu vacat; sive per Attenuationem, & Concoctionem Caloris Cœlestium, sive aliâs. Neque enim Cava Rerum Tangibilium Vacuum recipiunt; sed aut Aerem, aut Spiritum Rei proprium. Spiritus autem ille (de quo loquimur) non est Virtus aliqua, aut Energia, aut Entelechia, aut Nugæ; sed planè Corpus Tenue, Invisibile; at tamen Locatum, Dimensum, Reale: Neque rursus Spiritus ille Aer est, quemadmodum nec Succus Uvæ est Aqua) sed Corpus Tenue, cognatum Aeri, at multum ab eo diversum: Partes autem Rei Crassiores (cùm sint Naturæ Pigræ, nec admodum Mobilis) per periodos longis duraturæ forent: sed Spiritus ille est, qui turbat, & illas fodiat, & subruit, atque Humidum Corporis, & quicquid digerere potest, in novum Spiritum, depradatur; deinde tam Spiritus Corporis præ-inexistens, quàm noviter Factus, simul sensim evolvant. Id optime ostenditur, in Diminutione Ponderis, Corporum Arefactorum per Perspirationem. Neque enim quicquid emittitur, erat Spiritus, quando ponderaverat; neque non Spiritus, quando evolaverat.

CANON III.

Spiritus Emissus desiccat; Detentus, & moliens intus, aut Colliquat; aut putrefacit; aut vivificat.

EXPLICATIO.

Quatuor sunt Processus Spiritûs; Ad Arefactionem; ad Colliquationem; ad Putrefactionem; ad Generationem Corporum. Arefactio non est opus proprium Spiritûs; sed Partium Crassiorum, post emissum Spiritum: tùm enim illæ se contrahunt, partim per Fugam Vacui, partim per unionem Homogeneorum: Ut liquet in omnibus, quæ arescunt per Aërem; Et in Siccioribus Corporibus, quæ desiccantur per Ignem, ut Lateribus, Carbonibus; Panibus. Colliquatio est merum Opus Spirituum; Neque fit nisi Calore excitentur; tùm enim Spiritus se dilantes, neque tamen exeuntes, se infirunt, & perfundunt inter Partes crassiores; Easque ipsas reddunt Molles, & Fusiles; ut in Metallis, & Cera: Etenim Metalla, & alia Tenacia, apta sunt ad cohibendum Spiritum, ne excitatus evoleret. Putrefactio est Opus Mixtum, Spiritûs, & Partium Crassiorum: Etenim Spiritu (qui Partes rei continebat, & frangebatur) partim emissus, partim languescente, omnia solvuntur, & redeunt in Heterogeneas suas, sive (si placeat) Elementa sua; Quod Spiritûs inerat Rei, congregatur ad se; (unde Putrefacta incipiunt esse gravis Odoris:.) Oleosa ad se; (unde Putrefacta habent nonnihil Lavoris, & Unduositatis:.) Aquea idem ad se; Fæces ad se; (unde fit Confusio illa in Putrefactis:.) At Generatio, sive Vivificatio; est Opus iidem Mixtum Spiritûs, & Partium crassiorum; sed longè alio modo: Spiritus enim totali-

ter deinetur, sed tumet, & movetur localiter; Partes autem Crassiores non solvuntur, sed sequuntur Motum Spiritus; atque ab eo, quasi, distillantur, & extruduntur in variis Figuris; unde fit illa Generatio, & Organizatio: Itaque semper fit Vivificatio in Materia Tenaci, & Lentâ; atque etiam Sequaci, & Molli; ut simul & Spiritus fiat Detentio; atque etiam Cessio lenis Partium, prout eas effingit Spiritus; Atque hoc cernitur in Materia, omnium tam Vegetabilium, quam Animalium; siue generentur ex Putrefactione, siue ex Spermate; in his enim omnibus, manifestissimè cernitur esse Materia, difficilis ad Abrumpendum, facilis ad Cedendum.

CANON. IV.

IN omnibus Animatis duo sunt Genera Spirituum; Spiritus Mortuales, quales insunt Inanimatis; & Super-additus Spiritus vitalis.

EXPLICATIO.

IAn autè dictum est, ad Longævitatē procurandam, debere considerari Corpus Humanum, primò, ut Inanimatum, & Inalimentatum; Secundo, ut Animatum, & Alimentatum: Nam Prior Consideratio dat Leges de Consumptione; Secunda de Reparatione. Itaque nosse debemus, inesse Humanis Carnibus, Ossibus, Membranis, Organis, denique Partibus singulis, dum vivunt, in Substantiâ earum perfusos, tales Spiritus, quales insunt in huiusmodi Rebus, Carne, Osse, Membranâ; & cæteris, Separatis, & Mortuis; quales etiam manent in Cadavere: At Spiritus Vitalis, tametsi eas regat, & quendam habeat cum illis Consensum, longè alius est ab ipsis; Integralis, & per se Constans. Sunt autem duo Discrimina præcipua, inter Spiritus Mortuales, & Spiritus Vitales; Alium, quod Spiritus Mortuales, minimè sibi continuentur, sed sint tanquam abscissi, & circumlati Corpore crassiore, quod eos intercipit; quemadmodum Aer permixtus est in Nive, aut Spuma. At Spiritus Vitalis omnis sibi continuatur, per quosdam Canales, per quos permeat, nec totalitèr intercipitur. Atque hic Spiritus, etiam duplex est; Alter Ramosus tantum, permeans per parvos Ductus, & tanquam Lineas: Alter habet etiam Cellam, ut non tantum sibi continetur; sed etiam congregetur in Spatio aliquò cavo, in bene mignâ Quantitate pro Analogiâ Corporis; atque in illâ Cellâ est Fons Rivulorum, qui inde deducantur. Ea Cella præcipuè est in Ventriculis Cerebri, qui in Animalibus magis Ignobilibus angustati sunt adeò ut videantur Spiritus per universum Corpus Fusi, potius quam Cellulati: Ut cernere est, in Serpentibus, Anguillis, Muscis, quorum singula Portiones abscisse moventur diu: Etiam Aves diutius Caputibus avulsis subsistunt, quoniam parva habeant Capita, & parvas Cellas: At Animalia Nobiliora Ventriculos eos habeant ampliores; Et maximè omnium Homo. Alium Discrimen inter Spiritus est; quod Spiritus vitalis nonnullam habeat Incensionem; at-

Historia Vitæ & Mortis.

que sit tanquam Aura Composita ex Flammâ, & Aere; quemadmodum Succum Animalium habeant & Oleum, & Aquam. At illa Incensio, peculiares præbet Motus, & Facultates; Etenim & Fumus Inflammabilis, etiam ante Flammam conceptam, Calidus est, Tenuis, Mobilis; Et tamen alia Res est, postquam facta sit Flamma; At Incensio, Spirituum Vitalium, multis partibus lenior est, quam molliſſima Flamma, ex Spiritu Vini, aut aliâ; Atque insuper Mixta est ex magnâ parte, cum Substantiâ Aerâ; ut sit & Flammæ, & Aeræ Naturæ Myſterium.

CANON. V.

Actiones Naturales sunt propriæ Partium singularium, sed Spiritus vitalis eas excitat, & acuit.

EXPLICATIO.

Actiones siue Functiones, quæ sunt in singulis Membris, Naturam ipsorum Membrorum sequuntur; (Attractio, Retentio, Digestio, Assimilatio, Separatio, Excretio, Perspiratio, etiam Sensus ipse;) pro Proprietate Organorum singulorum, (Stomachi, Jecoris, Cordis, Splenis, Fellis, Cerebri, Oculi, Auris, & cæterorum.) Neque tamen ulla, ex ipsis Actionibus, unquam actuata foret, nisi ex vigore, & Præsentia Spiritus vitalis, & Caloris eîus; Quemadmodum nec Ferrum aliud Ferrum attractum foret, nisi excitaretur à Magnete; Neque Ovum unquam fecundum foret, nisi Substantia Foemellæ actuata fuisset ab Initu Maris.

CANON. VI.

Spiritus Mortuales Aeri proximè consubstantiales sunt; Spiritus vitales magis accedunt ad Substantiam Flammæ.

EXPLICATIO.

Explicatio Canonis quarti præcedentis, est etiam Declaratio Canonis Præsentis; Verum insuper hinc fit, ut quæcunque sint Pinguia, & Oleosa, diu maneant in esse suo; Neque enim Aer illa multum vellicat, neque illa etiam ipsa, cum Aere conjungi multum desiderant: Illud autem prorsus vanum est, quod Flamma sit Aer Accensus, cum Flamma & Aer, non minus Heterogenea sint, quam Oleum & Aqua. Quod verò dicitur in Canone, quod Spiritus Vitales magis accedant ad Substantiam Flammæ; Illud intelligendum est, quod magis hoc faciant, quam Spiritus Mortuales; non quod magis sint Flammei, quam Aerii.

CANON VII.

Spiritûs Desideria duo sunt ; unum se Multiplicandi ; Alterum Exeundi, & se Congregandi, cum suis Connaturalibus.

EXPLICATIO.

Intelligitur Canon de Spiritibus Mortualibus ; Etenim quoad Desiderium secundum, Spiritus Vitalis Exiit e Corpore suo, maximè exhorret ; neque enim invenit Connaturalia hic in Proximo ; Ruit fortè in Occursum Rei Desiderabilis, ad Extima Corporis sui ; sed Egressum, ut dictum est, fugit : Verùm de Spiritibus Mortualibus, utrunque Desiderium tenet : Quod ad primum enim attinet, Omnis Spiritus inter Crassiora locatus, non foeliciter habitat ; Itaque cum Simile sui non inveniat, eò magis Simile sui creat, & facit, in tali Solitudine positus ; & strenuè laborat, ut se multiplicet, & Volatile Crassiorum deprædeatur, ut augeatur suo Quanto. Quod verò ad secundum Desiderium Evolandi, & se in Aerem recipiendi ; Certum est omnia Tenuia, (quæ semper sunt Mobilia) ad sui Similia in Proximo libenter ferri ; ut Bulla Aquæ fertur ad Bullam, Flamma ad Flammam : At mul.ò magis hoc fit, in Evolatione Spiritûs in Aerem Ambientem ; quia non fertur ad Particulam suæ similem ; Sed etiam tanquam ad Globum Connaturalium suorum. At illud interim notandum ; quod Exitus, & Evolutio Spiritûs in Aerem, est duplicata Actio ; partim ex Appetitu Spiritûs, partim ex Appetitu Aeris ; Aer enim communis tanquam Res indigens est, atque omnia avidè arripit ; Spiritus, Odores, Radios, Sonos, & alia.

CANON VIII.

Spiritus Detentus, si alium Spiritum gignendi Copiam non habeat, etiam Crassiora intenerat.

EXPLICATIO.

Generatio Novi Spiritûs non fit nisi super ea, quæ sunt in Gradu ad Spiritum propiore : qualia sunt Humida. Itaque si Partes Crassiores (inter quas versatur Spiritus) sint in Gradu remotiore, licet Spiritus eas conscicere non possit, tamen (quod potest) eas labefactat, & emollit, & fundit ; ut cum Quantum suum augere non possit, tamen habiter laxius, & inter ea degat, quæ sunt magis Anica : Iste autem Aphorismus, ad Finem nostrum, admodum utilis est ; quia innuit ad Intenerationem Partium Obstinarum, per Detentionem Spiritûs.

CANON IX.

Inteneratio Partium Duriorum benè procedit, cum Spiritus nec evolet, nec generet.

EXPLICATIO.

Iste Canon solvit Nodum, & Difficultatem in Operatione Intenerandi, per Detentionem Spiritus : Si enim Spiritus non Emissus depraderetur omnia intus, nil sit Lucris ad Intenerationem Partium, in Esse suo ; sed potius solvantur illæ, & corrumpuntur : Itaque una cum Detentione refrigerari debent Spiritus, & astringi, ne sint nimis Activi.

CANON X.

Calor Spiritus, ad Viriditatem Corporis, debet esse Robustus, non Acris.

EXPLICATIO.

Etiam iste Canon pertinet ad solvendum Nodum Supradictum, sed longè latius patet ; Describit enim, qualis debeat esse Temperamenti Calor, in Corpore ad Longevitatem ; Hoc verò utile est, sive Spiritus detineantur, sive non ; Utrunque enim talis debet esse Calor Spirituum, ut vertat se potius in Dura, quam depraderetur Mollia ; Alium enim desiccat, alterum intenerat. Quin etiam, eadem Res valet ad Alimentationem benè perficiendam ; talis enim Calor optimè excitat Facultatem Assimilandi, atque una optimè præparat Materiam ad Assimilandum. Proprietates autem huiusmodi Caloris, tales esse debent ; Primò ut Tardus sit, nec Subitò calefaciat : Secundò, ut non sit admodum Intensus, sed Mediocris : Tertiò, ut sit Æqualis, non Incompositus, scilicet se Intendens, & Remittens : Quartò, ut si inveniat Calor iste, quod ei resistat, non facile suffocetur, aut langueat. Subtilis admodum hæc Operatio ; sed cum sit ex Utilissimis, non deferenda est. Nos verò in Remediis, (quæ ad indendum Spiritibus Calorem Robustum, sive eum, quem vocamus Fabrillem, non Prædatorium, proposuimus) huic Rei aliquà ex Parte satisfecimus.

CANON XI.

Spirituum Densatio in Substantiâ suâ, valet ad Longevitatem.

EXPLICATIO.

Subordinatus est Canon ad Præcedentem; Etenim Spiritus Densior suscipit omnes illas quatuor Caloris Proprietates, quas diximus. Modi autem Densationis, in Primâ ex decem Operationibus habentur.

CANON XII.

Spiritus in Magnâ Copiâ, & magis festinat ad Exitum, & magis deprædatur, quam in Exiguâ.

EXPLICATIO.

Clarus est per se Canon iste, cum Quantum ipsum regularitèr augeat Virtutem; Atque cernere est in Flammis, quòd quando fuerint majores, tantò & erumpant fortius, & absument celerius. Itaque nimia Copia, aut Turgescentiâ Spiritus, prorsus nocet Longævitati: Neque amplior est optanda Copia Spirituum, quam quæ Munus Vitæ, & bonæ Reparationis Ministerio sufficiat.

CANON XIII.

Spiritus æqualitèr Perfusus, minus festinat ad exitum, & minus deprædatur, quam impariter Locatus.

EXPLICATIO.

Non solim Copia Spirituum secundum Totum, Durationi Rerum obest, sed etiâ eadem Copia, minus refracta, similiter obest. Itaque quò magis fuerit Spiritus comminutus, & per Minima insinuat, eò deprædatur minus. Dissolutio enim incipit à Parte, ubi Spiritus est laxior; Itaque & Exercitatio, & Fricationes, Longævitati multum conferunt: Agitatio enim optime comminuit, & commisceet Res per Minima.

CANON

CANON XIV.

Motus Spirituum Inordinatus, & Subsultorius magis properat ad Exitum, & magis deprædatur, quam Constans, & Æqualis.

EXPLICATIO.

In Inanimatis tenet iste Canon certò; Inæqualitas enim Dissolutio-
nis Mater; In Animatis vero, (quia non solum spectatur Consumptio,
sed Reparatio; Reparatio autem procedit per Rerum Appetitus: Appeti-
tus rursus acuitur per Varietatem) non tenet rigidè; sed eousque tamen re-
cipiendus est, ut Varietas ista potius sit Alteratio, quam Confusio, & tan-
quam Constans in Inconstantiâ.

CANON XV.

Spiritus in Corpore Compagis solidæ, detinetur licet in-
vitus.

EXPLICATIO.

Omnia Solutionem Continuitatis suæ exhorrent; autamen pro Modo
Densitatis, aut Tenuitatis suæ. Etenim, quo Corpora sunt magis Tenuia,
eò in minores, & Angustiores Meatus se compelli patiuntur. Itaque Aqua
subintrabit Meatum, quem non subintrabit Pulvis; Aer etiam, quem non
subintrabit Aqua; Quin Flamma, & Spiritus, quem non subintrabit
Aer. Verumtamen est huius rei aliquis Terminus; neque enim Spiritus in
tantum, Desiderio Exeundi laborat, ut patiat se discontinuari nimis, &
in nimis arctos Poros, aut Meatus agi; Itaque si Spiritus Corpore Duro,
aut etiam Unduoso, & Tenaci, (quod non facile dividitur) circumdatur,
plane constringitur, & tanquam incarceratur, & Appetitum exeundi post-
babet; Quare videmus Metalla, & Lapides longo Aero egere, ut exeat
Spiritus; nisi aut Spiritus Igne excineatur, aut Partes crassiores Aquis
Corrodentibus, & Fortibus disjunganur, similis est Ratio Tenacium,
qualia sunt Gummi, nisi quod leniore Calore solvantur. Itaque Succo
Corporis Duri, Cutis Constricta, & similia (quæ præcurantur ab Ali-
mentorum Siccitate, & Exercitatione, & Aeris Frigore) utilia sunt
ad Longævitas; quia Claustra circumdant Spiritui arcta, ne exeat.

CANON XVI.

In Oleosis, & Pinguibus detinetur Spiritus libentè, licet
non sint Tenacia.

EXPLI-

EXPLICATIO.

Spiritus, si nec à Corporis circumdanti Antipathiâ irritetur, nec à Corpore nimia Similitudine pascatur, nec à Corpore Externo sollicitetur, aut provocetur, non tumultuatur multum ad Exeundam: Quæ omnia Oleosis defunt; Nam nec tam Spiritui Infesta sunt, quam Dura; nec tam Propinqua, quam Aquea; nec tam Aere ambiente bene consentiunt.

CANON. XVII.

Evolatio cita Humoris Aquei, conservat diutius Oleosum in Esse suo.

EXPLICATIO.

Diximus Aquea, utpote Aeri Consubstantialia, citius evolare, Oleosa tardius, ut cum Aere minus consentientia: At cum Humidum utrumque plerisque Corporibus insit, Evenit ut Aqueum veluti prodar Oleosum; Nam illud sensim exiens, hoc etiam asporiat. Itaque nil magis juvat ad Corporum Conservationem, quam Siccatio Lenis, quæ Humorem Aqueum expirare faciat, nec oleosum sollicitet, tum enim Oleosum fruitur Naturâ suâ; Neque hoc spectat ad inhibendam Putredinem, (licet etiam & illud sequatur) sed ad conservandam Viriditatem. Hinc fit ut Fricationes molles, & Exercitationes Moderatæ, ad Perspirationem potius quam ad Sudorem, Longævitati plurimum conferant.

CANON. XVIII.

Aer Exclusus confert ad Longævitatē, si aliis Incommodis caveas.

EXPLICATIO.

Diximus paulo antè, Evolationem Spiritus esse Actionem duplicatam, ex Appetitu Spiritus, & Aeris. Quare si altera tollatur, haud parum proficitur; Id quod ex Inunctionibus præcipue expectari debet. Attamen hoc sequuntur varia Incommoda; quibus, quomodo subveniatur, in Operatione Secundâ ex decem, annotavimus.

CANON XIX.

Spiritus Juveniles Senili Corpori inditi, Naturam compendio retrovertere possint.

EXPLICATIO.

Natura Spirituum est quasi Rota suprema, quæ alias Rotas in Corpore Humano circumagis. Itaque illa in Intentione Longævitatis, prima poni debet. Huc accedit, quod facilius, & magis expedita Via patet ad alterandos Spiritus, quam ad alia. Etenim duplex est Operatio super Spiritus; Altera per Alimenta, quæ est Tarda, & tanquam per Circuitum; Altera (& illa Gemina) quæ est Subita, & Spiritus recta petit. Nempe per Vapores; Aut per Affectus.

CANON. XX.

Succi Corporis subduri, & Roscidi, faciunt ad Longevitatem.

EXPLICATIO.

Ratio perspicua est, cum antea posuerimus Dura, & Oleosa, sive Roscida, agrius dissipari. Illud tamen interest (sicut etiam in Operatione Decima notavimus) quod Succus Subdurus minus dissipabilis est, sed est simul minus Reparabilis. Itaque Comodum cum Incommodo conjunctum est: Neque possis propterea aliquod Magnale per hoc præstari; At Succus Roscidus utriusque Rei satisfacit; Itaque diligentius huic incumbendum.

CANON. XXI.

Quicquid Tenuitate penetrat, neque tamen Acrimoniâ rodit, gignit Succos Roscidos.

EXPLICATIO.

Canon iste magis difficilis est Practicâ, quam Intellectu: Manifestum est enim, quicquid benè penetrat, sed tamen cum Stimulo, aut Dente, (qualia sunt omnia Actia, & Acida,) relinquere, ubicunque transit, Vestigium nonnullum Siccitatis, & Divulsionis; ut Succos induret, Partes corvellat; At contra, quæ penetrant merâ Tenuitate, tanquam furim, & insinuativè absque violentiâ, irrorare, & irrigare in transitu. De his in Operationibus quartâ, & septimâ, haud pauca descripsimus.

CANON XXII.

Assimilatio optimè fit cessante omni Motu locali.

EXPLICATIO.

Hunc Canohem, in Commentatione ad Operationem octavam, satis explicavimus.

CANON XXIII.

Alimentatio per Exterius, aut saltem non per Stomachum, Longevitati utilissima, si fieri possit.

EXPLICATIO.

Videmus omnia, quæ per Nutritionem peraguntur, fieri per longas Ambages; quæ verò per Amplexus similium (ut fit in Infusionibus) non longam requirere Moram: Itaque utilissima foret Alimentatio per Exterius; Atque eò magis, quod deciduæ sint Facultates Concoctionum sub Senectute; Quamobrem si possint esse Nutritiones aliæ Auxiliares, per Balneationes, Uctiones, aut etiam per Clisteria, Conjuncta possint proficere, quæ Singula minùs valeant.

CANON XXIV.

Ubi Concoctio debilis est ad Extrusionem Alimenti, ibi Exteriora confortari debent ad Evocationem Alimenti.

EXPLICATIO.

Non est hoc, quod in isto Canone proponitur, eadem Res cum Præcedente; Aliud enim est, si Alimentum Exterius intro trahatur, aliud, si Alimentum Interius extra trahatur; At in hoc concurrunt, quod Deblitati Concoctionum Interiorum, aliâ Viâ subveniant.

CANON XXV.

Omnis subita Renovatio Corporis fit, aut per Spiritus, aut per Malacificationes.

EXPLICATIO.

Duo sunt in Corpore, Spiritus, & Partes; Ad utrumque, longâ Viâ pervenitur per Nutritionem; At viæ breves ad Spiritus per Vapores, & Affectus; & ad Partes, per Malacificationes. Illud autem paulò attentius notandum, quod nullo modo confundimus Alimentationem per Ex-

terius, cum Malaciffatione; neque enim Intentio est Malaciffationis, ut
nurtia Parietis, sed tantum ut eas reddat, magis idoneas ad Nutriendum.

CANON XXVI.

Malaciffatio fit, per Consubstantialia, Imprimentia, &
Occludentia.

EXPLICATIO.

Manifesta Ratio est; quod Consubstantialia propriè malaciffent; Im-
primentia deducant; Occludentia retineant, & Perspirationem,
quæ est Motus Malaciffationi oppositus, cohibeant. Itaque (ut in Operati-
one Nonâ descripsimus) Malaciffatio simul bene fieri non potest, sed per Se-
riem & Ordinem: Primum excludendo Liquorem, per Spissamenta, quia
Extranea, & crassa Infusio non bene coagmetur Corpus; Subtile debet esse,
& ex Vaporis genere, quod intrat. Secundo Intenerando, per Consensum
Consubstantialium: Corpora enim ad Tactum eorum, quæ valdè consensum,
se aperiunt, & Poros laxant. Teriò, Imprimentia Vehicula sunt, & non-
nihil Consubstantialia inculcant, & Mixtura lenitèr Astringentium, Per-
spirationem interim paululum cohibet. At sequitur quarto loco Magna illa
Astrictio, & Clausura per Emplastrationem; & postea gradatim per In-
unctionem; donec Malacum vertatur in Solidum, ut suo loco diximus.

CANON. XXVII.

Crebra Renovatio Reparabilium, irrigat etiã minùs
Reparabilia.

EXPLICATIO.

Diximus in Aditu ipso Historiæ hujus, Eam esse Viam Mortis, quod
magis Reparabilia, in consortio minùs Reparabilium intereant; ut totis
viribus, in Reparatione hujusmodi Partium minùs Reparabilium, sit exu-
dandum; Iaque admoniti Aristotelis Observatione de Plantis, quod scilicet,
Novitas Ramorum Truncum ipsum in transitu reficiat; similem Ratio-
nem fore arbitrati sumus, si sepè reparentur Carnes, & Sanguis in Corpore
Humano; ut inde ipsa Ossa, & Membranæ, & reliqua, quæ Naturâ minùs
sunt Reparabilia, partim per Transitum alacrem Succorum, partim per ve-
stitum illum novum Carnium, & Sanguinis Recentiorum, irrigentur, & re-
noventur.

CANON XXVIII.

Refrigeratio, quæ non transit per Stomachum, utilis ad Longævitatē.

EXPLICATIO.

Ratio præstò est, quia cùm Refrigeratio non Temperata, sed Potens (præsertim Sanguinis) ad vitam Longam sit præcipuè necessaria; omnino hoc non fieri possit per Intus, quantum opus est, absque Destructione Stomachi, & Viscerum.

CANON XXIX.

Complicatio illa, quod tam Consumptio, quam Reparatio, sint Caloris Opera, maximum est Obstaculum ad Longævitatē.

EXPLICATIO.

Destruuntur ferè omnia Magna Opera à Naturis Complicatis; cùm quod alià Ratione juvet, alià noceat; Atque hic librato Iudicio, & sagaci Practicâ opus est: Id nos, quantum res permittit, & in præsentia occurrit, fecimus; Separando Calores Benignos à Nocivis; & ea, quæ ad utrumque faciunt.

CANON XXX.

Curatio Morborum temporariis eget Medicinis; at Longævitas vitæ expectanda est à Diætis.

EXPLICATIO.

Quæ ex Accidente superveniunt, sublatis Caussis desinunt; At Curfus Naturæ Continuus, instar Fluvii labentis, etiã continuã indiget Remigatione, aut Velificatione in adversum: Itaque operandum est, regularitèr per Diætas. Diætæ autem genere duplices sunt; Diætæ Statæ, quæ ceris temporibus; & Diætæ Familiaris, quæ in victu quotidiano usurpantur debet: Potentiores autem sunt, Diætæ Statæ, id est Series Remediorum ad Tempus: Etenim quæ tantà Virtute pollent, ut naturam retrò revertere valeant, fortiora sunt plerunque, & magis subito alterantia, quam quæ fam. l. arnèr in Usum recipi tuto possint. Atque in Remediis nostris Intentiona-

tionalibus, res tantum Diætæ Statas reperias : Diætam Opiatam; Diætam Malacissantem; & Diætam Emaciantem, & Renovantem. At inter ea, quæ ad Diætam Familiarem, & Victum quotidianum præscripta à nobis sunt, efficacissima sunt hæc, quæ sequimur; quæ etiam validitatem Diætæ Statarum ferè æquant: Nitrum; & Subordinata ad Nitrum; Regimen Affectuum, & Studiorum Genus; Refrigeria, quæ non transeunt per Stomachum; Potus Roscidantes; Perspersio Sanguinis cum Materiâ Firmiore, ut Margaritis, Lignis; Inunctiones debite, ad cohibendum Aerem, & Detentionem Spirituum; Calefactoria per Exterius, tempore Assimilationis post somnum; Cautio de iis quæ incendunt Spiritum, induntque ei Calorem acrem, ut de Vinis, & Aromatibus; & Usus Moderatus, & Tempestivus eorum, quæ indunt Spiritibus Calorem Robustum, ut Croci, Nasturtii, Allii, Enulæ, Opiatorum compositorum.

CANON XXXI.

Spiritus vivus Interitum patitur immediatè, cum destituitur aut Motu; aut Refrigerio; aut Alimento.

EXPLICATIO.

Sunt hæc scilicet illa tria, quæ superius vocavimus Atriola Mortis, & Summe Passiones Spiritûs propriae, & immediatae. Etenim Organa omnia partium Principalium serviunt, ut hæc tria Officia præstentur: Et rursum, Omnis Destructio Organorum, quæ est Lethifera, eò rem deducit; ut unum, aut plura ex his tribus deficiant. Itaque alia omnia sunt diversæ viæ ad Mortem; sed in hæc desinunt. Fabrica autem Partium, Organum Spiritûs est; quemadmodum & Ille, Animæ rationalis; quæ Incorporea est, & Divina.

CANON XXXII.

Flamma Substantia Momentanea est: Aer Fixa; Spiritus Vivi in Animalibus, media est Ratio.

EXPLICATIO.

Res est hæc & altioris Indicationis, & longioris Explicationis, quam faciat ad Inquisitionem præsentem. Sciendum interim Flammam continenter generari, & extinguï; ut per Successionem tantum continuetur. Aer autem Corpus fixum est, nec solvitur; licet enim Aer ex Humido Aqueo Novum Aerem gignat; tamen vetus Aer nihilominus manet; unde fit Super-oneratio illa Aeris, de quo diximus in Titulo de Ventis. At Spiritus, utriusque Naturæ particeps est, & Flammæ, & Aeris; quemadmodum &

& Fomites ejus, cum Oleum, quod est Homogeneum Flammæ; & Aer, qui est Homogeneus Aquæ. Spiritus enim non nutritur ex Oleoso Simpliciter, neque ex Aqueo Simpliciter, sed ex utroque: aque licet nec Aer cum Flammâ, nec Oleum cum Aquâ bene componantur, tamen satis conveniunt in Miste. Etiam, Spiritus habet ex Aere, faciles suis & delicatas Impressiones, & Receptiones; A Flammâ autem, Nobiles suos, & Potentes Motus, & Activitates. Sicut etiam Duratio Spiritûs, Res composita est; nec tam Momentanea, quam Flammæ, nec tamen tam fixa, quam Aëris; Aque eò magis non sequitur rationes Flammæ, quod Flamma etiam ipsa extinguitur per Accidens; nempe à Contrariis, & Destruentibus circumfusis; quam causam & necessitatem non habet pariter Spiritus. Reparatur autem Spiritus ex Sanguine vitæ, & Florido Arteriarum exilium, quæ insinuantur in Cerebrum; Sed fit Reparatio ista sècundo modo; de quo nunc non est Sermo.



FINIS.

Errata.

PAG. 3. l. ult. definit, lege, definit. p. 5. l. 3. Post Cruciatu, dele Comma. p. 8. 20. nullam, lege nullum. 9. 11. manu ductum, l. manu ductum. 10. 27. cere, l. sere. 11. 17. Lubria, l. Ludibria. 12. 11. Patirum l. Patiarum. 15. 21. Stermius, l. Sturmius. ibi. 22. Afcarius, l. Aschamus. 24. 34. nucem, l. nucem. 26. 32. possi, humaniores, dele Comma. 29. 8. scuttra, l. scuttra. ibi. 20. lisdem, l. in iisdem. 30. 23. unâ, l. unâ. 37. 9. antiquam, l. antiquum. 42. 9. Praelectionem, l. Praelectionum. ibi. 45. Formatus, l. Fornacis. 43. 16. Res, l. Res. 45. 4. accedat, l. accendat. ibi. 29. Voto, l. Vota. ibi. 32. dedeat, l. videtur. 47. 35. mandare, l. emendare. 49. 29. pulchritudine, l. de pulchritudine. 55. 39. delectis, l. delectis. 59. 25. Fabulâ, l. Tabulâ. 62. 5. ad impletiones, l. adimpletiones. 69. 8. Pyramidalia, l. Pyramidalia. 71. ult. Compelletur, l. compelleretur. 72. 11. rerum, l. verum. 85. 10. ut sit, l. ut sit. 94. 44. Modus, l. Modos. 104. 25. liberari, l. liberare. 128. 9. Speciei, l. Specie. ibi. 29. Cog. lege Cognitio. 142. 19. fricato, l. fricata. 145. 19. disperduntur, l. disperguntur. 146. 45. tenetur, l. tenetur. 154. 11. Adventitiis, l. Adventitiis. 155. 5. obfidant, l. obfident. ibi. 24. Omnibus, l. Omnibus. 166. 26. ad ipsum l. id ipsum. 172. 10. ipsum, l. ipsam. 201. 26. Briarco, l. Briaro. 252. 44. consolitos, l. consopitos. 305. 6. Expansionis, l. & Expansionis. 333. 5. nuquam, l. unquam. 338. 10. Suffexi, l. Suffexia. 354. 28. circumplectentibus, l. circumamplectentibus. 378. 17. & Habitus, Corporis Satutas, l. & Habitus Corporis, Staturas. 391. 27. neq; , l. atq; . 406. 34. gerentem, l. utentem. 408. 25. inter quosdam, l. & inter quosdam. 416. 29. Artesio, l. Artesio. 417. 27. Memoriatione, l. Moderatione. 425. 8. Origino, l. Origano. 435. 19. Resinosâ, l. Resinosa. 445. 18. Sellam, l. Cellam. 462. 35. Heterogeneas, l. Heterogenias. 463. 17. Inanimatum, l. Inanimatum. 466. 23. fit, l. fit. 468. 28. disjungantur, similis, l. disjungantur. Similis. 474. 31. Indicationis, l. Indagationis.

ASTOR LENOX TILDEN FOUNDATION
500 5th Avenue New York 17, N.Y.
This book is loaned to you by the
New York Public Library
Astor Lenox Tilden Foundation
500 5th Avenue New York 17, N.Y.
For information, please call
212-876-3100

1954

THE NEW YORK PUBLIC LIBRARY
ASTOR LENOX TILDEN FOUNDATION
500 5th Avenue New York 17, N.Y.
This book is loaned to you by the
New York Public Library
Astor Lenox Tilden Foundation
500 5th Avenue New York 17, N.Y.
For information, please call
212-876-3100



FRANCISCVS DE VERVLAMIO, SIC COGITAVIT;

*TALEMQUE APVD SE
rationem instituit, quam Vuentibus &
Posteris notam fieri, ipsorum
interesse putauit.*



Vm Illi pro comperto esset, Intellectum humanum sibi ipsi negotium facessere, neque auxilijs veris (quæ in Hominis potestate sunt) vti sobriè & commodè; vnde multiplex Rerum Ignoratio, & ex Ignoratione Rerum detrimenta innumera: omni ope connitendum existimauit, si quo modo commercium

istud *Mentis*, & *Rerum* (cui vix aliquid in terris, aut saltem in terrenis, se ostendit simile) restitui posset in integrum, aut saltem in melius deduci. Vt verò errores qui inualuerunt, quique in æternum inualituri sunt, alij post alios (si mens sibi permittatur) ipsi se corrigerent, vel ex vi Intellectus propria, vel ex auxilijs atque adminiculis Dialecticæ, nulla pror-

fus suberat Spes ; propterea quod Notiones Rerum Primæ, quas Mens haustu facili & supino excipit, recondit, atque accumulat (vnde reliqua omnia fluunt) vitiosæ sint, & confusæ, & temerè à Rebus abstractæ : Neque minor sit in Secundis & reliquis libido & inconstantia ; ex quo fit, vt vniuersa ista Ratio Humana, quâ vtimur quoad Inquisitionem Naturæ, non benè congeſta & ædificata sit, sed tanquàm Moles aliqua magnifica sine fundamento. Dum enim Falsas Mentis vires mirantur homines & celebrant ; Veras eiusdem, quæ esse possint (ſi debita ei adhibeantur auxilia, atque ipsa Rebus morigera sit, nec impotenter Rebus insultet) prætereunt & perdunt. Restabat illud vnum, vt res de integro tentetur, melioribus præſidijs ; vtque fiat Scientiarum, & Artium, atque omnis Humanæ Doctrinæ, in vniuersum *Inſtauratio*, à debitis excitata Fundamentis. Hoc verò licet Aggreſſu infinitum quiddam videri poſſit, ac ſupra vires mortales; tamen idem Tractatu ſanum inuenietur ac ſobrium, magis quàm ea quæ adhuc facta ſunt. Exitus enim huius rei eſt nonnullus. In ijs verò, quæ iam ſunt circa Scientias, eſt Vertigo quædam, & Agitatio perpetua, & Circulus. Neque Eum fugit, quantâ in ſolitudine verſetur hoc Experimentum, & quàm durum & incredibile ſit ad faciendam fidem. Nihilominus, nec Rem, nec Scipſum deferendum putauit; quin Viam, quæ vna Humanæ Menti peruia eſt, tentaret atque iniret. Præſtat enim Principium dare Rei, quæ Exitum habere poſſit; quàm in ijs, quæ Exitum nullum habent, perpetua contentione & ſtudio implicari. Viæ autem Contemplatiuæ, Vijs illis actiuis decantatis ferè reſpondent; vt Altera ab initio ardua & difficilis, deſinat in apertum; Altera primo intuitu expedita & procluis, ducat in auia & præcipitia. Quùm autem incertus eſſet, quando hæc alicui poſthac in mentem ventura ſint; eo potiffimùm vſus Argumento, quòd neminem hætenus inuenit, qui ad ſimiles cogitationes animum applicuerit; decreuit prima quæque, quæ perficere licuit, in publicum edere. Neque hæc feſtinatio ambitioſa fuit, ſed ſollicita; vt ſi quid Illi humanitùs accideret, ex-

taret,

taret tamen Designatio quædam, ac destinatio Rei quam
animo complexus est; utque extaret simul Signum ali-
quod honestæ suæ & propensæ in Generis Humani Com-
moda voluntatis. Certè aliam quamcunque Am-
bitionem inferiorem duxit Re, quam præ ma-
nibus habuit. Aut enim Hoc quod agi-
tur, Nihil est; aut Tantum, ut me-
rito ipso contentum esse de-
beat, nec fructum ex-
trà quærere.

[The page contains faint, illegible markings.]



SERENISSIMO,
POTENTISSIMOQVE
PRINCIPI, AC DOMINO
NOSTRO,

IACOBO,

DEI GRATIA,
MAGNÆ BRITANNIÆ,
Franciæ, & Hiberniæ Regi,
FIDEI Defensori, &c.

Serenissime, Potentissimeque Rex,



OTERIT fortasse
Maiestas Tua me furti
incusare, quòd tantum
Temporis, quantum ad
hæc sufficiat, Negotijs
Tuis suffuratus sim. Non
habeo quod dicam. Tem-
poris enim non fit Resti-

tutio; nisi fortè quod detractum fuerit Temporis
Rebus Tuis, id Memoriam Nominis Tui, & Ho-
nori

nori Sæculi Tui reponi possit; si modò hæc alicuius sint pretij. Sunt certè prorsus noua; etiam toto genere: sed descripta ex veteri admodùm exemplari, Mundo scilicèt ipso, & Naturâ Rerum & Mentis. Ipse certè (vt ingenuè fatear) soleo æstimare hoc Opus magis pro partu Temporis, quàm Ingenij. Illud enim in eo solummodò mirabile est; Initia Rei, & tantas de ijs quæ inualuerunt Suspiciones, alicui in mentem venire potuisse. Cætera non illibentè sequuntur. At versatur proculdubiò Casus (vt loquimur) & quiddam quasi Fortuitum, non minùs in ijs quæ Cogitant Homines, quàm in ijs quæ Agunt aut Loquuntur. Verùm hunc Casum (de quo loquor) ita intelligi volo, vt si quid in his quæ afferro sit boni, id immensæ Misericordiæ & Bonitati diuinæ, & Fœlicitati Temporum Tuorum tribuatur: Cui & Viuus integerrimo affectu seruiui, & Mortuus fortasse id effecero, vt Illa Posteritati, nouâ hac accensâ face in Philosophiæ tenebris, prælucere possint. Meritò autem Temporibus Regis omnium Sapientissimi & Doctissimi, *Regeneratio* ista & *Instauratio* Scientiarum debetur. Superest Petitio, Maiestate Tuâ non indigna; & maximè omnium faciens ad id quod agitur. Ea est, vt quando Salomonem in plurimis referas, Iudiciorum grauitate, Regno pacifico, Cordis latitudine, Librorum deniquè, quos composuisti, Nobili varietate: etiam Hoc ad eiusdem Regis Exemplum addas, vt cures Historiam Naturalem & Expe-

DEDICATORIA.

& Experimentalem, veram & seueram (missis Philologicis) & quæ fit in Ordine ad condendam Philosophiam, denique qualem suo loco describemus; congeri & perfici: Vt tandem post tot Mundi ætates, Philosophia & Scientiæ non sint amplius pensiles & aëreæ, sed solidis Experientiæ omnigenæ, eiusdémque benè pensitatē, nitantur fundamentis. Equidem *Organum* præbui; verum Materies à Rebus ipsis petenda est.

Deus Opt. Max. Maiestatem
Tuam diù seruet incolumem.

Serenissimæ Maiestati Tuæ

Seruus Deuinctissimus,

&

Deuotissimus,

FRANCISCUS VERVLAM,

CANCELLARIUS.



FRANCISCI DE VERVLAMIO, INSTAVRATIO MAGNA.

P R Æ F A T I O.

De statu Scientiarum , quòd non sit fœlix , aut maiorem in
modum auctus ; quodque alia omninò , quàm prio-
ribus cognita fuerit , via aperienda sit Intelle-
ctui humano; & alia comparanda auxilia,
vt mens suo iure in rerum Na-
turam vti possit.



*ſidentur nobis homines, nec
opes , nec vires suas benè
noſſe ; verùm de illis, ma-
iora quàm par eſt , de his,
minora credere. Ita fit ,
vt aut artes receptas inſanis
pretijs æſtimantes, nil am-
pliùs quærant ; aut ſeipſos
plus æquo contemnentes , vires ſuas in leuioribus conſu-
mant ; in ijs , quæ ad ſummam rei faciant , non expe-
riantur.*

riantur. Quare sunt & suæ Scientiis Columnæ, tan-
 quam fatales; cū ad ulterius penetrandum, homi-
 nes nec desiderio, nec spe excitentur. Atque, cū
 opinio copię, inter maximas causas inopię sit; quū-
 que ex fiduciā præsentium, vera auxilia negligantur in
 posterum; ex usu est, & planè ex necessitate, ut ab
 illis quę adhuc inuenta sunt, in ipso operis nostri limine
 (idq̃ relictis ambagibus, & non dissimulanter) hono-
 ris & admirationis excessus tollatur; utili monito, ne
 homines eorum aut copiam, aut utilitatem, in maius
 accipiant, aut celebrent. Nam si quis in omnem
 illam librorum varietatem, quā Artes & Scientiæ ex-
 ultant, diligentius introspiciat, ubiq̃ inueniet eiusdem
 rei repetitiones infinitas, tractandi modis diuersas, in-
 uentione præoccupatas; ut omnia primo intuitu nume-
 rosa, factō examine, pauca reperiantur. Et de utili-
 tate apertè dicendum est; Sapientiam istam, quam
 à Græcis potissimum hausimus, pueritiam quandam
 Scientiæ videri, atque habere quod proprium est puero-
 rum; ut ad garriendum prompta, ad generandum in-
 ualida & immatura sit. Controuersiarum enim ferax,
 operum effœta est. Adeò ut Fabula illa de Scylla, in li-
 terarum statum, qualis habetur, ad viuum quadrare
 videatur; quę virginis os & vultum extulit, ad uterum
 verò monstra latrantia succingebantur & adhærebant.
 Fta habent & Scientiæ, quibus insueuimus, generalia
 quædam blandientia, & speciosa; sed cū ad particu-
 laria ventum sit, veluti ad partes generationis, ut fru-
 ctum & opera ex se edant, tum contentiones & obla-
 trantes disputationes exoriuntur, in quas desinunt, &
 quę

quæ partus locum obtinent. Præterea, si huiusmodi
 Scientiæ planè res mortua non essent, id minimè videtur
 euenturum fuisse, quod per multa iam sæcula vsu
 venit; ut illæ suis immotæ ferè hæreant vestigijs, nec
 incrementa genere humano digna sumant: eò vsque, ut
 sæpenumero non solùm assertio maneat assertio, sed et-
 tiam quæstio maneat quæstio, & per disputationes
 non soluatur, sed figatur, & alatur; omnisque tradi-
 tio & successio disciplinarum representet & exhibeat
 personas Magistri & Auditoris, non Inuentoris, &
 eius qui inuentis aliquid eximium adiiciat. In artibus
 autem mechanicis, contrarium euenire videmus. Quæ, ac
 si auræ cuiusdam vitalis forent participes, quotidie
 crescunt & perficiuntur; & in primis authoribus rudes
 plerunq; & ferè onerosæ, & informēs apparent, postea
 verò nouas virtutes, & commoditatem quandam adipis-
 cuntur, eò vsq; ut citius studia hominum & cupiditates
 deficiant & mutentur, quàm illæ ad culmen, & perfe-
 ctionem suam peruenerint. Philosophia contra, &
 Scientiæ Intellectuales, statuarum more, adorantur &
 celebrantur, sed non promouentur. Quin etiàm in
 primo nonnunquàm authore maximè vigent, & dein-
 cept degenerant. Nam postquàm homines dedititijs
 facti sint, & in vnius sententiam (tanquàm pedarij
 Senatores) coierint, Scientijs ipsis amplitudinem non
 addunt, sed in certis authoribus ornandis & stipandis,
 seruili officio fuaguntur. Neque illud afferat quispi-
 am; Scientias paulatim succrescentes, tandem ad sta-
 tum quendam peruenisse, & tum demùm (quasi con-
 fectis spatijs legitimis) in operibus paucorum sedes fixas

posuisse; atque postquam nil melius inueniri potuerit, restare scilicet, ut quæ inuenta sint, exornentur, & colantur. Atque optandum quidem esset, hæc ita se habuisse. Rectius illud, & verius; istas Scientiarum mancipationes nil aliud esse, quàm rem ex paucorum hominum confidentiâ, & reliquorum socordiâ, & inertia natam. Postquam enim Scientiæ, per partes diligenter fortasse excultæ, & tractatæ fuerint, tum forte exortus est aliquis, ingenio audax, & propter Methodi compendia acceptus, & celebratus, qui specie tenus Artem constituerit, reuera veterum labores corruerit. Id tamen posteris gratum esse solet, propter usum operis expeditum, & inquisitionis nouæ tædium, & impatientiam. Quod si quis, consensu iam inueterato, tanquam Temporis iudicio moueatur; sciat se ratione admodum fallaci, & infirmâ niti. Neque enim nobis magnâ ex parte notum est, quid in Scientiis & Artibus, varijs sæculis & locis, innotuerit, & in publicum emanarit; multò minùs, quid à singulis tentatum sit, & secretò agitatum. Itaque nec Temporis Partus, nec Abortus extant in Fastis. Neque ipse consensus, eiusq; diuturnitas, magni prorsus æstimandus est. Utcunque enim varia sint genera Politiarum, unicus est status Scientiarum, isq; semper fuit, & mansurus est popularis. Atque apud populum plurimùm vigent doctrinæ, aut contentiosæ & pugnaces, aut speciosæ & inanes; quales videlicet assensum aut illaqueant, aut demulcent. Itaq; maxima ingenia proculdubio per singulas ætates vim passa sunt; dum viri captu & intellectu non vulgares, nihilo secius existi-

matio-

mationi suæ consulentes, temporis & multitudinis iudicio se submiserunt. Quamobrem altiores Contemplationes si fortè usquàm emicuerint, opinionum vulgarium ventis subindè agitatae sunt, & extinctae. Ad deò ut Tempus, tanquàm fluius, leuia & inflata ad nos deuexerit, grauias & solida demerserit. Quin & illi ipsi authores, qui dictaturam quandam in Scientijs inuaserunt, & tantà confidentiâ de rebus pronuntiant; cùm tamen per interualla ad se redeunt, ad querimonias de subtilitate Naturæ, veritatis recessibus, rerum obscuritate, Causarum implicatione, ingenij humani infirmitate, se conuertunt: In hoc nihilò tamen modestiores, cùm malint communem hominum & rerum conditionem causari, quàm de seipsis confiteri. Quin illis hoc ferè solenne est, ut quicquid Ars aliqua non attingat, id ipsum ex eadem arte impossibile esse statuunt. Neque verò damnari potest Ars, quùm ipsa disceptet, & iudicet. Itaque id agitur, ut ignorantia etiam ab ignominia liberetur. Atque quæ tradita & recepta sunt, ad hunc ferè modum se habent: quoad opera sterilia, quæstionum plena; incrementis suis tarda & languida; perfectionem in toto simulantia, sed per partes malè impleta; delectu autem popularia, & authoribus ipsis suspecta, ideoq; artificiis quibusdam munita, & ostentata. Qui autem & ipsi experiri, & se Scientijs addere, earumq; fines proferre statuerunt, nec illi à receptis prorsus desciscere ausi sunt, nec fontes rerum petere. Verùm se magnum quiddam consequutos putant, si aliquid ex proprio inferant, & adijciant; prudenter secum reputantes, se in assentien-

do modestiam, in adiiciendo libertatem tueri posse. Verum dum opinionibus & moribus consulitur, mediocritates istæ laudatæ, in magnum Scientiarum detrimentum cedunt. Vix enim datur, authores simul & admirari, & superare. Sed fit aquarum more, quæ non altius ascendunt, quàm ex quo descenderunt. Itaque huiusmodi homines emendant nonnulla, sed parum promouent; & proficiunt in melius, non in maius. Neque tamen defuerunt, qui ausu maiore, omnia integra sibi duxerunt, & ingenii impetu usi, priora prostrando, & destruendo, aditum sibi & placitis suis fecerunt; quorum tumultu non magnoperè profectum est; quum Philosophiam & Artes non re ac opere amplificare, sed placita tantum permutare, atque regnum opinionum in se transferre contenderint: exiguo sanè fructu, quum inter errores oppositos, errandi causæ sint ferè communes. Si qui autem nec alienis, nec propriis placitis obnoxii, sed libertati fauentes, ita animati fuere, ut alios secum simul quærere cuperent; illi sanè affectu honesti, sed conatu inualidi fuerunt. Probabiles enim tantum rationes sequuti videntur, & argumentorum vertigine circumaguntur, & promiscuâ quærendi licentiâ seueritatem inquisitionis eneruârunt. Nemo autem reperitur, qui in rebus ipsis, & Experimentiâ, moram fecerit legitimam. Atque nonnulli rursus qui experientiæ undis se commiserunt, & ferè Mechanici facti sunt; tamen in ipsâ experientiâ Erraticam quandam inquisitionem exercent, nec ei certâ lege militant. Quin & plerique pusilla quædam pensa sibi proposuere, pro magno ducentes, si unum aliquod inuentum eruere possint;

sint; instituto non minùs tenui, quàm imperito. Nemo enim rei alicuius naturam, in ipsà re, rectè aut fœliciter perscrutatur; verùm post laboriosam experientiarum variationem non acquiescit, sed inuenit quod ulterius quærat. Neque illud imprimis omittendum est, quòd omnis in experiendo industria, statim ab initio opera quædam destinata, præpropere & intempestiuo studio captauit; Fructifera (inquam) Experimenta, non Lucifera, quæsiuit; nec ordinem diuinum imitata est, qui primo die lucem tantùm creauit, eique vnum diem integrum attribuit; neque illo die quicquam materiati operis produxit, verùm sequentibus diebus ad ea descendit. At, qui summas Dialecticæ partes tribuerunt, atque inde fidissimæ Scientiæ præsidia comparari putarunt, verissimè & optimè viderunt, intellectum humanum sibi permissum, meritò suspectum esse debere. Verùm infirmior omninò est malo medicina; nec ipsa mali expers. Siquidem Dialectica quæ recepta est, licèt ad Ciuilia & Artes, quæ in sermone & opinione positæ sunt, rectissimè adhibeatur; Naturæ tamen subtilitatem longo interuallo non attingit; & prensando quod non capit, ad errores potius stabiliendos, & quasi figendos, quàm ad viam veritati aperiendam valuit.

Quarè, ut quæ dicta sunt complectamur, non videtur hominibus aut aliena fides, aut industria propria, circa Scientias hæcenus fœlicitèr illuxisse; præsertim quùm & in demonstrationibus, & in experimentis adhuc cognitæ, parùm sit præsidij. Ædificium autem huius Vniuersi, structurâ suâ, intellectui humano contemplan-

templanti, instar labyrinthi est; ubi tot ambigua viarum, tam fallaces rerum & signorum similitudines, tam obliquæ & implexæ Naturarum spiræ & nodi, unde quaque se ostendunt. Fter autem, sub incerto sensû lumine, interdum affulgente, interdum se condente, per experientiæ & rerum particularium sylvas, perpetuò faciendum est. Quin etiam duces itineris (ut dictum est) qui se offerunt, et ipsi implicantur; atque errorum, et errantium numerum augent. In rebus tam duris, de iudicio hominum ex vi propriâ, aut etiam de felicitàte fortuitâ, desperandum est. Neque enim Ingeniorum quantacunque excellentia, neque experiendi alea sæpius repetita, ista vincere queat. Vestigia filo regenda sunt: omnisque via usque à primis ipsis sensuum perceptionibus, certâ ratione munienda. Neque hæc ita accipienda sunt, ac si nihil omnino tot sæculis, tantis laboribus actum sit. Neque enim eorum quæ inuenta sunt, nos pœnitet. Atque antiqui certè in ijs, quæ in ingenio et meditatione abstracta posita sunt, mirabiles se viros præstitere. Verùm, quemadmodum sæculis prioribus cum homines in nauigando per stellarum tantum observationes cursum dirigebant, veteris sanè Continentis oras legere potuerunt, aut maria aliqua minora, et mediterranea traicere; priusquam autem Oceanus traiceretur, et noui Orbis regiones detegerentur, necesse fuit, usum acûs nauticæ, ut ducem viæ magis fidum, et certum, innotuisse: simili prorsus ratione, quæ hucusque in Artibus et Scientijs inuenta sunt, ea huiusmodi sunt, ut usu, meditatione, obseruando, argumentando, reperiri potuerint;

tuerint; utpotè quæ sensibus propiora sint, & communibus notionibus ferè subiaceant. Antequàm verò ad remotiora, & occultiora Naturæ liceat appellere, necessario requiritur, ut melior & perfectior mentis & Intellectus humani usus & adoperatio introducatur.

Nos certè æterno Veritatis amore deuicti, viarum incertis, & arduis, & solitudinibus, nos commisimus; & Diuino auxilio freti & innixi, mentem nostram, & contra opinionum violentias, & quasi instructas acies, & contra proprias & internas hæsitaciones & scrupulos, & contra rerum caligines, & nubes, & vndequaque volantes phantasias, sustinui-
mus; ut tandem magis fida & secunda indicia, viuē-
tibus & posteris comparare possemus. Quâ in re si quid profecerimus, non alia sanè ratio nobis viam aperuit, quàm vera & legitima spiritus humani humiliatio. Omnes enim ante nos, qui ad artes inueniendas se applicuerunt, coniectis paulispèr in res, & exempla, & experientiam oculis, statim, quasi inuentio nil aliud esset, quàm quædam excogitatio, spiritus proprios, ut sibi Oracula exhiberent, quodammodò inuocârunt. Nos verò inter res castè & perpetuò versantes, Intellectum longiùs à Rebus non abstrahimus, quàm ut rerum imagines, & radij (ut in sensu fit) coire possint; undè fit, ut Ingenij viribus & excellentiæ non multum relinquatur. Atque quam in inueniendo adhibemus humilitatem, eandem & in docendo sequuti sumus. Neque enim aut confutationum triumphis, aut antiquitatis aduocationibus, aut authoritatis usurpatione quâdam, aut etiam obscuritatis velo, aliquam his
nostris

nostris inuentis maiestatem imponere, aut conciliare conamur; qualia reperire non difficile esset ei, qui nomini suo, non animis aliorum lumen affundere conaretur. Non (inquam) ullam aut vim, aut insidias hominum iudicijs fecimus, aut paramus; verum eos ad res ipsas, & rerum fœdera adducimus; ut ipsi videant, quid habeant, quid arguant, quid addant, atque in commune conferant. Nos autem si quâ in re, vel malè credidimus, vel obdormiuimus, & minùs attendimus, vel defecimus in viâ, & inquisitionem abruptimus; nihilominus iis modis, res nudas & apertas exhibemus, ut errores nostri, antequàm Scientiæ massam altius inficiant, notari & separari possint; atque etiàm ut facilis & expedita sit laborum nostrorum continuatio. Atque hoc modo, inter Empiricam & Rationalem facultatem (quarum morosa & inauspicata diuortia, & repudia, omnia in humanâ familiâ turbauere) coniugium verum & legitimum, in perpetuùm, nos firmasse existimamus.

Quamobrem, quùm hæc arbitrij nostri non sint; in principio Operis, ad Deum Patrem, Deum Verbum, Deum Spiritum, preces fundimus humillimas, & ardentissimas, ut humani generis ærumnarum memores, & peregrinationis istius vitæ, in quâ dies paucos & malos terimus; nouis suis Eleemosynis, per manus nostras, familiam humanam dotare dignentur. Atque illud insuper supplices rogamus, ne humana diuinis officiant; neue ex reseratione viarum sensus, & accensione maiore luminis naturalis, aliquid incredulitatis & noctis, animis nostris, erga Diuina mysteria oboriatur:

sed

sed potiùs , ut ab intellectu puro , à phantasiis & vanitate repurgato , & diuinis oraculis nihilominùs subdito , & prorsus dedititio , fidei dentur , quæ fidei sunt. Postremò , ut Scientiæ veneno à serpente infuso , quo animus humanus tumet & inflatur , deposito , nec altum sapiamus , nec ultra sobrium , sed veritatem in charitate colamus.

Peractis autem votis , ad homines conuersi , quædam & salutaria monemus , & æqua postulamus. Monemus primùm (quod etiam precati sumus) ut homines sensum in officio , quoad Diuina , contineant. Sensus enim (instar Solis) Globi terrestris faciem aperit , cœlestis claudit , & obsignat. Rursus , ne huiusce mali fugâ , in contrarium peccent ; quod certè fiet , si naturæ Inquisitionem vlla ex parte veluti Interdicto , separatam putant. Neque enim pura illa & immaculata Scientia naturalis , per quam Adam nomina ex proprietate rebus imposuit , principium aut occasionem lapsui dedit. Sed ambitiosa illa & Imperatiua Scientiæ Moralis , de Bono & Malo diiudicantis , cupiditas , ad hoc ut Homo à Deo deficeret , & sibi ipsi leges daret , ea demùm ratio atque modus tentationis fuit. De Scientiis autem quæ Naturam contemplantur , Sanctus ille Philosophus pronuntiat , Gloriam Dei esse celare rem ; gloriam Regis autem rem inuenire : non aliter , ac si Diuina Natura , innocenti & beneuolo puerorum ludo delectaretur , qui ideò se abscondunt ut inueniantur ; atque animam humanam sibi collusorem in hoc ludo , pro suâ in homines indulgentiâ , & bonitate cooptauerit. Postremò omnes in vniuersum

sum monitos volumus, ut Scientiæ veros fines cogitent; nec eam aut animi causâ petant, aut ad contentionem, aut ut alios despiciant, aut ad commodum, aut ad famam, aut ad potentiam, aut huiusmodi inferiora, sed ad meritum, & usus vitæ, eamque in Charitate perficiant, & regant. Ex appetitu enim Potentiæ, Angeli lapsi sunt; ex appetitu Scientiæ, homines; sed Charitatis non est excessus; neque Angelus, aut Homo, per eam unquam in periculum venit.

Postulata autem nostra, quæ afferimus, talia sunt. De nobis ipsis silemus: De re autem quæ agitur, petimus; ut homines eam non Opinionem, sed Opus esse cogitent; ac pro certo habeant, non Sectæ nos alicuius, aut Placiti, sed utilitatis, & amplitudinis humanæ fundamenta moliri. Deinde, ut suis commodis æqui, exutis opinionum zelis & præiudiciis, in commune consulant, ac ab erroribus viarum atque impedimentis, nostris præsidis & auxiliis liberati & muniti, laborum qui restant, & ipsi in partem veniant. Prætereà, ut benè sperent, neque Instaurationem nostram, ut quiddam infinitum, & ultra mortale, fingant, & animo concipiant; quum reuera sit infiniti erroris finis, & terminus legitimus; mortalitatis autem, & humanitatis, non sit immemor, quum rem non intra vnius ætatis curriculum omninò perfici posse confidat, sed successioni destinet; denique Scientias, non per arrogantiam in humani Ingenij cellulis, sed submissè in mundo maiore quærat. Vasta verò, ut plurimum solent esse, quæ inania: solida contrahuntur maximè, & in paruo sita sunt. Postremò etiam petendum

tendum videtur (ne fortè quis rei ipsius periculo nobis iniquus esse velit) ut videant homines, quatenus ex eo quod nobis asserere necesse sit (si modò nobis ipsi constare velimus) de his nostris opinandi, aut sententiam ferendi, sibi ius permissum putent: quùm nos omnem istam rationem humanam præmaturam, anticipantem, & à rebus temerè, & citiùs quàm oportuit, abstractam, (quatenus ad inquisitionem Naturæ) ut rem variam, & perturbatam, & malè extructam, reiiciamus. Neque postulandum est, ut eius iudicio stetur, quæ ipsa in iudicium vocatur.

B

DISTR-

DISTRIBVTIO OPERIS.

Eius constituuntur Partes sex.

Prima ; Pártitiones Scientiarum.

Secunda ; Nouum Organum *sive* Indicia de Interpretatione Naturæ.

Tertia ; Phænomena Vniuersi , *sive* Historia Naturalis & Experimentalis ad condendam Philosophiam.

Quarta ; Scala Intellectus.

Quinta ; Prodromi , *sive* Anticipationes Philosophiæ Secundæ.

Sexta ; Philosophia secunda, *sive* Scientia Actiua.

Singularum Argumenta.



Ars autem Instituti nostri est, ut omnia, quantum fieri potest, aperte & perspicue proponantur. Nuditas enim animi, ut olim corporis, innocentia, & simplicitatis comes est. Pateat itaque primò Ordo Operis,

atque ratio eius. Partes Operis à nobis constituuntur sex.

Prima pars exhibet Scientiæ eius sue Doctrinæ, in cuius possessione humanum genus hæcenus versatur,

Summam, suae Descriptionem vniuersalem. Visum enim est nobis, etiam in ijs, quæ recepta sunt, nonnullam facere moram: eo nimirum consilio, ut facilius & Veteribus perfectio, & Nouis aditus detur. Pari enim ferè studio serimur, & ad vetera excolenda, & ad vltiora assequenda. Pertinet etiam hoc ad faciendam fidem: iuxta illud; Non accipit Indoctus verba Scientiæ, nisi prius ea dixeris, quæ versantur in corde eius. Itaque Scientiarum atque Artium receptarum oras legere, necnon vtilia quædam in illas importare, tanquam in transitu non negligemus.

Partitiones tamen Scientiarum adhibemus eas, quæ non tantum iam inuenta & nota, sed hadenùs omissa, & debita complectantur. Etenim inueniuntur in globo Intellectuali, quemadmodum in Terrestri, & culta pariter, & deserta. Itaque nil mirum videri debet, si à diuisionibus vsitatis quandoque recedamus. Adiectio enim, dum totum variat, etiam partes earumque sectiones necessariò variat: receptæ autem diuisiones, receptæ summæ Scientiarum, qualis nunc est, tantum competunt.

Circa ea verò, quæ ceu omissa notabimus, ita nos geremus; ut non leues tantum titulos & argumenta concisa eorum, quæ desiderantur, proponamus. Nam siquid inter omissa retulerimus, (modò sit dignioris subiecti) cuius ratio paulò videatur obscurior; (adeò ut meritò suspicari possimus, homines non faciliè intellectu-ros, quid nobis velimus, aut quale sit illud opus quod animo & cogitatione complectimur:) perpetuò nobis curæ erit,

erit, aut præcepta huiusmodi Operis conficiendi, aut etiam partem operis ipsius iam à nobis confectam, ad exemplum totius subiungere: ut in singulis aut operâ aut consilio inuenimus. Etenim, etiam ad nostram existimationem, non solum aliorum utilitatem pertinere putauimus; ne quis arbitretur, leuem aliquam de istiusmodi rebus notionem mentem nostram perstrinxisse; atque esse illa, quæ desideramus ac prensamus, tanquam votis similia. Ea verò talia sunt; quorum & penes homines (nisi sibi ipsi desint) potestas planè sit; & nrs apud nosmet rationem quandam certam & explicatam habeamus. Neque enim regiones metiri animo, ut Augures, auspiorum causâ: sed intrare, ut Duces, promerendi studio, suscepimus.

Atque hæc prima Operis pars est.

Porrò præteruecti Artes veteres, Intellectum humanum ad traijciendum instruemus. Destinatur itaque Parti secundæ, Doctrina de meliore & perfectiore usu rationis in Rerum inquisitione, & de auxilijs veris Intellectus: ut per hoc (quantum conditio humanitatis ac mortalitatis patitur) exaltetur Intellectus, & facultate amplificetur ad Naturæ ardua & obscura superanda. Atque est ea, quam adducimus, Ars (quam Interpretationem Naturæ appellare consueuimus) ex genere Logicæ; licet plurimum, atque adeò immensum quiddam intersit. Nam & ipsa illa Logica vulgaris auxilia & præsidia Intellectui moliri ac parare proficitur: & in hoc vno consentiunt. Differt autem planè à Vulgari, rebus præcipuè tribus: viz. ipso fine, ordine demonstrandi, & inquirendi initijs.

Nam huic nostræ Scientiæ finis proponitur ; ut inueniantur non Argumenta , sed Artes ; nec Principijs consentanea , sed ipsa Principia ; nec Rationes probabiles , sed Designationes & indicationes Operum. Itaque ex intentione diuersâ , diuersus sequitur effectus. Illic enim aduersarius Disputatione vincitur & constringitur : hic Naturâ , Opere.

Atque cum huiusmodi fine conueniunt Demonstrationum ipsarum natura & Ordo. In Logicâ enim vulgari opera ferè vniuersa circa Syllogismum consumitur. De Inductione verò Dialectici vix seriò cogitasse videntur ; leui mentione eam transmittentes , & ad disputandi formulas properantes. At nos demonstrationem per Syllogismum reijcimus , quòd confusius agat , & Naturam emittat è manibus. Tametsi enim nemini dubium esse possit , quin , quæ in medio termino conueniunt , ea & inter se conueniant ; (quod est Mathematicæ cuiusdam certitudinis :) nihilominus hoc subest fraudis , quòd Syllogismus ex propositionibus constet , propositiones ex verbis , verba autem notionum tessera & signa sint. Itaque si Notiones ipsæ mentis (quæ verborum quasi anima sunt , & totius huiusmodi structuræ ac fabricæ basis) malè ac temerè à rebus abstractæ , & vagæ , nec satis definitæ & circumscriptæ , denique multis modis vitiosæ fuerint , omnia ruunt. Reijcimus igitur Syllogismum ; neque id solùm quoad principia , (ad quæ nec illi eam adhibent) sed etiam quoad propositiones medias : quas educit sanè atque parturit , vtcunque Syllogismus ; sed operum steriles , & à Practicâ remotas , & planè quo-

ad

ad partem actiuam Scientiarum incompetentes. Quamuis igitur relinquamus Syllogismo & huiusmodi Demonstrationibus famosis ac iactatis, iurisdictionem in Artes populares & opinabiles, (nil enim in hac parte mouemus) tamen ad Naturam Rerum, Inductione per omnia, & tam ad minores propositiones, quàm ad maiores, utimur. Inductionem enim censemus eam esse demonstrandi formam, quæ Sensum tuetur, & Naturam premit, & Operibus imminet ac ferè immiscetur.

Itaque Ordo quoque demonstrandi planè inuertitur. Adhuc enim res ita geri consuevit; ut à sensu & particularibus primo loco ad maximè generalia aduolletur, tanquam ad polos fixos circa quos disputationes vertantur; ab illis cætera per media deriuentur: Viâ certè compendiariâ, sed præcipiti; & ad Naturam imperuiâ, ad Disputationes verò procliu & accommodatâ. At secundum nos, Axiomata continentèr, & gradatim excitantur, ut nonnisi postremo loco ad Generalissimam veniatur: Ea verò Generalissima euadunt, non notionalia, sed benè terminata; & talia quæ Natura ut reuera sibi notiora agnoscat, quæque rebus hareant in medullis.

At in formâ ipsâ quoque Inductionis, & iudicio quod per eam fit, opus longè maximum mouemus. Ea enim de quâ Dialectici loquuntur, quæ præcedit per Enumerationem simplicem, puerile quiddam est; & precariò concludit, & periculo ab instantiâ contradiçtoriâ exponitur, & consueta tantum intuetur; nec exitum reperit.

Atqui

Atqui opus est ad Scientias Inductionis formâ tali, quæ experientiam soluat, & separet, & per exclusiones ac reiectiones debitas necessario concludat. Quòd si Iudicium illud vulgatum Dialecticorum tam operosum fuerit, & tanta ingenia exercuerit; quantò magis laborandum est in hoc altero, quod non tantum ex Mentis penetralibus, sed etiam ex Naturæ visceribus extrahitur?

Neque tamen hic finis. Nam fundamenta quoque Scientiarum fortius deprimimus & solidamus, atque Initia inquirendi altius sumimus, quàm adhuc homines fecerunt: ea subiiciendo examini, quæ Logica vulgaris tanquam fide alienâ recipit. Etenim Dialectici principia Scientiarum à Scientiis singulis tanquam mutuâ sumunt: rursus notiones mentis primas venerantur: Postremò informationibus immediatis sensus bene dispositi acquiescunt. At nos Logicam veram singulas Scientiarum Prouincias maiore cum imperio, quàm penes ipsarum Principia sit, debere ingredi decreuimus: atque illa ipsa Principia putatiua ad rationes reddendas compellere, quousque planè constant. Quod verò attinet ad notiones primas Intellectus; nihil est eorum, quæ Intellectus sibi permissus congeffit, quin nobis pro suspecto sit, nec ullo modo ratum, nisi nouo iudicio se stiterit, & secundum illud pronuntiatum fuerit. Quinetiam sensus ipsius informationes multis modis excutimus. Sensus enim fallunt utique; sed & errores suos indicant: Verùm errores præstò, indicia eorum longè petita sunt.

Duplex autem est Sensûs culpa: Aut enim destituit

nos

nos, aut decipit. Nam primò, plurimæ sunt res quæ sensum etiam rectè dispositum, nec ullo modo impeditum effugiunt; aut subtilitate totius corporis, aut partium minutijs, aut loci distantia, aut tarditate atque etiam velocitate motus, aut familiaritate obiecti, aut alias ob causas. Neque rursus, ubi Sensus rem tenet, prehensiones eius admodum firmæ sunt. Nam testimonium & informatio sensûs semper est ex analogiâ Hominis, non ex analogiâ Uniuersi: atque magno prorsus errore asseritur, Sensem esse mensuram rerum.

Itaque ut his occurratur; nos multo & fido ministerio auxilia Sensui undique conquisuimus, & contraximus: ut desitutionibus substitutiones, variationibus rectificationes suppedientur. Neque id molimur tam Instrumentis, quàm experimentis. Etenim Experimentorum longè maior est subtilitas, quàm Sensus ipse, licet instrumentis exquisitis adiuti: (de iis loquimur Experimentis, quæ ad intentionem eius quod quæritur peritè, & secundum artem excogitata & apposta sunt.) Itaque perceptioni Sensûs immediatæ ac propriæ non multum tribuimus: sed eò rem deducimus, ut Sensus tantum de Experimento, Experimentum de Re iudicet. Quare existimamus nos Sensûs (à quo omnia in Naturalibus petenda sunt, nisi fortè libeat insanire) Antistites religiosos, & oraculorum eius non imperitos Interpretes nos præstitisse: ut alii professione quadam, nos re ipsâ Sensem tueri, ac colere videamur. Atque huiusmodi sunt ea, quæ ad lumen ipsum Naturæ, eiusque accensionem, & immis-

sionem

sionem paramus : quæ per se sufficere possent , si Intellectus humanus æquus & instar tabulæ abrasæ esset. Sed cùm mentes hominum miris modis adeò obsessæ sint, ut ad veros Rerum radios excipiendos sincera & polita area prorsus desit ; necessitas quædam incumbit , ut etiam huic rei remedium quærendum esse putemus.

Idola autem, à quibus occupatur Mens, vel Adscititia sunt , vel Innata. Adscititia verò immigrarunt in mentes hominum , vel ex Philosophorum placitis & sectis , vel ex peruersis legibus demonstrationum. At Innata inhaerent Naturæ ipsius Intellectus , qui ad errorem longè procliuior esse deprehenditur , quàm Sensus. Utcunque enim homines sibi placeant, & in admirationem Mentis humanæ ac ferè adorationem ruant , illud certissimum est ; Sicut speculum inæquale rerum radios ex figurâ & sectione propriâ immutat ; ita & Mentem , cùm à rebus per Sensum patitur , in notionibus suis expediendis & comminiscendis, haud optimâ fide Rerum naturæ suam naturam inserere & immiscere.

Atque priora illa duo Idolorum genera , agrè ; postrema verò hæc nullo modo euelli possunt. Id tantum relinquitur , ut indicentur ; atq; ut vis ista Mentis insidiatrix notetur & conuincatur , ne fortè à destructione veterum , noui subindè errorum surculi ex ipsâ malâ complexione Mentis pullulent ; eoque res recidat, ut errores non extinguantur , sed permutentur: Verùm è contra , ut illud tandem in æternum ratum & fixum sit , Intellectum nisi per Inductionem , eiusque

que formam legitimam, iudicare non posse. Itaque Doctrina ista de expurgatione Intellectus, ut ipse ad veritatem habilis sit, tribus redargutionibus absoluitur: Redargutione Philosophiarum, Redargutione Demonstrationum, & Redargutione Rationis humanæ nativæ. His verò explicatis, ac postquam demùm patuerit, quid Rerum natura, quid Mentis natura ferat; existimamus nos thalamum Mentis & Univerſi, pronubâ diuinâ bonitate, straviſſe & ornaſſe. Epithalamij autem votum ſit, ut ex eo connubio auxilia humana, & ſtirps Inventorum, quæ neceſſitates ac miſerias hominum aliquâ ex parte doment & ſubigant, ſuſcipiatur. Hæc verò eſt Operis pars ſecunda.

At vias non ſolùm monſtrare & munire, ſed inire quoque conſilium eſt. Itaque Tertia pars Operis complectitur Phænomena Univerſi; hoc eſt, omni-genam Experientiam, atque Hiſtoriam Naturalem, eius generis, quæ poſſit eſſe ad condendam Philoſophiam fundamentalis. Neque enim excellens aliqua Demonſtrandi via, ſue Naturam Interpretandi forma; ut Mentem ab errore & lapſu defendere ac ſuſtinere, ita ei materiam ad ſciendum præbere & ſubminiſtrare poſſit. Verùm ijs, quibus non conijcere & hâriolari, ſed inuenire & ſcire propoſitum eſt; quique non ſimiolas & fabulas Mundorum commiſci; ſed huius ipſius veri Mundi naturam introſpicere, & velut diſſecare in animo habent; omnia à Rebus ipſis petenda ſunt. Neque huic labori, & inquisitioni, ac mundanæ perambulationi vlla ingenij,
aut

aut meditationis, aut argumentationis substitutio, aut compensatio sufficere potest; non si omnia omnium ingenia coierint. Itaque aut hoc prorsus habendum, aut negotium in perpetuum deferendum. Ad hunc verò usque diem ita cum hominibus actum est, ut minimè mirum sit, si *Natura* sui copiam non faciat.

Nam primò, sensus ipsius *Informatio*, & deferens, & fallens: *Observatio*, indiligens, & inæqualis, & tanquam fortuita: *Traditio*, vana, & ex rumore: *Practica*, operi intenta & seruilis: vis *Experimentalis*, cæca, stupida, vaga, & prærupta: denique *Historia naturalis*, levis & inops; vitiosissimam materiam *Intellectui* ad *Philosophiam* & *Scientias* con-gesserunt.

Deindè, præpostera *Argumentandi* subtilitas & ventilatio, serum rebus planè desperatis tentatur remedium: nec negotium ullo modo restituit, aut errores separat. Itaque nulla spes maioris augmenti, ac progressus sita est, nisi in *Restaurazione* quadam *Scientiarum*.

Huius autem exordia omninò à naturali *Historiâ* sumenda sunt, eâque ipsâ noui cuiusdam generis & apparatus. Frustrà enim fuerit speculum expolire, si desint imagines: & planè *Materia* idonea præparanda est *Intellectui*, non solum præsidia fida comparanda. Differt verò rursus *Historia* nostra (quemadmodum *Logica* nostra) ab eâ quæ habetur, multis rebus: sine, siue officio; ipsâ mole & congerie; dein subtilitate; etiam delectu; & constitutione in ordine ad ea quæ sequuntur.

Primò

Primò enim eam proponimus *Historiam Naturalem*; quæ non tam aut rerum varietate delectet, aut præsentis Experimentorum fructu iuuet; quàm lucem Inventioni causarum affundat, & Philosophiæ enutricandæ primam mammam præbeat. Licet enim Opera, atque *Actiuam Scientiarum partem* præcipuè sequamur, tamen messis tempus expectamus, nec muscum & segetem herbidam demetere conamur. Satis enim scimus *Axiomata rectè inuenta*, tota agmina Operum secum trahere; atq; opera non sparsim, sed conferatim exhibere. Intempestiuum autem illum & puerilem affectum, ut pignora aliqua nouorum Operum propere captentur, prorsus damnamus & amouemus, ceu pomum Atalantæ quod cursum retardat. Atque *Historiæ nostræ Naturalis Officiū* tale est.

Quoad Congeriem verò, conficimus *Historiam* non solum *Naturæ liberæ ac solutæ*; (cū scilicet illa sponte fluit, & opus suum peragit; qualis est *Historia Cælestium, Meteororum, Terræ, & Maris, Mineralium, Plantarum, Animalium*;) sed multò magis *Naturæ constrictæ & vexatæ*; nempe, cū per *Artem & ministerium humanum* de statu suo detruditur, atque premitur & fingitur. Itaque omnia *Artium Mechanicarum, omnia Operatiuæ partis Liberalium, omnia Practicarum complurium*, quæ in *Artem propriam* non cōaluerant, *Experimenta*, (quantum inquirere licuit, & quantum ad finem nostrum faciunt) perscribimus. Quin etiam (ut quod res est, eloquamur) faslum hominum & speciosa nil morati, multò plus & operæ & præsidii in hac parte, quàm in illâ alterâ, ponimus:

C

quan-

quandoquidem *Natura* rerum magis se prodit per vexationes *Artis*, quàm in libertate propriâ.

Neque Corporum tantum *Historiam* exhibemus, sed diligentia insuper nostræ esse putauimus, etiam *Virtutum* ipsarum (illarum dicimus, quæ tanquàm *Cardinales* in *Naturâ* censerî possint, & in quibus *Naturæ* primordia planè constituuntur; utpotè *Materia* primis *Passionibus* ac desiderijs; viz. *Denso*, *Raro*, *Calido*, *Frigido*, *Consistenti*, *Fluidò*, *Gravi*, *Leui*, alijsque haud paucis) *Historiam* seorsum comparare.

Enimuerò ut de *Subtilitate* dicamus, planè conquirimus genus *Experimentorum* longè subtilius & simplicius quàm sunt ea quæ occurrunt. Complura enim à tenebris educimus & eruimus, quæ nulli in mentem venisset inuestigare, nisi qui certo & constanti tramite ad inuentionem *Causarum* pergeret; cùm in se nullus magnoperè sint usus; ut liquido appareat, ea non propter se quæsitâ esse; sed ita prorsus se habeant illa ad *Res* & *Opera*, quemadmodum *literæ* *Alphabeti* se habeant ad *Orationem* & *verba*: quæ licèt per se inutiles, eadem tamen omnis sermonis elementa sunt.

In *Delectu* autem *Narrationum* & *Experimentorum* meliùs hominibus cauisse nos arbitramur, quàm qui adhuc in *Historiâ* *Naturali* versati sunt. Nam omnia fide oculatâ, aut saltem perspectâ, & summa quadam cum seueritate recipimus: ita ut nil referatur auctum *Miraculi* causâ, sed quæ narramus, à fabulis & vanitate casta & intemerata sint. Quinetiam & recepta quæque ac iactata mendacia (quæ mirabili quodam

dam neglectu per sæcula multa obtinuerunt & inueterata sunt) nominatim proscribimus & notamus; ne Scientijs ampliùs molestæ sint. Quod enim prudenter animaduertit quidam; fabulas, & superstitiones, & nugas, quas Nutriculae pueris instillant, mentes eorum etiam seriò deprauare: ita eadem nos mouit ratio, ut solliciti atque etiam anxij simus, ne ab initio, cum veluti infantiam Philosophiæ sub Historiâ Naturali tractemus & curemus; illa alicui vanitati assuescat. At in omni Experimento nouo & paulò subitiorre, licet (ut nobis videtur) certo ac probato, modum tamen experimenti, quo vsi sumus, aperte subiungimus: ut, postquàm patefactum sit, quomodò singula nobis constiterint; videant homines quid erroris subesse & adhærere possit; atque ad probationes magis fidas, & magis exquisitas (si quæ sint) expergiscantur: Denique ubique monita, & scrupulos, & cautiones aspergimus, religione quadam, & tanquam exorcismo omnia phantasmata eiicientes, ac cohibentes.

Postremò, cum nobis exploratum sit, quantòperè Experientia & Historia aciem mentis humanæ disgreget; & quàm difficile sit (præsertim animis vel tenebris, vel præoccupatis) à principio cum Naturâ consuescere; adiungimus sæpiùs obseruationes nostras; tanquam primas quasdam conuersiones & inclinationes, ac veluti aspectus Historiæ ad Philosophiam: ut & pignoris loco hominibus sint, eos in Historiæ fluctibus perpetuò non detentos iri; utque, cum ad opus Intellectus deueniatur, omnia sint magis in procinctu. Atque per huiusmodi (qualem describimus) Historiam

riam Naturalem, aditum quendam fieri posse ad Naturam tutum & commodum; atque Materiam Intellectui præberi probam & præparatam censemus.

Postquam verò & Intellectum fidiſſimis auxiliis ac præſidiis ſtipauimus, & iuſtum Diuinorum Operum exercitum ſeueriſſimo delectu comparauimus; nil amplius ſuperesse videtur, niſi vt Philoſophiam ipſam aggrediamur. Attamen in retam arduâ & ſuſpenſâ, ſunt quedam quæ neceſſariò videntur interponenda: partim docendi gratiâ, partim in vſum præſentem.

Horum primum eſt, vt Exempla proponantur inquirendi & inueniendi, ſecundùm noſtram rationem ac viam, in aliquibus ſubiectis repræſentata: ſumendo ea potiffimum ſubiecta, quæ, & inter ea quæ quæruntur, ſunt nobiliſſima, & inter ſe maximè diuerſa; vt in vnoquoque genere Exemplum non deſit. Neque de iis Exemplis loquimur, quæ ſingulis Præceptis ac Regulis illuſtrandi gratiâ adiiciuntur: (hoc enim in Secunda Parte operis abundè præſtitimus) ſed planè Typos intelligimus & Plasmata, quæ vniuerſum Mentis proceſſum, atque inueniendi continuatam fabricam & ordinem in certis ſubiectis, iisſque variis & inſignibus, tanquàm ſub oculos ponant. Etenim nobis in mentem venit, in Mathematicis, aſtante machinâ, ſequi Demonſtrationem facilem & perſpicuam: contrâ, abſque hac commoditate, omnia videri inuoluta, & quàm reuerà ſunt, ſubtiliora. Itaque huiusmodi Exemplis Quartam partem noſtri Operis attribuimus: quæ reuerà nil aliud eſt, quam Secundæ Partis applicatio particularis & explicata.

At quinta pars ad tempus tantum, donec reliqua perficiantur, adhibetur: & tanquam fœnus redditur, usque dum sors haberi possit. Neque enim finem nostrum ita petimus occæcati; ut, quæ occurrunt in viâ utilia, negligamus. Quamobrem Quintam partem Operis ex ijs conficimus, quæ à nobis aut inuenta, aut probata, aut addita sunt: Neque id tamen ex rationibus atque præscriptis Interpretandi; sed ex eodem Intellectus usu, quem alii in inquirendo & inueniendo adhibere consueverunt. Etenim cum, ex perpetuâ nostrâ cum Natura consuetudine, maiora de Meditationibus nostris, quam pro ingenii viribus, speramus; tunc poterunt ista veluti tabernaculorum in viâ positorum vice fungi, ut mens ad certiora contendens in iis paulisper acquiescat. Attamen testamur interim, nos illis ipsis, quod ex verâ interpretandi formâ non sint inuenta, aut probata, teneri minimè velle. Istam verò Iudicii suspensionem, non est quod exhorreat quispiam in Doctrinâ, quæ non simpliciter nil sciri posse, sed nil nisi certo ordine & certâ viâ sciri posse asserit: atque interea tamen certos Certitudinis gradus ad usum & leuamen constituit; donec Mens in Causarum explicatione consistat. Neque enim illæ ipsæ Scholæ Philosophorum, qui Acatalepsiam simpliciter tenuerunt, inferiores fuere istis quæ promuntiandi licentiam usurpârunt. Illæ tamen Sensui & Intellectui auxilia non parauerunt, quod nos fecimus: sed fidem & authoritatem planè sustulêrunt; quod longè alia res est, & ferè opposita.

Sextâ tandem pars Operis nostri (cui reliquæ in-

seruiunt ac ministrant) eam demùm recludit & proponit Philosophiam, quæ ex huiusmodi (qualem antè docuimus & parauimus) inquisitione legitimâ, & castâ, & seuerâ educitur & constituitur. Hanc verò postremam Partem perficere & ad exitum perducere, res est & suprâ vires, & ultra spes nostras collocata. Nos ei initia (ut speramus) non contemnenda, exitum generis humani fortuna dabit; qualem fortè homines in hoc Rerum & Animorum statu, haud facilè animo capere aut metiri queant. Neque enim agitur solùm fœlicitas Contemplatiua, sed verè res humanæ & fortunæ, atque omnis Operum potentia. Homo enim Naturæ minister & interpretantur facit & intelligit, quantum de Naturæ ordine, Opere, vel Mente, obseruauerit: nec amplius scit, aut potest. Neque enim vllæ vires Causarum catenam soluere aut perfringere possint: neque Natura alitèr quàm parendo vincitur. Itaque intentiones geminæ illæ, humanæ scilicet Scientiæ, & Potentiæ, verè in idem coincidunt: & frustratio Operum maximè fit ex ignorance Causarum.

Atque in eo sunt omnia, siquis oculos Mentis à Rebus ipsis nunquam deiciens, earum imagines planè ut sunt, excipiat. Neque enim hoc siverit Deus, ut Phantasie nostræ somnium pro Exemplari Mundi edamus: sed potiùs benignè faueat, ut Apocalipsim, ac veram visionem vestigiorum & sigillorum Creatoris super Creaturas, scribamus.

Itaque Tu Pater, qui lucem visibilem primitias Creaturæ dedisti, & lucem Intellectualem ad fastigium Operum

Operum tuorum in faciem Hominis inspirasti ; Opus hoc , quod à tua Bonitate profectum , tuam gloriam repetit , tuere & rege. Tu postquam conuersus es ad spectandum Opera quæ fecerunt manus tuæ , vidisti quòd omnia essent bona valdè ; & requieuiisti. At Homo conuersus ad Opera quæ fecerunt manus suæ , vidit quòd omnia essent vanitas & vexatio spiritus ; nec ullo modo requieuit. Quare si in Operibus tuis sudabimus , facies nos visionis tuæ & Sabbati tui participes. Supplices petimus , vt hæc mens nobis constet : vtque nouis Eleemosynis per manus nostras & aliorum , quibus eandem mentem largièris , familiam humanam dotatam velis.

DEEST PARS PRIMA
INSTAVRATIONIS,
QVÆ COMPLECTITVR
PARTITIONES SCIENTIARVM.

Illæ tamen ex Secundo Libro de Progres-
sibus faciendis in Doctrinâ Di-
uinâ & Humanâ, nonnul-

la ex parte peti
possunt.

SEQVITVR SECVNDA PARS
INSTVARATIONIS,
QVÆ ARTEM IPSAM

Interpretandi Naturam, & verioris adoperatio-
nis Intellectûs exhibet: neque eam ipsam
tamen in Corpore tractatûs iusti;
sed tantùm digestam per
summas, in Apho-
rismos.

PRAEFA-

AMERICAN
 INDIAN
 MUSEUM
 1200 UNIVERSITY AVENUE
 COLUMBIA, MISSOURI
 U.S.A.
 1907

AMERICAN
 INDIAN
 MUSEUM
 1200 UNIVERSITY AVENUE
 COLUMBIA, MISSOURI
 U.S.A.
 1907

AMERICAN

PARS SECVNDA OPERIS,
QVÆ DICITVR
NOVVM ORGANVM,
SIVE
INDICIA VERA
DE INTERPRETATIONE
NATVRÆ.



PARS SECUNDA OPERIS

QVAE DICITUR

NOVVM ORGANVM

217 E

INDICIA ALIA

DE MYSTERIIS REVELATIONIS

MYSTERIA





PRAEFATIO.



Vi de Naturâ, tanquàm de re exploratâ, pronuntiare ausi sunt; siue hoc ex animi fiduciâ fecerint, siue ambiziose, & more professorio; maximis illi Philosophiam, & Scientias detrimentis affecerunt. Ut enim ad fidem faciendam validi, ita etiam ad inquisitionem extinguendam & abrumpendam efficaces fuerunt. Neque virtute propria tantum profuerunt, quantum in hoc nocuerunt; quod aliorum virtutem corruerint, & perdiderint. Qui autem contrariam huic viam ingressi sunt, atque nihil prorsus sciri posse asseruerunt, siue ex Sophistarum veterum odio, siue ex animi fluctuatione, aut etiam ex quadam doctrinæ copiâ, in hanc opinionem delapsi sint, certè non contemnendâs eius rationes adduxerunt; veruntamen nec à veris initijs sententiam suam deriuârunt, & studio quodam, atque affectatione prouecti, prorsus modum excesserunt. At antiquiores ex Græcis (quorum scripta perierunt)

D

inter

inter pronuntiandi iactantiam, & Acatalepsiae desperationem, prudentius se sustinuerunt: Atque de inquisitionis difficultate, & rerum obscuritate, sæpius querimonias & indignationes miscentes, & veluti frænum mordentes, tamen propositum urgere, atque Naturæ se immiscere, non destiterunt: Consensaneum (ut videtur) existimantes, hoc ipsum (videlicet virum aliquid sciri possit) non disputare, sed experiri. Et tamen illi ipsi, impetu tantum intellectus vsi, Regulam non adhibuerunt, sed omnia in acri meditatione, & mentis volutatione, & agitatione perpetuâ, posuerunt.

Nostra autem ratio, ut opere ardua, ita dictu facilis est. Ea enim est, ut certitudinis gradus constituamus, Sensum per reductionem quandam tueamur, sed Mentis opus quod Sensum subsequitur, plerumque reiiciamus; nouam autem & certam viam, ab ipsis Sensuum perceptionibus, Menti aperiamus, & muniamus. Atque hoc proculdubio viderunt & illi, qui tantas Dialecticæ partes tribuerunt. Ex quo liquet, illos Intellectui adminicula quæsuisset, Mentis autem processum natium, & sponte mouentem, suspectum habuisse. Sed serum planè rebus perditis hoc adhibetur remedium; postquam Mens ex quotidianâ vitæ consuetudine, & auditionibus, & doctrinis inquinatis occupata, & vanissimis Idolis obsessa fuerit. Itaque Ars illa Dialecticæ, serò (ut diximus) cauens, neque rem ullo modo restituens, ad errores potius figendos, quam ad

ad veritatem aperiendam valuit. *Reſtat vnica ſalus, ac ſanitas, vt opus Mentis vniuerſum de integro reſumatur; ac Mens, iam ab ipſo principio, nullo modo ſibi permittatur, ſed perpetuò regatur; ac res, veluti per machinas, conficiatur. Sanè ſi homines opera Mechanica nudis manibus, abſque inſtrumentorum vi, & ope, aggreſſi eſſent, quemadmodum opera Intellectualia nudis ſerè Mentis viribus tractare non dubitârunt; parux admodum fuiſſent res, quas mouere & vincere potuiſſent, licèt operas enixas, atque etiam coniunctas præſtituiſſent. Atque ſi pauliſper morari, atque in hoc ipſum exemplum, veluti in ſpeculum, intueri velimus; exquiramus (ſi placet) ſi fortè obeliſcus aliquis, magnitudine inſignis, ad triumphi vel huiuſmodi magnificentiæ decus transferendus eſſet, atque id homines nudis manibus aggrederentur, annon hoc magnæ cuiuſdam eſſe dementiæ, ſpectator quiſpiam rei ſobrius fateretur? Quòd ſi numerum augerent operariorum, atque hoc modò ſe valere poſſe conſiderent, annon tantò magis? Sin autem delectum quendam adhibere vellent, atque imbecilliores ſeparare, & robuſtis tantùm & vigentibus vtì, atque hinc ſaltem ſe voti compotes fore ſperarent, annon adhuc eos impenſiùs delirare diceret? Quin etiam ſi hoc ipſo non contenti, artem tandem athleticam conſulere ſtatuerent, ac omnes deinceps manibus, & lacertis, & neruis ex arte bene vinctis, & medicatis, adeſſe iuberent, annon proriùs eos dare operam, vt cum ratione quâdam & prudentia*

dentia insanirent, clamaret? Atque homines tamen simili malesano impetu, & conspiratione inutili, feruntur in Intellectualibus; dum ab ingeniorum vel multitudine & consensu, vel excellentia & acumine, magna sperant; aut etiam Dialecticâ (quæ quædam Athletica censerî possit) mentis nervos roborant: Sed interim licet tanto studio & conatu, (si quis verè iudicauerit) intellectum nudum applicare non desinunt. Manifestissimum autem est, in omni opere magno, quod manus hominis præstat, sine instrumentis & machinis, vires nec singulorum intendi, nec omnium coire posse.

Itaque ex his quæ diximus præmissis, statuimus duas esse res, de quibus homines planè monitos volumus, nè fortè illæ eos fugiant, aut prætereant. Quarum prima huiusmodi est; fieri fato quodam (ut existimamus) bono, ad extinguendas & depellendas contradictiones, & tumores animorum, ut & Veteribus honor, & reuerentia intacta, & imminuta maneant, & nos destinata perficere, & tamen modestiæ nostræ fructum percipere possimus. Nam nos, si profiteamur nos meliora afferre quàm antiqui, eandem quam illi viam ingressi; nullâ verborum arte efficere possimus, quin inducatur quædam ingenij, vel excellentiæ, vel facultatis comparatio, siue contentio; non ea quidem illicita, aut noua; (Quidni enim possimus, pro iure nostro (neque eo ipso alio, quàm omnium) si quid apud eos non rectè inuentum, aut positum sit, reprehendere, aut notare?) Sed tamen utcunque iusta aut permissa; nihilominus impar fortasse

fortasse fuisset ea ipsa contentio, ob virium nostrarum modum. Verùm quùm per nos illud agatur, ut alia omninò via Intellectui aperiatur, illis intentata & incognita, commutata iam ratio est; cessant studium & partes; nosque indicis tantummodò personam sustinemus; quod mediocris certè est authoritatis, & fortunæ cuiusdam potiùs, quàm facultatis & excellentiæ. Atque hæc moniti species ad Personas pertinet, altera ad Res ipsas.

Nos siquidem de deturbandâ eâ, quæ nunc floret, Philosophiâ, aut si quæ alia sit, aut erit, hâc emendatior, aut auctior, minimè laboramus. Neque enim officimus, quin Philosophia ista recepta, & aliæ id genus, disputationes alant, Sermones ornent, ad professoria munera, & vitæ ciuilis compendia, adhibeantur, & valeant. Quin etiam apertè significamus, & declaramus, eam quam nos adducimus Philosophiam, ad istas res admodùm vtilem non futuram. Non præstò est; neque in transitu capitur; neque ex prænotionibus Intellectui blanditur; neque ad vulgi captum, nisi per utilitatem, & effecta descendet.

Sint itaque (quod fœlix faustùmque sit vtrique parti) duæ doctrinarum emanationes, ac duæ dispensationes; duæ similiter Contemplantium, siuè Philosophantium Tribus, ac veluti Cognationes; atque illæ neutiquam inter se inimicæ, aut alienæ, sed fœderatæ, & mutuis auxilijs deuinctæ: sit denique alia Scientias Colendi, alia Fnueniendi ratio. Atque quibus prima potior & acceptior est, ob festinationem, vel vitæ ciuili-

lis

lis rationes, vel quòd illam alteram ob mentis infirmitatem capere & complecti non possint, (id quod longè plurimis accidere necesse est) optamus, vt ijs fœliciter, & ex voto succedat, quod agunt; atque vt quod sequuntur, teneant. Quòd si cui mortalium cordi & curæ sit, non tantùm Inuentis hærerere, atque ijs vti, sed ad vltiora penetrare; atque non disputando aduersarium, sed opere naturam vincere; denique, non bellè & probabiliter opinari, sed certò & ostensuè scire; tales, tanquam veri Scientiarum filij, nobis (si videbitur) se adiungant; vt omiſſis Naturæ atrijs, quæ infiniti contriuerunt, aditus aliquando ad interiora pateſiat. Atque vt meliùs intelligamur, vtque illud ipsum quod volumus, ex nominibus impositis magis familiariter occurrat; altera ratio, suè via, Anticipatio Mentis; altera, Interpretatio Naturæ, à nobis appellari consuevit.

Est etiam quod petendum videtur. Nos certè cogitationem suscepimus, & curam adhibuimus, vt quæ à nobis proponentur, non tantùm vera essent, sed etiam ad animos hominum (licèt miris modis occupatos & interclusos) non incommodè, aut asperè accederent. Veruntamen æquum est, vt ab hominibus impetremus, (in tantâ præsertim Doctrinarum & Scientiarum restauratione) vt qui de hisce nostris aliquid, siue ex sensu proprio, siue ex authoritatum turbâ, siue ex demonstrationum formis (quæ nunc tanquam Leges quædam iudiciales inualuerunt) statuere, aut existimare velit; nè id in transitu, & velut aliud agendo, facere se posse

se posse speret; sed ut rem pernoscat; nostram, quam describimus & munimus, viam, ipse paulatim tentet; subtilitati rerum, quæ in experientia signata est, assuescat; prauos denique, atque altè hærentes mentis habitus, tempestiuâ, & quasi legitimâ morâ corrigat; atque tum demum (si placuerit) postquam in potestate suâ esse cœperit, iudicio suo utatur.

SEQVITVR

PARTIS SECVNDÆ SVMMÆ;

DIGESTA

IN APHORISMOS.

PARTIS SECVNDÆ
S V M M A,
D I G E S T A
I N
A P H O R I S M O S.

PHOTODUPLICATION

2 V M M A

1972

PHOTODUPLICATION



APHORISMI

DE INTERPRETATIONE

NATVRAE,

ET REGNO HOMINIS.

APHORISMVS

I.



Homo Naturæ minister, & Interpreter, tantum facit, & intelligit, quantum de Naturæ Ordine re, vel mente, obseruauerit, nec ampliùs scit, aut potest.

II.

*N*Ec manus nuda, nec Intellectus sibi permissus, multùm valet; Instrumentis & auxilijs res perficitur; quibus opus est, non minùs ad intellectum, quàm ad manum. Atque vt instrumenta manùs motum aut

Ez

cient,

cient, aut regunt; Ita & instrumenta Mentis, Intellectui aut suggerunt, aut cauent.

III.

Scientia & Potentia humana in idem coincidunt, quia ignoratio causæ destituit effectum. Natura enim non nisi parendo vincitur: Et quod in Contemplatione, instar causæ est; Id in Operatione, instar Regule est.

IV.

Ad opera nil aliud potest Homo, quàm vt corpora naturalia admoueat, & amoueat: reliqua, Natura intus transigit.

V.

Solent se immiscere Naturæ (quoad Opera) Mechanicus, Mathematicus, Medicus, Alchymista, & Magus: sed omnes (vt nunc sunt res) conatu leui, successu tenui.

VI.

Insanum quiddam esset, & in se contrarium, existimare ea, quæ adhuc nunquàm facta sunt, fieri posse, nisi per modos adhuc nunquàm tentatos.

VII.

Generationes Mentis & Manús numerosæ admodum videntur in libris, & Opificijs. Sed omnis ista varietas sita est in subtilitate eximiâ, & deriuationi-

tionibus paucarum rerum, quæ innotuerunt; non in numero Axiomatum.

VIII.

Etiam Opera, quæ iam inuenta sunt, Casui debentur, & Experientiæ, magis quàm Scientijs: Scientiæ enim, quas nunc habemus, nihil aliud sunt quàm quædam Concinnationes rerum antea inuentarum; non modi inueniendi, aut designationes nouorum Operum.

IX.

Causa verò & radix ferè omnium malorum in Scientijs ea vna est; quòd dum Mentis humanæ vires falsò miramur & extollimus, vera eius auxilia non quæramus.

X.

Subtilitas Naturæ subtilitatem Sensûs & Intellectûs multis partibus superat; vt pulchræ illæ meditationes, & speculationes humanæ, & Causationes, res male-sana sint, nisi quòd non adsit, qui aduertat.

XI.

Sicut Scientiæ, quæ nunc habentur, inutiles sunt ad inuentionem Operum: Ita & Logica quæ nunc habetur, inutilis est ad inuentionem Scientiarum.

XII.

Logica, quæ in usu est, ad errores (qui in notionibus vulgaribus fundantur) stabiliendos & figendos

gendos valet, potius quàm ad inquisitionem veritatis; ut magis damnosa sit, quàm utilis.

XIII.

Syllogismus ad Principia Scientiarum non adhibetur, ad media Axiomata frustra adhibetur, cum sit subtilitati Naturæ longè impar. Assensum itaque constringit, non res.

XIV.

Syllogismus ex Propositionibus constat, propositiones ex verbis, verba Notionum tesserae sunt. Fia-
que si notiones ipsæ (id quod basis rei est) confusæ sint, & temerè à rebus abstractæ; nihil in ijs, quæ superstruuntur, est firmitudinis. Itaque spes est vna in Inductione verâ.

XV.

In Notionibus nil sani est, nec in Logicis, nec in Physicis; non Substantia, non Qualitas, Agere, Pati, ipsum Esse, bonæ notiones sunt; multò minùs Graue, Leue, Densum, Tenue, Humidum, Siccum, Generatio, Corruptio, Attrahere, Fugare, Elementum, Materia, Forma, & id genus; sed omnes phantasticæ & malè terminatæ.

XVI.

Notiones infimarum Specierum, Hominis, Canis, Columbæ, & prehensionum immediatarum

rum sensûs; Calidi, Frigidi, Albi, Nigri, non fallunt magnoperè; quæ tamen ipsæ à fluxu *Materiae* & *Commissione rerum* quandoque confunduntur; reliquæ omnes (quibus homines hætenùs vsi sunt) aberrationes sunt, nec debitis modis à rebus abstractæ, & excitatæ.

XVII.

NEc minor est libido & aberratio in constituendis Axiomatibus, quàm in Notionibus abstrahendis; idque in ipsis principiis, quæ ab inductione vulgari pendent. At multò maior est in Axiomatibus, & propositionibus inferioribus, quæ educit Syllogismus.

XVIII.

QUæ adhuc inuenta sunt in Scientiis, ea huiusmodi sunt, vt notionibus vulgaribus ferè subiaceant: Ut verò ad interiora & remotiora *Naturæ* penetretur, necesse est, vt tam Notiones, quàm Axiomata magis certâ & munitâ viâ à rebus abstrahantur; atque omninò melior & certior Intellectûs adoperatio, in vsum veniat.

XIX.

DUæ viæ sunt, atque esse possunt ad inquirendam & inueniendam veritatem. Altera à sensu & particularibus aduolat ad Axiomata maximè generalia, atque ex ijs principijs eorumque immotâ veritate, indicat & inuenit Axiomata media: Atque hæc via
in usu

in usu est; Altera à sensu & particularibus excitat Axiomata, ascendendo continentèr & gradatim, ut ultimo loco perueniatur ad maximè generalia; quæ via vera est, sed intentata.

XX.

Eandem ingreditur viam (priorem scilicèt) Intellectus sibi permissus, quam facit ex ordine Dialecticæ. Gestit enim Mens exilire ad magis generalia, ut acquiescat: Et post paruum moram fastidit experientiam: Sed hæc mala demùm aucta sunt à Dialecticâ ob pompas disputationum.

XXI.

In Intellectus sibi permissus, in ingenio sobrio & patiente, & graui (præsertim si à doctrinis receptis non impediatur) tentat nonnihil illam alteram viam, quæ recta est, sed exiguo profectu; cum Intellectus, nisi regatur & iuuetur, res inæqualis sit, & omninò inhabilis ad superandam rerum obscuritatem.

XXII.

Vtraque via orditur à sensu & particularibus, & acquiescit in maximè generalibus: Sed immensum quiddam discrepant; cum altera perstringat tantum experientiam & particularia cursim; altera in ijs ritè & Ordine versetur; Altera rursus iam à principio constituat generalia quædam abstracta, & inutilia; altera gradatim exurgat ad ea quæ reuerà Naturæ sunt notiora.

Non

XXIII.

Non leue quiddam interest inter humanæ mentis Idola, & diuinæ mentis Ideas, hoc est, inter placita quædam inania, & veras signaturas, atque impressiones factas in creaturis, prout inueniuntur.

XXIV.

Nullo modo fieri potest, ut Axiomata per argumentationem constituta ad inuentionem nouorum Operum valeant; quia subtilitas Naturæ subtilitatem argumentandi multis partibus superat. Sed Axiomata à particularibus ritè & Ordine abstracta, noua particularia rursus facilè indicant, & designant; Itaque Scientias reddunt actiuas.

XXV.

Axiomata, quæ in usu sunt, ex tenui & manipulari experientiâ, & paucis particularibus, quæ ut plurimum occurrunt, fluxere; & sunt ferè ad mensuram eorum facta, & extensa: ut nil mirum sit, si ad noua particularia non ducant. Quòd si fortè instantia aliqua non prius animaduersa aut cognita se offerat, Axioma distinctione aliquâ friuolâ saluatur; ubi emendari ipsum verius foret.

XXVI.

Rationem humanam, quâ utimur, ad Naturam Anticipationes Naturæ, (quia res temeraria est & prematura,) at illam Rationem quæ debitis mo-

dis elicitur à rebus, Interpretationem Naturæ, docendi gratiâ, vocare consueuimus.

XXVII.

Anticipationes satis firmæ sunt ad consensum; quandoquidem, si homines etiam insanirent ad vnum modum & conformiter, illi satis benè inter se congruere possent.

XXVIII.

Quoniam longè validiores sunt ad subeundum assensum Anticipationes, quàm Interpretationes; quia ex paucis collectæ, ijsq; maximè quæ familiariter occurrunt, Intellectum statim perstringunt & phantasiam implent; ubi contra, Interpretationes ex rebus admodum varijs & multùm distantibus sparsim collectæ, Intellectum subito percutere non possunt; ut necesse sit eas, quoad Opiniones, duras & absonas, ferè instar mysteriorum fidei videri.

XXIX.

In Scientijs, quæ in Opinionibus & placitis fundatæ sunt, bonus est vsus Anticipationum, & Dialecticæ; quando opus est assensum subiugare, non res.

XXX.

Non, si omnia omnium ætatum ingenia coierint, & labores contulerint & transmiserint, progressus magnus fieri poterit in Scientijs per Anticipationes: quia errores radicales, & in primâ digestionem
mentis

mentis , ab excellentiâ functionum & remediorum sequentium non curantur.

XXXI.

F*Rustrâ magnum expectatur augmentum in Scientijs ex superinductione & insitione nouorum super vetera ; sed instauratio facienda est ab imis fundamentis , nisi libeat perpetuò circumuolui in Orbem , cum exili, & quasi contemnendo progressu.*

XXXII.

A*ntiquis Authoribus suus constat bonos , atque adeo omnibus ; quia non ingeniorum aut facultatum inducitur comparatio , sed viæ ; nosque non Iudicis , sed Indicis personam sustinemus.*

XXXIII.

N*illum (dicendum enim est aperte) rectè fieri potest iudicium nec de viâ nostrâ , nec de ijs quæ secundum eam inuenta sunt , per Anticipationes (rationem scilicet quæ in usu est) quia non postulandum est vt eius rei iudicio stetur , quæ ipsa in iudicium vocatur.*

XXXIV.

N*Eque etiam tradendi aut explicandi ea , quæ adducimus , facilis est ratio ; quia , quæ in se noua sunt , intelligentur tamen ex analogiâ veterum.*

XXXV.

Dixit Borgia de expeditione Gallorum in Italiam, eos venisse cum cretâ in manibus ut diuersoria notarent, non cum armis, ut perirumpere; Et idem & nostra ratio est, ut doctrina nostra animos idoneos & capaces subintret; Confutationum enim nullus est usus, ubi de Principijs & ipsis Notionibus, atque etiam de formis Demonstrationum dissentimus.

XXXVI.

Restat verò nobis modus tradendi vnus & simplex, ut homines ad ipsa particularia & eorum Series & Ordines adducamus; & ut illi rursus imperent sibi ad tempus abnegationem Notionum, & cum rebus ipsis consuescere incipiant.

XXXVII.

Ratio eorum, qui Acatalepsiam tenuerunt, & via nostra, initijs suis quodammodo consentiunt; exitu immensum disiunguntur & opponuntur. Illi enim nihil sciri posse simpliciter asserunt; Nos, non multum sciri posse in Naturâ; eâ, quæ nunc in usu est, viâ: Verum illi exinde authoritatem sensus & intellectus destruunt; Nos auxilia ijsdem excogitamus & subministramus.

XXXVIII.

Idola & Notiones falsæ quæ Intellectum Humanum jam occuparunt, atque in eo altè hærent; non solum Mentes hominum, ita obsident, ut veritati adi-
tus

tus difficilis pateat; sed etiam dato & concesso aditu, illa rursus in ipsâ instauratione Scientiarum occurrent, & molesta erunt; nisi homines præmoniti, aduersus ea se, quantum fieri potest, muniant.

XXXIX.

Quatuor sunt genera Idolorum quæ mentes humanas obsident. Iis (docendi gratiâ) nomina imposuimus; ut primum genus, Idola Tribus; secundum, Idola Specus; tertium, Idola Fori; quartum, Idola Theatri vocentur.

XL.

Excitatio Actionum & Axiomatum per Inductionem veram; est certè proprium remedium ad Idola arcenda & summouenda; Sed tamen indicatio Idolorum magni est usus. Doctrina enim de Idolis similiter se habet ad Interpretationem Naturæ, sicut doctrina de Sophisticis Elenchis ad Dialecticam vulgarem.

XLI.

Idola Tribus sunt fundata in ipsâ Naturâ humanâ, atque in ipsâ Tribu seu gente hominum. Falsò enim asseritur, Sensum humanum esse Mensuram rerum; Quin contra, omnes Perceptiones tam Sensus quam Mentis sunt ex analogiâ hominis, non ex analogiâ Vniuersi. Estque Intellectus humanus instar speculi inæqualis ad radios rerum, qui suam naturam Naturæ rerum immiscet, eamque distorquet & inficit.

Idola

XLII.

I Dola Specûs sunt Idola hominis indiuidui. Habet enim unusquisque (præter aberrationes Naturæ humanæ in genere) Specum siue cauernam quandam, indiuiduam, quæ lumen Naturæ frangit & corrumpit; vel propter naturam cuiusque propriam & singularem, vel propter educationem & conuersationem cum aliis; vel propter lectionem librorum, & auctoritates eorum quos quisque colit & miratur, vel propter differentias Impressionum prout occurrunt in animo præoccupato & prædisposito, aut in animo æquo & sedato, vel ejusmodi; vt planè spiritus humanus (prout disponitur in hominibus singulis) sit res varia, & omninò perturbata, & quasi fortuita: Unde benè Heraclitus, homines Scientias quærere in minoribus Mundi, & non in maiore siue communi.

XLIII.

Sunt etiam Idola tanquàm ex contractu & societate humani generis ad inuicem, quæ Idola Fori propter hominum commercium, & consortium, appellamus. Homines enim per sermones sociantur; At verba ex captu vulgi imponuntur. Itaque mala & inepta verborum impositio, miris modis intellectum obsidet. Neque definitiones aut explicationes, quibus homines docti se munire & vindicare in nonnullis consueuerunt, rem ullo modo restituunt. Sed verba planè vim faciunt intellectui, & omnia turbant; & homines ad inanes, & innumeras Controuersias, & commenta, deducunt.

Sunt

XLIV.

Sunt denique Idola quæ immigrârunt in animos hominum ex diuersis Dogmatibus Philosophiarum, ac etiam ex peruersis legibus Demonstrationum; quæ Idola Theatri nominamus; quia quot Philosophiæ receptæ aut inuentæ sunt, tot fabulas productas & actas censemus, quæ Mandos effecerunt fidelitios & scenicos. Neque de his quæ jam habentur, aut etiam de veteribus Philosophiis & Sectis tantum loquimur, cum complures aliæ ejusmodi fabulæ componi & concinnari possint; quandoquidem errorum prorsus diuersorum causæ sint nihilominus ferè communes. Neque rursus de Philosophiis vniuersalibus tantum hoc intelligimus, sed etiam de Principiis & Axiomatibus compluribus Scientiarum, quæ ex traditione & fide & neglectu inualuerunt: Verum de singulis istis generibus Idolorum, fusius & distinctius dicendum est, ut Intellectui humano cautum sit.

XLV.

Intellectus humanus ex proprietate suâ facilè supponit maiorem ordinem, & æqualitatem in rebus, quam inuenit: Et cum multa sint in Naturâ monodica, & plena imparitatis, tamèn affingit Parallela, & Correspondentia, & Relatiua quæ non sunt. Hinc Commenta illa, In cœlestibus omnia moueri per circulos perfectos, lineis spiritalibus & draconibus (nisi nomine tenus) prorsus reiectis. Hinc elementum Ignis cum Orbe suo introductum est ad constituendam

dam quaternionem cum reliquis tribus, quæ subijciuntur sensui. Etiam Elementis (quæ vocant) imponitur ad placitum, decupla proportio excessûs, in raritate ad inuicem; & huiusmodi somnia. Neque vanitas ista tantum valet in dogmatibus, verum etiam in Notionibus simplicibus.

XLVI.

Intellectus humanus in ijs quæ semel placuerunt, (aut quia recepta sunt & credita, aut quia delectant,) alia etiam omnia trahit ad suffragationem, & consensum cum illis: Et licet maior sit instantiarum vis & copia, quæ occurrunt in contrarium; tamen eas aut non obseruat, aut contemnit, aut distinguendo summonet & reijcit, non sine magno & pernicioso præiudicio, quò prioribus illis Syllepsibus authoritas maneat inuiolata. Itaq; rectè respondit ille, qui cum suspensa tabula in templo ei monstraretur eorum qui vota soluerant, quòd naufragij periculo elapsi sint; atque interrogando premeretur, annè tum quidem Deorum Numen agnosceret. Quæsiuit denuò, At vbi sint illi depicti qui post vota nuncupata perierint? Eadem ratio est ferè omnis superstitionis, ut in Astrologicis, in Somnijs, Ominibus, Nemefibus, & huiusmodi; in quibus, homines delectati huiusmodi vanitatibus, aduertunt euentus, vbi implentur; ast vbi fallunt (licet multò frequentius) tamen negligunt, & prætereunt. At longè subtilius serpit hoc malum in Philosophijs, & Scientijs; in quibus quod semel placuit, reliqua (licet multò firmitiora & potiora) inficit, & in ordinem redigit.

digit. Quinetiam licet abfuerit ea, quam diximus, delectatio & vanitas, istamen humano intellectui error est proprius, & perpetuus, vt magis moueatur & excitetur Affirmatiuis, quàm Negatiuis; cum ritè & ordine æquum se vtrique, præbere debeat; quin contrà, in omni Axiomate vero constituendo, maior est vis instantiæ negatiuæ.

XLVII.

Intellectus humanus illis, quæ simul & subito mentem ferire & subire possunt; maximè mouetur; à quibus phantasia impleri & inflari consuevit: reliqua verò modo quodam, licet imperceptibili, ita se habere fingit, & supponit; quomodo se habent pauca illa quibus Mens obsidetur; ad illum verò transcursum ad instantias remotas & heterogeneas, per quas Axiomata, tanquam igne probantur, tardus omninò Intellectus est, & inhabilis, nisi hoc illi per duras leges; & violentum imperium, imponatur.

XLVIII.

Gliscit Intellectus humanus, neque consistere, aut quiescere potis est, sed vlteriùs petit; at frustra. Itaque incogitabile est vt sit aliquid extremum aut extimum Mundi, sed semper quasi necessario occurrit vt sit aliquid vlteriùs: Neque rursus cogitari potest quomodo æternitas defluerit ad hunc diem; cum distinctio illa quæ recipi consuevit, quòd sit Infinitum à parte antè, & à parte post, nullo modo constare possit; quia inde sequeretur, quòd sit vnum

G

infi-

infinitum alio infinito maius, atque ut consumatur infinitum, & vergat ad finitum. Similis est subtilitas de lineis semper diuisibilibus, ex impotentia cogitationis: at maiore cum pernicie interuenit hæc impotentia Mentis in inuentione causarum: Nam cum maximè vniuersalia in Naturâ positiuâ esse debeant, quemadmodum inueniuntur, neque sunt reuerà causabilia; tamen Intellectus humanus nescius acquiescere, adhuc appetit notiora. Tum verò, ad vltiora tendens, ad proximiora recidit, videlicet ad causas finales; quæ sunt planè ex naturâ hominis, potiùs quàm Vniuersi: atque ex hoc fonte, Philosophiam miris modis corruperunt. Est autem æquè imperiti & leuiter philosophantis, in maximè vniuersalibus causam requirere, ac in subordinatis & subalternis, causam non desiderare.

XLIX.

I*ntellectus humanus luminis sicci non est; sed recipit infusionem à voluntate & affectibus, id quod generat Ad quod vult Scientias: Quod enim mauult homo verum esse, id potiùs credit. Reijcit itaque difficilia, ob inquirendi impatientiam; sobria, quia coarctant spem; altiora Naturæ, propter superstitionem; lumen experientiæ, propter arrogantiam & fastum, ne videatur Mens versari in vilibus & fluxis; paradoxa, propter Opinionem vulgi; Denique innumeris modis, iisque interdum imperceptibilibus, affectus intellectum irabuit & inficit.*

L.

AT longè maximum impedimentum & aberratio Intellectus humani prouenit à stupore & incompetentiâ & fallacijs Sensuum; ut ea quæ Sensum feriant, illis quæ Sensum immediatè non feriunt; licet posterioribus, præponderent. Itaque contemplatio ferè desinit cum aspectu; adeò ut rerum inuisibilium exigua aut nulla sit obseruatio. Itaq; omnis operatio spirituum in corporibus tangibilibus inclusorum latet, & homines fugit. Omnis etiam subtilior meta-schematismus in partibus rerum crassiorum, (quam vulgò alterationem vocant, cum sit reuerà latio per minima) latet similiter: & tamen nisi duo ista, quæ diximus, explorata fuerint & in lucem producta, nihil magni fieri potest in Naturâ quoad opera. Rursus ipsa natura aeris communis, & corporum omnium, quæ aërem tenuitate superant; (quæ plurima sunt) ferè incognita est. Sensus enim per se res infirma est, & aberrans; neque organa ad amplificandos Sensus aut acuendos multum valent; sed omnis verior interpretatio Naturæ conficitur per instantias, & experimenta idonea & apposita; ubi Sensus de experimento tantum, experimentum de Naturâ, & re ipsâ iudicat.

LI.

INtellectus humanus fertur ad abstracta propter naturam propriam; atque ea, quæ fluxa sunt, fingit esse

esse constantia; *M*elius autem est *N*aturam secare, quàm abstrahere, id quod Democriti Schola fecit, quæ magis penetravit in *N*aturam, quàm reliquæ. *M*ateria potius considerari debet, & ejus Schematismi, & *M*eta-schematismi, atque *A*ctus purus, & lex *A*ctûs, siue *M*otûs; *F*ormæ enim *C*ommenta animi humani sunt, nisi libeat leges illas *A*ctûs *F*ormas appellare.

LII.

*H*uiusmodi itaque sunt *I*dola, quæ vocamus *I*dola *T*ribûs; quæ ortum habent aut ex æqualitate *S*ubstantiæ *S*piritus humani; aut ex præoccupatione eius; aut ab angustijs eius; aut ab inquieto *M*otu eius; aut ab infusione affectuum; aut ab incompetentiâ *S*ensuum; aut ab impressionis modo.

LIII.

*I*dola *S*pecûs ortum habent ex propria cuiusque *N*aturâ & animi & corporis; atque etiam ex educatione, & consuetudine, & fortuitis. Quod genus, licet sit varium, & multiplex, tamen ea proponemus, in quibus maxima *C*autio est, quæque plurimum valent ad polluendum *I*ntellectum, nè sit purus.

LIV.

*A*damant homines *S*cientias & *C*ontemplationes particulares; aut quia authores & inuentores se earum credunt; aut quia plurimum in illis operæ posuerunt, ijsque maximè assueverunt. *H*uiusmodi verò homines, si ad *P*hilosophiam & *C*ontemplationes uniuersales

uersales se contulerint, illas ex prioribus Phantasjs detorqueant, & corrumpunt; id quod maximè conspicuum cernitur in Aristotele, qui Naturalem suam Philosophiam, Logicae suae prorsus mancipauit, ut eam ferè inutilem & contentiosam reddiderit. Chymicorum autem genus, ex paucis experimentis fornacis, Philosophiam constituerunt phantasticam, & ad pauca spectantem: Quinetiam Gilbertus postquam in contemplationibus Magnetis se laboriosissimè exercuisset, confinxit statim Philosophiam consentaneam rei apud ipsum praepollenti.

LV.

Maximum & velut radicale discrimen ingeniorum, quoad Philosophiam & Scientias, illud est; quòd alia ingenia sint fortiora, & aptiora ad notandas rerum differentias; alia, ad notandas rerum similitudines. Ingenia enim constantia & acuta, figere contemplationes, & morari, & haerere in omni subtilitate differentiarum possunt: Ingenia autem subtiliora, & discursiua, etiàm tenuissimas, & catholicas rerum similitudines, & agnoscunt, & componunt: Vtrumque autem ingenium facile labitur in excessum, prensando aut gradus rerum, aut umbras.

LVI.

Reperiuntur ingenia alia in admirationem Antiquitatis, alia in amorem & amplexum Nouitatis effusa; pauca verò ejus temperamenti sunt, ut modum tenere possint, quin aut quae rectè posita sunt ab Antiquis

tiquis conuellant, aut eâ contemnant, quæ rectè afferuntur à *Nouis*. Hoc verò magno Scientiarum & Philosophiæ detrimento fit, quàm studia potius sint *Antiquitatis* & *Nouitatis*, quàm iudicia: *Veritas* autem non à *felicitate temporis* alicuius, quæ res varia est; sed à lumine *Naturæ* & *Experientiæ*, quod æternum est, petenda est. Itaque abneganda sunt ista studia; & videndum, nè intellectus ab illis ad consensum abripiatur.

LVII.

Contemplationes *Naturæ*, & corporum in simplicitate suâ, intellectum frangunt & comminunt: Contemplationes verò *Naturæ*, & corporum in compositione & configuratione suâ, intellectum stupefaciunt & soluunt. Id optimè cernitur in scholâ *Leucippi* & *Democriti*, collatâ cum reliquis Philosophijs. Illa enim ita versatur in particulis Rerum, ut fabricas ferè negligat: reliquæ autem ita fabricas intuentur attonitæ, ut ad simplicitatem naturæ non penetrent. Itaque alternandæ sunt contemplationes istæ, & vicissim sumendæ; ut Intellectus reddatur simul penetrans, & capax; & euitentur ea quæ diximus incommoda, atque Idola ex ijs prouenientia.

LVIII.

Talis itaque esto *Prudentia contemplatiua* in ar-
cendis & summuendis *Idolis Specûs*; quæ aut ex prædominantiâ, aut ex excessu compositionis & diuisionis, aut ex studijs erga tempora, aut ex obiectis lar-
gis &

gis & minutis, maximè ortum habent. Generalitèr autem pro suspecto habendum unicuique rerum Naturam contemplanti, quicquid Intellectum suum potissimum capit & detinet; tantoq; maior adhibenda in huiusmodi placitis est cautio, vt Intellectus seruetur æquus & purus.

LIX.

AT Idola Fori omnium molestissima sunt; quæ ex fœdere verborum & nominum, se insinuârunt in Intellectum. Credunt enim homines, rationem suam verbis imperare; sed fit etiam vt verba vim suam super Intellectum retorqueant & reflectant; quod Philosophiam & Scientias reddidit Sophisticas & inactiuas. Verba autem plerunq; ex captu vulgi induntur, atque per lineas vulgari intellectui maximè conspicuas, res secant. Quùm autem Intellectus acutior, aut observatio diligentior, eas lineas transferre velit, vt illæ sint magis secundum naturam; verba obstrepunt. Undè fit, vt magnæ & solennes disputationes hominum doctorum, sæpè in controuersias circa verba & nomina desinant; à quibus, (ex more & prudentiâ Mathematicorum) incipere consultius foret, easq; per definitiones in ordinem redigere. Quæ tamen definitiones, in Naturalibus & materiatis, huic malo mederi non possunt; quoniam & ipsæ definitiones ex verbis constant, & verba gignunt verba: adeò vt necesse sit, ad instantias particulares, earumq; series & ordines recurrere; vt mox dicemus, quùm ad modum & rationem constituendi Notiones & Axiomata deuentum fuerit.

Idola

LX.

IDola quæ per verba Intellectui imponuntur, duorum generum sunt: Aut enim sunt rerum nomina, quæ non sunt, (quemadmodum enim sunt res, quæ nomine carent, per inobseruationem; ita sunt & nomina, quæ carent rebus, per suppositionem phantasticam;) aut sunt nomina rerum quæ sunt, sed confusa, & male terminata, & temerè & inæqualitè à rebus abstracta. Prioris generis sunt, *Fortuna*, *Primum Mobile*, *Planetarum Orbes*, *Elementum Ignis*, & huiusmodi commenta, quæ à vanis & falsis theorijs ortum habent. Atque hoc genus Idolorum faciliùs eijcitur, quia per constantem abnegationem, & antiquationem theoriarum exterminari possunt.

At alterum genus perplexum est, & altè hærens; quod ex malâ & imperitâ abstractione excitatur. Exempli gratiâ, accipiatur aliquod verbum, (*Humidum*, si placet) & videamus quomodò sibi consent, quæ per hoc verbum significantur; & inuenietur verbum istud, *Humidum*, nihil aliud quàm nota confusa diuersarum actionum, quæ nullam constantiam aut reductionem patiuntur. Significat enim, & quod circa aliud corpus faciliè se circumfundit; & quod in se est indeterminabile, nec consistere potest; & quod faciliè cedit vndique; & quod faciliè se diuidit, & dissipgit; & quod faciliè se vnit, & colligit; & quod faciliè fluit, & in motu ponitur; & quod alteri corpori faciliè adhæret, idq; madefacit; & quod faciliè reducitur in liquidum, siue colliquatur, cùm antea consisteret.

sisteret. Itaq; quum ad huius nominis prædicationem & impositionem ventum sit; si aliâ accipias, flamma humida est; si aliâ accipias, aer humidus non est; si aliâ, pulvis minutus humidus est; si alia, vitrum humidum est; vt facilè appareat, istam Notionem ex aquâ tantum, & communibus & vulgaribus liquoribus, absque ullâ debitâ verificatione, temerè abstractam esse.

In verbis autem, gradus sunt quidam prauitatis & erroris. Minus vitiosum genus est nominum substantiæ alicuius, præsertim specierum infimarum, & benè deductarum; (nam notio cretæ, luti bona, terræ mala;) vitiosius genus est actionum, vt generare, corrumpere, alterare: vitiosissimum qualitatum (exceptis obiectis sensûs immediatis) vt grauis, leuis, tenuis, densi, &c. & tamen in omnibus istis fieri non potest, quin sint aliæ Notiones alijs paulò meliores, prout in sensum humanum incidit rerum copia. *Bellouit*

LXI.

AT Idola Theatri innata non sunt, nec occultò insinuata in Intellectum; sed ex fabulis theoricarum, & peruersis legibus Demonstrationum, planè indita & recepta. In his autem confutationes tentare & suscipere, consentaneum prorsus non est illis, quæ à nobis dicta sunt. Quum enim nec de Principijs consentiamus, nec de Demonstrationibus; tollitur omnis argumentatio. Id verò bono fit fato, vt Antiquis suis constet honos. Nihil enim illis detrahatur, quum de viâ omninò quæstio sit. Claudus enim (vt dicitur) in

H

viâ,

viâ, anteuertit cursorem extra viam. Etiam illud manifestò liquet, currenti extra viam, quò habiliior sit & velocior, eò maiorem contingere aberrationem.

Nostra verò inueniendi Scientias ea est ratio, vt non multùm ingeniorum acumini & robori relinquatur; sed quæ ingenia & Intellectus ferè exæquet. Quemadmodum enim ad hoc vt linea recta fiat, aut circulus perfectus describatur, multùm est in constantiâ & exercitatione manûs, si fiat ex vi manûs propriâ; sin autem adhibeatur regula, aut circinus, parùm aut nihil; omninò similis est nostra ratio. Licèt autem confutationum particularium nullus sit vsus; de sectis tamen & generibus huiusmodi theoriarum nonnihil dicendum est; atque etiam paulò pòst de signis exterioribus, quòd se malè habeant; & postremò de causis tantæ infœlicitatis, & tam diuturni & generalis in errore consensûs; vt ad vera minùs difficilis sit aditus, & Intellectus humanus volentiùs expurgetur, & Idola dimittat.

LXII.

I*dola Theatri, suæ Theoriarum, multa sunt, & multò plura esse possunt, & aliquandò fortassè erunt. Nisi enim, per multa iam secula, hominum ingenia circa religionem & Theologiam occupata fuissent; atque etiam Politicæ Ciuiles (præsertim Monarchiæ) ab istiusmodi nouitatibus, etiam in contemplationibus, essent auersæ; vt cum periculo & detrimento fortunarum suarum in illas homines incumbant, non solùm præmio destituti, sed etiam contemptui & inuidiæ*

inuidiæ expositi; complures aliæ proculdubio Philosophiarum & Theoriarum sectæ, similes illis quæ magnâ varietate olim apud Græcos floruerunt, introductæ fuissent. Quemadmodum enim super Phænomena ætheris, plura Themata Cæli confingi possunt; similiter, & multò magis super Phænomena Philosophiæ fundari possunt & constitui varia dogmata. Atque huiusmodi Theatri fabulæ habent etiam illud, quod in Theatro Poetarum usu venit: ut narrationes fictæ ad Scenam, narrationibus ex historiâ veris concinniores sint, & elegantiores, & quales quis magis veliet.

In genere autem, in materiam Philosophiæ sumitur aut multum ex paucis, aut parùm ex multis; ut utrinquè Philosophia, super experientiæ & naturalis historiæ nimis angustam basin fundata sit, atque ex paucioribus quàm par est, pronunciet. Rationale enim genus philosophantium ex experientiâ arripiunt varia & vulgaria, eaque nequè certò comperta, nec diligentèr examinata & pensitata; reliqua in meditatione, atque ingenij agitatione ponunt.

Est & aliud genus Philosophantium, qui in paucis experimentis sedulò & accuratè elaborârunt, atque inde Philosophias educere & confingere ausi sunt; reliqua miris modis ad ea detorquentes.

Est & tertium genus eorum, qui Theologiam & traditiones ex fide & veneratione immiscent; inter quos vanitas nonnullorum, ad petendas & deriuandas Sc'entias, à Spiritibus scilicèt & Genijs, deflexit; ità ut stirps errorum, & Philosophia falsa, genere triplex sit: Sophistica, Empirica, & Superstitiosa.

LXIII.

PRimi generis exemplum in Aristotele maximè conspicuum est, qui Philosophiam Naturalem Dialecticâ suâ corruptit; quum Mundum ex Categorijs effecerit; animæ humanæ, nobilissimæ substantiæ, genus ex vocibus secundæ intentionis tribuerit; negotium densi & rari, per quod corpora subeunt maiores & minores dimensiones siue spatia, per frigidam distinctionem Actus & Potentiæ transfegerit; motum singulis corporibus vnicum & proprium, & si participent ex alio motu, id aliundè moueri, asseruerit, & innumera alia pro arbitrio suo, Naturæ rerum imposuerit: magis ubiquè sollicitus quomodò quis respondendo se explicet, & aliquid reddatur in verbis posituum, quàm de internâ rerum veritate; quod etiâ optimè se ostendit in comparatione Philosophiæ eius, ad alias philosophias, quæ apud Græcos celebrabantur. Habent enim Homoiomera Anaxagoræ, Atomî Leucippi & Democriti, Cælum & Terra Parmenidis, Lis & Amicitia Empedoclis, Resolutio corporum in adiaphoram naturam Ignis, & Replicatio eorundem ad densum, Heracliti, aliquid ex Philosopho naturali, & rerum naturam, & experientiam, & corpora sapiunt; ubi Aristotelis Physica, nihil aliud quàm Dialecticæ voces plerunquè sonet; quam etiâ in Metaphysicis sub solenniore nomine, & vt magis scilicet Realis, non Nominalis, retractauit. Neque illud quenquam moueat, quòd in libris eius de Animalibus, & in Problematibus, & in alijs suis tractatibus,

tibus, versatio frequens sit in experimentis. Ille enim prius decreuerat, neque experientiam ad constituenda Decreta & Axiomata ritè consuluit; sed postquàm pro arbitrio suo decreuisset, experientiam ad sua placita tortam circumducit, & captiuam; vt hoc etiam nomine magis accusandus sit, quàm sectatores eius moderni (scholasticorum Philosophorum genus) qui experientiam omninò deseruerunt.

LXIV.

AT Philosophiæ genus Empiricum placita magis deformia & monstrosa educit, quàm Sophisticum aut rationale genus; quia non in luce notionum vulgarium, (quæ licet tenuis sit & superficialis, tamen est quodammodo vniuersalis, & ad multa pertinens) sed in paucorum experimentorum angustijs & obscuritate fundatum est. Itaque talis Philosophia, illis qui in huiusmodi experimentis quotidie versantur, atque ex ipsis phantasiam contaminarunt, probabilis videtur, & quasi certa; cæteris, incredibilis & vana. Cuius exemplum notabile est in Chymicis, eorumque dogmatibus; alibi autem vix hoc tempore inuenitur, nisi fortè in Philosophiâ Gilberti. Sed tamen circa huiusmodi Philosophias cautio nullo modo prætermittenda erat; quia mente iam præuidemus & auguramur, si quando homines, nostris monitis excitati, ad experientiam seriò contulerint (valere iussis doctrinis Sophisticis,) tum demùm propter præmaturam & præproperam Intellectûs festinationem, & saltum, siue volatum ad generalia,

neralia, & rerum principia, fore ut magnum ab huiusmodi Philosophijs periculum immineat; cui malo etiam nunc obuiam ire debemus.

L X V.

AT Corruptio Philosophiæ ex Superstitione, & Theologiâ admistâ, latiùs omninò patet, & plurimum mali infert, aut in Philosophias integras, aut in earum partes. Humanus enim Intellectus non minùs impressiõibus Phantasiæ est obnoxius, quàm impressiõibus vulgariũ notionum. Pugnax enim genus Philosophiæ & Sophisticum, illaqueat Intellectum: at illud alterum phantasticum, & tumidum, & quasi Poeticum, magis blanditur Intellectui. Inest enim homini quædam Intellectus ambitio, non minor quàm Voluntatis; præsertim in ingenijs altis & eleuatis.

Huius autem generis exemplum inter Græcos illucescit, præcipuè in Pythagora, sed cum Superstitione magis crassâ & onerosâ coniunctum; at periculosius, & subtiliùs in Platone, atque eius scholâ. Inuenitur etiàm hoc genus mali in partibus Philosophiarum reliquarum, introducendo formas abstractas, & causas finales, & causas primas; omittendo sæpius medias, & huiusmodi. Huic autem rei summa adhibenda est cautio. Pessima enim res est errorum Apothéosis, & propeste Intellectus habenda est, si vanis accedat veneratio. Huic autem vanitati, nonnulli ex modernis summâ leuitate ita indulserunt, ut in primo capitulo Geneseos, & in libro Iob, & alijs Scripturis sacris, Philosophiam naturalem fundare conati sint;
inter

inter viua quærentes mortua. Tantoq̃ magis hæc vanitas inhibenda venit, & coercenda, quia ex Diuinorum & Humanorum male-sanâ admistione, non solum educitur Philosophia phantastica, sed etiam Religio hæretica. Itaque salutare admodum est, si mente sobriâ, fidei tantum dentur, quæ fidei sunt.

LXVI.

ET de malis authoritatibus Philosophiarum, quæ aut in Vulgaribus notionibus, aut in paucis experimentis, aut in superstitione fundatæ sunt, iam dictum est. Dicendum porro est, & de vitiosâ materiâ Contemplationum, præsertim in Philosophiâ Naturali. Inficitur autem Intellectus humanus ex intuitu eorum, quæ in Artibus Mechanicis sunt, in quibus corpora per compositiones aut separationes vt plurimum alterantur; vt cogitet simile quiddam etiam in naturâ rerum vniuersali fieri. Unde fluxit commentum illud Elementorum, atque illorum concursu, ad constituenda corpora naturalia. Rursus, quum homo Naturæ libertatem contempletur, incidit in species Rerum, Animalium, Plantarum, Mineralium, unde facile in eam labitur cogitationem, vt existimet esse in Naturâ quasdam formas Rerum primarias, quas Naturâ educere molitur, atque reliquam varietatem ex impedimentis, & aberrationibus Naturæ in opere suo conficiendo, aut ex diuersarum specierum conflictu, & transplantatione alterius in alteram, prouenire. Atque prima cogitatio qualitates primas elementares, secunda proprietates occultas, & virtutes speci-

specificas, nobis peperit; quarum utraque pertinet ad inania contemplationum compendia, in quibus acquiescit animus, & à solidioribus auertitur. At Medici, in secundis rerum qualitatibus & operationibus, Attrahendi, Repellendi, Attenuandi, Inspissandi, Dilatandi, Astringendi, Discutiendi, Maturandi, & huiusmodi, operam præstant meliorem; atque nisi ex illis duobus (quæ dixi) compendijs (qualitatibus scilicet elementaribus, & virtutibus specificis) illa altera (quæ rectè notata sunt) corrumpere, reducendo illa ad primas qualitates, earumque mixturas subtiles & incommensurabiles; aut ea non producendo cum maiore & diligentiore obseruatione ad qualitates tertias & quartas, sed contemplationem intempestiuè abrumpendo; illi multò melius profecissent. Neque huiusmodi virtutes (non dico eadem, sed similes) in humani corporis medicinis tantùm exquirendæ sunt; sed etiam in cæterorum corporum naturalium mutationibus.

Sed multò adhuc maiore cum malo sit, quòd quiescentia rerum principia, ex quibus; & non mouentia, per quæ res fiunt, contemplentur & inquirent. Illa enim ad sermones, ista ad opera spectant. Neque enim vulgares illæ differentiæ Motus, quæ in Naturali Philosophiâ receptæ notantur, Generationis, Corruptionis, Augmentationis, Diminutionis, Alterationis, & Lationis, vlli sunt pretij. Quippe hoc sibi volunt; Si corpus, alias non mutatum, loco tamen moueatur, hoc Lationem esse, si manente & loco, & specie, qualitate mutetur, hoc Alterationem esse, si verò ex illa mutatione

tatio

tatione moles ipsa, & quantitas corporis non eadem maneat, hoc Augmentationis & Diminutionis motum esse; si eatenus mutantur, speciem ipsam & substantiam mutant, & in alia migrent, hoc Generationem & Corruptionem esse. At ista merè popularia sunt, & nullo modo in Naturam penetrant; suntque mensuræ & periodi tantum, non species motûs. Innuunt enim illud, Hucusque, & non, Quomodo, vel Ex quo fonte. Neque enim de corporum appetitu, aut de partium eorum processu, aliquid significant; sed tantum quum motus ille rem aliter ac prius, crasso modo, sensui exhibeat, inde diuisionem suam auspicantur. Etiam quum de causis motuum aliquid significare volunt, atque diuisionem ex illis instituere, differentiam motûs naturalis & violenti, maximâ cum socordiâ, introducunt; quæ & ipsa omninò ex notione vulgari est; cum omnis motus violentus etiam naturalis reuerà sit, scilicet cum externum efficiens naturam alio modo in opere ponet, quàm quo prius.

At hisce omisiss; si quis (exempli gratiâ) obseruauerit, inesse corporibus appetitum contactûs ad inuicem, ut non patiantur unitatem Naturæ prorsus dirimi, aut abscindi, ut vacuum detur: aut si quis dicat, inesse corporibus appetitum se recipiendi in naturalem suam dimensionem, vel tensuram, ut si ultrâ eam, aut citrà eam, comprimantur, aut distraherentur, statim in veterem sphaeram & exporrectionem suam, se recuperare & remittere moliantur: aut si quis dicat, inesse corporibus appetitum congregationis ad massas connaturalium suorum, densorum videlicet versûs Orbem

Terræ, tenuiorum & rariorum versus ambitum Cæli; hæc & huiusmodi verè Physica sunt genera Motuum; At illa altera planè Logica sunt, & Scholastica, ut ex hac collatione eorum manifestò liquet.

Neque minus etiam malum est, quòd in Philosophijs & contemplationibus suis, in Principijs rerum atque Vltimitatibus naturæ inuestigandis, & tractandis, opera insumatur; cùm omnis vtilitas & facultas operandi, in medijs consistat. Hinc fit, ut abstrahere Naturam homines non desinant, donec ad materiam potentialem & informem ventum fuerit; nec rursus secare Naturam desinant, donec peruentum fuerit ad Atomum, quæ, etiamsi vera essent, tamen ad iuuandas hominum fortunas parùm possunt.

LXVII.

D*anda est etiam cautio Intellectui, de intemperantijs Philosophiarum, quoad assensum præbendum aut cobibendum; quia huiusmodi intemperantiæ videntur Idola figere, & quodammodò perpetuare, nè detur aditus ad ea summouenda.*

Duplex autem est excessus: Alter eorum, qui faciliè pronunciant, & scientias reddunt positinas & Magistrales; Alter eorum, qui Acatalepsiam introduxerunt, & inquisitionem vagam sine termino; quorum primus Intellectum deprimit, alter eneruat. Nam Aristotelis Philosophia, postquam cæteras Philosophias (more Ottomanorum erga fratres suos) pugnacibus confutationibus contrucidasset; de singulis pronun-
ciauit;

ciavit; & ipse rursus quæstiones ex arbitrio suo subornat, deinde conficit; ut omnia certa sint & decreta; quod etiam apud successiones suas valet, & in usu est.

At Platonis schola Acatalepsiam introduxit, primò tanquàm per iocum & ironiam, in odium veterum Sophistarum, Protagoræ, Hippia, & reliquorum, qui nihil tam verebantur, quàm nè dubitare de re aliquâ viderentur. At noua Academia Acatalepsiam dogmatizauit, & ex professo tenuit. Quæ licèt honestior ratio sit, quàm pronunciandi licentia, quùm ipsi pro se dicant, se minimè confundere inquisitionem, ut Pyrrho fecit, & Ephectici, sed habere quod sequantur ut probabile, licèt non habeant quod teneant ut verum; tamen postquàm animus humanus de veritate inueniendâ semel desperauerit; omninò omnia sunt languidiora: Ex quo fit, ut defleant homines potius ad amœnas disputationes & discursus, & rerum quasdam peragrationes, quàm in seueritate inquisitionis se sustineant. Verùm quod à principio diximus, & perpetuò agimus, sensui & intellectui humano, eorùmque infirmitati authoritas non est deroganda, sed auxilia præbenda.

LXVIII.

ATque de Idolorum singulis generibus, eorùmque apparatu iam diximus; quæ omnia constanti & solenni decreto sunt abneganda, & renuncianda, & Intellectus ab ijs omninò liberandus est, & expurgandus; ut non alius ferè sit aditus ad Regnum Hominis, quod
 7 2 funda-

fundatur in Scientijs, quàm ad Regnum Cœlorum, in quod, nisi sub personâ infantis, intrare non datur.

LXIX.

AT prauæ demonstrationes, Idolorum veluti munitiones quædam sunt & præsidia; eæque, quas in Dialecticis habemus, id ferè agunt, vt Mundum planè cogitationibus humanis, cogitationes autem verbis addicant & mancipient. Demonstrationes verò Potentiâ quâdam Philosophiæ ipsæ sunt, & Scientiæ. Quales enim eæ sunt, ac prout ritè, aut malè institutæ, tales sequuntur Philosophiæ, & Contemplationes. Fallunt autem, & incompetentes sunt eæ, quibus vtimur in vniuerso illo processu, qui à sensu & rebus ducit ad Axiomata, & Conclusiones. Qui quidè Processus quadruplex est, & vitia eius totidem. Primò, impressiones sensus ipsius vitiosæ sunt; sensus enim & destituit, & fallit. At destitutionibus substitutiones, fallacijs rectificationes debentur. Secundò, Notiones ab impressionibus sensuum malè abstrahuntur; & interminatæ, & confusæ sunt, quas terminatas & benè finitas esse oportuit. Tertiò, Inductio mala est, quæ per enumerationem simplicem Principia concludit Scientiarum, non adhibitis exclusionibus & solutionibus, siue separationibus Naturæ debitis. Postremò, modus ille inueniendi & probandi, vt primò Principia maximè generalia constituentur, deindè media Axiomata ad ea applicentur & probentur, errorum mater est, & Scientiarum omnium calamitas. Verùm de istis, quæ iam obiter perstringimus, fusiùs dicemus, quùm veram interpretandæ

pretanda Naturæ viam; absolutis istis expiationibus
& expurgationibus Mentis, proponemus.

LXX.

Sed demonstratio longè optima est Experientia; modo hæreat in ipso experimento. Nam si traducatur ad alia quæ similia existimantur, nisi ritè & ordine fiat illa traductio, res fallax est. At modus experientiendi, quo homines nunc vtuntur, cæcus est & stupidus. Itaque cum errant & vagantur nullâ viâ certâ, sed ex occurſu rerum tantum consilium capiunt, circumferuntur ad multa, sed parum promouent; & quandoquæ gestunt, quandoquæ distrabuntur; & semper inueniunt quod vltèrius quærant. Ferè autem ita fit, vt homines leuiter & tanquam per ludum experiantur; variandò paululum experimenta jam cognita; & si res non succedat, fastidiendo, & conatum deferendo. Quod si magis seriò & constantèr ac laboriosè ad Experimenta se accingant; tamen in vno aliquo experimento eruendo operam collocant; quemadmodum Gilbertus in Magnete, Chymici in auro. Hoc autem faciunt homines, instituto non minùs imperito, quàm tenui. Nemo enim alicuius rei naturam in ipsâ re feliciter perscrutatur: sed amplianda est inquisitio ad magis communia.

Quòd si etiam scientiam quandam & dogmata ex Experimentis moliantur; tamen semper ferè studio præproperò & intempestiuo, deflectunt ad praxin: non tantum propter vsum & fructum eiusmodi praxeòs, sed vt in opere aliquo nouo veluti pignus sibi arripiant, se non
inutilitèr

inutilitèr in reliquis versaturos : atque etiam alijs se venditent , ad existimationem meliorem comparandam de ijs in quibus occupati sunt . Ita fit , vt more Atalantæ , de viâ decedant ad tollendum aureum pomum ; interim verò cursum interrumpant , & victoriam emittant è manibus . Verùm in Experientiæ vero curriculo , eoque ad noua opera producendo , Diuina Prudentia omninò , & Ordo pro exemplari sumenda sunt . Deus autem primo die Creationis Lucem tantùm creauit , eique operi diem integrum attribuit ; nec aliquid materiati operis eo die creauit . Similitèr & ex omnimodâ Experientiâ , primùm inuentio Causarum & Axiomatum verorum elicienda est : & lucifera Experimenta , non fructifera quærenda . Axiomata autem rectè inuenta & constituta Praxin non stricim , sed confertim instruunt ; & Operum agmina ac turmas post se trabunt . Verùm de experiendi vijs , quæ non minùs quàm viæ Iudicandi obseßæ sunt & interclusæ , postea dicemus : Impræsentiarum de Experientiâ vulgari , tanquam de malâ Demonstratione , tantùm loquuti . Fam verò postulat ordo rerum , vt de ijs , quorum paulò antè mentionem fecimus , signis , (quòd Philosophiæ & Contemplationes in vsu malè se habeant ;) & de Causis rei primo intuitu tam mirabilis & incredibilis , quædam subiungamus . Signorum enim notio preparat assensum : Causarum verò explicatio tollit miraculum . Quæ duo ad extirpationem Idolorum ex Intellectu faciliorem & clementiorem multùm iuuant .

Scien-

LXXI.

Scientiæ, quas habemus, ferè à Græcis fluxerunt. Quæ enim Scriptores Romani, aut Arabes, aut Recentiores addiderunt; non multa, aut magni momenti sunt: & qualiacunque sint, fundata sunt super basin eorum quæ inuenta sunt à Græcis. Erat autem sapientia Græcorum, professoria, & in disputationes effusa: quod genus inquisitioni veritatis aduersissimum est. Itaque nomen illud Sophistarum, quod per contemptum ab ijs, qui se Philosophos haberi voluerunt, in antiquos Rhetores reiectum & traductum est, Gorgiam, Protagoram, Hippiam, Polum; etiam vniuerso generi competit; Platoni, Aristoteli, Zenoni, Epicuro, Theophrasto; & eorum successoribus, Chrysippo, Carneadi, reliquis. Hoc tantum intererat; quod prius genus vagum fuerit & mercenarium, ciuitates circumcursando, & sapientiam suam ostendendo, & mercedem exigendo; Alterum verò solennius & generosius, quippe eorum qui sedes fixas habuerunt, & scholas aperuerunt, & gratis philosophati sunt. Sed tamen utrumque genus (licet cætera dispar) professorium erat, & ad disputationes rem deducebat, & sectas quasdam atque hæreses Philosophiæ instituebat & propugnabat: ut essent ferè doctrinæ eorum (quod non malè cauillatus est Dionysius in Platonem) Verba otiosorum senum ad imperitos iuuenes. At antiquiores illi ex Græcis, Empedocles, Anaxagoras, Leucippus, Democritus, Par-

Parmenides, Heraclitus, Xenophanes, Philolaus, reliqui, (nam Pythagoram, ut superstitiosum, omittimus) Scholas (quod nouimus) non aperuerunt: sed maiore silentio, & seuerius, & simplicius, id est, minore cum affectatione & ostentatione, ad inquisitionem veritatis se contulerunt. Itaque & melius, ut arbitramur, se gesserunt; nisi quòd Opera eorum à leuioribus istis, qui vulgari captui & affectui magis respondent ac placent, tractu temporis extincta sint: Tempore (ut fluuiò) leuiora & magis inflata ad nos deuehente, grauiora & solida mergente. Neque tamen isti à Nationis vitio prorsus immunes erant: sed in ambitionem & vanitatem sectæ condendæ, & auræ popularis captandæ nimium propendebant. Pro desperatâ autem habenda est veritatis inquisitio, cum ad huiusmodi inania deflectat. Etiam non omittendum videtur iudicium illud, siue vaticinium potiùs Sacerdotis Ægyptij, de Græcis: Quòd semper pueri essent; neque haberent antiquitatem Scientiæ, aut Scientiam Antiquitatis. Et certè habent id quod puerorum est; ut ad garriendum prompti sint, generare autem non possint: Nam verbosa videtur Sapientia eorum, & operum sterilis. Itaque ex Ortu & Gente Philosophiæ, quæ in usu est; quæ capiuntur signa, bona non sunt.

LXXII.

NEque multò meliora sunt Signa, quæ ex naturâ Temporis & Ætatis capi possunt, quàm quæ ex naturâ Loci & Nationis. Angusta enim erat & tenuis

tenuis notitia per illam ætatem, vel Temporis, vel Orbis: quod longè pessimum est, præsertim ijs qui omnia in Experientiâ ponunt. Neque enim mille annorum Historiam, quæ digna erat nomine Historiæ, habebant; sed fabulas & rumores Antiquitatis. Regionum verò tractuumque mundi exiguam partem nouerant; cum omnes Hyperboreos, Scythas; omnes Occidentales, Celtas indistinctè appellarent: nil in Africâ ultra citimam Æthiopiæ partem, nil in Asia ultra Gangem; multò minùs Noui Orbis prouincias, ne per auditum sanè aut famam aliquam certam, & constantem nossent: imò & plurima climata & zonæ, in quibus populi infiniti spirant & degunt, tanquam inhabitabiles ab illis pronuntiata sint: quinetiàm peregrinationes Democriti, Platonis, Pythagoræ, non longinquæ profectò, sed potius suburbanæ, ut magnum aliquid celebrarentur. Nostri autem temporibus, & Noui Orbis partes complures, & Veteris Orbis extrema undique innotescunt; & in infinitum, Experimentorum cumulus excreuit. Quare si ex Natiuitatis aut genituræ tempore (Astrologorum more) signa capienda sint, nil magni de istis Philosophijs significari videtur.

LXXIII.

INter Signa, nullum magis certum aut nobile est, quàm quod ex fructibus. Fructus enim & Opera inuenta, pro veritate Philosophiarum velut sponsores & fideiussores sunt. Atque ex Philosophijs istis Græcorum, & deriuationibus earum per particulares

K

Scien-

Scientias, iam per tot annorum spatia, vix vnum Experimentum adduci potest, quod ad hominum statum leuandum & iuuandum spectet; & Philosophiæ speculationibus ac dogmatibus verè acceptum referri possit. Idque Celsus ingenuè ac prudenter fatetur; nimirum, Experimenta Medicinæ primò inuenta fuisse, ac postea homines circa ea philosophatos esse, & causas indagasse & assignasse; non ordine inuerso euenisse, ut ex Philosophiâ & causarum cognitione, ipsa Experimenta inuenta aut deprompta essent. Itaque mirum non erat, apud Ægyptios (qui rerum Inuentoribus diuinitatem & consecrationem attribuerunt) plures fuisse Brutorum animalium imagines, quàm Hominum: quia bruta animalia, per instinctus naturales, multa inuenta pepererunt; vbi homines, ex sermonibus & conclusionibus rationalibus, pauca aut nulla exhibuerint.

At Chymicorum industria, nonnulla peperit; sed tanquàm fortuito, & obiter, aut per Experimentorum quandam variationem, (ut Mechanici solent) non ex arte aut Theoriâ aliquâ; nam ea, quam confinxerunt, Experimenta magis perturbat, quàm iuuat. Eorum etiam, qui in Magiâ (quam vocant) Naturali versati sunt, pauca reperiuntur inuenta; eâque leuia, & imposturæ propiora. Quocircà, quemadmodum in Religione cauetur, ut Fides ex Operibus monstretur; idem etiam ad Philosophiam optimè traducitur, ut ex Fructibus iudicetur, & vana habeatur, quæ sterilis sit: atque eò magis, si loco fructuum vuae & oliuæ, producat disputationum & contentionum carduos & spinas.

LXXIV.

Capienda etiam sunt Signa ex incrementis & progressibus Philosophiarum & Scientiarum. Quæ enim in Naturâ fundata sunt, crescunt & augentur: quæ autem in Opinione, variantur, non augentur. Itaque si istæ Doctrinæ planè instar Plantæ à stirpibus suis reuulsæ non essent, sed vtero Naturæ adhererent, atque ab eâdem alerentur, id minimè euenturum fuisset, quod per annos bis mille iam fieri videmus: nempe, ut Scientiæ suis hæreant vestigijs, & in eodem ferè statu maneant, neque augmentum aliquod memorabile sumpserint; quin potius in primo Authore maximè floruerint, & deinceps declinauerint. In Artibus autem Mechanicis, quæ in Naturâ & Experimentiæ luce fundatæ sunt, contrà euenire videmus: quæ (quamdiù placent) veluti spiritu quodam repletæ, continuo vegetant & crescunt; primò rudes, deinde commoda, postea excultæ, & perpetuò auctæ.

LXXV.

Etiam aliud Signum capiendum est; (si modò Signi appellatio huic competat; cum potius Testimonium sit, atque adeò testimoniorum omnium validissimum;) hoc est, propria Confessio Authorum, quos homines nunc sequuntur. Nam & illi qui tantâ fiduciâ de rebus pronuntiant, tamen per interualla cum ad se redeant, ad querimonias de Naturæ subtilitate, Rerum obscuritate, Humani ingenij infirmitate, se conuertunt. Hoc verò si simpliciter fieret; alios fortassè,

qui sunt timidiores, ab vltiori inquisitione detertere, alios verò, qui sunt ingenio alacriori & magis fidenti, ad vltiorem progressum acuere & incitare possit. Verum non satis illis est, de se confiteri, sed quicquid sibi ipsis aut Magistris suis incognitum aut intactum fuerit, id extra terminos Possibilis ponunt; & tanquam ex arte, cognitu aut factu impossibile pronuntiant: summâ superbiam & inuidiam suorum Inuentorum infirmitatem, in Naturæ ipsius calumniam, & aliorum omnium desperationem vertentes. Hinc schola Academiae nouæ, quæ Acatalepsiam ex professo tenuit, & homines ad sempiternas tenebras damnauit. Hinc opinio, quòd Formæ siue veræ rerum Differentiæ (quæ reuerà sunt leges Actûs puri) inuentu impossibiles sint, & vltra hominem. Hinc opiniones illæ in Actiuâ & Operatiuâ parte; Calorem Solis & Ignis toto genere differre; nè scilicet homines putent se per opera fgnis, aliquid simile ijs, quæ in Naturâ fiunt, educere & formare posse. Hinc illud: Compositionem tantum opus Hominis, Missionem verò opus soli Naturæ esse: nè scilicet homines sperent aliquam ex arte Corporum naturalium generationem aut transformationem. Itaque ex hoc signo homines sibi persuaderi facile patientur, nè cum dogmatibus non solum desperatis, sed etiam desperationi deuotis, fortunas suas & labores misceant.

LXXVI.

NEque illud Signum prætermittendum est; quòd tantâ fuerit inter Philosophos olim dissensio, & Schola-

Scholarum ipsarum varietas: Quod satis ostendit, viam à Sensu ad Intellectum non bene munitam fuisse, cum eadem materia Philosophiæ (Natura scilicet rerum) in tam vagos & multiplices errores abrepta fuerit & distracta. Atque licet hisce temporibus dissensiones & dogmatum diuersitates circa Principia ipsa, & Philosophias integras, vt plurimum extinctæ sint; tamen circa partes Philosophiæ, innumerae manent questiones & controuersiæ; vt planè appareat, neque in Philosophijs ipsis, neque in modis Demonstrationum aliquid certi aut sani esse.

LXXVII.

Quod verò putant homines in Philosophiâ Aristotelis magnum utique Consensum esse; cum post illam editam, Antiquorum Philosophiæ cessauerint & exoleuerint; ast apud tempora, quæ sequuta sunt, nil melius inuentum fuerit; adeo vt illa tam benè posita & fundata videatur, vt vtrumque tempus ad se traxerit: Primo, quod de cessatione Antiquarum Philosophiarum post Aristotelis Opera edita homines cogitant, id falsum est; diu enim postea, vsquè ad tempora Ciceronis, & secula sequentia, manserunt opera veterum Philosophorum. Sed temporibus insequentibus, ex inundatione Barbarorum in Imperium Romanum, postquam Doctrina humana velut naufragium perpeffa esset; tum demùm Philosophiæ Aristotelis & Platonis tanquam tabulæ ex materia leuiore & minùs solidâ per fluctus temporum seruatae sunt. Illud etiam de Consensu fallit homines; si acutiùs rem introspiciant.

spiciant. Verus enim Consensus is est, qui ex libertate iudicij (re prius exploratâ) in idem conueniente, consistit. At numerus longè maximus eorum qui in Aristotelis Philosophiam consenserunt, ex præiudicio & authoritate aliorum, se illi mancipauit; ut sequacitas sit potius & coitio, quàm Consensus. Quòd si fuisset ille verus Consensus, & latè patens, tantum abest, ut Consensus pro verâ & solidâ Authoritate haberi debeat, ut etiam violentam præsumptionem inducat in contrarium. Pessimum enim omnium est augurium quod ex Consensu capitur in rebus Intellectualibus: exceptis Diuinis & Politicis, in quibus suffragiorum jus est. Nihil enim multis placet, nisi imaginationem feriat, aut Intellectum vulgarium notionum nodis astringat, ut supra dictum est. Itaque optimè traducitur illud Phocionis, à Moribus ad Intellectualia; Ut statim se examinare debeant homines, quid errauerint, aut peccauerint; si multitudo consentiat & complaudat. Hoc Signum igitur ex auersissimis est. Itaque quòd Signa veritatis & sanitatis Philosophiarum & Scientiarum, quæ in usu sunt, malè se habeant; siue capiantur ex Originibus ipsarum, siue ex Fructibus, siue ex Progressibus, siue ex Confessionibus Authorum, siue ex Consensu; iam dictum est.

LXXVIII.

IAm verò veniendum ad Causas errorum, & tam diuturnæ in illis per tot sæcula moræ; quæ plurimæ sunt & potentissimæ: ut tollatur omnis admiratio, hæc
quæ

quæ adducimus, homines hucusque latuisse & fugisse; & maneat tantum admiratio, illa nunc tandem alicui mortali in mentem venire potuisse, aut cogitationem cuiuspiam subiisse: quod etiam (vt nos existimamus) *Fælicitatis* magis est cuiusdam, quàm excellentis alicuius *Facultatis*; vt potius pro *Temporis* partu haberi debeat, quàm pro partu *Fugenij*.

Primò autem tot seculorum numerus, verè rem reputanti, ad magnas angustias recidit. Nam ex viginti quinque annorum *Centurijs*, in quibus memoria & doctrina hominum ferè versatur, vix sex *Centuriæ* sponi & excerpti possunt, quæ *Scientiarum* feraces, earumque prouentui vtiles fuerunt. Sunt enim non minus *Temporum*, quàm *Regionum* *Eremitarum* & vastitates. Tres enim tantum *Doctrinarum* reuolutiones & periodi rectè numerari possunt: *Vna*, apud *Græcos*; *Altera*, apud *Romanos*; *Vltima*, apud nos, *Occidentales* scilicet *Europæ nationes*: quibus singulis vix duæ *Centuriæ* annorum meritò attribui possunt. *Media* *Mundi* tempora, quoad *Scientiarum* segetem vberem aut lætam, infœlicia fuerunt. Neque enim causa est, vt vel *Arabum*, vel *Scholasticorum* mentio fiat: qui per intermedia tempora *Scientias* potius contriuerunt numerosis tractatibus, quàm pondus earum auxerunt. Itaque prima Causa tam pusilli in *Scientijs* profectus, ad angustias *Temporis* erga illas propitij, ritè & ordine refertur.

LXXIX.

AT secundo loco se offert Causa illa magni certè per omnia momenti : ea videlicèt , quòd per illas ipsas ætates , quibus hominum ingenia & literæ maximè vel etiam mediocritèr floruerint , Naturalis Philosophia minimam partem humanæ operæ sortita sit. Atque hæc ipsa nihilominùs pro magnâ Scientiarum matre haberi debet. Omnes enim Artes & Scientiæ ab hac stirpe reuulsæ , poliuntur fortassè , & in vsum effinguntur ; sed nil admodum crescunt. At manifestum est , postquàm Christiana fides recepta fuisset & adoleuisset , longè maximam ingeniorum præstantissimorum partem ad Theologiam se contulisse ; atque huic rei & amplissima præmia proposita , & omnis generis adiumenta copiosissimè subministrata fuisse : Atq; hoc Theologiæ studium præcipuè occupasse tertiam illam partem sue periodum temporis apud nos Europæos Occidentales ; eò magis , quòd sub idem ferè tempus & literæ florere , & controuersie circa Religionem pullulare cœperint. At æuo superiori , durante periodo illâ secundâ apud Romanos , potissimæ Philosophorum meditationes & industria in Morali Philosophiâ (quæ Ethnicis vice Theologiæ erat) occupatæ & consumptæ fuerunt : Etiam summa ingenia , illis temporibus ut plurimum ad res Ciuiles se applicuerunt , propter magnitudinem Imperij Romani , quod plurimorum hominum operâ indigebat. At illa ætas , quâ Naturalis Philosophia apud Græcos maximè florere
visa

visa est, particula fuit Temporis minimè diuturna; cum & antiquioribus temporibus septem illi qui Sapientes nominabantur, omnes (præter Thaletem ad Moralem Philosophiam & Ciuilia se applicuerint; & posterioribus temporibus postquam Socrates Philosophiam de cælo in terras deduxisset, adhuc magis inualuerit Moralis Philosophia, & ingenia hominum à Naturali auerterit.

At ipsissima illa periodus temporis, in quâ inquisitiones de Naturâ viguerunt, contradictionibus & nouorum placitorum ambitione corrupta est, & inutilis reddita. Itaque quandoquidè per tres istas periodos, Naturalis Philosophia maiorem in modum neglecta aut impedita fuerit, nil mirum si homines parùm in eâ re profecerint, cum omninò aliud egerint.

LXXX.

Accedit & illud, quòd Naturalis Philosophia in ijs ipsis viris qui ei incubuerint, vacantem & integrum hominem, præsertim his recentioribus temporibus, vix nata sit; nisi fortè quis Monachi alicuius in cellulâ, aut Nobilis in villulâ lucubrantis, exemplum adduxerit: Sed facta est demùm Naturalis Philosophia instar transitûs cuiusdam & ponti-Sternij ad alia.

Atque magna ista Scientiarum Mater mirâ indignitate ad officia Ancillæ detrusa est; quæ Me-

L

dicinæ

dicinæ aut Mathematicis operibus ministret, & rursus quæ adolescentium immatura ingenia lauet & imbuat velut tincturâ quadam primâ, ut aliam postea fœlicius & commodius excipiant. Interim nemo expectet magnum progressum in Scientijs, (præsertim in parte earum Operatiuâ) nisi Philosophia Naturalis ad Scientias particulares producta fuerit, & Scientiæ particulares rursus ad Naturalem Philosophiam reductæ. Hinc enim fit, ut Astronomia, Optica, Musica, plurimæ Artes Mechanicæ, atque ipsa Medicina, atque (quod quis magis miretur) Philosophia Moralis & Ciuilis, & Scientiæ Logicæ nil ferè habeant altitudinis in profundo; sed per superficiem & varietatem rerum tantum labantur: quia postquam particulares istæ Scientiæ dispersitæ & constitutæ fuerint, à Philosophiâ Naturali non amplius alantur; quæ ex fontibus & veris contemplationibus, Motuum, Radiorum, Sonorum, Texturæ, & Schematismi Corporum, Affectuum, & prehensionum Intellectualium, nouas vires & augmenta illis impertiri potuerit. Itaque minimè mirum est si Scientiæ non crescant, cum à radicibus suis sint separatæ.

LXXXI.

Rursus se ostendit alia causa potens & magna, cur Scientiæ parum promouerint. Ea verò hæc est; quòd fieri non possit, ut rectè procedatur in curriculo, ubi ipsa Metâ non rectè posita sit, & defixa. Metâ autem Scientiarum vera & legitima, non alia est,

est, quàm ut dotetur vita humana nouis Inuentis, & copijs. At turba longè maxima nihil ex hoc sapit, sed meritoria planè est, & professoria; nisi fortè quandoquè eueniat, ut artifex aliquis acrioris ingenij, & gloriæ cupidus, nouo alicui Inuento det operam; quod ferè fit cum facultatum dispendio. At apud plerosque tantum abest, ut homines id sibi proponant, ut Scientiarum & Artium Massa augmentum obtineat; ut ex eâ, quæ præstò est, Massâ, nil ampliùs sumant aut quærant, quàm quantum ad vsum professorium, aut lucrum, aut exislimationem, aut huiusmodi compendia conuertere possint. Quòd si quis ex tantâ multitudine Scientiam affectu ingenuo, & propter se expetat; inuenietur tamen ille ipse, potiùs contemplationum & doctrinarum varietatem, quàm veritatis seueram & rigidam inquisitionem sequi. Rursùs, si alius quispiam fortasse veritatis inquisitor sit seuerior; tamen & ille ipse talem sibi proponet veritatis conditionem, quæ Menti & Intellectui satisfaciat in redditione causarum, rerum quæ iampridem sunt cognitæ; non eam quæ noua operum pignora, & nouam Axiomatum lucem assequatur. Itaque, si finis Scientiarum à nemine adhuc bene positus sit, non mirum est si in ijs, quæ sunt subordinata ad finem, sequatur aberratio.

LXXXII.

Quemadmodum autem finis & Meta Scientiarum malè posita sunt apud homines; ita rursùs etiamsi illa rectè posita fuissent, viam tamen sibi de-

legerunt omninò erroneam, & imperuiam. Quod stupore quodam animum ritè rem reputanti perculserit; non ulli mortalium Curæ aut Cordi fuisse, vt Intellectui humano, ab ipso sensu & experientiâ ordinatâ & bene conditâ, via aperiretur & muniretur; sed omnia, vel traditionum caligini, vel argumentorum vertigini, & turbini, vel casûs & experientiæ vagæ & inconditæ vendis, & ambagibus permissa esse. Atque cogitet quis sobriè & diligentèr, qualis sit ea via, quam in inquisitione & inuentione alicuius rei homines adhibere consueuerunt; Et primò notabit proculdubiò inueniendi modum simplicem & inartificiosum, qui hominibus maximè est familiaris. Hic autem non alius est, quàm vt is qui se ad inueniendum aliquid comparat & accingit, primò quæ ab alijs circa illa dicta sint inquirat & enoluat; deindè propriam meditationem addat, atque per Mentis multam agitationem, spiritum suum proprium sollicitet, & quasi inuocet, vt sibi oracula pandat; quæ res omninò sine fundamento est, & in opinionibus tantùm voluitur.

At alius quisspiam Dialecticam ad inueniendum aduocet, quæ nomine tenus tantùm ad id quod agitur, pertinet. Inuentio enim Dialecticæ non est Principiorum, & Axiomatum præcipuorum, ex quibus Artes constant, sed eorum tantùm quæ illis consentanea videntur. Dialectica enim magis curiosos & importunos, & sibi negotium facessentes, eamq; interpellantes de probationibus, & inuentionibus Principiorum, siue Axiomatum primorum, ad fidem, & veluti Sacramentum cuiilibet Arti præstandum, notissimo responsore reijcit.

Restat

Restat *Experientia* mera, quæ, si occurrat, *Casus*; si quaesita sit, *Experimentum* nominatur. Hoc autem *Experientiae* genus nihil aliud est, quàm (quod aiunt) scopæ dissolutæ, & mera palpatio, quali homines noctu vtuntur, omnia pertentando, si fortè in rectam viam incidere detur; quibus multò satius & consultius foret, diem præstolari, aut lumen accendere, & deinceps viam inire. At contrà, verus *Experientiae* ordo primò lumen accendit, deinde per lumen iter demonstrat, incipiendo ab *Experientiâ* ordinatâ, & digestâ, & minime præposterâ aut erraticâ, atque ex eâ educendo *Axiomata*, atque ex *Axiomatibus* constitutis rursus *Experimenta* noua, quàm nec verbum Diuinum in rerum *Massam*, absque ordine operatum sit.

Fitque desinant homines mirari, si spatium *Scientiarum* non confectum sit, cum à viâ omnino aberrauerint; relictâ prorsus, & desertâ *Experientiâ*, aut in ipsâ (tanquàm in *Labyrintho*) se intricando, & circumcursando; cum ritè institutus ordo, per *Experientiae* sylvas, ad aperta *Axiomatum*, tramite constanti ducat.

LXXXIII.

Excreuit autem mirum in modum istud malum, ex opinione quadam, siue æstimatione inueteratâ, verum tumidâ, & damnosâ; Minui nempè *Mentis* humanæ *Maiestatem*, si experimentis, & rebus particularibus sensui subiectis, & in materiâ determinatis, diù ac multùm versetur: præsertim quàm huiusmodi
res

res ad inquirendum laboriosæ, ad meditandum ignobiles, ad dicendum asperæ, ad practicam illiberales; numero infinitæ, & subtilitate tenues esse soleant. Itaque iam tandem huc res redijt, vt via vera non tantum deserta, sed etiam interclusa & obstructa sit; fastiditâ *Experientiâ*, nedum relictâ, aut malè administratâ.

LXXXIV.

Rursus verò homines à progressu in *Scientijs* detinuit & ferè incantauit *Reuerentia Antiquitatis*, & virorum, qui in *Philosophiâ* magni habiti sunt, *authoritas*, atque deindè *Consensus*. Atque de *Consensu* superiùs dictum est.

De *Antiquitate* autem, opinio quam homines de ipsâ fouent, negligens omninò est, & vix verbo ipsi congrua. *Mundi* enim *senium* & *grandæuitas* pro *Antiquitate* verè habenda sunt; quæ temporibus nostris tribui debent, non iuniori ætati *Mundi*, qualis apud *Antiquos* fuit. Illa enim ætas respectu nostri, antiqua & maior; respectu mundi ipsius, noua & minor fuit. Atque reuerà quemadmodum maiorem rerum humanarum notitiam, & maturius iudicium, ab homine sene expectamus, quàm à Iuene, propter *Experientiam*, & rerum quas vidit, & audiuit, & cogitauit, varietatem & copiam; eodem modo & à nostrâ ætate (si vires suas nosset, & experiri, & intendere vellet) maiora multò quàm à priscis temporibus expectari par est; vtpotè ætate *Mundi* grandiore, & infinitis experimentis & observationibus aucta & cumulata.

Neque

Neque pro nihilo aestimandum, quod per longinquas navigationes & peregrinationes (quæ sæculis nostris increbuerunt) plurima in Naturâ patuerint, & reperta sint, quæ nouam Philosophiæ lucem immittere possint. Quin & turpe hominibus foret, si globi materialis tractus, Terrarum videlicet, *Marium*, *Astorum*, nostris temporibus immensum aperti & illustrati sint; globi autem Intellectualis fines, inter veterum inuenta & angustias cobibentur.

Authores verò quod attinet, summæ pusillanimitatis est, Authoribus infinita tribuere, Authori autem authorum, atque adeò omnis authoritatis, Tempori, ius suum denegare. Rectè enim Veritas, Temporis filia dicitur, non Authoritatis. Itaque mirum non est, si fascina ista Antiquitatis, & Authorum, & Consensus, hominum virtutem ita ligauerint, ut cum rebus ipsis consuescere, (tanquam *Maleficiati*) non potuerint.

LXXXV.

NEque solum admiratio Antiquitatis, Authoritatis, & Consensus, hominum industriam in ijs quæ iam inuenta sunt acquiescere compulit; verum etiam operum ipsorum admiratio, quorum copia iam pridem facta est humanogenere. Etenim quum quis rerum varietatem, & pulcherrimum apparatus, qui per Artes Mechanicas ad cultum humanum congestus & introductus est, oculis subiecerit, eò certè inclinabit, ut potius ad opulentiae humanæ admirationem, quàm ad inopie sensum accedat; minimè aduertens primitiuas hominis

minis observationes, atque Naturæ operationes, (quæ ad omnem illam varietatem, instar animæ sunt, & primi Motûs) nec multas, nec altè petitas esse; Cætera ad patientiam hominum tantum, & subtilem & ordinatum Manûs, vel instrumentorum motum, pertinere. Res enim (exempli gratiâ) subtilis est certè & accurata, confectio horologiorum, talis scilicet, quæ cœlestia in rotis, pulsum animalium in motu successiuo & ordinato, videatur imitari; quæ tamen res, ex uno aut altero Naturæ Axiomate pendet.

Quòd si quis rursus subtilitatem illam intueatur, quæ ad Artes Liberales pertinet; aut etiàm eam quæ ad corporum naturalium præparationem, per Artes Mechanicas spectat, & huiusmodi res suspiciat; veluti Inventionem motuum cœlestium in Astronomiâ, Concentuum in Musicâ, literarum Alphabeti (quæ etiàm adhuc in regno Syonarum in usu non sunt) in Grammatica; aut rursus in Mechanicis, factorum Bacchi & Cereris, hoc est, præparationem vini & ceruisiæ, panificiorum, aut etiàm Mensæ deliciarum, & distillationum, & similium; ille quoque si secum cogitet, & animum aduertat, per quantos temporum circuitus (cùm hæc omnia, præter distillationes, antiqua fuerint) hæc ad eam quam nunc habemus culturam perducta sint, & (ut iam de horologijs dictum est) quàm parum habeant ex observationibus & Axiomatibus Naturæ, atque quàm facilè, & tanquam per occasiones obuias, & contemplationes incurrentes, ista inueniri potuerint; ille (inquam) ab omni admiratione se facilè liberabit, & potius humanæ conditionis miserebitur, quòd per tot sæcula

cula, tanta fuerit rerum & Inuentorum penuria, & sterilitas. Atque hæc ipsa tamen, quorum nunc mentionem fecimus, Inuenta, Philosophiâ & Artibus Intellectûs antiquiora fuerunt. Adeò vt (si verum dicendum sit) cùm huiusmodi Scientiæ rationales & dogmaticæ inceperint, Inuentio operum utilium desierit.

Quòd si quis ab Officinis ad Bibliothecas se conuerterit, & immensam quam videmus librorum varietatem in admiratione habuerit, is examinatis & diligentius introspectis ipsorum librorum materijs & contentis, obstupescet certè in contrarium; & postquam nullum dari finem repetitionibus obseruauerit, quamq; homines eadem agant & loquantur, ab admiratione varietatis transibit ad miraculum indigentiae, & paucitatis earum rerum, quæ hominum mentes adhuc tenuerunt & occuparunt.

Quòd si quis ad intuendum ea, quæ magis curiosa habentur quam sana, animum submiserit, & Alchymistarum aut Magorum opera penitiùs introspexerit, is dubitabit forsitan utrùm risu, an lachrymis potius illa digna sint. Alchymista enim spem alit æternam, atque ubi res non succedit, errores proprios reos substituit; secum accusatoriè reputando, se aut Artis, aut Auctorum vocabula non satis intellexisse, vnde ad traditiones & auriculares susurros animum applicat; aut in practicæ suæ scrupulis & momentis aliquid titubatum esse; vnde Experimenta in infinitum repetit; ac interim quàm inter Experimentorum sortes, in quædam incidat aut ipsâ facie noua, aut utilitate non contem-

M

nenda;

nenda; huiusmodi pignoribus animum pascit, eaque in maius ostentat & celebrat; reliqua spe sustentat. Neque tamen negandum est, Alchymistas non pauca inuenisse, & Inuentis utilibus homines donasse. Verum fabula illa non malè in illos quadrat de Sene, qui filijs aurum in vineâ defossum, (sed locum se nescire simulans) legauerit; vnde illi vineæ fodiendæ diligentèr incubuerunt, & aurum quidem nullum repperunt, sed vindemia ex eâ culturâ facta est vberior.

At Naturalis Magiæ Cultores, qui per rerum Sympathias & Antipathias omnia expediunt, ex coniecturis otiosis & supinissimis, rebus virtutes & operationes admirabiles affinxerunt; atque si quando opera exhibuerint, ea illius sunt generis, ut ad admirationem & nouitatem, non ad fructum & vilitatem, accommodata sint.

In superstitiosâ autem Magiâ, (si & de hac dicendum sit) illud imprimis animaduertendum est, esse tantummodò certi cuiusdam & definiti generis subiecta, in quibus Artes curiosæ & superstitiosæ, per omnes Nationes, atque ætates, atque etiam religiones, aliquid potuerint aut luserint. Itaque ista missa faciamus: Interim nil mirum est, si opinio Copiæ, causam Inopiæ dederit.

LXXXVI.

Atque hominum admirationi quoad Doctrinas & Artes, per se satis simplici, & propè puerili, incrementum accessit ab eorum astu & artificio, qui
Scien-

Scientias tradiderunt & tradiderunt. Illi enim ea ambitione & affectatione eas proponunt, atque in eum modum efformatas, ac veluti personatas in hominum conspectum producunt, ac si illæ omni ex parte perfectæ essent, & ad exitum perductæ. Si enim Methodum aspicias, & partitiones, illæ prorsus omnia completi & concludere videntur, quæ in illud subiectum cadere possunt. Atque licet membra illa malè impleta, & veluti Capsula inanes sint; tamen apud Intellectum vulgarem Scientiæ formam & rationem integræ præ se ferunt.

At primi & Antiquissimi veritatis Inquisitores, meliore fide & fato, cognitionem illam, quam ex rerum contemplatione decerpere, & in vsum recondere statuebant, in Aphorismos, siue breues, easdemque sparsas, nec Methodo reuinctas sententias, coniungere solebant; neque se Artem vniuersam completi simulabant, aut profitebantur. At eo quo nunc res agitur modo, minimè mirum est, si homines in ijs vltiora non perueniant, quæ pro perfectis & numeris suis iam prædicantur solutis traduntur.

LXXXVII.

Antiqua magnum existimationis & fidei incrementum acceperunt, ex eorum vanitate & leuitate, quæ noua proposuerunt; præsertim in Philosophiæ vniuersalis parte actiua & operatiua. Neque enim de his homines vaniloqui & phantastici, qui partim ex ambitione, partim ex impostura, genus humanum pro-

missis onerârunt: vitæ Prolongationem, Senectutis retardationem, dolorum leuationem, Naturalium defectuum reparationem, Sensuum deceptiones, Affectuum ligationes & incitationes, Intellectualium facultatum illuminationes & exaltationes, Substantiarum transmutationes, & Motuum ad libitum roborationes & multiplicationes, Aeris impressiones & alterationes, Cœlestium Influentialium deductiones & procurationes, rerum futurarum diuinationes, remotarum repræsentationes, occultarum reuelationes, & alia complura pollicitando & ostentando. Verùm de istis Largitoribus non multùm aberrauerit, qui istiusmodi iudicium fecerit, tantum nimirùm in doctrinis Philosophiæ, inter horum vanitates, & veras Artes interesse, quantum inter res gestas Iulij Cæsaris, aut Alexandri Magni, & res gestas Amadicij ex Galliâ, aut Arthuri ex Britannia, in historiæ narrationibus intersit. Inueniuntur enim clarissimi illi Imperatores reuerà maiora gessisse, quàm umbratiles isti Heroes etiam fecisse fingantur; sed modis & vijs scilicèt actionum, minimè fabulosis & prodigiosis. Neque propterea æquum est veræ memoriæ fidem derogari, quòd à fabulis illa quandoquè læsa sit, & violata. Sed interim minimè mirum est, si propositionibus nouis (præsertim cum mentione operum) magnum sit factum præiudiciũ, per istos impostores qui similia tentauerunt; cùm vanitatis excessus & fastidium, etiam nunc omnem in eiusmodi conatibus magnanimitatem destruxerit.

At longè

LXXXVIII.

AT longè maiora à pusillanimitate, & pensorum, quæ humana industria sibi proposuit, paruitate & tenuitate, detrimenta in Scientias inuecta sunt. Et tamen (quod pessimum est) pusillanimitas ista non sine arrogantia, & fastidio se offert.

Primum enim, omnium Artium illa reperitur cautela iam facta familiaris, ut in quâlibet Arte Authores, Artis suæ infirmitatem in Naturæ calumniam vertant; & quod Ars ipsorum non assequitur, id ex eadem Arte impossibile in Natura pronunciant. Neque certè damnari potest Ars, si ipsa iudicet. Etiam, Philosophia quæ nunc in manibus est, in sinu suo posita quædam fouet, aut placita, quibus (si diligentius inquiratur) hoc hominibus omninò persuaderi volunt; nil ab Arte, vel hominis opere arduum, aut in Naturam imperiosum, & validum, expectari debere; ut de Heterogeniâ Caloris, Astri & Ignis, & Mistione, superius dictum est. Quæ si notentur accuratiùs, omninò pertinent ad humanæ potestatis circumscriptionem malitiosam, & ad quæsitam & artificiosam desperationem, quæ non solum spei auguria turbet, sed etiam omnes industriæ stimulos & nervos incidat, atque ipsius Experimentiæ aleas abijciat; dum de hoc tantum solliciti sint, ut Ars eorum perfecta censeatur; gloriæ vanissimæ & perditissimæ dantes operam, scilicet ut quicquid adhuc inuentum & comprehensum non sit, id omninò nec inueniri, nec comprehendi posse in futurum credatur. At si
quis

quis rebus addere se, & nouum aliquod reperire conetur, ille tamen omnino sibi proponet & destinabit, vnum aliquod Inuentum (nec ultra) perscrutari & eruere; vt Magnetis naturam, Maris fluxum & refluxum, Thema Cœli, & huiusmodi, quæ secreti aliquid habere videntur, & hactenus parum sceleriter tractata sint: Quum summæ sit imperitiæ, rei alicuius naturam in se ipsâ perscrutari: quandoquidem eadem Natura, quæ in alijs videtur latens & occulta, in alijs manifesta sit, & quasi palpabilis; atque in illis admirationem, in his nè attentionem quidem moueat; vt sit in Naturâ Consistentiæ, quæ in ligno vel lapide non notatur, sed solidi appellatione transmittitur, neque amplius de fugâ separationis aut solutionis continuitatis inquiratur: At in Aquarum bullis eadem res videtur subtilis, & ingeniosa, quæ bullæ se coniungunt in pelliculas quasdam, in Hemisphærij formam curiosè efficitas, vt ad momentum temporis euitetur solutio continuitatis.

Atque prorsus illa ipsa quæ habentur pro secretis, in alijs habent naturam manifestam & communem; quæ nunquàm se dabit conspiciendam, si hominum Experimenta aut contemplationes in illis ipsis tantum versentur. Generalitèr autem & vulgò, in Operibus Mechanicis habentur pro nouis Inuentis, si quis iampridè Inuenta subtiliùs poliat, vel ornet elegantius, vel simul vniat & componat, vel cum vsu commodius copulet, aut opus maiore, aut etiam minore quàm fieri consuevit mole vel volumine exhibeat, & similia.

Itaque minimè mirum est, si nobilia, & genere humano digna Inuenta in lucem extracta non sint, quum

quum homines huiusmodi exiguis pensis, & puerilibus, contenti & delectati fuerint; quinetiam in iisdem se magnum aliquod sequutos, aut assequutos putauerint.

LXXXIX.

NEquè illud prætermittendum est, quòd nacla sit Philosophia Naturalis per omnes ætates aduersarium molestum & difficilem; Superstitionem nimirum, & zelum Religionis cæcum & immoderatum. Etenim videre est apud Græcos, eos, qui primum causas naturales Fulminis & Tempestatum insuetis adhuc hominum auribus proposuerunt, impietatis in Deos eo nomine damnatos: Nec multò melius à nonnullis antiquorum Patrum Religionis Christianæ exceptos fuisse eos; qui ex certissimis demonstrationibus (quibus nemo hodiè sanus contradixerit) Terram rotundam esse posuerunt, atque ex consequenti Antipodas esse asseruerunt.

Quinetiam, ut nunc sunt res, conditio sermonum de Naturâ facta est durior & magis cum periculo, propter Theologorum Scholasticorum Summas & Methodos; qui cum Theologiam (satis pro potestate) in ordinem redegerint, & in Artis formam effinxerint, hoc insuper effecerunt, ut pugna & spinosa Aristotelis Philosophia Corpori Religionis, plus quàm par erat, immisceretur.

Eodè etiam spectant (licet diuerso modo) eorum Commentationes, qui veritatem Christianæ Religionis ex Principijs & Authoritatibus Philosophorum deducere &

cere & confirmare haud veriti sunt ; Fidei & Sensûs coniugium tanquam legitimum multâ pompâ & solennitate celebrantes , & gratâ rerum varietate animos hominum permulcentes ; sed interim Diuina Humanis , impari conditione , permiscentes. At in huiusmodi *Misturis Theologiæ cum Philosophiâ* , ea tantum , quæ nunc in *Philosophiâ* recepta sunt , comprehenduntur ; sed noua , licet in melius mutata , tantum non summoventur & exterminantur.

Denique inuenias , ex quorundam Theologorum imperitiâ , aditum alicui *Philosophiæ* , quamuis emendatæ , pene interclusum esse. Alij siquidem simplicius subuerentur , ne fortè altior in *Naturam* inquisitio ultra concessum sobrietatis terminum penetret ; traduentes & perperam torquentes ea quæ de diuinis *Mysterijs* in *Scripturis Sacris* aduersus rimantes secreta diuina dicuntur , ad occulta *Naturæ* , quæ nullo interdicto prohibentur. Alij callidiùs conijciunt & animo versant , si media ignorentur , singula ad manum & virgulam diuinam (quod *Religionis* , ut putant , maximè interfit) faciliùs posse referri : quod nihil aliud est , quàm Deo per mendacium gratificari velle. Alij ab exemplo metuunt , ne motus & mutationes circa *Philosophiam* in *Religionem* incurrant , ac desinant. Alij denique solliciti videntur , ne in *Naturæ* inquisitione aliquid inueniri possit , quod *Religionem* (præsertim apud indoctos) subuertat , aut saltem labefaciat. At isti duo posteriores metus nobis videntur omnino sapientiam animalem sapere ; ac si homines in mentis suæ recessibus & secretis cogitationibus

nibus, de firmitudine Religionis, & Fidei in Sensum imperio diffiderent ac dubitarent; & propterea ab inquisitione Veritatis in Naturalibus periculum illis impendere metuerent. At verè rem reputanti, Philosophia Naturalis, post Verbum Dei, certissima Superstitionis medicina est; eademq; probatissimum Fidei alimentum. Itaque meritò Religioni donatur tanquam fidissima Ancilla: cum altera Voluntatem Dei, altera Potestatem manifestet. Neque enim errauit ille qui dixit; Erratis, nescientes Scripturas, & Potestatem Dei: informationem de Voluntate, & meditationem de Potestate, nexu indiuiduo commiscens & copulans. Interim minùs mirum est si Naturalis Philosophiæ incrementa cohibita sint; cum Religio, quæ plurimum apud animos hominum pollet, per quorundam imperitiam & zelum incautum in partem contrariam transierit, & abrepta fuerit.

XC.

Rursus in moribus & institutis Scholarum, Academicarum, Collegiorum, & similium Conuentuum, quæ doctorum hominum sedibus, & eruditionis culturæ destinata sunt, omnia progressui Scientiarum aduersa inueniuntur. Lectiones enim & Exercitia ita sunt disposita, vt aliud à consuetis haud facile cuiquam in mentem veniat cogitare, aut contemplari. Si verò vnus aut alter fortassè iudicij libertate vti sustinerit, is sibi soli hanc operam imponere possit; ab aliorum autem consortio nihil capiet utilitatis. Sin & hoc tolera-

tolerauerit, tamen in capeffendâ fortunâ induſtriam hanc & magnanimitatem ſibi non leui impedimento fore experietur. *Studia enim hominum in euſmodi locis in quorundam Authorum ſcripta, veluti in carceres, concluda ſunt; à quibus ſi quis diſſentiat, continuo vt homo turbidus, & rerum nouarum cupidus corripitur. At magnum certè diſcrimen inter Res Ciuiles, & Artes: Non enim idem periculum à nouo motu, & à nouâ luce. Verùm in rebus Ciuilibus mutatio etiam in melius ſuſpecta eſt ob perturbationem; cùm Ciuilia authoritate, conſenſu, famâ, & opinione, non demonstratione nitantur. In Artibus autem & Scientijs tanquam in metalli-fodinis omnia nouis Operibus & ulterioribus progreſſibus circumſtrepere debent. Atque ſecundùm rectam Rationem res ita ſe habet, ſed interim non ita viuatur: ſed iſta, quam diximus, Doctrinarum adminiſtratio & Politia, Scientiarum augmenta duriùs premere conſueuit.*

XCI.

ATque inſupèr licèt iſta inuidia ceſſauerit, tamen ſatis eſt ad cobibendum augmentum Scientiarum, quòd huiusmodi conatus & induſtriæ præmijs careant. Non enim penes eoſdem eſt cultura Scientiarum, & præmium. Scientiarum enim augmenta à magnis vtique Ingenijs proueniunt; at pretia & præmia Scientiarum ſunt penes Vulgus aut Principes viros, qui (niſi rarò admodùm) vix mediocriter docti ſunt. Quinetiam huiusmodi progreſſus non ſolùm præmijs

mij; & beneficentiâ hominum, verum etiam ipsâ populari laude destituti sunt. Sunt enim illi supra caput maximæ partis hominum, & ab opinionum vulgarium ventis facile obruuntur & extinguuntur. Itaque nil mirum si res illa non fœliciter successerit, quæ in honore non fuit.

XCII.

Sed longè maximum progressibus Scientiarum, & nouis pensis ac prouincijs in ijsdem suscipiendis obstaculum, deprehenditur in desperatione hominum, & suppositione impossibilis. Solent enim viri prudentes & seueri in huiusmodi rebus planè diffidere: Naturæ obscuritatem, Vitæ breuitatem, Sensuum fallacias, Iudiciij infirmitatem, Experimentorum difficultates, & similia secum reputantes. Itaque existimant esse quosdam Scientiarum, per temporum & ætatum Mundi reuolutiones, fluxus & refluxus; cum alijs temporibus crescant & floreant, alijs declinent & iaceant: ita tamen, vt cum ad certum quendam gradum & statum peruenerint, nil ulterius possint.

Itaque si quis maiora credat aut spondeat, id putant esse cuiusdam impotentis & immaturi animi; atque huiusmodi conatus, initia scilicet leua, media ardua, extrema confusa habere. Atque cum huiusmodi cogitationes ex sint, quæ in viros graues & iudicio præstantes facile cadant; curandum reuerà est, ne rei optimæ & pulcherrimæ amore capti seueritatem iudiciij

*relaxemus, aut minuamus; & sedulò videndum quid
spei affulgeat, & ex quâ parte se ostendat; atque auris
leuioribus spei reiectis, eâ quæ plus firmitudinis habere
videntur, omninò discutiendæ sunt & pensandæ.
Quinetiam Prudentia Ciuilis ad consilium vocanda
est & adhibenda, quæ ex præscripto diffidit, & de re-
bus humanis in deterius conijcit. Itaque iam & de Spe
dicendum est; præsertim cùm nos promissores non si-
mus, nec vim aut insidias hominum iudicijs faciamus
aut struamus, sed homines manu & sponte ducamus.
Atque licet longè potentissimum futurum sit remedium
ad spem imprimendam, quando homines ad particula-
ria, præsertim in Tabulis nostris Fruendi digesta &
disposita (quæ partim ad secundam, sed multò magis
ad quartam Instaurationis nostræ partem pertinent)
adducemus; cùm hoc ipsum sit non spes tantum, sed tan-
quam res ipsa: tamen vt omnia clementius fiant, per-
gendum est in instituto nostro de præparandis hominum
mentibus; cuius Præparationis, ista ostensio Spei pars
est non exigua. Nam absque eâ, reliqua faciunt ma-
gis ad contristationem hominum, (scilicet, vt deterio-
rem & viliores habeant de ijs, quæ iam in usu sunt, opi-
nionem, quàm nunc habent; & suæ conditionis infortu-
nium plus sentiant & pernoscant) quàm ad alacrita-
tem aliquam inducendam, aut industriam experiendi
acuendam. Itaque Coniecturæ nostræ, quæ spem in
hac re faciunt probabilem, aperiendæ sunt & propo-
nendæ: sicut Columbus fecit, ante nauigationem
illam suam mirabilem maris Atlantici; cùm rationes ad-
duxe-*

duxerit, cur ipse nouas Terras & Continentes, præter eas quæ antè cognitæ fuerunt, inueniri posse confideret: Quæ rationes licèt primò reiectæ, postea tamen experimento probatæ sunt, & rerum maximarum causæ & initia fuerunt.

XCIII.

P Rincipium autem sumendum à Deo: Hòc nimirùm quod agitur, propter excellentem in ipso Boni naturam, manifestè à Deo esse; qui Author Boni, & Pater luminum est. In operationibus autem diuinis, initia quæque tenuissima exitum certò trahunt: Atque quod de Spiritualibus dictum est, Regnum Dei non venit cum obseruatione; id etiam in omni maiore Opere Prouidentia diuinæ euenire reperitur: ut omnia sine strepitu & sonitu placidè labantur; atque res planè agatur, priusquàm homines eam agi putent aut aduertant. Neque omittenda est Prophetia Danielis de ultimis Mundi temporibus; Multi pertransibunt, & multiplex erit scientia: Manifestè innuens & significans, esse in Fatis, id est, in Prouidentia, ut pertransitus Mundi (qui per tot longinquas nauigationes impletus planè, aut iam in opere esse videtur) & augmenta Scientiarum in eandem ætatem incidant.

Sequitur

XCIV.

S Equitur ratio omnium maxima ad faciendam spem; nempe ex erroribus temporis præteriti, & viarum adhuc tentatarum. Optima enim est ea reprehensio, quam de Statu Ciuili haud prudentè administrato quispiam his verbis complexus est: Quod ad præterita pessimum est, id ad futura optimum videri debet. Si enim vos omnia, quæ ad officium vestrum spectant, præstitissetis, neque tamen res vestræ in meliore loco essent; ne spes quidem vlla reliqua foret, eas in melius prouehi posse. Sed cum rerum vestrarum status, non à vi ipsâ rerum, sed ab erroribus vestris malè se habeat; sperandum est, illis erroribus missis aut correctis, magnam rerum in melius mutationem fieri posse. Simili modo, si homines per tanta annorum spatia viam veram inueniendi & colendi Scientias tenuissent, nec tamen ulterius progredi potuissent; audax proculdubio & temeraria foret opinio, posse rem in ulterius prouehi. Quòd si in viâ ipsâ erratum sit, atque hominum opera in ijs consumpta in quibus minimè oportebat; sequitur ex eo, non in Rebus ipsis difficultatem oriri, quæ potestatis nostræ non sunt; sed in Intellectu humano, eiusq; usu & applicatione; quæ res remedium & medicinam suscipit. Itaque optimum fuerit illos ipsos errores proponere: Quot enim fuerint errorum impedimenta in præterito, tot sunt spei argumenta in futurum. Ea verò licet in his quæ superius dicta sunt, non intacta omninò fuerint; tamen ea etiam

nunc

nunc breuiter, verbis nudis ac simplicibus representare visum est.

XCV.

Qui tractauerunt Scientias, aut Empirici, aut Dogmatici fuerunt. Empirici, formicæ more, congerunt tantum & utuntur: Rationales, aranearum more, telas ex se conficiunt: Apis verò ratio media est, quæ materiam ex floribus horti & agri elicit; sed tamen eam propriâ facultate vertit & digerit. Neque absimile Philosophiæ verum opificium est; quod nec Mentis viribus tantum aut præcipuè nititur, neque ex Historia Naturali & Mechanicis Experimentis præbitam materiam, in Memoriam integram, sed in Intellectu mutatam & subactam reponit. Itaque ex harum facultatum (Experimentalis scilicet, & Rationalis) arctiore & sanctiore fœdere (quod adhuc factum non est) benè sperandum est.

XCVI.

Naturalis Philosophia adhuc sincera non inuenitur, sed infecta & corrupta: In Aristotelis scholâ, per Logicam; in Platonis scholâ, per Theologiam naturalem; in secundâ scholâ Platonis, Procli, & aliorum, per Mathematicam; quæ Philosophiam naturalem terminare, non generare aut procreare debet. At ex Philosophiâ naturali purâ & impermixtâ, meliora speranda sunt.

Nemo

XCVII.

Nemo adhuc tantâ mentis constantiâ & rigore inuentus est, vt decreuerit & sibi imposuerit, Theorias & Notiones communes penitus abolere, & Intellectum abrasum & æquum ad particularia de integro applicare. Itaque Ratio illa humana quam habemus, ex multâ fide, & multo etiam casu; nec non ex puerilibus, quas primò hausimus, Notionibus, farrago quædam est & congeries.

Quòd si quis ætate maturâ, & sensibus integris, & mente repurgatâ, se ad Experientiam & ad Particularia de integro applicet, de eo melius sperandum est. Atque hac in parte nobis spondemus fortunam Alexandri Magni: neque quis nos vanitatis arguat, antequàm exitum rei audiat, quæ ad exuendam omnem vanitatem spectat.

Etenim de Alexandro & eius rebus gestis Æschines ita loquutus est: Nos certè vitam mortalem non viuimus; sed in hoc nati sumus, vt posteritas de nobis portenta narret & prædicet: perindè ac si Alexandri res gestas pro miraculo habuisset.

At æuis sequentibus Titus Liuius meliùs rem aduertit & introspexit, atq; de Alexandro huiusmodi quippiam dixit: Eum non aliud quàm benè ausum vana contemnere. Atque simile etiam de nobis iudicium futuris temporibus factum iri existimamus: Nos nil magni fecisse; sed tantùm ea quæ pro magnis habentur, minoris fecisse. Sed interim (quod iam diximus)

diximus) non est spes nisi in Regeneratione Scientiarum; ut eæ scilicet ab Experientiâ certo ordine excitentur & rursus condantur: quod adhuc factum esse aut cogitatum, nemo (ut arbitramur) affirmauerit.

XCVIII.

ATque Experientiæ fundamenta (quando ad hanc omninò deueniendum est) aut nulla, aut admodum infirma adhuc fuerunt; nec Particularium sylua & materies, vel numero, vel genere, vel certitudine, informando Intellectui competens, aut ullo modo sufficiens adhuc quæsitæ est & congesta. Sed contra homines Docti (supini sanè & faciles) rumores quosdam Experientiæ, & quasi famas & auras eius ad Philosophiam suam vel constituendam vel confirmandam exceperunt, atque illis nihilominus pondus legitimi testimonij attribuerunt. Ac veluti si Regnum aliquod aut Status non ex literis & relationibus à Legatis & Nuntiis fide-dignis missis, sed ex Urbanorum sermunculis & ex triuijs consilia sua & negotia gubernaret; omninò talis in Philosophiam administratio, quatenus ad Experientiam, introducta est. Nil debitis modis exquisitum, nil verificatum, nil numeratum, nil appensum, nil dimensum in Naturali Historiâ reperitur. At quod in obseruatione indefinitum & vagum, id in informatione fallax & infidum est. Quod si cui hæc mira dictû videantur, & querelæ minùs iustæ propiora; cum Aristoteles tantus ipse vir, & tanti Regis opibus subnixus, tam accuratam de Animalibus

O

bus

bus *Historiam* confecerit; atque alij nonnulli maiore diligentia (licet strepitu minore) multa adiecerint; & rursus alij de *Plantis*, de *Metallis*, & *Fossilibus*, *historias* & *narrationes* copiosas conscripserint; is sanè non satis attendere & perspicere videtur, quid agatur in præsentia. Alia enim est ratio *Naturalis Historiæ*, quæ propter se confecta est; alia eius, quæ collecta est ad informandum *Intellectum* in ordine ad condendam *Philosophiam*. Atque hæc duæ *Historiæ* tum alijs rebus, tum præcipuè in hoc differunt; quòd prima ex illis specierum naturalium varietatem, non *Artium Mechanicarum Experimenta* contineat. Quemadmodum enim in *Ciuilibus* ingenium cuiusque, & occultus animi affectuumque sensus melius elicitur, cum quis in perturbatione ponitur, quàm aliàs: Simili modo, & occulta *Naturæ* magis se produnt per vexationes *Artium*, quàm cum cursu suo meant. Ita què tum demùm benè sperandum est de *Naturali Philosophiâ*, postquam *Historia Naturalis* (quæ eius basis est & fundamentum) melius instructa fuerit: antea verò minimè.

XCIX.

Atque rursus in ipsâ *Experimentorum Mechanicorum* copia, summa eorum quæ ad *Intellectus* informationem maximè faciunt, & iuuant, detegitur inopia. *Mechanicus* enim de veritatis inquisitione nullo modo sollicitus, non ad alia, quàm quæ operi suo subseruiunt, aut animum erigit, aut manum porrigit. Tum verò de *Scientiarum* ulteriore progressu
Spes

Spes benè fundabitur, quùm in Historiam Naturalem recipientur & aggregabuntur complura Experimenta, quæ in se nullius sunt vsûs, sed ad inuentionem causarum & Axiomatum tantùm faciunt; quæ nos Lucifera Experimenta, ad differentiam Fructiferorum, appellare consueuimus. Illa autem miram habent in se virtutem & conditionem; hanc videlicet, quòd nunquàm fallant, aut frustrentur. Cùm enim ad hoc adhibeantur, non vt opus aliquod efficiant, sed vt causam naturalem in aliquo reuelent, quaquaversùm cadunt, intentioni æquè satisfaciunt, cùm quæstionem terminent.

C.

AT non solum copia maior Experimentorum quærenda est & procuranda, atque etiam alterius generis, quàm adhuc factum est; sed etiam Methodus planè alia, & Ordo, & Processus, continuandæ & prouehendæ Experimentiæ, introducenda. Vaga enim Experimentia, & se tantùm sequens, (vt superius dictum est) mera palpatio est, & homines potius stupefacit, quàm informat. At cùm Experimentia lege certâ procedet, seriatim & continenter; de Scientijs aliquid melius sperari poterit.

CI.

Postquàm verò Copia & Materies Historiæ Naturalis & Experimentiæ talis, qualis ad opus

*Intellectus, siue ad opus Philosophicum requiritur, præ-
stò iam sit & parata; tamen nullo modo sufficit Intel-
lectus, ut in illam Materiem agat spontè & memoritè;
non magis, quàm si quis Computationem alicuius Ephe-
meridis memoritè se tenere, & superare posse speret.
Atque hæc tamen potiores Meditationis partes,
quàm Descriptionis in inueniendo fuerunt; neque adhuc
Experientia literata facta est: Atqui nulla nisi de Scrip-
to inuentio probanda est. Illà verò in usum veniente,
ab Experientiâ factâ demùm literatâ, melius speran-
dum.*

CII.

A*Tque insuper, cum tantus sit particularium nu-
merus, & quasi exercitus, isque ita sparsus &
diffusus; ut Intellectum disgreget & confundat; de veli-
tationibus, & lenibus Motibus, & transcurribus In-
tellectus, non benè sperandum est; nisi fiat instructio &
coordinatio per tabulas inueniendi idoneas, & benè dis-
positas, & tanquàm viuas, eorum quæ pertinent ad sub-
iectum in quo versatur inquisitio, atque ad harum ta-
bularum auxilia præparata & digesta, Mens ap-
plicetur.*

CIII.

V*Erùm post Copiam particularium, ritè & ordi-
ne, veluti sub oculos positorum, non statim trans-
eundum est ad Inquisitionem, & inuentionem nouorum
particularium, aut operum; aut saltèm, si hoc fiat, in eo
non acquiescendum. Neque enim negamus, post-
quam*

quàm omnia omnium Artium Experimenta collecta & digesta fuerint, atque ad vnius hominis notitiàm & iudiciũ peruenierint; quin ex ipsâ traductione Experimentorum vnius Artis in alias, multa noua inueniri possint, ad humanam vitam & statum utilia, per istam Experientiam quam vocamus Literatam; sed tamen minora de eâ speranda sunt; Maiora verò à nouâ luce Axiomatum, ex particularibus illis certâ viâ & regulâ eductorum, quæ rursus noua particularia indicent & designent. Neque enim in plano via sita est, sed ascendendo, & descendendo; Ascendendo primò ad Axiomata, Descendendo ad Opera.

CIV.

NEque tamen permittendum est, vt Intellectus à particularibus, ad Axiomata remota; & quasi generalissima (qualia sunt Principia (quæ vocant) Artium, & Rerum) saliat, & volet; & ad eorum immotam veritatem Axiomata mediâ probet, & expediat: quod adhuc factum est, prono ad hoc impetu naturali Intellectus; atque etiã ad hoc ipsum, per Demonstrationes quæ sunt per Syllogismum, iampridem edocto & assuefacto. Sed de Scientijs tum demum benè sperandum est, quando per Scalam veram, & per gradus continuos, & non intermissos, aut hiulcos, à particularibus ascendetur ad Axiomata minora, & deindè ad media, alia alijs superiora, & postremò demum ad generalissima. Etenim Axiomata infima non multum ab Experientiâ nudâ discrepant. Suprema

prema verò illa, & generalissima (quæ habentur) notionalia sunt, & abstracta, & nil habent solidi. At media sunt Axiomata illa vera, & solida, & viua, in quibus humana res, & fortunæ, sitæ sunt; & supra hæc quoque, tandem ipsa illa generalissima; talia scilicet, quæ non abstracta sint, sed per hæc media verè limitantur.

Itaque hominum Intellectui non plumæ addendæ, sed plumbum potius, & pondera; vt cobibeant omnem salum & volatum. Atque hoc adhuc factum non est; Quum verò factum fuerit, melius de Scientijs sperare licebit.

C V.

IN constituendo autem Axiomate, forma Inductionis alia quàm adhuc in vusu fuit, excogitanda est; eaque non ad Principia tantum (quæ vocant) probanda & inuenienda, sed etiam ad Axiomata minora, & media, demiquè omnia. Inductio enim quæ procedit per enumerationem simplicem, res puerilis est, & precario concludit, & periculo exponitur ab instantiâ contradictoriâ, & plerumquè secundum pauciora quàm par est, & ex his tantummodò quæ præstò sunt, pronunciat. At Inductio, quæ ad inuentionem & demonstrationem Scientiarum & Artium erit utilis, Naturam separare debet, per reiectiones & exclusiones debitas; ac deindè post negatiuas tot quot sufficiunt, super affirmatiuas concludere; quod adhuc factum non est, nec tentatum certè, nisi tantummodò à Platone, qui ad excuiendas definitiones & ideas, hâc certè formâ Inductionis

Inductionis aliquatenus utitur. Verum ad huius Inductionis, sue Demonstrationis instructionem bonam & legitimam, quàm plurima adhibenda sunt, quæ adhuc nullius mortalium cogitationem subiere; adeò ut in eâ maior sit consumenda opera, quàm adhuc consumpta est in Syllogismo. Atque huius Inductionis auxilio, non solum ad Axiomata inuenienda, verumetiàm ad Notiones terminandas, utendum est. Atque in hac certè Inductione, spes maxima sita est.

CVI.

AT in Axiomatibus constituendis per hanc Inductionem, examinatio & probatio etiàm facienda est; utrùm quod constituitur Axioma aptatum sit tantum, & ad mensuram factum eorum particularium ex quibus extrahitur; an verò sit amplius, & latius. Quòd si sit amplius, aut latius, videndum an eam suam amplitudinem & latitudinem, per nouorum particularium designationem, quasi fide-iussione quãdam firmet; nè vel in iam notis tantum hæreamus, vel laxiore fortassè complexu, umbras & formas abstractas, non solida & determinata in materiâ, prensemus. Hæc verò cum in usum venerint, solida tum demùm spes meritò affulserit.

CVII.

ATque hic etiàm resumendum est, quod superius dictum est de Naturali Philosophiâ productâ, & Scientijs

Scientijs particularibus ad eam reductis, ut non fiat scissio & truncatio Scientiarum; Nam etiam absquè hoc, minùs de progressu sperandum est.

CVIII.

A*Tque de desperatione tollendâ, & spe faciendâ, ex præteriti temporis erroribus valere iussis, aut rectificatis, iam dictum est. Videndum autem & si quæ alia sint, quæ spem faciant. Illud verò occurrit; si hominibus non quærentibus, & aliud agentibus, multa vtilia, tanquàm casu quodam, aut per occasionem, inuenta sint; nemini dubium esse posse, quin iisdem quærentibus, & hoc agentibus, idq; viâ & ordine, non impetu & desultoriè, longè plura detegi necesse sit. Licèt enim semel, aut iterùm accidere possit, ut quispiam in id fortè fortunâ incidat, quod magno conatu, & de industriâ scrutantem, antea fugit; tamen in summâ rerum, proculdubiò contrarium inuenitur. Itaq; longè plura, & meliora, atquè per minora intervalla, à ratione & industriâ, & directione, & intentione hominum, speranda sunt, quàm à casu, & instinctu animalium, & huiusmodi, quæ hætenùs principium Inuentis dederunt.*

CIX.

E*Tiam illud ad spem trahi possit, quòd nonnulla ex his quæ iam inuenta sunt, eius sint generis, ut antequàm inuenirentur, haud facile cuiquam in mentem*

tem venisset, de ijs aliquid suspicari; sed planè quis illa ut impossibilia contempsisset. Solent enim homines de rebus nouis, ad exemplum veterum, & secundum phantasmam ex ijs præceptam, & inquinatam, harrolari; quod genus opinandi fallacissimum est, quandoquidè multa ex his quæ ex fontibus rerum petuntur, per riuulos consuetos non fluant.

Uelut si quis ante tormentorum igneorum inuentionem, rem per effectus descripsisset, atquè in hunc modum dixisset; Inuentum quoddam detectum esse, per quod muri, & munitiones quæque maximæ, ex longo interuallo concuti, & deiici possint; homines sanè de viribus tormentorum & machinarum, per pondera, & rotas, & huiusmodi arietationes, & impulsus multiplicandis, multa & varia secum cogitaturi fuissent: De vento autem igneo, tam subitò & violentè se expandente, & exsufflante, vix unquàm aliquid alicuius imaginationi, aut phantasie occursurum fuisset; ut potè cuius exemplum in proximo non vidisset, nisi fortè in terræ motu, aut fulmine, quæ ut Magnalia Naturæ, & non imitabilia ab homine, homines statim reiecturi fuissent.

Eodem modo, si ante fili bombycini inuentionem, quispiam huiusmodi sermonem iniecisset; Esse quoddam fili genus Inuentum, ad vestium & supellectilis vsum quod filum linteum aut laneum, tenuitate, & nihilominus tenacitate, ac etiam splendore, & mollitie longe superaret; homines statim aut de serico aliquo vegetabili, aut de animalis alicuius pilis delicatioribus, aut de avium plumis, & lanugine, aliquid opinaturi fuissent;

P

verum

verùm de vermibus pusilli texturâ, eaq̃ tam copiosâ, & se renouante, & anniuersariâ, nil fuissent certè commenturi. Quod si quis etiam de vermi verbum aliquod iniecisset, ludibrio certè futurus fuisset, vt qui nouas Aranearum operas somniaret.

Similitèr, si ante inuentionem *Acûs Nauticæ*, quispiam huiusmodi sermonem intulisset; Inuentum esse quoddam instrumentum, per quod Cardines, & puncta Cœli, exactè capi & dignosci possint; homines statim, de magis exquisitâ fabricatione instrumentorum *Astronomicorum*, ad multa & varia, per agitationem phantasie, discursuri fuissent; quòd verò aliquid inueniri possit, cuius motus cum cœlestibus tam benè conueniret, atquè ipsum tamen ex cœlestibus non esset, sed tantum substantia lapidea, aut metallica; omnino incredibile visum fuisset. Atquè hæc tamen, & similia, per tot mundi ætates, homines latuerunt, nec per *Philosophiam*, aut *Artes rationales* inuenta sunt, sed casu, & per occasionem; suntq̃ illius (vt diximus) generis, vt ab ijs quæ antea cognita fuerunt, planè heterogenea, & remotissima sint, vt prænotio aliqua nihil prorsus ad illa conducere potuisset.

Itaquè sperandum omninò est, esse adhuc in *Naturæ* sinu, multa excellentis vsûs recondita, quæ nullam cum iam Inuentis cognationem habent, aut parallelismum; sed omninò sita sunt extra vias phantasie, quæ tamen adhuc inuenta non sunt; quæ proculdubio per multos sæculorum circuitus & ambages, & ipsa quandoquæ prodibunt, sicut illa superiora prodierunt; sed per viam quam nunc tractamus, properè, & subito, & simul representari, & anticipari possunt.

Atta-

CX.

ATtamen conspiciuntur & alia Inuenta eius generis, quæ fidem faciant, posse genus humanum nobilia Inuenta, etiam ante pedes posita, præterire, & transilire. Utcunquè enim Pulueris tormentarij, vel fli bombycini, vel Acûs nauticæ, vel Sacchari, vel Papyri, vel similium Inuenta, quibusdam rerum & Naturæ proprietatibus niti videantur; at certè Imprimendi artificium nil habet, quod non sit apertum, & ferè obuium. Et nihilominus homines non aduertentes literarum modulos difficilius scilicèt collocari, quàm literæ per Motum manûs scribantur; sed hoc interesse, quòd literarum moduli semel collocati, infinitis impressionibus, literæ autem per manum exaratæ, vnica tantùm scriptioni sufficiant; aut fortassè iterùm non aduertentes, atramentum ità inspissari posse, vt tingat, non fluat; præsertim literis resupinatis, & impressione factâ desupèr: hoc pulcherrimo Inuento (quod ad Doctrinarum propagationem tantùm facit) per tot sæcula caruerunt.

Solet autem Mens humana, in hoc Inventionis curriculo, tam laua sæpenuerò & malè composita esse, vt primò diffidat, & paulò pòst se contemnat; atque primò incredibile ei videatur, aliquid tale inueniri posse; postquàm autem inuentum sit, incredibile rursus videatur, id homines tamdiù fugere potuisse. Atquè hoc ipsum ad spem ritè trahitur; superesse nimirum adhuc magnum Inuentorum cumulum, qui non solùm ex

operationibus incognitis eruendis, sed & ex iam cognitis transferendis, & componendis, & applicandis, per eam quam diximus *Experientiam* *literatam* deduci possit.

CXI.

NEquè illud omittendum ad faciendam *Spem*; *Reputent* (si placet) homines, infinitas ingenij, temporis, facultatum expensas, quas homines in rebus, & studijs longè minoris vsûs & pretij, collocant; quorum pars quota, si ad sana & solida verteretur, nulla non difficultas superari possit. Quod idcirco adiungere visum est, quia planè fatemur *Historiæ Naturalis* & *Experimentalis* collectionem, qualem animo metimur, & qualis esse debet, opus esse magnum, & quasi *Regium*, & multæ operæ atquè impensæ.

CXII.

Interim particularium multitudinem nemo reformidet, quin potiùs hoc ipsum ad spem reuocet. Sunt enim *Artium* & *Naturæ* particularia *Phænomena*, *Manipuli* instar, ad ingenij *Commenta*, postquam ab euentu rerum disjuncta & abstracta fuerint. Atquè huius viæ, exitus in aperto est, & ferè in propinquo; Alterius, exitus nullus, sed implicatio infinita. *Homines* enim adhuc paruum in *Experientiâ* moram fecerunt, & eam leuiter perstrinxerunt, sed in meditationibus & commentationibus ingenij, infinitum
tempus

tempus contriuerunt. Apud nos verò si esset præstò quispiam, qui de facto Naturæ ad interrogatâ responderet, paucorum annorum esset Inuentio Causarum, & Scientiarum omnium.

CXIII.

Etiã nonnihil hominibus spei fieri posse putamus ab exemplo nostro proprio; nequè iactantiæ causâ hoc dicimus, sed quòd vtilè dictu sit. Si qui diffidant, me videant, hominem inter homines ætatis meæ, Ciuilibus negotijs occupatissimum, nec firmâ admodum valetudine (quod magnum habet temporis dispendium) atque in hac re planè Protopirum, & vestigia nullius sequutum, nequè hæc ipsa cum ullo mortalium communicantem; & tamen veram viam constantè ingressum, & ingenium rebus submittentem, hæc ipsa aliquatenùs (ut existimamus) prouexisse. Et deinceps videant, quid ab hominibus otio abundantibus, atque à laboribus consociatis, atque à temporum successione, post hæc indicia nostra expectandum sit; præsertim in viâ, quæ non singulis solummodò peruia est, (ut sit in viâ illâ rationali) sed ubi hominum labores & operæ (præsertim quantum ad Experientiæ Collectam) optimè distribui, & deindè componi possint. Tum enim homines vires suas nosse incipient, cum non eadem infirmi, sed alia alij præstabunt.

CXIV.

Postremò, etiamsi multò infirmior & obscurior auræ Spei ab istâ nouâ Continente spirauerit; tamen

men omninò experiendum esse (nisi velimus animi esse planè abiecti) statuimus. Non enim res pari periculo non tentatur, & non succedit; cùm in illo, ingentis boni; in hoc, exiguae humanæ operæ iactura vertatur. Verùm ex dictis, atque etiam ex non dictis, visum est nobis spei abundè subesse, non tantùm homini strenuo ad experiendum, sed etiam prudenti & sobrio ad credendum.

CXV.

ATquè de desperatione tollendâ, quæ inter Causas potentissimas ad progressum Scientiarum remorandum & inhibendum fuit, iam dictum est: Atquè simul sermo de Signis & Causis Errorum, & inertia, & ignorantia quæ inualuit, absolutus est; præsertim cùm subtiliores causæ, & quæ in iudicium populare, aut obseruationem non incurrunt, ad ea quæ de Idolis animi humani dicta sunt, referri debeant.

Atquè hîc simul pars destruens Instaurationis nostræ claudi debet, quæ perficitur tribus Redargutionibus; Redargutione nimirum Humanæ Rationis Natiuæ, & sibi permissæ; Redargutione Demonstrationum; & Redargutione Theoriarum, sive Philosophiarum, & Doctrinarum, quæ receptæ sunt. Redargutio verò earum talis fuit, qualis esse potuit; videlicet per signa, & Evidentiam Causarum; cùm confutatio alia nulla à nobis (qui & de Principijs, & de Demonstrationibus, ab alijs dissentimus) adhiberi potuerit.

Quocirca tempus est, ut ad ipsam Artem & Normam

Normam Interpretandi Naturam veniamus; & tamen nonnihil restat, quod præuertendum est. Quum enim in hoc primo Aphorismorum libro illud nobis propositum sit, ut tam ad intelligendum, quam ad recipiendum ea quæ sequuntur, Mentes hominum præparentur; Expurgatâ iam, & abrasâ, & æquatâ Mentis Arêâ, sequitur ut Mens sistatur in positione bonâ, & tanquàm Aspectu beneuolo, ad ea quæ proponemus. Valet enim in re nouâ ad præiudicium, non solum præoccupatio fortis opinionis veteris, sed & præceptio siue præfiguratio falsa, rei quæ affertur. Itaq; conabimur efficere, ut habeantur bonæ, & veræ, de ijs quæ adducimus, opiniones, licet ad tempus tantummodò, & tanquàm Usurariæ, donec res ipsa pernoscatur.

CXVI.

Primò itaque postulandum videtur, ne existiment homines nos more Antiquorum Græcorum, aut quorundam nouorum hominũ, Telesij, Patricij, Seuerini, sectam aliquam in Philosophia condere velle; Neque enim hoc agimus, neque etiam multum interesse putamus, ad hominum fortunas, quales quis opiniones abstractas de Naturâ & rerum Principijs habeat: Neque dubium est, quin multa huiusmodi, & vetera reuocari, & noua introduci possint; quemadmodum & complura Themata Cæli supponi possunt, quæ cum Phænomenis sat benè conueniunt, inter se tamen dissentiant.

At

At nos de huiusmodi rebus opinabilibus, & simul inutilibus, non laboramus. At contra nobis constitutum est experiri, an reuera potentia & amplitudinis humanæ firmiora fundamenta iacere, ac fines in latius proferre possimus. Atque licet sparsim, & in aliquibus subiectis specialibus, longè veriora habeamus, & certiora (vt arbitramur) atque etiam magis fructuosa, quàm quibus homines adhuc vtuntur, (quæ in quintam Instaurationis nostræ partem congestimus) tamen Theoriam nullam vniuersalem, aut integram proponimus. Neque enim huic rei tempus adhuc adesse videtur. Quin nec spem habemus vitæ producendæ, ad sextam Instaurationis partem (quæ Philosophiæ, per legitimam Naturæ interpretationem, inuentæ, destinata est) absoluendam; sed satis habemus, si in Medijs sobriè & vtilitèr nos geramus; atque interim semina veritatis sincerioris in posteros spargamus, atque initijs rerum magnarum non desimus.

CXVII.

A*Tque quemadmodum Sectæ Conditores non sumus; ita nec operum particularium Largitores, aut Promissores. Attamen possit aliquis hoc modo occurrere; quòd nos, qui tam sæpè Operum mentionem faciamus, & omnia eò trahamus; etiam Operum aliquorum pignora exhibeamus. Verùm via nostra, & ratio (vt sæpè perspicuè diximus, & adhuc dicere iuvat) ea est; vt non Opera ex Operibus, siue Experimèta ex Experimen-*

rimentis, (vt Empirici) sed ex operibus & Experimentis Causas & Axiomata, atque ex Causis & Axiomatibus, rursus noua Opera & Experimenta (vt legitimi Naturæ Interpretes) extrahamus.

Atque licet in Tabulis nostris inueniendi (ex quibus quarta pars Instaurationis consistit) atque etiam exemplis particularium (quas in secundâ parte adduximus) atque insuper in observationibus nostris super Historiam (quæ in tertiâ parte Operis descripta est) quicquid vel mediocris perspicaciæ & solertiæ, complurium operum nobilium indicationes, & designationes ubique notabit; ingenuè tamen fatemur, Historiam Naturalem, quam adhuc habemus, aut ex libris, aut ex inquisitione propriâ, non tam copiosam esse & verificatam, vt legitimæ Interpretationi satisfacere, aut ministrare possit.

Itaque si quis ad Mechanica sit magis aptus, & paratus, atque sagax ad venanda opera, ex conuersatione solâ cum Experimentis, ei permittimus & relinquimus illam industriam, vt ex Historiâ nostrâ, & Tabulis, multa tanquàm in viâ decerpant, & applicet ad Opera, ac veluti fœnus recipiat ad tempus, donec fors haberi possit. Nos verò, cum ad maiora contendamus, moram omnem præproperam & præmaturam in istiusmodi rebus, tanquàm Atalantæ pilas (vt sapius solemus dicere) damnamus. Neque enim aurea poma pueriliter affectamus, sed omnia in victoriâ cursûs Artis super Naturam ponimus; neque muscûm, aut segetem herbidam demetere festinamus, sed messem tempestiuam expectamus.

CXVIII.

Occurret etiam alicui proculdubio, postquam ipsam Historiam nostram, & Inventionis Tabulas perlegerit, aliquid in ipsis Experimentis minus certum, vel omnino falsum; atque propterea secum fortasse reputabit, fundamentis & Principijs falsis, & dubijs, Fruenta nostra niti. Verum hoc nihil est; necesse enim est, talia sub initijs euenire. Simile enim est, ac si in scriptione aut impressione, una forte litera aut altera, perperam posita aut collocata sit; id enim legentem non multum impedire solet; quandoquidem errata ab ipso sensu facile corrigantur: Ita etiam cogitent homines multa in Historiâ Naturali Experimenta falso credi & recipi posse; quæ paulò post à Causis & Axiomatibus Inuentis facile expunguntur, & reijciuntur. Sed tamen verum est, si in Historiâ Naturali, & Experimentis, magna, & crebra, & continua fuerint errata, illa nullâ ingenij aut Artis felicitate corrigi aut emendari posse. Itaque si in Historiâ nostrâ Naturali, quæ tantâ diligentia, & seueritate, & fere religione probata & collecta est, aliquid in particularibus quandoque subsit falsitatis, aut erroris; quid tandem de Naturali Historiâ vulgari, quæ præ nostrâ tam negligens est, & facilis, dicendum erit? aut de Philosophiâ & Scientijs super huiusmodi arenas (vel Syrtes potius) ædificatis? Itaque hoc quod diximus, neminem moueat.

Occur-

CXIX.

Occurrent etiam in *Historia nostra* & *Experimentis* plurimæ res; primò leues & vulgatæ, deinde viles & illiberales, postremò nimis subtiles ac merè speculatiuæ, & quasi nullius vsûs: Quod genus rerum, hominum studia auertere & alienare possit.

Atque de istis rebus, quæ videntur vulgatæ, illud homines cogitent; solere sanè eos adhuc nihil aliud agere, quàm ut eorum, quæ rara sunt, causas ad ea, quæ frequenter fiunt, referant & accommodent: At ipsorum, quæ frequenter eueniunt, nullas causas inquirent, sed ea ipsa recipiant tanquam concessa & admissa.

Itaque non *Ponderis*, non *Rotationis Cælestium*, non *Caloris*, non *Frigoris*, non *Luminis*, non *Duri*, non *Mollis*, non *Tenuis*, non *Densi*, non *Liquidi*, non *Consistentis*, non *Animati*, non *Inanimati*, non *Similaris*, non *Dissimilaris*, nec demùm *Organici* causas quærent; sed illis, tanquam pro euidentibus & manifestis, receptis; de cæteris rebus, quæ non tam frequenter & familiariter occurrunt, disputant & iudicant.

Nos verò, qui satis scimus nullum de rebus raris aut notabilibus iudicium fieri posse, multò minùs res nouas in lucem protrahi, absquè vulgarium rerum causis, & causarum causis ritè examinatis & repertis; necessariò ad res vulgarissimas in *Historiam nostram* recipiendas compellimur. Quinetiam nil magis *Philosophiæ* offecisse deprehendimus, quàm quòd res, quæ familiares sunt & frequenter occurrunt, contemplationem hominum non morentur & detineant, sed recipiantur obiter,

neque earum causæ quæri soleant: ut non sæpius requiratur Informatio de rebus ignotis, quàm Attentio in notis.

CXX.

Quòd verò ad rerum Vilitatem attinet, vel etiam Turpitudinem, quibus (ut ait Plinius) honos præfandus est; eæ res, non minus quàm lautissimæ & pretiosissimæ, in Historiam Naturalem recipiendæ sunt. Neque propterea polluitur Naturalis Historia: Sol enim æquè palatia & cloacas ingreditur, neque tamen polluitur. Nos autem non Capitolium aliquod aut Pyramidem hominum superbiæ dedicamus aut condimus, sed Templum sanctum ad exemplar Mundi in intellectu humano fundamus. Itaque exemplar sequimur. Nam quicquid Essentiæ dignum est, id etiam Scientiæ dignum; quæ est essentiæ imago. At vilia æquè subsistunt ac lauta. Quinetiam, ut è quibusdam putridis materijs, veluti Musco & Zibetho, aliquandò optimi odores generantur; ita & ab instantijs vilibus & sordidis, quandoquè eximia lux & informatio emanat. Verùm de hoc nimis multa; cùm hoc genus fastidij sit planè puerile & effœminatum.

CXXI.

AT de illo omninò magis accuratè difficiendum; Quòd plurima in Historiâ nostrâ captui vulgari, aut etiam cuius intellectui (rebus præsentibus assuefacto)

facto) videbuntur curiosæ cuiusdam & inutilis subtilitatis. Itaque de hoc ante omnia & dictum & dicendum est: Hoc scilicet; Nos iam sub initijs & ad tempus, tantum lucifera Experimenta, non fructifera quærere; ad exemplum Creationis diuinæ, quod sæpius diximus, quæ primo die lucem tantum produxit, eique soli vnum integrum diem attribuit, neque illo die quicquam materiati operis immiscuit.

Itaque si quis istiusmodi res nullius esse vsus putet, idem cogitat ac si nullum etiam Lucis esse vsum censeat, quia res scilicet solida aut materiata non sit. Atque reuerà dicendum est, Simplicium Naturarum cognitionem bene examinatam & definitam instar Lucis esse; quæ ad vniuersa Operum penetralia aditum præbet, atque tota agmina Operum & turmas, & Axiomatum nobilissimorum fontes potestate quadam compleditur & post se trahit; in se tamen non ita magni vsus est. Quin & Literarum elementa per se & separatim nihil significant, nec alicuius vsus sunt, sed tamen ad omnis sermonis compositionem & apparatus instar Materiæ primæ sunt. Etiam semina rerum potestate valida, usu (nisi in processu suo) nihili sunt. Atque lucis ipsius radij dispersi, nisi coëant, beneficium suum non impertiuntur.

Quòd si quis Subtilitatibus speculatiuis offendatur; quid de Scholasticis viris dicendum erit, qui subtilitatibus immensum indulserunt? Quæ tamen Subtilitates in verbis, aut saltèm vulgaribus notionibus, (quod tantumdem valet) non in rebus aut Naturæ consumptæ fuerunt; atque utilitatis expertes erant, non tantum
in Ori-

in Origine, sed etiam in Consequentijs : Tales autem non fuerunt, vt haberent in præsens utilitatem nullam, sed per consequens infinitam; quales sunt eæ de quibus loquimur. Hoc verò sciant homines pro certo, omnem Subtilitatem disputationum & discursuum Mentis, si adhibeatur tantum post Axiomata inuenta, seram esse & præposteram : & Subtilitatis tempus verum ac proprium, aut saltèm præcipuum versari in pensitandâ Experimentiâ, & inde constituendis Axiomatibus : Nam illa altera Subtilitas Naturam prensat & captat, sed nunquam apprehendit aut capit. Et verissimum certè est, quod de Occasione suæ Fortunæ dici solet, si transferatur ad Naturam : videlicet, eam à fronte comatam, ab occipitio caluam esse.

Denique de contemptu in Naturali Historiâ rerum aut Vulgarium, aut Vilium, aut nimis Subtilium, & in originibus suis inutilium, illa vox Mulierculæ ad tumidum Principem, qui petitionem eius, vt rem indignam, & Maiestate suâ inferiorem abieciisset, pro oraculo sit ; Desine ergò Rex esse : Quia certissimum est, imperium in Naturam, si quis huiusmodi rebus vt nimis exilibus & minutis vacare nolit, nec obtineri nec geri posse.

CXXII.

Occurrit etiam & illud mirabile quiddam esse & durum, quòd nos omnes Scientias atque omnes Authores simul ac veluti vno icu & impetu summo-ueamus : idquè non assumpto aliquo ex Antiquis in auxilium & præsidium nostrum, sed quasi viribus proprijs. Nos

Nos autem scimus, si minus sincerâ fide agere voluissimus, non difficile fuisse nobis, ista, quæ afferuntur, vel ad antiqua sæcula ante Græcorum tempora, (cùm Scientiæ de Naturâ magis fortassè, sed tamen maiore cum silentio floruerint; neque in Græcorum tubas & fistulas adhuc incidissent) vel etiam (per partes certè) ad aliquos ex Græcis ipsis referre, atque astipulationem & honorem inde petere: more nouorum hominum, qui nobilitatem sibi ex antiquâ aliquâ prosapiâ, per genealogiarum fauores, asstruunt & affingunt. Nos verò rerum euidentia freti, omnem commenti & imposturæ conditionem reijcimus; neque ad id quod agitur plus interesse putamus, vtrum quæ iam inuenientur Antiquis olim cognita, & per rerum vicissitudines & sæcula Occidentia & Orientia sint; quàm hominibus curæ esse debere, vtrum Nouus Orbis fuerit Insula illa Atlantis, & veteri Mundo cognita; an nunc primum reperta. Rerum enim inuentio à Naturæ luce petenda, non ab Antiquitatis tenebris repetenda est.

Quod verò ad vniuersalem istam reprehensionem attinet, certissimum est verè rem reputanti, eam & magis probabilem esse, & magis modestam, quàm si facta fuisset ex parte. Si enim in primis Notionibus errores radicati non fuissent, fieri non potuisset, quin nonnulla rectè inuenta, alia perperam inuenta correxissent. Sed cùm errores fundamentales fuerint, atque eiusmodi vt homines potius res neglexerint ac præterierint, quàm de illis prauum aut falsum iudicium fecerint; minimè mirum est, si homines id non obtinuerint, quod

quod non egerint; nec ad metam peruenerint, quam non posuerint aut collocarint; neque viam emensi sint, quam non ingressi sint aut tenuerint.

Atque insolentiam rei quod attinet, certè si quis manus constantiâ atque oculi vigore lineam magis rectam, aut circulum magis perfectum se describere posse, quàm alium quempiam, sibi assumat; inducitur scilicet facultatis comparatio: Quod si quis asserat se adhibitâ regulâ aut circumducto circino, lineam magis rectam, aut circulum magis perfectum posse describere, quàm aliquem alium vi sola oculi & manus; is certè non admodum iactator fuerit. Quin hoc, quod dicimus, non solum in hoc nostro conatu primo & inceptiuo locum habet; sed etiam pertinet ad eos qui huic rei posthac incumbunt. Nostra enim via Inueniendi Scientias, exæquat ferè ingenia, & non multum excellentiæ eorum relinquit: cum omnia per certissimas Regulas & Demonstrationes transigat. Itaque hæc nostra (vt sæpè diximus) Fœlicitatis cuiusdam sunt potius quàm Facultatis, & potius Temporis partus quàm Ingenij. Est enim certè Casus aliquis non minùs in Cogitationibus humanis, quam in Operibus & factis.

CXXIII.

I Taque dicendum de nobis ipsis quod ille per iocum dixit, præsertim cum tam bene rem secet: Fieri non potest, vt idem sentiant, qui aquam, & qui vinum bibant. At ceteri homines, tam Veteres quàm Novi, liquorem biberunt crudum in Scientijs, tanquam

quàm aquam, vel spontè ex Intellectu manantem, vel per Dialecticam, tanquàm per rotas ex puteo haustam. At nos liquorem bibimus & propinamus ex infinitis confectam vuis, ijsque maturis & tempestiuis, & per racemos quosdam collectis ac decerptis; & subindè in torculari pressis, ac postremò in vase repurgatis & clarificatis. Itaque nil mirum, si nobis cum alijs non conueniat.

CXXIV.

Occurret proculdubiò & illud: nec metam aut Scopum Scientiarum à nobis ipsis (id quod in alijs reprehendimus) verum & optimum præfixum esse. Esse enim Contemplationem veritatis, omni Operum utilitate & magnitudine, digniorem & celsiorem: longam verò istam & sollicitam moram in Experientiâ & Materiâ, & rerum Particularium fluctibus, Mentem veluti humo affigere, vel potiùs in Tartarum quoddam confusionis & perturbationis deicere; atque ab Abstractione Sapientiæ serenitate & tranquillitate (tanquàm à statu multò diuiniore) arcere & summonere. Nos verò huic rationi libentè assentimur; & hoc ipsum, quod innuunt ac præoptant, præcipuè atque ante omnia agimus. Etenim verum exemplar Mundi in Intellectu humano fundamus; quale inuenitur, non quale cupiam sua propria ratio dictauerit. Hoc autem perfici non potest, nisi factâ Mundi dissectione atque Anatomia diligentissimâ. Modos verò ineptos Mundorum & tanquam simiolas, quas in Philosophijs

R

phijs phantasiæ hominum extruxerunt , omninò dissipandas edicimus. Sciant itaque homines (id quod superius diximus) quantum intersit inter humanæ *Mentis* Idola , & diuinæ *Mentis* Ideas. Illa enim nihil aliud sunt , quàm Abstractiones ad placitum : Hæ autem sunt vera signacula Creatoris super creaturas , prout in *Materia* per lineas veras & exquisitas imprimuntur & terminantur. Itaque ipsissimæ Res sunt (in hoc genere) Veritas & Utilitas : atque Opera ipsa pluris facienda sunt , quatenus sunt veritatis pignora , quàm propter vitæ commodā.

CXXV.

Occurret fortassè & illud : nos tanquam actum agere ; atque Antiquos ipsos eandem , quam nos , viam tenuisse. Itaque verisimile putabit quispiam etiam nos , post tantum motum & molitionem , deuenturos tandem ad aliquam ex illis Philosophijs quæ apud Antiquos valuerunt. Nam & illos in Meditationum suarum Principijs vim , & copiam magnam Exemplorum & Particularium parauisse ; atque in Commentarios , per locos & titulos , digessisse ; atque inde Philosophias suas & Artes confecisse ; & postea , re compertâ , pronuntiâsse ; & Exempla ad fidem & docendi lumen sparsim addidisse ; sed Particularium notas , & codicillos ac commentarios suos in lucem edere , superuacuum & molestum putâsse : ideoq̃ fecis-

fecisse, quod in ædificando fieri solet; nempe post ædificij structuram, machinas & scalas à conspectu amouisse. Neque aliter factum esse, credere certè oportet. Verùm nisi quis omninò oblitus fuerit eorum quæ superius dicta sunt, huic obiectioni (aut scrupulo potiùs) facile respondebit. Formam enim inquirendi & inueniendi apud Antiquos & ipsi profiteamur, & scripta eorum præ se ferunt. Ea autem non alia fuit, quàm ut ab Exemplis quibusdam & Particularibus (additis Notionibus communibus, & fortassè portione nonnullâ ex opinionibus receptis, quæ maximè placuerunt) ad Conclusiones maximè generales siue Principia Scientiarum aduolarent; ad quorum veritatem immotam & fixam, Conclusiones inferiores per Media educerent ac probarent, ex quibus Artem constituebant. Tum demùm si noua Particularia & Exempla mota essent & adducta, quæ placitis suis refragarentur; illa aut per distinctiones, aut per regularum suarum explanationes, in ordinem subtilitè redigebant; aut demùm per exceptiones grosso modo summoueant: At rerum Particularium non refragantium causas, ad illa Principia sua laboriosè & pertinacitè accommodabant. Verùm nec Historia Naturalis & Experientia illa erat, quam fuisse oportebat; (longè certè abest) & ista aduolutio ad Generalissimam, omnia perdidit.

CXXVI.

Occurret & illud; nos, propter inhibitionem quandam pronuntiandi, & principia certa ponendi, donec per medios gradus ad Generalissimam ritè peruentum

uentum sit; Suspensionem quandam iudicij tueri, atque ad Acatalepsiam rem deducere. Nos verò non Acatalepsiam, sed Eucatalepsiam meditamur & proponimus: Sensui enim non derogamus, sed ministramus; & Intellectum non contemnimus, sed regimus. Atque melius est scire quantum opus sit, & tamen nos non penitus scire putare; quàm penitus scire nos putare, & tamen nil eorum quæ Opus est scire.

CXXVII.

E Tiam dubitabit quispiam potius quàm obijciat; vtrum nos de Naturali tantum Philosophiâ, an etiam de Scientijs reliquis, Logicis, Ethicis, Politicis, secundum viam nostram perficiendis loquamur. At nos certè de vniuersis hæc, quæ dicta sunt, intelligimus: Atque quemadmodum vulgaris Logica, quæ regit res per Syllogismum, non tantum ad Naturales, sed ad omnes Scientias pertinet; Ita & nostra, quæ procedit per Inductionem, omnia complectitur. Tam enim Historiam, & Tabulas inueniendi conficimus de Frâ, Metu, & Verecundiâ, & similibus; ac etiam de exemplis rerum Ciuiliū; nec minùs de motibus mentalibus Memoriae, Compositionis & Diuisionis, Iudicij, & reliquorum: quàm de Calido & Frigido, aut Luce, aut Vegetatione, aut similibus. Sed tamen cum nostra ratio Interpretandi, post Historiam præparatam & ordinatam, non Mentis tantum motus & discursus, (vt Logica vulgaris) sed & rerum naturam intueatur; ita Mentem regimus, vt ad Rerum Naturam

ram se, aptis per omnia modis, applicare possit. Atque propterea multa & diuersa in Doctrinâ Interpretationis præcipimus, quæ ad Subiecti, de quo inquirimus, qualitatem & conditionem, modum Inueniendi nonnullâ ex parte applicent.

CXXVIII.

AT illud de nobis nè dubitare quidem fas sit; utrùm nos Philosophiam & Artes & Scientias, quibus utimur, destrüere & demoliri cupiamus: Contrâ enim, earum & usum & cultum & honores libentè amplectimur. Neque enim vlllo modo officimus, quin istæ quæ inualuerunt, & disputationes alant, & Sermones ornent, & ad professoria munera ac vitæ Ciuilis compendia adhibeantur & valeant; denique tanquam numismata quædam, consensu inter homines recipiantur. Quinetiam significamus apertè, ea, quæ nos adducimus, ad istas res non multùm idonea futura; cùm ad vulgi captum deduci omninò non possint, nisi per effecta & Opera tantùm. At hoc ipsum, quod de affectu nostro & bonâ voluntate erga Scientias receptas dicimus, quàm verè profiteamur; Scripta nostra in publicum edita (præsertim libri de Progressu Scientiarum) fidem faciant. Itaque id verbis ampliùs vincere non conabimur. Illud interim constantè & disertè monemus; his modis, qui in usu sunt, nec magnos in Scientiarum doctrinis & contemplatione progressus fieri, nec illas ad amplitudinem Operum deduci posse.

Supereſt

CXXIX.

Superest ut de *Finis* excellentiâ pauca dicamus. Ea si prius dicta fuissent, votis similia videri potuissent: sed spe iam factâ, & iniquis præiudicijs sublatis, plus fortassè ponderis habebunt. Quòd si nos omnia perfecissemus & planè absoluissemus, nec alios in partem & consortium laborum subindè vocaremus; etiam ab huiusmodi verbis abstinuissemus, ne acciperentur in prædicationem meriti nostri. Cum verò aliorum industria acuenda sit, & animi excitandi atque accendendi; consentaneum est, ut quædam hominibus in mentem redigamus.

Primò itaque, videtur *Inuentorum* nobilium introductio, inter *Actiones* humanas longè primas partes tenere: id quod antiqua sæcula iudicauerunt. Ea enim, *Rerum Inuentoribus* diuinos honores tribuerunt: ijs autem, qui in *Rebus Ciuilibus* merebantur, (quales erant *urbium* & *imperatorum* *Conditores*, *Legislatores*, *Patriarum* à diuturnis malis *Liberatores*, *Tyrannidum* *Debellatores*, & his similes) *Heroum* tantum honores decreuerunt. Atque certè si quis ea rectè conferat, iustum hoc prisca sæculi iudicium reperiet. Etenim *Inuentorum* beneficia ad uniuersum genus humanum pertinere possunt; *Ciuitia* ad certas tantummodò hominum sedes: hæc etiam non ultra paucas ætates durant; illa, quasi perpetuis temporibus. Atque *Statûs* emendatio in *Ciuitibus* non sine vi & perturbatione plerumquè procedit: at *Inuenta* beant, & beneficium deferunt absquè alicuius iniuriâ aut tristitiâ.

Etiam

*Etiā fruēta quasi nouæ Creationes sunt ;
& diuinorum Operum Imitamenta ; vt bene cecinit
ille :*

Primū frugiferos fœtus mortalibus agris
Dididerant quondam præstanti nomine Athenæ :
Et RECREAVERVNT vitam, legēsque rogârunt.

*Atque videtur non aū dignum in Solomone ; quod
cū Imperio, Auro, magnificentia Operum, Satellitio,
Famulitio, Classe insuper, & Nominis claritate, ac
summa hominum admiratione floreret ; tamen nihil ho-
rum delegerit sibi ad gloriam, sed ita pronuntiauerit :
Gloriam Dei esse, celare rem ; gloriam Regis, in-
uestigare rem.*

*Rursus (si placet) reputet quisspiam, quantum
inter sit inter hominum vitam in exculissimâ quapiam
Europæ Prouinciâ, & in Regione aliquâ Nouæ In-
diæ maximè ferâ & barbarâ : Ea tantum differre
existimabit ; vt meritò Hominem homini Deum
esse, non solum propter auxilium & beneficium, sed
etiam per statūs comparisonem, rectè dici possit. At-
que hoc, non Solum, non Cælum, non Corpora ; sed Ar-
tes præstant.*

*Rursus, vim & virtutem & consequentias Re-
rum inuentarum notare iuuat : quæ non in alijs mani-
festius occurrunt, quàm in illis tribus, quæ Antiquis
incognitæ ; & quarum primordia, licet recentia, ob-
scura & ingloria sunt : Artis nimirum Imprimendi,
Pulueris Tormentarij, & Acūs Nauticæ. Hæc
enim tria, rerum faciem & statum in Orbe terrarum
muta-*

mutauerunt : primum , in Re Literariâ ; secundum , in Re Bellicâ : tertium , in Nauigationibus : Unde innumera rerum mutationes sequutæ sunt ; vt non Imperium aliquod , non Secta , non Stella maiorem efficaciam & quasi influxum super res humanas exercuisse videatur , quàm ista Mechanica exercuerunt.

Præterea non abs re fuerit tria hominum Ambitionis genera & quasi gradus distinguere : Primum eorum , qui propriam potentiam in Patriâ suâ amplificare cupiunt ; quod genus vulgare est & degener. Secundum eorum , qui Patriæ potentiam & Imperium inter humanum genus amplificare nituntur : Illud plus certè habet dignitatis , cupiditatis haud minus. Quod si quis humani generis ipsius potentiam & imperium in rerum Uniuersitatem instaurare & amplificare conetur ; ea proculdubio Ambitio (si modo ita vocanda sit) reliquis & sanior , est & augustior. Hominis autem imperium in Res , in solis Artibus & Scientijs ponitur. Naturæ enim non imperatur , nisi parendo.

Præterea , si vnus alicuius particularis Inuenti utilitas ita homines affecerit , vt eum , qui genus humanum vnuersum beneficio aliquo deuincire potuerit , Homine maiorem putauerint ; quantò celsius videbitur tale aliquid inuenire , per quod alia omnia expeditè inueniri possint ? Et tamen (vt verum omninò dicamus) quemadmodum luci magnam habemus gratiam , quòd per eam vias inire , Artes exercere , legere , nos inuicem dignoscere possimus ; & nihilominus ipsa visio lucis res præstantior est & pulchrior , quàm multiplex eius

eius vsus : Ita certè ipsa Contemplatio Rerum , prout sunt , sine Superstitione aut Impositurâ , Errorè aut Confusione , in seipsâ magis digna est , quàm vniuersus Inuentorum fructus.

Postremò si quis deprauationem Scientiarum & Artium ad malitiam & luxuriam & similia , obiecerit ; id neminem moueat . Illud enim de omnibus mundanis Bonis dici potest , Ingenio , Fortitudine , Viribus , Formâ , Diuitijs , Luce ipsâ , & reliquis . Recuperet modò genus humanum ius suum in Naturam , quod ei ex dotatione diuinâ competit ; & detur ei copia : vsum verò recta Ratio , & sana Religio gubernabit.

CXXX.


IAm verò tempus est vt Artem ipsam Interpretandi Naturam proponamus : in quâ licèt nos utilissima & verissima præcepisse arbitremur , tamen necessitatem ei absolutam (ac si absq; eâ nil agi possit) aut etiam perfectionem non attribuimus . Etenum in ea opinione sumus ; si iustam Naturæ & Experientiæ Historiam præstò haberent homines , atque in ea sedulò versarentur ; sibi que duas res imperare possent ; vnâ , vt receptas opiniones & notiones deponerent ; alteram , vt Mentem à generalissimis & proximis ab illis , ad tempus cohiberent ; fore vt etiam vi propria & genuina Mentis , absque alia Arte , in formam nostram Interpretandi incidere possent . Est enim Interpretatio verum & naturale opus Mentis , demptis ijs

S

quæ

*quæ obſtant : Sed tamen omnia certè per noſtra
Præcepta erunt magis in procinctu , & multò fir-
miora.*

*Neque tamen illis nihil addi poſſe affirmamus :
ſed contrà , nos qui Mentem reſpicimus , non tan-
tùm in facultate propriâ , ſed quatenùs co-
pulatur cum Rebus ; Artem In-
ueniendi cum Inuentis adole-
ſcere poſſe , ſtatuerè
debemus.*



LIBER
SECUNDVS
APHORISMORVM.

L I B E R

S E C U N D U S

A P H O R I S M O R U M.

LIBER SECVNDVS
 APHORISMORVM,
 DE INTERPRETATIONE
 NATVRAE,
 SIVE
 DE REGNO
 HOMINIS.

APHORISMVS

I.



VPER datum, Corpus nouam Naturam, siue nouas Naturas generare & superinducere, Opus & Intentio est humanæ Potentiæ. Data autem Naturæ Formam, siue Differentiam veram, siue Naturam naturantem, siue Fontem emanationis (ista enim vocabula habemus, quæ ad indicationem rei proximè accedunt) inuenire, Opus & Intentio est humanæ Scientiæ. Atque his operibus primarijs, subordinantur alia Opera duo secundaria, & inferioris notæ; Priori, transformatio Corporum concretorum

cretorum de alio in aliud, intra terminos possibilis; Posteriori, inuentio, in omni generatione & Motu, latentis processûs continuati ab Efficiente manifestò, & Materiâ manifestâ, usquè ad Formam inditam; & inuentio similiter latentis Schematismi Corporum quiescentium, & non in Motu.

II.

QUàm infœlicitèr se habeat Scientia humana quæ in usu est, etiam ex illis liquet quæ vulgò asseruntur. Rectè ponitur; Verè scire, esse per Causas scire. Etiam non malè constituuntur Causæ quatuor; Materia, Forma, Efficiens, & Finis. At ex his, Causa Finalis, tantum abest vt profit, vt etiam Scientias corrumpat, nisi in Hominis actionibus. Formæ inuentio habetur pro desperatâ. Efficiens verò & Materia (quales quærentur & recipiuntur, remotæ scilicèt, absque latenti processu ad formam) res perfundoriæ sunt, & superficiales, & nihili ferè ad Scientiam veram & actiuam. Neque tamen obliti sumus, nos superius notasse, & correxisse errorem Mentis humanæ, in deferendo Formis primas Essentiæ. Licèt enim in Naturâ nihil verè existat præter Corpora indiuidua, edentia actus puros indiuiduos ex lege; in doctrinis tamen, illa ipsa lex, eiûsque inquisitio, & inuentio, atque explicatio, pro fundamento est tam ad sciendum, quàm ad operandum. Eam autem legem, eiûsque Paragraphos, Formarum nomine intelligimus; præsertim cum hoc vocabulum inualuerit, & familiaritèr occurrat.

Qui

III.

Qui Causam alicuius Naturæ (veluti Albedinis, aut Caloris) in certis tantum subiectis nouit; eius Scientia imperfecta est; & qui Effectum super certas tantum Materias (inter eas quæ sunt susceptibiles) inducere potest; eius Potentia pariter imperfecta est. At qui Efficientem & Materialem Causam tantummodò nouit, (quæ Causæ fluxæ sunt, & nihil aliud quàm vehicula, & Causæ Formam deferentes in aliquibus) is ad noua Inuenta, in Materiâ aliquatenus simili, & præparatâ, peruenire potest; sed rerum Terminos altius fixos non mouet. At qui Formas nouit, is Naturæ unitatem in Materijs dissimillimis completitur. Itaque quæ adhuc facta non sunt, qualia nec Naturæ vicissitudines, neque Experimentales industriæ, neque Casus ipse, in Actum vnquam perduxissent, neque cogitationem humanam subitura fuissent; detegere & producere potest. Quare ex Formarum Inuentione, sequitur Contemplatio vera, & Operatio libera.

IV.

Licet viæ ad Potentiam, atque ad Scientiam humanam, coniunctissimæ sint, & ferè eadem; tamen propter perniciosam & inueteratam consuetudinem versandi in abstractis, tutius omninò est ordiri, & excitare Scientias ab ijs fundamentis, quæ in ordine
sunt

Sunt ad partem Activam, atque ut illa ipsa partem Contemplatiuam signet & determinet. Videndum itaque est, ad aliquam Naturam super Corpus datum generandam & superinducendam, quale quis præceptum, aut qualem quis directionem, aut deductionem maximè optaret; idque sermone simplici, & minimè abstruso.

Exempli gratiâ; si quis argento cupiat superinducere flauum colorem auri, aut augmentum ponderis (seruatis legibus materiæ) aut lapidi alicui non diaphano diaphaneitatem, aut vitro tenacitatem, aut corpori alicui non vegetabili vegetationem; Videndum (inquam) est, quale quis præceptum, aut deductionem potissimum sibi dari exoptet. Atque primò, exoptabit aliquis proculdubio, sibi monstrari aliquid huiusmodi, quod opere non frustret, neque experimento fallat. Secundò, exoptabit quis aliquid sibi præscribi, quod ipsum non astringat, & coerceat ad Media quædam, & Modos quosdam operandi particulares. Fortasse enim destituetur, nec habebit facultatem, & commoditatem, talia media comparandi & procurandi. Quòd si sint & alia Media, & alij Modi (præter illud præceptum) progignendæ talis Naturæ; ea fortasse ex ijs erunt, quæ sunt in operantis potestate; à quibus nihilominus per angustias præcepti excludetur, nec fructum capiet. Tertio, optabit aliquid sibi monstrari, quod non sit æquè difficile, ac illa ipsa operatio de quâ inquiritur, sed propius accedat ad praxin.

Itaque de præcepto vero & perfecto operandi, pronuntiandum erit tale; ut sit certum, liberum, & disponens,

ponens, siue in ordine ad actionem. Atque hoc ipsum idem est cum Inuentione Formæ veræ. Etenim Forma Naturæ alicuius talis est, ut eâ positâ Natura data infallibiliter sequatur. Itaque adest perpetuò, quando Natura illa adest, atque eam vniuersaliter affirmat, atque inest omni. Eadem Forma talis est, ut eâ amotâ, Natura data infallibiliter fugiat. Itaque abest perpetuò, quando Natura illa abest, eamque perpetuò abnegat, atque inest soli. Postremò, Forma vera talis est, ut Naturam datam ex fonte aliquo Essentiæ deducat, quæ inest pluribus, & notior est Naturæ (ut loquuntur) quàm ipsa Forma. Itaque de Axiomate vero & perfectò sciendi, pronuntiatum & præceptum tale est; ut inueniatur Natura alia, quæ sit cum Naturâ datâ conuertibilis, & tamen sit limitatio Naturæ notioris, instar generis veri. Ista autem duo pronuntiata, Actiuum & Contemplatiuum, res eadem sunt; & quod in operando vtilissimum, id in sciendo verissimum.

V.

AT Præceptum siue Axioma de transformatione Corporum, duplicis est generis. Primum intuetur Corpus, ut turmam siue coniugationem Naturarum simplicium: ut in Auro hæc conueniunt; quòd sit flauum; quòd sit ponderosum, ad pondus tale; quòd sit malleabile, aut ductile, ad extensionem talem; quòd non fiat volatile, nec deperdat de quanto suo per ignem; quòd fluat fluore tali; quòd separetur & soluatur modis talibus; & similiter de cæteris Naturis, quæ in Auro

T con-

concurrunt. Itaque huiusmodi Axioma rem deducit ex Formis Naturarum simplicium. Nam qui Formas & Modos nouit superinducendi, flauis, ponderis, ductilibus, fixis, fluoris, solutionum, & sic de reliquis, & eorum graduationes & modos; videbit & curabit, ut ista coniungi possint in aliquo corpore, unde sequatur transformatio in aurum. Atque hoc genus operandi pertinet ad Actionem primariam. Eadem enim est ratio generandi Naturam vnā aliquam simplicem, & plures; nisi quod ardeatur magis & restringatur homo in operando, si plures requirantur, propter difficultatem tot Naturas coadunandi; quæ non facile conueniunt, nisi per vias Naturæ tritas & ordinarias. Utcunque tamen dicendum est, quod iste Modus operandi (qui Naturas intuetur simplices, licet in corpore concreto) procedat ex ijs, quæ in Naturâ sunt constantia, & æterna, & Catholica, & latas præbeat potentiæ humanæ vias, quales (ut nunc sunt res) Cogitatio humana vix capere aut repræsentare possit.

At secundum genus Axiomatis, (quod à latentis processûs inuentione pendet) non per Naturas simplices procedit, sed per concreta corpora, quemadmodum in Naturâ inueniuntur, cursu ordinario. Exempli gratiâ; In casu ubi fit Inquisitio, ex quibus initijs, & quo modo, & quo processu, Aurum, aut aliud quoduis metallum, aut lapis generetur, à primis menstruis, aut rudimentis suis, usque ad Mineram perfectam: Aut similiter, quo processu herbarum generentur, à primis concretionibus succorum in terrâ, aut à seminibus, usque ad plantam formatam, cum vniuersâ illâ successionē

sione Motûs, & diuersis & continuatis Naturæ nixibus; Similitèr, de generatione ordinatim explicatâ Animalium, ab Initu ad partum; & similitèr de corporibus alijs.

Enimuerò neque ad generationes Corporum tantum spectat hæc Inquisitio, sed etiam ad alios motus & opificia Naturæ. Exempli gratiâ; In casu ubi fit Inquisitio de uniuersâ serie, & continuatis actionibus alimentandi, à primâ receptione alimenti, ad assimilationem perfectam; aut similitèr de Motu voluntario in Animalibus, à primâ impressione imaginationis, & continuatis nixibus spiritûs, vsque ad flexiones & motus artuum; aut de explicato motu linguæ, & labiorum, & instrumentorum reliquorum, vsquè ad editionem vocum articulatarum. Nam hæc quoque spectant ad Naturas concretas, siue Collegiatas, & in fabricâ; & intuentur veluti consuetudines Naturæ particulares, & speciales, non leges fundamentales & communes, quæ constituunt formas. Veruntamen omninò fatendum est, rationem istam videri expeditiorem, & magis sitam in propinquo, & spem iniicere magis, quàm illam primariam.

At pars Operatiua similitèr, quæ huic parti Contemplatiuæ respondet, operationem extendit & promouet, ab ijs quæ ordinariò in Naturâ inueniuntur, ad quædam proxima, aut à proximis non admodum remota; Sed altiores & radicales operationes super Naturam, pendent utiquè ab Axiomatibus primarijs. Quinetiam ubi non datur homini facultas operandi, sed tantum sciendi, ut in Cœlestibus, (neque enim con-

ceditur homini operari in Cœlestia, aut ea immutare aut transformare) tamen Inquisitio facti ipsius, siue veritatis rei, non minùs quàm cognitio Causarum & consensuum, ad primaria illa & Catholica Axiomata de Naturis simplicibus (veluti de Naturâ Rotationis spontaneæ, Attractionis siue virtutis Magneticæ, & aliorum complurium quæ magis communia sunt, quàm ipsa Cœlestia) refertur. Neque enim speret aliquis terminare quæstionem, utràm in Motu diurno reuerà Terra, aut Cœlum rotet; nisi Naturam Rotationis spontaneæ priùs comprehenderit.

VI.

LAtens autem Processus, de quo loquimur, longè alia res est, quàm animis hominum (qualitèr nunc obsidentur) facilè possit occurrere. Neque enim intelligimus mensuras quasdam, aut signa, aut scalas processûs, in corporibus spectabiles; sed planè processum continuatum, qui maximâ ex parte sensum fugit.

Exempli gratiâ; In omni generatione & transformatione Corporum, inquirendum, quid deperdatur & euolet, quid maneat, quid accedat; quid dilatetur, quid contrahatur; quid vniatur, quid separetur; quid continuetur, quid abscindatur; quid impellat, quid impediat; quid dominetur, quid succumbat; & alia complura.

Neque hîc rursùs, hæc tantùm in generatione aut transformatione Corporum quærenda sunt; sed & in omnibus alijs alterationibus, & Motibus, similiter inquir-

inquirendum, quid antecedit, quid succedat; quid sit incitatus, quid remissius; quid Motum præbeat, quid regat; & huiusmodi. Ista verò omnia Scientijs (quæ nunc pinguiſſimâ Mineruâ, & prorsus inhabili contextantur) incognita sunt & intacta. Cum enim omnis Actio naturalis per minima transfigatur, aut saltèm per illa quæ sunt minora, quàm vt sensum feriant; nemo se Naturam regere aut vertere posse speret, nisi illa debito modo comprehenderit, & notauerit.

VII.

Similiter, Inquisitio & Inuentio latentis Schematismi in Corporibus, res noua est; non minùs, quàm Inuentio latentis processûs & Formæ. Versamur enim planè adhuc in atrijs Naturæ, neque ad interiora paramus aditum. At nemo corpus datum nouâ Naturâ dotare, vel in nouum corpus fœlicitè & appositè transmutare potest, nisi Corporis alterandi aut transformandi bonam habuerit notitiam. In modos enim vanos incurret, aut saltèm difficiles, & perversos, nec pro corporis naturâ, in quod operatur. Itaque ad hoc etiam via planè est aperienda & munienda.

Atque in Anatomia Corporum Organicorum (qualia sunt hominis, & animalium) opera sanè rectè & utiliter insumitur, & videtur res subtilis, & scrutinium Naturæ bonum. At hoc genus Anatomie spectabile est, & sensui subiectum, & in corporibus tantum organicis locum habet. Verùm hoc ipsum obuium
quiddam

quiddam est, & in promptu situm, præ Anatomia verâ Schematismi latentis in corporibus, quæ habentur pro similaribus; præsertim in rebus specificatis, & earum partibus, ut ferri, lapidis; & partibus similaribus, plantæ, animalis, veluti radicis, folij, floris, carnis, sanguinis, ossis, &c. At etiam in hoc genere non prorsus cessauit industria humana; hoc ipsum enim innuit separatio corporum similarium per distillationes, & alios solutionum modos, ut dissimilaritas compositi per congregationem partium homogenearum appareat. Quod etiam ex usu est, & facit ad id quod quærimus; licet sæpius res fallax sit; quia complures Naturæ separationi imputantur & attribuuntur, ac si prius substitissent in composito, quas reuerà ignis & calor, & alij modi apertionum de nouo indunt, & superinducunt. Sed & hæc quoque parua pars est operis, ad inueniendum Schematismum verum in composito; qui Schematismus res est longè subtilior, & accuratior, & ab operibus ignis potius confunditur, quàm eruitur & elucescit.

Itaque facienda est corporum separatio & solutio; non per ignem certè, sed per rationem & Inductionem veram, cum Experimentis auxiliaribus; & per comparisonem ad alia corpora, & reductionem ad Naturas simplices, & earum formas, quæ in composito conueniunt & complicantur; & transeundum planè à Vulcano ad Mineruam, si in animo sit veras corporum texturas & Schematismos (vnde omnis occulta, atque (ut vocant) specifica proprietas & virtus in rebus pendet; vnde etiam omnis potentis alterationis & transformationis

formationis norma educitur) in lucem protrahere.

Exempli gratiâ; inquirendum, quid sit in omni corpore spiritus, quid essentiae tangibilis; atque ille ipse Spiritus, utrum sit copiosus & turgeat, an ieiunus & paucus; tenuis, aut crassior; magis aëreus, aut igneus; acris, aut deses; exilis, aut robustus; in progressu, aut in regressu; abscissus, aut continuatus; consentiens cum externis & ambientibus, aut dissentiens; &c. Et similiter, Essentia tangibilis (quæ non pauciores recipit differentias, quàm spiritus) atque eius villi, & fibrae, & omnimoda textura; rursus autem collocatio Spiritus per corpoream molem, eiusque pori, meatus, venæ, & cellulae, & rudimenta, siue tentamenta Corporis organici, sub eandem Inquisitionem cadunt. Sed & in his quoque, atque adeò in omni latentis Schematisimi Inuentione, lux vera & clara ab Axiomatibus primarijs immittitur, quæ certè caliginem omnem, & subtilitatem discutit.

VIII.

NEquè propterea res deducetur ad Atomum, qui præsupponit Vacuum, et Materiam non fluxam, (quorum utrumq. falsum est) sed ad particulas veras, quales inueniuntur. Neque rursus est, quòd exhorreat quispiam istam subtilitatē, ut inexplicabilē; sed contra, quò magis vergit Inquisitio ad Naturas simplices, eò magis omnia erunt sita in plano & perspicuo; translato negotio à multiplici, in simplex; & ab incommensurabili, ad

ad commensurabile; & à surdo, ad computabile; & ab infinito & vago, ad definitum & certum; vt fit in elementis literarum, & tonis concentuum. Optimè autem cedit Inquisitio Naturalis, quando Physicum terminatur in Mathematico. At rursus multitudinem, aut fractiones nemo reformidet. In rebus enim quæ per numeros transiguntur, tam facile quis posuerit, aut cogitauerit Millenarium, quàm vnum; aut millesimam partem vnius, quàm vnum integrum.

IX.

EX duobus generibus Axiomatum, quæ superius posita sunt, oritur vera diuisio Philosophiæ, & scientiarum; translatis vocabulis receptis (quæ ad indicationem rei proximè accedunt) ad sensum nostrum. Videlicet, vt Inquisitio Formarum, quæ sunt (ratione certè, & suâ lege) æternæ & immobiles, & constituat Metaphysicam; Inquisitio verò Efficientis, & Materię, & latentis processûs, & latentis Schematismi (quæ omnia cursum Naturæ communem & ordinarium, non leges fundamentales & æternas respiciunt) constituat Physicam; atque his subordinentur similiter Practicæ duæ; Physicæ Mechanica; Metaphysicæ (perpurgato nomine) Magia, propter latas eius vias, & maius imperium in Naturam.

Posito

X.

Posito itaque doctrinæ scopo, pergendum ad præcepta; idque ordine minimè peruerso, aut perturbato. Atque indicia de Interpretatione Naturæ complectuntur partes in genere duas; primam, de educendis aut excitandis Axiomatibus ab Experimentiâ; secundam, de deducendis aut deriuandis Experimentis nouis ab Axiomatibus. Prior autem trifariam diuiditur; in tres nempe Ministrationses; Ministratiōem ad sensum; Ministratiōem ad Memoriam; & Ministratiōem ad Mentem, siue Rationem.

Primò enim paranda est Historia Naturalis, & Experimentalis, sufficiens & bona; quod fundamentum rei est: Neque enim fingendum, aut excogitandum, sed inueniendum, quid Natura faciat, aut ferat.

Historia verò Naturalis & Experimentalis tam varia est & sparsa, vt Intellectum confundat & disgreget, nisi sistatur & compareat ordine idoneo. Itaque formandæ sunt Tabulæ, & Coordinationes Instantiarum, tali modo & instructione, vt in eas agere possit Intellectus.

Id quoque licèt fiat; tamen Intellectus sibi permissus, & spontè mouens, incompetens est, & inhabilis ad opificium Axiomatum, nisi regatur, & muniatur. Itaque tertio, adhibenda est Inductio legitima, & vera, quæ ipsa clauis est Interpretationis. Incipiendum autem est à Fine, & retrò pergendum ad reliqua.

XI.

Inquisitio Formarum sic procedit ; Super Naturam datam primò faciendâ est comparentia ad Intellectum omnium Instantiarum Notarum , quæ in eadem Naturâ conueniunt , per Materias licèt dissimillimas. Atque huiusmodi collectio faciendâ est historicè, absque contemplatione præfestinâ, aut subtilitate aliquâ maiore. Exempli gratiâ ; In Inquisitione de Formâ Calidi.

Instantiæ Conuenientes in Naturâ Calidi.

1. Radij Solis, præsertim Æstate & Meridie.
2. Radij Solis reflexi & conslipati, ut inter montes, aut per parietes, & maximè omnium in speculis comburentibus.
3. Meteora Ignita.
4. Fulmina Comburentia.
5. Eruclationes flammæ ex Cavis montium, &c.
6. Flamma omnis.
7. Ignita solida.
8. Balnea Calida Naturalia.
9. Liquida feruentia, aut calefacta.
10. Vapores & Fumi feruentes, atque Aer ipse, qui fortissimum & furentem suscipit calorem, si concludatur; ut in Reuerberatorijs.

Tem-

- 11 *Tempestates aliquæ sudæ per ipsam constitutionem Aëris, non habitâ ratione Temporis Anni.*
- 12 *Aër conclusus & subterraneus in Cauernis nonnullis, præsertim hyeme.*
- 13 *Omnia villosa; vt lana, pelles animalium, & plumines, habent nonnihil teporis.*
- 14 *Corpora omnia, tam solida, quàm liquida, & tam densa, quàm tenuia (qualis est ipse Aër) Igni ad tempus approximata.*
- 15 *Scintillæ ex silice & chalybe per fortem percussionem.*
- 16 *Omne Corpus fortiter attritum, vt lapis, lignum, pannus, &c. adeò vt temones, & axes rotarum, aliquandò flammam concipiant; & Mos excitandi Ignis apud Indos Occidentales fuerit per Attritionem.*
- 17 *Herbæ virides & humidæ simul conclusæ & contrusæ, vt Rosæ, pisæ in corbibus; adeò vt fœnum si repositum fuerit madidum, sæpe concipiat flammam.*
- 18 *Calx viua, aquâ aspersa.*
- 19 *Ferrum, cum primò dissoluitur per aquas fortes in vitro, idque absque ullâ admotione ad ignem: & stannum similiter, &c. sed non adeò intense.*
- 20 *Animalia, præsertim & perpetuò per interiora, licet in insectis calor ob paruitatem corporis non deprehendatur ad tactum.*
- 21 *Fimus equinus, & huiusmodi excrementa animalium recentia.*
- 22 *Oleum forte Sulphuris & Vitrioli exequitur opera*

Caloris, in linteo adurendo.

- 23 *Oleum Origani, & huiusmodi exequitur opera Caloris, in adurendis ossibus dentium.*
- 24 *Spiritus vini fortis & benè redtificatus exequitur opera Caloris; adeò vt si albumen oui in eum ini-
ciatur, concreascet & albescat, ferè in modum al-
buminis cocti; & panis iniectus torrefiat & incru-
stetur, ad modum panis tosti.*
- 25 *Aromata, & herbae calidae, vt Dracunculus,
Nasturtium vetus, &c. licet ad manum non sint
calida, (nec integra, nec pulueres eorum) tamen ad
linguam & palatum parùm masticata, percipiun-
tur calida, & quasi adurentia.*
- 26 *Acetum forte, & omnia acida, in membro vbi non
sit Epidermis, vt in oculo, linguâ, aut aliquâ aliâ
parte vulneratâ, & cute detectâ, dolorem cient,
non multùm discrepantem ab eo qui inducitur à ca-
lido.*
- 27 *Etiam frigora acria & intensa inducunt sensum
quendam vstionis;*

Nec Boreæ penetrabile frigus adurit.

28 *Alia.*

*Hanc Tabulam Essentiæ & Præsentia, appellare
consueuimus.*

XII.

SEcundò, facienda est Comparientia ad Intelle-
ctum Instantiarum, quæ Naturâ datâ priuan-
tur:

tur: quia Forma (vt dictum est) non minùs abesse debet, vbi Natura data abest; quàm adesse, vbi adest. Hoc verò infinitum esset in omnibus.

Itaque subiungenda sunt Negatiua Affirmatiuis, & Priuationes inspiciendæ tantùm in illis Subiectis, quæ sunt maximè cognata illis alteris, in quibus Natura data inest & compareret. Hanc Tabulam declinationis, siue Absentiæ in proximo, appellare consueuimus.

Instantiæ in proximo, quæ priuantur
naturâ Calidi.

Lunæ & Stellarum, & Cometarum radij non inueniuntur Calidi ad tactum: quin etiam obseruari solent acerrima frigora in Plenilunijs. At Stellæ fixæ Miores, quando Sol eas subit, aut ijs approximatur, existimantur feruores Solis augere & intendere; vt fit cum Sol sistitur in Leone, & Diebus Canicularibus.

Ad Instantiam I.^{am} Affirmatiuam.

Instantia 1^a Negatiua vel Subiunctiua;

Radij Solis in Mediâ (quam vocant) Regione Aëris non calefaciunt; cuius ratio vulgò non malè redditur; quia Regio illa nec satis appropinquat ad Corpus Solis vnde radij emanant, nec etiam ad Terram, vnde reflectuntur. Atque hoc liquet ex fastigijs Montium, (nisi sint præalti) vbi niues perpetuò durant. Sed contrà notatum est à nonnullis, quòd in cacumine Picûs de Tenariph, atque etiam in Andis Peruiæ, ipsa fastigia Montium niue destituta sint; niuibz iacentibus tantùm inferiùs in ascensu. Atque insuper Aër in illis ipsis Verticibus Montium deprehendi-

Ad 2.^{am} 2^a

tur

tur minimè frigidus, sed tenuis tantùm & acer; adeò
 ut, in Andis, pungat & vulneret oculos per nimiam
 acrimoniam, atque etiam pungat os ventriculi, & in-
 ducat vomitum. Atque ab Antiquis notatum est, in
 vertice Olympi tantam fuisse Aëris tenuitatem, ut ne-
 cesse fuerit illis, qui eò ascenderant, secum deferre spon-
 gias aceto & aquâ madefactas, easque ad os & nares
 subindè apponere; quia Aer ob tenuitatem non sufficie-
 bat respirationi: In quo Vertice etiam relatum est,
 tantam fuisse serenitatem & tranquillitatem à pluuijs,
 & niuibus, & ventis; ut Sacrificantibus literæ descrip-
 tæ digito in cineribus Sacrificiorum super aram Iouis,
 manerent in annum proximum absque ullâ perturba-
 tione. Atque etiam hodiè ascendentes ad verticem
 Picus de Tenariph, eò vadunt nocturnè & non interdiu;
 & paulò post ortum Solis monentur & excitantur à
 Ducibus suis, ut festinent descendere, propter pericu-
 lum (ut videtur) à tenuitate Aëris, ne soluat spiritus &
 suffocet.

Ad 2. am 3.

Reflexio radiorum Solis, in Regionibus propè Cir-
 culos Polares, admodum debilis & inefficax inuenitur
 in Calore: adeò ut Belgæ, qui hybernârunt in nouâ
 Zemblâ, cum expectarent nauis suæ liberationem &
 deobstructionem à glaciali mole (quæ eam obsederat)
 per initia mensis Iulij spe suâ frustrati sint, & coacti
 scaphæ se committere. Itaque radij Solis directi vi-
 dentur parùm posse, etiam super terram planam; nec re-
 flexi etiam, nisi multiplicentur & vniantur; quòd fit,
 cum Sol magis vergit ad perpendicularum; quia tum
 incidentia radiorum facit angulos acutiores;

ut

vt. lineæ radiorum sint magis in propinquo : vbi contrà in magnis obliquitatibus Solis , anguli sint valde obtusi , & proinde lineæ radiorum magis distantes. Sed interim notandum est , multas esse posse operationes radiorum Solis , atque etiam ex naturâ Calidi , quæ non sunt proportionatæ ad tactum nostrum : adeò vt respectu nostri non operentur vsque ad calefactionem , sed respectu aliorum nonnullorum corporum exequantur opera Calidi.

Fiat huiusmodi Experimentum. Accipiaturspeculum fabricatum, contrà ac fit in speculis Comburentibus; & interponatur inter manum & radios Solis; & fiat observatio, vtrum minuatur calorem Solis, quemadmodum speculum Comburens eundem auget & intendit. Manifestum est enim quoad radios Opticos, prout fabricatur speculum in densitate inæquali respectu Medij & Laterum, ita apparere simulachra magis diffusa, aut magis contracta. Itaque idem videndum in Calore.

Ad 2.^{am} 4.^o

Fiat Experimentum diligentèr, vtrum per Specula Comburentia fortissima & optimè fabricata, radij Lunæ possint excipi & colligi in aliquem vel minimum gradum teporis. Is verò gradus teporis, si fortassè nimis subtilis & debilis fuerit, vt ad tactum percipi & deprehendi non possit; confugiendum erit ad Vitra illa quæ indicant constitutionem Aëris calidam aut frigidam; ita vt radij Lunæ per Speculum Comburens incidant, & iaciantur in summitatem Vitri huiusmodi; atque tum notetur, si fiat depressio aquæ per teporem.

Ad 2.^{am} 5.^a

Practi-

- Ad 2.^{am} 6.^a *Prædicetur etiam Vitrum Comburens super Calidum, quod non sit radiosum aut luminosum; ut Ferri, & Lapidis calefacti, sed non igniti; aut Aquæ feruentis, aut similium: & notetur, utrùm fiat augmentum & intentio Calidi, ut in radijs Solis.*
- Ad 2.^{am} 7.^a *Prædicetur etiam Speculum Comburens in flammâ communi.*
- Ad 3.^{am} 8.^a *Cometarum (si & illos numerare inter Meteora libuerit) non deprehenditur constans aut manifestus effectus in augendis ardoribus anni, licet siccitates sæpius inde sequi notatæ sint. Quinetiam Trabes, & Columnæ Lucidæ, & Chasmata, & similia, apparent sæpius temporibus hybernis, quàm æstiuis; & maximè per intensissima frigora, sed coniuncta cum siccitatibus. Fulmina tamen & Coruscationes & Tonitrua rarò eueniunt hyeme, sed sub tempus magnorum feruorum. At Stellæ (quas vocant) Cadentes, existimantur vulgò magis constare ex viscosâ aliquâ materiâ splendidâ & accensâ, quàm esse naturæ igneæ fortioris. Sed de hoc inquiratur vlteriùs.*
- Ad 4.^{am} 9.^a *Sunt quædam Coruscationes, quæ præbent Lumen, sed non vrunt: Ex verò semper fiunt sine Tonitru.*
- Ad 5.^{am} 10.^a *Eruclationes & eruptiones Flammarum inveniuntur non minùs in Regionibus frigidis quàm calidis; ut in Islandiâ & Groenlandiâ: quemadmodum & Arbores per regiones frigidas magis sunt quandóque inflammabiles, & magis piceæ ac resinosæ, quàm per regiones calidas; ut fit in Abiete, Pinu, & reliquis: Verùm in quali situ & naturâ Soli huiusmodi eruptiones*

nes fieri soleant, ut possimus Affirmatiuæ subiungere Negatiuam, non satis quæsitum est.

Omnis flamma perpetuò est calida magis aut minus, neque omninò subiungitur Negatiua : Et tamen referunt Ignem Fatuum, (quem vocant) qui etiam aliquandò impingitur in parietem, non multum habere caloris ; fortasse instar flammæ spiritûs vini, quæ clemens & lenis est. Sed adhuc lenior videtur ea flamma, quæ in nonnullis Historijs fidis & grauibz inuenitur apparuisse circa capita & comas Puerorum & Virginum; quæ nullo modo comas adurebat, sed mollitè circum eas trepidabat. Atque certissimum est, circa Equum in itinere sudantem, noctù & sudâ tempestate apparuisse quandoque Coruscationem quandam absque manifesto calore. Atque paucis abhinc annis, notissimum est, & pro miraculo quasi habitum, Gremiale cuiusdam Puellæ paulò motum aut fricatum coruscasse : quod fortasse factum est ob alumen aut sales, quibus gremiale tinctum erat, paulò crassius hærentia & incrustata, & ex fricatione fracta. Atque certissimum est, Saccharum omne, siue Conditum (ut vocant) siue simplex, modò sit durius, in tenebris fractum aut cultello scalptum coruscare. Similitè Aqua Marina & salsa, noctù interdum inuenitur remis fortitè percussâ coruscare. Atque etiam in tempestatibus Spuma Maris fortitè agitata noctù coruscat; quàm Coruscationem Hispani pulmonem Marinum vocant. De illâ Flammâ autem, quam Antiqui nautæ vocabant Castorem & Pollucem, &

Ad 6.^{am} 11.^a

moderni Focum Sancti Ermi, qualem calorem habeat, non satis quæsitum est.

Ad 7.^{am} 12.^a Omne Ignitum ita ut vertatur in ruborem igneum, etiam sine flammâ perpetuò Calidum est; neque huic Affirmatiuæ subiungitur Negatiua: sed quod in proximo est, videtur esse Lignum putre; quod splendet noctû, neque tamen deprehenditur calidum: & squamæ Piscium putrescentes, quæ etiam splendent noctû, nec inueniuntur ad tactum calidæ; neque etiam corpus Cicindelæ, aut Muscæ (quam vocant Luciolam) calidum ad tactum deprehenditur.

Ad 8.^{am} 13.^a De Balneis calidis, in quo situ & naturâ Soli emanare soleant, non satis quæsitum est: itaque non subiungitur Negatiua.

Ad 9.^{am} 14.^a Liquidis feruentibus subiungitur Negatiua ipsius Liquidum in naturâ suâ. Nullum enim inuenitur liquidum tangibile, quod sit in naturâ suâ & maneat constantèr Calidum; sed superinducitur ad tempus tantum Calor, ut Natura ascititia: adeò ut quæ potestate & operatione sunt maximè Calida, ut spiritus Vini, olea aromatum chymica, etiam olea vitrioli & sulphuris, & similia, quæ paulò post adurunt; ad primum tactum sint frigida. Aqua autem Balneorum naturalium excepta in vas aliquod, & separata à fontibus suis deferuescit perindè ac aqua igne calefacta. At verum est corpora Oleosa, ad tactum paulò minùs esse frigida quàm Aquea; ut Oleum minùs quàm Aqua, Sericum minùs quàm Linteum. Verùm hoc pertinet ad Tabulam Graduum de Frigido.

Simi-

Similitèr Vaporì feruido subiungitur Negatiua naturæ ipsius Vaporis, qualis apud nos inuenitur. Etenim exhalationes ex Oleosis, licèt facilè inflammabiles, tamen non inueniuntur calidæ, nisi à corpore calido recentèr exhalauerint. Ad 10.^{am} 15.^a

Similitèr Aëri ipsi feruenti subiungitur Negatiua naturæ Aëris ipsius. Nequæ enim inuenitur apud nos Aër calidus; nisi fuerit aut conclusus, aut attritus, aut manifestè calefactus à Sole, Ægne, aut aliquo alio corpore calido. Ad 10.^{am} 16.^a

Subiungitur Negatiua Tempestatum frigidarum magis quàm pro ratione temporis Anni, quæ eueniunt apud nos flante Euro & Borea: quemadmodum & contrariæ tempestates eueniunt flante Austro & Zephyro. Etiam inclinatio ad pluuiam (præsertim temporibus hyemalibus) comitatur tempestatem tepidam: at Gelu contrà, frigidam. Ad 11.^{am} 17.^a

Subiungitur Negatiua Aëris conclusi in cauernis tempore æstiuo. At de Aëre concluso omninò diligentius inquirendum. Primò enim non absque causâ in dubitationem venit, qualis sit natura Aëris, quatenus ad Calidum & Frigidum in naturâ suâ propriâ. Recipit enim Aër Calidum manifestò ex impressiõne Cœlestium; Frigidum autem fortassè ab expiratione Terræ; & rursus in Mediâ (quam vocant) Regione Aëris, à vaporibus frigidis & niuibus: Ut nullum iudicium fieri possit de Aëris naturâ per Aërem qui foràs est & sub Diò, sed verius foret iudicium per Aërem conclusum. Atqui opus est etiam ut Aër concludatur in tali vase & materiâ, quæ nec ipsa imbuat Aërem calido, vel fri-

gido ex vi propriâ, nec faciliè admittat vim Aëris extranei. Fiat itaque Experimentum per ollam figuralem, multiplici corio obductam ad muniendam ipsam ab Aëre extraneo, factâ morâ per tres aut quatuor dies in vase benè occluso: deprehensio autem fit post apertionem vasis, vel per manum, vel per vitrum graduum ordine applicatum.

Ad 13.^{am} 19.^a

Subest similiter dubitatio, utrùm tepor in lanâ, & pellibus, & plumis, & huiusmodi, fiat ex quodam exili calore inherente, quatenus excernuntur ab animalibus; aut etiam ob pinguedinem quandam, & oleositatem, quæ sit naturæ congruæ cum tepore; vel planè ob conclusionem & fractionem Aëris, ut in articulo præcedente dictum est. Videtur enim omnis Aër abscissus à continuitate Aëris forinseci, habere nonnihil teporis. Itaque fiat Experimentum in fibrosis, quæ fiunt ex lino; non ex lanâ, aut plumis, aut serico; quæ excernuntur ab animatis. Notandum est etiam, omnes pulueres (ubi manifestò includitur Aër) minùs esse frigidos, quàm corpora integra ipsorum: quemadmodum etiam existimamus omnem spumam (utpote quæ aërem contineat) minùs esse frigidam, quàm liquorem ipsum.

Ad 14.^{am} 20.^a

Huic non subiungitur Negatiua. Nihil enim reperitur apud nos siue Tangibile, siue Spiritale, quod admotum igni non excipiat calorem. In eo tamen differunt, quòd alia excipiant calorem citiùs, ut Aër, Oleum, & Aqua; alia tardiùs, ut Lapis & Metalla. Verùm hoc pertinet ad Tabulam Graduum.

Ad 15.^{am} 21.^a

Huic Instantiæ non subiungitur Negatiua alia, quàm ut benè notetur; Non excitari scintillas ex silice & cha-

& chalybe, aut aliâ aliquâ substantiâ durâ, nisi ubi excutiuntur minutiae aliquæ ex ipsâ substantiâ Lapidis vel Metallî: neque Aërem attritum unquam per se generare scintillas, ut vulgò putant: Quin & ipsæ illæ scintillæ ex pondere corporis igniti magis vergunt deorsum quàm sursum, & in extinctione redeunt in quandam fuliginem corpoream.

Existimamus huic Instantiæ non subiungi Negatiuam. Nullum enim inuenitur apud nos corpus tangibile, quod non ex attritione manifestò caleseat; adeò ut Veteres somniarent non inesse Cœlestibus aliam viam aut virtutem calefaciendi, nisi ex attritione Aëris per rotationem rapidam & incitatam. Verùm in hoc genere ulterius inquirendum est, utrùm corpora quæ emittuntur ex Machinis (qualia sunt pilæ ex Tormentis) non ex ipsâ percussione contrahant aliquem gradum caloris; adeò ut postquàm deciderint, inueniantur nonnihil calida. At Aer motus magis infrigidat quàm calefacit; ut in Ventis, & Follibus, & flatu oris contradi. Verùm huiusmodi motus non est tam rapidus ut excitet calorem; & fit secundùm totum, non per particulas: ut mirum non sit, si non generet calorem.

Circa hanc Instantiam facienda est inquisitio diligentior. Videntur enim Herbæ & Vegetabilia viridia & humida aliquid habere in se occulti caloris. Ille verò calor tam tenuis est, ut in singulis non percipiatur ad tactum: Verùm postquàm illa adunata sint & conclusa, ut spiritus ipsorum non expiret in aerem, sed se inuicem foueat; tum verò oritur calor manifestus, & nonnunquàm flamma in materiâ congruâ.

Ad 16.^{am} 22.^aAd 17.^{am} 23.^a

Etiam

Ad 18.^{am} 24.^a

Etiam circa hanc Instantiam diligentior facienda est inquisitio. Videtur enim Calx viua aquâ aspersa concipere calorem; vel propter unionem caloris qui antea distrabebatur, (vt antè dictum est de Herbis conclusis) vel ob irritationem & exasperationem spiritûs ignei ab aquâ, vt fiat quidam conflictus & antiperistasis. Vtra verò res sit in causâ, facilius apparebit, si loco Aquæ immittatur Oleum: Oleum enim æquè ac Aqua valebit ad unionem spiritûs inclusi, sed non ad irritationem. Etiam faciendum est Experimentum latius tam in cineribus & calcibus diuersorum corporum, quàm per immisionem diuersorum liquorum.

Ad 19.^{am} 25.^a

Huic Instantiæ subiungitur Negatiua aliorum Metallorum; quæ sunt magis mollia & fluxa. Etenim bracteolæ Auri solutæ in liquorem per Aquam Regis, nullum dant calorem ad tactum in dissolutione: neque similiter plumbum in Aquâ forti. Neque etiam Argentum viuum, (vt memini) sed Argentum ipsum parum excitat caloris, atque etiam Cuprum, (vt memini) sed magis manifestò Stannum, atque omnium maxime Ferrum & Chalybs; quæ non solum fortem excitant calorem in dissolutione, sed etiam violentam ebullitionem. Itaque videtur calor fieri per conflictum, cum Aquæ fortes penetrant, & fodiunt, & diuellunt partes corporis, & corpora ipsa resistunt. Ubi verò corpora facilius cedunt, vix excitatur Calor.

Ad 20.^{am} 26.^a

Calori Animalium nulla subiungitur Negatiua, nisi Insectorum (vt dictum est) ob paruitatem corporis. Etenim in Piscibus collatis ad Animalia terrestria magis notatur gradus coloris, quàm priuatio. In Vegetabi-

getabilibus autem & Plantis nullus percipitur gradus caloris ad tactum, neque in lachrymis ipsorum, neque in Medullis recentèr apertis. At in Animalibus magna reperitur diuersitas Caloris, tum in partibus ipsorum; (alius est enim calor circa Cor, alius in Cerebro, alius circa Externa) tum in Accidentibus eorum, vt in exercitatione vehementi, & febribus.

Huic Instantiæ vix subiungitur Negatiua. Quin- Ad 21.^{am} 27.^a
etiam excrementa Animalium non recentia manifestè habent calorem potentialem, vt cernitur in impinguatione Soli.

Liquores (sue Aquæ vocentur, sue Olea) qui Ad 22.^{am} &
23.^{am} 28.^a
habent magnam & intensam acrimoniam, exequuntur opera caloris in diuulsione corporum, atque adustione post aliquam moram: sed tamen ad ipsum tactum manibus non sunt calidi ab initio. Operantur autem secundum analogiam, & poros corporis cui adiunguntur. Aqua enim Regis Aurum soluit, Argentum minimè: At contrà, Aqua fortis Argentum soluit, Aurum minimè: Neutrum autem soluit Vitrum; & sic de cæteris.

Fiat Experimentum spiritus vini in Lignis, ac Ad 24.^{am} 29.^a
etiam in Butyro, aut Cera, aut Pice; si fortè per calorem suum ea aliquatenus liquefaciat. Etenim Instantia 24.^a ostendit potestatem eius imitatiuam Caloris in incrustationibus. Itaque fiat similiter Experimentum in Liquefactionibus. Fiat etiam Experimentum per Vitrum Graduum sue Calendare, quod concuum sit in summitate suâ per exterius; & immitatur in illud concuum exterius, spiritus vini benè rectificatus, cum operculo

culo vt meliùs contineat calorem suum; & notetur vtrum per calorem suum faciat aquam descendere.

Ad 25.^{am} 30.^a

Aromata, & Herbae acres ad palatum, multò magis sumptae interiùs, percipiuntur calida. Videndum itaque in quibus alijs materijs exequantur opera caloris. Atque referunt Nautae, cum cumuli & massae Aromaticum diù conclusae subito aperiuntur, periculum instare illis qui eas primò agitant & extrahunt, à febribus & inflammationibus spiritus. Similiter fieri poterit Experimentum, vtrum pulueres huiusmodi Aromaticum aut Herbarum non arefaciant Laridum, & carnem suspensam super ipsos, veluti fumus Ignis.

Ad 26.^{am} 31.^a

Acrimonia siue Penetratio inest tam Frigidis, qualia sunt Acetum, & Oleum Vitrioli; quàm Calidis, qualia sunt oleum Origani & similia. Itaque similiter & in Animatis cient dolorem, & in non-Animatis diuelunt partes & consumunt. Neque huic Instantiae subiungitur Negatiua. Atque in Animatis nullus reperitur dolor, nisi cum quodam sensu caloris.

Ad 27.^{am} 32.^a

Communes sunt complures actiones & Calidi, & Frigidi, licet diuersa admodum ratione. Nam & niues, puerorum manus videntur paulò post vrere; & frigora tuentur carnes à putrefactione, non minùs quàm ignis; & Calores contrahunt corpora in minus, quod faciunt & Frigida. Verùm haec & similia opportunius est referre ad Inquisitionem de Frigido.

Tertiò

Aphor. XIII.

Tertiò faciendâ est Comparantia ad Intellectum Instantiarum in quibus Natura, de quâ fit Inquisitio, inest secundum magis & minus; siue factâ comparatione incrementi & decrementi in eodem subiecto, siue factâ comparatione ad inuicem in subiectis diuersis. Cum enim Forma rei sit ipsissima Res; neque differat Res à Formâ, aliter quàm differunt Apparens & Existens, aut Exterius & Interius, aut in ordine ad Hominem & in Ordine ad Vniuersum; omninò sequitur, ut non recipiatur aliqua Natura pro verâ Formâ, nisi perpetuò decrescat quando Natura ipsa decrescit, & similiter perpetuò augeatur quando Natura ipsa augetur. Hanc itaque Tabulam, Tabulam Graduum siue Tabulam Comparatiuæ appellare consueuimus.

Tabula Graduum, siue Comparatiuæ
in Calido.

Primò itaque dicemus de ijs quæ nullum prorsus gradum Caloris habent ad tactum; sed videntur habere potentialem tantum quendam calorem, siue dispositionem & præparationem ad calidum. Postea demum descendemus ad ea, quæ sunt actu, siue ad tactum Calida, eorumque fortitudines & Gradus.

1. *In corporibus solidis & tangibilibus non inuenitur aliquid, quod in Naturâ suâ Calidum sit originaliter. Non enim lapis aliquis, non metallum, non sulphur, non fossile aliquod, non lignum, non aqua, non cadaver animalis, inueniuntur Calida. Aquæ autem calidæ in Balneis videntur calefieri per accidens, siue per flammam, aut ignem subterraneum, qualis ex Æt-nâ, & montibus alijs compluribus euomitur; siue ex conflictu corporum, quemadmodum Calor fit in ferri & stanni dissolutionibus. Itaque gradus Caloris in Inanimatis, quatenus ad tactum humanum, nullus est; veruntamen illa Gradu Frigoris differunt; non enim æquè frigidum est lignum, ac metallum. Sed hoc pertinet ad Tabulam graduum in Frigido.*
2. *Attamen quoad potentiales Calores & præparationes ad flammam, complura inueniuntur inanimata admodum disposita, vt Sulphur, Naphtha, Petreleum.*
3. *Quæ antea incaluerunt, vt fimus equinus ex animali, aut calx, aut fortasse cinis aut fuligo ex Igne, reliquias latentes quasdam caloris prioris retinent. Itaque sunt quædam distillationes & separationes corporum, per sepulturam in fimo equino; atque excitatur calor in calce, per asper-sionem aquæ, vt iam dictum est.*

4. *Inter Vegetabilia non inuenitur aliqua Planta, siue pars Plantæ (velut lachryma, aut medulla) quæ sit ad tactum humanum calida. Sed tamen (vt superius dictum est) herbæ virides conclusæ calefcunt; atque ad interiorem tactum, velut ad palatum, aut ad stomachum, aut etiam ad exteriores partes post aliquam moram (vt in emplastris & vnguentis) alia vegetabilia inueniuntur calida, alia frigida.*
5. *Non inuenitur in partibus animalium, postquam fuerint mortuæ aut separatæ, aliquid calidum ad tactum humanum. Nam neque finus equinus ipse, nisi fuerit conclusus & sepultus calorem retinet. Sed tamen omnis finus habere videtur calorem potentialem, vt in agrorum impinguatione. Et similiter, cadauera animalium, huiusmodi habent latentem & potentialem calorem; adeo vt in Cæmeterijs, vbi quotidie fiunt sepulturae, Terra calorem quendam occultum colligat, qui cadauer aliquod recentè impositum consumit, longè citius quàm terra pura. Atque apud Orientales traditur inueniri textile quoddam tenue & molle, factum ex auium plumagine, quod vi innatâ butyrum soluat & liquefaciat, in ipso leuiter inuolutum.*
6. *Quæ impinguant agros, vt Fimi omnis generis, Creta, Arena maris, Sal, & similia, dispositionem nonnullam habent ad Calidum.*

7. Omnis putrefactio in se rudimenta quædam exilis Caloris habet, licet non hucusque, ut ad tactum percipiatur. Nam nec ea ipsa quæ putrefacta soluuntur in animalcula, ut Caro, Caseus, ad tactum percipiuntur Calida; neque lignum putre, quod nocturno splendet, deprehenditur ad tactum Calidum. Calor autem in putridis quandoque se prodit per odores tetros & fortes.
8. Primus itaque Caloris gradus, ex ijs quæ ad tactum humanum percipiuntur Calida; videtur esse Calor animalium, qui bene magnam habet graduum latitudinem; Nam infimus gradus (ut in insectis) vix ad tactum deprehenditur; Summus autem gradus vix attingit ad gradum Caloris radiorum Solis in regionibus & temporibus maxime feruentibus; neque ita acris est, quin tolerari possit à manu. Et tamen referunt de Constantio, aliisque nonnullis, qui Constitutionis & habitus Corporis admodum sicci fuerunt, quod acutissimis febribus correpti, ita incaluerint, ut manum admotam aliquantulum urere visi sint.
9. Animalia, ex Motu & exercitatione, ex vino & epulis, ex venere, ex febribus ardentibus, & ex dolore, augentur Calore.
10. Animalia in accessibus febrium intermittentium, à principio, frigore & horrore corripuntur,

tur; sed paulò pòst maiorem in modum incalescunt; quod etiam faciunt à principio in Causonibus, & febribus pestilentialibus.

11. Inquiratur vltteriùs de Calore comparato in diuersis animalibus, veluti piscibus, quadrupedibus, serpentibus, auib; atque etiam secundùm species ipsorum, vt in Leone, Miluio, Homine; Nam ex vulgari opinione, pisces per interiora minùs Calidi sunt, aues autem maximè Calidæ; præsertim Columbæ, Accipitres, Struthiones.

12. Inquiratur vltteriùs de Calore comparato in eodem animali, secundùm partes & membra eius diuersa. Nam lac, sanguis, sperma, oua, inueniuntur gradu modico tepida, & minùs Calida quàm ipsa caro exterior in animali, quando mouetur, aut agitatur. Qualis verò grādus sit Caloris in cerebro, stomacho, corde, & reliquis, similiter adhuc non est quæsitum.

13. Animalia omnia, per hyemem & tempestates frigidas, secundùm Exterius frigent; sed per Interiora etiam magis esse Calida existimantur.

14. Calor Cœlestium etiam in regione calidissimâ, atque temporibus Anni & diei calidissimis, non eum gradum Caloris obtinet, qui vel lignum aridissimum, vel stramen, vel etiam linteum vsus incen-

incendat aut adurat, nisi per specula comburentia roboretur; sed tamen è rebus humidis vaporem excitare potest.

15. *Ex traditione Astronomorum ponuntur stellæ aliæ magis, aliæ minùs Calidæ. Inter Planetas enim post Solem ponitur Mars calidissimus; deindè Iupiter, deindè Venus; Ponuntur autem tanquàm frigidi, Luna, & deindè omnium maximè Saturnus. Inter fixas autem ponitur calidissimus Sirius; deindè Cor Leonis, siue Regulus; deindè Canicula, &c.*

16. *Sol magis calefacit, quo magis vergit ad perpendicularum, siue Zenith; quod etiam credendum est de alijs Planetis, pro modulo suo Caloris; Exempli gratiâ, Iouem magis apud nos calefacere, cùm positus sit sub Cancro, aut Leone, quàm sub Capricorno, aut Aquario.*

17. *Credendum est Solem ipsum, & Planetas reliquos, magis calefacere in Perigæis suis; propter propinquitatem ad terram, quàm in Apogæis. Quòd si eueniat, vt in aliquâ regione Sol sit simul in Perigæo, & propiùs ad perpendicularum; necesse est vt magis calefaciat, quàm in regione vbi Sol sit similiter in Perigæo, sed magis ad obliquum. Adeò vt Comparatio exaltationis Planetarum notari debeat, prout ex perpendicularo aut obliquitate participet, secundum regionum varietatem.*

18. Sol etiam, & similiter reliqui Planetæ, calefacere magis existimantur, cum sint in proximo ad Stellæ fixas maiores; veluti cum Sol ponitur in Leone, magis vicinus sit cordi Leonis, caudæ Leonis, & Spicæ virginis, & Sirio, & Caniculæ, quam cum ponitur in Cancro, ubi tamen magis sistitur ad perpendicularum. Atque credendum est partes Cœli maiorem infundere calorem (licet ad tactum minimè perceptibilem) quo magis ornatae sunt Stellis, præsertim maioribus.

19. Omnino Calor Cœlestium augetur tribus modis; videlicet ex perpendicularo, ex propinquitate siue Perigæo, & ex coniunctione siue consortio Stellarum.

20. Magnum omnino inuenitur intervallum inter Calorem Animalium, ac etiam radiorum Cœlestium (prout ad nos deferuntur,) atque flammam, licet lenissimam, atque etiam fignita omnia; atque insuper liquores, aut Aerem ipsum, maiorem in modum ab igne calefactum. Etenim flamma spiritûs vini, præsertim rara, nec constipata, tamen potis est stramen, aut linteum, aut papyrus incendere; quod nunquam faciet Calor Animalis, vel Solis, absque speculis comburentibus.

21. Flammæ autem, & Ignitorum, plurimi sunt gradus in fortitudine & debilitate Caloris. Verum

rùm de his nulla est facta diligens Inquisitio ; ut necesse sit ista leuiter transmittere. Videtur autem ex flammis illa ex spiritu vini esse mollissima ; nisi fortè Ignis fatuus , aut flammæ , seu coruscationes ex sudoribus animalium , sint molliores. Hanc sequi opinamur flammam ex vegetabilibus leuibus & porosis , ut stramine , scirpis , & folijs arefactis , à quibus non multum differre flammam ex pilis aut plumis. Hanc sequitur fortassè flamma ex lignis , præsertim ijs quæ non multum habent ex resinâ aut pice ; ita tamen ut flamma ex lignis quæ parua sunt mole (quæ vulgò colligantur in fasciculos) lenior sit , quàm quæ sit ex truncis arborum & radicibus. Id quod vulgò experiri licet in fornacibus quæ ferum excoquant , in quibus ignis ex fasciculis & ramis arborum non est admodum utilis. Hanc sequitur (ut arbitramur) flamma ex oleo , & seuo , & cerâ , & huiusmodi oleosis & pinguibus , quæ sunt sine magnâ acrimonia. Fortissimus autem Calor reperitur in pice & resinâ ; atque adhuc magis in Sulphure , & Caphurâ , & Naphthâ , & Petrelæo , & Salibus , (postquam materia cruda eruperit) & in horum compositionibus , veluti puluere Tormentario , Igne Græco , (quem vulgò Ignem ferum vocant) & diuersis eius generibus , quæ tam obstinatum habent Calorem , ut ab aquis nō facile extinguantur.

22.

Existimamus etiam flammam , quæ resultat ex
non-

nonnullis metallis imperfectis, esse valde robustam & acrem. Verum de istis omnibus inquiratur ulterius.

23. Videtur autem flamma fulminum potentiorum has omnes flammās superare.; adeo. vt. ferrum ipsum perfectum aliquando colliquauerit in guttas; quod flammæ illæ alteræ facere non possunt.

24. In Ignitis autem diuersi sunt etiam gradus Caloris, de quibus etiam non facta est diligens inquisitio. Calorem maximè debilem existimamus esse ex linteo vsto, quali ad flammæ excitationem vti solemus; & similiter ex ligno illo spongioso, aut funiculis arefactis, qui ad tormentorum accensionem adhibentur. Post hunc sequitur carbo ignitus ex lignis, & anthracibus, atque etiam ex lateribus ignitis, & similibus. Ignitorum autem vehementissimè Calida existimamus esse metalla ignita, vt Ferrum, & Cuprum, & cætera. Verum de his etiam facienda est ulterior inquisitio.

25. Inueniuntur ex Ignitis nonnulla longè Calidiora, quàm nonnullæ ex flammis. Multò enim Calidius est, & magis adurens Ferrum Ignitum, quàm flamma spiritus vini.

26. Inueniuntur etiam ex illis quæ Ignita non sunt,
Z sed

sed tantum ab igne Calefacta, sicut *Aqua* feru-
u-
entes, & *Aër* conclusus in reuerberatorijs, non-
nulla quæ superant Calore multa ex flammis ipsis,
& Ignitis.

27. *Motus* auget Calorem; ut videre est in folli-
bus & flatu; adeo ut duriora ex Metallis non
soluantur, aut liquefiant per ignem mortuum aut
quietum, nisi flatu excitetur.

28. *Fiat Experimentum* per specula comburentia,
in quibus (ut memini) hoc fit; ut si speculum po-
natur (exempli gratiâ) ad distantiam Spithamæ
ab obiecto combustibili, non tantoperè incendat
aut adurat, quàm si positum fuerit speculum
(exempli gratiâ) ad distantiam Semispithamæ,
& gradatim & lentè trahatur ad distantiam
Spithamæ. Conus tamen, & unio radiorum
eadem sunt, sed ipse *Motus* auget operatio-
nem Caloris.

29. *Existimantur* incendia illa, quæ fiunt flante
vento forti, maiores progressus facere aduersus
ventum, quàm secundum ventum; quia scilicet
flamma resilit motu perniciores, vento remittente,
quàm procedit vento impellente.

30. *Flamma* non emicat aut generatur, nisi detur
aliquid concaui, in quo flamma mouere possit &
ludere; præterquàm in flammis flatuosis pulueris
Tor-

Tormentarij, & similibus, vbi compressio & incarceration flammæ auget eius furorem.

31. *Incus per malleum calefit admodum; adeò vt si Incus fuerit laminae tenuioris, existimemus illam per fortes & continuos ictus mallei posse rubescere, vt ferrum ignitum; sed de hoc fiat Experimentum.*

32. *At in Ignitis quæ sunt porosa, ita vt detur spatium ad exercendum motum ignis, si cohibeatur huiusmodi motus per compressionem fortem, statim extinguatur ignis; veluti cum linteam vstum, aut filum ardens candelæ aut lampadis, aut etiam carbo aut pruna ardens, comprimatur per pressorium, aut pedis conculcationem, aut huiusmodi, statim cessant operationes Ignis.*

33. *Approximatio ad corpus Calidum auget Calorem, pro gradu approximationis; quod etiam fit in lumine: Nam quò propius collocatur obiectum ad lumen, eò magis est visibile.*

34. *Vniocalorum diuersorum auget Calorem, nisi facta sit commistio corporum. Nam focus magnus, & focus paruus in eodem loco, nonnihil inuicem augent Calorem; at aqua tepida immissa in aquam feruentem refrigerat.*

35. *Mora corporis calidi auget Calorem. Etenim Calor perpetuò transiens & emanans, commiscetur cum calore præinexistente, adeò ut multiplicet Calorem. Nam focus non æquè calefacit cubiculum per moram semihoræ, ac si idem focus duret per horam integram. At hoc non facit lumen; Etenim lampas aut candela in aliquo loco posita, non magis illuminat per moram diurnam, quàm statim ab initio.*
36. *Irritatio per frigidum ambiens, auget Calorem; ut in focus videre est per gelu acre. Quod existimamus fieri non tantum per conclusionem & contractionem Caloris, quæ est species vnionis; sed per exasperationem: veluti cum Aer aut baculum violenter comprimitur aut flectitur, non ad punctum loci prioris resilit, sed vterius in contrarium. Itaque fiat diligens Experimentum, per baculum vel simile aliquid immissum in flammam, utrùm ad latera flammæ non vratur citius, quàm in medio flammæ.*
37. *Gradus autem in susceptione Caloris sunt complures. Atque primò omnium notandum est, quàm paruus & exilis calor, etiam ea corpora quæ Caloris minimè omnium sunt susceptiua, immutet tamen & nonnihil calefaciat. Nam ipse calor manus, globulum plumbi, aut alicuius Metalli, paulisper detentum nonnihil calefacit. Adeò facilè, & in omnibus transmittitur*

tur & excitatur Calor, corpore nullo modo ad apparentiam immutato.

38. Facillimè omnium corporum apud nos & excipit, & remittit Calorem Aër; quod optimè cernitur in vitris Calendaribus. Eorum confectio est talis: Accipiatur vitrum ventre concauo, collo tenui & oblongo; resupinetur & demittatur huiusmodi vitrum ore deorsum verso, ventre sursum, in aliud vasculum vitreum ubi sit Aqua; tangendo fundum vasculi illius recipientis, extremo ore vitri immissi, & incumbat paululum vitri immissi collum ad os vitri recipientis, ita ut stare possit; quod ut commodius fiat, apponatur parum ceræ ad os vitri recipientis; ita tamen ut non penitus obturetur os eius, nè ob defectum Aëris succedentis impediatur motus, de quo iam dicetur, qui est admodum facilis & delicatus.

Oportet autem ut vitrum demissum, antequàm inferatur in alterum, calefiat ad ignem à parte superiori, ventre scilicet. Postquàm autem fuerit vitrum illud collocatum, ut diximus, recipiet & contrahet se Aër (qui dilatatus erat per calefactionem) post moram sufficientem pro extinctione illius ascititij Caloris, ad talem extensionem siue dimensionem, qualis erit Aëris ambientis aut communis tunc temporis, quando immittitur vitrum, atque attrahet aquam insursum ad huiusmodi mensuram. Debet autem appen-

appendi charta angusta & oblonga, & gradibus (quot libuerit) interstincta. Videbis autem prout tempestas diei incalescit aut frigescit, Aërem se contrahere in angustius per frigidum, & extendere se in latius per Calidum; id quod conspicietur per aquam ascendentem quando contrahitur Aër, & descendentem siue depressum quando dilatatur Aër. Sensus autem aeris, quatenus ad Calidum, & Frigidum, tam subtilis est & exquisitus, ut facultatem tactus humani multum superet; adeò ut Solis radius aliquis, aut calor anhelitus, multò magis calor manûs, super vitri summitatem positus, statim deprimat aquam manifestò. Attamen existimamus spiritum animalium magis adhuc exquisitum sensum habere Calidi & Frigidi, nisi quòd à mole corporeâ impediatur & hebetetur.

39. Post Aërem existimamus corpora esse maximè sensitiua Caloris ea, quæ à frigore recenter immutata sunt & compressa, qualia sunt Nix, & Glacies; ea enim leni aliquo tepore solui incipiunt & colliquari. Post illa sequitur fortasse Argentum viuum. Post illud sequuntur corpora pinguia, ut oleum, butyrum, & similia; deinde Lignum; deinde Aqua. Postremò Lapidés, & Metalla, quæ non facile calefiunt, præsertim interiùs. Illa tamen Calorem semel susceptum diutissimè retinent; ita ut later, aut lapis, aut ferrum ignitum in peluim aquæ frigidaë immissum,

missum, & demersum per quartam partem horæ (plus minus) retineat Calorem, ita ut tangi non possit.

40. Quò minor est corporis moles, eò citius per corpus calidum approximatum incalescit; id quod demonstrat omnem Calorem apud nos, esse corpori tangibili quodammodò aduersum.

41. Calidum, quatenus ad sensum & tactum humanum, res varia est & respectiua; adeo ut aqua tepida, si manus frigore occupetur, sentiantur esse calida; sin manus incaluerit, frigida.

Aphor. XIV.

Quàm inopes sumus historiæ, quiuis facile aduertet, cum in Tabulis superioribus, præterquam quòd loco historiæ probatæ & Instantiarum certarum nonnunquam traditiones & relationes inseramus, (semper tamè adiecta dubiæ fidei & Authoritatis vota) sæpenumerò etiam hisce verbis, Fiat Experimentum, vel Inquiratur vltèrius, uti cogamur.

XV.

Atque Opus & officium harum trium Tabularum, Comparentiam Instantiarum ad intellectum, vocare consueuimus. Factà autem Comparentià, in opere ponenda est ipsa Inductio, Inueni-
enda

enda est enim, super Comparentiam omnium & singularum Instantiarum; Natura talis, quæ cum naturâ datâ perpetuò adsit, absit; atque crescat, & decrescat; sitq; (vt superiùs dictum est) limitatio Naturæ magis communis. Hoc si mens iam ab initio facere tentet affirmatiuè (quod sibi permissa semper facere solet) occurrent phantasmata, & opinabilia, & Notionalia male terminata, & Axiomata quotidie emendanda; nisi libeat (Scholarum more) pugnare pro falsis. Ea tamen proculdubio erunt meliora aut prauiora; pro facultate & robore intellectus qui operatur. At omnino Deo (Formarum Inditori & opifici) aut fortasse Angelis & Intelligentijs competit, Formas per Affirmationem immediatè nosse, atque ab initio Contemplationis. Sed certè supra hominem est; Cui tantum conceditur, procedere primò per Negatiuas, & postremo loco desinere in Affirmatiuas, post omnimodam exclusionem.

XVI.

Itaq; Naturæ faciendæ est prorsus solutio & separatio; non per Ignem certè, sed per Mentem, tantquam Ignem diuinum. Est itaq; Inductionis veræ opus primum (quatenus ad inueniendas Formas) Reiectio sue Exclusiua Naturarum singularum, quæ non inueniuntur in aliquâ Instantiâ, vbi Natura data adest; aut inueniuntur in aliquâ Instantiâ, vbi Natura data abest; aut inueniuntur in aliquâ Instantiâ crescere, cum Natura data decrescat; aut decrescere, cum

cum *Natura* data crescat. Tum verò post Reiectionem & Exclusionem debitis modis factam, secundo loco (tanquam in fundo) manebit (abeuntibus in summum opinionibus volatilibus) *Forma affirmatiua, solida, & vera, & benè terminata.* Atque hoc breue dictu est, sed per multas ambages ad hoc peruenitur. Nos autem nihil fortasse ex ijs, quæ ad hoc faciunt, prætermittimus.

XVII.

CAuendum autem est, & monendum quasi perpetuò, ne cum tantæ partes *Formis* videantur à nobis tribui, trahantur ea, quæ dicimus, ad *Formas* eas, quibus hominum contemplationes & cogitationes hætenus assueuerunt.

Primo enim, de *Formis* copulatis, quæ sunt (ut diximus) *Naturarum simplicium Coniugia* ex cursu communi vniuersi, ut *Leonis, Aquilæ, Rosæ, Aurii*, & huiusmodi, impræsentiarum non loquimur. Tempus enim erit de ijs tractandi, cum ventum fuerit ad latentes *Processus*, & latentes *Schematismos*, eorumque inuentionem, prout reperiuntur in *Substantijs* (quas vocant) seu *Naturis concretis*.

Rursus verò, non intelligantur ea quæ dicimus (etiam quatenus ad *Naturas simplices*) de *formis* & *Idæis abstractis*, aut in *materia non determinatis*, aut malè determinatis. Nos enim quum de *Formis* loquimur, nil aliud intelligimus, quam *leges illas & determinationes Actus puri*, quæ *Naturam aliquam*,

Aa

simpli-

simplicem ordinant & constituunt ; vt calorem , lumen , pondus , in omnimodâ materiâ & subiecto susceptibili. Itaque eadem res est Forma Calidi , aut Forma Luminis , & Lex Calidi , siue Lex Luminis ; neque verò à rebus ipsis & parte operatiuâ , vnquam nos abstrahimus , aut recedimus. Quare cùm dicimus (exempli gratiâ) in Inquisitione Formæ (Caloris, Reijce tenuitatem, aut, tenuitas non est ex Formâ Caloris ; idem est ac si dicamus , potest homo superinducere Calorem in corpus densum ; aut contrâ , potest homo auferre aut arcere Calorem à corpore tenui.

Quòd si cuiquam videantur etiam Formæ nostræ habere nonnihil abstracti , quòd misceant & coniungant heterogenea (videntur enim valde esse heterogenea Calor Cœlestium , & Ignis ; rubor fixus in rosâ , aut similibus , & apparens in Iride , aut radijs Opalijs , aut Adamantis ; Mors ex summersione , ex crematione , ex puncturâ gladij , ex Apoplexiâ , ex Atrophiâ ; & tamen conueniunt ista in Naturâ Calidi , Ruboris , Mortis) is se habere intellectum nôrit consuetudine , & integralitate rerum , & opinionibus captum & detentum. Certissimum enim est, ista, vtcunq; heterogenea & aliena , coire in Formam , siue Legem eam quæ ordinat Calorem , aut ruborem , aut mortem ; nec emancipari posse potentiam humanam , & liberari à Naturæ cursu communi , & expandi & exaltari ad Efficientia noua , & Modos operandi nouos , nisi per reuelationem & inuentionem huiusmodi formarum ; & tamen post istam vnionem Naturæ , quæ
est

est res maximè principalis, de *Naturæ* diuisionibus
& venis, tam ordinarijs, quàm interioribus & verio-
ribus, suo loco postea dicitur.

XVIII.

Iam verò proponendum est Exemplum Exclusionis
sue Reiectionis *Naturarum*, quæ per *Tabulas*
Comparentiæ reperiuntur non esse ex *Formâ Calidi*;
illud interim monendo, non solum sufficere singulas *Tabulas*
ad Reiectionem alicuius *Naturæ*, sed etiam
vnamquamque ex *Instantijs* singularibus in illis con-
tentis. Manifestum enim est ex ijs quæ dicta sunt, om-
nem *Instantiam* contradictoriam destruere opina-
bile de *Formâ*. Sed nihilominus quandoque perspicui-
tatis causâ, & vt vsus *Tabularum* clariùs demon-
stretur, *Exclusiuam* duplicamus, aut repetimus.

Exemplum *Exclusiuæ*, sue *Reiectionis*
Naturarum à formâ Calidj.

1. **P**er radios Solis, Reijce *Naturam* Ele-
mentarem.
2. Per Ignem communem, & maximè per Ignem
subterraneos (qui remotissimi sunt, & pluri-
mum intercluduntur à radijs Cœlestibus) Reijce
Naturam Cœlestem.

3. Per Calefactionem omnigenum corporum, (hoc est, Mineralium, Vegetabilium, partium exteriorum Animalium, Aquæ, Olej, Aeris, & reliquorum) ex approximatione solâ ad Ignem, aut aliud Corpus calidum; Reijce omnem Varietatem, siue subtiliorem Texturam corporum.

4. Per Ferrum & Metalla ignita, quæ calefaciunt alia corpora, nec tamen omnino pondere aut substantiâ minuuntur; Reijce inditionem siue mixturam substantiæ alterius Calidj.

5. Per Aquam feruentem; atque Aërem, atque etiam per Metalla, & alia Solida calefacta, sed non usque ad ignitionem siue ruborem; Reijce Lucem aut Lumen.

6. Per radios Lunæ, & aliarum Stellarum, (excepto Sole) Reijce etiam Lucem & Lumen.

7. Per Comparatiuam Ferri igniti, & Flammæ spiritûs vini (ex quibus, Ferrum ignitum plus habet calidi & minus lucidi, Flamma autem spiritûs vini plus lucidi & minus calidi) Reijce etiam Lucem & Lumen.

8. Per aurum & alia Metalla ignita, quæ densissimi sunt corporis secundum totum; Reijce Tenuitatem.

9. Per

9. Per Aërem, qui inuenitur vt plurimum frigidus, & tamen manet tenuis; Reijce etiam Tenuitatem.
10. Per Ferrum ignitum, quod non intumescit mole, sed manet intra eandem dimensionem visibilem; Reijce Motum localem, aut expansiuum secundum totum.
11. Per dilatationem Aëris in Vitris Calendarijs & similibus, qui mouetur localiter & expansiue manifestò, neque tamen colligit manifestum augmentum Caloris; Reijce etiam Motum Localem, aut expansiuum secundum totum.
12. Per facilem Tepefactionem omnium corporum, absque aliquâ destructione aut alteratione notabili; Reijce Naturam destructiuam, aut inditionem violentam alicuius Naturæ nouæ.
13. Per Consensum & Conformitatem operum similium, quæ eduntur à Calore & à Frigore; Reijce Motum tam Expansiuum quàm Contractiuum, secundum totum.
14. Per Accensionem Caloris ex attritione corporum; Reijce Naturam Principialem. Naturam Principialem vocamus eam, quæ Positiua reperitur in Naturâ, nec causatur à Naturâ præcedente.

Sunt

Sunt & aliæ Naturæ : neque enim Tabulas conficimus perfectas, sed Exempla tantum.

Omnes & singulæ Naturæ prædictæ non sunt ex Formâ Calidi. Atque ab omnibus Naturis prædictis liberatur Homo in operatione super Calidum.

Aphor. XIX.

ATque in Exclufiuâ iacta sunt fundamenta Inductionis veræ; quæ tamen non perficitur donec sistatur in Affirmatiuâ. Neque verò ipsa Exclufiua vlllo modo perfectâ est, neque adeò esse potest sub initijs. Est enim Exclufiua (vt planè liquet) Reiectio Naturarum Simplicium: Quòd si non habeamus adhuc bonas & veras Notiones Naturarum simplicium, quomodo rectificari potest Exclufiua? At nonnullæ ex suprædictis (veluti Notio Naturæ Elementaris, Notio Naturæ Cælestis, Notio Tenuitatis) sunt Notiones vagæ, nec bene terminatæ. Itaque nos, qui nec ignari sumus, nec obliti, quantum opus aggrediamur; (viz. vt faciamus Intellectum humanum Rebus & Naturæ parè) nullo modo acquiescimus in his quæ adhuc præcepimus: sed & rem in ulterius prouehimus, & fortiora auxilia in vsum Intellectûs machinamur & ministramus, quæ nunc subiungemus. Et certè in Interpretatione Naturæ animus omninò talitèr est præparandus & formandus, vt & sustineat se in gradibus debitis certitudinis & tamen cogitet (præsertim sub initijs) ea, quæ adsunt, multum pendere ex ijs quæ supersunt.

Atta-

XX.

Attamen quia citiùs emergit Veritas ex errore, quàm ex confusione, vtile putamus vt fiat permissio Intellectui, post tres Tabulas Comparentiæ primæ (quales posuimus) factas & pensitatas, accingendi se & tentandi opus Interpretationis Naturæ in affirmatiuâ; tam ex Instantijs Tabularum, quàm ex ijs quæ alias occurrent. Quod genus Tentamenti, Permissionem Intellectûs, siue Interpretationem inchoatam, siue Vindemiationem primam appellare consueuimus.

Vindemiatio prima de Formâ
Calidi.

Animaduertendum autem est, Formam rei inesse (vt ex ijs, quæ dicta sunt, planè liquet) Instantijs vniuersis & singulis, in quibus Res ipsa inest; aliter enim Forma non esset: Itaque nulla planè dari potest Instantia contradictoria. Attamen longè magis conspicua inuenitur Forma & euident in aliquibus Instantijs, quàm in alijs; in ijs videlicet, vbi minùs cohibita est Natura Formæ, & impedita, & redacta in ordinem, per Naturas alias. Huiusmodi autem Instantias, Elucescentias vel Instantias Ostensiuas appellare consueuimus. Pergendum itaque est ad Vindemiationem ipsam primam de Formâ Calidi.

Per

Per vniuersas & singulas Instantias, *Natura*, cuius limitatio est *Calor*, videtur esse *Motus*. Hoc autem maximè ostenditur in *Flammâ*, quæ perpetuò mouetur; & in *Liquoribus* feruentibus aut bullientibus, qui etiam perpetuò mouentur. Atque ostenditur etiam in incitatione siue incremento *Caloris* factò per motum; vt in *Follibus*, & *ventis*: de quo vide *Instant. 29. Tab. 3.* Atque similiter in alijs modis *Motûs*, de quibus vide *Instant. 28. & 31. Tab. 3.* Rursus ostenditur in extinctione *Ignis* & *Caloris* per omnem fortem compressionem, quæ frænâ & cessare facit *Motum*: de quâ vide *Instant. 30. & 32. Tab. 3.* Ostenditur etiam in hoc, quòd omne corpus destruitur aut saltem insignitèr alteratur ab omni *Ëgne* & *Calore*, forti ac vehementi: Unde liquidò constat, fieri à *Calore* tumultum & perturbationem, & motum acrem in partibus internis *Corporis*; qui sensim vergit ad dissolutionem.

Intelligatur hoc quod diximus de *Motu*, (nempe, vt sit instar *Generis* ad *Calorem*) non quòd *Calor* generet *Motum*, aut quòd *Motus* generet *Calorem*; (licet & hæc in aliquibus vera sint) sed quòd ipsissimus *Calor*, siue Quid ipsum *Caloris* sit *Motus*, & nihil aliud: limitatus tamen per *Differentias*, quas mox subiungemus, postquàm nonnullas cautiones adiecerimus ad euitandum *Æquinocum*.

Calidum ad sensum, res *Respectiua* est, & in ordine

dine ad Hominem, non ad Vniuersum; & ponitur rectè vt Effectus Caloris tantum in spiritum Animalem: Quin etiam in seipso res varia est, cum idem corpus (prout Sensus prædisponitur) inducat perceptionem tam Calidi quam Frigidi: vt patet per Instant:

41. Tab. 3.

Neque verò communicatio Caloris, siue Natura eius Transitiua, per quam corpus admotum corpori calido incalescit, confundi debet cum formâ Calidi. Aliud enim est Calidum, aliud Calefactiuum. Nam per motum Attritionis inducitur Calor absque aliquo Calido præcedente, vnde excluditur Calefactiuum à Formâ Calidi. Atque etiam vbi Calidum efficitur per approximationem Calidi, hoc ipsum non fit ex formâ Calidi; sed omninò pendet à Naturâ altiore & magis communi; viz. ex Naturâ Assimilationis siue Multiplicationis sui: de quâ facienda est separatim inquisitio.

At notio Ignis plebeia est, & nihil valet: composita enim est ex concursu qui fit Calidi & Lucidi in aliquo corpore; vt in Flammâ communi, & corporibus accensis vsque ad ruborem.

Remoto itaq; omni Æquiuioco, veniendum iam tandem est ad Differentias veras quæ limitant Motum, & constituunt eum in Formam Calidj.

PRima igitur Differentia ea est; quòd Calor sit Motus Expansiuus, per quem corpus nititur ad dilatationem sui, & recipiendi se in maiorem sphaeram siue dimensionem, quàm prius occupauerat.

cupauerat. Hæc autem Differentia maximè ostenditur in flammâ; vbi fumus siue balitus pinguis manifestò dilatatur & aperit se in flammam.

Ostenditur etiam in omni Liquore feruente, qui manifestò intumescit, insurgit, & emittit bullas; atque vrget processum expandendi se, donec vertatur in corpus longè magis extensum & dilatatum, quàm sit ipse Liquor; viz. in Vaporem, aut Fumum, aut Aërem.

Ostenditur etiam in omni Ligno & Combustibili; vbi fit aliquando exudatio, at semper euaporatio.

Ostenditur etiam in colliquatione Metallorum; quæ (cùm sint corporis compactissimi) non faciliè intumescunt & se dilatant: sed tamen Spiritus eorum, postquàm fuerit in se dilatatus, & maiorem adèò dilatationem concupierit, trudit planè & agit partes crassiores in Liquidum. Quòd si etiam Calor fortius intendatur, soluit & vertit multum ex ijs in volatile.

Ostenditur etiam in Ferro aut Lapidibus: quæ licèt non liquefiant aut fundantur, tamen emolliuntur. Quod etiam fit in baculis ligni; quæ calefacta paululùm in cineribus calidis fiunt flexibilia.

Optimè autem cernitur iste Motus in Aëre, qui per exiguum calorem se dilatat continuò & manifestò: vt per Instant: 38. Tab. 3.

Ostenditur etiam in naturâ contrariâ Frigidi.

di. *Frigus enim omne corpus contrahit & cogit in angustius; adeò vt per intènsa Frigora clauis excidant ex parietibus, æra dissiliant, vitrum etiam calefactum & subito positum in Frigido dissiliat & frangatur. Similiter Aër per leuem infrigidationem recipit se in angustius: vt per Instant. 38. Tab. 3. Verùm de his fusiùs dicetur in inquisitione de Frigido.*

Neque mirum est, si Calidum & Frigidum edant complures actiones communes, (de quo vide Instant. 32 Tab. 2.) cùm inueniantur duæ ex sequentibus Differentijs (de quibus mox dicemus) quæ competunt vtrique Naturæ; licet in hac Differentiâ (de quâ nunc loquimur) actiones sint ex diametro oppositæ: Calidum enim dat motum expansiuum & dilatantem, Frigidum autem dat motum contractiuum & coëuntem.

SEcunda Differentia est modificatio prioris; Hæc videlicet, quòd Calor sit Motus expansiuus siue versus circumferentiam: hac lege tamen, vt vnà feratur corpus sursum. Dubium enim non est, quin sint Motus complures mixti. Exempli gratiâ: sagitta aut spiculum simul & progrediendo rotat, & rotando progreditur. Similiter & Motus Caloris simul est & Expansiuus, & Latio in sursum.

Hæc verò Differentia ostenditur in Forcipe,

B b 2

aut

aut Bacillo ferreo immisso in ignem : quia si immittatur perpendicularitèr tenendo manum superius, citò manum adurit ; sin ex latere aut inferius, omninò tardiùs.

Conspicua etiam est in Distillationibus per Descensorium ; quibus vtuntur homines ad Flores delicates, quorum odores facilè euanescent. Nam hoc reperit industria, vt collocent Ignem non subtèr sed suprà, vt adurat minùs. Neque enim Flamma tantùm vergit sursùm, sed etiam omne Calidum.

Fiat autem Experimentum huius rei in contrariâ Naturâ Frigidi : viz. utrùm Frigus non contrahat corpus descendendo deorsùm ; quemadmodum Calidũ dilatat corpus ascendendo sursùm. Itaq ; adhibeantur duo bacilla ferrea, vel duo tubi vitrei ; quoad cætera pares ; & calefiant nonnihil ; & ponatur Spongia cum aquâ frigidâ, vel nix, subter vnâ, & similiter super alterâ. Existimamus enim celeriore fore Refrigerationem ad extremitates, in eo bacillo vbi nix ponitur suprâ, quàm in eo vbi nix ponitur subtèr : contrà ac fit in Calido.

Tertia Differentia ea est ; vt Calor sit Motus, non Expansiuus vniformitèr secundum totum, sed Expansiuus per particulas minores corporis ; & simul cohibitus, & repulsus, & reuerberatus, adeò vt induat Motum alternatiuum, & perpetuò trepidantem, & tentantem,
& ni-

Et nitentem, Et ex percussione irritatum; unde furor ille Ignis Et Caloris ortum habet.

Ista verò Differentia ostenditur maximè in Flammâ Et Liquoribus bullientibus: quæ perpetuò trepidant, Et in paruis portionibus tument, Et rursus subsidunt.

Ostenditur etiam in ijs corporibus, quæ sunt tam duræ compagis, vt calefacta aut Ignita non intumescant aut dilatentur mole; Et Ferrum ignitum, in quo Calor est acerrimus.

Ostenditur etiam in hoc, quòd per frigidissimas tempestates focus ardeat acerrimè.

Ostenditur etiam in hoc, quod cum extenditur Aer in vitro Calendari absque impedimento aut repulsione, vniiformitèr scilicet Et æqualitèr; non percipiatur Calor. Etiam in ventis conclusis, licèt erumpant vi maximâ, tamen non percipitur Calor insignis; quia scilicèt Motus fit secundùm totum, absque Motu alternante in particulis. Atque ad hoc fiat Experimentum, vtrum Flamma non vrat acriùs versùs latera, quàm in medio flammæ.

Ostenditur etiam in hoc, quòd omnis Vstio transigatur per minutos poros corporis quod vritur; adeò vt Vstio subruat, Et penetret, Et fodicet, Et stimulet; perinde ac si essent infinitæ cuspides acûs. Itaque ex hoc illud etiam fit, quòd omnes Aquæ fortes (si proportionatæ sint ad corpus, in quod agunt) edant opera Ignis, ex naturâ suâ corrodeute Et pungente.

Atque

Atque ista Differentia (de quâ nunc dicimus) communis est cum naturâ Frigidi; in quo cohibetur Motus contractiuus, per renitentiam expandendi; quemadmodum in Calido cohibetur Motus expansiuus, per renitentiam contrahendi.

Itaque siue partes corporis penetrent versus interius, siue penetrent versus exterius, similis est ratio; licet impar admodum sit fortitudo: quia non habemus hic apud nos in superficie Terræ aliquid, quod sit impensè Frigidum. Vide Instant. 27. Tab. 9.

QUarta Differentia est modificatio prioris: Hæc scilicet, quod Motus ille Stimulationis aut Penetrationis debeat esse nonnihil rapidus & minimè lentus; atque fiat etiam per particulas, licet minutas; tamen non ad extremam subtilitatem, sed quasi maiusculas.

Ostenditur hæc Differentia in comparatione operum quæ edit Ignis, cum ijs quæ edit Tempus siue Ætas. Ætas enim siue Tempus arefacit, consumit, subruit, & incinerat, non minus quàm Ignis; vel potius longè subtiliùs: sed quia Motus eiusmodi est lentus admodum, & per particulas valdè exiles, non percipitur Calor.

Ostenditur etiam in comparatione dissolutionum Ferri & Auri. Aurum enim dissoluitur absque

absque calore excitato; Ferrum autem cum vehementi excitatione Caloris, licet simili ferè interuallo quoad tempus. Quia scilicet in Auro, ingressus Aquæ Separationis est clemens & subtilitèr insinuans, & cessio partium Auri facilis: At in Ferro, ingressus est asper, & cum conflictu, & partes Ferri habent obstinationem maiorem.

Ostenditur etiam aliquatenùs in Gangrænis nonnullis & Mortificationibus carnum; quæ non excitant magnum calorem aut dolorem, ob subtilitatem putrefactionis.

Atque hæc sit Prima Vindemiatio, siue Interpretatio inchoata de Formâ Calidi, facta per Permissionem Intellectûs.

Ex Vindemiatione autem istâ primâ, Formæ siue Definitio vera Caloris (eius, qui est in ordine ad Uniuersum, non relatiuus tantummodò ad Sensum) talis est, breui verborum complexu. Calor est Motus Expansiuus, cohibitus, & nitens per partes minores. Modificatur autem Expansio; vt expandendo in ambitum, nonnihil tamen inclinèt versùs superiora. Modificatur autem & Nixus ille per partes; vt non sit omninò segnis, sed incitatus & cum impetu nonnullo.

Quod verò ad Operatiuam attinet, eadem res est. Nam designatio est talis. Si in aliquo corpore naturali poteris excitare Motum ad se dilatandum, aut expandendum; eumque Motum ita repri-
mere

mere & in se vertere, vt dilatatio illa non procedat æqualitèr sed partim obtineat, partim retrudatur; proculdubiò generabis Calidum: non habità ratione, siue corpus illud sit Elementare, (vt loquuntur) siue imbutum à Cœlestibus; siue luminosum, siue opacum; siue tenue, siue densum; siue localitèr expansum, siue intra claustra dimensionis primæ contentum; siue vergens ad dissolutionem, siue manens in statu; siue Animal, siue Vegetabile, siue Minerale, siue Aqua, siue Oleum, siue Aër, aut aliqua alia substantia quæcunque susceptiua Motûs prædicti. Calidum autem ad Sensum, res eadem est: sed cum analogiâ, qualis competit Sensui. Nunc verò ad vltiora auxilia procedendum est.

Aphor. XXI.

Post Tabulas Comparentiæ primæ & Reiectionem siue Exclusiuam, nec non Vindemiationem primam factam secundùm eas; pergendum est ad reliqua auxilia Intellectûs, circà Interpretationem Naturæ, & Inductionem veram ac perfectam. In quibus proponendis, vbi opus erit Tabulis, procedemus super Calidum & Frigidum; vbi autem opus erit tantùm Exemplis paucioribus, procedemus per alia omnia: vt nec confundatur Inquisitio, & tamen Doctrina versetur minùs in angustis.

Dicemus itaque primo loco, de Prærogatiuis Instantiarum: Secundò, de Adminiculis Inductionis: Tertiò, de Rectificatione Inductionis:

Quar-

Quartò, de Variatione Inquisitionis pro Naturâ Subiecti: Quintò, de Prærogatiuis Naturarum quatenus ad Inquisitionem, siue de eo quod inquirendum est prius & posterius: Sextò, de Terminis Inquisitionis, siue de Synopsi omnium Naturarum in Uniuerso: Septimò, de Deductione ad Praxin, siue de eo quod est in Ordine ad Hominem: Octauò, de Parasceuis ad Inquisitionem: Postremò autem, de Scalâ Ascensoriâ & Descensoriâ Axio-matum.

XXII.

I*nter Prærogatiuas Instantiarum, Primò proponemus Instantias Solitarias. Eæ autem sunt Solitariae, quæ exhibent Naturam, de quâ fit Inquisitio, in talibus Subiectis quæ nil habent commune cum alijs Subiectis, præter illam ipsam Naturam: aut rursus quæ non exhibent Naturam, de quâ fit Inquisitio, in talibus Subiectis quæ sunt similia per omnia cum alijs Subiectis, præterquàm in illâ ipsâ Naturâ. Manifestum enim est, quòd huiusmodi Instantiæ tollant ambages, atque accelerent & roborent Excludiuam; adeò ut paucae ex illis sint instar multarum.*

Exempli gratiâ: si fiat Inquisitio de Naturâ Coloris, Instantiæ Solitariae sunt Prismata, Gemmae ChrySTALLINAE quæ reddunt colores, non solum in se, sed exterius supra parietem: Item Rores, &c. Istæ enim nil habent commune cum coloribus fixis in Floribus,

Cc

Gem-

Gemmis coloratis, Metallis, Lignis, &c. præter ipsum colorem. Unde facile colligitur, quod Color nil aliud sit quàm Modificatio imaginis lucis immissæ & receptæ: in priore genere, per gradus diuersos Incidentiæ; in posteriore, per Texturas & Schematismos varios corporis. Istæ autem, Instantiæ sunt Solitariae quatenus ad Similitudinem.

Rursus in eadem Inquisitione, venæ distinctæ Albi & Nigri in Marmoribus, & variegationes colorum in Floribus eiusdem speciei, sunt Instantiæ Solitariae. Album enim & Nigrum Marmoris, & maculae Albi & Purpurei in floribus Garyophylli, conueniunt ferè in omnibus præter ipsum colorem. Unde facile colligitur, Colorem non multum rei habere cum Naturis alicuius corporis intrinsecis, sed tantum situm esse in Positurâ partium crassiori & quasi Mechanicâ. Istæ autem Instantiæ sunt Solitariae, quatenus ad Discrepantiam. Vtrunque autem genus, Instantias Solitarias appellare consueuimus; aut Ferinas, sumpto vocabulo ab Astronomis.

XXIII.

I*Nter prærogatiuas Instantiarum, ponemus secundo loco Instantias Migrantes. Eæ sunt, in quibus Natura Inquisita migrat ad generationem, cum prius non existeret; aut contrà migrat ad corruptionem, cum prius existeret. Itaque in utrâque Antistrophe, Instantiæ tales sunt semper geminae; vel potius una Instantia in motu, siue transitu, producta ad periodum aduersam. At huiusmodi Instantiæ non solum accelerant*

rant & roborant Exclufiuam, fed etiam compellunt Affirmatiuam, ſue Formam ipſam in anguſtum. Neceſſe eſt enim vt Forma rei ſit quippiam, quod per huiusmodi Migrationem indatur; aut contra per huiusmodi Migrationem tollatur, & deſtruatur. Atque licet omnis Excluſio promoueat Affirmatiuam; tamen hoc magis directe ſit in ſubiecto eodem, quam in diuerſis. Forma autem (vt ex omnibus quæ dicta ſunt manifeſto liquet) prodens ſe in vno, ducit ad omnia. Quò autem ſimplicior fuerit Migratio; eò magis habenda eſt Inſtantia in pretio. Prætereà Inſtantiæ Migrantes magni ſunt vſus ad partem Operatiuam; quia cum proponant Formam copulatam cum Efficiente aut Priuante, perſpicue designant praxin in aliquibus; unde facilis etiam eſt tranſitus ad proxima. Subeſt tamen in illis nonnihil periculi, quod indiget cautione; hoc videlicet, nè Formam nimis retrahant ad Efficientem, & Intellectum perfundant, vel ſaltem perſtringant falſa opinione de Formâ, ex intuitu Efficientis. Efficiens verò ſemper ponitur nil aliud eſſe, quam vehiculum, ſue deferens Formæ. Verùm huic rei, per Exclufiuam legitime factam, facile adhibetur remedium.

Proponendum itaque eſt iam Exemplum Inſtantiæ Migrantis. Sit Natura Inquiſita, Candor, ſue Albedo: Inſtantia Migrans ad generationem, eſt vitrum integrum, & vitrum puluerizatum. Similitèr, Aqua ſimplex, & Aqua agitata in ſpumam. Vitrum enim integrum, & Aqua ſimplex, Diaphana ſunt, non Alba: At vitrum puluerizatum, & Aqua in ſpumâ, Alba, non Diaphana. Itaque quærendum quid accide-

rit ex istâ Migratione Vitro, aut Aquæ. Manifestum enim est, Formam Albedinis deferri & inuehi per istam contusionem Vitri, & agitationem Aquæ. Nihil autem reperitur accessisse, præter comminutionem partium Vitri & Aquæ, & Aëris insertionem. Neque verò parum profectum est ad inueniendam Formam Albedinis, quòd corpora duo per se Diaphana, sed secundum magis & minus (Aër scilicet & Aqua, aut Aer & Vitrum) simul posita per minutas portiones exhibeant Albedinem, per refractionem inæqualem radiorum lucis.

Verùm hâc in re proponendum est etiam Exemplum periculi & cautionis, de quibus diximus. Nimirum facilè hîc occurret Intellectui ab huiusmodi Efficientibus deprauato, quòd ad Formam Albedinis Aer semper requiratur; aut quòd Albedo generetur tantum per corpora Diaphana; quæ omninò falsa sunt, & per multas Exclusiones conuicta. Quin potiùs apparebit (misso Aere, & huiusmodi) corpora omninò æqualia (secundum portiones Opticas) dare Diaphanum; corpora verò inæqualia, per texturam simplicem, dare Album; corpora inæqualia secundum texturam compositam, sed ordinatam, dare reliquos colores, præter Nigrum; corpora verò inæqualia per texturam compositam, sed omninò inordinatam & confusam, dare Nigrum. Itaque de Instantiâ Migrante ad generationem in Naturâ Inquisitâ Albedinis, propositum est iam Exemplum. Instantia autem Migrans ad Corruptionem in eâdem Naturâ Albedinis, est Spuma dissoluta, aut Nix dissoluta. Exiit enim Albedinem, & induit Diapha-

Diaphanum Aqua, postquàm fit Integræ sine Aere.

*N*eq; verò illud ullo modo prætermittendū est, quòd sub Instantijs Migrantibus comprehendendi debeant non tantū illæ quæ migrant ad Generationem & Priuationē; sed etiam illæ quæ Migrant ad Maiorationem & Minorationem; cū illæ etiam tendant ad inueniendā Formam, vt per definitionem Formæ superius factam, & Tabulam Graduum manifestò liquet. Itaque Papyrus, quæ sicca quū fuerit, Alba est; at madefacta (excluso Aere, & receptā Aquā) minùs Alba est, & magis vergit ad Diaphanum; similem habet rationem cum Instantijs supradictis.

XXIV.

*I*nter Prærogatiuas Instantiarum, tertio loco ponemus Instantias Ostensiuas, de quibus in Vinde-
miatione primâ de Calido mentionem fecimus; quas etiam Elucescentias, siue Instantias Liberatas, & Prædominantes, appellare consueuimus. Eæ sunt, quæ ostendunt Naturam Inquisitam nudam & substantiuam, atque etiam in exaltatione suâ, aut summo gradu Potentiæ suæ; emancipatam scilicet, & liberatam ab impedimentis, vel saltem per fortitudinem suæ virtutis dominantem super ipsa, eaque supprimentem & coercentem. Cū enim omne Corpus suscipiat multas Naturarum Formas copulatas, & in Concreto; fit vt alia aliam retundat, deprimat, frangat, & liget; vnde obscurantur Formæ singulæ. Inueniuntur autem subiecta nonnulla, in quibus Natura Inquisita præ alijs est in suo vigore; vel per absentiam impedi-
menti,

menti, vel per Prædominantiam virtutis. Huiusmodi autem Instantiæ sunt maximè Ostensiuæ Formæ. Verùm & in his ipsis Instantijs adhibenda est cautio, & cobibendus impetus Intellectus. Quicquid enim ostendat Formam, eamque trudit, ut videatur occurrere Intellectui, pro suspecto habendum est, & recurrendum ad Exclusionem seueram & diligentem.

Exempli gratiâ; sit Natura Inquisita, Calidum. Instantia Ostensiuæ Motus Expansionis, quæ (ut superius dictum est) portio est præcipua Formæ Calidi, est Vitrum Calendare Aeris. Etenim Flamma, licet manifestò exhibeat Expansionem; tamen propter momentaneam extinctionem, non ostendit progressum Expansionis. Aqua autem feruens, propter facilem transitionem Aquæ in vaporem & Aerem, non tam benè ostendit Expansionem Aquæ in corpore suo. Rursus Ferrum fignitum, & similia, tantum abest ut progressum ostendant, ut contrà per retusionem & fractionem spiritus, per partes compactas & crassas (quæ domant & frænant Expansionem) ipsa Expansio non sit omninò conspicua ad sensum. At Vitrum Calendare clarè ostendit Expansionem in Aere, & conspicuam, & progredientem, & durantem, neque transeuntem.

Rursus, Exempli gratiâ; sit Natura Inquisita, Pondus. Instantia Ostensiuæ Ponderis, est Argentum viuum. Omnia enim superat pondere magno interuallo, præter Aurum; quod non multò grauius est. At præstantior Instantia est ad indicandam Formam ponderis, Argentum viuum, quàm Aurum; quia Au-
rum

rum solidum est, & Consistens, quod genus referri videtur ad Densum; At Argentum viuum liquidum est, & turgens Spiritu, & tamen multis partibus exuperat grauitate Diamantem, & ea quæ putantur solidissima. Ex quo ostenditur Formam Grauis, siue ponderosi, dominari simpliciter in copiâ Materiæ, & non in arctâ Compagē.

XXV.

INter Prærogatiuas Instantiarum ponemus quarto loco Instantias Clandestinas, quas etiam Instantias Crepusculi appellare consueuimus. Eæ sunt veluti oppositæ Instantijs Ostensiuis. Exhibent enim Naturam Inquisitam in infimâ virtute, & tanquàm in incunabulis, & rudimentis suis, tentantem, & tanquàm primò experientem, sed sub contrariâ Naturâ latentem, & subactam. Sunt autem huiusmodi Instantiæ magni omninò momenti, ad inueniendas Formas; quia sicut Ostensiuæ ducunt facilè ad Differentias, ita Clandestinæ ducunt optimè ad Genera; id est, ad Naturas illas Communes, quarum Naturæ Inquisitæ, nihil aliud sunt quàm limitationes.

Exempli gratiâ; sit Natura Inquisita, Consistens, siue se Determinans; cuius Contrarium est Liquidum, siue Fluens. Instantiæ Clandestinæ sunt illæ, quæ exhibent gradum nonnullum debilem & infimum Consistentis in fluido; veluti Bulla Aquæ, quæ est tanquàm pellicula quædam consistens, & determinata, facta ex corpore Aquæ. Similiter Stillicidia, quæ, si ad fue-

rit

rit Aqua quæ succedat, producant se in filum admodum tenue, ne discontinuetur Aqua; At si non detur talis copia Aquæ, quæ succedere possit, cadit Aqua in guttis rotundis, quæ est Figura quæ optimè Aquam sustinet contra discontinuationem. At in ipso temporis articulo, cum desinit filum Aquæ, & incipit descensus in guttis, resilit ipsa Aqua sursum ad euitandam discontinuationem. Quin in Metallis, quæ quum funduntur sunt liquida, sed magis tenacia, recipiunt se sæpè guttæ liquefactæ sursum, atque ita hærent. Simile quoddam est Instantia Speculorum puerilium, quæ scilicet facere pueruli in scirpis ex salinâ, ubi cernitur etiam pellicula Consistens Aquæ. At multò meliùs se ostendit hoc ipsum, in altero illo ludicro puerili; quando capiunt Aquam, per Saponem factam paulò tenaciorem, atque instant eam per Calamum cauum, atque inde formant Aquam, tanquam in Castellum bullarum; quæ per interpositionem Aeris inducit Consistentiam; eò usque ut se proijci nonnihil patiaturs absque discontinuatione. Optimè autem cernitur hoc in Spumâ & Nive, quæ talem induunt Consistentiam, ut ferè secari possint; cum tamen sint Corpora formata ex Aere & Aquâ, quæ utraque sunt liquida. Quæ omnia non obscure innuant, Liquidum & Consistens esse Notiones tantum plebeias, & ad sensum; inesse autem reuerà omnibus Corporibus fugam & euitationem se discontinuandi; eam verò in Corporibus homogeneis (qualia sunt Liquida) esse debilem & infirmam; in Corporibus verò quæ sunt composita ex heterogeneis, magis esse viuidam & fortem: propterea quòd Admotio Hetero-

genei

generi constringit Corpora; at Subintratio Homogenei soluit & relaxat.

Similiter, Exempli gratiâ; Sit *Natura Inquisita*, *Attractio*, siue *Coitio corporum*. Instantia circa *Formam* eius *Ostensiua* maximè insignis est, *Magnes*. *Contraria* autem *Natura Attrahenti* est, non *Attrahens*; licèt in *substantiâ simili*. Veluti *Ferrum*, quod non attrahit ferrum, quemadmodùm nec *Plumbum* plumbum, nec *Lignum* lignum, nec *Aquam* aqua. Instantia autem *Clandestina* est, *Magnes Ferro armatus*, vel potiùs *Ferrum in Magnete armato*. Nam ita fert *Natura*, ut *Magnes armatus* in *distantiâ aliquâ*, non trahat *Ferrum* fortiùs, quàm *Magnes non armatus*. Verùm si admoueat *Ferrum*, ita ut tangat *ferrum in Magnete armato*; tunc *Magnes armatus* longè maius pondus *ferri* sustinet, quàm *Magnes simplex & inermis*; propter similitudinem *substantiæ Ferri* versùs *ferrum*; quæ operatio erat omninò *Clandestina*, & latens in *Ferro*; antequàm *Magnes* accessisset. Itaque manifestum est, *Formam Coitionis* esse quippiam, quod in *Magnete* sit viuidum & robustum, in *Ferro* debile & latens. Itidem, notatum est *sagittas paruas ligneas absque cuspide ferrèâ*, emissas ex *sclopetis grandibus*, altiùs penetrare in *matèriam ligneam*, (puta *lateralia Nauium*, aut *similia*) quàm easdem *sagittas Ferro acuminatas*, propter similitudinem *substantiæ Ligni* ad *lignum*; licèt hoc antè in *ligno* latuerit. Itidem, licèt *Aer aerem*, aut *Aqua aquam* manifestò non trahat in *Corporibus integris*; tamen *bul-la approximata bullæ*, faciliùs dissoluit *bullam*, quàm

si bulla illa altera abesset, ob appetitum Coitionis Aquæ cum aquâ, & Aeris cum aere. Atque huiusmodi Instantiæ Clandestinæ (quæ sunt vsûs nobilissimi, ut dictum est) in portionibus Corporum paruis & subtilibus, maximè se dant conspiciendas. Quia Massæ rerum maiores, sequuntur Formas magis Catholicas, & generales; ut suo loco dicetur.

XXVI.

I*Nter Prærogatiuas Instantiarum ponemus quinto loco Instantias Constitutiuas, quas etiam Manipulares appellare consueuimus. Eæ sunt, quæ constituunt vnâ speciem Naturæ Inquisitæ tanquam Formam minorem. Cùm enim Formæ legitimæ (quæ sunt semper conuertibiles cum Naturis Inquisitis) lateant in profundo, nec facile inueniantur; postulat res & infirmitas humani Intellectûs, ut Formæ particulares, quæ sunt Congregatiuæ Manipulorum quorundam Instantiarum (neutiquâm verò omnium) in Notionem aliquam Communem; non neglegantur, verum diligentius notentur. Quicquid enim vnit Naturam, licet modis imperfectis; ad inuentionem Formarum viam sternit. Itaque Instantiæ quæ ad hoc vtilis sunt, non sunt contemnendæ potestatis, sed habent nonnullam prærogatiuam.*

Verum in his diligens est adhibenda Cautio, ne Intellectus humanus, postquam complures ex istis Formis particularibus adinuenerit, atque inde Partitiones siue Diuisiones Naturæ Inquisitæ confecerit; in illis omnino

ninò acquiescat, atque ad Fruentionem legitimam Formæ Magnæ se non accingat; sed præsupponat Naturam velut à radicibus esse multiplicem & diuisam, atque vltiorem Naturæ vñionem, tanquàm rem superuacua subtilitatis, & vergentem ad merum Abstrahum, fastidiat & reijciat.

Exempli gratià; sit Natura Inquisita, Memoria, siue Excitans & Adiuuans memoriam. Instantiæ Constitutiuae sunt; Ordo, siue Distributio, quæ manifestò iuuat Memoriam. Item Loci in Memoriam Artificiali; qui aut possunt esse Loci secundum proprium sensum, veluti Ianua, Angulus, Fenestra, & similia; aut possunt esse Personæ familiares, & Notæ; aut possunt esse quiduis ad placitum (modò in ordine certo ponantur) veluti Animalia, Herbae; etiam Verba, Litteræ, Characteres, Personæ Historicae, & cætera; licet nonnulla ex his magis apta sint & commoda, alia minùs. Huiusmodi autem Loci Memoriam insignitèr iuuant, eamque longè supra vires naturales exaltant. Item Carmina faciliùs hærent, & discuntur Memoritèr, quàm Prosa. Atque ex isto Manipulo trium Instantiarum, videlicet Ordinis, Locorum Artificialis Memoriae, & Versuum, constituitur Species vna Auxilij ad Memoriam. Species autem illa, Abcissio Infiniti rectè vocari possit. Cùm enim quis aliquid reminisci, aut reuocare in Memoriam nititur; si nullam prænotationem habeat, aut perceptionem eius quod quærit, quærit certè & molitur, & hâc illâc discurret, tanquàm in Infinito. Quòd si certam aliquam prænotationem habeat; statim Abscinditur Infinitum, & fit discursus

D d 2

curfus Memoriae magis in vicino. In tribus autem illis Instantijs quæ superius dictæ sunt, prænotio perspicua est & certa. In Primâ videlicet; debet esse aliquid quod congruat cum Ordine: In Secundâ debet esse Imago, quæ relationem aliquam habeat, siue conuenientiam ad illa Loca certa: In Tertiâ debent esse Verba, quæ cadant in Versum; atque ita Abscinditur Infinitum. Aliæ autem Instantiæ dabunt hanc alteram Speciem; vt quicquid deducat Intellectuale ad ferendum Sensum (quæ ratio etiam præcipuè viget in Artificiali Memoria) iuuet Memoriam. Aliæ Instantiæ dabunt hanc alteram Speciem; vt quæ faciunt impressionem in Affectu forti, incutientes scilicet Metum, Admirationem, Pudorem, Delectationem, iuuent Memoriam. Aliæ Instantiæ dabunt hanc alteram Speciem; vt quæ maximè imprimuntur à Mente purâ, & minùs præoccupatâ antè vel post; veluti quæ discuntur in pueritiâ, aut quæ commentamur ante somnum; etiam primæ quæque rerum vices; magis hæreant in Memoria. Aliæ Instantiæ dabunt hanc alteram Speciem; vt multitudo Circumstantiarum, siue Ansarum, iuuet Memoriam; veluti Scriptio per partes non continuatas; Lectio, siue Recitatio voce altâ. Aliæ deniquè Instantiæ dabunt hanc alteram Speciem; vt quæ expectantur, & attentionem excitant, melius hæreant, quàm quæ præteruolant. Itaque si scriptum aliquod viciès perlegeris, non tam faciliè illud memoriè discas, quàm si illud legas Deciès; tentando interim illud recitare, & vbi deficit Memoria, inspiciendo librum. Ita vt sint veluti Sex Formæ Minores eorum,

quæ

quæ iuuant Memoriam; videlicet Abscisio Infiniti; Deductio Intellectualis ad Sensibile; Impressio in Affectu forti; Impressio in Mente purâ; Multitudo Ansarum; Præexpectatio.

Similiter, Exempli gratiâ; Sit Natura Inquisita, Gustus, siue Gustatio. Instantiæ quæ sequuntur sunt Constitutiue: videlicet, quod qui non olfaciunt, sed sensu eo à Naturâ destituti sunt, non percipiunt, aut gustu distinguant cibum rancidum, aut putridum; neque similiter Alliatum, aut Rosatum, aut huiusmodi. Rursus, illi qui per accidens Nares habent per descensum rheumatis obstructas, non discernunt aut percipiunt aliquid putridum, aut rancidum, aut Aquâ Rosaceâ inspersum. Rursus, qui afficiuntur huiusmodi rheumate, si in ipso momento cum aliquid foetidum aut odoratum habent in Ore, siue palato, emungant fortiter; in ipso Instanti manifestam perceptionem habent rancidi vel odorati. Quæ Instantiæ dabunt & constituent hanc Speciem, vel partem potius Gustûs; ut Sensus Gustationis ex parte nihil aliud sit, quàm Olfactus Interior, transiens & descendens à Narium Meatibus superioribus in Os & Palatum. At contrâ, Salsum, & Dulce, & Acre, & Acidum, & Austerum, & Amarum, & similia; hæc (inquam) omnia æquè sentiunt illi, in quibus Olfactus deest, aut obturatur, ac quisquam alius: ut manifestum sit, Sensum Gustûs esse Compositum quiddam ex Olfactu Interiori, & Tactu quodam exquisito; de quo nunc non est dicendi locus.

Similiter, Exempli gratiâ; Sit Natura Inquisita, Communicatio Qualitatis, absque Commistione Substantiæ.

stantia. Instantia Lucis, dabit vel constituet unam Speciem Communicationis; Calor verò & Magnes, alteram. Communicatio enim Lucis est tanquàm Momentanea, & statim perit, amotâ Luce Originali. At Calidum, & Virtus Magnetica, postquàm transmissa fuerint, vel potius excitata in alio Corpore, hærent & manent ad tempus non paruum, amoto primo mouente.

Deniquè magna est omninò Prærogatiua Instantiarum Constitutiuarum; ut quæ plurimùm faciant, & ad Definitiones, (præsertim particulares) & ad Diuisiones, siue Partitiones Naturarum; de quo non malè dixit Plato, Quòd habendus sit tanquàm pro Deo, qui Definire & Diuidere benè sciat.

XXVII.

INter Prærogatiuas Instantiarum ponemus sexto loco Instantias Conformes, siue Proportionatas; quas etiam Parallelas, siue Similitudines Physicas, appellare consueuimus. Eæ verò sunt, quæ ostendunt Similitudines & Coniugationes rerum, non in Formis Minoribus (quod faciunt Instantiæ Constitutiæ) sed planè in Concreto. Itaque sunt tanquam primi & infini Gradus ad vniõem Naturæ. Neque constituunt aliquod Axioma statim ab initio; sed indicant & obseruant tantùm quendam Consensum Corporum. Attamen licèt non multùm promoueant ad inueniendas Formas; nihilominus magnâ cum vtilitate reuelant partium

tium *Uniuersi fabricam*, & in *membris eius exercent* veluti *Anatomiam quandam*; atque proinde veluti *manu-ducunt interdum ad Axiomata sublimia & nobilia*; præsertim illa quæ ad *Mundi configurationem* pertinent, potius quàm ad *Naturas & Formas simplices*.

Exempli gratiâ; *Instantiæ Conformes* sunt quæ sequuntur: *Speculum, & Oculus; & similiter fabrica Auris, & loca reddentia Eccho*. Ex quâ *Conformitate*, præter ipsam *observationem Similitudinis*, quæ ad multa utilis est, procliuè est insupèr colligere & formare illud *Axioma*; videlicèt, *Organa Sensuum & Corpora quæ pariunt reflexiones ad Sensus, esse similis Naturæ*. Rursus ex hoc ipso admonitus *Intellectus*, non egrè insurgit ad *Axioma quoddam altius & nobilius*. Hoc nimirum; *Nihil interesse inter Consensus, siue Sympathias Corporum sensu præditorum, & inanimatorum sine sensu, nisi quòd in illis accedat Spiritus Animalis ad Corpus ita dispositum; in his autem absit*. Adeò ut quot sint *Consensus in Corporibus inanimatis*, tot possint esse *sensus in Animalibus*, si essent perforationes in *Corpore Animato*, ad *discursum spiritus Animalis in membrum ritè dispositum*, tanquàm in *Organum idoneum*. Et rursus; quot sint *sensus in Animalibus*, tot sint proculdubio *Motus in Corpore inanimato*, ubi *Spiritus Animalis abfuerit*; licèt necesse sit multò plures esse *Motus in Corporibus inanimatis*, quàm *Sensus in Animatis*, propter paucitatem *Organorum Sensus*. Atque huius rei ostendit se *Exemplum valdè manifestum in doloribus*. Etenim quum sint plura genera *Doloris in Animalibus*, & tanquàm
varij

varij illius Characteres (veluti alius est Dolor Vstionis, alius Frigoris intensi, alius Puncturæ, alius Compressionis, alius Extensionis, & similium) certissimum est omnia illa, quoad Motum; inesse Corporibus inanimatis; veluti Ligno, aut Lapidi, cum vritur, aut per gelu constringitur, aut pungitur, aut scinditur, aut flectitur, aut tunditur, & sic de alijs; licet non subintrent Sensus, propter absentiam Spiritûs Animalis.

Item Instantiæ Conformes (quod mirum fortasse dictu) sunt Radices & Rami Plantarum. Omne enim Vegetabile intumescit, & extrudit partes in Circumferentiam, tam sursum quam deorsum. Neque alia est differentia Radicum & Ramorum, quam quod Radix includatur in terrâ, & Rami exponantur Aeri, & Soli. Si quis enim accipiat Ramum tenerum & vegetum arboris, atque illum reflectat in aliquam terræ particulam, licet non cohæreat ipsi Solo, gignit statim non Ramum, sed Radicem. Atque vice versâ, si terra ponatur superius, atque ita obstruatur Lapide, aut aliquâ durâ substantiâ, ut Planta cohibeatur, nec possit frondescere sursum; edet Ramos in Aerem deorsum.

Item Instantiæ Conformes sunt, Gummi arborum, & pleræque Gemmæ rupium. Utraque enim nil aliud sunt, quam Exudationes, & percolationes Succorum: In primo genere scilicet, Succorum ex Arboribus; in secundo, ex saxis; unde gignitur Claritudo & splendor in utrisque, per percolationem nimirum tenuem & accuratam. Nam inde fit etiam, quod Pili Animalium non sint tam pulchri, & tam viuidi coloris,

loris, quàm *Anium Plumæ* complures; quia *Succi* non tam delicatè percolantur per cutem, quàm per *calamum*.

Item *Instantiæ Conformes* sunt, *Scrotum* in *Animalibus Masculis*; & *Matrix* in *Femellis*. Adeò ut nobilis illa *Fabrica*, per quam *Sexus* differunt, (quatenus ad *Animalia terrestria*) nil aliud videatur esse, quàm secundum *Exterius*, & *Interius*; vi scilicet maiore *Caloris* genitalia in *Sexu Masculo* protrudente in *exterior*, ubi in *Femellis* nimis debilis est *Calor*, quàm ut hoc facere possit; unde accidit, quòd contineantur *Interior*.

Item *Instantiæ Conformes* sunt, *Pinnæ Piscium*, & *Pedes Quadrupedum*, aut *Pedes* & *Alæ Volucrum*; quibus addidit *Aristoteles* quatuor volumina in motu *Serpentum*. Adeò ut in *Fabrica Vniuersi*, *Motus* viuientium plerunque videatur expediri per quaterniones *Artuum*, siue *Flexionum*.

Item *Dentes* in *Animalibus terrestribus*, & *Rostra* in *Auib*, sunt *Instantiæ Conformes*; unde manifestum est, in omnibus *Animalibus perfectis*, fluere duram quandam substantiam versùs *Os*.

Item non absurda est *Similitudo* & *Conformitas* illa, ut *Homo* sit tanquàm *Planta inuersa*. Nam *radix neruorum* & *facultatum Animalium*, est *Caput*; *Partes autem seminales* sunt *infimæ*, non computatis *extremitatibus tiliarum* & *brachiorum*. At in *Planta*, *radix* (quæ instar *Capitis* est) regulariter infimo loco collocatur; *semina* autem *supremo*.

Denique illud omninò præcipiendum est, & sæpiùs

monendum; vt diligentia hominum in Inquisitione & Congerie Naturalis Historiæ, deinceps mutetur planè, & vertatur in contrarium eius quod nunc in vfu est. Magna enim hucusque, atque adeò curiosa fuit hominum industria, in notandâ rerum varietate, atque explicandis accuratis Animalium, Herbarum, & Fossilium differentijs; quarum pleræque magis sunt Lusus Naturæ, quàm seriæ alicuius utilitatis versùs Scientias. Faciunt certè huiusmodi Res ad delectationem, atque etiam quandoque ad Praxin; verùm ad introspectiendam Naturam parùm, aut nihil. Itaque conuertenda planè est opera, ad inquirendas & notandas rerum Similitudines & Analoga, tam in integrabilibus, quàm partibus. Illæ enim sunt, quæ Naturam uniunt, & constituere Scientias incipiunt.

Verùm in his omninò est adhibenda Cautio grauis, & seuera; vt accipiantur pro Instantijs Conformibus & Proportionatis, illæ quæ denotant Similitudines (vt ab initio diximus) Physicas; id est, reales & substantiales, & immersas in Naturâ; non fortuitas & ad speciem; multò minùs supersticiosas aut curiosas, quales Naturalis Magiæ scriptores (homines leuissimi, & in rebus tam serijs, quales nunc agimus, vix nominandi) vbique ostentant; magnâ cum vanitate & desipientiâ, inanes Similitudines & Sympathias rerum describentes, atque etiam quandoque affingentes.

Verùm his missis, etiam in ipsâ Configuratione Mundi in Maioribus, non sunt negligendæ Instantiæ Conformes: veluti Africa, & Regio Peruuiana, cum Continente se porrigente vsque ad Fretum Magellani-

gellanicum. Vtraque enim Regio habet similes Isthmos, & similia Promontoria, quod non temerè accidit.

Item Novus & Vetus Orbis; in eo quòd utrique Orbes versùs Septentriones lati sunt, & exporrecti; versùs Austrum autem angusti & acuminati.

Item Instantiæ Conformes nobilissimæ sunt, Frigora intensa in Mediâ (quam vocant) Aëris Regione; & Ignes acerrimi, qui sæpè reperiuntur erumpentes ex locis subterraneis; quæ duæ res sunt Vltimitates & Extrema; Naturæ scilicèt Frigidi, versùs Ambitum Cæli, & Naturæ Calidi versùs viscera Terræ; per Antiperistasin, siue Reiectionem Naturæ Contrariæ.

Postremò autem in Axiomatibus Scientiarum, notatu digna est Conformitas Instantiarum. Veluti Tropus Rhetoricæ, qui dicitur Præter Expectatum; Conformis est Tropo Musicæ, qui vocatur Declinatio Cadentiæ. Similitèr, Postulatum Mathematicum, ut quæ eidem Tertio æqualia sunt, etiam inter se sint æqualia; Conforme est cum Fabricâ Syllogismi in Logicâ; qui vnit ea quæ conueniunt in Medio. Denique multum utilis est in quamplurimis, Sagacitas quædam in conquirendis & indagandis Conformitatibus & Similitudinibus Physicis.

XXVIII.

I*nter Prærogatiuas Instantiarum, ponemus septimo loco Instantias Monodicas; quas etiam Irregulares,*

gulares, siue Heteroclitas (sumpto vocabulo à Grammaticis) appellare consueuimus. Ea sunt, quæ ostendunt corpora in Concreto; quæ videntur esse Extrauagantia, & quasi Abrupta in Naturâ, & minimè conuenire cum alijs rebus eiusdem generis. Etenim Instantiæ Conformes sunt similes alterius: at Instantiæ Monodicæ sunt sui similes. Usus verò Instantiarum Monodicarum est talis, qualis est Instantiarum Clandestinarum: viz. ad euehendam & vniendam Naturam ad inueniendâ Genera, siue Communes Naturas, limitandas postea per Differentias veras. Neque enim desistendum ab Inquisitione, donec proprietates & qualitates, quæ inueniuntur in huiusmodi rebus quæ possunt censerî pro Miraculis Naturæ, reducantur & comprehendantur sub aliquâ Formâ siue Lege certâ: vt Irregularitas siue Singularitas omnis reperiatur pendere ab aliquâ Formâ Comuni; Miraculum verò illud, sit tandem solummodò in Differentijs accuratis, & gradu, & concursu raro; & non in ipsâ Specie: Vbi nunc Contemplationes hominum non procedant vltra, quàm vt ponant huiusmodi res pro Secretis & Magnalibus Naturæ, & tanquàm Incausabilibus, & pro Exceptionibus Regularum Generalium.

Exempla Instantiarum Monodicarum sunt, Sol, & Luna, inter Astra; Magnes, inter Lapides; Argentum viuum, inter Metalla; Elephas, inter Quadrupedes; Sensus Veneris, inter genera Tactûs; Odor Venaticus in Canibus, inter genera Olfactûs. Etiam S. litera apud Grammaticos, habetur pro Monodicâ; ob facilem

ob facilem compositionem, quam sustinet cum Consonantibus, aliquando duplicibus, aliquando triplicibus: quod nulla alia litera facit. Plurimi autem faciendæ sunt huiusmodi Instantiæ; quia acuiunt & viuificant Inquisitionem, & medentur Intellectui deprauato à Consuetudine, & ab ijs quæ sunt plerunque.

XXIX.

INter Prærogatiuas Instantiarum, ponemus loco Octauo Instantias Deuiantes; Errores scilicet Naturæ, & Vaga, ac Monstra: vbi Natura declinat & deflectit à cursu ordinario. Differunt enim Errores Naturæ ab Instantijs Monodicis, in hoc; quòd Monodicæ sint Miracula Specierum, at Errores sint Miracula Indiuiduorum. Similis autem ferè sunt vsus; quia rectificant Intellectum aduersus consuetæ, & reuelant Formas Communes. Neque enim in his etiam desistendum ab Inquisitione, donec inueniatur Causa huiusmodi Declinationis. Veruntamen Causa illa non exurgit ad Formam aliquam propriè, sed tantum ad latentem processum ad Formam. Qui enim Vias Naturæ nouerit, is Deuiationes etiam facilius obseruabit. At rursus, qui Deuiationes nouerit, is accuratiùs Vias describet.

Atque in illo differunt etiam ab Instantijs Monodicis, quòd multo magis instruant Praxin & Operatiuam. Nam nouas Species generare, arduum admodum foret: at Species notas variare, & indè Rara multa ac Inusitata producere, minùs arduum. Facilis autem

autem transitus est à Miraculis Naturæ, ad Miracula Artis. Si enim deprehendatur semel Natura in variatione suâ, eiusque ratio manifesta fuerit; expeditum erit eò deducere Naturam per Artem, quò per Casum aberrauerit. Neque solùm eò, sed & aliorsum; cùm Errores ex vnâ parte monstrent & aperiant viam ad Errores & Deflexiones vndequaque. Hic verò Exemplis non est opus, propter eorundem copiam. Facienda enim est Congeries sue Historia Naturalis particularis, omnium Monstrorum, & partium Naturæ Prodigiosorum; omnis denique Nouitatis, & Raritatis, & Inconsueti in Naturâ. Hoc verò faciendum est cum seuerissimo delectu, vt constet fides. Maximè autem habenda sunt pro suspectis, quæ pendent quomodocunque à Religione; vt Prodigia Liuij: Nec minùs, quæ inueniuntur in Scriptoribus Magiæ Naturalis, aut etiam Alchymie, & huiusmodi hominibus; qui tanquam proci sunt & amatores fabularum. Sed depromenda sunt illa ex graui & fidâ Historiâ, & auditionibus certis.

XXX.

I*Nter Prærogatiuas Instantiarum, ponemus loco Nono Instantias Limitaneas; quas etiam Participia vocare consueuimus. Eæ verò sunt, quæ exhibent species Corporum tales, quæ videntur esse compositæ ex speciebus duabus, vel Rudimenta inter speciem vnâ & alteram. Hæ verò Instantiæ inter Instantias Monodicas sue Heteroclitas rectè numerari possunt:*
Sunt

Sunt enim in vniuersitate rerum Raræ & Extraordinariæ. Sed tamen ob dignitatem, scorsim tractandæ & ponendæ sunt: Optimè enim indicant compositionem & fabricam rerum, & innuunt causas Numeri & Qualitatis Specierum Ordinariarum in Vniuerso, & deducunt Intellectum ab eo quod est, ad id quod esse potest.

Harum Exempla sunt: Muscus, inter Putredinem & Plantam; Cometæ nonnulli, inter Stellas & Meteoræ ignita; Pisces volantes, inter Aues & Pisces; Vespertiones, inter Aues & Quadrupedes: Etiam Simia quàm similis turpissima bestia nobis; & Partus Animalium Bisformes, & commissi ex speciebus diuersis; & similia.

XXXI.

I*nter Prærogatiuas Instantiarum ponemus Decimo loco Instantias Potestatis, siue Fascium, (sumpto vocabulo ab Insignibus Imperij;) quas etiam Ingenia, siue Manus Hominis appellare consueuimus. Ex sunt Opera maximè nobilia & perfectæ, & tanquam Ultima in vnaquaque Arte. Cùm enim hoc agatur præcipuè vt Natura pareat rebus & commodis humanis; consentaneum est prorsus, vt Opera, quæ iampridem in potestate Hominis fuerunt, (quasi Proinciæ antea occupatæ & subactæ) notentur & numerentur; præsertim ea, quæ sunt maximè enucleata & perfectæ: propterea quòd ab istis procliuior & magis in propinquo sit transitus ad Noua & hætenus non inuen-*

inuenta. Si quis enim ab horum contemplatione attentâ propositum acriter & strenuè vrgere velit; fiet certè, ut aut producat illa paulò longius; aut defleat illa ad aliquid, quod finitimum est; aut etiam applicet & transferat illa ad vsum aliquem nobiliorem.

Neque hîc finis. Verùm quemadmodum ab Operibus Naturæ Raris & inconsuetis erigitur Intellectus & eleuatur ad inquirendas & inueniendas Formas, quæ etiam illorum sunt capaces: Ita etiam in Operibus Artis egregijs & admirandis hoc usu-uenit. Idque multò magis; quia Modus efficiendi & operandi huiusmodi Miracula Artis, manifestus ut plurimum est; cum plerunque in Miraculis Naturæ sit magis obscurus. Attamen in his ipsis cautio est adhibenda vel maximè; ne deprimant scilicet Intellectum, & eum quasi humo affigant.

Periculum enim est, ne per huiusmodi Opera Artis, quæ videntur velut Summitates quædam & Fastigia industriæ humanæ, reddatur Intellectus attonitus & ligatus, & quasi maleficiatus quoad illa; ita ut cum alijs consuescere non possit: sed cogitet nibileius generis fieri posse; nisi eadem viâ quâ illa effecta sunt, accedente tantummodò diligentia maiore, & præparatione magis accuratâ.

Contrà, illud ponendum est pro certo: vias & modos efficiendi Res & Opera, quæ adhuc reperta sunt & notata, res esse plerunque pauperculas; atque omnem potentiam maiorem pendere & ordine deriuari à fontibus Formarum, quarum nulla adhuc inuenta est.

Itaque

*I*taque (vt alibi diximus) qui de *Machinis & Arietibus*, quales erant apud *Veteres*, cogitasset; licet hoc fecisset obnixè, atque ætatem in eo consumpsisset; nunquam tamen incidisset in *Inuentum Tormentorum igneorum operantium per Puluerem pyrium*. Neque rursus, qui in *Lanificijs & Serico vegetabili* observationem suam & meditationem collocasset, unquam per ea reperisset naturam *Vermis aut Serici Bombycini*.

*Q*uocircà omnia *Inuenta*, quæ censerì possunt magis *Nobilia*, (si animum aduertat) in lucem prodire, nullo modo per pusillas enucleationes & *Extensiones Artium*, sed omninò per *Casum*. Nihil autem representat aut anticipat *Casum*, (cuius mos est, vt tantum per longa sæcula operetur) præter *Inventionem Formarum*.

*E*xempla autem huiusmodi *Instantiarum particularia* nihil opus est adducere, propter copiam eorundem. Nam hoc omninò agendum; vt visitentur & penitus introspectantur omnes *Artes Mechanicæ*, atque *Liberales etiam*, (quatenus ad *Opera*) atque inde facienda est *Congeries siue Historia Particularis*, tanquam *Magnalium*, & *Operum Magistrantium*, & maximè perfectorum in unaquaque ipsarum: vnà cum *Modis effectiõis siue operationis*.

*N*eque tamen astringimus *Diligentiam*, quæ adhibenda est in huiusmodi *Collectâ*, ad ea quæ censentur pro *Magisterijs & Arcanis* alicuius *Artis* tantum, atque mouent admirationem. *Admiratio enim proles est Raritatis*: Siquidem *Rara*, licet in genere sint

ex Vulgatis Naturis, tamen Admirationem pariunt.

At contrà, quæ reuerà Admirationi esse debent, propter discrepantiam quæ inest illis in specie, collatis ad alias species; tamen si in usu familiari præstò sint; leuiter notantur. Debent autem notari Monodica Artis, non minùs quàm Monodica Naturæ; de quibus antea diximus. Atque quemadmodum in Monodicis Naturæ posuimus Solem, Lunam, Magnetem, & similia; quæ Re vulgatissima sunt, sed Naturâ tamen ferè singulari: idem & de Monodicis Artis faciendum est.

Exempli gratiâ: Instantia Monodica Artis, est Papyrus; res admodum vulgata. At si diligentèr animum aduertas, Materiae Artificiales aut planè Textiles sunt per fila directâ & transuersa; qualia sunt, Pannus Sericus, aut Laneus, & Linteus, & huiusmodi: aut coagmentantur ex succis concretis; qualia sunt Later, aut Argilla figularis, aut Vitrum, aut Es-malta, aut Porcellana, & similia; quæ si bene vniantur, splendent; sin minùs, indurantur certè, sed non splendent. Attamen omnia talia, quæ sunt ex succis concretis, sunt fragilia; nec vilo modo harentia, & tenacia. At contrà, Papyrus est corpus tenax, quod scindi & lacerari possit; ita ut imitetur & ferè amuletur Pellem seu Membranam alicuius Animalis, aut Folium alicuius Vegetabilis, & huiusmodi opificia Naturæ. Nam neque fragilis est, ut Vitrum; neque textilis, ut Pannus; sed habet fibras certè, non fila distincta, omninò ad modum Materialium Natura.

turalium : vt inter *Artificiales Materias* vix inueniatur simile aliquod, sed sit planè *Monodicum*. Atque præferenda sanè sunt in *Artificialibus* ea quæ maximè accedunt ad imitationem *Naturæ*; aut è contrario eam potentèr regunt & inuertunt.

Rursùs, inter *Ingenia & Manus Hominis*, non prorsùs contemnenda sunt *Præstigiæ & Iocularia*. Nonnulla enim ex istis, licèt sint usu leuia & ludicra, tamen informatione valida esse possunt.

Postremò, neque omninò omittenda sunt *Superstitiosa*, & (prout *Vocabulum sensu vulgari accipitur*) *Magica*. Licèt enim huiusmodi res sint in immensum obrutæ grandi mole *Mendaciorum & fabularum*; tamen inspiciendum paulisspèr, si fortè subsit & lateat in aliquibus earum aliqua operatio *Naturalis*: vt in *Fascino*; & *Fortificatione Imaginationis*; & *Consensu rerum ad distans*; & *Transmissione Impressionum* à *Spiritu ad Spiritum*, non minùs quàm à *Corpore ad Corpus*; & similibus.

XXXII.

EX ijs, quæ antè dicta sunt, patet; quòd quinque illa *Instantiarum genera*, de quibus diximus, (viz. *Instantiarum Conformium*, *Instantiarum Monodicarum*, *Instantiarum Deuiantium*, *Instantiarum Limitanearum*, *Instantiarum Potestatis*) non debeant reseruari, donec inquiratur *Natura aliqua certa*; (quemadmodum *Instantiæ reliquæ*, quas primo loco proposuimus; nec non plurimæ ex ijs, quæ sequen-

tur, reſeruari debent:) ſed ſtatim iam ab initio facienda eſt earum Collectio, tanquam Hiſtoria quædam particularis; eò quòd digerant ea quæ ingrediuntur Intelledum, & corrigant prauam complexionem Intellectûs ipſius, quem omninò neceſſe eſt imbui, & infici, & demum peruerſi ac diſtorqueri ab incurſibus quotidianis & conſuetis.

Itaque adhibenda ſunt eæ Inſtantiæ tanquam Præparatiuum aliquod, ad reſtificandum & expurgandum Intellectum. Quicquid enim abducit Intellectum à conſuetis, æquat & complanat aream eius, ad recipiendum Lumen ſiccum & purum Noſtionum verarum.

Quin etiam huiusmodi Inſtantiæ ſternunt & præſtruunt viam ad Operatiuam; ut ſuo loco dicemus, quando de Deductionibus ad Praxin ſermo erit.

XXXIII.

INter Prærogatiuas Inſtantiarum ponemus loco Undecimo Inſtantias Comitatus, atque Hoſtiles; quas etiam Inſtantias propoſitionum fixarum appellare conſueuimus. Eæ ſunt Inſtantiæ, quæ exhibent aliquod Corpus ſue Concretum tale, in quo Natura Inquiſita perpetuò ſequatur tanquam Comes quidam indiuiduus: aut contrà, in quo Natura Inquiſita perpetuò fugiat, atque ex Comitatu excludatur, ut Hoſtis & inimicus. Nam ex huiusmodi Inſtantijs formantur Propoſitiones certæ & Vniuerſales; aut Affirmatiuæ, aut Negatiuæ: in quibus Subiectum
erit

erit tale Corpus in Concreto, Prædicatum verò *Natura ipsa Inquisita*. Etenim Propositiones particulares omninò Fixæ non sunt, ubi scilicèt *Natura Inquisita* reperitur in aliquo Concreto fluxa & mobilis; viz: *Accedens, siue Acquisita*; aut rursus *Recedens, siue Deposita*. Quocircà Particulares Propositiones non habent Prærogatiuam aliquam maiorem, nisi tantùm in Casu Migrationis; de quo antea dictum est. Et nihilominus, etiam Particulares illæ Propositiones comparatæ & collatæ cum Vniuersalibus, multùm iuuant; ut suo loco dicetur. Neque tamen, etiam in Vniuersalibus istis Propositionibus exactam aut absolutam Affirmationem vel Abnegationem requirimus. Sufficit enim ad id quod agitur, etiamsi Exceptionem nonnullam singularem aut raram patiantur.

Ufus autem Instantiarum Comitatus est, ad angustandam Affirmatiuam Formæ. Quemadmodum enim in Instantijs Migrantibus angustiatum Affirmatiua Formæ; viz. ut necessariò poni debeat Forma rei esse aliquid, quod per Actum illum Migrationis inditur aut destruitur: Ita etiam in Instantijs Comitatus angustiatum Affirmatiua Formæ; ut necessariò poni debeat Forma rei esse aliquid, quod talem Concretionem corporis subingrediatur, aut contrà ab eadem abhorreat; ut qui benè nôrit Constitutionem aut Schematismum huiusmodi corporis, non longè abfuerit ab extrahendâ in lucem Formâ *Naturæ Inquisitæ*.

Exempli gratiâ; sit *Natura Inquisita, Calidum*: Instantia Comitatus, est Flamma. Etenim in Aquâ, Aëre, Lapide, Metallo, & alijs quàmplurimis, Calor est

lor est mobilis, & accedere potest & recedere: At omnis Flamma est calida, ita vt Calor in concretione Flammæ perpetuò sequatur. At Instantia Hostilis Calidi nulla reperitur apud nos. Nam de visceribus Terræ nihil constat ad sensum; sed eorum Corporum, quæ nobis nota sunt, nulla prorsus est Concretio quæ non est susceptibilis Caloris.

At rursus, sit *Natura Inquisita*, *Consistens*: Instantia Hostilis, est *Aër*. Etenim Metallum potest fluere, potest consistere; similiter Vitrum; etiam Aqua potest consistere, cum conglaciatur: at impossibile est vt *Aër* vnquam consistat, aut exuat fluorem.

Verum de Instantijs huiusmodi Propositionum fixarum supersunt duo Monita, quæ vtilia sunt ad id quod agitur. Primum, vt si defuerit planè *Uniuersalis Affirmatiua* aut *Negatiua*, illud ipsum diligentèr notetur tanquàm *Non-Ens*: sicut fecimus de *Calido*, vbi *Uniuersalis Negatiua* (quatenus ad *Entia* quæ ad nostram notitiam peruenerint) in rerum naturâ deest. Similiter, si *Natura Inquisita* sit *Æternum*, aut *Incorruptibile*; deest *Affirmatiua Uniuersalis* hîc apud nos. Neque enim prædicari potest *Æternum* aut *Incorruptibile* de aliquo corpore eorum, quæ infra *Cœlestia* sunt, aut supra interiora *Terræ*. Alterum Monitum est, vt Propositionibus *Uniuersalibus*, tam *Affirmatiuis* quàm *Negatiuis* de aliquo *Concreto*, subiungantur simul ea *Concreta*, quæ proximè videntur accedere ad id quod est ex *Non-Entibus*: vt in *Calore*, *Flammæ mollissimæ* & minimùm adurentes; in *Incorruptibili*, *Aurum*, quod proximè accedit. Omnia enim
ista

ista indicant terminos Naturæ inter Ens & Non-Ens; & faciunt ad Circumscriptiones Formarum, nè gliscant & vagentur extra conditiones Materiæ.

XXXIV.

I*Nter Prærogatiuas Instantiarum, ponemus loco Duodecimo ipsas illas Instantias subiunctiuas, de quibus in superiori Aphorismo diximus: quas etiam Instantias Vltimitatis sue Terminii, appellare consueuimus. Neque enim huiusmodi Instantiæ utiles sunt tantum, quatenus subiunguntur Propositionibus Fixis; verum etiam per se, & in proprietate suâ. Indicant enim non obscure veras Sectiones Naturæ, & Mensuras rerum, & illud Quousque Naturæ quid faciat & ferat, & deinde Transitus Naturæ ad aliud. Talia sunt; Aurum, in Pondere; Ferrum, in Duritie; Cete, in Quantitate Animalium; Canis, in Odore; Inflammatio Pulueris pyrij, in Expansione celeri; & alia id genus. Nec minus exhibenda sunt ea, quæ sunt Ultima gradu infimo, quam quæ supremo: ut Spiritus vini, in Pondere; Sericum, in Molitie; Vermiculi cutis, in Quantitate Animalium; & cætera.*

XXXV.

I*Nter Prærogatiuas Instantiarum; ponemus loco Decimo tertio Instantias Fœderis sue Vnionis. Eæ sunt, quæ confundunt & adunant Naturas, quæ existi-*

existimantur esse *Heterogeneæ* ; & pro talibus notantur & signantur per diuisiones receptas.

At *Instantiæ Fœderis* ostendunt operationes & effectus, quæ deputantur alicui ex illis *Heterogeneis* ut propria, competere etiam alijs ex *Heterogeneis* ; ut conuincatur ista *Heterogenia* (quæ in opinione est) vera non esse, aut essentialis ; sed nil aliud esse, quam *Modificatio Naturæ communis*. Optimi itaque sunt vsûs ad eleuandum & euehendum Intellectum à *Differentijs* ad *Genera* ; & ad tollendum laruas & simulachra rerum, prout occurrunt & prodeunt personatæ in *substantijs Concretis*.

Exempli gratiâ : sit *Natura Inquisita*, *Calidum*. omninò videtur esse diuisio solennis & authentica, quòd sint tria genera *Caloris* ; viz. *Calor Cœlestium*, *Calor Animalium*, & *Calor Ignis* : quòdque isti Calores (præsertim unus ex illis comparatus ad reliquos duos) sint ipsâ essentiâ & specie, siue naturâ specificâ differentes & planè heterogenei : Quandoquidè *Calor Cœlestium* & *Animalium* generet & foueat, at *Calor Ignis* contrà corrumpat & destruat. Est itaque *Instantia Fœderis*, *Experimentum* illud satis vulgatum ; Cùm recipitur ramus aliquis vitis intrâ domum ubi sit focus assiduus, ex quo maturescunt uuæ, etiam mense integro citiùs quàm foràs : Ita ut maturatio fructûs etiam pendentis super arborem fieri possit scilicet ab Igne, cùm hoc ipsum videatur esse opus proprium Solis. Itaque ab hoc initio facilè insurgit Intellectus, repudiatâ *Heterogeniâ essentiali*, ad inquirendum quæ sint *Differentiæ illæ*, quæ reuerà reperiuntur inter *Calorem So-*
lis

lis & Ignis; ex quibus fit, vt eorum operationes sint tam diffimiles, vtcunque illi ipsi participant ex Natura communi.

Quæ Differentiæ reperientur quatuor: viz. Primò, quòd Calor Solis respectu Caloris Ignis, sit gradu longè clementior & lenior: Secundò, quòd sit (præsertim vt defertur ad nos per Aërem) qualitate multò humidior: Tertiò, (quod Caput rei est) quòd sit summè inæqualis; atque accedens & auctus, & deinceps recedens & diminutus: id quòd maximè confert ad Generationem corporum. Rectè enim asseruit Aristoteles, causam principalem Generationum & Corruptionum quæ fiunt hic apud nos in superficie Terræ, esse viam obliquam Solis per Zodiacum: vnde Calor Solis, partim per vicissitudines Diei & Noctis, partim per successiones Æstatis & Hyemis, euadit miris modis inæqualis. Neque tamen desinit ille Vir, id quod ab eo rectè inuentum fuit, statim corrumpere & deprauare. Nam vt Arbitrator scilicet Naturæ (quod illi in more est) valdè Magistratè assignat causam Generationis, Accessui Solis; causam autem Corruptionis, Recessui: cum vtraque res (Accessus videlicet Solis, & Recessus) non respectiue, sed quasi indifferentè præbeat causam tam Generationi quàm Corruptioni: quandoquidem inæqualitas Caloris, Generationi & Corruptioni rerum; æqualitas, Conseruationi tantum ministrat. Est & Quarta Differentia inter Calorem Solis & Ignis, magni prorsus momenti: viz. quòd Sol operationes suas insinuet per longa temporis spatia; vbi operationes Ignis (urgente hominum impatientiâ) per breui-

G

breuiora interualla ad exitum perducantur. Quòd si quis id sedulò agat, vt Calorem Ignis attemperet & reducat ad gradum moderatiorem & leniorem; (quod multis modis facilè fit) deinde etiam inſpergat & admiſceat nonnullam humiditatem; maximè autem ſi imitetur Calorem Solis in inæqualitate; poſtremò, ſi moram patientèr toleret, (non certè eam quæ ſit proportionata operibus Solis, ſed largiorem, quàm homines adhibere ſolent in operibus Ignis;) ſs facilè miſſam faciet Heterogeniam illam Caloris: & vel tentabit, vel exæquabit, vel in aliquibus vincet opera Solis, per Calorem ſgnis. Similis Instantia Fœderis eſt, reſuſcitatio Papilionum ex frigore ſtupentium & tanquam emortuarum, per exiguum teporem Ignis: vt facilè cernas, non magis negatum eſſe Igni viuificare Animantia, quàm maturare Vegetabilia. Etiam Inuentum illud celebre Fracaſtorij de Sartagine acritèr calefactâ, quâ circundant Medici capita Apoplecticorum deſperatorum, expandit manifeſtè ſpiritus animales, ab humoribus & obſtructionibus Cerebri compreſſos & quaſi extinctos; illosque ad motum excitat, non aliter quàm Ignis operatur in Aquam aut Aërem; & tamen per conſequens viuificat. Etiam Oua aliquandò excluduntur per Calorem Ignis; id quod prorsùs imitatur Calorem Animalem; & complura eiufmodi: vt nemo dubitare poſſit, quin Calor Ignis in multis ſubiectis modificari poſſit ad imaginem Caloris Cœleſtium & Animalium.

Similitèr ſint Naturæ Inquiſitæ, Motus & Quies. Videtur eſſe diuiſio ſolemnis atque ex intimâ
 Philo-

Philosophiâ, quòd corpora Naturalia vel rotent, vel ferantur rectâ, vel stent siue quiescant. Aut enim est Motus sine termino, aut Statio in termino, aut Latio ad terminum. At motus ille perennis Rotationis, videtur esse Cœlestium proprius: Statio siue Quies, videtur competere globo ipsi Terræ: At corpora cætera (Grauia quæ vocant, & Leuia; extrâ loca scilicet connaturalitatis suæ sita) feruntur rectâ ad Massas siue congregationes similium; Leuia sursùm, versùs ambitum Cœli; Grauia deorsùm, versùs Terram. Atque ista pulchra dictu sunt.

At Instantia Fœderis, est Cometa aliquis humilior; qui cùm sit longè infrâ Cælum, tamen rotat. Atque commentum Aristotelis, de alligatione siue sequacitate Cometæ ad Astrum aliquod, iampridèm exploratum est; non tantùm quia ratio eius non est probabilis, sed propter experientiam manifestam discursûs & irregularis motûs Cometarum per varia loca Cœli.

At rursùs alia Instantia Fœderis circâ hoc subiectum, est Motus Aëris; qui intrâ Tropicos (vbi Circuli Rotationis sunt maiores) videtur & ipse rotare ab Oriente in Occidentem.

Et alia rursùs Instantia foret Fluxus & Refluxus Maris, si modò aquæ ipsæ deprehendantur ferri motu Rotationis (licet tardo & euanido) ab Oriente in Occidentem; ita tamen, vt bis in die reperiuntur. Itaque si hæc ita se habeant; manifestum est Motum istum Rotationis non terminari in Cœlestibus, sed communicari Aeri & Aquæ.

Etiam ista proprietas Leuium, nimirùm vt feran-

tur sursùm, vacillat nonnihil. Atque in hoc, sumi potest pro Instantiâ Fœderis, *Bulla* aquæ. Si enim aër fuerit subter aquam, ascendit rapidè versùs superficiem aquæ, per *Motum* illum Plagæ, (quam vocat Democritus) per quam aqua descendens percutit & attollit aërem sursùm; non autem per contentionem aut nixum aeris ipsius. Atqui ubi ad superficiem ipsam, Aquæ ventum fuerit, tum cohibetur Aer ab vltiore ascensu, per leuem resistantiam quam reperit in Aquâ, non statim tolerante se discontinuari: ita vt exilis admodum sit appetitus Aeris ad superiora.

Similiter sit *Natura Inquisita*, *Pondus*. Est planè diuisio recepta; vt *Densa* & *Solida* ferantur versùs centrum *Terræ*, *Rara* autem & *Tenuia* versùs ambitum *Cœli*; tanquam ad loca sua propria. Atque loca quod attinet; (licèt in Scholis huiusmodi res valeant) planè inepta & puerilis cogitatio est, Locum aliquid posse. Itaque nugantur Philosophi, cùm dicant quòd, si perforata esset *Terra*, corpora grauià se sisterent quando ventum esset ad Centrum. Esset enim certè virtuosum planè & efficax genus *Nibili*, aut *Puncti Mathematici*; quod aut alia afficeret, aut rursùs quod alia appeterent: Corpus enim non nisi à corpore patitur. Verùm iste appetitus *Ascendendi* & *Descendendi*, aut est in *Schematismo* corporis quod mouetur, aut in *Sympathiâ* siue consensu cum alio corpore. Quòd si inueniatur aliquòd corpus *Densum* & *Solidum*, quod nibilominùs non feratur ad *Terram*; confunditur huiusmodi diuisio. At si recipiatur opinio *Gilberti*, quòd *Magnetica vis Terræ* ad alliciendum grauià, non extendatur

datur ultra orbem Virtutis suæ, (quæ operatur semper ad distantiam certam, & non ultra) hocque per aliquam Instantiam verificetur; ea demùm erit Instantia Fœderis circa hoc subiectum. Neque tamen occurrit impræsentiarum aliqua Instantia super hoc certa & manifesta. Proximè videntur accedere Cataractæ Cœli, quæ in nauigationibus per Oceanum Atlanticum versùs Indias vtrasque, sæpè conspiciuntur. Tanta enim videtur esse vis & moles aquarum, quæ per huiusmodi Cataractas subito effunditur; vt videatur Collectio Aquarum fuisse antè facta, atque in his locis hæsisse & mansisse; & postea potius per causam violentam deiecta & detrusa esse, quàm naturali Motu grauitatis cecidisse: adeò vt conijci possit, corpoream molem densam atque compactam, in magnâ distantiâ à Terrâ, fore pensilem tanquàm Terram ipsam; nec casuram, nisi deijciatur. Verùm de hoc nil certi affirmamus. Interim in hoc & in multis alijs facile apparebit, quàm inopes simus Historiæ Naturalis; cum loco Instantiarum certarum, nonnunquàm Suppositiones afferre pro Exemplis cogamur.

Similiter sit Natura Inquisita, Discursus Ingenij. Videtur omninò diuisio vera, Rationis Humanæ, & Solertiæ Brutorum. Attamen sunt nonnullæ Instantiæ actionum, quæ eduntur à Brutis, per quas videntur etiam Bruta quasi syllogizare: vt memoriæ proditum est de Coruo, qui per magnas siccitates ferè enectus siti, conspexit aquam in trunco cauo arboris; atque cum non daretur ei intrare propter angustias, non cessauit iacere multos lapillos, per quos surgeret & ascenderet aqua, vt bi-

ut bibere posset; quod postea cessit in Prouer-
bium.

Similiter sit *Natura Inquisita, Visibile*. Vi-
detur omnino esse diuisio vera & certa; *Lucis*, quæ
est *Visibile* originale, & primam copiam facit
visui; & *Coloris*, qui est *Visibile* secundarium, &
sine luce non cernitur, ita ut videatur nil aliud esse
quàm imago aut modificatio *Lucis*. Attamen ex
utrâque parte circa hoc videntur esse *Instantiæ Fœ-*
deris; scilicet, *Nix* in magnâ quantitate, & *Flam-*
ma sulphuris: in quarum alterâ videtur esse *Color*
primulùm lucens, in alterâ *Lux* vergens ad colo-
rem.

XXXVI.

INter Prærogatiuas *Instantiarum* ponemus loco
decimo quarto *Instantias Crucis*; translato voca-
bulo à *Crucibus*, quæ erectæ in *Biuijs*, indicant & sig-
nant viarum separationes. Has etiam *Instantias De-*
cisorias, & *Iudiciales*, & in *Casibus* nonnullis *In-*
stantias Oraculi, & *Mandati*, appellare consueui-
mus. Earum ratio talis est. Cum in *Inquisitione Na-*
turæ alicuius, *Intellectus* ponitur tanquàm in *Æquili-*
brio, ut incertus sit, utri *Naturarum* è duabus, vel
quandòque pluribus, *Causa Naturæ Inquisitæ* attribui
aut assignari debeat, propter complurium *Naturarum*
concursum frequentem & ordinarium; *Instantiæ*
Crucis ostendunt consortium vnus ex *Naturis*
(quoad

(quoad Naturam Inquistam) fidum & indissolubile, alterius autem varium & separabile; vnde terminatur quæstio, & recipitur Natura illa prior pro Causâ, missâ alterâ & repudiâtâ. Itaque huiusmodi Instantiæ sunt maximæ lucis, & quasi magnæ authoritatis; ita vt Curriculum Interpretationis quandoque in illas desinat, & per illas perficiatur. Interdum autem Instantiæ Crucis illæ occurrunt, & inueniuntur inter iam pridem notatas; At vt plurimum Nouæ sunt, & de Industriâ, atque ex Composito quæsitæ & applicatæ, & diligentia sedulâ & acri tandem eruatæ.

Exempli gratiâ; sit Natura Inquistita Fluxus & Refluxus Maris, ille bis repetitus in die, atque Sexborarius, in accessibus & recessibus singulis, cum differentiâ nonnullâ quæ coincidit in Motum Lunæ. Biuium circa hanc Naturam tale est.

Necesse prorsus est, vt iste Motus efficiatur, vel ab Aquarum Progressu & Regressu, in modum Aquæ in pelui agitata, quæ quando latus vnum peluis aluit, deserit alterum; vel a Sublatione & subsidentia Aquarum è profundo, in modum Aquæ ebullientis, & rursus subsidentis. Vtri verò Causæ fluxus & Refluxus ille assignari debeat, oritur dubitatio. Quod si recipiatur prior Assertio, necesse est vt cum sit Fluxus in Mari ex vnâ parte, fiat subidem tempus alicubi in Mari Refluxus ex aliâ. Itaque ad hoc reducitur Inquisitio. Atqui obseruauit Acosta, cum alijs nonnullis (diligenti factâ Inquisitione) quod ad litora Floridæ, & ad litora aduersa Hispaniæ & Africæ, fiant Fluxus Maris ad eadem tempora, & Refluxus itidem
ad

ad eadem tempora; non contrà, quòd cùm fluxus sit ad littora Floridæ, fiat Refluxus ad littora Hispaniæ & Africæ. Attamen adhuc diligentius attendenti, non per hoc euincitur Motus Attollens, & abnegatur Motus in progressu. Fieri enim potest, quòd sit Motus Aquarum in progressu, & nihilominus inundet aduersa littora eiusdem Aluei simul; Si Aquæ scilicet illæ contrudantur & compellantur aliundè; quemadmodum fit in Fluuijs, qui fluunt & refluunt ad utrumque littus horis ijsdem, cùm tamen iste Motus liquidò sit Motus in Progressu, nempe Aquarum ingredientium ostia Fluminum ex Mari. Itaque simili modo fieri potest, vt Aquæ venientes magnâ mole ab Oceano Orientali Indico, compellantur & tradantur in Alueum Maris Atlantici, & propterea inundent utrumque latus simul. Quærendum itaque est, an sit alius Alueus, per quem Aquæ possint ijsdem temporibus minui & refluere. Atque præstò est Mare Australe, Mari Atlantico neutiquàm minus; sed potius magis latum & extensum, quod ad hoc sufficere possit.

Itaque iam tandem peruentum est ad Instantiam Crucis circa hoc subiectum: Ea talis est. Si pro certo inueniatur, quòd cùm sit Fluxus ad littora aduersa, tam Floridæ, quàm Hispaniæ, in Mari Atlantico; fiat simul Fluxus ad littora Peruiiæ, & iuxta dorsum Chinæ in Mari Australi; Tum certè per hanc Instantiam Decisoriam abiudicanda est Assertio, quòd Fluxus & Refluxus Maris de quo inquiritur, fiat per Motum Progressiuum: Neque enim relinquitur aliud Mare, aut locus vbi possit ad eadem tempora fieri Regressus

gressus, aut *Refluxus*. Commodissimè autem hoc sci-
ri possit, si inquiratur ab Incolis *Panamæ*, & *Limæ*
(ubi vterque Oceanus, *Atlanticus* & *Australis*, per
paruum Isthmum separantur) utrùm ad contrarias
Isthmi partes fiat simul *Fluxus* & *Refluxus Maris*,
an è contrà. Verùm hæc *Decisio*, siue *Abiudicatio*
certa videtur, posito quòd *Terra* stet immobilis. Quòd
si *Terra* rotet, fieri fortasse potest, vt ex inæquali rota-
tione (quatenùs ad celeritatem siue incitationem) *Ter-
ræ*, & *Aquarum Maris*, sequatur *Compulsio* violen-
ta *Aquarum* in *Cumulum* sursum, quæ sit *Fluxus*; &
Relaxatio earundem, (postquàm ampliùs cumulari non
sustinuerint) in deorsum, quæ sit *Refluxus*. Verùm,
de hoc facienda est Inquisitio separatim. Attamen eti-
am hoc supposito, illud æquè manet fixum, quòd necesse
sit fieri alicubi *Refluxum Maris* ad eadem tempora,
quibus fiunt *Fluxus* in alijs partibus.

Similiter, sit *Natura Inquisita*, posterior ille
Motus ex duobus quos supposuimus; videlicet
Motus Maris se *Attollens*, & rursus *Subsicens*;
si fortè ita acciderit, vt (diligenti factò examine)
reijciatur *Motus* alter, de quo diximus, *Progressi-
uus*. Tum verò erit *Triuium* circa hanc *Naturam*
tale. Necesse est, vt *Motus* iste, per quem *Aquæ* in
Fluxibus & *Refluxibus* se attollunt, & rursus rela-
buntur, absque aliquâ accessione *Aquarum* aliarum quæ
aduoluuntur, fiat per vnum ex his tribus modis; vel
quòd ista *Aquarum Copia* emanet ex interioribus *Ter-
ræ*, & rursus in illa se recipiat; vel quòd non sit aliqua
amplior *Moles Aquarum*, sed quòd *Eadem Aquæ*

(non aucto Quanto suo) extendantur, siue rarefiant, ita ut maiorem locum & dimensionem occupent, & rursus se contrahant; vel quòd nec Copia accedat maior, nec Extensio amplior, sed eadem Aquæ (prout sunt tam Copiâ, quàm Densitate aut Raritate) per vim aliquam Magneticam desuper eas attrahentem, & euocantem, & per Consensum, se attollant, & deinde se remittant. Itaque reducatur (si placet) iam Inquisitio (missis duobus illis Motibus prioribus) ad hunc ultimum; & inquiratur si fiat aliqua talis Sublatio per Consensum, siue vim Magneticam. Atqui primò manifestum est vniuersas Aquas, prout ponuntur in Fossâ, siue Cauo Maris, non posse simul attolli, quia defuerit quod succedat in fundo; adeò ut si foret in Aquis aliquis huiusmodi appetitus se attollendi, ille ipse tamen à Nexu rerum, siue (ut vulgò loquuntur) ne datur Vacuum, fractus foret & cohibitus. Relinquitur, ut attollantur Aquæ ex aliquâ parte, & per hoc minuantur & cedant ex aliâ. Enimuerò rursus necessario sequetur, ut vis illa Magnetica, cum super Totum operari non possit, circa Medium operetur intensissimè; ita ut Aquas in Medio attollat; illæ verò sublatae, latera per successionem deserant & destituant.

Itaque iam tandem peruentum est ad Instantiam Crucis circa hoc subiectum. Ea talis est: Si inueniatur quòd in Reflexibus Maris, Aquarum superficies in Mari sit arcuata magis & rotunda, attollentibus se scilicet Aquis in medio Maris, & deficientibus circa latera, quæ sunt litora; & in Fluxibus eadem superficies sit magis plana & æqua, redeuntibus scilicet Aquis

Aquis ad priorem suam positionem; tum certè per hanc Instantiam Decisoriam potest recipi Sublatio per vim Magneticam, aliter prorsus abiudicanda est. Hoc verò in Fretis per lineas nauticas non difficile est experiri; videlicet utrùm in Refluxibus versùs Medium Maris, Mare non sit magis altum siue profundum, quàm in Fluxibus. Notandum autem est, si hoc ita sit, fieri (contrà ac creditur) ut attollant se Aquæ in Refluxibus, demittant se tantùm in Fluxibus, ita ut littora vestiant & inundent.

Similiter, sit Natura Inquisita, Motus Rotationis spontaneus; & speciatim, utrùm Motus Diurnus, per quem Sol & Stellæ ad conspectum nostrum oriuntur & occidunt, sit Motus Rotationis verus in Cælestibus; aut Motus Apparens in Cælestibus, Verus in Terrâ. Poterit esse Instantia Crucis super hoc subiectum talis. Si inueniatur Motus aliquis in Oceano ab Oriente in Occidentem, licet admodum languidus & enervatus; Si idem Motus reperiatur paulò incitator in Aëre, præsertim intra Tropicos, vbi propter maiores Circulos est magis perceptibilis; Si idem Motus reperiatur in humilioribus Cometis, iam factus viuus & validus; Si idem Motus reperiatur in Planetis, ita tamen dispensatus & graduatus, ut quò propiùs absit à Terrâ, sit tardior; quò longiùs, celerior, atque in Cælo demùm stellato sit velocissimus; tum certè recipi debet Motus Diurnus prò vero in Cælis, & abnegandus est Motus Terræ; quia manifestum erit, Motum ab Oriente in Occidentem esse planè Cosmicam, & ex Consensu Uniuersi, qui in Summitatibus Cæli maximè rapidus, gra-

datim labascet, & tandem desinat & extinguatur in Immobili, videlicet Terrâ.

Similiter, sit Natura Inquisita, Motus Rotationis ille alter apud Astronomos decantatus, renitens & contrarius Motui Diurno, videlicet ab Occidente in Orientem, quem veteres Astronomi attribuunt Planetis, etiam Cœlo Stellato; at Copernicus, & eius Sectatores Terræ quoque; & quærat, utrum inueniatur in rerum Naturâ aliquis talis Motus, an potius res conficta sit & supposita, ad Compendia & Commoditates Calculationum, & ad pulchrum illud, scilicet de Expediendis Motibus Cœlestibus per Circulos perfectos. Neutiquam enim euincitur iste Motus esse in Supernis verus & realis, nec per Defectum Restitutionis Planetæ in Motu Diurno ad idem punctum Cœli stellati; nec per diuersam Politatem Zodiaci, habito respectu ad Polos Mundi; quæ duo nobis hunc Motum pepererunt. Primum enim Phænomenon per Anteuerfionem & Derelictionem optimè saluatur; Secundum per Lineas Spirales; adeo ut Inæqualitas Restitutionis, & Declinatio ad Tropicos, possint esse potius Modificationes Motus vnici illius Diurni, quàm Motus renitentes, aut circa diuersos Polos. Et certissimum est, si paulisper pro Plebeijs nos geramus, (missis Astronomorum & Scholæ commentis, quibus illud in more est, ut Sensui in multis immerito vim faciant, & obscuriora malint) talem esse Motum istum ad Sensum, qualem diximus; Cuius imaginem per fila ferrea (veluti in Machinâ) aliquando representari fecimus.

Verum

Verum Instantia Crucis super hoc subiectum poterit esse talis. Si inveniatur in aliqua Historia fide digna, fuisse Cometam aliquem vel sublimiorem, vel humiliorum, qui non rotaverit cum Consensu manifesto (licet admodum irregulariter) Motus Diurnus, sed potius rotaverit in Contrarium Cœli; tum certe hucusque iudicandum est, posse esse in Naturâ aliquem talem Motum. Sin nihil huiusmodi inveniatur, habendus est pro suspecto, & ad alias Instantias Crucis circa hoc confugiendum.

Similiter, sit Natura Inquisita, Ponderis siue Gravæ. Bivium circa hanc Naturam tale est. Necesse est, ut Gravia & Ponderosa vel tendant ex Naturâ suâ ad Centrum Terræ, per proprium Schematismum; vel ut à Massâ Corporeâ ipsius Terræ, tanquam à Congregatione Corporum Connaturalium, uttrahantur & rapiantur, & ad eam per Consensum ferantur. At posterius hoc si in causâ sit, sequitur ut quò propius gravia appropinquant ad Terram, eò fortiùs & maiore cum impetu ferantur ad eam; quò longiùs ab eâ absint, debiliùs & tardiùs, (ut fit in Attractionibus Magneticis;) idque fieri intra spatium certum; adeò ut si elongata fuerint à Terrâ tali distantia, ut virtus Terræ in ea agere non possit, pensilia mansura sint, ut & ipsa Terrâ, nec omninò decasura.

Itaque talis circa hanc rem poterit esse Instantia Crucis. Sumatur Horologium ex ijs quæ mouentur per Pondera plumbea; & aliud ex ijs quæ mouentur per compressionem laminæ ferreæ; atque verè probentur, nè alterum altero velocius sit, aut tardiùs; Deindè
ponatur

ponatur Horologium illud mouens per pondera, super fastigium alicuius Templi altissimi, altero illo infra detento; & notetur diligenter, si Horologium in alto situm tardiùs moueatur quàm solebat, propter diminutam virtutem Ponderum. Idem fiat Experimentum in profundis Minerarum, altè sub Terrâ depressarum; utrùm Horologium huiusmodi non moueatur velociùs quàm solebat, propter auctam virtutem Ponderum. Quòd si inueniatur virtus Ponderum minui in sublimi, aggrauari in subterraneis; recipiatur pro Causâ Ponderis, *Attractio à Massâ Corporeâ Terræ.*

Similiter, sit *Natura Inquisita, Verticitas Acûs ferreæ, tactæ Magnete.* Circa banc Naturam tale erit Binium. Necesse est, ut Tactus Magnetis vel ex se indat ferro Verticitatem, ad Septentriones & Austrum; vel ut excitet ferrum tantummodò & habilitet: Motus autem ipse indatur ex præsentia Terræ; ut Gilbertus opinatur, & tanto conatu probare nititur. Itaque huc spectant ea, quæ ille perspicaci industria conquistuit. Nimirum quòd Clauus ferreus, qui diù durauit in situ versùs Septentriones & Austrum, colligat morâ diutinâ Verticitatem, absque Tactu Magnetis: Ac si Terra ipsa, quæ ob distantiam debiliter operatur (namque superficies aut extima incrustatio Terræ virtutis Magneticæ (ut ille vult) expers est) per moram tamen longam, Magnetis Tactum suppleret, & ferram exciret, deinde excitum conformaret, & verteret. Rursus, quòd Ferrum Ignitum & Candens, si in extinctione suâ exporrigatur inter Septentriones & Austrum, colligat quoque Ver-

Verticitatem absque Tactu Magnetis: Ac si partes Ferri in Motu posita per Ignitionem, & postea se recipientes, in ipso articulo extinctionis suae magis essent susceptivae & quasi sensitiuae Virtutis manantis à Terrâ, quàm alias; & inde fierent tanquàm excitae. Verùm hæc, licet bene observata, tamen non euincunt prorsus quod ille asserit.

Instantia Crucis autem circa hoc subiectum poterit esse talis. Capiatur Terrella ex Magnete, & notentur Poli eius; & ponantur Poli Terrellæ versùs Orientem & Occasum, non versùs Septentriones & Austrum; atque ita iaceant: deinde superponatur Acus ferrea Intacta, & permittatur ita manere ad dies sex aut septem. Acus verò (nam de hoc non dubitatur) dum manet super Magnetem, relictis Polis mundi, se vertet ad Polos Magnetis; Itaque quamdiù ita manet, vertitur scilicet ad Orientem & Occidentem Mundi. Quòd si inueniatur Acus illa remota à Magnete, & posita super Versorium, statim se applicare ad Septentriones & Austrum, vel etiam paulatim se eò recipere; tum recipienda est pro Causâ, præsentia Terræ: Sin aut vertatur (vt priùs) in Orientem & Occidentem, aut perdat Verticitatem, habenda est illa Causa pro suspectâ, & vlteriùs inquirendum est.

Similiter, sit Natura inquisita, Corporea substantia Lunæ; an sit Tenuis, Flammea, siue Aërea, vt plurimi ex priscis Philosophis opinati sunt; an solida & Densa, vt Gilbertus & multi Moderni, cum nonnullis ex Antiquis, tenent. Rationes posterioris istius Opinionis fundantur in hoc maximè, quòd

quòd Luna radios Solis reflectat; neque videtur fieri Reflexio Lucis nisi à Solidis.

Itaque Instantiæ Crucis circa hoc subiectum eæ esse poterint (si modò aliquæ sint) quæ demonstrent Reflexionem à Corpore tenui, qualis est Flamma, modò sit crassitiei sufficientis. Certè Causa Crepusculi inter alias, est Reflexio radiorum Solis à superiore parte Aëris. Etiam quandoque reflecti videmus radios Solis temporibus vespertinis serenis, à fimbrijs nubium roscidarum, non minori splendore, sed potius illustriori, & magis glorioso, quam qui redditur à Corpore Lunæ; neque tamen constat eas nubes coaluisse in Corpus densum Aquæ. Etiam videmus Aërem tenebrosum ponè fenestras noctū reflectere lucem Candela, non minùs quam Corpus densum. Tentandum etiam foret Experimentum immiissionis radiorum Solis per foramen, super Flammam aliquam subfuscā & cæruleā. Sanè radij aperti Solis incidentes in Flammās obscuriores, videntur eas quasi mortificare, vt conspiciantur magis instar Fumi albi, quàm Flammæ. Atque hæc impræsentiarum occurrunt, quæ sint ex Naturæ Instantiarum Crucis circa hanc rem; & meliora fortasse reperiri possunt. Sed notandum semper est, Reflexionem à Flammâ non esse expectandam, nisi à Flammâ alicuius profunditatis: nam aliter vergit ad Diaphanum. Hoc autem pro certo ponendum, Lucem semper in Corpore æquali, aut excipi & transmitti, aut resiliire.

Similiter, sit Natura Inquisita, Motus Missilium; veluti Spiculorum, Sagittarum, Globulorum, per Aërem. Hunc Motum Schola (more suo) valdè negligentèr

ligerenter expedit; satis habens, si eum nomine *Motûs* violenti à *Naturali* (quem vocant) distinguat: & quod ad primam percussionem siue impulsione[m] attinet, per illud, (quod duo Corpora non possint esse in vno loco, ne fiat penetratio Dimensionum) sibi satisfaciat; & de Processu continuato istius Motûs nihil curet. At circa hanc Naturam Biuium est tale: Aut iste Motus sit ab Aere vehente, & ponè Corpus emissum se colligente, instar fluuij erga Scapham, aut venti erga paleas; aut à partibus ipsius Corporis non sustinentibus impressionem, sed ad eandem laxandam per successionem se promouentibus. Atque priorem illum recipit Fracastorius, & ferè omnes qui de hoc Motu paulò subtiliùs inquisuerunt: Neque dubium est, quin sint Aeris partes in hac re nonnullæ; sed alter Motus proculdubio verus est, vt ex infinitis constat Experimentis. Sed inter cæteras, poterit esse circa hoc subiectum Instantia Crucis talis; Quòd Lamina, aut filum Ferri paulò contumacius, vel etiam Calamus siue penna in medio diuisa, adducta & curuata inter pollicem & digitum, exiliant. Manifestum enim est, hoc non posse imputari Aeri se ponè Corpus colligenti, quia fons Motûs est in medio Laminae vel Calami, non in Extremis.

Similiter sit *Natura Inquisita*, Motus ille rapidus & potens Expansionis Pulueris Pyrij in Flammam; unde tantæ moles subuertuntur, tanta pondera emittuntur, quanta in Cuniculis maioribus, & Bombardis videmus. Biuium circa hanc Naturam tale est. Aut excitatur iste Motus à mero Corporis Appetitu se dilatandi, postquàm fuerit inflammatum; aut ab

appetitu mixto Spiritus Crudi, qui rapidè fugit fignè, & ex eo circumfuso, tanquàm ex Carcere, violenter erumpit. Schola autem, & vulgaris Opinio tantum versatur circa priorem illum Appetitum. Putant enim homines se pulchrè philosophari, si asserant Flammam ex Formâ Elementi necessitate quâdam donari, locum ampliore occupandi, quàm idem Corpus expleuerat, cum subiret Formam Pulueris, atque inde sequi Motum istum. Interim minimè aduertunt, licèt hoc verum sit, posito quòd Flamma generetur, tamen posse impediri Flammæ generationem, à tantâ Mole quæ illam comprimere & suffocare queat; ut non deducatur res ad istam Necessitatem, de quâ loquuntur. Nam quòd necesse sit fieri Expansionem, atque inde sequi Emissionem, aut remotionem Corporis quod obstat, si generetur Flamma, rectè putant. Sed ista Necessitas planè euitatur, si Moles illa solida Flammam suppressat, antequàm generetur. Atque videmus Flammam, præsertim in primâ generatione, mollem esse & lenem, & requirere Cauum, in quo experiri & ludere possit. Itaque tanta violentia huic rei per se assignari non potest. Sed illud verum; generationem huiusmodi Flammarum flatulentarum, & veluti ventorum igneorum, fieri ex conflictu duorum Corporum, eorūque Naturæ inter se planè contrariæ; Alterius admodum inflammabilis, quæ Natura viget in Sulphure; alterius Flammam exhorrentis, qualis est Spiritus Crudus, qui est in Nitro; adeò ut fiat Conflictus mirabilis, inflammante se Sulphure quantum potest; (nam tertium Corpus, nimirum Carbo Salicis, nil aliud ferè præ-

præstat, quàm ut illa duo Corpora incorporet, & commodè uniat; & erumpente Spiritu Nitri quantum potest, & unà se dilatante (nam hoc faciunt & Aër, & omnia Cruda, & Aqua, ut à Calore dilatentur) & per istam fugam & eruptionem, interim Flammam Sulphuris, tanquàm follibus occultis, vndequaquè exufflante.

Poterant autem esse Instantiæ Crucis circa hoc subiectum duorum generum. Alterum eorum Corporum quæ maximè sunt inflammabilia, qualia sunt Sulphur, Capbura, Naphtha, & huiusmodi, cum eorum misturis; quæ citius & facilius concipiunt flammam, quàm Pulvis Pyrius, si non impediuntur: Ex quo liquet, Appetitum inflammandi per se Effectum illum stupendum non operari. Alterum eorum quæ Flammam fugiunt & exhorrent, qualia sunt Sales omnes. Videmus enim, si iaciantur in Ignem, Spiritum Aqueum erumpere cum fragore, antequàm Flamma concipiatur; quod etiam lenitèr fit in Folijs paulò contumacioribus, parte Aqueâ erumpente, antequàm Oleosa concipiat Flammam. Sed maximè cernitur hoc in Argento viuo, quod non malè dicitur Aqua Mineralis. Hoc enim, absque inflammatione, per Eruptionem & Expansionem simplicem, vires Pulueris Pyrii ferè adæquat; quod etiam admixtum Pulveri Pyrio, eius vires multiplicare dicitur.

Similitèr, sit Natura Inquisita, Transitoria Natura Flammæ, & Extinctio eius Momentanea. Non enim videtur Natura Flammea hîc apud nos figi & consistere, sed singulis quasi momentis generari, & sta-

tim extingui. Manifestum enim est, in Flammis quæ hîc continuantur & durant, istam durationem non esse eiusdem Flammæ in Indiuiduo, sed fieri per successi-
onem nouæ Flammæ seriatim generatæ, minimè autem manere eandem Flammam Numero; Id quod facile perspicitur ex hoc, quòd subtracto alimento siue fomite Flammæ, Flamma statim pereat. Buium autem circa hanc naturam tale est. Momentanea ista Natura, aut sit remittente se Causâ quæ eam primò genuit, vt in Lumine, Sonis, & Motibus (quos vocant) Violentis; aut quòd Flamma in Naturâ suâ possit hîc apud nos manere, sed à contrarijs Naturis circumfusus vim patiatur & destruat.

Itaque poterit esse circa hoc subiectum Instantia Crucis talis. Videmus Flammam in Incendijs maioribus, quàm altè in sursùm ascendant. Quantò enim Basis Flammæ est latior, tantò Vertex sublimior: Itaque videtur principium Extinctionis fieri circa Latera, vbi ab Aëre Flamma comprimitur, & malè habetur. At Meditullia Flammæ, quæ Aër non contingit, sed alia Flamma vndiquè circundat, eadem numero manent; neque extinguuntur, donec paulatim angustientur ab Aëre per Latera circumfuso. Itaque omnis Flamma Pyramidalis est Basi circa fomitem largior, Vertice autem (inimicante Aëre, nec suppeditante fomite) acutior. At Fumus angustior circa Basin, ascendendo dilatatur, & fit tanquàm Pyramis inuersa; quia scilicet Aër Fumum recipit, Flammam (neque enim quispiam somniet Aërem esse Flammam accensam, cum sint Corpora planè Heterogenea) comprimit.

Accu-

Accuratioꝛ autem poterit esse Instantia Crucis ad hanc rem accommodata, si res fortè manifestari possit per Flammas Bicolores. Capiatur igitur Situla parua ex metallo, & in eâ figatur parua Candela Cereæ accensa; ponatur Situla in paterâ, & circumfundatur Spiritus Vini in modicâ quantitate, quæ ad labra Situle non attingat; tum accende Spiritum Vini. At Spiritus ille Vini exhibebit Flammam magis scilicèt cæruleam, Lychnus Candelæ autem magis flauam. Notetur itaque utrùm Flamma Lychni (quam facile est per Colorem à Flammâ Spiritus Vini distinguere, neque enim Flamma, ut Liquores, statim commiscetur) maneat Pyramidalis, an potiùs magis tendat ad Formam globosam, cùm nihil inueniatur quod eam destruat aut comprimat. At hoc posterius si fiat, manere Flammam eandem numero, quamdiu intra aliam Flammam concludatur, nec vim inimicam Aëris experiatur, pro certo ponendum est.

Atque de Instantijs Crucis hæc dicta sint. Longiores autem in ijs tractandis ad hunc finem fuimus, ut homines paulatim discant & assuescant, de Naturâ iudicare per Instantias Crucis, & Experimenta Lucifera, & non per rationes probabiles.

XXXVII.

Inter Prærogatiuas Instantiarum ponemus loco Decimo-quinto Instantias Diuortij; quæ indicant Separationes Naturarum earum, quæ ut plurimum occurrunt. Differunt autem ab Instantijs quæ subiun-

subiunguntur Instantijs Comitatus; quia illæ indicant Separationes Naturæ alicuius ab aliquo Concreto, cum quo illa familiaritèr consuescit: hæ verò Separationes Naturæ alicuius ab alterâ Naturâ. Differunt etiam ab Instantijs Crucis; quia nihil determinant, sed monent tantum de Separabilitate vnius Naturæ ab alterâ. Vsus autem earum est ad prodendas falsas Formas, & dissipandas leues Contemplationes ex rebus obuijs orientes; adeò vt veluti plumbum & pondera Intellectui addant.

Exempli gratia: Sint Naturæ Inquisitæ, quatuor Naturæ illæ; quas Contubernales vult esse Telefius, & tanquàm ex eâdem Camerâ: viz. Calidum, Lucidum, Tenue, Mobile siue promptum ad Motum. At plurimæ inueniuntur Instantiæ Diuortij inter ipsas. Aër enim Tenuis est & habilis ad Motum, non Calidus aut Lucidus: Luna Lucida, absque Calore: Aqua feruens, Calida absque Lumine: Motus Acûs ferreæ super Versorium, pernix & agilis; & tamen in Corpore Frigido, Denso, Opaco: & complura id genus.

Similitèr sint Naturæ Inquisitæ, Natura Corporea, & Actio Naturalis. Videtur enim non inueniri Actio Naturalis, nisi subsistens in aliquo Corpore. At tamen possit fortassè esse circà hanc rem Instantia nonnulla Diuortij. Ea est Actio Magnética, per quam Ferrum fertur ad Magnetem, Grauiâ ad globum Terræ. Addi etiam possint aliæ nonnullæ Operationes ad Distans. Actio siquidem huiusmodi & in Tempore fit, per Momenta, non in Puncto temporis; & in Loco, per gradus & spatia. Est itaque aliquod Momentum

tum Temporis, & aliquod Interuallum Loci, in quibus ista Virtus siue Actio hæret in Medio inter duo illa Corpora quæ Motum cient. Reducitur itaque Contemplatio ad hoc; utrùm illa Corpora, quæ sunt Termini Motûs, disponant vel alterent Corpora Media, ut per successionem & tactum verum labatur Virtus à Termino ad Terminum, & interim subsistat in corpore Medio; an horum nihil sit, præter Corpora, & Virtutem, & Spatia? Atque in Radijs Opticis, & Sonis, & Calore, & alijs nonnullis operantibus ad Distans, probabile est Media Corpora disponi & alterari: eò magis, quòd requiratur Medium qualificatum ad deferendam operationem talem. At Magnetica illa siue Coitiua Virtus admittit Media tanquam adiaphora, nec impeditur Virtus in omnigeno Medio. Quod si nil rei habeat Virtus illa aut Actio cum Corpore Medio, sequitur quòd sit Virtus aut Actio Naturalis ad Tempus nonnullum, & in Loco nonnullo, subsistens sine Corpore: cum neque subsistat in Corporibus Terminantibus, nec in Medijs. Quare Actio Magnetica poterit esse Instantia Diuortij circa Naturam Corpoream, & Actionem Naturalem. Cui hoc adijci potest tanquam Corollarium aut Lucrum non prætermittendum: viz. quòd etiam secundum Sensum philosophanti sumi possit probatio, quòd sint Entia & Substantiæ Separatæ & Incorporeæ. Si enim Virtus & Actio Naturalis, emanans à Corpore, subsistere possit aliquo Tempore, & aliquo Loco, omninò sine Corpore; propè est ut possit etiam emanare in origine suâ à Substantiâ Incorporeâ. Videtur enim
non

non minùs requiri Natura Corporea ad Aëtionem Naturalem sustentandam & deuehendam, quàm ad excitandam aut generandam.

XXXVIII.

SEquuntur Quinque Ordines Instantiarum, quas vno vocabulo generali Instantias Lampadis, siue Informationis primæ, appellare consueuimus. Eæ sunt quæ auxiliantur Sensui. Cùm enim omnis Interpretatio Naturæ incipiat à Sensu; atque à Sensuum perceptionibus, rectâ, constanti, & munitâ viâ ducat ad perceptiones Intellectus, quæ sunt Notiones veræ & Axiomata: necesse est vt quantò magis copiosæ & exactæ fuerint repræsentationes, siue præbitiones ipsius Sensûs, tantò omnia cedant faciliùs & fœliciùs.

Harum autem Quinque Instantiarum Lampadis; Primæ roborant, ampliant, & rectificant actiones Sensûs immediatas: Secundæ deducunt non-Sensibile ad Sensibile: Tertiæ indicant Processus continuatos siue Series earum rerum & motuum, quæ (vt plurimum) non notantur, nisi in exitu aut periodis: Quartæ aliquid substituunt Sensui in meris destitutionibus: Quintæ excitant attentionem Sensûs & aduertentiam, atque vnà limitant subtilitatem rerum. De his autem singulis iam dicendum est.

Inter

XXXIX.

INter Prærogatiuas Instantiarum, ponemus loco Decimo sexto Instantias Ianuæ siue Portæ: Eo enim nomine eas appellamus, quæ inuant actiones Sensûs immediatas. Inter Sensus autem manifestum est partes primas tenere Visum, quoad informationem: quare huic Sensui præcipuè auxilia conquirenda. Auxilia autem triplicia esse posse videntur: vel, ut percipiat non visa; vel, ut maiore interuallo; vel ut exactiùs & distinctiùs.

Primi generis sunt (missis Bis-oculis, & huiusmodi, quæ valent tantum ad corrigendam & lenandam infirmitatem Visûs non benè dispositi, atque ideò nihil ampliùs informant) ea, quæ nuper inuenta sunt Perspicilla; quæ latentes & inuisibiles Corporum minutias, & occultos schematismos, & motus (auctâ insignitèr specierum magnitudine) demonstrant: quorum vi, in Pulice, Muscâ, Vermiculis, accurata corporis figura & lineamenta, nec non colores & motus priùs non conspiciui, non sine admiratione cernuntur. Quinetiam aiunt lineam rectam calamo vel pericillo descriptam, per huiusmodi Perspicilla inaequalem admodum & tortuosam cerni: quia scilicèt nec motus manûs licèt per regulam adiutæ, nec impressio atramenti aut coloris, reuerà æqualia existant; licèt illæ inæqualitates tam minutæ sint, ut sine adiumento huiusmodi Perspicillorum conspici nequeant. Etiam superstitiosam quandam observationem in hac re (ut fit in

Kk rebus

rebus nouis & miris) addiderunt homines : viz. quòd huiusmodi Perspicilla opera Naturæ illustrent, Artis debonestent. Illud verò nihil aliud est, quàm quòd textura Naturales multò subtiliores sint quàm Artificiosæ. Perspicillum enim illud ad minuta tantum valet : quale Perspicillum si vidisset Democritus, exi-
lisset fortè, & modum videndi Atomum (quem ille inuisibilem omninò affirmavit) inuentum fuisse putasset. Verùm incompetencia huiusmodi Perspicillorum, præterquàm ad minutias tantum; (neque ad ipsas quoque, si fuerint in corpore maiusculo) vsum rei destruit. Si enim Inuentum extendi posset ad corpora maiora, aut corporum maiorum minutias; adeò vt textura panni lin-
tei conspici posset tanquam rete; atque hoc modo minu-
tiæ latentes & inæqualitates Gemmarum, Liquorum, Vrinarum, Sanguinis, Vulnerum, & multarum alia-
rum rerum cerni possent; magnæ proculdubio ex eo In-
uento commoditates capi possent.

Secundi generis sunt illa altera Perspicilla, quæ memorabili conatu adinuenit Galilæus : quorum ope, tanquam per scaphas aut nauiculas, aperiri & exerceri possint propiora cum Cœlestibus commercia. Hinc enim constat, Galaxiam esse nodum siue coaceruationem stel-
larum paruarum, planè numeratarum & distinctarum: de quâ re apud Antiquos tantum suspicio fuit. Hinc demonstrare videtur, quòd spatia Orbium (quos vo-
cant) Planetarum non sint planè vacua alijs stellis; sed quòd Cœlum incipiat stellescere, antequàm ad Cœ-
lum ipsum stellatum ventum sit; licèt stellis minoribus, quàm vt sine Perspicillis istis conspici possint. Hinc
choreas

choreas illas stellarum paruarum circa Planetam Iouis (unde conijci possit esse in motibus stellarum plura centra) intueri licet. Hinc inaequalitates luminosi & opaci in Lunâ distinctius cernuntur & locantur; adeo ut fieri possit quædam Seleno-graphia. Hinc maculae in Sole, & id genus: Omnia certè Inuenta nobilia, quatenus fides huiusmodi demonstrationibus tutò adhiberi possit. Quæ nobis ob hoc maximè suspectæ sunt, quod in istis paucis sistatur Experimentum, neque alia complura inuestigata æquè digna eadem ratione inuenta sint.

Tertij generis sunt Bacilla illa ad terras mensurandas, Astrolabia, & similia: quæ sensum Videndi non ampliant, sed redificant & dirigunt. Quod si sint aliæ Instantiæ, quæ reliquos Sensus iuuant in ipsorum actionibus immediatis & indiuiduis; tamen si eiusmodi sint quæ informationi ipsi nihil addant plus quàm iam habetur; ad id, quod nunc agitur, non faciunt. Itaque earum mentionem non fecimus.

XL

INter Prærogatiuas Instantiarum ponemus loco Decimo-septimo Instantias Citantes; sumpto vocabulo à Foris Ciuilibus, quia citant ea ut compareant, quæ prius non comparuerunt: quas etiam Instantias Evocantes appellare consueuimus. Ex deducunt Non-Sensibile ad Sensibile.

Sensum autem fugiunt res, vel propter distantiam Obiecti locati; vel propter interceptionem Sensûs per

corpora *Media*; vel quia *Obiectum* non est habile ad impressionem in *Sensu* faciendam; vel quia deficit *Quantum* in *Obiecto*, pro feriendo *Sensu*; vel quia *Tempus* non est proportionatum ad adluandum *Sensum*; vel quia *Obiecti* percussio non toleratur à *Sensu*; vel quia *Obiectum* antè impleuit & possedit *Sensum*, vt nō motui non sit locus. Atquē hęc præcipuē ad *Visum* pertinent, & deindē ad *Tactum*. Nam hi duo *Sensus* sunt informatiui ad largum, atque de *Communibus* *Obiectis*; vbi reliqui tres non informant ferē nisi immediatē & de *Proprijs* *Obiectis*.

In *Primo* genere non fit *Deductio* ad *Sensibile*, nisi rei, quæ cerni non possit propter distantiam, adijciatur aut substituatur alia res, quæ *Sensum* magis è longinquo prouocare & ferire possit: veluti in significatione rerum per *Ignes*, *Campanas*, & similia.

In *Secundo* genere fit *Deductio*, cū ea quæ interiorius propter interpositionem corporum latent, nec commodē aperiri possunt, per ea quæ sunt in superficie, aut ab interioribus effluunt, perducuntur ad *Sensum*: vt status humanorum corporum per *Pulsus*, & *Urinas*, & similia.

At *Tertij* & *Quarti* generis *Deductiones* ad plurima spectant, atque undiquē in rerum Inquisitione sunt conquirendæ. Huius rei *Exempla* sunt. Patet quod *Aër*, & *Spiritus*, & huiusmodi res, quæ sunt toto corpore tenues & subtiles, nec cerni nec tangi possint. Quare in Inquisitione circa huiusmodi corpora, *Deductionibus* omninō est opus.

Sit itaque *Natura* inquisita, *Actio* & *Motus*
Spiritus

Spiritus qui includitur in corporibus Tangibilibus. Omne enim Tangibile apud nos continet Spiritum inuisibilem & intactilem, eique obducitur atque eum quasi vestit. Hinc fons triplex potens ille, & mirabilis Processus Spiritus in corpore Tangibili. Spiritus enim in re Tangibili, Emissus corpora contrahit & desiccatur: Detentus, corpora intenerat & colliquat: nec prorsus Emissus nec prorsus Detentus, informat, membrificat, assimilat, egerit, organizat, & similia. Atque hæc omnia deducuntur ad Sensibile per effectus conspicuos.

Etenim in omni Corpore Tangibili inanimato, Spiritus inclusus primò multiplicat se, & tanquam depascit partes Tangibiles eas quæ sunt maximè ad hoc faciles & præparatæ; easque digerit, & conficit, & vertit in spiritum, & deinde unà euolant. Atque hæc confectio & Multiplicatio Spiritus deducitur ad Sensum per diminutionem Ponderis. In omni enim Desiccatione, aliquid defluit de Quânto; neque id ipsum ex Spiritu tantum præinexistente, sed ex corpore quod prius fuit Tangibile & nouitèr versum est: Spiritus enim non ponderat. Egressus autem siue Emissio Spiritus deducitur ad Sensibile in Rubigine Metallorum, & alijs Putrefactionibus eius generis, quæ sistunt se antequàm peruenerint ad rudimenta vitæ; Nam illæ ad Tertium genus Processus pertinent. Etenim in corporibus magis compactis Spiritus non inuenit poros & meatus per quos euolet: Itaque cogitur partes ipsas Tangibiles protrudere & ante se agere, ita ut illæ simul exeant; atque inde fit Rubigo, & similia. At Contractio partium Tangibilium, postquàm aliquid de Spiritu fuerit emis-
sum;

sum, (vnde sequitur illa Desiccatio) deducitur ad Sensibile, tum per ipsam duritiem rei auctam, tum multò magis per scissuras, angustiationes, corrugationes, & complicationes corporum, quæ inde sequuntur. Etenim partes Ligni defiliunt & angustiantur; Pelles corrugantur; neque id solùm, sed (si subita fuerit emissio Spiritus per calorem ignis) tantùm properant ad Contradictionem, ut se complicant & conuoluant.

At contrà, ubi Spiritus detinetur, & tamen dilata-
tur & excitatur per calorem, aut eius Analoga; (id quod fit in corporibus magis solidis aut tenacibus) tum verò Corpora emolliuntur, ut Ferrum candens; fluunt, ut Metalla; liquefiunt, ut Gummi, Cera, & similia. Itaque contrariæ illæ operationes Caloris (ut ex eo alia durescant, alia liquecant) facilè reconciliantur; quia in illis, Spiritus emittitur; in his, agitur & detinetur: quorum posterius, est actio propria Caloris & Spiritus; prius, actio partium Tangibilium tantùm per occasionem Spiritus emissi.

At ubi Spiritus nec detinetur prorsus, nec prorsus emittitur; sed tantùm inter claustra sua tentat & experitur, atque nacta est partes Tangibiles obedientes & sequaces in promptu; ita ut quò Spiritus agit, eæ simul sequantur: tum verò sequitur efformatio in Corpus Organicum, & membrificatio, & reliquæ actiones vitales, tam in Vegetabilibus quàm in Animalibus. Atque hæc maximè deducuntur ad Sensum, per notationes diligentes primorum incæptuum, & rudimentorum sue tentamentorum vitæ in Animalculis ex Putrefactione natis: ut in ouis Formicarum, Vermibus,

mibus, Muscis, Ranis post imbrem, &c. Requiritur autem ad Viuificationem, & lenitas Caloris, & lentor Corporis; ut Spiritus nec per festinationem erumpat, nec per contumaciam partium coërceatur: quin potius ad ceræ modum illas plicare & effingere possit.

Rursus, Differentia illa Spiritus, maximè nobilis & ad plurima pertinens, (viz. Spiritus Abscissi; Ramosi simpliciter; Ramosi simul & Cellulati: ex quibus Prior, est Spiritus omnium corporum Inanimatorum; secundus, Vegetabilium; tertius, Animalium:) per plurimas Instantias Deductorias tanquam sub oculos ponitur.

Similiter patet, quòd subtiliores texture & Schematismi rerum (licet toto corpore visibilibus, aut tangibilibus) nec cernantur, nec tangantur. Quare in his quoque per Deductionem procedit Informatio. At differentia Schematismorum maximè radicalis & primaria sumitur ex copiâ vel paucitate Materie, quæ subit idem spatium siue dimensum. Reliqui enim Schematismi (qui referuntur ad dissimilaritates partium, quæ in eodem corpore continentur, & collocationes ac posituras earundem) præ illo altero sunt secundarij.

Sit itaque Natura Inquisita, Expansio siue Coitio materie in corporibus respectiue: viz. quantum Materie impleat quantum Dimensum in singulis. Etenim nil verius in Naturâ, quàm propositio illa gemella; Ex nihilo nihil fieri: neque, Quicquam in nihilum redigi: verum Quantum ipsum Materie siue Summam totalem constare, nec augeri aut minui. Nec illud minus verum; Ex Quanto illo Materie sub iisdem spatijs,

spatijs siue dimensionibus, pro diuersitate corporum, plus & minùs contineri; vt in *Aquá* plus, in *Aëre* minus: Adeò vt si quis asserat, aliquod contentum *Aquæ* in par contentum *Aeris* verti posse; idem sit ac si dicat, *Aliquid* posse redigi in *Nihilum*: Contra si quis asserat, aliquod contentum *Aeris* in par contentum *Aquæ* verti posse; idem sit ac si dicat, *Aliquid* posse fieri ex nihilo. Atque ex copiâ istâ & Paucitate *Materiæ*, *Notiones* illæ *Densi* & *Rari*, quæ variè & promiscuè accipiuntur, propriè abstrahuntur. Assumenda est & *Affertio* illa tertia, etiam satis certa: quòd hoc, de quo loquimur, *Plus* & *Minus* *Materiæ* in corpore hoc vel illo, ad *Calculos* (factâ collatione) & *Proportiones* exactas, aut exactis propinquas reduci possit. Veluti si quis dicat inesse in dato contento *Auri* talem coaceruationem *Materiæ*, vt opus habeat *Spiritus vini*, ad tale *Quantum* *Materiæ* æquandum, spatio vicies & semel maiore, quàm implet *Aurum*; non errauerit.

Coaceruatio autem *Materiæ*, & rationes eius deducuntur ad *Sensibile per Pondus*. *Pondus* enim respondet *Copiæ Materiæ*, quoad partes rei *Tangibilis*: *Spiritus* autem, & eius *Quantum* ex *Materiâ*, non venit in computationem per *Pondus*; leuat enim *Pondus* potius, quàm grauat. At nos huius rei *Tabulam* fecimus satis accuratam; in quâ *Pondera* & *Spacia* singulorum *Metallorum*, *Lapidum præcipuorum*, *Lignorum*, *Liquorum*, *Oleorum*, & plurimorum aliorum corporum tam *Naturalium* quàm *Artificialium*, excepimus. Rem polychrestam, tam ad lucem *Informatio-*

mationis, quàm ad normam Operationis; & quæ multas res reuelet omninò præter expectatum. Neque illud pro minimo habendum est, quòd demonstret omnem varietatem, quæ in Corporibus Tangibilibus nobis notis versatur, (intelligimus autem Corpora benè unita, nec planè spongiosa, & caua, & magnâ ex parte Aëre impleta) non ultrà rationes partium 21. excedere: Tam finita scilicèt est Natura, aut saltem illa pars eius, cuius vsus ad nos maximè pertinet.

Etiam diligentiae nostræ esse putauimus, experiri si fortè capi possint rationes Corporum Non-Tangibilium siue Pneumaticorum, respectu Corporum Tangibilium. Id quòd tali molitione aggressi sumus. Phialam vitream accepimus, quæ unciam fortassè vnâ capere possit: paruitate Vasis vsi, ut minori cum calore posset fieri Euaporatio sequens. Hanc Phialam Spiritu vini impleuimus ferè ad collum; eligentes Spiritum vini, quòd per Tabulam priorem, eum esse ex Corporibus Tangibilibus (quæ benè unita, nec caua sunt) rarissimum, & minimum continens Materie sub suo Dimenso, obseruârimus. Deinde pondus Aquæ cum Phialâ ipsâ exactè notauimus. Postea Vesicam accepimus, quæ circa duas pintas contineret. Ex eâ aërem omnem, quoad fieri potuit, expressimus, eò usque ut vesicæ ambo latera essent contigua: Etiam priùs Vesicam oleo obleuimus cum fricatione leni, quòd Vesica esset clausior; eius, siqua erat, porositate oleo obturatâ. Hanc Vesicam circa os Phialæ, ore Phialæ intra os Vesicæ recepto, fortitèr ligauimus; filo parùm cerato, ut meliùs adhæresceret & arctiùs ligaret. Tum de-

L l

mum

mum Phialam supra carbones arduentes in foculo collocauimus. At paulò post Vapor siue Aura Spiritus vini per calorem dilatati & in Pneumaticum versi, Vesicam paulatim sufflauit, eamque vniuersam veli instar vndeque extendit. Id postquam factum fuit, continuo Vitrum ab igne remouimus, & super tapetem posuimus, ne frigore disrumperetur: Statim quoque in summitate Vesicæ foramen fecimus, ne vapor cessante calore in liquorem restitutus resideret, & rationes confunderet. Tum verò Vesicam ipsam sustulimus, & rursus pondus excepimus Spiritus vini qui remanebat. Inde quantum consumptum fuisset in vaporem seu Pneumaticum, computauimus; & factâ collatione, quantum locum siue spatium illud Corpus impleret, quando esset Spiritus vini in Phialâ; & rursus quantum spatium impleuerit, postquam factum fuisset Pneumaticum in Vesicâ; rationes subduximus: ex quibus manifestè liquebat, Corpus istud ita versum & mutatum, expansionem centuplò maiorem, quàm antea habuisset, acquisuisse.

Similiter sit Natura Inquisita, Calor aut Frigus; eius nempè gradus, ut à sensu non percipiantur ob debilitatem. Hæc deducuntur ad Sensum per Vitrum Calendare, quale superius descripsimus. Calor enim & Frigus, ipsa non percipiuntur ad tactum: At Calor Aërem expandit, Frigus contrahit. Neque rursus illa Expansio & Contractio Aëris percipitur ad Visum: At Aër ille Expansus, Aquam deprimit; Contractus, attollit; ac tum demum fit deductio ad Visum, non antè, aut aliàs.

Simi-

Similiter sit *Natura Inquisita, Mistura Corporum*; viz. quid habeant ex *Aqueo*, quid ex *Oleoso*, quid ex *Spiritu*, quid ex *Cinere*, & *Salibus*, & huiusmodi: Vel etiam (in particulari) quid habeat *Lac Butyri*, quid *Coaguli*, quid *Seri*, & huiusmodi. Hæc deducuntur ad *Sensum* per artificiosas & peritas *Separationes*, quatenus ad *Tangibilia*. At *natura Spiritus* in ipsis, licet immediatè non percipiatur, tamen deprehenditur per *varios motus & nixus Corporum Tangibilium*, in ipso actu & processu *Separationis* suæ: atque etiam per *acrimonias, corrosiones, & diuersos colores, odores, & sapes* eorundem *Corporum* post *Separationem*. Atque in hac parte, per *Distillationes* atque artificiosas *Separationes*, strenuè sanè ab hominibus elaboratum est; sed non multò *sceliciùs* quàm in cæteris *Experimentis*, quæ adhuc in *usu* sunt: modis nimium prorsus *palpatorijs*, & *vijs cæcis*, & magis *operose* quàm *intelligentèr*; & (quod pessimum est) nullâ cum *imitatione* aut *æmulatione Naturæ*, sed cum *destructione* (per *Calores vehementes*, aut *virtutes nimis validas*) omnis subtilioris *Schematismi*, in quo occultæ rerum *Virtutes & consensus præcipuè sitæ* sunt. Neque illud etiam, quod aliàs monuimus, hominibus in *mentem* aut *observationem* venire solet in huiusmodi *Separationibus*: hoc est, plurimas *qualitates* in *Corporum vexationibus* tam per *ignem* quàm *alios modos*, indi ab ipso *Igne*, iisque *corporibus* quæ ad *Separationem* adhibentur, quæ in *Composito* prius non fuerunt: unde *miræ fallaciæ*. Neque enim scilicet *Vapor vniuersus*, qui ex *Aquâ* emittitur per *Ignem*, *Vapor* aut *Aër* antea fuit

in corpore Aquæ; sed factus est maximâ ex parte per dilatationem Aquæ ex calore Ignis.

Similiter in genere omnes exquisitæ Probationes corporum siue Naturalium siue Artificialium, per quas Vera dignoscuntur ab Adulterinis; Meliora à Uilioribus, huc referri debent: Deducunt enim Non-Sensibile ad Sensibile. Sunt itaque diligenti curâ undique conquirendæ.

Quintum verò genus Latitantiæ quod attinet; manifestum est actionem Sensûs transigi in Motu, Motum in Tempore. Si igitur Motus alicuius corporis sit vel tam tardus vel tam velox, ut non sit proportionatus ad Momenta, in quibus transigitur actio Sensûs; Obiectum omninò non percipitur: ut in motu Indicis Horologij, & rursùs in motu Pilæ Sclopeti. Atque Motus, qui ob tarditatem non percipitur, facile & ordinariò deducitur ad Sensum, per Summas Motûs: qui verò ob velocitatem, adhuc non benè mensurari consuevit; sed tamen postulat Inquisitio Naturæ, ut hoc fiat in aliquibus.

Sextum autem genus, ubi impeditur Sensus propter nobilitatem Obiecti, recipit Deductionem; vel per Elongationem maiorem Obiecti à Sensu; vel per Hebetationem Obiecti per Interpositionem Mediij talis, quod Obiectum debilitet, non annihilet; vel per Admissionem & Exceptionem Obiecti Reflexi, ubi percussio Directa sit nimis fortis; ut Solis in pelui aquæ.

Septimum autem genus Latitantiæ, ubi Sensus ita oneratur Obiecto, ut nouæ admissioni non sit locus, non habet ferè locum nisi in Olfactu & Odoribus; nec ad id, quod

quod agitur, multum pertinet. Quare de Deductionibus Non-Sensibilis ad Sensibile, hæc dicta sint.

Quandoque tamen Deductio fit non ad Sensum hominis, sed ad Sensum alicuius alterius Animalis, cuius Sensus in aliquibus humanum excellit: ut nonnullorum Odorum, ad sensum Canis; Lucis, quæ in aëre non extrinsecus illuminato, latentè existit, ad sensum Felis, Noctuæ, & huiusmodi Animalium quæ cernunt noctu. Rectè enim notauit Telesius, etiam in Aëre ipso inesse Lucem quandam originalem, licet exilem & tenuem, & maximà ex parte oculis hominum aut plurimorum animalium non inseruientem: quia illa Animalia, ad quorum Sensum huiusmodi lux est proportionata, cernant noctu; id quod vel sine luce fieri, vel per lucem internam, minùs credibile est.

Atque illud utique notandum est; de Destitutionibus Sensuum, eorùmq; remedijs, hic nos tractare. Nam Fallaciæ Sensuum ad proprias Inquisitiones de Sensu & Sensibili remittendæ sunt: exceptà illà magnà Fallacià Sensuum, nimirum quòd constituent lineas rerum ex analogià Hominis, & non ex analogià Vniuersi: quæ non corrigitur, nisi per Rationem & Philosophiam vniuersalem.

XLI.

Inter Prærogatiuas Instantiarum, ponemus loco Decimo-octauo Instantias Viæ, quas etiam Instantias Itinerantes, & Instantias Articulas appellare consueuimus. Eæ sunt, quæ indicant Naturæ Motus

Motus gradatim continuatos. Hoc autem genus Instantiarum potius fugit Observationem, quàm Sensum. Mira enim est hominum circà hanc rem indiligentia. Contemplantur siquidem Naturam tantummodò desultoriè & per periodos, & postquàm corpora fuerint absoluta ac completa; & non in operatione suâ. Quod si Artificis alicuius Ingenia & industriam explorare & contemplari quis cuperet; is non tantum materias rudes Artis, atque deinde opera perfectà conspiciere desideraret; sed potius præsens esse, cum Artifex operatur & opus suum promouet. Atque simile quiddam circà Naturam faciendum est. Exempli gratiâ; si quis de vegetatione Plantarum inquirat, ei inspiciendum est ab ipsâ satione seminis alicuius, (id quod per extractionem, quasi singulis diebus, seminum quæ per biduum, triduum, quatrimum, & sic deinceps in terrâ manserunt, eorùmque diligentem intuitum facile fieri potest) quomodò & quandò semen intumescere & turgere incipiat, & veluti spiritu impleri; deindè quomodò corticulam rumpere, & emittere fibras, cum latione nonnullâ sui interim sursùm, nisi terra fuerit admodum contumax; quomodò etiam emittat fibras, partim radicales deorsùm, partim cauliculares sursùm, aliquandò serpendo per latera, si ex eâ parte inueniat terram apertam & magis facilem, & complura id genus. Similiter facere oportet circà exclusionem Ouorum; ubi facile conspici dabitur Processus viuificandi & organizandi, & quid & quæ partes fiant ex vitello, quid ex albmine Oui; & alia. Similis est ratio circà Animalia ex putrefactione. Nam circa Animalia perfectà & terre-

terrestria, per exectiones fœtuum ex utero, minus humanum esset ista inquirere; nisi fortè per occasiones abortuum, & venationum, & similia. Omnino igitur vigilia quædam seruanda est circa Naturam, vt quæ melius se conspiciendam præbeat noctu, quam interdiu. Istæ enim Contemplationes tanquam Nocturnæ censi possint, ob lucernæ paruitatem & perpetuationem.

Quin & in Inanimatis idem tentandum est: Id quod nos fecimus in inquirendis Aperturis Liqueurum per ignem. Alius enim est modus Aperturæ in Aquâ, alius in Vino, alius in Aceto, alius in Omphacio; longè alius in Lacte, & Oleo, & cæteris. Id quod facile cernere erat per ebullitionem super ignem lenem, & in vase vitreo, vbi omnia cerni perspicuè possint. Verùm hæc breuius perstringimus; fusius & exactius de ijs sermones habituri, cum ad inuentionem Latentis rerum processûs ventum erit. Semper enim memoriâ tenendum est, nos hoc loco non Res ipsas tractare, sed Exempla tantum adducere.

XLII.

INter Prærogatiuas Instantiarum, ponemus loco Decimo nono Instantias Supplementi, siue Substitutionis; quas etiam Instantias Perfugij appellare consueuimus. Eæ sunt, quæ suppleant Informationem, vbi Sensus planè destituitur: atque idcirco ad eas confugimus, cum Instantiæ propriæ haberi non possint. Dupliciter autem fit Substitutio: aut per Graduatio-

nem,

nem, aut per *Analogia*. *Exempli gratiâ*: Non inuenitur *Medium*, quod inhibeat prorsus operationem *Magnetis* in mouendo ferrum: non *Aurum* interpositum, non *Argentum*, non *Lapis*, non *Vitrum*, *Lignum*, *Aqua*, *Oleum*, *Pannus* aut *Corpora fibrosa*, *Aër*, *Flamma*, & cætera. Attamen per probationem exactam fortasse inueniri possit aliquod *Medium*, quod hebetet virtutem ipsius plus quam aliquod aliud, comparatiue & in aliquo gradu: veluti quod non trahat *Magnes Ferrum* per tantam crassitiem *Auri*, quam per par spatium *Aëris*; aut per tantum *Argentum ignitum*, quam per frigidum; & sic de similibus. Nam de his nos *Experimentum* non fecimus: sed sufficit tamen, vt proponantur loco *Exempli*. Similiter non inuenitur hic apud nos *Corpus*, quod non suscipiat *Calidum igni approximatum*. Attamen longè citius suscipit calorem *Aër*, quam *Lapis*. Atque talis est *Substitutio*, quæ fit per *Gradus*.

Substitutio autem per *Analogia*, utilis sanè, sed minus certa est; atque idcirco cum iudicio quodam adhibenda. Ea fit, cum deducitur *Non-sensibile* ad *Sensum*; non per operationes *Sensibiles* ipsius corporis *Insensibilis*, sed per *contemplationem* *Corporis* alicuius cognati *Sensibilis*. *Exempli gratiâ*: si inquiratur de *Misturâ Spirituum*, qui sunt corpora non-visibilia; Videtur esse cognatio quædam inter *Corpora*, & *Fomites* siue *Alimenta sua*. *Fomes* autem *Flammæ*, videtur esse *Oleum* & *Pinguis*; *Aëris*, *Aqua* & *Aquea*: *Flammæ* enim multiplicant se super halitus *Olei*, *Aër* super vapores *Aquæ*. Videndum itaque de *Misturâ Aquæ*

Aquæ & Olei, quæ se manifestat ad Sensum; quandoquidem Mistura Aeris & Flammei generis fugiat Sensum. At Oleum & Aqua inter se per compositionem aut agitationem imperfectè admodum miscentur; eadem in Herbis, & Sanguine, & Partibus Animalium, accuratè & delicatè miscentur. Itaque simile quiddam fieri possit circa Misturam Flammei & Aerei generis in Spiritualibus; quæ per Confusionem simplicem non benè sustinent Misturam, eadem tamen in Spiritibus Plantarum & Animalium misceri videntur: Præsertim cum omnis Spiritus Animatus depascat Humida utraque, Aquea & Pinguis, tanquam fomites suos.

Similitèr, si non de Perfectioribus Misturis Spiritualium, sed de Compositione tantum inquiratur; nempe, utrum faciliè inter se incorporentur, an potius (exempli gratiâ) sint aliqui Venti & Exhalationes, aut alia Corpora Spiritalia, quæ non miscentur cum Aere communi; sed tantum hærent & natant in eo, in globulis & guttis; & potius franguntur ac comminuantur ab Aere, quam in ipsum recipiuntur & incorporantur: Hoc in Aere Communi & alijs Spiritualibus, ob subtilitatem corporum, percipi ad Sensum non potest; attamen imago quædam huius rei, quatenus fiat, concipi possit in Liquoribus Argenti viui, Olei, Aquæ; atque etiam in Aere, & fractione eius, quando dissipatur & ascendit in parvis portiunculis per Aquam; atque etiam in Fumis crassioribus; denique in Puluere excitato & hærente in Aere; in quibus omnibus non fit Incorporatio. Atque Repræsentatio prædicta in hoc Subiecto

non mala est, si illud primò diligentèr inquisitum fuerit; utrùm possit esse talis Heterogenia inter Spiritalia, qualis inuenitur inter Liquida: Nam tum demùm hæc Simulacra per Analogiam non incommode substituentur.

Aique de Instantijs istis Supplementi, quod diximus Informationem ab ijs hauriendam esse, quando desint Instantiæ propriæ, loco Perfugij; nihilominus intelligi volumus, quòd illæ etiam magni sint vsûs, etiam cum Propriæ Instantiæ adsint; ad roborandam scilicèt Informationem unà cum Proprijs. Verùm de his exactius dicemus, quando ad Adminicula Inductionis tractanda sermo ordine dilabatur.

XLIII.

INter Prerogatiuas Instantiarum, ponemus loco Viceſimo Instantias Persecantes; quas etiam Instantias Vellicantes appellare consueuimus, sed diuersâ ratione. Vellicantes enim eas appellamus, quia vellicant Intellectum; Persecantes, quia persecant Naturam; vnde etiam illas quandoque Instantias Democriti nominamus. Eæ sunt, quæ de admirabili & exquisitâ Subtilitate Naturæ Intellectum submouent, vt excitetur & expurgiscatur ad attentionem, & obseruationem, & inquisitionem debitam. Exempli gratiâ: Quòd parùm guttulæ Atramenti ad tot literas vel lineas extendatur; Quòd Argentum exterius tantùm inauratum, ad tantam longitudinem fili inaurati continuetur; Quòd pusillus Vermiculus, qualis in cæte inuenitur, habeat in se spiritum simul & figuram dissimila-

similarem partium; Quòd parùm Croci, etiam dolium, Aquæ colore inficiat; Quòd parùm Zibethi aut Aromatis, longè maius contentum Aëris, odore; Quòd exiguo suffitu tanta excitetur nubes fumi; Quòd Sonorum tam accuratæ differentiæ, quales sint voces articulatæ, per Aërem undequaquè vehantur, atque per foramina & poros etiam Ligni & Aquæ (licèt admodum extenuatæ) penetrent, quin etiam repercutiantur, idque tam distinctè & velocitè; Quòd Lux & Color, etiam tanto ambitu & tam pernicitè, per corpora solida Vitri, Aquæ, & cum tantâ & tam exquisitâ varietate imaginum permeent, etiam refringantur & reflectantur; Quòd Magnes per corpora omnigena, etiam maximè compacta, operetur. Sed (quod magis mirum est) quòd in his omnibus, in Medio adiaphoro (quale est Aer) vnius actio aliam non magnoperè impediatur; Nempe, quòd eodem tempore, per spatia Aëris deuehantur & Visibilia tot imagines; & Vocis articulatæ tot percussiones; & tot odores specificati, vt Viola, Rosæ; etiam Calor & Frigus; & virtutes Magneticæ; Omnia (inquam) simul, vno alteram non impediante; ac si singula haberent vias & meatus suos proprios separatos, neque vnum in alterum impingeret aut incurreret.

Solemus tamèn utilitèr huiusmodi Instantijs Persecantibus subiungere Instantias, quas Metas persecutionis appellare consueuimus: veluti, quòd in ijs, quæ diximus, vna actio in diuerso genere aliam non perturbet aut impediatur; cum tamen in eodem genere, vna aliam domet & extinguat: veluti, lux Solis, lucem Cincidelæ; sonitus Bombardæ, vocem; fortior Odor, deli-

catiores; intensior Calor, remissiores; Lamina Ferri interposita inter Magnetem & aliud Ferrum, operationem Magnetis. Verum de his quoque, inter Adminicula Inductionis, erit proprius dicendi locus.

XLIV.

ATque de Instantijs, quæ iuuant Sensum, iam dictum est: quæ præcipui vsûs sunt ad partem Informatiuam. Informatio enim incipit à Sensu. At vniuersum negotium desinit in Opera: Atque quemadmodum illud principium, ita hoc finis rei est. Sequentur itaque Instantiæ præcipui vsûs ad partem Operatiuam. Eæ genere duæ sunt, numero septem: Quas vniuersas, generali nomine, Instantias Practicas appellare consueuimus. Operatiuæ autem Partis, Vitia duo; totidemque Dignitates Instantiarum in genere. Aut enim fallit Operatio, aut onerat nimis. Fallit Operatio maximè (præsertim post diligentem Naturarum Inquisitionem) propter malè determinatas & mensuratas Corporum vires & actiones. Vires autem & Actiones corporum circumscribuntur & mensurantur, aut per spatia Loci, aut per momenta Temporis, aut per unionem Quanti, aut per prædominantiam Virtutis: quæ quatuor nisi fuerint probè & diligentèr pensitata, erunt fortasse Scientiæ speculatione quidè pulchræ, sed opere inactiuæ. Instantias verò quatuor itidem, quæ huc referuntur, vno nomine Instantias Mathematicas vocamus, & Instantias Mensuræ.

Onerosa autem fit Praxis, vel propter Misturam rerum

rerum inutilium; vel propter Multiplicationem instrumentorum; vel propter Molem materiæ, & Corporum quæ ad aliquod opus requiri contigerint. Itaque eæ Instantiæ in pretio esse debent, quæ aut dirigunt Operatiuam ad ea quæ maximè hominum intersunt; aut quæ parant Instrumentis; aut quæ parant Materiæ siue Suppellectili. Eas autem tres Instantias, quæ huc pertinent vno nomine, Instantias Propitias siue Beneuolas vocamus. Itaque de his septem Instantiis iam sigillatim dicemus: atque cum ijs partem illam de Prærogatiuis siue Dignitatibus Instantiarum claudemus.

XLV.

Inter Prærogatiuas Instantiarum ponemus loco vicesimo primo Instantias Virgæ, siue Radij; quas etiam Instantias Perlationis, vel de Non vltra appellare consueuimus. Virtutes enim rerum & Motus operantur & expediuntur per spatia, non indefinita aut fortuita, sed finita & certa; quæ vt in singulis Naturis Inquisitis teneantur & notentur, plurimum interest Practicæ; non solum ad hoc, vt non fallat, sed etiam vt magis sit aucta & potens. Etenim interdum datur Virtutes producere, & Distantias tanquam retrahere in propius; vt in Perspecillis.

Atque plurimæ Virtutes operantur & afficiunt tantum per Tactum manifestum; vt sit in percussione Corporum, vbi alterum non summonet alterum, nisi impellens impulsum tangat. Etiam Medicinæ, quæ exterius applicantur, vt Unguenta, Emplastra, non exercent

cent vires suas, nisi per Tactum Corporis. Deniquè Obiecta Sensuum, Tactûs & Gustûs, non ferunt nisi contigua Organis.

Sunt & aliæ Virtutes quæ operantur ad Distantiam, verùm valdè exiguam, quarum paucae adhuc notatæ sunt, cùm tamen plures sint quàm homines suspicentur: vt (capiendo exempla ex Vulgatis) cùm Succinum aut Gagates trahunt paleas; Bullæ approximatae solvunt bullas; Medicinæ nonnullæ Purgatiuæ eliciunt humores ex alto, & huiusmodi. At Virtus illa Magnetica per quam Ferrum & Magnes, vel Magnetes inuicem coeunt, operatur intra orbem Virtutis certum, sed paruum: Ubi contrà, si sit aliqua Virtus Magnetica emanans ab ipsâ Terrâ (paulò nimirum interiore) super Acum ferream; quatenus ad verticitatem; operatio fiat ad Distantiam magnam.

Rursus, si sit aliqua Vis Magnetica, quæ opereatur per Consensum, inter globum Terræ & Ponderosa, aut inter globum Lunæ & Aquas Maris (quæ maximè credibilis videtur in Fluxibus & Refluxibus Semi-menstruis) aut inter Cælum Stellatum & Planetas, per quam euocentur & attollantur ad sua Apogæa; Hæc omnia operantur ad Distantias admodum longinquas. Inueniuntur & quædam Inflammationes siue Conceptiones Flammæ, quæ sunt ad Distantias benè magnas, in aliquibus Materijs; vt referunt de Naphthâ Babylonicâ. Calores etiam insinuant se per Distantias amplas; quod etiam faciunt Frigora; adeò vt Habitantibus circa Canadam, Moles siue Massæ glaciales quæ abrumpuntur & natant per Oceanum
Septen-

Septentrionalē, & deferuntur per Atlanticum versūs illas oras, percipiuntur & incutiant frigora è longinquo. Odores quoque (licet in his videatur semper esse quædam Emissio corporea) operantur ad Distantias notabiles; ut euenire solet nauigantibus iuxta litora Floridæ, aut etiam nonnulla Hispaniæ, ubi sunt Syluæ totæ ex arboribus Limonum, Arantiorum, & huiusmodi Plantarum odoratarum, aut frutices Rorismarini, Maioranæ, & similia. Postremò Radiationes Lucis, & Impressiones Sonorum operantur scilicet ad Distantias spatiosas.

Verùm hæc omnia utcumque operentur ad Distantias paruas siue magnas, operantur certè ad finitas & Naturæ notas, ut sit quiddam Non vltra; idque pro rationibus, aut Molis seu Quanti Corporum; aut Vigoris & Debilitatis Virtutum; aut Favoribus & Impedimentis Mediorum; quæ omnia in Computationem venire & notari debent. Quin etiam Mensuræ Motuum Violentorum (quos vocant) ut Missilium, Tormentorum, Rotarum, & similia, cum hæ quoque manifestò suos habeant limites certos, notandæ sunt.

Inueniuntur etiam quidam Motus & Virtutes contrariæ illis quæ operantur per Tactum, & non ad Distans; quæ operantur scilicet ad Distans, & non ad Tactum; Et rursus, quæ operantur remissiùs ad Distantiam minorem, & fortiùs ad distantiam maiorem. Etenim Visio non bene transigitur ad Tactum sed indiget Medio & Distantiâ. Licet meminero me audisse ex relatione cuiusdam fide digni, quòd ipse

in

in curandis oculorum suorum Cataractis (erat autem Cura talis, vt immitteretur Festuca quædam parua argentea intra primam oculi tunicam, quæ pelliculam illam Cataractæ remoueret & truderet in angulum oculi) clarissimè vidisset Festucam illam supra ipsam pupillam mouentem. Quod vtcunque verum esse possit, manifestum est maiora corpora non bene aut distinctè cerni, nisi in cuspide Coni, coeuntibus radijs Obiecti ad nonnullam Distantiam. Quin etiam in Senibus Oculus meliùs cernit remoto Obiecto paulò longiùs, quàm propiùs. In Missilibus autem certum est percussionem non fieri tam fortem ad Distantiam nimis parua, quàm paulò post. Hæc itaque & similia in Mensuris Motuum quoad Distantias notanda sunt.

Est & aliud genus Mensuræ Localis Motuum, quod non prætermittendum est. Illud verò pertinet ad Motus non Progressiuos, sed Sphæricos; hoc est, ad Expansionem Corporum in maiorem Sphæram, aut Contractionem in Minorem. Inquirendum enim est inter Mensuras istas motuum, quantam Compressionem aut Extensionem Corpora (pro Naturâ ipsorum) facillè & libenter patiantur, & ad quem Terminum reluctari incipiant, adeò vt ad extremum Non vltra ferant; vt cum Vesica inflata comprimitur, sustinet illa Compressionem nonnullam Aeris; sed si maior fuerit; non patitur Aer, sed rumpitur Vesica.

At Nos hoc ipsum subtiliore Experimento magis exactè probauimus. Accepimus enim Campanulam ex Metallo, leuiorem scilicet & tenuiorem, quali ad
exci.

excipiendum Salem vtimur; eamque in peluim Aquæ immisimus, ita vt deportaret secum Aerem, qui continebatur in Concauo, vsque ad fundum peluis. Locaueramus autem prius Globulum in fundo peluis, super quem Campanula imponenda esset. Quare illud eueniebat, vt si Globulus ille esset minusculus (pro ratione Concaui) reciperet se Aer in locum minorem, & contruderetur solum, non extruderetur. Quid si grandioris esset magnitudinis, quam vt Aer libenter cederet; tum Aer maioris Pressuræ impatiens, Campanulam ex aliquâ parte eleuabat, & in bullis ascende-
bat.

Etiam ad probandum qualem Extensionem (non minùs quàm Compressionem) pateretur Aer, tale quippiam practicauius. Ouum vitreum accepimus, cum paruo foramine in vno extremo Oui. Aerem per foramen exuctione forti attraximus, & statim digito foramen illud obturauius; & Ouum in Aquam immerimus, & dein digitum remouimus. Aer verò Tensurâ illâ per exuctionem factâ, tortus, & magis quàm pro Naturâ suâ dilatatus, ideòque se recipere & contrahere nitens (ita vt si Ouum illud in Aquam non fuisset immersum, Aerem ipsum traxisset cum Sibili) Aquam traxit ad tale Quantum, quale sufficere posset ad hoc, vt Aer antiquam recuperaret Sphæram suæ Dimensionem.

Atque certum est Corpora tenuiora (quale est Aer) pati Contradictionem nonnullam notabilem, vt dictum est: At Corpora tangibilia (quale est Aqua) multò ægrius, & ad minus spaciū patiuntur Compressionem.

Nⁿ

Qua-

Qualem autem patiatur, tali Experimento inquisuimus.

Fieri fecimus Globum ex plumbo Cauum, qui duas circiter pintas vinarias contineret; eumque satis per latera crassum, ut maiorem vim sustineret. In illum Aquam immisimus, per foramen alicubi factum; atque foramen illud, postquam Globus Aquâ impletus fuisset, plumbo liquefacto obturauimus, ut Globus deueniret planè consolidatus. Dein Globum forti Malleo ad duo latera aduersa complanauimus; Ex quo necesse fuit Aquam in minùs contrahi, cùm Sphæra Figurarum sit capacissima. Deinde, cùm Malleatio non ampliùs sufficeret, ægriùs se recipiente Aquâ, Molendino seu Torculari vsi sumus; ut tandem Aqua impatiens Pressuræ vltioris, per solida plumbi (instar Roris delicati) exstillaret. Postea, quantum spatij per eam Compressionem imminutum foret, computauimus: Atque tantam Compressionem passam esse Aquam (sed violentiâ magnâ subactam) intelleximus.

At Solidiora, Sicca, aut magis Compacta, qualia sunt Lapides & Ligna, necnon Metalla, multò adhuc minorem Compressionem aut Extensionem, & ferè imperceptibilem ferunt; sed vel Fractione, vel Progressione, vel alijs Perturbationibus se liberant; ut in Curuationibus Ligni aut Metalli Horologijs mouentibus per Complicationem laminæ, Missilibus, Malleationibus, & innumeris alijs Motibus apparet. Atque hæc omnia cum Mensuris suis in Indagatione Naturæ notanda & exploranda sunt; aut in Certitudine
sua

suâ, aut per Æstimatiuas, aut per Comparatiuas, prout dabitur Copia.

XLVI.

Inter Prærogatiuas Instantiarum ponemus locò vicesimo secundo Instantias Curriculi, quas etiam Instantias ad Aquam appellare consueuimus; sumpto vocabulo à Clepsydris apud Antiquos, in quas infundebatur Aqua, loco Arenæ. Ex mensurant Naturam, per Momenta Temporis, quemadmodum Instantiæ Virgæ per Gradus Spatij. Omnis enim & Motus siue Actio Naturalis transigitur in Tempore; alius velocius, alius tardius, sed utcunque Momentis certis, & Naturæ notis. Etiam illæ Actiones, quæ subito videntur operari, & in fectu oculi (ut loquimur) deprehenduntur recipere Maius & Minus quoad Tempus.

Primò itaque videmus Restitutiones Corporum Cœlestium fieri per Tempora numerata; etiam Fluxus & Refluxus Maris. Latio autem Grauium versùs Terram, & Leuium versùs ambitum Cœli, fit per certa Momenta, pro ratione Corporis quod fertur, & Medij. At Velificationes Nauium, Motus Animalium, Perlationes Missilium, omnes fiunt itidem per Tempora (quantum ad Summas) numerabilia. Calorem verò quod attinet, videmus Pueros per hyemem manus in flammâ lauare, nec tamen vri; & Ioculatores vasa plena Vino vel Aquâ, per motus agiles & æquales vertere deorsùm, & sursùm recuperare, non effuso liquore, & multa huiusmodi. Nec minùs ipsæ Com-

pressiones, & Dilatationes, & Eruptiones Corporum sunt, aliæ velocius, aliæ tardiùs, pro Naturâ Corporis & Motûs, sed per Momenta certa. Quinetiam in explosione plurium Bombardarum simul, quæ exaudiuntur quandoquæ ad Distantiam triginta miliarium, percipitur Sonus priùs ab ijs qui propè absunt à loco ubi fit Sonitus, quàm ab ijs qui longè. At in Visu (cuius Actio est perniciosissima) liquet etiàm requiri ad eum actuandum Momenta certa Temporis; idque probatur ex ijs, quæ propter Motûs velocitatem non cernuntur; vt ex latione pilæ ex Scloppeto. Velocior enim est præteruolatio pilæ, quàm impressio Speciei eius quæ deferri poterat ad Visum.

Atque hoc, cum similibus, nobis quandoquæ dubitationem peperit planè monstrosam; videlicèt, utrùm Cæli Sereni & Stellati Facies ad idem Tempus cernatur quandò verè existit, an potiùs aliquantò post; Et utrùm non sit (quatenùs ad Visum Cœlestium) non minùs Tempus verum, & Tempus visum, quàm Locus verus, & Locus visus, qui notatur ab Astronomis in Parallaxibus. Adeò incredibile nobis videbatur, Species siue Radios Corporum Cœlestium, per tam immensa spatia miliarium subito deferri posse ad Visum; sed potiùs debere eas in tempore aliquo notabili delabi. Verùm illa Dubitatio (quoad maius aliquod interuallum Temporis inter Tempus Verum & Visum) postea planè euauit; Reputantibus nobis iacturam illam infinitam, & diminutionem Quanti, quatenùs ad apparentiam inter Corpus Stellæ Verum, & Speciem Visam, quæ causatur à Distantiâ; Atque simul Notantibus ad quantam

tam Distantiam (sexaginta scilicet ad minimum miliariorum) Corpora, eaque tantum Albicantia, subito hic apud nos cernantur; cum dubium non sit Lucem Caelestium, non tantum Albedinis viuidum colorem, verum etiam omnis Flammæ (quæ apud nos nota est) Lucem, quoad vigorem radiationis multis partibus excedere; Etiam immensa illa Velocitas in ipso Corpore, quæ cernitur in Motu Diurno (quæ etiam viros graues ita obstupefecit, vt mallent credere Motum Terræ) facit Motum illum, Eiaculationis Radiorum ab ipsis (licet celeritate, vt diximus, mirabilem) magis credibilem. Maximè verò omnium nos mouit, quòd si interponeretur interuallum Temporis aliquod notabile inter Veritatem & Visum, foret vt Species, per nubes interim orientes, & similes Medij perturbationes, interciperentur sæpenumerò, & confunderentur. Atque de Mensuris Temporum Simplicibus hæc dicta sint.

Verum non solum quærenda est Mensura Motuum & Actionum Simpliciter, sed multò magis Comparatiuè: Id enim eximij est vsus, & ad plurima spectat. Atque videmus Flammam alicuius Tormenti ignei citiùs cerni, quàm Sonitus audiatur; licet necesse sit pilam priùs Aërem percutere, quàm Flamma quæ ponè erat, exire potuerit; fieri hoc autem propter velociorem transactionem Motus Lucis, quàm Soni. Videmus etiam Species Visibiles à Visu citiùs excipi, quàm dimitti; vnde fit quòd Nervi Fidium digito impulsus, duplicentur, aut triplicentur quoad Speciem, quia Species noua recipitur, antequàm Prior demittatur; Ex quo etiam fit, vt Annuli rotati videantur globosi, &

Fax

Fax ardens noctù velocitèr portata, conspiciatur Caudata. Etiam ex hoc fundamento Inæqualitatis Motuum quoad Velocitatem, excogitauit Galilæus Causam Fluxûs & Refluxûs Maris; rotante Terrâ velocius, Aquis tardiùs; ideóque accumulantiùs se Aquis in sursùm, & deinde per vices se remittentiùs in deorsùm; vt demonstratur in vase Aquæ incitatiùs mouente. Sed hoc commentus est concesso non concessibili, (quòd, Terra nempe moueatur;) ac etiam non benè informatus de Oceani Motu Sexhorario.

At Exemplum huius rei de quâ agitur, videlicèt de Comparatiuis Mensuris Motuum, neque solùm rei ipsius, sed & Vsûs insignis eius, (de quo paulò antè loquuti sumus) eminet in Cuniculis subterraneis, in quibus collocatur Puluis pyrius; vbi immensæ Moles Terræ, Ædificiorum, & similium, subuertuntur, & in altum iaciuntur, à pusillâ quantitate Pulueris pyrij. Cuius Causa pro certo illa est, quòd Motus Dilatationis Pulueris qui impellit, multis partibus sit perniciosior, quàm Motus Gravitatis per quem fieri possit aliqua resistentia; adeò vt primus Motus perfunctus sit, antequàm Motus aduersus inceperit; vt in principijs nullitas quædam sit resistentiæ. Hinc etiam fit, quòd in omni Missili, factus non tam robustus, quàm acutus & celer, ad Perlacionem potissimùm valeat. Neque etiam fieri potuisset, vt parua quantitas Spiritûs Animalis in Animalibus, præsertim in tam vastis Corporibus, qualia sunt Balenæ aut Elephanti, tantam molem corpoream flecteret & regeret; nisi propter Velocitatem Motûs Spiritûs, & hebetudinem Corporeæ molis, quatenùs ad expediendam suam resistentiam. Deni-

Denique, hoc vnum ex præcipuis fundamentis est Experimentorum Magicorum, de quibus mox dicemus; vbi scilicet parua Moles Materiæ longè maiorem superat, & in ordinem redigit: Hoc inquam; Si fieri possit Anteuersio Motuum per Velocitatem vnius, antequàm alter se expediat.

Postremò, Hoc ipsum Prius & Posterius in omni Actione Naturali notari debet; veluti quòd in Infusione Rhabarbari eliciatur Purgatiua vis prius, Astringentiua post; Simile quiddam etiam in Infusione Violarum in Acetum experti sumus; vbi primò excipitur suavis & delicatus Floris odor; post, pars Floris magis terrea, quæ odorem confundit. Itaque si infundantur Violæ per diem integrum, Odor multò languidiùs excipitur, quòd si infundantur per partem quartam horæ tantum, & extrahantur; & (quia paucus est Spiritus odoratus qui subsistit in Viola) infundantur post singulas quartas horæ Violæ nouæ & recentes ad sexies; tum demùm nobilitatur Infusio, ita vt licet non manserint Violæ, vtcunquè renouatæ, plus quàm ad sesquihoram; tamen permanserit Odor gratissimus, & Violâ ipsâ non inferior, ad annum integrum. Notandum tamen est, quod non se colligat Odor ad vires suas plenas, nisi post mensem ab Infusione. In Distillationibus verò Aromatum maceratorum in spiritu vini patet quòd surgat primò phlegma aqueum & inutile; deinde, Aqua plus habens ex spiritu vini, deinde post aqua plus habens ex Aromate. Atque huius generis quamplurima inueniuntur in Distillationibus notatu digna. Verùm hæc sufficiant ad Exempla.

Inter

XLVII.

INter Prærogatiuas Instantiarum ponemus loco Viceſimo tertio Instantias Quanti, quas etiam Doſes Naturæ (Sumpto vocabulo à Medicinis) vocare conſueuimus. Eæ ſunt quæ Menſurant Virtutes per Quanta Corporum, & indicant quid Quantum Corporis faciat ad Modum Virtutis. Ac primò ſunt quædam Virtutes quæ non ſubſiſtunt niſi in Quanto Coſmico, hoc eſt, tali Quanto quod habeat conſenſum cum Configuratione & Fabricâ Uniuerſi. Terra enim ſtat; partes eius cadunt. Aquæ in Mari- bus fluunt & refluunt; in Fluijs minimè, niſi per in- greſſum Maris. Deinde etiam omnes ferè Virtutes particulares ſecundum Multum aut Parum Corporis operantur. Aquæ largæ non facile corrumpuntur; exi- guæ citò. Muſlum & Ceruiſia matureſcunt longè citiùs & ſiunt potabilia in vtribus paruis, quàm in dolijs mag- nis. Si Herba ponatur in maiore portione Liquoris, ſit Infuſio, magis quàm Imbibitio: Si in Minore, ſit Imbibitio, magis quàm Infuſio. Aliud igitur erga Corpus Humanum eſt Balneum, aliud leuis Irroratio. Etiam parui Rores in Aere nunquàm cadunt, ſed diſſipantur, & cum Aere incorporantur. Et videre eſt in anbelitu ſuper Gemmas, parum illud humoris, quaſi nubeculam vento diſſipatam, continuò ſolui. Eti- am Fruſtum eiſdem Magnetis non trahit tantum Ferri, quantum Magnes integer. Sunt etiam Vir- tutes in quibus Paruitas Quanti magis poteſt; vt in
pene-

penetrationibus, stylus acutus citius penetrat, quàm obtusus; Adamas punctuatus sculpsit in vitro; & similia.

Verùm non hîc morandum est in fndefinitis, sed etiam de Rationibus Quanti Corporis erga Modum Virtutis inquirendum. Procline enim foret credere, quòd rationes Quanti Rationes Virtutis adæquarent; ut si Pila plumbea vnius vnciæ caderet in tali tempore, pila vnciarum duarum deberet cadere duplò celerius, quod falsissimum est; Nec eadem rationes in omni genere Virtutum valent, sed longè diuersæ. Itaque hæ Mensuræ ex rebus ipsis petendæ sunt, & non ex verisimilitudine, aut Coniecturis.

Denique in omni Inquisitione Naturæ Quantum Corporis requiratur ad aliquod Effectum, tanquàm Dosis, notandum; & Cautiones de Nimis & Parùm aspergendæ.

XLVIII.

INter Prærogatiuas Instantiarum, ponemus loco Vicesimo quarto Instantias Luctæ; quas etiam Instantias Prædominantia appellare consueuimus. Eæ indicant Prædominantiam & Cessionem Virtutum ad Inuicem; & quæ ex illis sit fortior & vincat, quæ infirmior & succumbat. Sunt enim Motus & Nixus Corporum compositi, decompositi, & complicati, non minùs quàm Corpora ipsa. Proponemus igitur primùm Species præcipuas Motuum siue Virtutum Actiuarum; ut magis perspicua sit ipsarum Comparatio in Robore, & exindè Demonstratio

Oo

atque

atque Designatio Instantiarum Luctæ & Prædominantia.

Motus primus sit Motus Antitypiæ Materiae, quæ inest in singulis portionibus eius; per quem planè Annihilari non vult: ita vt nullum incendium, nullum pondus, aut depressio, nulla violentia, nulla denique atas aut diuturnitas temporis possit redigere aliquam vel minimam portionem Materiae in Nihilum; quin illa & sit Aliquid, & Loci aliquid occupet; & se (in qualicunque necessitate ponatur) vel Formam mutando vel Locum, liberet; vel (si non detur copia) vt est, subsistat; neque vnquam res eò deueniat, vt aut Nihil sit, aut Nullibi. Quem Motum Schola (quæ semper ferè & denominat & desinit Res, potius per Effectus & Incommoda, quam per Causas Interiores) vel denotat per illud Axioma, quòd Duo corpora non possint esse in vno loco; vel vocat Motum, Ne fiat penetratio dimensionum. Neque huius Motûs exempla proponi consentaneum est: fneest enim omni Corpori.

Sit Motus Secundus, Motus (quem appellamus) Nexûs; per quem Corpora non patiuntur se ullâ ex parte sui dirimi à contactu alterius Corporis, vt quæ mutuo nexu & contactu gaudeant. Quem Motum Schola vocat Motum, Ne detur vacuum: Veluti cùm Aqua attrahitur sursùm exuctione, aut per Fistulas; Caro per Ventosas; aut cùm Aqua sistitur, nec effluit in Hydrijs perforatis, nisi os Hydriæ ad immittendum Aërem aperiatur; & innumera id genus.

Sit

Sit *Motus Tertius*, *Motus* (quem appellamus) *Libertatis*; per quem *Corpora* se liberare nituntur à *Pressurâ* aut *Tensurâ* *Præter-naturali*, & reslituere se in *Dimensum* corpori suo conueniens. Cuius *Motûs* etiam innumera sunt exempla: Veluti (quatenus ad *Liberationem* à *Pressurâ*) *Aquæ* in *Natando*, *Aëris* in *volando*; *Aquæ* in *Remigando*, *Aëris* in *undulationibus Ventorum*, *Laminæ* in *Horologijs*. Nec inelegantèr se ostendit *Motus Aëris compressi* in *Sclopetis ludicris puerorum*, cum *Alnum* aut simile quiddam *excauant*, & *infarciunt* frusto alicuius *Radici succulentæ*, vel *similium*, ad utrosque fines; deinde per *Embolum* *trudunt radicem*, vel huiusmodi *farcimentum* in *foramen alterum*: Unde *emittitur* & *eijcitur Radix* cum *sonitu* ad *foramen alterum*, idque antequàm *tangatur à Radice* aut *Farcimento citimo*, aut *Embolo*. Quatenus verò ad *Liberationem* à *Tensurâ*, ostendit se hic *Motus* in *Aëre* post *exuctionem* in *Ovis vitreis* remanente; in *Chordis*, in *Corio*, & *Panno*; *resilientibus* post *Tensuras suas*, nisi *Tensuræ illæ* per *moram* *inualuerint*, &c. Atque hunc *Motum* *Schola* sub nomine *Motûs* ex *Formâ Elementi* innuit: satis quidem *inscitè*, cum hic *Motus* non tantum ad *Aërem*, *Aquam*, aut *Flammam* pertineat, sed ad omnem *diuersitatem Consistentiæ*; ut *Ligni*, *Ferri*, *Plumbi*, *Panni*, *Membranae*, &c. in quibus, *singula Corpora suæ* habent *Dimensionis modulum*; & ab eo ægrè ad *spatium aliquod notabile abripiuntur*. Verum quia *Motus iste Libertatis* omnium est maximè *obuius*, & ad *infinita spectans*; consultum fuerit eum *benè* & *perspicuè*

distinguere. Quidam enim valdè negligentè confun-
dunt hunc Motum, cum gemino illo Motu Antitypiæ
& Nexûs; Liberationem scilicèt à Pressurâ, cum
Motu Antitypiæ; à Tensurâ, cum Motu Nexûs: ac
si ideò cederent aut se dilatarent corpora compressa, ne
sequeretur Penetratio dimensionum; ideò resilirent
& contraherent se Corpora tensa, nè sequeretur Va-
cuum. Atqui si Aër compressus se vellet recipere
in densitatem Aquæ, aut Lignum in densitatem Lapi-
dis; nil opus foret penetratione dimensionum: &
nihilominùs longè maior posset esse Compressio illorum,
quàm illa vlllo modo patiuntur. Eodem modo si Aqua se
dilatare vellet in raritatem Aëris, aut Lapis in rari-
tatem Ligni; non opus foret vacuo: & tamen longè
maior posset fieri Extensio eorum, quàm illa vlllo modo
patiuntur. Itaque non reducitur res ad Penetratio-
nem dimensionum, & Vacuum, nisi in ultimitati-
bus Condensationis & Rarefactionis: cum tamen isti
Motus longè citrà eas sistant & versentur; neque
aliud sint, quàm Desideria Corporum conseruandi se
in Consistentijs suis, (sue, si malint, in Formis suis)
nec ab ijs recedendi subitò, nisi per modos suaves, ac
per consensum alterentur. At longè magis necessarium
est (quia multa secum trahit) vt intimetur hominibus;
Motum Violentum (quem nos Mechanicum; De-
mocritus, qui in Motibus suis primis expediendis etiam
infra Mediocres Philosophos ponendus est, Motum
Plagæ vocauit) nil aliud esse quàm Motum Liber-
tatis, scilicèt à Compressione ad Relaxationem. Ete-
nim in omni sue simplici Protrusione, sue Volatu per
aërem,

aërem, non fit *summotio* aut *Latio Localis*, antequàm partes Corporis *Præter-naturalitèr* patiantur & comprimantur ab *Impellente*. Tum verò *Partibus alijs alias per succeſſionem trudentibus*, fertur *Totum*; nec ſolum *Progrediendo*, ſed etiam *Rotando ſimul*; vt etiam hoc modo *Partes ſe liberare*, aut magis ex æquo tolerare poſſint. Atque de hoc *Motu* hæc enĩs.

Sit *Motus Quartus*, *Motus* cui nomen dedimus *Motus Hyles*: Qui *Motus Antistrophus* eſt quodammodò *Motui*, de quo diximus, *Libertatis*. Etenim in *Motu Libertatis* *Corpora nouum Dimenſum*, ſue nouam *Sphæram*, ſue nouam *Dilatationem* aut *Contractionem* (hæc enim *Verborum* varietas idem innuit) exhorrent, reſpuunt, fugiunt, & reſilire ac veterem *Conſiſtentiam* recuperare totis viribus contendunt. At contrà in hoc *Motu Hyles*, *Corpora nouam Sphæram* ſue *Dimenſum* appetunt; atque ad illud libentèr & properè, & quandoquè valentiſſimo nixu (vt in *Pulvere Pyrio*) aſpirant. *Inſtrumenta* autem huius *Motus*, non ſola certè, ſed potentiſſima, aut ſaltèm frequentiſſima, ſunt *Calor* & *Frigus*. Exempli gratià: *Aër*, ſi per *Tenſuram* (velut per exuſionem in *Ovis vitreis*) dilatetur, magno laborat deſiderio ſeipſum reſtituendi. At admoto *Calore*, è contrà appetit dilatari, & concupiſcet nouam ſphæram, & tranſit & migrat in illam libentèr, tanquàm in nouam *Formam* (vt loquuntur) Nec poſt dilatationem nonnullam de reditu curat, niſi per admotionem *Frigidi* ad eam inuitetur; quæ non *Reditus* eſt, ſed *Transmutatio repetita*. Eodem modo & *Aqua*, ſi per compreſſionem ardeatur, recalcitrât;

calcitrat; & vult fieri qualis fuit, scilicèt latior. At si interueniat Frigus intensum & continuatum, mutat se sponte sua & libentè in condensationem Glaciei: atque si planè continuetur Frigus, nec à teporibus interrumpatur, (vt fit in Speluncis & Cauernis paulò profundioribus) vertitur in Crystallum, aut materiam similem, nec vnquam restituitur.

Sit *Motus Quintus*, *Motus Continuationis*: Intelligimus autem non Continuationis simplicis & primariæ, cum corpore aliquo altero; (nam ille est *Motus Nexûs*) sed Continuationis sui, in Corpore certo. Certissimum enim est, quòd Corpora omnia solutionem Continuitatis exhorreant; alia magis, alia minus, sed omnia aliquatenùs. Nam vt in Corporibus Duris (veluti Chalybis, Vitri) Reluctatio contra Discontinuationem est maximè robusta & valida; ita etiam in Liquoribus, vbi cessare aut languere saltem videtur *Motus* eiusmodi, tamen non prorsus reperitur Priuatio eius; sed planè inest ipsis in gradu tanquam infimo, & prodit se in Experimentis plurimis; sicut in Bullis, in rotunditate Guttarum, in filis tenuioribus Stillicidiorum, & in sequacitate Corporum Glutinosorum, & eiusmodi. Sed maximè omnium se ostendit Appetitus iste, si Discontinuatō tentetur vsque ad fractiones minores. Nam in Mortarijs, post contusionem ad certum gradum, non ampliùs operatur Pistillum: Aqua non subintrat rimas minores: Quin & ipse Aër, non obstante subtilitate corporis ipsius, Poros Vasorum paulò solidiorum non pertransit subito, nec nisi per diuturnam insinuationem.

Sit

Sit Motus Sextus , Motus quem nominamus Motum ad Lucrum , siue Motum Indigentiae. Is est , per quem Corpora , quando versantur inter planè Heterogenea & quasi inimica ; si fortè nanciscantur copiam aut commoditatem euitandi illa Heterogenea , & se applicandi ad magis Cognata ; (licèt illa ipsa Cognata talia fuerint , quæ non habeant arctum consensum cum ipsis) tamen statim ea amplectuntur , & tanquam potiora malunt ; & Lucri loco (unde vocabulum sumpsimus) hoc ponere videntur , tanquam talium Corporum indiga. Exempli gratia : Aurum , aut aliud Metallum foliatum non delectatur Aëre circumfuso. Itaque si Corpus aliquod Tangibile & Crassum nanciscatur , (ut Digitum , Papyrus , quiduis aliud) adhæret statim , nec faciliè diuellitur. Etiam Papyrus , aut Pannus , & huiusmodi , non bene se habent cum Aëre qui inseritur & commistus est in ipsorum Poris. Itaque Aquam aut Liquorem libentè imbibunt , & Aërem exterminant. Etiam Saccharum , aut Spongia infusa in Aquam aut Vinum , licèt pars ipsorum emineat & longè attollatur suprâ Vinum aut Aquam , tamen Aquam aut Vinum paulatim & per gradus attrahunt in sursum.

Unde optimus Canon sumitur Aperturæ & Solutionum Corporum. Missis enim Corrosiuis & Aquis fortibus , quæ viam sibi aperiunt ; si possit inueniri Corpus proportionatum & magis consentiens & amicum Corpori alicui solido , quàm illud cum quo tanquam per necessitatem commiscetur ; statim se aperit & relaxat Corpus , & illud alterum intrò recipit , priore excluso
aut

aut summoto. Neque operatur, aut potest iste Motus ad Lucrum, solummodò ad Tactum. Nam Electrica Operatio (de quâ Gilbertus, & alij post eum tantas excitârunt fabulas) non alia est quàm Corporis per frictionem leuem excitati Appetitus; qui Aërem non bene tolerat, sed aliud tangibile mauult, si reperiatur in propinquo.

Sit Motus Septimus, Motus (quem appellamus) Congregationis Maioris; per quem Corpora feruntur ad Massas Connaturalium suorum: Grauiâ, ad globum Terræ; Leuiâ, ad Ambitum Cœli. Hunc Schola nomine Motûs Naturalis insigniuit; leui contemplatione, quia scilicèt nil spectabile erat ab extrâ, quod eum Motum ciceret: (Itaque Rebus ipsis innatum atque insitum putauit:) Aut fortè quia non cessat. Nec mirum: Semper enim præstò sunt Cœlum & Terra; cùm è contrâ causæ & origines plurimorum ex reliquis Motibus interdum absint, interdum adsint. Itaque hunc, quia non intermittit, sed cæteris intermittentibus statim occurrit, Perpetuum & Proprium; reliquos, Ascititios posuit. Est autem iste Motus reuerà satis infirmus & hebes, tanquam is qui (nisi sit Mollies Corporis maior) cæteris Motibus, quandiu operantur, cedat & succumbat. Atque cùm hic Motus hominum cogitationes ita impleuerit, ut ferè reliquos Motus occultauerit; tamen parùm est quod homines de eo sciunt, sed in multis circa illum erroribus versantur.

Sit Motus Octauus, Motus Congregationis Minoris; per quem Partes Homogeneæ in Corpore aliquo

aliquo separant se ab Heterogeneis, & coeunt inter sese; per quem etiam Corpora Integra ex similitudine substantiae se amplectuntur & fouent, & quandoque ad distantiam aliquam congregantur, attrahuntur, & conueniunt: Veluti, cum in Lacte Flos lactis post moram aliquam supernatat; in Vino Faeces & Tartarum subsidunt. Neque enim haec sunt per Motum Grauitatis & Leuitatis tantum, vt aliae partes summit item petant, aliae ad imum vergant; sed multo magis per Desiderium Homogeneorum inter se coeundi, & se vniendi. Differt autem iste Motus à Motu Indigentiae, in duobus. Vno, quod in Motu Indigentiae sit stimulus maior Naturae malignae & contrariae: At in hoc Motu (si modo impedimenta & vincula absint) vniuntur partes per Amicitiam, licet absit Natura aliena quae litem moueat: Altero, quod arctior sit unio, & tanquam maiore cum delectu. In illo enim, modò euitetur Corpus inimicum, Corpora etiam non admodum cognata concurrunt: At in hoc coeunt Substantiae, germanae planè similitudine deuinctae; & conflantur tanquam in vnum. Atque hic Motus omnibus Corporibus Compositis inest; & se facile conspiciendum in singulis daret, nisi ligaretur & frenaretur per alios Corporum Appetitus & Necessitates, quae istam Coitionem disturbant.

Ligatur autem Motus iste plerumque tribus modis: Torpore Corporum; Fræno Corporis Dominantis; & Motu externo. Ad Torporem Corporum quod attinet; certum est inesse Corporibus tangibilibus Pigritiam quandam secundum magis & mi-

nus, & Exhorrentiam Motus Localis; ut nisi excitentur, malint statu suo (prout sunt) esse contenta, quàm in melius se expedire. Discutitur autem iste Torpor triplici Auxilio: aut per Calorem, aut per Virtutem alicuius Cognati corporis eminentem, aut per Motum viuidum & potentem. Atque primò quoad auxilium Caloris: hinc fit, quòd Calor pronuntietur esse illud quod separet Heterogenea, congreget Homogenea. Quam Definitionem Peripateticorum meritò derisit Gilbertus; dicens eam esse perinde ac si quis diceret ac definiret Hominem illud esse, quod serat Triticum, & plantet Vineas: esse enim Definitionem tantum per Effectus, eosque particulares. Sed adhuc magis culpanda est illa Definitio; quia etiam Effectus illi (quales, quales sunt) non sunt ex proprietate Caloris, sed tantum per accidens, (idem enim facit Frigus, ut postea dicemus) nempe ex desiderio partium Homogenearum coeundi; adiuuante tantum Calore ad discutiendum Torporem, qui Torpor desiderium illud antea ligauerat. Quoad verò Auxilium Virtutis inditæ à Corpore Cognato; illud mirabiliter elucescit in Magnete armato, qui excitat in Ferro virtutem detinendi Ferrum per similitudinem substantiæ, discusso Torpore Ferri per Virtutem Magnetis. Quoad verò Auxilium Motus, conspicitur illud in sagittis ligneis, cuspide etiam ligneâ; quæ altius penetrant in alia ligna, quàm si fuissent armatæ ferro, per similitudinem substantiæ; discusso Torpore Ligni per Motum celerem: de quibus duobus Experimentis etiam in Aphorismo de Instantijs Clandestinis, diximus.

Liga-

Ligatio verò Motûs Congregationis Minoris, quæ fit per Frænum Corporis Dominantis, conspicitur in Solutione Sanguinis & Urinarum per Frigus. Quamdiù enim repleta fuerint Corpora illa spiritu agili, qui singulas eorum partes cuiuscunque generis, ipse ut Dominus Totius ordinat & cohibet; tamdiù non coeunt Heterogenea propter Frænum: sed postquam ille Spiritus euaporauerit, aut suffocatus fuerit per Frigus, tum solutæ Partes à Fræno, coeunt secundum desiderium suum naturale. Atque ideò fit, ut omnia Corpora, quæ continent Spiritum acrem, (ut Sales, & huiusmodi) durent & non soluantur, ob Frænum permanens & durabile Spiritûs dominantis & imperiosi.

Ligatio verò Motûs Congregationis Minoris, quæ fit per Motum Externum, maximè conspicitur in Agitationibus Corporum, per quas arcetur putrefactio. Omnis enim Putrefactio fundatur in Congregatione Homogeneorum; unde paulatim fit Corruptio prioris (quam vocant) Formæ, & Generatio nouæ. Nam Putrefactionem, quæ sternit viam ad Generationem nouæ Formæ, præcedit Solutio veteris; quæ est ipsa Coitio ad Homogeniam. Ea verò si non impedita fuerit, fit Solutio simplex; sin occurrant varia quæ obstant, sequuntur Putrefactiones quæ sunt rudimenta generationis nouæ. Quòd si (id quod nunc agitur) fiat agitatio frequens per Motum Externum; tum verò Motus iste Coitionis (qui est delicatus & mollis, & indiget quiete ab externis) disturbatur & cessat; ut fieri videmus in innumeris: Veluti, cum quotidiana agitatio aut proflu-

entia Aquæ arceat Putrefactionem; Venti arceant pestilentiam Aëris; Grana in granarijs versa & agitata maneant pura; Omnia denique agitata exterius non facile putrescant interiùs.

Supereſt vt non omittatur Coitio illa Partium Corporum, vnde fit præcipuè Induratio & Deficcatio. Poſtquam enim Spiritus, aut Humidum in Spiritum verſum euclauerit in aliquo Corpore poroſiore, (vt in Ligno, Offe, Membranâ, & huiusmodi) tum Partes craſſiores maiore nixu contrahuntur & coëunt, vnde ſequitur Induratio aut Deficcatio: quod exiſtimamus fieri, non tam ob Motum Nexûs, ne detur Vacuum, quàm per Motum iſtum Amicitie & Unionis.

Ad Coitionem verò ad diſtans quod attinet, ea infrequens eſt & rara: & tamen in pluribus ineſt, quàm quibus obſeruatur. Huius ſimulacra ſunt, cùm Bulla ſoluat Bullam; Medicamenta ex ſimilitudine ſubſtantie trahant humores; Chorda in diuerſis fidibus ad Uniſonum moueat Chordam; & huiusmodi. Etiam in Spiritibus Animalium hunc Motum vigere exiſtimamus, ſed planè incognitum. At eminet certè in Magnete, & Ferro excito. Cùm autem de Motibus Magnetis loquimur, diſtinguendi planè ſunt. Quatuor enim Virtutes ſiue Operationes ſunt in Magnete, quæ non confundi, ſed ſeparari debent; licèt admiratio hominum & ſtupor eas commiſcuerit. Vna, Coitionis Magnetis ad Magnetem, vel Ferri ad Magnetem, vel Ferri exciti ad Ferrum. Secunda, Verticitatis eius ad Septentriones & Auſtrum, atque ſimul declinationis eius. Tertia, Penetrationis eius per Aurum, Vitrum, Lapidem,

Lapidem, omnia. Quarta, Communicationis Virtutis eius de Lapide in Ferrum, & de Ferro in Ferrum, absque Communicatione substantiæ. Verùm hoc loco de primâ Virtute eius tantum loquimur, videlicet Coitionis. Insignis etiam est Motus Coitionis Argenti Viui & Auri, adeò vt Aurum alliciat Argentum Viuum, licet confectum in vnguenta: atque Operarij inter vapores Argenti Viui soleant tenere in ore frustum Auri ad colligendas emissiones Argenti Viui, alias crania & ossa eorum inuasuras; vnde etiam frustum illud paulò post albescit. Atque de Motu Congregationis Minoris hæc dicenda sint.

Sit Motus Nonus, Motus Magneticus; qui licet sit ex genere Motus Congregationis Minoris, tamen si operetur ad Distantias magnas, & super Massas rerum magnas, Inquisitionem meretur separatam; præsertim si nec incipiat à Tactu, quemadmodum Plurimi, nec perducatur ad Tactum, quemadmodum omnes Motus Congregatiui; sed Corpora tantum eleuet, aut ea intumescere faciat, nec quicquam ultra. Nam si Luna attollat Aquas, aut turgescere aut intumescere faciat Humida; aut Cælum Stellatum attrahat Planetas versus sua Apogæa; aut Sol alliget Astra Veneris & Mercurij, nè longius absint à Corpore eius, quàm ad Distantiam certam; videntur hi Motus nec sub Congregatione Maiore, nec sub Congregatione Minore benè collocari; sed esse tanquam Congregatiua Media & imperfecta, ideoque Speciem debere constituere propriam.

Sit Motus Decimus, Motus Fugæ; Motus scilicet

cet Motui Congregationis Minoris contrarius; per quem Corpora ex Antipathia fugiunt & fugant inimica, seque ab illis separant, aut cum illis miscere se recusant. Quamuis enim videri possit in aliquibus hic Motus esse Motus tantum per accidens, aut per consequens, respectu Motus Congregationis Minoris, quia nequeunt coire Homogenea, nisi Heterogeneis exclusis & remotis: tamen ponendus est Motus iste per se, & in Speciem constituendus, quia in multis Appetitus Fugæ cernitur magis principalis, quam Appetitus Coitionis.

Eminet autem hic Motus insigniter in Excretionibus Animalium; nec minus etiam in Sensuum nonnullorum odiosis Obiectis, præcipuè in Olfactu & Gustu. Odor enim foetidus ita reijcitur ab Olfactu, ut etiam inducat in Os stomachi Motum Expulsionis per Consensum; Sapor amarus & horridus ita reijcitur à Palato aut Guttore, ut inducat per Consensum Capitis conquassationem & horrorem. Veruntamen etiam in alijs locum habet iste Motus. Conspicitur enim in Antiperistasis nonnullis; ut in Aeris mediâ Regione, cuius Frigora videntur esse Reiectiones Naturæ frigida ex Confinijs Cælestium; quemadmodum etiam videntur magni illi feruores & inflammationes quæ inueniuntur in locis subterraneis, esse Reiectiones Naturæ calida ab interioribus Terræ. Calor enim & Frigus, si fuerint in Quanto minore, se inuicem perimunt; sin fuerint in Massis maioribus, & tanquam iustis exercitibus, tum verò per Conflictum se locis inuicem summonent, & eiiciunt. Etiam tradunt Cinamomum & Odorifera
fit a

sita iuxta latrinas & loca foetida, diutiùs odorem retinere, quia recusant exire & commisceri cum foetidis. Certè Argentum viuum, quod aliàs se reuniret in Corpus integrum, prohibetur per saliuam hominis, aut Axungiam porci, aut Terebinthinam, & huiusmodi, ne partes eius coëant; propter malum Consensum quem habent cum huiusmodi Corporibus; à quibus vndique circumfusus se retrahunt; adeò vt fortior sit earum Fuga ab istis interiacentibus, quàm desiderium uniendi se cum partibus sui similibus; id quod vocant Mortificationem Argenti viui. Etiam quòd Oleum cum Aquâ non misceatur, non tantùm in Causâ est differentia Leuitatis; sed malus ipsorum Consensus: vt videre est in Spiritu vini, qui cum leuior sit Oleo, tamen se benè miscet cum Aquâ. At maximè omnium insignis est Motus Fugæ in Nitro, & huiusmodi Corporibus crudis, quæ Flammam exhorrent; vt in puluere pyrio, Argentito viuo, necnon in Auro. Fuga verò ferri ab altero polo Magnetis, à Gilberto bene notatur non esse Fuga propria, sed Conformitas, & Coitio ad situm magis accommodatum.

Sit Motus Undecimus, Motus Afsimulationis, siue Multiplicationis sui, siue etiam Generationis simplicis. Generationem autem simplicem dicimus non Corporum Integralium, vt in Plantis, aut Animalibus; sed Corporum similarium. Nempe per hunc Motum Corpora similia vertunt Corpora alia affinia, aut saltem benè disposita & præparata, in Substantiam & Naturam suam; vt Flamma, quæ super halitus & oleosa multiplicat se, & generat nouam

uam Flammam; Aer, qui super Aquam & Aquea multiplicat se, & generat nouum Aerem; Spiritus Vegetabilis & Animalis, qui super tenuiores partes tam Aquei quàm Oleosi in alimentis suis multiplicat se, & generat nouum Spiritum; partes solidæ plantarum & Animalium, veluti Folium, Flos, Caro, Os, & sic de cæteris, quæ singulæ ex Succis alimentorum assimilant & generant substantiam successiuam, & Epiusiam. Neque enim quenquam cum Paracelso delirare iuuat, qui (distillationibus suis scilicet occæcatus) Nutritionem per separationem tantum fieri voluit; quodque in Pane vel Cibo lateat Oculus, Nasus, Cerebrum, Iecur; in succo Terræ Radix, Folium, Flos. Etenim sicut Faber ex rudi Massâ lapidis vel ligni, per Separationem & Reiectionem superflui educit Folium, Florem, Oculum, Nasum, Manum, Pedem, & similia; ita Archæum illum Fabræ internum ex alimento per Separationem & Reiectionem educere singula membra & partes asserit ille. Verum missis nugis, certissimum est partes singulas, tam similes, quàm Organicas, in Vegetabilibus & Animalibus, succos alimentorum suorum ferè communes, aut non multum diuersos, primò attrahere cum nonnullo delectu, deinde assimilare, & vertere in Naturam suam. Neque Assimilatio ista, aut Generatio simplex fit solum in Corporibus Animatis; verum & Inanimata ex hac re participant; veluti de Flammâ & Aere dictum est. Quinetiam Spiritus emortuus, qui in omni Tangibili Animato continetur, id perpetuò agit, ut partes crassiores digerat & vertat in Spiritum,

qui

qui deinde exeat ; vnde fit diminutio ponderis & exsiccatio, vt alibi diximus. Neque etiam respuenda est in Assimilatione, Accretio illa, quam vulgò ab Alimentatione distinguunt ; veluti cùm lutum inter lapillos concrefcit, & vertitur in materiam lapideam ; squammæ circa dentes, vertuntur in substantiam non minùs duram, quàm sunt dentes ipsi, &c. Sumus enim in eâ opinione, inesse Corporibus omnibus desiderium Assimilandi, non minùs quàm Cœundi ad Homogenea : verùm ligatur ista virtus, sicut & illa ; licèt non iisdem modis. Sed modos illos, necnon solutionem ab iisdem, omni diligentia inquirere oportet, quia pertinent ad Sæculetis refocillationem. Postremò videtur notatu dignum, quòd in nouem illis Motibus, de quibus diximus, Corpora tantùm Naturæ suæ Conseruationem appetere videntur ; in hoc decimo autem Propagationem.

Sit Motus Duodecimus, Motus Excitationis ; qui Motus videtur esse ex genere Assimilationis, atque eo nomine quandoque a nobis promiscuè vocatur. Est enim Motus Diffusiuius, & Communicatiuius, & Transitiuius, & Multiplicatiuius, sicut & ille ; atque Effectu (vt plurimùm) consentiunt, licèt efficiendi modo & subiecto differant. Motus enim Assimilationis procedit tanquàm cum imperio, & potestate ; iubet enim, & cogit Assimilatum in Assimilantem verti & mutari. At Motus Excitationis procedit tanquàm Arte & insinuatione, & furtim ; & imitat tantùm, & disponit Excitatum ad naturam Excitantis. Etiam Motus Assimilationis multiplicat & transformat Corpora & substantias ; veluti, Plus fit Flammæ, Plus Aeris, Plus Spiritûs,

Plus Carnis. At in Motu Excitationis, multiplicantur & transeunt virtutes tantum; & Plus fit Calidi, Plus magnetici, Plus putridi. Eminent autem iste Motus præcipuè in Calido & Frigido. Neque enim Calor diffundit se in calefaciendo per Communicationem primi Caloris; sed tantum per Excitationem partium Corporis ad Motum illum, qui est Forma Calidi; de quo in Vindemiatione primâ de Natura Calidi diximus. Itaque longè tardiùs & difficiliùs excitatur Calor in Lapide aut Metallo, quàm in Aere; ob inhabilitatem & impromptitudinem Corporum illorum ad Motum illum; Ita vt verisimile sit, posse esse interiùs versùs viscera Terræ materias, quæ calefieri prorsus respuant; quia ob Condensationem maiorem spiritu illo destituuntur, à quo Motus iste Excitationis plerunque incipit. Similiter Magnes induit Ferrum nouâ partium dispositione, & Motu Conformi; ipse autem nihil ex Virtute perdit. Similiter Fermentum Panis, & Flos Ceruisiæ, & Coagulum Lactis, & nonnulla ex venenis, excitant & inuitant Motum in massâ farinariâ, aut Ceruisiâ, aut Caseo, aut Corpore humano successiuum & continuatum; non tam ex vi Excitantis, quàm ex prædispositione & facili Cessione Excitati.

Sit Motus decimus tertius, Motus Impressionis; qui Motus est etiam ex genere Motûs Assimilationis; estque ex Diffusuis Motibus subtilissimus. Nobis autem visum est eum in Speciem propriam constituere, propter differentiam insignem quam habet erga priores duos. Motus enim Assimilationis simplex Corpora ipsa transformat; ita vt si tollas primum Mouens, nihil inter-

interfit ad ea quæ sequuntur. Neque enim prima accensio in Flammam, aut prima versio in Aërem, aliquid facit ad Flammam, aut Aërem, in Generatione succedentem. Similiter, Motus Excitationis omninò manet, remoto primo mouente, ad tempora bene diuturna; vt in Corpore calefacto, remoto primo Calore; in Ferro excito, remoto Magnete; in Massâ farinaria, remoto Fermento. At Motus Impressionis, licet sit Diffusus, & Transitiuus, tamen perpetuò pendere videtur ex primo Mouente; adeò vt sublato aut cessante illo, statim deficiat & pereat; Itaque etiam momento, aut saltem exiguo tempore transigitur. Quare Motus illos Assimilationis & Excitationis, Motus Generationis Iouis, quia generatio manet; Hunc autem Motum, Motum Generationis Saturni, quia natus statim deuoratur & absorbetur, appellare consueuimus. Manifestat se verò hic Motus in tribus; In Lucis radijs; Sonorum percussionibus; & Magneticis, quatenus ad Communicationem. Etenim Amotâ Luce, statim pereunt Colores, & reliquæ Imagines eius; Amotâ percussionē primâ, & quassatione Corporis inde factâ, paulò post perit sonus. Licet enim Soni, etiam in Medio per ventos, tanquàm per Undas agitentur: tamen diligentius notandum est, quòd Sonus non tam diù durat, quàm fit Resonatio. Etenim impulsâ Campanâ, Sonus ad benè magnum tempus continuari videtur; vnde quis facillè in errorem labatur, si existimet toto illo tempore Sonum tanquàm natum & hærere in Aere; quod falsissimum est. Etenim illa Resonatio non est idem Sonus Numero, sed renouatur. Hoc autem manifestatur ex

Sedatione *sue* *Cohibitione* *Corporis* *perculsi*. Si enim *h*istatur & *detineatur* *Campana* *fortiter*, & *fiat* *immo-*
bilis, *statim* *perit* *Sonus*; *nec* *resonat* *amplius*; *ut* *in*
chordis, *si* *post* *primam* *percussionem* *tangatur* *chorda*,
vel *digito*, *ut* *in* *Lyrâ*; *vel* *calamo*, *ut* *in* *Esphetis*; *sta-*
tim *desinit* *Resonatio*. *Magnetem* *autem* *remoto*, *statim*
Ferrum *decidit*. *Luna* *autem* *à* *Mari* *non* *potest* *remo-*
ueri; *nec* *Terra* *à* *Ponderoso* *dum* *cadit*. *Itaque* *de* *illis*
nullum *fieri* *potest* *Experimentum*; *sed* *ratio* *eadem* *est*.

Sit *Motus* *decimus* *quartus*, *Motus* *Configura-*
tionis, *aut* *Situs*; *per* *quem* *Corpora* *appetere* *videntur*
non *Coitionem*, *aut* *Separationem* *aliquam*; *sed* *Situm*,
& *Collocationem*, & *Configurationem* *cum* *alijs*.
Est *autem* *iste* *Motus* *valde* *abstrusus*, *nec* *benè* *Inquisi-*
tus. *Atque* *in* *quibusdam* *videtur* *quasi* *incausabilis*; *li-*
cet *reuerà* (*ut* *existimamus*) *non* *ita* *sit*. *Etenim* *si* *quæ-*
ratur, *cur* *potius* *Cælum* *voluatur* *ab* *Oriente* *in* *Occi-*
dentem, *quàm* *ab* *Occidente* *in* *Orientem*: *aut* *cur* *ver-*
tatur *circa* *Polos* *positos* *iuxta* *Ursas*, *potius* *quàm* *cir-*
ca *Orionem*, *aut* *ex* *aliâ* *aliquâ* *parte* *Cæli*; *videtur* *ista*
Quæstio *tanquàm* *quædam* *Extasis*; *cùm* *ista* *potius* *ab*
Experientiâ, & *ut* *Positiua* *recipi* *debeant*. *At* *in* *Na-*
turâ *profectò* *sunt* *quædam* *ultima* & *incausabilia*; *ve-*
rùm *hoc* *ex* *illis* *non* *esse* *videtur*. *Etenim* *hoc* *fieri* *exi-*
stimamus *ex* *quâdam* *Harmonia* & *Consensu* *Mundi*,
qui *adhuc* *non* *venit* *in* *observationem*. *Quòd* *si* *recipia-*
tur *Motus* *Terræ* *ab* *Occidente* *in* *Orientem*; *eadem*
manent *Quæstiones*. *Nam* & *ipsa* *super* *aliquos* *Polos*
mouetur. *Atque* *cur* *tandem* *debeant* *istî* *Poli* *collo-*
cari *magis* *ubi* *sunt*, *quàm* *alibi*? *Item* *Verticitas*, &
Directio

Directio, & Declinatio Magnetis ad hunc Motum, referuntur. Etiam inueniuntur in Corporibus tam Naturalibus quàm Artificialibus, præsertim Consiſtentibus, & non Fluidis, Collocatio quædam & Poſitura partium, & tanquàm Villi & Fibræ, quæ diligenter inueſtigandæ ſunt; vtpotè ſine quarum inuentione Corpora illa commodè tractari aut regi non poſſunt. At Circulationes illas in Liquidis, per quas illa dum preſſa ſint, antequàm ſe liberare poſſunt, ſe inuicem releuant, vt Compreſſionem illam ex æquo tolerant; Motui Libertatis veriùs aſſignamus.

Sit Motus decimus quintus, Motus Pertransiſtionis, ſiue Motus ſecundùm Meatus; per quem Virtutes Corporum magis aut minùs impediuntur, aut prouehuntur à Medijs ipſorum, pro Naturâ Corporum & Virtutum Operantium, atque etiam Medijs. Aliud enim Medium Luci conuenit, aliud Sono, aliud Calori & Frigori, aliud Virtutibus Magneticis, necnon alijs nonnullis reſpectiue.

Sit Motus decimus ſextus, Motus Regius (ita enim eum appellamus) ſiue Politicus; per quem Partes in Corpore aliquo Prædominantes & Imperantes, reliquas partes frænant, domant, ſubigunt, ordinant, & cogunt eas adunari, ſeparari, conſiſtere, moueri, collocari, non ex deſiderijs ſuis, ſed prout in Ordine ſit, & conducat, ad benè eſſe Partis illius Imperantis; adeò vt ſit quaſi Regimen & Politia quædam, quam exercet Pars Regens, in partes Subditaſ. Eminent autem hic Motus præcipuè in Spiritibus Animalium, qui Motus omnes partium reliquarum, quamdiù ipſe in vigore eſt,
contem-

contemperat. Inuenitur autem in alijs Corporibus in gradu quodam inferiore; quemadmodum dictum est de Sanguine & Vrinis, quæ non soluuntur, donec Spiritus qui partes earum commiscebat & cohibebat, emissus fuerit aut suffocatus. Neque iste Motus omninò Spiritibus proprius est, licet in plerisque Corporibus Spiritus dominantur ob Motum celerem, & penetrationem. Veruntamen in Corporibus magis condensatis, nec Spiritu viuido & vigente (qualis inest Argento viuo & Vitriolo) repletis, dominantur potius Partes crassiores; adeò vt nisi frænum & iugum hoc arte aliqua excutiat, de nouâ aliquâ huiusmodi Corporum transformatione minimè sperandum sit. Neque verò quispiam nos oblitos esse existimet, eius quod nunc agitur; quia cum ista Series & Distributio Motuum ad nil aliud spectet, quàm vt illorum Prædominantia per Instantias Luctæ meliùs inquiratur; iam inter Motus ipsos, Prædominantia mentionem faciamus. Non enim in Descriptione Motûs istius Regij, de Prædominantia Motuum aut Virtutum tractamus, sed de Prædominantia Partium in Corporibus. Hæc enim ea est Prædominantia, quæ Speciem istam Motûs peculiarem constituit.

Sit Motus decimus septimus, Motus Rotationis spontaneus; per quem Corpora Motu gaudentia, & benè collocata, Naturâ suâ fruuntur, atque seipsa sequuntur, non aliud; & tanquàm proprios petunt amplexus. Etenim videntur Corpora aut mouere sine Termino; aut planè quiescere; aut ferri ad Terminum, vbi pro Natura suâ aut rotent, aut quiescant. Atque
quæ

quæ benè collocata sunt , si Motu gaudeant ; mouent per Circulum : Motu scilicèt æterno , & infinito. Quæ benè collocata sunt , & motum exhorrent , prorsus quiescunt. Quæ non benè collocata sunt ; mouent in lineâ rectâ (tanquàm tramite breuissimo) ad consortia suorum Connaturalium. Recipit autem Motus iste Rotationis Differentias nouem. Primam , Centri sui , circa quod Corpora mouent : Secundam , Polorum suorum , supra quos mouent : Tertiam , Circumferentiæ siue Ambitus sui , prout distant à Centro : Quartam , Fncitationis suæ , prout celerius aut tardius rotant : Quintam , Consequutionis Motus sui , veluti ab Oriente in Occidentem , aut ab Occidente in Orientem : Sextam , Declinationis à Circulo perfectò per Spiras longius aut propius distantes à Centro suo : Septimam , Declinationis à Circulo perfectò per Spiras longius aut propius distantes à Polis suis : Octauam , Distantiæ propioris aut longioris Spirarum suarum ad inuicem : Nonam & ultimam , Variationis ipsorum Polorum , si sint mobiles : quæ ipsa ad Rotationem non pertinet , nisi fiat circulariter. Atque iste Motus communi & inueteratâ opinione habetur pro proprio Cælestium. Attamen grauis de illo Motu Lis est inter nonnullos tam ex Antiquis quàm Modernis , qui Rotationem Terræ attribuerunt. At multò fortasse iustior mouetur Controuersia (si modò res non sit omninò extra Controuersiam) an Motus videlicèt iste (concessò quòd Terra stet) Cæli finibus contineatur , an potius descendat ; & communicetur Aeri , & Aquis. Motum autem Rotationis in Missilibus ; ut in Spiculis,
Sa-

Sagittis, Pilis Sclopetorum, & similibus, omninò ad Motum Libertatis reijcimus.

Sit Motus Decimus octauus, Motus Trepidationis, cui (vt ab Astronomis intelligitur) non multum fidei adhibemus. Nobis autem Corporum Naturalium Appetitus vbique seriò perscrutantibus, occurrat iste Motus; & constitui debere videtur in speciem. Est autem hic Motus veluti æternæ cuiusdam Captiuitatis. Videlicèt vbi Corpora non omninò pro Naturâ suâ bene locata, & tamen non prorsus malè se habentia, perpetuò trepidant, & irrequietè se agant, nec statu suo contenta, nec vlteriùs ausa progredi. Talis inuenitur Motus in Corde & pulsibus Animalium; & necesse est vt sit in omnibus Corporibus, quæ statu ancipiti ita degunt, inter Commoda & Incommoda, vt distracta liberare se tentent, & denuò repulsam patiantur, & tamen perpetuò experiantur.

Sit Motus Decimus nonus & postremus, Motus ille cui vix nomen Motûs competit, & tamen est planè Motus. Quem Motum, Motum Decubitûs, siue Motum Exhorrentiæ Motûs vocare licèt. Per hunc Motum Terra stat mole suâ, mouentibus se Extremis suis in Medium; non ad Centrum Imaginatiuum, sed ad Unionem. Per hunc etiam Appetitum Omnia maiorem in modum Condensata Motum exhorrent; atque illis pro omni Appetitu est non moueri; & licèt infinitis modis vellicentur & prouocentur ad Motum, tamen Naturam suam (quoad possunt) tuentur. Quòd si ad Motum compellantur, tamen hoc agere semper videntur, vt quietem & statum suum

suum recuperent, neque ampliùs moueant. Atque circa hoc certè se agilia præbent, & satis pernitièr & rapidè (vt pertæsa & impatientia omnis Moræ) contendunt. Huius autem Appetitùs Imago ex parte tantùm cerni potest; quia hîc apud Nos, ex Subactione & Concoctione Cœlestium, omne Tangibile non tantùm non Condensatum est ad Vltimitatem, sed etiam cum Spiritu nonnullo miscetur.

Proposuius itaque iam Species, siue Elementa simplicia Motuum, Appetituum, & Virtutum Actiuarum, quæ sunt in Naturâ maximè Catholica. Neque parùm Scientiæ Naturalis sub illis adumbratum est. Non negamus tamen & alias Species fortasse addi posse; atque istas ipsas Diuisiones secundùm veriores rerum venas transferri; deniquè in minorem numerum posse redigi. Neque tamen hoc de Diuisionibus aliquibus abstractis intelligimus: Veluti, si quis dicat; Corpora appetere vel Conseruationem, vel Exaltationem, vel Propagationem, vel Fruitionem Naturæ suæ; Aut si quis dicat, Motus rerum tendere ad Conseruationem & Bonum, vel Vniuersi, vt Antitypiam & Nexum; vel Vniuersitatum magnarum, vt Motus Congregationis Maioris, Rotationis, & Exhorrentiæ Motûs; vel Formarum specialium, vt reliquos. Licet enim hæc vera sint, tamen nisi terminentur in Materiâ & Fabricâ, secundùm veras lineas; speculatiua sunt, & minùs vtilia. Interim sufficient, & boni erunt vsûs ad pensitandas Prædominantias Virtutum, & exquirendas Instantias Lucte; id quod nunc agitur.

Etenim ex his quos proposuius Motibus, Alij

R r

prorsus

prorsus sunt Inuincibiles; Alij alijs sunt fortiores, & illos ligant, frænant, disponunt; Alij alijs longius iaculantur; Alij alios tempore & celeritate præuertunt; Alij alios fouent, roborant, ampliant, accelerant.

Motus Antitypiæ omninò est Adamantinus & Inuincibilis. Vtrum verò Motus Nexûs sit Inuincibilis, adhuc hæremus. Neque enim pro certo affirmauerimus, vtrum detur Vacuum, siue Coaceruatum, siue Permistum. At de illo nobis constat; Rationem illam, propter quam introductum est Vacuum a Leucippo, & Democrito (videlicet quòd absque eo non possent eadem Corpora complecti & implere maiora & minora spatia) falsam esse. Est enim planè Plica Materiæ complicantis & replicantis se per spatia, inter certos fines, absque interpositione Vacui: Neque est in Aëre, ex Vacuo, bis millies (tantum enim esse oportet) plus quàm in Auro. Id quod ex potentissimis Corporum Pneumaticorum Virtutibus (quæ aliter tanquàm pulueres minuti natarent in Vacuo) & multis alijs Demonstrationibus, nobis satis liquet. Reliqui verò Motus regunt & reguntur inuicem, pro rationibus Vigoris, Quanti, Incitationis, Eiaculationis, necnon tum Auxiliorum, tum Impedimentorum quæ occurrunt.

Exempli gratiâ; Magnes armatus nonnullus detinet & suspendit Ferrum, ad Sexagecuplum pondus ipsius; Eò usque dominatur Motus Congregationis Minoris, super Motum Congregationis Maioris: Quòd si maius fuerit Pondus, succumbit. Veditis tanti roboris subleuabit tantum pondus; Eò usque dominatur Motus Libertatis, super Motum Congregationis Maioris

Maiores; Sin maius fuerit Pondus, succumbit. Corium tensum ad Tensuram talem non rumpitur; Eò usque dominatur Motus Continuationis, super Motum Tensuræ; Quòd si vltior fuerit Tensura, rumpitur Corium, & succumbit Motus Continuationis. Aqua per Rimam perforationis talis effluit; Eò usque dominatur Motus Congregationis Maioris, super Motum Continuationis; Quòd si minor fuerit Rima, succumbit; & vincit Motus Continuationis. In Puluere Sulphuris solius immissi in Sclopetum cum Pila, & admoto igne, non emittitur Pila; In eo Motus Congregationis Maioris vincit Motum Hyles. At in Puluere pyrio immisso vincit Motus Hyles in Sulphure; adiutus Motibus Hyles & Fugæ in Nitro. Et sic de cæteris. Etenim Instantiæ Luctæ (quæ indicant Prædominantiam Virtutum, & secundum quas rationes & calculos prædominentur & succumbant) acri & sedulâ diligentia vndique sunt conquirendæ.

Etiam Modi & Rationes ipsius Succumbentiæ Motuum, diligentèr sunt introspectiendæ. Nempe, an omninò cessent, vel potius usque nitantur, sed ligentur. Etenim in Corporibus hîc apud Nos, nulla vera est Quies, nec in Integris, nec in Partibus; sed tantum secundum apparentiam. Quies autem ista apparens, causatur aut per Æquilibrium; aut per absolutam Prædominantiam Motuum. Per Æquilibrium, ut in Bilancibus, quæ stant si æqua sint pondera. Per Prædominantiam, ut in Hydrijs perforatis, ubi quiescit Aqua, & detinetur à decasu, per Prædominantiam

Motûs Nexûs. Notandum tamen est (ut diximus) quatenûs nitantur Motus illi Succumbentes. Etenim si quis per luctam detineatur extensus in terrâ, brachijs & tibijs vinctis, aut aliter detentis; atque ille tamen totis viribus resurgere nitatur; non est minor Nixus, licet non proficiat. Huius autem rei conditio (scilicet utrûm per Prædominantiam, Motus Succumbens quasi annihiletur; an potius continuetur Nixus, licet non conspiciatur) quæ latet in Conflictibus, apparebit fortasse in Concurrentijs. Exempli gratiâ; Fiac Experimentum in Sclopetis, utrûm Sclopetus, pro tanto spatio quo emittat Pilam in linea directâ, sue (ut vulgò loquuntur) in Puncto Blanco, debiliorem edat percussionem eiaculando in suprâ; ubi Motus Ictus est simplex; quàm desuper, ubi Motus Gravitationis concurrat cum Ictu.

Etiam Canones Prædominantiarum qui occurrunt, colligendi sunt. Veluti, quòd quò Communius est Bonum quod appetitur, eò Motus est fortior: ut Motus Nexûs qui respicit Communionem Vniuersi; fortior est Motu Gravitationis, qui respicit Communionem Densorum. Etiam, quòd Appetitus qui sunt Boni Privati, non prævalent plerunquè contrâ Appetitus Boni magis Publici; nisi in parvis Quantis. Quæ utinam obtinerent in Civilibus.

XLIX.

INter Prærogatiuas Instantiarum ponemus loco Vicefimo-quinto Instantias Innuentes; eas scilicet, quæ Commoda hominum innuunt aut designant.
Etenim

Etenim ipsum Possesse & ipsum Scire, Naturam humanam amplificanti, non beant. Itaque decerpenda sunt ex Uniuersitate rerum Ea quæ ad vsus vitæ maximè faciunt. Verùm de ijs erit magis proprius dicendi locus, cùm Deductiones ad praxim tractabimus. Quinetiam in ipso Opere Interpretationis circa singula subiecta, locum semper Chartæ humanæ, siue Chartæ Optatiuæ assignamus. Etenim & Quærere & Optare non ineptè, pars Scientiæ est.

L.

I*Nter Prærogatiuas Instantiarum ponemus loco Vicesimo-sexto Instantias Polychrestas. Eæ sunt, quæ pertinent ad varia, & sæpius occurrunt; ideoque operæ & nouis probationibus haud parùm parcunt. Atque de Instrumentis ipsis atque Ingeniationibus proprius erit dicendi locus, cùm Deductiones ad praxim & Experimentandi Modos tractabimus. Quin etiam quæ adhuc cognita sunt & in vsum venerunt, in Historijs Particularibus singularum Artium describentur. In præsentia autem subiungemus quædam Catholica circa ea pro Exemplis tantùm Polychrestis.*

Operatur igitur Homo super Corpora Naturalia (præter ipsam Admotionem & amotionem Corporum simplicem) septem præcipuè modis: nempe, vel per Exclusionem eorum quæ impediunt & disturbant: vel per Compressiones, Extensiones, Agitationes, & huiusmodi: vel per Calorem & Frigus: vel per Mo-

ram

ram in loco conuenienti : vel per Frænum & Regimen Motûs : vel per Consensus speciales : vel per Alternationem tempestiuam & debitam , atque Seriem & Successionem horum omnium ; aut saltem nonnullorum ex illis.

Ad Primum igitur quod attinet ; Aër communis qui undique præstò est & se ingerit , atque Radij Cœlestium , multum turbant. Quæ itaque ad illorum Exclusionem faciunt , meritò haberi possint pro Polycrestis. Huc igitur pertinent Materies & Crassities Vasorum , in quibus Corpora ad Operationem præparata reponuntur. Similiter , Modi accurati Obturationis Vasorum , per Consolidationem & Lutum sapientiae , vt loquuntur Chymici. Etiam Clausura per Liquores in Extimis , utilissima res est : vt cum infundunt oleum super vinum aut succos herbarum ; quod expandendo se in summitate instar operculi , optimè ea conseruat illæsa ab Aëre. Neque Pulueres res malæ sunt ; qui licet contineant Aërem permistum , tamen vim Aëris coaceruati & circumfusi arcent ; vt sit in conseruatione vuarum & fructuum intrà arenam , & farinam. Etiam Cera , Mel , Pix , & huiusmodi tenacia , rectè obducuntur ad Clausuram perfectiorem , & ad summouendum Aërem & Cœlestia. Etiam nos Experimentum quandoque fecimus , ponendo Vas necnon aliqua alia Corpora intra Argentum Viuum , quod omnium longè densissimum est ex ijs quæ circumfundi possunt. Quinetiam specus & Cauernæ subterraneæ magni vsus sunt ad prohibendum Insolationem & Aërem istum apertum prædatorium ; qualibus vtuntur Ger-

Germani Septentrionales pro Granarijs. Nec non
Repositio Corporum in fundo Aquarum, ad hoc spectat:
vt memini me quippiam audisse de Vtribus vini demis-
sis in profundum puteum, ad infrigidationem scilicet;
sed casu & per neglectum ac obliuionem ibidem rema-
nentibus per multos annos, & deinde extractis; vnde
Vinum factum est non solum non vapidum aut emor-
tuum, sed multò magis nobile ad gustum; per commix-
tionem partium suarum (vt videtur) magis exquisitam.
Quòd si postulet res, vt Corpora demittantur ad fundum
Aquarum, veluti intra Fluios aut Mare, Neque
tamen Aquas tangant, nec in Vasibus obturatis con-
cludantur, sed Aëre tantum circudentur; bonus est
usus Vasis illius quod adhibitum est nonnunquam ad
operandum subter Aquis super Nauigia demersa, vt
Vrinatores diutiùs manere possint sub Aquis, & per
vices ad tempus respirare. Illud huiusmodi erat. Con-
ficiebatur Dolium ex Metallo concauum, quod demit-
tebatur æquabiliter ad superficiem Aquæ, atque sic de-
portabat totum aërem qui continebatur in Dolio secum
in fundum Maris. Stabat autem super pedes tres,
(instar Tripodis) qui Longitudinis erant aliquantò
minoris staturæ hominis; ita vt Vrinator posset, cum
anhelitus deficeret, immittere caput in cauum Doli;
& respirare, & deinde opus continuare. Atque audi-
uimus inuentam esse iam Machinam aliquam Na-
uiculæ aut Scaphæ, quæ homines subter Aquis vehe-
re possit ad spatia nonnulla. Verum sub tali Vase, qua-
le modò diximus, Corpora quæuis facile suspendi pos-
sint; cuius causâ hoc Experimentum adduximus.

Est

Est & alius vsus diligentis & perfectæ Clausuræ Corporum : nempe, non solum vt prohibeatur aditus Aëris per exterius, (de quo iam dictum est) verum etiam vt cohibeatur exitus Spiritus Corporis, super quod fit operatio per interiùs. Necesse est enim vt operanti circa Corpora Naturalia constet de Summis suis : viz. quòd nihil expirarit aut effluxerit. Fiunt enim profundæ alterationes in corporibus, quando Naturá prohibente Annihilationem, Ars prohibeat etiam Deperditionem aut Euolutionem alicuius partis. Atque hac de re inualuit opinio falsa; (quæ si vera esset, de istâ conseruatione Summæ certæ absque diminutione esset ferè desperandum :) viz. Spiritus Corporum, & Aërem maiori gradu caloris attenuatum, nullis Vasorum claustris posse contineri, quin per poros Vasorum subtiliores euolent. Atque in hanc opinionem adducti sunt homines per vulgata illa Experimenta, Poculi inuersi super Aquam cum Candelâ aut Chartâ inflammatâ; ex quo fit vt Aqua sursùm attrahatur : atque similiter Ventosarum, quæ super flammam calefactæ trahunt carnes. Existimant enim in utroque Experimento Aërem attenuatum emitti, & inde Quantum ipsius minui; ideoque Aquam aut Carnes per Nexum succedere. Quod falsissimum est. Aër enim non Quanto diminuitur, sed spatio contrahitur; neque incipit Motus iste Successionis Aquæ, antequam fiat extinctio Flammæ aut refrigeratio Aëris : Adeò vt Medici, quò fortiùs attrahant Ventosæ, ponant spongiâs frigidâs aquâ madefactas super Ventosas. Itaque non est cur homines multum sibi metuant de facili exitu Aeris, aut

aut Spirituum. Licet enim verum sit, etiam solidissima Corpora habere suos poros, tamen agrè patitur Aer, aut Spiritus comminutionem sui ad tantam subtilitatem; quemadmodum & Aqua exire recusat per riam minusculam.

De Secundo verò Modo ex septem prædictis illud imprimis notandum est, valere certè Compressiones & huiusmodi Violentias, ad Motum localem, atque alia id genus, potentissimè; vt in Machinis & Misilibus: Etiam ad destructionem Corporis Organici, atque earum Virtutum quæ consistunt planè in Motu. Omnis enim vita, immò etiam omnis Flamma & Ignitio destruitur per Compressiones; vt & omnis Machina corrumpitur & confunditur per easdem. Etiam ad destructionem Virtutum quæ consistunt in Posituris, & dissimilaritate partium paulò crassiore; vt in Coloribus: (Neque enim idem color Floris integri & contusi, neque Succini integri & puluerizati:) Etiam in Saporibus: (neque enim idem sapor Pyri immaturi, & eiusdem compressi ac subacti; nam manifestò dulcedinem maiorem concipit.) Verùm ad transformationes & alterationes nobiliores Corporum Similarium non multum valent istæ Violentiæ; quia Corpora per eas non acquirunt consistentiam aliquam nouam constantem & quiescentem, sed transitoriam & nitentem, semper ad restitutionem & liberationem sui. Attamen non abs re foret huius rei facere Experimenta aliqua diligentiora; ad hoc scilicet, vtrum Condensatio Corporis benè similis, (qualia sunt Aer, Aqua, Oleum, & huiusmodi) aut Rarefactio similiter per violentiam in-

Sf dita,

dita, possint fieri constantes & fixæ & quasi mutatae in Naturam. Id quod primò experiendum per Moram simplicem; deinde per Auxilia & Consensus. Atque illud nobis in promptu fuisset, (si modò in mentem venisset) cùm Aquam (de qua alibi) per malleationes & pressoria condensauimus, antequàm erumperet. Debueramus enim Sphæram complanatam per aliquot dies sibi permisisse, & tum demùm Aquam extraxisse; vt fieret Experimentum, vtrùm statim impletura fuisset talem dimensionem, qualem habebat ante condensationem. Quod si non fecisset aut statim, aut certè paulò post; constans videlicet facta videri potuisset ista condensatio: Sin minùs, apparuisset factam fuisse Restitutionem; & Compressionem fuisse transitoriam. Etiam simile quiddam faciendum erat circa Extensionem Aëris in Ovis vitreis. Etenim debuerat fieri, post exuctionem fortem, subita & firma Obturatio; deinde debuerant Oua illa manere ita obturata per nonnullos dies; & tum demùm experiendum fuisset, vtrùm aperto foramine attractus fuisset Aer cum sibilo; aut etiam attracta fuisset tanta quantitas Aquæ post immersionem, quanta fuisset ab initio, si nulla adhibita fuisset mora. Probabile enim, aut saltem dignum probatione est, hæc fieri potuisse & posse; proptereà quòd in Corporibus paulò magis dissimilaribus similia efficiat Mora Temporis. Etenim Baculum per Compressionem curuatum post aliquod tempus non resilit: neque id imputandum est alicui deperditioni ex Quanto Ligni per Moram; nam idem fiet in laminâ Ferri (si augeatur mora) quæ non est expirabilis. Quòd si non succedat Expe-

Experimentum per Moram simplicem; tamen non deferendum est negotium, sed Auxilia alia adhibenda. Non enim parum lucri fit, si per Violentias indi possint Corporibus Naturæ fixæ & Constantes. Hac enim ratione Aer possit verti in Aquam per Condensationes, & complura alia id genus. Dominus enim est Homo Motuum Violentorum, magis quàm cæterorum.

At tertius Ex septem Modis, refertur ad magnum illud Organum, tam Naturæ quàm Artis, quoad operandum; videlicet Calidum & Frigidum. Atque in hac parte claudicat planè Potentia humana; tanquàm ex vno pede. Habemus enim Calorem Ignis, qui Caloribus Solis (prout ad Nos deferuntur) & Caloribus Animalium, quasi infinitis partibus potentior est & intensior. At deest Frigus, nisi quale per tempestates hyemales, aut per Cauernas, aut per Circundationes Niuis & Glaciei, haberi potest: quod in Comparatione æquari potest cum Calore fortasse Solis Meridiano in Regione aliquà ex Torridis, aucto insuper per reuerberationes Montium & Parietum: Nam huiusmodi vtique tam Calores, quàm Frigora ab Animalibus ad Tempus exiguum tolerari possunt. Nihil autem sunt ferè præ Calore Fornacis ardentis, aut aliquius Frigoris quod huic gradui respondeat. Itaque omnia hic apud nos vergunt ad Rarefactionem, & Desiccationem, & Consumptionem: nihil ferè ad Condensationem & Intenerationem, nisi per Misturas & Modos quasi spurios. Quare Instantiæ Frigoris omni diligentia sunt conquirendæ; quales videntur in-

ueniri in Expositione Corporum super Turres quando gelat acriter : in Cauernis subterraneis : circundationibus Niuis & Glaciei in locis profundioribus, & ad hoc excauatis : Demissione Corporum in puteos : Sepulturis Corporum in Argento viuo & Metallis : Immersione Corporum in Aquis, quæ vertunt Ligna in Lapides : Defossione Corporum in Terrâ ; (qualis fertur apud Chineses esse Confectio Porcellanæ, vbi Massæ ad hoc factæ dicuntur manere intra terram per quadraginta aut quinquaginta Annos, & transmitti ad hæredes, tanquàm Mineræ quædam artificiales) & huiusmodi. Quinetiam quæ interueniunt in Naturâ Condensationes, factæ per Frigora, similiter sunt inuestigandæ ; vt Causis eorum cognitis, transferri possint in Artes. Quales cernuntur in exudatione Marmoris & Lapidum : in Rorationibus super Vitra per interiorius Fenestrarum, sub Auroram, post gelu Noctis : in Originibus & Collectionibus Vaporum in Aquas sub Terrâ, undè sæpè scaturiunt Fontes : & quæcunque sunt huius generis.

Inueniuntur autem præter illa quæ sunt Frigida ad Tactum, quædam alia potestate Frigida, quæ etiam Condensant ; Veruntamen operari videntur super Corpora Animalium tantum, & vix vltra. Huius generis se ostendunt multa in Medicinis & Emplastris. Alia autem Condensant Carnes & Partes tangibiles ; qualia sunt Medicamenta Astringentia, atque etiam Inspissantia ; Alia Condensant Spiritus, id quod maximè cernitur in Soporiferis. Duplex autem est Modus Condensationis Spirituum, per Medica-
menta

menta Soporifera, siue prouocantia Somnum: Alter per Sedationem Motûs; Alter per Fugam Spirituum. Etenim Viola, Rosa sicca, Lactuca, & huiusmodi Benedicta siue benigna per vapores suos amicos & moderatè refrigerantes, inuitant Spiritus ut se uniant, & ipsorum acrem & inquietum Motum compescunt. Etiam Aqua rosacea apposta ad Nares in deliquijs animæ, Spiritus resolutos & nimium relaxatos, se recipere facit, & tanquàm alit. At Opiata & eorum Affinia, Spiritus planè fugant, ex qualitate suâ malignâ & inimicâ. Itaque si applicentur parti exteriori, statim aufugiunt Spiritus ab illâ parte, nec amplius libentè influunt: Sin sumantur interiùs; Vapores eorum ascendentes ad Caput, Spiritus in Ventriculis Cerebri contentos, unde quaque fugant; Cùmque se retrahant Spiritus, neque in aliam partem effugere possint, per Consequens coeunt, & condensantur; & quandoque planè extinguuntur & suffocantur; Licèt rursùs eadem Opiata moderatè sumpta, per accidens secundarium, (videlicèt Condensationem illam quæ à Coitione succedit,) confortent Spiritus, eosque reddant magis robustos, & retundant eorum inutiles & incensuos Motus, ex quo ad Curas Morborum, & vitæ Prolongationem haud parùm conferant.

Etiam Præparationes Corporum ad excipiendum Frigus non sunt omittendæ; veluti quoddam Aqua parùm tepida, faciliùs congelietur, quàm omninò frigida & huiusmodi.

Præterea, quia Natura Frigus tam parcè suppetat; faciendum est quemadmodum Pharmacopolæ solent;

solent; qui quando simplex aliquod haberi non possit, capiunt Succedaneum eius, & Quid pro Quo, ut vocant: Veluti Lignum Aloes pro Xylobalsamo, Cassiam pro Cinamomo. Simili modo diligentè circumspiciendum est, si quæ sint Succedanea Frigoris; videlicet, quibus Modis fieri possint Condensationes in Corporibus; aliter quàm per Frigus, quod illas efficit, ut Opus suum proprium. Illæ autem Condensationes videntur intra quaternum numerum (quantum adhuc liquet) contineri. Quarum prima videtur fieri per Contrusionem simplicem: quæ parùm potest ad Densitatem constantem (resiliunt enim Corpora) sed nihilominus fortè res auxiliaris esse queat. Secunda fit per Contractionem partium crassiorum in Corpore aliquo, post euolutionem aut exitum partium tenuiorum, ut fit in Indurationibus per Ignem, & repetitis Extinctionibus Metallorum, & similibus. Tertia fit per Coitionem partium homogenearum, quæ sunt maximè solidæ in Corpore aliquo, atque antea fuerant distractæ, & cum minùs solidis commistæ: Veluti in Restitutione Mercurij Sublimati, qui in puluere longè maius occupat spatium, quàm Mercurius simplex, & similiter in omni Repurgatione Metallorum à Scorijs suis. Quarta fit per Consensus, admouendo quæ ex vi Corporum occultâ condensant; qui Consensus adhuc rarò se ostendunt, quod mirum minimè est, quoniam antequam Inuentio Succedat Formarum & Schematismorum, de Inquisitione Consensuum non multùm sperandum est. Certè quoad Corpora Animalium, dubium non est quin sint complures Medicinæ tam interiùs quàm exteriùs sumptæ,

sumptæ, quæ condensant, tanquàm per Consensũ, vt paulò ante diximus. Sed in Inanimatis rara est huiusmodi Operatio; Percrebuit sanè tam scriptis quàm famâ, Narratio de Arbore in vna ex Insulis siue Terceris siue Canarijs, (neque enim benè memini,) quæ perpetuò stillat; adèò vt Inhabitantibus nonnullam commoditatem Aquæ præbeat. Paracelsus autem ait, Herbam vocatam Rorem Solis Meridie & feruente Sole Rore impleri, cùm aliæ Herbæ vndique sint siccæ. At nos vtramque narrationem fabulosam esse existimamus. Omninò autem illæ Instantiæ nobilissimi forent vsus, & introspectione dignissimæ, si essent veræ. Etiam Rores illos Mellitos, & instar Mannæ, qui super folijs Quercûs inueniuntur Mense Maio, non existimamus fieri & densari à Consensu aliquo, siue à Proprietate Folij Quercûs; sed cùm super alijs Folijs pariter cadant, contineri scilicèt & durare in Folijs Quercûs quia sunt benè vnita, nec spongiosa, vt plurimæ ex alijs.

Calorem verò quod attinet; Copia & Potestas nimirum homini abundè adest; Obseruatio autem & Inquisitio deficit in nonnullis, ijsque maximè necessarijs; utcunque Spagyrici se venditent. Etenim Caloris Intensioris Opificia Exquiruntur & Conspiciuntur; Remissioris verò, quæ maximè in vias Naturæ incidunt, non tentantur, ideoque latent; Itaque videmus per Vulcanos istos qui in pretio sunt, Spiritus Corporum magnopere exaltari, vt in Aquis fortibus, & nonnullis alijs Oleis Chymicis; partes tangibiles indurari, & emisso Volatili, aliquando figi; partes homogeneas separa-

parari; etiam Corpora heterogenea grosso modo incorporari & commisceri; Maximè autem Compages Corporum Compositorum, & subtiliores Schematisimos destrui & confundi. Debuerant autem Opificia Caloris lenior tentari & exquiri; unde subtiliores Mistura & Schematisimi ordinati gigni possint, & educi, ad Exemplum Naturæ, & Imitationem Operum Solis; quemadmodum in Aphorismo de Instantijs Fœderis quædam adumbrauimus. Opificia enim Naturæ transiguntur per longè minores portiones, & posituras magis exquisitas & varias, quàm Opificia Ignis, prout nunc adhibetur. Tum verò videatur Homo reuerà auctus Potestate, si per Calores & Potentias artificiales, Opera Naturæ possint Specie repræsentari, Virtute perfici, copiâ variari: Quibus addere oportet Accelerationem Temporis. Nam Rubigo Ferri longo tempore procedit, at Versio in Crocum Martis subitò: Et similiter de Aerugine & Cerussâ: Christallum longo tempore conficitur, Vitrum subitò conflatur: Lapides longo tempore concrescunt, Lateres subitò coquuntur; &c. Interim (quod nunc agitur) Omnes diuersitates Caloris cum Effectibus suis respectiue diligenter & industriè undique sunt colligendæ & exquirendæ: Cœlestium, per radios suos directos, reflexos, refractos & unitos in speculis Comburentibus: Fulguris, Flammæ, Ignis Carbonum; Ignis ex diuersis Materijs; Ignis aperti, conclusi, angustiiati & inundantis, denique per diuersas fabricas Fornacium qualificati; Ignis flatu excitati, quieti & non excitati; Ignis ad Maiorem aut minorem Distantiam remoti; Ignis per varia Media permeantis

meantis ; Calorum humidorum, ut Balnei Mariae, Fimi, Caloris Animalium per exterius, Caloris Animalium per interius, Fœni conclusi : Calorum aridorum, Cineris, Calcis, Arenæ tepidæ ; denique Calorum cuiusuis generis cum gradibus eorum.

Præcipuè verò tentanda est Inquisitio & Inuentio Effectuum & Opificiorum Caloris Accedentis & Recedentis graduatim, & ordinatim, & periodicè, & per debita spatia & Moras. Ista enim Inæqualitas ordinata reuerâ Filia Cœli est, & Generationis Mater : Neque à Calore aut vebementi, aut præcipiti, aut subsultorio, aliquid magni expectandum est. Etenim & in vegetabilibus hoc manifestissimum est ; Atque etiam in Uteris Animalium magna est Caloris Inæqualitas, ex Motu, Somno, Alimentationibus & Passionibus Fœmellarum quæ uterum gestant ; Denique in ipsis Matricibus Terræ, ijs nimirum in quibus Metalla & Fossilia efformantur, locum habet & viget ista Inæqualitas. Quo magis notanda est Inscitia aliquorum Alchymistarum ex Reformatis, qui per Calores æquabiles Lampadum & huiusmodi, perpetuò vno tenore ardentium, se voti compotes fore existimarunt. Atque de Opificijs & Effectibus Caloris hæc dicta sint. Neque verò tempestiuum est illa penitus scrutari, antequam Rerum Formæ & Corporum Schematismi ulterius inuestigati fuerint, & in lucem prodierint. Tum enim quærenda & adoperanda, & aptanda sunt Instrumenta, quando de Exemplaribus constiterit.

Quartus Modus operandi est per Moram, quæ

T t

certè

certè & Promus & Condus Naturæ est, & quædam Dispensatrix. Moram appellamus, cum Corpus aliquod sibi permittitur ad tempus notabile, munitum interim & defensum ab aliqua vi externâ. Tum enim Motus intestini se produnt & perficiunt, cum Motus extranei & aduentitij cessant. Opera autem Ætatis sunt longè subtiliora quàm Ignis. Neque enim possit fieri talis Clarificatio vini per Ignem, qualis fit per Moram; Neque etiam Incinerationes per Ignem, tam sunt exquisitæ, quam Resolutiones & Consumptiones per sacula. Incorporationes etiam & Mistiones subitæ & præcipitatæ per Ignem, longè inferiores sunt illis, quæ fiunt per Moram. At dissimilares & varij Schematismi, quos Corpora per Moras tentant (quales sunt putredines) per Ignem aut Calorem vehementiorem destruuntur. Illud interrim non abs re fuerit notare; Motus Corporum penitus Conclusorum habere nonnihil ex violento. Incarceratio enim illa impedit Motus spontaneos Corporis. Itaque Mora in Vase aperto plus facit ad Separationes; in Vase penitus clauso ad Commistiones; In Vase nonnihil clauso, sed subintrante Aere, ad Putrefactiones; Utclunque de Opificijs & Effectibus Moræ undique sunt diligenter Conquirendæ Instantiæ.

At Regimen Motûs (quod est Quintus ex Modis Operandi) non parùm valet. Regimen autem Motûs vocamus, cum Corpus aliud occurrens, Corporis alterius Motum spontaneum impedit, repellit, admittit, dirigit. Hoc verò plerunque in Figuris & Situ Vaso-
rum

rum consistit. Etenim Conus erectus iuuat ad Condensationem Vaporum in Alembicis; At Conus inuersus iuuat ad Defecationem Sacchari in Vasis resupinatis. Aliquando autem Simulatio requiritur, & Angustatio, & Dilatio per vices, & huiusmodi. Etiam omnis Percolatio huic spectat; scilicet cum Corpus Occurrens, vni parti Corporis alterius viam aperit, alteri obstruit. Neque semper Percolatio aut aliud Regimen Motus fit per extrà: sed etiam per Corpus in Corpore: vt cum Lapilli immittuntur in Aquas ad colligendam Limositatem ipsarum; Syrupi clarificantur cum Albuminibus Ouorum, vt crassiores partes adhærescant, & postea separari possint. Etiam huic Regimini Motus satis leuiter & inscite attribuit Telesius Figuras Animalium, ob riuulos scilicet & loculos Matricis. Debuerat autem notare similem efformationem in Testis Ouorum, vbi non sunt rugæ aut inæqualitas. At verum est Regimen Motus Efformationes perficere in Modulis & Proplasticis.

Operationes verò per Consensus aut Fugas (qui sextus Modus est) latent sæpenumerò in profundo. Istæ enim (quas vocant) Proprietates Occultæ, & Specificæ, & Sympathiæ, & Antipathiæ, sunt magnâ ex parte Corruptelæ Philosophiæ. Neque de Consensibus rerum inueniendis multum sperandum est ante Inuentionem Formarum, & Schematismorum simplicium. Consensus enim nil aliud est quam Symmetria Formarum & Schematismorum ad inuicem.

Atqui Maiores & magis Catholici rerum Consensus non prorsus obscuri sunt. Itaque ab ijs Ordiendum.

Eorum prima & summa diuersitas ea est; ut quædam Corpora Copiâ & Raritate Materiæ admodum discrepent, Schematismus Consentiant: Alia Contrâ, Copiâ & Raritate Materiæ Consentiant, Schematismis discrepent. Nam non malè notatum est a Chymicis, in principiorum suorum Triade, Sulphur & Mercurium, quasi per Vniuersitatem rerum permeare. (Nam de Sale inepta ratio est, sed introducta, ut possit comprehendere Corpora terrea, sicca, & fixa.) At certè in illis duobus videtur Consensus quidam Naturæ ex maximè Catholicis conspici. Etenim Consentiant Sulphur; Oleum, & Exhalatio pinguis; Flamma; & fortasse Corpus Stellæ. Ex alterâ parte Consentiant Mercurius; Aqua & Vapores Aquei; Aer; & fortasse Æther purus & interstellaris. Attamen istæ Quaterniones geminæ, siue Magnæ rerum Tribus, (vtræque intra Ordines suos) Copiâ & Materiæ atque Densitate immensum differunt, sed Schematismo valdè conueniunt: ut in plurimis se produnt. At Contra Metalla diuersa Copiâ & Densitate multum conueniunt (præsertim respectu vegetabilium, &c.) sed Schematismo multifariam differunt; & similiter Vegetabilia & Animalia diuersa Schematismis quasi infinitis variantur; sed intra Copiam Materiæ, siue Densitatem paucorum graduum continentur.

Sequitur Consensus maximè post priorem Catholicus, videlicet Corporum principalium & Fomitum suorum; videlicet Menstruorum, & Alimentorum. Itaque exquirendum, sub quibus Climatibus, & in quâ Tellure, & ad quam profunditatem Metalla singula generen.

generentur; Et similiter de Gemmis, siue ex Rupibus, siue inter Mineras natis: In quâ glebâ terræ, Arbores singulæ, & Frutices, & Herbæ potissimum proueniant, & tanquàm gaudeant: Et insimul quæ Impinguationes, siue per Stercorationes, cuiuscunque generis, siue per Cretam, Arenam Maris, Cineres, &c. maximè iuuent; & quæ sint ex his pro varietate glebarum magis aptæ & auxiliares. Etiam Insitio & Inoculatio Arborum & Plantarum, earumq; ratio; quæ scilicet Plantæ super quas fœliciùs inserantur, &c. multùm pendet de Consensu. In quâ parte non iniucundum foret Experimentum quod nouitèr audiuius esse tentatum, de Insitione Arborum Syluestrium, (quæ hucusq; in Arboribus hortensibus fieri consuevit) vnde Folia, & Glandes maiorem in modum amplificantur, & Arbores fiunt magis vmbrosæ. Similiter, Alimenta Animalium respectiue notanda sunt in genere, & cum Negatiuis. Neq; enim Carnivora sustinent herbis nutriri; vnde etiam Ordo Folitanorum (licet Voluntas humana plus possit quàm Animantium Cæterorum super Corpus suum) post experientiam factam (vt aiunt) tanquàm ab humana Natura non tolerabilis, ferè euauit. Etiam Mæteriæ diuersæ Putrefactionum, vnde Animalcula generantur, notandæ sunt.

Atque Consensus Corporum Principalium erga Subordinata sua (tales enim ij possint censi quos notauimus) satis in aperto sunt. Quibus addi possunt Sensuum Consensus erga Obiecta sua. Qui Consensus cum manifestissimi sint; benè notati, & acritèr excussi, etiam alijs Consensibus qui latent, magnam præbere possint lucem.

At Interiores Corporum Consensus & Fugæ, siue Amicitia & Lites (tædet enim nos fere vocabulorum Sympathia & Antipathia, propter Superstitiones & inania) aut falsò Ascriptæ, aut Fabulis conspersæ, aut per neglectum Raræ admodum sunt. Etenim si quis asserat inter Vineam & Brassicam esse dissidium, quia iuxtà sata minùs lætè proueniunt; præstò ratio est: quòd vtraque Planta succulenta sit & depredatrix, vndè altera alteram defraudat. Si quis asserat esse Consensum & Amicitiam inter Segetes, & Cyaneum, aut Papauer Syluestre, quia Herba illæ ferè non proueniunt nisi in aruis cultis: debuit is potiùs asserere dissidium esse inter ea, quia Papauer & Cyaneus emittuntur & creantur ex tali Succo terræ, qualem Segetes reliquerint & repudiauerint; adeò vt Satio Segetum terram præparet ad eorum prouentum. Atque huiusmodi falsarum Ascriptionum magnus est numerus. Quoad Fabulas verò, illæ omninò sunt exterminandæ. Restat tenuis certè Copia eorum Consensuum, qui certo probati sunt Experimento; quales sunt Magnetis & Ferri, atque Auri & Argenti viui, & similium. At in Experimentis Chymicis circa Metalla inueniuntur & alij nonnulli obseruatione digni. Maxima verò frequentia eorum (vt in tantâ paucitate) inuenitur in Medicinis nonnullis, quæ ex proprietatibus suis occultis (quas vocant) & specificis, respiciunt aut Membra, aut Humores, aut Morbos, aut quandoque Naturas Indiuiduas. Neque omittendi sunt Consensus inter Motus & Affectus Lunæ, & Passiones Corporum Inferiorum, prout ex Experimentis

tis Agriculturae, Nauticae, & Medicinae, aut alias cum delectu seuero, & sincero colligi & recipi possint. Verum Instantiae vniuersae Consensuum secretiorum quò magis sunt infrequentes, eò maiori cum diligentia sunt inquirendae, per traditiones, & narrationes fidas & probas; modò hoc fiat absque vlla leuitate, aut credulitate, sed fide anxia & quasi dubitabunda. Restat Consensus Corporum Modo operandi tanquam Inartificialis, sed vsu Polychrestus, qui nullo modo omittendus est, sed sedulà obseruatione inuestigandus. Is est Coitio, siue Vnio Corporum procliuis, aut difficilis, per Compositionem, siue Appositionem simplicem. Etenim Corpora nonnulla facile & libenter commiscuntur & incorporantur: Alia autem ægrè & peruersè: veluti Pulueres melius incorporantur cum Aquis; Calces & Cineres, cum Oleis; & sic de similibus. Neque tantum sunt colligendae Instantiae Propensionis, aut Aversionis Corporum erga Misturam, sed etiam Collocationis partium, & Distributionis, & Digestionis, postquam commista sint; Denique & Prædominantiae post Misturam transactam.

Supereſt ultimo loco ex Modis septem Operandi, septimus & postremus; Operatio scilicet per Alternationem, & Vicissitudines priorum Sex: de quo antequàm in singulos illos paulò altius fuerit inquisitum, tempestiuum non foret exempla proponere. Series autem, siue Catena huiusmodi Alternationis, prout ad singula Effecta accommodari possit, res est & Cognitu maximè difficilis, & ad Opera maximè valida. Summa autem detinet & occupat homines Impatientia, huiusmodi

iusmodi tam Inquisitionis, quàm Praxeos; Cùm tamen sit instar fili Labyrinthi, quoad Opera Maiora. Atque hæc sufficiant ad Exemplum Polychresti.

L. I.

INter Prærogatiuas Instantiarum ponemus loco vicesimo septimo atque vltimo Instantias Magicas Hoc nomine illas appellamus, in quibus Materia, aut Efficiens tenuis aut parua est, pro magnitudine Operis & Effectus qui sequitur; adeò vt etiam si fuerint vulgares, tamen sint instar Miraculi; Aliæ primò intuitu, Aliæ etiam attentius contemplanti. Has verò Natura ex sese subministrat parcè; Quid verò factura sit Sinu excusso, & post Inuentionem Formarum, & Processuum, & Schematismorum, futuris temporibus apparebit. At ista Effecta Magica (quantum adhuc conijcimus) sunt tribus modis: Aut per Multiplicationem sui; vt in Igne, & Venenis, quæ vocant Specifica; necnon in Motibus, qui transeunt & fortificantur de Rotâ in Rotam; Aut per Excitationem siue Fruitationem in altero; vt in Magnete, qui excit Acus innumeras, virtute nullatenus deperditâ, aut diminutâ; aut in fermento, & huiusmodi; Aut per Anteuersionem Motûs, vt dictum est, de Puluere pyrio, & Bombardis, & Cuniculis: quorum priores duo Modi Indagationem Consensuum requirunt; Tertius, Mensuræ Motuum. Vtrùm verò sit aliquis Modus mutandi corpora per minima (vt vocant) & transponendi subtiliores Materiæ Schematismos (id quod ad omnimodas

das Corporum Transformationes pertinet, vt Ars breui tempore illud facere possit, quod Natura per multas ambages molitur) de eo nulla hactenus nobis constant Indicia. Quemadmodum autem in Solidis & Veris aspiramus ad ultima & Summa; ita Vana & Tumida perpetuò odimus, & quantum in nobis est profligamus.

LII.

ATque de Dignitatibus sue Prærogatiuis Instantiarum hæc dicta sint. Illud verò monendum, nos in hoc nostro Organo tractare Logicam, non Philosophiam. Sed cum Logica nostra, doceat Intellectum & erudiat ad hoc, vt non tenuibus Mentis quasi Clauiculis, rerum Abstracta captet & prenses, (vt Logica vulgaris;) sed Naturam reuerà perseceat, & Corporum virtutes & Actus, eorumque Leges in Materiâ determinatas inueniat; ita vt non solum ex Naturâ Mentis, sed ex Natura Rerum quoque hæc Scientia emanet; Mirum non est, si ubique Naturalibus Contemplationibus & Experimentis, ad Exempla Artis nostræ, Conspersa fuerit & illustrata. Sunt autem (vt ex ijs quæ dicta sunt patet) Prærogatiuæ Instantiarum Numero 27. Nominibus: Instantiæ Solitariae: Instantiæ Migrantes: Inst. Ostensiuæ: Inst. Clandestinae: Inst. Constitutiua: Inst. Conformes: Inst. Monodicae: Inst. Deuiantes: Inst. Limitaneæ: Inst. Pote-

Potestatis : Instantiæ Comitatus & Hostiles :
 Inst. Subiunctiue : Inst. Fœderis : Inst. Crucis :
 Inst. Diuortij : Inst. Ianuæ : Inst. Citantes : Inst.
 Viæ : Inst. Supplementi : Inst. Persecantes : Inst.
 Virgæ : Inst. Curriculi : Doses Naturæ : Inst.
 Luctæ : Inst. Innuentes : Inst. Polycrestæ : Inst.
 Magicæ. *Usus autem harum Instantiarum in quo*
Instantias vulgares excellunt, versatur in genere, aut
circa partem Informatiuam; aut circa Operatiuam :
aut circa Vtramque. Atque quoad Informatiuam, iuu-
ant illæ aut Sensum, aut Intellectum. Sensum, vt quin-
que Instantiæ Lampadis : Intellectum, aut Accele-
rando Exclufiuam Formæ, vt Solitariæ; aut Angu-
stiando & propius indicando Affirmatiuam For-
mæ, vt Migrantes, Ostensiuæ, Comitatus, cum
Subiunctiuis : aut Erigendo Intellectum, & Ducen-
do ad Genera & Naturas communes : idque aut im-
mediate, vt Clandestinæ, Monodicæ, Fœderis :
aut Gradu proximo, vt Constitutiæ : aut Gradu in-
fimo, vt Conformes : aut Rectificando Intellectum,
à consuetis, vt Deuiantes : aut Ducendo ad Formam
Magnam, siue Fabricam Uniuerfi, vt Limitanæ :
aut Cauendo de Formis & Causis falsis, vt Cru-
cis & Diuortij. Quod verò ad Operatiuam attinet ;
Illæ Practicam aut Designant ; aut Mensurant ; aut
Subleuant. Designant aut Ostendendo à quibus incipi-
endum, ne actum agamus ; vt Inst. Potestatis : aut ad
quid Aspirandum, si detur facultas, vt Innuentes :
Mensurant quatuor illæ Mathematicæ : Subleuant
Polycrestæ & Magicæ.

Rur-

Rursus ex istis Instantijs 27. Nonnullarum
(vt superius diximus de aliquibus) facienda est Col-
lectio iam ab initio, nec Expectanda particularis In-
quisitio Naturarum. Cuius generis sunt Instantiæ
Conformes, Monodice, Deuiantes, Limitaneæ,
Potestatis, Ianuæ, Innuentes, Polycræstæ, Magi-
cæ. Hæ enim aut Auxiliantur & Medentur Intel-
lectui & Sensui; aut Instruunt Praxin, in genere.
Reliquæ tum demum conquirendæ sunt, cum Confi-
ciemus Tabulas Comparentiæ ad Opus Interpretis
circa aliquam Naturam particularem. Sunt enim
Instantiæ Prærogatiuis istis insignitæ & donatæ Ani-
mæ instar, inter vulgares Instantias Comparentiæ:
Et vt ab initio diximus, pauca illarum sunt vice mul-
tarum; Quocirca cum Tabulas conficimus, illæ om-
ni studio sunt inuestigandæ, & in Tabulas referen-
dæ. Erit etiam earum mentio necessaria in ijs quæ se-
quuntur. Præponendus itaque erat earum Tracta-
tus. Nunc verò ad Adminicula & Rectificationes
Inductionis, & deinceps ad Concreta, & Laten-
tes Processus, & Latentes Schematismos, & reli-
qua quæ Aphorismo 21. ordine proposuimus, pergen-
dum; vt tandem (tanquam Curatores Probi & fide-
les) tradamus hominibus fortunas suas, emancipato In-
tellectu, & facto tanquam Maiore; Vnde necesse est
sequi emendationem Statûs hominis, & Ampliationem
potestatis eius super Naturam. Homo enim per lap-
sum & de Statu Innocentiæ decidit, & de Regno in
Creaturas. Vtrique autem res etiam in hac vita non-
nullæ

nullá ex parte reparari potest; prior per Religionem & Fidem, posterior per Artes & Scientias. Neque enim per Maledictionem facta est Creatura prorsus & ad extremum rebellis. Sed in virtute illius Diplomatis, In sudore vultus comedes panem tuum, per labores varios, (non per Disputationes certè, aut per otiosas Ceremonias magicas) tandem & aliqua ex parte ad panem homini præbendum, id est, ad vsus vitæ humanæ subigitur.

Finis Libri Secundi Noui Organi.



PARASCEVE,
AD
HISTORIAM
NATVRALEM,
ET
EXPERIMENTALEM.

THE UNIVERSITY OF CHICAGO

LIBRARY

OF THE DIVISION OF THE PHYSICAL SCIENCES

PHYSICS DEPARTMENT

CHICAGO, ILL.

DESCRIPTIO HISTORIAE NATV- RALIS, ET EXPERIMENTALIS, QUALIS SUFFICIAT, ET SIT in Ordine ad Basin, & Fundamenta Philosophiae Veræ.



U O D Instaurationem
nostram per partes edamus,
id cò spectat, vt aliquid extra
periculum ponatur. Non
absimilis nos mouet ratio, vt
aliam quandam Operis par-
ticulam iam in præsentì sub-
iungamus, & cum ijs quæ su-
pra absoluiamus, vna edamus. Ea est Descriptio &
Delineatio Historiæ Naturalis & Experimentalis,
eius generis, quæ sit in Ordine ad Condendam Philoso-
phiam; & complectatur Materiem probam, copio-
sam, & aptè digestam ad Opus Interpretis quod succe-
dit. Huic autem rei locus proprius foret, quàm ad Pa-
rasceuas Inquisitionis ordine deuentum fuerit. Hoc
verò præuerrere, nec locum proprium expectare, consul-
tius nobis videtur; quòd huiusmodi Historia, qualem
animo metimur, & mox describemus, res perquam
magnæ sit Molis, nec sine magnis laboribus & sump-
tibus confici possit; vt quæ multorum operâ indigeat, &

(ut alibi diximus) Opus sit quasi Regium. Itaque occurrit illud, non abs re fore experiri, si fortè hæc alijs alijs curæ esse possint; ita ut dum nos destinata ordine perficiamus, hæc pars quæ tam multiplex est & onerosa, etiam viuis nobis (si ita Diuinæ placuerit Maiestati) instrui & parari possit, alijs vnà nobiscum in id sedulò incumbantibus; præsertim quùm vires nostræ (si in hoc soli fuerimus) vix tantæ prouinciæ sufficere videantur. Etenim quæ ad Opus ipsum Intellectûs pertinent, nos Marte nostro fortassè vincemus. At Intellectûs Materialia tam latè patent, ut ea (tanquam per Procuratores & Mercatores) vndiquè conquiri & importari debeant. Accedit etiam illud, quòd Cæptis nostris vix dignum esse æstimemus, ut in re tali, quæ ferè omnium Industriæ pateat, nos ipsi tempus teramus. Quod autem Caput rei est, Ipsi nunc præstabimus: Ut eiusmodi Historiæ Modum & Descriptionem, qualis Intentioni nostræ satisfaciat, diligenter & exactè proponamus; nè homines non admoniti aliud agant, & ad Exemplum Naturalium Historiarum quæ iam in usu sunt, se regant, atque ab Instituto nostro multum aberrant. Illud interim quod sæpè diximus, etiam hoc loco præcipuè repetendum est: Non si omnia omnium Ætatum ingenia coiuisissent, aut posthac coierint; Non si vniuersum genus humanum Philosophiæ dedisset operam, aut dederit; Et Totus Terrarum Orbis nihil aliud fuisset, aut fuerit, quàm Academia, & Collegia, & Scholæ virorum doctorum; tamen absque tali, qualem nunc præcipientus, Historiâ Naturali & Experimentalì, ullos qui genere humano digni sint progressus, in
Philoso-

Philosophiâ & Scientijs fieri potuisse, aut posse. Contrâ verò comparatâ & benè instructâ huiusmodi Historiâ, additis Experimentis Auxiliaribus & Luciferis, quæ in ipso Interpretationis Curriculo occurrent, aut eruenda erunt; paucorum Annorum Opus futuram esse Inquisitionem Naturæ & Scientiarum omnium. Itaque aut hoc agendum est, aut Negotium deferendum. Hoc enim solo & unico modo Fundamenta Philosophiæ veræ & Activæ stabiliri possunt; Et simul perspicient homines, tanquàm ex profundo somno excitati, quid inter Ingenij Placita & Commenta, ac Veram & Activam Philosophiam intersit; & quid demùm sit de Naturâ Naturam ipsam consulere.

Primò igitur de huiusmodi Historiâ conficiendâ præcepta dabimus in genere; Deindè particularem eius Figuram hominibus sub oculos ponemus: Inserentes interdum non minus Ad quid Inquisitio aptanda & referenda sit, quàm Quid quæri debeat. Scilicet, ut Scopus rei benè intellectus & præuisus, etiam alia hominibus in mentem redigat, quæ à Nobis fortassè prætermissa erunt. Historiam autem istam Historiam primam, sue Historiam Matrem appellare consuevimus.

APHO-

OH9A



APHORISMI

DE

CONFICIENDA

HISTORIA

Prima.

APHORISMVS

I.



Atura in triplici Statu ponitur, & tanquam Regimen subit trinum. Aut enim libera est, & cursu suo ordinario se explicat; aut à prauitatibus & insolentijs Materiæ, atque ab Impedimentorum violentiâ de statu suo detruditur; aut ab Arte & ministerio humano constringitur & fingitur. Atque Primus ille
Status

Status ad Species rerum refertur; Secundus ad Monstra; Tertius ad Artificialia. Etenim in Artificialibus Natura iugum recipit ab Imperio Hominis; nunquam enim Illa facta fuissent absque Homine. At per Operam & ministerium Hominis conspicitur prorsus noua Corporum Facies; & veluti Rerum Uniuersitas altera, siue Theatrum alterum. Triplex itaque est Historia Naturalis. Tractat enim aut Naturæ Libertatem, aut Errores, aut Vincula; vt non malè Eam partiiri possimus, in Historiam Generationum, Prætergenerationum, & Artium; quarum postremam etiam Mechanicam & Experimentalem appellare consueuimus. Neq; tamen id præcipimus, vt hæc Tria separatim tractentur. Quidni enim possint Historiæ Monstrorum in singulis Speciebus cum Historiâ ipsarum Specierum coniungi. Etiam Artificialia quandoque cum Speciebus rectè coniunguntur, quandoque meliùs separantur. Quamobrè m è re natâ de his consilium capere optimum est. Methodus enim Iterationes & prolixitatem gignit, æquè ubi Nihil est, ac ubi Nulla.

II.

Historia Naturalis, vt Subiecto (quemadmodum diximus) triplex; ita Vsu duplex est. Adhibetur enim aut propter rerum ipsarum cognitionem, quæ Historiæ mandantur; aut tanquàm Materia Prima Philosophiæ, atque veræ Inductionis Supellex, siue Sylua. Atque Posterius hoc nunc agitur; Nunc, inquam;

quam; neque vnquam antehàc. Neque enim Aristoteles, aut Theophrastus, aut Dioscorides, aut Caius Plinius, multò minùs Moderni hunc finem (de quo loquimur) *Historiæ Naturalis*, vnquam sibi proposuerunt. Atque in Hoc plurimum est; ut qui partes scribendi *Historiam Naturalem* sibi posthàc sumpserint, hoc perpetuò cogitent, atque animo agitent; se non Lectoris delectationi, non utilitati ipsi, quæ ex Narrationibus in præsens capi possit, debere inseruire; sed conquirere & comparare Rerum Copiam & varietatem, quæ veris Axiomatibus conficiendis sufficiat. Hoc enim si cogitent, Modum huiusmodi *Historiæ* Ipsi sibi præscribent. Finis enim regit Modum.

III.

QUò autem maioris est hæc res operæ & laboris; eò illam minùs onerari superfluis consentaneum est. *tria* itaque sunt, de quibus Homines sunt planè admonendi, ut in illis parcè admodùm operam suam collocent; tanquàm ijs quæ massam Operis in immensum augeant, virtutem parùm aut nihil promoueant.

Primò igitur faceffant Antiquitates, & Citationes, aut Suffragia Authorum; etiam Lites, & Controversiæ, & Opiniones discrepantes; Omnia denique Philologica. Neque enim citetur Author, nisi in re dubiæ fidei; neque interponatur Controversia, nisi in re magni momenti. Quæ verò ad Ornamenta Orationis, & Similitudines, & Eloquentiæ Thesaurum, & huiusmodi inania spectant, omninò abijciantur. Etiam

b

quæ

quæ recipiuntur omnia, & ipsa proponantur breuiter & strictim, vt nihil minus sint quàm verba. Nemo enim qui Materialia ad Ædificia, vel Naves, vel huiusmodi aliquas Structuras colligit & reponit, ea (Officinarum more) bellè collocat & ostentat vt placeant; sed in hoc tantùm sedulus est, vt proba & bona sint, & vt in Repositorio spatium minimum occupent. Atque ita prorsus faciendum est.

Secundò, non multùm ad rem facit Luxuria illa Historiarum Naturalium in Descriptionibus & Picturis Specierum numerosis, atque earundem Varietate curiosâ. Huiusmodi enim pusillæ Varietates nihil aliud sunt, quàm Lusus quidam Naturæ, & Lasciuia, & propè ad Indiuiduorum Naturam accedunt: Atque habent Peragrationem quandam in Rebus ipsis amœnam & iucundam; Informationem verò ad Scientias tenuem, & ferè superuaciam.

Tertiò, missæ planè faciendæ sunt omnes Narrationes Superstitiosæ (non dico Prodigosæ, ubi Memoria earum reperietur fida & probabilis, sed Superstitiosæ) & Experimenta Magiæ Ceremonialis. Nolumus enim Philosophiæ Infantiam, cui Historia Naturalis primam præbet Mammam, Fabulis anilibus assuescere. Erit fortassè Tempus (postquàm in Inquisitionem Naturæ paulò altiùs penetratum sit) huiusmodi res leuiter percurrendi; vt si quid in illis facibus hæreat virtutis Naturalis, ea extrahi & in usum condi possit. Interim seponendæ sunt. Etiam Magiæ Naturalis Experimenta diligenter & cum seueritate ventilanda sunt, antequàm recipiantur; præsertim

sertim illa, quæ ex vulgaribus Sympathijs & Antipathijs, magnâ cum socordiâ & facilitate credendi simul & fingendi, deriuari solent.

Neque nil, aut parùm actum est, in exonerandâ Historiâ Naturali Tribus his (quæ diximus) rebus superfluis, quæ aliàs Volumina impleturæ fuissent. Nequè tamen hîc Finis. Æquè enim requiritur in Opere magno, vt tam ea quæ recipiuntur, succinctè scribantur; quàm vt superflua abscindantur: Licèt nemini dubium esse possit, quin huiusmodi Castitas & Breuitas, deletionem multò minorem tum Legenti, tum Scribenti præbitura sit. Verùm illud semper inculcandum est; hoc quod paratur, Horreum esse tantummodò & Promptuarium Rerum; in quo non manendum, aut habitandum sit cum voluptate, sed eò descendendum, prout res postulat, cùm aliquid ad vsum sumendum sit, circa Opus Interpretis quod succedit.

IV.

I*N Historiâ quam requirimus & animo destinamus, antè omnia videndum est, vt latè pateat, & facta sit ad Mensuram Uniuerſi. Neque enim arctandus est Mundus ad angustias Intellectûs, (quod adhuc factum est) sed expandendus Intellectus, & laxandus, ad Mundi Imaginem recipiendam, qualis inuenitur. Istud enim, Respicere pauca, & pronunciare secundùm pauca, omnia perdidit. Resumentes igitur Partitionem; quam paulò antè fecimus Historiæ Naturalis (quòd sit Generationum, Prætergenerationum,*

num, & Artium) Historiæ Generationum constitui-
mus Partes quinque. Sit Prima, Ætheris & Cœ-
lestium. Secunda, Meteororum, & Regionum (quas
vocant) Aëris; Tractuum videlicet à Lunâ usque ad
Superficiem Terræ; Cui etiam parti Cometas cuius-
cunque generis, tum sublimiores, tum humiliores (ut-
cunque se habeat rei veritas) Ordinis causâ assigna-
mus. Tertia, Terræ & Maris. Quarta, Elemento-
rum (quæ vocant) Flammæ, siue Ignis, Aëris, Aquæ,
& Terræ. Elementa autem eo sensu accipi volumus,
ut intelligantur non pro Primordiis Rerum, sed pro
Corporum Naturalium Massis Maioribus. Ita enim
Natura Rerum distribuitur, ut sit quorundam Corpo-
rum Quantitas siue Massa in Vniuerso perquam
Magna; quia scilicet ad Schematismum eorum requi-
ritur Textura Materiæ facilis & obuia; qualia sunt
Ea quatuor (quæ diximus) Corpora: At quorundam
aliorum Corporum sit Quantitas in Vniuerso parua, &
parcè suppeditata, propter Texturam Materiæ valdè
dissimilem, & subtilem, & in plurimis determina-
tam, & Organicam; qualia sunt Species Rerum Na-
turalium, Metalla, Plantæ, Animalia. Quare Prius
Genus Corporum, Collegia Maiora; Posterius, Col-
legia Minora appellare consueuimus. At Collegio-
rum istorum Maiorum est Pars Historiæ Quarta,
sub nomine Elementorum, ut diximus. Neque verò
confunditur Pars Quarta cum Secundâ aut Tertiâ, in
hoc quòd in singulis mentionem Aëris, Aquæ, Terræ
fecimus. In Secundâ enim & Tertiâ recipitur Historia
eorum, tanquam Mundi Partium Integralium, &
quate-

quatenus pertinent ad Fabricam & Configurationem Uniuersi; At in Quartâ continetur Historia Substantiæ & Naturæ ipsorum, quæ in singulis eorum partibus similaribus viget, nec ad totum refertur. Quinta denique pars Historiæ Collegia Minora, siue Species continet; circa quas Historia Naturalis hætenus præcipuè occupata est.

Historiam verò Prætergenerationum quod attinet; iam dudum à Nobis dictum est, quòd Illa cum Historiâ Generationum commodissimè coniungi possit; Ea scilicet, quæ sit Prodigiola tantum, & Naturalis. Nam Superstitiosam Miraculorum Historiam (cuiuscunque sit generis) omninò relegamus in Tractatum proprium; Neque ipsum iam inde à principio suscipiendum, sed paulò post, quando altiùs in Naturæ Inquisitionem penetratum fuerit.

At Historiam Artium, & Naturæ ab Homine versæ & immutatae, siue Historiam Experimentalem, triplicem constituimus. Aut enim deprompta est ex Artibus Mechanicis; Aut ex Operatiua parte Scientiarum Liberalium; Aut ex Practicis compluribus & Experimentis, quæ in Artem propriam non coaluerunt; immò quæ quandoquæ ex Vulgatissimâ Experientiâ occurrunt, nec Artem omninò desiderant. Quamobrem si ex his omnibus quæ diximus, Generationibus, Prætergenerationibus, Artibus, & Experimentis confecta fuerit Historia; nihil prætermissum videtur, per quod Sensus ad informandum Intellectum instrui possit. Neque igitur amplius intra Circulos paruos (veluti incantati) subsultabimus, sed Mundi Pomæria circuitione æquabimus.

Inter

V.

INter Partes eas quas diximus *Historiæ*, maximi
 vsûs est *Historia Artium*; propterea quòd ostendat
Res in Motu, & magis rectà ducat ad *Praxin*.
 Quinetiam tollit larvam & velum à *Rebus Naturali-*
bus, quæ plerunque sub varietate *Figurarum* & *Ap-*
parentiæ externæ occultantur, aut obscurantur. Deni-
 que *Vexationes Artis* sunt certè tanquàm *Vincula*
 & *Manicæ Protei*, quæ ultimos *Materiæ Nixus* &
Conatus produnt. Corpora enim perdi, aut annihilari
 nolunt; sed potiùs in varias *Formas* se mutant. Itaque
 circa hanc *Historiam*, licèt *Mechanicam* (vt videri
 possit) & minùs *Liberalem*, (missâ arrogantia & fa-
 stu) summa est adhibenda diligentia.

Rursùs, inter *Artes* præferuntur *Eæ*, quæ *Corpora*
Naturalia & *Rerum Materialia* exhibent, alterant,
 & præparant; vt *Agricultura*; *Coquinaria*; *Chymica*;
Tindoria; *Opificia Vitri*, *Esmaltæ*, *Sacchari*, *Pulue-*
ris Pyrij, *Ignium Artificialium*, *Papyri*, & huiusmodi.
 Ieiunioris autem sunt vsûs, quæ præcipuè consistunt in
Motu subtili Manuum, & *Instrumentorum*; qua-
 les sunt *Textoria*; *Fabrilis*; *Architectura*; *Opificia*,
Molendinorum, *Horologiorum*, cum similibus; Licèt
 & istæ nullo modo negligendæ sint; tum quia in illis oc-
 currunt multa, quæ ad *Corporum Naturalium Altera-*
tiones spectant; tum quia accuratè informant de *Motu*
Lationis, quæ res est magni prorsùs ad plurima mo-
 menti.

Verùm

Verùm in Congerie vniuersâ istius Artium Historiæ, illud omninò monendum est, & penitus memoriæ mandandum; recipienda esse Experimenta Artium, non solum ea quæ ducunt ad finem Artis, sed etiam quæ ullo modo interueniunt. Exempli gratiâ, quòd Locustæ, aut Cancrì cocti, cùm prius Colorem luti referrent, rubescant, nihil ad mensam: sed hæc ipsa Instantia tamen non mala est ad Inquirendam Naturam Rubedinis; cùm idem eueniat etiam in Lateribus coctis. Similiter, quòd Carnes minori morâ saliantur Hyeme quàm Æstate, non eò tantum spectat, vt Coquus cibos benè & quantum sufficit condiat; sed etiam Instantia bona est ad indicandam Naturam, & Impressionem Frigoris. Quamobrèm toto (quod aiunt) Cælo errauerit, qui Intentioni nostræ satisfieri existimauerit, si Artium Experimenta colligantur, huius rei solum gratiâ, vt hoc modo Artes singulæ meliùs perficiantur. Licèt enim & hoc non prorsus contemnamus in multis; tamen ea planè est Mens nostra, vt omnium Experimentorum Mechanicorum riuuli, in Philosophiæ pelagus vndequaque fluant. Delectus autem Instantiarum in vnoquoque genere eminentiorum (quas maximè & diligentissimè conquirere oportet, & quasi venari) ex Prærogatiuis Instantiarum petendus est.

VI.

Resumendum etiam est hoc loco, quod in Aphorismis 99. 119. 120. Libri primi fusiùs tractauimus;
hic

hîc verò, Præcepti more, breuiter imperare sufficiat: Hoc est, vt recipiantur in hanc Historiam; Primò res Vulgatissimæ, quales quis superuacuum putaret scripto inferere, quia tam familiaritè notæ sunt; Dein, res Viles, Illiberales, Turpes; (Omnia enim munda mundis; & si Lucrum ex Lotio boni odoris sit, multo magis Lumen & Informatio ex re qualibet:) Etiam res Leues & Pueriles; (nec mirum; repuerascendum enim planè est:) Postremò, res quæ nimie cuiusdam Subtilitatis esse videntur, quòd in se nullius sint vsûs. Neque enim (vt iam dictum est) quæ in hac Historiâ proponuntur, propter se congesta sunt: Itaque neque dignitatem eorum ex se metiri par est, sed quatenùs ad alia transferri possint, & influant in Philosophiam.

VII.

Illud insupèr præcipimus, vt omnia in Naturalibus tam Corporibus quàm Virtutibus (quantum fieri potest) numerata, appensa, dimensa, determinata proponantur. Opera enim meditamur, non Speculationes. Physica autem & Mathematica benè commistæ, generant Practicam. Quamobrèm exactæ Restitutiones & Distantiæ Planetarum, in Historiâ Cælestium: Terræ Ambitus, & Quantum occupet in superficie respectu Aquarum, in Historiâ Terræ & Maris: Quantum compressionem Aër patiatur absque forti Antitypiâ, in Historiâ Aëris: Quantum in Metallis alterum alteri præponderet, in Historia Metallorum; & innumera

numera id genus perquirenda, & perscribenda sunt. Cum verò exactæ Proportiones haberi non possint, tum certè ad *Æstimatiuas* aut *Comparatiuas* indefinitas confugiendum est. Veluti (si fortè calculis *Astronomorum*, de *Distantijs*, diffidimus) quòd *Luna* sit infra umbram *Terræ*; quòd *Mercurius* sit supra *Lunam*; & huiusmodi. Etiam cum *Mediæ* Proportiones haberi non possint, proponantur *Extremæ*: vcluti, quòd languidior *Magnes* attollat *Ferrum* ad tale pondus, respectu ponderis ipsius *Lapidis*; & quod maxime virtuosus, etiam ad rationem sexagecuplam; quod nos in armato *Magnetè* admodum paruo fieri vidimus. Atque satis scimus istas *Instantias* determinatas non facile aut sæpè occurrere; sed in ipso *Interpretationis* curriculo, tanquam *Auxiliares*, (quando res maxime postulat) debere exquiri. Veruntamen si fortè occurrant, modò non progressum conficiendæ *Naturalis Historiæ* nimis remorentur, etiam in ipsam eas inferere oportet.

VIII.

FIdem verò eorum, quæ in *Historiâ* sunt recipienda, quòd attinet; necesse est ut illa sint aut fidei *Certæ*, aut fidei *Dubiæ*, aut fidei *Damnataæ*. Atque Prius genus simpliciter est proponendum. Secundum, cum notâ; viz. per verbum *Traditur*, aut *Referunt*, aut *Audiui* ex fide-digno, & huiusmodi. Nam argumenta *Fidei* in alterutram partem, nimis operosum foret ascribere: & proculdubio scribentem nimis re-

morabitur. Neque multum etiam refert, ad id quod agitur: quoniam (ut in Aphorismo 118. Lib. 1. diximus) falsitatem Experimentorum, nisi ea ubique sca-teant, veritas Axiomatum paulò pòst conuincet. At-tamen si Instantia fuerit nobilior, aut usu ipso, aut quia alia multa ex illà pendere possint; tum certè no-minandus est Author: neque id nudè tantum, sed cum mentione aliquà; utrùm ille ex Relatione, aut Exscriptione, (qualia sunt ferè, quæ scribit C. Pli-nius) aut potius ex Scientiâ propriâ illa affirmauerit; atque etiam utrùm fuerit res sui temporis, an vetustior; insuper, utrùm sit tale quippiam, cuius necesse foret ut multi essent testes, si verum foret; denique, utrùm Author ille fuerit vaniloquus & leuis, an sobrius & seuerus; & similia, quæ faciunt ad pondus Fidei. Postremo res Damnatæ fidei, & tamen iactatas & celebratas; quales, partim neglectu, partim propter u-sum Similitudinum, per multa iam sæcula inualue-runt, (veluti, quòd Adamas liget Magnetem, Allium eneruet; Electrum omnia trahat præter Ocimum; & alia multa huiusmodi) oportebit non silentio reiicere, sed verbis expressis proscribere, ne illa ampliùs Scientijs molesta sint.

Prætereà non abs re fuerit, si fortè Origo Vani-tatis aut Credulitatis alicuius occurrat, illam notare: veluti, quòd herbæ Satyrio attributa sit vis ad excitan-dam Venerem, quia Radix scilicet in figuram testicu-lorum efformata sit: Cùm reuerà hoc fiat, quia ad-nascitur annis singulis noua radix bulbosa, adhærente radice anni prioris; unde Didymi illi. Manifestum autem

autem hoc est, quòd noua Radix semper inueniatur solida & succulenta, vetus emarcida & spongiosa. Quare nil mirum, si altera mergatur in aqua, altera natet: Quod tamen pro re mirâ habetur, & reliquis eius Herbae virtutibus auctoritatem addidit.

IX.

Super sunt Additamenta quaedam Historiae Naturalis utilia, quaeque eam magis commodè inflectere & aptare possint ad Opus Interpretis, quod succedit. Illa, quinque sunt.

Primum, Quæstiones (non Causarum dico, sed Facti) adiiciendæ sunt, ut inquisitionem vltiorem prouocent & sollicitent: Ut, in Historiâ Terræ & Maris, Utrum Mare Caspium fluat & refluat, & quali horarum spatio; Utrum sit aliqua Continens Australis, an potius Insula; & similia.

Secundò, in Experimento aliquo nouo & subtiliore, addendus est Modus ipse Experimenti, qui adhibitus est: ut liberum sit hominum Iudicium, vtrum Informatio per Experimentum illud sit fidum aut fallax; atque etiam excitetur hominum Industria, ad exquirendos Modos (si fieri possit) magis accuratos.

Tertiò, si quid subsit in aliquâ Narratione dubij vel scrupuli, id suppressi aut reticere omninò nolumus; sed planè & perspicuè ascribi, Notæ aut Moniti loco. Cupimus enim Historiam Primam, veluti factò Sacramento de veritate eius in singulis, religiosissimè conscribi;

scribi; cùm sit Volumen Operum Dei, & (quantum inter Maiestatem Diuinorum, & Humilitatem Terrenorum collationem facere liceat) tanquam Scriptura altera.

Quartò, non abs re fuerit Observationes quandoquè aspergere; (id quod C. Plinius fecit:) veluti in Historiâ Terræ & Maris; Quòd Terrarum figura (quatenus adhuc cognita est) respectu Marium, sit ad Austrum angusta & veluti acuminata, ad Septentriones lata & ampla; Marium, contrà: Et quòd Oceani Magni interfecent Terras alueis exporrectis inter Austrum & Septentriones, non inter Orientem & Occidentem, nisi fortè in extremis Regionibus Polaribus. Etiam Canones (qui nil aliud sunt quam Observationes generales & Catholicæ) optimè ascribuntur: veluti in Historiâ Cælestium; Quòd Venus nunquam distet à Sole plus partibus 46. Mercurius, 23. Et quòd Planetæ, qui suprâ Solem locantur, tardissimè moueant; cùm longissimè à Terrâ absint: Planetæ infrâ Solem, celerrimè. Aliud insuper Observationis genus adhibendum; quod nondum in vsum venit, licèt sit haud exigui momenti. Illud tale est: nempè, vt subiungantur ijs quæ sunt, ea quæ non sunt. Veluti, in Historiâ Cælestium, Quòd non inueniatur stella oblonga vel triangularis; sed quòd omnis stella sit globosa: vel Globosa simpliciter, vt Luna; vel ad aspectum Angulata, sed in medio globosa, vt reliquæ Stellæ; vel ad aspectum Comata, & in medio globosa, vt Sol: Aut quòd Stellæ nullo prorsus spargantur ordine; vt non inueniatur vel Quincunx,

cunx, vel Quadrangulum, nec alia Figura perfecta; (vtrunque imponantur nomina Delta, Corona, Crucis, Quadrigarum, &c.) vix etiam Linea recta, nisi forte in Cingulo & Pugione Orionis.

Quintò, iuuabit fortasse nonnihil Quarentem, quod Credentem prorsus peruertat & perdat: viz. ut Opiniones, quæ nunc receptæ sunt, cum earum Varietate & Sectis, breui Verborum complexu, & tanquam in transitu recenseantur; ut Intellectum vellicent, & nihil ampliùs.

X.

ATque hæc sufficient, quatenùs ad Præcepta generalia: quæ si diligenter obseruentur, & finem recta petet hoc Opus Historiæ, nec excrescet supra modum. Quòd si etiam, prout circumscribitur & limitatur, Vastum Opus alicui pusillanimo videri possit; is in Bibliothecas oculos conuertat; & inter alia, Corpora Iuris Ciuilis aut Iuris Canonici ex una parte spectet, & Commentarios Doctorum & Iurisconsultorum ex altera; & videat quid intersit quoad Molem & Volumina. Nobis enim (qui, tanquam Scribæ fideles, leges ipsas Naturæ, & nil aliud excipimus & conscribimus) breuitas competit, & ferè ab ipsis Rebus imponitur. Opinionum autem, & Placitorum, & Speculationum, non est numerus neque finis.

Quòd verò in Distributione Operis nostri mentionem fecimus Cardinalium Virtutum in Naturâ; & quòd etiam harum Historia, antequàm ad Opus Interpretata-

pretationis ventum fuerit, perscribenda esset; Huius rei minimè oblitus sumus, sed eam Nobis ipsis reseruauimus: cum de aliorum Industriâ in hac re, priusquàm homines cum Naturâ paulò arctius consuescere incœperint, prolixè spondere non audeamus. Nunc itaque ad Delineationem Historiarum Particularium veniendum.

Verùm, prout nunc negotijs dīstringimur, non vltius suppetit otium, quàm ut Catalogum tantum Historiarum Particularium secundum Capita subiungamus. Enimuerò cum primùm huic rei vacare possimus, consilium est in singulis, veluti Interrogando, docere; qualia sint circa vnamquamque Historiarum illarum potissimùm inquirenda & conscribenda, tanquam ea quæ ad finem nostrum faciunt, instar Topicorum quorundam Particularium: vel potiùs, ut (sumpto exemplo à Causis Civilibus) in hac Vindicatione Magnæ sue Processu, à fauore & Providentiâ Diuinâ concessa & instituta, (per quem genus humanum Ius suum in Naturam recuperare contendit) Naturam ipsam & Artes super Articulos examinemus.



CATALOGVS

HISTORIARVM

PARTICVLARIVM,

secundùm Capita.

1.



2.

Istoria Cœlestium; si-
ue Astronomica.

Historia configura-
tionis Cœli & par-
tium eius, versùs
Terram & partes
eius; siue Cosmo-
graphica.

3. Historia Cometarum.
4. Historia Meteororum ignitorum.
5. Historia Fulgurum, Fulminum, Tonitruum,
& Coruscationum.
6. Historia Ventorum, & Flatuum repentino-
rum, & Vndulationum Aeris.

d

Histo-

7. Historia Iridum.
8. Historia Nubium, prout supernè conspiciuntur.
9. Historia Expansionis Cœruleę, Crepusculi, plurium Solium, plurium Lunarum, Halonum, Colorum variorũ Solis & Lunę; atq; omnis varietatis Cœlestium ad aspectum, quæ fit ratione Medij.
10. Historia Pluuiarum Ordinariarum, Procellosarum, & Prodigiolarum; etiã Cataractarum (quas vocant) Cœli, & similium.
11. Historia Grandinis, Nivis, Gelu, Pruine, Nebulæ, Roris, & similium.
12. Historia omnium aliorum Cadentiũ siue Descendentium ex alto, & supernè generatorũ.
13. Historia Sonituum in alto (si modò sint aliqui) præter Tonitrua.
14. Historia Aeris, in Toto, siue in Configuratione Mundi.
15. Historia Tempestatum, siue Temperamentorum Anni, tam secundum variationes Regionum, quàm secundum accidentia Temporum, & periodos Annorum; Diluviorum, Feruorum, Siccitatũ, & similium.
16. Historia Terrę & Maris; Figurę & Ambitũ ipsorum, & Configurationis ipsorum inter se, atq; Exporectionis ipsorum in latum aut angustum; Insularum Terrę in Mari, Sinuum Ma-

num Maris, & Lacuum salso:um in Terrâ, Isthmorum, Promontoriorum.

17. Historia Motuum (si qui sint) globi Terræ & Maris; & ex quibus Experimentis illi colligi possint.
18. Historia Motuum maiorum & Perturbationum in Terrâ & Mari; nempè Terræ Motuum & Tremorum & Hiatum, Insularum de nouo enascentium, Insularum fluctuantium, Abruptionum Terrarum per ingressum Maris, Inuasionum & Illuuiionum, & contrâ Desertionū Maris; Eruptionum Ignium è Terrâ, Eruptionum subitanearum Aquarum è Terrâ, & similium.
19. Historia Geographica Naturalis, Montium, Vallium, Sylvarum, Planitierum, Arenarum, Paludum, Lacuum, Fluuiorum, Torrentium, Fontium, & omnis diuersitatis scaturiginis ipsorum, & similium: missis Gentibus, Prouincijs, Urbibus, & huiusmodi Ciuilibus.
20. Historia Fluxuum & Refluxuum Maris, Euriporum, Vndulationum & Motuum Maris aliorum.
21. Historia cæterorum Accidentium Maris; Salsuginis eius, Colorum diuersorum, Profunditatis: & Rupium, Montium, & Vallium submarinorum, & similium.

Sequuntur Historiæ Massarum maiorum.

22. **H**istoria Flammæ, & Ignitorum.
 23. **H**istoria Aeris, in Substantiâ, non in Configuratione.
 24. Historia Aquæ, in Substantiâ, non in Configuratione.
 25. Historia Terræ & diuersitatis eius, in Substantiâ, non in Configuratione.

Sequuntur Historiæ Specierum.

26. **H**istoria Metallorum perfectorum, Auri, Argenti, & Minerarum, Venarum, Marcasitarum eorundem: Operaria quoque in Mineris ipsorum.
 27. Historia Argenti Viui.
 28. Historia Fossilium; veluti Vitrioli, & Sulphuris, &c.
 29. Historia Gemmarum; veluti Adamantis, Rubini, &c.
 30. Historia Lapidum; vt Marmoris, Lapidis Lydij, Silicis, &c.
 31. Historia Magnetis.
 32. Historia Corporum Miscellaneorum, quæ nec sunt Fossilia prorsus, nec Vegetabilia; vt Salium, Succini, Ambre-griseæ, &c.
 33. Historia Chymica circa Metalla & Mineralia.
 34. Histo-

34. Historia Plantarum, Arborum, Fruticum, Herbarum : & Partium eorum, Radicum, Caulium, Ligni, Foliorum, Florum, Fructuum, Seminum, Lachrymarum, &c.
35. Historia Chymica circa Vegetabilia.
36. Historia Piscium, & partium ac Generationis ipsorum.
37. Historia Volatilium, & Partium ac Generationis ipsorum.
38. Historia Quadrupedum, & Partium ac Generationis ipsorum.
39. Historia Serpentum, Vermium, Muscarum, & cæterorum Insectorum; & partium ac generationis ipsorum.
40. Historia Chymica circa ea quæ sumuntur ab Animalibus.

Sequuntur Historiae Hominis.

41. **H**istoria Figuræ, & Membrorum exteriorum Hominis, Staturæ, Compagis, Vultus, & Lineamentorum; eorumque varietatis secundum Gentes & Climata, aut alias minores Differentias.
42. Historia Physiognomica super ipsa.
43. Historia Anatomica, siue Membrorum interiorum Hominis; & varietatis ipsorum, qua-

quatenus inuenitur in ipsâ naturali Com-
page & Structurâ, & non tantum quoad
Morbos & Accidentia præternaturalia.

44. Historia partium similium Hominis; vt
Carnis, Ossium, Membranarum, &c.
45. Historia Humorum in Homine; Sanguinis,
Bilis, Spermatidis, &c.
46. Historia Excrementorum; Sputi, Vrina-
rum, Sudorum, Sedimentorum, Capillo-
rum, Pilorum, Rediuiarum, Vnguium, &
similium.
47. Historia Facultatum; Attractionis, Digesti-
onis, Retentionis, Expulsionis, Sanguifi-
cationis, Assimilationis alimentorum in
membra, Versionis Sanguinis & Floris
eius in Spiritum, &c.
48. Historia Motuum Naturalium & Inuolun-
tariarum; vt Motus Cordis, Motus Pul-
suum, Sternutationis, Motus Pulmonum,
Motus Erectionis Virgæ, &c.
49. Historia Motuum mixtorum ex Naturali-
bus & Voluntarijs; veluti Respirationis,
Tussis, Vriationis, Sedis, &c.
50. Historia Motuum Voluntariarum; vt In-
strumentorum ad voces articulatas; vt Mo-
tum Oculorum, Linguae, Faucium, Ma-
nuum, Digitorum; Deglutitionis, &c.

51. Histo-

51. Historia Somni & Insomniorum.
52. Historia diuerſorum Habituum Corporis; Pinguis, Macilenti; Complexionum, (quas vocant,) &c.
53. Historia Generationis Hominum.
54. Historia Conceptionis, Viuificationis, Geſtationis in Vtero, Partûs, &c.
55. Historia Alimentationis Hominis, atque omnis Edulij & Potabilis, atque omnis Diætæ; & Varietatis ipſorum ſecundum Gentes aut minores differentias.
56. Historia Augmentationis & Incrementi Corporis in Toto & Partibus ipſius.
57. Historia Decurſûs Ætatis; Infantia, Pueritia, Iuuentutis, Senectutis, Longæuitatis, Breuitatis Vitæ, & ſimilium, ſecundum Gentes & minores differentias.
58. Historia Vitæ & Mortis.
59. Historia Medicinalis Morborum, & Symptomatum & Signorum eorundem.
60. Historia Medicinalis, Curæ, & Remediorum, & Liberationum à Morbis.
61. Historia Medicinalis eorum quę conſeruant Corpus & Sanitatem.
62. Historia Medicinalis eorum quę pertinent ad Formam & Decus Corporis, &c.

63. Histo-

63. Historia Medicinaliseorum quæ corpus alterant, & pertinent ad Regimen Alterativum.
64. Historia Pharmaco-polaris.
65. Historia Chirurgica.
66. Historia Chymica circa Medicinas.
67. Historia Visûs & Visibilium, siue Optica.
68. Historia Picturæ, Sculptoria, Plastica, &c.
69. Historia Auditûs & Sonorum.
70. Historia Musica.
71. Historia Olfactûs, & Odorum.
72. Historia Gustûs, & Saporum.
73. Historia Tactûs, & eius Obiectorum.
74. Historia Veneris, vt speciei Tactûs.
75. Historia Dolorum corporeorum, vt speciei Tactûs.
76. Historia Voluptatis & Doloris in genere.
77. Historia Affectuum; vt Iræ, Amoris, Verecundiæ, &c.
78. Historia Facultatum Intellectualium; Cogitativæ, Phantasïæ, Discursûs, Memorïæ, &c.

79. Histo-

79. Historia Diuinationum Naturalium.
80. Historia Dignotionum, siue Diacrisium occultarum Naturalium.
81. Historia Coquinaria; & Artium subseruientium, veluti Macellaria, Auiaria, &c.
82. Historia Pistoria, & Panificiorum; & Artium subseruientium, vt Molendinaria, &c.
83. Historia Vinaria.
84. Historia Cellaria, & diuerforum generum Potûs.
85. Historia Bellariorum & Confecturarum.
86. Historia Mellis.
87. Historia Sacchari.
88. Historia Lacticiniorum.
89. Historia Balneatoria, & Vnguentaria.
90. Historia Miscellanea circà curam corporis; Tonforum, Odorariorum, &c.
91. Historia Auri-fabrilis, & Artium subseruientium.

92. Historia Lanificiorum, & Artium subseruientium.
93. Historia Opificiorum è Serico & Bombyce, & Artium subseruientium.
94. Historia Opificiorum ex Lino, Cannabio, Gossipio, Setis, & alijs Filaceis; & Artium subseruientium.
95. Historia Plumificiorum.
96. Historia Textoria, & Artium subseruientium.
97. Historia Tinctoria.
98. Historia Coriaria, Alutaria; & Artium subseruientium.
99. Historia Culcitrary & Plumaria.
100. Historia Ferri-Fabrilis.
101. Historia Latomiæ siue Lapidarum.
102. Historia Lateraria, & Tegularia.
103. Historia Figularis.
104. Historia Cæmentaria, & Crustaria.
105. Historia Ligni-fabrilis.
106. Historia Plumbaria.
107. Historia Vitri & omnium Vitreorum, & Vitriaria.
108. Historia Architecturæ in genere.
109. Histo-

109. Historia Plaustraria, Rhedaria, Lecticaria, &c.
110. Historia Typographica, Libraria, Scriptoria, Sigillatoria; Atramenti, Calami, Papyri, Membranæ, &c.
111. Historia Cerae.
112. Historia Viminaria.
113. Historia Storearia, & Opificiorum ex Stramine, Scirpis, & similibus.
114. Historia Lotricaria, Scoparia, &c.
115. Historia Agriculturae, Pascuariae, Cultus Sylvarum, &c.
116. Historia Hortulana.
117. Historia Piscatoria.
118. Historia Venationis & Aucupij.
119. Historia Rei Bellicae, & Artium subseruientium; vt Armamentaria, Arcuaria, Saggittaria, Sclopetaria, Tormentaria, Ballistaria, Machinaria, &c.
120. Historia Rei Nauticae, & Practicarum, & Artium subseruientium.

121. Historia Athletica, & omnis generis Exercitationum Hominis.
122. Historia Rei Equestris.
123. Historia Ludorum omnis generis.
124. Historia Præstigiatorum & Circulatorum.
125. Historia Miscellanea diuersarum Materialium Artificialium; vt Esmaltæ, Porcellanæ, complurium Cæmentorum, &c.
126. Historia Salium.
127. Historia Miscellanea diuersarum Machinarum, & Motuum.
128. Historia Miscellanea Experimentorum Vulgarium, quæ non coaluerunt in Artem.

Etiam Mathematicarum purarum Historiæ conscribendæ sunt, licet sint potiùs Observationes quàm Experimenta.

129. Historia naturarum & potestatum Numerorum.
130. Historia naturarum & potestatum Figurarum.

Non abs re fuerit admonere, quòd, cum necesse sit multa ex Experimentis sub duobus Titulis vel pluribus cadere, (veluti Historia Plantarum, & Historia Artis Hortulanæ multa habebunt ferè communia) commodior sit Inquisitio per Artes, Dispositio verò per Corpora. Parùm enim nobis curæ est de Artibus ipsis Mechanicis, sed tantùm de ijs quæ afferunt ad instruendam Philosophiam. Verùm hæc è re natâ meliùs regentur.

F I N I S.

Errata.

Pag. 26. lin. 8. lege Materie. P. 30. l. 26. lege, Apocalypsim. P. 53. l. 2. lege Ideas. P. 67. l. 10 lege quem. P. 77. l. 3. lege ut speciem ipsam. P. 82. l. 8. pro Prudentia, lege Sapiencia. P. 100. l. 19. lege preparatum. P. 122. l. 17. lege Ideas. P. 137. l. 7. lege quas, pro quæ. P. 164. l. 15. dele &. P. 203. l. 16. lege notâ. P. 205. l. antepen. lege Ideis. P. 217. l. 9. lege ut, pro &. P. 232. l. 13 lege incutientia. P. 251. l. 5. lege pro solo, loco. P. 260. l. 14. lege truantur. P. 278. l. 26. lege demonstrari. P. 299. l. 8. lege odoratarum. P. 323. l. 22. lege Assimilationis.

LONDINI;
Apud IOANNEM BILLIVM,
Typographum Regium.
M. DC. XX,

THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
1871

1871

THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
1871

THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
1871

